



2P4

~~2.1.184~~

31/3/48

R

CV

HISTOIRE

D V

CONCILE

D E

TRENTÉ.

Traduite,

DE L'ITALIEN DE

PIERRE SOAVE POLAN.

Par JEAN DIODATI. [Paolo Sarpi] 1552-1623

Seconde Edition. Schapf Williams

Exactement, & fidelement conferée à l'Original. Amherst 14 Feb. 1962.



Cette histoire du Concile
de Trente appartient à M^{re} de
la Combe de Lupé du garranc
qui me la prête sur sa
déclaration afin que ça avertant
qu'elle ne lui fut pas rendue avant
son mort on ne manque pas de
la se lui restituer après en toy de
quoy m^{re} lui signe à Condon le
premier septembre 1703.

A TROYES,

Chez NICOLAS OVDOT, 'demeurant en
la rue N. Dame, au Chappon d'Or Couronné.

M. DC. LV.

Louis de Lupé garranc



AV LECTEUR.

LE mestier d'escrire Histoires a esté de tout temps iugé l'un des plus hauts & difficiles exercices de l'esprit humain. Et de fait, puis qu'il embrasse ces trois actions, de tesmoin de verité de faits, & accidens publics, utiles, ou necessaires à sauoir en tous aages: de iuge de prudence, ou de iustice, des actions des plus grands du monde: & de maistre d'instruction de l'usage, que toutes personnes en doiuent tirer: il n'y a doute, que les parties de l'Escriuain y doiuent correspondre en si haut degré, que ce n'est merueille que les plus beaux esprits en ont apprichendé l'essay. Caren la qualité de tesmoin, il est obligé à vne ample, exacte, & tres-certaine connoissance des choses, desquelles il escrit: & à la bonne foy, à les rapporter, & représenter: dont il ne se peut iustifier d'ignorance sur aucuns pretextes, de la foy d'autrui, des voix communes, des rapports particuliers, & des rapports particuliers, & des creances populaires, ne d'aucun autre moyen de tromperie. Car nul ne l'oblige à escrire que ce qu'il sçait: ains, s'il ne sçait la chose asseurement, il est obligé de n'escrire point. Et cette science estant fort rarement oculaire, il faut de necessité recourir à tout ce qui est capable d'en suppleer le defect, & d'imprimer vne ferme persuasion de verité en l'esprit mesme de l'autheur: comme sont les documens authentiques, les memoires & iournaux de Princes, & autres grands, les instructions, negociations, relations d'Ambassadeurs, les lettres, missiues, resultats de conseils, & autres semblables pieces: qui seules peuvent iustifier la diligence de l'escriuain: comme la bonne foy doit reluire en vne deduction esloignée de toute passion, interest, ou partialité. En celle de iuge, il faut qu'il soit doué d'un sens haut & fort, pour rapporter les effets à leurs vrayes causes, & de l'un & de l'autre tirer les consequences de prudence vraye: & tousiours accompagné de droiture, à donner son pris à la vraye vertu, sans espargner ny desguiser le vice, lors qu'il est en l'euidence manifeste: ayant tousiours cet esgard, que ses iugemens soient tirez de la verité de la narration, sans contrainte, ny entorce de son sens particulier. Et en cette partie le pas est si glissant, que plusieurs ont denié ce droit à l'Historiographe. Mais les exemples des premiers maistres anciens l'ont trop autorisé: & faut croire, qu'estant si utile & necessaire pour animer vne Histoire, & esclairer le Lecteur, plusieurs l'ont improuuée seulement, pource qu'ils n'y pouuoient attendre: & pour le vice de plusieurs Histoires, desnaturées en plaidoyers, ou inuectiues. En la troisième qualité d'instructeur, & de maistre, les perfections du sens de la dexterité, du style, & en somme de presque toutes les sciences, y sont requises: comme aussi la discretion à cacher plusieurs choses inutiles, releuer les dignes, & exemplaires, appliquer les imitables, & exalter les singulieres. Cet assortiment d'un vray Historien estant tres-rare, a fait que plusieurs grands esprits se sont

Au Lecteur.

rebutez de ce travail: & la retenue de ceux-cy a porté la curiosité du monde, & la temerité de beaucoup d'hommes vulgaires à s'ingerer dans cette profession, & la profaner par nombre d'Histoires ineptes, superficielles, vaines & fausses. Au grand interest de la posterité, qui pour un temps se trouuera imprimée d'illusions: iusqu'à ce que le temps abolisse, comme il a tousiours fait, pieces de si faux metal. Il y a neantmoins de quoy s'esioüir que de temps en temps de grands hommes ont pris en main cet ouvrage, en diuers suiets, escartans, par leur lumieres ces choüetes, & s'acquerans à eux mesmes un los perpetuel. Nostre Auteur peut estre mis en ce nombre, avec fort peu d'autres de mesme estofe. Car outre sa bonne foy, en matiere fort affectée & partiiale, il n'a espargné ny travail, ny diligence, à acquerir vne pleine information de tout ce qui estoit caché en diuers lieux, seruant à son dessein: & sa sagacité a esté secondee d'un bon-heur tel, qu'il a veu les choses en leurs sources, & premieres matrices des conseils, & instructions les plus secretes: de sorte que ceux-mesmes, qui n'ont pû gouter le dessein de mettre au iour ces grands mysteres de leur estat, l'exemptent de toute note d'imposture, & ne querelent que le but qu'il a eu; pour des causes qu'il n'eschet d'estaler en cet endroit. En tout le demeurant il est si clair-voyant, si riche en remarques, & documens, si ferme & egal en iugemens, que ce liure peut estre nommé, un thresor de science politique, Ecclesiastique, & Theologique: agissant tousiours en tres-bonne maniere de bien, tres-docte, & tres-sage. Comme de vray ces trois vertus estoient en luy, en la plus haute perfection qui peut choir en homme auant. La modestie de s'estre presque toute sa vie tenu caché, & mesme d'auoir denié son vray nom à cet enfant, quoy que tres-legitime, est un effet de sa prudence, plustost que d'aucune desfiance, ny crainte de soy-mesme, ou de son ouvrage: ayant preferé l'utilité publique à sa gloire particuliere. Tant estoit coye cette profonde eau, iamais agitée d'aucun vent de passion. Ces choses bien reconnues, mirent, dès la premiere veüe de ce labeur, le pris d'iceluy en telle estime, que tous esprits bien faits l'ont appeté & deuoré, & reueré comme vne piece digne des siecles antiques. Toutes nations l'ont traduit en leurs propres langues, le monde s'est trouué esclaircy au trouble du iugement diuers qu'il faisoit d'un si grand æuure, comme est ce Concile: & la malvueillance a esté escornée en sa persecution & detraction. La premiere edition Françoisse fut faite à la haste, & avec quelque legere licence, laquelle pourtant ne fut point improuuée par l'auteur, ny par ceux qui auoient charge de luy. Mais, pour contenter les scrupuleux, on l'a deschargée de tout ce qui n'estoit de la veine de l'Auteur, & repurgée de tous les defauts qu'on y a remarqué. De quoy j'ay bien voulu aduertir le Lecteur, afin que plus confidemment il se donne le plaisir d'une lecture tres-curieuse, iudicieuse & utile. Il y verra vne grande machine, composée de pieces, & de mouuemens fort diuers: dont les uns concourent les autres contrebandent à la forme qu'on a voulu bailler à l'estat de l'Eglise. La nation Françoisse à tant cooperé à ce qu'elle a iugé pouuoir estre esperé de bien de ce Concile, & a tant contrepesé à ce qu'elle y a trouué de preiudiciable, que ie m'assure qu'elle y aura matiere de contentement en la gloire de ses ancestres, & par leurs illustres exemples apprendra à se maintenir en la possession de son ancienne liberté, & sain iugement, en plusieurs points, esquels les autres nations ont pris le ioug de la totale seruitude, par l'ignorance volontaire.

TABLE DES MATIERES PRINCIPALES.

<i>A</i>		
A ge des Clercs	693.	Anathematizations requises es Conciles 747
Abdisi Patriarche d'Orient	573	pourquoy omises à Trente <i>ibid.</i>
Acclamations du Concile	765	Angleterre se separe du Pape, & pourquoy, 61
Adrien élu Pape	17 & 18	Angleterre sous Edouard prend la Religion
ses desseins sur le fait de Luther & des In-		reformee 273. retourne au Pape sous Ma-
dulgentes & autres abus	19	rie 356. reformee par Elizabeth 384
fait grandes instances contre Luther à la Diete		Annates octroyees par l'Allemagne pour la
de Noremberg 23 meurt	27	guerre contre le Turc, & les abus commis en
Albigéois ou Vaudois	5	cela 25 examinées à Trente 671. 675
Ambass. de l'Empereur au Concile Diego de		Anne du Bourg executé pour Religion 388
Mendoza & François de Toledé 100. 137		Apologie de Charles contre le Pape Clem. 36
Ambassadeur de France Pierre Danes	166	Apologie de Du Ferrier, 726
Ambass. de l'Empereur au second Concile de		Appel au Concile defendu par deux Papes 9
Trente	293	Appel au Concile par les Colonnois 38
Ambass. du Roy des Romains au mesme	294	Appellations examinées 309
Ambass. de France Jaques Amiot	<i>ibid.</i>	Archeuesque de Cologne reforme son diocese
Ambass. de Brandebourg	317	& est adiourné par l'Empereur 111
Ambass. de V'irtemberg	329	& cité par competence par le Pape 112
Ambass. de Strasbourg & d'autres villes, 334		excommunié & déposé par le Pape. 147
Ambass. de Saxe 336. & leur graue harenque,		demeure encor en son Estat par aduen de
341		l'Empereur 147 depossédé par l'Empereur
Ambass. de Portugal	348	238
Ambass. de l'Empereur en la troisieme conuo-		Archeuesque de Toledé Barthelemi Carranza
cation	442. 443	prisonnier en l'Inquisition 387. 703
Ambass. de Portugal	443	Archeuesques ne sont qu'un nom vain 714
Ambass. du Roy d'Espagne	454	Articles qui se font au Conclaué auant l'ele-
Ambass. du Duc de Florence	454	ction du Pape, 64
Ambass. des Suisses	<i>ibid.</i>	Articles iurez au Concile par celuy qui doit
Ambass. du Clergé de Hongrie	455	estre Pape 276
Ambass. de Venise	467	Articles de l'Empereur pour le Concile 630
Ambass. de France	475	Auignon courtisé par les François 425
Ambass. de Bauieres	494	Austrie requiert la Reformation 368
Ambass. de Pologne	579	<i>B</i>
Ambass. de Sauoye	619	B an de Charles V. contre l'Electeur de Saxe
Ambass. d'Espagne Conte de Lune	663	& le Landgraue 181
Ambass. de France Birague	669	Baptisme & son examen 212. 221
Ambass. du Duc de Florence		Baruc son liure disputé au Concile 137
Ambass. de Malte	713.	Basle introduit la Reformation 41
Ambass. au Concile ne peuuent traiter qu'avec		Bataille de S. Quentin 377
les Legats	518	Bataille de Dreux 606
Ambassade du Roy des Romains à Rome, & sa		Baniere requiert reformation 369
difficulté sur la confirmation & obeysance		Berne reçoit la Reformation 41
du Roy	677	Benefices, leur origine, abus & pluralité 157
Ambassadeurs de France se retirent du Con-		230. 715.
cile	730.	Benefices de Residence, & de non residence 196
Anabaptisme interdit sur peines capitales en		compatibles & incompatibles, 229
Allemagne	43	Vnion des Benefices 20
		Decret sur la pluralité des Benefices 739

TABLE

Biens d'Eglise & leur consideration	543	Chancelier de l'Hospital taxé d'heresie	423
Alienation de Biens d'Eglise refusée par le Pape aux François 668. faite par autorité Royale	744	Chapitres & Euesques d'Espagne en differend	748
Biens d'Eglise ne doiuent estre donnés aux parens	759	Caractere es Sacremens examinés	218. 536
Biens d'Eglise excessifs	772	Charles V. couronné à Bologne	47
Brauade de l'Ambassadeur de l'Empereur contre vn Legat du Pape	182	pourchasse de faire l'Empire hereditaire, & en est empesché	355
Bref secret de suspension du Concile	100	quitte le gouuernement	375
Brigues des Legats au Concile	578	Dessain d'ambition en Charles V. sur les affaires de la Religion	270
Brigues des Papeaux du Concile	617	Clement VII. élu Pape & ses desseins sur les affaires de la Religion 28 se ligue avec le Roy François contre l'Empereur Charles	34
Bulle de conuocation du Concile par Paul 3.	70	se reunit avec l'Empereur,	42
Bulle de Legation & sa forme 99. corrigee, & donné plein pouuoir aux Legats	100	Clement VII bastard, monte au Papat par Simonie 38 se ioint au Roy de France	60
C		meurt	64
Caet du Concile disputé	130	Colloque de Poissi	420
Caietan Cardinal effarouche Luther	7	Colonnois en armes contre le Pape Clement, excommunié par luy appellent au Concile	38
Canonistes & leurs blasphemés du Pape	168	Commendes de Benefices & leur origine & abus	229. 470
Caraffes de posseder par leur oncle le Pape	379	Commende prodigieuse de Clement VII.	230
Cardinaux quand esleuez	552	Communion sous vne espece, & ses fondemens 300. Calice demandé en France 425. consulté à Rome & contredit	426
Cardinaux, & leur reformation examinée	240	Communion du Calice requise par les François, par l'Empereur & par Banieres	497. 774
Cardinaux & leur reformation	480. 690	abhorree par le Roy d'Espagne	517
decret sur icelle	737	commune en l'Antiquité 499 contredite par les Espagnols	524
Cardinal de Rochester decapité en Anglet.	66	Decret sur icelle	503
Cardinal Contarin Legat à la Diete de Regensbourg 84. suspect de Lutheranisme	89	Communion du Calice debatue à Trente	480
Cardinaux creés, ne peuuent entreuenir au lieu public auant qu'auoir eu le chapeau de Rome	125	486. 524 remise au Pape	534
Cardinal Simia crée par Iules III.	277	Conception de la Vierge Marie en dispute entre Cordeliers & Iacopins	157. 162
Cardinal de Lorraine se vent faire Patriarche en France, 566 ialousie contre luy 654 arrive à Trente 586. procede ambiguement, 598. 602 laisse les pensées du Concile, pour les politiques 601 change ses desseins par la mort de son frere 638 mesprise au Concile 674 va à Rome 717. compose & entonne les acclamations du Concile 765. chargé en France de ses conuincences au preiudice du Roy & de l'Eglise	770. 773	origine de cette controuerse	ibid.
Cardinal de Bourbon se veut marier	637	Comunion des petis enfans examinée, 492. 505	
Cardinal de Chastillon cité à Rome par l'Inquisition 649. se marie au mespris du Pape, 718. est depose par le Pape	718	Concile de Trente, & ses effets en general p. 1.	
Cardinal Legat de Mantouë meurt	635	Introduction & vsage des Conciles	3
Cardinal Legat Seripande meurt	643	Conciles generaux premiers 4 posterieurs	4
Cardinaux creés en recompense du Concile	776	Concile desiré pour diuers esgards	16
Cas reservez	322	ses causes. prayes	354
Catechisme du Concile de Trente	752	Concile reietté par le Pape Clement	32. 38
Cent griefs des Allemans contre la Cour de Rome	26	pourquoy	45
Ceremonies de la Messe diuerses en diuers lieux	514	Concile desiré par Paul III.	64
Ceremoniaux au Concile remis au Pape	752	Le but de Charles V. au Concile	70
764		Concile conuoqué à Vicence	76
Certitude de la Grace examinée	185	Concile intimé à Trente par Paul	89
		Premiere assemblée de Concile à Trente	92
		rompue	93
		Competence de la Conuocation du Concile entre l'Empereur & le Pape	98
		Seconde assemblée à trente	99
		Concile conuoqué pour trois causes,	116
		Reiglement des singularitez du Concile, requis du Pape	113
		Conciles anciens de deux sortes, conuoquez	

TABLE

Huguenots & Papistes, deux factions contraires en France 417

I.

Iean Friderich Eleſteur de Saxe, deſait & pris par Charles V. 250 refuse le Concile & l'Interim 250. 272 est deliuré de priſon 351

Ieſuite Eſpagnol, & ſon outreuidance au Colloque de Poiſſy 423

Ieſuite Lainez fauoriſé en Concile 676

Ieſuites ſ' emancipent cauteuſement 752

Ieſuites petulans au Concile 509

Images condamnées en France 449 leur decret au Concile 756

Immunité Eccleſiaſtique 720. 765

Impoſition des mains 557

Imprimeurs & impreſſions reiglez 144

Imputation de la Juſtice de Chriſt examinée 180

Indice des liures defendus 752. 764

Indulgences employées par Leon X. pour auoir argent 15. origine de cet vſage 16 diuerſes opinions des Indulgences 7. Leon X. les autorise par vne Bulle 8. elles eſmeuent auſſi Zuingle en Suiſſe 9. decretees au Concile 751. 764. inconnues à l'Egliſe ancienne 774

Intention es Sacremens examinée 219

Interim, ſes cauſes & contenu 267 reietté par les Proteſtans 240. refusé par commandement du Pape 273. aboly 352

Inquiſition porte des troubles à Naples 251 au pays bas 277. à Milan 709

Irlande erigée en royaume par le Pape 364

Iubilé pour la guerre contre les Proteſtans 180

Iubilé ſous le Pape Iules III. 276

Iules II. Pape & ſes procedures 4

Iules III. élu Pape 276. ſon naturel, ibid. conſulte & arreſte le reſtabliſſement du Concile à Trente 277. meurt 362

Juriſdiſtion Epiſcopale, ſon origine & abus 305. Eccleſiaſtique toute attribuee au Pape de Rome 573. 580

Juſtification examinée 172. 179

L

Langue vulgaire au ſeruiſe, & ſa conſideration 542

Leçons de la parole de Dieu debatues entre les Moines & les Eueſques 149. 153. 165

Legats au I. Concile de Trente & leurs naturels 100. ont vne communication ſecrete avec Rome, 101

Legats & Nonces au Concile du Iules III. 287

Legats au Concile de Pie IV. 413. 415. 420. 430

Legats en diſcorde 481. appointez 506

Legats nouveaux au Concile 638

Legat de Ferrare en France, & ſa negociation & trauerſes 423

Leon X. fait Pape, & ſon naturel 5 meurt 17

Lettres appellees Formees 464

Liberté de Religion baillee par Charles V. 56

Liberté au Concile toute bridée 150

Liberté du Concile empeſchée par trois cauſes 641

Ligue du Pape & de l'Empereur contre les Proteſtans 169

Liure de Concorde fait à Regensbourg 85

Liures Canoniques & Apocryphes, & leur roole 136

Liures defendus & diſcours là deſſus 438

Decret ſur cela 450

Luther ſ'oppose aux queſteurs & preſcheurs d'Indulgences 6. à l'autorité abſolue du Pape 7. eſt cité à Rome, & traite avec Caietan 7. appelle du Pape 9. paſſe à impugner autres Articles 10. luy & ſa doctrine condamnée par vne Bulle du Pape, Leon 10. fait bruſler la Bulle & les Decretales 12 comparoit en Diete à Vvormes 12 eſt proſcrit par l'Empereur Charles 13 meurt 132

M

Magdebourg refuse l'Interim & eſt miſe au ban de l'Empire, 272

Mariage examiné 346. 621

Mariages ſecrets & leur examen 625. 699

Mariages clandeſtins & leur Decret 735

Mariage des fils de famille 626. 706 empeſchemens des mariages examinez & corrigez 700

Mariages forcez defendus 701

Mariage, ſi peut eſtre annullé par l'Egliſe 707 | Decret du mariage 734

Mariage des Preſtres examiné 636. 699 ſes conſequences dangereuſes à la Cour de Rome 636

Mariage des Preſtres requis au Pape par l'Empereur & le Duc de Bauieres 774 fondé ſur raiſons 775

Mariage inceſtueux traité en Eſpagne 642

Marie Reyne d'Angleterre 356 change la Religion, & eſpouſe Philippe Prince d'Eſpagne 357 meurt 381

Marie Royne de Hongrie, ſœur de Charles V. ſuſpecte au Pape 82

Marceau II. élu Pape 362 meurt 363

Martinuſe Eueſque de Varadin, & puis Cardinal aſſaſſiné par les Autriens 346

Maximilien, Roy de Boheme panche à la Reformation 396. 399. élu Roy des Romains 601

Medicis chaffe de Florence 40

TABLE.

Melanchon à la Conférence de Vvormes	83	Pasquinades de Rome poursuivies au Concile	
à celle de Regensbourg	85	143	
Mercuriale de Paris	384	Patronage & son decret 762.	contrerolé
Merite de congruité condamné	178	en France	771
Messe examinée 433. 508. 510. 520 Decret		Paul 3. fait Pape 64 desire d'attirer la Du-	
de la Messe	537	ché de Milan en sa maison 77. 93. escon-	
Mestiers honnestes anciennement permis aux		duit par l'Empereur 95. se joint au Roy de	
Ecclesiastiques	460	France 93. escrit vn Brefs bien aspre à l'Em-	
Ministres de l'Eglise, & leurs diuers degrez en		pereur 95. traite avec l'Empereur de don-	
l'Eglise ancienne	196	ner à son fils Parme & Plaisance 107	
Ministre secret & assidé du Pape à Trente		infeode Parme & Plaisance à son fils	
484		bastard 114. ombrage du Concile & pour-	
Moines, soustien du Papat	152	quoy 236. meurt	275
Moines ennemis de l'autorité Episcopale		Paul 4. crée Pape 363. son naturel	364
577		365 se ligue avec le Roy Henry II.	368
Moines ne veulent estre suiets aux Euesques		veut vn Concile à Rome 391. meurt	386
712		Peché originel & son examen	154
Moines & leur reformation	750. 757	Penitence examinée	320
aage des Moines	750	Pensions sur les Eueschez censurees	137
Moines, & leurs abusives procedures, pour		Pensions sur les benefices	715
attraper biens	772	Pensionnaires du Pape au Concile	476
Moines employez par le Pape au travail des		Persecution de Merindol & Cabrieres	167
fortifications	375	Philippe Landgrau de Hessen, Chef des pro-	
Mombrun en armes au Contat	399	testans, se rend à Charles V. & est fait pri-	
Mozarabe quoy	514	sonnier 250. est delivré	352
N.		Pie 4. élu Pape	388
Noms des Papes changés, & pourquoy		Pierre Louys, Duc de plaisance, meurtry	
362		Polygamie & son examen	628
Notaires & leurs recompenses	463	Pragmatique Sanction demandee en Frâce	98
O.		Pratique pour desunir & ruiner les protestans	
Oeuvres & leur examen	174. 177	129	
Ordre, Sacrement, & son examen 336.		Prebendes & leur origine & abus	464
550 son Decret	691	Predestination examinée	190
P.		Predications debatues entre les Moines & les	
Pays bas, la Religion reformee y fait pro-		Euesques	149. 151. 153. 166
grez	424	Prelats Allemans portent le papat & pour-	
Pays de Crespi entre l'Empereur & le Roy de		quoy	267
France	97	Preparations à la Grate examinees	179
Paix de Religion faite à Passau	351	Preseance entre l'Ambass. de l'Empereur &	
confirmée en Diete	365. 381	le Cardinal Madruce 442	& par
Paix de Paul IV. avec le Duc d'Alue	377	dessus tous autres sauf les Legats	105
Paix d'Orleans en France dommageable aux		Preseance des Euesques d'Allemagne Princes	
Huguenots, & desagréable au Pape	651	sur les autres Prelats 106 de Ferrate	
657		& Florence 413. des Cardinaux & des	
Paillardise desbordee du Clergé	495	Princes du sang en France 418. des Pre-	
Palatinat reformé	132. 369	lats, selon leurs promotions, disputee	434
Pape ne peut s'obliger ny estre obligé	368	Preseance de Bauieres & de Venise	470
Pape ne veut que son election soit reiglee		de Hongrie & de Portugal 450 des Iesuites	
au Concile	567	& des autres ordres 519 de l'Amb. d'Es-	
Pape comment veut estre qualifié & reconnu		pagne & de ceux de France	595
au Concile	613	Preseance entre les Prelats François & Es-	
Parme & Plaisance infeodees au fils du Pape		pagnols	621
114		Preseance de France & d'Espagne disputee	
Parentage spirituel & son examen & abus		avec protestations reciproques 663. 681	
700. son decret 736. degrez de paren-		debatue à Rome, & comment vuidee par	
tage pour les mariages examinez	701.	le Pape 668. de l'Ambassadeur de Mal-	
Paroisses leur origine & diuisions	467	te & des Euesques	714

TABLE

par consentement des Euesques, ou par l'au- thorité du Magistrat, & leur maniere de pro- ceder	121. 222
Conciles nouveaux, & qu'elle autorité le Pape y a prise	122
Concile transferé à Bologne, comment & pourquoy 237. 244. remit à Trente par Iules III. 390. & suspendu pour la guer- re de Maurice de Saxe 349 sursis par l'espace de dix ans 354 lieu d'iceluy grandement considerable pour le Pape 395. remis sus par Pie IV. & pourquoy 395. 401. 419. & le signifie aux Am- bassadeurs	396
Concile differé par Pie IV. pourquoy	402
conuoqué en fin par luy	404
Concile secret dans le Concile	617
Conditions du Concile requises par les Alle- mans	601
Corruptions du Pape au Concile	617
Concile National demandé par les Prote- stans, & reieté par les Romanistes	87 164
Conciles nationaux reprouvez par le Pape, toutesfois grandement utiles	374
Concile de Basle accusé & defendu	531
Conclauistes & l'abus de leurs priuileges	520
Concubinaires & decretz sur iceux	736
Concubinaires Clercs	762
Concubines des Prestres sniettes à la Cour Ec- clesiastique	74
Conference d' Augsbourg 50 de Haguenau 82 transferee à Wormes	83
rompue & pourquoy	44
Conference à Regensbourg	84
Conference de Wormes rompue	378
Confessions d' Augsbourg	49
Confession de foy representee à iurer aux Ec- clesiastiques & Magistrats à elire	686
Confirmation, Sacrement examiné	223. ibid.
Confirmation du Concile par le Pape debarue,	748
disputée & conclue à Rome	766
Congregations distinguees des Sessions pour- quoy ordonnées	123. 451
establie à Trente	123
Congregations de trois sortes	149
Coniuration pour Religion en France	391
Conseruateurs & leurs abus	327
Conspiration à Genes	202
Conté d' Auignon troublé pour la Religion	399.
Conuoitise, si elle est peché apres le Baptisme	159. 165
Conuoitise double	159
Costume du Cierge porté par les Communians à Rome	305

D. Danne marcK reçoit la reformation	76
Decrets de Doctrine, & Canons distinguez	193. 194
Decrets de foy, & decret de reformation dif- ferens au nombre de voix	590
Degradations, leur origine & abus	311
Denier de S. Pierre en Angleterre	364
Diete de Noremberg celebre, & les negotia- tions du Pape en icelle	22
Diete celebre de Regensbourg	84
Differend entre Luther & Zuingle, surquoy fondé, & comment accru	44
Conference de Marpourg sur iceluy sans fruit	45
Difficultez principales du Concile	645
Dispenses Papales examinées	233
Dispenses & leur consideration	544. 675
Divorces & leur examen	628. 699. 771
Dispenses du Pape iusques où s'estendent	629
632. contredites	633 668
Dispenses aux Moines & à leurs vœux	637
Duc d' Albe fait la guerre au Pape	375
Duc de Guise tué	638
Duc de Mantoue refuse sa ville pour le Con- cile	73
Duels & leur Decret	763

E. Ecclesiastics si capables de tenir charges se- culieres	458
Ecclesiastics seulement vsuaires & dispen- seurs des biens d'Eglise	726. 727. 754
Ecolampade meurt	54
Edit de Charles V. contre la Religion protestan- te 51. mesprisé & inutile	53
Edit du Roy François contre la Religion re- formée	91
Edit en France en faueur des Reformez	417
Edit de Iuillet	ibid.
Edit de Ianuier & son occasion	437. 438
Edition de la Bible, voyez Translation.	
Edouart VI. Roy d' Angleterre reforme son Royaume 238 meurt	ibid.
Eglise & son autorité mise pour fondement de la foy	135
Elections Ecclesiastiques, avec le suffrage du peuple & des Lais	551
Elections des Euesques examinées	650
Election des plus dignes disputée & terminée	714
Electeur de Saxe protestant assiste à la Messe de l'Empereur	
Elizabeth Royne d' Angleterre	381
reforme l' Angleterre	ibid.
Empereur Aduocat de l'Eglise	103. 110
Entreneue du Pape Clement 7 & de l'Em- pereur Charles à Bologne	49

TABLE.

Entrenue du Pape & du Roy François à Mar- seille	60	Exemptions, mystere d'estat de Rome	152
Entrenue du Pape, de l'Empereur & du Roy de France à Nice de Prouence	76	Exemptions des Abbez & autres d'où prote- dees	200.
Entrenue de Charles V. & du Pape, à Lu- ques	89	Expectatiues condamnées	716
Entrenue de Charles V. & de Paul III. à Bus- set	93	Extreme-Onction examinée	373
Entrenue des Guisars & des Protestans	450	F.	
Entrenue des Cardinaux de Lorraine & de Ferrare	666	Ferdinand Empereur querellé en son ele- ction par Paul IV.	380
Entrenue de l'Empereur & du Cardinal de Lorraine	634	reconcilié par Pie IV.	380
Entrenue du Pape & du Cardinal de Lorraine	719	Fils de Prestres & leur decret	763
Escripture sainte, & examen sur icelle	134	Foy & son examen	175
sens de l'Escripture, & son interpretation, com- ment reiglé	141	Foy priuees & Catholique	186
abus de l'Escripture	142	Franc Arbitre examiné	187
E/cosse prend la Religion reformee	396. 398	François I. meurt	247
chasse la Romaine	420	François II. meurt	406
Estats d'Orleans 406 leurs ordonnances		François & Espagnols au Concile en quoy s'ac- cordent, en quoy discordent	599
Ecclesiastiques	411	François moquez au Concile, 600 se desgou- stent & se partent du Concile	658. 720
Euesques titulaires & portatifs & leur abus	326. 461. 671.	perdent toute esperance du Concile	668
Euesques & leur institution diuine, fondement de toute bonne Reformation	552. 561	G	
Episcopat, institution Ecclesiastique	555	Geneue reçoit la Reformation	41
ses deux propres actions	557	Geneue proposée par le Roy François pour tenir le Concile	61
Episcopat de droit diuin, opinion abhorree à Rome 366. 571. 606. soutenue par les Es- pagnols	567	Geneue, guerre contre icelle sollicitée par le Pape	393
Episcopat & son autorité limité par arrest du Pape	603	Grace examinée	179
Euesques pretendent de hausser leur autorité	152. 198. 211. 712. contredits en cela par les gens du Pape.	Grace suffisante & efficace	189
Euesques deleguez du Siege Romain 311.	469	Groper Allemand refuse le Cardinalat	368
Euesques & leurs qualitez examinees	239	Guerre de Religion suscitée par le Pape, pour rompre le propos du Concile	103
Euesques en grand nombre, qui n'ont iamais estudié les saintes Escriptures	726	sollicitée avec promesse de secours	107
Euesques nouueaux establis es pais bas	384	acceptée par l'Empereur 107 declarée contre les Protestans	165. 169
Euesques Italiens en grand nombre au Concile pour contrebuter ceux des autres nations	466	Guerre ouuerte	183
432. 437. 473. 589.		Guerre contre l'Empereur & le Roy Henry pour Ottane Farnese	288
Euesques François citez par l'inquisition à Rome 650. condamnez 731 protegez par le Roy	746	Guerre du Duc de Sauoye contre les Valles 391 pacifiée	415
Eucharistie examinée	299	H.	
Examen des matieres à Trente, & son ordre	134	Henry VIII. Roy d'Angleterre escrit con- tre Luther, & obtient du Pape le titre de Defenseur de la foy	15
Executions à mort de cinquante mil hommes pour religion es pays bas	383	se separe du Pape 61. publie vn manifeste contre l'intimation du Concile faite par le Pape Paul III.	74. 76
Executions pour religion en Espagne	387	est excommunié par luy 77. maintient la do- ctrine Romaine en son Royaume	81
Excommunication & son decret	760	meurt	238
Excommunication de Princes souverains re- jetée en France	771	Henry II. Roy de France persecute les Prote- stans 275. rompt avec le Pape pour le fait de Parme 200. defend transport d'argent à Rome pour causes beneficieles	297
		meurt	386
		Hierarchie & son examen	553. 560
		en quoy consiste 555.	cenfuree 606
		Hospitiaux & leur decret	761

TABLE.

Preſeance entre Eccleſiaſtiques doit eſtre iugée par l'Eueſque	759
Procureurs interdits en Concile par le Pape	104. 126. 623. 650.
Procureurs de l'Archeueſque de Mayence re- ceus avec difficulté	109
Procureurs de Pologne refuſez	432
Propoſer au Concile, droit reſerué aux ſeuls Legats, & pourquoy	436. 437. debatue par les Eſpagnols 436. 675. 678. improu- uée par le Roy d'Eſpagne 470. 717. 728. appointé 733
Proteſtans ainſi appelez dès leur proteſtation en la Diete de Spire 44 refuſent tous le Concile de Pie IV.	409
Proteſtation de l'Empereur contre la tranſ- lation du Concile à Bologne, faite à Bolo- gne, 258. 259. puis à Rome	260.
Proteſtation de Henry II. contre le Concile II. de Trente.	295.
Proteſtation conſerue le lieu aux Proteſtans & empêche l'action	297
Proteſtation contre le Pape Pie IV.	683
Proteſtation de du Ferrier, Ambaſſadeur de France, contre la reformation des Princes	722 aduouée par le Roy 744
Purgatoire examiné ſommairement	749
decreté	756

Q

Queſteurs, & leur meſchant train	56.
interdits de preſcher	19
leur origine, abus, & abolition	471. 505.

R.

Reformation du Clergé d'Allemagne, fai- te par le Legat Campege, acceptée par quelques Princes 30 de la Cour de Rome par Paul III.	75
Reformation preſſée par les Imperialiſtes au Concile 127. tranſſée par les Legats	129. enſin eſt coniointe aux dogmes 130.
Reformation euoquée par le Pape	200
Reformation du Clergé faite par l'Emp.	273
Reformation iugée vtile au Papat par le Pa- pe Marceau 362. entreprise par Paul IV. 369. par Pie IV.	473.
Reformation des Printes & Lays, ſecret de Paul IV. 372. & de Pie IV.	473
478. 580 propoſée par l'Imper.	481
Reformation friuole de Pie IV.	329
Reformation propoſée par les François	610
Reformations des Reguliers à Trente	712
Reformation des Princes 720 proteſtée par les Ambaſſ. de France 722. contredite par tous les autres 730. modifiée	763
deux grands preiugez contre la Reformatiō ſo doctrīne Reformée preſchée en Italie	42
Reformation du Concile odieuſe à Rome	766

douze Articles de Reformation	453
Reiglement es Congregations des Theologiens	299. 324. 507.
Reiglement donné par le Pape à ſes Legats	146
Reſerues mentales condamnées	716
Reſidence des Prelats premierement propoſée	III. diſcours de l'auteur ſur icelle 196
Reſidence de droit diuin	198. 211. 467.
ſelon la doctrine du Card. Cuieran	457
Reſidence decretée 205. maux prouenant de l'omission d'icelle 226 traitée au III. Concile 455. 467. alarme la Cour de Rome 471. conſultée à Rome 413 traitee derechef 583. 603. prouuée eſtre de droit diuin 643. decretée & comment	692
Reſidence de droit diuin ruine du Papat	237
Conſequences de la Reſidence de droit diuin	605. 666.
Reuenus de l'Egliſe ont quatre ſources	22
Reuiſion des ſermons & harangues à faire au Concile	277
Roy de France patron & fondateur de preſ- que toutes les Eglises de ſon Royaume	723
Roy de Nauarre fauoriſe la religion reformée	406 abuſe de ſperances 408
Roy de Nauarre meurt	600
Roine de Nauarre citée par le Pape	731
protégée par le Roy de France	745
Rome ſurpriſe par les Colonnaïs, qui ſont re- pouſſez 38. priſe & ſaccagée par Bour- bon	40
Royaumes de Hongrie & de Boheme, preten- dus fiefs de Rome	678

S.

Sacremens : diſputé à Paris ſur la vertu	99
Sacremens & leur examen	212
leur nombre 213. leur vertu	214
Sacremens adminiſtrez gratuitement, & diſ- puté là deſſus	224
Sauſconduit du Concile aux Proteſtans	316
reconu captieux 319 reſuſé par les pro- teſtans 319 vne autre forme eſt debatue & accordée	330. 340
Sauſconduit aux Proteſtans en la troiſieſme conuocation	452
Saints & leur ſeruiſe examiné briement	750 decret là deſſus 756
Secretaire du Concile infidèle	619. 672
Sédition à Naples pour l'Inquiſition	251
Sermon de l'Eueſque de Bitonte à l'ouuerture du Concile, ſcandaleux	118
Seruet brûlé à Geneue	360
Seruitude du Concile par les commandemens de Rome	468. 471. 476. 650

TABLE.

<i>Sessions distingüees des Congregations sont</i>		<i>apres sa mort en Angleterre</i>	80
<i>une pure ceremonie</i>	123. 620	<i>Thomas d'Aquin pourquoy exalté & canonisé</i>	165
<i>Session premiere & ses ceremonies</i>	116	<i>Thresor des merites en l'Eglise</i>	6
<i>Session deuxiesme</i>	125	<i>Titre du Concile, sur la representation de l'E-</i>	
<i>Session troisieme</i>	131	<i>glise debatue</i>	124. 126. 450.
<i>Session quatriesme</i>	144	<i>Titre de promotion, & de patrimoine exami-</i>	
<i>Session cinquieme</i>	163	<i>né</i>	459
<i>Session sixiesme</i>	241	<i>Titre, quoy anciennement</i>	ibid.
<i>Session premiere de Bologne</i>	248	<i>Traistres Espagnols & François au Concile</i>	
<i>Session seconde de Bologne</i>	251		593. 650
<i>Session premiere de la seconde venue du Con-</i>		<i>Traditions examinées</i>	134
<i>cile à Trente</i>	289	<i>Translation Latine de la Bible disputee</i>	176
<i>Session deuxiesme</i>	293	<i>Translations de la Bible diuerfes en l'Eglise</i>	
<i>Session troisieme</i>	314	<i>ancienne</i>	138
<i>Session quatriesme</i>	331	<i>Translation de S. Ierosme & la vieille Latine</i>	
<i>Session cinquieme</i>	343	<i>ensemble en l'usage de l'Eglise</i>	138
<i>Session sixiesme</i>	349	<i>Translation vulgaire composée de ces deux</i>	
<i>Session premiere de la troisieme reprise du</i>		<i>140. authentique 141. corrigee</i>	142
<i>Concile</i>	436	<i>sa correction surfise par le Pape</i>	150
<i>Session deuxiesme</i>	450	<i>Translation vulgaire reconnue vitiueuse</i>	186
<i>Session troisieme</i>	415	<i>Transubstantiation debatue</i>	303
<i>Session quatriesme</i>	479	<i>Trente nommé pour le Concile</i>	90
<i>Session cinquieme</i>	503	<i>Tumulte des Euesques à Trente</i>	580
<i>Session sixiesme</i>	536	<i>Tumulte en Bauiere pour la Religion</i>	671
<i>Session septiesme</i>	690		V.
<i>Session huitiesme</i>	733	V <i>enitiens refusent Vicente pour la tenue du</i>	
<i>Session neuuesme</i>	755	<i>Concile</i>	89
<i>Siege Apostolic, que c'est selon le sens ancien</i>		<i>Vergere Nonce en Allemagne</i>	66
<i>& selon le moderne</i>	298	<i>traite avec</i>	
<i>Signature d'Ambassadeurs omise, & pour-</i>		<i>Luther. 67 qui le rembarre puissamment</i>	68
<i>quoy</i>	765		
<i>Simon Sultacan Patriarche d'Orient vient à</i>		<i>Vergere en la Conference de Wormes, Agent</i>	
<i>Rome</i>		<i>de France</i>	84
<i>Simonie debatue à Rome</i>	370	<i>Vergere n'est receu au Concile, & embrasse la</i>	
<i>Simonie examinee</i>	461	<i>Religion protestante</i>	138
<i>Strasbourg reçoit la Reformation</i>	41	<i>Vestemens des Prelats reiglez, pour n'estre</i>	
<i>Suffrages par nations & leur origine</i>	122	<i>changez en seculiers hors des ceremonies</i>	119
<i>Suffrages par nations reprouuez par le Pape</i>		<i>Vestemens des gens d'Eglises reiglez</i>	322
<i>119. 120. 430. 704.</i>		<i>Victoire de Charles V. sur les Protestans</i>	250
<i>Suisses refusent d'aller au Concile</i>	319	<i>Visites des Archeuesques</i>	707
<i>Suisses capturez par le Pape</i>	147. 169. 290	<i>Vnion d'Eglises defendue</i>	329
<i>Synodes diocesains & prouinciaux tenus en</i>		<i>Vsurpation & artifice notable de Rome</i>	317
<i>Allemagne</i>	273		Z.
<i>Synode des reformez à Paris</i>	385	Z <i>uingle s'oppose aux Indulgences à Zurich</i>	
	T.	<i>9 inuectiue contre le Celibat & concu-</i>	
T <i>Anquerel condamné à Paris pour des The-</i>		<i>binage des Prestres, & condamne autres</i>	
<i>ses contre l'autorité des Rois</i>	431	<i>abus & points de doctrine</i>	15
<i>Testament, si l'Eglise y a pouuoir</i>	465	<i>Zuingle meurt en bataille</i>	54
<i>Thomas de Canturberi condamné & executé</i>		<i>Zurich reçoit la reformation</i>	16

F I N.



HISTOIRE DV CONCILE DE TRENTÉ,

LIVRE PREMIER.

SOMMAIRE.

La premiere occasion de penser à la celebration d'un Concile, suivant les exemples anciens; fut, que le Pape Leon X. espuisé d'argent, se prit à publier Indulgences, vendües honteusement à prix d'argent. Ausquelles Martin Luther, Moine Augustinien, s'opposant, est combattu par quelques fameux defenseurs de l'autorité Papale; employée pour soustien principal des dites Indulgences. Dont Luther est tiré à oppugner aussi ladite autorité: & pour cete cause est cité à Rome, & puis est remis au Cardinal Caietan, Legat en Alemagne, lequel l'effarouche en sorte, que le differend s'enflame de plus fort: & en suite le Pape publie une Bulle pour maintenir les Indulgences, & Luther de son costé en appelle au Concile. Un semblable mouuement naist en Suisse, pour mesmes causes. Et de là Luther prend courage: & à l'opposite Leon fulmine contre luy avec une Bulle de condamnation, & d'excommunication: contre laquelle Luther se defend par un nouuel appel au Concile. Cependant il comparoit en une Diete d'Empire à Wormes, là où, en la presence de l'Empereur Charles V. il maintient sa cause courageusement: & pourtant est mis au ban de l'Empire. Mais il se renforce contre ses aduersaires, entre lesquels le plus illustre est Henry VIII. Roy d'Angleterre. Zuingle suit les mesmes traces à Zurich, dont s'ensuit la reformation de ladite ville. Le Pape Leon, parmy ces difficultez decede, & a pour successeur Adrien sixiesme, lequel, agité de diuerses pensées sur le proiet de quelque reformation de l'Eglise, enuoye à cete fin un Nonce en Allemagne, qui n'en rapporte que nouuelle matiere de mescontentement. Cependant Adrien meurt, laissant ces controuerses de Religion fort eschauffées. Clement septieme, son successeur, essaye de les composer, euitant toute proposition de Concile: mais en vain: car l'Empereur le desire: & toute l'Alemagne le requiert National. Clement, & l'Empereur, estans venus en rupture, l'Empereur appelle aussi au Concile: comme font les Colounois, molestés par le Pape,

1500. d'où naist la guerre, & en suite la prise, & le sac de Rome: & la nouvelle reformation s'espand en diuers endroits. Mais la paix ayant esté conclüe entre le Pape, & l'Empereur, on remet sus le propos du Concile, auquel plusieurs Princes, & Villes d'Empire, unis sous le nom de Protestans, appellent en vne Diete Imperiale à Spire: quoy que diuisés entr'eux au point du Sacrement de la S. Cene. Clement resiste à la proposition du Concile, & induit l'Empereur à la voye de la force, & des armes: ce qui estant venu à notice aux Protestans, ils presentent leur Confession à l'Empereur à Augsbourg, en vne Diete Imperiale; sur quoy s'ensuit vne Conference, puis vn Edit, mais sans fruit. Parmy tant de diuersités d'avis, & difficultés, le Concile est desiré plus que iamais, mesmes par les Rois de France, & d'Angleterre. En Suisse s'esmeut guerre ciuile, esteinte par vne prompte paix. Cependant, d'autant que Clement continuoit à s'opposer à la tenuë du Concile, l'Empereur permet, iusques à icelle, liberté de Religion aux Protestans: ce qui force Clement à consentir au Concile, mais sous des conditions iniques, refusées par les Protestans: dont il s'aliene derechef de l'Empereur, & le Roy d'Angleterre de luy, pour raison du diuorce avec sa femme. Apres la mort de Clement, Paul troisieme fait semblant de desirer le Concile, & à cet effet enuoye des Nonces aux Princes, & Vergere en Allemagne: lequel n'ayant pû auancer chose aucune par ses persuasions enuers Luther, ny enuers les autres principaux Docteurs Protestans, se tourne à solliciter l'Empereur à la voye des armes. Le Pape cependant fait mine de conuoyer le Concile à Mantoue: mais iceluy est suspendu, pour la resistance des Protestans, & le refus du Duc de Mantoue. Dont, en lieu de Concile, le Pape fait proceder à vne espede de reformation à Rome, laquelle reüssit vaine. Puis il intime le Concile à Vincence, mais il est contredit par le Roy d'Angleterre: contre lequel il fulmine sentence d'excommunication, qui ne porte aucun coup contre ce Roy, qui secoüe le ioug du Pape, retenant toutes fois la Doctrine de l'Eglise Romaine. On essaye plusieurs moyens d'accordés Dietes Imperiales, pour appaiser les differents de la Religion. Mais en fin tous reconnoissent la necessité d'un Concile: lequel la nation Allemande requiert National, mais le Pape n'en veut point d'autre que General: & offre la ville de Trente, où il enuoye ses Legats, & l'Empereur ses Ambassadeurs. Mais cete Assemblée s'estant rompüe en ses premiers commencemens, le Pape se distrait de l'Empereur, & tout propos de Concile demeure interrompu.

Deſſein
de l'Au-
teur.



'Ay entrepris d'escrire l'histoire du Concile de Trente. Car, quoy que plusieurs fameux historiens de nostre siecle en ayent en leurs escrits touché quelques particularitez: & que Iean Sleidan, auteur tres-diligent, en ait recité bien exactement les motifs: neantmoins toutes ces choses, rapportées ensemble, ne sont suffisantes pour vne complete narration.

Quant est de moy, dès que i'euy quelque goust des affaires du monde, ie fut espris de grande curiosité d'en sçauoir le tout: & apres auoir diligemment lu ce que i'en trouuay escrit, & les documens publics, imprimés, ou escrits à la main & diuulgüés; ie m'adonnay à rechercher es restes des escrits des Prelats, & autres qui entreuinrent au Concile, les memoires par eux laissées, & les aduis, ou opinions dites en public, conserués par les auteurs mesmes, ou par autres: & les missiues escrites de cete ville là: sans espargner ne peine ne diligence: dont i'ay eu credit de voir iusques à des registres entiers de notes,

& de lettres de personnes, qui eurent grand part au maniement de ces affaires. Dont ayant recueilly tant de choses, qu'elles me peuuent fournir suffisante matiere pour le narré de toute la suite, ie me suis resolu de les rediger par ordre.

Ie raconteray les motifs, & les menées d'une assemblée Ecclesiastique, par l'espace de vingt deux ans, pour diuers esgards, & par differentes voyes, pourchassée & sollicitée des vns, trauersee & dilayée des autres : & par autres dix-huict ans ores assemblée, ores separée, tousiours celebrée à intentions fort diuerses : laquelle aussi a eu en fin & forme, & issue tout à fait contraire au dessein de qui l'auoit procurée, & à la crainte & apprehension de qui l'auoit destourbée. Clair document de remettre ses pensées en Dieu, & ne se point confier en la prudence humaine.

Car, ce Concile, grandement desiré & procuré des gens de bien, pour reünir l'Eglise qui commençoit à se diuiser, a tellement affermy le Schisme, & roidy les parties, qu'il a rendu les differens irreconciliables : & negocié par les Princes, pour reformer l'ordre Ecclesiastique, a causé la plus grande difformité qui ait iamais esté dès que le nom Chrestien est en estre : & esperé par les Euesques, pour r'acquérir l'autorité Episcopale, qui estoit en grande partie deuoluë au seul Pape de Rome, la leur a fait entierement perdre, les reduisant à plus grande seruitude. A l'opposite, redouté & refui de la Cour de Rome, comme puissant moyen à moderer l'excessiue puissance, laquelle de petits commencemens estoit par diuers degres montée à vne extremité sans borne ne limite, la luy a tellement affermie, & estançonée sur la partie qui luy est demeurée suiète, qu'elle ne fut iamais ne si grande, ne si bien establie. Parquoy, iceluy peut à bon droit estre appellé, l'Iliade de nostre siecle : en la deduction duquel ie suiuray droitement la verité, n'estant possédé, ne preuenü d'aucune passion, qui me puisse faire fouruoyer. Et si quelqu'un remarque qu'en quelques endroits ie suis copieux, en d'autres plus reserré, qu'il se souuienne que tout terroir n'est d'egale fertilité : aussi, que tout grain ne merite d'estre recueilly : & qu'encores de ceux dont le moissonneur fait estat, quelque espy eschape la main, ou le trenchant de la faucille : telle estant la condition de toute moisson, de laisser apres soy quelque glane.

Mais, auant toute autre chose, il faut que ie ramentoie, que ç'a esté vne *Vsage des tres-ancienne* coustume en l'Eglise Chrestienne d'appaiser, par le moyen de *Conciles anciens,* la conuocation des Synodes, les differens en matiere de Religion : & de reformer la discipline tombée en abus, & deprauiation. Ainsi, du viuant mesmes de plusieurs des saints Apostres, la premiere controuersé qui nasquit, à sçauoir, Si les Gentils conuertis à Christ estoient obligés à l'observation des loix Mosaiques, fut decidée par l'assemblée en Hierusalem de quatre Apostres, & de tous les fideles qui se trouuoient en cette Eglise-là. A l'imitation de laquelle, és occasions qui naissoient de iour à autre en chaque Prouince, par plus de deux cens ans apres, mesmes en l'ardeur des persecutions, s'assemblerent les Euesques, & les principaux des Eglises, pour composer & vider les controuerses : n'y ayant autre moyen de reünir les diuisions, & accorder les opinions contraires, que ce seul & vnique.

Mais, apres qu'il plut à Dieu de donner la paix à son Eglise, suscitant Constantin en faueur de la Religion, comme il fut plus aisé que beaucoup plus d'Eglises conferassent & traitassent ensemble, aussi se rendirent les diuisions plus communes & frequentes. Et en lieu qu'auparauant icelles ne fortoient d'une ville, ou au plus d'une prouince, elles s'espandirent, par la liberté de la communication, par tout l'Empire : dont aussi il fut necessaire de ramasser, pour le remede vsité, les Conciles de lieux plus esloignés, & de plus grande estenduë. Dont ledit Constantin ayant en ces temps-là assemblé vn Concile de tout l'Empire, iceluy fut nommé Sainct & Grand Synode : & quelque temps apres fut mesmes appellé Concile general, & Oecumenique : ores que de vray il ne fust point amassé de toute l'Eglise vniuerselle, de laquelle vne

1500.

grande partie s'estendoit hors l'Empire Romain : mais c'estoit, d'autant que l'usage de parler de ce siecle là estoit d'appeller l'Empereur, Seigneur vniuersel de toute la terre habitable, combien que son Empire n'en comprist la dixiesme partie. A l'exemple de celuy-là, és occurrences de differents de Religion, semblables Conciles furent conuocqués par les successeurs de Constantin. Et quoy que l'Empire fust plusieurs fois diuise en Oriental & Occidental, si est-ce que, les affaires se manians sous vn nom commun, la conuocation des Synodes de tout l'Empire continua encores.

Mais, apres que l'Orient fut tout à fait diuisé de l'Occident, sans qu'il y demeurast plus aucune communion en la Principauté : & apres que l'Empire Oriental fut en grande partie enuahy & occupe par les Sarrazins, & l'Occidental partagé entre plusieurs Princes, le nom de Concile Vniuersel, & Oecumenique, ne fut plus deriué de l'vnité de l'Empire Romain : mais, entre les Grecs, de l'assemblée des cinq Patriarches : & en nos païs de deçà, del'union, & communion des Royaumes & Estats, qui és choses Ecclesiastiques rendoient obeïssance au Pape de Rome. Et la conuocation des Conciles s'est continuée en ceux-cy, non point principalement pour vider les differents de la Religion, comme iadis : ains, ou pour entreprendre la guerre de Terre sainte, ou pour assoupir les schismes & diuisions de l'Eglise Romaine : ou mesmes aussi pour des debats & contentions suruenues entre les Papes, & les Princes Chrestiens.

*Occasion
premiere
de celuy
de Trente.*

Au commencement du seiziesme siecle dès la Natiuité de Nostre Seigneur, il n'apparoissoit point de cause vrgente de celebrer Concile, ne qu'il en deût naistre de long-temps. D'autant qu'il sembloit que les plaintes de plusieurs Eglises contre la grandeur de la Cour de Rome fussent tout à fait assoupies & estouffées : & tous les païs des Chrestiens Occidentaux estoient en la communion & obeïssance de l'Eglise Romaine. Il y auoit seulement, en vn petit endroit, à sçauoir, en cette contrée de montagnes qui ioignent les Alpes aux Pyrenées, quelques restes des anciens Vaudois, ou Albigeois : lesquels toutesfois estoit vne si grande simplicité, & ignorance des bonnes lettres, qu'ils n'estoient capables de communiquer leur doctrine à autres personnes. Ioint qu'ils estoient en si sinistre conception d'impieté, & infametez enuers leurs voisins, qu'il n'y auoit point de danger que la contagion s'espan-
dist à d'autres.

Il y auoit aussi en quelques anglets de Boheme quelque petit nombre de la mesme Doctrine, qui n'estoient que des restes de ceux-là mesmes : & estoient par les Bohemiens appellés Picards : desquels pour la mesme susdite raison on ne pouuoit redouter aucun accroissement.

Au mesme Royaume de Boheme estoient les sectateurs de Iean Hus, qui s'appelloient Calixtins, ou Subutraquistes : lesquels, horsmis ce chef, qu'au saint Sacrement ils administroient le Calice au peuple, n'estoient gueres differens de la doctrine de l'Eglise Romaine és autres choses. Mais ceux-cy aussi n'estoient considerables, tant pour leur petit nombre, que pource qu'ils defailloient de sçauoir, & erudition : & on ne remarquoit point, ne qu'eux desirassent de communiquer leur doctrine, ne qu'autres fussent curieux de l'entendre.

Il y eut bien quelque danger de Schisme : d'autant que Iules deuxiesme, plus addonné au mestier de la guerre, qu'au ministere Sacerdotal ; & exerçant le Papat avec vne excessiue autorité & empire sur les Princes, & les Cardinaux, contraignit aucuns d'iceux à se separer de luy, & assembler vn Concile. A quoy s'adioustoit, que Louïs XII. Roy de France, excommunié par le mesme Pape, s'estoit departy de son obeïssance, & s'estoit conioint aux Cardinaux separés : dont il y auoit apparence que ce commencement pourroit passer à quelque terme important.

*du temps
de Leon
X.*

Mais la mort de Iules entreuenue tout à point, Leon fut créé en sa place, lequel par sa dexterité eut en peu de temps reconcilié les Cardinaux, & le Royaume de France. Tellement, qu'avec grande promptitude & fa-

cilité fut esteint vn feu, qui sembloit deuoir embraser l'Eglise.

Leon X. comme estant né & nourri noblement, apporta plusieurs bonnes parties au Papat : entre lesquelles estoit vn sçauoir excellent es bonnes lettres ; vne humanité, bonté, & merueilleuse douceur à conuerfer & traicter, avec vne benignité, & grace plus qu'humaine : ensemble vne tres-grande liberalité, & inclination à fauoriser les gens de lettres, & vertueux : lesquelles qualitez ny au mesme degré, ny pres de là, ne s'estoient de long-temps veuës en ce Siege. Et de vray il auroit esté vn Pontife accompli, si avec ces belles qualitez il eust conioint quelque cognoissance des choses de la Religion, & quelque plus grande inclination à la pieté : de l'vne & de l'autre desquelles il ne monstroit point d'auoir grand soucy. Et comme il estoit tres-liberal, & entendu au mestier de donner, ainsi en celuy d'acquérir il n'estoit point suffisant de foy-mesme, ains se seruoit du moyen de Laurens Pucci, Cardinal de Santiquattro, lequel en cete partie estoit fort habile.

Doncques Leon, se trouuant en ce paisible estat, ayant entierement esteint le Schisme, sans aduersaire, ou tant ce vaut, (veu que ce peu de Vaudois, & Calixtins, n'estoit nullement considerable) prodigue en despeses & dons, tant enuers parens, que courtisans, & hommes lettrés ; apres auoir espuisé les autres sources, dont la Cour de Rome a accoustumé de tirer à foy les richesses des autres païs, pensa de se preualoir de celle des Indulgences.

Ce moyen de tirer argent fut mis en vsage apres l'an de grace mil cent. D'autant que le Pape Urbain deuxiesme, ayant octroyé Indulgence plene-^{pour les} re, & pardon de tous pechez, à qui iroit à la guerre de Terre sainte, pour ^{Indul-}conquerir & deliurer le S. Sepulchre de la main des Mahumetans ; fut en ^{gences.}celaimité par plusieurs centaines d'années de ses successeurs : dont aucuns, (selon que tousiours on adiousté nouuelles inuentions) eslargirent la mesme Indulgence à ceux, qui ne pouuans, ou ne voulans aller en propre personne à cette guerre, y entretenoient vn soldat & depuis, passans plus outre, octroyerent les mesmes Indulgences & pardons, pour faire aussi la guerre à ceux d'entre les Chrestiens mesmes, lesquels n'estoient obeïssans à l'Eglise Romaine. Et le plus souuent, apres que sous ces pretextes, s'estoient faites immenses exactions de deniers, iceux estoient, ou en tout, ou pour la plus grande partie, employés & conuertis à d'autres vsages.

Ensuïuant ces exemples, Leon, par le conseil du Cardinal Santiquattro, enuoya & publia vne Indulgence & Pardon des pechez, par tous les païs de Chrestienté, la concedant à quiconque contribueroit argent ; & l'estendant mesmes aux defunts : desquels il vouloit & entendoit qu'aussi tost quel'argent seroit desboursé, les ames fussent deliurées des peines de Purgatoire : y adioustant permission & pouuoir de manger œufs & laitages es iours de ieunes, de choisir Confesseur, & autres telles habilités.

Et quoy qu'en l'exécution de cete entreprise de Leon, il y eust quelque particularité peu pieuse & honneste, comme ie diray cy-apres, qui donna scandale & cause de nouueauté ; il n'est pas toutesfois que plusieurs concessions semblables, faites par les Papes precedens, n'eussent eu causes moins honnestes, & n'eussent esté exercées avec plus d'auarice, & d'extorsion.

Mais il aduient souuent, que des occasions suffisantes à produire notables effets s'esuanouissent par defect d'hommes, qui s'en sçachent preualoir. Et, ce qui releue le plus, il est necessaire que, pour effectuer quelque chose, soit venu le temps, auquel il plaise à Dieu de corriger les fautes des hommes. Toutes ces choses se rencontrerent au temps de Leon, dont nous parlons.

Car iceluy ayant en l'année mil cinq cens dix-sept public l'octroy des Indulgences, il en distribua vne partie du reuenue, auant qu'il fust recueilly, & non pas mesmes bien semé : donnant à diuers la cueillette de diuerses prouinces, & reseruant à sa Chambre celle de quelques autres. Specialement il donna la traite des Indulgences du païs de Saxe ; & de cete contrée de la Germanie qui depuis là court iusqu'à la mer, à Magdelaine sa sœur, femme de Francesquet Cibò, fils naturel du Pape Innocent VIII. en contemplation

1517.

duquel mariage Leon auoit esté créé Cardinal en l'aage de quatorze ans : ce qui fut le commencement des grandeurs Ecclesiastiques en la maison de Medicis. Et Leon vſa de cette liberalité, non tant par affection fraternelle, qu'en recompense des frais supportés par la maison de Cibò, au temps qu'il se tint retiré à Genes, ne pouuant demeurer à Rome, pendant qu'Alexandre VI. estoit allié avec les Florentins; ennemis de la maison de Medicis, laquelle ils auoient dechassée de Florence. Mais la ſœur pour retirer plus grand fruit du don du Pontife, donna la commission d'enuoyer prescher les Indulgences, & d'exiger les deniers, à l'Euesque Archambaut, lequel en l'assomption de la dignité & charge Episcopale, n'auoit deueſtu aucune des qualitez de parfait marchand Geneuois. Cetui-cy donna le pouuoir de les publier au plus offrant, sans esgard à la qualité des personnes: ains si sordidement, que nulle personne mediocre ne pût traiter avec luy, mais trouua seulement des Ministres semblables à luy, sans autre but que de tirer argent.

Au païs de Saxe la coustume portoit que; quand les Papes y enuoyent Indulgences, les moines de l'ordre des Augustins Eremitains estoient employés à les publier. Les questeurs, ministres d'Archambaut, ne se voulurent point adresser à ceux-là, comme estans gens accoustumés à manier semblable marchandise, dont ils pouuoient auoir des moyens d'en tirer secrettement profit pour eux-mesmes: & d'ailleurs, n'en attendoient point de benefice extraordinaire, comme estans trop coustumiers à ce mestier: mais s'adresserent aux moines Iacopins: par lesquels, en publiant les Indulgences, furent auancées plusieurs nouueautés scandaleuses, pretendans rehausser & amplifier la valeur d'icelles au delà de la coustume & vſage commun. A quoy s'adiouſta la meschante vie des questeurs, lesquels és tauerneſ, & autres lieux deshonestes, despendoient en ieux, & autres choses à taire, ce que le peuple espargnoit de son viure neceſſaire, pour gagner les Pardons.

*Auſquel-
les Luther
s'oppose.*

De ces choses fut esmeu Martin Luther, moine de l'ordre des Eremitains, & se porta à parler contre ces questeurs: reprenant à l'entrée tant seulement les nouueaux excessifs abus: mais, puis apres, irrité par eux, il commença à estudier cette matiere: voulant voir les fondemens, & premieres racines des Indulgences: & en ayant fait l'examen, & passant des abus modernes aux anciens, & du baſtiment aux fondemens, il proposa publiquement quatre-vingts quinze conclusions touchant cette matiere, pour estre disputées à Vvittemberg: mais, quoy qu'elles fussent veuës & luës, nul ne comparut contre luy, & ne furent oppugnées en conference verbale par aucun: bien en publia Frere Iean Tetzel, Iacopin, des autres contraires, en la ville de Francfort de Brandebourg.

*C'est cō-
redir.*

Ces deux pieces de Theſes, ou conclusions, furent comme vne contestation de cause: car Luther passa outre à escrire en deſenſe des ſiennes: & Iean Eckius entreprit de les impugner: & de plus, ces Theſes, & les autres escrits sur ce ſuiet, ayans esté portés à Rome, Frere Syluestre Prierias, Iacopin, escriuit contre Luther. Et ce debat d'escrits força l'une & l'autre partie à sortir hors de cete matiere, & à passer à d'autres de plus grande consequence.

Car de fait le point des Indulgences n'ayant point esté bien examiné és ſiecles precedens, & n'ayant iamais par le passé esté bien considéré, comment on le pouuoit ſouſtenir & deffendre, ou impugner: la nature, essence, & causes d'iceluy n'estoient point bien cognuës. Aucuns estimoient les Indulgences n'estre autre chose qu'une abſolution, ou liberation faite par autorité du Prelat, des penitences, lesquelles és premiers temps du Chriſtianisme, l'Eglise par raison de discipline, impoſoit aux penitens: (laquelle imposition és ſiecles enſuiuans les Euesques attirerent à eux, puis fut deleguée aux Prestres Penitenciers, & finalement fut remise à l'arbitrage des Conſeſſeurs) mais qu'elles n'exemptoient point de payer & ſatisfaire à ce qui est deu à la iuſtice de Dieu. Autres, estimans que cela redondoit plus au preiudice, qu'au benefice du peuple Chreſtien, (veu qu'iceluy, deliuré des peines Canoniques, se rendoit negligent à ſatisfaire par peines volontaires à la iuſtice de Dieu)

entrèrent en opinion qu'icelles fussent vne deliurance des vnes, & des autres. Et ceux-cy encores estoient my-partis : car aucuns vouloient qu'elles fussent vne simple liberation de ces peines-là : sans qu'autre chose fust donnée en recompense & eschange d'icelles : les autres, detestans vn tel absolu bon plaisir, disoient que, moyennant la communion en charité des membres de l'Eglise, les penitences de l'vn se pouuoient communiquer à l'autre, & par cette compensation le deliurer. Mais, d'autant qu'il sembloit que cela conuinist mieux aux hommes de sainte & austere vie, qu'à l'autorité des Prelats, nasquit de là la troisieme opinion, qui les fit en partie absolution, pour laquelle est requise l'autorité ; & en partie compensation. Mais encores, pource que les Prelats menoient vne telle vie, qu'ils ne pouuoient conferer beaucoup de leurs merites à autrui, on fit en l'Eglise vn thesor, plein de merites de tous ceux qui en surabondent pour eux-mesmes : la dispensation duquel est commise au Pape de Rome : lequel donnant les Pardons, recompense la debte du pecheur, par l'assignation de l'equivalente valeur de ce thesor. Et encores icy ne se peuvent terminer les difficultez : d'autant qu'on obiectoient que les merites des Saints estans finis, & limités, ce thesor pourroit faillir : & pourtant, pour le rendre perennel, on y adiouta les merites de Christ, qui sont infinis : mais de là sourdit derechef cette difficulté. A quoy faire ces petites gouttes des merites des autres, puis qu'on auoit l'immense Ocean de ceux de Christ ? Ce qui donna occasion à aucuns de constituer ce thesor és seuls merites de Nostre Seigneur.

Ces choses pour lors ainsi incertaines, & qui n'auoient autre fondement que la Bulle de Clement sixiesme, faite pour le Iubilé de l'an mil trois cens cinquante, ne sembloient point suffisantes pour impugner la Doctrine de Luther, soudre ses raisons, & le conuaincre. Partant Tetsel, Eckius, & Prierias, ne se voyans point assez forts és lieux particuliers de cette matiere, se tournerent aux communs, & poserent pour fondement l'autorité Papale, & le consentement des Docteurs Scholastiques : concludans, que, puis que le Pape ne peut faillir és choses de la Foy, & qu'il a approuué la doctrine des Scholastiques, & que luy mesme publie les Indulgences à tous fideles, il les faut receuoir & croire, comme article de foy. Cecy donna suiet à Luther de passer des Indulgences à l'autorité du Pape : laquelle preschée par les autres cōme supreme en l'Eglise, estoit par luy submise au Concile general legitiment celebré : lequel il disoit haut & clair estre requis en cete vrgente & instante necessité.

Et comme la dispute s'alloit de plus en plus eschauffant, de tant plus que la puissance Papale estoit par les autres exaltée, plus estoit elle par luy rualée, quoy qu'il se continst es termes de parler modestement de la personne de Leon, & qu'il suspendist quelquesfois son iugement. Et pour cette mesme raison fut mise sur le bureau la matiere de la Remission des pechez, & de la Penitence, & du Purgatoire : desquels lieux ceux de Rome se preualoient en la deffense des Indulgences.

Plus à propos que nul autre escriuit contre Luther vn certain Moine Iacopin, frere Iacques de Hochstraten, Inquisiteur, lequel, laissant toutes ces raisons à quartier, exhortoit le Pape de conuaincre Luther par fer, feu, & flames.

La controuerse s'alloit tousiours aigrissant d'auantage, & Luther, selon les occasions qui luy en estoient données, passoit tousiours à quelque nouvelle proposition. Au moyen dequoy l'an mil cinq cens dix-huict, au mois d'Aoust, le Pape Leon le fit citer à Rome par Hierosme Euesque d'Ascoli, Auditeur de la Chambre : & de mesme main escriuit vn Bref à Frederich, Duc de Saxe, l'exhortant à ne le point proteger. De plus escriuit à Thomas de Vio, Cardinal Caietan, son Legat en la Diete d'Augsbourg, qu'il fist toute diligence de le faire saisir prisonnier, & de l'enuoyer à Rome. On moyenna par diuerses voyes enuers le Pape, qu'il fust content de faire examiner la cause d'iceluy en Allemagne : & en fin il consentit que son Legat en prist cognoissance : & luy fut baillée la commission de ce iugement, avec instruction, que, s'il descouuroit en Luther aucune esperance de resipiscence, il le receust à mercy, &

1548.

de la l'au-
thorité du
Pape que-
rellée.Luther
cité à Ro-
me.puis remis
au Cardie-
nal Caie-
tan.

1518. luy promist impunité des fautes passées, & mesmes honneurs & recompenses: le tout remis à sa prudence. Mais aussi, s'il le trouuoit incorrigible, qu'il fist tout deuoir enuers l'Empereur Maximilien, & les autres Princes de l'Allemagne, qu'il fust chastié.

Luther, sous le sauf conduit de Maximilien, alla trouuer le Legat à Augsbourg: là où le Cardinal, apres vne honneste conference sur la matiere de cete controuerse, descouurit que Luther ne pouuoit estre conuaincu par termes de Theologie Scholastique, en la profession de laquelle le Cardinal estoit tres-excellent: d'autant que Luther se faisoit tousiours fort de l'Escripture sainte, laquelle est par les Scholastiques trespeu employée: dont il se declara de ne vouloir disputer avec luy, mais l'exhorta à se desdire, ou du moins à soumettre ses liures, & sa doctrine, au iugement du Pape: luy representant le danger auquel il se iettoit en persistant: & à l'opposite luy promettant de la part du Pape graces & faueurs. A ces choses Luther ne respondoit rien au contraire: dont le Cardinal crut qu'il n'estoit pas expedient, par trop presser, d'exprimer de luy vne precise negatiue: ains plustoit qu'il falloit interposer du temps: afin que les menaces & les promesses peussent faire impression dās l'esprit d'iceluy: partant il le congedia pour lors. Il fit aussi conformemēt faire office enuers luy par frere Iean Staupits, Vicaire general de l'Ordre des Eremitains.

*qui l'effa-
rouche.* Mais Luther estant retourné vne autre fois vers luy, le Cardinal eut avec luy vn long pourparler sur les points de sa doctrine: plus l'escoutant que disputant: pour acquerir creance en l'ouuerture de l'accommodement. Mais, quand il vint à icelle, exhortant Luther à ne laisser eschapper vne occasion tant vtile & asseurée, iceluy luy respondit avec sa vehémence accoustumée. Qu'on ne pouuoit faire aucune composition au preiudice de la verité: qu'il n'auoit offensé personne, & n'auoit besoin de la grace de qui que ce fust: qu'il ne s'espouuantoit d'aucunes menaces & que quand on attenteroit contre luy chose aucune induē, il en appelleroit au Concile. Le Cardinal, (auquel estoit venu aux oreilles que Luther estoit asseuré de quelques Grands, pour tenir vn mors en bouche au Pape) soupçonnant qu'il parlait ainsi à la persuation d'autrui, s'indigna, & vint à d'aigres censures, & à outrages: concluant que les Princes ont les mains longues: & le chassa de deuant soy.

Luther, forty de deuant le Legat, & recors de Iean Hus, sans rien dire, se retira d'Augsbourg: & estant ia loin, & ayant mieux pensé à ses affaires, escriuit vne lettre au Cardinal, aduoiant d'auoir esté trop aspre, & s'excusant sur l'importunité des Questeurs, & des escriuains ses aduersaires, promettant pour l'aduenir d'vser de plus grande modestie, de satisfaire au Pape, & de ne plus parler des Indulgences: à condition toutesfois, que ses aduersaires fissent le mesme. Mais ny eux, ny luy, ne se pouuoient contenir: ains se proquoient les vns les autres, tellement que la controuerse s'en aigrissoit tousiours de plus fort.

*Bulle du
Pape con-
tre Lu-
ther.* A raison dequoy à Rome les Courtisans parloient du Cardinal en fort mauuaise part, attribuant tout le mal à ce qu'il auoit traité Luther avec rigueur & outrages: & luy imputoient à faute, qu'il ne l'eust repu d'esperances de grandes richesses, d'un Euesché, & mesme d'un chapeau de Cardinal. Et Leon, apprehendant quelque grande nouueauté en Allemagne, non tant contre les Indulgences, que contre son autorité, fit vne Bulle, sous la date du neufiesme Nouembre, de l'an mil cinq cens dix-huict, par laquelle il autoriza les Indulgences, & en declara la validité: & que luy, comme Successeur de S. Pierre, & Vicaire de Christ, auoit puissance de les octroyer pour les vifs & pour les morts: & que telle estoit la doctrine de l'Eglise Romaine, mere & maistresse de tous les Chrestiens, laquelle deuoit estre receuē de quiconque veut estre en la societé de l'Eglise. Il enuoya cete Bulle au Cardinal Caietan, lequel estoit à Lints, en l'Austrie superieure, la publia, & en fit faire plusieurs copies authentiques, lesquelles il enuoya à tous les Euesques d'Allemagne, & leur enioignit de les faire publier, & de commander à tous tres-estroitement, & sous griefues peines, de n'auoir autre creance.

De cete Bulle Luther vid clairement, que de Rome, & du Pape, il ne pou-
 uoit esperer autre chose que d'estre condamné : & en lieu que par le passé il
 auoit le plus souuent reserué la personne, & le iugement du Pape; apres cete
 Bulle il se reselut de le recuser. Et pour cete cause il interietta publique-
 ment vn Appel, auquel, apres auoir d'entrée protesté de ne vouloir s'opposer
 à l'autorité du Pape, quand il enseignera la Verité, il adiousta qu'il ne le te-
 noit nullement exempt de la commune condition des hommes de pouuoir
 faillir, & errer : allegant l'exemple de S. Pierre, qui auoit grieuement esté
 repris & censuré par S. Paul. Et d'ailleurs, que c'estoit chose fort aisée au
 Pape, ayant tant de richesses, & d'adherens, de fouler & opprimer sans res-
 pect d'aucun, tous ceux qui ne luy consentent : ausquels il ne demeuroit au-
 tre remede, ne refuge, qu'un Concile, par le benefice de l'Appel : attendu
 que par toute raison le Concile doit estre preferé au Pape. Cet escrit d'appel
 courut par l'Allemagne, & fut leu de plusieurs, & iugé raisonnable. Et ainsi la
 Bulle de Leon n'esteignit nullement l'embrasement excité en Allemagne.

Mais à Rome, la Cour ayant pris courage, comme si le feu estoit tout à fait
 estouffé par cete Bulle, frere Samson de Milan, Cordelier, fut enuoyé pres-
 cher les mesmes Indulgences aux suisses : lequel, apres les auoir publices en
 diuers lieux, & auoir d'icelles amassé iusques à la somme de six vingt-mille
 escus, finalement arriua à Zurich, où enseignoit Vlrich Zuingle, Chanoine
 en cete Eglise là. Et sur ce que ledit Zuingle s'opposoit à la doctrine du Moi-
 ne questeur, nasquirent entr'eux grosses disputes, qui passerent aussi d'une
 matiere à l'autre, de mesmes qu'il estoit auenu en Allemagne. Et de là auint
 que Zuingle fut escouté de plusieurs, & acquit credit & autorité, pour oser
 parler, non tant contre les abus des Indulgences, que contre les Indulgences
 mesmes, & de plus encores, contre l'autorité du Pape, qui les octroyoit.

Luther voyant qu'on prestoit l'oreille à sa doctrine, & qu'elle passoit en d'au-
 tres pais, s'enhardit d'examiner & debatre d'autres articles : & en la matiere
 de la Confession, & de la Communion, se departit du sentiment des Schola-
 stiques, & de l'Eglise Romaine, approuuant la communion du Calice vstée
 entre les Bohemiens, & constituant le principal de la Penitence, non en l'ex-
 acte confession du Prestre ; mais plustost au propos arresté d'amender sa vie
 pour l'auenir. Il passa plus outre, à parler des Vœus, & à taxer les abus de l'or-
 dre Monastic. Ses escrits, courans le monde, paruinrent à Louuain, & à Cou-
 logne. là où ayans esté veus, & examinés par les Theologiens de ses Vniuer-
 sités, ils furent censurés, & condamnés. Mais ny pour cela ne s'estonna point
 Luther, ains prit occasion de pousser plus auant, & de déclarer & fortifier sa
 doctrine au pris qu'elle estoit impugnée.

Ainsi se passa l'an mil cinq cens dixneuf, en ces contentions & estrifs plu-
 stost que solides & meurs examens, & résolutions. Et les bruits des troubles
 d'Allemagne, & de Suisse, multiplians à Rome, encheris de beaucoup d'am-
 plifications, & additions, comme c'est la coustume de la renommée, sur tout
 quand elle est messagere de choses lointaines, Leon estoit taxé de negligence
 & lascheté, de n'auoir mis la main à remedes plus forts. Les Moines notam-
 ment le blasmoient, de ce que tout adonné aux pompes, à la chasse, aux de-
 lices, & à la Musique, dont il se delectoit singulierement, il laissoit à l'aban-
 don les choses tres importantes. Ils disoient qu'és choses de la foy, il ne faut
 negliger chose quelconque pour petite qu'elle soit, ne differer vn seul mo-
 ment les remedes necessaires, lesquels, trais-aisés auant que le mal ait pris
 racine, aussi dés qu'il est inueteré se rendent inutiles, comme portés hors de
 temps & de saison. Que Arrius ne fut qu'une petite flammesche, qui eust pû
 estre facilement esteinte dès le commencement, & puis apres embrasa tout
 l'Vniuers. Que mesme auroient à l'heure effectué Iean Hus, & Ierosme de
 Prague, si d'abord ils n'eussent esté opprimés & estouffés par le Concile de
 Constance. A l'opposite, Leon se repentoit de tout ce qu'il auoit fait en ce su-
 jet : & sur tout du Bref des Indulgences, qu'il auoit enuoyé en Allemagne :
 car il luy sembloit qu'il eust mieux valu laisser disputer les Moines entr'eux,

1520.

& se conseruer neutral, & reueré des deux parties, que se déclarer pour l'vne, & par moyen aliener l'autre de foy. Que cete dispute n'estoit pas si grand chose, ce qu'il ne soloit point la mettre en reputation: que tant qu'on la tien-droit pour legere; peu de gens y penseroient: & si iusques alors le nom du Pape n'y eust esté engagé, elle auroit fait son cours, & seroit ja esuanouïe.

Condam-
nation de
Luther &
Rome.

Nonobstant toutes ces considerations, gagné par les grandes instances des Prelats d'Allemagne, & des Vniuersités, lesquelles interessées par la Cen-sure & Condamnation contre Luther, recherchoient le soustien de l'autorité Papale, mais plus, par les continuelles importunités des Moines de Rome, il se rendit à céder à l'opinion commune. Et erigea vne Congregation de Car-dinaux, Prelats, Theologiens, & Canonistes, à laquelle il remit tout l'affaire. Icelle promptement conclut qu'il falloit fulminer contre vne si grande im-pieté. Mais toutesfois les Theologiens se trouuerent discordans d'auec les Canonistes, en ce point, que ceux-là vouloient que tout sur le champ on se portast à la fulmination: ceux-ci au contraire maintenoient, qu'il estoit ne-cessaire qu'au preallable se fist la citation. Les Theologiens allegoient, que la doctrine se voyoit euidentement impie, & que les liures estoient diuulgues & les presches de Luther tous notoires. Les autres disoient que la noto-riété n'oste point la defense, qui est de droit diuin, & naturel: recourans aux passages coustumiers, Adam, où es-tu? Où est Abel ton frere? Je descendray, & verray: au fait des cinq abominables villes. A cela adioustoient-ils, que la citation faite par l'Auditeur en l'année precedente, en vertu de laquelle le iugemēt fut commis au Cardinar Caietan à Augsbourg & demeura sans effet, demonstroït, quand il n'y auroit autre raison, qu'encores alors elle estoit ne-cessaire. Apres plusieurs debats, & disputes, esquelles les Theologiens attri-buoient à eux seuls la decision de cete cause, comme s'agissant de choses de la foy: & les Iuriscultes l'euoquoient à eux, en ce qui concerne les formes, & procedures du iugement: en fin fut proposé vn appointment, distinguant l'affaire en trois chefs, la Doctrine, les liures, & la personne. Pour la Doctrine, les Canonistes accorderent qu'elle fust condamnée sans citation. A l'esgard de la personne, ils persistoient à maintenir qu'icelle estoit necessaire: mais ne pouuans gagner les autres, qui insistoient avec plus grande vehemence, & se couuroient du manteau de Religion, ils trouuerent ce temperament, qu'on fist à Luther vne iussion avec vn terme competent, ce qui seroit equipollent à vne citation. Il y eut plus d'affaire à l'esgard des liures: car les Theologiens vouloient, qu'ils fussent mis au mesme rang que la personne, & compris dans le terme prescrit. Et ne pouuans conuenir en ce chef, l'vn & l'autre fut exe-cuté: ils furent tout presentement condamnés, & puis fut baillé terme à les brusser. Et suiuant cete resolution fut formée la Bule, en date du quinzième Iuin, de l'an mil cinq cens vingt: laquelle ayant esté comme l'origine & le fondement du Concile de Trente, duquel nous deuons parler, il est neces-saire d'en représenter en cet endroit le sommaire.

En icelle doncques, le Pape, adressant d'entrée ses paroles à Christ, qui a laissé Pierre, & les successeurs d'iceluy, pour ses Vicaires en son Eglise, l'excite & implore à secourir icelle en son grand besoin. Puis, de Christ se re-tournant à S. Pierre, le prie par la charge qu'il a receuë du Sauueur, vouloir entendre aux necessités à l'Eglise Romaine, consacrée par son sang. En apres, passant à S. Paul, le requiert de la mesme assistance: adioustant, que, quoy qu'il ait iugé que les heresies sont necessaires pour esprouuer les bons, si est-il conuenable de les extirper en leurs commencemens. Enfin, se trou-uant à tous les Saints du Ciel, & à l'Eglise vniuerselle, il les prie tous d'inter-ceder enuers Dieu, & ce que l'Eglise soit repurgée d'une si grande & dange-reuse contagion. De là il entre à raconter, comment il luy est venu à notice, & à veu de ses propres yeux, que plusieurs erreurs, des Grecs, & des Bohe-miens, & autres, iadis condamnés, faux, scandaleux, offensifs des pieuses oreilles, & seductifs des simples ames, ont esté renouelés, & semés en Alle-magne, prouince grandement chérie de luy, & de ses predecesseurs: lesquels,

1520.
Luther
Domen.

dés que l'Empire fut transferé des Grecs , ont tousiours pris des defen-
seurs de cette nation : & de ces bons & religieux Princes sont procedés
plusieurs edits contre les heretiques , confirmés aussi par les Papes. Pour-
tant , ne voulant plus supporter tels erreurs , ains y remedier , il en
veut représenter quelques vns : & en cet endroit il denombre quarante-
deux articles , sur les points du Peché originel , & de la Penitence , & Re-
mission des pechez , de la Communion , des Indulgences , de l'Excommu-
nication , de la Puissance du Pape , de l'Autorité des Conciles , des Bon-
nes œuures , du Franc-arbitre , du Purgatoire , & de la Mendicité : les-
quels il dit estre respectiuellement pestilentieux , pernicieux , scandaleux ,
offensifs des pieuses oreilles , repugnans à la charité , à la reuerence due
à l'Eglise Romaine , & à l'obeissance , qui est le nerf de la discipline Ec-
clesiastique. Par lesquelles causes , voulant proceder à la condamnation
d'iceux , il en a premierement fait vn diligent examen avec les Cardinaux ,
& Generaux des Ordres Reguliers ; & avec autres Theologiens , & Do-
cteurs de droit Canon & Ciuil : & maintenant en suite les condamne , &
reproue respectiuellement , comme heretiques , scandaleux , faux offen-
sifs des pieuses oreilles , seductifs des bonnes ames , & contraires à la ve-
rité Catholique : fait inhibitions & defences , sous peine d'excommunica-
tion , & d'infinies autres peines , que nul n'ait à les tenir , defendre , pres-
cher ou fauoriser. Et d'autant que les mesmes assertions se trouuent es li-
ures de Luther , il condamne iceux liures , enioignant sous les mesmes pei-
nes , que nul n'ait à les lire , ou tenir : mais que tant ceux qui contiennent
les susdites propositions , que tous autres , soyent brulés. Quant à la per-
sonne d'iceluy Luther , il dit , Que par plusieurs & diuerses fois il l'a ad-
monesté , cité , & appelé , avec offre de sauconduit , & de le desfrayer au
voyage : & que s'il fust venu à Rome , il n'auroit point veu tant de defauts en
la Cour comme il disoit : & que luy mesme luy auroit bien monsté , que ia-
mais les Papes ses predécesseurs n'ont erré en leurs Constitutions. Mais ,
d'autant qu'iceluy a soustenu les censures l'espace d'un an entier , & a esté si
osé & temeraire d'appeller au futur Concile (chose defendue par Pie & Iu-
les deuxiesmes sous les peines des heretiques) il pouuoit proceder à la con-
damnation d'iceluy sans autre figure de procès : toutes fois , oubliant les torts
& iniures , il admoneste encor Luther , & ceux qui le portent , qu'ils ayent
à se departir de ces erreurs , cesser de les prescher : & dans le terme de
soixante iours , sous les mesmes peines , à reuoker les susdits erreurs , &
bruler les liures. A faute dequoy , il les declare notoires & obstinés here-
tiques. En suite il commande à tous , sous les mesmes peines , que nul n'ait à
auoir , ne tenir aucun liure du mesme Luther , ores qu'il ne continst sem-
blables erreurs. Puis ordonne que tous ayent à fuir tout commerce & com-
pagnie de Luther , & de ses fauteurs : au contraire commande à cha-
cun , qu'il ait à les apprehender , & représenter personnellement : ou du
moins , à les chasser de ses terres & estats : met tous les lieux , où ils se trans-
porteront , à l'interdit : enioint qu'ils soient proclamés par tout : & que sa
Bulle soit veüe & luë en tous endroits , excommuniant quiconque en empes-
chera la publication : ordonne qu'on preste foi aux copies authentiques d'i-
celle , & enioint qu'elle soit publiée , & affichée à Rome , Brandebourg , Misne ,
& Mansfeld.

Luther ayant ouï la nouuelle de la condamnation de sa Doctrine , & de ses
liures , publia vn escrit , auquel il reitere l'apel interietté au Concile ,
pour les mesmes causes , lesquelles il repetoit : & en outre , pource que
le Pape auoit procedé contre vn non appelé , & moins conuaincu , sans
auoir ouy la controuersé de la Doctrine , preferant ses propres opinions
à la sainte Escriture , & ne donnant aucun lieu au Concile : ce qu'il s'of-
fre de verifier : & prie l'Empereur & tous Potentats & Magistrats , d'ad-
mettre & receuoir son Appel , pour la manutention du Concile : ne pou-
uant , quant à luy estimer que ce decret du Pape oblige aucune personne ,

15 20.
 & les in-
 gemens
 sont di-
 vers sur
 icelle.

iusqu'à ce que la cause ait esté legítimement debatüe dans le Concile. Mais les hommes bien sensés, ayant veu la Bulle de Leon, furent surpris de grand esbahissement, pour plusieurs raisons. Premièrement, quant à la forme, il sembloit estrange, que le Pape se fust porté à déterminer & declarer par clauses & formes du Palais, vne matiere, laquelle deuoit estre traitée & exposée par paroles del'Escripture sainte: sur tout, considerant qu'il auoit vñe de clauses tant intriquées, & si longues & prolixes, qu'à grand peine en pouuoit-on tirer aucun sens, comme si on eust du conceuoir vne sentence en matiere feodale: & notamment estoit remarqué, qu'vne seule clause, *inhibentes omnibus, ne prafatos errores asserere præsumant*, estoit tellement estenduë & allongée, avec tant d'ampliations, & restrictions, qu'entre *inhibentes*, & *præsumant*, il y auoit plus de quatre cent mots entredeux.

Autres passoient bien plus auant, & mettoient en consideration, que la Bulle representoit quarante deux propositions, lesquelles elle condannoit comme heretiques, scandaleuses, fausses, offensiuës des pieuses oreilles, & seductiuës des simples ames: sans designer quelles estoient les heretiques, quelles les scandaleuses, quelles les fausses: mais par ce terme (respectiuement) assignant à chacune d'icelles vne qualité incertaine: dont les doutes & scrupules s'augmentoient plus quë deuant, & la cause n'estoit nullement decidée, ains estoit renduë plus contentieuse: & par la paroissoit clairement qu'il y escheoit vne autre autorité, & procedure, pour la terminer.

Aucuns aussi estoient remplis d'estonnement, que la Bulle portast, qu'entre ces quarante deux propositions, il y eust des erreurs des Grecs, iadis condamnés. Et d'autres trouuoient estrange, qu'un si grand nombre de propositions, en matiere de foy, eussent esté decidées à Rome par le seul auis, & conseil des Courtisans, sans en faire part & conferer aux autres Euesques, Vniuersités, & personnes lettrées d'Europe.

Louuain
 & Coulo-
 gne bru-
 sient en
 suite les
 liures de
 Luther,
 & luy la
 Bulle &
 les Decre-
 tales.
 le Concile
 est sou-
 hauc.

Mais les Vniuersités de Louuain & de Coulogne, grandement resiouies de ce que l'arrest du Pape autorisoit leur iugement, firent publiquement brusler les liures de Luther. Ce qui fut cause, que luy aussi à Vvittemberg, ayant assemblé toute l'Vniuersité, par forme iudiciaire fit publiquement brusler, non seulement la Bulle de Leon, mais ensemble aussi les Decretales des Papes. Et puis apres publia vn long Manifeste, par lequel il rendoit conte de cete action au monde, taxant le Papat de tyrannie en l'Eglise de deprauation de la Doctrine Chrestienne, & d'vsurpation de la puissance des legitimes Magistrats. Or, tant pour l'appel entreietté par Luther, que pour ces raisons, & autres chacun entra en opinion, qu'un Concile legítime estoit necessaire: afin que par le moyen d'iceluy non seulement fussent decidées ces controuerſes: mais aussi qu'il fust pourueu aux abus des long-temps introduits en l'Eglise: & cete necessité paroissoit tousiours de tant plus, que ces contentions croissoient l'une part & l'autre escriuant sans cesse. Car Luther ne manquoit point de confermer sa doctrine par diuers escrits: & à mesure qu'il estudioit, il se descouuroit plus de lumiere, & cheminoit quelques pas en auant, & trouuoit des articles ausquels dès le commencement il n'auoit point pensé. Ce qu'il disoit faire par zeile de la Maison de Dieu. Mais aussi y estoit-il porté de necessité: car les gens du Pape, ayans, en la ville de Coulogne, par le moyen de Ierome Aleandre, fait force instance à l'Electeur de Saxe, de liurer Luther au Pape, ou de luy oster la vie par autres voyes, il se voyoit obligé de mōstrer à ce Prince, & aux peuples de Saxe, & à tous autres, que le droit estoit de son costé, afin que son Prince, ou aucun autre Potentat, ne donnast lieu aux sollicitations Papales contre sa vie.

Luther
 cōparoit
 Vvormes
 en Diete
 deuant
 l'Empe-
 reur Char-
 les.

L'année mil cinq cens vingt s'estant passée en ces choses, en l'an mil cinq cēs vingtvn, fut tenuë en Allemagne la Diete de Vvormes, à laquelle Luther fut appellé, avec saufconduit de Charles, élu deux ans auparauant Empereur, pour y rendre raison de sa doctrine. Il fut conseillé de n'y aller point: puis que ja par tout estoit publiée & affichée sa condamnation, faite par Leon: dont il pouuoit s'asseurer de n'en remporter autre chose que sa condamna-

tion de plus fort confermée, si pis ne luy en auenoit. Nonobstant tout cela, contre l'aduis de tous ses amis, il s'y achemina, disant, Que quand bien il seroit asseuré d'auoir autant de diables contre soy, qu'il y auoit de tuiles sur les toits de cete ville-là, il estoit deliberé d'y aller. Ce qu'il fit.

Estant ariué, il comparut le dixseptiesme Auril en la presence de l'Empereur, & de toute l'assemblée des Princes: & premierement fut enquis, S'il estoit autheur des liures, qui couroient sous son nom, dont aussi on luy recita les titres, & monstra les exemplaires portés là sur le lieu: & de plus s'il vouloit maintenir toutes les choses qui y estoient comprises, ou en retracter aucune. Il respondit, Que quant aux liures, il les aduoüoit siens: mais que de se resoudre à maintenir les choses y contenües, ou non, c'estoit vn cas de grande consequēce, & requeroit espace & loisir pour en deliberer. On luy accorda ce iour là, pour rendre sa responce le iour ensuiuant. Auquel Luther, introduit en sa teance, fit vne longue harangue, excusant premierement sa rudesse & simplicité, de ce qu'ayant esté naurri en vie priuée, & grossiere, il n'auoit *rendrai-
so. de soy
& de ses
escriis.* parlé selon la dignité de cete assemblée, ne donné à chacun les titres conuenables. Puis il conferma ce qu'il auoit ia dit, qu'il auoüoit les liures pour siens: & quant à les defendre & maintenir, il dit que tous n'estoient pas d'une mesme sorte, & nature: mais que les vns contenoient doctrine de foy, & de pieté: les autres censuroient la doctrine des Papistes: & y en auoit encores vne troisieme espece, qui estoient escrits contentieux contre les defenseurs de la doctrine contraire à la sienne. Pour les premiers, il dit, Que s'il les retractoit, il ne feroit nullement chose digne d'un Chrestien, & d'un homme de bien: de tant plus, qu'en la Bulle mesme de Leon, quoy que tous fussent condamnés, tous n'estoient pas pourtant iugés mauuais. Pour les seconds, Que c'estoit vne chose meshuy trop plus qu'euidente, que toutes les prouinces Chrestiennes, & sur tout l'Allemagne, estoient expilees, & gemissoient sous la seruitude. Et pourtant retracter les choses dites sur ce sujet, ne seroit autre, que confermer cete tyrannie. Mais quant aux liures de la troisieme espece, il aduoua d'auoir esté trop aspre, & vehement outre le deuoir: s'excusant qu'il ne se vantoit point de saincteté, & ne vouloit iustifier ses œuures, mais bien sa doctrine, dont il estoit tout prest & appareillé de rendre raison à qui que ce fust, s'offrant à n'estre point obstiné: ains, que quand par l'Ecriture on luy monstreroit aucun sien erreur, luy mesme ietteroit les liures au feu. Puis il se tourna à l'Empereur, & aux Princes, disant, Que c'estoit vn singulier don de Dieu, quand la verité estoit manifestée, & qu'al'opposite c'estoit attirer sur soy la cause d'extremes calamités que de la reietter.

Cette harangue finie, il fut recherché de par l'Empereur de donner vne simple, & nette responce, S'il vouloit defendre ses escrits, ou non. A quoy il respondit, Qu'il ne pouuoit reuoker chose aucune qu'il eust ou escrite, ou enseignée, s'il n'estoit duement conuaincu par l'Ecriture, ou par euidētes raisons. *l'Empe-
reur le
proscrit.*

Ces choses ouïes, l'Empereur se resolut de defendre l'Eglise Romaine, ensuiuant les traces de ses ancestres, sans toutesfois vouloir violer sa foy: mais apres que Luther seroit retourné à fauueté chez soy, selon la teneur du sauf-conduit, il estoit deliberé de le prescrire, & mettre au ban de l'Empire. Il y en auoit aucuns en l'assemblée, qui approuuans ce qui auoit esté pratiqué à Constance, estoient d'avis qu'il ne falloit point luy garder la foy. Mais Louïs, Comte Palatin, Electeur s'y opposa virilement: comme à chose qui redonderoit à l'eternelle ignominie du nom Allemand: representant, avec beaucoup d'indignation, que c'estoit chose intolerable, qu'en faueur des Prestres, l'Allemagne se chargeast de l'infamie d'auoir faussé la foy publique. Il y en auoit aussi aucuns, qui disoient, qu'il ne falloit point courir tant à la haste à la condamnation: d'autant que l'affaire estoit de grande importance, & pouuoit tirer apres soy de dangereuses consequēces.

Esiours ensuiuant l'affaire fut derechef traitée en la presence d'une partie des Princes, & specialement de l'Archeuesque de Treues, & de Ioachim, Electeur de Brandebourg: là où plusieurs choses furent dites par Luther en

1521. defense, d'icelle doctrine, & plusieurs aussi répliquées à l'encontre: le but
 apres vn estant d'induire Luther à soumettre le tout au iugement de l'Empereur,
 autre es- & de l'Assemblée, & Diete, sans reserve, ne condition. Mais Luther re-
 sai de le pliquant, Que le Prophete deffendoit de se confier es hommes, mesmes es
 redire. Princes, au iugement desquels rien ne deuoit estre moins remis que la
 Parole de Dieu: en fin on luy proposa qu'il soumsist le tout au iugement
 du futur Concile: à quoy il consentit, mais à tel si, qu'au preallable fus-
 sent extraits de ses liures les articles qu'il entendoit y soumettre: & que
 sur iceux ne fust donnée aucune sentence, que conformément aux Escrit-
 tures. Pour conclusion; on l'enquit luy mesmes, quels remedes luy sem-
 bloient les plus propres en cet affaire? A quoy il respondit, Qu'il n'en
 scauoit autres, que ceux-là seuls, lesquels Gamaliel proposa aux Iuifs:
 assauoir, que si l'entreprise & le mouuement estoit des hommes, il seroit dis-
 sipé, & mis à neant: mais aussi s'il venoit de Dieu, il estoit impossible de l'em-
 pescher. Et qu'à tant se deuoit contenter le Pape, puis que chacun, com-
 me de sa part il l'estoit aussi, deuoit estre persuadé, qu'en cas que son
 dessein ne fust de Dieu, enbref il iroit en fumée. Et ne pouuant estre desmu-
 de ses sentimens, & resolutions, esquelles il demeueroit ferme, & immobile,
 de n'accepter aucun iugement sinon sous la reigle de la sainte Escriture, il
 fut congedié, & eut vingvn iours de terme pour se rendre chez soy, à condi-
 tion que par voyage il ne prescheroit, ny n'escriroit. Dequoy ayant rendu
 graces, il se partit le vingtsixiesme Aupil.

par Edit Apres cela l'Empereur Charles en la mesme Assemblée publia vn Edit,
 solennel. sous la date du huietiesme May, apres auoir dés l'entrée exposé qu'à la char-
 ge de l'Empereur appartenoit d'agrandir la Religion, & esteindre les here-
 sies naissantes, il passoit à declarer, que frere Martin Luther s'efforçoit d'in-
 fecter l'Allemagne de cette peste: tellement que s'il n'y estoit obuie, toute
 cette nation estoit en danger de choir en vne detestable perdition. Que le
 Pape Leon l'auoit paternellement admonesté: & puis, par l'aduís & conseil
 des Cardinaux, & autres personages excellens, auoit condamné ses escrits,
 & l'auoit déclaré heretique, si dans vn certain temps prefix il ne reuouquoit
 ses erreurs: de laquelle Bulle de condamnation le Pape auoit enuoyé copie à
 luy Empereur, comme au Protecteur de l'Eglise, par Ierome Aleandre, son
 Nonce, le requerant de la faire executer dans l'empire, & en ses autres roy-
 aumes & estats. Mais que pour tout cela, Luther ne s'estoit point conuertty, ne
 corrigé, ains iournellement multiplioit liures, pleins non seulement de nou-
 uelles heresies, mais aussi de vieilles, iadis condamnées par les saints Conciles:
 & ce non seulement en langue Latine, mais aussi en Allemande. Et apres auoir
 specifié plusieurs de ses erreurs, conclud qu'il n'y a aucun escrit d'iceluy, où
 il n'y ait quelque peste, ou aiguillon mortel. De sorte qu'on peut dire, que
 toutes ses paroles sont autant de poisons. Lesquelles choses estans conside-
 rées par luy Empereur, & par les Conseillers de toutes les natiōs de son obeis-
 sance, suiuant l'exemple des Empereurs Romains ses predecesseurs, apres a-
 uoir pris l'auís des Electeurs & Estats de l'Empire, & par leur consentement
 (quoy que de vray il ne fust nullement conuenable d'escouter vn homme
 condamné du Pape, & obstiné en sa peruersité, & nótoirement heretique)
 pour oster toute matiere de cauillation & reproche de plusieurs, qui disoient
 que de necessité il falloit ouir partie, auant que venir à l'execution de l'arrest
 du Pape, il l'auoit mandé par vn de ses herauts, non pour conoistre, & iuger
 des choses de la foy, ce qui appartient au Pape, priuatiuement à tous autres:
 mais pour tascher de le reduire au droit chemin par bonnes persuasions. De
 là il passe à reciter comment Luther auoit esté introduit en pleine Assemblée,
 & ce dont il auoit esté enquis, & ce qu'il auoit répondu, selon qu'il a esté ra-
 conté cy deuant: & comme en fin il auoit esté congedié, & s'estoit parti.

Puis il adioust pour conclusion, Que pour ces causes, à la gloire & honneur
 de Dieu, pour la reuerence due au Pontife Romain, selon le deuoir, & la di-
 gnité Imperiale, par l'auís & consentement des Princes Electeurs & Estats, en

execution de la sentence & condamnation du Pape ; il declare & prononce Martin Luther pour notoire heretique, & ordonne que pour tel il soit tenu de tous : faisant inhibitions & defences à tous de le recevoir, ou proteger en façon quelconque : commandant aux Princes, & Estats, sous toutes les peines accoustumées, qu'ils ayent, passé le terme de vint iours, à le saisir, & emprisonner, & poursuivre tous ses complices, adherans, & fauteurs, les dépouillant de tous biens, meubles & immeubles. Fait aussi commandement que nul n'ait à lire, ou tenir les liures d'icelui, nonobstant que dedans aucun d'eux il y eust quelque chose de bon : enjoignant tant aux Princes, qu'à tous autres iusticiers, qu'ils ayent à les brusler & abolir. Et d'autant qu'en plusieurs endroits ont esté composés & imprimés liures, & extraits des œuvres d'icelui : & que maintes images, & pourtraits ont esté publiées au deshonneur de plusieurs, & mesme du souverain Pontife, il fait commandement que nul n'ait à les imprimer, pourtraire, ou tenir : mais que les Magistrats ayent à les recercher, & les brusler : & qu'ils punissent les Imprimeurs, les acheteurs & les vendeurs d'icelles : adioutant vne loy & ordonnance generale, Que nul liure, traitant de matieres de foy, tant petite soit-elle, ne puisse estre imprimé, sans la permission & volonté de l'Ordinaire.

En ce mesme temps, l'Vniuersité de Paris, ayant extrait diuerses conclusions des liures de Luther, les condamna aussi, partie comme renouvelées de la doctrine de V Vicleff, & de Hus, partie aussi tout nouvellement inuentées & produites par luy-mesme contre la doctrine Catholique. Mais toutes ces oppositions ne causoient autre effet, sinon que Luther respondant incessamment, les escrits multiplioient de part & d'autre, & les estrifs s'enaigrissoient, & la curiosité s'esueilloit en plusieurs, lesquels se voulans informer de l'estat de la Controuerse, halenoient & descouuroient les abus taxés par Luther, & de là s'alienoient de la deuotion au Pape.

Entre les plus nobles contredifans à la doctrine de Luther, fut Henri huitiesme, Roy d'Angleterre : lequel n'estant point l'aîné de la maison, le pere auoit destiné à estre Archeuesque de Canturberi, & à cet effet l'auoit fait dès son enfance instruire es lettres. Mais, apres que son frere aîné fut mort, & apres luy le pere, il succeda à la Couronne : & reputant à grand honneur de s'entremettre en vne si illustre controuerse de lettres, il escriuit vn traité des sept Sacremens, defendant par mesme moyen le Papat Romain, & impugnant la doctrine de Luther. Ce que le Pape eut tellement pour agreable, qu'ayant receu le liure du Roy, il l'honora du titre accoustumé, de Defenseur de la foy. Mais Luther ne se laissa point effrayer de la splendeur royale : ains respondit à ce Roy avec autant de vehemence, aspreté, & peu de respect, qu'il auoit fait aux petits docteurs. Ce nom de roy, fourré dedans la dispute, la rendit plus curieuse : & comme es combats, les spectateurs s'affectionnent communement aux plus foibles, & louent plus hautement leurs actions, quoy que mediocres : ainsi en cete occasion, l'inclination vniuerselle se pancha de tant plus du costé de Luther.

Tost apres que par tout fut publié le ban de l'Empereur, au mesme mois, Huhues, Euesque de Constance, sous le Diocese de laquelle est assise la ville de Zurich, escriuit vne lettre au Chapitre des Chanoines de cete ville-là, du nombre desquels estoit Zuingle : & vne autre, au Senat de la mesme ville : & leur representa le grand preiudice, que les Eglises, & Republiques souffroient des nouueautés de doctrine, au grand interest du salut des ames, & perturbation du repos & de la tranquillité publique. Les exhorta à se garder de nouveaux docteurs, remonstrant qu'ils n'estoient poussés d'autre motif, que de leur propre ambition, & de l'instigation du diable.

Tout d'une main il leur enuoya l'Arrest de Leon, & le Ban de l'Empereur : les exhortant de donner lieu, & obeir à l'Arrest du Pape, & à imiter le Ban de l'Empereur : & designa notamment la personne & la doctrine de Zuingle, & de ses adherans : dont il obligea Zuingle à rendre raison de toute sa doctrine à ses Collegues, & en donner satisfaction au Senat. Et outre cela, il escriuit à

Paris cō-
damne
aussi Lu-
ther.

mesme
contre le
Roy d'An-
gleterre
qui escri-
uit contre
luy.

le trouble
de Suisse
continuë.

1521.

l'Euesque, insistant principalement sur ce point, Qui ne faloit plus tolerer les Prestres concubinaires, d'où procedoit l'infamie de l'Ordre Ecclesiastic, le mauvais exemple aux peuples, & generally la corruption de la vie en tous. Chose qui ne se pouuoit abolir, ne corriger, par autre voye, qu'en introduisant le mariage des Prestres, selon la doctrine Apostolique. Il escriuit aussi en sa defense à tous les Cantons de Suisse, faisant particulièrement mention d'un edit fait par leurs ancestres, Que chaque Prestre fust obligé d'auoir sa propre concubine, de peur qu'il n'attentast sur la pudicité des femmes honestes. Adioustant, que quoy que cet edit semblast absurde, & redicule, il auoit neantmoins esté fait par necessité, & ne deuoit estre changé, sinon entant que ce qui auoit esté ordonné en faueur du concubinage, deuoit estre à present conuerti au legitime mariage.

le Se-
nat de Zu-
rich à y
remédier.

Le mouuement de cet Euesque induisit les Iacopins à prescher contre Zuingle, & sa doctrine; & luy à se defendre. Araison dequoy luy aussi dressa, & plublia soixante sept conclusions qui contenoient sa doctrine, & touchoiēt les abus du Clergé, & des Prelats. Dont à cause des confusions, & dissensions tres-grandes qui en naissoient, le Senat de Zurich prit deliberation d'appaiser le trouble: & conuoca tous les prescheurs, & docteurs du pais & terres de sa iurisdiction. Et conuia aussi l'Euesque de Constance à deputer quelque personnage de prudence, & de sauoir, pour assister à cete Conference, afin d'assoupir les troubles, & ordonner chose qui fust à la gloire de Dieu. L'Euesque y enuoya Iaques Faber, son Vicaire, qui depuis fut Euesque de Vienne en Autriche. Et le iour de la conference venu, grande multitude de personnes y estant amassée, Zuingle produisit d'erechef ses conclusions, s'offrit à les defendre, & à respondre à quiconque eust voulu les impugner. Faber apres auoir ouy ce que plusieurs Iacopins, & autres Docteurs auoient allegué contre Zuingle, & ce qu'iceluy auoit respondu, dit, Que le temps & le lieu, n'estoient point propres à traiter semblables matieres: que la connoissance de semblables propos appartenoit au Cōcile, qui se deuoit celebrer en bref: car, ainsi disoit-il auoir esté conuenu entre le Pape, & les Princes, Potentats, & Prelats de Chrestienté. Cela donna tant plus de suiet à Zuingle de se fortifier, & roidir: disant, Que c'estoient paroles & promesses, pour nourrir le peuple de vaines esperances, & cependant, s'entretenir assoupi en l'ignorance: & qu'on pouuoit bien, attendant vne plus ample declaration du Concile touchant les choses douteuses, traiter alors de celles qui estoient toutes certaines, & claires en la sainte Escriture, & en l'usage de l'ancienne. Et comme il insistoit tousiours de plus fort, que Faber proposast ce qui pouuoit estre objecté à ses conclusions, iceluy se reduisit à dire, Qu'il ne vouloit traiter avec luy de viue voix, mais qu'il respondroit à ses conclusions par escrit. En fin l'assemblée se departit, & le Senat arresta, Que l'Euangile seroit presché selon le Vieil & Nouveau Testament, & non selon aucuns decrets & constitutions humaines.

ce qui fait
plus ar-
demment
desirer un
Concile.

Partant dès qu'on vit que ny les travaux des Docteurs & Prelats de l'Eglise Romaine, ny le Decret du Pape, ny le Ban si seuer de l'Empereur, ne pouuoient esteindre cete nouvelle doctrine, mais au contraire qu'elle s'auançoit tous les iours plus, chacun entra en cete opinion, Que ces remedes estoient insuffisants pour cete maladie, & qu'au bout il falloit venir à cete sorte de medecine, laquelle, employée par le passé en semblables occasions, sembloit auoir appaisé tout trouble: qui estoit la tenuë d'un Concile. De là aint qu'iceluy commença à estre souhaité de toutes sortes de personnes, comme à diuerses

intitions
& es-
gards.

On confideroit que les nouueautés n'auoient eu autre source, que des abus, introduits par le temps, & par la nonchalance des pasteurs: & pourtant, qu'il n'estoit possible de remedier aux confusions excitées, qu'en obuiant aux abus qui les auoient causées: & d'ailleurs, qu'il n'estoit possible d'y pouruoir vnamiment, & vniformement, que par vne Assemblée vniuerselle. Et tels estoient les discours des gens de bien, & de faine intention. Mais il y auoit assez

assez d'autres sortes de personnes interessées, auxquels pour leurs desseins le Concile eust esté profitable & avantageux, pourueu qu'il eust esté reiglé en maniere, & restreint à telles conditions, qu'il n'eust pu estre que favorable à leurs interets. Premièrement, ceux qui auoient embrassé les opinions de Luther, vouloyent le Concile, à condition, qu'en icelui tout fust décidé, & reiglé par l'Escripture: toutes constitutions, & Decrets des Papes, & doctrines scholastiques, excluses: car par ce moyen ils se persuadoient non seulement de maintenir la leur, mais de faire en sorte qu'elle seule fust approuuée & autorisée. Mais ne vouloyent point de Concile, qui procédast en la maniere qu'auoyent fait ceux de huit cents ans auparauant: & se laissoient assez entendre qu'ils ne subiroient iamais vn tel iugement. Et Luther mesmes disoit communément, qu'il auoit esté trop pusillanime à Vvormes, & qu'il estoit tant acertené de sa doctrine, qu'il ne la submettroit point au iugement mesme des Anges: ains que par icelle il iugeroit & les hommes & les Anges. Les Princes, & autres Seigneurs de païs, ne se soucioient pas beaucoup de ce que le Concile resoudroit pour la doctrine: mais le desiroient tel, que par icelui on pust ramener les Prêtres, & les Moines, à leurs commencement: esperant que par ce moyen, les regales, & les iurisdiccions temporelles, qui si amplement & abondamment estoient passées en l'Ordre Ecclesiastique, retourneroient à eux. Et pourtant disoyent, Que ce seroit en vain de tenir vn Concile, auquel les seuls Euesques, & autres Prelats, eussent voix & suffrage deliberatif: d'autant qu'eux mesmes deuoyent estre reformés, de quoy il estoit necessaire que la charge fust commise à d'autres, lesquels ne fussent point preuenus & eblouis de leur propre interest, ne par iceluy obligés à resoudre chose quelconque contre le bien de la Chrestienté. Ceux du commun peuple aussi, qui auoyent quelque connoissance des affaires du monde, desiroient que l'autorite Ecclesiastique fust limitée & moderée, & que les pauures peuples ne fussent point surchargés de tant d'exactions, sous les specieux noms de dîmes, aumosnes, & Indulgences: ni foulés par les Officiaux des Euesques, sous couleur de corrèctions, & iugemens. La Cour de Rome, partie en ceci tres-principale, souhaitoit le Concile, entant qu'il eust pu reestabli l'obissance, qui auoit esté ostée au Pape: & approuuoit vn Concile, selon les formes pratiquées es siecles prochainement passés. Mais ne pouuoit agreer vn Concile, qui eust pouuoir de reformer le Papat, & d'abolir les vs & coustume introduites par laps de temps, dont la Cour perceuoit de si grands emolumens, & par le moyen desquelles vne grande partie de l'or de Chrestienté couloit à Rome. Le Pape Leon, serré des deux costes, ne fauoit que desirer. Il voyoit que tous les iours l'obissance se diminueoit enuers lui, & que les peuples entiers se separoyent de lui, & en eust bien desiré le remede par vn Concile. Mais d'ailleurs, quand il consideroit qu'icelui seroit pire que le mal mesmes, entant qu'il tireroit en consequence necessaire la Reformation, il l'abhorroit. Il alloit songent aux voyes & moyens de tenir vn Concile à Rome, ou en autre lieu de l'Estat de l'Eglise, comme son predecesseur & lui auoyent peu d'années auparauant tenu celui de Latran avec tres-heureux succés, & grand avantage: veu que par icelui ils auoyent esteint le Schisme, reduit le Royaume de France separé; & ce qui releuoit le plus, aboli la Pragmatique sanction, doublement contraire à la Monarchie Romaine: tant, pource que c'estoit vn exemple de lui enleuer toutes les collations des Benefices, grand fondement de la grandeur Papale: qu'aussi, pource qu'icelle estoit vne conseruation, & entretien du Concile de Basle, & par consequent, de la suiecttion du Pape au Concile general. Mais aussi il ne pouuoit voir comment vn Concile de telle nature pust remedier au mal, lequel n'estoit point es Princes, & grands Prelats, enuers lesquels les pratiques, & interets, sont de mise & valeur: mais estoit es peuples, avec lesquels il falloit vne realité, & vrai changement. En cet estat d'affaires, Leon deceda sur la fin de l'an mil cinq cents vintvn.

Et au commencement de l'année suivante, le 9. Ianuier, fut élu Adrien: *qui en cite*

1522.
ambiguité
meurt, &
lui succède.
Adrien:

qui d'E-
Espagne, où
il estoit.

arrive en
Italie, fort
harassée &
troublée:

pense au
remède des
nouveau-
tés.

commençât
par une le-
gère refor-
mation.

l'assomption duquel au Papat tourna à foi les yeux & les pensées de tous: d'autant que c'estoit vne personne, qui n'auoit iamais esté veüe à Rome, in- conuë aux Cardinaux, & à la Cour, & qui pour lors se trouuoit en Espagne: & au demeurant estoit en conception enuers le monde, de n'approuuer point les façons de faire Romanesques, & la licentieuse vie des Courtisans: tellement que les nouueautés Lutherienes n'estoient plus en aucune confi- deration. Aucuns redoutoyent qu'il ne fust que trop enclin à la reforma- tion: autres, qu'il n'appellast à foi les Cardinaux, & ne transportast le Siege hors de l'Italie, comme il estoit auenu autresfois. Mais ils furent bien tost releués de cete appréhension. Car le nouveau Pape, le iour apres qu'il eut receu la nouuelle de son election, qui fut le 22. du mesme mois, en la ville de Victoria en Biscaye, sans attendre les Legats, que le College des Cardi- naux lui auoit deputés pour le lui signifier, & auoir de lui son consentement: assembla le peu de Prelats qu'il put, & en leur presence consentit à l'ele- ction, & prit les habits & paremens Pontificaux, & se declara & porta pour Pape: & sans delai passa à Barcelloñe, d'ou il escriuit au College des Cardi- naux la cause pour laquelle il auoit pris le nom, & la charge de Pape, & s'e- stoit mis en chemin, sans attendre la venue des Legats: leur donnant aussi commission de notifier cela par toute l'Italie. Il fut contraint de seiourner à Barcelloñe, attendant le temps propre, pour passer le golfe de Lion, assez perilleux: toutesfois il ne tarda rien plus qu'autant qu'il estoit necessaire pour s'embarquer seurement vers l'Italie, là ou il arriua sur la fin du mois d'Aoust, en l'an mil cinq cents vintdeux.

Adrien trouua toute l'Italie en trouble & esmotion, pour la guerre entre l'Empereur & le Roi de France: le Siege Apostolic engagé en vne guerre particuliere avec le Duc de Ferrare, & celui d'Vbin: Rimini nouuellement saisi par les Malatestes. les Cardinaux diuises, & en desfiance entr'eux: le siege mis par les Turcs deuant Rhodes: toutes les villes de l'Eglise espuis- sées, & en extreme confusion, par huit mois d'Interregne, ou Anarchie. Nonobstant cela, il appliqua principalement sa pensée à composer les dif- ferens de la Religion en Allemagne: & ayant des son enfance esté nourri, esleué, & habitué es études de la Theologie Scholastique, il tenoit ces opi- nions pour si claires, & euidentes, qu'il ne pouuoit croire, que le contraire püst venir en la pensée d'aucun homme raisonnable. Et pourtant ne don- noit autre nom à la doctrine de Luther, que de fade, folle, & brutale: & iu- geoit, qu'il n'y auoit autres, que quelque petit nombre de simples & idiots, qui lui pretaient foi: & que la suite qu'auoit Luther, estoit de personnes, qui, quoi qu'elles tinssent pour indubitables les opinions & dogmes de Rome, fei- gnoient le contraire, irritées par les oppessions. Et pourtant qu'il estoit tref- aisé d'estouffer cete doctrine, laquelle n'estoit fondée que sur les interets: dont il estimoit, qu'en donnant quelque satisfaction, aisement se gueriroit ce corps, qui faisoit plus semblant d'estre malade, qu'il ne l'estoit de verité. Et pource qu'il estoit natif d'Vtrèch; ville de la basse Allemagne, il espe- roit que toute la nation facilement presteroit l'oreille à ses ouuertes & propositions, & mesme s'interesseroit à maintenir son autorité, comme d'un homme Allemand, & pourtant feable & sincere, qui ne traitoit point avec ar- tificés; & pour desseins cachés. Et tenant pour assuré qu'il importoit beau- coup d'vsér de hastiueté, il se delibera d'en faire la premiere ouuerture en la Diete, qui se deuoit bien tost tenir à Noremberg: & afin qu'elle fust fauo- rablement receuë, & que ses promesses fussent tenues pour reelles, & verita- bles; auant qu'il commençast de traiter choses aucune avec les Allemans, il estimoit necessaire de donner quelque bon auantgoust, par quelque essai de reformation, qui corrigeast les abus, qui auoyent cause les dissensions. Pour cet effet, il appella à Rome Iean Pierre Caraffe, Archeuesque de Chi- ti, & Marceau Cazal, de Gaïete, personnage de reputation de probité, & mœurs inreprehensibles, & fort entendus es choses concernantes la vraye discipline Ecclesiastique: afin que par aduis & conseil d'eux, & des Cardi-

naux ses plus confidens, il trouuaſt quelque remede aux plus importants abus : entre lesquels ſe preſentoit la profuſion des Indulgences en chef, pour auoir ouuert la porte au credit, acquis par les nouueaux preſcheurs en Allemagne.

Le Pape comme Theologien, qui auoit eſcrit de cete matiere, auant que iamais Luther ſongeait à la remuer, eſtoit d'auis d'eſtablir par decret Apoſtolique, & en qualite de Pape, cete doctrine, laquelle, comme perſonne priuée, il auoit autre fois enſignée, & eſcrit : aſſauoir, *Qu'apres que l'Indulgence a eſté ottroyée à vne perſonne qui fera telle & telle œuvre, il ſe peut faire, que cete œuvre la ſoit executée en tel degré de perfection, qu'elle gaigne l'Indulgence, & le Pardon : que ſi en l'œuvre il y a quel-* *deciſion, & règle-ment des Indulgen-* *ces.* que manquement de cete exacte perfection, l'operant n'obtient point l'Indulgence entiere, mais ſeulement vne part proportionnément reſpondante à l'œuvre imparfaite. Le Pape penſoit qu'en cete maniere non ſeulement eſtoit pourueu à tout ſcandale pour l'auenir, mais auſſi que les precedens en eſtoient ſuffiſamment reparés : attendu que toute œuvre, quoi que tres-petite de ſoi, pouuoit eſtre ſi bien qualiſiée en ſes circonſtances, qu'elle pouuoit meriter loyer & recompenſe, quelque grande qu'elle fuſt : par quoi eſtoit ſoluë l'obiection de Luther, Comment il eſtoit poſſible, que par l'offrande d'un ſeuil denier, on acquiſt un ſi grand theſor : & d'ailleurs, puis que celui, qui par le manquement de ſon œuvre ne gaignoit tout le pardon, en obtenoit neantmoins vne certaine & meſurée portion, les fideles ne ſe diſtrayoyent point de rechercher les Pardons.

Mais Frere Thomas de Gaſſete, Cardinal de S. Sixte, Theologien conſommé, le diſſuadoit de cela : diſant, Que c'eſtoit publier vne verité, laquelle, pour le ſalut des ames, il valoit beaucoup mieux tenir ſecrete entre les hommes ſauans, & laquelle eſtoit plus diſputable, que decidée. Par quoi auſſi lui meſme, qui en ſa conſcience la croyoit viuement, neantmoins l'auoit tellement couchée en ſes eſcrits, qu'il n'y auoit que les hommes tres-conſommés en ſauoir qui la puſſent recueillir de ſes paroles. Adiouſtant, Que quand elle ſeroit diuulguée & autorizée, il y auoit danger, que meſmes les hommes lettrés, n'interaſſent de là, Que l'ottroi du Pape ne ſert de rien : mais que le tout doit eſtre rapporté à la qualité de l'œuvre : choſe, qui refroidiroit tout le zele de gagner les pardons, & raueroit l'autorité Papale. Le Cardinal dit d'abondant, qu'il auoit, par commandement de Leon, diligemment & exactement eſtudié cete matiere, la meſme année que ces diſputes ſourdirent en Allemagne, & en auoit eſcrit un traité complet : mais que l'année d'apres, eſtant Legat à Augſbourg, il auoit eu occaſion de la ventiler, & traiter plus diligemment, par les propos & conferances qu'il en auoit eu avec pluſieurs ; & par la recherche des difficultés, & rememens qui troubloyent ces prouinces : & qu'en deux pourparlers avec Luther en cete meſme ville-là, il auoit plainement debatue cete matiere, & apres l'auoir bien digerée, il ne ſe faignoit point de dire reſolument, & ſans danger de meſprendre, qu'il n'y auoit autre moyen de remedier aux ſcandales paſſés, preſens, & à venir, qu'en ramenant les choſes à leurs commencemens.

Qu'il eſtoit bien tout aſſeuré, & notoire, que le Pape, par le moyen des pardons, peut deliurer les fideles de toutes ſortes de peines : mais que pourtant, par la lecture des Decretales il apparoiſſoit clairement, que l'Indulgence, ou Pardon, n'eſt autre choſe qu'une abſolution, ou deliurance des ſeules peines impoſées en la confeſſion. Et que pourtant il falloir ramener l'vſage des Canons penitentialux, mis en oubli, & chus en deſaccouſtume : & que lors, quand, ſelon iceux ſeroient impoſées les competentes penitences, chacun verroit clairement la neceſſité, & l'vtilité des pardons : & qu'ainſi ſeroit ramené le ſiecle d'or de l'Egliſe primitive, auquel les Prelats gouuernoient abſolument les fideles, non pour autre cauſe, que

1522.

lequel gou-
sté par A-
drien,est reietté
par les de-
putez de la
reformatiō.Adrien
perplex,

pour ce qu'iceux estoient entretenus en perpetuelles occupations, & exercices, par les penitences: en lieu qu'és temps presens, estans deuenus oisifs, ils pretendoient de s'affranchir de toute obeissance. Et que le peuple d'Allemagne, lequel tout noyé en l'oisiveté, prestoit l'oreille à Luther, pressant la liberté Chrestienne, s'il estoit tenu en bride & arrest par les penitences, ne penseroit point à ces nouveautés: & que cependant le Siege Apostolic pourroit d'icelles faire grace, & largesse, à qui les reconnoistroit de lui.

Cet aduis agreoit fort au Pape, comme estant fondé sur l'autorité, & ne voyant point comment il pult estre combattu par aucune opposition. Il le fit proposer en la Penitencerie, pour auiser à la forme & moyen de le mettre en vſage, premierement à Rome, puis apres par toute la Chrestienté. Pourtant se tinrent sur ce ſuiet plusieurs assemblées des deputés au fait de la Reformation, ensemble les Penitentiars, pour traiter du moyen de le mettre en pratique.

Mais tant de difficultés vinrent à la trauerſe, qu'enfin Laurens Pucci, Florentin, Cardinal de Santi quattro, qui auoit esté Dataire sous le Pape Leon, & diligent & accort ministre à trouuer argent, & maintenant estoit grand Penitencier, rapporta par auis commun au Pape, Que la proposition estoit iugée impossible, & que quand on viendroit à l'essai, en lieu de remedier aux maux presens, elle en fusciteroit de beaucoup plus grands. Que les peines Canoniques estoient surannées, & tombées en desaccoustumance: d'autant que le zele ancien estant failli, le monde ne les pouoit plus supporter: & pourtant si on les vouloit ramener, de necessité il falloit aussi reſtablir le meſme zele, & la charité ancienne, en l'Eglise. Que le present ſiecle n'estoit point ſemblable aux passés, eſquels toutes les constitutions de l'Eglise estoient receuës indifferemment, ſans examen, ne contredit: en lieu qu'à present chaciun veut ſe faire iuge, & ſonder les raisons. Que ſi cela ſe pratique es choses qui ne portent aucune charge, ou moleſte, combien plus ſe feroit-il en vne qui ſeroit très-griue, & faſcheuſe? Il eſt bien vrai, diſoit-il que le remede eſt grandement ſortable au mal: mais auſſi il n'eſt nullement proportionné aux forces du corps malade, & au lieu de le guerir, le pourroit porter à la mort: & pensant racquerir l'Allemagne, premierement feroit perdre l'Italie meſme, & puis alieneroit l'Allemagne encor d'auantage. Le Cardinal adiouſta, Il m'eſt auis d'ouir la voix de queleun, qui die comme S. Pierre, A quoi faire tenter Dieu, impoſant ſur les eſpaules des diſciples ce que ni nous, ni nos peres, n'auons iamais pu porter? Que Sa Sainteté ſe ramenteuſt ce fameux paſſage de la Gloſe, employé par-elle meſmes, en ſon quatrieme liure des Sentences, Que, quant à la valeur des Indulgences, la querelle en eſt ancienne, & encor douteuſe. Qu'elle miſt en conſideration les quatre opinions, que la Gloſe rapporte, leſquelles, quoi qu'elles ſoyēt toutes Catholiques, ſont neantmoins ſi fort differentes entr'elles. Dont il arpert clairement, que cette matiere requiert en ce tēps pluſtoſt ſilence, qu'autre recerche ou examē.

Ces raisons penetrerent bien auant dans l'eſprit d'Adrien, & le rendirent fort ambigu de ce qu'il deuoit faire: & le mirent en perplexité de tant plus grande, qu'il ne deſcouuroit moins de difficultés es autres choses, qu'il auoit delibéré de reformer. Au fait des diſpenſes matrimoniales, enclinant à caſſer pluſieurs defences & inhibitions de contracter mariage entre certaines ſortes de perſonnes, leſquelles lui ſembloyent ſuperflues, & fort malaiſées à obſeruer: & dont le peuple auroit receu vn notable ſoulagement; il en eſtoit blaſmé de pluſieurs, comme relaschant par là le nerf & la roideur de la diſcipline Eccleſiaſtique: à l'opposite auſſi en les continuant, on donnoit ſuiet aux Lutheriens de crier, que c'eſtoit pour tirer argent. La reſtriction des diſpenſes à certaines qualitez de perſonnes, à laquelle auſſi il penſoit, ſeruoit à donner nouuelle matiere de plaintes à ceux qui pretendent & ſoutiennent, qu'és choses ſpirituellen, & en tout ce qui eſt du Miniſtere de Chriſt, il n'y a aucune difference ni inegalité de perſon-

nes. Casser aussi les despens & taux percutnaires pour ces choses, ne se pou-
uoit faire sans le rachat des offices vendus par Leon, les acheteurs desquels
tiroient leurs emolumens, & le reuenue de leur argent de ceci. Ce qui em-
peschoit aussi d'oster les regrés, accés, coadiutories, & autres moyens pra-
tiqués en la collation des Benefices, lesquels auoyent apparence (si plustost
de vray on ne doit dire la pure & pleine essence, & realité) de Simonie. Ra-
cheter les offices, estoit choses impossible : attendus les grands frais, qu'il a-
uoit falu par le passé, & falloit encor continuellement faire. Et ce qui plus
lui embarassoit & confondoit l'esprit, estoit, que quand il auoit resolu d'o-
ster quelque abus, tout aussi tost se presentoit quelcun, qui entreprenoit de
maintenir, par quelque couleur & desguisement, que la chose estoit bonne,
ou necessaire. Parmi le flot de ces incertitudes, & hesitations, le Pape affli-
gea son ame iusques au mois de Novembre: desirant, quoi qu'il en auinst,
de faire quelque notable reglement, qui pust donner au monde quelque
goust & espreuue de son courage & affection: & resolu de porter remede à
tous les abus, auant que commencer à traiter les affaires d'Allemagne.

Enfin François Soderin, Cardinal Prehestin, dit de Volterre, pour lors *estre resolu*
son tresconfident (quoi que depuis il fut disgracié de lui, iusques à le fai- *par le Car-*
re emprisonner) arresta son esprit, & lui fit prendre vne finale resolution. *dinal Pre-*
Ce Cardinal tresversé es negociations ciuiles, & qui y auoit esté employé *hestin.*
sous les Papes, Alexandre, Inles, & Leon, dont le regne auoit esté plein de
diuers & importans accidens; en tous ses deuis & propos avec le Pape Adri-
en, alloit entreiectant paroles, qui le pouoyent instruire, & bien imfor-
mer: louoit sa bonté, & franchise; & son affection encline à la reformation
de l'Eglise, & à l'extirpation des heresies: adioustant toutes-fois pour cor-
rectif, qu'il ne pouuoit acquerir pleine louange de la seule bonne intention,
insuffisante d'elle mesmes à l'effet du bien, si elle n'estoit accompagnée d'un
choix exact des moyens conuenables, & d'une execution maniere avec vne
singuliere prouuoiance & circonspection. Mais quand il le vid contraint &
pressé par la briuete du temps à se resoudre, ils lui dit tout ouuertement,
Qu'il n'y auoit nulle esperance de confondre & extirper les Lutheriens par
la correction des mœurs, de la Cour de Rome: ains que cela feroit vn moyen
de leur accroistre le credit. Car quand le populaire, qui tousiours iuge des
choses par les euenemens, verra & sera acertené par la reformatiō ensuiuite,
qu'avec raison le gouuernement Papal a esté sensuré en quelque partie, il se
persuadera sensiblement, que les autres nouueautés aussi ont des bons &
legitimes fondemens: & les heresiarches voyans d'auoir gagné la partie en
vn chef, ne cesseront iamais d'en taxer & inuectiuer d'autres. Qu'en tou-
tes les choses il aduient, que la satisfaction & contentement receu en
quelques demandes, donne pretension & pretexte d'en faire d'autres, &
d'estimer qu'elles soyent duës. Que qui lira les hystoires des temps passés,
dès qu'il s'est esleué des heresies contre l'autorité de l'Eglise Romaine,
trouuera que toutes ont pris couleur & pretexte des mœurs corrompues de
la Cour de Rome. Et neantmoins iamais aucun Pape ne iugea estre expedi- *par vn con-*
ent de les reformer: mais bien, apres auoir employé les admonitions, & in- *seil de ve-*
structions, de requérir & induire les Princes à la Protection de l'Eglise. Que *nir aux vo-*
ce qui par le passé est heureusement reüssi, doit estre gardé & suivi en tous *yes de ri-*
temps inuiolablement. Que chose aucune ne fait plustost perir vn gouuer- *queur & de*
nement, que le changement des manieres & formes de l'administrer. Que *force.*
ouurir voyes nouvelles, & inusitées, estoit s'exposer à grands perils: &
qu'il n'y auoit au contraire rien de plus asseuré, que suivre la piste & les
traces des saints Pontifes, lesquels tousiours ont eu heureuse issue de leurs
entreprises. Que nul n'esteignit iamais les heresies avec les reformatiōs,
mais bien en publiant Croisades, & excitant & Princes & Peuples à l'ex-
tirpation d'icelles. Qu'il se souuinst, qu'Innocent troisieme par tel moy-
en extermina heureusement les Albigeois en Languedoc: & les Papes en-
suiuans non par autre voyes esteignirent en autres lieux les Vaudois, Po-

1522.

ures de Lion, Arnaldistes, Speronistes, & Paterins, tellement qu'à present n'en est demeuré que le seul nom. Qu'en Allemagne ne manqueroient point Princes, lesquels auidement en accepteroient la charge, en cas que le Saint Siege leur ottroyast d'occuper les Estats des fauteurs des Lutheriens : & qu'à ceux-là on pourroit donner grande suite de peuple par l'ottroi des pardons, & des Indulgences à qui iroit à leur secours.

Ce Cardinal mit aussi en consideration au Pape, qu'il ne faillit pas seulement auiser aux troubles d'Allemagne, comme si le Saint Siege n'auoit autre danger à apprehender : veu que la pendoit deuant les yeux la guerre d'Italie, qui estoit chose de beaucoup plus grand danger, & à laquelle il estoit necessaire d'appliquer principalement son esprit : veu qu'en la suite & conduite d'icelle, si le Pape se trouuoit sans le nerf de la guerre, qui est l'argent, il pourroit receuoir quelque notable eschec & preiudice : & que d'ailleurs on ne pouuoit faire aucune reformation, qui n'accourcist notablement les reuenus Ecclesiastiques : lesquels ayans quatre sources, l'une temporelle, assauoir les reuenus de l'Etat Ecclesiastique : les autres spirituelles, assauoir, les Indulgences, les Dispences, & les Collations des Benefices, on n'en pouuoit estouper l'une, que les reuenus n'en demeurassent comme mutilés & retranchés de la quatrieme partie.

Le Pape montre regret.

Le Pape, conferant ces discours avec Guillaume Encuort, lequel puis apres il crea Cardinal, & Theodoric Hez, ses familiers tresconfidens asseuroit que la condition des Papes est tresmiserable : attendu qu'il voyoit tout à descouuert, que quelque vouloir & desir qu'ils en eussent, & quelque peine qu'ils y myssent, ils ne pouuoient bien faire : & conclut, qu'il estoit impossible de mettre en effet aucun point de reformation, auant le voyage, qu'il pretendoit faire en personne en Allemagne : & que cependant on se deuoit asseurer sur ses promesses : lesquelles il estoit resolu de maintenir & effectuer, quand bien mesmes il eust du se reduire à estre sans domaine temporel, & à la façon de viure Apostolique. Et pourtant il donna tresestroit commandement à tous deux, dont l'un estoit Dataire, & l'autre Secretaire, qu'ils fussent fort retenus à ottroyer Indulgences, Dispences, Regrés, Coadiutories : iusqu'à tant qu'on eust trouué moyen de reigler le tout par loi & ordonnance stable & perpetuelle. J'ai veu ces choses recitées fort au long en vn Iournal de l'Euesque de Fabriano, auquel icelui auoit tenu memoire des choses notables qu'il ouït, & vid de ce Pape & les ai ici voulu sommairement rapporter, d'autant qu'elles peuuent grandement seruir à l'intelligence des choses, qu'il escherra de dire ci-apres.

Enuoye l'Euesque de Fabriano en vne Diete à Noremberg,

Au premier Consistoire du mois de Novembre, par l'auis des Cardinaux, il deputa François Chiericato, cet Euesque de Fabriano, dont nous auons parlé tout maintenant, personnage lequel il auoit conu en Espagne, pour Nonce à la Diete de Noremberg : laquelle se celebroit en l'absence del'Empereur, d'autant qu'il auoit esté necessité de passer en Espagne, pour appaiser les tumultes & seditions, qui s'estoyent esmues en ces Royaumes-là. Le Nonce arriua à Noremberg sur la fin de l'année, & presenta les lettres du Pape, escrites en commun aux Eleauteurs, Princes & Ambassadeurs des Villes, sous la date du vintcinquieme Nouembre, esquelles il se plaignoit, Que, quoi que Martin Luther eust esté condamné par sentence de Leon, & que la sentence eust esté mise en execution par vn Edit Imperial, donné en la ville de Vvormes, & publié par toute l'Allemagne : icelui neantmoins persistoit es mesmes erreurs, publiant continuellement liures pleins d'heresie : & qu'il estoit soustenu & fauorisé non seulement du bas & vil populaire, mais aussi des grands & nobles. Adioustant, que, quoi que l'Apostre eust predit que les heresies estoyent necessaires, pour espreuue & exercice des gens de bien, cete necessité toutesfois estoit tolerable seulement es temps oportuns : non certes en ceux, esquels la Chrestienté se trouuant oppressée des armes des Turcs, on deuoit mettre toute diligence à repurger le mal de dedans : veu que le preiudice

par luy exhorté & confesse

& le danger, qu'icelles portent quand & elles, empeschent de s'employer, comme il appartiendroit, contre vn si grand & redoutable ennemi. En suite, il exhorte les Princes, & les peuples, à ne plus sembler de conuiuer ou cōsentir à vne si grande impieté & meschanceté, par plus long support. Leur represente que c'est chose honteuse outre toute mesure, qu'ils se laissent bef-
fier, & mener à trauers champs par vn chetif moine, hors le grand chemin de leurs deuanciers: comme si Luther seul estoit le sauant & l'étendu. Leur remontre; que si les sectateurs de Luther ont aboli & secoué toute obeissance aux loix Ecclesiastiques, beaucoup plus vilipenderont-ils les Seculieres: & s'ils ont vsurpé & rai les biens de l'Eglise, beaucoup moins s'abstiendront-ils des lais: & s'ils ont esté si temeraires que de mettre les mains sur les prestres de Dieu, il est bien à presumer que ils n'espargneront les maisons, femmes, enfans des Seculiers.

Les exhorte, que s'ils ne peuuent par la douceur reduire Luther, & ses adhe-
rens, à la droite voye; ils viennent aux remedes rigoureux, & au fer, & au feu, *à la persécution des Lutheriens & aux remedes extremes.* pour retrancher les mēbres estiomenés & gangrenés du corps: comme iadis le mesme fut exercé contre Datan, & Abirā: contre Ananie, & Sapphira: contre Iouinien & Vigilence: & cōme encor plus freschement auoyent fait leurs ancestres contre Iean Hus, & Ierome de Prague, au Concile de Constance: l'exēple desquels, à defaut de pouuoir faire autrement, ils doiuent ensuiure. En fin, il se rapporte, tant pour ce fait, que pour tous autres, à ce qui leur sera dit de sa part par François Chiericato, son Nonce. Il escriuit aussi lettres à quasi tous les Princes, de semblable teneur. Mais à l'Electeur de Saxe parti-
culierement il escriuit, *à l'Electeur de Saxe nommément.* Qu'il pesast & considerast bien, quelle tache ce seroit à sa posterité, que lui eult fauorisé vn phrenetique, qui troubloit tout le mō-
de par ses dannables, & folles inuentions: renuersant ce que dessus dessous la doctrine seellée par le sang des Martyrs, & confirmée par les veilles & labours des saints Docteurs, & par les armes de tant de tres-vaillans & genereux Princes: qu'il cheminast par la piste & chemin batu de ses Ancestres, ne se laissant point esblouir les yeux par la forcenerie d'vn chetif hommeau; pour aller apres les erreurs condamnés par tant de Conciles.

Le Nonce presenta en la Diete, non seulement le bref du Pape, mais aussi *Ce Nonce apres son rapport exhibe son instruction, tendant à mesme fin.* son instruction: en laquelle lui estoit commadé d'exhorrer les Princes à s'op-
poser à la peste de Luther, par sept raisons. Premierement, pour le deuoir au seruicé de Dieu, & pour la charité enuers le prochain. Secondement, pour euitier l'infamie de leur nation. Tiercement, pour leur honneur propre, pour ne point paroistre enfans forlignans de la vertu de leurs deuanciers & progeniteurs, qui entreuinrent en la condannation de Iean Hus, en la ville de Constance, & d'autres heretiques, dont eux-mesmes en auoyent conduit aucuns de leurs propres mains au bucher: & d'ailleurs, pour ne point faillir à leur propre parole & constance, ayant pour la pluspart approuué l'Edit Imperial donné contre Luther. En quatrieme lieu, pource qu'ils deuoyent estre touchés & esmus par le tort & outrage, fait par Luther contre leurs progeniteurs: publiant vne autre foi, que celle qu'iceux auoyent tenue: dont il inferoit par infaillible consequence, que tous estoient en Enfer. En cin-
quiesme lieu, pource qu'ils deuoyent apprehender le motif & l'intention secrete des Lutheriens, qui est d'eneruer & abbatre la puissance Seculiere, apres qu'ils auront ancanti l'Ecclesiastique: sous ce faux masque, & pretexte, qu'elle a esté vsurpée contre l'Euangile: quoi que cauteleusement ils facent semblant de sauuer la Seculiere, pour les tromper. En sixiesme lieu, pource qu'ils deuoyent comiderer les dissensions, & troubles, lesquelles ce-
te secte-là exite en Allemagne. Et pour le dernier, pource qu'ils deuoyent auiser, que Luther suit la piste de Mahumet, permettant aux hommes d'assouir les appetits & inclinations de la chair: ores qu'il le face avec plus d'apparence de modestie, pour les abuser plus subtilement & efficacieu-
ment. Que si quelcun allegue, Que Luther a esté condanné sans estre ouï, & sans auoir eu lieu de se defendre, & pourtant qu'auant toutes choses il

4. 2. 3.

mais pro-
munt réfor-
mation.

est raisonnable de l'ouïr, il ordonne à son Nonce de répondre, Qu'il est iuste de l'ouïr, en ce qui concerne le fait, sçavoir est, S'il a presché, & écrit, ou non: mais qu'il n'est nullement conuenable de l'ouïr sur les points de la foi, & la matiere des Sacremens: d'autant qu'il ne faut point reuoker en doute, ne remettre à deliberer les choses, lesquelles vne fois ont esté approuuées par les Conciles generaux, & par toute l'Eglise. Puis le Pape lui baille charge d'aduouër ingenuement, que ces troubles sont suruepus pour les peches des hommes, sur tout des Prestres, & des Prelats: confessant que des plusieurs années, maintes choses abominables ont esté perpetrées en ce St. Siege: maints abus commis es choses spirituelles, maints excès es commandemens: & qu'en fin tout auoit esté changé & alteré en pis: de sorte qu'on pouuoit dire avec verité, que la maladie estoit deriuée du Chef aux membres, & des souverains Pontifes aux Prelats inferieurs: de sorte qu'il n'y auoit nul qui fust bien, non pas vn seul. Et que lui, tant par sa propre inclination, que pour le deuoir de sa charge, estoit tout deliberé de s'employer de toute sa force & esprit, à la correction d'un si grand mal: & qu'il mettroit toute peine & diligence, à ce, qu'auant toutes choses, la Cour de Rome, dont, peut-estre, vn mal si extreme, & pernicieux, estoit tout procedé, fust reformée. Et de tant plus fera-il cela, qu'il voit que tout le monde passionnément le desire. Mais toutesfois qu'il ne faut point que aucun s'esbahisse, s'il ne voit si tost, comme il desireroit, l'amendement de tous les abus. Car le mal estant inueteré, & grandement multiplié, & compliqué, il failloit proceder pied à pied en la cure d'iceluy, & commencer par les choses les plus grieues & importantes, pour ne confondre & renuerfer tout, voulant entreprendre toutes choses à la fois.

et obser-
uation de
accords &
promesses.

Il l'enchargea aussi de leur promettre en son nom, Qu'il leur tiendrait de bonne foi, & constamment, les Concordats: & qu'il s'informerait des proces euoqués par la Rote, pour les remettre *ad partes*, selon droit & raison. Et enfin lui bailla commission de solliciter en son nom les Princes & Estats, à répondre à ses lettres, & l'informer des moyens par lesquels plus commodément on pourroit obuier aux Lutheriens.

et enfin fait
plainte con-
tre les Re-
ligieux de
vergés.

Outre le Bref du Pape, & son instruction, que ce Nonce exhiba, il representa aussi, Que quasi par toute l'Allemagne on voyoit les Religieux abandonner leurs Monasteres, & s'en retourner au siecle, & les Prestres se marier: au grand mespris & diffame de la Religion: & vne grande partie d'iceux commettre plusieurs autres excès & enormités: & pourtant estoit necessaire qu'on prist quelque bon expedient, pour separer ces mariages sacrileges, & punir les coupables, & remettre les Moines fuitifs, & Apostats, entre les mains & en la puissance de leurs Superieurs.

La Diete re-
spond,

La Diete fit réponse au Nonce par escrit, disant, D'auoir lu, avec le due respect & reuerence, le Bref du Pape, & l'instruction qui lui auoit esté communiquée sur l'affaire de la faction Lutheriene: qu'elle rendoit grace à Dieu de l'assomption de Sa Sainteté au Papat, lui souhaitant de par Dieu toute prosperite. Et apres auoir exposé ce qui escheoit sur la concorde des Princes Chrestiens, & la guerre contre le Turc, à la demande, Que la sentence publique contre Luther, & l'edit de Vvormes, fussent mis en execution, elle respondit, Qu'ils estoient tous prests à employer toutes leurs forces à extirper les erreurs: mais qu'ils auoient différé d'exécuter icelle sentence, & Edit, pour de très-grandes & pressantes raisons. Car la pluspart du peuple estoit persuadée par les liures de Luther, que la Cour de Rome auoit fait plusieurs griefs à la nation Allemande dont si on eust entrepris l'exécution de la sentence, tout le peuple auroit pris soupçon, que cela se fust pour soutenir & garantir des abus, & impietés: & y auroit eu danger d'exciter seditions & esmotions populaires, qui eussent pu se terminer en guerre civile. Et pourtant, qu'en semblables difficultés il failloit vser de remedes plus opportuns: sur tout, attendu que lui mesmes confessoit au nom du Pape, que ces maux prouenoient des peches des hommes, & promettoit la reformation

tion de la Cour de Rome : de laquelle si les abus n'estoyent amendés, & les griefs réparés, & quelques articles & chefs reformés, selon que les Princes bailleroient par escrit, il n'estoit possible de mettre paix entre les Ecclesiastiques, & les Seculiers, ne d'estouffer les presens troubles. Et, d'autant que l'Allemagne estoit condescendue au payement des Annates, à condition qu'elles fussent employée à la guerre contre les Turcs, & que dès tant d'années qu'elles auoyent esté payées, elles n'auoyent pourtant iamais esté conuerties à cet vsage, ils prioyent le Pape, qu'à l'auenir la Cour de Rome n'eust plus la charge de les exiger, mais qu'elles fussent laissées au fisc de l'Empire, pour les frais de cete guerre. Et à ce, que Sa Sainteté requeroit aduis des moyens pour remedier à tant d'inconueniens ; ils respondirent **Que**, veu qu'il falloit traiter, non de Luther seulement, mais tout ensemble d'extirper plusieurs erreurs, & vices enracinés par long vsage, & sostenus à diuers desseins, par malice des vns, & par ignorance des autres : ils ne iugeoient autre remede plus propre, puissant & opportun, que si Sa Sainteté, avec le consentement de Sa Maiesté Imperiale, conuoquoit au plustost vn Concile pieux, libre & Chrestien, & ce en quelque lieu conuenable en Allemagne, assauoir, ou à Strasboug, ou à Mayence, ou à Coulogne, ou mesmes à Mets, sans dilayer icelle conuocation plus haut d'un an : & qu'en ce Concile il fust permis à toutes personnes, tant Ecclesiastiques, que Seculiers, de proposer, parler, & donner son aduis a la gloire de Dieu, & au salut des ames, nonobstant serment & obligation quelconque. Et que cependant, tenans pour tout assuré que cela seroit receu & mis par Sa Sainteté en execution avec toute diligence & promptitude, ils ne vouloyent laisser de faire les meilleurs reglemens que faire se pourroit, par prouision, pour le temps present : & qu'ils feroient tout deuoir avec l'Electeur de Saxe, que les Lutheriens n'escriussent, ni ne fissent imprimer autre chose : & que les prescheurs par toute l'Allemagne tinssent sous silence les choses qui pouoyent esmouuoir tumultes populaires, & preschassent sincerement & purement le saint Euangile, selon la doctrine approuuée par l'Eglise : sans mouuoir disputes, ains reseruant toutes les Controuerses iusques à la determination du prochain Concile. **Que** les Euesques deputassent personnage pieux, & sauans, pour auoir surintendance sur les prescheurs, les adresser, & les corriger : en sorte toutesfois, qu'on ne pust prendre aucun soupçon, que ce fust pour empescher la verité Euangelique. Qu'à l'auenir on n'imprimast chose aucune nouuelle, qui n'eust au prealable esté veüe & aduouée par gens de probité & doctrine. Et que par ces moyens ils esperoyent d'obuier aux tumultes : & que les troubles seroyent apaisés, & la pluspart des hommes se remettroit en repos & tranquillité, si Sa Sainteté pouruoÿoit duement à reparer les griefs, & assignoit vn libre & Chrestien Concile. D'autant que les gens de bien attendroyent sans doute patiemment la determination d'un Concile, quand ils verroyent qu'icelui se tiendrait bien tost. Et quant aux Prestres qui se marient, & aux Religieux qui retournent au siecle, pource qu'és loix ciuiles il n'y a point de loi établie contr'eux, ils pensoient deuoir suffire qu'ils fussent punis par les Ordinaires, des peines Canoniques. Mais s'ils commettoient quelque crime, ou forfait, ce seroit aux Prince, ou Magistrat, au territoire duquel ils auroient failli, de leur donner le condigne chastiment.

Le Nonce ne fut point content de cete responce, & resolu d'y repliquer. *mais au gré* Et premierement, quant à la raison qu'ils allegoyent, d'auoir suris l'execution de la Sentence du Pape, & de l'Edit de l'Empereur contre Luther, *du Nonce,* pour euitier les troubles & scandales : il ne la pouoit prendre en payement : *qui repli-* **que.** pource qu'il ne falloit point tolerer le mal, afin que bien en auinst : & qu'ils deuoient faire plus d'estat du salu des ames, que du repos mōdain. Et adiousta, qu'il ne falloit point excuser les adherans de Luther, par les scandales, & griefs de la Cour de Rome. Car, quand bien iceux seroient veritables, il ne falloit pas pourtant se departir de l'vnité Catholique, ains plustost suppor-

1522.

ter tout mal trespâtiemment. Partant les prioit & requeroit, Qu'auant que la Diete se terminast, la Sentence, & l'Edit fussent executés. Que si l'Allemagne estoit en quelque point greuée par la Cour de Rome, le Saint Siege seroit tres-prompt à la soulager. Que s'il y auoit quelque estrifs entre les Ecclesiastiques, & les Princes Seculiers, le Pape les composeroit, & estoufferoit. Qand aux Annates, il n'en disoit rien pour l'heure: d'autant que le Pape, en temps opportun, en donneroit la response. Et quand à la requeste d'un Concile, il repartit, Qu'il esperoit que Sa Sainteté ne l'auroit pour desagreceable, pourueu que ils le demandassent en termes conuenables: & pourtant les prioit d'ôter de leur demande toutes les paroles qui pourroyent donner ombrage à Sa Sainteté: comme estoient celle-ci, Que le Concile fust indi& avec le consentement de Sa Maiesté Imperiale: & ces autres, Que le Concile se tint plus en vne ville qu'en vne autre. D'autant que si on ne les retrâchoit, il sembleroit qu'ils voulussent lier les mains à Sa Sainteté: chose qui ne produiroit aucun bon effet. Quand aux Prescheurs, il requit, Qu'on obseruast le decret du Pape, qu'à l'aduenir nul ne pust prescher, si sa doctrine auparauant n'estoit examinée par l'Euesque. Quant aux Imprimeurs: & publieurs de liures, la response ne lui agreoit aucunement: ains desiroit qu'ils executassent la Sentence du Pape, & de l'Empereur, qui portoit, Que les liures fussent bruslés, & que les publieurs d'iceux fussent punis au corps: instant, & remonstans qu'en ceci gisoit tout le fait. Et quant aux liures à imprimer, qu'on gardast le moderne Concile de Latran. Et quant aux Prestres mariés, la response ne lui auroit pas autrement desplu, si elle n'auoit vn aiguillon à la queuë, disant, Que s'ils conmettent quelque crime, ou forfait, ils seront punis par les Princes, ou Magistrats. D'autant que cela seroit contreuenir à la liberté Ecclesiastique, & mettre la faucille dans la moisson d'autrui, & la main sur ceux qui sont reserues à Christ. Car il ne falloit point que les Princes se persuadassent, que par l'Apostasie iceux fussent deuolus à leur iurisdiction, & pussent par consequent estre par eux punis des autres delits: d'autant qu'en eux demouroit le Caractere, & l'Ordre, à raison duquel il demouroient tousiours sous la puissance de l'Eglise: & les Princes, & Magistrats ne pouuoient faire autre chose de droit, que les deferer à leurs Euesques & Superieurs, afin que par eux ils fussent chasties. Concluant pour la fin, qu'il les requeroit qu'ils fissent sur les choses susdites deliberation plus meure, & lui en donnassent vne response meilleure, plus claire, saine, & mieux digerée.

des mescon-
uenement
de la Diete,
& sans
fruit:

La repliche du Nonce ne fut point bien & agreablement receuë par la Diete: & ces Princes disoyent communement, Que le Nonce auoit vne mesure du bien & du mal, rapportée aux seuls aduantages & commodités de la Cour de Rome, & non aux necessités d'Allemagne. Que la conseruation de l'vnié Catholique deuoit plustost esinouoir à faire le bien, aisé à executer, qu'à supporter le mal, tres-difficile à tolerer. Et toutesfois Monsieur le Nonce requeroit, que l'Allemagne tolerast trespâtiemment les oppressions que lui faisoit la Cour de Rome, & elle cependant refusoit de se laisser flechir tant soit peu au bien, ou plustost à se deporter du mal, sinon qu'en paroles & promesses. Qu'icelle se demonstroit trop chatouilleuse & sensible, de s'offencer de la demande tant necessaire, & modeste d'un Concile. Pour ces raisons, apres longue deliberation & debat, par commun aduis, fut resolu de ne donner autre response, mais d'attendre ce à quoi le Pape se delibereroit sur celle qu'on auoit ia donnée.

les Princes
dressent
l'Escrie des
cent Griefs,
qu'ils en-
uoyent au
Pape.

Apres cela, les Princes seculiers à part, dresserent vne longue plainte de ce qu'ils pretendoyent contre la Cour de Rome, & tout l'ordre Ecclesiastique, le reduisant à cent chefs, qu'ils appeloient pour cete cause, *Centum Griefs, grauamina*. Et d'autant que le Nonce, auquel il les confererent, partit auant qu'ils fussent couchés par escrit, eux mesmes les enuoyerent au Pape, avec protestation de ne plus vouloir ne pouuoir les endurer, & qu'à cause de la necessité, & de l'iniquité d'iceux, ils seroyent contraints d'en chercher

la reparation & soulagement de tout leur pouuoir, & par les plus communes voyes, qu'il pourroyent. 1523.

Ce seroit chose trop longue & ennuyeuse, d'en rapporter ici tout le contenu : mais en somme, ils se plaignoyent du payement exige pour les Dispences, & Absolutions : des deniers, qu'on tiroit pour les Indulgences : des causes & procès, qui estoient euoqués à Rome : des Reserues des Benefices, & d'autres abus de Commandes, & d'Annates : de l'Exemption des Ecclesiastiques des crimes & delits : des Excommunications, & Interdits iniustes : des Causes seculieres, tirées, sous diuerses couleurs, à la Cour Ecclesiastique : des grands frais qu'il conuenoit faire es Dedicaces des Eglises, & des Cemetieres : des Penitences pecuniaires : des despens qu'il falloit faire pour auoir les Sacremens, & la sepulture. Et reduisoient le tout à trois chefs & buts principaux : assauoir à afferuir les peuples, les despouiller d'argent & s'approprier la iurisdiction du Magistrat seculier.

Le sixiesme Mars fut fait le Reces, avec les articles, & mandemens compris en la Responce baillée au Nonce. Et peu apres, toutes ces pieces, tant le Bref du Pape, que l'Instruction du Nonce, les responces, & repliques, avec les Cent griefs, furent imprimées, & publiées par toute l'Allemagne : & de là passerent à d'autres lieux, & vinrent iusques à Rome, là ou cete naïfue confession du Pape, que la source de tout mal venoit de la Cour de Rome, & de l'ordre Ecclesiastic, ne fut nullement bien prise, & generalement offensa les Prelats : d'autant qu'il leur sembloit, qu'elle estoit trop ignominieuse pour eux, & qu'elle les rendroit encores plus odieux aux Se-
culiers, & contemtibles aux peuples : & feroit les Lutheriens plus audacieux & insolens. Sur tout les greuoit de voir vne porte ouuerte, par laquelle seroit introduite la tant abhorrée moderation & racourcissement de leurs commodités, ou conueincu leur incorrigible endurcissement. Ceux, qui plus excusoyent le Pape, imputoyent la faute à son peu de conoissance des moyens, & artifices, par lesquels se maintient la puissance Papale, & l'autorité de la Cour, qui ne sont fondées que sur la reputation. Ils hautlouoyent le iugement & grand sens de Leon, qui fut payer les mescontans d'Allemagne de ce trait, Que la mauuaise opinion qu'ils auoyent des mœurs & procedures de la Cour de Rome, ne prouenoit d'autre, que du peu d'experience & conoissance, qu'ils en auoyent. Et pourtant en la Bulle, qu'il publia contre Luther, il auoit dit, Que si icelui estant cité, fust allé à Rome, il n'auroit point trouué en la Cour les abus, qu'il se figuroit.

Mais en Allemagne les mal-affectionnés à la Cour de Rome interpretoient cete naïueté en sens fort sinistre : disans, Que c'estoit vn artifice fort coustumier aux Papes de confesser le mal, & en promettre le remede, sans aucune volonté de l'effectuer, seulement pour endormir les simples, & iouir du benefice du temps : & cependant, par le moyen des pratiques, & negotiations avec les Princes, se iustifier & garentir en telle façon, qu'ils pussent de plus fort assuiettir les peuples, & leur oster tout moyen de s'opposer à leurs volontés, & de parler de leurs vices & defauts. Et dece que le Pape disoit, Qu'il ne falloit point essayer de remedier à toutes choses à la fois, pour le danger euidant qu'il y auoit de causer plus grand mal, mais qu'il falloit proceder pied à pied à pied, mais en telle sorte qu'entre vn pied & l'autre il y eust l'interualle de tout vn siecle. Neant-moins, attendu la bonne & sainte vie d'Adrien, auant son Papat, tant des qu'il fut promu à la dignité d'Euesque, & puis de Cardinal, qu'au parauant : & la bonne & droite intention qui se descouuroit en toutes ses actions, les gens de bien prenoient le tout en tres-bon sens, & croyent pour vrai qu'il confessoit les fautes par candeur, & ingenuité, & qu'aussi il estoit disposé à y porter le remede encor plus tost qu'il ne promettoit. Et aussi l'euenement ne desmentit point ce iugement : car, la Cour de Rome n'estant point digne d'un tel Pontife, Dieu voulut qu'il decedast tost apres qu'il eut receu la relation
lequel de
ceda de la des-
sus, & de
la dernière
Diere ne
sort aucun
fruit de
paix & esta-
blissement.

1523.

de son Nonce, de Noremberg. Et finit ses iours le trezieſme de Septem-
bre.

Or en Allemagne, quand l'Arreſt du Reces de Noremberg eut eſté pu-
blié, avec les reiglemens & ordonnances ſur le fait des preſches, & impres-
ſions, la pluſpart n'en tint aucun conte: ains les intereſſés, tant les ſecta-
teurs de l'Egliſe Romaine, que les Lutheriens; les entendirent à leur fa-
ueur. Car, eſtant par iceux porté, qu'on tint ſous ſilence les choſes qui pou-
uoient eſmouuoir tumultes populaires, les Catholiques par là entendoient,
qu'on devoit taire les choſes introduites par Luther en la doctrine: & les
inuectives & cenſures contre les abus de l'ordre Eccleſiaſtic. Au contraire,
les Lutheriens diſoient, l'intention de la Diete auoit eſté, Que on duſt ſe-
taire de defendre & ſoutenir les abus, pour leſquels le peuple ſ'eſmouuoit
contre les preſcheurs, quand il leur entendoit proferer & propoſer publi-
quement autant les choſes mauuiſes, que les bonnes. Et quant à la cauſe de
l'Arreſt, qui commandoit de preſcher l'Euangile ſelon la doctrine des au-
teurs approuvés par l'Egliſe, les Catholiques entendoient que ce fuſt ſe-
lon la doctrine des Scholaſtiques, & des derniers apoſtilateurs & gloſeurs
de l'Eſcriture Sainte. Mais les Lutheriens diſoient, que cela ſ'entendoit
des ſaints Peres, Hilaire, Ambroïſe, Auguſtin, Ierome, & autres ſembla-
bles: inferans encor qu'il leurs eſtoit loiſible, en vertu de l'Arreſt du Reces,
de continuer à enſeigner leur doctrine iuſqu'au Concile: comme à l'oppo-
ſite les Catholiques pretendoient que l'intention de la Diete auoit eſté,
qu'on duſt continuer en la Doctrine de l'Egliſe Romaine. Et partant il ſem-
bloit que l'Arreſt, en lieu d'eſteindre le feu des differens, l'enflammat d'a-
uantage: & demouroit touſiours au cœur des gens de bien l'ardent deſir
d'un Concile libre, auquel il ſembloit que les deux parties ſe remiſſent, en
eſperance que par icelui duſt arriuer la deliuanee de tant de maux.

Clement 7.

eſleu Pape.

prend vne

autre voye

qu'Adrien

Après la mort d'Adrien, fut creé Pape, Iules de Medicis, couſin du Pape
Leon. & fut nomme Clement ſeptieſme. Icelui ſoudainement appliqua ſon
eſprit aux affaires d'Allemagne: &, comme il eſtoit perſonnage fort ver-
ſeen la conoiſſance des affaires, il voyoit clairement, que le Pape Adrien,
tout à contrepoil du ſtyle touſiours pratiqué par les ſages Pontifes, auoit e-
ſté trop facile, tant à confeſſer les deffauts de la Cour, qu'à en promettre la
reformation: & trop abiect à auoir demandé conſeil à l'Allemagne, tou-
chant les moyens de pouruoir aux contentions de ce païs-là: d'autant que
par cete recherche, il ſ'eſtoit attiré la demande d'un Concile, qui eſtoit de
grande importance, ſur tout avec l'attache de la condition, qu'il ſe tint
en Allemagne: & auoit trop releué le courage, & le menton aux Princes,
dont ils auoient bien pris la hardieſſe, non ſeulement d'enuoyer à lui,
mais meſmes de faire imprimer & publier les Cent griefs, eſcrits ignomini-
eux à tout l'ordre Eccleſiaſtic d'Allemagne, & encor plus à la Cour de Ro-
me. Mais tout bien peſé, il delibera qu'il falloit de neceſſité donner quel-
que contentement à l'Allemagne: avec telle reſerue toutesſois, que ſon
autorité ne couruſt aucun riſque, & que les aduantages & profits de la
Cour de Rome, n'en fuſſent point amoindris. Il conſidera qu'ès Cent griefs
quoi qu'aucuns regardaſſent la Cour de Rome, la pluſpart neantmoins tou-
choit les Eueſques, Officiaux, Curés, & autres Preſtres d'Allemagne. Dont
il conceut eſperance, que ſi ceux-là eſtoient reformés, les Allemans ſe
laiſſeroient aiſément fermer la bouche en ceux qui concernoient Rome:
& qu'avec cete reformation il romproit & eſquiueroit le coup de la tenue
du Concile. Pourtant il iugea à propos de deſpeſcher promptement vn Le-
gat doué de prudence, & d'autorité, à la Diete, qui ſe devoit tenir de là
en trois mois à Noremberg: avec inſtructions & memoires de ſuiure les
voyes deſuſdites: & ſur toutes choſes, de diſſimuler d'auoir notice des pro-
poſitions & ouuertes faites par Adrien, & des reſponſes qui lui auoient
eſté rendues: pour n'en receuoir aucun preiudice en la negotiation: ains
pouuoir proceder & agir comme en choſe qui fuſt encores toute en ſon

entier.

Ce Legat fut Laurens Campeggio, Cardinal du titre de Sainte Anastasie. le quel estant arriué à la Diete, apres auoir traité plusieurs choses avec quelques particuliers, pour acheminer sa negotiation, parla aussi en public, & dit, Qu'il receuoit vn grand esbahissement, que tant de Princes, & si prudents, pussent souffrir, que fust esteinte & abolie la Religion, & les ceremonies, esquelles ils estoient nés & nourris, & leurs peres & ancestres estoient morts: sans prendre garde, que cete nouueauté butoit à la rebellion des peuples contre leurs Magistrats. Que le Pape, sans auoir esgard à aucun sien interest, mais par pure compassion paternelle enuers l'Allemagne, encouruë en grieues maladies spirituelles & temporelles; & sur le panchant de plus grands maux, l'auoit enuoyé pour auiser à la cure du mal. Que l'intention de Sa Sainteté n'estoit point de leur prescrire & ordonner chose quelconque: ne de permettre aussi qu'elle lui fust prescrite: mais bien de consulter coniointement des opportuns & conuenables remèdes: concludant pour la fin, que si la diligence de Sa Sainteté estoit par eux refusée, il ne seroit pas raisonnable de reietter puis apres aucune partie de la faute sur elle.

Il eut pour response des Princes (car l'Empereur estoit absent en Espagne, comme il a esté touché ci-dessus) Qu'ils remercioient le Pape de sa bonne volonté: qu'ils reconoissoient bien le danger pendant sur leurs testes, pour le changement de la doctrine en la Religion: & que pourtant, en la Diete de l'année precedente, ils auoient démontré au Nonce du Pape Adrien le moyen & la voye de composer les differents: & lui auoient aussi baillé par escrit tout ce qu'ils desiroient & requeroient de Rome: & qu'ils croyoient que cet escrit eust esté reçu par Adrien, veu que le Nonce leur auoit promis de le lui cōsigner en mains propres: & de mesme, ils croyoient qu'à tous estoient notoyres les griets que l'Allemagne receuoit de l'ordre Ecclesiastic, attendu qu'ils estoient publiés & imprimés: & que iusques alors ils auoient esté en attente, comme ils l'estoient encores, que leurs iustes souhaits fussent exaucés. Et pourtant, que si presentement il auoit quelque commission ou instruction du Pape, ils le prioient de l'exposer, afin qu'auec lui ils pussent prendre bon conseil à tout.

A cela respondit le Cardinal, suiuant sa Commission; Qu'il ne sauoit point, qu'au Pape, ni aux Cardinaux, eust esté portée ou présentée aucune information, ou memoires, des moyens de composer les differents de la Religion. Bien les asseuroit-il de la tres-bonne volonté du Pape, duquel il auoit plein pouuoir de faire tout ce qui pourroit seruir à tel effet: mais quel ouuerture des moyens en appartenoit à eux qui auoient connoissance de la condition des personnes, & des façons de faire du pais. Qu'il estoit bien informé, que l'Empereur, en la Diete de Vvormes, auoit, de leur aduis, & consentement, publié vn Edit contre les Lutheriens, auquel aucuns auoient obeï, autres non: de laquelle diuersité il ne sauoit pas la cause; mais bien estoit d'auis, qu'auant toute autre chose, on delibérast du moyen de le mettre en effet & execution. Et combien qu'il n'eust point encores entendu ne sceu, que les Cent griefs eussent esté publiés, pour les presenter au Pape, il sauoit bien neantmoins que trois exemplaires en auoient esté portés à Rome à quelques particuliers: & qui lui mesme en auoit veu vn, & qu'aussi ils auoient esté veus du Pape, & des Cardinaux, qui ne se pouoyent persuader qu'ils eussent esté compilés, & dresés, par commandement des Princes: mais estimoyent qu'ils eussent esté mis en lumiere par quelque malvueillant, en haine de la Cour de Rome. Et quoi qu'il n'eust point de charge ne commission expresse du Pape sur se fait, il les prioit toutes-fois de croire, qu'il auoit tout pouuoir d'en traiter, selon qu'il escherroit. Bien leur vouloit-il dire, Qu'entre leurs demandes il y en auoit plusieurs, qui desrogeoient à la puissance du Pape, & s'entoyent l'heresie: que de celles-là il ne pouoit entrer en traité, mais

1523.

de disses-
che le Car-
dinal Cam-
peggio à une
autre Diete
te à Noré-
berg, pour
pouuoir
aux trou-
bles.

qui a pour
response,
que la Diete
te persiste
es conclu-
sions de la
precedente.

à quoy le
Cardinal
gauchit;
par dissi-
mulation,
& belles
promesses.

1523.

bien s'offroit de venir en conoissance & pourparler de celles, qui n'estoient point contraires au Pape, & auoyent fondement en l'equité: que si après il demouroit encores quelque chose à negocier avec le Pape, ils la pourroient proposer, mais en termes plus moderés. Qu'il ne pouuoit se tenir de blasmer, que ces Griefs eussent esté imprimés, & publiés, ce qui passoit toutes les bornes de raison: mais toutesfois, que nonobstant tout cela il estoit tres-certain, que pour l'amour de l'Allemagne, le Pape feroit tout, comme estant Pasteur vniuersel. Que si la voix du Pasteur n'estoit ouïe, le Pape, & lui, ne pourroient faire autre chose, que prendre le tout en patience, & le remettre à Dieu.

baïen es

par la Diete, qui fait conseruer avec luy, mais inutilement,

La Diete ne peut croire que le Cardinal, & le Pape, n'eussent conoissance des choses traitées avec Adrien: & iugea qu'il y auoit es responses du Legat de l'artifice, & de la dissimulation: neantmoins, desirant qu'on prist finalement quelque bonne deliberation pour la paix & repos de l'Allemagne, deputa quelque Princes pour traiter avec le Cardinal: mais ils ne purent obtenir de lui autre chose, sinon qu'il feroit vne bonne reformation pour le Clergé de l'Allemagne: mais pour les abus de la Cour de Rome, il ne fut iamais possible de le faire condescendre à chose quelconque: car, quand on en auançoit le propos, ou bien il disoit, que c'estoit heresie de les reprendre: ou, qu'il s'en remettoit au Pape, & que c'estoit avec lui qu'il en faillloit traiter.

saï fen vne legere reformation faite par le Cardinal, & reiettee par la Diete,

Le Cardinal fit la reformation de l'Allemagne, laquelle ne touchant que le menu Clergé, il fut iugé, que non seulement elle fomenteroit le mal, comme font coustumierement les remedes legers & palliatifs, mais qu'elle seruiroit à roidir & esleuer la domination de la Cour de Rome, & des plus grands Prelats, au preiudice des puissances seculieres: & qu'elle feroit ouuerture à plus grande extorsion de deniers: & pourtant ne fut point receuë: n'estant estimée qu'une pure mommerie, pour eluder l'attente de l'Allemagne, & pour la reduire sous plus grande seruitude & tyrannie: quoi que le Legat fist de tres-curieux & puissans deuoirs pour la faire accepter. Partant lui aussi ne voulut consentir à aucune des propositions qui lui furent faites par les Deputés de la Diete. Laquelle, voyant qu'elle ne pouuoit conclurre chose aucune avec lui, publia le Recés, le dixhuitieme Aueil, avec Arrest, Que par le Pape, avec le consentement de l'Empereur, seroit au plustost indiét & intimé vn Concile libre en Allemagne, en lieu propre & conuenable: & que les Estats de l'Empire s'assembleroyent à Spire, l'onzieme Nouembre, pour arrester entr'eux comment on se deuoit conduire attendant la tenue du Concile. Que chaque Prince, en ses estats, assembleroit personages de pieté, & de sauoir, pour recueillir les choses qu'il falloit disputer au Concile. Que les Magistrats auroient le soin de faire que l'Euangile fust presché, selon la doctrine des Autheurs, approuués par l'Eglise: & que tous liures, & pourtraits diffamatoires & contumelieux contre la Cour de Rome, seroyent interdits, & defendus.

le Legat reclamant,

Le Legat respondit à tous les chefs de l'Arrest, monstrant, Que ce n'estoit point de la charge des Seculiers, de deliberer chose aucune touchant la foi & doctrine, ou predication d'icellé: promit seulement, quant au fait du Concile, qu'il en feroit son rapport au Pape.

lequel à part fait autoriser la reformation par quelques Princes,

Au depart des Princes de la Diete, le Legat moyenna avec ceux qui plus adheroyent à Rome, qu'ils s'assemblassent, pour faire publier la reformation, qui n'auoit esté receuë en la Diete. Et à Regensbourg se trouuerent avec lui, Ferdinand, frere de l'Empereur; le Cardinal, Archeuesque de Saltsbourg, deux Ducs de Bauiere, les Euesques de Trente & de Regensbourg, & les Agens de neuf Euesques: & là premierement firent cet Arrest, en date du sixiesme Iuillet, Que, ayant esté ordonné en l'Assemblée de Norremberg, que l'Edit de Vormes contre Luther seroit executé entant que faire se pourroit: eux, pour ces causes, à l'instance du Cardinal Campege, Legat, commandoyent, Qu'icelui fust obserué en tous leurs Estats,

& seigneuries : que les innouateurs fussent punis, à forme de l'Edit: qu'on ne changeast ni innouast chose aucune en la celebration de la Messe, & des Sacremens: que les Religieux & Religieuses apostats, & les Prestres qui se marieroient, & ceux qui receuroient, l'Eucharistie sans se confesser, ou qui mangeroient viande deffendues, fussent chasties: & que tous leurs sujets, qui estoient en l'Academie de Vvitemberg, s'en dussent retirer dans le terme de trois mois, retournant en leurs maisons ou se transportant ailleurs. Le iour ensuiuant, qui fut le septiesme, le Cardinal publia ses Constitutions touchant la reformation, lesquelles furent approuuées & ratifiées par tous les Princes susnommés, & fut commandé, Que par tous leurs Estats & Seigneuries, elles fussent publiées, receuës, & obseruées.

En la preface d'icelles Constitutions, le Cardinal disoit, Que puis qu'il importoit grandement, pour l'extirpation de l'heresie Lutheriene, de reformer la vie & les mœurs du Clergé: lui, par l'aduis des Princes, & des Prelats assemblés avec lui, auoit statué & ordonné ces decrets, commandant qu'ils fussent receus en toute l'Allemagne, par les Archeuesques, Euesques, & autres Prelats, & Prestres, & Reguliers: & publiés en toutes les villes & Eglises. Iceux contenoient trente sept articles, des vestemens, & de la conuersation du Clergé: d'administrer les Sacremens, & autres fonctions Ecclesiastiques, gratuitement: des banquets: des bastimens, & fabriques d'Eglise: de ceux qui deuoyent estre promus aux saints Ordres: de la celebration des Festes: des iusnes: contre les Prestres qui se marioient: contre ceux qui comunioient sans se confesser: contre les blasphemateurs, sortileges, deuins, & autres telles choses. En fin estoit enioint & commandé que chaque année fussent tenus & celebrés les Conciles Diocesains, pour l'observation de ces statuts: donnant aux Euesques permission & pouuoir d'implorer le bras Seculier contre les transgresseurs, & contrecuenans.

Après que l'Edit de reformation eut esté publié, les Princes & Euesques, qui en la Diete n'auoyent point consenti à la requeste du Cardinal, se tinrent offensés, tant de lui, que de tous ceux qui s'estoyent assemblés avec lui à Regensbourg: tenans à iniure du Legat, qu'avec l'interuention de quelque petit nombre seulement il eust voulu faire vn reiglement & establissement general pour toute l'Allemagne; & sur tout après lui auoir esté démontré, qu'il n'en pouuoit arriuer aucun bien. Ils repouterent aussi auoir receu vn tort de ce peu de Princes, & Euesques, de s'estre attribués & ingerés, d'obliger toute l'Allemagne, contre l'aduis des autres. Et de plus, on obiectoît à cete reformation, premierement, Que, laissant à quartier les choses les plus importantes, comme si en icelles il n'y auoit aucun desordre, on pouruoyoit aux choses friuoles & legeres: car l'Allemagne ne souffroit, pas de grands maux des abus du menu Clergé, mais bien grieux des vsurpations & empietemens des Euesques & Prelats, & tres-grieux & importables de ceux de la Cour de Rome. Et nonobstant cela, comme si ceux-là eussent esté mieux reiglés & disciplinés qu'en la primitiue Eglise, on n'en faisoit aucune mention. Et puis encores, en ce qui concernoit le menu Clergé, on ne touchoit point les abus principaux, mais seulement les plus legers: ce qui n'estoit en effet autre chose, qu'approuuer les autres: & de plus, ceux qui estoient censurés, n'estoyent que notés sans y appliquer la medecine forte, & necessaire pour guerir le mal.

Mais le Legat, & les Princes susmentionnés, qui s'estoyent assemblés avec lui, se soucioient bien peu de ce qui estoit dit par l'Allemagne & encor moins de ce qui pouuoit s'ensuiure de la publication de l'Edit: car leur but n'estoit autre que de contenter le Pape: & celui du Pape, que de montrer d'auoir pourueu à tout, dont il n'estoit ia besoin de Concile. Car Clement, fort versé au maniement des affaires d'estat, mesme du viuant d'Adrien, auoit tousiours soustenu, qu'ès occurences de ces temps, le conseil de se seruir du moyen des Conciles estoit pernicieux: & dsoit ordinairement, que les Conciles estoient vtiles toutes les fois qu'on traiteroit tou-

*done les
autres mur-
murent,*

*moi le Le-
gat les mes-
prise, sen-
dant seule-
ment à de-
cliner le
Concile.*

1525.

te autre chose, que de l'autorité du Pape: mais, quand icelle venoit en debat, qu'il n'y auoit rien de plus pernicieux. Car comme es temps passés les armes des Papes estoient de recourir aux Conciles, ainsi au temps present la seureté du Papat consiste à les euter & fuir: de tant plus, que Leon ayant ia condanné la doctrine de Luther, on ne pouuoit plus remettre sus cete mesme matiere en vn Concile, pour en deliberer, & l'examiner, sans mettre en compromis l'autorité du Saint Siege.

L'Empereur Charles 1^{er} de la Diete, L'Empereur, ayant reçu l'Arrest de Noremberg, s'esmut grandement, de ce qu'à son desçu on eust traité, & donné responce tant precise à vn Prince estranger, en chose de si grand poids: iugeant que la reputation de Sa Maiesté Imperiale y estoit grandement interessée. Aussi peu lui agreea la rigueur de l'Arrest, preuoyant bien que le Pape le prendroit à desplaisir, là ou il desiroit s'entretenir en ses bonnes graces, à cause de la guerre, que ses Capitaines faisoient alors contre les Francois. Et pourtant il rescriuit en Allemagne aux Princes, se plaignant de ce qu'apres que lui Empereur auoit condanné tous les liures de Luther, la Diete s'estoit restreinte seulement aux diffamatoires & contumelieux. Mais encores plus grieuement les censuroit-il. qu'ils eussent fait vn Arrest de tenir le Concile en Allemagne, & eussent recherché le Legat d'en traiter en leur nom avec le Pape: comme si cela n'appartenoit pas beaucoup plus au Pape, & à lui, qu'à eux. Que s'ils croyoient que la conuocation d'un Concile fust tant vtile à l'Allemagne, ils deuoyent recourir à lui, qui l'obtiendrait du Pape. Nonobstant tout cela, lui aussi, reconnoissant que le Concile seroit vtile pour l'Allemagne, estoit resolu qu'il se tint: en lieu & temps toutes-fois, auquel ils s'y pûst trouuer en personne. Mais, quant à ce qu'ils auoyent assigné vne autre iournée à Spire, pour y reigler les affaires de la Religion iusqu'au Concile, il dit, Qu'il ne le vouloit nullement permettre: ains leur commandoit, Qu'ils se disposassent à obeir à l'Edit de Vvormes, & ne traitassent d'aucun affaire de Religion, iusques à ce que de l'autorité du Pape, & siene, fust convoqué vn Concile. Ces lettres Imperiales, de plus haut & imperieux style, que l'Allemagne n'auoit accoustumé de receuoir des deuanciers de Charles, esmurent des humeurs assez dangereuses es esprits de plusieurs Princes, lesquelles bouillonnant eussent pu réussir à quelque fascheuse issue.

Les affaires estant trou- blees, le propos du Concile est susmis pour vn an, Mais ce mouuement & flot fut bien tost appaisé, & toute l'année suiuant mil cinq cens vintcinq, demeura sans aucune negotiation en cete matiere. Car en Allemagne s'esleua la rebellion des Paisans contre les Princes & Magistrats, & la guerre des Anabaptistes: ce qui tint chacun en alarme: & en Italie auint au commencement de l'année la bataille de Pauie, & la prise de François, Roi de France: laquelle enfla tellement le courage de l'Empereur, qu'il lui sembloit d'auoir tout le monde à son arbitrage: mais il fust bien tost empesché & occupé d'affaires, à cause des ligués de plusieurs Princes, qui se traiterent contre lui; & de la negotiation de la deliurance du Roi. Le Pape aussi, voyant l'Italie demeurée sans defence, à la discretion des Ministres Imperiaux, pensoit à soi mesme, & aux moyens de s'allier avec autres, qui le pûssent defendre contre l'Empereur, duquel il s'estoit distrait, le voyant deuenu si puissant, que le Papat demeureroit absolument à sa disposition.

Fuis remis sus en la Diete de Spire: En l'année mil cinq cens vintsix, on retourna aux mesmes traités en Allemagne; & en Italie. En Allemagne, tous les Estats de l'Empire estans assemblés en Diete en la ville de Spire, sur la fin de Iuin, par ordre expres de l'Empereur, fut mis en deliberation, comment on pourroit conseruer la Religion Chrestienne, & les anciens vs, coustumes, & ceremonies de l'Eglise, & chastier les violateurs. Mais les aduis estans si diuers, qu'il n'estoit possible de venir à aucune conclusion, les Representans & Deputés de l'Empereur firent lire les lettres Imperiales: esquelles Charles disoit, Qu'il auoit deliberé de passer en Italie, & à Rome, pour prendre la cou-
ronne,

ronne, & pour traiter avec le Pape, pour la tenue du Concile: pourtant, commandoit qu'en la Diete on n'ordonnast chose aucune contre les loix, ceremonies, & vsages anciens de l'Eglise, mais qu'on obseruast la forme de l'Edit de Vvormes, & qu'on portast patiemment ce peu d'attente, iusques à ce qu'avec le Pape il eust moyenné la tenue du Concile, ce qui seroit en bref. D'autant, que de traiter les affaires de la Religion en Diete, il en naissoit plustost du mal que du bien.

Les villes, pour la plus grand part respondirent, Que leur desir estoit de gratifier, & obeir à l'Empereur: mais qu'elles ne voyoyent point le moyen de mettre en effet ce qu'il commandoit par ses lettres: d'autant que les differens estoient multipliés, & croissoient iournellement: sur tout au fait des ceremonies & obseruances: & que si par le passé on n'auoit pu obseruer l'Edit de Vvormes, de peur des seditions; les difficultés estoient au iourd'hui beaucoup plus grandes, comme on l'auoit fait voir au Legat du Pape. Tellement que si l'Empereur mesmes se trouuoit present, & estoit bien informé de l'estat des affaires, il n'en feroit point autre iugement. Et quant aux promesses de Sa Maiesté touchant la tenue du Concile, chacun disoit, Qu'au temps qu'il auoit escrit les lettres, il eust pu l'effectuer, d'autant que lors il estoit de bon accord avec le Pape: mais que depuis, estant arriué des brouilleries & mesintelligences entr'eux, iusques là, que le Pape auoit armé contre lui; on ne pouoit voir, comment en cet estat d'affaires il estoit possible d'assembler vn Concile. Pour ces causes aucuns mettoient en auant, que, pour remedier aux dangers éminens, il seroit bon de rechercher l'Empereur d'accorder vn Concile national en Allemagne. Que si aussi cela ne lui agreoit point, du moins il fust content de differer l'exécution de l'Edit de Vvormes iusqu'au Concile general, pour obuier au danger des troubles & seditions. Mais les Euesques, qui ne visoyent à autre but, qu'à la conseruation de leurs autorités, & preeminences, disoyent, Qu'il ne falloit point venir à aucun traité en fait de Religion, pendant les discordes entre l'Empereur & le Pape: mais que le tout fust differé à temps plus opportun.

Les aduis estoient si fort differens, & il s'esmut vne si grande dissension entre les Ecclesiastiques, & les affectionnés à la doctrine Lutheriene, que les choses furent en euident danger d'esclater en guerre ciuile: & ia plusieurs Princes se preparoyent au départ & retraite. Mais Ferdinand, & les autres Deputés de l'Empereur, voyans clairement le grand mal qui naissoit, si la Diete se departoit en si grande rupture, & desunion de courages, & si les Princes se separoyent sans aucun Arrest, (car chacun trauiilleroit selon ses propres desseins & interets, avec danger de diuiser irreconciliablement l'Allemagne) s'employèrent à appaiser les courages des principaux, tant de l'un que de l'autre parti: & finalement fut prise resolution de former vn Arrest: lequel, quoi que reellement il ne conclust pas selon l'intention de l'Empereur, monitroit neantmoins apparence de concorde entre les Estats, & obeissance enuers l'Empereur. Le contenu d'icelui estoit; Qu'estant necessaire, pour donner bon ordre & forme aux affaires de la Religion, & pour la manutention de la liberté, de celebrer vn Concile legitime en Allemagne, ou bien vn general de toute la Chrestienté, lequel soit ouuert & commencé dans vn an prochainement venant, il falloit enuoyer Ambassadeurs à l'Empereur, pour le prier de ietter les yeux sur le miserable & turbulent estat de l'Empire, & au plus tost retourner en Allemagne pour procurer icelui Concile. Que iusqu'à tant qu'on püst obtenir ou l'un ou l'autre des Conciles necessaires, tous Princes, & Estats, se gouverneroyent en leurs terres, & lieux de leur iurisdiction au fait de la Religion, & de l'Edit de Vvormes, en maniere qu'ils pussent rendre bon conte de leurs actions à la Maiesté diuine, & à l'Empereur.

Mais en Italie, Clement, qui auoit passé toute l'année précédente en

1526.
jalousie co-
tre Char-
les,

s'allie avec
le Roi Fr-
çois & au-
tres ligués
cōtre l'Em-
pereur.

auquel il
escriit vne
longue in-
uectiue.

suivie d'une
autre
lettre plus
modérée.

perpetuelles perplexités & frayeurs, se figurant l'Empereur Charles ores armé à Rome, pour occuper l'Estat de l'Eglise, & reconquerir la possession de l'Empire Romain; ampieté & enuahi par les artifices des Papes, ses predecesseurs: ores, presidant en vn Concile, pour reigler & moderer l'autorité Papale en l'Eglise: sans quoi il voyoit bien qu'il lui estoit impossible d'esbrecher la temporelle: mais sur tout, ayant conceu vn tres-sinistre presage, de ce que tous ses Ministres, & Agens qu'il auoit enuoyés en France, pour traiter avec la Regente, mere du Roi, & avec le Conseil d'Estat, estoient tous morts & peris par chemin: finalement sur la fin de Mars de cete année, eut quelque respit, entendant que le Roi auoit esté deliuré, & estoit retourné en France. Là dessus il enuoya en toute diligence se conioiur avec lui, & conclure alliance contre l'Empereur: laquelle estant arrestée à Cognac, le vintdeuxiesme Mai, entre le Pape, le Roi, & les Princes d'Italie, sous le nom de Tressainte ligue: & le Pape ayant absous le Roi du serment fait en Espagne pour l'observation des accords passés, il lui sembla d'estre en pleine liberté, & d'estre releué de la peur, qui estoit la passion qui plus le dominoit. Et estant grandement irrité de ce que non seulement en Espagne, & à Naples, se publioient iournellement ordonnances au grand preiudice de la Cour de Rome: mais aussi, ce qui le greuoit le plus, qu'en ces mesmes iours là, vn Notaire Espagnol auoit bien eu la hardiesse de comparoir publiquement en Rote, & au nom de l'Empereur faire commandement à deux Napolitains, de se deporter de plaider en icelle Cour: il se resolut de descourir sapensée, pour donner courage aux Confederés. Et escriuit à Charles, sous la date du vinttroisiesme Iuin, vn bref assez long, en forme de plaintif & d'inectiue: auquel ramenant ses bienfaits enuers lui, & les grands partis & offres qu'il auoit refusés d'autres Princes pour se tenir à son amitié, voyant d'estre mal recompensé, & que l'Empereur ne lui correspondoit point ni en bienveillance, ni en obseruation des promesses: ains tout au contraire, lui donnoit grand suiet de soupçons, & lui faisoit mille offenses, allumant nouvelles guerres en Italie, & ailleurs, lesquelles toutes il specifioit, imputant à l'Empereur la cause de tous les maux, & montrant qu'en tout cela la dignité Papale estoit violée: & puis passant à vn autre genre d'offences, ayant publié en Espagne loix; & à Naples, pragmatiques sanctions, contre la liberté de l'Eglise, & la dignité du Saint Siege: en fin conclut, non, selon la coustume des Papes, par menaces de peines spirituelles, mais par protestation, Ques'il ne se veut ranger aux termes de la raison, & iustice, se deportant d'enuahir l'Italie, & de troubler les autres parties de la Chrestienté: il ne defaudra point de sa part à la iustice, & à la liberté de l'Italie, en laquelle gist la garde du Saint Siege, ains mouura contre lui ses armes iustes & saintes, non pour l'offenser, mais pour deffendre & garentir le bien & salut commun, & sa propre dignité.

Après que cete despesche eut esté expediee en Espagne, le iour ensuiuant il escriuit & despescha à l'Empereur vn deuxiesme Bref, sans faire mention du premier. Et en cetui-ci il disoit en substance, Qu'il auoit esté obligé, pour maintenir la liberté de l'Italie, & preuenir les dangers du Saint Siege, de venir aux deliberations, qui ne se pouuoient omettre, sans defaillir au deuoir de bon Pape, & de iuste Prince: ausquelles si Sa Maiesté vouloit porter le remede, qui lui estoit aisé, vtile, & glorieux, la Chrestienté seroit deliurée de grands dangers: ainsi que son Nonce, residant aupres de lui, lui exposeroit plus au long. Qu'il le prioit par la misericorde de Dieu, de l'escouter, & pouruoir au salut & bien public, & contenir les effrenées & violentes cupidités des siens dans les bornes du droit & de la iustice: afin que les autres pussent estre en seurté de leurs biens, & de leurs propres vies. Sous ces dernieres paroles le Pape comprenoit principalement les Colonois, Pompée Cardinal, Vespasien, & Ascané, & autres de la mesme famille, partisans de l'Empereur, & fo-

mentés & secourus par le Viceroy de Naples: desquels il receuoit tous les iours infinies trauerſes & oppositions à ſes deſſeins. Et, ce qui faiſoit plus forte impreſſion en ſon eſprit, il redouloit encores qu'ils ne lui querellaſſent le Papat. Car le ſuſdit Cardinal, Pompée Colonne, homme hardi, & ſuperbe, ne ſe retenoit nullement de dire tout haut de lui, Qu'il eſtoit monté au Papat par voyes indues: & haut loüant les exploits de la maiſon des Colonnes contre autres Papes intrus, comme il diſoit, il adiouſtoit que c'eſtoit choſe fatale à ceux de leur famille d'eſtre haïs par les Pontifes tyrans: mais auſſi de les reprimer & abbatre par leur vertu: & menaçoit d'un Concile, faiſant grande inſtance avec les miniſtres & lieutenans Imperiaux, qu'ils diſpoſaſſent l'Empereur à le conuoquer. Parquoi le Pape, non ſeulement irrité, mais encores voulant preuenir, publiâ vn rigoureux Monitoire contre ce Cardinal, l'adiournant à Rome ſous tres-grieues peines & cenſures & taxant en icelui directement le Viceroy de Naples, & obliquement l'Empereur. Mais, d'autant que la priſe des armes ne proſperoit point en Lombardie, & que l'armée de France tardoit à venir, & qu'en meſme temps eſtoit arriuée la deſſaite de l'armée Chreſtienne en Hongrie, avec la mort du Roi Louïs, & que tous les iours plus ſe multiplioit le nombre des ſedateurs de la Doctrine de Luther, & que tous requeroient inſtamment vn Concile, qui moyennâſt la paix vniuerſelle entre les Chreſtiens, & miſt fin à tant de confuſions: Pour ces cauſes, le Pape appointa l'affaire des Collois, & annulla le Monitoire publié contre le Cardinal, puis aſſembla le Conſiſtoire, le treizième Septembre, auquel il expoſa piteuſement les miſeres de la Chreſtienté, deplorant la mort du Roi de Hongrie, & rapportant tous ces malheurs au courroux de Dieu, eſmu par les pechés des hommes, & confeſſant que tous auoyent leur ſource de la deprauiation de l'ordre Eccleſiaſtic: & remonſtra que, pour l'appaiſer, il eſtoit neceſſaire de commencer par la maiſon de Dieu, (ainſi parla-il) & qu'à cela il vouloit donner bon exemple en ſa propre perſonne: il excuſa & iuſtifiâ la priſe des armes, & les procès contre les Collois, exhorta les Cardinaux à amendement de vie, & dit, Qu'il eſtoit de volonté de ſe transporter en perſonne vers tous les Princes Chreſtiens, pour traiter vne paix vniuerſelle, eſtant reſolu de quitter pluſtoſt la vie, que d'abandonner cete entrepriſe, tant qu'il l'eût conduite à chef: & ayant ferme eſperance en la grace & ſecours de Dieu, d'en voir la conſeſſion: & que l'ayant obtenue, il eſtoit reſolu de celebrer le Concile vniuerſel, pour eſteindre par meſme moyen la diuiſion en l'Egliſe, & eſtoufer les heresies. Il exhorta tous les Cardinaux à aduiſer, & lui repreſenter tous les moyens, qu'ils eſtimeroyent pouuoir ſeruir à ces deux intentions, d'eſtablir la paix, & de ſraciner l'heresie.

Cete harangue du Pape fut publiée à Rome, & meſmes par toute l'Italie, & copies en furent faites & enuoyées ès mains de pluſieurs: mais, quoi que les ſiens la ſecondâſſent bien fort par leurs louanges, elle ne trouua pourtant gueres de creance de ſincerité enuers la pluſpart.

Mais quand en Eſpagne les deux lettres du Pape eurent eſté par le Nonce Apoſtolique preſentées à l'Empereur, l'une après l'autre d'un iour: le Conſeil de ce Prince en entra en de grands penſemens. Aucuns croyoyent que Clement, repentant de l'aigreur de la première, euſt eſcrite la ſeconde pour correctif, & lenitif: & pource conſeilloient de n'en faire aucun reſſentiment. Et cete opinion eſtoit fomentée par vn bruit ſemé à deſſein par le Nonce, que par la ſeconde il auoit eu commiſſion, ſi la première n'auoit eſté preſentée, de ne la liurer point, ains preſenter ſeulement la deuxième, & renvoyer l'autre. Mais les plus ſenſés voyoyent bien, que, veu qu'il n'y auoit d'interualle en la date de l'une & de l'autre, que d'un iour, s'il euſt eu quelque repentir au Pape, aiſément il euſt pu faire haſter le deuxième Courier, pour deuaner le premier: & puis, qu'il n'eſtoit nullement croyable, qu'un Prince prudent, comme Clement, ſe fuſt reſolu d'eſcrire avec tant d'aſpreté & aigreur, ſans grande conſultation. Et pourtant iugeoyent que ç'auoit eſté vn artifice de proteſter, ſans vouloir reſponſe. Dont il fut

1526.

conclud, qu'il seroit imité par l'Empereur, respondant pareillement à la premiere lettre, en termes ressentans la rigueur : & vn iour apres à la seconde, en style correspondant à icelle.

à qui l'Em-
pereur re-
spond en
conformité :

avec grie-
ues plain-
tes & gran-
des char-
ges contre
le Pape :

Et ainsi fut fait : & fut escrit vne lettre d'Apologie par l'Empereur, en date du dixseptieme Septembre, laquelle en son Original contenoit vint-deux fueilles de papier de coton : laquelle le Chancelier Mercurin de Gatinare presenta toute ouuerte au Nonce, & apres lui en auoir fait lecture, la scella en sa presence, & la lui remit entre mains, afin qu'il la fist tenir au Pape. Dès l'entree de la lettre, l'Empereur declaroit que la procedure du Pape estoit bien fort indigne & mesléante à la charge de vrai Pasteur, & nullement correspondante à la filiale obseruance rendue par lui au S. Siege, & à Sa Sainteté : qui louant si fort ses propres actions, & chargeât celles de lui Empereur d'ambition, & d'auarice, le mettoit en necessité de faire apparoir de son innocence. Puis, entrant au narré de ce qui estoit arriué au temps de Leon, & en suite d'Adrien, & finalement de lui Clement, faisoit voir qu'en toutes ses actions il auoit eut tresbonne intention, & auoit esté forcé de proceder comme il auoit fait, reiettant toute la coulpe sur le Pape. Il fit aussi mention de beaucoup de bienfaits conferés au Pape : & à l'opposite de plusieurs traités & menées de lui Pape contre soi, à diuerses occasions. Et finalement conclut, qu'il ne desiroit rien tant, que le repos public, & la paix vniuerselle, & la iuste & raisonnable liberté de l'Italie. Que si ces choses estoient egale-ment desirées par Sa Sainteté ; qu'elle mist bas les armes, & rengainast l'espee de S. Pierre : d'autant que, posé ce fondement, il estoit aisé de bastir la paix dessus, & de vaquer à corriger les erreurs des Lutheriés, & autres here-tiques : en quoi il le trouueroit fils tresobeissant. Mais si Sa Sainteté faisoit autrement, il protestoit deuant Dieu, & deuant les hommes, que nul des sinistres accidens, qui pourroyent arriuer à la Religion Chrestienne, ne lui pouuoit estre imputé. Promettant, que si Sa Sainteté admettoit ses iustifications, comme vraies & legitimes, il ne se resouuiendroit plus des offenses receuës. Mais aussi, que, si elle continuoît à proceder contre lui par armes & force ouuerte, il ne feroit en cela office de Pere, mais de partie : non de Pasteur, mais d'agresseur : & ne seroit nullement conuenable qu'il fust iuge en ces causes. Et d'autant qu'il n'y a autre à qui recourir contre lui, il est resolu, pour sa descharge & iustification, de remettre le tout à la conoissance & iugement d'un Concile general de toute la Chrestienté. Exhortant Sa Sainteté au nom du Seigneur, d'intimer icelui en lieu asseuré & propre, avec assignation de terme conuenable. Car, voyant que l'estat de l'Eglise, & de la religion Chrestienne, se trouble tout, il recourt à icelui saint & vniuersel Concile, pour pouruoir au bien & salut de ses propres affaires, & de la Chrestienté, & à icelui appelle de toutes les menaces, & griefs futurs.

duquel il
appelle à
un Concile.

La response à la seconde lettre fut en date du dixhuitieme : & en icelle il disoit, Qu'il s'estoit rehoui, voyant qu'és deuxiemes lettres Sa Sainteté traitoit avec lui plus benignement, & de meilleure affection desiroit la paix : laquelle si lui Empereur auoit le pouuoir d'establir, autant que d'autres ont en main de mouuoir la guerre, le Pape verroit bien tost quelle seroit sa pensee. Quoi que de vrai il tiene, que Sa Sainteté parle à l'instigation d'autrui, & non de son propre & libre mouuement : & espere en Dieu, qu'elle procurera plustost le bien public, que de seconder les passions d'autrui. Et pourtant la prie de ietter l'œil sur les calamités du peuple Chrestien : car de sa part, il appelle Dieu à tesmoin, qu'il est tousiours prest à faire voir à chacun, qu'il n'a autre but que la gloire de Dieu, & le salut de son peuple. Comme plus amplement il a escrit es lettres precedentes.

confermé
les mesmes
choses par
lettres au
College des
Cardinaux

L'Empereur escriuit au College des Cardinaux, en date du sixiesme Octobre leur declarant, Qu'il auoit senti beaucoup de desplaisir & regret, que le Pape, oubliant la dignité Papale, taschast de troubler le repos public : & que lors que lui Empereur cuidoit auoir mis tout le monde en paix, par l'accord fait avec le Roi de France, lui fussent suruenues lettres du Pape, telles, que iamais il n'auroit cru deuoir proceder d'un Pere commun, & Vi-

caire de Christ: lesquelles aussi il a cru n'auoir esté minutées & consultées sans leur aduis & conseil, iugeant bien que le Pape ne traite choses de si grande importance sans les leur communiquer. Et pourtant qu'il s'est grandement esbahi, que d'un Pape, & de Peres tant religieux, procedent guerres, menaces, & pernicioeux conseils, contre vn Empereur protecteur de l'Eglise, & si bien meritant: lequel, pour leur complaire, auoit bouché ses oreilles à Vvormes aux requestes & prieres, qui lui estoient présentées par toute l'Allemagne, contre les oppressions, & griefs, qu'icelle souffre de la Cour de Rome: & n'auoit tenu conte des raisonnables demandes qui lui estoient faites de conuoyer vn Concile, pour obuier aux susdites oppressions: ce qui seroit tout d'une main remedier à l'heresie Lutherienne. Qu'en faueur du S. Siege, il a depuis interdit l'Assemblée, que les Estats d'Allemagne auoyent intimée en la ville de Spire, preuoyant bien que ç'auroit esté vn commencement de desmembrer l'Allemagne de l'obeissance de l'Eglise Romaine: & a diuertit les pensées de ces Princes-là, par la promesse qu'il leur a faite d'un Concile. De quoi ayant escrit, & rendu conte au Pape, Sa Sainteté l'auoit remercé, qu'il eust rompu l'assemblée de Spire: le priant quant au Concile, de le differer à temps plus opportun. Et lui, pour gratifier le Pape, auoit fait plus d'estat de le contenter, que des tant vrgentes & necessaires prieres de l'Allemagne. Et nonobstant tout cela, encores lui escriuoit le Pape lettres pleines de plaintes, & imputations: & mesmes demandoit de lui choses, qu'il ne pouuoit accorder de iustice, & avec sa seureté. Desquelles lettres il leur enuoye la Copie, leur ayant voulu exposer le tout, afin qu'ils subuiennent à la Chrestienté tombante, & s'employent à destourner le Pape de conseils si pernicioeux: esquels si tant est qu'il vueille inflexiblement persister, qu'ils l'exortent à la conuocation d'un Concile, à quoy si icelui ne veut condescendre, il recherche & requiert leurs Reuerendissimes Paternités, & le Sacré College, que selon l'ordonnance & l'establissemēt de la Loi, en cas de refus, ou de dilatiō du Pape, eux-mesmes le conuoyent, obseruant tout l'ordre & la bien seance requise. Que s'ils lui refusent cete tant iuste demande, ou la dilayent outre raison, il y pouruoirā par autorité Imperiale, y apportant remedes iustes & opportuns. Cete lettre fut présentée le douziesme Decembre dans le Consistoire: & au mesme lieu fut ensemblément deliuré vn double de la lettre, qui auoit esté conignée au Nonce en Grenade.

Toutes ces lettres furent incontinent imprimées en diuers lieux d'Allemagne, Espagne, & Italie, & plusieurs copies en coururent par les mains des hommes. Les personnes, qui prennent garde aux euenemens du monde, mais toutesfois ne sont de grande capacité: & viuent & se gouernent par l'exemple d'autrui, & sur tout des grands: & qui auoyent eu opinion de l'Empereur Charles, par les demonstrations qu'il auoit faites contre les Lutheriens, tant à Vvormes, qu'en autres occasions, en faueur du Pape, que par religion & conscience, il fauorisoit le parti du Pape; voyans à present vn si grand changement en lui, furent pleins de scandale, sur tout pour ce qu'il disoit, qu'il auoit bouché les oreilles aux honnestes demandes de l'Allemagne, pour faire plaisir au Pape. Et les plus entendus estimerent que Charles n'auoit point esté bien conseillé, de diuulguer vn si grand secret d'estat, & faire croire au monde, que la reuerence demonstrée enuers le Pape, n'estoit autre chose qu'un artifice de regner, couuert du manteau de Religion. Et attendoyent sur ces lettres quelque grand ressentiment du Pontife, attendu que l'Empereur auoit touché deux grands mysteres du Papat: l'un, appellant du Pape au Concile futur, contre les expresses constitutions de Pie, & Iules deuxiemes: l'autre, ayant conuie les Cardinaux à conuoyer le Concile, en cas de refus, ou delai du Pape: iugeans qu'il estoit inuitable que ce commencement ne tirast apres soi de grandes consequence.

Mais, comme les semences, quoi que très-fertiles & bien nourries, ne fructifient point, si elles sont iettées en terre hors de saison: de mesmes les

y reiterant la demande d'un Concile.

auquel, & leur defaut il pouruoirā d'office.

qui ne font point d'effet,

1526.
par l'inva-
sion des Co-
lonnois.

grands mouuemens & entreprises hors de leur point, & occasion, reüssissent sans effet. Ainsi en aduint-il en cete occasion. Car, pendant que le Pape par ses armes, & celles de tant de Princes, s'apprestoient à se ressentir, pour employer en suite les remedes spirituels, apres auoir fait quelque bon fondement temporel, il auint que les Colonneis, soit par desfiance des promesses du Pape, soit pour autre cause, armerent leur suiets, & partisans, & s'approcherent en armes vers Rome, du costé du Bourg S. Pierre, le vingtieme Septembre: ce qui mit tous les domestics du Pape en grand effroi: & le Pape se trouuant surpris à despourueu, tout confus, & irresolu, demanda ses habits Pontificaux, & parremens solennels, disant, Qu'à l'exemple & imitation de Boniface huitieme, il vouloit s'asseoir au Siege Pontifical, & attendre, pour voir s'ils auroient l'assurance de violer encores vne autre fois la dignité Apostolique, en la propre personne du Pontife. Mais les siens lui persuaderent tout au contraire, de sauuer sa personne par la Gallerie au chasteau Saint Ange, & ne point donner suiuet d'estre noté d'imprudence.

qui entrent
en armes
dans Rome
contre le
Pape.

Les Colonneis entrèrent dans Rome, & pillerent tous les meubles du palais du Pape, & l'Eglise de S. Pierre: & s'estendirent iusques aux premieres maisons du Bourg: mais, tant pour la resistance des habitans, que pour l'arriuee des Vrsins, faction contraire, ils furent forcés de se retirer au logement assure, qu'ils auoient pris près de Rome: auquel ils emporterent le pillage du Vatican, avec vn infini desplaisir & regret du Pape. Et là grossissant tous les iours par le secours qui leur arriuoit de Naples, le Pape commença à apprehender quelque plus grand eschec: & veincu par la necessité, appela au Chasteau Don Hugues de Moncade, Lieutenant Imperial, & avec lui conclut vne trefue pour quatre mois: à condition que les Colonneis, & Neapolitains, se retireroient de Rome: & le Pape rappelleroit ses gens de Lombardie. Ce qui fut executé par les deux parties: & Clement fit retourner ses gens à Rome, sous ombre d'observer le traité de la trefue.

Et le con-
traignent à
vne trefue.

nonobstant
laquelle il
les excom-
munie,

Mais quand il fut assure par icelles, il fulmina contre les Colonneis, les declarant heretiques, & schismatiques: & excommuniant quiconque leur presteroit faueur, aide & confort: ou bien leur donneroit entrée & retraite chez soi. Et en outre il priua & destitua le Cardinal de la dignité Cardinaleque. Mais lui, estant à Naples, ne fit pas grand estat des Censures du Pape: & publia vn Appel au Concile, representant non seulement l'injustice & la nullité des monitoires; censures, & sentences, mais aussi la necessité de l'Eglise vniuerselle, laquelle reduite au point de manifeste ruine, ne pouuoit estre releuée par autre voye, que par la conuocation d'un Concile legitime; qui la reformast au Chef, & es membres. Citant & adiournant le Pape Clement au Concile, que l'Empereur conuoqueroit à Spire.

Et eux ap-
pellent au
Concile,

avec grand
trouble &
fureur du
Pape pour
ses inter-
ests parti-
culiers,

Les affiches, & placards de ce cet Appel, soit Citation, ou Manifeste, furent attachés de nuit à Rome par les partisans des Colonneis, sur les portes des Eglises principales; & autres diuers endroits, & puis semés par l'Italie. Ce qui causa grand trouble d'esprit à Clement, lequel abhorroit extremement le nom & la mention de Concile: non tant de crainte du reiglement & rabaissement de l'autorité Papale, & des auantages de la Cour de Rome, que pour ses propres esgards & interets. Car, quoi que Leon son cousin, le voulant creer Cardinal, eust fait faire enqueste & verifier, qu'entre la mere d'icelui & son pere Iulien de Medicis, il y auoit eu promesses de mariage; toutesfois la fausseté des preuues estoit toute notoire. Et combien qu'il n'y ait point de loi, qui empesche aux bastards de monter au Papa, si est-ce que cete opinion est empreinte & enracinée en la pensée de tous communement, que la dignité Papale est incompatible avec cete qualité. Il apprehendoit bien fort que ce pretexte, quoi que vain, ne fust renforcé & animé par ses ennemis, soustenus & portés par la puissance de l'Empereur. Mais plus encor redoutoit-il, sachant bien en sa conscience par quels artifices il estoit monté au Papat, & comment le Cardinal Colonne auoit moyen de les verifier; qu'attendu la seuerie Bulle

de Jules deuxieme, qui annulle & casse toute election Simoniaque, & defend qu'elle ne puisse estre validee par consentement subsequant, il ne lui aduint le mesme qu'à Balthasar Cossa, nommé Jean vinttroisieme. Or ie n'ai pu auoir notice quel fut ce traité de Concile de Spire, n'en ayant trouué aucune mention, sauf audit Manifeste, & chez Paul Ioue, en la vie du susmentionné Cardinal. Ces brouilleries estans à leur comble, arriua la fin de l'année, avec attente, & crainte publique & commune, de quel costé cherroit l'orage.

Et partant en l'année suiuaute mil cinq cens vintsept, les traités pour le Concile furent mis sous silence, & surfis, selon la coustume des choses humaines qu'en temps de guerre les prouisions & reiglement des lois n'ont point de lieu. Il aduint toutesfois plusieurs choses notables, lesquelles il est necessaire de rapporter ici, pour l'intelligence des choses qui suiuirent apres, au suiet que nous traitons. Le Viceroy de Naples donques, pretendant que le Pape, par ses procedures contre les Colonois, auoit violé la le treue, & estant poussé par le susdit Cardinal, & par autres de la mesme famille, enuoya derechef les gens vers Rome: & d'autre costé aussi, Charles de Bourbon, chef de l'armée Imperiale en Lombardie, n'ayant de quoi payer son armée, & craignant qu'elle ne se mutinast, ou dissipast, la voulant en toutes sortes tenir sur pied, l'enuoya sur l'Estat de l'Eglise: à quoi aussi il estoit puissamment sollicité par George Fronsberg, Colonel Allemand: lequel auoit mené en Italie vne troupe de treize à quatorze mille soldats d'Allemagne, quasi tous adherans aux opinions de Luther, sans autre paye que d'un escu par teste, de ses propres deniers, & de la promesse de les mener à Rome, leur monstrant la belle occasion de s'enrichir du butin d'une ville, en laquelle decoule l'or de toute l'Europe. A la fin de Ianuier Bourbon passa le Po, avec toute cete armée, & s'achemina vers la Romagne: de quoi Clement se troubla bien fort, considerant la qualité de ces gens, & les continuelles menaces de Fronsberg, qui apres l'enseigne colonnelles faisoit porter vn cordeau, duquel il disoit vouloir faire pendre le Pape, pour animer ses gens à se tenir vnis, & supporter la fatigue & le chemin, quoi que non payes. Toutes ces choses induisirent le Pape à prester l'oreille à Cesar Fieramosca, Neapolitain, lequel venu nouvellement d'Espagne, lui auoit porté vne longue lettre de l'Empereur, pleine d'offres: & l'auoit acertené que l'Empereur auoit tresmal pris l'entrée des Colonois dans Rome, & qu'il desiroit la paix: dont il le porta à entendre à vn traité de treues, qui se deuoyent negotier entre lui & le Viceroy de Naples. Et combien qu'au mois de Mars suruint vn accident d'apoplexie au Colonel George Fronsberg, qui le porta quasi à la mort; toutesfois d'autant que l'armée estoit ia entree dans l'estat de l'Eglise, & tiroit tousiours chemin, le Pape à la fin du mesme mois se resolut de venir à l'accord, quoi qu'il yist bien qu'il se feroit avec grâde indignité & avec soupçon des confederés, & peut estre, alienation de protection & defense. La surseance d'armes fut donques arrestée & conclue pour huit mois, à condition que le Pape payeroit soixante mil escus, & donneroit l'absolution des Censures aux Colonois, & restituerait au Cardinal sa dignité: auquel il condescendit avec extreme difficulté.

Mais quoi que la treue fust conclue avec le Viceroy, & que le desboursement de l'argent s'en fust ensuiui, & le reestablisement des Colonois, elle ne fut point pourtant acceptée par le Duc de Bourbon: lequel faisant tousiours chemin, le cinquieme de Mai logea pres de Rome: & le iour ensuiuant donna l'assaut du costé du Vatican. Là fut rendu grand combat, & fait courageuse resistance par les gens de guerre du Pape, & par la ieunesse de Rome, sur tout de la faction Guelfe: & Bourbon y fut tué d'une arquebuzade: mais, nonobstant cela, à la fin l'armée Imperiale perça & entra dedans, donnant la chasse aux deffenseurs, lesquels s'enfuirent à vaude route dedans le Bourg S. Pierre. Le Pape, comme il aduient en

*ces menaces
esclatent en
vue guerre.*

*en laquelle
le Pape est
assailli par
les impe-
rialistes,
du costé de
Naples, &
de Lombar-
die.*

*& Rome
prise &
saccagée.*

1527.

cas soudains, plein d'effroi, se sauua avec quelques Cardinaux dedans le Chasteau S. Ange: & reiettant le bon conseil qui lui fut donné, de ne s'arrester point en icelui, ains passer en la ville, & de là se sauuer en quelque lieu d'assurance, se resolut, peut estre par la disposition & ordonnance de quelque cause superieure, d'y tenir ferme. La ville de Rome, se trouuant sans chef, fut pleine de desarroi & confusion: de maniere que nul ne pensa de pratiquer le moyen & remede, lequel seul estoit propre en cetemps; qui estoit de couper les ponts du Tibre qui ioignent le Bourg à la ville: ce qu'estant fait, les Romains auoyét du moins eu loisir de retirer les personnes de marque, & les choses de prix, en lieu de sauueté. Mais, cela estant negligé & omis, les soldats entrerent de furie dans la ville, pillerent non seulement les maisons priuées, mais aussi les Eglises, de tous leurs paremens, & ameublement: ietterent par terre, & foulerent aux pieds les reliques, & autres choses sacrées qui n'estoyent de valeur: prirent prisonniers les Cardinaux, & autres Prelats, & en firent des publiques risées, les menant par ville sur des asnes, & autres viles montures, en habits & paremens Pontificaux. Et est tres-certain que les Cardinaux de Siene, de la Minerue, & Poncet furent tres-bien bastonnés, & menés en tres-grande ignominie en procession: & que les Cardinaux Espagnols & Allemands, qui auoyent pris assurance de leurs compatriotes, dont estoit composée l'armée, ne furent pas moins malmenés que les autres.

Le Pape
assiégé, &
prisonnier:

Le Pape fut assiégé au Chasteau S. Ange, ou il s'estoit retiré, & enfin forcé à capituler: quittant le Chasteau aux Capitaines Imperiaux, & se rendant prisonnier en leurs mains dedans icelui: là ou il fut par eux tenu bien à l'estroit. Mais, outre les autres afflictions qu'il s'entoit pour les choses arriues, il lui en suruint encores vne, qui l'outra d'auantage, & qu'il estima plus grieve & cuisante: c'est, que le Cardinal de Cortone, lequel estoit en son nom gouuerneur de la ville de Florence, à l'instant qu'il eut ouï cete nouuelle, se retira de la ville, & la laissa en liberté. Lors la ville tout soudain dechassa les Medicis, & se remit en liberté, & mit nouuel ordre, & reiglement à son gouuernement: & la pluspart des citadins demonstrerent tant d'animosité contré le Pape, & sa maison, qu'ils bifferent & cancelerent toutes leurs enseignes & armoiries, mesmes és lieux particuliers: & desfigurèrent & mutilerent de plusieurs coups les statues de Leon & de Clement, qui estoyent en l'Eglise de l'Annonciade.

Florence
rebelles
aux Me-
dicis.

Charles V.
finisse en
ses occu-
rences,

Cependant l'Empereur, ayant receu les nouvelles du sac de Rome, & de la prison du Pape, donna beaucoup de signes de tres-grand regret, & marriement, & en fit des demonstrations, faisant tout à l'instant cesser toutes les festes & solennités, qui se faisoient en Valdolid, pour la naissance de son fils, auenue le vintunième du mesme mois. Par lesquelles apparences il auroit de vrai fait croire au monde d'estre touché de pieté & Religion, si quant & quant il eust soudain commandé du moins que le Pape fust eslargi, & mis en liberté. Mais le monde, qui vid demeurer le Pape encores, six mois en prison, s'apperceut bien qu'il y a grande difference entre la verité, & l'apparence.

iraite &
conclud ac-
cord avec
le Pape.

On commença tout aussi tost à traiter de l'accommodement, & de la deliurance du Pape. L'Empereur vouloit, qu'il fust conduit en Espagne, estimant, comme de vrai il eust esté, que ce lui seroit vne grande gloire, si en l'espace de deux ans, deux si grands Potentats, comme le Roi de France, & le Pape, lui eussent esté amenés prisonniers d'Italie en Espagne: Mais d'autant que toute l'Espagne, & sur tout les Prelats, detestoyent de voir de leur yeux vne si grande ignominie, que celui qui representoit la personne de Christ, fust mené prisonnier, il se deporta de cete pensée: ayant mesmes aussi esgard de ne exciter point trop d'enuie & de malales cōtre soi, & de n'irriter le courage du Roi d'Angleterre, lequel il redoutoit grandement, en cas, que contraint par lui, il se fust conioint plus estroitement qu'il n'estoit desia par la paix traitée & concludue au mois d'Aoust, avec le Roi de France, lequel auoit

auoit desia enuoyé vne puissante armée en Italie, & gaigné diuerses victoires en Lombardie. Pour ces raisons, sur la fin de l'annee, l'Empereur accorda que le Pape fust mis en liberté, sous ces conditions, Qu'il ne luy fust point contraire és affaires de Naples, & de Milan, & que pour assurance il mist en ses mains Ostie, Ciuitavecchia, Ciuita Castellana, & la citadelle de Forli: & luy donnast pour ostages, Hippolyte, & Alexandre, ses neueux. Et en outre qu'il luy octroyast la Croisade en Espagne, & vne decime des reuenus Ecclesiastiques de tous ses royaumes & Estats. Apres que la de liurance eut esté concludé, le Pape ayant receu pouuoir de se retirer du Chasteau S. Ange le neuuiesme Decembre, ne se fia point d'attendre le temps ordonné: ains la nuit du huietiesme sortit desguisé en marchand, & se retira tout droit à Montefiascone, où ayant seiourné peu de temps, il passa de là à Oruiete.

Pendant que les Princes estoient tous occupés en la guerre, les affaires de la Religion s'alloyent alterant en diuers endroits: és vns, par Arrests publics des Magistrats: és autres, par sedition populaire. La ville de Berne en Suisse, pendant apres auoir tenu vne solennelle assemblée, tant de ses propres Docteurs, que ces trou- d'estrangers, & ouy vne dispute & conference de plusieurs iours, en fin ad- bles, la mit & receut la Doctrine de Zuingle, comme Zurich: & en celle de Basle, Religion s'auance par esmotion populaire, furent abbatuës & bruslées les images, & le Magi- en Suisse, strat demis, & autres esleus en sa place, & la nouuelle Religion establie. De & lieux l'autre costé s'assemblerent huit Cantons, lesquels establirent & confer- voirs. merent la doctrine de l'Eglise Romaine en leurs terres & païs, & tout d'une main escriuirent vne longue remonstrance aux Bernois, les exhortant à ne faire aucun changement en la Religion, comme estant chose, qui de droit ne peut appartenir à aucun peuple, & païs, mais au seul Concile vniuersel de tout le Monde. Nonobstant tout cela, l'exemple de Berne fut ensuiuy par les villes de Geneue, de Constance, & autres circonuoinfines: & à Strasbourg, apres vne dispute publique, par Arrest fut interdite la Messe, iusques à ce que les defenseurs d'icelle eussent pû demonstrier que c'estoit vn seruice agreable a Dieu: nonobstant que la Chambre de Spire leur fist vne longue & ample remonstrance, qu'à vne ville, mais non pas mesmes a tous les Estats de l'Empire, en corps, il n'estoit point loisible de faire innouation és ceremonies & Doctrine: cela estant communicablement propre à vn Concile ou General, ou National.

En Italie mesmes de ce temps, auquel elle fut l'espace de deux ans sans Pape, & sans Cour de Rome, plusieurs, se persuadans que ces calamités presentes fussent vne execution d'une sentence diuine contre Rome, & son gou- & en Ita- uernement, s'adioignirent à la reformation: & en plusieurs maisons priuées, lie mes. sur tout à Faience, ville du Pape, on preschoit contre l'Eglise Romaine: & tous les iours croissoit le nombre de ceux qui par les autres estoient appellés Lutheriens, & par les leurs, Euangeliques.

L'année suiuant mil cinq cens vingt-huit, l'armée Françoisise fit des grands progrès au Royaume de Naples, & l'occupa quasi tout. Ce qui contrainit les Capitaines Imperiaux de mener hors de Rome leur armée, fort diminuée de nombre, tant à cause de ceux, qui chargés de butin, le voulurent conduire Rome est deliurée en lieu de seureté: que de la peste, qui l'auoit rauagée. Les Alliés faisoient de l'ar- grande instance au Pape. que attendu que Rome estoit deliuré par necessité mée Im- & contrainte, & non point de la franche volonté de l'Empereur, & qu'il n'e- periale. stoit plus obligé à dissimuler, ou temporiser avec luy, il prit le point de cete bonne occasion pour se declarer conioint avec eux, & proceder contre luy par les armes spirituelles, & le priuer du Royaume de Naples, & de l'Empire. Mais le Pape, tant pource qu'il estoit tout las & recru de ses trauaux, & ad- & le Pa- uersités, que principalement, pource que les Confederés, s'ils venoient à pe pour auoir le dessus, maintiendroient la liberté de Florence, de laquelle il desiroit ses inte- beaucoup plus passionnement racquerir la seigneurie, que de se venger des rests, & torts & outrages receus de l'Empereur; fit ferme resolution de ne luy estre sur tout point contraire, ains à la premiere ouuerture, de se conioindre estroite- Florence.

1528. ment avec luy, pour recouurer Florence: laquelle, le Roy de France & les Venitiens, s'ils fussent demeurés victorieux & superieurs en Italie, eussent asseurement voulu maintenir en sa liberté. Toutesfois, retenant encores pour lors ce dessein caché en sa poitrine, il s'excusa, allegant que pour sa pourreté & impuissance, il seroit plustost à charge, qu'à soulagement aux Alliés: & d'ailleurs, que la deposition de l'Empereur, feroit soufleuer toute l'Allemagne, de ialousie que le Pape ne pretendist tirer à soy l'autorité de créer l'Empereur. Et apperceuant que les Alliés auoient descouuert & halené où cete responce tendoit, comme il estoit tres-habile & singulier à cacher ses desseins, il fit toute demonstration exterieure d'auoir quitté toutes les pensées des affaires seculieres: & fit par diuers moyens entendre aux Florentins, qu'il estoit tres-esloigné de l'intention de s'ingerer en leur gouuernement seulement: qu'il requeroit d'eux qu'ils le reconussent pour Pape, & non plus outre de ce que faisoient tous les autres Princes Chrestiens: qu'ils ne persecutassent, & ne molestassent point les siens en leurs affaires particulieres: qu'ils fussent contens, que leurs armoiries fussent és bastimens de ses ancestres: ne parloit point d'autre, que de la Reformation de l'Eglise, & de la reduction des Lutheriens: qu'il estoit deliberé d'aller en personne en Allemagne, & donner tel exemple, que tous se conuertiroient. Et tint ce beau langage toute cete année-là: de maniere que plusieurs se persuadoient, que les fascheries que Dieu luy auoit enuoyées pour son amendement, auoient produit leur vray fruit. Mais les choses, qui auinrent és année suiuentes, firent bien croire aux gens de bien, qu'icelles n'auoient esté qu'une semence iettée sur la pierre, ou sur le chemin battu: & aux plus accorts, que ses belles paroles n'estoient qu'une amorce pour endormir les Florentins.

entre en L'année ensuiuante, mil cinq cens vingt neuf, pendant la negociation de traité avec l'Empereur. paix entre l'Empereur & le Roy de France, l'ardeur de la guerre estant vn peu refroidie, on retourna à traiter du Concile. Car François Quirones, Cardinal de sainte croix, venu d'Espagne, ayant apporté de la part de l'empereur au Pape, le relaschement des places d'Ostie, & Ciuitaueccchia, & autres villes d'Eglise, qui auoient esté baillees en ostage aux Capitaines Imperiaux, pour assurance des promesses du Pape, avec tres-larges offres de la part de l'Empereur: le Pape Clement, attendu la negociation de paix de l'Empereur avec le Roy de France, qui estoit sur le bureau: considerant d'ailleurs, combien ses propres interests l'obligeoient à se ioindre estroitement avec Charles, enuoya vers ledit Charles, Ierome, Euesque de Vason, son Maistre d'Hostel, à Barselone, pour traiter les articles de l'Accord: à la lequel est conclusion desquels on paruint facilement, le Pape de son costé promettant conclu: l'investiture du royaume de Naples, sous la seule cense d'une haquenée blanche, le droit de patronage de vingt quatre Eglises, le passage aux armées de l'Empereur, & la couronne Imperiale. Et l'Empereur du siens l'obligeant de promesse de reestabli en Florence Alexandre neuueu du Pape, & fils de Laurens de Medicis, & luy bailler en mariage Marguerite sa fille naturelle, & de prester ayde & secours au Pape au recouurement de Ceruie, de Rauenne, de Modene, & de Rege, saisies sur luy par les Venitiens, & par le Duc de Ferrare. Ils conuinrent aussi entr'eux de se receuoir respectiuellement, au couronnement, avec les ceremonies & solennités accoustumées, Il n'y eut qu'un article, qui fut longuement debatue, c'est que les gens du Pape proposoient, Que l'Empereur Charles & son frere Ferdinand, s'obligeassent de contraindre par armes les Lutheriens à retourner sous l'obeissance de l'Eglise Romaine: & au contraire les Imperialistes requeroient, Que pour leur reduction le Pape conuocast le Concile general. Sur quoy, apres longue dispute, pour ne point rompre tant d'autres importants desseins, sur lesquels ils estoient tres-bien appointés, on conclud de demeurer pour cet article dedans les termes generaux, Que pour la reduction des Lutheriens à l'Eglise,

intention donnée du Concile.

le Pape employeroit les moyens spirituels, & Charles & Ferdinand les temporels, & qu'ils en viendroient iusques aux armes, en cas qu'iceux se rendissent obstinés: & qu'alors le Pape seroit obligé de moyenner enuers les autres Princes Chrestiens, de prester aide & secours à l'Empereur.

En cete forme fut concludé la Confederation, à la grande ioye de Clement, & au grand esbahissement du monde, comment, apres auoir perdu l'Estat & la Reputacion, il auoit pu en si peu de temps retourner à sa precedente grandeur. Et l'Italie, ayant veu toute cete suite d'affaires pleine de tant de variétés, voire contrariétés, reüssit à cete fin, l'attribua generalement à vn miracle diuin: & les amateurs de la Cour de Rome à vne euidente demonstration d'une speciale faueur de Dieu enuers son Eglise.

Mais en Allemagne, vne iournée d'Empire ayant esté intimée à Spire pour le quinziesme Mars, le Pape y deputa Iean Thomas de la Mirandole, pour exhorter à la guerre contre le Turc, promettant d'y contribuer de sa part, autant que ses forces, espuisées par les calamités passées, le pourroient permettre: & pour asseurer, qu'il s'employoit & employeroit de tout son sens, & pouuoir, à accorder les differens d'entre l'Empereur, & le Roy de France: afin que toutes choses calmées, & tous empeschemens ostés, on peust au plustost vaquer à la conuocation & tenue du Concile, pour reestabli la Religion en Allemagne.

En la Diete fut premierement traité le fait de la Religion: & les Catholiques penserent de pouuoir mettre dissension entre leurs Aduersaires, diuisez en deux differentes opinions, les vns suiuan la doctrine de Luther, & les autres celle de Zuingle. Mais le Landgraue, personnage prudent & sage, alla au deuant du danger: monstrant que la difference n'estoit de consequence, & donnant esperance qu'on se pourroit facilement accorder, & representant l'inconuenient qui naistroit de la diuision, & l'auantage qu'en prendroient les aduersaires. Apres vn long debat en la Diete, pour trouuer quelque forme de composition, en fin l'Arrest se fit en ce sens, *Que*, veu que l'arrest de la precedente Diete de Spire auoit esté destors, par finistres interpretations, à la defense & manutention de toutes sortes d'absurdités d'opinions, il estoit necessaire qu'à present il fust declaré: & que pourtant, ils ordonnassent, que qui auoit gardé l'Edit de Vvormes, continuast en cete obseruation, y contraignant mesme le peuple iusqu'au Concile, de la prochaine conuocation & tenue duquel l'Empereur donnoit certaine esperance. Et aussi, que qui auoit changé la doctrine, & ne s'en pouuoit deporter sans peril de sedition, s'arrestast à ce qui estoit fait, sans innouer chose aucune de plus, iusqu'au Concile. *Que* la messe ne fust supprimée, ne son vusage empesché en lieu aucun, auquel eust esté introduite la nouuelle doctrine. *Que* l'Anabaptisme fust interdit sous peine de la vie, selon l'Edit publié par l'Empereur, lequel ils ratifioient: & que pour le fait des predications, & impressions, fussent obseruées les Arrest des deux dernieres Dietes de Noremberg: assauoir, *Que* les prescheurs vsent de prudence & circonspection, pour se garder d'offenser aucun de paroles, & ne donner aucune occasion au peuple de se soufleuer contre ses Magistrats: qu'ils ne proposent aucuns dogmes nouueaux, ou peu fondés en l'Ecriture sainte: ains preschent l'Euangile, suiuant l'interpretation approuuée de l'Eglise, & sans toucher à d'autres choses qui sont en controuerse: attendant la determination du Concile, où le tout sera legitimement décidé.

A cet Arrest s'opposa l'Electeur de Saxe, avec cinq autres Princes: disant *contredit* Qu'il n'estoit nullement conuenable de se departir de l'Arrest fait en la Diete precedente, en laquelle fut permis à chacun de viure en sa propre Religion, iusqu'au Concile: veu, que cet Arrest ayant esté fait du commun consentement de tous, ne se pouuoit changer que par le mesme commun consentement. Qu'en la Diete de Noremberg on auoit clairement veu la source & la cause des dissensions, & que le Pape l'auoit aduouée, auquel on enuoya lors les demandes, & exposa les Cent griefs. Mais que pour tout cela on n'a-

1529.

uoit vœu aucun amendement. Qu'en toutes les deliberations on auoit toujours conclu, qu'il n'y auoit voye plus propre à esteindre les differens, que le Concile. Que si pendant qu'on est en l'attenté d'iceluy, on acceptoit l'Arrest fait par eux, ce seroit renier la parole de Dieu pure & nette: accorder la Messe, & renoueller les abus & desordres. Que de vray ils loüoient bien la clause, Que l'Euangile fust presché selon les interpretations approuuées par l'Eglise: mais que tousiours demeueroit en doute & debat, Quelle estoit la vraye Eglise. Que former vn Arrest tant obscur & ambigu, n'estoit autre chose, qu'ouurir la porte à beaucoup de troubles & diuisions. Et que pourtant ils ne pouuoient, ny ne vouloient consentir à cet Arrest: & que de cete leur opinion, il rendroient bon conte a tous, & à l'empereur meisme. Qu'attendant l'ouuerture d'un Concile, ou General de toute la Chrestientie, ou National de l'Allemagne, ils n'entreprendront, ny ne feront chose quelconque, qui meritoirement puisse estre improuuée.

avec plusieurs villes: & de la sont nommés Protestans.

A cete declaration se ioignirent quatorze villes principales d'Allemagne, & de cecy vint le nom de Protestans, duquel sont nommés ceux qui suiuent la Religion renouellée par Luther. Car ces Princes, & Villes, publierent leur Protestation, & appel de cet Arrest à l'Empereur, & au futur Concile General, ou National d'Allemagne, & à tous iuges non suspects.

l'origine & la suite du differend entre Luther & Zuingle.

Et d'autant que mention a esté faite du differend d'opinion en la matiere de la sainte Eucharistie entre Luther & Zuingle, il est à propos d'en représenter icy l'estat. Le renouvellement de la Doctrine Chrestienne s'estant commencé en deux diuers lieux, & par deux personnes independantes l'une de l'autre; assauoir, par Luther en Saxe, & par Zuingle à Zurich: iceux s'accorderent en tous les points de doctrine, iusqu'à l'année mil cinq cens vint-cinq: lors en l'explication du mystere du S. Sacrement de l'Eucharistie, quoy qu'ils conuinssent ensemble, Que le Corps & le Sang de nostre Seigneur Iesus-Christ sont au Sacrement seulement en l'usage, & à l'esgard d'iceluy, & sont receus du cœur, & par la foy: toutes-fois Luther enseignoit que ces paroles de nostre Seigneur, Ceci est mon corps, doiuent estre prises & entendues en sens literal pur & simple: au contraire, Zuingle enseignoit, que que ce sont paroles figurées, qui se doiuent entendre spirituellement, & sacramentellement. L'estrif alla tousiours croissant, & s'enaigrissant, sur tout du costé de Luther, lequel manioit cete dispute avec beaucoup d'aspreté contre la partie aduersse. Et cela donna suiet aux Catholiques en la Diete de Spire, tenuë cete mesme année, de s'en seruir à mettre ces deux partis en mutuelles desfiances, & mescontentemens. Mais le Landgraue de Hesse, ayant descouuert l'artifice des aduersaires, retint les siens en concordé, en esperance de concilier les opinions contraires, & tant pour maintenir les promesses qu'il en auoit faites, que pour obuier aux dangers à venir, il moyenna qu'on vinst à vne conference, & sollicita les Suisses d'y enuoyer leurs Docteurs, & assigna le lieu d'icelle à Marpurg, pour tout le mois d'Octobre de la mesme année mil cinq cens vingt-neuf. Là se trouverent, de Saxe, Luther avec deux de ses disciples: & de Suisse, Zuingle, & Ecolampade. Luther & Zuingle disputent seuls, & la dispute dura plusieurs iours: mais ne fut iamais pourtant possible, qu'ils s'accordassent: soit, pource que la Controuerse estant venue si auant, il sembloit qu'il s'agist de l'honneur des auteurs: soit pource que, comme il aduient en toutes les questions de mots & de termes, la tenuité du differend, est nourriture & entretien d'obstination: soit aussi, pour la cause que Luther escriuit quelque temps apres à vn sien amy, c'est, que voyant ia vn si grand trouble esmu, il ne vouloit point, par les façons de parler Zuingliennes, extrêmement abhorrées des Romanistes, mettre ses Princes en bute de plus grande haine, & les exposer à plus grands dangers. Mais quelle qu'en fust la cause d'entre toutes celles-cy, il est certain qu'il y en eut vne plus vniuerselle; c'est que Dieu voulut se seruir de cete difference d'opinion, pour di-

uers effets qui suivirent après. Il fut force de mettre fin à la Conference sans conclusion: sinon, que par l'entremise du Landgraue, ils convinrent ensemble en cety, Qu'estans d'accord és autres chefs, pour l'aduenir ils s'abstiendroient de toutes aigreurs en ce point: priant Dieu qu'il fist voir quelque lumiere de parfait accord & consentement. Cete conclusion, arrestée par prudence, & comme ils disoient, par charité, n'ayant pas esté obseruée par les successeurs, a porté vn grand destourbier au progres de la Doctrine renouvellee. D'autant qu'és affaires de Religion, toute subdiuision est vne puissante arme en la main du parti contraire.

Or la ligue & confederation d'entre le Pape, & l'Empereur, ayant esté conclüe, & l'ordre pris & arresté pour la solennité du couronnement, à cét effet fut destinée la ville de Bologne: d'autant qu'il sembloit meslant au Pape qu'iceluy se fist en la ville de Rome; avec l'interuention de ceux, qui l'auoient deux ans auparauant saccagée. Et l'Empereur mesmes l'eut pour agreable: comme abregeant par ce moyen la ceremonie: ce qu'il desiroit grandement, pour pouuoir passer au plustost en Allemagne. Pour cét effet le Pape y arriua le premier, comme le plus grand: & puis l'Empereur y entra le vingtcinquieme Nouembre; & y seiourna quatre mois entiers, aiant sa demeure en vn mesme palais avec le Pape. Plusieurs choses furent traitees & negociées par ces deux Princes, en partie pour le repos vniuersel de la Chrétienté, en partie pour les interets del'vn & de l'autre. Les principales furent, la paix generale del'Italie, & l'extinction des Protestans en Allemagne. Pour la premiere, il n'eschet point d'en parler pour le suiet que nous auons entrepris. Mais, pource qui concerne les Protestans, il fut proposé par quelques Conseillers de l'Empereur, qu'attendu le naturel des Allemands, grands amateurs & tenans de leur liberté, il valloit beaucoup mieux vser de moyens benigns, & douces persuasions & remonstrances, & dissimuler plusieurs choses. & cependant procurer par ce moyen de ramener les Princes à l'obeissance du Pape. Car cette protection estant ostée aux nouveaux Docteurs, on remedieroit aisement au demeurant. Et pour ce faire le vray & singulier remede estoit le Concile: tant pource qu'eux mesmes le requeroiët, que pource que chacun payeroit sous ce nom auguste & venerable.

Mais le Pape qui ne redoutoit rien tant que le Concile; & principalement s'il estoit celebré de là les monts, libre, & avec l'interuention de ceux qui auoient ja ouuertement secoué le ioug del'obeissance, voyoit tres-bien qu'il pourroit aisement aduenir que ceux-là persuadassent les autres. Il confideroit en outre, que combien que la cause fust commune avec tous les Euesques, lesquels les opinions renouvelles taschoient de priuier de la possession de leurs richesses: il y auoit toutesfois quelque matiere de similtés, & mescontentemens entr'eux & la Cour de Rome: les Euesques pretendans qu'on auoit vsurpé sur eux la collation des benefices, par les reserues & preuentions: & aussi soustrait grande partie de leur iurisdiccions, par les euocations des causes à Rome, reserues de dispense, & absolutions, & autres tels pouuoirs, lesquels les Papes de Rome auoient affectés à eux seuls, quoy que iadis ils fussent communs à tous les Euesques. Et pourtant il se figuroit, que la tenuë d'un Concile seroit vn total rabais & diminution de l'autorité Papale. Et pour cete raison tourna toutes ses pensées à persuader à l'Empereur, Que le Concile n'estoit point vtile à appaiser les troubles de l'Allemagne, & qu'il estoit grandement preiudiciable à l'autorité Imperiale en ces prouinces-là. Il luy mettoit en consideration, qu'il y auoit deux sortes de gens infectés d'heresie: les peuples & les Grands, & Princes qu'il estoit bien vray semblable que la multitude & les peuples estoient seduits & abusés: mais que de les contenter en la requisition d'un Concile, ce n'estoit point le moyen de les esclaircir, ains d'introduire la licence populaire. Que si on accordoit au peuple de mettre en doute la Religion, & en rechercher plus grand esclaircissement, incontinent apres il s'ingeroit de donner loy au gouuernement de l'Etat, & de restreindre & brider l'autorité des Princes par Arrests & ordon-

1529.

seignant
de n'y a-
voir rien à
craindre,
ny à per-
dre.

nances : & apres qu'il auroit obtenu d'examiner & debatre l'autorité Ecclesiastique, il apprehendoit aussi à mettre des difficultés & oppositions à la temporelle. Il luy remonstra qu'il est beaucoup plus aisé de rembarre les premieres demandes du peuple, que de les borner, apres qu'on s'est porté à luy complaire. Quant aux Princes & grands, il pouvoit bien tenir pour chose toute assurée, qu'il n'auoient aucun but de pieté, mais seulement de s'emparer des biens ecclesiastiques, & deuenir absolus, sans plus du tout reconnoître l'Empereur, ou certes bien peu, Que plusieurs d'entr'eux s'estoient conserués purs de cete contagion, pource qu'ils n'auoient pas encores decouvert le secret : mais quand iceluy seroit esuenté & publié, tous viseroient au mesme but. Qu'il n'y auoit point de doute, que le Pape, perdant l'Allemagne, ne perdît beaucoup : mais que toutes fois plus grande seroit la perte de l'Empereur & de la maison d'Austriche. Et que voulant pouruoir à cela, il n'auoit autre moyen que d'employer rigoureusement l'autorité, & l'empire, pendant que la plus grande partie estoit encores en son obeissance : en quoy la promptitude estoit grandement requise, pour preuenir que le nombre ne s'augmentast d'auantage, & qu'il ne fust decouvert l'vtilité qu'il a à suiure ces opinions. Qu'à cete promptitude & diligence, il n'y auoit rien de plus contraire que de parler & traiter de Concile, car ores que tous generalement y enclinassent, & que nul empeschement n'y fust donné ; si est-ce qui ne pouuoit estre convoqué de plusieurs années : & les choses n'y pouuoient estre debatues & examinées, qu'avec longueur & prolixité : ce que seulemēt il vouloit mettre en consideration. Car se ne seroit iamais fait, de parler des autres empeschemens, qui sourdroyent des diuers interets des personnes qui s'opposoient sous diuers pretextes, ou entreietteroient des delais, pour mettre le tout à neant. Qu'on auoit espars vn bruit, que les Papes refusent le Concile, par crainte que leur autorité ne soit restreinte : raison, qui en luy n'apoint de poids, & ne fait impression aucune : veu que son autorité est immediatement de Christ avec promesse que non pas mesmes les portes d'Enfer ne pourront preualoir contre icelle : & que l'experience des temps passés a assez monstré que iamais par aucun Concile célébré n'a esté amoindrie l'autorité Papale : ains que tousiours, selon les paroles du Seigneur, les Peres l'ont adouée absoluë & illimitée, comme aussi elle l'est veritablement. Et quand les Papes, par humilité ou pour autre esgard, se sont abstenus d'en vser absolument, les Peres ont esté les promoteurs & auteurs de la leur faire mettre tout en v'sage. Et quiconque lira les histoires des choses passées, verra cela tout clairement : car les Papes se sont tousiours seruy de ce moyen contre les nouuelles opinions des heretiques, & en toute autre occasion de necessité, avec accroissement de leur autorité. Et quand mesme on voudroit laisser à quartier la promesse de Christ, qui est le vray & vnique fondement, & considerez les choses en termes purement humains, le Concile est composé d'Euesques, & aux Euesques la grandeur Papale est grandement vtile ; d'autant que par icelle ils sont protegés & maintenus contre les Princes, & les peuples. Aussi les Rois, & autres souuerains qui ont entendu & entendront bien les reigles d'Estat, fauoriseront tousiours l'autorité Apostolique : veu qu'ils n'ont autre moyen de reprimer, & retenir en deuoir les Prelats, quand ils entreprennent d'outrepasser leur rang. Le Pape conclut, qu'il estoit en son esprit si certain de l'issuë qu'il en osoit parler comme Prophete, & assurer, que tenant vn Concile, il en suiuroit de plus grands maux & troubles en Allemagne. Car ceux qui le demandent, cherchent par là vn pretexte de continuer iusques à ce temps-là en leurs attentats : & quand le Concile aura condamné leurs opinions, ce qui aduiendra infailliblement, ils pretendront lors vne autre couleur pour reprocher le Concile : & au bout l'autorité Imperiale en Allemagne sera aneantie, & en autres lieux fort esbranlée : & la Papale, quoy que diminuée en ce pays-là, sera beaucoup plus autorisée & amplifiée au demeurant du monde. Et pourtant que l'empereur luy deuoit prester foy, de tant plus qu'il n'estoit poussé d'aucun

propre interest, mais du seul desir de voir l'Allemagne reunie à l'Eglise, & l'Empereur obey. Et que cela ne se pouuoit obtenir, sinon qu'au plus tost il se transportast en Allemagne, & promptement employast son autorité, intimant à tous, que sans reплика ne contredit soit executée la sentence de Leon, & l'Edit de Vvormes: sans ouir chose aucune, que les Protestans sachent dire au contraire, requerans Concile, ou plus grande instruction & information: ou allegans leur protestation, ou appel, ou autre excuse quelle qu'elle soit: qui ne peuvent estre qu'autant de pretextes d'impieté. Et qu'au premier rencontre & heurt de desobeissance, il passast à la force: laquelle luy seroit aisée à employer contre vn petit nombre, ayant de son costé tous les Princes Ecclesiastiques, & la plus grande partie des seculiers, qui prendroient les armes pour & avec luy, à cet effet. Et que c'est là la seule voye, sans plus, conuenable & seante au deuoir de l'Empereur, Aduocat de l'Eglise, & au serment fait par luy au couronnement d'Aix, & à celui qu'il fera encores, receuant la couronne de la main de luy Clement. Et finalement, que c'estoit chose toute euidente, que la tenuë du Concile, & toute autre negociation & traité, qui fust mis sus en semblable occasion, de necessité aboutiroit à vne guerre ouuerte. Et pourtant, qu'il valoit beaucoup mieux d'essayer de composer ces troubles par la vigueur de l'Empire, & l'absolu commandement; chose qui est aisement reussible: & à défaut de ce venir plustost à la force & aux armes, que non pas de lascher la bride à la licence populaire, à l'ambition des grands, & à la peruersité des heresiarches.

Ces raisons, qui eussent esté malseantes en la bouche de Frere Iules de Medicis, Cheualier de Malte, (car ainsi s'appelloit le Pape, auant qu'il fust créé Cardinal) non qu'en celle de Clement septiesme Pape, eurent poids & credit enuers l'Empereur Charles, secondee & fortifiée par les persuasions de Mercurin Gattinara, Chancelier Imperial, & Cardinal: auquel aussi le Pape fit de grandes promesses, & sur tout d'auoir esgard à ses parents & dependans, en la premiere promotion des Cardinaux qu'il pretendoit faire bientost: mais plus que tout cela, par la propre inclination de l'Empereur qui desiroit d'acquiescer en Allemagne vn empire plus absolu, que celui qui auoit esté permis à son ayeul, & bisayeul.

Tous les actes, & ceremonies accoustumées au commencement se firent à Bologne, & le tout fut paracheué au huitiesme Mars. Et cependant l'Empereur estant resolu de passer en Allemagne, pour mettre fin à ces troubles, intima vne Diete Imperiale à Augsbourg, pour le huitiesme Aueil, & en Mars se mit en chemin.

L'Empereur partit de Bologne avec cette ferme resolution, d'employer son autorité, & Empire, en la Diete, pour faire que les Princes separés retournassent à l'obeissance de l'Eglise Romaine, & interdire tous presches & liures de la doctrine renouellée. Le Pape le fit accompagner à cette Diete par le Cardinal Căpegé, comme Legat. Et tout d'un train enuoya Pierre Paul Vergere pour Nonce au Roy Ferdinand, luy donnant cômmission & instruction de moyenner avec luy, qu'on ne disputast ne deliberaast en la Diete d'aucun affaire de Religion: ny moins qu'on fist aucune resolution de tenir Concile en Allemagne pour cet effet. Et pour rendre ce Prince de tant plus fauorable, lequel, comme frere de l'Empereur, & qui auoit par tant d'années demeuré en Allemagne, il croyoit auoir vn grand pouuoir, il luy accorda de leuer vne contribution du Clergé d'Allemagne, pour la guerre contre les Turcs: & de se pouuoir seruir de l'or & de l'argent destiné au parement des Eglises.

À la Diete arriuerent quasi tous les Princes avec l'Empereur: lequel y vint le treiziesme Iuin, veille de la Feste Dieu: & le iourensuivant il assista à la procession, n'ayant pû obtenir des Princes Protestans d'acquiescer à s'y trouuer: chose, qui fut de tresgrand regret au Legat, pour le preiudice, que cete cōtumace, cōme il l'appelloit, faisoit au Pape. Et pour vaincre ce point & heurt, & faire entreuenir les Protestans aux ceremonies de l'Eglise Romaine, il conseilla à l'Empereur, que l'assemblée se deuant ouuir huit iours apres, il ordonna à

1530. l'Electeur de Saxe de porter deuant luy l'espée, selon son office & rang, quand l'Empereur va & est à la Messe. L'Electeur de Saxe se trouua perplex : d'un costé il luy estoit bien aduis, qu'il contreuenoit à sa profession, & conscience, s'il condescendoit : & l'autre, il craignoit de perdre sa dignité, s'il refusoit : ayant presenty, qu'à son refus, l'Empereur donneroit cet honneur à vn autre. Mais ses Theologiens, disciples de Luther luy baillerent par aduis, qu'il le pouuoit faire sans aucunement blesser sa conscience : entreuenant comme à vne ceremonie ciuile, & non comme à vne religieuse : allegans l'exemple du Prophete Elisee, qui ne trouua point d'inconuenient, que le Chef d'armée de Syrie, apres s'estre conuertý à la vraye religion, s'enclinaist au temple de l'Idole, quand le Roy s'y enclineroit s'appuyant sur son bras. Ce conseil n'estoit nullement approuué par les autres : car d'iceluy on pouuoit inferer & conclure, qu'il est loisible à chacun d'entreuenir à toutes les ceremonies & actes de religion differente, comme à ceremonies ciuiles : veu que iamais ne manquent diuers colorés pretextes de necessité ou d'utilité, qui induisent à ce faire. Autres approuuoient ce conseil, & la resolution de l'Electeur : & concludoient, que si les nouveaux Docteurs en eussent vsé par le passé, ou en vsioient à l'aduenir, en cette façon, en plusieurs occasions on n'ouuriroit point la porte à diuers inconueniens : & que suiuant cet exemple, il estoit loisible à chacun, pour la conseruation de sa dignité, ou estat, ou de la bonne grace de son Seigneur, ou de quelque autre personne eminente ; d'assister à toute action, en qualité de ciuile, quoy qu'autres y entreuinssent en qualité de religieuse.

les conseils secrets du Pape & de l'Empereur desconuerts par vn sermón d'un Nonce.

En icelle Messe, auant l'offrande, fut faite vne Oraison, ou sermon, en Latin, par Vincent Pimpinelle, Archeuesque de Rosan, Nonce Apostolic : en laquelle il ne parla d'aucune matiere spirituelle, ou religieuse : mais seulement reprocha à l'Allemagne, d'auoir supporté tant de maux des Turcs, sans se venger ; & par plusieurs exemples des anciens Capitaines de la Republique de Rome, les exhorta à la guerre contr'eux. Et dit que le desauantage de l'Allemagne estoit, que les Turcs obeissoient à vn seul Prince : en lieu qu'en Allemagne plusieurs ne rendoient point d'obeissance : que les Turcs viuent en vne seule religion : & les Allemands tous les iours en forgent de nouuelles, & se mocquent de la vieille, comme rance & surannée : & les censura de ce que, voulans changer de foy, ils n'en auoient du moins cherché vne plus sainte, & plus prudente. Qu'à l'imitation de Scipion Nasica, de Caton, du peuple Romain, & de leurs ancestres, ils se tinssent à la Religion Catholique. Finalement il les exhorta à delaisser ces nouveautés, & penser à la guerre.

Et plus euidentement par le Legat qui declina le traité du Concile, en sa harangue.

En la premiere seance de la Diete, le Cardinal Campege presenta les lettres de sa legation : & fit vne harangue en Latin en l'Assemblée, en presence del'Empereur, dont telle estoit la substance, Que de tant de sectes qui regnoient en ce temps, l'origine & la cause estoit l'extinction & amortissement de la charité & bienveillance mutuelle : que le changement des ceremonies, & de la doctrine, auoit non seulement deschiré l'Eglise, mais aussi miserablement ruiné toute police. Qu'à ce grand mal les Papes precedens auoient desiré & procuré de remedier, à cet effet auoient enuoyé diuerses legations aux Dietes, mais que ce bon deuoir ayant iusques alors esté sans fruit, Clement l'auoit enuoyé pour exhorter, conseiller, & operer tout ce qu'il pourroit pour restablir la Religion. Et apres auoir loué l'Empereur il exhorta tous d'obeir à ce qu'il ordonneroit, & resoudroit au fait de la Religion, & des articles de la foy. Il incita à la guerre contre les Turcs, & promettant que le Pape n'espargneroit aucune despense pour les secourir. Il les pria, & coniura pour l'amour de Christ, par le salut de leur patrie, & par le leur propre, de quitter les erreurs, & vaquer à la deliurance de l'Allemagne, & de toute la Chrestienté. Que s'ils en faisoient ainsi, le Pape, comme successeur de S. Pierre, leur donnoit sa benediction.

respõduë par la

A cete harangue du Legat, par commandement del'Empereur, & de la Diete, l'Archeuesque de Mayence fit response, Que l'Empereur, par deuoir de supreme

de supreme Aduocat del'Eglise, essayeroit tous moyens pour composer les differens, employeroit toutes ses forces en la guerre contre les Turcs, & que tous les Princes se ioindroient à lui, se portans tous en sorte, que leurs actions seroyent approuuées de Dieu, & du Pape. Apres que d'autres deputations, & ambassades, eurent esté ouïes, l'Electeur de Saxe, ensemble les autres Princes & Villes Protestantes, vnies avec lui, se leua, & presenta à l'Empereur la Confession de leur foi, couchée en Latin & en Allemand, faisant instance qu'elle fust luë. Et l'Empereur ne l'ayant voulu accorder pour la seance de ce iour-là, cela fut remis au lendemain: auquel le Legat, de peur de se preiudicier, ne voulut y entreuenir: mais les Princes estans assemblés en presence de l'Empereur, en vne sale capable de deux cens personnes, elle fut luë à haute voix. Et les villes, qui adheroyent à la doctrine de Zuingle, presenterent aussi separément la leur, accordante en tout avec la susdite, sauf en l'Article del'Eucharistie.

La Confession des Princes, laquelle puis apres fut appellée d'Augsbourg, de cete iournée, en laquelle elle auoit esté luë, contenoit deux parties. En la premiere, estoient exposés les articles de leur foi, en nombre de vintvn: Del'vnité de la diuine Essence: du Peché originel: de l'Incarnation: de la Iustification: du Ministere Euangelic: de l'Eglise: de l'Administration des Sacremens: du Baptisme: de l'Eucharistie: de l'Ordre Ecclesiastic: des Ceremonies de l'Eglise: de la Republique, & police: du Iugement dernier: du Franc arbitre: de la Cause du peché: de la Foi: des Bonnes oeures: & du Seruice & Inuocation des Saints. En la seconde estoient exposés les dogmes differens de l'Eglise Romaine, & les abus que les Confessionnistes reiettoient, couchés en sept articles au long: De la sainte Communion: du Mariage des Prestres: de la Messe: de la Confession: de la Distinction des viandes: des Vœux Monastiques, & de la Iurisdiction Ecclesiastique. Et s'offroyent enfin d'en presenter encores plus ample information, & explication. Or en la preface de cete Confession, ils declaroyent qu'ils auoyent redigé leur Confession de foi par escrit, pour obeir au commandement de Sa Maiesté, Que tous lui presentassent leur opinion: & pour tant si, selon cela, les autres Princes bailloyent les leurs par escrit, ils estoient tout prests de conferer à l'amiable, pour tascher de venir à vn accord. Et que si mesme on n'y pouuoit paruenir, attendu que Sa Maiesté auoit en toute les Dietes precedentes fait entendre de ne pouuoir determiner chose quelconque en matiere de Religion, pour diuers esgards, lors produits & allegués, mais bien qu'il feroit tout deuoir avec le Pape, pour conuoyer vn Concile general: & qu'en la derniere Diete de Spire il auoit fait presenter, Qu'estant sur le point de composer ses differens avec le Pape, il ne falloit plus douter que le Pape ne consentist à vn Concile: ils s'offroyent de comparoir, rendre conte d'eux, & defendre leur cause, en vne telle Assemblée, generale, libre, & Chrestienne, de laquelle on a tousiours traitées Dietes tenues du temps de son Empire. Auquel Concile aussi, & ensemblement à Sa Maiesté, ils ont en due forme de droit appelé: & qu'à cet Appel ils persistent encores, n'entendans aucunement renoncer à icelui par ce traité, ne par aucun autre, si tout premier les differens ne sont appointés en charité Chrestienne.

Et ce iour-là on ne passa à aucune autre action. Mais l'Empereur, auant faire aucune resolution, voulut auoir l'aduis du Legat: lequel, ayant lu & considéré, avec les Theologiens qu'il auoit amenés d'Italie, la susdite Confession, ne voulut consentir à leur iugement, de la refuter, & d'en imprimer sous son nom vne Censure: preuoyant qu'il donneroit occasion à plus grands troubles; & disant tout ouuertement, que, quant à la doctrine, le different lui sembloit, pour la plus grande partie, de paroles seulement: & qu'il importoit peu de dire en vne maniere plustost qu'en vne autre: & qu'il n'estoit point raisonnable, que le S. Siege s'engageast es disputes des Escholes: & pourtant ne permit point que son nom fust employé

1530.

& mesléés disputés. Et fit réponse à l'Empereur, Qu'il n'estoit nullement besoin d'entrer pour lors en exact examen de la doctrine: mais qu'il falloit auoir esgard à l'exemple, qu'on donneroit à tous esprits inquiets, & subtils, qui ne manqueroient iamais de nouveautés à proposer, non moins vraisemblables que celles-là, lesquelles seroient auidement receuës, & ouïes, pour le chatouillement d'oreilles, lequel les nouveautés excitent au monde. Et quant aux abus, qui y estoient remarqués, la correction d'iceux causeroit inconueniens plus grands, que ne sont ceux, qu'on cuideroit remedier. Que son aduis estoit, que, puisque la doctrine des Lutheriens auoit esté luë publiquement, pour oster tout preiugé, fust de mesme luë vne refutation, laquelle toutesfois ne fust point publiee par copies, pour ne donner ouerture aux disputes: mais qu'on s'employast par negotiations & traités, à faire que les Protestans s'arrestassent à cela, sans passer plus auant: leur proposant faueurs & menaces.

Et les diuers iugemens des auantiers.

Mais la lecture de cete Confession produisit diuers sentimens és esprits des Catholiques, qui l'auoyent entendue: aucuns tinrent les Protestans pour plus impies & meschans qu'ils ne s'estoient figurés, auant qu'auoir esté particulièrement informés de leurs opinions: autres au contraires, rabattirent beaucoup de la mauuaise opinion qu'ils en auoyent, & ne tinrent point leurs opinions pour tant estranges & absurdes, comme ils auoyent pensé. Et quant aux abus, ils confessoient qu'ils estoient censurés avec raison. Il ne faut cependant omettre le dire public du Cardinal Matthieu Lang, Archeuesque de Saltsbourg, Que de vrai la reformation de la Messe estoit raisonnable, & la liberté és viandes conuenable, & la demande d'estre deschargés de tant de commandemens humains tres-iuste: mais, qu'il n'estoit nullement tolerable, qu'un chetif Moine voulust reformer tout le monde. Corneille Scoper aussi, Secrétaire de l'Empereur, dit, Que si les prescheturs Protestans auoyent de l'argent, ils acheteroient aisément des Italiens la Religion qui plus leur agreeroit: mais que sans or, ils ne pouuoient esperer que la leur reluisist iamais au monde.

L'Empereur suit le conseil du Legat, & fait refuter la Confession:

L'Empereur, conformément au Conseil du Legat, approuué par ses propres Conseillers, desirant de composer le tout par la pure & simple negatiue, tascha premierement de diuiser les Ambassadeurs des villes de l'vnion des Princes: ce qui n'ayant reüssi, il fit dresser vne refutation de l'escrit des Protestans & separément vne autre, de celui qu'auoyent produit les villes. Et ayant assemblé toute la Diete, dit aux Protestans, Qu'il auoit pesé & considéré la Confession, qu'ils lui auoyent présentée, & auoit baillé charge à certains personages de pieté & sauoir, d'en donner leur iugement. Et là dessus fit lire vne refutation d'icelle: en laquelle, apres auoir censuré plusieurs de leurs opinions, on auouoit à la fin, qu'en l'Eglise Romaine il y auoit quelques choses qui meritoient amendement, auxquelles l'Empereur promettoit de pouruoir: & que pourtant les Protestans se remissent à lui, & retournassent en la communion de l'Eglise: les certifiant, qu'en ce faisant, ils obtiendroyent toutes leurs iustes demandes: qu'autrement, il ne faudroit point de se monstrier protecteur & defenseur d'icelle.

mais les Protestans tenans ferme,

Les Princes Protestans offrirent d'estre prompts à tout ce qui se pouuoit faire, la conscience sauue: & de corriger tout erreur de leur doctrine, dont on leur feroit apparoir par l'Ecriture Sainte: ou s'il escheoit plus grande declaration d'icelle, de la donner. Et pource que d'entre les Articles proposés par eux, aucuns en la refutation, estoient passés & aduoués, autres refutés, si on leur bailloit copie de la refutation, ils estoient tous prests de s'expliquer plus clairement.

L'Empereur consent à vne conference,

En fin, apres plusieurs traités, furent eslus sept d'entre les Catholiques, & sept d'entre les Protestans, pour conferer ensemble, & trouuer moyen de composition: mais, ne se pouuans accorder, le nombre fut réduit à trois de chaque parti: & combien que quelques articles de doctrine, legers, & en petit nombre, & quelques choses menues, concernant les ceremonies, fussent ac-

cordées on vit toutesfois à la fin que la conference ne pouuoit en aucune maniere se terminer en total accord : d'autant que nulle des parties ne s'enclinoit à ceder à l'autre es choses plus importantes. Après que plusieurs iours se furent consumés en ce traité, lecture publique fut faite de la refutation de la Confession présentée par les villes : laquelle ouïe, les Ambassadeurs d'icelles respondirent, Que plusieurs articles de leur escrit estoient rapportés diuersement de ce qui auoit esté escrit par eux, & que plusieurs autres choses par eux proposées, estoient destorquées en sens mauvais & sinistre, pour les rendre odieux. Et qu'ils repliqueroient à ces objections, si on leur bailloit copie de la refutation. Et que cependant ils prioient qu'on n'adiousta point foy à la calomnie, mais qu'on attendist leur defense & iustification. La copie leur fut déniée en disant, Que l'Empereur ne vouloit point permettre, que les matieres de la Religion fussent mises en dispute.

L'Empereur essaya de gagner les Princes par la voye des pratiques : allegant pour principales raisons, Qu'ils estoient en petit nombre, que leur doctrine estoit nouuelle, qu'elle auoit esté suffisamment refutée en cete Diete; que leur hardiesse estoit grande, de vouloir condanner d'erreur, heresie & fausse religion, la Maïeste Imperiale, tant des Princes & estats d'Allemagne, auxquels eux estans comparés, montoient bien peu : & qui pis est, tenir leurs propres peres, & ancestres pour heretiques : & de requerir vn Concile, & cependant passer tousiours auant en leurs erreurs. Mais ces remonstrances seruoient de peu : d'autant qu'eux nioyent absolument, que leur doctrine fust nouuelle, & que les ceremonies & traditions de l'Eglise Romaine fussent anciennes. Dont l'Empereur mit en œuvre, & en ieu, les autres expediens proposés par le Legat Campege, faisant traiter separement avec chacun d'eux, & leur faisant ouuertures de quelques accommodemens, & contentemens qu'on leur donneroit es choses de leur propre interests, & fort desirées : & d'ailleurs leur mettant au deuant plusieurs oppositions, & trauerses, que luy mesme leur donneroit à leurs propres & particuliers affaires, s'ils persisteroient en la resolution de ne se reünir à l'Eglise. Mais l'Empereur ne pût point seulement obtenir d'eux, qu'ils voulussent accorder l'exercice de la Religion Romaine en leurs terres, iusqu'au Concile, lequel il promettoit de faire intimer dans six mois prochainement venant : d'autant que les Protestans halenerent que c'estoit vne inuention & ruse du Legat, lequel ne pouuant tout promptement obtenir son intention, estimoit de faire assez de reestabli l'usage de la religion & doctrine Romaine en tous lieux, & par ce moyen ietter les desordres & la confusion parmy les peuples, ia alienés, dont aisement naistroient des occasions qui extirperoiēt la nouuelle. Car quant à la promesse de l'intimation du Concile dans le terme de six mois, il scauoit bien qu'on pourroit pretendre tous les iours beaucoup d'empeschemens, pour dilayer, & en fin pour eluder toute attente.

Les Protestans se departirent à la fin d'Octobre, sans auoir pû conclure chose quelconque : & l'Empereur fit vn Edit, pour l'establissement des anciennes ceremonies de la Religion Catholique Romaine : lequel contenoit en substance, Que rien ne fust changé, ny innoué en la Messe, au Sacrement de la Confirmation, & de l'extreme Onction : que les Images ne fussent ostées d'aucun lieu : & que celles, qui auoient esté ostées, fussent remises : qu'il ne fust loisible de nier le Franc Arbitre, ne sentir, que la seule foy iustifie : qu'on obseruaſt les Sacremens, les ceremonies & vsages anciens, & les obseques & seruice pour les morts, sans alteration : que les Benefices fussent conferés à personnes idoines & capables : que les prestres mariés, ou quitassent leurs femmes, ou fussent assuiettis au ban : que toutes ventes de biens Ecclesiastiques, & toutes autres vsurpations, fussent cassées & annulées : qu'on n'eust à se departir de ce reiglement, en enseignant & preschant : ains qu'on exhortast le peuple à ouïr la Messe, à inuoker la Vierge Marie & les autres Saints, & à obseruer les festes, & les ieusnes : que les Monasteres, & autres edifices sacrés, fussent rebastis es endroits ou ils auoiēt esté ruinés : & que le Pape fust requis & recherché

1530.

de tenir le Concile, & l'intimer dans le terme de six mois, en lieu conuenable, & apres l'ouurir, au plus tard dans vn an. Et que toutes ces choses fussent stables & fermes, sans admettre appel, ou exception quelconque au contraire. Et qu'à l'execution de cet Edit & Arrest, chacun employast toutes ses forces, & moyens: & mesme la vie, & le sang s'il escheoit. Et que la Chambre procedast contre les contreuenans.

lequel ne
contente
nullement
le Pape,
quiconçoit
de grâdes
indigna-
tion &
soupçons.

Le Pape, ayant eu notice de ce qui s'estoit passé en la Diete, par l'aduis que luy en donna son Legat, conceut vn grand regret & desplaisir en son cœur, voyant que Charles, quoy qu'il eust suiui son conseil, & vsé d'autorité, & souuerain commandement, & menacé de force, n'auoit point pourtant agi en Aduocat de l'Eglise Romaine, auquel n'affiert point de prendre cognoissance de la Cause, ains d'estre pur & simple Executeur des Arrest du Pape: à quoy estoit tout à fait contraire d'auoir receu, & fait lire les Confessions, & ordonné vne Conference pour accorder les differens. Il se pleignoit outre mesure, que quelques points eussent esté accordés: & plus encores, que l'Empereur eust consenti à l'abolition de quelques ceremonies: iugeant que l'autorité Papale estoit violée, lors que choses de si grande consequence se traitoient sans luy: que cela auroit pû estre toleré, si du moins l'autorité de son Legat y fut entreuenue. Il consideroit en outre, que ce que les Prelats y auoient consenty, estoit à son grand preiudice: & sur toutes choses le greuoit la promesse du Concile, tant abhorré de luy: en laquelle, quoy qu'il semblaist que mention y eust esté faite de son autorité fort honorablement: neantmoins, auoit prescript le terme de six mois à le conuoyer, & d'un an à l'ouurir, estoit mettre main en ce qui est propre au Pontife, & faire l'Empereur principal, & le Pape ministre & executeur seulement. Sur ces fondemens il conclut, qu'il ne pouuoit prendre que bien peu de bonne esperance des affaires de l'Allemagne, & qu'il falloit de bonne heure penser à vn preseruatif, afin que le mal ne gaignast sur les autres parties du corps de l'Eglise.

mais pour
sauuer sa
reputation
il feint de
vouloir le
Concile,
dont il do-
ne aduis
par lettres
aux Port-
rats de
chrestienté.

Et puis que ce qui estoit fait & passé, ne pouuoit plus estre non fait, il iugea que ce seroit acte de prudence, de ne monstrier qu'il eust esté fait contre son vouloir, ains de s'en faire autheur luy-mesmes, & par ce moyen gauchir, & rabatre le coup porté contre sa reputation.

mais sa si-
mulation.

Et pourtant il donna aduis de tout ce qui s'estoit passé, à tous les Rois & Princes, despeschans ses lettres sous la date du premier Decembre, toutes de cete mesme teneur, Qu'il auoit esperé que l'heresie Lutherienne se pouuoit esteindre par la presence de l'Empereur: & pour cete cause il s'estoit abouché avec luy à Bologne, pour luy en faire les instances necessaires, quoy qu'il l'y conust assez porté de luy-mesmes. Mais ayant eu aduis de l'Empereur, & de son Legat Campege, que les Protestans se rendoient de plus fort obstinés, il auoit communiqué tout l'affaire avec les Cardinaux, & avec eux auoit clairement veu, qu'il n'y reste autre remede que celui, qui tousiours a esté pratiqué par les Anciens, d'un Concile general: & pourtant les exhorte & requiert tous, de fauoriser vne cause si sainte, par leur presence, ou par leurs Ambassadeurs, en vn Concile general, & libre, lequel il est deliberé d'intimer & conuoyer au plustost en quelque lieu commode en Italie. Les lettres du Pape vinrent à notice à tout le monde, par la diligence de ses ministres: non de vrai, pour ce que le Pape, ne la Cour, desirassent réellement le Concile, ou y appliquassent leur pensée: car ils estoient portez tout à fait au contraire, mais pour entretenir les hommes, afin qu'en l'attente, que bien tost seroient corrigés les abus, & desordres, ils demeurassent fermes en l'obeissance.

trouue peu
de creñce.

Toutes-fois bien peu y furent trompés: d'autant qu'on voyoit tout à trauers, que l'instance faite aux Princes d'enuoyer Ambassadeurs à vn Concile, dont on n'auoit encore arresté le temps, ne le lieu, ne la forme, estoit vne preuention trop affectée.

les Prote-
stans à l'op-
posée es-

Mais les Protestans aussi prirent occasion de ces lettres Papales d'escrire semblablement aux Rois, & aux Princes, & l'année d'apres, en Feurier, dressèrent à chacun d'eux vne lettre au nom commun de tous, de cete teneur

Qu'à leurs Maiestés estoit notoire la vieille plainte des gens de bien contre les abus, & desordre du Clergé, marqués par Jean Gerson, Nicolas de Clemangis, & autres, en France: & par Jean Collet, en Angleterre: & par autres, ailleurs. Que le mesme estoit es années passées aduenü en Allemagne, à l'occasion du detestable & infame trafic des Indulgences, exercé par aucuns Moines. De là passans à exposer tout ce qui s'estoit passé iusques à la dernière Diete, ils disoient, que leurs aduersaires estoient apres à inciter l'Empereur, & autres Rois, contr'eux, employant diuerses calomnies, lesquelles ils font tout prests de refuter & purger deuant vn Concile general de tout le monde, comme ils les auoient ia rabatus en l'Allemagne: & qu'à vn tel Concile ils se remettront volontiers, pourueu qu'il soit tel, qu'en iceluy les passions & les preiugés n'ayent point de lieu. Qu'entre les calomnies, qu'on leur imposoit, cete-cy estoit la principale, qu'ils condannoient les Magistrats, & puissances superieures, & rabaissoient la dignité des loix. Ce qui non seulement est contre verité: mais, comme ils l'ont demonsté en la Diete d'Augsbourg, leur doctrine honore les Magistrats, autorise & defend la force des loix, plus qu'il n'a iamais esté fait es siecles passés: enseignant aux Magistrats, que leur estat, & cete sorte de vie, est tres-agreable à Dieu: & preschans aux peuples, qu'ils sont obligés à prester honneur & obeissance au Magistrat, & ce par le commandement de Dieu, qui ne laissera impunis les rebelles & desobeyssans: puis que le Magistrat a son autorité, & puissance, par ordonnance diuine. Qu'ils leur ont bien voulu escrire ces choses, comme à Rois & Princes de si grande autorité, pour se iustifier entr'eux: les prians de n'adiouster aucune creance à ces calomnies, ains conseruer leur iugement entier, iusques à ce que les accusés ayent moyen & lieu de se purger publiquement.

Et pourtant qu'il leur plaise prier l'Empereur, d'assembler au plustost vn Concile sain & libre, en Allemagne, pour le benefice de toute l'Eglise, & ne proceder point par la voye de la force, iusques à ce que la cause ait esté debatüe, & legitiment décidée.

Le Roy de France respondit par lettres fort courtoises & officieuses, remerciant en substance de la communication d'vn affaire de si grande importance: & monstrant d'auoir leurs iustifications fort à gré, d'approuuer l'instance qu'ils faisoient, que les abus soient corrigés: en quoy sa volonté seroit iointe à la leur: que la demande du Concile estoit iuste, & sainte, voire necessaire, non seulement pour les necessités de l'Allemagne, mais aussi pour toute l'Eglise: qu'il n'estoit nullement raisonnable de venir aux armes, quant on peut terminer les differends par voye de droit, & de traité. De semblable teneur furent les lettres du Roy d'Angleterre: lequel de plus en particulier se declara de desirer de sa part aussi grandement le Concile, & de se vouloir entremettre enuers l'Empereur, pour trouuer quelque voie d'accord.

Des que le decret imperial fut allé par toute l'Allemagne, incontinent commencerent en la Chambre de Spire les accusations contre ceux qui suiuoient la nouuelle Religion, intentées des vns par zele, des autres par desir de vengeance, & inimitiés particulieres, & des autres par cupidité d'enuahir les biens des aduersaires. Plusieurs sentences furent rendües, plusieurs declarations données, & plusieurs confiscations faites contre Princes, Villes, & particuliers: sans que toutes-fois aucune eust effet, sauf quelqu'vn contre les particuliers, qui auoient leurs biens sous la iurisdiction & estats des Catholiques. Par les autres ces Arrests & sentences estoient mesprisées, au grand dechet de la reputation, non seulement de la Chambre, mais de l'Empereur mesmes: lequel s'apperceut bien tost apres, que la medecine n'estoit point appropriée au mal, qui se rengregeoit tous les iours. Car les Princes, & les Villes Protestantes, outre ce qu'ils faisoient peu d'estat des iugemens de la Chambre, s'estoient vnus entr'eux, & preparés à la defense, & fortifiés d'intelligences estrangeres: tellement que, si les choses passaient outre, on voyoit naistre vne guerre ciuile, perilleuse pour l'vn & pour l'autre party, & quel-

1530.
ciuile, & aux
mesmes,
pour leur
iustifica-
tion.

re priere
tout à cer-
tes vn cou-
cile.

de l'Em-
pereur par
leur inter-
cession.

auquel de-
sir ils font
secondés
par les rois
de France
& d'An-
gleterre.

& par
l'Empe-
reur mes-
mes, qui
voit son
Arrest ri-
goureux
mesprisé
& inutile.

1531. que issuë qu'elle pust auoir, en tout cas pernicieuse à l'Allemagne. Et pour-
 dont on re- tant il acquiesça, que quelques Princes s'entremissent, & trouuassent quel-
 tourne aux que voye d'accord. Et pour cet effet cete mesme année, mil cinq cens trente
 traités, & vn, plusieurs traités & negotiations se firent, pour les articles & conditions
 est à cet ef- de cet accord: & pour le conclurre, fut ordonnée vne Diete à Regensbourg
 fet assi- pour l'année suiuanté.

à Regens- Cependant les affaires demeuroient pleins de soupçons, dont les mes-intel-
 pour. ligences & desfiances des deux partis croissoient plustost qu'autrement. Et
 les troubles en cete année aduint aussi vn notable accident en Suisse, qui fut cause d'ap-
 de Religio pointer leurs differens. Car, quoy que la controuersé de la Religion d'entre
 croissent Zurich, Berne, & Basle d'une part, & les Cantons Papistiques de l'autre, eust
 en Suisse. esté maintesfois assoupie par l'entremise de plusieurs, les esprits ne laissoient
 pas d'en demeurer grandement aigris & vlcerés: & par les iournalles occa-
 sions, de mescontentemens, les estrifs se renouelloient. En cete année ils
 on viét aux vinrent à leur comble, par les defenses des viures, que firent ceux de Zurich,
 armes, & de Berne, aux cinq Cantons: & pour cete cause les vns & les autres pri-
 rent les armes. Et ceux de Zurich sortans à la guerre, Zuingle alla avec
 eux au camp: quoy que plusieurs de ses amis l'exhortassent à demeurer chez
 soy, & à laisser aller vn autre à ceste charge: à quoy il ne voulut iamais con-
 sentir, afin qu'il ne semblast qu'il ne fust bon qu'a animer le peuple, & ce-
 pendant qu'il luy voulust faillir au besoin en occasion dangereuse. Ils liure-
 rent bataille l'onzième Octobre, en laquelle ceux de Zurich eurent du pi-
 re, & Zuingle y fut tué: dequoy les Catholiques firent plus de ioye, que de la
 victoire mesme: & mesmes firent plusieurs insolences & ignominies à ce
 corps mort. Toutesfois cete mort fut cause principale, que derechef, par
 l'entremise de quelques vns, ils s'accorderent entr'eux: chacun des
 deux partis retenant sa propre Religion: & les Cinq Cantons Catholiques
 tenant pour tout asseuré, que par le decés de celuy qu'ils estimoient auoir
 esté, par ses predications, autheur du changement de Religion au païs,
 tous retourneroient à l'ancienne: confirmés en cete mesme opinion, par-
 ce qu'Ecolampade, Ministre de Basle, consentant en tout avec Zuingle,
 estoit mort peu de iours apres iceluy, d'affliction conceuë de la mort de son
 amy: dont: les Catholiques attribuoient ces deux morts consecutives à la
 prouidence de Dieu, lequel par compassion enuers la nation Helue-
 tique, auoit punis, & ostés du monde, les chefs & ministres de la dis-
 sention. Et de vray c'est bien vne pensée pieuse & religieuse d'attribuer la
 disposition de tous euenemens à la prouidence diuine: mais de terminer à
 quel but sont dirigés les euenemens par cete souueraine Sapience, c'est cho-
 se qui ne s'esloigne point de l'outrecuidance & presomption. Et les hom-
 mes espousent si passionnement leurs propres opinions, qu'ils croient que
 Dieu les porte & fauorise, autant qu'ils font eux mesmes. Mais les choses a-
 uenuës es temps suiuians, ont monstré, qu'apres la mort de ces deux, les Can-
 tons, appellés Euangeliques, ont fait plus grands progrès en la doctrine qu'ils
 auoient embrassée. Argument certain qu'icelle procedoit de cause plus
 haute, que de Zuingle.

En Allemagne la concorde des Protestans avec les autres fut moyénée par
 les Electeurs de Mayence & Palatin: & plusieurs escrits furent faits, & sou-
 uent changés, parce qu'ils ne contentoient pas entierement ne l'une ne l'autre
 partie. Cela fit venir l'Empereur à cete resolution, que le Concile estoit
 extremement necessaire: & ayant communiqué avec le Roy de France, il en-
 uoya homme en poste à Rome, pour traiter avec le Pape, & le College des
 Cardinaux. L'Empereur ne faisoit point force sur le lieu, ne sur aucune con-
 dition speciale, pourueu que les Allemans receussent contentement, en for-
 te qu'ils y entreuinsissent, & s'y soumissent: & le Roy de son costé aussi iugeoit
 raisonnable de les contenter, & s'offroit de s'y employer. L'Ambassade fut
 exposée au Pape en ces termes, Que l'Empereur auoit essayé toutes voyes &
 moyens pour reünir les Protestans à l'Eglise, y ayant employé & l'autorité,

& les menaces, & les persuasions, & en fin le bras de la iustice : mais que le tout auoit esté en vain : dont il ne restoit plus que, ou la guerre, ou le Concile. Qu'il ne pouuoit venir au premier, pour les grands appareils de guerre, que faisoit le Turc contre lui : & que pourtant il estoit forcé de venir à l'autre moyen : & prioit le Pape, qu'à l'exemple de ses predecesseurs, il se contentast d'ottroyer vn Concile, auquel les Protestans ne fissent point de difficulté de se soumettre : selõ qu'à plusieurs fois ils auoyent offert de se tenir à la determination d'un Concile libre, auquel fussent iuges personnes non interessées. Le Pape, qui pour tout ne vouloit point de Concile, ayant ouï cete requeste, & ne la pouuant rabattre par vn precis refus, & negatiue, y consentit en telle façon, & à telle condition, qu'il fauait bien ne pouuoir estre acceptée. Il mit en auant pour le lieu du Concile vne des villes de l'estat de l'Eglise, nommant Bologne, Parme, ou Plaifance : villes capables de receuoir vne grande multitude, opulentes & abondantes pour la nourrir, & de tres-bonne temperature d'air, avec vn beau & ample territoire à l'environ : en l'une desquelles les Protestans ne deuoyent point faire de difficulté de venir, veu qu'il leur donneroit plein & ample saufconduit, & mesmes se trouueroit là en personne, afin que le tout s'y mariaist en bonne paix Chrestienne, sans faire tort à aucun. Qu'il ne pouuoit cõdescendre à le laisser tenir en Allemagne : d'autant que l'Italie ne supporteroit point d'estre postposée à l'Allemagne : & l'Espagne, & la France, qui, pour le respect & prerogatiue du Pontificat, deferent à l'Italie en choses Ecclesiastiques, ne voudroyent point ceder à l'Allemagne : & que l'autorité d'un Concile, ou il n'y eust qu'Allemands, ou bien peu d'autres nations, seroit de peu d'estime. Qu'on ne remettoit point la medecine au vouloir & choix du malade, mais du medecin. Et que l'Allemagne, corrompue par la multiplicité, & varieté des nouuelles opinions, ne pouuoit donner bon & sain iugement en ces matieres, comme l'Espagne, l'Italie, & la France, qui sont encores entieres, & perseuerent en l'obeissance & suiectiõ du S. Siege, & de l'Eglise Romaine, qui est la Mere & la Maistresse de tous Chrestiens. Et quant à la forme de definir les matieres au Concile, il n'estoit point necessaire d'en parler, veu qu'il n'y escheoit point de difficulté, sinon qu'on voulust introduire vne forme de Concile nouuelle, & sans exemple en l'Eglise. Qu'il estoit tout notoire, qu'il n'y a que les Euesques qui ayent voix & suffrages, par les Canons ; & les Abbés, par la coustume ; & quelques autres, par priuilege Papal. Tous les autres, qui pretendent y estre ouïs, sont tenus de se soumettre à la determination de ceux-là : & que tout decret se fait au nom du Synode, si le Pape est absent : mais s'il y est present en personne, les decrets se passent sous son nom, avec la seule approbatiõ des Peres du Synode. Les Cardinaux aussi parloyent en mesme sens, entreiettans neantmoins tousiours quelque raison, pour monstrier que le Concile n'estoit point necessaire, attendu la determination de Leon, laquelle estant mise en effet, on remedioit à tout : & qui refuse de se remettre à la determinatiõ du Pape, sur tout faite par l'aduis & conseil des Cardinaux, beaucoup plus mesprisera tout decret du Concile. Qu'on voit à l'œil que les Protestans ne reclament le Concile, que pour entreietter du temps à l'execution de l'Edit de Vvormies : d'autant qu'ils scauent bien, que le Concile ne pourra faire autre chose, qu'approuuer simplement ce que Leon a déterminé, s'il ne veut deuenir Conciliabule, cõme ont esté tous ceux qui se sont esloignés de la doctrine, & obeissance Papale.

L'Ambassadeur de l'Empereur, pour trouuer quelque temperament, eut plusieurs deuis & conferences avec le Pape, & deux Cardinaux, deputés par lui à cet affaire. Et mit en consideration, que ce n'estoit ne l'Italie, ne la France, ne l'Espagne, qui eussent besoin du Concile, ne qui le requissent ; & pourtant qu'il n'estoit à propos de mettre en conte leurs esgards : qu'icelui estoit recherché pour guerir les maux de l'Allemagne, auxquels il deuoit estre approprié, & proportionné. Et pourtant, qu'il falloit choisir vn lieu, auquel toute cete nation püst entreuenir : car, des autres, il suffisoit qu'il y en eust

*qu'il met
des secrets
& obliques
empesche-
mens,*

*comme au-
si les Car-
dinaux :*

*auxquels
par le prui-
uement
l'Ambassa-
deur de
l'Empereur*

1552.

quelques principaux personnages, veu qu'il ne s'agissoit point d'elles. Que les villes proposées estoient bien douées de tres-bonnes qualités, mais estoient trop esloignées de l'Allemagne. Et, quoi que la foi & paroles de Sa Sainteté dult asseurer chacun, que toutesfois les Protestans auoyent diuerses raisons d'ombrages, & soupçons, & vieilles, & nouuelles: entre lesquelles ils tenoyent pour la moindre, que le Pape Leon dixiesme, cousin de lui Clement, les auoit ia condannés & declarés heretiques, et, ores que toutes ces raisons se pussent & dussent resoudre par la seule creance qu'on doit prendre de la parole du Souuerain Pontife, Sa Sainteté neantmoins, tant prudente, & versée en affaires, pouuoit aisement reconoistre, qu'il faut de necessité condescendre quelquesfois aux imperfections des autres, & par compassion s'accommoder à ce, qui, si non du de rigueur, du moins est conuenable selon equité. Et quant aux voix & suffrages deliberatifs du Concile, il lui representa, qu'iceux ayans esté introduits par coustume, & en partie par priuilege, il se presentoit vn beau champ ouuert d'exercer sa benignité, donnant lieu & entrée à vne autre coustume plus propre au temps present. Car, si iadis les Abbés, par coustume, furent admis, pource qu'ils estoient les plus doctes & entendus es affaires de la Religion: la raison commande, qu'au temps present on face le mesme enuers personnes d'egal, ou plus grand sauoir, quoi que sans titre Abbatial. Mais, que le priuilege donneroit moyen de satisfaire à tous: car, accordant ce priuilege à toute personne, qui puisse faire le seruice de Dieu en cete Assemblée, on composera & fera vn Concile saint, & Chrestien, iustement tel que le monde le desire.

mais le Pape demeura roide, l'Empereur fait vn Accord, & donne liberté aux Protestans iusqu'au Concile:

Le Pape respondit à toutes ces raisons, sur les motifs & fondemens desusdits: tellement que l'Empereur ne pouuant obtenir autre du Pape, le traité demeura pour lors imparfait. Et l'Empereur s'employa à solliciter l'accord encommencé, lequel estant ia fort auancé, & la guerre des Turcs estant à la porte, finalement fut publiel' Accord, le vinttroisieme Iuillet, en ce sens, Qu'il y ait bonne paix commune & publique entre la Maiesté Imperiale, & tous les Estats de l'Empire d'Allemagne, tant ecclesiastiques, que seculiers, iusqu'à vn general, libre, & Chrestien Concile: & que cependant nul n'ait pour cause de Religion, à faire guerre à l'autre, le saisir, despouiller ou assieger. Mais qu'être tous il y ait, & soit gardée vne vraye amitié, & vnion Chrestienne. Qu'il plaise à l'Empereur procurer que dans six mois soit intimé le Concile, & dans vn an ouuert. Que si cela ne se peut effectuer, tous les Estats de l'Empire soyent appelés, & assemblés, pour deliberer ce qui sera à faire tant à l'esgard du Concile, que de toutes autres choses necessaires. Que l'Empereur suspēde & surseē tous proces iuridiques en cause de Religion, intentés par son Procureur fiscal, ou par autres, contre l'Electeur de Saxe, & ses alliés, iusqu'à la tenue du futur Concile, ou iusqu'à la deliberation susdite des Estats. Que respectiuellement l'Electeur de Saxe, & les autres Princes, & villes, promettent de garder de bonne foi cete paix publique: & de rendre à l'Empereur l'obeissance due, & de lui prester conuenable secours contre le Turc. Cete paix fut ratifiée & confermée par l'Empereur, par ses patentes du deuxieme Aoust, & tous proces sursis: avec promesses de faire tout deuoir que le Concile fust intimé dans six mois, & ouuert dans vn an prochainement venant. Il exposa aussi aux Princes Catholiques le succes de l'Ambassade qu'il auoit enuoyée à Rome, pour la tenue du Concile: adioustant qu'on n'auoit pu encores iusques alors appointer certaines difficultés bien grandes sur la forme & lieu dudit Concile: mais toutesfois qu'il continueroit à traualier à les resoudre, & faire venir le Pape à la conuocation: esperant qu'il ne voudroit faillir au besoin de la Chrestienté, & à son deuoir. Mais que, quand cela ne reüssiroit point, lui-mesme intimerait vne Diete, pour y trouuer remede.

sur quoy les iugemens sont fort diuers:

Ce fut là la premiere liberté de Religion, laquelle les adherans à la confession de Luther, dite d'Augsbourg, obtinrent par Arrest public: sur lequel les iugemens & discours furēt fort diuers par le monde. A Rome l'Empereur

pereur estoit blasmé d'auoir mis la faucille en la maison d'autrui: veu que tous Princes sont obligés, par liens tres estroits de Censures, à l'extirpation des condamnés par le Pape de Rome: en quoy ils sont tenus d'employer l'auoir, l'Estat, & la vie. Et les Empereurs de tant plus, qu'ils en font solennels sermens. Ausquels l'Empereur ayant contreuenue d'une façon inouïe, il estoit à craindre qu'on n'en vist bien tost la vengeance celeste. Autres louoyent grandement la pieté, & la prudence de l'Empereur, d'auoir eu plus d'esgard au danger pendant du nom de Chrestien par les armes des Turcs, ennemis capitaux de la Religion Chrestienne, auxquels il n'eust pû résister, sans s'asseurer des Protestans, Chrestiens aussi, quoi que differens des autres en quelques ceremonies particulieres, qui est vne difference tolerable. Que la maxime, tant cornée à Rome, qu'il faut plustost poursuiure les heretiques, que les infideles, estoit bien auenante à la domination Papale, mais non au benefice de la Chrestienté. Aucuns autres, laissant à part la consideration du Turc, disoyent, Que les Royaumes & Estats, ne se doiuent point gouverner par les reigles & maximes des Prestres, plus que tous autres interessés en leurs grandeurs, & commodités: mais selon l'exigence du bien public, lequel parfois requiert la tolerence de quelque defaut, Que le deuoir de tout Prince Chrestien est de procurer egaleement que tous ses suiets tiennent la vraye foi, comme aussi qu'ils obseruent tous les commandemens de Dieu, sans exception de l'un plus que de l'autre. Nonobstant cela, quand un vice ne se peut extirper sans la ruine de l'Estat, Dieu auoit pour agreable qu'on le tolerast: & qu'il n'y auoit point plus grande obligation à punir les heretiques, que les paillards: lesquels si on souffre pour le repos public, il n'y a pas plus d'inconuenient à souffrir ceux qui n'adherent à toutes nos opinions. Et quoi qu'on ne puisse aisément alleguer exemple de Princes, qui ayent pratiqué cete equité & souffrance des huit cens ans en ça: toutesfois, qui regardera l'histoire des temps qui ont precedé ces huit siecles, trouuera que tous en ont ainsi usé, & louablement, quand la necessité l'a requis. Que si l'Empereur Charles, apres auoir, par l'espace de douze ans, essayé par tous moyens de remedier aux diuisions de la Religion, n'en est pû venir à chef, qui l'oseroit reprendre, si, voulant esprouuer aussi la voye du Concile, il a cependant establi la paix en Allemagne, pour ne la point voir aller en ruine? Que nul ne fait que c'est de gouverner un Estat, que le propre Prince, qui seul void & conoit toutes les necessités d'icelui. Que, quiconque gouvernera son Estat, regardant aux interets d'autrui, le ruinera: & qu'aussi peu pouuoit-il reussir de gouverner l'Allemagne en la maniere que desirent ceux de Rome, que de regir Rome au gré des Allemens.

Nul homme, lisant cet acte, ne doit trouuer estrange, si tels discours, & maints autres semblables, tournoient lors par la pensée des hommes, veu que c'est chose, qui touche à tous sur le vif: car il s'agit en cela de sauoir, si chacune region de Chrestienté doit estre gouvernée, selon que requiert sa necessité, & vtilité: ou bien, si elles sont toutes esclaves d'une seule ville de Rome: & si pour maintenir les commodités d'icelle, toutes sont obligées à employer & y mettre leur tout, voire mesme se desoler. Les temps qui ont fuiui, ont donné & donneront document à perpetuité, que la resolution de l'Empereur estoit conforme à toutes loix diuines & humaines. Le Pape, lequel plus que tous autres fut troublé de ceci, vid toutesfois bien, comme il estoit tres-entendu au fait du gouvernement d'Estat, qu'il n'auoit point de suiet de se plaindre: mais aussi il conclut, que ses propres interets ne pouuoient conuenir avec ceux de l'Empereur: & pourtant en son cœur il s'aliena totalement de lui.

L'Empereur, apres auoir repoussé le Turc de l'Austriche, passa en Italie, & s'aboucha avec le Pape, & traiterent là ensemble de toutes les affaires communes. Et, quoi qu'ils renouvelassent entr'eux leur confederation, le Pape n'estoit pas entierement content, tant pour la liberté de Religion otroyée en Allemagne, que pource qu'ils ne s'accordoyent point bien au fait

*L'Empereur
s'aboucha
de rechef
avec le Pape
à Bologne
sur le fait
du Concile*

1533.

du Concile. L'Empereur, conformément à la proposition faite par son Ambassadeur l'année precedente, persistoit à requerir vn Concile tel, qu'il püst remedier aux maux de l'Allemagne: ce qui ne pouuoit estre, sinon que les Protestans y eussent part. Le Pape insistoit aussi de son costé à la deliberation d'alors, De desirer qu'il ne se tint point de Concile pour tout: mais, quād on y eust esté porté de necessité, que ce fust en Italie, & que nul autre n'i eust voix deliberatiue, que ceux, lesquels les loix & decretz des Papes ordōnent. L'Empereur se seroit facilement accommodé à la volonté du Pape, en cas qu'on eust pu trouuer moyen de contenter les Protestans: & pour en certifier le Pape, il mit en auant, Qu'il enuoyast vn Nonce en Allemagne, & lui coniointement vn Ambassadeur pour trouuer quelque expedient à ces difficultés: promettant que son ambassadeur, se gouuernerait selon la volonté du Nonce. Le Pape accepta l'offre & ouuerture: mais pour tout cela n'estoit pas à plein satisfait de l'Empereur: d'autant qu'il tenoit pour assuré, qu'en cas que les instances de ces deux ministres & deputés n'eussent effet, l'Empereur tascheroit en quelque sorte que ce fust, de donner contentement à l'Allemagne. Et pourtant dès lors Clement se resolut de se ioindre plus estroitement avec le Roi de France, pour auoir tousiours le moyen de trauerser & empescher tout ce que l'Empereur proposeroit, ou entreprendroit.

*enuoyent
conioin-
ment vne
Ambassade
en Allem-
gne sur c.
suiet.*

En execution de l'ouuerture faite, & acceptée, apres Pasques de l'année mil cinq cens trentetrois, le Pape enuoya Hugues Rangon, Euesque de Rege, accompagné d'un Ambassadeur de l'Empereur: lesquels arriues vers Iean Frideric, Elekteur de Saxe, chef des Protestans, lequel peu de mois auparauant auoit succédé à son pere decedé, ledit Rangon exposa sa commission, Que le Pape Clement, dès son auenement au Pontificat, auoit tousiours sur toutes choses desiré, que les differens de Religion, esmus en Allemagne, fussent terminés & composés: & à cet effet y auoit enuoyé plusieurs tres-sauans personnages: lesquels ayans trauillé en vain, le Pape auoit eu esperance qu'à l'arriuee de l'Empereur, apres son couronnement, tout l'affaire se termineroit. Ce qui n'ayant eu le succès desiré, l'Empereur estant retourné en Italie, lui auoit mōstré, qu'il n'y auoit remede plus propre, que d'un Concile general, souhaite semblablement des Princes d'Allemagne. Ce que lui Pape auoit eu pour fort agreable, tant pour le bien public, que pour gratifier à l'Empereur: & pourtant auoit enuoyé sa personne pour conuenir de la forme, & du lieu, & du temps du Concile futur. Quant à la forme, & ordre, le Pape mettoit en auant certaines conditions necessaires: la premiere, Qu'il soit libre, & general, ainsi que les Peres iadis les ont tousiours celebrés. En apres, que ceux qui le requierent, promettent & donnent seurte de receuoir les decretz qui y seront faits, & s'y tenir. Car autrement, ce seroit peine perdue de faire des loix, lesquelles on ne vueille obseruer. D'auantage, que qui n'y pourra estre present, y enuoye Ambassadeurs, pour faire la promesse, & donner les seurtes requises. Et qu'outre tout cela, il est necessaire, qu'auant le Concile toutes choses demeurent en l'estat ou elles sont, sans innouation. Le Nonce adiousta, que quant au lieu de la tenue, le Pape y auoit fait vne grande, longue & frequente consideration. Car il falloit pouruoir qu'il fust fertile, pour fournir de viures & de comodités, à vn si celebre abord de gens: & ensemblément de bon air & sain, afin que le cours & progrès n'en fust interrompu par les maladies suruenantes. Et finalement il lui sembloit que l'une de ces villes, Bologne, Plaisance, ou Mātouë, estoit fort propre, laissant au choix de l'Allemagne de prendre celle qui lui agreeroit le plus. Adioustant aussi d'ailleurs, qu'en cas que quelque Prince ne viene, ou n'enuoye ses Ambassadeurs au Concile, il sera lors iuste & raisonnable, que tous les autres prennent en main la defense de l'Eglise. Et pour sa conclusion dit, Que, si l'Allemagne donne conuenable responce à ces propositions, le Pape sans delai traitera avec les autres Rois, & dans le terme de six mois intimera le Concile, pour l'ouurir dās vn an: afin qu'on puisse faire prouision de viures: & que tous, nommément les plus esloignés, se tintissent preparer au voyage.

Le Nonce presenta aussi sa proposition par escrit: & l'Ambassadeur fit les mesmes instances avec l'Electeur: lequel ayant requis terme à respondre, le Nonce en receut vn singulier contentement, ne desirant autre que delai & remise: & prit cete responce pour presage que sa negotiation auroit heureuse issue. Et ne sepût contenir de louer l'Electeur, qu'il voulust mettre du temps à deliberer d'vn affaire, qui certe le meritoit. Toutesfois l'Electeur respondit peu de iours apres, Qu'il s'estoit grandement resiouï, qu'en fin l'Empereur, & le Pape, estoient venus à la resolution de tenir vn Concile: auquel, suiuant les promesses tant de fois faites à l'Allemagne, les controuerfes fussent legitiment traitées, selon la reigle de la Parole de Dieu. Que pour son particulier, il desireroit pouuoir donner tout presentement responce aux choses proposées: mais, d'autant qu'il y a plusieurs Princes, & Villes, qui en la Diete d'Augsbourg ont embrassé la mesme Confession de foi que lui, il n'est conuenable, ni vtile pour la cause, qu'il responde separément sans eux. Mais, puis qu'une iournée a esté intimée pour le vintquatrième Iuin, que le Nonce soit content d'accorder ce peu de delai, pour auoir vne conclusion plus commune, & resoluë. Tant plus grande encores fut la ioye, & l'esperance du Nonce, lequel eust desiré que le delai eust esté d'années plustost que de mois. Mais les Protestans, assemblés à Smalcad au terme dessusdits, rendirent leur responce, Remercians l'Empereur, d'auoir pour la gloire de Dieu, & le salut del'Estat, pris la peine de faire celebrer vn Concile: laquelle peine toutesfois seroit vaine & inutile, en cas qu'icelui fust tenu, sans les conditions necessaires pour guerir les maux de l'Allemagne, qui desire qu'en icelui les controuerfes soyent decidées par droit ordre, & legitime procedure: & espere totalement de l'obtenir tel: attendu les frequentes promesses qu'en a fait l'Empereur en diuerses Dietes Imperiales: & que, selon la meure deliberation & resolution des Princes & Estats, il seroit tenu en Allemagne. Et que, puis qu'à l'occasion des Indulgences preschées, plusieurs erreurs & abus auoyent esté descouuerts, & là dessus le Pape Leon auoit condanné la doctrine, & les Docteurs, qui auoyent reuelé les abus: & qu'au reciproque la sentence de condannation de Leon auoit esté impugnée par les tesmoignages des Prophetes & des Apostres, dont estoit née la Controuerse: icelle maintenant ne pouuoit estre terminée qu'en vn Concile: mais tel, qu'en icelui la sentence du Pape, ne la puissance de qui que ce soit, ne püst preiudicier à la cause, & que le iugement fust rendu, non selon les decretz des Papes, ou les opinions scholastiques, mais selon la Sainte Escriture. A defaut de quoi, toute peine seroit prise en vain. Comme en font foi les exemples de quelques autres Conciles, tenus es temps precedens. Que maintenant les propositions du Pape sont contraires à ces fins, aux requestes des Dietes, & aux promesses de l'Empereur. Car, quoi qu'en paroles le Pape propose vn Concile libre, de fait toutesfois il le veut brider, tellement que les vices & abus n'y puissent estre censurés, & que lui y puisse maintenir sa puissance. Que c'est vne demande de raisonnable, qu'aucuns s'oblige à garder les Arrests, auant qu'on sache quel ordre, procedure, & forme, on tiendra à les faire: si le Pape voudra que le souverain pouuoir soit par deuers lui, & les siens: s'il voudra que les controuerfes soyent examinées à la reigle des Saintes Escritures, ou des loix & traditions humaines. Qu'ils tenoyent aussi cete clause pour captieuse, Que le Concile fust celebré selon les anciennes coustumes: car si par icelles on entendoit celles des premiers & plus anciens temps, quand on faisoit les decisions conformément aux Saintes Escritures, ils ne le refuseroyent nullement. Mais, que les Conciles des siecles prochainement precedens auoyent esté fort differens de ces anciens-là, & auoyent trop deféré aux decretz des hommes, & des Papes. Que la proposition estoit bien specieuse, mais estoit toute la liberté requise & necessaire à la cause. Qu'ils prioient l'Empereur de moyenner que le tout se passast legitiment. Que tous peuples estoient suspendus en l'attente du Concile, & le requeroient avec vœux & prieres: lesquelles se conuertiroient en grande tristesse, & trauail d'esprit, en cas

*qui sont
reietées
par les Pro
testans as
semblés à
Smalcald.*

1533.

que cete esperance fust frustrée, par l'ottroi d'un Concile, mais diuers de ce qui estoit desiré & auoit esté promis. Qu'il ne falloit point douter que tous les Estats de l'Empire & les autres Rois & Princes, ne fussent aussi de mesmes aduis, de reietter ces liens & entraues, desquelles le Pape pretend les enfermer en vn nouveau Concile. Que s'il lui est permis de manier les choses à son arbitrage & bon plaisir, ils remettront le tout à Dieu, & penseront à ce qu'ils auront à faire. Et nonobstant tout cela, s'ils sont cités avec seuretes suffisantes & legitimes, & voyent de pouuoir operer quelque chose pour le seruice de Dieu, ils ne faudront de comparoir: à condition, & avec proteste toutesfois, de ne consentir aux demandes du Pape, ni à Concile non conforme aux Arrests des Dietes Imperiales. Pour conclusion, ils prioient l'Empereur de ne prendre leur resolution en mauuaise part: ains de procurer, que la puissance de ceux, qui des plusieurs années exercent leur cruauté contre les innocens, ne soit de plus fort confirmée, & autorisée.

qui pu-
blient leur
responses:

Les Protestans se delibererent non seulement d'envoyer cete response au Pape, & à l'Empereur, mais aussi de l'imprimer, avec la proposition du Nonce: laquelle par le Pape mesmes fut iugée imprudente, & trop descouuerte. Et pourtant, sous pretexte qu'il estoit vieil, & impuissant à soustenir cete charge, le Pape le rapella, & escriuit à Vergere, Nonce aupres du Roi Ferdinand, qu'il en prist la charge, avec les mesmes instructions: prenant bien garde de ne se departir iamais de sa volonté, & de ne prester l'oreille à aucun expedient, quoi que le Roi le recherchast: pour n'estre par mesgarde ietté en quelque destroit, & en necessité de venir actuellement au Concile, qui n'estoit nullement vtile pour l'Eglise, ne pour le S. Siege.

Et le Pape
malcontent
de l'Em-
pereur pour
cete instan-
ce du Con-
cile, s'ali-
lie avec le
Roi de
France,

Pendant qu'on traitoit ces affaires, le Pape preuoyant bien la response qu'il auroit d'Allemagne: & ayant desia des Bologne pris peu de confiance de l'Empereur, s'aliena à cete heure totalement de son amitié: d'autant qu'en la cause de Modene, & de Rege, ventilante entre Sa Sainteté & le Duc de Ferrare, le iugement de laquelle auoit esté, par le consentement des parties, remis à l'Empereur, il auoit prononcé en faueur du Duc. Pour toutes ces causes, le Pape negocia vne alliance avec le Roi de France: laquelle fut conclue, & mesme confirmée par le mariage de Henri, deuxieme fils du Roi, avec Catherine de Medicis, arriereniece du Pape. Et pour mettre la derniere main à tout ce traité, le Pape se transporta en personne à Marseille, pour s'aboucher avec le Roi. Et entendant que ce voyage estoit generalement blasimé de tous, comme entrepris non à aucun but du bien public, mais de la seule grandeur de sa maison; il le iustificoit, disant, Qu'il l'entreprenoit afin de persuader le Roi à fauoriser le Concile, pour exterminer l'heresie Lutheriene. Et est bien vrai, qu'en ce lieu-là, outre les autres negotiations, il fit office enuers le Roi Treschrestien, qu'il s'employast enuers les Protestans, & sur tout enuers le Landgraue de Hessen, qui le deuoit aller trouuer en France, à ce qu'ils se deportassent de demander vn Concile: leur proposant, qu'ils trouuassent quelque autre voye d'accommoder les differens, & promettant d'y contribuer en son temps, de bonne foi, tous puissans moyens & deuoirs.

que pen-
sant faire
seruice au
Pape,

Le Roi fit l'office, & ne put pourtant gagner chose aucune: le Landgraue alleguant, qu'il n'y auoit autre moyē d'obuier à la totale desolation de l'Allemagne: & que de ne parler plus du Concile, estoit autant que se ietter volontairement en la guerre ciuile. Le Roi traita en apres avec lui que du moins ils fussent contents qu'icelui se tint en Italie. Mais, ni à ceci ne voulurent consentir les Allemans; disans, Que c'estoit vn parti pire que le premier, lequel seulement les mettoit en guerre: en lieu que cetui-ci les iettoit en vne irreparable seruitude corporelle & spirituelle: à laquelle on ne pouuoit obuier autrement, que par le Concile, & icelui tenu en lieu libre. Et que, condescendans, en faueur de Sa Maïesté, à toutes choses possibles, ils desisteroyent bien de l'instance qu'il se tint en Allemagne, pourueu qu'on assignast hors de l'Italie quelque lieu, quoi que proche, mais qui fust libre.

Le Roi, au commencement de l'année mil cinq cens trentequatre, donna auis au Pape de ce qu'il auoit oppéré, & s'offrit de faire que les Protestans se contentassent du lieu de Geneue, Sur quoi le Pape douta que le Roi, quoi que son nouveau allié & confederé, n'eust à plaisir de le voir en peine, ou bien qu'il eust en cet affaire manqué de son accoustumée prudence. Et conclut, qu'il n'estoit pas expedient de l'employer plus auant en cet affaire: & lui escriuint lettres de remerciement du bon deuoir rendu, sans toucher à la particularité de Geneue: & releua le courage à plusieurs de sa Cour, qui en auoyent pris l'alarme, les assurant que pour chose du monde il ne consentiroit à vne telle folie.

Mais en cete année, en lieu de racquerir l'Allemagne, le Pape perdit l'obeissance de l'Angleterre, par auoir procedé en vne cause plus par courroux & passion, que par la prudence necessaire en grandes affaires. L'accident fut de grande importance, & de plus grande suite encores. Et pour le presenter par ordre, il en faut reprêdre de plus haut les causes premières.

Henri huitieme, Roi d'Angleterre, auoit espousé Catherine Infante d'Espagne, tante par mere de l'Empereur Charles Quint. Icele auoit esté mariée en premieres nocés à Artus, Prince de Gales, frere aîné de Henri: apres la mort duquel, le pere, par dispense de Iules deuxieme, la donna à femme à Henri huitieme, qui estoit demeuré successeur de la Couronne. Cete Roine diuerses fois auoit esté eneeinte: & tousiours estoit accouchée, ou hors de terme, ou d'enfans de courte vie, horsmis d'une fille, nommée Marie. Le Roi Henri, soit par indignation conceüe contre l'Empereur, soit par desir d'enfans, soit pour autre cause, se laissa couler dans l'esprit vn scrupule, que son mariage n'estoit point legitime, ne valable: & apres en auoir conféré avec ses Euesques, de sa propre autorité se separa de la compagnie de sa femme. Les Euesques firent toutes instances avec la Roine, qu'elle consentist au diuorce, disans, Que la dispense du Pape n'auoit esté ne valable, ne veritable. La Roine ne voulut y prester l'oreille, ains eut recours au Pape: auquel aussi le Roi enuoya demander le diuorce. Le Pape, qui lors se trouuoit encores à Oruiete, & esperoit auantager sa condition par la continuation des faueurs & assistances que luy faisoient la France & l'Angleterre, en molestant l'Empereur au royaume de Naples: enuoya en Angleterre le Cardinal Campege, delegant la cause à lui, coniointement avec le Cardinal d'York. Le Roi eut de ceux ci, & de Rome mesmes, esperance d'obtenir sentence à son gré & faueur. Et mesmes, pour faciliter la resolution de l'affaire, afin que les solennités du iugement ne le portassent en longueur, fut formé le Bref, auquel il estoit déclaré libre & deslié de ce mariage, avec des clauses les plus amples & expresses, qui ayent iamais esté couchées en Bulle de Pape, & icelui enuoyé en Angleterre au Cardinal, avec permission de le presenter, apres qu'on auroit verifié certaines petites preuues, dont on estoit tout assuré: & ceci aduint l'année mil cinq cens vint huit. Mais, apres que Clement iugea plus à propos, pour effectuer ses desseins sur Florence, comme il a esté dit en son lieu, de se ioindre à l'Empereur, que de continuer en l'amitié de la France & de l'Angleterre, en l'année mil cinq cens vintneuf il despescha François Campana au Cardinal Campege, avec ordre expres de brusler le bref, & de proceder avec retenue en cete cause. Campege commença dès lors à porter l'affaire en longueur, & puis à mettre des difficultés en l'execution des promesses faites au Roi. Dont icelui, tenant pour tout assurée la collusion du Iuge avec sa partie, enuoya faire consulter sa cause és Vniuersités d'Italie, d'Allemagne, & de France: & trouua vne partie des Theologiens fauorable à son intention, vne autre contraire. Le plus grand nombre de ceux de Paris fut pour le Roi, & le bruit courut qu'ils auoyent esté plustost gagnés par les presens du Roi, que persuadés par la raison.

Mais le Pape, soit pour gratifier à l'Empereur, soit qu'il craignist qu'en Angleterre, par le moyen du Cardinal d'York, nasquist quelque accident non bien accordant à son intention: & aussi, pour donner occasion au Cardinal

1534.

n'est point agréé.

Angleterre d'eux se separe de l'Eglise Romaine à l'occasion du diuorce de Henri 8.

1534.

Câpage de se retirer, euoqua la cause à soi. Le Roi Henri, par impatience de la longueur, ou parce qu'il auoit descouuert ces artifices & menées, ou pour quelque autre cause que ce fust, publia le diuorce d'avec sa femme, & se maria avec Anne Boulen : ce qui auint en l'année mil cinq cens trentetrois : mais pourtant la cause ne laissoit pas de continuer tousiours deuant le Pape : lequelestoit tout resolu d'y proceder lentement, pour donner contentement à l'Empereur, & n'irriter point le Roi. Et pourtant on traitoit plustost incidens, que le fonds de la cause : & le debat s'arresta sus bout en l'Article des attentats : auquel le Pape iugea contre le Roi, prononçant qu'il ne lui auoit esté loisible, de se separer de sa propre autorité, sans le iuge Ecclesiastic, de la cohabitation coniugale avec sa femme. Le Roi, ayant entendu cete prononciation, au commencement de cete année mil cinq cens trente quatre, osta l'obeissance au Pape : commandant à tous ses suiets de ne porter aucuns deniers à Rome, & de ne payer plus l'ordinaire denier de S. Pierre. Ceci troubla grandement la Cour de Rome, & tous les iours on consultoit quel remede on pourroit apporter à ce grand esclandre. Les vns parloyent de proceder contre lui par Censures, & par interdicts, defendant à toutes nations le commerce avec l'Angleterre. Mais le conseil moderé fut iugé plus expedient, de temporiser avec ce Roi, & cependant de moyenner quelque composition par l'entremise du Roi de France. Le Roi François accepta la charge, & enuoya l'Euesque de Paris à Rome, pour negocier cete composition. Et cependant on ne laissoit point à Rome, de passer outre au proces, quoi que lentement, & avec resolution de ne venir aux censures, si l'Empereur, ou tout premier, ou ensemblement, ne venoit aux armes. On auoit à Rome partagé l'affaire en vinttrois articles : & lors on traitoit, Si le Prince Artus auoit eu cohabitation charnelle avec la Roine Catherine : & en cela, se consuma le temps iusqu'à passé la mi-quaresme. Alors au dix-neufuiesme Mars courut vne nouuelle, qu'en Angleterre auoit esté publié vn libelle diffamatoire contre le Pape, & toute la Cour de Rome : & que mesmes deuant le Roi, & toute sa Cour, auoit esté iouée vne Comedie, au tres-grand opprobre & diffame du Pape, & de tous les Cardinaux en particulier. Cela alluma la chaude chole en tous, & de là on courut à vau de route à la sentence finale, laquelle fut prononcée en Consistoire le vintquatrieme du mesme mois : & fut dit, Que le mariage entre Henri, & la Roine Catherine estoit valide, & qu'icelui estoit tenu de la tenir pour sa femme : qu'à defaut de ce faire, il estoit excommunié.

Le Pape eut bien tost regret de ceste precipitation : car, six iours apres, arriuerent lettres du Roi de France, qui portoyent, que celui d'Angleterre estoit content de se tenir à la sentence donnée sur les attentats, & rendre l'obeissance : à tel si toutesfois, que les Cardinaux suspects se deportassent de ce iugement, & qu'on enuoyast à Câbrai personnages nō suspects pour informer. Et le Roi auoit ia enuoyé ses procureurs à Rome, pour entreuenir au proces. Pour cete cause, le Pape alloit imaginant quelque couleur & pre texte, sous lequel il put surseoir la sentēce precipitée, & remettre la cause en sō entier.

Mais Henri, dès aussi tost qu'il eut veu la sentence, dit, Qu'il lui enchaloit bien peu : que le Pape seroit Euesque de Rome, & lui seul maistre de son Royaume : qu'il ensuiuroit l'exemple ancien de l'Eglise Orientale, & ne laisseroit pas d'estre bon Chrestien, sans donner entrée en son Royaume à l'heresie de Luther, ni d'autre. Et ainsi fit. Car il fit vn Edit, par lequel il se declara chef de l'Eglise Anglicane : imposa peine capitale à qui diroit, que le Pape de Rome a aucun pouuoir & autorité en Angleterre : dechassa le Collecteur du denier de S. Pierre : & fit ratifier toutes ces choses au Parlement, auquel de plus fut arresté, Que tous les Eueschés d'Angleterre seroyent à la collation de l'Archeuesque de Cantorberi, sans auoir plus rien à traiter avec Rome : & que le Clergé payeroit au Roi cent cinquante mil liures sterlins annuelles, pour la defense du Royaume contre qui que ce fust.

Cet acte du Roi fut diuersemēt interpreté. Aucuns iugeoyent que ç'auoit esté vne grande prudence à lui, des'estre affranchi de la suiectiō de Rome,

sans aucune innouation au fait de la Religion: & sans mettre ses peuples en dāger de sedition, & sans se remettre au iugemēt d'vn Concile, chose qu'on voyoit fort difficile à effectuer, & qui mesmes estoit perilleuse pour lui: veu que de raison il estoit bien à presumer, qu'vn Concile, composé de personnes Ecclesiastiques, soustiendrait tousiours l'autorité & puissance Papale, comme estant l'apui de leur ordre, lequel avec icelle est superieur à tous Rois & Empereurs: en lieu que, sans elle, il faut qu'il demeure suiet, attendu qu'il n'y a autre Ecclesiastic quelconque qui ait principauté avec superiorité, que le Pape de Rome. Mais la Cour de Rome soustenoit, qu'on ne pouuoit dire, que Henri n'eust point changé la Religion: veu qu'il auoit changé le premier & principal chef de la doctrine & Religion Romaine, qui est la superiorité du Pape: & que pour cetui-là seul naistroyent les mesmes seditions, que pour tous les autres ensemble. Et l'euement conferma cete opinion: car le Roi fut forcé, pour maintenir son Edit, de proceder à des executions bien feueres contre des officiers, & grands personages de son Royaume, par lui auparauint chers & honorés. Il ne se peut dire, combien de regret eut Rome, & tout l'ordre Ecclesiastic, de l'alienation & distraction d'vn si grand Royaume de l'obeissance Papale: laquelle donna suiet de penser à la misere des choses humaines, esquelles le plus souuent on reçoit extremes dommages & pertes, de ce dont precedemment on auoit tiré souuerains benefices. Car es temps passés, le Papat a fait de merueilleux progrès, par les dispenses matrimoniales, & par les sentences de diorce, ou otroyées, ou deniées: faisant ombre, par le nom de Vicaire de Christ, aux Princes, à la bienseance desquels il estoit d'vnir à leurs Estats quelque principauté, ou esteindre les droits de diuers pretendans, par quelque mariage incestueux, ou par la dissolution de l'vn, pour en contracter vn autre. Dont ils se tenoyent tres-ioint aux Papes, & engageoyent leur puissance à la defense de cete autorité, sans laquelle leurs actions eussent esté condamnées, & mesmes empeschées. Voire mesme par ce moyen ils y obligoyent & interressoyent toute leur posterité, pour soustenir la legitimite de leur naissance & extraction. Mais à cete fois on pourroit attribuer la cause du malheur à la precipitation de Clement, qui en ceci ne fut mesnager son autorité: que si Dieu eust voulu lui laisser en ce fait l'usage de son accoustumée prudence, il pouuoit faire vn grand acquest, en lieu qu'il souffrit tres-grāde perte.

Mais, pour retourner à l'Allemagne, l'Empereur, apres qu'il eut eu aduis de ce que le Nonce Ranson auoit negocié en Allemagne, sur le fait du Cōcile, escriuit à Rome, se cōplaignant de ce qu'ayant promis le Concile à l'Allemagne, & conuenu avec le Pape, de la procedure qu'il faloit tenir avec les Princes d'Allemagne en cet affaire, les Nonces de Sa Sainteté n'auoyent toutes fois negocié sur ce pied: ains auoyent traité en maniere, que les Protestans croyoyent auoir esté pipés. Et pour conclusion, prioit qu'on trouuast moyen de donner contentement à l'Allemagne. Ces lettres de l'Empereur furent luës en Consistoire le huitieme Iuin. Et d'autant que peu auparauint estoit arriuee la nouuelle que le Landgraue de Hessen auoit, à force d'armes, osté la Duché de Virtemberg au Roi Ferdinand, & l'auoit rendu à Vlrich son seigneur legitime, dont aussi Ferdinand auoit esté forcé de faire paix avec eux: pour cete cause plusieurs d'entre les Cardinaux disoyent, Que puisque les Lutheriens auoyent obtenu vne telle victoire, il faloit de necessité leur donner quelque contentement, & ne proceder plus par artifices & desfaites, mais venir à vne reelle execution, & demonstration d'effets. Sur tout, veu qu'apres de si expressees & reiterées promesses de l'Empereur, on ne s'en pouuoit enfin desdire. Et que si le Pape trouuoit quelque expedient à cela, il estoit à craindre que l'Empereur ne fust contraint de condescendre à quelque autre moyen de plus grand preiudice & desseruice à l'Eglise. Mais le Pape, & la plus grand part des Cardinaux, voyant qu'il n'estoit possible de faire acquiescer les Lutheriens à accepter le Concile, en la maniere que requeroient les interets de la Cour de Rome: & tres-resolus

l'Empereur se plaint au Pape de son oblique procedure.

à Rome on commence à conoître la necessité du Concile.

à quoi le Pape adhere aussi par simulation.

1534.

cependant de n'en vouloir aucun autre, se delibérerent d'escrire à l'Empereur, qu'ils conoissoient tresbien l'importance des temps, & quelle necessité il y auoit d'un Concile vniuersel: & que pourtant ils estoient prests à l'intimer, pourueu qu'il se pust tenir en sorte, qu'il pust produire les bons effets, que la necessité du temps requeroit. Mais que, voyans nouuelles querelles esmuës entre lui & le Roi de France, & diuerses dissensions entre autres Princes Chrestiens, de necessité il les falloit terminer, & reconcilier les esprits, auant que conuoyer le Concile. Car, pendant les dissensions, il ne pourroit produire aucun bon effet: & moins encores en ce temps, que les Lutheriens sont armés, & enorgueillis pour la victoire de Vvirtemberg.

*la mort de
Clement
suruint la
dessus,*

Or il falut mettre bas tous propos de Concile avec le Pape: car il tomba en vne longue & mortelle maladie, de laquelle aussi à la fin de Septembre il trespassa, au grand plaisir de la cour de Rome. Car, quoi qu'on admirast ses vertus, qui estoient vne grauité naturelle & maiestueuse, vne frugalité & sobriété exemplaire, & vne profonde dissimulation: on haïssoit neantmoins beaucoup plus son avarice, dureté, & cruauté, lesquelles s'égregerent, ou certes se manifesterent plus que l'ordinaire, desqu'il fut accueilli de sa maladie.

*Et auant
l'élection
du succes-
seur, on lui
dresse un
article à
iurer, de
conuoyer
le Concile,*

En Siege vacât, les Cardinaux ont accoustumé de dresser vne forme d'Articles, pour la reformation du gouuernement Papal, à l'observation desquels chacun d'eux s'oblige par serment, en cas qu'il paruienne au Papat: quoi que par tous les exemples des temps passés ont ait tousiours veu qu'ils font ce serment avec intention de n'en rien tenir, s'ils viennent à estre Papes: & incontinent apres qu'ils sont créés, protestent & disent, Qu'ils n'ont pu s'obliger, & que par l'acquisition du Papat ils en sont desobligés. Apres la mort de Clement, les Articles furent dressés selon la coustume. Et entr'iceux l'un fut, Que dans le terme d'un an, sans plus, le Pape fust obligé de conuoyer le Concile. Mais ces articles ne purent estre arrestés, ne iurés: car le mesme iour, que le Conclau fut fermé, tout à despourueu fut créé Pape le Cardinal Farnese, & en sa premiere creation prit le nom de Honoré cinquieme, & puis au couronnement celui de Paul troisieme. Prelat doué de belles qualités, & qui entre toutes ses vertus, ne faisoit estat d'aucune plus, que de la dissimulation. Iceui, ayant esté Cardinal sous six Papes, & de grande experience, Doyen du College des Cardinaux, & fort versé es negotiations, ne monstroït point de redouter le Concile, comme Clement: ains estoit d'avis, qu'il estoit expedient pour les affaires du Papat de monstrier de le desirer, & le vouloir totalement: estant tout assuré, qu'il ne pouuoit estre forcé à le faire en lieu, & maniere, ou il n'eust ses aduantages: & que, en cas qu'il le falust empescher, la contradiction de la Cour de Rome, & de tout l'Ordre Ecclesiastic, seroit suffisante à ce faire. Il iugeoit que cela mesmes lui seruiroit pour tenir l'Italie en repos: ce qu'il estimoit lui estre necessaire, pour regner paisiblement.

*lequel,
Paul troi-
sieme
créé Pape,
esperant v-
tilité du
Concile.*

*veut gar-
der,*

Il voyoit aussi tresbien, que ce pretexte de Concile lui pouuoit seruir à cacher plusieurs choses: & à s'excuser de faire celles qui ne seroient de son gré, & vouloir. Et partant, incontinent apres sa creation, il se fit entédre, Que, combien que les Articles n'eussent pas esté iurés, il estoit toutesfois resolu de garder celui de la conuocation du Concile, lequel il conoissoit estre necessaire pour la gloire de Dieu, & le bien de l'Eglise: & au dixhuitieme du mesme mois il tint vne Congregation generale des Cardinaux, laquelle ne s'appelle point Consistoire, le Pape n'estant pas encores couronné, & là pro-

*propose ses
raisons aux
Cardinaux*

la cete matiere. Il monstra par puissantes raisons, que l'intimation du Concile ne se pouuoit plus differer: car autrement il estoit impossible qu'il y eust bonne amitié entre les Princes Chrestiens, & que les heresies fussent extirpées: & pourtant il requeroit tous les Cardinaux de penser meurement au

*fait consul-
ter les cir-
constances*

moyen de le celebrer. Il deputa aussi trois Cardinaux, qui fissent les considerations necessaires sur le temps, & le lieu, & autres particularités: avec charge expresse, qu'au premier consistoire, apres le couronnement, ils vinssent avec leur aduis digéré. Et pour comencer à ietter les semences des contradic-
tions,

ditions, dont il se püst seruir és occasions, il adiousta, Qu'au Concile se feroit la Reformation de l'Ordre Ecclesiastic: & n'estoit conuenable qu'il fust lors besoin de reformer les Cardinaux: & pourtant, qu'il estoit necessaire que promptement ils commençassent à se reformer eux mesmes, d'autant que resolutement il vouloit tirer du fruit de la tenue du Concile: & que les ordonnances d'icelui seroyent de petite valeur, si tout premier on n'en voyoit les effets és Cardinaux.

Selon la coustume, qu'és premiers iours, les Cardinaux, principalement grands, obtiennent aisément graces & fauours du Pape, le Cardinal de Lorraine, & autres François, mêmes au nom du Roi, lui demanderent qu'il ottroyast au Duc de Lorraine la nomination des Eueschés, & Abbayes de ses terres, & Estats: ce qu'on entendoit que demanderoit aussi la Republique de Venise pour les siens. Le Pape respondit, Qu'au Concile: lequel il esperoit tenir bien tost, il seroit necessaire d'oster ce droit & pouuoir de nomination aux Princes qui le possèdent: non sans note & flestrissure des Papes ses predecesseurs, qui le leur auoyent ottroyé. Et pourtant, qu'il n'estoit raisonnable d'accroistre le nombre des abus: & ottroyer lors vne chose laquelle dans peu de temps il fauoit bien deuoir estre reuouquée, avec peu d'honneur.

Au premier Consistoire, qui fut le douzieme Nouembre, il remit sus le propos touchant le Concile, & dit, Qu'auant toutes choses, il estoit necessaire d'obtenir vne generale vnion de tous les Princes Chrestiens: ou, du moins, vne assurance, que pendant le Concile, on ne mouura point les armées. Et pourtant qu'il vouloit despescher des Nonces à tous les Princes, pour traiter de ce point, & d'autres qui seroyent representés par les Cardinaux. Il appella aussi Vergere d'Allemagne, pour bien entendre de lui l'estat de ces Prouinces: & deputa trois Cardinaux, vn Euesque, vn Prestre, & vn Diacre, pour consulter les points de la Reformation. Iceux furent le Cardinal de Siene, de S. Seuerin, & Cesis. Et iamais ne tenoit Consistoire, qu'il n'entrast & ne s'estendist en cete maniere: & repliquoit souuent, qu'à cet effet il estoit necessaire, que la Cour, & sur tout les Cardinaux, se reformassent au prealable: ce qu'aucuns croyoyent estre dit de bon zele, & de desir de l'effet: autres, afin que la Cour, & les Cardinaux, trouuassent moyen d'empescher le Concile, pour n'auoir à venir à la Reformation. Et prenoyēt vn argument de cete opinion, de ce qu'en la deputation des trois Cardinaux, il n'auoit point choisi les plus zelés, expeditifs, & actifs: ains les plus pesans & mols de la Cour. Mais le mois de Decembre ensuiuant donna encores plus ample fuiet de discours. Car le Pape crea Cardinaux, Alexandre Farnase, son neueu par Pierre Lois, son fils naturel; & Gui Ascagne Sforce, son neueu aussi par Constance sa fille: le premier de quatorze, le second de seize ans: respondant à ceux qui mettoyent en consideration leur ieune aage, qu'il y suppleroit par le sien decrepite. L'opinion, qu'on auoit conceüe de voir quelque reformation és Cardinaux, & la crainte qu'en auoyēt prise aucuns d'eux, s'esuanouit tout aussi tost: attendu qu'il s'embloit bien qu'on ne la pouuoit commencer d'ailleurs, que de l'aage & de la naissance de ceux qui deuoient estre promus à ce degré. Le Pape aussi se deporta d'en plus parler: ayāt fait vn acte, qui l'empeschoit de plus masquer son intention. Toutesfois la proposition de tenir le Concile demeueroit sur pied.

Et au Consistoire du seiziesme Ianuier, en l'an mil cinq cent trentecinq, il fit vne longue, & tresefficacieuse harangue: exhortant les Cardinaux de prendre vne fois resolution ferme sur cete matiere: car, par tant de remises, & lentes procedures, on donnoit à conoistre au monde, que de vrai on ne desiroit point de Concile, mais que le tout n'estoit que paroles, & amusement. Et parla avec sentences si graues, & fortes, qu'il les esmut tous. En ce Consistoire fut arresté qu'on enuoyeroit Nonces à l'Empereur, au Roi Treschrestien, & aux autres Potentats Chrestiens: avec charge d'exposer, Que le Pape, & le College des Cardinaux, auoyent absolument ar-

1534.
mais pie-
met effraye
la Cour de
Rome de
l'odieuse
reforma-
tion,
refuse la
collatio des
benefices au
Prince Lor-
rain:

mais toutes
faux mas-
que se des-
couure par
l'indue pro-
motion de
ses deux
neueux au
Cardina-
lat:

il persiste
neantmoins
au Concile,

despesche
Nonces à
tous les
Princes,

1535.

resté de tenir vn Concile, pour le bien de la Chrestienté: & pourtant les vouloyent exhorter à le fauoriser; & à asseurer la paix & le repos public; pendant la tenue d'icelui: mais que quant au temps, & au lieu, Sa Sainteté n'en estoit pas encor resoluë. L'instruction plus secreete de ces Nonces portoit en outre, qu'ils trouuassent moyen de descouurir la pensée des Princes sur le fait du lieu, pour pouoir, ayant reconu leur interets & desseins, les faire choquer les vns contre les autres, pour les empescher, & mettre le sien en effet. Il leur donna aussi charge de se plaindre des actions du Roi d'Angleterre, & en cas qu'ils y vissent ouuerture, de les inciter contre lui;

*et Vergere
aux Prote-
stans, avec
cauteleuses
commissions.*

& mesmes de leur offrir ce Royaume en proye. Entre ces Nonces fut Vergere; renuoyé avec plus expresse commissions en Allemagne, pour halener la pensée des Protestans, sur la forme de traiter au Concile, afin qu'on y pust parer conuenablement. Il l'enchargea aussi specialement de traiter avec Luther, & avec les autres principaux prescheurs de la Doctrine renouvellee, employant toute sorte de promesses, & de partis, pour les ramener à quelque composition. Le Pape à toutes occasions blasmoit la dureté du Cardinal Caietan, d'auoir refuse en la Diete d'Augsbourg, en l'an mil cinq cens dix-huit, l'offre de Luther, Que pourueu que on imposast silences à ses Aduersaires, lui aussi de son costé estoit content de se faire. Et condannoit l'aspreté de ce Cardinal, lequel, voulant extorquer de Luther vne formelle retractation & desdite, l'auoit precipité au desespoir: lequel auoit cousté, & cousteroit à l'Eglise Romaine, autant que la moitié de son autorité. Qu'il n'ensuiuroit point l'exemple de Leon, qui crut que les Moines estoient instrumens propres à opprimer les prescheurs d'Allemagne. Ce qui par la raison, & par l'euenement, estoit paru entierement vain, & faux. Qu'il n'y auoit que deux voyes, celle de la force, & celles des pratiques: qu'il vouloit employer celle-ci, & se porteroit promptement à tout accord, qui mist à couuert & reseruaist l'autorité Papale: & pour ces fins, disant d'auoir besoin de personages de valeur, & d'affaires, il crea le vint vnieme Mai, six Cardinaux, & peu de iours apres vn septieme: tous personages de beaucoup d'estime & reputation à la Cour. Entre ceux-là fut Iean Fischer, Euesque de Rochester, lequel alors estoit prisonnier en Angleterre, pour auoir refusé d'adherer au decret du Roi, cassant l'autorité du Pape. En l'election d'icelui, le Pape eut esgard, qu'il faisoit honneur à sa promotion, mettant en icelle vn personnage sauant, & bien meritant pour la persecution qu'il souffroit: esperant aussi que le Roi d'Angleterre seroit par cete nouuelle dignité induit à lui porter respect, & que le peuple l'auroit en plus grand crédit. Mais il aduint le contrepied: d'autant que le Cardinalat ne lui seruit à autre, qu'à hastier sa mort, qu'il souffrit quarantetrois iours apres, la teste lui estant tranchée en public.

*pouuoit
d'une tra-
uerse in-
surmonta-
ble contre
le Concile.*

Mais, nonobstant que le Pape fist de si euidentes demonstrations de desirer le Concile, en sorte qu'il donnast contentement, & pust reduire l'Allemagne; la Cour toutesfois, & les plus intimes & confidens du Pape, avec lesquels il conféroit de ces choses à fonds, disoyent, Qu'il ne se pouuoit tenir ailleurs qu'en Italie: autrement ne pouuoit estre libre: & qu'en Italie on ne pouuoit choisir autre lieu que Mantouë.

*Vergere
parle aux
Protestans,*

Vergere, retourné en Allemagne, fit son Ambassade, au nom du Pape, premierement à Ferdinand, & puis à tous les Protestans, qui alloient trouuer ce Roi pour les affaires suruenantes: & en fin fit aussi vn voyage, pour traiter avec les autres. D'aucun d'eux il n'eut autre response, sinon, Qu'ils consulteroyent de cela en l'Assemblée, qui seroit conuocquée sur la fin de l'année, là ou par communs aduis, ils delibereroyent de la response à faire. La proposition du Nonce estoit, Que c'estoit là le temps du Concile tant desiré, puis que le Pape auoit traité avec l'Empereur, & tous les autres Rois, pour l'assembler, de fait, & non de paroles & feint semblant, comme on auoit fait autresfois. Et afin d'oster tout delai, il auoit resolu de choisir le lieu de Mantouë, conformément à ce qui auoit esté arresté avec l'Empereur

*du bon desir
du Pape
& de ses
intentions
pour le lieu
du Concile.*

d'eux ans auparavant. Que cete ville-là, appartenant à vn Feudataire de l'Empire, & estant voisine des frontieres de l'Empereur, & des Venitiens ils la deuoyent tenir pour seure: outre ce que & le Pape, & l'Empereur, donneroyent toute sorte de cautions, les plus authentiques & inuiolables. Qu'il n'estoit besoin de parler, ne resoudre de la procedure & forme de traiter au Concile: veu que cela se feroit beaucoup mieux au Concile mesmes, quand il seroit conuoqué. Qu'icelui ne se pouuoit tenir en Allemagne, qui abondoit en Anabaptiste, Sacramentaires, & autres Sectaires, pour la pluspart forcenés & furieux. Car il ne seroit point assuré aux autres nations d'aller en lieu, auquel cete multitude est puissante, & là condanner la doctrine d'icelle: qu'au Pape estoit indifferent de le tenir en quelque país que ce fust: mais il ne vouloit point qu'on pensast qu'il eust esté forcé: ne que l'autorité, laquelle des tant de siecles il possede, de prescrire le lieu des Conciles generaux, lui fust ostée.

En ce voyage Vergere trouua Luther à Vvitemberg, & traita avec lui fort humainement, es termes qui lui auoyent esté prescrits, les dilatant & amplifiant bien fort. L'assurant en premier lieu, qu'il estoit en tres-grande reputation enuers le Pape, & tout le College des Cardinaux, qui portoyent grand regret de la perte d'un tel personnage, lequel, s'employant au seruice de Dieu, & du S. Siege, qui sont inseparablement conioints, pouuoit faire vn fruit inestimable: & qu'ils vouloyent faire le possible, pour le racquerir. Il lui tesmoigna que le Pape blasmoit la dureté du Cardinal Caietan, laquelle aussi n'estoit pas moins condannée par les Cardinaux: qu'il pouuoit s'asseurer de toute faueur du S. Siege: que tous auoyent desplaisir de la rigueur dont vsa contre lui Pape Leon, plustost par instigation d'autrui, que de sa propre inclination. Puis lui adiousta, qu'il ne vouloit point disputer avec lui sur les points contentieux, ne faisant pas profession de Theologien: mais bien lui monstrier le grand bien qu'il y auroit à se reünir au Chef de l'Eglise. Car, considerant que n'y ayât encor que dixhuit ans, que sa Doctrine estoit venue en lumiere, sa publication auoit excité sectes innombrables, dont l'une deteste l'autre, & infinies seditions populaires, avec la mort & destruction de tant de milliers de personnes, on ne pouuoit iuger qu'elle vinst de Dieu: bien pouuoit-on tenir pour certain, qu'elle estoit pernicieuse au Monde, veu que d'icelle procedoit tant de mal. Vergere disoit, C'est vn trop grand amour de soi mesmes, & trop grande estime de ses propres opinions, qu'un seul homme vueille troubler tout le monde, pour les semer. Si c'est par conscience, & pour vostre salut, disoit Vergere, que vous auez innoué en la foi, en laquelle vous estiez né, & auez esté nourri par l'espace de trentecinq ans, vous pouuez tenir vostre sentiment en vous mesmes. Si la charité enuers le prochain vous mouuoit, à quoi faire troubler le monde pour chose non necessaire, veu qu'auparauant, sans cela, on ne laissoit pas de viure & de seruir à Dieu paisiblement? La confusion, disoit-il, est passée si auant, qu'on ne peut plus differer le remede. Le Pape est resolu de l'appliquer par la Celebration d'un Concile, auquel estans assemblez tous les hommes sauans de l'Europe, la verité sera mise en euidence, & au iour, à la honte & confusion des esprits inquiets & turbulens: & a pour ces fins assigné la ville de Mantouë. Et quoi qu'il faille auoir sa principale esperance en la bonté de Dieu, si est-ce que mettant aussi en quelque conte les moyens humains, il estoit au pouuoir de Luther, de faire que le remede reüssist aisé & prompt, s'il se trouuoit en personne audit Concile, & là traitoit les matieres en charité: en quoi faisant il pouuoit obliger le Pape, Prince tres-liberal & qui reconoit fort largement les personnes de merite. Il lui ramentut l'exemple, d'Aneas Syluius, lequel, suiuant ses opinions particulieres, apres beaucoup de seruice, & de peines, ne se put pousser plus auant qu'à vne Chanoinerie de Trente: mais, s'estant rauise en mieux, deuint Euesque, Cardinal, & en fin Pape Pie deuxieme. Il lui representa aussi Bessarion de Nicée, lequel de chetif Caloyer de Trebisonde, deuint si grand & renommé Car-

*traite avec
Luther par
allegories,
& raisons
d'estat.*

1535.
mais Lu-
ther le ren-
barre puis-
samment,

dinal, & peu esloigné de deuenir Pape.

Les reparties de Luther furent, conformément à son naturel, vehemen-tes, & roides: disant, Qu'il ne faisoit aucun estat de l'estime, qu'on pouuoit faire de lui en la Cour de Rome, de laquelle il ne craignoit la haine, & mes-prise la bien vueillance: qu'il s'employoit de tout son pouuoir au seruice de Dieu, mais avec le succès de seruiteur inutile: qu'il ne voyoit point com-ment le seruice de Dieu fust conioint à celui du Pape, sinon comme la lu-miere aux tenebres: qu'en toute sa vie il n'auoit senti chose aucune plus v-tile pour soi, que la rigueur du Pape Leon, & la durezza du Cardinal Caietan: & qu'il ne la peut attribuer à eux, ains à la prouidence de Dieu. Car, en ces temps là, n'estant pas encorés illuminé en toutes les verités de la foi Chre-stienne, mais ayant seulement descouvert les abus au fait des Indulgences, il estoit tout prest de garder silence, si ses Aduersaires eussent voulu faire le mesme. Mais que les escrits du Maistre du sacré Palais, les supercheries de Caietan, & la rigueur de Leon, l'auoyent contraint d'estudier, & descourir maints autres abus, & erreurs de la Papauté, beaucoup moins tolerables: lesquels en bonne conscience il ne pouuoit dissimuler, & se retenir de les faire voir au monde. Que le Nonce auoit vsé d'ingenuité à confesser qu'il n'entendoit point la Theologie: ce qui de vrai aussi paroissoit assez par les raisons par lui alleguées: attendu que sa doctrine ne pouuoit estre appelée nouvelle, sinon par personne, qui crüst que Christ, les Apostres, & les Saints Peres ayent vescu, comme font au temps present le Pape, les Cardinaux, & les Euesques. Et que des seditions suruenues en Allemagne ne se peut for-mer argument contre sa doctrine, sinon par personne qui n'ait point lu les Saintes Escritures, & qui ne sache, que telle est la propriété de la parole de Dieu, & del'Euangile, que là ou il est presché il excite tumultes & troubles, iusques à separer le pere d'avec le fils. Que c'est là sa vertu, qu'à qui le re-çoit, il donne la vie: à qui le reiette, il est cause de plus grande condanna-tion. Il adiouta, que c'estoit là le plus vniuersel vice de ceux de Rome, de vouloir establis & attermir l'Eglise par maximes, & forme de gouvernement tirés de la raison humaine, comme si c'estoit vn Estat temporel. Que c'e-stoit là cete sapience, laquelle S. Paul dit estre folie deuant Dieu: comme à l'opposite, ne faire nul estat des raisons politiques, par lesquelles Ro-me se gouverne, ains s'arrester & confier aux promesses de Dieu, & remet-tre à lui seul la cōduite des affaires de l'Eglise, estoit cete folie humaine qui est sapience diuine. Que de faire reussir le Concile au bien & profit de l'E-glise, n'estoit point au pouuoir de Luther, mais de celui qui lui pouuoit lais-ser sa liberté, afin que l'Esprit de Dieu y preside, & le conduise, & que la Ste. Escriture y soit la reigle de toutes deliberations, sans y apporter interests, vsurpations, & artifices humains: & que quand cela arriueroit, de son co-sté aussi il y apporteroit toute sincerité & charité Chrestienne, non pour o-bliiger à soi le Pape, ni autres: ains pour le seruice de Christ, & pour la paix & liberté de l'Eglise. Mais qu'il ne peut esperer de voir vn si grand bien, pen-dant qu'on ne voit point l'ire de Dieu appaisée, par vne serieuse repenten-ce, & conuersion de l'hypocrisie, qu'on ne pouuoit faire grand fondement sur l'assemblée composée d'hommes lettrés & sauans: attendu que, pēdant que l'ire de Dieu est allumée, il n'y a erreur si absurde & desraisonnable, que Satan ne persuade, & plus encor à ces grands Sages, qui s'estiment tant fa-uoir, lesquels il plaist à Dieu de confondre. Que de Rome il ne peut recevoir chose aucune compatible avec l'Euangile: & qu'il ne s'esmouuoit point par les exemples d'Aeneas Syluius, ou de Bessarion: pource qu'il ne fait aucune e-stime de ces splendeurs tenebreuses: & quand ores il vouldroit exalter soi-mesme, il pourroit avec verité alleguer le dire facetieux d'Erasme, Que Luther poure & chetif, enrichit plusieurs: que lui Nonce sauoit tres-bien, pour n'aller gueres loin, qu'au mois de Mai prochainement passé lui Luther auoit eu grand part en la creation du Cardinal de Rochester, & auoit esté l'vniue cause de celle de Schomberg. Que si au premier la vie a esté tost a-

pres ostée, cela se doit imputer à la diuine prouidēce. Vergere ne pūt fleschir Luther à relascher d'aucun point sa fermeté: lequel disoit d'estre autant & plus asséuré de sa doctrine, que s'il la voyoit de ses propres yeux: & qu'auant qu'il abādonnast sa creāce, le Nonce, voire mesme le Pape, l'embrasseroyēt.

Vergere, selon le mandement du Pape, essaya aussi les autres prescheurs à Vvittemberg, & en autres lieux, en son voyage: mais n'y trouua aucune disposition conforme à ses desirs & desseins: ains roide & inflexible fermeté en tous ceux qui estoient de quelque consideration: & quant aux autres, qui se seroyent accommodés, il les trouua de si peu de mise, & si rencheris & pretendans si haut, qu'ils ne faisoient point pour lui.

Mais les protestans, ayans entendu la proposition de Vergere, assemblés à Smalcald, en nombre de quinze Princes, & de trente Villes, firent réponse, Que ia en plusieurs Dietes ils auoyent déclaré leur volonté & intention sur le fait du Concile, & nommément, deux ans auparauant, au Nonce du Pape Clement, & à l'Ambassadeur de l'Empereur: en laquelle ils persistoyent encor: desirans vn Concile legitime, tel qu'ils sauoyent tresbien que toutes gens de bien requeroient, auquel ils estoient tous prests d'aller, & de comparoir, ainsi qu'il auoit esté par plusieurs fois arresté en Dietes Imperiales. Et quant à ce que le Pape l'auoit assigné à Mantouë, ils esperoyent que l'Empereur ne se departiroit point des Arrests des Dietes, & des promesses qu'il leur auoit tant de fois reiterée, Que le Concile se tiendrait en Allemagne: en laquelle ils ne pouuoient voir qu'il y eust aucune apparence de danger: attendu que tous les Princes & Villes obeissent à l'Empereur, & sont si bien polices, que les estrangers n'y reçoient que toute courtoisie, & bon traitement. Et qu'ils ne pouuoient comprendre quelle assurance le Pape pouuoit donner à ceux qui se transporteroient à son Concile: sur tout iettant l'œil sur les choses aduenues au siecle passé. Que la Chrestienté a besoin d'un Concile saint, & libre, & qu'à vn tel ils ont appelé. Et quant à ce que le Pape propose, qu'on ne parle point auant main de la procedure, & forme à y tenir, cela ne signifie autre chose, sinon qu'il n'y ait point de liberté, ains que tout se rapporte au pouuoir du Pape: lequel ayant desia tant de fois condanné leur Religion, si au Concile il sied encores comme iuge, icelui ne sera point libre. Que le Concile n'est point vn tribunal du Pape, ne des Prestres seuls, ains de tous les ordres de l'Eglise, & mesmes des seculiers. Que de vouloir preferer le pouuoir du Pape à l'autorité de toute l'Eglise, c'est vne opinion inique, & pleine de tyrannie: & veu que le Pape, qui n'est qu'une partie en ce proces, maintient les opinions des siens, mesmes par cruels Edits, la raison veut que ce soyent les Princes, qui ordonnent de la procedure & forme de l'action.

A cete mesme Assemblée de Smalcald enuoyerent leurs Ambassadeurs les Rois de France, & d'Angleterre. Celui de France fit proposer, Que François Sforce, Duc de Milan, estant decedé, il auoit dessein de faire la guerre en Italie. Et les requeroit de n'accepter lieu pour la celebration du Concile, sans le seu & conseil de lui, & du Roi d'Angleterre: promettant qu'eux aussi de leur part n'en accepteroient aucun sans eux. Le Roy d'Angleterre leur fit en outre entendre, qu'ils prissent biē garde qu'on ne fist vn Concile, auquel, en lieu de corriger les abus, on vinst de plus fort à establir la domination du Pape, & les requit qu'ils approuuassent son diuorce. D'autre part eux proposerent, que le Roi receust la Confession d'Augsbourg. Mais ces choses, traitées en plusieurs Dietes & Assemblées, n'eurent aucune conclusion.

Or Vergere, au commencement de l'an mil cinq cens trentesix, retourna au Pape, pour lui faire le rapport de sa legation: qui portoit en somme, Que les Protestans ne receuroient aucun Concile, qui ne fust libre, en lieu opportun, & dans les confins de l'Empire: se fondans sur les promesses de l'Empereur: & que, quant à Luther, & à ses autres complices, il n'y auoit aucune esperance, & qu'on ne pouuoit penser à autre chose, qu'à les opprimer à force d'armes. Vergere fut recōpensé de l'Euesché de Cap d'Istrie, sa patrie

1536.

*Luthériens,
que par ar-
mes : est
enuoyé à
l'Empereur
pour lui si-
gnifier le
mesme :
le Pape &
l'Empereur
s'entreuy-
rent & le Pape
le poussa à
la guerre,*

& fut par le Pape enuoyé à Naples, pour faire le mesme rapport à l'Empereur, lequel, apres sa victoire d'Afrique, estoit passé en ce royaume-là, pour mettre ordre aux affaires d'icelui. L'Empereur, ayant entendu la relation du Nonce, passa à Rome: & eut de tres-estroites conferences avec le Pape, sur les affaires d'Italie, & sur les moyens de pacifier l'Allemagne.

Le Pape lui remonstra qu'il n'y en auoit point d'autre que la guerre, suivant le conseil de Vergere. Mais l'Empereur, qui ne voyoit point le temps à point, pour tirer de la guerre le fruit qu'on lui persuadoit : d'ailleurs se voyoit engagé en Italie, dont il ne se pouuoit desmesler, sinon en quittant le Duché de Milan, lequel il auoit totalement arresté de s'approprier, bu tant principalement à cela en toutes ses actions; allegoit pour desfaite & cause de dilation, Qu'il estoit en ce temps là plus necessaire de defendre Milan des François. D'autre coste le Pape, qui auoit toutes ses pensées tournées à faire choir cet estat là es mains d'un Italien, & qui pour cet esgard proposoit la guerre d'Allemagne, non tant pour l'oppression des Luthériens, comme il disoit en public, que pour diuertir l'Empereur de l'inuasion de Milan, ce qui estoit son intention principale, quoi que secreta; repliquoit à l'Empereur, qu'avec les Venitiens il esperoit par armes & par negotiations plus aisément faire deporter le Roi de France de Milan, que si Sa Maiesté Imperiale s'en mesloit.

*Et l'Empereur simul-
d'auherer à
cet aduis,
mais re-
quiere l'in-
timation
du Concile,*

Mais l'Empereur, ayant penetré l'intime pensée du Pape, par egale & reciproque dissimulation, fit semblant d'estre gaigné, & tout porté à la guerre d'Allemagne: seulement remonstroit, que, pour n'esmonuoir tout le monde de contre soi, il en falloit bien iustifier la cause, & par l'intimation du Concile demonstrier qu'il auoit essayé tout autre moyen, auant que venir aux armes. Le Pape n'auoit point autrement à desplaisir, que ne pouuant en fin eschaper d'intimer le Concile, cela se fist en vn temps que toute l'Italie s'en alloit embrasée de guerres, par l'enuahissement & occupation recente de la Sauoye & du Piemont par les François: dont le Pape auroit vn tres-specieux pretexte d'enuironner le Concile d'armes, sous couleur de garde, & protection. Et pourtant monstra d'agréer ladite intimation; à tel si toutesfois, que telles conditions fussent establies, qui ne derogeassent point à l'autorite, & à la reputation du S. Siege.

*qui lui e-
stoit ad-
uantageux :*

L'Empereur, à l'occasion de la victoire d'Afrique, auoit le courage grandement esleué, & plein de vastes desseins, & esperoit dans le terme de deux ans, pour le plus, venir à chef de la guerre de Lombardie, & enfermer le Roi de France delà les monts, & puis vaquer aux affaires d'Allemagne sans empeschement. Il vouloit se seruir du Concile à deux fins: le premier à tenir en bride le Pape, pendant la guerre d'Italie: en cas que, selon la coustume des Papes, icelui eust pensé de se ioindre au parti de France, s'il aduenoit qu'il fust veincu, pour faire contrepoids au victorieux: l'autre, à reduire l'Allemagne à son obeissance, à quoi il butoit: car pour la Papale, ce luy estoit chose accessoire. Le lieu de Mantouë lui agreoit: au demeurant, ne se soucioit pas beaucoup quelles conditions le Pape y apposerait: d'autant que, quand le Concile seroit assemblé, il croyoit y pouuoir changer ce qui lui plairoit. Et pourtant conclut, d'estre content de toutes conditions, pourueu seulement que le Concile se tint: allegant qu'il esperoit de persuader finalement à toute l'Allemagne, ou du moins à la plus grande partie, d'y consentir. Parquoi la deliberation en fut arrestée par le Pape, ensemble tout le College des Cardinaux.

*en sollicite
la Bulle,*

L'Empereur entreuint au Consistoire public, tenu le vintuictieme Aueil, & remercia le Pape, & le College, de ce que promptement & facilement ils auoyent arresté la conuocation du Concile general: & les requit en suite, que la Bulle en fust expediee auant son depart de Rome, afin qu'il pust pour- uoir au demeurant.

*qui apres
grande con-
sultation,*

Icelle ne püst estre couchée si tost: d'autant qu'il y escheoit grande consi- deration, pour y inserer paroles à propos, lesquelles donnassent autant

qu'il se pouuoit de bonne esperance de liberté, & cependant ne portassent aucun preiudice à l'autorité Papale. A cela furent deputés six Cardinaux, & trois Euesques: & en fin fut expédiée la Bulle, sous la date du douzieme Iuin, & fut publiée en Consistoire, & signée de tous les Cardinaux. La ten-
neur en estoit telle.

1537.

Que dès l'entrée de son Pontificat, il n'auoit rien tant desiré, que de re- *est publiée:*
purger d'heresies, & erreurs, l'Eglise, que Dieu auoit recommandée à son
soin, & vigilance: & de reſtablir la discipline en son ancien estat: & que,
n'ayant à cet effet trouué voye plus commode, que celle du Concile gene-
ral, tousiours vſitée en ſemblables occasions, il en auoit pluſieurs fois eſ-
crit à l'Empereur, & aux autres Rois: avec esperance, non ſeulement
d'obtenir cete intention: mais auſſi, de faire, qu'apres que les querelles des
Princes Chreſtiens ſeroient appaiſées, on entreprendroit la guerre contre
les infideles, pour affranchir les Chreſtiens de cete miſerable ſeruitude, &
meſme reduire à la foi les infideles. Et pourtant, par le plein pouuoir qu'il *en laquelle*
a de Dieu, avec l'approbation & conſentement de ſes freres les Cardinaux, *iceluy eſt*
il intime vn Concile general de toute la Chreſtienté, pour le vintſeptieme *intimé à*
Mai, de l'année prochainement venante; mil cinq cens trentſept, en la *Mantoue:*
ville de Mantouë, lieu abondant, & propre pour la tenue d'un Concile. Et
commande aux Euesques, & autres Prelats de quelque lieu qu'ils ſoyent;
ſous l'obligation de leur ſerment, & ſous les peines ordonnées par les Saints
Canons, & Decrets, qu'ils ayent à s'y rendre & trouuer au iour assigné. Prie
l'Empereur, & le Roi de France & tous les autres Rois & Princes, pour l'a-
mour de Ieſus Chriſt, & pour le bien & ſalut de toute la Chreſtienté; qu'il
leur plaiſe y aſſiſter en perſonne: & en cas qu'ils ne puiſſent, y depu-
ter Ambaſſades honorables, avec ample pouuoir, ſelon que l'Empereur, & le Roi
de France, & les autres Princes Chreſtiens, ont pluſieurs fois promis à Cle-
mēt, & à lui. Et auſſi, qu'ils facent que les Prelats de leurs royaumes & eſtats
y aillent, & y demeurent iuſques à la fin; pour y determiner ce qui ſera
conuenable pour la reformation de l'Eglise, extirpation des heresies, &
entreprise de la guerre contre les infideles.

Le Pape publia auſſi vne autre Bulle, pour purger, comme il diſoit, de *ensemble*
tous vices & defauts, la ville de Rome, Chef de toute la Chreſtienté, & Mai- *vne autre*
ſtreſſe de la doctrine, des mœurs, & de la discipline: afin, qu'ayant nettoyé *de refor-*
ſa propre maiſon, plus aiſement il puſt nettoyer les autres. Et ne pouuant *mation de*
vaquer à cela ſuffiſamment, il deputa à cet effet les Cardinaux d'Oſtie, S. Se- *la Cour de*
uerin, Ginuce, & Simonete: cominandant à tous, ſous grieues peines, de leur *Rome.*
rédre entiere obeiſſance. Ces Cardinaux, enſemble quelques autres Prelats,
auſſi deputés par le Pape, ſe mirent tout à l'inſtant à traiter de la reforma-
tion de la Penitencerie, Daterie, & des mœurs des Courtiſans: mais pour
tout cela, choſe aucune n'en fut miſe en effet. Or, quant à l'intimation du
Concile, elle ſembla à tous eſprits, quoique mediocres, faite hors de ſaiſon,
en vntemps, auquel, entre l'Empereur & le Roi de France, eſtoient al-
lumées groſſes guerres en Picardie, en Prouence, & en Piedmont.

Les Proteſtans, ayans veu la Bulle, eſcriuirent à l'Empereur, Qu'ils ne *Les Prote-*
voyoyent point encor quelle deuoit eſtre la forme & maniere de proceder *ſtans ne ſe*
du Concile, lequel ils auoyent tousiours requis ſaint, pieux, libre, & en *contentent*
Allemagne, & tel auſſi leur auoit tousiours eſté promis. Et pourtant qu'ils *point de la*
ſe fioyent, que l'Empereur pouruoirroit que leurs demandes ſeroient ex- *Bulle du*
aucées, & ſa promeſſe accomplie. *Pape.*

Mais l'Empereur, au commencement de l'année enſuiuante, mil cinq *l'Empereur*
cens trentſept, enuoya Mathias Held, ſon Vicechancelier, aux Prote- *les exhorte*
ſtans, pour les exorter à accepter le Concile, lequel par ſon ſi grand trauail *il y aquis-*
auoit eſté cōuoqué, & auquel il faiſoit eſtat de ſe trouuer en perſonne, ſi non *ſcer,*
qu'il entreuiſt quelque grand empeschement de guerre, qui l'obligeaſt à
eſtre ailleurs: il leur ramentut qu'ils auoyent appelle au Concile: & pourtant
qu'il n'eſtoit nullement conuenable de changer maintenant d'aduiſ: &

1537.

mais en
vain, plu-
sieurs rai-
sons que ils
alleguent
en leur re-
sponce à
l'Empe-
reur.

de refuser de s'assembler avec toutes les autres nations, qui en icelui ont mis toute l'esperance de la Reformation de l'Eglise. Quant au Pape, l'Empereur leur fit dire, Qu'il ne doutoit nullement, qu'il ne se gouvernast comme il appartient au principal Chef de l'Ordre Ecclesiastic : que s'ils ont quelque plaintif à faire contre lui, ils le pourront poursuivre dans le Concile modestement. Quant à la procedure, & forme, qu'il n'estoit point raisonnable qu'eux seuls voulussent donner loi à toutes les autres nations : qu'il falloit penser que leurs Theologiens n'estoyent pas seuls inspirés de Dieu, & entendus es choses sacrées, mais qu'il y enauoit aussi ailleurs, qui ne manquoient point de saüoir, & de sainteté de vie. Quant au lieu, quoi qu'ils en ayent demandé vn en Allemagne, ils doiuent toutesfois considerer ce qui est commode aux autres nations. Que Mantouë est proche de l'Allemagne, abondante, & d'une bonne & salubre temperature d'air, suiëtte à l'Empire, dont le Duc est feudataire : de sorte que le Pape n'y a aucun pouuoir : que si en outre ils desirent encores plus grandes seuretés, l'Empereur est tout prest de les leur bailler. Icelui parla aussi avec l'Electeur de Saxe à part, l'exortant d'enuoyer ses Ambassadeurs au Concile, sans exceptions, ni excuses, lesquelles ne pouuoient produire autre chose qu'inconueniens. Les protestans firent leur responce, sur ce point du Concile, Que par la lecture des lettres du Pape, ils voyoyent bien que le Pape, & Sa Maiesté Imperiale, n'auoyent point vne mesme pensee. Et reprenans les choses traitées avec Adrien, Clement, & Paul, conclurent qu'on voyoit clairement que tous les Papes n'auoyent qu'un mesme but. Passerent puis apres à declarer les causes, pour lesquelles il n'estoit nullement raisonnable que le Pape fust iuge au Concile : ni aussi peu, ceux qui sont à son serment. Et quant au lieu assigné, outre ce qu'il estoit contre les Dietes Imperiales, il n'y auoit aucune seureté qui les y pust faire aller sans danger. Car, d'autant que le Pape a ses adherans par toute l'Italie, qui portent vne haine mortelle à la doctrine des Protestans, il y a eminent danger d'embüches, & de desseins secrets. Ioint que, n'estant point conuenable de traiter choses de si grande importance par procureurs, il faudroit que plusieurs Docteurs & Ministres de la parole de Dieu s'y transportassent en personne : & allans hors de l'Allemagne, ce seroit laisser beaucoup d'Eglises desertes. Mais encores, comment est-il possible qu'ils se soumettent au iugement du Pape, qui ne bute à autre chose, qu'à extirper leur doctrine ; laquelle il nomme Heresie, & ne se peut contenir de le dire en toute ses Bulles, mesmes en celle, par laquelle il intime le Concile : & encor plus expressément en celle qu'il a faite, faignant de vouloir reformer la Cour de Rome, disant, D'auoir conuocé le Concile, pour extirper l'heresie Lutheriene ? De quoi aussi il donne assez de documens par les effets, procédant cruellement par supplices & tormens contre les pöures innocens, qui adherent par conscience à icelle religion. Et comment pourront-ils actionner le Pape, & ses adherans, si lui mesme veut estre le iuge ? Qu'approuuer son Brief, n'estoit autre chose, que se soumettre à son iugement. Et pourtant qu'ils ont demandé vn Concile libre & Chrestien, non tant afin que tous y pussent parler en liberté, & que les Turcs & infideles en soyent exclus, que pour empescher que ceux qui sont ligués & obligés les vns aux autres par sermens, & pactions, n'y soyent iuges : ains que la parole de Dieu y preside, & decide toutes controüerses. Qu'ils sauent tresbien qu'il y a des gens de bien & de saüoir es autres nations : mais aussi sont-ils certains, que si l'excessiue puissance du Pape est refrenée, non seulement leurs Theologiens, mais aussi plusieurs autres, qui à present de crainte d'estre opprimés, se tiennent cachés, s'employeront courageusement à la reformation de l'Eglise. Qu'ils ne veulent point disputer de la situation & commodité de la ville Mantouë : mais bien dire, que la guerre estant en Italie, ils n'y peuuent estre sans ombrage. Quant au Duc d'icelle, suffit de dire, qu'il a vn frere Cardinal, des premiers de la Cour. Qu'en Allemagne il y a plusieurs villes, de non moindres commodités que Man-

que Mantouë, esquelles fleurit l'équité & la iustice : & en Allemagne sont inconnus & inouïs ces proditoires & scelerats moyens de raur la vie aux hommes, qui sont tant communs & coustumiers en autres lieux. Qu'ès Conciles anciens tousiours a esté principalement recherchée la seurte du lieu, laquelle toutesfois, ores que l'Empereur fust en personne au Concile, ne seroit suffisante : veu que tout le monde fait assez, que les Papes accordent bien aux Empereurs d'assister aux Consultations, mais reseruent cependant à eux seuls le pouuoir de determiner. Que chacun fait ce qui aduint au Concile de Constance à l'Empereur Sigismond, le sauſconduit duquel fut violé, & lui contraint de receuoir vn si grand affront. Et pourtant prioyent l'Empereur de peser ces raisons.

En la mesme Diete s'estoit presenté l'Euesque d'Aix, enuoyé par le Pape, ^{et à vn Nonce du Pape par vn Mani-} pour les conuier au Concile : mais il n'auança rien, & mesmes quelques vns des Princes refuserent totalement de l'escouter : & pour donner à conoistre leurs raisons à tout le monde, ils publierent & firent imprimer vn Manifeste, auquel principalement ils s'estudioyent de respondre à cete objection, Qu'ils ne se vouloyent souſmettre a aucun iuge, qu'il mesprisoyent les autres nations, qu'ils refusoient le souuerain tribunal de l'Eglise, qu'ils renouueloyent les heresies iadis condamnées, qu'ils aymoyent les dissensions ciuiles, & que les choses qu'ils reprenoyent en la Cour de Rome n'estoyent que legeres, & tolerables. Ils alleguoyent les raisons, pour lesquelles il n'estoit conuenable que le Pape, ou seul, ou avec les siens, fust iuge : rapportoyent des exemples de plusieurs Conciles recusés par diuers des Saints Peres, & finalement employèrent tous les Princes à leur defense, s'offrans que si en aucun temps estoit assemblé vn Concile legitime, ils defendroyent en icelui leur cause, & rendroyent raison de leurs actions.

Ils enuoyerent aussi vn Ambassadeur expres au Roi de France, pour l'informer particulièrement des mesmes choses : lequel respondit, Que pour le fait du Concile, il estoit de mesme sentiment avec eux, de ne le point approuuer, sinon legitime, & en lieu de seurte : & les asseuroit aussi de la volonté conforme du Roi d'Ecosse, son gendre.

Le Duc de Mantouë accorda sa ville pour y tenir le Concile, pour gratifier le Pape, sans considerer plus auant : iugeant conformement à l'opinion commune, qu'il seroit impossible de conduire ce dessein à chef, à cause de la guerre qui estoit lors entre l'Empereur & le Roi de France, & de la repugnance de l'Allemagne, pour laquelle se tenoit le Concile. Mais, apres qu'il eut veu l'intimation, il commença à penser, comment il asseureroit sa ville. Et enuoya représenter au Pape, qu'attendu le grand nombre de personnes qui aborderoyent au Concile, il estoit necessaire de mettre dans la ville grosse garnison, laquelle il entendoit ne dependre d'autre que de lui, & de ses commandemens, & cependant n'auoit moyen de l'entretenir du sien : & pourtant qu'il falloit, que Sa Sainteté lui fournist argent pour payer les soldats, s'il vouloit que le Concile se tint en sa ville. Le Pape respondit, Que ce grand nombre ne seroit point de gens de guerre, ou faisans profession d'armes, mais d'Ecclesiastiques, & gens de lettres : lesquels aisement seroyent contenus en leur deuoir par vn seul Magistrat, que lui Pape deputeroit pour rendre iustice, avec petit nombre de sergens, & de gardes : qu'une garnison de soldats armés seroit de grand ombrage à tous, & peu seante au lieu d'un Concile, qui doit n'auoir autre apparence, ni effets, que de paix & tranquillité. Et que quand mesmes il y auroit besoin d'armes pour la garde, il n'estoit nullement raisonnable qu'elles fussent en autres mains, que du Concile mesme, assauoir, du Pape, qui en est Chef. Le Duc, considerant que la Iurisdiction tire tousiours apres soi la souueraineté, repliqua, Que pour tout il ne vouloit point que la iustice fust administrée en sa ville par autres, que par ses officiers. Le Pape, personnage tres-prudent, à qui rarement il aduenoit d'ouïr response non preuenüe, demeura plein d'esbahissement : & respondit à l'homme du Duc, Qu'il n'auroit jamais cru, que son

1557.

lesquelles
le P. pe n-
voulant
admettre.

le Concile
est suris
par v. e
Bulle Pa-
pale, contr.
laquelle l
Roi d'An-
gleterre
publie v.
manifeste.

le Pape par
les repro-
ches qu'il
est de ses
ait on, e
si ne à l
v. jor n. e
de la Co. r.
en venet
l'affaire à
neuf Pre-
lats.

Maistre, Prince Italien, duquel la maison auoit receu tant de bienfaits du S. Siege, & qui auoit vn frere Cardinal, lui eust du refuser, ce qui ne lui auoit iamais esté debatue par aucun, & que toute loi, diuine, & humaine, lui donne, & que les Lutheriens mesme ne lui sauent denier, assauoir, d'estre iuge supreme des gens d'Eglise: ce que mesme le Duc ne querelle point à son Eueque, qui iuge des causes des Prestres à Mantouë. Qu'au Concile n'entreuiendroyent que personnes Ecclesiastiques, exemptes de la Cour seculiere, tant pour elles, que pour leurs familles: ce qui est tant euident, que tous les Docteurs aduouent vnaniment, que mesmes les concubines des Prestres sont iusticiables de la Cour Ecclesiastique: & lui lui veut denier d'auoir vn Magistrat, qui pendant le Concile, rende iustice aux mesmes Ecclesiastiques: Nonobstant tout cela, le Duc demeura ferme, tant à refuser au Pape iurisdiction en Mantouë, qu'à demander argent pour payer soldats. Ces conditions semblerent dures au Pape, & comme il disoit, contraires aux anciennes coustumes, & indignes du S. Siege, & de la liberté Ecclesiastique: & pourtant il refusa d'y acquiescer, & delibera de ne plus vouloir Concile à Mantouë, se ressouenant fort bien de ce qui estoit aduenu à lean vinttroisieme, tenant Concile en lieu, ou il n'estoit pas le plus fort: & se resolut à surseoir le Concile: & s'excusa par vne Bulle publiée, en laquelle en somme il representoit, Que, quoi que ce fust à son grand regret, il estoit contraint d'assigner vn autre lieu pour la tenue du Concile: ce qu'il supportoit en patience, puis que cela aduenoit par la faute d'autrui, & non par la sienne: & que, ne pouuant ainsi à l'improuiste se resoudre d'un autre lieu à propos, il surseoit & différoit la celebration du Concile, iusques au premier Nouembre de la mesme année.

Le Roi d'Angleterre publia en ce mesme temps vn Manifeste, en son nom, & de la noblesse de son Royaume, contre la conuocation faite par le Pape, comme par personne, qui n'en a le pouuoir: & en temps de guerre allumée en Italie, & en lieu mal assésuré: adioustant, qu'il desire bien vn Concile Chretien; mais qu'à celui du Pape, il n'y ira nullement, & n'y enuoyera ambassade aucune, n'ayant que faire de l'Euesque de Rome, ne de tous ses edicts, non plus que de ceux de quelque autre Euesque du commun: que iadis les Conciles estoient conuocqués par autorité des Rois: & que tant plus doit estre ramenée cete coustume à present, qu'on traite d'accuser les defauts & abus de la Cour du Pape: que c'estoit chose assez coustumiere aux Papes de manquer de foi: ce qui à lui estoit plus considerable & à apprehender, pour la haine capitale qu'il auoit excitée contre soi en abolissant en son royaume la domination du Pape, & la cense qui lui estoit payée. Que de ietter la coulpe sur le Duc de Mantouë, pource qu'il ne vouloit recevoir tant de gens en sa ville sans garnison, n'est autre que se mocquer du monde: comme aussi de differer le Concile iusqu'au mois de Nouembre, & cependant ne designer aucun lieu, auquel il soit célébré. Car, si le Pape en choisit aucun, sans doute il en prendra vn de ses Estats, ou de quelque autre Prince sien obligé. Et pourtant que, veu que nul homme de sens ne pouuoit esperer d'obtenir vn vrai Concile, le plus expedient estoit que chascun Prince corrigeast & reformast la Religion chez soi. Et pour conclusion dit, que, si aucun lui monstroit autre voye meilleure, il ne la reietteroit point.

En Italie aussi on estoit fort porté à interpreter sinistrement les actions du Pape: & disoit-on, librement, que, quoi qu'il reiettaist la faute sur le Duc de Mantouë, de lui seul toutesfois procedoit tout l'empeschement de la tenue du Concile: & que de ce estoit signe euident, qu'au mesme temps il auoit publié la Bulle de la Reformation de la Cour, & en auoit baillé la charge à quatre Cardinaux, à quoi n'y auoit point d'opposition du Duc, ne d'autres, ains que le tout estoit en son pouuoir, & cependant on n'en parloit plus; comme aussi le mesme affaire proposé par lui incontient apres son asomption au Pontificat, estoit demeuré en silence & surseance trois ans durant. Pour obuier à ces blasmes, & diffamés, le Pape delibera de repren-

à re en main cet affaire, reformant tout premier soi mesme, les Cardinaux, & la Cour : afin de se purger de tous reproches, & des sinistres interpretations de ses actions. Et à cet effet esleut quatre Cardinaux, & cinq autres Prelats ; tant estimés de lui que d'iceux il en crea quatre Cardinaux es années suivantes : enioignant à tous neuf de ramasser tous les abus qui meritoient reformation, & tout d'une main adiouster les remedes, par lesquels aisément & promptement on les pourroit corriger, pour ramener toutes choses à vn bon reiglement. Ces Prelats firent ce recueil, selon le commandement du Pape, & le redigèrent par escrit.

D'entrée ils representoyent, que la source & l'origine de tous les abus estoit la facilité des Papes à prester l'oreille aux flatteurs, & à derogier aux lois, avec contrauention aux commandemens de Christ, de ne tirer profit des choses spirituelles. Puis, descendans aux particularités, ils marquoyent vint quatre abus en l'administration des choses Ecclesiastiques, & quatre au gouuernement special de Rome : ils touchoyent l'admission du Clergé aux saints ordres, la collation des Benefices, les pensions, les permutations, les regrés, les reserves, la pluralité des Benefices, les commandes, la residence, les exemptions, la deprauation des Religieux, l'ignorance des prescheurs, & confesseurs, la licence d'imprimer liures dannables, les lectures, le support des Apostats, les questeurs : puis, passans aux dispenses, touchoyent, en premier lieu, celle de marier personnes qui auoyent les saints ordres, la facilité de dispenser mariages en degres defendus, les dispenses aux Simoniaques, la facilité d'ottroyer absolutions penitentielles, & indulgences, la dispense des vœux, la liberté de tester des biens d'Eglise, le changement des dernières volontés, la tolérance des putains publiques, la nonchalance au gouuernement des hospitaux : & autres choses semblables, espluchées par le menu : exposant la nature des abus, les causes & origines d'iceux, les consequēces des maux qu'ils portent avec eux, & les moyens d'y remedier, & conseruer pour l'auenir le corps de la Cour en l'integrité de la vie Chrestienne. Oeuure digne d'estre luë, & qui meritoit d'estre inserée tout au long, si la longueur & prolixité ne l'eust defendu.

Le Pape, ayant receu cete relation de ces Prelats, la fit examiner à plusieurs Cardinaux, & puis proposa la matiere en Consistoire, pour en deliberer. Frere Nicolas Schomberg, Iacopin, Cardinal de S. Sixte, autrement nommé, de Capouë, par vn long discours monstra que le temps d'alors ne portoit de faire aucun reformation. Il mit en premier lieu en consideration la malice humaine, laquelle, quand vn mal lui est defendu, en trouue tousiours vn pire : & qu'il y a moins de mal de tolerer vn desordre tout conu, & lequel par son vsage & frequence ne cause aucun estonnement, que d'en encourir vn autre, lequel par sa nouveauté sera plus signalé & apparent, & par consequent donnera plus de fuiet de reprehension. Ioint que, ce seroit donner aux Lutheriens matieres de se glorifier, d'auoir contraint le Pape à faire cete Reformation. Mais sur tout il remonstroît, que cela seroit vn commencement, non d'oster les abus seulement, mais aussi les bons vsages, & de mettre en plus grand danger la Religion. D'autant que, par la Reformation on viendrait, à confesser, que les choses, auxquelles on auroit remedié, auoyent esté meritoirement reprises par les Lutheriens : ce qui ne seroit autre chose, que fomentier toute leur Doctrīne. A l'opposé Iean Pierre Carraffe, Cardinal Theatin, monstra que la reformation estoit necessaire : & que l'omettre estoit vne tres-grande offense de Dieu : & respondit que la reigle des actions Chrestiennes portoit, Que, comme il ne faut faire aucun mal, afin que bien en aduiene : aussi, es choses qui sont du deuoir & de l'obligation, on ne doit laisser de faire aucun bien, par crainte qu'il en aduiene du mal. Les opinions furent diuerses, & en fin, apres plusieurs aduis dits & proposez, il fut conclu, Qu'on differeroit d'en parler iusques à vn autres temps : & le Pape commanda, que la remonstrance des Prelats fust tenue secreta. Mais le Cardinal Schomberg en enuoya vne copie en Allemagne,

1538.

non sans le feu du Pape, comme on crut: afin qu'il parust qu'à Rome il y auoit quelque dessein, & mesmes effet de reformation. Cete copie enuoyee fut soudain imprimée, & publiée par toute l'Allemagne, & plusieurs aussi escriuirent à l'encontre en langue Allemande & Latine. Et cependant en Allemagne croissoit tousiours le nombre des Protestans, le Roi de Danemarck, & quelques Princes de la maison de Brandebourg, estans entrés en leur association.

le Pape in-
cine le Con-
cile à Vin-
cence, par
vne nou-
uelle Bul-
le,

Le mois de Novembre s'approchant, le Pape publia vne Bulle de conuocation de Concile en la ville de Vincence: & allegât qu'à cause de la proximité de l'hyuer il estoit necessaire de prolonger le terme, il l'intima au premier Mai de l'année ensuiuante, mil cinq cens trentehuit, & deputa pour Legats en ce lieu là, trois Cardinaux, Laurens Bamepe, Legat de Clement septieme en Allemagne, Iaqués Simonete, & Ierome Aleandre, créés Cardinaux par lui mesme.

contre la-
quelle de
nouveau le
Roi d'An-
gleterre es-
crit.

Après que cete Bulle fut sortie en lumiere, le Roi d'Angleterre publia vn autre Manifeste contre cete nouvelle conuocation, adressé à l'Empereur, & aux Rois & peuples Chrestiens, sous la date du huitieme Auiril de la mesme année mil cinq cens trentehuit, lequel portoit, Que, ayant ia fait voir au monde les grandes & numereuses raisons qu'il auoit eues pour recuser le Concile, lequel le Pape auoit feint vouloir celebrer à Mantouë, & lequel puis apres il auoit prolongé, sans assignation d'aucun certain lieu, il ne lui sembloit point conuenable, toutes les fois que le Pape songeroit quelque nouveau moyen, de prendre la peine de protester, ou de recuser le Concile qu'il feroit semblant de vouloir celebrer. Et pourtant, qu'il entendoit que son presedent Manifeste iustificast sa cause, & celle de son royaume, contre tous les attentats de Paul troisieme, & de tout autre Pape de Rome: & qu'encores il l'a voulu d'abondant confermer par ces presentes lettres, par lesquelles il desire d'estre excusé autant d'aller à Vincence, qu'à Mantouë: ores qu'il ne cede à aucun au desir d'une publique & generale assemblée des Chrestiens: pourueu que ce soit vn Concile general, libre; & saint, tel qu'il l'a figuré en sa protestation contre le Concile de Mantouë. Et, comme il n'y a chose plus sainte, qu'une generale assemblée de Chrestiens, aussi n'y a-il rien qui puisse apporter plus de preiudice & detrimement à la Religion, qu'un Concile corrompu par auarice, interets particuliers, & desseins de maintenir erreurs. Qu'on l'appelloit Concile general, pource que tous Chrestiens y peuuent dire leurs aduis: & qu'on ne pouuoit nullement nommer general le Concile, auquel nul autre n'estoit ouï, que ceux qui auoyent arrêté de tenir tousiours en toutes choses le parti du Pape, & ou les mesmes estoient, demandeurs, defendeurs, aduocats, & iuges. Qu'on pouuoit obiecter contre la Ville de Vincence les mesmes choses; qui auoyent en son autre Manifeste esté produites contre Mantouë. Et apres auoir briuelement repeté le contenu d'icelui, il dit, Si Friderich, Duc de Mantouë, n'a deféré à l'autorité du Pape, en lui accordât sa ville en la maniere qu'il vouloit, quelle raison auons-nous de la tant priser, que nous allions au lieu ou il lui plaira: Si le Pape a le pouuoir de par Dieu d'appeller les Princes là ou il lui plaist, pourquoy ne l'a-il aussi de choisir le lieu qui lui plaist, & de se faire obeir? Si le Duc de Mantouë peut avec raison refuser le lieu choisi par le Pape, pourquoy ne pourrôt aussi les autres Rois & Princes refuser d'aller en icelui? Que si tous les Princes lui refusoient leurs villes, ou seroit son pouuoir? Que seroit-ce, si tous se fussent mis en chemin, & estans arriués à Mantouë, se fussent trouués forclos par le Duc? Ce qui est aduenü à l'esgard de Mantouë, peut aussi aduenir à l'esgard de Vincence.

le Pape à
Nice exhor-
tel l'Empe-
reur & le
Roi de
France, de

Les Legats, au temps assigné, se transporterent à Vincence; & en mesme temps le Pape alla à Nice de Prouence, pour entreuenir au pourparler de l'Empereur, & du Roi de France, lequel il auoit moyené, donnant la voix, que c'estoit seulement pour pacifier ces deux grand Princes: combien que son but principal fust de tirer le Duché de Milan en sa maison. En ce lieu-là

le Pape, entre autre choses, fit office avec tous deux qu'ils enuoyassent leurs Ambassadeurs au Concile & qu'ils y fissent aller les Prelats, qu'ils auoyent lors presentement à leur suite, & ordonnassent à ceux qui estoient en leurs estats, de se mettre en chemin. Quant à ce dernier, l'un & l'autre s'en excusa, disant, Qu'il estoit necessaire de conferer tout premier avec les Prelats des necessités de leurs Eglises: & que d'enuoyer ceux qui estoient là presens, il y auroit de la difficulté à leur persuader d'y aller seuls, sans auoir communiqué & pris conseil avec les autres. Le Pape se laissa si aisement contenter de cete response, qu'il fit doubter laquelle il desiroit le plus, l'affirmatiue, ou la negatiue. Partant tout ce deuoir du Pape estant reussi sans effet, comme aussi tous les autres qu'il fit en cete Assemblée, il se partit de là, & estant de retour à Genes, reçeut de Vincence lettres des Legats, qui portoyent, Qu'ils se trouuoient encores là tous seuls, sans aucun Prelat. Dont il les rapella, & par vne autre Bulle, en date du vint huitieme Iuillet, il prolongea le terme du Concile, iusques à Pasques prochain. En cete année le Pape rompit la prudente patience, ou dissimulation, dont il auoit vsé enuers l'Angleterre par quatre années consecutives: & fulmina vne terrible Bulle contre ce Roi-là, d'une maniere qui n'auoit iamais esté pratiquée par ses deuanciers, & depuis n'a esté ensuiue par ses successeurs. Et d'autant que cete fulmination eut son origine des manifestes publiés par le Roi contre le Concile intimé à Matouë, & à Vicence, mon but requiert que i'en face mention. Ioint que pour l'intelligēce de plusieurs accidens, qui seront récités ci apres, il est necessaire de raconter ses succès avec toutes ses particularités.

Après que le Roi d'Angleterre eut osté l'obeissance à l'Eglise Romaine, & se fut déclaré Chef de l'Eglise Anglicane, en l'année mil cinq cens trente quatre, comme il a esté dit en son lieu, le Pape Paul fut tout aussi tost sollicité à fulminer contre ce Roi: Par l'Empereur, pour ses propres interests: & par la Cour de Rome, pour l'esperance de racquerir par ce moyen l'Angleterre, ou la mettre tout en feu. Ce que lui, comme fort entendu aux affaires, iugeoit estre peu à propos: considerant que si les fulminations de ses predecesseurs n'auoyent iamais eu bonne issue, au temps mesmes qu'on leur devoit toute creance, & reuerence, il estoit beaucoup moins à esperer qu'ils la dussent auoir, apres la publicatiō & reception d'une doctrine qui les mesprisoit. Et tenoit pour acte de prudence de tenir dans le fourreau vne espée, qui n'a autre trenchant, qu'en l'opinion de ceux contre lesquels on combat. Mais, apres qu'en l'année mil cinq cens trentecinq fut aduenue la decapitation du Cardinal de Rochester, les autres Cardinaux s'adresserent au Pape, lui remonstrans la grande ignominie qu'en receuoit leur ordre, qui estoit reputé sacré & inuiolable, & le dāger qu'il encourroit, si on laissoit prendre pied à cet exemple. Attendu que les Cardinaux defendent le Papat enuers tous les Princes en toute hardiesse, par la seureté qu'ils ont de leur vie: que si icelle leur estoit rauie, & on monstroit aux seculiers que les Cardinaux mesmes peuuent estre executés à mort, ils seroyent contraincts de proceder avec trop de crainte. Toutesfois ni pour cela le Pape ne se departit point de sa resolution: mais trouua vn expedient mitoyen, qui iamais n'auoit esté vsité par aucun Pepe, qui estoit de hausser la main avec le foudre, & de menacer de le lascher, le retenant toutesfois en sa main: pensant par ce moyen contraindre les Cardinaux, la Cour, & autres, & cependant ne mettre point en hazard la puissance Papale. Et pourtant il forma vn procès, & vne sentēce tres-rigoureuse contre ce Roi, sous la date du trentieme Aoust, de l'année mil cinq cens trentecinq, & tout ensemble en fust la publication à son bō plaisir: promettant toutesfois que la Copie tōbast en mains de personnes, laquelle il fauoit bien la lui feroit tenir, & faisant courir bruit de la Bulle formée, & de la surseance d'icelle, avec quelque vent que bien tost, toute surseance leuée, il viēdroit à la publication: quoi qu'avec intentiō de n'y venir iamais.

Et combien qu'il ne fust point hors d'esperance, que le Roi, ou de crainte du foudre préparé, ou par l'inclination de son peuple, ou par lassitude

1538.

Jean d'Angleterre

son Concile,

en quoi il

trouue de

la difficulté

le:

le Pape in-

rié contre

le Roi

d'Angle-

terre, apres

longue sui-

pensio d'un

foudre

d'excom-

munication

tout prepa-

ré, mais

arresté par

prudence,

1539.

des supplices contre les desobeïssans à son decret, cederait de soi mesme, ou y seroit porté & induit par l'entremise de l'Empereur, ou du Roi de France, encas que, selon les occurrences des affaires du monde, il fust contraint de s'vnir avec l'un d'eux: toutesfois la principale cause qui le porta à cela, fut pour ne faire paroistre la foiblesse de ses armes, & par ce moyen affermir & roidir de plus fort ce Roi en la separation. Mais au bout de trois ans, il se porta à changer d'aduis, pour les irritations, & indignités qu'il pretendoit receuoir sans cause de ce Roi, qui mettoit tousiours en lumiere quelques manifestes contre ses conuocations du Concile, & oppugnoit toutes ses actions, quoi que non butées à aucune siene particuliere offense: & tout nouuellement auoit actionné, cité, & condanné comme rebelle du Royaume, avec confiscation de biens, S. Thomas de Canturberi, lequel le Pape Alexandre III. auoit iadis canonisé, pour auoir esté mis à mort pour la defense de la liberté & de la puissance Ecclesiastique, dès l'année mil cent septentvn: dont encores on celebre la feste annuelle en l'Eglise Romaine. Et apres la condannation, auoit procedé à l'execution, faisant desterrer ses os, qui furent bruslés par la main de l'executeur de la haute iustice, & les cendres iettées en la riuiere: & mettant la main sur les tresors, ornemens, reuenus des Eglises qui lui estoient dediées. Ce qui estoit auoir touché vn secret du Papat, beaucoup plus importât que l'affaire du Concile. Aufquelles causes fut adiointé quelque esperance conceüe en l'entreuë avec le Roi de France, que ce Roi là fourniroit secours & aide aux malcontens d'Angleterre, tout aussi tost qu'il seroit à deliure des guerres qu'il auoit avec l'Empereur. Donques le dixseptieme Decembre il lença le foudre forgé des trois ans auparauant, ouurant la main qu'il auoit tenue si long temps en acte & posture de fulminer. Les causes alleguées furent en substance, Le diuorce, l'obeissance abolie, la mort du Cardinal de Rochester, & la sentence contre S. Thomas: Les peines furent, pour lui, de la priuation du Royaume: & pour ses adherans, de tout ce qu'ils possedoyent: commandant aux suiets de ne lui plus obeir, & aux estrangiers de n'auoir aucun commerce en ce royaume, & à tous de se leuer en armes contre lui, & ceux de son parti; & les persecuter à outrance: leur exposant enproye les estats & les biens d'eux tous, & en seruitude leurs personnes.

*Le lance
furieuse-
ment,*

*mais sans
effet:*

Mais les ligues, alliances, paix, traités, quel'Empereur, le Roi de France, & autres Princes Catholiques, firent de puis avec le Roi Henri d'Angleterre, monstrent assez en quelle estime fut tenu le Bref du Pape, & combien peu furent obserués ses commandemens:

*les trou-
bles d'Al-
lemagne
croissent,
ou s'assem-
ble à Franc-
fort, & est
proposé un
moyen de
traité à l'a-
mixte,*

Au commencement de l'année mil cinq cens trenteneuf, nouuelles querelles s'ourdirent en Allemagne pour la cause de la religion, & peut estre par personnes mal affectonnées, qui se seruoient d'icelle pour pretexte: dont fut tenue vne Iournée à Francfort, à laquelle l'Empereur enuoya vn Commissaire: & là, apres vn long debat, par le consentement d'icelui il fut conclu le dixneuuieme Aüril, de faire vne conference à Noremberg le premier Aoust, pour traiter paisiblement & amiablement de la Religion: & qu'en icelle, outre les Docteurs, entendiendroyent d'une part & d'autre, personnes sages & prudentes, deputées de l'Empereur, du Roi Ferdinand, & des Princes, pour moderer la conference, & estre entremetteurs entre les parties: & que ce qui de commun consentement seroit arresté, seroit notifié à tous les Estats de l'Empire, & puis en la prochaine Diete ratifié par l'Empereur. Les Catholiques vouloyent, que le Pape fust recherché d'enuoyer aussi quelque personnage à cete Conference: mais les Protestans iugerent que cela estoit chose contraire à leur protestation, & pourtant ne fut point executé. La nouuelle de cete assemblée estant allé à Rome, le Pape en fut grandement offensé: tant pource qu'on entreprenoit de faire quelque traité de Religion en Allemagne, que pource que cela estoit au grand preiudice de la reputation du Concile, intimé par lui, quoi qu'il se souciaist bien peu qu'il se tint: mais plus particulierement, pource qu'ayant esté

proposé d'y admettre vn député du Pape, son autorité en auoit puis apres este totalement forclosse. Et pourtant il expédia tout soudain l'Euesque de Montpulcian en Espagne, sur tout pour faire instance à l'Empereur de ne ratifier point les decretz d'icelle Diete, ains les casser, & annuller.

Ce Nonce eut vne longue & grande instruction, premierement de se plaindre grieuement des deportemens du commissaire de l'Empereur, qui estoit Iean Vvesa, Archeuesque de London en Danemark : lequel ayant oublié le serment qu'il auoit au S. Siege, & infinis bienfaits receus du Pape, & l'instruction qu'il auoit receüe de l'Empereur, auoit consenti aux demandes des Lutheriens, au preiudice du S. Siege, & au deshonneur de Sa Maiesté Imperiale. Qu'il auoit esté corrompu par presens & promesses, ayant receu de la ville d'Augsbourg vintcinq mil florins d'or, & du Roi de Danemark, promesse de quatre mil florins annuels, sur les reuenus de son Archeuesché de London, qui lui auoit esté saisi. Qu'il minutoit de se marier, & quitter l'Eglise; dont aussi iamais il n'auoit voulu recevoir les saints ordres. Le Nonce eut aussi charge de remonstrer à l'Empereur, que s'il ratifioit les choses otrroyées par son Commissaire, il feroit paroistre qu'il n'estoit point vrai fils du S. Siege: & que tous les Princes Catholiques d'Allemagne en faisoient plainte, & esperoyent que Sa Maiesté ne les ratifieroit point. Il eut aussi commission de lui proposer autres siens propres interests touchant le Duché de Gueldres, & l'election du Roi des Romains, pour l'emouuoir d'auantage: & de lui ramenteuoir, qu'en supportant les Lutheriens en leurs erreurs, il ne pourroit pas pourtant disposer de l'Allemagne, comme le Commissaire Vvesa, & autres, lui figuroyent: car c'est vne chose meshui toute hotoire, qu'on ne se peut asseurer de conseruer les Estats, là ou la Religion se perd, ou là ou deux Religions sont tolerées. Que cela c'est veu es Empereurs Orientaux, lesquels ayans secoué l'obeissance enuers le Pape de Rome, Chef vniuersel de l'Eglise ont en fin perdu & forcés & Estats. Que les fraudes des Lutheriens sont tout euidentes: qu'ils ont tousiours procedé malignement enuers Sa Maiesté, & que sous ombre de remettre la Religion en bon ordre, ils procurent autre chose que Religion. Que de cela rendoyent tesmoignage les Dietes de Spire de l'année mil cinq cens vintfix, celle de Noremberg de l'année mil cinq cens trentedeux, & celle de Caldau en Boheme de l'année mil cinq cens trentequatre, quand le Duc de Vvitemberg reconquit son Duché: ce qui monstra bien lors, que les mouuemens du Landgraue, & des Lutheriens, n'auoyent point esté pour cause de la Religion; mais pour enleuer cet estat là au Roi des Romains, Qu'il mit en consideration que; s'ils s'accordoient avec les Lutheriens, les Princes Catholiques ne pourroyent souffrir vn tel desordre, que Sa Maiesté eust plus de pouuoir sur eux, que sur les Protestans; & partant penseroient à de nouueaux remedes. Qu'il y a plusieurs autres voyes licites & honnestes, par lesquelles on peut ranger l'Allemagne, & que Sa Sainteté est toute preste de l'assister de tout secours, selon la portée & qualité de ses forces. Et s'il plaist à Sa Maiesté y bien penser, elle trouuera que ces Articles ne peuvent estre approuués, que toute l'Allemagne ne se face Lutheriene; ce qui osteroit à elle mesme toute autorité: veu que leur secte renuerse toute superiorité, preschant sur toute chose la liberté, ains la licence. Qu'il representast à l'Empereur, qu'il feroit bon d'accroistre la Ligue Catholique, & d'oster les adherans aux Lutheriens, autant que faire se pourroit, enuoyant en Allemagne le plus d'argent qu'il seroit possible; pour en promettre, & mesmes distribuer par effet à ceux qui suiuroient la Ligue Catholique. Et que, sous ombre du Turc, on enuoyast en ces quartiers la bon nombre de gens Italiennes & Espagnoles, les entretenant es terres du Roi des Romains. Et que le Pape de sa part estoit resolu d'euoyer quelque personnage aux Princes Catholiques, avec argent, pour en promettre, & gratifier ceux qui seroient à propos pour ses desseins. Qu'il exortast l'Empereur de faire vn Edit semblable à celui que le Roi d'Angleterre auoit fait en son royaume,

contredit
par le Pa-
pe, que ac-
cuse gra-
uement à
l'Empereur
son Com-
missaire,

et tous les
Lutheriens,
et l'anime
contre eux;

1539. & mesmes fist dextrement semer le bruit, que Sa Maiesté traitoit avec ledit Roi, pour le ramener à l'obeissance du Pape. Le Pape bailla aussi charge audit Montpulcian, de se plaindre à l'Empereur, Que la Roine Marie, Gouvernante des Pais bas, sa sœur, prestoit faueur aux Lutheriens, & tenoit correspondance avec eux par enuoi de personnes expresse: que, quand on estoit apres à former la Ligue Catholique, elle auoit escrit à l'Electeur de Treues, qu'il n'y entraist point, & qu'ainsi ce saint œuure auoit esté rompu: qu'elle auoit empesché Monsieur de Lauaur, Ambassadeur du Roi de France, d'aller en Allemagne, pour consulter avec le Roi des Romains, & avec le Legat de Sa Sainteté, sur les affaires de la Religion. Que le Pape vouloit croire, que tout cela ne procedoit point de mauuaise volonté d'elle, mais du conseil de mauuais ministres.

Le Roi Henri 8 d'Angleterre confirme la doctrine de l'Eglise Romaine en son royaume:

Or, pource que j'ay fait mention d'un Edit du Roi d'Angleterre en matiere de Religion, il ne sera hors de propos, de representer en cet endroit, comme au mesme temps de la Diete de Francfort, Henri huitieme, soit qu'il crust de faire seruice à Dieu, ne permettant aucune innouation de Religion en son royaume, soit pour demonstrier constance en ce qu'il auoit escrit contre Luther, soit pour desmantir le Pape, qui en sa Bulle le chargeoit d'auoir publié vne doctrine heretique en son royaume: fit vn Edit public, par lequel il commandoit, Que par toute l'Angleterre on tint & crust la reelle presence du vrai & naturel corps & sang de Nostre Seigneur, sous les especes du pain & du vin, sans que la substance de ces elemens demeure apres la consecration: que sous l'une & l'autre des especes Christ estoit contenu tout entier: que la communion du Calice n'estoit point necessaire: qu'il n'estoit loisible aux Prestres de se marier: que les Religieux, apres la profession, & vœu de chasteté, estoient perpetuellement obligés à la garder, & viure au Conuent: que la Confession secreta & auriculaire, estoit non seulement vtile, mais aussi necessaires: la que celebration des Messes, mesmes priuées, estoit chose sainte, & commandoit qu'on la continuast en son royaume. Il interdit à tous de faire ou enseigner contre aucun de ces Articles, sous toutes les peines establies par les lois contre les heretiques. Et c'est bien merueille, que le Pape, qui peu de iours auparauant auoit horriblement fulmine contre ce Roi, fust contraint de louer ses actions, & le proposer pour exemple à imiter à l'Empereur. Ainsi auient-il que les propres interets font par fois louer, par fois aussi blasmer vne mesme personne.

Le Pape irresolu sur le fait du Concile, a pres grande deliberation,

Le Pape, apres auoir depesché Montpulcian, voyant que par la conuocation du Concile, & puis par la dilation du terme assigné, il ne faisoit qu'amuser & entretenir les personnes, & cependant perdoit beaucoup de sa reputation, iugea qu'il estoit necessaire de quitter cette procedure ambiguë, laquelle à la longue pouuoit produire quelque mauuais effet: & resolut en soi mesme de se declarer vne fois, & sortir de ces perplexités & incertitudes. Parquoy il proposa en Consistoire, apres auoir fait vn narré de toute la suite de cet affaire, qu'il estoit necessaire de faire vne stable & ferme resolution, ou en vne maniere, ou en vne autre. Et mit la matiere en consultation. Aucuns des Cardinaux, par desir de se deliurer de la crainte, qui tous les iours plus les alarmoit, n'approuuoient point le terme de suspension, ou surseance: mais eussent desiré qu'on eust fait vne expresse Declaration, Que le Concile ne se tiendrait point, d'autant qu'il y auoit des empeschemens qu'on ne pouuoit surmonter, que tout premier n'eust esté faite & establie vne bonne paix entre les Princes: qui estoit vn moyen absolument necessaire, sans lequel on ne pouuoit esperer de le tenir. Mais les plus prudens balançoient entre cete crainte, & vne autre, qu'on ne vint à des Conciles nationaux, ou à d'autres remedes plus nuisibles pour eux, que le Concile general: & pourtant la plus grande partie se rangea à ce mesme aduis, de le suspendre & surseoir iusqu'au bon plaisir du Pape: considerans, qu'en cas qu'il ne trouuassent vtile pour eux de venir à l'effet, ils pouuoient tousiours pretexer la dissention des Princes, ou quelque autre cause, pour
continuer

continuer la suspension: que si aussi se presentoit à la trauerse quelque danger de Concile National, ou de Conferences, ou d'autre chose, on y pourroit remedier, mettant en auant le Concile general, & assignant lieu & temps pour icelui: pourfuiure puis apres le conseil, que le temps, & l'occasion donneroyent pour le tenir, ou non. Cet aduis fut embrassé, & fut formée vne Bulle sous la date du trezieme Iuin, par laquelle le Concile ia intimé, estoit suspendu iusqu'au bon plaisir du Pape, & du S. Siege.

1540.

par vne
Bulle le
suspend
iusqu'à son
bon plaisir.

Le Nonce Montpulcian, estant arriué en Espagne, executa ses commissions enuers l'Empereur; lequel, pour les causes alleguées par le Nonce, ou pour autres esgards particuliers, ne se declara point s'il vouloit assentir, ou dissentir la Conference assignée au mois d'Aoust à Noremberg. Mais puis apres, estant aduenue la mort de sa femme, & en suite le souleuant de Gand, & d'une partie des Pais bas, il prit occasion de laisser la chose en suspens, pretendait affaires de plus grande importance. Et ainsi se passa toute l'année mil cinq cens trenteneuf.

Montpul-
cian n'est
sectue rien
avec l'Em-
pereur.

Quand ie me suis mis à escrire cete hiltioire, considerant les diuerses Conferences, ou intimées, ou tenues, pour composer les differens de la Religion, j'ai esté souuent en doute, si ie les deuois toutes mentionner: & auoi de grandes raisons pour & contre: mais, en fin, considerant, que j'auoi entrepris de représenter toutes les causes & motifs du Consile de Trente, & que nulle conference, ou pour parler, n'auoit esté intimé, ou tenu, sinon pour empêcher, diuertir, retarder: ou mesmes pour solliciter & haster le Concile: j'ai resolu en moi mesme de faire mention de toutes, & sur tout à cause du fruit qu'on peut recueillir de la conoissance des particularités notables, qui sont auenues en chacune d'icelles: comme notamment en celle qui fut ordonnée en l'année suiuant, mil cinq cens quatre: dont l'origine fut telle.

L'Empereur, pour appaiser les seditions susmentionnées, passant par la France, alla au Pais bas, ou son frere Ferdinand l'alla trouuer. Et l'une des principales affaires dont ils confererent ensemble, fut de trouuer quelque expedient au fait de la Religion en Allemagne. Et apres que la chose eut esté exactement pesée & consultée au Conseil de l'Empereur, il sembloit que tous panchassent à tenir vne Conference sur cete matiere.

L'Empe-
reur arriué
au pays bas
consulte de
pacifier les
differens
de la Reli-
gion par v-
ne confere-
ce, puissā-
ment dis-
suadée par
le Legat
Farnese,

Ce qui estant parueni aux oreilles du Legat Farnese, qui estoit là, & auoit accompagné l'Empereur en ce voyage, (Cardinal ieune au dessous de vingt ans, mais qui auoit aupres de soi plusieurs hommes d'estat & d'affaires, & entre autres Marceau Ceruin, Euesque de Nicaistre, lequel apres fut crée Pape, & appellé Marceau deuxieme) ils s'opposa à cete deliberation, remontrant à l'Empereur, & Ferdinand, & à tous ceux du Conseil, que ia par plusieurs fois on auoit traité d'accord avec les Protestans, commençant dès la Diete d'Augsbourg, il y auoit dix ans passés: & que iamais on n'estoit pu venir à aucune conclusion: laquelle, quand mesmes elle auroit esté faite, & arrestée, seroit reuë de nul effet: d'autant que les Protestans chagent tous les iours d'opinion, & ne se tiennent à aucune certaine & asseurée doctrine, contreuenans mesmes à leur propre Confession d'Ausbourg: qu'il sont glissans, & s'eschapent comme anguilles: du commencement ils monstroyent de desirer seulement que les vices & abus fussent ostés: maintenant ils ne veulent plus de Papat corrigé, mais esteint, & le S. Siege exterminé, & toute iurisdiction Ecclesiastique abolie. Que si iamais ils furent insolens, ils le seroyent à cete heure, que la paix avec la France n'estoit point bien affermie, & le Turc menaçoit de pres la Hongrie. Qu'il ne falloir point penser de les pouoir fleschir & desmouoir de leurs opinions, attendu que les controuerses estoient sur innumerables dogmes. Que de s'accorder avec tous, il estoit impossible, d'autant qu'ils sont diuisés en plusieurs sectes. Ioint que la plus grande partie d'entr'eux n'a autre but que d'enuahir le bien d'autrui, & despouiller l'Empereur de toute autorité. Qu'il estoit bien vrai, que la guerre instante du Turc conseilloit à faire quelque accord en la Religion: mais que cela ne se deuoit faire en Dietes particulieres, ou assemblées Na-

1540.
qui pour la
rompre ier
te à la tra
nerse la
seme du
Concile g-
neral,

& exhorte
aux moyens
violens, &
aux artifi-
ces;

mais non
obstant
l'Empereur
se resout
au traité
d'accord en
vne Diete,

assignée à
Haghenau,
là où après
plusieurs
contestes,

tionnelles : mais en vn Concile general, lequel promptement se pourroit intimer : d'autant qu'en fait de Religion, on ne doit faire aucun changement sans commun adueu & consentement de tous. Qu'il ne falloit pas auoir seulement esgard à l'Allemagne, mais aussi à la France, à l'Espagne, à l'Italie, & aux autres nations : sans l'aduis desquelles si l'Allemagne faisoit quelque changement, il en naistroit vne dangereuse separation de cete Prouince-là d'avec les autres. Que c'est vne tres-ancienne coustume, depuis les Apostres, de terminer les differens par la seule voye du Concile : que tous les Rois, Princes, & gens de bien le desirerent à present. Qu'à cet heure se peut aisément conclure la paix entre l'Empereur & le Roi de France, & puis tout promptement celebrer le Concile : & cependant tascher d'accroistre la Ligue Catholique d'Allemagne de nombre, & de puissance : ce qui fera, que les Protestans intimidés se soumettront au Concile, ou seront forcés par les Catholiques : & quand ce viendra au point de là necessité de resister au Turc, la Ligue Catholique estant puissante, on pourra mesmes contraindre les Protestans à y contribuer. Ce que quand mesmes il ne voudroyent faire, il estoit toutesfois necessaire de choisir de deux maux le moindre : & qu'il y auoit plus de mal d'offenser Dieu, abandonnant la cause de la Religion, que de manquer du secours d'une partie d'une Prouince. Sur tout, qu'il ne se peut aisément definir, lesquels sont les plus contraires à Christ, les Protestans ou les Turcs : attendu que ceux-ci ne tendent qu'à asservir les corps, mais ceux-là & les corps & les âmes tout ensemble. Tous les discours & propos du Cardinal, aboutissoient à cete conclusion, Qu'il falloit conuoquer le Concile, & l'ouurer cete mesme année, & ne point traiter des matieres de Religion, Diètes d'Allemagne, ains trauailler à accroistre la Ligue Catholique, & faire la paix avec le Roi de France.

L'Empereur, après longue deliberation, conclut de vouloir essayer la voye de la concorde : & ordonna qu'une Diete se tiendrait en Allemagne, au lieu, que Ferdinand iugeroit le plus à propos : & conuia les Princes à s'y trouuer en personne, & promit seureté publique à tous. Le Cardinal Farnese, ayant ouï cete conclusion, faite à son dessein, se partit tout à l'instant, & passant par Paris, obtint du Roi de France vn rigoureux edit contre les heretiques, & Lutheriens, lequel fut publié en cete ville là, & puis fut executé par toute la France à toute rigueur.

En Allemagne la Diète fut assignée par Ferdinand à Haghenau, là où se trouuerent plusieurs d'entre les prescheurs & Ministres Lutheriens, avec les Docteurs Catholiques. Et furent deputés moyeneurs & entremetteurs entre les parties, les Electeurs de Treues, & Palatin : ensemble le Duc Louis de Bauieres, & Guillaume Euesque de Strasbourg. Les Protestans estans requis de presenter les chefs de la Doctrine controuerse, responderent, Qu'il y auoit ia dix ans, qu'ils auoyent à Augsbourg présenté leur Confession de foi, & vne Apologie en defense d'icelle : qu'ils perseueroyent en cete mesme Doctrine, & estoient prests d'en rendre raison à tous : & ne sachans ce qui en icelle estoit repris par leurs Aduersaires, ils n'auoyent autre à dire : mais attendoyent d'eux, ce qu'ils iugeoyent en icelle estre contraire à la verité : que procedant ainsi, on pouuoit venir à vne conference, & qu'en tel cas ils ne faudroyent de viser tousiours à la concorde. Les Catholiques les prirent à pied leue : & leur accordant ce qu'ils proposoyent, ils instoient que les choses passées en icelle Diète d'Augsbourg fussent donc toutes approuuées & receuës, & que l'Arrest prononcé au Recès fust confirmé, & qu'on suiuiſt à auancer la forme de reconciliation esbauchée & commencée en icelle Diète. Les Protestans, reconnoissans leur desauantage s'ils venoyent à suiure cete forme, & le preiudice que cet Arrest leur porteroit, instoient pour vne nouuelle forme, mettant à quartier tous preiugés. D'autre costé les Catholiques demandoient, que, s'il falloit oster tous preiugés, les Protestans aussi de leur costé purgeassent les attentats, & que les biens occupés & saisis fussent restitués aux Eglises. Les Protestans repliquerent, Que les biens n'auoyent point esté saisis, ains par le reſtablishement & renouvel-

lement de la bonne doctrine, appliqués derechef aux legitimes & honnestes vsages, auxquels ils auoyent este dedies en leur premiere institution, de laquelle les Ecclesiasticks auoyent forligné: & pourtant, qu'il estoit necessaire de decider les points de Doctrine, premier que parler des biens. Mais l'estrif s'eschauffant, Ferdinand conclud, qu'on dressast vne nouuelle forme, sanspreiudice d'aucun: & que les Docteurs des deux costés conferassent en nombre egal, & qu'il fust loisible au Pape d'y enuoyer ses Nonces, & que la Conference fust remise à commencer à Vvormes le vintuictieme d'Octobre prochain, sous le bon plaisir de l'Empereur. Les Protestans acceptèrent cet Arrest, declarans, qu'ils ne repugnoient point que les Nonces y entreuinsent: mais n'entendoyent pourtant qu'aucune primauté par là fust attribuee au Pape, ni autorité aux Nonces.

L'Empereur ratifia l'Arrest, & ordonna l'assemblée, & deputa, pour son Commissaire en cete Conference, Granuele, lequel s'y transporta avec son fils Euesque d'Arras, & depuis Cardinal, & trois Theologiens Espagnols. Granuele fit l'entrée de l'action, par vn discours fort pieux, & propre à composer les differens. Peu de iours apres, arriua Thomas Campege, Euesque de Feltre, & Nonce du Pape. D'autant que le Pape, quoi qu'il vist bien que tout traité de Religion en Allemagne estoit pernicieux pour ses affaires, & pourtant eust fait toute diligence de rompre la dite Conférence, neantmoins estimoit qu'il y auoit moins de mal à l'auouer, qu'à la laisser tenir contre son vouloir. Le Nonce, suivant l'instruction du Pape, pour son entrée fit ce discours, Que la tranquillité & le repos de l'Allemagne auoit tousiours esté affectionné & procuré par les Papes, & principalement par Paul troisieme: lequel à cet effet auoit intimé le Concile general à Vincence, quoi qu'il eust esté forcé de le differer en autre temps, pource que nul ne s'y estoit rendu: & à present auoit derechef l'intimer en lieu plus propre: & afin qu'en icelui les choses de la Religion fussent traitées avec fruit, il auoit ottroyé à l'Empereur, de tenir vne Conference en Allemagne, qui fust comme vn preparatif & prelude à la resolution du Concile: à laquelle il auoit deputé lui Nonce, pour y entreuenir, & y contribuer. Et pour tât les prioit tous d'acheminer toutes choses à la concorde, promettant que le Pape se disposeroit à toutes choses possible, la pieté sauue. Vergere, Euesque de Cap d'Istrie, surnommé, y arriua aussi, & entreuint en qualité de député de France, pour mieux faire le seruice du Pape, lequel de vray l'y auoit enuoyé en son propre nom, cōme personnage fort versé en la cognoissance des humeurs de l'Allemagne. Ice-lui fit imprimer vne harangue, qui auoit pour suiet, La paix & l'vnité en l'Eglise: & pour but, de monstrier, que pour paruenir à icelle, le Concile National n'estoit point vn bon moyen. Il en distribua les copies à tous ceux qu'il pût, en intention de rompre cete Conference, qui auoit la semblance d'un Concile National. On consuma beaucoup de temps à doner forme à la Conference, tant à l'esgard du secret & silence, que des Docteurs, qui deuoient estre les Interlocuteurs: & n'y auoit point faute de gés, qui à dessein prolongeoyent le tēps, induits par les instances & sollicitations du Nonce, Campege, & par les secretes menees de Vergere. Finalement il fut ordonné, que de la part des Catholiques parleroit Iean Eckius: & de celle des Protestans, Philippe Melanthon: & que le suiet seroit du Peché originel. Pendāt que ces affaires passoient outre à Vvormes, le Nonce Papal, residant aupres de l'Empereur, ne cessoit de remonstrier, à Sa Maieité, que cete Conference estoit pour enfanter quelque grand Schisme, & pour faire deu enir Lutheriene toute l'Allemagne, & pour non seulement oster l'obeissance au Pape, mais aussi affoiblir celle de l'Empereur mesmes. Remettoit sus les mesmes conceptions & raisons, que l'Euesque de Montpucian auoit employees pour empescher la Conference ordonnée en la Diete de Francfort: & le Cardinal Farnese, pour rompre celle de Haghenau. En fin l'Empereur, ayant consideré ces raisons, & les aduis qu'il auoit d'Allemagne touchant les difficultés qui se presentoyent: d'ailleurs, esperant de faire plus d'effet par sa presence, resolut que la Conference seroit arrestée sus bout. Et partant, apres que Eckius, & Melanthon, eurent conféré par trois diuers iours, le Colloque fut rompu

1541.
*in une vac
 Diete à
 Regens-
 bourg, où il
 se trouue
 en personne.*

par lettres de l'Empereur, qui rappelloient Granuele, & remettoient le demeurant à la Diete à Regensbourg. Icelle se commença au mois de Mars, en l'année mil cinq cens quarante vn, & l'Empereur s'y trouua en personne, avec grande esperance de terminer tous les differens, & vnir l'Allemagne en vne mesme Religion: ayant pour cet effet prié le Pape d'y enuoyer vn Legat, personnage de sauoir & discretion, avec tres-ample pouuoir: de maniere qu'il ne fust point necessaire de recourir à Rome pour chose aucune: ains qu'on püst determiner tout sur le champ ce que & la Diete, & le Legat, trouueroyent conuenable: disant, Que pour cela il auoit acquiescé aux grandes instances de son Nonce, de rompre la Conference de Vvormes.

*& le Pape
 y enuoye
 Contarin
 pour Legat.*

Le Pape enuoya pour Legat Gaspar Contarin Cardinal, personnage reputé d'excellente preud'homme & sauoir; & le fit encor accompagner par personnes bien instruites de tous les interets de la Cour, & par Notaires, qui dressassent actes authentiques de tout ce qui se diroit & traiteroit: & lui bail-la charge, qu'en cas qu'il presentist qu'on traitast de faire chose aucune en diminution de l'autorité Papale, il arrestast tout court le traité, proposant le Concile general, vnique & vrai remede: & que si l'Empereur estoit contraint de condescendre en faueur des Protestans à quelque chose preiudiciable, il l'interdist, & empeschast par autorité Apostolique: que si mesmes elle estoit ia faite & passée, il la condannaist, & la declarast nulle, & frustratoire, & se partist du lieu de la Diete, mais non de la compagnie de l'empereur.

Dés que le Legat fut arriué à Regensbourg, la premiere chose qu'il eut à faire avec l'Empereur fut d'excuser le Pape, de ce qu'il ne lui auoit donné si ample & absolu pouuoir, comme Sa Maiesté desiroit. Premierement, d'autant qu'icelui est tellement attaché aux os du Pontificat, qu'il ne peut estre conferé à autre personne: en apres aussi, d'autant qu'on ne peut trouuer termes, ne clauses, par lesquelles le Pape puisse communiquer l'autorité de determiner les controuerses de la foi, attendu que le priuilege de ne pouuoir faillir est donné à la seule persône du Pape, en ces paroles, L'ai prié pour toi, Pierre. Mais bien lui auoit Sa Sainteté donné plein pouuoir de conferer avec les Protestans, pourueu qu'ils admissent les principes: qui sont, la Primauté du S. Siege, ordonnée par Christ: & les Sacremens, en la façon qu'ils sont enseignés en l'Eglise Romaine, & les autres articles determinés en la Bulle de Leon: s'offrant és autres choses de donner tout contentement à l'Allemagne: mais aussi priât Sa Maiesté de ne prester l'oreille à aucune ouerture, laquelle ne püst estre accordée à l'inseu des autres nations: pour euitier qu'il n'arriuaist quelque d'angereuse diuision en la Chrestienté. Il est necessaire de specifier par le menu les choses qui se passerent en cete Diete. Car icelle fut la cause principale, qui induisit le Pape, non seulement à consentir, comme au parauant, mais aussi à faire tout effort que le Concile se tint: & les Protestans à s'asseurer, que ni en Concile, ni en lieu ou entreuinst aucun ministre du Pape, ils ne pouuoient esperer d'obtenir chose quelcôque.

*la Diete com-
 mence, &
 l'Empereur
 propose la
 voye d'ac-
 cord en la
 Religion
 par vne Co-
 ference.*

La premiere action se comença le cinquieme Auri, là ou au nom de l'Empereur il fut proposé. Que, voyant le Turc entré dans les entrailles de l'Allemagne, par la diuision des Estats de l'Empire, causée par les dissensions au fait de la Religion, il auoit tousiours cherché moyen de la pacifier: & qu'ayant iugé la voye d'un Concile general tres-propre, il estoit tout expres allé en Italie, pour en traiter avec Clement. Et ne l'ayant pû lors conduire à effet, il estoit encor vne autre fois depuis allé à Rome pour en traiter avec Paul, lequel s'y estoit monstré tres-prompt, & facile: mais la guerre ayant porté diuers empeschemens à l'execution, il auoit finalement assemblé cete Diete, & recherché le Pape d'y enuoyer vn Legat. Qu'à present il ne desire autre chose, sinon que quelque bon accord soit conclu & establi: & que d'une part & d'autre soit élu vn petit nombre de personnages pieux, & sauans, lesquels conferent amiablement des choses controuerses, sans preiudice d'aucune des parties: & qu'apres cela ils proposent en la Diete les moyens d'accord, afin que le tout estant mis en deliberation avec le Legat, on puisse venir à la conclusion tant désirée. Il s'esleua incontinent vn debat entre les Catholiques & les Protestans, sur la forme d'eslire les acteurs de cete Conference.

Et pour tant l'Empereur, desirant qu'on fist quelque chose de bon, demanda & obtint des deux parties, qu'ils lui concedassent de nommer les personnes, & se fassent qu'il ne feroit rien qui ne fust au benefice commun. Il eslut pour les Catholiques Iean Eckius, Iules Pflug, & Iean Groper: & pour les Protestans, Philippe Melanthon, Martin Bucer, & Iean Pistorius: lesquels il appela à soi, & avec paroles tresgraues les admoïesta de bannir toutes passions, & ne viser qu'à la gloire de Dieu. Il ordonna pour moderateurs de la Conference Friderich, Prince Palatin, & Granuele: & leur adioignit quelques autres, qui y deuoyent entreuenir, afin que le tout passast avec plus de dignité & reuerence. Apres que le Colloque eut esté assemblée, Granuele produisit vn liure, lequel il disoit auoir esté, par quelques gens de bien & de sauoir, presente à l'Empereur, cōme propre pour l'accord qui se deuoit faire: & que l'Empereur vouloit qu'ils le lussent, & l'examinassent: & qu'il leur seruist cōme de suiet & de theme de ce qu'ils deuoyēt traiter: & que ce qui agreeroit à tous, fust confermé & approuué: ce qui desagreeroit, fust corrigé: & là ou ils ne s'accorderoyent pas, qu'ils taschassent de venir à quelque appointemēt. Le liure cōtenoit vintdeux articles: de la Creation de l'hōme, & de la Nature en sa premiere integrité, du Frāc arbitre, de la Cause du peché Originel, de la Iustification, de l'Eglise & de ses marques, de la Parole de Dieu, de la Penitence apres le peché, de l'Authorité de l'Eglise, de l'interpretation de l'Escripture, des Sacremēs, du Sacremēt de l'Ordre, du Baptesme, de la Confirmation, de la Penitence, du Mariage, de l'extreme Onction, de la Charité, de la Hierarchie Ecclesiastique, des Articles & doctrines determinées par l'Eglise, de l'vsage, administration, & ceremonies des Sacremens, de la Discipline Ecclesiastique, de la discipline du peuple. Icelui ayant esté lu, & examiné, quelques choses furēt approuuées, autres corrigées par aduis cōmun, en autres ils ne purent conuenir: assauoir, au neuuieme article, de la puissance de l'Eglise: au quatorzieme, du Sacremēt de la penitence: au dixhuitieme, de la Hierarchie: au dixneuuieme, des articles & doctrines determinées par l'Eglise: au vintvnieme, du Celibat. Es choses, esquelles il demeurēt apointés cōtraires, l'une & l'autre des parties redigea sō aduis par escrit.

Cela ayant esté fait, l'Empereur porta en la seance de tous les Princes les articles accordés, & les opinions differentes des collocuteurs: recherchant l'aduis de tous, & proposant la reformation de l'Estat, tant politic, qu'Ecclesiastic. Les Euesques refuserent absolument le liure de Concorde, & toute l'actiō du Colloque. Mais les autres Electeurs, & Princes Catholiques, amateurs de paix, ne consentant point en cela avec les Euesques, il fut arresté, Que l'Empereur, en qualité d'Auocat de l'Eglise, ensemble le Legat Apostolic, examineroit les choses accordées: & s'il y auoit quelque chose obscure, la feroit expliquer: & puis, quant à celles, qui estoient demeurées en controuerse, il moyenneroit avec les protestans, qu'ils conuinssent à quelque forme de concorde Chrestienne. L'Empereur conféra le tout avec le Legat, & fit instance que l'Estat Ecclesiastic fust reformé. Le Legat, apres auoir meurement consideré toutes choses, donna vne respōce par escrit, aussi claire & nette, que les oracles anciēs des Payens, en cete forme, Qu'ayant veu le liure présenté à l'Empereur, & les choses escrites par les deputés du Colloque, tant celles esquelles ils s'accordoyent ensemble, avec les apostilles de l'une & de l'autre des deux parties; que les exceptions des Protestans, il lui sembloit, que, veu que les Protestans estoient differentes en aucuns articles du commun consentement de l'Eglise, esquels toutesfois il ne desesperoit point qu'avec l'aide de Dieu, ils ne dussent consentir, on ne deuoit passer plus outre à ordonner autre chose sur le demeurant: mais remettre le tout au Pape, ou au S. Siege: lequel, soit en Concile general, qui bien tost se tiendra, soit par autre voye, s'il escherra, les pourra determiner & decider selon la verité Catholique, avec l'esgard conuenable au temps, & à ce qui sera expedient pour la Chrestienté, & pour l'Allemagne particulièrement.

Mais, quant à la reformation de l'estat Ecclesiastic, il s'y monstra fort prompt: & assembla en sa maison tous les Euesques, & leur fit vne longue ex-

1541.

dont lui
mesme nō;
me les col-
lateurs;leur fait
presenter
pour suiet
de la confe-
rence, vñ
certain li-
ure de Cō-
corde.dont quel-
ques Arti-
cles sont
recus, les
autres de-
meurent en
different:le resultāt
de la confe-
rence estant
porté en la
Diete, il
y a diffen-
sion,le Legāt
pour son
aduis, veut
que le tout
soit remis
au Pape;

1541.
ueriture il
entrepren
quelque re-
formation
du Clergé,

mais n'a-
gréé, ni aux
uns, ni aux
autres:

L'Empereur
propose la
reception
des Arti-
cles conue-
nus, iuf-
qu'au Con-
cile,

les Princes
seculiers
l'admet-
tent,

mais les E-
uesques la
reiettent,
& requie-
rent Conci-
le, ou G-
neral, ou
National:

hortation. Premièrement, pour la maniere de viure, qu'ils se gardassent de tout scandale, apparée de luxe, d'auarice, & d'ambition. Et que pour leurs domestics, ils seussent, que d'iceux le peuple prend argument des mœurs de l'Euesque. Que pour bien prendre garde à leurs troupeaux, ils fissent leur demeure és lieux plus habités du Diocese, & qu'és autres ils eussent des fidelles surueillans: qu'ils visitassent les Dioceses, cōferassent les Benefices à gēs de bien, & suffisans, dispensassent les reuenus Episcopaux és necessités des pources, fuyant non seulement le luxe, mais aussi la splēdeur superflue: pourueussent de bons, sauans, & discrets prescheurs, non contentieux: procurassent que la ieunesse fust bien instruite, attendu qu'on voyoit que les Protestans par ce moyen tiroient apres eux toute la Noblesse. Il redigea cete harangue par escrit, & la bailla à l'Empereur, aux Euesques, & aux Princes: ce qui donna occasion aux Protestans de taxer tant la response du Legat donnée à l'Empereur, que l'exhortation faite par lui aux Prelats: allegant, pour motif de leur action, que cet escrit-là ayant esté publié, s'ils s'en taisoyent, & le dissimuloyent, il sembleroit qu'ils l'aduouassent. Aussi peu agrea aux Catholiques la response dudit Legat faite à l'Empereur, d'autant qu'il leur sembloit qu'il approuuast les choses appointées au Colloque.

L'Empereur exposa en Diete publique tout ce qui iusques alors auoit esté fait, & cōmuniqua les Escrits du Legat, & conclut, Que, apres auoir employé toutes les diligences possibles, il ne voyoit point qu'on püst faire autre chose de plus, sinon de deliberer, si, sauf le Recés de la Diete d'Augsbourg, on deuoit receuoir les Articles appointés en cete Conferēce, comme Chrestiens, sans les mettre plus en dispute, du moins iusqu'au Concile general, qui se deuoit tenir bien tost, comme tel sembloit aussi estre l'aduis du Legat: ou, si le Concile ne se tenoit point, iusqu'à vne Diete, en laquelle toutes les controuerſes de la Religion seroyent traitées & debatues à plein fonds.

Les Electeurs Catholiques respondirent, approuuant absolument pour bon & vtile, que les Articles appointés en la Conference fussent receus de tous, iusqu'au Concile, auquel de nouveau on les pourroit examiner: ou, au defaut d'icelui, en vn Concile National, ou en vne Diete. Et que cependant cela seruiroit pour acheminer vne plus parfaite composition és autres articles non appointés. Mais aussi, qu'ils prioient Sa Maiesté de passer plus outre, & essayer s'il y auroit point d'esperance d'appointer autre chose de plus en icelle Diete: que si cela ne se pouuoit commodement, ils trouueroyent grandement bon, qu'on traitast avec le Pape, & moyennast, qu'au plustost en Allemagne fust assemblé vn Concile General, ou vn National, avec son adueu, pour establir parfaitement l'vnion. La mesme response firent aussi les Protestans, se declarans seulement, qu'ils desiroient bien de tout leur cœur vn libre & Chrestien Concile en Allemagne: mais ne pouuoient cōsentir à aucun, auquel le Pape & les siens eussent pouuoir de conoistre, & iuger les causes de la Religion. Mais les Euesques, ensemble quelque petit nombre d'autres Princes Catholiques, respondirent autrement, Aduouans en premier lieu, qu'en Allemagne, & autres nations, il y auoit plusieurs abus, sectes, & heresies, qui ne pouuoient estre extirpées sans vn Concile general: mais adioustant, qu'ils ne pouuoient consentir à aucun changement de religion, ceremonies, & obseruances, puis que le Legat offre le Concile dans peu de temps, & que Sa Maiesté en doit traiter avec Sa Sainteté: mais quand ores mesmes le Concile ne se pourroit tenir, ils prioient le Pape, & l'Empereur, de vouloir assigner vn Concile National en Allemagne: que si encor ceci ne leur agreoit point, qu'on assemblast derechef vne Diete, pour extirper les erreurs. Et que quant à eux, ils estoient tout resolu d'adherer à l'ancienne religion, ainsi qu'elle est comprise en l'Escripture sainte, és Cōciles, en la Doctrine des Peres, & aussi és Arrests Imperiaux, & sur tout en celui d'Augsbourg. Qu'ils ne consentiront iamais à ce, que les Articles appointés en la Conference soyent receus, d'autant que d'iceux aucun sont superflus, cōme les quatre premiers: & qu'en iceux il y a des façons de parler non conformes à l'usage de l'Eglise: & outre cela, aucuns dogmes en partie dannables, en partie aussi dignes de moderation: & pource aussi que les Articles appoin-

rés font de moindres consequence, & les importans restent en'debat : & en fin, pource que les Catholiques de la Conference auoyent trop cedé aux Protestans, à la grande lésion de la réputation du Souuerain Pontife, & des Estats Catholiques. Et pourtant concluoyent qu'il valoit beaucoup mieux laisser la lesaâtes de la Conference, & différer tout ce qui appartenoit à la Religion iusqu'au Cōcile general, ou National, ou iusqu'à la Diete. A cete response des Catholiques donna occasion la proposition faite par l'Empereur, qui leurs sembloit fort auantageuse pour les Protestans ; & la dissension qui s'estoit fourrée entre les Docteurs Catholiques de la Conference.

Mais le Legat, ayant entendu que l'Empereur l'auoit nommé pour consentir à l'establissement des Articles appointés, tant de crainte propre, *le Legat s'explique* que pousse par l'instance des Ecclesiastiques de la Diete, alla à l'Empereur, & *là dessus* se plaignit à lui, *tendant au* Que sa response auoit esté sinistrement prise, & qu'il estoit *Concile general, plus* chargé d'auoir consenti que les Articles appointés fussent tolerés iusqu'au *stost que au* Concile. Que son intention auoit esté, que rien ne fust resolu, mais qu'on *national,* renuoyast le tout au Pape : lequel en foi de bon Pasteur, & de Pontife vniuersiel, promettoit de faire que le tout fust déterminé par vn Concile *ou à la* general, ou par autre voye equiuallente, sincerement, & sans passion : non precipitamment, mais meurement, ayant tousiours la visée au seruice de Dieu : selon qu'à ce mesme effet Sa Sainteté auoit dès le commencement de son Pontificat escrit lettres, & enuoyé Nonces aux Princes, pour celebrer le Concile, & puis l'auoit intimé, & auoit enuoyé ses Legats au lieu ordonné : que ce qu'il auoit supporté, que tant de fois en Allemagne on eust traité des affaires de la Religion, avec peu de respect à son autorité, à qui, sans plus, cela appartient, il l'auoit fait, d'autant que Sa Maieste lui auoit donné intention, & promis, que cela se faisoit pour bonne fin : que c'estoit chose contre toute raison, que l'Allemagne voulust, au preiudice du S. Siege, s'attribuer ce qui appartient à toutes nations Chrestiennes. Et pourtant qu'il ne faloit plus abuser de la clemence du Pape, concluât en vne Diete Imperiale ce qui appartient au Pape, & à l'Eglise vniuerselle : ains enuoyer le liure, & tous les actes de la Conference, ensemble les aduis & les opinions des deux parties, à Rome, & attendre de Sa Sainteté la deliberation. Non content de cela, le Legat publia vn troisiemé escrit, duquel le cōtenu estoit, quel escrit, lequel il auoit baillé à Sa Maieste Imperiale sur le traité de la Conference, auoit esté diuersement interpreté : par aucuns, comme s'il eust consenti qu'on obseruast les Articles appointés iusqu'au Concile general : par autres, comme s'il eust remis au Pape, & iceux Articles, & tout le demeurant. Pourtant, afin qu'il ne demeurast aucun scrupule en cet affaire, il declara, *qu'il im-* Que son intention n'a esté de decider chose quelconque par son escrit, ne qu'aucun Article fust reçu ou toleré iusqu'au Concile : & qu'en- *pigne puis-* cor moins à present le decidoit ou definissoit-il : mais qu'il a remis au Pape *samment* tout le traité, & tous les Articles d'icelui ; comme encores il les lui remet- *par vn es-* toit. Et qu'ayant ia fait cete declaration de bouche à Sa Maieste Imperiale, *crit public* il la vouloit aussi faire à tout le monde par escrit.

Outre tout cela, considerant que les suffrages de tous les Princes Catholiques, mesmes des Ecclesiastiques, s'accordoyent à requerir vn Concile National : à quoi il auoit tres-expres commandement du Pape de s'opposer, quand mesmes ils parleroyent de le tenir par autorité Papale, & avec l'interuention des Legats Apostoliques : & de monstrier viuement combien cela seroit pernicieux au salut des ames, & iniurieux à l'autorité Papale, à laquelle par ce moyen seroit ostée la puissance, que Dieu lui a donnée, pour l'attribuer à vne nation : & de ramenteuoir à l'Empereur, cōbien lui mesme, estant à Boulogne, auoit detesté le Concile National, le reconnoissant grandement preiudiciable à l'autorité Imperiale : attendu que les suiets, voyans qu'on leur ottroyoit de pouuoir changer les choses concernâtes la Religion prendroyent hardiesse de penser aussi à changer l'Estat : dont Sa Maieste dès l'année mil cinq cens trentedeux n'auoit iamais voulu tenir Diete Imperiale en sa presence, pour ne donner occasion de demander Concile National :

1541.

selon ces instructions, di-ie, le Cardinal fit de fort expres & instans offices avec l'Empereur, & chacun des Princes, pour rompre ce coup. Et en outre publia vn autre escrit, adressé aux Catholiques, auquel il disoit, Qu'il auoit diligemment considéré, combien il seroit preiudiciable que les controuerses de la foi fussent remises au Concile d'une seule nation : & auoit estimé estre de son deuoir de les admonester, que totalement ils rayassent cete clause : attendu que c'estoit vne chose toute euidente, qu'en vn Concile National ne peuuent estre déterminées les controuerses de la foi, estant chose qui regardel'estat vniuersel de l'Eglise : & que tout ce qui en vntel Concile seroit arresté, seroit nul, frustra toire, & vain. Que s'ils rayoyent cete clause, comme il vouloit croire qu'ils feroient, le Pape, chef de l'Eglise, & de tous les Conciles, l'auroit singulièrement à gré : sinon, le prendroit à souuerain desplaisir. D'autant que par ce moyen on ne pouuoit attendre que rengregement & accroissement de differens & troubles, au fait de la Religion, tantés autres nations, qu'en la noble prouince d'Allemagne. Qu'il n'auoit voulu omettre ce bon deuoir, pour obeir aux instructions de Sa Sainteté, & pour satisfaire à la charge de sa Legation.

auquel re-
spondent
les Princes
Catholi-
ques,

A cet escrit du Legat fut respondu par les Princes, Que lui mesmes auoit en main le pouuoir de remedier & obuier à tous inconueniens : moyennant enuers Sa Sainteté, que le Concile vniuersel fust intimé, & celebré sans plus de delai : qu'ainsi faisant, il leur osteroit toute occasion de Concile National : que c'est ce que requierent & desirent instamment tous les Estats de l'Empire. Mais aussi, en cas que le Concile vniuersel, tant de fois promis, & finalement par lui mesmes, ne vinst point à effet, l'euidente necessité de l'Allemagne requeroit que les controuerses fussent decidées en vn Concile National, où en vne Diete Imperiale, avec l'assistance d'un Legat Apostolic. Les Theologiens Protestans respondirent aussi par vn long escrit, disans, Qu'il n'y auoit point de danger de plus grands troubles, voire d'aucun trouble, quand les controuerses de la Religion seront decidées selon la parole de Dieu, & que les abus tous manifestes seront corrigés selon la doctrine de l'Ecriture sainte, & les authentiques & indubitables Canons de l'Eglise. Qu'és temps passés iamais n'a esté interdit aux Conciles Nationaux de determiner de la foi, veu que Christ a promis son assistance, quand mesmes il n'y auroit que deux ou trois assemblés en son Nom. Qu'il y a grand nombre de Conciles, non seulement Nationaux, mais mesmes de fort peu d'Euesques. lesquels ont decidé les Controuerses, & fait reiglemens sur les mœurs del'Eglise, en Surie, Grece, Afrique, Italie, France, & Espagne : contre les erreurs de Paul Samosatenien, d'Arrius, des Donatistes, de Pelagius, & autres heretiques. Et que les decisions de ces Conciles ne se peuuent, sans impieté, apeller nulles, frustratoires, & vaines. Qu'il est vrai, qu'au Siege Romain autres fois auoit esté accordé, d'estre le premier : & à l'Euesque de Rome, d'auoir le premier rang, & quelque prerogatiue d'autorité entre les Patriarches : mais qu'il ne se trouuera en aucun Pere ancien, qu'il soit nommé Chef del'Eglise, & des Conciles. Que Christ seul est le Chef del'Eglise : Paul, Apollos, & Cefas, ne sont que ministres d'icelle. Que la pratique de Rome des plusieurs siecles, & la tergiuerfation à venir à vn Concile legitime, monstrent assez que c'est qu'on en peut attendre.

l'Empe-
reur fait le
Recés de la
Diete en
mi s'me s'es-
laissant
toutes cho-
ses en sus-
pens & en
leur estat
iusques au
Concile :

L'Empereur, apres long debat, & examen, fit le Recés de la Diete, le vint-huitieme Iuillet, remettant toute l'action de la Conference au Concile general, ou au Synode National de l'Allemagne, ou bien à vne Diete de l'Empire. Et promit d'aller en Italie, & de traiter avec le Pape touchant le Concile : & qu'en cas qu'il ne le püst obtenir ne General, ne National, il intimerait dans le terme de dix huit mois vne Diete de l'Empire, pour composer les affaires de la Religion, & moyenneroit que le Pape y enuoyast vn Legat. Et commanda au Protestans de ne receuoir nouueaux dogmes, fors les appoinctés : & aux Euesques, de reformer leurs Eglises. Il fit aussi inhibitions de demolir les Monasteres, saisir les biens d'Eglise, & solliciter aucun à changer de Reli-

de Religion. Et pour donner plus de contentement aux Protestans, il adiouta, *Que*, quant aux dogmes nonencores conuenus, il ne leur en prescriuoit chose aucune: & quant aux Monasteres, qu'ils ne fussent point demolis, mais reduits à vne bonne & Chrestienne reformation: & que les biens d'Eglise ne fussent point saisis, mais laissés aux Ministres indifferement, sans esgard à la diuersité de Religion: qu'on n'eust à solliciter aucun à changer de Religion, mais bien qu'on püst receuoir & admettre ceux qui de leur plein gré la voudroient changer. Il suspendit aussi le Recés d'Augsbourg: en ce qui concerne la Religion, & ses dependances, iusques à ce qu'au Concile, ou en vne Diete, les differens eussent esté decidés.

La Diete finie, l'Empereur passa en Italie, & à Luques s'aboucha avec le Pape sur le fait du Concile, & de la guerre contre les Turs: & demurerent en cete conclusion, *Que* Sa Sainteté enuoyeroit vn Nonce en Allemagne, pour prendre resolution en l'une & en l'autre affaire, en la Diete, qui se deuoit tenir, à Spire: au commencement de l'année prochaine, & que le Concile se tiendrait à Vincence, comme ia il auoit esté concerté. Le Pape signiffia cete conclusion au Senat de Venise: lequel changea son precedent aduis, & pour diuers esgards ne trouua pas à propos, qu'une si grande multitude abordaſt à cete ville-là: & qu'en icelle on traitast de la guerre contre les Turcs, comme pour certain il aduiendroit, soit en intention d'en venir reellement à l'exécution, soit pour en faire monstre seulement. Et pourtant respondit, *Qu'*à cause de l'accord qu'ils auoient nouuellement fait avec le Turc, ils auoient maintenant autres considerations, & ne pouuoient persister en leur premiere deliberation: d'autant que Soliman prendroit ombre, qu'ils ne procurassent de faire coniuurer les Princes Chrestiens contre luy. Dont le Pape fut contraint de faire autre dessein. Mais le Cardinal Contarin souffrit de grandes calomnies en la Cour de Rome, où l'on auoit pris opinion qu'il eust quelque affection au party Lutherien: & ceux qui parloient le moins des fauorablement de luy, disoient, *Qu'*il ne s'estoit point opposé iusques où il falloit, & qu'il auoit mis en hazard l'autorité Papale. Le Pape aussi ne se tenoit point bien seruy de luy, quoy que le Cardinal Fregose le defendist à cor & à cry. Mais, quand il fut de retour au Pape, qui se trouuoit à Luques, attendant la venue de l'Empereur, & eut rendu conte de sa legation, il luy donna plein contentement.

En cet estat d'affaires s'acheua l'année mil cinq cens quarantevn: & en l'année d'apres le Pape enuoya à la Diete de Spire, qui se tenoit en presence de Ferdinand: Iean Moron, Euesque de Modene: lequel, suyuant sa commission, exposa, *Que* quant au Concile, l'intention du Pape estoit la mesme, que par le passé: assauoir, qu'une fois en fin le Concile se tint: qu'il l'auoit surſis du consentement & adueu de l'Empereur, pour frayer au preallable quelque voye de concordé en Allemagne: mais que, voyant que tout l'essay en estoit reüssi vain, il retournoit à sa precedente deliberation, de ne plus differer la celebration. Mais, que de le tenir en Allemagne, il estoit impossible de leur complaire: d'autant qu'il s'y vouloit trouuer en personne, & sonaage, & la longueur du voyage, & le changement d'air, tant different du sien naturel, l'empeschoient de se transporter en ce pays là; qui aussi de vray ne sembloit point commode pour les autres Nations: ioint qu'il y auoit grand sujet de craindre qu'en Allemagne les affaires ne se pourroient traiter sans troubles. Et pourtant il iugeoit plus à propos Ferrare, ou Boulogne, ou Plaifance, villes toutes grandes, & tres-commodes: & en cas que celles-là ne leur agreassent, il estoit bien content qu'il se tint à Trente, ville qui est es frontieres d'Allemagne. *Qu'*il eust bien desiré le commencer à la Pentecoste, mais pour la briuereté du temps, il auoit prolongé iusques au treziesme d'Aoust. Prioit tous de vouloir s'y trouuer, & despoüillant toutes haines & animosités: traiter la cause de Dieu en sincerité. Ferdinand, & les Princes Catholiques, remercierent le Pape, disant: *Que* ne pouuans obtenir vn lieu propre en Allemagne, comme seroit Regensbourg, ou

*puis s'ad-
bouche avec
le Pape sur
ce sujet, &
conuiennent
de tenir le
Concile à
Vincence:
qui est re-
fusée par
les Veni-
tiens:*

*Et le Legat
Contarin
blasme à
Rome,*

*en vne Diete
de Spire
le Pape of-
fre le Con-
cile:*

*en la ville
de Trente:*

1542. Coulogne, ils estoient contens de Trente. Mais les Protestans refuserent de consentir que l'intimation se fust par le Pape, ne que le lieu du Concile fust la ville de Trente. Ce qui fut cause qu'en cete Diete ne fut faite autre resolution sur le fait du Concile.

*mais, quoy
que les pro-
testans le
refusent,*

*le Pape en
publie la
Bulle de
l'intima-
tion,*

Nonobstant cela, le Pape publia la Bulle de l'intimation, sous la date du vint-deuxième May de cete mesme année. En laquelle il exposoit, Que son desir auoit tousiours esté de pouruoir aux maux de Chrestienté: & qu'il auoit continuellement pensé aux remedes: & que, n'en trouuant aucun plus conuenable, que la tenuë du Concile, il auoit arresté de le conuoyer, Et, apres auoir fait mention de la premiere conuocation à Mantouë, & de la suspension d'icelle, puis de celle de Vincence, & de l'autre suspension faite à Genes: & finalement de celle qui auoit esté faite iusques au bon plaisir: il vint à declarer les raisons qui l'auoient mu à continuer la mesme suspension iusques alors, qui estoient, la guerre du Roy Ferdinand en Hongrie, la rebellion de Flandres contre l'Empereur, & les choses ensuyuies par la Diete de Regensbourg: attendant tousiours que le temps, ordonné de Dieu pour cét œuure, fust venu. Mais qu'en fin il auoit considéré, que tout temps est agreable à Dieu, quand il s'agit des choses saintes, & pourtant estoit resolu de n'attendre plus autre consentement de Princes: & puis qu'il ne pouuoit cheuir du lieu de Vincence, & desiroit pour le lieu donner contentement aux Allemans, lesquels il entendoit desirer la ville de Trente, quoy qu'à son aduis vn lieu plus au dedans de l'Italie eust esté plus propre, par charité paternelle il auoit ployé sa propre volonté à leurs demandes, & auoit choisi le lieu de Trente, pour y celebrer le Saint œcumenique Concile, à commencer le premier Nouembre prochainement venant: interposant cete espace, afin que son decret pult estre publié, & les Prelats eussent temps conuenable pour se pouuoir rendre au lieu assigné. Et pourtant, de l'autorité du Pere, du Fils, & du Saint Esprit: & des Apostres Pierre, & Paul, laquelle il exerce en terre, du consentement & conseil des Cardinaux, toute suspension leuée, il intime le Saint, œcumenique, & general Concile, en icelle ville de Trente, lieu commode, libre, & opportun à toutes Nations, à estre ouuert & commencé au premier du mois iusdit, & puis poursuiuy, & terminé: appellant tous Patriarches, Archeuesques, Euesques, Abbès, & tous ceux en somme, qui, par ordonnance, ou priuilege, ont voix & droit de suffrage es Conciles: & leur commandant, en vertu du serment qu'ils ont à luy, & au S. Siege, & par deuoir d'obeyssance, & sous les peines de la loy, des coustumes contre les des-obeyssans, qu'ils ayent à s'y trouuer: & en cas d'empeschement legitime, qu'ils en ayent à faire duement apparoir, ou enuoyer Procureurs. Priant l'Empereur, le Roy Tres-chrestien, & les autres Roys, Ducs, & Princes, de s'y trouuer: ou, s'ils en sont empeschés, y enuoyer personages graues & d'autorité, & y faire aller de leurs Estats les Euesques & Prelats. Et que sur tout il desire cela des Prelats & Princes d'Allemagne, pour lesquels le Concile est intimé en la ville par eux désirée: afin qu'en iceluy on puisse traiter les choses appartenantes à la Religion Chrestienne, à la correction des mœurs à la paix & concorde des peuples & Princes Chrestiens, & à l'abbaisement & ruine des Barbares & infideles.

*laquelle e si
empeschée
par la
gue. re sus-
citée par le
Roy Fran-
çois contre
l'Empereur
lequel au-
si se plaint
du Pape,
& l'incite
contre ledit
Roy.*

Cete Bulle fut incontinent enuoyée de Rome à tous les Princes: mais elle sortit mal à point, d'autant qu'au mois de Iuillet, François, Roy de France, denonça la guerre à l'Empereur avec paroles atroces, & la publia par vn sien Manifeste, & en mesme temps l'ouurit en Brabant, Luxembourg, Roussillon, Piedmont, & Artois.

L'Empereur, ayant reçu la Bulle du Concile, respondit au Pape, Qu'il n'estoit point content du contenu d'icelle. D'autant que luy n'ayant iamais espargné ne refusé aucune peine, danger, ne despenfe, pour faire que le Concile se tint, & à l'opposite, le Roy de France ayant tousiours trauaillé à l'empescher, il luy sembloit bien estrange, qu'en sa Bulle le Pape le luy egalast, & comparast. Et apres auoir fait recit de tous les torts qu'il pretendoit

auoir receus du Roy, il adiouta. Qu'en la derniere Diete de Spire il auoit trauaillé, par le moyen de ses Ambassadeurs, à nourrir & fomentier les discordes de la Religion; promettant à l'un & à l'autre party separément faueur & amitié: en fin, il remet à Sa Sainteté de penser, si les actions de ce Roy seruiroient à remedier aux maux de la Chrestienté, & à donner commencement au Concile, lequel au contraire il auoit tousiours trauersé pour ses interets particuliers: & auoit contraint luy Empereur, qui s'en estoit apperceu, de trouuer vne autre voye pour pacifier les affaires de la Religion. Et pourtant que Sa Sainteté imputast à ce Roy, non à luy, si le Concile ne se pourroit tenir. Et s'il vouloit ayder au bien public, qu'il se declarast ouuertement ennemy d'iceluy: ce qui estoit le vray & vnique moyen de venir à bout de tenir le Concile, & establir les affaires de la Religion, & recouurer la paix.

Le Roy, deuinant bien qu'il seroit chargé d'auoir suscité vne guerre au détrimet de la Religion, & empeschement du seruice de Dieu, qui se pouuoit attendre du Concile, auoit paré à cela par auance, publiant vn Edit contre les Lutheriens, & commandant l'exécution inuiolable d'iceluy aux Parlemens: avec inionctions tres-estroites, que tous ceux qui tiendroient liures contraires à l'Eglise Romaine, qui s'assembleroient en conuenticules secrets, qui contreuiendroient aux commandemens de l'Eglise, & sur tout ceux qui n'obserueroient la doctrine des viandes, ou feroient oraison en autre langue que Latine, fussent deferés: commandant aux Sorbonistes de faire contre toutes telles gens tres-diligente perquisition. Puis, ayant descouuert les articles de l'Empereur, qui s'efforçoit d'inciter le Pape contre luy, il sollicitoit, pour remede à cela, que par executions on procedast contre les Lutheriens: & ordonna qu'à Paris on dressast vn formulaire pour les decouurir & accuser, avec grieues peines à qui ne les reueleroit, & recompenses à qui les defereroit. Et ayant en outre esté spécialement informé de tout ce que l'Empereur auoit escrit au Pape, luy aussi de son costé luy escriuit vne longue lettre d'apologie pour foy, & d'inuectiue contre l'Empereur: luy reprochant en premier lieu la prise, & le sac de Rome, au dommage de laquelle il auoit d'abondant adiousté vne manifeste mocquerie & derision, ayant fait faire processions en Espagne pour la deliurance du Pape, lequel luy mesmes detenoit prisonnier: & representant en suite toutes les causes d'offense entre foy & l'Empereur, & luy imputant tout le mal. Et conclut que l'empeschement, ou retardement du Concile ne luy pouuoit estre imputé, veu qu'iceluy ne luy pouuoit porter aucune vtilité particuliere, & estoit chose fort esloignée des exemples de ses ancestres: à l'exemple desquels il employoit tous ses esprits à conseruer la Religion: comme les Edits, & les executions nouuellement faites en France, le tesmoignoient assez. Et pourtant prioit Sa Sainteté de n'adiouster foy aux calomnies, ains s'asseurer de l'auoir tousiours à sa deuotion, en tout ce qui attoucheroit, ou luy, ou l'Eglise Romaine.

Le Pape, pour se maintenir en la possession du titre du Pere commun, dont ses predecesseurs auoient tousiours fait parade, enuoya des Legats à tous deux, pour moyenner quelque traité de pacification. Le Cardinal Contarin fut deuesché à l'Empereur, & le Cardinal Sadolet au Roy de France: pour les prier de donner leurs iniures & offenses particulieres au bien public, & à se pacifier entr'eux, afin que leurs dissensions n'empeschassent l'accord de la Religion. Mais le Cardinal Contarin estant mort en ces entrefaites, le Pape luy substitua le Cardinal Visce, au grand esbahissement de la Cour, d'autant qu'on fauoit qu'il n'estoit point en la grace de l'Empereur, à qui il estoit enuoyé. Et, quoy que la guerre fust embrasée en diuers endroits, le Pape, croyant que s'il ne pouuoit outre l'affaire du Concile, sa reputation y demeureroit lesée, le vintiesme Aoust de cete année 1542. deputa pour ses Legats à Trête les Cardinaux Pierre Paul Paris, Jean Moron, & Renaud Polus: le premier, comme tres-sauant & expert Canoniste; le second, comme tres-entendu en affaires d'estat: le troisieme, pour monstrier, que combien que

le Roy d'Angleterre se fust distrait de l'obeyssance de Rome, le Royaume neantmoins auoit grande part au Concile. Il leur depescha leurs lettres de Legation, & leur bailla charge de se transporter à Trente; & là d'entretenir les Prelats, & les Ambassadeurs qui s'y rendroient: sans toutes-fois faire aucune action publique, iusques à ce qu'ils eurent receu leur instruction: laquelle il leur enuoyeroit en son temps.

*de l'Empe-
reur ses
Ambassa-
deurs.*

L'Empereur, ayant entendu la deputation des Legats, non qu'il esperast qu'en l'estat courant des affaires il ne pust reussir aucun bien, mais seulement pour empescher que le Pape ne brassast quelque chose à son preiudice, y enuoya pour ambassadeurs D. Diego Mendozze, son Ambassadeur resident à Venise, & Nicolas Perrenot de Granuelle, ensemble Antoine son fils, Euesque d'Arras, & quelque peu d'Euesques du Royaume de Naples. Le Pape y enuoya aussi, outre les Legats, quelques Euesques de ses plus confidens, avec commandement toutes-fois de s'y acheminer lentement. Les deputés, tant Imperiaux, que du Pape, y arriuerent au temps assigné. Et les Imperiaux presenterent aux Legats le mandement Imperial: & insistoient que le Concile fust ouuert, & qu'on donnast commencement aux Actions. Les Legats y mirent delay, disans, Qu'il n'estoit point de la bien-seance de commencer vn Concile en si petit nombre, sur tout escheam d'y traiter Articles de si grande importance, comme estoient ceux qui estoient reuoqués en doute par les Lutheriens. Les Imperiaux repliquoient, Que par entretiens on pouuoit bien traiter la matiere de la reformation, plus necessaire & suiette à moins de difficultés. Les autres allegoient, Que la reformation deuoit estre appliquée à l'ysage de diuers pays, & pourtant estoit plus, qu'en aucune autre chose, necessaire que tous y entreuinsent. En fin les Imperiaux vinrent iusques à des protestations, auxquelles les Legats ne donnoient aucune responce, ains la remettoient au Pape: au moyen dequoy ne se faisoit aucune conclusion.

*pour se
preualoir
de cete om-
bre de Con-
cile en la
Diete de
Noremberg*

La fin de l'année approchant: l'Empereur ordonna à Granuelle d'aller à la Diete, qui se deuoit tenir au commencement de l'année suyuante à Noremberg: & bailla charge à Don Diego de Mendozze de demeurer à Trente, & procurer qu'on donnast commencement au Concile: ou du moins, que les assemblés ne se departissent point, pour se preualoir de cete ombre de Concile en la Diete. Granuelle, à Noremberg: proposa la guerre contre les Turcs, & de secourir l'Empereur contre le Roy de France. Les Protestans repliquerent, requerans, Que les differens de la Religion fussent tout premier composés, & qu'on ostant les oppressions, que faisoient les Iuges de la Chambre, sous autres pretextes, quoy qu'à la verité ce ne fust que pour la seule cause de la Religion. Mais Granuelle respondit, Que cela ne se pouuoit ne deuoit faire en ce temps, & lieu: veu que pour cela mesmes estoit ia conuoké & assemblé le Concile de Trente. Mais cete excuse estoit en vain, d'autant que les Protestans n'approuuoient point le Concile de Trente, & disoient tout haut, qu'ils ne s'y trouueroient point. La Diete se termina sans conclusion: & D. Diego s'en retourna à son Ambassade à Venise: combien que les Legats fissent instance, à ce que, pour donner reputation à l'affaire, il s'entretint à Trente iusques à ce qu'ils eussent responce du Pape.

*de quoy'e
Protestans
ne se lais-
sent repai-
sire.*

*de l'assem-
blée de
Trente se
disipe.*

*le Pape
s'aboucha
de rechef
avec l'Em-
pereur.*

L'Ambassadeur de l'Empereur estant party, les Euesques Imperiaux le suivirent, & sous diuerses couleurs furent aussi congedies les autres: & finalement les Legats mesmes, apres auoir là seiourné sept mois de suite, sans effectuer chose quelconque, furent rappelés par le Pape. Et telle fut la fin de cete assemblée. Le Pape auoit dessein de s'aboucher avec l'Empereur, lequel deuoit en bref estre en Italie, estant party d'Espagne par mer, pour aller en Allemagne, & desiroit que ce fust à Boulogne: & enuoya Pierre Louis, son fils, à Genes, pour le conuier. Mais l'Empereur ne voulut point sortir de son chemin, ne perdre temps en voyage: dont le Pape luy enuoya le Cardinal Farnese au deuant, pour le prier de tenir le chemin de Parme, où le Pape le pourroit attendre. Mais y ayant de la difficulté, comment l'Empereur

entreroit en cette ville-là, ils se trouuerent tous deux ensemble le 21. Iuin. 1543. à Buffet, bourg des Paluoisins, assis sur le bord du Tar, entre Parme & Plaifance. Les interets de l'un & de l'autre ne leur permirent pas de faire leur principal traité sur le fait du Concile, & de la Religio: ains l'Empereur auoit toutes ses pensées tournées contre le Roy de France, & procuroit d'inciter le Pape contre luy, & de tirer du Pape argent pour cette guerre. Et d'ailleurs le Pape, se seruant de l'occasion, estoit tout buté à obtenir la Duché de Milan pour ses neveux: en quoy il estoit secondé, & fauorisé, pour ses propres interets, par Marguerite, fille naturelle de l'Empereur, mariée à Octaue Farnese, neveu du Pape, & pourtât crée Duchesse de Camerin. Le Pape promettoit à l'Empereur de s'allier avec luy contre le Roy de France, créer plusieurs Cardinaux à sa nomination, luy payer cent cinquante mil escus annuels, par quelques années, & luy laisser en main les Chasteaux de Milan, & de Cremone. Mais les Imperiaux demandoient vn million de Ducats tout contant, & vn autre dans certains termes assez brieves: dont l'affaire ne se put conclurre pour lors: & à cause que l'Empereur ne pouuoit s'arrester d'auantage, ce traité fut remis à estre continué par le moyen des Ministres du Pape, qui deuoyent suivre l'Empereur: lequel se monstra content, pour le fait du Concile, que par l'enuoy des Legats, & par l'allee de ce peu de Prelats, les Catholiques d'Allemagne eussent au moins tenu la prompte volonte. Et puis qu'on pouuoit imputer les empeschemens au Roy de France, il conclut, qu'il ne falloit penser à y porter aucun remede, tant qu'on n'eust veu quelle route prendroit cette guerre. Ils se departirent avec grande demonstration de mutuel contentement: mais le Pape demeura en perplexité en soy-mesme, si l'Empereur enclineroit à luy complaire. Et pourtant des lors commença à tourner la voile de ses pensées vers le Roy de France.

Or, pendant qu'il estoit en ces ambiguïtés, fut publiée la ligue contre l'Empereur, & le Roy d'Angleterre: laquelle obligea le Pape à s'aliener tout à fait de l'Empereur: voyant combien par icelle estoit lésée son autorité, estant faite avec vn excommunié, anathématisé par luy, & deuot à damnation éternelle, schismatique, déchü & priué de toute domination & royaume, avec cassation & dissolution de toute alliance contractée avec qui que ce fust: contre lequel aussi, par son commandement, tous les Princes Chrestiens estoient obligés à prendre les armes: & ce qui importoit le plus, lequel se monstroient tous les iours plus coutumax & rebelle, & mesprisoit par paroles ouuerte toute son autorité. Dont il paroissoit à tous que l'Empereur ne luy portoit aucun respect, ne temporel, ne spirituel: ains donnoit exemple à tous autres de ne faire aucun estat de son autorité. Et l'affront luy en sembloit de tant plus grand, que, pour faire plaisir à l'Empereur, & pour ses seuls interets, le Pape Clement, qui auoit aisement pû temporiser en cette cause, auoit procedé à la rigueur contre ce Roy, autrement bien affectionné, & meritant du S. Siege. A ces offenses oppoisoit le Pape, comme par contrepoids, ce que le Roy de France auoit fait pour le maintien de la Religion, & de l'autorité Papale, en tant d'Edits, & loix susmentionnées. Et d'abondant, que les Theologiens de Paris auoyent à son de trompe, & amas de peuple, publié les Chefs de la doctrine Chrestienne, en nombre de vintcinq: proposant leurs conclusions, ou determinations toutes nues, sans raisons, persuasions, ne fondement, mais seulement prescriuant, comme de puissance souveraine, ce qu'ils vouloyent estre tenu & cru: lesquels Articles furent imprimés, & enuoyés par toute la France, confirmés par lettre du Roy, sous peines tres-griues à qui parleroit ou enseigneroit autrement: ioint vn autre nouveau mandement d'enquerir contre les Lutheriens. Toutes choses, qui de tant plus plaisoyent au Pape, qu'il fauoit que le Roy ne les faisoit point tant pour la cause susmentionnée, de se iustifier enuers le monde, que la guerre qu'il auoit entreprise contre l'Empereur n'estoit point pour fauoriser les Lutheriens, ne pour empeschier leur extirpation: que principalement pour agreer au Pape, & demonstrier reuerence au S. Siege.

1544.
l'Empereur
se iustifie,

Mais l'Empereur, ayant eu notice des plaintes du Pape, respondit, Que le Roy de France auoit bien fait alliance avec le Turc contre les Chrestiens: comme il estoit paru au siege de Nice de Prouence, par la flotte du Turc, sous la conduite de Polin, Ambassadeur du Roy, & par les rauages & pillerie des costes du Royaume de Naples: dont il auoit aussi cru luy estre loisible, pour sa simple defense, de se preualoir du Roy d'Angleterre, lequel, quoy qu'il ne reconnoisse le Pape, est toutesfois Chrestien: de mesmes que son frere Ferdinand, & luy, se preualoyent bien, avec la bonne grace & auen du Pape, des secours des Protestans, beaucoup plus contraire au S. Siege, que n'estoit ce Roy. Que c'eust esté du deuoir du Pape, ayant entendu cette alliance du Roy de France avec le Turc, de proceder contre luy: mais qu'on y auoit clairement remarqué la difference: d'autant que la flotte des Turcs, qui auoit fait tant de degasts sur les Chrestiens, par tout où elle auoit passé, auoit costoyé les terres du Pape, sans faire ne recevoir aucun acte d'hostilité: ains estant abordee à Ostie, pour faire aiguade, la nuit de S. Pierre, dont toute la ville de Rome fut en effroy & alarme, le Cardinal de Carpi, qui y commandoit au nom du Pape absent, arresta tout le peuple, estant assuré, pour l'intelligence qu'il auoit avec le Turc.

Les propos
du Concile
sont remis
sus en vne
Diete à Spi-
re:

La guerre, & ces plaintes, tinrent le traité du Concile en silence pour cette année: mais elles furent remises sus pied en l'année 1544. & le commencement en fut fait en la Diete de Spire. En laquelle l'Empereur representa les grands trauaux, qu'il auoit autresfois supportés pour remedier aux discordes de la Religion: & dernièrement encores sa grande sollicitude & diligence, employée à Regensbourg: & ramentut comment, n'ayant esté lors possible de cōposer les controuerses, la chose en fin auoit esté remise à vn Concile ou General, ou National, ou bien à vne Diete: adioustant, que le Pape auoit du depuis intime le Concile à son instance, auquel luy mesmes auoit deliberé de se trouuer en personne, & l'auroit fait, s'il n'eust esté empesché par la guerre de France. Qu'à present demeueroit encores la mesme dissension en la Religion, & caueroit les mesmes inconueniens: dont il n'estoit plus temps de dilayer le remede: & pourtant il leur ordonnoit d'y auiser, & de luy proposer les moyens qu'ils iugeoyent les plus expediens. Plusieurs consideratiōs furent faites sur l'affaire de la Religion: mais, d'autant que les occupations de la guerre pressoyent beaucoup plus, cela fut remis à la Diete, qui se deuoit tenir au mois de Decembre prochain. Et ce pendant fut fait vn Arrest, Que l'Empereur bailleroit charge à quelques personnage de preud'hōmie & iauoir, de dresser par escrit vn formulaire de reformation: & que le mesme feroient aussi tous les Princes, afin qu'en la prochaine Diete, toutes ces pieces rapportees, on pust d'un commun consentement arrester ce qui se deuoit garder, iusques au prochain Concile General, qui se tiendroient en Allemagne, ou bien iusqu'au National. Que ce pendant tous vescuissent en paix & qu'on ne fist aucun trouble pour la Religion: & que les Eglises de l'une & de l'autre Religion iouyissent de leurs biens. Ce Recés ne plut point generalement aux Catholiques. Mais, pource qu'aucuns d'entr'eux s'estoyent joints aux Protestans, force fut aux autres d'approuuer cette voye mitoyenne. Et ceux qui n'en estoyent point contens, se resolurent de le porter en patience.

La cōcluse
vn arrest
provisoire
de paix &
concordes

ce qui irrita
de plus
le Pape.

Or la guerre continuoient tousiours: & le Pape, outre l'indignatiō qu'il auoit conceue contre l'Empereur pour l'alliance avec l'Angleterre, y adiousta que l'Empereur n'auoit iamais voulu entendre aux grands & larges offres qu'il luy auoit faits par le Cardinal Farnese, lequel il auoit enuoyé pour Legat avec luy en Allemagne, pour l'investiture du Duché de Milan aux Farneses: & que, se voulant en fin trouuer à la Diete de Spire, il n'auoit permis que le Cardinal Legat l'accompagnast à icelle: de peur d'offenser les Protestans. Et finalement considerant l'Arrest fait en la Diete, au si grand preiudice du S. Siege & sien, & voyant toutes ses esperances fenées, son autorité de chuë, & sa reputatiō rauallée, il iugea qu'il estoit necessaire de s'en ressentir. Et quoy que ses plus intimes & confidens luy conseillassent de dissimuler, attendu que

son parti estoit ia fort affoibly en Allemagne, il se resolut neantmoins de commencer par paroles, pour prendre occasion de venir aux effets, selon que le cours des affaires le porteroit: estant certain qu'en se declarât ouuertement contre l'Empereur, il obligeoit de tant plus estroitement le Roy de France à soustenir sa reputation.

En suite dequoy, il escriuit à l'Empereur vne longue lettre, en date du vint-cinquième Aoust: dont la teneur estoit telle, *qui par vne lettre en fait d'agressement contre l'Empereur, iusqu'à des menaces.* Qu'ayant entendu qu'à Spire auoient esté faits certains arrests, il ne pouuoit se passer de luy en dire son sentiment, par le deuoir de sa charge, & par charité paternelle: pour n'imiter l'exemple d'Heli, Sacrificateur, qui fut grieuement puni de Dieu pour son indulgence enuers ses enfans. Que les Decrets faits à Spire estoient au dâger del'ame de luy Empereur, & au tresgrand trouble del'Eglise: qu'il ne se deuoit departir des ordonnances Chrestiennes, qui portent, Que, quand il s'agit de la Religion, le tout remis à l'Eglise Romaine: & que, nonobstant cela, sans faire aucun estat du Pape, qui seul par toute loy, diuine & humaine, à autorité de conuoker Conciles, & donner Arrests en choses saintes, luy Empereur s'estoit ingeré de tenir Concile General, ou National: & en outre, auoit permis a des lais & heretiques de iuger de la Religion: auoit fait decret sur les biens sacres, & reintegré en leurs honneurs les rebelles à l'Eglise, lesquels luy mesme auoit ia condannés par ses propres Edits. Qu'il vouloit bien croire, que ces choses n'estoient point procedees de la pure & franche volonté & mouuement de luy Empereur, mais du pernicieux conseil des mal-affectiônnez a l'Eglise Romaine: & qu'il se plaignoit de cela mesmes, qu'il leur eust tant deféré: que l'Escripture Sainte estoit remplie d'exemples de l'ire de Dieu contre les vlturpateurs de l'office du Souuerain Sacrificateur, cômme Oza, Datan, Abiron, Coré, le Roy Ozias, & autres. Que l'excuse n'estoit point receuable, de dire, Que les Arrests ne sont qu'à temps, & prouisionels, iusqu'au Concile tant seulement. Car, quand mesmes la chose en foy feroit bonne & sainte, elle se rend impie, & mauuaise, à l'egard de la personne qui l'a faite outre les termes de sa charge. Que Dieu auoit en tout temps exalté les Princes deuots au Siege Romain, Chef de toutes les Eglises, comme Constantin, les Theodoses, & Charles Magnes: & qu'à l'opposite il auoit puni ceux qui ne l'auoient eu en reuerence: dont faisoient foy les exemples d'Anastase, de Maurice, de Constans deuxiesme, de Philippe, de Leon, de Henri quatriesme, chastié pour ceste cause par son propre fils, & de Fride-rich deuxiesme, persecuté de mesme par le sien. Et que non seulement les Princes, mais aussi les nations entieres auoyent esté chastiées pour cela mesmes. Les Iuifs, pour auoir occis Iesus, Fils de Dieu: les Grecs, pour auoir en maintes façons mesprisé le Vicaire d'iceluy: & que de tât plus luy Empereur deuoit redouter ces choses, qu'il estoit extrait des Empereurs, qui ont plus receu d'honneur de l'Eglise Romaine, qu'il ne luy en ont baillé. Qu'il le louoit du desir qu'il auoit de la correction de l'Eglise: mais aussi l'admonnestoit-il, d'en laisser la charge à qui Dieu en auoit commis le soin: que l'Empereur estoit bien Ministre, mais non point Regent, ne Chef. Il adioustoit que luy aussi desiroit la reformation: & en auoit donné bonne preuue par l'intimation du Concile faite par plusieurs fois: & que iamais n'estoit paru estincelle d'esperance de le pouuoir conuoker, qu'il n'y eut fait tout deuoir, tant pour le benefice general de Chrestieté, que pour le particulier de l'Allemagne, qui plus en a besoin. Que ia il estoit intimé, quoy que differé à temps plus propre à cause des guerres. Et pourtant, qu'à luy Empereur appartenoit de froyer le chemin à la tenue d'iceluy, faisant la paix, ou differant la guerre, pendât qu'on traitera les affaires de la Religion au Concile. Qu'il obeisse à ses commandemens paternels, exclue des Dietes imperiales toutes disputes de Religion, les remettre tout au Pape, ne face point d'ordonnance sur les biens Ecclesiastiques, reuoque & casse les choses octroyées aux rebelles au S. Siege Romain. A faute dequoy, luy, pour ne faillir à son deuoir, sera contraint d'vser enuers luy de plus grande seuerité qu'il ne desireroit.



HISTOIRE DV CONCILE DE TRENTÉ,

LIVRE SECOND.

SOMMAIRE.

La paix entre l'Empereur, & le Roy de France, estant conclue, le propos du Concile est remis sus: & le Pape l'intime à Trente: & y depute ses Legats, & l'Empereur ses Ambassadeurs. Mais sur l'opposition des Protestans, le Cardinal Farnese, Legat, incite l'Empereur à la guerre contr'eux. L'Empereur procede contre l'Electeur de Cologne, qui pretendoit reformer son Diocese: mais le Pape euoque la cause à soy. Et, nonobstant le refus des Protestans, fait ouvrir le Concile avec beaucoup d'avantage pour son autorité, & avec plusieurs deuotions, & ceremonies. Apres quoy est fait le Decret de la premiere Session sur l'ouverture d'iceluy. Et en cet endroit est discoursu par l'Auteur des diuerses sortes de Conciles, & des differentes manieres d'y traiter les affaires. Les congregations sont establies à Trente, auant les Sessions: & sur la dispute du titre du Concile, les Legats font en sorte, qu'il est donné selon leur desir. Puis est celebree la seconde Session, sur choses preparatoires. Et en la suyuant Congregation, les Legats prennent leurs ordres de Rome, & est conclu qu'on traitera des Dogmes: & de la Reformation, conjointement. Et ne pouuant passer plus auant, la troisieme Session est celebrée: en laquelle n'est fait autre chose, que de lire le Symbole des Apostres. En Allemagne la nouuelle Doctrine, s'espand, & Luther meurt. Le Pape commande, qu'au Concile on entre en matiere: & pour premier Chef est proposé l'Article de la Parole de Dieu: et des Traditions, & apres vne longue dispute touchant le Canon: la Version Latine, l'Interpretation de l'Escripture: & les Traditions, se tient la quatrieme Session, avec le Decret sur ces matieres. Et en la suyuant Congregation, est proposé à traiter l'Article du Peché Originel: auant lequel sont ventilés quelques chefs de Reformation, concernans les Lectures & Predications des Moines, lesquels sont soustenus par le Pape contre les Euesques. Puis on entre en la susdite matiere, du Peché Originel, qui est debatue avec beaucoup de prolixité, sur tout par les Dominicains, contre les Francis-

Franciscains, qui sont en fin arrestés par autorité Papale. Et en suite est tenue la cinquième Session avec son Decret sur le sujet susdit. En cet entre-temps: arrive à Trente l'Ambassadeur de France, & le Pape, & l'Empereur se liguent ensemble contre les Protestans. A Trente est resolu en Congregation, de traiter de la Grace de Dieu, & d'autres points de Doctrine, appartenans à icelle: & pour Article de Reformation, de la Residence, des Euesques. Et pendant que l'un & l'autre chef est debatü à Trente, & celui de la Residence pressé avec grande vehemence par les Euesques, sur tout Espagnols, croyans par là racquerir leur autorité perdue; & contredit par les Courtisans de Rome: la guerre contre les Protestans s'allume en Allemagne. Et le Pape fait tenir la sixième Session sur les points susdits. Et puis, en la suivante Congregation, est proposée la matiere des Sacremens en general, & celle du Baptisme: & de la Confirmation, en particulier: pour chef de Doctrine: & pour article de Reformation, quelques points appartenans à la Residence, omis en la precedente Session: & la pluralité des Benefices. Et, à l'occasion de plusieurs difficultés: survenues au Concile, en des-faveur du Pape, il se resout de le transferer à Boulogne. Ce qui, après la tenue de la septième Session: il fait publier & exécuter de fait par ses Legats, nonobstant les protestations des Imperiaux. Les Roys Henry huitième d'Angleterre: & François premier de France, meurent peu de temps l'un apres l'autre.



La guerre entre l'Empereur, & le Roy de France, ne dura gueres: d'autant que l'Empereur reconut, qu'estant engagé en icelle, & son frere Ferdinand en celle contre les Turcs, l'Allemagne empietoit tellement la liberté, qu'il estoit à craindre, que dans peu de temps le nom Imperial n'y seroit pas mesmes reconnu: & que luy, faisant la guerre, ressembloit le chien d'Esop, lequel suyviant l'ombre, perdit & l'ombre & le corps. Et pourtant il presta l'oreille aux ouvertures de paix, faites par les François: avec dessein, non seulement de se deliurer de ce destourbier, mais aussi de s'accommoder, par le moyen des François, avec les Turcs, pour pouvoir puis apres tout à deliuré penser à l'Allemagne. La paix fut conclüe à Crespy, le vint-quatrième de Septembre, & entre autres articles, l'un & l'autre Princes capitulerent de defendre l'ancienne Religion, & de s'employer à l'union de l'Eglise, & à la reformation de la Cour de Rome, dont procedoient toutes les dissensions: & que pour cet effet, le Pape fust coniointement requis de convoquer le Concile: & que le Roy de France enuoyast à la Diete d'Allemagne, pour solliciter les Protestans de l'accepter. Le Pape ne s'estonna point pour l'article du Concile, & de reformer la Cour: estant tout certain, que, quand ils mettroient la main à semblable entreprise, ils ne pourroient long-temps demeurer d'accord, pour leurs diuers & contraires interets: & ne doutoit nullement, que s'il fa- loit mettre leurs desseins en execution par la voye du Concile; il ne pust tourner tout traité à l'amplification de son autorité: mais il jugea bien, que de convoquer le Concile à leur requisition, seroit estimé une force forcée, ce qui ravaleroit sa reputation, & releveroit le courage à ceux qui desiroient le rabais de l'autorité Papale. Et pourtant, ne voulut attendre d'estre prevenu par aucun d'eux; & mesmes dissimula les soupçons & ombrages qu'il avoit contre l'Empereur, sur tout pour avoir fait la paix sans son entremise, avec des articles preiudiciables à son autorité: & publia une Bulle, en laquelle il conuyoit toute l'Eglise à se resiouyr de la paix: par laquelle estoit osté l'unique empeschement de la tenuë du Concile, lequel il assigna derechef à Trente, à commencer au quinzième du mois de Mars.

La paix
faite, entre
l'Empereur
& le Roy
de France

donne sujet
de remettre
sus le pro-
pos du Con-
cile, qui est
hastive-
ment inti-
mé par le
Pape.

154 +

*avec des-
sein de les
propres in-
terests.**pretexés
par ceux
de l'Empe-
reur :**à qui la
hastivité
du Pape
desplait.**cependant
fait prepa-
rer ses
Theolo-
giens pour
iceluy :**ce qu'aussi
fait le Roy
de France,**le Pape re-
blandit
l'Empe-
reur,*

Il voyoit bien que le terme estoit trop court, pour le notifier par tout, & encor plus pour donner loisir aux Prelats de se mettre en ordre, & faire le voyage. Toutes-fois il estima qu'il y auoit grand auantage pour luy, si tant estoit qu'il le falust tenir; qu'il fust commencé par peu, & iceux Italiens, courtisans, & ses affidés, lesquels, sollicités par luy, s'y rendroient les premiers: d'autant qu'à l'entrée on traiteroit de la forme & procedure à tenir au Concile: ce qui estoit le principal, voire le tout, pour maintenir l'autorité Papale. Et qu'à la determination de ceux-là seroient obligés & contraints de se tenir ceux qui de iour à autre y arriueroyent. Et qu'il n'estoit ny nouueau, ny estrange, qu'un Concile general commençast par peu de gens: veu qu'en celuy de Pise, & de Constance, il estoit bien arriué de mesmes, & cependant iceux ne laissoient pas d'auoir heureusement succédé. Et, ayant penetré dans la vraye & intime cause de la paix, il escriuit à l'Empereur, que pour son seruice il auoit anticipé, & hasté l'imitation du Concile. D'autant que, sachant bien, que Sa Maïesté auoit esté contrainte, pour la guerre des François, de permettre & promettre beaucoup de choses aux Protestans, il luy auoit, par l'imitation du Concile, donné moyen de s'excuser en la Diete, qui se deuoit tenir au mois de Septembre prochain, si, le Concile instant, il ne permettoit l'effet de ce qu'il auoit promis iusqu'à la tenuë d'iceluy.

Mais la hastivité du Pape n'agrea point à l'Empereur, lequel aussi ne se paya pas de la raison alleguée: ains auroit désiré d'estre principal autheur du Concile, tant pour sa reputation, que pour le faire tant plus aysément accepter à l'Allemagne, & pour plusieurs autres esgards: & ne pouuant faire autre chose, il vîa de toutes les procedures, qui pouuoient l'en faire paroistre autheur en chef, & le Pape seulement second. Il enuoya Ambassadeurs à tous les Princes, pour leur signifier l'intimatiõ, & les prier d'y enuoyer leurs Ambassadeurs, pour honorer l'Assemblée, & ratifier les Arrests qui s'y feroient. Et cependant faisoit tous preparatifs necessaires, comme si de vray toute l'entreprise de cet œuure eust esté sienne. Il donna diuerses commissions aux Prelats d'Espagne, & des Pays bas, & en autres choses, ordonna que les Theologiens de Louvain s'assemblassent, pour considerer les dogmes, qui se deuoient proposer au Concile, lesquels ils reduisirent à trente-deux Chefs, sans toutes-fois y adiouter aucune preuue ou confirmation de l'Escripture sainte, mais proposant magistralement la conclusion, ou assertion toute nuë. Et ces Articles furent du depuis confirmés par Edit de l'Empereur, & publiés avec commandement, que tous les eussent à tenir, & suyure. Et l'Empereur ne peut tellement celer le mescontentement qu'il auoit reçu contre le Pape, qu'il ne le fist euidentement paroître par les paroles qu'il tint au Nonce, tant à ce rencontre, qu'en autres audiences. Et en outre, le Pape ayant au mois de Decembre créé treize Cardinaux, & entre ceux-là trois Espagnols, l'Empereur leur defendit d'en accepter les enseignes, & d'en prendre le nom, & l'habit.

Le Roy de France aussi de son costé fit assembler les Theologiens de Paris à Melun, pour consulter des dogmes necessaires de la foy Chrestienne, qui se deuoient proposer au Concile, & là y eut grand debat: pource qu'aucuns vouloyent qu'on y proposast la confirmation des choses arrestées à Constance & à Basle, & le reestablishement de la Pragmatique Sanction, les autres conseilloyent de ne mettre point cete dispute sur le bureau, de peur d'offenser le Roy, par le renuersement du Concordat, fait par luy avec le Pape Leon. D'ailleurs, pource qu'en l'Vniuersité de Paris, les opinions sont fort diuerses, mesmes en la matiere des Sacremens, les vns leur attribuant vertu actiue ministerielle, les autres non, & chacun desirant de faire passer son sentiment pour article de foy, il ne se peut faire autre conclusion, que de demeurer es vintcinq Articles, publiés deux ans auparauant.

Or le Pape fit entendre au Roy de France le mal-talent de l'Empereur contre luy, & le pria qu'il enuoyast au plustost ses Ambassadeurs au Concile, pour soustenir la dignité du S. Siege, & bailla aussi charge à son Nonce auprès

de l'Empereur, qu'il espiast toutes les occasions de mescontentement que les Protestans pourroient bailler à l'Empereur, & là dessus luy offrist, de la part du Pape, toute assistance à recouurer l'autorité Imperiale, par moyens spirituels & temporels. Le Nonce, n'en ayant que trop souuent occasion, fit tant que l'Empereur comprit, qu'il pourroit auoir besoin du Pape en l'un & en l'autre, & pourtant relascha de sa dureté, & en donna des signes, permettant aux nouueaux Cardinaux de prendre le nom, & les enseignes du Cardinalat, & donnant audiences plus agreables au Nonce, & conferant avec luy des affaires d'Allemagne plus que d'ordinaire.

La haste du Pape fut grande à conuoyer le Concile: mais encores plus, à *depute pre-* despescher ses Legats, auxquels ils ne voulut permettre, comme aucuns *capitament trois* seilloient, d'enuoyer deuant par bien-seance quelque substitut à receuoir *Legats au Concile,* les premiers Prelats, qui arriueroyent, afin que puis apres eux fissent leur entrée solennelle, avec receptions & ceremonies: ains ordonna qu'ils y fussent les premiers, & y arriuaient auant le terme. Il deputa pour ses Legats Iean Marie de Monte, Euesque, Cardinal Prenestin: Marceau Ceruin, Prestre, de S. Croix: & Regnaud Polus, Diacre, de S. Marie en Cosmedin. En cestuy-cy il eut esgard à la noblesse du sang, & à l'opinion commune de sa pieté, & à ce qu'il estoit de nation Anglois: pour monstrier que toute l'Angleterre n'estoit point rebelle. En Ceruin il choisit la constance sans peur, & l'immobile fermeté, coniointe avec vne exacte connoissance des affaires. En Monte, la realité, & le cœur ouuert, mais toutes-fois attrempé de telle fidelité à ses Maistres, qu'il n'en postposoit iamais les interests à sa propre conscience. Il despescha ces trois, avec vn Bref de la Legation: mais ne leur bailla point la Bulle de pouuoir, comme c'est la coustume de bailler aux Legats, ny aucune instruction par escrit: n'estant pas encores bien resolu quelles commissions il leur bailleroit: ains pretendant de se conduire selon que le succès des affaires, & les procedures de l'Empereur conseileroient. Et ainsi les fit partir avec le seul Bref.

Mais le Pape, outre le soucy pour les choses de Trente, en auoit vn autre de non moindre poids, touchant la Diete, qui se deuoit tenir à Vvormes: à laquelle la commune creance estoit, que l'Empereur n'entreuindroit point. Car le Pape craignoit, que l'Empereur irrité de la susmentionnée lettre, ne fist ou ne permist faire quelque Arrest encor plus preiudiciable à ses affaires que les precedens: & pourtant iugea, qu'il estoit necessaire d'auoir en ce lieu-là vn Ministre d'autorité & de reputation, avec titre de Legat. Mais il *enuoye le Cardinal Farnese à l'Empereur pour preuenir l'effet de la Diete:* redoutoit grandement de n'y receuoir quelque affront, cas aduenans, qu'en la Diete iceluy ne fust reçu avec l'honneur du & conuenable. En fin il prit pour expediens d'enuoyer le Cardinal Farnese, son neveu, à l'Empereur, & de le faire passer par Vvormes, & là donner aux Catholiques les instructions & commissions necessaires: & apres auoir fait tous les devoirs opportuns, passer outre vers l'Empereur: & cependant il enuoya d'auance Fabio Mignanello, de Siene, Euesque de Grosset, pour Nonce resident aupres du Roy des Romains, avec charge de l'accompagner à la Diete.

Puis apres il tourna sa pensée aux affaires de Trente, & fit commencer à *fait dresser la Bulle du pouuoir des Legats:* consulter la teneur des pouuoirs, qu'il falloit bailler aux Legats. Ce qui ne fut sans quelque difficulté, veu qu'il n'auoit aucun exemple à ensuyure. Car au dernier Concile de Latran, le Pape y estoit entreuenu en personne: & auparavant, en celuy de Florence s'estoit pareillement trouué Eugene quatriéme: celuy de Constance, qui esteignit le Schisme, auoit eu son commencement, present Iean vint-troisiéme, l'un des trois Papes deposés: & la fin, present Martin cinquiéme: auant cetuy-là, celuy de Pise fut premièrement assemblé par les Cardinaux, & puis acheué par Alexandre cinquiéme. Et est temps encor plus esloignés, Clement cinquiéme assista à celuy de Vienne: Innocent quatriéme, & Gregoire dixiéme, aux deux de Lyon: & auant ceux-là, Innocent troisiéme, à celuy de Latran. Il n'y auoit que celuy de Basle, lequel, pendant qu'il demeura sous l'obeyssance d'Eugene quatriéme,

1545.

fut célébré avec la seule présence des Legats. Mais il sembloit que ce seroit chose de mauvais augure d'en suyure chose aucune pratiquée en iceluy. Et en fin résolution fut prise de concevoir la Bulle en ces termes, Qu'il les enuoyoit, comme Anges de paix; au Concile là par cy-deuant intimé par luy en la ville de Trente: & leur bailloit plein & libre pouuoir, afin que, par défaut d'iceluy, la celebration & continuation dudit Concile ne pult estre retardée; avec l'autorité d'y presider, & d'ordonner tous decrets & statuts, & de les publier es Sessions, selon la coustume: & de proposer, conclurre; & exécuter tout ce qui seroit nécessaire pour condamner & extirper les erreurs de toutes prouinces; & royaumes: de conoistre; cūyr; décider, & déterminer en causes d'heresie, & en toute autre concernant la foy Catholique: & de reformer l'Estat de l'Eglise en tous ses membres; tant Ecclesiastiques, que Seculiers: de mettre la paix entre les Princes Chrestiens: & en somme de déterminer toute autre chose, qui soit à l'honneur de Dieu, & à l'accroissement de la foy Chrestienne: avec pouuoir & autorité de reprimier; par censures & peines Ecclesiastiques, tous contre-disans, & rebelles, de quelque dignité, degré, & hautesse qu'ils puissent estre: voire mesmes Papale ou Royale; & de faire & gerer toute autre chose nécessaire & expediente, pour l'extirpation des heresies & erreurs; reduction des peuples alienés de l'obeyssance du S. Siege, conseruation & reintegration de la liberté Ecclesiastique. A la charge toutes-fois, de proceder en toutes choses par l'auis & consentement du Concile.

En fait vne autre secrete par preuention. Mais le Pape pensoit d'abondant, non seulement à acheminer le Concile; mais aussi aux moyens de le pouuoir dissoudre, apres qu'il seroit ouuert, cas aduenant que le seruice de ses affaires le requist ainsi, afin de se premunir de bonne heure: suyuant en cela l'exemple de Martin cinquième, lequel, redoutant les mesmes accidens, qui auinrent à Jean vint-troisième a Constance, bailla aux Nonces, qu'il enuoyoit au Concile de Pauié, vn Bref secret, & particulier, avec pouuoir de prolonger ledit Concile, le dissoudre, & transférer là où il leur plairoit. Secret d'estat; pour traier toute deliberation contraire aux desseins de Rome. Selon cela, peu de iours apres, il fit vne autre Bulle, donnant pouuoir aux Legats de transférer le Concile. Cette Bulle fut expediee en date du vint-deuxième Feurier de la mesme année mil cinq cens quarante cinq. Et, d'autant qu'il nous en faudra parler cy-apres quand nous traiterons de la translation faite à Boulogne, nous remettrons tout ce qui s'endoit dire iusques alors.

les deux Legats arriuent à Trente. En ladite année, mil cinq cens quarante cinq, le trezième iour de Mars arriuerent à Trente les Cardinaux de Monte, & Sainte Croix, & furent reçeus par le Cardinal de Trente, en la publique & solennelle entrée qu'ils firent ce mesme iour: & donnerent trois ans, & autant de quarantaines d'indulgences, à ceux qui se trouuerent là presens; quoy que de vray ils n'eussent cete autorité de par le Pape; mais esperoient que le Pape ratifieroit le tout. Ils ne trouuerent aucun Prelat arriué: combien que le Pape en eust fait partir quelques-vns de Rome, pour se trouuer à Trente au temps prefix.

Et sont corrigier la Bulle de leur pouuoir trop limité. La premiere chose, que firent les Legats, fut de considerer le contenu de la Bulle de leur pouuoir: & trouuerent expedient de la tenir cachée, & donnerent aduis à Rome; que la clause & condition, de proceder par l'aduis & consentement du Concile, les tenoit trop bridés, & les mettoit au pair de tout autre moindre Prelat: & que s'il falloit que toutes les particularités fussent communicatees à tous, la conduite de l'action en seroit beaucoup plus difficile. Ioint que c'estoit donner trop de liberté, ains de licence, à la multitude. A Rome ces raisons furent recomuës bonnes & valables: & la Bulle fut corrigée selon cet aduis, donnant aux Legats vn plein pouuoir & autorité. Les Legats cependāt, attendans la responce, ordonnerent & desceignerēt en l'Eglise Cathedrale, le lieu de la Session capable de quatre cens personnes.

L'Ambassadeur de l'Empereur arriue au Concile. Dix iours apres les Legats, arriua à Trente D. Diego de Mendozze, Ambassadeur de l'Empereur vers la Seigneurie de Venise, pour assister au Concile.

avec vne tresample commission, despeschee de Brusselles, sous la date du 20. Feurier & fut receu par les Legats, assistés du Cardinal Madruce, & de trois Euesques: car autant, sans plus, estoient arriues iusques alors: & d'autant qu'ils furent les premiers, il est à propos d'en coter les noms. Ces trois donques estoient Thomas Cæpege, Euesque de Feltre, neveu du Cardinal Campege: Thomas de S. Felix, Euesque de la Cane: & Frere Corneille Mus, Cordelier, Euesque de Bitonte; le plus eloquent prescheur de ce tēps-là. Quatre iours apres, D. Diego fit sa proposition par escrit, laquelle contenoit la bonne volonte de Sa Maïesté Imperiale pour la tenue du Concile, & le commandement qu'il auoit fait aux Prelats d'Espagne de s'y trouuer, lesquels il croyoit estre meshuy en chemin. Il s'excusa sur ses indispositions, de ce qu'il n'estoit venu plus tost: requit qu'on donnast commencement aux Actions Synodales, & à la reformation des mœurs: comme deux ans auparavant le mesme auoit esté representé, & requis par Monseigneur de Granuele, & luy. Les Legats luy firent response par escrit l'ouians les bonnes intentions de l'Empereur, admettans les excuses de sa personne, & demonstres grand desir de la venue des Prelats d'Espagne. Cete proposition, & responses, furent par la partie à qui il appartenoit, receuës entre les articles non preiudiciables aux droits de son Prince, respectiuelement. Caution, qui donne indice manifeste de qu'elle charité & confidence on traitoit en propositions, & responses: puis qu'elle fut apposee en ce fait, où il n'y auoit paroles, que de pur & simple compliment, sauf en la mention de la Reformation.

fait sa proposition.

*Gregoie
responces des
Legats.*

Les Legats, encores incertains qu'elle deuoit estre la façon & l'ordre de traiter, faisoient semblant de vouloir proceder coniointement avec l'Ambassadeur, & les Prelats: & leur communiquer le fonds de tout: dont à l'arriuee des lettres de Rome, ou d'Allemagne, ils les assembloient tous pour les lire. Mais dès qu'ils se furent apperceus, que D. Diego s'egalait à eux, & que les Euesques se presumoient plus que ne portoit l'usage de Rome: & d'ailleurs, craignans que, quand le nombre seroit accru, il n'en nasquist quelque incontinient, ils donnerent aduis à Rome; qu'en toutes les despeschés leur fust escrite vne lettre ouuïertē, qu'ils pussent faire voir: & vne autre à part, contenant les choses secretes; d'autant qu'il auoit falu qu'ils se seruissent des lettres receuës iusques alors avec beaucoup de circonspectiō. Ils demanderent aussi vn Chiffre, pour communiquer les affaires plus importantes. Je n'ay voulu omettre ces particularites, lesquelles, ensemble plusieurs autres, qui seront touchées cy-apres, j'ay tirees du registre des lettres du Cardinal de Monte; d'autant qu'elles peuuent seruir de beaucoup à penetrer dans l'intime de toutes ces menées.

*lesquels
pouruoient
au secret de
leur Legation.*

Le mois de Mars estoit ia passé; & le terme prefix en la Bulle du Pape pour ouïrir le Concile, expiré de plusieurs iours, quand les Legats consulterent entr'eux, s'ils le deuoient commencer: mais ils resolurent d'attendre aduis de Fabio Mignanello, Nonce pres de Ferdinand; touchant ce qu'on traitoit à Vvormes: & quant & quant ordre de Rome, apres que le Pape auroit entendu l'arriuee; & la proposition de D. Diego: sur tout, d'autant qu'il leur sembloit chose honteuse de faire vne telle entrée avec trois Euesques seulement.

Le huitième Auril arriuerent Ambassadeurs du Roy des Romains, & pour les receuoir fut faite solennelle Congregation: en laquelle D. Diego vouloit auoir la preface sur le Cardinal de Trente; & s'asseoir aupres des Legats; disant que, puis qu'il representoit l'Empereur, il estoit raisonnable qu'il fust assis au mesme rang, auquel Sa Maïesté seeroit, si elle estoit presente. Mais pour ne donner destourbier aux Actions, on trouua vn certain moyen de les colloquer tous deux en sorte, qu'il n'apparoïssoit point qui auoit la preface. Les Ambassadeurs du Roy presenterent seulement vne lettre de leur Prince, & de bouche exposerent le respect & la reuerence, que le Roy leur maistre portoit au S. Siege, & au Pape, & sa bonne volonte à fauoriser le Concile; avec grands offres. Adioustans qu'il enuoyeroit

*les Ambassadeurs de
Ferdinand
arriuent à
Trente, avec
commission
fort gene-
rale.*

1545.

la creance en due forme, & autres personages avec plus amples instructions.

*Ferdinand
à la Diète
de Worms
propose l'in-
timation du
Concile.*

Après cela arriuerent à Trente, & à Rome, les tant attendues nouuelles de la proposition, faite le vingtquatrième Mars, en la Diète, par le Roy Ferdinand, lequel y presidoit au nom de l'Empereur: & de la deliberation qui auoit esté faite sur icelle. La proposition de Ferdinand fut, Que l'Empereur auoit la paix avec le Roy de France, pour pouuoir vaquer à composer les differens de la Religion, & pour suiure la guerre contre les Turcs: & que dudit Roy il auoit eu promesses de secours, & de l'approbation du Concile de Trente, avec ferme intention d'y entreuenir, soit en personne, soit par ses Ambassadeurs. Et que pour ce mesme effet il auoit requis le Pape de l'intimer de rechef, & l'auoit aussi sollicité à contribuer aide & secours contre les Turcs, Que de Sa Sainteté il auoit obtenu l'intimation: & que ia en la ville de Trente estoient ses Ambassadeurs: & ceux du Pape: que chacun pouuoit sauoir, combien de peine l'Empereur auoit pris pour faire celebrer le Concile, premierement enuers le Pape Clement, à Bologne: puis enuers Paul, à Rome, Genes, Nice, Luques & Buset: que selon l'Arrest de Spire, il auoit baillé charge à quelques personages de sauoir, & bonne conscience, de dresser vne maniere de reformatiō, laquelle aussi auoit esté ordonnée en icelle Diète. Mais que la chose meritoit longue & meure deliberation, & que le temps estoit trop court, veu que l'Empereur auoit ia sur les bras la guerre contre les Turcs: dont il auoit deliberé, qu'on differast de parler plus auant de cet affaire, attendant de voir tout premier quel progrès feroit le Concile, & quelle issue on en pouuoit esperer: ce qui apparoiſtroit en bref, veu que bien tost on le commenceroit. Que s'il n'en paroïſſoit aucun bon fruit, on pourroit, auant la fin d'icelle Diète, en intimer vn autre pour traiter des affaires de la Religion à plein fonds: mais qu'à present il falloit vaquer à ce qui pressoit le plus, qui estoit, la guerre contre les Turcs.

*les Prote-
stans s'om-
bragent.*

*reiettent le
Concile de
Trente.*

Les Protestans prirent ſuiet de grand ombrage de cete response: car la paix de la Religion n'estant arrestée que iusques au Concile, ils apprehendoient qu'apres qu'ils auroient esté espuisés & affoiblis d'argent par les contributions cōtre les Turcs, ils ne fussent assaillis, sous pretexte que l'Edit de la paix estoit terminé par l'ouuerture du Concile de Trente. Et pourtant requierent qu'on continuast le traité de Religion encommencé, allegans, qu'il y auoit de temps assez pour gens craignans Dieu: ou, du moins, qu'on establîſt de nouueau la paix, iusques à vn legitime Concile, tant de fois promis: tel que n'estoit nullement celui de Trente, pour les raisons tant souuent produites. Et declarerent, qu'il ne pouuoient contribuer, s'ils n'auoyent ſeureté de paix absoluë, non aſtreinte à aucun Concile Papale, tel que tousiours ils auoyent refusé. Les Ecclesiastiques consentoyent absolument que la cause de la Religion fut remise au Concile: toutesfois il fut resolu d'attendre la response de l'Empereur, avec la conclusion.

*le Pape mal
content de
la Diète.*

Trois points en cete action desplurent au Pape, & aux Legats, qui estoient à Trente: l'vn, que l'Empereur attribuaſt à ſoy d'auoir induit le Pape à la celebration du Concile: ce qui sembloit marquer peu de ſoucy des affaires de la Religion au Pape: l'autre, d'auoir induit le Roy de France à y consentir: ce qui n'estoit point à l'honneur de Sa Sainteté, à qui cela appertenoit: le troisieme, que l'Empereur luy voulust encor tenir le mors en bouche, d'vne Diète à venir, afin, que cas aduenant que le Concile n'allast auant, ils fussent tousiours en crainte, qu'en la Diète on ne traitast des affaires de la Religion. Le Pape estoit en continuelle faſcherie d'esprit, non tant des ouurages, qu'il receuoit iournellement des Protestans, que des actions de l'Empereur, lesquelles il ſouloit dire, que plus elles auoyent d'apparence d'estre fauorables, plus estoient elles pernicieuſes à la Religion, & à l'autorité du Pape: qui ſont deux choses inſeparables l'vn de l'autre, Ioint qu'il auoit vne perpetuelle apprehension que l'Empereur ne s'accordaſt avec les Protestans, à ſon preiudice: &, pensant aux remedes, il n'en trouuoit aucun,

*ſeſche
d'engager*

sinon de susciter vne guerre de Religion: attendu qu'egalement par icelle les Protestans seroyent reprimés, & l'Empereur embataise en vne rude & difficile entreprise: & qu'ainsi pourroit auenir que tout propos de Concile & de reformation seroit supprimé & mis à neant. Il auoit grande esperance de pouuoir venir à bout d'exciter cette guerre par les aduis qu'il receuoit de son Nonce, que l'Empereur estoit tous les iours plus indigné contre les Protestans: & qu'il prestoit l'oreille aux ouuertes de les subiuguer par force. Pour cette cause, outre la susmentionnée d'empescher qu'en la Diete ne se fist chose preiudiciable contre luy, & releuer le courage, & redoubler la force aux siens, il enuoya le Cardinal Farnese, son neveu, pour Legat en Allemagne, avec les instructions nécessaires. Mais il y en auoit vne troisieme, encore plus vrgente, comme regardant les interets particuliers: c'est, que le Pape auoit deliberé de faire tomber Parme & Plaifance es mains de son fils naturel Pierre Louis, & ne luy sembloit point de le pouuoir faire seurement, sans le consentement de l'Empereur, lequel pouuoit pretendre diuers pretextes de l'empescher: soit parce que ces villes-là anciennement estoient membres du Duché de Milan: soit que, comme Aduocat de l'Eglise, il ne pouuoit permettre qu'elle fust en dommage par cete alienation.

1545
l'Empereur
en vne guer
re de Reli-
gion.

Mais les Legats, ayans eu commission du Pape, qu'en cas qu'ils entendissent qu'on traitast de la Religion en la Diete, ils ouurissent le Concile, sans attendre plus grand nombre de Prelats, ains avec ceux-là seulement, qui se trouueroyent presens: mais aussi, que si on en traitoit point, ils eussent à se conduire selon que les autres considerations conseilloyent: virent bien par la proposition de la Diete, qu'ils n'estoient point obligés de l'ouurir: mais bien, par le petit nombre de Prelats, qui iusques alors n'estoyent que quatre, induits, & persuadés à le differer: mais nonobstant cela estoient en doute, que le danger des armes du Turc ne contraignist Ferdinand à faire la Recés: & selon la promesse, à intimer vne autre Diete, en laquelle on traitast de la Religion, reiettant la faulx sur eux, sous ce pretexte. Qu'il leur auoit fait notifier sa proposition, afin que, sachans ce qui auoit esté promis à bonne intention, ils ouurissent meshuy le Concile, & par ce moyen ostassent le suiet d'en venir à l'execution. Et pourtant enuoyerent en diligence au Pape, pour recevoir instruction de luy, sur ce qu'ils auoyent à faire en vn tel destroit de deliberation: se voyans d'un costé necessités d'une puissante consideration à hastier: & de l'autre, contraints à surseoir, parce qu'ils se trouuoient quasi seuls à Trente. Ils presenterent au Pape, Qu'ils auoyent plusieurs coniectures, & grands indices, que l'Empereur ne se soucioit pas beaucoup de la celebration du Concile: que D. Diego, dès la premiere comparoissance, n'auoit iamais plus dit vn seul mot: & demonstroit quasi en son front d'auoir grandement à plaisir cete oisiveté, & perte de temps: se contentant d'auoir, par son acte de presentation, iustifié son maistre, si, après auoir, & de soy mesmes, & par Ambassadeurs, cōtinuellemēt requis, & sollicité le Concile, & auoir conduit l'affaire à son point & terme, & toutesfois n'en voyant point de progrès conuenable, il intimoit vne autre Diete, & en icelle terminoit les affaires de la Religion, comme par raison deuolus à luy, attendu sa diligence, & la negligence du Pape. Ils luy proposoyent vn expedient moitoyen, de chanter vne Messe du S. Esprit, auant que l'Empereur arriuaist à la Diete: & que cete Messe fust vne ouuerture & commencement du Concile, & qu'ainsi on preuint tout ce que l'Empereur pourroit faire au Recés: & que cependant on ostast l'occasion de dire, qu'on auoit commencé à traiter les affaires du Concile, avec quatre personnes seulement. Demeurant en liberté de iouir du benefice du temps, & au pouuoir de proceder plus outre, ou surseoir, ou transferer, & fermer le Concile, selon que les accidens conseilloyent. Ils luy remontrerent aussi, que si le Concile estoit ouuert, apres que le Cardinal Farnese auroit parlé à l'Empereur, on pourroit croire que le Cardinal auroit esté enuoyé, pour faire tant qu'il ne se tint point, ce que toutesfois il n'auroit pu obtenir. Ioint que le bruit des armes Turquesques croissant tous

les Legats
consultent
le Pape sur
l'ouuerture
du Concile,
pour plu-
sieurs consi-
derations.

1545.

les iours, on pourroit dire, que le Concile eust esté ouuert en temps, auquel il falloit penser à autre chose, & auquel on fauoit bien qu'il estoit impossible de le tenir. Le Cardinal de Sainte Croix auoit grand desir; qu'on monstrast de grands signes de deuotion, & qu'on amassast le peuple par les ceremonies accoustumées de l'Eglise: & pourtant fut autheur qu'ils escriussent au Pape, pour demander vn bref de pouuoir, pour donner Indulgences, & qu'ice-luy fust antidaté dès le iour de leur depart, afin que les Indulgences, données par eux à l'entrée, fussent valides. Ce Cardinal auoit scrupule, que ce peuple; qui s'estoit trouué present à cete entrée; ne fust fraude de ces trois ans & trois quaranteines, qu'ils auoyent accordé: & vouloit faire ce supplément, sans considerer qu'il y a de la difficulté, à résoudre: Si celuy qui a authorité de donner des Indulgences, peut valider celles qui ont esté octroyées par autres, sans pouuoir.

le Pape refuse garnison au Cardinal de Trente.

Le Cardinal, Euesque, & Seigneur de Trente, auisant que sa ville estoit petite de foy mesmes, & vuides d'habitans, dont elle seroit à la discretion des estrangers, en cas que le Concile allast auant, avec danger de sedition: fit entendre au Pape, Qu'il y falloit vne garnison au moins de cent cinquante soldats: sur tout, si les Lutheriens y venoyent, & que pour luy, il ne pouuoit fournir à cete despense, estant espuisé par les grands debtes que son predecesseur luy auoit laissés. Le Pape respondit, Que cela ne seruiroit qu'à donner vn pretexte aux Lutheriens de corner, que le Concile n'estoit point libre: que, pendant qu'il n'y auroit qu'Italiens à Trente, il n'y auoit nul lieu de craindre: & qu'il n'auoit moins de soin du repos de cette ville-là, que luy Cardinal mesmes: attendu que la seureté du Concile importoit plus au Pape, que celle de la ville à son Euesque: & pourtant, qu'il luy en laissast le soin, & fust tout assure, qu'il veilleroit, & pouruiroit à tous dangers, pour son propre interest, ne le chargeroit d'aucuns frais. Puis, apres auoir meurement pensé à toutes les raisons, qui persuadoyent ou dissuadoyent l'ouverture du Concile, il ne voyoit pour la negatiue autre raison considerable, sinon qu'apres qu'il auroit esté ouuert, on le pourroit recercher de le laisser ainsi en surseance, iusques à ce que les empeschemens de la guerre des Turcs & autres, fussent cessés: ce qui ne seroit autre chose, que luy tenir vn mors en bouche, pour le tourner par tout où eussent voulu ceux qui eussent eu les reines des affaires en main: danger extreme pour ses affaires. Cecy le fit résoudre fermement en soy mesme, que, pour chose du monde, il ne le falloit laisser oisiuement ouuert, ne se departir de cete alternative, que, s'il se pouuoit, le Concile se tint: s'il ne se pouuoit, on le fermast, ou le suspendist, iusques à ce que luy mesmes publiast le iour, pour le reprendre. Cela estant arresté, il escriuit aux Legats, Qu'ils l'ouuissent le iour de S. Croix. Et eux publierent cete commission à l'Ambassadeur Imperial, & à tous les autres, sans toutesfois particulariser le iour.

se resout à faire ouuoir le Concile.

mais les Legats surceent la nomination du iour.

Peu de iours apres arriua le Cardinal Farnese à Trente, pour passer de là à Vvormes, & portoit la mesme charge. Dont, le tout ayant esté consulté entre luy, & les Legats, ils conclurent qu'on continueroit, notifiant à tous la commission generale d'ouuoir le Concile, sans venir à aucune particularité du iour: sinon, apres que le Legat seroit arriué à Vvormes, & auroit parlé à l'Empereur: duquel il auoit conceu tres-bonne esperance, ayant entendu que l'Empereur auoit pris cete Legation du Pape à singulier plaisir & contentement: & s'estoit fait entendre de vouloir agir vnanimement avec luy. Dont, pour ne donner aucun destourbier à ces bonnes intentions, ils ne vouloient proceder à aucune nouuelle Action, sans le seu de Sa Majesté: sur tout, pource que tant D. Diego, que le Cardinal de Trente, le conseil-

loient ainsi.
pretension de preséance de l'Amb. de l'Empereur remise à Rome.

D. Diego renouuela sa pretension de preséance sur tous, sauf les Legats: allegant, que, comme si le Pape, & l'Empereur, estoient ensemble, nul ne s'asserroit au milieu; le mesmes deuoit estre obserué enuers leurs Ministres, & Representans: & disant, qu'il en auoit pris l'avis des hommes sauans.

Les

Les Legats respondirent seulement en termes generaux, Qu'ils estoient tout appareilles de donner à chacun son lieu, attendans cependant d'auoir leur reiglement de Rome: ce que D. Diego agreoit aussi: d'autant qu'il estoit que là es Chartres publiques, on en trouueroit des decisions & exemples: semontrant au reste disposé de ceder, hors du Concile, à tout petit Prestre: mais adioustant aussi, que dans le Concile, nul n'a, apres le Pape, plus grande autorité que son Maistre. Ce recit pourroit sembler superflu à aucun, comme estant de choses, & prétensions fort legeres: mais à l'opposite, j'ai estimé, escriuant cete histoire, necessaire de monstrier de quels petits ruisseaux est produit ce grand lac, qui occupe quasi toute l'Europe. Et quicunque pourroit voir es registres, combien de lettres allerent haut & bas sur ce sujet, auant qu'on vint à la conclusion de l'ouuerture, s'estonneroit de l'estat qu'on en faisoit, & des ombrages qu'on en prenoit generalement.

En Italie, apres qu'on eut veu le Concile acheminé, avec esperance qu'à cete fois meshui on le celebreroit, les Euesques commencerent à penser au voyage. Le Viceroy de Naples entra en opinion, que tous ceux de ce Royaume y iroyent: & pensoit qu'il suffiroit d'y en enuoyer quatre, nommés par lui, avec procuration des autres, qui passent le nombre de cent. Et pourtant le grand Chapelain du Royaume fit vne assemblée de Prelats en sa maison, & leur signifia qu'ils eussent à faire la procuration. Mais plusieurs s'y opposerent: disans, Qu'ils y vouloyent aller en personne, selon leur serment & obligation: & en cas qu'ils ne pussent, qu'il estoit de raison qu'un chacun constituast procureur, selon sa propre conscience, & non qu'un seul le fust pour tous. Le Viceroy s'esmut de cete opposition, & derechef commanda au Ggrand Chapelain du Royaume de les appeller, & leur enioindre qu'ils eussent à faire la procuration: & despescha mesme commandement à tous officiers & Magistrats du Royaume. Cet acte donna beaucoup à penser au Pape, & aux Legats, ne sachans s'il procedoit de la particuliere fantaisie du Viceroy, pour faire de l'entendu, ou de son peu de conoissance en semblables affaires: ou bien, que d'autres le lui fissent faire, & qu'il vint de plus haute source.

Pour descouurir ce motif, le Pape fit vne Bulle fort seuer, defendant absolument qu'aucun n'eust à comparoir par procureur: mais les Legats la tinrent cachée par deuers eux, comme trop dure, estant generale pour tous les Prelats de Chrestienté, mesmes tres-lointains, & ayans iuste empeschement, ausquels il estoit impossible de l'observer: & trop rigoureuse aussi, ordonnant que ceux qui contreuiendroyent encourussent, *ipso facto*, & sans autre forme de proces, la peine de la suspension des choses sacrées, & de l'administration des Eglises: dont les Legats craignoient qu'elle ne causast plusieurs irregularités, nullités d'actes, & induës perceptions de fruits: & qu'à cete cause elle ne euesueillast quelque nation malcontente à entreietter quelque Appel, & commencer quelque proces de iurisdiction. Et pourtant escriuirent à Rome, qu'ils ne la publieroient point sans nouuelle commission: iugeans aussi que le seul bruit de la Bule faite suffisoit, sans venir à la publier, & faire voir au monde. En son lieu sera touché, quelle issue eut cete Bulle.

Il y auoit vn autre affaire sur le bureau, non moins fascheux, quoi que de moindre importance. C'est que les Legats auoyent eu iusques à ce iour-là d'assez petits subides, pour fournir aux frais iournaliers, & n'estoyent pas si riches qu'ils pussent continuer à suppleer du leur, comme il leur auoit ia falu faire à quelque occasions: & pourtant redoutoyent de ne pouuoir se maintenir en cete sorte: dont ils en confererent premierement avec le Cardinal Farnese, puis escriuirent au Pape, Qu'il y alloit de sa reputation, de tenir vn Concile sans ornemens, & appareil necessaire, & visité, desnudé de la splendeur requise en telle assemblée: & qu'il estoit necessaire d'auoir là vne personne avec charge particuliere d'argentier du Concile, entre les mains

1345.

le Viceroy
de Naples
veut que
quatre E-
uesques du
Royaume
aillent au
Concile, a-
vec procu-
ration des
autres, ce
qui cause
estrif entre
les Eues-
ques, &
souci au
Pape.

quisait vne
Bulle, in-
terdisant
toute com-
paroissance
par procu-
eur au
Concile.

mais les
Legats la
supriment
prudemment
demandent
au Pape
subuention
de deniers.

1545.

duquel fust remise vne somme d'argent, pour fournir aux necessités suruenantes, & pour subuenir à quelque Prelat necessiteux, & gratifier quelque homme de seruise. Chose fort necessaire, pour faire auoir heureuse issue au Concile.

*tienent vne
Congrega-
tiō pour les
affaires pre-
paratoires:*

Le troisieme iour de Mai, dix Euesques estans arriuez, les Legats tinrent vne Congregation, pour ordonner des choses preparatoires: & en icelle signifierent publiquement la commission du Pape, d'ouuir le Concile: adioutant, qu'ils attendoyent à en determiner le iour, apres qu'il en auroyent donne aduis à l'Empereur. La Congregation se passa pour la plus grand part en ceremonies: & fut ordonne, que tous les trois Legats, quoi que d'ordres differens, l'un estant Euesque, l'autre Prestre, & le troisieme Diacre, eussent paremens conformes, & egaleement portassent chapes, selon qu'ils auoyent charge & autorité egale en la Legation, & Presidence: que le lieu des Sessions fust tendu de tapisseries, afin qu'il ne semblast vne assemblée de mechaniques. Ils proposerent, Si on deuoit faire des sieges pour le Pape, & pour l'Empereur, lesquels tout parés demeurassent toutesfoies vuides. On traita, s'il falloit donner à D. Diego lieu plus honorable, qu'aux autres Ambassadeurs: on mit en consideration, Que les Euesques d'Allemagne, qui sont aussi Princes d'Empire, pretendent la Preseanse sur tous les autres Prelats, mesmes Archeuesques: & alleguent, Qu'ès Dietes Imperiales, non seulement cela s'observe, mais mesmes que les Euesques non Princes se tiennent teste nue deuant eux: & que l'année precedente en la mesme ville de Trente la chose fut debatue par diuersité d'aduis, sur l'occasion que l'Euesque d'Eichstett s'estoit trouué en vne Messe avec les Archeuesques de Corfou, & d'Otrante: & quelques vns alleguerent de plus, Qu'en la chappelle du Pape, les Euesques, qui sont Ambassadeurs de Ducs, & autres Princes, precedent les Archeuesques: dont, à plus forte raison, les personnes mesmes des Princes les doiuent preceder. La conclusion fut, de ne refoudre chose quelconque, iusques à ce que le Concile fust plus nombreux, pour voir aussi comment les François, & les Espagnols l'entendroyent. Il fut ordonne de renouveler le decret du Concile de Basle, & de Iules deuxieme, en celuy de Latran, Qu'il ne preiudiciast à aucun de seoir hors de son lieu. On approuua la resolution d'attendre aduis du Cardinal Farnese, pour arrester le iour de l'ouuerture, au grand contentement de D. Diego.

*Polus, troi-
sieme Legat
arriue.
Persecu-
tions en
Prouence.*

Ce peu d'Euesques demonstra grande obeissance & deuotion au Pape, comme fit aussi l'Euesque de Versel, qui arriua le iour mesme que finit la Congregation, ensemble le Cardinal Polus, troisieme Legat.

Pendant qu'à Trente on tenoit assemblées, pour conueindre l'heresie, par le moyen du Concile, le mesme se faisoit en France par la forces des armes, contre quelque partie des restes des Vaudois, qui demouroit és Alpes de Prouence, lesquels s'estoyent maintenus separes de l'obeissance du Siege Romain, suiuanz autre doctrine, & ceremonies: assez grossieres toutesfoies, & imparfaites: mais apres la renouation de la doctrine faite par Zuingle, ils auoyent par icelle fait quelque supplement aux defauts de la leur, & auoyent donne quelque forme à leurs ceremonies: ce qui auint lors que Geneue embrassa la reformation. Il y auoit ja quelques années que le Parlement d'Aix auoit donne vn Arrest contr'eux, lequel toutesfoies n'auoit encores esté executé: mais en ce temps, le Roi commanda qu'il le fust: dont le President dudit Parlement, ayant amassé les soldats qu'il pût des lieux circonuoisins, & du Conté d'Auignon, Estat du Pape, alla en armes contre ces pources gens, lesquels estoyent sans armes, & ne pensoyent pas mesmes à se defendre sinon par la fuite. On ne parla point de les instruire, ne de les commander de quitter leur opinions & ceremonies: ains ce fut à remplir tout le pais de violemens, & saccagemens, & à mettre au fil de l'espee tous ceux qui ne purent fuir, & estoyent exposez à la merci des massacreurs, sans laisser en vie ne vieillards, ne petits enfans, de quelque qualité, & condition qu'ils fussent. Ils destruisirent aussi, & raserent les villes ou bourgs de

Cabrieres en Prouence, & de Merindol au Contat de Venessin, appartenant au Pape, ensemble tous les lieux de leur ressort & territoire. Et est chose tresfalleurée qu'il y eut plus de quatre mil personnes mises à mort, lesquelles, sans faire aucune resistance, requeroient misericorde.

Or en Allemagne, le seizieme Mai, l'Empereur arriua à Vvormes, & le iour ensuiuant y arriua aussi le Cardinal Farnese, lequel traita avec lui, & avec le Roi des Romains separément. Il exposa particulièrement sa commission sur le fait du Concile, declarant, que le Pape auoit donné pouuoir aux Legats de l'ouurir. Ce qu'ils attandoyent de faire, apres qu'ils auroient entendu de lui l'estat des affaires de la Diete. Il remonstra à l'Empereur, qu'il ne falloit auoir aucun esgard aux oppositions faites par les Protestans, attendu que l'empeschement qu'ils mettoient, n'estoit point nouveau, ains tresbien preueu dès le iour, qu'on commença à parler de Concile. Qu'on deuoit tenir pour tout asseuré, que, puis qu'ils auoyent secoué le ioug de l'obeissance, principal fondement de la Religion Chrestienne, & passé à des innouations si meschantes, & impies, contre la forme du seruice diuin obserué par tant de centaines d'années, & approuué par tant de celebres Conciles, ils regimberoyent aussi de mesme animosité contre le Concile, qu'on alloit tenir, quoi que legitime, general, & Chrestien: estans certains d'estre condannés par icelui. Et pourtant qu'il n'y auoit plus autre moyen, sinon que Sa Maiesté les induisist par autorité, ou par force les contraignist à obeïr. Que si on ne le faisoit, ains, à leur contemplation, on se deportoit de proceder à leur condannation: ou mesmes, si apres estre condannés, ils n'estoyent contraints de quitter leurs erreurs, on feroit voir à tout le monde, que les heretiques commandent, & que le Pape & l'Empereur obeïssent. Que Sa Sainteté louïoit bien qu'on vusast premierement de la voye de douceur: mais aussi estimoit necessaire, de monstrier par les effets, qu'apres icelle on viendroit à la force & aux armes. Et pour cet effet lui offrit la permission de se preualoir d'une partie des reuenus Ecclesiastiques d'Espagne, & de vendre des fiefs de ces Eglises-là, & de lui subuenir de ses propres deniers, & d'enuoyer d'Italie à son secours douze mil hommes de pied, & cinq cens cheuaux payés: & de moyenner que les autres Princes d'Italie aussi lui enuoyast d'autre secours: & pendât qu'il feroit cete guerre, de proceder par armes spirituelles & temporelles, cōtre quiconque attenteroit de molester ses Estats. Il representa aussi à l'Empereur l'entreprise du Vice-roi de Naples, de vouloir enuoyer, au nom de tous les Euesques dudit Royaume, quatre, ayans procuration de tous les autres: lui remonstrant, que cela n'estoit ne raisonnable, ne legitime, & tourneroit à peu de reputation au Concile: que, si les Euesques, tant voisins, & en si grand nombre, se pouuoient excuser par l'enuoi de quatre, à plus forte raison le pourroyent faire la France, & l'Espagne: & ainsi se feroit vn Concile general avec vint Euesques. Et pria l'Empereur de ne permettre vne entreprise tant contraire à l'autorité du Pape, & à la dignité du Concile, dont il est protecteur, ains à y remedier comme il appartenoit. Le Cardinal traita aussi avec l'Empereur sur le fait de la promesse, qui auoit esté faite au nom de sa Maiesté en la proposition enuoyée à la Diete. Qu'en cas que le Concile n'allast auant, on tiendrait vne autre Diete, pour terminer les differens de la Religion: & lui mit en consideration, que, puis qu'il ne tenoit ni à Sa Sainteté, ni à ses Legats, & Ministres, ni à la Cour de Rome, que le Concile ne se tint, & n'allast auant, il ne pouuoit aucunement au Recés intimer vne autre Diete sous cete couleur. Et pressa grandement ce point: d'autant qu'il en auoit tresestreite commission de Rome: & pource aussi que le Cardinal de Monte, homme fort libre, lui en auoit fait grande instance de bouche, & puis en son nom & de ses Collegues, lui en auoit escrit apres qu'il fut parti de Trente, en termes tresexpres, Que ce point estoit de tresgrande importance, & qu'il y deuoit continuellement auoir la visée, & ne l'oublier iamais en sa negotiation: & qu'il se gardast bien d'admettre aucune couuer-

1545.

ture ou pretexte : car cela seul cause roit tout autre bon concert. Et que, quant à lui, il remonstreroit à Sa Sainteté d'abandonner plus tost le Siege, & remettre les clefs à S. Pierre, que de permettre que la puissance seculiere s'attribuast l'autorité de terminer les causes de la Religion, sous couleur & pretexte, que l'Ecclesiastique eust failli à son deuoir à tenir le Concile, ou en autre chose.

*l'Empereur
se desmes-
le dextre-
ment de la
plumetou-
chant le
Viceroi, &
tergiverser
sur le fait
du Concile,
& de la
Diete,
mais ad-
nouël des-
sein de la
guerre con-
tre les Pro-
testans :*

L'Empereur respondit sur le fait du Viceroi de Naples, que ce motif ne venoit que de lui mesme, & que s'il apparoissoit qu'il n'y eust vrgente raison, on l'enferoit desister. Sur l'ouuerture du Concile, il ne lui donna aucune response nette : mais parloit diuersement, ores disant, Qu'il auroit esté bon de le commencer en lieu plus propre : ores, qu'auant l'ouuerture il estoit neffaire de faire diuerses prouisions : dont le Cardinal voyoit clairement, que l'Empereur tendoit à tenir la chose en suspens, & à n'y faire autre chose pour se gouverner selon les euenemens, ou à l'ouurir, ou à le dissoudre. Quant à n'intimer vne autre Diete pour traiter des affaires de la Religion, il n'y rendit qu'une generale, & irresoluë response, Qu'il feroit tousiours estat, autant qu'il lui seroit possible, de l'autorité Papale. Mais, quant à la guerre contre les Lutheriens, il respondit, Qu'il recognoissoit le conseil du Pape pour tresbon, & que c'estoit là l'vnique voye, laquelle aussi il estoit resolu de suiure : mais qu'il y falloit proceder avec les duës precautions : concluant tout premier la treue avec le Turc, laquelle il traitoit tresdiligemment & secretement, par l'entremise du Roi de France : & taschant de diuiser les Protestans entr'eux, ou de les surprendre à despourueu : car autrement leur nombre & leur puissance estant si grande, & inuincible, il y auoit danger que la guerre n'en fust bien hazardeuse, & douteuse. Qu'il falloit tenir ce dessein fort secret, iusques à ce que l'occasion parust à propos : & qu'alors il en enuoyeroit traiter avec le Pape : & cependant qu'il acceptoit les offres qui lui estoient faits.

*le Cardi-
nal traite
aussi de
l'inféoda-
tiō de Par-
me & Plai-
sance aux
Farneses,*

Outre ces affaires publiques, le Cardinal en eut vn particulier pour sa maison. C'est, qu'il sembloit au Pape d'auoir peu aduantage sa maison, lui donnant le Duché de Camerin, & de Nepi, & pretendoit lui bailler Parme & Plaisance : mais d'autant qu'elles auoyent peu auparauant esté possédées par les Ducs de Milan, il desiroit que le consentement de l'Empereur y entreuint, pour en autoriser & establir plus fermement la disposition. Le Cardinal traita de cela avec l'Empereur, lui remonstrant que cela tourneroit à l'aduantage & au seruice de Sa Maiesté, si ces villes, tant proches du Duché de Milan, estoient entre les mains d'une maison tant deuote & coniointe à Sa Maiesté, comme estoit la sienne, plus tost qu'en la puissance de l'Eglise, en laquelle arrinant quelque Pape mal affectionné, il en pouuoit naistre diuers inconueniens. Que cela ne seroit point vne alienation du patrimoine de l'Eglise, attendu qu'elles n'estoyent paruenues à l'Eglise de plus haut, que dès le temps de Iules deuxieme : & mesmes la possession n'en auoit esté bien establie que sous Leon. Que l'Eglise y receuroit vn notable aduantage : veu qu'en eschange d'icelles le Pape donneroit à l'Eglise Camerin : & que distraits les frais qu'il falloit faire à la garde de ces deux places, & adioustant huit mil escus, que le nouveau Duc payeroit à l'Eglise, elle tireroit plus de reuenue de Camerin que de ces villes. Le Cardinal accompagna ces persuasions des lettres de la fille de l'Empereur, laquelle pour son propre interest l'en requeroit instamment. L'Empereur n'auoit point la chose pour desagrecable, tant pour l'amour de sa fille, & de ses neueux, que pour ce qu'il estoit & seroit plus aisé de les arracher à vn Duc, qu'à l'Eglise. Nonobstant cela, il ne refusa, ni ne consentit : seulement dit, Qu'il ne s'y opposeroit point.

*à quoi
l'Empereur
ne respond
qu'à demi.*

*les Prote-
stans pren-
nent ombrage
de la ne-
gociation*

Le Legat traita avec les Catholiques, & sur tout avec les Ecclesiastiques : les exhortant à la defense de la vraye Religion, & leur promettant toute faueur du Pape. Les Protestans prirent ombrage de la negociation de la guerre, quoi que traitée fort secretement : parce qu'un Cordelier, preschant en la preschant en la presence de Charles, & de Ferdinand, & du Legat, apres vne

grande inuectiue contre les Lutheriens, se tourna deuers l'empereur, & dit, ^{1545.} Que son deuoir estoit de defendre l'Eglise par armes : que iusques alors il ^{secrete du} auoit failli à faire, ce qu'il falloit desia auoir executé & accompli : que Dieu ^{Legat,} lui auoit fait tant de benefices, qu'ils meritoient bien vne recognoissance contre cete peste de gens, qui ne deuoyent plus viure : & qu'il ne deuoit plus differer, d'autant que par ces delais se perdoit tous les iours grand nombre d'ames, desquelles Dieu lui redemanderoit conte; s'il n'y remedioit bien tost. Ce sermon engendra non seulement soupçons, mais aussi discours, qu'il auoit esté fait par le commandement du Legat : & des exhortations faites en public, on concludoit quelles deuoyent estre les priuées & secrètes. Le Cardinal, pour remedier à ces bruits, partit secrettement de nuit, & s'en retourna en haste en Italie. Mais le soupçon des Protestans s'augmenta, par les nouuelles, qui vinrent de Rome, que le Pape, congediant quelques Capitaines, leur auoit baillé esperance de les employer l'année suiuant.

Le 18. Mai arriua à Trente l'Euesque de Sidonia, avec vn Moine Theolo- ^{les procu-} gien, & vn Docteur seculier, comme procureurs del'electeur Cardinal Ar- ^{reurs de} cheuesque de Mayence. L'Euesque fit vn demi sermon de l'obseruance & ^{l'Electeur} deuotion del'electeur enuers le Pape, & le S. Siege, louant grandement la ^{de Mayen-} celebration du Concile, comme remede vnique & necessaire pour les agita- ^{ce arriues} tions & troubles de la foi & Religion Catholique. Les Legats respondirent, ^{à Trente.} haut louant la pieté & la deuotion de ce Prince; mais, quant à la reception ^{y reçoient} de sa commission, ils dirent, Qu'il la falloit premierement voir : d'autant ^{une indi-} que Sa Sainteté auoit tout nouuellement fait vn reglement, que nul ne pust ^{gnité, par} donner son suffrage par procureur, & qu'ils estoient en doute si icelui com- ^{le regle-} prenoit vn Cardinal & Prince : qu'ils fauoyent tres-bien la prerogative que ^{ment du} meritoit Sa Seigneurie Illustissime, à laquelle ils estoient tout prests de ^{Pape, sur} rendre tous honneurs, & porter tout respect. Ces trois personages furent ^{le fait des} confus, voyant qu'on faisoit difficulté de les receuoir, & minutoient ia leur ^{comparois-} depart. Mais les Legats se repentirent bien tost de la respõse qu'ils auoyent ^{sans par} donnée, reconoissans la consequence qu'il y auroit, si le premier Prince & ^{procureurs} Prelat d'Allemagne, en dignité, & en richesses, s'alienoit de ce Concile : & moyennerent par offices dextrement faits par le Cardinal de Trente, par les Ambassadeurs, & par autres, qu'ils s'arrestassent : disants, que la Bulle parloit seulement des Euesques Italiens : & que les Legats auoyent pris faute. Ainsi burent les Legats cete honte, pour obuier à vn si grand desordre. Mais cependant escriuirent à Rome, donnant aduis de ce qui estoit arriué, ^{lequel les} & demandans s'ils les deuoyent admettre, attendu la Bulle: & adioustoient, ^{Legats de-} Qu'il leur sembloit chose bien dure d'esconduire les procureurs & charge ^{sirent estre} ayans d'un si grand personnage, lequel se demonstroit si feruent & fauora- ^{modéré.} ble au parti des Catholiques: lequel aussi pour cete cause pourroit s'attiedir. Et requeroient instamment response : d'autant que la deliberation, qu'on feroit en cete cause là, seruiroit d'exemple : car il pourroit auenir que les autres grands Euesques d'Allemagne enuoyeroient aussi leurs procureurs : veu mesmes qu'il ne seroit pas à propos qu'ils allassent à Trente en personne : pource qu'estans accoustumés d'aller à grand train de cheuaux, & suite, la ville de Trente ne les pourroit tous receuoir. Et escriuirent, que sur toutes choses, il ne falloit point indigner les Allemans, naturellement soupçonneux, & brusques à prendre des resolutions: tant plus, s'agissans de personnes affectionnées, & bien meritées : tel qu'estoit Cocleus, qui desia estoit en voyage, au nom de l'Euesque d'Eichstett, & lequel auoit tant escrit contre les heretiques, qu'ils auroient honte de dire, qu'il ne pust auoir voix & suffrage au Concile. Le Pape ne trouua pas bon de res- ^{ce que le} pondre precisement sur ce fait, attendu les difficultés de Naples: car le Vi- ^{Pape ne} ceroi continuoit en sa resolution, & fut fait le mandement aux quatres des- ^{peut faire} susdits, afin qu'ils entreuinsent au nom de tous. Ceux-là s'estans mis en ^{prompte-} chemin, passerent par Rome, celans d'estre eslus procureurs des autres, & ^{ment.}

1545.

disans d'aller en leur nom propre, & que les autres suyuroient apres. Mais il escriuit aux Legats, qu'ils entretinssent les procureurs, leur donnant bonnes parolles, iusques à ce qu'ils donnast autre resolution. Les Neapolitains, à leur arriuee à Trente, tinrent aussi le mesme langage: le Pape, & les Legats, gardant cete dissimulation, iusques à ce que le temps d'ouurir le Concile eust esté resolu.

*ennui des
Prelats, à
Trente,*

A la fin du mois de Mai estoient arriués à Trente vint Euesques, cinq Generaux d'Ordre, & vn Auditeur de Rote: & estoient iabien recrues de l'attente, & loüoyent les autres, qui ne s'estoyent point souciés d'estre si hastifs, & qui attendoyent de voir occasion plus raisonnable & apparente de partir de leurs maisons: lesquels à l'opposite les appelloyent par brocard, Messieurs les eschaufés. Et pourtant demandoient aux Legats permission d'aller pour quinze iours ou trois semaines à Venise, ou à Milan, ou ailleurs: pour fuir les incommodités de Trente, sous pretexte d'indisposition, ou de necessité de se fournir d'habits, ou pour autre esgards. Mais les Legats, reconnoissans combien cela importeroit à la reputation du Concile, les entretenoyent, en partie disant, qu'ils n'auoyent point de pouuoir de donner telles permissions, en partie aussi leur donnant esperance, que dans peu de iours on commenceroit. L'Ambassadeur de l'Empereur retourna à son Ambassade de Venise, sous pretexte d'indisposition: laissant les Legats en doute, s'il le faisoit par commandement de l'Empereur avec quelque artifice caché: ou par lassitude & ennui, de demeurer avec incommodité sans rien faire: promit de retourner en bref, & adiousta, que cependant les Ambassadeurs du Roi des Romains demeureroient là, pour prester aide & secours au seruice de Dieu, & qu'il desiroit qu'on attendist son retour, auant qu'ouurir le Concile.

*qui passe
iusques à
vne espece
de mutinerie,
par desir de se re-
tirer,*

Mais à la fin du mois ensuiuant, la pluspart des Euesques, poussés, les vns de poureté, les autres d'incommodité, firent des grandes plaintes, & ayans excité vne maniere de mutinerie entr'eux, menaçoient de partir: & pour ce recouroient à François Castel-Alto, gouuerneur de Trente, lequel Ferdinand auoit député pour tenir sa place, avec Antoine de la Queta. Cetui-là se presenta aussi aux Legats, & leur fit instance, au nom de son Roi, que meshui on commençast, veu qu'on voyoit le grand bien qui arriueroit de la tenue du Concile, & le grand mal à l'opposite que causoit le temporisement & dilation. Les Legats s'en tinrent offensés, estimans que c'estoit vouloir faire paroistre au monde tout le contraire de la verité, & attribuer à eux la demeure & attente, qui procedoit de l'Empereur. Et combien qu'ils eussent resolu entr'eux de dissimuler, & de respondre en termes generaux, le Cardinal de Monte ne peut refrener sa liberté, qu'en sa response il ne dist pour conclusion: Qu'ils l'exhortoyent d'attendre D. Diego, lequel auoit commissions plus particulieres que lui. Il y auoit grande difficulté à entretenir & consoler les Prelats, qui supportoyent malement ce long & oiseux sejour, & sur tout les pures, qui auoyent besoin d'argent, & non de paroles.

*reprimée
par la dili-
gence & li-
beralité
des Legats,*

Les Legats là dessus se resolurent de donner, aux despés du Pape, aux Euesques d'Aich, de Bretinore, & de Chioge, qui se plaignoyent plus que les autres, quarante ducats par teste: mais, craignant que cete liberalité ne passast à vn droit acquis pour l'aduenir, ils declarerent, que cela se faisoit par subvention, non par pension. Et escriuirent au Pape, lui rendant conte de ce qu'ils auoyent fait, & lui declarant la necessité qu'ils auoyent d'estre secourus de quelque plus grande somme d'argent: mais aussi lui remontrant qu'il n'estoit point expedient de donner chose aucune, sous nom de pension estable, afin que les Prelats ne semblassent stipendiaires du Pape, ce qui fomenteroit l'excuse & desfaite des Protestans, de ne se vouloir soumettre au Concile, d'autant qu'il estoit composé de seuls dependans du Pape, & obligés à lui.

*l'Empereur
adiourne
l'Arche-
uesque de*

En ce mesme temps l'Empereur, à Vormes, adiourna l'Archeuesque de Cologne, qu'il eust à comparoir deuant lui dans trente briefs iours; ou enuoyer procureur, pour respondre aux charges & imputations qu'on lui don-

noit : lui commandant aussi de n'innoier chose aucune au fait de la Religio:
 & des ceremonies, en cet entretemps, ains remettre les choses innouées en
 leur premier estat. Dès l'année mil cinq cens trentesix, Herman Archeues-
 que de Cologne, voulant reformer son Eglise, fit vn Concile des Euesques
 ses suffragans, auquel furent faits plusieurs decrets, dont fut imprimé vn
 liure composé par Iean Groper, Canoniste, lequel, pour ses seruices rendus
 à l'Eglise Romaine, fut du depuis crée Cardinal par le Pape Paul IV. Mais
 ledit Archeuesque, soit que lui, ou ledit Groper, ne fussent point contens
 de ladite reformation : soit qu'il eust changé d'avis, en l'année mil cinq cens
 quarantetrois assembla le Clergé, & la Noblesse, & les principaux de ses
 estats, & établit vne autre forme de reformation, laquelle fut bien approu-
 uée de plusieurs, mais toutesfois n'agrea point à tout le Clergé, ains la plus
 grande parties'y opposa, de laquelle se fit chef ledit Groper, qui aupara-
 uant l'auoit conseillé & auancé. Ils insisterent enuers l'Archeuesque qu'il
 desistast, & attendist le Concile general, ou du moins la Diete Imperiale :
 ce que ne pouuans obtenir, en l'année mil cinq cens quarante quatre ils ap-
 pellerent au Pape, & à l'Empereur, comme supreme Aduocat & Protecteur
 de l'Eglise de Dieu. L'Archeuesque respondit, par vn sien escrit public,
 Quel Appelestoit friuole, & de neant, & qu'il ne pouuoit desister de ce qui
 appartient à la gloire de Dieu, & à la corection de l'Eglise. Qu'il n'auoit
 que faire avec les Lutheriens, ni avec autres : mais qu'il gardoit la doctrine
 conforme aux saintes Escritures. L'Archeuesque passant outre en sa refor-
 mation, & le Clergé de Cologne instant au contraire, l'Empereur receut le
 Clergé en sa protection, & adiourna l'Archeuesque, comme il a esté dit.

1543.

Cologne,
qui vouloit
reformer son
Diocèse

La nouuelle en estant portée à Trente, donna lieu de s'entretenir en ce
 grand loisir, au moins en discours. Les Legats s'en esmurent fort : & les mi-
 eux sensés d'entre les Prelats blasmoient l'Empereur, qu'il se fist iuge en
 matiere de foi, & de reformation : & la plus douce parole, qu'ils dissent, estoit,
 Que la procedure del'Empereur estoit fort scandaleuse : & commencerent
 à comprendre qu'on ne faisoit aucun estat d'eux, & que de demeurer la as-
 semblée sans rien faire les mettoit en opprobre & mespris à tout le monde.
 Et pourtant discouroient qu'ils estoient contraints de declarer qu'ils es-
 toient Concile legitimentement assemblé, & de donner commencement à
 l'œuvre de Dieu, procedans, pour premières actions, contre l'Archeues-
 que susdit, contre l'Electeur de Saxe, le Landgraue de Hesse, & mesme con-
 tre Roi d'Angleterre. Ils auoyent si fort releué leurs courages, & conceu des
 pensées si grandes, qu'ils ne sembloient plus ces pources gens, qui, peu de
 iours auparauint, se reputoyent confinés, ou prisonniers en la ville de Tren-
 te. Les deputés de l'Archeuesque de Mayence rabbatoyent ces ardeurs,
 leur representant la grandeur & les adherances de ces Princes, & le dan-
 ger de les faire vnir avec le Roi d'Angleterre, & par ce moyen allumer
 vn feu plus grand en Allemagne. Le Cardinal de Trente parloit en mesme
 sens. Mais les Euesques Italiens, croyans d'acquies grande autorité, &
 reputation, s'ils entreprenoyent personnes de haute eminence, disoyent,
 Qu'il estoit bien vrai, que tout le monde auroit les yeux fichés sur tels pro-
 ces : mais que le tout estoit de les commencer, & de les bien fonder : & s'in-
 citoient les vns les autres, disans, Qu'il falloit reparer la tardiuete passée,
 par la presente celerité. Qu'il falloit demander au Pape quelque homme, qui
 prist ses conclusions contre les coupables, comme fit Melchior Baldassin,
 contre la Pragmatique Sanction, au Concile de Latran : se persuadans que
 pour priuer les Princes de leurs estats, il n'y a autre difficulté, que de bien
 garder les formes, & les procedures. Les Legats reconnurent bien toutes-
 fois, que tant pour cet effet, que pour tout autre, il estoit necessaire d'auoir
 vn tel Docteur, & escriuirent à Rome, afin qu'il en fust pourueu d'vn.

Cete en-
ueprise de
l'Empereur
est blasmee
à Trente,

Le Pape, ayant entendu l'action de l'Empereur, en fut estonné, & en
 perplexité s'il deuoit s'en plaindre, ou se taire. Il iugeoit bien, que se plain-
 dre, sans qu'il en dуст suivre aucun effet, estoit non seulement chose vaine, & plus à
 Rome par
le Pape

1545.

*qui y obnuie
par vne au-
tre citation
dudit Ar-
cheuesque
deuant soi.*

mais mesme vne publication de son peu de pouuoir : & cete consideration le mouuoit grandement. Mais aussi d'ailleurs, ayant bien pesé de quelle consequence estoit de passer vn si grand affaire sous silence, il delibera de n'yser point de paroles, comme on faisoit à Trente, mais de venir aux effets, pour respondre puis apres à l'Empereur, s'il vouloit parler. Et pour- tant, le xviii. Iuillet il fit vne autre citation contre le mesme Archeuesque, que dans soixante iours il eust à comparoir personnellement deuant lui. Il cita aussi le Doyen de Cologne, & cinq autres Chanoines des principaux: laissant en dispute, comment il estoit possible que l' Archeuesque comparust deuant deux, qui le citoyent pour vne mesme cause, en diuers lieux, en vn mesme temps : & comment vn debat de competence de iurisdiction pouuoit appartenir à l'honneur de Christ. Mais en son lieu se dira quel succès eut cet affaire, & comment cete cause fut terminée.

*l'Empereur
en la Diete,
tascha à in-
duire les
Protestans
à obeir au
Concile de
Trente, &
eux le re-
fusent ab-
solument:*

Retournant à ce qui concerne de plus pres le Concile, l'Empereur en la Diete essaya tous moyens de faire condescendre les Protestans à contribuer contre les Turcs, sans faire mention des choses de la Religion: mais eux persistoient à respondre, qu'ils ne pouuoient faire aucune resolution, sinon qu'ils tout deuant seureté leur fust baillée que la paix seroit obseruée, & que par l'assemblée faite en la ville de Trente, sous nom de Concile, ne seroit point entendu le cas de la paix finie, selon l' Arrest de la Diete precedente: ains qu'il seroit declaré, que la paix ne seroit point rompue, ni eux forcés par aucuns Arrests qui se pourroyent faire à Trente: d'autant qu'ils ne se pouuoient soumettre à vn tel Concile, là ou le Pape, qui desja les auoit condamnés, auoit tout pouuoir, & pleine disposition. L'Empereur disoit qu'il ne leur pouuoit accorder aucune paix, qui les exemptast du Concile, à l'au- thorité duquel tous sont assuietis: qu'il n'auoit moye n aucun de s'excuser & iustifier enuers les autres Rois & Princes, si à la seule Allemagne il estoit permis de n'obeir au Concile, assemblé principalement pour elle. Que s'ils pretendoyent cause, comme ils disoyent, de ne s'y assuiettir, qu'ils allas- sent au Concile, & là dissent leurs raisons, pour lesquelles ils le tenoyent pour suspect: qu'ils seroyent ouïs, & que si puis apres il leur sembloit d'estre greués, ils pourroyent recuser: & qu'il n'estoit point raisonnable d'antici- per, & prendre ombrage de ce qui n'apparoissoit point encor, & pretendre grief de choses à venir faisant iugement de ce qui ne se traitoit encor. Mais eux repliquoyent, Qu'ils ne parloyent point de choses à venir, mais des passées, attendu que leur Religion auoit ia esté condamnée, & persecutée par le Pape, & tous ses adherans. Dont ils n'auoyent que faire d'attendre vn iugement à venir, ayant ia le passé. Et pourtant qu'il estoit raisonnable & & iuste, qu'au Concile, le Pape avec ses adherans d'Allemagne, & de tous autres pais, constituast l'vne des parties, & eux l'autre: & que des difficul- tés sur l'ordre & forme de proceder, fussent iuges l'Empereur, les Rois, & les Princes: mais du merite & fonds de la cause, la seule parole de Dieu. Et ne purent iamais estre desmus de cete resolution, encores que l'Ambas- sadeur de France, qui estoit là present, fist de tres-grandes instances qu'ils acceptassent le Concile; en termes qui sentoient la menace, prescits à cet Ambassadeur, quand il partit de France, par les ministres de ce Roi, fauteurs du Pape. Les agens de l'empereur mirent en auant de transferer le Concile en Allemagne, avec promesse que l'Empereur feroit tout son possible, pour y faire condescendre le Pape. Cete proposition estoit bien acceptée des autres, mais sous condition, que la paix fust establie, iusques à tant que le Concile fust assemblé en Allemagne. Mais l'Empereur, qui fauoit bien que iamais le Pape n'y consentiroit, vid que c'estoit leur ac- corder vne paix perpetuelle: & pourtant qu'il valoit mieux laisser les cho- ses en suspens, ottroyant la paix seulement iusques à vne autre Diete; & de fait il s'y voyoit contrainct: d'autant qu'il n'auoit point encor conclu la treue avec le Turc, & apprehendoit plus cete guerre-là que les affaires des Protestans, pensant bien que par le moyen de quelque Conference, il

*tout des-
meure en
suspens ius-
ques à vne
autre Die-
te, & Con-
serenc.:*

feroit

feroit à l'auenir quelque raisonnable ouuerture, pour les contraindre de rechef à accepter le Concile de Trente: & en cas de refus, les tenir pour rebelles; & leur déclarer la guerre. Pour ces causes finalement le quatrième Aoust il mit fin à la Diete, & quant & quant en assigna vne autre pour le mois de Ianuier prochain en la ville de Regensbourg, en laquelle les Princes deuoyent entreuenir en personne: & ordonna vne Conference sur les matieres de la Religion, de quatre Docteurs, & deux iuges de chaque parti, laquelle deuoit se commancer au mois de Decembre, afin qu'auant la Diete les matieres fussent digerées. Il conferma aussi & renouuela les precedents edits de paix, & mit reglement au payement des contributions pour la guerre. Or quel fut le succes de cete conference, il sera dit en son lieu.

Les Protestans, estans partis de Vvormes, publierent vn liure, auquel en somme ils disoyent, Qu'ils ne reputoyent point l'assemblée de Trente pour Concile, veu qu'il ne se tenoit point en Allemagne suiuant les promesses d'Adrien, & de l'Empereur: & que ce qu'on auoit fait semblant d'y satisfaire par le chois de la ville de Trente, n'estoit qu'une pure moquerie, attendu que Trente ne se pouuoit dire d'Allemagne, sinon entant que son Euesque est Prince d'Empire: mais quant à la feureté, elle est autant en Italie, & au pouuoir & disposition du Pape, comme Rome mesmes. Et que de plus fort ils ne pouuoient tenir cete Assemblée pour legitime, pource que le Pape Paul y vouloit presider, & proposer par ses Legats: & pource que les Iuges lui estoient obligés par sermēt: & que, veu que le proces estoit intété cōtre le Pape, il n'estoit pas raisonnable qu'il en fust lui mesme le iuge: qu'auant main il faloit traiter de la forme & maniere de proceder au Concile, & des autorités, sur lesquelles on deuoit prendre fondement. Mais egalemeēt, à Rome, & à Trente, desplut extrememēt la resolution de l'Empereur: rāt pource qu'un Prince seculier s'entremettoit en affaires de Religion, que pource qu'il leur sembloit qu'il auoit rauale & degradé le Concile, ordonnant de traiter les affaires de la Religion ailleurs qu'en icelui, qui estoit pendant, & proche à ouurir. Les Prelats, qui estoient à Trente, blasmoient quasi d'une voix le dit Arrest, disans, qu'il estoit pire que celui de Spire: & s'estonnoient comment le Pape, qui s'estoit montré si vif & sensible contre cet autre-là, auoit toleré, & toleroit encor cetui-ci apres le Concile indiēt & conuocqué: ils tiroient de là vne consequence, que leur demeure à Trente estoit chose vaine & deshonorable. Les Legats s'efforçoient de tout leur pouuoir de les consoler, & de leur persuader, que le tout auoit esté permis par Sa Sainteté à bonne fin. Mais eux repliquoyent, qu'à quelque fin qu'il eust esté permis, & quoi qu'il en arriuaist, iamaïs ne pourroit estre effacée la flecture, faite non seulement au Pape, & au S. Siege, mais aussi au Concile, & à toute l'Eglise. Et les Legats ne pouuoient plus resister à leurs plaintes, lesquelles aboutissoient toutes à demander congé de partir, les vns allegans affaires particulieres necessaires & importantes: les autres, desirans de se retirer en quelcune des villes voisines pour cause d'infirmité, ou d'indisposition. Les Legats ne donnoient congé à aucun: mais quelques vns de iour à autre le prenoient de propre mouuement & autorité, tellement qu'auant la fin du mois de Septembre ils demurerent là en tres-petit nombre. Mais à Rome, quoi que par la negotiation du Cardinal Farnese on eust bien preu, qu'il en arriueroit ainsi, neantmoins apres que la chose fut auenue, on commença à y penser plus à fonds: on consideroit les intentions de l'Empereur, grandement differentes de celles du Pape: d'autant que l'Empereur, tenant ainsi les affaires en suspens, faisoit tresbien ses affaires en Allemagne entretenant les Protestans d'esperance, que s'ils lui complaisoyent, il empescheroit l'ouuerture du Concile: & les intimidant, que s'ils ne le vouloyent faire il le feroit ouurir, & permettroit qu'en icelui on procedast cōtre eux. Et pourtant faisoit tous les iours naistre nouueaux cas, pour tenir les affaires en branle, poussant doucement le temps sous diuers pretextes, & mesmes quelque fois proposant qu'il seroit meilleur de transférer ailleurs le Concile,

1545.

Et le Pape
sur ces per-
plexités se
resout à la
translation
du Concile,

& donnant esperance d'agreer qu'il fust transferé en Italie, voire mesme à Rome, afin que le Pape, & les Prelats Italiens pretassent tant plus aisément l'oreille à ses ouuertures & propositions, & tirassent le Concile en longueur.

Le Pape estoit en grande perplexité, & destroit: quelquesfois se resueilloit en lui l'ancien desir de ses predecesseurs, que le Concile ne se tint point & se condannoit soi-mesmes d'auoir à cete fois fait vne demarche si auant: mais d'ailleurs il voyoit bien, qu'il ne pouuoit, sans grand scandale & danger, montrer tout à descouuert de ne vouloir point, en rompant ce peu d'assemblée qui estoit à Trente. Il voyoit clairement que le Concile n'estoit point remede propre à esteindre les heresies. Car pour l'esgard de l'Italie, il valoit beaucoup mieux y pouruoir par la force, & par l'inquisition: & toutesfois cet vnique remede estoit empesché par l'attente du Concile. Et pour l'esgard de l'Allemagne, il paroissoit ouuertement, que le Concile apportoit plus de difficulté, que de facilité, à ces affaires. Au demeurant, quand mesmes il eust salu de necessité le celebrer, il demeueroit fort endou. te s'il denoit accorder à l'Empereur la moitié des fruits, & des Vassellages des Monasteres d'Espagne: car s'il ne le faisoit, Sa Maiesté s'en indigneroit: & s'il le faisoit, il redoutoit que les Prelats Espagnols ne monstrassent dans le Concile quelque maltalent contre lui, & le S. Siege, comme entreprenant de donner ce qui appartenoit à eux. Il preuoyoit aussi vn grand mescontentement es Prelats du Royaume de Naples, qui eussent trouué intolerable de payer les decimes, & ensemblement estre à grands frais au Concile: & iugeoit que ceux de France s'adiendroyent à eux, non par charité, mais pour trauerfer les affaires de l'Empereur. Pour ces causes, il commença à tourner ses pensées à la translation, pourueu seulement qu'on ne parlait point de le transporter plus au dedans de l'Allemagne, comme il en auoit esté traité à Vvormes, à quoi absolument il ne vouloit consentir: quand mesmes, disoit-il, on eust eu cent ostages, & cens seurtés: sur tout d'autant qu'il croyoit, que, le transferant plus au dedans de l'Italie, il cuitoit l'inconuenient de continuer en cet estat, & de tenir le Concile arresté sus bout, & le prolonger de saison en saison, qui estoit la pire deliberation qui se pust faire, pour les infinis & perpetuels preiudices qui en pouuoient naistre. Ioint que, par le laps du temps, que porteroit la translation, on remedioit au mal present, qui estoit de tenir le Concile concurrenment avec vne Conference, & vne Diete assignée pour cause de Religion, sans sauoir quelle issue pourroit auoir ne l'une ne l'autre: ce qui cependant estoit deshonorabile, & dangereux, & de tresmauuais exemple: outre ce que par la translation on donnoit grand contentement aux Prelats par leur depart de Trête.

Cete deliberation prise, afin de pouruoir à la mettre opportunément en execution, il enuoya aux Legats la Bulle du pouuoir, pour le transferer, sous la date du vingtdeuxieme Février, de laquelle il a esté parlé ci dessus.

Ces pensées ne possedoyent pas pourtant tout l'esprit du Pape, ne la principale partie d'icelui, en sorte qu'il ne pensast beaucoup plus à l'infestation de Parme & de Plaisance en la personne de son fils, laquelle il auoit ia communiquée à l'Empereur. Partant, à la fin du mois d'Aoust, il la mit en effet, sans auoir esgard au general murmure, que pendant qu'il s'agissoit de reformer le Clergé, le Chef d'icelui donast des Principautés & Estats à vn sien fils conceu de dannable conionction: & nonobstant que tout le College des Cardinaux l'improuast grandement: (quoi que de vrai le seul Cardinal de Trani, Jean Dominique de Cupis, s'y opposast formellement, seconde de quelque petit nombre) & que Jean Vega, Ambassadeur de l'Empereur recusast d'y assister: & que Marguerite, femme de son neveu Otaue, qui eust desiré que l'inaestiture en eust esté faite à son mari, s'en monstra malcontente, d'autant qu'elle perdoit le titre de Ducesse de Camerin, & n'en acqueriroit point d'autre. Depuis il se tourna tout à se desmesler des difficultés, & perils, que portoit le Concile en l'estat ambigu ou il estoit, ni ouuer, ni clos, en termes seulement de pouuoir servir à l'Empereur contre lui: & delibera

dont il en-
uoya la Bul-
le aux Le-
gats:
Et cependant
inuestit son
fils bastard
de Parme
Et de Plai-
sance,

d'enuoyer l'Euesque de Caserte, pour traiter avec Sa Maisté, & proposer d'ouurir le Concile, ou bien d'en faire vne suspension pour quelque temps: & en cas que cela n'agrest; de le transferer en Italie, pour donner hastiue-
ment passade & effor à ce qui pourroit estre traité en la Conference; ou en la Diete: ou, en somme, trouuer & pratiquer quelque autre expedient, qui ne fust de si grande infamie & danger pour l'Eglise, comme estoit de tenir le Concile pendant, & les Legats & Prelats oisifs sans rien faire.

Cete negotiation se mit en train avec beaucoup de difficulté: car l'Empereur estoit bien resolu de ne consentir ni à suspension, ni à translation: & toutesfois ne trouuoit pas l'ouuerture à propos pour ses desseins: partant il ne reiettoit point absolument aucune des propositions, mais ne sachant que faire d'autre, entreiettoit des difficultés sur toutes trois: Finalement, au mois d'Octobre, il trouua vn expedient, que le Concile fust ouuert, mais qu'on n'y traitast que de la Réformation: surseant de traiter des heresies, & des dogmes, pour n'irriter les Protestans. Le Pape, aduertí de cela par son Nonce, en fut touché au vif: car il voyoit bien que c'estoit donner cause gagnée aux Lutheriens, & le despouiller de toute autorité, le faisant dependre de Conferences, & Dietes Imperiales, auxquelles on remettoit les traités des affaires de Religion, pendant qu'on en interdisoit la conoissance au Concile: & l'aiffoiblir, en alienant de lui ses affidés par la Reformation: & fortifier au contraire les Lutheriens, en supportant leurs heresies, ou ne les condamnant pas. Par ainsi estant tout acertené, que ses interets ne se pouuoient allier ni vnir avec ceux del'Empereur, pour leur grande contrariété, il delibera de tenir ses desseins cachés, & ne laisser pas cependant d'agir, comme il verroit que requerroit le bien de ses affaires. Pourtant, sans mon-
strer aucun desplaisir de la responce, qui lui auoit esté rendue, il rescriuit promptement à l'Euesque de Caserte, Que pour complaire à Sa Maisté, il estoit resolu d'ouurir le Concile, sans aucun delai, commandant qu'on donnast commencement aux Actes Conciliaires, & que tous y procedassent avec pleine liberté, & avec l'ordre & la maniere due & conuenable. Ce que le Pape signifia ainsi en termes generaux, pour ne s'expliquer point ouuerement, qu'elles choses deuoyent estre proposées, ou traitées, deuant ou apres, ou entierement omises: estant bien resolu que les points de la Religion, & des Dogmes, fussent principalement traités: sans se vouloir astreindre à rendre autre raison, sinon, que de traiter de la Reformation tant seulement, estoit chose qui n'auoit iamais esté pratiquée, & estoit contraire à sa reputation, & à celle du Concile. Et pourtant, le dernier iour d'Octobre, apres auoir conféré tout l'affaire avec les Cardinaux, de leur aduis, & conseil, il arresta, & escriuit à Trente, Que le Concile fust ouuert le prochain Dimanche Gaudete del' Aduent, qui escheoit au treizieme Decembre.

Cete nouuelle estant arriuée à Trente, les Prelats en monstrerent tres-grande ioye, se voyans deliurés du danger qui les menaçoit de demeurer longuement à Trente, sans rien faire. Mais peu de temps apres, autres perplexités se relierent: car il arriua des lettres du Roi de France à ses Prelats, qui estoient trois, qu'ils eussent à se retirer. Cela sembla aux Legats chose de tres-grande importance: car c'estoit comme vne declaration toute manifeste que Roi, & la France, n'approuuoient point le Concile. Ils es-
fayerent toutes sortes de persuasions, & inductions, pour empescher ce depart: & remonstroyent aux trois Prelats, que ce commandement auoit esté baillé par le Roi en autre estat d'affaires, & qu'il en falloit attendre vn autre nouveau de Sa Maisté, apres qu'il auroit entendu l'estat present: leur representant le scandale qui autrement en arriueroit, & l'offense qu'en prendroient les autres nations. Le Cardinal de Trente aussi, & les Prelats Espagnols & Italiens, protestoyent qu'on ne les laissast point partir. Dont finalement fut pris pour expedient que Monsieur de Renes seul partist, pour rendre conte au Roi, & que les deux autres demeurassent. Ce qui aussi fut approuué par le Roi, quand il le fut.

1545.
les Legats
pouruoient
à faire l'ou-
uerture
aduanta-
geuse à
l'auhorité
du Pape,
& font les
preparatifs
de la pre-
miere Ses-
sion.

pardons pu-
bliés, & de
notions ce-
lebrées à
Rome & à
Trente:

serieuse
exhortation
des Legats
auant la
Session,

Le dernier iour de Nouembre, le terme assigné à l'ouuerture du Concile approchant, les Legats escriuirent à Rome, que, pour conseruer l'autorité du S. Siege, il estoit necessaire, en l'ouurant, de lire, & enregistrer vne Bulle, qui le cōmandast: & pourtant despescherent en toute diligence, afin qu'elle püst venir à temps. La response, ensemble la Bulle arriua l'onzieme Decembre: & le iour ensuiuant les Legats commanderent vn iusnie, & vne procession pour ce iour là, & firent vne Congregation de tous les Prelats, en laquelle premierement fut luë la susdite Bulle, & puis traité de tout ce qu'il falloit faire le iour suiuant en la Session. L'Euesque d'Astorge en Espagne proposa d'une fort douce façon, qu'il estoit necessaire de lire en la Congregation le Bref de la Legation, & Presidence, afin que ce fust comme vne promesse & protestation de l'obeissance & suiétion d'eux tous enuers le S. Siege. Cete demande fut approuuée quasi par toute la Congregation, chacun y adioustant quelque instance particuliere. Mais le Legat S. Croix, considerant à quoi cete demande pouuoit reüssir, & qu'en cete publication de l'autorité de la Presidence il y pourroit auoir du dāger qu'elle fust limitée: iugea qu'il valoit mieux la tenir secreta & cachée, pour s'en seruir comme les accidens & les affaires le porteroient: & pourtant, respondit sur le champ, Qu'au Concile ils estoient tous vn mesme corps: & que de mesmes il seroit donc necessaire de lire les Bulles de chaque Euesque, pour monstrier qu'il estoit tel, & establi par le Saint Siege: ce qui seroit vne chose longue, & qui entretiendrait toutes les Congregations, pour ceux qui de iour à autre arriueroyent. Par cete subtile desfaite il rabatit cete instance, & maintint la dignité de la Legation, qui consistoit en ce qu'elle fust illimitée.

Le trezieme iour de Decembre venu, le Pape publia à Rome vne Bulle de Iubile, en laquelle il exposoit, Comment il auoit intimé le Concile, pour guerir les playes, que les meschans heretiques auoyent causées en l'Eglise. Et pourtant exhortoit tous d'aider les Peres assemblés en icelui, par leurs prieres à Dieu: & que pour ce faire de tant plus efficacieusement, & utilement, tous eussent à se confesser, & à iusner par trois iours, esquels aussi ils eussent à assister es processions, & puis à se communier, & prendre le S. Sacrement, ottroyant pardon de tous pechés à qui le feroit ainsi. Et le mesme iour à Trente, les Legats, avec tous les Prelats, en nombre de vint cinq en habits Pontificaux, accompagnés des Theologiens, du Clergé, & du peuple, tant estranger que de la ville, firent vne solemnelle procession depuis l'Eglise de la Trinité iusques à la Cathedrale: là ou estans arriués, le premier Legat de Monte chanta la Messe du S. Esprit: en laquelle l'Euesque de Bironte fit vn long & eloquent sermon. Lequel fini, les Legats firent lire vne fort longue & prolixie exhortation, couchée par escrit, dont le sommaire estoit, Que, puis que leur charge portoit d'admonester les Prelats selon les occasions, en tout le cours du Concile, il estoit raisonnable d'en faire le commencement en cete premiere Session: entendant de faire tant cet aduertissement-là, que tous les autres, aussi à eux mesmes, comme estans de la mesme condition que les autres Prelats. Que le Concile estoit conuoqué pour trois causes: pour l'extirpation de l'heresie, pour le reestablisement de la Discipline Ecclesiastique, & pour le recourement de la paix. Aufquelles fins pour paruenir, il falloit tout premier auoir vn vrai & intime sentimēt d'auoir esté cause de toutes ces trois calamités: des heresies, non certes, pour les auoir suscitées, mais bien pour n'auoir fait son deuoir à ferner bonne doctrine, & desfenger l'yuraye: des mauuaises mœurs, & corrompues, en tant qu'il estoit notoire, que le seul Clergé, & les Pasteurs, auoyent esté & les corrompus, & les corrupteurs. Pour lesquelles causes aussi Dieu auoit enuoyé le troisieme fleau, de la guerre, tant estrangere des Turcs, qu'interieure & ciuile entre les Chrestiens. Que sans cete vraye & interieure reconnaissance, c'estoit en vain qu'ils entroyent dans le Concile, & en vain inuoyoyent-ils le S. Esprit. Que le iugement de Dieu estoit iuste, lequel les chastioit en cete sorte, quoi que de chastiment plus benin & plus doux, que

n'estoit le demerité de la faute. Et pourtant, qu'ils exhortoyent chacun à reconnoistre ses fautes, & à appaiser l'ire de Dieu: repliquant, que le S. Esprit, inuoké par eux, ne viendrait point s'ils refusoient d'ouïr le reproche de leurs peches, & de les confesser, à l'imitation d'Esdras, de Nehemie, & de Daniel: & adioustoyent, que c'estoit vn grand bénéfice de Dieu, d'auoir occasion de commencer le Concile, pour restablir toutes choses. Qu'ils fauoient bien qu'il ne faudroit point à y auoir plusieurs contredisans, & aduersaires: mais que leur deuoir estoit de se porter constamment: & de se garder comme bons iuges, de toutes passios, & regarder seulement à la gloire de Dieu: seans, & rendans ce deuoir, en la présence de Dieu, des Anges, & de toute l'Eglise. Finalement, ils admonesterent les Euesques, enuoyés par les Princes, de faire le seruice de leurs Seigneurs en toute loyauté, & diligēce: en sorte toutesfois, qu'ils préférassent tousiours le respect & la reuerence due à Dieu à tout autre esgard. Après cela fut lue la Bulle de l'intimation du Concile del'année mil cinq cens quarantedeux, ensemble vn Brief de la simple deputation des Legats, avec la Bulle de l'ouuerture du Concile, laquelle auoit esté lue en la Congregation. Immediatement après cela, se presenta Alphonse Zorilla Secetaire de D. Diego de Mendozze, & produisit derechef le mandement Imperial, qui ia auoit esté présenté aux Legats, auquel il adiousta vne lettre de D. Diego, par laquelle il excusoit son absence sur son indispositiō. Les Legats respondirent, que quāt à l'excuse, elle estoit valable par toute raison, & admissible: mais, quant au mandement & creance, quoi qu'ils dussent persister en la response qu'ils auoyent faite au temps susdit, neantmoins ils agreoyent, pour tesmoigner plus grand respect, de le receuoir de nouveau, & l'examiner: apres quoi, ils rendroyent response.

lecture des
Bulles &
Briefs du
Pape,

Ces choses estans faites, selon les coustumes & obseruances du Ceremoniel Romain, tous s'agenouillerent, pour faire l'oraison à voix basse, vstée en toutes les Sessions, & puis la publique, *Ad sumus Domine, sancte Spiritus &c.* laquelle le President recita a haute voix, au nom de tous: & apres que les Letanies eurent esté chātées, le Diacre lut l'Euāgile, *Si peccauerit in te frater tuus, &c.* & finalement, apres qu'on eut chanté le Hymne, *Veni Creator Spiritus &c.* & que tous se furent assis en leurs places, le Cardinal de Monte prononça de sa propre bouche le Decret, par paroles interrogatoires: S'il plaisoit aux Peres, à la louange de Dieu, extirpation des heresies, reformation du Clergé, & du peuple, de pression & abaissement des ennemis du nom Chrestien, determiner & declarer que le saint & general Concile de Trente commençast, & fust commencé. A quoi tous respondirent: premierement les Legats, puis les Euesques, & les autres Peres, par le mot, *Placet.* Il adiousta en suite, S'il ne leur plaisoit pas, attendu les empeschemens des festes de la fin & du commencement de l'année, que la suiuite Session se tint le septieme de Ianuier. Et tous respondirent semblablement, Qu'il leur plaisoit. Cela fait, Hercules Seuerole, Promoteur du Concile, fit instance aux notaires, que de tout ils prissent acte, & dressassent instrument. Apres on chanta le Hymne, *Te Deum laudamus.* Et les Peres, ayans despouillé les habits Pontificaux, & reuestu les communs, la Croix allant deuant, accompagnerent les Legats. Ces ceremonies sont représentées ici vne fois pour toutes: car elles furent puis apres pratiquées de mesmes en toutes les suiuites Sessions.

prieres &
ceremonies,

prononciation du Decret de la premiere Session, portant l'ouuerture du Concile: assignation de la seconde:

L'Allemagne, & l'Italie, viuoyent en grande curiosité d'entendre les premieres actions de cete assemblee, commencés avec tant de difficultés: & les Prelats, & leurs domestics, qui estoient à Trente, estoient chargés par leurs amis de leur en donner aduis. Et pourtant, incontinent apres la Session furent enuoyées par tout copies de la remonstrance des Legats, & du Sermon de l'Euesque de Bitonte: lesquelles aussi furent bien tost imprimées. Et pour représenter les diuers iugemens, qui s'en faisoient, il est nécessaire de rapporter premierement le sommaire du contenu dudit Sermon. Il commença par monstrier la necessité du Concile: d'autant qu'il s'estoit ia passé cent ans depuis la tenue du Concille de Florence, & les choses hautes & difficiles,

sommaire
du sermon
de l'Euesque

1545.
que ue Bi
tôte à l'ou-
ne, ture du
Concile :

concernantes l'Eglise, ne se peuuent bien & solidement traiter ailleurs qu'en icelui. Pource qu'és Cōciles, les Symboles ont esté faits, les heresies ont esté condamnées, les mœurs ont esté reformés, les peuples Chrestiens ont esté reünies, les armées ont esté enuoyés à la cōqueste de terre sainte, Rois & Empereurs ont esté deposes, & les Schismes ont esté supprimés & esteints. Et que pourtāt les Poëtes introduisent les Cōciles des Dieux. Et Moyse escript que le Decret de Dieu touchāt la creation de l'hōme, & la confusion des lāgues des Geans, fut fait par forme de voix Conciliaires. Que la Religion a trois chefs, Doctrine, Sacremens, & Charité. Que tous trois reclament Concile. Il representa les corruptiōs qui s'estoyent glissées en tous ces trois chefs: & que pour les restablir, le Pape, avec la faueur de l'Empereur, des Rois de France, des Romains, & de Portugal, & de tous les Princes Chrestiens, auoit conuōqué le Concile, & y auoit enuoyé ses Legats. Il fit vne treslongue digression sur les louanges du Pape: & vne autre vn peu plus breue sur celles de l'Empereur: en apres il louā les trois Legats, tirant les eloges du nom & sur nom de chacun d'eux: & adiousta, que le Concile estant conuōqué, tous s'y deuoyent reduire, comme dans le Cheual de Troye. Il inuita les forests de Trente à resonner par tout le monde, que tous se soumettent à cē Concile: que s'ils ne le font, on pourra dire avec raison, Que la lumiere du Pape est venue au monde, & que les hommes ont mieux aimé les tenebres que la lumiere. Il se doult, que l'Empereur n'estoit present, ou du moins, D. Diego, son Ambassadeur. Il congratula le Cardinal Madruce de ce que le Pape auoit assemblé en sa ville les Peres dispersés, & errans. Puis il se tourna aux Prelats, & dit, Qu'ouurir les Portes du Concile estoit ouurir celles de Paradis, dont doit descendre l'eau viue, pour remplir la terre de la science du Seigneur. Il exhorta les Peres à s'amender, & à ouurir leurs cœurs, comme terre seiche, pour la receuoir. Adioustāt, que s'ils ne le font, le Saint Esprit ne laissera pas de leur ouurir la bouche, mais comme à Balaam, & à Caiphe, afin que le Concile faillant & errant, toute l'Eglise ne viene à faillir & à errer: quoi que cependant leurs pensées demeurent pleines d'esprit mauuais. Il les exhorta à despouiller toutes passions, pour pouuoir dire dignement & avec verité, Il a semblé au Saint Esprit, & à nous. Il inuita aux noces la Grace, la France, l'Espagne, & l'Italie, & toutes les nations Chrestienes. Et en fin se tourna à Christ, le priant par l'intercession de S. Vigile: protecteur & patron de la Vallée de Trente, de vouloir assister à ce Concile.

jugemens
sur la re-
monstrance
des Legats,
& sur le
Sermon de
l'Euesque.

La Remonstrance des Legats fut estimée pieuse, Chrestienne, & modeste, & en somme digne des Cardinaux. Mais le Sermon de l'Euesque de Bitonte fut jugé bien different: la vanité, & l'ostentation de l'eloquence estoit marquée de tous: mais les personnes entendues faisoient comparaisō de ces franches & veritables paroles des Legats, Que sans vne vraye reconoissance interieure, en vain seroit inuōqué le S. Esprit: avec celles de l'Euesque tout à l'opposite, Que mesmes sans icelle l'Esprit de Dieu leur ouuriroit la bouche, quoi que le cœur demeurast rempli d'esprit mauuais: les confrontant comme vne sentence sainte à vne impie & meschante. On reputoit à arrogance, d'affirmer qu'en cas que ce peu de Prelats errast; toute l'Eglise viendrait à faillir: comme si d'autres Conciles, de sept cens Euesques, n'auoyent point erré, l'Eglise cependant refusant de receuoir leur doctrine. Autres adioustoient, Que cela n'estoit point conforme à la doctrine Papale, qui n'attribue l'infailibilité à autre qu'au Pape: & au Concile, en vertu & bien fait de la confirmation Papale. La comparaisō du Concile au Cheual de Troyes, qui fut vne machine de surprise, trahison, & embusches, estoit taxée d'imprudence, & censurée d'irreuerence. On iugeoit blaspheme, que ces paroles de l'Escripture, Que Christ, & sa Doctrine, qui est la Lumiere du Pere, est venu au monde, & que les hommes ont mieux aimé les tenebres que la Lumiere, eussent esté destorses au Concile, comme si le Concile, ou sa Doctrine, estoit la Lumiere du Pape, qui ait resplandi au monde, laquelle si on ne recoit, on puisse dire, Que les hommes ont mieux aimé les tenebres que

la Lumiere. Du moins eust-on desiré qu'il n'eust point emprunté les paroles formelles de l'Ecriture Ste. pour monstrer si ouuertement de la villipender.

1545.

Mais à Trente, apres l'ouverture faite, ni les Prelats, ni les Legats mesmes ne sauoyent ce qu'il falloit traiter, ne quelle procedure & ordre il falloit suivre. Et pourtant les Legats, pour rendre raison de ce qui auoit esté fait auparavant, & en cete premiere Session, escriuirent vne lettre à Rome, qui merite d'estre ici rapportée en toutes ses parties. Premièrement ils disoyent, Qu'ils auoyent assigné la suiuite Session au iour d'apres la Feste des Rois: comme à vn terme qui ne pouuoit estre taxé ni d'excessiue prolongation, ni de trop de briueute: pour pouuoir cependant estre instruits comment ils auront à se gouuerner es autres Sessions: sur quoi ils desirent estre esclaircis: & pource qu'il pourroit auenir qu'ils seroyent d'heure en heure interpellés de diuers affaires, desquels ils n'auroyent loisir de donner aduis, & d'attendre la responce, ils requeroient qu'on leur enuoyast vne instruction la plus particuliere qu'il seroit possible: & sur tout desiroient d'estre informés de la maniere & forme de proceder, de proposer, & de resoudre: & quant aux matieres à traiter, ils demanderent spécialement, si les causes d'heresie deuoyent estre les premieres: & s'il falloit les traiter en general, ou en particulier, condānant la fausse doctrine, ou les personnes des principaux & plus fameux heretiques, ou tous deux coniointement: si, en cas que par les Prelats fust proposé quelque article de Reformation, à laquelle il sebloit que tous visassent, icelui se deuoit traiter coniointement avec l'article du dogme, ou apres, ou deuant: si le Concile deuoit signifier aux peuples & nations son ouerture & commencement, conuiant les Prelats, & les Princes, & exhortant les fideles à prier Dieu pour l'heureux progrès d'icelui, ou bien si S. Sainteeté le voudroit faire elle mesme: quelle forme on deuoit garder, & de quel cachet vser, en escriuant lettres missiues & responsiues: quelle forme il faudroit tenir à coucher les Decrets: s'ils deuoyent monstrer de sauoir la Conference & la Diete d'Allemagne, ou le dissimuler: s'ils deuoyent proceder lentement ou hastiuement, tant à determiner les Sessions qu'à proposer les matieres. Ils donnerēt aduis, que l'opinion de quelques Prelats estoit qu'on procedast, & recueillist les suffrages par Nation: mais, qu'ils trouuoient cete façon seditieuse, & qui pourroit faire mutiner ceux de chacune entr'eux: & d'auantage que par ce moyen le grand nombre d'Italiens, les plus affidés au S. Siege, ne seruiroit de rien, en cas que le suffrage d'eux tous ensemble n'eust point plus de poids & de valeur, que celui de peu de François, ou Espagnols, ou Allemands. Ils aduertirent aussi qu'on descouuroit qu'il y en auoit qui en auoyent le dessein de disputer de la puissance du Concile, & du Pape: point dangereux & capables d'exciter vn chisme entre les Catholiques mesmes: & qu'en la Congregation du douzieme Decembre, il estoit paru que tous les Prelats insistoient à vouloir voir le Mandement du pouuoir des Legats: ce qui leur auoit falu euitier avec beaucoup d'artifice, ne sachant encores comment leur Presidence se deuoit entendre, & iusques ou Sa Sainteté pretendoit la faire valoir. Ils requierent aussi qu'on establisset les postes par tout le chemin, afin que tous les iours & à toute heure ils pussent, selon les occurences, donner & receuoir auis. Ils demanderent aussi quelque reiglement sur le fait de la preface des Ambassadeurs des Princes: & nouuelle prouision de deniers, attendu que les deux mil escus, qui leur auoyent esté enuoyés quelque temps auparavant, estoient ia dependus en l'entretien des Euesques indigens.

Les Prelats sollicitoyent qu'on donnast commencement à la besogne: & les Legats, pour les contenter, & monstrer de ne chomer point, firent le dix-huitieme du mois vne Congregation, en laquelle ne fut proposé autre chose, que la maniere de viure & conuerser, & tenir les domestiques en deuoir: & plusieurs choses furent dites contre l'vsage introduit, principalement, à Rome, de porter l'habit de Prelat, seulement es ceremonies, & actions publiques, & au demeurant se vestir en Seculier: egallement furent repris & censurés les vestemens comprueux, comme les vils & fardides: il fut aussi beau-

les Legats demandent instruction au Pape sur plusieurs choses du Concile.

& cependant les Prelats à des choses legeres:

1545.

coup parlé del'aage des seruiteurs domestics : mais enfin le tout fut remis à vne autre Congregation, laquelle se tint le vintdeuxieme du mesme mois, & se consuma toute en discours & deuils de semblables ceremonies, avec cete cōclusion, Qu'auant toutes choses estoit necessaire vne bonne reformation en l'ame : car, quand chacun voudra regarder à la bienseance du degré, & à l'edificatiō du peuple, il trouuera assez que reformer en soi, & en sa famille.

*Le Pape-
spond aux
Legats sur
beaucoup
de particu-
larités :*

Le Pape, ayant receu les nouuelles de l'ouuerture du Concile, deputa vne assemblée de Cardinaux, & gēs de Cour, pour consulter, & auoir la surintendance sur les affaires de Trente : & par leur aduis & conseil resolut, que les choses n'estoyent pas encores en estat, qu'on pūst clairement voir & iuger qu'elles matieres il falloit traiter, & par quel ordre. Il fit respondre aux Legats, Qu'il n'estoit nullement à propos de conuier au Concile ne Prince, ne Prelats : & moins encores, d'exhorter aucun a leur aider par prieres : d'autant que cela auoit esté suffisamment fait par lui par la Bulle du Iubilé, & par les lettres de la conuocation. Qu'aussi il ne falloit point penser que le Concile eseruiſt à aucun : & qu'à cela pouuoient suppleer les lettres escrites par les Legats mesmes en nom commun. Et quant à la maniere de coucher les Decrets, qu'ils leur baillassent ce titre, & inscription, Le Saint, Oecumenique, & General Concile de Trente, y presidans les Legats Apostolics. Quant à la manieres de donner les voix & suffrages, que leurs raisons estoyent tresbonnes, de n'introduire que cela se fist par nations : de tant plus, que cete façon ne fut iamais pratiquée par l'ancieneté, mais fut premierement introduite en celui de Constance, & puis ensuiuiue par celui de Basle, lesquels il ne faut imiter. Que la maniere obseruée au dernier de Latran estoit tres-bonne & bienſeante, & pourtant qu'ils s'y tinssent, & que par cet exemple recent, & qui auoit bien reüssi, ils fermaſſent la bouche à quiconque en proposeroit vn autre. Quant à ce qui conserne la condamnation des heretiques, & les matieres à traiter, & les autres chefs de leurs lettres, qu'il y feroit pourueu en son temps. Cependant, selon la coustume des autres Conciles, qu'ils s'entretinssent en chose preparatoires & en preambules : que leur Presidēce fust conseruée au rang & grauité cōuenable aux Legats du S. Siege, mais qu'ensemblement ils procurassent de donner matiere de contentement à tous : mais que sur toutes choses ils missent toute diligence à faire que les Prelats ne sortissent point hors des termes d'vne honneſte liberté, & reuerence entiers le S. Siege. L'affaire le plus vrgent estoit de subuenir les Prelats, à ce qu'ils pūssent porter les frais, à cet effet il enuoya vn Bref, par lequel il exemptoit des decimes tous les Prelats du Concile, & leur permettoit la perception de tous les fruits & emolumēs en leur absēce, de mesme que s'ils eussent esté presens : il enuoya aussi deux mil escus, pour secourir les Prelats indigēs, avec charge que la distributiō en fust faite sans la circōspection de la tenir secrete : car, ores que la chose fust venue en euidence, elle ne pouoit estre interpretée en autres sēs, que d'vn deuoir de charité du chef du Cōcile.

*digression
des diuer-
ses sortes
de Conciles
& manie-
res de trai-
ter en i-
eux, en-
ciens, &
modernes.*

Cet endroit requiert, que, pour ce qui a esté dit, & fera dit ci apres, touchant la maniere de dire les auis au Concile, ie represente comment cela se faisoit encienement, & comment on en est venu à la maniere tenue en ces temps. L'assemblée de toute vne Eglise, pour traiter, au nom de Dieu, les choses appartenantes à la Doctrine, & à la Discipline, est chose de singuliere vtilité, pratiquée par les saints Apostres en l'election de Matthias, & des sept Diacres : & à cela sont assez semblables les Conciles Diocesains : mais de la Conuocation de Chrestiens de plusieurs lieux, & esloignés, pour cōferer ensemble, il y en a le celebre exemple es actes des Apostres, quand Paul & Barnabas, avec autres de Syrie, se reduisirent en Ierusalem avec les Apostres, & autres disciples qui estoyent là, sur la question de l'obseruation de la loi Mosaique : & , quoi qu'on pūst dire, que ce fust vn recours des Eglises des Gētils nouuelles, à vne ancienne Eglise matrice, de laquelle à eux estoit deriuee la foi, comme cela fut obseruē pour vn long temps es premiers siecles, & souuent en Irenee & Tertulien en est faite mention : & que les lettres soyēt escrites au nom des seuls Apostres, Anciens & freres Ierosolimitains :

neant.

neantmoins, d'autant qu'eux ne parlerent pas tous seuls en cete Assemblée, mais aussi Paul & Barnabas, on la peut raisonnablement appeller Concile. A cet exemple les Euesques qui vinrent apres, tenans que toutes les Eglises Chrestiennes ne sont qu'une mesme Eglise, & que tous les Eueschés ne sont qu'un seul, compose en sorte, que chacun en tient vne partie, non comme propre, mais en maniere que tous doiuent gouverner & regir le tout, à tel si toutes-fois, que chacun se doit plus employer & occuper en la partie, qui luy est specialement recommandee, & comise: ainsi que Saint Cyprian le demontre saintement en son excellent petit Traité de l'Vnité de l'Eglise: quand il escheoit quelque nécessité de quelque Eglise particuliere, au temps mesmes de l'ardeur des persecutions; ceux qui pouuoient s'assembloient, pour ordonner en commun le remede & la prouision necessaire. En ces assemblées Iesus-Christ, & le Saint Esprit presidans, & les passions humaines n'y avans point d'entrée ny de lieu; ainsi la seule charité: sans ceremonies, & sans formes prescrites, on consultoit & resoluoit ce qui estoit expedient. Mais, par succès de temps, les passions humaines s'estans meslées avec la charité, il fut necessaire de les reigler par quelque ordre, dont entre ceux qui s'estoient assemblez en Concile, le principal, soit à l'esgard de la Doctrine, soit pour la grandeur de la ville, ou Eglise; d'où il estoit, soit pour quelque autre raison d'eminence, preloit la charge de proposer, & de moderer l'action, & de recueillir les suffrages. Apres qu'il eut plû à Dieu de donner paix aux fideles, & que les Princes Romains eurent receu la foy Chrestienne, il aduint que les troubles & les difficultés en la Doctrine, & en la discipline, se rendirent plus frequents: dont aussi la paix publique estoit grandement troublée par l'ambition, & autres mauuaises affections de ceux qui auoient de la suite & du credit: & pour cete cause fut introduite vne autre sorte d'assemblées Episcopales, conuocées par les Princes, ou leurs Lieutenans & Gouverneurs, pour remedier aux troubles. En icelles, l'action estoit conduite par les Princes, ou Magistrats, qui les assembloient, lesquels aussi entreuenoient es Actions, propoioient, & moderoient le traité, & donnoient arrests interlocutoires sur les differends suruenans, laissant au commun aduis de l'Assemblée la decision de la cause & question principale, pour laquelle icelle estoit conuocée. Cete forme de proceder paroît manifestement es Conciles, dont les actes sont demeurés en estre. On peut alleguer pour exemple la Conference des Catholiques & Donatistes en presence de Marcellin: & plusieurs autres. Mais, pour parler seulement des Conciles generaux, cela se voit au Concile d'Ephese, en presence du Conte Candidien: que l'Empereur y auoit enuoyé pour presider: & encor plus clairement au Concile general de Calcedoine, en la presence de Martian, & des Iuges par luy deputés: & en celuy de Constantinople *in Trullo*, en la presence de Constantin le Barbu: auquel le Prince & Magistrat presidant, & commande ce qu'il faut traiter, quel ordre il faut tenir, qui doit parler, & qui se taire: & naissant quelque differend en ces choses, le vuide, accommode. Quant aux autres Conciles Generaux; dont on n'a plus les Actes, les historiens de ces temps-là tesmoignent; que Constantin & Theodose en usèrent de mesme. Mais encores en ces temps-là mesmes, ne fut point intermise cete autre maniere de Conciles; dont nous auons parlé: esquels les Euesques s'assembloient d'eux mesmes; & l'un d'eux conduisoit l'action, & la resolution se prenoit selon le commun aduis, & la pluralité des voix. La matiere dont il s'agissoit, estoit par fois bien promptement resolue, en sorte que tout s'acheuoit en vne seule seance: par fois aussi: pour les difficultés, ou pour la multiplicité, il escheoit de reiterer: d'où sont venues les diuerses Sessions en un mesme Concile. Quoy que c'en soit, nulle seance n'estoit de pure & simple ceremonie, ny seulement pour prononcer choses digerées ailleurs; mais pour ouyr l'aduis d'un chacun: les Actes du Concile s'appelloient les Conferences: Examens, Disputes, & tout ce qui se faisoit, ou disoit. C'est vne nouuelle opinion, & qui peu de fois a esté pratiquée, quoy que le Concile

1545.

de Trente l'ait establie, que les seuls Decrets soyent les Actes du Concile, & que ceux-là seuls doiuent estre mis en lumiere: car es anciens toutes choses se communiquoyent à tous. Il y auoit des Notaires ordonnés pour recueillir les voix & suffrages, & quand vn Euesque donnoit le sien, sans qu'aucun y contredist, on n'auoit pas de coustume d'escrire son nom propre, ains seulement on escriuoit, Le Saint Concile dit. Et quand plusieurs disoient la mesme chose, on escriuoit les Euesques s'escrierent d'une voix, ou, Les Euesques affermerent: & les choses, dites en cete sorte, estoient prises pour arrests & decisions. Si les Euesques parloyent en sens contraires: les opinions contraires estoient marquées, ensemble les noms des Auteurs: & les Iuges, ou Presidens, decidoient. Il n'y a point de doute, qu'il n'arriuaist quelquefois quelque impertinence, ou aburdité, par le defect & imperfection de quelcun: mais la charité, qui excuse les defauts des freres, la recouuroit. Il y entreuenoit plus grand nombre de la Prouince, où le Concile se tenoit, & des voisines, mais sans emulation, & concurrence: chacun desirant plus tost d'obeyr, que de prescrire loy à autrui. Depuis que l'Empire Occidental eut esté separé de l'Oriental, il demeura encores en Occident quelques traces de ces Conciles, à la maniere ancienne, & primitive: & on en voit plusieurs sous la race de Charles Magne en France: & en Allemagne & sous les Roys Gots, en Espagne. En fin les Princes furent tout à fait exclus de l'interuention es choses Ecclesiastiques, & par mesme moyen se perdit l'usage de cete sorte de Conciles, & n'en demeura plus autre, que celle qui est conuocque par les mesmes Ecclesiastiques: laquelle mesmes le Pape de Rome attira quasi toute à soy, enuoyant ses Legats par tout, où il entendoit qu'on parloit de tenir Concile, & quelque temps apres il s'attribua aussi le pouuoir, que les Empereurs Romains exerçoient ancienement, de conuocquer le Concile de tout l'Empire, & d'y presider, s'il s'y trouuoit en personne: ou d'y enuoyer qui en son nom y presidast, & moderast l'action. Or, apres que les Prelats, assemblés en Concile, eurent perdu la crainte du Prince seculier, qui les retenoit en deuoir, & que par ce moyen les esgards & interests mondains: cause de tous les inconueniens, se furent accrus sans fin, ce qui multiplioit les irreuerences, & les desordres, on commença à digérer, & preparer les matieres en priué, & en secret, pour pouuoir garder la bien-seante honnesteté; en la seance publique, cela passa puis apres en reiglement, & de là furent instituées es Conciles, outre les Sessions, les Congregations de quelques deputés, pour ventiler les matieres, lesquelles au commencement; quand elles estoient de plusieurs chefs, estoient partagées, & à chacun chef estoit assignee sa propre Congregation. Et, d'autant qu'encor cecy ne suffisoit point, pour oster tout desordre, & irreuerence: pource que les autres qui n'estoient point entreuenus en la Congregation, ayant leurs interests differents, mouuoient des difficultés en public, outre la Congregation particuliere on en introduisit vne Generale auant la Session, à laquelle tous pouuoient & deuoient assister: icelle est vrayement l'Action Conciliaire, & Synodale, si on regarde à l'usage ancien: car la Session venant apres que tout est fait, n'est qu'une pure ceremonie. Il n'y a gueres plus d'un siecle, que les interests firent naistre quelque competence entre les Euesques de diuerses nations, & de là aduint que les lointaines, qui estoient en petit nombre, ne voulans supporter d'estre surmontées par les voisines plus nombreuses, afin de les égaler, il falut de necessité ordonner qu'elles s'assembleroient chacune à part soy, en faisant chacune sa deliberation par pluralité de voix, & puis que le general Arrest se feroit par suffrages non contés par testes, mais par nations entieres. Ainsi fut pratiqué es Conciles de Constance, & de Basle. Mais cet usage, conuenable là où les affaires sont gouvernées en liberté, comme elles estoient au temps de ces deux Conciles, auquel le monde estoit sans Pape, n'estoit nullement à propos à Trente, où estoit requis vn Concile tuiet au Pape. Et ce fut là la raison, pour laquelle les Legats à Trente, & la Cour à Rome: faisoient si grand estat de la forme & maniere de proceder, & de la qualité

& autorité de la presidence.

La réponse susdite estant arriuee de Rome, les Legats conuoquèrent la Congregation, le cinquième Ianuier, mil cinq cens quarente six: & en icelle apres que le Cardinal Legat de Monte, les eut tous salués, & benits de la part du Pape, il fit lire le susdit Bref de l'exemption des Decimes. Les Legats haranguèrent toustrois consecutiuellement en louange du Pape; montrant la bonne volonté enuers les personnes des Peres. Mais quelques Espagnols dirent, Que cete grace du Pape tournoit plus à preiudice qu'à benefice: d'autant que par l'acceptatio d'icelle, on aduouoit que le Pape peut imposer charges aux autres Eglises, & que le Concile n'a point d'autorité de l'empescher, ne d'exempter ceux qui iustement ne peuuent estre compris en l'imposition. Cela desplut aux Legats, & fut rabatu par quelques paroles piquantes. Autres Prelats demanderēt que cete grace & priuilege fust esté dû à tous leurs domestics, & à toutes les personnes qui se trouuoient au Concile. Les Generaux des Ordres demanderent aussi la mesme exemption, allegans les frais, qu'il falloit que leurs Conuents portassent, pour l'entretien des Moines, qu'ils auoyent amenés avec eux au Concile. Catelan Triuulce, Euesque de Plaisance, arriué deux iours auparauant, exposa publiquement, que passant non gueres loin de la Mirandole, il auoit esté desualisé, & requit que le Concile fust vne ordonnance contre ceux qui donneroyent fascherie, ou destourbier aux Prelats, & autres personnes qui iroyēt au Concile. Mais les Legats, conioignans cete proposition avec la pretension d'exemption dite cy-dessus, combien il pouuoit importer, si le Concile s'ingeroit en semblables matieres, faisant ordonnances & loix pour sa propre exaltation: & que cela estoit attentér sur les Secrets de la Hierarchie Ecclesiastique: & pourtant gauchirent dextrement, allegans, que cela sembleroit au monde vne nouueauté, & trop de ressentiment: mais offrirent de mouuoir que le Pape pourueust à la seureté des personnes, & eust esgard aux domestics des Prelats, & aux Moines. Et ainsi tous s'appaiserent.

Puis le mesme Cardinal Legat de Monte, passant aux actions Synodales, exposa la maniere qui auoit esté suiuiue au dernier Concile de Latran auquel il estoit entreuenue, comme Archeuesque de Siponte. Et dit, qu'en iceluy se traitant de la Pragmatique Sanction de France, du Schisme suscitē contre Iules deuxieme, & de la Guerre contre les Princes Chrestiens, on auoit fait trois diuerses deputations de Prelats sur ces matieres, afin que chaque Congregation, vacant à vne seule d'icelles, la pust mieux digerer, & qu'apres que les Decrets auoyent esté formés, on faisoit vne Congregation generale, en laquelle chacun donnoit sa voix, & suffrage, selon lesquels les resolutions estoient encores plus exactement reformees: en sorte que puis après es Sessions les choses passoyent avec beaucoup d'vniō, & de bienseance. Que ce qu'ils auoyent à traiter presentement estoit bien plus diuers, & compliqué: veu que les Lutheriens auoyent remué toute pierre, pour renuerser le bastiment de la foy: & pourtant estoit necessaire de partager les matieres, & de deputer Congregations particulieres à chacune, pour la bien desmesler & disputer: & d'establir des deputés pour former les Decrets, qui deuroient estre proposés en la Congregation generale, en laquelle chacun diroit son aduis: & afin qu'iceluy fust entierement libre, aux Legats auoyent deliberé, de ne faire autre que proposer, sans dire leurs aduis es Congregations, mais seulement es Sessions. Que tous aduisassent aux choses necessaires à traiter, pour faire quelque commencement, apres la prochaine Session.

Quant à eux, pour lors ils proposoyent, s'il leur plaisoit qu'en la Session fust publié vn Decret formé sur la maniere de viure Chrestienement en la ville de Trente, pendant le Concile. Le Decret estant lu, avec ce Titre. *Le Sacresaint Concile &c.* comme il auoit esté enuoyé de Rome, les François firent instance qu'on y adioustast, *Representant l'Eglise Vniuerselle*, laquelle opinion fut suiuiue de la plus grande partie des Euesques, avec vn assentiment vniuersel.

Q.ij

1545.

*l'exemption
des decimes
estroyee par
le Pape aux
Synodaux
excité de l'e
strif & des
cōcurrēces.*

*le Concile de
Latran est
proposé à
imiter à
Trente, &
les Congre-
gations esta-
blies auant
la Session.*

*debat sur le
titre du Con-
cile, au de-
cret de la
Session.*

3545.

Mais les Legats, considerans que ce titre n'auoit esté employé que par les Conciles de Constance, & de Basle, & qu'en les imitant, on rafraischiroit leur mémoire, & leur donnoit-on crédit, & autorité: & ouuroit-on la porte aux difficultés, que l'Eglise Romaine souffrit en ces temps-là: & d'ailleurs, ce qui importoit le plus, aduisant qu'après qu'on auroit dit, *Représentant l'Eglise Vniuerselle*, il pourroit venir en fantasie à quelcun d'adiouster ces paroles, ou autres semblables, laquelle à son pouuoir immédiatement de Christ, & à laquelle chacun, mesmes de dignité Papale, est tenu d'obeyr: s'opposèrent viuement, & comme eux mesmes escriuirent à Rome en termes formels; se portèrent pour appointes contraires, sans toutesfois declarer les vrayes causes de leur opposition aux Peres, mais disans seulement, que c'estoient paroles ampoulées, & odieuses: & que les herétiques leur donneroient vn sens sinistre, & malin, & s'employèrent tous, sans toutesfois descouvrir le secret, à rabatre ce coup premierement par artifices, & souplesses, & puis protestant tout ouuertement de ne iamais l'endurer: si bien qu'ils appaisèrent cete generale esmotion, quoy que les François, & quelque petit nombre d'autres, demeurassent fermes en leur proposition.

Iean de Salazar, Euesque de Lanciano, Espagnol de nation, presta grand secours & renfort aux Legats, car il haut-loüa avec beaucoup de paroles les premiers Conciles de l'Eglise, pour leur Antiquité, & pour la Sainteté des entretenans & membres d'iceux: & trouuoit bon qu'on les imitast au titre dont ils vsoient, qui estoit fort simple, sans expression de representation; ne de l'autorité qu'auoit le Synode. Mais ce qu'il adiousta en suite n'agrea point, Qu'à limitation d'iceux, on omist aussi la nomination des Presidens, laquelle on ne void iamais vsitée en aucun ancien Concile, mais auoit premierement esté introduite par celui de Constance, lequel, à cause du Schisme, changea souvent de Presidens: adioustant, que si l'exemple de ce Concile-là deuoit estre imité, il faudroit aussi nommer l'Ambassadeur de l'Empereur, veu qu'à Constance auoit esté nommé le Roy des Romains, & les autres Princes, qui estoient avec luy. Mais que ce fast & parade estoient contraires à l'humilité & modestie Chrestienne, & fit vne brieue recapitulation du discours fait par le Cardinal Legat de S. Croix le douzième de Decembre, auquel adherant & resistant, il coneluoit qu'il falloit mesmes omettre toute mention des Presidens. Cete proposition donna encor plus à penser aux Legats que la precedente: mais toutes-fois le Cardinal de Monte repartit tout sur le champ: Que les Conciles auoient diuersement parlé, selon les occurrences des temps: qu'és temps passés, le Pape auoit tousiours esté reconu Chef en l'Eglise, & que iamais aucun n'auoit demandé Concile independant du Pape: comme les Allemans le demandoient à present outreuidamment: & qu'il falloit en toutes actions repugner à cete temerité heretique, se monstrant conioints avec le Chef, qui est le Pape de Rome, faisant mention de ses Legats. Il tint vn long propos sur ce sujet, lequel sachant bien estre plus aysé à maintenir par diuersion, qu'à persuader par raison, il procura qu'on passast à autre chose. Le contenu du Decret fut approuué de tous: mais d'autant qu'il y auoit vne clause, en laquelle chacun estoit exhorté à prier Dieu pour le Pape, l'Empereur, & les Roys: les Prelats François firent instance que nommément fust faite mention du Roy de France: ce que le Cardinal Legat de S. Croix trouuoit bien bon, mais adioustoit qu'il faudroit donques nommer tous les autres en leur rang & ordre, qui seroit chose longue, & pleine de danger, pour les preseances. Les François repliquerent, Que le Pape, en la Bulle de la Conuocation, auoit bien fait mention de l'Empereur, & du Roy de France seulement, & pourtant, qu'il falloit, à cet exemple, ou le nommer, ou les omettre tous deux. Les Legats se remirent à y penser, donnant intention que chacun demeureroit content.

les François requie-
rent que
mention
fust faite de
leur Roy:

tenue de la
seconde ses-
sion:

Ainsi donques, le septième de Ianuier, tous les Prelats, en leurs habits communs, s'assemblerent en la maison du premier Legat, de laquelle partans, la Croix deuant, ils s'acheminèrent vers l'Eglise Cathedrale. On assembla

du territoire de Trente en la ville quelques gens de cheval, & trois cens soldats, armes partie de piques, partie de harquebuses, lesquels se mirent en haye des deux costés de la rue, des la susdite maison iusqu'à l'Eglise. Et apres que les Legats, & les Prelats furent entres en l'Eglise, toute cete gendarmerie se rendit sur la place de l'Eglise, & fit vn salut d'harquebuzerie, & puis se tint sur la place à faire la garde à cete Session. Outre les Legats, & le Cardinal de Trente, se trouuerent là quatre Archeuesques, vint-huit Euesques, trois Abbes de la Congregation du mont Cassin, & quatre Generaux d'Ordre, lesquels estoient assis au lieu de la Session. Ces quarante-trois personnes constituoient le Concile general. Des Archeuesques les deux estoient portatifs, & titulaires seulement, qui iamais n'auoient veu les Eglises, dont ils portoient le titre, qui leur auoit esté conféré par le Pape, seulement pour cause d'honneur: l'un estoit Olaus Magnus, nomme Archeuesque d'Upsale en Gothie: & l'autre Robert Vuaucop Escossois, Archeuesque d'Armacan en Irlande, homme de tres-courte veüe, mais renommé pour le meilleur coureur de poste du monde. Ces deux auoient esté entretenus à Rome quelques années par le Pape, par maniere d'aumosne, & furent enuoyés à Trente, pour accroistre le nombre: & dependre des Legats. Il y auoit enuiron vint Theologiens tout debout, l'Ambassadeur du Roy des Romains: & le Procureur du Cardinal d'Ausbourg, y assisterent, & furent assis au banc des Ambassadeurs: & aupres d'eux au mesme banc estoient assis dix Gentilshommes des en conuains, choisis par le Cardinal de Trente. La Messe fut chantée par Iean Fonseca, Euesque de Castelmare, & en la Messe Coriolan Martiran, Euesques de Saint Marc, fit le Sermon.

La Messe finie, les Prelats se vestirent de leurs habits Pontificaux, & furent faites les Letanies, & Oraisons, comme en la premiere Session lesquelles acheuées, & tous estant assis, l'Euesque celebrant monta en chaire: & lut la Bulle susmentionnée, que les Procureurs des absens ne fussent admis à donner leur suffrage: & ne se fit aucune mention d'une autre, en laquelle estoient exceptés ceux d'Allemagne. Apres il lut le Decret, auquel le Concile exhortoit tous les infideles, assembles à Trente, de viure en la crainte de Dieu, & faire tous les iours oraisons pour la paix entre les Princes, & pour l'ynité de l'Eglise: & les personnes du Concile à dire Messe, au moins le dimanche, & prier Dieu pour le Pape, l'Empereur, les Roys, & les Princes, & tous à iulner, & faire aumosne, & viure sobrement, & instruire leurs domestics. Il exhortoit aussi tous, mais principalement les gens de lettres, à penser exactement aux voyes & moyens de chasser les heresies, & à vser de modestie es assemblées à parler & proposer leurs aduis. Il ordonna en outre, qu'en cas qu'aucun ne fust assis, ou ne donnast son suffrage, ou n'entreuint es Assemblées, en son lieu & rang, nul n'en receust preiudice, & nul aussi n'en acquist nouueau droit. Le Decret ayant esté lu, les Peres interrogués, respondirent, *Placet*. Mais les François adiusterent, qu'ils n'approuuoient point le titre ainsi imparfait, & y requeroient l'addition, *Vniuersam Ecclesiam representans*. En fin fut assignée la Session suyuant, au quatrieme Feurier, & les Peres congediés, lesquels, ayans laissé leurs habits Pontificaux, en leurs communs habits accompagnerent les Legats à leur maison, avec le mesme ordre, qu'ils estoient venus en l'Eglise: lequel fut obserué en toutes les suyuantés Sessions.

Apres la Session, on ne tint aucune Congregation iusques au treizieme de Ianuier: d'autant que Pierre Pacieco, Euesque de Iahen, nouuellement créé Cardinal, ne pouuoit selon la loy de la ceremonie se trouuer en lieu public auant qu'il eust reçu le bonnet de Rome: & cependant il desiroit extremement d'entreuenir en la premiere Congregation, d'autant qu'en icelle on deuoit mettre ordre, qu'en la Session n'auinssent plus aucuns inconueniens. Quand la Congregation fut assemblée, les Legats se doulurent de ceux, qui auoient fait opposition au titre du Decret, le iour de la Session, & monstrerent, qu'il n'estoit point seant de faire apparoir diuersité d'aduis en

le Decret d'icelle.

en la suyuant Congregation est traitée l'opposition faite au titre du Concile.

1546.

ce lieu public, que les Congregations se faisoient, afin que chacun püst dire son aduis en lieu retiré, pour estre puis apres tous vniformés en ce quise deuoit publier: qu'il n'y auoit rien, qui tant düst estonner les heretiques, & animer les Catholiques, que la renommée de l'vniou. Ils vinrent puis apres à la matiere du titre du Concile: & mirent en consideration, qu'il n'y en auoit point de plus conuenable que celuy, que luy donnoit le Pape en la conuocation, & en tant d'autres Bulles, où il estoit nommé œcumenique & Vniuersel, à quoy seroit chose superflue d'adiouster aucune representation: veu que tous les liures sont pleins de ce qu'est ou represente vn tel Concile, legitimement indit, & commencé: & que faisant autrement, on monstroient de douter de son autorité, & de le vouloir comparer à quelque autre Concile, qti s'estoit donné ce titre, de Representant l'Eglise vniuerselle, pourcè qu'il reconnoissoit de manquer d'autorité legitime, dont il auoit voulu y suppleer par paroles: designant les Conciles de Basle, & de Constance: & pourtant, afin d'en faire vne ferme resolution, que chacun en dist son auis.

Le Cardinal Pacioco dit, Que le Concile estoit orné de beaucoup de titres; & en si grand nombre, que s'il falloit les employer tous à toutes occasions, le special denombrement d'iceux seroit tousiours plus gros que le corps du Decret, mais que, comme vn grand Empereur, possesseur de plusieurs royaumes & estats, d'ordinaire en ses Edits n'exemploye que le titre, dont l'Edit peut receuoir force & vigueur: & mesmes souuentefois, sans titre, met seulement en auant son nom propre: ainsi ce Concile, selon les matieres qui se traiteroient, potirra employer diuers titres: pour declarer son autorité, mais qu'à present, qu'on n'est encores qu'és preparatoires, il n'est point necessaire d'en employer aucun. L'Euesque de Feltré considera, Que les Protestans auoient requis vn Concile, auquel ils pussent aussi entreuenir avec voix de cisme: que si on donnoit ce titre au Concile, qu'il represente l'Eglise vniuerselle, ils tireroient de là vn argument, Que donques y doiuent entreuenir gens de tous Ordres de l'Eglise vniuerselle: lesquels estans deux, Clerical, & Laical, icelle ne peut-estre parfaitement representée, si le Laical en est forclos. Mais au demeurant, ceux là mesmes, qui en la Session attoient consenty au titre simple, estoient d'auis que cete representation fust supplée. L'Euesque de Saint Marc dit, Que les Lais ne peuent estre appellés Eglise, sinon tres-improprement: d'autant que, comme les Canons determinent, ils n'ont aucune autorité de commander, mais seulement necessité d'obeyr: & que c'estoit là vne des choses, que ce Concile deuoit arrester, Que les Seculiers recoiuent en humilité la doctrine de la foy, qui leur est donnée par l'Eglise, sans en disputer, ny mesmes y penser plus auant. Et pourtant que pour cela mesme il faut vser de ce titre, Que le Concile represente l'Eglise vniuerselle, pour faire entendre aux seculiers, qu'ils ne sont point l'Eglise, mais qu'ils sont obligés à escouter l'Eglise, & à luy obeyr. Plusieurs choses là dessus furent dites: & on passa outre, sans autre plus ferme conclusion, ar-
restant seulement qu'en la Session suyuant on se seruiroit du titre simple, comme en la precedente.

et fait-on
semblant de
vouloir ven-
nir aux ma-
tières,

Ces choses faites, d'autant que certains Prelats auoient fait instance, qu'on vinst meshuy aux choses essentielles, les Legats, pour les contenter, proposerent qu'on adriast aux trois chefs contenus en la Bulle du Pape, assauoir, à l'extirpation des heresies, à la reformation de la discipline, & à l'establissement de la paix: & comment on deuoit entrer à en traiter, quelle voye il falloit suyure, & quelle procedure garder, & qu'ils priaissent Dieu qu'il les illuminast tous, & que chacun vinst préparé pour en dire son auis en la premiere Congregation. A la fin furent presentées quelques commissions & procurations d'Euesques absens, & furent deputés l'Archeuesque d'Aix, l'Euesque de Feltré, & celuy d'Astorga, pour voir le point & fondement de l'excuse, & en rapporter à la Congregation.

Le iour ensuyuant, les Legats escriuirent à Rome, qu'ils voyoient cete

amplification du titre du Concile, par l'addition de, *Representant l'Eglise Vniuerselle*, estre chose tant plausible, & agreable à tous, qu'ayfément elle pourroit estre remise sur le tapis: & pourtant desiroient sauoir la volonté de Sa Sainteté, s'ils deuoient persister à la denier, ou bien s'il les en falloit contenter, sur tout escheant occasion qu'on eust à faire quelque Decret important, comme en la condennation des heresies, & en choses semblables. Ils donnerent aussi aduis, comme ils auoient fait la proposition pour la Congregation suyuante, ainsi en termes generaux, pour seconder le desir des Prelats, qui estoit d'entrer es matieres essentielles: & toutes-fois interposer du temps, iusques à ce qu'ils eussent receu de Sa Sainteté l'instruction requise. Ils adiousterent, que le Cardinal Pacieco auoit nouuelles que l'Empereur auoit donné charge à diuers Euesques Espagnols, personnages exemplaires, & de grand sauior: d'aller au Concile, dont iugeoient necessaire que Sa Sainteté enuoyast dix ou douze Prelats, bien affides, mais qui aussi eussent des qualitez releuees; pour paroistre afin que le nombre des Ultramontains, sur tout de personnages rares en doctrine, & exemplaires en vie, & mœurs, venant à croistre, il y eust moyen de leur mettre quelques Italiens en teste, qui en quelque partie les contrepessent, car d'entre ceux, qui iusques alors se trouuoient à Trente, les bien affectionnés estoient de peu de literature, & de moindre prudence encor: les autres de quelque sauior, se descouuroient gens de cabale, & mal-ayfés à manier.

En la suyuante Congregation, assemblée le dix-huitieme du mesme mois, pour ouyr les aduis de tous sur les propositions de la precedente, les opinions furent diuisées en quatre. Les Imperialistes dirent, Que la matiere des dogmes ne se pouuoit traiter: avec esperance de fruit, que tout premier on n'eust par vne bonne reformation osté les transgressions, desquelles sont procedées & nées les heresies, & s'estendirent bien fort en ce grand chap ouuert, concluant, que iusques à ce que n'est purgé le scandale, que le monde prend de la deprauation de l'ordre Ecclesiastic, iamaïs on n'adiousterà foy ne creance à chose aucune qu'iceluy preschera, ou affermera, au fait de la Doctrine: attendu que tous sont persuadés, qu'il faut regarder aux œuures, & non aux paroles. Disant en outre, qu'il ne falloit point parler de l'exemple des anciens Conciles: d'autant qu'en iceux, ou il n'y auoit point de corruption de mœurs, ou icelle n'estoit point cause de l'heresie, & qu'en fin: dilayer de traiter de la reformation n'estoit autre choqué se monstrier incorrigibles.

Quelques autres, en petit nombre, iugeoient qu'il falloit commencer par les dogmes; & puis consecutiuellement passer à la reformation: allegans, que la foy est le fondement & la base de la vie Chrestienne, qu'on ne commence iamaïs à bastir par le toit, mais par le fondement, qu'il y auoit plus grand péché à faillir en la foy, qu'en autres actions humaines: & que les Bulles Papales mettoient en chef l'extirpation des heresies. Il y eut vne troisieme opinion, qui portoit; que mal-ayfément se pouuoient separer les deux chefs, de la Reformation, & de la Foy, veu qu'il n'y auoit aucun dogme, qui n'eust son abus, ny aucun abus qui ne tirast après soy la peruerse interpretation, & le mauvais sens de quelque dogme, dont il estoit necessaire de les traiter en vn mesme temps: ioint que, tout le monde ayant les yeux tournés à ce Concile, & attendant d'iceluy le remede tant es choses de la foy, qu'en celles des mœurs, on donneroit plus de contentement; les traitant coniointement, que l'une après l'autre, de tant plus que, selon la proposition du Cardinal Legat de Monte, on deuoit faire plusieurs deputations, dont l'une traiteroit l'une des matieres, & l'autre l'autre. Et qu'il falloit diligenter à ce faire, considerant que le temps present, auquel la Chrestienté est en paix, est precieux, & ne se doit perdre, puis qu'on ne sauoit quels empeschemens pouuoit apporter le temps à venir: & qu'on deuoit s'estudier à abbreger le Concile le plus qu'il seroit possible, afin que les Eglises demeurassent tant moins destituées de leurs Pasteurs, & pour plusieurs autres esgards, designant les euenemens qui pourroient naistre à la longue, au mescontentement du Pape & de la Cour de Rome.

1545
mis de
est con
Rome pre
mierement.

En la Congregation les Imperialistes pressans la reformation.

autres au contraire les dogmes.

autres enuoyans les deux.

1546.

*les Legats
surjoints.*

Quelques autres aussi, entr'autres les François, requeroient, qu'on mist en chef le point de la paix, & qu'on escriuist à l'Empereur, au Roy Treschrestien, & aux autres Princes, pour les remercier de la conuocation du Concile, & les prier que pour la continuation d'iceluy ils establissent la paix entre eux, & contribuassent à cet œuvre, par l'enuoy de leurs Ambassadeurs, & Prelats: qu'on escriuist aussi amiablement aux Lutheriens, pour les conuier en charité à venir au Concile, & à se joindre au demeurant de la Chrestienté. Les Legats, auans ouïy les aduis de tous, & ayant loüé leur prudence, dirent, Qu'attendu qu'il estoit ia tard, & que la deliberation estoit de tres-grand poids, & les opinions diuerses, ils penseroient meurement à tout ce qui auoit esté remonstré par chacun, & en la premiere Congregation proposeroient les points, desquels il faudroit determiner.

On fit vn reiglement, que les Congregations se tinissent deux fois la semaine, assaïtir le Lundy, & le Vendredy, sans autrement les intimer. Et à la fin l'Archeuesque d'Aix, ayant reçu lettres du Roy Tres-chrestien, salua le Concile au nom d'iceluy, & promit, que Sa Majesté enuoyeroit bientoist vn Ambassadeur, & grand nombre de Prelats de son Royanme. Et icy finit la Congregation.

*Et d'ancien
aduis à Rome.*

Les Legats donnerent aduis de tout à Rome, signifiant, qu'ils auoient prolongé la resolution des choses traitées, sous les pretextes susdits, mais qu'en verité ce n'auoit esté que pour gagner temps, attendans qu'ils pussent recevoir les instructions, & reiglemens, comme ils auroient à le gouverner: suppliant derechef Sa Sainteté de leur faire entendre sa volonté, pesant sur toute autre consideration, qu'il n'estoit nullement expedient pour le S. Siege d'allonger le Concile, & le tenir ouuert, le pouuant abréger. Adioustant, qu'ils auoient esté contrains d'establir deux Congregations par semaine: pour tenir les Prelats en haleine, & leur oster les occasions d'en faire d'eux mesmes. Mais aussi, que cela fera meurir les affaires, & les conduira à leur point, & pourtant qu'il sera du tout necessaire qu'on prene à Rome quelque expedient de resoudre promptement leurs propositions, sans tant tarder à leur respondre, comme on auoit fait iusques alors: & qu'on les tiene aduertis & instruits de tout ce qu'ils auroient à faire de main en main, preuoyant les enuieus, autant que faire se pourra. Que ia par plusieurs lettres ils auoient mandé, qu'il y auoit plusieurs Euesques discrets, lesquels s'estoient transportés au Concile, sous les esperances & promesses, que leur auoit donné Sa Sainteté, & le Cardinal Farnese: & qu'ils le reïteroient encor: adioustant, qu'il ne falloit point penser de les tenir à si petit ordinaire à Trente: comme à Rome, où n'ayans aucune autorité, ils se contienent en humilité & suietion: car, quand ils sont au Concile, il leur semble bien qu'ils doiuent tous estre estimés, & entretenus. Et que si on n'y vouloit auoir esgard, il vaudroit beaucoup mieux de ne les point auoir en ce lieu-là, que de les y auoir desgouistés & mal-contens: concluant que cete entreprise ne se pouuoit conduire heureusement à fin, sans diligence, & sans despenfe.

*laquelle le
Pape diffi-
ra à dessein.*

On pourroit s'esmerueillier, comment le Pape, personne tres-prudente: & verlee es affaires par si long espace de temps, n'auoit, apres tant d'instances, & encor donné resolution à ses Ministres, sur deux points tant importants & necessaires. Mais il faut sauoir que Sa Sainteté se fondoît fort peu sur le Concile: ains auoit toutes ses pensées tournées à la guerre, laquelle le Cardinal Farnese auoit notifiée avec l'Empereur l'année precedente, & ne se pouuoit contenir d'en faire des demonstrations. L'Empereur aussi de son costé ne sollicitoit pas beaucoup le progrès & aduancement du Concile, car pour ses desseins il luy suffisoit qu'il demeurast ouuert.

*le parti de
la reforma-
tion gr. s'ij
saut.*

Mais les Prelats, qui vouloient qu'on commençast par la Reformation, & qu'on laissast les Dogmes en arriere, estans secondez & fauorises des Ministres Imperiaux, trauaillerent à attirer les autres à leur party. Chose qui leur fut aysee, d'autant que la reformation estoit vniuersellement desirée, quoy qu'on y eust peu de creance, & encor moins d'esper d'y paruenir, le

nom-

nombre en gressit tellement, que les Legats s'en trouuerent confus: dont & d'eux mesmes, & par le moyen de leurs adherens, il firent en priue plusieurs offices, & employèrent diuerses pratiques à l'encontre: & finalement en la Congregation du vintdeuxieme, tous trois, l'un apres l'autre, entreprirent de renuerfer les fondemens qu'on allegoit en faueur de la Reformation. Vne raison porta coup, tiree de la proposition de l'Empereur en la Diete de Vvormes, au mois de May passé, en laquelle il disoit, Qu'on verroit quel progres feroit le Concile en la decision des Dogmes, & en la Reformation: que s'il n'auançoit rien, il intimeroit vne autre Diete, en laquelle on pourroit accommoder les differens de la Religion, & corriger les abus. Inferant de là, que, si on ne traitoit des Dogmes, on autoriseroit la Conference, & la Diete à venir, & ne pourroit-on bonnement empescher qu'on ne traitast de la Religion en Allemagne, veu qu'on refusoit d'en traiter au Concile.

Il y eut en cete Congregation vn grand riche Prelat, lequel, par vne harangue premeditee, s'efforça de monstrier qu'il ne falloit viser qu'à la Reformation: exaggerant grandement la deprauation generale de toutes les parties du Clergé: & inculquant, que iusques à ce que leurs vaisseaux ne fussent nettoyez, le Saint Esprit n'y pouuoit habiter: & par consequent, qu'on ne pouuoit attendre d'eux aucun droit iugement es choses de la Foy.

Mais le Cardinal Legat de S. Croix, prenant suiet de là, dit, Qu'il estoit vraiment raisonnable, de differer aucunement la reformation de ceux-là mesmes, qui deuoyent manier les affaires & les deliberations du Concile: mais qu'icelle estoit bien aisee, & prompte expedition: & se pouuoit aussi mettre tout soudain en execution, sans retarder la matiere des Dogmes, de foy-mesmes fort enuêlopee, & de longue digestion. Il loua grandement ce Prelat, d'auoir ramentu chose si sainte, & de si bon exemple: attendu que, commençant par eux mesmes, on pouuoit, avec beaucoup de facilité, reformer tout le demeurant du monde: & exhorta tous en termes graues & forts, d'en venir à la pratique reelle. Cet aduis fut bien loué de tous, mais ne fut point suivi: d'autant que plusieurs disoyent, Qu'il falloit que la Reformation fust vniuerselle, & qu'on ne deuoit point perdre le temps apres cete particuliere. Et pourtant fut conclu, par l'aduis de tous, sauf que deux, que les Articles de la Foy, & de la Reformation, seroyent traités de pair à pair, comme aussi l'un & l'autre est egaleement desiré du monde, & egaleement est iugé necessaire, & coniointement couché es Bulles de Sa Sainteté. Les Legats demurerent contens de cete resolution, ores qu'ils eussent bien desiré de traiter plustost des choses de la Foy tant seulement, & laisser la Reformation: mais ils auoyent si grand peur d'estre contrainsts de traiter de la seule & simple Reformation, qu'ils tenoyent pour victoire entiere de les faire marcher coniointement: avec ce qu'à la fin ils s'apperceurent bien que leurs aduis, d'omettre la Reformation, estoit dangereux, voulant par iceluy resister à tous les Prelats, & à tous les Estats de Chrestienté, qui la requeroient: ce qu'ils ne pouuoient faire sans grand scandale, & infamie. Et aduiserent, que quand bien ce party qu'ils prenoient par pure necessité, n'agreeroit point à ceux de Rome, iceux ne se pourroyent de raison plaindre que d'eux mesmes qui tant de fois auoyent esté sollicités à respondre aux lettres, & à leur en-

1546

Et en fin fut conclu, qu'on traiteroit coniointement des Dogmes & de la Reformation.

Et ordonné d'escrire lettres au Pape, & Rois, & Princes.

1546.

Les Legats proposerent deux points, sur lesquels les Peres deuoyent faire consideration, & donner leurs aduis: le premier, Si en la premiere Session on deuoit prononcer le Decret, Que tousiours fussent coniointement traités les Articles de la Foy, & les correspondans de la Reformation: le deuxieme, Comment il falloit proceder à choisir ces deux Chefs, les traiter, & les examiner. Les Legats crurent de s'estre, par ces propositions, deschargés des importunes demandes d'aucuns, Qu'on eust à chaque Congregation à arrester quelque point essentiel, & quant & quant d'auoir montré de faire quelque estime des Prelats.

sur quoy on dispute du cachet,
La suiuite Congregation fut toute occupee à lire le grand nombre des missiues formées, & à disputer du cachet pour les clore. Aucuns proposoyent qu'elles fussent scellées de plomb, avec vne marque propre & particulière du Synode, en laquelle les vns vouloyent que d'un costé fust empreinte l'image du S. Esprit, en forme de colombe, & de l'autre costé le nom du Concile: autres proposoyent autres formes, qui toutes estoient assez specieuses. Mais les Legats, qui auoyent autre ordre de Rome, apres auoir laissé disputer les Peres là dessus, esquitierent cete proposition, disans, Que cela tenoit du fastueux, & ne feroit que prolonger le temps: d'autant qu'il faudroit enuoyer grauer le cachet à Venise, veu qu'à Trente il n'y auoit aucun maistre capable de tel ouurage: & qu'on y penseroit mieux de là en apres: qu'il estoit necessaire de despescher lors promptement les lettres, ce qui se pouuoit faire avec le sing, & le cachet du premier Legat. Le demeurant fut remis à la suiuite Congregation.

de l'ordre des dogmes à décider,

En icelle on parla des deux points proposés. Sur le premier il y eut deux opinions: l'vne, que le Decret fust formé & publié: l'autre, qu'il n'estoit point expedient de s'obliger par Decret: ains qu'il valoit mieux se conseruer en liberté, pour pouuoir deliberer, selon que les occasions se presenteroyent. Là dessus on prit la voye du milieu, disant seulement, Que le Concile estoit principalement assemblé pour ces deux causes: sans passer plus outre. Mais, quant au second point, la pluspart estoit d'aduis, que puis qu'ils estoient assemblés pour condamner l'heresie Lutherienne, il falloit suiure l'ordre de leur Confession: mais d'autres y contredirent, allegans, Que ce seroit ensuiure les Cōferēces tenues en Allemagne: ce qui raualerait la dignité du Concile. Outre ce que les deux premiers chefs de la Confession d'Augsbourg estoient, l'un de la Trinité, l'autre de l'Incarnatiō: esquels ils y auoit accord en la substance avec les Lutheriens, sauf qu'ils les exprimoyent & representoyent par façons de parler nouuelles, & inusitées es Escholes: dont, si on venoit à les approuuer, on leur donneroit credit & reputation, & se feroit-on preiudice à la condamnation des suiuians. Que si aussi, sans les approuuer, ne condamner, on vouloit en parler, non es termes de la Confession d'Augsbourg, mais des Scholastics, ou autres, il y auoit danger d'exciter nouuelles disputes, & nouueaux Schismes. Les Legats, qui n'auoyent autre but, que de faire filer le temps, n'auoyent point pour desagréable d'entendre ces difficultés & à dessein les nourrissoient, fomentant dextremēt or l'un or l'autre aduis.

le tout par artifice les Legats attendans instruction de Rome, auant le Decret, laquelle n'arriuait,

Le temps, assigné pour la Session, approchant, les Legats se trouuerent en grande perplexité, n'ayans receu aucune instruction de Rome. Il leur sembloit que de passer icelle Session en ceremonies, comme la precedente, estoit perdre toute la reputation: d'ailleurs aussi, que c'estoit chose dangereuse d'entreprendre aucune matiere, n'ayant encores aucun but arresté où viser, Ce qui sembloit estre de moins de hazard, estoit de former vn Decret de la resolution prise en la Congregation, De traiter ensemblement les matieres de la Foy, & celles de la Reformation. Mais à cela on objectoit, Que c'estoit s'obliger, & mesmes determiner vne chose, laquelle le Pape auoit laissée indecise en la Cōuocatiō. En ces ambiguïtés on proposa qu'on s'eschappast avec vn Decret de delay, & remise, sous pretexte, que plusieurs Prelats estoient en voyage, & estoient attēdus en bref. Le Cardinal Legat Pol⁹ mit en consideration, Qu'attendu qu'en les Cōciles anciens tousiours auoit esté publié

le legat Pol⁹

vn Symbole de foy, on fist le mesme en cette Session, publiant celuy de l'Eglise Romaine. En fin on arresta de former le Decret, avec simple titre: & en iceluy faire mention, qu'on traiteroit de la Foy, & de la Reformation: mais en termes tant generaux, qu'on le püst ployer à toute occurence: & de reciter le Symbole, & ainsi s'eschaper: faisant vn autre Decret, par lequel on remettoit l'examen & traité des matieres à l'autre Session, allegant pour raison, que plusieurs Prelats estoient sur leur depart. & quelques vns en voyage. Et pour n'estre plus reduits à tel destroit, on resolut de prolonger le terme de la suiuite Session le plus qu'on pourroit, non toutesfois au delà de Pasques.

Après que ce Decret fut formé, il fut communiqué aux Prelats les plus affidés: entre lesquels l'Euesque de Bitonte considéra, que de faire vne Session, pour reciter le Symbole établi desia des douze cens ans, & tousiours crû & receu sans contredit, voire mesmes au temps present: pourroit estre pris par les malueilleux en derision, & par les autres, en sens sinistre. Qu'on ne pouuoit dire d'ensuiure en cela l'exemple des Peres: d'autant qu'eux auoyent composé des Symboles contre les heresies qu'ils condannoient; ou bien auoyent reiteré les precedens Symboles dressés contre les heresies ia condannees, soit pour leur donner plus de poids & d'autorité, y adioustant quelque chose pour declaration, soit pour en rafraischir la memoire; & les garentir de l'oubliance. Mais qu'au temps present on ne parloit point de dresser nouveau Symbole, ne d'y adiouter aucune declaration: que de luy donner plus grande autorité, n'estoit point chose qui conuinist à eux; ou à ce siecle: & que de le simplement rememorer, estoit chose superflue, & affectee, attendu que du moins toutes les semaines on le recitoit en toutes les Eglises, & tout homme en auoit la memoire toute recente. Que de dire, que les heretiques estoient conueincus par le Symbole; cela estoit vray à l'esgard de ceux, qui errent contre iceluy: mais n'auoit nul lieu contre les Lutheriens, qui le croient comme les Catholiques. Que si meshui, apres tant d'appareil, on employe le Symbole à cet effet, on interpretera toute cette action comme composee pour amuser & entretenir seulement; sans auoir hardiesse de toucher aux Dogmes, ne volonté de venir à la Reformation. Et pourtant conseilloit, qu'il valoit mieux interposer vn delay, veu l'attente des Peres, & avec iceluy passer la Session.

L'Euesque de Chioge adiousta, que les raisons, employees au Decret, pourroient estre tirees par les heretiques à leur aduantage: d'autant que si le Symbole peut seruir à conuertir les infideles, conueindre les heretiques, & confermer les fideles, donques on ne doit contraindre aucun à croire autre chose hors d'iceluy. Ces raisons ne furent pas iugees par les Legats de si grand poids & force, comme la contraire, Que de ne faire point de Decret portoit perte de reputation: & pourtant ils se resolurent à le faire, & à rhabiller vn peu mieux quelques paroles & termes selon les aduis donnés par les Prelats: puis le proposerent en la Congregation du premier Feurier. Plusieurs choses furent dites & discouruës sur iceluy, & quoy qu'il fust approuué par la plus grande partie, quelques Prelats neantmoins au sortir de la Congregation en monstrerent peu de contentement, & alloient disans l'un à l'autre, Voila; on dira, que par les poursuites, & les negotiations de vint ans, on s'est assemblé pour ouïr reciter le Credo.

Quand donc fut venu le quatrième Feurier, destiné à la Session, on alla à l'Eglise avec la mesme ceremonie; & compagnie, qu'en la precedente. Pierre Tailleuoye, Archeuesque de Palerme, chanta la Messe: & frere Ambroise Catarin, Sienois, Iacopin, fit le Sermo: & l'Archeuesque de Torre lût le Decret: qui portoit en substance, Que le Concile; considerant l'importance des deux chefs qu'il deuoit traiter, assauoir, de l'extirpation des heresies, & de la reformation des mœurs, exhortoit tous à mettre toute sa confiance en Dieu, & se vestir des armes spirituelles: & afin que sa diligēce ait son cōmencement & progres de la grace de Dieu, il ordōne de cōmencer par la Cōfessio de

1546. foy, suivant en cela l'exemple des Peres, lesquels es principaux Conciles, tout à l'entree des Actions fut mis ce boucher au deuant des heresies: & quelques fois avec iceluy seul, auquel conuient tous ceux qui font profession du nom Chrestien, ont conuertis les infideles, & veincu les heretiques. Et là dessus le Symbole fut recité de mot à mot sans autre conclusion. L'Archeuesque demanda aux Peres, Si le Decret leur plaisoit: & tous respondirent, qu'ouy. Mais aucuns y mirent quelques conditions, exceptions, & additions, de peu de consequence, avec desplaisir du Cardinal Legat de Monte, qui ne pouuoit trouuer bon qu'es Sessions on vint à des particularités, craignant que quand on viendrait à traiter matieres importantes, il n'en naisquist quelque inqumement. Apres cela fut lu l'autre Decret, par lequel la Session estoit intimée au huitieme Auiil, & ce delay estoit cause, parce que plusieurs Prelats estoient sur leur depart, & autre en chemin: & que les deliberations du Concile auroyent plus de poids, quand elles seroyent renforcees de l'aduis & assistance de plus grands nombre de Peres. Mais que pour cela ne seroit point intermis l'examen & la recherche des matieres, que le Concile ordonneroit.

ridicule
mesmes à
Rome.

La Cour de Rome, qui auoit esté toute en effroy au seul nom de Reformation, eut beaucoup de contentement d'entendre que le Concile s'entretint en ces petits preludes, & coups d'essay, esperant que le temps porteroit remede à tout. Et les Courtisans licentieux eurent beau ieu à faire leurs raileries & pasquils, du Concile, les vns louans les Prelats assemblez à Trente d'auoir fait vn noble Decret & digne d'un Concile general: les autres les exortans à reconnoistre leur grande preud'homie & sauoir.

les Legats
aduertissent
le Pape de
nouveau.

Les Legats, donnans aduis au Pape de la Session tenue, l'aduertirent qu'il seroit bien difficile à l'auenir de s'opposer à ceux qui vouloyent suppleer le Titre du Concile, par ces mots, *Représentant l'Eglise Vniuerselle*, que toutesfois ils seroyent contraincts de franchir toutes les difficultés. Mais qu'il n'estoit pas possible d'entretenir les Prelats sans effectuer quelque chose d'importance, & venir aux points essentiels: & que pourtant ils attendoyent l'ordre, & l'instruction tant de fois requise. Qu'à leur auis il seroit à propos de traiter de la sainte Escriture, & des choses qui en cete matiere sont en debat avec les Lutheriens, & des abus qui ont esté sur ce point introduits en l'Eglise: qu'avec cela on pouuoit donner beaucoup de contentement au monde, sans offence d'aucun: qu'ils en attendroyent la respõse, veu qu'il y auoit du temps assez pour examiner ces matieres, & beaucoup d'occasions de tirer le temps en longueur, iusques au commencement du Quaresme.

nouvelles
reformatiõs
en Allema-
gne.

Or en ce temps, quoy que le Concile fust ouuert, & tousiours se tint, l'estat des affaires en Allemagne ne changea point de face. Au commencement de l'année l'Electeur Palatin introduisit la communion du Calice, la langue vulgaire es prieres publiques, le mariage des Prestres, & autres choses ia reformees ailleurs. Et ceux aussi, que l'Empereur auoit deputés pour se trouuer en la Conference, ordonnee pour trouuer quelque voye d'accord es differens de la Religion, s'assemblerent à Regensbourg, au Coloque: auquel l'Empereur deputa pour President l'Euesque de Eichstet, & le Comte de Furstemberg. Mais d'iceluy ne reüssit aucun bon fruit, à cause des ombres & des fiances, que les parties prirent l'un de l'autre, lesquelles les Catholiques captoient toute occasion de donner aux autres, & feignoient aussi de les prendre de leur costé, dont finalement cete assemblée fut rompue.

la mort de
Luther
choses de grand
contentement
à Rome &
à Trente.

Le dixhuitieme de Feurier mourut aussi Martin Luther. Toutes ces nouvelles portees à Trente, & à Rome, on ne conceut point tant de desplaisir du changement de la Religion au Palatinat, que de ioye que la Conference ne succedoit point, & tendoit à se rompre, & de ce que Luther estoit mort. La Conference sembloit vn autre Concile, & donnoit grande ialousie: car, si on y eust appointé quelque chose, on ne voyoit point comment la pouuoit rejeter: & si on l'eut acceptee, il eust semblé que le Concile receust loy d'ailleurs. Et en tout cas cete Conference, avec l'interuention des deputés de

l'Empereur, estoit avec peu de reputation du Concile & du Pape. Les Peres Trentins, & la Cour de Rome, conceurent grande esperance de la mort d'un instrument puissant à impugner la doctrine, & les ceremonies de l'Eglise Romaine, & qui auoit este cause principale, & quasi totale des diuisions; & des nouveautés introduites: & prirent icelle pour presage d'heureux succès du Concile: sur tout, parcé que cete mort fut diuulguée par l'Italie, comme au enue avec plusieurs prodigieuses & fabuleuses circonstances, lesquelles on attribuoit à miracle, & à vengeance diuine: combien que de vray il n'y eust autre accident; que les ordinaires & coustumiers estrespas de ceux qui meurent en l'aage de soixanté trois ans, qui fut celuy iustement auquel mourut Luther. Mais les choses siuientes après iusques à nostre aage, ont fait clairement voir, que Luther ne fut qu'un instrument, mais que les causes estoient bien autres, plus puissantes, & secretes.

L'Empereur estant arriué à Regensbourg, se plaignit grieuement, que la Conference eust esté rompue, & en escriuit lettres par toutes l'Allemagne. Mais on ne fit que s'en rire, d'autant qu'il estoit notoire à tous, que la separation estoit procedée des Espagnols, & des Moines, & de l'Euesque de Eichster, enuoyé par l'Empereur mesmes. Et n'est point mal-aisé, quand on fait qui sont les oturiers, de descouurir promptement d'où procede la source du mouuement, & action. Mais le prudent Empereur se vouloit seruir d'une mesme chose pour contenter le Pape, & le Concile, & pour chercher occasion contre les Protestans: Ce que l'euenement conferma: d'autant, qu'ayant reiteré les mesmes plaintes en la Diete; & ayant recherché de ceux qui y estoient assemblés, nouveaux moyens d'accord, les ministres des Euesques de Mayence, & de Treues, se departirent d'avec ceux des autres Electeurs, & s'adioignirent aux autres Euesques, & approuuerent le Concile, & firent instance à l'Empereur, qu'il le protegeast, & moyennast que les Protestans y entreussent, & s'y soumissent. Mais les Protestans s'y oppo-
vrayes causes de la rupture de la susdite Conference; & des dissimulation de l'Empereur;

soient, & remonstroyent au contraire, que ce Concile n'estoit point composé avec les qualités, & conditions qu'on leur auoit tant de fois promises, & pressoyent que la paix fust gardée, & que les affaires de la Religion fussent appointés en un Concile legitime d'Allemagne, ou bien en une Assemblée Imperiale. Mais tout masque fut en fin leué, quand les prepartifs de la guerre ne se purent plus tenir cachés: dont il sera parlé en son lieu.

Le Pape fit grande consideration sur la lettre escrite de Trente: pesant d'un costé les inconueniens, qui arriueroyent, en tenant, comme il disoit, le Concile à l'autre, & sus bout, au grand mescontentement des Euesques qui y estoient: & de l'autre, le mal qui pouuoit naistre, si on mettoit main à la Reformation. Mais, à la fin, voyant qu'il falloit de necessité hazarder quelque chose, & que la prudence ne pouuoit donner autre conseil que d'euitier un mal plus grand, il se resolut de rescrire à Trente, Que selon l'auis qu'ils auoient donné, ils missent l'action en train, prenant garde de ne mettre sur le tablier nouuelle difficultés en matiere de Foy, & ne determiner aucune des choses controuersées entre les Catholiques, & de proceder l'entement en la Reformation. Les Legats, lesquels iusques aiors s'estoyent es Congregatiōs entretenus en choses generales, apres qu'ils eurent receu le pouuoir de se mettre en train, proposerent en la Congregation du vingtdeuxieme Feurier, Que puis qu'on auoit posé le premier fondement de la Foy, l'ordre requeroit qu'on entraitast un autre plus ample, qui est l'Escripture Sainte: matiere en laquelle il y a des points concernans les Dogmes en controuersées avec les Lutheriens, & d'autres appartenans à la Reformation des abus, voir des principaux, & plus necessaires à corriger, & en si grand nombre, que, peut estre, il n'y auroit de temps assez iusques à la Session, pour trouuer remède à tous. On parla des choses controuersées avec les Lutheriens sur ce suiet, & des abus aussi: & diuers Prelats en firent de grands discours.

Iusques alors les Theologiens, qui estoient en nombre de trente, & la plupart Moines, n'auoyent seruy au Concile à autre chose, qu'à faire quel-

1546.

ques Sermons es iours de feste, en exaltation du Concile, ou du Pape, ou pour fleureter & s'escarmoucher contre les Lutheriens. Mais maintenant, qu'il s'agissoit de decider vn dogme contentieux, & de remedier aux abus plustost des gens de lettres, que d'autres, comença à paroistre à quoy ils pouuoient seruir: & fut ordonné, qu'es matieres à traiter, pour decider points de Doctrine, les Articles contraires à la Foy Orthodoxe fussent extraits des Liures des Lutheriens, & qu'iceux fussent remis à estudier, & à censurer aux Theologiens: afin que chacun d'eux endist son aduis, & qu'ainsi la matiere fust preparee pour former les Decrets: lesquels puis apres fussent representés en Congregation, & examinés par les Peres: & qu'apres qu'on en auroit ouy l'opinion de chacun, fust estably ce qu'on deuroit prononcer en la Sessio. Et qu'en ce qui concernoit les abus, chacun mist en auant ce qui luy sembloit digne de correction, avec le remede sortable, & approprié.

don les Articles sont extraits des liures des Peres.

Les Articles formés pour la partie concernant la doctrine, extraits des liures de Luther, furent ceux-cy:

Premierement, Que la Doctrine necessaire à la Foy est contenue toute entiere es Saintes Escritures, & que c'est vne fausse inuention des hommes, d'adiouster à icelle des Traditions non escrites, comme laissez par Christ, & par ses Apostres, à l'Eglise, & deriuees iusques à nous par le moyen de la cōtinuelle Succession des Euesques: & que c'est vn Sacrilege de les tenir pour egales en autorité avec les Escritures du Vieil, & du Nouveau Testament.

Secondement, Qu'entre les liures du Vieil Testament ne se doiuent conter autres, que ceux qui sont receus par les Hebrieux: & de ceux du Nouveau, doiuent estre excluses les six epistres, asauoir, celle qui porte le nom de S. Paul aux Hebrieux, celle de S. Iacques, la seconde de S. Pierre, la deuxieme & troisieme de S. Iean, & l'Apocalipse.

Tiercement, Que, pour auoir la vraye intelligence de l'Escriture Sainte, ou pour en alleguer les propres mots, & termes, il est necessaire de recourir aux textes des langues originaires, esquelles icelle est escrite, & qu'il faut reprouuer la Traduction Latine, comme pleine d'erreurs & fautes.

En quatrieme lieu, Que l'Escriture Sainte est tresfaice & tresclaire: & que pour l'entendre, on n'a besoin ne de glose, ne de commentaires: mais qu'il faut seulement auoir l'Esprit de brebis de Christ.

Pour le dernier fut couché en Article, Si contre tous ces chefs on deuroit former Canons, avec Anathemes.

sur lesquels tous s'accordent à autoriser les traditions non escrites
Sur les deux premiers Articles furent faits de grāds discours par les Theologiens en quatre Congregations, & quant au premier, tous vnanimement conuinnrent, Que la Foy Chrestienne est contenue en partie en l'Escriture Sainte, en partie es Traditions: & fut employé beaucoup de temps à alleguer sur cela passages de Tertullien, qui en parle souuent, & en denombre plusieurs, d'Irenee, de Cyprien, de Basile, d'Augustin, & d'autres. Quelques vns mesmes dirent que toute la Doctrine Catholique n'a autre fondement que la Tradition: attendu qu'on adiouste foy à la Sainte Escriture, sinon d'autant qu'on la tient par Tradition. Mais il y eut quelque differend, comment il estoit expedient de traiter cete matiere.

mais Lunel Cordelier requiert que on traite de l'Eglise.

Frere Vincent Lunel, Cordelier, fut d'aduis, que, puis qu'il falloit establir la Sainte Escriture, & les Traditions, pour fondement de la Foy, on traitast au prealable de l'Eglise, qui est vn fondement encor plus principal: d'autāt que l'Escriture reçoit d'icelle son autorité, selon le dire fameux de S. Augustin, *Je ne croiroys point à l'Euangile, si l'autorité de l'Eglise ne m'y mouuoit*: & pource aussi, qu'on ne peut auoir aucun vsage des Traditions, sinon qu'on le fonde sur la mesme autorité de l'Eglise: car, cas auenant qu'on debate si quelque chose est par tradition, il faudra decider le fait, ou par tesmoignage, ou par la sentence de l'Eglise. Mais posé le fondement, que tout Chretien est obligé de croire l'Eglise, on pourra bastir sur iceluy en toute asseurance. Il adioustoit, qu'il falloit prendre exemple de tous ceux, qui iusques alors auoyent solidement escrit contre les Lutheriens, comme Syluestre de

Prierio, & Echius, qui ont plus fait bouclier & force de l'autorité del'Eglise, que d'aucun autre argument: & qu'on ne pouuoit iamais containcre les Lutheriens par autre voye. Que c'estoit vne chose cōtraire au but entrepris de poser tous les fondemens de la doctrine Chrestienne, d'en omettre le principal, peu estre l'vnique: mais de vray celuy, sans lequel les autres ne subsistent point.

Cete opinion ne fut pas suiuite. Aucuns obiectoyent à l'encontre, Qu'elle estoit suiuite aux mesmes difficultés qu'elle opposoit aux autres: d'autant qu'aussi les Synagogues des heretiques s'attribuoyent ce titre & droit de vraye Eglise, à qui on donne tant d'autorité. Autres, tenans pour chose toute notoire & indubitable, que par l'Eglise il faut entendre l'Ordre Clerical, & encor plus proprement le Concile, & le Pape, comme Chef, disoyēt, Que l'autorité d'icelle doit estre tenue pour piece decidee: & que d'en traiter à present feroit paroître que la chose est en different & en doute, ou certes du moins tout nouuellement definie, & non tresancienne, & tousiours crüe & receüe, dès qu'il va en l'Eglise Chrestienne.

Mais Frere Antoine Marinier, Carme, estoit d'aduis qu'on s'abstinst de parler des Traditions: & disoit, qu'en cete matiere, pour decison du premier Article, il falloit tout premier arrester, Si la question estoit de Droit, ou de Fait: assauoir, Si la Doctrine Chrestienne a deux parties, l'une, qui ait esté escrete par le vouloir & ordonnance de Dieu: l'autre que Dieu ait par son mesme vouloir interdit d'escrire, mais ait seulement voulu qu'elle ait esté enseignée de bouche: ou bien, si de tout le corps d'icelle Doctrine il est accidentellement arriué, qu'ayant esté toute enseignée, vne partie n'en ait point esté mise par escrit. Il adiouta, que c'est chose euidente, que le Seigneur, ordonnant la Loy du Vieil Testament, auoit enioint pour chose necessaire qu'elle fust escrete: & pourtant auoit escrete le Decalogue de son propre doigt sur les tables de pierre, lesquelles il auoit commandé de mettre dās le coffre, qui pour cete cause fut appellé l'Arche de l'alliance. Qu'à plusieurs fois il auoit commandé à Moysé d'escrire les commandemens en vn liure, & qu'un exēplaire en fust mis auprès de l'Arche, & que le Roy en eust vn pour y lire continuellement. Que le mesme n'auoit point esté fait en la Loy Euāgelique, laquelle le Fils de Dieu auoit escrete dans les cœurs, & pour laquelle il ne faut auoir ne tables, ne coffre, ne liure. Ains que l'Eglise auoit esté tres-accomplie, auant que iamais aucun des Apostres eust escrete: & quand ores rienn'eust esté escrete, l'Eglise n'auoit pourtant esté defaillante d'aucune perfection. Mais, comme Iesus Christ auoit fondé la Doctrine du nouveau Testament es cœurs, aussi n'auoit-il point defendu qu'elle ne fust escrete, comme auoyent fait quelques fausses religions. esquelles les mysteres estoient tenus cachés, & n'estoient loisible de les rediger par escrit, ains seulement de les enseigner de bouche. Et que pourtant il estoit hors de doute, que ce que les Apostres ont escrete, & ce qu'ils ont enseigné de bouche, est d'egale autorité, ayant escrete & parlé par l'instinct du S. Esprit: lequel toutesfois comme par son assistance il les auoit adressés & guidés à escrire & prescher la verité, aussi ne peut-on point dire, qu'il leur eust defendu d'escrire chose aucune, pour la tenir en mystere & secret: & que pourtant on ne pouuoit constituer deux especes d'instinctes d'articles de foy, les vns publiés par esécriture, les autres ordonnés à estre communiqués seulement de bouche. Il dit en outre, que si aucun vouloit soustenir le contraire, il auroit deux grandes difficultés à franchir: l'une, à monstrier en quoy gist la difference entre ces deux especes: l'autre, comment les successeurs des Apostres ont pū mettre par escrit ce que Dieu auroit defendu: adioutant que l'alternatiue susdite estoit bien autant dure, & malaisément soustenable, assauoir, qu'accidentellement il estoit aduenü que quelques particularités n'ont esté escrites: attendu que cela derogeoit grandement à la prouidence de Dieu à adresser les Saints Apostres en la composition des Escritures du Nouveau Testament. Et pourtant concludoit, que d'entrer en ce traité estoit nauiger entre deux

1546.

escueils, & qu'il valoit mieux imiter les Peres, qui tousiours ont obserué de se preualoir des Traditions seulement és necessités, sans iamais en former Article de competence ou concurrence avec l'Ecriture Sainte: & qu'il n'estoit point nécessaire de passer pour lors à faire aucune nouvelle determination sur cet Article, quis que les Lutheriens n'en auoyent point formé d'expresse controuerse, quoy qu'ils ayent dit de ne vouloir estre conueincus que par la seule Ecriture, & qu'il valoit mieux s'arrester aux seules Controuerfes, qu'ils ont suscitees, que d'en mettre sur le bureau de nouvelles, en danger de faire plus grande diuision en Chrestienté.

mais est resté.

L'opinion de ce Moine agreea à peu de gens: & au contraire le Cardinal Polus le reprit, disant, Que cet aduis estoit plustost digne d'une Conference d'Allemagne, que conuenable à vn Concile vniuersel de l'Eglise. Qu'en vn Concile il faut vsfer à la pure & simple Verité: non, comme en ces Conferences, où il ne s'agit que de s'accorder, mesmes au preiudice de la Verité: que, pour garentir l'Eglise, il est nécessaire, ou que les Lutheriens recoiuent toute la Doctrine Romaine, ou qu'on descouure le plus qu'on pourra rencôtrer de leurs erreurs, pour monstrent tant plus au monde, qu'on ne peut s'accorder avec eux: & pourtant, si eux n'ont formé la controuerse sur les Traditions, il faut la fermer, & condamner leurs opinions, & monstrent que leur Doctrine n'est pas seulement differente de la vraye, en ce en quoy elle luy contredit formellement, mais aussi en toutes les autres parties: qu'il faut traualier à condamner le plus d'absurdités qu'on pourra extraire de leurs escrits, que c'est vne vanité de craindre d'eschouer à l'un des deux escueils opposites, pour cete captieuse raison alleguée par le Moine; à laquelle qui voudra auoir esgard, par mesme moyen conclurra qu'il n'y a aucune tradition.

diuers opinions sur le roole des liures Canoniques,

Au second Article les opinions furent conformes en cecy, Que, selon les anciens exemples, on dressast vn Catalogue, ou Registre des liures Canoniques, dans lequel fussent anroollés tous ceux qui se lisent en l'Eglise Romaine, voire mesme ceux du Vieil Testament, que les Hebreux n'admettent point. Et pour preuue de ce, par tous fut allegué le Concile de Laodicee, le Pape Innocent I. le troisieme Concile de Carthage, & le Pape Gelaise. Mais il y auoit quatre autres opinions diuerses: aucuns vouloyent, qu'on en fist deux rangs, & qu'au premier ne fussent mis que ceux, qui sont sans contredit on tousiours esté acceptés de tous: & au second, ceux, lesquels autresfois ont esté reiettés, ou desquels on a douté. Et disoit-on, que, combien que cela ne se voye point auoir esté pratiqué au temps passé par aucun Concile, ou Pape, il auoit neantmoins tousiours esté ainsi entendu: d'autant que S. Augustin en fait vne telle distinction: & l'autorité d'iceluy a esté canonisée au Can. *In Canonicis*, & S. Gregoire, qui fut mesmes apres Gelaise, sur le liure de Iob, dit touchant les liures des Maccabees, qu'ils ont esté escrits pour edification, quoy qu'ils ne soyent Canoniques.

Frere Louis de Catanee, Iacopin, disoit que cete distinction a esté faite par S. Ierome, qui est tenu pour reigle de l'Eglise en la constitution du Canon, ou Registre des Escritures: & allegoit le Cardinal Caietan, lequel aussi les auoit ainsi distingués, ensuiuant S. Ierome, comme reigle infailible que l'Eglise a baillee: & en escriuit ainsi au Pape Clement septieme, lors qu'il luy dedia & presenta ses Commentaires sur les liures historiques du Vieil Testament. Autres estoient d'avis, qu'on en fist trois rangs: le premier, de ceux qui tousiours ont esté tenus pour diuins: le deuxiesme, de ceux dont autresfois on a douté, mais qui ont receu autorité Canonique par l'vsage: & de ce nombre sont les six Epistres dessusdites, & l'Apocalypse du Nouveau Testament, & quelques parcelles des Euāgiles: le troisieme, de ceux dont iamais on a eu entiere certitude, comme sont les sept du Vieil Testament, & quelques Chapitres de Daniel, & d'Esther. Autres estimoyent, qu'il valoit mieux ne faire aucune distinction, mais imiter le Concile de Carthage, & autres, dressant le roole au Catalogue, sans dire autre chose. Il y eut encor

vn auis,

vn auis, qui porta, qu'on les declarast tous, en toutes leurs parties, ainsi qu'ils sont en la Bible Latine, estre de diuine & egale autorité. Le liure de Baruc donna plus de fascherie, pource qu'il n'est conté avec les autres, ne par le Concile de Laodicee; ne par celuy de Cartage; ne par les Papes de Rome: & on se feroit aisement porté à l'omettre; tant pour cete cause, que pource qu'on ne pouuoit trouuer le commentement de ce liure: mais l'obstacle à cela estoit: que l'Eglise en fait lecture: ce qui fut vne raison iugee si puissante, qu'elle fit resoudre la Congregation à dire, Que les anciens l'auoyent tenu pour partie de Ieremie, & l'auoyent compris en iceluy.

En la Congregation du Vendredy cinquieme Mars, vinrent nouuelles, que les Pensionnaires de l'Euesque de Bitonté demandoyent à Rome le payement de leurs pensions assignees sur son Euesché; & que pour cete cause ils l'auoyent fait adiourner deuant l'Auditeur de Rote: faisant instance que par excommunications, & autres Censures, selon le style de la Cour, il fust contraint de satisfaire. Il se plaignoit, disant que ses pensionnaires auoyent bien raison, mais que luy aussi estoit sans tort: d'autant que, demeurant à Trente, il ne pouuoit despendre moins de six cens escus par an, & que deduisant les pensions, il ne luy en restoit que quatre cens: dont il falloit de necessité, ou qu'il fust deschargé d'icelles; ou subuenu des autres deux cens escus. Les Prelats pauvres s'employoyent pour luy, comme en vne cause commune, & aucuns d'eux passerent à quelques hautes paroles, disans, Que c'estoit vne grande infamie au Concile, qu'un officier de la Cour de Rome entreprist d'vser de Censures cōtre vn Prelat assistant au Concile: que c'estoit vne chose monstrueuse, & qui feroit dire au monde, Que le Concile n'estoit point libre: que, pour l'honneur de l'Assemblée il estoit requis; que l'Auditeur fust cité à Trente; ou qu'on vlast contre luy de quelque ressentiment, & demonstration, qui garantist la dignité du Concile. Autres passoyent iusques à condanner les impositions des pensions, disans, Que c'estoit bien chose iuste, & obseruee par l'Antiquité, que les Eglises riches subuinssent aux pauvres, mais non par contrainte, ains de pure & liberale charité, & sans se priver elles-mesmes de leurs necessités: qu'ainsi auoit enseigné S. Paul. Mais que les Prelats pauvres fussent par Censures contraints de fonder aux riches, c'estoit vne chose intollerable: que c'estoit là vn point de reformation qu'il falloit traiter au Concile, reduisant la chose à l'usage ancien, & vrayement Chrestien: Mais les Legats, considerans combien les plaintes estoyent iustes, & iusques où elles se pouuoient porter; appaiserent le tout, promettans d'en escrire à Rome; & de faire que totalement on se deporteroit de ce proces, & qu'on pouruiroit à l'Euesque, en sorte qu'il se pust entretenir au Concile.

Après que les Theologiens eurent tous acheué de parler le huitieme Mars, la Congregation fut intimée pour le iour ensuiuant, quoy que ce ne fust point le iour ordinaire; non tant pour venir à bout d'arrester vn Decret sur les Articles disputés, que pour l'honneur & la bienseance du Concile, qu'en vn iour de la feste profane du Carneual, les Peres s'occupassent en choses Synodales: Et en icelle fut approuué de tous, que les Traditions fussent receues; comme d'egale autorité avec l'Escripture Sainte: mais ils ne s'accordoyent pas tous en la forme de dresser le Catalogue des liures sacrés: & estoient diuisés en trois opinions, dont l'une estoit, de ne venir à specifier les liures: l'autre, de distinguer ce Catalogue en trois parties: la troisieme, d'en faire vn seul, establisant tous les liures d'egale autorité, Et d'autant que tous n'estoyent pas bien resolués, trois minutes furent faites, avec charge, qu'on y pensast exactement, afin que chacun vinst préparé pour dire à laquelle il se vouloit tenir, en la prochaine Congregation, laquelle ne se tint point le douzieme, à cause de l'arriuee de D. François de Tholède, enuoyé par l'Empereur, pour assister en qualité d'Ambassadeur au Concile, comme Colegue de D. Diego, auquel la plus part des Euesques, & les domestics des Cardinaux, allerent au deuant.

En ce temps arriua à Trente Vergere, nommé plusieurs fois cy-deuant.

accident sur
les pensions
assignees
sur les E-
ueschés.

Congrega-
tio extraor-
dinaire, en
laquelle les
Traditions
sont egalees
à l'escriure
sainte.

François
Toiede
Ambassa-
deur de
l'Empereur
arriua.

15, 46.
aussi pour
se justifier.

ce que ne
pouvant
faire à Tre-
nte, il se
retire avec
les Protestans

tous les li-
vres de l'E/
criture sont
egalement
approuvés

diversités
d'advis sur
la traducti-
on Latine, le-
vons ne luy
donnant
autorité
divine, &
infaillible.

lequel y estoit allé, non de volonté d'entreuenir au Concile, mais pour fuir le courroux de son peuple esmu cōtre luy, comme cause de la sterilité de la terre, par les propos & menées de Frere Annibal Grison, Inquisiteur : & ne sauoit où demeurer honorablement, & auoir plus de moyē de se iustifier des accusations du Moine, qui le qualifioit publiquement Lutherien, non seulement en Istrie, mais aussi enuers le Nonce de Venise, & le Pape. Mais les Legats du Concile, estans aduertis de ces choses, l'exclurent des actions publiques, où il auoit droit d'entreuenir comme Prelat, iusques à ce qu'il se fust purgé enuers le Pape, auquel ils l'exortèrent viuement d'aller : & s'ils neussent craint de donner suiet de parler contre la liberté du Concile, ils auroiēt bien passé à d'autres effets que d'exortations. Mais luy, voyāt que sa demeure à Trente estoit avec plus grande indignité pour luy, se partit peu de iours apres, en intention de retourner en son Euesché, croyant que l'esmotion populaire y seroit appaisée : mais estant arriué à Venise, le Nonce luy deffendit d'y aller, ayant eu charge de Rome de luy faire son proces : de quoy indigné, ou intimidé, ou pour autre cause, peu de mois apres il sortit d'Italie.

Le quinzieme Mars les trois minutes furent proposees, & quoy que toutes eussent leurs defenseurs, la troisieme fut toutesfois approuuée par le plus grand nombre. Es suiuanes Congregations les Theologiens discoururent sur les autres Articles, & y eut grand different au troisieme, sur la Translation Latine de l'Ecriture, entre quelque peu, qui auoyent bonne connoissance du Latin, & quelque goust du Grec, & les autres entierement despourueus de la connoissance des langues. Frere Louïs de Catanee dit, Que pour resolution de cet Article, on ne pouuoit auancer choses plus à propos, & conuenable au temps present, que le iugement du Cardinal Caietan, personnage tresuersé en la Theologie, en laquelle ayant estudié dès son enfance, il estoit, par la felicité de son esprit, & sa laborieuse diligence, reussi le premier hōme de ce siecle, & de plusieurs autres : auquel aussi il n'y auoit Prelat, ny autre personnage au Concile, qui ne voulust ceder en doctrine, & ne iugeast d'estre en estat d'apprendre de luy. Ce Cardinal, estant allé en Allemagne en qualité de Legat en l'année mil cinq cens vingt trois, rechercha diligemment tous les moyens de ramener les desuoyes à l'Eglise, & de conraincre les heresiarches, & trouua que l'vnique & vray remede estoit l'intelligence literale du texte de la Sainte Escripture, en sa langue originelle, en laquelle il a esté escrit, & s'adonna tout le reste de sa vie, qui fut d'onze ans apres, au seul estude de l'Escripture, expliquant non la Tradition Latine, mais les sources Hebraïque au Vieil, & Grecque au Nouveau Testament : & d'autant qu'il n'auoit aucune connoissance de ces langues, il se seruit de personnes entendues, lesquelles luy construisoyent le texte mot pour mot comme ses escrits sur les liures sacrés en font foy. Et ce bon Cardinal auoit accoustumé de dire, qu'entendre le texte Latin, n'estoit point entendre la parole de Dieu infaillible, mais celle du translateur, suiet à errer : que Saint Ierome auoit tresbien dit, Que prophetiser, & escrire liures sacrés, procedoit de l'Esprit de Dieu : mais qui les translatet en autre langue, estoit vn ceuvre de l'industrie humaine : & pourtant le mesme Cardinal en se complaignant, disoit, Pleust à Dieu, que les Docteurs des siecles passés en eussent ainsi fait : les heresies Lutheriennes n'eussent trouué aucun lieu. Le Moine adiousta, qu'on ne pouuoit authentifier aucune translation, sans reietter le Canon, *Ve veterum d. 9.* lequel commande qu'on examine la verité des liures du Vieil Testament sur le texte Hebrien, & ceux du Nouveau sur le Grec. Que de donner auctorité infaillible à vne interpretation, estoit condamner Saint Ierome, & tous ceux qui ont traduit : que s'il y en a quelque qui soit authentique, à quoy peuuent seruir les noms authentiques. Que ce seroit vne grande vanité de produire des copies incertaines, quand on en a vne en forme authentique. Qu'il falloit tenir, avec S. Ierome, & le Cardinal Caietan, que tout Interprete peut faillir quelque diligence qu'il ait employé pour ne s'esloigner de l'Original. Mais aussi qu'il connoissoit

pour chose indubitable, que, si le Concile examinait & corrigeoit vne interpretation au texte original, le S. Esprit qui assiste aux Synodes es choses de la Foy, presideroit en iceluy en sorte qu'il n'erreroit point, & lors vne telle traduction, ainsi examinee, & approuuee pouroit estre dite Authentique. Mais que de dire que, sans vn tel examen, on en puisse approuuer aucune, & se promettre que l'Esprit de Dieu assiste à la resolution, il ne l'osoit faire, sinon que tout premier le Concile en eust déterminé: voyât qu'au Concile des Apostres il y eut vne grande enquête & examen qui preceda. Mais que cela estant vne œuvre de dixaines d'annees, & qui ne se pouoit entreprendre, il sembloit qu'il valoit mieux laisser les choses en l'estat qu'elles auoyent esté par l'espace de quinze cens ans, permettant que les translations Latines fussent verifiees par les textes originaux.

A l'opposite la plus grande partie des Theologiens disoit, qu'il falloit de necessité tenir en tout & par tout pour diuine & authentique la traduction, laquelle es temps passés a esté publiquement lue es Eglises, & vstée es escholes: autrement, que ce seroit donner cause gagnée aux Lutheriens, & ouvrir vne porte à infinies heresies à l'auenir, & à continuel troubles du repos de Chrestienté. Que la Doctrinē de l'Eglise Romaine, Mere & Maistresse de toutes les autres, estoit en grande partie fondée par les Papes de Rome, & par les Scholastiques, sur quelque passage de l'Escripture: que si on donne liberté à chacun d'examiner si elle est bien traduite, ou non, recourant à d'autres translations, ou recherchant ce que porte le Grec ou l'Hebreu, ces nouueaux Grammairiens confondront tout, & se feront iuges & arbitres de la foy: & en lieu de Theologiens & Canonistes, il faudra en l'assomptiō aux Eueschez & Cardinalats, faire la principale estime des maistres d'eschole, & des pedats. Que les Inquisiteurs ne pourront plus proceder contre les Lutheriens, s'ils ne sont sauans en Hebreu, & en Grec: d'autant qu'il leur sera tousiours respondu par les coupables, & criminels, que le texte originel ne porte pas cela: & que la traduction n'est point fidele: & que toute nouueauté, & phantasie, qui viendra en teste à quelque petit Grammairien, soit par malice, soit par peu de connoissance des choses Theologiques, trouuera pied & fondement, pourueu qu'il le puisse confermer par quelque pointille de Grammaire: de maniere qu'on ne pourra iamais venir à aucune finale resolution. Qu'à present on void, dès que Luther a commencé à faire vne traduction de l'Escripture, combien il en est sorti en lumiere, & mesmes differentes & contraires entr'elles, qui meriteroyent d'estre enseuelies en perpetuelles tenebres, combien de fois Luther luy mesmes a changé celle qu'il auoit traduite d'une façon, & comment iamais elle n'auoit esté imprimée sans quelque notable changement, non d'un passage, ou de deux, mais de centaines à la fois. Que si on donnoit cete liberté à tous, la Chrestienté seroit bien tost reduite à ne sauoir que croire.

A ces raisons, ouïs avec applaudissement de la plus part, d'autres adoustoient aussi, que, si la prouidence diuine a baillé vne Escripture authentique à la Synagogue, & vn authentique Nouveau Testament aux Grecs, on ne pouoit dire, sans luy faire tort, que l'Eglise Romaine, beaucoup plus chérie de luy, ait esté laissée d'estituee d'un si grand bénéfice: & que pourtant il falloit cōclure, que le mesme S. Esprit, qui auoit dicté les liures sacrés, auoit aussi inspiré la Translation, qui deuoit estre receuë par l'Eglise Romaine.

Mais d'autres estimoyent chose bien dure, de faire quelcun Prophete, ou Apostre, seulement pour traduire vn liure: & pourtant moderoyent l'assertion, disant, Qu'il n'auoit eu Esprit Prophetique, ny Apostolique, mais bien vn proche à ceux-là. Que si quelcun faisoit difficulté d'accorder l'assistance de l'Esprit de Dieu à l'interprete, il ne la pouoit certes desdire au Concile, Et que, quand l'Edition vulgaire seroit approuuée, & que l'anatheme seroit fulminé contre ceux qui ne la receuroient, icelle sera sans erreurs, non par l'Esprit de celuy qui l'a faite, mais du Concile qui l'a approuuée.

Dont Hidore Claire, Bresson, Abbé de S. Benoist, personnage fort versé, à laquelle

1546. en cete sorte d'estude; tascha par vn narré historic, de rabatre cete opinion, disant en substance, Qu'en la primitive Eglise il y auoit eu plusieurs Translations Grecques, lesquelles Origène ramassa en vn volume, les disposant de front en six colonnes: dont la principale s'appelloit des Septante: de laquelle, comme aussi du Nouveau Testament Grec, furent tirees plusieurs Latines, dont la plus commune & suiuite en l'Eglise, s'appelloit l'Italique, laquelle S. Augustin auoit tenue pour la meilleure de toutes les autres, à tel si toutesfois, que sans contredit les textes Grecs luy fussent preferés. Mais que S. Ierome, entendu comme chacun fait, en la connoissance des langues, voyant la Translation du Vieil Testament se desuoyer de la verité Hebraïque, partie par le defaut del'Interprete Grec, partie aussi par celuy du Latin, en auoit tiré vne de l'Hebreu immédiatement, & auoit corrigé celle du Nouveau Testament sur la verité du texte Grec. Que pour le credit, qu'auoit S. Ierome, sa traduction fut receüe de plusieurs, mais aussi reiettee d'autres, plus fixes à suiure les erreurs de l'Antiquité, & abhorrans les nouveautés: soit aussi, comme luy mesme s'en plâind, qu'ils le fissent par emulation. Mais, quelques années apres, l'enuie estant cessée, celle de S. Ierome fut receüe de tous les Latins, & toutes deux furent en vsage, l'une sous le nom de Vieille, l'autre, sous celuy de Nouuelle. S. Gregoire escriuant à Leandre sur Job, tesmoigne que l'Eglise Romaine se seruoit de tous les deux, & qu'en l'exposition de ce liure il choissoit de suiure la nouuelle, comme conforme à l'Hebreu: mais que toutesfois es allegations il se seruiroit or de l'une, or de l'autre, selon qu'il luy viendroit plus à propos. Que les temps suiuians en ont de ces deux compose vne, prenant partie de la Nouuelle, & partie de la Vieille, selon que les occasions ont porté: & qu'à celle-là ainsi composee & rapiecee, auoit esté mis le nom d'Edition Vulgaire. Que les Pseaumes estoient tous de la Vieille: d'autant, qu'à cause de leur continuel vsage au chant quotidien del'Eglise, on ne les auoit pu changer. Que les petits Prophetes estoient tous de la Nouuelle, les grands meslés de tous deux, Qu'il est bien vray que tout cela est arriué par la prouidence diuine, sans laquelle rien n'aient: mais toutesfois on ne peut avec raison dire qu'il y soit entreuenu autre intelligence qu'humaine. Que S. Ierome afferme ouuertement, que nul interprete n'a parlé par le S. Esprit. Que l'edition que nous auons est de luy pour la plus part, & que ce seroit chose bien estrange d'attribuer la conduite infailible de l'Esprit de Dieu, à celuy qui a reconnu & affirmé de ne l'auoir point, Dont iamais aucune Traduction ne pourra estre egalee au texte sacré de la langue originelle. Et pourtant qu'il estoit d'auis, que l'Edition vulgaire fust bien preferée à toutes, & approuuee, mais qu'au prealable elle fust corrigee sur le texte originel, & qu'il fust interdit à chacun d'en faire aucune autre, mais qu'on corrigeast seulement cete-là, & qu'on supprimast toutes les autres: & qu'ainsi cesseroient tous les inconueniens causes par les nouuelles interpretations, lesquels fort prudemment auoyent esté marquée & censurés es Congrégations.

Vega mo Frere André de Vega, Cordelier, tenant la voye du milieu entre ces opinions, approuua bon l'aduis de S. Ierome, que les qualités d'un interprete ne soit point Esprits Prophetique, ou autre special diuin Esprit, qui le rende infailible: & de mesmes l'autre sentence du mesme S. Ierome, & de S. Augustin, de corriger les traductions sur les textes de la langue originelle: adioustant toutesfois, qu'à cela ne repugnoit point de dire aussi, Que l'Eglise Latine tient l'Edition vulgaire pour authentique, d'autant que cela se doit entendre en cete sorte, qu'en icelle il n'y a aucun erreur en ce qui cōcerne la foy, & les mœurs: mais non de vray en tout pointille, & expression propre de mots: veu qu'il est impossible que tous les mots d'une langue soient transférés en vn autre, sans qu'il y eschee quelque restriction ou amplification de signification, ou metaphore, ou autre figure. Que la Vulgaire a desia esté examinée par toute l'Eglise par l'espace de plus de mil ans, & a esté reconnu qu'il n'y a aucun erreur en la foy, ny es mœurs: & qu'e cete qualité elle a esté

Vega mo
ciste cete
autorité a
ni conten
euiden e-
TERE.

en vſage, & tenue par les Conciles anciens: pourtant auſſi il la faut tenir & approuuer pour telle, & peut-on declarer l'Edition vulgaire authentique, en ce ſens, c'eſt, qu'elle peut eſtre lue ſans danger: ſans empêcher toutes-fois les plus diligens de recourir aux ſources Hebraïques & Grecques: mais bien interdisant vn ſi grand nombre de translations entieres, qui engendrent conſuſion.

Sur l'Article du ſens de l'Eſcritures Sainte, la Doctrine de feu le Cardinal Caietan donna ſuiet d'en parler diuerſement: car iceluy auoit enſeigné, & pratiqué ſemblablement, de ne reietter les ſens nouueaux, quand ils ſe rapportent bien au texte, & ne ſont diſcordans d'autres paſſages de l'Eſcriture, & de la Doctrine de la Foy: apres que le torent des Docteurs couruſt à vn autre: attendu que Noſtre Seigneur n'a point lié & attaché le ſens de l'Eſcriture aux Docteurs anciens: autrement; on n'auroit, ny au temps preſent, ny à l'auénir, autre pouuoir & liberté, que de transcrire & copier des liures. Cet aduiſ fut approuué par aucuns des Theologiens, & des Peres, & par les autres impugné.

Les premiers iugeoyent, que c'eſtoit vne eſpece de tyrannie ſpirituelle, d'empêcher que les fideles ne puſſent; ſelon le don de la grace de Dieu, exercer leur eſprit: & que cela n'eſtoit autre choſe, qu'interdire le trafic ſpirituel des talens receus de Dieu: qu'il falloit à l'opposé conuiener les hommes par toutes ſortes d'attraits à la lecture des ſaintes lettres; deſquels ſi on oſte le raſonnable plaiſir & contentement, que porte la nouueauté, tous les abhoreront, & telle rigueur fera que les gens de lettres ſ'apliqueront à d'autres eſtudes, & abandonneront les ſacrés, & par conſequent toute eſtude & ſoin de pieté. Que cete varieté de dons ſpirituels conuient à la perfection de l'Egliſe, & ſ'apperçoit en la lecture des Anciens Peres, es eſcrits deſquels il y a grande diuerſité; & meſmes ſouuent contrariété, iointe neantmoins & vnis par trefeſtroite charité. Et qu'elle raſon pourroit-on alleguer d'interdire à ce preſent ſiecle la liberté, dont les autres ont ioüy avec fruit, & vtilité ſpirituelle; Que les Scholaſtics, quoy qu'ils n'ayent pas entr'eux des diſputes ſur l'intelligence des ſaintes Eſcritures, ont bien pourtant des differés non moins es points de la Religion, leſquels ne ſont pas moins dangereux: qu'il valoit mieux imiter l'Antiquité, qui n'a point reſtreint l'expoſition de la Sainte Eſcriture, mais l'a laiſſee en liberté.

Le contraire aduiſ portoit, Que la licence populaire eſtoit vn deſordre plus grand que la tyrannie: qu'au temps preſent il falloit brider les eſprits effrenés: autrement, qu'on ne pouuoit eſperer de voir iamais la fin des preſentes contèptions: qu'es temps iadis il auoit eſté permis d'eſcrire ſur la Ste. Eſcriture, d'autant que cela eſtoit neceſſaire, pour le peu d'expoſitions qu'il y auoit: que d'ailleurs les hommes de ce temps-là, eſtoient de ſainte vie: & de ſens & eſprit bien compoſé & raiſſés, de ſorte qu'on ne pouuoit craindre de leurs part aucunes conſuſions, comme au temps preſent. Et pourtant que les Scholaſtics auoyent bien veu, qu'il n'y auoit plus beſoin en l'Egliſe d'autres expoſitions, & que l'Eſcriture Sainte eſtoit non ſeulement ſuffiſamment, mais auſſi trefabondamment eſclaircie: dont ils auoyent pris vne autre maniere de traiter les choſes ſacrées: & voyans les hommes enclins aux diſputes, auoyent iugé qu'il valoit mieux les amuſer en examen de raiſons, & de ſentence d'Ariſtote: & ce pendant conſeruer la Sainte Eſcriture, en reuerence, laquelle eſt grandement raualee, quand elle eſt communément manice; & eſt matiere d'eſtudes; & d'exercice de curieux. Cet aduiſ fut porté ſi auant, que Frere Richard du Mans, Cordelier, dit, Que les Dogmes de la foy eſtoient tant eſclaircis à preſent par les Scholaſtics, qu'il ne les falloit plus apprendre de la Sainte Eſcriture: laquelle de vray anciennement eſtoit lue en l'Egliſe pour l'inſtruction des peuples, & pour la meſme raſon eſtoit eſtudiee, & meditee: mais qu'à preſent on ne la lit en l'Egliſe, que pour dire oraïſon: & qu'à cela auſſi deuroit elle ſeruir à tous, & non pour eſtudier, & que ce ſeroit là la reuerence & veneratiō due de tous à la

on paſſe à
traiter des
ſens & in-
terpretatiōs
de l'Eſcri-
ture;

les vns veu-
lent que li-
berté ſoit
permise;

les autres
qu'elle ſoit
tout à fait
reſtreinte
aux ſens
anciens.

1546:

*autres, que
la diuersité
soit permise
mais non la
contrariété*

parole de Dieu. Qu'en tout cas au moins deuroit-il estre defendu de la lire par maniere d'estude, à quiconque n'est premierement bien fôdé en la Theologie Scholastique: & que les Lutheriens n'auançoient avec aucuns autres, qu'avec ceux qui estudiât en l'Escripture Ste. Cet aduis ne fut sans adhérens.

Mais entre ces deux opinions, il y en eut deux moitoyennes. L'une qu'il n'estoit pas expedient de restreindre l'intelligence de l'Escripture aux seuls Peres: attendu que le plus souuent leurs sens sont allegorics, & rarement literaux: & que ceux qui se tiennent à la lettre, sont appropriés à leur temps: de sorte que leur exposition ne peut s'accommoder à propos à nostre aage. Que le Cardinal Cusan, personnage excellent en preud'homme, & sauoir, auoit tresdoctement dit, Que le sens des Escriptures doit estre accommodé au temps; & qu'il la falloit exposer selon la maniere courante, & ne s'estonner point, si la pratique de l'Eglise en vn temps interprete en vne maniere, & autrement en vne autre. Que le dernier Concile de Latran l'auoit ainsi entendu; quand il ordonna, que l'Escripture fust exposée selon les Docteurs de l'Eglise, ou en la maniere que le long vsage a approuué. Cet aduis concluait, qu'on n'interdist point les nouvelles expositions, sinon lors qu'elles sont discordantes du sens courant.

*Et Soto opi-
ne que cha-
cun abonde
en son sen-
sans esma-
sieres de foi
& des
mœurs.*

Mais Frere Dominique de Soto, Iacopin Espagnol, distingua la matiere de foy, & des mœurs; d'avec les autres: disant, que seulement en la premiere il estoit iuste de contenir tous esprits es bornes & limites poses, mais qu'en autres il n'y auoit nul inconuenient de permettre que, la pieté & la charité sauue, chacun abonde en son propre sens. Que l'intention des Peres n'auoit iamais esté, qu'ils fussent suivis comme par nécessité, sauf es choses necessaires à croire, & à œurer. Que les Papes mesmes, quand en leurs Decretales ils ont exposé quelque passage de l'Escripture en vn sens; n'ont point entendu de le Canoniser, en sorte qu'il ne fust loisible de l'entendre autrement, pourueu que ce fust avec raison. Que c'estoit ainsi, que l'Apostre S. Paul l'auoit entendu, quand il auoit dit, Qu'il falloit pratiquer la prophetie, c'est à dire la rapportant aux articles d'icelle. Que si on n'obseruoit cete distinction, on s'enfermeroit en des notables inconueniens, à cause des contrariétés qui se rencontrent en diuerses expositions des anciens Peres, lesquels repugnent les vns aux autres. Les difficultés mises en auant ne furent de si grand poids, qu'en la Congregation des Peres ne fust, par vn presque vniuersel consentement, approuuée l'Edition Vulgaire: & ce discours, que les maistres de Grammaire entreprendroient de faire la leçon aux Euesques & Theologiens, porta grand coup es esprits des Prelats. Quelques vns en petit nombre soustinrent bien, qu'il estoit expedient, pour les raisons representées par les Theologiens, omettre pour lors cet Article: mais, apres qu'on en eut resolu autrement, ils mirent en consideration, Que si on approuuoit cete Edition,

*à condition
qu'elle soit
corrigée,*

*à quoy sont
deputés
quelques
vn,*

*tous les sens
de l'Escri-
ture res-
treints aux
Anciens &
à l'opinion
commune de
l'Eglise.*

il falloit aussi ordonner qu'elle fust imprimee bien correcte: & à cet effet, qu'il estoit necessaire de former l'exemplaire, sur lequel on tirast l'impression. Pourtant du commun consentement de tous furent deputés six, qui vaquassent avec exacte diligence à cete correction, afin qu'on la pust publier auant la fin du Concile: se reseruant la liberté d'accroistre le nombre des deputés, quand, entre ceux qui arriueroyent de nouueau, se rencontreroit personnage capable pour cet œuvre. Mais, quand on vint à opiner sur le quatrieme Article, le Cardinal Pacieco dit, Que la sainte Escripture auoit esté exposée par tant de personnages, & si excellēs en preud'homme, & sauoir, qu'il n'estoit point à esperer qu'on y pust adiouster d'abondant chose aucune bonne: & que les modernes heresies estoient toutes procedees des nouueaux sens donnés à l'Escripture: & que pourtant il estoit necessaire de brider l'outrecuidance des esprits de ce siecle, & la reduire à la patience de se laisser gouverner par les Anciens, & par l'Eglise: & que celui, qui auroit quelque esprit particulier, fust contraint de le tenir dedans foy, sans confondre le monde en le publiant. Presque tous suivirent cet aduis.

La Congregation du vintneufuiesme du mois fut toute employée au

cinquieme Article: d'autant que les Theologiens ayans parlé avec beaucoup d'irresolution, & remis le tout au vouloir & bon plaisir du Concile, auquel il appartient de faire les Decrets, les Peres de leur costé se trouuerent aussi grandement perplex. Laisser tout à fait l'anatheme, estoit ne faire point vn Decret de foy, & d'abord rompre l'ordre qu'on auoit pris de traiter les deux Chefs, de Foy & de Reformation, coniointement. D'ailleurs il sembloit que ce fust chose bien crüe & rude, de condanner pour heretique tout homme, qui n'accepteroit point l'Edition Vulgaire en quelque passage particulier, & peut estre de peu d'importance: & qui semblablement publieroit par legereté d'esprit aucune siene inuention sur l'Escripture Sainte. Apres que la chose eut esté longuement debatue, on trouua cet expedient, de former le premier Decret, comprenant seulement ce qui concerne le Catalogue des liures sacrés, & les Traditions, & de le conclurre par l'Anatheme. Et que puis apres, au second, qui regarde à la Reformation, & où l'Anatheme n'a point de lieu, on y comprist ce qui touche la traduction, & le sens de l'Escripture: comme si le Decret estoit vn remede contre l'abus de tant d'interpretations, & expositions impertinentes.

Il restoit à parler des autres abus, dont chacun auoit recueilli vn grand roolle, innoinbrables en leurs especes & manieres, selon que la foiblesse, ou la superstition humaine se sert des choses sacrees, non seulement outre, mais aussi contre leur vraye & premiere institution. Il fut beaucoup parlé des enchantemens pour descouvrir thresors, & venir à bout de desseins lascifs & impudiques, & executer autres actes illicites: & beaucoup de remedes furent proposés pour extirper tout cela. Quelques vns rapporterent au nombre des charmes, de porter sur soy des parcelles de l'Euangile, & des noms de Dieu, pour se garentir, & guerir de maladies, & pour estre preserué de malheurs, & mesaduentures: ou pour auoir de l'heur en ses affaires: comme aussi de les lire pour les mesmes effets, & de les escrire avec certaines observations & distinctions de temps. En ce mesme rang furent couchees les Messes, qui se disent en quelques pais sur le fer tout rouge, sur les eaux bouillantes ou froides, ou sur autres matieres pour les iustifications vulgaires: & aussi les Euangiles recités sur les armes, afin qu'elles ayent vertu contre les ennemis. Au mesme roolle estoient aussi mises les coniurations des chiens, & des serpens, afin qu'ils ne mordent ni n'offensent, des bestes nuisibles de la campagne, des tempestes & orages, & d'autres causes de la sterilité de la terre: & requeroit-on que toutes ces superstitions & obseruances, fussent comandnees, interdites & punies comme abus. Mais en quelques particularités on vint à des contradictions & altercats: les vns soustenants pour choses deuotes, & religieuses, ou du moins, licites & non dannables, beaucoup de celles qui par les autres estoient condannees comme impies, & superstitieuses: ce qui auint aussi lors qu'il fut parlé de la parole de Dieu, employée à sortileges, ou deuinemens, en tirant des billets avec des versets de l'Escripture: ou prenant garde à ceux qui à l'ouuerture du liure se rencontroyent par hazard. Bien fut condannee de tous la coustume de se seruir de la parole de Dieu en libelles diffamatoires, & autres detractions, & mesdisances: & fut beaucoup discouru du moyend'abolir les Pasquinades de Rome: à quoy le Cardinal de Monte se monstra passionnément desireux de quelque remede, d'autant que les Courtisans le prenoient souuent pour suiet de leur raillerie à cause de sa façon de vie licentieuse, iouiale & gaillarde. Tous s'accordoyēt bien, que la parole de Dieu ne peut iamais estre tenue en assez de reuerence, & que de s'en seruir mesmes à la louange des hommes, quoy que Princes & Prelats, n'estoit nullement seant & conuenable: ains que generalement tout vsage d'icelle en chose vaine estoit peché: mais pourtant, que le Concile ne se deuoit point beaucoup empescher de cela, veu qu'il n'est point assemblé pour pouruoir à tous defauts: & qu'il n'estoit point raisonnable de defendre absolument de tirer les paroles de l'Escripture Sainte aux choses humaines: attendu que S. Antonin, Archeuesque de Florence, n'auoit point condanné

1546.

disposée,
expedient
de coucher
le decret
touchant le
Cann de
l'Escripture.

diuers abus
à reformer
sur le fait
de l'Escri-
ture.

25 4 6.

de l'expe-
dient pris
là dessus.

debat de
Prelats sur
les lectures
& predica-
tions des
Moines,

remis à vi-
der à vne
autre Ses-
sion

tenue de la
quatrième
Session, &
un Decret.

en son histoire les Ambassadeurs de Sicile, lesquels, requerans pardon à Martin quatrieme en Consistoire public, exposerent leur Ambassade en ces termes, disans trois fois, *Agneau de Dieu, qui ostes les pechés du Monde, ayez pitié de nous*: ni aussi la responce du Pape, qui pareillement leur dit par trois fois, *Bien te soit, Roy des Juifs, & luy donnoyent des buffes*. Et pourtant que çauoit esté vne malignité des Lutheriens de censurer l'Euesque de Bitonte, de ce qu'au Sermon qu'il fit en la premiere Session, il auoit dit, *Que si on ne receuoit le Concile, on pourroit lors bien dire, La Lumiere du Pape est venue au monde: mais les hommes ont mieux aimé les Tenebres que la Lumiere*. Tant de Congregations furent consumées en cecy, & le nombre des maux représentés croissoit si fort & tant paroissoit la foiblesse des remedes proposés, que le commun aduis enclina à la fin à ne faire aucune particuliere mention d'aucun d'iceux, & à ne venir à aucuns remedes singuliers, & propres, ni à peines particulieres: mais seulement à les defendre tous en termes generaux, & en remettre les peines à la discretion des Euesques. On parla aussi des abus des Imprimeries: & n'y eut pas grand affaire: attendu que tous conuinrent facilement, qu'on bridast la licence des Imprimeurs, & qu'il leur fust defendu d'imprimer chose aucune sacree, qui n'eust esté auparauant examinee, & approuuee. Mais qu'à cela suffisoit ce qui auoit esté ordonné par le dernier Concile de Latran.

Mais il s'esmut des grands debats, lors qu'on vint à traiter des Lectures publiques, & des Predications: les Moynes reguliers, lesquels, tât par priuileges des Papes, que par l'exercice de trois cens ans, estoient seuls en possession de ces fonctions, trauailloyent à toute force, pour conseruer à eux ce droit: mais les Prelats, pretendans qu'elles leur appartenoyent en propriété, & auoyent esté vsurpees sur eux, en sollicitoyent la restitution: & d'autant qu'en ceci on ne debatoit point d'opinions, mais d'emolumens, & vtilités, chacune des parties, outre les raisons, y employoit les passions: & ces altercats eussent pû causer, qu'au temps de la Session, on n'eust fait aucun Arrest decisif: qui fut la cause qui fit resoudre les Legats, à differer ces deux points iusques à vne autre Session. Les deux Decrets furent formés selon les resolutions qu'on auoit prises, & furent lus en la derniere Congregation, & approuués, avec quelques exceptions sur le fait de l'Edition Vulgaire. Et à la fin de l'assemblée, le Cardinal de Monte, apres auoir loué la doctrine & la prudence de tous, leur remonstra la bienseance qu'il falloit garder en la Session publique, montrant vn mesme cœur, & vne mesme ame, puis qu'és Congregations les matieres auoyent esté suffisamment examinees. Et le Cardinal Legat de S. Croix, apres la Congregation, assembla ceux, qui auoyent fait opposition sur le fait de l'Edition Vulgaire, & leur monstra qu'ils n'auoyent de quoi se plaindre: pour ce qu'il n'estoit point de fêdu, ains demeueroit en liberté de la pouuoir corriger, & de pouuoir recourir aux textes originaux: mais seulement estoit interdit de dire, *Qu'il y eust erreurs en la foi, pour lesquels dult estre reiettee*.

Le huitieme Aupil, iour destiné pour la Session, arriué, Saluator Alep, Archeuesque de Torre en Sardaigne, celebra la Messe du S. Esprit: & Frere Augustin Aretin, General de l'ordre des Serfs de S. Marie, fit le Sermon. Et apres qu'on eut pris les paremens Pontificaux, & fait les Letanies, & oraisons accoustumées, les Decrets furent lus par l'Archeuesque officiant.

Le premier contenoit en substance, *Que le Concile, regardant à conseruer la pureté de l'Euangile, promis par les Prophetes, publié par Christ, & prêché par les Apostres, comme source de toute verité, & discipline des mœurs, lesquelles deux choses il reconoit estre contenues tant és liures qu'és traditions non escrites, lesquelles les Apostres ont receuës de la bouche de Christ, & qui leur ont esté dictées par le S. Esprit, & d'eux sont paruenues de main en main iusques à nous: à l'exemple des Peres, reçoit avec egale reuerence tous les liures du Vieil, & du Nouveau Testament: & les traditions concernans la foy & les mœurs, comme procedees de la bouche de Christ, ou inspirees*

ou inspirees par le S. Esprit, & conseruee en l'Eglise Catholique. Et, apres auoir rapporte le catalogue des liures, il conclut, Que si aucun ne les reçoit pour sacres, & Canoniques, tous entiers, avec toutes leurs parties, ainsi qu'ils sont en l'Eglise Catholique, & sont contenus en l'Edition Vulgaire: ou bien, sciemment, & de propos delibere mesprise les Traditions, qu'iceluy soit Anatheme. Afin que chacun sachie quels fondemens le Concile est delibere de prendre en la confirmation des dogmes, & au retablissement des mœurs de l'Eglise. Le second portoit, Que l'Edition Vulgaire soit tenue pour authentique es publiques leçons, disputes, predications, & expositions, & que nul n'ait à la reietter. Que l'Ecriture Sainte ne soit exposee contre le sens suiu par Sainte Mere Eglise, ne contre l'vniforme consentement des Peres: quoy qu'avec intention de tenir telles expositions secretes: & que les contreuensans soyent punis par les Ordinaires. Que l'Edition Vulgaire soit imprimée trescorrecte. Qu'on n'ait à imprimer, vendre, auoir, ou tenir liures de choses sacrees sans nom de l'auteur, & qui premier n'ayent esté approuués, dont on face apparoirre au frontispice du liure, sous peine d'excommunication, & amende pecuniaire, selon qu'il a esté ordonné par le dernier Concile de Latran. Que nul n'ait à se seruir des paroles de la Sainte Ecriture en railleries, fables, vanités, flateries, mesdisances, superstitions, charmes, deuinemens, sorts, & libelles diffamatoires: & que les forfaiteurs soyent punis à l'arbitrage des Euesques. De plus fut ordonné, que la suiuant Session se tiendroit le dixhuitieme Iuin.

Après cela fut lu par le Secretaire du Concile le mandement des Ambassadeurs de l'Empereur, Diego de Mendozze, & François de Toledé, celuy-là absent, & celuy-cy present, lequel apres auoir en peu de paroles salué les Peres au nom de l'Empereur, dit en substance, Qu'il estoit notoire à tout le monde, que l'Empereur n'estimoit chose aucune plus digne d'un Empereur, que de defendre le troupeau de Christ des ennemis, & de le deliurer des troubles, & seditiōs. Et que pourtant il auoit veu avec indicible ioye le iour auquel le Concile indict par le Pape auoit esté ouuert: & que voulant fauoriser, de sa puissance & autorité, vne occasion si belle & desirée, il y auoit tout soudain despesché Mendozze, auquel, presentement indisposé, il auoit adioint la personne de luy Toledé. Et qu'il ne restoit, que de prier Dieu vnanimement, qu'il luy plust fauoriser & benir l'entreprise du Concile: & ce qui est le principal, mentenir le Pape & l'Empereur en bonne concorde, pour pouoir affermir la verité Euangelique, restablir l'Eglise en sa pureté, & extirper l'yuraye du champ du Seigneur. On luy respondit au nom du Concile, Que la venue de Sa Seigneurie estoit tresagreable au Cōcile, tant pour son respect enuers l'Empereur, que pour la faueur qu'il se promettoit de Sa Majesté: & qu'il prenoit aussi grande esperance de la vertu, & religion de Sa Seigneurie: & pourtant la receilloit & embrassoit de toute son affection, & receuoit, autant qu'il estoit tenu de deuoir & de raison, les mandemens de l'Empereur, que le Concile auoit desplaisir & regret de l'indisposition de son Colleague, & rendoit graces à Dieu de la bonne concorde qui estoit entre le Pape, & l'Empereur: & qu'il le prioit de vouloir fauoriser & benir les saints desirs de tous deux, pour l'accroissement de la Religion Chrestienne, & la paix de l'Eglise: Ces choses faites, avec les ceremonies accoustumées, fut finie la Session, les Decrets de laquelle furent par les Legats enuoyées à Rome, & imprimés peu de temps apres.

Mais dès qu'on les eut veus, sur tout en Allemagne on en prit grande matiere de discours. Aucuns iugeoyent choses bien hardie & aduantageuse, que cinq Cardinaux, & quarente huit Euesques, eussent si promptement desfiny des articles tant principaux, & importans de la Religio, indecis iusques alors: donnant autorité Canonique à des liures tenus pour incertains, & apocryphes: & authentiquant vne translation discordante du texte original: & prescriuant & limitant la maniere d'entendre la parole de Dieu. Ven, sur tout, qu'entre tous ces Prelats il ne s'en trouuoit aucun signalé en doctrine;

*l'Ambass.
de l'Empe-
reur pre-
sente son
mandement;
& expose le
sujet de sa
legation.*

*à quoy est
r. spondu
par le Con-
cile.*

*iugement
sur les De-
crets de la
Session.*

1546.

qu'aucuns estoient Jurisconsultes, saüans, peut estre, en cete profession là, mais non entendus es choses de la Religio: que il y en auoit fort peu de Theologiens, & encores de suffisance au dessous de l'ordinaire: & que la pluspart estoient Gentilshommes, & courtisans: & quant à la dignité, qu'il y en auoit des titulaires & portatifs, & le demeurant, pour le plus, estoit d'Euesques de villes si petite, que, chacun d'eux representant son Eglise, on ne pouuoit dire qu'ils representaient la milieme partie de Chrestienté; Mais particulièrement, qu'il n'y auoit pas vn seul Euesque ne Theologien d'Allemagne. Et sembloit estrange de dire que d'un si grand nombre on n'en eust pu enuoyer vn seul: & que l'Empereur n'y en eust fait aller aucun de ceux, qui auoient assisté es Conferences, & estoient informés des differens: & qu'entre tous les Prelats d'Allemagne le seul Cardinal d'Ausbourg y eust enuoyé Procureur, & celuy-là encores Satioisien: car les Procureurs de l'Electeur & Cardinal de Mayence, ayans entendu la mort de leur maistre, estoient partis deux moys auparauant.

Autres disoient, Que les choses définies n'estoient point de si grande consequence, comme il sembloit, car pour le chef des Traditions, qui sembloit le plus important, il ne releuoit de rien: premierement, d'autant que ce n'estoit rien d'ordonner qu'on receust les Traditions, sans specifier quelles elles sont, & sans donner moyen & adresse de les discerner: sur tout veü que le Decret ne portoit point commandement exprés de les recevoir, mais seulement de ne les mespriser sciemment & de fait d'aduis: dont il n'y auroit point de contrauention à qui les reietteroit toute, avec paroles reuerentes, sur tout à l'exemple de tous les adherans à la Cour de Rome, qui ne recoient l'institution des Diaconesses, & n'accordent l'election des Pasteurs au peuple, qui toutesfois certes est institution Apostolique, continuee par plus de huit siecles: & ce qui importe le plus, la communion du Calice ordonné par Christ mesmes, presché par les Apostres, & obserué par toute l'Eglise en tous les siecles passés, sauf depuis deux cens ans en ça, & encores à present par toutes les Nations Chrestiennes, horsmis la Latine. Que si cela n'est Tradition, il n'y a moyen de monstrier qu'aucune autre le soit. Et que quand à l'Edition Vulgaire, qui auoit esté declarée authentique, il n'y auoit rien de fait, veü qu'à cause de la diuersité des exemplaires, on ne pouuoit sauoir laquelle c'estoit. Mais cete dernière opposition naissoit de ce qu'on ne sauoit pas encor qu'au Concile auoit esté faite la deputation de ceux qui deuoient establir vn exemplaire corrigé, pour tirer sur iceluy la vraye Edition Vulgaire, ce qui toutesfois ne fut effectué, & la cause en sera touchée en son lieu.

Le Pape sur
iceux prend
à cœur le
Concile.

Et aduertit
ses Legats
de plusieurs
pointes ne-
cessaires
pour luy.

Quand on eut veü à Rome les Decrets de la Session, & considéré l'importance des choses traittees, le Pape iugea qu'il falloit auoir les affaires du Concile en plus grande consideration, qu'on auoit fait iusques alors, & augmenta le nombre de la Congregation des Cardinaux & Prelats, ausquels il auoit baillé charge de considerer les choses suruenües qui pourroient concerner le Concile, & les rapporter. Par le Conseil de ceux-là, dès la premiere fois qu'ils furent assemblés, il aduertit les Legats de trois choses. L'une de ne plus prononcer aucun Decret en Session, qu'il ne leussent premierement communiqué à Rome: & d'eüiter de vray l'excessive tardiueté à proceder: mais aussi de se garder d'auantage de la haütueté, laquelle les pourroit porter à refoudre quelque matiere non bien digeree, & leur oster le temps de pouoir receuoir de Rome les commissions de ce qu'ils auroient à proposer, deliberer, & conclurre. La deuxieme, de ne consumer point le temps en matieres, qui ne sont pas en dispute: comme il sembloit qu'ils auoient fait es matieres traittees en la prochaine Session, esquels tous sont d'accord, & sont principes indubitables. La troisieme, de garder, que pour cause quelconque on ne vinst iamais à debattre de l'autorité du Pape.

Esquels lui
respondent

Les Legats respondirent tout promptement, Qu'ils obeïroient au commandement de Sa Sainteté: mais que toutesfois il leur sembloit qu'es choses

depuis il y auoit vn differend non petit entre les Catholiques & les Heretiques : & qu'aucunes Escritures du Vieil & du Nouveau Testament, recetues par le troisieme Concile de Carthage, par Innocent premier, & par Gelaise, & par le fixieme Synode de Constantinople *in Trullo*, & par le Concile de Florence, estoient reuoquees. en doute par les heretiques : & mesmes, qui pis est, par aucuns Catholiques, & Cardinaux : & de plus, que les Traditions non escriues estoient impugnees par les Lutheriens, lesquels sur toutes choses visoyent à les aneantir, donnant à entendre, Que toutes les choses necessaires à salut sont redigees par escrit. Et pourtant, combien que ces deux chefs soyent principes, que neantmoins c'estoyent aussi des conclusions les plus contentieuses, & importantes, qu'on eust à decider au Concile. Que quant à l'autorité du Pape, & du Concile, il ne s'estoit encor presente aucune occasion d'en parler, sauf quand on auoit traité du titre du Concile, aucuns requerans, qu'on y adioustast la clause de la representation de l'Eglise Vniuerselle : ce qui encor est à present desiré de plusieurs, & toutes-fois ils gauchiront tant qu'il sera possible. Que si tant est qu'ils soyent contrains d'y venir, ils feront instance, & esperent qu'on ne le leur pourra denier, que la maniere, en laquelle iceluy là representé, soit exprimée, assauoir, moyennant son Chef, & non point sans iceluy : dont il y aura plus à gagner pour Sa Sainteté, qu'à perdre. Qu'au demeurant il leur estoit aduis de voir des signes euidens, que la plus part estoit disposée à porter toute reuerence à Sa Sainteté, pendant qu'icelle se trouuera vnie comme Chef avec le corps du Concile : ce qui ne sera iamais autrement, tant qu'on sera d'accord ensemble au point de la Reformation : dont il pouuoit viure l'esprit en repos, que son autorité ne luy sera iamais querellee.

Après cela le Pape enuoya pour Nonce en Suisse Ierome Franco, luy bail-
lant lettres adressantes aux Euesques de Syon en Vallay, & de Coire es Grisons, & à l'Abbé de S. Gal, & aux autres Abbés de ces nations, qui portoyent, Qu'il auoit appelé tous les Prelats de Chrestienté au Concile general à Trente : & qu'il estoit conuenable, qu'eux aussi, qui representent l'Eglise Heluetique, y entreussent pour leur nation, grandement chérie de luy, comme fils singuliers du S. Siege, & defenseurs de la liberté Ecclesiastique. Que ia estoient arrivés à Trente, Prelats d'Italie, de France, & d'Espagne, & que le nombre en grossissoit tous les iours : & pourtant qu'il n'estoit point seât qu'eux voisins fussent preuenus des plus lointains : que leur pais estoit en grande partie infecté des heresies, & que tant plus auoit-il besoin du Concile. En fin il leur commande en vertu de l'obeissance, & par le lien du serment, & sous les peines ordonnees par les loix, qu'ils ayent à s'y transporter au plustost : & pour le demeurant, se remet à ce que son Nonce leur dira de bouche.

En ce mesmes temps, le Pape, pour les grandes & fortes instances du Clergé, & de l'Academie de Cologne, secondee par les Euesques du Liege, & d'Vtrecht, & mesmes par l'Academie de Louvain, contre l'Archeuesque Electeur de Cologne, vint à la sentence definitive contre iceluy, le declarant excommunié, & le priuant de son Archeuesché, & de tous les autres benefices, & priuileges Ecclesiastiques, absolvant ses peuples du serment de fidelité, & leur commandant de ne luy obeir plus : & ce, d'autant qu'il estoit encouru es censures portees par la Bulle de Leon dixieme, publiee contre Luther, & ses adherans : ayant tenu, defendu, & publié icelle Doctrine contre les reigles Ecclesiastiques, les Traditions des Apostres, & les vs & coustumes de la Religion Chrestienne. Cete sentence fut du depuis imprimee à Rome : & le Pape fit en suite vne autre Bulle, ordonnant qu'on obeist à Adolph, Comte du SchaVvembourg, lequel l'Archeuesque auoit ia pris pour son Coadiuteur : & fit forte instance enuers l'Empereur que cete sentence fust mise en execution : mais l'Empereur ne iugea point que ces nouveautés fussent à propos pour ses affaires, d'autant que par ce moyen il eust poussé l'Archeuesque, lequel iusques alors se tenoit entierement sous son obeissance, à s'vnir

1546.

promet-
tent toute
obeissance &
fidelité.

l'asseu-
rent de la
bonne dis-
position du
Concile en-
uers luy.

le Pape co-
uie les Suis-
ses au Con-
cile.

excommunié

& demer-
l'Archeuef-
que de Colo-
gne.

mais l'Em-
pereur ne
secôde point
en cela lls

1546
intention
du Pape.

la sentence
duquel pro-
duit gran-
de plainte.
Et des fia-
ces es Pro-
testans.

en la Cõgre-
gation sui-
uante dis-
pute de la
matiere
pechee la Ses-
sion.

le Pape
ordonne que
traite du
Peché Ori-
ginel, cõtre
le gré des
Imperiali-
stes.

auec les autres confederes: Et pourtant le tint encores pour Archeuesque, & du depuistraita auec luy, & luy escriuit en cete mesme qualite, sans auoir esgard à la sentence Papale. Cela outroit le Pape iusqu'au vif: mais n'y voyant point de remede, & iugeant que c'estoit imprudence de se plaindre vainement, il mit cete offense auec les autres; lesquelles il estimoit receuoir de l'Empereur. Cete sentence causa vn autre mauuais effet, c'est, que les Protestans prirent occasion de se conformer en leur opinion; que le Concile n'estoit intimé à autre fin que pour les piper. Car; si la Doctrine de la foy qui est en debat, deuoit estre examinee au Concile, comment pouuoit le Pape, auant la definition d'iceluy, passer à sentence, & par icelle condamner l'Archeuesque d'heresie: Que de là il apparoissoit bien; que ce seroit en vain d'aller au Concile, où domine le Pape, lequel ne peut se commander iusques là, de dissimuler de les auoir ia condamnés. Mais aussi; que d'ailleurs on voyoit assez que le Pape mesme ne faisoit nul estat de ce Concile; attendu que, iceluy estant desia commencé & ouuert, il mettoit souverainement la main en ce qui appartenoit au Concile; sans mesmes luy en faire aucune part. Le Duc de Saxe fit entendre ces choses à l'Empereur par Ambassadeurs expres; & luy fit dire, Que, puis qu'on voyoit clairement l'intention du Pape, il seroit meshui temps de pouruoir à l'Allemagne par vn Concile National: ou bien traitant tout à fonds les affaires de la Religion en vne Diete.

Mais, pour retourner aux affaires Synodaux, il estoit, comme il a esté dit, demeuré de reste des choses traitees auant la dernière Session, à pouruoir aux leçons de la Sainte Escriture, & à la predication de la Parole de Dieu. Et pourtant en la première Congregation on traita de cete matiere: & pour donner commencement aux points de la foy, fut aussi proposé de traiter ensemblement du Peché Originel: à quoy s'opposèrent les Prelats Espagnols, disant, Qu'il y auoit assez de matiere de reste pour vne Session, à bien pouruoir aux abus, qui estoient en la predication, & es leçons: lequel aduis fut aussi suivi des Prelats Italiens Imperiaux & il sembla aux Legats de descouurir, que c'estoit vne pratique des Agens de l'Empereur, lesquels auoyent en ce mesme temps-là traité fort à l'estroit avec ces Prelats. Et pourtant ils endonnerent aduis à Rome, d'où ils eurent pour response, Qu'ils procedassent avec retenue; iusques à ce qu'on leur pust donner resolution. Ce qui fut cause qu'ils vserent de tous artifices, & diligences, s'en retiensans au fait des abus, sans venir à aucune conclusion sur iceux; & sans monstrier s'ils vouloyent entrer en la matiere du Peché Originel, ou non. Et ainsi continuat-on iusques à Pasques.

Mais, apres Pasques le Pape commanda qu'on passast outre; & que cete matiere fust proposée. La lettre du Pape, arriuee à Trente le deuxième May, vint à rectice à Don François de Toledé, lequel, estant allé visiter les Legats, vlt de beaucoup d'artifices; ores faisant semblant de conseiller, ores de proposer aduis sur le fait de poursuiure la Reformation, le tout à fin de sonder quelle estoit leur pensee, & obliquement les induire à ce qu'il auoit proietté. Mais, voyant de ne rien profiter, il passa outre, disant assez ouuertement, qu'il auoit lettres de l'Empereur, par lesquelles il le chargeoit de procèder que pour lors on n'entrast point es dogmes; mais qu'on traitast seulement de la Reformation. Les Legats luy respondirent au contraire par beaucoup de raisons: & entre autres, Qu'ils ne le pouuoient faire, sans contreuenir aux Bulles du Pape, qui proposoyent ces deux matieres ensemblement: & à ce qui auoit esté establi au Concile, de les acheminer coniointement; dont aussi ils auoyent ia escrit à Sa Sainteté, que huit iours apres Pasques ils commenceroient. Il y eut plusieurs discours, & repliques des deux costés: & en fin les Legats dirent d'auoir de ce commandement expres du Pape, & qu'ils ne pouuoient faillir à leur deuoir. Mais D. François leur dit, Que le deuoir de bons ministres est d'entretenir l'amitié, &

bonne intelligence entre les Princes: ce que les Legats ne nioient point; mais respondirent, Qu'il n'estoit point raisonnable de requerir d'eux plus qu'ils ne pouuoient faire; leur honneur faul. Ils aduertirent le Pape de tout cela, & que de plus le Cardinal de Trente leur auoit dit; Que si on proposoit l'Article du peché Originel, l'Empereur en receuroit du desplaisir: & que pourtant; desirans d'un costé estre moyennneur de paix & concorde: & de l'autre, obeissans aux comandemens de Sa Sainteté; ils auoyent aisé de luy faire cete despeche en toute diligence; le priant de ne les point laisser faillir adioustans; que s'il ne leur venoit autre aisé de sa part; il suiuroient ses derniers comandemens; & s'efforceroient de persuader à D. François; & au Cardinal de Trente; que l'Article du Peché Originel n'est plus en controuerse en Allemagne: ains paroist appointé par la dernière Conférence de Regensbourg; en laquelle l'Empereur a fait prendre pour premier Article à appointer celui de la Iustification: mais; que pour interposer le plus de tēps qu'il seroit possible; ils s'entretiendroient autant de iours qu'il leur seroit honnestement permis; en l'expédition du residu de la Session précédente.

On tint vne Congregation pour ce seul suiet, de mettre meilleur ordre pour proceder plus reiglement qu'on auoit fait par le passé; tant à traiter de la Doctrine de la Foy, que la matiere de la Reformation. Et furent ordonnees deux especes distinctes de Congregations: l'une desquelles seroit composée de Theologiens, pour discourir sur la matiere de la Foy; qui se deuroit proposer; les auis desquels seroient recueillis par escrit par vn des Notaires du Concile: & quand on traitteroit de la Reformation; outre les Theologiens; les Canonistes y seroient admis: & que ces Congregations se tiendroient en la présence des Legats; avec liberte à tous ceux d'entre les Peres, qui voudroient, d'y pouoir assister. L'autre deuoit estre de Prelats, pour former les Articles; soit de Doctrine, soit de Reformation: lesquels apres auoir esté examinés, & arrestés par la pluralité des voix; deuoient estre proposés en la Congregation generale, pour ouir sur iceux l'opinion d'un chacun; & par le plus grand aisé arrester les Decrets qui deuoient estre publiés en la Session.

Suiuant cet ordre; il fut parlé des leçons; & predications, & plusieurs minutes de Decrets en furent faites & refaites: & iamais pourtant ne fut possible d'en trouuer vne qui plust à tous: d'autant que les Prelats auoyent grand interest à vouloir que le tout dependist de l'autorité Episcopale; & qu'il n'y eust exemption aucune: & les Legats d'ailleurs vouloyent maintenir les priuileges donnés par le Pape; sur tout aux Mendiants; & aux Vniuersités. Et apres plusieurs disputes; & que la matiere eust esté suffisamment debatue, ils crurent qu'en la Congregation du dixieme May tous seroient d'accord. Mais il aduint le contraire: car; apres qu'elle eut duré iusques à la nuit; on ne put faire aucune conclusion sur les Articles, es vns, pour la diuersité des aduis entre les Prelats mesmes: es autres, pource que les Legats ne vouloyent condescendre à l'opinion generale; d'abatre; ou du moins moderer les priuileges. Ils obiectoient aux Euesques, qu'ils se portoyent à cecy plus par interest, que par raison: qu'ils ne faisoient aucun estat du preiudice des reguliers: que trop hardiment ils entreprenoyent de corriger les Conciles passés; & de maittre la main es Priuileges octroyés par le Pape. Et ne purent s'accorder; non tant pour la diuersité des opinions; l'interest des Euesques; que pource que les Agens Imperiaux tenoyent la main à cela, pour pousser le tēps; afin qu'on ne vinst à la proposition des Dogmes. Les Legats aussi de leur costé n'auoyent point pour desagreable qu'on temporisast: estans tout resolu, cas aduenant qu'il ne leur fust deffendu, en la response qu'ils attendoyent de Rome; de passer aux Dogmes, & de s'esclaircir vne fois, comme disoyent leurs confidens de ce qui en pourroit arriuer.

Or, pour mettre quelque fin aux choses traitees; ils firent lire vn Sommaire des opinions des Theologiens & des Canonistes, dites en diuerses

1546

*une autre
Congrega-
tio est tenue
pour pour-
uoir à l'or-
dre de pro-
ceder.*

*la question
des predica-
tions, & des
lectures, est
remise sus.*

*sur quoy l'E-
uesque de*

1546.
Fiesole par
le libran
est gien
nem m
censuré.

Congregations precedentes: disant que, pource que les aduis estoient assez longs & prolixes, ils en auoyent trié ce qui sembloit estre de plus de substance, afin qu'il fust examiné, & que là dessus chacun en dist son aduis. Mais Brace Martel, Euesque de Fiesole, ayant ouy lire l'extrait, s'y opposa, haranguant au contraire, & disant, Qu'il estoit necessaire que la Congregation generale entendist les suffrages, & les raisons de tous: & qu'il n'estoit pas conuenable qu'on leur lust des abregés & recueils: & s'estendit si auant en l'amplification del'autorité du Concile, & en la necessité de le bien informer, & à monstrier le peu de raison qu'il y auoit, que quelques vns fussent seuls arbitres des deliberations, ou que les resolutions vinssent toutes faites d'ailleurs, que les Legats en furent grandement offensés, & firent vne censure à cet Euesque, avec vne affectée modestie en apparence, mais bien poignante en effet. Et là dessus la Congregation fut congediee.

est donné en
est donné à
Rome.

Le jour ensuiuant les Legats enuoyerent demander à l'Euesque la copie de sa harangue, laquelle ils enuoyerent à Rome, la taxant comme irreuerante, & seditieuse: adioustant, qu'ils luy auoyent fait vne modestie, mais toutesfois seuerre reprimende: & seroyent passés plus outre, comme bien meritoit l'Euesque, n'eust esté l'apprehension d'acrocher quelque dispute chatouilleuse, qui pult engendrer diuision: mais qu'il ne falloit nullement le laisser impuny, pour ne luy accroistre le courage de faire en chaque congregation le mesme, ou encor pis: & remonstroyent à Sa Sainteté, que totalement il estoit à propos de le faire departir de Trente, par vn moyen, ou par vn autre: & de faire en sorte que l'Euesque de Chioge, peu dissemblable à luy, quoy que d'un autre air, ny retournast plus. Cet Euesque de Chioge estoit party soudain apres la Session, sous pretexte d'indisposition: mais d'effet pour des paroles qui estoient passées entre luy & le Cardinal Legat Polus, en la Congregation, sur le fait des Traditions: l'Euesque ayant voulu soustenir l'aduis du Frere Antoine Marinier, & ayant pour ce estriué avec le Cardinal: ce qui luy auoit donné occasion de se plaindre, qu'il n'y auoit point de liberté au Concile: dont il se voyoit tombé en la malgrace des Legats, & suiet à quelque danger. Les Legats ne se contenterent point de ce qu'ils auoyent fait: mais pour mettre encor d'auantage cet Euesque de Fiesole, & maintenir la chose en son entier iusques à l'aduis de Rome, pour la pouuoir ou pousser auant, ou dissimuler, selon qu'il leur seroit ordonné, le Cardinal Legat de Monte luy fit en la suiuite Congregation encor vne recharge, concluant, Que, pour lors on ne parleroit pas plus auant de son affaire, d'autant qu'on estoit pressé de vaquer à chose de plus grâde importâce.

La respo-
se qui en
vint:

La responce de Rome vint, qui portoit, que quant au deux Euesques, on y remedieroit en temps & lieu: mais que quant aux choses qui se deuoyent traiter, si on auoit esgard au desir des Princes, le Concile s'en rendroit plus tumultueux, & confus: & les resolutions plus longues, & difficile: veu que chacun, d'eux tascheroit de trauerser la partie qui ne luy plairoit point, ou en mettant de la difficulté en vne chose, en entretenir vne autre. Et que, pourtant, sans autre esgard, ils missent la main à la matiere du Peché Originel, mais qu'ils se gardassent bien de se seruir aucunement de cete excuse, dont ils pretendoyent vser enuers D. François de Toledé: assauoir, Que l'Article du Peché Originel n'est pas en controuersé en Allemagne: que plustost ils vlassent de termes generaux, de toute sorte de respect enuers l'Empereur.

correction
de l'edition
Vulgaire
suisse,

Il leur commanda aussi fort expressément, qu'on ne passast point plus outre au fait de la correction de l'Edition Vulgaire tant que la Congregation des deputés sur les affaires du Concile à Rome, n'eust deliberé du moyé qu'il y falloit suiure. En execution de ces commissions, les Legats se resolerent de passer outre à la proposition du Peché Originel: & tinrent Congregation deux iours consecutifs, pour resoudre les deux chefs, des leçons & des predications, auant que publier de vouloir traiter autre matiere de Foy. ain que ces deux chefs demeurassent indecis, les Imperiaux n'eussent occasi-

de diuertir le Concile de traiter de la Doctrine. Et se firent apporter par les deputés sur le fait de l'Edition Vulgaire, tout ce qu'ils auoyent remarqué, & compile sur cete matiere, leur enioignant de n'y toucher plus iusques a nouvelle commission. Telle estoit la liberté du Concile, dependant du Pape, à laisser les choses commencees, & à entreprendre de nouuelles.

Au fait des Leçons, & des Predications, il y auoit vne plainte generale des *aliterati* Euesques, sur tout Espagnols, que, puis que le commandement de Christ *des Eues-* porte, que sa doctrine soit enseignée, ce qui se fait par les Predications en *ques avec* l'Eglise, & par les Leçons aux plus capables, afin qu'iceux se rendent suffi- *les Moines* sans pour enseigner le peuple, la charge de la surintendance sur tous ceux *sur le fait* qui exercent ces ministeres, doit appartenir à l'Euesque: qu'ainsi en ont or- *des lectures* donné les Apostres, & qu'ainsi a esté pratiqué par les Saints Peres. Mais qu'à *& predica-* present toute cete charge est absolument ostée aux Euesques par les priuile- *tions.* ges, & qu'il ne leur en demeure plus aucun reste: que c'estoit là la cause des desordres qui sont aduenus: d'autant que l'establissement fait par IesusChrist ayant esté renuerse, les Vniuersités se sont soustraites de la conoissance des Euesques, en vertu de leur exemptions: dont l'Euesque ne peut fauoir ce qu'elles enseignent: & les predications ont par priuilege esté remises aux Moines, qui ne reconoissent en rien les Euesques, & ne leur permettent de s'en mesler aucunement: de maniere que l'office de Pasteur est tout à fait rauy aux Euesques. Et tout au contraire, que ceux qui anciennement n'estoyent ordonnés que pour pleurer les pechés, & auxquels l'enseigner & le prescher estoit expressement & seuerement interdit, s'en sont emparés, ou l'ont receu d'autrui pour charge propre: dont les troupeaux sont sans vrais pasteurs, & n'ont que des mercenaires: d'autant que ces predicateurs ambulatoires, qui auourd'huy sont en vne ville, demain en vn autre, ne sauent ny le besoin ny la capacité du peuple, ny les occasions de l'instruire & edifier, comme le Pasteur propre, qui vit tousiours avec le troupeau, & conoist les necessités & infirmités d'iceluy. Ioint que le but de ces Predicateurs n'est nullement l'edification, mais la queste des aumosnes, soit pour eux en particulier, soit pour leurs Conuents: & que pour les eueillir plus grasses, & abondantes, ils ne visent nullement au bien des ames, mais à delecter, & flater, & seconder les appetits: & de là aduient que le peuple Chrestien, en lieu de la doctrine de Christ, n'apprend que des nouueautés, ou bien des vanités. Que Luther auoit esté vn de ceux-là: & que s'il fust demeuré en sa celulle à pleurer, l'Eglise ne se trouueroit pas en l'estat où elle estoit. Et qu'encor plus euident estoit l'abus des Questeurs, qui vont preschans les Indulgences: desquels les scandales donnés es années passees ne se peuvent reciter sans larmes: mais qu'il estoit bien tout notoire qu'ils n'exortent à autre chose qu'à contribuer argent. Que l'vnique remede à tous ces maux, estoit d'abolir tous les priuileges, & restituer aux Euesques leur charge d'enseigner, & prescher: & de choisir pour aides ceux qu'ils conoistront dignes de ce ministere, & disposes à l'exercer par deuoir de charité.

A l'opposite, les Generaux des Reguliers, & les autres disoyent, Que les Euesques, & autres ayans cure d'amés, ayant tout à fait abandonné la charge de Pasteurs, en sorte que par plusieurs centaines d'années le peuple auoit esté sans Predications en l'Eglise, & sans Doctrine de Theologie es Escholes, Dieu auoit suscité les Ordres des Mendians, pour suppléer à ces ministeres necessaires: & que pourtant ils ne s'y estoyent point ingerés deux mesmes, mais par otroy du Souuerain Pasteur, auquel principalement il appartient de paistre tout le troupeau de Christ: dont ne se peut dire avec raison, que les deputés par luy pour suppléer aux defauts de ceux qui estoyent obligés au soin du troupeau, & qui l'auoyent abandonné, ayant empieté la charge d'autrui: ains faut confesser, que s'ils n'eussent vsé de cete charité, il n'y auroit à present aucune trace de Chrestienté. Que maintenant, apres auoir par l'espace de trois cens ans & plus, vaqué à ce saint ceuvre, avec le fruit qui en paroist, & avec le titre legitime qu'ils auoyent du Pape, Souuerain

1546,

Pasteur, ces ministeres leur estoient prescrits, & en auoyent acquis vraye & reelle possession, sans que les Euesques y ayent plus aucun droit, ne cause d'alleguer l'usage ancien, pour repeter l'office, duquel ils se sont deportés d'estant de certaines d'annees. Que la cupidité qu'on leur imposoit d'acquiescer pour eux, ou pour leurs Ministeres, estoit vne pure calomnie! attendu qu'ils ne tirent des aumosnes que leur nourriture & vesture necessaire: que tout le demeurant est despensé au seruice de Dieu, en Messes, bastimens & paremens d'Eglises: ce qui tourne au benefice & edification du peuple, & non à leur propre vilité, Que le seruice rendu par leurs Ordres à Sainte Mere Eglise, & à la doctrine de la Theologie, laquelle ne se trouue plus hors des cloistres, meritent bien que cete charge leur soit continuee, de laquelle aussi nuls autres ne sont capables au prix d'eux.

donc les Legats per-plex ecrirunt à Rome où les Moines sont souffrenus.

Les Legats, importunés des deux parties, par le conseil de leurs plus intimes & affidés: se resolurent de donner auis du fait à Rome, & d'attendre la response. Le Pape remit l'affaire à la Congregation des deputés, lesquels incessamment s'apperceurent où butoit la pretention des Euesques, à auoir, à se faire Papes chacun en son Diocese: d'autant que, quand les priuileges & exemptions Papales seroyent ostées, & tous despenseroient d'eux, & nul du Pape, tout à l'instant cesseroit toute cause d'aller à Rome. Ils metoyent en consideration, que des fort long temps les auoyent tenu pour principal mystere d'estat, pour maintenir la primauté que Christ leur auoit donnée, d'exempter les Euesques de leurs Archeuesques, les Abbés des Euesques, & ainsi auoit des personnes interessees & obligees à la conseruation d'icelle primauté. Qu'il estoit notoire, que des l'annee six cens le primat du Saint Siege auoit esté soustenu par les Moines de Saint Benoist priuilegiés: & dit depuis par les Ordres de Cluny, & de Cîteaux, & autres: iusques à ce que Dieu suscita les ordres des quatre Mendiâs, par lesquels iceluy auoit esté soustenu iusques au temps present: que doncques leur oster leurs priuileges estoit directement impugner le Papat, & non iceux Ordres: & que reuoker les exemptions estoit vn manifeste rabais de la Cour de Rome, attendu qu'à ce conte elle n'auoit plus de moyen de tenir es termes du deuoir vn Euesque qui s'esleueroit outre mesure: & que pourtant le Pape, & la Cour, estoient de toute necessité obligés à soustenir la cause des Moines. Mais, pour faire les choses doucement, ils considererent aussi qu'il falloit tenir cette raison secreete: & delibererent en fin qu'il falloit escrire aux Legats qu'en toutes sortes ils maintinssent les Religieux en leur estat, & taschassent de faire desister les Euesques, leur representant le nombre excessif des Moines, & le credit que ils ont enuers le populaire: & les conseillant d'accepter quelque temperament, & ne causer point vn Schisme par leurs demesurees volontés. Qu'il estoit bien raisonnable qu'ils receussent quelque contentement, mais qu'au reciproque aussi ils se deuoyent accorder à le donner aux autres. Et que quand on viendroît à boucler l'affaire, ils accordassent toutes choses aux Euesques à l'esgard des questeurs, mais que pour les Moines rien ne fust conclu, sans en faire part aux Generaux. Et en somme qu'on donnast vn tel contentement aux Euesques, qui reellement n'ostast point les priuileges. Qu'ils fissent le mesme à l'esgard des Vniuersités: car il estoit necessaire d'auoir & celles-cy, & ceux-là, dependans du Pape, & non des Euesques.

Et à Trêue, selon cela on trouua expedient au fait des Euesques.

Dés que ces lettres furent arriuees à Trente, on commença à proceder dans le Concile à trois diuerfes fins: car les autres particularités proposees sur ces deux matieres, par ceux qui n'estoyent interessez ny pour ny cōtre les exemptions, estoient de fort petite consideration. Aucuns des contraires aux exemptions proposerent, pour les leçons, de restablir l'usage ancien, lors que les Monasteres, & les Eglises Collegiales, n'estoyent autre chose que Colleges & Escholes, de quoy restent encores des traces & reliques en plusieurs Cathedrales: esquelles il y a la dignité de l'Escholastre, chef des Lecteurs, avec prebēde: mais, que ceux là à present n'exercēt plus ces charges,

& aussi

& aussi elles sont conferées à personnes qui en sont du tout incapables, & inhabiles. Tous iugerent bien qu'il estoit honnestes & utile de remettre sus la lecture des choses sacrées, tant es Eglises Cathedrales, qu'es Monasteres. Et estimoit on chose aisée de pourvoir aux Cathedrales, donnant la charge de l'exécution aux Euesques, mais malaisée aux Monasteres. Les Legats s'opposoient, qu'en ceci mesme on ne donnast la surintendance aux Euesques, quoi qu'il ne fust question que des simples Moines, & non des Mendians : de peur d'ouurir la porte à entreprendre sur les priuileges otroyés par le Pape. Mais Sebastien Pighin, Auditeur de Rote, y trouua vn bon expedient, disant, Que la surintendance en fust donnée aux Euesques, mais en qualité de delegues du S. Siege. L'inuention fut trouuée bonne : car on faisoit vn mesme effet en faueur des Euesques, sans deroger toutes-fois au priuilege Papal : attendu que l'Euesque, non en qualité d'Euesque, mais de depute du Pape, seroit surintendant. Cete gentille souplesse donna exemple d'accommoder deux autres difficultés : dont l'vne estoit, de bailler aux Metropolitains autorité sur les paroisses vnies aux Monasteres, non suiets à aucun diocese : l'autre, de donner puissance aux Euesques sur les Predicateurs priuilegiés, qui viennent à forfaire. Et seruit aussi grandement es Decrets des suiuanes Sessions,

Les Canonistes proposoyent aussi, qu'es temps presens estoit peu conuenable la subtilité scholastique, de mettre toutes choses en dispute, & de s'arrester à questions naturelles & philosophiques, plus qu'à autre chose. Qu'il falloit ordonner que ces nouuelles leçons fussent introduites, pour traiter des Sacremens, & de l'autorité & puissance de l'Eglise : ainsi qu'auoyent tres-vtilement fait Turrecremata, Augustin Triomphe, & apres eux Saint Antonin, & autres. Mais, à cause de la contradiction des Moines, qui repliquoyent, qu'autant estoit necessaire l'vne que l'autre doctrine, on trouua ce temperament & voye d'accord, Que les leçons fussent pour exposer l'Escripture Sainte : & que selon l'exigence du texte, dont on feroit lecture, & de la capacité des auditeurs, on y appliquast la matiere.

Pour les Predications, apres plusieurs discours faits en diuerses Congregations, on vint en fin à arrester le Decret : & les Legats, pour surmonter *celuy des* les difficultés par pratiques, firent traiter par les Prelats leurs affidés avec *predica-* les Euesques Italiens, leur représentant, combien ils estoient obligés, pour *tions.* l'honneur de la Nation, de soutenir la dignité du Papat, de l'autorité duquel il s'agissoit, quand on entreprenoit sur ses priuileges. Qu'ils considerassent combien ils pouuoient esperer du Pape, & des Legats, en s'accommodant à vne chose, qui aussi de soi-mesme est iuste & raisonnable, sans entreprendre de vouloir spolier les Moines d'vne chose qu'ils ont possédée par vn si long espace de temps. Qu'il estoit bien dangereux de *plus par* rebuter tant de sauans personages en ces temps, esquels les heresies tour- *pratiques* mentent l'Eglise. Que c'estoit bien accroistre l'autorité des euesques, de *que par* leur accorder d'approuuer & reietter les prescheurs, lors qu'ils preschent *raisons,* hors des Eglises de leur Ordre : & mesmes, quand c'est en celles-ci, de leur faire reconoistre le Prelat, lui demandant au prealable sa benediction : & que les Euesques puissent punir les prescheurs pour cause d'heresie, & leur interdire la predication pour cause de scandale. Qu'ils se conténtassent de cela, & que de iour à autre on leur adiousteroit autres choses de plus. Par ces offices ils en gagnerent vn si grand nombre, qu'ils furent asseurés de passer le Decret à ces conditions. Mais il y auoit encores vne autre difficulté, c'est, que les Generaux, & les Moines, ne se contentoient point, & si ne sembloit-il pas seur de les desgouter, & le Pape aussi l'auoit expressement defendu. Les Legats se mirent en peine de leur monstrier, que ce qui estoit accordé aux Euesques estoit iuste & necessaire : qu'eux mesmes en auoyent donné l'occasion estendant par trop leur priuileges, & passant les bornes de la raison. Mais en fin, par vne clause monitoire aux euesques, de proceder en maniere que les Moines n'essent suiets de se plaindre, les Generaux aussi s'appaiserent.

1546. Mais, quand les Legats vinrent à descouvrir la resolution de condamner en la mesme Session les opinions Lutheriennes sur le point du Peché originel, ils alleguerent, Que pour garder l'ordre, de proceder ensemblement es deux matieres, il falloit de necessité traiter quelque point de Doctrine, & de Foi, & qu'on ne pouuoit prendre le commencement d'ailleurs que du dit Article. Et là dessus proposerent les Articles, extraits de la Doctrine des Protestans sur cete matiere, afin que les Theologiens & Congregations les examinassent, & debatissent s'ils deuoyent estre condamnés pour heretiques. Le Cardinal Pacieco dit, Que le Concile n'auoit à traiter les Articles de Foi à autre but, que pour ramener l'Allemagne: & que qui entreprendroit cela hors de temps & de saison, non seulement n'atteindroit point au but desiré, mais feroit empirer les affaires. Qu'on ne pouuoit sauoir à Trente le temps & l'occasion propre à ce faire, mais qu'il s'en falloit rapporter à celui, ou à ceux qui feroient au timon des affaires d'Allemagne, lesquels voyant deuant leurs yeux toutes les particularités, sauent aussi tresbien le point du temps propre à lui presenter cete medecine. Et pourtant conseilloit, que par lettres on recherchast l'aduis des principaux Prelats de cete Nation, auant que passer outre, ou bien que le Nonce Apostolic en parlast avec l'Empereur. Les Prelats Imperiaux, gagnés par l'Ambassadeur de l'Empereur, s'adioignirent à cet aduis. Mais les Legats, apres auoir loué leur prudence, & promis d'escrire au Nonce, adiouterent, Que nonobstant tout cela, les Articles pouuoient estre disputés par les Theologiens, pour gagner tēps: à quoi le suldit Cardinal Pacieco, & les autres de son aduis, acquiescerent, esperans que plusieurs difficultés se pourroyent presenter à la trauerse. L'Ambassadeur Toledé s'en contenta aussi, ne demandant autre chose, sinon que l'esté se passast sans venir à sentence definitive.

Et proposerent les Articles à condamner en la Session, Les Articles proposés furent ceux-ci, Premierement, Qu'Adam, par la transgression du commandement, a perdu la iustice, & est encouru en l'ire de Dieu, & en la mort: & est grandement empiré & en l'ame & au corps: mais que toutesfois, de lui n'est transmis aucun peché en sa lignée, ains seulement les peines corporelles.

Secondement, Que le peché d'Adam est appelé Originel, pource que de lui il deriue en la posterité, non par transfusion, ou prouignement, mais par imitation.

Tiercement, Que le peché Originel est l'ignorance, & le mespris de Dieu: ou bien, l'estre sans crainte de Dieu, & sans fiance & amour de Dieu: & avec la conuoitise, & mauuais desirs: & generalement vne deprauation de tout l'homme en sa volonté, en son ame & en son corps.

En quatrieme lieu Qu'és petis enfans il y a vne inclination au mal, procedante de leur nature corrompue, qui fait qu'iceux, venans en aage de discretion, abhorrent les choses diuines, & se plongent és mondaines, & que cela est le peché Originel.

En cinquieme lieu, Que les petis enfans, du moins ceux qui sont nés de peres & meres fideles, quoi qu'ils soyent baptizés en remission des pechés, n'attirent, par leur extraction d'Adam, aucun peché.

En sixieme lieu, Que le peché Originel n'est point effacé au Baptisme, mais seulement n'est point imputé, ou bien est simplement effacé, & raturé en sorte, que dès cete vie il commence à estre amoindri, mais est tout à fait deraciné en la vie eternelle.

En septieme lieu, Que ce peché, restant au baptizé, le retarde & empesche de l'entrée du royaume des Cieux.

En huitieme lieu, Que la conuoitise, qu'on nomme aussi amorce de peché, & qui reste encor apres le Baptisme, est vrai peché.

En neuuieme lieu, Que la peine principale du Peché Originel, est le feu d'enfer, outre la mort corporelle, & les autres defauts & imperfections, auxquelles l'homme est suiet en cete vie.

Les Theologiens, en la Congregation, conuinrent tous en cet aduis, Qu'il

Qu'il ne falloit pas proceder par cet ordre en l'examen des Articles, mais traiter à fonds, & methodiquement toute cete matiere: & voir, quel auoit esté le peché d'Adam: qu'elle chose de lui deriue en toute la posterité, qui s'appelle le peché Originel: par quelle maniere il est transmis: & comment il est remis & pardonné.

Au premier point ils s'accorderent semblablement, Qu'Adam ayant perdu la iustice originelle, les affections s'estoyent en lui rendues rebelles à la raison: ce que la Sainte Escriture exprime par ces termes, Que la chair se rebelle contre l'Esprit: lequel défaut, ou vice en l'homme, elle nomme aussi d'un seul nom, Conuoitise: qu'il estoit encouru en l'ire de Dieu, & en la mort corporelle, dont Dieu l'auoit menacé, ensemble la spirituelle de l'ame: que toutesfois aucun de ces défauts ne se pouuoit nommer peché, veu que c'estoyent peines consecutives à icelui: mais que le peché formellement estoit la transgression du commandement, de Dieu: & en cet endroit plusieurs se donnerent carrière à rechercher l'espece de la faute d'Adam: les uns maintenoient, que ce fut peché d'orgueil, les autres de gourmandise, les autres d'infidelité: & les autres, plus solidement encor, disoyent qu'on la pouuoit bien rapporter à toutes ces especes, mais, que si on vouloit s'arrester au dire de S. Paul, on ne la pouuoit mettre que sous l'espece & rang de pure desobeissance. Mais, quand on vint à rechercher, quelle chose deriuée d'Adam en nous est peché, les opinions furent bien plus différentes. Car S. Augustin, qui le premier de tous s'est adonné à rechercher l'essence d'icelui, a dit, Que c'est la conuoitise: & S. Anselme, plusieurs cétaines d'années apres lui, soustenant que le peché est effacé en ceux qui sont baptizés, esquels toutesfois demeure la conuoitise, a esté porté à tenir, que ce peché est la priuation & défaut de la iustice originelle, laquelle au Baptême est rendue en son équivalent, qui est la Grace. Mais S. Thomas, & S. Bonauenture, voulans accoupler & accorder ces deux opinions, ont considéré, Qu'en nostre nature corrompue il y a deux rebellions, l'une, de la raison & pensée contre Dieu: l'autre, du sens contre la raison & la pensée: que cete dernière est la concupiscence, & la première l'iniustice: & que toutes deux cōiointement sont le peché. Et S. Bonauenture, donne le premier lieu à la conuoitise, disant, Qu'icelle est le positif, & la priuation de la iustice le negatif & priuatif. Et S. Thomas à l'opposite constitue la concupiscence pour partie materielle, & la priuation de la iustice pour la formelle: dont il dit, que ce peché en nous est la conuoitise destituée de la iustice originelle. L'opinion de S. Augustin a esté suivie par le Maître des Sentences, & par les Scholastiques anciens, & au Concile fut soustenu par deux Moines Eremitaires. Mais, d'autant que Iean l'Escot auoit soustenu l'opinion d'Anselme son compatrioit, les Cordeliers la defendirent au Concile, cōme fit la plus grande partie des Iacopins celle de S. Thomas. Ainsi fut déclaré quel est le peché d'Adam, & quel est l'originel en tous hommes.

Mais, pour la façon & maniere, par laquelle il est transmis de lui en ses descendants, & de main en main de pere en fils, il y eut plus de difficulté à l'expliquer. Car S. Augustin, qui a ouuert le chemin aux autres, pressé par les objections de Iulien Pelagien, qui lui demandoit la façon, par laquelle il estoit possible que le peché originel fust transmis lors de la conception de l'homme, attendu que le mariage, & son usage, est saint, & qu'il n'y a point de peché, ni en Dieu souveraine cause, ni en ceux qui engendrent, ni en celui qui est engendré, par quelle fente donc entre le peché? n'a répondu autre chose, sinon qu'il ne falloit point chercher de fentes, là ou on voit une treslarge ouverture & porte: l'Apostre disant, que par Adam le peché est entré au monde. Et en plusieurs autres endroits, esquels il escheoit de parler de cela, S. Augustin s'est tousiours montré fort perplexe & ambigu: ne sachant si, de mesmes que le corps du fils est extrait du corps du pere, aussi l'ame deriue de l'ame d'icelui: de sorte que la source est it infecte, le ruisseau aussi en demeure recōtaminé. La modestie de ce S. Pere ne fut point ensuiuie par les Scholastiques, lesquels ayans posé pour certain & indubitable, que chascune ame

1546.

est crée immédiatement de Dieu, ont dit, que l'infection estoit principalement en la chair, & qu'icelle fut attirée par nos premiers peres au Paradis terrestre, soit de la veneneuse qualité du fruit, soit de l'haleine empoisonnante du serpent: & qu'elle passè en la chair de la lignée, laquelle est partie de celles des geniteurs, & puis est attirée par l'ame lors qu'elle est infuse dans le corps, comme vne liqueur reçoit la mauuaise qualité du vaisseau infect: & que cete infection est causee en la chair par la luxure paternelle & maternelle en l'acte de la generation. Mais cete diuersité d'opinions n'engendroit point de difficulté ne d'estrif en la censure des Articles: car chacun insistant à la siene, monstroït que par icelle le premier Article estoit déclaré heretique, comme aussi il auoit comme tel esté condanné au Concile de Palestine, & en plusieurs Conciles d'Afrique tenus contre Pelagius. Et fut remis sur le bureau à Trente, non comme trouué és escrits de Luther, ou de ses sectateurs, qui enseignent directement le contrepied, mais comme affermé par Zuingle: lequel toutesfois quelques Theologiens, qui esclairent de plus pres ses paroles, iugerent auoir eu ce sentiment, Qu'en la posterité d'Adam il n'y auoit pas de peché, qui se düst ou püst rapporter au genre ou espece d'action, mais à celui de corruption, & de transformation de toute la nature, lequel il appelloit peché en l'espece de la substance.

*condanné
le deuxi-
me Article
proposé,*

L'Article second fut par tous vnanimement iuré heretique: ayant esté premierement inuenté par Pelagius mesme, lequel, pour n'estre condanné au Concile de Palestine, de ce qu'il auoit dit, Qu'Adam n'auoit point nui à sa posterité, se desdit, confessant le contraire: mais du depuis entre les siens il se declara, Qu'Adam auoit nui à sa posterité, non pas en transmettant en elle aucun peché, mais en donnant vn mauuais exemple, qui nuit à celui qui l'imité. Et Erasme estoit taxé d'auoir renouelè la mesme assertion, interpretant ce passage de S. Paul, Que le Peché est par Adam entré au monde, & est passé en tous, comme s'il deuoit estre entendu, entant que les autres ont imité, & imitent la transgression d'icelui.

*censure la
premiere
partie du
troisieme
absolument:*

Le troisieme Article, pour ce qui concerne la premiere partie, fut censuré à Trente, comme il l'auoit aussi esté en Allemagne, en plusieurs Conferences: d'autant que les actions, qui sont portées par icelui, ne peuuent estre le peché originel, attendu qu'elles ne sont point és petits enfans, ni mesmes és personnes d'aage en tous temps. Dont de vouloir dire, qu'il n'y ait autre peché que cetui-là, est tout autant que de le nier tout à fait: & que l'excuse par eux alleguée en Allemagne n'est point suffisante, assauoir, que sous le nom des actions ils entendent vne inclination de la nature aux mauuaises, & vne inhabilité aux bonnes: car, s'ils l'entendent ainsi, il le faloit dire, & non point parler mal, & vouloir qu'autres entendent bien. Et quoi que S. Augustin ait parlé de mesme, disant, Que la iustice originelle est, obeïr à Dieu, & n'auoir point de conuoitise: si toutesfois il viuoit en ce temps, il ne parleroit pas ainsi: d'autant qu'il est bien loisible de nommer par fois la cause par l'effet, & l'effet par la cause, mais c'est quand ils sont propres & d'egale estandue l'un comme l'autre. Mais, qu'en ce cas il n'en est pas ainsi: d'autant que le peché originel n'est point cause de ces mauuaises actions,

*la deuxi-
me avec
quelque re-
sue,*

sinon y entreuenant la mauuaise volonté, comme la principale. Au reste, quant à la seconde partie de l'Article, ils disoyent, que, si les Protestans entendoient vne corruption priuatiue, leur opinion pouuoit estre tolerée: mais qu'ils entendent vne substance corrompue, de sorte que la nature humaine mesme soit transmuée en vne autre forme que celle, en laquelle elle fut créée: & reprenant les Catholiques, quand ils nomment le peché, priuation de la iustice, comme vne source sans eau: en lieu qu'eux disent que c'est vne source, de laquelle sourdēt & iaillissent eaux corrompues, qui sont les actions d'incrudulité, desfiance, haine, rebellion, & amour desordonné de foi mesmes, & des choses mondaines: & pourtant, qu'il falloit condanner absolument l'Article. Pour cete mesme raison ils censurèrent aussi le quatrieme Article, disant, Que cete inclination, marquée en icelui, estoit peine de

*le qua-
trieme ab-
solutement.*

peché, & non formellement péché: dont, ne posant pour péché originel autre chose qu'icelle, on le nioit totalement.

1546.

Il ne faut point omettre de raconter, qu'en cete consideration & examen, *les Cordeliers & les* les Cordeliers ne se pouuoient contenir d'exempter de cete loi generale la Sainte Vierge, Mere de Dieu, par priuilege special, taschant par tous moyes *Iacopins* d'enfoncer cete question, & la prouuer: & les Iacopins à l'opposite de la *s'accrochèt* comprendre nommément sous la loi commune: combien que le Cardinal *sur la con-* Legat de Monte à toutes occasions remonstraist, qu'on se deportast de cete *ceptio de la* Controuersie: qu'ils estoient assemblés pour condamner les heresies, & non *Ste. Vierge* les opinions des Catholiques. *& sont re-*

Il n'y auoit nul, qui s'opposast à la condamnation des Articles: mais Frere *primés* Ambroise Catarin *Catarin* taxa toutes les raisons alleguées pour insufisantes, d'au- *propose vne* tant qu'elles ne declaroyent pas à plein la vraye nature de ce péché: & le *siene opinio* monstra par vn long discours, la substance duquel fut, Qu'il falloit distinguer *particulie-* le péché d'avec la peine d'icelui: que la conuoitise, & la priuation de la iusti- *re sur le* ce originelle estoient peine de péché, & pourtant que de necessité il falloit *Peché ori-* que le péché fust autre chose. Il adiousta, qu'il estoit impossible, que ce qui *ginel,* n'auoit esté péché en Adam, le fust en nous: or, ne l'une ne l'autre ne fut péché en Adam, attendu que ni la priuation de la iustice, ni la conuoitise n'estoyent point actions en Adam, & par consequent ne le sont point aussi en nous: & si en lui elles furent effets du péché, il faut bien aussi dire qu'elles le sont es autres. Et pour cete raison on ne pouuoit dire, que le Peché originel soit l'inimitie de Dieu contre le pecheur, ne celle du pecheur contre Dieu: attendu que ce sont choses consecutives du péché, & arriuées apres lui. Il impugna aussi la susmentionnée transfusion du péché, par le moyen de la semence, & de la generation: disant, Que, comme si Adam n'eust point péché, la iustice auroit esté trāsmise, non par la vertu de la generatiō, ains par la seule volonté de Dieu: de mesmes falloit il trouuer autre moyen de la transfusion & communication du péché. Et expliqua son opinion en cete sorte, Que, comme Dieu establit son alliance avec Abraham, & toute sa posterité, quād il le constitua Pere des croyans; ainsi aussi, quand il conféra la iustice originelle à Adam, & à toute la race humaine, il stipula de lui, au nom de tous, vne obligation de conseruer icelle pour soi, & pour eux, par l'observation de son commandement: lequel Adam ayant transgressé, il auoit perdu cete iustice pour soi, & pour les autres, pour lesquels aussi il auoit encouru les peines: & que comme icelles sont deriuées en chacun, aussi la transgression d'Adam estoit celle de chacun: de lui comme de cause: & des autres, en vertu du contract, & de la stipulation: de sorte que l'acte d'Adam qui est péché actuel en lui, estant imputé aux autres, est le péché originel: d'autant que lui pechant tout le genre humain auoit péché. Catarin se fondoit principalement en ce qu'il n'y a que l'acte volontaire, qui puisse estre vrai & propre péché: & que nulle autre chose ne peut en ceci estre volontaire, que la transgression d'Adam, imputée à tous: & que quand S. Paul dit, que tous ont péché en Adam, on ne peut entendre autre chose, sinon, que tous ont cōmis le mesme péché avec lui. Et porta pour exemple, que S. Paul aux Hebrieux afferme, que Leui auoit payé la disme à Melchisedec, quand Abraham, son bisayeul, la paya: qu'à mesme raison on doit dire, que les descendans d'Adam violerent le commandement de Dieu, lors qu'Adam le trāsgressa: & qu'ils furent rendus pecheurs en lui, comme en lui ils auoyent receu la iustice: & qu'ainsi il n'estoit ia besoin de recourir à la luxure, cōme si icelle infectant la chair l'ame en humast quelque infectiō: qui estoit chose qui ne se pouuoit comprendre, comment vn esprit puisse receuoir impression & passion corporelle: que si le péché est vne macule spirituelle en l'ame, il ne pouuoit estre premierement en la chair: que si aussi c'est vne tache corporelle en la chair, il ne peut imprimer aucun effet en l'esprit. Que de dire puis apres, qu'une ame, se conioignant à vn corps infect, en reçoie infectiō spirituelle, c'est vne Metaphysique imperceptible. Il prouuoit ce pact de Dieu avec Adā par vn passage du Prophete Osée, par vn autre de l'Ecclesiastic, & par diuers de

1546.

Saint Augustin. que le seul acte de la transgression d'Adam est le Peché Originel d'un chacun, il le prouuoit par Saint Paul, quād il dit, Que par la desobeissance d'un homme plusieurs ont esté rendus pecheurs : & parce qu'on n'a iamais entendu en l'Eglise, que le peché soit autre chose que l'action volontaire contre la Loi : or il n'y a autre action volontaire en ceci, que celle d'Adam : & par ce aussi, que Saint Paul dit, que par le peché originel la mort est entrée au monde, laquelle certes n'est entrée que par l'actuelle transgression : & pour souueraine preuue il porta cete raison, que, combien qu'Eue eust mangé du fruit auant qu'Adam, elle ne se reconeut point poutant nuë, ni encouruë en la peine, sinon apres qu'Adam eust peché. Dont il concluoit qu'en la mesme maniere, que le peché d'Adam fut, non seulement sien, mais aussi d'Eue, il estoit semblablement de toute sa posterité.

contredite
par Soto,

Mais Frere Dominic de Soto, en defense de l'opinion de S. Thomas, & des autres Theologiens, contre les obiections de Catarin, mit en auant vne nouvelle declaration, disant, Qu'Adam auoit actuellement peché, en mangeant du fruit deffendu : mais qu'apres il demeura pecheur par vne qualité habituelle & inherente, causée par icelle action : ainsi que par toute action mauuaise est produite en l'ame du delinquant vne telle disposition par laquelle, mesmes apres que l'acte est passé, il est, & est appelle pecheur : que l'action d'Adam auoit esté passagere, & n'auoit eu aucun estre, sinon pendant qu'il la commettoit : mais que la qualité habituelle, demeurante en lui, est passée en toute sa lignée, & est transmise en particulier en vn chacun que l'action d'Adam n'est point le peché Originel, mais bien l'est cete habituelle qualité subsequente, laquelle les Theologiens nomment, priuation de la iustice Originelle. Ce qui se peut esclarcir, considerant que l'homme est appelé pecheur, non seulement pendant qu'actuellement il transgresse, mais encores apres, iusques à tant que le peché soit effacé : & ce, non à l'esgard des peines, ou d'autres consequences du peché, mais à l'esgard de la transgression mesme precedēte, comme estant ce qui fait l'homme courbe, tant qu'il n'eust redressé : dont aussi il porte le nom de courbe & tortu, non pour l'action, mais pour cet effet qui reste apres l'action passée : par ainsi, comparant le peché originel à vne courbure, comme de vrai c'est vne oblique spirituelle, puis que tout le genre humain estoit en Adam, quand il se courba par la transgression du commandement, il s'ensuit que toute la nature humaine, & par consequent chaque personne en particulier, demeurera courbée, non de la courbure d'icelui, mais d'une propre & particuliere à vn chacun, pour laquelle il est veritablement courbe, & pecheur, tant qu'il n'est redressé par la grace de Dieu. Ces deux opinions furent asprement disputées, chacun pretendait que la siene dūst estre receüe par le Synode.

le 4 chef
des Theologi-
ens con-
current au
cicle sixie-
me Article,
est déclaré,
& l'Article
condan-
né,

Mais en la consideration de la maniere, en laquelle le peché originel est remis, tous furent d'accord à dire qu'icelui est effacé par le Baptisme, & que l'ame est rendue aussi nette qu'elle estoit en l'estat de l'innocence : quoique les peines, qui suivent le peché, ne soyent point ostées, afin qu'icelles seruent d'exercice à l'homme : & tous declaroyēt ceci, en disant, que la perfection d'Adam consistoit en vne qualité infuse, qui rendoit l'ame ornée, parfaite & greable à Dieu : & le corps exempt de mortalité : & que pareillement par le merite de Christ Dieu donne à ceux qui sont regenerés par le Baptisme vne autre qualité, nommée Grace iustificante : laquelle effaçant toute tache en l'ame, la rend aussi pure que celle d'Adam : voire mesmes en aucuns produit effets plus grands & excellens que la iustice originelle, sauf seulement qu'elle ne redonne point au corps, dont aduient que la mortalité, & les autres defauts naturels, ne sont point amendés. Là dessus furent produits plusieurs passages de S. Paul, & des autres Apostres, esquels ils disent, Que le Baptisme laue, purifie, illumine l'ame, & qu'il n'y demeure aucune condamnation, tache, ni ride. On traita bien exactement, cōment il aduient, que, si les Baptisés sont sans peché, le peché puisse passer es enfans : à quoi S. Augustin n'a répondu que par exemples, comme d'un pere circoncis naist

vn fils incirconcis; d'un pere aueugle naist vn fils clair-voyant, & du grain tout nud naist le grain reuestu de sa bourre. Catarin respondoit, Que le pact fut fait seulement avec Adam, & que chatun a le peché par imputation de la transgression d'Adam avec laquelle les geniteurs d'entredeux n'ont rien de commun: & que si le fruit defendu eust esté mangé non par Adam, mais par aucun de ses descendans, la posterité d'icelui n'en auroit point attiré de peché: & si aussi Adam eust peché, apres auoir engendré lignée, le peché d'Adam auroit esté imputé à icelle, quoi que née auant icelui. Mais Soto disputa à l'encontre, disant, Que si Adam eust peché apres auoir engendré des enfans, iceux n'auroient point esté entaches, mais bien leurs enfans.

L'aduis commun porta que le sixieme Article est heretique, d'autant qu'il pose qu'il demeure es baptizés quelque chose digne de condamnation: & le septieme aussi, pource qu'il laisse des restes de peché en l'homme baptizé: & encor plus expressement le huitieme, establisant que la conuioitise es personnes baptisées est peché. Il n'y eut que F. Antoine Marinier, Carme, lequel, sans se departir de l'opinion commune, que le peché est effacé par le Baptisme, & qu'auant icelui la conuioitise est peché: considera neantmoins, sur le fait de condamner la contraire opinion d'heresie, que Saint Augustin, ia aagé, escriuant de cete matiere à Boniface, auoit, clairement, dit, Que la conuioitise n'est point peché, mais cause & effet de peché: mais que contre Iulien Pelagien il auoit dit en termes non moins expres & formels, Que la conuioitise est peché, cause de peché, & effet de peché, & que toutesfois en ses Retractations il n'auoit fait mention ne de l'une ne de l'autre de ces propositions contraires: ce qui arguoit, qu'il estimoit cela n'appartenir point à la foi, & qu'on en pouuoit parler en toutes deux les façons, & que la difference estoit plus tost en paroles qu'autrement. Car autre chose est de rechercher si vne chose en soi est peché, & si elle est peché en vne personne excusée: comme si quelcun allant à la chasse, pour la necessité de sa nourriture, & cuidant tuer vne beste, insciemment & par mesgarde infurmontable & nullement affectée, tuoit vn homme, les Iuriconsultes disent que l'action est bien homicide, & delit: mais que le chasseur est excusé: tellement qu'à lui ce n'est point crime ne peché, à cause de la circonstance de l'ignorance: que semblablement la conuioitise estant la mesme auant & apres le Baptisme, est de soi peché: & S. Paul dit, que mesmes es regenerés elle repugne à la Loi de Dieu: or, tout ce qui s'oppose à la Loi de Dieu est peché: mais la personne baptisée est excusée & deschargée, pource qu'elle est reuestue de Christ: de sorte que l'Article est vrai en vn sens, & faux en vn autre: & n'est point raisonnable de condamner vne proposition, qui peut auoir vn bon sens, que tout premier on ne l'ait distinguée. Mais tous reietterent cet aduis: disant, que S. Augustin auoit posé deux especes de conuioitise: l'une, auant le Baptisme, qui est vne repugnance de la volonté de l'homme à la Loi de Dieu, & laquelle il tenoit estre peché, & estre effacée au Baptisme: l'autre, qui demeure apres le Baptisme, & est vne repugnance du sens à la raison, laquelle S. Augustin a bien dit estre effet & cause de peché, mais iamais peché: & quand il semble qu'il die le contraire, il faut tenir pour asseuré, que son intention est de dire, Que la conuioitise est bien peché de soi, mais que par le Baptisme elle cesse de l'estre, & deuiet exercice de vertu, & de bonnes œuvres. Ce Moine à cete occasion fut soupçonné de n'estre guerres esloigné de la Doctrine des Protestans: ioint qu'es sermons qu'il auoit faits à la Messe du quatrieme Dimanche de l'Aduent precedent, & à celle de Quarisme, plusieurs autres choses furent remarquées, comme d'auoir exhorté à mettre sa totale asseurance en Dieu, & d'auoir condamné toute confiance es œuvres, & d'auoir affermé que tous les actes heroïques des Anciens, tant loués & exaltés des hommes, auoyent esté vrais pechés: d'auoir parlé de la difference de la Loi & de l'Euangile, non comme de deux temps, mais voulant dire que tousiours y a eu Euangile, & tousiours aussi y aura Loi: & touche quelque chose de la certitude de la grace, cōbien qu'en termes & clauses

cōme auisi
le septies-
me & le
huitiesme

non obstant
les remon-
strances du
Carme Ma-
rinier.

qui est sou-
pçonné de
Luth. va-
nisme.

1546.

ambigues, & artificieuses, en sorte qu'il ne pouuoit estre censuré, qu'il n'eust des desfaites & retraites pour gauchir, se defendre;

*sur le neu-
uisme il y a
differend
en la Cen-
sure,*

Quand on vint à l'Article de la peine du Peché originel, quoi que Saint Augustin, se fondant sur Saint Paul, ait formellement tenu, que la peine du feu d'enfer lui conuenoit, voire mesmes es enfans, & nul des Peres ne lui ait contredit : & que Gregoire de Rimini, fameux & celebre Scholastic se soit departi de la commune opinion du Pere des Sentences, & des autres Scholastiques, lesquels, suiuaus plus les raisons philosophiques qu'autres, auoyent establi deux especes de peines eternelles, l'une, en la seule priuation de la beatitude celeste: & l'autre, au sentiment du torment, & du supplice: dont icelui Gregoire auoit acquis le surnom de Geenne des enfans: toutesfois ne Saint Augustin, ne ledit Gregoire, ne furent soustenus par les Theologiens & Congregations. Bien est vray qu'entr'eux il y eut vn autre differend: d'autant que les Iacopins maintenoient, que les enfans morts sans Baptisme auant l'usage de la raison, demeurent es limbes, & tenebres, en lieu sousterrain, mais sans feu: & les Cordeliers au contraire, sur terre, & en la lumiere: autres aussi affermoient, que ces petis enfans philosopheront, & s'occuperont en la connoissance des choses naturelles, goustans ce grand plaisir & contentement d'esprit, qu'il y a à rassasier la curiosité par l'invention de choses belles: & Catarin renuoit encor sur cela, disant, qu'ils seront visités & consolés par les Anges, & par les Saints bienheureux: & tant de recherches vanités furent dites sur ce sujet, qu'elles pouuoient bien prester grande matiere de long entretien. Mais, pour respect d'Augustin, & afin que Gregoire de Rimini ne fust condanné, les Augustins firent grande instance, que l'Article neuuisme ne fust condanné pour heretique, quoi qu'ils le tinssent bien pour faux: mais Catarin fit tous ses efforts pour en faire vne expresse declaration, pour reprimer, comme il disoit, l'audace, & l'ignorance de quelques prescheurs, qui preschent cete doctrine-là au grand scandale du peuple: & asseuroit que Saint Augustin auoit ainsi parlé par la chaleur de la dispute contre les Pelagiens, & non qu'il tint cete opinion pour certaine & asseurée. Et pourtant, veu que la verité auoit esté certifiée au contraire par les Escholes, & que les Lutheriens ont releué le mesme erreur, & que les Catholiques mesmes y encourent, il estoit necessaire que le Concile en fist vne declaration.

*mais Cata-
rin le fait
declarer
heretique,*

*Les Peres
abandon-
neront le
Decret.*

Après que la Censure des Theologiens fut acheuée, les matieres furent traitées entre les Peres, pour resoudre de la forme du Decret: & là les Euesques, entre lesquels il y en auoit fort peu qui eussent la connoissance de la Theologie, mais estoient ou Iurisconsultes, ou gens de lettres de Cour, se trouuerent fort confus, pour la maniere scholastique de traiter les matieres, toutes herissées & espineuses: & en cete diuersité d'opinions ne pouuoient former iugement sur le fait de l'essence du Peché originel. Celle de Catarin estoit la mieux goustée, d'autant qu'il l'a representoit par cete conception politique, d'un pact & accord stipulé par quelcun en son nom, & de sa posterité: lequel estat violé, il n'y a point de difficulté qu'icelle toute n'en demeure obligée: & plusieurs des Peres la fauorisoient: mais toutefois, voyans la contradiction des autres Theologiens, n'oserent pas l'admettre. Quant à la remission du peché, ils tenoient seulement ceci pour asseuré & indubitable, qu'auant le Baptisme tous ont le Peché originel, & que par le Baptisme chacun en est parfaitement nettoyé: & pourtant concluoyent, qu'il suffisoit d'establi cela pour Article de foi, & condamner le contraire pour heresie, ensemble toutes les opinions qui nient en quelque maniere que ce soit le Peché originel: mais qu'au demeurant, attendu les grandes diuersités d'avis qu'il y auoit entre les Theologiens, il n'estoit possible de definir ce qu'est le Peché originel, avec tant de circonspection, qu'on donnast contentement, à tous, & qu'on ne condannast l'opinion de quelcun, avec danger de causer quelque schisme.

Mais à cete generale inclination contrarioient Marc Viguiier, Euesque de Sini-

de Sinigaille, & F. Ierome Seripande, General des Augustins, & F. André Vega, Cordelier Theologien. Cetui-ci, par dessus tous les autres, monstroït qu'il n'estoit nullement conuenable, & n'auoit iamais esté pratiqué par aucun Concile, de condamner vne opinion pour heretique, sans auoir premierement arresté quelle est la Catholique: qu'aucune proposition negative vraye n'a en soi-mesme la cause de la verité, mais est telle par la verité d'une affirmative, & que iamais aucune n'est fausse, sinon pource qu'une autre est vraye, & qu'on ne peut sauoir la fausseté de l'une sans sauoir la verité de l'autre: & que pourtant on ne peut condamner l'opinion des Lutheriens pour heresie, si premierement on ne pose celle de l'Eglise. Que qui prendra garde à la procédure de tous les Conciles, qui ont traité matieres de foi, verra qu'iceux ont premierement posé le fondement orthodoxe, & par ice-lui ont condamné les heresies: & que de mesmes en faut il faire à present: d'autant que quand on lira que le Concile Tridentin a condamné l'assertion Lutherienne, qui porte que le Peché originel est l'ignorance, le mespris, la desfiâce, & la haine des choses de Dieu, & vne corruption de tout l'homme en sa volonté, en son ame, & en son corps, qui sera celui qui ne recerche incontinent, Et qu'est-ce donc? & qu'elle est donc l'opinion Catholique, si ceci est heretique? Et quand on verra condamnée l'opinion de Zuingle, que les petits enfans des fideles sont baptizés en remission des pechés, mais que pourtant rien n'est transmis d'Adam en eux, sauf les peines, & la deprauation de la nature: qui ne s'enquerra tout soudain, Et quelle autre chose donc est transmise? En somme il concludoit, Que le Concile estoit principalement assemblé, pour enseigner la verité Catholique, & non seulement pour condamner les heresies. Et l'Euesque Viguier disoit, Qu'attendu qu'on auoit tant de fois disputé de ces Articles és Dietes d'Allemagne, chacun attendroit du Concille vne doctrine claire, & nette, & resolutiue de toutes difficultés. Le General des Augustins adioustoit de son costé, Que la doctrine vraye & Catholique touchant le peché originel est contenue es escrits de S. Augustin: & que Gilles Romain en auoit escrit vn liure expres, & que quand les Peres voudroyent prendre vn bien peu de peine & de patience, ils comprendroyent aisément la verité, & en pourroyent donner iugement: qu'on ne deuoit point laisser courir le bruit, qu'on ait à Trente, en l'espace de quatre iours, resolu ce qui a esté si longuement debatue en Allemagne, sans rien conclure. Mais ce General estoit soupçonné de parler à la suscitation de l'Ambassadeur de Tolede.

Toutes ces remonstrances n'estoyent point escoutées: d'autant que les Prelats n'auoyent pas esperance de se pouoir informer à fonds des espineuses questions & subtilités Scholastiques, & n'auoyent pas mesmes courage d'en faire l'essai: & d'ailleurs les Legats auoyent receu precis commandement de Rome d'arrester definitiuelement de cete matiere en la prochaine Session, dont ils estoient contraints d'esquiuier les difficultés: mais par sus tout, d'autant que le Cardinal Legat de Monte estoit totalement resolu de franchir ce pas: & pourtant, ayant appelé à soi les Generaux des Ordres, & les Theologiens Catarin, & Vega, qui parloyent plus que les autres, il leur enioignit qu'ils passassent par dessus les difficultés, & aidassent à l'expedition.

Les Prelats deputés à former le Decret, avec l'assistance des Theologiens diuiserent la matiere en cinq anathematismes: dont le premier estoit, Du peché personnel d'Adam: le deuxieme, De la transfusion à la lignée: le troisieme, Du remede par le moyen du Baptisme: le quatrieme, Du Baptisme des petits enfans: le cinquiesme, De la Conuoitise qui reste apres le Baptisme. Apres cela, furent condamnées les opinions des Zuingliens és quatre premiers Articles, & celle de Luther au cinquieme. On conféra le Decret avec tous, & y fut osté & adiousté selon les remonstrances, avec beaucoup d'unanime consentement: sauf que les Euesques & les Moines de l'Ordre de S. Francois ne pouoyent approuuer qu'on dist ainsi vniuerselle-

*en fin le
baptisment
apres beau-
coup de con-
tradictions;*

font des

1546.
Cordeliers
& Iacopins,
pour la Cō
ception de
la Vierge,

ment, Que le peché d'Adam estoit passé en tout le genre humain: d'autant que la Bien-heureuse Vierge, Mere de Nostre Seigneur, y estoit comprise, si on ne l'en exemptoit spécialement & expressement: & faisoient instance pour l'exception. Les Iacopins à l'opposé disoient, Que la proposition ainsi vniuerselle, & sans exception, estoit de S. Paul, & de tous les saints Docteurs: & partant qu'il ne falloit point l'alleterer par aucune exception. Dont la contention s'eschauffant, ils rechurent en la question, laquelle les Legats auoyent à diuerses fois destournée. Les Iacopins disoient, Que, combien quel'Eglise ait toleré l'opinion de la Conception immaculée de la Vierge, toutesfois, à bien examiner & sonder cete matiere, on trouueroit que la Bien-heureuse Vierge mesmes n'auoit point esté exempte de la commune infection. Mais les Cordeliers oppoſoyent à cela, Que ce seroit condamner l'Eglise, qui celebre la feste de la Conception, comme immaculée: & encourir vne lasche ingratitude, dérogeant à l'honneur du à celle, par le moyen de laquelle toutes les graces de Christ decoulent à nous. Les disputes passerent iusques à vne espee d'estrif, si auant, quel'Ambassadeur Imperial prit esperance de pouoir venir à bout de son dessein, qui estoit, que la matiere ne püst proposer en la Session suiuaute.

dont l'ori
gine & le
progrés est
recité.

Or, d'autant que plusieurs choses furent proposées à cete occasion, & firent en fin venir au Decret, que nous dirons, lequel donna lieu de parler, il est necessaire, pour l'entiere intelligence de tout cet affaire, de rapporter l'origine de cete Controuerse dès son commencement. Dès que l'impie doctrine de Nestorius diuisa Christ en deux, faisant deux Fils, & niant que celui, qui auoit esté engendré par la Vierge, fust Dieu, l'Eglise pour inculquer en la pensée des fideles la verité Catholique, introduisit de la reïterer tres-souuent & frequemment es Eglises tant d'Orient, que d'Occident, par cete breue forme de parler, Marie Θεοτόκος, c'est à dire, Mere de Dieu. Ce qui ayant d'entrée esté ordonné seulement à l'honneur de Christ, fut puis apres peu à peu communiqué aussi à la Mere, & à la fin rapporté à elle seule: & pour la mesme cause, quand les Images furent faites communes en l'Eglise, on peignit Christ enfant entre les bras de la Vierge, pour ramenteuoir la veneration qui lui estoit due dès cet aage-là: toutesfois, par laps de temps cela passa à la veneration de la Mere seule, sans le Fils, qui demouroit en la peinture, comme vn pur accessoire. Les Escriptuains, & les Prescheurs, sur tout les contemplatifs, emportés du torrent du populaire, qui à grand pouoir en ces matieres, commencerent à omettre de parler de Christ, & à l'enui inuenterent nouuelles louanges, epithetes, titres, & seruices religieux, (iusques là, qu'environ l'année mil cinquante, fut mesme ordonné vn seruice quotidien distingué par sept heures Canoniques) à la Sainte Vierge, en la mesme forme, que d'ancienneté on auoit accoustumé de faire à l'honneur de Dieu mesmes: & es cent années ensuiuautes, la veneration s'accrut iusques au comble, voire mesmes iusques à attribuer à la Vierge ce que la sainte Escripture dit de l'eterielle Sapience de Dieu: & entre les nouueautés, qui furent inuentées à ce sujet, fut la totale exemption du peché originel: laquelle toutesfois estoit retenue dans les opinions de quelques particuliers en petit nombre, sans auoir aucun lieu es ceremonies Ecclesiastiques, ni par deuers les hommes doctes. Environ l'année mil cent trente six les Chanoines de Lion entreprirent de l'introduire dans le seruice de l'Eglise: mais S. Bernard, qui viuoit en ce temps-là, en estima du plus sauant & saint homme de ce siecle là, quoi que tres-frequentes louanges de la Bien-heureuse Vierge, iusques à lui donner titre de col & de gorge de l'Eglise, par laquelle du chef passe toute grace & influence; inuectiua neantmoins seuerement contre ces Chanoines, & leur escriuit, les censurant d'auoir introduit vne nouueauté dangereuse, sans raison, & sans exemple de l'ancienneté: qu'il y a assez d'autres argumens & sujets de louer la Vierge à laquelle ne peut aggrer vne nouueauté presomptueuse, mere de la temerité, fleur de de la superstition, & fille de la legereté. Le siecle d'apres eut les

docteurs Scholastiques des deux Ordres, de S. François, & de S. Dominic, lesquels coniointement refuterent cete opinion iusques enuiron l'année mil trois cens, que Iean l'Escot Cordelier, ayant mis cete matiere en dispute, & ayant examiné les raisons de part & d'autre, recourut là dessus à la puissance de Dieu, disant, Que Dieu auoit pu faire qu'elle ne fust iamais en peché, ou qu'elle n'y fust que pour vn moment de temps : ou qu'elle n'y fust assuiettie que pour vn certain espace & terme de temps : que Dieu seul fait quel de ces trois auoit esté : mais qu'il estoit probable d'attribuer le premier à la Vierge, pourueu toutesfois que cela ne repugnast point à l'autorité de l'Eglise, & de l'Escripture. La doctrine de ce Theologien fameux en son tēps, fut communément suivie par les Cordeliers : mais en cete particularité de la Conception de la Vierge ils renuierent par dessus l'auteur, qui n'auoit fait que sonder le gué, & frayer le chemin, & poserent absolument pour vrai, ce que lui n'auoit auancé que pour possible & probable, sous vne condition de doute, assauoir, en cas que cela ne repugnast point à la foi orthodoxe. Les Iacopins y contredisoient constamment, pour adherer à S. Thomas, qui estoit de leur ordre, fameux tant pour son saoir, que pour l'approbation du Pape Iean vintdeuxieme, lequel, pour deprimer les Cordeliers, qui pour la pluspart suiuyoient le parti de Louis de Bauieres Empereur, excōmunié par lui, exaltoit, & canonisoit ce Docteur, & sa doctrine. L'apparence de pieté, & de deuotion, fit que l'opinion des Cordeliers fut plus agreable au general, & fut obstinément embrassée par l'Vniuersité de Paris, qui estoit en haut credit de saoir, & puis approuuée par le Cōcile de Basle, apres long examen & dispute, avec inhibitions & defenses de prescher ou enseigner le contraire : ce qui fut obserué par les pais & prouinces, qui receurent ce Concile. Finalement, le Pape Sixte quatrieme, Cordelier, fit sur cete matiere deux Bulles, l'vne en l'année mil quatre cens septantefix, approuuant & confirmant vn nouveau seruice composé par Leonard Nogarole Pretenotaire, avec indulgences & pardons à qui le celebrait, & y assistoit : l'autre, en l'année mil quatre cens octantetrois, condannant pour fausse & erronee l'assertion de ceux qui disent, que c'est heresie de tenir l'opinion de la conception sans peché, ou que c'est peché de la celebrer : & excommuniant les prescheurs, & tous autres qui taxeroient cete opinion, ou la contraire, d'heresie, attendu que cete question n'estoit point encores decidée par l'Eglise Romaine, & par le S. Siege. Mais cela n'affopit point les contentions, lesquelles s'enagrissoient tousiours de plus en plus entre ces deux ordres : & se renouvelloyent tous les ans au mois de Decembre : tant que le Pape Leon dixieme aduisa d'y remedier, en prononçant definitiuement de la controuersé, & pource en fit escrire à plusieurs. Mais il lui suruint des affaires & pensées plus importantes pour les nouueautés d'Allemagne, qui produisirent aussi en ces contentions l'effet qui se voit ordinairement es estats, que quant vne ville est assiegée, les factions y cessent, & tous s'vnissent contre l'ennemi commun. Les Iacopins se fondoient sur l'Escripture Sainte, & sur la Doctrine des Peres, & des Scholasties plus anciens, mais les autres n'auoyent aucune autre chose en leur faueur, que quelques miracles qu'ils alleguoient, & le consentement des peuples. Frere Iean de Vdine, Iacopin, disoit, Ou vous voulez que S. Paul, & les Peres, ayant crû cete exemption de la Vierge hors de la condition commune des hommes, laquelle vous tenez, ou que non : s'ils l'ont crue, & n'ont pas cependant laissé de parler vniuersellement, sans iamais faire mention de cette exception, imitez les vous aussi à present : que s'ils ont cru le contraire, vostre opinion est vne pure nouueauté. Frere Ierosme Lombardel, Cordelier, disoit, Que l'autorité de l'Eglise presente n'est moindre que de la primitiue : que si le sentiment de la primitiue la porta en son temps à parler sans exception, le consentement de la presente, lequel se voit en ce que par tout on celebre la Feite de la conception, doit induire à ne point omettre cete exception.

Les Legats escriuirent à Rome, comme il y auoit vn admirable accord *les Legats*

1546.
donnent a-
uis du tout
au Pape,
par made-
ment du-
quel

les estrifs
des moi-
nes sont ap-
païsés:

en l'assem-
blée de Re-
gensbourg
on traite
sans fruit
de pacifier
les affaires
de la Reli-
gion,

de tous contre la Doctrine Lutheriene, & comme la deliberation auoit esté prise de la condamner, & enuoyeront copies des Anathemes formés, donnant aussi aduis de l'estrif esmu à cause du point de la Conception de la Vierge. On leur respondit de Rome, Que pour chose que ce fust, ils ne missent la main en cete matiere, qui pouuoit causer vn Schisme entre les Catholiques, mais qu'ils taschassent de mettre paix entre les Parties, & de les contenter toutes deux, & sur toutes choses de cōseruer en sa force & vigueur le Bref de Sixte quatrième. Les Legats, ayans receu cete commission, tant par eux mesmes, que par l'entremise des Prelats plus prudens, s'efforcerent de persuader aux deux parties de quitter leurs estrifs, & s'employer coniointement contre les Lutheriens: & firent tant que chacun d'icelles se contenta de mettre le tout sous silence, pourueu seulement qu'aucun preiudice ne fust fait à son opinion. Mais encor disoyent les Cordeliers, que le Canon estoit contr'eux, si la Vierge n'estoit exceptée: & les Iacopins repliquoyent, que si elle estoit exceptée, ils estoient condamnés: dont on se vid forcé de trouuer quelque moyen, par lequel on la declarast non comprise, ni aussi expressement exceptée: ce qui se fit, en disant, Qu'on n'auoit eu intention de la comprendre, ni aussi de l'excepter. Puis apres encores, à la grande instance des Cordeliers, les Iacopins condescēdirent à accorder, qu'il fust seulement dit, Qu'on n'auoit eu intention de la comprendre: & pour obeir au Pape, fut adiousté, qu'on eust à obseruer les constitutiōs de Sixte quatrième.

Pendant que ces choses se traitoyent à Trente, la Diete estant assemblee à Regensbourg, l'Empereur monstra d'auoir grand desplaisir & regret, que la Conference se fust separée sans fruit: & requit que chacun proposast ce qu'il estimeroit estre à faire pour appaiser l'Allemagne. Les Protestans firent instance que les differēs de la Religion fussent appointés par vn Concile National, suiuant le Recés de Spire: disant qu'un tel Concile estoit plus à propos, que l'vniuersel: attendu, qu'à cause de la grande difference d'opinions entre l'Allemagne, & les autres nations, il estoit impossible qu'en vn Concile general il ne fourdist de plus grandes contentions, & débats: & qui voudroit contraindre l'Allemagne à changer d'avis par force, il faudroit massacrer infinis milliers d'hommes, ce qui seroit à la grande perte de l'Empereur, & au grand plaisir du Turc. Les ministres de l'Empereur respondoient, Qu'il n'auoit point tenu à Sa Maiesté que l'Arrest de Spire ne fust executé: & que chacun sauoit assez, que l'Empereur, pour auoir la paix tant necessaire avec le Roi de France, auoit esté contraint à condescendre au vouloir du Pape es choses concernantes la Religion: que l'Arrest de Spire auoit esté accommodé aux necessités du temps d'alors, lesqueles estans changées, il estoit aussi necessaire changer d'avis: qu'es Conciles Nationaux auoit bien quelques fois esté faite quelque reformation & correction des mœurs: mais qu'on n'y auoit iamais traité de la foi, & de la Religion: que, quand on en vient aux Conferences, on a à faire avec Theologiens, lesquels le plus souuent se rendent difficiles & obstinés, dont on ne peut avec eux venir à aucun moderé concert, & accommodement, comme il seroit de besoin: que nul n'aimoit la Religion plus que l'Empereur, & que pour faire plaisir au Pape, il ne se departiroit iamais de ce qui seroit iuste & honneste: mais qu'il sauoit bien aussi qu'en vn Concile National on ne pourroit accorder les parties, ne trouuer qui on pust faire iuge. Les Ambassadeurs des Euesques de Mayence, & de Treues, se separerent des autres quatre Electeurs, & s'vnirent avec tous les Catholiques, à approuuer le Concile de Trente, & supplierent l'Empereur de le favoriser, & proteger, & de persuader aux Protestans d'y aller, & des'y soumettre. Mais eux repliquoyent à l'encontre, que le Concile à Trente n'estoit point libre, comme il auoit esté requis & promis es Dietes de l'Empire, & firent nouvelles instances que l'Empereur maintinst la paix, & qu'il ordonnast, que les choses de la Religion fussent establies en vn Concile legitime d'Allemagne, ou en vne Diete de l'Empire, ou bien en vne Conference de personages sauans d'un & d'autre parti.

L'Empereur auoit en cet entretemps fait des secretes prouisions pour la guerre, lesquelles ne pouuans plus estre cachées, vinrent à notice aux Protestans en la Diete: & d'autant que la paix estoit faite avec le Roi de France, & la treue avec le Turc pour cete année-là, chacun voyoit aisement ou elles tendoyent: sur tout, qu'il couroit vn bruit, que le Pape, & le Roi Ferdinand armoient aussi: dont toute la Diete se mit en desroute. Et l'Empereur, voyant d'estre descouuert, despescha le neuuieme Iuin, le Cardinal de Trente en poste à Rome; pour demander au Pape le secours qu'il lui auoit promis: & enuoya aussi en Italie, & au pais bas des Capitaines, avec argent, pour faire leuée de gens: & sollicita les Princes, & les Capitaines Allemands Protestans, non alliés avec ceux de Smalcald, de suivre les enseignes, assurant & promettant de ne vouloir faire la guerre pour cause de religion, mais pour reprimer la rebellion de quelques vns; lesquels, sous ce pretexte, ne veulent reconnoistre les loix, ni la Maiesté de l'Empereur. Par cete mesme promesse il fit aussi tenir coyés plusieurs des Villes, qui auoyent receu la reformation es ceremonies de l'Eglise, offrant toute bien-veillance aux obeissans, & leur donnant assurance pour la Religion.

Or au Concile, n'y ayant plus aucun different entre les Peres sur les choses disputées, & les Decrets de la foi & de la Reformation estans ia formés, si que l'Ambassadeur Imperial ne pouuoit plus resister à la resolution des Legats, le dixseptieme Iuin, iour assigné à la Session, venu, la Messe fut chantée par Alexandre Piccolomini, Euesque de Pienza, & le Sermon fait par Frere Marc Laurée, Calabrois, Iacopin. Et apres les ceremonies accomplies, fut lu le Decret de Foi, avec les cinq Anathemes, Premièrement, Contre quiconque ne confesse qu'Adam, par sa transgression, a perdu la sainteté, & la iustice, & est encouru en l'ire de Dieu, en la mort, & en la captiuité du Diable, & a esté changé en pis, à l'esgard du corps, & de l'ame. Secondement, Contre quiconque afferme, qu'Adam en pechant, a nui à foi tant seulement, ou bien à transmis à sa posterité la seule mort du corps, & non le peché, mort de l'ame. Tiercement, Contre quiconque maintient, que le peché, qui en son origine & source n'est qu'un, mais qui estant transmis par génération, & non par imitation, est propre & particulier à vn chacun, peut estre effacé par autre remede, que par le merite de Christ: ou, quiconque nie que le merite de Christ soit appliqué tant aux petits enfans, qu'aux aagés, par le Sacrement du Baptisme, dûment administré en la forme vstée en l'Eglise. En quatriesme lieu, Contre quiconque nie que les enfans naissans doiuent estre baptisés, quoi qu'ils soyent enfans de Chestiens baptizés: ou qui dit, qu'ils sont baptizés en remission des pechés, & non pour ce qu'ils ayent attiré d'Adam aucun peché originel. En cinquiesme lieu, Contre quiconque nie, que par la grace du Baptisme soit remise la coulpe du Peché originel, & osté tout ce qui a vraye & propre qualité de Peché originel, & osté tout ce qui a vraye & propre qualité de peché: mais dit qu'il n'est que raturé, & non imputé: aduouant bien cependant qu'en ceux qui ont esté baptizés demeure la conuoitise, mais seulement pour exercice, sans qu'elle puisse nuire à celui qui n'y consent point: & quoy que l'Apostre nomme icelle peché, toutesfois le Concile declare qu'elle n'est point vrayement & proprement peché, mais est ainsi appelée, d'autant qu'elle procede du peché, & encline à icelui. Et que le Concile n'a intention de comprendre en ce Decret la Bienheureuse Vierge, mais ordonne que soyent obseruées les Constitutions de Sixte quatrieme sur Se suiet, lesquelles pourtant il renouuele.

Le Decret de la Reformation contenoit deux clefs: l'un, des Leçons: l'autre, des Predications. Pour les Leçons il fut ordonné, qu'ès eglises, esquelles il y a prebende, ou gages assignés pour lire en Theologie, l'Euesque face en sorte, que le stipendie mesmes, estant idoine & capable, face leçons en la Sainte escriture: & en cas qu'il ne le soit, que cete charge soit exercée par vn Substitut deputé par l'Euesque mesme: mais qu'à l'auenir, le benefice ne soit conféré qu'à personne suffisante à cete charge. Qu'ès Eglises Cathedrales

1546.

Enfin esclate le dessein caché de l'Empereur, de faire la guerre aux Protestans:

Et à Trente on tient la cinquiesme Session, dont le premier decret estoit du Peché originel:

le second, de la Reformation au fait des leçons de Theologie, & des Predications.

1546. de villes populeuses, & es Collegiales de bourgades signalées, ou il n'y a aucuns gages assignés pour cet effet, la premiere prebande vaquante y soit employée, ou bien quelque simple benefice: ou qu'une contribution se face de tous les benefices, pour establir cete lecture. Qu'es Eglises pources, il y ait du moins un regent, ou maistre d'eschole, qui enseigne la Grammaire, & qu'il lui iouisse de quelque simple benefice, ou que quelque recompense lui soit assignée de la table du Chapitre, ou de l'Euesque: ou bien que l'Euesque y pouruoyent par autre moyen, en sorte que la chose soit effectuée. Qu'es Monasteres des Moines, ou on pourra, il y ait leçons en la sainte Escriture: & que si les Abbés y sont nonchalans, ils y puissent estre contraincts par l'Euesque, comme delegué du Pape. Qu'es Conuents des autres Reguliers, ou il n'y a point de leçons establies, il y ait des regens & maistres suffisans pour cet effet. Qu'es Escholes & Academies publiques, esquelles il n'y a point de leçons en l'Escriture establies, elles y soyent instituées par la pieté, & charité des Princes & des Republicques: qu'es endroits ou elles ont este instituées, & ou toutes fois elles sont negligees, elles y soyent restablies. Que nul n'ait à exercer cete charge de Lecteur, en public, ou en priué, qu'il n'ait adut premier esté approuué par l'Euesque, comme suffisant & idoine, à l'esgard de la vie, des mœurs, & du sauoir: sauf ceux qui lisent es Cloistres des Moines. Qu'aux Lecteurs publics de l'Escriture sainte, & aux Escholiers aussi, soyent maintenus les priuileges, que le droit commun leur donne, de pouuoir iouir de leurs benefices en absences.

Pour les Predications, le Decret contenoit, Que les Euesques & Prelats, lors qu'ils n'ont legitime empeschement, soyent tenus de prescher l'Euan-gile de leur propre bouche: & lors qu'ils sont empeschés, soyent obligés d'y substituer personnes idoines & capables. Que les Curés inferieurs ayent à enseigner les choses necessaires à salut, ou par eux mesmes, ou par autres: au moins les Dimanches, & les festes solennelles: & qu'ils y puissent estre contraincts par les Euesques, nonobstant exemption quelconque. Et que les Curés des Eglises parochiales, qui sont suiettes à Monasteres, & ne sont en aucun diocese, soyent contraincts à cela mesmes par les Metropolitains, comme delegués du Pape: & ce, en cas que le Prelat Regulier soit negligent à le faire. Que les Reguliers n'ayent à prescher sans estre approuués en leur vie, mœurs & sauoir, par leurs superieurs: & qu'es Eglises mesmes de leur Ordre, auant que commencer la predication, ils ayent en personne à demander la benediction à l'Euesque: mais qu'es autres Eglises ils n'ayent à prescher sans la permission de l'Euesque, laquelle leur sera accordée gratuitement. Que si le Prescheur seme erreurs, ou scandales, l'Euesque lui interdise la predication: que si il presche heresies, qu'il procede contre lui selon la disposition du droit, ou la coustume du lieu: que si le Prescheur est priuilegié, que l'Euesque ne laisse point pourtant d'agir contre lui comme delegué du S. Siege: mais que les Euesques aussi ayent soin que les Prescheurs ne soyent molestés de calomnies, & fausses charges, & n'ayent occasion de se douloir iustement d'eux. Qu'ils ne permettent, sous pretexte de priuilege, à aucun Regulier, viuant hors de son Conuent, ni à aucun Prestre Seculier, qui n'ait esté reconnu & approuué par eux, de prescher, tant qu'ils n'en ayent consulté Sa Sainteté. Que les Questeurs n'ayent à prescher, ni à faire prescher: & que faisant au contraire, ils soyent nonobstant les priuileges, contraincts par l'Euesque à obeir. En fin, le iour de la suivante Session fut assigné au vint-neuuieme Iuillet.

lettres du Roi de France, & de son Ambassadeur Apres que les Decrets eurent esté lus, & prononcés par l'Euesque officiant, le Secretaire du Concile lut les lettres du Roi de France, par lesquelles il deputoit pour Ambassadeur au Cōcile Pierre Danés, lequel fit vne longue & eloquente harague aux Peres, qui portoit en substance, Que des Clouis, premier Roi Treschestien, le roiaume de France auoit tousiours conseruée la religion Chrestienne en sa naifue pureté. Que Saint Gregoire auoit donné le titre de Catholique à Childebert, en tesmoignage de la sincerité &

pureté de la religion. Que les Roys de France n'ont iamais permis aucune secte en aucune partie de la France, ni souffert autres que Catholics : ains ont procuré la conuersion des estrangers & des idolastres, & des heretiques, iusques à les contraindre par leurs saintes armes à faire profession de la vraye & saine religion. Qu'ainsi Childebert contraignit les Visigots Arriens à s'vnr à l'Eglise Catholique : & Charles Magne fit trente ans de guerre aux Saxons, pour les reduire à la Religion Chrestienne. De là il passa à représenter les faueurs faites à l'Eglise Romaine : & recita les entreprises de Pepin, & de Charles Magne contre les Lombards : & comme à Charles Magne fut ottroyé par Adrien, au Synode des Euesques, de créer le Pape, & de confermer & approuuer les Euesques de ses Estats, & de les installer apres auoir receu d'eux le serment de fidelité : adioustant, que, quoi que Louis le Debonnaire, son fils, eust cedé de cete autorité de créer le Pape, il s'estoit neantmoins reserué qu'on luy enuoyeroit des Legats, pour entretenir l'amitié, laquelle tousiours a esté continuée & cultiuée par deuoirs reciproques : & que pour cete grande confiance, les Papes de Rome, es temps difficiles, estans dechassés de leur Siege, ou craignans quelque sedition, se sont retirés en ce royaume : qu'il n'estoit pas à dire combien de dangers les François ont couru, & quelles excessiues profusions d'argent & de sang ils ont fait, pour amplifier & estendre les bornes del'Empire Chrestien, ou pour recouurer les choses enuahies par les Barbares, ou pour restablir les Papes, ou pour les deliurer de dangers. Il dit en suite, que le Roi François tirant de ces Rois Treschrestiens son origine & extraction, mu de la mesme pieté, au commencement de son regne, apres la victoire de Lombardie, estoit allé trouuer le Pape Leon dixieme à Bologne, pour appointer avec lui bonne intelligence & concorde, laquelle a continué avec Adrien, Clement, & Paul : & depuis ces vingtsix ans derniers, esquels les choses de la foi ont esté reduites en grands perils en diuers païs, il a procuré & effectué par vne tresexacte diligence, que rien ne fust innoué en l'vsage commun de l'Eglise, mais que le tout fust reserué aux iugemens publics d'icelle : & quoi qu'il soit d'un naturel clement, benin, & abhorrant le sang & cruauté, il a neantmoins vsé de grande seuerité, & fait diuers rigoureux Edits : & à tant fait par sa diligence, & par la vigilance de ses Iuges, qu'en vne si grande & horrible tourmente, qui a reuersé plusieurs villes, & nations toutes entieres, ce noble royaume a esté conserué paisible à l'Eglise : & que l'ancienne doctrine, seruices, ceremonies, & vsages, y sont demeurés en leur entier. Et que pourtant le Concile pouuoit ordonner ce qu'il iugeroit vrai, & vtile à la Chrestienté. Il dit aussi, que le Roi conoissoit tresbien, combien il est profitable à la Chrestienté d'auoir l'Euesque de Rome pour Chef : dont, quoi qu'il eust esté tenté & conuie par offres tres-avantageux d'ensuiure l'exemple de quelque autre Roi, il n'a voulu se departir de sa resolution, & a mieux aimé perdre l'amitié de ses voisins, avec quelque perte & dommage. Que tout aussi tost, qu'il auoit entendu la conuocation du Concile, il auoit enuoyé aucuns de ses Euesques : & apres qu'il auoit veu qu'on y procedoit à bon escient, & que par plusieurs Sessions l'autorité d'icelui estoit estable, il auoit voulu enuoyer sa personne pour Ambassadeur resident, pour y assister, & procurer & rechercher d'eux qu'ils establissent vne bonne fois, & proposent publiquement la doctrine, que tous Chrestiens doiuent tenir & professer en tous lieux : & dressent la discipline de l'Eglise selon la reigle des Saints Canons : promettant, au nom de son Roi, qu'il fera obseruer le tout en son royaume, & prendra en main la deffense & garenties des Decrets du Concile. Il adiosta en apres, qu'attendu que les merites des Rois de France estoient si grands, il requeroit le Concile, que les priuileges & prerogatiues, qui leur ont esté accordées par les Peres anciens, & par les Papes, & desquels ont esté en possession Louis le Debonnaire, & tous les autres Rois de France, ensuiuans, lui soyent conseruées & maintenues : & qu'aux Eglises de France, desquelles le

1546.

Roi est tuteur, soyent confirmés leurs droits, priuileges & immunités. Que si le Concile le fait, tous les François lui en rendront graces, & les Peres ne s'en repentiront iamais.

*responce du
Concile à
l'Ambassa-
de de Fran-
ce:*

La responce lui fut faite au nom du Concile, par Hercules Souetol, Procureur du Concile, en peu de paroles, Remerciant le Roi, & montrant d'auoir la presence de son Ambassadeur pour tres-agreable, & promettant de s'employer de tout leur pouuoir à l'establissement de la foi, & à la reformation des mœurs: offrant au surplus toute faueur au Royaume, & à l'Eglise Gallicane.

*ingemens
diuers sur
les Decrets
de la cin-
quieme
Session:*

Or apres que les Decrets de la Session eurent esté imprimés, & publiés, & portés en Allemagne, ils donnerent beaucoup de suiet de parler: les vns disoyent, Que superflument & sans necessité on auoit traité de l'erreur des Pelagiens, qui des plus de mille ans auoit esté condanné par tant de Conciles, & par le commun consentement de l'Eglise: mais qu'encores on pourroit supporter cela, si l'ancienne doctrine estoit confirmée: qu'on auoit bien, conformément à icelle, proposé la vraye doctrine en termes vniuersels, disant, Que le peché d'Adam est passé en toute sa posterité: mais que puis apres on auoit renuersé cete proposition vniuerselle par l'exception. Et qu'il ne seruoit de rien de dire, que l'exception n'est pas obsoluë, & affirmatiue, mais ambiguë: d'autant que, comme vne proposition particuliere rend fausse l'vniuerselle contradictoire, de mesme la particuliere ambiguë rend l'vniuerselle incertaine. Et qui ne void, que par le moyen de cete exception, quoi qu'ambiguë & douteuse, chacun peut conclurre, qu'il n'est pas donc asseuré que le peché soit passé en toute la posterité, attendu qu'il n'est pas certain qu'il soit passé en la Vierge: sur tout, veu que la raison, par laquelle on persuade cete exceptiō, en peut persuader plusieurs autres. Que S. Bernard auoit tiré vne bonne conclusion & consequence, que la mesme raison, pour laquelle on s'est porté à celebrer la Conception de la Vierge, fera qu'on celebrera aussi celle de ses pere & mere, & de ses ayeuls & bisayeuls, voire de tout son lignage: & par ainsi menera iusques à l'infini. Quoi que de vrai on se pourroit par chemin arrester à Abraham, & avec grande raison l'exempter tout seul du Peché originel: attendu, que c'est lui, à qui ont esté faites les promesses du Redempteur: Christ est toujours appelé, Semence d'Abraham, & lui Pere de Christ, & de tous les croyans, & patron des fideles. Toutes dignités plus excellentes, que d'auoir porté Christ en son ventre, selon que respondit le Seigneur, Que la Vierge auoit esté plus heureuse, pour auoir ouï la parole de Dieu, que pour l'auoir enfanté & allaité. Et tout homme, qui ne se vouldra laisser persuader d'excepter Abraham par prerogatiue, & se tiendra ferme à la raison ancienne, que Christ est sans peché, pource qu'il est né du S. Esprit, sans œuure d'homme, dira tout franchement, qu'il valoit beaucoup mieux ensuiure le conseil du Sage, en se contenant dedans les bornes posées par les Peres. Autres disoyent, Que le monde estoit fort obligé au Concile, de ce qu'il s'estoit contenté de dire qu'il confessé & tient que la conuoiſe reste en ceux qui ont esté baptizés: que sans cela, les hommes auroient esté contraints de nier de sentir en eux ce qu'ils sentent. Au Decret de la Reformation on attendoit qu'il fust pourueu aux Scholastiques, & aux Canonistes. A ceux-ci, qui attribuent les proprietés de Dieu au Pape, iusques à l'appeller Dieu, & lui donnent infailibilité, & font vn mesme tribunal de tous deux: & disent de plus, Que le Pape est plus clement que Christ. A ceux-là, qui ont fait de la philosophie d'Aristote le fondement de la doctrine Chrestienne, en laissant l'Escripture, & reuoquant toutes choses en doute, iusques à mettre en question, S'il y a vn Dieu, & à le disputer pour & contre. Il sembloit bien estrange qu'on eust attendu iusques à ce temps-là, auoir que la charge des Euesques estoit de prescher, & qu'on n'eust parlé d'oster l'abus de prescher vanités, & tout autre chose fors que Christ, & qu'on n'eust remedié à l'ouuerte marchandise des prescheurs sous le nom d'aumosne. Or dès qu'en la Cour de l'Empereur on eut entendu ces De-

crets,

crets, on prit en tres-mauuaise part qu'à l'esgard de la reformation, on n'eust traité que de choses legeres, & non requises de l'Allemagne: & que pour la doctrine, on n'en eust que refuseillé les differens. Car la controuersé touchant le Peché originel, ayant desia esté presques appointée es Conferen-ces, le Concile, duquel on attendoit la finale composition, auoit fait vn Décret directement contraire aux choses accordées. Et pource l'Empereur fit escrire aux siens à Trente, qu'ils fissent toute diligence à ce qu'on vauait à la reformation, & que les controuerses de Foy & Doctrine fussent différees iusques à l'arriuee des Protestans, l'esquels l'Empereur se faisoit fort d'in- duire à y aller: ou certes du moins, iusques à la venue des Prelats d'Alle- magne, lesquels s'y achemineroient apres la Diete. Mais il y eut bien tost autre chose de quoy parler, à cause des accidens qui s'ensuiuyrent, lesquels tournerent à foy les yeux & les pensees de chacun.

Car le Cardinal de Trente, le vintxieme Iuin, conclut à Rome la ligue entre le Pape & l'Empereur, contre les Protestans d'Allemagne, laquelle auoit esté esbauchée l'annee précédente à Vvormes par le Cardinal Farne- se, comme il a esté dit en son lieu; & depuis auoit esté negociée par autres Ministres. Les motifs & les conditions de cete ligue furent, *Que*, pource que des plusieurs anneés l'Allemagne persiste obstinément en l'heresie, & que les Protestans recusent de se soumettre au Concile, lequel a esté con- uoqué pour y pouruoir, & ia est commencé: le Pape & l'Empereur, à la gloi- re de Dieu, & pour le salut de l'Allemagne, conuiennent & accordent entr'- eux, *Que* l'Empereur arme contre ceux qui recusent ledit Concile, & les reduise a l'obissance du S. Siege: & que pour cet effet le Pape consigne dedés Venise cent mil escus, outre les cent mil qui y sont desia consignés, & qu'i- ceux ne soyent despensés ny employés à autres vsages: & qu'en outre il en- uoyé à cete guerre douze mil hommes de pied Italiens, & cinq cens cheuaux legers, à ses propres frais & despens, pour le terme de six mois: qu'il ottroyé à l'Empereur pour la presente annee la moitié des reuenus des Eglises d'Es- pagne, & qu'il puisse aliener des rentes des Monasteres de ces Royaumes-là, iusques à la valeur & concurrence de cinq cens mil escus: que, pendant six mois, l'Empereur ne puisse faire aucun accord avec les Protestans, sans le consentement & adueu du Pape: & que de tous & chacun acquests, le Pape en ait vne certaine part & portion, & qu'apres ce terme de six mois, en cas que la guerre tire en longueur, on traite de nouveau des conditions & con- uentions, qui sembleront à toutes deux les parties plus à propos: reseruant lieu & place à d'autres à pouuoir entrer en cete ligue, en participant aux frais & aux acquests. Il y eut de plus vn article secret à part, qui touchoit le Roy de France, *Que* si, pendant cete guerre, aucun Prince Chrestien pre- noit les armes contre l'Empereur, le Pape seroit tenu de le poursuivre par armes spirituelles & temporelles.

Peu de iours apres, le Pape escriuit aux Suisses, les conuiant à le secourir: & d'entrée il declaroit en termes & paroles fort ample sa bonne volonté en- uers eux, & le regret qu'il auoit de ce qu'aucuns d'entr'eux s'estoyent alte- rés de son obeyssance: & remercioit Dieu de ceux qui perseueroient, & les loüoit tous, de ce que, non obstant cete difference de religions, ils viuoyent en pais tous ensemble, en lieu qu'ailleurs, pour cete cause, il y auoit diuers troubles & tumultes: & adioustoit, que pour y remedier il auoit ordonné le Concile de Trente, sous esperance que nul ne refusérait de s'y soumettre: dont il se tenoit pour tout assésuré, que ceux d'entr'eux qui iusques alors auoyent perseueré en l'obeissance du S. Siege, obeïroyent au Concile, & que les autres ne le mespriseroient point. Les conuiant à y venir, se plaignant que plusieurs, qui en Allemagne se disent Princes, mesprisoyent & diffamoyent le Concile, dont toutesfois l'autorité est plus diuine qu'humaine: ce qui l'auoit mis en necessité de penser à la force & aux armes: & puis que l'Empereur aussi auoit fait la mesme resolution, il auoit esté obligé de ne- cessité de s'allier avec luy, & le secourir de son pouuoir, & des forces de

1546

conclusion
de la ligue
du Pape
de l'Empe-
reur contre
les Protestans

dont le Pape
advertisse les
Suisses, les
conuiant
ensemble
au Concile

1546.

l'Eglise Romaine, pour reſtablir la Religion par les armes. Et qu'il leur auoit bien voulu faire part de ce ſien conſeil & penſee, afin qu'ils ſe conioigniſſent à luy par leurs bonnes prieres, & rendiſſent à l'Eglise Romaine ſon ancien honneur & reuerence, & luy preſtaſſent aide & ſecours en vne cauſe tant ſainte & pieuſe.

*Charles V
diſſimule
la vraye
cauſe de la
guerre.*

Mais l'Empereur monſtroit d'entreprendre cete guerre, non pour cauſe de Religion, mais pour raiſon d'eſtat, & pource que quelques vns luy denioient obeïſſance, complotoyent contre luy avec eſtrangeres, & recuſans d'obeir aux loix, s'emparoyent des biens d'autrui, ſur tout Eccleſiaſtiques, & procuroyent de ſe rendre hereditaires Eueſchies, & Abbayes: & que luy Empereur auant eſſayé toutes les voyes de douceur, pour les ramener audeuoir, ils s'en eſtoient touſiours rendus plus felons & inſolens.

*laquelle les
Proteſtans
deſcouuurent*

Les Proteſtans d'autre coſté taſchoyent de faire conoiſtre à tout le monde que le tout procedoit des inſtigations du Pape, & du Concile de Trente, ramenteuoyent à l'Empereur les Articles iurés par luy à Francfort, quand il fut creé Empereur, & proteſtoyent du tort. Mais pluſieurs des meſmes Proteſtans tenoyent le party de l'empereur, ne ſe pouuans perſuader, qu'il y euſt autres raiſons, que d'Eſtat. Et entre ceux-là eſtoit l'Archeueſque de Cologne, mentionné cy-deſſus, lequel, quoy qu'il iugé, & depoſé par le Pape, continuoit neantmoins en ſon adminiſtration, & eſtoit obeï de ſes peuples, & ſuiuoit le party de l'Empereur, lequel auſſi le reconoiſſoit pour Electeur, & Archeueſque: & le requit par lettres, qu'il ne permiſt qu'aucun de ſes ſuiets portaſt les armes contre luy: à quoy auſſi ledit Archeueſque ſ'employa ſincerement. L'Electeur de Saxe, le Landgraue de Heſſe, voyans cela, publierent auſſi vn Maniſte, en date du quinzieme Iuliet, monſtrans que cete guerre eſtoit entrepriſe pour cauſe de Religion, & que l'Empereur couuroit ſa penſee ſous le pretexte de venger la rebellion de quelques vns, pour diuiſer les Alliés, & les opprimer tous l'un apres l'autre. Ils alleguoyent que le Roy Ferdinand, & Granuele, & autres miniſtres de l'Empereur, auoyent assigné la cauſe de cete guerre au meſpris du Concile: ils rememoroyent la ſentence donnee par le Pape contre l'Electeur de Cologne, & adiouſtoyent, qu'il n'y auoit nul apparence que les Prelats d'Eſpagne contribuafſent de ſi grandes ſommes de deniers de leurs propres reuenus pour autre cauſe: & monſtroyent que pour tout le demeurant l'Empereur ne pouuoit pretendre choſe aucune contre eux.

*par vn Ma-
niſte ex-
pres.*

*Congrega-
tion tenue
apres la
ſeſſion, en
laquelle eſt
propoſee
l'Article de
la Grace
de Dieu à
examiner,*

Mais ce pendant que le Pape & l'Empereur preparoyent autre qu'Anathemes contre les Lutheriens, le dixhuitieme Iuin, iour d'apres la Seſſion, fut tenue Congregation, en laquelle, apres les oraïſons accouſtumees, & l'inuocation du S. Eſprit, le Secretaire lut, au nom des Legats, vn Eſcrit, dreſſé par l'aduiſ des principaux Theologiens: qui portoit, Que, ayans par inſpiration diuine condanné les heresies cōcernantes le peche Originel, l'ordre des matieres requeroit, qu'on paſſaſt à examiner la Doctrine des modernes ſur le point de la Grace de Dieu, qui eſt la medecine du peché: & que de tant plus il eſtoit conuenable de ſuiure cet ordre, que le meſme a eſté tenu par la Confeſſion d'Ausbourg: laquelle le Concile auoit pour but de condamner toute entiere. Et eſtoyent les Peres & Theologiens auertis de recourir par prieres à l'aſſiſtance & ſecours de Dieu, & eſtre diligens, aſſidus, & exacts en eſtude: d'autant qu'en ce chef & Article ſe reſoluoyent tous les erreurs de Luther: car iceluy, ayant dès le commencement pris à impugner les Indulgences, auoit bien veu de ne pouuoir venir à bout de ſon deſſein, ſans renuerſer les œuures de penitence, au deſaut deſquelles ſont ſubſtituees les Indulgences, & pour ce faire, s'eſtoit aduiſé, comme d'un moyen fort propre, de cete ſienne inouïe iuſtification par la ſeule foy: de laquelle puis apres il a tiré non ſeulement que les bonnes œuures ne ſont point neceſſaires, mais auſſi en conſequence, vne licencieuſe liberté de l'obſeruation de la Loy de Dieu, & de l'Eglise: a nié l'efficace des Sacraments, & l'autorité des Preſtres, & le Purgatoire, & le Sacrifice de la Meſſe, & en ſomme tous les

autres remedes pour la remission des pechés. Dont aussi par retour, voulant établir le corps de la Doctrine Catholique, il falloit premierement renuer-
1546
ier cete heresie de la iustification par la seule foy, & condannier les blasphem-
es de cet ennemy des bonnes œuures.

Après que cet Escrit eut esté lu, les Prelats Imperiaux dirent, Que plus
estoit principal & importât l'Article proposé, plus il deuoit estre traite me-
rement, & à propos: que l'enuoy du Cardinal Madruce au Pape, signifioit
qu'il y auoit quelque grand affaire sur le tablier, lequel il falloit aduiser de
ne point troubler, ne trauerser: mais en cet entretemps traiter quelque cho-
se de la Reformation. Les Papeux d'autre part inculquoyent, Qu'il y alloit
de la dignité du Concile d'interrompre l'ordre encommencé de traiter con-
jointement en chaque Session, des points de Dogme, & de Reformation: &
qu'après le Peché originel, on ne pouuoit traiter autre matiere, que celle
qui auoit esté proposée. Les Legats, après auoir ouï les aduis de tous, con-
clurent, qu'examiner les matieres, & les digerer, n'estoit point les décider
definitiuement: mais aussi que, sans vne preallable preparation, on nen pou-
uoit venir à determination: qu'il n'estoit que bon de gagner temps, & se pre-
parer, pour executer en son temps ce qui seroit resolu à Rome entre le Pa-
pe, & le Cardinal de Trente au nom de l'Empereur: que l'examen de cete
matiere n'empescheroit aucunement de traiter de la Reformation: attendu
qu'à icelle vacqueroient les Theologiens, & à la Reformation les Peres, &
les Canonistes. Suiuant cete resolution il fut conclu, que des liures de Lu-
ther, des Colloques, des Apologies, & d'autres escrits des Lutheriens, &
d'autres, seroyent tirés & triés les Articles qui seroyent mis à l'examen &
censure: & furent deputés trois Peres, & trois Theologiens, pour ramasser
tout ce qui seroit suggeré, & pour dresser les Articles.

La Congregation suiuite fut tenue, pour mettre ordre aux choses de la
Reformation: & en icelle le Cardinal Legat de Monte dit, Que des plusieurs
annees le monde se plaint de l'absence des Prelats, & Pasteurs, & iournal-
lement requiert leur residence: que de tous les maux de l'Eglise la cause
estoit en l'absence des Prelats, & autres auans charge d'ames, hors de leurs
Eglises: que l'Eglise pouuoit estre comparee à vn nauire, la perte duquel
est attribuee au patron absent, veu que, s'il estoit present, presomptiuement
il le gouuernerait & le sauuerait de naufrage. Il remonstra que les heresies,
l'ignorance, & la dissolution regnent parmi le peuple: & les mauuaises mœurs
& vices parmi le Clergé, d'autant que les Pasteurs estans absens & esloignés
de leurs troupeaux, nul ne s'est soucié d'instruire le peuple, & de corriger
le Clergé. Que de l'absence des Prelats est procedé, que personnes igno-
rantes & indignes, ont esté promues au saint Ministère, & que finalement de
là a esté introduit l'abus d'auancer à la charge Episcopale gens propres à
toute autre chose: d'autant que ne la deuant point administrer en propre
personne, en vain requerroit on qu'ils y fussent propres & idoines. Dont il
concluoit, qu'ordonner la residence estoit vn remede vniuersel pour tous
les maux de l'Eglise, & qui autres fois auoit aussi esté employé par les Con-
ciles, & par les Papes. Bien est vray, disoit il, qu'à cause qu'en ces temps-là
les forfaits n'estoyent pas en si grand nombre comme auourd'huy, ou pour
quelque autre cause que ce soit, ce remede n'auoit pas esté appliqué avec
des ligatures & bandages si forts & estroit, comme à present, que le mal est
venu à son comble, il est necessaire de faire, sous peines plus grieues, & plus
redoutables, & par des moyens de plus aisée execution.

Cela fut approuué par les premiers aduis des Prelats: mais, quand ce
vint à laques Courtois, Euesque de Vaison, Romain, à dire le sien, il loua
biē ce que les autres auoyent dit: mais adiousta, Qu'il croyoit de vray qu'an-
ciennement la presence des Prelats & Curés auoit esté la cause de maintenir
la pureté de la foy parmi le peuple, & la discipline parmi le Clergé: mais aussi
qu'il se faisoit fort de monstrer clairement, que leur absence es siecles pro-
chainement passés n'estoit nullement la cause du remuement contraire:

Les Pre-
lats Imper-
ialistes de
nouueaux y
opposent re-
querd, qu'il
traite de la
seule Re-
formatiō, mais
les Papeux
la gagnent.

autre Con-
gregation
pour la Re-
formation,
en laquelle
est remis
sus le point
de la resi-
dences

mais l'eu-
esque de Vai-
son deman-
de que les
exco-
muni-
cations &
priuileges
donnés par
le Pape

1546.

*de inutil-
de domi-
geable la re-
sidence,*

*Et requiert
que l'auto-
rité Episco-
pale soit re-
staurée : et
quoy il est
suivi.*

*diversité
d'avis sur
la forme de
Articles de
la Grace, à
examiner
et censurer*

*confirmer
cinq Arti-*

& que la coutume de ne point résider avoit esté introduite, d'autant que la résidence estoit tout à fait inutile. Qu'ès prochains derniers temps les Euesques n'ont pu operer chose quelconque pour la conservation de la sainte doctrine parmy le peuple, dès que les Moines, & Questeurs ont eu autorité de prêcher contre leur vouloir. Que chacun sait que les nouveautés d'Allemagne sont nées des predications de Frere Jean Tetzel, & de Frere Martin Luther. Qu'en Suisse le mal avoit eu son origine des sermons de Frere Samson de Milan: & qu'un Euesque résident n'auroit pu, contre ces gens-là, armés de priuileges, que combattre & perdre. Que l'Euesque ne peut procurer honnesteté de vie parmy le Clergé, attendu que, outre l'exemption generale de tous les Reguliers, chaque Chapitre à la sienne particuliere: & mesmes iusques aux simples Prestres il y en a fort peu, qui n'ayent ce bouclier & armure. Qu'il n'est pas au pouuoir de l'Euesque de faire que personnes capables soyent promues au saint Ministère, à cause des licences & permissions de *promouendo*: & des pouuoirs qu'ont les Euesques titulaires, & ambulatories qu'y n'ont pas mesmes laissé aux Euesques diocesains le ministère de leurs Eglises Episcopales: & en vn mot, on peut dire, Que les Euesques ne résident pas, d'autant qu'ils n'ont rien à faire: & de plus encor, pour ne donner occasion à de plus grands inconueniens, comme sans doute ils naitroyent de la concurrence & estrif avec les priuilegiés. Dont il conclut, que comme on iugeoit necessaire le reestablisement de la résidence, on traitast aussi pareillement de remettre sus l'autorité Episcopale. Les autres Euesques qui parlerent apres ce Prelat, suiurent le mesme aduis, Qu'il estoit bien necessaire d'ordonner la résidence, mais qu'il falloit oster & retrancher les exemptions qui l'empeschoyent. Et les Legats furent contraints d'accorder qu'on traitast de l'un & de l'autre, que chacun mist en consideration & exposast ce qui luy en sembloit, & qu'on deputast des Peres, qui formassent le Decret pour estre examiné.

Les deputés à recueillir les Articles de la iustification, apres auoir receu les extraits des propositions remarquées pour estre censurées, ne se trouuerent pas bien d'accord. Vne partie d'entr'eux vouloit, qu'on triast quatre ou six Articles fondamentaux de la nouvelle doctrine, & que ceux-là fussent condamnés, comme on auoit fait en l'Article du Peché originel: allegans, qu'il falloit suiure le style encommencé, & l'exemple des anciens Conciles, lesquels se contentoient de declarer l'Article principal, & de condamner l'heresie, sans descendre aux propositions particulieres: lesquelles toutes ils comprenoient en la condamnation des liures heretiques, & de toute leur pernicieuse doctrine. Et qu'ainsi requeroit la bienseance du Concile. Mais l'autre partie visoit à soumettre à la censure toutes les propositions, qui pouuoient recevoir sens sinistre, avec intention de condamner celles qui le meritoient: disant, Que le deuoir du Pasteur estoit de discerner fort exactement les bonnes herbes d'avec les nuisibles, & interdire totalement celles-cy à son troupeau: veu que la moindre d'icelles, negligee, & prise pour bonne & saine, pouoit infecter par sa qualité veneneuse tout le troupeau. Et, si on vouloit imiter l'exemple des anciens Conciles, il falloit ensuiure celui d'Ephese: lequel sur la doctrine de Nestorius fit ces fameux Anathemes en si grand nombre, lesquels comprennent tout ce qui fut dit par cet heretique là: & ceux d'Afrique contre les Pelagiens, lesquels descendent aux particulieres condamnations de toutes les propositions d'icelle Secte.

Il est certain que le premier aduis proposoit vn moyen plus aisé, & auroit grandement agréé à tous ceux qui desiroient bien tost la fin du Concile: & mesme laissoit quelque petite ouuerture à l'appointement, que le temps eust pu porter. Toutesfois le dernier fut embrassé, & fut dit, Qu'il estoit bon d'examiner toutes les propositions de la doctrine Lutheriene, pour censurer & condamner puis apres ce, qui, apres meure deliberation, sembleroit necessaire, & conuenable: dont furent dressés vintcinq Articles. Le premier estoit, Que la foy seule, toutes les autres ceuures exclues, est suffisante à salut,

& iustifie toute seule. Le deuxieme, Que la foy qui iustifie, est la confiance, & certaine asseurance, par laquelle l'homme croit & est persuadé que ses pechés luy sont remis pour l'amour de Christ: & que les iustifiés sont tenus de croire asseurement, que les pechés leur sont remis & pardonnés. Le troisieme, Que par la foy seule nous pouuons comparoistre deuant Dieu, lequel ne se loucie, & n'a besoin d'œuvres: que la seule foy rend l'homme pur & net de peché, & digne de recevoir le Sacrement de l'Eucharistie, ayant certaine foy qu'en iceluy il recevra la grace. Le quatrieme, Que les hommes, qui font actions honnestes; & vertueuses sans le Saint Esprit, pechent: d'autant qu'ils les font avec vn cœur mauuais: & qu'observer les commandemens de Dieu sans foy, est peché. Le cinquieme, Que la bonne penitence est la vie nouuelle, & que la penitence de la vie passée n'est point necessaire, & que la penitence des pechés actuels ne dispose point à recevoir la grace. Le sixieme, Qu'aucune disposition n'est necessaire à la iustification: & que la foy ne iustifie point pource qu'elle dispose l'homme, mais pource qu'elle est vn moyen & instrument, par laquelle on apprehende & embrasse la promesse, & la grace de Dieu. Le septieme, Que la crainte de l'Enfer, & des peines eternelles, ne profite en rien pour acquerir la iustice: ains nuit, & est peché, & rend les pecheurs plus meschans. Le huitieme. Que la condition, qui naist de la recherche, examen, ressouuenance, & detestation des pechés, lors que l'homme pese la griueté, multitude & laideur d'iceux, ou la perte de la beatitude eternelle, & l'acquisition de la perpetuelle damnation, ne fait que le rendre hypocrite, & plus grand pecheur. Le neuuieme, Que les frayeurs, dont les pecheurs sont espouuantes ou interieurement par Dieu mesmes, ou exterieurement par les precheurs & sermonneurs, ne sont autre chose que peché, iusques à tant qu'ils ne sont surmontés par la foy. Le dixieme, Que la doctrine des dispositions & preparations, en l'homme, destruit celle de la foy, & raut la consolation aux consciences. L'onzieme, Que la seule foy est necessaire: & que les autres choses ne sont ne commandees, ne defendues: & qu'il n'y a autre peché, que l'incertitude. Le douzieme, Que qui a la foy, est affranchy des commandemens de la Loy, & n'a besoin d'œuvres, pour estre sauué: d'autant que la foy fournit abondamment toutes choses, & seule accomplit les commandemens, & nulle œuvre du fidelle n'est si meschante, qu'elle le puisse accuser, ou condamner. Le treizieme, Que l'homme baptisé ne peut perdre son salut, pour peché quelconque: saufs'il ne veut croire: & nul peché ne separe de la grace de Dieu, sinon l'infidelité. Le quatorzieme, Que la foy, & les œuvres, sont contraires entr'elles, & ne peut-on enseigner la doctrine des œuvres, sans perte & interest de la foy. Le quinzieme, Que les œuvres exterieures de la seconde table sont hypocrisie. Le seizieme, Que les hommes iustifiés sont exempts & affranchis de toute coulpe, & peine: & nulle satisfaction n'est necessaire, ny en cete vie ny apres la mort: & pourtant qu'il n'y a point de Purgatoire, ny aucune satisfaction qui soit partie de la penitence. Le dixseptieme, Que les iustifiés, encor qu'ils ayent la grace de Dieu, ne peuuent accomplir la loy, ny euites les pechés, non pas mesmes seulement les mortels. Le dixhuitieme, Que l'obeissance à la loy des iustifiés est bien mice & petite, & d'elle-mesmes, est impure, & n'est agréee, sinon à l'esgard & en contemplation de la foy de la personne reconciliee, qui croit que les restes du peché luy sont pardonnés. Le dixneuuieme, Qu'en toute bonne œuvre le iuste peche, & ne fait aucune œuvre, qui ne soit peché veniel. Le vingtieme, Que toutes les œuvres des hommes, voir tressaints, sont pechés: que les bonnes œuvres du iuste sont pechés veniels, par la misericorde de Dieu; mais que selon la rigueur du iugement de Dieu, ils seroyent mortels. Le vintunieme, Que, combien que le iuste doive estre en doute, que ses œuvres ne soyent autant de pechés, il doit toutesfois estre quant & quant asseuré qu'iceux ne luy sont point imputés. Le vintdeuxieme, Que la grace, & la iustice, ne sont autre chose, que la volonté de Dieu: & que les iustifiés n'ont aucune iustice

1546,
de son ex-
traits des
liures des
Pr. testans.

1546.

inherente en eux, & que les pechés ne sont point effacés ni exterminés en eux, mais seulement remis, & non imputés. Le vinttroisieme. Que nostre iustice n'est autre chose, que l'impunition de la iustice de Christ: & que les iustes ont besoin d'une continuelle iustification, & imputation de la iustice d'iceluy. Le vintquatrieme, Que tous les iustifics sont receus à egale grace, & gloire: & que tous les Chrestiens sont en iustice egaux & pareils à la Mere de Dieu, & Saints au pair d'elle. Le vintcinquieme, Que les œuvres du iustific ne sont meritoire de la beatitude, & qu'en icelles ne peut estre colloquée aucune confiance, mais seulement en la misericorde de Dieu.

*difficulté à
les bien en-
tendre, &
refuter.*

Dès que ces Articles eurent esté produits, on eut plus de peine à trouver quelque bon moyen d'en traiter es Congregations, qu'on avoit eu en disputant du Peché originel: d'autant qu'en cetuy-cy ils auoyent trouué les matieres toutes traitées, & digérées par les Docteurs Scholastiques: mais l'opinion de Luther touchant la foy iustificante, qui porte que c'est une certaine asseurance & persuasion fondée en la promesse de Dieu, avec toutes les autres propositions qui en suivent, de la distinction & difference de la Loy & de l'Evangile, & de la qualité des œuvres, qui dependent ou de l'un, ou de l'autre, n'avoit iamais esté non pas mesmes imaginée par aucun auteur Scholastique, & partant aussi ne réfutée, ne disputée. Dont les Theologiens ahanoyent bien fort, premièrement à bien entendre le sens des propositions Lutheriennes, & leur difference d'avec celles qui auoyent esté déterminées es Escholes: puis après aussi à concevoir les moyens de les distinguer. Il est bien certain, qu'au commencement aucuns d'entr'eux, & la plus part des Peres, croyoyent que les Protestans niant le franc Arbitre, tinssent que l'homme, es actions externes, est comme une pierre, ou foughe, & qu'attribuans la iustice à la seule foy, sans cooperation d'œuvres, ils reputassent iuste l'homme, lequel seulement croit à l'histoire, & narration de l'Evangile, vivant au reste meschamment tant qu'il voudra: & autres tels absurdités, d'autant plus difficiles à refuter, qu'elles sont estranges & éloignées du sens commun: selon qu'il aduient ordinairement à toutes les opinions contraires à la manifeste apparence, & à la persuasion reçue du commun.

Entre les Theologiens, qui iusques alors estoient crus iusqu'au nombre de quarante cinq, la plus part estoit fort obstinément attachée aux opinions généralement reçues es Escholes, & impatiente d'oïr parler au contraire du consentement des Scholastiques: & là où les sectes Scholastiques ne s'accordent, chacun d'eux se formalisoit & passionoit grandement pour la sienne, & sur tout les Iacopins, accoustumés à se vanter, que par l'espace de trois cens ans l'Eglise n'avoit surmonté les heresies, que par leur moyen. Il y en avoit toutesfois quelques uns bien sensés, & d'esprit bien fait, qui se rendoyent capable de surseoir leur iugement, iusques à ce que les raisons fussent pesées. De ce nombre estoit Frere Ambroise Catarin, Siennois, Iacopin, qui depuis fut crée Euesque de Minori, & un Cordelier Espagnol, nommé André de Vega: & un Carme, nommé Anthoine Marinier. Les Augustins Eremitains, & sur tout leur General, Ierome Seripande, affectoyent de ce montrer plus que tous les autres contraire à Luther, pource qu'ils estoient de l'ordre, dont iceluy estoit fort.

*recherche de
la qualité
& nature
de la foy
iustificante*

En l'examen des Articles, les principaux d'entre les Theologiens, pour faciliter & applanir l'intelligence des trois premiers, se mirent à rechercher qu'elle est cete foy qui iustifie, & quelles œuvres elle exclut, les distinguant en trois especes, les unes qui precedent la grace de Dieu, desquelles parlent les sept Articles suivans, iusques au dixieme: les autres qui concourent au mesme instant avec l'infusion de la grace: & les troisiemes, qui suivent après la grace reçue, dont parlent les autres onze Articles. Que la foy iustifie, il le falut bien passer sans contredit pour indubitable, attendu que S. Paul le dit, & reitere tant de fois. Mais, pour resoudre qu'elle est cete foy, & comment elle rend l'homme iuste, les opinions furent de l'entree différentes. d'autant que la Sainte Escriture attribue plusieurs & diverses vertus à la foy,

lesquelles quelques vns ne fauoient comment appliquer & rapporter à vne seule foy : dont ils iugerent qu'il y auoit de l'ambiguité, & amphibolie en ce terme de foy, & le distinguèrent en plusieurs significations : disant que quelques fois il se prend pour l'obligation à tenir les promesses, auquel sens S. Paul dit, Que l'incroyance des Iuifs n'a point aneanty la foy de Dieu. Quelques fois auant, pour la vertu de faire miracles, comme quand le mesme S. Paul dit, Si i'auois la foy en tel degré que ie puisse transporter les montagnes, &c. Quelques fois, pour la conscience, auquel sens le mesme Saint Paul dit, Que l'œuvre, qui n'est de foy, est peché. Quelques fois de rechef, pour vne assurance & fiance en Dieu, qu'il tiendra les promesses : & en ce sens Saint Iacques veut que la priere soit faite en foy sans douter. Finalement pour vne persuasion, & ferme assentiment, quoy que non bien demeslé ; clair & euident, aux choses que Dieu a reuelees. Autres adioustoient encores autres significations les vns iusques au nombre de neuf, les autres iusques à quinze.

Mais Frere Dominique de Soto s'opposoit à eux tous, disant, Que c'estoit dechirer la foy, & donner cause gagnée aux Lutheriens : & que le mot de foy ne pouuoit estre pris qu'en deux significations : la premiere pour la verité, & loyauté de celui qui afferme ou promet quelque chose : l'autre, pour l'assentiment de celui qui escoute. Que la premiere est en Dieu ; la seconde seulement en nous : & que de celle-cy se doiuent entendre tous les passages de l'Escripture, qui parle de nostre foy : & que de prendre le mot de foy, pour vne confiance & assurance, c'estoit vne maniere non seulement impropre, mais faulx, & abusive, & iamais vstee par S. Paul. Que la confiance n'estoit en rien du tout, ou certes en bien peu, differante de l'esperance : & pourtant, qu'il falloit tenir pour erreur indubitable, voire herésie, l'opinion de Luthier, Que la foy iustificante est vne assurance & certaine persuasion en la pensée & au cœur du Chrestien, que ses pechés luy sont pardonnés pour l'amour de Christ. Soto adioustoit, & en cela estoit fuiuy de la plus part, Qu'une telle assurance ne peut iustifier, d'autant que c'est vne temerité, & peché : veu que l'homme ne peut acertener d'estre en grace, sans presumption, ains doit tousiours estre en doute & incertitude.

Catarin, du contraire, tenoit, & auoit aussi de son costé assez grande suite, Que de vray la iustification ne pouuoit point de cete assurance mais que toutesfois le iuste, pouuoit & deuoit estre persuadé par foy d'estre en grace. André Vega mit en champ vne troisieme opinion, Que, sans peché, on pouuoit auoir vne persuasion coniecturale, laquelle n'estoit vne temerité, ny moins aussi foy absolue, & certaine. Cete controuersie ne pouuoit estre omise, d'autant que sur ce point estoit fondée toute la Censure à faire sur le second Article : & pourtant, apres auoir esté d'abord legèrement ventilée, les parties s'eschaufferent du depuis, iusques-là, que pour vn long temps le Concile en fut diuisé, & longuement en dispute, pour les causes & raisons, qui seront deduites cy apres. Mais, estans tous d'accord, que la foy iustificante est l'assentiment à toutes les choses que Dieu a reuelees, ou que l'Eglise a determinees pour estre crûes, & icelle estant ores avec la charité, ores sans icelle, ils la distinguèrent en deux especes : l'une qui est es pecheurs, laquelle les Escholes nommēt foy informee, solitaire, oiseuse, ou morte : l'autre qui est seulement es bons & vrais fideles, & opere par charité, & pourtant est appelée Formee, efficaceuse, & viue. Et icy nasquit vne autre controuersie, les vns voulans que la foy, à laquelle la S. Escripture attribue le salut, la iustice, & la sanctification, soit la seule foy viue, comme aussi il auoit esté tenu par les Catholiques en Allemagne, es Colloques, & Conferences : & qu'elle comprenne en foy la connoissance des choses reuelees, les preparations de la volonté, & la charité, en laquelle est enclos tout l'accomplissement de la Loy : & qu'en ce sens on ne peut dire, Que la seule foy iustifie, attendu qu'elle n'est pas seule, estant formee par la charité. Entre ceux cy le Carme Marinier n'approuoit point cete façon de parler, Que la foy

1546.

laquelle Soto
a reduit à
deux sens.es luant
entierement
la confiance
& assen-
sance.est corrigé
par Catarin
& modifiépar Vega,
différent &différents
d'avis sur
cette foy

1546.

est formee par la charité, d'autant que S. Paul n'en vse point, mais seulement, Que la foy opere par la charité.

Autres entendoient que la foy iustificante est la foy en general, sans descendre aux particularités, de viue, ou de morte: d'autant que l'une & l'autre iustifie en diuerses façons: ou parfaitement, comme fait la viue: ou bien par forme de commencement, ou fondement, comme fait la foy historique: & que de celle-cy parle tousiours S. Paul, quand il luy attribue la iustice: non autrement que quand on dit, qu'en l'Alphabet est toute la philosophie: l'auoir est, comme en vne base, qui n'est comme rien, au prix du beaucoup qui reste à faire, qui est la statue & figure à mettre dessus. Cete seconde opinion estoit soutenue par les Cordeliers & Iacopins coniointement, & la premiere par le Carme Marinier, suiui aussi de ses adherans. Toutesfois le point où gist le neud, & où tourne le puiot & la difficulté, ne fut point touché, assauoir, si l'homme premierement est iuste, & puis œuvre choses iustes: ou bien, si en les œurant il deuient iuste. Bien s'accordoyent-ils tous en cet aduis, *Et accord à nier la iustification par la seule foy* Que de dire, que la seule foy iustifie, est vne proposition, qui peut receuoir plusieurs sens, mais tous absurdes: d'autant que Dieu iustifie, & les Sacremens aussi: mais dans le genre des causes, conuenable à l'un, & à l'autre: dont la proposition souffre cete exception, & autres semblables: que de mesmes la preparation de l'ame à receuoir la grace est cause en son genre, & par consequent la foy ne peut exclurre cete sorte d'œuvres. Pourtant, quant aux Articles, qui parlent des œuvres qui precedent la grace, lesquelles Luther auoit toutes accusees de peché, les Theologiens, plus par forme d'inuectiue qu'autrement, les censurerent tous: condannans de mesmes, comme heretique, cete sentence prise generalement, *différentes sur les œuvres precedentes la grace.* Que toutes les œuvres humaines, sans la foy, sont peché: tenans pour chose toute euidente, qu'il y a plusieurs actions humaines purement indifferentes, & plusieurs autres aussi, lesquelles, quoy qu'elles ne soyent point agreables à Dieu, sont toutesfois moralement bonnes: & que telles sont les œuvres vertueuses des infideles, & des Chrestiens pecheurs: lesquelles on ne peut, sans manifeste contradiction, appeler tous ensemble actions vertueuses, & pechés: sur tout, veu qu'en ce nombre sont comprises les œuvres heroïques, tant celebrees par l'Antiquité. Mais Catarin sostint, que, sans l'ayde & assistance speciale de Dieu, il est impossible à l'homme de faire œuvres aucune, qui puisse estre appelée veritablement bonne, mesmes moralement: & qui ne soit purement & simplement peché. Et pourtant, que toutes les œuvres des infideles, l'esquels Dieu ne meut & n'excite point pour venir à la foy: comme aussi toutes celles des fideles pecheurs, auant que Dieu les meue à la conuersion, sont vrayx pechés, quoy qu'aux hommes elles semblent honnestes & vertueuses, voire mesmes heroïques: & qui les louë, ne les considere qu'en leur genre, & en l'apparence exterieure: mais qui les examinera en toutes & chacunes leurs circonstances, y trouuera du vice, & de la peruersité: & pourtant que Luther n'estoit point à condanner en cela: mais bien deuoyent estre censurés les Articles, entant qu'ils parlent des œuvres, qui suivent la grace preuenante, & sont preparations à la iustification, telle qu'est la detestation du peché, la crainte de l'enfer, & les autres terreurs de la conscience. Pour confirmation de son aduis, il produisoit la doctrine de S. Thomas d'Aquin, Que pour faire vne œuvre bonne, le concours de toutes les circonstances y est necessaire: & qu'au contraire, pour la faire mauuaise, suffit qu'une seule y manque: dont, quoy qu'aucunes œuvres, à les considerer en leur genre, soyent indifferentes, toutesfois à les prendre en la singularité, & indiuidu, il n'y a nul milieu, entre auoir toutes les circonstances necessaires, ou en defaillir de quelcune: & pourtant, que chaque particuliere action est ou bonne ou mauuaise, & ne s'en trouue point d'indifferente: & veu qu'entre les circonstances, le but & l'intention en est l'une, toutes les œuvres rapportees à mauuaise fin, sont infectees & corrompues: or les infideles rapportent tout ce qu'ils font au but de leur secte, qui est mauuais: dont leurs actions, quoy qu'elles semblent heroïques.

ques à qui ne void, ny ne considere l'intention; sont neantmoins pechés, & n'y a point de difference, si le rapport à but mauuais est actuel ou habituel attendu que le iuste, quoy qu'il ne rapporte pas actuellement son œuvre à Dieu, mais seulement habituellement, ne laisse pas de meriter. Il disoit de plus, s'appuyant sur l'autorité de Saint Augustin, que c'est peché non seulement de rapporter son action à mauuaise fin, mais aussi de ne la point rapporter à la bonne, à laquelle on est tenu de la rapporter. Et d'autant qu'il maintenoit que, sans speciale ordre prouenant de Dieu, l'homme ne peut rapporter à Dieu chose aucune, il concluoit qu'auant icelle il n'y pouuoit auoir aucune bonne œuvre morale. A cet effet il allegoit plusieurs passages de Saint Augustin, lequel se monstroît à l'œil auoir esté de mesme sentiment. Il alleguoit aussi des passages de S. Ambroise, de Prosper d'Aquitaine, d'Anselme & d'autres Peres.

Il produisoit aussi Gregoire de Rimini, & le Cardinal de Rochester, lequel en son liure contre Luther auoit tout ouuertement senty les mesmes: & disoit, Qu'il valoit mieùx suiure les Peres, que les Scholastiques qui se contrarient l'un à l'autre: & qu'il falloit se tenir au fondement des Escritures, dont on puise la vraye Theologie, & non des arguees & subtilités de Philosophie, laquelle les Escholes n'ont que par trop suiue. Que luy-mesmes auoit esté de cete opinion, mais que ayant estudié les Escritures, & les Peres, il auoit trouué la verité: & faisoit grand force sur le passage del'Euangile, Que l'arbre mauuais ne peut faire bons fruits: avec l'amplification que nostre Seigneur y auoit adioustee, Faites l'arbre bon, & les fruits seront bons: & l'arbre mauuais, & les fruits seront mauuais. Et sur tous argumens il employoit avec beaucoup d'efficace le passage de S. Paul, Qu'aux infideles chose aucune n'est pure: d'autant que leur pensée & leur conscience est impure, & maculee.

Cete opinion estoit combatue par de Soto auéc grande animosité, iusques à l'eschafauder: comme heretique, d'autant que par icelle Cararinferoit, Que l'homme n'est point en liberté de bien faire, & qu'il ne peut obtenir son but naturel: ce qui n'est autre chose, que nier le franc Arbitre, avec les Lutheriens. Et luy au contraire soustenoit, que l'homme, par les seules forces de nature, peut obseruer tous les commandemens de la Loy, quant à la substance del'œuvre, quoy que non quant au but, & à la fin: & que cela suffisoit pour euitier le peché: & disoit, Qu'il y a trois sortes d'œuvres humaines: l'une, la transgression de la Loy, qui est le peché: l'autre, l'obseruation d'icelle pour fin de charité, & que cete-cy estoit meritoire, & agreable à Dieu: & la troisieme moitoyenne, quand on obeit à la Loy, seulement à l'esgard de la substance du commandement: & qu'une telle œuvre est bonne moralement, & est parfaite en son genre: & que qui accomplit ainsi la Loy, & fait toute œuvre moralement bonne, euitie tout peché. Bien est vray, qu'il moderoit cete si grande perfection de nostre nature, adioustant pour correctif, qu'autre chose est se garder de quelque peché que ce soit, & se garder de tous pechés ensemble: disant, que l'homme se peut bien garder de chaque peché, mais non de tous: donnant pour exemple, & similitude, vn homme, qui auroit vn vaisseau percé en trois diuers endroits: dont, n'ayant que deux mains, il ne peut boucher tous les trois pertuis à la fois, mais bien l'un, ou les deux qu'il voudra, l'un demeurant toujours ouuert de necessité. Cete doctrine ne contenoit point quelques vns des Peres: d'autant que, quoy qu'elle demonstroit clairement que toutes œuvres ne sont pas peché, elle ne sauoit pas pourtant entierement le franc Arbitre: attendu que d'icelle suiuoit cete consequence necessaire, Que le franc Arbitre ne sera pas tout à fait libre pour euitier tous pechés. D'ailleurs, Soto, qualifiant ces semblables œuvres pour bonnes, se trouuoit bien empesché & gehenné à determiner, si elles estoient preparatoires à la iustification. Pour luy, il eust bien iugé qu'elles l'estoyent, attendu leur pretendue bonté: mais, considerant la doctrine de saint Augustin, approuuee par saint Thomas,

1546.

& par tous les bons Theologiens, qui porte, Que le premier commencement du salut est de la vocation de Dieu, il estoit porté à sentiment contraire. En fin, il se demesla de ce destroit, par vne distinction, Qu'elles sont preparatoires de tres-loin, & non de pres: comme si, donnant aux forces de la nature vne preparation de loin, on ne rauissoit point le premier principe à la grace de Dieu.

Les Cordeliers vouloyent que les œuvres de cete sorte non seulement fussent bonnes, & preparassent à la iustification vraiment, & proprement: mais aussi, qu'elles fussent en certaine façon meritoires enuers Dieu: d'autant que l'Escot, fondateur de leur doctrine, inuenta vne sorte de merite, lequel il attribue aux œuvres faites par les forces & vertu de la seule nature: disant, Qu'elles meritent la grace par congruité: c'est à dire, par vne certaine loy & conuenance bien-seante à la nature de Dieu, & infailliblement: & que l'homme, par vertu simplement & purement naturelle, peut auoir vne telle douleur du peché, qui soit vne disposition & vn merite de congruité pour l'effacer: autorisant vn dire commun de son temps, Que Dieu ne défaut iamais à celuy qui fait tout ce que portent & permettent les forces. Aucuns de ce mesme ordre des Cordeliers passoyent bien plus outre, disans, Que si Dieu ne donnoit la grace à celuy qui fait ce qu'il peut selon ses forces, il seroit iniuste, inique, partial, & accepteur de personnes. Et desclaquoyent avec beaucoup d'indignation & de passion, Que ce seroit vne grande absurdité, si Dieu ne faisoit point de difference entre vn qui vescuist naturellement selon vertu & honnesteté, & vn autre qui fust plongé en tout vice: & qu'autrement il n'y auroit aucune raison, pour laquelle il donnaist la grace plus à l'vn qu'à l'autre. Ils allegoyent que saint Thomas aussi auoit esté de cete opinion: & que disant autrement, on mettoit l'homme en desespoir, & le rendoit-on negligent à faire bonnes œuvres, & donnoit-on moyen aux meschans d'excuser leurs meschantes œuvres, & de les attribuer au défaut de l'aide de Dieu.

Mais les Iacopins aduoüoyent bien, que S. Thomas en sa ieunesse auoit tenu cete opinion, mais qu'en sa vieillesse il l'auoit retractée: & eux la censuroyent, d'autant qu'au Concile d'Oranges il auoit esté déterminé, Qu'aucune sorte de merite ne precede la grace de Dieu, & qu'à Dieu doit estre attribué le commencement de tout. Que pour ce merite de congruité les Lutheriens auoyent fait de si grands vacarmes contre l'Eglise, qu'il le falloit totalement abolir, comme aussi iamais on n'en auoit oui parler es temps anciens de l'Eglise, en tant de disputes contre les Pelagiens: que la sainte Escriure attribue nostre conuersion à Dieu, & qu'il ne falloit se departir de la façon de parler d'icelle.

aduin
uerse
les prepa-
rations,

Quant aux preparations, il n'y eut point de differend en la substance de la Doctrine: tous tenoyent, qu'apres l'excitation & premier mouuement inspiré de Dieu, naissoit la crainte, & les autres considerations & apprehensions de la malignité qui est au peché: & censurerent pour heretique, l'opinion, qu'icelles fussent chose mauuaise: attendu que Dieu exhorte le pecheur, ains le meut & incite à ces apprehensions: or ne peut on point dire, que Dieu menue à peché. Et en outre, le deuoir du prescheur n'est autre, que d'effrayer l'esprit du pecheur par ces moyens: & veu que tous, par cete voye, passent de l'estat de peché à l'estat de grace, il sembloit fort estrange de dire qu'on ne peust passer du peché à la iustice, sinon que par l'entredoux d'vn autre peché: mais pour tout cela ils ne pouuoient se desmesler de la difficulté à l'opposite, qui estoit, que toutes les bonnes œuvres peuuent estre ensemble avec la grace: mais cete crainte, & les autres preparations, n'y peuuent estre, doncques elles sont mauuaises. Frere Antoine Marinier estoit d'aduis, que le differend n'estoit qu'es termes & paroles: & disoit, que, comme passant d'vn grand froid au chaud, on passe par vn degré inferieur & moindre de froid, qui n'est ne chaud, ne nouveau froid, mais le mesme froid amoindri, & rabatu: ainsi du peché à la iustice on passe par les erreurs &

froissures de cœur, qui ne sont ne bonnes œuvres, ne péchés nouueaux, mais les mesmes vieux péché, extenués : & appetissés. Mais, d'autant que tous les autres Theologiens luy estoient contraires en cecy, il fut contraint de se retracter. Quant aux œuvres faites en l'estat de grace, il n'y eut entr'eux aucune difficulté, attendu que tous vnanimement affermyer qu'elles soient parfaites, & meritoires de la vie éternelle : & que l'opinion de Luther, qu'elles sont toutes péché, est meschante & dannable : & que c'est blasphème de dire, que la Bien-heureuse Vierge ait commis le moindre péché veniel : & donques comment pourroyent les oreilles ouïr patiemment qu'elle eut péché en toutes & chacune ses actions : La terre, & l'enfer, ne deuroyent-ils point ouurir leur gueule contre si grands blasphèmes.

Au point de l'essence & nature de la grace de Dieu, pour la censure des articles vintdeuxieme, & vinttroisieme, tous considerent en commun, que le mot de Grace, en sa premiere signification, se prend pour vne bien-veillance, ou bonne volonté : laquelle, quand elle se trouue en quelcun qui en ait le pouuoir, engendre de necessité vn bon effet, qui est le don, ou le benefice, lequel est aussi appelé Grace. Que les Protestans auoyent pensé, que Dieu fait part aux hommes seulement de sa bonne volonté, comme s'il n'estoit en son pouuoir de faire d'auantage : en lieu que la Tout-puissance de Dieu requiert, que sa bonne volonté soit suivie d'un benefice en effet. Et d'autant qu'on auroit pu dire, que la seule volonté de Dieu, qui est Dieu mesmes ne peut auoir chose aucune de plus, & au dessus de soy, & que mesmes c'est vn benefice souverain de nous auoir donné son Fils : & que S. Iean, voulant monstrier le grand amour de Dieu enuers le monde, n'auoit allegué autre chose, sinon, Qu'il auoit donné son Fils vnique : ils adioustoient, que ce sont benefices communs à tous, & qu'il estoit conuenable qu'il fist vn don propre à vn chacun. Et que pour cete cause les Theologiens ont adiousté à cete grace de bien-veillance, vne autre grace habituelle, donnée à chacun homme iuste à part, laquelle est vne qualité spirituelle, créée de Dieu, & infusée dans l'ame, par laquelle elle est rendue plaisante & agreable à Dieu : & quoy que les Peres n'en ayent fait aucune expresse mention, & moins encor la Ste. Escriture, toutesfois on la recueille clairement du mot iustifier : car iceluy estant effectif, de necessité signifie autant que, Faire iuste, par impression de reele iustice : & cete realité ne pouuant estre vne substance, n'est donques autre chose, qu'une qualité, & habitude.

A cete occasion on dit & trata beaucoup de choses contre les Lutheriens, qui n'admettent pas que le mot iustifier soit effectif, mais veulent qu'il soit iudiciel, & declaratif, se fondans sur le mot Hebrieu, *hetsadie*, & sur le Grec *δυσω*, qui signifient, prononcer & declarer iuste : ce qu'ils preuient par plusieurs passages de l'Escriture du Vieil & du Nouueau Testament : comme aussi ce mot est pris en ce sens mesme en la Version Latine, de laquelle on produisoit iusques à quinze passage. Mais de Soto excluoit de ce rang tous ceux de S. Paul, qui parlent de nostre Iustification, & disoit, Qu'en ceux-là ce terme ne se peut prendre en autre sens, qu'effectif : dont naquit vn grand estrif entre luy & le Carme Marinier, auquel ne pouuoit agreer, qu'on prist vn fondement si leger, & friuole. Mais bien disoit, que l'article de la grace habituelle ne pouuoit estre reuocqué en doute, ayant esté décidé au Concile de Vienne, & estant passé en opinion commune de tous les Theologiens : & que c'estoyent là les bons & solides fondemens, qu'il falloit poser, lesquels ne peuuent estre renuersés : & non point de vouloir maintenir, que, quand S. Paul aux Romains dit, que Dieu iustifie, il n'entend pas cela en sens declaratif : ce qui est manifestement contre le texte, qui met vne forme de proces iudiciel, disant, Que nul ne peut accuser ne condamner les élus de Dieu, d'autant que c'est Dieu qui les iustifie : là où, les verbes iudiciels, d'accuser & de condamner, monstrent que celuy de Iustifier est aussi pareillement vn terme de plaidoyerie.

Mais les Cordeliers prouuyent la grace habituelle, parce que la charité

1546.

*touchant
l'imputation
de la justice
de Christ.*

est vne qualité & habitude : & en cet endroit y eut vne aspre & forte dispute entr'eux, & les Iacopins, si la qualité de la grace est la mesme que celle de la charité, comme veut l'Escot : ou, si s'en est vne autre distincte, comme veut S. Thomas d'Aquin : & l'une des parties ne voulant ceder à l'autre, on passa iusques à rechercher, si, outre cete grace, ou iustice inherente, la iustice de Christ n'est point aussi imputee à l'homme iustifié, de mesme comme si elle estoit sienne propre : & ce, à cause de l'opinion d'Albert Pighius, lequel, aduouant la iustice inherente, auoit neantmoins adiousté, qu'il ne faloit se fier en icelle, ains en la iustice de Christ, qui nous estoit imputee, comme si elle estoit nostre. Nul ne mettoit en doute, que Christ n'eust mérité pour nous : mais aucuns blasmoient ce terme, d'Imputer, & vouloyent qu'il fust aboly, & supprimé : attendu qu'il ne se trouuoit point és escrits des Peres, qui se sont contentés des noms de communication, participation, diffusion, deriuation, application, computation, conionction. Autres disoyent que, puis qu'il constoit de la chose, il ne faloit point faire force sur vne parole, laquelle chacun void signifier iustement le mesme que les autres, & laquelle, quoy que non communément par tous, ne frequemment vstee, l'auoit toutesfois esté quelquefois par quelques vns : & là dessus estoit produit Saint Bernard, en son Epistre centneufuiesme : & Vega soustenoit que de vray ce mot, quoy qu'il ne se trouue en l'Escripture, est tres-propre, & que cete phrase est tres-Latine, de dire : Que la iustice de Christ est imputee au genre humain, en satisfaction, acquit, & merite : que continuellement aussi elle est imputee à tous ceux qui sont iustificiés, & qui satisfont pour leur propres pechés : seulement ne vouloit-il pas qu'on dist : Qu'elle est imputee, comme si elle estoit nostre. Mais à cela estant opposé, que Thomas d'Aquin est tout coustumier de dire, Qu'à celuy, qui est baptizé, la passio de Christ est communiquee à remission, comme si luy mesme l'auoit soufferte, & fut mort : il y eut long & grand debat sur les paroles d'iceluy. Le General des Augustins tenoit qu'au Sacrement du Baptesme elle est imputee, pour estre communiquee en tout & par tout : mais non au Sacrement de la penitence, en laquelle sont aussi requises nos satisfactions. Mais De Soto dit, Que le terme d'Imputation estoit trespopulaire, & fort plausible : d'autant que de prime face il ne semble porter autre chose, sinon que le tout doit estre reconu de Christ : mais que quant à luy, il auoit tousiours eu pour suspect, attendu les mauuaises consequences, qu'entirent les Lutheriens : assauoir, qu'icelle seule suffit, & n'y a nul besoin de iustice inherente, & que les Sacremens ne conferent point la grace, & qu'ensemblément avec la coulpe toute peine aussi est effacee, & remise, & qu'il n'y a plus de lieu à aucune satisfaction, & que tous sont egaux en grace, iustice, & gloire : d'où aussi ils deduisent cet abominable blasphemé, Que chaque personne iuste est egale à la bienheureuse Vierge. Cete remonstrence imprima tant de soupçon és esprits des auditeurs, qu'on vid vne manifeste inclination à condamner ce mot, comme heretique : quoy qu'à l'opposite on repliquast plusieurs fortes raisons au contraire. Les contentions des Theologiens naissoient bien de vray de l'excessiue passion de chacū enuers sa propre secte : mais elles estoient aussi fomentees d'ailleurs à diuerses fins, & intentions : par les Imperiaux, pour contraindre à quitter le traité de la Iustification : par les Courtisans de Rome, pour trouuer moyende rompre le Concile, & eiter la Reformation instante : & par autres, pour se deliurer des incommodités, lesquelles ils redoutoyent tous les iours plus grandes, à cause de la cherté, & de la guerre, joint le peu d'esperance de fruit.

Toutes maniere de débats par cause d'estat plus que zele de vérité.

le Pape publie à Rome vn Jubilé pour la guerre contre les Protestans contre la religion.

Or, pendant qu'à Trente on fait ces disputes, le Pape publia à Rome vn Jubilé, le quinziesme Iuillet, par lequel il releua les Princes d'Allemagne de la peine de rechercher, ou de persuader à autres la vraye cause de la guerre. Car, apres auoir en cete Bulle-là amplement exposé son affection, & sollicitude pastorale pour le salut des hommes, & représenté la perte des ames, qui arriuoit continuellement par l'accroissement des heresies, pour l'extirpation

desquels le Concile estoit ia commencé, il se plaignoit outre mesure de l'opiniastreté des heretiques, qui m'esprisoyent iceluy, & refusoient de luy prester obeissance, & de se soumettre à sa sentence, Et que, pour remédier à ce mal, il auoit fait & conclu ligue avec l'Empereur, pour ramener par force d'armes les heretiques à l'obeissance de l'Eglise: & pourtant, que tousseussent à recourir à Dieu par prieres, iusnes, confessions, & communions: afin que sa Diuine Maiesté donnaist bonne & heureuse issue à cete guerre, entreprise à sa gloire, à l'exaltation de l'Eglise, & à l'extirpation des heresies.

L'Empereur, suyuant la deliberation qu'il auoit prise, de tenir cachee la cause de la Religion, publia, sous la date du vintieme du mesme mois, vn Ban contre l'Electeur de Saxe, & le Landegraue, les chargeant d'auoir tousiours empesché & trauerse les desseins, de ne luy auoir iamais presté obeissance, d'auoir fait des coniurations & monopoles contre luy, d'auoir fait guerre contre autres princes de l'Empire, de s'estre emparées & saisis d'Eueschés, & d'autres Prelatures, & d'auoir expolié plusieurs de leurs facultés: & d'auoir couuert & desguisé tous ces attentats du specieux & doux nom de Religion, de Paix, & de Liberté: quoy qu'en verité ils eussent des fins tout autres. Et pourtant, comme perfides, rebelles, seditieux, criminels de lese Majesté, & perturbateur du repos public, il les prescrivit: & commande, que nul n'ait à leur prester aide, confort, ou secours, ni se conioindre à eux: absout du serment de fidelité la noblesse, & le peuple de leurs terres, seigneuries, & estats: comprenant dans le mesme ban, tous ceux qui continueront en leur obeissance.

Le Pape eut fort à desplaisir le motif de la guerre, que l'Empereur allegoit, comme aussi l'Empereur celuy du Pape: d'autant que l'un empeschoit par ce moyen les dessus de l'autre. Car, combien que le Pape pretendist d'auoir fait ce Manifeste, afin que tout le peuple Chrestien fust induit à implorer le secours de Dieu en faueur des armes de l'Empereur, si est-ce que l'Empereur mesmes, & tout homme de iugement, s'apperceut fort bien que cela auoit esté fait, pour notifier à tout le monde, & à l'Allemagne, que c'estoit vne guerre de Religion: ce qui peu de temps apres fut reconnu mesmes par les moins accorts: d'autant que la lettre, qu'il auoit escrite aux Suisses, dont nous auons parlé cy-dessus, fut imprimée & publiée, & mesmes copie fut enuoyee par tout des Articles du traité fait avec le Cardinal Madruce. Le but du Pape, en publiant le contraire de ce que l'Empereur publioit de son costé, disant, que desirant bien l'abaissement des Protestans, mais non l'accroissement & exaltation des affaires de l'Empereur, pour les engager en querelle bien balancee, il pensoit porter tous les sectateurs de la nouvelle Religion à la nécessité de s'unir contre l'Empereur. Et est certain, que l'actiō du Pape fut de quelque empeschement aux desseins de l'Empereur: car iceluy ayant recherché les Suisses de continuer l'alliance qu'ils auoient avec la maison d'Autriche, & de Bourgoigne, & de ne prester aucun secours à ses rebelles, les Euangeliques respondirent, qu'ils desiroient d'estre tout premier acertenés que la guerre n'estoit pour cause de Religion. Ainsi il aduint qu'auant mesmes que la guerre fust entamée, il y auoit desia des semences de discorde iettees entre ces Princes nouuellement alliés.

Les Protestans d'Italie furent fort estonnés de cete ligue: & requeroient au Pape son accoustumée prudence, de tenir la guerre loin de l'Italie, & les Princes delà les monts en equilibrio de forces: en lieu que tout d'un coup il auoit fait chose contraire à ces deux fins. Car, s'il aduenoit que l'Empereur subiugast l'Allemagne, l'Italie demeroit à sa discretion, & la France ne seroit pas suffisante à faire le contrepoids à vne si grāde puissance: si aussi l'Empereur succomboit, chacun sauoit le furieux & ardent desir des Allemans de passer en Italie. Et peut estre que ces raisons, tournant par la teste du Pape, firent, qu'apres qu'il eut conclu la ligue, il se voulut asseurer, dōnant quelque contrepoids à l'Allemagne contre l'Empereur.

Mais l'Empereur, outre le mescontentement receu par le Iubilé, prit aussi

1546.

ce pendant
vent que le
Concile sub-
siste.

souppçon, que le Pape, apres qu'il auroit obtenu son but de faire la guerre aux Protestans, ne procurast la rupture & dissolution du Concile, sous pre-
texte de les differer iusques à la fin de la guerre: & sous couleur de danger, à cause de la guerre, que les Protestans preparoyent en Suaube. Il sauoit bien que c'estoit la vifée de toute la Cour de Rome, sur laquelle on auoit negocié avec luy par l'espace de vintcinq annees, & plus: il n'ignoroit pas aussi que la volonté des Euesques assemblés à Trente, mesme des siens, panchoit à cela mesmes, à cause des incommodités & ennuis qu'ils souffroyent: il craignoit, qu'auenant la separation du Concile, les Lutheriens ne s'en preualussent, di-
sant, Qu'il n'auoit esté conuocé à autre fin, que pour trouuer vn pretexte de leur faire la guerre, & que les Catholiques d'Allemagne ne pensassent, que, laissant en arriere les interets de la Religion & de la Reformation, il ne visast simplement, qu'à subiuguer l'Allemagne. Il doutoit aussi, que, si on continuoit à traiter les matieres controuerses, comme on auoit ia fait du Peché originel, & comme il auoit aduis qu'on pretendoit faire de la Iustifi-
cation, ne luy fust coupé le chemin de quelque composition qu'il auroit pu faire, entretenant les villes de quelque esperance, qu'il orroit leurs raisons, pour les desmembrer d'avec les Princes de la Ligue. Il voyoit clairement, qu'il estoit necessaire que le Concile demeurast ouuert, & qu'il vaquast seu-
lement à la Reformation: mais aussi qu'il estoit bien mal-aisé de l'obtenir, sinon qu'il eust le Pape vny & consentant à mesme dessein. Et pourtant il des-
pescha en dilligence pour l'asseurer qu'il mettoit tous ses sens & forces, prin-
cipalement à asseurer la ville de Trente: & qu'il n'entraist en aucune desfiace pour les bruits qui pourroyent courir des armées des Protestans en Suaube: qu'il estoit du tout necessaire de maintenir sur pied le Concile, pour obuier aux calomnies & detractions, dont ils seroyent chargées tous deux, en cas qu'iceluy se rompist: & le prioit instamment de faire qu'il demeurast ouuert & qu'on n'y traitast point les matieres controuerses: d'autant, qu'ayant fer-
me intention de contraindre les Protestans siens adherans par autorité, & les ennemis par force d'armes, à y assister, & s'y soumettre, il ne falloit point cependant mettre aucun empeschement à ce bon dessein, leur fermant la porte par Decrets contraires, faits en leur absence. Que cet affaire ne pou-
uoit tirer en longueur, & qu'il esperoit en voir la fin dans cet esté mesmes: & pourtant le prioit d'agreer qu'on ne traitast d'autre chose que de la Refor-
mation pour lors: ou bien, si on traitoit de la Religion, qu'on ne tou-
chast qu'aux choses de petite consequence, l'arrest & decision desquelles ne causast aucune offence aux Protestans. Il ordonna aussi à son Ambassa-
deur à Trente de faire le mesme office avec les Legats: & d'autant qu'il estoit informé, que le Legat S. Croix panchoit à la dissolution du Concile en quelque sorte que ce fust, il commit à son Ambassadeur de luy dire par vne maniere de brauade en passant, que s'il faisoit en cet affaire cho-
se aucune contre le gré de Sa Maiesté, il le feroit ietter dans la riuere d'A-
dice: ce qui mesmes fut publié par tout, & escrit par les historiens de ce temps-là.

de que le Pa-
pe ne pou-
uait empes-
cher, il or-
donne qu'o-
n'en tre iue
sans rien
faire,

Le Pape eust bien voulu se voir desfait du Concile, comme aussi la Cour de Rome le desiroit passionnément: toutesfois il iugea qu'il estoit necessaire d'agreer à l'Empereur, en le tenant ouuert, sans traiter les con-
trouerses: mais aussi de vaquer à la seule Reformation ne pouuoit plaire ny à luy, ny à ses Courtisans. Et pourtant il escriuit aux Legats, qu'ils ne
laissassent pas dissoudre l'assemblée: mais qu'ils ne tinsent point de Session, iusques à ce qu'il l'ordonnast: ains entretenissent les Prelats, & les Theo-
logiens, par tenues de Congregations, & par tous les exercices & occu-
pations, qu'ils trouueroyent plus à propos. Et selon cela, le Iubilé ayant
esté solennellement publié le vintcinquieme du mesme mois de Iuillet, en
presence des Legats, & de tout le Concile, la Session fut differee, iusques
à ce qu'elle fust intimée, & les Congregations intermises pour quinze iours,
pour auoir loisir de vaquer aux iusnes, & autres œuures de penitence.

En ce mesme temps, l'armee des Protestans s'approcha du Conté de Tirol, pour saisir les passages, & couper le chemin aux gens de guerre qui venoyent d'Italie au secours de l'Empereur : & Sebastien Schertelin prit l'Escluse, dont tout ce Conté se mit en armes, pour l'empescher d'avancer : & François Castel-alto, lequel estoit à la garde du Concile à Trente, se transporta à Inspruc, & apres auoir pourueu à la seurté de la ville, pour preuenir le faillissement des passages, il se logea avec ses gens sept lieues au dessus : ce qui fit apprehender que le siege de la guerre ne se reduisist en ce país là, & que le Concile n'en fust totalement destourbé. Les Prelats, qui desiroient quelque pretexte pour se retirer de là, exaggeroyent les dangers, & les incommodités, & les Legats du commencement n'y contredisoient pas beaucoup : ce qui donna soupçon, que l'intention du Pape estoit esloignée de la continuation du Concile. Quelques vns des Prelats plus timides, & qui maluolentiers demeuroient à Trente, se retirerent : & en fust parti vn beaucoup plus grand nombre, n'eust esté que le Cardinal de Trente, retourné tout freschement de Rome, tesmoigna que le Pape le prendroit à d'esplaisir : & avec l'Ambassadeur de l'Empereur rassura les plus timides, par le grand nombre de gens de guerre qui venoit d'Italie, lequel forceroit les Protestans à desparer. Le Pape escriuit aussi aux Legats : & les lettres arriuees en ces entrefaites, firent qu'eux aussi conioignirent l'autorité du Pape, & la leur, aux diligences des autres.

Or, combien que l'effort des Protestans de ce costé là fust rompu, & que le Conté de Tirol demeurast à couuert, tellemēt qu'il n'y auoit rien à craindre de là, la ville de Trente neantmoins fut toute ce que dessus dessous, par le grand nombre de gens de guerre, qui continuellement passoyent d'Italie en Allemagne, lequel, selon les contentions de la Ligue, estoit en tout de douze mille hommes de pied, & de cinq cens cheuaux : outre deux cens du Duc de Toscane, & cent du Duc de Ferrare : commandés par tous les plus fameux Capitaines d'Italie, sous les deux freres Octaue, & Alexandre Farneses, tous deux neueus du Pape, par son fils bastard Pierre Louis : dont Octaue estoit General, & Alexandre Legat en l'armee : & six mil Espagnols de l'Empereur, tirés de Naples, & de Lombardie. Pendant que dura ce passage de soldats, qui fut iusques au mois d'Aoust, les actions Synodales furent moins frequentes & nombreuses, quoy que non tout à fait intermises. Et pour donner quelque entretien aux Euesques, & Theologiens, le Cardinal Legat S. Croix tenoit en sa maison des assemblees de gens de lettres, esquelles on traitoit des mesmes choses qu'es Congregations, mais d'une maniere familiere, & sans ceremonies.

En ce mesme temps les Protestans ligüés contre l'Empereur, publierent vn escrit, adressé à leurs suiets, plein de mesdisances contre le Pape de Rome, lequel ils appeloient Antechrist, & organe de Satan : le chargeant d'auoir es temps passés enuoyé des boutefeux par le país de Saxe, pour mettre le feu en diuers endroits, & qu'à present il estoit autheur & instigateur de la guerre : qu'il auoit enuoyé en Allemagne gens apostés pour empoisonner les puits & eaux dormantes : & pourtant aduertissoient vn chacun de se prendre garde, & tascher d'apprehender ces empoisonneurs, afin qu'ils fussent punis. Ce que toutesfois peu de gens iugerent vraisemblable, & fut tenu pour calomnie.

Quand les gens du Pape furent arriüés au camp, qui se trouuoit à Lands-hut, ce qui aduint le quinzieme Aoust, l'Empereur bailla le collier de la Toison à Octaue son gendre, lequel il luy auoit ia destiné en la celebration du Chapitre dudit Ordre, tenu le iour de S. André : & vid la reueüe des gens du Pape, qu'il agrea fort, trescontent d'auoir la fleur & l'essite des gens de guerre d'Italie : mais nonobstant tout cela, les diuerses intentions & desseins du Pape, & de l'Empereur, produisoient plusieurs occasions de mescontentemens. Le Cardinal Farnese vouloit, suiuant le commandement qu'il en auoit du Pape, porter la croix deuant l'armee, cōme Legat d'icelle &

1546.
bonté de
guerre faut
à d'assadre
le Concile

qui est dit
trait par le
passage des
soldats.

les prot. s'ist
publierent
vn Muni-
feste contre
le Pape

l'Empereur
reçoit & a-
grec le se-
cours enuoyé
par le Pape

1546.

publier Indulgences & pardons, en la maniere pratiquée es temps passés es Croisades: & par ce moyen declarer que c'estoit vne guerre de Religion: mais il n'en put rien obtenir de l'Empereur, duquel le but estoit de monstrier tout le contraire, pour entretenir à sa deuotion les Princes Lutheriens, qui estoient avec luy, & pour faire que les Villes ne s'opiniastrassent contre luy pour cete cause. Le Cardinal, voyant qu'il ne pouuoit estre en autre qualité au camp, avec honneur & dignité du Pape, & siene, s'arresta à Regensbourg, contrefaisant le malade, mais en effet, pour attendre la responce de son Pere grand, auquel il auoit donné auis de tout.

*Les deux ar-
mee. pro-
ches sans
bataille.*

Les deux armées furent rangées en bataille, prestes à combattre: mais, quoy qu'elles fussent puissantes, & se présentast souuent le combat, selon que chacune voyoit son aduantage, & qu'il s'offrist à l'une & à l'autre de belles occasions de gagner quelque notable victoire, les Protestans neantmoins ne les empoignerent point, d'autant que leur armée estoit commandée par l'Electeur de Saxe, & le Landgraue de Hesse, par egale autorité & pouuoir: qui est vne forme de commandement tousiours mal-encontreuse & ruineuse es armées. Et l'Empereur d'ailleurs, reconnoissant cela, pretendoit vaincre sans coup ferir: & pour ne donner occasion à ses ennemis de mieux dresser leurs affaires, attendoit que le temps luy mist entre les mains vne victoire assurée, en lieu de celle qu'il eust pu esperer avec beaucoup de risque, s'exposant au hazard d'une bataille. De là aduint qu'il ne fit aucun fait d'armes de consequence.

*à Trente on
vise à faire
couler le
temps par
disputes,*

Les Legats à Trente, deliurés des gens de guerre, reiglerent l'ordre & la tenue des Congrégations, selon le style de deuant, & les remirent à leurs iours ordinaires: & pensans entr'eux aux moyens de faire couler le temps, selon l'intention du Pape, il n'en trouuerent aucun meilleur, que de monstrier que l'importance de la matiere requeroit vn examen bien exact: & d'allonger les disputes, & par ce moyen donner entree à nouuelles matieres, & les accumuler: dont l'occasion ne pouuoit faillir, attendu que par connexité, ou par faute de moderation d'esprit, les docteurs passent tousiours aisément d'un sujet à vn autre. Ils prirent aussi conseil de fomentier les differens, & diuersités d'opinions: ce qu'ils esperoyent leur deuoir reüssir fort aisément, tant pour la naturelle inclination de l'homme à vaincre es disputes, que pour la coustumièrre & particuliere opiniastrerie des Escholes, & sur tout des Moines, à maintenir les opinions de leur secte. Le Cardinal Legat de Monte, comme de naturel franc & ouuert, tenoit l'affaire pour difficile, & ne se promettoit point de pouuoir estre constant en vne si longue dissimulation, dont toutesfois il voioit le besoin. Mais le cardinal Legat S. Croix de naturel melancholic & creux, s'offrit d'être prédeur la conduite de cet affaire.

*fort aspre-
es passion-
nées,*

*sur tout au
sujet de la
certitude
de la Grace
de Dieu,*

Ainsi doncques, le vintieme Aoust fut tenue Congregation: & pource qu'il sembloit qu'on auoit suffisamment debatue & ventilé les vinteq susdits Articles, pour former les Anathemes, on proposa de deputer des Peres pour les composer: & furent nommés trois Euesques, & trois Generaux d'Ordre: & sur tous, le Cardinal Legat Sainte Croix. Iceux firent vn projet & plan de Canons, lequel ils presenterent à examiner es Congregations suivantes. Lors furent remises sur les mesmes disputes, de la Certitude de la Grace, des Ouures morales des infideles, & pecheurs, du Merite de Congruité, de l'Imputation, de la distinction & difference entre la grace & la charité. Et les interessés & engagés es opinions parlerent avec plus de vehemence, & roideur, qu'auparauant: & le Cardinal fomentoit & aiguisoit leurs passions, monstrant que les matieres estoient importantes, & qu'il estoit necessaire de les bien & diligemment examiner: & que, sans la resolution d'icelles, il estoit impossible de faire aucune bonne deliberation. La seule controuersie de la certitude de la grace tint les disputans en haleine par plusieurs iours: & fit opiniastrer & diuiser en deux partis, non seulement les Theologiens, mais aussi les Prelats mesmes. Mais pour tout cela, la question n'en fut nullement esclaircie, ains beaucoup plus obscurcie.

Au com-

Au commencement, comme nous auons dit en son lieu, vne partie disoit, que la fertitude d'auoir la grace est vne presomption: l'autre, qu'on la peut auir par voix de merite. Les fondemens des premiers estoient, que S. Thomas, S. Bonauenture, & le commun des Scholastics, l'ont ainsi tenu: qui estoit la cause, que la pluspart des Iacopins estoient de cete mesme opinion. Outre l'autorité des Docteurs, ils adioustoient pour raisons, que Dieu n'auoit pas voulu, que l'homme fust certain de sa grace, afin qu'il ne s'esleuast en orgueil, & opinion de soy-mesmes: & afin qu'il ne se preferast aux autres: comme sans faute feroit vn qui se reconnoistroit iuste, par dessus les manifestes pecheurs. Ioint que cela rendoit l'homme lasche & paresseux aux bonnes œuures. Pour ces raisons ils disoient, que l'incertitude estoit vtile, voire mesmes meritoire: d'autant que c'est vne passion & souffrance de l'ame, qui l'afflige, laquelle estant supportee comme il appartient, tourne à merite. Ils produisoient aussi des passages de l'Escripture, de Salomon en son Ecclesiaste, Que l'homme ne se fies s'il est digne de haine, ou d'amour: du liure de l'Ecclesiastic, Qui commande, Que l'homme ne soit sans crainte du peché pardonné: de S. Pierre, Qu'on l'employe à son salut, avec crainte & tremblement: & de S. Paul, qui dit de soy-mesme, Combien que ma conscience ne m'accuse point, ie ne me tien pas pourtant pour iustificié. Ces raisons & tesmoignages, ensemble plusieurs passages des Peres, estoient produits & exagérés, sur tout par le General Seripande, par Vega, & de Soto.

Mais Catarin, avec le Carme Marinier, auoyent en main d'autres passages des mesmes Peres au contraire: ce qui monstroient bien, qu'en ce point lesdits Peres auoyent parlé par rencontre, selon que l'occasion de leur suiet le portoit, ores pour releuer & soulager les craintifs & scrupuleux, ores pour reprimer & humilier les temeraires & audacieux. Et pourtant Catarin, & le Carme, se rangeoyent à la seule autorité de l'Escripture. Ils disoient, qu'à tous ceux, auxquels nostre Seigneur a remis les pechés en l'Euangile, il auoit dit, Confie-toy, que tes pechés te sont pardonnés. Et ce seroit vne grande absurdité de dire, que Christ eust voulu donner occasion de temerité, & orgueil: & que, si la doute & anxieté estoit vtile ou meritoire, il en eust voulu priuer tous ceux-là. Que la sainte Escripture nous oblige à rendre graces à Dieu de nostre iustification, ce qui ne se peut faire, si nous ne sommes persuadés de l'auoir obtenue: & l'homme, qui remerciroit d'une chose, qu'il ne sauroit si elle luy auroit esté donnée ou non, seroit tres-inepte, & ses paroles seroyent prises pour impertinentes. Que S. Paul pose manifestement la certitude, quand il exhorte les Corinthiens de discerner si Christ est en eux, sinon qu'ils soyent reprouvés: & quand il dit, Que nous auons receu l'Esprit de Dieu, pour conoistre & sauoir ce qui nous a esté donné de Dieu: & encor plus clairement, Que le S. Esprit rend tesmoignage à nostre esprit, que nous sommes enfans de Dieu. Et est chose bien estrange de vouloir accuser de temerité ceux qui croient au S. Esprit qui parle: veu que S. Ambroise dit, Que le S. Esprit ne nous parle iamais, que quant & quant il ne nous face aussi taucir, que c'est luy qui parle. Ioint ce que Iesus Christ dit en S. Iean, Que le monde ne peut receuoir le S. Esprit, d'autant qu'il ne le void, ny ne le conoit point: mais que les disciples le receurent, d'autant qu'il habitera & sera en eux. Catarin se fortifioit puissamment par cete raison, Que c'estoit vn songe & resuerie de dire, que la grace soit receuë volontairement, & cependant que l'homme ne sache point de l'auoir: comme si: pour receuoir vne chose volontairement, il n'estoit necessaire, que le receueur volontaire sache qu'elle luy est donnée, & que reellemēt il la reçoit, & qu'apres l'auoir receuë, il la possede.

La force de ces raisons fit premierement vn peu relascher ceux qui censuroient la certitude, l'accusans de temerité: & puis peu à peu les fit descendre à accorder, que l'homme pouuoit auoir quelque coniecture, mais non pleine certitude: pour l'ordinaire: de ferans icelle seulement aux Martyrs: aux nouuellement baptisés: & à certains autres: par speciale reuelation.

1546.

De coniecture ils se laisserent amener à l'appeler Foy morale : & Vega, qui au commencement n'admettoit qu'une simple probabilité ; & vray-semblance, fut vaincu par les raisons, & se rangea à favoriser la certitude : mais pour ne sembler se conformer à l'opinion Lutherienne, il disoit, Qu'il y auoit tant de fertitude, qu'elle excluoit tout doute, & ne pouuoit tromper : mais que pourtant cela n'estoit point foy Chrestienne, mais humaine, & experimmentale : & comme qui a chaud, est certain d'auoir chaud, & seroit destiné de sentiment quand il en douteroit : ainsi aussi, qui a la grace en foy, la sent, & n'en peut douter, mais par le sentiment de l'ame, & non par reuelation diuine. Mais les autres deffenseurs de la certitude, estans pressez de leurs aduersaires à parler clairement, s'ils tenoyent que l'homme la pust auoir, & s'il y estoit obligé, & si c'estoit foy diuine, ou humaine, se rangerent à dire, qu'estant vne foy qu'on adiouste au tesmoignage du Saint Esprit, on ne pouuoit dire, que ce fust vne chose qui fust en la liberté & chois de l'homme, veu que chacun est obligé de croire aux reuelations diuines : & ne se peut nommer autrement que Foy diuine. Mais, estans ferrés de l'obiection, que si cete foy n'est egale à la Catholique, elle n'exclut point tout doute : que, si elle est egale, donques le iuste doit croire d'estre iustifié, aussi asseurement que les Articles de foy, Catarin respondoit, Que c'estoit bien vne foy diuine, d'egale certitude avec la Catholique, & de mesmes elle excluant tout doute : mais n'estoit point la Catholique pourtant. Il affermoit que la foy, que chacun adiouste aux reuelations de Dieu, adreſſées à luy-mesmes en particulier, est foy diuine, & qui exclut tout doute : mais que quand ces reuelations sont receuës par l'Eglise, lors icelle deuient foy Catholique : c'est à dire, vniuerselle : & que celle-cy seulement regarde les Articles de foy : mais que, quant à la certitude, & à la forclusion du doute : elle n'est point par dessus la foy priuee & particuliere, & ne l'outrepasse qu'en l'vniuersalité : qu'ainsi tous les Prophetes auoyent premierement eu foy priuee des choses que Dieu leur reueloit : & puis de celles-là mesmes, apres qu'elles auoyent esté receuë par l'Eglise, ils auoyent eu vne foy Catholique. Cete opinion sembla d'abord fort dure : & les adherants mesmes de Catarin, (comme estoient tous les Carmes, d'autant que Iean Bacon, docteur de leur Ordre, auoit esté de la mesme opinion que Catarin) & les Euesques de Sinigaille, de Vvorcestre, & de Salpi, passoyent au commencement mal-volontiers si auant : mais, apres auoir bien pèse : & pesé la raison, c'est merueille comme elle fut receuë d'une notable partie des Prelats : quoy que Soto criast qu'elle estoit trop à la faueur des Lutheriens. Mais les autres repliquoyent : Que Luther ne seroit point à censurer : s'il auoit dit : Qu'apres la iustification suit icelle foy : mais estoit à condanner pour auoir dit, que c'est cete foy-là qui iustifie. Et respondoient aux raisons de l'autre partie, Qu'il ne faut point prester l'oreille aux Scholastics, lesquels ont parlé sur les fondemens de la raison philosophique, qui ne peut donner iugement des mouuemens de Dieu. Que le passage de Salomon ne faisoit point à ce propos : d'autant qu'il dit, Que nul ne peut sauoir s'il est digne d'amour, où de haine : ce qui, appliqué à ce suiet, infereroit que le pecheur, pour meschant & perseuerant au mal qu'il fait, ne fait s'il est en la disgrâce ou haine de Dieu. Et que de mesmes le dire de l'Ecclesiastique n'y pouuoit estre rapporté : & que la traduction Latine trompoit, d'autant que le terme Grec *κατάμνησις*, ne signifie pas peché : pardonné, comme icelle a traduit : mais expiation, propitiation, ou pardon : & que les paroles du Sage ne sont qu'une admonition au pecheur de n'adiouster point peché sur le peché, par trop de confiance du pardon à venir & non du passé : qu'il ne faloit pas sur vne erreur de l'interprete fonder vn Article de foy. Ainsi parloyent lors de cete Version Latine, les mesmes qui l'auoyent canonizée pour authentique : ce que chacun peut aussi remarquer és liures imprimés par partie de ceux qui entreuinrent au Decret de l'approbation.

Ils disoyent d'auantage : que s'employer avec crainte : & tremblements :

est vne phrase Hebraïque, qui ne denote pas ambiguité, ou perplexité, mais reuerence: attendu que les seruiteurs procedent bien en crainte & reuerence enuers leurs maistres, lorsmesmes qu'ils sont par eux loués, & qu'ils fauent d'estre en leurs bonnes graces, Que l'autre passage de Saint Paul faisoit pour eux, s'il parloit de la Iustification. Car, disant, Je ne me sen coulpable de rien, mais pour cela ie ne suis pas iustifié: il inferoit donques. Mais ie suis iustifié pour autre cause: & ainsi prouuerait la certitude. Mais que le vray & naïf sens estoit, que Saint Paul parle là du defaut en la charge de prescher l'Euangile: & dit, Ma conscience ne me reproche point d'auoir forfait en chose aucune: & toutesfois ie n'ose point dire d'auoir entierement satisfait à ma charge, mais remets le tout au iugement de Dieu.

Qui n'auroit veu les memoires de ceux qui eurent part à ces disputes, & ce qu'ils en firent impfimer, ne croiroit pas aisément combien & de quelle ardeur disputerent sur cet Article, non seulement les Theologiens: mais aussi les Euesques, chacun ayant opinion d'entendre tres-bien la chose, & d'auoir la verité de son costé: tellement que le Cardinal Legat Sainte Croix se trouua auoir plus de besoin de bride, que d'esperons, & desiroit y mettre vne fin, procurant souuent de passer à autre chose, & de destourner cete controuersie. Par deux fois il fut proposé en la Congregation des Prelats de laisser cete question, comme ambiguë, longue & fascheuse: & n'obstant cela, ils y retomboyent tousiours, emportés par la passion. Mais en fin le Cardinal leur monstra qu'on en auoit assez parlé, & qu'il falloit mediter & ruminer vn peu les choses dites, pour s'en resoudre plus meurement: & obtint qu'on entrast à parler des œuures preparatoires, & de l'observation de la Loy: & à cete occasion fut par plusieurs introduite la matiere du franc Arbitre, ce qui ne fut point negligé par le Cardinal: mais proposa, s'il sembloit à propos de traiter aussi coniointement cet article, lequel on voyoit si estroitement connexe & ioint, qu'on ne sauoit comment le traiter separément. On deputa donques des Prelats, & des Theologiens, pour recueillir les Articles tirés des escrits des Lutheriens sur ce suiet, pour les soumettre à la Censure.

Ces Articles furent, premierement, Que Dieu est la totale cause de nos œuures & actions, tant bonnes que mauuaises: & qu'autant est œuvre propre de Dieu la vocation de Saint Paul, que l'adultere de Dauid, la cruauté de Manlius, & la trahison de Iudas. Secondement, Que nul n'a pouuoir de penser mal ne bien, ains que le tout auient de necessité absolue, sans qu'en nous il y ait aucun franc Arbitre, lequel n'est qu'une fiction & fausse imagination. En troisieme lieu, Que le franc Arbitre, apres le peché d'Adam, a esté perdu, & n'est plus qu'un nom & titre sans verité, suiet, ou substance: & que pendant qu'iceluy opere ce qui est de son pouuoir, il peche mortellement. En quatrieme lieu, Qu'il y a franc Arbitre seulement à mal faire, mais nullement à faire le bien. En cinquiesme lieu, Que le franc Arbitre, mu & poussé de Dieu, ne coopere nullement, ains suit le mouuement de Dieu, comme vn instrument inanimé, ou comme vn animal sans raison. En sixieme lieu, que Dieu conuertit ceux-là seuls qu'il luy plaist, ors qu'ils ne vucillent point, & regimbent.

Sur les deux premiers Articles fut dit, plus en forme tragique que Theologique, Que la doctrine de Luther estoit vne sapience phrenetique. Qu'à leur dire, la volonté humaine seroit vn vray monstre. Que ces termes, chose de nom & de titre sans suiet, sont prodigieux. Que l'opinion en soy est impie, & blasphematoire contre Dieu. Que l'Eglise l'a condannée es Manicheens, Priscillianistes, & apres tous les autres, en Abailard, & Vvichef. Que c'estoit vne pure forcenerie, contraire au sens commun: veu que tout homme sent & espreue en soy-mesme d'auoir sa liberté. Qu'elle ne merite aucune refutation, mais, comme dit Aristote, ou punition, ou preuue experimétale. Que les disciples mesmes de Luther s'estoyent apperceus de la folie d'icelle,

1546.

Et par le
autres ex-
sés par di-
finition.

& en auoyent moderé & corrigé l'absurdité, disant, Que l'homme auoit bien liberté en ce qui concerne les actions exterieures politiques, & œconomiques, & toute la iustice ciuile, lesquelles qui ne reconoit proceder de conseil & deliberation, & libre choix, est fol & insensé: & pourtant se restreignoient à nier la liberté de l'homme à l'esgard seulement de la iustice de Dieu.

Le Carme Marinier disoit, que, Comme c'est vne chose sotte & absurde de dire, que nulle action n'est en nostre pouuoir, aussi est-ce chose non moins folle d'affirmer que toutes y sont: veu que chacun experimente en soy mesme qu'il n'a pas toutes ses affections & passions en son propre pouuoir: & que cela mesmes est le sentiment des Escholes, qui ont dit, Que nous n'auons pas liberté es premiers mouuemens: & les seuls saints bien-heureux ayans cete liberté de commander mesmes aux premiers mouuemens, il est certain qu'ils ont quelque liberté, que nous n'auons pas en cete vie. Vega, apres auoir parlé avec tant d'ambiguité, que luy mesmes ne s'entendoit point, conclut, Qu'entre l'opinion des Theologiens, & des Protestans, il n'y auoit plus aucune difference: car les Protestans, en fin de discours, posant en l'homme vne liberté, à l'esgard de la iustice philosophique, & non de la surnaturelle: & à l'esgard des œuvres externes de la Loy, & non des internes & spirituelles: venoyent iustement à dire avec l'Eglise, qu'on ne peut executer les œuvres spirituelles, concernant la Religion, sans le secours & assistance de Dieu. Et combien qu'il remonstraist qu'il faut faire tout deuoir pour la paix & concorde, il n'estoit point fauorablement ouï: d'autant qu'il sembloit que ce fust vne espece de preiudice, de dire, ou penser, qu'on püst appointer aucuns des differens: & les gens du Concile fouloyent dire, que c'estoit le fait des Colloques, terme abominé, comme si par iceux les Lais eussent vsurpé ce qui proprement appartient aux Conciles.

le troisieme
ne peut e-
tre refuté
euidemmēt

Il nasquit vne grande dispute entr'eux, assauoir, S'il est en la liberté de l'homme de croire, ou de ne croire pas. Les Cordeliers tenoyent la negatiue, selon la doctrine de l'Escot: lequel veut, que, comme des demonstrations necessairement naist la science, aussi des persuasions de necessité naist la foy: & qu'icelle est en l'intellect, qui est vn agent naturel, & qui naturellement est mu par son obiet. Ils allegoyent l'experience, qui monstre, que nul ne peut croire ce qu'il veut, mais seulement ce qui luy semble veritable: adioustant, que nul ne sentiroit iamais aucun desplaisir, s'il pouuoit croire de ne l'auoir point. Les Iacopins disoyent, Qu'il n'y a rien, qui soit plus au pouuoir de l'homme, que de croire: & que l'homme, par la seule determination, & resolution de sa volonté, peut croire, s'il luy plaist, que le nombre des estoiles est pair & non impair.

Sur le troisieme Article, qui porte, Que par le peché, l'homme a perdu le franc Arbitre, plusieurs autorités & passages de saint Augustin furent allegues, qui expressement le disent: desquelles ne se pouuant desmesler, de Soto inuenta vn subtil moyen pour ce faire: disant, Que la vray liberté est vnterme equiuoque & ambigu: veu qu'il peut estre deriué, ou du nom libre, ou du verbe liberer: qu'au premier sens, il est opposé à la necessité, & au deuxieme, à la seruitude. Et que, quand S. Augustin auoit dit, que le franc Arbitre est perdu, il n'auoit voulu inferer autre chose, sinon qu'il est réduit serf du peché, & du Diable. Mais cete distinction ne fut point goustee: d'autant que pour cela iustement n'est le serf libre, pource qu'il ne peut pas faire sa volonté, ains est forcé de suiure celle du maistre: &, selon cet aduis de Soto, il ne faudroit point blasmer Luther d'auoir intitulé son liure, *De seruo arbitrio*.

Le quatrieme article fut iugé sot, & inepte, par plusieurs: lesquels disoyent, Que par le mot de liberté est entendue vne faculté contournable à tous deux les opposites, & contraires: & pourtant, qu'on ne pouuoit dire, Que la liberté soit au mal, si elle n'est aussi au bien. Mais on fit rauiser ceux là, leur remonstrant, que les Saints bienheureux au ciel, & les Anges de lumiere sont bien libres à l'esgard seulement du bien: & que pourtāt il n'y auoit point d'inconuenient de dire, qu'on peut estre libre au seul esgard de faire mal.

le quatrie-
me est mo-
qués,

En l'examen du cinquieme & sixieme Articles, touchant le consentement, 1546.
 que le franc Arbitre preste à l'inspiration de Dieu, ou Grace preuenante, les Cordeliers & les Iacopins, se trouuerent fort discordans d'auis : car les Cordeliers maintenoient, qu'attendu que la volonté de soy-mesmes se peut preparer & disposer, beaucoup plus est-il en sa liberté & chois d'accepter ou refuser la preuention de Dieu, quand il luy preste secours & aide, auant mesme qu'elle employe ses forces naturelles. Mais les Iacopins nioient que les œuures, qui precedent la vocation, soyent veritablement preparatoires : & pourtant donnoient tousiours le premier lieu de l'action à Dieu. Et y eut aussi de l'estrif entre les Iacopins mesmes : car De Soto soustenoit, Que, quoy que l'homme ne puisse acquerir la grace sans le secours special de Dieu, le preuenant : toutes fois la volonté de l'homme peut tousiours en quelque façon resister à iceluy, & le refuser : & quand il le reçoit, c'est d'autant qu'il y preste son assentiment, & le veut ainsi : & que si nostre assentiment n'y estoit requis, il n'y auroit aucune raison, pour laquelle tous ne fussent conuertis : d'autant que, selon l'Apocalypse, Dieu se tient tousiours à la porte, & frappe : & c'est vn dire des Peres, qui s'est rendu tout vulgaire & commun, Que Dieu donne sa grace à quiconque la veut : & aussi la sainte Escriture requiert tousiours de nous cet assentiment : autrement ce seroit abolir la liberté de la volonté, & dire que Dieu vse de violence. Mais Frere Louis Catanee, aussi Iacopin, disoit au contraire, Que, selon la doctrine de S. Thomas d'Aquin, Dieu operoit deux sortes de grace preuenante en l'ame, l'vne suffisante, l'autre efficace. Qu'à la premiere la volonté peut consentir & repugner, mais non à la seconde : d'autant que ce seroit s'impliquer en contradiction, de dire, qu'elle soit efficace, & cependant, qu'on y puisse resister. Et allegoit pour preuue de son dire des passages de S. Iean, & de S. Paul, & des expositions fort claires de S. Augustin : & respondoit que c'est proprement de cecy, qu'il aduient que tous ne sont pas conuertis, d'autant que tous ne sont pas preuenus efficacement : que la crainte deblesser le franc Arbitre a esté ostee par S. Thomas, quand il a dit, que les choses sont muës violemment, lors qu'elles le sont par causes contraires, & non par les leurs propres : & puis que Dieu est la cause de la volonté, auant est il, qu'elle soit muë de Dieu, que d'elles mesmes. Et condannoit, voire avec derision & moquerie, la maniere de parler des Lutheriens, Que la volonté fuit, comme vne chose inanimée, ou irrationnelle : d'autant qu'estant raisonnable de nature, quand elle est muë de sa cause, qui est Dieu, elle est muë comme raisonnable, & comme raisonnable elle fuit. Semblablement en ce qu'ils disent, Que Dieu conuertit les hommes, qu'oy qu'iceux ne vueillent point, & regimbet : d'autant que c'est contradiction de dire, qu'un effet regimbe contre sa propre cause. Qu'il peut bien auenir, que Dieu conuertisse efficacement quelcun, qui autres fois, auant la preuention suffisante, ayt regimbé & résisté : mais non qu'il résiste au point & moment de sa conuersion : attendu que l'efficace du mouuement de Dieu produit de consequence naturelle, en la volonté muë de l'homme, vn doux ply, & agreable assentiment.

De Soto disoit, Que toute diuine inspiration, de soy mesme toute seule, n'est rien plus que suffisante : mais que celle, à laquelle le franc Arbitre consent, acquiert efficace de ce consentement : que si le franc Arbitre n'y preste ce consentement, elle demeure sans efficace, non par son defect mais par defect de l'homme. Mais il defendoit cete siene opinion avec beaucoup de doute & timidité : d'autant que l'autre luy obiectoit, Qu'en cete sorte la difference des élus avec les reprouvés viendroit du costé de l'homme, contre le perpetuel sentiment & opinion Catholique, Que c'est par grace, que les vaisseaux de misericorde sont distingués des vaisseaux d'ire. Qu'aussi il s'ensuiuroit, que l'Election de Dieu seroit fondée sur les œuures preueuës, & non sur le seul bon plaisir de Dieu. Adioustât, que la Doctrine des Peres, & des conciles d'Afrique, & des Gaules, cōtre les Pelagiés, à tousiours tenu & enseigné,

1546.

*donnent sur
iet de trait-
ter de la
pred. st. ma-
tion,*

*de laquell.
les Article
sont extrai-
s de liures
des Zuing-
liens,*

*de quels
premier est
disposé
pour & cō-
tre.*

Que Dieu nous fait vouloir : ce qui veut dire autant, que Dieu nous fait consentir. Et pourtant qu'il falloit attribuer à l'efficace de l'operation diuine le consentement qu'on posoit en nous. & que, si Dieu traitoit tous hommes également, tant ceux qui sont dānés, que ceux qui sont sauués, ceux-cy ne le-royent point plus obligés à Dieu que ceux-là. Nonobstant toutes ces raisons, la contraire opinion emporta l'applaudissement vniuersel, combien que plusieurs aduoiaissent que les raisons de Catanee ne leur sembloient point solues : & improuuassent que De Soto ne parloit point librement, & nettement : mais disoit seulement, que la volonté de foy-mesmes consent en quelque sorte : & qu'en quelque sorte aussi elle peut resister à l'inspiration de Dieu : comme si entre l'affirmatiue & la negatiue, il y pouuoit auoir quelque maniere ou moyen entre-deux. Et d'ailleurs ils estoient estonnés & confus de la franchise à parler de Catanee, & des autres Iacopins, qui confessoient de ne sauoir comment distinguer cete opinion, qui attribué la iustification au consentement, d'auec celle des Pelagiens : & remonstroyent qu'on se gardast de ne sauter au delà de la barriere, par trop de desir de cōdamner les Lutheriens : mais sur tout estoit pesé cet argument & raison, Que par l'aduis contraire, l'election ou predestination seroit fondée sur œuures preueuës, ce qu'aucun Theologien ne vouloit admettre : dont aussi on fut tiré à parler de la Predestination : & fut arresté, pour la connexité, de recueillir aussi des Articles de la Doctrine des Protestans sur cete matiere. Et es œuures de Luther, en la Confession d'Augsbourg, & es Apologies, & conferences, ne fut trouué chose aucune à censurer : mais bien plusieurs es escrits des Zuingliens, desquels furent tirés ces Articles suiuaus. Le premier, En la predestination, & reprobation, il n'y entreuient rien du costé de l'homme, ains la seule & simple volonté de Dieu. Le second, les predestinés ne peuvent estre dānés, ne les reprouués sauués. Le troisieme, Il n'y a que les seuls élus & predestinés, qui vrayement puissent estre iustificiés. Le quatrieme, Ceux qui sont iustificiés sont obligés de croire par foy d'estre du nombre des predestinés. Le cinquieme, Ceux qui sont iustificiés ne peuvent perdre la Grace de Dieu. Le sixieme, Ceux qui sont appelés, & ne sont du nombre des élus, ne reçoquent iamais la grace. Le septieme, Celuy qui est iustificié est obligé de croire par foy, qu'il perseruera en la iustice iusques à la fin. Le huitieme, L'homme iustificié est tenu de croire fermement, que, de cheit de la Grace, il la recura derechef. Quand ce vint à l'exame de ces Articles, les opinions se trouuerēt fort differētes sur le premier : les Theologiēs plus estimés tenoiet que l'Article estoit Catholique, ains que le contraire estoit heretique : d'autant que les bons auteurs Scholastics, Thomas d'Aquin, l'Escot, & l'opinion courante & commune des Docteurs, tiennent, Que Dieu, auant la creation du monde, a, de sa seule & pure misericorde, élu, de toute la masse du genre humain, vn certain nombre tant seulement, à la gloire eternelle, & qu'à ceux-là il a efficacieusement preparé les moyens pour l'obtenir : ce qui s'appelle predestiner. Que le nombre de ceux-là est certain, & arresté, & nul n'y peut estre adiousté. Que les autres, qu'il n'a point predestinés, n'ont de quoy se plaindre : attendu qu'à iceux aussi Dieu a preparé vne ayde suffisante pour le salut, combien qu'en effet il n'y ait que les élus qui paruiennent au but & effet d'iceluy. Ils allegoyent pour raison principale & souueraine, que S. Paul aux Romains, proposant Iacob pour patron des predestinés, & Esau des reprouués, en produist l'Arrest de Dieu, prononcé auant qu'ils nasquissent, & fondé non sur les œuures, mais sur le pur bon plaisir. A cela ils adioustoyent l'exemple du mesme Apostre, que, comme le Potier d'vne mesme masse d'argile fait vn vaisseau à vsage honorable, & vn autre à vsage infame : ainsi Dieu, d'vne mesme masse des hommes eslit ceux qu'il luy plaist, & laisse les autres : & que S. Paul, pour preue de cecy, auoit allegué le passage, auquel Dieu dit, I'vseray de misericorde enuers qui i'vseray de misericorde, & feray mercy à qui ie feray mercy. Et que pourtant le mesme Apostre auoit conclu ; que ce n'est point ne du voulant, ne du courant, mais de Dieu

qui fait misericorde : adioustant puis apres, Que Dieu fait misericorde à qui il luy plaist, & endureit qui il luy plaist. Ils disoyent en outre, que pour cet esgard le conseil de la diuine predestination, & reprobation, est appelé par le mesme Apostre, hauteſſe, & profondeur de sapience impenetrable, & incomprehensible. Ils allegoyent d'abondant des passages des autres Epistres du mesme Apostre, là où il dit, Que nous n'auons rien, que nous n'ayons receu de Dieu : que de nous mesmes nous ne sommes suffisans, non pas seulement à penser le bien : & qu'en l'endroit, où il rend raison pourquoy aucuns se reuolent de la foy, & les autres demeurent fermes, il dit, Que c'est, d'autant que le fondement de Dieu demeure ferme, lequel à ce ſeau, Dieu conoit les ſiens. Ils adioustoyent pour renfort diuers passages de l'Euangile selon S. Iean, & innombrables authorités de S. Augustin, lequel en sa vieillesse n'escriuit qu'en faueur de cete Doctrine.

Mais quelques autres, quoy que de moindre estime & reputation, s'opposoyent à cete opinion, la qualifians dure, cruele, inhumaine, horrible, & impie : presupposant que Dieu seroit partial & accepteur de personnes, si ainsi estoit, que, sans aucune cause mouuante, il en elust l'un & reiettaſt l'autre : & iniuste, si de vray il auoit destiné les hommes à dannaion, de sa pure & simple volonté, & non pour leurs fautes & forfaits : & eust creé vne si grande multitude pour la danner. Ils disoyent que cete opinion renuerſe le franc Arbitre, puis que selon icelle en fin les elus ne peuuent mal faire, ne les reprouués bien faire : qu'elle precipite les hommes au gouffre du deſeſpoir, par le doute & ſcrupule, qu'ils peuuent eſtre du nombre des reprouués : qu'elle donne occasion & amorce aux meſchans de tousiours mal faire, sans ſe ſoucier de repentance, pensant que, s'ils ſont des elus, ils ne periront iamais : si auſſi des reprouués, en vain feroient-ils aucun bien, veu que cela ne leur pourroit ſeruir de rien. Bien adouïoyent-ils, que non ſeulement les œuures ne ſont point la cause de l'election diuine, veu qu'icelle, comme éternelle, eſt auant elles : mais que non pas mesmes les œuures preueués ne peuuent eſmouuoir Dieu à predeſtiner : mais qu'iceluy, par ſon infinie miſericorde, veut que tous ſoyent ſauués, & prepare à tous ſuffisans moyens pour ce faire, leſquels chacun homme, ayant ſon franc Arbitre, reçoit, ou reſuſe, & reiettee, ſelon qu'il veut. Et que Dieu, en ſon éternité, preuoit ceux qui receuront les aides & moyens qu'il leur preſte, & s'en preuaudront en bien ; & ceux auſſi qui les reſuſeront : & reprouue ceux-cy, & eſlit & predeſtine ceux-là. Adioustant, qu'autrement on ne peut deſcouurir la cause, pourquoy Dieu en l'Eſcriture ſe plaint des pecheurs, ne pourquoy il exhorte tous à repentance & conuerſion, s'il ne leur donne les moyens efficaceux & puiſſans pour l'acquérir & que cete aide ſuffiſante, laquelle par les autres a eſté inuentee, eſt inſuffiſante, veu que, ſelon eux, elle n'a iamais eu, ny n'aura aucun effet.

Comme la premiere opinion tient du myſtere, & eſt propre à contenir l'eſprit de l'homme en humilité, & tout remis & arreſté en Dieu, ſans aucune conſiance en ſoy-mesmes, par la reconoiſſance de la hideur & deformité du peché : & à l'opposite, de l'excellence de la Grace de Dieu : auſſi eſt la ſeconde plauſible, & populaire, propre à fomentier & nourrir la proſomption humaine, ſpecieuſe & accommodée aux apparences : dont auſſi elle agreoit aux Moynés : qui ſont profeſſion de l'art de preſcher & declamer és chaires, plus que de la ſolide & vraye ſcience de Theologie : & aux Courtiſans, comme accordante aux raiſons humaines & politiques : & estoit ſouſtenue par l'Eueſque de Bitonte, & fort paſſionnément par celui de Salpi. Les deſenſeurs d'icelle, quand ils eſtoient au champ des raiſons humaines, triumphoyent, & l'emportoient par deſſus les autres : mais au reciproque, quand on les ramenoit à l'Eſcriture Sainte, ils ſuccomboient tout manifeſtement, & le perdoient tout quite.

Catarin, tenant cete meſme ſeconde opinion, inuenta vn aduis moitoyen : pour ſoudre les passages de l'Eſcriture, qui les tenoyent tous en haleine :

4546.

disant, Que Dieu, par sa bonté, en a eleu aucuns en tres-petit nombre, hors du rang des autres, lesquels totalement il veut sauuer, ausquels: aussi il a préparé des moyens tres-puissans, efficaces, & infaillibles: & que, quand aux autres, luy de sa part veut bien que tous soyent sauues, & pour ce faire a préparé à tous des moyens suffisans, lesquels il est en leur liberté d'accepter, & par ce moyen se sauuer: ou de refuser, & ainsi se danner: & que de ce nombre il y en a aucuns qui les reçoient, & se sauuent, quoy qu'ils ne soyent des elus, & que de tels la multitude est assez grande: les autres, qui refusent de cooperer à Dieu, lequel les veut sauuer, sont dânnés. Que la cause & motif de la predestination des premiers, est la seule pure & simple volonté de Dieu: mais que de la predestination des autres le fondement est l'acceptation, bon usage, & cooperation à l'aide de Dieu, preuenüe de Dieu. Et que la cause de la reprobation des derniers est la preuision de leur peruerse volonté à refuser cete aide de Dieu, ou à en abuser. Que les passages de S. Iean, & de S. Paul, & de toute l'Escripture, allegués par l'autre partie, esquels le tout est attribué à Dieu, & qui portent infaillibilité, se doiuent entendre seulement des premiers, & singulièrement priuilegiés. Et qu'és autres, ausquels est frayee seulement la voye commune, sont verifiées les abmonitions, les exhortations, & les aides generales & communes: lesquelles quiconque veut ouïr & suivre, est sauué: & qui ne le veut faire, perit par sa propre faulte. Que de ce peu de priuilegiés par dessus le commun, le nombre est certain & arresté par deuers Dieu: mais que des autres, qui sont sauues par la voye commune, laquelle depend de l'indifferente liberté de la volonté de l'homme, il n'y en a point de nombre defini, sinon moyennant la preuision des œuures d'un chacun. Catarin disoit, Qu'il s'esbahissoit grandement de la grossiere stupidité de ceux, qui disent, que le nombre des elus est certain & arresté: & cependant adioustent, que les autres peuuent aussi estre sauues: ce qui est autant que dire, que le nombre en est bien arresté, mais toutesfois il peut estre accru: comme aussi semblablement de ceux qui disent, Que les reprouués ont vne aide suffisante à salut, mais que neantmoins à qui doit estre sauué il en faut de necessité vne autre plus grande & forte: ce qui est autant que dire, Qu'ils ont vne aide suffi sante bien fort insuffisante. Et adioustoit, Que l'opinion de S. Augustin auoit esté inconue & inouïe auant luy: que luy-mesme aduouë, qu'elle ne se trouue es œuures d'aucun qui ait escrit auant luy: & qu'il ne l'auoit pas tousiours tenue pour vray, ains auoit attribué la cause de la volonté de Dieu aux merites des hommes: disant, Il est bien vray que Dieu fait misericorde à qui il luy plaist, & endureit qu'il luy plaist: mais si faut-il accorder que cete volonté ne peut estre iniuste, d'autant qu'elle procede des merites tres-occultes: & qu'il y a grande diuersité entre les pecheurs: veu qu'il y en a entr'eux, lesquels, quoy que non iustificés, sont dignes de la iustification. Mais que du depuis, emporté par la chaleur de la dispute contre les Pelagiens, il auoit senti, & parlé au contraire: en sorte toutesfois, qu'en ces mesmes temps là, dès qu'on eut ouï son aduis, tous les Catholiques en furent scandalizés, comme Prosper d'Aquitaine escrit à luy-mesme. Et Gennadius de Marseille, cinquante ans apres, au iugement qu'il fait des auteurs illustres, dit, Qu'il estoit aduenü à Augustin, selon le dire de Salomon, Qu'à trop parler on ne peut eiter peché: & que par sa faulte, grandement exaggee par ses ennemis, n'estoit encor nee aucune question, qui engendrast herésie. Comme si ce bon Pere Gennadius eult voulu signifier la crainte qu'il auoit, de ce qui se voit auenu à present, assauoir, que pour cete opinion ne s'ourdüst quelque secte, & diuision.

*C'est deui-
e me s'abla-
blement.*

La Censure du dixieme Article fut diuerse, & conuenable aux trois opinions susmentionnées. Catarin tenoit la premiere partie de l'Article pour vray, attendu l'efficace de la volonté de Dieu enuers les fauorisés de priuilege special & singulier: mais la seconde pour fausse, attendu la suffisance de l'aide de Dieu enuers tous, & la liberté de l'homme à y cooperer. Les autres:

qui rap-

qui rapportoyent la cause de la Predestination en tous ; au consentement humain, condannoient l'Article tout entier : en toutes ses deux parties. Mais ceux qui adheroyent à la doctrine de saint Augustin, & à la courante des Theologiens, le distingoyent, disant, Qu'en sens composé il estoit vray, & en sens diuisé dannable. Subtilité, qui embrouilloit l'esprit des Prelats : & n'estoit pas mesme bien entendue par ceux qui la proposoyent : car l'exemple qu'ils allegoyent, Celuy, qui se bouge & remue, ne peut estre ferme, est vne proposition veritable en sens composé : d'autant qu'on sousentend, qu'il ne peut estre ferme, pendant qu'il se remue, ou bougé : mais en sens diuisé, elle est fausse, d'autant qu'en vn autre temps, auquel il ne se bougera plus, il pourra estre ferme : n'accordoit pas bien au propos dont il s'agissoit : veu qu'on ne peu dire, Que l'homme predestiné puisse estre donné en vn temps, auquel il ne soit point predestiné, attendu que tousiours il est rel : & generalement le sens diuisé n'a point de lieu, l'à où l'accident est inseparable du sujet. Et pourtant autres croyoyent de mieux declarer la chose, disant, Que Dieu gouuerne & meut chacune chose selon la propre nature dicelle, laquelle es choses contingentes est libre, & telle, qu'ensemble l'acte par lequel on se porte en l'un des deux opposites, demeure la puissance & faculté pour se tourner à l'autre : dont, avec l'acte de la predestination, subsiste coniontement la faculté & puissance à la reprobation, & damnation, Mais ce cy estoit encor moins entendu & compris que le precedent.

Les autres Articles furent censurés d'un consentement admirable. Sur le troisieme, & sixieme, fut posé, Que l'Eglise auoit tousiours tenu, Que plusieurs reçoient & gardent la Grace de Dieu pour quelque temps, lesquels puis après la perdent & se dannent finalement. Là dessus estoient allegues les exemples de Saul, de Salomon, & de Iudas, l'un des douze : duquel la chute estoit la plus euidente de toutes, pour les paroles du Seigneur Iesus à son Pere, J'ay gardé en ton Nom ceux que tu m'as donnés : & n'en n'est pery aucun, sauf le fils de perdition. A ceux-là ils adioustoient, Nicolas, l'un des sept Diacres ; & autres, recommandés premierement en l'Ecriture, & & puis blâmes : & pour comble de toute raison, ils produisoient la cheute de Luther. Contre le sixiesme, ils mettoient particulièrement en consideration, que cette vocation seroit vne dannable mocquerie, si ceux qui sont appelés, & ne defaillent en rien de leur costé, n'estoyent admis, ni receus : & qu'en eux les Sacremens n'auroient aucun efficace. Toutes choses pleines d'absurdités, Et pour la censure du cinquieme estoit produit le passage du Prophete, auquel en termes formels Dieu dit le contraire de l'Article ; Si le iuste delaisse sa iustice, & commet iniquité, ie ne me resouuiendray point de ses bonnes œuures. A cela estoient adioustés les exemples de Dauid, qui commit adultere, & homicide : de Magdelaine, & de Saint Pierre, qui renia Christ. Et se mocquoit-on des inepties des Zuingliens, qui disent Que l'homme iustifié ne peut perdre la grace de Dieu, & que neantmoins il peche en toute siene œuure. Les deux derniers furent vniuersellement condamnés & censurés de temerité : avec l'exemption toutesfois, de ceux à qui Dieu, a fait speciale reuelation, comme Moyse, & les disciples, auxquels il auoit esté reuelé, qu'ils estoient escrits au liure de vie au ciel.

Après que l'examen des Theologiens sur le point du Franc-Arbitre, & de la Predestination, fut acheué, & que les anathemes eurent esté formés sur les matieres, ils furent inferés & adiouints à ceux de la Iustification, en certains endroits à propos : & furent eontrolés par les vns & par les autres, selon que chacun y pesoit trouuer quelque parole, ou terme, qui preiudiciaist à son opinion particuliere. Mais Iacques Cauque, Archeuesque de Corfou, remontra que les Articles estans censurés par les Theologiens, avec beaucoup de limitations, & ampliatis, il estoit necessaire d'inferer icelles es Anathemes : afin qu'on ne condannast absolument aucune proposition, laquelle pust recevoir vn bon sens : sur tout, attendu que le deuoir d'humanité requiert de decevoir tousiours la plus benigne interpretation : & celuy

*Les autres
censurés vna-
niment,
sur sont ce-
luy de la
Perseuerance
des élus,*

*diuersité
d'avis en la
construction
de ces Ar-
ticles,*

1546.

*sur quoy est
pris certain
propre expé-
dient,*

de la charité, de ne point penser mal. Mais il fut contredit par plusieurs, qui luy oppoioient l'usage des anciens Conciles, qui ont condanné les propositions heretiques: toutes nuë, sans limitation, en la forme qu'elles sont posées par les heretiques: d'ailleurs aussi, d'autant qu'en matiere de foy, pour condanner vn article, il suffit qu'il ait vn sens faux, qui puisse induire les simples & inconsiderés en erreur. Ces opinions auoient toutes deux grande apparence de raison. La premiere, pource qu'il estoit bien raisonnable, qu'on fust quel sens de la proposition estoit condanné. L'autre, pource qu'il sembloit qu'il y allast de la dignité du Concile à limiter les propositions des heretiques. Aquoy on adioustoit, que tous les Canons estoient ia dressés, & cōposés en cete forme: Que premieremēt estoit representee l'opinion daniable: & puis, pour fondement de la condannation, estoient adioustés les passages de l'Ecriture, ou la doctrine de l'Eglise, auxquels icelle opinion contraire, à l'imitation des Canons sur la matiere du peché originel, faits en la Session precedente: dont le modelle estoit pris du Concile d'Oranges. Mais, d'autant que la lecture de ces Canons se trouua longue & ennuyeuse pour la pluspart: & que ce meslinge de verité avec fausseté, & des choses reiettees avec les approuuees. caufoit obscurité & difficulté en l'intelligence, l'Euesque de Sinigaille fort à propos s'auisa d'vn expedient pour tous deux ces inconueniens: assauoir, de separer la doctrine Catholique d'avec la contraire, & faire des Decrets: & l'vn desquels, tout d'vn trait & halaine fust déclaré, & confirmé le sens de l'Eglise, & en l'autre condanné & anathematisé le contraire. Cēt aduis fut approuué de tous, & ainsi fut deliberé: & premierement furent formé & dressés les Anathemes separément: & puis on vaua à former l'autre Decret, lequel fut appellé, Decret de la doctrine, & l'autre, les Canons. Et ce style fut du depuis aussi ensuiui en la deuxiesme & troisieme reprise du Consile.

*Et sont for-
més, si lar-
ges, ambi-
guës, & dou-
teux, qu'ils
ne seruent
qu'à condan-
ner les Lu-
theriens.*

Le Cardinal Legat S. Croix prit vne peine incroyable à former ces Decrets, euitāt autant qui lui fut possible, d'y inserer chose aucune de celles qui sont en controuerse entre les Scolastiques: & quant à celles, qu'il ne put tout à fait omettre, les touchant en sorte, que chacun demeurast content. Et en chaque Congregation, qui se tenoit, il prenoit garde à tout ce qui n'estoit approuué de quelcun, & l'ostoit, ou le rhabilloit selon l'aduis qui en estoit donné: & en discouroit non seulement es Congregations, mais en deuis, priués & familiers, oyoit les doutes & difficultés de tous, & recherchoit les auis d'vn chacun. En fin, apres auoir tourné & arrangé cete matiere en diuerses faces & ordre, & changé or vne partie, or l'autre, il les reduisit en la forme & estat, auquel on les voit à present, & qui fut agréé & approuué de tous. Il est certain, que sur ces matieres furent tenues iusques à cent Congregations, en partie des Theologiens, en partie des Prelats: & que, dès le commencement de Septembre, iusques à la fin de Novembre, il ne passa iour aucun, auquel le Cardinal ne remist la main en ce qui estoit ia redigé par escrit, & n'y fist quelque changement, prenant garde iusques à des choses fort legeres, & menues. Il demeure encor des memoires de ces changemens, & i'en représenteray deux, pour vn eschantillon du grand nombre, quil seroit ennuyeux de specifier. Au premier chapitre de la Doctrine auoit esté de commun consentement escrit, que ny les Gentils par les forces de la nature, ny les Iuifs par la Loy de Moyse, ne se pouuoient affranchir & deliurer de peché: mais, d'autant que plusieurs tenoyent, par la Circoncision les pechés estoient remis & pardonnés, ils prirent ombrage, que ces paroles pourroyent preiudicier à leur opinion, combien que ce soyent les propres & formels terme de Saint Paul en diuers endroits. Le Cardinal, pour les contenter, en lieu qu'il y auoit, *per ipsam etiam legem Moyse*, &c. changea ces mots, & mit *per ipsam etiam literam Legis Moyse*, &c. où tout homme mediocrement entendu en Theologie peut de foy-mesme iuger comment cete parole, *literam*, vient à point en ce lieu-la. Aussi au commencement du neuuesme chapitre, ceux qui posoyent & maintenoient la certitude

de la Grace, n'estoyent point contens qu'on dist: Que les pechés ne sont point remis à l'homme pour la certitude de la remission, & pource qu'il se fit en icelle. Dont le Cardinal leur satisfit, excluant la certitude reele. & en sa place substituant la iactance, & la contiance, & repos en icelle seule. Et à la fin du mesme chapitre, chacun peut clairement voir que la cause de l'assertion precedente deuoit estre conceüe en ces termes, D'autant que nul ne peut sauoir asseurement d'auoir acquis la Grace de Dieu: mais, pour complaire à l'une des parties, il falut adiouster. Que nul ne le peut sauoir de certitude de Foy: & pource que cela encores ne suffisoit pas aux Iacopins, ils firent instance qu'on adioustast ce mot de Catholique, disant, Que nul ne le peut sauoir de certitude de foy Catholique. Mais les aduersaires de Catarin ne l'agreerēt point, dont en lieu de .oy Catholique, on mit foy qui ne peut admettre aucune fausseté. Et cete façon de parler cōtenta les deux parties également: car les vns en inferoyent, Dōques, la certitude de foy, qu'on peut auoir en ce cy, peut estre fausse, & pourtant incertaine: les autres en recueilloient, Que telle certitude ne peut auoir aucun doute de fausseté pour le temps, pendant lequel on possède & tient la Grace de Dieu. Mais que telle certitude peut, par le changement qui peut auenir, passant de l'estat de grace à celui de peché, deuenir fausse: selon que toutes les verités du temps present, mais contingentes, c'est à dire, qui n'ont point vn fondement immuable, absolu, & necessaire, quoy que d'ailleurs tres-certaines & indubitables, deuiennent fausses par le changement de leur suiet: en lieu que la foy Catholique, non seulement est certaine, mais aussi est inuariable: d'autant que son suiet est de choses necessaires, ou passees, qui ne reçoient plus changement, ou alteration.

Et de vray, considerant ces particularités, il est conuenable de rendre à ce Cardinal le los merité, d'auoir seu donner contentement mesmes à ceux qui opinastroyent opinions directement opposites & contraires: & ceux qui s'en voudront acertener d'auantage, doiuent sauoir, qu'à l'instant apres la Session, Frere Dominic de Soto, principal entre les Iacopins, se mit à escrire trois liures, lesquels il intitula, *De natura & gratia*, pour commentaire de cete doctrine du Concile, dans laquelle par ses expositions il trouue toutes ses opinions. Et quand cet œuvre fut sorty en lumiere, Frere Andre Vega, le plus estimé entre les Cordeliers, publia aussi de sa part qu'inze grands liures, pour commentaires sur les seize chapitres de ce Decret, lequel il exposa tout en faueur de sa propre opinion: & toutesfois ces deux opinions de Soto, & de Vega, non seulement sont diuerses quasi en tous les Articles, mais en plusieurs sont expressement & euidentement contraires. Ces deux œuvres se virent imprimees l'an mil cinq cens quarante huit. Et qui les lit, voyant que fort souuent ils donnent aux paroles du Concile des sens alternatifs, & doutenx, aura occasion de s'esbair: comment ces deux personnages, qui estoient les premiers en saueur & reputation, & qui plus de tous les autres eurent part audit Concile, n'estoyent informés & acertenes de l'unique sens & vraye intention du Concile. Et, veu que ce peu d'interessés & engagés en ces qu'estions dans le Concile mesmes, lesquels ont depuis escrit, en ont parlé avec tant de diuersité, ie n'ay iamais pu descouvrir, si cete Assemblée s'accordoit veritablement en vn mesme sentiment, ou s'il y auoit seulement vniformité de paroles. Mais pour retourner au Cardinal, apres que le Decret eut esté approuué de tous à Trente, il l'envoya au Pape, qui le bailla à consulter aux Moines, & autres personnages sauians de Rome: & fut par tous approuué & accepté, pour cete mesme raison, Que chacun le peut entendre selon son propre sentiment.

I'ay recité coniointement, & tout d'une suite, ce qui fut traité en matiere de Foy, & doctrine, pour ne diuiser & desmembrer les choses coniointes. Ce pendant, il fut aussi par quelques iours parlé de la Reformation: & es Congregations, qui se firent pour icelle: fut proposé de faire vn establissement des qualitez requises en la promotion des Prelats de plus haut degre, & des

on vient à
la Reformation, dont
le premier
Article fut
indisputé
proposé.

1546.

autres Ministres de l'Eglise. Et là dessus furent proposées des sentences tres-graue, & discours releués, avec beaucoup d'apparat & de pompe: mais il ne fut jamais possible de trouuer le moyend'en introduire l'obseruation, & execution. Car es endroits, où les Roys ont la presentation, on ne voyoit point par quels liens & arrests on les püst brider: là où l'election a encores quelque lieu, les Chapitres sont composés de personnes grâdes & puissantes: & pour le demeurant des prelatures, elle sont de collation Papale, & plus de deux tiers des autres benefices sont reserués au Siege Apostolic, auquel il n'est seant de donner loy. Pourtant, apres plusieurs & long discours, on conclut, qu'il valoit mieulx omettre tout à fait cete deliberation.

*Et puis c'est
luy de la
reflexion
auant
gendre de
grands
bais.*

Les discours, tenus sur le fait de la residence des Euesques, & autres Curés en leurs Eglises, ne furent ne plus courts, ny en moindre nombre. Et quoy qu'ils aboutissent tous à cete resolution, Qu'icelle estoit necessaire, & souhaittee de plusieurs, ne passerent neantmoins en ce temps sans confusion, & preparerent matieres à d'autres vacarmes, pour l'auenir. Or, pour l'intelligence de cete matiere, il est necessaire de la reprêdre des son cômencement.

*dont les
premiers
d'aujourd'hui
origines
exposés.*

Les degres Ecclesiastiques, en leur origine, ne furent point establis comme dignités, preeminences, recompenses, ou honneurs, comme ils ont esté des plusieurs centaines d'annees en ça, & comme nous les voyons encores auourd'huy: mais, comme ministeres, charges, & comme S. Paul les appelle, œuures, selon qu'auisi Nostre Seigneur en l'Euangile, nomme ses ministres, Ouerriers: & pourtant en ces premiers temps-là, il ne pouuoit venir en la pensee d'aucun de s'absenter de leur exercice en propre personne: que si quelquesfois (ce qui aduenoit rarement) quelcun se departoit ou retiroit de l'œuure, il n'y auoit point de raison, qu'aucun titre, & emolument luy en demeurast. Et combien que les ministeres fussent de deux sortes, d'ont l'une s'appelloit, De la Parole, & à present est nommee Cure d'ames: l'autre, des choses temporelles, comme est de la nourriture, soin & seruices des pauures & des malades, tels qu'estoyent les Diaconats, & autres œuures subalternes: chacun se tenoit egalemeut obligé à rendre son seruice en propre personne: & nul n'auoit iamais pensé de seruir par substitut & procureur, sauf que pour tres-petite espace, & ce pour grands & vrgens empeschemens: moins auroit-il pris vn autre charge, qui eust esté d'ampeschement à la siene. Dès que l'Eglise fut accruë, es endroits esquels le peuple Chrestien estoit nombreux, & libre des persecutions, fut ordonnee vne autre sorte de Ministres pour seruir es assemblees Ecclesiastiques, tant à lire les Sainctes Escritures, qu'à faire d'autres fonctions, propres à exciter la deuotion. On establit aussi des Colleges de Ministres, qui en commun vaquassent à quelque charge: & d'autres, comme seminaire, desquels on püst tirer des Ministres tout façonnés. Ces Ministres de Colleges, n'ayant point de charge particuliere & personnelle, attendu que l'assemblee faisoit le seruice autant avec vn de moins qu'avec vn de plus, souuentesfois s'absentoient de leur Eglise, les vns pour vn petit, les autres pour vn long espace de temps, pour cause d'estude, ou de plus grande instruction, ou autre: sans toutesfois tenir titre, ny office quelconque, ny aussi percevoir aucun emolument. En cete sorte Saint Ierome, Prestre d'Antioche, mais sans charge particuliere, & de mesmes Ruffin d'Aquilee, & Saint Paulin ordonné Prestre de Barcellone, residerent peu en leurs Eglises. Es temps suiuians, le nombre de tels Ministres Collegiaux estant augmenté, il degenera en abus, & furent nommés: Les Clercs vagabonds, d'autant que par cete façon de viure, ils estoyent deuenus odieux: & de tels est fait souuent mention es lois, & es nouuelles de Iustinien: mais toutesfois iamais on ne pensa de tenir & garder le titre d'un office, & d'en iouyr des emolumens sans seruir, sinon dès l'annee sept cens, en l'Eglise Occidentale, lors que les Ministeres Ecclesiastiques changerent de nature & qualité, & deuinrent degres de dignités & honneurs & mesmes recompenses de seruices rendus: & en lieu qu'ancienement, es promotions Ecclesiastiques, selon le besoin & la necessité de l'Eglise,

on pouruoit de personne capable & idoine pour le ministere d'icelle: du depuis, on a introduit le contrepied: c'est, que selon la qualité de la personne, on la pouruoit de degré, dignité, & emolument sortable: & de là est né l'usage d'exercer l'œuvre, & le ministere, par substitut. Cet abus ayant pris pied, en a tiré vn autre quant & soy: c'est, que les ministres ont estimé d'estre desobligés non seulement de faire le seruice, mais d'estre presens, & assister à celuy qui le fait en leur place: & de vray aussi, là où n'est point fait chois de l'industrie & capacité de la personne pour l'œuvre: mais, où tant seulement on pouruoit de degré & place à la personne, il n'y a point de raison qu'icelle soit astreinte à faire le seruice par soy-mesme, ou à assister à celuy qui le fait. Le desordre estoit passé si auant, qu'il auroit destruit & renuersé tout l'Ordre Clerical, si les Papes de Rome n'y eussent obuié en partie, commandant que les Prelats, & autres Curés, quoy qu'exercans leurs charges par substituts, fussent toutesfois obligés à demeurer sur les lieux, ce qu'ils nommerent Residence: à quoy aussi ils voulurent obliger les Chanoines: mais n'y astreignirent point les autres Clercs beneficiés, & ne parlerent point d'eux: ains les laisserent en possession de l'usage, ou plustost del'abus introduit: & de ce silence aduint qu'iceux se tinrent desobligés: & les Papes ne desagreerent pas trop cete volontaire tromperie, voyant bien qu'elle reüssiroit à la grandeur de leur Cour. Et de cecy vint la pernicieuse & detestable distinction des benefices de residence, & de non residence: laquelle on a embrassée, tant en la doctrine, qu'en l'œuvre, sans aucune honte de l'absurdité, qu'elle emporte quant & soy, qu'un titre, & salaire, soit baillé sans obligation. Et les Canonistes, pour pallier cecy, ou, pour mieux dire, pour le faire paroître tant plus honteux & infame, ont exposé en cete sorte leur maxime, qui en descouuroit l'absurdité, assavoir, *Que tout benefice est donné pour l'office*: disant, *Que par office il faut entendre les heures & oraisons du Breuiare*, tellement qu'un reuenu de mille, voire de deux mil & plus d'escus, aura esté donné à ce seul effet, qu'un homme prenne en main un breuiare, & y lise tout bas, le plus couramment que la langue peut permettre, sans penser à autre chose, qu'à la seule prononciation des mots. La distinction des Docteurs, & les dispenses des Papes, augmentèrent l'abus en peu de temps: car, sans icelles, quelcun, au moins des simples beneficiés, auroit fait conscience de s'absenter de son Eglise: en lieu, qu'avec icelles, chacun a iustifié l'abus comme chose licite. Et pour les Curés, la dispense du Pape, qui n'est iamais refusée à qui la recherche par la voye & moyen, qui fait obtenir toutes choses à Rome, auoit causé, qu'il n'y auoit plus que les Curés pauvres, & ceux qui tiroient profit & auantage de demeurer sur les lieux, qui residassent en leurs Eglises: & l'abus, que les Papes auoyent auparauant corrigé en quelque petite partie par leurs loix, monta à son comble par les dispenses, & s'espancha par tout, infectant toute la terre. Les troubles & mouuemens d'Allemagne, au fait de la Religion, estans arriués, donnerent occasion de parler, & de requérir reformation en ce fait: d'autant que tous imputoyent le mal à la negligence, & au peu de soin des Prelats, lesquels on desiroit voir au gouvernement & conduite de leurs Eglises: & detestoit-on les dispenses, qui causoyent leur absence: & sur ce sujet furent mis en auant plusieurs discours & propos touchant leur obligation à resider. Et quelques personages de pieté, & entr'iceux Frere Thomas de Vio, Cardinal Caietan, posèrent, *Que l'obligation à la residence estoit de droit diuin*: & aduint en cecy, comme en toutes autres choses, que la passion & irritation precedente persuada l'opinion la plus rigoureuse, & l'obligation la plus estroite, & plus difficile à relascher, en luy donnant force & vigueur de loy diuine. Les Prelats voyoyent bien le mal, mais eussent desiré de le faire paroître excusable, & de leger offense: & pourtant espouserent l'opinion, qu'ils estoient obligés à cela non de par Dieu, mais de par le Pape: dont la dispense, ou la conniuece d'iceluy, les exemptoit de faute. Cete matiere, dont on auoit ainsi disposé la do-

15. 4. 6.

drine au preallable, fut proposée au Concile, comme a esté dit: & d'icelle naquit au commencement vne controuerse assez legere, qui s'engregea puis après, & en finés années mil cinq cens soixante deux, & soixantetrois, vint aux extremes: & pourtant i'ay iugé à propos d'en faire icy cete brieue recapitulation, & par cy-apres d'en apporter quelques particularités qui aduinrent.

*dispute, &
la residence
est le droit
diuin. ou
Ecclesiasti.*

On proposa donques premierement des Articles: lesquels ne tendoyent à autre chose, qu'à serrer de plus fort les commandemens & les ordonnances sur le fait de la residence, & à y apposer peines, & à en oster les empeschemens, & en faciliter l'exécution: à quoy tous s'accordoyent, allegans plusieurs raisons tirees de l'Ecriture sainte du Vieil & du Nouveau Testament, & des Canons des Conciles, & de la doctrine des Peres, & aussi des inconueniens qui estoient prouenus du non resider. Mais la pluspart des Theologiens, & sur tout des Iacopins, passerent iusques à determiner, Que l'obligation estoit de droit diuin. Et de cet auis estoient principaux auteurs Frere Barthelemi Caranza, & Frere Dominic de Soto, Espagnols: & leurs plus preignantes raisons estoient, Que l'Episcopat auoit esté institué par Iesus Christ, comme vn œuure, & ministère: & que pourtant il requeroit vne action personnelle, laquelle vn absent ne peut accomplir. Que Christ, descriuant les qualités d'un bon Pasteur, dit, Que il met sa vie pour ses brebis; les connoit nom par nom; & chemine deuant elles. Mais de l'autre costé, les Canonistes, & les Prelats Italiens, debattoient que l'obligation de la residence n'estoit que par loy de l'Eglise: allegans, que iamais aucun non residant n'auoit esté repris, comme transgresseur de la loy diuine, mais seulement comme infracteur des Canons. Que Timothee, Euesque d'Ephese, auoit bien esté long temps en voyage, par commandement de S. Paul. Que nostre Seigneur auoit dit à saint Pierre, Pais mes brebis: ce qui s'entend de toutes generalement: & cependant iceluy ne pouuoit estre present par tout: & que de mesmes l'Euesque peut accomplir le commandement de paistre son troupeau, sans resider aupres d'iceluy. Ils respondoyent aussi aux raisons contraires, disant, Que les qualités & conditions du Pasteur, proposees par Nostre Seigneur, ne conuenoient à autre qu'à luy seul.

Frere Ambroise Catarin, quoy que Iacopin, estoit contraire aux autres de son ordre, & disoit, Que l'Episcopat, qui est d'ordonnance de Christ, n'est qu'un seul, & que c'est celuy qu'a le Pape: & que l'institution des autres est du Pape, lequel comme il departit à vn chacun la quantité & le nombre des brebis qu'il doit paistre, aussi luy en peut-il prescrire le moyen & la qualité. Et pourtant, qu'il appartient au Pape d'ordonner à chaque Euesque qu'il vaille à son troupeau, ou en propre personne, ou par substitut: tout de mesme, comme il luy peut assigner petit ou grand troupeau, & mesmes aussi les destituer du pouuoir de paistre. Thomas Campege, Euesque de Felitre, respondoit d'une autre façon, Que l'Euesque, comme tesmoigne S. Ierome, est bien d'ordonnance de Christ: mais que le departement des Eueschés a esté du depuis fait par l'Eglise: que Christ donna bien la charge de paistre à tous les Apostres, mais ne lesastreignit pas à vn certain lieu: & que des actions des Apostres, & de leurs disciples, paroissoit assez, que c'est vne ordonnance purement Ecclesiastique, d'auoir assigné vne portion du troupeau à l'un, & l'autre à l'autre, pour mieux gouverner.

*fort passion-
nee, sur tout
à cause de
Espagnols
qui desirer
restablir
l'autorité
Episcopale*

Ces choses furent debatues avec beaucoup de passion entre les Euesques Espagnols non seulement adheroyent aux Theologiens, qui soustenoyent la residence estre de droit diuin, mais mesmes les fomentoyent, & incitoient: ayant vn secret, qu'ils ne communiquoyent qu'entr'eux seuls, d'agrandir l'autorité des Euesques: car, s'il eust esté vne fois décidé, que c'est de Christ, qu'ils ont la charge de gouverner leurs Eglises, par mesme de moyen seroit arresté, que de luy-mesme aussi ils ont l'autorité en ecclaire à cet effet, & que le Pape, ne la peut limiter ny restreindre. Ces desseins estoient halenés par les adherans de la Cour de Rome, qui en

voyoyent la conséquence tres-grande, & pourtant accourageoyent aussi de leur costé les defenfeurs de l'opinion contraire.

1546.

Les Legats aimerent mieux gauchir, & parer à ce coup, sans faire semblant de descouvrir le dessein: & à cet effet ils dirent pour lors, Que la matiere estoit malaisée, & auoit besoin de plus grand examen: d'autant qu'es choses, qui sont en differend entre les Catholiques mesmes, il n'est pas expedient de venir à decision, qui condanne l'une des parties: de peur de chisme, & de ietter semences de diuisions & contentions: & afin qu'on puisse vnamiment vaquer à condanner les Lutheriens. Et pourtant, qu'il valoit mieux differer à vne autre Sessio la declaratiõ de quelque droit la residence est due.

Quelques vns iugeoyent, qu'il suffisoit de renouveler les anciens Canons, & decretales, sur ce suiet, disant, Qu'ils sont assez seueres, portant peine de priuation de benefice: mais aussi equitables, admettant les excuses legitimes. Et qu'il n'y restoit autre à faire, que trouuer moyen d'empescher l'octroy des dispenses: & que cela, sans plus, suffisoit. Autres estimoyent qu'il les falloit aiguïser, & renforcer par peines nouvelles: & ce qui plus importoit, trauailler à oster les empeschemens de la residence: d'autant, qu'iceux ostés, la residence s'ensuiuroit de soy-mesmes: & qu'il importoit bien peu d'où vinst l'obligation, pourueu seulement qu'elle fust executée, & mise en effect. Que cela fait, on pourroit tout à loisir examiner plus à fonds la matiere. Mais le plus grand auis porta, qu'on fist l'un & l'autre: à quoy les Legats aussi acquiescerent, à tel si toutesfois, qu'on ne parlât point des dispenses: mais qu'on ostant les empeschemens, desquels prouienent les exemptions, afin d'oster quant & quant l'occasion de rechercher les dispenses. En quoy il se trouua non moins à dire, & à debatre, entre ceux qui tenoyent toutes exemptions pour abus, & ceux qui les iugeoyent necessaires en l'Eglise, & n'en condannoient que l'excès.

S. Ierome tesmoigne, qu'es premiers commencemens du Christianisme, les Eglises estoient de forme Aristocratique, gouuérnees par le commun conseil & aduis du Presbytere, ou compagnie des Anciens: & que, pour obuier aux diuisions, qui se glissoient dans l'Eglise, fut institué le gouuernement Monarchic, donnant toute la surintendance à l'Euesque, auquel tous les Ordres de l'Eglise obeïssoyent, sans qu'aucun pensast plus de se soustraire de ce gouuernement. Les Euesques voisins, les Eglises desquels auoyent commerce & communication ensemble, pource qu'elles estoient sous mesme prouince, se gouuernoient aussi en commun par Synodes: & pour faciliter d'auantage le gouuernement, ils attribuoient & deferoient beaucoup à l'Euesque de la Ville capitale, comme au chef de ce corps: & à cause de la plus grande communication, que toutes les prouinces d'un Gouuernement auoyent ensemble, l'Euesque de la Ville, en laquelle residoit le Gouverneur, acquit, par vsage & coustume, vne certaine superiorité sur les autres. Ces Gouuernemens, ou Prefectures estoient, la ville Imperiale de Rome, avec ses villes nommees suburbicaires, la Prefecture d'Alexandrie, qui commandoit à l'Egypte, à la Lybie, & à Pentapolis: celle d'Antioche, qui commandoit à la Syrie, & aux autres prouinces d'Orient. Et le mesme estoit obserué en d'autres moindres gouuernemens, ou prefectures, appelees en Grec Eparchies. Cete forme de gouuernement introduite, & autorisée par la seule coustume, à cause de son vtilité, fut du depuis établie par le premier Concile de Nicee sous Constantin, & fut par Canon expres ordonné qu'elle seroit gardée & continuée. Et lors chacun estoit tant esloigné de s'exempter de l'ordre posé, que, quoy que l'Euesque de Ierusalem eust beaucoup d'honorables preeminences, (peut-estre, d'autant que c'estoit le lieu, où Nostre Seigneur Iesus Christ auoit conuersé en chair, & auquel la Religion auoit eu ses commencemens) le Concile de Nicee ordonna, que ces prerogatiues honoraires eussent lieu, en sorte & maniere toutesfois, que rien ne fust rabatu, ne diminué de sa superiorité & des droits du Metropolitain, qui estoit l'Euesque de Cesaree. Cete forme de gouuer-

à laquelle
on reconoit
les dispenses
de Rome es-
tre directe-
ment con-
traïres,
discours sur
ce suiet du
gouuerne-
ment ancien
de l'Eglise,
& de l'in-
troduction
des dispen-
ses d'absen-
ter.

1546.

nement a tousiours esté gardee és Eglises Orientales : mais en l'Eglise Latine elle a esté alterée à cete occasion : c'est que plusieurs grands Monasteres ayant esté bastis, & construits, & iceux estans gouvernés par Abbés de grande reputation & suffisance, & qui par l'esclat de leurs vertus donnoyent dans les yeux, & faisoient ombre aux Euesques, il naquit des ialousies entre les vns, & les autres : & les Abbés, pour se deliurer de ces ennuis : soit qu'ils fussent véritables, & reels, soit qu'ils fussent affectés & controuués à intention de colorer leur ambition de se soustraire de la due suiecttion, obtinrent des Papes de Rome, d'estre receus sous la protection de S. Pierre, & immédiatement sous la suiecttion Papale : ce qui tournoit au grand auantage de la Cour de Rome : d'autant que qui obtient priuileges, est obligé, pour les conseruer, de maintenir l'autorité de celui qui les luy a ottroyés : & de la aduint, que bientoist tous les Monasteres furent exemptés des Euesques. En suite, les Chapitres des Eglises Cathedrales, composés pour la plus part de Reguliers, obtinrent exemption sous mesmes pretextes. Finalement les Congregations de Cluny, & de Cisteaux, s'exempterent toutes entieres, au grand accroissement de l'autorité Papale, laquelle par ce moyen venoit à auoir des suiets propres en tous lieux, defendus & protegés par le Papat, lequel aussi reciproquement ils defendoyent & protegeoient. S. Bernard, qui fut de ce temps là, & de l'ordre mesme de Cisteaux, n'en approuua point l'inuention : ains remonstra au Pape Eugene III. que c'estoyent tous abus, & qu'il ne deuoit point trouuer bon qu'un Abbe recusast de s'assuiettir à son Euesque, & l'Euesque à son Metropolitan. Que l'Eglise militante doit prendre exemple de la triomphante, en laquelle iamais aucun Ange ne dit, Je ne veux point estre sous l'Archange. Mais il auroit bien dit autres choses, s'il eust vescu és temps d'apres. Car du depuis, les ordres des Mendians passerent bien plus outre, ayans obtenu non seulement totale exemption de l'autorité Episcopale, generallyment en quelque lieu qu'ils fussent : mais aussi, pouuoir & permission de construire Eglises en tous lieux, & mesmes d'administrer en icelles les saints Sacremens. Mais encores en ces derniers siecles auoit-on franchi la barriere plus auant : d'autant que tout petit Prestre particulier, à fort petits frais, achetoit vne exemption de l'autorité de son Euesque, non seulement és causes de correction : mais aussi pour pouuoir estre promu, & consacré par qui il luy plairoit : & en somme, de ne reconoistre en rien son Euesque.

Les exemptions ne pouués estre abatuës sont moderées enquel que petite partie.

C'estoit là l'estat des affaires, auquel les Euesques requeroient remede, & aucuns d'entreux, plus violens, ramenoyent les choses dites és Congregations precedentes la dernière Session contre l'exemption des Moines : mais les plus prudents & moderés, qui tenoyent que c'estoit vne entreprise impossible, attendu, le grand nombre, & pouuoir des ordres reguliers, & la faueur de la Cour de Rome, se contenterent de faire abolir les exemptions des Chapitres, & des personnes particulieres, & requirent que toutes fussent reuoquees. Mais les Legats firent beaucoup d'offices à part avec vn chacun, & leur remonstrerent, que la Reformation ne se pouoit toute reigler en cete Session : & qu'il falloit bien commencer, mais aussi laisser quelque partie pour les temps suiuaus : si bien qu'ils les firent condescendre à se contenter qu'on ostant seulement l'exemption és choses criminelles aux Protestans particuliers, & aux Moynes demeurans hors de leurs Conuens, & aux Chapitres : comme celles, dont arriuent plus grands inconueniens. Et qu'on reuokaust aussi les pouuoirs de conferer les Ordres Clericaux à ceux qui ne resident en leur propre Diocese : avec promesses, qu'on continueroit à pouruoir aux autres abus en la Session suiuaute.

Le Pape de gousté cōtre l'Empereur rappelle son neveu Alexandre, Legat,

Pendant, que ces choses se manioient à Trente, le Pape, ayant receu l'aduis du Cardinal Farnese, & considerant avec combien peu de reputation pour soy vn Legat Apostolic demeuroit à Regensbourg, pendant que ses gens de guerre estoient au camp, il le rappela : & avec luy partit vn bon nombre des gentils hommes Italiens des troupes du Pape. A la mi Octobre les deux

les deux armées se trouuerent à Sontheim si proches l'une de l'autre, qu'il n'y auoit entre deux qu'une petite riuierre: & demeurans en cet estat, Octaue Farnese, enuoyé par l'Empereur, avec les troupes Italiennes, & autres Allemandes qui luy furent baillees de renfort, prit la ville de Dona vert, quasi à la veüe de l'armée ennemie, laquelle n'auoit fait aucun effet, tout le temps qu'elle s'estoit entretenue en Suaube, sinon de tenir l'Empereur en alte, mais au mois de Nouembre, elle fut contrainte d'abandonner ce pais là, par vne grande diuersion, que les Bohemiens & autres de la faction Imperiale firent contre le pais de Saxe, & de Hessen, estats des deux Chefs Protestans: lesquels pour cete cause se retirerent à la defense de leurs propres maisons & terres, & laissant l'Allemagne superieure à la discretion & mercy del'Empereur: qui fut la cause, qu'aucuns Princes, & plusieurs villes allies se ployerent à composer avec luy, avec vne honneste assurance de l'exercice & liberté de leur Religion. Mais il ne voulut point permettre qu'aucune chose en fust redigee par escrit, afin qu'il ne semblast point que la guerre eust esté entreprise & faite pour cause de Religion: ce qui auroit pu offenser ceux de la mesme religion, qui le suiuiuent, & empescher la reddition des autres: & d'ailleurs aussi donner soupçon & ombrage aux Ecclesiastiques d'Allemagne, qui esperoyent de voir les ceremonies & le seruice Romain restabli en tous lieux. Toutesfois ses ministres & agens donnoyent parole à tous, qu'ils ne seroyent point molestés en l'exercice de leur religion: & excusoyent leur Maistre, de ce qu'il ne pouuoit leur donner ce contentement d'en faire traité expres: & luy mesmes procedoit en maniere, que sa deliberation, de les contenter par conuiuece, paroissoit clairement à tous. L'Empereur par ces compositions acquit vne tres-grande quantité d'artillerie, & tira par voye d'amende immenses sommes de deniers, à la concurrence de plusieurs centaines de milliers: & ce qui importoit le plus, il demeura maistre absolu de la haute Allemagne.

Ce grand heur & succès donna beaucoup de ialousie au Pape, & luy fit penser à ses propres affaires, auant que toute l'Allemagne fust rangee sous le ioug & obeissance. Ses gens de guerre, conduits par Octaue Farnese, son neueu, estoient fort amoindries de nombre, à cause du depart de ceux qui s'estoyent retirés avec le Cardinal Farnese, & d'autres qui s'estoyent desrobés & desbandés pour les incommodités. Et lors que le camp Imperial estoit logé pres du village de Sontheim, à la mi Decembre, tout le reste part aussi, par commandement expres du Pape, lequel manda à son neueu Octaue de s'en retourner en Italie, & de dire à l'Empereur son beaupere, Que le terme conuenu de six mois estant expiré, le Pape ne pouuoit plus porter vne si grande despense: que le temps de l'obligation estoit acheué, & que le but de la Ligue estoit effectué, l'Allemagne estant reduite à obeissance. L'Empereur fit de grandes plaintes, d'estre ainsi abandonné, iustement au point de bien faire, & lors que le secours luy estoit plus necessaire: d'autant qu'il n'y auoit rien de fait, iusques à ce que les Chefs ne fussent abbatus: & qu'on ne pouuoit dire qu'ils fussent veincus, pour s'estre retirés à la defense de leurs propres Estats: & que quand ils seroyent à deliure en leurs maisons, il estoit à craindre qu'ils retourneroyent avec plus grandes forces, & meilleur ordre que deuant. Mais le Pape se iustifioit de ce qu'il ne vouloit plus continuer en la Ligue, & de ce qu'il auoit rappelé ses gens, disant, Que l'Empereur ne luy auoit point fait par des accords & conuétions qu'il auoit fait avec les Villes & les Princes, lesquels ne pouuoient estre conclus & arrestés sans luy: sur tout, attendu qu'ils estoient au grand preiudice de la foy Catholique, tolerans l'heresie, laquelle pouuoit estre exterminée. Qu'il n'auoit point participé, comme toutesfois portoyent les Articles de la Confederation aux profits de la guerre, ny aux deniers tirés des villes qui auoyent composé. Que l'Empereur se plaignoit de luy, en lieu que luy estoit l'offensé, & le méprisé, avec perte & dommage de la Religion.

Et non content de cela, il denia aussi à l'Empereur de pouuoir continuer

Et l'Empereur fait faire vne diuersion sur les Princes Protestans, qui le rend maistre de la haute Allemagne conuinant au fait de la Religion.

Le Pape, offensé de plus fort, rapela son auire neueu, & ses troupes.

dont l'Empereur se plaint.

Et le Pape se iustifie.

1546

à se preualoir des deniers des Eglises d'Espagne, au delà du terme de six mois. Et, combien que les Agens de l'Empereur fissent de grands, reiterés, & puissans offices enuers luy, remontrant, qu'attendu que la cause, pour laquelle iceux auoyent esté accordés, duroit encores, il falloit aussi en continuer l'otroy & la concession, & qu'autrement l'œuvre encommencé demeureroit vain & sans fruits, en cas qu'on ne menast à fin cete guerre, ils ne purent iamais pourtant le demouuoir de la resolution qu'il auoit prise.

*Et leurs si-
milité. croij-
sant.*

*Le Pape ob-
nie au des-
plaisir que
luy pouuoit
procurer
l'Empereur
par le Con-
cile:
Et fait pu-
blier les De-
crets for-
més*

Il arriua aussi vne autre occasion d'accroistre les plaintes & doleances de l'Empereur. C'est qu'il se brassa à Genes vne grosse & dangereuse conspiration de la famille des Fiesques, contre celle des Dories, tenans le parti de l'Empereur, laquelle faillit de fort peu à estre executée, & mise à chef: & l'Empereur tint pour tout asseuré, que le Duc de Plaisance, fils du Pape, en estoit l'autheur, & qu'elle venoit de la boutique du Pape: & ne put s'abstenir de s'en declarer, & d'adiouster cete plainte aux autres. Le Pape d'ailleurs croyoit fermement que l'Empereur seroit occupé en Allemagne pour vn long temps, sans qu'il le pust offencer à force ouuerte: mais redoutoit qu'il ne luy suscitast quelque fascherie, faisant aller les Protestans au Concile. Le remede à cela pouuoit estre, de separer & dissoudre le Concile: mais cela luy sembloit trop violent & scandaleux: sur tout le Concile ayant esté sept mois à traiter des matieres, sans en publier chose aucune. Et pourtant il s'aduisa de faire publier les choses a debatues & digerées: car par icelle declaration, les Protestans, ou recuseroient d'y aller, ou y allans seroient contraincts d'accepter la determination qui en seroit publiee: ce qu'arriuant il remportoit pleine victoire, attendu que cete matiere est le centre, fondement & puiot de toutes les controuerses. Et quand mesmes il n'y eust eu autre raison, cete-cy le conseilloit de ce faire, Que c'estoit le contrepied des intentions de l'Empereur, lequel desiroit qu'on s'abstint de decider les controuerses: & pourtant cela suffisoit pour induire le Pape à l'entreprendre, veu que ceux qui ont fins & intentions contraires, doiuent aussi auoir contraires conseils. Ils voyoit bien que l'Empereur le prendroit à griene offense, mais les mescontentemens entr'eux estoient ia si fort parcrus, qu'à peine y pouuoit on n'en adiouster d'auantage. Et le Pape, quand es deliberations il se trouuoit enfermé entre les raisons qui l'induisoyent, & le dissuadoient, auoit de coustume de se seruir du terme Florétin, *cosa fatta capo ha*: Chose faite à vn bout: (c'est à dire les choses faites demeurent faites, & en fin il faut s'en appaiser) & tout ensemble mettre la main à la partie plus pressante & necessaire. Et pourtant es festes de Noel il escriuit aux Legats, qu'ils tinssent la Session, & publiassent les Decrets ia formés.

*En la Ses-
sion sixieme
est intimet,*

*nonobstant
l'opposition
des Impe-
riaux,*

Et tenué,

Ce commandement receu, les Legats tinrent Congregation le troisieme de Ianuier l'annee mil cinq cens quarante sept: en laquelle premierement on delibera d'intimer la Session, pour le treizieme du mesme mois, au grand & general plaisir & contentement de tous, qui s'ennuyoyent grandement de demeurer si long temps sans resoudre chose aucune: puis les Legats proposerent de publier les Decrets formés. Quant à ceux de la Foy & doctrine, les Prelats Imperiaux s'y opposerent, disans, Qu'il n'estoit pas encore temps, & qu'il suffisoit de publier ceux qui concernoyent la Reformation. Mais les Papaux faisoient instance au contraire: allegans, Qu'il estoit notoire à tout le monde que ia par sept mois continuels on auoit ventilé la matiere de la Grace & de la Iustification, dont aussi le Decret estoit ia arresté. Que ce seroit au detriment de la foy, si le monde voyoit que le Concile craignist de publier la verité, qui estoit ia decider. Ceux-cy l'emporterent, estans en nombre beaucoup plus grand que les autres, & leur opinion estant fortifiée de l'autorité des Legats. Les deux suiuanes Congregations furent toutes employées à relire les Decrets, tant de la Doctrine & Foy, que de la Reformation: lesquels furent agrees de tous, après qu'on y eut rhabillé quelques petites choses, selon les aduertissemens de ceux qui ne s'y estoient trouués auparauant. Le treizieme Ianuier, iour destiné pour la

seance publique, les Legats, avec les Prelats, se transporterent en l'Eglise, avec les ceremonies accoustumees, & la Session se tint. Et la Messe fut chantée par André Cornare, Archeuesque de Spalate en Dalmatie, & le Sermon fut fait par Thomas Stella, Euesque de Salpi: & furent lus les Decrets de la doctrine, & de la Reformation. 1546.

Le premier contenoit seize chapitre avec leurs proëmes, & trentetrois anathemes. Et en substance, apres auoir defendu de croire, prescher, ou enseigner autrement qu'il n'estoit arresté, & expliqué en ce Decret, le Concile declaroit: Premièrement, Que, ny les Gentils, par moyens naturels, ny les Iuifs, par la lettre de Moÿse, n'ont pu estre deliurés de peché. En second lieu, Que pour cete cause, Dieu a enuoyé son Fils, pour racheter les vns & les autres. Entroisieme lieu, Qu'iceluy est bien mort pour tous: mais que toutesfois ceux-là seuls iouÿssent de ce benefice, à qui le merite d'iceluy est communiqué. En quatriesme lieu, Que la Iustification de meschant n'est autre chose, qu'un transport & translation de l'estat du fils d'Adam en celuy de fils adoptif de Dieu par Iesus Christ: lequel transport, apres la publication de l'Euangile, ne se fait point sans le Baptisme, ou sans le vœu, & ferme propos & intention de le recevoir. En cinquiesme lieu, Que le commencement de la Iustification, en ceux qui sont en aage, vient de la Grace preuenante, laquelle les conuie à se disposer, en consentant franchement, ou en y cooperant: ce que l'homme fait du libre & spontanee mouuement de sa volonté, au pouuoir de laquelle il est de refuser icelle Grace. En sixiesme lieu, Que la maniere de cete disposition, ou preparation, est de croire premierement aux reuelations, & aux promesses de Dieu: & puis, en se reconnoissant pecheur, se tourner de la crainte de la iustice de Dieu à sa misericorde, avec esperance de son pardon, dont l'homme commence à l'aymer, & à haïr le peché: & finalement de se proposer & arrester en soy mesme de recevoir le Baptisme, & de commencer à mener vne vie nouuelle, & à garder les commandemens de Dieu. En septiesme lieu, Qu'apres cette preparation suit la Iustification, qui n'est pas seulement, remission des pechés, mais aussi sanctificatiō: & à cinq causes, la finale qui est la gloire de Dieu: & la vie eternelle, l'efficiente, qui est Dieu: la meritoire, qui est Christ: l'instrumentale, qui est le Sacrement, & la formelle qui est la iustice donnee de Dieu, receuë selon le bon plaisir du Saint Esprit, & proportionnement à la disposition du receuant, qui ensemblement avec la remission des pechés reçoit la foy, l'esperance, & la charité. En huitiesme lieu, Que quand Saint Paul dit, que l'homme est iustifié par la foy, & gratuitement, cela se doit entendre, d'autant que la foy est le commencement de la Iustification: & les choses qui precedent la Iustification ne sont nullement meritoires de la Grace. En neuuesme lieu, Que les pechés ne sont pardonnés à qui se vante, & se repose en la seule cōfiance & certitude de la remission: & ne faut point dire, que c'est la seule foy qui iustifie: ains, comme vn chacun doit bien estre indubitablement assuré de la misericorde de Dieu; des merites de Christ, & de l'efficace de Sacrement: aussi, regardant sa propre indisposition, il peut douter, ne pouuant sauoir de certitude de foy infallible, s'il a obtenu la Grace. En dixieme lieu, Que les iustes, par l'observation des commandemens de Dieu, & de l'Eglise sont de plus en plus iustifiés. En onzieme lieu, Qu'on ne peut dire, que les commandemens de Dieu soyent impossible au iuste: lequel, quoy qu'il tombe en peches veniels, ne laisse pas pourtant d'estre iuste: que nul ne se dit arrester & fonder en la seule foy: & ne se doit dire, que l'homme iuste commette peché en tout œuure: ne qu'il peche: s'il œuure pour fin de loyer & recompense. En douzieme lieu, Que nul ne doit presumer d'estre predestiné, en croyant que l'homme iustifie ne peut plus pecher, ou s'il peche, qu'il se doit promettre de venir à resipiscence. En treiziesme lieu, Que nul ne se peut assurer d'absoluë certitude, de preseruer iusques à la fin mais doit mettre son esperance en l'aide de Dieu, lequel continuera à la luy prester, pourueu seulement que l'homme n'y defaille point de son costé.

1546.

Causes &
anathematis
ent une fine
matiere.

En quatorzieme lieu, Que ceux qui tombe en peché, pourront racquerir & rauoir la Grace, en procurant de la recouurer par le moyen de la penitence: laquelle est differente de celle du Baptisme: d'autant qu'elle ne contient pas seulement la contrition, comme celle la: mais aussi la confession sacramentale: & l'absolution sacerdotale, du moins en vœu, & propos arrêté: & en outre, la satisfaction par la peine temporele, laquelle n'est pas tousiours remise tout a la fois, comme au Baptisme. En quinzieme lieu, Que la Grace de Dieu se perd: non seulement par l'infidelité, & incredulité: mais aussi par tout autre peché mortel: ors que par iceluy la foy ne soit point perdue. En seiziesme lieu, le Decret propose aussi aux iustifiés l'exercice des bonnes œuures, par lequel ils acquerent la vie eternelle, comme vne grace promise par la misericorde de Dieu, & cōme vne recompence due aux bōnes œuures, en vertu de la promesse de Dieu. Et cōclut, Que cete Doctrine n'establit point vne iustice qui soit nostre propre, reietant la iustice de Dieu: mais que la mesme iustice est appelee nostre, d'autant qu'elle est en nous & de Dieu, d'autant qu'elle est par luy infuse en nous, par le merite de Christ. Et que pour faire sauoir à tous, non seulement la doctrine qu'ils doiuent suiure, mais aussi celle qu'ils doiuent fuir, il adiouste les suiuaus Canons, Contre qui dir, premierement, Que l'homme peut estre iustifié sans la Grace, par les forces de la nature humaine, & par la doctrine de la Loy. En second lieu, que la Grace est baillee pour bien viure, & meriter la vie eternelle, avec plus de facilité: ce que le franc Arbitre peut bien semblablement faire, mais avec plus de difficulté. En troisieme lieu, Que l'homme peut croire, aimer, esperer, ou se repentir, comme il appartient, sans estre preueni & ayde par le Saint Eprit. En quatriesme lieu, Que le franc Arbitre, exité & mu de Dieu, ne coopere point pour se disposer à la Grace: &, quand mesme il voudroit, ne peut dissenter. En cinquiesme lieu, Qu'apres le peché d'Adam, le franc Arbitre a esté perdu. En sixiesme lieu, Qu'il n'est pas au pur & simple vouloir de l'homme de faire mal: mais que, tant les mauuaises œuures, que les bonnes, aduiennent non seulement par la permission de Dieu, mais par sa propre operation. En septiesme lieu, Que toutes les œuures, faites auant la Iustification, sont pechés: & que plus l'homme s'efforce à se disposer à la Grace, plus il peche. En huitiesme lieu, Que la crainte de l'enfer, qui fait que l'homme s'abstient de peché, & recourt à la misericorde de Dieu, est peché. En neufuieme lieu, Que le meschant est iustifié par la seule foy, sans preparation procedante du mouuement de sa propre volonté, En dixiesme lieu, Que l'homme est iustifié sans la iustice meritee de Christ: ou qu'il est iuste par icelle formellement. En onzieme lieu, Qu'il est iustifié par la seule imputation de la Iustice de Christ, ou par la seule remission des pechés, sans la Grace, & la charité inherante: ou, que la Grace de la Iustification n'est autre chose que la faueur de Dieu, En douzieme lieu, Que la foy iustificante n'est autre chose, que la confiance en la misericorde de Dieu, qui pardonne les pechés pour l'amour de Christ. En treizieme lieu, Que, pour obtenir pardon de ses pechés, il est necessaire de croire qu'ils sont pardonnés, sans aucunemēt douter, de sa propre indisposition. En quatorzieme lieu, Que l'homme est absous & iustifié, d'autant qu'il le croit ainsi fermement. En quinzieme lieu, Que l'homme est tenu par foy de croire d'estre asseurement du nombre des predestinés. En seiziesme lieu, Contre qui dira d'estre asseuré d'auoir le don de sa perseuerāce, sans speciale reuelatiō. En dixseptiesme lieu, Contre qui dira que les seuls predestinés obtiennent la Grace. En dixhuitieme lieu, Contre qui dira que les commandemens de Dieu sont impossibles à l'homme iustifié. En dixneufuieme lieu, Contre qui dira qu'il n'y a autre cōmandement Euangelic, que de la foy. En vintieme lieu, Contre qui dira que l'homme iuste & parfait n'est point obligé à l'observation des commandemens de Dieu & de l'Eglise: ou bien, que l'Euangile n'est autre chose qu'une promesse, sans aucune condition de l'observation des commande-

mens. En vintunieme lieu, Contre qui dira, que Christ a esté baillé pour Redempteur, & non pour Legislatteur. En vintdeuxieme lieu, Contre qui dira, que l'homme iustificié peut perseverer sans l'assistance speciale de Dieu: ou, qu'avec icelle il ne peut. En vinttroisieme lieu, Contre qui dira, que l'homme iuste ne peut pecher, ou peut eiter tous pechés veniels: si ce n'est par privilege special, comme l'Eglise le croit de la bienheureuse Vierge. En vintquatrieme lieu, Contre qui dira, que la iustice ne se conferue & ne s'augmente point par les bonnes œuvres: mais qu'icelles ne sont autre chose que fruits, ou signes. En vintcinqieme lieu, Contre qui dira, que l'homme iuste en toute bonne œuvre peche mortellement, ou venielement. En vintfixieme lieu, Contre qui dira, que le iuste ne doit esperer recompense pour ses bonnes œuvres. En vintseptieme lieu, Contre qui dira, qu'il n'y a autre peche mortel, que l'infidelité, ou incredulité. En vinthuitieme lieu, Contre qui dira, que perdant la Grace, on perd la foy: ou bien, que la foy, qui demeure apres, n'est point vray foy, ny digne d'un Chrestien. Et vintneufieme lieu, Contre qui dira, que l'homme pechant apres le baptême, ne se peut releuer avec la Grace de Dieu: ou bien la peut recouurer par la seule foy, sans le Sacrement de la penitence. En trentieme lieu, Contre qui dira, qu'à tout homme qui se repent est remise la coulpe & la peine tout entierement: sans qu'il reste aucune peine temporelle à payer en cete vie, ou en Purgatoire. En trentunieme lieu, Contre qui dira, que le iuste peche s'il fait bonnes œuvres, regardant à la recompense eternele. En trentedeuxieme lieu, Contre qui dira, que les bonnes œuvres du iuste sont seulement dons de Dieu, & non ensemblement merites du iustificié. En trentetroisieme lieu, Contre qui dira, que par ceté doctrine on deroge à la gloire de Dieu, aux merites de Christ: & non plustost, que leur gloire en est illustree.

Des que i'en tiffu cet abregé du Decret, il me vint en pensée que c'estoit chose superflue: veu que les Decrets de ce Concile se trouuent tous imprimés ensemble en vn volume, & sont entre les mains d'un chacun: dont ie pourroye & en cet Acte, & es autres suiuaus, me rapporter à ce mesme liure: partant ie fu sur le point de canceler ce fueillet. Mais du depuis ie consideray, que quelcun pourroit prendre plus de plaisir à voir tout le fil du narré en vn seul liure: & que qui auroit à gré de voir l'original, pourroit passer ce mien abregé, & pourtant ie me suis resolu de n'y rien changer, & mesmes de garder le mesme style es matieres suiuautes. De tant plus, que ie considere le desplaisir que ie sens, quant en Xenophon, ou en Tacite, ie voy ou omise la narration d'aucunes choses tresconuës en leur temps: lesquelles à present ie n'ay moyen de sauoir, & pourtant me demeurent inconnuës. Ce qui me persuade de tenir pour maxime, Que iamais vn liure ne se deueroit rapporter à vn autre. Je vien donques au sommaire du Decret de la Reformation. Qui contenoit en substance, Premièrement, Que le Concile, voulant corriger les mœurs depraues du Clergé, & du peuple, iuge qu'il faut commencer par ceux qui ont la charge & le gouuernement des grandes Eglises. Et pourtant, sur la fiance qu'il a en Dieu, & en son Vicaire en terre, que ces charges ne seront conferees qu'à personnes dignes, & dès leur enfance exercees en la discipline Ecclesiastique: il les admoneste de faire leur charge: laquelle ne peut estre executee, sinon qu'on vaque & surueille à la garde du troupeau. Que toutesfois on voit plusieurs, lesquels, delaisant la bergerie, & le soin des brebis, rodent par les Cours des grands, & s'occupent en affaires seculieres. Pour cete cause, le Concile renouuelle tous les anciens Canons contre les non residés: & outreplus ordonne, que quiconque, ayant charge d'Eglise Cathedrale, sous quelque nom que ce soit, & quelque preeminance qu'il ait, sans iuste & legitime cause, absente son diocèse par l'espace de six mois consecutifs, perde la quarte part des fruits: & s'il continue à demeurer absent autres six mois, qu'il en perde vnautre quarte part: que s'il persiste, & se roidit en sa rebellion & opiniastreté, que le Metropolitain, sous peine d'interdit de l'entree de l'Eglise pour trois mois,

decrets de
la residence

1546.

*Et modera-
tion des
temps :*

ait à le deferer au Pape de Rome, lequel, par sa suprême autorité & pou-
voir, pourra imposer peines plus grieues, ou pouruoir à l'Eglise de pasteur
plus vtile. Que si le Metropolitain mesmes encourt en faute semblable, que
le plus ancien de ses suffragans soit tenu & obligé de le denoncer. En se-
cond lieu, Que les autres, qui sont suiets aux Euesques, & sont obligés, soit
par la loy, soit par coustume, de resider, soyent contrainsts à ce faire par les
Euesques: le Concile cassant & annullant tout priuilege, qui exempté à per-
petuité de la residence: & laissant en leur vigueur seulement les dispenses ot-
troyes à temps, pour cause raisonnable, & veritable, bien auerée deuant
l'Ordinaire. Et qu'en tout cas, l'Euesque, comme delegué du S. Siege, ait
la charge, que la cure des ames soit soignée & exercee par Vicaires idoines
& capables, avec conuenable portion des fruits, nonobstant priuilege, ou
exemption quelconque. En troisieme lieu, Que nul Clerc, sous pretexte de
priuilege personnel, ne Regulier demeurant hors de son Couuent, sous om-
bre de priuilege de son Ordre: puisse estre exempt d'estre, en cas de faute
& forfaiture, visité, puny & corrigé par l'Ordinaire du lieu, qui toutesfois
agira en cela en qualite de delegué du S. Siege Apostolique. En quatrieme
lieu, Que semblablement les Chapitres des Eglises Cathedrales, & autres
Collegiales, ne puissent, en vertu d'aucunes exemptions, ou coustumes, ou
sermens, ou concordats & pactes, se soustraire de la visite de leurs Euesques,
ou autres grands Prelats, toutes les fois & quantes que le besoin le requerra.
Et enfin le Concile ordonne, Que nul Euesque, sous couleur de priuilege,
n'ait à exercer actions & fonctions Episcopales au diocese d'un autre, si ce
n'est par l'expresse permission & adueu d'iceluy, & encores sur les suiets d'i-
celuy seulement. Puis fut assigné iour, pour la Session suiuiante, au troi-
sieme Mars.

*ingens sur
ces Decrets,
à Rome se
grands sont
conten,*

*les petis
courtisans
engrondent*

A Rome, le Decret de la Foy & doctrine ne donna aucun suiuet de discours,
veu qu'il n'estoit pas nouveau: d'autant qu'il auoit ia esté veu, & examiné
publiquement, comme il a esté dit, & approuué de tous, qui sauoient bien
par auance qu'il falloit condamner toutes les opinions des Allemans. Mais les
Euesques, qui demeuroient en la Cour de Rome, & auoyent long temps esté
en alarme pour l'Article de la Residence, qui estoit sur le bureau, se tinrent
bien contents du Decret du Concile: presupposans bien pour tout assésuré,
que ce Decret ne pourroit porter glus grand coup, que ce qu'auoyent au-
parauant fait les Decretales des Papes. Mais bien fut fort mal contenté la
menue tourbe des Courtisans, voyant qu'il estoit remis au pouuoir de l'E-
uesque, de les contraindre. Et se plaignoyent de leur misere & chetiueté,
que, pour gagner à viure, il leur falust estre toute leur vie en seruitude: &
apres tant de peine & de trauail, recevoir pour toute recompense d'estre
confinés en quelque village, ou en vne chetive Chanoinerie, assuiettis à vne
autre plus dure & vile seruitude des Euesques: lesquels, non seulement
les tiendroyent comme attachés au billot, mais, par les visites: & sous pre-
texte de corrections, les rangeroyent à vn miserable seruage, ou les tien-
droyent en perpetuelles molestes, & despens.

*en Allma-
gne les The-
ologiens les
censurent.*

Mais ailleurs, sur tout en Allemagne, dès que ces Decrets furent veus,
celuy de la Foy & Doctrine donna beaucoup plus à parler: veu qu'il falloit
de necessité le lire & relire fort attentiuement, & mesmes y faire des grandes
speculations, pour l'entendre: ce qui ne se pouuoit faire, sans vne profonde
& parfaite conoissance des mouuemens interieurs de nostre ame, & sans sa-
uoir conoistre en quoy icelle est agissante, & en quoy patiente: points tres-
subtils, & pour leur diuerse apparence & apprehension, tousiours tenus pour
disputables: veu que toute la Doctrine du Concile tournoit sur ce puiot, as-
sauoir, Si le premier obiet de la volonté opere sur elle, ou elle sur luy: ou
bien, si tous deux sont ensemble & reciproquemēt actifs & passifs. Quelques
esprits facieux dirent, que, si les Astrologues, ignorans les vrayes causes
des mouuemens celestes, auoyent payé d'Eccentriques, & d'Epicycles, seu-
lement pour sauuer & maintenir les apparéces, il ne falloit point s'esbahir, si,

pour sauuer les aparées des mouuemens sur celestes, on s'esgavoit, & se fantasioit des eccentricités d'opinions. Les Grammairiens admiroyent, & quāt & quant baffoüoyent cete clause & proposition, qui est au cinquieme chapitre, *Neque homo ipse nihil omnino agit*: laquelle ils disoyent n'estre intelligible, & estre sans exemple. Car si le Concile vouloit signifier, *Etiā homo ipse aliquid agit*, il le pouuoit exprimer plus clairement, ainsi qu'il est conuenable en matiere de foy, où la meilleure expression est la plus simple. Que si aussi il vouloit employer quelque elegance, il pouuoit dire, *Etiā homo ipse non nihil agit*. Mais, que entreiettant ce mot, *omnino*, cete sentence estoit incongruē, & sans aucun sens: comme sont toutes les propositions de deux negatiues, qui ne se peuuent resoudre en vne affirmatiue: d'autant que la voulant resoudre il faudroit dire, *Etiā homo ipse aliquid omnino agit*: qui est vn parler incongru, veu qu'il est impossible d'entendre que peut signifier ce, *aliquid omnino* en ce lieu: d'autant que par ce moyen, on viendroit à dire, que l'homme agit en vne certaine maniere, mais qu'en autres sens & manieres cela n'est point action.

Autres defendoyent les Peres du Concile, disant, Qu'il ne falloit point esplucher ainsi à la rigueur la forme des paroles, ce qui n'est autre chose, que cauiller & pointiller. Mais on repliquoit à cela, qu'on doit bien benigne interpretation aux formes de parler vsitées: mais aussi, qu'il importe pour le bien du public, que l'artifice & la cautele de ceux, qui, laissans les façons de parler claires, & vsitées, en inuentent des incongruēs, & qui enuolopent contradiction, pour pouuoir bricoler, & esquiuier par la double entente, soit descouuerte, & estalee au iour.

Les entendus en Théologie disoyent, Que la doctrine qui porte, Que l'homme peut tousiours refuser les diuines inspirations, est fort contraire à la publique & ancien raison de l'Eglise, qui dit, *Et ad te nostras etiam rebelles compelle propitius voluntates*: laquelle priere toutesfois on ne peut raisonnablement dire estre vn desir vain & frustratoire: ains estre faite de foy: comme dit S. Iaques, en laquelle Dieu exauce les eslus. Ils adioustoyent, qu'on ne pouuoit doncques plus dire avec S. Paul, que ce qui separe les vaisseaux de l'ire d'avec les vaisseaux de la misericorde de Dieu, ne vient point de l'homme: attendu que ce qui les separe est cete action humaine, comprise en ces termes, *nonnihil omnino agit*. Plusieurs considererent l'endroit du septieme chapitre; ou il est dit, Que la iustice est donnee à certaine mesure, selon le bon plaisir de Dieu, & la disposition du receuant: & que ces deux choses ensemble ne se pouuoient verifier: car, s'il plaisoit à Dieu en donner plus au moins disposé; cela ne se feroit point à la mesure & proportion de la disposition: que si aussi Dieu la donne selon la mesure d'icelle; il y aura donques tousiours vn motif, pour lequel Dieu opere, & par ainsi iamais n'vse de pur bon plaisir. Ils s'esbahissoient, que le Concile eust comdannié ceux qui disent Qu'il est impossible de garder les commandemens de Dieu: attendu que le mesme Concile, en la seconde Session, auoit bien exhorté les fideles assemblez en la ville de Trente, d'observer, apres auoir fait penitence, & s'estre confessés & communiés; les commandemens de Dieu, *quantum quisque poterit*, autant qu'il sera au pouuoir de chacun. Laquelle modification seroit d'annable; si l'homme iustifié pouuoit les observer parfaitement, & absolument: & remarquoient qu'en tous ces deux endroits, il y auoit le mesme terme, *praecepta*, pour esmousser toute cauillation.

Les hommes versés en l'histoire Ecclesiastique disoyent, Qu'en tous les Conciles, qui auoyent esté tenus depuis le temps des Apostres iusques alors, quand ils seroyent tous mis & amassés ensemble: iamais n'auoyent esté decidés tant d'articles, comme en cete seule Session, en laquelle Aristote auoit grande part, ayant exactement distingué tous les genres des causes: à quoy s'il n'eust trauaillé, nous eussions manqué de plusieurs Articles de foy.

Les politiques aussi, quoy que ce ne soit point à eux d'examiner les choses de la Religion, ains soyent obligés simplement & absolument à les suivre, & *les politiques aussi.*

1546.

embrasser comme on les leur presente, trouuerent à redire en ce Decret. Car, voyant qu'au dixieme chapitre estoit establie l'obligation d'obeyer aux commandemens de Dieu, & de l'Eglise: & que cela mesme estoit reïteré au Canon vintieme, se sentoient scandalizés de ce qu'on n'y auoit point aussi fait mention de l'obligation aux commandemens des Princes, & Magistrats: que l'obeissance due à ceux-cy est beaucoup plus clairement contenue en la Ste. Escriture, que celle qui est due à l'Eglise: que de celle-là le Vieil Testament en est tout plein: & qu'au Nouveau c'est vne doctrine toute claire, exprimée & traitée au long par Iesus Christ mesmes, par S. Pierre, & par S. Paul. Que quant à l'Eglise, il y a bien commandement de l'escouter, mais que de luy obeyer il n'est pas clair de mesmes. Qu'on obeit à qui commande de sa propre autorité, mais qu'on oit qui rapporte & publie les commandemens d'autrui. Et cete sorte de gens ne se payoit pas d'une excuse, qu'on allegoit, assauoir, Que les commandemens des Princes sont compris en ceux de Dieu & qu'on leur doit obeissance, pour ce que Dieu a commandé qu'ils foyent obeïs: car ils repliquoyent, Que donques à plus forte raison falloit il omettre l'Eglise: & toutesfois on l'auoit bien exprimée, & laissé les Princes sous silence: & ce, pour l'ancien dessein des Ecclesiastiques, d'inferer cete pernicieuse opinion parmy le peuple, Qu'à eux seuls est due l'obeissance par deuoir de conscience: mais qu'aux Princes, & Magistrats elle n'est due, que pour euites les peines temporelles: & que hors cela, on peut, sans autre esgard, transgresser leurs commandemens: pour rendre par ce moyen tout gouuernement politic odieux, comme tyrannique, & le renuerser de fonds en comble: & au contraire, ne despeignant la suiectiion aux Prestres comme vniue & principale voye d'acquérir le Ciel, tirer à eux premierement toute la iurisdiction, & en suite finalement tout l'Empire, & la domination.

Quant au Decret de la Reformation, on disoit, que ce n'estoit qu'une pure illusion. Car de s'asseurer en Dieu, & au Pape, qu'au gouuernement des Eglises sera pourueu de personnes dignes, sont termes propres plustost à qui fait oraison, qu'à qui agit de Reformation. Aussi renouueler les anciens Canons par vn seul mot, & tant general, ne sert qu'à en confermer de plus fort la desaccoustumance introduite. Qui si à bon escient on les vouloit reestabli il falloit oster les causes, qui les ont fait mettre en oubly: & leur donner nouvelle vigueur & force, par peines, & deputations d'executeurs d'icelles, & autres manieres conuenables à poser, & à conseruer les loix. Qu'en fin pour tout on auoit establi, qu'en perdant la moitié de son reuenu on pust absenter son Eglise vne année entiere: voire mesmes enseigné vne rule, de l'absenter par l'espace donze mois, & plus, sans aucune imposition de peine, entreiettant les trente iours ou moins, au milieu de l'autre temps de l'année, sans laisser arriuer l'absence à six mois consecutifs du tout complets: mais de plus, renuersé tout à fait le Decret mesmes, par l'exception des iustes & raisonnables causes: car, qui sera si simple & idiot, qui n'en sache faire naistre, deuant auoir pour iuges des personnes, qui ont interest que la Residence ne soit mise en vsage?

remarque
notable du
peu de re-
solution,
certitude,
& accord
qu'il y auoit
en points de
foy au Con-
cile.

Cet endroit requiert, que ie face mention d'un particulier accident, qui commença en ce temps, & quoy qu'il ne fust acheué & mené à fin que quatre mois apres, se rapporte toutesfois entierement à la Session presente: & sert à descouurir ce que vraiment estoit lors le Concile de Trente, & qu'elle opinion en auoyent ceux-là mesmes, qui y entreuenoyent. Il faut donc sauoir, comme ie l'ay touché ailleurs, que Frere Dominic de Soto, nommé fort souuent cy-dessus, & lequel eut grande part en la confectiō des Decrets touchant le peché originel, & la Iustification; ayant remarqué tous les auis, & les raisons, qui furent allegues & employees en ces disputes & examens, se resolut de les donner au public, en tirant les paroles du Decret à son propre sens, par vn liure qui contenoit entierement le tout, lequel il fit imprimer: sous ce titre, *De natura & gratia*: & le dedia au Synode, parce, comme il dit en l'Epistre dedicatoire, que c'estoit vn Commentaire aux deux

Decrets

Decrets dessus dits. Et en icelui, venant à l'article de la Certitude de la Grace, expose par vn long discours que le Concile a déclaré, que l'homme ne peut sauoir d'auoir la Grace, avec telle certitude qu'est celle de la Foi, en sorte que toute doute soit forclosse. Catarin, qui tout fraichement auoit esté créé Euesque de Minori, & auoit soustenu le contraire, & tousiours persistoit en son opinion, fit aussi imprimer vn petit liure, avec vne Epistre dedicatoire au mesme Concile, par laquelle il disoit, & maintenoit que l'intention du Concile n'auoit point esté de condamner l'opinion de ceux qui affermoient que l'homme iuste peut croire d'auoir la Grace, aussi assurément comme il tient & croit pour certains les Articles de foi. Ains, que le Concile auoit décidé, qu'il est tenu à le croire ainsi, ayant condamné au Canon vint sixieme ceux qui disent, Que le iuste ne doit esperer, ni attendre la recompense: veu que, de necessite, qui doit esperer, en qualité de iuste, doit sauoir qu'il est tel. En cete contrarieté d'opinions, non seulement chacun d'eux escriuant au Concile mesmes, dit, Que son opinion estoit celle du Concile: mais mesmes du depuis ils escriuirent, & publierent apologies, & contrapologies, chacun d'eux se plaignant de l'autre au Concile, qu'il imposast au Concile ce qu'il n'auoit point dit: produisant, pour tesmoins de sa propre opinion, diuers d'entre les Peres, lesquels aussi tesmoignoient les vns pour l'un, & les autres pour l'autre: tellement que les Peres estoient mi-partis, sauf quelques bons prelatz, qui, comme neutraux, disoient, qu'ils n'auoyent point bien entendu la difference, mais auoyent presté leur consentement en la forme qui auoit esté publiée, d'autant qu'à icelle auoyent conuenu les deux parties. Le Cardinal Legat Sainte Croix tesmoignoit pour Catarin. Le Legat de Monte disoit, qu'il auoit esté du troisieme parti. Cet accident semble oster à tous l'esperance de sauoir iamais au vrai la pensée & intention du Concile: puis qu'en ce temps-là les mesmes, qui y estoient entreuenus, iusques aux principaux, ne s'accordoyent point. Aussi y a-il difficulté à sauoir, quel estoit ce Concile, qui auoit arresté l'Article, & auquel escriuirent, & appellerent Soto & Catarin, chacun deux l'estimant fauorable pour soi: dont de necessité ou l'un, ou l'autre, ou tous deux, se trompoient à le reconoistre. Et que sera-il des autres, si cela aduint à ces personages? On pourroit dire, que ce fut l'assemblée de tous coniointement, à laquelle le Saint Esprit, par son assistance, fit determiner la Verité, quoi que ceux qui la determinoyent ne l'entendissent pas: comme Caïphe prophetiza, d'autant qu'il estoit souuerain Sacrificateur, sans toutes-fois entendre la Prophetie: ainsi que l'Euesque de Bitonte auoit dit en son Sermon. Mais à cela on peut obiecter deux choses: premierement, Que ce sont les infideles & reprouués, que Dieu fait prophetizer sans intelligence: en lieu qu'és fideles il le fait en leur illuminant l'entendement. En second lieu, Que les Theologiens vnanimement tiennent, que les Conciles ne deliberent point des matieres de foi par inspiration diuine, mais par recherche & enqueste humaine, à laquelle le Saint Esprit assiste, pour les contrerégarder d'erreurs, tellement qu'ils ne peuuent faire aucune détermination, sans entendre la matiere. Peut estre que celui-là toucheroit au point, qui diroit, que, pendant qu'on debattoit les opinions contraires en formant le Decret, chaque parti reieta les parolles qui estoient de sens contraire à son opinion: & tous conuinrent & s'arrestèrent en celles, que chacun cuidoit se pouoir ployer & accommoder à son sens: & que de là aduint que l'expression se trouua susceptible d'expositions & sens contraires. Mais encor ceci ne peut resoudre le doute proposé, ne descouurir quel estoit le Concile: d'autant que cela seroit lui bailler vniformité de parolles, & contrarieté de sens, & de pensées. Mais, ce qui à esté raconté en ce fait particulier, & qui aduint peut estre en plusieurs matieres, n'escheoit point, quand il s'agissoit de condamner les opinions des Lutheriens, à quoy tous s'accordoyent d'une parfaite & exquisse vniformité.

Je ne puis à ce propos omettre vne remarque que du mesme Catarin, en

1546. l'Epistre de son liure au Concile, pour ne frauder l'auteur du merite de son inuention. Il considera, que c'estoit chose contradictoire de dire, Que l'homme reçoit la Grace par mouuement de volonté, & qu'il n'est pas assuré de l'auoir. D'autant que nul ne peut receuoir par mouuement de volonté chose aucune, laquelle quant & quant il ne sache qu'elle lui est donnée, & que lui la reçoit.

Congregation generale pour ordonner de la matiere de la suivante Session,
Or, pour retourner aux affaires du Concile, le iour d'après la Session, fut tenue la Congregation generale, pour deliberer & ordonner la matiere, qu'il falloit digerer pour la prochaine Session. Et d'autant qu'on auoit desia arresté de suivre l'ordre de la Confession d'Augsbourg en ce qui concerne la Foi & doctrine: le premier chef, qui suiuuamment se presentoit, estoit celui du Ministère de l'Eglise, lequel les Lutheriens disent estre, L'autorité d'annoncer l'Euangile, & d'administrer les Sacremens. Dont aucuns, à l'esgard de la premiere partie, proposoyent, qu'on traitast de la puissance de l'Eglise, en declarant toutes les fonctions spirituelles & temporelles, que Dieu lui a commises sur les fideles, & lesquelles les Lutheriens nient. Cela plaisoit generalement aux Prelats: d'autant que c'estoit vne matiere de facile intelligence, sans espines Scholastiques, & en laquelle ils pouuoient auoir leur part. Mais les Theologiens ne la pouuoient gouter: d'autant que ces matieres-là n'ayans point esté traitées par les Scholastiques, eux n'y auoyent rien a disputer, & s'en faudroit, pour le plus, tenir au dire des Canonistes, Et disoyent là dessus, que ceux d'Augsbourg ne parlent point de toute l'autorité Ecclesiastique: mais seulement de celle de prescher, de laquelle on auoit en la precedente Session arresté ce qui suffisoit. Mais que, quant à la seconde partie, c'estoit bien vne matiere connexe, & subsequente de la Iustification, que de traiter des Sacremens, qui sont les moyens pour estre iustificiés. Et qu'il estoit plus conuenable d'en faire le sujet de la suivante Session.

on s'arreste à la matiere des Sacremens en general pour eniter le traité de l'autorité de l'Eglise,
A cet aduis adheroyent les Legats, & leurs dependans, en apparence pour les mesmes raisons, mais en effet pour vne autre bien plus puissante, laquelle ils tenoyent secrette entr'eux: assauoir, d'autant que le prenant de l'autre façon, on viendrait à parler de l'autorité des Conciles, & du Pape, & à auancer beaucoup de matieres scabreuses, lesquelles il valoit mieux ne remuer point.

Et aux abus suruenus en l'administration d'iceux,
Dés-qu'il eut esté resolu qu'on traiteroit la matiere des Sacremens, on considera qu'icelle estoit ample, & diuerse: & ne pouuoit estre comprise en vne seule Session: & qu'aussi il y auoit de la difficulté à determiner en combien de parties elle pouuoit & deuoit estre diuisée. Que ceux d'Augsbourg l'auoyent bien fort abregée, en retranchant tout d'un coup quatre Sacremens: desquels il falloit tant plus exactement traiter, afin de les restablir. Et pourtant, qu'il seroit bon de commencer par l'examen des Sacremens en general: & charge fut baillée de dresser les Articles extraits de la doctrine Lutheriene, venant mesmes à chaque Sacrement en particulier, autant qu'on iugeroit en pouuoir examiner pour vne Session. Et afin que la Reformation allast de pas egal avec la determination & decision des Dogmes, & de la Foi, fut ordonné que consequemment on recueillist les abus escheans sur le ministere des Sacremens: à quoi fut establee vne Congregation de Prelats & autres Canonistes, lesquels deuoient discourir des remedies, & en former Decrets: avec ordre, que les deux Congregations se rencontrans en mesme iour, le Cardinal de S. Croix presidast aux Theologiens, & celui de Monte aux Canonistes: & tous deux coniointement, es Congregations generales. Outre tout cela: fut encores arresté, qu'attendu la promesse de continuer la matiere de la Residence, on ne laissast d'en traiter quelque Article des plus principaux. Mais il ne fut pas si aisé de s'accorder en ceci, d'autant que les Legats, avec leurs adherans, auoyent des fins & intentions bien contraires aux autres Euesques: lesquels estoient entrés en esperance, & auoyent pris pour visée, & sur tout les Espagnols, de racquerir

l'autorité Episcopale, laquelle anciennement chacun Euesque exerçoit ^{1546.} en son propre diocese, au temps qu'on ne sauoit que c'estoit de reserues de ^{chose gran-} benefices, de cas, d'absolutions, de dispenses, & autres telles pratiques: & ^{dement as-} souloyent dire en leurs deuis priues, & entre peu d'oreilles, Que la cupi- ^{sectée par} dité de dominer, & l'auarice, auoyent attribué ces choses en propriété à ^{les Eues-} la Cour de Rome, sous vn feint pretexte de les manier plus conuenable- ^{ques, sur} ment, & plus à l'aduantage du seruice public de Dieu, & de l'Eglise, par ^{tout Espa-} toute la Chrestienté, que les Euesques en leurs propres villes, à cause de leur ^{gnols} ignorance & defauts. Raison, laquelle ils maintenoient n'estre fondée en verité, veu qu'il nes'estoit fourré dissolution, ni ignorance en l'Ordre Episcopal, sinon désque les Euesques furent contraints d'aller à Rome comme vrais seruiteurs. Mais, quand bien ainsi seroit, qu'on auroit en ce temps là esté contraint d'oster aux Euesques leur autorité, d'autant qu'on voyoit en eux vn mauuais gouuernement, la mesme raison obligeoit au temps present beaucoup plus estroitement d'oster à la Cour de Rome cete administration, qui ne lui appartient point, attendu les grands & intolerables abus, qu'elle y commet. Ces Prelats estimoyent, que le Decret, ^{quiireulent} Que la Re- ^{qui la Re-} sidence est de droit diuin, estoit vn très-bon remede pour le mal passé, & ^{sidence soit} preseruatif pour l'auenir. Car, si Dieu a commandé aux Euesques de resi- ^{declarée e-} der perpetuellement à la conduite du troupeau, par necessaire consequen- ^{st.e de droit} ce il faut aussi dire qu'il leur en a prescrit la charge, & leur a donné le pou- ^{diuis,} uoir pour la bien & duëment exercer: & que pourtant le Pape ne les peut appeler ni employer à autre chose, ni les dispenser, ni restreindre l'autorité que Dieu leur a donnée. Dont ils faisoient instance, qu'on vinst à cete determination, & disoyent que cet Article auoit esté suffisamment ventilé & examiné & qu'il en falloit venir à vne resolution. Le Cardinal Legat de ^{mais sont} Monte, qui estoit venu tout préparé sur cet affaire, laissa d'entrée parler ^{d'extremet} les plus ardents pour leur faire euaporer partie de leur chaleur: puis s'op- ^{diuersis,} posa dextremement, disant, Qu'il aduoüoit que la chose estoit necessaire, puisque tout le monde en estoit en attente: mais aussi, qu'il la falloit faire en temps conuenable & opportun, que la difficulté auoit esté maniée avec trop de fureur, & qu'en plusieurs elle auoit plus esmu les passions, qu'esueillé la raison: & pourtāt qu'il estoit necessaire de laisser rasseoir ces boüillons, & interposer vn peu de temps, iusques à ce, qu'ayant assopi les estrifs, & rallumé la charité, on donnaist lieu au S. Esprit, sans lequel on ne peut decider la verité. Que Sa Sainteté, qui avec beaucoup de desplaisir auoit entendu les contentions passées, requeroit le mesme, pour pouuoir aussi de son costé faire digerer la matiere à Rome, & aider le Concile de son bon aduis & conseil.

Et en fin fit sa conclusion, en termes bien plus precis, & absolus, qu'on ^{En fin} n'eust pu attēdre d'un tant modeste commencement, Qu'on n'en parlast plus ^{formellemēt} auant la Session: que telle estoit la volonté resoluë du Pape: mais bien qu'on ^{empeschés} trauaillast à la reformation des inconueniens, qui ont causé l'abus de non ^{par le Car-} resider. Ce meslinge de remonstrances & de precis commandement, fut ^{diral de} cause qu'aucuns des Peres, lesquels du depuis publierent par escrit des trai- ^{Monte,} tés sur cete matiere, dirent, & escriuirent, Que les Legats auoyent defendu de parler de cete question. Ce que d'autres nioient, inuediant contre les premiers, & disans, Qu'ils derogeoient à la liberté du Concile. Pour conclusion de la Congregation, il fut resolu de reprendre les choses intermises en la precedente Session, & de traiter d'oster les empeschemens, qui contraignent à ne resider. Et entr'iceux se presenta, pour le plus signalé & notable, celui de la pluralité de benefices: attendu qu'il est impossible de resider en plusieurs endroits. Et pourtant on delibera d'en traiter.

Mais, pour ne peslemesler les matieres, ie reciterai tout d'un tenant ce qui concerne les Sacremens, (ouïl n'y eut autre consideration, pour le plus, que speculative, & doctrinale) pour n'interrompre le fil du narré de la matiere beneficiale suiuaute, sur laquelle arriuerent choses, qui ouurirent la porte,

1546.
ordre posé
pour traiter
des Sacre-
mens,

à des accidens importans, & dangereux. En la matiere des Sacremens furent formés Articles par les Deputes, & fut eniointe aux Theologiens la maniere qu'ils auoyent à tenir à en parler, par vn papier communiqué à tous : avec ordre qu'ils eussent à dire, si tous ces Articles estoient heretiques, ou erronées : & s'ils deuoyent estre condamnés par le Concile : &, en cas qu'ils iugeassent que quelcun d'iceux ne meritaist d'estre condamné, qu'ils en produissent les raisons, & les autorités. Qu'en apres, ils exposassent quel a esté l'aduis des Conciles, & des saints Peres, sur chacun d'iceux : & quels Articles par le passé ont ia esté reprouvés, & quels restent encores à condamner. Et que, si quelcun se ressouuenoit de quelque autre Article digne de censure en cete matiere, qu'il le representast : & qu'en tout ceci ils euitassent les questions impertinentes, desquelles on peut disputer pour & contre, sans preiudice de la foi : & toute autre superfluité, & prolixité de paroles.

Articles
extraits des
liures des
Protestans
touchant les
Sacremens
en general,

Les Articles touchant les Sacremens en general furent en nombre de quatorze. Le premier, Que les Sacremens de l'Eglise ne sont en nombre de sept : mais que ceux, qui vrayement peuuent estre nommés Sacremens, sont en moindre nombre. Le deuxieme, Que les Sacremens ne sont necessaires, & que sans iceux les hommes peuuent acquerir la Grace de Dieu, par le moyen de la seule foi. Le troisieme, Que nul Sacrement n'est plus digne ni excellent que l'autre. Le quatrieme, Que les Sacremens de la Loi nouvelle ne conferent point la Grace à ceux qui n'y mettent empeschement. Le cinquieme, Que les Sacremens n'ont iamais conferé la Grace, ou la remission des pechés, mais que ç'a esté la seule foi du Sacrement. Le sixieme, Que tout soudain apres le peché d'Adam les Sacremens furent ordonnés de Dieu, & que par leur moyen la Grace fut donnée. Le septieme, Que par les Sacremens est conferée la Grace seulement à ceux qui croient que les pechés leur sont pardonnés. Le huitieme, Que la Grace n'est pas tousiours conferée es Sacremens, ni à tous à l'esgard du Sacrement : ains seulement quant & ou il plaist à Dieu. Le neuuieme, Qu'en nul Sacrement n'y a impression de Caractere. Le dixieme, Que le mauuais Ministre ne confere point le Sacrement. L'onzieme, Que tous les Chrestiens, de quelque sexe qu'ils soyent, ont egal pouuoir au ministere de la Parole, & en l'administration des Sacremens. Le douzieme, Que chaque Pasteur a pouuoir d'allonger, abbreger, & changer à son bon plaisir les formes des Sacremens. Le treizieme, Que l'intention des Ministres n'est necessaire, & n'est d'aucune vertu es Sacremens. Le quatorzieme, Que les Sacremens n'ont esté institués pour autre, que pour nourrir & entretenir la foi.

Le Ba-
ptisme en
particulier

Touchant le Baptisme, il y eut dixsept Articles. Le premier, Qu'en l'Eglise Romaine, & Catholique, il n'y a point de vrai Baptisme. Le deuxieme, Que le Baptisme est en la liberté de l'homme, & n'est necessaire à salut. Le troisieme, Que le Baptisme, administré par les heretiques, n'est pas le vrai Baptisme. Le quatrieme, Que le Baptisme est penitence. Le cinquieme, Que le Baptisme n'est qu'un signe exterieur, comme la croye rouge es brebis : & n'a aucune part en la Iustification. Le sixieme, Que le Baptisme doit estre reïteré, & renouvelé. Le septieme, Que le vrai Baptisme est la foi, qui croit que les pechés sont pardonnés aux repentans. Le huitieme, Qu'au Baptisme n'est point exterminé le peché, mais seulement non imputé. Le neuuieme, Que le Baptisme de Christ, & celui de S. Iean, sont de mesme vertu. Le dixieme, Que le Baptisme de Christ n'a point aneanti celui de S. Iean, mais y a adiousté la promesse. L'onzieme, Qu'au Baptisme le seul plongement & immersion est necessaire : mais que les autres ceremonies, dont on vse, sont libres, & peuuent estre omises sans peché. Le douzieme, Qu'il vaut mieux laisser de baptiser les petits enfans, que de les baptiser pendant le temps qu'ils ne croient point. Le treizieme, Que les petits enfans ne doiuent estre baptizés, d'autant qu'ils n'ont point de foi propre. Le quatorzieme, Que ceux, qui ont esté baptizés en enfance, doiuent estre rebaptizés, d'autant qu'ils n'ont pas cru, quand ils l'ont esté la premiere fois. Le

quinzieme, Que, quand ceux qui ont esté baptizés en enfance sont venus en aage, on les doit enquerir, s'ils veulent ratifier ce Baptisme: que s'ils disent que non, ils doiuent estre laissés en liberté. Le seizieme, Que les pechés cōmis apres le Baptisme sont remis & pardonnés par la seule memoire, & foi d'auoir esté baptizé. Le dixseptieme, Que la promesse & vœu du Baptisme n'a autre condition, que de la foi: voire meisme annulle tous autres vœus.

Touchant la Confirmation, il y eut quatre Articles. Le premir, Que la Confirmation n'est pas Sacrement. Le deuxiesme, Qu'elle a esté instituee par les Peres, & n'a aucune promesse de la Grace de Dieu. Le troisieme, Qu'à present c'est vne ceremonie oiseuse: & qu'ancieinement c'estoit vne espeece de catechization, lors que les enfans rendoyent raison de leur foi deuant l'Eglise. Le quatrieme, Que le ministre de la Confirmation n'est pas seulement l'Euesque, mais tout autre Prestre.

Es Congregations tous les Theologiens conuinrent ensemble de poser le nombre septenaire des Sacremens, & de condamner d'heresie l'opinion contraire, attendul'vniuersel consentement des Escholes, depuis le Maistre des Sentences, qui premier en parla definitiuelement, iusques à ce temps. Aquoi ils adioustoyent le Decret du Concile de Florence pour l'esgard des Arméniens, lequel determine ce nombre. Et pour plus grande confirmation ils allegoyent l'vsage de l'Eglise Romaine. Et de tout cela concluoyent qu'il falloit tenir ce nombre pour tradition Apostolique, & Article de foi. Mais, pour la seconde partie du premier Article, ils n'estoyent pas tous d'accord: les vns disans, Qu'il suffisoit d'ensuiure le Concile de Florence, lequel ne passa point plus auant. Car de vouloir decider, Que les Sacremens, proprement ainsi appelés, ne sont ne plus ne moins de sept, presuppose vne decision, quelle est la vraye & propre essence & definition du Sacrement: qui est chose pleine de difficultés, à cause des diuerses definitions du Sacrement, lesquelles les Scholastics, & les Peres mesmes lui ont données. Dont il aduiendroit, qu'en prenant l'une d'icelles, on donnera le nom de vrai & propre Sacrement à ce qui selon l'autre ne le sera pas. Que mesmes on disputoit entre les Scholastics, si le Sacrement se peut definir: s'il a vunité, si c'est chose reele, ou intentionele. Et qu'il n'estoit pas raisonnable d'arrester des conclusions par termes si expres, & liens si forts, n'ayans que si ambigus & douteux principes. Quelques vns ramenturent, que S. Bernard, & S. Cyprien, auoyent tenu pour Sacrement le lauement des pieds: & que S. Augustin fait Sacrement toutes les ceremonies, par lesquelles on honore Dieu: & qu'ailleurs à l'opposite il restreint le sens du mot, plus que ne requiert la propriété & nature d'icelui, faisant Sacremens ceux-là seulement, dont il est expressément parlé en l'Ecriture du Nouveau Testament: & en ce sens n'a posé autre Sacrement que le Baptisme, & l'Eucharistie, combien qu'en vn autre endroit il ait mis en doute, s'il y en auoit point d'autre.

Mais de l'autre costé on disoit, qu'il estoit necessaire d'establir par Article expres que les Sacremens, proprement ainsi nommés, ne sont ne plus ne moins de sept: pour refrener l'audace, tant des Lutheriens, qui en font or deux, or trois, or quatre; que d'autres, qui excedent le nombre de sept. Que, si es escrits des Peres on en trouue vn nombre par fois plus grand, par fois aussi plus petit, cela estoit adueni, d'autant qu'alors, auant la determination de l'Eglise, il estoit loisible de prendre le mot ores en vne signification plus ample, ores en vne plus estroite. Et en cet endroit, pour establir ce propre, rond, & absolu nombre de sept, ce que les Scholastics appellent la suffisance, qui ne reçoit ne plus ne moins, beaucoup de raisons furent employées avec vne ennuyeuse longueur, tirées des sept choses naturels, par lesquelles on acquiert & conserue la vie: des sept vertus, & des sept vices capitaux: des sept defauts arriués par le peché Originel: des six iours de la Creation du monde, & du septieme du repos: des sept playes d'Egypte, des sept Planetes: & de la fameuse dignité & excellence du nombre septenaire: & d'autres rapports & conuenances, fournies par les principaux Scholastics, pour

1547.

preuve de la Conclusion : outre plusieurs raisons, pour prouuer, que, la consecration des Eglises, des Vaisseaux, des Euesques, des Abbés, Abbeses, & Nonnains, ne l'eau benite, ne le lauement des pieds de S. Bernard, ne le Martyre, ne la Creation des Cardinaux, ni le couronnement du Pape, ne sont point Sacremens.

Il fut remonstré par quelques vns, que pour reprimer les heretiques, il ne ne suffisoit point de condamner l'Article, si de mesme main on ne nommoit aussi signamment vn chacun des Sacremens : afin que quelque esprit malicieux n'en vinst à forclorre quelcun des vrais, & en supposer quelque faux. Apres fut aussi auisé vn autre point essentiel à l'Article, assauoir, de determiner que Christ est l'auteur de tous les Sacremens : & ce, pour condamner l'heresie Lutheriene, qui attribue à Christ seulement l'institution du Baptesine, & de l'Eucharistie. Et pour prouuer que Christ en doit estre tenu par foi l'instituteur, estoit allegué saint Ambroise, & saint Augustin, & sur tout la tradition Apostolique. Et à cela nul ne dissentoit. Mais bien disoyent quelques autres, Qu'il n'estoit point expedient de passer si auant, & suffisoit se tenir dans les bornes du Concile de Florence, sur tout, attendu que le Maistre des Sentences auoit tenu, que l'Extreme onction auoit esté instituée par saint Iaques : & saint Bonaventure, avec Alexandre d'Ales, que la Confirmation auoit eu son commencement apres le temps des Apostres : & le mesme Bonaventure, avec autres Theologiens, font les Apostres auteurs du Sacrement de la Penitence. Et aussi touchant le Mariage, trouuera-on que plusieurs tiennent, qu'il fut ordonné par Dieu mesme au Paradis : & quand Iesus Christ en parle, qui estoit le vrai endroit pour en specifier l'auteur, il en rapporte l'institution au Pere, & non à foi. Pour toutes ces raisons, ils conseilloyent, qu'on n'adiousta point cete clause, afin qu'on ne vinst à condamner quelque opinion tenue par les Catholiques mesmes. Mais les Iacopins au contraire affermoient, mesmes avec quelque aigreur de paroles, que tous ces Docteurs peuuent estre expliqués, & sauues par plusieurs distinctions : d'autant que, s'ils viuoyent, ils s'en rapporteroient tousiours au iugement de l'Eglise : mais qu'il ne falloit point se passer de condamner l'audace des Lutheriens, lesquels on introduit ces faussetés au mespris de l'Eglise : & qu'il n'estoit pas raisonnable de tolerer es Lutheriens temeraires ce qu'on supporte es saints Peres.

*sur le second
article de
la necessité
des Sacre-
mens, il y a
diuersité
d'avis.*

Pour le deuxieme Article, touchant la necessité des Sacremens, quelques vns vouloyent, qu'il ne fust point condamné ainsi absolument : mais qu'il fust distingué ; attendu que c'est chose hors de doute, que tous ne sont pas absolument necessaires. Vn autre auis portoit, qu'on condamnast seulement ceux qui diroyent, Que les Sacremens ne sont pas necessaires en l'Eglise : veu qu'il est notoire, que tous ne sont necessaires à chaque personne : voire mesmes qu'il y en a qui sont incompatibles l'un avec l'autre, comme celui de l'Ordre avec le Mariage. Nonobstant cela, la plus commune opinion fut, que l'Article fust condamné tout ainsi absolument : & ce, pour deux raisons : l'une, d'autant que la necessité de l'un des Sacremens suffit, pour faire que l'Article, en la forme qu'il est conceu, soit faux : l'autre, pour ce que tous sont en quelque façon necessaires, les vns absolument, les autres conditionnellement & par hypothese : les vns par conuenance, les autres pour plus grande vtilité : au grand esbahissement de ceux qui ne pouuoient approuuer qu'on formast Articles de foi, auant tant d'equiuocation : lesquels on tascha de contenter, lors que les Canons furent composés, adioustant, qu'on condannoit ceux qui tiennent les Sacremens pour non necessaires, ains pour superflus : amplifiant par ce dernier terme la signification du premier.

Quant à l'autre partie de ce deuxieme Article, plusieurs estoient d'aduis qu'elle fust omise : attendu que, pour ce qui concerne la foi, il auoit ia esté arresté en la presedente Session, que la foi seule ne suffit point. Et le Carme Marinier disoit, Que quant à la distinction, dont on vsoit en cet affaire, du Sacrement en effet, & du Sacrement en vœu & ferme propos, & intention,

elle estoit bien veritable, mais auoit esté inuentée & employée seulement par les Scholastics, estoit inconnue à l'Ancieneté, & estoit pleine de difficultés: d'autant qu'és Actes des Apostres, en l'instruction du Centenier Corneille, l'Ange lui dit, Que ses oraisons auoyent esté agreables à Dieu, auant qu'il fust rien du Sacrement du Baptisme, & d'autres particularités de la foi. Et toute la famille d'icelui, oyant le Sermon de S. Pierre, receut le S. Esprit, auant qu'estre instruite en la Doctrine des Sacremens: & apres auoir receu le S. Esprit, elle fut instruite par S. Pierre touchant le Baptisme: dont, n'en ayant eu auparauant aucune connoissance, il estoit impossible, qu'elle l'eust receu par vœu, & ferme intention. Que semblablement le bon brigand, prest à mourir sur la Croix, tout sur l'heure mesmes illuminé par la vertu de Christ, ne sauoit rien des Sacremens, pour en faire le vœu. Que le mesme pouuoit on dire de plusieurs Saints Martyrs, lesquels en l'ardeur des persecutions, auoyent esté conuertis en voyant la constance des autres, & tout sur le champ entraînés au suplice: desquels, ce seroit deuiner que de dire, qu'ils eussent connoissance des Sacremens, pour en faire vn vœu. Et pourtant qu'il valoit mieux laisser cete distinction aux Escoles, sans l'insérer dans les Articles de foi. Mais à cela repugnoit la commune opinion, qui portoit, que, combien que les termes, & paroles de la distinction fussent nouuelles, & scholastiques, il falloit toutesfois croire, que le sens & la signification en auoit esté enseignée par Iesus Christ, & qu'elle estoit deriuée à nous par tradition Apostolique. Et, quant aux exemples de Corneille, du brigand, & des Martyrs, estoit à sauoir, qu'il y a deux sortes de vœux du Sacrement: l'un expres, & l'autre confus & implicite: & qu'au moins cetui-ci est necessaire. C'est à dire, Qu'actuellement ils n'auoyent pas ce vœu & ferme propos: mais l'auroyent eu, s'ils eussent eu la connoissance. Ces choses estoient bien accordées par les autres, comme veritables, mais non comme obligatoires, en qualité d'Article de foi. Mais, en ces difficultés, là ou ils ne pouuoient conuenir ensemble, les vns & les autres s'en r'apportoyent au Concile, c'est à dire, à la Congregation generale.

Et de mesmes aduint-il au troisieme Article, car tous le tenoyent bien pour faux: d'autant qu'ils estoient tous d'accord, qu'à l'esgard de l'utilité, & de la necessité, le Baptisme precede les autres: mais qu'à l'esgard de la signification, le Mariage est le plus excellent: & à l'esgard du ministre, la Confirmation: mais que quant à la veneration, l'Eucharistie a l'aduantage par dessus les autres. Dont, puis qu'on ne pouuoit simplement & absolument establir lequel estoit le plus digne, sans y apposer distinction, il valoit mieux omettre tout à fait cet Article, lequel ne peut estre entendu sans subtilité. Vne autre opinion couroit, qu'il falloit expliquer tous les diuers esgards de dignité. Et vne autre encor, qui portoit, qu'on adioustast à l'Article cete clause, selon diuers esgards. Et celle-ci estoit la plus suiuite: mais au desplaisir de ceux, qui ne pouuoient agreer que le Concile s'abbaist à ces ineptes Scholastiqueries, ainsi les appelloyent-ils: & voulust croire que Iesus-Christ fust auther de ces minces subtilités d'opinion en la doctrine de sa foi.

Au quatrieme, tous furent d'aduis que l'Article fust condanné: voire mesmes adiouterent, qu'il estoit necessaire de l'amplifier, condannant spécialement la doctrine Zuingliene, qui veut que les Sacremens ne soyent autre que signes, par lesquels les fideles sont discernés d'avec les infideles: ou bien actes, & exercices de profession de la foi Chrestienne, & qu'ils n'ont autre rapport à la Grace, sinon d'estre signes de l'auoir receuë. Ils remonstrerent encor de plus, qu'il falloit condamner, tant ceux qui nient que les Sacremens conferent la Grace à qui n'y met point d'empeschement, que ceux qui auouent point que la Grace est contenue és Sacremens, & est conferée, non en vertu de la foi de celui qui les reçoit, mais *ex opere operato*, c'est à dire, en vertu de l'œuvre mesmes en foi. Et passant de là à l'explication de la maniere de cete cōtenance & causalité, tous s'accordoyent bien à dire, que, par toutes les actions qui excitent la deuotion, on acquiert la Grace, mais

1547.

que cela ne prouient point de la vertu de l'œuvre mesmes, ains de la vertu de la deuotion, qui est en celui qui œuvre : & de telles œuvres disent les Escholes, qu'elles sont cause de la Grace, *ex opere operantis* : c'est à dire, en vertu de la qualité de celui qui les fait. Mais qu'il a d'autres actions, qui sont causes de la Grace, non pour la deuotion de celui qui fait ou reçoit l'œuvre, mais en vertu de l'œuvre mesme. Et tels sont les Sacremens Chrestiens, par lesquels la Grace est receüe, pourueu seulement qu'en celui qui les reçoit il n'y ait point d'empeschement de peché mortel, qui excluë icelle Grace, ores qu'il n'y ait en lui aucune deuotion : & qu'ainsi par l'œuvre mesme du Baptisme en soi, est conferée la Grace à l'enfant, qui n'a aucun mouuement de cœur & d'ame enuers icelui : & semblablement à vn homme né destitué de sens : ce qui auient d'autant qu'il n'y a point d'empeschement de peché. Que le mesme effet est produit par le Sacrement du S. Cresme, & par celui de l'Extreme onction, lors mesme que le malade a perdu la conoissance. Mais, que si quelcun est en peché mortel, auquel actuellement, ou habituellement il perseuere, icelui ne recevra point la Grace, à cause de la contrariété : non que le Sacrement n'ait la vertu de la conferer *ex opere operato* : mais, d'autant que le recipient n'en est pas capable, estant tout occupé, & possédé d'une qualité contraire.

mais, avec
grand-estris
des Iacopi-
pins & des
Cord. l'ers,

Mais, quoi qu'ils conuissent tous en ceci, ils estoient toutesfois discordans en ce, que les Iacopins affermoient, que, quoi que la Grace soit vne qualite spirituelle, créée immediatement de Dieu, neantmoins il y a es Sacremens vne certaine vertu instrumentale, & effectiue, laquelle produit en l'ame vne disposition à la receuoir : & que c'est ce, pourquoy on dit, Que les Sacremens contiennent la Grace : non qu'elle y soit contenue, comme dedans vn vaisseau, mais qu'elle y est comme l'effet en sa cause, dequoy ils donnoient vn subtil exemple, du ciseau qui est actif, non seulement à esbaucher & ciseler la pierre, mais aussi à donner forme à la statue. Les Cordeliers disoient, Qu'il estoit impossible de comprendre, comment Dieu, qui est vne cause spirituelle, employe pour vn effet spirituel, qui est la Grace, vn instrument corporel : & nioient absolument toute vertu actiue, & dispositiue es Sacremens : disans, Que leur efficace ne procede d'ailleurs, sinon de ce, que Dieu a promis, que toutes les fois & quantes que le Sacrement sera administré, il donnera la Grace : & que pour ceste cause il est dit que le Sacrement la contient, assauoir, comme en signe efficaceux, & non par vertu qui soit en lui : ains par la force de la promesse de Dieu, de prester infailible assistance à ce ministere : lequel à cet esgard est cause, d'autant qu'icelui posé l'effets'ensuit, non par vertu qui soit en lui, mais par la promesse de Dieu de donner sa grace en mesme temps : de mesme que le merite est appelé cause du loyer & recompense, non par aucune actiuité & vertu efficaceuse. Ce qu'ils prouuoient, non seulement par l'autorité de l'Escot : & de S. Bonauenture, leurs Theologiens, mais aussi par celle de S. Bernard, qui dit, Que la grace est receüe par les Sacremens, de mesme que le Chanoine reçoit son inuestiture par le liure, & l'Euesque par l'anneau. La prolixité à exposer les raisons estoit grande de part & d'autre, & l'animosité n'estoit pas moindre. Ils se censuroient les vns les autres. Les Iacopins disoient, Que l'autre aduis estoit proche à celui des Lutheriens : & les autres repliquoient, Que celui des Iacopins, estant impossible, donnoit suiet aux heretiques de calomnier l'Eglise. Il ne fut iamais possible à quelques bons Prelats de les accorder : disans, Que puis qu'ils conuenoient en la Conclusion, que les Sacremens contiennent la grace, & sont cause d'icelle, il importoit bien peu de le dire plustost en vne maniere, qu'en vne autre : ains, qu'il valoit mieux de se tenir à la generalité, sans s'arrester à aucune d'icelles manieres en particulier. Car les Moines repar-
toient, Qu'il nes'agissoit point de paroles : mais d'establir, ou aneantir les Sacremens. Et iamais ne fust-on venu à vne fin, n'eust esté que le Legat Ste. Croix commanda qu'on passast au demeurant, & qu'à la fin on retourneroit à ce mes-

à ce mesme point, & qu'on examineroit s'il estoit necessaire de le decider, ou de l'omettre.

Les Legats appelerent les Generaux des Ordres, & les prierent de moyener enuers les leurs, qu'ils traitassent en modestie & charité, & non avec tant de passion pour leur propre secte: leur remonstrant, qu'ils n'estoyent appelés que pour agir contre les heresies, à quoi estoit grandement contraire d'en faire naistre d'autres par leurs disputes. En outre, ils donnerent auis, à Rome, combien estoit dangereuse la liberté que les Moines s'attribuoient, & à quoi elle pouuoit aboutir; remonstrans au Pape, qu'une correction & moderation leur estoit necessaire: d'autant que si le bruit de ces dissensions, & des censures que l'une partie prononçoit contre l'autre, venoit à s'espan- dre, il n'en pouuoit naistre que du scandale, & peu de reputation du Conile.

Pour le cinquieme Article, il fut iugé qu'on le deuoit omettre, comme ^{le cinquieme est omis,} décidé en la precedente Session. Mais Frere Barthelemi Mirande remon- stra, Que Luther de son paradoxe, Que les Sacremens ne conferent la Grace, sinon entant qu'ils excitent la foi; auoit aussi tiré cete conclusion, Que ceux de la vieille loi, & ceux de la loi Euangelique, sont d'egale vertu: laquelle opinion il falloit condanner, comme contraire à la doctrine des Peres, & de l'Eglise: tous ayans dit & soustenu, Que les Sacremens anciens n'estoyent que signes de la Grace, mais que ceux de l'Euangile la contiennent, & la causent. Nul ne contredit à la conclusion: mais les Cordeliers remon- stroyent, qu'il ne falloit pas dire de la vieille loi, ains de la Mosaïque: attendu, que la Circoncision cau- soit bien aussi la Grace, mais n'estoit point Sacrement Mosaïque: selon que Christ mesme auoit dit, Qu'elle n'estoit point de Moysse, mais des Peres: & en outre, d'autant qu'autres Sacremens auant Abraham causoyent & conferoyent la Grace. Mais les Iacopins repliquoy- ent, Que le dire de saint Paul estoit tout clair & euident, Qu'Abraham auoit receu la Circoncision seulement pour signe: & qu'estant le premier, à qui elle fut baillée, c'estoit autant que dire, qu'elle estoit instituée pour signe. Dont, sur le suiet de la maniere de causer, & de contenir la Grace, les questions & disputes retournoyent sur les rangs. Frere Gregoire de Padoue dit à ce propos, Que les Logiciens enseignent pour chose toute claire, que les choses d'un mesme genre ont quelque chose de mesme entr'elles, & quelque chose de different. Que si les Sacremens anciens, & les nostres, n'auoyent autre chose entr'eux que difference, ils ne seroyent pas tous Sa- cremens, sinon par equiuoque de nom. Que si aussi, par le contraire, ils n'auoyent que conuenance, ils seroyent en tout & par tout une mesme chose. Et pourtant qu'il falloit prendre garde de ne mettre, pour quelque di- uersité de paroles, difficulté en choses claires. Que S. Augustin auoit dit, Que les uns & les autres estoyent pareils & egaux en la chose signifiée, quoi que differens au signe. Et en un autre endroit, Qu'ils estoyent differens & diuers en l'espece, ou apparence visible, mais les mesmes en la signification intellectuelle: & qu'ailleurs il en auoit donné la difference, disant, Que ceux-là auoyent esté promissifs, & ceux-ci indicatifs: ce qu'en un autre en- droit il exprime par autres termes, disant, Que ceux-là auoyent esté pro- nonciatifs, & ceux-ci contestatifs. Que de là il appert clairement, qu'il y a plusieurs conuenances, & plusieurs differences aussi, lesquelles nul hom- me de sens ne peut nier. Et que pourtant en la premiere confection de ces Articles on auoit prudemment passé sous silence cetui-ci: & qu'il n'estoit nullement à propos de le toucher au Decret present. Un autre auis fut a- uancé, qui portoit, Que, sans venir à ces particularités, on condannast l'o- pinion des Lutheriens, & Zuingliens: Qui disent, Qu'il n'y a autre différen- ce entre les Sacremens anciens, & les nouveaux, qu'en signes & ceremonies externes. Ce qui est faux, veu qu'il a esté démontré qu'il y en a encord'autres. Que donques il suffisoit de les condanner pour cela seul, qu'ils n'y mettét au- tre difference, sans pourtant particulariser, en quoy gist l'autre qu'on pro- pose y eitre.

1547.

le sixieme
de mesme,
à cause des
debats quil
engendroit,

Le fixiesme Article estoit censuré par les Iacopins, qui disoyent, Que le propre des Sacremens Euangeliques est de conferer la Grace: laquelle les Anciens n'auoyent receuë qu'en vertu de la deuotion d'un chacun: telle estant l'opinion de S. Thomas. Ils allegoyent, pour principal argument, la decision du Concile de Florence, qui porte, Que les Sacremens de la vieille Loi ne causoyent point la grace, mais seulement figuroyent qu'elle deuoit estre conferée par la passion de Iesus Christ. Mais, d'autant que S. Bonauenture, & l'Escot, auoyent maintenu, que la Circoncision conferoit la Grace, *ex opere operato*: voire mesme l'Escot auoit dit de plus, que subit apres le peché d'Adam fut institué vn Sacrement, auquel estoit donnée vne Grace aux petits enfans par la propre vertu & force d'icelui, qui est tout autant que dire, *ex opere operato*: voila pourquoi les Cordeliers disoyent, que l'Article contenoit verité, & ne pouuoit de raison estre censuré. Et faisoient grande force sur ceci: c'est, que si le dire de S. Thomas, que les petits enfans, auant la venue de Christ, ont esté sauués par la foi de leurs peres, & non par la vertu des Sacremens, auoit lieu, il s'ensuiuroit que la condition des Chrestiens est pire que celle des Anciens: attendu qu'à present la foi des peres ne sert de rien aux petits enfans, sans le Baptisme: iusques là que S. Augustin escrit, qu'un petit enfant auoit esté donné, estant mort pendant que son pere le portoit baptiser. En ces difficultés, plusieurs furent d'aduis, que l'Article fust omis, comme probable, & disputable en tous les deux sens.

comme au-
si le septie-
me & le
huitieme:
le neuui-
me, tou-
chant le
Characte-
re, engen-
dre beau-
coup de dis-
cours, mais
est condan-
né:

Ils s'accorderent tous de passer le septieme & le huitieme Articles. Mais sur le neuuieme, touchant le Caractere, Frere Dominic de Soto proposoit, Qu'il seroit bon de declarer, qu'il a fondement en l'Escripture sainte, & que tousiours il a esté tenu en l'Eglise pour tradition Apostolique. Et que, quoi que tous les peres n'ayent vsé du mot, la chose toutesfois est tres ancienne. Mais d'autres lui desdisoyent vne si grande estendue, & generalité: d'autant qu'on ne voit point que ni Gratien, ni le Maistre des Sentences, en aient fait mention: ains l'Escot a dit, que, par les paroles de l'Escripture sainte, ou des Peres, il n'y a point de necessité de l'establir: ains seulement par l'autorité de l'Eglise: qui est vne façon assez coustumiere à ce Docteur, de nier courtoisement les choses. C'est chose qui merite d'estre entendue, que les diuers sentimens qu'ils auoyent touchant ledit Caractere, ce qu'il est, & ou il reside: selon que les Scholastiques en ont parlé diuersement: les vns en faisant vne qualité, entre lesquels encor il y a quatre opinions différentes, selon les quatre especes de qualité: les vns disent, que c'est vn pouuoir spirituel: autres, vne habitude & disposition: autres, vne figure spirituelle: quelques autres aussi, vne qualité sensible metaphorique: opinion, qui auoit ses adherans & approbateurs. Autres voulans que ce soit vne relation reele: autres vne imagination, & fiction de la pensée, à qui il demeureroit encores à declarer, de combien icelle est esloignée d'un pur neant. Quant au suiet aussi, ou icelui reside, la mesme varieté n'estoit moins ennuyeuse: les vns disans, que c'est l'essence de l'ame: les autres, l'intellect: les autres, la volonté: quelques vns mesmes lui donnerent lieu & place es mains, & en la langue. Frere Ierome Portugais, Iacopin, estoit d'opinion qu'on establisset que tous les Sacremens impriment vne qualité spirituelle, auant que la Grace suruiene: & que ceste qualité est de deux especes, l'une ineffaçable, l'autre qui se peut perdre, & puis racquerir: que la premiere est nommée Caractere: la deuxieme n'est qu'un certain ornement, ou embellissement. Que les Sacremens, qui conferent cete premiere qualité, ne se reïterent point: d'autant que leur effet dure à tousiours: mais que ceux qui apposent cet ornement susdit se reïterent, lors que leur effet est perdu. Chose specieuse, & gaye, mais approuuée de peu de gens, pour ce qu'il ne se trouue autheur aucun de cet ornement, fors Thomas d'Aquin, lequel l'ayant enfanté, ne l'a pas iugé digne de le nourrir & esleuer. Or, quoi que tous conuinsent en cete generalité, que trois Sacremens ont le Caractere, quelques vns toutesfois, par modestie, disoyent, que cela de-

uoit estre tenu pour chose probable, & vraisemblable, mais non necessaire: 1547.
autres au contraire, que c'estoit vn article de foi, d'autant qu'Innocent troi-
sieme en auoit fait mention, & que le Concile de Floréce l'auoit ainsi arresté.

Quant à l'Article dixieme, Que le meschant ministre ne confere point le *le dixieme*
Sacrement, la chose auoit esté tant & tant ventilée & esclaircie par saint *condanné,*
Augustin en tant de traités contre les Donatistes, soustenant que la pru-
d'homme du Ministre n'y est point necessaire, que les Theologiens eurent
suiet de parler vnanimement: & outre cela, fut produit pour fondement
principal, que cet Article auoit esté condamné par le Concile de Constance;
entre les erreurs de Jean Vviclef.

L'onzieme fut condamné par les suffrages de tous, comme contraire à *l'onzieme*
l'Ecriture, à la Tradition, & à l'usage de l'Eglise vniuerselle. *de mesme;*

Le douzieme, concernant les diuerfes formes des Sacremens, fut distin- *le douzieme*
gué, parce qu'il peut receuoir deux sens & interpretations: entant que par *me censuré*
le mot de forme on peut entendre les paroles essentielles du Sacrement, sui- *par distin-*
uant quoi on dit, Que tout Sacrement a sa matiere, qui est l'element sen- *ction:*
sible: & la forme, qui est la Parole: ou tout le formulaire, & ceremonie de
l'administration d'icelui, qui enclot beaucoup de choses non necessaires,
mais toutesfois conuenables, & bien seantes. Et pourtant on conseilloit
d'en faire deux Canons: par le premier desquels fust condamné d'heresie
qui diroit, Que la forme du Sacrement, instituée par Christ, peut estre chan-
gée: & par le deuxieme fust dit, à l'esgard du second sens, Que, quoi que
les choses accidentelles puissent receuoir changement, toutes fois, quand
vne ceremonie a esté introduite par autorité publique, & a esté receüe, &
authorisée par l'usage commun, il n'est, ni ne doit estre au pouuoir de cha-
que particulier de la changer: ains, que quand il le faudroit faire pour
quelque nouuel esgard, cela appartient au Pape de Rome, comme chef de
toute l'Eglise.

Sur le trezieme Article, touchant l'intention du Ministre, ils ne pouoyent *le trezieme*
dissenter du Concile de Florence, qui la iuge necessaire: mais il estoit diffi- *de l'inten-*
cile à expliquer qu'elle intention y est requise, à cause de la diuersité des *tion du*
sentimens des hommes sur la valeur & efficace des Sacremens: dont il ad- *Prestre,*
uient qu'il est impossible que deux, qui ont diuerfes opinions, ayent vne *condanné*
mesme intention. La commune responce & resolution estoit, qu'il suffit a- *aussi, mais*
uoir l'intention de faire ce que fait l'Eglise. Mais cete explication remet- *avec grâces*
toit sus les mesmes difficultés: d'autant que par icelle il aduiendroit que, *de diu rsi-*
selon la diuerse opinion des hommes qu'elle est l'Eglise, leur intention aus- *te d'auis,*
si, en administrant le Sacrement, seroit diuerse. Il sembloit que on pust di-
re, Qu'il n'y auroit aucune difference, ou diuersité, quand on diroit, Que
tous ont vn mesme but de faire ce qui a esté institué par Iesus Christ, & que
l'Eglise obserue: quoi qu'aucun pust prendre vne fausse Eglise pour vraye:
moyennant que la ceremonie de l'une & de l'autre soit la mesme.

En cet endroit Catarin Euesque de Minori, proposa vne chose digne de
memoire, laquelle tous iugerent meriter consideration, & estre de poids.
C'est qu'il dit, Qu'aux Lutheriens, qui n'assignent autre vertu aux Sacre-
mens que d'exciter la foi, laquelle pourtant peut bien estre resueillée par
autres manieres, il importe bien peu de receuoir le vrai Sacrement. dont
aussi ils disent, Qu'il n'est point necessaire: & toutesfois encor tiennent
pour chose absurde, que la malice du meschant Ministre, qui n'ait intention
de conferer le vrai Sacrement, puisse nuire: attendu qu'il faut regarder ce
que le fidele reçoit, non ce que le Ministre lui baille. Mais, quant aux Ca-
tholiques, qui selon la verité, donnent au Sacrement efficace de conferer
la Grâce à qui n'y met empeschement, il importe grandement d'estre cer-
tains, s'ils reçoient le vrai & efficace Sacrement: veu qu'il aduient tres-
rarement qu'on obtiene la Grace par autre moyen: & certes les petits
enfants, & les personnes despourueës de sens, ne la reçoient point par
autre: & les hommes communs ont si petite & foible disposition pour l'or-

1547. dinaire, que sans le Sacrement iamaïs elle ne suffiroit à recevoir la Grâce: & encor ce petit nombre de personnes, qui sont aussi rares que des Phœnix; lesquels ont vne disposition parfaite, reçoivent pourtant grace plus grande par le Sacrement. S'il arriuoit qu'un Prestre, qui eust la charge de quatre ou cinq mil ames, fust vn incrédule, mais quant & quant signale hypocrite, & en l'Absolution des penitens, au Baptême des petits enfans, & en la Consecration de l'Eucharistie, eust secreete intention de ne faire point ce que fait l'Eglise, il faudroit dire que les petis enfans seroyent dannés, les penitens non absous, & tous priues du fruit de la sainte communion. Et ne sert de rien de dire, que la foi supplée, d'autant que cela ne peut estre vrai es enfans: & es autres, elle ne peut, selon la Doctrine Catholique, faire l'effet du Sacrement: & si elle le peut faire au cas de la malice du Ministre, veu qu'icelle peut estre ordinaire, & perpetuelle, pourquoi ne le fera-elle pas tousiours? Outre ce, qu'assigner tant de force à la foi, est oster la vertu aux Sacremens, & tomber en l'opinion des Lutheriens.

Il mettoit en consideration, quelle seroit l'affliction d'un tendre pere envers son enfant qui fust aux traits de la mort, s'il venoit à douter de l'intention du Prestre qui l'a baptizé: & semblablement en qu'elle anxieté seroit vn nouice, qui ne sentist en soi qu'une bien petite disposition & fort imparfaite, & toutesfois se presentast pour recevoir le Baptême, s'il entroit à douter que le Prestre peut estre vn faux Chrestien, & peut se moquer, & n'auoir intention de le baptizer, ains seulement de le tremper ou lauer par ieu & plaisanterie. Que le mesme pouuoit estre considéré en la Confession, & en la perception de l'Eucharistie. Que si, disoit en outre Catarin, on dit, que ces cas sont rares, pluit à Dieu qu'ainsi fust, & qu'en ce siecle corrompu on n'eust suiet de redouter qu'ils ne soyent que trop frequens: mais ores qu'ils fussent tres-rares, & qu'il n'y en eust qu'un seul, qu'en est-il pourtant? Ne pourroit-il pas aduenir, qu'un Prestre meschant se feignist, & sans intention administraist le vrai Baptême à vn petit enfant, lequel puis apres, deuenu homme, fust cree Euesque d'une grande ville, & vescuist en ce degre & charge plusieurs annees, & ordonnast vne grande partie des Prestres: dont icelui n'ayant point esté baptizé, ne seroit point aussi ordonné, & aussi peu le seroyent ceux qui auroient esté promûs par lui: si bien qu'en cete ville-là il n'y auroit point de Sacrement d'Eucharistie, ni de Confession, lesquels ne peuuent estre sans le vrai Sacrement des saints Ordres, ne cetui-ci sans vn vrai Euesque, ne vrai Euesque, duement ordonné, sans Baptême. Voila comment par la meschanceté d'un Ministre il se rencontrera en vn seul Acte vn milion de nullités de Sacremens. Et qui voudra dire, qu'en vne si grande frequence & multitude de nullités Dieu supplée par sa Tout-puissance, & qu'il pouruoit aux choses quotidiennes par des remdes extraordinaires, persuadera beaucoup plus tost, que Dieu ait ia pourueu par sa providence que semblables accidens ne puissent aduenir. Et pourtant disoit cet Euesque, Dieu a pourueu à tout inconuenient, ayant ordonné, que cela soit vrai Sacrement, qui est administré avec la ceremonie ordonnée par lui, quoi qu'il puisse aduenir que le Ministre ait autre intention. Mais adioust a que cela ne repagne point pourtant à la doctrine commune des Theologiens, ni à la determination du Concile de Florence, qui porte, Que l'intention du Ministre est requise au Sacrement: d'autant que cela se doit entendre non de l'interieure, mais de celle qui se manifeste par l'œuvre exterieure, ores qu'interieurement il y en eust vne contraire. Et qu'ainsi sont vuidés tous les inconueniens, qui autrement seroyent innombrables. Il allega plusieurs autres raisons pour preue de son dire, & enfin produisit vn exemple enregistré par Sozomene en son histoire Ecclesiastique, Qu'un iour, les petits enfans d'Alexandrie, s'estans amassés pres de la mer pour iouer, prirent à imiter, par maniere de passer temps, les actions qu'on a accoustumé de faire en l'Eglise: & avans cree Athanase Euesque de leur ieu, icelui baptiza quelques enfans d'entr'eux, non encor baptizés: ce qui a-

yant esté entendu par Alexandre, Euesque d'Alexandrie, de fameuse memoire, il en fut troublé, & ayant appelé les petis enfans, il s'enquit d'eux, ce que leur feint Euesque leur auoit fait, & dit : & apprit de leur response, Que toute la forme & ceremonies de l'Eglise auoit esté obseruée : dont, de l'aduis & conseil d'autres Prestres, il approuua & ratifia ce Baptisme. Sur quoy l'Euesque Catarin disoit, Que cete approbation ne seroit point soutenable, si au Sacrement estoit requise vne intention telle que les autres disoient : mais bien en la maniere, laquelle il auoit conceüe, & exprimée.

Cete doctrine ne put estre goustée par les autres Theologiens, qui toutesfois furent tous estourdis, & confus de la raison qu'icelui alleguoit, laquelle ils ne voyent point comment pouuoir soudre. Et cependant persisterent en la doctrine qu'ils auoyent imbuë, Que la vraye intention du Ministre est necessaire, soit qu'elle soit actüele, soit virtuelle, ou potentiële : & que s'il a vne interieure intention contraire, le Sacrement n'est point valide, nonobstant toute exterieure demonstration. Je ne laisserai pas de dire, quoy que cela puisse sembler vne anticipation en l'ordre du temps, qu'encores que du depuis le Concile determinast absolument, que l'intention du Ministre est necessaire, comme chacun peut voir es Decrets publiés, ce Prelat neantmoins demeura ferme en son opinion : voire mesmes, vn an apres, escriuit vn petit traité sur cete matiere, auquel il assure que le Concile de Trente auoit esté de son aduis, & que la determination d'icelui se deuoit entendre selon son sens.

Pour le dernier Article il n'y eut point de difficulté, attendu les choses dites sur les autres, qu'il ne fust condanné tout à plat.

La matiere du Baptisme en particulier fut de plus facile & prompte expedition. Au troisieme Article, touchant le Baptisme administré par les heretiques, tous se fonderent sur la doctrine des Escholes, receüe par le Concile de Florence, Que le Sacrement requiert matiere, forme, & intention : & que l'eau est la matiere : l'expression de l'acte, fait au nom du Pere, du Fils, & du S. Esprit, la forme : & penser à faire ce que l'Eglise fait, l'intention. Et partant passerent la conclusion pour indubitable, Que les heretiques, qui conuienent avec les Catholiques en ces trois choses, ont vn vrai Baptisme : & affermoient que cete doctrine deriuoit de tradition Apostolique, & auoit ia ancienement esté arrestée par Estienne I. Pape de Rome, au commencement du troisieme siecle, & puis approuuée par l'Eglise du temps suiuant. Mais ceux qui sont versés en l'Antiquité, sauent bien, que ce ne fut pas là l'aduis d'Estienne : & en ces temps-là estoit inconnu que c'est de forme, matiere, & intention : & le sentiment de ce Pape ne fut autre, sinon qu'absolument il ne falloit point rebaptizer ceux qui se conuertissoient de l'heresie, quelle qu'elle fust, sans en excepter aucune. Voire mesmes, qu'en ces temps-là, les heretiques, hormis quelque peu de Montanistes, estoient Gnostiques, qui vsoient d'estranges façons de Baptisme, pour les horribles & prodigieuses opinions qu'ils tenoyent de la Diuinité, & de la personne de Christ. Et est certain que leur Baptismes n'auoyent point la forme, qui est aujourd'hui en vsage : & toutesfois l'Eglise Romaine receuoit alors à penitence indifferemment toutes sortes d'heretiques, sans les baptizer. À l'opposite, les Euesques d'Afriques, ensemble ceux de Capadoce, maintenoient qu'il falloit rebaptizer indifferemment tous les heretiques. Le Concile de Nicée tint la voye du milieu, ordonnant que les Cathares ne fussent point rebaptizés, mais bien les Paulianistes, & les Montanistes. Le Concile de Constantinople specifica plusieurs heretiques, qui deuoient estre rebaptizés, & d'autres qu'on pouuoit recevoir avec leur Baptisme : lesquels toutesfois il seroit fort malaisé de verifier auoir vsé de nostre forme de Baptisme. Mais, ce qui importe le plus est, que S. Basile atteste, qu'à Rome les Nouatiens, Encratites, & Saccophores, n'estoyent point rebaptizés, lesquels toutesfois lui Basile rebaptisoit : ne tenât point pour absurde cete diuersité : mais seulement disant, qu'il seroit bon d'assembler bon

1547. nombre d'Euesques, pour résoudre de proceder vniformément. Mais ces choses n'estoyent non plus pesées & considerées au Concile, que fables surannées; & se tint-on à la Doctrine courante, Que l'heretique baptise veritablement, s'il vse des mesmes paroles, & a la mesme intétion que l'Eglise.

le quatrieme Le quatrieme Article touchant le Baptisme, qui porte, Qu'icelui est Penitence, ne fut point tenu pour faux par aucuns, attendu le sens & vertu des termes esquels il est conceu. Ils allegoyent que l'Euangeliste dit, Que St. Iean auoit presché le Baptisme de repentence. Et que St. Paul aux sixieme des Hebrieux auoit appellé le Baptisme du nom de repentance. Et que plusieurs Peres auoyent aussi parlé en la mesme sorte. Dont l'Article ne pouuoit estre condanné, sinon qu'il portast en termes formels, Que le Baptisme est le Sacrement de la Penitence. Mais, d'autant qu'en ce sens il sembloit estre le mesme que le sezieme, la pluspart opina qu'il le faloit omettre.

le neuuiesme, & dixieme touchant le Baptisme de S. Iean, condanné. Quant au neuuiesme & dixieme, concernans le Baptisme de S. Iean Baptiste, plusieurs estoyent d'auis qu'on les omist: d'autant que ne se parlant point des Sacremens de l'ancienne Loi, encor moins conuenoit-il parler de celui qui auoit esté entredeux: attendu que le but du Concile n'estoit que de traiter des Sacremens de la nouuelle Loi. Mais d'autre part il fut répliqué, Que l'intention des heretiques, n'est pas de releuer le Baptisme de Iean au pair de celui de Christ: ains, de raualer celui de Christ au pied & mesure de celui de Iean: inferant que, comme celui de Iean ne conféroit point la Grace, mais estoit simplement & purement significatif d'icelle, ains aussi celui de Christ n'est autre chose: ce qui est vne heresie formelle.

l'onzieme censuré avec distinction. En l'onzieme Article, touchant la ceremonie du Baptisme il y en auoit qui vouloyent qu'on distinguast les essentielles d'avec les accessoiress: disant, Que celles-là seules ne peuuent estre omises sans peché. Autres vouloyent seulement exclure le cas de la necessité, hors laquelle il ne fust loisible d'omettre non pas mesmes les accessoiress: d'autant que l'Eglise, qui est regie par le S. Esprit, les ayant instituées elles ont raison & cause de necessité, si non pour la substance du Sacrement, certes par la vertu du commandement. Ils alleguoyent plusieurs chapitres de Papes, & de Conciles, qui parlent d'aucunes d'icelles ceremonies: lesquels seroyent tous vains & frustratoires, s'il estoit permis à vn chacun de faire changement. La premiere partie de l'Article, qui parle du plongement du baptisé dedans l'eau, quoi qu'icelui soit vne plus expresse figure de la mort, sepulture, & resurrection de Iesus Christ, estoit toutesfois condannée de tous, & estoyent produits plusieurs passages des Prophetes, ou il est parlé d'asperfion, ou effusion d'eau, lesquels ils disoyent deuoir tous estre entendus litteralement du Baptisme.

les trois suiuans condannés absolument comme auant le quinzieme. Tous opinerent conformément contre les trois Articles, qui parlent du Baptisme des petits enfans: alleguans contre iceux la Doctrine des Peres anciens, & des Scholastiques. Et plusieurs inuectiues furent faites contre Erasme, à qui estoit attribuée l'inuention du quinzieme Article, laquelle on qualifioit meschante & pernicieuse, & propre à ouurir la porte au total aneantissement de la Religion Chrestienne. Ioint que, si anciennement les enfans des Hebrieux, estans circoncis, quand ils venoyent en aage, estoyent obligés à garder toute la Loi, & estoyent punis pour leurs transgressions, beaucoup plus estoit-il raisonnable de contraindre les enfans des fideles à garder la Loi Chrestienne. Et partant que ç'auoit esté meritoirement, que l'Vniuersité de Paris auoit condanné cet Article, & que le Concile en conformité le deuoit condamner aussi. Sur le sezieme, la Conclusion fut, Qu'il estoit compris es Articles precedens: attendu que, si cet Article tenoit, il aneantiroit la penitence, qui est vn des sept Sacremens. Et quant au dernier, tous dirent, Qu'il estoit contraire à l'administration mesme du Baptisme: au beau commencement de laquelle le Catechumene est aduertí, que, s'il veut entrer en la vie eternelle, il lui faut de necessité obseruer tous les commandemens de la Loi de Dieu.

les trois premiers. Sur les Articles touchant la Confirmation, il n'y eut aucun differend,

d'autant qu'icelle a fondement au Concile de Florence, qui pour cete cause estoit allegue par tous. Et quant à ce, qui estoit dit au troisieme Article, Qu'ancienement les ieunes gens rendoyent raison de leur foi en presence del'Eglise, cela estoit hue & moqué generalement par tous disant, Que puis que cela ne se pratiquoit plus en ces temps, il estoit à croire, que iamais par le passé il n'auoit esté pratiqué: d'autant que l'Eglise n'auroit point intermis cete ceremonie. Plusieurs passages des Conciles, & des Auteurs anciens furent produits, qui font mention de Crême, & d'Onction, lesquels ne peuvent le rapporter à instruction, ni à examen, ou Cathechization. Et pourtant ils conclurent, que c'estoit vne grande vanité & ignorance de ceux, qui veulent au temps present, contre le commun sentiment de toute l'Eglise, changer vn Sacrement tant principal, en vne ceremonie, laquelle peut estre fut iadis obseruée en quelque endroit particulier; pour vne fois, mais ne fut iamais vniuersele, comme l'Onction du Crême.

Sur le dernier Article il y eut beaucoup de difficulté: à cause du fait de S. Gregoire Pape, qui auoit permis cete administration aux simples Prestres. Mais les Cordeliers, suiuan la doctrine de S. Bonauenture, lequel, comme aussi l'Escot, & tout l'ordre de S. François apres lui, attribue cete administration au seul Euesque, tenans pour nulle celle qu'entreprend vn simple Prestre, qui fut aussi l'opinion d'Adrien fixieme Pape, respondoyent, Que le fait de S. Gregoire n'auoit esté que simple permission, & pour vne fois tant seulement, & maugré le Pape, qui l'accorda pour euer le scandale de ces peuples: ou bien, que cete Oction, permise par S. Gregoire, n'auoit pas esté Sacrement de Confirmation. Mais cete response n'auoit point agréé à S. Thomas d'Aquin, d'autant qu'elle n'exempte point totalement le Pape de faute: & pourtant il trouua vne autre desfaite, c'est, que de vrai l'Euesque est bien le Ministre propre & ordinaire de la Confirmation, mais que le Prestre aussi le peut estre par permission du Pape. Les autres oppofoient à cela, Que la doctrine de l'Eglise Romaine est absolue, & sans reserve, que Christ a institué les Ministres des Sacremens, auxquels le Pape a bien le pouuoir de commander, quant à l'exercice de leur ministere, mais ne peut pas faire que le Sacrement administré par vn autre soit valide: ni aussi peu, que celui qui est conféré par le Ministre ordonné par Iesus Christ, quoi que contre le vouloir du Pape, soit nul. Et pourtant, que si Iesus Christ a ordonné l'Euesque pour Ministre de la Confirmation, le Pape ne peut otroyer ce ministere au Prestre: si aussi Iesus Christ l'a ottroyé au Prestre, le Pape nel'en peut empescher. Et sembloit strange qu'és autres Sacremens, qui sont tous de plus grande necessité, Christ eust prescrit le Ministre qui les doit administrer, sans laisser aucune liberté aux hommes sur ce fait: & qu'en cetui-ci, qui se peut differer tout autant qu'il semble à propos pour plus grande oportunité, il eust vsé de cete singularité, de laquelle nul n'eust parlé par l'espace de six cens ans, c'est à dire, iusqu'à Gregoire: & qu'il faust, sur quatre paroles, dites par occasion, fabriquer vn Article de foi. Que si cete Epistre de saint Gregoire se fust perdue, iamais nul n'auroit inuenté cete distinction inouïe en semblable matiere, & qui n'est applicable à autre qu'à ce passage de S. Gregoire.

Pendant que les susdits Articles estoyent ventilés & examinés par les Theologiens, la Congregation des Canonistes, erigée pour recueillir les abus concernans les matieres des Sacremens en general, & du Baptême, & de la Confirmation en particulier, & y trouuer remedes conuenables, forma vn Decret, contenant six chapitres, qui portoit en substance, Que le Concile voulant otter les abus, que les hommes, ou les temps ont introduit au fait des Sacremens, & instruire les Ministres des Eglises, & autres fideles, commandent ils se doiuent gouverner à les garder, administrer, & receuoir, ordonne, Premièrement, Que les Sacremens de l'Eglise soyent gratuitement conferés: & que pour les administrer on n'ait à exiger ni demander chose aucune, sous quelque pretexte que ce soit: ni mettre dehors en vou-

1547.
mier. Article
des de la
Confirmation
sont
censurés,

le dernier
est de bas.

la Congre-
gation des
Canonistes
conçoit le
Decret de
la Reforma-
tion des
abus sur les
Sacremens
à l'égard
de la gra-
tuité ad-
ministra-
tion,

1547.

*du lieu.**des personnes des ministres,**des parrains,**& d'autres menues observances:**doutes & difficultés sur le Decret, pour la gratuité**rapportés & débattus en Congregation generale:*

coffret, ne vaisseau, ne drap, ni autre chose, par laquelle tacitement il paroisse qu'on demande. Et qu'aussi on n'ait à desnier, ni à differer le Sacrement, sous couleur d'aucune longue & immemoriable coustume, de ne l'accorder point, sans avoir premierement receu certaine recompense, ou bien mesmes payement de quelque chose autrement bien dû: attendu que ni le pretexte de coustume, ni la longueur du temps, n'amoindrit point, ains agrave le peché. Et que les contreuenans soyent soumis aux peines portées par les loix contre les Simoniaques. Secondement, Que le Sacrement du Baptisme ne soit conferé en lieux profanes, mais seulement és Eglises, sauf pour vrgentes necessités, & exceptés aussi les enfans des Rois & Princes, selon la Constitution de Clement cinquieme: laquelle toutesfois soit entendue n'avoir lieu en tous seigneurs d'estat, mais seulement és grâds Princes. Et que les Euesques n'ayent à bailler le Cresme, qu'en habits & paremens convenables, & és eglises, lieux sacrés, ou maisons Episcopales. Tiercement, Que le Sacrement du Baptisme soit administré par prestres suffisans, & capables: & ce, és Eglises matrices tant seulement, esquelles les fons Baptismaux sont: sauf au bon plaisir & iugement des Euesques, à cause des grandes difficultés de se transporter en icelles, de le permettre aussi en autre Eglises: ou, qu'il y eust esté permis de temps immemorial: & qu'en ces Eglises soit gardée l'eau benite en vn vaisseau pur & honneste, dès qu'elle aura esté prise de l'Eglise matrice. En quatrieme lieu, Qu'o n'admette au Baptisme, ni au Cresme, plus d'un parrain, lequel ne soit infame, ni excommunié, ni interdit, ni au dessous de l'aage de quatorze ans, ni Moine, ni autre qui ne puisse effectuer ce qu'il promet: & qu'au Cresme ne soit receu pour parrain celui qui ne l'a point receu lui-mesme. En cinquieme lieu, Que pour oster l'abus introduit en beaucoup d'endroits, de porter l'eau du Baptisme par ville: & quand les enfans ont receu le saint Cresme, de les mener par ci par là le front bandé, pour faire plusieurs comperes, par le lauement des mains, & desbandement du front: attendu que par ces moyens nul compereages n'est contracté: les Prestres n'ayent à permettre, que l'eau du Baptisme soit portée hors de l'Eglise, mais qu'incontinent elle soit iettée au sacraire, & les fons Baptismaux soyent clos: & que les Euesques facent tenir deux Cleres à la porte de l'Eglise, lesquels desbandent & lauent le front à ceux qui aurôt receu le saint Cresme, & ne laissent sortir hors l'Eglise aucun ayant le front bandé. Que les Euesques aussi prennent diligemment garde de ne confermer au aucun excómunie, ni interdit, ni qui soit en peché mortel.

Or, combien que les Canonistes se fussent beaucoup plus aisément accordés à ces Decrets, que les Theologiens en leurs examens, il n'est pas toutesfois qu'il n'y eust aussi entr'eux quelques differens, en la resolution desquels ne pouuans conuenir, apres les auoir longuement debatus, ils en coucherent & formerent les doutes, remettans la decision d'iceux à la Congregation generale. Le premier doute estoit, Si aux paroles du Decret, que rien ne soit exigé ne demandé, il falloit adiouster, ne receu. Le second, S'il falloit point aussi adiouster, mesmes sous pretexte de quelque coustume qu'il y ait. Le troisieme, S'il estoit point bon d'insérer quelques paroles, pour signifier que le Concile ne defend point les offrandes volontaires: ou bien, qu'il les defend tant seulement, quand elles sont données pour le regard du Sacrement, & non pour autres respects de pieté: ou bien, s'il vaut mieux laisser le Decret en sa generalité.

Mais en la Congregation generale il y eut les mesmes difficultés, lesquelles il ne fut iamais possible d'appointer. Ceux, qui vouloyent ces additions, pour defendre aussi de recevoir, & pour casser le pretexte de la coustume, allegoyent l'Euangile, Donnez gratuitement ce que vous avez gratuitement receu: & plusieurs Canons, armés d'anathemes, contre qui-conque donne, ou reçoit chose temporele pour la spirituele: & disoyent, Que la coustume au contraire de la loi de Dieu, & de nature, est vne pure deprauation, & abus, & n'est soustenable. Qu'au titre de la Simonie est censurée,

censurée, & condannée la coustume de donner ou de receuoir chose quelconque pour la possession des benefices, pour les benedictions des noces, pour les sepultures, pour la benediction du Cresme, ou sainte huile, & mesme pour la terre de la sepulture. Ce qui de tant plus se doit appliquer aux Sacremens, que, si on n'interdit la coustume, on n'aura rien auance: attendu que l'abus est introduit par tout, & chacun s'excusera sur la coustume. Et que, comme au Decret a esté condannée la coustume de receuoir chose aucune auant, pour la mesme raison doit estre condannée l'vsage de receuoir apres: car autrement, si on condannoit seulement cete-là, cetui-ci viendrait à estre approuué. Et quant aux offrandes volontaires, ils vouloyent, que generalement fust interdit de donner ou receuoir chose quelconque peu deuant & peu apres, pour quelque esgard que ce soit: car, pour raison du temps, ce qui est donne en cete façon, peut estre presumé donné pour le Sacrement: & à cet effet estoit alleguée la Glose, qui dit, *Que*, quoi que de mettre argent au tronc soit œuvre de pieté, quand toutesfois cela se fait au temps qu'on a receu le Sacrement, il donne soupçon de Simonie: qu'il falloit auoir esgard au temps, auquel la chose, qui autrement seroit reputée bonne, a apparence & face de mauuaise: que le commandement de Dieu porte, qu'on oste toute occasion de scandale, & que on s'abstienne de toute apparence de mal: & pourtant qu'il falloit defendre absolument les offrandes volontaires es temps que les Sacremens sont administrés, & ce pour faire que les Sacremens soyent administrés en pureté: quant au reste, exhorter les fideles à icelles offrandes en autres temps & occasions.

Pour l'autre opinion, on disoit, *Qu'un* Canon du quatrieme Concile de Carthage otroye, qu'on puisse receuoir ce qui est offert par celui qui fait baptiser ses enfans: que les Theologiens, apres auoir determiné, qu'on ne peut receuoir chose aucune temporele pour les Sacremens, consentent neantmoins aussi, qu'on puisse receuoir quelque chose, pour la peine de les administrer. Et de tant plus, quand cela n'est point donné ni receu à l'esgard du Sacrement, mais pour raison d'aufmone: qu'autrement ce seroit oster aux lais l'occasion d'exercer les œuvres de pieté: & qu'ostât les offrandes volontaires, les pources Curés n'auroient de quoi se pouuoir substantier. Là dessus estoit alleguée l'autorité de S. Paul, *Qu'il* ne faut point emmuler l'animal qui foule le grain en l'aire: & que qui sera à l'Autel, doit viure de l'Autel. *Qu'il* ne faut pour tout point aduouër, qu'il y ait aucune coustume introduite de donner ou de receuoir chose quelcōque pour l'administration des Sacremens: car ce seroit à dire qu'un pernicieux abus auroit esté toleré, voire mesme approuué en l'Eglise vniuersele: attendu que c'est vne coustume generale par tout: & pourtant, qu'il n'est nullement besoin de parler d'abolir vne coustume, laquelle n'est point introduite: & en pensant remedier à ce qui n'est point mal de soi mesmes, ains l'est seulement en opinion, à cause de la foiblesse de la conscience d'aucuns, faire vne playe mortelle en l'Eglise. Pour raison tres-principale estoit allegué, qu'Innocent III. au Concile general de Latran, rapporté au chap. 42. *Ad apostolicum: de Simonia*, non seulement declare que la coustume en cete maniere d'offrandes en l'administration des Sacremens est louable, & ordonne qu'elle soit gardée: mais aussi, que l'Euesque ait à punir quiconque entreprendra de la changer. Et que pourtant de vouloir à present determiner au contraire, seroit, avec vn tresgrand scandale, condanner vn Pape, & vn Concile general, comme approbateurs & defenseur d'un erreur pernicieux.

De l'autre part on repliquoit, *Que* l'ordonnance du Concile de Carthage condanne seuerement l'exaction, mais tolere l'offrande volontaire. Et qu'encor en cela il est corrigé par le Concile Eliberitain, lequel condanne l'vsage introduit, que celui qui estoit baptizé, mettoit quelque argent au vaisseau. *Que* l'inuention des Theologiens, qui distinguent entre l'administration du Sacrement, & la peine de l'administrer: entre receuoir à l'esgard du Sacrement, & autre esgard: entre intention principale, & acces-

1547. soire: estoit vne vraye chimere, & illusion: d'autant que les paroles de l'E-uangile sont exprimées en termes absolus, non suiets à cauillations; ni à gloses, qui renuersent le texte. Que Dieu, quand par Moyse, & S. Paul, il defend d'emmuser la beste qui foule le grain, entend que l'aliment necessaire ne soit denié à la beste affamée, non qu'il soit permis à celle qui est saoule de se remplir superflument. Qu'on ne peut pretendre la poureté del'ordre Clerical, qui a non seulement suffisans, mais mesme surabondans reuenus: mais que l'abus est en ce, que ceux qui ont la charge des Eglises ne resident point pres de leurs benefices, & toutesfois veulent pour eux tous les fruits, & encores baillent à ferme les incertains aux pources Prestres, qui sont contraints de vendre tout pour pouuoir viure. Qu'il falloit plus tost pouruoir, que tous resident en leurs benefices, car ainsi faisant tous auroient de quoi viure, voire mesmes abonder, & n'oseroient plus vendre les Sacremens del'Eglise. Et à cete occasion, ils retournoient derechef à s'etendre sur le point de la Residence, & des grands biens qui arriue-royent, si on la declaroit estre de droit diuin. Et au demeurant adioustoyent, que si quelque cure est chetive, il falloit y pouruoir par l'vnion d'autres simples benefices: & quand il n'y auroit aucun autre moyen, procurer que le peuple baille de quoi viure à son Curé. Qu'il valoit mieux, & estoit plus agreable à Dieu, de confesser la faute passée, & y remedier, que de la vouloir soustenir & y perseuerer.

Le Cardinal Legat de Monte, qui au demeurant sembloit à tous peu enclin à la Reformation, en ce fait neantmoins portoit viuement ce dernier parti: & respondoit à ceux qui allegoyent l'autorité d'Innocent troisieme, & au Cōcile General de Latran, Qu'ils faisoient grand tort à ce Pape, & aux Peres de ce Concile-là, de leur attribuer vn si grand & manifeste abus: & qu'en cela ils descouuroient leur ignorance: car s'ils vouloyent lire les trois chapitres du mesme Concile, prochainement precedans le susdit *Ad Apostolicam*, ils veroyent clairement quelle est leur intention, & comment ces bons Peres defendirent toute exaction, condannant aussi la coustume au contraire. Et en ce chapitre quarantedeuxieme *Ad Apostolicam* les coustumes de donner quelque chose pour l'administration des Sacremens, ne sont nullement approuuées: mais bien les autres licites & honnestes, introduites en faueur des Eglises, comme sont les dismes, les premices, les offrandes qui se font à l'autel, les portions Canoniques, & autres telles louables coustumes, disant, Que ce chapitre-là estoit ainsi entendu & exposé par Barthole, & par Romain, Docteurs fameux.

en passe à former les anathematismes sur le fait des Sacremens, Les Peres aussi, qui auoyent esté deputés pour la confection des Decrets en matiere de foi, apres auoir consideré les opinions & aduis des Theologiens, & les conclusions esquelles ils estoient conuenus, & auoir selon leurs remonstrances, omis & distingués, & mesmes arrangés les Articles en meilleur ordre, formerent en fin quatorze anathemes sur la doctrine des Sacremens en general, dix sur celle du Baptisme, & trois sur celle du S. Cresme: lesquels estoient couchés en telle sorte, qu'aucune des opinions Catholiques n'y estoit censurée, & se tenant es termes generaux donnoient matiere de contentement à chacune des parties. Mais il ne fut iamais possible de dresser les Chapitres pour exposer la Doctrine, comme on auoit fait au point de la Iustificatiō: en sorte, que se seruant des termes de l'une des opinions, l'autre n'en semblaist reprouuée & condannée: ce qui ne pouuoit agreer, ni aux Docteurs, pour leur affection enuers leur propre Secte, ni aux Legats & neutraux, pour ne ietter les semences de nouveaux schismes. Dont, ne pouuant expliquer la Doctrine si delicatement, qu'ils ne panchassent plus à vne des parties qu'à l'autre, ils remirent à la Congregation generale de determiner la maniere en laquelle les Sacremens contiennent & causent la Grace.

Et se trou-
ue grande
difficulté
sur les
chap. de
Doctrine.

La perplexité ne fut pas moindre en la Congregation: qui fut la cause, qu'une grande partie des Peres panchoit plustost à omettre tout à fait les chapitres de la Doctrine, & se passer avec les seuls anathemes, comme il

auoit ia esté fait en la matiere du Peché originel. Mais l'autre partie vouloit totalement les chapitres de la doctrine, alleguant les mesmes raisons, qui furent employées, quand on delibera de traiter en cete sorte l'Article de la luitification: & qu'il falloit de necessité ensuiure l'exemple introduit des lors: & cependant le faire avec toute la circonspection, & dilligence possible, pour talcher de donner contentement à toutes les parties. Mais qu'encor au bout il estoit nécessaire de le faire, & n'y auoit nul danger de diuision; parce que, comme les Theologiens qui sont presens au Concile, quoi qu'ils defendent asprement chacun sa propre opinion, se remettent neantmoins en fin au Concile: de mesmes faut il croire pour tout asseuré que feront aussi les absens: & pourtant ne faut point laisser de faire vne chose parfaite, pour conueindre les heretiques. Cet aduis l'eust emporté, sans la viue opposition qu'y fit Iean Baptiste Cigale, Euesque d'Albenga, & Auditeur de la Chambre: lequel dit, Que par la lecture des histoires il parroissoit, que iamais aucun, sinon que contraint, n'auoit quitte son opinion, pour auoir icelle esté condannée. Et que, combien que tous Catholiques disent de se remettre au iugement de l'Eglise Romaine, si toutesfois leur opinion estoit reprouuée, ils ne l'y remettroient point, ains la deffendroyent encor plus opiniastrement, se fortifiant de plus fort par l'opposition: ce qui fait que des sectes naissent puis apres des heresies. Et que pour les empescher, le vray moyen estoit de tolerer toutes les opinions, & faire en sorte que nulle ne condanne l'autre, mais qu'on viue en paix: & qu'il n'y en a iamais aucune tant repugnante à l'autre, qu'avec cete moderation on n'eute tous inconueniens: en lieu que, sans icelle, vn petit differend de paroles, ou cheritif pointille, est suffisant à diuiser tout le monde. Que beaucoup d'opinions des modernes innouateurs eussent pu estre tolerées, s'ils les eussent affermées avec modestie, & sans condanner l'Eglise Romaine, & la doctrine des Escholes. Que ç'auoit esté la cause, qui auoit contraint le Pape Leon à relancer contre Luther les traits, que lui mesmes auparauant auoit tirés contre le S. Siege Apostolic. En somme ce sage Prelat disoit, & repliquoit, Que les ordinaires protestations des Docteurs, de se vouloir remettre au iugement de l'Eglise, estoient termes de ciuilité, & reuerence: & qu'il falloit y correspondre avec egalité de mutuel respect, en se conseruant neutral & indifferend entre les contrariétés des opinions. Que les termes & la maniere de viure requierent, que celui qui veut estre respecté, respecte aussi reciproquement: sans se faire iamais accroire, que celui qui dit de se rapporter & soumettre, ait volonté de le faire, si l'occasion s'en presentoit: comme la preuue en estoit manifestement paruë en Luther, lequel, pendant qu'il n'eut à faire qu'avec les seuls Moines questeurs en Allemagne, sur le fait des Indulgences, & aussi avec les Docteurs de Rome, auoit toujours dit, Qu'il s'en remettoit au Pape: mais, des aussi tost que Leon eut pris à pied leuë ce qu'il ne disoit que par belle apparence, non seulement Luther ne tint point sa promesse, mais esclata plus furieusement contre le Pape, qu'il n'auoit fait contre les questeurs d'Allemagne.

Les Legats enuoyerent à Rome copie de tout ce qui auoit esté deliberé, & des difficultés qui restoyent encor à resoudre, tant en la matiere de la Foi & de la doctrine, comme en la Reformation des abus, requerans instruction de ce, à quoi ils deuoyent se ranger. Et cependant prirent à traiter vn peu plus à certes la matiere de la pluralité des benefices, qui auoit ia esté proposée, comme il a esté dit, & fut en partie ventilée en ce mesme temps: laquelle ie n'ai voulu desmembrer en parcelles selon les diuers temps, & pourtant en ai remis le total narré à ce lieu.

En la Congregation du quinzieme Ianuier, apres que les Articles des Sacremens eurent esté publiés parmi le Concile, pour continuer la matiere, qui auoit esté entamée le iour precedent, à la pluralité des benefices, dont on auoit ia parlé sur le sujet de la Residence, fut adiousté de traiter des qualités & conditions des Euesques, attendu que plusieurs ne resident

*dont les Legats con-
sultent Rome;*

*en la Congregation
de la Reformation
on met en
champ les*

1547. point en leurs Eglises, d'autant qu'ils ne sont capables d'exercer leur charge. Plusieurs choses furent dites là dessus, prenant pied sur ce que S. Paul requiert és Euesques & Diacres, & faisant grand force sur les paroles, Irreprehensible, hospitalier, non auaricieux, non nouice, & de bonne estime mesmes enuers ceux de dehors. Apres quoi furent rapportées autres conditions requises par plusieurs Canons, & en tout cela n'y escheut aucune estrif: attendu que tous declamoyent vnanimement contre les vices & defauts des Prelats, & de l'Ordre Ecclesiastic. Ce qui ne desplaisoit point trop aux Legats, qui prenoyent plaisir à voir comment les Prelats s'esgayoyent en cete image de liberté. Or en l'ardeur du discours Iean Salazar, Euesque de Lanciano, attribua l'origine du mal à la Cour de Rome, laquelle, en la dispensation des Eueschés, regardoit non à la suffisance des personnes, mais aux seruices rendus. Mais à cela repliqua bien sensément l'Euesque de Bionte, lequel parla peu apres lui: disant; Qu'à tort la Cour de Rome estoit chargée de ce qui arriuoit par la faute d'autrui: attendu qu'en Allemagne les Eueschés sont conferés par election: & en France, Espagne, & Hongrie, par nomination royale: & en Italie il y en a plusieurs qui sont de droit de patronage: & encor en ceux, qui sont de libre collation, les Princes veulent estre contentés, & par leurs recommandations, qui sont prieres armées, & ne souffrent desdite, ostent la liberté de l'election au Pape. Et qui voudra iuger sainement, sans courir à yeux clos apres l'opinion, & sans se laisser emporter par la passion, verra que les Euesques créés librement à Rome sont peut-estre les meilleurs de toute l'Europe. Que la pluralité des benefices, mal inconnu à la premiere Antiquité, n'a point esté introduite par la Cour de Rome, mais par les Euesques & les Princes, auant mesmes que les Papes eussent pris la charge de reigler les matieres beneficieles en toute la Chrestienté: sans les bons reiglemens & prouisions desquels, tels qu'on les voit au Corps Canon, le desordre seroit venu au comble, & plus haut faiste. Cet estrif fut ouï avec plaisir des vns, & desplaisir des autres, selon les passions d'un chacun: bien descouuroit-on generalement que cete matiere ne se pouuoit manier sans danger: comme il parut par les traités & discours des suiuanes Congregations.

digression sur l'origine, progrès, & divers pre-textes de cet abus: Mais, d'autant que cet affaire merite d'estre bien entendu, il sera à propos de raporter l'origine de l'abus, & comment il est venu à cete extremite. Je laisse de parler de ces temps heureux, & siecle doré, quand le nom d'Eglise estoit commun à toute l'Assemblée des fideles, à laquelle aussi appartenoit l'usage & la maistrise des biens, qu'on nomme Ecclesiastiques: lors que d'un mesme fonds & masse on prenoit de quoi nourrir & vestir les pources, & les Pasteurs: voire mesmes pouruoyoit-on plus particulierement aux necessités de ceux-la, que de ceux-ci. Mais, sans autrement particulariser le temps, ie di qu'il aduint qu'on descendit d'une marche, & d'une mesme masse on fit quatre parts, mettant celle des pources au dernier rang, laquelle, selon l'usage ancien, deuoit estre au premier. Or, ie ne veux remonter plus haut, qu'au temps que le peuple de Christ fut exclus du nom d'Eglise, & qu'icelui fut approprié au seul Clergé, afin que par mesme moyen lui fust baillée la propriété de l'usage, & de la maistrise des biens: dont à petit nombre fut appliqué ce qui auparauant appartenoit à tous, & aux opulens ce qui auparavant seruoit aux indigens. Au commencement de ces temps-là, apres que les Ecclesiastiques eurent partagé entr'eux tous les reuenus de l'Eglise, les charges, qui auparauant estoient appelées Ministeres, & offices de cure spirituelle, prirent pour leur occupation principale le temporel: & furent nommées benefices. Et, d'autant qu'encor subsistoyent les anciens Canons, qu'un homme ne fust ordonné à deux titres, nul ne pouuoit tenir plus d'un benefice. Mais puis apres, par les guerres, ou inondations, les reuenus de plusieurs ministeres s'estans fort amoindris, tellement qu'ils n'estoyent suffisans pour l'entretienement du Ministre, un tel benefice ainsi diminué estoit conferé à un qui en tenoit ia un autre: mais toutesfois à tel,

qui püst vaquer à tous les deux. Ce qui fut mis en vſage en faueur, non du benefice, mais de l'Eglise, afin que ne pouuant auoir vn Miniſtre propre, elle euſt au moins quelque autre ſeruice, qui lui püſt eſtre preſté. Puis apres, ſous couleur qu'un benefice n'eſtoit pas ſuffiſant pour l'entretien du Miniſtre, & qu'il ne ſe trouuoit aucun qui en vouluſt prendre la charge, on s'eſlargit à en donner pluſieurs à vne meſme perſonne, quoi qu'il n'y paruſt aucune neceſſité pour le ſeruice des Eglises: & puis apres peu à peu on leua le maſque, & n'eut-on point de honte de faire le meſme en faueur du benefice. Mais, d'autant que le monde en prenoit ſcandale, il en ſalut moderer & colorer l'introduction. Et, puis qu'on voyoit ia receüe la diſtinction des obligés à la Reſidence, & des non obligés, on y en adioignit encor vne autre, des benefices compatibles, & des incompatibles: appelant incompatibles entr'eux ceux qui obligeoyent à Reſidence, & les autres compatibles, tant avec ceux-là, qu'entr'eux meſmes. Or eſtoit encor touſiours tenue en premier rang de conſideration la couleur de l'honnelteté, par la Gloſe des Canonistes, Que pluſieurs benefices ne ſoyent conferés à vn meſme, ſinon lors qu'un ſeul ne ſuffit pour viure. Mais on vint puis apres à tailler cete ſuffiſance à bien large meſure, la proportionnant, non à la perſonne, mais auſſi à la qualité d'icelle: ne iugeant point vn benefice baſtant pour vn Preſtre de douzaine, s'il ne ſuffiroit pour lui, pour la famille de ſes pere & mere, pour trois ſeruiteurs, & vn cheual: mais, s'il eſtoit gentilhomme: ou homme de lettres, il lui ſaloit encor d'auantage. Et pour les Eueſques, c'eſt merueilles, combien on a eſlargi la courroye, pour le rang qu'il faut qu'ils tiennent. Quant aux Cardinaux, ſuffit de conſiderer ce que porte le dire commun de la Cour de Rome, Qu'ils ſont egaux aux Rois: dont on cōclut qu'il n'y a nul reuenue exceſſif pour eux, s'il n'outrepasse la condition des Rois. Dès que la couſtume eut eſte introduite, ſans que le monde, ne la raiſon, y puſſent reſiſter, les Papes de Rome ſe reſeruerent à eux ſeuls le pouuoir de diſpenſer des incompatibles, & de pouuoir poſſeder plus de deux des autres compatibles. Mais, pour trouuer quelque moyen praticable, qui euſt de la couleur, & de l'apparēce, on mit la main aux Cōmendes, choſe, qui auoit eſté ancienement bien inſtituee, mais qui puis apres a eſté employée à cete ſeule fin, & vſage. Iadis, quād pour quelque raiſon de guerre, peſte, ou autres ſemblables, on ne pouuoit ſi toſt proceder à l'election ou prouiſion pour vne Eglise, le ſuperieur recommandoit l'Eglise vacante à quelque perſonnage de prud'homme & ſuffiſance, afin qu'outre la conduite de la ſiene, il gouuernast auſſi la vacante, iuſques à ce qu'on l'eüſt pourueü de Paſteur propre, & qui portaſt le titre. Vn tel n'auoit alors aucun pouuoir ſur les reuenus, ſinon de les gouuerner, & de les conſigner à qui il appartenoit. Par laps de temps il aduint, que ces Commandataires ſ'accommoderent des fruits, ſous diuers pretextes de neceſſité, & de honnelteté: & pour en iouir plus longuement, ils trauerſoyent les prouiſions, & elections des paſteurs propres: dont, pour remedier à ce mal, fut mis vn ordre, que la Commende ne pourroit durer plus de ſix mois. Mais les Papes, nonobſtant cela, par leur plein pouuoir, paſſerent à bailler ces Commandes pour plus long temps, & finalement en firent aucunes viageres, avec permiſſion aux Commandataires, de ſe ſeruir des fruits, outre les deſpens neceſſaires. Cete bonne inuention, degenerée en cete ſorte, fut employée es temps corrompus, pour pallier la pluralité des benefices, en recommandant à celui qui en poſſedoit deſia vn, encor vn, ou pluſieurs autres, par deſſus. Et ainſi eſtoit obſeruée la lettre de la Loi, de n'en bailler qu'un à vne perſonne, mais fraude le ſens: puis que le Commandataire à vie, reellement & de fait n'eſt point different de celui qui porte le titre. Pluſieurs excès ſe commettoyent au nombre des benefices de Commende: iulques là, qu'en ce meſme ſiecle, voire meſmes apres les mouuemens excités par Luther, & lors que tout le monde a hainnoit apres vne Reformation, le Pape Clement VII. n'eut point de reſpect, ni de honte, de bail-

1547.

ler à Commende, en l'année mil cinq cens trente quatre, à Hippolite Cardinal de Medicis, son neveu, tous les Benefices de tout le monde, Seculiers, & Reguliers; de dignité, & personels; simples, & ayans cure d'ames, vacans, pour le temps & terme de six mois, à conter dès le iour qu'il en prendroit la possession: avec pouuoir de disposer de tous les fruits, & de les conuertir à son propre vsage. Ce qui de vrai fut vne exorbitance, montée iusqu'au plus haut point de toute extremité. Mais es temps passés la Cour de Rome n'auoit pas osé se seruir de ce moyen, pour donner à vne mesme personne grand nombre de Benefices à Commende: mais en inuenta vn autre, dont l'vsage anciennement auoit esté trouué à bonne fin, qui est l'Vnion des benefices: laquelle iadis estoit vsitée, lors qu'une Eglise estoit destruite, ou que ses reuenus estoient occupés & saisis: en transferant ce peu de residu de reuenus au Ministre voisin, ensemble la charge, & n'en faisant qu'un seul benefice. Mais la souplesse des Courtisans de Rome fit si bien, que mesmes hors de ces esgards, on vint à vnir plusieurs Benefices à vne seule personne: tellement que, par le droit de cete vnion pretendue, la pluralité des Benefices estoit couuerte d'un specieux manteau, quoi que, en faueur de quelque Cardinal, ou grand personnage, quelques fois fussent mis ensemble trente ou quarante Benefices, assis en diuers lieux de Chrestienté. Mais encor en naissoit-il vn inconuenient notable: c'est, que par ce moyen le nombre des benefices se diminuoit: & la grace, qui premierement auoit esté faite à vn seul, estoit tout ensemble, & comme d'une main faite à plusieurs qui lui succedoyent, sans qu'ils la meritaissent, ni impetrassent: ce qui tournoit au grand dommage de la Cour de Rome, & de la Chancellerie: à quoi on remedia par vne subtile & fine inuention, d'vnir en vne masse autant de Benefices qu'il plaisoit au Pape, mais pour la vie seulement de celui à qui la colation en estoit faite, par la mort duquel cete vnion s'entendoit *ipso facto* dissoute, & les benefices remis en leur premier estat. Par cete maniere on ouurit la grãd porte aux gẽtiles pratiques, & artifices, attẽdu qu'on pouuoit conferer vn benefice, qui en appareẽce n'estoit qu'un seul, mais en effet en tiroit plusieurs apres: & pouuoit-on dire, de faire cõme celui lequel se confessoit d'auoir desrobé vne bride de cheual, sãs dire qu'il y auoit vn cheual avec, qui en estoit bridé.

consulte
tion des re-
mes con-
tre ledit a-
bus,

Pour remedier à la pluralité des Benefices, il falloit de necessité abolir l'vsage de ces trois pretextes: ce qui estoit tres-bien reconnu par les prudens Prelats: tellemẽt qu'à la premiere proposition, & ouuerture, qui en fut faite, tous furent d'un aduis vniforme, que la pluralité fust interdite: & que nul, de quelque qualité & condition qu'il fust, ne pust tenir Benefices en plus grand nombre que de trois, à quoi aucuns adioustoyent ces cas, assauoir, quand deux d'iceux ne monteroyent à la somme de quatre cens ducas d'or de reuenue: voulans que toute personne, quoi que releuée, & graduée, fust submise à la loi de n'en tenir qu'un seul, quand il arriue à cete somme: ou deux, si tant est qu'ils y atteignent: mais, soit qu'ils y atteignent, soit que non, que nul n'ait en fin à passer ce nombre: sur quoi il y eut beaucoup à contester. Mais encor plus, quand Louïs Lippomano, Euesque de Verone, adiousta, Que ce Decret fust entendu à ceux qui lors presentement en tenoyent plus grand nombre: tellement que tous, sans exception de qualité, degre, & eminence, fussent contraints d'en retenir seulement trois, & de renoncer les autres: ceux qui estoient en Italie dans six mois, & ceux qui estoient hors d'Italie dans neuf mois: & en cas qu'ils ne le fissent, que sans autre declaration ils s'entendissent de chũs & priués: & ce, nonobstant que les benefices fussent vnis, ou baillés à commende, ou possedés sous quelque autre titre que ce fust. L'Euesque de Feltrẽ adhera à la mesme opinion, laquelle il modera par cete distinction, des dispenses, commendes, & vnions faites pour le bien & vtilité des Eglises, & d'autres faites en seule faueur du beneficié: voulant que les premieres demeurassent fermes & valables, sans restriction ne reserue de nombre de benefices, mais que les autres fussent reiglées & moderées.

L'Euesque de Lanciano n'admit point cete distinction: disant, Que si on vouloit faire vne loi de durée, il ne la faloit point fourrer d'une exception: attendu que la malice humaine est tousiours fort prompte à trouver des captés & artificieux pretextes, pour se mettre dans le cas de l'exception, & ainsi se desrober de la reigle. L'Euesque d'Albenga, par vne longue harangue, demonstra que les bonnes loix donnent bonne forme & reiglement aux affaires à venir tant seulement, & ne regardent point les passés: & que ceux, qui, hors des termes de la raison, prétendent corriger aussi le passé, esmeuent tousiours des troubles, & confusions, & en lieu de reformer; difforment d'avantage: que c'estoit vne chose bien dure, de depousser ceux qui sont en possession des plusieurs années, & cependant s'imaginer qu'on les pourra persuader à s'en tenir pour contents. Et adiousta, qu'il preuoyoit; cas aduenant qu'on fist ce Decret, qu'il ne seroit point receu; & si mesmes il l'estoit, il en naistroit des resignations simulées, & Simoniaques: & plusieurs autres maux, encor plus grands, que de tenir plusieurs benefices. Et que mesmes pour l'auenir le remede lui sembloit superflu: attendu que nul ne peut tenir plusieurs benefices, sans dispense du Pape, dont il suffisoit; qu'iceluy se resolut à n'accorder icelle à aucun.

En cete Congregation, parmy beaucoup d'autres deplorations, & exclamations tragiques qui en furent faites, Bernard Diaz, Euesque de Calahorra, dit, Que l'Eglise de Vincende estoit tombée en grands desordres, comme chacun pouuoit sauoir: dont elle auroit besoin d'un Apostre pour Euesque. En quoi il taxoit le Cardinal Ridolfi, lequel, outre tant d'autres benefices, iouïssoit de cet Euesché, sans en auoir aucun soin, ne le voir iamais, & mesmes sans auoir l'ordre Episcopal: ne sachant, ni ne se souciant d'autre chose que de la rente de la ferme: dont chacun prenoit matiere de brocarder cete grande absurdité, que des Eglises tres-notables ne vissent iamais leur Euesque, pource qu'il estoit occupé ou en d'autres Eueschés, ou en dignités plus lucratiues. Plusieurs disoyent, Que le Pape seul pouuoit pour- uoir à cela: & quelques vns commençoient à souscrire à l'opinion de l'Euesque d'Albenga, Que le Pape fist cete Reformation tout seul de par soi mesmes. Qui estoit chose, qui agreoit fort aux Legats, tant pour la dignité du Pape, que pour se desfaire du grand ennui de cete matiere, laquelle ils iugeoyent de difficile vuidage, pour la diuersité des opinions & interets. Esperant aussi, que si on faisoit cete desmarche, de laisser cete Reformation au Pape, on obtiendrait aisément de lui remettre semblablement le point de la Residence, plus indigestible encor, pource qu'il estoit plausible, & ti- roit apres soi le recouurement de l'autorité & iurisdiction Episcopale. Doncques les Legats, ayans conceu esperance que cela se pourroit obtenir, sur tout s'il estoit proposé comme chose faite, & non comme à faire, en donnerent incontinent auis au Pape, à qui la nouuelle fut fort agreable: d'autant que meshui toute la Cour, & lui mesmes, estoit en souci à quoi pourroyét aboutir les essais & desseins des Prelats. Et, iugeant qu'il ne faloit point dilayer de battre le fer pendant qu'il estoit chaud, il franchit le pas, mesmes au delà de ce que lui auoyent marqué les Legats: & despescha vne Bulle, par laquelle il euoquoit à soi toute la matiere de la Reformation. Or, pendant qu'à Trente on attendoit la response de Rome, on n'intermit point le traité ia entamé: & fut faite vne minute de Decret, Que nul ne püst tenir plus d'un Euesché: & que qui en auoit plusieurs, n'en retinst qu'un seul, & se desist des autres: qu'à l'aduenir qui obtiendra plusieurs benefices inferieurs incompatibles, s'entend dechu & priué d'iceux sans autre declaration, & que qui desia en possede plus d'un, ait à monstrier ses dispenses à l'Ordinaire, lequel deura proceder selon le Decret d'Innocent quatrieme, *Ordinarius*. En opinant sur ces points, plusieurs interent qu'on y adioustast, qu'à l'auenir nulles dispenses ne fussent ottroyées. Et y en eut peu qui trouuassent bon, d'exhiber les ia ottroyées, & de proceder selon le Decret d'Innocent: disant, que le seroit les faire approuuer toutes, & rendre

*exemplifié
bien ex-
pressément;*

*les Legats
prenent vne
venale oc-
casion de
remettre
toute cete
reformatiō
au Pape, &
lui en es-
criuent,*

*c pendant
on continue
à entrainer
au Concile;*

1547.

le mal encor plus grand, & pernicieux : attendu les conditions apposées par Innocent, quand il dit, Que si les dispenses sont trouuées bonnes & valables, qu'elles soyent admises, & s'il elchet quelque difficulté, qu'on recoure à Rome : dont il ne falloit point douter que tout tel affaire ne se resolust du moins en matiere douteuse, laquelle seroit tousiours declarée à Rome conformément à l'ottroi. Que, pendant que les choses demeuroyent es termes presens, les personnes auoyent encor quelque apprehension du remede & reiglement : mais, en cas que les dispenses fussent examinées, & approuuées, comme il estoit hors de doute que toutes le seroyent, l'abus en seroit confirmé. Plusieurs estoient d'aduis, que les dispenses fussent tout à fait interdites : mais il y en auoit d'autres qui s'y opposoyent par cete raison, Quel v'sage des dispenses à tousiours esté en l'Eglise, & qu'elles sont necessaires : mais que le tout gist à en bien vser.

Marc Viguier Euesque de Sinigaille, auança vn aduis, lequel, si on l'eust receu, & cru, auroit aisément reformé tout l'ordre Clerical. Il disoit, Que le Concile pouuoit remedier à tous inconueniens, en faisant vne Declaration, que pour la dispense est necessairement requise vne cause legitime : & que qui ottroye sans icelle la dispense, peche, & ne peut estre absous, sinon en la reuoquant : & qui l'obtient sans cause legitime, n'est iamais assure en sa conscience, quoi qu'il ait la dispense, & gitt tousiours en peché, tant qu'il ne se demet des benefices receus en cete sorte. Cet aduis eut diuers contredisans : car aucuns s'esleuerent, disans, Qu'il estoit bien vray, que qui ottroye permission de pluralité de benefices, sans cause legitime, peche : mais que toutesfois la dispense est valable, & qui l'obtient peut estre assuré en sa conscience, quoi qu'il soit consens de l'illegitimite de la cause. Et y eut là dessus vn debat de plusieurs iours les vns disans, Que c'estoit oster toute l'autorité au Pape : & les autres, Que l'autorité Papale ne s'estend point iusques là, qu'elle puisse faire que le mal ne soit mal. De cela on entra en vn autre doute, assauoir, Si la pluralité des benefices estoit defendue de droit diuin, ou de droit humain. Ceux, qui soustenoyent la Residence estre de droit diuin, disoyent que la pluralité des benefices estoit defendue aussi de droit diuin, & pourtant que le Pape n'en pouuoit dispenser : les autres disoyent, Qu'elle l'estoit seulement par loi Canonique, & de l'Eglise, & cete contradiction fut malaisément assopie par les Legats, lesquels la tenoyent pour perilleuse, tant pource qu'elle remettoit le point de la Residence sur le tablier, que pource qu'elle touchoit l'autorité du Pape, quoi que sans le nommer : & plus encor, pource que cete subtile recherche de la valeur des dispenses, les mettoit toutes en doute & compromis. La confusion estant grande, Diego d'Alain, Euesque d'Astorge, dit, que, puis qu'on ne se pouuoit accorder sur les dispenses, qu'on defendist les Commandes, & les vnions des Benefices, qui sont les pretextes pour pallier l'abus : & fit de grands discours contre l'un, & l'autre. Il dit que les vnions, & les Commandes viageres, sont pleines d'absurdités : car par icelles on aduouoit ouuertement de n'auoir pas esgard au benefice de l'Eglise, mais à la personne : ce qui estoit de grand scandale au monde : que elles auoyent esté inuentées des n'agueres, pour assouuir l'auarice & l'ambition : que c'estoit vne grande indignité de vouloir maintenir vn abus tant notoire, & tant pernicieux. Mais les Euesques Italiens, qui, pour la pluspart, estoient interessés en l'une de ces deux choses, n'oyoyent point volontiers des propositions si absolues : & approuoyent bien qu'on y fist quelque reiglement, mais non tel qu'il les abolist tout à fait.

Le Pape respond, & par vne Bulle enouue que à son conseil.

A l'entrée de Feurier arriva de Rome la response, & la Bulle du Pape, laquelle fut iugée par les Legats trop ample : mais toutesfois, pour essayer de s'en seruir, ils proposerent de nouveau la matiere, faisant repliquer par leurs adherants & affidés, qu'attendu les difficultés, & les diuers sentimens, il seroit bon de se demesler de cet affaire, & remettre le tout au Pape. Mais les Imperiaux, ceux-là mesmes, qui par le passé ne s'estoyent montrés trop esloignés

esloignés de cet aduis, repartirent viuement, Que cela ne se pouuoit faire avec honneur du Concile: & à cet aduis s'adioignit la plus grande partie, ^{1547.} *tion, mais* mettât sus les mesmes choses ia dites, & confondant tousiours plus les affaires: *le Concile* en sorte que les Legats virēt bien, que l'occasion ne portoit pas de se ser- *y resiste,* uir de la Bulle enuoyée de Rome: & rescriuirent au Pape, Qu'il n'estoit pas à esperer, que toute la Reformation pust estre remise à Sa Sainteté: mais qu'ils esperoyent bien que ce seroit chose faisable de la diuiser, en sorte que le Pape entreprist la partie, qui plus proprement appartenoit à lui, comme seroit la moderation & reiglement des dispenses, & des Priuileges, y adioustant encor la reformation des Cardinaux. Et que quand il plairoit à Sa Sainteté des'y resoudre, il seroit bon de preuenir, publiant non au Concile, ce qui n'estoit necessaire, mais à Rome, vne Bulle, sous le nom & titre de Reformation de la Cour. D'autant, qu'en tel cas, nul ne pourroit dire que le Pape ne pust reformer sa Cour, & ce qui le concerne particulièrement. Et puis, pour le demeurant, qui ne regarde point la Cour de Rome, on en pourroit traiter en sorte, qu'on donnast tout contentement au Concile. Aduisant toutesfois aussi Sa Sainteté, que le Concile ne s'appaisera iamais par le seul reiglement du passé, mais requerra tousiours, qu'il soit pourueu aux ottois scandaleux, mesmes presens.

Cete Congregation finie, les Prelats Espagnols, avec autres qui les sui- uoyent, dont le Cardinal Pacieco s'estoit fait chef, s'estans assemblés en nombre de vint, apres auoir conféré ensemble, conclurent, Qu'en la maniere pratiquée es Congregations, il seroit impossible de venir iamais à resolution aucune qui valust: car tout ce qui estoit proposé de bon, estoit dissimulé par ceux qui moderoyent les actions, ou bien obscurci & enuelpé par les contentions. Et pourtant qu'il falloit changer de methode, & bail- ler ses demandes par escrit, & qu'ainsi on pourroit venir à quelque conclu- sion. Et là dessus, firent vne Censure sur les Articles proposés, laquelle ayans redigée par escrit, ils la presenterent aux Legats, en la Congrega- tion, qui se tint le troisieme Feurier.

Cete Censure contenoit onze articles: Premièrement, Qu'entre les qua- *les Pre-* lités requises es Euesques, & Curés, soyent mises toutes les conditions or- *lats Espa-* données au dernier Concile de Latran: d'autant, disoyent-ils, qu'il semble *gnols for-* qu'en la maniere qui a esté tenue iusqu'à present, on ouure par trop la por- *ment vne* te aux dispenses, lesquelles il est mesme necessaire d'abolir tout à fait, à cau- *censure sur* se des heresies qu'elles causent, & des scandales qu'elles portent: & faire v- *les Arti-* ne reformation plus estroite. En second lieu, Qu'expressément il soit dit & *cles de re-* *formation,* spécifié, que les Cardinaux sont tenus & obliges de resider en leurs Eues- chés, au moins six mois de l'année: de mesme qu'il a esté enioint aux autres Euesques en la Session precedente. En troisieme lieu, Qu'auant toutes choses, il soit dit & déclaré, que la Residence des Prelats en leurs Eglises est de droit diuin. En quatrieme lieu, Qu'il soit déclaré, que la pluralité des Eglises Cathedrales est vn abus intolerable: & que chacun soit admonesté, voire mesmes nommement les Cardinaux, de se contenter d'une seule, & de se demettre des autres dans vn certain brief terme, & auant la closture du Concile. En cinquieme lieu, Que la pluralité des Eglises plus petites soit ostée, avec inhibitions & defences, non seulement pour l'aduenir, mais aus- si pour le passé, reuoquant toutes les dispenses ottroyées, sans excepter Cardinaux, & autres: sinon qu'il y eust causes iustes, & valables, qui pource deuroient estre produites & prouuées deuant l'Ordinaire. En sixieme lieu, Que les vnions viageres de Benefices, voire mesmes les ia faites & passées, soyent toutes reuoquées: comme celles qui portent à la pluralité. En se- ptieme lieu, que quiconque tient vn benefice ayant cure d'ames, ou autres qui requierent residence, & ne reside pas, encoure en la priuation d'iceux: & qu'aucune dispense ne lui puisse fauoriser, sauf es cas permis par la Loi. En huitieme lieu, Que quiconque tient benefice ayant cure d'ames, puis- se estre examiné par l'Euesque: & cas aduenant qu'il soit trouué ignorant;

1547.

illiteré, vitieux, ou inhabile pour quelque autre cause que ce soit, qu'il soit priué du benefice, & icelui conferé à vn autre, qui, par vn rigoureux examen, en soit reconu digne; & non à la volonté des Ordinaires. En neuuiemeliieu, Qu'à l'aduenir les benefices ayans cure d'ames, ne soyent conférés, sans vn preallable examen, & enqueste. En dixieme lieu, Que nul n'ait à estre promu à aucune Eglise Cathedrale, sans vn proces verbal, qui se face *in partibus*, c. au lieu mesme, au moins sur sa naissance, vie & mœurs. En onzieme lieu, Que nul Euesque n'ait à conferer les Saints ordres à aucun au diocese d'un autre, sans permission & adueu de l'Ordinaire, & ce seulement à personnes du mesme diocese.

dont les Legats se formalisent, & en escriuent à Rome, avec des auis disticteux,

Les Legats furent troublés, non tant parce qu'ils voyoyent grand nombre d'Articles mis sur le bureau, tous visans à la restriction de l'autorité Papale, & à l'agrandissement de l'Episcopale, que pour l'importance de l'introduction de bailler les demandes par escrit, & de s'unir en nombre à vne mesme demande. Mais, sans descouurir leur pensée ou intention, alleguans seulement l'importance de la proposition, ils prirent temps à y penser: disant qu'en cet entretemps on ne demeureroit point en oisieté, veu qu'il y auoit d'autres points de Reformation à arrester. Et cependant donnerent aduis par le menu au Pape de tout ce qui s'estoit passé: adioustant, que les Prelats prenoient tous les iours plus de liberté, qu'ils ne se retenoyent point de parler des Cardinaux sans respect, & de dire, Qu'il falloit de necessité les reigler; & que mesmes ils passoyent à parler de Sa Sainteté avec peu de reuerence, disans, Qu'il ne donnoit que des paroles, & qu'il se seruoit du Concile pour amuser le monde d'esperances, & non point en intention de faire vne vraye reformation. Qu'à l'aduenir il seroit mal-aisé de les tenir en deuoir, & que souuent ils faisoient des assemblées & conuenticules entr'eux. Ils remonstrerent, qu'il seroit expedient de faire quelque reformation reelle à Rome, & de la publier auant la Session. Ils enuoyerent aussi à Rome les Censures des Espagnols, pesant combien importoit leur entreprise, & iusques ou elle pourroit porter à l'aduenir: n'estant nullement vraisemblable, qu'ils fussent tant osés, sans l'appui, fomentation, & peut-estre instigation de quelque grand Prince. Et insinuoient que on leur enuoyast commission & mandement, comment ils auroient à se gouverner: & disoyent, que leur aduis seroit de persister, & de ne flechir ou ceder en sorte aucune, tant pour l'importance des choses, que pour n'ouurir cete barriere, que les Prelats, par sedition & force, pussent obtenir ce que volontairement ne leur est accordé: veu que ce seroit dependre de leur merci, & courir le hazard de quelque sinistre accident. Que pour ce qui se passera és disputes, ils ne se laisseroyent point vaincre: mais enfin, apres les disputes, si les contraires ne voudront ceder, il sera force de se tenir à la pluralité des suffrages, & des voix, lesquelles en la conclusion ne se pesent point, mais se content. Et que pourtant, pour ne se mettre à aucun hazard, mais estre certain de l'emporter au iour de la Session, il seroit necessaire de commander tres-estroitement aux Prelats, qui se sont retirés à Venise, sous couleur de faire le Quaresmeen leurs Eglises, mais peut estre, avec intention de ne retourner plus, qu'ils ayent à retourner promptement, & sans replique: d'autant, qu'en ce qui se traitera en la suiuite Session, consistera quasi tout le nœud & le fonds de la Reformation: sur tout és pretensions d'entre le Pape & les Euesques: & selon qu'alors il reüssira aux mutinés, ou ils prendront courage és autres occasions, ou ils se rendront souples, paisibles, & obeissans.

autres abus proposés & traités au Concile,

Après cete despesche, les Legats proposerent és suiuites Congregations de reformer diuers abus. Le premier fut, de ceux, qui ayans receu vn benefice, & vn titre, ne prenent les saints Ordres, ou la consecration correspondante à icelui. Tous detesterent l'abus, & approuuerent qu'on y remediast. Mais le Cardinal Pacieco dit, Que tout remede seroit eludé, si non qu'on ostant les Commendes, & les Vnions: veu qu'il est tout clair & euidant, qu'une Eglise Cathedrale peut estre baillée à Commende à vn

Diaque : & celui qui en voudra vne Parochiale, sans estre tenu de prendre les saints Ordres, la fera vnir à vn benefice simple, qui ne requiert point l'Ordre: & ainsi la tiendra en cōsequence & dependance de ce benefice simple, sans estre consacré. Les autres reformatiōs furent sur diuerses exemptions de visites des Euesques de leurs examens, de la conoissance des causes ciuiles, & de la reuision du gouuernement des Hospitaux. En quoy les Legats s'accordoyent à eslargir l'autorité des Euesques, pour gagner leurs bonnes graces. Mais, comme il aduient, que qui a pretention sur le tout, s'offense qu'on ne lui en restitue que la moitié, ainsi sembloit il aux Euesques, sur tout aux Espagnols, qu'on leur faisoit de tant plus grand tort, qu'on accordoit de remedier à aucunes de leurs plaintes. Mais les Espagnols, dès qu'ils virent que le nombre des Euesques Italiens, qui adheroient aux Legats, s'augmentoient, commencerent à parler avec plus de retenue, de tant plus, qu'ils attendoyent la responce de Rome sur leurs propositions, lesquelles ils auoyent descouuert y auoir esté renuoyées.

Le Pape, ayant receu l'aduis de ses Legats, escriuit promptement à Venise à son Nonce lettres pressantes, mais aussi fort amiables, à ce qu'il eust à faire retourner au Concile les Prelats partis de Trente, lesquels estoient quasi tous à Venise. Et le Nonce executa sa commission en sorte, que tous prirent à faueur de faire le Voyage, veu qu'ils'agissoit d'un si grand seruice du Pape. Il mit en consultation, entre les Deputés de Rome, la Censure des Espagnols: mais le demeurant, qui importoit le plus, il le reserua à sa propre deliberation, le ramassant enemble avec les autres choses, dont il auoit receu aduis auparauant.

La Congregation des Deputés de Rome, apres auoir pensé & repensé à l'estat des affaires, considéra que le parti que proposoyent les Legats, de persister, sans ceder en rien, estoit bien la plus honorable, & en cas qu'il succedast, le plus vtile. Mais aussi, que, cas aduenant qu'il ne réussist point, c'estoit le plus pernicieux: & qu'en choses de si grande consequence ce n'estoit pas prudence de courir de si grand risques. Qu'il estoit autant dangereux de refuser tout, comme de tout ceder. Et concluoyent, que, si les Legats n'estoyent plus que certains de veindre, ils pouuoient accorder ou toutes les modifications suiuant, ou partie, selon que les affaires mesmes conseilloyent sur le lieu. Et ces modifications estoient couchées en forme de responce, article par article de la censure des Espagnols. Au premier, De rafraichir le Concile de Latran es deux chefs: il semble, disoyent ils, qu'on puisse en cela contenter les Prelats, pourueu que les Canons, qui se feront, soyent au demeurant raisonnables. Au deuxieme, D'obliger les Cardinaux à la residence la demande n'est conuenable à l'esgard de ceux, qui demeurent à Rome, & qui actuellement seruent à l'Eglise vniuerselle: à l'esgard des autres, Sa Sainteté y pouruira, selon qu'il est porté par la lettre. Au troisieme, D'arrester, que la residence est de droit diuin: premierement, le Decret, peut estre, ne se trouueroit fondé en verité, estant rapporté aux Eglises particulieres: mais aussi, quant à l'effet, il ne peut seruir qu'à augmenter le desordre: & sur tout y ayant manifeste repugnance, à faire ce Decret, & ensemblement à en permettre, au moins tacitement, le contraire pour la moitié de l'année. Au quatrieme, De declarer pour abus la pluralité des Eglises: on y peut dire le mesme, que sur le troisieme: & quant aux Cardinaux, Sa Sainteté y pouruira d'elle mesme, comme il a esté dit ci dessus. Au cinquieme, De la pluralité des petites Eglises: il semble que le reiglement & prouision, proposée par les Legats, deuroit suffire: & toutesfois encor, quand il seroit iugé expedient de le faire plus seuerement, à l'esgard du Passé, Sa Sainteté s'en rapporte au Concile: remonstrant seulement, que trop de rigueur en cet endroit peut causer effet contraire à l'intention, à cause de la resistance, qu'il est à presumer que feront ceux qui possèdent: & mettant aussi en consideration, que de remettre ainsi simplement le iugement des dispenses aux Ordinaires, peut porter danger d'en mal vser, & de ne produire autre effet,

1547.

que de leur accroistre l'autorité.

Au sixieme, De reuoquer les vnions viageres: combien que Sa Sainteté soit toute portee à y faire quelque bon reiglement, si toutesfois on les veut du tout annuller, & casser, on le peut permettre, pourueu seulement qu'on donne terme raisonnable à ceux qui possèdent les benefices, d'en pouuoir disposer.

Au septieme, Que les non residens es benefices ayans cure d'ames, precisement en soyent priués, sans qu'il soit loisible d'en dispenser aucun, si ce n'est es cas permis par la Loi: la rigueur est excessiue, & telle, que quand ores on l'auroit ainsi déterminé, malaisément se pourroit-il observer.

Au huitieme, Que qui tient benefice ayant cure d'ames, & se trouue ignorant, illiteré, ou vicieux, puisse estre priué de son benefice par l'Ordinaire: cete punition se peut permettre, bien entendu toutesfois que l'invalidité soit telle, qu'elle le merite de droit: autrement la demande n'est pas honneste: car par ce moyen on ne feroit autre chose que laisser & remettre le tout à l'arbitrage des Ordinaires.

Au neuuieme, Que les benefices ayans cure d'ames ne soyent conférés sans vn prealable diligent examen: attendu qu'il faut enfin remettre la maniere & la qualité de l'examen à la conscience de celui qui doit conférer les benefices, il semble que de faire de nouveau autre Decret sur ceci, est chose superflue, & inutile.

Au dixieme, De faire le proces verbal *in partibus*, sur ceux qui doiuent estre promûs aux Eglises Cathedrales: on ne peut voir ne le moyen, ne le fruit de cete diligence: attendu qu'il est aussi aisé de trouuer des gens qui deposent le faux *in partibus*, comme à Rome: & que c'est chose superflue de chercher autre notice, & preuue, lors qu'on la peut auoir suffisante, comme presque tousiours on peut.

A l'onzieme, Que nul ne soit ordonné par autre que par son Euesque: il semble que le remede de la Bulle peut suffire: & de tant plus, que par icelle est pourueu par plus d'un moyen aux inconueniens, qu'on pretend sur ce fait.

Et enuoye
cete cōsul-
tation aux
Legats, a-
uec instru-
ctions ne-
cessaires:

Le Pape despescha subitement cete response à Trente, remettant à la prudence des Legats à se resoudre, avec le conseil des bien affectionnés, à ce qui seroit iuge le plus expedient sur le lieu, & sur le fait mesmes, en accordant ou le tout, ou partie des choses requises, mais toutesfois sans sortir des limites consultes à Rome: & semblablement leur baillant pouuoir de refuser tout, en cas qu'ils se vissent en estat de le pouuoir faire.

Il les aduertit aussi de l'office qu'il auoit fait enuers les Euesques qui estoient à Venise: & leur enioignit, qu'ils tinssent la Session au temps ordonné: & qu'ils laissassent tout à fait les Chapitres de doctrine touchant les Sacremens, & ne publiassent que les seuls Anathematismes, esquels tous se sont accordés: attendu que cete Doctrine ne se peut expliquer sans quelque d'anger: qu'ils laissassent aussi tout à fait le Decret des abus sur les Sacremens du Baptisme & de la Confirmation: veu qu'il n'estoit possible de teucher cete matiere, sans grandement offenser tous les pources Prestres, & Moines: & donner trop de prise aux heretiques, aduouant d'auoir, es temps passés, approuué de notables absurdités. En fin il adiousta, qu'ils fissent en sorte pour le demeurant, que la Session passast le plus paisiblement que faire se pourroit: mais toutesfois avec la dignité du Saint Siege.

mais re-
doutant le
Concile,

Le Pape, ruminant du depuis les aduis receus de Trente, & de son Nonce en Allemagne, en soi mesme, & entre ses plus intimes, entra en de grands soupçons & ombrages, que le Concile n'enfantast quelque grande monstruosité, au preiudice de lui, & de l'authorité Papale.

Il consideroit les factions entre les Theologiens, sur tout Iacopins & Cordeliers, anciens concurrens, & contraires en doctrine: qui auoyent bien en

plein Concile pris la hardiesse de passer toutes borne en leurs contentions, & débats, lesquels les plus prudens auoyent eu beaucoup de peine de composer: & qu'entr'eux il y auoit des differends, qui n'estoyent nullement moindres que ceux qu'on a avec les Lutheriens: & que pour eux, ils n'estoyent que trop auantageux, & outre cuides à se taxer les vns les autres: dont il y auoit danger, si on n'estoit tousiours apres à les accorder, qu'il n'en arriuaist quelque grand inconuenient. Il prenoit fort à cœur la dispute de la Residence, assauoir, si elle est de droit diuin: & l'audace de Frere Barthelemi Carranza, lequel, suscité & fomenté par plusieurs, estoit passé iusques là que d'appeler diabolique la doctrine contraire. Il voyoit combien il estoit aisé qu'il nasquist vn autre mal, semblable à celui de Luther, & qu'on fist de la Residence vn Article de foi: ce qu'auenant, le Papat estoit reduit à neant. Il consideroit, que toutes les reformatiōs butoyent à restreindre l'autorité du Pape, & à amplifier celles des Euesques. Il prenoit garde au peu d'estime qu'on faisoit de son autorité: veu que le Concile, ayant donné esperance de lui remettre la reformation, dont aussi il en auoit dressé la Bulle, enuoquant icelle entierement à soi, estoit puis apres retourné à en traiter plus asprement, sans aucun respect à sa personne. Il ^{les Prelats} prenoit grand ombrage du courage, & de la pointe des Espagnols, nation ^{Espagnols} accorte, & qui ne procede iamais à l'aduenture, & qui monstre en appa- ^{en icelui,} rence plus de respect qu'elle ne porte en effet, qui se tient vnue entr'elle mesme, & ne fait iamais vn pas, qu'elle ne regarde à plus de cent au deuant de soi: & lui sembloit vn grand cas, qu'ils eussent pris la hardiesse de s'assembler, & d'auoir forme vne Censure en nom commun: & tenoit pour vraisemblable que cela eust esté ourdi à la suscitation de l'Empereur, qui auoit là vn sien Ambassadeur, qui traitoit tous les iours avec eux.

D'ailleurs il auoit l'Empereur aussi pour suspect pour autres causes: con- ^{l'Em} siderant le cours de ses prosperités, lesquelles coustumierement portent ^{percur,} les hommes à ne sauoir mettre aucune borne à leurs desseins: & faisoit reflection sur ce qu'icelui faisoit, en permettant aux Protestans leur Religion, par maniere de conuenance, ce qu'il interpretoit tendre au but d'acquiescer leurs bonnes graces. Il remaschoit les plaintes de l'Empereur, & de ses ministres, au depart des gens de guerre Italiens, comment il s'estoit voulu, d'estre delaisé au plus fort du besoin. Il prenoit doute de lui, sachant qu'il attribuoit au Duc de Plaisance, fils du Pape, la sedition de Genes. Et sur tout pesoit les paroles dites à son Nonce, Qu'il n'auoit plus grand ennemi que le Pape.

Il craignoit, que s'il venoit à bout d'establir en Allemagne vne autorité absolue, il ne lui prist enuie d'en faire de mesme en Italie, employant le Concile, pour abatre le Papat.

Il voyoit qu'il demeueroit comme arbitre de la Chrestienté, attendu l'incurable indisposition du Roi de France, & la mort qu'on en preuoyoit prochaine. Et ne sauoit que se pouuoir promettre du Dauphin, comme d'un ieune Prince sans experience, & non esproué.

Il tenoit pour assuré, que les Prelats, qui iusques alors auoyent adheré à la Cour de Rome, se declareroyent pour l'Empereur, dès aussi tost qu'il procederoit à ieu descouuert, soit par crainte de sa puissance, soit par l'emulation generale de tous contre la grandeur Papale, laquelle ils descouuroient, lors qu'ils verroyent la porte ouuerte à la reprimer & moderer, sans danger.

Tous ces esgards le firent resoudre à s'asseurer du Concile en quelque sorte que ce fust. De le clorre, ne lui sembloit point chose faisable, attendu ^{il prend re-} la multiplicité des choses, qui restoyent encores à traiter. De le suspendre, ^{solution de} il ne voyoit point comment, veu que cela requeroit quelque grande & ^{transférer} puissante cause: & encores n'estoit-ce qu'une bien legere prouision: d'au- ^{le Concile à} tant qu'il preuoyoit bien que tout aussi-tost il seroit recherché d'oster la ^{Bologne,}

1547. surseance. De le transferer en lieu, ou il eust plein pouvoir, lui sembloit bien le conseil le plus salutaire. Et puisque c'estoit vn faire le faut de tenir le Concile, il iugeoit qu'il le faloit tenir en sorte, qu'on obuiaist à tous les dangers: ce qui ne pouuoit estre, sinon qu'on le celebrast en ces propres terres & estats. Et, pensant à quelque ville des sienes, il iugea bien qu'il n'estoit pas à propos de traiter de Rome, pour ne donner suiet de parler à l'Allemagne. Bologne lui sembla tres-propre, comme la plus proche à ceux qui viennent de delà les monts, & fertile, capable. Quant à la maniere d'y proceder, il se resolut de se tenir caché en ceci, & de faire iouer le personnage aux Legats, & quiceux l'entreprissent comme deux mesmes, par l'autorité qu'il leur auoit baillée, par la Bulle dattée du vintedéuxieme Feurier, & enuoyée en Aoust, l'année mil cinq cens quarente cinq. Que ainsi faisant, en cas qu'il nasquist quelque opposition sur la translation, elle seroit endossée aux Legats: & lui, comme non interessé, auroit plus de facilité à les maintenir. Et

*En fait
la des-
che aux Le-
gats:* s'il escheoit de chager aduis pour quelque accident nouveau, il le pourroit faire sa dignité sauue. Estant doncques resolu à cela, il despescha vn Gentilhomme priué, domestique du Cardinal Legat de Monte, avec lettres de creance, auquel il commanda de n'arriuer à Trente auant le temps de la Session, & que lors il fist cete Ambassade aux deux Legats, leur enioignant de sa part qu'ils transferassent le Concile à Bologne, faisant naistre quelque specieuse occasion pour ce faire, ou bien se preualant d'aucune qui fust reellement en estre: mais diligentant l'execution en sorte, que des le premier mouuement de l'action on ne cessast, qu'on ne l'eust conduite à fin, auant que d'ailleurs pust estre entreietté aucun empeschement.

*L'Arche-
uesque de
Cologne de-
buisé par
l'Empe-
reur,* Or en Allemagne, plusieurs villes d'aupres du Rhin, s'estans accommo- dées avec l'Empereur, & l'Electeur Palatin ayant aussi fait deporter ses Ministres par lui introduits de passer plus outre, l'Empereur prit occasion de debouter l'Archeuesque de Cologne, & pour cet effet enuoya deux Commissaires, pour assembler tous les Estats d'icelui, & faire qu'ils le quittassent, & receussent, pour Prince & Euesque, Adolph son Coadiuteur, auquel ils fissent le serment de fidelité, & lui pretassent obeissance. Les Ecclesiastiques furent prompts à le faire, pour les raisons autresfois dites. Mais la Noblesse, & les deputés des Villes, le refuserent, disant, Qu'ils ne pou- uoyent abandonner leur Prince, à qui ils auoyent presté serment. Le Duc de Cleues, qui auoit ses estats proches, s'entremet, & enuoya à l'Archeuesque, & fit tant que les principaux d'entre la Noblesse y allerent aussi, pour prier ledit Archeuesque, de trouuer quelque moyen à ce que tout l'estat ne fust ruiné, avec l'extreme perte & dommage de tous les peuples circonuoisins. L'Archeuesque fut esmu à compassion: & pour n'allumer guerre en ce pais- là, & garder que le peuple innocent ne souffrist, renonça genereusement à l'Estat, & affrachit ses suiets de leur serment: & ainsi fut receu pour son successeur Adolph, lequel il auoit tousiours aimé & cheri comme frere, au- quel aussi il auoit fait part de tout ce qu'il faisoit pour la reformation de l'Eglise: mais icelui à present se trouuoit de different auis, soit que de vrai il fust changé, soit pour autre cause.

*Roi d'An-
gletere
meurt:* A la mi Feurier arriua à Trente la nouuelle de la mort du Roi d'Angle- terre, aduenue le mois precedent: & les Peres Trentins en rendirent gra- ces à Dieu, & quasi tous allerent visiter l'Euesque de Vvorchestre, pour se conioiurauec lui, Que le royaume, & lui-mesme, fussent, comme ils di- soyent, deliurés de la tyranie d'un rude persecuteur: attribuans aussi à mi- racle, qu'il fust decedé laissant epres soi vn fils de l'aage de neuf ans, afin qu'il ne pust ensuiure les traces du pere. Et de vrai aussi il ne les ensuiuit pas du tout. Car Henri, quoi qu'il se fust totalement soustrait de l'obeissan- ce du Pape, ensemble tout son royaume, & eust imposé peines capitales à ceux qui lui adheroient, auoit neantmoins tousiours fermement retenu la doctrine de l'Eglise Romaine quant au demeurant. Mais son fils Edoü- dar, gouverné par le Duc de Sommerfet, son oncle maternel, enclin à la

doctrine des Protestans, changea la Religion, comme il sera dit en son lieu.

Quand les lettres du Pape furent arriuées à Trente, le Cardinal Legat de S. Croix estoit d'aduis, qu'on amollist & fleschist le courage des Prelats vnis, en leur accordant quelques vnes des demandes, qui estoient permises de Rome, esperant que par cete determination aisémēt ils s'appaiseroient. Mais le Cardinal Legat de Monte disoit au contraire, Que de condescendre à l'inferieur, & sur tout à la multitude, n'estoit autre chose, que de leur donner prise à pretendre plus grande satisfaction : que, quant à lui, il estoit resolu de sonder premierement les volontés des bien affectionnés, & que s'il se trouuoit fortifié du plus grand nombre, il ne lascheroit le pied d'un seul pas : que si aussi il trouuoit autrement, il vseroit lors de prudence. Apres plusieurs discours, comme il aduient entre Collegues, S. Croix ceda à Monte, qui y procedoit avec plus d'affection, & vehemence. Ils eurent aduis, que les Prelats basens se rendroyent à Trente auant la fin de Feurier. Et, ayans sondé les volontés & intentions de plusieurs, ils confermerent par esperances ceux qu'ils trouuerent adherans aux affaires du Pape, & par la mesme amorce en attirerent d'autres, promettans que le Pape reconoistroit les merites d'un chacun. Et là dessus firent former le Decret, contenant quinze chapitres, & le proposerent en Congregation.

Mais il s'y rencontra des difficultés encor plus grandes que deuant : & mesmes dès l'entrée en la preface, qui portoit ces termes, *Sauf tousiours en toutes choses l'autorité du S. Siege.* Ce que tout homme, quoi que hebeté, pouuoit reconoiestre ou il visoit : assauoir, à vne obstinée perseuerence és abus, maintenant les causes d'iceux, lors mesmes qu'on traitoit d'y remedier. Mais toutesfois nul n'osa s'y opposer, sinon l'Euesque de Badaios, Espagnol, lequel dit, Que cete clause auoit besoin d'esclaircissement : d'autant que le Concile ne pouuoit ni ne deuoit esbrecher l'autorité d'aucun, & beaucoup moins celle du S. Siege, reconu par tous les Catholiques pour leur Chef. Mais que les paroles assises en cet endroit-là, sembloient signifier, qu'on procederoit à Rome en ces matieres à la forme accoustumée, sans que le reiglement eust aucune vigueur & force sur les dispenses & autres moyens, par lesquels tousiours a esté eneruée l'autorité des anciens Canons. Autres, en defense de l'exception & reserue, disoyent, Que les loix des Conciles ne sont point comme les naturelles, esquelles la rigueur & l'equité font vne mesme chose : que celles des Conciles sont suiettes au defect commun de toutes les loix, lesquelles, à cause de leur generalité, il faut moderer par l'equité, és cas non preuenus, & ou il y auroit de l'iniustice en l'exécution. Et que n'y ayant pas tousiours Concile ouuert ; auquel on puisse recourir en tel cas : & quand mesmes il l'est, icelui n'ayant moyen de vaquer à cela, l'autorité Papale estoit necessaire. Mais on repartoit à cela, que, quoi que toutes les loix ayent le defect de l'vniuersalité, toutes sont neantmoins publiées sans y inserer reserues, ni exceptions : & que de mesme encor faut-il faire à present : car de l'y mettre, vaut autant à dire, que pour vn ordinaire, & non point seulement és cas tres-rares, & non preueus, le Pape a pouuoir de dispenser au contraire.

Cet aduis ne fut pas suivi de parole par tous ceux qui en leur conscience le tenoyent. Dont le Cardinal Legat de Monte, se voyant fortifié, disoit, Que c'estoit vne subtilité, pour ne deferer au S. Siege, autant qu'ils estoient obligés. Et ainsi les fit tous taire. L'Euesque de Badaios requit, Qu'en cete Preface fust expressement déclaré, que l'article de la Residence n'estoit point laissé, mais seulement differé. A quoi les Legats respondirent, Que c'estoit se deffier de leurs promesses, voire mesmes de celles du Pape, & vainement s'obliger à vne chose qui estoit tousiours au pouuoir du Concile. Mais toutesfois, que pour satisfaire à vn si ardent desir, on adiousteroit à la preface, que le tout estoit decreté, en suite de l'affaire entamé de la Residence : par ou il paroistroit, qu'icelui n'auoit point esté terminé en l'autre Session, & qu'il en demeueroit partie à traiter.

1547.

difficultés
au Concile
sur la Re-
formation
pour les di-
spenses Pa-
pales,pour la Re-
sidence.

1547.
pour les
qualités
des Eues-
ques,

Sur les articles de la qualité des Euesques, & autres ayans cure d'ame, l'Archeuesque de Torre dit, Qu'iceux non seulement ne portoyent aucun remede aux abus & deprauiations introduites, ains enruoyent les remedes anciens: car, par ces termes ainsi generaux d'aage, mœurs, science, habilité, & suffisance, chacun pouuoit estre canonizé pour habile. Et que d'alleguer les Decrets du Pape Alexandre, n'estoit autre chose, qu'annuller tous les autres Canons, qui prescriuent bien d'autres conditions: d'autant que faire tousiours mention d'un seul, taisant les autres à dessein, fait sembler qu'on y ait deroge, Qu'il seroit necessaire d'exprimer vne bonne fois quelle est cete grauité de mœurs, & cete science és lettres: que si cela estoit fait pour l'une & pour l'autre qualité, toutes gens de Cour seroyent vne fois pour toutes exclus. Que les mœurs requises estoient suffisamment de nombrées par S. Paul, & toutesfoison n'y a nul esgard. Que la science, & suffisance de docteur, que S. Paul requiert, est la conoissance de la doctrine Chrestienne, & des saintes lettres: & qu'il ne faut point imiter le fait du Pape Honoré troisieme, lequel demit vn Euesque en la basse Saxe, d'autant qu'il n'auoit point appris de Grammaire, ne iamais lu son Donat: pource, dit la Glose, qu'il ne pouuoit enseigner la Grammaire au peuple: comme si la matiere & le suiet des predications deuoyent estre les reigles de Grammaire, & non l'Euangile. L'Euesque de Huesca adiousta, Qu'il ne pouuoit trouuer bon qu'on se rapportait à Decretales, ou Constitutions: ne qu'on les allegast: pource que cela se faisoit, ou pour leur donner plus d'autorité, ou pour la receuoir d'icelles: ou bien mesmes, pour faire vn amas qui renforce le Synode: mais, qu'en quelque sorte que ce fust, c'estoit chose peu conuenable, & qui diminueoit l'autorité de l'un & de l'autre. Qu'il estoit bien raisonnable de le faire, lors que la prolixité & longueur d'une Constitution ne permet de la rapporter: mais, lors qu'elle ne contient que la mesme chose, qu'il n'y auoit point de raison de le faire, pour ne donner suiet de procès inextricables, & de disputes, pour sauoir, si ces Constitutions doiuent estre receuës simplement comme sonne la lettre, ou bien avec les limitations & amplifications qu'y donnent les Docteurs, & avec les sens & interpretations diuerses: qui n'est autre chose, que confondre & embarrasser le monde. Qu'on a besoin de Decrets qui portent paix, charité, & serieuse reformation en l'Eglise, & non qui causent litiges, & nouueaux inconueniens. A quoi peut seruir au temps present de commettre aux Ordinaires les peines du Canon *Grave nimis*, l'exécution desquelles est en icelui assignée aux Conciles prouinciaux, qui sont maintenant hors d'usage, si tout premier on ne trouue moyen de le remettre en pratique ordinaire? Et puis, le nombre des benefices, conferés par les Ordinaires, n'arriuant pas à la dixieme partie, à cause des diuerses reserues, à quoi sert-il de pouruoir à cete petite parcelle, & cependant laisser courre l'abus és autres neuf parts, que la Cour de Rome confere? Semblablement, si on pretend remedier à la pluralité des benefices, il n'est nullement à propos d'approuuer la Constitution, *de multa*: d'autant que cela n'est autre chose, qu'establir de nouueau & de plus fort la pluralité: attendu qu'en icelle Constitution les dispenses sont permises.

pour la re-
formation
des Cardi-
naux,

Il y eut vne longue dispute sur les Articles, les Espagnols instans que les Cardinaux y fussent spécifiés. Mais de l'autre part on repliquoit, Qu'il n'estoit nullement conuenable, à cause de la grandeur de cet Ordre, premier en l'Eglise, & plein d'hommes de singulier merite, de monstrier si ouuertement, qu'en icelui il y eust des corruptions & deprauiations, qui meritaissent correction, & qu'eux mesmes ne se fussent corriger sans autrui. Mais qu'il suffisoit de faire la mesme chose par paroles generales, qui les comprinsent aussi: commandant à toutes personnes, de quelque dignité, degre, & preeminence qu'ils puissent estre. Les autres opposoyent à cela, que les Canonistes ont desia declaré, que les Cardinaux ne sont compris sous aucun terme general, sinon qu'ils soyent nommément exprimes & designés:

designés: & pourtant qu'il n'y restoit autre moyen de pourvoir au mauuais exemple, que le monde en reçoit, sinon en les reformant aussi particulièrement: qu'il n'y a pas grand besoin de reformation au menu Clergé, qui est tiré de necessité à suiure les plus grands, & encor duquel les corruptions sont legeres: qu'en la cure d'un corps malade il faut penser aux grands maux, & aux parties principales, lesquelles estans gueries, les autres se guerissent d'elles mesmes, ou bien par legers remedes. Sur l'abus des vnions perpetueles de benefices, ils disoyent, Qu'il pourroit bien sembler qu'il y fust pourueu suffisamment, en remettant aux Euesques de examiner les ia faites: & tenant pour subreptices celles qui ne se trouueroyent fondées en bonnes & valables raisons: mais que tout estoit renuersé par la suiuite modification, Si autrement n'est iugé par le S. Siege: ce qui estoit les a fermir & establi, voire mesmes mettre l'Euesque en proces & despens. On requist aussi de nouueau, que les vnions viageres fussent interdites, & les ia faites annullées.

Mais le plus grand nombre approuua les Decrets, en la forme qu'ils auoyent esté proposés, partie par propre inclination aux choses de Rome, partie parce qu'ils auoyent esté pratiqués, & gagnés. Quelques gens de bien y adherant aussi pour vne promesse qui leur estoit faite, que le Pape par vne siene Bulle corrigeroit ce desordre, & plusieurs autres: mais que, pour la reputation de ce S. Siege, il estoit raisonnable qu'il le fist lui mesme, & non qu'il s'emblast que le Concile l'eust, contre son gré & vouloir, contraint de prendre loi de lui. Ceux-ci, mis ensemble, faisoient les trois quarts de tout le Concile. Le temps de la Session instant, les Anathematismes ayans esté relus, quelcun requit, Qu'on y adioustast la Doctrine: autres demanderent, Pourquoi on ne resoluoit le Decret des abus? On arresta ceux-ci, disant, Qu'il n'estoit pas encor bien examiné: & qu'il seroit plus à propos de le remettre apres tous les Sacremens, remediant conioinctement aux abus, qui escheent sur l'administration d'un chacun Sacrement, & à ceux qui sont generaux & vniuersels en tous. La raison la plus preignante de l'omission de la doctrine fut, Qu'on en auoit ia fait de mesme en la Session du Peché Originel: & que la declaration par voye de Doctrine est necessaire, lors que sans icelle les Anathematismes ne peuuent estre entendus: & pourtant qu'au Decret de la Iustification, la Doctrine auoit bien esté necessaire: mais qu'en cetui-ci des Sacremens, les Anathematismes sont si clairs & euidens, qu'ils seruent aussi pour doctrine. Le temps pressant, & le consentement du plus grand nombre, fit que la resolution fut prise en ce sens, & que ceux, qui requeroient la doctrine, & la reformation des abus susdits, furent contraints de se taire.

Après que les Decrets eurent esté appointés, nonobstant toutes ces difficultés, le troisieme Mars venu, les Prelats s'assemblerent en l'Eglise en l'ordre accoustumé, pour tenir la publique seance. La Messe fut chantée par Iaqués Cauque, Archeuesque de Corfou. Coriolan Martyran, Euesque de S. Marc, deuoit faire le Sermon: mais, ayant receu des mescontentemens en la Congregation, & croyant qu'il y alloit de son honneur à assister en la Session, & ne persister point en la mesme opinion: & aussi, qu'il ne faisoit pas seur de contredire en la seance publique, il prit parti de contrefaire l'indisposé, & ainsi d'absenter la Session: dont pour ce matin-là on fut sans Sermon: comme si entre soixante Euesques, & trente Moines Theologiens, exercés à la predication, il n'y en eust pas vn capable de dire quatre paroles d'exhortation, avec la premeditation de quatre heures. Et es Actes fut marqué, & depuis mesmes imprimé, qu'il n'y eut point de Sermon en cete Session, pource que l'Euesque de S. Marc, qui en auoit eu la charge, s'estoit trouué enroué. Ce qui de vrai doit bien estre attribué à la simplicité du Secretaire, qui recueillit les Actes: mais aussi demonstre asseurement, qu'alors on ne croyoit point que iamais vint le temps, auquel on estimast que toutes les actions de cete Assemblée de Trente fussent pareilles à celles

1547.

des Apostres, lors qu'ils estoient assemblés attendans la venue du S. Esprit, comme il a esté cru & tenu du depuis.

La Messe, & les autres ceremonies acheuées, les deux Decrets furent lus. Le premier concernant la Foi, contenoit en substance, Que pour le paracheuement de la doctrine arrestée en la precedente Session, il falloit traiter des Sacremens : & à fin d'extirper les heresies suscitées, le Concile pour le temps present auoit aduisé d'ordonner les Canons ensuiuans, attendant d'y adiouter les autres en son temps.

*les Canons
sur les Sa-
cremens en
general,*

Les Canons, ou Anathematismes sur les Sacremens en commun, estoient en nombre de treize. Le premier, Contre qui dit, que les Sacremens de la Loi nouuelle, n'ont tous esté institués par Iesus Christ, ou qu'ils sont plus ou moins de sept : ou qu'aucun d'eux n'est point veritablement & proprement Sacrement. Le deuxieme, Contre qui dit, qu'ils ne sont differens de ceux de la Loi ancienne, qu'és ceremonies exterieures. Le troisieme, Contre qui dit, que nul d'iceux pour aucun esgard n'est plus digne & excellent que l'autre. Le quatrieme, Contre qui dit, qu'ils ne sont pas necessaires à salut, & que la Grace de Dieu se peut acquerir par la seule foi, sans iceux, ou sans le ferme propos & intention de les receuoir. Le cinquieme, Contre qui dit, qu'ils sont ordonnés seulement pour nourrir la foi. Le sixieme, Contre qui dit, qu'ils ne contiennent point en eux la Grace signifiée, ou ne la conferent pas à qui n'y met point d'opposition & de resistance : mais que seulement ils sont signes externes de la iustice, & marques & liurées de la profession Chrestienne, pour discerner les fideles d'avec les infideles. Le septieme, Contre qui dit, que la Grace n'est point, de la part de Dieu, donnée à tous, ne tousiours, par les Sacremens, combien qu'ils soyent legitimement receus. Le huitieme, Contre qui dit, que par les Sacremens la Grace n'est point conferée, en vertu de l'administration d'iceux, ce qu'on appelle és Escoles, *Ex opere operato* : mais que la seule foi aux promesses de Dieu suffit. Le neuuieme, Contre qui dit qu'és Sacremens du Baptisme, de la Confirmation, & de l'Ordre, n'est empraint en l'ame vn caractere spirituel, lequel ne peut estre effacé : dont aussi il aduient qu'iceux ne peuuent estre receus qu'une seule fois. Le dixieme, Contre qui dit, que tous les Chrestiens ont pouuoir d'administrer la parole, & tous les Sacremens. L'onzieme, Contre qui dit qu'en l'administration des Sacremens n'est point requise au Ministre l'intention, au moins de faire ce que fait l'Eglise. Le douzieme, Contre qui dit, que le Ministre estant enpeché mortel, ne donne point le vrai Sacrement, quoi qu'il obserue toutes les choses necessaires. Le treizieme, Contre qui dit, que les ceremonies approuuées par l'Eglise, & accoustumées, peuuent estre mesprisées ou omises, par chaque Pasteur, ou bien changées en autres.

*Et sur le
Baptisme
en particu-
lier,*

Sur le Baptisme il y auoit quatorze anathematismes. Le premier, Contre qui dit, que le Baptisme de Iean auoit la mesme vertu que celui de Christ. Le deuxieme, Contre qui dit, que la vraye eau & naturele n'est point necessaire au Baptisme. Le troisieme, Contre qui dit, qu'en l'Eglise Romaine, mere & maistresse de toutes les Eglises, la vraye doctrine du Baptisme n'est point. Le quatrieme, Contre qui dit, que le Baptisme conferé par les heretiques, au Nom du Pere, du Fils, & du S. Esprit, en intention de faire ce que l'Eglise fait, n'est pas vrai Baptisme. Le cinquieme, Contre qui dit, que le Baptisme est chose libre & volontaire, & non necessaire à salut. Le sixieme, Contre qui dit, que le baptisé ne peut perdre la Grace, quoi qu'il peche, pourueu qu'il ne refuse point de croire. Le septieme, Contre qui dit, que les baptisés sont obligés seulement de croire, & non de garder toute la Loi de Christ. Le huitieme, Contre qui dit, que ils ne sont point tenus à garder les commandemens de l'Eglise. Le neuuieme, Contre qui dit, que, par la rememoration du Baptisme, tous les vœus faits apres sont nuls, comme desrogeans à la foi, & à la profession du Baptisme. Le dixieme, Contre qui dit, que les pechés commis apres le Baptisme, sont remis, ou rendus veniels, par la foi, & rememoration d'icelui. L'onzieme, Contre

qui dit, qu'il faut reïterer & renouveler le Baptisme en celui qui a renié la foi. Le douzieme, Contre qui dit, que nul ne doit estre baptizé sinon en l'aage auquel Christ le fut, ou à l'heure de la mort. Le treizieme, Contre qui dit, que les petits enfans baptizés ne sont point du nombre des fideles: ou, qu'il faut les rebaptizer en aage de discretion: ou, qu'il vaut mieux laisser de les baptizer. Le quatorzieme, Contre qui dit, que ceux qui ont esté baptizés en leur enfance, quand ils viennent en aage, doivent estre recerchés & sollicités de ratifier la promesse, qui a esté faite en leur nom: & en cas qu'ils ne le vueillent faire, qu'il les faut laisser en leur liberté, & arbitrage, sans les contraindre à la vie Chrestienne, si ce n'est par l'interdiction & defense des autres Sacremens.

Sur la Confirmation, il y auoit trois Canons. Le premier, contre qui dit, *Or sur la Confirmation:* que c'est vne ceremonie inutile, & non proprement Sacrement: ou bien que jadis elle fut instituée, afin que les enfans rendissent en public raison de leur foi. Le deuxieme, Contre qui dit, que d'attribuer vertu au Chresme, est faire tort à l'Esprit de Dieu. Le troisieme, Contre qui dit, que tout simple Prestre est ministre ordinaire de la Confirmation, & non le seul Euesque.

Après fut lu le Decret de la reformation, auquel les actes dōnent ce titre, *le Decret de la Reformation:* Canon sur sa Residence. Et contenoit en substance, Premièrement, Que nul ne soit créé Euesque, s'il n'est né de legitime mariage, s'il n'est d'aage meur, & de sauoir és lettres, & de mœurs graues. En second lieu, Que nul n'ait à receuoir, ou retenir plusieurs Eueschés, soit en titre, soit en Comende, ou en quelque autre nom que ce soit. Et qui à present en a plus d'un, qu'il en retienne vn seul à son choix, & quitte les autres dans le terme de six mois, s'ils sont de la libre collation du Pape: & autrement, dans vn an. Et en cas qu'il ne le face, qu'ils s'entendent tous vacans, sauf le dernier. En troisieme lieu, Que les autres benefices, & sur tout ceux qui ont charge d'ames, soyent conferés à personnes dignes & capables, qui puissent exercer & administrer la cure des ames: & à defaut de ce, que le Collateur ordinaire soit puni. En quatrieme lieu, Que quiconque pour l'auenir receura plusieurs benefices incompatibles, & ce par voye d'union viagere, Comende perpetuele, ou autrement, ou retiendra ceux qu'il a receus contre les saints Canons, en soit priué de tous. En cinquieme lieu, Que l'on ait à monstrier & exhiber aux Ordinaires les dispenses de ceux qui ont plusieurs benefices ayans cure d'ames, & incompatibles: & qu'il soit pourueu à la charge des ames, & aux autres deuoirs. En sixieme lieu, Que les vnions perpetuelles, faites dès quarante ans en ça, puissent estre reueuës & contrerollées par les Ordinaires, en qualité de delegués du S. Siege: & que les induës soyent annullées: & que celles qui n'ont encores sorti leur effet, ou qui se feront à l'auenir, soyent tenues pour subreptices, en cas qu'elles ne soyent faites pour causes & motifs raisonnables & valables, & avec l'appel des interessés: & soyent de nulle vertu & effet, si autrement n'en est dit & iugé par le Saint Siege. En septieme lieu, Que les Benefices ayans cure d'ames vnis, soyent tous les ans visités par les Ordinaires, lesquels leur assignent des Vicaires perpetuels, ou à temps, avec la portion des fruits qu'ils iugeront conuenable, sans auoir esgard à appel, ou exemption quelconque. En huitieme lieu, Que les Ordinaires ayent tous les ans à visiter par autorité Apostolique les Eglises exemptes, pouruoyant à la cure des ames, & aux autres deuoirs & seruices, sans deferer à appel, priuilege, ou prescription & coustume quelconque. En dixieme lieu, Qu'il ne soit permis aux Chapitres des Eglises, l'Euesché vacant, de donner lettres dimissoires, ou pouuoir de conferer les saints Ordres, si ce n'est à personnes astreintes à raison de quelque benefice receu, ou à receuoir. En onzieme lieu, Que les licences de pouuoir estre promu par quelque Euesque que ce soit, ne s'entendent valables, si la cause legitime n'est exprimée, pour laquelle on ne peut estre promu par son propre Euesque: & qu'en tel cas on ne soit ordonné que par vn Euesque resident en son diocese. En douzieme lieu, Que

1547.

les permissions, & pouuoirs, de ne receuoir les Ordres necessaires, ne seruent que pour vn an: saufés cas portés expressément par le droit. En treizieme lieu, Que ceux qui sont présentés, ou nommés aux Benefices, par quelque personne Ecclesiastique que ce soit, ne soyent institués, ne confirmés, si tout premier ils ne sont examinés par les Ordinaires. Sauf toutes-fois ceux, qui seront présentés & nommés par les Vniuersités, ou Collèges des grandes Escholes. En quatorzieme lieu, Que és causes des exempts, on ait à garder vne certaine forme, & procedure: & que quand il s'agit de salaires, & gages, & de personnes miserables, les exempts mesmes, qui ont leur iuge deputé, puissent estre adiournés & contenus deuant l'Ordinaire: mais, que ceux, qui n'ont point de iuge deputé, le puissent estre en toutes causes. En quinzieme lieu, Que les Euesques ayent la charge des Hôspitaux, pour voir s'ils sont bien gouuernés par leurs recteurs & administrateurs, quoi qu'exempts, y gardant vn certain reiglement & forme.

Les Prelats, qui s'estoyent opposés es Congregations, firent encor le mesme en la Session: mais en termes plus modestes, requerans que les degress des personnes comprises au Decret fusent exprimés, & spécifiés: & qu'outre les prouisions aux maux à venir, on y adioustast les remedes aux maux presens, qui sont de plus grand preiudice & danger. Mais les Legats, escoutans ces paroles, comme voix de personnes, qui n'auoyent plus qu'une derniere soufflée d'esprit, pour rendre l'ame, mirent fin à la Session, assignant la suiuiante au vintunieme Auiil.

commandement du Pape, de transferer le Concile à Bologne signifié aux Legats,

lesquels à cete fin ca ptent vne artificieuse occasion du danger de la contagion,

Le mesme iour le messager fusdit du Pape, qui iusques alors s'estoit tenu caché de tous, & mesmes des Legats, se presenta, & exposa sa creance: & sans s'arrester à Trente, passa tout promptement à Inspruk. Le Cardinal Legat de S. Croix fut estonné & tout confus de ce mandement. Mais de Monte tout résolu dit, Qu'il auoit tousiours reconu le Pape pour Prince grandement sage, mais qu'alors il voyoit en lui le comble de prudence: qu'il falloit faire en cete sorte, si on vouloit sauuer l'authorité du S. Siege: & pourtant qu'il falloit penser à seruir Sa Sainteté en toute fidelité, secret, & diligence. Il aduint là dessus tout à point, que plusieurs des domestics des Prelats tomberent malades, soit pour les excés & dissolutions du Carneual, soit pour cause de l'humidité de l'air, qui auoit duré plusieurs iours. Le Cardinal Legat de Monte attitra quelques vns des siens, qui, comme d'eux mesmes, demandassent aux medecins, s'il y auoit apparence, ou danger, que ces malades fussent ou deuinssent contagieuses. Les Medecins, (lesquels au pronostic ont tousiours accoustumé de dire le pis qu'ils sachent: d'autant que, s'il en arriue ainsi, ils sont reputés sauans, de l'auoir preueu: si autrement, encor plus acquierent-ils de reputation, d'auoir seu ou remedier, ou preuenir le mal) lascherent là dessus quelque parole ambiguë, laquelle fut bien tost semée, & receüe par les esprits legers, & cruë encor par les mediocres: & par ceux qui, pour le desir qu'ils auoyent de partir, eussent bien souhaité que la chose eust esté vraye. Et tout à point arriua, qu'apres la Session mourut vn Euesque, les funerailles duquel furent accompagnées du controi de tout le Concile: ce qui rendit la chose fort solennelle, & apparente. Et de là aduint, que toute la ville de Trente se remplit de bruit, qu'il y auoit du mal contagieux: & ce bruit alla iusques aux lieux circonuoisins. Cependant les Legats tinrent Congregation generale le iour d'apres la Session, pour ordonner de ce qu'il falloit examiner sur la matiere du Sacrement de l'Eucharistie, & la semaine ensuiuiante ils commencerent à tenir les Congregations des Theologiens, montrant de n'auoir aucune part és bruits courans: lesquels croissans tous les iours, quand il sembla que le temps estoit meshui propre, le Cardinal Legat de Monte ordonna à Hercules Seuerol, Procureur du Concile, de faire vn verbal sur cete maladie pestilentielle. On examina les Medecins, & entre autres Ierome Fracastore, qui portoit le titre de Medecin du Concile: & autres personnes. On print Acte d'un rapport, que les lieux circonuoisins se preparoyent pour defendre le

commerce avec la ville de Trente. Ce mouuement fut cause, que plusieurs d'entre les Prelats demanderent congé de s'en aller, soit de crainte, soit de desir de sortir de là en quelque sorte que ce fust. Le Legat de Monte le donna à quelques vns, afin qu'entre les causes de la translation du Concile, il püst alleguer le depart des Peres: mais il en exhorta d'autres, qui lui estoient plus estroitement associés, d'attendre: en secret & en effet, pour ne se priuier de personnes affidées & adherantes, en la proposition qu'il feroit de transferer le Concile, mais apparemment, pour ne monstrier qu'il le laissast dissoudre. Et pourtant il leur dit, qu'és Congregations il protestassent, qu'on prist quelque expedient au mal qui menaçoit. On demeura à former le Verbal iuiques au huitieme Mars: & lors vint nouuelle, ou vraye ou feinte, que Verone alloit defendre le commerce: ce qui les mit tous en esmoi: car c'eust esté les tenir tous en prison.

Pourtant le neufuisme du mesme mois fut tenue Congregation generale sur ce fait. En icelle on fit lecture du Verbal, & fut propose, Quel remede on pourroit trouuer, pour n'estre renfermés en ce lieu-là, avec le mal au dedans, & sans secours de viures, & d'autres choses necessaires, du dehors. Plusieurs protesterent, Qu'ils vouloyent partir, & qu'on ne les pouuoit retenir. En fin, apres plusieurs choses dites, de Monte proposa de transferer le Concile: disant, Qu'il auoit pouuoir & autorité Apostolique pour ce faire: & là dessus fit lire la Bulle du Pape, adressée aux trois Legats, de Monte, S. Croix, & Polus. En laquelle le Pape disoit, d'auoir assigné le Concile à Trente, & de les y auoir enuoyés comme Legats & Anges de paix: & qu'à fin qu'un si saint œuure ne fust empesché, ou retardé, par incommodité du lieu il donnoit autorité à d'eux d'entr'eux, en l'absence du troisieme de transferer icelui Concile en vne autre ville, plus commode, opportune, & seure: & de commander aux Prelats, sous censures & peines, de n'auoir plus à proceder en la ville de Trente, mais de continuer le Concile en la ville en laquelle ils le transfereront, & d'appeler en icelle les Prelats, & autres personnes de Trente, sous la peine de periure, & autre, portées par les lettres de conuocation: promettant d'auoir pour agreable & de ratifier tout ce qu'ils feront, nō obstant chose quelconque au contraire. Les Prelats Imperiaux respondirēt sur le champ, Que le mal & les dangers n'estoyent point si grands, comme le bruit en estoit: qu'on pouuoit bien congédier les plus timides, iusques à ce que cete opinion fust passée, comme ils esperoyent, qu'à l'aide de Dieu, elle s'esuanouiroit bien tost. Et que, quād mesmes il faudroit differer la Session, il n'importoit pas beaucoup: veu que cela auoit ia bien esté pratiqué l'année precedente, en laquelle plusieurs se retirerēt pour les bruits & soupçons de guerre: la Sessio fut differée l'espace de six mois & plus: qu'on en pouuoit bien autant faire à present, s'il escheoit: outre plusieurs autres raisons. On debatit long temps sur cela. Et les Imperiaux, estās sortis de la Congregation, & ayans conferé entr'eux, semirent à rechercher fort curieusement ce qu'auparauant ils ne s'estoyent pas souciés de sauoir: & halenerent qu'il n'y auoit point de mal, mais que ce n'estoit qu'un pretexte.

Le lendemain on tint encores Congregation sur ce mesme fait: & fut trouué, qu'onze Prelats estoient desia partis: & vint on à parler du lieu, auquel on se transporterait. Tous generalement abhorroyent d'aller plus auant dans l'Allemagne: & on ne pouuoit aller és Estats d'aucun Prince, n'ayant point par auance traité de cela avec lui. Il ne restoit que l'Estat de l'Eglise. Les Legats proposerent Bologne, qui fut approuuée par tous ceux qui vouloyent la Translation. Les Imperiaux contredirent encor en cete Congregation, & quelques vns d'entr'eux passerent à des especes de protestations. Mais toutesfois le plus grand nombre des autres consentit à la Translation. Aucuns faisoient scrupule, que le Pape ne la prist en mauuaise part, estāt faite à son inseu. Mais le Legat de Monte leur en respondit, disant, Que les accidens subits, & non preueus, & les dangers de la vie exemptoyent de ces respects: & qu'il se chargeoit de faire que le Pape agreast le tout,

*embrassée
chaude-
ment par
les Papeaux*

*contred
dite par les
Imperiaux*

1547.

la transla-
tion est ar-
restée,

On fit aussi considération de l'Empereur, & des autres Princes: & fut conclu de faire mention d'eux au Decret, pour satisfaire par ce moyen à l'honneur qui leur estoit du: & aussi de donner intention de retourner, pour contenter en partie ceux qui improuuoient la Translation. Le Decret fut dressé, conçu en forme de deliberation, Vous plaist-il de declarer, que pour les causes susalleguées, & autres, il conste si notoirement de cete maladie, que les Prelats ne peuvent, sans danger de leur vie, s'arrester d'auantage en cete Ville: & qu'ils n'y peuvent estre retenus contre leur gré, & volonté? Vous plaist-il aussi attendu le depart de plusieurs, & les protestations des autres, par la retraite desquels le Concile viendrait à se dissoudre, & pour autres causes, alleguées par les Peres, notoirement vrayes & legitimes; de declarer, que pour la seurté de la vie des Prelats, & pour continuer le Concile, icelui soit transferé, & se transfere des à present en la ville de Bologne: & que là soit celebrée la Session intimée au vint vnième Aueil, & qu'on suie à y proceder tant qu'il plaise au Pape, & au Concile mesme, de le rassembler en ce lieu, ou en autre, par l'aduis & conseil de l'Empereur, du Roi Treschrestien, & des autres Rois, & Princes Chrestiens?

Et prom-
pement ex-
ecutée, a-
vec contra-
diction de
peu de
Prelats,

Le iour ensuiuant on tint Session, & fut lu le Decret, auquel trentecinq, Euesques, & trois Generaux d'Ordre consentirent mais le Cardinal Pacieco, avec autres dixsept Euesques, opina au contraire. Entre les consentans, n'y eut aucun des luyets de l'Empereur, sauf Michel Sarrazin, Neapolitain, Archeuesque de Matera. Et à l'opposite, entre les dissentans il y eut Claude de la Guiche, Euesque de Mirepoids; & Brace Martel, Euesque de Fiesole; & Marc Vignier, Euesque de Sinigaille: duquel il y a memoire, que, le Cardinal de Monte lui faisant reproche d'ingratitude, qu'ayant son Oncle esté tiré de tresbas estat à la hautesse du Cardinalat, dont estoit venue la grandeur de sa maison, & lui mesme paruenue à estre Euesque, il rendist vn tel contreschange au Saint Siege, il respondit en Latin, par les paroles de S. Paul, *Deus non irridetur*, on ne se peut moquer de Dieu. Les Legats partirent de Trente, la croix esleuée marchant deuant, accompagnés des Euesques de leur parti, avec letanies, oraisons, & ceremonies.


dont les
Imperiaux
demeurent
à Trente:

Les Imperiaux eurent commandement de l'Ambassadeur de l'Empereur de ne bouger, iusques à ce que Sa Maiesté eust esté aduisée du fait, & en eust declaré sa volonté. A Rome toute la Cour fut fort contente d'estre deliurée de ses soupçons & craintes: d'autant qu'il y auoit ia beaucoup de confusion, à cause de la marchandise, & courretage que faisoient les possesseurs de pluralité de benefices, qui traitoyent de se descharger, mais en sorte qu'ils n'y souffrissent aucune perte. Le Pape disoit, Que, puis qu'il auoit donné pouuoir à ses Legats de transferer le Concile, & auoit promis de ratifier & faire executer ce qu'ils en delibereroyent: & qu'eux auoyent iugé la cause de l'infection de l'air legitime, de tant plus que la pluspart des Prelats y auoit consenti: il ne pouuoit qu'approuuer leur deliberation.

Partifice
du Pape à
faire trans-
ferer le
Concile de
couuert.

Nul n'estoit toutesfois si simple, qui ne crust que le tout auoit esté fait par son commandement: d'autant qu'on sauoit pour tout asseuré, que chose aucune, voire iusques au plus petites, ne se traitoit au Concile, sans l'ordre expres de Rome, & pour cet effet toutes les semaines couroyent lettres, & fort souuent se faisoient doubles despesches: dont il estoit malaisé de croire, que les Legats eussent de leur teste deliberé vn fait de si grande importance. Ioint que tous voyoyent bien que iamais les Legats n'auroyent entrepris de mettre tant seulement vn si grand nombre de personnes en vne ville ialouse, comme Bologne, sans le feu du Prince dominant. Plusieurs mesmes croyoyent, que la Bulle n'eust point sa vraye date, mais que sous vne vieille daté elle eust esté faite de nouveau, & ce avec le nom du Cardinal Polus, pour lui donner plus de credit: autrement la clause, par laquelle le pouuoir de transferer le Concile est donné à deux d'entr'eux, le tiers absent, sembloit vne espeece de prophetie, que Polus dуст partir vn an apres. Aussi sembloit trop ample, & peu vraisemblable la liberté, don-

née aux Legats par la Bulle, de transferer le Concile en quelque ville qu'il leur plust : atrendu la ialousie tousiours ancrée en l'esprit des Papes, & descouuerte par le Pape Paul, plus que par tout autre, quand il le conuoqua, que Concile aucun ne se tiene en ville mal affidée : dont on ne pouuoit se persuader, qu'il se fust ainsi exposé à la discretion d'autrui, sans necessité, en affaire de si grande consequence. Pour moi, selon les indices que i'en ai par les memoires que i'ai veuës, & dont i'ai parlé en son lieu, ie tien pour tout asseuré, que cete Bulle fut bastie deux ans, & enuoyée dixhuit mois, auant ce tēps. Mais ce qui ne ce pouuoit cacher en aucune façon, & qui scandalizoit chacun, estoit, que par cete Bulle on voyoit clairement la seruitude du Concile. Car qu'on me die, qu'elle liberte il y pouuoit auoir si deux Legats auoyent le pouuoir de commander à tous les Prelats ensemble de partir de Trente, & les contraindre à ce faire par peines & censures ? L'Empereur en ayant receu la nouuelle, en eut beaucoup de desplaisir, tant pource qu'il lui sembloit d'estre mesprisé, que pource qu'il se voyoit osté de la main vn moyen, qui bien menagé à propos, pouuoit pacifier l'Allemagne au fait de la Religion, & par là la ranger sous son obeissance. Quant au Roi de France, il n'en eut point la nouuelle, d'autant que le vintvnieme du mesme mois il deceda.





HISTOIRE DV CONCILE DE TRENTÉ.

LIVRE TROISIEME.

SOMMAIRE.

Les Prelats Imperiaux, demeurés à Trente, s'affermissent, par le commandement de l'Empereur, en leur propos, de n'approuver, ni suivre la translation du Concile à Bologne. Là où se tient une Session, avec Decret de dilation. En cet entretemps, l'empereur obtient victoire des Protestans, & appaise la sedition esmue à Naples, pour le fait de l'Inquisition, qui y avoit esté introduite: dont le Pape, par ialousie, s'unit avec le Roi de France, lequel promet de favoriser le Concile de Bologne. On y celebre la seconde Session, sans autre sujet que de nouvelle dilation: à laquelle donne de plus fort occasion la mort de Pierre Louis, Duc de Plaisance, fils naturel du Pape. L'Empereur, en une Diete, fait tous efforts, pour faire que l'Allemagne se soumette au Concile: & à Rome, qu'icelui soit remis à Trente. A quoi le Pape resistant, l'empereur fait protester contre l'assemblée de Bologne, premierement, à Bologne, puis à Rome. Et par le refus du mesme Empereur, de restituer Plaisance, occupée par ses gens, l'esstrif s'enagrit entr'eux: & vient à l'extremité, par la publication du liure de l'Interim, que l'Empereur avoit fait former, en matiere de foi: duquel toutesfois le Pape relance le coup contre l'empereur mesme, & est reprouvé tant par les Catholiques que par les protestans. Comme aussi par une certaine Reformation de l'Eglise, en l'execution de laquelle il y a grande varieté. Cependant Paul III. meurt, & est élu en sa place Jules III. lequel est instamment recherché par l'Empereur, de remettre le Concile à Trente, à quoi il a beaucoup de peine à se résoudre: mais enfin le fait avec des precautions auantageuse, qui

ses, qui sont rabatues par l'Empereur en vne Diete. Les Presidens de la nouuelle conuocation à Trente estans elus, & leur Mandement formé, naissent broüilleries entre le Pape l'Empereur, & le Roi de France: & des tiques nouuelles contre l'Empereur en Allemagne, qui sont l'origine de nouueau d'estoubier audit Concile. 1547.



Ne suis point ignorant des loix del'histoire, ne de la difference qu'il y a d'elle aux Annales, & Iournaux. Je sçai tresbien aussi que le recit de choses & accidens vniiformes engendre desgoustement en celui qui escrit, & ennui au lecteur: & que de raconter des trop menues particularités merite le nom de sottise curiofité, & affectée suffisance. Mais toutes fois encores remarque-je en Homere des redites frequentes, & des recits de choses bien menues: & Xenophon, au liure de l'expedition de Cyrus le ieune, raut d'auantage l'esprit, & enseigne plus, recitant les deuils ferieux ou plaisans des soldats, que les actions & les conseils des Princes. Et me range à cet aduis, qu'à chaque matiere conuient sa propre & speciale maniere d'escire. Je me persuade bien que ce mien labeur fera lû par peu de gens, & dans petit espace acheuera de viure, non tant par defect de la forme, que pour la nature & qualité de la matiere. Mais, sans regarder ni a perpetuité, ni à longueur de durée, il me suffit qu'il puisse seruir à quelcun, auquel ie le ferai voir, si ie conoi qu'il soit pour en tirer profit & vtilité: estant tout certain qu'au temps à venir il lui arriuera ce que les occurrences porteront.

Les Prelats, demeurés à Trente, estoient bien fort en suspens, tant que ne vinrent lettres de l'Empereur, lequel aduoüa ce qu'ils auoyent fait, tant à contredire la translation du Concile, qu'à demeurer à Trente: & leur enjoignit expressement de s'y arrester, sans en partir. Ils consulterent entr'eux s'ils deuoyent faire aucun acte Synodal: & fut par l'aduis de tous vnanimement conclu, Que cela causeroit vn Schisme, & n'estoit chose qu'il falust attenter, mais seulement vaquer à bien estudier les matieres, attendant ce quel'occasion porteroit. Il passoit quelques escrits entre les Theologiens de Trente, & ceux de Bologne, ceux-ci par affectation appelans le Concile, Le Synode de Bologne: & ceux-là, Le Saint Synode, en quelque lieu qu'il soit: & en demeure encores de reste diuers imprimés à Bologne. Les Legats, & autres Cardinaux de Rome, firent diuerses diligences & offices à part, avec aucuns de ceux qui estoient demeurés à Trente, pour les faire aller à Bologne, ou du moins les faire partir de là: mais ils ne purent venir à bout d'en gagner autre, que Galeas Florimant, Euesque d'Aquila. Ils firent aussi tout deuoir, pour faire que les leurs, qui estoient partis de Trente, sur la frayeur de la maladie, se trouuassent à Bologne à la Session, & qu'il y en vinst encores d'autres. Ce qui estoit fort aisé, pour la grande commodité, qu'il ya de faire voyage de Rome à Bologne. On tint diuerses Congregations, esquelles ne fut traité autre chose, sinon de trouuer moyen de maintenir la translation comme legitime, & des raisons pour monstrier que ceux de Trente estoient obligés de s'vnir avec eux.

Le vintvnieme Aueil, iour ia des Trente destiné à la Session, les Legats, avec vn celebre concours de tout le peuple de Bologne, & beaucoup de solennités, se rendirent à la publique seance, accompagnés de trentequatre Euesques. Et pour cete fois ne firent autre chose, que faire lire vn Decret, qui portoit, Que deliberation auoit esté prise à Trente de transferer le Concile a Bologne, & de celebrer la Session à ce iour-là, pour publier les Canons sur la matiere des Sacremens, & de la Reformation: neantmoins, que consideré l'absence de plusieurs Prelats qui se souloyent trouuer au Concile, lesquels auoyent esté detenus en leurs Eglises pour les festes de Pasques, & qu'on esperoit deuoir venir bientoit, afin de faire les choses avec dignité & grauité, la Session estoit differée iusques au deuxieme Iuin, se re-

1547.

seruant toutesfois le pouuoir de racourcir le terme s'il escheoit. Il fut aussi arresté d'escrire lettres, au nom du Saint & General Concile, aux Peres demeurez à Trente, pour les exhorter d'aller à Bologne, & de s'vnir avec leur corps, duquel estans separés, ils ne se pouuoient appeller Assemblée Ecclesiastique, ains donnoient grand scandale au peuple Chrestien. Ces lettres, receuës à Trente, furent iugées peu assaisonnées de prudence, comme celles qui estoient plustost pour irriter & enaigrir les courages, que pour les adoucir & fleschir. Et pourtant conseil fut pris de n'y faire aucune responce, pour n'esmouuoir vn estrif: ains de laisser cheoir & amortir cete saillie, qui estoit attribuée à l'excessiue liberté de proceder du Cardinal Legat de Monte, & non à la moderation du general.

*l'Empereur
desfait le
Saxon, &
le Land-
graue se
rend.*

Quant à l'Empereur, il auoit quitté toutes les pensées du Concile, & estoit tout occupé aux affaires de la guerre, estant avec toute son armée, qui estoit fort grande, en Saxe, teste à teste de celle de l'Electeur. Et le vintquatrieme du mesme mois, ayant rangé son armée en champ de bataille sur la riuiera Albis, il vint au combat, auquel l'Electeur fut blessé, & pris, & son armée desfaite. Dont les forces des Protestans estans affoiblies, le Landgraue de Hessen fut contraint de s'accommoder: & peu de iours apres, par l'interposition de Maurice son gendre, & de l'Electeur de Brandebourg, se presenta volontairement deuant l'Empereur. Le Duc de Saxe fut premierement condanné à mort comme rebelle, puis eut grace de la vie, sous diuerses conditions tresdures, lesquelles il accepta toutes, sauf que de se soumettre au Concile au fait de la Religion. Et l'Empereur se contenta de lui relascher celle-ci, moyennant qu'il s'obligest aux autres. Autres conditions furent aussi imposées au Landgraue, entre lesquelles fut celle-ci, d'obeir aux Decrets du Concile de Trente: mais il n'y voulut consentir, & souscriuit seulement, Qu'il se remettroit à vn saint & libre Concile, auquel fussent reformés le Chef & les membres, comme feroit le Duc Maurice de Saxe & l'Electeur de Brandebourg. Et furent arrestés tous deux en prison; le Saxon à perpetuité, & le Landgraue iusques au bon plaisir de l'Empereur. Par cete victoire, l'Empereur se rendit maistre de l'Allemagne, & s'empara de grande quantité d'artillerie, & tira des Villes, & des Princes, sommes immenses de deniers: & pour donner quelque reiglement & forme paisible aux choses acquises par les armes, il assigna vne Diete à Augsbourg.

*dont le Pa-
pe entre en
jalousie &
desfiance,*

Ces choses outrerent l'esprit du Pape, lequel consideroit que l'Italie estoit sans secours, & demeueroit abandonnée à la discretion de l'Empereur. Il auoit toutesfois ce peu de reconfort, que l'Empereur seroit contraint de maintenir par viue force, ce qu'il auoit gagné par force: dont il ne pourroit s'oster de là si tost: & qu'en cet entretemps il auroit loisir de traiter & conuenir avec le nouueau Roi de France, & avec les Princes & Estats Italiens, & ainsi se mettre en seurté. Parmi tant d'ennuis il sentoit vne grande ioye d'estre deliuré de la crainte du Concile: & louoit grandement le courage resolu du Cardinal de Monte, duquel il reconoissoit ce bon cœſet. Il delibera d'enuoyer en France Ierome Bouchefer, Romain, Cardinal de S. George, en apparence pour se condouloir avec le Roi de la mort de son pere, & se conioiur de son aduenement à la Couronne: mais en secret, avec commission de traiter intelligences & alliances. Le Pape bailla à ce sien Legat tout pouuoir d'accorder au Roi tout ce qu'il lui pourroit demander en matiere de Benefices, sans aucun esgard aux Decrets du Concile de Trente. Et pour estre prest à toutes occasions, qui pourroyent naistre en Allemagne, d'engager l'Empereur en difficultés: & afin aussi qu'en la Diete ne fust prise aucune deliberation à son preiudice, il y enuoya François Sfondrate Cardinal, pour Legat, avec instruction de traiter avec les Ecclesiastiques, & les tenir en deuotion, & de faire diuerses ouuertes à l'Empereur, pour arrester le Concile à Bologne: lequel, s'il eust esté tenu en autre lieu que de son obeissance, il redoutoit plus que les armes, que l'empereur eust pu mouuoir en Italie.

visions &

En ce temps il y eut vne grosse sedition à Naples, à l'occasion de ce que

D. Pierre de Toléde, Viceroi de Naples, auoit tasché d'establi en ce royaume-là l'Inquisition à la façon d'Espagne : à quoi les Neapolitains s'opposèrent, premierement par cris tumultueux par la ville de Naples, Viue l'Empereur, & meure l'Inquisition : puis par amas de peuple, & election d'un Magistrat qui les defendist. Et disoyent, qu'ils s'estoyent rendus au Roi Catholique, avec conuentions expresse, que les causes d'heresie fussent iugees par les Iuges ordinaires Ecclesiastiques, & ne fust introduit aucun office special d'Inquisition. Pour cete cause les Espagnols & les Italiens vinrent tumultuairement aux armes, & y en eut plusieurs de tués, avec danger mesme de totale reuolte. Les Neapolitains par apres mirent ordre à leur affaires : & cinquante mil hommes ayant pris les armes à son de tocsain, les Espagnols furent contrains de se retirer es Chasteaux de Naples, & le peuple se fortifia à l'encontre, ayant planté l'artillerie en diuers endroits : dont y eut quasi vne guerre toute formée entre la Ville & les Chasteaux. Ce tumulte dura dès la fin de Mai iusques à la mi Iuillet, avec la mort de plus de trois cens personnes d'une part & d'autre. En cet entretiens la ville despescha aussi Ambassadeurs à l'Empereur, & au Pape, auquel ils offroyent de se rendre, en cas qu'il eust voulu les recevoir. Mais il lui suffisoit de nourrir & fomentier la sedition, comme il faisoit fort dextrement : ne iugeant pas d'auoir forces capables pour soutenir le faix de l'entreprise : nonobstant que le Cardinal Caraffe, autrement Theatin, Archeuesque de Naples, l'exhortast viuement à ne laisser passer vne si auantageuse occasion pour le bien & seruice de l'Eglise, par l'acquisition d'un si beau royaume : lui promettant la faueur & assistance de tous ses parens, qui estoyent en grand nombre & puissans : & quant & quant son propre seruice, s'offrant d'y aller en personne. Les Espagnols, ayans ramassé secours de toutes parts, se rendirent les plus forts : & arriuerent aussi lettres de l'Empereur, par lesquelles il declaroit, Qu'il estoit content que l'inquisition ne fust establie, & pardonnoit à la Ville, dixneuf exceptés, lesquels il nommoit, & vn, lequel il descouuriroit quand il en seroit temps : à la charge que la ville payast cent mil escus d'amende. Ces conditions furent acceptés par pure necessité : &, apres qu'on eut fait mourir par iustice quelque petit nombre d'entre les dixneuf, qu'on put apprehender, le tumulte demeura appaisé.

A Bologne les Legats ne sauyent pas encor bien ce qu'ils auoyent à faire : & le Pape leur auoit commandé de ne proceder à aucune Action, qui püst estre impugnée, & qui engendrast quelque diuision : mais qu'ils s'entretinssent dilayant les Sessions, & tenant tousiours quelque Congregations, pour monstrier de n'estre pas tout à fait oisifs. Mais il n'estoit pas aisé de prendre vne bonne forme à les tenir, pour examiner la matiere de l'Eucharistie, à cause de l'absence des principaux Theologiens, qui auoyent accoustumé de traiter les matieres de Foi à Trente. On ne laissa pas d'en tenir quelques vnes, esquelles diuers Theologiens parlerent, mais pourtant ne fut formé aucun Decret. Quant à la Reformation, il n'eschet d'en rien dire, d'autant que pour l'heure elle fut mise en profond silence.

Le deuxieme Iuin venu, on celebra la Session avec les ceremonies accoustumées, & en icelle ne fut fait autre chose, que de la prológer par vn Decret semblable à celui de la precedente : exposant que le Concile l'auoit differée iusques à ce iour-là, pour l'absence des peres, qu'on attendoit : & que voulant vser encores de plus grande benignité enuers eux, il adioustoit vne autre prolongation iusques au quinziesme Septembre : sans entendre toutesfois d'intermettre l'examen des Dogmes, & de la Reformation : se reseruant d'abreger ou allonger le terme, mesmes en Congregation priuée.

En France le Legat n'eut pas beaucoup de peine d'obtenir du Roi tout ce que le Pape pouuoit desirer : veu que le Roi n'auoit pas moins de ialousie des succès de l'Empereur, que le Pape. Et fut traitée bonne intelligence entr'eux par des propositions & ouuertes fort secretes. Mais entre les publiques fut, Que le Roi enuoyast au plustost au Concile de Bologne le plus

1547. grand nombre de Prelats qu'il lui seroit possible. Et qu'il baillast en mariage à Horace Farnese, neveu du Pape, Diane sa fille naturelle, aagée lors de neuf ans. Le Roi enuoya sept Cardinaux François, pour demeurer d'ordinaire à la Cour de Rome, afin d'adiouster reputation au Pape, & entretenir la bonne amitié entr'eux deux. Et le Pape, à l'instance du Roi, le vint-sixieme Iuillet, crea Cardinaux, Charles de Guise, Archeuesque de Rheims, & Charles de Vandomme, de sang royal.

*Diete de
Augsbourg
ou l'Empe-
reur dispo-
se l'Alle-
magne à su-
bir le Con-
cile;*

A la fin d'Aoust l'Empereur se transporta à Augsbourg, pour y tenir la Diete, ayant tout à l'entour de la ville tout l'armée des Espagnols & Italiens: & dedans la ville mesmes quelques enseignes d'infanterie. Elle fut commencée le premier Septembre: & en icelle l'Empereur, tout porté à pacifier l'Allemagne, exposa tout ce qu'il auoit fait par le passé en diuerses Dietes, pour establir la paix: & comment il auoit, pour cet effet, moyenné que le Concile fust conuocé & ouuert en la ville de Trente: mais, que n'ayant pu gagner chose aucune par tous les grands traux, il auoit esté contraint de prendre vn autre expedient: auquel, puis qu'il auoit plu à Dieu de donner heureuse issue, en sorte que l'Allemagne estoit reduite en termes, qu'on pouuoit prendre certaine esperance de la reformer, il auoit conuocé les Princes à cete mesme fin. Mais, d'autant que les differens en la Religion estoient cause de tous les troubles, il falloit de necessité commencer par iceux. Les opinions des Princes furent diuerses: car, entre les Electeurs, les Ecclesiastiques desiroient & instoient que le Concile de Trente fust tenu, sans rechercher en cela condition aucune. Les Seculiers, adherans à la doctrine de Luther en estoient bien contents: moyennant que le Concile fust libre & saint: & que le Pape, ni en propre personne, ni par personnes interposées, n'y presidast point: & qu'il affranchist les Euesques du serment qu'ils ont à lui: & puis apres, que les Theologiens Protestans eussent voix deliberatiue & decisive: & que les Decrets ia faits fussent repris à examiner. Les autres Catholiques requeroient, Que le Concile fust continué, & que les Protestans eussent assurance publique d'y pouuoir aller, & librement proposer leurs sentimens, mais que puis apres ils fussent forcés à acquiescer aux Decrets qui s'yferoyent.

*Pierre
Louïs ba-
lard du
Pape, meur-
tri,*

Pendant que le Pape estoit en perpetuelle inquietude d'esprit, attendant le succes de la Diete d'Augsbourg, il aduint le dixieme Septembre, que Pierre Louïs, Duc de Plaisance, son fils, fut, par la conspiration de quelques Gentilshommes, meurtri en son propre palais, & son corps ignominieusement traité, & mis en spectacle. En peu d'heures apres arriuerent des troupes de Milan, despeschées par Ferrand Gonzague, Gouverneur de Milan, lesquelles se saisirent de la Ville. Cet accident affligea outramment le Pape: non tant pour la mort violente de son fils, ne pour l'ignominie qu'il y receuoit, que pour la perte de cete bonne ville, & pource qu'il voyoit à l'œil que le tout auoit esté fait au feu de l'Empereur, & par intelligence avec lui.

*ce qui cau-
se totale
interruptio
des actions
Synodales
de Bologne,*

Or à Bologne, les Legats aduiserent qu'il n'estoit pas temps, en si grande affliction, & urgentes affaires du Pape, de lui donner encor d'abondant la peine de lire deux fois la semaine deux despesches de lettres sur ce qui se passoit au Concile: & pourtant qu'il estoit à propos de prolonger la Session pour vn long temps, & cependant intermettre toutes les action Synodales. Encores qu'il s'emblast que cela se püst faire avec plus de dignité, en celebrant la Session intimée au quinziesme du mois, pour en icelle differer la suiuite: neantmoins, puis que le deuil, qu'il estoit raisonnable qu'on portast pour la mort du Duc Pierre Louïs, ne permettoit de faire aucune solennité, il valoit mieux anticiper la Session, & differer la suiuite en vne simple Congregation. Suiuant quoi, le quatorzieme du mois, tous les Prelats ayant esté appelés en la maison de l'habitation du Cardinal de Monte, il leur parla en ce sens, Que le lendemain estoit bien de vrai le iour assigné pour la Session: mais que chacun voyoit assez le destroit, auquel se trouuoit le Concile: que plusieurs des Peres qui estoient en voyage, & sur tout les François, n'e-

estoyent pas encor venus: & que ceux, qui freschement estoient arriuez, n'estoyent pas encor bien informés: & que ceux-là mesmes, qui auoyent tout le long de l'esté assisté aux disputes de ces menus & foibles Theologiens, n'estoyent encor bien prests. Que l'atrocité du meurtre du Duc tenoit chacun en suspens, & eux en occupation de surueiller à la seurte de cette ville d'Eglise. Qu'ils se resiouissoient de s'estre aduisés de se reseruer le pouuoir de prolonger la Session, pour se redimer de la peine d'aller en l'Eglise pour la celebrer. Que son aduis, ains la pure necessité, estoit, qu'on se seruist de cete reserue, prolongeant à present la Session, sans autrement la tenir le lendemain. Tous les Perestrouuerent bon qu'elle fust prolongée. Le Cardinal adiousta, qu'apres auoir longuement pensé, ils n'auoyent pu apposter vn certain iour, auquel ils pussent s'arrester. Que, quand ils estoient à Trente, en lieu qu'ils pensoient despescher le Decret de la Iustification en quinze iours, ils furent cōtraints d'y suer & ahanner sept mois entiers, voire mesmes en tenant souuentefois deux Congregations par iour. Que là ou ils s'agit de la foi, & de confondre les herétiques, il faut marcher à pied de plomb, & souuent mesmes s'arrester longuement à l'examen d'un petit mot. Que, pour lui, il ne pouuoit sauoir au vrai, s'il y aura necessité de celebrer la Session dedans peu de iours, ou s'il la faudra differer mesmes plusieurs mois: & pourtant qu'il estoit d'auis qu'elle fust prolongée au bon plaisir du Concile. Que, sans difficulté, c'estoit là le plus expedient. Que si là dessus on repliquoit, que, sachant le temps prefix, on donneroit meilleur ordre à ses affaires particulieres, tous deuoient entendre, & s'asseurer, que dedans peu de iours on pourroit voir quel cours & progrès deuoit auoir le Concile. Tous generalement trouuerent bon, que la Session fust prolongée au bon plaisir du Concile mesmes: & là dessus ils furent congédiés.

A ce mesme iour, les Prelats d'Allemagne, assemblés en Diete, du vouloir & commandement de l'Empereur, escriuirēt au Pape, requerans que le Concile fust remis à Trente. La lettre estoit meslée de priere & de menaces: elle representoit le pource estat, & le danger d'Allemagne, auquel on eust pu pouruoir, si le remede du Concile eust esté porté à temps, & en Allemagne, comme on l'auoit requis. Que, pource qu'ils ont des grandes & amples iurisdiccions, à raison de quoi ils ne peuuent longuement estre absens, & esloignés, nul d'entr'eux n'auoit peu se redre ni à Mantouë, n'à Vicence, & encor bien peu à Trente, ville qui, sur tout en temps de guerre, appartient plustost à l'Italie, qu'à l'Allemagne. Maintenant, que les affaires estās calmées, ils auoyent ia conceu esperance que le nauire fust au port, ils auoyent esté bien estonnés d'entendre que le Concile, auquel estoit toute leur confiance, eust esté, contre l'attente de tous, transferé ailleurs, ou plustost diuisé. Et que pourtant, destitués de ce moyen, ils ne pouuoient faire autre chose, que de recourir à l'Eglise Apostolique, priant Sa Sainteté, par le salut de l'Allemagne, de remettre le Concile à Trente: & qu'en ce faisant il n'y a obeissance, & submission, qu'il ne se doie promettre d'eux: autrement, qu'ils ne sauent plus ou recourir à l'aide, contre les maux & les dangers, qui les menacent. Et pourtant le prient qu'il face benigne consideration sur leur demande, & qu'il croye que s'il n'y pourroit, il se pourra tres-bien faire, qu'on aduise à d'autres Conseils & moyens pour terminer les difficultés. Finalement prient Sa Sainteté de recevoir leur lettre en bonne part, ayans esté contrains & par leur propre deuoir, & par la qualité des temps, à lui escrire en cete sorte.

L'Empereur fit en outre tres-grands deuoirs, que tous se soumissent au Concile, sollicitant, priant, requerant, qu'ils se reposassent sur sa foi & parole. Enuers le Prince Palatin, les prieres portoyent coup de menaces, cause des offenses passées, tout fraichement pardonnées. Enuers Maurice, Duc de Saxe, elles auoyent obligation de necessité, tant pour les grands bienfaits, qu'icelui auoit tout nouuellement receus de l'Empereur, que pour le desir qu'il auoit de deliurer le Landgraue son beau pere. Parquoi,

*l'Empereur
fait escrire
lettres au
Pape par
les Prelats
d'Allema-
gne, requie-
rans la re-
stitution
du Concile
à Trente.*

*Et lui en la
Diete tra-
uailla pour
y faire souf-
mettre les
Protestans,
qui s'y ran-
gent avec
reserues.*

1547.

apres que l'Empereur leur eut beaucoup promis qu'il s'employeroit pour faire qu'ils eussent tout legitime contentement au Concile, & les eut grandement pressés qu'ils s'en fassent en lui, finalement ils acquiescerent, & furent suivis par les Ambassadeurs de l'Electeur de Brandenbourg, & par tous les Princes. Les Villes refuserent de se soumettre indifferement à tous les Décrets du Concile, comme chose trop perilleuse. Granuele negotia beaucoup, & longuement avec leurs Ambassadeurs, pour les y disposer, iusques à leur reprocher leur obstination, de vouloir refuser ce que les Princes auoyent approuué: entremeslant en outre quelques traits de menaces, de les condamner encores à plus grandes sommes que celles que ils auoyent ia payées: tant que finalement elles furent contraintes de condescendre à la volonté de l'Empereur, reseruant toutesfois caution & seureté, pour l'observation des choses promises. Par ainsi les Ambassadeurs des Villes, estans appelés à la presence de l'Empereur, & enquis s'il ne se vouloyent pas conformer à la deliberation prise par les Princes, respondirent, Que ce seroit trop de hardiesse à eux, de vouloir corriger la response des Princes: & tout ensemble baillerent vn escrit, qui contenoit les conditions, sous lesquelles ils receuroient le Concile. Cet escrit fut bien receu, mais non point lu: & le Chancelier de l'Empereur les loua au nom de son maistre, de ce, qu'à l'imitation des autres, ils auoyent remis le tout à l'Empereur, & s'estoyent fiés en lui. L'Empereur mesmes fit des demonstrations de l'auoir pour fort agreable. Ainsi l'une & l'autre partie prenoit plaisir à estre trompée.

le Pape
presse l'Em-
pereur d'a-
greer la
translation
sur des
vaines es-
perances
n'estat,

Le Cardinal Sfondrate n'auoit nullement manqué à son deuoir de proposer plusieurs auantageux partis à l'Empereur, en cas qu'il condescendist à consentir la tenue du Concile à Bologne. Il lui representa les confusions ou estoit l'Angleterre, sous vn Roi enfât, les Gouverneurs en discorde, & les peuples en desiance pour cause de Religion. Il lui descouurit les intelligences que le Pape auoit en ce Royaume, lesquelles seroyent toutes en sa faueur: il lui proposa, que le Pape lui presteroit secours de bon nombre de gens, & de vaisseaux, pour cete entreprise: & qu'il lui permettroit de se seruir des reuenus Ecclesiastiques de tous les Estats de lui Empereur. L'Empereur descouuroit bien la meche, & que le Pape butoit à l'embarasser en vne nouvelle entreprise, pour lui troubler & mettre en hazard celle qu'il auoit desia quasi conduite à chef. Parquoi il respondit, qu'en la Religion il vouloit bien estre conioint & vni avec le Pape: mais, que là ou il s'agiroid de la guerre, il estoit tout resolu de faire ses affaires à part, & n'estre point capitaine de personnes, qui l'abandonnassent au bon, comme il estoit aduenu en la guerre d'Allemagne. Apres cela, il proposa aussi de son costé diuers auantages au Pape, en cas qu'il consentist au retour du Concile en la ville de Trête. Mais le Legat, ayant certifié qu'il n'en auoit aucune commissiõ, l'Empereur despescha en diligence le Cardinal de Trente au Pape, pour negotier le reestablisement du Concile à Trente, & pour autres particularités, qui seront rapportés en temps & lieu. Le Pape, apres l'auoir par plusieurs fois, ouï, sans descouurir sa pensée, finalement, pour response, lui dit, Qu'il en parlât en Consistoire.

C'est l'Empe-
reur au con-
traire le
solicite
pour le re-
mettre à
Trente,

par le Car-
dinal Ma-
druce,

Le Cardinal donc se presenta le neufuiesme Decembre en la presence de tout le College des Cardinaux, & exposa les grands trauaux, & dangers, que l'Empereur auoit portés, à cete seule fin de maintenir la dignité du Concile: & comment à la fin il auoit, par sa diligence & autorité, induit tous les Princes & Estats d'Allemagne à s'y ranger & soumettre: puis pria Sa Sainteté, au nom de l'Empereur, du Roi Ferdinand, & de tout l'Empire, que, pour l'amour de Dieu, il fist retourner à Trente les Euesques, qui estoient à Bologne, pour paracheuer l'œuvre tant necessaire en commencée: & qu'ainsi il fust content d'enuoyer vn ou deux Legats en Allemagne, avec plein pouuoir Papal, sans aucune reserue, afin, que, par leur aduis & conseil, on ordonnast & reiglât vne maniere de vivre iusques au Concile, & qu'on reformast l'Ordre Ecclesiastic: & qu'en outre il fist consideration, & determinast, si, en cas que le Saint Siege vinst à vaquer pendant la tenue du

Concile, l'election du Pape appartiendroit aux Peres d'icelui ou bien aux Cardinaux: afin que le fait suruenant, il n'en nasquist quelque nouveau trouble. Ce troisieme point fut adiouté, pour aduertir le Pape de sa vieillesse, & mort prochaine, & pour l'induire tant plus aisément à condescendre à la demande qui lui estoit faite, pour ne laisser sa posterité & lignée heritiere du desplaisir que l'Empereur prenoit de sa resistance & dureté. Le Pape respondit à ces propositions, louant la bonne volonté de l'Empereur, & les œuvres & actions faites au bien commun de l'Eglise: & pour conclusion ne disant autre chose, sinon, Qu'il auoit bien entendu & compris les propositions qui lui estoient faites, auxquelles il auroit tel esgard qu'il appartiendroit, & se resoudroit sur icelles, selon que Dieu l'inspireroit. Le Cardinal de Trenie, apres auoir essayé en diuerses audiences priuées, de tirer quelque bonne resolution du Pape, & voyant qu'il n'en pouuoit auoir autre chose, laissa son instruction à D. Diego de Mendozze, lequel l'Empereur auoit à cete fin fait aller de Siene, ou il se trouuoit lors pour composer les differens de cete Republique, à Rome: & se partit & s'en retourna à Augsburg. D. Diego se presenta deuant le Pape, en Consistoire public, assésblé pour donner le Chapeau au Cardinal de Guise, ou il est permis à toutes sortes de gens d'assister: & là lui exposa les mesmes choses, que le Cardinal auoit desjà dites, adioustant qu'il auoit cōmission, en cas que S. Sainteté interposast delai ou excuse, de protester que le Concile de Bologne n'estoit point legitime.

Le Pape respondit, qu'il vouloit tout premier entendre l'aduis, & les raisons des Peres du Concile de Bologne, & communiquer la proposition aux Rois & Princes Chrestiens, pour faire vne bonne & meure resolution, pour le seruise de Dieu, & pour contentement general de tous.

Le Cardinal de Guise, au mesme Consistoire, fit vne harangue publique au nom du Roi de France: & dit en substance, Que le feu Roi François n'auoit iamais espargné ni despence ni dangers, pour maintenir la liberté mesmes des autres Princes: & qu'à son imitation, le Roi Henri, ne voulant forligner de la bonté de son pere, auoit tout aussi tost, passé le premier dueil de la mort d'icelui, voulu declarer sa submission & reuerence enuers le S. Siege. Que les merites des Rois de France enuers les Papes estoient illustres & fameux, & surpassoyent ceux de toutes les autres nations. Mais qu'il iugeoit que celui d'à present, de promettre & offrir toutes ses forces, pour le maintien de la dignité Papale, en vn temps, auquel elle estoit si honteusement vilipendée, venoit si à point, qu'il deuançoit tous les autres. Il adiouta, qu'il prioit le Pape, de receuoir le Roi pour fils, & de se promettre toute aide & secours de lui. Qu'au demeurant, il visast seulement à ce, que l'Eglise ne receust aucun dommage, perte, ou deshonneur: veu qu'il est notoire, que des petis commencemens souuent sont nées de grandes factions, qui ont ietté les Papes en de grands maux & calamités. Il passa en suite aux exemples de plusieurs Papes affligés & molestés, qui auoyent esté soulagés & protégés par la France. Concluant, que le Roi present, ne vouldroit estre de rien inferieur à ses Ancestres en la conseruation de la dignité du S. Siege.

Plusieurs crurent, que le Pape eust esté authour de faire parler le Cardinal de Guise en cete sorte, pour animer les Cardinaux ses dependans, & pour mattrer les courages esleués des Imperiaux, & leur faire voir qu'il ne faloit point qu'ils pensassent de le forcer à chose aucune. Et, pour accomplir ce qu'il auoit dit à D. Diego, il escriuit à Bologne au Cardinal de Montec la proposition qui lui auoit esté faite, & la deliberation qu'il auoit prise, là dessus: lui ordonnant, qu'au plustost, apres auoir inuoqué le S. Esprit, il exposast le tout aux Peres: &, ayant entendu leur aduis, lui escriuist quel estoit le sentiment du Concile. Le Cardinal assembla les Peres, & leur exposa la commission, & fut le premier à opiner, & fut suiui en son opinion par les autres Prelats: car l'esprit, qui auoit accoustumé de mouuoir les Legats conformément à l'intention du Pape, & les Euesques à celle des Legats, opera en cet endroit, comme il auoit autresfois fait. Parquoi, apres a-

auquel le Pape ne donne aucun ne resolu-
tions

puis par Mandozze en public Consistoire

lequel est aussi ren-
uoyé à vni-
de par le Pape.

harangue
lu Cardina-
nal de Guise
se au nom
du Roi de
France, pour
contribuer
l'Empereur

le Pape dit
semblant
de deman-
der les opi-
nions des
Prelats de
Bologne,

lesquels
maintien-

1547.
né la
translation

Et pour re-
tourner à
Trente re-
quiereut a-
uantageu-
ses condi-
tions :

Et le Pape
signifie à
Mandozze
leur aduis
lequel il
ratifie :

uoir receuilli les vois & suffrages, le Cardinal respondit par l'auis & au nom commun de tous, Que puis que le Concile auoit, lors que fut fait le legitime Decret de le transferer de Trente à Bologne, aduerti vn chacun de se mettre en chemin : & apres estre arriues à Bologne, entendant qu'aucuns estoient demeurés à Trente, les auoit amiablement requis & exortes de partir de là, & de se ioinde au Corps du Concile, de quoi toutesfois eux n'auoyent tenu conte, & estoient demeurés à Trente, au grand mespris du Concile, & scandale de plusieurs, comme s'ils pretendoyent d'estre le Concile legitime, ou, de n'estre point obligés d'obeir à cetui-ci : les Peres ne pouuoient voir, comment, sau la dignité & reputation du Concile, on pouoit traiter de retourner à Trente, que tout premier ceux qui y estoient demeurés, ne vinssent à Bologne, s'vnir avec les autres, & reconoistre l'autorité du Concile. Que, quand ils l'auroient fait, on pourroit, en faueur de l'Allemagne, traiter de retourner à Trente, pourueu que la nation Allemande donnast suffisante seurté de se soumettre aux Decrets tant faits, qu'à faire. Qu'il couroit vn certain bruit, que, si le Concile retournoit à Trente, on y introduiroit vne procedure populaire, & licentieuse : donc les Peres requeroient vne autre suffisante seurté que l'ordre, gardé en la celebration des Conciles des le temps des Apostres iusques au temps present, fust suiui : & encor vne autre, d'estre en assurance, & de pouoir partir, & mesmes transferer le Concile, quand par la pluralité des voix il seroit iugé expedient & necessaire : & de le terminer & clorre, quand on iugeroit auoir satisfait aux causes, pour lesquelles il auoit esté conuoqué. Et en fin supplioient Sa Sainteté de ne les contraindre à cela, qui seroit contre l'honneur de Dieu, & la liberté de l'Eglise.

Le Pape, ayant receu cete response, apres la Messe du Iour de S. Iean Euangeliste, s'estant retiré en la Chambre des parremens, avec les Cardinaux, la leur communiqua : & icelle estant approuuée par la plus grande partie d'iceux, il fit appeller D. Diego de Mendozze, & lui representa l'aduis du Concile, approuué aussi par les Cardinaux : & adiousta, qu'il n'y auoit rien qu'il ne fist pour l'Allemagne, de quoi il ne vouloit autre tesmoin, que l'Empereur mesmes. Qu'il estoit aussi tout asseuré, que la demande que lui auoit faite lui Ambassadeur, au nom de l'Empereur, de Ferdinand, & de tout l'Empire, estoit sous cete condition, que cela se püst faire au gré & avec la commodité des autres nations, & avec la liberté de l'Eglise. Et puis qu'elle, assemblée en Concile general, auoit iugé autrement, & que le College des Cardinaux estoit aussi de mesmes aduis, il ne pouoit, ni ne deuoit tenir cete condition, que pour tres-bien fondée & raisonnable, & l'approuuer, comme aussi il faisoit. Que pour l'amour paternelle, qu'il portoit à l'Empereur, & au Roi, il eust bien desiré de leur pouoir rendre vne response plus agreable. Mais aussi, qu'on ne deuoit attendre d'un Pape, Chef de l'Eglise, autre resolution, que celle, à laquelle la raison du bon gouuernement public oblige. Qu'il conoissoit la prudence de l'Empereur, & son amour filiale : & pourtant s'asseuroit, qu'il accepteroit ce qui estoit iugé necessaire par vn si grand nombre de Peres, & qu'il commenderoit au Prelats Espagnols, qui estoient à Trente, de se rendre promptement à Bologne : & s'employeroit à faire que l'Allemagne receust les conditions proposées par le Concile, & enuoyast au plustost en icelui les Prelats Allemands, & donnast due assurance au Concile d'observer les conditions proposées. Mendozze, ayant eu cete response & voyant la resolution du Pape, vouloit tout promptement protester, que l'Assemblée de Bologne n'estoit point Concile legitime : & qu'en cas que Sa Sainteté ne remist icelui en la ville de Trente, elle seroit cause de tous les maux & malheurs qui en arriueroyent à la Chrestienté : & qu'à son defaut, l'Empereur, comme protecteur de l'Eglise, y pouruiroit. Mais, à l'interposition du Cardinal de Trani, Doyen du College, & de quelques autres Cardinaux, il se contenta de signifier cete response à l'Empereur, & d'attendre de lui nouuelle commission.

Le Pape,

Le Pape, considerant l'action de Mendozze, iugea que cet affaire pour-
roit causer quelque grand differend entre lui & l'Empereur : auquel cas il
n'estimoit à propos d'auoir les Prelats d'Allemagne contraires & mal affe-
ctionnés. A la reception de leur lettre, dõt a este parlée, il s'offensa de la der-
niere clause, de penser à d'autres remedes, & expediens: tenant que c'estoit
vne menace toute descouuerte : & delibera de ne leur faire aucune respon-
se, & demeura en cet aduis trois mois. Du depuis, redoutant qu'ils ne se tins-
sent mesprises, & qu'ils ne vinssent à quelque resolution precipitée, la quel-
le l'Empereur laissast courir, pour l'engager en plus grandes difficultes, il se
resolut de preuenir le mal, en les honorant de response, laquelle il minuta
modeste & artificiele, quoi que non sans quelque pointe de ressentiment
conuenable à sa dignité. Il commença sa lettre par les louanges de leur pie-
té, qui paroissoit au souci qu'ils auoyent de remedier aux heresies, & sedi-
tions : les asseurant que le mesme le tenoit non moins au cœur, pour son of-
fice pastoral: de sorte que iamais il n'auoit esté, ni n'estoit sans penser à quel-
que remede : & que des son aduenement au Papat, il auoit recouru à celui,
dont eux-mesmes font mention, assauoir, au Concile : & en cet endroit ex-
posoit les choses aduenues en la conuocation, & les empeschemens, qui a-
uoyent arresté qu'on n'estoit pu venir tout aussi tost à l'execution : adiou-
stoit, que le Concile ayant esté assemblé, plusieurs Decrets auoyent esté ar-
restés, tant pour la condannation de grande partie des heresies, que pour
la Reformation de l'Eglise : que le depart du Concile de la ville de Trente
auoit esté fait à son insu: mais, puis que le Concile auoit pouuoir de ce faire,
il presupposoit & vouloit croire, qu'il en auoit eu cause legitime, iusques à
ce qu'il lui apparust du contraire. Et, quoi que quelque petit nombre n'eust
consenti à la translation, il ne se pouuoit toutesfois dire, que le Concile fust
diuisé. Mais encor, qu'il estoit transferé en vne ville non gueres lointaine,
ni mal asseurée : & que ce qu'elle est suierte à l'Eglise, la rendoit de tant
plus asseurée pour l'Allemagne, laquelle a receu d'elle la Religion Chrestie-
ne, & plusieurs autres bienfaits: que, pour lui, il lui importoit peu que le
Concile se tint là ou ailleurs: & qu'il n'empeschoit point, que les Peres ne
choisissent autre lieu, pourueu qu'ils le fissent de leur plein gré; sans y estre
violentes : mais qu'eux mesmes pourroyent voir par les lettres de Bologne,
desquelles il leur enuoyoit copie, ce qui les retenoit de retourner à Tren-
te. Que ce qu'il auoit dilayé de leur répondre, auoit esté, à cause que le
Cardinal de Trente, & puis D. Diego de Mendozze, estans venus à lui de la
part de l'Empereur, il auoit voulu, comme de raison, répondre premie-
rement à l'Empereur. Que par la copie des lettres des Peres de Bologne ils
verroyent ce qu'il faut faire, auant que deliberer du retour. Et pourtant,
qu'il les prioit de venir, ou d'enuoyer procureurs à Bologne, & de continuer
le Concile. En fin il adioustoit, qu'il ne s'estoit point esmu, pour la clause de
leurs lettres, qui portoit, qu'on prendroit nouueaux moyens & expé-
diens: ayant ce tesmoignage en sa conscience, de n'auoir omis ni negligé
aucune partie de son deuoir, & d'auoir embrassé l'Allemagne en toute cha-
rité, & dilection. Qu'il se promettoit d'eux, & de l'Empereur, qu'ils ne fe-
royent rien que bien meurement : que si toutesfois quelque chose estoit at-
tentée contre l'autorité du S. Siege, il ne la pourroit pas de vray empes-
cher, Christ l'ayant predit quand il le fonda : mais aussi, qu'il ne redoutoit
nullement que ces attentats eussent à reüssir heureusement pour les entre-
prenans, veu qu'icelui est fondé sur vne tres-ferme roche. Que d'autres a-
uoyent par plusieurs fois machiné le mesmes: mais que Dieu auoit tousiours
renuersé leurs entreprises, & en ceux là donné vn exemple de ce que doi-
uent attendre ceux d'apresent de se deporter, il estoit toutesfois bien asseu-
ré qu'eux demeureront constans en la pieté & en la foi, qu'ils ont tousiours
demonstrée, & qu'en leurs assemblées ils ne donneront aucun lieu à con-
seils contraires à la dignité de l'Eglise.

1548.
pour
asseurer
cõtre l'Em-
pereur, res-
pond aux
lettres des
Prelats
d'Allema-
gne, les as-
surance
pour les te-
nu affecti-
onnés à son
parti,

L'Empereur, ayant receu par son Ambassadeur l'auis des conditions pro- l'Empereur
K K

1548.
sur l'inter-
générali-
ons du Pa-
pe & de
Bolognois,
fait prote-
stex contre
la transla-
tion, pre-
mierement
à Bologne,

posées par ceux de Bologne, & de la résolue resolution du Pape, combien qu'il reconust clairement, que Sa Sainteté s'estoit couverte du manteau du Concile, & des Peres de Bologne, lesquels il estoit tresnotoire dependre en tout & par tout de lui, & recevoir de lui tout mouvement: toutesfois, afin d'acertener de tant plus le monde, qu'il n'auoit laissé en arriere aucun moyen pour remettre le Concile sur pied, enuoya à Bologne François Vargas, & Martin Velasco, lesquels le seizieme Ianuier de l'an mil cinq cens quarante huit, ayans eu audience de l'Assemblée, en laquelle, avec les Cardinaux de Monte, & St. Croix, Legats, estoient les Peres en mesme nombre, & non plus grand qu'en la dernière Session, presenterent les lettres de l'Empereur, qui estoient adressées, *conuentui Patrum Bononiae*, A l'Assemblée des Peres à Bologne. Et, apres qu'elles eurent esté lues, Vargas commença à parler. Mais le Legat de Monte l'interrompit, disant, Que, quoi que ce Saint Concile ne fust point obligé de l'escouter attendu que ces lettres n'estoyent adressées à lui, qui n'estoit point vne telle quelle Assemblée, mais vrai Concile: toutesfois ils ne refusoient point de l'ouir, avec protestation, que ce fust sans leur preiudice, & sans aduantage d'autrui: & qu'il demeurast en la liberté des Peres, de continuer le Concile, & de passer outre, & de proceder contre les contumax & rebelles par les peines establies par les loix. Vargas requit, Qu'il fust pris acte & fait instrument de la protestation faite, auant qu'auoir ouï la proposition. Puis, pria les Peres, au nom de toute la Chrestienté, de proceder en equité: d'autant que, persistans obstinément en leur aduis, embrassé avec moins de prudence, & maturité, qu'il n'estoit requis, il n'en pouuoit arriuer que de tres-grandes calamités publiques: en lieu que, condescendant à la volonté de l'Empereur, toutes choses reüssiroient heureusement. Il commençoit à leur demonstrier combien seroit pernicieuse la faute de ne changer la deliberation, & comme l'Empereur n'auoit que tres-bonne volonté enuers le seruice de Dieu, & le bien public de l'Eglise. Mais il fut derechef interrompu par le Legat de Monte, qui dit, Je suis ici President de ce saint & sacré Concile, & Legat du Pape Paul troisieme, Successeur de S. Pierre, & Vicaire de Christ en terre, ensemble avec ces tres-saints Peres, pour continuer, à la gloire de Dieu, le Concile transferé legitiment de Trente: & prions l'Empereur de changer d'aduis, & de nous prester aide & confort à cet effet, & de reprimer les perturbateurs du Concile. Sa Maïesté sachant tres-bien elle mesme, que qui met empeschement aux saints Conciles, de quelque degré qu'il soit, par les loix encourt peines tres-griues: & sommes resolu, quelque euenement qui puisse aduenir, de n'auoir nul esgard à aucunes menaces, & de ne faillir aucunement à la conseruation de la liberté, & de l'honneur de l'Eglise, du Concile, & nostre.

Alors Velasco lut la protestation, qu'il auoit par escrit en la main, de laquelle le sommaire estoit, Que la Religion estant esbranlée, les mœurs corrompues, & l'Allemagne separée de l'Eglise, l'Empereur auoit requis le Concile aux Papes Leon, Adrien, Clement, & enfin à Paul troisieme. Puis, apres auoir exposé les empeschemens, & difficultés, qu'il y auoit eu à le conuoyer, il touchoit les choses qui auoyent esté traitées au Concile: adioustant, que cependant l'Empereur auoit fait la guerre, principalement pour la cause de la Religion, & auoit calmé l'Allemagne par sa vertu & vaillance, avec tres-grande esperance de faire aller au Concile ceux qui l'auoyent iusques alors refusé. Mais, qu'en ces entrefaites, eux Reuerendissimes Legats, contre l'attente de tous, & à l'insu mesmes du Pape, ayans attiré, & fait naistre vne cause treslegere, auoyent proposé aux Peres la translation du Concile, sans leur bailler seulement loisir d'y pouuoir aduiser: & que la dessus quelque nombre de saints Euesques s'estans opposés, & ayans protesté de vouloir s'arrester à Trente, eux, seulement par l'auis & du consentement de petit nombre d'Italiens, auoyent decreté la Translation, & de fait estoient partis le iour d'apres, & s'estoyent transportés à Bologne. Que l'Empereur, apres auoir obtenu la victoire, auoit par plusieurs voyes sollicité le Pape, de les

faire retourner à Trente, lui remonstrant les scandales & dangers, qu'il y auoit, en cas que le Concile nes'acheuast en icelle ville: & cependant auoit moyené en la Diete d'Augsbourg, que tous les Allemans se soumissent au Concile. Et qu'enfin il auoit enuoyé le Cardinal de Trente à Sa Sainteté, pour lui représenter le mesmes, & pour le prier de remettre le Concile à Trente. Et qu'encor pour le mesme effet il auoit fait aller Mendozze à Rome. Mais que le Pape auoit interposé du temps pour traiter avec eux assemblés: & qu'eux auoyét rendu vne réponse vaine, captieuse, pleine de tromperies, & digne d'estre publiquement condamnée par le Pape, lequel toutesfoisl'a approuuée & suiuiue, nommant la Congregation Bolognoise du nom de Concile General: & lui donnant tant d'autorité, que lui mesme n'en eust su tant entreprendre. Qu'il estoit certain que le Concile, assemblé à Trente, ne pouuoit estre transéré, sinon pour vrgente necessité, apres diligente & exacte recerche, & examen, & consentement de tous. Et que, nonobstant tout cela, eux pretendus Legats, & les autres, auoyent precipité leur depart de Trente, & simulé certaines fieures chaudes, & corruption d'air, & attestations captées & affectées de Medecins: lesquelles l'euenement a demonstré n'auoir esté causes suffisantes, non pas mesmes d'une terreur vaine & Panique. Que quand ores il y eust eu necessité de le faire, il en falloit au preallable traiter avec le Pape, & l'Empereur, à qui appartient la protection & tutelle des Conciles. Mais que leur hastiueté auoit esté si extreme, qu'ils n'en auoyent pas seulement consulté entr'eux mesmes. Que le deuoir portoit d'escouter, & d'examiner les contradictions & les aduis des Peres, qui parloyent par conscience: lesquels, quoi que moindres en nombre, deuoyent, comme plus sages, estre preferés aux autres. Que quand bien il eust falu partir, il ne falloit point sortir de ce pais-là, mais, suiuant les Decrets des saints Cōciles, choisir vn autre lieu en Allemagne. Qu'on ne pouuoit en aucune maniere soustenir ce fait, d'auoir choisi Bologne, lieu suiet à l'Eglise, auquel il estoit certain que les Allemans n'iroient iamais, & lequel aussi de vray chacun pouuoit recuser pour diuerses causes. Ce qui en effet n'estoit autre chose, que rompre le Concile tout à l'improuiste. Et pourtant que l'Empereur, auquel il appartient de defendre l'Eglise, & proteger les Conciles generaux, voulant composer les differends d'Allemagne, & aussi reduire l'Espagne, & ses autres royaumes & estats, à la vraye vie Chrestienne, & voyant que le depart de Trēte, fait ainsi sans raison, desarroye tout son bon dessein, recerche & sollicite eux pretendus Legats, ensemble les autres Euesques, qui sont partis de Trente, d'y retourner. Qu'ils ne le peuuent desdire, veu qu'ils ont promis de le faire, dés aussi tost que les soupçons de peste feroient cessés: & que s'ils le font, ils feront choses tresagreable à toute la Chrestienté. Mais, en cas de refus, eux Procureurs, par mandement special de l'Empereur, protestent, Que la translation, ou retraite est illegitime, & nulle, ensemble tout ce qui s'en est ensuiui, & s'ensuiura par ci-apres: & que l'autorité d'eux pretendus Legats, & des Euesques là presens, comme dependans en tout & par tout du bon plaisir du Pape, n'est point telle, qu'elle puisse donner loi à toute la Chrestienté, en cause de Religion, & de Reformation: & sur tout aux Prouinces, les mœurs, coustumes & ordonnances desquelles leur sont entierement inconuës. Protestent aussi semblablement, Que la response de Sa Sainteté, & la leur, n'est point conuenable, ains illegitime, pleine de frau les & surprises, & illusoire: & que tous les maux, tumultes, ruines, desolations & destructiōs de peuples, qui de là sont nées, naissent ou peuuent naistre, ne doiuent ni ne peuuent estre imputés à l'Empereur, ains à cete Assemblée, laquelle eux appellent Concile: attendu qu'il est au pouuoir d'elle d'y remedier tresaisement & Canoniquement. Protestent aussi, qu'au defaut, faute, & negligence, d'eux, & du Pape, l'Empereur y pouruoirra de toutes ses forces, & ne delaissera la protection & la manutention de l'Eglise, laquelle lui appartient comme à Empereur & Roy, conformément aux loix, & au consentement des saints Peres, & de tout le monde.

1548.

Enfin ils demanderent vn Acte public des choses par eux gerées : & que le mandement de l'Empereur , & leur protestation fussent inferés es Actes d'icelle pretendue Assemblée.

à quoy de
Monte Le-
gat respond
hautement.

Après la Protestation, faite de bouche, Velasco presenta l'escriit mesme, qu'il auoit en main, & reïtera l'instance, qu'il fust enregistre. Le Cardinal de Monte, du consentement & aduis du Concile, protesta aussi reciproquement en termes tresforts & graues, Qu'ils estoient tous prests de mourir plus tost que de permettre l'introduction d'un tel exemple en l'Eglise, que la puissance seculiere s'attribue le pouuoir d'assembler Concile. Que l'Empereur est fils de l'Eglise, & non seigneur, ou maistre. Que lui de Monte, & son Colleague, sont Legats du S. Siege, & qu'ils sont prests & appareillés de rendre conte de leur Legation à Dieu, & au Pape : & que dans peu de iours ils respondroyent à la protestation, qui leurs auoit esté luë.

puis à Ro-
me au Pa-
pe.

A Rome Mendozze, ayant receu la responce del'Empereur, qu'il passast outre, & fist sa protestation au Pape, en presence des Cardinaux, & des Ambassadeurs des Princes : ayant aussi receu l'aduis de l'action faite à Bologne, par Vargas, & par Velasco, comparut en plein Consistoire, & s'estant mis de genoux deuant le Pape, lut la Protestation, la tenant escrite en sa main. Il commença par la vigilance, & diligence de l'Empereur à reünir la Republique Chrestienne, diuisée en diuerses opinions en la Religion. Il exposa en suite les offices qu'il auoit faits avec Adrien, Clement, & Paul mesmes, pour les induire à conuoker le Concile : & que les rebelles d'Allemagne ayans refusé de s'y soumettre, poussé de la mesme pieté, il les auoit par armes contrainsts à obeïr. En quoy, combien que le Pape eust contribué quelque petit secours de gens, pour ne monstrier de vouloir faillir à la cause publique, il se pouuoit dire toutesfois avec verité, que l'Empereur auoit mis à chef vne si grosse & dangereuse guerre par ses seules forces. Or, pendant qu'il estoit occupé en icelle, voila qu'inopinément la bonne œuure, commencée à Trente, auoit esté interrompue par vne pernicieuse resolution de transferer le Concile, sous des pretextes ni vrais, ni vraisemblables : seulement, à fin d'empescher le bon effet de la paix & repos public : nonobstant que la plus pieuse & sage partie des Prelats s'y opposast, & demeurast au mesme lieu de Trente. Qu'à ceux-cy deuroit estre donné le nom de Concile, & non à ceux qui se sont retirés à Bologne, lesquels Sa Sainteté honore de ce nom, pource qu'ils lui adherent, & la volonté desquels il prefere aux prieres de l'Empereur, de Ferdinand, & des Princes de l'Empire, sans se soucier du salut de l'Allemagne, & de la conuersion des desuoyés : pour la reduction desquels, puis qu'ils se sont cōtentés de se soumettre au Concile de Trente, il ne restoit autre moyen que de remettre le Concile en icelle ville. De quoi lui Pape estant requis par luy mesme Ambassadeur, au nom des dessusdits, auoit rendu vne responce pleine d'artifices, & sans aucun fondement de raison. Dont, voyant que les requisitions Euangeliques, faites par luy mesmes, en qualité d'Ambassadeur Imperial, à Sa Sainteté, le quatorzieme & vintseptieme Decembre : & à Bologne, le seizieme Ianuier, par autres agens & procureurs de la mesme Maïesté de l'Empereur, n'estoit tenues en aucun conte, ni en l'un de ces lieux, ni en l'autre ; à present il protestoyent que la departie de Trente, & la translation du Concile à Bologne, estoient nulles, & illegitimes, & qu'elles ne pouuoient apporter à l'Eglise autre chose que contentions : & mettre la foy Catholique, & la Religion en danger : ioint que des lors mesmes elles donnoient scandale à l'Eglise, & difformoyent l'estat d'icelle. Que toutes les ruines, dissensions, & scandales, qui en naistront, deuront estre imputés à Sa Sainteté : laquelle, quoy qu'obligée d'y pouruoir iusques au sang, ne laissoit de fomentier & favoriser les auteurs de ce desordre. Que l'Empereur, au default, & par la faute de Sa Sainteté, y pourueroit de toutes ses forces, selon son deuoir d'empereur & de Roy, suivant la forme & reiglement, establi par les Saints Peres, & obserué du consentement du monde. Puis apres, s'estant tourné deuers les

Cardinaux, il dit, Que, puis que le Pape refusoit de pēser à la Paix de la Religion, Vnion de l'Allemagne, & Reformation des mœurs, si eux aussi estoient negligens à cela, il protestoit le mesmes à eux, qu'il auoit fait au Pape. Puis ^{1548. Grands Car. dinaux,} il laissa à l'Escrit, qu'il auoit en main : & ne lui estant rendue aucune res-
ponse, il se partit.

Le Pape, ayant considéré la protestation de Mendozze, & meurement le Pape
aduise à tout cet affaire, reconut bien qu'il estoit reduit à vn grand destroit, <sup>penſe gaudir ſine-
ment le
coup de la
proteſtatiō</sup>
& que c'estoit chose grandement contraire à sa dignité, d'estre pris à par-
tie, & que le debat se tournast contre lui : & qu'il n'y auoit autre remede,
que de se rendre neutral, & iuge, entre ceux qui approuuoient la transla-
tion, & ceux qui l'impugnoient. Et que pour ce faire, il falloit de neceſſité
esquiuier & gaudir à la protestation, en sorte qu'il parust quelle n'estoit
point faite contre luy, mais contre les Peres de Bologne deuant lui. Ce qui
ne se pouuant faire par aucune dissimulation, il se resolut d'imputer à l'Amba-
ſſadeur Imperial qu'il auoit outrepaſſé le mandement de son Maistre :
croyant que l'Empereur, sur ce qu'il verroit sa dexterité & ſouplesſe, à
charger l'Ambaſſadeur pour euitier de rompre avec lui, l'imiteroit, & ſui-
uroit sa pointe, comme ſi la protestation eust esté faite contre ceux de Bolo-
gne, par deuant le Pape, lequel il reconoiſtroit pour iuge. Et pourtant le
Mercredi, premier de Feurier, ayant fait appeller Mendozze au Conſiſtoir-
re, il lui rendit la reſponſe fort ample & proluxe, diſant en ſubſtance, <sup>par une reſ-
ponſe ar-
tificieuſe ;
ſe voulant
rendre lu-
ge entre les
deux Aſ-
ſemblées
qu'il eno-
que à ſoy ;</sup> Que,
c'estoit chose de mauuais exemple de venir aux proteſtations, & qui n'estoit
pratiquée que par ceux qui ont ſecoüé l'obeiſſance, ou qui branlent pour la
ſecoüer. Que lui, & le College des Cardinaux estoient bien deſplaiſans de
cete action non attendue, tant à cauſe de l'amour paternelle, qu'ils auoyent
touſiours portée à l'Empereur, que d'autant qu'elle ſe rencontroit faite en
vn temps, auquel on eſperoit toute autre chose de l'Empereur, qui auoit fait
la guerre, & emporté la victoire contre les ennemis de l'Egliſe & ſiens, au
moyen & à la faueur des grands ſecours enuoyés par le Pape, tout à point au
beſoin, & maintenus par lui à frais immenſes : leſquels de vray ne meritoient
point vn tel fruit apres la victoire, que la fin de la guerre fuſt vn commēce-
ment de proteſter contre lui. Que ſa douleur estoit bien en partie allegée, &
addoucie, parce que l'Ambaſſadeur auoit excedé les termes du mādement
de l'Empereur, lequel auoit commandé à ſes Procureurs à Bologne de pro-
teſter aux Legats : & à lui Ambaſſadeur Mendozze, de proteſter, en preſen-
ce du Pape, & des Cardinaux, contre le Concile de Bologne, & non contre
le Pape. Que l'Empereur auoit fait le deuoir d'un Prince modeſte, reco-
noiſſant le Pape, pour vnique & legitime iuge en la cauſe de la translation
du Concile, de laquelle certes, cas aduenant qu'il ne voulust conoiſtre, la
proteſtation auroit lieu contre lui. Et pourtant, qu'il estoit beaucoup plus
conuenable, que les Peres, demeurés à Trente, s'ils auoyent quelque plain-
tif & grief contre ceux de Bologne, en intentaffent action deuant lui. Mais,
quel Ambaſſadeur auoit peruerſi l'ordre, omettant la demande qu'il de-
uoit faire, & recherchant vn indu preiugé contre le Concile. Dont, veu que
l'action de la proteſtation tomboit à terre d'elle meſme, il ne ſeroit ia be-
ſoin d'y faire aucune reſponſe. Que toutesſois, pour ſe iuſtifier enuers
tous, & eſclaircir vn chacun, il vouloit bien encores adiouſter ceci : Pre-
mierement, en ce qu'il le taxe de negligence, & hautloué la diligence de
l'Empereur, ſa volonté n'eſt point de raualer les bonnes intentions, &
actions de l'Empereur : mais auſſi qu'il ne vouloit pas laiſſer de dire, qu'il
l'outrepaſſoit autant en la diligence, qu'en l'aage. Qu'il auoit touſiours
deſiré le Concile, & l'auoit aſſez monſtré par effets : & la deſſus expoſoit
toutes ſes actions faites à cete fin, & les empeſchemens entreietrés par au-
tres, & quelquesſois meſmes par l'Empereur par diuerſes guerres. Il ad-
iouſtoit, qu'il ſe reſeruoit de iuger ſi les cauſes de la translation estoient
legitimes, ou non : mais que pour le preſent il diſoit bien, que de louer
ceux qui estoient demeurés à Trente, c'estoit louer des perſonnes qui ſe

1548.

stoyent alienées & distraites du corps de l'Eglise: qu'il ne recusoit point, comme aussi il n'auoit iamais fait, qu'on ne retournaſt à Trente, pourueu ſeulement que cela ſe fiſt legitiment, & ſans offenſe des autres nations. Que de vouloir eſtimer qu'il n'y euſt autre lieu que Trente propre à tenir le Concile, eſtoit faire tort au S. Eſprit, qui peut eſtre adoré en tous lieux, & en tous lieux eſt preſent. Et ne ſaloit point alleguer en cela, que l'Allemagne auoit beſoin de cete medecine: d'autant que pour la meſme raiſon il faudroit auſſi celebrer vn Concile general en Angleterre, & ailleurs. Que on ne doit point prendre la commodité de ceux, pour qui on fait les loix: mais de ceux qui les doiuent faire, qui ſont les Eueſques. Que ſouuentes-fois ont eſté tenus Conciles hors des Prouinces, ou eſtoient les hereſies. Qu'il deſcouuroit bien ce qui deſplaiſoit à l'Empereur en la reſponſe qui lui auoit eſté baillée. C'eſt, que les Decrets, faits & à faire, fuſſent receus: & que la procedure, tenue depuis le tēps des Apoſtres, fuſt gardée. Que, pour lui, il ſe garderoit de toute negligence en la conduite de l'Eglise: & que ſi l'Empereur vouloit auſſi s'employer de ſa part, pourueu qu'il demeuratſt dans les bornes preſcrites par les loix, & par les Peres, & qui lui cōuiennent, les fonctions de l'un & de l'autre, eſtans ainſi bien diſtinguées, pourroyent eſtre ſalutaires à l'Eglise. Et, quant à ce qui concernoit la conoiſſance de la tranſlation, pour ſauoir, ſi elle eſtoit legitime, ou non, il en euoquoit la cauſe à ſoi, & deputoit ces quatre Cardinaux, Paris, Burgos, Polus, & Creſcence, pour en conoiſtre, & en rapporter. Commandant à tous, que, pendant ladite conoiſſance, ils n'euffent à attendre aucune nouueauté: & donnant vn mois de terme aux Peres de Bologne, & à ceux de Trente, pour produire leur raiſons. Et fit rediger cet Arreſt par eſcrit, par le Secretaire Conſiſtorial, en la forme iudiciele, viſitée à la Cour; avec inhibitions & deſenſes aux Prelats de Bologne, & de Trente, d'innouer choſes quelconque pendant le proces.

mais cete
ruſe eſt baſſe
fouée par
les Imperi-
aux,

Les Imperiaux ſe mocquerent bien fort de la diſtinction, de proteſter deuant le Pape; & non contre le Pape. Mais Mandozze, non content de cela, reïtera vne nouuelle proteſtation, diſant, Qu'il auoit eu de l'Empereur ſpecial mandement de proteſter en la forme qu'il auoit fait. A Bologne, apres qu'on eut receu les deſenſes du Pape, ne ſe tinrent plus aucunes Aſſemblées d'Eueſques, ne Congrégatiōs de Theologiens: dont peu à peu tous ſe partirent, horsmis les ſtipendiaires & entretenus du Pape, qui ne le pouoyent faire avec leur honneur. Ceux de Trente ne ſe bougerent point, l'Empereur le voulant ainſi, pour y maintenir l'eſeigne du Concile, & entretenir en eſperance les Catholiques d'Allemagne, & retenir les Proteſtans en deuoir: & afin que la promeſſe, faite par eux de ſe ſouſmettre au Concile, ne demeuratſt caſſée & annullée, par cete raiſon, Qu'elle n'eſtoit plus en eſtré.

Et ne ſort
aucun
effet, dont
il eſcrit
aux Pre-
lats de
Trente,
leur offrant
de les ory-
en leurs
griefs,

Le Pape fit ſauoir aux Prelats, qui eſtoient demeurés à Trente, la reſponſe baillée à Mendozze, & attendit quinze iours, pour voir ſi par lui, ou par eux, ſeroit faite quelque ouuerture, qui le fiſt iuge, comme il en auoit fait le deſſein. Mais voyant, qu'il ne lui en reüſſiſſoit rien, il eſcriuit vn Bref au Cardinal Pacieco, & aux Archeueſques & Eueſques demeurés à Trente, en forme de citation, auquel, apres auoir expoſé les raiſons, qui l'auoyent induit à intimer le Concile, & les empeſchemens & dilations eſcheuës à l'aſſembler, & la ioye qu'il auoit eüe lors qu'il le vid ouuert, laquelle eſtoit grandement accruës par l'heureux progrès & ſuite d'ice-lui, qui lui auoit donné eſperance qu'en bref il ſeroit pourueu à tous les maux de l'Eglise: il adiouiſtoit, que la triſteſſe, qu'il receuoit des euene- mens contraires, n'eſtoit en rien moindre: & que quand il entendit le depart de Trente de ſes Legats, & de la plus grande partie des Eueſques, & qu'eux eſtoient demeurés au meſme lieu, il en auoit receu vn grand deſplaifir, comme de choſe, qui pouoit arreſter le Cours du Concile, & donner ſcandale à l'Eglise. Et que, puis que ces choſes leur eſtoient autant conuës comme à lui meſmes, il ſ'eſbahilloit, pourquoi, ſi la tranſlation du Concile leur auoit ſemblé iuſte, ils n'eſtoient allés avec les au-

tres de compagnie : si iniuste , pourquoy ils ne s'en estoient plaints à lui. Qu'il estoit euident, & qu'eux mesmes ne pouuoient ignorer, qu'ils estoient obliges à l'un ou à l'autre de ces deux : dont si l'un ou l'autre eust esté embrassé, toute occasion de scandale auroit esté ostée. Qu'il ne pouuoit se passer de leur escrire, non sans regret, qu'ils auoyent failli ou en l'un, ou en l'autre : & que de leurs plaintifs il eust esté plustost aduertit par l'Empereur que par aucun d'eux, par voye de lettres, ou de meslagers. Qu'il auoit encor plus de soiet de se plaindre du Cardinal Pacieco, pour cet office omis, que plus il y estoit obligé, à cause de la dignité du Cardinalat. Mais, puis que ce qu'il attendoit deuoit estre fait par eux, auoit esté preuenü & deuancé par l'Empereur, qui s'estoit plaint par son Ambassadeur, que la translation du Concile estoit nulle & illegitime, il leur offroit franchement, ce qu'il ne leur auroit point refusé, s'ils eussent fait leurs plaintes à lui mesmes : assauoir, de les ouïr en leurs griefs, & de conoistre de la cause. Et quoy qu'il dult presupposer, que la translation estoit legitime, toutesfois, pour rendre le deuoir de iuste iuge, il s'offroit promptement de les ouïr, & de peser les raisons, qu'ils allegueroient au contraire. Qu'en cela mesmes il auoit voulu montrer de faire estat de la nation Espagnole, & de leurs personnes, ne voulant donner lieu, & deferer aux grands preiugés & présomptions, qu'on pouuoit iustement auoir contr'eux. Pourtant, que, de l'aduis & conseil des Cardinaux, il auoit enuoyé à soi la cause de la translation du Concile, & donné commission à quelques vns d'entr'iceux Cardinaux d'en conoistre & rapporter au Consistoire, & appelé tous ceux qui y pretendent interest, & interdit aux Prelats de Bologne & de Trente de n'attenter chose aucune pendant le proces : comme cela estoit contenu en l'Escript, dont il leur enuoyoit copie : desirant de terminer cete cause au plus tost : & leur commençoit, qu'en cas qu'ils pretendissent la translation estre inualide, au moins trois d'entr'eux eussent à assister au iugement, & alleguer leurs raisons & moyens : & ce le plus tost que faire se pourroit. Entendant que la presentation de ce bref fait au Cardinal, ou à deux ou trois d'entr'eux, avec l'affiche aux portes de l'Eglise de Trente, les obligeast tous, non autrement que s'il estoit personnellement intimé à vn chacun. Le Pape enuoya aussi intimer le mesme Arrest à ceux qui estoient assemblés à Bologne, lesquels promptement despecherent à Rome.

Mais le Cardinal Pacieco, & les autres Espagnols, demeurés à Trente, qui se trouuerent ensemble en nombre de treize, apres auoir enuoyé sauoir l'intention & volonté de l'Empereur, *se eux lui respondent* respondirent aux lettres du Pape en *se s'excusent* date du vinttroisieme Mars, disans en substance, Qu'ils se confioient en *sent* la benignité & prudence de Sa Sainteté, qu'aisément elle reconostroit, qu'en ce qu'ils auoyent contredit à la translation, & s'estoyent tus, & estoient demeurés à Trente, ils n'auoyent à rien moins pensé, qu'à offenser Sa Sainteté : ains, que la principale cause, qui les auoit mus à dissenter des autres, auoit esté, d'autant qu'ils voyent qu'il s'agissoit de chose tres-importante, au dessus de Sa Sainteté : qu'ils auoyent bien clairement veu, que cete translation ne pouuoit estre bien prise, ni aisément approuuée par Sa Sainteté : laquelle ils supplioient ne croire point, que l'Empereur eust preuenü leurs griefs, lesquels Sa Sainteté attendoit sur l'illegitime translation du Concile, comme s'ils s'en estoient plaints à lui : ains, que ce que l'Empereur en auoit fait, estoit de son propre mouuement, croyant qu'à lui appartenoit la protection & defense de l'Eglise. Que pour eux, iamaïs ne leur seroit venu en pensée, que Sa Sainteté eust pu desirer d'eux ce deuoir, d'estre aduertie par eux, ce qu'ils croyoient auoir plainement esté fait par ses Legats : attendu qu'ils auoyent parlé en public, les notaires presens & escriuans : dont ils auoyent cru, qu'il suffisoit d'auoir dit leurs aduis, & qu'au demeurant ils deuoient se taire. Et pourtant ne pouuoient croire que leur presence fust necessaire en autre chose. Que s'il y auoit du defaut, la candeur de leur intention estoit toutesfois toute claire & euidente. Qu'ils auoyent cru, qu'il leur

1548.

suffisoit de dissenter de la translation proposée, s'abstenant par modestie & humilité d'interpeller Sa Sainteté, laquelle ils esperoyent ne deuoir manquer à ce qu'elle iugeroit vtile pour l'Eglise. Qu'ils ne pouuoient voir quelle cause il y pouuoit auoir de partir avec les Legats, lesquels auoyent, & en la Congregation generale, & en la Session publique, promis de retourner à Trente, dès aussi tost que le soupçon de la maladie auroit cessé: & principalement s'il auenoit que l'Allemagne se soumsist au Concile. Que quant à eux, ils s'estoyent arrestez à Trente, croyans seurement qu'il retourneroyent: sur tout dès qu'ils entendirent, que, par la Grace de Dieu, & la Valeur de l'Empereur, l'Allemagne auoit esté reduite à vouloir obeir au Concile. Quant à ce que disoit Sa Sainteté, qu'aucuns auoyent receu scandale de ce qu'ils estoient demeurés, ils n'y sauroient que faire: que ce leur estoit assez, qu'ils n'en auoyent point baillé de suiet: & que de l'autre part on pouuoit bien aussi dire, que le depart des autres en auoit troublé plusieurs. Que leur nation auoit tousiours reueré le Successeur de S. Pierre, en quoi ils se persuadoient aussi de n'auoir point failli. Qu'ils prioient Sa Sainteté, que ce qu'ils auoyent fait à bonne fin & intention, ne fust point tourné à contresens à l'encontre d'eux, & qu'ils n'en fussent mis en procès: que la cause, dont il s'agissoit, estoit la cause de Dieu, & non la leur: que si elle l'estoit, il souffriroient aisément tout le tort, qu'on leur pourroit faire: mais estant celle de Dieu, & de Christ, comme elle estoit, elle ne pouuoit appartenir à aucun autre plus, qu'au Vicaire d'icelui. En fin, ils supplioient Sa Sainteté de remettre sus pied le Concile interrompu, & de renvoyer à Trente les Legats, & les Peres, & que le tout se fust par la plus courte voye, & sommairement, sans entrer à debatre la Translation. Qu'ils le prioient de prendre en bonne part leurs paroles, non dites pour monstrier à Sa Sainteté, quel estoit son deuoir, mais pour lui signifier ce qu'ils esperoyent d'elle.

*Et le pient
de remettre
le Concile à
Trente:*

*cette respon-
se est con-
sulée à
Rome,*

Le Pape ayant receu la réponse des Espagnols, l'enuoya aux Cardinaux commis sur cete cause, lesquels la communiquerent aux Procureurs de ceux de Bologne, afin qu'ils poursuiussent en droit. Iceux respondirent, Qu'ils auoyent grand plaisir de ce que les Espagnols reconnoissoient le iugement & le Iuge, & ne vouloyent se constituer parties. Que, nonobstant cela, il estoit necessaire de rabatre & refuter quelques vnes des choses portées par leur réponse, pour mettre la verité tant plus en euidence. Pource qu'ils disoyent, qu'auant que transferer le Concile, il en falloit premierement donner aduis à Sa Sainteté: ils respondoyent, que cela estoit superflu, attendu qu'il y en auoit vne Bulle speciale du Pape, qui lors fut lue. Que l'Empereur en cela eust esté mesprisé, il ne se pouuoit dire: veu qu'on auoit tenu autant de conte de Sa Maesté, que du Pape: pource que l'affaire ne permettoit point de delai: d'autant qu'il falloit de necessité ou dissoudre, ou transferer le Concile, pour le progrès que la contagion faisoit dedans la ville, & es lieux circouoissins: & pour le depart de plusieurs Peres ia auenu, & de nombre d'autres qui le minutoient aussi: & pour le rapport iuré des Medecins, spécialement de Fracastore, Medecin public & gagé, & pour la crainte qu'on auoit, que les villes voisines ne defendissent le commerce: lesquelles choses estoient toutes par les Actes, portés à Rome par commandement du Pape. Qu'apres le Decret, les Legats les auoyent exhortés d'aller à Bologne, & encor depuis, estans arriués à Bologne, les auoyent admonestés par lettres. Et que pour toutes ces causes, ils ne pouuoient dire avec raison, de n'auoir du suiure les Legats, d'autant qu'ils n'auoyent point esté d'aduis que le Concile fust transferé. Car, veu que les voix & suffrages de tous au Concile estoient libres, il leur auoit esté loisible de dissenter des autres selon leur conscience: mais, apres que le Decret auoit esté fait par la pluralité des voix, il falloit que la moindre partie rangeast à icelui sa conscience: car autrement iamais ne se pourroit terminer chose aucune. Quant à ce qu'ils alleguoient, que promesse auoit esté baillée du retour, le Decret monstroient en quelle forme cela auoit esté fait. Mais encor, s'ils estoient demeurés à Trente,

Trente, croyant que les autres y retourneroyent, pourquoy ne respon-
doient-ils aux lettres des Legats qui les admonestoyent d'aller à Bologne?
Or, quand ils disent, le pretendu soupçon de la peste, il est croyable que cete
parole *pretendu*, leur soit eschapée à l'auenture : autrement, n'ayans rien à al-
leguer à l'encontre de la translation, & cependant n'allans point au lieu ou
le Concile estoit transferé, ils seroyent encourus és censures selon le Decret
de Sa Sainteté. Et quant à leur distinction, Si la cause est la leur propre, ou
celle de Dieu, elle n'est d'aucune valeur : car, entant qu'elle les concerne,
il n'y a aucun qui ait seulement pensé à leur faire aucun tort : & entant qu'elle
le touche à Nostre Seigneur, c'est vne question de fait, & faut de necessité
esclaircir ce dont il ne conste pas bien en effet. Que l'Empereur auoit ap-
pellé les Legats, pretendus Legats ; & les Peres qui sont à Bologne, non Con-
cile, mais Assemblée priuée, & entassé plusieurs opprobres contre la trans-
lation : dont il auoit esté raisonnable, que Sa Sainteté euoquast à soi la cause,
non pour nourrir les procès, mais pour les esteindre & assopir. Que pour
voir, si les scandales sont nés à cause de la translation, ou à l'opposite à cau-
se qu'eux sont demeurés à Trente, ceci seulement suffit, que leur demeure
est cause qu'on n'y peut plus retourner. Et, quant à ce qu'ils prient Sa Sain-
teté de remettre sus le Concile interrompu, s'ils entendent cela des Con-
gregations ordinaires & accoustumées, icelles n'ont iamais esté intermises :
si de la publication des Decrets, icelle a esté differée pour leur respect : & ia
tant de choses ont esté examinées & debatues à Bologne, tant en matiere
de Foi, que de Reformation, qu'il y a de quoi faire vne longue Session. Et
pourtant prient Sa Sainteté de donner la sentence, considerant qu'aucun
Concile, hors de temps de schisme, n'a tant duré que cetui-ci : & que les E-
uesques sont desirés par leurs Eglises, ausquelles il est raisonnable qu'ils
soyent rendus. Cet escrit fut présenté à la fin d'Auril.

Après icelui, on ne procéda point plus outre en la Cause : d'autant que les *mais sans*
Cardinaux deputés ne fauyent trouuer le moyen de venir à aucune fin. *conclusion,*
De prononcer la translation legitime, en absence de ceux qui y contredi-
soient, & cependant n'auoir aucun moyen de les contraindre à accepter la
sentence, estoit faire vn Schisme : encor moins voyoit-on comment les for-
cer à assister au iugement. Le Pape en estoit en grand deltoit, & ne voyoit
aucune voye de composer ces difficultés sans forme de iugement.

Pendant que ces choses se traitoyent après la mort du Duc Pierre Louïs, le Pape
le Pape ne cessa de requérir & solliciter la restitution de Plaifance, & d'au- *pour suit*
tres lieux du Parmesan, saisis & occupés par l'Empereur : en quoi il se seruoit *chaudemēt*
des intérêts de la fille de l'Empereur, femme du Duc Octaue, fils du defunt *la restitu-*
Pierre Louïs. Mais l'Empereur, qui auoit fait dessein d'annexer cete ville-là *tiō de Plai-*
au Duché de Milan : & de donner ailleurs recompense à son gendre, tiroit *fance,*
le temps en longueur par diuerses responses, & ouuertures : esperant que le *l'Empereur*
Pape desia octuagenaire, & outré de la mort de son fils, & de plusieurs au- *elude,*
tres fascheries, par sa prochaine mort mettroit fin à tous ces differens. Mais *le Pape me-*
le Pape, se voyant befflé par ces delais, & molesté par les instances de re- *nac. :*
mettre le Concile à Trente, & offensé de la demeure continuée des Prelats
Espagnols en icelle ville, se resolut de faire au moins vne espee de diuer-
sion, & fit entendre à l'Empereur, Que ceux qui occupoyent Plaifance, vil-
le du domaine du S. Siege, estoient encourus és Censures, à la publication
desquelles il estoit resolu de venir, & mesmes d'en fulminer de nouuelles,
si cete ville ne lui estoit restituée dans vn certain temps prefix. L'Empereur *l'Empereur*
lui rescriuit vne lettre bien aigre & poignante, aduertissant le Pape, de ne *cont. poin-*
fomenter les bannis de Naples, & declarant que toutes les menées lui e- *te :*
stoyent venues à notice : qu'il auoit bien entendu les calomnies qui auoyent
esté leuées contre lui, comme s'il procuroit vn Schisme, lors que pour vnir
la Chrestienté il demandoit le Concile à Trente : quant à Plaifance, qu'icel-
le estoit vn membre du Duché de Milan, induement saisi dès peu d'années
par les Papes : que si l'Eglise y auoit quelque droit, qu'elle en fust apparoir,

1548. & lors lui Empereur ne faudroit point d'y faire ce qui seroit de raison. Le Pape, voyant que les armes spirituelles, sans les temporeles, ne seroyent d'aucun effet, se tourna à nouër vne ligue contre l'Empereur: en quoi il rencontra de grandes difficultés, & achopemens: d'autant que les Vénitiens ne pouoyent estre induits à y entrer: & les François, attendu la decrepitude du Pape, requeroient l'adueu & assentiment du Consistoire, & consignations de deniers, desquels le Pape ne vouloit se desgarnir, à cause des grands despens qu'il lui falloit faire, & de la crainte de les auoir à faire, toujours plus grands: ce qui l'auoit porté à charger ses suiets à outrance, & à vendre & engager tout ce qu'il auoit pu: & ordonner, que toutes sortes de dispenses & graces fussent expediees, à quiconque se composoit à argent pour les necessités du S. Siege. Pour le Concile, il estoit tres-resolu de ne le tenir point hors des terres de son obeissance: à quoi, outre les autres raisons qu'il auoit, il estoit poussé par celle de sa reputation, & de celle du S. Siege, qui auroit esté grandement interessée, en cas qu'il eust esté au pouuoir de l'Empereur de le forcer à faire sa volonté. Mais d'ailleurs il ne pouoit voir en qu'elle façon il pourroit induire l'Empereur, & l'Allemagne à y consentir. De laisser aller le Concile à neant, ores lui sembloit bon, ores mauuais: & en tint souuent des propos avec les Cardinaux, tant en Consistoire, qu'en deuis priués. Mais en fin il se resolut de remettre à l'aduenture cete deliberation, à laquelle il se reconoissoit insuffisant, non seulement pour les causes dessus dites, mais aussi pour autres grandes considerations des choses, qui se passoyent en Alleniagne. Car l'Empereur, ayant, par le retour du Cardinal de Trente à Augsbourg, entendu l'intention du Pape, & la responce qu'icelui auoit rendue à Mendozze à la fin de Decembre, sur laquelle il auoit donné charge de faire la Protestation, comme il a esté dit: & iugeant, que le Pape se fust mis à la poursuite de la restitution de Plaisance, pour diuertir de parler de Concile: demeura tout acertené en soi mesme, que du viuant de ce Pape, ou il ne se tiendrait point de Concile, ou qu'en tout cas la resolution tireroit en longueur: & pourtant iugea qu'il estoit necessaire, auant que desarmer, de trouuer quelque voye de composer les differens de la Religion en Allemagne. La proposition en fut faite en Diete, & fut ordonné qu'on choisiroit des personages propres à ce bon œuure: mais, ne se pouans accorder en ce chois entr'eux en la Diete, le tout fut finalement remis à l'Empereur, lequel en choisit trois, Iules Pflug, Michel Sidone, & Jean Islebe. Ces trois, apres longue consultation, dresserent vn formulaire de Religion, lequel par plusieurs fois fut examiné, reueu, & changé: premierement par eux mesmes, & puis par diuers personnage de saouir, ausquels l'Empereur le fit voir: & puis furent appelés quelques vns d'entre les Principaux ministres des Protestans, pour le leur faire approuuer. Mais icelui fut tant de fois changé, & alteré, & tant d'additions & retrachemens y furēt faits, qu'on voit clairement que c'est vn ouurage rappiecé de plusieurs esprits, qui visoyent à buts contraires. En fin il fut reduit à la forme qui se voit, & le Legat en enuoya vne Copie à Rome, par volonté de l'Empereur, pour en auoir l'aduis du Pape: à quoi aussi la pluspat des Prelats concouroit: d'autant que, voyant les differens qu'auoyent entr'eux le Pape & l'Empereur, ils redoutoyent quelque diuision, & quel'Empereur ne lui ostast l'obeissance: chose par eux extremement abhorrée, pour l'ancrée & inueterée opinion des Prelats Allemands, de soustenir la dignité du Papat, laquelle seule peut contrecarrer l'autorité des Empereurs, ausquels, sans l'appui des Papes, les Prelats ne peuuent resister, toutesfois & quantesque, conformément à la pratique des anciens Princes Chrestiens, ils les veulent ranger à leur deuoir, & oster les abus de la tant cornée liberté Ecclesiastique.

Cet escrit contenoit trentecinq chapitres. De l'Estat de l'homme en l'integrité de la nature. De l'Estat d'icelui apres le Peché. De la Redemption faite par Iesus Christ. De la Iustification. Des fruits d'icelle. De la maniere de la receuoir. De la Charité, & des bonnes œuures. De l'assurance de

le Pape pē.
se à lui mer
tre en teste
vne ligue,
mais en
vain;

Et l'Empe-
reur voy-
ant l'ob-
stination
du Pape
fait dresser
l'Escrit de
l'Interim.

le contenu
d'icelui,

la remission des pechés. De l'Eglise. Des marques de la vraye Eglise. De l'Autorité d'icelle. Des Ministres de l'Eglise. Du Pape, & des Euesques. Des Sacremens. Du Baptisme. De la Confirmation. De la Penitence. De l'Eucharistie. De l'extreme Onction. Des Saints Ordres. Du Mariage. Du Sacrifice de la Messe. De la memoire, intercession, & inuocation des Saints. De la memoire des trespasés. De la Communion des ceremonies, & de l'usage des Sacremens. Ce seroit chose trop prolix, & ennuyeuse, & mesmes inutile, d'en rapporter ici la substance & le contenu: veu que les succés occasionnés par ce liure furent de fort peu de durée. Il fut appelé *Interim*, d'autant qu'il prescriuoit le moyen qu'il falloit tenir és choses de la Religion, par vne prouision & entretiens, iusques à ce que le Concile general en eust arresté.

Dés que la copie de cet Escrit fut venue à Rome, chacun fut tout estour- Les eue-
mens fini-
sires & tra-
siques qui
en sont
faits à Ro-
me,
di: premierement en general, qu'un Prince temporel, en vne Assemblée se-
culiere, eust mis la main és choses de la Religion, & ce non seulement en vn
article, mais en toutes les matieres. Les gens de lettres se ressouuenoyent
du *Henoticon* de Zenon, de l'*Ethèse* de Heraclius, & du *Typus* de Constant, Em-
pereurs: & des diuisions, qui auoyent esté en l'Eglise, causées par les Consti-
tutions Imperiales au fait de la Religion: & disoyent, que iusques à ce temps-
là, il y auoit eu en l'Eglise troismois malencontreux, & infames, pour les di-
uisions qu'ils auoyent produites sous couleur d'union. Et qu'à ces trois anciens
pouuoit estre adiousté pour quatrieme l'*Interim* de Charles cinquieme. Ils
apprehendoyent que cet acte de l'empereur ne fust vn commencement,
qui aboutist en fin à ce à quoi estoit venu Henri huitieme d'Angleterre, assa-
uoir, de se declarer Chef de l'Eglise, avec vne estendue tant plus grande,
qu'il ne s'agissoit point d'une Isle seulement, comme estoit l'Angleterre,
mais de l'Espagne, de l'Italie, de l'Allemagne, & d'autres pais adiacens. Que
cet Escrit en apparence monstroient de contenir vne Doctrine Catholique,
mais qu'en effet icelle en estoit tres-esloignée. Et de la passant aux particu-
larités, ils reprenoyent qu'és matieres du Peché originel, de la Iustification,
des Sacremens, du Baptisme, & de la Confirmation, ne fust rapportée la mes-
me doctrine, qui auoit ia esté arrestée & déterminée par le Concile: & puis
que ce recueil estoit fait pour estre tenu iusques au Concile, & que le Con-
cile estoit ia tenu sur ces Articles, qu'estoit-il besoin de faire autre chose,
sinon de commander que les Arrests d'icelui fussent précisément gardés?
Mais que d'auoir publié vne autre doctrine, estoit aneantir le Concile, &
qu'il falloit plus que iamais auoir pour suspect le subtil artifice de l'Empe-
reur, lequel tout d'une main & coniointement faisoit si fortes instances que
le Concile fust remis à Trente, & ostoit toute autorité aux choses desia ar-
restées par icelui. Ils condannoient tout le corps de la Doctrine de l'*Interim*,
comme contenant façons de parler ambiguës, lesquelles en leur surface
pouuoient receuoir vn bon sens, mais estoient toutes veneneuses au de-
dans: & se tenant, en plusieurs parties, par vne affectée cautele, dans les seu-
les generalités, afin que les Lutheriens eussent moyen de l'interpreter à leur
auantage. Mais que de la Conuoitise il parloit totalement à la Lutheriene,
comme aussi au fait de la Iustification, laquelle il remettoit toute en la con-
fiance sur les promesses de Dieu, & attribuoit trop, voire le tout, à la foi.
Qu'au point des œuvres, il n'estoit rien dit du merite de *condigno* de dignité
& iustice, qui toutesfois est le puiot de toute cete matiere. Qu'au point de
l'Eglise, l'unité n'en estoit point tirée du Chef visible, ce qui est de l'essence:
& qui pis est, auoit esté établie vne Eglise inuisible, constituée & vnée par
charité, laquelle puis apres estoit faite visible: que c'estoit là vne artificiele
& couuerte façon de destruire la Hierarchie, & d'établir l'opinion Luthé-
riene. Que d'auoir assigné, pour marques de l'Eglise, la saine Doctrine &
le legitime usage des Sacremens, estoit donner le moyen à toutes les sectes
de s'opiniastres à se tenir pour Eglise: la vraye marque, qui est l'obeissance
au Pape de Rome, n'estant point mentionnée en chef. Qu'il n'estoit nulle-

1548.

ment supportable d'auoir posé le Souuerain Pontife seulement pour remede contre le Schisme, mais que les Euesques sont de droit diuin. Qu'on auoit entierement Lutheranisé le Sacrement de la Penitence, en ce qu'il estoit dit, que, l'homme croyant de receuoir par ce Sacrement ce que Christ a promis, il lui aduient comme il croit. Que du Sacrifice aussi estoit tû le principal, assauoir, Qu'il est expiatoire & propitiatoire pour les viuans, & pour les morts. Quant à ce que puis apres ils disoyent, sur ce qu'on auoit accordé aux Prestres de se marier, & le Calice en la Communion des Lais, chacun le peut aisément figurer, assauoir, Que par ces deux abus toute la foi Catholique est ruinée de fonds en comble. Toute la Cour de Rome crioit tout d'une voix, qu'il s'agissoit de *summa rerum*, que les fondemens de l'Eglise estoient esbranlés, qu'il y falloit mettre le tout pour le tout, esmouuoir tous les Princes; enuoyer à tous les Euesques de toutes nations, & dresser toutes sortes de forte baterie contre ce premier commencement, duquel indubitablement s'ensuiuroit, non certes la destruction de l'Eglise Romaine, ce qui estoit impossible, mais bien vne deformation & degastement plus grand que iamais.

mais le Pape s'auise de s'enfermer contre l'Empereur mesmes, Mais le Pape, viellard tres-sensé, & qui par l'outréfin de son iugement voyoit plus que tous les autres, penetra subitement iusqu'au fonds de l'affaire, & iugea que l'entreprise estoit salutaire pour soi, & pernicieuse pour l'Empereur. Et s'esmerueillit grandement de la prudence d'un si grand Prince, & de son conseil, que par vne victoire il cuidast estre deuenu arbitre du genre humain, & presupposast de pouuoir seul faire teste aux deux parties. Qu'il estoit bien possible qu'un Prince, adherant à l'une, opprimast l'autre: mais de vouloir combattre avec toutes deux, estoit chose outreueidée, & vaine. Il preuoyoit, que cette doctrine desplairoit generalement aux Catholiques, plus qu'à la Cour de Rome, & encor plus aux Protestans, & qu'elle seroit impugnée de tous, & ne seroit deffendue de personne: qu'il n'estoit ia besoin qu'il se mist en peine: que ses propres ennemis opereroyent en cela plus que lui mesmes: qu'il valoit mieux pour lui, de la laisser publier que de l'empescher: & plus encor en l'estat ou elle estoit, que reformée en mieux, afin que tant plus aisément elle tresbuchast en ruine. Que seulement il estoit besoin de trois choses: la premiere, que ce sentiment fust caché à l'Empereur: la deuxieme, qu'au plustost on donnast le mouuement & l'emprainte à l'affaire: le troisieme, que le premier coup portast contre les Protestans. Que pour effectuer la premiere, il falloit faire quelques oppositions, mais legerement, & sans beaucoup insister: pour la deuxieme, exciter & reueiller les interets des Prelats Allemands: pour la troisieme, moyenner dextrement que cete Doctrine semblast ramassée, non pour vnir les deux parties, mais seulement pour mettre vn mors en bouche aux Protestans; par ou on gagneroit ce grand point, de monstrier que le Prince donnoit loi en matiere de foi, non aux fideles, mais aux deuoyés.

Donques, en suite de cela, le Pape enuoya instruction au Cardinal Sfondrate, de faire quelques oppositions: & pour ne se trouuer present, quand la Doctrine seroit publiée, de prendre son congé, & de partir. Le Cardinal, en execution de sa commission, exposa à l'Empereur, Que la permission de continuer à receuoir le Calice en la sainte Communion, voire mesmes sous condition, de ne reprendre qui ne le reçoit, veu que la coustume de receuoir le Sacrement sous les deux especes estoit pieçà surannée & abolie, estoit chose reseruée au Pape, priuatiuement à tous autres: comme aussi d'ottroyer le mariage aux Prestres: tant plus, que cela n'a iamais esté pratiqué en l'Eglise: & que les Grecs, & autres Orientaux, qui n'obligent point au Celibat, accordent bien que les mariés reçoient les saints Ordres, & retenans leurs femmes exercent le ministere: mais ne permettent point, n'i n'ont iamais permis, que les ordonnés se puissent marier. Et adioust, que sans doute, si Sa Maiesté permettoit telles choses commes licites, elle offenserait Dieu griueusement: mais, si elles les tenoit pour illicites & illegiti-

mes, c'estoit aux desuoyés ausquels il les faloit permettre, pour euitier vn plus grand mal. Que c'est chose tolerable, voire mesmes appartenante à la prudence du Prince, lors qu'il ne peut empescher tous les maux, d'en permettre le moindre, pour en extirper le plus grand. Que Sa Sainteté, ayant veu le liure, auoit entédu que ce n'estoit qu'une permission à ceux de la secte Lutheriene, afin qu'ils ne passassent d'un erreur en l'autre, à l'infini: mais, qu'au demeurant, aux Catholiques ne seroit permis de viure, ne de faire, sinon ce qui est prescrit par le Saint Siege, lequel seul est maistre & docteur des fideles, & seul peut faire Decrets en fait de Religion. Et d'autant que le Pape tenoit cela pour tout asseuré, il remonstroit à l'Empereur, qu'il seroit necessaire d'en faire vne declaration expresse, & de ferrer encor la bride vn peu d'auantage, & sur tout au pouuoir de changer les ceremonies; veu que le dernier chapitre sembloit leur donner trop de liberté, en permettant que les ceremonies, qui pouuoient bailler occasion de superstition, fussent ostées & abolies. Le Legat adiousta, Que les Lutheriens se feroient forts, qu'il leur estoit loisible de retenir les biens Ecclesiastiques qu'ils auoient vsurpés, & la iurisdiction dont ils s'estoyent emparés, sinon que la restitution leur en fust expressement commandée: & que pour ce faire il ne faloit attendre aucun Concile, mais venir tout de plain faut à l'execution: & que, veu que notoirement il constoit de la spoliation, il ne faloit point garder beaucoup de procedures, & formalités de droit, mais tout promptement, *de pl. mo.*, & de main souueraine, faire exploiter.

Cete Censure fut par l'Empereur communiquée aux Electeurs Ecclesiastiques, lesquels l'approuuerent, & particulierement au point de la restitution *de l'assine dextre-* des biens Ecclesiastiques: voire mesmes asseurerent qu'elle estoit necessaire, *ment,* & qu'autrement il estoit impossible de reestabli le seruice de Dieu, ne de conseruer la Religion, ne de bien asseurer la paix. Et d'autant qu'il constoit de la spoliation, la raison requeroit qu'on procedast en cela sommairement. Tous les Euesques adhererent à cet aduis. Les Princes Secliers, de peur d'offenser l'Empereur, se turent: & à leur exemple les Ambassadeurs des Villes parlerent peu, & encor de ce peu ne fut fait aucun estat. Sur la remonstrance du Legat, l'Empereur ordonna vne preface au susdit liure, de cete substance, Que, visant à la tranquillité de l'Allemagne, il auoit reconu, qu'il estoit impossible de l'establi, sans composer premierement les differends de la Religion, d'ou sont procedées les guerres, & les haines: & voyant que pour ce faire, l'unique remede estoit vn Concile general en Allemagne, il auoit moyené qu'icelui fust ouuert à Trente, & auoit induit tous les Estats de l'Empire à s'y ranger, & sousmettre: mais, pendant qu'il pensoit à ne laisser les choses en suspens & confusion, iusques à la tenue du Concile, quelques Grands & zelés lui auoient présenté vn formulaire, lequel ayant fait examiner par personnages Catholiques & de sauoir, ils l'auoient trouué non trop esloigné ne destourné de la Religion Catholique, pourueu qu'il fust pris en droit sens: sauf és deux Articles, de la Communion du Calice, & du Mariage des Prestres. Pourtant, qu'il requeroit des estats, qui iusques alors auoient gardé les statuts, & ordonnances de l'Eglise Vniuerselle, qu'ils eussent à perséuerer en iceux, sans y alterer chose quelconque, selon qu'ils auoient promis: & de ceux qui auoient innoué, qu'ils eussent à retourner à la forme ancienne, ou à se conformer à la Confession portée par ce formulaire, & à se referrer dans les bornes d'icelui, là ou ils auoient excédé, & à s'en contenter, sans l'impugner, ni enseigner, ni escrire, ni prescher au contraire, ains à attendre la declaration du Concile. Et d'autant, qu'au dernier chapitre du formulaire il estoit permis d'oster les ceremonies superstitieuses, il se reseruoit la declaration de cet Article, & de toutes les autres difficultés, qui pourroient naistre. Le quinzieme Mai ce liure fut lu en la seance publique: & ne furent point demandés ne recueillis les suffrages & voix de tous, selon la coustume: mais le seul Archeuesque de Mayence, premier Electeur, se leua, & au nom commun de tous, sans en auoir charge, remer-

1548. cia l'Empereur, lequel prit ce remerciement pour vne approbation, & assentiment de tous. Nul ne parla en public : mais du depuis à part plusieurs des Princes, qui suiuyoient desia auparauant la Confession d'Augsbourg, dirent, Qu'ils ne pouuoient aucunement accepter ce formulaire, & quelques vnes des Villes aussi dirent quelques paroles, qui designoyent le mesmes, quoi que par crainte de l'Empereur ils ne parlassent point ouuertement. Le liure, par mandement de l'Empereur, fut imprimé en Latin, en Allemand, & du depuis aussi traduit & imprimé en Italien, & en François.

*l'Empereur
fait de plus
publier vne
Reformation.*

Outre cela, l'Empereur publia le quatorzieme Iuin vne Reformation de l'Ordre Ecclesiastic, laquelle auoit esté par les Prelats, & autres personnes de fauoir, & religieuses, meurement digerée & recueillie. Icelle contenoit vintdeux chapitres. De l'election des Pasteurs, & de leurs promotions aux saints Ordres. Du deuoir des Ordres Ecclesiastiques. Du deuoir des Doyens, & Chanoines. Des heures Canoniques. Des Monasteres. Des escholes, & Vniuersités. Des Hospitaux. Du deuoir des Prescheurs. De l'administration des Sacremens. De l'administration du Baptisme. De l'administration de la Confirmation. Des ceremonies de la Messe. De l'administration de la Penitence. De l'administration de l'Extremé Onction. De l'administration du Mariage. Des ceremonies Ecclesiastiques. De la discipline du Clergé, & du peuple. De la pluralité des Benefices. De la discipline du peuple. Des Visites. Des Conciles. De l'Excommunication. En ces chapitres il y a environ cent trente ordonnances, si iustes, & pleine d'equité, qu'on peut dire, sans danger d'estre redargué, que iamais, auant ce temps la ne sortit en lumiere formulaire aucun de Reformation plus exact, & exempt d'interests, & sans cauillations, captions, & surprises : & si les seuls Prelats l'eussent ordonné, il n'auroit point trop desagréé a Rome, sauf en deux endroits, esquels il autorize le Concile de Basle : & en quelques autres, ou il met la main es dispenses, & exemptions Papales, & en autres choses reseruées au Pape. Mais, d'autant qu'il fut establi par autorité Imperiale, il sembla encor plus intolerable, que le fait de l'*Interim* : la Cour de Rome tenant cete maxime fondamentale, Que les Seculiers, de quelque dignité & prudence d'homme qu'ils puissent estre, n'ont le pouuoir de donner aucune loi au Clergé, ores qu'à bonne fin. Toutesfois, n'y pouuant faire autre chose, ils supporterent cete tyrannie, (ainsi la nommoient-ils) à laquelle pour lors ils ne pouuoient resister.

*condamnée aussi
griement
à Rome :*

*Et en outre
ordonne les
Synodes
diocesains
Et prouinciaux,*

Peu de iours apres, l'Empereur ordonna aussi que les Synodes diocesains fussent tenus à la S. Martin, & les Prouinciaux auant Quaresme. Et pource que les Prelats desiroient que le Pape condescendist à consentir au moins aux Articles, qui n'estoyent au dechet, & detrimement de l'autorité Papale, l'Empereur s'offrit, par escrit en date du dixhuitieme Iuillet, de faire toute diligence enuers Sa Sainteté, afin qu'elle se contentast de ne point defaillir à son deuoir. Cete reformation fut imprimée en plusieurs endroits Catholiques d'Allemagne, & la mesme année encor à Milan, par Innocent Ciconiaria. Le dernier Iuin finit la Diete d'Augsbourg, & le Recés fut publié, auquel l'Empereur promit de faire que le Concile seroit continué à Trente, & que bien tost il seroit remis en train. Ce qu'aduenant, il commandoit à tous les Ecclesiastiques d'y entreuenir, & à ceux de la Confession d'Augsbourg d'y aller sous son saufconduit : & que là tout seroit traité selon l'Ecriture sainte, & la Doctrine des Peres, & eux seroyent ouïs.

*les Prelats
Allemands
requierent
en l'execution
de ces
ordonnances
l'assistance
des ministres du
Pape.*

Le Cardinal d'Augsbourg, & autres Prelats, ialoux del'autorité du Pape, & redoutans que par ces commancemens de Confessions & de Reformations, faites, & publiées es Dietes, icelles ne fust forclosé de l'Allemagne, prierent l'Empereur de conuier le Pape d'y enuoyer Legat expres, qui aidast à l'execution des choses arrestées : allegant, que ce seroit vn moyen, qui faciliteroit grandement la chose : d'autant que plusieurs, esquels estoit encor vif le respect du Pape, s'y employeroient bien plus promptement, quand ils verroyent que son autorité y entreuiendroit aussi.

L'Empereur, s'estant figuré en son esprit, que moyennant que les troubles de la Religion fussent appaisés, toute l'Allemagne lui seroit captiuee & asseruie, embrassoit toute ouuerture de facilité, s'assurant qu'il rameneroit bien puis apres les choses au point qu'il voudroit. Il fit communiquer au Pape toutes les choses, qu'il auoit faites pour la Reformation, & le conuia à enuoyer en Aliemagne vn ou plusieurs Legats. Le Pape tout promptement lui despescha l'Euesque de Fano, Prelat agreable à l'Empereur, pour Nonce : sous pretexte de mieux entendre la volonté de Sa Maiesté sur sa requisition : mais aussi pour faire ouuerture de la restitution de Plaisance, & de faire partir les Espagnols de Trente. Mais, dès qu'il eut receu la premiere response de l'Euesque de Fano, & qu'il eut mis l'affaire en consultation au College des Cardinaux, il se resolut bien tost qu'il n'estoit nullement conuenable à sa dignité d'enuoyer vn ministre, qui ne fust autre qu'executeur des Arrests Imperiaux. Mais, pour la raison, qui auoit mu le Cardinal d'Augsbourg, il prit vne voye du milieu, d'enuoyer des Nonces, non pour l'effet que l'Empereur designoit, ains pour ottroyer graces & absolutions, s'imaginant que cela feroit des effets admirables, pour soustenir son autorité, sans encourir le preiudice de consentir qu'autres vsurpassent le pouuoir, lequel il pretendoit ne deuoir appartenir qu'à lui seul.

Donques, sur ce proiet, il despescha, apres l'Euesque de Fano, les Euesques de Verone, & de Ferentin, pour ses Noces en Allemagne, auxquels il enuoya par aduis & communication avec les Cardinaux, vne Bulle, en date du dernier Aoust, leur baillant commission de declarer à ceux, qui voudroyent retourner à la verité Catholique, qu'il estoit tout prest & appareillé de les embrasser, sans se rendre difficile à leur pardonner, pourueu seulement qu'ils se disposassent, non à donner les loix, mais à les receuoir : remettant à la conscience des Nonces de relascher quelque chose de l'ancienne discipline, là où ils verroyent que cela se püst faire sans scandale public : & pour cet effet leur donnoit pouuoir d'absoudre à pur & à plein, en l'vne & en l'autre Cour, tant Ecclesiastique que Seculiere, toutes sortes de personnes seculieres, voire mesmes Rois, & Princes, Ecclesiastiques, & Reguliers ; Colleges, & communautés, de toutes excommunications, & autres Censures : & aussi des peines temporelles, encouruës pour cause d'heresie, ores qu'ils fussent relaps : & de dispenser des irregularités, esquelles ils pourroyent estre tombés pour raison quelconque, voire mesme pour bigamie : & de les reintégrer en leur honneur, bonne fame, & dignités : mesme avec pouuoir de moderer, ou remettre totalement toute abiuration, & penitence due, & de deliurer les communautés, & les personnes particulieres de toutes pactions & conuentions illicites, contractées avec les desuoyés, les absolvant des sermens & hommages prestés, & des pariures, lesquels iusques alors ils pourroyent auoir encouru pour aucunes inobseruances passées : & mesmes d'absoudre les Reguliers de l'apostasie, leur donnant permission de porter l'habit regulier couuert sous celui de Prestre seculier, & d'ottroyer licence à toutes personnes, voire mesmes Ecclesiastiques, de pouuoir manger chair, & viandes defendues, es iours de Quaresme, & de iusne, par l'aduis & conseil du Medecin spirituel, & corporel, ou bien du spirituel tant seulement, voire mesmes sans icelui, s'ils le trouuoient à faire ainsi : & de moderer & restreindre le nombre des festes : à ceux, qui auoyent receu la Communion du Calice, en cas qu'ils la demandassent humblement, & confessassent que l'Eglise n'erre point en la refusant aux Lais, de la leur accorder à vie, ou pour le temps qui leur plairoit : pourueu que cete Communion se fist & celebrast en temps & lieu different de celle, qui se fait suiuant le Decret de l'Eglise. Il leur ottroya aussi pouuoir d'vnir les Benefices Ecclesiastiques aux Escholes, & Vniuersités, ou mesmes Hospitaux : & d'absoudre les vsurpateurs des Benefices Ecclesiastiques, apres la restitution d'iceux, & de transiger pour les fruits saisis & perceus, & pour les meubles consumés : avec autorité de communiquer ces mesmes pouuoirs à d'autres signalées personnes.

1548.

l'Empereur y consent,

le Pape enuoye ses Nonces avec vne Bulle

1548.
grande-
ment syn-
diquée :

Cete Bulle courut par tout, ayant esté imprimée pour la raison, qui sera dite ci apres, & donna suiet de parler. Et premierement pour la preface, en laquelle le Pape disoit, Qu'és troubles del'Eglise, il s'estoit consolé sur le remede, que Christ auoit laissé, que le grain de l'Eglise, criblé par Satan, seroit cōserué par la foi de Pierre: & sur tout, dès qu'il y auoit employé le Concile general. Comme si l'Eglise n'auoit surquoi se fonder, que sur lui, & sur soixante personnes assemblées à Trente. On attribuoit aussi à grande presumption d'entreprendre de restablir & reintegrer en leurs honneurs, fame, & dignités, les Rois, & les Princes. On remarquoit en outre la contradiction, d'absoudre des sermens illicites: car, les illicites n'ont nul besoin d'absolution, & les vrais & legitimes sermens ne peuuent estre absous par aucun. Semblablement tenoit-on pour contradiction, d'octroyer le Calice, tant seulement a ceux, qui croient que l'Eglise n'errepoint defendant le Calice aux Lais. Car, comment est-il possible d'auoir vne telle creance, & cependant rechercher de n'estre compris en la defense & prohibition? Mais, à peine se pouuoit-on tenir de rire, lisant la condition apposée à l'absolution des Moines sortis du Cloistre, de porter l'habit couuert: comme si le Royaume de Dieu consistoit en quelque couleur, ou façon de vestement, laquelle si l'on ne porte en monstre au dehors, il soit toutesfois necessaire de l'auoir au dedans, & en secret. Mais, nonobstant que la deputation des Nonces eust esté faite en diligence, l'expedition toutesfois en fut differée iusques à l'année suiuite: d'autant que l'Empereur ne se contenta point de la forme de cete Bulle, en laquelle n'estoit faite nulle mention d'assister, ni d'autoriser les prouisions & reiglemens faits par lui: & d'ailleurs aussi le Pape ne voulut iamais condescendre, qu'à cela entreuint aucun Ministre en son nom.

Et peu a-
grace par
l'Empereur

lequel tra-
uaille à son-
ner son In-
terim par
tout, & y
trouuegras-
des opposi-
tions.

L'Empereur, estant parti d'Augsbourg, fit toute diligence, à ce que l'*Interim* fust receu par les Villes Protestantes, & trouua par tout des resistances, & des difficultés: & n'y eut aucun lieu, ou il n'y rencontraist de la fâcherie: d'autant que les Protestans detestoyent cet *Interim*, encor plus que les Catholiques mesmes. Ils disoyent, que c'estoit vn total establisement de la Papauté: ils blasmoient sur tout la doctrine de la Iustification, comme elle y est conceüe, & que la Communion du Calice, & le Mariage des Prestres, fussent reuouqués en doute. Le Duc Iean Friderich de Saxe, quoi que prisonnier, dit librement, Que Dieu, & sa conscience, ausquels il estoit obligé sur toutes choses, ne lui permettoient point de l'accepter. Es lieux, esquels il fut receu, aduinrent infinis accidens, varietés, troubles, & alterations: si qu'en chaque lieu il fut receu diuerfement, & avec tât de limitations, & de conditions, qu'on peut dire qu'il fut plustost reietté de tous, qu'accepté d'aucun. Et mesmes les Catholiques ne se soufciroyent point d'en aider l'introduction & establisement, comme ceux qui ne l'approuoyent point aussi. L'Empereur fut aucunement arresté par la modeste liberté d'une petite, & foible ville, laquelle le supplia, que, estant maistre des biens & de la vie de tous, il leur permist que la conscience fust à Dieu. Que si la doctrine, qui leur estoit présentée, estoit receuë par lui mesmes, & tenue pour veritable, ils auroient vn grand exemple à ensuiure: mais que Sa Maiesté vueille les forcer à recevoir & croire choses, qu'elles mesme ne tient point pour veritables, & ne suit point, leur sembloit chose qui ne pouuoit se construire, ne bien accorder. Au mois de Septem'bre l'Empereur alla au païs bas, ou il eut des difficultés encor plus grandes. Car les Villes de Saxe vferent de beaucoup de des-

Et sur tout
à Magde-
bourg, qui
en est pro-
scrite.
L'Empe-
reur se re-
tira au
Païs bas.

faites & excuses, pour ne point recevoir l'*Interim*: & la ville de Magdebourg s'y opposa formellement, mesmes avec quelque sorte de mespris: dont elle fut mise au ban de l'Empire, & soustint vne longue guerre, laquelle entretenit le feu allumé en Allemagne, lequel trois ans apres brussa & reduisit en cendres les trophées de Charles V. comme il sera dit en son lieu. Pour ces confusions, & pour donner ordre de faire prester aux Flamens le serment de fidelité à Philippe son fils, l'Empereur en fin laissa l'Allemagne, & passa à ses Estats du Païs bas. Et combien qu'il eust seuerement defendu, qu'aucun n'eust

n'eust à impugner la doctrine de l'*Interim*, ni à écrire, enseigner, ou prescher à l'encontre, plusieurs d'entre les Protestans ne laisserent point pourtant de la combattre par escrits publiés. Le Pape aussi, iugeant que le bien de ses affaires le requeroit ainsi, bailla charge à François Romeo, General de l'Ordre de S. Dominic, d'assembler les plus sçavans de son Ordre, & par leur aduis, & commun travail, dresser vne forte & solide refutation du mesme *Interim*. Plusieurs aussi en Frâce escriuirent à l'encontre: & en peu de temps, il y eut vn gros essain d'escrits des Catholics, & des Protestans, & sur tout des villes Hansiaticques, contre iceluy: & arriua, ce qui coustumierement aduient, lors qu'on entreprend d'appointer des opinions contraires: c'est qu'on rend les deux parties bien accordantes à oppugner la moytøyene, mais plus fixes & opiniastres chacune en la siene propre. Il fut bien aussi cause de quelque diuision entre les mesmes Protestans: car ceux, qui par force auoyent en partie cedé à l'Empereur, & auoyent restabli les ceremonies anciennes s'excusoient, disant, Que ces choses estoient indifferentes, & qu'il n'importoit point plus au salut de les reietter, que de les accepter: & qu'il estoit loisible, voire necessaire, de supporter quelque seruitude, quand il n'y a point d'impieté coniointe: & que pourtant en ces choses on estoit tenu d'obeir à l'Empereur. Mais les autres, qui n'auoyent pas esté forcés par la necessité, disoient, Qu'il est bien vrai, que les choses indifferentes n'importent point au salut: mais aussi, que par le moyen des indifferentes on en fait couler des pernicieuses: &, passans plus outre, formerent cette generale conclusion, Que les ceremonies, & obseruances exterieures, quoi que de leur nature indifferentes, deuient mauuaises, lors que celui qui les pratique a opinion qu'elles soyent bonnes, ou necessaires. Et de là nasquirent deux sectes, qui passerent du depuis à d'autres differends entr'eux, & ne furent iamais bien reconciliées.

Les affaires de la Religion ne se passoyent point avec moins de troubles & troubles en Angleterre: Car Eduard, Comte de Hertford, oncle maternel du ieune Roi Eduard, ayant acquis grande creance & autorité aupres de son neueu, & des grands du Royaume, prit, ensemble avec Thomas Cramer, Archeuesque de Canturbeti, à fauoriser les Protestans, & introduisit aucuns de leurs Docteurs: &, apres auoir ietté quelque fondemens de la Doctrine, sur tout parmi la noblesse, il conuoqua, par decret du Roi, les Estats du Royaume, qu'ils appellent Parlemens, par lequel fut interdite la Messe par tout le Royaume. Mais, peu de temps apres s'esmut, vne grosse sedition du peuple, qui demandoit le reestablissement des edits de Henri huitieme, en faueur de la Religion ancienne: dont nasquit grande confusion & dissension au Royaume.

Le temps prescrit de la Saint Martin venu, quoi que les troubles & confusions fussent tresgrandes en Allemagne, on ne laissa pas de tenir des Conciles diocesains en plusieurs villes, esquels la nouuelle reformation de l'Empereur fut receüe, changeant seulement la forme, selon qu'il sembloit plus conuenable à la propre maniere & façon de decreter de chaque diocese, sans toutes fois faire aucune prouision ou establisement pour l'execution: si bien qu'on voyoit à l'œil que toutes ces reformations n'estoyent ordonnées que pour vn pur entretien & apparence. Auant Quaresme ne fut tenu aucun Concile Prouincial, selon le decret de l'Empereur. Mais au commencement du Quaresme, l'Elector de Cologne commença le sien: duquel voici l'extrait & abbrege. Apres auoir exposé la necessité qu'il y auoit de reformer & corriger le Clergé, estoit adiousté, Que toute l'esperance auoit esté remise au Concile de Trente, qui auoit esté ouuert avec quelque heureux succès: mais que toute cete esperance ayant esté fenée par l'inopinée dilation, causée par la discorde des Peres au fait de la translation d'icelui, l'Empereur, pour ne faillir à son deuoir, apres auoir subiugué les rebelles par armes, auoit restabli la doctrine & les ceremonies Catholiques, remettant au Concile seulement la determination de deux Articles, & auoit aussi

1549.

donné ordre à la Reformation du Clergé: en execution dequoy le Synode de Cologne, apres plusieurs traités, le Dimanche de la Passion, auoit establi vne forme conuenable à sa Metropolitaine. Puis suiuyent les Decrets, esquels n'estoit traitée aucune matiere de foi, mais seulement les moyens de reformer la discipline, en nombre de six, de la restauration des Escholes, de l'examen de ceux qui doiuent estre promus aux saints ordres, de l'office de chacun ordre, de la visite, des Synodes, du reestablissement de la iurisdiction Ecclesiastique: avec beaucoup de decrets à chaque chapitre: sur chacun desquels estoit fait vn long discours, avec beaucoup d'ordonnances: Chose belle, pour vn traité speculatif. Et finalement estoient adioustés trentehuit chapitres, pour le reestablissement des anciennes ceremonies, & vsages de l'Eglise. Les Pais bas, hereditaires de l'Empereur, sont suiets à la Metropolitaine de Cologne: & pourtant, l'Empereur, ayant receu ce Concile, & l'ayant fait examiner par ses Conseillers & Theologiens, l'approuua par ses lettres en datte du quatrieme iuliet, & commanda qu'il fust receu & obserué par toutes ses terres, enioignant aux Magistrats, qu'à la premiere requeste ils prestaient aide & confort à l'execution.

Sebastien, Electeur de Mayence, ne garda pas le mesme style: car, ayant assemblé le Concile de sa prouince, trois semaines apres Pasques, il y fit quarantehuit decrets de doctrine de foi, & cinquantesix en matiere de reformation. Es chefs de foi, ia decidés par le Concile de Trente, il suiuit la mesme doctrine: es autres, la plus commune opinion des Scholastics, s'abstenant des points controuers entr'eux. Entre ceux-là sont notables les chapitres quarantvn, & quarantedeuxieme, ou il enseigne, & replique, Que les images ne sont point proposées pour les adorer, ou leur rendre aucun seruice, mais seulement, pour rememorer ce qu'il faut adorer. Et, que si en aucun lieu il y a concours de peuple à quelque Image, & qu'on voye que les hommes lui attribuent en quelque façon aucune opinion de diuinité, qu'on l'oste, ou bien qu'on y en mette, en sa place, quelque autre differente en grandeur: afin que le peuple ne se persuade, ou imagine, que Dieu, & les Saints, soient induits à faire ce dont ils sont priés, par le moyen de cet image, & non autrement. Le quarantecinquieme aussi n'est pas moins digne de consideration, là ou il pose, Que les Saints doiuent estre honorés, mais d'un seruice de societé, & dilection, de mesmes qu'on peut aussi legitimement honorer les saints hommes en cette vie: sauf qu'à honorer les Saints bien-heureux, & glorifiés, il y faut apporter plus de deuotion, comme ceux qui sont en estat plus asseuré que les autres. Lesquelles explications, bien considerées, montrent, combien en ces temps-là estoient differentes les opinions des Prelats d'Allemagne Catholiques, de celles de la Cour de Rome, & de la pratique introduite apres le Concile de Trente. Et chacun peut, par l'exemple de ce Concile, qui a decreté tant d'articles de religion, s'esclaircir du peu de verité qu'il y a, en ce que les Papes ont tant de fois fait dire & prescher en Allemagne, Que les affaires de la Religion ne peuuent estre traitées en vn Concile National. Et combien qu'on puisse faire plus de fondement sur diuers Conciles prouinciaux, celebrés en Afrique, Egypte, & Syrie, & autres lieux d'Orient; cetui-ci toutesfois, comme moderne, quoi que non tant important, attirera peut-estre d'auantage la consideration du lecteur. L'Electeur de Treues celebra aussi son Synode: comme semblablement firent les autres Metropolitains, qui ne s'estoyent point distraits de la communion du Pape de Rome, tous publians les edits Imperiaux d'Augsbourg, tant pour l'Interreligion, que pour la reformation Ecclesiastique.

Le départ des Nonces du Pape vers l'Empereur Les Nonces, qui auoyent dès l'année precedente esté deputés, mais l'en-
 uoy desquels auoit esté differé pour les causes susdites, se mirent cete an-
 née mil cinq cens quaranteneuf en voyage pour Allemagne: & par tout ou
 ils passoyent, ils estoient mesprisés par les Catholiques mesmes: tant s'estoit,
 pour les differens avec l'Empereur, & pour les procedures tenues, rendu
 odieux le nom du Pape, & l'habit & les enseignes de chaque sien ministre.

En fin, à l'issuë de Mai ils allerēt à l'Empereur au Païs bas: & là fut beaucoup disputé du moyen d'executer les commissions du Pape: & se trouuant des ^{1549.} *l'entregistion* difficultés en tout ce qui estoit proposé, par l'une ou par l'autre des parties, finalement l'Empereur resolut, Que; puis que le Pape leur auoit baillé pouuoir de substituer, qu'ils substituassent les Euesques, chacun en son diccose, & autres principaux Prelats en autres iurisdiccions, remettant le tout à la conscience d'iceux. Ce parti ne fut gueres promptement accepté par les Nonces: mais toutesfois en fin ils y condescendirent, & fut imprime vn Indult, sous le nom des trois Nonces, laissant en blanc le nom du Prelat, auquel chascun copie deuoit estre adressée. En icelui premierement estoit interée toute la teneur de la Bulle Papale: puis après alleguant pour cause de la substitution, qu'ils ne pouuoient estre en tous lieux, ils communiquoyent leur pouuoir & autorité au Prelat, mais avec esgard & circonspection de ne point accorder la Cōmunion du Calice, & l'usage de la chair, sinon avec grande & meure consideration, & avec euidente vtilité, defendant de prendre aucun payement pour ces graces. L'Empereur se chargea d'en enuoyer les copies à qui, & ou il appartenoit: & par tout ou il les adressoit, il faisoit entendre qu'on y procedast avec douceur, & dextérité. L'usage de ces pouuoirs se reduisit à fort peu de chose: car, ceux qui, perseueroient en l'obeissance du Pape, n'en auoyent point de besoin: & ceux, qui s'en estoient alienés, non seulement ne se soucioient point de cete grace, mais mesmes la refusoient. Peu de iours apres l'Euesque de Ferentin se partit: mais ceux de Fano, & de Verone demurerent aupres de l'Empereur, tant que l'Archeuesque de Siponte y fut enuoyé par le Pape Iules troisieme, comme il sera dit en son lieu.

Le Roi de France, en ce mesme temps, fit sa premiere entrée à Paris, le quatrieme Iuliet: & fit faire vne solennele procession, publiant quant & quant vn Edit, par lequel il declaroit la cause de cete procession au peuple, assauoir, afin que tous fussent aduertis, qu'il prenoit en main la protection de la Religion Catholique, & du S. Siege, & la defense de l'Ordre Ecclesiastic: & qu'il abhorroit les nouueautés de la Religion: tesmoignant à tous, que sa volonté estoit de persister en la doctrine de l'Eglise Romaine, & d'exterminer de tout son Royaume les nouueaux heretiques. Et fit imprimer cet Edit en langue François, & l'enuoya par tout son Royaume. Il donna aussi permission à ses Prelats de faire vne assemblée nationale, pour reformer les Eglises: ce qui estant venu à notice à Rome, fut tenu de mauuais exemple, comme si c'estoit vn commencement de faire l'Eglise Gallicane independante de celle de Rome. Le Roi fit aussi executer à mort plusieurs Lutheriens à Paris, voulut lui mesme en personne estre present à ce spectacle: & au commencement de l'année suiuant il reïtera le mesme Edit contr'eux, imposant grieues peines aux Iuges, qui n'useroient de toute diligence à les descouvrir & punir.

Or, le Concile ayant esté comme endormi deux ans durant à Bologne, il *Le Pape* aduint le septieme de Nouembre, que le Pape, à la veuë d'une lettre du Duc *Paul III.* Octaue Farnese, son neveu, qui lui escriuoit, qu'il se vouloit accorder avec *murt.* Ferdinand Gonzague, Gouverneur de Milan, pour entrer en Parme, laquelle ville le Pape faisoit tenir au nom du Saint Siege, fut assailli d'un si grand trouble, & esmotion d'esprit, & de tant de couroux, qu'il en tomba en defaillance & pafmoison, de laquelle s'estant reuenu de là à quelques heures, il se trouua faisi de fièvre, dont il mourut dedans trois iours. Cela fit partir le Cardinal de Monte de Bologne, afin de se trouuer à l'election du nouveau Pape, & à son exemple tous les autres Prelats se retirerent en leurs maisons. La coustume porte, que par l'espace de neuf iours les Cardinaux font les obseques au Pape defunt, & au dixieme ils entrent dans le Conclau. Mais lors, à cause de l'absence de plusieurs, l'entrée fut différée iusques au vint-huitieme du mois. Le Cardinal Pacieco ne partit point de Trente, tant que l'Empereur, apres auoir receu les nouuelles de la mort du Pape, ne lui eust

1549.
Comme
pour l'ele-
ction du
Pape,

divisée en
factious, &
pour tant
long Tem-
ps ché :

en fin ser-
ont à l'e-
lection de
Lules III,

L'Empereur
remet sus
le negotia-
tions de re-
mettre le
Concile à
Trente a-
vec le Pap.
Lules,

duquel le
naturel est
despouillé

ordonné d'aller à Rome, là ou il artina plusieurs iours apres que le Conclaue fut clos. Or, les Cardinaux estans assembles en icelui, pour la creation du Pape, furent, selon la coustume, dressés les Articles, lesquels chacun iure de garder, cas aduenant qu'il soit élu Pape: & entre les premiers fut celui de faire continuer le Concile. Chacun croyoit que le nouveau Pape seroit élu auant Noël: d'autant qu'à la veille d'icelle feste deuoit estre ouuerte la Porte dorée, pour le Iubilé de l'année mil cinq cens cinquante: à quoi necessairement estoit requise la presence du Pape: & d'autant qu'en cete année-là il y auoit vn grand concours de peuple à cete deuotion, chascun croyoit que les Cardinaux seroyent mus de cete raison, pour accelerer l'election.

Les Cardinaux estoient diuisés en trois partis, Imperiaux, François, & dependans du Pape defunt, & par consequent de ses neueus. Les Imperiaux portoyent le Cardinal Polus, & les François le Cardinal Saluiati.

Mais nul de ces partis n'estoit suffisant pour emporter l'election: & mesmes ne pouoyent conuenir entr'eux, à cause des diuers desseins & interests de leurs Princes. Le parti des Farneses estoit pour l'emporter, toutesfois & quantes qu'il se fust adioint à l'un des autres, & agreoit assez le Cardinal Polus, pour la bonté & prud'homme de son naturel, & pour sa continuele obseruance, respect & submission au Pape Paul, & au Cardinal Farnese. Mais, d'autant que le Cardinal Theatin, ou Caraffe, le chargeoit d'estre entaché des opinions Lutherienes, plusieurs se retirerent de lui. Farnese n'enclinoit nullement à Saluiati, & estoit resolu de ne consentir à l'election d'aucun qui ne fust creature de son ayeul. Les interests des partis estoient si grands & puissants, que le respect de l'année sainte, & l'attête d'un si grand peuple, qui mesmes ce iour-là demeura amassé iusques à nuit close, ne purent preualoir.

En fin le parti des Farneses, fortifié par les François, l'emporta, & fut crée Pape Iean Marie de Monte, lequel auoit esté Legat au Concile à Trente, & à Bologne: & Farnese y entendit, comme à un fidele seruiteur de son ayeul, & sien: & les François, comme à lui qui estoit en estime d'estre affectionné aux affaires de leur Roi, & aliéné de l'Empereur, pour raison de la translation du Concile. Les Imperiaux aussi n'y furent pas beaucoup contraires, pource que Cosme, Duc de Florence, auoit respondu pour lui qu'il n'estoit François, sinon en tant qu'il s'y sentoit obligé par la reconnoissance due au Pape, aux interests duquel il auoit cru estre tenu d'adherer: si bien que, cete cause ostée, il se porteroit à la raison. Plusieurs aussi aimoyent en lui la liberré du naturel, esloigné d'hypocrisie & dissimulation, & ouuert à tous. Soudain apres l'election, selon qu'il auoit esté capitulé, il iura de continuer le Concile. Il fut élu le huitieme Feurier, & couronné le vinttroisieme, & le vintquatrieme il ouurit la porte dorée. L'Empereur, voyant que les affaires de la Religion en Allemagne n'alloyent pas à son gré, & esperant que par sa presence il pourroit surmôter les difficultés, intima vne Diete à Augsbourg, pour cete année-là: & enuoya Louis d'Auila au Pape, pour se conioiur avec lui de son assomption, & pour le requerir de remettre sus le Concile. Le Pape lui voulut correspondre par egale courtoisie, & lui fit de grands offres de sa bienveillance: mais sur le fait du Concile ne respondit que paroles generales, n'en ayant encor arresté chose aucune en soi-mesme: & en parla avec la mesme irresolution au Cardinal de Guise, qui estoit sur son depart, pour retourner en France: lequel toutesfois il assura qu'il ne viendrait iamaïs à le faire, qu'il n'en eust premierement communiqué avec le Roi de France. Et au Cardinal Pacieco, qui lui en tint souuent propos, & aux autres Imperiaux, il disoit, Qu'aisement il en conuiendrait avec l'Empereur, toutesfois & quantes qu'on y procederoit sinferement, & que le Concile se tiendrait pour confondre les heretiques, & pour fauoriser les affaires de l'Empereur, mais non des fauoriser celles du S. Siege. Sur quoi il auoit diuerses grandes considerations, lesquelles en temps & lieu il feroit entendre à Sa Maiesté. Mais il donna bien tost indice quel seroit son gouuernement, en passant le temps des iours entiers en des jardins & vergers, & faisant des-

seins de bastimens de plaifance, & se montrant plus enclin aux voluptés qu'aux affaires, sur tout aucunement difficiles. D. Diego de Mendozze, Ambassadeur de l'Empereur, ayant diligemment considéré ces choses, escriuit à l'Empereur, qu'il esperoit que toute negotiation, qu'il plairoit à Sa Majesté entamer avec le Pape, réussiroit aisément: d'autant, qu'en lui faisant peur, on lui feroit faire tout ce qu'on voudroit, comme à vn homme porté aux plaisirs. L'opinion, que le Pape seroit plus adonné à ses affections particulieres, qu'aux affaires publiques, fut grandement confirmée par la promotion qu'il fit le trentevnieme de Mai d'un Cardinal, auquel selon la coustume ordinaire, il remit son chapeau, duquel l'histoire est telle.

1550.
venant à ses
plaisirs,

Pendant que Iean Marie de Monte, encor Euesque de Siponte, estoit au gouvernement de la ville de Bologne, il receut en sa maison, & au nombre de ses seruiteurs domestics, vn ieune enfant Plaifantin, duquel la naissance & extraction est demeurée inconnue au monde: & le prit en aussi grand amour comme s'il eust esté son propre fils. Il est memoire, qu'icelui estant tombé malade à Trente d'une griene & longue maladie, dont les Medecins le iugeoyent à la mort, le Cardinal de Monte, par conseil des mesmes Medecins, l'enuoya à Verone, pour changer d'air: là ou il reconualut, & retournant à Trente, le Legat sortit hors de la ville le mesme iour de son arrivée, comme par maniere de pourmenade, accompagné de grand nombre de Prelats, & le rencontra pres de la ville, avec grand feste & signes de de ioye: ce qui donna beaucoup à parler, soit que ce rencontre eust esté à l'auenture, soit que le Cardinal à dessein, sous autre couleur, lui fust allé au deuant. Il souloit dire, qu'il l'aimoit, & le fauorisoit, comme ouvrier de sa fortune: attendu que les Astrologues auoyent predit à ce ieune homme grandes richesses, & dignités, auxquelles il ne pouuoit paruenir, sinon que lui paruinist au Papat. Incontinent apres sa creation, il voulut qu'Innocent (tel estoit le nom de ce ieune homme) fust adopté par Baudouin de Monte, son frere, & par le moyen de cete adoption il aquit le nom d'Innocent de Monte: &, apres lui auoir conféré beaucoup de Benefices, le iour susdit il le crea Cardinal, donnant beau-champ aux discours & pasquinades des Courtisans de Rome, qui à l'enui professoient de dire la vraye cause d'une tant estrange, par coniectures de diuers accidens apassés.

L'Empereur Charles, auant que partir du Pais bas, fit publier l'establisement de l'Inquisition en ces estats-là, dont il eut de grandes esmotions & alterations entre les marchands Allemands & Anglois, qui se trouuoient en ces pais-là en tres grand nombre, lesquels recoururent à la Roine Marie gouvernante, & aux Magistrats, requerans moderation de l'Edit: & au défaut de ce, protestoyent de vouloir partir. Dont ceux, qui auoyent charge d'executer cet Edit, & d'establir l'Inquisition, trouuans de l'empeschement quasi partout, la Roine Marie fut contrainte d'aller trouuer l'Empereur à Augsbourg, ou il estoit pour tenir la Diete, afin de preuenir que ce pais tant frequenté ne se desertast, & qu'il n'en sourdist quelque notable sedition. L'Empereur s'y laissa persuader avec beaucoup de resistance & difficulté: toutesfois à la fin il se contenta d'oster le nom d'Inquisition, qui estoit odieux, & de reuoquer tout ce qui concernoit les estrangers en l'Edit, mais voulut que ce qui regardoit les naturels du lieu, demeurast ferme. L'Empereur fit tout deuoir enuers le Pape, par lettres & par son Ambassadeur, qu'il remist sus le Concile de Trente, requerant de lui vne response nette & precise, non en termes generaux, comme celle qu'il auoit donnée à d'Auila; ni ambiguë, comme celle qu'en auoit remporté le Cardinal Pacico: mais qu'il se fist entendre des conditions qu'il desiroit, afin que lui Empereur se pust resoudre, s'il deuoit traiter de remedier aux maux de l'Allemagne par cete voye-là, ou bien penser à d'autres remedes: attendu qu'il estoit impossible de durer plus en cet estat.

L'Empereur
instigue
l'Inquisition au
Pays bas,

laquelle il
est contraint de
moderer:

Le Pape, s'estant retiré en conseil estroit avec ses plus affidés, & considérant que c'estoit là la plus importante deliberation, qui pust eschoir en son Pontificat, balança les raisons, qui pouoyent le persuader, ou dissuader.

le Pape con-
sultele.
cour du

1553.
Concile de
Trente.

Et pour
plusieurs
grandes
causes s'y
resout :

Il consideroit en premier lieu, Que remettant le Concile à Trente, il con-
dannoit la translation d'icelui à Bologne, faite principalement par son en-
tremise : & par mesme moyen venoit à auouer d'auoir mal fait, soit de sa
propre volonté, soit du mouuement d'autrui. Et encor, s'il n'y eust eu que la
seule translation, ce ne seroit pas chose de si grande consequence : mais, de
s'estre rendu partie pour la soustenir, voire mesmes avec vehemence & a-
nimosité, ne pouuoit estre excusé de malice, en cas qu'il se retractast avec
tant de facilité. Et, ce qui importoit le plus, il venoit à mettre foi, & le S.
Siege, en tous les dangers, desquels Paul troisieme, Prince tres-prudent,
auoit iugé se deuoit vne fois pour toutes mettre à couuert, ayant persisté
en cet aduis iusques à la mort, que ce seroit vne faute trop lourde d'y ren-
trer. Et, quoi que peut-estre les courages de plusieurs ne fussent point autre-
ment mal disposés contre lui, comme nouveau Pape, que toutesfois c'est
chose asseuree, que la pluspart pretendent grief non du Pape, mais du Papat :
& mesmes que, pour le particulier de sa personne, il n'y auoit nulle asseu-
rance, qu'avec le temps ne pust arriuer chose, qui lui causast plus grande
haine, mesmes sans aucune siene faute. Ioint que tous les hommes ne s'es-
meuent pas par la haine : mais ceux, qui sont les plus dangereux & nuisibles,
le font pour s'auancer par la depression & abaissement des autres. Et pour-
tant qu'on pouuoit conclurre, que les mesmes raisons, qui auoyent cōtraint
le Pape Paul, necessitoient aussi le Pape Iules à la mesme resolution. Mais
aussi d'ailleurs il consideroit les grands ennuis & molestes, que le Pape Paul
auoit soustenues par l'espace de vint-six mois pour cete cause, & les indi-
gnités qu'il lui auoit falu deuorer, & le dechet de l'autorité Papale qui en
estoit arriué, non seulement en Allemagne, mais aussi en Italie : & que si ce
refus auoit causé grand rabais à Paul, fondé & establi au Papat par l'espace
de tant d'années, & monté à si haut point de reputation, combien plus le te-
roit-il enuers lui, nouveau Pape, qui n'auoit encor nouë les intelligences, &
les habitudes necessaires, pour entreprendre vne telle resistance ? Que s'il
arriuoit qu'on lui portast en face vne protestation, ou quelque Arrest sem-
blable à l'*Interim*, son autorité seroit foulée aux pieds, & generally vi-
lipendée. Qu'il ne falloit point mettre en compte le deuoir qu'il auoit ren-
du à transferer le Concile, & la fermeté à maintenir la translation : car, par le
changement de sa condition & fortune, il auoit aussi changé tout ce qui en
dependoit : & les actions du Cardinal Iean Marie de Monte n'appartenoyent
point au Pape Iules : & que les choses qui donnoient reputation à celui-là,
n'estoyent point pour la donner à cetui-ci : qu'alors il auoit falu faire com-
me il auoit fait, pour se monstrier fidele seruiteur de son maistre : mais, qu'à
present, qu'il estoit sans maistre, celloit tout à fait l'esgard de demonstrier
constance à bien seruir : & en lieu d'icelui en venoit vn autre, qui requeroit
prudence à s'accōmoder. Il consideroit combien estoit specieuse la deman-
de de l'Empereur, puis qu'il s'agissoit de la reductiō de l'Allemagne, & com-
bien grand seroit le scandale de ne l'auoir voulu exaucer. Que les causes,
qui induisoient au Concile, estoyent patentes, & notoires à tous : que cel-
les qui le dissuadoient, estoyent secretes, & conuē, de peu de gens. Et fina-
lement que le serment fait & reïteré deuoit estre tenu en reuerence & esti-
me : & quoi qu'icelui obligeast à suiure le Concile, sans aucune prescription
de lieu, que toutesfois il estoit impossible de faire Concile general contre
le vouloir de l'Empereur, qui ensemble estoit Roi d'Espagne, & de Naples,
& Prince des Païs bas, avec autres adherances en Italie & ailleurs : si bien
que de refuser de remettre le Concile à Trente estoit vne mesme chose, que
de ne le vouloir point poursuiure pour tout. Il enclinoit plus à cet aduis,
comme plus conforme à son naturel, plus desireux d'eiter les incommo-
dités presentes, que de preuenir les dangers à venir : & croyoit que, choisif-
sant ce parti, il se deliuroit de la fâcherie que lui donneroit l'Empereur : &
quant aux dangers que le Concile pourroit apporter, il commença à en faire
moins d'estat : & pensoit que la fortune de l'Empereur n'estoit pas la mesme
lors, que deux ans auparauant : qu'alors il estoit fort estimé pour l'attente de

la Victoire, laquelle de vrai il auoit obtenuë : mais qu'à present icelle lui estoit plustost de charge & difficulté, qu'autrement. Qu'il tenoit deux Princes prisonniers, comme le loup par les oreilles : que les villes d'Allemagne manifestement respiroyent rebellion : que les Ecclesiastiques estoient las & recrues de cete domination : qu'outre tout cela, il auoit des hargnes domestiques à cause de ses fils, frere, & neveu, qui tous aboyoyent apres l'Empire : affaire, qui peut-estre lui pourroit donner plus de peine qu'il ne pourroit porter. En fin, il conclut conformément à son naturel, Sortons des entraues des difficultés presentes, avec espoir que nostre bonne fortune ne nous abandonnera point.

Mais toutes-fois il retint cete resolution cachée par deuers soi, & deputa vne congregation de Cardinaux, & autres Prelats, pour la pluspart Impériaux, afin de faire tomber la deliberation à la conclusion qu'il auoit prise, y entremeslant quelque peu de ses confidents, pour tenir l'affaire reiglé & balancé selon son intention. A cete Congregation il proposa la demande de l'Empereur, enioignant à tous de dire, sans aucun esgard, tout ce qu'ils iugeroyent estre pour le seruice de Dieu, & le bien du S. Siege : & cas auenant qu'ils trouuassent bon d'y condescendre, qu'ils pensassent tout ensemble au moyen de le faire avec dignité, seurte, & vtilité. La congregation, apres diuerses consultations, fit le rapport de son resultat au Pape, Qu'elle iugeoit necessaire de poursuiure le Concile : d'autant que ainsi l'auoit iuré Sa Sainteté, tant au Conclau, qu'apres son assumption : & aussi, pour oster au monde l'occasion du scandale, qui sans doute seroit tres-grand, faisant autrement. Qu'il y auoit deux voyes de le poursuiure : l'une, le continuant à Bologne : l'autre, le remettant à Trente. Que de le continuer à Bologne ne se pouuoit, attendu que Paul auoit euoqué à soi la conoissance de la translation, & auoit desdèu de passer plus outre. Que si Sa Sainteté tout premier ne prononçoit que la translation eust esté valable, on ne pouuoit passer outre en icelle ville : que si aussi il venoit à cete prononciation, il donnoit iuste suiet d'estre tenu pour suspect, veu qu'il estoit tout notoire que cete translation auoit esté œuvre de sa main, comme de premier Legat, & Presidēt. Et pourtant qu'il ne restoit que l'autre voye, de le remettre à Trente, par laquelle aussi on ostoit à l'Allemagne toute occasion de regimber, & donnoit-on contentement à l'Empereur : ce qui estoit vn point assez essentiel. Ce Conseil fut porté au Pape, lequel l'approuua : dont on passa en suite au demeurant.

Et premierement fut arresté, Qu'il estoit necessaire d'auoir le consentement & assistance du Roi de France, & la presence des Prelats de son Royaume : sans quoi la reputation du Concile seroit fort foible & chetive : & y auroit danger de perdre la France, qu'on tenoit encor, pour regagner l'Allemagne ia perduë : & selon l'apologue, laisser choir le corps en l'eau, pour courir apres l'ôbre. Il sembloit toutes fois assez mal-aisé d'y pouuoir induire ce Roi, & de lui oster tous les ombrages, le Concile se deuant celebrer en lieu suiet à l'Empereur, & proche de ses armes. Mais, examinant quels pourroyent estre en fin ces ombrages, on ne trouuoit autre chose, sinon, que le Concile ne deliberast quelque chose de preiudiciable au gouvernement de la France, ou contraire aux priuileges de cete couronne, ou aux immunités de l'Eglise Gallicane : de quoi, quand le Roi auroit suffisantes seurtes & cautions, on ne pouuoit douter, que, par obligation & deuoir hereditaire, il ne prestast toute faueur & confort au Concile, & n'y enuoyast ses Prelats. La deuxieme difficulté estoit ; Que les Prelats Italiés, qui sont pures pour la pluspart, abominoyent ce lieu-là, d'autāt qu'ils ne pouuoient fournir aux fruis qu'il y falloit faire : & la Chambre Apostolique, estant grandement espuisée, mal-aisément leur pouuoit subuenir autāt qu'il eust esté de besoin, outre tāt d'autres despenses à entretenir les Legats, & les Officiers du Concile, & autres extraordinaires. Mais, apres y auoir bien pensé, ils ne furent iamais trouuer moyen de tenir Concile sans despendre : & se resolurēt qu'il falloit boire ce calice : mais aussi qu'on pouuoit bien retrācher les superfluités : despeschāt promptemēt

1550.

et y tient
vne cause
vne, par vne
ne consultation
à Rome,

en laquelle
toutes les
considera-
tions neces-
saires sont
proposées &
vuidées :

1550.

le Concile, & n'y sejourner qu'autant qu'il seroit necessaire. La troisieme difficulté estoit, de sçavoir si les Protestans renoueroient point en doute, & debattroyent les choses ia determinées. Mais en cela toute la Congregation resolut promptement, qu'il falloit se declarer tout presentement, qu'on les devoit tenir pour stables & indubitables, & nullement permettre qu'elles fussent mises en dispute: & qu'il ne falloit pas attendre de faire cete declaration lors du Concile. La quatrieme, & la plus importante difficulté estoit sur l'autorité du S. Siege, tant au Concile, que hors icelui, & sur icelui: d'autant qu'il estoit certain, que non seulement les Protestans l'impugnoient, mais qu'aussi plusieurs Princes desireroient de la restreindre, & raccourcir: & qu'entre les Euesques mesmes il y en avoit bon nombre, qui minutoient de la limiter. Que cela avoit esté la cause principale, qui avoit fait roidir les Papes precedens à ne se laisser induire au Concile: & que le Pape Paul, qui s'y estoit rangé, s'estoit enfin apperceu de la faute, & y avoit remedié par la translation. Ce danger estoit bien reconnu de tous, mais nul ne pouvoit trouver comment en eschapper, sinon disant, Que Dieu, qui a fondé l'Eglise Romaine, & qui l'a constituée sur toutes les autres, dissiperoit tous ces conseils: ce qui fut bien crû de quelques vns par simplicité, des autres par interest, par les autres fut avancé seulement pour ne sçavoir que dire autre chose: mais generalement fut estimé ne suffire pas.

Mais le Cardinal Crescence, ayant premierement fait grand force & fondement sur cete confiance, adiousta, Qu'il n'y avoit aucun affaire humain, auquel il ne faille courir quelque risque: ce qui paroît en la guerre, qui est comme le faîte des actions humaines, laquelle n'est iamais entreprise avec tant de seureté de la victoire, qu'il n'y ait tousiours quelque danger d'une perte & desconfiture totale: & qu'aucun affaire n'est iamais acheminé avec tant d'assurance de bonne & heureuse issue, que, par causes occultes, ou estimées legeres, il ne puisse trebucher en grands inconueniens. Mais, que qui est necessité, pour euitier d'autres maux, à condescendre à quelque deliberation, ne doit point avoir esgard à tout cela. Qu'à present les choses sont en vn estat, que si le Concile ne se tient, il y a plus grand danger, que le monde, & les Princes ne se scandalisent, & ne s'alienent du Pape, & ne fassent plus de fait, qu'au Concile par disputes & decret. Qu'en tout cas il faut courir le danger, & qu'il vaut mieux prendre le parti le plus honorable, & le moins perilleux. Mais aussi, qu'il y a plusieurs moyens & expedients de le destourner: comme, par occuper les Peres au Concile, autant qu'il sera possible, en autres matieres, & les tenir en haleine & exercice, en sorte qu'ils n'ayent le loisir de penser à celle-ci: par entretenir en bonne deuotion nombre de Prelats, & sur tout les Italiens, par le moyen des offices, des esperances, & des autres artifices autres fois heureusement pratiqués. Qu'il estoit aussi expedient de tenir les Princes en balance & contrepoids, fomentant tousiours quelque differend d'interests entr'eux, afin qu'ils ne puissent iamais aisément entendre vnanimement à vn tel dessein, & que si l'un l'entreprend, l'autre ait interest à lui resister. Et qu'ainsi d'autres remedes semblables se presentent à l'homme prudent, sur le fait mesmes, par lesquels il s'eschappe des affaires, ou les fait aller à neant. Cet aduis fut approuvé de tous, & fut resolu qu'il ne falloit donner aucun indice d'avoir cete crainte: & seulement donner quelque sentiment à l'Empereur, qu'on preuvoit bien la chose, mais aussi lui montrer, qu'on ne la redoutoit point, ains qu'on y avoit ia le remede tout prest.

*ce qu'il no-
rifi: au Roi
de France.*

Après que cete consultation eust esté meurement conclue, & qu'il fut resolu de remettre le Concile à Trente, le Pape le communiqua au Cardinal de Ferrare, & à l'Ambassadeur de France: & mesmes despescha vn courrier expres au Roi de France, pour lui faire entendre ses intentions: adioustant qu'il lui enuoyeroit vn Nonce, pour lui rendre plus particuliere raison des causes qui l'auoient mu à ce faire. Et à la fin de Iuin il despescha tout en vn mesme temps deux Nonces, Sebastien Pihin, Archeuesque de

Siponte,

Siponte, à l'Empereur : & Triulce, Euesque de Tolon, au Roi de France. Aupremier il donna instructions de parler conformément aux deliberations prises en la Congregation : mais il ordonna au second, d'aller en poste, pour pouuoir donner promptement aduis de l'intention du Roi, laquelle il vouloit attendre de sauoir, auant que de passer plus auant. Il lui bailla charge, de declarer particulièrement les causes, pour lesquelles il deliberoit de remettre le Concile à Trente : assauoir, d'autant que l'Allemagne s'y estoit soumise, & que l'Empereur en faisoit instance : & qu'il ne pouuoit estre continué à Bologne pour la raison susmentionnée : & afin aussi, que les affaires des Protestans ne s'accommodassent en quelque façon preiudiciable, dont on verseroit la faute sur le Pape. Mais que toutesfois le Pape faisoit son premier & principal fondement sur l'assistance de Sa Maiesté Treschrestienne, & sur l'interuention des Prelats de son Royaume : ce qu'il esperoit d'obtenir, attendu que Sa Maiesté estoit protecteur de la foi, & imitateur de ses Ancestres, qui ne se sont iamais esloignés des bons auis & conseils des Papes. Qu'au Concile on trauailleroit à la declaration & purification des dogmes, & à la reformation des mœurs : & qu'on n'y traiteroit nullement des choses appartenantes aux Estats, & Seigneuries, ni aux priuileges particuliers de la couronne de France. Que le Pape, à la demande de l'Empereur, requerant de sauoir, s'il vouloit entendre à poursuiure le Concile de Trente, ou non, auoit respondu, quoui, avec les reserues & conditions examinées en la Congregation, lesquelles il ordonnoit à son Nonce de communiquer toutes à S. Maiesté : de laquelle il desiroit entendre au plus tost l'intention, esperant de la trouuer conforme à la pieté de Sa Maiesté, & à l'amour qu'elle porte au Pape, & à la confiance que lui Pape a au Roi. Il bailla aussi charge au Nonce de communiquer toute son instruction au Cardinal de Guise, afin que coniointement avec lui, ou autrement, comme il lui sembleroit plus à propos, il l'exposast au Roi, & à tous autres qu'il appartiendrait.

Il donna semblable instruction à l'autre Nonce, & en particulier de dire à *à l'Em^{pe}* l'Empereur, Que le Pape monstroit par les effets l'obseruation de tout ce *perenr, a^q* qu'il auoit promis à Don Pierre de Tolde, assauoir, de vouloir proceder *uec toutes* avec Sa Maiesté, purement, ouuertement, & sans artifice : & de lui repre- *les cautions* senter la promptitude de sa volonté à poursuiure le Concile, à la gloire de *necessaires* Dieu, à l'acquit de sa conscience, & au bien qui en pouuoit resulter à Sa Maiesté, & à tout l'Empire. Et, pour respondre à l'ouuerture faite par l'Empereur, que le Pape se fist entendre des conditions & capitulations qu'il recherchoit, qu'il lui dist, Qu'il n'auoit iamais songé à faire pactions, ni capitulations, pour poursuiure le Concile, mais bien à proposer quelques considerations necessaires, lesquelles aussi il auoit commandé à son Nonce d'exposer à Sa Maiesté : qui estoient, La premiere, Que la faueur & assistance du Roi Treschrestien y estoit neffaire, ensemble l'interuention des Prelats de son Royaume : sans quoi le Concile auroit peu de reputation, & y auroit danger de faire naistre vn Concile National, ou de perdre la France : qu'il ne falloit point s'abuser, que comme le lieu de Trente estoit fort affidé à Sa Maiesté Imperiale, aussi estoit-il fort ombrageux & suspect au Roi Treschrestien : & pourtant qu'il falloit trouuer moyen de donner duës assurances & cautions audit Roi. Que là dessus lui Nonce communiquast à à l'Empereur le moyen qu'on y auoit trouué : & que si celui-là n'estoit suffisant, il seroit necessaire que Sa Maiesté Imperiale de son costé y adioustast encor quelque chose. La deuxieme consideration estoit sur les frais, qu'il faudroit que la Chambre Apostolique, toute espuisée, & chargée de dettes portast, pour l'entretienement des Legats, & pour autres extraordinaires que porte avec soi le Concile : & semblablement, sur la despenfe, que les Prelats Italiens poures ne pouuoient supporter en ce lieu-là : si bien qu'il faudroit mesurer exactement le temps, tant à commencer, qu'à poursuiure, pour ne perdre vne seule heure de temps en vain : autrement le S. Siege ne

1550.

pourroit fournir aux frais, & ne pourroit-on euer que les Prelats Italiens ne se laissent gagner à l'impatience, comme l'experience l'auoit montré par le passé. Outre ce qu'il y alloit de l'honneur du S. Siege de tenir ses Legats oisifs, & comme sus bout, sans rien faire. Et pourtant qu'il estoit necessaire, qu'auant qu'on vint à l'execution, Sa Maiesté fust bien assurée de l'intention, & de l'obeissance tant des Catholiques d'Allemagne, que des Protestans, establisant derechef les affaires en la Diete, & faisant expedier les mandemens & adueus authentiques des Villes & des Princes, & s'obligeant soi mesme, ensemble toute la Diete, à l'execution des Decrets du Concile: afin que la peine, la despense, & la diligence ne fussent vaines, frustratoires, & suietes à derision: & aussi pour retrancher par ce moyen toute esperance à quiconque pretendroit y apporter quelque destourbier. La troisieme consideration, à représenter à S. Maiesté, estoit, Qu'il falloit de necessité faire vne declaration, que les Decrets, ia faits & passés à Trente sur les matieres de foi, & ceux des autres Conciles passés, ne pussent estre en aucune maniere debatus, ou reuoués en doute: & que les Protestans ne pussent sur iceux demander d'estre ouïs. La derniere estoit, Qu'il remontrast à l'Empereur, que le Pape se fioit & tenoit tout assuré de la bonne volonté reciproque de Sa Maiesté: & que, comme lui Pape promptement enclinoit à fauoriser les affaires de Sa Maiesté, & de son Empire, mettant le Concile en lieu tant à propos pour lui, aussi il desiroit, que sa sincerité & realité n'eussent à lui apporter charge, & dommage. Que si quelcun entreprenoit au contraire, par caillations, ou par calomnies, Sa Maiesté ne deuroit point s'esmerveiller, s'il vsoit des moyens, & remedes, qui lui viendroyent en main, à la defense de l'autorité que Dieu immediatement a donnée à lui, & au S. Siege, tant dedans que dehors le Concile.

*le Pape per-
met qu'
cete resolu-
tion soit
suiuie.*

Le Pape iugea expedient pour ses affaires, que cete resolution ainsi prise fust entierement sue & entendue en Italie, & en Allemagne: & pour ce, fit que Iules Canane, son Secretaire, sous pretexte de vouloir fauoriser aucuns Courtisans, ses amis, leur communiqua les instructions susdites, sous la promesse & le seau du secret. Et par ce moyen elles furent espendues par tout. Le Pape eut par son nouveau Nonce prompte response de France: car, le Roi, sachant les causes, que le Pape auoit de se peu fier de l'Empereur pour les choses passées, & estimant que son inclination au parti François estoit grande, fit grandes demonstrations d'auoir le Nonce, & le deuoir fait par le Pape, pour fort agreables, & offrit au Pape toute aide & assistance, & promit confort & faueur au Concile, & l'envoi des Prelats de son Royaume, & toute protection pour la manutention de l'autorité Papale.

*l'Empereur
respond, re-
soluât tous
les doutes
& difficul-
tés du Pa-
pe.*

L'Empereur, ayant ouï la proposition de l'Archeuesque de Siponte, & pris meure deliberation sur icelle, rendit response, par laquelle il louoit la candeur & la prudence du Pape, en ce que, connoissant bien la publique necessité de tenir le Concile à Trente, il auoit trouué vn bon & couenable moyen de l'y remettre, sans poursuire le proces de la translation, matiere chatouilleuse, & ialouse, de grande difficulté, & de nulle vtilité. Que, quant aux quatre considerations, elles estoient toutes importantes, & proposées avec beaucoup de raison par Sa Sainteté. Et pour les affaires de France, non seulement il louoit & approuuoit ce que Sa Sainteté en auoit deliberé, mais mesmes s'offroit d'y contribuer, & de donner toutes seuretés possibles à ce Roi là: qu'il estoit fort raisonnable de fuir les despens superflus, & de ne tenir le Concile ouuert sans rien faire: que dès l'année passée l'Arrest auoit esté fait à Augsbourg, Que toute l'Allemagne, & mesmes les Protestans, s'y soumissent: qu'il en bailleroit copie au Nonce, & le feroit ratifier en la Diete presente: qu'il ne trouuoit pas qu'il fust encores temps de traiter que les choses ia decidées à Trente ne pussent estre mises en doute & debat: d'autant que cela se pourroit plus opportunément faire à Trente mesmes, lors que le Concile seroit assemblé. Et pour ce qui concerne l'autorité de Sa Sainteté, & du S. Siege, qu'il en auoit tousiours par le passé esté

le protecteur, & le vouloit encor de plus fort estre à l'aduenir; & estoit resolu de le maintenir de toutes ses forces, & moyens, iusques à y employer sa propre vie, si le besoin le requeroit. Qu'il ne pouuoit pas de vrai respondre à Sa Sainteté, que quelque chose ne fust dite ou traitée au Concile par quelque esprit turbulent & brouillon: mais qu'il lui donnoit bien parole, que ce la aduenant, il s'y opposeroit en sorte, qu'il auroit suiet de se louer de son bon deuoir.

L'Empereur estoit lors à Augsbourg, comme il a esté dit ci dessus, pour célébrer la Diète, laquelle de vrai n'estoit point enuironnée de tant de gens de guerre que les precedentes, mais toutesfois estoit armée. L'Empereur y proposa de poursuiure le Concile de Trente, & de garder l'Interim, establi en la Diète precedente, & de trouuer quelque moyen à la restitution des biens Ecclesiastiques, & à la reintegration & reestablisement de la Iurisdiction. Les Princes Catholiques agreerent qu'on poursuiuist le Concile, mais les Ambassadeurs de quelques Princes Protestans n'y voulurent consentir, sinon sous ces conditions, Que les choses ia par ci deuant determinées à Trente fussent derechef examinées: que les Theologiens de la Confession d'Augsbourg non seulement fussent ouïs, mais aussi eussent voix deliberatiue, & decisive: que le Pape n'y presidast point, mais que lui mesmes se soumsist au Concile, & quitast aux Euesques le serment qu'ils lui ont, afin qu'ils pussent parler en liberté. L'Empereur se plaignit aux Protestans, Qu'ils n'obeïssoyent point à son Edit de l'Interreligion: & aux Catholiques, Que la reformation de l'Estat Ecclesiastique n'estoit mise par eux en execution. Ceux ci s'excuserent, les vns disans, Qu'il falloit y proceder pied à pied, pour euitter les dissensions: les autres allegans, Que les exemptés refusoient d'obeir, pretendans priuileges & immunités. Les Protestans se deschargoyent sur le peuple, lequel se mutinoit, s'agissant de la conscience, & ne pouuoit estre forcé. L'Empereur fit part de toutes ces particularités au Nonce, lui declarant non seulement l'assentiment des Catholiques, & du plus grand nombre des Protestans, mais aussi la limitation apposée par ceux-là, afin que si par autre voye le Nonce en auoit quelque vent, cela ne produist quelque mauuais effet. Adioustant toutesfois, qu'il n'auoit permis que cete limitation fust inserée es Actes, d'autant qu'il auoit eu parole de ces Princes, qu'ils ne s'elloigneroient point de sa volonté: & que pourtant il pouuoit asseurer Sa Sainteté que toute l'Allemagne se cōtentoit du Concile. L'Empereur traita puis apres plus à l'estroit avec les principaux Ecclesiastiques, proposant qu'on donnast commencement au Concile auant Pasques, & qu'iceux y allaissent en personne: de quoi ayant tiré promesse des Electeurs Ecclesiastiques, il sollicita le Pape de venir à l'actuelle conuocation à Pasques, ou du moins immediatement apres, veu qu'il tenoit le consentement de toute l'Allemagne pour tout arresté: & pour l'affirmer encor de plus fort, il prioit le Pape qu'apres qu'il auroit formé la Bulle de la conuocation, auant que la publier, il lui en enuoyast la minute: afin que par le moyen de cete occasion, l'ayant fait voir à tous au Recés, il pust ordonner le Decret, & moyenner qu'elle fust receuë de tous.

Mais il sembloit au Pape, qu'il n'y auoit rien de conclu, pendant qu'il n'estoit point arresté que les Decrets ia faits à Trente seroyent receus. Et ne vouloit qu'à l'entrée du Concile ce point fust querelé, & achopé: car il estoit aisé à voir que par ce moyen on consumeroit beaucoup de temps sans rien faire, & qu'en fin icelui se dissoudroit sans conclusion, & que la dispute generale de tous ces Decrets ensemble, en tireroit apres soi vne particuliere de chacun: & qu'il n'y pourroit interposer son autorité, & iugement, comme estant vraisemblablement suspect, pour auoir esté President, & auteur principal lors qu'ils furent faits. Eccependant d'insister plus fort enuers l'Empereur, à ce que ce point fust voidé, c'estoit le desgouter grandement, & le mettre en des difficultés insurmontables. Il fut donc cōseillé, que, sans faire semblât de rien, il instât ce point pour décidé, & qu'en sa Bulle il presupposast

1550.

En la Diète d'Augsbourg fait instance

qu'on se soumsist au Concile, en quoi les Protestans requierent des conditions.

le Pape n'est pas content des responses de l'Empereur,

Et cause leuement enuoyé à la Diète la Bulle de

1550.
convocation
toute for-
mée.

que les Decrets ia faits seroyent acceptés de tous: car la Bulle estant portée à la Diete; conceüe en cette teneur, ou les Allemans s'en contenteroyent, & ainsi il auroit obtenu son but: ou ils ne l'accepteroyent point, & en tel cas la dispute commenceroit en en la Diete, & lui seroit hors de souci. Ce conseil lui sembla bon, & suiuant icelui il forma la Bulle: & pour complaire à l'Empereur en partie, il l'enuoya, non en sa minute, ce qu'il iugeoit estre contre sa dignité: mais toute formée, datée, & scellée, non toutesfois publiée: le iour de la date fut le quinzieme Nouembre. En icelle il disoit, *Que* veu que, pour oster les discordes de la Religion en Allemagne, il estoit expedient, & à propos, selon que mesme l'Empereur lui auoit signifié, de remettre à Trente le Concile general, ia par ci deuant conuocque par le Pape Paul troisieme, commencé, adressé, acheminé & poursuiui par lui mesmes, lors Cardinal, & President: auquel aussi auoyent esté arrestés & publiés plusieurs Decrets touchant la foi, & les mœurs: pour ces causes, lui, auquel il appartient d'assembler & regir les Conciles generaux, à l'accroissement de la foi Orthodoxe, & pour remettre en repos & tranquillité l'Allemagne, laquelle es tēps passés n'a cédé à aucune autre prouince en l'obeissance & reuerence enuers les Papes, Vicaires de Christ: esperāt aussi faueur & assistance des Rois, & des Princes: exhorte, & admoneste les Patriarches, Archeuesques, Euesques, Abés, & autres, lesquels par loi, coustume, ou priuilege, sont obligés d'entreuenir aux Conciles, qu'ils ayent à se trouuer en la ville de Trente le premier iour de Mai, de l'an de grace mil cinq cens cinquante-vn: auquel iour il a ordonné, par autorité Apostolique, & du consentement des Cardinaux, que le Concile soit remis sus, au mesme estat auquel il estoit lors qu'il fut interrompu: & qu'il soit poursuiui & continué: & qu'il y enuoyera ses Legats, par lesquels il presidera au Concile, cas aduenant qu'il ne s'y puisse trouuer en personne: nonobstant translation, ou suspension quelconque, ou autre chose qui fust au contraire: & specialement celles, que le Pape Paul troisieme, en la Bulle de la conuocation, & autres concernantes le Concile, auoit ordonné ne deuoir obster: lesquelles Bulles il veut & entend demeurer en force & vigueur, avec toutes leurs clauses, & ordonnances: les confirmant, & les renouelant autant que de besoin.

laquelle ne
contente
pas l'Em-
pereur,

Les Ministres de l'Empereur, & autres bons Catholiques zelés, ausquels l'Empereur communiqua cete Bulle, iugeoyent qu'elle effaroucheroit les Protestans, & leur donneroit occasion de n'accepter le Concile, auquel le Pape non seulement declaroit de vouloir presider, mais aussi de le vouloir regir & conduire: ioint que de parler de le remettre sus, & de le poursuiure, estoit les mettre en trop de soupçons & desiances: & tant magnifier son autorité, les irriter. Ils conseilloyent donc l'Empereur de moyener enuers le Pape, qu'il reformast sa Bulle, en sorte qu'elle ne donnast aucun suiet aux Protestans de s'aliener encor d'auantage.

qui tasche
de la faire
reformer:

L'Empereur en traita avec le Nonce, escriuit à son Ambassadeur qu'il en parlât au Pape, priant affectueusement & instamment Sa Sainteté, que, par la charité Chrestienne, il adoucist les termes & paroles, qui pouoyent diuertir l'Allemagne d'accepter le Concile. L'Ambassadeur traita à Rome avec la dexterité & souplesse Espagnole, & proposa, *Que* comme il faut bellement tirer au passage les bestes sauuages, qu'on veut prendre au laqs, faisant semblant de s'enfuir de deuant elles, sans leur faire voir le feu, ni les armes, de peur de les effaroucher, & de les mettre en furie & desesper, qui leur accroist les forces. de mesmes falloit-il proceder enuers les Protestans, lesquels il falloit attirer au Concile par douces & attrayantes manieres, les informant & les escoutant: & quant ils seront reduits au Concile, alors il sera temps de leur monstrier la verité en face. *Que* de lancer sentence contr'eux, auant que les auoir ouïs, estoit les enaigrir & enuenimer d'auantage. Mais le Pape, avec son accoustumée liberté, respondit, *Qu'il* ne vouloit point qu'on lui monstrast à combattre avec le chat enfermé: qu'il aimoit mieux qu'il fust en liberté, & qu'il s'en pust fuir. *Que* tout de mesmes

mais en
vain, pour

de reduire les Protestans par belles paroles au Concile, & là ne correspondre point par les effets, les feroit de vrai entrer en desesper, & prendre quelque precipitée resolution. Qu'il desiroit qu'on lui dist tout à descouvert, ce qui estoit à faire. L'Ambassadeur, secondant ce propos, disoit, Qu'il n'auoit que contredire, pour ce qui concernoit les choses necessaires, & opportunes à dire: mais qu'on ne pouuoit voir comment il fust à point de dire à present, qu'à lui appartient de regir & conduire les Conciles: que cela est bien tresvrai: mais que la verité n'a pas le priuilege d'estre dite en tout temps, & en tous lieux: qu'il estoit bon d'en taire quelcune, lors qu'il pouuoit naistre quelque mauuais effet de la dire: qu'il se souuinist, que l'aspreté en paroles de Leon dixieme, du Cardinal Caietan, son Legat, auoyent allumé le feu, qu'il voyoit ardre, & lequel se pouuoit lors esteindre avec vne seule douce parole. Que les Papes liuans, & sur tout Clement, & Paul, Princes sages, s'en estoient souuent doulus. Que si à present on pouuoit par doux & benins moyens racquerir l'Allemagne, pourquoi la separer encor plus par les aigreurs?

Le Pape, presques indigné, disoit, Qu'il faut tousiours prescher ouuertement, & inculquer ce que Christ a enseigné. Que Nostre Seigneur l'a fait son Vicaire, Chef de l'Eglise, & principale lampe, & porteflambeau du monde. Que cete Verité estoit de celles qu'il falloit dire, & auoir tousiours en bouche, en tous temps, & en tous lieux: & cōme dit S. Paul, opportunément: & importunément: que de faire autrement seroit contreuenir au commandement de Christ, & mettre sous le boisseau la lampe, laquelle se point mettre au haut du chandelier: que c'estoit chose indigne du S. Siege de proceder par artifices, & dissimulations: ains qu'il falloit parler à cœur ouuert. L'Ambassadeur tout doucement fit couler dans son deuis, que tout'au contraire il lui sembloit, que de cacher la verge, & se monstrier benin & debonnaire, & condescendre à tous, estoit le vray deuoir Apostolic: qu'il auoit ouï lire dans S. Paul, que, quoi qu'il fust libre, il s'estoit fait serf de tous, pour en gagner quelques vns: Iuis aux Iuis, Gentil aux Gentils, foible aux foibles, pour gagner aussi ceux-là: que c'estoit là le vray moyen de planter l'Euangile. En fin le Pape, pour n'entrer en altercats, se restreignit à dire, Que la Bulle estoit formée selon le style de la Chancellerie, qui ne se peut changer: qu'il estoit ennemi des nouueautés, qu'il falloit ensuiure les traces des Predecesseurs: que, suiuant la forme accoustumée, nul ne pourroit attribuer à lui chose aucune qui en pult arriuer: mais, que s'il la changeoit, tout le mal lui seroit imputé. L'Ambassadeur, pour lui donner loisir d'y mieux auiser, conclut, Qu'il ne vouloit receuoir cete responce pour vne absolue negatiue: mais qu'il se fioit, que Sa Sainteté par affection paternelle compatiroit à l'Angleterre. Ayant dessein de laisser passer les festes de Noel, d'autant que c'estoit lors la mi Decembre, & puis lui en donner encor vne recharge.

Mais le Pape resolu de n'y changer vn seul point, disant souuent, Le veu preuenir, & non estre preueni: pour se releuer de toute moleste de deuis & arraisonnemens, le iour de S. Iean Euangeliste fit vn Bref, auquel apres auoir sommairement representé le contenu de sa Bulle susdite, & pris pretexte, que, pour n'estre icelle publiée, quelcun en pourroit pretendre cause d'ignorance, il ordonnoit que tant le Bref, que la Bulle, fussent lus, publiés, & affichés és Eglises de S. Pierre, & de S. Iean de Latran, avec intention d'en enuoyer copies imprimées aux Archeuesques, afin qu'ils les intimassent aux Euesques, & autres Prelats. L'Ambassadeur donc se voyant retranché tout moyen d'en parler plus avec le Pape, despescha tout soudain vn courrier expres à l'Empereur, pour lui faire entendre le tout. L'Empereur, voyant la resolution arrestée du Pape, & ayant aduisé au remede, fit en pleine seance publique lire la Bulle, laquelle produisit droitement l'effet qu'il auoit preueu: à auoir, que les Protestans se desdiroyent de la parole donnée de se remettre au Concile: & les Catholics se retraieroyent de la

1550.
apostrophe
du Pape

qui trans-
che toutes
oppositions,
et recher-
che par un
Bref.

L'Empereur
pare en la
Diete aux
non re-
nons de la
Bulle,

1550.

promesse qu'ils auoyent faite d'y aller. Les Catholiques l'improuuerent pour la dure & intraitable maniere de proceder: & les Protestans, pour les choses susdites: assauoir, Qu'à lui appartenoit, non seulement d'assembler, mais aussi de regir & conduire les Conciles: qu'il auoit deliberé de continuer & poursuiure les choses encommencées, ce qui fermoit la porte à tout nouuel examen des ia traitées: que hors de lieu, & sans occasion, il auoit dit, Que l'Allemagne auoit reconu les Papes pour Vicaires de Christ: qu'il s'estoit déclaré President du Concile: & qu'il n'y appelloit qu'Ecclesiastiques, tous asseruis à son obeissance: qu'avec tant de paroles ampoulées, il confermoit tout à dessein la Bulle de Paul troisieme. Les Protestans disoyent, Que ce seroit en vain de faire vn Concile sur ces fondemens: que de les accepter estoit faire contre Dieu, & leur propre conscience. Les Catholiques disoyent, Que puis qu'il n'y auoit nulle esperance de reduire les Protestans, pour neant entroit-on en tant de traualx, & despens. L'Empereur attrempa l'esmotion des deux parties, disant, Que le Concile estoit general de toutes les nations Chrestiennes: & que toutes les autres obeissant au Pape, il auoit formé la conuocation, ainsi qu'il conuenoit à icelles. Que pour ce qui concernoit l'Allemagne, ils en remissent tout le soin à lui, qu'il sauoit bien comment cet affaire se deuoit manier: qu'ils laissassent assembler les autres nations: & puis que lui mesme iroit en personne, si non au lieu mesme du Concile, du moins en quelque lieu prochain, & là opereroit non de paroles, mais d'effets, à ce que les choses passassent conuenablement: qu'ils n'eussent pas esgard à ce que disoit le Pape, mais à ce que lui Empereur promettoit sur sa foi & parole Imperiale & Royale. En cete maniere l'Empereur appaisa les esprits, & le treizieme Feurier fut fait le Recés, publiant l'Arrest de la Diete, dont la teneur estoit, Qu'ayant esté proposé en la Diete precedente, qu'il n'y auoit autre moyen de composer les differends de l'Allemagne, au fait de la Religion, que par vn saint & libre Concile general, tous les estats de l'Empire auoyent confirmé cete proposition, & deliberé del'accepter, & approuuer, & de s'y sousmettre. Mais cela n'ayant encor esté executé, le mesme auoit esté en la presente Diete proposé & deliberé. Et pour cela l'Empereur auoit moyené, & en fin obtenu du Pape, qu'il remist le Concile à Trente, pour le premier de Mai, de l'année suiuaute. Ce que le Pape ayant fait, & la Bulle de conuocation ayant esté lue, & proposée en la Diete, il estoit iuste & raisonnable de persister en la mesme resolution d'attendre le Concile avec la due obeissance, & d'entreuenir en icelui: auquel tous les Princes de Chrestienté auoyent deliberé d'assister. Et l'Empereur, comme Aduocat de l'Eglise, & Defenseur des Conciles, feroit de sa part tout deuoir, conuenable à la dignité & office d'Empereur, ainsi qu'il auoit promis.

*dit est fait
le Recés de
la Diete,
portant,
qu'on acce-
pteroit le
Concile,*

*sous des co-
ditions &
promesses
équiuables.*

Et pourtant, il notifioit à tous, que sa volonté estoit, de plein pouuoir & autorité Imperiale, que chacun qui iroit au Concile, fust assuré de pouuoir librement aller, demeurer, & retourner, & proposer tout ce qu'en conscience il iugeroit necessaire. Et que pour cet effet, lui Empereur se tiendrait es frontieres de l'Empire, & en lieu le plus proche qu'il seroit possible. Et admonnestoit les Electeurs, Princes, & Estats de l'Empire, sur tout les Ecclesiastiques, & ceux qui auoyent innoué en la Religion, qu'ils eussent à se preparer, pour se trouuer là avec bonnes & suffisantes instructions, afin qu'ils ne pretendent à l'aduenir aucune excuse. Et que lui Empereur se chargeroit du soin de faire que tout se passast legitimement, & par bon ordre: & d'operer qu'on y traitast & decidast toutes choses saintement & Chrestienement, selon la Sainte esécriture, & la Doctrine des Peres. Et pour ce qui concernoit la transgression des Arrests de l'Interreligion, & de la Reformation, ayant esté bien informé, qu'il estoit impossible de surmonter les difficultés qui s'y presentoyent, & que plus on y mettoit la main, plus les affaires empiroyent: pour preuenir plus grandes confusions, il euoquoit à soi toute la conoissance des contrauentions passées: enchargeant toutesfois les

Princes, & les Estats de l'Empire, de les observer à l'auenir.

Cet Arrest, dès qu'il fut veu par le monde, fut estimé, comme aussi il estoit de vray, vne contrebaterie, & contrepoincte à la Bulle du Pape. Le Pape pretend de regir & conduire les Conciles : & l'Empereur veut auoir la charge que tout se face par bon ordre & iuridiquement. Le Pape veut presider, & l'Empereur entend que les decisions se facent selon l'Escripture, & les Peres. Le Pape veut que le Concile soit continué en la mesme forme & estat qu'au parauant : & l'Empereur à l'opposite, que chacun y puisse proposer selon sa conscience. En somme la Cour de Rome ne pouuoit digerer cet affront : & se douloit, que c'estoit là vne autre conuocation du Concile. Et le Pape par sa plaïsanterie accoustumée disoit, L'Empereur m'a bien rendu le change de la publication de la Bulle, faite sans lui.

L'année mil cinq cens cinquante vn courant, le Pape, qui auoit appliqué son esprit & pensée au Concile intimé, eut deux principales visées : l'une, d'y enuoyer personnes affidées pour y presider : & l'autre, d'y faire le moins de frais que faire se pourroit. Le but de fuir la despense conseilloit bien de n'enuoyer qu'un seul Legat : mais d'autre costé, cela sembloit estre de trop de charge à la personne d'icelui : premierement, pour n'auoir aupres de soi autre personne, avec les mesmes interets, de laquelle il pust prendre pleine créance, & confiance : en apres, pour deuoir estre estimé autheur unique de tout ce qui se feroit. Pour tous les esgards estoit necessaire de partager la charge entre plusieurs personnes. Le Pape trouua vne voye du milieu, enuoyant vn Legat, & deux Nonces, avec egale autorité : cuidant bien aussi que par ce moyen il en seroit mieux serui : d'autant que les esperances esguillonent à traualier avec plus de dilligence. Par ainsi, ayant ietté les yeux sur tous les Cardinaux vn à vn, il n'en trouua aucun plus suffisant, ni affidé, que Marceau Crescence, Cardinal de S. Marceau : & à icelui il adioignit, pour Nonces, Sebastien Pighin, Archeuesque de Siponte, & Louis Lipomani, Euesque de Verone : au choix desquels il eut esgard à vne estroite confidence, que le premier auoit eüe avec lui auant son Pontificat : & à la renommée de pieté, prud'homme, & grande sincerité du second. Et, apres auoir tenu des conseils fort secrets avec tous trois, & leur auoir ouuert le fonds de son cœur, & les auoir pleinement instruits & informés, il leur donna vne ample commission & mandement d'assister en son nom au Concile : dont le contenu estoit.

Que c'est chose du deuoir du Pere de famille, d'employer tout soin & diligence à faire faire, par autres idoines & capables, ce qu'il ne peut commodément faire de soi-mesme. Et pourtant, qu'ayant remis en la ville de Trente le Concile general, intimé par ci deuant par le Pape Paul, auquel il esperoit que les Rois, & Princes, presteroient leur faueur & assistance, il y auoit conuié & appellé les Prelats, qui peuuent & doiuent y entreuenir pour le premier iour de Mai, pour reprendre, & remettre sus le Concile, en l'estat auquel il se trouuoit au parauant : mais, que pour son grand aage, & pour autres empeschemens ne s'y pouuant trouuer present en personne, selon que bien il eust desiré, & ne voulant pas toutesfois que son absence y portast aucun destourbier, il y auoit deputé, & deutoit le Cardinal Marceau, personnage zelé, prudent, & de grand sauoir & vsage es affaires, pour Legat : & les Archeuesque de Siponte, & Euesque de Verone, personnages pareillement excellens en pieté, sauoir & experience, pour Nonces : avec special mandement muni de toutes les clauses requises. Lesquels il enuoyoit, comme Ange de paix, leur donnant plein pouuoir & autorité, de reprendre, continuer, diriger & poursuiure ledit Concile : & faire & regler toutes les autres choses necessaires & conuenables selon la teneur des lettres de conuocation, tant de lui, que de son predecesseur.

L'Empereur semblablement, lequel l'affaire du Concile pressoit bien d'auantage, le croyant l'unique moyen de se rendre maistre absolu de l'Allemagne, enuoya à tous les Estats Protestans de l'Empire le saufconduit en

1551.

iugemens
sur cet Ar-
rest de la
Diète.choix des
Presidens
du Concile
par le Papela forme de
leur man-
dement.

1551.

forme tresample, tant pour eux, que pour leurs Ambassadeurs & les Theologiens, qu'ils y enuoyeroient.

naissance

de brouil.

leries entre

le Pape,

l'Empereur

et le Roy

de France,

pour les af-

faires de

Parme,

Mais pendant qu'à Rome, & à Augsbourg, on iette les fondemens, pour y bastir dessus le Concile de Trente, on ourdissoit ailleurs autres toiles, lesquelles tissues du depuis, firent grande ombre à la dignité & autorité de ce Concile: & furent fabriquées des machines qui l'escroulerent, & en fin la bouluerserent. Le Pape, incontinent apres son assomption, pour observer sa promesse faite en Conclau, restitua Parme à Octaue Farnese, laquelle le Pape Paul auoit retirée sous sa main au nom de l'Eglise, & mesmes lui assigna deux mil escus par mois, pour la garder. Octaue, redoutant l'inimitié de Ferrand Gonzague, Gouverneur de Milan, & d'ailleurs ayant plusieurs indices & coniectures, que l'Empereur projettoit de s'emparer de Parme, comme il auoit ia fait de Plaisance, & craignant de ne la pouuoir garder & defendre de ses propres forces, attendu que le Pape lui auoit osté la pension des deux mil escus, traita avec le Pape, par le moyen du Cardinal son frere, qu'il lui aidast, ou bien lui permist de se pouruoir de la protection de quelque autre Prince, suffisant à le maintenir contre l'Empereur. Le Pape, sans autre consideration, lui respondit: Qu'il fist ses affaires le mieux qu'il pourroit. Dont Octaue par l'entremise d'Horace son frere, qui auoit espousé la fille bastarde du Roy de France, se mit sous la protection d'icelui, & reçut garnison Fraçoise en la ville, ce qui desplut grandement à l'Empereur son beau pere, lequel persuada au Pape, que cela estoit contre la dignité de lui mesmes, qui estoit Prince souuerain & de cete ville, & de ce Prince-là. A raison de quoi le Pape publia vn rigoureux edit contre le Duc Octaue, le citant à Rome, & à faute de comparoir, le declarant rebelle & implorant aide & secours de l'Empereur contre lui. L'Empereur se declara d'approuuer la cause du Pape, & de la vouloir defendre par armes: ce qui donna suiet à guerre ouuerte entre l'Empereur & le Roi de France, & donna occasion & entrée à de grands mescontentemens & mesintelligences entre le mesme Roi, & le Pape. En Saxe aussi, sur la riuere d'Albis, fut acheu miné vn pourparler entre les Electeurs de Saxe & de Brandebourg, d'vne ligue contre l'Empereur, pour l'empescher de subiuguer totalement l'Allemagne, comme il sera dit en son lieu. Nonobstant ces semences de guerre & autres, qui au commencement d'Auril se voyoyent ia bourjonner en Italie, le Pape voulut que le Legat, & les Nonces allassent à Trente, & leur bailla charge que le premier de Mai, iour assigné, ils ouurissent le Concile, avec le nombre de Prelats, qui y seroit, voire mesmes sans nombre aucun: à l'imitation des Nonces de Martin cinquieme, qui ouurirent le Concile de Paue tous seuls, sans interuention d'aucun Prelat.

et de nou-

uelle ligue

en Allema-

gne contre

l'Empereur

HISTOI-





HISTOIRE DV CONCILE DE TRENTÉ,

LIVRE QUATRIEME.

SOMMAIRE.

Le Concile estant derechef reduit à Trente, on y tient la premiere Session, qui n'a autre sujet, que l'ouverture d'iceluy. Le Pape y conuie les Suisses; lesquels en sont dissuadés par le Roy de France, qui auoit pris querelle avec le Pape, pour la protection de Parme, que le Roy auoit embrassée. L'Empereur depute trois Ambassadeurs au Concile, auquel on celebre la seconde Session, pour le dilayer. Enicelle se presente Amiot, pour le Roy de France, avec protestation contre le Pape, suivie d'un Manifeste du mesme Roy, & d'un Edit de ne porter aucuns deniers hors de ses estats à Rome. A Trente, nonobstant toutes les instances des Imperiaux, pour temporiser en faueur des Protestans, on entre au Traité de l'Eucharistie. Et, pour matiere de Reformation en celle de la Iurisdiction Episcopale: de l'origine, & des abus de laquelle est fait un ample discours. Mais à Trente on y applique des remedes legers, comme semblablement au fait des Appelations au Pape, & des Degradations. Apres que la troisieme Session eut esté celebree sur ces matieres, les Ambassadeurs de Brandebourg se presentent au Concile, & y sont receus, avec des affectés auantages: & y a longues disputes sur le Sausconduit à donner aux Protestans. On entre en suite en l'examen de la Penitence, & de l'Extrême Onction. Et pour Article de Reformation, à certains chefs concernans la Iurisdiction Episcopale. Et en mesme temps arriuent les Ambassadeurs de Vvirtemberg, la reception desquels est fort debatue: & l'Empereur vient à Inspruch. On celebre la quatrieme Session sur les points susdits. Et de là on entre au Traité de la Messe, & du Calice. Et les Ambassadeurs de Strasbourg, & d'autres villes Protestantes, arriuent à Trente: & apres les autres, aussi ceux de l'Electeur Maurice de Saxe, auxquels on donne quelque contentement, sur tout au fait du Sausconduit. Et puis on traite du Sacrement de l'Ordre. Et de tous ces chefs on tient la cinquieme Session. Cependant il naist plusieurs desfiances, & débats, entre l'Empereur, & le

Pape, pour diuerses raisons, & particulièrement pour le meurtre du Cardinal Martinuse, duquel pourtant la cause fut bien tost apres toute supprimée. Quelques Theologiens Protestans arriuent à Trente, comme aussi l'Ambassadeur de Portugal. Maurice de Saxe leue tout à despourueu les armes contre l'Empereur, dont le Concile est rompu, & la suspension est publiée en la dernière Session. Et l'Empereur est forcé par ledit Maurice de faire en Allemagne la paix de la Religion, par laquelle l'Interim est aboli, la liberté de la Religion est reestablie, & Iean Friderich de Saxe, & le Landgraue de Hessen, sont eslargis de leur prison.

1551.
premiere
Session de
la seconde
conuocation
de Trente,



Es Legats, & les Nonces, estans arriues à Trente, où aussi se trouuerent quelques Prelats, dont les vns les auoyent suiuis de Rome, les autres, sollicités & pressés par le Pape, estoient venus peu de temps apres, se rendirent au iour susdit en l'Eglise Cathedrale, au clos & parquet accoustume, lequel demouroit encor en son entier: & là, avec les ceremonies vsitees, fut chantee la Messe par l'Archeuesque de Torre, & la Bulle de conuocation lue par le Secretaire, ensemble le mandement du Pape aux Presidens. L'Archeuesque officiant lut le Decret, en forme interrogatiue, Peres, vous plaist-il, que, suiuant la teneur des lettres du Pape, le Concile de Trente soit repris, & poursuui? A quoy tous ayant donné leur voix & suffrage, par le mot, *Place*: il leur demanda derechef, Vous plaist-il que la suiuiante Session se tiene le premier de Septembre prochain; A quoy tous aussi semblablement consentirent. Et là dessus le Cardinal, premier President, conclut, du consentement & au nom de tout le Concile, Que donc le Concile est commencé & sera poursuui. Autre chose ne fut faite en ce iour-là, ni es suiuians. Et quoy, que les Prelats s'assemblassent souuent en la maison du Legat, les Congregations n'auoyent pourtant aucune forme, n'y ayât aucuns Theologiens. On y lisoit seulement les choses disputees à Bologne, pour digerer la deliberation de ce qu'on auroit à traiter, & sur tout en matiere de reformation, qui estoit intimée la partie la plus importante.

le Pape en-
uoya en Suis-
se, & les
conuie au
Concile,

A la fin du mois, le Pape enuoya en Suisse Ierome Franc, qui autres fois auoit esté Nonce du Pape Paul troisieme à icelle nation: & ce principalement, pour empescher que le Roy de France n'eust d'eux des gens de guerre: & pour obtenir leuee de Soldats pour les affaires de Parme. Et à cete occasion il leur escriuit en date du vintseptieme May, Que, comme il auoit pris le nom du Pape Iules deuxieme, qui leur auoit esté tant affectionné, aussi vouloit-il suiure l'exemple d'iceluy à les aymer, & à se seruir de leur aide & secours: à quoy il auoit donné commencement, prenant de leur nation vne garde pour sa propre personne, & vne autre pour la ville de Bologne. Et qu'à present, que le Concile estoit intimé, & cōmença à Trente, il les prioit de faire en sorte, que leurs prelates s'y trouuassent pour le premier de Septembre, iour assigné pour la seconde Session.

le Roy trai-
te avec le
Pape pour
le fait de
Parme,

Le Roy de France s'efforça de persuader au Pape, par de Termes son Ambassadeur, Qu'il auoit pris la defense & protection de Parme pour tresbonnes raisons: & le prioit de s'en contenter: qu'autrement, s'il preferoit la guerre à la paix, non seulement l'Italie y auroit grand dommage & interest, mais aussi le Concile en seroit empesché en sa poursuite, ou bien mesmes dissout. Et, quand mesmes rien de cela n'arriuerait, toutesfois n'y pouuant aller aucun Euesque François, il ne seroit pas raisonnable de l'appeler Concile general. Le Pape offroit de faire pour le Roy toutes choses, sauf celle là, qu'il desiroit de luy. Dont l'Ambassadeur eut diuers propos avec luy, & luy remonstra que le Roy ne pouuoit plus se retirer: & que quand il ne plairoit à Sa Sainteté de demeurer neutral, ains voudroit estre

ministre des volontés de l'Empereur, par lequel le Roy son maistre estoit bien asseuré qu'il se laissoit gouverner, Sa Maïesté seroit contrainte d'vser des voyes de droit & de fait, dont ses ancestres s'estoyent seruis contre les Papes, qui s'estoyent rendus partiaux. Là dessus le Pape entra en cholere, ou certe feignit d'y estre entré, & respondit, Que si le Roy luy ostoit Parme, il luy osteroit la France: & s'il luy ostoit l'obeïssance de la France, il luy osteroit le commerce de toute la Chrestienté: que s'il pretendoit d'y employer force, & armes, il feroit de son costé le pis qu'il pourroit: si edits, defences, & autres choses semblables, il vouloit bien qu'il fust, que sa plume, son encre, & son papier ne luy cederoyent en rien. Mais, quoy que le Pape parlait si haut, il ne laissoit pas d'auoir part de la peur: Dont, pour inciter l'Empereur, il luy fit, par l'Euesque d'Imole, lequel il luy auoit enuoyé pour Nonce en lieu de l'Archeuesque de Siponte, représenter tous les propos qu'il auoit eus avec l'Ambassadeur de France, & qu'à Rome on viuoit en apprehension d'un autre sac, à cause des bruits des Turcs & des François, & qu'on auoit aussi doute de quelques Conciles Nationaux. Et pourtant, qu'il estoit necessaire de faire de bons preparatifs d'armes, pour préuenir les entreprises & se pouuoir defendre en cas d'vrgent besoin.

Le Roy, voyant qu'il n'estoit possible de flechir le Pape, despescha vne patente à tous les Euesques de son Royaume, tant à ceux qui estoient en France qu'ailleurs, que dans six mois ils eussent à se rendre à leurs Eglises, & là se preparer pour vn Concile National. Cete patente fut aussi presentee à ceux qui estoient à Rome, sans que le Pape osast les empescher d'obeïr à la volonté du Roy, doutant de leur faire tort, & de lezer encor d'auantage sa reputation. Mais il prit pour expedient d'enuoyer en France Ascanes de la Corne, son neveu, avec instruction de faire tout deuoir pour desmouuoir le Roy de la protection de Parme: & de luy faire comprendre, qu'Octaue Farnese, estant son Vassal & feudataire, il ne pouuoit en aucune façon supporter d'estre mesprisé de luy: ce qui luy tourneroit à vne eternelle infamie, & donneroit exemple à d'autres de ne le reconoistre pour Pape. Que pour luy, il estoit grandement enclin à la France, & à Sa Maïesté, & tres-esloigné de fauoriser ses aduersaires, comme cela estoit notoire à tout le monde. Que toutesfois le susdit esgard estoit si puissant, qu'en cas que Sa Maïesté n'y mist ordre, il seroit suffisant de le faire ietter à corps perdu entre les bras de ceux que moins il desireroit. L'instruction portoit aussi, Que si le Roy ne se laissoit induire à cela, qu'il le priaist de considerer, combien d'inconueniens tireroit apres soy vn Concile National, & comment ce seroit vn commencement de donner vne licence à ses suiets, telle qu'il s'en repentiroit le premier: & des à present causeroit ce mauuais effet, d'empescher le Concile, & que ce seroit la plus grande offense qu'on püst faire à Dieu, & le plus grand dommage, qu'on püst apporter à la foy, & à l'Eglise. Qu'il le requist d'enuoyer vn Ambassadeur à Trente, l'assurant que des Presidens, & de tous les Prelats affectionnés à Sa Sainteté, il receuroit tout honneur & reuerence. Que s'il n'y condescendoit; ains persistoit à vouloir que l'Edit demeurast ferme, il luy proposast ce temperament pour oster tout scandale, de faire au moins vne declaration, Que par cet Edit il n'auoit nullement entendu empescher le Concile general.

Le Roy, ayant ouï cete Ambassade, monstra aussi de son costé, que son honneur l'obligeoit à persister en la protection du Duc Octaue, & à maintenir son Edit: ce que toutesfois il fit en termes, qui marquoyent du desplaisir de ces mescontentemens, & du desir d'y remedier. Et pour correspondre au Pape, il luy enuoya le Sieur de Monluc, élu Archeuesque de Bordeaux, non sans esperance de pouuoir adoucir l'esprit du Pape. Mais pour toutes instances que le Roy fust faire, il demeura ferme en sa dureté, & réuoya le mesme Monluc, avec cōmission de se plaindre au Roy, de ce que iusques à Rome il auoit enuoyé son Edit touchât le Concile National, & ses patêtes à des Prelats suiets du Pape mesme au tēporel, designant l'Euesque

1551.

*Jugement
commun en
faueur du
Roy,*

*Et descou-
verture de
malins des-
seins du Pa-
pe,*

*Les allemans
Protestans
se preparer
d'aller au
Concile,*

*requierent
sauf conduit
du Concile
mesmes:*

d'Auignon: ce que tout le monde interpretoit n'estre fait à autre fin, que pour empescher le Concile general. Et pour conclusion, prioit le Roy, que puis qu'ils estoient resolués tous deux, luy de corriger le Duc Octaue, & le Roy de le proteger, leurs differens ne passassent point plus outre que Parme, comme du coste de Sa Maiesté ils estoient ià passés, rappelant les Cardinaux & les Prelats de Rome, lesquels luy Pape n'auoit voulu empescher de partir, esperant qu'apres que Sa Maiesté auroit euaporé les premiers bouillons de sa cholere, Dieu l'illumineroit à changer de procedure. Tous ces deuoirs reciproques, & le respect du Concile, ne purent effectuer enuers aucun de ces Princes, qu'ils rabatissent rien de leur roideur. Generalement tous iugeoyent en faueur du Roy: d'autant que l'Empereur ayant faisi Plaisance, de luy laisser aussi Parme, estoit le rendre arbitre & maistre del'Italie: & sembloit chose indigne, que la posterité de Paul, qui auoit tant ahanné pour la liberté del'Italie, fust abandonnée de tous. Que si le Pape ne se douloit point que Plaisance fust saisie, & ne faisoit aucune instance pour la faire restituer, quel grief luy estoit ce, que le Duc Octaue s'assurast de Parme; Cete raison estoit de si grand poids enuers quelques vns, qu'ils tenoyent pour certain, que le Pape Iules l'entendoit bien ainsi, mais qu'il desiroit la guerre entre l'Empereur & le Roy, pour faire naistre quelque empeschement au Concile, qui ne procedast point de luy, & püst estre imputé à autres. Du moins, c'est chose asseurée, que les instances du Pape enuers l'Empereur estoient bien plus frequentes & plus puissantes, pour luy faire prendre les armes contre Parme, ou la Mirandole, que les offices qu'il faisoit avec le Roy, pour appointer l'affaire. Le Roy, apres auoir en vain essayé tous moyens pour appaiser le courage du Pape, vint en fin à l'extreme, qui fut de protester par de Termes son Ambassadeur, & principalement contre le Concile, qui s'assembloit esperant que cete consideration feroit desmouuoir le Pape de sa resolution. Or, d'autant que cete protestation fut reiteree au Concile, nous en rapporterons le contenu, lorsque nous reciterons ce qui en fut fait au Concile.

Mais en Allemagne on parloit plus que iamais du Concile. Car Maurice, Duc de Saxe, voyant la resolution de l'Empereur, pour luy donner tant plus asseure indice de vouloir obtemperer à sa volonté d'enuoyer à Trente, commanda à Philippe Melanchton, & aucuns autres siens Theologiens, de ramasser les Articles de doctrine, qui deuoyent estre proposés au Concile, & d'assembler à Leipfig tous les Docteurs, & les Ministres de son Estat, pour les examiner. Semblablement Christofle, Duc de Vvirtemberg, succedé dès n'agueres à son pere, fit dresser vn autre Escrit à ses Theologiens, lequel en substance estoit vne mesme chose que l'autre: & les vns approuuerent l'Escrit des autres, ayans choisi cete voye de ne proceder coniointement, pour oster tout soupçon & ombrage à l'Empereur. Puis le Duc Maurice escriuit à l'Empereur, luy donnant aduis de cet Escrit qu'il auoit préparé, & comment il estoit tout prest avec ses Theologiens: mais que son saufconduit à son iugement n'estoit point suffisant: d'autant qu'au Concile de Constance auoit esté arresté, que, nonobstant le saufconduit de l'Empereur, on ne laisseroit de proceder contre ceux qui estoient allés au Concile: & de fait cet Arrest fut executé en la personne de Iean Hus, qui y estoit allé sous la foy publique del'Empereur Sigismond. Partant, qu'il ne pouuoit enuoyer aucun des siens à Trente, s'il n'auoit saufconduit du Concile mesme: comme il auoit esté pratiqué au Concile de Basle, auquel les Bohemiens, deuenus sages par l'exemple de Constance, ne voulurent se transporter que sous la foy publique de tout le Concile. Que donques il prioit l'Empereur de moyener, que les Ecclesiastiques de Trente leur baillassent vn saufconduit, en la mesme forme qu'il auoit esté baillié aux Bohemiens à Basle: attendu que la condition des siens estoit à present la mesme, que celle des Bohemiens alors. L'Empereur promit de le faire, & donna charge à ses Ambassadeurs de le procurer, lesquels en ce mesme ten ps il despescha au Concile.

Cete Ambassade estoit de trois personages, tant pour honorer le Concile, que pour y auoir nombre de Ministres, qui fissent œuvre. Et ce nombre estoit coloré disant, Que l'un estoit pour l'Empire, l'autre pour l'Espagne & le troisieme pour ses autres Estats: & toutesfois chacun par indiuis pour tous. Leur commission fut signee sous la date du sixieme de Iuillet, & portoit, Que le Pape Iules, pour appaiser les differends de la Religion en Allemagne ayant de rechef conuoque à Trente pour le premier de May passé, le Concile, pieça intimé, commencé, & puis intermis par le Pape Paul, luy Empereur, empesché, pour cause d'indisposition, de s'y trouuer en personne, n'auoit pourtant voulu defaillir à son deuoir, ains y enuoyer ses Procureurs, & representans. Pour ces causes, estant bien asseuré de la loyauté, prudence, experience & zele de Hugues, Conte de Montfort, de Don François Toledé, Prieur du Monastere de Roncevaux, & de Guillaume de Poitiers, Archidiacre de Champagne, il les constituoit & creoit ses Ambassadeurs & Mandataires, à l'esgard de l'Empire, & des Royaumes, & Estats qui luy sont hereditaires: leur donnant & à chacun d'eux, pouuoir de comparoître au Concile, tenir sa place, consulter, traiter, conseiller donner voix & suffrage, & interposer decret en son nom: & en somme, de faire toute autre chose, que luy mesmes pourroit faire s'il y estoit present. Les mettant en son propre lieu & place, & promettant d'auoir pour agreable & ferme ce qui auroit esté fait & geré par tous trois, ou par deux, ou mesmes par un d'entr'eux.

I S S I
Iv. Ambassadeurs
de l'Empereur au Concile, & leur
mandement

Le Pape, combien qu'il eust pris fort à cœur l'ouuerture du Concile, neantmoins, dès qu'il fut commencé, ne se donna pas beaucoup de soucy d'y faire aller les Prelats: soit qu'il fut tout porté & bandé à la guerre allumée à la Mirandole: soit aussi qu'autrement il ne s'en souciait pas beaucoup. Tout le grand deuoir fut fait par l'Empereur, qui y poussa premierement les Electeurs de Mayence, & de Treues, & puis aussi celui de Cologne, ensemble cinq autres Euesques principaux, & les Procureurs de plusieurs qui estoient empeschés d'y aller en personne. Il fit aussi venir d'Espagne quelque nombre de Prelats, outre ceux qui s'estoient iusques alors entretenus à Trente, & par l'Italie: & de ceux de ses Estats d'Italie: hors lesquels il en vint peu d'autres: de sorte, qu'en tout l'espace de huit mois, que dura le Concile, ils ne passerent iamais le nombre de soixante quatre, y compris les Presidens & les Princes.

diligence
du mesme
pendant la
lascheté du
Pape.

Le premier Septembre, iour assigné à la Session, venu, on alla à l'Eglise avec la ceremonie accoustumée. L'ordre du pas fut tel: premierement marchoit le Cardinal Legat, apres le Cardinal Madruce, puis suiuoyent les deux Nonces, & apres eux les deux Electeurs, d'autant que celui de Cologne n'estoit point arriué: puis les deux Ambassadeurs Imperiaux, l'Archidiacre de Champagne n'estant pas encor venu: puis suiuoit l'Ambassadeur du Roy des Romains, & apres en ordre venoyent les Archeuesques. Apres la Messe dite par l'Archeuesque de Torre, & les ceremonies Ecclesiastiques finies, le Secretaire du Concile lut vne exhortation au nom des Presidens aux Peres du Concile, en ce sens, Que de la presence des deux Princes Electeurs ils prenoient grande esperance que plusieurs Euesques de la mesme nation Allemande, & d'autre aussi viendroyent au Concile: & que ce pendant, pour le rang qu'ils tenoyent, il leur sembloit necessaire de faire vn petit aduertissement à eux mesmes, & aux autres: quoy qu'ils les vissent tous portés à faire deuoir de bons Pasteurs: attendu que ce, dont il s'agissoit, estoit de tres-grand poids, assauoir, d'extirper les heresies, reformer la discipline Ecclesiastique, la deprauiation de laquelle auoit causé les heresies, & finalement d'appaiser les discordes des Princes. Qu'il falloit prendre le commencement de l'exhortation de la conoissance de son insuffisance, & du recours & refuge à l'aide & secours de Dieu, qui ne leur defaudoit point, selon qu'on voyoit desia plusieurs signes, & sur tout en la venue de ces deux Princes. Quel l'autorité des Conciles Generaux auoit en tout temps esté

Session des
sieme.

en laquelle
est lue vne
longue exhortation.

1551.

tres-grande: d'autant qu'en iceux preside le S. Esprit: dont leurs Decrets ne sont point estimés humains, mais diuins. Que les Apostres, & les Saints Peres apres eux, en auoyent laissé de beaux exemples: attendu que par les Conciles tous les heretiques auoyent este condamnés, & la vie & les mœurs du Clergé, & du peuple, reformés: & l'Eglise, trauaillee de dissensions, remise en repos & tranquillité. Et partant, qu'estans encor à present assemblés pour les mesmes fins, il falloit s'esueiller tous pour recouurer les brebis esgarees hors de la bergerie de Christ, & garder celles qui n'estoyent pas encor desuoyees. En quoy il ne s'agissoit pas seulement du salut d'icelles, mais aussi de celuy de chacun d'eux qui estoyent tenus en rendre conte à Dieu: duquel, en faisant le deuoir de leur charge, ils deuoyent attendre retribution & loyer, outre la louange, quacquerait le Concile enuers toute la posterité: quoy que de vray ce soit là le moindre esgard qu'il faille auoir: ains viser seulement à l'asquit de sa conscience, & au deuoir de charité enuers l'Eglise, laquelle affligée, desmembree, & priuée de tant de chers enfans, leuoit les mains à Dieu, & à eux pour les recouurer. Et pourtant, qu'il leur pluist traiter les choses Synodales en toute douceur, & bienfiance conuenable à vne si notable Assemblée, sans contention, ains en parfaite charité, & vnanimité, se resouuenant tousiours d'auoir Dieu pour spectateur, & Iuge.

Et puis le
Decret qui
ne contient
que dilatio
de la matie
re de la
suivante
Session.

Procurator
de l'Empe
reur lue, la
harangue
de ses Am
bassadeurs
ouïs.

cōm aussi
celle du Roi
Ferdinand

Iacques A
miot se pre
sente au nō
du Roy de
France.

L'exortation finie, le Decret fut lu par l'Euesque officiant: & la substance en estoit telle, Le Saint Concile, en la Session precedente ayant arresté de passer outre en celle de ce iourd'huy, ce qu'il a differé de faire iusques à present, à cause de l'absence de la nation Allemagne, & du petit nombre des Peres: maintenant qu'il voit deux Princes Electeurs arriués, avec esperance que plusieurs autres de la mesme nation, & des autres, à leur exemple, haisteront leur venue, differe & remet la Session de quarente iours, assauoir, iusques à l'onzieme Octobre, & en poursuuiuant le Concile, en l'estat auquel il se trouue, ordonne, que, puis qu'on a desia traité des Sacremens en general, & du Baptisme, & de la Confirmation, en particulier, on entre au traité de l'Eucharistie. Et, pour ce qui concerne la Reformation es choses qui peuent faciliter la Residence. Apres cela le Secretaire lut la procuration de l'Empereur, & le Conte de Montfort haranga, exposant: Que l'Empereur, apres auoir obtenu le retablissement du Concile en la ville de Trente, auoit incessamment sollicité les Prelats de ses Estats de s'y transporter: comme la presence des Electeurs, & le grand nombre des Peres, en fait foy. Mais que pour plus grand tesmoignage de son affection, il auoit enuoyé D. François de Toledé, pour ses Royaumes d'Espagne, & vn autre pour ses autres Estats patrimoniaux, & pour l'Allemagne luy qui parle, quoy qu'indigne, pour Orateurs & Deputés, prians d'estre receus & admis pour tels. Iean Baptiste Castel, Promoteur respondit au nom du Concile, Que le Concile auoit receu vn singulier contentement du mandement de l'Empereur: conceuant tant d'iceluy, que de la qualité de ses Procureurs, combien il se pouuoit promettre de luy: & que pourtant il esperoit aide & assistance d'eux, & admettoit, autant que de droit il pouuoit, le mandement Imperial. Apres fut lue la procuration du Roy des Romains en la personne de Paul Gregoriani, Euesque de Zagabria en Esclauonie; & de Friderich Naufée, Euesque de Vienne, lequel aussi haranga, & luy fut respondu de mesme style qu'aux deputés de l'Empereur.

Apres cela, se presenta Iacques Amiot, Abbé de Bellosane, au nom du Roy de France, avec lettres du Roy, lesquelles il presenta au Legat, requerant qu'elles fussent luës, & que sa creance fust ouïe. Le Legat, les ayât receues, les bailla à lire au Secretaire. L'inscription estoit, *Sanctissimis in Christo Patribus conuentus Tridentini*. Laquelle estant luë, l'Euesque d'Orense en Espagne, & apres luy les autres Espagnols, dirent à haute voix, Que ces lettres là n'estoyent point adresseees à eux, qui estoyent Concile general, & legitime, & non vne telle quelle assemblée: & pourtant requeroient qu'elles ne fussent point luës, ny ouuerte en la Session publique: mais que si le porteur

vouloit dire quelque chose, il allast la dire en maison priuee. Il y eut beaucoup à dire sur la signification du mot *Conuentus*, les Espagnols persilans que c'estoit vn mot outrageux: tant qu'en fin l'Archeuesque de Mayence fut contraint de leur dire, Que, s'ils ne vouloyent recevoir vne lettre du Roy de France, qui les appelloit *Sanctissimum conuentum* comment presteroient-ils audience aux Protestans, qui les appeloient *conuentum Malignantium*: Mais les Prelats, sur tout les Espagnols, continuans tousiours de plus fort à se mutiner, le Legat se retira, ensemble les Nonces, & les Ambassadeurs de l'Empereur, dedans le Reuestiaire: & apres auoir longuement disputé sur ce titre, estans finalement retournés en leurs places, ils firent dire par le Promoteur, Que le Saint Concile resoluoit que les lettres fussent lues sans preiudice. Estimant que le mot *Conuentus* n'auoit point esté entendu en mauuais sens: qu'autrement il protestoit de nullité. Ainsi donc fut ouuerte & lue la lettre du Roy, datee du treizieme Aoust, laquelle portoit en substance, Qu'il auoit iugé conuenable au respect, porté par ses ancestres à l'Eglise, de leur signifier les causes, pour lesquelles il n'auoit enuoyé aucun Euesque à l'Assemblée conuquee par le Pape Iules, sous le nom de Concile public: estant tout asseuré qu'eux Peres estoient fort esloignés de condamner le fait d'aucun, auant que l'auoir ouï: & se confiant, qu'apres qu'ils auroient entendu les choses faites par luy, ils les approuueroient, & loueroient. Qu'il auoit esté contraint, pour son honneur, de persister en la deliberation de protéger le Duc de Parme, dont toutesfois il ne refuseroit de se departir, si la iustice & l'equité le pouuoit permettre. Qu'il leur escriuoit, comme à arbitres honoraires, les priant de recevoir ses lettres, non comme d'aduersaire, ou de personne mesconüe, mais comme de fils premier né de l'Eglise; dont il auoit herité le titre de ses ancestres; lesquels il promettoit vouloir tousiours imiter & ensuiure: & quoy qu'il fust contraint de repousser les iniures qu'on luy faisoit, il ne quitteroit iamais la charité de l'Eglise, ains tousiours receuroit ce que par elle seroit establi & ordonné, pourueu seulement que fust garde la due procedure à faire les Decrets. Apres que ces lettres eurent esté recitees, l'Abbé lut vne protestation, qui contenoit le narré de la protestation faite par de Termes à Rome, & portoit, Comment le Roy, apres auoir pris la protection de Parme, voyant que les choses louables, faites par luy, estoient blasmees, auoit employé tout soin & diligence à ce que Paul de Termes, son Ambassadeur, rendist raison de tout le fait au Pape, & au College des Cardinaux, pour leur ôter toute sinistre opinion, & leur faire voir que l'entreprise de la protection du Duc auoit esté vn effet d'vn courage pieux, humain & royal, auquel n'y auoit eu aucun artifice, ni concurrence de propre intérêt, mais le seul respect de l'Eglise. Ce qui apparoissoit par les propositions de l'accord, qui ne visoyent à autre fin, qu'à faire que cete ville-là ne fust emblee à l'Eglise, & que l'Italie fust maintenüe en paix & liberté. Que si le Pape reputoit cela cause suffisante pour mettre toute l'Europe en guerre, & en troubles, il en estoit de vray bien desplaisant: mais, qu'il n'en pouuoit estre chargé, ayant non seulement accepté, mais mesmes offert toutes conditions honnestes & conuenables. Qu'aussi peu luy pouuoit estre imputee la rupture du Concile conuqué: attendu qu'il auoit prié Sa Sainteté de considerer les maux qui sourdroyent de la guerre, & de les preuenir par la paix. Mais que Sa Sainteté n'y auoit voulu entendre, ains auoit plustost aimé l'embrasement de l'Europe, & l'empeschement du Concile: imprimant mesmes quelque soupçon, qu'iceluy fust conuqué, non pour le bien general de l'Eglise, mais pour des interets particuliers; veu qu'il en excluait vn Roy Treschrestien: dont Sa Maiesté n'auoit pu faire de moins, que de protester à luy mesmes: ensemble au College des Cardinaux, qu'il ne pouuoit enuoyer ses Euesques à la ville de Trente, à laquelle l'accès n'estoit libre, ne seur: & qu'il ne pouuoit tenir pour Concile general de l'Eglise, ains priué & particulier, celuy, duquel il estoit exclus: & que ne luy, ne le peuple ne les Prelats de France, ne pouuoient estre obligés aux Decrets d'iceluy:

1551.

a receptio
publique
inquit estconcordie
par les Es-
pagnols.mais en fin
il est admis
oui,Or la lettre
du Roy lue,
par laquelle
le il se excuse
or accuse le
Pape.puis Amiot
tit la Prote-
station faite
par Termes
à Rome

1551.

Et mesme protestoit de vouloir passer aux remedes pratiqués par ses ancestres en semblables occurrences : non pour annuller le respect de la submission due au Saint Siege : ains seulement, pour la reserver à des temps plus propres, quand les armes, prises contre luy avec peu de raison, seroyent mises bas. Requerant à Sa Sainteté, que cete protestation fust enregistree, & copie luy en fust baillee pour s'enpouvoir servir au besoin. Et qu'il vouloit, que ces mesmes choses desia protestées à Rome, le fussent aussi à Trente, avec la mesme instance, & qu'elles fussent enregistrees es Actes de cete Assemblée, & qu'il en fust dressé vn instrument public, pour s'enpouvoir servir en temps & lieu.

respon-
se du
Concile:

Après que la protestation eut esté luë, le Promoteur, ayant premiere-ment parlé avec le President, respondit en substance, Que le Concile auoit pour fort agreable la modestie du Roy en sa lettre: qu'au demeurant il n'acceptoit l'Abbé, sinon entant qu'il estoit de raison: mais luy intimoit de se trouver au mesme lieu, l'onzieme Octobre, pour recevoir la response, que le Concile feroit aux lettres du Roy. Faisant cependant defense aux Notaires de faire aucun instrument de la presente action, sauf que coniointement avec le Secretaire du Concile. Ainsi, n'y ayant plus rien à faire, fut finie la Session. L'Abbé demanda acte de ce qui s'estoit passé, mais ne le pût obtenir.

iugement sur
cete prote-
station,

Quand à Rome de Termes fit sa protestation, quoy que cela vinst à la notice de peu de gens, on se persuada que le Pape differeroit le Concile, lequel estant celebré avec la repugnance d'une nation tant principale, ne pouvoit engendrer que nouvelles diuisions. Mais le Pape trompa en cela les opinions du monde, non par desir qu'il eust de tenir Concile, mais ne voulant point coucher du sien en la dissolution d'iceluy: en resolution, que s'il se separoit sans luy, de respondre à bouche ouuerte à quiconque le demanderoit de nouveau, Que, de sa part, il y auoit fait tout le possible, & qu'il n'en vouloit plus entendre parler. Mais la protestation, faite à Trente, en lieu si eminent, au veu de tous, fut incontinent publiee par tout, avec toutes ses particularités, & presta grand sujet de discours. Les Imperialistes l'estimoyent vne pure vanité, disant, Que tousiours l'acte du plus grand nombre de la generalité est reputé legitime, quand la moindre partie, estant appelée, n'a voulu ou pu entreuenir. Que tous ont esté appelés au Concile, & que les François aussi y eussent pû aller, sans passer par les terres du Pape. Au defect de quoy mesmes, leur absence ne derogeoit en rien au Concile, attendu qu'ils n'ont point esté negligés, ains conuiés. Au contraire, d'autres disoyent, Que ce n'estoit point conuiier, d'appeler de paroles, & exclure d'effets. Et quant aux terres du Pape, que de vray on pouvoit bien de France passer à Trente, sans passer par icelles, mais non point sans passer par celles de l'Empereur. Et que la plus grande partie pouvoit bien peut estre auoir l'entiere autorité, quand la moindre ne pouuant comparaistre, se taist: car en tel cas on presuppse qu'elle est consentante: ou bien quand elle ne veut comparaistre: car lors on la iugé contumace, mais, quand elle proteste, son lieu luy doit estre gardé, sur tout quand l'empeschement procede de celuy qui l'appelle: de sorte que l'action ne peut estre valable en son absence.

Les Conseillers du Parlement de Paris encherissoient encor par dessus, disant, Qu'il est bien vray, que l'autorité de toute la generalité est transferee à la plus grande partie, quand la cause n'est que commune de tous, & les particuliers, chacun pour soy, n'y ont point d'interest. Mais, que quand le total est bien de tous, en sorte toutesfois que chacun y a sa part, lors l'assentiment de chacun y est necessaire, & *prohibentis conditio parior*: & sans leur suffrage & adueu, les absens ne peuuent estre obligés. Que de cete nature sont les assemblees Ecclesiastiques: & que pour grand & nombreux que soit vn Concile, les Eglises qui n'y sont entreuenues, ne sont point obligées par iceluy, si ce n'est de leur bon gré, & franche volonté. Que tousiours

l'Antiquité

l'Antiquité auoit obserué, qu'apres que les Conciles estoient acheués, on en enuoyoit les Decrets aux Eglises, qui ne s'y estoient trouuees, pour estre confirmés: autrement ils n'auoyent en icelles aucune force & yigueur. Ce que chacun peut voir, en lisant S. Hilaire, Athanase, Theodoret, & Victorin: qui traitent particulièrement de ce point. Et aduenoit quelquesfois qu'en quelque Eglise vne partie des Canons estoit receuë, & l'autre laissée, selon que chaque Eglise iugeoit conuenable à ses necessités, coustumes & vsages. En conformité de quoy S. Gregoire tesmoigne que l'Eglise Romaine ne voulut recevoir les Canons du second Concile de Constantinople, ny ceux du premier d'Ephese.

Les hommes prudens, qui ne s'arrestoyent point à ces subtilités, disoyent, Que le Roy auoit fait vne playe incurable à ce Concile: d'autant qu'iceluy n'ayant autre fondement que la charité Chrestienne, & l'assistance du S. Esprit, on ne pourroit iamais croire, que le S. Esprit fust entreuenue en vne Assemblée, contre laquelle vn Roy Treschrestien, & persecuteur de toutes les sectes, suiui d'un Royaume nullement contaminé au fait de la Religion, eust protesté en cete façon. Et pour preuue allegoyent l'experience mesmes, en ce que les Presidens s'estoyent retirés à consulter avec les Ambassadeurs de l'Empereur: ce qu'ils disoyent demonstrier clairement qui estoit celuy qui conduisoit le Concile. De tant plus, qu'apres la consultation faite entre eux cinq tant seulement, sans la communiquer à autres, le Promoteur auoit dit, Le saint Concile reçoit & admet les lettres. Quel estoit donc ce Concile; Et semblablement, qu'apres la lecture de la proposition verbale d'iceluy Abbé, la response auoit esté baillée au mesme nom du Concile, sans estre deliberée par autres que par les Presidens. Et que la difficulté n'estoit point solüe, pour dire, que c'estoit chose de petite consequence: premierement, pource qu'il seroit malaisé de maintenir, que la matiere ne soit tresimportante, quand il s'agit de danger de diuision en l'Eglise: secondement, que quoy qu'il en soit, nul ne peut s'attribuer le pouuoir de déclarer les choses qui importent, & celles qui n'importent point, fors le superieur: que c'estoit là vne preuue de ce qui estoit porté par la Bulle du Pape, & par le Sermon des Legats, qui auoit esté lu. Qu'ils estoient là pour regir le Concile, & que de vray aussi ils le regissoient.

Ces mesmes propos furent derechef remis sur les rangs, à l'occasion de la nouuelle, que le Roy auoit congedié le Nonce du Pape, & publié vn Manifeste; qui fut en ce mesme temps imprimé & diuulgué par tout, auquel le Roy exposoit tout au long les causes, qui l'auoyent mu à prendre la protection de Parme: & donnoit au Pape toute la faute de la guerre entreprise, ce qu'il attribuoit à vn artifice de luy mesme, pour empescher la tenuë du Concile. Et pour conclusion, disoit, qu'il n'estoit pas raisonnable, que de son Royaume fussent fournis les deniers pour luy faire la guerre: comme ordinairement il en sortoit des sommes immenses, pour vacances, bulles, graces, dispenses, & expéditions. Et que pourtant, de l'aduis & conseil de ses Princes, il defendoit de despescher courriers à Rome & d'y faire tenir deniers par lettres de change, ou or & argent non monnoyé; pour matieres beneficieles, ou autres graces & dispenses, sous peine de confiscation, tant aux Ecclesiastiques, qu'aux Seculiers, & à ceux-cy en outre de punition corporelle. Appliquant le tiers de la confiscation aux delateurs, & denonçans, Ce Manifeste fut verifié en Parlement, à la requisition du Procureur general du Roy, qui remōstra, Que ce n'estoit point chose nouuelle, ains pratiquée par Charles sixieme, Louis onzieme, & Louis douzieme; & conforme au droit commun, d'empescher que deniers ne soyent transportés aux ennemis: & que ce seroit chose par trop inique de faire la guerre au Roy des propres deniers de son Royaume: & qu'il valoit beaucoup mieux, pour les suiets du Roy, conseruer leur argent, sans se soucier de dispenses, lesquelles ainsi qu'ainsi ne sont point suffisantes pour asseurer ny pacifier les cōsciences: & à vray dire, ne sont autre chose qu'une fausse feuille &

le Roy pu-
bliee en
France vn
Manifeste
contre le
Pape,

se defend
tout vnan-
sment d'ar-
gent à Ro-
me.

1551.

couleur aux yeux des hommes, par laquelle la verité ne peut estre cachée à ceux de Dieu.

A Rome, & à Trente, on ne pouuoit digerer, que le Roy fist des Protestations contre le Pape, & mesmes se disposast à luy faire guerre: & cependant dist, Qu'il gardoit tousiours la mesme reuerence enuers le S. Siege, attendu que le S. Siege n'est autre chose que le Pape. Mais les François respondoient à cela, Que l'ancieneté en auoit bien iugé autrement, & que mesmes Victor troisieme, qui toutesfois fut des plus aduantageux, & entreprenans, auoit dit, Que le S. Siege estoit son seigneur & maistre. Ce qui auant luy auoit aussi esté aduoué par Estienne quatrieme, & des paroles de Vitalian, & de Constantin, Papes encor plus anciens qu'eux, il appert clairement, que par le Siege Apostolic, est entenduë l'Eglise Romaine, & non le Pape, car autrement, si c'estoit vne mesme chose que le Pape, les fautes & manquemens d'iceluy seroyent aussi du Siege Apostolic.

*mais ce p^ro-
dant ne l'a
fa de p. f.
euer à un
trane les
Reformés;*

Le Roy de France, redourant que, par sa dissension avec le Pape, les desirs de changement de Religion ne fissent quelque remument, qui causast sedition, ou, qu'il ne fust mis en mauuaise conception enuers le peuple, comme ayant le courage aliené de la Religion Catholique: soit aussi qu'il se voulust laisser ouuerte vne poterne de reconciliation avec Rome; fit vn tres-rigoureux Edit contre les Lutheriens, confirmant de plus fort tous les autres publiés par luy mesmes auparauant, & y apposant plus grieues peines, & adioignant plus de façons de descouurir les coupables, & de recompenses aux delateurs.

*l'Empereur
s'ach-de l.
conc. e. v. r.
par egal
nombre de
Cardinaux.
en quoy le
Pape fait
de souppu-
les.*

L'Empereur d'ailleurs, considerant que le Roy de France luy estoit egal en pouuoir dans le College des Cardinaux, à cause du grand nombre des Cardinaux François, & autres despendans d'icelle Couronne: & que le parti des Farneses s'adioignant à eux, il le surpassoit de beaucoup, ores que luy Empereur eust le Pape de son costé: enuoya à Rome D. Iean Mauriquez, pour persuader le Pape de creer de nouveaux Cardinaux, afin de surmonter, ou certes d'egaler le nombre des François. Le Pape y enclinoit bien, mais voyoit la difficulté qui y pouuoit eschoir, en vn Papat nouveau, & espuisé, & en temps de troubles, auquel il est malaisé d'auoir le consentement de tous les Cardinaux: & d'ailleurs, que de les creer sans le consentement il estoit fort dangereux. Il estoit en doute, lequel valoit le mieux, d'en faire plusieurs tout à vne fois: & comme d'une volée, ou bien peu à peu. Il croyoit que plus aisement il obtiendrait le consentement des Cardinaux en cette seconde façon: & que cependant les confidens viuroient en esperance: en lieu qu'à vne numereuse promotion les Cardinaux s'opposeroient bien plus violemment, & les forclos seroyent desesperés. Aussi estoit-il en doute, s'il endeuoit creer aucun du nombre des Prelats du Concile. Il estoit bien porté à le faire, parce qu'il y en auoit bon nombre qui auoyent tres-bien merité, & qu'il falloit faire estat des trois Electeurs. & sur tout de celuy de Mayence, qui y aspirait. Mais d'austre costé il luy sembloit, que d'enuoyer des chapeaux rouges au Concile, estoit chose odieuse, & capable d'engendrer enuies & ialousies. Partant il se resolut en soy-mesme de n'attendre pas Noel, lors que tous s'auancent avec leurs pretensions, & brigues, & que les banques sont pleines de gageures: mais, de venir vn iour à despourueu à l'exécution: mais il ne trouua iamais temps & occasion propre de les creer, sinon à Noel.

*Cong. ga-
sion: l'union
Trente.*

Or, pour retourner à Trente, le deuxieme Septembre, iour d'apres la Session, fut tenue la Congregation generale, en laquelle furent deputés les peres, qui deuoyent dresser les Articles de l'Encharistie, pour les baille à examiner aux Theologiens, & pour ramasser les abus introduits en cete matiere. Apres on discourut de la Reformation, laquelle tendant à oster aux Euesques les causes de non resider en leurs Eglises, il en fut remarqué grand nombre, partie proposees ia au parauant à Trente, & à Bologne, partie aussi auancees lors de nouveau. En fin ils s'arrestèrent sur le point de la Iurisdiction.

disant, Que les Euesques s'en trouuoient tout à fait priués & spoliés; partie, par les euocations des causes, partie, par les appellations, partie aussi, par les exemptions: & que plus souuent & frequemment leurs propres suiets & iusticiables exerçoient iurisdiction sur & contr'eux, soit par speciales commissions de Rome, soit en vertu de lettres de Conseruation, ou de Delegation, que non pas eux sur leurs suiets. Et sur cete matiere aussi furent ellus des Peres, pour en former les Articles. Le Legat & les autres Presidés, ayans tousiours l'œil, selon leurs instructions, à euter les dāgereux escueils des debats entre les Theologiens; & leurs disputés inextricables, par lesquelles ils s'agissoient, & aussi les confusions à parler; publierent les Articles formés, pour cemmencer à entraiter le Mardy, huitieme Septembre, apres midy: & à iceux adioignirent vn reglement for limité & restreint, de la maniere & ordre à obseruer és Congregations, par lequel tous estoient bridés à parler sobrement.

Ces Articles furent en nombre de dix, extraits de la doctrine des Zuin- en laquelle
gliens, & des Lutheriens. Premièrement, Qu'en l'Eucharistie n'est point ont pro-
veritablement le corps & le sang, ne la deité de Christ: mais seulement posés les Ar-
figne, & figure. Secondement, Que Christ n'est point présenté ne baillé à ticls de
estre mangé sacramentellement, mais seulement spirituellement, & par foy. l'Euchari-
Tiercemēt, Qu'en l'Eucharistie il y a bien le sang & le corps de Christ, mais stie.
avec la substance du pain & du vin: tellement que ce n'est point Transubstā-
tiation, mais vne vnion hypostatique de l'humanité, & des substances du pain
& du vin: dont cete façon de parler est veritable, Ce pain est le corps de Christ
& ce vin est le sang de Christ. En quatrieme lieu, Que l'Eucharistie est or-
donnee pour la seule remission des pechēs. En cinquieme lieu, Que Christ
ne doit estre adoré en l'Eucharistie, ny icelle honoree de festes, ne portée
en processions, & à malades, & que tels adorateurs sont vrais idolatres. En
fixieme lieu, Qu'il ne faut rien reseruer de l'Eucharistie, ains qu'il faut
consommer ce qui en reste, ou le distribuer tout sur le champ: & que qui fait
autrement, abuse de ce Sacrement: & qu'il n'est loisible à aucun de se com-
munier soy mesme. En septieme lieu, Qu'és parcelles du pain de l'Eucha-
ristie, qui reste apres la Communion, ne demeure point le corps du Seigneur
mais qu'il y est seulement pendant qu'iceluy est receu, non deuant, ny apres.
En huitieme lieu, Qu'il est de droit diuin, de communier le peuple, voire
mesmes les petits enfans, avec l'vne & l'autre espee: & que ceux-là pes-
chent, qui contraignent le peuple à n'en vser que d'vne seule. En nenfuiē-
me lieu, Qu'il est faux, qu'autant soit contenu sous l'vne espee, que sous
toutes les deux: & que celuy qui ne commune qu'avec vne, ne reçoit point
autant que celuy qui communie avec toutes les deux. En dixieme lieu, Que
la seule foy est suffisante preparation, pour receuoir l'Eucharistie: & que
la Confession n'y est point necessaire, specialement és sauans & entendus: &
que les hommes ne sont point tenus de se communier à Pasques.

Après ces Articles, estoit couché le susdit reiglement en cete forme, Que & un rei-
les Theologiens ayent à prouuer & confermer leurs aduis par la Sainte Es- glement
criture, par les traditions Apostoliques, par les Saints & approuués Conciles, pour les
& par les Constitutions & autorités des Saints Peres. Après, qu'ils ayent à duement
vser de briuereté, & à fuir les questions superflues & inutiles: & les conten- examiner
tions opiniastrés, & immodestes. Et que cete ordre soit gardé entr'eux au
parler: que premierement parlent ceux qui sont enuoyés par le Pape; puis
ceux de l'Empereur, en troisieme rang les Theologiens seculiers, selō l'or-
dre de leurs promotions, & en fin les reguliers, selon les prefeances de leurs
Ordres. Et le Legat, & les Presidens, d'autorité Apostolique, donnent aux
Theologiens: qui auront à parler, permission & autorité d'auoir & lire tous
liures interdits, & ce afin de trouuer la verité, & de refuter & impugner les
opinions fausses. Ce reiglement ne fut point veu de bon œil par les Theolo- lequel des-
giens Italiens, car ils disoyent que c'estoit vne nouueauté; & condan- agée aux
ner la Theologie Scholastique, laquelle en toutes les difficultés se seruoit Italiens.

1555

de la raison : & pourquoy ne seroit-il permis de traiter en la mesme façon, qu'auoyent fait Saint Thomas, Saint Bonadventure, & autres auteurs fameux ? Que l'autre doctrine, qu'on appelle positive, & gist à recueillir passages & sentences de l'Escripture, & des Peres, n'est qu'une faculté de mémoire, ou un travail decrire, & est ancienne, mais aussi reconuë par les docteurs, qui ont détrois cens cinquante ans en ça, defendu l'Eglise pour insuffisante, & peu utile. Que c'estoit rendre les armes, & donner cause gagnée aux Lutheriens : car, toutes les fois, qu'il s'agit de diuerses Leçons, & de mémoire, il auront tousiours le dessus, à cause de la conoissance des langues, & de la diuerse lecture d'auteurs : à quoy il est impossible de vaquer à qui veut deuenir bon Theologien, qui est obligé de necessité d'exercer son esprit, & apprendre à peser les choses, & non à les conter. Ils se plaignoyent aussi, que cela estoit se deshonorer eux mesmes enuer les Theologiens Allemands : car iceux, estans accoustumés à disputer avec les Lutheriens, s'estoyent exercés en cete sorte de literature, laquelle n'estoit point en vſage en Italie : en lieu, que s'il falloit parler & traiter en termes de vraye & solide Theologie, on verroit bien lors leur ignorance : mais que les Presidents auoyent voulu faire cette honte à la nation Italiene, pour complaire aux Allemands. Qu'elques vns d'entr'eux en firent des doleances : mais cela seruit de fort peu : car le general des Peres agreeoit beaucoup plus d'ouir parler en vne façon, qui leur fust intelligible, qu'en termes abîtrus, & espîneux, comme il auoit esté fait en la matiere de la Iustification, & es autres ia auparauant traitees. Quoy qu'il en soit, il est bien certain, que le reiglement seruit à faciliter l'expedition.

*censures sur
les Articles*

Les aduis furent dits & exposés en diuerses Congregations : & furent tous conformes sur le premier Article, de le condamner pour heretique, comme on auoit ia fait autresfois, Sur le second, il y eut trois opinions : aucuns dirēt qu'il deuoit estre omis, attendu que nul heretique ne nie la communion sacramentele : autres le tenoyent seûlement pour suspect, & aucuns autres encor auroyent desiré qu'il fust conceu en termes plus clairs. Pour le troisieme, la commune opinion porta bien qu'il estoit heretique : mais, qu'il n'estoit point à propos de le condamner, ne d'en parler : attendu que cete resuerie, d'union hypostatique de l'humanité du Seigneur avec la substance du pain & du vin, auoit esté forgee par *Rupertus Tuitiensis*, il y auoit ia quatre cens ans & plus, mais n'auoit esté suiue d'aucun : dont d'en parler à present ne feroit qu'esmouuoir le mal, qu'il est bon de tenir assopi. Ioint que le Concile estoit assemblé contre les heresies modernes, & ne se deuoit trauailler des anciennes. Les aduis furent diuers sur le quatrieme Article : aucuns disoyent, qu'en ostant cet adiectif *seule*, cete sentence estoit Catholique, que l'Eucharistie est en remission des pechés : & que ce mot n'estoit adiousté par aucun des heretiques, dont ils iugeoyent qu'il le falloit omettre. Mais d'autres à l'opposite disoyent, que l'article, estoit heretique, quoy qu'on en ostant ce mot de *seule* : d'autant que le Sacrement de l'Eucharistie n'est point institué pour la remission des pechés. Au cinquieme, ils conuinrent tous en mesme aduis, voire plusieurs amplifications furent employees, pour persuader la veneration, & furent proposés diuers moyens pour l'augmenter, selon que la deuotion de chacun auoit excogité. Ils s'accorderent pareillement tous au sixieme, sauf en la derniere clause d'iceluy, qui porte, qu'il n'est loysible à aucun de se communier soy mesme. Aucuns disoyent, que l'entendant des Lais, elle estoit Catholique : & que parant il falloit exprimer qu'on le condamnoit seulement à l'égard des Prestres. Autre disoyent, que non pas mesmes en ce sens elle ne deuoit estre tenuë pour heretique, attendu qu'au sixieme Concile general, au chapitre centvnieme, elle n'auoit point esté condamnée. Autres vouloyent, qu'à l'égard mesmes des Lais, fust exclus le cas de necessité. Au septieme, tous s'efforerent en inuectiues contre les modernes Protestans, comme inuenteurs d'une opinion impie, & inouïe en l'Eglise. Sur le huitieme, les discours de tous furent treslongs & prolixes : mais vniformes à

le condanner: dont les raisons principales estoient, Pource qu'en S. Luc, chap. 24. le Seigneur benit le seul pain aux deux Disciples: pource qu'en l'Oraison Dominicale on demande seulement le pain quotidien: & pource qu'és Actes des Apostres, chap. 2. & 20. il n'est parlé que du pain: & au 27. S. Paul au Nauire ne benit que le seul pain. On rapportoit bien aussi quelques autorités des anciens docteurs, & quelques exemples des Peres: mais le principal fondement estoit sur le Concile de Constance, & sur la coustume de l'Eglise. Ils se fondoient aussi sur diuerses figures du Viel Testament, & tiroient mesmes plusieurs propheties à ce sens. Et quant aux petits enfans, tous accordoyent bien que cela auoit esté pratiqué par quelques particuliers, en quelques temps, mais que tous les autres l'auoyent reconnu & tenu pour erreur. En l'Article neuuieme, la premiere partie, qui porte, qu'autant n'est point contenu sous l'une des especes que sous toutes deux, estoit iugée heretique par les Theologiens Allemans: mais les Italiens disoyent, qu'il falloit la distinguer auant que la condanner: Car, si on l'entendoit à l'esgard de la vertu de la Consécration, c'est chose euidente que sous l'espece du pain il y a seulement le corps, & sous l'espece du vin seulement le sang, mais par consequence, que les Theologiens nomment Concomitance, sous l'espece du pain il y a aussi le sang, l'ame, & la Deité du Seigneur: & sous celle du vin le corps, & les autres choses: & pourtant qu'il ne la falloit point condanner en termes ainsi generaux. Mais, quant à la seconde partie assauoir, qu'autant reçoit-on avec une, qu'avec toutes deux les especes, il y eut diuersité d'aduis: car plusieurs tenoyent, qu'ores qu'on ne receust point d'auantage du Sacrement, on receuoit pourtant plus de grâce: dont il y escheoit de la declaration. Sur le deuxieme aussi, à l'esgard de la premiere partie touchant la foy, quelques uns vouloyent qu'on exprimast que la proposition est fausse, si on l'entend de la foy morte: car autrement, pour la viue, il n'y a point de doute qu'elle ne soit suffisante. Pour la necessité de la confession, les Iacopins mirent en consideration, que plusieurs Catholiques mesmes tressauans & tressaints, ont tenu cete mesme opinion portee par l'Article: & que, si on la condannoit, se seroit les condanner tous. Autres proposoyent par voye de temperament, qu'on ne la condannast point comme heretique, mais comme pernicieuse. Aucuns vouloyent aussi, qu'on adioustast cete condition, Que la confession est necessaire, s'il y a commodité de Confesseur. Pour la derniere partie, touchant la communion de Pasques, n'estant point commandee par loy diuine, mais seulement par ordonnance de l'Eglise, la commune opinion estoit, qu'elle ne fust point condannée pour heretique, pour n'approuer quelque particulier commandement humain: Plusieurs Theologiens proposerent aussi un autre Article, tiré des Escrips de Luther, lequel il estoit necessaire de condanner. C'est, que quoy qu'il soit necessaire de prononcer les paroles de Christ, icelles toutesfois ne font cause de la presence de Christ au Sacrement, ains la cause est la foy de celui qui le reçoit.

Après que tous les Theologiens eurent parlé, les Peres recueillirent de leurs aduis sept Anathematismes: lesquels auant esté proposés en la Congregation generale, auant tout autre chose, fut mis en auant, qu'il n'estoit pas bon de passer cete matiere avec des anathematismes seulement: que cela n'estoit pas enseigner, mais seulement refuter: que les anciens Conciles n'en auoyent pas ainsi vsé, ains auoyent tousiours declaré l'opinion Catholique, & puis auoyent condanné la contraire: que le mesme auoit heureusement reüssi en ce mesme Concile en la matiere de la Iustification: & combien qu'on eust esté forcé de changer de deliberation en la Session des Sacremens pour des vrgentes considerations, il estoit toutesfois plus raisonnable d'imiter maintenant ce qui alors auoit esté fait par raison, que non pas ce qui depuis auoit esté changé par necessité. Cet aduis estoit fomenté par les Theologiens Italiens, lesquels voyoyent que c'estoit là un moyen de recouurer la reputation qu'ils auoyent perduë: car, comme les Allemans, & les Flamens estoient habiles à prouuer les conclusions par autorités, aussi pour

dont on recueille les Anathematismes, auxquels est resolu d'adiouster les Chapitres de la doctrine

E 55 I

les declarer, & pour en trouuer les causes propres, il y auoit besoin de la Theologie Scholastique, en laquelle les Italiens excelloyent. Cete opinion l'emporta, & charge fut baillee de dresser & composer les chapitres de doctrine, & furent deputés quelques Peres pour ce faire. Ces Chapitres furent reduits au nombre de huit, de la Presence reelle, de l'Institution du Sacrement de l'Eucharistie, de l'Excellence d'iceluy par dessus les autres Sacrements, de la Transubstantiation, de l'Adoration & veneration due à ce Sacrement, de la Preparation pour le receuoir, de l'Vlage du Calice en la communion des Lais, & de la Communion des petits enfans. Il fut aussi proposé de faire vn recueil des abus qui s'y rencontroyent, & d'y adiouster les remedes. Puis apres les Peres passerent, en cete Congregation, & en quelques fuiuant, à dire leur auis sur les sept anathematismes: sur quoy ne fut dit chose aucune de relief, sauf que plusieurs desiroient, qu'en la condamnation de ceux qui ne confessent la reelle presence du corps du Seigneur, le Canon fust plus gras, c'estoit leur terme, & rendu mieux estoffé, & plus preignant, en declarant qu'en l'Eucharistie est le corps de Iesus Christ, celuy-là mesmes qui est né de la Vierge, qui a souffert en la croix, qui a esté enseuely, resuscité, monté aux cieux, & qui est assis à la dextre de Dieu, & viendra en iugement. Et la pluspart d'iceux ramenteuoient aussi, qu'un point fort important y defailloit, assauoir, d'expliquer qu'il n'y a autre Ministre de ce Sacrement, que le Prestre legitiment ordonné. Et ce, d'autant que Luther, & ses adherants, disent souuent, que tout Chrestien le peut estre, voire mesmes vne femme.

Les Amba-
sadeurs de
l'Empereur
s'interpos-
er enuers les
Presidens,

Mais le Comte de Montfort, Ambassadeur de l'Empereur, voyant qu'il s'agissoit d'une matiere tant contentieuse, & sur tout de la Communion du Calice, qui estoit la plus palpable, & populaire, & entendue de tous; iugea que si celle-là estoit determinee, il seroit impossible d'induire les Protestans à venir au Concile, & qu'ainsi on auroit perdu toutes ses peines, & pourtant, apres en auoir conféré avec ses Collegues, & avec les Ambassadeurs de Ferdinand, ils allerent tous ensemble aux Presidens, auxquels ils exposerent d'entree les grands trauaux supportés par l'Empereur, tant à la guerre, qu'es negociations, pour faire que les Protestans se soumissent au Concile: ce qui ne pouoit estre effectué, sinon qu'ils y entreussent: & monstrerent en suite que c'estoit cela, à quoy principalement il falloit viser: & que pour cela aussi l'Empereur leur auoit baillé saufconduit. Mais que les Protestans ne s'en contentoyent point, allegans que le Concile de Constance auoit arresté, & mesmes pratiqué de fait, que le Concile n'est obligé par saufconduit baillé par qui que ce soit: dont ils en requeroient vn du mesme Concile, lequel l'Empereur leur auoit promis, & auoit baillé charge à eux Ambassadeurs de l'obtenir du Concile. Le Legat respondit par beaucoup de paroles de compliment, & d'honneur: mais au demeurant pour le fait se remit à la Session, qui se deuoit tenir: & ce pour auoir loisir d'en donner aduis à Rome. Le Conte là dessus adiousta, Que pour la mesme raison il ne pouoit iuger qu'il fust à propos de traiter, auant leur arriuee, les matieres controuerses touchant l'Eucharistie: qu'il y auoit assez de besogne au fait de la Reformation, & en autres choses, esquelles il n'y auoit point de different. Mais le Legat respondit, Que la deliberation estoit ia toute prise, & passée, de traiter de l'Eucharistie, & qu'il estoit meshuy impossible de faire autrement, attendu qu'on auoit arresté qu'en toutes Sessions marchassent de pair à pair les Decrets de la Foy, & de la Reformation: & qu'apres la matiere de la Confirmation, qui auoit esté traitée la derniere auant qu'aller à Bologne, suiuoit necessairement celle de l'Eucharistie, laquelle toutesfois estoit plus en controuerses avec les Suisses Zuingliens, qu'avec les Protestans, qui n'estoyent point Sacramentaires, comme ceux-là. Le Conte sauta au propos de la Communion du Calice & remonstra que, si ce point-là, que tout le peuple entend & comprend assez, & recherche plus instamment, estoit décidé cont'reux, il estoit impossible de les plus reduire. Que l'Empereur mesmes, au Decret de l'In-

pour de ma-
der un sauf-
conduit du
Concile mes-
mes pour les
Protestans

Et pour sui-
re sur pour le
traité des
dogmes in-
ques à leur
venue,
li Presidens
denient le
derrier.

relaschent
quelque cho-
se pour la
communion
du Calice,

terreligion, auoit esté contraint de s'accommoder en cecy : & pourtant qu'il plut aui à eux de le differer iusques à la venue des Protestans. Le Legat ne repugna pas beaucoup, mais passa la chose auec des termes generaux, & qui ne concludoyent rien, pour entendre tout premier la volonté du Pape, auquel il donna aduis de toutes les choses traitees par les Theologiens, & des anathematismes formés, & aussi de celuy qui auoit esté minuté en matière de Reformation : dont il sera parlé cy après : & finalement des deux requêtes des Ambassadeurs Imperiaux, requerant response sur tout cela.

Le Pape mit ces choses en consultation : & quant au fauf conduit il y trouua diuerfité d'opinions. Aucuns vouloyent qu'on en baillast point, allegant que iamais cela n'auoit esté pratiqué, sauf par le Concile de Basle, lequel il n'estoit pas bon d'imiter en chose quelconque : & que c'estoit vn grand preiudice de s'obliger aux rebelles : mais encor, s'il y auoit quelque esperance de les gagner, tout se pourroit supporter : mais qu'il n'y en auoit aucune : ains, que tout au contraire, on pouuoit craindre auec raison, que par leur venue quelcun ne fust subuertí, comme il estoit aduenü à Vergere, & si non en tout, du moins en quelque partie. Et qu'il y auoit bien eu iusques à des principaux Prelats, & des plus obligés au S. Siege, qui auoyent esté atteints de cete contagion. D'autre part on disoit, Qu'il leur falloit donner tout contentement, non pour esperance de les conuertir, laquelle estoit tout á fait perdue, mais pour leur oter tout excuse : & principalement, pource qu'il estoit aisé à preuoir, quel l'Empereur en feroit plus grande & forte instance pour ses propres interets, & elgards, & ne pourroit-on euter de luy complaire en ce temps, auquel, attendu l'alienation du Roy de France, il falloit totalement dependre de luy, & qu'il valoit beaucoup mieux faire de gré á gré, ce qu'on preuoyoit bien deuoir en fin faire par force. Et que, quant au preiugés qu'on apprehendoit, on pourroit former le fauf conduit en sorte, qu'il seroit de nulle, ou de fort legere obligation : premierement, ne venant point à exprimer nommément Protestans : mais en general Ecclesiastiques, & Seculiers, de la nation Allemande, de quelque condition qu'ils soyent : car ainsi, sous ces termes generaux, on pourra dire, qu'ils sont compris, & aussi à l'opposite maintenir que ces termes se doiuent entendre des seuls Catholiques, & non des Protestans, alleguant, que pour eux vne expresse & spécifique mention auroit esté necessaire. En apres, le concile donnera fauf conduit, seulement entant qu'en luy est, que de droit il peut, reseruant l'autorité du Pape : & puis, pour conoistre des excés & des fautes commises, pourront estre deputés des Iuges, desquels on pourra laisser le choix aux Protestans, pour ne les point ombrager & effaroucher. Et ainsi on gardera la vigueur de la discipline, & l'autorité de punir ; & ne monstrera-on point de ceder, ou de relascher chose aucune. Cet aduis l'emporta enuers le Pape, lequel, selon iceluy, fit former la minute du fauf conduit, & fit response au Legat : loüant sa prudence es responses qu'il auoit donnees, & accordant que le fauf conduit fust donné en la forme & teneur qu'il luy enuoyoit, & ordonnant que la matière de la Communion du Calice fust differée : afin d'attendre les Protestans, mais non plus outre que le terme de trois mois, ou environ : & cependant qu'ils ne demeurassent pas oisifs, ains tissent vne Session entredeux, en laquelle il traitassent de la Penitence, & que cete Session ne fust differée au delà de six semaines, ou environ. Il l'aduertit aussi que les Canons de l'Eucharistie estoient trop pleins, & qu'il vaudroit mieux les partager.

Pendant qu'on consultoit à Rome, on passa outre à Trente à traiter les chapitres de Doctrine : en quoy y eut la mesme facilité, qu'auparauant en l'examen des Articles. Mais, quand on vint à exprimer la maniere de l'existence, c'est à dire, comment Christ est au Sacrement : & la Transubstantiation, c'est à dire, comment du pain se fait le corps de Christ, & du vin le sang d'iceluy, il fut impossible d'euter le heurt, & l'estrif, entre les deux sectes,

1551.

*escriuent de
out à Rome**où les de-
mandes sont
consultées.**Le Pape
respōd au c
commissions
limitées.**à Trente
naist vne
espinouse
question de
la maniere
de la presi-
ence de*

1551
Christ au
Sacrement :
entre les Co-
deliers &
Iacopins.

en fin est
conché la

des Cordeliers, & des Iacopins : lequel ennuya grandement les Peres pour sa subtilité, sans fruit, eux mesmes ne sachans exprimer leurs propres sentimens. Les Iacopins vouloyent en somme qu'on dist, Que Christ n'est pas en l'Eucharistie, pource qu'il y soit venu d'un autre lieu, auquel il fust auparavant, mais que, d'autant que la substance du pain est cōuertie en son corps est au mesme lieu auquel estoit le pain, sans toutesfois y estre allé : & que, pource que toute la substance du pain est transmuee en toute la substance du corps, assavoir, la matiere du pain en la matiere du corps, & la forme du pain en la forme du corps, cecy estoit proprement appelé Transsubstantiation. Et pourtant qu'il falloit tenir & croire deux manieres d'estre de Christ, toutes deux reeles, vrayes, & substantieles : l'une, comme il est au ciel, d'autant qu'il y est monté, partant de la terre, en laquelle il conuersoit auparavant : l'autre, comme il est au Sacrement, auquel il est, d'autant qu'il est là, où les substances du pain & du vin, conuerties en luy, estoient auparavant. Que la premiere façon s'appelle naturelle, pource qu'elle conuient à tous corps : l'autre singuliere, & qui ne se peut exprimer par aucun nom conuenable à autres manieres, & ne peut estre appelée Sacramentele, attendu que cela infereroit qu'il n'y est point reelement, mais comme en un signe : veu que le Sacrement n'est autre chose qu'un signe sacré : sinon, que par le mot de Sacramentele, on vueille entendre une maniere & façon reele, propre à ce seul Sacrement, & non aux autres. Les Cordeliers desiroient qu'on dist, Qu'un corps, par la diuine Toutpuissance, peut vraiment & substantielement estre en plusieurs lieux : & que quand de nouveau il acquiert un lieu, il est en iceluy pource qu'il y va, non toutesfois par changement successif, cōme quand il laisse le premier pour acquerir le second, mais par changement momentaire, par lequel il acquiert le second, sans perdre le premier : & que Dieu a ainsi ordonné, que là où est le corps de Christ, il n'y demeure la substance d'aucune autre chose, ains qu'icelle cesse d'estre, sans toutesfois estre reduite à néant, attendu qu'en son lieu & place succede & entre celle de Christ : & que pourtant ce cy est vraiment appelé Transsubstantiation : non, pource que de celle-là soit faite celle-cy, comme disent les Iacopins, mais pource qu'à celle-là succede celle-cy. Que la maniere, en laquelle Christ est au ciel, n'est point differente en substance de celle, en laquelle il est au Sacrement, mais seulement à l'esgard de la quantité. Qu'il est au ciel, en sorte que la grandeur de son corps occupe un espace conuenable à icelle, mais qu'au Sacrement la grandeur y est bien substantielement, mais sans occuper aucune espace. Que toutesfois ces deux manieres sont vrayes, reeles, & substantieles, voire mesmes naturelles à l'esgard de la substance : mais, qu'à l'esgard de la quantité, l'estre au Ciel est naturel, l'estre au Sacrement est miraculeux, & que ces deux estres different en cecy seulement, qu'au ciel la quantité se trouue avec effet & propriété de quantité, mais qu'au Sacrement elle a la valeur & condition de substance. Les deux parties espousoient leurs opinions avec tant de passion, que chacune asseuroit la siene estre plaine, claire, & intelligible à tous, & obiectoit à la contraire une infinité d'absurdités, qui en pouuoient suiure. L'Electeur de Cologne, lequel, ensemble avec Iean Gropper, auoit esté assiduel à ces disputes, pour bien entendre cete matiere, donnoit la raison à toutes deux les parties en ce qu'elles obiectoyent l'une à l'autre d'absurdités, & impertinences : mais en ce que chacune d'elles posoit pour vray, il eust désiré, ainsi parloit-il, quelque apparence probable qu'ils en parlassent par certaine science & intelligence de la matiere, & non par rolet, & routine d'Eschole, comme ils monstroyent de faire. Diuerses minutes furent formées par les deux parties, pour exprimer ces mysteres : & d'autres en furent composées empruntant quelques choses de toutes deux. Mais il n'y en eut aucune qui agreast, sur tout au Nonce Euesque de Verone, qui estoit le principal surintendant en cete matiere. En la Congregation generale il fut resolu d'vser du moins de paroles qu'il seroit possible, & de faire une Declaration tant generale,

generale, qu'elle püst servir à toutes les deux parties, & estre accommodée aux sentimens de toutes deux: & la charge en fut baillée à quelques Peres & Theologiens, avec la surintendance du Nonce susdit.

A la fin de cete Congregation, fut proposé de recueillir les abus sur cete matiere, avec les remedes pour les extirper: & es suivantes Congregations en furent representés plusieurs: Qu'en quelques Eglises particulieres le Saint Sacrement n'est point gardé; & en d'autres est tenu avec beaucoup d'irreverence, & messeance. Que, quand iceluy est porté par les rues, plusieurs ne s'agenouillent point, voire mesmes il y en a qui ne daignent pas mesmes se descouvrir. Qu'en quelques Eglises il est gardé par vn si long espace de temps, qu'il y naist de la pourriture, moysissure, ou autre corruption. Qu'en l'administration de la Sainte Communion plusieurs Prestres y portent fort peu de respect & bienveillance, n'ayans pas seulement vn linge, que le communiant tiene en sa main. Et, ce qui importe le plus, que les communians ne fassent ce qu'ils recoient, & n'ont aucune instruction de la dignité, ne du fruit de ce Sacrement. Qu'à la Communion sont admis concubinaires, concubines & autres enormes pecheurs: plusieurs aussi qui ne fassent pas mesmes la priere Dominicale, ne l'Aue Maria. Qu'à la Communion on demande argent, sous nom d'aumône: & qu'à Rome, pis qu'en tous autres lieux il y a vne coustume, que qui veut se communier, tient en main vn Cierge allumé, avec quelque piece d'argent fichée dedans, lequel ensemble le Cierge apres la Communion, demeure au Prestre: & que nul n'est receu à la Communion qui ne porte ce Cierge. Pour remedier à vne partie de ces abus, & de plusieurs autres, furent formés cinq Canons, avec vne tresbelle preface: Et en iceux estoit ordonné, que lors qu'on monstre le Sacrement de l'Autel, ou qu'on le porte par les rues, chacun ait à s'agenouiller, & à se descouvrir. Qu'en chaque Eglise parochiale on ait à garder le Saint Sacrement, & le renouveler de quinze en quinze iours, & de tenir deuant luy vne lampe ardente iour & nuit. Qu'il soit porté aux malades par le Prestre, en habit honorable, & tousiours avec de la lumiere. Que les Curés instruisent leurs peuples touchant la grace qu'on recoit en ce Sacrement, & mettent contr'eux en execution les peines portées par le chapitre, *Omnis viri/que sexus*. Que les Ordinaires ayent la charge de l'execution de ces Canons, chatiant les transgresseurs de peines arbitraires, outre les establies par Innocent troisieme, au chapitre *Statumus*: & par Honore troisieme, au chapitre *Sane*.

Au mesme temps qu'on disputoit de la foy, fut aussi traité de la Reformation, mais par autres Congregations, esquelles n'entreeuenoyent que Canonistes: & pour n'interrompre le fil du narré, ie rapporteray icy, tout d'une haleine, ce qui en fut dit, & fait. Et, pour ce qui s'agissoit lors de reformer la Iurisdiction Episcopale, pour plus claire intelligence des choses qui seront dites à cete occasion, & à plusieurs autres suivantes, il sera à propos de toucher en ce lieu quelle a esté l'origine de cete iurisdiction, & comme elle est paruenue à si haut point de puissance, qu'elle s'est rendue suspecte aux Princes, & redoutable aux peuples. Quand Christ bailla aux Apostres la charge de la predication de l'Evangile & de l'administration des Sacramens, il leur laissa aussi, & en leur personne, à tous fideles, ce commandement principal de s'entr'aimer les vns les autres, & de se pardonner mutuellement les torts, & iniures: & enjoignit à chacun de s'entremettre es dissensions, & de les acorder: dont aussi il bailla la charge au corps de l'Eglise, pour souverain remede, avec promesses que ce qu'elle auroit lié ou deslié en terre, seroit lié ou deslié au ciel: & que son Pere otteroyeroit ce que d'eux d'entr'eux demanderoient de commun consentement. L'Eglise primitive s'employa tousiours en ce charitable deuoir de procurer satisfaction à l'offensé, & pardon à l'offenseur. Selon cela Saint Paul ordonne, que les freres, ayans procès & causes ciuiles entr'eux, n'alleront point aux Cours des infideles, mais qu'il y ait entr'eux des personnes sages & entendues,

I 5 5 I.

doctrine en
termes fort
ages.abus sur ce
matiere,Canons cens.
ix. c. x.Reformatio
traitee, sur
la Iurisdic-
tion Epis-
copale, dont
les vrayes
origines, &
les abus sur-
uenus sont
descriz.

2551.

establies pour iuger des differens: ce qui auoit quelque forme & semblance de iugement ciuil, ainsi que le premier auoit plus de rapport avec le criminel: mais nonobstant cela estoient & l'un & l'autre extremement differens des iugemens mondains: attendu qu'en ceux-cy la forme & l'exécution depend du pouuoir du Iuge, qui contraint à ployer, & obeir: mais en ceux-là, elle depend seulement du consentement de la partie à les recevoir, lequel quand elle refuse de prester, le Iuge Ecclesiastic demeure sans execution, & son iugement n'a autre force, sinon que c'est vn preiugé de celuy de Dieu, lequel ou en cete vie, ou en l'autre, suiura selon son toutpuissant bon plaisir.

Et de vray le iugement Ecclesiastic meritoit bien le nom de charité, Puis qu'icelle seule induisoit la partie à le subir, & l'Eglise à le prononcer, avec tant de sincerité du Iuge, & d'obeissance du delinquant, qu'il n'y auoit nul lieu, ny de sinistre affection au Iuge, ny de doleance à la partie: & mesmes l'excès de la charité à chastier faisoit que le corrigeant portoit plus de peine que le corrigé: tellement qu'on ne venoit iamais à l'imposition de la peine, sans vn grand pleur de la multitude, & encor plus grand des principaux: ce qui fut cause, que chastier alors s'appella Pleurer. Ainsi Saint Paul, reprenant les Corinthiens de n'auoir chastié l'incestueux, dit, Vous n'avez pas pleuré pour separer de vous vntel forfaiteur. Et en la deuxieme Epitre, Je crain, que retournant à vous, ie ne vous trouue point en l'estat que ie desire: mais en debas ou en troubles: & qu'estant arriué ie ne pleure plusieurs d'entre vous, qui ia par cy-deuant ont peché. Or falloit-il, que le iugement de l'Eglise: comme il est necessaire en toute multitude, fust conduit par vn, qui presidast & moderast l'action, proposast les matieres à traiter, recueillist les suffrages pour deliberer. Charge laquelle estant due à la personne plus eminente, & suffisante, appartient tousiours sans contredit à l'Euesque, & là où les Eglises estoient fort nombreuses, les propositions & deliberations se faisoient premierement par l'Euesque au College des Anciens & Diacres, qui estoit appellé Presbitere, & là estoient digerees, pour recevoir la derniere main & forme en la generale Assemblée de l'Eglise. Cete procedure estoit encor vsitee en l'annee de Nostre Seigneur deux cens cinquante, & se void clairement par les Epistres de Saint Cyprien, lequel, sur le sujet de ceux qui estoient appelés *thurificantes*, *sacri cantes*, & *Libellatici*, qui estoient ceux, qui de crainte des persecutions auoyent sacrifié ou encensé aux idoles, ou auoyent présenté les liures sacres à estre bruslés, pour signes d'abiuration: escrit au Presbytere, Qu'il ne pensoit nullement à faire chose aucune sans leurs aduis & conseil, & le consentement du peuple. Et au peuple il escrit, Qu'à son retour il examineroit les causes, & les merites en leur presence, & sous leur iugement. Et aux Prestres, qui de leur propre phantasie & mouuement, en auoyent reconcilié, & remis en la paix de l'Eglise quelques vns, il escrit, Qu'ils rendroyent conte de leur fait au peuple.

La prud'homme, & charité des Euesques faisoit, que leur aduis estoit presque tousiours suiuy: ce qui peu à peu fut cause, que l'Eglise, dès que la charité vint à se refroidir, se souciant bien peu de la charge que Christ luy auoit imposée, laissa le soin de tout cela à l'Euesque: & l'ambition, passion subtile, & qui se glisse sous le masque de vertu, fit que les Euesques l'embrasferent promptement. Mais le comble de ce changement aduint dès que les persecutions furent cessées: car lors les Euesques erigerent vn tribunal, & Cour, qui deuint tresfrequente: car avec les commodites temporeles crurent aussi les causes des procès. Mais encor, en ces bons temps là, les iugemens, quoy que changés quant à la forme de deliberer de toutes choses par l'aduis de l'Eglise, demeuroient en leur mesme sincerité ancienne. Dont Constantin, voyant de combien grand vsage ils estoient, pour terminer les procès: & que les actions captieuses, & les surprises de chicanerie, non descouvertes par les Iuges seculiers estoient esclairees & escartees par la reuerence, & autorité de la Religion, fit vne loy, Que les sentences des Euesques fussent sans appel, & fussent executees par les Iuges: & que si, le procès pen-

dant deuant le Iuge ſeculier, en quelque eſtat qu'il ſe trouuaſt, l'une des parties, meſmes enuis & maugré l'autre, requeroit le iugement Epifcopal, la cauſe luy fuſt promptement renuoyee.

Icy commença le iugement Epifcopal à deuenir vn iugement de Cour, & de Palais, ayant ſon execution par les mains du Magiſtrat: & à acquerir le nom de Iuriſdiction Epifcopale, d'Audience Epifcopale, & autres ſemblables. L'Empereur Valence amplifia encor d'auantage cete iuriſdiction, en l'annee trois cens ſoixantecinq, luy commettant le taux de toutes les denrees. Cete occupation de iudicature ciuile ne plaifoit aux bons Eueſques. Surquoy Poſſidonius recite, que S. Auguſtin, quoy qu'il y vaquaſt quelques fois iuſques à midy, quelques fois auſſi iuſques au ſoir, là ſouloit neantmoins appeller Couruee, qui le diſtrayoit des affaires propres à ſa charge. Et luy meſmes eſcrit, que c'eſtoit laiſſer les choſes viles, & vaquer aux tumultueuſes, & embaraſſees. Que S. Paul n'en auoit iamais pris ſur ſoy la charge, comme non conuenable aux Preſcheurs, mais auoit voulu qu'elle fuſt baillee à d'autres. Il aduint puis apres, que quelques Eueſques, ayans commence d'abuſer de l'autorité que la Loy de Conſtantin leur auoit baillee, cete loy-là fut reuoeue par Arcadius & Honorius, & fut ordonné que les Eueſques ne iugeroyent que les cauſes de Religion: & les ciuiles, là où entreuiendroit le conſentement & compromis de toutes deux les parties, & non autrement & fut déclaré qu'il fuſt bien entendu, qu'ils n'auoyent point de Cour. Mais cete loy eſtant peu obſeruee à Rome, pour le grand pouuoir de l'Eueſque, l'Empereur Valentinian en l'annee quatre cens cinquante deux, la renouuela, & la fit mettre en execution. Mais, peu de temps apres les Empe-reurs ſuiuans reſtituerent aux Eueſques vne partie de la puissance qui leur auoit eſté oſtee, tellement que Iuſtinian leur eſtablit Cour & Audience, & leur aſſigna les cauſes de la Religion, les delits Eccleſiaſtics du Clergé, & diuerſes iuriſdictions volontaires, meſmes ſur les Laïs, Par ces degres la correction charitable, inſtituee par Noſtre Seigneur Ieſus Chriſt, degenera en vne domination, & fut cauſe de faire perdre aux Chreſtiens l'ancienne reuerence, & obeiſſance, On deſaduouë bien de paroles que la Iuriſdiction Eccleſiaſtique ſoit vne domination, comme la ſeculiere: mais on ne fait qu'elle difference reele mettre entr'elles. S. Paul y eſtablit bien la difference, eſcriuant à Timothee, & rechargeant à Tite., Que l'Eueſque ne ſoit aide du gain, ny bateur: maintenant au contraire on fait payer les frais du procès, & emprisonner les perſonnes, tout de meſme qu'en la Cour ſeculiere.

Or, apres que les Prouinces Occidentales ſe furent ſeparees de l'Empire, & que de l'Italie, de la France, & de l'Allemagne, euſt eſté fait vn Empire à part, & de l'Eſpagne vn Royaume, les Eueſques en ces quatre Prouinces pour la plus part eſtoient priſ pour Conſeillers des Princes: ce qui acerut infiniment l'autorité de la Cour Epifcopale, par le meſlinge des charges ſpiritu-elles, & des offices & eſtats temporels. Et ne paſſerent pas deux cens ans qu'ils pretendirent abſolument tout iugement criminel & ciuil ſur le Clergé, & meſmes auſſi ſur les Laïs en diuerſes matieres, ſous pretexte que la cauſe eſtoit Eccleſiaſtique. Outre cete eſpece de Iuriſdiction, ils en inuenterent vne autre, appelee de Cour mixte, voulant que tant l'Eueſque, que le Magiſtrat ſeculier, puiſſe proceder contre le Lai; ſelon que l'un aura detiance & anticipé ſur l'autre par ſa diligence à en tirer la cauſe à ſoy: ce qu'ils appel-ent preuention, en laquelle vſant d'une exacte vigilance, & ſollicitude, ils ont rendu toutes ſortes de perſonnes, leurs iuſticiables, ſans laiſſer aucun lieu au Iuge ſeculier. Et encor apres tout cela, ils ont eſtably vne reigle generale; comme vn fondement de foy, qui comprend & enſerre en ſin tous ceux, qui eſtoient encor exceptés d'un ſi grand nombre, aſſauoir, Que là où le Magiſtrat ne voudra rendre iuſtice, ou y ſera negligent, toutes cauſes ſoyent deuoluës à la Cour Eccleſiaſtique. Mais encor, ſi les pretenſions du Clergé ſe fuſſent arreſtees dans ces bornes, l'eſtat des Republiques Chreſtiennes ſeroit tolerable: car les peuples & les Princes, lors qu'ils verroyent de l'exes

pourroyent par loix & ordonnances ramener ces iugemens à quelque forme & estat modéré & supportable, comme iadis auoit esté fait au besoin. Mais ceux qui ont mis la Chrestienté sous le ioug, luy ont aussi finalement osté le moyen de le secouer. Car, dès l'année mil cinquante, apres que toutes les causes du Clergé, & infinies autres, sous titre & pretexte de spiritualité, eurent esté affectées en propriété à la Cour Episcopale; & que de toutes les autres les Euesques eurent pris leur part sous le nom de Cour mixte & qu'ils se furent mis au dessus de tous Magistrats seculiers, sous pretexte de iustice déniée: on passa iusques à dire, Que les Euesques n'auoyent point cete puissance de iuger, estendue à tant de causes, par ottroy ou conuenance de Princes, ne par volonté de peuples, ne par coustume introduite: mais, qu'elle estoit essentielle à la dignité Episcopale, & qu'elle a esté donnée par Christ mesme aux Euesques.

Et nonobstant, que iusques à present demeurent les loix des Empereurs au Code de Theodose, & de Iustinien: & es Capitulaires de Charles Magne, & de Louis le Debonnaire, & autres ordonnances des Princes postérieurs, Orientaux & Occidentaux, lesquelles monstrent toutes euidentement comment, quand, & par qui telle puissance a esté donnée: & que toutes histoires, tant Ecclesiastiques, que mondaines, s'accordent au narré des mesmes ottrois, & coustumes introduites, & de leurs causes & motifs: si est-ce qu'une verité si notoire n'a eu tant de pouuoir, que la seule affirmation contraire, sans preuve aucune, n'ait gagné; & que les Docteurs Canonistes ne l'ayent soutenue, iusques à eschafauder publiquement pour heretiques ceux, qui ne veulent supporter d'estre manies & conduits comme aveugles. Mais encor ne se sont-ils point arrestés dedans ces limites: ains ont adiousté, Que ny le Magistrat, ny le Prince mesmes, ne peut s'entremettre en aucune de ces causes, que le Clergé a appropriées à soy: d'autant qu'elles sont spirituelles, & que les Laïcs sont incapables des choses spirituelles. La lumiere de la verité n'a pas toutesfois esté tant estouffée, qu'en ces premiers temps-là des personages de saoir, & de pieté: ne se soyent opposés à cette doctrine, monstrant combien estoient fausses les deux propositions fondamentales de ce discours: car la premiere, Que les Laïcs sont incapables de choses spirituelles, est impie & absurde: attendu qu'ils sont pris en adoption par le Pere celeste, sont appellés enfans de Dieu, frere de Christ, heritiers du Royaume des Cieux, faits dignes de la grace de Dieu, du Baptême, & de la Cômunion du Corps & du Sang du Seigneur. Qu'elles autres choses spirituelles y a-il, ie vous prie, hors celles-cy? & quand mesmes il y en auroit, comment peut-il estre, que ceux, qui participent à celle-cy, qui sont les plus hautes & excellentes, soyent avec raison, absolument & en termes generaux, appellés incapables des choses spirituelles? Et quant à l'autre proposition, Que les causes, appropriées aux iugemens des Euesques sont spirituelles, elle est tout à fait fausse: attendu que ces causes là sont toutes en matiere de delits, ou de contrats: lesquels, si on considere les qualitez, que l'Escripture Sainte assigne aux choses spirituelles, sont plus loin d'estre telles que n'est la terre du Ciel. Mais les oppositions & resistance de la meilleure partie, n'a pu empescher que la plus grande ne l'emportast: & ainsi est aduenü, que sur le pied & fondement de la puissance spirituelle de lier & de deslier, baillée par le Seigneur Iesus Christ à l'Eglise, & sur celuy de l'ordonnance de S. Paul, de composer les differens entre les Chrestiens, sans aller aux Cours & tribunaux des infideles, par long espace de temps, & par diuers degres, à esté basty & erigé vn tribunal temporel, le plus considerable & releué qui ait iamais esté au monde, & au milieu de chaque estat, a esté estably vn autre estat independant du public: qui a esté vne forme d'estat, laquelle iamais aucun escriuain des gouuernemens politiques n'eust seu imaginer pouuoir subsister. Or, apres que, par tant de trauail on eust obtenu le but d'eriger vne Cour independante de l'Estat public, tout à despourueu on gaigna vn autre point, de former vn souverain Empire & Monarchie,

par vne nouuelle opinion, beaucoup plus haute, hardie, & vaste, nee des n'agueres, & aussi tost enracinee & parcrue par admirables degrés, laquelle donna d'vntour de main au seul Pape de Rome, tout ce que les Euesques, par voyes tant estranges, & merueilleuses, auoyent acquis en l'espace de treize cens ans: substituant pour fondement de la iurisdiction, en lieu de lier & delier, l'office & effet de Paistre: & establisant par ce moyen, que toute la iurisdiction a esté par Christ baillee au seul Pape en la personne de Pierre, quand il luy dit, Pay mes brebis. Mais ie laisse de parler de cecy pour le present: car l'occasion s'en presentera plus à propos en la troisieme reprise du Concile, lors que pour cete opinion s'esmurent de grands troubles & tumultes, desquels ie feray mention en son lieu. Suffit que pour le present chacun peut reconnoistre quels remedes estoient necessaires, pour donner quelque forme & reiglement tolerable à vne matiere degeneratee en tant d'abus & corruptions, pour en faire comparaison avec ceux qui pour lors furent proposés.

A Trente on reconut deux defauts en ce fait: premiere nent, que du costé des superieurs la charité auoit esté conuertie en domination: & puis, que du costé des inferieurs l'obeissance estoit tournee en querelles, doleances, & subterfuges. Et premierement fut aduisé de pouruoir en partie à ces deux maux. Mais quand ce vint au fait & au prendre, pour le premier, qui est la source & fondement de l'autre, on se contenta pour tout remede d'un exhortation aux Prelats, d'oster la domination, & de restituer la charité: pour le second, qui touche les suiets, mention ayant esté faite de plusieurs subterfuges pratiqués pour frustrer & frauder la iustice, on en choisit & prit seulement trois chefs: les appellations, les graces absolutoires, & les plaintes contre les iuges. Quant aux appellations, Iean Groper, qui en ce Concile entreuenoit en qualite de Theologien & de Iurisconsulte, en parla fort dignement, disant Que, pendant que l'ardeur & le zeile de la foy auoit duré es courages des Chrestiens, les appellations estoient inouies: mais, qu'apres que la charité se fut refroidie es iuges, & qu'on eut donné lieu aux passions, elles se fourrerent en l'Eglise, sous les mesmes couleurs, qui les auoyent introduites es Cours seculieres, assauoir, pour le soulagement des opprimés. Et comme au commencement les iugemens n'appartenoyent point au seul Euesque, mais à l'Euesque en compagnie du Conseil & College de ses Anciens, ou Prestres: de mesmes aussi les appellations ressortissoient non à vntant seulement, ains à vne autre Assemblée. Mais les Euesques, ayans supprimé les Synodes, auoyent institué les Cours & Officialités, à l'exemple des seculiers. Et le mal ne s'estoit pas arresté là, ains estoit passé à d'autres plus grands abus encor qu'es Cours seculieres: d'autant qu'en celles cy il n'est loisible d'interietter appellation à autre qu'au Superieur immediatement prochain, & non de prin fault venir au Souuerain: & mesmes aussi n'est permis, es faits & articles de la cause, d'appeler des arrests interlocutoires du Iuge, ains faut attendre la fin: en lieu qu'es iugemens Ecclesiastiques on appelle de tout fait singulier, ce qui rend les causes infinies: & immediatement au Souuerain, ce qui porte les causes dehors en pais estranges, avec despens immenses, & autres maux intolerables. Et disoit d'auoir voulu faire ce narre pour conclure, Que, si on vouloit penser à reformer cete partie, qui de vray est toute corrompue, & non seulement empesche la residence, comme il a esté bien consideré es Congregations partant de suffisans Docteurs & Peres, mais de plus aussi de prauue toute la discipline, & est de charge & greuan- ce aux peuples, de despense, & de scandale: il falloit la reduire à ses comen- cemens, ou le plus pres que faire se pourroit, se proposant deuant les yeux vne parfaite idee, pour viser à icelle, & s'en approcher autât que la corrup- tion de la matiere le pourroit permettre. Que les Religions Monachales, bien ordonnees, ont defendu toute apellation, & c'est là le vray remede. Ceux, qui n'ont pu atteindre à vn si haut point, les ont moderees, les accor- dant seulement au dedans de leur Ordre, interdisant celles de dehors: ce

*à Trente on
reconnoit
quelques de
fautes mais
on y appli-
que de che-
rifs remedes*

*Groper veut
reformer le
fait des ap-
pellations
au Pape, &
les Officiali-
tés.*

1551.

*Or remettre
sur les iuge-
mens Syno-
daux,*

*en quoy il
est cōdredi-
par le
Promoteur
qui main-
tient l'abus
présent.*

qui auoit eu vne tresbonne issue, comme chacun voit, pour tenir leurs gouuernemens en bonne reigle & estat, & le mesme effet s'ensuiuroit aussi es gouuernemens publics de l'Eglise, si les appellations demeuroyent en la mesme prouince: ce qu'on pourroit aisement effectuer & obtenir, & tout ensemble refrener la malice des plaideraux, quand on reduiroit les appellations à la forme du droit commun, defendant de recourir de prinfaut au Souuerain, sans passer par les voyes subalternes: & d'interietter appellations sur les faits & articles, ou arrests interlocutoires: par lesquels reiglemens il aduiendroit, que les causes n'iroient pas loin, & ne tireroient point en longueur, & ne porteroient despense excessiue, & autres griefs sans nombre. Et afin que les iugemens fussent sains & incorruptibles, il faudroit supprimer les officialités, tant scandaleuses à tout le monde, & insupportable à l'Allemagne, & remettre sus les iugemens Synodaux, moins susceptibles de si grandes corruptions.

Cet aduis ne fut point agreablement ouï, sauf que des Espagnols & des Allemands; Mais le Cardinal Legat, & le Nonce Archeuesque de Siponte, eurent grand desplaisir qu'on passast si auant: car c'estoit oster tout à fait à la Cour de Rome, non seulement ses profits & émolumens, mais aussi sa plendeur & dignité: attendu qu'entel cas nulle cause n'iroit à Rome, & peu à peu seroit mise en oubli la superiorité du Pape: veu que c'est vne chose coutumiere aux hommes de ne faire nul estat du superieur, duquel on ne craint l'autorité, & dont on n'espere aucun benefice. Et pourtant ils firent que Iean Baptiste Castel, Bolognois, Promoteur du Concile, parlast en la suiuite Congregation sur le mesme suiet, en sorte, que sans directement contredire à Groper, l'apparence & esclat de ses raisons fust esmoussé & rabbatu. Iceluy doncques fit son entrée par les loüanges de l'ancieneté de l'Eglise, à laquelle toutesfois il ne laissa de donner dextrement & accortement cete atteinte, qu'icelle auoit bien aussi ses imperfections, voire mesmes en quelque partie plus grandes, que ne sont celles d'à present. Dieu soit loué, disoit-il, que l'Eglise n'est point opprimée, comme quand les Arriens à peine luy permettoient de se monstrier au iour: il ne faut point tant haut-louër l'ancieneté, qu'on ne croye qu'es siecles posterieurs quelque chose a esté amendée. Ceux, qui louent les iugemens Synodaux, n'en ont pas veu les defauts, l'infinité des procédures, la longueur des expéditions, les trauerses es enquêtes, les difficultés à informer tant de personnes, les tumultes pour les partis & faction. Il est bien à croire qu'ils ayent esté intermis pour le mal qui en arriuoit, & que les Cours & Officialités furent introduites pour remedier à ces desordres. On ne peut nier qu'icelles n'en portent aussi, qui meritent prouision, & correction: que c'est cela doncques à quoy il faut traualier, sans se tourmenter à remettre sus ce qui a esté aboly, pour ce qu'il estoit reconnu intolerable. Il est vray qu'ancienement es appellations on auoit accoustumé de passer par les voyes d'entredeux, sans aller de prinfaut au Souuerain: mais cela a esté aboly, pour ce que les Chefs des pais, & prouinces, s'estoyent rendus tyrans des Eglises, à quoy il à falu remedier, en portant toutes les affaires à Rome. Cela a bien aussi ses maux & incommodités, la lointaineté, & la despense: mais plus tolerables que l'oppression. Que si on rétablissoit le reiglement ancien, on trouueroit que pour vn mal, auquel on auroit remedie, on en auroit causé plusieurs, desquels chacun seroit plus grand que celui-là. Que sur toutes choses il falloit considerer, qu'un mesme gouuernement ne conuient point à vn estat en tous temps: ains que, comme l'estat fait des changemens, aussi il faut de temps en temps changer de gouuernement: L'ancienne façon de gouverner ne pourra estre avec vtilité, si tout ensemble l'estat de l'Eglise n'est ramené à la forme ancienne: celui qui voyant que les petits enfans, par manger & boire à toutes heures, indifferemment de toutes choses, se rendent sains & gaillards, voudroit gouverner de mesmes vn vieillard, s'y trouueroit bien trompé. Les Eglises en ce temps là estoient petites, enuironnées de Payens, vnies entr'elles, comme

estans voisines à l'ennemy. Maintenant elles sont grandes, & sans contraire qui les tiene en deuoir: dont il aduient, que les choses communes sont negligees, & est necessaire qu'un seul en prene le soin. Si les causes demeuroient en chaque Prouince, il en arriueroit dans peu d'annees tant de diuersité & de bigarrure, qu'en fin elles se trouueroyent contraires les vnes aux autres; en sorte qu'il ne paroistroit plus qu'elles fussent d'une mesme foy, & religion. Les Papes de Rome es temps anciens se sont deportés de plusieurs parties du gouuernement, quand ils ont veu qu'il alloit bien: puis les ont reprises & reueruees à eux, quand les autres y ont commis abus. Plusieurs Papes, de sainte vie, & de tresbonne intention, sont venus apres ces premiers temps, qui auroient bien sans doute restably les choses en leur ancien estat, s'ils n'eussent veu qu'elles ne pouuoient auoir aucun bon vsage en vn suiet si depraué, & corrompu. Pour conclusion, il dit, Que pour garder l'vnité de l'Eglise, il estoit necessaire de laisser les choses en l'estat auquel elles estoient.

Ce discours aussi ne plût point beaucoup aux Prelats Italiens, lesquels vouloyent bien, que l'autorité du Pape fust conseruee, mais aussi ne pouuoient digerer de n'estre plus contés que pour des zero, sans auoir aucune part à la iurisdiction: sur tout, en cas que la Residence tint. Cela fut la cause qu'on vint aux expediens, & accommodemens. Presque tous reietterent le retablissement des iugemens Synodaux, comme trop populaires, & derogeans à l'autorité Episcopale. Le plus grand nombre des voix improuua aussi d'aller par degres es appellations, quoy que non sans contradiction de plusieurs, qui soustenoyent l'affirmative. On modera & accommoda les appellations des sentences definitiues, les restreignans aux seules causes criminelles, laissant les iugemens ciuils au mesme estat qu'ils estoient, combien que peut estre ceux-là eussent plus de besoin de reformation. Pour ce qui concerne les iugemens contre les personnes des Euesques, d'autant que nul ne desiroit de faciliter les iugemens contre soy-mesmes, on ne parla point de les restituer aux Synodes prouinciaux, ausquels anciennement ils appartenoyent, mais seulement de pouruoir, que de neuraus entre les mains du Pape, ils passassent & fussent exercés avec plus de dignité & de respect à l'ordre Episcopal: & que pour ce faire fussent moderées les commissions, qui estoient donnees de Rome, par lesquelles ils estoient contraincts de comparoir deuant personnes de degré inferieur, & de subir leur iugement. Ce qui fut si ardemment desiré & pourchassé de tous, que le Legat fut contraint d'y condescendre: quoy qu'il ne pût agreer aucune exaltation des Euesques, croyant, selon la maxime qui regna tousiours, pendant le Concile, que tout autant qu'on leur en donnoit, on l'ostoit au Pape.

Les Prelats Allemans proposerent, Que les loix des dégradations fussent moderées, comme celles qui estoient deuenues intolerables, & donnoient grand suiet de plaintes à l'Allemagne; attendu que ce n'estoit qu'une pure ceremonie, qui empesche la iustice: que l'Allemagne en auoit requis la moderation dès l'année mil cinq cens vint deux, au trentvnieme Grief, d'entre les Cent, qu'elle auoit dressés & présentés: que, voyant que cet abus dure encor, les vns en prennent matiere de scandale, & les autres de detraction & mesdisance. C'estoit une ancienne coustume de l'Eglise, que, quand une personne Ecclesiastique deuoit retourner à l'estat & vie seculiere, afin qu'il ne semblast que ceux qui estoient appelés au Mynistère de l'Eglise, vaquassent à choses mondaines, les Euesques luy ostoyent le degré Ecclesiastic: & ce, à l'exemple de l'ancienne milice, pour l'honneur de laquelle n'estoit permis qu'un soldat retournast aux charges ciuiles, ne qu'il fust suiet au Iuge ciuil, que tout premier il ne fust despouillé du degre militaire: ce qui, pour cette cause, fut appelé degradation: laquelle se faisoit en luy ostant le baidrier & les armes, tout ainsi qu'avec icelles il auoit esté créé soldat. Ainsi donc, quand quelcun du Clergé, de son bon gré, ou par contrainte des loix, deuoit retourner aux charges & fonctions seculieres, ou mesmes subir le iugement de la Cour seculiere pour ses mesfaits: les Euesques

1551

*en fin on
fait un ac-
commodement
sur le
fait des ap-
pellations,*

*sur celui
du iugement
contre les
Euesques:*

*les Alle-
mans requie-
rent resor-
natives des
degradations:*

*discours de
l'ancien vs-
sage & for-
me d'icelles*

1551

*Grâde l'abus
survenu
puis après.*

*pour acqui-
rir impuni-
té au Clergé*

*mais rien
n'y peut-
être changé.*

luy ostoyēt le degré & pour le desuestir avec les mesmes ceremonies, par lesquelles il auoit esté inuesty, les despouilloient des habits Clericaux, & luy ostoyent d'entre les mains les instruments, par la consignation desquels il auoit esté député & consacré au Ministère: Et y procedoyent par cet ordre. Premièrement ils l'habilloient tout à point comme s'il eust esté en action & posture de faire le seruice de sa charge: & puis le despouilloient, commençans par ce qui auoit esté le dernier en l'ordination, & vfans de termes & paroles au contrepied de celes de la promotion. Cecy estoit chose toute contumiere & frequentee trois cens ans apres Constantin. Mais, enuiron l'an six cens fut introduit de ne permettre plus aux Ecclesiasticks, des sacrés & grands Ordres, de pouuoir retourner au siecle: & à ceux des petits Ordres fut permis d'y pouuoir retourner à leur plaisir & volonté: dont il auint que la degradation des petits Ordres fut tout à fait supprimee, & celle des grands restreinte à ce seul cas, quand ils deuoyent subir iugement criminel. Iustinien, reiglant les iugemens du Clergé, apres auoir ordonné qu'és delits Ecclesiasticks ils soyent chasties par l'Euesque: & és seculiers, qu'il nomme ciuils, qu'ils soyent punis par le Iuge public, adiousta, Que toutesfois on ne vinst à l'execution de la peine, que tout premier le criminel n'eust esté despouillé de sa Prestre par l'Euesque. Or apres que les iugemens Criminels sur le Clergé eurent esté remis & concedes aux Euesques, la degradation ne demeura plus qu'en vn cas, assauoir, lors que la peine deuoit estre capitale, laquelle les Ecclesiasticks, pour l'honneur de leur ordre, eussent bien desiré n'estre iamais imposee. Mais, és cas d'exorbitantes enormités, ils voyoyent bien qu'ils ne pourroyent desdire les punitions sans trop de scandale: & pourtant trouuer moyen d'effectuer indirectement ce qu'ils ne pouuoient tout à descouuert, disans, Qu'il estoit bien raisonnable de punir de mort les meschancetés du Clergé: mais que la degradation y estoit necessaire au préalable: & lors ils la rendirent si difficile par tant de circonstances de solennités, que fort peu souuent elle pouuoit estre pratquee: dont ils obtenoyent leur but principal, de sauuer les Ecclesiasticks des peines & supplices, & quant & quant de maintenir leur Ordre en tresgrande veneration: attendu que la iustice ne pouuoit mettre la main au sang d'iceluy, sans tant de solennités & formalités precedentes. Pour cete cause il ne fut permis aux Euesques d'y proceder, sinon en public, en habits & paremens sacrés, & ce qui importe le plus, avec l'interuention de douze Euesques à la degradation d'un Euesque, de six à celle d'un Prestre, & de trois à celle d'un Diacre, lesquels tous y deuoyent assister en leurs vestemens Pontificaux. Et pource qu'il auroit pu sembler estrange que l'Euesque, qui seul, sans compagnie, à pu conferer le degré, n'eust aussi le pouuoir tout seul de faire cette mommerie de l'oster: le Pape Innocent troisieme en osta toute la merueille, par vne maxime aussi peu probable, disant, Que les bastimens temporels & materiels sont construits avec difficulté: & destruits avec facilité: mais qu'au contraire les spirituels sont construits avec facilité, & destruits avec difficulté. Le vulgaire tenoit la degradation pour chose necessaire, & quand il ascheoit d'en faire quelcune, il y accouroit indicible frequency. Les sauans voyant bien le fonds de tout cecy: car puis qu'on a estably, qu'en la collation de l'ordre est empraint vn signe en l'ame, qui est appelle Caractere, & iceluy est ineffaçable, il s'ensuit qu'il ne peut estre osté par la degradation, & qu'icelle n'est autre chose qu'une pure & simple ceremonie pratquee par termes de reputatiō, & parade. En Allemagne, où les Euesques sont rares, elle ne pouuoit estre faite sans vne immense despense à assembler tant de personnes en vn lieu. Et les Prelats Allemans, qui estoient au Concile, pour la plus part Princes, conoissans, plus que tous autres, la necessité qu'il y auoit de punir à mort les meschancetés des Prestres, faisoient instance qu'il y fust pourueu. Cete affaire fut longuement debatue, mais en fin il fut resolu de ne changer aucunement la ceremonie, mais de trouuer quelque expedient, que les difficultés, & la despense fussent moderees,

Le Legat,

Le Legat, combien qu'il eust semaine par semaine donné auid à Rome de tout ce qui se passoit, voulut encor de plus arrester en Congregation les minutes des Decrets, pour en pouoir enuoyer copie, & en receuoir responce auant la Session. Et pourtant, ayant assemblé la Congregation generale, sans faire mention de ce qui luy auoit esté escrit de Rome, representa seulement ce qui luy auoit dit le Conte de Montfort, adioustant, que la demande du saufconduit pour les Protestans luy sembloit raisonnable, comme aussi le delay de ce qui honnestement pouoit estre differé. Car, puis qu'il auoit esté arresté en la Session du premier de Septembre, qu'en la prochaine on traiteroit de l'Eucharistie, il estoit impossible de s'en desdire: mais bien pouoit-on accorder de laisser en arriere quelque point plus important, & plus contentieux. Et quand on vint à recueillir les voix, tous furent bien d'aduis que le saufconduit fust baillé: mais, quant à la dilation de la matiere, quelques vns iugeoyent qu'il y alloit de l'honneur du Concile à le faire, sinon que les Protestans donnassent su filantes cautions, & assurances, qu'ils viendroyent à la traiter, à se soumettre à la determination du Concile. Aitres dirent que l'honneur du Concile se sauoit assez, la chose se faisant à leur requeste, & instance. Et ce fut là la plus commune opinion. Alors le Legat adiousta, Que donques on pouoit reseruer la matiere de la Communion du Calice aux Laïcs. Et pour monstrier qu'on ne viendroyt point à vne nouuelle Session pour vn Article seul, on y pourroit adiouster la Communion des petits enfans. Ainsi fut prise resolution de former le Decret sur ce fait: lequel estant lu, il sembla à quelques vns, que c'estoit trop peu de reseruer deux Articles, & qu'il valoit mieux diuiser le premier en trois, & par ce moyen en reseruer quatre, & y adiouster d'abondant le Sacrifice de la Messe, sur lequel il y a de grandes controuerses: & que par ce moyen il apparoitroit qu'il y a plusieurs choses reseruees, voire mesmes les principales: & tous s'accorderent à cet aduis. Mais, quand on vint à dire, que les Protestans faisoient instance d'estre ouïs sur ces Articles, vn Prelat d'Allemagne se leua, & demanda, Qui faisoit cete instance, & à qui il la faisoit: car il importoit beaucoup que cela apparust: autrement, cas aduenant que les Protestans la desauoïassent, l'honneur du Concile y estoit grandement engagé. Mais, ne se trouuant autre chose, que ce que le Conté de Montfort auoit dit, comme de soy mesme sans charge, & encor non restreint à ces quatres articles ou chefs, ny mesmes à la matiere de l'Eucharistie, mais seulement en general de toutes les Controuerses, ils se trouuerent bien empeschés à quoy se resoudre. Car, s'ils eussent voulu dire qu'ils reseruoient de leur propre mouuement ce qui leur plaisoit, outre l'indignité qu'il y auoit, ils ne pouoyent eiter d'estre chargés d'une obiection, Qu'ils deuoyent donques reseruer tout. Si bien qu'on trouua ce gentil temperament, de dire, non que les Protestans fissent instance, ou requissent, mais seulement, qu'ils desiroient d'estre ouïs: ce qui ne pouoit estre mesçu de verité, attendu qu'à plusieurs occasions eux mesmes l'auoyent dit: & quoy qu'ils l'entendissent de toutes les Controuerses, il n'y auoit toutesfois aucune fausseté d'affirmer d'une partie ce qui est du nombre entier, sans forclorre les autres. Plusieurs iugeoyent que c'estoit se cacher à l'ombre d'un filet: mais neantmoins, ne pouuant trouuer rien de mieux, cela passa. Il falloit donques oster, des Chapitres de la doctrine, & des Anathematismes, les matieres qui estoient reseruees à vne autre Session: & mesmes les Anathematismes, qui demeurerent, furent, pour plus grande clarté, diuisés, & réduits au nombre d'onze. Mais puis apres, quand ce vint à arrester les Decrets contre les abus, il y eut de la difficulté, à sauoir où on les deueroit colloquer. Ils ne pouoyent entrer parmy ceux de la Foy, attendu qu'ils estoient de ceremonies & vsages: aussi parmy ceux de la Reformation ne sembloient ils pas venir à propos, à cause de la diuersité des matieres: d'ailleurs, de les mettre à part, comme vn troisieme genre, estoit vne nouueaute, qui alteroit l'ordre establi. Apres vn long debat, il fut conclu de les omettre, pour

1551.

en Congregation on arreste de donner saufconduit aux Protestans, & de differer à leur venue quelques chefs de l'Eucharistie,

1551.

les joindre puis apres aux Decrets de la Messe. Les Articles de la Reformation furent acceptes sans difficulté, car ils auoyent desia esté arrestés par les mesmes. Il ne restoit que la forme du saufconduit, laquelle fut remise à la discretion des Presidens, pour la composer par l'aduis des experts en semblables formulaires: ce qui aida grandement au Legat à faire passer celle qu'il auoit receu de Rome.

*Session troi-
sieme.*

*Auteur du
Decret de
Doctrine.*

L'onzieme Octobre venu, on alla à l'Eglise en la manière accoustumee, & l'Euesque de Maiorque chanta la Messe, & l'Archeuesque de Torre fit le Sermon, tout à la louange & exaltation du Sacrement de l'Eucharistie. Puis apres, les autres ceremonies estans paracheuees, l'Euesque officiant lut le Decret de la Doctrine dont la substance estoit, Que le Concile, assemblé pour declarer l'ancienne foy, & remedier aux inconueniens causés par les sectes, auoit dès son commencement tousiours desiré d'extirper l'yuraye semence en la matiere de l'Eucharistie. Et pour ce estoit-il, que se tenant à la doctrine Catholique, laquelle tousiours a esté cruë en l'Eglise, il defend pour l'aduenir à tous fideles de croire, enseigner, ou prescher autrement de ce qu'à present est declaré. Premièrement, il enseigne, qu'apres la Consecration, Iesus Christ, vray Dieu, & vray homme, est vrayement, reelement & substantielement contenu en l'Eucharistie, sous les apparences des choses sensibles: ces choses n'estans point repugnantes, qu'il soit au Ciel en la maniere d'estre naturelle, & neantmoins qu'il soit aussi present en plusieurs autres lieux en sa propre substance, mais sacramentelement, & d'une maniere malaisée à estre expliquée par paroles, mais laquelle on doit croire par foy. Car tous les anciens ont professé, que Christ a ordonné ce Sacrement au dernier souper qu'il fit avec ses Apostres, lors, qu'apres la benediction du pain & du vin il dit, qu'il leur donnoit son corps & son sang, en termes & paroles si claires, & manifestes, que c'est vne grande impieté, de les destordre à des figures de parler imaginaires, par lesquelles est niee la verité de la chair & du sang de Christ. En apres il enseigne, que Christ a institué ce Sacrement en memoire de foy, ayant ordonné qu'il fust receu pour viande spirituelle de l'ame, & pour medecines des fautes ordinaires, & preseruatif des pechés mortels, & gage de la gloire à venir, & enseigne du corps dont il est le Chef. Et quoy que ce Sacrement ait cela de commun avec les autres, d'estre signe de chose sacrée, il a toutesfois cela de propre, que là où les autres ont la vertu de sanctifier seulement lors qu'on en vse, celui-cy contient l'autheur de la sainteté, mesmes auant l'usage. Car les Apostres n'auoyent encore receu l'Eucharistie de la main du Seigneur, lors qu'il dit, qu'elle estoit son corps. Et l'Eglise a tousiours cru, que le corps de Christ est sous l'espece, c'est à dire, apparence, du pain: & le sang, sous celle du vin, par la vertu de la Consecration: en sorte toutesfois, que par concomitance l'un & l'autre est sous chacune des especes, voire mesmes sous chacune de leurs parties, autant que sous toutes les deux: declarant, que, par la Consecration du pain & du vin, il se fait vne conuersion de toute leur substance en la substance du corps & du sang de Christ, laquelle Conuersion l'Eglise Catholique a nommee Transubstantiation, terme conuenable & propre: au moyendequoy les fideles rendent à ce Sacrement l'honneur de Latrie, dû à Dieu: & en outre deuotement & religieusement à esté instituee vne feste d'iceluy Sacrement vne fois l'annee, en laquelle il est publiquement porté en procession. Semblablement, la coustume de le garder en lieu sacré est fort ancienne, dès le temps du Concile de Nicee; comme aussi de le porter aux malades: ce qui outre la raison qu'il y a, est approuué par plusieurs Conciles. Que s'il n'est conuenable de manier aucune chose sainte sans sainteté, tant plus est-on obligé de n'aller à ce Sacrement qu'avec vne grande reuerence, & apres s'estre esprouué soy-mesmes: laquelle esprouue gist en ce que nul, estant en peche mortel quoy que contrit, ne le prene sans la Confession Sacramentelle: ce que le Prestre mesmes, qui doit celebrer est tenu d'observer, s'il a commodité de Confesseur: au defaut de

quoy, il le doit faire tout promptement apres. D'auantage il enseigne qu'il y a trois moyens de receuoir l'Eucharistie: l'un, sacramentellement tant seulement, comme font les pecheurs: l'autre, spirituellement, comme font ceux, qui le reçoient par foy viue, & par desir, le troisieme, sacramentellement & spirituellement tout ensemble, comme font ceux, qui s'estans es-prouués eux mesmes en la maniere dessus dite, vont à la Sainte Table. Et que par tradition Apostolique ontient, & ainsi se doit garder, que les Lais reçoient la Communion des Prestres & que les Prestres se communient eux mesmes. Enfin le Concile prie & exhorte tous Chrestiens, qu'ils ayent à conuenir & à s'accorder en cete doctrine.

Après la lecture du Decret, furent semblablement lus les onze Anathematismes. Premierement; Contre qui nie, qu'en l'Eucharistie soit vrayement reelement, & substantielement contenu le corps & le sang, ensemble l'ame, & la Deité de Iesus Christ: c'est à dire, Christ tout entier: ains dit, qu'il y est tant seulement comme en signe, ou figure, ou vertu. Secondement, Contre qui dit qu'en l'Eucharistie demeure la substance du pain & du vin ensemble avec le corps & le sang de Christ, ou nie cete admirable conuersion & changement de toute la substance du pain au corps, & de celle du vin au sang, sans qu'il y demeure autre chose que les especes, c'est à dire apparences du pain & du vin: laquelle conuersion l'Eglise tresproprement appelle Transubstantiation. Tiercement, Contre qui dit: qu'au Sacrement de l'Eucharistie, sous chacune des especes, voire sous chacune partie d'icelles, apres la separation faite, n'est contenu Christ tout entier. En quatrieme lieu, Contre qui dit, qu'apres la Consécration, le corps & le sang de Christ ne sont en l'Eucharistie qu'en l'usage, quand on le prend, non deuant, ny apres: & semblablement qu'és parcelles, qui restent apres la Communion, ne demeure le vray corps du Seigneur. En cinquieme lieu, Contre qui dit, que le principal fruit de l'Eucharistie & la remission des pechés: ou bien, que d'icelle ne prouient autre effet. En sixieme lieu, Contre qui dit, que Christ en l'Eucharistie ne doit estre adoré du seruice de Latrie, ny honoré d'une feste particuliere, ny porté en procession, ny exposé en lieu public pour estre adoré: & que ceux qui l'adorent ainsi, sont idolâtres. En septieme lieu, Contre qui dit, qu'il n'est loisible de le garder en lieu sacré, mais qu'il le faut tout distribuer aux assistans: ou bien, qu'il n'est loisible de porter honorablement aux malades. En huitieme lieu, Contre qui dit, qu'en l'Eucharistie on mange Iesus Christ spirituellement tant seulement: & non sacramentellement & reelement. En neuuieme lieu, Contre qui dit, que les fideles, venus en aage de discretion, ne sont tenus de se communier tous les ans, au moins à Pasques. En dixieme lieu, Contre qui dit, qu'il n'est loisible au Prestre celebrant de se communier soy mesmes. En onzieme lieu, Contre qui dit, que la foy seule est suffisante preparation pour receuoir ce Sacrement. Declarant en fin que cete preparation se doit faire par le moyen de la Confession Sacramentele. Et prononçant ex cōmunié quiconque enseignera, preschera, ou affermera obitinément le contraire, ou mesmes entreprendra de le maintenir en dispute publique.

*anathema-
tismes sur
l'Eucharis-
tie:*

Quant au decret de la Reformation, il contenoit premierement vne longue admonition aux Euesques, d'vser de la Iurisdiction moderément, & en charité. Puis determinoit, qu'és causes de visite, de correction, & d'inhabilité, & es crimineles, nul ne puisse appeler de l'Euesque, ou de son Vicaire general, de quelque sentence interlocutoire, ou grief quelconqués, auant la sentence definitive. Et lors qu'il y aura lieu d'appel, & que la commission en deura estre donnee par autorité Apostolique *in partibus*, c'est à dire, és propres lieux, hors la ville de Rome, que ce ne soit à autre que au Metropolitain, & à son Vicaire general. Que si iceluy estoit suspect, ou trop esloigné: ou que l'appellation eust esté faite de luy mesmes, que la commission de ladite appellation ne soit baillee à autre qu'à vn Euesque voisin, ou à vn Vicaire. Que le defendeur en cause criminele, appellât de l'Euesque, ou de son

*decret de re-
formation,
concernant
la iurisdic-
tion des E-
uesques;*

1551

Vicaire, soit tenu de produire les actes de la premiere instance, lesquels luy seront gratuitement baillés & deliures, dans le terme de trente iours, par celuy de qui il aura appellé, Que l'Euesque, & son Vicaire general, puisse proceder contre tout Clerc, mesmes ayans les saints Ordres, iusques à la condannation, & deposition verbale: & mesmes le degrader solennellement, avec l'interuention d'autant d'Abbés de Mitre, & Crosse, que les Canons ordonnent d'Euesques. Que l'Euesque, en qualité de delegué du S. Siege, puisse sommairement conoistre de subreption, ou obreption de grace, obtenue par faux donner à entendre, & frauduleuses prieres, pour l'absolution de quelque crime ou delit public, dont luy mesmes auroit commencé à informer: ou pour la remission de la peine, en laquelle le criminel auroit par luy condanné: & puisse casser & annuler cete grace, s'il verifie qu'elle a esté extorquee par vn faux narré, ou par vne suppression & desguisement de la verité. Que l'Euesque ne puisse estre cité à comparoistre personnellement, si ce n'est pour cause, pour laquelle il meritaist deposition, ou priuation, en quelque forme de iugement qu'on y procede. Qu'aucun tesmoins ne soyent receus en cause criminele contre l'Euesque, s'ils ne sont contesmoins, & de bonne vie, & renommée: & s'ils deposent par haine, ou autre passion, qu'ils soyent grieuement punis. Que les causes crimineles des Euesques, és crimes la qualité desquels merite comparoissance personele, soyent rapportees deuant le Pape, & par luy seul puissent estre terminees.

*autre de-
cret prote-
stant la d-
lation des
chefs remis
sur desir &
venue des
Protestans.*

Après cela, fut publié vn autre Decret, qui portoit, Que le Concile, desirant extirper toutes les erreurs, auoit exactement examiné quatre articles: Premièrement, S'il est necessaire à salut, & du commandement expres de Dieu, que tous les fideles recoyuent le Sacremens sous les deux especes. Secondement, Sy celuy, qui communie sous vne espece seulement, recoit moins que celuy, qui communie sous toutes les deux. Tiercement si l'Eglise a failly, communiant les Lais, & les Prestres non celebrans, avec la seule espece du pain. En quatrieme lieu, S'il faut aussi communier les petits enfans. Mais, d'autant que les Protestans d'Allemagne desirent d'estre ouys sur ces Articles, auant leur decision: & pour cet effet on demande vn saufconduit, pour pouuoir, aller, venir, demeurer, librement parler & proposer, s'en aller: le Concile, esperant les ramener à concorde de foy, esperance, & charité, condescend à leur demande; & leur a baillé & baille, entant qu'en luy est, & que de droit il peut, la foy & seurte publique, qu'on appelle Saufconduit, de la teneur que dessous: & a differé à decider & definir ces Articles, iusques au vintcinquieme Ianuier de l'annee suiuintes ordonnant quant & quant qu'en icelle Session soit traité du Sacrifice de la Messe, comme de matiere inseparablement coniointe & connexe: & que cependant, en la prochaine Session, assignee au vintcinquieme Nouembre, on traitera des Sacremens de la Penitence, & de l'extreme Onction.

*ausquels est
donné sauf-
conduit.*

La teneur du saufconduit estoit, Que le Saint Concile baille & ottroye foy publique, & pleine assurance, qu'on appelle Saufconduit, avec toutes ses clauses necessaires, & conuenables, quoy qu'elles requissent speciale expression, entant qu'à luy appartient, à toutes personnes, tant Ecclesiastiques que Seculieres d'Allemagne, de quelque degré, estat, & qualité qu'elles soyent, lesquelles voudront venir à ce general Concile: à ce qu'elles y puissent en toute liberté communiquer, proposer, & traiter, venir, demeurer, presenter Articles, par escrit ou de viue voix, conferer avec les Peres deputés par le Concile, & disputer sans iniures, & conuices: & partir, & se retirer, quand bon leur semblera. En outre le Concile consent & agree, que, si, pour leur plus grande liberté & seurte, ils desirent qu'on leur depute des Iuges, pour les delits qu'ils ont commis, ou commettront, quoy qu'enormes, & ressentans l'heresie, ils nomment ceux qu'ils estimeront leur estre bien affectionnés. Après cela fut lû le mandement de Ioachin Electeur de Brandenbourg, es personnes de Christoffe Strassen Iuriconsulte, & de Jean Hoffman, enuoyés par luy Ambassadeurs au Concile. Le premier

fit vne longue harenque, monstrant la bonne volonté, & le respect de son Prince enuers les Peres sans se declarer plus auant, à l'esgard de son sentiment au fait de la Religion, Le Concile respondit, par la bouche de son Promoteur, Que le Concile auoit ouï avec beaucoup de contentement le discours de l'Ambassadeur, & sur tout en la partie, en laquelle le Prince se soumettoit au Concile, & promettoit d'observer ses Decrets: esperant que les effects ne seroyent point diuers des paroles. La proposition de ses agents de Brandanbourg fut remarquee par plusieurs personnes: d'autant que cet Electeur estoit de la Confession d'Augsbourg, & sauoit-on tres-bien, que les seuls interets le portoyent à proceder avec ces belles mines, afin que Rome, & les Catholiques d'Allemagne, se deportassent des trauerses & empeschemens, qu'ils donnoient à son Fils Friderich, élu Archeuesque de Magdebourg par le Chapitre: qui est vn benefice qui a vne principauté bien grande & bien riche, annexee. La response du Concile ne fut pas moins admiree, à cause de l'agencille & aduantageuse façon de contracter, stipulant dix, & en vertu de la promesse pretendait dix mil: car de vray il n'y a pas moins de proportion de ce nombre-là à cetuy-cy, que de la reuerence promise par l'Electeur à la submission receuë par le Concile. Bien disoit-on, en defense du fait, que le Concile n'auoit par regardé aux choses dites, mais à celles qui se deuoient dire: & que c'estoit là vn ordinaire & pieux attrait de l'Eglise Romaine, laquelle s'accommodant & demettant à la foiblesse de ses enfans, monstre d'auoir entendu qu'ils ont bien satisfait à leur deuoir. Qui ainsi iadis, les Peres du Concile de Carthage ayans escrit au Pape Innocent premier, pour luy donner aduis de la condanation par eux faite de Celestin & de Pelagius, & le requerir qu'il se conformast à leur declaration; il leur respondit, les louant, d'auoir, comme bien recors de l'ancienne tradition, & de la discipline Ecclesiastique, renuoyé & rapporté le tout à son iugement, duquel tous doiuent apprendre qu'il doit estre absous, & qui doit estre condanné. Et de vray c'est là vne gracieuse façon de faire dire aux hommes par silence, ce qu'ils ne veulent proferer de paroles.

Après cela, suiuant l'intimation faite à l'Abbé de Bellozane, de luy donner en ce temps là response aux lettres, & à la protestation du Roy de France, les huissiers proclamerēt à la porte de l'Eglise, S'il y auoit là aucun pour le Roy Treschrestien. Mais nul ne se presenta, d'autant que le Conseil du Roy auoit iugé qu'il n'estoit pas expedient qu'aucun comparust, pour n'entrer en contestation de cause: sur tout ne pouuant attendre aucune response qui ne fust forgee à Rome, par le Pape, & les Espagnols. Au moyen de quoy le Promoteur fit instance, que la response decretee fust lue publiquement: ce que les Presidens ayans assenti, il fut fait & executé tout sur le champ. La substance de cette response estoit, Que les Peres, après auoir conceu grande esperance des faueurs du Roy, auoyent esté fort marris des propos de son depute, par lesquelles il la leur auoit grandement rabatue: mais que toutesfois ils ne l'auoyent point perdue tout à fait, sachant en leur conscience de ne luy auoir baillé aucun suiet d'offense. Et que, quant à ce qu'il auoit dit, Que le Concile estoit assemblé pour l'utilité & aduantage de quelque petit nombre de gens, & pour interets & esgards particuliers: cela n'auoit point de lieu en eux, lesquels non seulement par le Pape moderne, mais aussi par Paul troisieme, auoyent esté conuoqués, pour extirper les heresies, & reformer la discipline, qui sont causes, dont il n'y en peut auoir de plus communes, ne de plus pieuses. Et prioient le Roy de laisser aller ses Euesques à aider à vn si saint ceuvre: qu'il y auroient toute liberté: & que si son depute, quoy que non reconnu en autre qualité que de personne priuee, & qui portoit chose desagreables, auoit esté ouï avec beaucoup de patience, & d'attention, combien plus seroyent bien veus personages de telle dignité? Adioustant toutesfois, que mesmes encor sans eux, le Concile ne laisseroit pas d'auoir sa dignité, & autorité entiere, ayant esté legitiment conuoqué, & puis remis sus pour iustes & suffisantes causes. Et quant à ce, que Sa Majesté

1551.

auoit protesté de vouloir vsér des remedes pratiqués par ses ancestres, le Concile auoit bonne esperance, qu'il ne remettroit point sus les choses iadis abolies, & supprimees, au grand benefice de son Royaume: ains que, regardant à ces ancestres, au nom du Roy Treschrestien, & à son Pere le Roy François, qui auoit honoré ce Concile, à son exemple il ne voudroit estre ingrat à Dieu, & à Sainte Mere Eglise: ains que plustost il remettroit ses offenses particulieres au bien public de la cause generale.

*iugemens
sur les de-
crets de la
troisième
Session.*

Les Decrets de la Session furent tout incontinent imprimés: & ayans esté veus avec beaucoup de curiosité en Allemagne, & ailleurs, donnerent suiet de beaucoup de discours. Premièrement, pour ce que sur la matiere de l'Eucharistie, en traitant de la maniere de l'existence du corps de Christ au Sacrement, le Decret dit, Qu'à peine peut-elle estre exprimée par paroles: & cependant apres il affirme, que cete conuersion est proprement appelee Transubstantiation: & en vn autre endroit, que c'est vn terme tresconuenable: ce qu'estant, il ne fait point auoir de doute qu'on ne le puisse proprement exprimer. On disoit de plus, que le Concile, ayant déclaré, que Iesus Christ, apres la benediction du pain & du vin, auoit dit, que ce qu'il bailloit estoit son vray corps & son sang, venoit à determiner contre tous les Theologiens, & contre le sentiment de toute l'Eglise Romaine, que les paroles de la Consecration n'estoyent point celles-cy, assauoir, Ceci est mon corps: attendu que le Concile assuroit, qu'elles auoyent esté dites apres la Consecration, qui n'est autre chose que la Benediction. Aussi de vouloir prouuer, que le corps du Seigneur est en l'Eucharistie auant l'vsage, pour ce que Christ l'appela son corps en le presentant, auant que les disciples l'eussent receuë, sembloit chose fort impertinente: car, par ce moyen on monstroient de presupposer, que la presentation n'appartient pas à l'vsage, ce qui manifestement est faux. On remarquoit aussi, comme fort impropre, cete façon de parler, employée au cinquieme chapitre de la doctrine, qu'à ce Sacrement est du le seruice & adoration diuine: attendu qu'il est certain que par le mot de Sacrement n'est entendue la chose signifiée, ou contenue: mais la signifiante, on contenante. Et que pourtant il auoit esté mieux, & plus correctement dit au sixieme, qu'on doit adorer le Fils de Dieu au Sacrement. On remarquoit aussi cete parole du troisieme Anathematisme, que Christ tout entier est en chacune partie du Sacrement, apres que la diuision en a esté faite: car de là il semble qu'on recueille de necessaire consequence, qu'il n'est pas donc tout entier en chacune des parties auant la diuision.

*le saufcon-
duit du Con-
cile ne con-
sente les
Protestans*

Puis apres, pour ce qui concerne la Reformation, les Prestres se plaignoyent que l'autorité des Euesques estoit par trop aggrandie, & le Clergé reduit à trop de seruitude. Mais les Protestans, ayans veu l'article, auquel il est dit qu'ils requeroient d'estre ouïs sur quatre chefs tant seulement, furent remplis d'estonnement, par qui pouuoit auoir esté faite vne telle instance en leur nom: attendu que tant de fois, es Dietes, & par escrits publics, ils auoyent dit & reïteré, qu'ils requeroient l'examen de toutes les matieres controuerses, & ne vouloyent recevoir aucune des choses iadis determinees à Trente, mais que le tout fust de nouveau remis sur le bureau. Aussi iugerent-ils que la forme du saufconduit estoit fort captieuse: attendu que tant au Decret de la concession, qu'en la teneur d'iceluy saufconduit, il y auoit la clause de reserue: Entant qu'il appartient au Concile: & toutesfois nul ne demande à aucun, sinon ce qu'il luy appartient de conceder: mais que cete affectée diligence de l'exprimer, & le reïterer, monstroient assez, qu'on auoit desia excogité vn moyen de l'eluder, & enfreindre, reïettant la faute sur autrui, & ne doutoyent nullement que l'intention du Concile n'eust esté, de laisser vne porte de derriere ouuerte au Pape, pour faire son honneur & celuy du Concile sauf, ce qui seroit pour le bien des affaires de l'un & de l'autre. Outre ce que parler de deputez Iuges, pour fautes d'heresie commises, leur sembloit vne certaine maniere de filé, pour enlacer quelque inconsideré: & n'y auoit pas iusqu'aux pedants, qui nes'en

moquassent, considerant l'assiete du verbe principal, *Contedit*, distante du commencement de plus de cent cinquante mots. Les Protestans prirent entr'eux vn concert par vn passe parole & de main en main, qu'ils ne s'en vouloyent point contenter, ne s'y fier: mais qu'ils en vouloyent vn autre, qui fust iustement de la teneur de celuy que le concile de Basle donna aux Bohemiens: car l'obtenant tel, ils gaignoyent vn grand point, assauoir, de faire specifier, que les Controuertes seroyent decidees par la Sainte Escriiture: que si aussi il leur estoit refuse, ils auroyent dequoy s'excuser enuers l'Empereur.

Le iour d'apres la Session, il y eut Congregation generale, pour disposer de traiter de la Penitence, & de l'Extreme onction, & pour continuer la Reformation. En icelle il fut mis en consideration, que les Theologiens auoyent excédé le reiglement de traiter les matieres, qui leur auoit esté prescrite, dont estoient nees des contentions, qui ne pouuoient seruir à les rendre tous vnis contre les Lutheriens: & pourtant qu'il falloit renouueler le Decret, sans permettre d'vser de raisons & argumens d'escholes, mais les astraignant à parler positivement, & à garder l'ordre, lequel il estoit bon d'establir de nouveau: d'autant que l'inobseruation d'iceluy auoit engendré de la confusion: & pource aussi que les Flamands, comme aussi les Theologiens, qui estoient avec les Prelats Allemands, se plaignoyent qu'on ne faisoit point d'estat de leurs personnes selon leur merite. Il auoit ia esté arresté qu'on traiteroit de la Penitence, & de l'Extreme onction. Et lors il fut dit quelque chose touchant la Reformation, & furent deputés ceux qui, en compagnie de l'Euesque de Verone Nonce, deuoyent dresser les Articles de la foy, & avec l'Archeuesque de Siponte, aussi Nonce, ceux de la Reformation. En matiere de Foy, furent formes douze Articles sur le Sacrement de la Penitence; extraits mot pour mot des liures de Luther, & autres siens disciples, pour estre disputés par les Theologiens, pour sauoir s'ils deuoyent estre tenus pour heretiques, & condamnés pour tels. Mais c'est chose superflue de les reciter tout au long en ce lieu: car ils furent tellement changés, & alterés: quand on vint à former les Anathematismes, apres auoir ouï les aduis des Theologiens, qu'il n'y en demeurera aucune trace. A ces Articles estoient ioints quatre autres touchant l'Extreme onction, de tout en tout corespondans aux quatre Anathematismes tous arrestés & conclus. Au mesme feuillet auquel les Articles estoient escrits, il y auoit aussi trois Decrets adioustés: qui portoyent, Que les Theologiens eussent à dire leurs aduis, le puisant de la Sainte Escriiture, des Traditions Apostoliques, des saints Conciles, des Constitutions & autorités des souuerains Pontifes, & des saints Peres, & du consentement de l'Eglise Catholique: & ce sommairement, & briuelement; euitant les questions inutiles, & les contentions opiniatres. Qu'à parler on gardast cet ordre: que les enuoyés par le Pape parlassent les premiers; ceux de l'Empereur les seconds; ceux de Louvain, enuoyés par la Royne de Hongrie, les troisiemes; les Theologiens, venus avec les Electeurs, les quatriemes; les Clercs seculiers, selon l'ordre de leurs promotions, les cinquiemes; les Reguliers, selon les prefeances de leurs Ordres, les sixiemes. Que les Congregations fussent tenues deux fois le iour: le matin dès les huit heures iusques à onze: & l'apres midy, dès les deux heures iusques à cinq. On forma quinze Articles de Reformation, lesquels se rapportoyent aux chapitres qui en furent arrestés du depuis: sauf le quinzieme, auquel estoit proposé d'ordonner, qu'on ne pust bailler aucun benefice à commende, sinon à personne qui fust du mesme aage, que la loy requiert en celuy qui le doit tenir en titre: car lors qu'on vint à parler de cet Article, il fut bien tost mis sous silence, comme empeschant plusieurs Prelats de renoncer leurs benefices à leurs neveux.

Le Pape, lequel, comme il a esté dit; auoit escrit lettres aux Suisses Catholiques, pour les conuier au Concile, continua à en faire la mesme instance par le moyende Ierome Franc, son Ambassadeur: en quoy aussi il estoit se-

I S S E

Congregation
générale.forme des
Articles de
la penitence.de l'Ex-
treme On-
ction,reigle de
rechercher la
maniere de
les traiter
& de les disputer.dresser
quelques
Articles de
la Reformation.le Pape fait
nouuelle in-
stance aux
Suisses, que

1551.

*Suisses, qui
ils viennent
au Concile,
mais en
vain.*

condé par l'Empereur. Mais le Roy de France traualloit tout au contraire par le moyen de Morlay Muse, son Ambassadeur, aidé par Vergere, lequel comme bien instruit des secrets & desseins de Rome, & demeurant lors au pais des Grisons, luy bailla l'adresse de persuader cete Nation: & mesmes escriuit vn liure sur ce sujet: tellement qu'en la Diete de Bade, qui se tint alors non seulement les Suisses Euangeliques, mais aussi les Catholiques resolu rēt de n'enuoyer aucun au Concile. Et les Grisons mesmes entrés en desfiance par les aduertissemens de Vergere, que le Pape machinast quelque chose à leur preiudice, rappelerent Thomas Plante, Euesque de Coire, lequel estoit ia au Concile.

*Les Articles
sont debatuz
en Congrega-
tion d'une
nouuelle
maniere.*

A Trente les Congregations des Theologiens furent sollicitées: & en icelles fut parlé des douze Articles de Foy proposés, selon l'ordre estably, lequel ne put empescher que toute la matiere de la penitence ne fust traitée non seulement à la façon des Scholastiques, mais aussi des Canonistes, en suivant Gratien, lequel en auoit fait vne Question, laquelle pour sa longueur fut diuisee puis apres en six distinctions: & quant au reiglement prescrit par les Presidens, que les matieres fussent deduites, & les conclusions prouuees par les cinq fondemens & lieux dessusdits, cela ne fit point eiter la prolixité & superfluité, & les inutiles & vaines questions: ains donna sujet de plus grand abus: car au moins, lors qu'on parloit Scholastiquement, on demouroit dans la matiere, & les discours estoient tous serieux, & seueres. Mais en cette nouuelle maniere, laquelle ils appeloient positive, terme Italien, tiré des habits simples, & sans superfluité d'ornemens, on tomboit en des puerilités & inepties. Car, es allegations de la Sainte Escriture, furent employés tous les passages des Prophetes & des Psalmes, esquels se rencontre le Verbe, *Confiteor*, & son Verbal, *Confession*: qui toutesfois en Hebrieu signifie louange, ou religieuse profession: & tirés par le poil au Sacrement de la Confession: laquelle aussi on taschoit à tors & à trauers de monstrer par des figures tirees du vieil Testament, entierement à contresens, auoir esté iadis presignée: & celui, qui en couchoit & seruoit le plus, s'estimoit le plus sauant. Toutes les ceremonies, qui marquent humilité, douleur, & repentir, pratiquées par ceux qui confessent leurs pechés, estoient hardiment nommées Traditions Apostoliques. Recit fut fait d'innombrables miracles, anciens, & modernes, en bien aux deuots de la Confession, & en mal aux contempteurs & negligeurs d'icelle. Par plusieurs & diuerses fois furent rapportées toutes les autorités alleguées par Gratien, auxquelles toutesfois on donnoit des sens bien differens & diuers, selon qu'il venoit à propos: & en furent encor adioustées autres de surcroist. Qui auroit ouï discourir ces Docteurs, n'eust pu recueillir autre chose, sinon que les Apostres, & les anciens Euesques, ne faisoient iamais autre chose qu'estre perpetuellement à genoux pour se confesser, ou assis pour confesser les autres. Mais au fort, ce, à quoy tous aboutissoient, & qui aussi de vray releuoit le plus, estoit le Concile de Florence, lequel auoit ia déterminé de cete matiere. Les memoires, qui sont encor en estre, ne contiennent en cet endroit chose aucune qui merite d'estre spécifiée: & tout ce qu'il y a, sera rapporté avec la substance de la doctrine. Mais les choses susdites m'ont semblé ne deuoir estre tuës: car ces diuerses gerbes estans portées en l'aire, & batues toutes peslemesse, il ne faut point s'esbahir, si le grain qui en sortit fut du metal bien meslé: c'est à dire, que les Chapitres de Foy & Doctrine, qui en furent extraits, furent bien bigarrés, & ne purent par leur bigarrure plaire qu'à bien peu de gens, & ne fut obserué en cete matiere ce qui auoit esté suiuy es autres, de ne condamner aucune opinion des Catholiques, ains d'attremper en sorte la declaration & expression de la Doctrine, que toutes les parties, lors qu'il y auoit diuersité d'aduis entre les Theologiens, fussent contentes. Cete nouueauté m'oblige à laisser vn peu l'ordre entrepris, pour exposer premierement la substance du Decret, ainsi qu'il fut arresté pour estre lu en la Session, & puis adiouter ce que les personnes mesmes du Concile n'approuuoient pas.

Le Decret

par le Pape, ne sont iamais compris sous les nōs generaux, sinon qu'il en soit fait speciale mention. Mais ne pouuans rien obtenir de plus, ils se contentent de cela, esperant que le temps ouuriroit quelque porte pour faire quelques pas plus auant.

En la mesme sixiesme Sessio susdite il auoit esté decreté, qu'aucun Clerc *contre les exemptions de la correction Episcopale.* seculier, en vertu de priuilege personnel, ne Regulier, demeurant hors de son Monastere, en vigueur du priuilege de son Ordre, ne fust exempt de la correction del'Euesque, comme delegué du S.Siege. Mais cela par aucuns estoit entendu ne comprendre les Chanoines des Eglises Cathedrales, ny les autres dignités des Collegiales, lesquelles, non par priuileges, mais par coustume immemorale, ou bien par sentences passées en chose iugee, ou par Concordats, & transactions establies, & iurees avec les Euesques, estoient en possession de n'estre suiets au iugement Episcopal: autres aussi restregnoyēt les termes du susdit Decret aux seules occasions de visite. Dont au quatrieme Canon il fut ordonné, que, à l'esgard des Clers seculiers, ladiete correctio Episcopale s'estendroir à tous temps, à toutes sortes d'exces, nonobstant toutes les choses dessusdites.

Il y auoit vn autre desordre, qui n'estoit pas moindre: c'est que le Pape otroyoit à quiconque le requeroit par les voyes vsitees à la Cour de Rome, iuge au choix du suppliant, avec autorité de le proteger, defendre & maintenir en la possession de ses droits, & faire cesser toutes facheries & molestes, qui luy seroyent donnees: estandant aussi la mesme grace aux domestics: & les Iuges de cete sorte estoient appellés Conseruateurs, lesquels employoyēt leur autorité, non à defendre les supplians des molestes d'autrui, ains à le soustraire tout à fait des iustes corrections, & mesmes à molester autrui à leur instance, & à donner de la peine par censures aux Euesques, & autres superieurs Ecclesiastics ordinaires. Le cinquieme Canō pourueut à ce desordre, ordonnant que les graces Conseruatoires ne pussent seruir à aucun, pour l'exempter d'estre enquis, accusé & conuenu deuant l'ordinaire, es causes crimineles, & mixtes. Et quant aux ciuiles, esquelles celui, qui a impetré telles lettres, est demandeur, qu'elle ne puissent estre tirees deuant le Conseruateur: & qu'es autres, esquelles il est deffendeur, en cas que le demandeur ait le Conseruateur pour suspect, ou qu'il naisse quelque difficulté entre luy & l'ordinaire sur la competence de la iurisdiction, soyent élus arbitres à forme du droit: & que les lettres conseruatoires: qui comprennent aussi les domestics, ne puissent s'estendre à plus grand nombre que de deux tant seulement, lesquels encor viuent aux propre despens d'iceluy: & que telles graces n'ayent à durer pour plus de cinq ans: & que les Conseruateurs ne puisse auoir siege erigé. Sans comprendre toutesfois en ce Decret les Vniuersités, les Colleges des Docteurs, ou Escholiers, les lieux des Reguliers, & les Hospitalaux. Mais, sur cete exception, & reserue, il y eut tres grand debat, lors que ce point fut traité: d'autant qu'il sembloit aux Euesques, que, contre toute raison l'exceptio estoit plus ample que la reigle: veu que le nombre des Docteurs, Escholiers, Reguliers, & Hospitaliers, est bien plus grand, que celui des autres qui ont lettres conseruatoires: & qu'il est bien aisé de pouruoir à vn particulier: mais que les desordres, qui naissent des Colleges, & vniuersités, sont tres importantes. Le Legat en donna aduis à Rome, là où l'affaire se trouua tout decidé, par ce qui auoit esté consulté sous le Pape Paul troisieme: assauoir, Qu'il falloit, pour la manutention de l'autorité Apostolique, que les Moines & les Vniuersités despendissent totalement de Rome: & pourtant il n'y eut nul besoin de nouuelle deliberatio, mais tout sur le champ fut respondu, Que les Conseruatoires de tels ne fussent entamees ny touchees en maniere quelconque. Les Peres du Concile, qui adheroyent à Rome, s'estans rangés à cet aduis, les autres se trouuerent en nombre inferieur: & encor enuers ceux-là fit-on tant par persuasions, offices & esperances, qu'ils s'appaiserent, & ainsi furent contrains de passer l'exception.

1551.

sur les ve-
stemens du
Clergé.

Le sixieme Canon fut sur la façon des habits du Clergé : & on conuint aisément à cete conclusion d'ordonner, Que tous Ecclesiastiques, avans les saints ordres, & les benefices, soyent tenus & obligés, de porter habit convenable à leur degré, selon l'ordonnance, & mandement de l'Evesque, auquel est donné pouuoir & autorité de suspendre les contreuenans, cas aduenant, qu'estans admonestés, ils n'obeissent : & mesmes de les priver des Benefices, si, apres la correction, ils ne s'amendent : renouvelant la Constitution du Concile de Vienne sur ce suiet : si bien icelle estoit peu appropriée à ces tēps, defendant les robes rayées, & bigarrees, & les manteaux plus courts que les robes ; & les chausses faites à eschiquier, rouges, ou vertes : toutes choses hors d'usage, & qui partant n'auoyent plus de besoin de defence.

contre les
dispenses
des Clercs
meurtriers
de guet à
pens, ou par
cas fortuit

L'ancien usage de toute les nations Chrestiennes a tousiours porté, qu'à l'imitation de la douceur & de bonnairété de Nostre Seigneur Iesus Christ, tous les ministres de l'Eglise fussent purs & nets de sang humain, & que iamais aucune personne, souillée de meurtre, soit volontaire, soit fortuit, & casuel, ne fust admise à aucun Ordre Ecclesiastic, que si aucun Ecclesiastic, de volonté, ou mesme fortuitement, tomboit en semblable exces, il estoit à l'instant mesme priué & debouté de toute fonction Ecclesiastique. Ce qui, iusqu'à present, a tousiours esté inuiolablement obserué par les autres nations Chrestiennes, qui ne sauent que c'est des dispences contre les Canons : mais en la Latine, en laquelle reigne l'usage & la facilité des dispenses, desquelles les riches & aisés ont commodité de se preualoir, cela est demeuré en pratique & vigueur seulement pour les pauvres. Or, la proposition ayant esté faite, au quatrieme & cinquieme Article, de moderer & corriger cet abus, il fut arresté au septieme Canon, que le meurtrier de guet à pens soit tousiours priué de tout ordre, benefice, & office Ecclesiastic : & qu'au fortuit, lorsqu'il y aura raison de dispenser, la commission de la dispense ne soit donnée à autre qu'à l'Euesque, & en cas, qu'il y ait cause de ne la comettre point à luy, qu'elle soit commise au Metropolitain, ou à quelque autre Euesque plus proche. Mais on s'apperceuoit bien, que le Decret ne seruoit point à corriger les abus, ains seulement à encherir les dispenses : d'autant, que pour les meurtres volontaires & de guet à pens, le Pape n'auoit point les mains liees, & pour les fortuits & casuels, le Decret seroit obserué, pourueu que la cause ne fust commise à autre qu'à l'Euesque : mais pour tout cela il n'estoit point deffendu de dispenser de prinfaut, sans commettre la cause à d'autres, apres les preuues faites à Rome, ou bien mesmes, sans cela, despeschant la dispense sous nom de *motu proprio*, ou avec autres clauses, dont la Chancellerie de Rome abonde, quand elle rencontre occasion de s'en preualoir.

contre les
Prelats &
exerçans in-
terdiction
hors de leur
Diocese par
pouuoir du
Pape.

Il y auoit vn autre empeschement de l'autorité Episcopale, qui sembloit grandement considerable : c'est, qu'il y auoit vne certaine sorte de Prelats, lesquels, pour se maintenir en reputation es lieux ou ils habitoient, impetroient pouuoir du Pape de chastier les delits des Ecclesiastiques en ces lieux-là : & semblablement quelques Euesques, sous couleur que leurs Prestres receuoient scandale & mauuais exemple de ceux des Dioceses voisins, obtenoyent permission de les pouuoir chastier. Aucuns eussent desiré quelque remede à ce desordre, par la reuocation totale de semblables pouuoirs : mais d'autant qu'il sembloit, qu'en ce faisant on mescontenteroit plusieurs Cardinaux, & Prelats puissans, qui abusoient de tels pouuoirs, on trouua vn temperamēt de les leur conseruer sans preiudice de l'Euesque : ordonnant au huitieme Canon, qu'iceux ne puissent proceder, sinon avec l'interuention de l'Euesque, ou de personne depute par luy. Il y auoit encor vn autre moyē d'affuier les Eglises, & les personnes d'un Diocese à vn autre Euesque, qui estoit en les vnissant aux Eglises, ou aux Benefices d'iceluy. Cela auoit bien esté defendu en termes generaux en la septieme Session de la premiere conuocation, mais n'estoit pas si clairement exprimé, comme aucuns auoyent desiré, lesquels à cete fois en requierent plus expresse declaration. Et resolution fut prise d'interdire toute vnion perpetuelle d'Eglises d'un Diocese à celles d'un

contre l'v-
nion des E-
glises à au-
tres Eglises

mes. Le premier, Contre qui dira, que la Penitence n'est pas vraiment & proprement Sacrement, institue de Christ, pour reconcilier les pecheurs apres le Baptisme. Le deuxieme, Contre qui dira, que le Baptisme est le vray Sacrement de la Penitence: ou bien, que la Penitence n'est pas le second ays, pour se sauuer apres le debris du naufrage du peche. Le troisieme, Contre qui dira, que les paroles du Seigneur, *Quorum remisistis peccata*, ne s'entendent point du Sacrement de la Penitence, mais de l'autorité de prescher l'Euangile. Le quatrieme, Contre qui dira, que la contrition, confession, & satisfaction, ne sont requises, pour quasi matiere, ou comme parties de la Penitence: ou bien dira, que les frayeurs de la conscience, & la foy, en sont les vrayes parties. Le cinquieme, Contre qui dira, que la contrition n'est point vtile, ains rend l'homme hypocrite, & est vne douleur forcee, & non libre. Le sixieme, Contre qui dira, que la confession Sacramentale n'est instituee, & n'est necessaire de droit diuin: ou que la façon de se confesser secretement au Prestre vne inuention humaine. Le septieme, Contre qui dira, qu'il n'est point necessaire de confesser tous les pechés mortels, voire mesmes les cachés & secrets, avec leurs circonstances, qui alterent l'espece, ou la qualité du peché. Le huitieme, Contre qui dira, qu'une telle Confession est impossible, ou bien, que tous ne sont pas obligés à icelle vne fois l'annee, selon l'ordonnance du Concile de Latran. Le neuuieme, Contre qui dira, que l'Absolution sacramentale n'est point vn acte iudiciel: mais seulement vn ministère de declarer la remission des pechés à celuy qui croit, ou bien, qu'une absolution, barlee par ieu & plaisanterie, est vtile & profitable: ou bien, que la Confession du penitent n'y est point requise. Le dixieme, Contre qui dira, que les Prestres, estés en peché mortel, n'ont aucun pouuoir de lier & deslier ou bien, que tous les fideles indifferemment ont ce mesme pouuoir. L'onzieme, Contre qui dira, que les Euesques n'ont aucune autorité de reseruer des cas, sinon par police exterieure. Le douzieme, Contre qui dira, que toute la peine est remise ensemble avec la coulpe: & que nulle autre satisfaction n'est requise, sinon la foy, qui croye que Christ a satisfait. Le treizieme, Contre qui dira, que l'homme ne satisfait point, supportant les afflictions que Dieu luy enuoye, les peines imposees par le Prestre, & celles que volontairement il prend sur soy: & que la meilleure penitence est la nouuelle vie. Le quatorzieme. Contre qui dira, que les satisfactions ne sont point seruices de Dieu, ains traditions humaines. Le quinzieme, Contre qui dira, que la puissance des Clefs de l'Eglise est seulement pour deslier & relascher, & non pour fermer & lier.

Les Theologiens de Louvain firent vne opposition sur la reseruation des cas, disans, Que ce n'estoit point chose qui fust si claire, comme il sembloit qu'on la fist: d'autant qu'on ne sauroit trouuer qu'aucun Pere en eust iamais parlé: & Durant qui auoit esté Penitencier luy mesmes, & Gerson, & Caetan afferment tous, que non les pechés, mais les censures sont reseruees au Pape: & pourtant, que c'estoit chose trop rigoureuses de tenir pour heretique celuy qui sentiroit autrement. Les Theologiens de Cologne se ioignirent à ceux de Louvain en ce fait: & disoyent tout haut, Que on ne sauroit trouuer aucun anciē, qui parlait de reserue, sinon des peches publics: & qu'il n'estoit pas seant de vouloir ainsi condamner Gerson Chancelier de l'Vniuersité de Paris, personnage tant pieux & Catholique. Que les heretiques fouloyent dire, que ces reserues n'estoyent que pour attraper argent: comme le Cardinal Campege, aussi auoit dit en sa reformation: contre laquelle on leur donnoit matiere d'escrire: à quoy les Theologiens ne respondroyent point, ny ne pourroyent respondre. Pourtant requeroient, qu'on moderast la Doctrine, & le Canon, en maniere qu'il ne donnast scandale; & n'offensast aucun Catholique. Les Theologiens de Cologne disoyent Que, quant au sens des paroles, *Quæcunque ligaueritis*; &c. lequel est condamné au dixieme Canon, Theophylacte l'auoit expressément & formellement entendu de mesmes, & que les aduersaires prendroyent

155 i.
dixieme sur
la matiere
de la Peni-
tence.

oppositions
contre les a-
nathemes
par les Theo-
logiens de
Louvain, &
ceux de Co-
logne.

I 55 I.

plaisir de le voir condanné. Et quant à ce qui est porté par le dernier Canon, que la puissance des Clefs s'entend de l'imposition des penitences, ils remonstrent, Que les Peres anciens ne l'ont iamais ainsi entendu, ains ont pris le mot de lier, pour faire abstenir des Sacrements, iusques à vne complete satisfaction Canonique & Ecclesiastique. Ils requeroient aussi, qu'on fist quelque mention de la penitence publique, tant recommandee & louée par les Peres, & sur tout par S. Cyprien, & par S. Gregoire Pape, lequel en plusieurs Epistres declare quelle est necessaire de droit diuin. Et que si elle n'estoit remise en vsage à l'esgard des heretiques, & des pecheurs publics & notoirs, il estoit impossible de iamais deliurer l'Allemagne. Et que toutesfois le Decret, tant es Chapitres de Doctrine, qu'es Canons, n'en disoit vn seul mot en faueur, ains plustost l'eneruoit, & en mesdisoit. Ils desiroient aussi, qu'on declarast quelque certain signe exterieur, qui fust la matiere du Sacrement attendu qu'autrement on ne pourroit iamais respondre aux obiections des aduersaires.

Les Cordeliers,

Les Theologiens de l'Ordre des Cordeliers improuuoient grandement deux choses: l'vne, qu'on eust posé pour matiere du Sacrement la Contrition, la Confession, & la Satisfaction, non point, qu'ils ne les tinssent pour conditions necessaires & requises à la Penitence, mais non pour parties essentielles d'icelle: & disoyent, qu'il est tout euidant & hors de doute, que la matiere du Sacrement doit estre quelque chose materiele & elementaire, appliquée par le Ministre au receuant, & non vne action du receuant mesme: que cela apparoit en tous les Sacrements: & pourtant, que c'estoit vne grande absurdité de mettre les actions du penitent pour partie du Sacrement. Qu'il n'y a point de doute, qu'autant est requise la Contrition au Sacrement du Baptisme, qu'à celuy de la Penitence: & que toutesfois on ne la met point pour partie du Baptisme. Que les Anciens requeroient la Confession des pechés auant le Baptisme, à l'exemple de S. Iean Baptiste enuers ceux qu'il baptizoit: & mesmes tenoyent les Catechumenes en penitences: & que toutesfois nul n'auoit iamais dit, qu'icelles fussent ou partie, ou matiere du Baptisme: & que pourtant de vouloir condanner cete opinion, tenue par les anciens Theologiens de l'Ordre des Cordeliers, & encor à present par toute l'Vniuersité de Paris, leur sembloit passer mesure. Ils se plaignoyent aussi, qu'on eust déclaré heresie de dire, que l'absolution Sacramentelle est declaratiue: attendu que manifestement ç'auoit esté le sens de saint Ierome: & que le Maistre des Sentences, & Saint Bonauenture, & quasi tous les Theologiens Scholastiques, ont clairement dit, que l'absolution au Sacrement de la Penitence n'est autre chose, que déclarer l'homme absous. A cecy on respondoit bien, Qu'on ne condannoit pas absolument pour heretiques ceux qui disent, que l'absolution est vne declaration que les pechés sont pardonnés: mais qu'ils sont remis à ceux qui croient certainement qu'ils le sont: & que pourtant le Canon comprend seulement l'opinion de Luther. Mais ny pour cela ils ne se contentoient point: affermant, que là où il s'agit d'heresie, il faut parler clairement, & que par tout ne se trouuoit pas personne toute preste, pour donner cete declaration: & requeroient que, tant au Chapitre de la Doctrine, qu'en l'Anathematisme, cete particularité fust bien spécifiée, & eschacée. Frere Ambroise Pelargue, Theologien de l'Electeur de Treues, mit en consideration, que les paroles du Seigneur, *Quorum remiseritis*, &c n'auoyent peut estre iamais esté par aucun Pere interpretees pour vne institution du Sacrement de la Penitence: & que quelques vns les entendoient du Baptisme: les autres, de toutes les manieres & façons, par lesquelles on reçoit le pardon des pechés: & pourtant, que de les vouloir restreindre à la seule institution du Sacrement de la Penitence, & prononcer heretiques ceux qui les exposent autrement, seroit donner vne grande prise aux aduersaires, pour dire qu'au Concile on a condanné l'ancienne doctrine de l'Eglise: & pour ce les exhortoit, qu'auant que faire vne si grande démarche, on vilt & considerast toutes les expositions des Peres, afin que les

Pelargue.

ayant toutes examinees vne à vne, on delibera puis apres ce qu'il faudroit dire. Plusieurs d'entre les Peres, lesquels en simplicité ne pensoient qu'à satisfaire au deuoir, trouuoient ces remontrances assez considerables, & eussent desiré que les deputés eussent fait nouuelle consultation, & que, selon qu'on auoit fait es occasions passees, on ostant les choses qui pouuoient offencer quelcun, & qu'on forma le Decret en maniere, qu'il fust approuué de tous.

Mais le Cardinal Crescence s'opposa à cela par vn discours suiuy, monstrant qu'il y alloit de l'honneur & dignité du Concile, d'eneruer les Decrets & leur oster par maniere de dire, l'ame, pour contenter les humeurs des particuliers: qu'ils auoyent meurement arrestés, & qu'il les faisoit garder ainsi: que toutesfois, si son aduis n'agreoit à tous, auant toute autre chose on traitast en vne Congregation de cete generalité, assauoir s'il estoit bon de faire changement, ou non: & puis de là, selon la deliberation qu'on prendroit, on pouroit venir aux particularités. Mais toutesfois en cecy il ne descouurit point entierement quel estoit son but, lequel il declara puis apres à ses Collegues, & cōfidens: c'est, qu'il ne faisoit point introduire la coustume d'estriuer, & parler ainsi librement, laquelle estoit fort dangereuse, en cas de la venue des Protestans: car eux aussi voudroyent qu'il leur fust permis de mesme qu'aux nostres, en faueur de leurs opinions particulieres: qu'à vne honneste & raisonnable liberte du Concile doit suffire, que chacun puisse dire son aduis, pendant qu'on dispute la matiere, mais, qu'apres qu'on a ouï les aduis de tous, & que les Decrets là dessus sont formés par les deputés, & approuvés par les Presidens, & que mesmes aussi ils ont esté veus, examinés & approuvés à Rome, c'estoit chose trop licencieuse de les vouloir reuoker en doute, & y requerir changement pour des esgards & interests particuliers. En fin le Legat l'emporta, ayant persuadé à la plus grande partie des Peres, que la Doctrine arrestee estoit celle des mieux sensés Theologiens, & plus opposée aux nouueautés Lutheriennes.

*toute abr-
uées par
Crescence,
Legat.*

*pour brider
la liberte
du Concile.*

Or, puis que quasi toute la matiere de Foy de cete Session a esté representee d'un fil, il n'est que bon de suivre à ce peu qui reste à dire du Sacrement de l'Extreme Onction. Les Theologiens en parlerent avec leur prolixité accoustumee, mais sans differend entr'eux. Et sur leurs aduis furent formés trois Chapitres de Doctrine, & quatre Anathematismes. La Doctrine contenoit en substance, Quel l'Onction des malades est vrayement & proprement Sacrement, insinué par Nostre Seigneur en Saint Marc, & puis publié par Saint Iacques Apostre: des paroles duquel l'Eglise a appris par tradition Apostolique, que la matiere de ce Sacrement est l'huile beniste par l'Euesque: & que la forme d'iceluy gist es paroles dont le Ministre vse: & que la chose contenue, & l'effet du Sacrement, est la Grace du Saint Esprit, qui nettoye les restes du peché, & soulage l'ame du malade, & quelquesfois donne mesmes la santé du corps, quand il est vtile pour l'ame. Que les Ministres de ce Sacrement sont les Prestres de l'Eglise: & qu'en Saint Iacques le mot de *Preshiteri* ne doit s'entendre des anciens d'age, ou des principaux parmi le peuple, mais des Prestres, & que cete Onction se doit appliquer aux malades, & principalement à ceux qui sont à l'article de la mort, lesquels toutesfois retournans à conualescence, pourront le receuoir de rechef, quand ils seront vne autre fois en mesme estat. Et pourtant est prononcé anatheme: Premierement, Contre qui dira, que l'Extreme Onction n'est pas vrayement & proprement Sacrement, institué par Christ mesmes. Secondement, Contre qui dira, qu'iceluy ne confere point la Grace, ny ne remet les pechés, ny ne soulage les malades: ains, que cete Onction ancienne est cessée, comme ayant anciennement appartenu au don miraculeux des guerisons. Tiercement, Contre qui dira, que la maniere & vsage, que garde l'Eglise Romaine, est contraire au dire de S. Iacques, & peut estre mesprisée & negligée sans peché. En quatrieme lieu, Contre qui dira, que le seul Prestre n'en est le propre ministre: & que Saint Iacques entend des vieillards & anciens d'a-

*traité de
l'Extreme
Onction, &
les Chapit-
res, & A-
nathematis-
mes sur icelle:*

1551.
remarque
cōsidérable
sur ce De-
cret.

age ; en quelque communauté que ce soit. Que si quelques s'esbahit, pourquoy c'est qu'au premier chapitre de la Doctrine de ce Sacrement, il est dit, Qu'il a esté insinué par Nostre Seigneur en S. Marc, & publié par S. Jacques : la ou les paroles antecedentes, & les subsequentes porteroient qu'on eust dit, Institué, & non insinué, il doit sauoir, qu'il auoit bien esté ainsi couché au commencement : mais puis apres vn Theologien aduertit, que les Apostres, desquels S. Marc dit qu'ils oignoient les malades, n'estoyent pas encor en ce temps-là ordonnés Prestres : attendu que l'Eglise Romaine tient que la Prestreise ne leur fut conferee qu'au dernier souper du Seigneur : dont il sembloit qu'il y eust quelque espece de contradiction à dire que l'Onction, qu'ils bailloyent estoit Sacrement, & ce pendât que les seuls Prestres en font les ministres. Il est bien vray, que quelques vns, qui tenoyent l'Onction des Apostres pour vray Sacrement, & qui vouloyent que Christ l'eust des lors instituee, respondoient, Que Christ leur ayant commandé d'administrer icelle Onction, les auoit créés Prestres à l'égard de cet acte seulement : tout de mesmes que, si le Pape commendoit à vn simple Prestre de conferer le Sacrement du Chresme, il le feroit Euesque pour cet acte. Mais, il sembloit trop hazardeux d'affirmer cela ainsi absolument. Et pourtât, en lieu du mot *Institutum*, on substitua l'autre, *insinuation* : lequel tout homme qui en entend la signification, & qui la voudra appliquer à ce que les Apostres firent alors, le conferant avec ce qui fut commandé par S. Jacques, & avec la determination de ce Concile, pourra iuger ce qu'il peut designer en tellé matiere.

articles &
decrets de
Reformatiō
sur le fait
de la iurif-
diction epis-
copale.

contre les
licences &
reintegrat-
ions de Re-
me.

contre les
Euesques
titulaires.

Orenmatiere de Reformation, furent proposés quatre Articles, comme il a esté dit, tous appartenans à la iurisdiction Episcopale, lesquels furent agités & traités es Congregations, & sur iceux ouys les aduis des Canonistes : & puis le tout lu en la Congregation generale, on vint à la minute du Decret auquel la vifce des Euesques n'estoit que d'accroistre leur autorité, recourant ce, que la Cour de Rome leur auoit emblé : & à l'opposite le but des Presidens estoit de leur accorder le moins qu'il seroit possible : Mais, l'une & l'autre partie procedoit avec beaucoup de d'exterite & de souplesse monstrât d'auoir tous vn mesme but du seruice de Dieu, & du reestablissement de l'ancienne discipline Ecclesiastique. Les Euesques croyoyent d'estre empeschés d'exercer leurs charges, d'autant que, quand pour causes vrgentes bien connues à eux, ils suspendoyent quelcun de l'exercice des Saints ordres, de grés, ou dignités Ecclesiastiques, ou bien pour quelque semblables esgarés refusoient de luy permettre de passer à plus hauts degres, le tout estoit reuequé par vne licence, ou vne dispense venue de Rome : ce qui tournoit au grand dechet de la reputation Episcopale, à la dannation des ames, & au total detrimement de la discipline. Sur cela il fut formé le premier Canon, Que tels congés, licences, & restitutions ne fussent d'aucune valeur. Mais les Presidens ne voulurent permettre, pour l'honneur du S. Siege, qu'en ce Canon fust nommé le Pape, ne le grand Penitencier, ny aucun autre Ministre de la Cour, desquels on fouloit impetrer semblables licences. Aussi estoient de grand empeschement, les Euesques titulaires, lesquels, se voyans, par le Decret de la sixieme Session de la premiere conuocation à Trente, priés du pouuoir d'exercer les offices Pontificaux aux Dioceses, sans la permission des Euesques des lieux, se retiroient en lieux exemptés, non suiets à aucun Euesque, & là admetoyent aux Saints Ordres ceux, qui auoyent esté reietées par leurs Euesques, comme inhabiles : & ce en vertu d'un priuilege, de pouuoir ordonner tous ceux qui se presenteroyent à eux. Cecy fut defendu au second Canon de cette Session, avec reserue toutesfois, Que pour le respect du S. Siege, ne fust faite aucune mention de celui qui a donné ce priuilege. En consequence de cela, fut baillé pouuoir aux Euesques de suspendre, pour le temps qui leur plairoit, tout Clerc ordonné, sans leur examen & licence, par pouuoir donné par qui que ce soit. Les Euesques accorts voyoyent bien que ces choses estoient de legere subsistance, veu que, selon la declaration des Canonistes, les licences, priuileges, & pouuoirs, otroyés

Le Decret donc portoit, Que, combien qu'en traitant de la Iustification, plusieurs choses eussent esté dites du Sacrement de la Penitence, toutesfois, pour extirper diuerses erreurs de ce siecle, il estoit expedient d'esclaircir la verité Catholique: laquelle à present le S. Concile proposoit à garder perpetuellement à tous Chrestiens. De là, il passoit à dire, que tousiours en tous siecles la penitence auoit esté necessaire: & apres la venue de Christ, à ceux là mesmes, qui doiuent receuoir le saint Baptisme: que cete-là toutesfois, n'est point Sacrement: mais qu'il y en a vn autre, qui fut institué par Nostre Seigneur, lors que, soufflant sur ses disciples, il leur donna le S. Esprit, pour remettre & pour retenir les peches: c'est à dire pour reconcilier les fideles tombés en peché apres le Baptisme: qui a esté le sens, auquel l'Eglise à de tout temps entendu ces paroles du Seigneur, & lequel aussi le Concile approuue & ratifie, condannant ceux qui les entendent du pouuoir de prescher l'Evangile. Que ce Sacrement est different du Baptisme: entant que (oultre la matiere & la forme de l'un & de l'autre, qui sont bien diuerses) le ministère du Baptisme n'y entreuient point en qualité de Iuge: en lieu, qu'apres le Baptisme, le pecheur se presente deuant le tribunal du Prestre, en estat de criminel, pour estre absous & deliuré par la sentence d'iceluy. Ioint que, par le Baptisme, on recoit vne entiere & parfaite remission des pechés: en lieu que, par la Penitence, on ne la recoit sans beaucoup de pleures & de travaux. Et ce Sacrement est autant necessaire aux pecheurs apres le Baptisme, que le Baptisme mesme à ceux qui ne l'ont encores receu. Que la forme d'iceluy est es paroles du Prestre, Je t'absous: ausquelles sont loüablement adioustées autres prieres & oraisons: quoy que non necessaires: que la quasi matiere d'iceluy sont la contrition, confession, & satisfaction du penitent, lesquelles pour cete cause sont appelees parties de la Penitence: la chose signifiée, & l'effet du Sacrement, est la reconciliation avec Dieu, de laquelle quelquesfois naist la paix, & le calme de la conscience. Et pourtant le Concile condanne ceux, qui constituent, pour parties de la Penitence, les espouuante mens de la conscience, & la foy, Que la Contrition est vne douleur du cœur, à cause du peché commis, avec propos & arrest de ne pecher plus: & qu'icelle a esté en tous temps necessaire: mais qu'au pecheur apres le Baptisme, c'est vne preparation à la remission des pechés, si elle est coniointe avec la confiance, & assurance en la misericorde de Dieu, & avec le ferme propos & deliberation de faire toutes les autres choses qui sont requises pour legitiment receuoir ce saint Sacrement. Que la Contrition n'est pas seulement cesser de pecher, n'y vn ferme propos, ou commencement de vie nouuelle, mais ensemble aussi vne haine de la passée. Et combien que par fois la Contrition soit accomplie par charité, & reconcilie l'homme à Dieu, voire mesmes auant qu'auoir receu le Sacrement: toutesfois on ne luy peut attribuer cete force & vertu, sans le ferme propos & deliberation de le receuoir.

Que ce qu'on appelle Attrition, qui est vne Contrition imparfaite, laquelle naist ou de la laideur & hideur du peché, ou de la crainte de la punition, pourueu qu'elle excluë la volonté de retourner au peché, & retienne l'esperance du pardon, n'est point hypocrisie, ains vn don de Dieu, par lequel le penitent, estant aidé, se fraye le chemin à la iustice. Et combien que cete imparfaite Contrition ne puisse conduire le pecheur à la Iustification, sans le Sacrement de Penitence, si est-ce quelle le dispose à impetrer la grace de Dieu en iceluy Sacrement. Et que de cete institution du Sacrement de la Penitence, l'Eglise a tousiours entendu, que Christ a ordonné la confession entiere & totale des pechés, comme chose necessaire, de droit diuin, à ceux qui apres le Baptisme sont chus en peché: d'autant qu'ayant establi les Prestres ses Vicaires, pour Iuge de tous les pechés mortels, il est certain qu'iceux ne peuuent exercer cete iudicature, sans connoissance de cause, ne garder l'equité en l'imposition des peines, si les pechés ne leur

I 55 I.

sont releués par le menu, & particulierement, & non en general tant seulement. Et que pour cete cause le penitent en la confession doit denombre tous les peches mortels, voire mesmes tres-occultes & cachés: car, pour les veniels, on les peut bien vrilement dire, & sans presumption, mais aussi les peut on celer sans offence. Que de cecy s'ensuit, qu'il faut de necessité exposer en la Confession les circonstances des pechés, lesquelles alterent & changent l'espece & nature du peché, au defaut de quoy il est impossible de iuger de la griuete des exces, & d'imposer peines sortables & proportionnees. Dont c'est vne impieté de dire, que cete sorte de Confession soit impossible, ou que ce soit vne bourrelerie & geenne des consciences: attendu qu'on n'y recherche autre chose, sinon que le pecheur, apres s'estre diligemment examiné soy mesmes, confesse ce, dont il se souuiet: car, pour les pechés oubliés, ils s'entendent compris & enclos en la mesme confession. Et, quoy que Christ n'ait point defendu la Confession publique, il ne l'a pas pourtant commandee: & de vray aussi il ne seroit pas expedient de commander, que les pechés, sur tout les secrets & cachés, fussent descouverts par Confession publique. Et pourtant, puis que les Peres ont tousiours loué & recommandé la confession Sacramentale secreta, la vaine calomnie de ceux, qui l'appellent Inuention humaine, controuuee par le Concile de Latran, est manifestement refutée: attendu qu'iceluy n'ordonne pas la confession, mais bien qu'elle soit pratiquée au moins vne fois l'année. Quant au Ministre de ce Sacrement, le Concile declare fausses les doctrines, qui estendent à tous les fideles le ministere des Clefs, & l'autorité baillee par Iesus Christ de lier & deslier, remettre & retenir les pechés publics par la correction, & les secrets par la confession volontaire: & enseigne que les Prestres, quoy que pecheurs, ont autorité de remettre les pechés: laquelle n'est pas vn simple & nud ministere de declarer & annoncer que les pechés sont remis, ains est vn acte iudiciel: & que pourtant nul ne se doit fonder sur sa foy, presupposans que, sans contrition, & sans le Prestre qui ayt intention de l'absoudre, il puisse obtenir la remission de ses pechés. Or, pource que la sentence, prononcée contre personne non suiète ne iusticiable, est nulle, aussi est nulle l'absolution du Prestre, qui n'a pouuoir ou ordinaire, ou delegué, sur les penitens: & mesmes les plus grands Prestres avec raison reseruent à eux quelques delits plus grieux & enormes: & le Pape à tres-bon droit le fait aussi de sa part. Et n'y a aucun doute, que tout ce qui est de Dieu, est avec ordre & bonne disposition, les Eueques ne puissent faire le mesme chacun en son diocèse. Et cete reserue n'est point seulement pour vne police exterieure, mais a aussi force & vigueur deuant Dieu. Que toutes-fois il a tousiours esté obserué en l'Eglise, qu'à l'article de la mort tous Prestres puissent absoudre tout penitent, de quelque cas & peché que ce soit.

Quant à la Satisfaction, le Concile declare, Que la coulpe estant pardonnée, toute la peine n'en est pourtant remise, ny relaschée: attendu, qu'il n'est pas conuenable, que celui qui sciemment & volontairement a peché apres le baptesme, soit receu en grace avec autant de facilité, que celui qui auant le Baptesme a peché par ignorance, & que le pecheur soit laissé sans bride, qui le retire des autres pechés: ioint que par ce moyen il est rendu conforme à Iesus Christ, lequel a satis fait pour nous en souffrant, & duquel aussi ans satisfactions prenent & tirent toute leur force & vigueur, comme estant par luy offertes au Pere, reçues & acceptées en vertu de son intercession. Pourtant, que les Prestres doivent imposer les satisfactions conuenables, ayant esgard, non seulement, à contregarder le penitent de nouveaux pechés, mais aussi à le chastier des passés. Enseignant en outre, que l'homme ne satisfait pas seulement par peines volontairement prises sur soy, ou bien imposées par le Prestre: mais aussi en supportant en patience les fieux enuoyés de Dieu.

anathema.

En conformité de cette Doctrine, furent aussi dressés quinze Anathematif-

celles d'un autre, sous pretexte quelconque.

Les Reguliers faisoient grande instance de conseruer leurs Benefices, & mesmes de racquerir ceux qu'ils auoyent perdus par l'inuention des commendes perpetueles: & plusieurs Euesques pour diuers esgards auoyent volonte de les fauoriser: & pour cet effet eussent volontiers propose, que les commendes perpetueles fussent tout à fait ostees: mais, à cause qu'ils y preuoyoyent de la resistance & contradiction, ils se rangeoyent à les moderer tant seulement. Mais de l'autre costé, les Presidents, voyans le danger qu'il y auoit, que cete matiere preiudiciable à la Cour de Rome fust mise sur le bureau, proposerent vn leger remede, pour empescher qu'on ne traitast du fonds de l'affaire: qui fut, que les Benefices reguliers, qu'on auoit accoustumé de donner aux Religieux en titre, venans à vaquer, ne soyent conferes à autres qu'aux profès du mesme Ordre, ou bien à personnes obligees à prendre l'habit, & à faire la profession. Ce qui fut le contenu du dixieme Canon: & estoit chose, qui pouuoit releuer de peu à la Cour de Rome: attendu que desia estoient baillés à commende tous les Benefices qui pouuoient estre baillés: & les Prelats n'estoyent pas beaucoup eschauffés à obtenir d'auantage, quoy qu'il tournast à l'honneur de leurs Eglises d'auoir des Abbes Reguliers résidens. Mais, à cete faueur, qu'on fit aux Moynes, de n'vsurper pas d'auantage sur eux, on mit vn contrepoids au suiuant Canon, ordonnant qu'ils ne pussent tenir Benefices seculiers, mesmes ayans charge d'ames. Et quoy que ce Canon semble parler seulement de ceux, qui sont transferés d'un Ordre à l'autre, ordonnant que nul ne soit receu à l'habit ou profession, sinon sous condition de demeurer perpetuellement au cloistre: si est-ce que, pource que la raison, alleguee au commencement du Canon, est egale pour tous, ains serré encor plus fort la generalité, le Canon a esté entendu indifferemment pour tous. Et, d'autant qu'à la Cour de Rome on conféroit par grace & priuilege les Eglises en droit de patronage, & pour amplifier encor d'auantage le priuilege, à la requeste de l'impetrant, il luy estoit permis de deputer personne Ecclesiastique, avec pouuoir d'instituer le presenté, le douzieme Canon remedia à ce desordre, ordonnant que le droit de patronage ne puisse competér à autre, qu'à celuy qui aura de nouueau fondé l'Eglise, ou en aura de ses biens patrimoniaux suffisamment dotée & rentee vne desia fondée: & pour remede du secôd desordre, il fut defendu au treizieme Canon, au Patron mesmes agissant en cet affaire en vertu de priuilege, de faire la presentation à autre personne quelconque qu'à l'Euesque.

*contre les
commandes
des benefices
reguliers:*

*contre la
possession
des benefices
seculiers tenus
par reguliers,*

*contre quel-
ques abus
du droit de
patronage,*

Pendant que ces matieres se traitoyent, arriuerent à Trente Iean Thierry Plenninger, & Iean Heclin, lesquels le Duc de Vvirtemberg enuoyoit au Concile pour Ambassadeurs, avec charge de presenter publiquement la Confession de sa doctrine, dont il a esté parlé cy dessus: & tout ensemble de dire, qu'il y iroit des Theologiens, pour l'expliquer plus amplement, & pour la defendre, pourueu qu'il leur fust baillé seurté & sauconduit, à la forme de celuy du Concile de Basle. Iceux se presenterent au Conte de Montfort, Ambassadeur Imperial, & luy monstrerent leur commission, & dirent, Qu'ils auoyent charge de proposer quelques choses au Concile. Le Conte ayant rapporté cela au Legat, il luy respondit, Que tous les autres Ambassadeurs, auant toute autre chose, se presentoyent aux Presidents, & leur declaroyent le sommaire de leur Ambassade: & que de mesmes deuoyent faire ceux de Vvirtemberg: que pourtant ils vissent, que quant à luy, il les receuroit avec toute humanité. Le Conte leur fit ce rapport, duquel ils ne se contenterent nullement, disant, Que c'estoit là proprement vn des Articles requis par l'Allemagne, que le Pape ne presidast au Concile: à quoy ils ne vouloyent contreenir, sans ordre expres de leur Prince, auquel ils en escriroyent, & attendroyent response. Le Conte essaya de tirer finement d'eux toute leur commission, pour en donner aduis au Legat, mais ils se tinrent sur les generalités, sans specifier chose aucune. Le Legat escriuit promptement à Rome, requerant le moyen de se gouverner: sur tout parce qu'on entendoit

*Ambassadeurs
de
Vvirtemberg
au Concile,
& de difficulté
à leur
reception:*

1551. qu'il en venoit encor d'autres.

*l'Empereur
vint à In-
spruc.* Or, au commencement de Novembre, l'Empereur, pour estre plus pro-
che du Concile, & de la guerre de Parme, se transporta à Inspruc. Allant
de Trente seulement trois iournees, & encor de chemin allez aisé, en sorte
qu'au besoin il pouuoit en vn iour receuoir aduis de ses Ambassadeurs. Le
Pape eut tout à coup les nouvelles de l'approche de l'Empereur, & de l'ar-
riuee des Ambassadeurs de Vvirtemberg. Il se fioit bien espromesses que
l'Empereur luy auoit faites auant la conuocation du Concile, & lesquelles il
luy auoit repliquees tant & tant de fois: dont aussi il voyoit des effets, en ce
que les Ambassadeurs Imperiaux refrenoyent les Prelats Espagnols, lors
qu'ils monstroyét trop de hardiesse à soustenir l'autorité Episcopale: outre
ce que les interets communs contre le Roy de France luy persuadoyent
qu'il persisteroit: toutes fois il eut quelque vent de quelque traité fait en
Allemagne, & viuoit en ialousie qu'il ne changeast d'avis, soit par necessité,
soit pour quelque signalee opportunité d'affaires. Mais il se rassura contre
ces ombrages, considerant que, si l'Allemagne entroit en guerre, on ne tien-
droit aucun conte du Concile: que si aussi la paix duroit, il auroit tousiours
les Ecclesiastiques Allemands de son costé au Concile, avec les Prelats Italiens,
desquels encor il pourroit aisément accroistre le nombre, y poussant tous
ceux qui estoient à la Cour: outre le Legat, homme résolu, & qui plein d'e-
sperances du Papat, trauailleroit tousiours, comme pour soy-mesmes: & le
Nonce Sipontin, tresaffectionné à sa personne: & au fort, il auoit tousiours la
porte ouuerte pour se reconcilier au Roy de France, ce qu'il sauoit tres-
bien que le Roy desiroit: dont, par le moyen d'iceluy, & des Prelats de son
royaume, il pourroit aisément obuier à tout attentat contre son autorité.

*Il donne in-
struction à
son Legat
pour main-
tenir l'au-
torité Pa-
pale au Con-
cile.*

Il respondit au Legat: Qu'il ne luy pouuoit gueres donner d'instruction de
plus: veu que luy mesmes auoit esté, non seulement participant & consens,
mais aussi principal autheur de la Bulle de conuocation en la forme qu'elle
auoit esté dreslee: qu'il se souuinst qu'auisément en icelle auoyent esté ap-
prouuees & ratifiees toutes les choses decretees sous le Pape Paul troisieme:
& qu'il auoit esté expressement dit, Qu'il appartient au Pape, non seule-
ment de conuoker, mais aussi de regir le Concile, & d'y presider par ses
Ministres: qu'il ne laissast faire aucune breche preiudiciable à aucune de
ces choses: qu'au demeurant il fist la guerre à l'œil, & l'aduertit, qu'il se
gardast, comme de la peste, des conseils moitoyens, & des accommodemens
& temperamens, lors qu'il s'agiroid de son autorité: ains, que tout prom-
ptement, s'il arriuoit quelque difficulté sur ce point, il rompiст la buche, &
ne donnast aucun iour aux aduersaires pour percer. Que pour l'heure il ne
luy vouloit bailler l'endosse de translation, ou de dissolution du Concile: mais
toutes fois, s'il en voyoit la necessité, qu'il en aduertist en diligence. Qu'au
reste, il mist tousiours sur le bureau le plus de matiere qu'il pourroit, con-
cernant les dogmes: dont naistroyent diuers bonseffets: premierement, de
desesperer les Lutheriens de pouuoir iamais trouuer aucun moyen de con-
corde, sinon en cas qu'ils se soumissent absolument au Concile, en second
lieu, d'interessier & engager de plus fort les Prelats contr'eux: & en troi-
sieme lieu, de faire que les Prelats, estans tousiours en haleine, & affaires,
n'eussent loisir de penser à la matiere de la Reformation. Et finalement d'ab-
breger l'expedition du Concile: article tres-important, attendu qu'il y a
tousiours danger de quelque inconuenient, pendant qu'il est ouuert. Et, cas
aduenant qu'il se vist forcé de leur donner quelque contentement en l'am-
plification de l'autorité Episcopale, qu'il y condescendist, apres auoir con-
trebandé autant qu'il seroit possible: d'autant, qu'encores qu'on accordast
quelque chose preiudiciable à la Cour, pourueu seulement, que l'autorité
Papale demeurast en son entier sans estre esbreschee, il y auroit tousiours
moyen de remettre aisément les choses en l'estat de deuant.

*tenu de la
quatrième
Session.*

Les affaires estans en ces termes, le vintcinquieme Novembre, iour
assigné pour la Session, les Peres s'assemblerent, & s'acheminèrent à l'Eglise

en l'ordre accoustumé. Et là apres les ceremonies ordinaires, furent lus par l'Euesque officiant la doctrine de la Foy, les Anathematismes, & le Decret de la Reformation: dont ayant desia recité la teneur, il n'eschet d'en dire autre chose. Finalement fut lu le dernier Decret, pour pourvoir à la Session suiuite: qui portoit, Qu'icelle estant arrestee pour le vingtcinquieme Ianuier de l'année suiuite mil cinq cens cinquante deux, on y traiteroit du Sacrement de l'Ordre, ensemble la matiere du Sacrifice de la Messe. Le Legat voulut qu'il fust ainsi prononcé, suiuit l'aduis du Pape, qu'il estoit bon de mettre beaucoup de matiere des dogmes sur le tapis. Apres la Session, le Legat fit toute diligence, que les Decrets d'icelle ne fussent imprimés, & ce sien commandement fut obserué à Ripa, où estoit l'imprimerie, & où les autres auoyent accoustumé d'estre imprimés: mais il ne fut iamais possible d'empescher que plusieurs copies n'en sortissent de Trente, dont ils furent imprimés en Allemagne: & la difficulté & le delay qu'on y auoit apporté, ne firent qu'aiguïser d'auantage la curiosité, & la diligence des Critiques, à plus exactement rechercher la cause de ce secret tant affecté.

*iugement sur
les decrets
d'icelle.*

On prit grand suiuet de discours, de ce qui estoit déterminé au premier chapitre de la Doctrine, & au sixieme Canon assauoir, Que Christ auoit institué le Sacrement de la Penitence, lors qu'il souffla sur ses disciples, & leur donna le Saint Esprit, disant, qu'à ceux, à qui ils remettroyent les pechés, ils seroyent remis, & qu'à ceux, à qui ils les retiendroyent, ils seroyent entretenus. On mettoit en consideration vne remarque sur la ceremonie des deux Sacremens, du Baptisme, & de la Sainte Cene: c'est, que, pour le Baptisme, il auoit esté premierement en vsage entre les Iuifs pour vne purification legale, & ceremonie: & puis auoit esté employé par S. Iean Baptiste, pour vne preparation pour conduire au Messias à venir: & que finalement il auoit esté institué par Christ, en termes clairs & expres. Sacrement de remission des pechés, & d'entree en l'Eglise, ordonnant qu'il fust administré au Nom du Pere, du Fils, & du S. Esprit. Et pour la Sainte Cene, que c'auoit esté vne maniere de second souper, institué par les Hebrieux en la captiuité de Babylone, avec pain & vin, pour remerciement & commemoration de la sortie d'Egypte: lors, qu'estans hors de la terre de promesse, ils ne pouuoient manger l'Agneau de Pasques, & qu'à l'imitation de cete ceremonie, Nostre Seigneur auoit institué vne Eucharistie, pour rendre graces à Dieu de l'vniuerselle deliurance du genre humain, & pour faire memoire de luy, qui en a esté l'autheur par l'effusion de son sang. Et nonobstant que les ceremonies de ces Sacremens fussent ia en vsage, quoy qu'à autres fins; comme il a esté dit, si est-ce que la Sainte Escriture auoit bien specifié toutes leurs particularités. Or maintenant, que Christ eust voulu introduire vne ceremonie, de confesser à vn homme tous ses pechés vn à vn, avec vne si exacte obseruance dont il n'y auoit auparauant aucun vsage semblable, & en cela eust voulu vser de telles paroles, & termes, desquels son intention ne pouuoit estre recueillie, que par vne consequence fort mal liee, voire mesmes non sans plusieurs consequences tresesloignées, comme faisoit le Concile, cela sembloit bien estrange, Et de tant plus, que Christ, en cete pretendue institution, ayant employé le verbe de Remettre, on auoit plustost voulu vser de celuy d'Absoudre, pour terme formel. Autres adioustoient, que si, par ses paroles est institué vn Sacrement d'absolution pour celuy qui est absous, sous cete forme, *Absoluo te*: il faut aussi de necessité dire, que celuy là mesmes, ou vn autre a esté ordonné pour celuy qui est lié, sous cete forme *Ligo te*: veu qu'on ne peut comprendre, pourquoy l'autorité d'absoudre, & de lier, qui n'est qu'une mesme, fondée sur les paroles de Christ, en tout & par tout semblables, de necessité requiert en la partie de l'absolution la prononciation de ces paroles, *Absoluo te*, pour execution de ce que Christ a dit *Quorum remiseritis*; & *quacunque solueritis*, &c. & en celle du liement elle ne requiert la prononciation de celles-cy, *Ligo te*, pour execution de cete autre parole de Christ; *Quacunque ligaueritis* &c.

Semblablement estoit contrerollée la doctrine, qui est insérée au cinquieme Chapitre de Doctrine, là où il est dit, que par les mesmes paroles Nostre Seigneur auoit constitué les Prestres iuges de pechés: & que pourtant il est necessaire de les confesser tous entierement, spécialement & singulierement, avec toutes leurs circonstances, qui changent & varient l'espece & la nature d'iceux: attendu que, des paroles de Nostre Seigneur il appert clairement, qu'il n'a point fait deux especes distinctes de pechés, les vns remissibles, & les autres non: dont il faille sauoir de laquelle des deux le pecheur est coupable: ains vne seule, qui les comprend tous: & pourtant ne dit, sinon *les peches* en general: mais bien en a-il fait deux des pecheurs, disant *De ceux*, & *De ceux* l'vne des repentans, auxquels la remission est ottroyée. & l'autre des impenitens & endurcis, auxquels elle est deniée: si bien, que les Prestres doiuent plustost trauailier à conoistre l'estat du pecheur, que la nature & le nombre des pechés. Quāt à ce, puis apres, qu'il est adiousté des circonstances, qui changent & varient l'espece du peché, on disoit que tout homme de bien pourroit bien iurer en tres-bonne conscience, que les Saints Apostres, & leurs disciples, tres-sauans es choses celestes, mais qui nes'estoyent point souciés des subtilités humaines, n'auoyent onques seu que c'estoit de circonstances changeans l'espece: & que peut-estre, si Aristote n'eust enseigné cete belle speculation, le monde en seroit ignorant iusques à present: & toutesfois on en a fait vn Article de foy, necessaire à salut. Or, comme on aduoüoit bien, que le mot *absoluo* est vn verbe iudiciel, & que la consequence est bonne, de dire, que, si les Prestres absoluent, doncques ils sont iuges: aussi sembloit-il, qu'on se de mentoit foy mesmes en condannāt ceux, qui disent que leur charge en cecy n'est qu'vn simple & nud ministere de prononcer ce qui est absous: attendu qu'il est euident que l'office du Iuge n'est autre sinon de prononcer innocent celuy qui est tel, & coupable le transgresseur: & la similitude prise du Iuge ne porte point ce qui est attribué aux Prestres de faire vn homme de delinquant & pecheur, iuste. Que c'est au Prince à faire grace de la peine aux delinquans, & à les reestabliir en honneur & fame: & qu'à l'acte du Prince est plus semblable & rapportant de faire l'homme de meschant iuste, que non à celuy de Iuge, lequel transgresse son office, toutesfois & quantes qu'il prononce autre chose que ce que premierement il a trouué véritable. Mais on s'esbahissoit par dessus tout, de ce qui est couché au chapitre cinquieme, auquel est prouuee la spéciale & singuliere confession des pechés avec leurs circonstances, parce que aucun iugement ne peut estre rendu sans cognoissance de cause, ne l'equité à imposer les peines gardée, lors qu'on ne fait les fautes qu'en general: & plus bas, que Christ a commandé cete confession, afin que les Prestres pussent imposer peines condignes & sortables.

Et disoit-on, que c'estoit bien se rire ouuertement du monde, & tenir tous les autres pour fots & idiots, & se persuader d'estre cru en toute absurdité sans s'enquerir plus outre. Car, qui est celuy, qui ne sache, & ne voye tous les iours, que les Confesseurs donnent les penitences, non seulement sans peser le merite des fautes, mais mesmes sans y faire tant soit peu de consideration? Il sembleroit, à voir les termes du Concile, que les Confesseurs eussent perpetuellement vne balance & trebuchet, dedans lequel fussent par le menu pesés iusqu'aux atomes: & toutesfois il arriuera fort souuent, que, pour penitences de plusieurs meurtres, adulteres & larcins, ne sera imposé que de reciter cinq *Pater*: & les plus sauans, voire mesmes le commun d'entre les Confesseurs en donnant la penitence disent à tous, Qu'ils n'imposent que partie de la penitence. Donques il n'est point necessaire d'imposer cete exacte penitence, que les peches meritent: & partant aussi peu est necessaire le special denombrement des pechés, & de leurs circonstances. Mais, à quoy faire aller si loin, si le Concile mesmes au neuuiesme chapitre de la Doctrine, & au treizieme Anathematisme establit, qu'on satisfait aussi par les peines volontaires, & par la souffrance des aduersités?

Partant il n'y a nulle necessité, ains n'est chose iuste d'imposer en confession la peine proportionnée & sortable : ny doncques aussi de faire ce pretendu special denombrement, lequel on dit auoir esté ordonné pour cete cause. A quoy on adjoûstoit, que, laissant mesmes toutes ces raisons à quartier, il estoit impossible, qu'un Confesseur, quoy que tressauant, tresprudent, & tressattentif, ayant ouï la confession d'une année d'une personne mediocre, non que de plusieurs années d'un grand pecheur, pût rendre iugement de la peine ; ores qu'il eust des Canons des peines dues à toutes sortes de peches, sans danger de faillir de la moitié, à peu dire. Attendu que, quand mesmes un tel Confesseur auroit une telle confession par escrit deuant soy, & la considereroit par plusieurs iours, il ne pourroit faire un bilan qui batist iustement : & combien moins, ne faisant qu'escouter, & se resoluant tout sur le champ, comme l'on fait. Il seroit meshuy raisonnable disoit-on, que nous ne fussions plus méprisés iusques là, que d'estre tenus si insensés de deuoir croire tant d'absurdités. Pour le fait des cas reserues, ce que les Theologiens de Louvain & de Cologne, auoyent dit auparauant n'estoit que trop dit : & le tout estoit attribué à appetit de dominer, & à auarice.

Le iour ensuiuant fut tenue Congregation generale, pour mettre ordre à l'examen de la matiere touchant le Sacrifice de la Messe, & la Communion du Calice, & des petits enfans. Et, quoy que les Decrets eussent desia esté tous formés pour la Session de l'onzieme Octobre, & n'eussent esté que differés : toutesfois, comme si on n'en eust encores rien traité, il en fut discouru de nouueau, & furent élus des Peres pour recueillir les Articles à disputer : & puis choisir les Prelats pour composer le Decret : & d'autant qu'on y apportoit de la haste, & sollicitation, les Articles furent tout promptement formés, en nombre de sept : sur lesquels fut disputé deux fois le iour. Et pour faire paroïr, que toute cete doctrine venoit d'Allemagne, & non de Rome, au nombre des susdits Peres fut mis l'Euesque de Zagabria, Ambassadeur du Roy Ferdinand : & Iules Pflug, Euesque de Naumbourg : & pour plus grand honneur, l'Electeur & Archeuesque de Cologne. Les anathematismes furent formés en nombre de treize, condannant pour heretiques ceux, qui tiennent la Messe pour vray & propre sacrifice : ou qui afferment qu'elle n'est point profitable aux vifs & aux morts, ou qui ne reçoient le Canon de la Messe, ou qui condannent les Messes priuees, ou les ceremonies vsitees par l'Eglise Romaine. Apres cela furent composés quatre Chapitres de Doctrine, qui portoyent, Qu'en la Messe est offert un vray & propre sacrifice, institué par Christ mesmes : que le Sacrifice de la Messe est necessaire : qu'il y a conuenance & rapport d'iceluy à celui de la Croix. Puis estoit parlé du fruit de ce sacrifice, & de l'application d'iceluy & des ceremonies & obseruances de la Messe. Toutes ces choses furent bien arrestées pour les festes de Noel, mais ne furent pas publiees en la suiuant Session, dont aussi ie n'ay entrepris d'en faire un special narré.

Or, pendant que les Peres s'entretiennent és actions Synodales, les Ambassadeurs du Duc de Vvirtemberg receurent responce de leur Prince, qu'ils ne laissassent pas de passer outre, & de presenter leur doctrine en la meilleure maniere qu'ils pourroyent. Parquoy, le Conté de Montfort estant absent, ils firent office avec le Cardinal de Trente, qu'il moyennast enuers les Presidens, que leurs lettres fussent receues, & puis qu'on assemblast les Peres pour les ouïr. Le Cardinal promit d'y faire tout bon deuoir : mais leur dit, Qu'auant toutes choses, il estoit necessaire de rapporter au Legat ce qu'ils auoyent à traiter : qu'il en auoit esté ainsi arresté par les Peres, mus par les bruits, qui estoient nés à l'occasion del'Abbé de Bellozane. Ils luy communiquerent leur instruction, disant, Qu'ils estoient enuoyés pour obtenir un saufconduit pour les Theologiens, de la mesme teneur & forme, qu'auoit esté celui qui fut baillé aux Bohemiens au Concile de Basle : qu'en outre ils auoyent commission de presenter leur Doctrine, afin que les Peres l'examinassent en cet entretiens, afin destre prest à en conferer avec

*articles de
la Messe &
de la Com-
munion du
Calice des-
batus.*

*anathemat-
ismes &
doctrine sur
cete matiere*

*nouuelle
difficultés
sur la rece-
ption & pro-
posiions des
Ambass. de
Vvirtem-
berg.*

5551.

leurs Theologiens, lors qu'ils seroient arriues. Le Cardinal ayant fait rapport de cete commission au Legat, iceluy luy communiqua ce que le Pape luy auoit escrit sur ce fuiet : & luy remonstra, Qu'il ne falloit point permettre, que ny eux, ny autres Protestans, presentassent leur Doctrine, ne qu'ils fussent admis à la defendre : d'autant qu'on ne verroit iamais la fin des contentions : que le deuoir des Peres estoit : d'examiner leur doctrine tiree de leurs liures, & de condanner celle qui le meriteroit : selon qu'aussi il auoit esté pratiqué iusques alors, & comme on continueroit encore pour l'auenir. Que si les Protestans auoyent quelque difficulté, & la proposoyent humblement au Concile, se montrans prests & appareillés à receuoir instruction, on la leur donneroit selon l'auis d'iceluy. Et pourtant qu'il denioit absolument de permettre que les Peres fussent assemblés pour receuoir leur Doctrine : & que il ne se pouuoit departir de cete resolution, ores qu'il y dult perdre la vie. Et que, quant à la demande d'un saufconduit en autre forme, que celle qui auoit esté arresté, c'estoit vne intolerable indignité faite au Concile, de ne se fier en celuy qui leur auoit esté accordé : que d'en traiter seulement estoit faire vn tor signalé & insupportable à l'Eglise de Dieu, & qui meritoit que tout fidele y mist la vie pour le repousser.

Le Cardinal de Trente ne voulut rendre vne si crue responce aux Ambassadeurs : mais dit seulement, Que le Legat auoit esté indigne d'entendre leur proposition, de vouloir commencer par la presentation de leur doctrine : en lieu qu'ils deuoyent receuoir de leurs Maieurs la reigle de la foy, en toute reuerence, & obeissance : sans pretendre de la prescrire aux autres, avec tant de messeance & d'absurdité. Que, pour luy, il leur conseilloit de laisser couler quelques iours, iusques à ce que l'indignation du Legat fust vn peu rallentie : & lors, qu'ils commençassent leur proposition par quelque autre point, pour venir puis apres à ceux de la presentation de la Doctrine, & de la demande du saufconduit. Ils accepterent ce conceil, & quelques iours apres, le Cardinal de Trente estant party, ils prièrent l'Ambassadeur de l'Empereur de moyener que leur mandement fust receu, & leur proposition escoutée : afin, qu'ayans entendu son intention, ils pussent deliberer selon l'instruction qu'ils auoyent de leur Prince. L'Ambassadeur traita avec le Legat, mais n'en eut autre responce : que celle qu'il auoit ia donnée au Cardinal de Trente : car il ne l'auoit point lors laschée par indignation, mais l'auoit prononcée de fait d'auis, & deliberée volenté. L'Ambassadeur, ayant entendu l'intention du Legat, iugea bien, que pour l'heure l'affaire ne pouuoit auoir lieu : & d'ailleurs reconnoissoit qu'à rendre cette responce, il y aloit de l'honneur del'Empereur, lequel auoit si amplement promis que tous seroyent ouïs, & pourroyent librement proposer, & conferer : dont, en lieu de rendre responce precise aux Ambassadeurs de Vvirtemberg, il trouua diuerfes excuses & desfaites, pour tirer l'affaire en longueur. Mais, quoy qu'il fust Espagnol, il ne le fut faire avec tant d'artifice, & dissimulation, que ces Ambassadeurs ne descouvrirent que ce n'estoyent que feintes & pretextes, pour ne donner vne negatiue absoluë.

Strasbourg,
& autres
villes en-
uoyent leurs
Ambassad.
à Trente.

En ce mesmes temps la ville de Strasbourg, & cinq autres enuoyerent, coniointement leurs Ambassadeurs à Trente, avec instruction de presenter leur doctrine. Ceux-cy s'adresserent à Guillaume de Poitiers, troisieme Ambassadeur de l'Empereur : lequel pour n'achopper l'affaire és mesmes difficultés qu'auoit rencontré son Colleague, prit leur mandement, & les exorta d'attendre quelque peu de iours, tant qu'il l'eust enuoyé à l'Empereur, & eust de luy receu responce : car en cete maniere on pourroit cheminer de pied ferme. Cela fut cause que ceux de Vvirtemberg aussi s'arrestèrent. Et l'Ambassadeur escriuit à l'Empereur, luy donnant aduis de la resolution du Legat, & montrant combien l'honneur de Sa Majesté estoit engagé au peu d'estat qu'on faisoit d'une si honneste & iuste parole baillee par luy. Mais l'Empereur, voulant remedier à l'indignité qu'il receuoit, & tirer tout ensemble dextrement profit du Concile, escriuit à son Ambassadeur, Qu'il

sur quoy
l'Empereur
est consulté,
& ordonne
qu'on tem-
porise avec
eux :

attendoit les Ambassadeurs de Saxe en bref: que ce pendant les autres fussent entretenus iusques à leur arriuee: les asseurant qu'alors ils seroyent ouïs, & qu'on confereroit avec eux charitablement.

Le treizieme Decembre passa par Trente Maximilien, fils de Ferdinand, avec sa femme, & ses enfans: auquel le Legat, & les Prelats Italiens & Espagnols, & quelques Allemans, allerent au deuant: non les Electeurs, qui ne firent que le visiter en son logis. Les Protestans luy firent aussi leurs doléances, qu'aprestant de si solénelles promesses de l'Empereur, ils ne pouuoient seulement auoir audience, & le prierent d'auoir pitié de l'Allemagne: attendu que ces Prestres, comme estrangers, pour des chetifs interets propres n'auoyent point de soucy de la voir ardre & brusler, voire mesmes, par leur precipitation à determiner, & à foudroyer anathemes, rendoyent les controuerses tous les iours plus acharnées & intraitables. Maximilien les exorta à patienter, & leur promit de faire office avec l'Empereur, son oncle, que les actions passassent au Concile, selon les promesses qu'il en auoit donnees en la Diete.

*Maximiliē
passe par
Trente, voit
les plaintes
des Protestans,*

A Noel, le Pape crea quatorze Cardinaux Italiens, il en publia lors treize, & en reserua vn en sa poitrine, pour le publier en son temps. Et, pour donner quelque honneste couleur à vne si numereuse creation au commencement de son Pontificat, sur tout vœu que lors il y auoit au Colege quarante huit Cardinaux, nombre estimé bien grand en ce temps-là, il en prit l'occasion des actions du Roy de France, du quel il se plaignoit, tant pour la guerre qu'il faisoit contre le S. Siege, que pour les Edits publiés: à quoy estoit adioustee vne nouuelle tout freschement venue de Lion, & de Genes, qu'encor il menaçoit de faire creer vn Patriarche en France: que sicut aduis estoit verifié, il faudroit de necessité proceder contre luy par voye iudiciaire, en quoy il se preparoit à rencontrer le heurt de grandes difficultés, pour le grand nombre des Cardinaux François, auxquels il falloit mettre vn contre-poids, par la creation d'autres nouueaux, personages de capacité & valeur, desquels le S. Siege se pust seruir au besoin d'occasions importantes. Le College seconda son desir, & ses raisons & receut les Cardinaux. Après cela il despescha en diligence l'Euesque de Montefiascon à Trente, avec lettres de creance au Cardinal Crescence, & aux trois Electeurs. A ceux-cy, pour ce conioiur de leur venue, & les remercier de leur zele & reuerence enuers le S. Siege, & pour les exorter à si perseuerer: & aussi, pour les informer de la creation des Cardinaux nouueaux, faite par luy, pour auoir des ministres dependans absolument de soy, attendu que les vieux estoient tous attachés à quelque Prince: & en fin, pour l'excuser de la guerre de Parme, en laquelle il n'estoit l'agresseur, ains l'agressé, & contre son vouloir forcé à se defendre. A cetuy-là, pour luy donner à luis des Cardinaux créés, & luy promettre qu'il leur feroit à tous entendre son intention, comment ils deuoyent se comporter enuers luy son si grand amy, auquel il auoit tant d'obligations. Il fit aussi dire au Nonce Sipontin en grand secret, qu'il auoit disposé de luy, selon que l'amitié la requeroit: qu'il ne se souciait point de fauoir en quoy, mais pensast seulement à bien seruir, comme il auoit accoustumé de faire par le passé.

*le Pape cree
plusieurs
Cardinaux:*

*dont il donne
aduis à
Trente,*

*captiuant
les Presidens,*

Après les festes de Noel, fut tenue Congregation generale, pour mettre forme & reiglement au traité du Sacrement de l'Ordre: & fut discours des abus qui se sont glissés en iceluy: & le Nonce Euesque de Verone dit, Que de vray en toutes matieres il y auoit quelque abus digne de correction, mais qu'en celle-cy estoit la grand' mier des abus. Et, après que plusieurs eurent fait des exclamations assez éragiques, fut aduisé qu'il estoit expedient de proposer tout premier, selon la coustume, les Articles tirés de la Doctrine Lutheriene, & examiner qu'els deuoyent estre condamnés pour heretiques, & finiaument former les anathematismes, & les Chapitres de Doctrine, & finalement parler des abus. On bailla douze Articles aux Theologiens, sur lesquels on discouroit soir & matin fort diligemment. Des aduis d'iceux les

*congregation
generale
pour traiter
du Sacrement
de l'Ordre,*

*dressant
anathematis-
mes,*

I 55 I.

Chapitres
de doctrine.Bruits de
guerre à
Trente, ex-
cités par
l'EmpereurAmbas.^s de
Saxe au
Concile, &
les difficul-
tés sur leur
reception.

Peres deputés dresserent premierement huit Anathematismes, condannant d'heresie de dire, Que l'Ordre n'est pas vray & propre Sacrement: que l'Ordre n'est pas vn seul, qui par diuers moyens & degrés, tend à la Prestise: dernier la Hierarchie, de dire que le consentement du peuple est requis: qu'il n'y a point de Prestise visible: que l'Onction n'est point necessaire: que le S. Esprit n'est point donné par icelles que les Euesques ne sont point de droit diuin, ny par dessus les Prestres. Sur le mesme sujet furent aussi formés quatre Chapitres de Doctrine, De la necessité & institution du Sacrement de l'Ordre. De la visible & externe Sacrificature & Prestise de l'Eglise. De la Hierarchie Ecclesiastique. De la difference entre le Prestre, & l'Euesque. Cete Doctrine, & Canons, ayans esté approuués par la Congregation generale, furent mis en vn Decret tout d'un tenant avec le Decret du Sacrifice, pour les publier en la Session: quoy que cela puis apres ne se fist pas, pour les raisons qui seront dites cy apres. Pourtant aussi ie me deporté de faire à present recit particulier des choses, qui se passerent en ces Congregations de Decembre & de Ianuier, attendu que les mesmes matieres furent du depuis ventilees de nouveau sous le Pape Pie quatrieme, en la troisieme conuocation: à laquelle quand ie seray venu, j'exposeray les differences qu'il y eut entre ces Decrets formés à present, & ceux qui furent arrestés apres, sous le Pape Pie. Cependant il venoit à Trente nouuelles de plusieurs endroits, que par tout l'Allemagne on faisoit leuees de soldats, dont on entra en apprehension de guerre: ce qui occasionna les trois Electeurs, qui voyoyent leurs propres maisons & affaires en danger, d'enuoyer lettres & Ambassadeurs à l'Empereur, pour auoir de luy permission de retourner chez eux, pour la conseruation de leurs propres estats. L'Empereur, qui desiroit la continuation du Concile, leur respondit au commencement de l'annee mil cinq cens cinquante deux, que les bruits de guerre n'estoyent point si grands, que la voix publique les faisoit: qu'il auoit enuoyé pour s'informer de la verité, & n'auoit trouué qu'il y eust autre chose, que quelque petit nombre de fousleués, mais que les Villes estoyent en bon deuoir. Et quant à l'Electeur de Saxe Maurice, duquel le bruit couroit qu'il remuoit, il le deuoit aller trouuer, & ia auoit enuoyé Ambassadeurs, lesquels se trouuoient encor pour l'heure à Inspruc, pour se transporter sans delay à Trente. Que ce peu de soldats, qui estoit logé en la Turinge, & qui auoyent en passant fait quelques courses & degasts sur les terres de l'Archeuesque de Mayence, ne s'estoyent mus que par defect de paye: mais qu'il y auoit enuoyé homme expres, afin de les payer, & congedier. Qu'il estoit bien informé de tout ce qu'on disoit & craignoit, & ne negligeoit rien: qu'il par tout de bons aduertisseurs & espies, & n'y espargnoit rien. Et pour ce luy en exortoient à n'abandonner le Concile, qui par leur depart seroit en danger de se dissoudre, au grand & notable preiudice de la Religion. Que si leurs Estats auoyent besoin de quelque prouision, qu'ils en donnassent la charge à leurs gens, & Officiers & en aduertissent luy Empereur, qui leur presteroit toute sorte de secours.

Le septieme de Ianuier de cete mesme annee, arriuerent à Trente Vvolff Coller, & Leonard Badehorn, Ambassadeurs de Maurice, Electeur de Saxe: ce qui aporta grande ioye aux Electeurs & Prelats Allemans, qui en prenoient assurance, que Maurice n'entreprendroit rien. Ils traiterent premierement avec les Ambassadeurs de l'Empereur, disans, Que leur Prince, desireux de concorde, auoit deliberé d'enuoyer au Concile quelques Theologiens, personages de pieté, & amateurs de paix & que les autres Princes Protestans feroient le mesmes: mais, qu'auant toutes choses estoit necessaire vn saufconduit en la mesme forme, qu'auoit esté celuy du Concile de Basle, & que tout traité fust cependant surcis au Concile: & que quand les Theologiens seroyent arriués, il faudroit remettre sur le bureau l'examen des choses desia traitees: attendu que le Concile n'est point general, si toutes les nations n'y entrent. D'auantage, que le Pape n'ait autorité d'y presider, ains se soumette au Concile, & affranchisse les Euesques

Euesques du serment qu'ils ont à luy, afin que les suffrages soient libres. Les Ambassadeurs adiouterent, qu'en la Congregation des Peres ils exposeroient ces choses plus au long : & qu'ils desiroient qu'icelle fust contournée au plustost, d'autant que les Theologiens estoient à quarante lieues de là, & n'attendoient que d'estre appelés. Les Ambassadeurs de l'Empereur leur donnerent de bonnes paroles : pource que l'Empereur, pour entretenir le Duc Maurice, auoit commandé qu'on les traitast fauorablement. Ces Ambassadeurs firent les mesmes offices avec les Princes Electeurs, & le Cardinal de Trente : mais refuserent de traiter avec le Cardinal Crescence ; & avec ses Collegues, pour ne monstrier de les reconnoistre. Ils faisoient instance d'estre admis en publique audience, pour presenter leurs patentès, & estre receus de mesme ceux de l'Electeur de Brandebourg : dequoy les ministres de l'Empereur leur bailloient de bones esperances, voire mesme promesses, pour les entretenir. Mais d'autre costé le Legat & les Nonces refusoient precisement de changer la forme du Saufconduit : disant, que c'estoit trop d'indignité pour le Concile, qui represente toute l'Eglise Catholique, qu'une petite poignée de Sectaires fissent difficulté de se fier en elle : aussi peu accorderoient-ils d'arrester le cours des Decrets desia composés avec beaucoup de maturité. Et quelle esperance, disoient-ils, y peut-il auoir de la conuersion d'Allemagne, s'ils viennent avec ces demandes ? Quant à les ouyr en public, il est bien raisonnable, attendu la promesse qu'on leur en a faite : mais aussi, puis qu'ils sont enuoyés à ce Concile, duquel à leur veu & feu le Legat & les Nonces Apostoliques sont Presidens, il faut de necessité qu'ils les reconnoissent pour tels : & sans cela ils ne peuuent les admettre, comme aussi ils en auoient speciale commission du Pape, laquelle leur fut baillée lors de l'entrée de ceux de Vvirtemberg. Que pour l'affranchissement des sermens, & autres telles impietés & blasphemés contre le Siege Apostolic, ils ne vouloient entrer en beaucoup de paroles : seulement disoient ils, qu'ils y mettroient la vie ; auant que de les supporter : qu'ils se retireroient & romproient le Concile, & commanderoient aux Prelats de n'entreuenir à aucun acte. L'Empereur, qui auoit l'affaire fort à cœur, estant aduertie de cecy, s'offensa de l'opiniastreté des Papaux, de vouloir mettre vn affaire de si grande importance tout en desroute pour vn pointille : & faire naistre vne guerre, laquelle pourroit en fin aussi estre leur ruine. Et despescha à ses Ambassadeurs, & au Cardinal Madruce, qu'ils fissent leur possible pour ramener leur Legat, & employassent son autorité Imperiale, premierement par prieres, puis aussi par paroles hautes & fortes, s'ils ne trouuoient quelque temperament qui contentast les deux parties : & qu'en fin ils contraignissent, par honnestes & ciuils moyens, le Legat & les Nonces à condescendre à ce qui estoit de la raison.

Les Ambassadeurs de l'Empereur, & le Cardinal Madruce, ayant consulté entr'eux, resolurent de ne proposer l'affaire tout entier aux gens du Pape, ains de se contenter de traiter pour vne entrée tant seulement de recevoir les Ambassadeurs, employant à cela de grandes persuasions, qui tendoient à monstrier, que quand les Saxons seroient admis en la seance publique, en laquelle eux estoient presidens, leur presidence estoit par cela mesmes assez reconuë, quoy que les compliments d'honneur n'eussent esté obserués enuers eux en particulier. Des persuasions, ils vinrent aux prieres au nom de l'Empereur, meslées de quelques paroles, qui donnoient assez à entendre qu'il ne falloit point abuser de sa clemence, ne le contraindre à prendre autres expedients : que la necessité est vn puissant esguillon à qui a la force en main. En fin le Legat Crescence se laissa induire à les recevoir, non toutes fois en Session, mais en publique & Generale Congregation tenue en son logis : croyant que par là il estoit reconu pour Chef. Apres qu'on eut gagné ce point, ils vindrent à la surseance des matieres. L'Ambassadeur Toledé disoit Qu'il auoit souuent ouy prescher, que le salut d'une seule ame estoit,

1552.

tellement cher à Iesus-Christ, qu'il descendroit de nouveau du ciel en terre pour estre crucifié, pour l'acquiescer: & maintenant on refusoit vne petite dilation pour sauuer toute l'Allemagne: où est donc l'imitation de Christ? Le Legat s'excusoit sur les commandemens absolus du Pape, ausquels il ne pouuoit contreuenir. Mais l'Ambassadeur luy repartoit, Qu'on baille bien l'instruction par escrit au maistre qu'on remet la discretion d'en vser à sa prudence. La dessus le Legat dit, qu'il voyoit bien que c'estoit là vne marche, pour passer à demander la reuision des choses ja decidées. Mais l'Ambassadeur leur donna parole, qu'il n'en traiteroit iamais: ains qu'ils feroient puissans offices avec les Saxons, pour les faire deporter de cete instance. Enfin le Legat persuadé par le Nonce Euesque de Verone, lequel s'estoit laissé fleschir pour ne donner l'endosse, car comme il disoit, au Pape, & au Concile, d'auoir ruiné vn si grand affaire par le refus d'vn petit delay, condescendit à dire, Qu'il estoit content, pourueu que les Prelats en la Congregation generale l'agreassent, & qu'a eux aussi il se rapportoit au fait du saufconduit requis.

*consultées
en Congre-
gation, &
en fin est
resolu de
les conten-
ter en par-
tie.*

La Congregation fut tenuë pour consulter sur ces affaires: & quant à la dilation elle fut aisée à resoudre, pour les offices faits par les gens de l'Empereur: mais il y eut bien plus de difficulté au Safconduit: non seulement pour la raison alleguée par le Legat, mais aussi, pource que le nom du Concile de Basse estoit generalement abhorré, & estoit detesté tout rapport à iceluy. Et ce qui importoit encor le plus, on iugeoit qu'il y auoit des choses qui pouuoient conuenir à ces temps-la, qui ne le pouuoient point à ceux-cy: d'autant que les Bohemiens auoient vne doctrine beaucoup moins contrariante à l'Eglise Romaine que les Lutheriens modernes. Mais nonobstant toutes ces oppositions, l'autorité des trois Eleuteurs, & du Cardinal Madruce, & les offices des Ambassadeurs Imperiaux, preualurent.

Or Pierre Tailleuoye Archeuesque de Palerme, remonstra de plus, qu'on oublioit de consulter d'vn point grandement principal, assauoir, comment on procederoit avec les Ambassadeurs à leur donner places de seance, & de quels termes l'honneur on vseroit enuers eux, & leurs Princes: car de n'en rien faire, c'estoit gaster tout l'affaire, & aussi en le faisant, on faisoit vn grand preiugé d'honorer les notoires heretiques, ou de les tenir en autre estat, que de rees & criminels. Qu'il falloit faire la mesme, voire plus grande consideration sur la procedure qu'on auroit à tenir avec les Theologiens qui deuoient arriuer: lesquels pretendent d'auoir voix & souffrage, & pour asseuré voudront auoir part és disputes, & consultations, & ne permettront d'estre tenus au rang, que les doit tenir l'Eglise, comme de vray aussi elle ne peut autrement, assauoir, d'heretiques, excommuniés, & condamnés, avec lesquels il n'est loisible de traiter, sinon pour les instruire, & encor en cas qu'ils le requierent humblement, & leur pardonner de pure grace. Sur cete proposition furent dites beaucoup de choses de la diuersité des temps, ausquels il faut que toute loy s'accommode: que les mesmes Papes, qui auoient fait ces Decretales, qui portent ces defences si expressees, ne les auroient point faites en ces occasions: qu'il n'y a chose plus aisées à rompre que les plus dures. Ces raisons esmouuoient bien vne grande partie, mais pourtant ils ne sauoient que resoudre. Il sembloit, que c'estoit vne determination qui requeroit grande & meure consultation, qu'elle est la rigueur des loix qu'il faut retenir, & qu'elle est celle qu'il faut relascher: qu'on n'en deuoit ny ne pouuoit rien resoudre sans le Pape, & le College des Cardinaux, mais que la briueuté du temps ne permettoit point d'y recourir. Ces raisons les tenoient tous en ambiguité & irresolution, quand l'Euesque de Naumbourg tout à propos representa qu'il falloit prendre pied sur ce fondement, Que la necessité excusoit toute transgression de cete sorte de commandemens: & que en Allemagne, és Colloques, & Dietes, ces considerations auoient esté meurement digerees, & en auoit esté decidé en faueur. Mais encor, que pour mieux asseurer le tout, il estoit bon de faire au

preallable vne protestation, que le tout se faisoit par charité & pitié, qui sont par dessus toutes loix, & ce pour ramener les desuoyez: & que cela s'entendist tousiours fait sans prejudice, avec les clauses, que les Iuriscultes sauroient inuenter les plus seures & propres. Cet aduis fut promptement embrassé par les premiers opinans, par les Prelats Allemands, & puis par les Espagnols, & en fin par les Italiens, quoy que froidement. Mais le Legat demeura iousiours fixe en son premier aduis: & monstroït clairement qu'il ne se rendoit qu'à la seule force de la necessité. Cela estant ainsi resolu, il fut deliberé que le vingtquatriesme du mois fust tenuë Congregation generale en laquelle les Ambassadeurs de Saxe fussent recens & ouïs: & que le vingtcinquieme, iour destiné pour la Session, elle se tint, & qu'en icelle fust publiée la prolongation iusques à la venue des Theologiens protestans: que tout promptement fussent élus des Peres, lesquels en compagnie du Nonce Sipontin, formassent le Decret, la Protestation, & le Saufconduit. Les Ambassadeurs de l'Empereur requierent d'auoir la minute du Saufconduit, auant qu'on le publiast, pour le faire voir aux Protestans, afin que cas aduenant qu'il ne leur agreast, on le pust r'habiller en sorte, qu'ils n'eussent fuiet de le refuser, comme ils auoient fait le precedent.

Es iours ensuiuans on vaua à ces choses susdites, lesquelles paracheuées, *ce qui leur est signifié* les Ambassadeurs Imperiaux appelerent à eux les Protestans: & apres que l'Ambassadeur Poitiers leur eut fait vne eloquente harangue, en louange de la grand'bonté & charité des Peres, & eut exhorté les Protestans à donner de leur costé quelque partie de reciproque contentement au Concile, comme le Concile en donnoit à eux: il leur dit, qu'il auoit esté arresté de recevoir leurs mandemens, & leurs personnes, & d'ouïr leurs propositions en public, & de différer la conclusion des matieres, quoy que ja examinées, & digerées, pour attendre leurs Theologiens, & les ouyr tout premier: qu'ils auroient vn saufconduit en forme tres-ample, tel qu'ils le requeroient, & que la minute en estoit desia faite. Et s'estendit grandement à monstrier que c'estoient graces & faueurs memorables: & cependant passa aussi à dire qu'il estoit necessaire de donner quelque chose au temps, & ne vouloit pas tout obtenir en vn moment. Que quand on seroit entré en traité, l'occasion leur feroit impetrer beaucoup de choses, qui auparauant sembloient fort malaisées: que les Peres desiroient la venue des Theologiens: & qu'eux mesmes Ambassadeurs de l'Empereur auoient des choses de grande consequence à proposer, & n'attendoient sinon que les Protestans fissent la pointe, & donnassent le brâle, pour sortir puis apres en champ. Et pour cete raison, ils les prioient qu'en la demande, que le Pape se soumsist au Concile, ils y procedassent tout bellement: d'autant que les Peres mesmes reconnoissoient bien qu'il y auoit quelque chose à corriger en la grandeur Papale: mais qu'il y faloit proceder avec beaucoup de subtile dexterité: & qu'eux mesmes experimentoient tous les iours le grand artifice & souplesse, dont il falloit vser en traitant avec les ministres du Pape. Pareillement, que de reprendre à examiner les choses ia conclues, n'estoit pas chose qu'il falut requerer ainsi d'abord: car la chose seroit avec trop grande infamie & deshonneur du Concile. Et pourtant que leurs Theologiens vinsent seulement, qu'ils seroient en toutes choses ouys conuenablement: & en cas qu'ils se sentissent greués en quelque chose de libre depart ne leur seroit iamais contredit ny empesché. Les Protestans se retirerent à consulter entr'eux: & ayans veu la minute du Saufconduit, n'en furent point contens, d'autant qu'il n'estoit point conforme à celui de Basle, auquel quatre choses furent octroyées aux Bohemiens: La premiere, Qu'eux aussi eussent voix decisive. La deuxiesme, Qu'au Concile fust iugé la Sainte Escriture, l'usage de l'Eglise ancienne, les Conciles, & les Interpretes conformes à l'Escriture. La troisieme. Qu'eux Ambassadeurs, pendant le Concile, peussent auoir l'exercice de leur Religion. La quatrieme, Que chose aucune ne fust faite en mespris ou opprobre de leur doctrine. Que de ces quatre chefs, le deuxiesme estoit bien different de la

mais eux ne se contentent du Saufconduit qui leur estoit présenté.

1552.

formule qui leur auoit esté baillée, & que les autres trois estoient entièrement omis. Ils prirent aussi soupçon, de ce que le Concile ne promettoit seureté au nom du Pere, & du College des Cardinaux, comme auoit fait celui de Basle: toutesfois ils se resolurent de ne faire aucune mention de cela, mais bien de rechercher, que les autres quatre chefs y fussent inferés. Et estans retournés aux Ambassadeurs Imperiaux, ils se declarerent tout ouuertement, Qu'ils ne pouuoient receuoir le Saufconduit en cete forme, & qu'ils en auoient commission expresse en leurs instructions. L'Ambassadeur Toléde monstra de l'indignation, qu'ils ne se contentassent pas de ce, que que luy & ses Collegues, auoient obtenu avec beaucoup de peine: que toute l'importance gisoit es seuretés d'aller, & de partir: que tout le demeurant appartenoit à la maniere de traiter & proceder, laquelle se pourroit mieux concerter & arrester en la presence, & avec l'intervention de leurs Theologiens. Que c'estoit vne chose trop dure, & de trop haute entreprise, & de ne se vouloir rendre en aucune partie, & de vouloir eux seuls donner loy à toute l'Eglise. Mais ils ne purent iamais, pour toutes leurs raisons, les demouuoir de leur resolution: & pourtant leur dirent pour conclusion, qu'ils le rapporteroient aux Peres: & eux leur rendirent la minute du Saufconduit, avec les additions que ils requeroient.

& les Presi-
dens.

Le Legat, & les Presidens, ayans oüy la requeste, & la fermeté des Protestans, monstrerent aux Ambassadeurs Imperiaux, combien leurs demandes estoient desraisonnables, & indecentes. Car en la formule du Saufconduit de Basle on ne trouuera iamais, qu'il fust permis aux Bohemiens d'auoir voix decisiue au Concile: mais bien est-il dit, que l'Ecriture sainte, l'usage & pratique de l'Eglise, les Conciles & les Docteurs qui se fondent en l'Ecriture, y soyent les iuges: quoy que cela y soit couché en termes aucunement differens: d'autant que l'usage de l'Eglise est exprimé par le nom de Tradition Apostolique: & que quand on nomme les saints Peres, c'est assez dire, qu'ils se fondent en l'Ecriture: attendu que tels ne peuvent prendre autres fondemens. Quant au troisieme point, de faire exercice de leur Religion en leurs maisons, cela se doit entendre, à condition que cela se face en cachete, & sans scandale. Que, pour la defense, que chose aucune ne soit faite en leur opprobre, cela estoit assez exprimé, quand on leur promet, qu'ils ne seront offensés en aucune façon. Si bien, qu'on voyoit clairement, que, pour chercher querelle, & matiere de cauillation, ils se plaignoient sans cause: & que, puis qu'il n'y auoit aucune esperance de les pouuoir contenir, il ne restoit autre chose à faire, sinon de leur donner le Saufconduit en la forme & teneur de la minute dressée, & laisser puis apres à leur choix de s'en seruir, ou non. Le Conte de Montfort repliqua, Qu'on ne pourroit faire chose aucune plus au benefice & profit de la cause publique, que de leur oster les pretextes, & tout suiet de cauillations, & les rendre inexcusables enuers tout le monde: & pourtant que, puis qu'il n'y auoit point de difference entre la minute & la forme du Saufconduit de Basle en la substance des choses, on leur pouuoit fermer la bouche, faisant copier celui de Basle mot pour mot, en changeant seulement les noms des personnes, des lieux, & des temps. Les Presidens, enferrés par vne si deliée & streignante response, se prirent à regarder l'un l'autre: mais le Legat prit tout soudain parti de respondre, Que cela seroit communiqué aux Peres en la Congregation, &

& la Congregation
se roidif-
sent à ny
rien chan-
ger.

que suiuant leur deliberation la resolution en seroit faite. Apres cela, les Legats commanderent chacun à ses amis & familiers, la cause de Dieu, & de l'Eglise: aux Italiens & Espagnols ils disoient, Que c'estoit vne grande iniure, d'estre obligé à suiure vn tas de Schismatiques, tels qu'estoient ceux du Concile de Basle, qui auoient inconsiderement parlé, & obligé à suiure la seule Ecriture, au Contraire de la Doctrine Chrestienne. Mais à tous en general ils disoient, Que ce seroit vne grande indignité au Concile de parler en sorte, qu'il en nasquist tout soudain vne inextricable dispute: car on ne s'accorderoit iamais à declarer, quels sont les Docteurs, qui se fondent en

l'Eſcriture: qu'il appartenoit à la dignité du Concile, de parler clairement, & que l'exprefſion, faite par le Concile, eſtoit la vraye declaration de celuy de Baſle. Ils employèrent beaucoup d'autres telles perſuaſions, en ſorte que preſque tous ſe renegerent à cete reſolution, de ne changer la minute, avec eſperance, que les Proteſtans, quoy qu'ils cerçaſſent quelque auantage, ſe contenteroient quand la choſe ſeroit faite.

Les choſes eſtans toutes ordonnées, la Congregation generale fut tenue le 24. de Ianuier, en la maiſon du Legat, en laquelle ſe trouuerent enſemble les Electeurs, tous les Peres, & les Ambaſſadeurs de l'Empereur, & de Ferdinand, leſquels n'auoient point accouſtumé d'asſiſter en telle ſorte de Congregations. Le Legat fit l'entrée avec peu de paroles, diſant. Qu'ils eſtoient aſſemblés pour donner commencement à vne action la plus perilleuſe, qui dès pluſieurs ſiecles ſe fuſt preſentée à l'Egliſe: & pourtant auſſi, que de plus grande affection que d'ordinaire il falloir prier Dieu pour le bon ſucces d'icelle. Là deſſus fut inuoké le Nom du Saint Eſprit, en la façon accouſtumée es Congregations: & apres cela, par le Secretaire fut luë la Proteſtation, à laquelle tous les Peres ayans donné le *Placet*, le Promoteur fit inſtance qu'elle fuſt enregiſtrée es Actes, & que meſmes en fuſt fait vn inſtrument public. La teneur d'icelle en ſubſtance eſtoit, Qu'à ſin, qu'à raiſon des diſputes qui pourroient ſourdre à l'eſgard des perſonnes comparoiſſantes, & des mandemens & eſcritures à preſenter, & des lieux, rangs & ſeances à aſſigner, l'heureux progrès du Concile ne fuſt retardé, le Concile declaroit, que cas aduenant qu'en propre perſonne, ou par ſubſtitut, fuſt admis aucun, lequel par la diſpoſition du droit, ou par l'vſage des Conciles, ne duſt eſtre receu: on euſt ſeance en lieu qui ne luy appartenoit point: ou bien, qu'aucuns mandemens, inſtrumens, proteſtations, ou autres eſcritures fuſſent admises; leſquelles offenſaſſent, ou peuſſent offenſer l'honneur, l'autorité, ou la puifſance du Concile: pour tout cela ne ſeroit entendu eſtre fait aucun preiudice au preſent Concile, ny aux autres generaux à venir, à perpetuité: attendu que toute l'intention du preſent Concile tendoit à ce, que la paix & concorde fuſt reſtablie en l'Egliſe, en quelque ſorte & maniere que ce fuſt, pourueu que licite & conuenable.

Apres cela furent introduits les Ambaſſadeurs de Saxe, leſquels eſtans entrés, & ayans fait la reuerence à la ſeance, Bادهorn parla, leur donnant les titres de Reuerendiſſimes & Ampliſſimes Peres; & Seigneurs: & la ſubſtance de la harangue fut, Que Maurice, Electeur de Saxe, apres leur auoir ſouhaité & prié l'aſſiſtance du S. Eſprit, & ſalutaire iſſuë de l'action, leur faiſoit entendre, que dès long temps il auoit delibéré, ſi iamais il arriuoit que fuſt celebré vn Concile general, libre, & Chreſtien, auquel les controuuerſes de la Religion fuſſent iugées par l'Eſcriture ſaincte, & où tous puſſent parler en ſeureté, & où fuſt inſtituée vne bonne reformation, tant au chef qu'és membres, d'y enuoyer ſes Theologiens. Et qu'à preſent, eſtant perſuadé qu'ils eſtoient aſſemblés pour cet effet, il auoit conuoqué ſes Theologiens, & leur auoit commandé de faire choiſ de quelques vns d'entr'eux, qui portaſſent & preſentaſſent leur Confession à cete Aſſemblée: ce qui iuſques à preſent n'auoit eſté effectué, à raiſon de certaine conſtitution du Concile de Conſtance, qui porte, Qu'aux heretiques & ſuſpects d'heréſie ne doit eſtre gardée la foy, ou Sauſconduit de l'Empereur, des Rois, ou autres: & meſmes auſſi pour l'exemple des Bohemiens, leſquels ne voulurent aller à Baſle, ſans eſtre munis d'un Sauſconduit & ſeuſeté de la part du Concile. Et pourtant, que l'Electeur auoit requis que vn tel Sauſconduit fuſt baillé à ſes Theologiens, & Conſeilliers, pour eux, & leurs domeſtics: mais que, peu de iours auparauant, leur auoit eſté preſentée vne certaine forme de ſauſconduit fort differente de celuy de Baſle: dont il auoit eſté iugé dangereux de venir ſous l'aſſurance d'iceluy à ce Concile: ſur tout qu'il paroifſoit aſſez quel iugement on y faiſoit d'eux, par certains Decrets Tridentins, ja imprimés, eſquels ils eſtoient traités en heretiques, & ſchiſmatiques, ſans

1552.

que toutesfois ils eussent esté ny appelés ny ouïs. Et pourtant, que le Prince, leur Maistre, requeroit que ses gens fussent tenus pour excusés, & que le Sauſconduit leur fust baillé en la forme d'iceluy de Basle. Dauantage que le Prince, ayant entendu qu'ils vouloient proceder à la conclusion des articles contentieux, auoit iugé cela estre chose preiudiciable, & contraire à toute loy diuine & humaine: attendu que ses Theologiens auoient vn legitime empeschement par faute de Sauſconduit. Et pourtant qu'il les prioit que le tout fust differé iusques à ce qu'iceux fussent ouys, lesquels n'estoient esloignés que de soixante lieues Allemandes, En outre, qu'ayant entendu, qu'on ne vouloit ouyr les Protestans sur les Articles contentieux decidés les années passées, en la plus grande partie de la décision desquels sont contenus grands & grieſs erreurs, il les prioit qu'iceux Articles fussent remis sur le bureau pour estre derechef examinés, & que ses Theologiens fussent ouys sur iceux, & qu'il en fust fait determination conforme à la Parole de Dieu, & à la creance de toutes les nations de Chrestienté. Car les choses decidées auoient esté traitées par vn fort petit nombre d'entre ceux qui ont droit d'entreuenir en vn Concile vniuersel, comme cela apparoissoit par le roole des signatures, qui auoit esté imprimé. Et toutes-fois, c'est vne chose essentielle à vn Concile general, que toutes les nations soient admises, & ouyes en liberté. Le Prince aussi leur remonstroit, que plusieurs articles controuers regardent le Pape: & que les Conciles de Constance & de Basle auoient decreté, qu'és causes de foy, & en celles qui concernent le Pape mesmes, iceluy soit soumis au Concile: dont il estoit conuenable de pratiquer le mesme en ce lieu: & auant toute autre chose, faire ce qui auoit esté arresté en la troisieme Session de celux de Basle, que toutes les personnes du Concile fussent affranchies des sermens d'obligation qu'ils ont au Pape, en ce qui concerne les causes du Concile: & mesmes le prince estoit en cette opinion, que, sans autre declaration, seulement en vertu des Constitutions de ces Conciles, tous deuroient estre francs & quites de ces liens. Et pourtant qu'il prioit l'Assemblée de vouloir, auant toute autre chose, remettre sus, approuuer & ratifier l'Article de la superiorité du Concile par dessus le Pape: sur tout, veu le grand besoin de reformation qu'auoit tout l'ordre Ecclesiastic, laquelle a tousiours esté empeschée par les Papes: dont il estoit impossible de corriger les abus, si les personnes du Concile estoient dependantes des volontés du Pape: & estoient, en vertu de leur serment, obligées à maintenir l'honneur, estat & puissance d'iceluy. Que si on pouuoit obtenir du Pape, que luy mesmes spontanément relaschast le serment, ce seroit chose digne de grand loüange, & qui acquerroit grande ferueur, creance, & autorité du Concile, & à ses Decrets, comme procedans d'hommes libres, ausquels il seroit loisible de traiter & iuger selon la parole de Christ. Que pour la fin, le Prince leur maistre prioit, que ses demandes fussent receues de bonne part, ayant esté poussé à les représenter par le zele à son propre salut, par l'amour à sa patrie, & pour le repos & tranquillité de tout le peuple Chrestien. Apres auoir ainsi parlé, il presenta sa harangue qu'il auoit par écrit, laquelle le secretaire receut, & le Promoteur respondit au nom commun du Concile, Que le Synode feroit consideration, & en temps & lieu luy rendroit response.

Apres ceux-ci furent aussi ouïs ceux de Vvirtemberg, lesquels presenterent le mandement de leur Ambassade. Et apres qu'iceluy eut esté leu, ils dirent en peu de paroles, Qu'ils estoient là pour presenter la Confession de leur doctrine, & que les Theologiens viendroient apres, lesquels la defendroient, & traiteroient plus à fonds les mesmes choses: à condition toutes-fois, que le commun accord fussent élus iuges d'une & d'autre part, pour connoistre des controuerses. Car, veu que leur doctrine estoit repugnante à celle du Pape de Rome, & des Euesques ses adherans, c'estoit chose iniuste que le Demandeur ou le Defendeur fust Iuge. Et pourtant faisoient instance, que les choses faites & passées les années precedentes au Concile, n'eussent

force de loy : mais qu'on recommençast de nouveau l'examen de toutes les choses traitées : attendu qu'il n'est pas de raison, lors que deux plaident ensemble, que ce qui est fait par vn seul d'entr'eux, l'autre estant legitime-ment absent, soit ferme & valable. Et de tant plus, qu'on peut clairement demonstrier, que tant es prochaines Actions, qu'en celles des années pas- sées, ont esté publiées Decrets contraires à la sainte Escriture. Apres cela ils presenterent leur Doctrine, & leur harangue par escrit : qui furent re- ceuës par le Secretaire, mais la Doctrine ne fut point lue. Le Promoteur respondit, au nom des Peres, *Qu'en son temps iceux rendroient responce.*

Ces choses faites, les Eledeurs & les Ambassadeurs se retirerent : & ne demeura avec les Presidens que les Prelats, pour donner ordre à la Session. Et premierement fut arresté le Decret, & puis proposé le Saufconduit, ad- ioustant les causes, pour lesquelles les Protestans ne s'en contentoient pas. Et fut mis en deliberation s'il falloit à cete minute adiouster ce qu'ils requie- roient : mais tous vnanimement & sans contredit, conclurent, qu'il n'y fa- loit adiouster autre chose, pour euitier les dangers d'entrer en disputes in- extricables, & en preiudices ineuitables.

Le vingtcinquieme Ianuier qui estoit le lendemain, iour destiné à la Ses- sion, on alla à l'Eglise avec l'appareil & conuoy accoustumé : voire mesmes avec plus grand nombre de soldats, lesquels les Presidens auoient fait venir, pour ostentation de la grandeur du Concile : & avec plus grande multitude & affluence d'estrangers, accourus par l'opinion qu'ils auoient, que les Pro- testans seroient receus publiquement, & avec notables ceremonies. L'Eues- que de Cataneé chanta la Messe, & Iean Baptiste Campege, Euesque da Ma- iorque, fit le Sermon : & suiuant les obseruances accoustumées, l'Euesque celebrant leur Decret, duquel la substance estoit, *Que le Concile, ayant en execution des choses ia auparauant decretées, traite fort exactement de ce qui appartient au Sacrifice de la Messe, & au Sacrement de l'Ordre, pour publier en icelle Session les Decrets sur iceux points : & sur les quatre arti- cles du Sacrement de l'Eucharistie, qui auoient esté differés : croyant que dans ce temps seroient arriués les Protestans, auxquels il auoit donné sauf- conduit : toutes-fois iceux n'estans point venus, ains ayans fait supplier que le tout fust differé à vne autre Session, & donnans esperance d'arriuer auant icelle de beaucoup, après qu'ils auroient receu vn saufconduit en forme plus ample, le mesme Concile, desirieux de paix & de repos, sur l'esperance qu'il auoit qu'iceux viendroient non pour contredire à la foy Catholique, mais pour connoistre la verité, & qu'ils acquiesceroient aux Decrets de Sainte Mere Eglise, auoit differé & differoit la suiuite Session iusqu'au dix- neufuisme Mars, pour mettre lors en lumiere & publier les choses susdites : & pour leur oster toute occasion de plus long retardement, leur octroyoit le Saufconduit en la forme & teneur, qui seroit recitée : arrestant qu'en cet entretemps seroit traité du Sacrement de Mariage, & qu'on poursuiuiroit la Reformation : afin que les Decrets sur ces matieres peussent aussi estre pu- bliés tout d'une main avec ceux des matieres susdites. Le Saufconduit por- toit en substance, *Que le Concile, persistant au Saufconduit ja octroyé, & pour amplification d'iceluy, faisoit foy, qu'il permettoit à tous Prestres, Princes, Nobles, & autres personnes de condition & qualité quelconque de la nation Allemande, lesquels viendroient, ou estoient ia venus au Concile, seureté & saufconduit de venir, demeurer, proposer & parler au Concile, traiter & examiner ce qui leur sembleroit, donner articles, & les confir- mer & defendre, respondre aux obiections du Concile, & disputer avec ceux qui seroient par iceluy choisis & deputés : declarant que les controuer- ses en ce Concile seroient traitées par l'Ecriture sainte, & suiuant les tra- ditions des Apostres, les Conciles approuvés, le consentement de l'Eglise Catholique, & l'autorité des saints Peres. Adioustant aussi, que sous pre- texte de Religion, ou de delits par eux commis par le passé, ou qu'ils pour- roient commettre à l'auenir contre icelle, ils ne seroient punis, ne recer-**

155

*qui leur
font preci-
sement re-
fusées.*

*cinquieme
Session.*

*decret d'icelle, por-
tant delay
pour les
Protestans*

*& l'ar-
neur du
sautcon-
duit
octroyé.*

1552. chés : en sorte toutesfois, que pour leur presence, tant par chemin ; qu'en quelconque autre lieu, & en la ville mesmes de Trente, on n'eust à cesser ny faire aucune intermission du seruice diuin : & que lors & quand bon leur sembleroit, ils pussent s'en retourner sans aucun empeschement, personnes, honneur, & biens saufs : au feu toutesfois des deputés du Concile, afin qu'il fust pourueu à leur seureté. Entendant aussi qu'en ce Saufconduit fussent comprises toutes les clauses, qui pourroient estre necessaires pour vne pleine, valable, & suffisante seureté. Et s'il aduenoit (ce qu'à Dieu ne plaise) qu'aucun d'eux, soit au venir, soit à Trente, soit au retour, commist aucun excès enorme, lequel pust annuller & casser le benefice de cete seureté publique, en tel cas ils seroient chasties par les leurs mesmes au contentement du Concile. Que si aussi au reciproque quelqu'un du Concile, soit à leur venir, soit à leur demeure à Trente, soit à leur retour ; commettoit chose qui violast ce present saufconduit, iceluy seroit puny & chastié par le Concile, en sorte que les Seigneurs Allemans de la Confession d'Ausbourg, qui seroient presens à Trente, en seroient contens & satisfaits : demeurant tousiours en son entier la forme de cete seureté, avec toutes ses conditions, & clauses. Outreplus accordoit ausdits Ambassadeurs de pouuoir sortir de Trente pour prendre air, & y retourner, enuoyer & receuoir aduis & messages, toutes les fois & quantes que bon leur sembloit, accompagnés toutesfois par les deputés du Concile, pour leur plus grande seureté. Et que ce saufconduit s'estendist durer tout le temps, qu'ils seroient sous la sauuegarde du Concile, venant à Trente, & y demeurant, & vingt iours apres qu'ils auroient demandé congé de partir, ou qu'il leur seroit emoint de se retirer : auquel cas le Concile promettoit & se chargeoit de les rendre en lieu assure à leur choix. Et que toutes ces choses ledit Concile en donnoit parole & promesse de bonne foy, au nom de tous le fideles de Christ, & de tous Princes Ecclesiastiques & Seculiers, & de toutes autres personnes Ecclesiastiques & Seculieres, indifferemment, de quelque estat & condition qu'elles fussent. Et en outre promettoit aussi de bonne foy, qu'il ne recherchoit occasion quelconque, ne publique ne secreta, pour faire que chose aucune fust entreprise au preiudice de ce present Saufconduit : & ne se preuaudroit, ny ne permettroit qu'aucun se preualust d'aucune autorité, pouuoir, droit, statut, priuilege de loix, de Canons, de Conciles, & specialement de celui de Constance, & de Siene, ausquels en cet endroit, & pour cete fois il derogeoit. Que si le saint Concile, aucun d'iceluy, ou des leurs venoit à violer ce present Saufconduit, en aucun point ou clause, sans que le chastiment s'en ensuiuist promptement, & à leur contentement, qu'ils tinssent & iugeassent iceluy Concile encouru en toutes les peines, esquelles peuuent choir les violateurs de semblables saufconduits, par loy diuine & humaine, ou par coustume, sans excuse ne contredit.

les Presi- Ces choses ayans esté luës, la Session fut acheuée. Il est certain que les
dens dis- Presidens, estans en doute à quoy les choses pourroient aboutir, vouloient
posent les se trouuer prests & appareillés, en cas qu'ils eussent le vent à souhait, pour
affaires à pouuoir decider toute la matiere des Sacremens en vne mesme Session. Et
une courte pourtant, ayans desia toutes prestes les matieres concernantes la Commu-
closure nion, & la Messe, & le Sacrement de l'Ordre, ils vouloient aussi auoir celles
du Concile. du Mariage toutes digerées, & ordonnées, pour n'en faire qu'un seul fais-
seau : pour pouuoir puis apres, en vne autre Session, traiter sommairement
& succinctement du Purgatoire, des Indulgences, des Images, des Reliques,
& autres telles minuties, comme eux mesmes les appeloient : & ainsi mettre
fin au Concile. Et en cas que quelque chose se fust opposée à ce dessein
pouuoir faire paroistre qu'il n'auoit point tenu à eux.

le Pape, I'apperçoy desia, que plusieurs, lisans ces euenemens, s'esbahiront de ny
apres auoir voir aucune mention du Pape, duquel en choses beaucoup moindres, on a-
pourueu à uoit accoustumée de prendre le modele & la loy de toutes les deliberations.
sa seureté Mais cet esbahissement cessera, quand on sçaura que le Pape auoit esté à l'ac-
au Concile. coustumée

coustumée aduerti de point en point de tous les euenemens & desseins : & dès la premiere arriuée des Ambassadeurs de Vvitemberg, & puis à la nouvelle qu'on en attendoit encor d'autres, auoit respondu aux lettres de son Legat & Nonces, qu'on eust à traiter les Protestans avec toute l'humanité qui seroit possible : qu'il fauoit bien qu'en semblables cas il falloit de necessité supporter quelque indignité pour s'accommoder : & pourtant qu'en ceci ils vissent de prudence, ployant à la necessité : car enfin de compte il tourne à honneur d'auoir souffert quelque chose. Mais, qu'ils s'abtinissent de toute conference publique, tant de viue voix que par escrit, en matiere de Religion. Qu'ils procuraissent par voye d'offices, & d'esperances, de gagner quelcun des Docteurs Protestans : & n'y espargnassent quelque despenſe. Le Pape fut aduerti de tout ce qu'on alloit faisant pas à pas : mais il ne lui sembla point qu'il se presentast encor chose, qui lui dult faire changer de propos. Et, apres cete Session, il ne pensoit pas beaucoup aux choses du Concile : d'autant qu'il auoit l'esprit tourné à ouir les ouuertes de quelques François, ayant pris quelques ombrages de l'Empereur. Mais, dès qu'il entendit que les Ambassadeurs Imperiaux auoyent donné intention aux Protestans de reigler & moderer la puissance Papale, & auoyent dit, qu'ils attendoyent de voir la porte ouuerte par leur negotiation, pour les seconder puis apres, & mettre sur les rangs les choses qu'ils auoyent proietté : & que la plus part des Peres iugeoyent qu'il estoit necessaire de restreindre l'autorité Papale, à quoi aussi il auoit d'autres concurrens aduis, que tous les Espagnols visoyent, & que l'Empereur auoit fait dessein de releuer plus haut la puissance Imperiale par la depression de la Papale, & entendoit de fomentier les Protestans à cet effet, pour monſtrer que cela ne venoit point de lui, mais d'eux : le Pape, di-ie, ayant esté informé de ces choses, s'aliena de l'Empereur, pour se tourner au Roi de France, & pour cet effet preſtoit l'oreille au traité que manioit le Cardinal de Tournon, au nom du Roi : de l'exécution & accomplissement duquel s'ensuiuoit la dissolution & rupture du Concile, sans qu'il s'en meſlaſt, ni monſtrast de la desirer.

La Session finie, les Protestans, quoi qu'ils euſſent bien descouuert que le Saufconduit n'auoit point esté amplifié, comme ils l'auoyent requis, dissimulerent toutesfois de le sauoir, & le demanderent : & les Ambassadeurs Imperiaux, assemblés pour cet effet, en liurerent vne copie authentique à chaque Ambassade. Mais eux, s'estans retirés à part, & ayans lu la teneur d'icelui, retournerent derechef, & se plainquirent qu'on leur auoit manqué de parole : & requierent de plus la responce du Concile, à ce qu'ils auoyent exposé, & aux instances qu'ils auoyent faites sur la maniere de proceder qui se deuoit garder au Concile. Les gens de l'Empereur les exhorterēt de proceder dextremēt, se seruant des mesmes termes & raisons qu'auparauant : leur monſtrant qu'avec le temps ils obtiendroyent tout ce qu'ils demandoient : en lieu que, recherchant choses non encor meures, & hors de saison, ils rendoyent le tout beaucoup plus difficile. Qu'il n'estoit point necessaire qu'au saufconduit fust exprimé, qu'ils pussent auoir l'exercice de leur Religion en leurs maisons : attendu que, puis que cela n'estoit point defendu, il s'entendoit permis. Et quant à ce que rien ne fust fait à leur opprobre, cela y estoit couché assez clairemēt, lors qu'on leur promettoit tout bon & favorable traitement : & que d'abondant on feroit des defenses & criées publiques sur cela mesmes, qui auroyent encor plus de force que le Saufconduit. Et quant aux fondemens & raisons, à alleguer & employer au Concile, la mesme chose estoit dite au Saufconduit en substance, que la Sainte Escriture fust le fondement : mais aussi, qu'il estoit bien necessaire, que, suruenant quelque debat ou controuuerſe sur l'intelligence de l'Escriture, le Concile en fust le Iuge. Que l'Escriture est muete & sans ame : & que, de mesmes les loix ciuiles, elle a besoin de Iuge, qui l'anime : & qu'en matiere de Religion ce Iuge est le Concile, selon la pratique & l'usage obserué dès le temps des Apostres iusques à present. Les Protestans receurent le Saufconduit,

1552.

mais avec réserve & declaration, qu'ils ne le prenoient que pour l'envoyer à leurs Princes.

*Congregation pour
traiter du
Mariage:*

*griefs des
Protestans
sur la precipitation
du Concile,*

*laquelle
l'Empereur
arreste.*

Mais les Presidens, pour effectuer ce, qui avoit esté arresté, d'examiner la matiere du Mariage, tinrent Congregation generale: & apres avoir élu des deputés à extraire & dresler les Articles, ils en proposerent trentetrois sur cete matiere, pour estre examinés par les Theologiens ordonnans aussi que les deputés formassent les Canons de main en main, selon que les Articles estoient ventilés & resolu. On tint là dessus quelques Congregations & furent formés jusques à six Canons. Mais les Protestans firent de grandes plaintes aux Ambassadeurs Imperiaux, disant, Que de paroles ils leur donnoient bien esperance d'obtenir revision des choses decidées, mais qu'en effet on la leur retranchoit toute: attendu qu'on ne laissoit point pourtant de passer outre à nouvelles decisions, pendant que leurs Theologiens estoient attendus. Les Ambassadeurs Imperiaux ne purent obtenir des Presidens, que les Actions fussent sursises, lesquelles au contraire iceux sollicitoyent & hastoyent en toute diligence: afin que, ou les Protestans se deportassent d'aller à Trente, ou bien, qu'y allans, ils trouvaissent toutes choses decidées. Car, quant à la demande de reprendre à examiner les choses arrestées, le Pape, & toute la Cour, & tous les Prelats, estoient desjà tous resolu de la refuser absolument. Ils pensoient aussi qu'il y avoit plus d'apparence de denier la revision de beaucoup de choses que de peu. Mais l'Empereur, pour les interets duquel il importoit beaucoup de faire aller les Protestans à Trente, & qui ne se soucioit pas grandement si la revision se faisoit ou non, estant adverti par ses Ambassadeurs des plaintes des Protestans, & de l'empeschement qu'on donoit à leur venue au Concile, envoya homme expres à Trente, avec charge & commission de passer jusques à Rome, pour faire instance que toute action fust sursise pour peu de iours, montrant que cete haste precipitoit les matieres, remplissoit les Protestans d'ombrages & soupçons, & rendoit leur reduction plus difficile: & ordonna de commander à ses Prelats d'arrester sus bout tous traités: & envers les Papes, en cas que les raisons & persuasions ne fissent effet, de passer aux protestations. Cete resolution de l'Empereur, signifiée à Trente, fit qu'il fut tenu vne Congregation generale, en laquelle cete consideration estant mise sur le bureau, il fut deliberé de surseoir toutes actions synodales, jusques au bon plaisir toutesfois du Concile.

*au grand
desplaisir
du Pape,
duquel le
simulacré
avec l'Em-
pereur
s'augmen-
tent; pour
l'assassinat
de Marti-
nuse Car-
dinal.*

Mais le Pape prit à desplaisir ce qui avoit esté fait: & estant d'ailleurs indigné contre l'Empereur pour autres esgards, il escriivit à Trente, Que pour l'honneur du Concile ils continuassent encor cete surseance pour quelques iours, le moins qu'ils pourroyent: & que puis apres ils reprissent hardiment les actions sans aucun respect. Il y avoit vne autre cause, laquelle, outre la precedente, avoit irrité le Pape, & les Cardinaux: c'est, que Ferdinand, desirant de s'emparer de la Transylvanie, (laquelle d'autre costé estoit assaillie par les Turcs) sous couleur de la vouloir conserver pour le ieune fils de Jean Vaiuode: George Martinuse, Evêque de Varadin, personnage doué d'excellente prudence, & de tresgrand credit en ces pais-là, desiroit la maintenir en liberté: & pour obuier à plus grands dangers, n'estant assez fort pour resister aux Turcs, & à la maison d'Austrie tout ensemble, se resolut de s'allier avec celle-ci, dont faisant contrepoids aux Turcs, il tenoit les choses en grand equilibre. L'Empereur & Ferdinand connoissans bien, qu'en gagnant ce Prelat, ils obtenoient entierement leur but, outre les autres choses qu'ils firent pour l'obliger plus estroitement à leurs interets, Ferdinand lui promit vne pension de huit mille escus: & l'Empereur à grande requeste obtint du Pape, qu'il le creast Cardinal, & mesme lui envoyast le chapeau, chose vstée fort rarement, & lui permist de porter l'habit rouge; ce qu'autrement ne lui estoit loisible, pource qu'il estoit Moine de l'ordre de S. Basile. Tout cela fut fait & executé à Rome, à la mi Octobre. Mais toutes ces apparences d'honneur ne furent point pri-

sées par cet Euesque, qui ne voulut preferer les interets de la maison d'Austrie à ceux de sa patrie: & pour cete cause il fut prodictoirement & cruellement assassiné par les ministres de Ferdinand, le dixhuitieme Decembre, sous pretexte, qu'il auoit intelligence avec les Tures. Cet accident altera grandement tous les Cardinaux; lesquels se reputent sacrés & inuiolables. Ils mettoient en consideration de quelle consequence estoit l'exemple, qu'un Cardinal pust estre meurtri pour des calomnies controuuées, ou bien mesmes pour des soupçons. Et de plus aiguillonnerent encor le Pape, auquel de soi mesme le fait desplaisoit grandement, lui representans que ce Cardinal auoit vn grand thresor, qui montoit à vn milion d'or, lequel deuoit eschoir à la Chambre, comme estant de Cardinal mort sans testament. Pour toutes ces raisons le Pape deputa certain nombre de Cardinaux pour prendre conoissance de l'excès: & fut iugé, que Ferdinand, & tous ses ministres de Transylvanie, estoient encourus es Censures: & furent enuoyés commissaires à Vienne à faire enquestes. Mais, pour enfler tout ce narré d'une suite, il faut sauoir que la ferueur de la poursuite se rallentit, & qu'on proceda en cet affaire avec beaucoup de cōnuence, tant pour ce que ce qui estoit fait ne se pouoit desfaire, qu'aussi pour ne donner suiet à plus grāds remuemens: mais, quoi que le proces fust fait & instruit à l'auantage de Ferdinand, si est-ce qu'il ne fut rien verifié des choses mises à sus au defunct: & aussi le dessein de tirer l'heritage à la chambre, fut bien tost amorti, quand on trouua si peu, beaucoup au dessous des imaginations prises: d'autant que Martinuse, qui estoit homme liberal & splendide, auoit tousiours dependu tout ce qu'il auoit pour le bien public: & encor ce peu qui se trouua à sa mort, auoit esté partagé entre les soldats. Le Pape donc declara Ferdinand, & tous les autres, qui n'auoyent en personne assisté au meurtre, absous: toutesfois avec cete reserue & condition, si les choses deduites au proces estoient veritables. Mais les ministres de l'Empereur se plaignans de cete queuë, qui sembloit mettre en doute la prud'homie de Ferdinand, le Pape fit la sentence toute simple & absoluë: & ceux-là seuls, qui auoyent esté les auteurs de l'assassinat, allerent à Rome pour auoir leur absolution, mais en telle sorte, comme s'ils eussent esté auteurs d'un œuvre louable. Mais nonobstant tout cela, & en Hongrie, & à Rome mesmes, fut tenu pour asseuré que ce meurtre estoit procedé du mandement de ceux qui y auoyent interest: selon le dire fameux, que de tout conseil caché celui en doit estre presumé l'auteur, qui en tire profit & auantage. Mais cet excès ne porta aucun benefice aux affaires de Ferdinand, lequel, tant pour cete cause, que pour autres, fut bien tost apres tout à fait depossédé de la Transylvanie. Or, d'autant que cela n'appartient point autrement à mon propos, ie retourne à ce qui se passoit au Concile.

Le septiesme Feurier, le Dimanche auant la Septuagesime, auquel on lit l'Euangile de la Zizanie, Ambroise Cigogne, autrement dit Pelargus, l'acopin, Theologien de l'Archeuesque de Tréues, fit le Sermon: lequel, appliquant le nom de Zizanie aux heretiques, dit qu'il les faloit tolerer, lors que sans danger de plus grand mal, on ne les pouoit extirper. Cela fut rapporté aux Protestans, comme s'il eust dit, Qu'on leur pouoit rompre la foi donnée: & pourtant il en nasquit vn grand bruit & tumulte. Il se defendoit, en disant, qu'il auoit parlé des heretiques en general, & n'auoit rien dit plus outre, que ce que porte l'Euangile: mais, que quand ores il auroit dit, qu'il les faloit exterminer par feu, fer & cordeau, & par toute autre voye, il n'auroit fait que ce que le Cōcile auoit commandé en la Session deuxieme. Qu'il auoit tresmodestement parlé, & qu'on ne pouoit faire sermon sur cet Euangile-là, qu'on ne dist tout autant qu'il auoit dit. Le bruit fut appaisé par le moyen du Cardinal de Trente, & de l'Ambassadeur de l'Empereur, quoi qu'avec beaucoup de difficulté: encor qu'il cōstast que le Moine n'auoit point parlé de ne garder la foi, ne dit chose quelconque, qui touchast les Protestans en particulier, mais seulement les heretiques en general. Cela

1552.

toutesfois donna pretexte de se retirer à l'Electeur de Treues, qui desia y estoit resolu, pour quelque secreta intelligence qu'il tenoit avec le Roi de France: à quoi adioustant le besoin de recouurer sa santé, il partit à la mi-Feurier, laissant vn bruit & opinion, que c'estoit du gré de l'Empereur, & promettant d'y retourner bien tost. Neantmoins il ne passa point par Inspruck, ni ne s'aboucha avec l'Empereur.

Stations à
Trente:

Le premier iour de Quaresme furent par affiches publiques indictes les Stations à Trente, en la mesme maniere qu'à Rome, par ottroi du Pape, en faueur de quiconque visiteroit les Eglises: ce qui fut vn peu d'entretien aux Peres & Theologiens, lesquels, par l'intermission des Congregations, estoient demeurés sans occupation, & quasi tous oisifs. Bien est vrai, qu'au parauant ils s'estoyent aussi entretenus par des Congregations priuées, discourans diuersement ou de la dissolution ou de la continuation du Concile, se-

bruit de
guerre con-
mencent à
dissiper le
Concile,

lon les nouvelles qui arriuoient. Au commencement de Mars vinrent lettres de l'Electeur de Saxe à les Ambassadeurs, par lesquelles il leur com-
mandoit de poursuiure les instances enuers le Concile: & leur donnoit ad-
uis qu'il s'arrestoit pour aller en personne trouuer l'Empereur, ce qui cal-
ma l'esprit de tous. Mais, peu de iours apres, il s'espandit par tout vn bruit,
qu'il y auoit vne ligue faite entre le Roi de France, & les Princes Protestans,
pour faire la guerre à l'Empereur. Sur quoi les Electeurs de Mayence & de
Cologne partirent: & passans par Inspruck traiterent fort à l'estroit avec
l'Empereur. Les Ambassadeurs aussi de Maurice, craignans pour leurs pro-
pres personnes, sortirent secretement de Trente, & par diuers chemins se

auquel ar-
riuent quel-
ques Theo-
logiens Pro-
testans,

rendirent chez eux. Nonobstant cela, encor apres ces choses arriuerent
quatre Theologiens de Vvirtemberg, & deux de Strasbourg: & les Ambas-
sadeurs du Duc de Vvirtemberg firent avec les Theologiens promptement
instance enuers les Ambassadeurs Imperiaux, que le Synode rendist respon-
se à la proposition ia par ci deuant faite, & qu'on donnast commencement à
la conference, ou traité. Mais le Legat respondit, que le dixneufuisme
Mars, iour destiné à la Session, estant si prochain, il falloit de necessité met-
tre ordre à icelle, & traiter beaucoup d'autres choses, dont l'une seroit de
trouuer & arrester vne certaine forme de traiter. Et pourtant ce iour-là
mesmes fut tenue Congregation en la maison du Legat, & fut deliberé de

Et l'Amba-
ssadeur
Portugal,

prolonger la Session iusques au premier iour de Mai. Encete Congregation
fut receul l'Ambassadeur de Portugal, lequel presenta son mandement, &
fit vne harangue: à laquelle il fut respondu à la forme accoustumée, avec
louanges & remerciemens au Roy, & termes de compliment enuers l'Ambas-
sadeur. Mais ceux de Vvirtemberg, voyans qu'on ne rendoit aucune
response à leurs propositions, & que mesmes le Legat supprimoit la Confes-
sion par eux présentée, quoi que plusieurs desirassent la voir, en distribue-
rent à diuers des copies imprimées qu'il auoyent portées avec eux: dont il
y eut grand bruit, & vacarme au Concile, & quelques vns disoyent, qu'ils
meritoient chastiment, attendu que ceux, à qui sauconduit est ottroyé,
sont obligés d'euitertoute offense de celui qui le leur ottroye. Or ceci estoit
reputé vn offense publique. Le tout fut neantmoins en fin appaisé. Les Pro-

instances
des Prote-
stants & of-
fices des
Ambassa-
deur Impe-
riaux,

testans firent par plusieurs fois instance enuers les Ambassadeurs de l'Em-
pereur, qu'on donnast commencement à l'Action: mais on differoit tous-
iours, ores sur le pretexte del'indisposition du Legat, ores sur autres. Les
Ambassadeurs Imperiaux ne manquoient point de presser l'affaire: & mo-
yenerent que les Protestans se contentassent de se deporter de l'instance
qu'ils auoyent faite, qu'on respondist aux demandes par eux présentées: &
puis encor, qu'ils ne pressassent point que la doctrine qu'ils auoyent presen-
tée fust examinée. Mais, à mesure qu'on appointoit quelque difficulté auan-
cée par les Protestans, il en naissoit subit d'autres, excitées de la part des
Presidens, ores sur la maniere de traiter, ores sur la matiere par ou il falloit
commencer. Et en fin les Protestans, à ce persuadés par l'Ambassadeur Poi-
tiers, se contenterent qu'on commençast par ou les autres vouloyent. Mais,

traversés
par les Pre-
sidents,

ni pour cela ne vint on à joindre. Le Legat de vrai estoit grièvement malade, pour des horribles angoisses & passions d'esprit : & toutesfois on ne pouvoit se persuader que ce ne fust vne feinte, pour auoir pretexte de n'entrer en lice. Les Nonces estoient irresolus & perplexes, & les Euesques n'estoyent point d'accord entr'eux. Car ceux, qui dependoyent de l'Empereur, Espagnols & autres, incités par les Ambassadeurs Imperiaux, vouloyent qu'on passast outre. Mais, les dependans du Pape, ombragés que le but des Imperiaux fust de faire bien tost choir le traité à la Reformation de la cour de Rome, embrasloyent toute occasion d'empeschement. Et, d'autant que les Euesques Allemans estoient ia partis, à cause des remuemens de guerre, eux aussi attendoyent la mesme occasion : sur tout, d'autant que tousiours continuoit la nouuelle des armes du Roi de France & des Confederés d'Allemagne contre l'Empereur, desquels estoient ia sortis en lumiere Manifestes & protestations, qui portoyent pour cause, la defense de la Religion, & la liberté d'Allemagne. Le premier iour d'Auril l'Electeur de Saxe mit le siege deuant Augsbourg, qui se rendit trois iours apres : & la nouuelle en arriua à Trente le sixieme du mesme mois : à quoi adioustoit on que tout le Comte de Tirol se mettoit en armes, pour se rendre à Inspruck, sur l'opinion qu'on auoit, que l'armée des Confederés auoit dessein de se saisir des passages des Alpes, pour couper l'entrée en Allemagne aux gens de guerre estrangeres. Et partant vne grande partie des Euesques Italiens s'embarqua sur la riuiera d'Adice, pour baïsser iusqu'à Verone, & les Protestans aussi delibererent de partir.

Il demeura fort peu d'Euesques à Trente : & le Legat grièvement malade refusoit souuent, & ne pouuoit auoir aucune stable resolution. Dont les Nonces, craignans, si on attendoit iusqu'au premier de Mai, comme il auoit esté concerté, de se trouuer seuls à Trente, sans Prelats, despescherent à Rome, pour estre instruits comment ils se deuoient gouuerner en vn si grand destroit. Le Pape, qui auoit desia conclu son traité avec le Roi de France, & ne soucioit plus de tout ce que l'Empereur pouuoit faire, quand mesmes il se feroit desmeslé des difficultés qui l'environnoient ; tint Congregation des Cardinaux, & leur proposa l'aduis de ces Nonces, pour le consulter : & n'y eut point de difficulté que la pluspart ne concourust à la suspension du Concile. La Bulle en fut formée, & fut enuoyée à Trente : & le Pape quāt & quant escriuit aux Nonces, Qu'il leur enuoyoit le pouuoir de la suspension : & que, s'ils voyoyent vrgēte necessité, ils cedassent à icelle, & ne missent en danger la dignité du Concile, lequel en autre temps plus calme pourroit estre remis sus : & partāt leur bailloit charge, non de le dissoudre tout à fait, afin d'auoir tousiours en main vn bout de cete corde pour s'en preualoir es occasions, mais seulement de le suspendre pour quelque temps. Les Nonces, ayans eu cete responce, la tinrent secreta : & consulterent cependant avec les Ambassadeurs, & les Principaux Prelats, ce qui estoit à faire : mais iceux proposoyent qu'il falloit attendre ordre de l'Empereur, & extenuoyent le danger tant qu'ils pouuoient. Mais, nonobstant cela, les Prelats, quoi que pour la pluspart Espagnols, craignans pour leurs propres personnes, à cause de la haine des Protestans, & desesperans que l'Empereur en vne si grande presse pust auoir temps pour penser au Concile, consentirent à vne suspension. Et pourtant les Nonces intimerent la publique Session pour le vintuictieme Auril : tant estoit pressante la peur, qu'elle ne leur permit d'attendre le premier de Mai, iour destiné à icelle par le Concile.

A cete Session tumultuaire se trouua ce petit nombre, qui estoit demeuré de reste. Et apres les ceremonies Ecclesiastiques, (car, quant aux pompes, elles furent omises pour cete fois) le Nonce Sipontin fit lire vn Decret par le Secretaire, qui portoit en substance ; Que le Concile, y presidans les deux Nonces en leur nom, & en celui du Cardinal Crescence, Legat, detenu de grieue maladie, ne doutoit point que toute la Chrestiente ne fust comment le Concile de Trente auoit esté premierement conuoqué

en fin
coute est rō-
pu par la
dissolution
au Concile
a cause des
armes de
Maurice
de Saxe :

qui portent
le Pape à
vne sus-
pension,

publiée en
la dernière
Session :

1552.

par le Pape Paul d'heureuse memoire : & puis, remis sus par Nostre Tres-saint Pere Iules troisieme, à l'instance & requeste de l'Empereur Charles, pour le restablissement de la Religion, sur tout en Allemagne, & pour la correction & reformation des mœurs : & comment en icelui estans de diuers pais conuenus plusieurs Peres, sans auoir esgard à trauaux ne dangers, l'affaire estoit heureusement acheminé, avec esperance que les Allemands, qui auoyent excité les nouueautés, iroyent au Concile, disposés d'acquiescer aux raisons de l'Eglise. Mais, il estoit aduenü par la ruse de l'ennemi du genre humain, que tout soudain s'estoyent esleués des tumultes, qui auoyent contraint d'interrompre le cours encommencé, & coupé toute esperance de progres, avec crainte mesmes, que le Concile seruiroit plus tost à irriter les courages de plusieurs, qu'à les adoucir & appaiser. Partant le Saint Concile, voyant tous lieux, & sur tout l'Allemagne, embrasés de guerres & discordes, & que les Euesques Allemans, & spécialement les Electeurs, estoient ià partis, pour pouruoir à leurs Eglises, auoit deliberé de ne s'opposer à la necessité, mais garder silence iusques à temps plus opportun : & à cet effet de suspendre le cours du Concile pour le terme & espace de deux ans : à condition que, si les affaires pouoyent estre pacifiées auant ce terme, le Concile s'entendist remis sus pied en sa vigueur & fermeté : que si aussi les empeschemens n'estoyent ostés au bout des deux ans, la suspension s'entendist *ipso facto* leuée, des aussi tost que les empeschemens seroyent cessés, sans autre nouuele conuocation. Entreuenant à ce Decret le consentement & l'autorité de Sa Sainteté & du Saint Siege Apostolic. Et cependant le Concile exhortoit tous les Princes Chrestiens, & tous les Prelats, vn chacun en droit foi, de faire obseruer, en leurs Estats & Eglises, tout ce qui iusques alors auoit esté arrêté par le Concile. Ce Decret ayant esté lu, les Italiens l'approuuerent. Mais les Espagnols, qui estoient au nombre de douze, dirent, Que les dangers n'estoyent point si grands, comme on les faisoit : que cinq ans auparauant les Protestans auoyent bien pris l'Escluse, sans que toutesfois le Concile en fust rompu, ores qu'il n'y eust à la garde du Tirol autre que le Sieur de Castelalto : qu'à present l'Empereur mesme estoit en personne à Inspruck, lequel, par sa valeur, dissiperoit bien tost tous ces mouuemens : qu'on congédiaist les timides, comme on auoit fait alors, & que les volontaires demeurassent, iusques à ce que l'Empereur fust aduerti, lequel, n'estant qu'à trois iournées de là, pouoit bien tost rendre responce. Mais, les autres s'y opposans tumultuairement, les Espagnols protesterent contre la suspension ainsi absolüe. Nonobstant cete protestation, le Nonce Sipontin, apres auoir benit les Peres, les licentia pour s'en aller chacun son chemin. Les Nonces estans partis, ensemble les Prelats Italiens, finalement les Espagnols partirent aussi, & pareillement les Ambassadeurs de l'Empereur. Et le Cardinal Crescence, lequel fut porté à Verone, là où il mourut.

de laquelle
le decret
est enuoyé
à Rome.

A Rome les deux Nonces furent grandement chargés, de ce qu'en la dernière partie de ce Decret le Concile auoit ordonné l'execution des choses establies, sans en auoir premierement requis la Confirmation & ratification du Saint Siege : ce qui ayant esté exactement gardé par tous les Conciles passés, il sembloit que faire à present autrement, estoit, vne grande usurpation, & lésion de l'autorité Papale. Aucuns aussi prenoient scrupule, non sans grande apparence, que tous ceux qui auoyent assisté au Decret ne fussent encourus en la censure du Canon, *Omnes distict. 22.* par le preiudice qu'ils auoyent fait à vn priuilege du Siege Apostolic, pretendans que les Decrets Conciliaires eussent aucune force ou valeur, auant la Confirmation d'icelui. On les excusoit bien en quelque façon, disant, Qu'il n'auoyent pas commandé, mais exhorté de les garder. Mais cete responce ne satisfaisoit pas : car, garder comme loi, presuppose obligation : & au Decret aussi l'exhortation est adressée seulement aux Princes & Prelats, qui sont exhortés de les faire garder : mais quant à ceux qu'ils doiuent obseruer, l'obligation prealable estoit toute presupposée : &

aussi, en matiere de foy, cete response ne pouvoit avoir aucun lieu, ce disoyent ils: attendu que l'exhortation de l'Eglise, en tel cas, portepoids de commandement. L'excuse eust esté meilleure de dire que le tout auoit esté fait par le Pape, & approuvé, avant mesmes qu'il eust esté publié en la Session. Mais encor ceci ne suffisoit pas: d'autant que, quoi qu'il fust bien vrai, il n'en apparoissoit point. On prit aussi suiet d'esbahissement, surquoi donc estoit fondé le grand estrif qu'il y auoit eu entre le Concile & les Protestans, pour les choses ia arrestées, lesquelles les Protestans vouloyent qu'on examinast derechef: & le Concile, que elles fussent tenues pour toutes conclues: attendu que, si elles n'auoyent leur vrai accomplissement & establisement avant la ratification du Pape, elles pouvoient bien estre reueuës: Et pour en discourir à fonds, ou le Pape, à qui il appartenoit de les confermer, le devoit faire avec conissance de cause, ou sans icelle. Si sans icelle, la Confirmation donques n'est qu'une vanité, & chose semblable à ce que porte le proverbe, que l'un prend la medecine & l'autre se purge. Si avec icelle, donques & le Pape lui mesmes les devoit examiner de nouveau, & chacun aussi le pouvoit faire endroit soi, pour s'en rapporter puis apres au jugement d'icelui. En somme, si la force des Decrets du Concile depend de la ratification du Pape, il s'ensuit qu'avant icelle ils sont en suspens, & peuvent estre reuocqués en doute, & remis à estre plus meurement examinés: au contraire de ce qui auoit tousiours esté denié aux Protestans. La conclusion d'aucuns estoit que le Decret estoit une belle & nette declaration qu'il n'y avoit nul besoin de ratification. Les Protestans ne penserent point à ces raisons, lesquelles, autant qu'elles sont valables & fortes en la Doctrine de l'Eglise Romaine, seroyent, à les employer, preiudiciables à leurs maximes & intentions. Mais, d'autant qu'en l'année mil cinq cens soixante quatre, lors que le Concile fut achevé, il fut plus amplement traité de la validité de ce Decret, ie remettrai à parler du demeurant iusques à ce temps-là.

Or, quoi que les Protestans eussent l'avantage au fait de la guerre, Maurice ne laissoit pas pourtant de traiter à l'amiable avec le Roi Ferdinand, & mesmes l'alla trouver en ses propres estats pour cet effet: ne requerant autre chose, que l'eslargissement du Landgraue son beaupere, la liberté de l'Allemagne, & la paix de la Religion. Mais l'Empereur, ores qu'il ne se trouvaist en estat de pouvoir resister, & que les armes des Protestans fissent continuellement de plus grands progrès, pensoit neantmoins tenir encor l'Allemagne sous le ioug, & ne pouvoit s'accommoder à lascher le pied de la domination qu'il avoit enuahie: à quoi toutesfois son Frere Ferdinand, apres plusieurs negotiations & traités avec Maurice, s'estant transporté à Inspruck, taschoit de le persuader. Mais l'Empereur differant la resolution, les armes ennemies s'approcherent d'Inspruck, dont l'Empereur fut contraint de fuir de nuit avec toute sa Cour: & apres avoir cheminé quelque temps par les montagnes de Trente, il tourna face, & se rendit à Villach, ville de la Carinthie, assise à la frontiere des Venitiens, avant tant d'effroi, que mesmes il prit l'espouvante de ce que le Senat de Venise, pour la garde de sa frontiere, avoit fait avancer quelques troupes vers cete mesme ville: quoi que l'Ambassadeur de Venise l'assuraist bien à certes que ces armes estoient pour son service en cas de besoin. Avant son depart d'Inspruck il eslargit de prison, & mit en liberté Iean Frederich, Duc de Saxe, pour oster à Maurice l'honneur de l'avoir delivré: ce qui aussi agreea fort à ce Prince, lequel avoit interest à tenir cete grace plustost de l'ennemi superieur, que de l'egal & concurrent. Peu d'heures apres son depart d'Inspruck, Maurice y arriua en la mesme nuit, & ne toucha à chose aucune des meubles & bagage de Ferdinand, ne des bourgeois, mais seulement pilla celui de l'Empereur, & de sa Cour. Les Protestans, voyans leur avantage par cete fuite, publierent vn autre Manifeste, declarans en substance, Qu'ils auoient pris les armes pour la Religion, & pour la liberté de l'Allemagne, comme les ennemis de la Verité n'auoyent eu autre visée que

*Maurice
traite avec
l'Empe-
reur, pour
la liberté
de la Reli-
gion, & de
l'Aléma-
gne, & se
voyant frui-
sté pour
suir par ar-
mes l'Em-
pereur,*

*qui est con-
traint d'é-
carter Iean
Frederich
Duc de Sa-
xe.*

1552.

*de venir
à accorder
les deman-
des de
Maurice,
et abolir
l'Interim,
et établir
la paix de
Religion
en Allema-
gne,*

*par laquel-
le aussi le
Landgra-
ue est re-
lâché,*

de restablir les erreurs de la Papauté, & faire que la jeunesse en fust imbue, & fust esleuée & nourrie, moyennant l'oppression des bons & fideles Docteurs, dont ils en auoyent emprisonné les vns, & dechassé les autres sous serment de ne plus retourner. Et quoi que ledit serment de soi-mesme fust nul, comme estant impie & contre Dieu, si est-ce que pour leur plus grande descharge, eux d'autorité les en quittoient, & les rappelloient tous, & leur commendoient de reprendre leurs charges & fonctions d'enseigner selon la Confession de Augsbourg. Cependant on poursuiuoit toujours au traité de paix, laquelle finalement fut conclue à Passau, au commencement d'Aoust, & tous les differens vuidés: & au fait de la Religion fut arresté, que dans six mois prochainement venans seroit assemblée vne Diete, en laquelle on traiteroit quel seroit le plus aisé & commode moyen de composer les differends de la Religion, ou vn Concile general, ou vn National, ou vne Conference, ou bien vne Diete generale de l'Empire. Qu'en icelle Diete on feroit chois d'un certain nombre de personages pieux, paisibles, & prudens, de l'une & de l'autre Religion, auxquels charge seroit baillée de consulter & proposer les moyens conuenables & expedients pour paruenir au but désiré. Que cependant ni l'Empereur, ni autre, ne pourroit forcer aucun contre sa propre conscience, ou volonté, par voye de fait, ou de droit, pour cause de Religion: ne faire chose aucune au grief ou infamie d'aucun pour ladite cause: mais laisseroit viure chacun en paix & repos. Et que semblablement les Princes de la Confession d'Augsbourg ne molesteroyent point les Ecclesiastiques, ne les Seculiers de la vielle Religion, ains les laisseroyent iouir de leurs biens, estats, seigneuries, superiorités, iurisdiccions, & ceremonies. Qu'en la chambre iustice seroit administrée à tous esgallement, sans faire distinction de Religions, & sans exclure ceux de la Confession d'Augsbourg d'auoir leur afferante part au nombre des Assesseurs: & que la forme du serment, Par Dieu & les Saints: ou, Par Dieu & les Euangiles, seroit laissée en la liberré des Assesseurs: & des parties. Et quand mesmes on ne pourroit trouuer moyen de composition en la Religion, cete paix & accord neantmoins tiendrait & seroit stable à perpetuité. Ainsi fut annullé l'Interim, lequel aussi de fait en peu de lieux auoit esté mis en execution. Apres que toutes choses furent appointées, Philippe, Landegraue de Hessen, fut eslargi en vertu de cette composition, dont toutes les difficultés avec l'Empereur furent desmeslées, mais pourtant ne laissa pas d'y auoir guerre entre diuers Princes & Villes de l'Empire, en diuers endroits, par l'espace d'un an entier. Ainsi les Villes rappelerent les Prescheurs, & les Docteurs de la Confession d'Augsbourg, & restablirent les Eglises, les Escholes, & l'exercice de la Religion. Et quoi qu'on eust pu penser que les bans, proscriptions, & persecutions passées les eussent tous exterminés, & qu'il n'en fust demeuré que bien peu cachés sous la protection des Princes: il en repullula neantmoins tant, qu'il y en eut assez pour fournir toutes les places. La guerre empescha la conuocation de la Diete projetée, & la fit differer d'un an entier, iusques au mois de Feurier de l'année mil cens cinquante cinq, de laquelle il sera parlé en son lieu.

HISTOIRE





HISTOIRE DV CONCILE DE TRENTÉ.

LIVRE CINQUIEME.

SOMMAIRE.

Les raisons d'estat, qui auoyent mu Charles quint à procurer le Concile, estans cessées, icelui demeure suspendu pour dix ans. Et pendant ce temps, Edoüart, Roi d'Angleterre, meurt, & sa sœur Marie lui succede, laquelle reduit le Royaume à l'obeissance du Pape. Vne Diete est tenue à Augsbourg, pour composer les differens de la Religion. Surquoy le Pape Iules III. meurt, & a pour successeur M. rceau II. lequel remet sus le propos du Concile, mais par la soudaine mort d'icelui, le tout est mis sous silence. Et Paul quatrieme, d'humeur haute & grande, ayant esté créé Pape, resoit la soumission des Anglois, & erige l'Irlande en royaume. En Allemagne s'est fait un Arrest de paix, & de liberté de Religion, avec grande indignation du Pape: lequel, mal affectonné aux Espagnols, fait une ligue avec le Roi de France, pour la conqueste de Naples. Et de plus fait un essai de Reformation à Rome: & puis se resout au Concile, mais veut qu'il soit tenu à Rome. La treuve entre l'Empereur, & le Roi de France, trouble ses desseins: & il la fait rompre par le moyen de son neveu. Et apres diuers estrifs entre le Pape, & les Espagnols, ils en viennent à guerre ouverte, en laquelle le Pape a du pire. Charles cinquieme quitte le gouvernement, & se reduit en un Monastere. Le Duc de Guise passe en Italie, en faueur du Pape, mais avec malheureux succès. Et pour la perte de la bataille de S. Quintin, il est contraint de retourner en France, & le Pape forcé de s'accorder avec les Espagnols. Apres quoi, il demet ses meschans neueus de leurs charges, & conteste à Ferdinand la succession de l'Empire. Par la mort de Marie, Roine d'Angleterre, Elizabeth vient à la Couronne, & restablit la Reformation commencée par Edoüart. En France, le Roi Henri II. meurt, & peu de temps apres le Pape Paul, en la place duquel est créé Pie quatrieme, lequel appointe le differend avec Ferdinand, & resoit de lui l'ambassade d'obeissance. Et, d'autant que les François, pour les troubles de la Religion en leur roy-

aume, propose un Concile National, il remet sus le propos du General: la tenue duquel est derechef arrestée à Trente, nonobstant que l'Empereur, & les François, s'opposent au lieu, & à la cōtinuation du precedent, en voulant un tout nouveau. Le Pape publie la Bulle, & l'envoie aux Princes. En France, le Roi François meurt, & les Reformés s'accroissent, & les supplices contr'eux sont relaschés. Es Estats d'Orleans est demandée libertié de conscience. Apres plusieurs contestes sur la susdite Bulle, le Pape depute & envoie des Legats à Trente: & l'affaire du Concile se reschauffe par la tenue du Colloque de Poissi, lequel toutesfois ne produit autre effet, sinon que les Prelats de France requierent au Pape la Communion du Calice: mais, par l'advis des Cardinaux, il l'a refuse, & remet le tout au Concile, auquel il depute encor deux autres Legats: & ne veut accorder aux Polonois d'y avoir voix & suffrage, par Procureurs. En France, Tanquerel & sa doctrine, touchant le pouuoir du Pape à deposer Rois, & Princes, est condanné. Et le Pape assigne iour à l'ouverture du Concile.

1562.

le Pape,
pour pre-
uenir tout
noueap.
pos de Con-
cile, entre-
prend vne
Reforma-
tion à
Rome;



Le Pape, se voyant, par la rupture du Concile, desgagé de grands soucis, iugea que ce seroit bien fait de preuenir les dangers d'y rechoir: & pourtant proposa en Consistoire la necessité qu'il y auoit de reformer l'Eglise: que pour cete fin il auoit conuoqué le Concile à Trente: mais, qu'icelui n'ayant produit l'effet qu'il auoit desiré, à cause des accidens de la guerre, premierement d'Italie, & puis aussi d'Allemagne, la raison vouloit qu'on fist à Rome ce qui ne s'estoit pu faire à Trente. Et en suite ordonna vne numereuse Congregation de Cardinaux, & Prelats, qui vaquassent à cet œuvre. Et sur le grand nombre par lui eslu, il disoit que c'estoit afin que les resolutions fussent plus meurement digerées, & eussent plus de reputation. Mais toutesfois la commune opinion fut, qu'il l'auoit fait, afin que la multitude fist naistre tant plus de traueses & d'empeschemens, & que le tout allast à neant. L'euenement verifia ces opinions: car la Reformation fut du commencement maniée avec beaucoup d'ardeur, puis proceda froidement par plusieurs mois à cause des oppositions, & en fin fut mise tout à fait sous silence. Et les années de remise du Concile, en lieu de deux, arriuerent iusques à dix, selon le dire des Philosophes, que la ou les causes cessent, cessent aussi les effets. La premiere fois le Concile auoit eu pour causes les grandes instāces de l'Allemagne, & les esperāces du monde, que par icelui seroyent gueries toutes les maladies de Chrestienté. Mais les effets, qu'on en vid sous Pape Paul troisieme, esteignirent les esperances des homes, & monstrent à l'Allemagne qu'il estoit impossible d'obtenir vn Concile tel, qu'elle le desiroit. La deuxieme conuocation eut vne autre cause: la raison assauoir, l'extreme desir de l'Empereur Charles de mettre toute l'Allemagne sous le ioug par le moyen de la Religion, & rendre l'Empire hereditaire à sa maison, faisant que son fils Philippe lui succedast: & ainsi establir en Chrestienté vne Monarchie la plus grande de toutes les autres, apres la Romaine: voire mesmes plus que celles de Charles Magne. A cela ne suffisoit pas la victoire qu'il auoit gagnée, & ne pouuoit aussi peu se promettre d'en venir iamais à chef par le moyen de nouueles armes: mais bien auoit-il conceu des vaines esperances d'immortaliser son nom, en s'assuiettissant les peuples par la Religion, & les Princes par les pratiques, Ce fut là la vraye & essentielle cause de la grande instance qu'il fit enuers le Pape Iules pour la deuxieme conuocation: & des grandes sollicitations & persuasions efficaces, pour ne dire forcées, aux trois Electeurs Ecclesiastiques d'y aller en personne: & aux Protestans, enuers lesquels il auoit plus de pouuoir, d'y

pendant
le Concile
est sursis
par l'espa-
ce de dix
ans.

à cause que
la raison
d'estat de
Charles V
à le desirer
estoit cessée

enuoyer leurs Théologiens. Mais, pendant la tenue d'icelui, Charles, ayant par dessein mis en ialousie tous les Princes Chrestiens, rencontra les premieres trauerſes & achoppemens en ſa propre maiſon. L'affaire en alla ainſi. Ferdinand, ſon frere, auoit autreſtois ſemblé acquieſcer à ce que l'Empire fuſt commun entr'eux deux, comme il auoit iadis eſté entre Marc & Luce Antonius, avec égale autorité: le quel exemple Diocletien, & pluſieurs autres du depuis enſuiuirent: pour moyener puis apres que Philippe fuſt élu Roi des Romains, pour ſucceder à tous deux: en quoi Marie, leur ſœur, Roine de Hongrie, s'eſtoit puiffamment employée enuers Ferdinand, ſous couleur de la grandeur de leur maiſon, mais en effet en faueur de Charles. Mais du depuis icelui, mieux conſeillé par Maximilien ſon fils, auoit commencé à changer d'aduiſ: en ſorte que, la negotiation eſtant ia nouée, & Philippe appelle par ſon pere pour eſtre reconnu des Electeurs en la Diete d'Augſbourg de l'année mil cinq cens cinquantevn, Ferdinand ſe retira tout à fait du traité: ſurquoi la Roine Marie ſe transporta à la Diete pour reioindre les deux freres en bonne concorde. Mais Maximilien, craignant que ſon pere ne ſe laiſſaſt gagner par ſa trop grande bonté, laiſſa le gouuernement des Royaumes d'Eſpagne, auquel l'Empereur l'auoit eſtabli, entre les mains de ſa femme, fille de l'Empereur, & ſ'en retourna haſtiuement en Allemagne: & fit tant par ſes remonſtrances & offices, que Ferdinand demeura ferme au deſini, & Charles n'eut des Electeurs que bonnes paroles. Cete oppoſion rallentit l'Empereur, le quel n'eſperant de pouuoir iamais obtenir l'aſſentiment de Maximilien, renuoya ſon fils en Eſpagne. Mais la guerre ſuſdite eſtant ſuruenue, & lui ayant eſté contraint d'accepter la compoſition, il quitta l'eſperance de la ſucceſſion de ſon fils, & enſemblement mit bas la penſée de reſtablir l'ancienne Religion en Allemagne: & en ſuite ne penſa plus au Concile, quoi qu'il demeurat encores pluſieurs années apres au gouuernement. La Cour de Rome ne penſoit non plus à remettre ſus le Concile, veu que nul ne lui en faiſoit inſtance: mais bien aduinrent en ce temps des accidens, leſquels auoyent quelque apparence de rendre la ſuſpenſion perpetuele, & toutesſois au ſecrer de la prouidence diuine preparoyent les cauſes à la troiſieſme conuocation, leſquelles le fil de l'hiſtoire requiert n'eſtre tenues ſous ſilence: attendu que la conoiſſance d'icelle fert de beaucoup à bien ſonder le fonds des effets, qui ſuccederent apres que le Concile fut remis ſus pied.

En l'année mil cinq cens cinquante trois, le Pape, voyant que, par l'alienation de l'Allemagne, la reputation de ſon Siege eſtoit fort rauallée enuers les peuples de ſon obeiffance, penſa d'enſuiure l'exemple d'Eugene quatrieme, qui ſouſtint ſa dignité, eſbranlée & abbatue par le Concile de Baſle, par vne parade de Grecs, & vaine mommerie d'Armeniens, venus pour lui faire ſubmiſſion: & celui de Paul troiſieme, de freſche date, le quel, au plus fort des contentions entre lui & l'Empereur pour la Translation du Concile, à raiſon deſquelles il eſtoit fort blaſmé & taxé des peuples, auoit receu avec beaucoup de ceremonies & ſolennités vn certain Eſtienne, portant nom de Patriarche en l'Armenie maieur, enſemble vn Archeueſque, & deux Eueſques, venus pour le reconoiſtre Vicair de Chriſt, & Maïſtre vniuerſel de l'Egliſe: & pour lui rendre obeiffance. Iules, à l'imitation d'iceux, receut, avec beaucoup de pompe & ſolennités publiques, vn certain Simon Sultacan, élu Patriarche de tous les peuples, qui ſont entre l'Euphrates, & l'Inde, & enuoyé par ces Eglifeſ-là, pour eſtre conſermé par le Pape, Succeſſeur de Pierre, & Vicair de Chriſt. Il le fit ordonner Eueſque, & de ſes propres mains lui bailla en Conſiſtoire le Manteau Patriarchal: puis le renuoya chez lui, afin que l'Egliſe ne ſouffriſt preiudice par ſon abſence, & le fit accompagner par quelques Religieux, entendus en la langue Syriaque. Dont il aduint que, non ſeulement à Rome, mais auſſi par toute l'Italie, on ne parloit que du nombre inſini de Chreſtiens, qui ſont en ces quartiers-là, & du grand acqueſt & accroiſſement qu'auoit le Siege Apoſtolique. On fai-

1553.

soit particulièrement beaucoup de discours d'un grand nombre d'Eglises en la ville de Muzal, laquelle on disoit estre l'ancienne Assur sur le fleuve Tigris, au delà duquel, non gueres loin, on mettoit l'ancienne Ninive, fameuse pour la prédication de Jonas. Sous la iurisdiction de ce Patriarche on mettoit Babylone, Tauris, & Arbela, celebre pour la bataille entre Darius & Alexandre, avec plusieurs provinces & pais de l'Assyrie, & de la Perse. On y trouvoit les anciennes villes, nommées en l'Ecriture, & Ecbatane, dite Seleucie par les auteurs, & Nisibis. On contoit que ce Patriarche élu auoit esté enuoyé par tous les Euesques au Pape, pour auoir de lui la confirmation, accompagnée de septante d'entr'eux iulques en Ierusalem, & de là en auant de trois, l'un desquels estoit mort, & l'autre estoit demeuré malade en chemin: & le troisieme, nommé Calefi, estoit avec lui arriué à Rome. Toutes ces choses furent imprimées, & lues avec beaucoup de curiosité. Le Pape receut aussi un autre certain Mardere Assyrien, iacobite, enuoyé par le Patriarche d'Antioche pour recognoistre le Siege Apostolique, & lui rendre obeissance, & faire la profession de la foi Romaine. Mais le monde, estant ia tout saoul du premier, se soucia bien peu de sauoir ce que c'estoit de ce deuxieme.

*par un
Iacobite :*

*le Roi E-
douard
mourut en
Angleter-
re, & con-
tre son re-
stement,*

Mais, après ces ombres & faux fantosmes d'obeissance; que le Siege Romain acquit, il en arriua vne reele, & grandement importante, laquelle recompensa largement tout ce qui auoit esté perdu en Allemagne. Car en l'an mil cinq cens cinquante trois, le sixieme de Iuillet, mourut Edoüard, Roi d'Angleterre, aage de seize ans: ayant quinze iours auparauant, avec l'approbation de son conseil, fait testament: auquel il declaroit, qu'à lui appartenoit de nommer son legitime successeur, selon les loix du royaume: & pourtant en deboutoit & excluait Marie, & Elizabeth, ses sœurs, comme nées de douteux mariage: semblablement tous les descendants de Marguerite, sœur aînée de son pere, comme estrangers, non nés dans le Royaume: & nomma pour Roine celle qui suiuoit en rang, assauoir, Ieanne de Suffolc, niece par fille de Marie, espousée en premieres noces par Louis douzieme Roi de France, & sœur puisnée de Henri huitieme, pere d'icelui Edoüard, nonobstant que Henri lui eust substitué en son testament Marie & Elizabeth: laquelle substitution Edoüard disoit auoir esté pupillaire, &

*Marie lui
succede,*

l'obliger point dès qu'il estoit deuenu maieur. En suite Ieanne fut proclamée Roine à Londres. Mais Marie, s'estant retirée à Nortfolc, pour la commodité de pouuoir passer en France, si la necessité l'eust requis, ne laissa pas de se qualifier Roine, & fut finalement receuë de tout le royaume, alleguant en sa faueur le testament de Henri, & se seruant de cete raison, qu'en un mariage contracté de bonne foi, ores qu'il fust nul, la lignée qui en est procrée est legitime. Ieanne, & ses partisans furent emprisonnés, & Marie entra dans Londres, ou elle fut receuë avec l'applaudissement vniuersel de tous, & fut proclamée Roine d'Angleterre, & de France, avec l'addition mesme du titre de la primauté ecclesiastique. Elle eslargit à l'instant les prisonniers, qui estoient en la Tour de Londres, par commandement de son pere, partie pour Religion, partie pour autres causes. Peu de temps après son entrée, il s'esleua vne sedition à Londres pour un predicteur, qui prit la hardiesse de prescher à la Catholique Romaine, & pour un autre qui celebra la Messe. La Roine Marie, pour appaiser ce tumulte, qui estoit assez considerable, fit publier un edit, par lequel elle declaroit, que, pour elle, elle vouloit viure en la Religion de ses Ancestres: mais pourtant ne vouloit permettre qu'on preschast au peuple autrement, ou à l'accoustumée. Elle fut puis après sacrée le premier Octobre, avec les ceremonies ordinaires, & vstées. Ces choses vinrent à notice au Pape: lequel, considerant que cete Roine auoit esté nourrie en la Religion Catholique, & estoit engagée es interets de sa mere, & estoit cousine germaine de l'empereur, conceut esperance de pouuoir auoir quelque entrée dans le royaume: & promptement crea le Cardinal Polus Legat, sous esperance, qu'icelui

*le Pape
lui depu-
te*

estant du sang Royal, & de mœurs exemplaires, seroit vn singulier instrument pour acheminer la reduction du royaume à l'Eglise Romaine. Mais le Cardinal, qui estoit par Arrest public banni du Royaume, & degradé de sa noblesse, ne iugea pas qu'il fust conuenable de mettre main à la besogne, que tout premier il ne se fust plainement informé de l'estat des affaires estant bien assuré, que la plus grande partie estoit encor affectionnée à la memoire de Henri. Et pourtant fit secretement passer Iean François Commendon en Angleterre, pour s'instruire tout à plein, & par lui mesmes escriuit vne lettre à la Roine, en laquelle louant sa perseuerance en la Religion és temps de trouble & d'aduersité, il l'exhortoit à continuer de mesme au temps de prosperité, & lui recommandoit le salut des ames de ses peuples, & le reſtablissement du vray seruice de Dieu. Commendon reconut toutes choses fort particulierement, & mesmes trouua moyen de parler à la Roine, quoi qu'environnée de toutes parts, & gardée: & trouua son esprit n'auoir iamais esté aliené de la foi Romaine, & tira d'icelle promesse de faire tout effort pour la reſtablir en tout le Royaume. Le Cardinal, apres auoir entendu la pensée de la Roine, se mit en voyage.

Or en Angleterre, apres le couronnement, fut tenu Parlement: auquel le diuorce d'avec Catherine d'Arragon, mere de la Roine, fut déclaré illécite: & au contraire dit & prononcé, que le mariage, & la lignée qui en estoit sortie, estoit legitime: ce qui obliquement estoit reſtablir la primauté du Pape, attendu que ledit mariage ne pouoit estre valable, sans la validité, que lui donnoit la dispense de Iules deuxieme, & consequemment sans la superiorité du Siege Romain. Il fut aussi arresté, que toutes les ordonnances, faites par Edouard en matiere de Religion, fussent cassées & annullées, & qu'on suiuiſt la Religion, qui estoit en vſage au temps du decés de Henri. En ce mesme Parlement fut aussi parlé de marier la Roine, quoi qu'aagée de plus de quarante ans: & pour le mariage estoient nommés trois, le Cardinal Polus, le Sieur de Courtenai, & Philippe Prince d'Espagne. Polus, quoi que Cardinal, n'auoit pourtant aucun Ordre sacré: & estoit du sang royal, cousin germain de Henri huitieme, du costé de la Rose blanche, & neveu d'Edouard quatrieme par sa fille. Courtenai estoit aussi de la race royale, cousin germain de Henri huitieme, du costé de la Rose rouge, neveu de Henri septiesme par sa ſœur. Tous deux fort agreables à la Noblesse Angloise, Polus pour sa prudence, & sainteté de vie: Courtenai, pour sa gracieuseté & douceur de mœurs. Mais la Roine leur preferoit Philippe, tant à cause des pratiques de l'Empereur Charles son Cousin, & que ses inclinations estoient portées plus au sang maternel qu'au paternel: que pource que par ce mariage elle esperoit d'affermir d'auantage le repos de son Estat, & le sien propre. L'Empereur, qui desiroit extremement d'accomplir ce mariage, craignant que Polus par sa presence en Angleterre ne le trauerſast, dès qu'il eut entendu qu'il y estoit député Legat, moyena par l'entremise du Cardinal Dandin, Ministre du Pape aupres de sa personne, qu'icelui ne partist si tost d'Italie: disant, Qu'il n'estoit encor temps, qu'un Legat Apostolic se puſt transporter avec honneur & dignité en Angleterre. Mais la Lettre de Dandin ne fit aucun effet: car le Cardinal Polus se mit en chemin, & arriua iusqu'au Palatinat, là ou l'Empereur lui enuoya Diego de Mendozze au deuant, pour le faire arreſter d'autorité. Cela sembla fort estrange & grief au Cardinal, lequel fit de grandes plaintes, que la Legatiō Papale fuſt ainſi entretenue & retardée, au preiudice de la Chrestienté, & du Royaume d'Angleterre: & à la ioye & plaisir de l'Allemagne. L'Empereur, mu de ses plaintes, pour oſter en partie le ſuiet de tant parler au monde, le fit aller à Bruſſelles, & l'entretint en Brabant, tant que le mariage fut accompli, & toutes choses furent accommodées à son gré: & pour couleur, l'engagea en la negotiation de la paix entre ſoi, & le Roi de France.

Au commencement de l'année mil cinq cens cinquantequatre, l'Empereur enuoya des Ambaſſadeurs en Angleterre, pour conclure le traité

1553.

pour Legat
Polus,lequel es-
crit à icelle,
& fait son-
der ses in-
tentionsau Parle-
ment le ui-
uorce de
Henr. 8. est
condanne,& cassés les
Edits d'Edouard au
sair de la
Religion,
& est par-
lé de ma-
rier la Roie-
ne,qui choisit
Philippe
Prince d'E-
spagne,& pour cet
eff. l'Em-
pereur re-
tarde la
venue de
Polus:Marie re-
ſtablit la
Doctrine,

1552.
service, au-
ri/dict son,
Primauté
de Rome,

& la Roine, passant tousiours plus outre en faueur de la Religion ancienne, le quatrieme de Mars public autres loix, remettât l'usage de la langue Latine es Eglises, & defendant que personnes mariées n'exerçassent les fonctions sacrées, & enioignant aux Euesques de n'exiger plus de ceux, qui estoient receus au Clergé, le serment, de reconoistre le Roi pour souverain Chef de l'Eglise Anglicane, sans que le Pape eust aucune superiorité sur icelle, n'estant autre qu'Euesque de la Ville de Rome tant seulement: selonque Henri l'auoit ordonné. Elle commanda aussi, que le formulaire de prieres, institué par Henri, auquel, entre autres choses, Dieu estoit prié de vouloir deliurer le Royaume, de la sedition, conspiration, & tyrannie de l'Euesque de Rome, fust rayé & cécélé de tous les Ceremoniaux, & qu'aucune impression n'en fust plus faite. Au mois d'Auril fut tenu vn autre Parlement, auquel fut donné l'assentiment au contract du mariage susdit. Et la Roine, en ce mesme Parlement, proposa de restituer la primauté au Pape de Rome: mais il y eut tant de resistance de la part de la Noblesse que la Roine ne le put obtenir pour lors: quoi que de vrai cete bonne Noblesse, ne s'aperceust pas qu'en vain elle denioit cete demande, puis qu'en effet tacitement elle l'accordoit par l'assentiment presté au mariage. Philippe, Prince d'Espagne, arriua en Angleterre, le dixhuitieme Iuillet, & le iour de S. Iaqués furent celebrées les noces, esquelles il prit le titre de Roi de Naples, & consumma le mariage. Au mois de Nouembre ensuiuant, le Parlement fut derechef assemblé, & en icelui le Cardinal Polus fut réintégré en tous les droits & degrés de la Noblesse, & du pais: & furent enuoyés deux per-

Polus arri-
ue, & fait
vne longue
harangue
au Parle-
ment ex-
hortant à
se reunir à
Rom.

nages pour le conuier de venir en Angleterre, & pour l'acconduire. Il passa en leur compagnie en l'Isle, & arriua le vinttroisieme Nouembre à Londres, portant deuant soi la croix d'argent. La premiere fois, qu'il fut introduit au Parlement, en la presence du Roi, de la Roine, & tous les Estats du Royaume, il fit vne harangue en langue Angloise, par laquelle il remercia, par beaucoup d'affectueuses paroles, d'auoir esté restabli en sa patrie: adioustant, qu'en eschange de ce bienfait il estoit venu pour les réintégrer en la Patrie & cour celeste, de laquelle ils s'estoyent forbannis en se separant de l'Eglise. Et les exhorta à reconoistre leur faute, & accepter le benefice, que Dieu leur enuoyoit par le moyen de son Vicaire. A la fin de cete harangue fort longue, & pleine d'artifice, il conclut, qu'il auoit les clefs pour les introduire en l'Eglise, laquelle ils auoyent fermée à eux mesmes, par les Loix & Edits faits contre le Siege Apostolic: lesquels estans reuouqués, il leur ouuriroit les portes. La personne du Cardinal fut agréee, & apparemment fut consenti à sa proposition: quoi qu'il eust secret la plus part abominast la qualité de ministre du Pape, & regrettaist de retourner derechef sous le ioug. Mais ils s'estoyent laissés mener trop auant, pour penser d'en retirer le pied.

ce qui est
fait solen-
nellement,

Le iour ensuiuant fut prise en Parlement deliberation de la reünion avec l'Eglise Romaine: & la maniere, en fut, par arrest public, ordonnée en cete sorte, Qu'au nom du Parlement seroit dressée vne requeste, en laquelle seroit déclaré, qu'ils estoient grandement repentans d'auoir denié obeissance au S. Siege Apostolic, & d'auoir consenti aux Arrests faits contre icelui: promettans de moyener pour l'auenir que toutes ces loix & edits fussent abolis: & supplians le Roi, & la Roine, d'interceder pour eux, à ce qu'ils fussent absous des delits, & censures, & remis au giron de l'Eglise, comme enfans repentans, pour seruir à Dieu, en l'obeissance du Pape & du Siege Romain. Le dernier Nouembre, iour de S. André, le Roi & la Roine, le Cardinal, & tout le Parlement, estans assemblés, le Chancelier demanda à tout le corps du Parlement, S'il lui plaisoit qu'on requist pardon au Legat, & qu'on retournast à l'union de l'Eglise, & à l'obeissance du Pape, supreme Chef d'icelle: Aucuns crierent qu'Oui: autres se turent: mais nonobstant cela, la requeste fut au nom de tout le Parlement présentée à leurs Maiestés, qui la firent publiquement lire, & apres se leuerent de leurs sieges pour en aller prier le Legat: lequel aussi se leua de son costé pour leur aller au

deuant, & se monstra fort prompt à leur complaire : &, après auoir fait lire le pouuoir qu'il auoit du Pape, il discourut combien estoit agreable à Dieu la repentance, & quelle estoit la ioye, qu'auoyent alors les Anges pour la conuersion du Royaume. Là dessus ils se mirent tous de genoux : & lui ayant imploré la misericorde de Dieu, leur donna l'absolution. Cela fait, il alla avec toute la multitude, en l'Eglise, rendre graces à Dieu. Le iour ensuiuant fut deputée Ambassade au Pape, pour lui prester obeissance : & à icelle furent nommés & élus Antoine Brouan, Visconte de Montaigu ; & Thomas Turlbei, Euesque d'Eli ; & Edoüard Cerne, lequel autresfois auoit esté Ambassadeur à Rome pour Henri huitieme : auquel aussi fut baillé charge de s'arrestier à Rome, pour Resident & Ambassadeur ordinaire. La nouuelle de tout ceci alla promptement à Rome : & en furent faites plusieurs processions, non seulement en cete ville-là, mais aussi par tout l'Italie, pour rendre action de graces à Dieu.

Le Pape approuua & ratifia tout ce qu'auoit fait & geré son Legat, & le *dont le Pape* vintquatrieme Decembre enuoya par tout vn Iubilé, en la bulle duquel il *pe public vn Iubilé* allegoit pour cause d'icelui, Que, comme à Pere de famille, il lui estoit conuenable, au recouurement du fils prodigue, non seulement de faire vne ioye domestique, mais aussi de conuier tous vniuersellement à la mesme iubilation. Louant & magnifiant en outre les actions du Roi & de la Roine, & de tout le peuple Anglois. Le Parlement conuier en Angleterre iusques à la mi Ianuier de l'année mil cinq cens cinquante cinq : & en icelui furent renouvelés tous les anciens Edits des Rois touchant la punition des heretiques, & la Iurisdiction des Euesques, & fut le Primat, avec toutes ses preeminences, restitué au Pape de Rome, & tous les Arrests contraires faits vint ans auparauant, tant par Henri, que par Edoüard, cassés & abolis : & faits *en Angleterre* nouveaux Arrests portans peine de mort contre les heretiques : & plusieurs, *exercés plusieurs supplices contre les Reformés*, sur tout entre les Euesques, qui se monstrent constans au renouvellement reuocé, executés en suite par supplice de feu : tant qu'il est certain qu'en cete année-là furent bruslés, pour cause de Religion, cent septantefix personnes de qualité, outre vn tresgrand nombre du bas populaire : ce qui offensa grieuement ces peuples, qui s'indignerent aussi de voir comment Martin Bucer, & Paul Fagius, decedés quatre ans auparauant, furent, comme s'ils estoient encor enuie, cités, & condannés : & puis leurs corps deterrés, & bruslés. Action, qui par aucuns fut louée, comme faite en eschange & vengeance de ce que Henri huitieme auoit fait contre S. Thomas de Canturberi : mais par les autres comparée à l'execution faite par Estienne fixieme, & Sergius troisieme, Papes, contre le corps de Formosus.

En ces mesmes temps plusieurs furent aussi bruslés en France pour cause *comme aussi en France* de Religion : non sans despit & indignation des gens de bien, qui sauoyent, que les poursuites, qu'on faisoit contre ces pources gens, n'estoyent point causées de zele de religion, ou de pieté, mais de l'insatiable cupidité de Diane de Poitiers, Duchesse de Valentinois, concubine du Roi, lequel lui auoit donné pour vne fois toutes les confiscations des biens, faites en son royaume pour cause d'heresie. Mais d'ailleurs on fut bien esbahî, que ceux de la nouvelle reformation, mirent aussi la main aux supplices pour cause de Religion. Car Michel Seruet, de Tarrafcon en Espagne, de Medecin deuenu *Seruet bruslé à Geneue*, Theologien, ayant renouvelé l'ancienne opinion de Paul Samosatenien, & de Merceau Ancyran, que le Verbe diuin n'est pas vne substance, & que Christ est purement & simplement homme : fut pour cete cause executé à mort en la ville de Geneue, de l'aduis & conseil des Ministres de Zurich, de Berne, & de Schaffuse. Et Iean Caluin, lequel de ce fait estoit chargé par plusieurs, escriuit vn liure, par lequel il soustenoit que le Magistrat peut punir les heretiques à mort. Mais, selon que le nom d'heretique est plus ou restreint, ou eslargi, ou mesmes diuersement pris, cete doctrine aussi peut estre tirée à diuers sens, & peut en vn temps nuire a tel, auquel en vn autre elle auroit porté du benefice.

1555.

*le Roi Fer-
dinand fait
vn Edit
contre la
Religion
Protestante
en ses ter-
res,*

*et fait pu-
blie vn Ca-
techisme,*

*ce qui est
improuvé à
Rome :*

*là où on
trouue bon
de laisser
aspirer &
mouvoir tou-
te mention
de Concile :*

*Diete à
Augsbourg
pour compo-
ser la Re-
ligion,*

Au mesme temps Ferdinand, Roi des Romains, publia vn Edit à tous les peuples de son obeissance, qu'és choses de la Religion, & és ceremonies, ils n'eussent à faire aucune innouation : mais eussent à suiure les anciennes coustumes : & particulièrement en la sainte communion eussent à se contenter de receuoir le seul Sacrement du pain. Et, quoi que les Seigneurs, & la Noblesse, & plusieurs des Villes, le suppliasent de leur permettre au moins l'vsage du Calice, disant, Que Iesus Christ l'auoit ainsi ordonné, & qu'il n'estoit loisible aux hommes de changer son ordonnance : & que l'vsage de l'Eglise ancienne auoit esté tel, selon que le Concile de Constance mesmes l'auoit confessé : & de ne point greuer leur conscience, ains de conformer son commandement aux ordonnances des Apostres, & de l'Eglise ancienne : lui promettans au demeurant toute submission, & obeissance : Ferdinand toutesfois demeura fixe & roide en sa resolution : & leur respondit, Que son commandement n'estoit point nouveau, mais vn ordre ancien, pratiqué par ses Ancestres, Empereurs, Rois, & Ducs d'Austriche : mais, que c'estoit bien chose nouuelle que l'vsage du Calice, introduit seulement par curiosité, ou par orgueil, contre la loi de l'Eglise, & l'autorité de son Prince. Il ne laissa pas pourtant de moder la rigueur de cete response, leur accordant que, puis qu'il s'agissoit des choses appartenantes au salut, il y penferoit encor plus meurement, pour leur rendre response en temps & lieu : mais que cependant il attendoit d'eux obeissance, & obseruation de son Edit. Il fit aussi publier le quatorzieme Aoust vn Catechisme, composé de son autorité & commandement, par quelques Theologiens de sauoir & pieté : commandant à tous les Magistrats de ses païs de ne permettre aux maistres d'eschole, ni en public, ni en priué, de lire autre Catechisme que cetui-là : attendu que par plusieurs tels petits escrits, qui couroyent, la religion auoit esté grandement deprauee en ces païs-là. Cete ordonnance fut fort mal prise à la Cour de Rome, parce qu'elle n'auoit point esté enuoyée à Rome, pour y estre approuuée : ou, du moins, n'estoit point sortie en lumiere sous le nom des Euesques du païs : ains le Prince seculier auoit en pieté l'office de faire composer, & d'autorizer liures en matiere de Religion, & sur tout sous le nom de Catechisme : ce qui ne marquoit autre chose, sinon qu'il appartient à la puissance seculiere de deliberer & arrester quelle Religion le peuple doit tenir, & quelle reietter.

Passés les deux ans de la suspension du Concile, il fut traité au Consistoire de ce qui estoit à faire : car, combien que le Decret de la suspension portast la condition, que le Concile fust remis sus, cas aduenant que les empeschemens fussent ostés ; lesquels pour lors duroient encores par les guerres de Siene, de Piemont, & autres, entre l'Empereur, & le Roi de France : si est-ce qu'il sembloit que tout esprit remuât auoit encor de quoi repliquer, que ce n'estoyent pas empeschemens suffisans, pour faire que le Concile ne s'entendist remis sus pied, & que pourtant il seroit bon d'en faire vne nouuelle declaration, & se desmesler de tous ces dangers. Mais autres, plus prudens, conseillèrent qu'on ne remuast point le mal dormant : & que, pendant que le monde se taisoit, & que nul Prince ni peuple ne demandoit Concile, il n'estoit point expedient d'en sonner mot, ne de monstrier de le craindre, ce qui ne feroit qu'inciter quelcun à le requerir. Ce conseil l'emporta, & fit resoudre le Pape à n'en parler iamais plus.

Or en l'année mil cinq cens cinquante cinq fut tenue vne Diete à Augsbourg, intimée par l'Empereur, principalement pour composer les differends de la Religion, comme estant là la source de tous les troubles, & calamités d'Allemagne, avec, perte non seulement de la vie de plusieurs milliers d'hommes, mais aussi des ames. Ferdinand fit l'entrée de la Diete, au nom de l'Empereur, le cinquieme Feurier : & en icelle representa par vn long discours le lamentable spectacle de l'Allemagne : en laquelle hommes d'vn mesme Baptisme, d'vne mesme langue, d'vn mesme Empire, estoient distraits en tant & tant de diuerses professions de foi, & de sectes qui naissoient

naïssioient & pululoient tous les iours : ce qui non seulement tournoit au grand deshonneur de Dieu, & confusion des esprits des hommes : mais cau-
soit aussi vne telle incertitude de creance au peuple, & mesmes en plusieurs
des principaux d'entre la Noblesse, & des autres estats, qu'ils habitoient
leurs esprits à estre sans foi, dont ils ne faisoient plus aucun conte d'hon-
nesteté, ne de conscience, en leurs actions, ce qui abolissoit tout commerce
& société : en sorte qu'au temps present l'Allemagne en se pouuoit vanter
d'estre meilleure que les Turcs, & autres peuples Barbares : dont aussi Dieu
l'auoit affligée de tant de calamités. Et pourtant, qu'il estoit necessaire de
prendre à cœur, & en main l'affaire de la Religion. Qu'au temps passé il a-
uoit semblé que l'vnique remede estoit le Concile general, libre & saint : at-
tendu que, puis que la cause de la Religion est commune à tous les peuples
Chrestiens, il est raisonnable qu'elle soit traitée par tous generalement :
l'Empereur s'estoit employé à cela de toutes ses forces, & auoit moyené
plus d'une fois qu'icelui fust conuoqué : mais le temps & le lieu ne portoyent
pas de dire, pour quelle cause de ce remede n'estoit sorti aucun fruit, & bon
effet : que chacun le pouuoit assez sauoir de ceux qui y auoyent assisté : que
si toutesfois il leur plaisoit d'essayer encor vne fois ce remede, il faudroit
commencer d'en traiter, ostant les empeschemens, qui par le passé auoyent
fait distraquer du but désiré. Que si aussi, pour les accidens qui se presen-
toient, ils estimoyent de le deuoir differer à vn autre temps, on pourroit
aduiser à d'autres moyens. Quant au Concile National, attendu qu'en ce
temps ni le nom, ni la maniere, ni la forme, n'en sont plus en v'sage, on ne
sauroit comment s'en seruir. Que la voye des Conferences, tant de fois es-
sayée, n'auoit produit aucun bon fruit : pource que les deux parties auoyent
plustost regardé à leurs commodités & interets particuliers, qu'à la pieté &
au bien public. Que toutesfois encor ne la faloit-il pas mespriser en ce
temps, pourueu seulement qu'on voulust despouiller l'obstination des pas-
sions particulieres, & priuées : & que pour lui il conseilloyt d'en faire encor
vn essai, si tant estoit que la Diete n'en proposast quelque autre meilleure.

Cete proposition, ensemble les autres, concernans la paix, & la guerre
contre les Turcs, faite par Ferdinand, fut imprimée, afin qu'elle courust
par l'Allemagne, & seruist pour vne semonce à la Diete, à laquelle peu e-
stoyent allés. Mais elle fut sinistrement interpretée, à cause de l'Edit, pu-
blié par lui mesmes en ses propres Estats, bien contraire à cete proposition :
& encor plus pour l'execution, qu'il en auoit faite, par laquelle il auoit de-
chassé plus de deux cens Ministres de Boheme. Elle fut portée aussi à Rome,
là ou le Pape, maudissant, à son accoustumée, les Conferences, & les in-
uenteurs d'icelles, se plaignoit de ne pouoir trouuer aucune issue à ces
difficultés, & d'estre obligé à auoir tousiours quelque Concile, ou Colloque,
ou Diete sur le dos. Il maudissoit ses temps pleins de tant d'angoisses, & haut
louoit les siecles passés esquels les Papes pouoyent viure en repos d'esprit,
sans estre tousiours en doute de leur autorité. Toutesfois encor receuoit-il
quelque consolation par les nouueles d'Angleterre, touchant l'entiere su-
jection de ce Royaume là à son obeissance, & les Arrests faits en sa faueur : &
par les lettres de remerciement qu'il auoit receuës, portans promesse que
bientost vne solennelle Ambassade iroit pour le remercier en personne de
sa paternelle clemence, & benignité, & pour lui prester & promettre obe-
issance : de quoi tout ioyeux, il ne pouoit se cōtenir de gaudir, disant, Que
quoi qu'il y eust, il iouissoit encor d'une partie de cete fecilité ancienne, le
voyant remercié par ceux qui beaucoup plus le deuoyent estre par lui mesme.

Mais, pour les affaires d'Allemagne, combien qu'il en eust bien peu d'es-
perance, toutesfois, afin qu'il ne semblast de les negliger tout à fait, & aussi
pour auoir tousiours l'œil au guet à toutes les ouuertures qui se pourroyent
faire pour trouuer moyen de reduire les desuoyés à l'Eglise, il enuoya à la
Diete Imperiale le Cardinal Moron pour Legat : avec instruction de mettre
tousiours au deuant l'exemple d'Angleterre, & par icelui exhorter l'Alle-

*En icelle
est propo-
sée &
auoyée
ne Confe-
rence,*

*detesté par
le Pape,*

*qui se con-
sole, &
quant &
quant se
aille des
Anglois,*

*Enuoyé
Moron en
Allemagne:*

1555.
Et puis
mourut.

magne à reconnoître sa faute, & à recevoir la mesme médecine, & sur tout, de diuerſir toute conference & traité de Religion. Le Cardinal ne fut pas plus tost arriué à Augsbourg, que le Pape Iules mourut: dont il eut aduis huit iours apres son arriué. Et pourtant le huitieme Mars il partit, avec le Cardinal d'Augsbourg, pour se trouuer à l'election du nouveau Pape.

Et en sa
place est élu
Marceau
deuxieme
de nature
ferme, &
seuer.

qui rem-
pus le pro-
pos du Con-
cile, & d v-
ne Re-for-
mation de
la Cour, la
quelle il
iuge vtile
& necessai-
res

Mais, auant leur arriué à Rome, le neufuisme Aueil, fut crée Pape Marceau Ceruin, Cardinal de S. Croix; personnage d'un naturel graue, & seuer, & d'un ferme courage: duquel il voulut donner essai en la premiere action de son Pontificat, retenant son propre nom ancien: pour signifier par là au monde, que, par la dignité acquise de nouveau il n'estoit point changé: qui estoit droitement le contrepied, de ce que ses predecesseurs auoyent dès long temps pratiqué. Car, dès qu'on eut commencé à changer les noms aux Papes, à cause des Allemands promus au Papat, lesquels portoyent noms estranges & rudes, inconnus aux oreilles Romaines, les Papes suiuaus, quoi que d'autres nations, garderent tousiours la mesme coustume de changer leurs noms, pour marquer par là d'auoir changé leurs affections priuées en pensées publiques, & diuines: en lieu que ce Pape, pour monſtrer que mesmes en sa condition priuée il auoit tousiours eu & nourri pensées & esprits dignes du Papat, voulut retenir le mesme nom, & par là protester au monde qu'il estoit immuable. Il fit encor vne autre action de mesme nature: c'est, que les Articles dressés au Conclau lui estans presentées, pour les iurer, il respondit, Qu'il estoit le mesme, qui les auoit iurés peu de iours auparauant, & les vouloit garder par effets, & non par promesses. La semaine sainte, qui se celebroit lors, & les prochaines festes de Pasques, firent que le Pape, par son assiduité aux ceremonies Ecclesiastiques, fut saisi d'une grosse maladie: & ne laissa pas pourtant d'auoir tousiours ses pensées arrestées aux choses, lesquelles il auoit concertées avec plusieurs Cardinaux auant son Pontificat, auquel il auoit tousiours presage de deuoir monter. Il conféra particulièrement à celui de Mantouë son dessein de composer les differens de la Religion par un Concile: ce qu'il disoit iamais n'auoir eu bonne issue, à cause qu'on y auoit tenu vne vowe mal propre. Qu'il estoit necessaire de faire au preallable vne entiere Reformation, par laquelle les differends réels seroyent appointés. Ce qu'estant fait, les controuerses de paroles en partie cesseroient d'elles mesmes, en partie seroyent aisément accordées par le Concile. Que ses predecesseurs, par cinq successions consecutives, auoyent abhorre mesmes le nom de Reformation, non à mauuaise fin; mais par vne persuasion, qu'icelle estoit mise en champ à intention de raualer l'autorité Papale. Mais que, pour lui, il estoit d'une opinion bien contraire: c'est, qu'il n'y a chose plus propre à la conseruer que la Reformation, voire mesmes que c'est le vrai moyen de l'accroistre: ce qui se verifioit par l'exemple des histoires passées, esquelles chacun peut voir que les seuls Papes, qui se sont appliqués à la Reformation, ont surhaussé & accru l'autorité Papale. Que la Reformation n'estoit que de choses apparentes, & vaines, qui non seulement n'estoyent d'aucun relief, mais estoyent mesmes de despenſe & de charge: comme sont le luxe, les pompes, les grands traints & suites des Prelats, les despenſes excessiues, superflues, & inutiles: lesquelles choses, bien loin qu'elles acquierent maieſté & veneration, au Papat, qu'au cōtraire elles le rendent contemptible. Et que ces vanités estans retranchées, la vraye puissance, la reputation, & creance enuers le monde, l'argent & les autres nerfs & moyens du gouuernement, s'en accroistroyent: mais, par sur tout, la protection diuine, de laquelle chacun, qui procede conformément à son deuoir, se doit tenir pour assuré.

dont les in-
genen. sont
d'inev.

Ces desseins furent publiés par la Cour de Rome, & estoyent, par les affectionnés du Pape, releués & parés de titres glorieux de pieté, d'amour, de paix, & d'affection à la Religion. Mais il ne laissoit pas d'y en auoir d'autres, qui leur donnoient des sens bien sinistres, disant, Que le Pape n'y auoit aucun bon but: qu'il se fondoit sur predictions Astrologiques, ausquelles il e-

estoit tout adonné, suivant en cela les traces de son pere, lequel pour cete
 profession auoit esté aggrandi: qu'icelles quelques fois de vrai reüssissent,
 soit par aduenture, soit pour autre cause: mais aussi le plus souuent sont
 occasion de precipice & de ruine à plusieurs. Entre les choses, que le Pape
 auoit proiettées, celle-ci en estoit l'une, d'eriger vne Religion de cent, en
 forme d'ordre de Cheualerie, dont il vouloit estre le Chef, & en faire le
 choix, en les triant de toutes religions, & estats: & que chacun d'iceux eust
 cinq cens escus par an de la Chambre Apostolique, & qu'ils fissent vn so-
 lennel & fort estroit serment de fidelite au Pape: & qu'ils ne pussent estre
 promus à autres degres, ni mesmes accrus de plus grands reuenus: seule-
 ment pussent, pour leurs merites, estre creés Cardinaux, sans toutesfois
 sortir hors de la Compagnie. De ceux-ci il en pretendoit faire ses Nonces,
 les Ministres de ses negociations, les Gouverneurs de ses places, les Legats:
 & en somme les employer à tous les seruices du S. Siege. Et plusieurs hom-
 mes de saouir, demeurans à Rome, & de sa conoissance, estoient ia nom-
 més, & d'autres aussi s'auançoient pour auoir cet honneur. La Cour de
 Rome estoit toute plaine de plusieurs nouueautés qu'on attendoit de ce
 Pape, quand le sien fut soudainement tranché par la mort d'icelui: car, es-
 tant fort affoibli de trauail du corps, à cause des longues & penibles cere-
 monies, comme il a esté dit, il fut accueilli d'un accident d'apoplexie, qui
 l'emporta, avec tous ses desseins, & mourut le dernier du mois, sans auoir
 pu verifier les autres predictions de son pere & siennes, lesquelles s'esten-
 doient à quelques années plus outre que ce iour-la. Les Cardinaux s'assem-
 blerent derechef en Conclau: & là le Cardinal d'Augsbourg, secondé par
 le Cardinal Moron, fit grande instance, qu'entre les Articles, qu'on a ac-
 coustumé de dresser, & de faire iurer aux Cardinaux, fust couché, Que le
 Pape futur conuoqueroit dans le terme de deux ans prochainement venans
 vn autre Concile, pour paracheuer la Reformation encommencée, pour
 decider le demeurant des controuerses de la Religion, & pour trouuer
 moyen de faire receuoir à l'Allemagne le Concile celebré à Trente. D'a-
 uantage fut aussi capitulé, que le Collège des Cardinaux étant ia fort nu-
 mereux, le futur Pape n'en pourroit de deux ans creer plus de quatre nou-
 ueaux. Apres cela fut créé le vingt troisieme du mois ensuiuant, Jean Pier-
 re Carraffe, lequel prit le nom de Paul quatrieme. Les Prelats Imperiaux
 s'opposerent de tout leur pouuoir à son election: d'autant qu'il estoit en-
 stime de n'estre pas ami de l'Empereur, pour des anciens mesconten-
 temens qu'autresfois, du viuant de Ferdinand Roi Catholique, receus en la
 Cour d'Espagne, ou il auoit serui huit ans en la charge de grand chapelain
 du Roi: & pour le refus qui peu d'années auparauant lui auoit esté fait de
 la possession de l'Archeuesché de Naples, à cause de la commune inclina-
 tion des Barons Neapolitains enuers sa personne. Ils pretextoyent des rai-
 sons de la feuerité, & tetricité de ses mœurs & naturel, laquelle de fait es-
 toit telle, que toute la Cour de Rome fut contristée de son election, & en
 prit plus de frayeur de reformation qu'elle n'auoit iamais fait par le passé,
 par tous les traités du Concile. Mais, il changea bien tost de style: car à l'in-
 stant qu'il fut créé, il quitta cete feuerité de vie à l'esgard de sa personne
 & de sa maison: tellement que son Maistre d'hostel lui demandât, comment
 il lui plaisoit d'estre serui, il respondit, Comme il conuient à vn grand
 Prince. Et voulut estre couronné avec plus de pompe qu'à l'accoustumée,
 de sorte qu'il n'en est point de memoire de semblable: & en toutes ses actions
 il affectoit de tenir magnifiquement son rang, & de paroistre pompeux, &
 somptueux: & enuers ses neueux & parens il se monstra autant indulgent
 que aucun Pape precedent. Enuers les estrangers il se contraignoit bien à
 cacher son humeur feuer & rebourse, & monstrois au commencement
 beaucoup d'humanité & de douceur: mais en peu de temps il reprit les pre-
 mieres erres de son naturel.

Il prit à grand gloire, que le premier iour de son Pontificat arriuerent à reçoisir l'annee

1555.
bassae
Angloise,
qui lui fai-
toute sub-
mission,

erige l'ir-
lande en
Royaume,

par un a-
bale d'o-
stat pour
maintenir
son auto-
rité.

enjoint aux
Ambassa-
deurs que les biens
Ecclesi-
astiques soyent
tous ren-
dus,

comme au-
si le denier
de Saint
Pierre,

Rome les trois Ambassadeurs Anglois, qui auoyent esté despeschés sous le Pape Iules, comme il a esté dit ci-deuant. Le premier Consistoire, apres le couronnement, fut public: & en icelui furent introduits ces Ambassadeurs, lesquels, prosternés à ses pieds, au nom du royaume, confesserent & condannerent leurs fautes passées, les denomb rant vne à vne, (car ainsi le voulut le Pape) aduoüans des'estre rendus indignes des bienfaits infinis, qu'ils auoyent receus de l'Eglise, dont humblement ils demandoient pardon. Le Pape le leur ottroya, & les leua de terre, & les embrassa, & en honneur du Roi & de la Roine, donna titre de Couronne royale à l'Irlande: disant de leur conferer cete dignité par l'autorité, que le Pape a de Dieu, d'estre au dessus de tous les royaumes, pour desraciner & arracher les rebelles, & en fonder & planter des nouveaux. Les hommes de iugement, qui pour lors ne sauoyent point la vraye cause de cete action, iugerent que c'estoit vne pure vanité: d'autant qu'il n'y a aucun acquest de puissance, ne d'honneur à vn Roi, d'auoir plusieurs titres au pais qu'il possède: comme le Roi Tres-chrestien est plus honoré par le seul titre de Roi de France, que si son estat estoit diuisé ou distingué par autant de titres royaux, qu'il a de provinces. Aussi peu sembloit en ces temps-là opportun de dire, Que le Pape a autorité de par Dieu d'arracher & de planter des royaumes. Mais ceux, qui sauoyent la vraye cause, ne tinrent point le fait pour simple vanité, ains pour vn secret d'estat, vsté des long temps. Henri huitieme, apres s'estre separé du Pape, erigea l'Irlande en Royaume, & se nomma Roi d'Angleterre, de France, & d'Irlande. Ce titre fut continué par Edoüard, & puis pris par Marie & Philippe son mari. Le Pape, incontinent apres sa creation, resolut qu'en toutes sortes ce titre de Roi d'Irlande fust quitté par le Roi, & par la Roine: affermant fort absolument & à certes, qu'il n'appartenoit qu'à lui de donner titre Royal. Mais il sembloit bien mal-aise d'induire l'Angleterre à quitter vn titre, lequel deux Rois auoyent desia porté, & lequel la Roine, sans y penser plus auant, auoit continué de prendre. Le Pape donc v trouua ce temperament, de dissimuler de sauoir ce que Henri auoit fait, & cependant d'eriger lui mesmes l'Irlande en Royaume: car ainsi faisant, le monde pourroit croire, que le titre estoit porté par la Roine, comme par don du Pape, & non par ordonnance & arrest de son pere. Ainsi souuent les Papes ont donné ce qu'ils ne pouuoient oster aux possesseurs, lesquels aussi de leur costé, pour euites les debats & contentions, partie ont receu leurs propres biens en don, partie aussi ont dissimulé de sauoir le don & les pretentions du donneur. Or és deuis priués qu'il eut avec les Ambassadeurs, il blasma que tous les biens de l'Eglise n'eussent esté entierement restitués: disant, Que cela n'estoit aucunement tolerable, & qu'en toutes sortes il estoit necessaire de les recouurer tous, iusques à la valeur d'un quadrin: d'autant que les choses de Dieu ne peuuent iamais retourner à vsages humains: & qui retenoit la moindre parcelle de ces biens estoit en perpetuel estat de damnation. Que s'il estoit en son pouoir d'en disposer, il leur donneroit trespromptement, par affection paternelle, & pour l'experience qu'il auoit faite de leur fidele obeissance: mais que son autorité ne s'estendoit pas à pouoir profaner les choses consacrées à Dieu: & que l'Angleterre deuoit estre persuadée, que cela seroit vn Anatheme & vne gangrene, qui la rongeroit continuellement, & la rendroit tousiours miserable, par la vengeance diuine. Il en chargea les Ambassadeurs d'en escrire tout promptement: & non content d'en auoir parlé vne fois, à toutes occasions repliquoit le mesmes. Il leur dit aussi tout rondement, qu'au plustost on mist ordre à remettre en vsage l'exaction du denier de S. Pierre, & qu'à cete fin il enuoyoit vn exacteur, selon l'ancienne coustume. Que lui mesmes auoit autres fois esté enuoyé en Angleterre à cet effet, ou il auoit exercé cete charge d'exacteur par l'espace de trois ans, avec beaucoup d'edification, voyant la promptitude & franchise du peuple, & sur tout des gens du vulgaire: il leur inculquoit, qu'ils ne pouuoient esperer que Saint

Pierre leur ouurist le Ciel, pendant qu'eux lui vsurpoyent ce qui lui appartenoit en terre. Le rapport en estant fait à la Roine, ensemble plusieurs autres offices & instances continuées sans relasche, firent qu'elle s'employa à cela de tous ses sens. Mais d'autant que plusieurs de la Noblesse, & sur tout des plus grands, auoyent incorporé & approprié plusieurs reuenus Ecclesiastiques à leurs maisons, la chose ne put estre effectuée. Mais, bien restituée de sa part tous les dismes, & tous & chacuns les biens Ecclesiastiques, qui auoyent esté appliqués au fisc par ses pere, & frere. Les Ambassadeurs partirent de Rome, chargés des loüanges & faueurs du Pape, pour l'humilité & submission qu'ils auoyent rendue, qui estoit le vray moyen d'acquiescer aisément ses bonnes graces.

Incontinent apres la creation du nouveau Pape, les Imperiaux & les François le cheualerent à l'enui, pour le tirer chacun à son parti. Mais le Cardinal de Lorraine qui auoit penetré iusques au fonds de son humeur, le raffermist en l'affection de la France : lui disant en plein Consistoire, outre diuers offices, faits en particulier, Que le Roi reconoissoit que l'Eglise Gallicane auoit besoin de Reformation : & qu'il estoit tout prest de prester toute aide & faueur à Sa Sainteté, soit par l'enuoi de ses Prelats au Concile, si elle le iugeoit ainsi, soit par quelque autre voye, qui lui sembleroit la plus propre.

Cependant fut poursuiuie la Diete en Allemagne, non sans debats & Contestes, lesquelles encor auroyent bien esté plus grandes, si le Cardinal Moron fust demeuré là present : tant à cause des offices qu'il auroit faits, que pour les ombrages & desiances, que les Protestans auoyent desia conceuës en leurs esprits, qu'il n'estoit enuoyé à autre fin que pour s'opposer à leurs aduantages. Et ia publioit-on par tout, que Rome estoit toute pleine d'esperance de mettre bien tost l'Allemagne sous le ioug, comme elle auoit fait l'Angleterre. Apres que le Legat fut parti, la premiere difficulté, qui se presenta, fut, Si auant toutes autres choses, il falloit traiter des affaires de la Religion. Les Ecclesiastiques du commencement s'y opposoyent : mais en fin il fut résolu par le consentement cōmun, qu'on cōmenceroit par là : & y eut deux propositions & aduis contraires : l'un qu'on traitast des moyens de la reformer : l'autre, qu'on la laissast en la liberté de chacun. Sur quoi il y eut grand debat. Mais finalement il sembla que tous enclinassent au second aduis, ne sachant trouuer aucune medecine, qui fust suffisante pour desraciner tout à fait le mal encor esmu, & irrité : mais bien esperant que, les humeurs estans calmées, & les desiances, estrifs, & soupçons escartés, se pourroyent descouurer plusieurs voyes aisées & commodés : que pour cete cause il estoit nécessaire d'establir auant main vne bonne & ferme paix, ordonnant que pour cause de Religion ne fust plus faite aucune guerre, & qu'il fust loisible à chacun d'entre les Princes, & autres Estats de l'Empire, de suiure & faire obseruer en ses terres & seigneuries, ce qui mieux leur agréeroit au fait de la Religion. Mais, quand on fut sur le point de boucler cete resolution, les debats s'esleuerent encor plus grands. Car ceux de la Confession d'Augsbourg pretendoyent, qu'il fust indifferemment loisible à tous d'accepter leur doctrine, sans perdre les honneurs, degrés & estats qu'ils possedoyent. A l'opposite, les Catholiques ne vouloyent point qu'il fust permis aux Ecclesiastiques de changer de Religion, retenant le degré : mais que si vn Euesque, ou vn Abbé embrassoit l'autre Religion, qu'il perdist sa dignité. Ne vouloyent point aussi qu'il fust permis aux Villes, qui ia des sept années auoyent receu l'interim, de retourner à la Confession d'Augsbourg.

Il se passa plusieurs escrits d'une part & d'autre, sur ce sujet : mais en fin l'une & l'autre partie relascherent de la rigueur. Les Ecclesiastiques se contentèrent que les Villes fissent à leur bon plaisir, & les Protestans cederent au fait des Ecclesiastiques : & le vintcinquieme Septembre fut fait le Recès, dont la teneur estoit, Que pour terminer legitimement les affaires de la Religion vn Concile General ou National estoit nécessaire : mais icelui ne se pouuant conuoquer pour plusieurs difficultés, que, iusques à ce qu'il

1555.

s'ouvrîst quelque porte d'une amiable composition de Religion pour toute l'Allemagne, cependant ne l'Empereur, ne le Roi Ferdinand; ne les Princes & estats Catholiques, ne pussent forcer les Princes, & Estats de la Confession d'Augsbourg à quitter leur Religion, & les ceremonies ia establies, ou à establir en leurs estats & seigneuries: ni faire ou entreprendre chose quelconque à leur infamie, & mépris: ne les empescher au libre usage & exercice d'icelle. Qu'au reciproque ceux de la Confession d'Augsbourg eussent à se porter de mesme enuers l'Empereur, le Roi Ferdinand, & les autres Princes & Estats de l'ancienne religion, tant Ecclesiastiques, que Seculiers, & qu'il fust loisible à chacun d'establir en son Estat la Religion qui lui plairoit, & défendre l'autre. Que si aucun Ecclesiastique quittoit la vielle, qu'il n'en encourust point de note d'infamie, bien s'entendist tout à l'instât dechu des benefices: & que ceux, à qui il appartient, y pourueussent d'un autre: mais, quant aux Benefices, ia par-ci deuant appliquez par les Protestans aux Escholes, ou aux Ministres de l'Eglise, qu'iceux demeurassent au mesme estat. Que la Iurisdiction Ecclesiastique ne fust plus exercée contre ceux de la Confession d'Augsbourg, mais qu'au demeurant elle suiuit à la façon ancienne. Apres, que le Recés fut formé il nasquit une autre difficulté, laquelle Ferdinand vuida, y employant le souverain & absolu pouuoir Imperial de son frere, declarant, du consentement des Ecclesiastiques, Que les Seigneurs de titre, & les Villes & Communautés, suiuetes à Princes Ecclesiastiques, lesquels des long temps auoyent adheré à la Confession d'Augsbourg, & receu les ceremonies & obseruances d'icelle, & en estoient encor en possession, ne pussent, par leurs Princes Ecclesiastiques, estre contraints à les changer, ains pussent continuer en icelles, iusques au general Accord de Religion, qui se concludroit quelque iour.

dont le Pape est indignité, & menace;

Le Pape Paul, ayant entendu le Recés d'Augsbourg, s'en altera grièvement, & en fit de grandes plaintes à l'ambassadeur de l'Empereur, & au Cardinal d'Augsbourg: blasmant qu'au dessus du Siege Apostolic, Ferdinand eust mis sus un traité en matiere de Religion: & menaçant qu'en son temps il feroit sentir & à l'Empereur, & à Ferdinand, à leur grand regret & marifement, l'offense qu'ils auoyent fait au Siege Apostolic: & exhortoit à preuenir, par la reuocation & cassation des choses accordées, pour lui oster l'occasion de proceder, comme il ne faudroit de faire, non seulement contre les Lutheriens, mais aussi contr'eux, comme leurs fauteurs: s'offrant aussi, en cas qu'ils se disposassent à ce qu'il requeroit, de leur prester tout secours & aide, par l'autorité, & par les armes: & de commander à tous les Princes Chrestiens, sous peines & censures, de leur assister de toutes leurs forces. Il ne s'appaissa point pour la response de l'Ambassadeur, qui allegoit les forces des Protestans, la guerre contre l'Empereur, en laquelle peu s'en estoit falu qu'il n'eust esté prisonnier à Inspruck, & les sermens qu'il leur auoit fait. Car, pour les sermens, il respondoit, Qu'il les en affranchissoit, & absoluoit: voire mesmes d'autorité leur cōmandoit de ne les point garder. Pour le demeurant il disoit qu'ès causes de Dieu il ne faut point proceder par esgards humains. Que l'Empereur auoit esté en danger par la permission de Dieu, pource qu'il n'auoit point fait tout ce qu'il pouuoit & deuoit, pour reduire l'Allemagne à l'obeissance du Siege Apostolic. Que pour cete cause il lui auoit enuoyé un signe de son ire, duquel s'il ne prenoit instruction, & ne se chastioit pour l'aduenir, il deuoit attendre de la main de Dieu punitions plus grandes: en lieu, que se portant en franc soldat, & vrai champion de Christ, courageusement, sans peur, & sans esgards mondains, il obtiendrait tousiours victoire, comme les exemples des temps passés lui en pouuoient faire foi, & donner assurance. Le bruit estoit, que le Pape traitoit en cete sorte, non seulement de son propre mouuement, & instinct, mais aussi à la suscitation du Cardinal d'Augsbourg, lequel ne pouuoit goustier la liberté ottroyée aux Confessionnistes. Il est bien certain, que Paul, qui auoit un grand courage, & des vastes pensées, tenoit pour tout assuré

selon son naturel superbe & impatient.

de pouuoir remedier à tous desordres; par sa seule authorité Papale, & n'estimoit d'auoir en cela besoin d'aucun Prince: coustumier de ne parler iamais avec Ambassadeurs, autrement qu'en leur entonnant es oreilles; Qu'il estoit par dessus tous les Princes, qu'il ne vouloit qu'aucun d'eux fust du pair & compagnon avec lui, qu'il pouuoit changer les Royaumes, qu'il estoit successeur de celui qui a mis bas Rois & Empereurs: & ramenteuoit souvent, comme pour vn coup d'essai, & commencement de l'authorité exercée par lui, qu'il auoit erigé vn royaume aux Irlandois: & passoit si auant, qu'en Consistoire, & mesme à table en public, en presence de grand nombre de personnes, il disoit, Qu'il ne vouloit aucun Prince pour compagnon, mais tout pour suiets sous ce pied, (disoit-il, en frappant la terre) comme il est conuenable, & comme il a pleu à celui qui a edifié cete Eglise, & nous a constitués en ce degré. Et adioustoit par fois; Plustost que de faire vne lascheté, nous aimerions mieux mourir, bouleuerfer tout, & mettre le feu es quatre coins du monde.

Ainsi le naturel de Paul estoit de grand courage, & haute entreprise: & se confioit beaucoup en son sens & suffisance, & au bon heur, qui l'auoit accompagné en toutes ses entreprises: auquel estant iointe la puissance & la fortune du Papat, il estimoit toutes choses aisées. Mais en lui flottoyent à tout deux diuerfes humeurs: l'vne, propre & habituée en lui, par son accoustumance continuelle de se preualoir en toutes actions de la Religion, l'induisoit à employer la seule authorité spirituelle: l'autre, excitée en lui par Charles Caraffe son neveu, lequel, de vaillant & expérimenté soldat, deuenu Cardinal, gardoit tousiours les mesmes esprits Martiaux, le persuadoit à se seruir de la temporele, parce que celle-là sans celle-ci est mesprisée: en lieu, qu'estans iointes ensemble, elles peuuent estre instrumens de grandes choses. Mais l'accord vieillard sauoit aussi tresbien, que, montrant d'auoir besoin de la temporele, on affoiblissoit d'autant la spirituelle. Toutesfois estant tousiours fixe & arresté au dessein & desir d'acquiescer vn grand nom, il estoit balancé ores à prester l'oreille à son neveu, ores à se croire plustost soi mesmes. En fin, il prit vne resolution, de traiter le temporel en secret, & le spirituel en public, pour pouuoir à la suite de ce dernier y adiouster les entreprises temporeles toutes ourdies, ou bien les omettre, selon que les euenemens conseileroient. Et pourtant, avec son neveu, il traita tres secretement vne ligue avec le Roi de France, par l'entremise du Cardinal de Lorraine: & comme icelle s'en alloit presques toutes digerée & concertée, pour oster toute matiere de soupçon, le Cardinal de Lorraine partit de Rome, & celui de Tournon y vint en sa place, avec lequel elle fut concludue sous le mesme secret. Le chef principal d'icelle estoit, La conqueste du Royaume de Naples pour vn fils puisné du Roi, mais avec de grandes amplifications de l'estat Ecclesiastic, auquel le Roi accordoit pour confins Saint Germain, & la riuere du Garillan: & au delà de l'Appennin, la riuere de Pescaire: outre la Ville & Duché de Beneuent, & ce qui de plus encor fut accordé au benefice particulier du Pape, & de sa maison.

Le Pape iugea aussi necessaire, pour se fortifier tant en l'vn qu'en l'autre de ses desseins, de faire vne promotion de Cardinaux tous dependans de lui, & personnes de courage, qui ne se feignissent point de prendre la route de ses desseins, & de s'engager en toute haute entreprise. On commença à parler de cete promotion quelques iours auant qu'elle fust mise en effet: dont les Cardinaux se sentirent greués, par ce qu'on proposoit de contreuenir à l'Article iuré: & les Imperiaux par dessus tous, consideré la qualité des personnes qui estoient mises sur les rangs, se delibererent d'y former opposition. Le vingtieme Decembre, le Pape estant entré au Consistoire, des aussitost qu'il fut assis dit, Que pour ce matin-là il ne vouloit donner audience à aucun, ayant à proposer choses de plus grande consequence. Chacun entendit assez que ce pouuoit estre, assauoir, de créer Cardinaux nouveaux: d'où

*in-ité encor
d'auant-
le par son
neveu,*

*qui lui fait
raiter li-
ue secreta
avec la
France,
pour la con-
queste de
Naples:*

*le Pape
pour ses
desseins
créer des
nouveaux
cardinaux
contre ses
promesses,
à la volon-
té du Col-
lege,*

1555.

lequel il
s'ensuyt &
menace,

le Cardinal de S. Iaques se leua, & alla au Siege du Pape pour lui parler, mais le Pape le refusa, & ce Cardinal ne desistant point pourtant, le Pape le repoussa d'aupres de soi, le frappant de la main sur la poitrine. Apres que tous furent assis, le Pape commença à se plaindre de ceux, qui alloient se-mant qu'il n'estoit en son pouuoir de créer plus de quatre Cardinaux, pour les choses iurées par lui dans le Conclau, & disoit, Que c'estoit vouloir brider & lier l'autorité Papale, qui est absoluë: que c'est vn article de foi, que le Pape ne peut estre obligé, ni ne se peut obliger soi-mesmes: & dire autrement est vne manifeste heresie, du delit de laquelle il absoluoit ceux qui y estoient encourus, voulant croire qu'ils n'auoyent point parlé opiniastrement: mais aussi, cas aduenant qu'à l'auenir aucun diût telles ou semblables choses contre l'autorité que Dieu lui a donnée, il ordonneroit que l'Inquisition procedast à ce qui est de sa charge. Il adiouta qu'il vouloit faire des Cardinaux, & n'y vouloit point estre contredit: d'autant qu'il auoit necessité de personnes de seruice, tels qu'eux ne pouuoient estre, ayans tous leurs factions: qu'il falloit promouoir personnes de sauoir, & de vie exemplaire, afin de les employer à la Reformation de l'Eglise, & sur tout au Concile, duquel il estoit meshui temps de traiter à certes, & duquel lui mesmes à la premiere occasion feroit la proposition. Mais que pour l'heure, la chose ne pouuant souffrir delai, il leur proposeroit les personages à promouoir, afin que eux, ayans voix consultatiue, lui pussent remontrer & mettre en consideration ce qui seroit pour le bien de l'Eglise, en quoi il les orroit: mais qu'au demeurant, ils ne se fissent à croire d'auoir la decisue, qui n'appartiët qu'à lui seul. Il en nomma sept, entre lesquels il n'y en auoit qu'un qui fut son parent, vn autre estoit de sa Congregation Theatine: les autres tous estoient personnes de grande estime & reputation, les vns en sauoir & literature, les autres au maniement des affaires de la Cour. De ce nombre fut aussi Iean Groper, de Cologne, duquel il a esté à diuerses fois parlé ci dessus: mais icelui se reconnoissant ia caduc, & estimant de plus honorer sa memoire par le refus d'une dignité vniuersellement brigüée de tous, mesmes des grands Princes, que par l'acceptation & iouissance de peu de iours, qui bailleroit beaucoup de suiet de parler à ses aduersaires, enuoya remercier bien humblement le Pape, & quant & quant s'excuser, & refusa les enseignes du Cardinalat, & n'en voulut ne le nom, ne le titre. Les Cardinaux furent créés, apres que le Dimanche precedent, qui estoit quinzieme du mois, la ligue eust esté conclue, passée & stipulée avec la France.

Groper re-
fuse le Car-
dinalat:Le Cardinal
Polus se
fait Prestre
& devient
Archeues-
que de Can-
turberi:

En ce mesme temps, le Cardinal Polus, lequel pour plusieurs esgards de succession, & pour ne se monstrier si estroitement vni & engagé au Papat, n'auoit iusques à lors voulu prendre les saints Ordres de l'Eglise, ces causes estans cessées, sortit du nombre des Cardinaux Diacres, & se fit ordonner Prestre: & quatre mois apres, Thomas Crammer, Archeuesque de Canturberi, ayant esté solennellement degradé, & puis bruslé, ledit Polus fut installé & mis en sa place.

les peuples
d'Austrie
che de man-
dent libe-
té de Reli-
gion,

Les peuples d'Austrie, par le Reces fait à la Diete, & plus encor par la declaration adioustée par Ferdinand, en faueur des Villes, & des Nobles, suiets des Princes Ecclesiastiques, entrerent en quelque esperance de pouuoir aussi obtenir liberte de Religion. Et en vne Diete, que Ferdinand auoit conuquée de ses suiets à Vienne, pour auoir contributions & subside contre les Turcs, qui lui mouuoient la guerre, ils le requierent que par prouision, iusques à vn general & libre Concile, il leur fust permis de viure en la pureté de la Religion, & de iouir du benefice octroyé à ceux de la Confession d'Augsbourg. Remonstrans au Roi, que les fleaux des Turcs estoient visitations de Dieu, pour appeler à amende-ment de vie: qu'en vain prenoit on les armes contre l'ennemi, si tout premier n'estoit appaisé le courroux de Dieu, lequel veut estre honoré & serui,

& seruy, non selon les phantasies des hommes, mais selon son ordonnance. Ils le supplioyent qu'il ne les mist point en condition pire que les autres Allemands: & que il agreast que les Ministres de l'Eglise enseignassent, & administrassent les Sacremens selon la Doctrine Euangelique & Apostolique: & que les Maistres d'Eschole ne fussent point chasses & bannis, sans que la cause en fust conuë en Iustice. Au moyen dequoy ils luy offroyent de faire tout ce qui luy plairoit, ensemble vie, & biens.

1556.

Ferdinand respondit, Qu'il n'estoit point en son pouuoir de leur ottroyer ce qu'ils demandoient: non qu'il n'eust bien le desir & le vouloir de les gratifier: mais d'autant qu'il estoit obligé d'obeir à l'Eglise. Quel l'Empereur, & luy, auoyent tousiours detesté les differents en la Religion: & que pour y remedier, ils auoyent fait tenir plusieurs Conferences & Colloques, & en fin mesmes procuré la tenue du Concile de Trente: duquel si l'issue auoit esté moins heureuse: la faute ne leur en deuoit estre imputee: veu qu'il estoit notoire à tous, par quels conseils & artifices iceluy auoit esté empesché par d'autres. Que de vray du depuis auoit esté fait l'Edit, en faueur de la Confession d'Ausbourg: mais qu'eux mesmes pouuoient tresbien estre informés qu'iceluy portoit, Que tout Prince non Ecclesiastic pust choisir laquelle des deux Religions luy plairoit: & que le peuple fust tenu de suiure la Religion de son Prince, de laquelle s'il y auoit quelcun qui ne se contentast, il estoit en sa liberté de vendre ses biens, & se retirer là où il luy plairoit. Et pourtant, que leur deuoir estoit bien, sans plus, de demeurer en la Religion ancienne, laquelle luy, leur Prince, professoit. Mais que toutesfois, pour condescendre à leurs desirs, autant que faire se pouuoit, il estoit content de suspendre la partie de son Edit, touchant la Communion du Calice: à tel fi, & bien entendu, qu'ils ne changeassent autre chose es ordonnances & ceremonies de l'Eglise, iusques à l'Arrest de la Diete prochaine. Que doncques, sans requerir rien de plus, ils fussent contens de concourir promptement aux contributions contre l'ennemy.

mais Ferdinand la leur dente.

permettant par prouision la Communion du Calice.

Ceux de Bauiere aussi recercherent leur Duc de liberté de Religion, requerans la libre predication de l'Euangile, le mariage des Prestres, la Communion sous les deux especes, ou signes, & permission de manger chair indifferemment tous les iours: protestans qu'à defaut de ce, ils ne payeroyent aucuns subsides ny contributions contre les Turcs. Le Duc, voyant que son beau pere Ferdinand auoit ottroyé aux siens la Communion du Calice, de mesmes, pour tirer d'eux subuention d'argent, la leur permit aussi, & ensemble de pouuoir, en cas de necessité, manger chair es iours deffendus, iusques à ce que les affaires de la Religion fussent accordees par autorité publique: ses Edits faits en matiere de Religion, demeurans au reste en leur pleine force & vigueur, avec grandes & amples protestations, que quant à luy, il ne vouloit se departir de l'Eglise, ne de la Religion de ces ancestres, & n'entendoit de changer chose aucune es ceremonies, sans la volonté du Pape, & de l'Empereur. Promettant aussi de faire tout deuoir, à ce que le Metropolitain, & les Euesques de ses Estats & païs, approuuassent & ratifiassent cete concession, & ne donnassent fascherie à aucun pour ces choses. Mais tout le Palatinat embrassa la Confession d'Ausbourg, d'autant que par la mort de l'Electeur, son neuueu luy succede, lequel des plusieurs anneés s'estoit déclaré d'icelle Confession, à raison de laquelle aussi il auoit souffert beaucoup de persecutions: & tout soudain, apres son aduenement à la Principauté, il interdit les Messes, & les ceremonies Romaines, par toutes ses terres.

comme fait aussi le Duc de Baviere, aux siens.

le Palatinat est reformé.

Or le Pape, ayant ietté les fondemens dessusdits, se tourna aux choses spirituels, & iugea qu'il estoit necessaire d'acquérir créance enuers le monde: ce qui ne pouuoit faire, si tout premier on ne voyoit la Cour de Rome reformee en effet, & non seulement de paroles. Et pourtant, tout bandé à cela, à la fin du mois de Ianuier de l'annee mil cinq cens cinquante six, il erigea vne Congregation, composee de vintquatre Cardinaux, de

le Pape pour acquérir credit, erige vne grande Congregation pour reformer l'Eglise.

1556.

à laquelle
il proposa
les cas de
Simonie.

quarente cinq Prelats, & d'autres personnes, les plus lettrées & savantes de la Cour, jusques au nombre de cent cinquante: & les divisa en trois Chambres, en chacune desquelles il y avoit trois Cardinaux, quinze Prelats, & autres jusques au nombre de cinquante. A ceux-ci il bailla à examiner tous les doutes en matière de Simonie, lesquels il fit imprimer, & en envoya copie à tous les Princes, disant de les avoir publiés en cete sorte, afin qu'ils vinssent à la notice de toutes les Vniuersités, & Escholes generales, & de tous hommes lettrés, à ce que tous eussent occasion de faire entendre leur avis, lequel il n'avoit voulu ouvertement requérir; d'autant qu'il eust semblé que la dignité du S. Siege, maistre & docteur de tous, eust esté lésée en mendant les avis d'autrui. Et outre il disoit, Que pour luy, il n'avoit besoin d'instruction d'aucun: car il savoit assez ce que portoit le commandement de Christ: mais qu'il avoit erigé cete Congregation, afin qu'en vne chose, en laquelle tous auoyent interest, on ne dist point qu'il voulust rien faire de sa teste. Et adioutoit, qu'après qu'il auroit repurgé soi, & sa Cour, tellement qu'on ne lui pourroit plus dire, Medecin guéri toy toy mesmes; il montreroit bien aux Princes, qu'il y a encor plus de Simonie en leurs Cours, laquelle il vouloit oster & retrancher: estant supérieur autant des Princes, que des Prelats.

surquoy il a
divers ad
vis.

En la premiere assemblee de la premiere Chambree, laquelle fut tenue le vintsixeme Mars, deuant le Cardinal du Bellay, Doyen du College, douze parlerent: & y eut trois opinions l'une de l'Euesque de Feltré, lequel soustint. Que, pour l'usage de la puissance spirituelle, il n'estoit point messeant de prendre argent: pourveu que ce ne fust point en qualité de prix, & de payement: mais pour autres esgards. L'autre de l'Euesque de Sessa. Que cela n'estoit loisible en sorte ni maniere quelconque, ne sous aucune condition & reserue: & qu'absolument c'est detestable Simonie autant de donner, que de recevoir: & que nul pretexte de quelque sorte qu'il soit ne la peut excuser. La troisieme, de l'Euesque de Sinigaille, laquelle estoit moytroyene entre ces deux: qu'il estoit loisible, mais seulement en certain temps, & sous certaines conditions.

rapportés au
Pape qui en
est en per-
plexité inex-
tricable.

Après qu'esiours suiuaient tous ceux de cete premiere Chambree eurent acheué de dire leurs avis, le tout fut porté au Pape, après les festes de Pasques: lequel voyant la diuersité des opinions, fut sur le point de publier vne Belle selon son sens, Qu'il n'estoit loisible de recevoir, ne prix, ne present ny aumosne, non seulement demandée, mais non pas mesmes volontairement offerte, pour aucune grace spirituelle: & que, quant aux dispenses matrimoniales, il n'en vouloit plus donner: & mesmes estoit en intention de remedier aux données par le passé, autant qu'il se pourroit faire sans scandale. Mais les delais, & les traueses entreiettes par diuers, furent telles & en si grand nombre, qu'il ne fut iamais trancher vne finale resolution. Aucuns luy proposoyent, Qu'il estoit necessaire de traiter vne telle question en Concile general. Mais il ne pouuoit ouir cela sans extreme emotion de cholere, & disoit, Qu'il n'avoit aucun besoin de Concile, estant par dessus tous. Mais le Cardinal du Bellay le reblandit, disant, Que de vray le Concile n'estoit point necessaire, pour adiouter autorité au Pape: que toutesfois il estoit requis, pour trouuer les moyens de l'execution, laquelle ne peut estre egale & uniforme en tous endroits. Et le Pape là dessus conclut, Que, si tant estoit qu'il ne le falust, il tiendrait vn Concile à Rome, & qu'il n'estoit point necessaire d'aller ailleurs: & que pourtant aussi iamais il n'avoit voulu donner sa voix, que le Concile se tint à Trente, comme cela estoit tout notoire: ce qui n'estoit autre chose, que le tenir au milieu des Lutheriens. Car, veu que le Concile doit estre composé d'Euesques seulement & que les autres personnes, qui y peuuent estre admises, ne seruent que de conseil, & doiuent estre Catholiques, autrement il y faudroit aussi recevoir le Turc, ç'avoit esté vne grande vanité d'envoyer dans les montagnes soixante Euesques des moins habiles, & quarente Docteurs des moins suffisants, cōme

Or ne veut
qu'on luy
parle de
Concile,

sinon qu'il se
tienne à Ro-
me.

On auoit iafait par deux fois, sous opinion que par iceux le monde püst estre mieux reiglé, que par le Vicaire de Christ, coniointement avec le College de tous les Cardinaux, qui sont les colonnes de toute la Chrestienté, choisis pour les plus excellens d'entre toutes les nations Chrestienés, & avec l'aduis & conseil des Prelats & Docteurs qui sont à Rome, les plus lettrés & sauans du monde, & en nombre beaucoup plus grand, qu'avec toute la diligence possible on ne pourroit iamais reduire à Trente.

Mais, quand à Rome arriua la nouuelle que le Duc de Bauiere auoit otroyé la Communion du Calice à ses suiets, il s'en estomacha hors de mesure contre luy. Mais toutes fois il remit cete affaire avec les autres, auquel il deliberoit depouruoir tout ensemblement: estant plain d'esperance, que tout luy seroit facile, s'il auoit vne fois réformé sa Cour & ne s'estonnant point de voir croistre le nombre des choses à pouruoir. Car, peu de iours apres, l'Ambassadeur de Pologne, allé expres pour se conioiur avec Sa Sainteté de font assomption au Papat, luy fit, au nom du Roy, & du Royaume, cinq demandes, De celebrer la messe en langue Polonnoise: D'administrer la Communion sous les deux especes: Du mariage des Prestres: D'oster le payement des Annates: De pouuoir faire vn Concile National, pour reformer les particuliers abus du Royaume, & appointer la diuersité des opinions. Il escouta ces demandes avec vne indicible impatience, & se mit à les dester vne à vne bien aigrement, & d'une excessiue vehemence. Et, pour toute conclusion, respondit, Qu'en vn Concile General à Rome il feroit conoistre les heresies & les mauuaises dannables opinions de plusieurs: designans les choses faites en Allemagne en Autriche, & en Bauiere. Et estant pour ces raisons presque resolu en soymesme, ou certes feignant de l'estre, qu'il estoit necessaire de tenir le Concile, il dit à tous les Ambassadeurs qu'ils escriuissent à leurs Princes la deliberation qu'il prenoit de celebrer vn Concile de Latran, semblable à l'autre tant fameux. Et deputa Nonces à l'Empereur, & au Roy de France, pour les exorter à la paix entr'eux: quoy qu'en France il eust vne negotiation bien plus secreté. Il leur bailla charge de traiter du Concile: & au Consistoire, par vne longue harengue, comme il estoit fort copieux, il proposa, Qu'il estoit necessaire d'en accelerer la celebration: d'autant qu'outre la Boheme, la Prusse, & l'Allemagne, qui estoient grandement infectés, (telles estoient ses formelles paroles) la Pologne aussi periroit, & la France mesmes & l'Espagne, n'estoyent point entrop bon estat, pour le mauuais traitement qu'y receuoit le Clerge. Pour la France, ce qu'il y reprenoit le plus, estoit l'exaction des decimes, que le Roy exigeroit ordinairement du Clergé. Mais il estoit bien plus irrité contre l'Espagne: d'autant que l'Empereur Charles, nonobstant que luy Paul, mal content du Recés d'Ausbourg, eut reuoké les otrois baillés par Paul & Iules troisiemes, de leuer la moitié, & le quart des fruits des biens Ecclesiasticks d'Espagne, pour subuenir aux guerres d'Allemagne, ne laissant pas de continuer à les exiger, mesmes par saisies de biens & emprisonnemens de personnes. Et ne s'abstenoit pas mesmes de dire, que l'Empereur estoit vn heretique, & qu'au commencement il auoit leué le menton aux innouateurs d'Allemagne, pour abbaissier le S. Siege, pour se rendre maistre de Rome, & de toute l'Italie: qu'il auoit tenu le Pape Paul troisieme en perpetuels travaux, & fascheries, mais qu'il l'empescheroit bien d'en vser de mesmes enuers luy. Et adioustoit, que, quoy qu'il eust autorité de remedier à tous ces inconueniens, il ne le vouloit pas toutes fois faire sans vn Concile, pour ne prendre tant de charge sur soy tout seul: qu'il le conuoqueroit à Rome, & le nommeroit de Latran: & qu'il auoit baillé charge de le signifier à l'Empereur & au Roy de France, seulement par termes de courtoisie, & non pour auoir d'eux ny adueu, ny conseil: car sa volonté estoit, que simplement & absolument ils obeissent. Qu'il estoit bien certain, que cete proposition n'agreeroit à aucune de ces deux Princes, pource qu'elle ne leur venoit pas bien à point, en viuant comme

à quoy pour les armenians de Ferdi- nand & du Duc de Ba- uiere.

& les dema- de des Po- lonois.

il se resoult

& pource enuoye Non- ces pour traiter paix entre l'Em- pereur & la France de- clare les causes de son dessein au Consi- stoire.

1556.

*l' xpoſe aux
Ambaffa-
deurs,*

*le treues
del Empe-
reur avec
la France
troublée ſes
deſſeins ca-
ché.*

*mais il diſ-
ſimule &
enuoye de
Legats pour
conuaincre le
treues
en forme
paix, en ſa-
ueur de ſon
Cenſe.*

ils faiſoyent, & qu'ils diroyent beaucoup de choſes au contraire pour la deſ-
tourber: mais que, maugre eux, il ne laiſſeroit pas de le conuoquer: & qu'il
leur feroit conoiſtre ce que peut ce Siege, quand il eſt tenue par vn Pape
courageux. Le vintſixieme du mois de May, iour de ſon couronnement,
ayant appelle à ſon diſner tous les Cardinaux, & Ambaſſadeurs, ſelon la cou-
ſtume, il entra apres le diſné, en diſcours du Concile: & dit, Que ſa deli-
beration eſtoit en toutes ſortes de le celebrer à Rome: & que ce qu'il le fai-
ſoit ſauoir aux Princes, n'eſtoit que par courtoisie, & pour faire que les che-
mins fuſſent aſſeurés pour les Prelats. Mais que, quand ores les autres Pre-
lats n'y viendroyent point, il le tiendrait avec les ſeuls, qui ſe trouuoient à
ſa Cour: car il ſauoit bien, diſoit-il, quelle autorité il auoit.

Pendant que le Pape trauailloit à ſa Reformation, il vint noueles à Rome,
que, par l'entremiſe du Cardinal Polus, au nom de la Royned'Angleterre,
treues auoyent eſté traitees & conclues, entre l'Empereur & le Roy de
France, pour cinq ans, à commencer dès le cinquieme Feurier de l'annee
courante mil cinq cens cinquante ſix: ce qui eſtonna grandement le Pape, &
encor plus le Cardinal Caraffe, pour auoir icelles eſté traitees & conclues
ſans eux. Le Pape les eut à deſplaiſir, principalement pour le dechet de ſa
reputation, & pour le danger qu'il y auoit pour luy, en cas que ces Princes
ſe fuſſent conioints enſemble, d'eſtre reduit à leur diſcretion. Le Cardinal,
impatient de repos, eſtimoit que ces cinq ans, en la decrepitude de ſon on-
cle, luy oſtoient toute occasion de s'employer à dechaffer les Eſpagnols,
qu'il haïſſoit tant, du Royaume de Naples. Le Pape toutesſois ne ſe monſtra
point failli de courage: & fit ſemblant d'eſtre ioyeux de la treue, mais non
totalement ſatisfait: d'autant, qu'en lieu d'icelle, vne bonne & ferme paix
eſtoit neceſſaire pour le Concile, dont il auoit fait le deſſein: & qu'il eſtoit
tout reſolu de la traiter, & à cete fin enuoyer Legats à l'vn, & à l'autre
Prince: eſtant tout aſſeuré de la conclurre: car il y vouloit vſer de ſon au-
thorité: diſant, Qu'il ne vouloit point eſtre empesché par leurs guerres au
gouuernement de l'Egliſe, qui luy auoit eſté commis par Ieſus Chriſt. Il de-
puta pour Legat à l'Empereur, Scipion Rebiba, Cardinal de Piſe: & au Roy
de France, le Cardinal Caraffe, ſon neueu. Cetui-cy alla en diligence: mais
l'autre eut charge de cheminer lentement. Il donna inſtruction à Rebiba
d'exhorter l'Empereur à corriger l'Allemagne, ce qui n'auoit pu iuſques
alors eſtre effectué, pource que nul n'auoit cheminé de bon pied en cet af-
faire. Il reconoiſſoit les deſauts de ſes predeceſſeurs, leſquels pour achop-
per la Reformation de la Cour de Rome, auoyent empesché tout bon pro-
grés du Concile. Que tout à l'opposite luy meſmes deliberoit d'eſtre le pro-
moteur de la Reformation, & pour cet effet de celebrer vn Concile en ſa
propre preſence, auquel il vouloit commencer par ce point: eſtant aſſeuré,
que, quand les Proteſtans verroyent retranchés les abus, pour leſquels ils
ſe ſont ſeparés de l'Egliſe, & demeurent encor iuſques à preſent obſtinés &
endurcis; ils concourroyent volontairement à receuoir les Decrets, & Or-
donnances, que feroit vn tel Concile, auquel, non de paroles, mais en effet,
feroyent reformés le Chef, & les membres; l'ordre Eccleſiaſtic, & le Laïcal,
les Princes, & les particuliers. Mais, que pour l'exécution d'vn ſi bon œuvre
vne treue de cinq ans ne ſuffiſoit pas: attendu qu'es treues les ſoupçons &
deſiances ne ſont pas moindres qu'en la guerre, & on eſt toujours à ſe pre-
parer, pour quand elles expireront: qu'vne paix perpetuelle eſtoit neceſſaire
laquelle deſracinaſt toutes les rancunes & ſoupçons, afin que tous conioin-
tement, ſans eſgards & fins mondains, puſſent rendre & s'employer aux cho-
ſes appartenantes à l'vnion & à la reformation de l'Egliſe. De la meſme te-
neur fut l'inſtruction, laquelle il bailla à Caraffe, & agreea qu'icelles fuſſent
publiees, & qu'il en couruſt des copies.

La Cour croyoit generalement, que le Pape fiſt vne ſi frequente & in-
ſtante mention du Concile, afin que d'autres ne le luy propoſaſſent: &
pour menacer les Princes, & tout le monde, pour faire qu'eux meſmes

l'eussent en horreur. Mais on conut bien du depuis, que par vne autre voye il faisoit dessein de se deliurer de la fâcherie, qui auoit esté donnée à ses predecesseurs. Car, lors qu'on proposoit seulement la reformation du Pape, & de sa Cour, des exemptions & des priuilegiés dependants du Papat; tout le ieu se faisoit sur son tablier, & à ses depens: & tous, tant Princes, que peuples & particuliers, poussoyent à la rouë pour auoir vn Concile: attendu qu'il n'y auoit rien à perdre pour eux. Mais, par la proposition de la Reformation, que ce Pape faisoit, de tout l'ordre Ecclesiastic, & semblablement aussi du Laïcal, & sur tout des Princes, il mettoit les choses au pair: tellement qu'on n'y traiteroit point de luy seul, mais aussi, & plus principalement des autres. Et c'estoit là le grand secret, par lequel il proposoit de tenir tous en alarme, & soy en reputation de prud'homme, & de valeur: & quant au Concile, s'y gouverner selon le temps: retenant neantmoins tousiours ferme ce point, de ne le celebrer ailleurs qu'à Rome.

Mais, pour retourner aux Legats, il donna vne libre instruction & commission à son neveu, de sonder l'intention du Roy: & en cas, qu'il le vist résolu à obseruer la treue, de luy entonner la mesme chanson du Concile: & au Legat Rebibà il ordonna de se gouverner à faire plus ou moins de chemin, selon les aduis qu'il receuroit de son neveu. Le Legat Caraffe porta au Roy l'espee, & le chapeau benits par le Pape, la nuit de Noël, selon la coutume: & ne fit nulle mention de la paix: mais seulement representa au Roy que, quoy que la liguene fust point violée par cete treue de cinq ans, elle estoit neantmoins rendue vaine & sans effet, au grand danger de son Oncle, & de toute sa maison, comme ils en auoyent ia senti quelque chose par les actions & procedures des Espagnols. Il luy recommanda fort affectueusement la Religion, & le Papat, (duquel ses ancestres auoyent tousiours eu singuliere protection) & le Pape mesmes, & toute sa maison, tant deuouée à Sa Maïesté. Tout cela n'estoit point trop à contrepoil de la pensee du Roy, lequel n'auoit qu'une ambiguité, de la decrepitude du Pape, redoutant qu'il ne vint à faillir iustement au plus fort du besoin. Le Cardinal ayant halené cela, y trouua promptement vn expedient, qui fut, de promettre que le Pape creeroit vn tel nombre de Cardinaux partiaux de France, & ennemis des Espagnols, que le Roy seroit tousiours assuré d'auoir vn Pape de son parti. Les persuasions du Cardinal, avec la promesse de cete promotion, & l'absolution, laquelle, au nom du Pape, il luy bailla du serment des treues, coniointes avec les instances du Cardinal de Lorraine, & de son frere le Duc de Guise, firent résoudre le Roy à mouuoir la guerre à l'Empereur: nonobstant que les Princes de son sang, & tous les grands de sa Cour, eussent en horreur l'infamie de rompre la treue iurée, & de recevoir l'absolution du serment. La conclusion faite, le Cardinal Caraffe rapella le Legat enuoyé à l'Empereur, lequel estoit ia arriue à Mastrich, & le fit destourner d'aller à l'Empereur, duquel il n'estoit esloigné que de deux iournees, & tourner face en France. Ce qui donna vn manifeste indice à l'Empereur, & au Roy son fils, qu'en France auoit esté negocié & conclu quelque chose contr'eux.

Les mescontentemens du Pape contre l'Empereur, & le Roy son fils, croissoient, & s'engregeoyent tous les iours. Le Pape auoit formé vn rigoureux proces contre Ascan Colonno, & Marc Antoine, son fils, pour plusieurs offenses faites au Siege Apostolic par Ascan, mesmes des le temps que Clement septieme fut assiégé, & du depuis à Paul, & Iules troisieme: & par Marc Antoine, à sa personne, & à l'Estat de l'Eglise. Et, apres auoir exposé au Consistoire tous les torts & iniures, faites es temps iadis par les Colonnais au Siege Apostolic, il auoit excommunié Ascané, & destitué Marc Antoine de toutes ses dignités, honneurs & fiefs, avec censures contre qui luy presteroit aide & confort: & confisqué toutes leurs terres assises en l'Estat de l'Eglise, lesquelles il auoit donnees au Conte de Montorio, son neveu, en titre de Duc de Palliano. Marc Antoine se retira au Royaume

I 556.
Lancer sur
les Princes
la Reforma-
tion minau-
ree contre lui

le Legat
Caraffe
pratique la
rupture de
la treue.

à quoy le
Roy Henry
conle scend,
à l'instiga-
tion de ceux
de Guise.

nouvelles
matieres de
mesconten-
temens en-
tre le Pape
& l'Empe-
reur pour
les persecu-
tions des
Colonnais.

1556.

de Naples, où il fut receu : & de là par fois il faisoit des courses avec quel-
 que nombre de gens, es terres & lieux qui autresfois auoyent esté à luy, ce
 qui irritoit outramment l'esprit du Pape : lequel estimant que chaque sien
 clin d'œil denoit auoir poids & lieu de commandement absolu enuers tous,
 & de pouuoir donner frayeur à vn chacun : ne pouuoit supporter d'estre en
 si peu d'estime à Naples, sa propre Patrie, là où il eust voulu estre tenu
 Toutpuissant. Du commencement, il croyoit intimider l'Empereur, & le
 Roy son fils, & les faire deporter de prester faueur aux Colunnois, en par-
 lant mal d'eux à tors & trauers, & passant souuent iusques à des termes & pa-
 roles d'opprobre, & de honnissement, en presence de toutes sortes de per-
 sonnes, ce qu'il faisoit de tant plus volontiers, quand il s'y trouuoit quelque
 Cardinal Espagnol present, auquel encores apres auoir deschargé sa passion
 par paroles, il commandoit qu'il le leur escriuist.

*Et puis par
 action in-
 sentee con-
 tre le Roy
 Philippe,
 pour le pri-
 uer de Na-
 ple.*

Mais toutes ces choses ne faisans encor aucun effet, il passa plus ou-
 tre, & le vinttroisieme Iuillet, il fit comparoir en Consistoire le Procu-
 reur fiscal, & Syluestre Aldobrandin, Aduocat Consistorial : lesquels
 exposèrent, Comment Sa Sainteté, ayant pour delits & forfaitures ex-
 communié & priué de ses estats & honneurs Marc Antoine Colonne : &
 defendu, sous les mesmes censures, à toute sorte & qualité de person-
 nes de luy prester aucune ayde, faueur, ou confort : il estoit neant-
 moins notoire, que l'Empereur, & le Roy Philippe, son fils, l'auoyent
 assisté de cheuaux, & de gens & d'argent, dont ils estoient encourus en
 la peine de la sentence, & estoient dechus de leurs fiefs, & auoyent for-
 faites leurs terres mouuantes de l'Eglise. Et pourtant requeroient, &
 insistoient, que Sa Sainteté vinst à la sentence declaratoire, & donnast
 ordre à l'exécution. Le Pape respondit, Qu'il y aduiferoit avec le con-
 seil des Cardinaux. Et les ayant congediés, il proposa en Consistoire ce
 qui estoit à faire en vn cas de telle importance. Les Cardinaux François
 parlerent avec beaucoup d'honneur & de respect de l'Empereur, & du
 Roy Philippe : mais toutesfois en sorte, qu'ils animoyent & incitoient
 grandement le Pape contr'eux. Les Imperiaux vserent de termes ambi-
 igus, & balancés, propres à pousser le temps, & porter les choses en lon-
 gueur. Les Theatins, propres Cardinaux du Pape, parlerent fort ma-
 gnifiquement de l'autorité du Pape, & de la suffisance & prudence de
 Sa Sainteté, seule capable de trouuer remede à ce mal : louant tous ce

*sur quoy le
 Pape se pre-
 pare à la
 guerre,*

qui auoit esté fait, & pour le demeurant s'en remettant entierement à
 luy. Le Consistoire ayant esté licentié, sans aucune resolution prise, le
 Pape reconut bien, qu'il falloit où lascher le pied, ou venir aux armes,
 lesquelles il n'abhorroit point, pour son naturel haut & entreprenant, &
 tout bouffi d'esperances. Sur quoy tout à point luy vinrent nouuelles de
 son neveu des choses conclues en France : ce qui arresta tous les discours
 & beaux desseins de reformation, & de Concile, lesquels se conuerti-
 rent en deuils & parlemens de deniers, de soldats, & d'intelligences. Mais,
 à cause que ces choses sont hors mon suiet, ie n'en diray que ce qui peut
 monstrier quel estoit l'esprit du Pape, & comment enclin à la vray reforma-
 tion de l'Eglise, ou certes du moins à la simulee & pretextée. Le Pape à Rome
 arma les bourgeois & habitans, & les destribua sous les chefs des quartiers
 de Ville, nommés à Rome, Rions, & en fit vne reueuë iusques au nombre
 de cinq mil, pour la plus part artisans, & estrangers : & fit fortifier plusieurs
 de ses places, & y mit bonne garnison de soldats, & sollicita la venue de trois
 mil Gascons, lesquels le Roy de France enuoyoit par mer, pendant que l'ar-
 mee Royale s'apprestoient pour passer en Italie, afin qu'en cet entretemps le
 Pape se pust maintenir.

*s'assure des
 personnes
 suspectes &
 fait diuers*

Pendant ces maniemens & appareils de guerre, le Pape eut diuers ombra-
 ges & soupçons, pour lesquels il enserra dans le Chasteau au S. Ange plu-
 sieurs Cardinaux, & Barons, & autres personages. Il emprisonna aussi Gar-
 cilace de Vega, Ambassadeur du Roy Philippe d'Angleterre, & Iean Antoine

Taxis, maistre des postes del'Empereur. Et au Duc d'Alue, qui auoit enuoyé se plaindre à luy, de ce qu'il tenoit à Rome les bannis de Naples, & qu'il auoit mis la main sur les personnes publiques, lesquelles sans raison il detenoit prisonniers, & qu'il auoit ouuert les paquets du Roy, & luy auoit fait plusieurs autres iniures & outrages: protestant, qu'en cas que Sa Sainteté continuast en actions si fort offensiues & iniurieuses, le Roy, son Maistre, ne pourroit de moins, pour la conseruation de son honneur & reputation, & pour la maintenance du droit des gens, que de repousser l'iniure: il renuoya pour responce, Qu'il estoit Prince libre, & supérieur à tous les autres, non obligé à rendre conte à aucun, ains ayant pouuoir de se le faire rendre à tout Prince. Qu'il auoit pû arrester, & voir les lettres de qui que ce fust, ayant indices qu'elles portoyent choses preiudiciables à l'Eglise. Que si Garcilacé se fust contenu dans les bornes du deuoir d'Ambassadeur, il n'auroit receu aucun desplaisir: mais, qu'ayant tenu la main à traités & menees, esmu seditions, & pratiqué machinations contre le Prince à qui il estoit enuoyé, il auoit forfait en qualité d'homme priué, & comme tel il le vouloit punir. Quant à luy, pour danger quelconque, il ne manqueroit iamais au soustien de la dignité de l'Eglise, & à la defense du S. Siege, remettant l'euuenement à Dieu, lequel l'auoit constitué gardien du troupeau de Christ. Le Pape continuant tousiours aux prouisions & appareils de guerre, le Duc d'Alue étant resolu qu'il valoit mieux assaillir qu'estre assailly, enuoya de rechef luy protester, Que le Roy, son Maistre ayant receu tant d'iniures & de torts; & reconnoissant bien que Sa Sainteté tendoit à luy vouloir rauir le Royaume de Naples, & tenant pour tout assuré qu'à cete fin il auoit fait ligue avec ses ennemis, il ne pouuoit plus continuer à viure en cete sorte avec luy. Que pourtant, si Sa Sainteté vouloit la guerre, il la luy denonçoit, & bien tost la luy mouuroit: protestant de tous les maux & dommages qui en arriueroyent dont il reiettoit la coulpe sur le Pape. Que si aussi il vouloit entendre à vne bonne paix, il la luy offroit avec toute promptitude. Le Pape monstrois bien de vouloir la paix, mais pourtant ne respondoit que paroles generales, & alloit tousiours interposant temps & delay: dont le quatrieme Septembre le Duc d'Alue ouurit la guerre, en laquelle cete mesme année mil cinq cens cinquantesix, il prit quasi tout le pais de la Champagne de Rome, le tenant au nom du futur Pape: & s'approcha si près de Rome, qu'il mit en alarme & effroy toute la Ville: dont tous se mirent à la fortifier, & munir. Et le Pape, pour enseigner aux gouuernements des places ce qu'il leur faut faire en tels cas, contraignit tous les Religieux, de quelque estat & qualité qu'ils fussent à porter la terre la hotte sur le dos, pour faire les bastions & rempars. Entre les autres endroits, qui auoyent besoin de terre plein, il y en auoit vn près de la porte du Peuple: où aboutit la grand rue, appelée, *Via Flaminia*, où estoit vne Eglise de Nostre Dame, de grande deuotion, laquelle le Pape vouloit esplaner & raser. Mais le Duc d'Alue enuoya prier le Pape qu'il la laissast sur pied, donnant parole & serment, que iamais, pour aucun esgard, il ne se preuandroit de l'opportunité de ce lieu-là. Mais, la grandeur de la Ville, & autres esgards, & dangers, conseillerent le Duc de n'attenter point sur Rome, mais de penser à d'autres entreprises moindres.

Il y eut cete mesme année vn ample & grand suiet de discours, par la resolution que fit l'Empereur Charles de se retirer de Flandres en Espagne, & se reduire à vie priuée en vn lieu solitaire. On faisoit le parallele, & la contrepoincte d'un Prince, dès son enfance versé & nourri es plus grands affaires & entreprises du monde, lequel, en l'age d'un peu plus de cinquante ans, s'estoit resolu de quitter le siecle, & de vaquer seulement au seruice de Dieu, changeant l'estat d'un trespuissant Prince en celuy d'un humble Religieux: avec vn autre, lequel autrefois auoit quitté la charge Episcopale, pour se retirer en vn Monastere: & maintenant en l'age de quatre vints ans, étant deuenu Pape, s'estoit tout abandonné aux pompes, & à l'orgueil, & auoit entrepris d'embrafer toute l'Europe de guerres.

1556.

ambassade
d'hostilité,dont le Duc
d'Alue, a-
pres proce-
dation.luy denonce
& fait la
guerre,l'Empereur
Charles
quitte le
gouverne-
ment, & se
retire en un
Monastere.

1557.
le Duc de
Guise passa
en Italie en
faueur du
Pape.

qui empi-
sonne Car-
dinaux,

démet Po-
lus, & le ci-
te,

es arm es
des François
inutiles en
Italie,

Au commencement de l'année mil cinq cens cinquantessept, le Duc de Guise passa en armes en Italie, en faueur du Pape: lequel, pour garder la promesse, donnée par son neveu au Roy de France, fit vne promotion de dix Cardinaux: mais icelle ne respondoit point, ni pour le nombre, ni pour la qualite des personnes, à l'intention donnée, ni au but concerté. Le Pape en fit ses excuses, disant, Qu'il estoit si estroitement ioint & lié avec Sa Maïesté, que ses propres dependants ne cedoyent en rien aux naturels François au seruice du Roy: & que le Roy deuoit estre tout asseuré qu'ils estoient tous pour luy. Et quant au nombre, allegant, que pour lors il n'en pouuoit promouoir d'auantage, attendu le nombre excessif de Cardinaux qu'il y auoit desia, montant iusques à septante: mais que bien tost ce nombre seroit raccourcy de quelques rebelles, & pourroit lors estre suppléé de gens de bien. Ce qu'il disoit à l'esgard de ceux, qui estoient ia detenus au Chasteau S. Ange, & d'autres, contre lesquels il auoit delibéré de proceder, tant pour affaires d'Estat: que pour causes de Religion. Car il n'estoit point tellement bandé à la guerre, qu'il quittast l'affaire de l'inquisition, laquelle il disoit estre le principal arcboutant, & le plus fort nerf, & secret du Papat. Il eut quelques indices contre le Cardinal Moron, qu'il eust quelques intelligences en Allemagne, & pourtant le constitua prisonnier dans le Chasteau S. Ange, & deputa quatre Cardinaux pour l'examiner à toute rigueur: & fit aussi apprehender Gilles Foscarare, Euesque de Modene, comme complice.

Il pria aussi le Cardinal Polus de la Legation d'Angleterre, & le cita à comparoistre à Rome à l'Inquisition, és prisons de laquelle il auoit ia fait enfermer Iean Thomas de Saint Felix, Euesque de Caue, intime amy dudit Cardinal, comme sien complice. Et, afin que le Cardinal ne prist pretexte de sa Legation, & du besoin de ces Eglises-là, pour demeurer en Angleterre, il crea Cardinal au temps de la Pentecoste, Guillaume Peyt, Euesque de Salsberi, & l'establit Legat en lieu de Polus. Et, quoy que la Royne, & le Roy, tesmoignassent du grand seruice que ledit Cardinal rendoit à la foy Catholique, & fissent grandes poursuites & offices pour luy, le Pape ne voulut iamais relascher vn seul point de sa rigueur. Le Cardinal obeit, se deportant de l'administration, & quittant les enseignes de Legat: & enuoya à Rome Ormanet, pour rendre conte de sa Legation, mais ne partit point d'Angleterre, alleguant le commandement de la Royne: car tant elle, que le Roy, croyans pour tout asseuré, que le Pape estoit porté de passion en cet affaire, ne voulurent point consentir à son depart. On prit grand scandalle en Angleterre de ce fait, & maints Catholiques s'en alienèrent: & mesmes à Rome plusieurs tenoyent que c'estoit vne pure calomnie mise à sus à ce Cardinal, pour se venger de la treue, qu'il auoit traitee entre les deux Roys, estant Cardinal & Legat, sans participation & adueu du Pape: de mesmes qu'on reputoit calomnieuse l'opposition que le mesme Pape, estant encor Cardinal, luy auoit faite pour l'enpescher de paruenir au Papat. Le nouveau Legat, personnage de singuliere preud'homme, eut bien les mesmes pensees: & quoy qu'il prist le nom de Legat, pour n'irriter le Pape, il n'en exerça pourtant iamais la charge, és neuf mois qu'il vescu apres auoir receu la croix de la Legation: ains rendit tousiours à Polus le mesme deuoir de respect & honneur, que au parauant.

Le Duc de Guise, estant passé en Italie, mut la guerre en Piemont, & auoit intention de faire le siege de la guerre en Lombardie, & par ce moyen diuertir les armes prises contre le Pape. Mais, la grande ardeur du Pape à vouloir que le Royaume de Naples fust assailli, ne le luy permit point. Les François conoissoient bien les difficultés qu'il y auoit: & le Duc de Guise, avec ses principaux Capitaines, alla en poste à Rome, pour faire entendre au Pape ce que les bonnes raisons de guerre portoyent. Là, en presence du Pape, l'affaire fut mise en consultation: mais la resolution du Pape ne laissa point de place ny d'ouuerture à autre deliberation, & fut force de le contenter, & ne fut fait autre exploit, sinon d'assaillir Cuitella, place située tout à l'entree

I'entree de la prouince d'Abruzze, & là l'armee fut repouffee, avec grandes plaintes & doleances du Duc de Guise contre les Caraffes, parce qu'ils auoyent manqué aux prouisions necessaires qu'ils auoyent promises. Et en somme les armes Ecclesiastiques, tant propres qu'auxiliaires, furent fort peu benites & fauorisees de Dieu. Mais à la mi Aoust, l'armee du Duc d'Alue approchant tousiours plus pres de Rome, sans crainte des François, qui estoient engagés en l'Abruzze, le Pape, qui auoit ia entendu la prise & sac de Signe, avec la mort de grand nombre de gens, & le danger ou estoit la ville de Palliano, rapporta le tout au Consistoire avec beaucoup de larmes: adioustant qu'il attendoit courageusement & de pied ferme le martyre: au grand esbahissement des Cardinaux, bien informés de la verité, de voir avec combien d'assurance il leur figuroit cete cause comme de Christ, & non profane & ambitieuse, & disoit, que c'estoit vn des grands fondemens & secrets de tout le Papat.

Au mesmes point, que les affaires du Pape estoient au plus grand despit, aduint en France, la bataille, & la desfaites des Francois à S. Quintin, laquelle fut si grande, que le Roy fut contraint, pour sauuer son propre royaume, de rappeler le Duc de Guise d'Italie, avec les gens qu'il y auoit, faisant sauoir au Pape son ineuitable necessité, & le mettant en liberte de prendre le conseil qu'il trouueroit meilleur pour ses affaires, & lui renuoyant ses ostages. Le Pape denia au Duc de Guise son congé. Sur quoi estant né vn gros estrif entr'eux, le Pape, ne le pouuant retenir, lui dit, Qu'il s'en allast donc, puis qu'il auoit rendu peu de seruice au Roy, moins à l'Eglise, & point du tout à son propre honneur. A la fin du mesmes mois, le Duc d'Alue s'aprocha de Rome, & l'auroit aisément prise, s'il eust eu plus de courage: au defaut duquel sa retraite fut attribuee. Pour lui, en public il disoit, Qu'il auoit craint que son armée ne se dissipast par le sac de Rome, & qu'ainsi le Roiaume de Naples ne demeurast sans forces, & sans defence: mais en secret, Qu'il s'en estoit abstenu, ne scachant si le Roy, son Maistre, par trop de deuotion & de reuerence, le trouueroit bon. Finalement fust traité & conclu l'accord entre le Duc d'Alue & les Caraffes, le quatorzieme Septembre apres vn an entier de guerre. Le Pape ne voulut iamais consentir qu'és Articles & conuentions fussent compris ny Colonne, ny aucun de ses suiets: ny mesmes qu'il y eust aucune paroles, ou terme, par lequel il parust qu'il aduouast d'auoir excédé en l'emprisonnement des Ministres Imperiaux: voire mesmes demeura ferme & immobile en cete volonté, que le Duc d'Alue vinst en personne à Rome luy demander pardon, & receuoir l'absolution: disant ouuertement, Qu'il verroit plus tost bouleuerfer tout le monde, que de se departir d'un cheueu de ce deuoir ainsi l'appeloit-il. Qu'il ne s'agissoit point de son honneur: mais de celui de Christ, auquel il ne pouuoit faire preiudice, ne le quitter. A ces conditions: & avec la restitution des places prises, la querelè fut terminee. On tint à prodige, que le mesme iour de la paix, le Tibre se desborda tellement, qu'il inonda tout le plain de Rome, & ruina vne grande partie des fortifications faites au Chasteau S. Ange. Le Duc d'Alue alla en personne à Rome, pour rendre la submission au Pape, & receuoir l'absolution au nom de son Roy, & au sien. Et aduint que le victorieux fut obligé à porter l'indignité, & le vaincu triompha beaucoup plus, que s'il eust esté luy mesme le victorieux. Et encor fut-ce vne grace non petite, que le Pape le voulust accueillir humainement, quoy que sans rien rabatre de sa fastueuse grandeur.

La guerre ne fut pas si tost finie, qu'il suruint au Pape des nouuelles facheuses. Car il eut aduis de France, que le cinquieme Septembre pres de deux cens personnes s'estoyent assemblés de nuit à Paris, en vne maison particuliere pour faire la Cene: ce qui ayant esté descouvert par le populace, la maison auoit esté assaillie, & quelque nombre s'estant sauué, les femmes & les plus foibles auoyent esté apprehendés, dont sept auoyent esté bruslés: & le demeurant, qui estoit en plus grand nombre, reserué

1557.
à la cour
celles du
Duc d'Al-
ue alarmant
le Pape.

lequel par
la desfaite
de S. Quentin

est entrainé
le cōgédier
le Duc de
Guise,

dont suit
l'accord, en-
tre le Pape,
& le Duc
d'Alue,

à l'auantage
de l'honneur
du Pape,

renuement
de Religion
en France,

1557.

pour le mesme supplice, apres qu'on auroit bien descouvert tous les compli-
ces. Mais les Suisses auoyent enuoyé au Roy, pour interceder pour les autres.
Et le Roy, lequel, pour la guerre qu'il auoit avec le Roy d'Espagne, (car
ainsi se nomma Philippe, apres la renonciation faite par son pere.) auoit be-
soin d'eux, auoit ordonné qu'on y procedast avec moderation & douceur.
Le Pape s'en altera bien fort, & en fit plainte en plein Consistoire, disant,
Que ce n'estoit pas merueille, si les affaires de ce Roy succedoyent mal, at-
tendu qu'il faisoit plus estime du secours des heretiques, que de la faueur de
Dieu. Le Pape auoit desia mis en oubly, comment, pendant sa guerre, il auoit
ransé les Cardinaux del'Inquisition, qui se plaignoyent des grands mespris
& indignités, dont vsoyent les Grisons Protestans, lesquels il auoit pris à sa
solde, enuers les Eglises, & images: disant, Que c'estoyent des Anges en-
uoyés de Dieu, pour la garde d'icelle ville, & liene: & qu'il auoit ferme es-
perance que Dieu les conuertiroit. Telle est la diuersité des iugemens hu-
mains, lors qu'il s'agit des interets propres, ou du fait d'autrui. Le Pape prit
aussy occasion de cecy de rememorer deux Ordonnances, faites par le Roy
de France, en la mesme année, disant, Qu'elles estoyent contraires à la li-
berté Ecclesiastique, & pourtant vouloit totalement qu'elles fussent annul-
lées. L'une auoit esté publiee le premier de Mars, portant declaration, Que
les mariages contractés par les fils de famille, auant l'aage de trente ans
accomplis; & par les filles, auant l'aage de vingt-cinq ans, sans l'adueu &
consentement des peres, ou d'autres sous le pouuoir desquels ils sont, fussent
tenus pour nuls & inualides: avec impositions de grieues peines tant contre
les enfans, que contre les moyeneurs, & entremetteurs de tels mariages.
L'autre, dattée du premier May, portant commandement exprés à tous
Euesques & Curez, de resider en leurs Eglises, sous peine de la per-
te de leurs reuenus. Ioint vne imposition d'une subside & contribution
extraordinaire, outre les decimes ordinaires, pour le payement & entreten-
nement de cinq mil hommes de pied. Le Pape, quand il en eut premiere-
ment la nouuelle, n'y pensa point: d'autant qu'alors il estoit au fort de la
guerre, en laquelle il auoit besoin du secours du Roy. Mais cette necessité
estant cessée, il se plaignoit que le Roy mist la main iusques aux Sacremens,
& greuast ainsi insupportablement le Clergé. Et pourtant disoit que de ne-
cessité il falloit remedier à tant de desordres, qui estoyent abus beaucoup
plus grands, que tous ceux qu'on pouuoit objecter à l'ordre Ecclesiastic:
que c'estoit de là, qu'il falloit commencer la Reformation: que, pendant
que les Prelats François demeuroyent en France, ils n'osoient parler: mais,
quand ils seroyent en vn Concile en Italie, à deliure de la crainte, on orroit
bien lors leurs plaintes & doleances. Parmy ces mescontentemens, le Pape
eut quelque joye de la rupture & dissipation d'un Colloque ou Conference,
entrepris en Allemagne pour composer les differends de la Religion, lequel
donnoit beaucoup de fascherie à luy, & à la Cour, comme tousiours sembla-
bles Colloques auoyent fait. Or, pour l'intelligence des choses qui suivront cy
apres, j'ay iugé necessaire de faire recit de l'origine, progrès, & issuë d'iceluy.
Ferdinand, ayant, en la Diete de Regensburg, confermé la paix de la Re-
ligion, iusques à vn total accord: pour trouner cependant moyen de parue-
nir à iceluy, fut arresté par le Recés du treiziesme Mars, qu'on tiendrait
à Vvormes vne Conference entre douze Docteurs de l'Anciene Religion, &
douze d'entre les Protestans: en laquelle les differens seroient discutés &
ventilés, pour reduire, s'il estoit possible, les parties à vn bon accord. Ferdi-
nand deputa pour president à ce Colloque le tant de fois nommé Euesque de
Naumbourg, Iules Pflug. Les parties assemblées, au lieu assigné, le quator-
ziesme du mois d'Aoust, les douze Protestans ne se trouuerent pas bien d'ac-
cord. Car aucuns d'entr'eux, desirans vne parfaite reünion de l'Eglise vou-
loyent moyener de concilier aussi quant & quant la doctrine des Suisses, dife-
rente de la leur en la matiere de l'Eucharistie: sur laquelle pour cet effet
les Ministres de Geneue auoyent dressé vne forme de confession, laquelle

Et que' que
Ordonnan-
ces du Roy

alienent le
Pape de la
France, l'un
quelle il
menace
d'un sien
Concile.

conference
instituee en
Allemagne.

ne desplut point à Melāchton, & autres six d'entre ceux de la Cōfession d'Ausbourg, mais ne contenta point les autres cinq. Cela ayant esté descouvert par l'Euesque, homme cauteleux & factieux, qui ne visoit à autre chose qu'à rompre la Conference, sans qu'elle portast aucun fruit: il conseilla aux Catholiques de proposer auantmain, Que puis que la Conference auoit esté instituée seulement entr'eux, & ceux de la Confession d'Ausbourg, il estoit necessaire de condamner tout premier vnaniment toutes les sectes des Zuīgliens, & autres: d'autant, qu'après que les erreurs auroient d'un commun consentement esté condamnées, la verité viendroit fort aisement au iour. Les cinq dessusdits, sans y penser plus auant, acquiescerent qu'ainsi fut fait. Mais Melanchton, lequel s'apperceut bien de l'artifice tendant à semer de la diuision entr'eux, & à les mettre en butte, & aux prises avec les Suisses, ceux de Prusse, & autres, disoit, Qu'il falloit premierement conuenir de la verité, & puis selon cette reigle-là, condamner les erreurs. L'Euesque monstrant aux cinq qu'ils estoient mesprisés par les autres sept, les induisit à se departir de la Conference: & puis escriuit à Ferdinand ce qui s'estoit passé, concluant qu'on ne pouoit proceder plus auant, tant pour le depart de ceux là, que pour le refus que faisoient les autres de condamner premierement les sectes. Ferdinand respondit, Qu'il desiroit qu'on continuast, & que ceux de la Confession d'Ausbourg rappelaissent les cinq departis, & que cependant les Catholiques entamassent la discussion & examen des articles contentieux. L'Euesque, voyant d'auoir failly à son coup, conseilla aux Collocuteurs Catholiques de rescrire au Roy, Qu'il n'y auoit point de raison de commencer vn traité, si tout premier les Protestans n'estoient tous vnīs entr'eux: d'autant qu'il faudroit puis apres tout de nouueau traiter avec les absens ce qui auroit esté conclu avec les presens, & prendre double peine. Et sans attendre autre nouuelle response, ils se retirerent tous: & chacune des parties, sur les causes dessusdites, donna la coulpe de la separation de la Conference à l'autre.

Le Pape se voyant, par la guerre passée, déchu du credit, par lequel il faisoit estat d'espouenter tout le monde, pensa de le racquerir par vn acte heroïque & tout au despourueu, le vintxieme de Ianuier de l'année mil cinq cens cinquante huit, en plain Consistoire, il demit le Cardinal Caraffe de la Legation de Bologne, & de tout le gouuernement des affaires, & le confina à Ciuità Lavinia: & osta à Iean Caraffe, frere d'icelui, la charge de Capitaine general de l'armee Ecclesiastique, & le relega à Galefi. Il osta aussi le gouuernement du Bourg S. Pierre à son autre neveu, & le relega à Montebello. Commandant en outres à leurs femmes & enfans de vider la ville de Rome, & qu'eux ne s'esloignassent point des lieux où ils estoient relegués, sous peine de rebellion. Il priua aussi de leurs offices tous ceux, à qui il en auoit baillé à leur contemplation. Et employa plus de six heures à se plaindre, & à inuectiuer contre les meschans actes de ses neveux, avec tant d'esmotion, qu'il se courrouçoit mesmes aux Cardinaux, qui entreiettoient quelque bonne paroles, pour l'adoucir. Et au Cardinal Alexandre Farnese, dit S. Ange, lequel, apres auoir loué sa iustice, luy ramentut vn dire vsité frequemment par Paul troisieme, son ayeul, Que le Pape ne doit iamais oster tout à fait à aucun l'esperance de grace, il respondit brusquement, Que son ayeul auroit beaucoup mieux fait, s'il eust procedé comme cela enuers Pierre Louis pere de luy Cardinal, & l'eust chastié de ses enormités. Il establī vn nouveau gouuernement à Rome, & entout l'Estat de l'Eglise, donnant la charge de l'expedition de tous affaires à Camille Vrsin, auquel il adioignit les Cardinaux de Trany, & de Spolet, affectant en ces actions le renom de iustice, & rejetant la coulpe des griefs & foule des peuples sur ses neveux.

S'estant ainsi deschargé du gouuernement, il appliqua toute sa pensee à l'office del'Inquisition, disant, Que c'estoit là le vrai belier contre l'heretique & le rempar du Siege Apostolic. Et, sans auoir esgard à ce que portoit

1557.

à neant
par la ma-
lice des vns
& simplese
les autres.

le Pape des-
met ses mes-
chans ne-
veux.

et oune sa
pense aux
rigueurs de
l'Inquisition

1558.

contre les
Princes
mesmes.

le temps, il publia vne nouuelle ordonnance, en date du quinzieme Fe-
urier, laquelle il fit signer à tous les Cardinaux: en laquelle il renouuela
toutes les Censures, & les peines prononcees par ses predecesseurs: & tous
les statuts des Canons, des Conciles, & des Peres, publiés contre les here-
tiques en quelques temps que ce fust, ordonnant que ceux qui estoient
surannés, & tombés en desaccoustumence, fussent remis en vſage. Et de-
clara, Que tous les Prelats, & les Princes, voire mesmes Rois & Empe-
reurs, tombans en heresie, fussent & s'entendissent dechas & priués des
Benefices, Estats, Royaumes, & Empires, sans autre declaration: & qu'ils
fussent inhabiles à estre iamais réstablis en iceux, voir mesmes par le Sie-
ge Apostolic: & que leurs biens, Royaumes, & Empires, s'entendissent
proscrits, & appartenissent aux Catholiques qui les occuperoient. Chose, qui
donna beaucoup à parler, & n'eust esté que le monde la laissa choir, sans
en faire estat, eust esté capable d'embraser toute la Chrétienté.

querelle à
Ferdinand
sa successio
à l'Empire:

Il aduint vn autre accident, qui fit apparoir au monde, qu'il n'auoit
nullement mauderé la hautaineré de son courage, L'Empereur Charles,
dés l'annee mil cinq cens cinquante six, auoit, par ses lettres escrites aux
Electeurs, & Princes, remis absolument à son frere Ferdinand toute l'admini-
stration de l'Empire, sans luy faire autre part ny appénage, cōmandant à tous
de luy prester obeissance. Apres cela, il deputa pour Ambassadeur en Alle-
magne à la Diete, Guillaume, Prince d'Oranges, avec deux autres Collegues
pour trāsferer à Ferdinand le nom, le titre, la dignité, & la couronne, tout
de mesmes que si luy Charles eut esté mort. Mais, les Electeurs ne iugerent
pas qu'il fust encore temps de proceder à cela: dont ils le differerēt iulques à
cete annee mil cinq cens cinquante huit: en laquelle, le vingtquatrieme
Feurier, iour de S. Mathias, iour de la naissance, couronnement, & autres
felicités de Charles, apres que les Ambassadeurs d'iceluy eurent fait toutes
les ceremoies de la resignatiō à Francfort en presence des Princes Electeurs
Ferdinand fut sacré avec toutes les formes accoustumées. Le Pape, ayant
eu la nouuelle de cet acte, monta en vne furie horrible: pretendant, que
comme la confirmation Papale est celle qui fait l'Empereur, aussi la renon-
ciation ne pouuoit estre faite qu'entre ses mains: & qu'en tel cas il apparte-
noit à luy de faire Empereur celuy qui luy plairoit: allegant que les Elec-
teurs ont bien pouuoir, par ottroy & grace du Pape, d'esslire vn Empereur
en lieu & place du defunt: mais que iamais ne leur auoit esté baillee la puis-
sance de l'esslire en cas de resignation: ains que cela deuoit estre remis au bon
plaisir & arbitrage du S. Siege: comme toutes les dignités, qui dependent d'i-
celuy, sont à sa pure disposition. Au moyen de quoy la resignation de Char-
les estoit nulle, & la totale autorité de pouruoir d'Empereur estoit deuol-
uē à luy. Partant il conclut & resolut de ne conoistre le Roy des Romains
pour Empereur.

Mais Ferdinand, quoy qu'il fust bien aduerti du fait, ne lâissa pas pourtant
de deputer vers luy pour Ambassadeur, Martin Guzman, pour luy donner
aduis de la renonciation de son frere, & de son assomption, & pour luy tes-
moigner reuerence, & promettre obeissance, luy signifiant aussi, qu'il en-
uoyeroit vne solennelle Ambassade pour traiter du couronnement. Le Pape
luy refusa audience, & remit aux Cardinaux l'examen de cete matiere. Et
iceux, conformément à la volonté & disposition du Pape, rapportèrent que
l'Embassadeur ne pouuoit estre admis, que tout premier il ne constast, que
la resignation de Charles estoit legitime, & que Ferdinand auoit iuridique-
ment succédé. Car, ores qu'il eust esté eslu Roy des Romains, & que son
election eust esté confermee par Clement, pour pouuoir succeder, adue-
nant la mort de l'Empereur, il estoit toutesfois necessaire que l'Empire
demeurast vaquant par mort. En outre que tous les actes de Francfort e-
stoyent nuls & inualides, comme ayans esté faits & gerés par heretiques,
dechas & priués de toute autorité & pouuoir: si bien que Ferdinand estoit
obligé, d'enuoyer quelcun, avec bonne & duē procuration, & de renoncer

par luy à toutes les choses faites en icelle Diete, & de supplier le Pape de valider la renonciation de Charles, & de receuoir Ferdinand à l'Empire: en vertu de son plein pouuoir, duquel il pouuoit attendre benigne grace paternelle. Suiuant ce conseil, le Pape prit sa deliberation: laquelle il fit entendre à Guzman, luy donnant trois mois de terme pour l'execution: passé lesquels, il n'en vouloit puis ouïr parler, mais creeroit luy mesme vn Empereur. Et ne fut iamais possible de se demouuoir: quelque priere & requeste que luy en fist le Roy Philippe, en faueur de son Oncle, par François Vargas, & apres luy, par Iean Figueroa, qu'il luy enuoya tout expres. Ferdinand ayant eu aduis de ces choses, ordonna à Guzman, que, si dans trois iours dès la reception de ces lettres, il n'estoit adinis par le Pape, il se departist, apres auoir protesté que Ferdinand, avec les Electeurs, résoudroit ce qui seroit à faire pour la dignité del'Empire. Guzman requit de nouveau audience, laquelle le Pape luy accorda seulement comme à personne priuée, & non comme à Ambassadeur Imperial. Et apres luy auoir ouy exposer son instruction, & ce que l'Empereur luy escriuoit, respondit, Que les choses considerées par les Cardinaux, estoient de grande importance, & qu'il ne se pouuoit sur icelles résoudre: si tost qu'il enuoyeroit vn Nonce à l'Empereur Charles quint: & cependant que s'il auoit commission de son Maistre de partir, qu'il partist, & protestast tout ce qui luy plairoit. Par ainsi l'Ambassadeur, apres auoir fait sa protestation, se partit. Et, quoy qu'en la mesme année, au mois de Septembre, Charles vint à mourir, il ne fut iamais possible de destourner le Pape de sa deliberation.

En ces temps-là le nombre de ceux, qui s'appelloient Reformés, estant multiplié en France, le courage & l'assurance leur crut aussi. Et arriua, que comme c'est la coustume qu'en temps d'esté le peuple à Paris sort à grandes troupes du fauxbourg S. Germain au pre aux Clercs, pour prendre le frais, & se recreer par diuerses sortes de passetemps; ceux de la nouuelle Religion se mirent vn soir à chanter les psalmes de Dauid en rime Françoisse; en lieu d'autres esbats: de quoi la multitude au commencement ne fit que rire comme de chose nouuelle, mais puis apres, ayant quitté ses ieux & passetemps, s'attrouppa avec ceux qui chantoient. Et cela continua quelques iours, tant qu'à la fin le nombre commença à grossir plus qu'à l'accoustumée. Le Nonce du Pape en eut la nouuelle, & la rapporta incontinent aux oreilles du Roy, comme chose perilleuse & pernicieuse: veu que par là les mysteres de la Religion, qui auoyent accoustumé d'estre celebren en l'Eglise en langue Latine par les seuls Religieux estoient mis en la bouche du populace, en langue vulgaire, ce qui estoit vne inuention des Lutheriens. Et remonstroït que, si on ne remedioit à ces premiers coups d'essay, & entreprises, tout Paris se trouueroit en fin Lutherien. Le Roy ordonna qu'il fust procédé contre les principaux autheurs: mais on ne passa gueres auant, d'autant qu'Antoine de Bourbon Roy de Nauarre, & Jeanne sa femme, se trouuerent du nombre. Mais bien fut defenduë la chose pour l'aduenir sous peines capitales.

Il arriua aussi en cettè mesme année vn grand changement en la Religion en Angleterre. Car le dix-septiesme Nouembre ensuiuant, mourut la Roine Marie, & le mesme iour deceda aussi le Cardinal Polus. Ce qui esmeut les esprits de ceux, qui n'estoyent pas contens du gouuernement passé, à penser à remettre sus la Reformation d'Edouard, & de se separer totalement des Espagnols. Et ce, d'autant que Philippe, pour tenir tousiours vn pied en l'estrier dans ce Royaume, auoit traité de bailler Elizabeth, sœur de Marie & heritiere du Royaume, à Charles son fils, en mariage. Mais la nouuelle Roine, prudente, comme elle le monstra bien du depuis en tout le cours de son gouuernement, assura premierement le Royaume, par le serment qu'elle fit, de ne se marier avec aucun estrangier: & se fit couronner par l'Euesque de Carlil, qui estoit adherant à l'Eglise Romaine, sans toutesfois qu'elle fist ouuerte declaration, quelle Religion elle vouloit suiure: ayant fait

*accident des
Reformés en
France.*

*la Roine
Marie
d'Angleterre
meurt;
& luy suc-
cede Eliza-
beth.*

1558.

indigne-
ment, uoyant
par le Papedont, elle se
separa de
luy.Evénement la
Reforma-
tion en son
Royaumepaix de Re-
ligion con-
firmée en
Allemagne

dessein, tout aussi tost qu'elle seroit installée, d'en faire la resolution arrêtée par le conseil de son Parlement, & de reformer stablement l'estat de la Religion par l'advis des personages de sçavoir & pieté. Et pourtant aussi elle exhorta les principaux d'entre la Noblesse, lesquels desiroient changement, de proceder discrettement, & sans tumulte, asseurant qu'elle ne violenteroit aucun en sa conscience & religion. Et fit tout promptement donner avis au Pape de son auenement à la couronne, enuoyant pour cet effet lettres de creance à Edoüart Cerne, lequel se trouuoit encores à Rome, comme Ambassadeur de sa sœur. Mais le Pape, procedant avec son accoustumée rigueur, respondit, Que ce Royaume-là estoit fief du Siege Apostolic, & qu'elle estoit incapable de succeder, comme illegitime. Qu'il ne pouuoit contreuenir aux declarations de Clement septiesme, & de Paul troisieme. Que ç'auoit esté vne grande audace à elle d'auoir pris le nom & le gouuernement sans luy. Que pour cela elle meritoit bien qu'il ne luy pretast aucune Audience. Mais toutesfois, voulant proceder paternellement enuers elle en cas qu'elle renonçast à toutes ses pretentions, & se remist totalement & librement à son arbitrage, qu'il feroit tout ce qui seroit possible, l'honneur & la dignité du S. Siege tousiours saufs. Plusieurs crurent, qu'outre l'inclination & humeur hautaine du Pape, le Roy de France eust fait de grand offices en cecy: de crainte que par dispense Papale, ne fust traité quelque mariage d'elle avec le Roy d'Espagne, dont il iugea qu'il estoit bon de s'en asseurer, coupant queuë à toutes negociations & pratiques avec le Pape dès l'entrée. La nouvelle Roine, ayant entendu la response du Pape, toute rauie du precipité naturel du personnage, iugea qu'il n'estoit nullement à propos ny pour elle, ny pour son Royaume, de traiter plus avec luy. Et partant la cause, pour laquelle elle auoit premierement delibéré de donner tout contentement possible à Rome, estant cessée, elle permit à la Noblesse de mettre en deliberation ce qui seroit pour le seruice de Dieu, & pour le repos du Royaume, dont il s'ensuit, que le Parlement estant assemble pour cet effet, fut fait vne dispute à Westminster, qui dura dès le dernier de Mars de l'année mil cinq cens cinquante-neuf iusques au troisieme Aueil, entre les deputés de l'une & de l'autre des parties. Apres laquelle tous les Edits en fait de Religion, faits par Marie, furent cassés & annullés, ceux de son frere Edouard reestablis, l'obeyssance ostée au Pape, & le tiltre de Chef de l'Eglise Anglicane donné à la Roine, & les reuenus des Monasteres confisqués, & assignés en partie à la Noblesse, & en partie à la Couronne, & les images abbayues & ostées des temples par le peuple, & la Religion Romaine bannie & dechassée du Royaume. Il auint encore vn autre accident bien fascheux au Pape: c'est qu'en la Diete d'Ausbourg, dès qu'on eut veu les Actes du Colloque, lequel auoit esté l'année precedente rompu sans fruit, & que toute esperance estoit perdue de faire iamais aucune chose de bon par cette voye, Ferdinand proposa de procurer le reestablissement du Concile general, exhortant vn chacun à se soumettre aux Decrets d'iceluy, comme estant l'vnique remede pour assoupir tous differends. Mais les Protestans respondirent, Qu'ils consentiroient à vn Concile, non conuocé par le Pape, mais par l'Empereur, en Allemagne, auquel le Pape ne presida point, ains fust soumis au iugement: relaschant aux Euesques, & aux Theologiens, le serment qu'ils luy ont: & auquel les Protestans eussent aussi voix & suffrage deliberatif & decisif, le tout estant examiné selon l'Escripture sainte: & les choses traitées à Trente examinees & debatues du nouveau. Que si on ne pouuoit obtenir ces conditions du Pape, ils requeroient que la paix de la Religion fust confirmée, suiuant les conuentions de Passau: attendu qu'ils auoient suffisante experience, qu'on ne pouuoit esperer ne tirer bien quelconque d'aucun Concile Papal. L'Empereur reconnoissant la difficulté d'obtenir du Pape les choses proposées: & voyant que tout moyen luy estoit osté de negotier avec luy, à cause du debat sur la renonciation de Charles, & sa succession, conferma l'Acord de Passau, & les Recés des Dietes faits suiuaient.

Le Pape, ſçachant que luy meſme auoit coupé toute voye de traiter avec Ferdinand & l'Allemagne, ne ſçeut que repliquer à cecy : & toutesfois encore eut-il plus de deſplaiſir du propos entreietté touchant le Concile, que de la liberté accordée par le Recès. eſtant bien reſolu de ne vouloir ſouffrir aucun Concile hors de Rome, pour cauſe aucune que ce fuſt. Et pour cét eſgard vn troiſieſme accident ne luy fut moins grief, à ſçauoir, la paix faite à Cambray, le troiſieſme Auiil, entre les Rois de France & d'Eſpagne, bien bouclée & affermie par mariages d'Elizabeth fille du Roy Henry avec le Roy d'Eſpagne, & de ſa ſœur Marguerite avec le Duc de Sauoye : en laquelle paix il auoit eſté conuenu, que les deux Roys ſe donneroyent parole de s'employer vnaniment, à ce que le Concile fuſt célébré, & que l'Egliſe fuſt reformée, & les differends en la Religion fuſſent compoſés : ſur quoy le Pape, auquel toute voye de douceur & liberté eſtoit autant grieve, que plaiſante, la rigueur de l'Inquiſition, faiſoit diuerſes conſiderations : combien ce nom de Reformation & de Concile eſtoit ſpecieux & plauſible : comment l'Angleterre & toute l'Allemagne, eſtoit perdue, partie par les Proteſtans, partie auſſi par ſa diſcorde avec Ferdinand : que ces deux Rois eſtoient vnīs, & eſtoient tous deux grieuement offencez de luy : celui d'Eſpagne de fait & de paroles, celui de France au moins de paroles : qu'il ne luy reſtoit aucun, à qui pouuoir recourir : que tous les Cardinaux eſtoient las de ſon gouuernement, & les peuples peu affectionnez, tant pour les incommodités ſouffertes en la guerre paſſée, que pour les foules & charges ordinaires. Ces ſoucis affligerent l'eſprit de ce vieux Pape, en ſorte qu'il deuint mal propre à plus exercer ſa charge : & ne pouuoit plus tenir les Conſiſtoires frequemment à l'accouſtumée : & meſmes encor, quand il les tenoit, il conſumoit la plus part du temps à parler de l'Inquiſition, & à exhorter à la fauoriſer, comme l'vnique moyen d'eſteindre les heresies.

Mais de vray les deux Rois n'eſtoient pas conuenus enſemble en cét Accord, de pourchaffer le Concile, pour aucune mauuiſe volonté, ou pour intereſt d'aucun d'eux contre le Pape, ne contre le Papat, mais ſeulement pour trouuer remede aux nouuelles doctrines, qui faiſoyent de grands progrès en leurs Eſtats, & eſtoient auidement ouïes & recuës par les gens de conſcience. Ioint que, ce qui importe le plus aux Rois, les malintens, & les amateurs de nouueautés prenoient ce party, & ſous couleur de Religion, entreprenoyent tous les iours quelque attentat, tant és Pais bas qu'en France, là où les peuples ſont fort amateurs de la liberté, ayans par la proximité grand commerce avec l'Allemagne. Ce qui fut la cauſe, que, dès le commencement des remuemens il en paſſa de là quelque ſemence en France, & és Pays bas, laquelle l'Empereur Charles, & le Roy de France, taſcherent par pluſieurs rigoureux Edits, & ſanglantes executions, d'empêcher de prendre racine, comme il a eſté dit en ſon lieu. Mais, dès que le nombre des Proteſtans fut accru en Allemagne, & que les Euangeliques furent multipliés en Suiſſe, & que la ſeparation eut pris pied en Angleterre, il aduint, par les frequentes guerres d'entre l'Empereur & le Roy, que l'une & l'autre des parties fut ſouuent contrainte de ſoudoyer des ſoldats Allemands, Suiſſes, & Anglois, leſquels preſchans en leurs quartiers, & faiſans publique profeſſion de la Religion renouuélée, furent par leur exemple, & autres moyens, cauſe qu'elle prit pied entre pluſieurs d'entre le peuple. Quoy qu'il en ſoit, c'eſt choſe certaine, que l'Empereur Charles fut contraint par cela d'eſſayer d'introduire l'Inquiſition Eſpagnole, voyant que les autres remedes ne profitoient de rien, de laquelle toutesfois il fut en partie forcé de deſiſter, pour les cauſes recitées cy-deuant. Et le Roy de France Henry, pour cette meſme raiſon, donna auſſi aux Eueſques le pouuoir de punir les heretiques, choſe qui n'auoit iamais eſté vſitée en ce Royaume. Mais, quoy que les executés à mort és Pais bas, partie pendus, partie decollés, partie enterrés tout viſs, partie brûlés, dès le premier Edit de Charles iuſques à ce temps de la paix, montâſſent à cinquante mil, & qu'en

1558.

à quoy le Pape n'oſe contredire.

tous matié par la paix de Cäbray, par laquelle le Concile deuoit eſtre procuré de chef.

pour les intereſts des deux Roys qui vouloyent extirper les Proteſtans de leurs Pays.

à quoy ne pouuoient ſuffire les ſupplices.

1558.

France semblablement on eust fait mourir vn nombre notable : les affaires neantmoins estoient en ce temps en pires termes que iamais : si bien que ces Roys se porterent vnanimement à y remedier, instant principalement à cela, du costé des François, le Cardinal de Lorraine, & de la part des Espagnols, Granuele, Fuesque d'Arras : lesquels, ayans esté à Cambray pour le traité de paix, dès le mois d'Octobre iusques au mois d'Auril ensuiuant, avec les autres deputés des Rois, negotierent particulièrement entr'eux des moyens d'extirper cette Doctrine : & du depuis aussi furent grands organes de tout ce qui fut executé en l'un & en l'autre estat. En quoy ils se couuroient du manteau du zele de la Religion, & du seruice de leurs Princes, & prete-
 xoient la promesse & foy mutuellement donnée de s'entr'aider à cet oeuvre : mais la creance commune estoit, que la vraye & intine cause à l'un & à l'autre estoit l'ambition, & le dessein de s'enrichir des despoüilles des condam-
 nez.

ne les Eues-
 ques nou-
 uaux du
 pays bas,

Le Roy d'Espagne, apres la paix faite & conclüe, pour commencer à met-
 tre en train l'execution des conseils concertés entr'eux, & ne pouvant ou-
 vertement introduire l'Inquisition, s'aduisa de le faire obliquement, par le
 moyen des Euesques. Mais, à cause que tous les Pays bas n'auoyent que deux
 Euesques, celui de Cambray, & celui d'Vtrecht : & que tout le demeurant
 du Clergé estoit suiet aux Euesques d'Allemagne, & de France : & que mes-
 mes ces deux Euesques desluidits estoient suiets à Archeuesques estran-
 gers, ausquels on ne pouuoit oster le droit d'appeller : dont il estoit impossi-
 ble que par le moyen d'iceux il pust effectuer son intention : il iugea expé-
 dient de soustraire tous les siens de la suiétion des Euesques estrangers, &
 d'establir en ces pays là trois Archeueschez, de Malines, de Cambray, &
 d'Vtrecht : & d'eriger en Euesché Anuers, Bolduc, Gand, Burges, Ipre,
 S Omer, Namur, Harlem, Middelbourg, Levwarden, Groninge, Rure-
 monde, & Deuenter : appliquant à iceux les reuenus de quelques riches Ab-
 bayes. Et fit ratifier & approuuer tout cela par vne Bulle du Pape, sous la
 date du dix-neufiesme May, de l'annee mil cinq cens cinquante-neuf. Quand
 cela vint à notice, quoy que pretexté par ce qu'est temps passés l'infrequen-
 ce des habitans en ce pays-là ne requeroit plus grand nombre d'Euesques :
 mais à present la multitude des hommes, & la splendeur des villes portoit
 qu'icelles fussent decorées de tiltres Ecclesiastiques : la Noblesse & le peuple
 s'apperceut incontinent que c'estoit vne ruse pour introduire sous main l'In-
 quisation : & se conformerent en leur opinion voyant la Bulle du Pape. Car
 iceluy, suiuant le style des Papes, de tirer de tous actes aduantage de puis-
 sance, ou d'utilité, assignoit pour cause de ce nouuel establissement, que ces
 pays-là estoient tous entourés & assiegés de Schismatiques, rebelles à luy
 Chef de l'Eglise : dont il y auoit vn grand danger pour la foy, à cause des
 fraudes & embusches des heretiques, en cas qu'il n'y fust pourueu de nou-
 ueaux & bons gardiens. Cette occasion fit resserrer & ioinde les Nobles
 entr'eux, pour auiser à obuier auant que la force eust pris pied. Et sur cè-
 la delibererent de ne point payer le tribut, que les soldats Espagnols ne
 fussent congediés du pais, & commencerent à encliner ouuertement à la
 nouuele opinion, & à la fauoriser : ce qui du depuis fut cause des autres
 troubles si longs & si sanglans, dont il sera parlé.

ne les em-
 prisonne-
 mens de la
 Mercuriale
 de Fran-
 ce.

Mais le Roy de France, desirant que la secte Lutherienne ne s'ancrast &
 ne gaignast plus auant en son Royaume : & ayant entendu qu'entre les Con-
 seillers de son Parlement, il y en auoit quelques vns qui en estoient atteints,
 pensa de les chastier & reprimer. Et pourtant, sçachant que le quinziésme
 de Iuin se tenoit à Paris vne Mercuriale (ainsi nomment-ils le Iugement or-
 donné pour examiner, & corriger les actions des Conseillers du Parlement,
 & des Iuges Royaux) en laquelle il se deuoit traiter de la Religion, ainsi
 que l'action estoit ja commencée, le Roy entra, & dit, Qu'il auoit estably la
 paix du monde par les mariages de sa sœur, & de sa fille, afin de pouruoir
 aux inconueniens nés en son Royaume au fait de la Religion, laquelle
 doit

doit estre le premier & principal soin des Princes. Et pourtant, ayant entendu qu'ils deuoyent traiter de cette matiere, il les exhortoit à manier la cause de Dieu en franchise, & sincerité. Et ayant commandé qu'ils poursuiussent ce qui estoit ia entamé, Claude Viole, l'un d'eux, dit beaucoup de choses contre les mœurs & façons de faire de la Cour de Rome, & contre les mauuaises coustumes qui estoient degenerées en erreurs pernicieux, qui auoyent donné suiet & cause aux sectes naissantes. Dont il estoit nécessaire de relascher les supplices, & de moderer la rigueur, iusques à ce que, par l'autorité d'un Concile general, les differends en la Religion fussent ostés, & la discipline Ecclesiastique fust reformée, qui estoit l'unique remède à tous ces maux: selon que les Conciles de Constance, & de Basle, en auoyent jugé, en commandant pour cet effet que le Concile general fust tenu & célébré de dix en dix ans. L'aduis de cetuy-cy fut suivi par Louis le Feure, & par aucuns autres. Mais Anne du Bourg y adiousta de surcroist, Qu'il y auoit tant de meschancetés, & enormités condamnées par les loix, pour la punition desquelles ne les cordes, ne les feux ne pouuoient suffire: que les blasphemés contre la Maïesté & le Saint Nom de Dieu, les parricides, les adulterés, estoient tresfrequents: non seulement dissimulés, mais mesmes portés & fomentés par vne honteuse licence & conniuece: (monstrant assez par son langage, qu'il entendoit parler non seulement des Grands, de la Cour, mais du Roy mesmes) & cependant qu'en cete generale dissolution de vie, & indulgence des peines, on exerçoit toutes sortes de rigueurs & de supplices contre gens, qui n'estoient atteints ne coupables d'autre crime, que d'auoir descouuert au monde les vices & les deprauations de la Cour de Rome, & d'en auoir requis & pourchassé la correction. Mais Giles le Maistre, premier President, haranga tout au contraire contre les nouvelles sectes, & conclut, Qu'il n'y auoit autre remède que celui, qui autrefois auoit esté employé contre les Albigeois, desquels Philippe Auguste auoit fait mourir six cens en un iour: & contre les Vaudois, qui auoyent esté estouffés es grotes & balmes, où ils s'estoient sauues. Apres que tous eurent opiné, le Roy adiousta, Qu'il auoit ouy de ses propres oreilles ce que desia luy estoit venu à notice: assauoir, que le mal du Royaume procedoit de ce qu'au Parlement mesmes il y en auoit qui mesprisoyent l'autorité du Pape, & la siene: qu'il sauoit bien qu'ils estoient en petit nombre, mais ne laisseroient pas de causer de grands maux. Et pourtant qu'il exhortoit les bons à perséuerer à bien faire leur deuoir. Et tout sur le champ commanda que le Feure, & du Bourg, fussent menés en prison, & du depuis en fit encor saisir quatre autres en leurs maisons. Ce qui donna grand frayeur à ceux qui embrassoient la nouuelle Doctrine. D'autant que les Conseillers de Parlement estants en France sacresaints & inuiolables, ceux qui les voyoyent lors traîner es prisons, pour auoir dit leur aduis en pleine assemblee, pouuoient aisement conclure, Que doncques le Roy ne pardonneroit à personne.

Mais il n'eschet iamais de voir des exemples de frayeurs, qu'il ne s'en trouue aussi d'autres de hardiesse & assurance en mesme degre. Ce qui se vid en ce temps, car les Ministres des Reformés, (ainsi s'appellent les Protestans en France) en ce mesme temps, comme s'il n'y eust eu aucun danger, s'assemblerent à Paris au fauxbourg S. Germain, & y tinrent un Synode, auquel presida François Morelle principal d'entr'eux: & y firent plusieurs reiglémens & ordonnances, touchant la maniere de tenir leurs Synodes; & de reprimer & abolir la domination & tyrannie en l'Eglise, touchant l'election & la charge des Ministres, touchant les Censures, les mariages, les diuorces, les degrés de consanguinité & affinité: afin que par toute la France ils eussent non seulement la foy, mais aussi la discipline uniforme.

Il auint aussi vne chose, qui leur releua le courage: c'est, que la renommée de la rigueur qu'on exerçoit es supplices en France, estât portée en Allemagne, les trois Electeurs, & autres Princes Protestans d'Allemagne, enuoyerent

*nonobstant
lesquels les
Reformés
mettent or-
dre à leur
gouverne-
ment Eccle-
siastic.*

*Et sont sa-
uorisés d'un
ne interces-*

1588.

*si d'un stile
migre,**quoy que
inutile.**Le Pape, en
Lieu de Cõ-
cile, sollici-
te le reme-
de de l'in-
quisition,**Le Roy de
France
meurt, au
grand des-
plaisir du
Pape:**qui decede
aussi peu
apres**Et à sa mort
s'esleue vne
grande es-
meute à Ro-
me en haine
de luy,*

Ambassadeurs au Roy, pour le prier de commander qu'on procedast en pieté & charité Chrestienne, enuers ceux qui faisoient profession de la mesme religion qu'eux, non coupables d'autre chose, que d'accuser les mœurs corrompues, & la discipline peruertie de la Cour de Rome: chose pratiquée plus de cent ans auparauant par autres Docteurs François, personnages de pieté: attendu que, la France estant en paix & repos: on y pouuoit aisement appoin-ter les differends & dissensions nees pour cete cause, par disputes d'hommes suffisans, & amateurs de paix, qui pourroyent examiner la Confession d'i-ceux, à la reigle de l'Escripture sainte, & des Peres anciens. Que cependant il plust au Roy surfoir la rigueur des iugemens: ce qu'eux Princes rece-uroient à singuliere faueur, & en demeureroient grandement obligés au Roy. Le Roy leur donna benigne responce en termes generaux, & promit de leur donner contentement, comme il leur feroit entendre par homme ex-pres, qu'il leur enuoyeroit. Mais pour tout cela il ne relascha rien de la ri-gueur: ains, apres le depart des Ambassadeurs, il deputa, pour Iuges & Com-missaires en la cause des prisonniers, quatre du corps du Parlement, ense-mble l'Euesque de Paris, & Anthoine Demochares Inquisiteur: leur enioignant de trauailler incessamment à faire & parfaire leur procès, & de proceder à brieue & prompte expedition.

Toutes ces choses estoient sies par le Pape, lequel sentoit extreme re-gret de l'accroissement & progres de la nouuelle doctrine es Estats de l'un & de l'autre Roy: mais aussi prenoit il grand plaisir que ces Princes y pen-sassent, & les en sollicitoit continuellement par ses Nonces, & par offices qu'il faisoit avec leurs Ambassadeurs residens aupres de luy: mais n'y pou-uoit agreer autre remede que celui de l'Inquisition, lequel il iugeoit estre le seul & vnique, ne preschant iamais autre chose en tous ses propos: & di-sait qu'il ne croioit point que celui du Cõcile pust iamais produire autre fruit que d'ẽpirer les affaires, cõme il auoit fait es annees prochainement passees.

Pendant qu'il estoit en ces pensees, & se trouuant d'ailleurs fort indisposé de sa santé, voila arriuer la nouuele de la mort du Roy de France, auenuë le deuxieme Iuliet, par vne griene blessure receuë en l'œil d'un esclat de lance, ioustant à la barriere. Le Pape en fit des demonstrations de grand dueil: & de fait il en eut beaucoup de regret, & douleur, & non sans raison: car quoy qu'il eust eu suiuet de desfiance & soupçon pour l'intelligence des deux Roys, il n'auoit pas toutesfois encor perdu l'esperance de les desunir: mais, apres la mort de Henry, il se voyoit reduit à la mercy & discretion de l'autre tout seul, lequel il redoutoit le plus, tant pource qu'il estoit le plus offensé, que pour son naturel couuert, & impenetrable. Il apprehendoit aussi, que la porte ne fust ouuerte encor plus large aux sectes, & qu'eiles ne s'en crassent, auant que le nouveau Roy eust acquis la prudence & l'autorité necessaire pour s'opposer à tant de difficultés. Parmy ces angoisses, il vescu peu de iours tout affligé, & ruiné de ses esperances, qui l'auoyent soustenu iusques alors, & mourut le dixhuitieme Aoust, & en mourant ne recommanda autre chose aux Cardinaux, que l'office de l'Inquisition, moyen vnique, comme il disoit, de conseruer l'Eglise: les exhortant tous, à employer & bander tous leurs esprits à le bien fonder & establir en Italic, & par tout où on pourroit.

Le Pape mort, voire mesme respirant encor: s'esleua vne horrible es-meute en la ville de Rome, pour la haine, que le peuple, & sur tout le bas vulgaire, auoit conceu cõtre luy, & toute sa maison: si bien que les Cardinaux eurent beaucoup plus à penser à ce danger tout prochain & pressant, qu'aux communs & generaux de la Chrestienté. La ville alla toute en cõbustion, & vacarme, & le peuple abbatit la teste à la statue du Pape, & la traina par la vil-le: puis brisa les prisons publiques, & deliura plus de quater cens prisonniers, qui y estoient detenus: & de là se transporta au lieu de l'inquisition, qui estoit à Ripetta, & en tira hors les prisonniers, & mit le feu à la maison, & brusta tous les proces, & escriptures, qui y estoient gardees: & peu s'en falut, que le Conuent de la Minerue, où habitoient les Moynes commis sur

l'Inquisition, ne fust embrasé. Desia pendant la vie du Pape, le College des Cardinaux auoit rappellé le Cardinal Caraffe, & apres la mort d'iceluy, en la premiere assemblée que tinrent les Cardinaux, le Cardinal Moron prisonnier fut deliuré du Chasteau S. Ange, ayant esté bien près d'estre condamné à mort pour heretique. Il y eut de la conteste, s'il pouuoit auoir suffrage en l'Eslection du nouveau Pape. Ceux, qui le tenoyent pour contraire, s'y opposoyent: mais en fin il fût declaré qu'il y pouuoit entreuenir. Les Cardinaux furent contraints de permettre que par toute la ville de Rome, de toutes les enseignes & armoiries des Caraffes, les mobiles fussent lacérées & cancelées, & les immobiles demolies.

Puis apres s'estans reduits dans le Conclau le cinquiesme Septembre, huit iours apres le temps prescrit & legitime, d'autant qu'ils auoyent esté retardés par ces inconueniens, ils dresierent les Articles, lesquels, selon la coutume, sont iurés par tous, pour donner ordre au gouuernement tout desrangé, à cause des violentes procedures du Pape Paul. Il y en eut deux, concernant nostre sujet: l'un que le differend avec l'Empereur, comme dangereux de faire perdre le demeurant d'Allemagne, fut assopi, & qu'iceluy fut reconnu pour Empereur: l'autre, pour les necessités de la France, & du Pais bas, le Concile fust remis sus, comme estant l'vnique remede contre les heresies. Le Siege vaqua plus longue espace que les necessités du temps ne requeroient: & la cause en fust plustost du costé des Princes, qui s'y interposerent pour leurs interets plus, qu'à l'acoustumee, que pour partialités, & discordes des Cardinaux. Pendant que le Conclau fut clos le Roy Philippe fit voile des Pais bas en Espagne, & en ce voyage souffrit vne grande tourmente, & naufrage: auquel il perdit quasi toute sa flote, avec des meubles d'vne immense valeur qu'il portoit avec soy. Et estant eschapé avec beaucoup de peine de ce danger, il se resolut à ne bouger plus d'Espagne: & disoit d'auoir esté deliuré par vne prouidence de Dieu singuliere, afin qu'il s'employast à extirper le Lutheranisme, à quoy il mit la main tout aussitost. Car; dès son arriuee à Seuille, qui fut le vingt-quatriesme Septembre, pour donner vn notable exemple tout à l'entrée de son gouuernement, & retrancher toute esperance de mercy à qui que ce fust, il fist brusler pour Lutherien Iean Ponce de Leon, fils du Conte de Bailen, ensemble vn Predicateur & plusieurs autres du College de S. Isidore, auquel la nouuelle Religion estoit entrée, & quelques femmes nobles, iusques au nombre de treize, & en fin la statue de Constantin Ponce, lequel auoit esté Confesseur de Charles cinquiesme, l'auoit seruy en cette charge, pendant sa solitude & re traite, iusques à la fin que l'Empereur rendit l'esprit entre ses bras. Iceluy estoit, peu de iours auparauant, mort es prisons de l'Inquisition, où il auoit esté mis pour crime d'heresie, incontinent apres la mort de l'Empereur. Cette execution, quoy que contre vne statue insensible, porta plus de frayeur que tout le demeurant: car d'icelle chacun concludoit, qu'il n'y auoit ne conuenance, ne mercy à esperer de celuy, qui ne portoit aucun respect à la memoire d'vn tel personnage, dont l'infamie redondoit à plus grand deshonneur encor de son propre pere. De là le Roy passa à Valadolid, où aussi il fit brusler en sa presence vingt-huit des principaux gentils-hommes du pais, & retenir prisonnier Frere Barthelemy Carranza, dont il a esté souuent fait mention en la premiere conuocation du Concile, & lequel depuis auoit esté fait Archeuesque de Toledé: luy ostant tous ses reuenus. Et de vray, à iuger par les seules maximes d'estat, on ne peut nier que ces executions, outre diuerfes autres qui suiuirent, quoy que non tant exemplaires, ne fussent cause de contraindre le repos en ces Royaumes-là, pendant que tout estoit en trouble ailleurs. Car, combien que plusieurs, sur tout entre la Noblesse, eussent receu les semences des nouuelles opinions, si est-ce qu'icelles demurerent cachées & enseuelies dedans les esprits, par le caut naturel des Espagnols, à fuir les dangers, & à ne s'exposer à entreprises hardies, ains à viser en toutes ses actions seulement à la seureté.

le Conclau
assemblée
d'essayer
Articles.

auquel tēps
le Roy Phi-
lippe va en
Espagne a-
uec grand
danger, & y
fait d'horri-
bles execu-
tions contre
les Protes-
tans.

1558.
 connus aussi
 on fait en
 France sur
 Anne du
 Bourg & sur
 autres en
 grand nom-
 bre.

En France, la mort du Roy Henry releua le courage aux Reformés: car ils l'attribuoient à miracle. Si est-ce qu'à Paris ils n'osoient se descouvrir publiquement: car le nouveau Roy François, fils de Henry, apres son sacre celebré à Rheims le vingtiesme Septembre, commanda qu'en poursuist au procès contre les Conseillers Lutheriens: & commit le President S. André, & Anthoine Demochares, Inquisiteur, pour descouvrir les Lutheriens. Ces iuges gagnerent quelques petites gens, qui toutesfois auoyent fait profession de la Religion reformée, & d'eux apprirent les lieux, esquels ils tenoyent leurs assemblées secretes. Dont il auint qu'il y en eut beaucoup d'emprisonnés, hommes & femmes: plusieurs aussi s'enfuirent, desquels les biens estoient confisqués apres trois adiournemens, à cry public & son de trompe. L'exemple de Paris fut suiuy en Poitou, Thoulouse, & Aix en Prouence, là où George, Cardinal d'Armagnac, fit de grandes diligences, pour descouvrir & faire saisir les suspects de la Religion: tant que pour ne quitter la besongne, il ne se ioucia point d'aller à Rome, pour l'eslection du Pape. Ceux de la Religion reformée, irrités de ces choses, & auans pris hardiesse du grand nombre qui s'en descouuroit, semoyent plusieurs libelles contre le Roy, la Roine, & ceux de la maison de Lorraine, à l'appetit desquels le Roy se gouernoit, & qui estoient les auteurs de la persécution: y entremeslant tousiours quelques traits de la Religion. Ces petits escrits estoient generalement leus avec audité, comme choses composées en faueur de la liberté publique, & par ce moyen la nouvelle Religion s'insinuoit es esprits de plusieurs.

La fin du iugement institué contre les Conseillers, apres longues contestes, fut, que tous furent absous, sauf Anne du Bourg, lequel le dix-huitiesme iour Decembre fut pendu & estranglé, & puis brulé: non tant par inclination des Iuges, que de l'absoluë volonté de la Roine mere, irritée de ce que les Lutheriens semoyent & publioient par diuers petits escrits & libelles, que le Roy Henry auoit esté frappé en l'œil, par la prouidence de Dieu, pour les punir des paroles qu'il auoit dites, Qu'il le vouloit voir brusler. Mais la mort, & la constance d'un homme tant signalé, esueilla en plusieurs la curiosité de sçauoir quelle estoit cette doctrine, pour laquelle ce personnage auoit si courageusement souffert le supplice: & fut cause, avec plusieurs autres choses, d'en faire grandement accroistre le nombre. Dont ceux, qui auoyent interest à leur ruine, ou par affection à la Religion ancienne, ou comme Ecclesiastiques, ou pour auoir esté auteurs des persécutions passées, iugerent necessaire de les aller descourant & exterminant, auant que le nombre en fust deuenu si grand, qu'il ne pust plus estre opprimé: Et à cette fin inuenterent vne ruse: c'est, que quasi par toute la France, & sur tout à Paris, ils firent mettre à chaque coin de rue des images de la Vierge Marie, & des Saints, deuant lesquelles ils allumoyent des chandelles, & faisoient chanter aux crocheteurs & porte-faix, & autres basses personnes, les chansons ordinaires de l'Eglise: & y tenoyent mesmes des hommes avec des coffrets, demandans l'aumosne aux passans pour acheter des chandelles: & ceux qui en passant ne rendoyent honneur à ces images, ou ne s'arrestoyent à y faire quelque deuotion, ou ne bailloyent aumosne, estoient incontinent pris pour suspects, & le moindre mal qui leur pust aduenir, estoit d'estre malmenés du populace à coups de pied & de poing: mais la plus part estoient emprisonnés, & procès leur estoit fait. Cela irrita les Reformés, & fut vne des principales causes de la conspiration de Geoffroy de la Renaudie, duquel il sera parlé cy apres.

Pie quatrième
 esleu
 Pape.

A Rome, apres beaucoup de debats, & de pratiques pour creeer Pape l'un de ces Cardinaux, Mantouë, Ferrare, Carpy, & du Puits: finalement la nuit suuant le vingt-quatriesme Decembre, fut créé Pape, Iean Ange de Medicis, lequel prit le nom de Pie quatriesme. Iceluy apres auoir appaisé les tumultes de la ville, & asseuré les esprits de tous par vn general pardon des choses commises pendant la sedition, tourna soudain sa pensée aux deux chefs

jurés au Conclaué, concernans les affaires plus generales. Et le trentieme mesme mois ayant assemble les Cardinaux, & consulté avec eux sur le rebut de l'Ambassade de Ferdinand, & la deliberation de Paul de ne le reconnoistre pour Empereur: l'aduis commun fut, Que tort luy auoit esté fait. Mais on fut bien plus long-temps à deliberer sur les moyens de remedier à cet inconuenient: & apres auoir proposé & debatü plusieurs choses, ils ne purent trouuer moyen de nouier aucune negotiation, sans danger de plus grands achopemens, cas aduenant, comme il estoit ineuitable, que les Electeurs eussent esté de la partie: dont, du consentement & aduis commun, il fut dit, qu'on eüeroit toute negotiation, comme ne pouuant terminer qu'à quelque desauantage & indignité du Pape: & qu'il valoit mieux n'attendre point que l'Empereur fist aucune recherche. Cét aduis fut approuué par le Pape, qui iugeoit que c'estoit acte de prudence de donner ce qu'il ne pouuoit vendre ne retenir: & tout sur le champ manda François de Torre, agent del'Empereur, qui estoit à Rome: & luy dit, Qu'il approuuoit la renonciation de Charles, & la succession de Ferdinand à l'Empire: & qu'il luy escriroit avec les tiltres accoustumés: dont il luy bailloit charge de donner aduis.

*s'a ppointe
avec l'Empe-
reur.*

*pense au
Concile.*

Après cela le Pape appliqua sa pensée au Concile, estant bien asseuré qu'il en seroit sollicité de diuerles parts. Maintes difficultés luy tournoyent par l'esprit, comme luy-mesme disoit, conferant avec le Cardinal Moron, auquel il auoit grande confiance pour sa prudence, & pour l'amitié qui estoit entr'eux, assauoir, Quel estoit le plus expedient pour le Siege Apostolic, de tenir le Concile, ou non: & si non, quel estoit le meilleur, le refuser absolument, & s'opposer ouuertement à ceux qui le demandoient: ou bien faire demonstration de le vouloir, mais cependant y mettre des empeschemens nouueaux, outre ceux que l'affaire feroit esclorre de soy-mesme. Que si aussi il estoit vtile de le celebrer, lequel valoit mieux attendre d'estre requis, ou bien preuenir & requerir. Il se representoit les causes, pour lesquelles Paul troisieme, sous couleur de translation, l'auoit rompu: & rememo-roit les dangers que Iules auroit couru, si le bon-heur ne l'eust aidé. Que maintenant de vray il n'y auoit plus vn Empereur Charles duquel on eust tant à craindre: mais que si les Princes estoient foibles, les Euesques estoient de tant plus forts, & reuesches, & qu'il falloit auoir l'œil plus exactement sur eux, attendu qu'ils ne se peuuent haüsser sinon sur les ruines du Papat. Que de s'opposer directent à ceux qui demandoient le Concile, nom tant specieux, estoit chose scandaleuse, pour l'opinion, quoy que vaine, qu'auoit le monde, qu'il en deüoit sortir quelque grand fruit: & d'autant aussi que tous estoient persuadés qu'il n'estoit refusé, sinon pour crainte de la Reformation: que si puis apres enfin on venoit à l'accorder par necessité, la reputation en seroit entierement perdue, & outre le monde en seroit incité à pourchasser la depression de celuy qui s'y seroit opposé. Parmy ces ambiguités, le Pape tenoit bien pour tout euident, Que le Concile ne porteroit aucun fruit pour l'Eglise: ne pour les Royaumes separés, & ne pouuoit estre sans mettre en hazard l'autorité Papale. Mais, que le monde n'estoit pas capable de cette verité: dont aussi il estoit impossible d'y faire opposition directement, & à descouuert. Mais il demouroit en incertitude, si, en cas que les Roys, ou les Royaumes, recherchassent le Concile, les coniointures des affaires à venir pourroyent estre telles, que les empeschemens occultes portassent coup. Et ayant tout bien pensé, il conclut, Qu'il estoit à propos en tout cas de semonstrer prompt & appareillé, voire mesme desireux du Concile, & de preuenir les desirs des autres pour se tenir tant mieux caché à les tra- verser & pour auoir plus de creance à représenter les difficultés contraires: remettant au demeurant aux causes superieures la deliberation, à laquelle le sens humain ne pouuoit atteindre.

*ad quel il
s'est sem-
blant d'estre
tout enclin.*

Le Pape ayant esté couronné à la feste des Roys, il tint l'vnzieme du mesme mois de Ianuier, vne frequente Congregation de Cardinaux: en laquelle il declara par vn long discours, que son intention estoit de reformer la

*ce qu'il de-
clare en vne
Congrega-*

1555.

Cour, & d'assembler vn Concile general, enjoignant à tous de penser aux choses dignes de reformation: & au lieu, au temps, & aux autres choses preparatoires à la conuocation d'un Concile, qui portast autre fruit, que n'auoyent fait les deux precedentes. Apres cela, mesmes en deuis priués avec les Cardinaux, & avec les Ambassadeurs, à toutes occasions, il parloit de ce sien dessein, sans toutesfois en effect faire chose aucune qui en demonstrost plus expressement la verité.

Et à l'Ambassad. que l'Empereur luy auoit enuoyé pour luy rendre reuerence. L'Empereur estant à Vienne, eut la nouuelle de ce que le Pape auoit signifié à son ministre: sur quoy tout promptement il luy deputa vn Ambassadeur, auant le depart duquel il escriuit au Pape, se conioüissant avec luy de son assumption, & le remerciant de ce, que paternellement & sagement il auoit terminé la querelle, qui luy auoit esté suscitée par Paul IV. contre tout droit & raison: l'aduertissant aussi de l'Ambassadeur, qu'il auoit deputé vers luy: qui estoit Scipion, Côte d'Arco lequel le 10. de Fevrier arriva à Rome: là où d'entrer il récontra vne grande difficulté, sur ce qu'il auoit commission de l'Empe-

laquelle le Pape veut estre pure obeyssance. reur de redre seulement reuerence au Pape, & le Pape tout resoluément vouloit, qu'il luy rendist obeyssance: monstrant que les autres Ambassadeurs Imperiaux en auoyent tousiours ainsi vsé enuers ses predecesseurs: & protestant resoluement qu'il ne l'admettroit point autrement. L'Ambassadeur d'Espagne, & le Cardinal Pacieco conseilloyent le Conte de n'outrepasser point ses commissions: mais à l'opposite les Cardinaux Moron, & Madruce le persuadoyent d'acquiescer au vouloir du Pape. Lequel aduis fut suivi par le Conte, d'autant que l'Empereur luy auoit commandé de proceder en toute sa negotiation par le conseil de ces deux. La ceremonie estant passée en Consistoire au gré du Pape, en la premiere audience priuée qu'eut l'Ambassadeur de luy, en laquelle il deuoit requerir le Pape, au nom de l'Empereur, de conuoker le Concile, pour cōposer les diferends d'Alemagne: le Pape le preuint au grand contentement de l'Ambassadeur, lequel croyant d'auoir à traiter avec le Pape de chose desagreable, s'estoit appresté de la luy représenter avec beaucoup de douceur, pour la faire couler plus aisément. Le Pape luy dit, Qu'en Conclaué il auoit esté traité entre les Cardinaux, de remettre le Concile, en laquelle deliberation il auoit eu principale part: & qu'apres auoir esté créé Pape, il s'estoit de plus fort conformé en la mesme resolution: mais que toutesfois il ne vouloit proceder en cela à yeux enclos, ains en sorte, qu'il ne s'y trouuast les mesmes difficultés qu'autrefois: & pourtant vouloit qu'auant main toutes les choses necessaires furent disposées, afin qu'il en pust reussir quelque bon fruit. Il traita du depuis de la mesme chose, avec les Ambassadeurs de France & d'Espagne: & escriuit à ses Nonces de représenter le mesme aux Roys, prés desquels ils estoient. Il en parla aussi avec les Ambassadeurs de Portugal, & des Princes Italiens, qui estoient lors à Rome.

Et puis aux autres Ambassadeurs.

le Duc de Savoie de mande permission d'une conference avec ceux des Vallées.

Apres tous ces deuoirs, le Duc de Sauoye enuoya homme exprés pour requerir le Pape qu'il pust, avec son adueu & bon consentement, faire tenir vne conference en matiere de Religion, pour instruire les peuples de ses vallées, lesquels estoient tous generalement alienés de la Religion ancienne, ja dés enuiron quatre cens ans: à l'occasion, qu'une partie des Vaudois, qui, ayans dès lors fait total diuorce avec l'Eglise Romaine, s'estoyent escartés, à cause des persecutions: en Pologne, Allemagne, Poüille, & Prouence, se retirés Vallées du Mont-cenis, de Luferne, d'Angrogne, de Perouse, & de S. Martin, & se maintinrent tousiours separés, sous certains ministres qu'ils auoyent, nommés Barbes, iusques à ce que la doctrine de Zuingle fut plantée en la ville de Geneue: & lors ils s'adioignirent tout promptement à ceux d'icelle confession, comme conformes avec eux es dogmes & ceremonies principales, & pendant que le Piedmond fut sous les François, quoy qu'il leur fut interdit par le Senat de Turin, sous peines capitales d'exercer la Religion Heluetique, ils ne laisserent pas de l'introduire pied à pied quasi tout publiquement, tellement, que quand le pays fut restitué au Duc, l'exercice en estoit comme libre. Le Duc se resolut de leur faire recevoir

la Religion Catholique, dont plusieurs furent brulés, & mis à mort par autres supplices, & plus grand nombre encor fut condamné aux galeres, à la poursuite principalement de Frere Thomas Iacomel, Iacopin, Inquisiteur. Ce qui fut cause de leur faire mettre en dispute, s'il estoit loisible de se defendre par armes: en quoy les ministres n'estoyent pas d'accord. Aucuns disoyent qu'il n'estoit loisible de s'opposer par armes à son Prince, non pas mesmes pour la defense de sa propre vie: mais qu'ils pouuoient emporter leurs biens, & se sauuer es montagnes voisines. Les autres soutenoient, qu'en telle extremite, & desespoir de tous autres moyens, il estoit licite de se servir de la force, sur tout, que ce n'estoit pas proprement contre le Prince, ains contre le Pape, qui abusoit de l'autorité d'iceluy. Vne grande partie d'iceux suiuit le premier aduis, & les autres se mirent en defense: dont le Duc, reconnoissant que de vray, ils n'estoyent mus d'aucun dessein de rebellion, & croyant qu'il seroit aisé de les gainer par la voye de l'instruction, receut le conseil qui luy estoit donné, de tenir à cette fin vne Conference. Mais, ne voulant s'estranger du Pape, il iugea qu'il estoit necessaire de ne faire rien sans luy: dont il enuoya luy faire part de tout, & endemanda son adueu. Le Pape prit cette demande fort à desplaisir, croyant qu'elle n'inferoit autre chose, sinon, qu'en Italie, & deuant ses propres yeux, son autorité luy estoit querelee, & mise en compromis. Partant il respondit, Qu'il n'y consentiroit iamais: mais, que, si ces peuples auoyent besoin d'instruction, il enuoyeroit vn Legat avec pouuoir d'absoudre ceux, qui voudroient se conuertir, & le feroit accompagner de Theologiens, qui leur enseignassent la verité. Adioustant neantmoins, qu'il auoit fort peu d'esperance de leur conuersion: d'autant que les heretiques sont obstinés: & tout ce qu'on fait pour les exhorter à repentance, est par eux interpreté à defaut de force de les contraindre. Qu'il n'estoit aucune memoire que iamais cette moderation eust de rien profite, mais bien l'experience auoit montré, que le plustost, qu'on vient contr'eux au remede de la iustice, & des executions d'icelle, & là où elle ne suffit, à la force des armes, mieux il en prend. Que, quand le Duc se resoudroit à cela, il luy presteroit toute aide & secours. Que si aussi cela ne luy sembloit à propos pour le temps, on le pourroit différer iusques au Concile general, lequel il conuokeroit bien tost. Le moyende la Legation ne plut point au Duc, voyant bien que cela ne feroit autre chose qu'en aigrir les affaires, & les mettre en necessité de proceder selon les interests d'autrui, & non selon les siens propres. Et agrea d'auantage la voye des armes, laquelle aussi le Pape approuuoit, & s'offroit d'y contribuer. Cela fut la cause d'une guerre, qui fut faite en ces vallées toute cette année-là, & partie de la suiuite, dont il sera parlé au temps qu'icelle fut terminée.

*ce qui est
mal pris &
refusé par
le Pape.*

*li quel l'ex-
horte aux
remedes
violents.*

*donc le Duc
accepte ce-
luy des ar-
mes.*

*conuersion,
de Religion
& d'estat
en France.*

En France, en plusieurs endroits du Royaume, fut bastie vne grande coniuuration, en laquelle plusieurs entrerent, & la pluspart pour cause de Religion: indignés de voir tous les iours, & de toutes parts bourreler & brulser des pauures personnes, non coupables d'autre chose, que du zele enuers l'honneur de Dieu & le salut de leurs ames. A ceux-là s'adioignirent d'autres, lesquels, croyans que les Guysars estoyent la cause de tous les desordres du Royaume tenoyent pour œuvre heroïque de le deliurer de l'oppression, en ostant à la maison de Guise l'administration des affaires. Il y auoit bien aussi des ambitieux, & amateurs de nouveautés, lesquels ne pouuoient faire leurs affaires, sinon au milieu des troubles & confusions. Mais, tant les vns que les autres, pour auoir de la suite, se couuroient du manteau de la Religion: & pour certiorer & resoudre les esprits, ils consulterent les principaux Iurisconsultes de France, & d'Allemagne, & les plus fameux Theologiens Protestans, dont aussi ils firent rediger les aduis par escrit, portant, Que la conscience sauue, & sans violer la Maiesté du Roy, & la dignité du Souuerain Magistrat, il estoit loisible de prendre les armes, pour s'opposer à la violente domination de ceux de Guise ennemis & violateurs

1559.

de la vraye Religion, & de la Justice, lesquels tenoyent le Roy comme prisonnier. Les coniuers attirerent vne grande multitude de gens, qui deuoyent se presenter deuant le Roy, pour le supplier que la rigueur des iugemens fut moderee, & que liberte de conscience fut octroyee: avec dessein que les Gentils-hommes suiussent apres, lesquels presentassent reques-
te contre le gouuernement des Guisars.

*de couuerte
& espiée*

La coniuuration descouuerte, la Cour du Roy se retira, pour plus de seu-
rete, de Blois, lieu ouuert, & propre à l'exécution, à Amboise, forteresse
close: & par ce moyen, les desseins furent pour lors rompus. Et cependant
que les coniuers consultoyent de nouueaux moyens à suivre, plusieurs d'en-
tr'eux, estans trouues en armes, furent combatus, & tués: autres aussi fu-
rent pris & executés à mort. Et pour appaiser le tumulte, le Roy fit vn Edit, en
datte du dixhuictiesme Mars, par lequel il pardonnoit à tous ceux, qui par
simplicité, mus du zele à la Religion, estoient entrés en cette coniuuration,
moyennant que dans l'espace de vingt-quatre heures, ils missent bas les ar-
mes. Le Roy fit du depuis vn autre Edit de pardon & abolition à tous les Re-
formés, pourueu qu'ils retournassent à l'obeyssance de l'Eglise, defendit
toutes assemblées de Religion, & remit la connoissance des causes d'heresie
aux Euesques, ce qui n'agreoit point au Chancelier, qui n'y consentit, que de
crainte, que fust introduite l'inquisition à l'Espagnole, selon le desir des Gui-
sars. Mais pour tous ces supplices des coniuers, & pour les pardons publiés,
les humeurs esmeues ne furent point assopies, ny terrassées les esperances
d'obtenir liberte de Religion. Tout au contraire, il s'esleua encore de plus
grands tumultes populaires en Prouence, Languedoc, & Poitou: esquelles
prouinces furent appelés, & accoururent aussi d'eux mesmes, des Prescheurs
de Geneue, par les Predications desquels s'augmentoit le nombre des secta-
teurs de la nouuelle reformation. Cet accord, tant general & soudain des
peuples, fit conclurre à ceux qui gouuernoient l'Estat, qu'il y auoit besoin
d'un remede Ecclesiastic, & promptement: & tout le Conseil proposoit vn
Concile national. Mais le Cardinal d'Armagnac disoit, Qu'il ne falloit rien
entreprendre sans le Pape: que luy seul estoit suffisant pour y pouruoir: qu'il
falloit escrire à Rome, & en attendre responce. Et à cét aduis adheroit quel-
que petit nombre des Prelats. Mais Monluc, Euesque de Valence, disoit à
l'opposite, Qu'on ne pouuoit attendre du Pape aucun remede, ne prompt,
pour la distance: ne propre, pour l'ignorance des particulieres necessités du
Royaume: ne charitable, pour la passionnee occupation, en laquelle estoit
le Pape d'aggrandir ses neueux, Que Dieu auoit donné à tous les Royau-
mes les moyens, & remedes necessaires, pour gouuerner leur Estat: que la
Frâce auoit ses Prelats, pour reigler les choses de la Religion, lesquels con-
noissoient mieux qu'aucuns autres les necessités du Royaume. Que ce se-
roit vne grande niaiserie, voyant brusler Paris, & ayant la Seine & Marne
pleines d'eau, de croire qu'il fallust attendre tant qu'on y eust conduit le
Tibre, pour esteindre l'embrasement. Le conseil prit pour conclusion,
Que puis qu'il y auoit necessité d'un prompt & puissant remede, il se fist vne
Assemblée des Prelats du Royaume, pour trouuer le moyen d'arrester le
cours à tant de maux. Et icelle fut assignée au dixieme de Septébre prochain.

*mais les Re-
formés ne
laissant pa-
de s'accroi-
stre & for-
tifier.*

*le Conseil
pense à vn
Concile na-
tional.*

*signifié au
Pape.*

Et afin que le Pape ne s'en offensast, on luy despescha vn Courrier, pour luy
faire part de cette deliberation, & luy signifier le besoin qu'il y auoit de ce
remede, & le prier de l'aggreer. Et l'Ambassadeur representa de bouche les
maux & les dangers, qu'il y auoit: avec l'esperance que le Roy auoit de
quelque bon remede, par le moyen d'une generale conuocation de Prelats,
hors laquelle on ne pouuoit voir aucun expedient profitable. Ce qui l'auoit
contraint, sans differer d'auantage, ny attendre remedes de lieux lointains,
& pour temps incertains, & de necessité longs & tardifs, de se preualoir de
celuy qu'il auoit en main, prochain de lieu, & de temps: adioustant, que
toutesfois nul resultat de cete Assemblée ne seroit executé, ny estimé vala-
ble, sinon que tout au preallable Sa Sainteté l'eust approuué.

Le Pape au reciproque se doult grieuement, que le Roy eust publié vn pardon des fautes commises contre la religion, mesmes à ceux qui ne le requeroient point : chose, qui n'est au pouuoir d'aucun, sauf du Pape de Rome. Et qui est le Roy, disoit-il, qui pense de pouuoir pardonner les delits commis contre Dieu ? Qu'il ne falloir point s'esbahir qu'il y eust tant de tumultes en ce Royaume : que cela auenoit par le iuste courroux de Dieu, à cause du mespris des saints Canons, & de l'usurpation de l'autorité Papale. De là il passa à dire, que cette Assemblée de Prelats ne feroit aucun bon effet, ains causeroit de plus grandes diuisions : qu'il auoit ia proposé le Concile general qui estoit l'vnique remede : que la faute de ce qu'il n'estoit encor conuqué, estoit en eux, qui ne le vouloient point. Mais, que nonobstant tout cela, il estoit resolu de le celebrer, quand bien il n'en seroit requis d'aucun : mais qu'il ne vouloit consentir à Assemblée de Prelats, ny en France, ny ailleurs : que iamais en aucun temps cela n'auoit esté supporté par le Siege Apostolique : que si chaque Prince celebrait Conciles à part soy, il s'en ensuiuroit vne confusion & diuision de l'Eglise. Il se plaignoit puis apres extremement, que, par vne dannable preposterité, on eust requis son adueu & consentement apres auoir ia intimé l'Assemblée : ce qui ne se pouuoit interpreter en autre sens, que de peu de respect au Chef de l'Eglise, auquel il faut rapporter toutes affaires Ecclesiastiques, non pour luy rendre conte de chose faite, mais pour prendre de luy l'autorité de les faire. Que les Edits publiés introduisoient vne manifeste Apostasie du Siege Apostolique au Royaume de France : à laquelle de sa part il vouloit obuier : & pour cet effet par vn Noncé expres feroit entendre sa volonté au Roy.

Pourtant il deputa en France l'Euesque de Viterbe, avec instruction de monstrier au Roy, Que le Concile national du Royaume de France seroit vne espee de Schisme de l'Eglise Vniuerselle : qu'il donneroit mauuais exemple aux autres nations, feroit enorgueillir les Prelats du Royaume, pour s'attribuer plus grande autorité, au dechet de la Royale. Que chacun sçauoit, combien ardemment estoit par eux desiré le reestablishement de la Pragmatique Sanction, laquelle dès le beau commencement ils tascheroient d'introduire : dont il aduiendroit que le Roy perdrait la collation de tous Benefices Royaux, & la presentation des Eueschés & Abbayes : & que les Prelats, ne tenans plus aucune partie de leur grandeur du Roy, luy seroient refractaires. Et encor, avec tous ces maux, ne seroit point pourueu à ceux qui pressoient. D'autant que desia les heretiques faisoient profession de ne faire aucun estat des Prelats : dont, quand bien il n'y auroit autre cause, tout ce qu'ils sçauoient faire, seroit impugné par eux pour cette seule : que le vray remede estoit de faire, que les Prelats, & autres Curés, allassent à leurs residences, sans tant roder par les Cours des Rois, & que là ils gardassent leurs troupeaux, s'opposant à la rage des loups : & que la Iustice procedast contre ceux qui seroient par les Iuges de la foy déclarés heretiques : & là où la multitude ne permettoit de suiure cette voye, qu'il falloit venir à la force ouuerte, & aux armes, pour ramener vn chacun à son deuoir, auant que le mal se fust fait plus grand. Que, moyennant qu'on fist toutes ces choses à present, il y auoit esperance de parfaire tout le demeurant en la celebration du Concile general, lequel il intimerait tout aussi tost. Que si le Roy se resoluait à reduire les rebelles à obeissance, auant qu'ils fussent accrus d'auantage de nombre & de forces, il s'offroit de l'assister de tout son pouuoir, & de moyenner que le Roy d'Espagne, & les Princes d'Italie, luy prestassent de puissans secours. Que si le Roy ne vouloit condescendre à contraindre ses suiets par armes, qu'il luy proposast, que de Geneue sortoit le mal qui troublait la France, & tout le poison qui infectoit & ce Royaume, & tous les lieux circonuoisins. Que ce seroit oster vn grand aliment au mal, que d'extirper cette racine. Ioint que, faisant vne guerre hors du Royaume il le deschargeroit de ces humeurs corrompues & peccantes, qui le troublaient. Et partant qu'il exhortast le Roy à concourir avec luy à ce saint ceuvre,

1559. *dequoy il fait au Roy d'Espagne, & au Duc de Sauoye, qui agite l'entre-prise.* luy promettant d'y induire aussi le Roy d'Espagne, & le Duc de Sauoye. Le Pape bailla aussi commission à l'Éuesque, de traiter en son passage du mesme affaire avec le Duc de Sauoye. Et escriuit au Roy d'Espagne, & luy fit faire instance par son Nonce résident, qu'il moyennast de diuertir son beau frere du Concile National, lequel ne seroit pas seulement dommageable à la France, mais aussi redonderoit à mauuais exemple à l'Espagnol, & encor à plus mauuais aux Pais bas. Le Duc de Sauoye ouuert l'oreille à l'ouverture de la guerre de Geneue, & s'offrit à s'y employer tout entier, pourueu que l'un & l'autre Roy se contentast de le secourir, & que la guerre se fist par luy, & pour luy: attendu qu'icelle ville estant de son ancien domaine, il n'estoit pas raisonnable, que, venant à estre conquise, elle fust retenuë par aucun d'eux. Et pourtant, que si Sa Sainteté vouloit venir à l'exécution, il falloit faire vne ligue, qui portast cela par expresse & claire capitulation: afin que de ce bien proposé, n'en nasquist quelque grand mal, cas estant que les Rois ne fussent d'accord, ou que luy demeurast abandonné, apres auoir excité contre soy les Suisses, lesquels sans doute se declareroient defenseurs d'icelle ville.

mais non l'Estaguel, lequel dis- suade le Concile national. Le Roy d'Espagne, sur le fait de Geneue, considéra que les François ne permettroient iamais que Geneue tombast en autres mains que les leurs: ce qui ne venoit point à propos pour l'Espagne, à cause du voisinage de la Franche Conté. Et pourtant respondit, Que le temps ne luy sembloit point propre pour vne semblable entreprise. Mais, quant au Concile national, il iugea fort bien, de combien dangereux exemple cela seroit pour ses propres estats voisins. A raison dequoy il despescha tout promptement au Roy de France Antoine de Toledé, Prieur de Leon, pour luy faire entendre, qu'il trouuoit la celebration de ce Concile fort preiudiciable, pour la diuision, qui en pourroit naistre, le Royaume estant infesté. Et pourtant le prioit, qu'il en empeschast l'exécution: protestant n'estre mu d'aucune autre cause, que de vraye amour enuers luy, & de bon & droit zele à la gloire de Dieu. Il luy mettoit en consideration, outre les contentions qui en pouuoient arriuer en son Royaume, le pernicious exemple qu'en prendroient les autres provinces, & le preiudice qu'en receuroit le Concile general, de la tenue duquel on traitoit, & lequel estoit l'vnique remede aux maux, & aux diuisions de Chrestienté. Que ce Concile national feroit paroistre qu'il n'y auoit point entre l'Empereur, & les deux Rois, la bonne intelligence, qu'il estoit necessaire de monstrier: & feroit enorgueillir les Protestans, au preiudice de la cause commune. Il adiousta, Que, quoy qu'il fust tres-bien qu'il auoit forces suffisantes, pour reprimer l'intolence de ses suiets, toutesfois, s'il vouloit se seruir de ses forces, il les employeroit bien volontiers à cette occasion, & s'y porteroit mesmes en personne, si besoin estoit, afin que ses suiets ne se pussent vanter de l'auoir fait ioindre à quelque indignité: a quoy il deuoit auoir esgard en ce commencement de regne. Il enchargea aussi l'Ambassadeur, qu'en cas qu'il ne pust obtenir cela, par les mesmes raisons, & autres, il procurast de faire sursoir l'affaire pour plus long-temps: luy commandant aussi de traiter avec le Cardinal de Lorraine, lequel on entendoit tenir la main à ce Concile, & de luy remonstrer que luy, comme vn des principaux piliers de l'Eglise, & qui auoit tant de part au gouvernement de l'Estat, estoit obligé de considerer le dommage, qui de cette entreprise pourroit resulter à tout le Royaume, & à toute la Chrestienté. Il fit aussi faire les mesmes offices avec le Duc de Guise, & avec la Reine Mere, & avec le Connestable, & avec le Mareschal de Saint André. Et en outre luy bailla charge de tenir la Duchesse de Parme, gouuernante du Pais bas; & Vargas, son Ambassadeur à Rome, aduises de tout. Et de plus aduertit le Pape du puissant deuoir, qu'il enuoyoit faire en France par homme expres, & du besoin, qu'il iugeoit que ce Roy auroit de secours. A quoy il adioustoit la necessité, en laquelle luy mesme se trouuoit, ayant l'année precedente perdu vingt galeres, & vingt-cinq nauires,

1559.
tombées es mains des Turcs, outre la forteresse des Zerbes, prise par iceux à force. Accidens, qui l'obligeoient à renforcer son armée de mer. Et pour- tant requeroit Sa Sainteté de luy accorder vn puissant subside, à leuer sur les Eglises & Benefices de ses Royaumes.

En France, l'ouverture d'affaillir Geneue ne fut pas bien prise : & sembla que ce seroit par trop ombrager les Huguenots, (ainsi appelloit-on les Reformés, & les prouoquer à s'vnir entr'eux. loint, qu'à cette guerre n'iroient que les seuls Catholiques, dont le Royaume seroit laissé exposé aux aduersaires. Aussi n'estoit-il point jugé seur de prouoquer les Suisses, qui ne faudroient de prendre la defense d'icelle ville : & qui estoient d'ailleurs grandement considerables à la France, pour tous accidens qui pouuoient arriuer à la Couronne. Mais toutesfois la responce, qu'ils firent au Nonce, ne fut fondée sur autres considerations, sinon que, pendant que tant de confusions alloient interieurement le Royaume ; il n'estoit possible de penser aux choses de dehors. Mais, sur le fait du Concile national, on rendit vne mesme responce au Nonce, & à l'Ambassadeur Toledé : Que le Roy estoit tout resolu de conseruer soy, & son Royaume, en l'vnion de l'Eglise Catholique : qu'il ne se dispoit point à faire vn Concile national pour se separer, ains pour reünir les deluoyés à l'Eglise : que de vray vn Concile general luy agreeroit beaucoup plus, & qu'il en espereroit bien plus de fruit, si tant estoit que ses vrgentes necessités luy permissent d'attendre vn temps, lequel de necessité seroit fort long. Que le Concile national, lequel il pretendoit tenir, de son vouloir seroit dependant du S. Siege, & du Pape : & si pendant iceluy, le General se tenoit, il seroit cesser le sien, & l'incorporeroit avec le General. Et pour correspondre aux paroles par les effets, il requit le Pape d'enuoyer vn Legat en France, avec pouuoir d'assembler les Euesques du Royaume, pour trouuer moyen à mettre bon ordre & reglement aux affaires de la Religion.

Le Pape auoit entreiétte cette proposition de faire guerre à Geneue, non tant de haine contre icelle ville, comme seminaire & pepiniere d'oü sortoient les prescheurs Zuingliens par la France : ne de crainte de quelque nouveauté en Italie, que principalement aussi pour prolonger le traité touchant le Concile general. D'autant qu'il esperoit, que si cette guerres'allumoit, elle dureroit quelques années, pendant lequel terme le Concile seroit mis sous silence, ou bien certes seroit trouué quelque bonne forme à le celebrer. Mais, voyant que la proposition n'auoit point esté receüe ; & que les François continuoient tousiours en la deliberation d'un Concile National, il pensa qu'il estoit necessaire de ne differer plus la resolution du General ; & d'arrester les François par iceluy ; & par quelque concession des choses qu'ils requeroient. Il en conféra avec les Cardinaux ses plus intimes, & confidens : & particulierement à l'esgard du lieu : chose qui sembloit importante par dessus toute autre : car, quand tout est dit, le Concile produit effets conformement à l'intention de celuy qui est le maistre & le plus fort au lieu où il se celebre. Il auroit volontiers offert Bologne, ou quelque autre de ses villes, avec offre d'y aller en personne. Mais il ne s'arresta pas long-temps en cette pensée : voyant bien que le monde l'interpreteroit en vn sens trop sinistre. Il estoit bien resolu de n'accepter aucune ville de delà les monts, ny mesmes d'en ouïr parler. Le Cardinal Pacieco luy nomma Milan, & il y condescendit, à tel si, que le Chasteau luy fust remis entre les mains, pendant la tenuë du Concile : ce qui estoit appoler vne condition impossible. Il tourna aussi sa pensée à quelq'vne des villes de la seigneurie de Venise. Mais la Republique s'en excusoit, sur l'esgard de n'ombrager les Turcs, des forces desquels on n'estoit point hors de crainte. Tout pensë, il ne trouua encores lieu plus à propos que Trente : d'autant que le Concile ayant desia esté tenu par deux diuerses fois, chacun auoit pu remarquer ce qu'il y auoit de bon & de mauuais : & pourtant estoit plus aise, que tous l'accordassent à ce lieu qu'à aucun autre. Et y auoit en outre apparence de raison.

1559.

d'autant que celuy, qui auoit esté tenu sous Iules, n'estoit point paracheué, mais demouroit suspendu. Il prit aussi conseil de satisfaire aux François, enuoyant en France le Cardinal de Tournon, non en qualité de Legat, mais seulement avec pouuoir, qu'estant present, & voyant le besoin, il pust assembler quelques Prelats du Royaume, ceux qu'il plairoit au Roy, & à luy: mais non tous, afin qu'il n'y eust point apparence de Concile: & qu'avec ceux-là il traitast, sans venir toutesfois à aucune conclusion.

*à quoy il
est poussé
de plus
fort par
les chan-
gemens en
Escarpe:*

*Et par l'in-
clination
de Maxi-
milien à la
Religion
reformée.*

*Et de la
refusa-
tion aux
Ambassa-
deurs des
Princes.*

Il suruint deux autres accidens, de non moindre consideration, lesquels pousserent le Pape à parler plus clairement du Concile: l'un esloigné de vray, mais qui emportoit la perte de tout vn Royaume: l'autre concernant vne seule personne, mais de tresgrand relief & consequence. La Noblesse en Escosse auoit longuement fait la guerre, pour chasser les François du Royaume, & oster le gouuernement à la Roine Regente: & auoit souuent eu de grandes difficultés à surmonter pour les puissans secours, que le Roy de France, son gendre, luy fournissoit, pour conseruer le Royaume à sa femme. Mais à la fin, pour se deliurer vne fois tout à fait, cete Noblesse se resolut de se joindre aux Anglois, & d'inciter le peuple contre la Regente. Et pour cet effet, elle ouurit la porte à la liberté de la Religion, à laquelle aussi le peuple estoit assez enclin: & par ce moyen les François furent reduits grandement à l'estroit, & la Religion ancienne demeura en fort peu d'estime. La cause de cela estoit attribuée au Pape, lequel on iugeoit auoir pu arrester tous mouuemens populaires par la poursuite du Concile encommencé. L'autre accident estoit, que Maximilien, fils de Ferdinand, Roy de Boheme, dès longtemps auoit intelligence & habitude avec les Eleuteurs & autres Princes Protestans d'Allemagne, & en auoit esté soupçonné par Paul quatrieme, qui n'auoit pu se tenir d'imputer à l'Empereur, es deuis priués qu'il eut avec Martin Guzman, Ambassadeur, que son fils estoit fauteur de l'heresie. Le mesme soupçon continua à la Cour, mesmes apres la mort de Paul: dont le Pape Pie luy fit dire par le Conte d'Arco, Que s'il ne viuoit en Catholique, il ne le confermeroit point Roy des Romains, ains le depossederait de toute seigneurie, & estat. Mais, nonobstant tout cela vint à Rome vn aduis certain, qu'il entretenoit vn prescheur, qu'il oyoit souuent, lequel auoit introduit la Communion du Calice, en diuers endroits, non toutefois es villes: & le Roy mesmes se faisoit entendre qu'il ne pouuoit receuoir la Communion autrement. Et quoy qu'il ne fust venu iusques à l'exécution & effect, neantmoins ces paroles-là donnoient grand soupçon au Pape: sur tout, pource que presques en tous les endroits d'Allemagne tous ceux qui vouloient vsoient de la Communion du Calice, & n'y auoit aucun, qui donnast aucun empeschement aux Prestres en l'administration d'icelle. Toutes ces raisons susdites porterent en fin le Pape à la resolution de faire cete démarche. Et pourtant le troisieme Iuin il appella les Ambassadeurs de l'Empereur, d'Espagne, de Portugal, de Pologne, de Venise, & de Florence: lesquels estans tous assemblés en la presence de sa Sainteté, sauf celuy de Pologne, qui pour son indisposition ne s'y pût trouuer, le Pape se doult d'entrée de n'auoir pu y appeller aussi celuy de France: de crainte qu'en sa presence ne s'esleuassent estrifs & querelles de preface, par laquelle est empesché le bien public de consulter ensemble des communes affaires de Chrestienté. Mais que, puis que ces deux Rois estoient alliés & parens, il falloit bien qu'ils se resolussent à accommoder vne fois ce differend, & viure en bonne paix, pour le bien de la Chrestienté en general, & de leurs Royaumes en particulier. Il passa puis apres à leur exposer la cause, pour laquelle il les auoit assemblés, qui estoit pour la conuocation du Concile, laquelle tout assurement il vouloit mettre en effet, ostant toutes les difficultés, que les Princes pourroient mettre en auant pour leurs interets. Qu'il le vouloit à Trente, lieu, lequel ayant agréé deux fois, ne pourroit à present estre refusé d'aucun, attendu qu'il n'estoit pas nouveau, & que le Concile, celebré en icelle ville par Paul, & Iule, n'estoit point acheué, mais seulement sus-

pendu. Et pourtant, que la suspension ostée, le Concile demeueroit ouuert, comme il estoit auparauant. Sur tout d'autant, qu'ayant esté faites en ce lieu-là plusieurs bonnes determinations, ce seroit mal fait de les mettre en debat, par l'apparence de faire vn nouueau Concile. Il adiousta, Qu'il falloit se haster: d'autant que tous les iours on alloit de mal en pis, comme cela se voyoit en France, ou on traitoit de faire vn Concile national: ce qu'il ne vouloit ny ne pouuoit souffrir: car l'Allemagne, & toute autre Prouince, voudroit faire de mesmes. Qu'il bailleroit charge à ses Nonces, pres del'Empereur, des Rois de France, & d'Espagne, de traiter de cet affaire avec eux. Mais qu'il auoit iugé expedient d'en faire la mesme intimation à eux tous, afin qu'ils en escriussent chacun à son Prince. Car, ores qu'il püst venir à cette resolution, & execution de soy-mesmes, il auoit neantmoins estimé conuenable de le faire au feu des Princes, afin qu'ils pussent ramenteuoir & remontrer quelque chose appartenante au bien commun, & à la Reformation de l'Eglise, & enuoyer Ambassadeurs au Concile, & fauoriser iceluy de bons offices enuers les Protestans. Et adiousta qu'il croyoit, qu'il y iroit en personne des Princes d'Allemagne, & que du Marquis de Brandebourg il en estoit tout assésuré.

L'Ambassadeur Vargas fit vne longue & prolixie responce, en laquelle il fit vn narré des choses faites es Conciles passés & discourut du moyen de celebrer les Conciles: puis vint au lieu, & parla des choses faites à Trente, là où il s'estoit trouué: & distinga les Conciles generaux d'avec les nationaux, condannant grandement le national intimé en France. Celuy de Portugal loua bien fort le dessein du Pape, & luy offrit l'obeissance de son Roy. Celuy de Venise dit, Qu'és temps passés n'auoit iamais esté trouué meilleur remede pour les heresies, que celuy des Conciles: qu'il remercioit Dieu, d'auoir inspiré Sa Sainteté à vn œuure si pie & saint; qui estoit pour la conseruation de la vraye Religion, & pour le bien & vtilité des Princes, lesquels ne peuvent iouir paisiblement de leurs Estats, la Religion estant changée, ou innoüée. Celuy de Florence parla conformément, offrant les estats & les forces du Duc son Maistre. Le Pape escriuit à ses Nonces en Allemagne, France, & Espagne, en conformité de ce qu'il auoit dit aux Ambassadeurs. Mais toutes fois, il ne parloit iamais de Concile, que d'une mesme main il n'entreiettast quelque semence d'herbe contraire, qui püst ou empescher la naissance d'iceluy, où l'estouffer apres qu'il seroit né: estant bien assésuré, que, quand les temps porteroient que la subsistance du Concile fust à son aduantage, il seroit tousiours en son pouuoir d'extirper la zizanie qu'il auoit semé par dessus, pour faire auorter la semaille d'iceluy. Et en deuis priés il se fit entendre aux mesmes Ambassadeurs, avec les vns plus ouuertement, avec les autres par maniere de plaifanterie, que, voulant tenir le Concile avec fruit, il falloit plus penser à la fin qu'au commencement: & à l'execution, qu'à la conuocation, ou poursuite. Que la conuocation appartenoit à luy seul: la poursuite, à luy & aux Prelats: mais que l'execution appartenoit aux Princes: & que pourtāt il estoit raisonnable, auant toute autre chose, qu'iceux s'obligeassent à cela, & fissent vne Ligue, avec designation d'un Capitaine general, qui allast cōtre les rebelles & defobeissans, pour mettre en execution les deliberations du Concile: attēdu que, sans cela, iceluy seroit de nul fruit, & mesmes avec interest de la reuerēce & honneur du S. Siege, & de tous les Princes qui y auroient enuoyé Ambassadeurs, & y auroient presté faueur & assistance.

Le Pape eut de ses Nonces des réponses assez diuerses. Le Roy d'Espagne trouuoit bon le Concile, & approuuoit aussi la Ville de Trente, & promettoit d'y enuoyer ses Prelats, & faire tout autre deuoir pour le fauoriser. Adioustant neantmoins, qu'il ne falloit rien faire sans la volonté & le consentement del'Empereur, & du Roy de France: lequel respondit, Qu'il agreoit bien la celebration du Concile, mais n'approuuoit point le lieu de Trente, allegant pour raison, que ses Prelats n'y pourroient aller: & proposoit pour lieux plus commodes, Constance, Treues, Spire, Vvormes, ou Haghenau. Il signifioit

1559.

aussi, qu'il ne falloit point continuer les choses ia commencées à Trente, mais les quitter tout à fait, & faire vn Concile tout nouveau. Ce qui donnoit beaucoup d'ennuy au Pape, qui iugeoit cette response ne proceder point du propre mouuement du Roy, mais des Huguenots:

*l'Empe-
reur re-
quiert des
condi-
tions,*

Quant à l'Empereur, il enuoya à Rome vn long escrit, par lequel il disoit, Qu'il ne se pouuoit rien promettre de la volonté des Princes d'Allemagne, que tout premier il n'eût ouï leurs aduis, ce qui ne se pouuoit faire sans vne Diete: laquelle voulant assembler, il falloit de necessité laisser à quartier de nommer seulement le Concile: d'autant que les Princes n'iroient point à icelle: mais qu'il falloit la conuoker sous autre pretexte, & qu'aupres on pourroit parler du Concile à quelque occasion, dès qu'icelle seroit assemblée. Et adiousta, que, quant à ses Estats patrimoniaux, il n'esperoit point de les pouuoir induire au Concile, si le Pape ne leur octroyoit la Communion du Calice, & le Mariage des Prestres: & si on ne faisoit vne bonne & exacte Reformation: mais sur tout, qu'il ne falloit point parler pour tout de continuer les choses commencées à Trente: car les Luthériens n'y consentiroient iamais: voire mesmes le seul nom de Trente les feroit regimber & restiuer: qui estoit la cause qu'il proposoit Constance, ou Regensbourg. Le Pape voyoit clairement que la proposition de la Diete portoit vn an, ou peut estre deux de terme: dont il estoit plüstoit ioyeux qu'autrement, n'eust esté que les affaires de France requeroient acceleration. Il disoit à tous, pour faire monstre de sa promptitude, Qu'il ne luy chaloit d'vn lieu plus que d'vn autre: qu'il accepteroit Spire, ou Cologne, & toute autre ville que voudroit l'Empereur, pourueu seulement que les Eueques pussent y aller & en retourner en seureté: veu qu'il n'estoit pas raisonnable de donner assurances à ceux qui n'ont voix au Concile, & cependant laisser sans seureté ceux dont iceluy est composé. Mais, que de reuoker ce qui auoit esté fait & conclu à Trente, il n'en falloit point parler: qu'il y mettroit le sang, & les esprits pour le maintenir, attendu que c'estoit matiere de foy: que pour les choses, qui estoient d'ordonnance humaine, comme la Communion du Calice, & le Mariage des Prestres, ordonnées à bonne fin, & approuuées par les Conciles, il n'en vouloit abolir l'ordonnance de foy mesmes, quoy qu'il fust en son pouuoir: mais aussi n'empescheroit point le Concile de le faire, ains luy en remettoit tout l'arbitrage: encores qu'il vist bien, que, nonobstant l'octroy de toutes les choses que les peuples de l'Empereur demandoient, ils ne se départiroient iamais de leurs opinions. Et se plaignoit de la foiblesse de l'Empereur, qui redoutoit son propre fils, autant que les autres Princes: & cependant requeroit que les Prelats allassent en Allemagne, où il se declaroit luy mesmes n'auoir pouuoir de leur donner suffisante seureté. Que, pour luy, il iroit mesmes à Constantinople, pourueu qu'il y eust seureté, laquelle ne se pouuoit attendre de l'Empereur. Que les Allemans estoient presque tous heretiques, & que le Roy de Boheme estoit plus puissant que son propre pere. Qu'il ne luy importoit point que ce fust en vn lieu plus qu'en vn autre, pourueu seulement que ce fust en Italie, laquelle seule estoit assurée pour les Catholiques.

*le Pape
respond à
tous les
Princes:*

Pourtant il respondit au Roy de France, & à l'Empereur, en termes generaux, Qu'il se contenteroit de tout lieu, moyennant qu'il fust assuré: pesant combien la seureté des Conciles auoit en tout temps esté reputée necessaire, & lors plus que iamais: sans venir à aucune opposition particuliere aux lieux par eux nommés. Mais il respondit au Roy d'Espagne, en louant sa bonne intention, & le confirmant en son bon propos: mais, quant au subside requis, il y interposoit diuerses difficultés, tant pour soustenir les commodités du Clergé, autant qu'il pouuoit, que de peur de l'offenser, & l'auoir pour contraire, quand on viendrait à tenir le Concile.

*la Reli-
gion re-
formée*

Les affaires des Catholiques alloient s'embarassant en plus grandes difficultés: d'autant qu'en France le party Huguenot s'auançoit tousiours, & en Escosse, par arrest public, fut permise la liberté de conscience: & au Pais bas

les humeurs estoient toutes prestes à esclater à la premiere occasion, laquelle le Roy prolongeoit par sa patience & lenteur, accordant, mesmes avec ¹⁵⁵⁹ *s'avance* dommage & indignité pour luy, à ces peuples ce qu'ils requeroient, plustost *en plu-* que de venir à rien rompre. Ils auoient tousiours opiniastrément refusé tou- *sieurs ex-* tes contributions au Roy, que premierement il n'eust fait sortir les soldats *droits,* Espagnols du país: ce qu'en fin il fut contraint de faire: mais ny pour cela, ne vouloient-ils point contribuer, ains seulement payer, pour la garde des places, quelques gens du país qui ne dependissent aucunement des Officiers Royaux, mais seulement des Estats du país. Le Roy patientoit à tout, estant bien asseuré, qu'au moindre ressentiment, ils empoigneroient le pretexte de la Religion: & pour luy, il auoit fait dessein d'vser de support, attendant que tout premier cette ardeur fust refroidie: sur tout, d'autant qu'en ces mesmes temps il se descouurit, que les semences des opinions nouvelles n'estoient pas du tout mortes & esteintes en Espagne, mais qu'elles n'estoient que couuertes sous la cendre de pure crainte: & qu'en Sauoye semblablement paroissoient d'autres heretiques, outre les anciens Vaudois.

Mais, par dessus toutes autres choses, la Cour de Rome receuoit grand desplaisir, de ce, que le Pape ayant fait parler à Maximilien, Roy de Boheme, par Marc d'Altems son neveu, lequel du depuis fut Cardinal, pour l'exhorter, & persuader au nom de Sa Sainteté à estre bon Catholique, avec grandes promesses d'honneurs & aduantages, luy designant la succession à l'Empire, laquelle luy seroit broüillée, cas estant qu'il fist autrement: ce Roy auoit respondu, Qu'il remercioit le Pape: mais qu'il auoit plus cher le salut de son ame, que toutes les choses du monde: laquelle responce ils disoient à Rome estre vne façon de parler Lutherienne & estoit prise pour vne vraye alienation de l'obeissance du S. Siege: & faisoient des discours sur ce qui arriueroit, l'Empereur venant à mourir. Pendant que ces accidens traui- *reuoite des* loient l'Esprit du Pape, il luy suruint vne nouuelle, que les Huguenots, ses *peuples du* suiets es terres du Conté d'Auignon, s'estoient assemblés, & auoient mis en *Contat en* consultation & dispute s'ils pouuoient prendre les armes contre le Pape, leur *faueur de* seigneur au temporel: & auoient conclu qu'ils le pouuoient faire, d'autant *la Reli-* qu'il n'estoit point seigneur legitime, tant pource que ce Conté n'auoit point *gion,* esté legitiment osté à Raimond, Conte de Toulouze, que pource que, par le commandement expres de Christ, toute domination temporelle est interdite aux Ecclesiastiques. Et apres la resolution prise de se rebeller, ils s'estoient, par l'entremise d'Alexandre Guillotin, Iurisqueult, mis sous la protection de Charles de Mombrun, lequel auoit pris les armes pour la Religion, & auoit grand suite dans le Dauphiné. Iceluy entra dans le Contat avec trois mil hommes de pied, & se saisit de tout le país, au grand contentement des habitans. Iacques Marie, Euesque de Viuiers, Vicelegat d'Auignon, s'opposa à leurs efforts, & eut beaucoup de peine à conseruer la ville. Le Pape en estoit extremement affligé, tant pour la perte des places, que pour la cause, qui tirée en consequence & exemple, touchoit le fonds & la racine du Papat. Il vouloit que le Cardinal Farnese, Legat d'Auignon, allast *arrestée:* en personne, pour pouruoir à ces desordres, & à la defense de la ville. Mais le mal fut arresté par les bons offices du Cardinal de Tournon, qui, par cas d'aduenture allant à la Cour, se trouua proche de ces quartiers-là. Car le susdit de Mombrun, ayant en mariage vne niece dudit Cardinal, se laissa persuader par luy de se deporter de cétte entreprise, sous promesse que le Cardinal luy feroit restituer ses biens, qui luy auoient esté confisqués pour cause de rebellion, & le remettroit en la grace du Roy, pourueu qu'il sortist pour vn peu de temps de France, & se retirast à Geneue, d'où il luy donnoit esperance de le faire rappeler tost, mesmes avec liberté de conscience. Tellement que les terres du Pape, priuées de cette protection, demeurèrent en suietion, mais pleines de soupçons & desiances, & promptes à toute autre nouveauté.

En France, le nombre des Reformés croissoit tous les iours, & semblable-

1559.
Assemblée en
France
sur les
affaires
de la Re-
ligion,

en laquel-
le l'Eues-
que Mon-
luc cōclut
à la tenue
d'un Con-
cile na-
tional,

et à la
cessation
des sup-
plices,

et est sui-
uy par l'E-
uesque de
Vienne
Marillac,

ment s'augmentoient les dissensions, & les ialousies & soupçons entre les Grands : dont le Roy fut contraint de conuoker pour le vingtiesme Aoust de l'année mil cinq cens soixante, vne humereuse assemblée des notables de son Royaume, à Fontaine-bleau. A l'entrée de laquelle, apres qu'il eut en peu de paroles exhorté les conuokés à dire & exposer ce qu'ils estimoient estre pour le bien public, le Chancelier harangua, representant les necessités du Royaume, lequel il accomparoit à vn malade, duquel la maladie est inconnüe. Et apres quelques choses dites sur ce propos, Gaspar de Colligny, s'approchant du Roy, luy presenta quelques requestes, lesquelles il disoit luy auoir esté baillées par nombre de personnes, lors qu'il estoit en Normandie, auxquelles il n'auoit pû refuser cette faueur de les presenter à Sa Majesté. Icelles furent luës, & leur substance estoit, Que les fideles Chrestiens, dispersés par tout le Royaume, supplioient Sa Majesté de les regarder d'un œil fauorable, & benin : qu'ils ne requeroient autre chose, sinon moderation & relaxation des cruels supplices, iusques à tant que leur cause eust esté conuë. Qu'ils demandoient humblement permission de faire publique profession de leur Religion, afin de ne donner aucuns soupçons par les assemblées priuées & secretes. Sur cela, Iean de Monluc, Euesque de Valence, apres auoir représenté les maladies du Royaume, & loué l'exemple du chastiment des seditieux, adiousta, que nonobstant cela, la cause & source du mal demouroit encores, voire mésmes tous les iours s'enmalicoit d'auantage, pendant que la Religion pouuoit estre prise pour vn pretexte : que c'estoit cela, à quoy il falloit pouruoir : & que par le passé la chose auoit esté mal acheminée : d'autant que les Papes n'auoient eu autre fin, que d'entretenir les Princes en guerres, & les Princes n'auoient pensé qu'à reprimer le mal par supplices : dont aussi il estoit aduenü qu'il n'en estoit fortü aucun bon effet. Que ne les Magistrats par equité, ne les Euesques par l'exercice de leur charge & deuoir, n'y n'auoient rien contribué. Que le principal remede estoit de recourir à Dieu, & assembler de tout le Royaume gens de bien, & de pieté, pour trouuer quelque bon moyen d'extirper les vices du Clergé, interdire les chansons infames & impudiques, & en lieu d'icelles introduire les Psalmes, & hymnes sacrés en langue vulgaire : que si la traduction qui couroit n'estoit iugée pure, qu'on en ostast les erreurs, & qu'on laissast courir les parties saines, & entieres par les mains de tous. Qu'il y auoit bien vn autre remede : à sçauoir le Concile general, tousiours pratiqué pour composer semblables differends : & qu'il ne pouuoit voir comment la conscience du Pape pouuoit estre en repos pour vn seul moment, voyant tous les iours périr tant d'ames, par le retardement de ce grand remede qui estoit en sa main. Que si toutesfois on ne pouuoit obtenir le Concile general, qu'il falloit ensuiure les exemples de Charles Magne, & de Louis le Debonnaire, par la conuocation d'un National. Que la faute de ceux, qui troubloient le repos public sous pretexte de Religion, estoit tres-grande, & auoit tousiours esté abhorrée par l'Antiquité : mais que celle de ceux, qui condamnoient à mort, & à cruels supplices, les adherans à la nouuelle doctrine, pour seule opinion de pieté, n'estoit en rien moindre : car iceux, allans franchement & magnaniment à la mort, & mesprisans la perte de leurs biens, esueilloient les esprits du peuple, & faisoient venir enuie de sçauoir quelle estoit cette foy, pour laquelle on souffroit tant de maux.

En ce mesme sens parla aussi apres luy Charles de Marillac, Euesque de Vienne, loüant le remede du Concile general mais adioustant, qu'on le pouuoit plustost desirer qu'esperer, veu qu'on auoit veu les difficultés ordinaires naissantes sur cet affaire, & combien de trauaux & peines l'Empereur Charles cinquiesme auoit prises pour iceluy, & comment il auoit tousiours esté étudié par les Papes. Ioint que la maladie de la France estoit tant aiguë, qu'elle ne donnoit point de temps de pouuoir appeller vn medecin de loin. Et pourrant qu'il falloit recourir à vn Concile national, pratiqué autresfois coutumierement au Royaume : attendu que c'est chose notoire que des Clouis iusques

à Charles

à Charles Magne, & du depuis encor iusques à Charles septième, tousiours ont esté celebrés Conciles en France, ores de tout le Royaume, ores d'une partie d'iceluy: si bien que le mal pressant, on ne deuoit attédre d'auantage, ne faire aucun estat des empeschemens que le Pape y pourroit entreietter: que cependant il falloit contraindre les Prelats à aller à leurs residences, & ne permettre que les Italiens, qui possèdent le tiers des Benefices, iouyssent des fruits en absence: & d'auantage extirper toute Simonie, & marchandise spirituelle: & ordonner, conformément au Concile Ancyran, qu'au temps de l'administration des Sacrements on ne face aucune aumone. Que les Cardinaux & Prelats, deputez par Paul troisieme, auoient donne le mesme conseil. Que Paul quatrieme l'auoit iugé necessaire, mais que du depuis il s'estoit tourné aux mondanités, & à la guerre. Que si on ne le faisoit, il y auoit danger de voir l'accomplissement de la prophetie de S. Bernard, Que Christ descendroit du ciel, pour dechasser du Temple les Prestres, comme iadis il en auoit chassé les marchands. De là il passa à parler des remedes aux autres maladies du Royaume. L'Admiral de Colligni, quand ce vint à son tour de parler, dit, Qu'il auoit recherché ceux, qui luy auoient liuré les requestes, de se signer: & qu'il luy auoit esté respondu, que cinquante mil hommes se signeroient s'il estoit de besoin. Mais François Duc de Guise dit à son tour, Que quant aux points de la Religion, ils s'en remettoit au iugement des hommes sçauans: mais toutesfois protestoit, Que iamais aucun Concile ne seroit de tel poids enuers luy, qu'il le fit decliner d'un seul point de la religion ancienne. Le Cardinal de Lorraine, apres auoir parlé d'autres affaires, tomba en fin au fait de la Religion, & dit, Que les requestes presentées estoient fort orgueilleuses & outrecuidées: que si on accorderoit aux supplians libre exercice, on approuueroit par mesme moyen leur Doctrine: qu'il estoit tout notoire que la plus part prenoit la religion pour pretexte: & pourtant qu'il estoit d'aduis que contre iceux on procedast encor avec plus de rigueur, que par le passé: mais qu'on moderast les punitions contre ceux qui s'assembloient sans armes, pour seule cause de religion, & qu'enuers ceux-là on traouillast à les instruire, & admonester: & qu'à cet effet on enuoyast les Prelats à leurs Residences: & que par ces moyens il y auoit esperance, que sans Concile, ne General, ne National, on pourroit pouruoir à tout. Les aduis ne se trouuans pas conformes, le vingt-septieme du mesme mois d'Aoust fut fait l'arrest, Qu'au dixieme Decembre prochain se tiendroient les Estats du Royaume à Meaux: & si le Pape n'effectuoit la parole donnée de conuoyer bien tost le Concile general, que les Euesques se deussent assembler pour le trezieme Ianuier de l'année ensuiuante, pour traiter d'en celebrer un national. Que cependant tous supplices pour cause de Religion fussent sursis: fors que contre ceux qui esmouuoient troubles par prise d'armes.

Le Pape, ayant eu nouvelles de la resolution de l'Assemblée de Fontainebleau, escriuit au Cardinal de Tournon, qu'il fist tout deuoir pour empeschier la conuocation des Euesques: & que s'il n'en pouoit venir à bout, qu'il s'en retournast à Rome. Et le vingt-troisieme Septembre il appella à soy les Ambassadeurs, auxquels il expoia premierement la necessité qu'il y auoit de celebrer bien tost le Concile general, attendu la deliberation des François d'en faire un national: lequel il auoit bien baillé charge au Cardinal de Tournon d'empeschier, mais n'esperoit pas pourtant qu'il en pust venir à chef. Mais bien se voyoit-il reduit à la necessité de celebrer le General, afin qu'on ne pust dire, qu'on tenoit les Nationaux, pource que luy auoit refusé de tenir le General. Et pourtant qu'il estoit force d'ouurir ce Concile de Trente, & d'oster la suspension. Que le lieu estoit tres-commode, estant limitrophe entre l'Allemagne & l'Italie: quoy qu'autres preferassent Spire, ou Treues, & autres lieux, sur lesquels il ne feroit point de difficulté, s'ils estoient seurs: estant tout prest & appareillé d'aller mesmes à Constantinople, pourueu seulement qu'il le pust faire avec seureté. Et qu'elle foy pouuoit-on auoir en gens qui n'en ont point? Qu'aucun Catholique ne se feroit

qui adiou-
ste la re-
formation
du clergé.

L'Admi-
ral remon-
stre le grād
nombre
des Refor-
mez, le
Duc de
Guise, &
son frere
le cardina-
l reiet-
tent le cō-
cilenatio-
nal &
veulent
les suppli-
ces,

& les in-
structions.

les Estats
son assi-
gnés à
Meaux &
les suppli-
ces sursis,

le Pape re-
doutant ce
concile na-
tional pro-
pose aux
ambassad-
d'ouurir le
general de
Trente.

1560. assure en ces lieux-là, non pas mesmes l'Empereur. Que s'ils refusoient Trente, il y auoit assez d'autres lieux au Duché de Milan, au Royaume de Naples, en l'Estat de Venise, & es terres du Duc de Sauoye, & de Florence. Mais que, quant au point de reuoker les choses determinées à Trente, il n'en falloir point parler: que pour luy, il ne vouloit ne les reuoker, ny aussi les confermer, mais qu'il remettroit le tout au Concile, lequel avec l'assistance du S. Esprit determineroit ce qui feroit du bon plaisir de Dieu. Il pesa aussi grandement le fait du Concile national de France: adioustant, que ce feroit chose de mauuais exemple, & qui feroit venir enuie à l'Allemagne d'en faire autant: & que mesmes en Italie il en pourroit naistre quelque remuement, s'il n'y estoit pourueu de bonne heure. Qu'ils pretendroient assujettir à ce Concile & le Papat, & tout ce qui en depend. Mais pour luy, *Pro fide & religione volumus mori*, disoit-il. Là dessus il conuia les Ambassadeurs à dire leurs aduis. Et celuy de l'Empereur dit, Qu'il valoit mieux dilayer, attendu que l'estat des affaires d'Allemagne ne permettoit que l'Empereur y pust consentir. Le Pape s'en estant esmeu, l'Ambassadeur adiousta, Qu'il estoit vtile de gagner tout premier les esprits des Princes d'Allemagne. Mais le Pape s'en altera encor de plus fort, & dit, Qu'il n'y auoit pas du temps pour ce faire. Et l'Ambassadeur repliqua, Qu'il doutoit que ce mouuement n'incitast les heretiques contre l'Italie. Mais le Pape haussa la voix, & dit, Que Dieu n'abandonneroit point sa cause, & qu'il appelleroit à son secours les Princes Catholiques, desquels il auroit gens & argent assez pour se defendre. Celuy d'Espagne loua l'intention de sa Sainteté, & dit, Que le Roy, son Maistre, ne manqueroit point à la fauoriser, comme desia il auoit à cet effet enuoyé Anthoine de Toledé en France. Les Ambassadeurs de Portugal, de Venise, & autres, offrirent aussi la faueur & l'assistance de leurs Princes. Finalement le Pape leur ordonna d'escrire son intention à leurs maistres, & les congedia.

*Et iceux
luy rendirent
des differents
respon-
ses.*

Il receut du depuis responce du Cardinal de Tournon, Que, pour diligence qu'il eust faite, il n'auoit pû demouuoir le Roy, ny aucun de son Conseil: & mesmes n'esperoit point de rencontrer à l'aduenir meilleure coniointure: ains qu'il voyoit clairement empirer l'estat des affaires. Le Roy d'Espagne aussi enuoya au Pape la responce finale donnée à son Ambassadeur Toledé, & luy escriuit ensemblement, Que le Roy de France s'excusoit, sur ce qu'il ne pouuoit remedier aux desordres de son Royaume, comme il y estoit obligé, par autre voye que d'un Concile national: & que le Pape ne deuoit point s'esbahir, disoit le Roy d'Espagne, si les Rois estoient contraints, pour obuier aux inconueniens, de faire tous seuls ce qui de vray deuoit estre fait en compagnie du Pape. Cette lettre trauailla fort l'esprit du Pape, entendât

*Et le Roy
d'Espagne
semble
n'impro-
uer le na-
tional:*

*donc, no-
n obstant
que l'in-
tention se-
crete du
Pape bur-
au bien de
sa maison.*

*il est con-
traint de
iointre à la
conuocation,
En faire
la proposi-
tion aux
Cardi-
naux, les-
quels l'a-
greent.*

qu'il vouloit inferer d'en vouloir faire de mesmes au païs bas. On descouurit du depuis, que l'intention du Pape estoit, en cas qu'il ne pust tout à fait éuiter le Concile, de le differer au moins, tant qu'il eust accommodé les affaires de sa maison, & enrichy ses parens. Or, tenant le Concile, il estoit necessaire de donner bon exemple de foy en cet entretemps: outre ce qu'il falloit porter des despenses excessiues à l'entretienement des pauures Prelats, & des officiers; & pour autres necessitez du Concile: ce qui engloutiroit tous les reuenus. Et d'ailleurs l'affaire de foy mesmes estoit si ardu, & vaste, qu'il occuperoit son esprit tout entierement: tellement qu'il ne pourroit penser à sa maison. Pourtant, ce fut bien à regret qu'il se resout à ne differer plus la conuocation. Doncques le vingtième Octobre, il tint vne Congregation de Cardinaux, en laquelle il exposa la responce renduë par le Roy de France à D. Antoine de Toledé, & ce que le Roy mesme luy en escriuoit, & ce qu'auoit negocié le Cardinal de Tournon. Adioustant vn autre aduis, qu'il auoit de France, Que quand mesmes le Concile general seroit ouuert les François n'y iroient point, si les Protestans ne s'accordoient aussi à le receuoir. Ces choses causerent grande confusion es Cardinaux: car tous apprehendoient, que non obstant que le Concile general fust ouuert, la France

ne laisseroit pas de faire le national: dont s'ensuiuroit l'alienation de ce Royaume du S. Siege, lequel exemple les autres nations Chrestiennes prendroient aussi pour s'en aliener, bon gré maugré leurs Princes. 1560.

Plusieurs aussi faisoient grande consideration sur ce qui auoit esté protesté au Cardinal de Trente, qu'il ne s'eslargist point tant à offrir sa ville: mais qu'il se souuint quel l'Empereur en estoit maistre, & que sans la volonté d'iceluy il ne pouuoit ny ne deuoit disposer d'icelle en tel affaire: & que l'Empereur s'estoit ia déclaré de vouloir totalement tenir la Diete au preallable. On estoit aussi bien ensoucy de ce que D. Antoine de Toledé escriuait, qu'en France tous les Grands, & les Euesques mesmes fomentoient les opinions nouuelles, pour accommoder & aduantagez leurs affaires. Nonobstant toutes ces choses, l'opinion de tous les Cardinaux, sauf de celuy de Ferrare, fut Que le Concile fust ouuert, & que la suspension fust ostée: ce que le Pape dit de vouloir faire à la S. Martin. Puis considerant plus meurement les dangers presens, & les esperances qu'il y auoit de les surmonter, il se resolut en foy mesmes, & consola aussi les Cardinaux, & autres siens dependans, par cette raison, Que le mal seroit bien grand pour la France, mais petit pour le Siege Apostolique: lequel en fin de conte perdroit peu, attendu que des expeditions de ce Royaume on ne tiroit point plus de vingt-cinq mil escus par an: pour laquelle somme le Roy perdroit la grande autorité qu'il a à conferer & distribuer les benefices, par octrois & concessions des Papes: d'autant que l'autorité Papale ostée, succederait la Pragmatique Sanction, par laquelle les Euesques, seroient elus par les Chanoines, & les Abbés par les Monasteres: & par consequent le Roy priué d'une si grande distribution. Et partant que luy Pape ne regrettoit que la perte des ames: mais aussi, si Dieu les vouloit chastier de leurs forfaits, & de leur infidelité, il n'y pouuoit faire autre chose.

Au commencement de Nouembre arriuerent à Rome autres lettres de l'Empereur & le la Cour de l'Empereur, esquelles l'Empereur disoit, quoy qu'en termes generaux, Que pour sa personne, il desiroit bien de faire ce qui plairoit au Pape: mais toutesfois remonstroit, que de tenir le Concile hors d'Allemagne, ou bien, de continuer celuy de Trente, en ostant la suspension, ne porteroit aucun fruit, ains exciteroit es Protestans des haines & des animositez plus grandes: avec danger mesmes qu'ils taschassent de l'empescher par armes, dont il auoit ia eu le vent qu'il y auoit sur le bureau diuers traitez: qu'au contraire, faisant vn Concile tout nouueau, il y auoit esperance d'induire plusieurs d'entr'eux à y aller. Cela causa diuersité d'aduis es Cardinaux: d'autant qu'on voyoit tout clairement, que cas estant que le Concile de Trente ne fust continué, toutes les choses ia determinées pourroient estre qualifiées vaines, & inualides, comme n'ayans esté approuuées par aucun Pape. Le Pape proposa l'affaire en Congregation, en laquelle il fut consulté, & dit beaucoup des choses, sans toutesfois venir aux opinions & suffrages: ce qui fut remis, pour plus de maturité, à vn autre Congregation, en laquelle les aduis furent recueillis. Et le Cardinal Carpi monstra par vn long discours, que totalement il falloit continuer le Concile, ne faisant autre chose, qu'oster la suspension; ce qui fut confirmé par les Cardinaux Cesis, & Pisan. Mais celuy de Trente, qui parla apres, dit, Qu'en vn affaire, auquel il s'agissoit de *summa rerum*, il valoit mieux se donner le loisir d'y penser plus à fonds. Et cette opinion fut suiuite par tous les autres Cardinaux. Et tout à point arriua le soir ensuiuant vn courrier de France, enuoyé en toute diligence, pour protester, Que si on ne tenoit le Concile General, le Roy ne pouuoit plus empescher le National. Mais pourtant qu'il ne falloit nullement penser à Trente, ny à autre lieu d'Italie: attendu que le Concile ayant desia des tant d'années esté recherché pour les necessitez d'Allemagne, auxquelles maintenant de surcroist estoit adiousté le danger de la France, il falloit de necessité le tenir en lieu commode aux deux nations: autrement le tout seroit en vain, en cas que les Allemans, & les François n'y allassent point.

La France proposoit les villes de Constance, ou de Bezançon: adioustant, 1560. Que si on choisiroit quelque lieu en France, le Roy donnoit parole qu'il seroit tres-assuré. En fin le Pape iugea qu'il ne falloit plus differer la tenuë, & le quinzième Nouembre, en Consistoire, il delibera de faire le Dimanche ensuiuant vne procession en sac & cendre, publiant vn Iubilé, & chantant vne Messe du S. Esprit, pour la deliberation prise de celebrer le Concile à Trente: avec resolution, que si, apres qu'iceluy seroit assemblé, il estoit iugé plus à propos de le transferer ailleurs, il le transfereroit, & y iroit mesmes en personne, pourueu seulement que le lieu fust assuré. Et adiousta, qu'il trouueroit bien des armes pour s'opposer à tous ceux qui voudroient enfreindre les choses ia determinées. Apres cela, il se mit à penser à la teneur de la Bulle. Pour cette raison tous les iours se tenoit Congregation, pour arrester, si on deuoit ouuertement declarer la continuation, ostant la suspension, comme le Pape desiroit: afin que les choses determinées, ne fussent mises derechef en debas, ou examen. Les Imperiaux, & les François, trauailloient enuers le Pape, & les Deputez, pour faire qu'il fust appelé nouveau Concile: d'autant qu'en cette sorte les Allemans & les François y iroient: & que puis sur le lieu mesmes, on pourroit resoudre que les choses determinées ne fussent ventilees de nouveau. Qu'autremét en vain parloit-on de Concile, pour reduire les Protestans, pendant que des l'entree on leur mettoit vne pierre d'achopement au deuant; & leur donnoit-on suiet de dire, qu'ils ne pouuoient se soumettre à ceux qui les auoient ia condamnez sans les auoir ouys. Mais à l'opposite les Espagnols, & ensemblement le Duc de Florence, qui se trouuoit pour lors à Rome, insistoient qu'on ne fit autre chose qu'oster la suspension, & que le Concile ne fust nommé que continuation du ia encommencé. Le Pape, & les Deputez, prirent vn party moytoien, esperant qu'il contenteroit les deux parties. Le Pape publia vn Iubilé, & l'enuoya par tout: & le vingt-quatrième du mesme mois de Nouembre il alla à pied, accompagné du College des Cardinaux, & de toute la Cour en solennelle procession de S. Pierre à la Minerue: ce qui n'eust passé point sans quelque desordre: d'autant que les Ambassadeurs, coustumiers de cheminer deuant la Croix, voyans qu'apres icelle suiuiroient les Euesques, & apres eux le Duc de Florence, au milieu de deux Cardinaux des moindres, voulurent aussi tenir le mesme lieu: dont il n'asquit du desordre: pour lequel composer, apres quelque estrif, le Pape leur donna place entre soy, & les Cardinaux, qui alloient deuant luy.

Le vingt-neufième du mois la conuocation du Concile fut publiée en Consistoire, & la Bulle d'icelle portoit le titre, d'Indiction du Concile de Trente: Et fut imprimée en diuers endroits en cette forme, quoy que depuis, quand le corps du Concile fut imprimé tout entier, cette parole d'Indiction fut changée en celle de celebration. Lateneur de la Bulle estoit, Que le Pape, dès le commencement de son assomption, auoit appliqué son esprit à l'extirpation des heresies, à l'assoupissement des diuisions, & à la reformation des mœurs: & que pour remede à ces maux, il auoit deliberé de celebrer vn Concile general: lequel Paul, & Jules troisièmes, auoient par cy-deuant conuocé, mais ne l'auoient peu paracheuer, Puis, apres auoir exposé la suite des choses auenües sous ces Papes, il en attribuoit l'euenement à diuers empeschemens suscitez par l'ennemy du genre humain, pour differer au moins vn si grand bien & auantage pour l'Eglise, lequel il ne pouuoit empeschier tout à fait. Que cependant les heresies, & les diuisions estoient grandement multipliees. Mais que dès qu'il auoit pleu à la bonté de Dieu de donner la concorde entre les Rois & Princes Chrestiens, il auoit pris grande esperance de mettre vne bonne fin à tant de maux de l'Eglise, par le moyen du Concile, lequel il n'auoit voulu differer d'auantage, pour oster le Schisme & les heresies; reformer les mœurs, & maintenir la paix entre les Chrestiens. Et pourtant que par le conseil des Cardinaux, & de l'auis de Ferdinand, esleu Empereur & d'autres Rois, & Princes, lesquels il auoit

le Pape
tranche la
resolution
de la tenuë

Et medite
la forme
de la Bul-
le.

fait vne
solemnel-
le proces-
sion pour
cette affaire.

Et puis pu-
blie sa
Bulle de
conuoca-
tion, attri-
buees ter-
mes pour
contenir
chacun,

trouuez disposez à prester faueur & aide à la celebration d'iceluy : de l'autorité de Dieu, & des saincts Apostres, Pierre & Paul, il intimoit vn Concile general en la ville de Trente, pour le iour prochain de Pasques de l'année mil cinq cens soixant-vn, toute suspension ostée. Exhortant & commandant, sous les peines Canoniques, à tous Patriarches, Archeuesques, Euesques, Abbés, & autres, qui par Loy, Priuilege, ou ancienne coustume, ont voix deliberatiue és Conciles, en cas qu'ils n'eussent legitime empeschement, de s'y trouuer auant ce iour-là : & admonestant semblablement tous ceux qui y auoient, ou pouuoient auoir interest, de s'y rendre. Et priant l'Empereur, les Rois, & les autres Princes, que s'ils ne pouuoient entreuenir en personne, ils y enuoyassent leurs Procureurs & charge ayans, & moyennassent que les Prelats de leurs Estats, sans excuse, ne delay, y rendissent leur deuoir : & que pour cet effet ils eussent libre & seur voyage pour eux, & leur suite : comme luy mesmes aussi de sa part estoit prest de faire de tout son pouuoir : n'ayant, quant à luy, autre but en la celebration du Concile, que l'honneur de Dieu, la reduction des brebis dispersees, & la perpetuelle tranquillité de la Chrestienté. Ordonnant que cette Bulle fust publicée à Rome : & que par icelle publication elle obligast dans le terme de deux mois tous ceux qui y estoient compris, comme si elle leur estoit intimée en propre personne.

Le Pape reputa d'auoir satisfait tant à soy-mesmes, qu'à ceux qui vouloient intimation de nouveau Concile, & à ceux qui requeroient continuation du vieil. Mais il en aduint, comme il a accoustumé de faire és conseils moitoyens, assauoir, qu'ils desagreent à toutes les deux parties : car le Pape ne satisfit à aucun, comme il sera dit cy-apres. Incontinent apres la publication de la Bulle, le Pape despescha en France Niquet, pour l'y porter, avec commission, que si la forme n'en agreoit, il dist, qu'on ne regardast point au mot de *Continuer* : d'autant qu'iceluy n'empeschoit point qu'on ne parlast de nouveau des choses ia proposées. Il l'enuoya aussi à l'Empereur & en Espagne. Et de plus deputa Zacharie Dauphin, Euesque de Lesine en Esclauonie, pour Nonce aux Princes de la haute Allemagne : & Iean François Comendon, Euesque de Zante, à ceux de la basse : avec lettres à tous, & avec charge de prendre premierement instruction de l'Empereur, comment ils auroient à traitter avec eux : apres quoy ils fissent leur Ambassade. Il deputa aussi l'Abbé Martinengue à la Reyne d'Angleterre, pour conuier elle, & les Euesques de son Royaume au Concile : persuadé à cela par Edoüard Cerne, nommé cy-dessus, lequel luy promit que le Nonce seroit receu de la moitié du Royaume, mesmes du consentement & vouloir de la Reyne. Et aucuns luy mettans en consideration, que d'enuoyer Nonces en Angleterre & ailleurs, à Princes qui faisoient profession ouuerte de s'estre totalement separez du Siege de Rome, ne pouuoit estre qu'au grand interest de sa reputation, il respondoit, Qu'il vouloit bien mesmes s'humilier à l'heresie, veu que tout ce qui se faisoit pour acquerir les ames à Christ, estoit seant & conuenable au S. Siege. Pour cette mesme raison aussi il enuoya le Nonce Canobio en Pologne, avec dessein de le faire passer iusqu'en Moscouie, pour conuier au Concile ce Prince & cette nation, quoy qu'elle n'ait iamais reconnu le Pape de Rome.

Depuis il retourna à parler au Consistoire touchant le Concile, requerant d'estre informé des personages scauans, de bonne vie, & de reputation, de diuerses Prouinces, propres à disputer & à persuader la verité. assurant d'auoir intention d'en mander plusieurs : & promettant, qu'apres qu'il auroit employé toute diligence possible, pour faire venir au Concile tous les Chrestiens, & pour les vnir en la Religion, si quelques-vns, voire plusieurs d'entr'eux, restiuoient à y venir, il ne diffiereroit pas de le celebrer. Il ne laissoit pas pourtant d'estre en grand soucy de ce qu'il preuoyoit que les Protestans d'Allemagne, ausquels vne grande partie de la France estoit jointe, refuseroient d'y entreuenir, & mesmes redoutoit qu'ils n'entrepris-

1561. sent de le destourber par armes. Et ne se fioit pas de pouuoir auoir del'Empereur tel secours, qu'il les pust reprimer, attendu le peu de forces d'iceluy. Et confessoit que les dangers estoient grands, & les remedes bien foibles: dont il estoit en grand perplexité, & trauail d'esprit. La Bulle, estant portee en Allemagne, tomba entre les mains des Protestans, assemblez pour les nopces du Duc de Luvembourg, lesquels intimerent vne Diete à Naumbourg en Turinge, pour le vingtième Ianuier, de l'an mil cinq cens soixante-vn.

*Vergere
escriu con-
tre la Bul-
le.* Contre icelle Bulle Vergere escriuit vn liuret, auquel, apres auoir fort inuestiue contre les pompes, le luxe, & l'ambition de la Cour de Rome, il adioustoit, Que le Concile estoit conuqué par le Pape, non pour establir la doctrine de Christ, ains le seruage & l'oppression des pauvres ames. Qu'à iceluy n'estoient appelez, sinon personnes obligées au Pape par serment, & par consequent en estoient forclos, non seulement ceux qui s'estoient separez de l'Eglise Romaine, mais aussi les plus entendus & capables, qui estoient en icelle: & que toute liberté estoit ostée, en laquelle seule toutesfois gisoit tout l'esperance de la concorde.

*confusions
à la Cour
de France.* En ce mesme temps vint à Rome la nouuelle de l'emprisonnement du Prince de Condé, par commandement du Roy: & des Arrests donnez sous feures gardes à Antoine de Bourbon, Roy de Nauarre, frere d'iceluy. Ce qui agreea grandement au Pape, comme chose, qu'il estimoit pouuoir tout à fait rōpre le dessein du Concile national, & le deliurer de cette fascherie: dont il s'assura encor de plus fort par l'aduis suruenu tost apres de la grieue maladie du Roy, avec danger de la vie: ce qui fut cause, que les Estats ne furent point tenus à Meaux. Mais les affaires aboutirent à vn point, qui porta beaucoup d'alteration. Car François deuxième Roy de France, deceda le cinquième du mois de Decembre, & luy succeda Charles neuuiesme son frere, aagé de dix ans. Dont la regence par la minorité du Roy, tomba par les loix du Royaume, entre les mains du Roy de Nauarre, comme premier Prince du sang: & la Reyne mere s'adioignit à luy, pour soustenir & continuer l'autorité de gouverner, qu'elle auoit prise pendant la vie de son autre fils: & le Roy de Nauarre fut bien content de luy faire part du gouvernement des affaires, pour maintenir tant plus aisément sa propre autorité. Le Roy de Nauarre fauorisoit presque ouuertement la nouuelle religion, & se gouuernoit en tout & par tout par le conseil de Gaspar de Coligni Admiral, lequel en faisoit profession ouuerte: dont les Reformez prirent tant plus d'esperances de pouuoir obtenir la liberté de Religion, qu'ils requeroient. Et prirent à s'assembler quasi publiquement, & sans aucune retenue, au grand despit du populace, & avec danger de grandes nouueautés & tumultes. Pour cette raison, la Reyne mere, & les principaux de son Conseil, se resolurent de tenir les Estats à Orleans, dont l'ouuerture se fit le treizième Decembre.

*qui releue
les affai-
res des
Reformés.* En iceux, entre autres choses proposées pour le benefice du Royaume, le Chancelier remonstra, Que la Religion est vne chose trespuissante, qui surmonte toutes affections, & deuoirs naturels: & lie plus estroittement qu'aucun autre lieu de la société humaine. Que les Royaumes se contiennent plus par la Religion, que par les confins & frontieres, ains se diuisent plus par icelle que par les confins mesmes: & que qui est meu par cause de Religion, vient à ne tenir aucun conte de femme, d'enfans & de parentage. Que si en vne mesme maison il y a difference de Religion, le pere ne se peut accorder avec les enfans, ne l'un des freres avec l'autre, ne le mary avec la femme. Que, pour remedier à ces desordres, il y auoit besoin d'un Concile, dont aussi le Pape donnoit esperance. Mais, qu'en cet entretemps, il n'estoit pas raisonnable de permettre, que chacun forgeast la religion qu'il vouloit, ny introduisist nouuelles ceremonies à son bon plaisir, avec perturbation de repos public. Que si le remede du Concile du costé du Pape venoit à faillir, le Roy y pouruoiroit par autre voye. Mais qu'il estoit necessaire que cha-

*dont se
tiennent
les Estats
à Orleans,
barevue
du Chan-
celier pro-
mettant
remede
public au
fait de la
Religion.*

*Et cepen-
dant ex-
horrant
aux par-
ticuliers:*

un premierement se corrigeast & guerist de ses maladies; d'autant que la bonne vie est vne efficace harangue pour persuader: qu'il falloit abolir les noms de Lutheriens, de Huguenots & de Papistes. qui ne sont point moins factieux, que ceux des Guelfes & Gibelins: & employer les armes contre ceux qui couuroient leur ambition, avarice & desir de nouveautez, du nom & manteau de Religion. Jean Ange, Aduocat au Parlement de Bordeaux, parla pour le tiers estat: & dit beaucoup de choses contre les mœurs corrompues, & la discipline abastardie du Clergé. & marqua en iceluy l'ignorance, l'avarice, & le luxe, comme causes de tous les maux: & sur tout cela fit de longs discours. Et pour conclusion requit, qu'on remediaist à tout par vne prompte celebration du Concile. Iacques, Conte de Rochefort, parla pour la Noblesse, & entr'autres choses dit, que tous les maux estoient procedez des dons immenses, que les Roys, & autres Grands auoient fait aux Eglises: sur tout leur ayant mesmes attribué iurisdicions. Chose desraisonnable & messeante, que ceux qui doiuent vaquer à predications, & à oraisons, exercent iudicature & puissance sur la vie, & sur les biens des sujets du Roy. Qu'il estoit necessaire de remedier à ces inconueniens. En fin il presenta vne Requête, demandant au nom de la Noblesse, de pouuoir auoir Eglises publiques, pour l'exercice de la Religion reformée. Pour le Clergé harangua Jean Quintin, Bourguignon, & dit, que les Estats estoient assembles pour pouruoir aux necessitez du Royaume, & non pour corriger l'Eglise: laquelle ne peut faillir, & est sans tache ne ride, & eternellement demurera entiere & incontaminée: quoy qu'on ne pust desdire que la discipline, en quelque petite parcelle, auoit besoin de reformation. Et pourtant qu'il ne falloit point prester l'oreille à ceux; lesquels, renouvelant les sectes anciennes, & ia enseuelies, demandoient Eglises separées des Catholiques: ains qu'ils deuoient estre chastiez comme heretiques: & que c'estoit chose digne de la iustice du Roy, de ne les escouter nullement, ains de contraindre tous ses suiets à croire, & à viure selô la forme prescrite par l'Eglise. Qu'il ne fust permis de retourner dans le Royaume à ceux qui en estoient sortis pour cause de Religion: & qu'on procedast par peines capitales contre ceux qui seroient infectés d'heresie. Que la discipline Ecclesiastique seroit bien tost & aisément reformée, si les dîmes estoient rendus au Clergé, & les Elections aux Chapitres: veu qu'il auoit esté remarqué, qu'en la mesme année mil cinq cens dix-sept, que par le Concordat du Pape Leon la nomination aux Prelateurs fut donnée au Roy, commencerent aussi les heresies de Luther, lequel fut depuis suiuy par Zuingle, & autres En fin il requit que toutes les immunitiez & priuileges fussent confermez au Clergé, & que toutes les charges luy fussent ostées.

Le Roy ordonna, que les Prelats se preparassent pour aller au Concile, qui estoit intimé à Trente: & commanda que tous les prisonniers pour cause de Religio fussent eslargis, & que toutes les procedures faites contr'eux fussent supprimées & abolies & pardonnées toutes forfaitures iusques alors commises, & que leurs biens leur fussent rendus. Et establit peines capitales contre tous ceux qui s'offenseroient de fait, ou de paroles, pour cause de Religion. Et admonnesta vn chacun de suiure les ceremonies, & obseruances vsitées en l'Eglise, sans introduire aucune nouveauté. Le demeurant des Estats fut remis au mois de May prochain, auquel aussi on deuoit traiter de la Requête présentée par le Conte de Rochefort.

Le Pape, ayant entendu la mort du Roy François, ensemble l'aduis du Cardinal de Tournon, comment la Reyne s'estoit iointe avec le Roy de Nauarre, en fut grandement trauaillé en son esprit, redoutant qu'ils ne laschassent encor d'auantage la bride aux Reformez. Et pourtant il enuoya de son costé Laurens Lentio, Euesque de Ferme, & moyena que le Roy d'Espagne y enuoyast du sien Jean Munriquez, pour consoler la Reyne sur la mort de son fils, & pour faire bons offices enuers elle, & luy recommander la religion, en laquelle elle estoit née & nourrie. & luy remonstrer qu'elle se souuinist des

1561.

le député du tiers Estat impose les maux au clergé, celui de la noblesse de mesme, requiert liberté de conscience

celuy du clergé, refut la reformation, presse les supplices, & insiste pour les reuenus & les exemptions.

le Roy fait surseoir les supplices & interdit les offenses & les innovations,

1561. grands & souverains bienfaits, qu'elle auoit receus du S. Siege, par le moyen du Pape Clement : & qu'elle ne permist tant de licence, qu'en fin elle causast vn Schisme : & aux maux presens & pressans ne cherchast remede ailleurs qu'en l'Eglise Romaine. Que le Concile estoit ia intimé pour cela : mais que cependant elle pourueust que le Royaume nes'esloignast de la pieté, & que nul preiudice ne fust fait au Concile legitiment conuocé.

Telle estoit la face des affaires à l'issuë de l'année mil cinq cens soixante, qui laissoient vne queue, & des dispositious à d'autres beaucoup plus grâdes. L'année ensuiuante mil cinq cens soixante-vn, Manriquez estant arriué en France, & ayant exposé sa creance ent de la Reyne mere fauorable & pieuse resposé sur le fait de la Religion, & du Concile. Mais en ses deuis ordinaires, qu'il auoit avec elle sur ce mesme suiet, selon que l'occasion s'en presentoit, il l'exhortoit tousiours à proceder contre les Huguenots par voye de supplices, & punitions corporelles : entremeslant par fois aussi des menaces à ses exhortations.

A cela s'opposoit le Roy de Nauarre, contraire à toutes les intentions des Espagnols, à cause des desseins qu'il auoit de reconquerir son Royaume de Nauarre. Dont Manriquez fit parrie avec la maison de Guise, & autres, qui auoient mesmes desseins de rendre ce Roy fauorable aux Catholiques, au Pape, & au Concile, de luy proposer qu'il prist la protection de la Religion Catholique en France, & qu'il repudiaist Ieanned' Albret, Reyne hereditaire de Nauarre, comme heretique : retenant, par autorité Papale, les droits & pretensions sur ce Royaume. dont elle seroit par le Pape declarée dechuë & priuée pour cause d'heresie : & qu'il prist à femme Marie, Reyne d'Escoffe : au moyen duquel mariage il auroit aussi le Royaume d'Angleterre, apres que la Reyne Elizabeth en auoit esté destituée par sentence Papale. A quoy les Guisars luy promettoient l'autorité du Pape, & les forces du Roy d'Espagne : lequel en outre, en eschange du Royaume de Nauarre, luy donneroit celuy de Sardaigne. Et continuerent encor depuis à figurer & presenter les mesmes choses à diuerses faces, à ce Prince, avec tant d'artifice, qu'ils le tinrent tousiours depuis en haleine, & le menèrent en lesle iusques à sa mort.

En Allemagne, les Princes de la Confession d'Ausbourg, assemblés à Naumbourg, principalement pour la cause du Concile, mirent premierement en consideration, Que c'estoit vne grande honte à eux, que leur Religion, à cause de la diuersité des doctrines & sentimens, fust estimée vne vraye cohue, & confusion. Et pourtant proposerent, auant toute autre chose, qu'il estoit expedient de s'accorder tous en vne mesme doctrine : & puis qu'ils delibereroient, s'ils deuoient refuser, ou accepter le Concile. Sur le premier chef, plusieurs disoient, Qu'il n'y auoit point de differend essentiel entr'eux : & que les sectes des Papistes estoient beaucoup plus differentes, & sur des points plus substantiels, concernans les fondemens de la Religion. Et pourtant qu'il falloit auoir, pour fondement de la doctrine commune à tous, la Confession d'Ausbourg : que si hors icelle il y auoit quelque differend, il importeroit fort peu. Mais il fut remonstré, que de cette mesme Confession il y auoit diuers exemplaires les suiuaus ayans tousiours adicusté quelque chose, voire diuerses en diuerses editions : dont les vns suiuoient l'une, & les autres l'autre : & pourtant estoit iugé par aucuns, qu'on deuoit prendre la mesme, qui auoit esté presentée à l'Empereur Charles, l'année mil cinq cens trente. Mais ceux du Palatinat ne s'y accordoient point, sinon qu'on y mist au deuant vne preface, qui declarast que l'autre edition n'estoit pas discordante de celle-là. A quoy le Duc de Saxe repliquoit, Qu'il estoit impossible de clorre les yeux, & de boucher les oreilles du monde, pour faire qu'il ne vist & entendist les differends qu'ils auoient entr'eux, & les diuersitez qu'il y auoit entre ces editions. Et que de vouloir monstrier vnion là où reelement il y a differend, n'estoit autre chose, que de s'exposer à estre conuaincu de vanité & de mensonge. Apres plusieurs contestes, on en demeura comme on estoit, sans autrement conuenir en ce point. Quant au Concile, les vns proposoient de le recuser absolument : autres estoient d'aduis qu'on enuoyast Ambassadeurs.

qui gaigne
par fausse
promesses
le Roy d'
Nauarre,

les Prin-
ces Prote-
stans ras-
semblent de
s'accorder
à Naum-
bourg,
mais en
vain.

prenent
conclusion
sur le fait
du concile.

Ambassadeurs, pour faire offres d'aller à vn Concile libre & Chrestien, & pour proposer recufation de Iuges, & exceptions de l'incommodité du lieu, & autres, ia par plusieurs & diuerfes fois représentées: afin que cela seruist à monſtrer, qu'ils ne refuſoient point vn Concile légitime, & que c'en'eſtoient point eux, ains l'ambition de la Cour de Rome, qui empeschoit l'vñion de l'Eglife. Que cela leur acquerroit plus de faueur enuers les Catholiques Alle-mans. Et la conſolution fut priſe de ſupplier l'Empereur en cette forme.

Les deux Nonces arriuerent enſemble en Autriche, & trouuerent l'Em-pereur à Vienne, par lequel ils furent conſeillés d'aller tous deux promptement à Naumbourg, en Saxe, là où les Proteſtans eſtoient aſſemblés à la Diete, & de traiter avec eux avec le plus de douceur & de moderation qu'il leur ſeroit poſſible, ſe gardans bien de les effaroucher; ny offeñſer. Et ce conſeil eſtoit fondé ſur ce, que s'ils alloient vers vn chacun en ſes propres eſtats, ils ſeroient renuoyés de l'un à l'autre, ſans pouuoir iamais auoir aucune aſſeurée reſponſe, ne reſolution. Mais, qu'apres que tous deux conioin-tement auroient fait cét office, ils pourroient ſe departir l'un d'avec l'autre, & chacun aller particulièrement vers ceux, auſquels ils eſtoient enuoyés. Il leur rememora les conditions, ſous leſquelles les Proteſtans autresfois auoient condeſcendu à conſentir au Concile: afin que, ſi d'auanture ils en faiſoient mention, eux Nonces euſſent la replique toute premeditée à leur faire, au nom du Pape. L'Empereur enuoya en leur compagnie trois ſiens Ambaſſadeurs à la meſme aſſemblée: & le Roy de Boheme les recommanda au Duc de Saxe, pour la ſeureté du voyage. Les Ambaſſadeurs Imperiaux, arriués à la Diete, eurent audience. & là exhorterent les Princes à entreue-nir au Concile, pour terminer vne fois les calamités d'Allemagne. Les Prin-ces, apres deliberation priſe, reſpondirent, Qu'ils remercioient Sa Maieſté Imperiale. Et quant au Concile, dirent, qu'ils ne le refuſeroient point, en cas que la parole de Dieu y fuſt Iuge, & que les Eueſques fuſſent quites du ſer-ment qu'ils ont au Pape; & au Siege de Rome; & que les Theologiens Prote-ſtans y euſſent auſſi avec eux voix & ſuffrage. Mais, que voyant que le Pape n'admettoit à ſon Concile autres que les Eueſques qui ſont à ſon ſerment, contre quoy ils auoient touſiours proteſté, ils tenoient pour choſe fort diffi-cile, qu'on puſt iamais venir à aucun accord. Qu'ils auoient bien voulu re-préſenter cecy à l'Empereur en toute reuerence par voye de prouiſion, dif-ferant à luy rendre reſponſe plus pleine, apres qu'ils auroient auſſi communi-que le fait avec les Princes abſens. Puis furent introduits les Nonces du Pa-pe: leſquels apres auoir haut-loué la pieté & les religieuſes intentions du Pa-pe, à auoir priſe la deliberation de renouueller le Concile, pour l'extirpa-tion des Sectes, attendu qu'il y auoit quaſi autant de Religions & d'Euangi-les que de Docteurs; adiouſterent, Qu'il les auoit enuoyés, pour les conuier à fauoriſer & contribuer à vn ſi ſaint œuure: avec promeſſes que tout ſeroit traité au Concile en charité Chreſtienne, & que les aduis y ſeroient libres. Puis leur preſenterent les Brefs du Pape, eſcrits à chacun d'eux. Le len-demain tous les brefs du Pape leur furent renuoyés tous clos comme ils eſtoient: & furent rappelés, pour receuoir la reſponſe, laquelle fut de telle teneur, Qu'ils ne recognoiſſoient aucune Iuriſdiction du Pape de Rome: qu'ils n'auoient que faire de s'ouurir enuers luy quelle eſtoit leur intention, ou volonté ſur le fait du Concile: qu'ils auoient aſſez declaré leur intention & aduis à l'Empereur leur ſeigneur. Qu'à eux Nonces, Gentilshommes d'une Republique grandement amie, & doués de dignes qualités, ils offroient tout bon office, & feroient encor d'auantage, s'ils ne venoient de la part du Pape. Avec cela fut terminée l'aſſemblée, apres en auoir intimé vne autre pour le mois d'Auril, pour donner accompliſſement au traité des'aſſembler entr'eux.

Le Nonce Daulphin, en ſon retour, expoſa ſa commiſſion en diuerſes vil-les. Le Senat de Noremberg luy rendit reſponſe, Qu'il n'entendoit point ſe departir de la cōfeſſion d'Ausbourg: ny d'accepter le Concile, cōme n'ayant

1561. les conditions recherchées par les Protestans. Le Senat de Strasbourg, & celui de Francfort, respondirent de mesmes. Celui d'Augsbourg, & celui d'Ulme dirent, qu'ils ne se pouvoient departir des autres; qui tenoient la mesme Confession qu'eux. Le Nonce Commendon, à son depart de la Diete alla à Lubec, d'où il enuoya demander saufconduit à Friderich Roy de Danemarck, pour luy faire son Ambassade, au nom du Pape, & pour le conuier à fauoriser le Concile. Mais iceluy respondit, que ne son Pere, ne luy, n'auoient iamais eu à traiter chose aucune avec le Pape: & pourtant, qu'il ne se soucioit point de receuoir de luy aucune Ambassade. Mais des Prelats, Princes, & Villes Catholiques, tous deux ces Nonces remporterent responses fauorables, avec offres de deuotion au Pape: mais quant au Concile, qu'il en falloit traiter avec l'Empereur, d'autant que de necessité il en falloit consulter ensemble, pour crainte des Lutheriens. Quant à Ierosme Martinengue, que le Pape auoit enuoyé pour la mesme cause à la Roine d'Angleterre, il receut commandement d'elle, estant encor en Flandres, de ne passer la mer. Et combien que le Roy d'Espagne, & le Duc d'Alue, fissent puissans offices, à ce qu'il fust admis & ouï, recommandant grandement à la Roine la cause de cette Legation, qui estoit l'vnion de toute l'Eglise Chrestienne en vn Concile general, la Roine toutesfois persista en sa premiere deliberation: & respondit, qu'elle ne pouuoit traiter chose quelconque avec l'Euesque de Rome, l'autorité duquel, par le consentement du Parlement, estoit excluse d'Angleterre.

celuy de Pologne receu: mais ne peut percer en Moscouie, selon le commandement du Pape, à cause de la guerre entre le Polonois & le Moscouite: mais il alla en Prusse, où il eut pour respõse du Duc, que pour luy, il estoit de la cõfession d'Augsbourg, & ne consentiroit iamais à aucun Concile Papal. Les Suisses assembles en Diete à Bade, ouïrent le Nonce du Pape: & vn des Bourgmaistres de Zurich, ayant receu le Bref du Pape, le baïsa: dont le Pape ayant eu la nouuelle, ne se pût tenir d'en faire part, avec beaucoup de ioye, à tous les Ambassadeurs residens aupres de soy. Mais apres que l'affaire touchant le Concile eust esté consultée, les Catholiques respondirent, que pour eux, ils y enuoyeroient: & les Euangeliques à l'opposite, qu'ils ne l'accepteroient point.

Dés que la negotiation des Nonces à Naumbourg fut suë à Rome, on gromela fort contre le Pape, qu'il eust enuoyé des Nonces à la Diete des Protestans. Mais, il s'excusoit, disant, qu'ils n'y estoient point allés par son commandement, mais qu'il les auoit tant seulement enchargés de faire ce que l'Empereur trouueroit expedient, & qu'iceluy l'auoit ainsi trouué bon: dequoy aussi il ne le blasmoit point, ne se souciant pas de pointilles de reputation, mais ayant sa pensée seulement au bien, & vtilité. L'Empereur fit voir à ses Theologiens, & consulter la Bulle du Concile: & escriuit au Pape, que, comme Ferdinand, il vouloit & entendoit d'adherer totalement au vouloir de Sa Sainteté, & se contentoit de toute forme de Bulle, & feroit tout deuoir pour y faire accommoder toute l'Allemagne: mais que, comme Empereur, il ne pouuoit rien dire, tant qu'il n'eust eu response de ce qu'auroient traité & negocié les Nonces Apostoliques & ses Ambassadeurs, qui estoient allés à la Diete, assemblée par les Protestans à Naumbourg. Bien tenoit-il presque pour tout assuré, que si le Pape declaroit que la conuocation du Concile n'estoit point continuation, ains nouuelle indiction: ou bien, que les matieres ia decidées pussent estre reneuës, & examinées de nouveau, la Bulle seroit acceptée. Le Roy de France escriuit à son Ambassadeur à Rome, en date du dernier Ianuier, qu'en la Bulle il y auoit quelques choses à reformer, auant qu'il la pût receuoir. Car, ores qu'elle portast le titre d'Indiction: toutesfois, au corps & contenu d'icelles, il y auoit certaines paroles, & termes inserés, qui marquoient qu'elle estoit faite pour oster les suspensions du Concile ia encommencé: & que sans doute ces termes estans suspects aux Allemans, ils en rechercheroient la declaration,

ce qui prolongeroit grandement la tenuë du Concile. Et en cas que le Pape n'acquiesçast à donner contentement à l'Empereur, & à eux, il en naitroit tant de diuisions & de difficultés en Chrestienté, que le Concile ne seroit qu'en apparence, & parade, sans fruit, ny vtilité. Que pour luy, il se contentoit assez du lieu de Trente, & ne faisoit aussi point de scrupule si c'estoit nouvelle indiëtion, ou continuation, attendu que Niquet luy auoit fait entendre la volonté du Pape estre de consentir que les determinations ia faites pussent estre de nouveau disputées, & examinées. Mais, comme l'execution de cela seroit pour rendre chacun satisfait, aussi estoit-il necessaire d'en faire vne preallable declaration, pour oster tous ombrages & pour asseurer tous : & de procurer qu'en toutes sortes l'Empereur fust contenté : à défaut dequoy, on ne pouuoit esperer bon & heureux succès du Concile : lequel venant à luy manquer, il recourroit au remede proposé par le Roy François, son frere, d'un Concile National, lequel seul estoit capable de pourvoir aux necessités de son Royaume. Il bailla aussi charge à son Ambassadeur, de se plaindre à Sa Sainteté, de ce que le Roy François, son frere, ayant avec tant d'instance procure l'ouuerture du Concile, la Bulle toutesfois ne faisoit aucune honorable mention de luy. Ce que chacun pouuoit voir auoir esté fait, pour ne nommer le Roy de France immédiatement apres l'Empereur. Le Roy ne laissa point pour tous ces esgards, afin d'auancer les affaires de la Religion, d'escrire en mesme temps lettres aux Prelats de son Royaume, qu'ils se preparaissent pour s'acheminer au Concile, & s'y trouuer au temps de la conuocation. Et de ces lettres il enuoya copie à Rome.

Le Pape eut aduis par son Nonce, Que les difficultés que faisoit le Roy contre la Bulle, procedoient des offices du Cardinal de Lorraine, lequel luy faisoit voir que le Concile ne seroit autre qu'une continuation. Partant apres auoir oui la proposition de l'Ambassadeur, il respondit, qu'il s'esbahissoit bien, comment le Roy, lequel tenant de ne reconoistre aucun supérieur, s'assuiettissoit ainsi aux volontés, & discretion d'un autre Prince, à qui il n'appartenoit point de se mesler de semblables affaires, mais qui deuoit se rapporter de tout au Vicaire de Christ, à qui il touche de conduire & moderer tout ce qui concerne la Religion. Que la Bulle, faite par luy, estoit approuuée par tous les autres, & n'auoit aucun besoin de reformation : & aussi il estoit resolu de là laisser en la forme qu'elle estoit. Que, quant à nommer le Roy de France en la Bulle, il n'y auoit point pensé : & les Cardinaux, auxquels il auoit baillé charge de la minuter, auoient cru qu'il suffisoit de nommer l'Empereur, & tous les Rois en general : autrement, en nommant l'un, il les eust falu nommer tous. Que, pour luy, il n'auoit eu soin que de la substance de la Bulle, & auoir laissé le demeurant aux Cardinaux. Cette response ne satisfaisoit point aux François, auxquels il sembloit que leur preeminence ne deuoit point estre ainsi passée sous des termes generaux, tant pour la grandeur de leur Royaume & Estat, que pour leurs merites enuers le S. Siege. Mais le Pape les contenta, disant, qu'il est impossible d'auoir tousiours l'œil par tout : mais qu'à l'aduenir il feroit toute diligence, à ce qu'aucune faute ne fust plus commise. Quoy qu'en effet il fist peu d'estat de ce Royaume, voyant que, sans aucun respect à son autorité, on y mettoit la main es choses propres au Pape, comme à pardonner aux heretiques, & à faire reiglemens es choses Ecclesiastiques, mesmes reseruées au Pape. Car, es Estats assemblez, comme nous auons dit, à Orleans, au mois de Ianuier, il auoit esté ordonné, que les Euesques fussent eletts par le Clergé, avec l'Interuention des Iuges royaux, & par douze Nobles, & douze du peuple : & que nuls deniers ne fussent plus enuoyés à Rome, pour raison des Annates. Que tous les Euesques, & Curés, eussent à resider personnellement, sous peine de perdre le fruit de leurs Benefices. Qu'en chaque Eglise Cathedrale, il y eust vne prebende reseruée pour vn Lecteur en Theologie, & vne autre pour vn maistre d'eschole pour les petis enfans. Que tous les Abbés, & Abbeses, Prieurs, & Prieures, fussent suiuetes aux Euesques,

1562

ce que le
Pape re-
fusa, &
fit remon-
strance au
Roy.

ayant peu
d'esperan-
ce en la
France,

pour les or-
donnances
faites par
les Estats
en matie-
res Eccle-
siastiques;

nonobstant exemption quelconque. Qu'on n'eust à exiger chose aucune pour l'administration des Sacremens, des sepultures, ou d'autres fondions spirituelles. Que les Prelats n'eussent à employer Censures, sauf pour delits & scandales publics. Que les Religieux ne pussent faire profession, les masles auant l'aage de vingt-cinq ans, les femmes auant celuy de vingt: & qu'auant ce temps, ils pussent disposer de leurs biens, en faueur de qui il leur plairoit, sauf du Monastere. Que les Ecclesiastiques ne pussent recevoir testamens ou dispositions de derniere volonté, là où quelque chose leur estoit leguée, ou donnée. Il y eut encor d'autres choses; ordonnées pour plus grande reformation des Eglises; & des personnes Ecclesiastiques. Le Nonce enuoya ces ordonnances au Pape, quoy qu'elles ne fussent pas publiées pour lors: d'autant que ceux qui gouuernoient en France se contenterent d'auoir donné ce contentement apparent au general, qui requeroit reformation: sans qu'aucun se souciaist beaucoup d'en voir l'exécution pratiquée.

*le Roy
d'Espa-
gne sur-
soye de
recevoir
la Bulle,*

En Espagne, tout au contraire, les Theologiens du Roy n'agreoient point la Bulle, d'autant qu'elle ne portoit point ouuertement, que ce fust vne continuation du Concile ia commencé: &, combien que l'ambiguité affectée y parust tout clairement, il leur sembloit, selon qu'il aduient à ceux qui censurent les dits d'autrui, que les termes panchoient plus au sens de la nouvelle intimation. Et mesmes quelques vns d'entr'eux tenoient, qu'on en pouuoit tirer consequence euidente, que les choses ia determinées à Trente, deuoient estre derechef examinées: chose, laquelle ils disoient estre toute pleine de danger, & qui donneroit de l'audace aux Protestans, voire mesme pourroit causer quelque nouvelle diuision entre les Catholiques. Le Roy d'Espagne fursit de recevoir, & de faire publier la Bulle, sous couleur que l'ambiguité des paroles & termes ne luy agreoit point, & qu'il iugeoit necessaire que, sans desguisement, il fust exprimé, que c'estoit vne continuation du Concile, & que les choses determinées ne deuoient point estre reuouquées en doute, & remises en dispute. Mais en effet, c'estoit d'autant qu'il auoit esté grandement offensé, que le Pape eust receu en la sale des

*mal con-
tent de la
reception
faite par
le Pape à
l'Ambas-
sadeur du
Roy de
Nauarre.*

Rois, & comme Ambassadeur du Roy de Nauarre, l'Euesque de Cominges, que ledit Roy luy auoit enuoyé, pour luy offrir obeissance: reputant cet acte à vn grand preiudice à sa possession en ce Royaume-là, sur lequel il n'a autre titre, ne fondement de droit, que l'excommunication de Iules II. Et pour ce aussi qu'il prestoit l'oreille à Monsieur de Cars, enuoyé par le mesme Roy, pour induire le Pape à s'employer à ce que la Nauarre luy fust restituée, ou qu'equiuallante recompense luy fust donnée, & que le Pape promist d'y faire puissans deuoirs enuers le Roy d'Espagne. Le Pape là dessus enuoya tout

*de quoy le
Pape se
iustifie.*

expres l'Euesque de Terracine en Espagne, pour iustifier & excuser ce qu'il auoit fait en faueur du Roy de Nauarre: & aussi pour rendre, comme par occasion, raison de sa Bulle. A ceux, qui de ces contrarietés d'opinions de si grands Princes, conceuoient des craintes & apprehensions, il respondit, Que, par affection paternelle il auoit conuié tous: mais que quant aux Protestans, il les tenoit pour irreparablement perdus: & pour les Catholiques d'Allemagne, il scauoit bien qu'ils ne pouuoient adherer au Concile, sans se separer des autres; & faire naistre vne guerre. Mais, que quand mesmes encor quelque autre Prince Catholique n'y voudroit adherer, il ne laisseroit pas de proceder de son autorité absoluë, comme auoit fait le Pape Iules, sans le Roy de France. Mais toutesfois avec ses plus intimes & confidens, il se descouuroit qu'il ne pouuoit encores asseurer où toutes ces agitations & incertitudes pourroient aboutir, & pourtant les tenoit pour indifferentes, y ayant autant à craindre de mauuaise issue, qu'à esperer de bonne. Cependant de cette incertitude de Concile il tiroit ce benefice, qu'il en tenoit en arrest les Princes, & les Prelats, pour n'attenter choses nouuelles: & d'ailleurs il s'en seruoit pour vn specieux pretexte de refuser raisonnablement les demandes qui n'estoient pas de son goust; s'excusant, que, puis que le Concile estoit ouuert, il falloit de necessité proceder avec beaucoup de re-

*disposition
du Pape
sur ces di-
uersités.*

serue & de circonspection, sans prodiguer les graces & les concessions. Aussi, quand il suruenoit quelque difficulté malaisée ou impossible à desmesler, il s'en sauuoit la remettant au Concile. Il n'auoit qu'une crainte, que les mau-
 uaises affections des Protestans enuers l'Eglise Romaine ne causassent quel-
 ques incursions & inondations en Italie, dont tout le mal-heur seroit versé
 sur luy. Et voyant ia vne ouuerture faite, par vne querelle de preface en-
 tre le Duc de Florence & celuy de Ferrare, laquelle ne se tenoit plus dans
 les bornes de cause ciuile. Cosme, Duc de Florence, pretendoit la preemi-
 nence sur l'autre, comme representant, & tenant le lieu & place de la Re-
 publique Florentine, laquelle de tout temps auoit esté preferée aux Ducs
 de Ferrare. Alphonse, Duc de Ferrare, à l'opposite, la pretendoit, parce
 que la dignité Ducale auoit, dès plusieurs generations, esté en sa maison:
 en lieu que Cosme estoit le premier Duc de Florence de sa race: auquel aussi
 les droits de la republique ne pouuoient fauoriser, ne prester aduantage, at-
 tendu qu'icelle ne subsistoit plus. Le Duc de Ferrare estoit porté par la
 France, comme cousin du Roy Henry II. & beau-frere de ceux de Guise.
 L'autre se fondeoit sur vne sentence de Charles-quin rendue en sa faueur.
 Mais Alphonse faisoit instance en Allemagne, à ce que l'Empereur, avec les
 Electeurs, en iugeast en pleine Diete: ce qui sembloit au Pape chose fort
 dangereuse: attendu que, si les Dietes d'Allemagne venoient à rendre sen-
 tences es causes de l'Italie, cela tireroit apres soy execution de sentence, &
 en suite crainte d'armes. Pour remedier à cela, le Pape escriuit vn Bref à
 chacun de ces deux Ducs, leur remonstrant que c'estoit chose propre du S.
 Siege, & du Vicairé de Christ, de rendre sentences en semblables causes: &
 commandoit à tous deux d'exposer à luy, comme seul legitime iuge, leurs
 droits & raisons, & en attendre la sentence.

Et pour estre préparé à tout euénement, il delibera de fortifier le Chasteau
 S. Ange, & la ville Leonine, appelée vulgairement le Bourg S. Pierre, &
 les autres bonnes places de ses Estats: & imposa pour lors vn subside de trois
 Iules par Rube de blé, en tout l'Estat Ecclesiastique. Et, pour ne donner
 point de ialousie aux Princes, il appella à soy les Ambassadeurs d'Espagne,
 de Portugal, & de Venise, auxquels il fit part de sa deliberation, & des rai-
 sons qui le mouuoient: & leur enioignit d'en donner aduis à leurs Princes.
 Et entr'autres choses, leur dit, Que cet impost greueroit fort peu ses suiets,
 estant de beaucoup moindre que la charge imposée par Paul quatrieme: qui
 auoit ordonné la celebration de la feste de la Chaire de S. Pierre: veu que,
 par son imposition le pauvre ne payeroit que trois Iules en toute l'année,
 en lieu que la feste de Paul luy en faisoit perdre cinq, chomant vn iour
 entier.

Le temps assigné au commencement du Concile approchant, le Pape, pour
 ne faillir à ce qui estoit requis de son costé, deputa pour Legats à y presider,
 Hercules Gonzague, Cardinal de Mantouë, personnage fort signalé pour la
 grandeur de sa maison, & pour la renommée de Ferrand, son frere, & mes-
 mes pour sa propre vertu: & employa l'entremise de l'Empereur pour le
 persuader d'accepter cette charge, ayant grande confiance en sa suffisance,
 & dextérité. Il luy adioignit aussi Jacques du Puits, de Nice, Cardinal, ex-
 cellent Iuriconsulte, versé par vn long espace de temps en la Rote, dont il
 estoit Doyen: & puis es Signatures de Iustice, & de Grace. Et disoit qu'il
 auoit intention de faire encore trois autres Legats, & que s'il n'en trouuoit
 des propres au College, il creeroit pour cet effet de nouveaux Cardinaux,
 gens de bien, Theologiens, ou Iuriconsultes. En outre, il fit vne Congrega-
 tion de Cardinaux, & de Prelats, pour mettre ordre à toutes les choses ne-
 cessaires, pour donner commencement au Concile à Trente, au temps de-
 terminé. Et tout à point luy vindrent lettres du Roy de France, en date du
 troisieme Mars, par lesquelles il luy disoit, comme cela luy fut aussi exposé
 par Monsieur d'Angoulesme, Ambassadeur ordinaire dudit Roy, Qu'il se
 contentoit du Concile, en quelque façon que ce fust: & qu'il desiroit en fin

1561.

d'en voir l'effet, & le fruit désiré par toute la Chrestienté. Ce qu'il luy enuoya aussi signifier encor plus expressement par Monsieur de Rambouillet, Ambassadeur extraordinaire : qui eut charge de représenter au Pape les nécessités de la France, & les instances, qui luy auoient esté faites d'un Concile és Estats tenus à Orléans : & luy declarer, Qu'en cas, que ce remede fust retardé d'auantage, il seroit forcé de prendre le remede au mal de chez soy mesme par vne Assemblée de ses propres Prelats : attendu qu'on n'en pouuoit voir aucun autre pour regler les affaires de la Religion ; qu'un Concile General libre, ou, au défaut d'iceluy, un National. Le Pape respondit à cette Ambassade, Que nul ne desiroit le Concile plus que luy : que ce n'estoit point de luy que venoient les longueurs, & les delais, ains des diuersités d'aduis des Princes, pour lesquels contenter tous également, il auoit baillé à la Bulle de conuocation la forme, qui luy sembloit la plus propre pour ce faire. La cause de ce changement d'opinion des François fut, Que, voyant leur Royaume en très-mauuais estat, ils estimerent que tout changement fait ailleurs, ne pourroit qu'amender leur condition.

*Et l'Espagne aussi
Et le Portugal,*

D'Espagne aussi l'Euesque de Terracine escriuit au Pape, Que ses propositions auoient esté bien receuës & agréées par le Roy : & que quant au fait du Concile, apres quelque consultation, il s'estoit en fin resolu, par conseil de ses Prelats, d'accepter la Bulle, sans en faire aucune difficulté : & d'enuoyer ses Euesques au Concile, à la premiere saison propre à voyager : & quant & quant de deputer vne honorable Ambassade pour y assister. Et en outre luy donna aduis, Que les Prelats de Portugal estoient partis de leurs maisons, & que ce Roy-là auoit ia deputé un Ambassadeur au Concile : mais qu'il auoit descouuert qu'aucuns de ces Prelats auoient intention d'y faire définir la superiorité du Concile par dessus le Pape, & qu'ils se preparent, & faisoient estudier plusieurs Theologiens sur cette matiere. Le Pape fit estat de cet aduis : & pesoit grandement ce qu'il pouuoit attendre, lors que les Euesques seroient assemblés en Concile, & confereroient tous ensemble : veu que, auant mesmes que partir, ils conceuoient de si hautes pensées. Et auoit quelque ombrage, que le Roy, & son conseil y pouuoient auoir part. Mais neantmoins, comme prudent, il le dissimula, iugeant bien, que si le Concile se tenoit, il pourroit bien aduenir que & cette nouveauté-là, & plusieurs autres, y seroient proposées, & entreprises à son desauantage, & à celui d'autres. Mais aussi, que chaque droit a son enuers, & que des choses entreprises, & pensées, il n'en reussit iamais la millieme partie.

*qui redoute encor
plus les
Francois,*

Il estoit bien plus à l'erte aux mouuemens des François, tant pour estre tous prests à esclater, que pour le naturel de la nation, prompt à trancher des resolutions, sans tant de lenteur & de circonspection, comme les Espagnols. Et pourtant à tous les aduis qu'il receuoit, il prenoit occasion d'en faire part à l'Ambassadeur de France, pour luy remonstrer qu'il ne falloit pas qu'ils pensassent en France à Conciles nationaux, Assemblées, ou Colloques, en matiere de Religion : car il les tiendrait tous pour Schismatiques : & qu'il prioit le Roy de ne se point seruir de ces moyens, lesquels indubitablement reduiroient la France, non seulement en pire, mais en très-mauuais estat : que, dès aussi tost que les difficultés d'Espagne seroient ostées, le Concile se tiendrait sans faute : car, pour celles qui continuoient en Allemagne, il n'y falloit auoir aucun esgard : car les Princes & les Euesques Catholiques consentiroient sans doute au Concile, & peut estre aussi le Duc de Saxe, comme il en auoit donné quelque demonstration, s'estant séparé des autres assemblés à Naumbourg. Qu'il esperoit que l'Empereur y assisteroit en personne, si la nécessité le requeroit : comme luy Pape aussi promettoit de sa part, en cas que luy mesme le iugeast nécessaire : ne voulant en cecy subir autre iugement que le sien propre.

Et despesche ses Legats à

Le temps de Pasques, destiné pour le commencement du Concile, approche. Le Cardinal du Puits se trouua grandement indisposé : dont le Pape, en sa place, deputa au Concile Frere Ierosme Seripande, Cardinal, Theo-

logien fameux, lequel il fit tout à l'instant partir, avec charge de passer par Mantouë, d'emmener avec soy l'autre Legat, pour se trouver tous deux au terme assigné à Trente. Mais cela ne fut point executé avec toute la diligence qui leur auoit esté ordonnée, tellement qu'ils n'arriuerent à Trente, qu'à la troisieme feste de la Resurrection, & trouuerent neuf Euesques, qui estoient ia arriués auant eux. Le Pape fit toutes diligences, pour faire preparer les Euesques d'Italie au voyage. Et pour cet effet escriuit lettres pressantes au Viceroy de Naples, & à son Nonce en ce Royaume-là. Il rechercha aussi la Republique de Venise, d'y faire acheminer ses Euesques d'Italie: & de faire commandement à ceux de Dalmatie, de Candie, & de Cypre, s'y rendre aussi: & en outre, de creer Ambassadeurs, qui y entreuinssent au nom de la Republique. Toutesfois les Prelats Italiens se bougeoient avec difficulté, sçachans pour certain qu'on ne pouuoit commencer la besogne auant quel assentiment de l'Empereur fust venu, lequel alloit tousiours prolongeant sur l'attente des Espagnols, & des François: & tenoient pour superflu d'aller à Trente, auant que ceux-là fussent arriués en Italie. Mais encor vne grande partie d'entr'eux, & sur tout les Courtisans, ne pouuoient croire que les actions du Pape ne fussent feintes & simulations. En quoy ils se trompoient: car la verité estoit que le Pape, voyant bien de ne pouuoir s'eschaper du Concile, desiroit de l'expedier au plustost: & disoit, Que le mal, qu'il souffroit par la prolongation, estoit certain: mais que celui, qui luy pouuoit arriuer de la celebration, estoit incertain. Que les ennemis du S. Siege, & siens, luy nuisoient plus par l'attente, qu'ils ne pourroient faire par la celebration. Et, comme il estoit d'un naturel determiné & resolu, il auoit accoustumé d'vser du prouerbe Latin, qu'il vaut mieux essayer vne fois le mal, que le craindre tousiours.

Pendant ces delais & remises, il se traitoit vn accord & pacification entre le Duc de Sauoye, & les Vaudois des Vallées du Piedmont. Le Duc auoit par l'espace de plus d'un an, essayé de les reduire par la voye des punitions: & apres qu'ils se furent mis en defense, comme il a esté dit, il attoit entrerenu des gens en armes contr'eux, & le Pape luy auoit à diuerses fois presté secours d'argent. L'aspreté du pais auoit fait que la guerre auoit esté menée seulement par escarmouches, & rencontres: mais en fin on vint à vne espeece de bataille rangée, en laquelle les gens du Duc, en nombre de sept mil, furent desfaits, avec la mort de quatorze seulement d'entre les Vaudois. Apres quoy, le Duc releua bien son armée, mais eut tousiours du depuis du pire, & fut souuent battu. Dont, voyant, qu'il ne faisoit autre chose, qu'aguerrir ses rebelles, & consumer son pais, & despandre ses deniers, il se resolut de les recevoir en grace. L'accord fut fait & conclu le cinquieme Iuin, & par iceluy le Duc pardonnoit les choses commises, oëtroyoit liberté de conscience, & leur assignoit certains lieux, esquels seuls il leur estoit permis de tenir leurs assemblees: & autres ne leur estoit loisible de prescher, mais seulement consoler malades, & faire autres deuoirs de religion: & en outre permettoit aux absentes de pouoir retourner au pais, & aux exilés de recouurer leurs biens. Mais se reseruoit de pouoir chasser les Pasteurs qu'il luy plairoit, leur permettant de s'en pouruoir d'autres: & qu'en tous lieux la Religion Romaine püst estre exercée sans empeschement, mais aussi sans qu'aucun y püst estre forcé. Le Pape eut vn extreme desplaisir, qu'un Prince Italien, auquel il auoit presté secours, & qui n'estoit point si puissant qu'il n'en püst encor pour l'auenir auoir tousiours besoin, eust permis à des heretiques de viure en liberté en ses Estats: mais sur tout il se sentoient greué de l'exemple, lequel luy pourroit tousiours estre obiecté par les Princes plus grands, qui voudroient permettre autre Religion. Il en fit plainte bien aigre dans le Consistoire: faisant comparaison de l'acte des ministres du Roy Catholique au Royaume de Naples, avec celui du Duc de Sauoye: car ceux-là en ce mesme temps, ayans descouuert vn amas de Lutheriens, lesquels, en nombre de trois mil, estoient sortis de Cosence, & s'estoient retirés és montagnes, pour

1561.

Et fait de
ligence
pour y faire
aller les
Euesques
d'Italie:

traité du
Duc de
Sauoye
avec les
Vaudois,

desplaisir
au Pape,

1561.

Et le Duc
s'en iusti-
fie :

en France
aussi on
met sus
vne As-
semblée
de Prelats
pour pour-
voir aux
desordres
de la Re-
ligion,

à laquelle
le Pape
depute le
Cardinal
de Ferrare
pour Le-
gat :

sur quoy se
descouvre
vne prai-
que du
Clergé de
France a-
uec le Roy
d'Espa-
gne,

pouuoir viure selon leur doctrine, & religion, les auoient desfaits en ayant pendus les vns, brullés les autres, & condanné les autres aux galeres. Et exhorta les Cardinaux à consulter des remedes. Mais il y auoit grande difference entre opprimer vn petit nombre desarmé, & esloigné de tous secours, & combattre avec vne grande multitude armée, en assiete & lieux desauantageux, & avec puissans secours à dos: Le Duc enuoya au Pape, pour iustifier sa cause. Et le Pape, ayant ouï ses raisons, & n'y pouuant conuenablement repliquer, acquiesça.

En France aussi, quoy que la Roine, & les Prelats, desirassent de contenter le Pape, en remettant les causes de la Religion au Concile, on ne laissoit pas pourtant de preparer vne Assemblée de Prelats: en laquelle l'Ambassadeur de France assureoit bien le Pape qu'on ne parleroit ny de doctrine, ny d'autre chose preiudiciable à l'autorité Papale: ains seulement des moyens d'acquiter les debtes du Roy, & des prouisions à quelques abus, & de la consultation des choses qu'il faudroit traiter au Concile General. Mais le Pape n'en prenoit point assurée creance: ains tenoit, que ces prouisions aux abus se rapportoient à empescher les emolumens de la Cour de Rome: & interpretoit ces consultations pour le Concile, pour vne intelligence avec les Espagnols, en matiere de la supreme puissance du Concile, mesmes sur le Pape, dont il auoit eu quelque halenee. Ioint que, par les dissensions, qui estoient entre les Grands en la Cour de France, & qui estoient aussi respanduës par les Prouinces, chacun procurant d'accroistre le nombre de son party & adherans; il y auoit par toute la France vne grande liberté de parler: & ceux qui faisoient profession de la nouvelle Religion se descouuroient tout ouuertement, & estoient portés & soustenus par les principaux aupres du Roy, à la grande indignation & despit des Catholiques. Et par tout le Royaume n'y auoit que debats & discordes, & par outrage l'un party contre l'autre vsoit des noms de Papistes & de Huguenots: & les prescheurs incitoient le peuple à troubles & seditions: & tous auoient en leurs mouuemens fins & intentions diuerses. Le Pape voyoit clairement, que si le party Catholique n'estoit tout adressé par quelqu'un à vn mesme but, il en pourroit naistre quelque monstruosité. Et pourtant, pour euitier icelle, & pour obuier ou trauerser ces desseins, il iugea qu'il y auoit besoin d'un ministre Apostolique, de grande autorité, mais non François: qui toutes fois fust plus interessé au Royaume, qu'au seruice du Siege Apostolique. Et, ayant tourné les yeux sur tous les Cardinaux pour en choisir vn Legat, ils arresta à celuy de Ferrare, auquel concouroient toutes les qualités requises, prudence singuliere & admirable dexterité à negotier, noblesse de sang alliée à la maison de France, estant beaufrere de Madame Renée, grand tante du Roy, & fille de Louis douzième: & parentage estroit avec la maison de Guise, dont le Duc auoit vne niece d'iceluy Cardinal en mariage, ce qui obligerait cette maison, tant puissante lors en France, à le favoriser. Le Pape donc, l'ayant choisi & depute, luy bailla quatre particulieres commissions: de favoriser le party Catholique, & d'oppugner les Reformés: de diuertir tout Synode National, & toute Assemblée de Prelats: de solliciter l'allée des Prelats au Concile: & de faire reuoyer les ordonnances faites en matieres Ecclesiastiques.

Mais, sur le depart du Legat, il aduint vn accident, qui porta de la crainte aux plus intimes du Roy, non moins d'entre les Catholiques, que d'entre les autres, qui descourirēt des tres-dânable dessein, par la prise d'un certain Artus Desire, lequel fut arresté à Orleans, saisi d'une Requête, au nom du Clergé de France avec laquelle ils'acheminait en Espagne, pour demander secours à ce Roy-là contre les Protestans, lesquels ne pouuoient estre reprimés assez puissamment par vn enfant, & vne femme: avec autres instructions plus secretes en chiffre, pour traiter avec le Roy. Iceluy estat apprehendé, & enquis des complices, en decela quelques vns, lesquels il estoit dangereux de publier: dont deliberatiō fut prise de ne passer plus auāt quant à ce point des complices:

complices : & fut ledit condamné à faire amende honorable, & à deschirer publiquement la Requête, & à tenir prison perpetuelle au Couuent des Chartreux. Le Conseil du Roy, ayant verifié beaucoup d'indices donnez par le prisonnier, iugea que de necessité il falloit bailler quelque contentement à l'autre partie. Et pourtant le Roy fit vn Edit, portant inhibitions & defences de plus vier de ces noms factieux de Huguenots : & de Papistes : & semblablement, que nul n'eust sous couleur de descouvrir les assemblées defenduës pour cause de Religion, à entrer en maison d'autrui, ny en grand, ny en petit nombre. Et ordonna, que tous prisonniers, pour cause de Religion, fussent eslargis : & que les exiliez, dès le temps de François premier, pussent retourner en leurs maisons & biens, en cas qu'ils voulussent viure Catholiquement : sinon qu'ils pussent vendre leurs biens, & aller demeurer ailleurs. Le Parlement de Paris s'y opposa, Que cét Edit sembloit permettre vne liberté de Religion, chose inouye en France. Que le retour des exiliez causeroit beaucoup de troubles, & que la permission de vendre les biens, & d'aller demeurer ailleurs, estoit contraire aux ordonnances du Royaume, qui ne permettent aucune extraction de somme de deniers.

Mais, nonobstant toutes ces oppositions, l'Edit fut executé, & les prisons furent vuidées, & les bannis furent reintegrez : dont le nombre des Reformez s'accrut, & se firent plus d'assemblies, & plus nombreuses que de coustume. Pour à quoy remedier, par meur aduis de personnes d'estat & de iustice, le Roy, accompagné de la Reyne, & des Princes, alla en Parlement : là où le Chancelier proposa, qu'on ne venoit point là pour parler de la Religion, mais seulement des remedes, pour obuier aux tumultes & troubles continuels pour cause d'icelle : afin d'empescher, que les peuples, deuenans licentieux, par l'accoustumance aux tumultes, ne s'emancipassent enfin du respect & obeyssance due au Roy. Il y eut trois opinions. La premiere, qu'on suspendist toutes les peines contre les Protestans, iusques à la decision du Concile. La seconde, qu'on procedast contr'eux par peines capitales. La troisieme, qu'on les remist à punir à la Cour Ecclesiastique, defendant cependant toutes assemblées, publiques ou secretes, & la liberté de prescher, & administrer les Sacremens, sauf qu'à la Romaine. Mais en fin resolution fut prise de garder vn certain temperament, & là dessus fut formé l'Edit de Iuillet, qui portoit, que tous eussent à s'abstenir des offenses, & des iniures, & eussent à viure en paix. Que les prescheurs n'eussent à esmouvoir tumultes, sur peine de la vie. Qu'on n'eust à prescher, ny à administrer les Sacremens autrement, qu'à la forme Romaine. Que la connoissance de l'heresie appartinst au Iuge Ecclesiastic : mais, lors que le coupable seroit liuré au bras seculier, qu'il ne pust estre puny plus grieuement que de bannissement : & ce, iusques à ce que, par vn Concile General, ou National, autrement en eust esté arresté. Que grace fut faite à tous ceux, qui auoient par le passé excité tumultes pour cause de Religion : pourueu qu'à l'aduenir ils vescuissent paisiblement, & Catholiquement. Puis apres on vint à traiter de la composition des controuerses, & fut ordonné que les Euesques s'assembleroient à Poissi au dixieme Aoult : & fut aussi baillé saufconduit aux Ministres des Reformez pour s'y trouver. Plusieurs Catholicks y opposerent viuement, tenans pour chose estrange, indigne, & dangereuse, de mettre en compromis la doctrine cruë & receuë iusques alors, & en hazard la Religion de leurs ancestres. Mais en fin ils cederent, pource que le Cardinal de Lorraine promettoit fort aduantageusement de confondre les heretiques, & en prenoit toute la charge sur soy. En quoy il estoit secondé par la Reyne, laquelle, connoissant le desir qu'auoit le Cardinal de faire ostentation de son grand esprit auoit à gré de le contenter.

Le Pape, ayant eu la nouuelle de ces deux Edits tout à la fois, y trouua de quoy loier, & de quoy blasmer. Il loioit le Parlement, en ce qu'il auoit soustenue la cause de la Religion. Mais il blasmoit la punition du simple bannissement, au contraire des Decretales des Papes. Et pour toute conclusion disoit, que, quand les maux surmontent la force des remedes il n'y a plus autre chose à faire que de les allegger par la patience. Que cette Assemblée de Prelats, sur

1561.

lequel me-
nace les
Prelats de
France,

tout avec les Reformez, estoit bien chose intolerable. Que pour luy, il vouloit faire tout son possible, pur y obuier : que si puis apres son trauail ne seruoit de rien, il seroit net de coulpe. Partant il traita viuement avec l'Ambassadeur, & fit conformément par son Nonce faire instances au Roy, à ce que, puis que l'Assemblée des Euesques ne se pouuoit plus omettre, du moins fust attendue l'arriuée du Cardinal de Ferrare : & que lors, par la presence d'un Legat Apostolic, muni de plein pouuoir, l'Assemblée seroit legitime. Il escriuit aussi aux Prelats de France, que leur pouuoir ne s'estendoit point à faire Decrets en matiere de Religion, ny de discipline appartenante à toute l'Eglise : & que s'ils outrepassoient leurs limites, non seulement il annulleroit tout ce qu'ils auroient fait, mais mesmes procederoit contr'eux à toute rigueur. Mais tous ces deuoirs & instances du Nonce, & del'Ambassadeur, ne firent aucun effet, par les oppositions non seulement des aduersaires du Pape, mais du Cardinal de Lorraine mesmes, avec ses adherans. Dont il fut dit au Nonce, au nom du Roy, que le Pape pouuoit estre en repos de l'Assemblée : attendu que rien n'y seroit resolu, que par l'aduis & conseil des Cardinaux.

mais les
affaires
continuent
à y passer
au desad-
uantage
du Pape.

Ainsi les affaires del'Eglise alloient à vau de route en France : & à Rome fut estimée grande breche, qu'és Estats, continuez à Pontoise, en vne querelle de preface entre les Cardinaux, & les Princes du sang, le Conseil auoit iugé en faueur des Princes contre les Cardinaux : à quoy les Cardinaux de Chastillon, & d'Armagnac, auoient cédé : nonobstant que celuy de Tournon, celuy de Lorraine, & celuy de Guise, se fussent retirez, avec desdain & murmure contre leurs Collegues. A cet accident s'en adioignirent encor d'autres, qui donnerent bien à penser à Rome. Car le Deputé du tiers Estat fut ouy avec beaucoup d'applaudissement, harangant contre l'Ordre Ecclesiastic, auquel il obiectoient ignorance & luxe : & requerant que toute Iurisdiction & reuenus luy fussent ostez, & qu'il fust tenu vn Concile national, auquel le Roy, & les Princes du sang presidassent : & qu'en cet entretemps il fut permis à ceux, qui ne retenoient les ceremonies Romaines, de s'assembler, & de prescher : y faisant assister quelque public ministre du Roy, afin qu'il apparust clairement, si chose aucune y estoit traitée contre le Roy. Il fut aussi traité là mesmes d'appliquer au public partie des reuenus Ecclesiastiques. Outre plusieurs autres choses, qui toutes butoient à la depression du Clergé. Et tous les iours le nombre des fauteurs des Reformés se rendoit plus grand. Le Clergé, pour se deliurer, fut contraint de promettre au Roy quatre decimes par an, pour le temps & terme de six ans, & ainsi appaisa en partie le bruit. Mais pour comble de ruine, la Roine escriuit vne longue lettre au Pape, en date du quatrieme Aoust, par laquelle elle

qui s'offe
sur tout
d'une let-
tre de la
Reyne me-
re, propo-
sant quel-
ques reme-
des aux
maux de
la Reli-
gion,

luy exposoit les eminens dangers où estoit la France pour les differens de la Religion, & l'exhortoit de penser aux remedes. Et disoit que le nombre de ceux, qui s'estoient separez de l'Eglise Romaine, estoit si grand, qu'il n'estoit plus possible de les reduire par loix, ny par force : qu'il y auoit entr'eux plusieurs des principaux du Royaume, lesquels en tiroient d'autres apres eux. Que plusieurs conseilloyent, attendu que nul d'entr'eux ne nioit les Articles de la foy, ne les six Conciles generaux, de les receuoir à communion. Mais, que si cela n'estoit trouué bon, & qu'il semblast plus expedient d'attendre le Concile general, il falloit cependant de necessité, pour l'urgent danger qui ne portoit delay, venir à quelque particulier remede, par la tenuë de quelques Colloques de l'un & de l'autre party : & admonester de se garder des iniures & cōtentions & des offenses de paroles d'un & d'autre costé : & oster tous scrupules à ceux qui n'estoient encor alienez, ostant du lieu de l'adoration les images defendues de Dieu, & condamnées par S. Gregoire ; & du Baptisme, le crachat & les exorcismes & les autres additions, non ordonnées par la parole de Dieu, & remettre sus l'usage de la Cōmunion du calice, & les prieres en langue vulgaire : & ordonner que chaque premier Dimanche du mois, ou mesmes encor plus souuent, les curez assem-

blaissent ceux qui voudroient communier, & que là on chantaſt les Pſalmes en langue vulgaire, & ſit prieres pour le Prince, pour les Magiſtrats, pour la ſalubre temperature de l'air, & pour les fruits de la terre: & puis qu'on expliquaſt les paſſages des Euangelistes, & de S. Paul, touchant l'Eucharistie: apres quoy on vint à la Communion. qu'on oſtaſt la feſte Dieu, laquelle n'a eſté intitulee que pour vne pompe, & parade: & que ſi on vouloit garder l'usage de la langue Latine es prieres publiques, on y adiouſtaſt la vulgaire, pour l'vtilité de tous. Tout cecy neantmoins bien entendu, ſans derogier en rien à l'autorité Papale, ny à la doctrine de l'Egliſe Romaine: veu qu'il n'eſt pas raſonnable, ſi les Miniſtres ont failly, d'oſter pourtant le miniſtere. Toutes ces choſes furent eſcrites ſelon l'opinion commune, à la ſuſcitation & perſuaſion de Jean de Monluc, Eueſque de Valence, avec trop de liberté François. Le Pape en fut grandement eſmeu, attendu le temps, tout plein d'ombrages & ſouppçons, pendant qu'on parloit du Concile national, & que deſia le Colloque de Poiſſi eſtoit intimé. Mais toutesſois, apres meure deliberation, il ſe reſolut d'y proceder avec diſſimulation, & ne rendre autre reſponſe: ſinon, que le Concile eſtant tout preſt à tenir, on y pourroit propoſer tout ce qui ſeroit iugé neceſſaire: avec certaine eſperance, qu'en iceluy ne ſeroit faite aucune reſolution, qui ne fuſt pour le ſervice de Dieu, & pour le repos de l'Egliſe.

Ces accidens confermerent le Pape en l'opinion qu'il auoit conceuë, que le Concile eſtoit vtile pour luy, & pour la Cour de Rome: & qu'il eſtoit neceſſaire de le celebrer pour ſa deſenſe contre les appareils, qu'il voyoit faire, & qu'il ſoupponnoit encor plus grands: de laquelle auſſi il donna de grands ſignes par la ioye qu'il monſtra le vingt-quatrième Aouſt, ayant receu lettres del'Empereur, par leſquelles il diſoit, qu'en tout & par tout il conſentoit au Concile: & que le delay, qu'il auoit mis iuſques alors à ſe declarer, n'auoit eſté que pour y attirer les Princes d'Allemagne: mais qu'à preſent, qu'il voyoit ne pouuoir rien auancer, il le prioit de continuer ſes bons deuoirs & diligences, pour en accelerer la celebration. Le Pape monſtra cette lettre à tous les Ambaſſadeurs des Princes, & à la plus part des Cardinaux, leſquels il auoit tous assemblez oomme en vne forme de Conſiſtoire: diſant, qu'elle meritoit d'eſtre eſcrite en lettres d'or: & adiouſtant que le Concile ſeroit de tres-grande vtilité, & qu'il ne le falloir point diſſerer: qu'il ſeroit ſi vniuerſel, que la ville de Trente ne le pourroit contenir, & qu'on ſeroit contraint de penſer à le transferer ailleurs, en lieu plus commode pour grandeur de ville, & fertilité de païs. Tous les aſſiſtans confermerent les propos du Pape: ſeulement ſembla-il à quelques vns qu'il eſtoit dangereux de parler de translation dès l'entrée, lors que tout petit ſouppçon pouuoit apporter beaucoup de deſtoubrier, ou du moins, de delay: ce que meſmes aucuns croyoient ne deuoir eſtre deſagreable au Pape, lequel ils penſoient auoir laſché ce mot pour faire vne feinte, par laquelle les difficultez & oppoſitions puſſent ſe fourrer.

On tenoit ia pour tout reſolu, & eſtoit notoire à tous, que d'entre les Prelats Allemands il n'en viendrait aucun au Concile: & doutoit-on auſſi bien fort, attendu le Colloque aſſigné, que les François feroient leur cas à part: dont le Concile ne ſeroit compoſé d'autres, que d'Eſpagnols, & Italiens: & veu qu'il eſtoit aiſé à preſumer, que le nombre des Eſpagnols ne ſeroit gueres grand, les Italiens entrerent en opinion qu'un petit nombre d'entr'eux ſuffiroit auſſi: & pourtant pluſieurs pourchaſſoient par offices, & par faueurs, d'eſtre du nombre des exemptez. Mais le Pape au contraire diſoit haut & clair, qu'il eſtoit tout aſſeuré, que tous les Vlttramontains venoient avec ce deſſein d'aſſuiettir le Pape au Concile: que c'eſtoit là un intereſt commun del'Italie, laquelle auoit l'aduantage du Pontificat chez ſoy, par deſſus tous autres pays: & que partant tous eſtoient obligez d'aller au Concile pour la deſenſe d'iceluy. Qu'il ne vouloit en exempter aucun, de quoy tous ſe deuoient certifier, en voyant ſa diligence à y enuoyer des Legats: car, outre les

1561.

*Et y de-
pu-
te encor
Hofius
pour Legat,*

Cardinaux de Mantouë, & Seripande, il y auoit aussi fait aller Stanislaus Hosius, Cardinal de Vvarmie, Polonois. Le iour d'apres que la lettre de l'Empereur eust esté publiée, quoy que ce fust iour de Dimanche, il tint Congregation generale de tous les Cardinaux, en laquelle il traita de beaucoup de particularitez, concernant le commencement, & le progrez du Concile: & spécialement promit de subuenir aux Prelats pauvres: mais dit qu'il vouloit qu'ils y allassent, & pour tout terme ne leur donnoit que huit iours. Et monstra combien estoit necessaire le Concile, puis que tous les iours la Religion estoit dechassée, ou esbranlée en quelque lieu: en quoy il disoit bien le vray: car desia en Escosse, en l'Assemblée de toute la Noblesse du Royaume, il auoit esté ordonné, qu'il n'y auroit plus aucun exercice de la Religion Catholique Romaine.

*colloquede
Poissi, &
sa forme,*

Au mois d'Aoust, les Prelats de France furent conuqués à Poissi, & traierent de la reformation de la vie & mœurs du Clergé: mais le tout demeura là sans conclusion. Puis furent assemblez les Ministres des Reformez, lesquels auoient esté appelez sous bonne seuretez, en nombre de quatorze: entre lesquels les principaux estoient Pierre Martyr Vermile, Florentin, & Theodore de Beze: celuy-là enuoyé de Zurich, & cestuy-cy de Gencue. Iceux presenterent vne Requête au Roy, contenant quatre chefs: Que les Euesques en cette action ne fussent Iuges: Que le Roy, avec ses Conseillers y presidast: Que les Cōtrouerfes fussent decidées par la parole de Dieu: Que ce, qui seroit appointé & arresté, fust recueilly, & mis par escrit par Notaires, choisis des deux parties. La Reyne voulut qu'un des quatre Secretaires d'Estat fist l'office de Scribe, & accorda que le Roy presidast, mais non que cela fust couché par escrit: allegant que cela n'estoit ny expedient pour eux, ny vtile pour les affaires du Roy, attendu le temps courant. Le Cardinal de Lorraine desiroit que le Roy assistast en personne à la Conference publique, afin qu'estant plus numereuse, & illustre, il y pust étaler sa suffisance, se promettant vn triomphe tout asseuré. Mais à l'opposite plusieurs Theologiens conseilloyent la Reyne de ne permettre que le Roy entreuint au Colloque: de peur, disoient-ils, que ces tendres oreilles ne soient empoisonnées de pestilente doctrine. Avant que les parties fussent appelées à la Conference, les Prelats firent vne procession, & se communierent tous, excepté le Cardinal de Chastilló, & cinq Euesques. Les autres firent vne protestation mutuelle les vns aux autres, qu'il n'entendoient point traiter des dogmes, ne disputer des matieres de foy.

*commencé
par vne
remonstrā-
ce du Roy,*

Le deuxieme Septembre on donna commencement à l'Action: en laquelle estoit present le Roy, la Réyne mere, les Princes du sang, & les Conseillers d'estat: & y entreuinrent six Cardinaux, & quarante Euesques. Le Roy, selon l'instruction qui luy auoit esté donnée, fit vne brieue exhortation, que puis qu'ils estoient assemblez pour trouuer moyen de remedier aux desordres & troubles du Royaume: & pour corriger les choses qui meritoient re-

*Et du chā-
celier, ex-
hortant les
Prelats à
douceur
enuers les
Reformez
& à droi-
turer:*

formation; il desiroit qu'ils ne se departissent point, que tous differends ne fussent appointez. Le Chancelier parla, au nom du Roy, plus au long sur ce mesme sujet, & en mesme sens: & dit particulierement, que le mal, estant vrgent & pressant, requeroit vn prompt & prochain remede: que celuy, qu'on pouuoit attendre du Concile general, outre la tardiuité, viendroît de gens estrangers, & partant ignorans des necessitez de la France: lesquels de plus estoient obligez à suiure & seconder les volonteiz du Pape: que les Prelats presens, comme bien connoissans les necessitez du Royaume, & cō-ioints de sang & de deuoir naturel à iceluy, estoient beaucoup plus propres à exploiter ce bon œuure. Et quand mesmes le Concile intime par le Pape se tiendroît, il estoit bien auenu autrefois, & n'estoit sans exemple, & auoit esté pratiqué sous Charles Magne, que plusieurs Conciles auoient esté celebrez en mesme temps: & que maintesfois l'erreur d'un Concile general auoit esté corrigé par vn national: qu'il y en auoit vn exemple notable en ce que l'Arrianisme ayant esté estably par le Concile de Rimini, il fut cōdamné

en France par le Synode assemblé par S. Hilaire. Il les exhorta tous à auoir vn mesme but, & les plus sauans à ne mespriser les inferieurs, & ceux-cy à n'enuier point ceux-là: à quitter les disputes curieuses, & à n'auoir point l'esprit tant aliené & distrait des Protestans & Reformez: attendu qu'ils sont freres, regenerez en vn mesme Baptesme, & adorans vn mesme Christ. Il exhorta les Euesques de traiter avec eux en douceur, & de bonnaireté, taschant de les ramener, mais sans rigueur: considerant combien on deferoit à eux Euesques de permettre qu'ils fussent iuges en leur propre cause: ce qui les obligeoit tant plus estroitement à traiter en toute sincerité. Qu'ainsi faisant, ils ferment la bouche aux aduersaires: mais aussi, s'ils venoient à transgresser le deuoir des iustes iuges, le tout seroit frustratoire, & nul. Le Cardinal de Tournon se leua, cette harangue acheuée: & apres auoir remercié le Roy, la Reyne, & les Princes, de l'assistance qu'ils prestoient à cette assemblee; dit, Que les choses proposées par le Chancelier estoient fort importantes, desquelles on ne pouuoit traiter, ny mesmes y rendre response à despourueu: & pourtant qu'il requeroit qu'elles fussent redigées par escrit, pour en deliberer. Le Chancelier le refusa: quoy que le Cardinal de Lorraine fist aussi instance de sa part, qu'elles fussent mises par escrit.

La Reyne apperceuant que cela se faisoit, pour tirer l'affaire en longueur, cōmanda à de Beze qu'il parlât. Et lors iceluy, s'estant mis de genoux, fit vne priere: apres laquelle il recita la confession de leur foy, & se plaignit qu'ils fussent estimés seditieux, & perturbateurs du repos public: en lieu qu'ils n'auoient autre but que la gloire de Dieu, ne recherchoient liberté de s'assembler pour autre cause, que pour seruir à Dieu en repos de cōscience, & obeïr aux Magistrats establis de Dieu. De là il passa à exposer en quoy ils cōuenoient avec l'Eglise Romaine, & en quoy ils disentoient: il parla de la foy, des bōnes œuures, de l'autorité des Conciles, des pechez, de la discipline Ecclesiastique, de l'obeïssance due aux Magistrats & des Sacremens: & estant entré en la matiere de l'Eucharistie, il parla avec tant de chaleur, qu'il en desagreâ mesmes aux siens propres, dōt il fut contraint de s'arrester. Puis apres il presenta la Confession de leurs Eglises, requerant que les chefs d'icelle fussent examinez, & là dessus finit. Le Card. de Tournon, se leuant plein de courroux se tourna deuers le Roy, & dit, que les Euesques auoient forcé leurs cōsciences en consentant d'ouïr ces nouueaux Euangelistes: preuoyant bien qu'ils diroient beaucoup de choses iniurieuses contre Dieu: & que s'ils n'eussent porté respect à la Maïesté, ils se seroient leuez, & auroient rompu l'assemblee. Mais pourtāt, qu'il prioit le Roy de n'adiouster foy aux choses dites par eux d'autant que les Prelats luy monstreroient tout le contraire, tellement qu'il verroit la difference de la verité au mensonge: & requit vn iour de terme à respondre: repliquant tousiours que ce seroit tresbien fait de s'oster tous de là, pour n'ouïr semblables blasphemés. La Reyne crut d'estre taxée par ces paroles: dont elle respondit, Qu'il ne s'estoit rien fait, que par deliberation des Princes, du Conseil du Roy, & du Parlement de Paris: non pour changer ou innouer chose quelconque en la Religion, mais pour composer les differends, & ramener au droit chemin les desuoyez: ce que le deuoir & la prudence des Euesques leur commandoit de pourchasser par toutes bonnes voyes.

L'Assemblée ayant esté congediee, on traita avec les Euesques, & les Theologiens, de ce qui estoit à faire. Aucuns d'entr'eux vouloient, qu'on dressast vn formulaire de foy, lequel si les Reformez refusoient de signer, ils fussent, sans autre dispute, condamnés pour heretiques. Mais cet aduis fut iugé trop dur, & violent: & apres plusieurs contestes, on prit pour conclusion de respondre seulement à deux chefs proposez par de Beze: assauoir, de l'Eglise, & de l'Eucharistie. Doncques le sixieme du mesme mois l'assemblée fut derechef cōuquée, en la presence du Roy, de la Reyne, & des Princes: & le Cardinal de Lorraine fit vne longue harangue, en laquelle il dit, Que le Roy estoit membre, & non chef de l'Eglise: que sa charge estoit bien de la defendre: mais qu'en ce qui touchoit la Doctrine, il estoit suiet aux

dont les
ca'dinaux
de Tournon
& de Lorraine
demandent
copie,

harangue
de Beze.

irrite le
cardinal
de Tournon,

qui est re-
primé par
la Reyne,

delibera-
tion de
respondre
à deux ar-
ticles des
Reformez;

ce que le
cardinal
de Lorraine
ne entre-
prend par
vue harangue.

ministres de l'Eglise. De là il adiousta, que l'Eglise n'estoit pas composée seulement d'élus, mais que, nonobstant cela, elle ne pouuoit errer : & que quand quelque Eglise particuliere estoit en erreur, il falloit recourir à l'Eglise Romaine, aux Decrets des Conciles generaux, & au consentement des Peres anciens, & sur tout, à la Sainte Escriture, exposée au sens de l'Eglise. Que pour auoir failly à cela, tous les heretiques estoient encourus en erreurs inextricables, comme auoient fait les modernes au point de l'Eucharistie, lesquels par vne incurable demangeaison de questions curieuses, auoient employé ce Sacrement, institué par Iesus-Christ pour lien d'vniõ, à deschirer irreconciliablement l'Eglise. De là il passa à traiter de cette matiere, concludant, que si les Reformez ne vouloient changer d'aduis en ce point, il n'y auoit aucune voye d'accord.

Cette harengue finie, tous les Euesques se leuerent, & dirent, qu'ils vouloient viure & mourir en cette foy là : & prioient le Roy de perleuerer en icelle : adioustant, que si les Reformez vouloient signer cet Article, ils ne refusoient point de disputer des autres. Mais en cas que non, qu'il ne leur falloit prester aucune autre audience, ains les dechasser du Royaume. De Beze requit, qu'il luy fust permis de respondre sur le champ : mais il ne sembla pas raisonnable de permettre à vn Ministre priué de traiter pair à pair avec vn si grand Prince Cardinal : & pourtant l'assemblée fut congediee. Les Prelats eussent desiré qu'à tât le Colloque eust esté terminé. Mais l'Euesque de Valence remonstra, qu'il n'y auroit point d'honneur. Et pourtant le Colloque fut derechef assemblé le vingt-quatrieme du mois en presence de la Reyne, & des Princes. Et là de Beze parla de l'Eglise, & des qualitez, conditions, & autorité d'icelle, & des Conciles, monstrant qu'ils peuuent errer, & de la dignité de la Ste. Escriture. Claude Despense, docteur de Sorbone, luy respondit, disant, que pour luy il auoit tousiours desiré qu'on tint quelques conférences en matiere de Religion, & au contraire adhorré les supplices, qu'on faisoit porter à des pauvres miserables pour cette cause : mais aussi qu'il s'estoit bien esbahi, de qu'elle autorité & par qui appelez, les Reformez s'estoient ingerez au ministere de l'Eglise : & qui c'estoit qui leur auoit imposé les mains, pour estre faits ministres ordinaires : que s'ils pretendoient vocation extraordinaire, où estoient les miracles, qui sont necessairement requis pour la demonstrier ? De là il passa à parler des Traditions : & monstra, que là où il eschet controuerse du sens de l'Escriture, il faut recourir aux Peres : & que plusieurs choses se croient par seule Tradition : comme la consubstantialité du Fils avec le Pere, le Baptisme des petits enfans, & la Virginité de la Mere de Dieu apres l'enfantement. Il adiousta, qu'aucun Concile general : en ce qui appartient à la Doctrine, n'auoit esté corrigé par vn autre. Plusieurs repliques & disputes se passerent entre les Theologiens de l'vn & de l'autre party, qui estoient là presens : & la chose venant à contention, le Cardinal de Lorraine, ayant fait faire silence, proposa la matiere de l'Eucharistie : disant, que les Euesques auoient resolu de ne passer point plus outre, que tout premier cet Article ne fust accordé. Et lors demanda aux Ministres, s'ils estoient prests de signer la Confession d'Ausbourg en cet Article. De Beze luy respondit, S'il demandoit cela au nom commun de tous : & si luy, & les autres Prelats, vouloient signer tous les autres Articles d'icelle Confession. Le pour parler demeura accroché : d'autant que ny l'vne ny l'autre partie ne vouloit donner response. Et finalement de Beze dit, qu'on luy baillast par escrit ce qu'on vouloit qu'il signast, pour en deliberer. Et la Conference fut remise au iour ensuiuant. Auquel de Beze, estant entré en discours, offensa grieuement les Euesques : car, voulant iustifier sa vocation au Ministere, il entra à parler des vocations, & ordinations des Euesques : & ayant exposé la marchandise qui s'y fait, demanda comment on les pouoit tenir pour legitimes. Puis passant au point de l'Eucharistie, & à l'Article de la Confession d'Ausbourg, qui luy auoit esté proposé, il dit, Que ceux, qui le mettoient en auant, le signassent les premiers. Sur quoy ne le

à laquelle
de Beze
respond
Despense
replique,

surpris du
cardinal
de Lorraine
desmis-
lee par de
Beze,

qui respōd
de sa voca-
tion contre
Despense,

pouuans accorder, se leua vn Iesuite Espagnol, qui estoit à la suite du Cardinal de Ferrare, arriué en ce mesme temps, que le Colloque se tenoit, & dit ^{1560.} force iniures aux Reformez, & reprit la Reyne de ce qu'elle s'ingeroit en choses qui ne luy appartenoint point, ains seulement au Pape, aux Cardinaux, & aux Euesques. Cette outrecuidance fut impatiemment portée par la Reyne: mais pour le respect du Pape, & du Legat, elle la dissimula. Enfin, voyant qu'on ne pouuoit conclurre chose aucune par cette voye de traiter, il fut ordonné que deux Euesques, & trois Theologiens des plus moderez, avec cinq Ministres se trouuassent ensemble, pour voir si on pouuoit trouuer quelque moyen d'appointement. Iceux essayèrent de former vn Article de l'Eucharistie en termes generaux, tirez des Peres, lesquels pussent cōtenter l'une & l'autre partie: mais ne se pouuans acorder, le Colloque fut terminé.

Le Colloque donna grand suiet de discours. Les vns disoient, que c'estoit chose de pernicieux exemple de mettre en traité les erreurs vne fois condamnées: qu'il ne faut nullement escouter les personnes, qui nient les fondemens de la Religion, conformee par la duree d'un si long temps: & sur tout, en la presence de personnes idiotes: que quoy que rien n'eust esté resolu contre la vraye Religion au Colloque, iceluy toutesfois auoit enhardy les heretiques, & contristé les gens de bien. Autres à l'opposite disoient, qu'il seroit expedient pour le bien public de traiter souuent en cette sorte les controuerses: d'autant que par ce moyen les parties s'appriuoiseroient ensemble, & les haines, rancunes, & autres mauuaises affections seroient rabatuës: & plusieurs bonnes occasions seroient ouuertes à concorde entiere: & qu'il n'y auoit aucun autre moyen de remedier au mal ia enraciné & par-cru. Et que la Cour estant diuisée, & la Religion employee à pretextes, il fa-loit de necessité rallentir les obstinations, & se supporter les vns les autres: & par ce moyen oster d'entre les mains des turbulens le manteau, dont ils couurent leurs meschantes actions, & desseins.

Le Pape ayant eu aduis que le Colloque estoit rompu sans effet, en eut beaucoup de contentement, & louta le Cardinal de Lorraine, & encor plus celuy de Tournon. Il agreea aussi grandement le zele du Iesuite, disant, qu'on le pouuoit accomparer aux Saints de iadis: attendu que sans aucun respect au Roy & Princes, il auoit soustenu la cause de Dieu, & ranzé la Reyne en face. Au contraire il reprenoit la harangue du Chancelier, comme heretique en plusieurs parties & endroit, le menaçant mesmes de le faire adiourner à en répondre à l'Inquisition. La Cour de Rome aussi parmy laquelle cette harange auoit esté diuulgüée, parloit de ce personnage en tresmauuaise part: & en tiroit coniecture, que tout le gouuernement de ce Royaume auoit la mesme disposition enuers Rome. Et l'Ambassadeur de France auoit beaucoup à faire à parer.

Or il ne faut point oublier de dire ce qui aduint au Cardinal de Ferrare, Legat, comme estant chose fort connexe à la matiere, dont i'escry. Ce Prelat en ses premiers rencontres fut accueilly par le Roy, & par la Reyne, avec beaucoup d'honneur: & apres auoir présenté ses lettres de creance de la part du Pape, il fut reconnu par le Roy, par les Prelats & par le Clergé, pour Legat du S. Siege. Mais le Parlement presentit, qu'entre les commissions qu'il auoit du Pape, il y en auoit vne, de faire instance, que les Articles concernans la distribution des benefices, qui auoient esté accordez & cōuenus és Estats d'Orleans, au mois de Ianuier passé, fussent ou reuocqués, ou du moins moderez: & sur tout celuy qui portoit inhibitions & deffenses de payer les Annates à Rome & d'enuoyer deniers hors du Royaume, pour impetrer Benefices, ou autres graces à Rome. Qui fut la cause, que le Parlement, pour empescher les desseins du Cardinal, verifia & publia les susdites Ordonnances le treizième Septembre. ce qu'il n'auoit encor fait iusques alors: & de plus encor resolut, de ne permettre au Legat d'exercer les pouuoirs qu'il auoit du Pape. Car la coustume du Royaume de France est, qu'un Legat ne peut exercer sa charge, que tout premier ses pouuoirs ne

1561.

soient presentes & examinez en Parlement, & par Arrest d'iceluy reiglez, & moderez, & puis en cette mesme forme cōfermez par vn Breuet du Roy. Quand doncques la Bulle du pouuoir de cette Legation fut presentee, pour estre verifiee, le Chancelier & le Parlement refuserent tout absolument au Legat la permission de s'en seruir: allegans, qu'il auoit ia esté arresté de ne plus admettre les dispenses contre les reigles des Pères, ny les collations des Benefices contre les Canons. Ce Cardinal souffrit encor vn autre affront: c'est que plusieurs Pasquils sur les amours enormes d'Alexandre sixième Pape, avec Lucrece Borgia, sa fille, & mere de ce Cardinal de Ferrare, furent composez, affichez publiquement, & semez par toute la Cour, & par la ville de Paris: ramenant à la connoissance & memoire du monde les monstrueuses obscenitez diuulguées par toute l'Italie és temps du susdit Papat. Ce qui mit ce Cardinal en mespris & derision enuers le cōmunpeuple.

quoy que
capitense
& artifi-
cieles,

La premiere negotiation, que le Cardinal entreprit, fut d'empescher les Presches des Reformez, qui s'estoient enhardis, apres le Colloque de Poissi, de prescher plus librement: & à cet effet se seruit d'offices, de persuasions, & mesmes de secretes promesses enuers leurs Ministres. Mais voyant qu'il n'auoit point de credit enuers eux, pour estre parent de ceux de Guise, dont, aussi il estoit fort suspect à tout le party contraire à icelle maison, il tascha de se rendre confident aux Huguenots, & conuersoit avec la Noblesse d'entr'eux, & se trouuoit à leurs festins & banquets: & mesmes entreuint quelquesfois, en habit de gentilhomme priué à leurs predications: ce qui toutesfois ne fit que nuire d'auantage: car la plupart crut que, comme Legat, il faisoit cela du vouloir du Pape. La Cour de Rome aussi prit fort finistrement ses actions.

la Reyne
mere en-
uoye Mō-
beron au
Roy d'Es-
pagne pour
s'excuser
du collo-
que lequel
l'exhor-
te aux sup-
plices &
rigueurs,

La Reyne mere entendant que le Roy d'Espagne auoit mal pris le Colloque, enuoya tout exprez lacques de Momberon à ce Roy-là, lequel par vn discours excusa le fait, disant, que ce n'auoit esté que de pure necessité, & non d'aucune intention de fauoriser les Reformez. Et que le Roy & la Reyne, sans plus parler du Concile national, auoient resolu d'enuoyer au plus tost leurs Euesques à Trente. Le Roy ne luy respondit que paroles generales & le remit au Duc d'Alue: lequel ayant entendu l'Ambassade, respondit, que le Roy son maistre, estoit fort desplaisant, qu'en vn Royaume si proche, & conioint avec luy d'un si estroit parentage, la Religion fust ainsi malmenée. Qu'il y falloit vser de la seuerité de Henry à la Mercuriale, & des executions de fait de François à Amboise. Qu'il prioit la Reyne d'y pouruoir: d'autant que le danger de France le touchoit aussi: dont par consultation de son cōseil, il auoit deliberé d'y employer toutes ses forces, & la vie mesmes, pour esteindre la cōmune peste: à quoy aussi il estoit sollicité par les Grands, & par les peuples de France. La ruse Espagnole auoit fait dessein de guerir, par la medecine de France, les maladies du país bas, lesquelles n'estoient de rien moindres, sauf qu'elles estoient moins apparentes & tumultueuses. Le Roy d'Espagne n'auoit iamais encor pû venir à bout d'assembler les Estats du pays, pour obtenir d'eux vne contribution, ou don gratuit. En ces mesmes temps se faisoient assemblees de Religion tout à descouuert à Cambray & à Valenciennes: ce que le Magistrat ayant défendu à Tournay, & voulant proceder à l'execution par l'emprisonnement d'aucuns, il y trouua del'opposition à main armée, avec grand danger de rebellion: & sembloit que le Prince d'Orange & le Comte d'Egmond se portassent ouuertement pour fauteurs des Reformez, & sur tout apres que le Prince eut pris à femme Anne, fille du feu Duc Maurice de Saxe, au grand mescontentement du Roy lequel voyoit bien où tendoit, & où pouuoit aboutir le mariage d'un sien suiet avec vne Protestante de si grande maison & adherances. Mais toutesfois les Espagnols parloient en sorte, comme si le país bas eust esté fort sain, & comme s'ils redoutoient seulement que la contagion vint de la France, laquelle ils vouloient purger par la guerre. Outre cette response, qu'ils rendirent à la Reyne mere, ils dirent encor à l'Ambassadeur, qui auoit eu

pour ses
interests
du pays
bas.

où la Reli-
gion fai-
soit des
grands
progr. &

charge

charge de traiter du fait du Roy de Nauarre, pour la restitution, ou recompense de son Royaume, Qu'iceluy ne le meritoit pas, veu le peu de soin qu'il auoit de la Religion : mais s'il vouloit estre fauorisé en sa demande, qu'il fust tout premier la guerre aux Huguenots en France.

La Roine fit aussi excuser le mesme Colloque enuers le Pape, par le moyen de l'Ambassadeur du Roy à Rome : luy mettant en consideration, que le Roy auoit esté contraint d'accorder audience publique aux Huguenots, en presence des Princes, & des Officiers du Royaume, pour leur clorre la bouche, afin qu'ils ne pussent plus dire, qu'ils estoient persecutés sans auoir esté ouïs, & pour retarder leurs remuemens: avec deliberation, que, s'ils ne pouuoient estre conuaincus par raison; on pust apres auoir eu vn peu de loisir pour faire les appareils, les vaincre & donter par force. Elle fit en outre traiter avec le Cardinal Farnese, Legat d'Auignon, qu'il fust content de ceder icelle Legation au Cardinal de Bourbon, avec promesse de recompense. Farnese y ayant consenty, l'Ambassadeur de France en parla au Pape, au nom dudit Cardinal de Bourbon, & du Roy de Nauarre, son frere : luy remonstrant que cela deschargerait Sa Sainteté de la despense qu'il y falloit faire, & asseurerait cette ville-là contre les Huguenots, qui n'oseroient attenter chose aucune à l'encontre, lorsqu'elle seroit sous la protection d'un Prince du sang. Toute personne de moyen iugement, non que versée au maniement des affaires, auoit aisément apperceu, que c'estoit là vne ouuerture, pour oster tout coyement cette ville-là à Rome, & pour l'vnir à la France. Et pourtant le Pape refusa absolument d'y consentir, & rapporta cette proposition en Consistoire, comme y ayant quelque pernicieux dessein caché là dessous : Et fit de grandes plaintes contre la Roine mere, & contre le Roy de Nauarre, de ce que luy ayans tant de fois promis, qu'en France ne se feroit rien au preiudice de l'autorité Papale ; ils fauorisoient neantmoins l'herésie, & estoient auteurs d'assemblées de Prelats, & de Colloques, & autres telles choses fort preiudiciables : que sa debonnaireté estoit mal contreschangée : mais, que dès aussi-tost que le Concile seroit commencé, il vouloit par le moyen d'iceluy faire cognoistre aux Princes seculiers la reuerence, qu'ils doiuent porter à l'Eglise. Il fit les mesmes plaintes, & menaces à l'Ambassadeur : lequel, apres auoir exposé que la demande de la Legation d'Auignon auoit esté faite à tres-bonne intention, & que toutes les actions de la Roine estoient bien meurement dirigées, & gouvernées par beaucoup de iustice & d'equité ; adiousta, que le Concile-estoit encor plus souhaité du Roy son Maistre, que de Sa Sainteté mesmes : & qu'il esperoit qu'il procederoit enuers tous les Princes indifferemment avec vne mesme equité, & respect. Ce qui fut dit par l'Ambassadeur pour donner vne atteinte au Pape, lequel peu auparauant auoit accordé au Roy d'Espagne vn tres-grand subside à prendre sur le Clergé, & cependant n'auoit voulu, qu'à beaucoup de peine, octroyer les simples Annates au Roy de France. Mais le Pape, ayant pris ombrage de la demande d'Auignon, & considerant que tous les vassaux de cette ville-là estoient Reformés, & craignant que le Roy de Nauarre ne s'emparast de la ville, despescha tout promptement Fabrice Sorbellon, avec deux mil hommes de pied, & quelque caualerie, pour garde de la Ville, de laquelle il bailla le gouuernement à Laurens Lency, Euesque de Ferme, en qualité de Vice-legat.

Le Colloque acheué, les Reformés furent congediés : mais les Prelats furent encor arrestés pour traiter des subsides qu'il falloit bailler au Roy. Et la Roine, croyant bien que le Pape prendroit quelque soupçon de leur demeure, attendu les grandes plaintes qu'il faisoit, asseura à Rome, qu'ils n'estoient arrestés que pour traiter des debtes de la Couronne, & qu'aussi-tost que l'Assemblée seroit terminée, elle ordonneroit aux Euesques, que sans delai ils eussent à se mettre en ordre pour aller au Concile. On ne laissa pas pour tout cela de traiter encor de la Communion du Calice, & fut proposé par l'Euesque de Valence, avec participation du Cardinal de Lorraine, que par l'octroy d'icelle, on romproit le cours au grand progrès des Reformés : attendu que

1561.

Et par le
Legat de
Ferrare
mesmes,

lequel y
est induit
par d'au-
tres grati-
fications,

contredi-
tes par le
Chancelier:

dont la de-
mande en
est faite
au Pape,

ceux qui leur adheroient, commençoient à leur adioster foy par ce bout : & que quand ils obtiendroient de l'Eglise la Communion entiere, ils ne leur presteroient point l'oreille. Les entendus au maniemment d'affaires d'Estat confideroient aussi, que par cette mesme voye on pourroit faire glisser quelque dissension parmy ceux de la Religion Reformée. Quelque petit nombre d'entre les Euesque estoit d'aduis, que cela fust estably par Edit du Roy, & qu'il fust tout promptement mis en execution : attendu que la Communion entiere n'auoit iamais esté ostée par aucun Decret de l'Eglise, mais par seule coustume : & qu'aussi il n'y a aucun Decret de l'Eglise qui defende de remettre sus l'ancien vsage. Mais, la plus grande partie n'y voulut iamais consentir, sinon qu'on le fît par permission, ou, du moins, du gré du Pape. Quelque peu d'entr'eux ne pouuoient agréer qu'on innoüast chose aucune : mais force leur fut de ceder à la plus grande & puissante partie. Le Cardinal de Lorraine fit de grands deuoirs en tout cet affaire. Et, pour obtenir plus aisément l'assentiment du Pape, à quoy il iugeoit la faueur du Cardinal de Ferrare luy estre neccessaire, & mesmes pour gagner ledit Cardinal à cette mesme opinion, il conseilla à la Roine de prester l'oreille aux propositions d'iceluy, afin, qu'en luy accordant quelque chose, elle l'acquist tant pour cette occasion presente, que pour autres. Le Cardinal de Ferrare auoit procedé enuers tous, mesme de religion contraire, avec tant de douceur & de courtoisie, qu'il en auoit acquis la bien-veillance de plusieurs, lesquels du commencement luy faisoient opposition. Et partant, apres meure deliberation, de l'auis des plus intimes du Conseil, il obtint par Breuet du Roy, que les Articles d'Orleans concernant les matieres beneficielles, fussent suspendus, & qu'il pust exercer son pouuoir de Legat : duquel toutesfois il donna vne contre-promesse, signée de sa main, de ne se seruir point : que le Pape pourueroit à tous les abus, & desordres, qui se commettent en la collation des Benefices, & en l'expedition des Bulles à Rome. Nonobstant tout cela, le Chancelier refusa de signer, & sceller le Breuet, selon le style du Royaume : & n'estant possible de le desmouuoir de sa resolution, il fallut qu'iceluy fust signé de la main de la Roine, du Roy de Nauarre, & des principaux Officiers de la Couronne, pour supplément au defaut du Chancelier : de quoy le Legat fut fort content, comme estant plus tendu à la conseruation de son honneur, qu'au vray seruice de celuy qui l'auoit enuoyé : & pour cette faueur, il se laissa induire à trouuer bon le conseil de la Communion du Calice, & à en escrire à Rome : ce que toutesfois il fit avec tant de circonspection, & temperament, que ne le Pape, ne la Cour de Rome n'en pouuoit prendre aucun mescontentement. L'issüe de l'Assemblée de Poissi fut, que les Prelats accorderent au Roy de pouuoir se seruir des fonds des Eglises, par la vente d'iceux à la concurrence de cent mil escus de reuenu, pourueu que le consentement du Pape y entreuinst.

Le Roy commanda à son Ambassadeur au Pape de faire instance de la Communion du Calice, luy en remonstrant la neccessité, & l'vtilité. Ce que l'Ambassadeur executa iustement le iour d'apres que le Pape eut receu lettres du Cardinal de Ferrare, par lesquelles il l'aduertissoit d'auoir surmonté les difficultés, ayant obtenu la suspension des Articles d'Orleans contre la liberté Ecclesiastique, & la permission d'exercer le pouuoir de Legat. Choses tant plus difficiles à obtenir, que le Cardinal mesmes de Lorraine, duquel il auroit attendu toute faueur, luy auoit du commencement fait opposition. Puis donnoit pleine relation de l'estat de la Religion en France, & du danger qu'il y auoit qu'elle n'y fust tout à fait esteinte : & des remedes, pour la preseruer, qui se reduisoient à deux tant seulement. L'un, de donner contentement au Roy de Nauarre, & l'interessier en la defense d'icelle. L'autre, d'accorder cōmunément à tout le peuple la Communiō sous les deux especes. Assesurāt fort à certes, que par ce moyē on gagneroit plus de deux cēs mil ames. L'Ambassadeur donc fit sa proposition, priant le Pape, au nom du Roy, de l'Eglise Gallicane, & des Prelats, qu'ils fussent dispēsés de pouuoir ad-

ministrer au peuple le Sacrement de l'Eucharistie sous les deux especes, comme pour vne vtile & necessaire preparation au peuple François, pour le disposer à promptement recevoir les Arrests du Concile: sans laquelle preparation il estoit à craindre, que le remede ne trouuast les humeurs trop cruës, & ne vinst à causer quelque mal plus grand. Le Pape, tout à desespoir, & sans en auoir pris ne conseil ne deliberation, mais suiuant sa seule propre inclination, respondit, qu'il auoit tousiours cru que la Communion sous les deux especes, & le Mariage des Prestres, estoient de droit positif: & qu'en semblables choses l'autorité du Pape n'est pas moindre que celle de l'Eglise Vniuerselle pour en disposer. Et qu'au dernier Conclau pour cette meisme cause il auoit esté tenu pour Lutherien. Que l'Empereur luy auoit ia fait la meisme demande pour le Roy de Boheme, son fils, qui estoit porté à cette opinion par le mouuement de sa propre conscience: & puis l'auoit redoublée pour les peuples de ses Estats patrimoniaux: mais que les Cardinaux n'auoient iamais voulu s'y accommoder: & pourtant qu'il n'en vouloit refoudre chose aucune: sans le proposer en Consistoire: & promit d'en traiter au premier qu'il tiendrait, lequel il intima pour le dixieme Decembre: Et lors l'Ambassadeur, selon la coustume de ceux, à l'instance desquels les affaires se traitent, se transporta là le matin, pendant que les Cardinaux estoient assemblés attendant le Pape, pour solliciter l'affaire enuere eux. Les plus discrets d'entr'eux respondirent, Que la demande estoit digne de grande deliberation, & qu'ils n'y osoient respondre, sans y auoir premierement bien pensé. Les autres s'en troublèrent, comme d'une nouuelle inouïe. Le Cardinal de la Cueva, Espagnol, dit, Qu'il ne bailleroit iamais sa voix en faueur d'une telle demande: & quand mesmes la resolution en seroit prise par l'autorité de Sa Sainteté, & par le consentement des autres Cardinaux, il iroit sur les degres de S. Pierre, pour là tout hautement crier, misericorde: ne se tenant point de dire & repliquer souuent, que les Prelats de France estoient infectés d'heresie. Le Cardinal Farnese, dit de S. Ange, respondit, Qu'il ne presenteroit iamais vn calice plein de si grand poison, au peuple de France, en lieu de medecine: & qu'il valloit mieux le laisser mourir, que de venir à tels remedes. L'Ambassadeur leur repliqua, Que les Prelats de France auoient eu de tres-bons fondemens, & raisons Theologiques, qui ne meritoient pas vne Censure tant ignominieuse: comme d'ailleurs, c'estoit vne grande indignité d'appeller poison le sang de Christ, & taxer les Saints Apostres, & tous les Peres de l'Eglise primitive, & des siecles suiuaus par plusieurs centaines d'années, lesquels tous auoient administré le Calice de ce sang à tous les peuples avec beaucoup d'utilité spirituelle, d'auoir esté des empoisonneurs.

Le Pape, estant entré en Consistoire par les deuis qu'il eut avec quelque Cardinal; & y ayant mieux pensé luy mesmes, eust bien voulu pouuoir reuoker la parole donnée. Neantmoins il ne laissa pas de proposer l'affaire, & exposa l'instance qu'en faisoit l'Ambassadeur, & fit lire la lettre de son Legat en France, & demanda les aduis. Les Cardinaux François alloient tournoyant, louant la bonne intention du Roy: mais, quant à la demande, ils s'en remirent enfin à Sa Sainteté. Les Espagnols furent tous contraires, & mesmes vserent de paroles & termes fort auantageux, chargeans les Prelats de France, les vns d'estre heretiques, les autres schismatiques, les autres ignorans: sans toutesfois alleguer autre raison, sinon que Christ tout entier est en chacune des especes. Le Cardinal Pacieco considera, Que toute diuersité es ceremonies de la Religion, sur tout es principales, aboutit en fin à Schisme, & mesmes à inimitié. A present, disoit-il, les Espagnols en France vont aux Eglises Françaises, & les François en Espagne aux Espagnoles: mais, quant ils communieroient ainsi diuersement, les vns ne receuroient plus la communion des autres, & seroient contraints à faire Eglises separées: & voila la diuision toute faite, & formée. Frere Michel Guisler, Cardinal Alexandrin, dit, Que cela ne pouuoit en aucune façon estre octroyé par le Pape,

1561. *de plenitudine potestatis*, non par défaut d'autorité en luy, sur tout ce qui est de droit positif, auquel rang estoit l'affaire dont il s'agissoit: mais par incapacité de qui demandoit la grace: d'autant que le Pape ne peut bailler le pouuoir ou la permission de faire mal: or c'est vn mal d'heresie de receuoir le Calice, avec cette opinion qu'il est necessaire: & pourtant le Pape ne le peut permettre à telles personnes. Or ne pouuoit-on douter que ceux qui le demandoient, ne le iugeassent necessaire: car des ceremonies indifferentes on n'a pas accoustumé de faire si grand estat. Ces gens, disoit-il, ou tiennent le Calice pour necessaire, ou non: s'ils ne le tiennent pour tel, pourquoy veulent-ils bailler scandale aux autres par cette difference: s'ils le tiennent, ils sont d'oc heretiques, & incapables de grace. Le Cardinal Rodolphe Pie de Carpi, lequel fut des derniers à parler, d'autant qu'on auoit commencé par les posterieurs, se conformant en la conclusion aux autres, dit, que le salut, non seulement de deux cens mil ames, mais d'une seule estoit cause suffisante, pour faire dispenser les loix positives avec prudence, & maturité: mais qu'en cette proposition il falloit bien prendre garde, qu'en pensant acquerir deux cens mil ames, on n'en perdît deux cens millions. Qu'il estoit tout euidēt, que les demandes des François en matiere de Religion ne s'arresteroient pas là, ains qu'ils en feroient vn eschelon, pour passer plus outre: qu'ils demanderoient apres cela, le Mariage des Prestres: & encor apres, l'usage de la langue vulgaire en l'administration des Sacremens: tousiours sur le mesme fondement, que ce sont choses de droit positif, & qu'ils les faut accorder pour le salut de plusieurs. Et que du Mariage des Prestres, il aduiendroit, qu'iceux, ayans famille, femme & enfans, ne dependroient plus du Pape, mais de leur Prince naturel: & les affections enuers leur lignée les feroient condescendre à toutes choses preiudiciables à l'Eglise. Qu'ils tascheroient de rendre les Benefices hereditaires, & en peu de temps le saint Siege se restreindroit en la seule ville de Rome. Qu'auant que le Celibat eust esté ordonné, le Siege Romain ne tiroit chose aucune des autres villes, & païs: mais par iceluy estoit deuenu Maistre de si grand nombre de Benefices, dont par le Mariage des Prestres il seroit priué en peu de temps. Que de l'usage de la langue vulgaire il en suiuroit, que tous s'estimeroient Theologiens, que l'autorité des Prelats seroit vilipendée, & que l'heresie se glisseroit en tous. Et en fin, s'il estoit possible d'accorder la communion du Calice, sans que la foy en souffrist aucun preiudice, il importeroit de bien peu: mais que cela ne pouuoit estre: d'autant que par cette demande estoit ouuerte vne porte à requerir que toutes ordonnances, qui sont de droit positif, soient cassées: & toutes-fois ce sont celles-là, par lesquelles seules est conseruée la prerogative donnée par Christ à l'Eglise Romaine: & que de celles de droit diuin n'en procurent autre vtilité que spirituelle. Pour ces raisons il iugeoit estre sage conseil de s'opposer à la premiere demande, pour ne s'enlacer en l'obligation d'octroyer la deuxième, & puis de en main toutes les autres.

dont le Pape le refuseroit à plain: Le Pape fut esmu par toutes ces raisons à se resoudre à la negative: & pour la faire couler plus doucement, il fit faire office avec l'Ambassadeur, que de luy mesme il se deportast de l'instance. Mais iceluy n'y voulant consentir, il le fit rechercher qu'au moins il y procedast lentement: d'autant qu'il estoit impossible de l'accorder, de peur d'aliener de foy tous les Catholiques. L'Ambassadeur ne laissa pas pourtant de suiure sa pointe: & le Pape luy respondit, premierement par delais, & en fin par vne declaration, que, quand mesmes il le pourroit, il ne le deuoit pas pourtant faire: attendu que le Concile estoit prochain, auquel il remettoit la demande du Roy de France, comme il luy auoit remise celle de l'Empereur: quelà, pour donner contentement au Roy, on pourroit traiter cet Article tout à l'entrée, & qu'ainsi il n'y iroit gueres plus de temps, de ce qu'il luy en faudroit, pour octroyer cette grace avec meureté. Ny pour cela, l'Ambassadeur ne desista point de repliquer en toutes audiences: dont en fin le Pape luy dit, qu'il scauoit tres-bien que ce n'estoient pas tous les Prelats, qui faisoient vne telle demande: at-

Et s'en desfait la remettant au Concile:

tendu que la pluspart auoient resolu en leur Assemblée de n'en dire mot : mais, que sous le nom des Prelats de France, on luy portoit des mouuemens particuliers de quelques-vns en petit nombre, & iceux encor incités par d'autres : designant la Roine, enuers laquelle il gardoit en son interieur vne indignation, à cause de la lettre du quatrième Aoust, qu'elle luy auoit escrite.

Au mesme temps que cette demande des Prelats François fut publiée par la ville de Rome, vindrent nouuelles d'Allemagne, que les mesmes auoient enuoyé aux Protestans, pour les inciter à perséuerer en leur doctrine, promettant de la fauoriser au Concile, & d'attirer aussi à icelle d'autres Prelats. Cet aduis se diuulga aussi à Trente, & mit les François en mauuaise conception de la Cour de Rome, & des Italiens, qui se trouuoient à Trente : & en l'un & l'autre lieu, on parloit d'eux, comme de personnes inquietes, & turbulentes, & addonnées à nouveautés. Et disoit-on de plus, selon que les soupçons font tousiours adiouter quelque chose aux bruits courans, qu'attendu les differends & disputes, qu'icelle nation auoit en tout temps eues avec la Cour de Rome, en des points assez principaux & importans ; & les accidens presens, on ne pouuoit presumer qu'ils allassent au Concile, sinon pour brouïller, & innoïer plusieurs choses. L'Ambassadeur de France, ne voulant permettre que ce bruit populaire fist impression & prist pied dans l'esprit du Pape contre sa nation, s'ingera de le vouloir asséurer à l'encontre. Mais le Pape, par derision, l'exhorta de ne s'en mettre en peine : d'autant qu'il n'estoit pas vray semblable, & luy aussi ne pouuoit croire, qu'un si petit nombre, comme sont les François, eust l'assurance de penser à si hautes entreprises, auxquelles quand mesmes ils viseroient, ils trouueroient grand nombre d'Italiens, qui s'opposeroient à eux. Mais, que de vray il auoit grand desplaisir de ce que, le Concile estant conuqué pour les seules necessités de France, eux-mesmes le retardoient : ce qui monstroït le peu de volonté qu'ils auoient de voir corrigé & remedié le mal, duquel ils se lamentoient tant : mais que pour luy, il estoit tout resolu, vinssent-ils au Concile ou non, d'ouurir le Concile, & de le continuer, & expedier. Qu'il y auoit ia tant de mois, que ses Legats estoient à Trente, avec grand nombre d'Euesques, qui y demouroient à grands frais & incommodités, en attente, oisïvement, sans rien exploiter, pendant que les Prelats de France faisoient leurs prouisions tout à leur aise tant delicatement.

Conformément à cela, en un Consistoire qu'il tint, il recapitula les instances & les causes, pour lesquelles il y auoit un an iustement que, de leur aduis & conseil, il auoit intimé le Concile, & recita quelles difficultés il auoit rencontré & surmonté à vouloir reduire les Princes, contraires d'opinions entr'eux, à accepter la Bulle de Conuocation : & la diligence dont il auoit usé à enuoyer promptement les Legats, & les Prelats, lesquels il auoit pû contraindre par exhortations, & par commandemens : qu'il y auoit ia plus de sept mois, que de son costé tout estoit appareillé & continué à tres-grands frais, tellement que tant en gages d'officiers, qu'en subuention des Prelats indigens, le Siege Apostolique despendoit plus de trois mil escus par mois : Et que l'experience faisoit voir que la dilation n'estoit que dommageable. Que les Allemans faisoient tous les iours quelque nouveau traité entr'eux, pour brasser opposition à cet œuvre tant saint & necessaire. Que les heresies en France faisoient progrès : & qu'on auoit ia veu vne espece de rebellion en quelques Euesques François, par les absurdes demandes du Calice en la Communion, avec tant de violence, que le plus grand nombre, qui estoit des bons Catholiques, auoit esté forcé de succomber. Que desia tous les Princes auoient député leurs Ambassadeurs. Que le nombre des Prelats qui se trouuoit à Trente, non seulement estoit suffisant pour commencer le Concile, mais mesmes, es deux fois qu'il auoit esté tenu, le nombre n'estoit iamais arriué à celui d'alors. Et pourtant qu'il ne restoit autre chose, sinon de donner commencement à l'Action, sans plus attendre. Tous les Cardinaux consentirent à cette deliberation, voire mesmes la louèrent grandement. Dont le

1561.
 & luy y
 enuoyeen-
 cor vn Le-
 gat pour
 ce faire :

Pape, outre les trois Legats qui estoient desia à Trente, en deputa encor deux autres ; à sçauoir, Louis Simonete, grand Canoniste, qui auoit passé par les degrés des offices de la Cour de Rome : & Marc Sittic d'Altems, son neveu par sa sœur. Il donna commandement au premier de partir tout promptement, sans s'arrester en chemin, & que dès qu'il seroit arriué, on fît les ceremonies accoustumées, & chantast la Messe du S. Esprit, pour ouuerture du Concile. Le Pape dit aussi au Consistoire, qu'il ne falloit pas que le Concile demeurast perpetuellement sur pied, ne qu'il se terminast en suspensions, ou translations, comme on auoit fait par le passé, avec des preiudices & dangers notables : mais qu'il y falloit vne fois mettre fin : que peu de mois suffisoient pour ce faire, veu que les choses plus importantes estoient desia resoluës, & le demeurant estoit tout digeré & préparé par les disputes & examens faits à la fin sous Iules, lors que tout estoit appointé, & ne restoit que de venir à la publication. Et partant, qu'y ayant peu de choses de reste, le tout pouuoit estre expédié en peu de mois.

lequel sur-
 sée par cõ-
 mande-
 ment nou-
 ueau :
 le Pape
 presse les
 François
 d'enuoyer
 au Concile,

Le Cardinal Simonette se mit en chemin, & le neufuïème Decembre arriua à Trente : & à son entrée fut veu vn grand feu, qui s'esleua de terre, & passa sur la ville, à la façon de la vapeur ou meteor ignée, qu'on nomme Esttoile volante ou tombante, mais differente en grandeur : ce qui donna suiet aux curieux, qui estoient en grand nombre, de faire diuers prognostics, les vns en bien, les autres en mal : lesquels ce seroit chose vaine de représenter. Ce Cardinal trouua à Trente lettres du Pape, escrites apres son depart, qui portoient qu'on attendist nouuelle commission pour ouurir le Concile. Quelque nombre d'Euesques, lesquels se trouuerent à Rome au temps du depart de ce Cardinal, contraints par le Pape à suiure le Legat, l'accompagnerent en ce voyage : tellement qu'il se trouua lors quatre-vingts & douze Euesques à Trente, outre les Cardinaux.

Au commencement de Decembre le Nonce resident en France fut de retour à Rome. Iceluy ayant représenté au Pape l'estat des affaires de ce Royaume-là, le Pape escriuit à son Legat, qu'il remonstrast au Conseil du Roy, qu'il n'y auoit aucune cause de celebrer le Concile, sauf les necessités de la France : attendu que ne l'Italie, ne l'Espagne, n'en auoient point de besoin, & que l'Allemagne le recusoit : & pourtant que ce seroit à eux de le solliciter : mais, qu'à leur défaut, le Pape, mû de pitié & affection paternelle, l'auoit fait luy mesmes : dont les Legats estans ia à Trente, ensemble grand nombre de Prelats Italiens, & les Espagnols estans ia arriués pour la pluspart, & les autres estans en voyage, il estoit raisonnable que tout promptement la France aussi y despeschast Ambassadeur, & y fît aller les Prelats. Il commanda en outre au Legat de faire toute diligence, pour faire empescher & interdire toutes predications & assemblées de Reformés : & d'accourager les Theologiens, en leur communiquant Indulgences, & graces spirituelles, & mesmes leur promettant aides & secours temporels, & qu'il ne se trouuast point du tout aux presches des Reformés, & que mesmes il euitast tous festins, lesquels entreuendroit aucun d'eux.

auquel ar-
 rinerent
 deux Pre-
 lats Polo-
 nois,

qui requie-
 rēt de pou-
 uoir repré-
 senter le
 nombre des

En ce mesme temps arriuerent à Trente deux Prelats Polonois, lesquels, ayant visité les Legats, & démontré la deuotion de leur Eglise enuers le Siege Apostolique, exposerent les grands efforts, que faisoient les Lutheriens pour introduire leur doctrine en ce Royaume-là, & le pied qu'ils y auoient ia pris en partie. Et que pour obuier à leurs machinations, les Euesques estoient obligés d'estre perpetuellement à l'erte : dont ils ne pouuoient assister tous au Concile, comme ils eussent bien desiré pour contribuer quelque chose à la cause commune. Et partant desiroient, qu'attendu cet esgard tant importāt & necessaire, ils pussent y assister par procureurs, qui eussent voix & suffrage, de mesme les Prelats presens. Et requierent qu'eux deux pussent auoir autāt de suffrages, qu'ils auoient de commissions & procurations d'Euesques, lesquels pour causes legitimes ne pouuoient absenter le Royaume. Les Legats leur respondirent en termes generaux, remettant à faire la resolution apres

meure deliberation. Et cependant donnerent aduis de cette demande au Pape, laquelle iceluy rapporta en Consistoire: là où tous sans difficulté se rangerent à la negative, attendu la deliberation prise & pratiquée auparavant, Que les resolutions se fissent par testes à la pluralité des voix, & non par Nations. Ce qu'on iugeoit de tant plus necessaire, que le bruit commun estoit, que les François, quoy que Catholiques, venoient à Trente, avec leurs pen- sées Sorboniques, & Parlementaires, tous portés à ne vouloir reconoistre le Pape qu'autant qu'il leur plairoit. Et aussi on auoit eu quelque vent, que les Espagnols tendoient à vouloir assuiettir le Pape au Concile: & les Legats de Trente auoient souuent aduertit, qu'on descouuroit au Concile des malignes humeurs d'ambition d'amplifier l'autorité Episcopale: & particulièrement que les Espagnols, avec beaucoup d'artifice propoisoient qu'il estoit necessaire de restreindre la puissance du Pape, au moins iusques-là, qu'iceluy ne pust deroger aux Decrets de ce Concile: qu'autrement en vain seroit toute la peine & la despen- se de celebrer vn Concile, auquel le Pape pust deroger avec la facilité, de laquelle on voyoit que les Catholiques tous les iours, pour causes tres-legeres, voire sans icelles, il derogeoit à tous les Canons. Les Cardinaux à Rome consideroient, qu'il n'y auoit autre moyen de s'opposer à ces mouuemens, que par le grand nombre des Prelats Italiens, lesquels surmontassent tous les Ultramontains, quand bien ils seroient tous vnis ensemble. Et que ce remede demeureroit inutile, en cas qu'on admist les suffrages des absens. Que les Espagnols se feroient enuoyer procurations de tous leurs Euesques & de mesmes les François: ce qui vaudroit autant que donner les suffrages par nations, & non par testes.

Suiuant cela, on respondit à Trente, de s'esslargir en bonnes & fauorables paroles enuers les Polonois, autant qu'on voudroit: mais qu'on reuint en fin à cette conclusion, que ce Concile n'estoit qu'une continuation, & vn mesme que celuy qui auoit esté commencé sous Paul troisieme. Et pourtant, qu'il falloit garder les reglemens, & ordre, qui alors auoient esté pratiqués, & du depuis auoient esté obserués avec bon fruit, comme il s'estoit veu. Qu'entre ces reglemens, celui-cy en auoit esté l'un, que les suffrages des absens ne fussent contés: & qu'il estoit impossible de les en dispenser, sans que toutes les autres nations pretendissent le mesme, ce qui causeroit beaucoup de confusion, qu'on estoit tout prest d'accorder à la Pologne, à cause des merites de cete noble nation, tout ce qu'elle scauroit requerir de tellemēt propre à soy, qu'il ne donast aux autres pais suiet de remuement. Les Polonois monstrerēt de se contenter de cete responce: mais neantmoins, peu de iours apres, sous pretextes d'auoir des affaires à Venise, ils se partirēt. & ne retournerēt plus.

A Rome on receut beaucoup de ioye d'une lettre, escrite de la propre main du Roy d'Espagne au Pape, luy donnant aduis de la negotiation de Monbe- ron, qui luy auoit esté enuoyé de la part de la Roine de France, & de la responce qu'il luy auoit reduë portant ensemblément offres à Sa Sainteté de tout secours & assistance des forces de ses royaumes & estats, pour repurger la Chrestienté d'heresie: & promettant de mesmes puissant & prompt secours à tout Prince, qui auoit volonte de nettoyer ses propres Estats de cete contagion.

Mais en ce mesme temps vint vne nouuelle de Paris, qui redoubla la mau- uaise conception, en laquelle on auoit les François à la Cour de Rome. C'est, que le Parlement de Paris auoit, avec beaucoup de solennités, condanné vn certain Iean Tanquerel, Bachelier en Theologie, à se desdire & retracter de certaines Theses, & Conclusions, lesquelles, avec intelligence de quelques Theologiens, il auoit publiquement proposées à disputer: portans, que le Pape, Vicaire de Christ & Monarque de l'Eglise, peut priuer de leurs royaumes, estats, & dignités, les Rois & les Princes desobeissans à ses commandemens. Ayant soustenu ces Theses, il fut actionné & adiourné, & confessa le fait. Mais craignant de quelque grand chastiment, il s'enfuit: dont les Iuges ordonnerent que pour luy comparoistroit le Bedeau de l'Vniuersité, representant, comme en vne Comedie, la personne d'iceluy, & feroit amende honorable. &

1561.
suffrages
de leurs
Prelats
absens;
ce qui est
refusé pre-
cisément à
Rome pour
des inte-
rests d'e-
stat,

sur quoy
les Polo-
nois se re-
tiennent du
Concile,
l'Espagne
respon-
dit Rome par
ses gran-
des pro-
messes,

et la Frä-
nce la con-
triste par
la condä-
nation de
Tanquerel,
et de sa
docträne:

1561.

*dont on
sient les
François
pour per-
dus pour
Rome,*

publique retractation pour luy : & firent inhibitions & defenses aux Theologiens de ne plus disputer semblables questions : & en outre, les firent aller demander pardon au Roy d'auoir permis qu'une matiere de telle consequence fust mise en dispute : & les firent iurer & promettre de s'opposer tousiours à cette doctrine. Au moyen dequoy on parloit à Rome des François, comme d'heretiques perdus ; qui nioient l'autorité baillée par Nostre Seigneur à S. Pierre, de paistre tout son troupeau, & de deslier & lier toutes choses : ce qui principalement consiste au pouuoir de punir les delits scandaleux & preiudiciables à l'Eglise en commun, sans distinction ne difference de Prince, ou de particulier. On rapportoit les exemples des Empereurs Henry quatrième & cinquième, de Friderich premier & second, & de Louis de Baviere : & des Rois de France, Philippe Auguste, & Philippe le Bel. On allegoit les dits fameux des Canonistes sur ce sujet : & disoit-on, que le Pape deuoit adiourner tout ce Parlement à Rome : & qu'on deuoit enuoyer la position de ce Bachelier à Trente, pour la faire examiner auant toute autre chose, & approuuer, condannant le contraire. Mais le Pape se contenta de se douloir en ce fait moderément, & iugea qu'il valoit mieux dissimuler : attendu que, comme il disoit, le mal plus grand esmouuoit tout le sentiment de cettui-cy.

*le Pape
voulant
preuenir
les reme-
des du Co-
cile, ex-
borde &
pratique
quelque
reforma-
tion :*

La Cour de Rome tenoit ia pour tout assenré qu'il ne se trouueroit au Concile ny Ambassadeur, ny Eueques François : & discouroit à perte de veuë ce qu'il seroit conuenable à la dignité du Pape de faire, pour leur faire subir les determinations du Concile, lequel le Pape vouloit totalement estre ouuert au commencement du nouuel an. Et communiqua cete siene resolution aux Cardinaux, les exhortant de considerer combien il estoit indigne & au S. Siege, & à leur College, de permettre qu'autres leur baillassent reglemens & reformatiions : que la qualité des temps, esquels tous crient apres la reformation, sans sçauoir que c'est, requeroit, qu'attendu que c'est vn nom si specieux, elle ne fust tout à fait refusée : & que, parmy tant de contrarietés d'opinions, le meilleur temperament & expedient estoit de preuenir, & de se reformer soy mesmes : ce qui, outre le bien qu'il y auoit en soy, seruiroit pour acquerir loüange : en donnant exemple aux autres. Que pour l'heure il vouloit reformer la Penitenciere, & Daterie, principaux membres de la Cour : & puis apres qu'il vaqueroit aux choses plus menues.

*Et en fin
presce
ion à l'ou-
uerture du
Concile :*

Et pourtant il deputa Cardinaux à l'une & à l'autre charge. Il exposa aussi les raisons, qui obligeoient à ne plus differer l'ouuerture du Concile : à sçauoir, qu'on descouuroit tous les iours plus de mauuaises intentions & desseins es Ultramontains, de deprimer au Concile l'absoluë autorité que Dieu a baillée au Pape de Rome : & que plus de temps & de loisir on leur donoit, plus s'accroissoient & fortifioient leurs machinations : qu'il y auoit danger, qu'entre les Italiës mesmes, avec le temps, quelques vns ne fussent gagnés : & pourtant, que tout le salut gisoit en la celerité : ioint que la despenſe qu'il portoit à les y entretenir, estoit immense, & intolerable au Siege Apostolique, si on n'y mettoit bien tost fin. Il donna puis apres la Croix de la Legation au Cardinal d'Altems, avec commandement qu'il se mist en ordre, & partist pour estre à Trente à l'ouuerture du Concile, s'il estoit possible. La cause, qui luy fit reuoker la commission baillée au Cardinal Simonete, d'ouurir le Concile à son arriuée, fut l'instance que luy fit l'Ambassadeur de l'Empereur, qu'à cete Action-là fussent attendus les Ambassadeurs de son Maistre. Et luy mesmes ayant du depuis aduertiy le Pape qu'iceux se trouueroient à Trente auant la my-Januiers, le Pape fit tout deuoir enuers le Marquis de Pescaire, député par le Roy d'Espagne pour Ambassadeur au Concile, qu'il se trouuast à Trente au mesme temps à l'ouuerture du Concile, afin d'y assister : & sollicita aussi les Venitiens d'enuoyer leur Ambassade : faisant grand estat que cete ceremonie d'entrée se fist avec reputation. Toutesfois il escriuit aux Legats, qu'ils eussent à ouurir le Concile tout soudain apres l'arriuée des Ambassadeurs des Princes susnommés : mais que, si à la my-Januiers ils n'estoient arriués, ils ne differassent plus. Et cet estat d'affaire finit l'année 1561.

HISTOIRE



HISTOIRE DV CONCILE DE TRENTE,

LIVRE SIXIEME.

SOMMAIRE.

*A Trente on commence les actions Synodales : & est pourueu aux pre-
seances, au mescontentement de l'Archeuesque de Brague, Portugais. La
premiere Session est tenue, au decret de laquelle est dextrement inseré, qu'au-
tres que les Legats n'ayent pouuoir de proposer : & nonobstant toutes les
oppositions, qui y sont faites, cet article passe ; par l'absolu vouloir
du Pape. En France est fait l'Edit de Iuillet fauorable aux Reformés.
Au Concile, on tient Congregation sur la matiere des liures interdits,
& condamnés : & d'un pardon, & Saufconduit general, en quoy il
y a grande diuersité d'avis. Le Legat Altems, & les Ambassadeurs de
l'Empereur, & de Portugal, arriuent. Et ensuite est celebree la seconde
Session sur les susdits points. Les Ambassadeurs Imperiaux pressent la
reformation, de laquelle les Legats proposent des Articles. Les Ambas-
sadeurs d'Espagne, de Fleurance, de Suisse & du Clergé de Hongrie
viennent au Concile. En Congregation on traite de la Residence, avec grande
passion, & diuersité de sentimens : comme aussi de la Promotion à til-
tre de patrimoine : de la Simonie en la collation des Benefices : des Pre-
bendes, & des Distributions. Pour la Residence, il est resolu par la
pluralité des suffrages, qu'elle est de droit diuin : mais les adherans au
Pape empeschent la conclusion & la declaration de ce point. Cependant
les Ambassadeurs de Venise arriuent aussi. Et puis on entre à traiter
de la diuision & vnion des Eglises, des Curés ignorans, ou vicieux,
des Commendes, & des Questeurs. Toutes ces choses engendrent ombrages
& offenses à Rome, mesme contre les Legats. La troisieme Session
est celebree sur les matieres susdites. Sur cela arriuent les Ambassadeurs
de France, à la viue harengue desquels est respondu en la quatrieme
Session employée à cela seulement. Puis apres en Congregation est auan-
cée la matiere du Calice & de la Residence ; avec beaucoup de tumulte.*

Et les Imperiaux proposent des Articles de Reformation. Le Pape s'ombrage & arme, & projette vne Ligue generale, qui va bien tost en fumée. Puis enuoye l'Euesque de Ventimile au Concile, pour surueiller les actions de tous, mesmes des Legats. L'Ambassadeur de Bauiere fait vne graue harenque au Concile, auquel, apres plusieurs discours sur diuers chefs de Reformation, on tient la cinquiesme Session. Et pour la suiuite, est estably vn certain reiglement en la maniere de traiter, lequel est violé par deux Iesuites : & la matiere d'icelle est choisie, Du Sacrifice de la Messe. Sur le fondement duquel il y a grande diuersité d'avis. La question de la Residence remise sur le Bureau, produite de nouueaux estrifs, & pourtant le Pape en éuoque à soy la connoissance. L'affaire du Calice est en fin remis au Pape, au grand desplaisir de l'Empereur, & de ses peuples. Et de là on traite des abus en la Messe. Et puis la sixiesme Session est celebrée sur ces matieres susdites.

1562.

Congregation à Trente, preparatoire à l'ouverture du Concile.



Es Legats; conformément à ce que le Pape auoit commandé par ses dernieres, tinrent le quinzieme Ianuier, mil cinq cens soixante deux, vne generale Congregation: en laquelle le Cardinal de Mantouë, comme premier Legat, fit vne belle harenque, touchant la necessité, & opportunité d'ouurer le Concile: & exhorta tous les Prelats à aider vn si saint & bon œuure par ieusnes, aumosnes, & frequentes celebrations de Messes. Apres fut lue la Bulle de la Legation, en datte du dixieme du mois de Mars precedent, laquelle estoit conceüe en termes generaux; avec les clauses accoustumées, Que le Pape les enuoyoit, comme Anges de paix, pour presider au Concile conuocé, & lequel deuoit estre ouuert à Pasquès. A icelle fut adioustée la lecture de trois autres Brefs. Le premier du cinquiesme Mars, portant pouuoir aux Legats de bailler permission aux Prelats & Theologiens, de pouuoir lire liures defendus pendant le Concile. Le deuxiesme; du vinttroisiesme May, donnant pouuoir aux Legats d'absoudre ceux, qui en secret feroient abiuration d'heresie. Le troisieme, du dernier Decembre, par lequel le Pape pour retrancher toute occasion d'estrif né, ou à naistre entre les Prelats assemblés au Concile, sur la presance, commandoit, que les Patriarches allassent deuant, puis les Archeuesques, & en troisiemes lieux les Euesques: sans esgard à dignité de Siege, ains selon le temps des promotions, toutes dignités Primatiales, ou vrayes, ou pretendues, negligées. A la lecture de ce Bref, Frere Barthelemy des Martyrs, Archeuesque de Brague, en Portugal, repliqua avec beaucoup de vehemence, Qu'il n'estoit pas raisonnable de donner commencement au Concile par des preiugés contre les Eglises principales de Chrestienté: ne que son Eglise, qui auoit la primace des Espagnes, par Sentence fust soumise, non seulement aux autres Archiepiscopales, ses suietes, mais aussi à vn Archeuef. de Rosan qui estoit sās suffragāt, & à ceux de Nicia, petite Isle en l'Arcipelago, & d'antiuari en Esclaubnie, lesquels sont sans residées, & presque sans peuple Chrestien. Que l'equité ne vouloit pas qu'on fist vne loy pour soy, & vne pour les autres, ne qu'on pretendist de conseruer son autorité propre, en priuant les autres de la leur legitime. Il parla avec tant d'ardeur & de force, que les Legats se virent bien fort empeschés, & eurent beaucoup de peine à l'appaiser par vne Declaration, qu'ils luy baillerent par escrit, qui portoit, Que l'intention du Pape, ne la leur, n'estoit point, que par le Decret, qui auoit esté leu, aucun droit nouueau fust acquis, ne qu'il fut fait preiudice à aucun, ne que les droits d'aucun fussent lesés, ny en la propriété, ny en la possession: ains que tout Primat, ou vray ou pretendu qu'il fust, apres le Concile, demeurast en l'estat qu'il estoit auparauant. Apres qu'à grāde difficulté il eut acquiescé, les autres Espagnols firent instance, que l'ouuerture du Concile se fist, cōme vne continuation de celuy qui auoit esté

sur quoy
naist vne
difficulté
pour la se-
anci.

appaisée
par vne de-
claration.

puis vne au-
re, sur la
cōtinuation.

commencé sous le Pape Paul troisieme, & qui auoit esté pouruiuy sous Iules troisieme, & que de ce fust faite expresse declaration, afin que nul ne püst caillier que c'estoit vn Concile nouveau. L'Euesque de Zante qui auoit esté Nonce en Allemagne, & sauoit combien vne telle action seroit calomniée, & combien de desplaisir en prendroit l'Empereur, repliqua à cela, disant, Qu'il falloit bien mettre hors de doute les choses ia decidées, & les tenir pour toutes determinées: mais aussi, qu'il n'y auoit point de necessité d'en faire aucune declaration, ains que cela retrancheroit toute l'esperance, qu'auoyent l'Empereur & le Roy de France, de faire venir les affaires à tel point, que les Protestans se soumissent au Concile, & que quelques-vns d'entr'eux y interuinissent. Les Legats, sur tout celuy de Mantouë & de Vvarmie, seconderent, par beaucoup de discours, l'aduis de cét Euesque: & y eut maintes choses dites d'une part & d'autre, mesmes avec beaucoup d'aigreur, les Espagnols menaçans de vouloir protester, & s'en retourner en Espagne. Mais enfin, apres plusieurs contestations ils s'accorderent de se departir de leur instance, pour s'opposer à l'Empereur, & au Roy de France, & aux Allemans, & François: & pour ne fomentier les plaintes des Protestans: à condition toutesfois, que les termes fussent couchés en sorte, qu'ils ne designassent point nouveau Concile, ny ne portassent preiudice à la continuation, avec promesse des Cardinaux, au nom du Pape, que Sa Sainteté confermeroit tout ce qui auoit esté fait à Trente és deux precedens Conciles: voire mesmes, en cas que le present se rompist, & ne püst estre finy: & de cela ils se contenterent: & apres plusieurs discours il fut conclu, qu'on vseroit de paroles qui signifiasent, Qu'on commençoit le Concile, toute suspension ostee, lesquels estoient ambigus, & pouuoient estre tirez à sens contraires: mais toutesfois, d'autant qu'elles suffisoient pour appointer le differend present, elles furent acceptées, & fut resolu d'ouurer le Concile le

1562.

*rabatue par
respect &
promesses:*

*reiglement
sur les Mes-
ses & Ser-
mons du
Concile:*

La Congregation congédiée, les Legats, avec leurs affidés, se mirent à dresser le Decret, lequel ils concentrent en la forme qui auoit esté concertée. Et ayant esgard à tant de traités, qui auoyent esté faits par les Prelats, par vn si long espace de temps, qu'ils auoyent esté oisifs à Trente, de proposer les vns vne prouision & reiglement, les autres vn autre, tous tendans à l'amplification de l'autorité Episcopale, & à la destruction de la Papale, ils aduiserent, qu'auant que le mal prist son mouuement, il y falloit remedier dès l'entrée, par vn arrest, Que nul autre que les Legats ne püst proposer aucune matiere pour estre mise en deliberation. Mais ils voyoyent bien la difficulté de la proposition, & y preuooyent de la contradiction: & que pourtant il falloit vser de grand artifice, pour la faire couler doucement, & insensiblement: l'absoluë negatiue, que nul n'eust à proposer, sembloit trop aspre & crue: partant on trouua bon d'vsar plustost de l'affirmatiue, Que les Legats proposassent, sans y adiouster aucune exclusion euidente des autres, ains seulement en consequence tacite, & s'en équivalent: recourant le tout du pretexte de garder l'ordre, & de laisser la deliberation libre au Concile. Le Decret fut for mé avec tant d'artifice, que mesmes à present il faut estre fort attentif, pour en descouurir le sens, bien loin de le pouuoir entendre à la premiere lecture.

*en la confe-
ction du De-
cret pour la
session*

*on fait con-
ler que les
seuls Presi-
dens propor-
sent:*

1562.
La premiere
Session se
tient.

Suivant la deliberation prise, le xviij. Januier fut venu, se fit la procession de tout le Clergé de la ville: des Theologiens, & des Prelats: lesquels, outre les Cardinaux, estoient en nombre de cent & douze mitrés, accompagnés de leurs domestics, & gardés d'une multitude de gens du pais en armes, cheminant de l'Eglise de S. Pierre à la Cathedrale: là où le Cardinal de Mantouë chanta la messe du S. Esprit; & Gaspard de la Fosse, Archeuesque de Rege, fit le Sermon: ayant pris pour theme de parler de l'autorité de l'Eglise, de la Primauté du Pape, & de la puissance des Conciles, & dit que l'autorité de l'Eglise, n'est pas moindre que celle de la parole de Dieu: que l'Eglise a changé le Sabbat, iadis ordonné de Dieu, au Dimanche, & qu'elle a aboly la Circoncision, iadis estroitement commandé de Dieu, que ces commandemens auoyent esté changés, non par la Predication de Christ, mais par l'autorité de l'Eglise. Puis ils se tourna aux Peres, & les exhorta à s'employer constamment contre les Protestans avec assurance, que, comme le S. Esprit ne peut errer, eux aussi ne se pouuoient tromper. Apres fut chanté l'Hymne, *Veni Creator Spiritus*. Et le Secretaire Ange Massarel, deuenu Euesque de Tulesi, lut la Bulle de la conuocation susmentionnée: & l'Archeuesque la Fosse susdit proposa le Decret de l'ouuerture du Concile, Par cette demande, Peres, vous plaist-il que dès le iour d'aujourd'huy on celebre le Concile general de Trente, toute suspension ostée, pour traiter, par bon & du ordre, les Legats & Presidens proposans, ce qui semblera à propos au Concile, pour oster les differends de la Religion, corriger les mœurs, & concilier vne bonne & Chrestienne paix en l'Eglise; Il fut respondu, *Placet*. Mais quatre Prelats Espagnols, assauoir Pierre Guerrier Archeuesque de Grenade, François Blanc, Euesque d'Orense, André de la Coste, Euesque de Leon, & Antoine Colormier, Euesque d'Almerie, contredirent à cette partie, *Proponentibus Legatis*: laquelle ie represente ainsi en Latin, d'autant que en ce furent les termes formels, qui engendroient tant de disputes & controuerses puis apres, & dont il faudra parler souuent d'ores en là. Iceux dirent, qu'ils n'y pouuoient consentir: pource que c'estoyent termes nouueaux, inusités és autres Conciles, & qui bridoyent la liberté de proposer: & requierent que leurs suffrages fussent enregistrees és Actes du Concile. On les laissa sans response, & la Session fut intimée pour le vintsixiesme Feurier. Le Promoteur du Concile requit tous les Notaires & Protonotaires, de faire des choses dessusdites vn & plusieurs instrumens: & ainsi s'acheua la Session.

Et le Decret
estant lu.

il y a de la
contradiction au
point des
Presidens
proposans

dont on en
escriit au
Pape.

qui veut que
precisément
cela tiene.

progrès des
Reformés
en France,

Les Legats donnerent aduis au Pape de ce qui estoit arriué en la Congregation, & en la Session, & luy en fit part au Consistoire. Plusieurs eurent opinion, sur les difficultés de ce commencement, que le Concile ne feroit gueres bon progrès, attendu l'obstinée contradiction, qu'on auoit veu és Euesques Espagnols, peu propres à composer differens de Religion: quoy que de l'autre costé les Legats, & les Euesques Italiens se fussent montrés fort adextres, & vnis à gauchir, & à les surmonter. Le Pape loua la prudence des Legats, d'auoir preueni, c'estoyent les termes, la temerité des innouateurs: & n'eut pas grand desplaisir que quatre se fussent opposés, d'autant qu'il croyoit d'auoir bien plus grand nombre de contraires. Là dessus il exhorta les Cardinaux à se reformer, attendu qu'ils voyoyent d'estre forcés à traiter avec personnes irreuentes: & donna ordre de faire solliciter les autres Euesques Italiens à partir: & escriuit à Trente, qu'ils tinssent le Decret ferme, & qu'ils l'exécutassent, sans en relascher vn seul point.

Or en France, la Roine de Nauarre, le Prince de Condé, Madame Renée Duchesse de Ferrare, & l'Amiral, firent de grandes instances par plusieurs mois, qu'on ottroyast à ceux de la nouuelle Religion des lieux pour s'assembler à leurs presches, & ceremonies: dont il aduint, que tous ceux-cy & encor d'autre, d'entre les Grands, faisans profession, en la Cour mesmes, d'icelle doctrine, les autres Reformés de plus basse qualité s'enhardirent de faire des assemblées separees: ce que le peuple Catholique ne pouuant supporter il

en foudrit des dâgereux tumultes & esmeutes populaires, en diuers endroits du Royaume, avec meurtres & massacres, fomentés par les Grands Catholiques, lesquels, par interests d'ambition, ne pouuoient supporter, que les Princes & les Chefs Huguenots, acquissent suite de peuple, & prissent advantage sur eux: & pourtant prestoyent l'espaule aux seditions: dont il y en eut deux notables entre les autres, causees par les presches: l'une à Dijon, l'autre à Paris: signalees non seulement pour le meurtre de plusieurs, mais aussi pour la rebellion contre les Magistrats & la Iustice: ce qui fit resoudre le Conseil du Roy à y mettre quelque remede. Et afin qu'il püst estre approprié à tout le Royaume, de tous les Parlemens furent appellez les Présidens, & vn nombre de Conseillers, choisis pour meurement delibérer ce qui estoit à faire. Cete Assemblée fut assignee à Saint Germain en Laye, le dix septieme Ianuier: & enicelle le Chancelier exposa, au nom du Roy, Qu'ils estoient appellez pour consulter des remedes aux mouuemens & troubles excités dans le royaume: & fit vné Recapitulation de toutes les choses auenues: adioustant, que la conoissance des choses concernantes la Religion deuoit bien de vray estre laissée aux Prelats: mais, que là où il s'agissoit du repos de l'Estat, & de tenir les suiets en l'obeissance du Roy, cela ne pouuoit appartenir aux Ecclesiastiques, mais au Conseillers du Roy. Que pour luy, il auoit tousiours esté de l'aduis de Cicéron, lequel blasmoit Caton, de ce que, viuant en vn siecle tres-corrompu & depraué, il estoit en ses deliberations aussi feure & roide, commé s'il eust rendu ses suffrages, disoit-il, non en la ville de Romulus, mais en la Republique imaginaire de Platon. Qu'il falloit tacher d'accommoder & approprier les lois aux temps, & aux personnes, comme la chaussure au pied. Que pour l'heure on mettoit en deliberation ce point, Si le seruice du Roy requeroit qu'on permist, ou qu'on defendist les assemblees aux pretendus Reformés. En quoy il n'escheoit point de disputer quelle Religion estoit la meilleure, attendu qu'il ne s'agissoit point de former vne Religion, ains de reigler l'Estat: qu'il n'estoit point incompatible, que plusieurs fussent bons François & mauuais Chrestiens: & qu'il se pouuoit bien faire, qu'on vescuist ensemble en paix, sans auoir vne Religion cômune.

Quand ce vint aux opinions, les aduis furent diuers: mais celuy-là gagna, lequel portoit, Qu'il falloit relascher l'Edit de Iuillet en partie, & permettre aux Reformes liberté de prescher. Et là dessus fut formé l'Edit, sur-nommé de Ianuier, auquel entreuinrent les Cardinaux de Bourbon, de Tournon, & de Chastillon: & les Euesques d'Orleans, & de Valence: contenant plusieurs chefs, Que les pretendus Reformés eussent à restituer les Eglises, les possessions, & autres biens Ecclesiastiques par eux occupés & saisis. Qu'ils eussent à s'abstenir d'abbatre croix, images, & Eglises, sous peine de la vie. Qu'ils n'eussent à s'assembler pour presches, prieres, administration de Sacre-mens, en priuény en public, ny de iour ny de nuit, es villes. Que les defenses & punitions, portees par l'Edit de Iuillet, & toutes autres precedemment establies, fussent sursisées. Qu'en leurs presches, au dehors des villes, ils ne pussent estre molestés, ne mesmes inquietés ny empeschés par les Magistrats: lesquels au contraire les dussent defendre & garentir de tout outrage, chastiant les seditieux, tant de l'une que de l'autre Religion. Que nul n'eust à prouoquer ou harceler aucun autre pour cause de Religion, ny à vser de noms contumelieux de faction. Que les Magistrats & Officiers pussent estre presens aux presches, & Assemblees. Qu'ils ne pussent tenir Synodes, Colloques, ou Consistoires, sinon par congé, & le Magistrat present. Qu'ils eussent à obseruer les loix ciuiles des festes & feries, & des degres de mariage defendus. Que les Ministres fussent obligés de iurer entre les mains des Officiers publics, de ne contreuenir à ce present Edit, & de ne prescher doctrine contraire au Concile de Nicee, ny aux liures du Vieil & du Nouveau Testament. Le Parlement de Paris fit des grandes resistances à accepter cet Edit. Dont il falut que le Roy de nouveau commandast qu'il fust verifié & publié:

.1562.
cause des
troubles &
tumultes

dont est con-
ueeue vne
Assemblée à
S. Germain

qui forme
l'Edit de
Ianuier, &
avantageux
aux Reformés,

1562.
renuë en
Parlement

y apposant toutesfois vne condition, que cela s'entendoit fait & ordonné par maniere de prouision, attendant les determinations du Concile general, ou bien, iusques à ce que par le Roy en fust autrement ordonné: n'entendant point d'approuuer ne d'autorizer deux Religions en son Royaume, ains la seule de sainte Mere Eglise, en laquelle luy, & ses Predecesseurs auoyent tousiours vescu. Le Parlement ne fut pas encor bien d'accord là dessus. Mais le Roy, de plein pouuoir commanda, que toutes remises, longueurs, & difficultés cessantes, l'Edit fust publié. Ce qui fut executé le sixieme Mars, avec cete clause, Que le Parlement verifioit les lettres Royaux, pour obeir au Roy, & en consideration de l'estat des temps, sans toutesfois approuuer la nouuelle Religion, & ce par maniere de prouision tant seulement, iusques à ce que autrement fust ordonné par le Roy.

Congr. gatio
à Trêve sur
trois. Arri-
cles, dont le
premier est
des liures à
defendre,

Or pour retourner à Trente, le vintseptieme Ianuier fut tenue Congregation, en laquelle les Legats firent trois propositions. La premiere, d'examiner les liures escrits par diuers auteurs, apres la naissance des heresies: ensemble les Censures des Catholiques contre iceux: afin de determiner ce que le Synode auroit à decreter sur iceux. La deuxieme, Que tous les interessés en cete matiere fussent cités par arrest du Concile afin qu'ils n'eussent de quoy se plaindre de n'auoir esté ouïs. La troisieme, S'il estoit expedient d'appeler ceux qui estoient tombés en heresie, & les conuier à repentance, avec Saufconduit, & amplex concessions, & promesses de grande & singuliere clemence: pourueu qu'ils voulussent se repentir, & reconoistre la puissance de l'Eglise Catholique. Avec ordre, que les Peres, apres auoir meurement consideré ces propositions, vinsent à la Congregation sui- uante preparés, pour en dire leurs aduis, tant sur la matiere de se desmesler facilement de l'examen des liures & des Censures, que sur tout le demeurant. On deputa aussi des Prelats, pour receuoir & examiner les mandemens & les excuses de ceux qui pretendoient empeschement pour ne point aller au Concile.

discours de
l'origine &
progrès de
la defense
des liures.

Cet endroit requiert, que ie die quelque chose de l'origine de la prohibition des liures, & comment la chose estoit arriuee à l'estat, où elle se trouuoit lors de la tenue du Concile, & quel reiglement il y fut lors mis. En l'Eglise ancienne des Martyrs, cecy n'estoit pas chose d'interdiction Ecclesiastique. Bien est vray, que les personnes pieuses & religieuses faisoient conscience de lire liures dannables, pour ne contreuenir à ces trois ordonnances de droit diuin, de fuir la contagion du mal: de ne s'exposer aux dangers & tentations sans necessité, & vtilité: & de ne consumer le temps en chose vaine: qui sont loix natureles, & demeurent tousiours en vigueur: & quand mesmes il n'y auroit aucune loy Ecclesiastique, seroyent suffisantes de nous obliger à nous garder de lire liures mauuais. Mais, lors que ces esgards n'auoyent point de lieu, il en estoit iugé autrement: & il en arriua vn exemple en Denis, Euesque d'Alexandrie, docteur fameux, lequel enuiron l'annee du Seigneur deux cens quarante fut pour cete cause repris par ses Prestres: & en estant en quelque scrupule de conscience, pour les raisons sus alleguees, il eut vne vision, qu'il lust franchement toutes sortes de liures, d'autant qu'il estoit capable de les discerner. Mais toutesfois les Anciens estimoyent qu'il y auoit plus de danger à lire les liures des Payens, lesquels ils abhorroyent aussi plus, & en blasmoient plus la lecture que de ceux des heretiques: d'autant que plusieurs Docteurs Chrestiens, par vanité d'apprendre l'eloquence, y estoient aussi plus adonnés. Et pour cete cause aussi S. Ierome fut batu, par le Diable ou en vision, ou en songe que ce fust. Dont aussi en ces mesmes temps, enuiron l'an quatre cens, vn Concile de Carthage defedit aux Euesques de lire les liures des Gentils, mais bien leur permit de lire ceux des heretiques: & ce Decret est inferé entre les Canons recueillis par Gratien. Et c'est là la premiere prohibition, en forme de Canon: car, par maniere de conseil, y en a d'autres es Peres, lesquels doiuent estre reiglees selon la loy diuine rapportee ci dessus. Les liures des heretiques, contenant doctrine condânee par les Conciles, estoient souuent defendus par les

Empereurs par raison de police: comme Constantin defendit les liures d'Arrius: Arcade, ceux des Eunomiens; & Manicheens: Theodose, ceux de Nestorius: & Martiam, ceux des Eutichiens: & en Espagne le Roy Ricarède, ceux des Arriens. Mais, quant aux Euesques, il leur suffisoit de monstrer, quels liures estoient de doctrine condannée, ou apocryphe, comme fit le Pape Gelase en l'année quatre cens nonantequatre: sans passer plus outre, laissant à la conscience d'un chacun, de les fuir, ou de les lire à fin de bien. Depuis l'an huit cens, les Papes de Rome, ayans pris à eux vne grande partie du gouvernement politic, firent aussi brasser, & defendirent de lire les liures, dont ils condannoient les auteurs. Et nonobstant encor, se trouuera-il iusques à ce siecle bien peu de liures defendus en cete sorte. Et n'estoyent point vsitees les defenses vniuerselles, sous peine d'excommunication, & sans autre sentence, contre qui liroit liures contenant doctrine d'heretiques, ou soupçonnés d'heresie. Le Pape Martin cinquieme, en sa Bulle, excommunie bien toutes sectes d'heretiques, & sur tout Vviclefistes, & Hussites, sans toutesfois faire mention de ceux qui liroient leurs liures, quoy que plusieurs en courussent. Leon dixieme, en condannant Luther, interdit ensemblement, & sous peine d'excommunication, tous les liures d'iceluy. Les autres Papes suiuaus, en la Bulle appelee *In cœna Domini*, apres auoir condannés, & excommuniés tous les heretiques, ont aussi excommunié ceux qui liroyent leurs liures. Et en d'autres Bulles contre les heretiques en general, ils ont fulminé les mesmes censures contre ceux qui liroyent leurs escrits. Ce qui n'a engendré que de la confusion: car les heretiques, n'estans pas nommément condannés, il falloit conoistre les liures plustost par la qualité de la doctrine, par le nom des auteurs: & à cause de la diuersité des aduis, il naissoit de là innombrables scrupules de conscience. Les Inquisiteurs les plus diligens, se dressoyent eux mesmes des catalogues de tels liures qui venoyent à leur conoissance. Mais ces catalogues ne s'accordans point entr'eux, cela ne suffisoit point pour oster la difficulté. Le Roy Philippe d'Espagne fut le premier à y mettre vn meilleur reiglement, faisant en l'année mil cinq cens cinquante huit vne loy, que le Catalogue des liures defendus par l'Inquisition d'Espagne fust imprimé. A cet exemple le Pape Paul quatrieme commanda aussi à Rome, que l'inquisition dressast & fist imprimer vn Indice des liures condannés: ce qui fut executé en l'année mil cinq cens cinquante neuf: & en iceluy on fit plusieurs pas plus auant que par le passé, & furent posés les fondemens, pour maintenir & aggrandir beaucoup d'auantage l'autorité de la Cour de Rome, en priuant les hommes de la conoissance qui leur est nécessaire pour se defendre contre les vsurpations: en lieu que, iusqu'à ce temps-là, on s'arrestoit dans les bornes des liures heretiques; & n'y auoit aucun liure defendu, sinon d'auteur condané. Cet Indice de Paul fut diuisé en trois parties: dont la premiere contenoit les noms de ceux; dont toutes les œures, de quelque matiere & suiet qu'elles fussent, voire mesmes commun & profane, estoient defendus: & en ce nombre estoient mis, non seulement ceux, qui auoyent fait profession de doctrine contraire à celle de Rome, mais aussi plusieurs autres, qui auoyent tousiours vescu; & qui estoient morts en la communion d'icelle: la seconde estoit des liures nommément spécifiés & condannés, sans defendre les autres des mesmes auteurs: la troisieme estoit de certains escrits sans nom: outre vne reigle generale, qui defendoit tous ceux, qui ne portent nom d'auteur, escrits des l'année mil cinq cens dix neuf. Pareillement estoient condannés plusieurs auteurs & liures, lesquels par l'espace de cent, deux cens, & trois cens ans, auoyent esté entre les mains de toutes les gens de lettres de l'Eglise Romaine, au veu & au feu des Papes de Rome, sans que en vn si long temps ils y eussent iamais contredit: aussi en estoit-il defendu des modernes, lesquels auoyent esté imprimés en Italie, voire mesmes à Rome, avec approbation de l'Inquisition, & mesmes du Pape par ses Brefs, comme estoient les Annotations d'Erasme sur le nouveau Testa-

1562.

ment, lesquelles le Pape Leon dixiesme, apres auoir lues, auoit approuuées par vn sien Bref, donné à Rome, le dixiesme de Septembre de l'annee mil cinq cens dix huit. Mais, ce qui est considerable par dessus tout, sous couleur de foy & de Religion, estoient, avec la mesme seuerité defendus, les liures, & condamnés les auteurs, qui auoyent maintenu l'autorité & le droit des Princes & Magistrats temporels contre les vsurpations des Ecclesiastiques: & qui auoyent defendu l'autorité des Conciles & des Euesques contre les inuasions de la Cour de Rome: & qui auoyent descouvert les hypocrisies & les tyrannies, par lesquelles le peuple, sous couleur de Religion, est miserablement trompé & violenté. En somme, iamais ne fut trouué plus beau secret pour employer la Religion à rendre les hommes insensés. Mais cette Inquisition passa encor plus outre, iusques là qu'elle fit vn Catalogue de soixante deux Imprimeurs, & defendit tous les liures par eux imprimés, de quelque auteur, art, ou langue qu'ils fussent, avec vne addition encor plus grieve, comprenant tous liures imprimés par autres semblables Imprimeurs, qui eussent imprimé liures d'heretiques. De sorte, qu'il ne restoit plus de liures à lire. Et pour comble de rigueur, la defense de chaque liure, compris en ce Catalogue, estoit avec peine d'excommunication *lata sententia*, reseruee au Pape, & avec priuation & inhabilité à offices & benefices & infamie perpetuelle, & autres peines arbitraires. Plaintes furent faites au Pape Pie quatriesme qui vint apres, de cette extremité de rigueur: lequel remit l'Indice, & toute cette matiere au Concile, comme il a esté dit.

diuersité
d'avis sur
ce sujet au
Concile

Il y eut diuersité d'avis sur les Articles proposés. Louïs Beccatelli, Archeuesque de Raguse, & Frere Augustin Sauage, Archeuesque de Genes, furent d'opinion, qu'il ne pouuoit naistre aucun bon effet de traiter au Concile matiere de liures: ains que plustost cela pouuoit porter empeschement à la conclusion de ce, pour quoi le Concile estoit principalement assemblé. D'autant que le Pape Paul quatrieme ayant, de l'aduis & conseil de tous les Inquisiteurs, & de plusieurs principaux personnages, de toutes parts, fait vn Catalogue tres-complet, on n'y pouuoit rien adiouster de plus, sauf quelques liures sortis en lumiere les deux ans ensuiuans, qui n'estoyent pas chose, qui meritaist la main du Concile. Que si on vouloit penser à permettre quelques vns des liures defendus en ce recueil, ce seroit declarer qu'à Rome on auoit imprudemment procedé, & oster la reputation, tant à l'Indice ia publié, qu'au Decret nouveau qu'on feroit: attendu que c'estoit vne Maxime toute commune, Que les nouuelles loix ostent plus la reputation à elles mesmes qu'aux vieilles. Ioint que, disoit Beccatelli, il n'y a nul besoin de liures, le monde n'en a que trop, sur tout dés l'inuention de l'Imprimerie, & qu'il valoit mieux que mille liures fussent defendus sans demerite, que non pas qu'un seul, meritant interdiction fust permis. Et ne seroit pas aussi utile, que le Concile prist la peine de rendre raison des prohibitions, en faisant des censures, ou approuuant les ia faites par les Catholiques en diuers endroits. Ce qui ne seroit autre chose, que conuier autrui à contredire: car c'est bien chose seante à vn Docteur de rendre raison de son dire, mais, quand le Legislatteur le fait, il en diminue son autorité: d'autant que le suiet se prend à la raison alleguée, & quand il croit de l'auoir refutée, il cuide aussi d'auoir osté toute vertu au commandement. Et que, pour les mesmes causes, il n'estoit pas à propos de corriger & purger aucun liure, pour induire les personnes à dire, qu'on ait obmis quelque chose qui meritaist correction, ou changé celles qui ne la meritaissent point. Et qu'en outre le Concile exciteroit contre soi le maltalent de tous ceux qui seroyent affectionnés aux liures qui seroyent interdits: ce qui les porteroit à refuser les autres Decrets necessaires, qu'on feroit. Pourtant il conclut, Que l'Indice de Paul suffisoit, & qu'il ne pouuoit approuuer de s'occuper vniuersellement à faire chose ia faite ou à desfaire chose bien faite. Plusieurs autres raisons furent employées & alleguées, en confirmation de cet aduis, par plusieurs Euesques creatures de Paul quatriesme, & admirateurs de sa prudence au manie-
ment

ment de la discipline Ecclesiastique: lesquelstenoyent qu'il estoit necessaire de maintenir, voire mesmes roidir la rigueur par luy establie, si on vouloit conseruer la pureté de la Religion.

Iean Thomas de S. Felix, Euesque de la Caue, fut d'opinion toute contraire, Qu'il falloit traiter des liures tout à neuf, comme s'il n'y auoit aucune precedente prohibition: d'autant que celle-là, comme faite par l'Inquisition de Rome, estoit odieuse par son seul nom aux Vltramontains: & au demeurant estoit aussi tant rigoureuse, qu'il estoit impossible de l'observer: & qu'il n'y a rien qui abolissent plustost vne loy, que l'impossibilité, ou la grande difficulté à l'observer, & l'extreme rigueur à punir les transgressions. Qu'il estoit bien necessaire de conseruer la reputation de l'Inquisition: mais, que cela se pouuoit faire assez conuenablement, taisant toute mention d'icelle: & au demeurant faisant les seuls reiglemens & prouisions necessaires, & avec peines moderees. Et que pourtant son aduis estoit, que le tout gisoit au moyen à tenir: sur quoy il dit qu'il iugeoit pour le plus expedient, que les liures iusques alors non censurés fussent departis entre les Peres, & les Theologiens presens au Concile, & mesmes aussi absens: afin, qu'apres vn bon examen, ils en fissent la censure, & que le Concile deputast vne Congregation d'vn nombre mediocre, qui fust comme iuge entre la censure & le liure: & que cela mesmes fust pratiqué sur les liures ia censurés. Apres quoy le fait fut proposé en Congregation generale, pour en arrester generalement ce qui sembleroit estre pour le bien public. Et quant à citer les interessés, il remonstra qu'il y auoit deux sortes d'autheurs, les vns separés de l'Eglise, les autres incorporés en icelle. Que des premiers, il ne falloit faire aucune estat: attendu que, par leur seul alienation de l'Eglise, ils estoient, comme dit Saint Paul condamnés eux mesmes, & leurs œuvres: tellement qu'il n'estoit ia besoin d'en ouïr autre chose, Quant aux autres, demeurés en l'vniō de l'Eglise, il y en auoit des viuans, & des morts. Que pour les viuans, il estoit necessaire de les citer, & escouter: &, attendu qu'il s'agissoit de leur honneur & bonne fame, qu'on ne pouuoit proceder contre leurs œuvres, sans auoir tout premier ouï leurs raisons. Que pour les morts, il n'y auoit point d'interest particulier, & pourtant qu'on en pouuoit faire ce que requeroit le bien public, sans danger d'offenser aucun. A cete opinion fut adiousté par vn autre Euesque, qu'on eust à garder la mesme forme & & procedure de iustice enuers les autheurs Catholiques defunts: veu qu'ils auoyent encoir leurs parents, & leurs disciples, & lesquels, comme leurs descendans, participoyent à l'honneur ou a l'infamie des defunts, & pourtant y estoient interessés. Et quand mesmes il n'y auroit ne parents ne disciples, la seule memoire du defunt ne pouuoit estre iugee sans estre defendue.

Il y en eut mesmes aucuns, qui opinerent, Qu'il n'estoit pas raisonnable de condanner les œuvres des Protestans, sans les ouïr. D'autant que, quoy que les personnes fussent condānees d'elles mesmes, les loix pourtāt ne permettent de passer à sentence definitive, sans citation & adiournement, mesmes en cā tout notoire: ce qui donques aussi peu peut estre fait contre le liure, quoy que notoirement il contienne heresie. Frere Gregoire, General des Augustins, dit, Qu'il ne luy sembloit point necessaire d'observer tant de subtilités: que la defense des liures estoit tout iustement comme la defense medicinale d'vne viande, qui n'est pas vne sentence contre icelle, ne contre qui l'a appareilliee, dont il faille l'escouter: ains vn commandement à celuy qui en doit vser, fait par celuy qui a charge de gouverner la sante d'iceluy. Et pourtant qu'il ne s'agissoit point d'aucun interest ou preiudice du viuandier, mais seulement du benefice du malade: & qu'à tresbonne raison vne viande, quoy que bonne, estoit defendue, pource qu'il n'estoit vtile au malade d'en vser. Qu'en cete mesme façon, le Concile, qui est le Medecin: deuoit regarder seulement à ce qui est vtile ou dommageable aux fideles de lire, & defendre le pernicieux, & dangereux: au moyen de quoy ne seroit fait tort à aucun, quand mesmes le liure en soy-mesme seroit bon, mais ne

*comme aussi
sur le deuxi-
eme d'appeler les
interessés es
dits liures*

1562.

Et sur le
troisième
d'un pardon
general, &
d'un sauf-
conduit.

conuiendroït pas à la foiblesse des esprits de ce siecle. Il y eut beaucoup d'autres considérations, lesquelles se resoluoyent toutes en fin en l'une de celle cy. Mais, sur le troisieme Articles, de conuier les desuoyés à repentance, avec promesse de clemence, & ottroy de saufconduit, les opinions furent diuerses, mesmes entre les Legats, celui de Mantouë estoit d'auis d'un pardon general : disant, Que par iceluy on gagneroit grand nombre de personnes : & que c'estoit vn remede vsite par tous les Princes es seditions, ou rebellions, qu'ils n'ont pouuoir d'estoufer, d'ottroyer pardon à qui met bas les armes : & qu'ainsi les moins coupables se retirent, & les autres endeuurent plus foibles. Que quant mesmes il n'y auroit esperence d'en gagner que bien peu, il le faudroit faire pour vn tout seul : voire quand on n'engagneroit pas vn, encores y auoit-il tousiours grand acquest d'auoir monstre & vsé de clemence. Mais pour l'opinion contraire le Legat Simone disoit, Que c'estoit se mettre en danger d'en ruiner d'autres : d'autant que plusieurs se laissent emporter à faillir, là où ils voyent la facilité du pardon : & qu'à l'opposite la rigueur, quoi que dure à qui la sent, en tient infinis en deuoir. Que pour monstre la clemence, il suffisoit d'en vser enuers ceux qui la requeroient : mais que de la ietter apres ceux qui ne la demandoient point, & mesmes la refusoient, n'estoit autre chose, que relacher la garde que chacun doit faire de soi-mesmes : que cela feroit qu'on tiendroït l'heresie pour vn leger delit, voyant d'en obtenir pardon si aisément. Les Prelats estoient mispartis entre ces deux opinions : & ceux qui n'approuoyent point le Safconduit, disoyent, Qu'au premier Concile il n'en fut baillé à aucun : ce qui toutes fois n'auroit esté omis, s'il eust esté necessaire, ou conuenable : attendu que le Concile auoit esté regi par vn Pape tresprudent, & par des Legats, les principaux du College. Qu'au deuxieme, il auoit esté baillé, pour ce que Maurice, Duc de Saxe, & autres Protestans, l'auoyent requis, & l'empereur l'auoit demandé pour eux : qui estoient fortes raisons, qui à present cesloient, attendu que nul ne le demandoit : ains l'Allemagne crioit & protestoït, qu'elle ne reconnoissoit point le Concile pour legitime : à quoi faire donc leur bailler Safconduit, sinon pour leur donner matiere de quelque sinistre interpretation ; Les Prelats Espagnols ne consentoyent aucunement à vn Safconduit general, pour le preiudice qui auroit esté fait à l'Inquisition d'Espagne : attendu que, moyennant icelui, chacun se pourroit declarer Protestant, & se mettre en ordre pour le voyage, sans pouuoir estre arresté par l'Inquisition. Ce que les Legats consideroyent aussi pouuoir aduenir à l'Inquisition de Rome, & d'Italie. Le tout consideré, il sembla que pour l'Indice, il suffisoit pour lors de nommer les Deputés, & par quelque parole du Decret faire entendre aux interressés, qu'ils seroyent ouïs : & cependant, de conuier tous au Concile. Et quant au saufconduit, attendu les difficultes, qui se presentoyent à la trauerse, qu'on remist à y mieux aduiser.

Et les con-
clusions,

le Legat A-
tems a-riue
à Trente.

Et l'Am-
bassadeur
de l'Empe-
reur.

Pendant qu'on traitoit ces choses, le cinquieme Feurier, arriua à Trente le Cardinal Altems, neveu du Pape, cinquieme Legat : & tout ensemble la nouuele de l'Edit de France susmentionné, qui troubla grandement vn chacun, voyant que, pendant que le Concile estoit sur pied pour condamner les nouueautés, icelles mesmes estoient permises par les Princes, par Arrest public. Le iour ensuiuant fut receu en Congregation generale Antoine Miglits Archeuesque de Prague, Ambassadeur de l'Empereur, & fut lu le mandement de Sa Maiesté Imperiale, L'Archeuesque fit vne brieue harengue, & reserua le demeurant au Sieur Sigismond Thunn, deuxieme Ambassadeur de Sa Maiesté lequel n'estoit encores arriué. Le Concile respondit, Qu'avec vn singulier contentement, & ioye, il voyoit les Ambassadeurs de l'Empereur, & qu'il admettoit le mandement Imperial. Le dit Ambassadeur essaya de preceder le Cardinal Madruce, Euesque de Trente, allegant les mesmes raisons & pretensions, qui auoyent esté employée par D. Diego de Mendozze au premier Concile de

de ce qui auoit esté fait, & non des raisons qui auoyent esté produites, il acquiesça, & s'assit au dessous.

Le neuuesme du mesme mois, fut receu Ferdinand Martinez Mascarenno, Ambassadeur de Portugal, & fut lue la lettre de creance dudit Roy, ensemble son mandement. Apres quoy, vn certain Docteur, qu'il auoit avec luy, fit vne harangue assez longue: en laquelle il exposa le fruit que l'Eglise recueille des Conciles, la necessité de celuy d'apresent, les trauerses qu'il auoit soustenuës par le passé, lesquelles la prudence du Pape Pie auoit toutes surmontées en ce temps. Et dit, que l'autorité des Conciles estoit telle, que leurs Décrets estoient receus pour oracles diuins. Que le Roy, son Maistre, auoit esperance que ce Concile decideroit les differens de la Religion, & reigleroit les mœurs des Prestres & gens d'Eglise, selon la pureté de l'Euangile. Et que pour cette cause il luy promettoit toute obeysance: de quoy faisoient foy les Euesques de ses Estats ia arriués, & ceux qui bien tost arriueroyent encor. Il représenta la grand pieté, religion, & hautes entreprises des anciens & tresreligieux Rois de Portugal: & leurs grands trauaux pour soumettre tant de prouinces d'Orient au S. Siege Apostolic, & que les Peres du Concile denoyent attendre l'imitation de cette heroïque pieté du Roy moderne Sebastien. Il loua en peu de paroles la noblesse du sang, & la vertu de l'Ambassadeur: & pour fin pria les Peres de l'escouter, pour & en faueur des Eglises de son Royaume, quand le besoin le requerroit. Le Promoteur respondit en peu de paroles, Que le Concile auoit receu vn grand contentement de la lecture du mandement du Roy, & de la harangue prononcée, avec le recit de la pieté & religion d'iceluy: ce qui toutesfois n'estoit point chose nouuele, ains notoire à tous, par l'eminente gloire, que luy & les ancestres auoyent merité, pour auoir conserué en ces temps turbulents la Religion Catholique en son Royaume, & l'auoir mesme portée en lieux lointains: de quoy le Concile rendoit graces à Dieu, & receuoit le mandement du Roy, comme il deuoit.

En la Congregation de l'onzième du mois, se presenta l'autre Ambassadeur de l'Empereur, lequel fut receu à peu de ceremonie, d'autant que le mandement auoit ia esté lu, dont il y eut de temps assez pour traiter des affaires Synodales. Et, apres qu'on eut dit quelques choses sur les mesmes matieres qu'en la precedente, liberté fut baillée aux Legats de faire chois de certains Peres, pour former vne Congregation sur l'Indice des liures; & d'autres, pour dresser le Decret pour la Session prochaine. Par les Legats, furent nommés pour traualier à l'affaire des liures, des censures, & de l'Indice, George Draskeuits, Euesque des Cinq Eglises, Ambassadeur pour le Royaume de Hongrie, Iean Treuisan, Patriarche de Venise, quatre Archeuesques, neuf Euesques, vn Abbé, & deux Generaux d'Ordre.

Le treizième du mois, les Ambassadeurs de l'Empereur se presenterent aux Legats, ausquels ils firent vne proposition, contenant cinq demandes, de laquelle ils laisserent aussi par escrit, afin qu'ils en pussent deliberer. Ces demandes estoient, Qu'on euitast le nom de continuation de Concile: d'autant que de là les Protestans prenoient occasion de le recuser. Qu'on differast la Session prochaine, ou du moins qu'on s'arrestast à traiter choses legeres. Qu'on n'effarouchast ceux de la Confession d'Ausbourg, en ce commencement de Concile, par la condamnation de leurs liures. Qu'on baillast vntres-ample Saufconduit aux Protestans. Que ce qui estoit traité es Congregations fust tenu secret: d'autant que le tout estoit diuulgué & esuenté iusques parmy le vulgaire. Puis apres, ils offrirent, au nom de l'Empereur, toute faueur & assistance au Concile: & adiousterent, qu'ils auoyent charge de Sa Maïesté, toutesfois & quantes qu'ils seroyent appellés par leurs Reuerendissimes Seigneuries, d'aider de leur conseil les affaires du Concile, & employer mesmes l'autorité Imperiale pour les fauoriser.

Le dixseptiesme du mois, les Legats leur rendirent response, Qu'il estoit nécessaire de donner contentement à tous: qu'à leur instance on ne nom-

1562
gato.

meroit point continuation; mais, aussi pour n'irriter point les Espagnols, il y falloit de necessité s'abstenir du contraire. Que la prochaine Session se passeroit en choses generales & legeres: & que pour les autres, on les remettroit à longs iours. Qu'on n'auoit point pensé de condamner pour lors la Confession d'Ausbourg. Qu'on ne parloit point encore des liures des Confessionistes, mais bien eroit-on vn Indice des liures reprobés, à la fin du Concile. Qu'on donneroit vn tres-ample Saufconduit à la nation Allemande, lors qu'on auroit bien clairement décidé, s'il luy falloit bailler separément des autres, ou tout ensemble. Qu'on pouruoiroit au secret en quelque bonne façon. Et qu'ils communiqueroient avec eux toutes les choses qu'ils traiteroient, estans tresasseez de la bonne volonté de l'Empereur, & que ses Ambassadeurs correspondoient à la pieté & religion de leur Maistre.

troisieme
Ambass. d.
l'Empereur
presente se
mâdemens,
et haren-
gue le Con-
cile.

George Draskeuits, Euesque des Cinq Eglises, troisieme Ambassadeur de l'Empereur, lequel dès le mois de Ianuier precedant estoit arriué à Trente, presenta le vintquatrieme Fevrier son mandement en Congregation generale: & lors fit vne harangue, en laquelle il s'estendit fort es loüanges de l'Empereur, disant. Que Dieu l'auoit donné en ces temps, pour soulagement de tant de miseres: & l'accompara à Constantin, en son affection à fauoriser les Eglises, exposa les grands devoirs rendus pour conuoyer le Concile, lequel ayant obtenu, il auoit voulu le premier de tous les Princes, y enuoyer deux Ambassadeurs pour l'Empire, pour le Royaume de Boheme, & pour l'Austriche: & la personne de luy qui parloit pour le Royaume de Hongrie. Là dessus il presenta son mandement, & remercia le Concile, de ce que, mesmes auant qu'auoir veu le document de son Ambassade, il luy eust baille lieu & rang conuenable à la qualité d'Ambassadeur. Apres fut fait lecture du Decret, conceu par les Deputés en termes generaux: ce qui fut fait en cette sorte, tant pour satisfaire à la requeste des Impériaux, que pource que la matiere n'estoit pas suffisamment digerée.

comme aussi
fait le Legat
de Mantoue.

Apres cela, le Legat de Mantoue fit vne modeste & graue admonition aux Peres, de tenir secretes les choses, qui se traitoyent es Congregations, tant, afin qu'estans publiees, n'y fut faite quelque opposition, ou donnée quelque trauesse, que pource que mesmes, hors de ce danger les choses ont plus de reputation, & sont tenues en plus grande reuerence, lors qu'elles ne sont esuëntees parmy le commun. Joint que tous n'apportoient pas tousiours toute la circonspection, ni ne gardoyent la bienséance, qui seroit requise, ce qui redondoit au deshonneur du Concile, quand il venoit à se sauoir. Il adiousta aussi, Qu'il n'y auoit ne College, ne Conseil, Seculier ou Ecclesiastic, petit ou nombreux, qui n'eust son secret, & ses obligations de silence, lequel est imposé avec liens de sermens ou de peines. Mais, que ce Concile estoit composé de personages de telle prudence, qu'ils ne deuoient estre liés que par leur propre iugement. Qu'en parlât ainsi, il ne parloit pas plus aux Peres, qu'à ses propres Collegues, & à soy-mesme principalement: d'autant que chacun est obligé à s'admonester soy-mesme à toute chose conuenable. Puis apres il passa à ramenteuoir les difficultés, qui s'estoyent descouuertes sur le fait du Saufconduit, & pourtant exhorta vn chacun à y penser soigneusement. Et adiousta, que, cas aduenant que cela ne se peust resoudre auant la Session, on adioindroit au Decret, que le Saufconduit pourroit estre ottroyé en Congregation. Cela auoit esté ainsi resolu entre les Legats, d'autant, qu'ayans reconu la difficulté, sur tout à l'esgard de l'Inquisition de Rome, & d'Espagne, ils auoyent escrit à Rome tout ce qui auoit esté dit & proposé tant sur ce point que sur celui de l'Indice, & en attendoient response.

Le Pape est
indigné con-
tre le Fran-
cois, & om-
bragé contre
les Espa-
gnols.

Le Pape estoit indigné pour l'Edit de France, & impatientoit que le Concile se passast sans rien faire: & disoit, qu'il n'estoit pas bon que les Euesques demeurassent long temps hors de leur residence, & sur tout, pour traiter superfluellement des dogmes décidés en d'autres Conciles. Il auoit grand ombrage & soupçon des Prelats Espagnols, & alors sur tout: le tenant pour plus malentendus, dès qu'il auoit accordé au Roy d'Espagne

quatre cens mil escus par an, des reuenus Ecclesiastiques, pour dix ans continus: & en outre de pouoir vendre & alierner à trente mil escus de reuenu des vassellages des Eglises d'Espagne: ce qui sembloit vne diminution fort notable de l'Eglise en ce pays-là.

Louis de S. Gelais, Sieur de Lansac, arriua à Rome sur ces entrefaites, *Lansac Ambassad. de France expose les desirs du Roy & presse le Concile.* enuoye par le Roy de France pour declarer au Pape l'estat du Royaume. Iceluy dit d'entree, Que le Roy voyant le grand loin du Pape au fait du Concile, auoit depute a iceluy Monsieur de Candale, & auoit ia fait partir vintquatre Euesques pour y aller, desquels il luy bailla le roolle. Puis exposa tout ce qui s'estoit passe en France des la mort de François deuxiesme, & la necessite qu'il y auoit de proceder moderement, tant à cause du defaut de forces suffisantes pour exercer la rigueur: que pour ce: que quand mesmes elles auroient esté telles, il eust falu mettre la main au sang des plus nobles, & principaux: ce qui auroit aliené tout le Royaume, & empié grandement les affaires. Que le Roy n'auoit esperance ailleurs qu'au Concile, enca, que toutes les nations, & sur tout les Allemans, y entreussent. Que les Protestans François ne se pourroyent separer des Allemans. Et pourtant qu'il supplioit Sa Sainteté, que si pour les contenter, il n'estoit question d'autre chose, que du lieu, des asseurances, & de la forme de proceder, il luy pleust de condescendre à leur desir, pour le grand bien, qui en suiveroit. Le Pape respondit, premierement quant au Concile, *à qui le Pape respond* Que des le commencement de son Pontificat, il s'estoit resolu de le conuoker: *mettant la faute sur les François mesmes,* que les difficultés auoyent esté entreiettées par l'Empereur, & le Roy d'Espagne: que n'eantmoins à present l'un & l'autre y auoit ses Ambassadeurs, & Prelats: qu'il n'y manquoit plus que les François, lesquels, plus que tous les autres, auoyent besoin du Concile. Qu'il n'auoit obmis chose aucune pour conuier les Allemans Protestans, voire mesmes avec quelque indignité du S. Siege: & qu'il estoit deliberé de continuer encores: & que pour les seuretés, elles ne leur manqueroient nullement, telles & si grandes qu'ils fauroient iamais de nander. Mais, qu'il ne luy sembloit point honnest de soumettre le Concile à la discretion des Protestans: que s'ils refusoient d'y venir, il ne falloit pas pourtant laisser de passer outre, sur tout les affaires estant desia fort acheminées, & auancées. Et quant aux choses faites en France, qu'il ne les pouoit trouuer bonnes en aucune façon: & qu'il prioit Dieu de pardonner à ceux qui estoient cause de tant d'inconueniens.

Le Pape auroit bien passé ces termes, s'il eust seu ce qui se faisoit en France, au mesme temps que Lansac luy representoit les choses ia faites. Car le quatorzième Feurier, la Roine mere fit venir à S. Germain les Euesques de Valence, & de Seez; & les Theologiens Boutillier, Despense, & Picherel, & leur bailla charge de consulter ensemble ce qu'on pourroit faire pour ebaucher & acheuiner les affaires à quelque appointement & concorde. Iceux proposerent ces Articles suiuians, Qu'il fut en tout & par tout interdit & defendu de faire aucune effigie, ou figure de la sainte Trinité, ne d'aucune personne non nommée es Martyrologes approuués par l'Eglise. Qu'on n'eust à mettre aucunes couronnes, ne vestemens, aux images: ny à leur faire vœux ny oblations: & qu'elles ne dussent estre portées en procession: sauf le signe de la Sainte Croix. Il sembloit que les Protestans se contentassent de cela, pour le fait des Images, quoy qu'ils fissent quelque resistance sur le signe de la Croix: disant, Que Constantin auoit esté le premier, qui l'auoit proposé à adorer, contre l'usage de l'Eglise ancienne. Mais Nicolas Maillard, Doyen de la Sorbonne, & autres Theologiens, s'opposerent à ces Articles: maintenant l'adoration des images, quoy qu'il aduouast bien qu'il y auoit plusieurs abus. Ce mesme mois le Roy de Nauarre escriuit à l'Electeur Palatin, au Duc de Vvirtemberg, & au Landgraue Philippe de Hesse, leur donnant aduis, que, combien qu'on n'eust pu s'accorder au Colloque de Poissi, ny mesmes en ce dernier de S. Germain sur le fait des Images, *lesque's siegent neau. tre conferece sur le fait des images.*

1562.

il ne laisseroit pas pourtant de s'employer tousiours à la Reformation de la Religion, mais en l'introduisât peu à peu, pour ne troubler le repos de l'Estat.

*Les Guis-
sars vne de
pratique a-
vec quelque
Protestans
d'Allema-
gne:*

En ce mesme temps, le Duc de Guise, & le Cardinal de Lorraine, allerent à Sauerne, petite ville de l'Euesque de Strâsbouurg: là où se trouua Christofle, Duc de Vvirtemberg, avec ses Ministres de la Confession d'Ausbourg. Ils furent trois iours ensemble, & exposerent au Duc la faueur qui auoit esté faite à la Confession d'Ausbourg, au Colloque de Poissi, & la resistance qu'auoyent fait ceux de la Religio reformée en France de l'accepter: & requirent que l'Allemagne s'vnist à eux, à empescher la doctrine de Zuingle, non pour s'opposer à la Reformation de la Religion, laquelle ils desiroient; mais seulement pour garder qu'un poison pestilentiel ne s'enracinast non seulement en France, mais mesmes aussi en Allemagne. Cette pratique fut faite par eux, afin que si on venoit aux armes, cômme on estoit menacé, ils pussent en tirer secours: ou, du moins, faire qu'il fust refusé au party contraire. Cet abouchement cependant engendra de tres-grands soupçons, à Rome, à Trente, & mesmes en France. Le Cardinal, & ses adherans, se iustifioient, que ce qu'ils en auoyent fait, estoit pour le bien de Chrestienté, afin de tirer des Protestans mesmes d'Allemagne secours & faueur contre les Huguenots de France. Il fut de vray quelque bruit que le Cardinal desiroit tout à bon quelque vnion en la Religion avec l'Allemagne: & qu'autant qu'il abhorroit la confession de Geneue & de Suisse, Il enclinoit à celle d'Ausbourg, & desiroit de la voir plantée en France. Bien est-il certain qu'apres le Concile de Trente finy, il disoit, qu'autres fois il auoit senty avec icelle Confession: mais, qu'apres la determination du Concile, il y auoit acquiescé, selon le deuoir de tout bon Chrestien. Quant aux presches, qui se faisoient publiquement en France, nonobstant qu'il s'esleuast diuerses seditions, & tumultes, qui empeschoyent l'accroissement des Reformés, il se trouua qu'en ce temps ils auoyent deux mil cent cinquante Assemblées, lesquels ils nommoient Eglises.

*dont ils son-
t soupçonné
& se purgè-*

*renue de la
seconde Ses-
sion,*

Le vintiesme de Fevrier venu, les Peres s'assemblerent en l'Eglise, & fut tenuë la Session. En laquelle Antoine Helius, Patriarche de Ierusalem, chanta la Messe: & Antoine Cauque, Archeuesque de Corfou, fit le Sermon. Apres la Messe, il naquit vne difficulté: c'est que, selon le stile & coustume, les mandemens des Princes, qui auoyent desia esté lus en Con-

*dispute de
presence en-
tre Hongrie
& Portugal
non vus de:*

gregation, deuoyent aussi estre lus en la Session: dont il y eut de l'estrif entre les Ambassadeurs de Hongrie, & de Portugal, chacun d'eux pretendant que le sien fust lu le premier, comme de Roi plus eminent. La pre-seance des personnes ne pouuoit causer difficulté, attendu que celui de Portugal, comme seculier, au costé droit du Temple; & celui de Hongrie, comme Ecclesiastic, au gauche, Les Legats, ayant consulté l'affaire, prononcerent que les mandemens seroyent lus selon l'ordre qu'ils auoyent esté présentés, & non selon la dignité des Princes. Il fut aussi lu vn Bref du Pape, qui remettoit la matiere de l'Indice au Concile. Ce Bref auoit esté concerté à Rome: d'autant que Paul quatrieme ayant desia, comme il a esté dit, établi vn Indice, il auroit pu sembler que le Concile entreprist quelque superiorité sur le Pape, s'il eust mis la main à icelui. Et pourtant il fut iugé necessaire, que le Pape en donnast spontanément le pouuoir, pour pretienir ce preiugé. Le Patriarche celebrant lut le Decret, qui portoit en substance, que le Concile, pensant à reestabli la Doctrine Catholique en sa pureté, & reformer les mœurs en mieux: & voy-

*Decret de la
Session sur
le liures
condamnés:*

ant que le nombre des liures pernicieux & suspects estoit grandement accru, sans que le remede de plusieurs censures, faites en diuerses prouinces, & à Rome mesmes, y eust de rien serui, auoir deliberé & arresté que quelques Prelats y aduissassent, & en son temps rapportassent au Concile ce qui seroit de besoin de faire de plus, afin de separer & d'extirper l'y-uraye d'entre la bonne doctrine, & oster les scrupules des pensees, & retrancher les causes de plaintes à plusieurs. Ordonnant que cela fut publié

& notifié à tous par le present Decret: afin que, si aucun pensoit d'auoir interest, soit au fait des liures & censures, soit en aucune autre chose, qui se traiteroit au Concile, il fut assuré qu'il seroit benignement ouï. Et d'autant que le Concile desiroit de cœur la paix de l'Eglise, & que tous recogneussent la mere commune, il conuioit tous ceux qui ne communiquoyent point avec elle, à reconciliation & concorde, & à venir au Concile, duquel ils seroyent embrassés en toute charité. Et en outre decretoit qu'en la Congregation generale pust estre ottroyé saufconduit de mesme vigueur & force, que s'il estoit baillé en publique Session. Apres la lecture du Decret, qui portoit pour titre, Le saint Oecumenique & general Concile, legitimement assemblée au

1562.

S. Esprit: l'Archeuesque de Grenade requit, qu'on y adioustast, *Représentant l'Eglise vniuerselle*, selon qu'il auoit esté pratiqué es Conciles prochainement passés. Apres luy, requit le mesmes Antoine Parrages, Archeuesque de Calari, en Sardaigne, & ceux-cy furent suivis de presque tous les Prelats Espagnols: lesquels firent instance que leur demande fust enregistree es Actes du Concile. A quoy ils n'eurent ne contradiction, ne response. Mais, pour fin la suivante Session fut assignee au quatorzieme de Mars.

*instance des
Espagnols
sur le titre
d'iceluy*

Ce Decret fut imprimé, tant à cause de la coustume, que pource qu'il estoit fait, afin qu'il vint à la notice de tous: & fut aussi censuré generalement par toutes sortes de personnes. On demandoit, comment c'est, que le Concile appelloit les interessés es choses, qui se deuoyent traiter en iceluy, puis qu'elles estoient ignorees: & que par le passé toutes choses auoyent esté traitées hors l'attente de tous. Et qui pouuoit deuiner ce que les Legats proposeroient, veu qu'eux mesmes ne le sauoient pas, & attendoient leurs commissions de Rome? Et semblablement les interessés en la defense de quelque liure, comment pouuoient-ils sauoir qu'on traitast quelque chose contre iceluy? Il falloit doncques, par cete generalité de citation, & incertitude de cause, que tous allassent à Trente, n'y ayant aucun qui, de bon ou de volée, n'eust, ou ne pust auoir quelque interest en quelque affaire particuliere, dont il estoit fort bien possible qu'on traitast. Generalement tous cōcluoyent, que c'estoit appeler en apparée, & exclure en effet. Toutesfois encor, parmi ces choses blasmables, on trouuoit à louer la franche confession du Concile, aduouant que les prohibitions passées auoyent engendré des scrupules es esprits, & baillé matiere de plaintes. En Allemagne ont pris aussi à matiere de soupçon cete clause, en laquelle le Concile donnoit à soy mesmes, en Congregation generale, autorité de bailler saufconduit: & ne pouuoit-on cōprendre la difference qu'il y auoit entre ces deux Assemblies, composees de mesmes personnes: sauf, qu'es Sessions elles estoient avec leurs mitres, & es Congregations avec des simples bonnets. Et pourquoy, si le fait du Saufconduit ne se pouuoit expedier alors, ne tenir vne Session expressément pour cela: En somme, ils presuoyent, qu'il y eust là dessous: quelque grand mystere caché: quoy que de vray les plus sensés iugeoyent pour tout certain, que le Concile estoit bien assuré, que nul Protestant, pour Saufconduit qu'on baillast, n'iroit à Trente, sinon par force: comme il estoit aduenü en l'année mil cinq cens cinquante deux, par l'absolu vouloir de l'Empereur Charles. Chose, qui pour lors estoit hors de saison.

*iugemens
diuers sur
le mesme:*

Le Pape respondit aux aduis donnés par les Legats, Que les heretiques ne fussent point cōnuies à repentance, avec assurance de pardon. Que cela auoit ia vne fois esté fait par Iules, & vn autre par Paul quatrieme, & n'en estoit fortv aucun bon fruit. Que des heretiques, qui estoient en lieu de liberté, nul n'accepteroit ce pardon: & ceux, qui estoient es lieux où regnoit l'Inquisition, de peur d'estre descouuerts, l'accepteroient seintement, pour s'assurer du passé, avec intention de faire pis, mais plus cauteleusement à l'auenir: Quant au Saufconduit, il trouuoit bon, qu'on le baillast à tous ceux, qui n'estoyent sous l'Inquisition: mais toutesfois que cete exception ne fust point exprimée: attendu que, quand le Pape Iules donna son pardon, sauf aux sujets à l'Inquisition d'Espagne, & de Portugal, il y auoit eu beau-

*response du
Pape aux
demandes
des Legats.*

1562.

beaucoup à dire: & la chose s'estoit passée avec peu de reputation, comme si le Pape n'auoit pas le mesme pouuoir sur ces Inquisitions là que sur les autres: mais, quant à la maniere del'exprimer, il la remettoit au bon plaisir du Concile. Quant à la forme du Saufconduit, il approuuoit celle, qu'auoit fait le Concile en l'annee mil cinq cens cinquante deux à l'Allemagne, d'autant qu'icelle auoit ia esté veüe, & sous cette seureté tant de Protestans estoient cette annee-là allés à Trente. Pour le fait de l'Indice des liures, il ordōna que les Deputés passassēt outre, trauaillāt tousiours, iusqu'à ce qu'il se presentast occasiō d'en faire Decret public, sans oppositiō d'aucun Prince.

sur laquelle
on tient Cō-
gregation,
pour les seu-
retés & sauf-
conduits.

Après que cete respōse fut venue de Rome, le deuxieme Mars, & le iour ensuiuant, fut tenue Congregation, pour resoudre, si on deuoit publier le pardon general, & donner le Saufconduit, & fut aussi disputé de la forme de l'un & de l'autre: & au bout de quatre iours, apres plusieurs disputes la conclusion fut prise, les Legats ayans fait tomber la deliberation au point des intentions du Pape, sans toutesfois y engager son autorité. On omit tout à fait la semonce à repentance, pour les raisons allegues à Rome. On debatit longuement, si on deuoit bailler saufconduit, nommément aux François, aux Anglois, & aux Escossois: & y eut mesmes quelques vns qui proposerent les Grecs, & autres natiōs Orientales. Mais il fut bien tost reconu, que ces pauvres gens, gemissans sous leur dure seruitude, ne pouuoient, sans danger; & sans estre secourus d'argent, & d'autres moyens, penser à aucun Concile. Et mesmes il y en auoit qui disoyent, Que la diuision des Protestans estant nee, il estoit bon de laisser dormir cete autre-là, sans la nommer: allegant le danger qu'il y auoit d'esueiler en vn corps malhabitué les malignes humeurs qui sont assopies. Que de bailler vn Saufconduit aux Anglois, veu que ny eux, ny autres pour eux, ne le demandoyent; estoit chose indigne. On le trouuoit bien bon à l'esgard des Escossois, d'autant que leur Roine le demanderoit, mais il falloit tout premier faire venir la demande. Pour l'esgard de la France, on mettoit en doute si le Conseil du Roy le prendroit en bonne part, ou non: d'autant qu'il sembloit que ce fust vne declaration que le Roy auoit des rebelles. Pour l'Allemagne, la chose sembloit bien estre hors de doute, veu qu'il leur auoit esté accordé autresfois: mais aussi, si on le bailloit à cete seule nation, il sembloit qu'on tinst toutes les autres pour abandonnees. Vne grande partie estoit d'auis qu'on le donnast à toutes les nations mais les Espagnols s'y opposoyent, & estoient portés par les Legats, & par autres, bien informés de la volonté du Pape, à la grande indignation des autres, ausquels il sembloit qu'on inferast de là, que le Concile n'estoit pas superieur à l'Inquisition d'Espagne. En fin, toutes les difficultés furent desmeslees, & fut le Decret formé, contenant trois parties. En la premiere estoit baillé Saufconduit à la nation Allemande, de la mesme teneur, mot pour mot, qu'il auoit est baillé l'an mil cinq cens cinquante deux. En la seconde, estoit porté, que le Concile bailloit saufconduit, en la mesme forme, & termes, qu'il auoit esté baillé aux Allemans, à chacun de ceux, qui n'auoyent communion de foy avec luy, de quelque nation, prouince, ville, & lieu qu'ils fussent, là où on enseignast, preschast & crust contre le sentiment del'Eglise Romaine. En la troisieme estoit dit & déclaré, que, quoy qu'il pust sembler que toutes nations ne fussent comprises en cete extension, ce qui s'estoit fait pour bons esgards, toutesfois n'en deuoient estre exclus ceux qui, de nation quelconque, voudroyent s'amender, & retourner au giron del'Eglise. Ce que le Concile desiroit est notifié à tous. Mais d'autant qu'il y escheoit plus ample deliberation en quelle forme leur deuroit estre baillé le saufconduit, il auoit semblé bon au Concile de differer cela à vn autre temps, pour y aduiser plus meurement: iugeant que pour l'heure pouuoit suffire, qu'il fust pourueu à la seureté de ceux, qui publiquemēt auoyēt abandonné la doctrine del'Eglise. Ce Decret fut tout promptement imprimé, comme il estoit conuenable en chose, faite pour estre portee à la connoissance de tous. Mais le Concile ne garda point sa promesse de traiter, ou de penser à quelque forme de Saufconduit pour ceux du troisieme rang,

ains en

ains en l'impression de tout le corps du Concile cete troisieme partie fut tout a fait omise, laissant à speculer au monde, à quoy faire promettre de pourvoir aussi à ceux-là, & le leur notifier par declaration imprimee, & desirer qu'il vint à la conoissance de tous : & cependant puis apres n'en rien faire, voire mesme procurer de cacher ce dessein, lequel alors ils affectoient de manifester à tous.

Les Ambassadeurs de l'Empereur sollicitèrent les Legats à traiter de la Reformation, & à escrire aux Protestans pour les exhorter de venir au Concile, comme il auoit esté fait au temps deceluy de Basle enuers les Bohemiens. Les Legats respondirent, Qu'il y auoit ia quarante ans, que tous les Princes & peuples continuellement auoient demandé Reformation : & cependant iamais ne s'estoit traité d'aucun chef d'icelle, qu'eux mesmes n'y eussent extreietté des trauerses, & mis des empeschemens, qui auoient contrainct d'abandonner la besogne. Qu'à present on trauailleroit à la reformation, pour ce qui concernoit le general des nations Chrestiennes : mais, que, pour la reformation du Clergé d'Allemagne, lequel, plus que tous autres en auoit besoin, & laquelle estoit aussi principalement attenduë de l'Empereur, ils ne voyoient point comment la pouuoient entreprendre, veu que les Prelats Allemands n'estoient point venus au Concile. Et que, quant à escrire aux Protestans, puis qu'ils auoient respondu aux Nonces du Pape avec vne si exorbitante irreuerence, on ne pouuoit attendre, sinon qu'ils respondissent encor plus impertinemment aux lettres du Concile.

L'onzieme Mars, les Legats proposerent en Congregation generale douze Articles, pour estre medités, & examinés es suiuanes Congregations.

Le premier, Quel reiglement on pourroit faire, à ce que les Euesques & autres Curés residassent en leurs Eglises, & ne s'en absētassent point, sauf que pour causes iustes, honnestes, necessaires, & vtiles à l'Eglise Catholique.

Le deuxieme, S'il estoit expedient, que nul ne fust ordonné, sinon à certain titre de quelque benefice : attendu qu'on descouuroit plusieurs abus, & fraudes, qui naissoient d'ordonner à titre de patrimoine.

Le troisieme, que pour la promotion, ou consecration aux ordres, ne fust receuë chose quelconque, ne par les promoteurs, ne par leurs ministres, ne par les Notaires.

Le quatrieme, Si on deuoit permettre aux Prelats, qu'és Eglises, ou il n'y auoit point de distributions cotidiennes ; ou bien, où elles estoient si petites qu'elles estoient de nulle estime, ils pussent conuertir en distributions quelcune des prebendes.

Le cinquieme, si les paroisses grandes, qui ont besoin de plusieurs Prestres, deuoient aussi auoir plusieurs titres.

Le sixieme, si les petits Benefices, ayans cure d'ames, qui ne sont point suffisamment rentés pour l'entretien du Prestre, pouuoient estre reformés, de plusieurs Benefices n'en faisant qu'un seul.

Le septieme, Quel reglement il falloit faire touchant les Curés ignorans, ou vicieux : s'il estoit expedient de leur bailler coadiuteurs, ou vicaires idoines & suffisans, avec assignation d'une partie des reuenus du Benefice.

Le huitieme, Si on deuoit permettre aux Ordinaires de transferer aux Eglises matrices les chappelles ruinées, lesquelles par poureté ils ne pouuoient restablir.

Le neufuisme, S'il falloit permettre aux Ordinaires de visiter les Benefices passés en commende, quoy que Reguliers.

Le dixieme, s'il falloit casser les mariages clandestins, qui à l'auenir seroiēt contractés.

L'onzieme, Qu'elles conditions il falloit poser, à ce que les mariages ne fussent clandestins, ains contractés en face d'Eglise.

Le douzieme, Quel reglement il falloit faire sur les grands abus, causés par les Questeurs.

3562.

Outre ces Articles, il en fut encor baillé vn autre aux Theologiens à estudier, pour l'examiner en vne Congregation expresse: qui estoit, Si, selon que le Pape Euariste, & le Concile de Latran, auoient declaré que les mariages faits en cachete ne deuoient estre reputés valables en la Cour contentieule, ny quant à l'Eglise, le Concile, en conformité, pouuoit declarer qu'absolument ils sont nuls: de sorte que l'occultation & le secret fussent mis entre les autres empeschemens qui annullent le mariage. Sur ces entrefaites il se descourrit en Allemagne que les Protestans traitoyent vne Ligue, & qu'on faisoit leuée de soldats, & prouision de guerre: d'où l'Empereur escriuit à Trente, & aussi au Pape, que le Concile fust surfis, iusques à ce qu'on vist plus clairement à quoy aboutiroit ce mouuement. Ce qui fut la cause, outre les bonnes festes de Pasques, que tout le demeurât du mois fut passé en ceremonies.

Reception
de l'ambassadeur
d'Espagne

Le seizieme Mars fut receu en Congregation generale François Ferdinand d'Aualos: Marquis de Pescaire, Ambassadeur du Roy Catholic, & apres que son mandement eut esté lû, fut faite vne harangue en son nom, dont la substance estoit, que le Concile estant l'vnique remede les maux de l'Eglise, a tres-bonne raison le Pape Pie quatrieme l'auoit iugé necessaire, en ces tēps. Que Philippe, Roy d'Espagne, s'y feroit volontiers trouué en personne, pour donner exemple aux autres Princes, s'il eust pû: mais à son defaut, il y auoit député & enuoyé le Marquis, pour leur assister, & pour fauoriser le Concile en tout ce qui seroit du pouuoir du Roy: sachant bien, que quoy que l'Eglise soit protégée de Dieu, elle a neantmoins quelques fois besoin de quelque secours humain. Que l'Ambassadeur n'estimoit pas necessaire d'entrer en grandes exhortations enuers le Concile, reconnoissant bien l'incroyable, & presque diuine sapience d'iceluy. Qu'il voyoit desia de beaux fondemens iettés, & que les choses, traitées à preient, estoient maniees avec dextérité qui adoucissoit, & n'engraissoit rien: dont esperant que les actions à l'auenir correspondoient à cela mesmes, ils ne pouuoit faire autre chose, que leur offrir & promettre tout bon deuoir, & office, & la grace du Roy. Le Promoteur respondit au nom du Concile, que la venue de l'Ambassadeur d'un si grand Roy, adioustoit beaucoup de courage, & d'esperance au Concile, que les remedes aux maux de Chrestienté seroient salutaires, & que pourtant il embrassoit Sa Maiesté de toute son affection, & luy rendoit graces, & s'offroit à correspondre à ses merites, & à faire & pourchasser tout ce qui seroit à son honneur: & receuoir, selon qu'il deuoit, le mandement. En la Congregation du dixhuietieme Mars fut receu l'Ambassadeur de Cosme, Duc de Florēce, & de Siene: lequel, apres la lecture de son mandement, fit vne harangue, en laquelle il se dilata bien fort à monstrier la conionction du Duc, son Maistre, avec le Pape: & exhorta les Peres à repurger l'Eglise, & a desployer & mettre en euidence la lumiere de verité enseignée par les Apostres. Leur offrant tout secours & assistance du Duc son maistre, comme luy mesme l'auoit offert au Pape pour la conseruation de la Maiesté du Siege Romain. Le Promoteur respondit au nom du Concile, avec action de graces, faisant honorable mention de Leon dixieme, & de Clement septieme, Papes, de la mesme maison des Medecis: adioustant, que le Concile n'estoit assemblé à autre fin, & ne trauailloit à autre chose, sinon à oster toutes dissensions, en dechassant les tenebres de l'ignorance, & en manifestant la verité.

de ceux
des Suisses.

En la Congregation du vingtieme Mars, furent receus Melchior Lusi, Ambassadeur des Suisses Catholiques: & Ioachin Preuost, Abbé, député par les Abbés, & autres Ecclesiastiques d'icelle nation. Au nom desquels fut faite vne harangue de telle substance, que les Aduocers, & Bourg-Maistres des sept Cantons catholiques, auoient par deuoir filial enuers l'Eglise, voulu enuoyer Ambassadeurs, pour assister au Concile, & promettre obeyssance, & faire notoire à tous, qu'ils ne cedioient à aucun au desir d'aider au siege de Rome, comme ils auoient fait par le passé au temps de Iules deuxieme, & de Leon dixieme: & aussi lors qu'ils combattirent avec les Cantons voisins, pour la defense de la Religion, là où ils tuerent cet execrable ennemy de

l'Eglise Zuingle, duquel aussi il rechercherent le corps entre les morts, & le brullerent, pour tesmoigner de vouloir auoir guerre irreconciliable avec les autres Cantons, tant & si longuement qu'ils seroient hors de l'Eglise: attendu qu'ils sont situés es frontieres de l'Italie, comme vn rempar, pour empescher que le mal du Septentrion ne penetre au dedans des entrailles d'icelle. Le Concile respondit par la bouche du Promoteur, que de vray les œures loüables de la nation Heluetique, & sa pieté enuers le Siege Apostolic, estoient grandes & notables: mais qu'ils n'auoient iamais rendu obeissance, ne fait deuoir plus à propos, que l'enuoy de la presente Ambassade, & leurs offres au Concile: lequel aussi se resioüissoit de la venue des Ambassadeurs: ayant, outre la protection de l'Empereur, des Rois, & des Princes, grande esperance en cete tresloüable nation.

En la Congregation du sixieme Auiril furent receus, André Dudice, Euesque de Tinie: & Jean Colosuarin Euesque de Candie, Ambassadeurs pour les Prelats & le Clergé de Hongrie. Le premier fit la harengue, & dit, que l'Archeuesque de Strigonie, les Euesques & le Clergé de Hongrie, auoient receut trois grandes ioyes: de l'assomption de Pie quatrieme au Papat: de la conuocation du Concile à Trénte: & de la deputation des Legats Apostoliques à iceluy. Il exposa l'obeyssance & submission des Prelats de Hongrie enuers l'Eglise Catholique dequoy il appella à resmoin le Cardinal Legat de Vvarmie, qui les conoissoit, & auoit conuersé avec eux. Il representa aussi la deuotion de la nation Hongroise, & le seruice qu'elle rendoit à la Chrestienté, en soustenant la guerre contre les Turcs: & la particuliere diligence des Euesques à s'opposer aux machinations des heretiques. Il recita aussi le desir commun qu'ils auoient tous de se trouuer en personne à ce Concile; si la necessité de leur presence au royaume ne les en eust retenus: estans arresté à garder leurs places de frontieres contre les Turcs, & à veiller contre les heretiques. Dont estans contrains de faire ce bon deuoir par le moyen d'eux, leurs députés & Ambassadeurs, ils se recommandoient à la protection du Concile, s'offrans de recevoir & garder ce qui y seroit decreté. Le Secretaire respondit au non du Concile, que le Concile ne doutoit nullement de la ioye, qu'auoit conceu l'Eglise de Hongrie pour la tenue du Concile general. Qu'il ne restoit qu'à prier Dieu pour l'heureuse issue d'iceluy. Qu'il auroit bien desiré d'y voir les Prelats en personne: mais attendu, les empeschemens iustes & valables, par eux allegués, & verifiés par le tesmoignage du Cardinal de Vvarmie, il receuoit leurs excuses: esperant que la religion Chrestienne receuiroit de l'vtilité de leur presence & demeure en leurs propres Eglises. De tant plus qu'ils auoient commis, & commandé leurs affaires à eux Ambassadeurs, Peres de singuliere prud'homme, & pieté. Et pourtant qu'il receuoit & embrassoit & leurs personnes, & les mandemens par eux présentés.

Es Congregations, qui sans intermission furent tenus des le septieme iusqu'au dixhuitieme du mois d'Auiril, les Peres discoururent sur les quatre premiers Articles, & sur tout fort prolixement sur le premier de la Residence. Des Euesques qui entreuindrét à la premiere cōuocation du Concile à Trénte, lors qu'on traita vne autre fois de cete mesme matière, avec quelque diuersité, voire mesmes controuuerse, il ne s'en trouua que cinq en celle-cy: & toutes fois, de la premiere proposition de cestè matière, les Euesques se diuiserent tout sur le chap en partis; comè si l'estrif en eust esté ancien entr'eux: ce qui n'aduint en aucune autre question, ny lors, ny sous Iules, ny sous Paul. Ce qui par aucuns, est attribué à cete cause: que les autres traités estoient pour la plus-part Theologics, dont ils estoient peu cōpris, & n'estoient maniés que speculatiuemēt par les entendus, sans qu'il y entreuinst passion, que de haine contre les Protestans, lesquels caufoient trauail & fascheries, par la proposition de semblables matieres. Mais cetui-cy touchoit les propres personnes des Prelats: & entre ceux, qui rendoient leur suffrage, les Courtisans de Rome se laissoient commander par l'ambition, ou par l'obligation

*de ceux du
Clergé de
Hongrie.*

*on vient à
traiter des
Articles,
Et premierement de
la Residence.
matiere
fort passionnée.*

1562.

à suivre les opinions qui accommodoient leurs seigneurs, & patrons : les autres estoient mus d'enuie : & voyans de n'auoir moyen de se hauffer au pair du degré où les autres arriuoient, ou aspiroient, taschoient de les tirer en bas, au rez de leur estat, pour faire que tous fussent egaux. Chacun y traualloit selon sa passion, & tous faisoient grand estat de leurs aduis rendus es Congregations, & de ceux des autres qui auoient quelque notable condition, ou consideration. D'un si grand nombre d'aduis il m'en est tombé entre les mains trente quatre formels, ainsi qu'ils furent prononcés : des autres ie n'ay pû sçauoir que la conclusion. Mais il n'est ia besoin de rapporter icy, si non ce qui est de remarquable.

*Et agitée
par grande
diuersité
d'avis.*

Le patriarche de Ierusalem remonstra, que cét Article auoit esté traité & ventilé en la premiere conuocation du Concile : & auoit esté conclu, qu'il y auoit deux moyens & prouisions pour establir la Residence : la premiere, d'ordonner peines contre les non residens : l'autre, d'oster les empeschemens de la residence. Que pour le premier, il en auoit esté suffisamment & pleinement ordonné en la sixieme Session : attendu que la priuation de la moitié des reuenus estoit peine tres-griue, pour vne amende pecuniaire : & ne se pouuoit quasi imposer plus grande, sinon qu'on voulust reduire les Euesques à mendicité. Et que, encas que l'excessiue rebellion le meritaist, on ne pouuoit inuenter peine plus grande que la priuation : laquelle de necessité requerant vn executeur, & iceluy ne pouuant estre autre que le Pape, selon que, par l'ancienne coustume de l'Eglise, la connoissance des causes des Euesques est reseruée à ce Siege, cette mesme Session auoit ia remis à Sa Sainteté d'y trouuer remede, soit par le moyen d'une nouvelle prouision, soit par autre : & obligé le Metropolitain à luy donner aduis de l'absence. Quant à la seconde prouision, on y auoit ia donné commencement alors, ayant, & en cete mesme Session-là, & en autres, osté plusieurs exemptions d'empeschement aux Euesques à exercer leur charge. Qu'il ne restoit doncques pour l'heure presente autre chose à faire que de continuer, & d'oster le demeurant de ses empeschemens : choisissant, comme il fut fait alors, vn certain nombre de Peres, qui en fissent vn recueil, afin qu'en Congregation ils pussent estre proposés, & qu'il y fust pourueu.

L'Archeuesque de Grenade adiousta, qu'en cete mesme premiere conuocation du Concile auoit esté proposé vn autre remede bien plus puissant & efficaceux : assauoir, de declarer, que l'obligation de resider est de droit diuin. Ce qui fut traité & examine par dix mois consecutifs. Et si ce Concile là n'eust esté interrompu, il auroit esté décidé en cete sorte, comme Article necessaire, voire principal de la doctrine de l'Eglise : & qu'alors il auoit esté suffisamment ventilé : & mesmes les raisons, employées par diuers, auoient esté publiées & imprimées : si que la matiere estoit toute preste & digerée, & ne restoit autre chose à faire, qu'à y mettre la derniere main. Et quand il auroit esté déterminé que la Residence est de droit diuin, lors cesseroient d'eux mesmes tous empeschemens : & les Euesques ayans reconnu leur deuoir, penseroient à leur conscience, & ne se reputeroient point eux mesmes mercenaires, mais pasteurs : & bien instruits & acertenés que les troupeaux leur sont commis de Dieu, & que c'est à luy à qui ils en doiuent rendre conte, sans qu'ils se puissent excuser sur autres, ne que les dispenses les pussent aider, ou sauuer, vaqueroient au deuoir de leur charge. Et prouua par plusieurs autorités du Vieil & du nouveau Testament, & par plusieurs expositions des Peres, que c'estoit là vne verité Catholique. Cete opinion fut aprouuée par la plus grande partie de la Congregation, les defen-seurs d'icelle renuiant de raisons & d'autorités les vns sur les autres.

Il y en eut d'autres, qui l'improuuoient, disans, qu'elle estoit nouuelle, & inouye, non seulement en l'Antiquité, mais mesmes en ce siecle, auant le Cardinal Cajetan, lequel auoit mis en champ la question, & auoit soustenu la partie affirmatiue : laquelle toutesfois du depuis il auoit quittée : car en sa vieillesse il receut vn Euesché, & n'alla pourtant iamais à la Residence.

Qu'en tout temps l'Eglise auoit tenu que le Pape en pouuoit dispenser : & que les non residens en tous siecles aubient esté ou punis ou repris, non comme transgresseurs de loy diuine, ains seulement des Canons. Qu'en la premiere conuocation de vray la question auoit esté debatue : mais aussi, les Legats, personages tres-prudens, l'auoient dextrement mise sous silence. Que cet acte-là deuoit estre pris pour exemple : & que les liures, lesquels du depuis en auoient esté escrits, auoient donné beaucoup de scandale au monde, & fait voir que la dispute ne prouenoit que de pure partialité. Car, quant aux autorités de l'escriture, & des Peres, ce ne sont qu'exhortations à la perfection, & n'y a pour tout aucune solide raison, que les Canons, qui sont loix Ecclesiastiques.

Aucuns estoient d'aduis, que ne le temps ne le lieu, ne l'opportunité ne portoit de traiter cete question : & qu'il ne prouindroit aucun bien de la determiner : ains qu'on en encourroit le danger de plusieurs maux. Que ce Concile estoit assemblé pour extirper les heresies, & non pour mettre Schisme entre les Catholiques : comme il ne pouuoit faillir d'auenir, condannant vne opinion, qui auoit suite, sinon de la pluspart : certes de la moitié. Que les auteurs de cet aduis ne l'auoient point inuenté pour vne verité absolue, mais pour vn plus grand aiguillon à la residence : quoy que certes avec bien peu de fondement de raison : attendu qu'on ne void point que les hommes soient plus diligens à se garder de transgresser la loy de Dieu, que celle de l'Eglise : que le commandement du quaresme est moins enfreint que ceux du Decalogue. Que si e'estoit vn commandement de Dieu de se confesser, & de se communier à Pasques, il n'y auroit pas pourtant plus de communians qu'à present. Que de chanter Messe avec les habits Pontificaux, est bien ordonnance Ecclesiastique, & que nul pourtant ne la viole. Que celuy qui n'obeyt aux commandemens des Canons qui portent peine, beaucoup plus se laissera emporter à la transgression, quand il ne craindra aucunes peines temporelles, mais seulement la iustice diuine. Que nul Euesque ne se bougeroit pour cete determination : laquelle ne feroit autre chose que donner matiere de machiner rebellions contre le Siege Apostolic, & de restreindre l'autorité Papale, comme ja on en entendoit quelques murmures, & de deprimer la Cour de Rome : laquelle toutesfois estoit l'ornement de l'Ordre Clerical, qui estoit respecté en autres endroits pour l'esgard d'icelle : que si elle estoit deprimee, l'Eglise en seroit en moindre estime partout. Et pourtant, qu'il n'estoit point raisonnable d'agiter vne telle matiere, sans en auoir premierement communiqué avec Sa Sainteté, & avec le College des Cardinaux, auxquels la chose appartenoit principalement.

Icy n'est à omettre l'avis de Paul Ioue, Euesque de Nocere, lequel dit en substance, que le Concile estoit conuocé pour penser vne playe certes bien grande, qui estoit la deprauation de l'Eglise : laquelle tous estoient persuadés estre causee par l'absence des Prelats hors de leurs Eglises : ce qui de vray estoit bien affermé par tous, mais peut-estre de nul suffisamment considéré. Mais que ce n'estoit point fait en sage Medecin, de traiter d'oster la cause du mal, sans s'estre au preallable acertené, & auoir bien aduisé, si en l'ostant, il n'en naistroit point de plus grands maux. Si disoit-il, l'absence des Prelats estoit cause des corruptions, on verroit moins de deprauation es Eglises, esquels les propres Prelats ont fait Residence de nostre temps. Mais l'exemple de Rome mesmes monstre ce qui en est : car, quoy que des plusieurs centaines d'années les Papes n'ayent bougé de Rome, & ayent employé toute diligence à ce que le peuple fust instruit, & on ne voyoit point pourtant cete ville-là mieux reiglée. Les grands Villes, Chefs des Royaumes, sont les plus deprauées : & cependant les Prelats n'ont point failly à y resider. Et au contraire, certaines chetiues villes, qui des plus de cent ans en ça n'ont veu les Euesques, sont les moins corrompues. Et entre les Prelats presens, de grand aage, & qui auoient tousiours fait residence en leurs Eglises, comme il y en auoit encor quelques vns, nul ne pourroit monstre son

1552.

diocese mieux reiglé que ses voisins, qui auoient esté sans Euesque. Que ceux qui disoient que c'estoient troupeaux sans pasteur, deuoient considerer, que ce ne sont pas les Euesques seuls, qui ont la cure des ames, mais qu'il y a aussi les Curés: qu'on ne parloit que des Euesques, & sembloit à voir qu'il n'y puisse auoir fideles Chrestiens là où il n'y a point d'Euesque: & toutesfois il y a des montagnes, qui n'ont iamais veu Euesques, lesquelles peuvent mesmes seruir d'exemple aux villes Episcopales. Qu'on deuoit louer & imiter le zele, & bon deuoir des Peres de la premiere conuocation à Trente, qui auoient par peines incité les prelats à demeurer en leurs Eglises, & auoient mis la main à oster les empeschemens qui les esloignoient. Mais qu'il ne falloit pas pourtant se repaistre de cete fausse esperance, que cete Residence fust la reformation de l'Eglise: ains qu'il y auoit sujet de craindre, que comme à present on cerchoit des remedes pour la Residence; ainsi la posterité, ayant veu d'autres inconueniens qui naisstroient d'icelle, cherchoit des moyens & remedes pour l'absence. Qu'il ne falloit iamais chercher des liens si forts, qu'au besoin on ne les pust deslier, & lascher, comme seroit ce Droit diuin, lequel au bout de quatorze cens ans on vouloit premierement introduire. Que là où il y auroit vn Euesque pernicieux, comme n'agueres on en auoit veu l'exemple en celuy de Cologne, iceluy se voudroit targer de cete Doctrine, pour ne point obeyr au Pape, en cas qu'il le citast à rendre conte de ses actions, ou le voulust tenir esloigné, afin qu'il ne fomentast le mal. Il adiousta, qu'il voyoit bien que les Prelats, qui auoient ce sentiment, auoient tres-bon zele: mais aussi qu'il croyoit, qu'il y en pourroit auoir aucuns qui s'en voudroient seruir pour se soustraire de l'obeissance du Pape: laquelle plus elle est estroite, plus aussi tient l'Eglise vnice. Mais, qu'il leur vouloit bien ramenteuoir, que tout ce qu'ils faisoient à cete fin, réussiroit aussi en faueur des Curés, pour s'emanciper de la suiettion des Euesques. Car si cete declaration, qu'on requiert, estoit faite, eux aussi s'en voudroient preualoir, pour dire, que les Euesques ne les peuvent oster de leurs Eglises, ny restreindre leur autorité par reserves: & en fin pretendroient, que les troupeaux appartiennent plus à eux, comme à immediats pasteurs, qu'aux Euesques: à quoy certes n'y auroit que repliquer. Et par ce moyen la hierarchie, par laquelle le gouuernement de l'Eglise s'est conserué, se tourneroit en popularité, & anarchie, qui le destruiroit totalement.

Iean Baptiste Bernard, Euesque d'Addiace, qui estoit de ceux qui tenoient la Residence estre de droit diuin, & toutes-fois iugeoient qu'il n'estoit pas bon de parler de cete question, s'auança avec vn aduis particulier, & dit, que puis que le but principal n'estoit pas d'establir plus l'une que l'autre opinion, mais seulement d'obliger à la residence, si que reellement elle fust mise en effet; en vain se travailloit-on à declarer d'où venoit l'obligation: & non moins vaine estoit toute autre chose, sauf que d'oster la cause de l'absence, laquelle n'estoit autre, sinon que les Euesques s'occupent es Cours des Princes, & es affaires des gouuernemens mondains: sont Iuges, Chanceliers, Secretaires, Conseillers, Financiers: & y a bien peu de charges & offices d'Estat, esquels quelque Euesque ne soit fourré. Et cependant ces offices leur sont interdits par S. Paul, qui auoit iugé necessaire au soldat de l'Eglise, des'abstenir des affaires seculiers. Qu'on obserue, disoit-il, cecy, qui est de commandement diuin, & qu'on defende qu'ils ne puissent auoir ne charge ny office, ne degré ordinaire, ny extraordinaire, es affaires du siecle. Car quand cela leur sera interdit, & leur sera enioint qu'ils n'ayent à se mesler des affaires seculiers, il n'auront plus de cause de demeurer es Cours, & iront à leur residence d'eux mesmes, sans commandemens, & sans peines, & n'auront aucun suiet d'en partir. Et pour toute conclusion infera, que le Concile fist vne declaration, qu'il n'est loisible à Euesques, ny à autres ayans cure d'ames, d'exercer aucun office, ou charge seculiere.

A cela s'opposa George Drakevits, Euesque des Cinq Eglises, Ambassa-

leur de l'Empereur, disant, que si les paroles de S. Paul auoient le sens qu'on leur donnoit, il falloit tout d'une main condamner tout l'Eglise, & tous les Princes, dès l'année huit cens iusqu'à present, d'une chose, dont toutes-fois ils sont loués par dessus tous autres: ceux-cy d'auoir donné, & ceux-là d'auoir accepté Iurisdicions temporeles, lesquelles ont esté exercées mesmes par les Papes de Rome, & par des Euesques, mis au nombre des Saints. Que les meilleurs Empereurs, & Roys de France, d'Espagne, d'Angleterre, & de Hongrie, auoient tousiours eu leur conseil plein de Prelats, lesquels il faudroit tous tenir pour dânnés, si ainsi estoit, que le commandement de Dieu leur defendist de seruir en ces charges là. Que ceux-là se trompoient, qui croyoient que le commandement de S. Paul ne regarde que les personnes Ecclesiastiques. Qu'iceluy est adressé à tous les fideles Chrestiens, qui sont soldats de Christ: dont saint Paul infere, que comme le soldat du monde ne s'occupe point es arts & mestiers, par lesquels on substente la vie, comme estans repugnans à la charge militaire: de mesmes le soldat de Christ, c'est à dire, tout Chrestien doit s'abstenir des exercices, qui repugnent à la profession Chrestienne, qui sont les seuls pechez: mais que tout ce, qui peut estre exercé sans peché, est loisible à chacun: & qu'on ne peut reprendre les Prelats de seruir en ces excercices là, sans dire qu'iceux sont peché. Que la grandeur de l'Eglise, & l'estime que du monde en fait, vient, plus que d'aucune autre chose, de ce qu'on void les dignités Ecclesiastiques pourueës de personnes nobles, & de haut lignage: & les Prelats employés es grandes & importantes charges, lesquelles s'il falloit tenir pour incompatibles avec les Ecclesiastiques, nul noble n'entreroit en cet ordre-là, nul Prelat ne seroit en estime, & l'Eglise seroit abiecte & gisante en mespris parmi les roturiers, & gens viuans sordidement. Mais tout au contraire, les bons Docteurs ont tousiours maintenu, que les statuts, qui des publiques admirations politiques excluent les Ecclesiastiques, ausquels elles conuiennent par le droit de leur naissance: & semblablement les inhibitions & defenses, qui portent, que les charges publiques ne soient conferees aux Prestres, sont contraires à la liberté Ecclesiastique. Ce discours fut ouy avec beaucoup d'applaudissement de tous les Prelats, mesmes de ceux, qui tenoient la Residence estre de droit diuin: tant sont les passions puissantes es esprits des hommes, qu'elles leur esblouissent le iugement, pour ne point discerner les contradictions.

Sur les autres Articles l'examen fut leger, & toutesfois ne se passa point sans quelque dit notable. Pour ce qui concerne l'Article deuxiesme de defendre les promotions aux saints ordres à titre du patrimoine, il est certain, qu'après que l'Eglise eut esté ordonnée & establie, & que les ministres necessaires eurent esté deputés en chacune Eglise, es bons temps nul n'estoit ordonné, qu'il ne fust affecté & deputé à quelque ministere propre, & particulier. Mais ce saint usage fut bien tost tourné en abus. Car plusieurs, pour iouyr des exéptions Ecclesiastiques, & pour autres esgards mondains, recherchoiēt d'estre ordonnés: à quoy ils trouuoient grâde facilité es Euesques, qui ne regardoient là autre chose, qu'à auoir vn grand nombre de Clergé. Et pourtant on fut cōtraint au Concile Chalcedoine de defēdre cete sorte d'ordination, laquelle alors estoit appelée absoluë ou libre, ce qui est signifié proprement par le terme Grec: commandant que nul ne fust ordonne, sinon à quelque charge particuliere: & que les ordinations libres fussent nulles & cassées: ce qui du depuis fut confirmé par plusieurs Canons posterieurs: dont cete Reigle demeura cōme toute arrestee en l'Eglise, que nul ne peut estre ordonné sans titre: par lequel mot, es bons & anciens temps, estoit entenduë vne charge & ministere à exercer. Mais, dès que les corruptions se furent glissées en l'Eglise, on commença par ce mot de titre à entendre vn reuenu, duquel on tire sa nourriture: & ce qui auoit esté estably, afin qu'entre le Clergé nul ne fust oyseux, se transforma à ce que nul ne fust indigent, & ne fust par là cōtraint de gagner sa vie par le trauail de son corps. Et apres que le vray sens

*Examen
du second
Article
touchant
les promo-
tions à ti-
tre de pa-
trimoine.*

des Canons eut esté couuert & obscurcy par cete interpretation, Alexandre troisiéme l'establit par ordonnance, en son Concile de Latran, disant, Que nul ne fust ordonné sans titre, duquel il tirast prouision necessaire pour s'en seruir: & à cete reigle il adiouta vne exception. En cas qu'il n'eust du sien, ou de son patrimoine: laquelle exception & reserue seroit fort raisonnable, si le titre n'estoit requis que pour auoir dequoy viure. Pour cete cause plusieurs, faisans apparoir par fausses preuues & allegations, qu'ils auoient du patrimoine, estoient ordonnés sans titre, autres aussi, apres auoir esté ordonnés sur leur propre patrimoine, l'alienoient: autres, ayans trouué quelcun qui les accommodoit de tant de fonds, qu'ils s'en pouuoient suffisamment sustenter, se faisoient ordonner, & apres cela rendoient iceluy à son vray maistre: dont se trouuant vn grand nombre de Prestres indigens, il en naissoit de grands inconueniens, qui meritoient prouision.

Cet article fut proposé au Concile: & les opinions sur iceluy furent diuerfes. Aucuns disoient, que si la residéce estoit vne fois establie de droit diuin, & si vn chacun exerçoit sa charge, les Eglises seroient parfaitement seruies, & n'y auroit aucun besoin de Clercs non beneficiés, ne d'ordinations à titre de patrimoine, ny autre, & qu'ainsi seroit remedié à tous les inconueniens: & n'y auroit plus parmy le Clergé aucune personne oiseuse, d'où arriuent maux, & mauuais exemples sans nōbre: aussi n'y auroit plus aucun médiant, ne qui fust contraint par necessité d'exercer œuures viles & solides. Qu'il est tout certain, qu'il n'y a bōne reformation, que celle qui ramene les choses à leurs principes, & commencemens: que l'Eglise ancienne auoit vescu en pureté & integrité par beaucoup de siecles, & qu'à icelle on pouuoit ramener celles de ce tēps cy par ce seul point. Il y auoit vn autre aduis, qui portoit, que l'eetree aux Saints Ordres ne fust, pour cause de poureté, interdite à aucune per sonne, qui en fust digne pour sa prud'homie, ou suffisance: alleguant qu'en l'Eglise primitiue les pources n'en estoient point exclus: l'Eglise aussi n'abhorroit point, que les Clercs & les Prestres gagnassent leur vie par le trauail de leurs mains: suiuant en cela l'exēple de S. Paul Apostre, & d'Apollon Euangeliste, qui s'entretenoient du mestier de faire tentes & paillons de peaux à l'antique. Et mesmes, apres que les Princes furent deuenus Chrestiens, Constance, fils de Constantin, en son sixieme Consulat, donna vn priuilege au Clergé, de ne payer aucune gabelle de ce qu'ils trafiquoient es boutiques, & ouuoirs: attendu qu'ils le communiquoient aux pources. Ainsi estoit en ce tēps-là obserué l'enseignement de S. Paul donné aux fideles, qu'ils s'employent à quelque honneste trauail, pour auoir dequoy subuenir aux pources. Que la vie mechante & vitieuse, de laquelle le peuple receoit scandale, estoit ce qu'il falloit tenir pour melleāt à l'ordre Clerical: mais que trauailler de ses mains, & viure de son labeur, estoit chose honneste, & d'edification. Que si mesmes quelcun d'entre iceluy, par aucune infirmité suruenante, qui l'empeschast de trauailler, estoit contraint de mendier, cela n'estoit chose hōteuse: attendu que les Moines ne le prenēt pas à honte, ains tiennēt mesmes à gloire d'estre appelés Mendians. Que ce n'estoit point vne proposition de Chrestien, que de trauailler, de viure du labeur de ses mains, ou de mendier, en cas d'impuissance, soit chose indecente aux Ministres de Christ: ou bien qu'aucune autre chose leur mellee, fors le vice. Que si quelqu'un estoit d'opinion, que l'indigence fust cause de faire commettre les larcins, vols, rapines, ou autres desirs; qu'il y pensast bien, & il trouueroit, que semblables maux sont commis plus par les riches, que par les pources: & que l'auarice est plus aspre, effrenée, & indomptable, que la poureté, laquelle estant tousiours affairée, oste assez les occasions de mal faire. Que ces deux choses, homme de bien, & pource, sont bien compatibles ensemble: mais homme de bien & oisif ne le peuuent estre. Qu'escripts, & sermons retentissent du grand benefice que l'Eglise militante en terre, & celle qui est en Purgatoire, reçoit par le moyē des Messes, lesquelles ne sont point celebrees par les Prestres riches, ains par les pources: lesquels ostés, les fideles

viuants,

viuants, & les ames des morts, seroient destituées de grands suffrages. Qu'il valoit beaucoup mieux, faire des tres-estroites ordonnances, que les personnes de prud'homme & de suffisance fussent ordonnées sans aucun titre: attendu qu'à present cessoit la cause de la defense, qui en fut faite par l'Antiquité: qui estoit, qu'alors ceux, qui auoient titre s'employoient es fonctions Ecclesiastiques, & estoient en edification: & ces autres-là, comme oiseux, estoient en scandale. En lieu, que tout au contre-pied à present, ceux qui ont titre, pour la pluspart ne se daignent d'exercer les ministres Ecclesiastiques & viuent en delices: les pauvres font les charges, & sont en edification.

Cet aduis n'eut pas grand suite. Mais bien fut receuë avec beaucoup d'aplaudissement, vne opinion moitoyene, qui portoit, que la coustume fust gardée, de n'ordonner aucun sans titre, ou de Benefice Ecclesiastique, ou de patrimoine suffisant pour l'entretienement de la vie: afin qu'on ne vist point médier les Prestres, au grand des-honneur de l'Ordre, & que, pour obuier aux fraudes, il fust ordonné, que l'Euesque fust toute diligence, à ce que le patrimoine, auquel le Clerc seroit ordonné, ne püst estre aliené. Mais à cela s'opposa Gabriel le Veneur, Euesque d'Eureux, disant, que le patrimoine des Clercs est chose seculiere, & que sur semblables l'Ecclesiastique ne peut faire aucune loy, & que maintes occasions pouuoient naistre, pour lesquelles ou la Loy, ou le Magistrat, pouuoient legitiment commander qu'iceluy fust aliené: & generalemēt c'est chose toute notoire, que les biens patrimoniaux des Clercs, à l'esgard des prescriptions, & de toutes autres especes de contractz, sont suiets aux loix ciuiles. Et pourtāt que c'estoit chose qui meritoit d'estre bien pesée, auant que de s'attribuer l'autorité de casser vn contract ciuil.

L'occasion de proposer le troisieme Article, fut, par ce que le commandement de Christ, *Que toutes les graces & benefices spirituels soient don-* *du troi-*
nés gratuitement, & liberalement, de mesme qu'on les reçoit de luy: estoit *sieme con-*
diuersemēt violé & transgressé en la collation des Benefices. Et n'estoit cet *re les*
abus recent & nouueau: ains auoit esté encor beaucoup plus grand es temps *payemens*
passés. Car au commencement du Christianisme, lors que la charité estoit *pris, mar-*
feruente, le peuple, receuant des Ministres de Christ les choses spirituel- *chandise;*
les, respondoit par le deuoir mutuel, non seulement en la fourniture des *& simo-*
choses nécessaires à la vie, selon le commandement diuin rapporté par Saint *nie en la*
Paul, mais mesmes en largesses surabondantes, afin qu'il y eust quelque *collation*
chose de reste, pour subster les pauvres: sans esgard ny intention aucu- *des bene-*
ne, que le temporel fust prist du spirituel. Mais, dès que le temporel, qui au-
parauant estoit tenu & ioui en commun, vint à estre partagé, & qu'à chaque
titre fust appliqué son reuenue, appelé Benefice: l'ordination n'estant pas
alors distinguée de la collation du titre, & par consequent du Benefice anne-
xé à iceluy: ains l'un & l'autre estans donnés & reçus tout ensemble: il com-
mença à sembler à ceux qui ordonnoient, qu'à cause des emolumens que le
titre portoit avec soy, ils ne conféroient pas seulement vne chose spirituel-
le, mais aussi vne temporelle, pour laquelle il estoit loisible de recevoir
quelque autre chose mondaine en recompense. Et ainsi, qui desiroit l'obte-
nir, estoit contraint de s'accommoder à la volonté de celui qui le pouuoit
donner. Dont finalement il s'en fit vne marchandise publique, laquelle en
l'Eglise Orientale n'a iamais pu estre corrigée par tous les Canons & Cen-
sures, qu'elle ait fait à l'encontre: mais bien a elle grandement esté repri-
mée par le chastiment de la main du Tout-puissant; lequel par le fleau des
Sarrazins, & des Turcs, leur a enleué vne grande partie de leurs commo-
dités temporelles. En Occident, le mesme mal, quoy que tousiours repris
des gens de bien, n'auoit pas laissé de regner, plus en vn lieu moins en l'autre,
iusques à l'année mil de grace: & lors l'ordination fut distinguée de la col-
lation du Benefice: qui fut la cause que celle-là commença à passer gratuite-
ment: mais de celle-cy le pris en estoit exigé de tant plus ouuertemēt. Et cet
abus est tousiours allé croissant, quoy que sous diuerses couleurs de nōs, d'An-
nates, de menus seruices, d'escriture, de seau, & autres telles couuertures,

1561. sous lesquelles l'Eglise procéde encor à present: avec fort peu d'esperance qu'on le puisse retrancher & extirper tout à fait, iusques à ce que Christ mesme en personne vienne vne autre fois chasser avec son fouët banquiers & changeurs, hors de son Temple, & renuerſer leurs tables. Mais encor, l'ordination, laquelle, estant ſeparee de la collation du Benefice, auoit eu ce bon-heur d'estre gratuitement adminiſtrée, en iouit peu de temps. Car les Eueſques, tenans icelle pour chose ſans profit, & abiecte; & attentifs tant ſeulement à l'autre, qui estoit lucratiue; peu à peu quiterent l'adminiſtration des ordinations: dont furent inſtituées les Eueſques Portatifs, qui ſeruoient aux miniſteres Pontificaux Eccleſiaſtiques, pendant que les vrais Eueſques estoient occupés au ſeul temporel. Ces Eueſques portatifs, estans ſans rentes, estoient contraints de tirer de quoy viure des fonctions qu'ils adminiſtroient: dont ceux, qui receuoient d'eux les ordres, estoient tenus de ſiner, premièrement ſous titre d'aumosne, ou d'offrande: & puis, pour faire la chose plus honorable, de don gratuit, ou de preſent: mais finalement, afin que, comme chose due, elle ne fuſt omiſe, on paſſa plus auant à luy donner le nom de recompense, non de l'ordonnant, mais de ſes ſeruiteurs, ou du Notaire, ou d'autre, qui luy ſeruoit en l'ordination. Ce fut donc là le ſuiet de l'Article: car, pour ce qui concernoit l'autre partie, à ſçauoir la collation du Benefice, on n'en pouoit rien dire, comme d'infirmite incurable par autre moyen que par la mort.

Les diuerſités des opinions ſur cet Article ne vindrent point des differents ſentiments, ou paſſions: mais les Prelats ſe diuiſerent par la qualité des perſonnes. Les Eueſques riches condannoient de recevoir chose aucune, ne pour ſoy, ne pour Officiers, ne pour Notaires, comme acte ſimonique, & ſacrilege: allegans l'exemple de Giezi, ſeruiteur du Prophete Elizee; & celui de Simon le Magicien: & le precis commandement du Seigneur, Donnés gratuitement comme vous l'avez receu gratuitement, outre pluſieurs inuectiues & exaggerations des Peres anciens contre ce peché. Et diſoient, que les ſpecieux noms de don gratuit, & d'aumosne, ſont vaines couleurs & deſguiſemens, deſmentis par le fait meſmes: attendu qu'on les donne pour auoir les ordres, & que ſans cela on ne les donneroit point: ſi c'eſt aumosne, diſoient-ils, pourquoy ne la fait-on ſiſon pour cette occaſion? qu'on la face en autre temps: & qu'on confere les ordres ſans qu'il y entreuiene chose quelconque: car celui, qui ſera de bonne volonté de faire l'aumosne, la fera bien en autre temps. Mais le mal eſt, que ſi quelqu'un diſoit à l'ordonnant, de luy donner cela par aumosne, il le prendroit à outrage, & en autre temps ne le receuroit pas. Et pourtant, qu'il ne falloit point preſumer de pouoir ainſi tromper Dieu, & les hommes. Ceux-cy doncques concluoiſent, qu'il falloit faire vn Decret tout abſolu, qui trançaſt ſur le viſ, qu'il ne ſoit loiſible de donner chose aucune, quoy que ſpontanément, & ſous noms d'aumosne: ny ſemblablement de recevoir non ſeulement par l'ordonnant, mais auſſi par aucun des ſiens, & par le Notaire, ſous pretexte d'eſcriture, ou de ſeau, ou de peine, ou autre couleur quelconque.

Mais les Eueſques pauvres, & les titulaires, diſoient à l'opposite, que de vray c'eſt vn meſchant & dannable ſacrilege de donner les ordres pour prix: mais auſſi au reciproque, que d'oſter les aumosnes tant recommandées de Christ, estoit ruiner la charité, & difformer tout à fait l'Eglise. Que la meſme raiſon en tout & par tout qu'on employoit es ordinations, deuoit valoir es Confeſſions, Communions, Meſſes, Sepultures, & autres fonctions Eccleſiaſtiques: & qu'il n'y auoit nulle cauſe d'interdire de donner ſpontanément, & de recevoir, en celles-là pluſtoſt qu'en toutes celles-cy. Et ce qu'on alleguoit, que ſi c'eſt, aumosne, elle ſoit faite en autre temps, portoit le meſme coup en toutes les autres fonctions ſuſdites. Que l'Eglise de temps immemorial auoit accouſtumé de recevoir offrandes, & aumosnes à ces occaſions: lesquelles ſi on oſtoit, il s'eſuiuroit que les pauvres Religieux, qui viuēt d'icelles, ſeroient contraints de vaquer à autre chose, au moyen de quoy, les

riches ne voulans faire le seruice, comme il est apparu des cinq cens ans en ça, & appert encor à present, l'exercice de la Religion se perdrait, & le peuple demeureroit sans icelle: dont de necessité aduiendrait, qu'il tomberoit en vne totale impieté, ou en diuerses pernicieuses superstitions. Et pour ne sortir du suiet des ordinations, si le Siege Apostolique reçoit bien, sans en encourir blasme ou censure, les milliers d'escus pour les Manteaux, qu'il baille aux Metropolitains; comment peut à droit & raison estre reprise vne petite reconnoissance, que l'Euesque reçoit des ordres inferieurs? Quelle raison y a-il, disoient-ils, que les choses de mesme nature & genre soient reglées par loix diuerses, voire contraires? On ne peut appeller abus, ce qui a esté ordonné dès le commencement. Le Pontifical porte entores, qu'es ordinations l'ordonné presente à l'offertoire à l'Euesque ordonnant les Cierges; lesquels toutesfois sont choses temporelles, & pourroient estre faits si grands, & tellement enrichis, qu'ils seroient de grand pris. Que la chose donques n'estoit point tant meschante, comme on la figuroit: & ne meritoit pas qu'on rechercha en icelle l'infamie des pauvres Euesques, pour acquerir los de Reformateurs: suiuant l'exemple des Pharisiens, à prendre garde aux festus, & à couler les mouchérons.

Aucuns dirent de plus, Que cet Article ne pouuoit estre ordonné comme contraire au Decret d'Innocent troisieme, au Concile general de Latran: auquel non seulement fut approuué l'usage de donner & de receuoir chose temporelle au ministration des Sacremens: mais aussi fut enjoint aux Euesques de contraindre le peuple, par Censures, & peines Ecclesiastiques, à obseruer la coustume: donnant titre de louables, aux choses, lesquelles à present on parloit de condamner comme actes de sacrilege.

Mais Denis, Grec, l'ancien Euesque de Melipotame en Candie, fit vne loügue digression, pour monstrier de combien grande edification seroit aux fideles, si les Ecclesiastiques administroient les Sacremens par pure charité, sans attendre recompense d'autre que de Dieu. Il aduouoit que vrayement la nourriture, & plus grande subuention encore, leur estoit due: mais qu'à cela auoit desia esté pleinement & de surabondant satisfait, par l'assignation des dîmes: attendu que le Clergé n'estoit pas la dixieme partie du peuple, & toutesfois receuoir vne si grande portion des fruits de la terre, outre tant d'autres biens qu'il possède; qui montent bien encor au double. Et pourtant qu'il n'estoit pas raisonnable de pretendre à present de nouveau, ce qu'on a desia receu au centuple. Que s'il y a des Euesques pauvres, ce n'est pas que l'Eglise soit pauvre: mais les richesses sont mal partagées: & par vne legitime distribution tous seroient accommodés, & pourueus: & pourroit-on lors donner, sans aucun contreschange, ce dont on a receu à si large mesure beaucoup plus que le loyer. Et adiousta, que, veu qu'il estoit impossible d'oster tout à coup les diuers abus, il trouueroit fort bon de commencer par celui des ordinations, non point pour la restreindre à la seule action de conferer le Sacrement, mais l'estendant aussi aux actions qui precedent celles-là. D'autant que ce seroit grande absurdité de permettre de payer aux Chanceleries des Eueschés bien cherement les lettres dimissoriales, par lesquelles le Clerc a licence d'aller se pouruoir d'Ordinateur: & à Rome, la permission de se faire ordonner hors des temps establis: & cependant imposer la Reformation sur les seuls Euesques ordonnans. Cet aduis, pour ce qui concernoit les dimissoriales des Euesques, fut approuué par plusieurs: mais, pour ce qui touchoit la permission de Rome, le Cardinal Simonete dit, que le Pape y pouruoirroit, & que ce n'estoit pas chose qui dût estre traitée en Concile.

Il fut aussi dit quelque chose des recompenses des Notaires, d'autant qu'aucuns, tenans que c'estoit vn office purement humain, n'estimoient point qu'on en dût empescher le payement, mais d'autres le tenoient pour office Ecclesiastique. Anthoine Augustin, Euesque de Leride, grand Antiquaire, remonstra, qu'en l'ancien Eglise les Ministres estoient ordonnés en la presence

1561.

de tout le peuple: dont il n'y auoit lors aucun besoin de patente, ou de lettres testimoniales: & dès qu'ils estoient vne fois assignés & affectés à vn titre, ils ne changeoient point de diocese: & si, pour quelque bon esgard, il leur escheoit de faire voyage, ils prenoient vne lettre de l'Euesque; laquelle lors s'appelloit *Formata*. Que l'usage des lettres testimoniales estoit né apres que le peuple eut cessé d'entreuenir es ordinations, & que les Clercs furent deuenus vagabonds. Et comme c'estoit vne chose introduite pour supplement de la presence du peuple, aussi deuoit bien l'office des Notaires, qui les expedioient, estre estimé temporel plustost qu'autrement: mais toutesfois, comme appliqué à matiere spirituelle, deuoit estre exercé avec moderation. Et pourtant, que son aduis estoit, qu'on leur permist quelque recompense, mais limitée & moderée.

Et du quatriesme, touchant les prebendes ou distributions es Eglises Collegiales:

Ce qui fut proposé au quatrieme Article, n'appartenoit qu'aux Eglises Collegiales, lesquelles dès leur premiere institution, eurent, entre autres fonctions, aussi cette charge de s'assembler en l'Eglise, pour louer Dieu es heures assignées par les Canons, & pour cette cause appellées Canoniques: auxquelles Eglises aussi on appliqua des rentes & reuenus pour la nourriture des Chanoines, laquelle leur estoit assignée en vne de ces quatre manieres: c'est, qu'ou bien ils viuoient en commun, à vne mesme table; & despenfe, comme les Reguliers: ou les reuenus leur estoient departis à chacun sa portion, laquelle pour cette cause estoit appellée Prebende: ou, apres le seruice fait, iceux leur estoient distribués iour par iour, & ce en deux façons, ou en denrées, ou en deniers. Ceux, qui viuoient en commun, continuerent peu de temps en cette discipline: car eux aussi vindrent au departement, ou en Prebendes, ou en distributions aux Prebendés: excusans du seruice ceux, qui par infirmité, ou pour quelque spirituelle occupation, ne s'y pouuoient trouuer presens. Ces pretextes vne fois accordés, estoient souuent & fort aisément pretendus, & de là fut introduite la coustume d'absenter le plus souuent l'Eglise, & cependant ne laisser de iouir de la Prebende. En lieu que, là où la portion estoit distribuée apres l'œuvre celuy qui la receuoit ne se pouuoit excuser: ce qui fit que la discipline, & la frequence au seruice diuin, dura d'auantage en ce second genre, qu'au premier: dont aussi les fideles faisans quelque dons, ou legs de nouueau aux Eglises, ordonnoient qu'il fust mis en distributions: & de là fut prise experience que plus estoient grandes les distributions, mieux aussi estoient deseruies les Eglises. Et pourtant il sembloit, qu'on pouoit aisément remedier à la negligence de ceux qui absentoient le seruice, prenant vne partie des Prebendes, & en faisant distribution pour les entreuenans, ce qui auroit incité les autres à s'y trouuer. Cet aduis estoit grandement approuué par bon nombre de Prelats, comme deuant indubitablement augmenter bien fort le seruice de Dieu: & sur iceluy ne sembloit escheoir aucun doute, d'autant que l'experience en faisoit desia voir l'effet. Ce qui, sans plus, estoit le fondement qu'on alleguoit de cette opinion.

Mais Lucas Bisance, Euesque de Cataro en Esclauonie, homme de bien, mais pauvre Prelat, opina au contraire: Qu'il falloit plustost contraindre les Prebendés par censure, & par priuation de partie des fruits, voire de tous, & des prebendes mesmes: mais sans alterer la forme ancienne d'autant que presques toutes les fondations estans faites par testamens des fideles, on ne les peut, ny ne doit changer, non seulement sous vn pretendu pretexte de mieux, mais non pas mesmes quand de vray on amenderoit reellement en mieux: veu que la iustice ne permet pas de mettre la main au bien d'autrui, sous ombre qu'iceluy ne le gouuerne pas assez bien. Et en outre il mettoit en consideration vne autre chose, qui sembloit estre encor plus importante: à sçauoir, que, puis qu'il est certain que toute fonction spirituelle, exercée pour pris, est Simonie, si on venoit à suiure le moyen proposé, voulant remedier à vn mal, on ouuriroit la porte à vn pire, faisant les hommes de negligens Simoniaques. Mais, on respondoit à ces raisons: premierement, Que

pour les institutions testamentaires & dernieres volontés, il estoit au pou-
 uoir du Concile de les changer : & en second lieu, quant à assister au seruice
 diuin pour vn gain & profit special, il falloit distinguer, Que le profit n'estoit
 pas cause principale, mais seconde & accessoire : & que pourtant n'y escheoit
 point de peché : d'autant que les Chanoines se trouueroient aux offices, prin-
 cipalement pour seruir Dieu, & secondement pour les distributions. Mais
 les autres repliquoient, Qu'ils ne pouuoient voir, que le Concile eust plus
 de pouuoir sur le bien des morts, que sur celuy des viuans, sur lequel nul
 n'est si impertinent qu'il pretende le luy attribuer. Et apres, que ce n'estoit
 pas vne doctrine tant seure comme on affermoit, que de seruir à Dieu secon-
 dairement pour gain & salaire, fust chose licite. Et quand mesmes elle le se-
 roit, encor faudroit-il considerer, qu'on ne peut avec bon droit appeller se-
 condaire, ains principale la cause, laquelle meut à ouurer, & sans laquelle
 on n'œuurerait point. Cet aduis ne fut pas beaucoup agreable, ne bien re-
 ceu : & excita grand murmurer en la Congregation : d'autant que chacun se
 sentant conuaincu en soy mesme d'auoir receu le titre & la charge pour les
 reuenus, sans lesquels il ne l'auroit iamais acceptée, croioit d'estre condan-
 ne par iceluy. Et pourtant l'Article quatrieme, de conuertir les prebendes
 en distributions, pour inciter au seruice de Dieu en la meilleure maniere
 que faire se peut, fut receu avec grand applaudissement.

Après qu'on eut acheué de discourir sur ces Articles, furent deputés des *difficulté*
 Peres, pour former les Decrets : & fut proposé, Qu'ès suivantes Congrega- *sur le re-*
 tions on parleroit des six autres, laissant celuy du mariage clandestin pour *cueil des*
 vne autre Session. Mais le lendemain les Legats se trouuerent ensemble avec *aduis de*
 les Deputés, pour tirer la substance des opinions des Peres. Et sur le premier *la Resi-*
 Article de la Residence ils se trouuerent discordans. Le Legat Simonete *dence,*
 portoit l'opinion, qu'icelle n'est que de droit positif : & pourtant disoit, que
 l'aduis de la plus grande partie, mesme de ceux, qui la tenoient estre de droit
 diuin, auoit este que cette occasion fust obmise. Le Legat de Mantouë, sans
 declarer autrement son sentiment, maintenoit, que la plus grande partie
 auoit demandé la declaration qu'elle est de droit diuin. Des autres Legats,
 Altemps adheroit à Simonete : & les autres deux, quoy qu'avec quelque re-
 serue & restriction, à celuy de Mantouë. Et ce differend ne passa point en-
 tr'eux sans quelque aigreur, quoy qu'en paroles ils ne sortissent point des
 termes de modestie. Cela fut cause, que les Legats tindrent le vingtieme du *dont est te-*
 mesme mois d'Auril Congregation generale. En laquelle fut luë la suivante *nuë vne*
 demande couchée par escrit, Pource que plusieurs d'entre les Peres ont dit, *autre co-*
 qu'il faut declarer la Residence estre de droit diuin, & d'autres n'en ont dit *gregation,*
 mot : & aucuns aussi ont esté d'opinion qu'une telle declaration ne se face
 point : afin que les Deputés à former les Decrets puissent les former prom-
 ptement, aisement, & seurement, il plaira à Vos Seigneuries de dire par le
 seul mot *Placet*, si elles veulent, ou non, que soit faite declaration que la Re-
 sidence est de droit diuin : car, suivant le plus grand nombre des voix & des
 aduis, le Decret sera couché : ainsi que la coustume a tousiours esté de faire
 en ce Saint Concile : attendu que, à cause de la diuersité des aduis, on ne peut
 tirer le vray nombre des voix. Il plaira aussi à Vos Seigneuries de parler clai-
 rement, & distinctement, & l'un apres l'autre, en sorte que l'opinion d'un
 chacun puisse estre marquée.

Les suffrages estans recueillis, il s'en trouua soixante-huit, qui dirent ab- *en laquel-*
 solument, *Placet* : trente-trois, qui respondirent precisement, *Non placet* : le plus *grand nō-*
 treize qui porterent *Placet*, *consulto prius Sanctissimo Domino nostro* : & dix-sept *bre impor-*
 qui opinerent, *Non placet* : *nisi prius consulto Sanctissimo Domino nostro*. Les treize *te large-*
 estoient differens des dix-sept : car ceux-là vouloient absolument la decla- *ment pour*
 ration, tous prests neantmoins à s'en deporter, cas aduenant que le Pape fust *l'avis de*
 d'autre aduis : ceux-cy absolument ne la vouloient point, mais s'en fussent *la Reside-*
 contentés, si le Pape l'eust vouluë. Difference bien subtile, mais par laquelle *ce de droit*
 chacun pretendoit faire mieux le seruice de son maistre. Le Cardinal Ma- *diuin :*

1561.

*bronille-
rie la des-
sus,*

druce ne voulut respondre precisément à la demande, ains dit, Qu'il se rapportoit à ce qu'il auoit dit en son aduis en la Congregation, lequel estoit en faueur du droit diuin. Et l'Euesque de Budua en Esclauonie dit, Qu'il tenoit l'affirmatiue de la declaration toute passée, & qu'il estoit seulement d'auis, qu'elle fust publiée. Apres que les voix eurent esté recueillies, & diuisées, & qu'on eust veü que plus de la moitié vouloit la declaration susdite, & qu'il n'y en auoit qu'une quarte partie qui ne la vouloit point : & que les autres, quoy que sous quelque condition, s'accordoient avec les premiers : il nasquit paroles de quelque aigreur, & tout le demeurant de cette Congregation se passa en discours sur cette matiere, non sans beaucoup de confusion. Ce que le Cardinal de Mantouë voyant, fit faire silence, & apres auoir exhorté les Peres à modestie, les congedia.

*dont les
Legats se
resoluent
de consul-
ter le Pa-
pe,*

Puis apres les Legats consulterent entr'eux ce qui estoit à faire. Tous vnamiment conclurent, qu'il falloit donner aduis bien particulier & par le menu au Pape de tout ce qui s'estoit passé, & en attendre response : & cependant poursuivre les Congregations sur le demeurant des Articles. Le Legat de Mantouë vouloit à cet effet despescher en poste Camille Oliue son Secrétaire, avec lettres de creance : mais Simonete vouloit que le tout fust couché par escrit. La conclusion fut prise de ramasser tous les aduis, & d'en faire vne longue relation ; & de remettre le surplus au Secrétaire : lequel le

*avec grand
murmure
des Espa-
gnols,*

mesme iour de soir, partit de Trente. Cette depesche, quoy que faite tres-secretement, vint incontinent aux oreilles des Espagnols, lesquels firent de grandes plaintes, disant, Qu'on voyoit desia le commencement d'une insupportable oppression, en ce qu'il falloit que tout traité fust non seulement signifié, mais aussi consulté ; & mesmes resolu à Rome. Que ia par deux fois le Concile convoqué en la mesme ville n'auoit point eu d'effet pour cette mesme cause, & auoit esté rompu sans fruit, voire avec scandale : d'autant que rien n'estoit resolu par les Peres, mais tout à Rome : si bien que ce blasphematoire proverbe estoit passé communément en la bouche de tous, Que le Concile de Trente estoit guidé par le S. Esprit, qui luy estoit de fois à autre enuoyé de Rome dedans la valise du Courrier. Que les Papes, qui auoient absolument refusé la tenue du Concile, auoient donné moins de scandale, que ceux, qui, l'ayant convoqué, l'auoient tenu, & le tenoient encor en seruitude. Qu'alors le monde auoit encor vne esperance de reste, que, si tant estoit qu'une fois on püst obtenir le Concile, on verroit vn remede à tous maux : mais à present, prenant garde aux choses arriuées sous deux Papes, & qui encor se mettent en train, toute esperance de bien se voit esteinte, & ne doit-on plus attendre aucun bien du Concile, s'il faut qu'il soit ministre des interets de la Cour, & se meure ou s'arreste à l'arbitrage d'icelle.

*dont l'es-
prit s'en-
flamme en
Congrega-
tion,*

Cela occasionna, qu'en la suivante Congregation, apres qu'en peu de paroles on eut entamé le traité des Articles proposés, on entra incontinent au fait de la Residence. Mais le Cardinal Legat de Vvarmie coupa le propos : disant, Qu'on auoit assez parlé de cette matiere, qu'on formeroit le Decret pour la reloudre, & qu'apres qu'iceluy auroit esté proposé, chacun pourroit dire ce qu'il auroit encor à remonstrer. Mais ny pour cela les humeurs

*lequel
l'Arche-
uesque de
Prague
tasche en
vain de
pacifier :*

ne s'appaiserent point. Dont l'Archeuesque de Prague Ambassadeur de l'Empereur, prit à exhorter les Peres, par vne forme de harengue suivie, de parler paisiblement, & avec moins de passion : les admonnestant d'auoir esgard à la bien-seance de leurs personnes & du lieu. Mais Iules Superche, Euesque de Cahorle, petite Isle suiette aux Venitiens, au Friol, respondit avec alteration, Qu'il n'y auoit rien de plus indecent au Concile, que de permettre que l'oy fust baillée aux Prelats, sur tout par ceux qui representent la puissance seculiere, & passa iusques à quelque parole piquante, & sem-

*mais en fin
le Legat
de Vvar-
mie l'ob-
tient :*

bloit que la Congregation se dust diuiser en partis. Mais le Legat de Vvarmie, qui presidoit en icelle, tascha de moderer les courages, & destourna le propos de ces Articles pour ce iour-là, & proposa qu'on procurast l'esslargissement des Euesques Catholiques prisonniers en Angleterre, afin qu'ils püs-

sent venir au Concile, & que cette noble nation eust quelque part en iceluy, & qu'il ne semblast point que ce Royaume fust tout à fait aliené de l'Eglise. 1561. La proposition agreea bien à tous: mais aussi la generale opinion fut, que c'estoit chose plustost à desirer, qu'à esperer. La conclusion fut, que puis, que cete Roine-là auoit refusé de receuoir vn Nonce expres du Pape, on ne pouuoit esperer qu'elle prestast oreille au Concile: & pourtant, que tout ce qu'on y pouuoit faire, estoit de moyener que les Princes Catholiques fissent ce bon deuoir. Le vingt-cinquième du mesme mois d'Auril, iour de Saint Marc, en reception des Ambassadeurs de Venise. Le mandement, en date de l'onzième du mois, fut lu, & Nicolas de Ponte, l'un des Ambassadeurs, fit la harangue: à laquelle il fut respondu en forme.

En ce peu de iours, les plus prudens entre les Prelats considererent quel dechet de reputation seroit au Concile, & à chacun d'eux, si les esmotions excitées n'estoient appaisées: & pourtant ils taschoient de calmer les esprits alterés, leur remontrant le scandale qu'on donneroit, & la honte qu'on receuroit, si les Actions Synodales ne passaient paisiblement, & sans tumulte: & que de là s'ensuiuroit aussi de necessité la rupture du Concile sans fruit. Ces bons offices firent œuvre: tellement qu'ès Congregations on traita sans bruit les autres six Articles, sur lesquels il n'y eut pas beaucoup à dire. Sur le cinquième, il fut iugé qu'il y escheoit reglement: mais il y eut quelque difficulté sur le moyen. Car iadis au commencement la diuision des Paroisses fut instituée par les peuples, lorsqu'un certain nombre d'habitans en un mesme lieu, apres auoir receu la vraye foy, bastissoient un Temple, pour auoir exercice de la Religion, & prenoient à gages un Prestre, & ainsi constituoient vne Eglise, laquelle s'appelloit Paroisse, à cause de l'assemblée, & amas des voisins: & lors que le nombre croissoit, si l'Eglise, & le Curé, ne suffisoient pas à cause de la distance des habitations; les plus lointains se retiroient à part eux; & bastissant un autre Temple, s'accommodoient mieux. Et pour raison de meilleur ordre, & pour garder la concorde, par succès de temps fut introduite la coustume d'y adiouster le consentement Episcopal. Mais, dès que la Cour de Rome, par les reserues, s'attribua le pouuoir de conferer les Benefices: ceux qui de Rome estoient pourueus des Eglises Parochiales, lors qu'il s'agissoit de leur diminuer le nombre des ames suiettes à eux, & par consequent le gain & le profit, s'y opposoient sous la faueur du Pape: dont vint la coustume, que sans Rome vne nouvelle Paroisse pouuoit estre erigée par la diuision d'une grande, & quand il escheoit de le faire, sur tout delà les monts, l'affaire se rendoit infiniment coustangeuse, par les empeschemens des appellations, & d'autres litiges. Pour pouruoir à ces inconueniens au Concile, les Prelats estoient d'aduis; que, quand vne Eglise suffit à un peuple, mais un seul Recteur n'y suffit point, on ne multiplia point les titres: d'autant que là, où il y a plusieurs Curés en vne Eglise, il y a aussi tousiours des estrifs, & differens: mais que l'Euesque pust contraindre le Curé à prendre d'autres Prestres à son aide, autant qu'il en auroit de besoin. Mais que là où l'estendue des habitations requerroit vne nouvelle Paroichiale, l'Euesque eust le pouuoir de l'eriger, partageant le peuple, & les reuenus: ou bien mesmes contrainçant le peuple à contribuer pour fonder vne rente suffisante. Sur cette derniere partie seulement remonstra Eustache du Bellai, Euesque de Paris, arriué peu de iours auparauant, que ce Decret ne seroit point receu en France, où n'est permis de commander par autorité Ecclesiastique en matiere temporelle; & n'estoit conuenable à la dignité, & reputation d'un Concile general, de faire Decrets, qui fussent reiettés en quelque Prouince. A cela repliqua Thomas Casselle, Euesque de la Cane, Que les François ne sçauoient donc point, que ce pouuoir auoit esté baillé au Concile par Iesus-Christ, & par S. Paul, lesquels ont commandé, que le peuple fournisse l'entretienement à ceux qui se seruent és choses spirituelles: & que, si les François vouloient estre Chrestiens, il falloit qu'ils obeissent. L'Euesque de Paris repartit, qu'il auoit iusques alors entédu

1561.

que ce que Iesus-Christ, & S. Paul, donnent aux Ministres de l'Evangile, estoit vn droit de receuoir son entretenement de ceux qui le leur donnent spontanément : mais non point de les contraindre à le donner : que la France ne seroit iamais autre Chrestienne, mais qu'il ne vouloit entrer plus auant en cette matiere.

& du sixième & huitième de l'union des Eglises,

Les six & huitième Articles n'auroient point eu besoin de Decret, si l'autorité des Euesques leur fust demeurée voire mesmes si elle eust esté laissée aux Curés, & au peuple, auxquels iadis elle appartenoit, comme il a esté dit, & auxquels aussi il seroit raisonnable que semblables prouisions appartenissent tousiours. Mais la necessité de traiter ces matieres naissoit de ce qu'elles estoient toutes reseruées à Rome. Les Prelats estoient bien tous d'un mesme aduis que de necessité il y falloit pouruoir : mais toutesfois aucuns ne contenoient point qu'on le fust, pour ne mettre la main à l'autorité Papale, en traitant des choses reseruées à ce Siege-là, & sur tout en si grand nombre. Leonard Martin, Archeuesque de Lancian, représenta comme vn terme de iustice, que ; puis que tous les offices de Chancellerie Apostolique estoient vendus, il n'estoit pas raisonnable de leur diminuer les expeditions, qui se faisoient en icelle : que ce seroit oster vne partie des emolumens des acheteurs, sans leur aduen & consentement. Et pourtant qu'on laissast faire des prouisions à Rome ; là où on feroit consideration sur l'interest d'un chacun. Cet Archeuesque eust poussé son discours plus auant, pour les interests, que luy & autres siens amis auoient en ces offices, sinon qu'il luy fut remontré par Gaspar de Ceruantes de Gaeta, Espagnol, Archeuesque de Messine, qui estoit aupres de luy, qu'on ne resoudroit rien, sans en auoir l'aduis & le consentement de Rome. Quelqu'un rememora ce qui auoit esté pratiqué en la premiere conuocation du Concile, d'adiouster es endroits, où estoit baillée l'autorité aux Euesques sur les choses reseruées à Rome, qu'ils y agissent en qualité de delegués du S. Siege. Et ce conseil, alors donné, fut suivy en tous les Decrets, qui furent formés en semblables matieres.

& du septième touchant les Curés ignorans ou vicieux,

Sur le septième Article, chacun iugeoit bien raisonnable, que le peuple fust deuëment seruy par personnes de suffisance, pour le ministration & de bonnes mœurs, pour l'edification : mais qu'il suffisoit d'abondant de pouruoir à cela pour l'aduenir : d'autant que les loix qui regardent en derriere, & disposent des affaires passées, sont tousiours odieuses, & transcendantes : & pourtant qu'il suffisoit que pour l'auenir on y pourueust de personnes idoines & capables ; mais que celles, qui estoient en possession fussent tolerées. Mais l'Archeuesque de Grenade dit que la vocation d'un homme inepte & inhabile au ministration de Christ, n'estoit point ratifiée, ny autorisée de Dieu, & pouruoir estoit de soy-mesme nulle : & que l'appelé n'y auoit aucun droit legitime, & que par deuoir il falloit demettre celuy qui estoit insuffisant, pour pouruoir d'un suffisant. Mais cet aduis ne fut point suivy, comme trop rigoureux, & lequel, en l'execution, se seroit descouvert impossible : attendu qu'il n'y a point de iuste mesure de la suffisance necessaire. Et pourtant la voye du milieu fut embrassée, de ne passer les termes de la proposition de l'Article : & de mettre difference entre les ignorans & les scandaleux, & de proceder enuers ceux-là avec moins de rigueur, comme moins coupables. Et d'autant que la prouision de tout droit deueroit appartenir à l'Euesque, n'estoit que les collations estoient procedées du Pape, il fut dit, qu'il seroit permis à l'Euesque d'y apporter le remede necessaire, mesme contre ceux qui estoient pourueus par le Pape, mais tousiours agissant en qualité de delegué du Siege Apostolique.

& du neuvième des Eglises baillées en commende :

Sur le neuvième Article, de la visite des Benefices passés en commende, il faut sçauoir que l'occasion d'en traiter nasquist d'un tres-bon vsage degeneré en vn tres-grand & pernicieux abus. Au temps des incursions, & inondations des Barbares, qui aduindrent en l'Empire Occidental, il arriuoit souuent que les Eglises estoient priuées de leur Pasteurs, en temps, esquels ceux, à qui canoniquement il appartenoit de pouruoir de successeurs, estoient empeschés

par

par incurſions, ſieges, ou empriſonnemens, de ſe trouver enſemble pour ce faire. Dont, afin que le peuple ne demeurast longuement ſans conduite & regime ſpirituel, les principaux Prelats de la Prouince, ou bien meſmes quelqu'un des voiſins, recommandoit l'Egliſe deſtituée à quelque perſon- nage d'entre le Clergé, de pieté, & de notable prud'homme, & capable de cette adminiſtration, juſques à ce que les empeſchemens fuſſent ceſſés, & que lors le Pateur puſt eſtre canoniquement elu. Les Eueſques, ou les Cu- res voiſins, faiſoient le meſme, quand quelque ſemblable vacance des Eglis- ſes parochiales arriuoit és villages. Et lors le Recommandant ayant tou- ſiours ſoin d'employer quelque perſonne excellente; & le commendataire au reciproque de correſpondre à l'attente qu'on auoit de luy, la choſe reüſ- ſiſſoit avec beaucoup de fruit, & de contentement. Mais, ſelon que la cor- ruption ſe gliſſe touſiours és choſes bonnes, il aduint que quelque Commen- dataire commença non ſeulement à penſer au bien de l'Egliſe recomman- dée, mais auſſi à en tirer quelque profit & emolument pour ſoy: & les Prelats ſemblablement introduiſirent de recommander les Eglisſes ſans neceſſité. Et l'abus s'augmentant touſiours de plus en plus, il falut faire vne loy, qu'une commende ne peuſt durer plus haut de ſix mois, & que le commendataire ne puſt iouir des fruits de la commende. Mais nonobſtant cela, les Papes de Ro- me, pretendans ſuperiorité ſur cette loy, non ſeulement recommandoient pour plus long-temps, & donnoient vne honneſte portion au commendatari- re: mais paſſerent bien auſſi juſques à recommander à vie, & à permettre au commendataire la perception & iouiſſance de tous les fruits, de meſmes qu'au titulaire. Voire meſme la Cour changea le ſtyle de ces Bulles: car, en lieu qu'anciennement icelles portoient pour cauſe, Nous te recommandons vne telle Eglisſe, afin qu'en cet entre-temps elle ſoit tant mieux gouuernée: on vint à dire, Afin que tu puiffes ſouſtenir plus dignement ton eſtat, nous te recommandons la telle Eglisſe. Et outre plus les Papes de Rome ordonne- rent, que le commendataire venant à mourir, le benefice demeurast affecté à leur diſpoſition: tellement que ceux, à qui autrement appartiendroit la collation, n'euffent à s'en meſſer. Et de là aduenoit, que les Commendatai- res eſtans inſtitués par le Pape, les Eueſques ne pouuoient s'entremettre en la ſurintendance du regime de telle Eglisſe, lesquelles par le Pape eſtoient recommandées à d'autres: & à la Cour de Rome chacun impetroit plus vo- lontiers les benefices en commende, qu'en titre: d'autant que par cete voye ils s'exemptoient de la ſuietion des Prelats ſuperieurs: ce qui faiſoit que l'Eueſque eſtoit priué d'autorité ſur la plus grande partie des Eglisſes du Dioceſe, & les Commendataires, n'eſtans ſuiets à aucune ſurintendance, laiſſoient choir en ruine les baſtimens: & retranchoient, ou meſmes abolif- ſoient tout à fait les autres deſpenſes neceſſaires: n'ayans autre but, que de ſouſtenir leur eſtat, ſelon le proëme de la Bulle: & ainſi mettoient tout en de- ſolation. Il n'y auoit rien, qui oſtaſt de remedier à ce deſordre, ſinon qu'il ſembloit meſſeant, qu'un Eueſque miſt la main en ce qui par le Pape auoit eſté recommandé à un autre: mais on aduiſa qu'on y pouruiroit honorablement, permettant aux Eueſques de viſiter telles Eglisſes, & en auoir la ſurintendan- ce, mais en qualité de delegués du Pape.

Le motif de la propoſition du douzieme Article, de remedier aux abus des Queſteurs, fut ſemblablement, pour le renuerſement & la deprauation de l'ancienne ordonnance, qui eſtoit, que lors qu'en quelque lieu par neceſſité eſtoit inſtituée quelque œuvre pieuſe d'hospitalité, de maladerie, d'educa- tion d'orphelins, & autres telles, ſans autre fonds que de la liberalité des fi- deles, il y auoit quelques gens de bien, qui prenoient la charge d'aller par les maiſons recueillir les aumôſnes: & pour auoir entrée, & creance, ils ſe mu- niſſoient d'attellations de l'Eueſque. Autres, afin qu'ils ne puſſent eſtre em- peſchés par l'Eueſque, obtenoient pouuoir du Pape, par lettres recomman- datoires, lesquelles eſtoient données pour quelque partie de l'emolument.

1561.

arrivée
des Am-
bass. de
Baviere:

le Pape
s'alarme
des instā-
ces des Es-
pagnols au
Concile,

Et s'excu-
se enuers
le Roy
d'Espa-
gne,

Et se plain-
t à l' Am-
bass. res-
dent,

laquelle, en l'expédition de la Bulle, estoit stipulée pour la Cour. Cete institution se tourna tout aussi tost en excès d'abus. d'autant que de ces aumosnes recueillies, la moindre partie estoit celle qui se despendoit en l'œuvre pieuse. En outre, ceux qui auoient obtenu le pouuoir de quester, substituoient à cela des personnes viles & infames, avec lesquelles ils partageoient le pro- uenu des aumosnes, ou bien mesmes leur attentoient la quête : laquelle les questeurs voulans rendre fructueuse & reuenante au possible, vioient de mille artifices estranges & dannables, portans certaines formes d'habits estranges, feu, eau, cloches, & autres instrumens à faire bruit, pour porter effroy, & imprimer superstition au vulgaire : racontant faux miracles, preschant Indulgences supposées, & demandant les aumosnes avec impreca- tions & menaces de maux, & de malheurs contre quiconque ne les donnoit : & en somme, vsant de tant d'autres impietés, que le monde en estoit plein de scandales, ausquels on ne pouuoit pouruoir, attendu les concessions Aposto- liques impetrées. Les Prelats s'estendirent beaucoup sur cete matiere, expo- sant les abus, & specifiant les dessusdites impietés, & autres innombrables : & remonstrant qu'autresfois auoient esté essayés d'autres remedes sans fruit, comme aussi seroient tous ceux qui y seroient employés, fors vn seul, qui estoit d'abolir le nom & l'vsage des questeurs. Et à cet aduis s'accorderent presque tous. En ce temps arriuerent Ambassadeurs du Duc de Baviere, les- quels refuserent de se presenter en la Congregation, s'ils n'auoient la pre- sence par dessus ceux de Venise : à quoy ceux-cy contredisans, les Legats interposerent delay, pour en attendre responce de Rome.

Le Pape, quand il eut aduis des suffrages rendus es Congregations sur le fait de la Residence, prenant garde que les Espagnols estoient tous confor- mes, fit vn mauuais prognostic, halenant bien qu'une telle vnion ne pouuoit estre sans participation du Roy : & disoit, qu'il estoit des long-temps, & par plusieurs & grandes experiences tout acertené, que les Prelats Ultramon- tains sont ennemis de la grandeur de l'Italie, & du Siege Apostolique : & estoit tout plein de mescontentemens contre le Roy d'Espagne à cause de ces soupçons, comme s'il luy eust manqué de parole, en la promesse qu'il luy auoit faite de maintenir son autorite, mais à la fin de tous ses discours, il concludoit, Que si les Princes l'abandonnoient, il recourroit au Ciel ; qu'il auoit vn million d'or, & sçauoit le lieu où en trouuer vn autre tout preit : & qu'au bout, Dieu pouruoiroit à son Eglise. Toute la Cour de Rome aussi ap- prehendoit, avec beaucoup de passion, le peril de tout son estat. car on voyoit bien que ces nouueautés butoient à faire autant de Papes, ou qu'il n'y eust nul Pape, & à retrancher tous les emolumens aux offices de la Chancellerie.

Il vint aussi aduis du Nonce, qui estoit en Espagne, que ce Roy-là auoit mal pris la cause de *proponentibus Legatis*, arrestée en la premiere Session : lequel decret agreoit de tant plus au Pape, que, par le desplaisir qu'autres en rece- uoient, il apparoissoit qu'ils auoient dessein de proposer chose qui fust à son preiudice. Il en fit neantmoins faire ses excuses enuers le Roy, disant, Que cela auoit esté fait à son infeu : mais toutesfois qu'il paroissioit necessaire, pour reprimer l'insolence des esprits inquiets & turbulens : que le Concile seroit vne vraye tour de Babel, si toute personne ambitieuse y auoit effrené- ment pouuoir de remuer les humeurs, & esmouuoir les esprits, que les Le- gats estoient personnages discrets, fort respectueux enuers Sa Maiesté ; & proposeroient tousiours tout ce qu'ils sçauoient luy agreer, & donneroient toute sorte de contentement à toute personne pieuse & sage. Mais avec l'Ambassadeur Espagnol resident aupres de soy, lequel luy en parla, il trai- ta avec vn peu plus de rudesse, premierement se plaignant, Qu'il eust fait en cela de mauuais offices, & puis representant la maniere de proceder presque seditieuse des Prelats Espagnols au Concile. Et demonstra que le Decret estoit saint & necessaire & qu'il n'estoit fait preiudice à aucun par dire, que les Legats proposeroient. Mais l'Ambassadeur Vargas repliqua, Que, s'il n'estoit dit autre chose, sinon, que les Legats proposeront, nul ne

s'en plaindroit : mais que cet ablatif, *proponentibus Legatis*, estoit tout droit de proposer aux Euesques : & pourtant qu'il le falloit changer en autre façon de parler. Mais le Pape desdaigneusement luy respondit qu'il auoit autre chose à faire qu'à penſer à *Cuius generis, & cuius casus*. Les ſoupçons du Pape contre Vargas n'estoient point ſans fondement, ayant deſcouuert qu'il auoit fait pluſieurs deſpeſches en poſte en Eſpagne, & à Trente, incitant les Prelats Eſpagnols à maintenir la liberté, & montrant au Roy, que le Concile eſtoit tenu en ſeruage.

Mais à la Cour de Rome tout eſtoit plein de tumulte, ou pluſtoſt d'effroy, *trouble à Rome pour les traités de Trente,* à cauſe des lettres qu'on y auoit receuës de Trente, ſelon que chacun eſcriuoit diuerſement à ſes amis, ſuiuant ſon affection, ou paſſion, particuliere : & ſembloit deſia de voir Rome toute vuide & deſerte de Prelats, & priuée de toute prerogative, & préeminence : on voyoit deſia à l'œil que les Cardinaux habitans à Rome ſeroient exclus de tenir Eueſchés : que ſans doute la pluralité des Benefices ſeroit interdite : que nul Eueſque, ne Curé, ne pourroit auoir aucune charge à Rome : que le Pape ne pourroit diſpenſer en aucune de ces choſes, qui ſont les principales de ſa puiffance. On rememoroit le dire de Tite Lue, Que la Maieſté du Prince malaiſément eſt abbaiffée du ſommet au milieu ; mais qu'aiſément elle eſt precipitée du milieu iuſqu'au fonds. On diſcouroit de la grande faueur & credit, que le Decret porteroit à l'accroiffement de la puiffance des Eueſques, leſquels tireroient à eux la collation des Benefices, par le renuerſement de l'autorité Papale és reſerues. Et diſoit-on, que les Eueſques Ultramontains, & meſmes auſſi quelques Italiens, auoient touſiours monſtré du mal talent enuers la Cour, d'enuie, & de deſpit de n'y auoir ſi facile accès comme ils deſireroient. Qu'il falloit ſe garder de ceux, qui feignoient de ſe tenir eſloignés de Rome par conſcience, qu'ils ſeroient pis que les autres ſ'il leur venoit à point : que ces marmiteux ont vne ambition plus grande que les autres, quoy que cachée : & ſe veulent hauſſer par la depreſſion & ruine d'autrui : comme cela eſtoit paru par effet au Pape Paul quatrième, iadis moine Theatin, tout mortifié & bigot, & depuis ſi violent & aduantageux Pape. Et d'autant, que les Prelats Eſpagnols *ſoupçon contre le Roy d'Eſpagne,* eſtoient vnſ en cela, & qu'il eſtoit bien auéré, que l'Ambaſſadeur Vargas les incitoit à perſiſter, pluſieurs grommeloient, que tout le motif venoit du Roy, par vn deſſein d'eſtat : d'autant qu'il voyoit que, pour auoir des ſubſides du Clergé, il auoit touſiours deux grandes difficultés à combattre, & à ſurmonter. L'vne, à obtenir le conſentement & adueu du Pape, l'autre, à ſe deſfaire de la reſiſtance des Chapitres & Colleges, leſquels, tant pour les premiers rangs de nobleſſe qu'ils tiennent, que pource qu'ils ſont exempts des Eueſques, & ont, pour la pluſpart, receu leurs Benefices par collation Papale, n'eſtoient retenus d'aucun reſpect à s'oppoſer aux demandes du Roy, & que pourtant le Roy auoit deſſein de rehauffier les Eueſques, dependans totalement de luy, & tenans leurs Eueſchés de ſa preſentation, en leur ſouſmettant les Chapitres, & les Colleges, & les emancipant de la ſuietion du Pape : pour s'acquerir par ce moyen vn plein & abſolu pouuoir & commandement ſur le Clergé.

La Cour de Rome ſe plaignoit de tous les Legats en general, d'auoir propoſé, ou permis de propoſer l'Article. *Qu'ia auparauant il auoit eſté ordonné, avec beaucoup de ſoupleſſe & d'artifice, qu'eux ſeuls puſſent propoſer :* *les Legats,* & ce, non à autre fin, que d'obuier aux attentats des mal affectionnés à Rome : & qu'ils eſtoient ſans excuſe, puis qu'ils auoient deſia l'exemple de la conſuſion & du deſordre, que cette diſpute auoit cauſé au premier Concile. Mais, par ſur tous, ils faiſoient de grandes doleances des Legats de Mantouë, & Seripande, & encor plus du premier : lequel, diſoient-ils, euſt pu remedier à tout inconuenient par ſon credit & reputation : & pour remede diſoient, Qu'il falloit y enuoyer d'autres Legats, perſonnes plus enclines au bien public, & non Princes, ne Moines, ains perſonnes qui euſſent paſſé par les degres de la Cour, & par voix commune y eſtoit deſigné Jean Baptiſte

1561.

Cigale, Cardinal de S. Clement, pour chef, pour s'estre monstre tres-ardent defenseur de l'autorité Papale, és charges de Referendaire, & d'Auditeur de Rote, avec beaucoup de louange, & d'accroissement des affaires de Rome: qu'iceluy, comme superieur, en qualité d'Euesque, à celuy de Mantoue qui n'estoit que Diacre, tiendroient le premier rang, & que celuy de Mantoue par cela seroit induit à se retirer volontairement.

*sur quoy le
Pape fait
consulter
à Rome,*

Le Pape fit tenir plusieurs Congregations des Cardinaux deputés à la consultation du Concile, & par eux furent proposés diuers remedes pour obuier au cours du mal; & des lors le Pape commença à parler de l'affaire beaucoup plus paisiblement, & correctement qu'auparavant. Il ne condannoit point l'opinion de ceux, qui maintenoient la Residence estre de droit diuin, ains les louoit d'auoir parlé selon leur conscience: & mesmes adioustoit quelques fois, que peut-estre cette opinion-là estoit la meilleure: mais il se plaignoit de ceux, qui s'estoient remis à luy: veu que le Concile estoit assemblé, afin que chacun dist son aduis, & non pour endosser les choses difficiles à autrui, afin d'euitier la haine, & l'enuie. Qu'il auoit desplaisir des differends suruenus entre ses Legats, lesquels ne deuoient iamais permettre qu'ils fussent esuentés avec scandale, ains les deuoient tenir secrets, ou les composer entr'eux, ou les rapporter à luy: qu'il trouuoit bien bon que chacun dist son aduis en liberté, mais aussi qu'il ne pouuoit qu'il ne blasmasst les pratiques, & brigues: & mesmes les surprises & violences, dont quelques vns auoient vsé pour subuertir les autres: & se sentoient greué de ce qu'on alloit semant contre la liberté du Concile, & que de consulter les choses à Rome estoit la violer: que c'estoit chose bien estrange, qu'il falust que luy, qui estoit le Chef du Concile, & les Cardinaux, qui en estoient les membres principaux, & autres Prelats qui sont à Rome, qui sans contredit ont voix au Concile, fussent tenus pour estrangers, en sorte qu'ils ne pussent estre consensus de ce qu'on y traitoit, pour en dire leurs aduis: & que ceux-là, qui n'y auoient point de part legitime, se donnassent la liberté de s'y ingerer par mauuais moyens: qu'on voyoit clairement, que tous les Prelats estoient allés à Trente avec commissions de leurs Princes, & que selon icelles ils se gouernoient: que les Ambassadeurs les contraignoient, par lettres, & par offices, à suiure les interets de leurs Princes: & que toutesfois nul ne disoit pour cela, comme on pourroit bien de raison, que le Concile n'estoit pas libre: & amplifioit & exaggeroit l'affaire avec beaucoup de vehemence en tous ses propos: adioustant, que de dire, que le Concile n'estoit pas libre, estoit vn pretexte de ceux, qui ne desiroient point d'en voir heureuse issue, afin de le dissoudre, ou luy oster tout credit & reputation: & qu'il tenoit toutes telles gens pour occultes fauteurs de l'heresie.

*se re-
sout,*

*de respon-
dre à Trē-
te,*

En fin, après auoir conféré de cet affaire avec tous les Ambassadeurs residens auprès de soy, & en auoir maintesfois consulté, le neufuième May il assembla tous les Cardinaux, & fit lire les aduis qu'il auoit eus de Trente, & exposa le sommaire des consultations tenues, & la necessité qu'il y auoit de proceder en ce fait avec dextérité, & fermeté: & signifiant qu'il y en auoit beaucoup de coniurés contre le Siege Apostolique. Puis il fit lire la response, qu'il deliberoit enuoyer à Trente, laquelle en substance contenoit deux points. Le premier, Que de son costé le Concile auoit tousiours esté laissé en liberté, & le seroit encor pour l'aduenir. Le second, Qu'il estoit raisonnable que le Concile le reconust pour Chef, & qu'il portast la due reuerence au S. Siege. Là dessus il requit l'aduis des Cardinaux, lesquels vnanimement louerent cette response. Aucuns remonstrentent, qu'attendu les diuersités d'aduis entre les Legats, il seroit bon d'en enuoyer d'autres, voire mesmes extraordinaires. Autres aussi adiousterent, que l'importance de l'affaire meritoit bien, que Sa Sainteté, avec tout le College, se transportast à Bologne, pour estre plus pres de Trente, & pouuoir plus aisément subuenir au besoin. Le Pape respondit, Qu'il estoit tout prest d'aller, non seulement à Bologne, mais mesmes à Trente, si besoin estoit: & tous les Cardinaux s'offrirent à le suiure.

On consulta sur le fait de l'enuoy d'autres Legats, & fut resolu de differer d'en traiter : sur l'opinion que Mantouë pourroit demander son conge : ce qui porteroit grande perte de reputation au Concile, pour l'opinion, que l'Empereur, & le Roy d'Espagne, & quasi tous les Princes, auoient de sa grand' prud'homme : & pour le credit, auquel il estoit enuers la plus grande partie des Prelats de Trente.

Ayant fait cette despesche, il fit office avec les Ambassadeurs de Venise, se munit & de Florence, à ce que ces Princes-là recommandassent les affaires du Pa- de la fa-
pat à leurs Ambassadeurs à Trente, & leur ordonnassent de faire que les Pre- ueur de
lats de leurs Estats n'entreuinsent en aucuns traites contre le Siege Aposto- Venise &
lique, & ne fussent tant ardents au fait de la Residence. Puis apres il appella de Floren-
à soy tous les Euesques, qui se trouuoient encores à sa Cour, & leur remon- ce,
stra le besoin, & le seruice que leur presence pouuoit rendre à Trente. Il les & enuoye
chargea de promesses, & donna subuention aux pauvres, & les despescha uesques
tous au Concile. Et fit cela, tant pour fortifier le nombre, lors qu'on parle- Italiens
roit de la Residence, que pource qu'on en attendoit quarante François, des- au Conci-
quels il ne prognostiquoit rien de bon. Et, afin de n'auoir pour contraire le le,
Royaume de France, les Ambassadeurs duquel deuoient bien tost arriuer à & capitaine
Trente, il se resolut d'aider le Roy de cent mil escus en don, & d'autres cent le Roy de
mil en prest, sous pretexte que ce fussent deniers de marchands, auxquels le France:
Roy deuoit donner suffisantes cautions du principal & des interests : & ce, à
condition qu'on procedast en France tout à bon & sans simulation : que les
Edits fussent reuocqués : que la guerre fust faite pour la Religion : que de cet
argent on fist leuées de Suisses & d'Allemands ; qui fussent sous le commande-
ment de son Legat, avec les enseignes de l'Eglise : qu'on ne pardonnast à au-
cun Huguenot sans son consentement : qu'on emprisonnast le Chancelier,
l'Euesque de Valence, & autres qu'il nommeroit : qu'on n'eust à traiter au
Concile chose quelconque contre son autorité : & que les Ambassadeurs
de France ne fissent aucune mention des Annates : sur lesquelles toutesfois il
s'offroit de conuenir avec le Roy, & de les reformer au contentement de Sa
Maiesté.

Le Pape puis apres consulta la matiere de la Residence, pour en pouuoir puis vent
parler correctement, & bien à point au besoin : en sorte qu'il ne se fust prei- luy mes-
dice, & aussi ne donnast scandale. Et toutes les raisons bien debatues, il s'ar- mes pour
resta à cet aduis, d'approuuer, & faire mettre en execution la residence, en uoir à la
quelque loy, ou Canonique, ou Euangelique, qu'elle soit fondée. Il respondit Residen-
ce,
en cete forme à l'Ambassadeur François qui luy en parla : adioustant, Que de
tous les commandemens Euangeliques luy seul estoit ordonné executeur :
que Christ, disant à S. Pierre, Pai mes brebis, auoit entendu & voulu, que tou-
tes les ordonnances, baillées par Sa Maiesté diuine, fussent executées par le
moyen de Pierre tant seulement : & que luy vouloit faire vne Bulle de la Resi-
dence, portât peine de la priuation des Eueschés : laquelle seroit plus redou-
tée, que toute la déclaration que le Concile scauroit faire qu'icelle est de
droit diuin. Et, sur ce que l'Ambassadeur insistoit sur la liberté du Concile, le
Pape respondit, Que si toute liberté luy estoit permise, il l'estendrait à refor-
mer non seulement le Pape, mais aussi les Princes seculiers. Et ce style agreoit
grandement au Pape, lequel disoit coustumièrement, Qu'il n'y auoit rien de
pire, que d'estre tousiours sur sa pure defensiue : que si autres le menaçoient
du Concile, il les faloit menacer des mesmes armes au reciproque.

En ce mesme temps, le Pape voulut commencer à executer ce qu'il auoit & propose
requis & promis, de reformer luy mesme sa Cour, sans que le Concile s'en en- quelque
tremist : & commença par vne partie tres-principale, publiant vne Bulle de reforma-
tion
reformation de la Penitencerie, & donnant la voix qu'en bref il reformeroit
aussi la Chancellerie, & la Chambre. Sur quoy chacū attendoit de voir régler
en icelle Penitencerie les choses appartenantes au salut des ames, qui sont qui va ton.
grandement maniées en cet office-là. Mais il ne fut fait en cete Bulle aucune re en su-
mention de penitence, ne de conscience, ne d'autre chose spirituelle, & le mée,

1561.

Pape ne fit autre chose, qu'oster à la Penitencerie les pouuoirs, qu'elle exerceoit en diuerses causes beneficielles, & en celles qui regardoient la discipline exterieure des Moines Reguliers : sans toutesfois exprimer, s'il faisoit cette prouision & reglement, pour donner à d'autres officiers les mesmes pouuoirs, qu'il ostoit à la Penitencerie : ou bien, pource qu'il les tenoit pour insupportables abus, lesquels il vouloit abolir de Rome. Mais l'euement esclaireit bien tost l'ambiguité & le doute : d'autant que les mesmes choses s'obtenoient puis apres en la Daterie, & par autres voyes seulement à plus grands frais : & cela fut tout le fruit de cete Reformation.

*les Decrets
formés
sont pro-
posés en
Congre-
gation à
Trente, &
renouvel-
lés les in-
stances sur
la resi-
dence,*

*rabatuës
par pure
violence:*

Or, pour retourner à Trente, apres que les Peres eurent dit leurs aduis, & que les Deputés eurent formé neuf Decrets, obmettant les Articles du Mariage, comme il auoit desia esté arresté: & de la Residence, comme les Legats auoient conuenu entr'eux; ayant mesmes fait office avec aucuns qu'ils s'en contentassent: ces Decrets furent proposés en la Congregation, pour les arrester, & puis les lire en la Session, au temps assigné. Mais cete omission excita les demandes des fauteurs de la Residence, auxquels les Legats respondirent, Que cet Article n'estoit pas encor suffisamment examiné, & n'estoit à propos de le proposer en cete Session: que cela se feroit en son temps. Mais cete response ne fit que faire redoubler les instances, qu'on le proposast lors, allegant que iamais l'occasion n'en seroit meilleure, & murmurant mesmes, que c'estoit vn artifice pour faire eclipser tout l'affaire sans conclusion. Toutesfois ils furent contraints de rallentir leurs poursuites, quand ils virent que les Legats estoient tous resolués de n'en traiter point pour lors, & que le party contraire, fomenté de Rome, faisoit instance à l'opposite beaucoup plus puissamment. Partant on vint aux autres Articles, & à peu d'alteration furent formés dix-neuf chapitres.

*difficulté
sur la de-
claration
de la con-
tinuation
du Conci-
le:*

Le Marquis de Pescaire, au nom du Roy d'Espagne, sollicita grandement, qu'en icelle Session declaration fust faite que ce Concile-là estoit vne continuation de celuy, qui auoit esté commencé sous Paul troisième, & poursuivy sous Iules: & cete demande estoit secondee par les Prelats Espagnols, & autres leur adherans: & fortifiée de cete raison, Qu'il estoit necessaire de le faire par necessité de foy: qu'autrement seroient reuouquées en doute les determinations ia faites, avec notable impieté. Mais les Ambassadeurs Imperiaux faisoient puissans offices au contraire, disans, Que, si on en venoit là, ils partiroient tout sur le champ, & protesteroient, d'autant que l'Empereur ayant engagé sa parole à l'Allemagne, que cete conuocation seroit vn nouveau Concile, il ne pouuoit souffrir vn si grand affront. Que ce n'estoit pas, qu'ils voulussent mettre en doute & debat les choses ia decidées: mais prioient les Peres, que, pendant qu'il y auoit esperance de reduire l'Allemagne, ils ne la tranchassent point tout à net, avec vn si grand grief contre la Maïesté Imperiale. Le Cardinal Seripande n'auoit autre but, que de faire determiner que c'estoit continuation: à quoy desia, en la Bulle de conuocation, il auoit puissamment trauaillé, & à present fauorisoit encor viuement la demande des Espagnols. Mais le Cardinal de Mantouë y resista fermement, pour ne faire vn si grand tort à l'Empereur, sans necessité: & trouua vn temperament d'appaiser les Espagnols, en disant, Que, puis qu'on auoit ia tenu deux Sessions, sans faire aucune mention de cete proposition, il n'y auroit aucun preiudice de la differer encores iusques à vn autre. La resolution, que firent les Ambassadeurs Imperiaux de partir, & les offices du Cardinal Legat de Mantouë, firent que le Marquis de Pescaire rallentit sa procedure: & tout à point arriuerent lettres de Louïs de S. Gelais, Sieur de Lanfac, chef de l'Ambassade, que le Roy de France enuoyoit au Concile, lequel estant en voyage, non gueres loin, escriuit aux Legats, & aux Peres, les priant de prolonger la Session iusques à l'arriuée de ses Collegues, & siene. Le Cardinal de Mantouë se seruit de cete occasion pour mettre la prolongation en deliberation: & à icelle consentirent les vns pour l'un, les autres pour diuers de ces esgards: quelques vns aussi, pource qu'ils voyoient que les humeurs de la re-

sidence n'estoient pas encor bien calmes : & fut resolu, pour garder la dignité du Concile, non de prolonger la Session, mais de la celebrer, sans y proposer aucune matiere.

Le quatorzième May, iour destiné à la Session, les Peres se rendirent à l'Eglise en la Session publique, avec les ceremonies accoustumées : & là, apres que la Messe eut esté chantée, & faites les autres prieres vñtes, le Secrétaire lut les mandemens des Princes, selon l'ordre & rang, que les Ambassadeurs s'estoient presentés en Congregation du Roy d'Espagne, du Duc de Florence, des Suisses, du Clergé de Hongrie, & des Venetiens. Et le Promoteur en peu de paroles remercia tous ces Princes, d'auoir offert leurs forces, pour la seureté & liberté du Concile. Puis apres l'Euesque officiant prononça le Decret, dont la substance estoit, Que le Concile, pour bonnes & iustes causes, auoit deliberé de prolonger la publication des Decrets, qui deuoient estre faits & establis en cette Session, iusques au quatrième Iuin, auquel iour il intimoit la suiuite Session. Et en cette assemblée ne fut fait autre chose.

Apres que la Session eut esté celebrée; le Marquis de Pescaire se partit de Trente, disant, Qu'il estoit necessité de retourner promptement à son gouvernement, pour quelques remuemens des Huguenots en Dauphiné. Mais, par ce qu'on sçauoit bien, que ces forces-là n'estoient point suffisantes pour sortir hors du païs : & mesmes, qu'entre le Dauphiné & le Duché de Milan, il y a le païs du Duc de Sauoye entre deux ; plusieurs eurent opinion, qu'il en eust commission de son Roy, lequel, desirant que le Concile allast auant, auoit resolu d'oster toute occasion de l'achoper par la querele de la preface, qui de necessité seroit ensuiuie, en cas qu'à l'arriuee des Ambassadeurs François, son Ambassadeur s'y fust trouué aussi present. Deux iours apres le depart d'iceluy, arriua Louïs de S. Gelais, Sieur de Lanfac, chef de l'Ambassade de François, auquel grand nombre de Prelats, & particulièrement des Espagnols, alla au deuant. Le iour suiuant arriuerent Arnaud Ferrier, President de Paris ; & Gui Faure, Sieur de Pibrac, gens de robe longue, Collegues de l'Ambassade.

En ce mesme temps vindrent nouuelles au Concile, de ce que le Pape, les Cardinaux, & la Cour de Rome, disoient en desfaueur des Peres à cause de la Residence. Et plusieurs aussi d'entr'eux reçurent lettres des Cardinaux leur patrons, & d'autres amis, pleines de plaintes, de reprehensions, & d'exhortations, lesquelles ils alloient aussi monstrant tout publiquement. D'autre part vindrent à Rome nouuelles de ce qui estoit arriué du depuis. Le Pape renouuela & redoubla son indignation contre le Cardinal de Mantouë, par ce qu'il auoit laissé eschapper l'occasion de declarer la continuation du Concile, dont l'Ambassadeur & les Prelats Espagnols luy auoient fait instance. Il se plaignoit de voir le Cardinal conioint avec les Espagnols au fait de la Residence, & separé d'eux au fait de la continuation : ce qui ne vouloit dire autre, sinon qu'il luy estoit contraire en tout : car autrement, nul homme, quoy que de sens hebeté, n'auroit failly de passer à cette declaration : d'autant que, succedant bien, on auroit franchy vn grand pas en faueur de l'Eglise Catholique : & aussi, ne succedant pas, le Concile en eust esté rompu : ce qui n'estoit pas de moindre benefice. Et remit sus la consultation d'y enuoyer d'autres Legats, & particulièrement le Cardinal de S. Clement : faisant dessein, de bailler à luy la principale charge, & l'instruction : & pour n'oster le premier rang d'honneur à celuy de Mantouë, & par là luy donner occasion de partir, il aduifa de l'ordonner Euesque : estant, peu de iours auparavant venuë la nouuelle de la mort de François de Tournon, Doyen des Cardinaux, par laquelle vn des six Eueschés du corps des Cardinaux demouroit vacant.

Mais l'Empereur, ayant eu aduis de la proposition faite, de declarer la continuation du Concile, s'en esmut, & fit dire au Pape que si cela se faisoit, il rappelleroit ses Ambassadeurs de Trente, ausquels aussi il commanda, que si la

1561.

deliberation en estoit ia prise, ils partissent tout sur le champ, sans attendre la publication. De là le Pape conceut esperance, que par ce moyen le Concile pourroit estre terminé: & de tant plus accrut-il son indignation contre le Cardinal de Mantouë, à l'occasion duquel la plus belle occasion estoit eschapée; & se mit à songer en quelle façon il la pourroit releuer. La Cour de Rome, tant à l'exemple de son Prince le Pape, que pource qu'il s'agissoit de ses interets, continuoit les plaintes, & murmures contre les Prelats du Concile, & sur tout contre le mesme Cardinal, & contre Seripande, & contre celui de Vvarme. A l'opposite aussi les Prelats à Trente, & sur tout les Espagnols, en leurs deuis priues entr'eux, se plaignoient du Pape, & de la Cour de Rome: du Pape, comme de celui qui tenoit en seruage & captiuité le Concile, auquel il deuroit laisser l'entiere & libre disposition & pouuoir de traiter & determiner toutes choses, sans s'en ingerer: & neantmoins, non seulement ne pouuoit estre proposé chose quelconque, sinon autant qu'il plaisoit aux Legats, lesquels ne faisoient que ce qui leur estoit commandé de Rome: mais encores, lors que quelque proposition estoit faite, & qu'il se trouuoit vn nombre de septante Euesques conforme en aduis, ils estoient empeschés mesmes de parler: que le Concile deuroit estre libre, & exempt de toute preuention, concurrence, & interuention de toute autre puissance: en lieu qu'il receuoit la loy de ce qu'il deuoit traiter: & les choses qu'il auoit traitées & decidées, estoient limitées & corrigées: ce qu'estant, on ne pouuoit voir comment on le pouuoit vraiment appeller Concile: qu'il y auoit en iceluy plus de quarante pensionnaires du Pape, les vns à gages de trente escus, les autres de soixante par mois: que les autres estoient intimidés par lettres de Cardinaux, & d'autres gens de Cour. De la Cour, ils se plaignoient que ne pouuant supporter la reformation, elle se donnoit la licence de calomnier, reprendre & contreroler ce qui estoit fait & geré pour le seruice de Dieu que, puis qu'on auoit ia veu, comment on auoit procedé contre vne Reformation necessaire & legere, on ne pouuoit attendre sinon grands troubles & contradictions, lors qu'on viendrait à trancher plus sur le vif. Qu'il seroit du deuoir du Pape, de reprimer au moins les paroles des passionés, & monstrier en apparence, puis qu'en effet il ne vouloit estre lié, que le Concile procedoit en sincerité, & liberté.

Il aduint aussi que Paul Emile Veralle, premierement Archeuesque de Rosan, & en ce temps Euesque de Capoché, vint à paroles avec l'Euesque de Paris, en vne assemblée de plusieurs Euesques. L'occasion fut, sur ce que celui de Paris auoit blasmé la maniere de deliberer par pluralité de voix: surquoy l'autre respondit, Que tous les Euesques sont egaux. Et celui de Paris luy demanda, Combien d'ames il auoit en sa charge: & l'autre luy respondit, cinq cens. Celui de Paris luy repliqua, que s'agissant de personne à personne, il luy cederait tres-volontiers: mais, qu'à l'esgard de ceux que l'un & l'autre representoient, celui qui ne parloit que pour cinq cens ne se deuoit egaler à vn qui parloit pour cinq cens mil.

les Ambassadeurs de France se presentent en Congregation,

où Ribrac fait vne harangue grande & vne,

Les choses estans en cet estat, il ne se tint point d'autre Congregation, iusques au vingt-fixième du mois: & lors, les Ambassadeurs François, qui auoient premierement communiqué leur instruction avec les Imperiaux, & s'estoient fort bien entendus ensemble, suiuant le commandement de leurs maistres, se presenterent en la Congregation generale: en laquelle ils exhiberent le mandement de leur Ambassade, lequel fut lu: & puis apres Gui Faure fit vne longue harangue, en laquelle il exposa d'entrée le desir, que dès long-temps le Roy auoit eu, que le Concile fust conuoqué en lieu commode, & non suspect: & les bons offices, qu'il auoit à cette fin faits enuers le Pape, & tous les Princes Chrestiens. Puis de là il passa à declarer le fruit, qu'on pouuoit attendre de l'ouuerture d'iceluy: & dit, que ceux-là de vray faillent grieuement qui veulent innoier toutes les ceremonies de l'Eglise: mais aussi, que ceux-là ne sont moins reprehensibles, qui les veulent toutes opiniastrement soustenir, sans faire aucun estat de ce que la condition des temps presens,

presens, & le bien public, requierent. Il exposa fort particulièrement les tentations que le Diable liureroit aux Peres, pour les distraquer du droit chemin : & menaça, que s'ils luy prestoiēt l'oreille, ils feroient perdre tout credit & autorité aux Conciles : & adiousta, que plusieurs autres Conciles auoient esté tenus en Allemagne, & en Italie, avec bien peu ou point du tout de fruit : desquels aussi on auoit dit, qu'ils n'auoient esté ne libres, ne legitimes, pource qu'ils auoient parlé selon le vouloir d'autrui. Qu'ils regardassent d'employer en bien la puissance & la liberté qu'ils auoient receuë de Dieu. Que si es causes des particuliers, c'estoit chose digne de grieue punition, de gratifier quelqu'un contre iustice : les iuges es choses de Dieu meritoient beaucoup plus grand supplice, s'ils s'abandonnoient à suiure la faueur du monde, & le vent populaire, ou à estre comme esclaves de robe longue des Princes, auxquels ils sont obligez. Que chacun examinast sa conscience, & qu'elle passion ou affection le poustoit. Et d'autant que les défauts de quelques Conciles passez faisoient preiudice à celuy-cy, il falloit monstrer que ces temps-là estoient passez, & que chacun peut disputer en liberté : qu'on ne disputoit plus par le feu, & ne rompoit plus la foy donnée, & que le Saint Esprit ne s'imploroit plus d'ailleurs que du ciel : & que ce Concile present n'estoit point celuy, qui auoit esté commencé par Paul, & pouruiuy par Iules troisieme, en temps de troubles, & parmy le bruit des armes : lequel aussi fut rompu, sans auoir effectué aucune chose de bon : ains vn nouveau, libre, paisible & legitime : conuoqué selon l'usage ancien, auquel tous les Roys, Princes, & Republiques, prestoiēt consentement : auquel aussi l'Allemagne concouroit, amenant avec soy les autheurs des modernes disputes & controuerses, les plus graues & eloquens hommes qu'elle eust. Et pour conclusion, dit qu'eux Ambassadeurs promettoient à cet effet le secours & l'assistance du Roy, leur Maistre. Il sembla que plusieurs des Peres, & aucuns mesmes des Legats ne prissent pas bien ces paroles : auxquelles aussi, pource qu'elles passoient les termes generaux, & de compliment, le Promoteur ne fut que respondre : & partant icy ne fut obseruée la coustume de respondre en forme, ains la Congregation fut terminée par cette harangue.

Le iour suiuant, les mesmes Ambassadeurs, se presenterent aux Legats, puis exposèrent assemblez expressement, & là excuserent les Prelats François, de ce qu'il n'estoient venus au Concile, à cause des troubles, promettant que dès aussi tost qu'iceux seroient appelez, ce qu'ils esperoiēt deuoir estre en bref, ils viendroient en diligence. Ils exposèrent aussi les ombrages & soupçons, que les Huguenots prenoient de la continuation du Concile, commencé par Paul, & qu'il en requeroient vn nouveau. Que le Roy en auoit traité avec l'Empereur, qui s'accordoit à rechercher le mesme, à l'instance de ceux de la Confession d'Augsbourg : & qu'il en auoit fait autres fois parler au Pape, lequel auoit respondu, que ce differend estoit entre leur Roy, & celuy d'Espagne : que cela n'importoit de rien à luy, mais qu'il le remettoit entièrement au Concile, & pourtant requeroient, qu'en termes expres il fust dit & déclaré, que l'Indiction du Concile estoit nouuelle : & qu'on ostant ces paroles, *Indiciendo continuamus & continuando indicimus* : qui contenoient vne ambiguité non conuenable à hommes Chrestiens, & tout ensemble vne manifeste contradiction. Que les Decrets faits par le Concile passé, n'estoient point receus par l'Eglise Gallicane, & non pas mesmes par le Pape, & le Roy Henry deuxieme auoit fait protester à l'encontre. Qu'ils s'adressoient à eux Legats sur cet Article, d'autant que la Sainteté auoit plusieurs fois dit, que ce debat d'Indiction, ou de Continuation, n'appartenoit point à luy, & qu'il le remettoit au Concile. Et apres auoir fait leur demande de bouche, ils la leur laisserent par escrit. Les Legats, apres auoir consulté, respondirent aussi par escrit, qu'ils admettoient, entant qu'en eux estoit, l'excuse des Euesques absens : mais qu'ils ne pouuoient differer iusques à leur venue de traiter ce qui escheoit au Concile : d'autant que ce seroit vne trop grande

1562.

incommodité aux Peres, qui se trouuoient desia presens des longtemps: qu'ils n'auoient pas pouuoir de declarer, quel' Indiction du Concile fust nouuelle: mais seulement d'y presider, selon la teneur de la Bulle du Pape, & la volonté du Concile. Les François pour lors acquiescerent à cette response: d'autant qu'ils auoient consulté avec les Imperiaux, qu'il n'estoit pas expedient de passer plus outre, pourueu qu'és Actes ne fust faite mention de continuation: veu que les Espagnols ayans fait instance, que la continuation fust declarée à la premiere Session, si on pressoit grandement au contraire, il estoit à craindre, qu'il n'en aduinst la rupture du Concile. Mais la response des Legats, qui fut publiée par les François, donna grand suiet de parler aux Espagnols, sur la clause & endroit où ils disoient, que leur autorité estoit de presider, selon la volonté du Concile: car, par ces mots ils se soumettoient au Concile, & toutesfois le maistrisoient en effet. Sur quoy l'Archeuesque de Grenade disoit, que c'estoit bien là vne absoluë maistrise & domination, de se seruir du valet, en toutes les qualitez qu'il pouuoit auoir mesmes de maistre.

le propos de la residence est relevé.

Et la reformation instantement requise,

mais celle cy est dextremement rabatuë.

Et l'autre omise par nécessité,

Quand on vid que les Legats ne proposoient rien pour la Session suiuiante, les fauteurs de la Residence murent le propos de cette matiere, & induisirent les Ambassadeurs de l'Empereur, de France, de Portugal, & tous les autres à faire instance aux Legats, qu'elle fust decidée en la suiuiante Session, allegans qu'apres auoir esté proposé & disputé, ce seroit vn grand scandale de la laisser indecise: & feroit-on voir, que c'estoit pour quelque interest particulier, puis que les principaux Prelats du Concile, & le plus grand nombre, en desiroient la determination. Les François en outre firent instance, coniointement avec les Imperiaux, qu'on ne traitast les matieres des dogmes en l'absence des Protestans, qui les impugnoient, auant que leur contumace fust bien verifiée: veu que c'est chose superflü de disputer des choses, qui n'ont point de contredisant: & sur tout, qu'il y auoit bien à traiter d'autre chose, à la demande de laquelle tout le monde s'accordoit, qui estoit vne bonne reformation de mœurs. Quel' Ambassadeur d'Angleterre en France auoit donné intention que la Reyne sa Maistresse, enuoyeroit au Concile: dont il aduiendroit, que les autres Protestans feroient le semblable, & de là suiuiroit vne reünion generale de l'Eglise: toutes choses, qu'on pouuoit tenir pour toutes assurées, moyennant qu'une bonne reformation fust faite auparauant. Le Cardinal Legat Simonete respondit à cette deuxième proposition, que l'affaire sembloit bien aisé de prime face, mais estoit le plus difficile de tous: attendu que le tout gisoit en la disposition des Benefices, en quoy les abus procedoient des Roys, & des Princes. Cela donna beaucoup à penser à tous les Ambassadeurs, à cause des nominations, & autres dispositions, que les Princes exercent & par sur tous, le Roy de France. Mais la demande touchant la Residence donnoit bien plus de fascherie aux Legats: car les Peres n'acquiescoient point à l'excuse employée autres fois, que la matiere n'estoit pas assez digerée, & que le temps assigné à la Session ne suffisoit pas pour l'esclaircir tout à fait, & autres considerations. Et les humeurs s'eschaufferent iusques-là, que plusieurs Prelats Vltramontains conuinrent ensemble, & se preparerent à protester, & partir. Mais cela fut cause de faire cesser le trouble: car les Ambassadeurs craignirent que le Concile n'en fust interrompu, sachans bien que le Pape en prendroit au poil, & en fomenteroit toute occasion: & partant se deporterent de leurs instances, & firent office avec les Euesques, qu'ils se contentassent d'attendre: & pour la mesme raison semblablement moyenerent enuers les Ministres & Agens d'Espagne, qu'ils n'insistassent plus à faire declarer la continuation: à quoy non seulement ils acquiescerent, mais mesmes protesterent aux Legats, qu'ils ne requeroient point cette declaration pour lors: disans, que si d'autres taschoient de desfaire le Concile, il n'estoit pas raisonnable qu'en ce mauuais dessein ils se couurissent du manteau du Roy d'Espagne. Cette protestation fut fort agreable aux Legats, qui s'estoient

engagez de parole enuers le Marquis de Pescaire pour cette déclaration, & ne scauoient comment s'en desmesler. La resolution aussi, de differer la matiere de la Residence, ne leur fut de rien moins agreable: & afin que nul ne pust se desdire, ils formerent vn Escrit, lequel ils lurent en la Congregation pour estre approuué, portant, que la suiuiante Session se passeroit, en differant, pour bons esgards, les matieres à vne autre Session. Et ainsi ils crurent d'estre deschargez de deux grands fardeaux. Le temps de la Session approchant, plusieurs, qui se sentoient piquez par la harengue de l'Ambassadeur de France, rechercherent les Legats, d'y faire vne forte & solide response, lors que le mandement seroit leu en la Session: & le Cardinal d'Altems conseilla que totalement cela se fist: disant, qu'il falloit reprimer l'insolence de ce hableur de Palais, qui n'auoit accoustumé de traiter qu'avec des gens viles & mechaniques. La commission en fut baillée à Iean Baptiste Castel, Promoteur du Concile, avec charge de defendre seulement l'honneur & la dignité du Concile, sans toucher ou taxer aucun.

Le Pape, apres y auoir bien pensé, se resolut de faire declarer la continuation du Concile, & que l'Empereur fist puis apres ce qui luy plairoit: car il n'en pouuoit arriuer que du bien. Et, suiuiant cela, il despescha vn Courrier à Trente avec cette commission, laquelle arriua le deuxieme Iuin, & troubla grandement les Legats, à cause de la confusion qu'ils preuoyent qu'il en naistroit & dedans & dehors le Concile, & se resolurent tous vnanimement de mieux informer le Pape, en luy signifiant toutes les choses traitées, & le Decret ia publié: & luy montrant que l'execution de sa commission estoit impossible. Ce que le Cardinal d'Altems, lequel auoit desia congé d'aller à Rome pour autres causes, entreprit de faire en personne: & pour cet effet se resolut de prendre la poste le iour ensuiuant, Mais la mesme nuit arriua vn autre Courrier, portant lettres, par lesquelles le Pape remettroit le tout à la prudence & iugement des Legats.

Le quatrieme iour de Iuin venu, la Session fut celebrée avec les ceremonies accoustumées: & furent lus les mandemens de l'Archeuesque de Saltsbourg, & du Roy de France: apres la lecture duquel, le Promoteur y fit la response, disant, qu'il y auoit bonne esperance de pouruoir à tous les maux & desordres de Chrestienté, par le remede que le Pape auoit iugé necessaire: qui estoit le Concile, commencé par l'œuvre du S. Esprit, & du consentement des Princes: entre lesquels estoit le Roy de France, qui y auoit enuoyé personages de conscience & religion, pour offrir non seulement ayde & faueur, mais mesmes obeyssance à ce Concile, lequel aussi de vray ne la meritoit pas moins que les autres Synodes, auxquels les mal affectionnées auoient faussement imposé qu'ils n'estoient point legitimes, ne vrais. Que toutesfois toutes gens de bien auoient en tout temps fait grand estat des Conciles, conuocquez par celuy qui en a le pouuoir: sans auoir esgard aux calomnies esleuées à l'encontre par d'autres, comme s'ils n'eussent esté libres. Et que contr'iceux n'auoient iamais preualu, comme aussi ne preuandroient contre celuy-cy, les embusches de Satan, quoy que grandes, amplement & fort particulièrement denombrees par eux Ambassadeurs. Que le Concile ne vouloit interpreter en sens sinistre leur diligence & libre admonition, de ne point regarder aux faueurs, ny au vent populaire, & de ne se point captiuier aux volontez des Princes: mais que comme il la tenoit pour, peut estre, non necessaire, voire inutile, aussi vouloit-il croire qu'elle procedoit de bonne & saine intention: afin de n'estre contraint de respondre chose aucune contre son benin & pieux propos, & au contraire de sa coustume, Que toutesfois, pour releuer eux Ambassadeurs de la vaine apprehension, qu'ils auoient demonsté d'auoir, & pour les certifier des intentions arrestées du Concile, & de la verité, il leur predisoit que les effets feroient voir, que le Concile postposeroit tousiours la cupidité, la volonté, & la puissance de qui que ce fust, à sa propre dignité & autorité. Qu'il promettoit au Roy Charles tout ce qui estoit de son pouuoir, la foy &

*quoy que
le Pape en
voulust la
declaratiō*

*tenuë de la
quatrieme
session,
en laquelle
le est res-
pondu à la
harengue
de Pibrac
au nom du
Concile,*

la pureté de la Religion sauue, par la conseruation de sa dignité, de son Royaume, & de son Estat. Les François furent malcontens de cette response, mais reconnurent bien qu'ils l'auoient bien meritée. Apres cela, fut leu le Decret par l'Euesque officiant, dont la substance estoit, que le Concile, avec offense des François, puis est leu le Decret de prolongation, pour diuerses difficultez suruenus, & aussi pour definir tout ensemble les Dogmes, & la Reformation, assignoit la suiuite Session au seizieme Iuliet, pour traiter ce qui luy sembleroit conuenable, tant sur l'une que sur l'autre matiere: se reseruant toutesfois la liberté d'abreger ou prolonger ce terme, mesme en Congregation generale. Il y eut trente-cinq voix, qui porterent, qu'ils desiroient qu'on declarast qu'en icelle seroit traitée la matiere de la Residence. Il y en eut d'autres, qui proposerent qu'on declarast la continuation: ce qui fut pris comme fait à dessein, pour esmouuoir quelque trouble ou tumulte, qui causast la rupture du Concile: car ceux-là estoient des plus obligés aux affaires de Rome, & pourtant se repentoient d'auoir sans y penser, dit trop librement leur aduis au fait de la Residence, abhorrée par la Cour de Rome, Mais tous les autres se taisans, la Session fut finie.

Le sixieme Iuin fut tenue la Congregation generale, pour donner ordre au traité pour la suiuite Session: & furent proposez ces Articles concernant la Communion. Si tous les fideles, par necessité & par commandement diuin, sont tenus & obligez de receuoir les deux especes du Sacrement. Si l'Eglise a esté mue de iustes causes à introduire la communion des Lais avec la seule espece du pain: ou bien, si en cela elle a erré. Si les raisons, qui autresfois ont meu l'Eglise à bailler aux Lais la seule communion de l'espece du pain, doiuent encor maintenant induire à n'accorder le Calice à aucun. Si en cas, que, pour bonnes causes il soit iugé qu'on le puisse accorder à quelques-uns, sous quelles conditions cela se peut faire. Si la communion est nécessaire aux enfans, auant l'affaire de la raison. Les Peres furent requis de dire, s'il leur plaisoit qu'on traitast de cette matiere, & s'il y auoit quelque chose à adiouter à ces Articles. Quoy que les Ambassadeurs François, & grand nombre de Prelats, fussent d'aduis, que on ne traitast point des Dogmes, iusques à ce qu'on ne fust assuré si les Protestans viendroient au Concile: attendu que, s'ils demeuroient opiniastres, le traité seroit tout en vain, comme don nécessaire pour les Catholiques, & rebuté par les Protestans: nul toutesfois ne fit opposition, estans tous retenus par les puissans offices faits par les Imperiaux, qui auoient conceu esperance de pouuoir obtenir la Communion du Calice, & par icelle commencer à donner quelque contentement à l'Allemagne. Apres qu'il fust arresté qu'on parleroit de ces six Articles, il fut aussi dit que premierement les Theologiens diroient leurs aduis: & subsequmment les Prelats. Mais il fut reconnu, que suiuant cette voye, tout le temps, iusques à la Session, seroit employé à cela seul, attendu qu'il falloit ouyr quatre vingts-huit Theologiens, & faire opiner vn si grand nombre de Prelats. Partant l'aduis d'aucuns porta, qu'il n'y escheoit pas grande consideration à faire: que de toute cette matiere auoit esté pleinement parlé & discouru en la precedente cōuocation sous Iules, si bien qu'elle estoit ia toute discutée & digerée: qu'il ne falloit que prendre en main les choses ia dès lors traitees & résolues: & apres vn solide & brief examen, venir dans peu de iours à vne determination, & puis on vaqueroit à la Reformation, qu'il y auoit le point de la Residence, ia proposé & en partie examiné: qu'il estoit raisonnable d'y mettre vne fois la derniere main. Cet aduis fut suiuy par trente Peres, qui s'en declarerent tout ouuertement, & estoit aisé à voir qu'un beaucoup plus grand nombre encor l'approuuoit totalement, & qu'on estoit sur le point d'en venir à vne conclusion. Mais le Cardinal Legat Simonete essaya d'entreietter vn delay, disant, Qu'il y alloit de l'honneur du Concile, de traiter de cette matiere, tant que les courages, esmus & aigris par les differens passez, ne fussent rassés, & rappaisez, lesquels autrement ne pouuoient bien discerner la verité. Cela donna suiet à Iean

avec offense
des François,
puis est leu le
Decret de
prolonga-
tion,

en congre-
gation sont
proposez
six articles
de la com-
munion du
calice, à
examiner.

mais la
question
de la Re-
sidence
estant re-
mise sus,

Baptiste Castagne, Archeuesque de Rosan: & à Pompee Zambeccarre, Euesque de Sulmone, de s'eschauffer & de lascher quelques paroles mordantes contre les premiers: dont s'esleua vn si grand bruit & vacarme, qu'on en fut en doute de quelque inconuenient: à quoy pour remedier, le Cardinal Legat de Mantouë pria ceux de la Residence des'appaiser, promettant qu'en vne autre Session, ou bien quand on viendrait au Sacrement de l'Ordre, on traiteroit tout ensemblement de la Residence. Par ce moyen fut appaisé le tumulte & parut que de resumer les choses traitées, sous Iules portoit plus de longueur & de difficulté, que de les examiner tout de nouueau: & qu'il en arriuerait ce qui a accoustumé d'auenir, quand le Iuge forme la sentéce sur le procez fait par vn autre. Et fut prise deliberation, qu'auant que venir à aucune determination, les Theologiens dissent premieremēt leur aduis: & pour cet effet les Congregations se tinssent deux fois le iour, & qu'en icelles entreuinssent tousiours deux des Legats, pour abreger l'affaire, par ce partage de charges, & d'entré les Prelats ceux qui voudroient: & que les Theologiens eussent deux iours de terme pour se preparer & qu'au troisiēme on donnast commencement à la besongne. La Congregation se termina par cette conclusion. Mais le Cardinal Simonete demeura offensé, & en manifeste discorde avec le Cardinal de Mantouë, à cause de la promesse qu'il auoit faite, sans consultation & communication avec ses Collegues: comme aussi pour la mesme raison il estoit calomnié par les adherans de la Cour de Rome, de porter mauuaise volonté aux affaires: mais aussi à l'opposite il estoit, par les personnes entieres, & non preuenues de passion, loué de prudence, d'auoir en vne perilleuse necessité, pris party d'obuier aux protestations, & diuisions, qui se preparoient: & blasmoient Simonete, de ce qu'il s'offensoit, que le Cardinal de Mantouë, si fort eminent par dessus luy, & se confiant sur le consentement des autres deux Legats, Seripande, & de Vvarmie, del'intention desquels il estoit bien informé, eust pris cette resolution par necessité, croyant que luy aussi ne feroit nulle difficulté de la ratifier.

Le lendemain, les Ambassadeurs Imperiaux, dès qu'ils virent d'auoir selon leur desir obtenu, la proposition du Calice, pour laquelle iusques alors ils auoient procedé avec circonspection & retenue, se presenterent aux Legats: & suiuant l'instruction del'Empereur leur Maistre, ils leur presenterent vingt Articles de Reformation. Premierement, Que le Pape fust content d'admettre vne iuste & raisonnable reformation de luy mesmes, & de la Cour de Rome. En second lieu, que le nombre des Cardinaux, s'il ne pouoit estre restreint à douze, fust reduit au double, avec deux supernumeraires: tellement qu'il n'excedast point le nombre de vingt-six. Tiercement, Qu'à l'auenir ne fussent plus données aucunes dispenses scandaleuses. En quatriēme lieu, que toutes les exemptions contre le droit commun fussent reuouquées, & que tous les Monasteres fussent soumis aux Euesques. En cinquiēme lieu, que la pluralité des Benefices fust ostée, & qu'on erigeast des Escholes es Eglises Cathedrales, & Collegiales: & que les offices & charges Ecclesiastiques ne pussent estre baillées à ferme. En sixiēme lieu, que les Euesques fussent contraints à la Residence, & ne pussent exercer leurs charges par Vicaires: que s'ils n'estoient suffisans, la charge ne fust pas pourtant commise à vn Vicaire, ains à plusieurs personnes: & que les visites, & les Synodes diocesains se tinssent tous les ans vne fois. En septiēme lieu, que tout ministere Ecclesiastic fust gratuitement exercé: & qu'aux Cures de petit reuenue fussent annexez & incorporez autres Benefices sans Cure, opulens. En huitiēme lieu, que les Canons contre la Simonie fussent remis en pratique. En neuviēme lieu, que les Cōstitutions Ecclesiastiques fussent restreintes, & que toutes superfluites en fussent retranchées, & qu'elles ne fussent point egalées aux deuoirs & obligations de la Loy de Dieu. En dixiēme lieu, que l'excommunication ne fust employee, sauf que pour peché mortel, & pour notoire irregularité. En onziēme lieu, que le seruice diuin fust cele-

1562.

bré en forte, qu'il fust entendu par ceux qui le font, & par ceux qui l'oyent. En douzième lieu, que les Breuiaries, & les Messels, fussent corrigées; & que ce qui ne se trouue point en l'Escripture en fust retranché, & que les proxitez en fussent ostées. En treizième lieu, Que parmy le seruice diuin, célébré en Latin, on entremessast des prieres en langue vulgaire. En quatorzième lieu, que le Clergé, & l'Ordre Monastie fussent reformez selon l'ancienne institution: & que les grandes richesses ne fussent point si mal administrées comme elles sont. En quinzième lieu, qu'il fust aduisé, s'il n'estoit point expedient de relascher tant d'obligations de droit positif: & de rabatre quelque chose de la rigueur en la difference des viandes, & es ieusnes: & de permettre le mariage aux Prestres de quelques nations. En seizième lieu, que pour oster les differends, fussent ostées & abolies les diuerses Apostilles sur les Euangiles, & qu'il en fust faite vne seule par autorité publique, & semblablement vn nouveau Ceremonial, qui fust suiui de tous. En dix-septième lieu, qu'on trouuast quelque bon moyen & expedient, non de chasser les mauuais Curez, en quoy n'y auit pas grande difficulté, mais d'en substituer des meilleurs. En dix-huitième lieu, qu'es grandes Prouinces fussent erigez plusieurs Eueschez, conuertissant à cet vsage les Monasteres riches. En dix-neufième lieu, que pour les biens Ecclesiastiques desia saisis & occupez il valoit, peut estre, mieux de n'en dire mot, & le dissimuler, en ce temps. Finalement, pour dire aussi quelque chose agreable au Pape, & afin de l'appaiser, si d'auenture, voyant ces propositions, il s'en alteroit, ils adiousterent en vingtième lieu, que les Legats fissent en sorte, qu'on s'abstinst de proposer questions inutiles, qui ne pouuoient qu'engendrer scandale: comme estoit celle, Si la Residence est de droit diuin, ou non: & autres semblables: ou du moins, qu'ils ne permissent aux Peres de traicter en cholere, & par là se rendre la fable des aduerfaires. Sur le dix-septième article, ils baillerent aussi quelques aduertissemens particuliers: comme, de reduire moins obstinez d'entre les Sectaires, en les enuoyant à quelque Academie pour les instruire sommairement: en ordonnant aux Euesques, qui n'ont point d'Academie, de dresser vn Collège en la plus proche, pour la iuennesse de leur diocese: & quant & quant établissant vn certain Catalogue de Docteurs, qui fussent lus es Escholes, sans qu'il fust loisible d'en lire d'autres.

*remis par
les Legats
à la pro-
chaine
Session,*

*dont les
Ambassa-
deurs des-
peschent à
l'Empe-
reur,*

*Et les le-
gat au Pa-
pe pour se
iustifier,*

Après que ces propositions eurent esté lues, les Legats demurerent, & se retirerent pour consulter ensemble: & puis retournerent & rendirent response, que pour la suiuite Session il estoit impossible de proposer autre chose: attendu qu'à leur instance, ils auoient entre les mains la matiere du Calice, tant difficile, & importante. Que les choses proposées estoient en grand nombre, & de diuerses matieres, lesquelles ne pouuoient estre digérées tous ensemble. Et pourtant qu'ils attendroient, & espieroient les occasions de communiquer aux Prelats ce qui concerneroit les autres reformations. Les Ambassadeurs concurent bien, que les Legats parloient ainsi, pour ne publier leur escrit en Congregation, & pour fruster l'attente de l'Empereur, par delais & remises. Toutesfois ils ne dirent autre chose pour lors. Mais depuis s'estans trouuez ensemble, & ayans consulté, ils iugerent necessaire de bien informer l'Empereur, tant sur cette particularité, que generalement sur la maniere & procedure qu'on tenoit au Concile. Et pour cet effet, l'Archeuesque de Prague prit la poste le iour ensuiuant, pour pouoir estre de retour au temps de la Session. Les Legats, voyans les affaires du Concile en mauuais estat, pour diuers esgards, mais sur tout pour les mescontentemens & ombrages du Pape, iugerent qu'il estoit necessaire de l'informer tout à plein des choses passées, & de celles qui prenoient à faire. A cela fut choisi frere Leonard Marin, Archeuesque de Lancian, pour ce qu'il estoit homme d'esprit, & agreable au Pape, auancé & fort fauorisé par luy, & mesmes aussi amy du Legat Seripande: & luy fut baillée instruction d'informer bien à plein le Pape, & d'excuser les Legats; & d'appaiser

Sa Sainteté. Il porta lettres communes des Legats pour sa créance: lesquelles le Legat Simonete fit beaucoup de difficulté de signer: & ne l'auroit fait, 1562. n'eust esté qu'ils convinrent entr'eux, que ledit Marin pourroit aussi prendre des lettres particulieres de chacun d'eux. Simonete escriuit, qu'il auoit pensé d'enuoyer l'Archeuesque de Rosan, en son propre & priué nom, pour plus ample & pleine information: mais que depuis, y ayant mieux pensé, il s'en estoit deporté, iusques à ce qu'il eust veu quel effet produiroit celuy de Lancian.

Les mutuels mescontentemens & detractions de ceux de Rome contre ceux de Trente, & de ceux-cy contre ceux-là, s'engregeoient à chaque arrivée de courrier. A Trente les auteurs de la Residence deploroient les miseres de l'Eglise, le seruage du Concile, & le manifeste desespoir de voir iamais l'Eglise reformée à Rome. Les contraires se plaignoient qu'au Concile on brassast vn Schisme, voire Apostasie du Siege Apoitolic: & disoient, que les Vlttramontains, par haine & par enuie contre les Italiens, visoient non seulement à la depression, mais aussi à l'abolition du Papat: dont, iceluy estant le fondement de l'Eglise, comme Christ l'a posé pour estre tel, il falloit de necessité qu'il s'en ensuiuist la totale destruction de l'edifice. Le Pape aussi auoit continuellement des aduis nouueaux, & tousiours pires; selon que tous les iours il arriuoit quelque nouueauté à Trente: outre les accidens contraires à ses affaires, qui naissoient en Allemagne, & en France: ce qui l'affligeoit de plus fort. L'opinion de la Residence en la pluspart ne luy donnoit pas tant d'ennuy, que les pratiques qui estoient faites pour icelle, & sur tout par les Ambassadeurs: esclairant bien que par là dedans estoit meslé l'interest des Princes contre son autorité. Il voyoit l'Empereur tout porté à faire creer son fils Roy des Romains, & appareillé à donner tout contentement à l'Allemagne: que, pour cette raison, il auoit fait presenter les Articles de Reformation aux Legats, & auoit appelé l'Archeuesque de Prague, son Ambassadeur, pour trouuer moyen de les proposer au Concile, & les establir. Que le Roy de France estoit espuisé, enuironné d'infinites difficultez, & en danger d'estre forcé à s'accorder avec les Huguenots: ce qu'auenant, tous les Prelats François courroient au Concile, & se ioindroient aux Espagnols, & se feroient chefs & auteurs d'autres propositions contre l'autorité Papale. Il aduisa de parer à la tempeste, qu'il voyoit s'esleuer contre luy, de fait & de parole: & fit leuée de quatre mille Suisses, & de trois mille cheuaux Allemans: & enuoya en Auignon Nicolas Gambara, avec cinq cens hommes de pied, & cent cheuaux legers: & bailla argent au Duc de Sauoye, pour se tenir armé, & s'opposer aux Huguenots, en cas qu'ils s'efforçassent de passer en Italie: & pour engager tous les Princes, il delibera de traiter vne Ligue defensue de tous les Catholiques contre les entreprises & machinations des Protestans en tous endroits, & tenoit pour chose aisée de les y faire condescendre tous, si non pour autre cause, au moins pour se deliurer des soupçons & desfiances les vns des autres. Il ne voyoit point de difficulté d'y induire tous ceux d'Italie: le Duc de Florence estoit tout à luy: celuy de Sauoye estoit interessé avec luy pour le secours qu'il luy auoit presté à son besoin, & pour son propre danger: les Venitiens ne desiroient autre chose, que de tenir les Vlttramontains hors d'Italie: le Roy d'Espagne, estoit en mesme necessité pour ses Eitats de Naples, & de Milan: & celuy de France, pour les extremités, esquelles actuellement il se trouuoit. Et pour tant il en fit la proposition à Rome aux Ambassadeurs de l'Empereur, de Venise: & enuoya l'Abbé de S. Salut pour le mesme effet en France; & Monsieur Odescalque au Roy d'Espagne, auquel aussi il donna charge de se plaindre au Roy, que les Euesques Espagnols estoient vnis & liguez contre son autorité: & de luy remonstrer que les propositions de l'Emperer estoient propres à causer vn Schisme. Il estoit bien ayse à tout homme qui fust, quoy que superficiellement, les desseins & les intentions des Princes, de prouoir qu'elle issue auroit cette

Les mesintelligence de Rome & de Trente,

Et les desfrances du Pape,

l'induisent à l'armer,

Et à proposer vne Ligue contre les Protestans,

proposition de Ligue faite par le Pape. Car quant à l'Empereur, on scauoit bien que pour chose du monde il ne condescendrait à donner ombrage aux Protestans. Pour le Roy de France, bien loin d'empescher l'entrée des Huguenots en Italie, qu'il en eust volontiers veu vne totale vuidange hors de son Royaume. Pour celuy d'Espagne, possédant de si grands estats en Italie, il craignoit & abhorroit d'auantage l'union des Princes Italiens, qu'il ne desiroit l'opposition aux heretiques. Quant aux Venitiens, & au Duc de Florence, ils ne pouuoient s'accorder à chose aucune, qui püst alterer & troubler le repos d'Italie. Et ainsi aduint-il : car nul Prince ne presta l'oreille à cette proposition de Ligue, & chacun en allegua quelque cause & motif particulier : mais tous se serui rent de cette commune, que ce seroit empescher le progrez du Concile : ce que toutesfois plusieurs croyoient ne deuoir estre desagréable au Pape, quand il arriueroit : & luy mesmes donnoit suiet de cette creance, parce qu'il proposa de nouueau en Consistoire de faire declarer la continuation du Concile : point tant debatü entre les Espagnols, & les Allemands, & François : & de decider luy mesmes le point de la Residence. Ce que toutesfois il n'executa pas, deferant à l'aduis du Cardinal de Carpi, suivi par la plus grande partie des autres, qui estoit, Que le bien de ses affaires, & du S. Siege, ne portoit point qu'il se fist autheur des choses odieuses, qui pouuoient aliener de luy les affections de l'un des partis : mais qu'il valoit mieux pour lors laisser l'affaire en la liberté du Concile.

Il ne laissoit pas pour tant de se plaindre aussi en Consistoire de tous les Ambassadeurs. Pour ceux de France, il disoit, que Lansac luy sembloit vn vray Ambassadeur de Huguenots en ses propositions : requerant que la Reyne d'Angleterre, les Suisses Protestans, les Ducs de Saxe & de Vvirtemberg, fussent attendus au Concile : lesquels estoient declarez ennemis, & rebelles : & n'auoient autre but, que de corrompre le Concile, & le rendre Huguenot : mais que luy le conserueroit Catholique, & auoit assez de forces pour ce faire. Que Lansac, & ses Collegues, soustenoient aucuns, qui dispuoient de l'autorité du Concile par dessus le Pape : opinion heretique, comme sont heretiques les fauteurs d'icelle, lesquels il menaçoit de vouloir poursuiure, & chastier. Il passa aussi à dire, qu'ils viuoyent en Huguenots : qu'ils ne portoient point de reuerence au saint Sacrement : que Lansac auoit dit à table, en presence de plusieurs Prelats que il auoit conuiez, qu'il viendrait tant d'Euesques de France & d'Allemagne, qu'ils chasseroient l'Idole de Rome. Il se plaignoit aussi d'un des Ambassadeurs Venitiens, contre lequel il forma plaintif deuant la Seigneurie. Il disoit des Cardinaux de Mantouë, Seripande, & de Vvarmie, qu'ils estoient indignes du Chapeau : & parloit de tous les Prelats selon qu'il se rencontroit : & mesmes faisoit deuoir que les amis d'un chacun luy escriussent ce qu'il en disoit. Ce qu'il faisoit, & disoit, non qu'il le crüst ainsi de vray, ne qu'il ne fust bien commander à sa langue : mais tout à dessein, pour contraindre chacun, les vns par crainte, les autres par honte, les autres par ciuilité, de venir se iustifier, & luy faire ses excuses, lesquelles aussi il acceptoit fort facilement, & croyoit fort promptement : & est incroyable combien il auança ses affaires par cette voye car il en gagna les vns à foy, & fit que les autres prissent à proceder plus cautelement, & lentement : dont en luy se refueilla son naturel, qui portoit d'esperer tousiours beaucoup : & disoit, Que tous estoient vnis contre luy, mais qu'à la fin il les reüniroit tous en sa faueur : pource que tous auoient besoin de luy, & le requeroient, les vns d'aide & secours, les autres de graces & bienfaits.

Entre les Prelats en grand nombre, que le Pape enuoya les deniers de Rome au Concile, comme il a esté dit cy dessus, estoit Charles Visconte, Euesque de Ventimile, lequel auoit esté Senateur de Milan, & employé en diuerses Ambassades : personnage de grande capacité au maniement des affaires, & de iugement raffiné. Il le chargea de promesses, lesquelles aussi il luy tint, le creant Cardinal en la premiere promotion qu'il fit apres le Concile, & le voulut auoir pour sien ministre secret à Trente, outre les Legats, luy donna commission

commission de dire de bouche à diuers ce que le papier ne pouuoit porter : & de prendre soigneusement garde aux differends des Legats entr'eux, & de l'informer particulièrement des causes: d'espier curieusement les humeurs des Euesques, les opinions, & les pratiques: & de luy escrire par le menu toutes les choses de substance. Il luy enioignit d'honorer, par dessus tous les autres Legats, le Cardinal de Mantouë, mais de tenir vne tres-estroite intelligence avec le Cardinal Simonete, lequel estoit bien informé de ses intentions: & de procurer par toutes voyes, que la question de la Residence, & sa decisiõ, fust tout à fait assoupie: & que si cela ne se pouuoit obtenir, qu'on la poust au loin, le plus qu'il seroit possible, y employant tous les moyens, qu'il connoistroit estre expediens. Il luy bailla aussi vn roole des noms de ceux, qui auoient tenu le party de Rome en cette matiere, avec charge de les remercier, & de les exhorter à poursuiure, sous promesse de reconnoissance: remettant au reste à sa prudence, d'vser, en traitant avec les contraires, de quelque sorte de menaces, sans aigreur de paroles, mais fortes en substance: & aussi de promettre à ceux qui se deporteroient, oubliance & absolution des choses passees: & d'auertir fort particulièrement le Cardinal Borromee, de tout ce qui escherroit. Cette commission fut executee fort fidelement par ledit Visconte: & le registre de ses lettres escriptes avec beaucoup de sel & de iugement, est encor auourd'huy en estre, lequel de bonheur i'ay eu moyen de voir, & duquel i'ay tiré vne grande partie des choses, que ie diray cy-apres.

Le Pape, ayant eu en fin l'aduis de la promesse faite par le Legat de Mantouë, que l'Article de la Residence seroit traité en vne autre Session, vid bien la difficulté qu'il y auoit à diuertir le traité de cet Article: & de la dissension entre les Legats, il entra en doute de quelque chaine & trainée de plus grans maux: & tint ce point pour tres-principal, tant pour la chose & realité, que pour la reputation. Car comment, disoit-il, peut-on esperer de reprimer les attentats des ministres des autres Princes, si nous ne pouuons pouruoir aux nostres propres? Et pourtant il reconnut bien, qu'à vne maladie, qui auoit atteint les parties vitales, il y falloit de tres puissans remedes: & se resolut de ne tenir plus caché, ains manifestement declarer le mescontentement qu'il auoit du Legat de Mantouë: pour en tirer ce fruit, ou qu'iceluy changeast de procedure, ou qu'il demandast son congé, ou que par quelque autre voye il se retirast de Trente: & quand mesmes la rupture du Concile eust deu s'en ensuiure, tant mieux eust-ce esté pour luy. Il ordonna que les despeschés, qu'on adressoit au Cardinal de Mantouë, comme à premier Legat, fussent adressées au Cardinal Simonete: & osta de la Congregation des Cardinaux, commis sur les consultations de Trente, le Cardinal Gonzague, neveu de celuy de Mantouë: & luy fit dire par Friderich Borromee, que son oncle le Cardinal pensoit à la ruyne du Siege Apostolic: mais qu'il ne luy en reüssiroit autre chose, que de ruyner soy mesme, & sa maison. Le Pape aussi exposa tout ce qui estoit arriué au Cardinal S. Ange, singulier amy de celuy de Mantouë, se monstrant fort alteré contre luy, & non moins contre Camille Oliue, secretaire dudit Cardinal, comme n'ayant fait deuoir, selon qu'il luy auoit promis, lors qu'il fut enuoyé à Rome: ce qui aussi cousta bien cher à ce pauvre homme. Car quoy que du depuis le Pape se reconciliast au Cardinal, si est-ce qu'apres que ledit Cardinal fut mort, & que ledit Oliue fut retourné à Mantouë, conuoyant le corps d'iceluy, il fut sous diuers pretextes, serré és prisons de l'Inquisition, là où il souffrit de grands & longs traux. Et apres que ses persecutions furent cessées ie l'ay connu personnage de singuliere vertu, & nullement digne de telles miseres.

Pendant que le Pape estoit en cette disposition de courage, l'Archeuesque de Lancian arriua à Rome, lequel entre autres choses, luy presenta vne lettre signée de plus de trente Euesques, d'entre ceux, qui tenoient la Residence estre de droit diuin: en laquelle ils se plaignoient du mescontente-

Et vient à éclater ouuertement contre le Legat de Mantouë,

mais est appaisé l'Archeuesque de Lancian.

1562.

ment de sa Sainteté, & protestoient de n'auoir nulle intention, que leur opinion fust contre l'autorité Papale, laquelle ils declaroient vouloir defendre enuers & contre tous, & la maintenir inuiolable en tout & par tout. Cette lettre fit vne admirable operation en l'esprit du Pape, pour le preparer à receuoir amiablement celles des Legats de Mantouë, Seripande & de Vvarmie, & à escouter la relation dudit Archeuesque, lequel luy rendit raison fort par le menu de tout ce qui s'estoit passé, & luy arracha grande partie du soupçon. Puis il vint à excuser les Cardinaux, & à monstrier au Pape, que n'ayans peu preuoir qu'il en dуст naistre aucun inconuenient, ils auoient descouuert l'opinion, laquelle ils tenoient en leur conscience: & qu'apres que, sans leur faute, ny coulpe, les debats s'estoient esleues, leur adherance à cet aduis estoit reüssie à l'honneur de sa Sainteté, & de la Cour de Rome: car par ce moyen, on ne pouuoit point dire, que ne le Pape, ne tout sa Cour, fussent contraires à vne opinion iugée par le monde pieuse, & necessaire: ce qui auoit eu tresbon succez: d'autant que par là, ils auoient acquis credit & autorité enuers les Prelats, & auoient pû moderer la violente impetuosité d'aucuns, laquelle autrement auroit produit quelque grande diuision, avec notable preiudice de l'Eglise. Il luy recita les frequents & puissans deuoirs faits par eux pour appaiser les Prelats, & comment ils auoient mesmes receu des affronts par ceux qui leur respondoient, Qu'ils ne pouuoient se taire contre leur conscience. Il luy raconta les dangers, & les necessitez qui auoient forcé celuy de Mantouë à faire la susdite promesse. Et adiousta, que, pour oster tout soupçon de l'esprit du Pape, la plupart des Prelats s'offroit de le declarer en la prochaine Session, Chef de l'Eglise: & luy auoient baillé charge de luy en faire le rapport de bouche: attendu que, pour diuers esgards, ils ne iugeoient point expedient de le mettre par escrit: & en nomma tant au Pape, qu'il le rendit esbahi, & luy fit confesser, que mauuaises langues, & encor pires plumes luy auoient figuré ces Prelats de toutes autres qualitez que ce qu'il en voyoit. Il luy monstra puis apres l'vnion & la fermeté des Ministres des Princes à maintenir le Concile, & la disposition des Prelats à supporter tout pour le continuer, de sorte qu'il ne pouuoit naistre occasion de le rompre & dissoudre: que le traité de la Residence estoit tant auancé, & les Peres tant interessez pour la conscience, & pour l'honneur, & les Ambassadeurs pour la reputation, qu'il ne falloit point parler de leur refuser d'en venir à la definition. Il luy donna aussi aduis, & copie des Requestes des Ambassadeurs Imperiaux: & luy monstra que toutes visioient à soumettre le Pape au Concile: & luy raconta avec combien de prudence & dextérité le Cardinal de Mantouë auoit decliné de les proposer en Congregation. Et pour conclusion dit, que, pour les choses passées, il n'y'auoit point de moyen de faire qu'elles ne fussent: mais que sa Sainteté pouuoit attribuer & rapporter beaucoup à l'aduenture, & cas fortuit & que si quelque accident estoit adueni sans malice, mais seulement de peu de pouruoyance de quelqu'un, sa benignité le deuoit induire à pardonner le passé, & à pouruoir à l'aduenir: tous estans prests & appareillez à ne proposer: ne traiter chose quelconque, qui n'eust tout premier esté consultée & deliberee par sa Sainteté.

par lequel
il escriu à
Trente si-
gnifiant
ses inten-
tions sur
les affaires
du Con-
cile,

Le Pape, ayant meurement pensé & aduisé à cette Remonstrance, despescha le mesme Archeuesque en toute diligence, le chargeant de lettres aux Legats, & à aucuns autres des soussignées en celles, qu'il luy auoit portees: & luy donna charge de dire de sa part à tous, qu'il vouloit que le Concile fust libre, & que chacun parlast selon sa conscience, & que les Decrets fussent faits selon la verité. Qu'il ne s'estoit point alteré ny n'auoit pris desplaisir, pource que les suffrages auoient esté rendus en vne maniere plus qu'en vne autre: mais pour les brigues, & pratiques à induire, & mesmes violenter autrui: & pour les contentions & aigreurs qui estoient nées entr'eux: choses indignes d'un Concile general. Et pourtant qu'il ne s'opposoit point à la determination de la Residence, mais conseilloit bien qu'ils

quittaissent la faueur qui les y portoit: & que quand les courages & esprits seroient adoucis, & calmes, & viseroient au seul seruice de Dieu, & benefice de l'Eglise, alors pourroit-on traiter de cette matiere avec fruit. Il condescendit aussi à dire au Cardinal de Mantouë, qu'il auoit à son grand contentement, reconnu son innocence, & affection: & qu'il luy en montreroit de bons signes, & preuues: & le prioit de s'employer à ce que le Concile se terminast bien tost: attendu que, par les deuis qu'il auoit eus avec l'Archeuesque de Lancian, il auoit compris que on y pouuoit mettre fin au mois de Septembre. En conformité dequoy, il escriuit en commun à tous les Legats, que, suiuant les erres du Concile tenu sous Iules, & prenant les matieres à digérées par iceluy, ils eussent à les determiner tout promptement & à y mettre fin.

En cetemps on vaua à Trente és Congregations à ouyr les opinions des Theologiens sur les six Articles, proposes pour la suiuaute Session: & ayans ^{à Trente on vient à l'examen des Articles de la Communion du Calice.} commencé le neuuisme du mois de Iuin, ils finirent le vingt-troisiesme du mesme mois. En ces Congregations plus de soixante Theologiens parlerent mais ne fut dit chose aucune digne de remarque: d'autant que la dispute estoit nouuelle, non auancée par les Scholastiques: & auoit esté de prinfaut de finie par le Concile de Constance, & soustenuë par les Bohemiens plustost par armes & force, que par raisons & disputes: dont en ce Concile ils n'auoient autre chose à estudier, que ce que quelques vns en petit nombre, excitez par les propositions de Luther, en auoient escrit és quarante ans prochainement passez. Toutesfois, ils furent tous d'accord, qu'il n'y auoit nulle necessité, ne commandement, d'vser du Calice: & pour preuue de leur conclusion, allegoient des passages du nouveau Testament, esquels le seul pain est nomme: comme en S. Iean, qui mange de ce pain, viura eternellement. Ils disoient que dés le temps des Apostres la seule espee du pain estoit en vusage, comme on le pouuoit remarquer en S. Luc, quand il dit, que les disciples en Emmaus reconurent Iesus-Christ en la fraction du pain, sans qu'il soit fait aucune mention du vin. Que S. Paul, au danger du naufrage en mer, benit le pain, & n'est rien dit du vin. Qu'en plusieurs Canons anciens estoit fait mention de Communion des Lais, differente de celle du Clergé, laquelle difference ne pouuoit estre en autre chose qu'en l'vusage du Calice. A ces raisons ils adioustoient les figures du vieil Testament: que la Manne, figuratiue de l'Eucharistie, n'auoit point de breuuage. Que Ionathas, fils de Saul, qui goustâ du miel, ne but point. Et autres telles conferences & rapports. Et y auoit à bien exercer sa patience à voir repliquer & repeter à tous les mesmes choses à cœur saoul. En cet endroit n'est à omettre vne particularité: c'est, que Iaques Pavia d'Andrade, Theologien Portugais, prononça tout à certes, que Christ, par son commandement, & exemple, auoit déclaré que l'espee du pain estoit due à tous, & le calice seulement aux Prestres: d'autant, qu'ayant consacré le pain, il l'auoit présenté aux Apostres, lesquels estoient encor Lais, & representoient tout le peuple, commandant que tous en mangeassent: apres cela, il auoit ordonné les Apostres Prestres, par ces paroles, Faites cecy en memoire de moy: & qu'en fin il auoit cōsacré le calice, & le leur auoit présenté, apres qu'ils eurent esté consacré Prestres. Mais les plus sensez passoient legerement cette sorte d'argumens, & se restreignoient à deux. L'vn, que l'Eglise a pouuoir, de par Iesus-Christ, de changer les choses accidentelles és Sacremens: & qu'en l'Eucharistie, comme sacrifice, est bien necessaire l'vne & l'autre espee: mais comme Sacrement, vne seule y suffit: ce qu'ils confermoient, parce que l'Eglise, quasi tout au commencement auoit vne fois changé l'inuocation de la Trinité, qui est la forme du Baptême, en l'inuocation de Christ tant seulement, & du depuis estoit retournée à l'institution diuine. L'autre estoit, que l'Eglise ne peut errer: or a-elle laissé introduire l'vusage de la seule espee du pain, & finalement l'a approuué au Concile de Constance: dont il faut conclure, qu'il n'y a ne commandement diuin, ny au-

1562.

tre nécessité ou obligation au contraire. Mais Frere Anthoine Mandolphe, Theologien de l'Archeuesque de Prague, apres auoir affermé d'auoir en cecy le mesme sentiment que les autres, assauoir, qu'il n'y auoit point de commandement diuin d'vser du calice, remonstra qu'autant estoit contraire à la doctrine Catholique, de donner le calice aux Lais par commandement diuin, comme de le leur refuser semblablement par commandement. Et pourtant, qu'il falloit mettre à quartier toutes les raisons, qui concludoient à cela: comme aussi celles des disciples en Emmaus, & de S. Paul au nauire: attendu que par icelles on pourroit inferer, qu'il n'y auoit point de sacrilege à consacrer vne espee sans l'autre: ce qui est contre tous les docteurs, & le sentiment de l'Eglise: & destruit la distinction qu'on apporte, de l'Eucharistie comme Sacrifice, & comme Sacrement. Que, pour cette autre distinction de la Communion Laicale, & Clericale, il estoit tout notoire par le Ceremonial Romain, que cette diuersité n'estoit qu'à l'esgard des lieux & places en l'Eglise, & non du Sacrement qui estoit receu: ioint que par cette raison on pourroit inferer, que non les seuls Prestres celebrans, mais tout le Clergé deuroit vser du calice. Que de vray on ne pouuoit douter de l'autorité de l'Eglise à changer les choses accidentelles des Sacremens: mais qu'il n'estoit point temps de mettre sur le bureau cette question, Si le calice est accidentel, ou substantiel, au Sacrement. Et pour conclusion dit, qu'on pouuoit obmettre cet Article, comme ia décidé par le Concile de Constance: & traiter bien exactement le quatrième & le cinquième, touchant l'octroy qu'on en pouuoit bailler: d'autant qu'accordant le calice à tant de nations, qui le requeroient, toutes les autres disputes n'estoient que superflues, voire mesmes dommageables. En ce mesme sens parla aussi Frere Iean Paul, Theologien de l'Euesque des cinq Eglises en Hongrie. Mais leurs propos furent mal pris de tous: car on tenoit qu'ils parloient contre leur propre conscience: ce dernier à l'instance de son maistre; & le premier, par commission receüe du sien auant son depart.

*come aussi
au second
des bonnes
raisons de
l'auoir
retranché,*

Sur le deuxième Article, Si l'Eglise auoit eu iustes raisons d'oster le Calice au peuple, ils furent tous semblablement vniformes en l'affirmative: & toutes leurs raisons se reduisoient à trois chefs: dont le premier estoit, la conuenance avec l'ancien Testament, auquel le peuple participoit aux viandes offertes es sacrifices, mais non iamais aux effusions: le deuxième, d'oster au peuple l'occasion de croire, qu'autre chose soit contenue sous l'espee du pain, que sous celle du vin: le troisieme, le danger de l'irreuerence & en cet endroit furent alleguez tous les dangers marquez par Gerson: que le sang pourroit estre espendu, ou en l'Eglise, ou en le portant, sur tout par lieux montueux en temps d'hyuer: qu'il se pourroit attacher aux longues barbes des Lais: qu'estant gardé, il pourroit aigrir: qu'on ne trouueroit pas des vaisseaux de suffisante capacité pour dix ou vingt mil personnes: qu'en quelques endroits la despense seroit trop grande, à cause de la cherté du vin. que les vaisseaux seroient tenus sales: qu'autrement vn Lay seroit de mesme dignité qu'un Prestre. Que ces raisons de nécessité deuoient estre tenuës pour iustes & legitimes: autrement, tous les Prelats, & les Docteurs, par tant de siecles auroient enseigné fausseté: & l'Eglise Romaine, & le Concile de Constance auroient failly. Ceux-la mesmes, qui employent ces raisons, sauf la dernière, s'en mocquoient entr'eux: d'autant qu'on pouuoit tousiours dire, que, si on auoit bien trouué des moyens d'obuiuer à ces dangers, par douze siecles, esquels l'Eglise estoit plus pauvre, on pouuoit beaucoup plus aisément faire le mesme en nostre temps. Et quant à la dernière, tous voyoient bien qu'elle n'estoit d'aucune valeur à demonstrier que ce changement eust esté fait avec raison, mais bien à le maintenir apres qu'il auoit esté fait. Les deux Theologiens susnommez conseillerent aussi d'omettre cet Article.

Sur le troisieme Article fut pris pour argument, Que Christ tout entier

est receu sous vne seule espece : par la doctrine des Theologiens de la Concomitance : d'autant que la consecration ayant transmué le pain au corps, en prononçant les paroles de Christ, toutes puissantes & effectiues, Cecy est mon corps : & le corps de Christ estant viuant, il y estoit donc avec son sang, & son ame, & sa deité coniointe. Dont il n'y auoit plus de doute que, sous l'espece du pain, Christ tout entier ne fust receu. Mais de cecy aucuns inferoient, Doncques ensemblement sont receuës toutes les graces : puis que, celuy qui a Christ tout entier, rien ne peut defaillir, & Christ luy suffit tres-abondamment. Autres au contraire disoient, Que cette conclusion n'estoit ny necessaire, ny probable, qu'en receuant Iesus-Christ, on receuue toute grace : d'autant qu'aussi les baptisés, selon S. Paul, sont tous remplis & reuestus de Christ, & cependant on ne laisse pas de leur conferer les autres Sacremens. Et pource qu'aucuns gauchissoient au coup de cette raison, disant, que les autres Sacremens sont necessaires pour les pechés commis apres le Baptisme : les autres repliquoyent, que l'ancienne Eglise communioit les baptisez tout incontinent apres leur Baptisme. Dont, tout ainsi comme on ne pouuoit inferer de ce qu'on est rempli de Christ par le Baptisme, que doncques l'Eucharistie ne confere autres graces : aussi pour auoir receu Christ tout entier sous l'espece du pain, on ne pouuoit pas recueillir qu'on ne receust aucune autre grace, moyennant le Calice : ny aussi peu dire, sans extreme absurdité, que le Prestre, en la Messe, ayant receu le corps du Seigneur, & par conséquent luy tout entier, ne receuue aucune grace en beuuant le calice : car autrement, boire le Calice, seroit vne action indifferante & vaine. Ioint que la commune doctrine des Escholes, & del'Eglise, auoit ia decidé, que par chaque action Sacramentele, est conferé, en vertu de l'œuvre mesmes, ce qu'ils appellent, *ex opere operato*, vn degré de grace. Or ne peut-on nier, que de boire le sang de Christ, ne soit vne action Sacramentele : doncques on ne luy pouuoit aussi desdire sa grace speciale. En cette controuerse, le plus grand nombre des Theologiens tint, que, veu qu'on ne parloit point de la quantité de la grace, correspondante à la disposition du receuant, mais de celle, que les Scholastics appellent Sacramentele, icelle estoit égale en celuy qui reçoit vne seule espece, & en celuy qui les reçoit toutes deux. L'autre opinion, quoy qu'elle eust moindre nombre de sectateurs, estoit toutesfois plus puissamment defendue. Sur cét Article, ie ne scay à quelle intention, passa fort auant Frere Amant, de l'Ordre des Serfs de S. Marie, Bressan, Theologien de l'Euesque de Sebenic en Esclauonie, l'un des fauteurs de cette seconde opinion. Iceluy, rapportant la doctrine de Thomas, Cardinal Caietan, que le sang n'est pas partie de la nature humaine, mais seulement premier aliment : & adioustant qu'on ne pouuoit point dire, que de necessité vn corps tire son aliment en concomitance ; infera, que ce qui estoit contenu sous chacune des deux especes, n'estoit point du tout la mesme chose. Et de plus encor, que le sang de l'Eucharistie, selon les paroles du Seigneur, estoit sang espandu, & par consequent hors des veines, dans lesquelles demeurant, il ne pouoit estre breuuage : dont il ne pouoit des veines estre tiré en concomitance : & que l'Eucharistie auoit esté instituée en rememoration de la mort de Christ, laquelle aduint par separation & effusion de sang. A cette consideration s'esleua vn grand bruit & huée des Theologiens, qui estoient là presens, avec frapement de bancs. Qui fut la cause, qu'iceluy apres que le bruit fut appaisé, se retracta, disant, que la chaleur de la dispute l'auoit emporté à alleguer les raisons des aduersaires, comme siennes propres : lesquelles toutesfois il auoit intention de refuter à la fin : comme aussi de vray il employa tout le reste de son discours à la refutation d'icelles : & à la fin demanda pardon du scandale qu'il auoit baillé, pour n'auoir parlé avec tant de circonspection, qu'il eust ouuertement fait paroître que ces raisons-là estoient captieuses, & contraires à son aduis. Et fit fin, sans parler des autres trois Articles.

1562.

sur le troi-
sième qu'il
n'y a point
de perre à
l'auoir esté
plusieurs
raisons
sont em-
ployees,

au quatri-
esme, de
l'outrager à
present, les
Espagnols
seroient
al'encontre

1562.

Sur le quatrième Article, c'est merueille, combien estoient vnies les Theologiens Espagnols, & tous les autres dependans de l'Espagne, à conseiller, qu'en aucune façon l'usage du Calice ne fust permis aux Allemans, ny à autres. La substance des choses dites par eux, fut Que, veu que nulle des causes, qui auoient és temps passés meul l'Eglise à oster le calice au peuple, n'estoit cessée: ains qu'icelles estoient deuenus plus vrgêtes & pressantes qu' auparauant: & qu'il en estoit né de surcroist d'autres plus fortes & essentielles: il falloit persister en la deliberation prise par le Concile de Constance, & par l'Eglise, & auant & apres iceluy. Et, venant à discourir des dangers d'irreuerence, qui estoit le premier rang des causes il les falloit, disoient-ils, plus apprehender à present qu'autrefois: d'autant qu'alors il n'y auoit aucun, qui ne crust fermement la reele & naturele presence de Christ au Sacrement, apres la consecration, pour autant de temps que les especes duroient: & nonobstant tout cela, le Calice auoit esté osté, d'autant que les hommes ne portoient pas la reuerence due au sang de Christ: & quel respect ou reuerence pouuoit-on esperer en ce temps, auquel les vns nient la reele presence, autres la veulent seulement en l'usage? Qu'en outre la deuotion estoit beaucoup amoindrie és bons Catholiques: & autant que la diligence és choses humaines estoit augmentée, la negligence estoit accruë és choses diuines: dont il estoit bien à craindre qu'une plus grande negligence ne produisist encor plus grande irreuerence. Qu'à present, plus que iamais, il estoit necessaire de mettre difference entre les Prestres & les autres: attendu que les Protestans les auoient mis en haine enuers le peuple, & auoient semé vne doctrine, par laquelle ils estoient priuez des exemptions, & assuiettis aux Magistrats seculiers, & despoüillez du pouuoir d'absoudre des pechez: & soumis à estre appelez au Ministère par le peuple, & deposez par le mesme: ce qui obligeoit l'Eglise à maintenir tous les vsages & obseruances, qui leur peuuent donner de la reputation. Que le danger, que le peuple ne soit imbu de fausse créance, & persuasion, qu'il y a autre chose au Calice, que sous l'espece du pain, est à present plus vrgent à cause des nouvelles opinions. Plusieurs dirent, Que l'Eglise auoit defendu le calice, pour s'opposer à l'herreur de Nestorius, lequel ne croyoit point que Christ tout entier fust sous l'une des especes: ce qu'aucuns des mesmes heretiques disans encores auourd'huy, il falloit tenir ferme l'interdiction. Je ne scaurois ne plus clairement, ne mieux exprimer ce qu'ils vouloient dire: n'ayant iamais leu que Nestorius eust parlé de cette matiere, ne que les modernes en traitent en ces termes. Mais pour le troisième danger, Que l'autorité de l'Eglise soit vilipendee, & qu'on argumente qu'elle a donc commis erreur à oster le calice, c'est abus, disoient ils, de l'appeller danger: il le faut appeller certain infaillible euenement: & les Protestans n'en font si instante requeste pour autre raison, que pour conclurre, que le Concile, ayant reconnu l'erreur passé, l'a corrigé par la concession: dont tout soudain ils corneront la victoire, & de cecy passeront à demander changement és autres statuts & ordonnances de l'Eglise. Ceux-là se trompent, qui croient que les Allemans se doiuent arrester à cecy, & se disposer à se soumettre aux Decrets du Concile: ains ils voudront abolir les ieusnes, & les differences & distinctions des viandes, & demanderont le mariage des Prestres, & la suppression de la Iurisdiction Ecclesiastique en l'exterieur: qui est le but, auquel tous visent. Et n'est nullement croyable, que tous ceux, qui demandent le calice, soient bons Catholiques: car tous les Catholiques croient que l'Eglise ne peut errer, & que nulle deuotion n'est agreable à Dieu, si elle n'est approuuée par icelle: & que l'obeyssance à l'Eglise est le comble & plus haut faiste de la perfection Chrestienne. Et faut tenir pour assuré, que qui demande le Calice, le tient pour necessaire, & celuy qui le tient pour tel, ne peut estre Catholique. Voint que nul ne le demande, croyant de n'en pouuoir legitimelement vse r sans la permission du Concile: mais afin que les Princes n'y mettent point d'empeschement: car si les Princes laissoient faire les peuples, ils

l'vsurperoyent bien sans autre permission, & que chacun pouuoit s'acertener de cela, prenant garde que ce ne sont pas les peuples, mais les Princes ^{1562.} qui supplient, lesquels ne peuuent agréer aucune nouveauté sans legitime ordonnance: non pas certes, que les peuples ne l'introduisissent beaucoup plus volontiers d'eux mesmes, que d'en faire la demande au Concile. On fit si grand force sur cette raison, que Frere François Forier, Iacobin Portugais, s'emancipa à proferer vne parole, laquelle par les auditeurs fut iugée non seulement hardie, mais mesmes outrecuidée, & insolente, disant; Ces Princes se veulent faire Lutheriens avec permission du Concile. Les Espagnols exhortoyent à considerer, que si on accordoit ce point à l'Allemagne, l'Italie & l'Espagne demanderoient le mesmes, & ne sçauoit-on comment leur refuser: dont aduiendroit, que ces nations aussi apprendroient à ne point obeyr, & à requerir changement és autres loix Ecclesiastiques: & que pour rendre Lutherien vn país tres Catholique, il n'y auoit moyen plus propre, que de luy bailler l'vsage du Calice. François de Torres, Iesuite Espagnol, mit en consideration le dire susmentionné du Cardinal S. Ange, grand Penitencier, Que Sathan auoit accoustumé de se transformer en Ange celeste & ses ministres à se transmuier en ministres de lumiere, pour tromper les fideles: & que semblablement à present, sous couleur du calice auéc le sang de Christ, il poussoit à presenter au peuple vne coupe de poison.

Aucuns adioustoyent, que la prouidence de Dieu, laquelle preside au gouvernement de l'Eglise, auoit inspiré le Concile de Constance au siecle passé à decreter le retranchement du Calice, non seulement pour les raisons qui pressoyent pour lors: mais aussi, d'autant que, si à present iceluy estoit en vsage, il n'y auroit aucun signe exterieur pour distinguer les Catholiques des heretiques: & cette distinction ostée, les Protestans se messeroient en vne mesme Eglise avec les Catholiques, dont s'ensuiuroit ce que dit Sainct Paul, Qu'un peu de leuain fait bien tost leuer beaucoup de paste: tellement que d'octroyer le calice ne feroit autre chose, que prester plus grande commodité aux heretiques de nuire à l'Eglise. Aucuns aussi, ne sçachans pas, que cette demande auoit desia esté faite au Pape, & que luy, pour se descharger, & la porter à longs iours, l'auoit remise au Concile, interpretoient en sens sinistre, qu'en ce temps-là vne telle requeste eust esté faite au Concile, & non au Pape: soupçonnant que cela tendoit à eslargir, & amplifier, par interpretations estranges, tout l'octroy qu'on en pourroit faire, dont nasquist autre nouvelle necessité du Concile.

Mais ceux, qui iugeoyent qu'on pouuoit condescendre aux prieres de l'Empereur, & de tant d'autres Princes, & peuples; conseilloyent de proceder avec moins de rigueur, & de ne point donner de si sinistres interpretations aux pieuses requestes des freres infirmes: ains d'ensuiure le commandement de S. Paul, & de reuestir les defauts & foiblesses des imparfaits, <sup>d'autres en conseil-
lent l'oc-
troi, par
devoir de
charité.</sup> pour les gagner: & de n'auoir point de visées mondaines de reputation: ains de se gouverner par les reigles de la charité, laquelle foulant aux pieds toutes les autres, voire mesmes celles de la prudence & sapience humaine, compatit, & cede à chacun. Ils disoyent qu'en tout ce qui auoit esté dit par ceux de contraire aduis, ils ne voyoyent aucune raison mettable, sauf celle-cy, que les Lutheriens diroyent d'auoir emporté ce point de haute lute, que l'Eglise a failly, & qu'ils passeroient à des demandes plus releuées. Mais, que ceux-là se trompoient grandement, qui croyoyent les faire taire par le refus: que desia ils auoyent dit haut & clair, qu'on auoit failly: que puis apres ils diroyent qu'on adioust l'obstination de succroist à la faute: & que là où il ne s'agit que d'ordonnances humaines, il n'est ny nouveau, ny indecent à l'Eglise de faire quelque changement. Et qui ne sçait, disoyent ils, qu'une mesme chose ne peut conuenir à tous temps? il y a vn nombre infini de ceremonies Ecclesiastiques, lesquelles ont esté en vn temps introduites, & puis ont esté abolies: & n'est nullement contre l'honneur & la bienseance d'un Concile, d'auoir cru vne ceremonie ou obseruance deuoir

1562.

estre vtile, laquelle l'euenement a monstre inutile: que de se persuader que de cette demande on passeroit à d'autres, estoit à faire à personnes soupçonneuses, & trop aduantageuses: & que la simplicité & charité Chrestienne, comme dit S. Paul, ne pense point de mal, croit tout, supporte tout, espere tout bien.

*sur le cin-
quiesme
des condi-
tions de,
l'octroy, il
y a diuer-
sité d'avis,*

Il n'y eut que ceux-cy, à qui il eschust de parler sur le cinquième Article: d'autant que ceux de la precise negative n'y auoient rien à dire. Mais les autres se diuiserent en deux opinions: l'une, qui estoit aussi la plus commune, qu'on permist l'usage du Calice aux mesmes conditions, qu'il auoit esté permis par Paul troisième, desquelles il a esté parlé en son lieu: l'autre d'un petit nombre, laquelle portoit tout au contraire, que puis qu'on vouloit permettre l'usage du Calice, pour affermir en l'Eglise ceux qui y chancelent; il falloit attremper cet octroy en sorte, qu'il pût produire l'effet désiré: ce que ne feroient iamais ces conditions apposées, lesquelles au contraire pour tout certain precipiteroient ces ames foibles au Lutheranisme. Qu'il est bien hors de doute, que le penitent doit choisir de porter plustost tout mal temporel, que de pecher: & que toutesfois Caietan auoit fort bien conseillé, qu'on ne vint point à comparaisons spécifiées, disant, Qu'on est obligé à se laisser plustost tenailler tout vif, ou mettre sur la rouë, & choses semblables: car cela seroit tenter soy mesmes sans nécessité, & dechoir de la bonne disposition en laquelle on peut estre sans propos. Qu'ainsi aussi, en l'occasion presente, ces personnes irresoluës, lors qu'on leur apporteroit la grace du Concile, se trouueroient contentes, rendroient graces à Dieu, & à l'Eglise, ne penseroient point plus outre, & peu à peu se fortifieroient. Que le commandement precis de S. Paul portoit, qu'on reçoie l'infirme en foy, non avec disputes, ne prescription d'opinions & regles, ains simplement, & attendant l'opportunité pour luy donner instruction plus pleine & entiere. Si en ce temps-cy on propose, disoient-ils, en Allemagne cette condition, qu'ils croient cecy ou cela, ils s'ombrageront, pendant que leurs esprits flotent & chancelent encor, & en pensant s'ils doiuent ou ne doiuent croire à ce qui leur est proposé, ils tomberont en quelque erreur, auquel ils n'auroient autrement point pensé. Ils adioustoient encor de plus à cette raison, que puis qu'on soustient que l'Eglise pour iustes causes a osté le Calice au peuple, & cependant, sans aucun remede ou correctif de ces causes, on vient à le luy accorder, mais sous autres conditions, on confesse tacitement de l'auoir osté ians cause: & pourtant concludoient, qu'il estoit expedient d'establir pour conditions tous les remedes aux inconueniens, pour lesquels le Calice auoit esté autresfois osté. A sauoir, Que le Calice ne soit iamais porté hors de l'Eglise: & qu'aux malades ne soit baillé ou porté autre chose que l'espece du pain: que celle du vin qui est dans le Calice, ne soit point gardee, pour euitier le danger del'aigrittement: qu'on y vse de pipes, ou de canelles, comme faisoit iadis l'Eglise Romaine, de peur d'en rien espancher. Qu'en ordonnant en cette maniere, on demonstreroit que le reglement auoit iadis esté fait avec bonne raison, on exciteroit la reuerence, on donneroit contentement aux peuples, & aux Princes, & ne mettroit-on point les infirmes en tentation. Il y eut aussi vn Espagnol, qui dit, qu'il ne falloit pas croire ainsi facilement à ce qu'on disoit d'un si ardent desir & zele des Catholiques pour le Calice: mais qu'il faudroit enuoyer en Allemagne pour s'informer qui sont ceux qui le demandent, & qu'elle est leur foy au demeurant, & quels sont leurs motifs: car le Concile, apres auoir eu vne telle relation, pourroit deliberer sur quelque fondement asseuré, & non à auen-
gletes sur les paroles d'autrui.

*examiné
fixiesme
article de
la commu-
nion des
petits en-
fants,*

Sur le sixième Article, qui estoit de la Communion des petits enfans, il n'y eut rien à dire: dont aussi tous s'en desmeslerent en peu de paroles: considerant, que l'Eucharistie n'est pas vn Sacrement de nécessité, comme le Baptême: & que, puisque S. Paul commande à celui qui le doit recevoir, de s'examiner soy-mesme, pour sçauoir s'il en est digne, il apert de là claire-

ment,

ment, qu'il ne peut estre administré à ceux qui n'ont point l'usage de la raison. Et que si en l'Antiquité on trouue qu'il en eust esté vſé au contraire, cela auoit esté fait és lieux & és temps, esquels la verité n'estoit pas si bien esclaircie, comme elle est à present : & que pourtant le Concile deuoit determiner que l'usage present fust gardé. Aucuns remonstrent bien, qu'il estoit conuenable de parler plus reueremment de l'antiquité, & ne point dire qu'elle eust esté defaillante de conoissance de la verité. Frere Desire de saint Martin, de Palerme, Carme, tout seul fut d'aduis que cet Article fust laissé : disant, que puis que les Protestans de nostre temps n'en faisoient point de querelle, il n'estoit point expedient de mettre en champ quelque nouveauté en traitant de cette matiere, laquelle pouuoit auoir quelque probabilité d'une part & d'autre : & quand il viendrait à notice, qu'on en auroit traité au Concile, la curiosité de plusieurs s'esmoueroit à y songer, ce qui donneroit suiet d'achopement : d'autant que tel pourroit se persuader, que l'Eucharistie est Sacrement de necessité, autant que le Baptême : veu qu'il semble que la necessité du Baptême n'est fondée que sur les paroles de Christ, Qui ne sera regeneré d'eau & d'Esprit, n'entrera point au Royaume des cieus : dont il y a bien les equiuallentes en l'Eucharistie, quand lui mesme dit, Si vous ne mangez ma chair, & ne beueez mon sang, vous n'aurez point la vie. Et, l'exception des petits enfans ne peut pas estre fondée hors de tout contredit sur le commandement de St. Paul de s'examiner soi-mesme, ce que ne peut faire l'enfant : d'autant que la Sainte Escriure commande bien aussi qu'auant le Baptême precede l'instruction de la doctrine de la foi : que si au Baptême ce commandement doit estre restreint aux seuls aagés, sans que de là on puisse inferer que les petits enfans doiuent estre exclus du Baptême, qu'elle raison y a-il de le prendre autrement en l'Eucharistie ? Partant il concludoit, qu'il approuuoit bien l'usage de ne les point communier, mais ne pouuoit trouuer bon que le Concile traitast d'une chose, que nul n'impugnoit.

Après que les Congregations des Theologiens furent finies, les Legats enclinerent à ottroyer le Calice à l'Allemagne, aux conditions apposées par Paul troisieme, & quelques autres de plus : & s'estas assemblés avec leurs confidens, ils formerent le Decret sur le premier, quatrieme & cinquieme Articles : remettant les autres iusques à ce qu'ils eussent aduisé comment on euiteroit les difficultés auancées par les Theologiens sur iceux. Puis apres, ayant conuoqué vne Congregation de Prelats, ils proposerent, s'il leur plaisoit, que les trois Decrets formés fussent produits, pour en dire leurs aduis en la prochaine Congregation. L'Archeuesque de Grenade, qui auoit haléné l'intention des Legats, & estoit fort contraire à l'ottroi du Calice, y contredit, disant, Qu'il falloit suiure l'ordre des Articles, lequel estoit essentiel : veu qu'il estoit impossible de venir à la decision du quatrieme, & du cinquieme, sans auoir vuidé le deuxieme, & le troisieme. Thomas Stella, Euesque du Cap d'Istrie, lui obiecta, qu'il n'estoit point conuenable de proceder au Concile par methode de Logique, & par ce moyen artificieusement empescher les bonnes deliberations. A quoi l'Archeuesque de Grenade repliqua, que son desir estoit seulement, que les choses fussent proposées au Concile par bon ordre, afin que procedant confusément il ne vint à faire quelque faux pas : & en cela fut suiui de Muce Callin, Archeuesque de Zara : comme au contraire, Iean Thomas de S. Pelix, Euesque de la Canne, le vieil, se ioignit à celui du Cap d'Istrie : & tous deux passerent à des termes & mots de derision : ce qui causa vn peu de mescontentement és Espagnols : & s'en esleua entre les Prelats vn murmure, qui occasiona les Legats à congédier la Congregation : & le Cardinal de Mantouë dit aux Archeuesques, Qu'ils lussent & considerassent meurement les minutes formées : & qu'en vne autre Congregation on refoudroit de l'ordre qu'il falloit garder à traiter.

*debat entre
les Prelats
sur la con-
fection du
Decret.*

Or, d'autant que souuent il aduint que les Congregations furent termi- *sanées*

1562.
fomentés à
dessein:

nées pour quelque mescontentement receu par quelque principal Prelat, il est à propos d'en rapporter en cet endroit la cause. Il a esté dit ci dessus, qu'il y auoit au Concile bon nombre d'Euesques, pensionnaires du Pape. Ceux-là recognoissoient tous le Legat Simonete, & dependoyent de lui, comme estant celui, lequel, plus particulièrement que les autres, auoit sa commission des interets du Pape, & les plus secretes instructions. Icelui estant homme accort, & de iugement vif & aigu, se seruoit d'eux selon la capacité de chacun: & parmi ce nombre il y en auoit quelques vns meslés de hardiesse & de plaifanterie, lesquels il employoit és Congregations à s'opposer à ceux, qui entroyent en matieres contraires à ses intentions. Ceux-là estoient tous faits à l'artifice de dire le mot discrettement, pour picquer les autres, & les mettre en risée, sans toutesfois se descontenter eux mesmes, ains gardât tousiours leur grauité, & bienseance. Le bon seruice, qu'ils rendirent au Pape, & au Cardinal Simonete, merite bien que mention particuliere en soit faite. Ceux-là furent les deux susnommés Euesques de la Caue, & du Cap d'Istrie: Pompée Zambeccare Bolognois, Euesque de Sulmone; & Barthelemi Sirigo, Candiote, Euesque de Castelanete: chacun desquels auoit adiousté aux qualités communes de sa patrie, les perfections qui s'acquierent à la Cour de Rome. Ce furent ceux-là mesmes, qui enuenimerent les similtés & desgoustemens qui estoient nés entre les Legats de Mantouë & Simonete, dont il a esté touché ci dessus: mesdisans & detraçans de celui de Mantouë, à Trente de paroles, & à Rome par lettres: ce que tous attribuoient à Simonete, duquel on voyoit qu'ils estoient caressés. Et Simonete, s'en voulant purger enuers le Secrétaire du Cardinal de Mantouë, & enuers l'Euesque de Nole, dit, Que, pour le peu de respect, qu'ils auoyent porté à vn tel Cardinal, il les auroit volontiers esloignés de son amitié, n'eust esté le besoin qu'il auoit d'eux, pour les opposer, és Congregations, aux impertinences, qui estoient dites par les Prelats.

Augustin Paumgartner, Ambassadeur du Duc de Bauiere, apres auoir demeuré d'eux mois à Trente comme personne priuée pour la pretension de prefeance sur les Venitiens, finalement eut commandement de son Prince de comparoir en public: & fut receu en la Congregation du ving-septiesme Iuin, en laquelle il s'assit au dessous des Ambassadeurs Venitiens: & d'entrée fit vne protestation, disant, Que les raisons & les droits de son Maistre estoient tres-bien fondés: & que lui aussi estoit tout prest & appareillé de les defendre & maintenir en tout autre lieu: mais qu'au Concile, ou il s'agit de Religion; il ne vouloit point s'arrester à ces pointilles: ains estoit content de ceder: bien entendu toutes-fois que ce fust sans preiudice de lui, & d'autres Princes Allemans, du sang Electoral de l'Empire. Les Ambassadeurs de Venise respondirent à cete protestation, disant, Que leur Seigneurie auoit la prefeance à tres bon droit: & que comme le Duc de Bauiere leur cedit alors, aussi deuoit-il faire en tout lieu. L'Ambassadeur puis apres poursuiuit sa harāgue, laquelle fut fort longue & libre: & exposa l'estat de la Religion en Bauiere disant, Que ce pais-là estoit tout enuironné d'heretiques, lesquels mesmes auoient desia percé dedans. Qu'il y auoit plusieurs Zuingliens, Lutheriens, Flaciens, Anabaptistes, & d'autres sectes: sans que les Prelats eussent pu desfenger cete yurave: d'autant que, non seulement au bas populaire, mais aussi en la Noblesse estoit cete contagion, causée par la mauuaise vie du Clergé, duquel il ne pouuoit descrire les horribles meschancetés, sans offencer les chastes oreilles de l'auditoire: qu'il se contentoit de dire, que le Prince, son Maistre, leur remonstroit que toute la correction de la doctrine seroit vaine & infructueuse, si tout premier on ne corrigeoit les mœurs. Et adiousta, que le Clergé estoit diffamé à cause de sa luxure & paillardise: que le Magistrat politique ne supportoit aucun lai concubinaire: & cependant parmi le Clergé le Concubinage estoit si frequent, que de cent Prestres on n'en auoit que trois ou quatre, qui ne fussent concubinaires, ou mariés secrettement, ou publi-

quement : & qu'en Allemagne, par les Catholiques mesmes, vn chaste mariage estoit preferé à vn concubinage contaminé: que plusieurs auoyent abandonné l'Eglise à cause de l'interdiction du Calice: disans, Qu'ils sont obligés d'en user par la parole de Dieu, & par la coustume de l'Eglise primitive, laquelle iusques à present est gardée es Eglises Orientales, & fut iadis pratiquée par l'Eglise Romaine mesmes. Que Paul troisieme l'auoit ottroyé à l'Allemagne: & les Bauarois se plaignoyent de leur Prince, qu'il enuioit icelui à ses suiets. Et protestoit, que si le Concile n'y pouruoyoit, Son Altesse ne pourroit estre maistresse de ses peuples, ains seroit contrainte de laisser courir ce qu'il ne pourroit empescher. Il proposa, pour remede aux scandales du Clergé, vne bonne Reformation, & qu'es Eueschés on establir de bonnes Escholes & Academies, pour esleuer & façonner de bons ministres. Il requit aussi le mariage des Prestres, comme chose, sans laquelle il estoit impossible, en cet aage, de reformer le Clergé, allegant que le Celibat n'estoit pas de droit diuin. Il demanda aussi la Communion sous les deux especes, disant, Que si elle eu esté permise, beaucoup de Prouinces d'Allemagne seroyent demeurées en l'obeissance du Siege Apostolic: en lieu, que celles qui y estoient demeurées iusques à present s'en departoyent, ensemble les autres nations, à grand flot. Que le Duc, son Maistre, ne recherchoit pas cestrois remedes susdits, pour esperance aucune qu'il eust de reduire à l'Eglise les desuoyés, & Sectaires: mais pour retenir ceux, qui ne s'estoyent encor separés. Et repliqua, Qu'il estoit necessaire de commencer par la Reformation, qu'autrement, tout le trauail du Concile seroit en vain: mais qu'apres que le Clergé auroit esté reformé, le Prince, son Maistre, estant requis de son opinion sur la matiere des dogmes, en temps & lieu pourroit dire chose digne de consideration, laquelle le temps ne portoit pas de proposer pour lors: n'estant conuenable d'entreprendre guerre contre l'ennemi, sans auoir premierement bien ordonné & affermi ses propres forces chez soi. Il entreietta souuent, parmi le fil de son discours, que tout cela estoit dit par le Prince, son Maistre, non pour donner loi au Concile, mais pour le lui insinuer reueremment: & par ces mesmes termes aussi il acheua sa harangue. Le Concile respondit par la bouche du Promoteur, Qu'il auoit esté long temps en attente de quelque Prince, ou Ambassade d'Allemagne: mais sur tout du Duc de Bauiere, vrai rempar du Siege Apostolic en ce pais-là: & qu'il auoit grand ioye & contentement de voir son Ambassadeur la present, & le receuoit: & trauailleroit, comme aussi il auoit fait par le passé, à reigler & ordonner tout ce qu'il iugeroit estre pour le seruice de Dieu, & pour le salut des fideles. Les François, oyans cete harangue, s'esioüirent grandement de n'estre seuls à admonester librement les Prelats, de ce qui estoit necessaire à leur remonstrer. Mais, quand il seurent ouï la responce, ils en prirent vne extreme ialousie, pource que celle-ci estoit douce & gratieuse, & celle, qui leur auoit esté faite, auoit esté toute piquante, & pleine de fiel. Mais, certes leur plainte estoit sans raison: car, quoi que le Bauarois mordist plus viuement le Clergé en general, il parla des Peres du Concile avec beaucoup de reuerence: en lieu, que la harangue des François sembla toute butée à la censure de ceux qui l'oyoyent: ioint que la responce, qui leur fut faite, fut premeditée, & consultée: & celle-ci fut rendue tout sur le champ à despourueu. Mais, l'une & l'autre harangue eut bien vn mesme traitement au principal, en ce qu'elles ne furent escoutées que des oreilles, sans faire aucune impression es esprits, pour les persuader à effectuer les choses proposées, & requises.

Les Ambassadeurs Imperiaux, considerans que les iours precedens, es Congrégations des Theologiens, les Espagnols, & la pluspart des Italiens, auoyent parlé contre l'ottroi du Calice fort auantageusement, iusques là, que plusieurs d'entr'eux auoyent dit, Ceux-là estres heretiques, qui demandoient le Calice: pour respondre à cete obiection, & autres, qu'ils faisoient, & pour seconder la proposition du Bauarois, & afin aussi de prevenir que les Prelats ne se laissassent emporter es mesmes impertinences, que

respondue
modeste-
ment,

avec ialousie
des François,

écrit des
Imperiaux
pour l'ot-
troi du Calice

1562.

les Theologiens, dresserent vn Escrit sur cete matiere, lequel, apres la harangue de l'Ambassadeur de Bauiere, ils presenterent en la mesme Congregation. La substance en estoit telle, Que pour le du de leur charge, ils auoyent iugé deuoir aduertir les Peres de quelques points, auant que dire leurs aduis: Que les Theologiens, és iours passés, auoyent parlé conuenablement à l'esgard de leurs propres païs: mais non certes guerres à propos pour les autres prouinces & Royaumes. Et prioyent les Peres d'attrempier leurs opinions en sorte, qu'elles portassent medecine, non aux parties saines, qui n'en auoyent point de besoin, mais aux membres indisposés. Ce qu'ils pourroyent bien proprement faire, s'ils prenoyent exacte conoissance qu'elles estoient les parties malades, & quel secours elles requeroient. Et, commençant par le Royaume de Boheme, disoyent, Qu'il n'estoit ia besoin de reprendre la chose de guerres haut, ni faire mention des choses traitées à Constance: mais qu'il suffisoit d'adaiser seulement, qu'en ce Royaume-là, apres ledit Concile, nulle pratique, ne force ou guerre, n'auoit pu oster le Calice. Que l'Eglise le leur auoit benignement accordé sous certaines conditions, lesquelles n'estans point obseruées, Pie deuxieme auoit reuouqué l'ottroi: mais Paul, & Iules troisiemes, pour tascher de racquerir ce Royaume, auoyent enuoyé des Nonces, pour le leur permettre de rechef: quoi que, pour certains empeschemens, on ne pust pour lors mettre la dernière main à l'affaire. Mais, qu'en ce temps, l'Empereur ayant à ses despens établi l'Archeuesché de Prague, & obtenu és Estats de Boheme, que les Prestres Calixtins ne fussent ordonnés par autres que par icelui, & qu'ils le reconussent pour Prelat legitime, Sa Maïesté auoit requis le Pape, qu'on ne laissast eschaper vne si belle occasion de les racquerir: & Sa Sainteté auoit remis le tout au iugement du Concile: dont en la main & pouuoir d'iceluy estoit de conseruer ce Royaume, lui permettant l'usage du Calice. Que ces peuples-là estoient en peu de choses differents de l'Eglise Romaine: qu'ils n'auoyent iamais voulu Prestres mariés, ni ordonnés par Euesques separés de la communion du Siege Apostolic: qu'en leurs prieres, ils faisoient mention du Pape, des Cardinaux, & des Euesques: & que s'ils auoyent quelque petite difference en la doctrine, cela pouuoit estre aisément amendé, pourueu seulement qu'on leur ottroyast le Calice. Que ce n'estoit point merueille qu'une grossiere & rude multitude eust conceu vne semblable opinion, puis que des hommes Catholics mesmes de grand sauoir & pieté, maintiennent bien, qu'on obtient plus de grace en la communion des deux especes, qu'en celle d'une seule. Ils admonestoyent les Peres de prendre garde, que leur trop grande seuerité ne les pouffast au desespoir, & les fist ietter entre les bras des Protestans. Ils adiousterent aussi, qu'en Hongrie, Autriche, Morauie, Silesie, Carinthie, Carniole, Stirie, Bauiere, Suabe, & autres endroits d'Allemagne, il y auoit plusieurs Catholiques, qui d'un grand zele desiroient le Calice. Ce qui auoit esté tresbien conu par Paul troisieme: dont il auoit permis aux Euesques de les communier avec icelui: ce qui ne fut toutesfois effectué, à cause de certains empeschemens. Et qu'il y auoit grand danger, que ceux-là ne se tournassent aux Lutheriës, si le Calice leur estoit osté. Qu'les Theologiens auoyent mis vn doute en auant, Que ceux, qui demandoient le Calice estoient heretiques: mais que de vray Sa Maïesté Imperiale ne le pourchassoit que pour les Catholiques. Qu'il y auoit bien esperance de reduire maints Protestans par le moyen de cet ottroi: comme desia plusieurs d'entr'eux protestoyent de se ranger, restans las & recrues des nouueautés: & assurement se conuertiroient: en lieu que, faisant autrement, il estoit à craindre du contraire. Et, pour respondre à celui, lequel les iours passés auoit demandé, Qui estoient ceux, qui requeroient cete permission: ils disoyent, Que c'estoit l'Empereur mesmes, lequel requeroit aussi que l'Archeuesque de Prague pust ordonner Prestres Calixtins: & que les deputés du Clergé de Boheme recerchoient le mesmes pour ce Royaume-là. Et n'eust esté l'esperance de le pouuoir obtenir, il n'y auroit plus aucun residu de Catholiques. Qu'en Hongrie les peuples con-

traignoyent les Prestres, par la saisie de leurs biens, & par menaces contre leur propre vie, à leur bailler le Calice : & l'Archeuesque de Strigonie ayant pour cete cause chastié quelques Prestres, le peuple estoit demeuré sans Prestres Catholiques, & par consequent sans Baptême, & en vne profonde ignorance de la doctrine Chrestienne, en danger de choir aisément au Paganisme. Pour conclusion, ils prièrent les Peres d'auoir compassion de ces pources peuples, & de trouuer quelque bon moyen de les conseruer en la foi, & mesmes de racquerir les desuoyés.

Al'issue de la Congregation, les Legats donnerent les minutes formées sur les trois premiers Articles, pour ne heurter à la mesme opposition qu'en la precedente Congregation. Et es iours ensuiuans les Peres traiterent de ces Articles, & s'estandirent grandement sur le troisieme, se ietans en grāds discours de la grace, Sacramentele, si on en reçoit d'auantage, communiant sous les deux especes, que communiant sous vne : & les vns mainte-
*en Congre-
ation est
faite vne
declara-
tion appar-
tenante à
cela :*

noient l'un des partis, & les autres l'autre. Le Cardinal Seripande disoit, Que la mesme difficulté ayant esté ventilée au Concile tenu sous Iules, il auoit esté delibéré qu'on n'en parleroit point. Nonobstant cela, quelques Prelats insisterent qu'on en fust declaration. Mais cet aduis ne fut receu, tant à cause de la contrarieté des opinions, que pource que le plus grand nombre tenoit, que l'une & l'autre opinion estoit probable : mais, pour fuir toutes difficultés, il fut dit, Qu'on reçoit Christ tout entier source de toutes les graces.

Quelques Euesques, d'entre ceux qui auoyent parlé avec beaucoup d'ardeur & d'affection touchant la Residence, dont ils se voyoyent haïs, s'apprestoyent à partir de Trente, redoutans quelque facheux rencontre, en cas qu'ils continuassent à demeurer au Concile. De ce nombre estoient, Gilles Foscarare, Euesque de Modene, mentionné ci-dessus, personnage de singuliere erudition, & de grande sincerité de conscience : celui de Viuiers, & Iules Pauesi, Archeuesque de Surrente; & Pierre Faune Costacciare, Euesque d'Aqui, & autres : lesquels auoyent obtenu leur congé des Legats : de celui de Mantouë, afin de les voir, comme amis qu'ils lui estoient, deliurés de danger ; & des autres, pour oster les occasions d'estrifs & similtés. Mais l'Ambassadeur de Portugal remonstra aux Legats, Que cela tourneroit au grand preiudice de la reputation du Concile, veu que la cause de leur depart estoit notoire à tous : dont on diroit, Qu'il n'y auoit point de liberté au Concile, ce qui redonderoit au blasme mesme du Pape. Et pour-
*quelques
Euesques ;
notés pour
leur aduis,
veulent
partir ;*

tant ils prirent resolution de les faire arrester : sur tout, entendant, qu'à pres le depart de ceux-là, autres s'apprestoyent à demander aussi leur cōgé.
*mais sont
arrestés
pour la re-
putation :*

Les Legats, prenoyans les difficultés, differoyent de proposer les autres Articles : mais le troisieme Iuillet, les Ambassadeurs de l'Empereur, & de Bauiere, firent instance, qu'on vint aux opinions sur iceux. Et à cet effet le
*les Fran-
çois fauo-
risent la
demande
du Calice :*

jour ensuiuant il tinrent Congregation, en laquelle les Ambassadeurs François presenterent vn escrit, par lequel ils exhortoyent les Peres à accorder la communion du Calice, fondans leur demande sur ce, que es choses de droit positif, comme est celle-ci, il faut condescendre, & ne roidir par si fort : ains considerer la necessité du temps : & ne point donner scandale au monde, en se monstrant si tenans à garder les commandemens des hommes, & negligens à obseruer ceux de Dieu, en refusant toute reformation. Et finalement ils requierent, que quelque determination qu'ils fissent, elle fust tellement attrempée, qu'elle ne preiudiciaist à l'usage des Rois de France, lesquels, en leur sacre, reçoient le Calice : ni à la coustume d'aucuns Monasteres du Royaume, lesquels, en certains temps, l'administrent. Mais toutesfois, autre chose ne fut faite en la Congregation, sinon, que tous les six Chapitres de la Doctrine, sur les six Articles susdits, y furent proposés, pour en traiter es suiuentes Congregations.

Les Legats furent bien esbahis de cete proposition des François ; re-
*re- & mettent
euillans par icelle, qu'ils estoient vnis avec les Imperiaux : & que pour- en ialousie-*

1562.
les Legats,
lesquels
artificie-
ment élu-
rent les
uns & les
autres :

tant il leur falloit de necessité proceder avec tât plus de circonspection. Et, pesant le motif des François, de relascher les commandemens positifs, ils aduiferent que l'ottroi du Calice, outre les difficultés ia proposées & remaquées, en tiroit apres soi plusieurs autres en diuerses matieres. Ils se ramentenoyent la demande du mariage des Prestres, faite par le Duc de Baviere : & comment, deux iours auparauant, en vn festin, en presence de plusieurs Prelats, qui y estoient conuiés, Lansac, en les exhortant de complaire à l'Empereur en la demande du Calice, s'estoit laissé entendre, que la France desiroit les prières, le seruice & les messes, en langue vulgaire : & que les images des Saints fussent ostées, & qu'il fust permis aux Prestres de se marier. Dont, cognoissans bien que plus aisément on met obstacle aux commencemens qu'aux progrès : & qu'il y a moins de difficulté d'empescher l'entrée de la maison à quelcun, que de l'en chasser quand il y est entré, ils prirent resolution qu'il n'estoit point temps de parler du Calice. Et moyenerent enuers Pagnane, Agent du Marquis de Pescaire, Ambassadeur d'Espagne. qu'il fist instance, qu'aucune determination n'en fust faite, que tout premier le Roi, son Maistre, n'en eust eu aduis. Et intermirent les Congregations du sixieme & du septieme Iuillet, pour traiter en ces iours-là avec les Imperiaux, qu'ils fussent contens de differer cete matiere, allegans plusieurs raisons : dont la plus forte estoit, que le temps estoit trop bref, pour persuader les Peres, que la Cōcession du Calice estoit necessaire. Finalemēt, apres vn long pourparler, les Ambassadeurs condescendirent à se contenter, que toute la partie des dogmes, fust differée. Mais cela n'agrea point aux Legats : dont en fin les Ambassadeurs Imperiaux consentirent, que ce seul point fust differé : mais à tel si, qu'on feroit mention de cete dilation au Decret, avec promesse d'en determiner vne autrefois. Il restoit encores à traiter avec les François, esquels il trouuerent plus de facilité, qu'ils n'eussent cru : d'autant qu'iceux dirent, Que ce n'estoit pas chose, qui eust esté ne proposée ne recherchée par eux : & que ils n'auoyent que presté assistance aux Imperiaux, qui la requeroient. Cete difficulté vuidée, ils se mirēt à former les Decrets : & afin que cela se pust executer avec plus de promptitude, ils firent sauoir, que si quelcun auoit à remonstrer quelque chose, il le mist par escrit, afin que la confection des Decrets n'en fust retardée.

remonstrances en fa-
ueur des
François
negligées :

En la Congregation du huitieme Iuillet, Daniel Barbare, Patriarche d'Aquilée, dit à son tour d'opiner, Qu'y ayant nouueles de la paix & accord fait en France, dont il estoit à croire que plusieurs Prelats de ce Royaume là viendroyent au Concile, il seroit bon d'attendre à traiter des dogmes iusques à leur venue. Mais, d'autant que nulle instance n'en estoit faite par d'autres, & non pas mesmes par les Ambassadeurs de France, la proposition tomba de soi-mesmes. En la suiuaute Congregation, Anthoine Augustin, Euesque de Leride en Espagne, remonstra, qu'il seroit bon de faire mention des coustumes de France, suiuant l'instance qu'en auoyeut fait les Ambassadeurs : inserant dedans le Decret des termes & paroles, qui reseruassent les priuileges de ce Royaume-là : allegant, que mesmes apres la determination du Concile de Constance, il n'a point esté interdit aux Grecs de communier avec le Calice, ains qu'ils en auoyent vn priuilege expres, lequel il auoit veu. Mais, cet aduis n'estant secodé d'aucun, sauf que de Bernard Delbene, Florentin, Euesque de Nismes, cete remonstrance aussi fut mise à quartier. Apres la Congregation, l'Ambassadeur de France Ferrier enquit l'Euesque Augustin avec curiosité, de la teneur, del' auteur, & du temps de ce priuilege : &, voyant qu'il le rapportoit au Pape Damase, il s'en prit à rire : estant chose bien certaine, que cent ans apres Damase en l'Eglise Romaine estoit estimé sacrilege de s'abstenir du Calice : & que le Ceremonial Romain décrit tousiours la communion des Lais avec le Calice : & que iusques à l'an de grace mil deux cens, Innocent III. fait mention, que les femmes receuoyent le sang de Christ en la Communion.

disputes de

Le dixieme du mois, Leonard Haller, Euesque titulaire de Philadel-

phie, lequell estoit arriué la semaine prece dente, disant son aduis sur les Decrets, fit vne digression, en forme d'oraison toute formée, requerant les Legats & le Concile d'attendre les Prelats d'Allemagne: & à cet effet employa diuerses raisons: & entr'autres trois, qui furent mal prises en la Congregation: assauoir, Que ce Concile ne pourroit estre appellé general, y manquant vne nation principale de Chrestienté toute entiere: Que de passer outre, sans l'attendre, seroit precipiter les affaires: Que le Pape leur deuoit escrire, & les appeler nommément. Ce bon Pere n'estoit pas informé des offices, que le Pape auoit fait en Allemagne par les Nonces Dauphin, & Commandon, deux ans auparauant, & des responses que lui auoyent rendu les Protestans, & les Catholics: ceux-là refusans de vouloir, ceux-ci s'excusans de ne se pouuoir trouuer au Concile. Plusieurs crurent, qu'il eust esté induit à ce faire par les Ambassadeurs Imperiaux, lesquels puisqu'on differoit de resoudre de la proposition du Calice, eussent bien desiré que tout le demeurant eust aussi esté prolongé.

En la suiuite Congregation furent lus neuf chapitres de la Reformation, ia tous arrestés & resolus: & sur le premier de faire les ordinations gratuites, Albert Duime, des Gliriques, Euesque de Veglia, Isle en l'Esclauonie, lequel n'y ayant qu'une semaine qu'il estoit arriué, ne s'estoit trouué à traiter de cete matiere, dit, Qu'il tenoit ce Chapitre pour fort imparfait, si tout ensemble on n'ordonnoit, que de mesmes à Rome on se deportast d'exiger payement pour les dispenses de receuoir les Ordres hors des tēps, auant l'aage, sans licence & examen des ordinaires: & sur les irregularités, & autres empeschemens Canoniques. D'autant que c'estoit là ou on faisoit les grands despens: en lieu qu'aux pures Euesques, lesquels le plus souuent n'ont de quoi viure, on ne donnoit qu'une petite aumône: laquelle toutesfois il estoit bien certes d'auoir qu'on ostant, mais sans pourtant donner au monde le scandale de dismer la rue, & voler l'or & l'argent. Et à cete occasion il s'estendit à taxer les payemens, qui se desboursoient à Rome pour toutes sortes de dispenses. Et adiousta, que, quand on lui presentoit dispenses, pour ordinations, ou pour autres choses, il auoit accoustumé de s'enquerir si pour icelles on auoit payé chose aucune: que s'il trouuoit qu'il l'eust fait, il n'en auoit iamais voulu executer ni admettre aucune: & qu'il ne se feignoit point de le dire publiquement à tous, d'autant que tel estoit le deuoir de tout Euesque. Mais lui estant respondu, qu'on auoit ia parlé de cela en Congregation, & qu'on auoit resolu de renuoyer cete deliberation au Pape, lequel peut plus honorablement reformer les offices de Rome: l'Euesque replica, Que le Quaresme passé il en auoit plusieurs fois parlé à Rome à ceux, qui y pouuoient pouruoir: mais particulièrement vne fois en la maison du Cardinal de Perouse, en presence de plusieurs Cardinaux, & Prelats de la Cour, ausquels il auoit dit les mesmes choses. Et que ceux-la lui auoyent respondu, Que c'estoyent choses qui deuoient estre proposées au Concile: & maintenant, voyant le contraire, il n'en parleroit plus, puis qu'il voyoit que le reiglement & la prouision en estoit laissée à Dieu.

L'Euesque des Cinq Eglises, sur le deuxieme Article des ordinations à titre, dit, Que, selonc les anciennes ordonnances, il estoit plus necessaire de pouruoir, que nul ne fust ordonné sans titre & office, que sans reuenue: estant chose excessiuelement scandaleuse, de voir plusieurs se faire Prestres, non pour seruir à Dieu, & aux Eglises; mais pour iouir d'une oisiveté, coniointe avec beaucoup de luxe, & vn bon & gras reuenue. Que le Concile deuoit bander ses esprits à cela & trouuer moyen qu'il n'y eust aucune personne Ecclesiastique, qui ne fust dediée à quelque ministere: & qu'il auoit remarqué encor tout freschement qu'à Rome auoyent esté conferés des Euesches à aucuns, seulement pour les promouoir, lesquels en trespeu de temps les auoyent resignés, demourans Euesques titulaires seulement, pour l'ambition de la dignité, & du degré. Inuention meschante, laquelle aussi l'Antiquité auroit detestée, comme pestilentielle. Sur le quatrieme & sur la

1562.

*L'Euesque
de Phila-
delphie,
pour atten-
dre les Al-
lemans,*

*Et de celuy
de Veglia
sur les or-
dinations
gratuites,
contre les
abus de
Rome:*

*Et de celuy
des cinq E-
glises sur
les ordina-
tions à ti-
tre,*

Et sur la

1562.
division de
paroisses :

Chapitre, de partager les grandes & nombreuses paroisses, il en loüa bien le Decret : mais adiousta, qu'il seroit plus necessaire de partager les grands Eueschés, afin qu'ils pussent estre bien gouuernés : allegant qu'en Hongrie il y en auoit de deux cens lieues d'estendue : lesquels ne pouuoient estre ne visités ne bien regis par vn seul. Mais ces propos ne furent point bien pris par les adherants à la Cour de Rome ; ausquels il sembloit qu'ils butassent à renouueler le traité de la Residence.

proposition
de regler
les discours
au Concile :

Mais l'Euesque de Sidonia, de la mesme nation Hongroise, desagreä encor bien d'auantage, proposant la reformation du Pape mesme, sous des figures de langage, & metaphores : & disant, Qu'il estoit impossible d'oster les tenebres des estoilles, qu'on ne les ostant tout premierement du soleil : & de penser le corps malade, laissant les indispositions en la teste, qui les espandent en tous les membres. Et sur le dernier Chapitre des Questeurs, il dit, Qu'il n'estoit point honorable au Concile, ni vtile pour l'Eglise, de commencer la Reformation par les choses moindres : qu'il falloit tout premier parler des choses d'importance, & reformer les ordres superieurs, & puis suiure aux inferieurs. A ces aduis sembloient adherer plusieurs Prelats Espagnols, & quelques Italiens aussi. Mais il leur fut reparti, Que les Decrets estoient ia tous formés : & en outre, que le temps iusques à la Session, qui n'estoit que de trois iours, ne portoit point qu'on püst digerer nouueles matieres : dont, partie par les oppositions qu'on pouuoit faire aux choses alleguées par ces Euesques ; partie aussi, par les grâdes assurances qu'on donna que le Pape feroit vne tres estroite reformation en sa Cour : les remedes aux abus de laquelle se pouuoient beaucoup mieux discerner & appliquer à Rome, la ou le mal estoit mieux conu, qu'au Concile ; partie, par autre telles raisons, furent eludés les reiglemens & prouisions representées par ces Prelats, & par autres, lesquels on fit contenter des neuf Articles pour lors.

Après la Congregation, les Legats, & les autres gens du Pape, demurerent ensemble : & attendu les choses qu'ils auoyent ouïes, ils discoururent, qu'on voyoit tous les iours plus croistre la hardiesse des Prelats à proposer choses nouueles & seditieuses, sans respect : ce qui ne pouuoit estre appelé liberté, ains licence excessiue : & qu'aussi les Theologiens, par la longueur de leurs discours, remplissoient tout le temps, debatant souuent entr'eux de choses de neant, & passant mesmes iusques aux impertinences : & que si on suiuoit à proceder en cete sorte, on ne verroit iamais la fin du Concile : & qu'en outre, il y auoit danger que le desordre ne s'accrust, & ne produisist en fin quelque sinistre effet. Iean Baptiste Castel, Promoteur du Concile, lequel auoit exercé la mesme charge en la precedente conuocation sous Iules ramentut, que le Cardinal Crescence auoit accoutumé, lors que les Prelats extrauagoyent hors des matieres proposées, de les interrompre sans respect, & mesmes couper tout court le fil du propos, & commander aux trop prolixes d'abreger, & quelques fois encor leur imposer silence : que si on en faisoit vne ou deux fois de mesmes en ce Concile, on abbregeroit grandement les affaires, & trancheroit-on les occasions des discours impertinens. Mais le Cardinal de Vvarmie n'agreä point cete remonstration : & dit, Que si Crescence se gouuernoit en cete sorte, ce n'estoit pas merueille, si Dieu n'auoit point donné d'heureux succès à ce Concile-là. Qu'il n'y auoit rien de plus necessaire à vn Concile Chrestien, que la liberté. Et que quand on lit les Conciles des meilleurs siecles, on y void au commencement des contentions & discordes, voire mesmes en la presence des Empereurs trespuissans de ces temps-là : lesquelles toutesfois, par la vertu & operation du Saint Esprit, se reduisoient en fin à vne admirable concorde : qui estoit le grand miracle, qui faisoit ranger & acquiescer le monde. Que les debats au Concile de Nicee auoyent esté excessifs, & en celui d'Ephese exorbitans : & ne falloit point s'esbahir si en celui ci il y auoit quelque differends, maniés par voyes ciuiles : & que qui voudroit y obuier par moyens humains & violens ;

feroit

feroit que le monde, estimant le Concile non libre, luy osteroit tout credit & autorité. Qu'il valoit mieux de se remettre à Dieu, lequel veut luy mesmes regir les Conciles, & moderer les esprits de ceux qui sont assemblés en son Nom. Le Cardinal de Mantouë approuua l'aduis de celuy de Vvarmie, & blasma la procedure de Crescence: mais adiouta, Qu'il n'estoit pas pourrant contre la liberté du Concile de corriger les abus par decret, prescriuant l'ordre & le temps de parler, & distribuant à chacun sa part. Ce qui aussi fut trouué bon par le Cardinal de Vvarmie, & demurerent d'accord, que, la Session finie, on donneroit ordre à cela.

Or, apres que les Imperiaux furent hors d'esperance d'obtenir le Calice, leurs interets estans par ce moyen cessés, les François, avec quelque nombre de Prelats, se mirent en toute diligence à entreietter des empeschemens à ce qu'en la Session, qui se deuoit tenir le seizieme Iuillet, ne fust fait autre chose que differer iusques à la suiuite, comme on auoit ia fait par deux fois. Mais à l'opposite les Légats, pour euitter cete honte, bandoient tous leurs esprits, pour arrester les choses, en sorte qu'on publiast en icelle les quatre Chapitres de la Communion, & les quatre de la Reformation. Les vns taschoient d'oster, & les autres d'interposer toutes sortes de difficultés. Et ayans ces fins differentes, & la Session pendant à tenir dedans deux iours, fut tenuë en Congregation le matin du quatorzieme, en laquelle l'Archeuesque de Grenade fit instance aux Legats, Qu'attendu l'importance de la matiere qui se deuoit traiter, ils prolongeassent la Session, & fit vne espece de hargue, pour monstrier combien de difficultés il demeueroit encor sur pied, lesquelles necessairement il falloit decider. Les Legats, resolu au contraire, n'admirent aucune raison, & donnerent commencement à l'examen de la Doctrine. & en lisant le premier Chapitre, lors qu'on vint à l'endroit, où il est dit, Qu'on ne peut inferer la Communion du sang par les paroles de Nostre Seigneur en S. Iean, Si vous ne mangez la chair du Fils de l'homme, & ne beuuez son sang, &c. Grenade s'interposa, disant, Que ce passage ne parloit point du Sacrement, mais de la foy, sous la figure & metaphore de nourriture: allegant la suite du texte, & rapportant l'exposition de plusieurs Peres, & notamment de S. Augustin. Le Cardinal Seripanda se mit à exposer ce passage, comme s'il eust fait vne leçon en chaire, & sembloit que tous fussent contents. Mais Grenade retourna à repartir avec plus de vehemence, & à la fin requit, Qu'on y adioustast vne clause ampliatiue, en cete sorte, Que par ces paroles du Seigneur, on ne pouuoit inferer la Communion du Calice, en quelque sens qu'on les pust prendre, selon les diuerses expositions des Peres. Cete addition n'agreoit point à quelques vns des Peres, autres l'auoient pour indifferente: mais bien sembloit-il estrange, qu'apres, que les choses auoient esté conclües, vn seul vint à troubler ce qui auoit esté arresté par des additions non necessaires: & y en eut cinquante-sept qui dirent, *Non placet*. Mais, pour venir à vne fin, les Legats furent contents que cete clause y fut adioustée, laquelle de vray paroist bien enchassée à force: & au texte Latin commence, *Ut cumque iuxta varias*.

Au second Chapitre, qui traite de l'autorité de l'Eglise sur les Sacramens, quand on vint à ce passage, qu'elle auoit pû changer l'usage du Calice, à l'exemple du changement de la forme du Baptisme, Jacques Gibert de Nogueras, Euesque d'Aliphe, Espagnol, se leua, & dit, Que cela estoit vn blaspheme: que la forme du Baptisme estoit immuable; & n'auoit iamais esté changée: & qu'il n'y auoit aucune autorité sur ce qui estoit essentiel au Sacrement, qui estoit la matiere & la forme: sur quoy plusieurs paroles ayans esté dites pour & contre, en fin la conclusion fut prise d'oster cete clause. Ce seroit chose trop longue de reciter toutes les choses dites, par les vns pour trauerser, par les autres pour ne se taire oyãs parler les autres. C'est vne chose naturelle, lors qu'une multitude est esmuë, que chacun s'escarmouche à l'enuy: & iamais ne peut estre assemblé college de notables si bien trié, qu'il ne se diuise entre personnages de marque, & vulgaire. La patience

1562.

& la resolution des Legats surmonta les difficultés : tellement qu'en la Congregation du soir furent arrestés les chapitres de doctrine & les Anathematismes : nonobstant que le Cardinal de Vvarmie, par bon zele, entreiettast aussi vne difficulté à l'instance de quelques Theologiens, qui l'aduertirent, qu'au troisieme chapitre de la doctrine, en disant, Que les fideles ne sont frustrés d'aucune grace necessaire à salut, ne receuant qu'une seule espece, on donnoit grande occasion de disputes : d'autant que l'Eucharistie n'estant point vn Sacrement necessaire, par la mesme raison on pourroit inferer, que l'Eglise la pouuoit retrancher toute entiere. Plusieurs Prelats adhererent à cette remonstrance, & requierent que cela fust reformé : d'autant que la raison alleguée à l'encontre estoit tres-euidente, & irrefutable : & le Cardinal Simonete eut beaucoup de peine à arrester ce mouuement, disant, Qu'en la prochaine Session on portast vne minute par escrit, comment on le deuoit reformer.

En cette mesme Congregation, l'Euesque des cinq Eglises donna matiere de nouveaux mescontentemens : car, ayant, hors de la Congregation, receu vne remonstrance, pour les paroles qu'il auoit dites, qu'à Rome les Eueschés n'estoient donnés que pour promouoir les personnes, il retourna encores au mesme propos, faisant vn long discours pour declarer son intention, comme par vne maniere d'excuse, mais en effet en confirmation des choses dites par luy : concludant par vn exhortation aux Peres de dire leurs aduis librement sans respect. Le Cardinal Simonete fut fort alteré des choses passées en cette Congregation : laquelle finie, il monstra au Cardinal de Vvarmie le desseruice que receuoit le Saint Siege des impertinences des Theologiens, qu'on estoit contraint d'ouïr : que c'estoient gens vstités seulement en liures speculatifs, & le plus souuent en vaines subtilités, desquelles ils font grand estat, quoy que ce ne soient autre chose que chimeres : ce qui appert clairement, par ce qu'ils ne s'accordent point entr'eux : que desia vn si grand nombre d'entr'eux auoit approuué ce chapitre sans contredit, & maintenant quelques vns s'auançoient avec nouvelles propositions, lesquelles, quand on viendrait à ioindre, seroient contredites par d'autres. Qu'il estoit tout euidant que, quelque parole qu'on sceust dire, les bien affectionnés la maintiendroient, & les aduersaires l'impugneroient, qu'il importoit bien peu que les paroles fussent vn peu plus ou vn peu moins seures : mais que, apres auoir intimé deux Sessions, & n'auoir rien exploité, on fist encor le mesme en cete troisieme, estoit ce, qui irreparablement feroit perdre le credit au Concile : qu'à cete Session il falloit trauailler à faire quelque chose. Le Cardinal de Vvarmie fut conuaincu, & respondit, que le tout auoit esté fait par luy à fin de bien, ces Theologiens, qui luy auoient donné l'auis, luy ayans esté adressés par les Ambassadeurs Imperiaux : dont Simonete s'apperceut que la bonté de ce Prelat estoit deceuë par la finesse d'autrui : & communiqua aussi aux autres Legats vn doute qu'il auoit, que les gens de l'Empereur ne luy tirassent quelque secret de la bouche, & concerta avec eux de l'en aduertir à quelque bonne occasion.

Le dernier iour auant la Session ne fut pas aussi sans quelque hurt : car l'Euesque de Nismes, à la suscitation des Ambassadeurs de France, fit instance, qu'au premier chapitre de la Reformation, là où il est permis au Notaire de prendre payement pour les patentes des Ordres, ne fust preiudicié aux coustumes de France, par lesquelles rien n'est payé au Notaire. Il fut suivi par quelques Espagnols, & furent contentés par l'addition faite au Decret, que la coustume des lieux fust reseruée. Autres changemens de peu de consequence furent requis, & tous accordés : & tout sembloit bien appointé pour tenir la Session le lendemain, quand les Legats s'estans ia leués pour partir, Arias Gallego, Euesque de Giron, Espagnol, se presenta, & les arresta, & dit, qu'ils s'assissent, & l'ouïssent. Ils se regarderent l'un l'autre : mais le grand desir qu'ils auoient de tenir la Session, leur enseigna la patience. Parquoy ils s'assirent, au grãd despit de plusieurs Prelats, sur tout des courtisans.

Et lors l'Euesque fit lire le chapitre des distributions, & dit, Qu'il luy sembloit chose bien dure de permettre à l'Euesque de prendre le tiers des Prebendes, & de les conuertir en distributions: qu'anciennement le tout estoit distributions, & les prebendes auoient esté introduites par pur abus: mais que l'Euesque auoit autorité de par Dieu de changer les abus es bons vsages anciens: & n'estoit pas raisonnable que le Concile, donnant à l'Euesque le tiers de l'autorité qu'il a desia, luy en ostast les autres deux tiers. Pourtant il requeroit qu'il fust dit & déclaré, Que les Euesques ont ample pouuoir de conuertir en distributions tout autant qu'ils iugent conuenable. L'Archeuesque de Prague approuua cet aduis, & le conferma mesmes par autres raisons: & sembloit, à voir les visages des autres Espagnols, qu'ils y consentoient aussi. Mais le Cardinal de Mantouë, apres auoir grandement loué la pieté de ces Euesques, & assuré que c'estoit là vn point digne d'estre bien consulté par le Concile, promit au nom des autres Legats, desquels il auoit eu l'assentiment, qu'il en seroit parlé en la suiuite Session.

Le seizième du mois de Iuillet venu, les Legats, Ambassadeurs, & Prelats ^{tenue de} allerent, avec les ceremonies accoustumées, à l'Eglise. Et n'est à taire, qu'à ^{la cin-} la Messe le Sermon fut fait par l'Euesque de Teane, lequel, ^{quième} nonobstant qu'il eust esté resolu de ne parler point pour lors d'oütroier le Calice, ne se ^{Session:} retint point de prendre pour theme cette matiere seule, & de discourir, ^{Sermon de} Que, pendant que l'ardeur de la charité auoit duré, l'vsage du Calice auoit ^{l'Euesque} esté commun: mais icelle estant rallentie, & arriuant des inconueniens ^{de Teane} par la negligence d'aucuns; l'vsage d'iceluy de vray n'auoit pas esté inter- ^{sur l'oütroi} dit, mais seulement auoit esté enseigné, qu'il y auoit moins de mal de s'en abstenir à ceux qui malaisément pouuoient euer l'irreuerence: & à l'exemple de ceux-là, par laps de temps, d'autres aussi s'en estoient abstenus pour n'estre obligés à cete exacte diligence, qui y estoit requise. Sur quoy il loua es premiers l'exemple memorable de pieté, & blasma l'impieté des modernes innouateurs, qui auoient allumé vn si grand embrasement pour obtenir le Calice. Et exhorta les Peres à pitié, & compassion; & à esteindre le feu, & à ne permettre que par leur faute tout le monde fust embrasé: & à condescendre à l'imbecillité des enfans de l'Eglise, qui ne reclament autre chose que le sang de Christ. Il les admonnesta aussi à ne tenir pour legere la perte de tant de prouinces, & royaumes: & puis qu'à present ce benoist sang estoit requis d'un si ardent desir, ils n'auoient point suiet de craindre qu'on y vst de la mesme negligence ancienne, pour laquelle on en auoit mis l'vsage: ains le deuoient oütroier, pour ce que Iesus-Christ n'agreeroit point qu'ils fussent tellement arrestés à leurs propres opinions, qu'ils entretinssent entre les Chrestiens vne discorde tant pernicieuse pour ce sang, lequel il a espandu pour les vnir tous en charité tres-estroite. De là il passa dextrement à vne exhortation à la Residence: & puis finit, ayant parlé peu au gré des Legats, & d'autres qui desiroient mettre ces matieres sous silence.

Les ceremonies acheuées, l'Euesque officiant lut la Doctrine, contenue ^{Decree} en quatre chapitres, dont la substance estoit telle, Que d'autant que beau- ^{touchant} coup d'erreurs couroient sur le suiet du Sacrement de l'Eucharistie, le Con- ^{la Com-} cile auoit deliberé d'exposer ce qui concernoit la communion sous les deux ^{munion} especes, & celle des enfans: defendant à tous fideles de croire, enseigner, ou ^{du Calice,} prescher autrement. Et pourtant, suiuant le iugement & l'vsage de l'Eglise, ^{& des pe-} il declaroit, Que les Lais, & les Clercs non celebrans, ne sont obligés, par au- ^{tits enfans,} cun commandement diuin, à communier sous les deux especes: & que nul, la foy sauue, ne doit douter que la Communion d'une seule espece ne suffise. Car, combien que Nostre Seigneur Iesus-Christ ait institué, & baillé le Sacrement sous deux especes, de là pourtant ne peut ny ne doit estre inferé, que tous soient obligés à le receuoir en cete sorte: & aussi peu le peut-on recueillir du propos de Nostre Seigneur, recité au sixième chapitre de S. Iean: auquel, quoy qu'il y ait des paroles qui nomment les deux especes, il y

1562. en a toutesfois aussi qui n'expriment que celle du pain. Et en outre, le Concile declare, Qu'en l'Eglise il y a tousiours eu le pouuoir de faire changement en la dispensation des Sacremens, la substance d'iceux sauue. Ce qui generalement se peut deduire des paroles de S. Paul, Que les Ministres de Christ sont dispensateurs des mysteres de Dieu : & specialement de ce que le mesme dit, sur le fait de l'Eucharistie, qu'il se reseruoit d'en ordonner de bouche. Que l'Eglise, conoissant cette siene autorité, la coustume de l'vsage des deux especes, lequel au commencement de l'Eglise estoit fort frequent, ayant esté changée, auoit autorizé l'autre, de communier sous vne tant seulement : laquelle coustume nul ne peut changer ny alterer, sans l'autorité de la mesme Eglise. Et en outre, le mesme Concile declare, que sous chacune des especes on reçoit Christ tout entier, & le vray Sacrement : & que celuy, qui n'en reçoit qu'une, n'est pour ce qui concerne le fruit frustré ne defraudé d'aucune grace necessaire à salut. Finalement, il enseigne, que les petits enfans, auant l'vsage de la raison, ne sont obligés à la Communion Sacramentelle: attendu qu'en cet aage là ils ne peuuent perdre la grace receuë au Baptisme. Sans toutesfois condamner la coustume gardée en quelques lieux au contraire par l'Antiquité, laquelle il faut indubitablement croire n'auoir fait cela par necessité de salut, mais pour quelque autre cause probable. En suite & conformité de cette Doctrine, furent lus quatre Anathematismes. Le premier, Contre qui dira, que tous les fideles, ou par necessité de salut, ou par commandement de Dieu, sont obligés à recevoir toutes les deux especes de l'Eucharistie. Le deuxieme, Contre qui dira, que l'Eglise Catholique n'a eu iustes causes de communier les Lais, & les Clercs non celebrans, sous la seule espece du pain, ou qu'en cela elle a erré. Le troisieme, Contre qui niera, que sous la seule espece du pain est receu Iesus-Christ tout entier, & auteur de toutes graces. Le quatrieme, Contre qui dira, que la communion de l'Eucharistie est necessaire aux petits enfans, auant l'vsage de la raison. Apres cela, fut lu encores vn autre Decret, qui portoit, Que le Concile se reseruoit d'examiner à la premiere occasion, & de definir deux autres Articles, non encores digerés, à sçauoir, Si les raisons, pour lesquelles l'Eglise a communie sous vne espece seulement, doiuent estre encor à present retenues, & le Calice ne doit estre accordé à aucun. Puis, En cas qu'il soit iugé expedient de l'octroyer pour bonnes causes, sous quelles conditions cela se doit faire.

& les
Anathe-
mes:

Decret de
la reserve
de deux
autres
points:

deux le-
suites pro-
posent vne
difficulté
en la Ses-
sion:

Pendant qu'on chantoit la Messe, Alphonse Salmeron, & François de la Tour, Iesuites, deuisans l'un avec le Legat de Vvarmie, & l'autre avec le Cardinal Madruce, derriere les sieges desquels ils estoient, leur remonstrent qu'au premier chapitre de la Doctrine il estoit obscurément parlé de l'institution du Sacrement en la dernière Cene sous les deux especes: & qu'il falloit parler clairement, en disant, Que Christ l'auoit ainsi institué pour les Apostres, & pour les sacrifiants tant seulement, & non pour tous les fideles. Qu'il estoit necessaire d'y inserer cette clause, pour oster toute doute & scrupule aux Catholiques, & toute prise de contredire, & de calomnier, aux heretiques, Qu'eux comme Theologiens enuoyés par le Pape, ne pouuoient se passer de donner aduis en chose de si grande consequence. Et firent, sur tout Salmeron, qui traitoit avec le Cardinal de Vvarmie, si forte instance, qu'apres la lecture du Decret, ce Cardinal premierement, puis aussi Madruce, en firent la proposition: laquelle agreea à plusieurs, mais fut reiettee par le plus grand nombre, non pour la chose en soy, mais pour la maniere de la proposer ainsi à despourueu, sans donner loisir d'y aduiser: qui fut aussi la cause, que les autres Legats ne la trouuerent point bonne: mais toutesfois pour la reuerence du lieu, ils dirent, sans s'esmouuoir autrement, qu'on la reserueroit à la suiuite Session, lors que on traiteroit des deux Articles qui restoient.

Decret de
reforma-
tion,

Apres cela, furent lus les neuf Chapitres de Reformation, dont la teneur estoit, que, pour la Collation des Ordres, pour dimissoires, testimoniales, seau, ou autre chose, l'Euesque, ou ses Ministres, ne puissent recevoir chose

aucune, quoy que présentée spontanément. Que les Notaires, es lieux où n'est la louable coustume de ne rien recevoir, & là où ils n'ont aucun salaire estably, puissent pour les susdites lettres recevoir la dixième partie d'un escu. Que nul Clerc seculier, quoy que suffisant & capable, ne puisse estre promu aux saints Ordres, sinon qu'il ait Benefice, patrimoine, ou pension suffisante pour viure : & que le Benefice ne puisse estre resigné, ne la pension amortie, ne le patrimoine aliéné, sans congé & permission de l'Euesque. Qu'és Eglises Cathedrales, ou Collegiales, ou il n'y a point de distributions; ou bien, où elles sont petites & maigres, l'Euesque puisse conuertir en icelles le tiers des fruits des prebendes. Qu'és paroisses grandes & populeuses, les Euesques contraignent les Recteurs d'icelles à se faire aider par d'autres Prestres : & que celles, qui sont de grande estendue, soient partagées, & soient pourueuës de nouveaux Recteurs, si le besoin le requiert : contraignans mesmes le peuple à contribuer. Que les Euesques puissent vnir à perpetuité les Benefices avec cure, & sans cure d'ames, pour cause de pauvreté, ou autres legitimes. Que les Euesques donnent des coadiuteurs aux Prestres ignorans, & chastient les scandaleux. Que les Euesques puissent reduire & annexer les Benefices des vieilles Eglises, ou ruineuses, à d'autres : & faire restaurer les parochiales, contraignant mesmes le peuple au bastiment. Qu'ils puissent visiter tous les Benefices, qui sont en commende. Qu'en tous lieux soit osté & aboly, le nom, l'office & l'usage des Questeurs. Pour la fin, la suiuite Session fut assignée au dix-septième du mois de Septembre, avec declaration, qu'il fust au pouuoir du Concile, d'abbreger ou allonger en Congregation generale, à son bon plaisir, ce terme, & tout autre qui seroit constitué es suiuites Sessions.

Le monde n'auoit pas esté en si grande attente des actions de ce Concile ^{iugemens} es temps passés, comme à present, que tous les Princes estoient conuenus à ^{sur cette} le demander, & y auoient enuoyé Ambassades, & que de tous païs s'y estoit ^{Session} assemblé grand nombre de Prelats, au quadruple de ce qui auoit esté auparavant : & ce qui plus est, y ayant, lors de cette Session, six mois qu'il estoit commencé, & tout ce temps ayant esté employé à continuel & quotidiens traités, avec despesches de plusieurs courriers & Prelats, haut & bas, de Rome à Trente, & de Trente à Rome. Mais, quand cette Session sortit en lumiere, tous d'une voix y rapportèrent le proverbe Latin de l'enfantement des montagnes, d'où n'estoit sorty qu'une ridicule souris. Nommément on y remarquoit la dilation des deux Articles : d'autant qu'il sembloit estrange, que le Concile, ayant, par quatre Anathematismes, fait quatre Articles de foy, n'eust pû declarer celuy de l'oütoy du Calice estre de droit Ecclesiastic. Plusieurs aussi iugeoient, que celuy-là deuoit estre traité tout le premier : d'autant que, si le Calice eust esté oütoyé, toutes les disputes cesseroient. On fit aussi grande consideration sur le troisième Chapitre de la Doctrine, en sa conclusion, qui porte, Que le fidele, en receuant tant seulement le corps de Christ, n'est defraudé d'aucune grace necessaire. Car il sembloit que par ces termes on aduoüast, qu'il perd doncques quelque grace non necessaire : & là dessus estoit mis en doute, s'il y a aucune autorité humaine, qui puisse empescher la grace de Dieu surabondante, & non necessaire : & quand mesmes elles le pourroit, si la charité permettoit de mettre ces empeschemens au bien. Il y eut deux choses, par dessus toutes les autres, qui donnerent beaucoup à parler : l'une, l'obligation imposée de croire, que l'Antiquité ne tenoit point pour necessaire la Communion des petits enfans : d'autant que là où il s'agit de verité d'histoire, c'est une question de fait, & du temps passé, là où l'autorité n'est d'aucune vertu, veu qu'elle ne peut alterer les choses ia faites, & aduenües. Or est-il notoire à tout homme qui a lu S. Augustin, qu'en neuf diuers endroits, non en une parole, comme en passant, mais par long discours, de propos deliberé, ce Pere a maintenu la necessité de l'Eucharistie aux petits enfans : voire mesmes en deux de ces passages il l'a egalée à la necessité du Baptisme : & d'abondant dit

1562.

en plus d'un endroit, que l'Eglise Romaine mesmes l'a ainsi tenu, & a desfiny l'Eucharistie estre necessaire au salut des enfans: & à cete fin allegue le Pape Innocent, l'Epistre duquel est encores en estre, en laquelle iceluy parle clairement. Et s'esbahissoit-on fort, comment le Concile, hors de necessité, s'estoit embarassé en cete question sans fin, avec danger de faire dire, que l'un des deux, ou le Pape Innocent, ou le Concile auoit erré. L'autre estoit le deuxième Anathematisme, prononçant heretique celuy qui dit, Que l'Eglise n'a esté mue de iustes causes à communier sans le Calice. Ce qui n'est autre chose, que fonder un Article de foy sur un fait humain. Et tenoit-on pour chose bien extrauagante, d'aduouër que l'homme n'est tenu d'observer le Decret, que par droit humain: & cependant que de droit diuin il est obligé à croire qu'iceluy est iuste: & de poser, pour Articles de foy, choses, lesquelles se changent tous les iours. Autres aussi adioustoient, que, s'il y auoit ces causes tant iustes d'oster le Calice, il les faloit declarer, pour persuader les hommes par icelles, & non point les contraindre à croire par terreur: qui estoit iustement maistriser la foy, chose tant detestée par saint Paul. Sur les Chapitres de la Reformation, on disoit generalement qu'on ne pouuoit toucher particularités ne plus legeres, ne plus legerement: & qu'on auoit fait comme le Medecin, lequel en un corps tout ethique ne traualloit qu'à guerir de la demangeaison. Et sembloit aussi bien nouveau que le Concile mist ainsi la main par force en la bourse du peuple, pour entretenir Prestres, ou pour rebastir Eglises: ce qui, tant en sa substance, qu'en la maniere, estoit hors de raison. Car, quant à la substance, le Clergé estoit suffisamment, voire superflument riche pour cela & debiteur plustost aux Lais, à diuers euidences, que les Lais à luy. Et, quant à la maniere, d'autant que Iesus-Christ, ne les Apostres, n'auoient pretendu de contraindre à contributions: mais bien auoient baillé pouuoir de receuoir les volontaires: & qui lit S. Paul aux Corinthiens, & aux Galates, void bien le traitement que le maistre doit au bœuf qui foule le grain en l'aire, & le deuoir du Catechizé enuers le Catechizant: sans toutesfois que ces ouuriers-là ayent aucune action, ou droit d'exiger, & qu'il y ait au monde aucune cour, ou magistrat ciuil, auquel ils puissent recourir.

reconcili-
ation des
Legats, &
prouision
pour l'a-
uenir:

Après la Session, les Legats se mirent à donner ordre aux choses qui deuoient estre examinées pour la suivante, avec dessein d'abreger le temps, s'il estoit possible. Sur ces entrefaites, vindrent à Trente lettres d'Alexandre Simonete à son frere le Cardinal: & du Cardinal Gonzague à celuy de Mantouë, son oncle: contenant vnes exhortations, au nom du Pape, de composer leurs differens, & de s'entendre bien ensemble à l'auenir. Au moyen de quoy, le Dimanche d'après la Session, Simonete demeura à dîner avec le Cardinal de Mantouë, & fut faite entiere reconciliation entr'eux: & Simonete entra à parler des Prelats, qui hantoient sa maison, & estoient suspects à celuy de Mantouë, pour des offices faits contre luy. Mais celuy de Mantouë l'arresta modestement, disant, Qu'ils ne parleroient pas ainsi à l'auenir. Ils traiterent bien à l'estroit du moyen de donner plein contentement au Pape, & à la Cour de Rome, au fait de la Residence: & quels Prelats seroient propres à y estre employés, pour persuader les autres: & iugerent que ceux-là n'y estoient pas idoines, qui s'estoient descouverts ioints & attachés aux interets du Pape, ou de la Cour, quoy qu'habiles au demeurant. Ils en proposerent deux autres, fort estimés pour leur prud'hommeie, & de grande dexterité à negocier, à sçauoir, les Euesques de Modene, & de Bresse. Le mesme iour, l'Archeuesque de Lancian assembla les Euesques, qui auoient par luy escrit au Pape, & leur presenta le Bref de la réponse, plein d'affection, d'humanité, & d'offres: ce qui les adoucit tous, & porta grand poids à leur faire rabattre l'ardeur de la poursuite de la Residence. Ce mesme iour arriua encor un autre accident, fort fauorable au Pape: c'est, que le Marquis de Pescaire enuoya à son Secretaire copie d'une lettre, que le Roy d'Espagne luy auoit escrite, par laquelle il luy disoit, Qu'ayant entendu

lettre du
Roy d'Es-
pagne sur
la conti-
nuation,
& sur la
Residence,

quel'Empereur; & le Roy de France, desagreioient la declaration de la continuation du Concile; & conoissant bien, que si elle se faisoit, elle pourroit causer la rupture du Concile: il luy ordonnoit de n'en faire plus aucune instance: pourueu seulement qu'on ne fist aucune declaration de nouuelle indiction, & que le Concile suiuit comme il auoit commencé. Il luy bailla aussi charge de faire sçauoir à ses Prelats, qu'il auoit entendu la controuerse & la dispute sur le fait de la Residence, & l'instance qu'ils auoient faite, qu'il fust dit & déclaré qu'elle est de droit diuin. En quoy il loüoit bien leur zele, & bonne intention: mais toutesfois qu'il luy sembloit qu'une telle declaration n'estoit point à propos pour lors: & pourtant, qu'ils eussent à se deporter d'en faire plus grande instance. Le Secretaire monstra cete lettre aux Prelats Espagnols. Mais l'Archeuesque de Grenade, l'ayant attentiuement considerée, dit, que le fait alloit bien, puis que le Pape ne vouloit pas cete declaration. Que le Roy ne sçauoit pas ce qu'elle importoit: qu'il estoit conseillé par l'Archeuesque de Seuille, qui n'auoit iamais fait residence en son Eglise: & par l'Euesque de Conque, qui ne bougeoit de la Cour. Qu'il sçauoit tresbien à quelle fin tendoit ce commandement du Roy, & qu'il luy obeiroit pour ne point protester: mais ne laisseroit pas pour cela de demander cete declaration toutesfois & quantes que l'occasion s'en presenteroit, sçachant bien que le Roy n'en receuroit aucune offense. L'Article de la continuation fut aussi monstre aux Ambassadeurs de l'Empereur, & de France: mais ils respondirent, Que de vray il n'y auroit nul besoin de faire telle declaration expressément en paroles, puis qu'on l'executoit par effet.

La Congregation d'apres la Session fut le vingtième du mesme mois de la Congreg^{gation} Iuillet, en laquelle fut proposé, qu'on traiteroit du Sacrifice de la Messe, & des abus qui s'y commettent. Le Cardinal de Mantouë fit vne remonstrance pouruoit aux Prelats, qu'ils eussent à dire leurs aduis es Congregations paisiblement, à la matiere, & briuement, & sans bruit: & leur communiqua les reglemens, qu'ils auoient l'ordre dressés, pour ranger les Congregations des Theologiens: afin d'oster les debats, la confusion, & la prolixite: lesquels ayans este lus, furent approuués pour la Session par la Congregation. Apres cela, le Cardinal Seripande discourut du moyen & procedure d'examiner es Congregations, les Chapitres de la Doctrine, & les Anathematismes: & remontra, qu'ils auoient desia autres fois esté examinés & ventulés & mesmes arrestés au mesme Concile, quoy que non publiés: dont les Peres pouuoient de beaucoup abbreger leurs considerations: attendu qu'il n'y auoit rien de si necessaire que la prompte expedition. L'Archeuesque de Grenade adiousta, que, puis qu'une autre fois on auoit ia traité de la Messe, & qu'il y restoit encor beaucoup de temps iusqu'à la Session, on pouuoit bien aussi tout ensemblement traiter la matiere du Sacrement de l'Ordre: ce qui fut confirmé aussi par l'Euesque des Cinq Eglises: & par aucuns fut entendu comme dit par ironie; par autres comme tendant à remettre sus le traité de la Residence, suiuant la promesse faite par le Cardinal de Mantouë. Pour fin furent proposés les Articles, qui deuoient estre traités es Congregations des Theologiens. La substance des reglemens dessusdits fut comprise en sept chefs. Le premier, Que sur chaque matiere proposée, des Theologiens, enuoyés par le Pape, quatre tant seulement, élus par les Legats, deux seculiers, & deux reguliers, pussent parler. Le deuxième, Que par les Ambassadeurs des Princes fussent élus trois Theologiens seculiers, d'entre ceux qui estoient enuoyés par iceux. Le troisième, Que chacun d'entre les Legats elust vn des Theologiens seculiers, leurs domestics. Le quatrième, Que de tous les autres Theologiens seculiers, domestics des Prelats, fussent élus quatre par chaque matiere, pour parler: commençant par ceux de plus ancienne promotion au Doctorat. Le cinquième, Que du nombre des reguliers, chaque General en elust trois de son ordre. Le sixième, Que nul d'entre les Theologiens n'outrepassast l'espace d'une demie heure: & que qui seroit plus long, eust à estre interrompu par le Maistre des ceremonies: & plus aucun seroit bref, plus seroit-il loüé.

1562. Le septième, Que chaque Theologien, auquel n'escherroit place de parler sur quelque matiere, pourroit porter aux deputés par escrit ce qu'il iugeoit necessaire sur les matieres proposées. Selon ces regles on fit estat, que pour lors trente-quatre Theologiens parleroient, & pourroient tous estre ouïs en dix Congregations au plus. Il y eut quelque difficulté en l'establissement de cet ordre, sur le titre & inscription, qu'il luy falloit bailler, pour le publier. Car il sembloit à aucuns, que si on le nommoit, Forme ou maniere à garder par les Theologiens : on encourroit l'inconuenient obiecté par le Spartiate aux Atheniens, Qu'en Athenes les sages consultoient, & les ignorans deliberoient. Et pourtant, pour euitier cela, l'inscription fut conceüe en cete sorte, Maniere qui à l'auenir deura estre gardée es matieres, qui seront examinées par les Theologiens mineurs. Inferant de là, que les Prelats estoient les Theologiens maieurs.

Il y eut treize Articles proposés. Le premier, Si la Messe est seulement commemoration du Sacrifice de la Croix, & non vray Sacrifice. Le deuxième, Si le Sacrifice de la Messe deroge à celuy de la Croix. Le troisième, Si Christ par ces paroles, Faites cecy en memoire de moy, a ordonné que les Apostres offrisent son corps & son sang en la Messe. Le quatrième, Si le Sacrifice de la Messe profite seulement à celuy qui le reçoit, & ne peut estre offert pour autrès, tant vifs que morts : ne pour leurs pechés, satisfactions, & autres necessités. Le cinquième, Si les Messes priuées, esquelles le seul Prestre reçoit la Communion, sans autres comunians, sont illicites, & doiuent estre abolies. Le sixième, S'il est contraire à l'institution du Seigneur de mesler en la Messe l'eau avec le vin. Le septième, Si le Canon de la Messe contient erreurs, & doit estre annullé. Le huitième, Si l'obseruance de l'Eglise Romaine, de prononcer secretement & à voix basse les paroles de la Consécration, est condannable. Le neuuième, Si la Messe doit estre celebrée seulement en langue vulgaire, qui soit entenduë de tous. Le dixième, Si c'est abus d'attribuer des Messes particulieres à des Saints particuliers. L'onzième, S'il faut oster les ceremonies, vestemens, & autres signes externes, dont vſel'Eglise en la celebration de la Messe. Le douzième, Si de dire que Nostre Seigneur est mystiquement sacrifié pour nous, est la mesme chose, que de dire, qu'il nous est baillé à manger. Le treizième, Si la Messe est seulement Sacrifice de loüange, & d'action de grâces : ou bien, si elle est aussi Sacrifice propitiatoire, pour les viuans, & pour les morts. A ces Articles estoit adiousté que les Theologiens eussent à prononcer, s'ils estoient erronnés, ou faux, ou heretiques : & s'ils meritoient d'estre condannés par le Concile : & leur fut enioint, qu'ils les partageassent entr'eux : tellement que les dix-sept premiers parlassent sur les sept premiers : & les autres, sur les six suiuan.

de goustement des François, Il auoit bien tousiours semblé aux Ambassadeurs François de demeurer au Concile avec peu de reputation, au pris des autres. Mais apres que le Decret de ces reglemens dessusdits eut esté publié, ils en prirent beaucoup plus de ialousie : attendu qu'il eust falu specifier quels Theologiens estoient de tel & de tel Roy : ce que les Prelats ne faisoient point : & pour la France nul n'y pouuoit entreuenir. Ils apprehendoient aussi, que par ce moyen ne fust fait quelque preiudice aux prerogatiues du Royaume. Et pourtant alors tout promptement, & depuis encor, à autres occasions, ils donnerent aduis en France que cete dispute se passeroit entre les seuls Italiens, Espagnols, & Portugais : & que la France n'y auroit aucune part, si Sa Maïesté ne faisoit haster quelque Prelat, ou Docteur, sur tout escheant de traiter des matieres tant importantes, comme estoient les Articles proposés. Ce qui aussi pourroit seruir, pour pouuoir plus aisément pourchasser d'obtenir, ou empescher, les choses selon le desir de Sa Maïesté, suivant le contenu de leurs instructions. Que iusques alors ils n'auoient proposé aucun des Articles de Reformation : d'autant que, n'ayans pas des voix pour les soutenir, on n'auroit fait aucune estime de leurs remonstrances. Que le Concile ne vouloit escouter chose aucune qui preiudiciaist à l'vtilité, ou à l'autorité de la Cour de

de Rome, le Pape estant maistre des propositions, par ce qui auoit esté dès le commencement estably, & depuis continuellement obserué, que nulle chose ne püst estre proposée, que par les Legats: & tout de mesmes des deliberations, par le grand nombre de Prélats pensionnaires, & autres estans à sa deuotion: & estant aussi tout resolu de ne permettre que le Concile se meslast de reformer la Cour de Rome, mais de reseruer tout cet affaire à soy-mesmes. Et d'ailleurs, que les Espagnols, lesquels du commencement demonstroient grand zele à la Reformation; estoient refroidis, & tout estourdis, pour la correction qu'ils auoient receuë de leur Roy. Dont il n'y auoit esperance aucune, les choses estans en ces termes; d'obtenir autre chose, que ce qui plairoit à sa Sainteté: attendu, que, pour instance que tous les Ambassadeurs des Princes, qui estoient à Trente, eussent faite, on n'auoit peu obtenir qu'on traitast d'une bonne & serieuse reformation de la discipline Ecclesiastique: de laquelle les Articles auoient esté présentés aux Legats, conformes non seulement à l'usage de l'Eglise primitive, mais aussi aux Decrets des Papes mesmes. Et en lieu d'icelle, ils mettoient en auant points de Doctrine, contentieux à present: nonobstant qu'on leur eust remontré que cela estoit superflu en l'absence des Protestans. Et, si encor ils proposoient quelque chose concernant les mœurs, cela estoit de tres-petite importance, & de nul fruit.

Le Pape, lequel, pour les aduis qu'il receuoit tous les iours des choses qui se passoient à Trente avec tant de varieté, auoit esté en perplexité, si au iour assigné pourroit estre publié aucun Decret en la Session: quand il eut la nouvelle de l'heureuse issue d'icelle; en receut grand contentement, lequel s'accrut encor d'auantage, quand il entendit la reconciliation des Legats, & eut aduis de la lettre escrite par le Roy d'Espagne, & ne peut se contenir qu'il ne demonstrest sa ioye, faisant part de ces nouvelles au Consistoire, & passa iusques à remercier le Cardinal d'Arragon, frere du Marquis de Pescara, duquel Marquis il reconnoissoit ce bon office. Puis apres il se tourna tout entier à la prompte expedition du Concile: & ne desleuant point qu'aucune autre chose le püst porter en longueur, sauf le fait de la Residence ou de la Communion du Calice, il escriuit aux Legats, Qu'il estoit tout rendu à la Reformation de la Cour de Rome, & qu'ils en assurassent les Ambassadeurs & les Prelats, qu'ils en parleroient, & qu'ils trauiassent de leur costé à despescher les matieres, ce qu'ils pourroient faire en trois Sessions au plus. Il approuua qu'ils eussent reserué de pouoir abreger le temps prefix, & les exhorta de se prenaloir de ce pouoir. Et adiousta, Qu'il voyoit bien qu'il estoit malaisé de faire vne bonne resolution au Concile sur le fait de la Residence: attendu que plusieurs Prelats y estoient interessés en l'honneur, ayant dit leur aduis à bonne intention: & pourtant, qu'ils procurassent que cete decision fust remise à luy, & que semblablement ils se desmeslassent des instances, que les Princes faisoient pour la Communion du Calice, les renuoyant aussi à luy. Que si en d'autres matieres qu'on traiteroit, il se rencontroit quelque difficulté malaisée à resoudre, ils proposassent qu'elle luy fust remise: d'autant qu'avec plus de facilité il pourroit decider toutes choses au Consistoire, y appellant mesmes, si besoin estoit quelque nombre de Theologiens qu'il ne se pouoit faire à Trente, là où les diuers interets rendoient les resolutions impossibles, ou tres-longues.

La premiere Congregation des Theologiens fut tenuë le iour ensuiuant apres Midy: & en icelle fut si bien gardé le reglement de ne passer plus haut de demie heure, que le Iesuïte Salmeron consuma tout seul tout le temps d'icelle, avec beaucoup de petulance, disant, Qu'il estoit enuoyé par le Pape, & qu'ayant à parler de choses importantes & necessaires, nul terme ne luy deuoit estre prescript: & discourut sur les sept Articles, sans toutesfois apporter autres choses que communes, lesquelles ne meritent point de memoire particuliere. Le matin ensuiuant il fut imité par le Iesuïte Torres, son compagnon, qui voulut aussi pour soy tout le temps de cete Congregation: & ne

1562. fit que repliquer les choses dites le iour de deuant, sans y adiouster rien de nouveau. Mais encor fit-il bien pis : car estant pour la fin entré au passage de S. Iean, Si vous ne mangez ma chair, &c. il dit, Qu'iceluy ne pouuoit estre entendu que de la Communion Sacramentelle : & adiousta, qu'au premier Chapitre de la Doctrine, publié en la precedente Session, il sembloit que cela fust laissé en doute. Et pourtant qu'il estoit necessaire de declarer en la suiuite, qu'en ce passage-là ne s'agit d'autre chose que du Sacrement. Que si quelqu'un vouloit dire autrement, il en appelloit au Concile. Les Legats furent grieuement offensés des choses dites par luy : tant, pource qu'elles estoient contre la determination du Concile : que, pource qu'elles inferoient necessité de la Communion du Calice : mais principalement pource que ces Iesuites, quoy qu'ils fussent les premiers à parler, auoient voulu estre tous deux exemptés des reglemens generaux, avec tant de petulance. Les Legats se ramenturent le trouble qu'ils auoient excité en la Session, par leurs importunes instances faites aux Cardinaux de Vvarmie, & de Trente : & ce Torres estoit aussi particulierement sur les papiers de Simonete, pour auoir escrit contre Catarin, en faueur de la Residence de droit diuin : en termes, disoit Simonete, insolens. Et pourtant, la Congregation acheuée, il dit à ses Collegues, qu'il falloit reprimer cete audace : & fut prise resolution de le faire à la premiere occasion.

*ingés au-
dacieux
& insolens
par les
Legats :*

*en l'exa-
men des
Articles
est prouué
que la
Messe est
sacrifice,
mais avec
grande
diuersité
d'opinions,* Es examens des Theologiens, ils furent tous conformes à condamner d'heresie les opinions des Protestans és Articles propolés : & se despeschoient briuement des autres. Les discours de chacun furent extremement longs à prouuer que la Messe est Sacrifice, auquel, sous les especes & signes Sacramentels Christ est offert. Les raisons principales, alleguées par eux, estoient, Que Christ est Sacrificateur selon l'ordre de Melchisedec : or Melchisedec offrit pain & vin : doncques il faut que la Sacrificature de Christ soit avec Sacrifice de pain & vin. En outre, que l'Agneau Paschal estoit figure de l'Eucharistie, & estoit vray Sacrifice : dont il faut aussi que l'Eucharistie soit vray Sacrifice. En apres, Que Dieu en Malachie le Prophete, en reprouuant les sacrifices des Hebrieux, auoit dit, Que son Nom seroit grand parmy les nations : & qu'en tous lieux luy seroit offerte oblation pure : ce qui ne pouuoit estre entendu que de l'Eucharistie : veu qu'il n'y a point d'autre Sacrifice offert à Dieu en tous lieux, & par toutes nations. Plusieurs autres conuenances & figures du Vieil Testament furent alleguées ; les vns prenans fondement sur l'une, les autres sur l'autre. Du Nouveau Testament on allegoit le passage de S. Iean, auquel Iesus-Christ auoit enseigné à la Samaritaine, que l'heure estoit venue, que le Pere seroit adoré en esprit, & verité. Or le mot d'Adorer en l'Ecriture sainte signifie Sacrifier, comme cela appert en diuers endroits : & la Samaritaine aussi auoit enquis le Seigneur touchant les Sacrifices, lesquels ne pouuoient estre offerts par les Iuifs en autres lieux qu'en Ierusalem, & auoient esté offerts par les Samaritains en Garizim, là où le Seigneur pour lors estoit. Et partant ils disoient, que de necessité il falloit entendre ce lieu-là d'une adoration exterieure & solennelle, qui n'estoit autre, Que l'Eucharistie. Le mesme estoit prouué par les paroles de Christ, Cecy est mon corps, qui est liuré pour vous, qui est rompu pour vous : Cecy est mon sang, qui est espendu pour vous. Doncques en l'Eucharistie il y a rupture de corps, & effusion de sang, qui sont actions de Sacrifice. Par dessus tout, estoit fait grand fondement sur les paroles de Saint Paul, qui met l'Eucharistie au mesme rang & genre des sacrifices des Hebrieux, & des Gentils ; disant, que par icelle on participe au corps & au sang de Christ, de mesmes qu'entre les Hebrieux ceux qui mangent les hosties sont participants de l'Autel. Et qu'on ne peut boire le Calice du Seigneur, ny participer à sa Table, & quant & quant boire le Calice des diables, & participer à leur Table. Or, que les Apostres eussent esté ordonnés Sacrificateurs par Iesus-Christ, ils le prouuoient clairement par les paroles, que Nostre Seigneur leur auoit dites, Faites cecy en memoire de moy. Et pour plus grãde preuue

estoyent alleguées plusieurs autorités des Peres, lesquels tous nomment l'Eucharistie Sacrifice: ou bien, en termes plus generaux attestent qu'en l'Eglise est offert Sacrifice. Vne autre partie adioustoit aussi, que la Messe est Sacrifice, pource que Christ en la Cene s'offrit soy-mesme: & ceux-là apportoyent cete raison pour principale: & prouoyent leur fondement premiere-ment, parce que l'Escripture disant clairement, que Melchisedec auoit offert pain & vin, Iesus-Christ n'auroit esté Sacrificateur selon l'ordre d'iceluy, s'il n'eüst offert semblablement les mesmes choses. En apres, parce que Christ auoit dit que son sang en l'Eucharistie estoit confirmatif du Nouveau Testament: or, le sang confirmatif du Vieil Testament auoit bien esté veritablement offert en son institution: partant par consequence necessaire, il s'ensui-uoit que Iesus-Christ auoit aussi offert le sien. Ils argumentoyent aussi, que Christ ayant dit, Faites cecy en memoire de moy, s'il n'auoit offert, nous aussi ne pourrions offrir. Et disoyent, que les Lutheriens n'ont autre argument pour prouuer que la Messe n'est point Sacrifice, sinon d'autant que Christ n'a point offert en l'Eucharistie. Et pourtant, que cete autre opinion estoit dangereuse, comme faultrice de la doctrine heretique. Mais plus puissamment encor prouoyent ils cela, par ce, que l'Eglise chante au seruice du Corps du Seigneur, disant, Christ eternal Sacrificateur selon l'ordre de Melchisedec, a offert pain & vin. Et au Canon du Messel Ambrosien, il est dit, Que Iesus-Christ, instituant vne forme de perpetuel Sacrifice, s'est offert tout premier soy-mesmes, & a le premier enseigné de l'offrir. Diuerses autorités des Peres estoient alleguées en suite pour confirmation de la mesme chose.

Mais, de l'autre costé on affermoit, avec non moins d'asseueration, que Iesus-Christ en la Cene auoit bien commandé l'oblation, qui se deuoit perpetuellement faire en l'Eglise, apres sa mort: mais que luy mesmes n'auoit pas offert: d'autant que la nature de ce Sacrifice ne le permettoit pas: & pour preuue de cela, disoyent, Qu'à ce conte l'oblation de la Croix auroit esté superflüe: puis que, par celle de la Cene qui auoit precedé, le genre humain auroit esté racheté. Que le Sacrifice de l'Autel auoit esté institué par Iesus-Christ, pour rememoration de celuy qu'il offrit sur la Croix: or ne peut-on rememorer autre qu'une chose passée: partant, l'Eucharistie n'auoit pû estre Sacrifice auant l'oblation de Christ en la Croix. Ils allegoyent aussi, que ne l'Escripture, ne le Canon de la Messe, ny aucun Concile, n'auoit iamais dit, Que Christ se fust offert soy-mesmes en la Cene: & monstroient que les passages des Peres, que les autres allegoyent, deuoient estre entendus de l'oblation faite en la Croix. Ils concludoyent, qu'ayant à determiner que la Messe est Sacrifice, comme de vray elle l'est, on le pouuoit suffisamment faire par les puissantes preuues de l'Escripture, & des Peres, sans vouloir ren- uier par dessus par preuues non subsistantes. Ce differend ne fut point entre plusieurs & peu: mais diuisa, tant les Theologiens que les Peres, en partis presque egaux: & fut occasion de quelque estrif. Les premiers vindrent iusques-là, de dire que l'autre opinion estoit erronée, & requeroient vn Anathematisme, qui leur imposast silence, condannant d'heresie quiconque diroit, Que Christ ne s'est offert soy-mesmes en la Cene, sous les especes Sacramentelles. Les autres à l'opposite disoyent, Qu'il n'estoit pas temps de se fonder sur les choses incertaines, & sur opinions nouuelles, innouies, & inconuës à l'Antiquité: mais, qu'il falloit s'arrester sur ce qui estoit euidant & certain par l'Escripture, & les Peres; à sçauoir, que Iesus-Christ a commandé d'estre offert.

Tout le mois de Iuillet fut consumé par les dix-sept qui parlerent sur les premiers Articles. Mais les derniers furent bien tost despeschés, plustost par iniures contre les Protestans, que par raisons. Il n'est pas expedient d'en rapporter toutes les particularités, mais seulement quelque peu des plus notables.

En la Congregation du soir du vingt-quatrieme Iuillet, George d'Atai- d'Ataide de, Theologien du Roy de Portugal, se mit à renuerser tous les fondemens *rent qu'il*

1562.
*sur fondée
 sur la seu-
 le tradi-
 tion:*

posés par les autres Theologiens pour prouver le Sacrifice de la Messe par l'Escripture Sainte. Et premierement dit, Qu'il est bien hors de doute, que la Messe est Sacrifice : d'autant que tous les Peres l'ont ainsi dit, & repliqué à toutes occasions : & commençant par les Peres Latins ; & Grecs de l'Eglise ancienne des Martyrs, & passant de temps en temps, iusques à nostre siecle, il afferma qu'il n'y auoit aucun autheur Chrestien, qui n'eust appelé l'Eucharistie Sacrifice : & pourtant, qu'il falloit conclure pour tout asseuré, qu'il a esté ainsi enseigne par tradition des Apostres : la force de laquelle est abondamment suffisante, & puissante pour faire Articles de foy : ainsi que ce mesme Concile auoit enseigné dès le commencement. Mais, que ce vray & solide fondement estoit affoibly par ceux, qui en establissoient d'autres en l'air, voulans trouuer en l'Escripture ce qui n'y estoit point, & donnant par là occasion aux Aduersaires de calomnier la Verité, laquelle ils voyent ainsi fondée sur vn sable mouuant. Apres quoy, il vint à examiner vn par vn les passages du Vieil & du Nouveau Testament, allegués par les Theologiens, monstrant que d'aucun d'iceux on ne pouuoit recueillir sens expres de Sacrifice. Au fait de Melchisedec, il respondit, Que Christ estoit Sacrificateur selon cet Ordre-là, entant qu'il estoit vnique & Eternel Sacrificateur, sans predecesseur, sans Pere, sans Mere, sans Genealogie : de quoy l'Epistre aux Hebrieux faisoit trop clairement foy, pour en douter : attendu que S. Paul, parlant fort au long de ce passage de Melchisedec, ne traite que de l'eternité, & de la singularité de cete Sacrificature : & ne fait aucune mention de pain ne de vin. Il ramentut là dessus la doctrine de S. Augustin, Que, quand au propre endroit de dire quelque chose il n'en est rien dit, on en tire vn argument d'autorité negatif. Pour l'Agneau Paschal, il dit, Qu'il ne falloit presupposer pour chose tant euidente, que ce fust vn Sacrifice : & que si quelqu'un entreprenoit de prouver la negatiue, peut estre qu'il luy faudroit quitter la victoire. Mais encor, sans cela, estoit ce vn trop dur rapport, de le faire figure de l'Eucharistie, & non plustost de la Croix. Il loua ces Theologiens, lesquels, ayans allegué le passage de Malachie, luy auoient adioint celui de S. Iean, d'adorer en Esprit & verité : d'autant que de vray l'un & l'autre parloient formellement d'une mesme chose, & se declaroient & exposoient mutuellement l'un l'autre. Qu'il ne falloit point faire force sur la parole, Adorer : veu qu'il est bien certain, qu'elle comprend aussi le Sacrifice : & la Samaritaine le prit en sa generale signification. Mais aussi, quand Christ adiouta que Dieu est Esprit, & qu'il le faut adorer en Esprit, sinon qu'on vueille tourner toutes choses en sens improprie, on ne pourra iamais dire qu'un Sacrement, consistant d'une chose visible & d'une autre inuisible, soit purement spirituel : mais bien composé du spirituel, & du signe elementaire. Et pourtant, que si quelqu'un vouloit interpreter ces deux passages-là de l'adoration interieure, il ne pourroit estre conuaincu, ains auroit la vraysemblance de son costé : attendu que l'application est toute pleine & vnie, que cete adoration interne est offerte en tous lieux, & par toutes nations : & qu'elle est purement spirituelle, comme Dieu est Esprit. Et dit aussi en suite, que ces paroles, Ceci est mon corps, lequel est liuré pour vous : & ceci est mon sang, lequel est espandu pour vous : ont vn sens bien plus liquide, si on les rapporte au corps & au sang en l'estre naturel, que si on les entend de l'estre Sacramentel. Comme, quand il est dit, Que Christ est la vraye vigne, laquelle produit le vin, on n'entend pas, que la vigne significatiue soit celle qui produise le vin, mais la reele. De mesmes, quand il est dit, Ceci est mon sang, qui est espandu ; le sens n'est pas, que le sang Sacramentel, & signifiant ; mais que le naturel & le signifié est espandu. Et quant à ce, que Saint Paul dit de la participation au Sacrifice des Hebrieux, & de la Table des diables, il auoit entendu parler des ceremonies ordonnées de Dieu par Moysse, & de celles des Payens, es Sacrifices des vns & des autres : mais que de cela ne pouuoit estre verifié que l'Eucharistie soit Sacrifice. Qu'il apparoissoit euidentement en Moysse, qu'és Sacrifices de ~~vous~~ la victime estoit toute pre-

sentée à Dieu, & vne partie d'icelle bruslée : & cela estoit le Sacrifice: du demeurant vne partie estoit pour le Sacrificateur & l'autre pour l'offrant: & l'un & l'autre le mangeoient avec qui il leur plaisoit : & cela ne s'appelloit point sacrifier, mais participer à la chose sacrifiée. Les Gentils suiuoient le mesme exemple : voire mesme la partie, qui n'estoit point consumée sur l'Autel, estoit par aucuns enuoyée au marché à vendre: & c'est-là la Table, qui est autre chose qu'Autel. Et disoit, que le pur & simple sens de S. Paul est, Que, comme les Hebreux, mangeans la part appartenante à l'offrant, qui estoit vn residu du Sacrifice, participoient à l'Autel : & semblablement les Payens: de mesme nous, mangeans l'Eucharistie, participons au Sacrifice de la Croix : & que c'est là iustement ce que Christ auoit dit, Faites cecy en memoire de moy : & ce que S. Paul auoit adiousté, Toutesfois & quantes, que vous mangerez de ce pain, & burez de ce Calice, vous annoncerez la mort du Seigneur, iusques à ce qu'il vienne. Et quant à ce qu'on allegoit, que les Apostres auoient esté ordonnés Sacrificateurs pour offrir Sacrifices, par les paroles du Seigneur: il falloit considerer, que puis qu'il dit, Faites cecy: il falloit sans doute entendre ce qu'ils auoient veu faire à luy mesmes. Et pourtant il faudroit premierement qu'il contast, qu'il auoit offert: ce qui estant incertain, & les opinions des Theologiens estans sur ce diuerses, & chacun confessant que des deux opinions, tant celle qui l'affirme, que celle qui le nie, est Catholique; ceux qui nioient que Christ eust offert, ne pouuoient conclurre que par ces paroles-là il eust commandé d'offrir. Il apporta puis apres les argumens des Protestans, par lesquels ils preuent que l'Eucharistie n'a point esté instituée pour Sacrifice, mais pour Sacrement: & conclut, Qu'on ne pouuoit dire, que la Messe fust Sacrifice, sauf que sur le fondement de la Tradition: & exhorta de s'arrester à icelle sans rendre la verité incertaine & douteuse, par trop de diligence à rechercher & alleguer trop de p̄eues. Il vint de là à la refutation des argumens des Protestans, en quoy il mescontenta tous les auditeurs, ayant proposé les argumens avec force & apparence, & y donnant les responses & solutions avec foiblesse & desauantage, tellement qu'icelles les fortifioient plustost qu'autrement: ce qui par aucuns fut attribué à la briueuté du temps, la nuit suruenant: par autres, au defect de se sçauoir bien exprimer: mais par les plus sensés, à ce que luy mesme n'estoit pas bien edifié & pleinement satisfait de ces solutions. Il y en eut grand murmure entre les Peres, ce qui fut cause, que Jacques Paiua d'Andrade, vn autre Theologien Portugais, en vne autre Congregation resuma tous les argumens faits par son Compagnon d'Ataide, & les solut au contentement des auditeurs, & excusa son collegue, asseurant que ç'auoit bien esté sa mesme pensée: Ce qui, ensemble les bons offices, que les Ambassadeurs & Prelats Portugais firent les iours suiuians en sa faueur, pour rendre tesmoignage de la prud'homme & saine doctrine de ce Theologien, purifia les pensées des Legats enuers luy. Neantmoins, peu de iours apres, il partit de Trente, & ne se trouue point enregistré es catalogues & rooles des Theologiens, sauf en ceux, qui furent imprimés à Bresse & à Riue, auant le temps de ce traité.

Le vingt-huitième Iuillet, Jean Cauillon, Iesuite, Theologien du Duc de Bauiere, parla avec beaucoup de perspicuité sur les Articles, representant le tout comme sans difficulté, non par maniere d'examen, ou de recherche, mais par voye de declamation, propre à esmouoir les affections de pieté. Il raconta plusieurs miracles aduenus en diuers temps, il asseura que, dès le temps des Apostres iusques à Luther, nul n'auoit douté de cette doctrine, il allegua les Liturgies de Saint Iaques, de Saint Marc, de Saint Basile, & de Chrysostome. Et quant aux obiections des Protestans, il dit, Qu'elles auoient esté suffisamment refutées: mais mesmes que sans cela il suffisoit, pour les tenir pour fausses, & trompeuses, qu'elles venoient de personnes alienées de l'Eglise. Et pour fin, exhorta les Legats de ne point permettre, en quelque maniere que ce fust, que les argumens des heretiques fussent proposés, sans y

1562.
les Proce-
sans,

adiouster vne tres-euidente refutation, & qui ne scauroit la donner, eust à s'abstenir de les représenter: attendu, que la vraye pieté requiert que les raisons contraires à la doctrine de l'Eglise, ne soient rapportées, sans que premierement on ait préparé les esprits des auditeurs par le recit de la perversité & ignorance des inuenteurs d'icelles: & par vne douce preoccupation, qu'il n'y a que les gens de peu de sens qui leur prestent l'oreille. Et qu'encor, apres tout cela, il faut les trousser le plus sommairement qu'il est possible, & les proposer toutes nues sans preuue: y adioustant au demeurant vne claire, forte, & bien amplifiée responce, à laquelle encores, quand on void qu'il manque quelque chose, il faut faire subtilement glisser la dispute en quelque autre maniere, le tout de peur d'engendrer quelque scrupule és esprits des auditeurs: sur tout, estans Prelats, & Pasteurs de l'Eglise. Ce discours du Iesuite agreea grandement à la pluspart des Prelats, & fut loué pour pieux & Catholique, & qui meritoit vn Decret du Synode, par lequel il fust commandé d'en vser en cete sorte, à tous Prescheurs, Lecteurs, & Escriuains. Mais, il ne contenta point beaucoup l'Ambassadeur de son Prince, lequel, apres la Congregation, en presence des Ambassadeurs de l'Empereur, qui congratuloient le Iesuite de sa belle harangue, dit, Que veritablement il auoit bien merité louange d'auoir enseigné, mesmes en la simplicité de la doctrine Chrestienne, de se scauoir seruir de la Sophisterie.

taxée de
Sophisterie
par l'Ambass.
de
Baviere:
aduis du
Iacopin de
Valtelline
sur l'uni-
formité
des cere-
monies en
la Messe,

Des derniers Theologiens qui parlerent, fut Frere Antoine de Grossor, autrement dit, de Valtelline, Iacopin, lequel, sur les six derniers Articles touchant les ceremonies de la Messe, dit, Que par les histoires il appert, qu'anciennement chaque Eglise auoit son Ceremonial particulier de la Messe, introduit plus par coustume & de temps en temps, qu'avec deliberation, & par decret. Que les petites Eglises s'estoient accommodées aux Metropolitaines, ou aux grandes voisines. Que les ceremonies Romaines auoient esté admises en plusieurs Prouinces pour gratifier aux Papes: mais que neantmoins il y auoit plusieurs Eglises, qui auoient leurs ceremonies particulieres, grandement differentes des Romaines. Et là dessus vint à parler du Mozarabe, auquel entreuiennent cheuaux, & escrimes à la Morisque: lesquelles choses ont toutes de grands mysteres & significations. Et iceluy est bien si different du seruice Romain, que si on le voyoit en Italie, on ne le tiendroit point pour Messe. Qu'en Italie demuroit encores l'ordre du seruice de Milan, differēt de celuy de Rome en parties tres-principales. Ioint que celuy de Rome mesmes a esté grandement changé, comme cela se peut voir par le liure qui est encor en estre, avec cete inscription, *Ordo Romanus*: & assura que ces changemens auoient esté faits non seulement és temps iadis, mais aussi és siecles prochainement passés: tellement que le vray Rituel Romain, de trois cens ans y a, n'est pas celuy, qui à present est suiuy par les Prestres en la ville de Rome, mais celuy qui tient l'ordre de S. Dominique. Et quant aux vestemens vaisseaux, & autres paremens, tant des Ministres que des Autels, il paroissoit, non seulement par la lecture des liures & auteurs, mais aussi par les sculptures & peintures, que les modernes estoient tellement transformés, que, si les Anciens retournoient au monde, ils ne les reconoistroient point. Partant il concluait, que de s'astreindre à garder & approuuer les ceremonies vsitées par l'Eglise Romaine, pourroit estre repris comme vne condamnation de l'Antiquité, & de l'usage des autres Eglises: & pourroit aussi receuoir plusieurs sinistres interpretations. Et conseilla qu'on s'arrestast à travailler à ce qui estoit essentiel en la Messe, sans faire aucune mention de ces autres minuties. Et derechef retourna à monstrier la difference notable du Rituel moderne, obserué à Rome, d'avec celuy qui est descrit au liure *Ordo Romanus*: & entr'autres particularités, il insista grandement sur ce, qu'en celuy-cy la Communion des Lais estoit avec les deux especes: & s'auança mesmes à exhorter qu'on l'oüroyast aussi au temps present. Le discours de ce Moine agreea à l'assistance. Mais l'Euesque des Cinq Eglises prit sa defense, disant, Que le Moine n'auoit rien dit de faux: & que on ne luy pouuoit imputer d'a-

soustenir
par l'E-
uesque de
Cinq Eglises:

uoir donné scandale, attendu qu'il n'auoit parlé ny au peuple, ny à idiots : ains en vne assemblée de personages sçauans, entre lesquels nulle chose vraye ne peut donner mauuaise edification : & quiconque voudroit condamner le Moine pour scandaleux, ou temeraire, condamneroit tout premiere-ment soy-mesmes d'incapable de la verité.

La difference, qui auoit esté entre les Theologiens, se trouua aussi entre les Prelats deputés pour composer les Chapitres de doctrine, & les Anathematismes à proposer en Congregation: d'autant qu'en la Doctrine escheant d'adiouster les preuues, & explications: pourquoy la Messe est Sacrifice, les vns en vouloient ou reprouuoient l'une, les autres l'autre, selon leurs propres affections. Martin Perez, Euesque de Segouie, lequel auoit assiste aux traités, qui furent faits sur cete matiere au Concile, à la fin de l'année mil cinq cens cinquante-vn, estoit d'aduis qu'on prist la mesme Doctrine & Canons, qui auoient esté formés pour les publier au mois de Ianuier de l'année mil cinq cens cinquante-deux, & qu'iceux fussent receus. Mais le Cardinal Seripande n'approuuoit point cela: disant, Qu'en iceux paroissoit bien de vray vne piete & zele Chrestien incomparable: mais aussi, qu'ils estoient fort fuiets aux calomnies des Aduersaires: & qu'il ne falloit pas prendre pour but d'instruire les Catholiques, comme il sembloit que ces Peres eussent eu: mais de confondre les heretiques. Et pourtant qu'il falloit par tout parler avec plus de retenue: & n'estoit chose raisonnable de mettre la main, en guise de correcteurs, es choses ordonnées en ce temps-là: qu'il valoit mieux faire tout à neuf, sans donner occasion de dire, Qu'on eust recueilly & moissonné ce qu'autres auoient semé. L'Archeuesque de Grenade dissentoit de tous, & ne vouloit point qu'on dist, Que Christ eust offert en la Cene, ne qu'il eust institué le sacrifice par ces paroles, Faites cecy en memoire de moy. Le Legat Seripande, quant au premier, disoit, Qu'il ne le tenoit point pour necessaire, & qu'il se pouuoit obmettre: attendu qu'il suffit que Christ ait ordonné d'offrir: mais qu'il estoit necessaire de montrer par quelles paroles il l'a commandé: or n'y en a-il point d'autres, que les susdites. Mais Iean Anthoine Pantuse, Euesque de Lettre, Italien, avec beaucoup de passion requeroit que dans le Decret fussent inserées les raisons de Melchisedec, & de Malachie, & l'adoration de la Samaritaine, & les tables de S. Paul, & l'oblation de Christ en la Cene, & toutes les autres raisons, qui auoient esté alleguées. En fin, apres vne dispute de plusieurs iours, ils conuinrent ensemble d'y mettre tout: d'autant que les Prelats es Congregations en diroient leurs aduis, & lors seroit osté ce qui n'agreceroit au plus grand nombre. Ils firent aussi vn recueil des abus, qui se rencontrent tous les iours en la celebration des Messes: mais ils n'en toucherent qu'un petit nombre, au pris de ceux, qui furent remarqués en l'année mil cinq cens cinquante-vn.

Le troisieme Aoust fut tenue Congregation generale, pour receuoir les Procureurs des Euesques de Regensbourg, & de Basle: afin d'honorer ce deuxieme, à la honte & despit de la ville de Basle, laquelle mesme luy que-reloit son titre, voulant qu'il s'appellast Euesque, non de Basle, mais de Porentru. Apres que la minute eut esté presentée, l'Archeuesque de Lancian fut d'aduis, qu'on publiast seulement les Anathematismes, & qu'on laissast totalement les Chapitres de la Doctrine: & allegoit l'exemple des autres Conciles, esquels on voit rarement que la Doctrine soit inserée: & que ce mesme Concile de Trente l'auoit obmise en la matiere du peché Originel, & en celle des Sacremens, & du Baptisme. Il disoit aussi, que c'estoit à faire à des Docteurs de rendre conte de leurs aduis par raison: mais qu'aux Iuges, le meilleur conseil est de faire leurs sentences absolues: & que les Euesques en Concile sont Iuges. Si la sentence, disoit-il, contient la raison, & le motif, elle peut estre impuignée, non seulement pour le Decret, mais aussi pour le motif: en lieu, que n'en allegant aucun, chacun croira, que le Concile en ait eu de tres-puissans, par lesquels il ait esté mu: voire les plus fortes & prei-gnantes raisons, que chacun se sçaura imaginer, seront celles, qu'il croira

1562.

auoir induit le Concile. Et quand mesmes on auroit raisons au delà de toute euidence & clarté, il n'est pas seur de les employer : d'autant que les heretiques se prendront aux raisons, desquelles ils feront peu d'estat : & plus on en dira, plus de matiere donnera-on de contre-dire. Il adiousta aussi, Que la qualite des temps requeroit vne prompte expedition du Concile : & signifia par des termes, qui furent bien entendus par les Legats, & par les affectionnés partisans du Pape, que par ce moyen on feroit chose agreable à Sa Sainteté. Mais Octauien Precone, Archeuesque de Palerme, qui le suiuoit en rang, harengua au contraire, Quel v'sage des Conciles auoit tousiours esté de faire leur propre Symbole, auquel correspond la Doctrine : & puis, d'y adiouster les Anathematismes. Que cela ayant esté obserué par le Concile sous Iules, & mesmes par le present, en la Session precedente ; si on venoit maintenant à rompre cet ordre, vn droit, que ce qu'on ne continuoit point du mesme style, estoit par defect de raisons : & adiousta, que c'estoit vne espece de lascheté de fuir la dispute des heretiques : & qu'au contraire leur contradiction feroit de tant plus reluire & esclater la Doctrine du Concile, lequel il ne falloit auoir soin d'acheuer tost, mais bien. Ces deux Prelats furent si longs, que le soir suruenant mit fin à la Congregation : & fut dit par raillerie, Que ce n'estoit pas de merueille qu'un Iacopin Geneuois, tel qu'estoit l'Archeuesque de Lancian, fust contraire à vn Cordelier Sicilien, tel qu'estoit celui de Palerme.

*dont le
propos de
la Resi-
dence est
remis sus :*

*mais ne
peuent
vaincre
les Espa-
gnols, qui
en escri-
uent à
leur Roy :*

Les iours ensuiuans furent tous employés en pratiques sur cela mesmes : esquelles les interressés se seruoient des mesmes raisons, & d'autres encor, les vns pour finir, les autres pour allonger le Concile. Mais la chose ayant esté vne autre fois proposée en Congregation, la plus grand voix emporta, que l'ordre commencé fust suivy. Ces pratiques firent remettre sus le point de la Residence : attendu que les mesmes, qui desiroient que le Concile fust tost acheué, vouloient aussi qu'on ne parlait point de la Residence. Cete ouerture donna occasion aux Cardinaux de Mantouë, & Seripande, de faire œuure en faueur du Pape, & de luy monstrier par effets qu'ils s'accommodoient à ses volontés, suiuant l'instruction que l'Archeuesque de Lancian leur auoit porté de bouche : & employerent à faire dextrement les offices, l'Archeuesque d'Otrante, les Euesques de Modene, de Nole, & de Bresse : lesquels n'estoient point partisans du Pape tout ouuertement, mais auoient esté secrettement gagnés. Ceux-là fleschirent plusieurs Italiens, les induisant, non à changer d'opinion, & à se desdire, mais seulement à se deporter d'auancer plus cete matiere. Ils tirerent promesse de plusieurs, qu'en cas, que les Espagnols se departissent de l'instance, ils ne diroient mot. Et les quatre Prelats dessusdits firent ensemble vn roole des persuadés, & trouuerent d'auoir desia beaucoup auancé : mais il ne fut iamais possible de rien profiter avec les Espagnols : ains cecy fut cause de les faire tant plus vnir & restreindre entr'eux. Et escriuirent vne lettre en commun au Roy d'Espagne, en response de celle de Sa Maiesté au Marquis de Pescara, en laquelle d'entrée ils se plaignoient du Pape, de ce qu'il ne vouloit permettre que le point de la Residence fust déterminé : auquel toutes-fois deuoit estre fondée toute la Reformation del'Eglise : & par vn beau & respectueux circuit de paroles, ils concludoient, que il n'y auoit point de liberte au Concile, & que les Italiens emportoient tout par la pluralité de leurs suffrages, estans tous attachés aux volontés de Sa Sainteté, les vns par pensions, les autres par promesses & esperances, & les moins corrompus par crainte. Ils se douloient aussi des Legats, que s'ils eussent, comme il estoit raisonnable, laisse conclure la matiere, lors qu'il en estoit temps, auant que de Rome en eust pu estre escrit, le tout auroit esté arresté avec beaucoup de concorde, à l'honneur & seruice de Dieu. Que les deux tiers des Prelats desiroient la definition de la question. Que tous les Ambassadeurs leur faisoient instance, qu'ils se portassent franchement au soustien de la verité, procedant toutesfois avec modestie & charité : ce qu'aussi ils auoient fait, sans iamais auoir

auoir eu penſee de proteſter. Et ſupplioyent Sa Maieſté de faire conſulter cet Article par gens de bien: eſtans aſſeurés, qu'apres meure deliberation, elle fauoriſeroit l'opinion Catholique, & pieuſe, & tant neceſſaire pour la bonne reformation de l'Egliſe.

Cet accident certiffa les Legats, & leurs adherans, qu'il eſtoit impoſſible d'aſſopir la pratique: d'autant que, puis que les Eſpagnols ne s'eſtoient point appeaſes ne par la lettre du Roy, ne par les offices faits enuers eux: ains auoyent fait nouuelle declaration de leur intention par la lettre eſcrite en Eſpagne, il les falloir tenir pour inſurmontable. Et ſur cela les partiſans du Pape tinrent entr'eux vne conſultation: & fut deliberé d'enuoyer en France au Cardinal de Ferrare, Legat, la copie de la lettre eſcrite par le Roy Catholic au Marquis de Peſcaire, pour procurer d'en obtenir vn ſemblable du Roy de France à ſes Ambaſſadeurs: tant, afin d'empêcher qu'ils ne fiſſent plus contraires offices avec les Prelats, comme ils faiſoyent: qu'afin auſſi, que les Eueſques François venans, ils ne s'vniſſent avec les Eſpagnols, comme ceux-cy en auoyent grande eſperance, & en eſtoient en attente. Et de plus, pour oſter le credit aux Eſpagnols enuers leur Roy, ils delibererent de faire entendre en Eſpagne que l'Archeueſque de Grenade, & l'Eueſque de Segouie, leurs chefs, leſquels faiſoyent tant des ſcrupuleux, auoyent promis leurs ſuffrages à l'Eueſque des Cinq Eglises en la matiere de la Communion du Calice, ſans auoir aucun eſgard à Sa Maieſté, qui tant l'abhorroit.

Mais le Pape, en ce temps, conſiderans les dangers qui luy pendoyent ſur la teſte à l'eſgard de ſon autorité, pour les difficultés & confuſions de Trente, & pour les troubles & mouuemens de France, & pour la Diete qui ſe preparoit en Allemagne, en laquelle il preuoyoit que l'Empereur, pour ſes intereſts, ſeroit contraint de condeſcendre beaucoup aux volontés des Proteſtans, aduiſa d'aſſeurer ſes affaires en tout euenement: & ayans des le mois precedent baillé argent & commiſſion à dix Capitaines, pour faire leuee de ſoldats, leſquels ſe reduiſoyent en la Romagne, & en la marque d'Ancone, il commença à conferer fort à l'eſtroit avec les Agens, & les Cardinaux confidens des Princes Italiens: à riſon dequoy, il engendra quelque ſoupçonés Eſpagnols & François. L'Ambaſſadeur de France l'exorta à deſiſter de cet amas de gens de Guerre, de peur que cela ne troublaſt le Concile. Mais le Pape luy reſpōdit, Qu'attēdu, que l'Angleterre, & les Proteſtans d'Allemagne s'eſtoient declarés de vouloir ſecourir les Huguenots de Frāce, il ne falloir point eſtre deſpourueus. Que le monde eſtoit plein d'heretiques, & pourtant il eſtoit neceſſaire de ſe pouruoir, pour proteger le Concile, non ſeulement par l'autorité, mais auſſi par la force. L'Ambaſſadeur d'Eſpagne prit vn autre chemin: & conferma le Pape en cete opinion, qu'il falloir de vray tenir pour ſuſpectes les alleees & les venues des Proteſtans: mais il luy promiſt tout aide & aſſiſtance au nom du Roy, ſon Maĩſtre. Et ce, pour empêcher qu'il ne procuraſt vne Ligue en Italie, laquelle iamais ne plairoit à l'Eſpagne. Le Pape agreea & accepta l'offre du Roy: &, ayant entendu l'vñion de ſes Legats au Concile, & l'ardente affection qu'ils monſtroient au bien de ſes affaires, & le grand deuoir qu'ils y faiſoyent, il s'en conſola, & leur reſpondit, Qu'ils trauiſſaſſent de tout leur pouuoir à aſſopir le propos de la Reſidence: & en cas qu'ils ne puſſent, qu'ils ſe preualuſſent du party qu'il leur auoit propoſé, de remettre l'affaire au Pape: mais que ſur toutes choſes, il tendiſſent à vne prompte expedition: afin que le Concile fuſt finy auant la venue des François, & la tenue de la Diete d'Allemagne: à ce que l'Empereur, par l'ardent deſir qu'il auoit de faire elire ſon fils Roy des Romains, ne ſe laiſſaſt perſuader aux Proteſtans de propoſer au Concile quelques choſes plus preiudiciables encor, que celles qu'il auoit propoſees iuſques alors.

Les Ambaſſadeurs de France, apres auoir à pluſieurs & diuerſes fois fait modeſte inſtance, que leurs Prelats fuſſent attendus, finalement le dixieme Aouſt en preſenterent la demande par eſcrit: la teneur de laquelle eſtoit,

1562.

dont les Legats, & les partiſans de Rome implorent l'aide de France,

& chargent les chefs des Eſpagnols enuers leur Roy,

le Pape voyant du danger, arme & en rendraiſon aux Proteſtans,

& ſcrit aux Legats, enuoquant à ſoy le ſait de la Reſidence,

& leur enjoignant prompt expedition du Concile,

les Ambaſſadeurs de France requierent dilacion,

1562.

mais sont es-
conduits des
Legats,

et eux sont
des grands
plaintifs.

Que le Roy Treschrestien, estant deliberé d'observer & reuerer les Decrets des Conciles, qui representent l'Eglise vniuerselle; desiroit que les ordonnances de ce Concile-cy pussent estre de bon cœur receuës par les aduersaires de l'Eglise Romaine: d'autant, que ceux, qui ne se sont point departis de l'Eglise n'ont pas besoin de definitions Synodales: & croyoit que les Decrets à faire seroyent beaucoup plus agreables, si le iour de la Session estoit prolongé: tant, qu'à la numeroſe multitude des Prelats Italiens, & Espagnols, s'adiougnissent les voix & les suffrages des Euesques François, desquels, es anciens Conciles de l'Eglise, auoit tousiours este fait grand estat. Et que la cause de leur absence, ia conue & iugee necessaire par les Legats mesmes; cesseroit en bref, comme il y auoit esperance: & quand bien elle ne cesseroit point, ils arriueroyent totalement auant la fin de Septembre, selon le commandement expres, qu'ils en auoyent du Roy. Et que de là il aduiendroit aussi, que les Protestans, pour raison desquels le Concile estoit intimé, & qui tous les iours publioient d'y vouloir entreuenir, auoyent moins de ſuiet de plainte, & de requerir plus de maturité en affaire de si grande consequence, & accuser le trop de precipitation. Et adiousterent, qu'afin nul ne pensast que le Roy, par ce moyen, pretendist que le Concile chomast, on se rompist, ils requeroient que, pendant qu'on attendoit les Euesques François: on traitast seulement ce qui concerne les mœurs, & la discipline: & mesmes aussi les deux chefs qui restoyent encor au fait de la Communion du Calice. Ce dernier point fut adiouſté, pour ne mescontenter les Imperiaux, qui auoyent esperance d'en obtenir la declaration en cette Session là. Mais les Legats, apres auoir consulté l'affaire, rendirent response par escrit, Que les Prelats François, auant l'ouuerture du Concile, auoyent esté attendus par l'espace presque de six mois: & que, dès qu'iceluy auoit esté ouuert à l'occasion principalement des François, on auoit differé six autres mois à traiter les matieres plus importantes: esquelles dès qu'on auoit commencé à mettre la main, il ne leur sembloit nullement raisonnable de s'arrester en chemin: attendu que cela ne se pourroit faire sans interest de l'honneur du Concile; & sans diuerſes & grandes incommodités de tant de Peres. Et que quant à prolonger le iour de la Session, il n'estoit point au pouuoir d'eux Legats de l'accorder sans le consentement des Peres: partant qu'eux Ambassadeurs ne pouuoient attendre d'eux aucune plus resoluë response.

Sur cela les François repliquerent, Qu'il leur fust donc permis d'en faire la proposition en la Congregation. Mais les Legats respondirent, Que ia autres fois auoit esté dit à eux, & aux autres Ambassadeurs, qu'ils ne pouuoient traiter avec autres, qu'avec les Legats: & que desia auoit esté deliberé & arresté au mesme Concile, qu'à l'auenir les Ambassadeurs ne pourroyent parler publiquement en Congregation, sauf le iour qu'ils estoient receus, & que leur mandement estoit lu. Cecy donna occasion aux François de faire de grandes & grieues doleances avec les Euesques, & sur tout avec les Espagnols: disant, Que c'estoit vne estrange absurdité que les Ambassadeurs fussent enuoyés au Concile, & qu'à iceluy fussent presentés leurs mandemens: & que cependant ils ne pussent traiter avec luy, ains seulement avec les Legats, comme s'ils estoient enuoyés à eux, lesquels, à tout prendre, n'estoient qu'Ambassadeurs eux mesmes, entant que le Pape, qui les auoit enuoyés, est Prince: & entant qu'il est Euesque, & le premier Euesque, ils n'estoient autre chose que procureurs d'un absent & pour tels auoyent esté tenus & receus par les Conciles anciens. Ils allegoient l'exemple des Conciles de Nicee, d'Ephese, de Chalcedoine, & de Constantinople *in Trullo*, & du second de Nicee: & que la rupture entre le Concile de Balle, & le Pape, n'estoit venue d'autre chose, sinon que les Legats de Rome auoyent pretendu rompre cet ancien & louable establissement. Que cela outre le reste, estoit aussi vne espece de grieue seruitude au Concile, qu'il ne pust pas mesmes ouir ce qu'on auoit à luy représenter, & en grand outrage aux Princes, que le Concile ne pust traiter avec ceux qui auoyent charge de manier

qu'on ne pouuoit dire qu'une telle oblation doit estre appelee Sacrifice, d'autant qu'elle en est vn commencement. L'Euesque adioulta, qu'il ne vouloit pas opiniastrer, que ces raisons-là fussent insolubles: mais qu'il disoit bien, que le Concile ne deuoit pas lier les esprits de ceux qui sont imbus & persuadés d'une opinion, avec tant de raison. Il passa de là aussi à dire, que pour luy, il ne faisoit point de difficulté de nommer la Messe, Sacrifice propitiatoire: mais qu'il ne pouuoit trouuer bon que Christ eust offert en la Cene: attendu qu'il suffisoit de dire que Christ auoit commande d'offrir. Car, disoit-il, si le Concile, establit que Christ a offert en icelle, ce Sacrifice est ou propitiatoire, ou non: si propitiatoire, on encourt es difficultés dessusdites: si non, on ne peut donques par iceluy inferer que la Messe soit propitiatoire: ains, à l'opposite, on dira, que si l'oblation de Christ en la Cene n'a point esté propitiatoire, beaucoup moins le doit estre celle du Prestre en la Messe. Et, pour conclusion, dit, que le plus seur estoit de dire seulement, que Christ a commande aux Apostres d'offrir Sacrifice propitiatoire en la Messe. Apres cela, il donna obliquement vne atteinte au Iesuite Salmeron, disant, Qu'es choses de la Reformation on peut tolerer quelques brigues: d'autant qu'icelle a pour suiuet choses humaines: mais de vouloir, quand il s'agit de foy, proceder par brigues & factions, est vne mauuaise & pernicieuse introduction. Le propos de cet Euesque esmut vn grand nombre des auditeurs, que l'opinion presque commune porta, qu'on ne parlât aucunement de Sacrifice propitiatoire offert par Nostre Seigneur en la Cene. Pour le demeurant, son opinion ne fut embrassée que par vne partie, comme auparauant.

Ce mesme iour, l'Archeuesque de Prague, lequel, peu de iours auparavant, estoit retourné de deuers l'Empereur, presenta lettres de l'Empereur aux Legats: & en mesme temps arriuerent aussi lettres du Noncé Daulphin, resident aupres de la mesme Maiesté: laquelle par ses lettres, & plus particulierement encor, par l'entremise du Noncé, requeroit qu'on ne traitast du Sacrifice de la Messe auant la Diete: & qu'en la prochaine Session fust expedie l'Article de la Communion du Calice. L'Archeuesque presenta aussi, au nom de l'Empereur, vn formulaire de Reformation. Mais le commandement du Pape, qu'on vint à vne prompte expedition, estoit trop pressant, pour pouuoir contenter l'Empereur en sa premiere demande: mais bien contraignoit-il de le contenter en partie à expedier la matiere du Calice: comme aussi le Pape en auoit escrit en ce sens à Trente, sur les mesmes instances, quel'Empereur luy en auoit faites. Partant, le Cardinal de Mantouë, en la suiuite Congregation, proposa, qu'apres la conclusion du Sacrifice, on parleroit de la Communion du Calice. Et en la suite des opinions des Prelats, il fut remonstré, que la difficulté, si Christ auoit offert soy-mesme en la Cene, n'auoit point esté proposée aux Theologiens, pour en disputer, & qu'ils n'en auoyent parlé qu'accidentellement: partant, qu'il seroit bon de la leur proposer, & la faire disputer à fonds: ou bien, l'omettre totalement.

Le General des Iesuites fut le dernier à parler sur cete matiere & s'estendit sur ce seul suiuet de l'oblation de Christ en la Cene, & consuma luy seul vne Congregation entiere: en lieu, qu'es autres, il y auoit de sept à dix Prelats qui parloyent. Apres que tous eurent opiné, nonobstant qu'il y eust peu de difference du nombre des adherans à vne opinion à celuy des sectateurs de la contraire; les Legats, à la grande instance du Cardinal de Vvarmie, se resolurent de poser, que Christ s'estoit offert en la Cene, sans toutesfois vser du mot de Sacrifice propitiatoire. A la fin de la Congregation, l'Euesque des Cinq Eglises, ensuite de la proposition du Legat de Mantouë fit vne harangue, en laquelle, apres auoir representé les bons deuoirs, & les trauaux de l'Empereur, pour le bien de la Chrestienté, & pour establis la pureté Catholique non seulement des son aduenement à l'Empire, mais mesmes du viuant de Charles son frere: adioulta, que Sa Maiesté par experience auoit reconu, que les plus grands debats & plaintes des peuples naissoient de

1562.

*à quoy se
pense oppo-
ser l'Am-
bass. de
l'Empereur
mais en
vain:*

*conclusion
sur ledit
point:*

*harangue
de l'Am-
bass. de
l'Empereur
pour le Ca-
lice.*

3562.

la defense de l'usage du Calice : & partant qu'il auoit desiré qu'il en fust traité au Concile. Dont, apres tant d'autres instances, qu'ils en auoyent ia fait, luy & les autres Ambassadeurs, les Collegues, remonstroient aux Peres, par commandement de Sa Maïesté, qu'il leur plust considérer, que la charité Chrestienne commandoit, que, pour entretenir avec trop de rigueur vne ceremonie, on ne laissast pas de preuenir plusieurs sacrileges ; & meurtres, en de tres-nobles prouinces : & de ramener au giron de l'Eglise Catholique maintes & maintes ames : qu'infiny estoit le nombre de ceux, qui, sans auoir pourtant abandonné la foy orthodoxe, estoient infirmes de conscience : auquel on ne pouuoit porter aucun secours, ou renfort, que par cete concession. Que Sa Maïesté Imperiale estoit obligee à entretenir & faire continuellement la guerre contre les Turcs, laquelle ne pouuoit estre soutenue qu'à frais communs de l'Allemagne : & en icelle, dès aussi tost qu'on parle de contribuer, on entre, au fait de la Religion, & principalement à demander l'usage du Calice. Que si on perust à le refuser, les differens de la Religion ne seront iamais oités, & ne peut-on attendre, sinon que, non seulement la Hongrie, mais aussi l'Allemagne soyent occupees & saisies par les Barbares, avec danger mesmes des autres prouinces voisines. Que l'Eglise auoit tousiours accoustumé d'embrasser les ceremonies, & obseruances, qui estoient contraires aux nouueles heresies. Partant, qu'il estoit expedient de prendre cete resolution, laquelle demonstroit la foy de la verité de la sainte Eucharistie contre les Sacramentaires. Qu'il n'estoit ia besoin, comme aucuns requeroient, d'un procureur expres, au nom de ceux qui faisoient la demande, comme cela fut pratiqué au Concile de Basle. Car lors c'estoit le corps tout entier d'un seul Royaume, qui requeroit cete grace, & partant pouuoit enuoyer un procureur : mais maintenant, ce n'est point un seul peuple, ou nation : ains un nombre infiny, dispersé, par diuerses nations. Et qu'il ne falloit point s'esbahir que la demande eust esté premierement presentee au Pape, & qu'il l'eust esconduite : d'autant que le Pape prudemment auoit remis le tout au Concile, pour clorre la bouche aux heretiques, lesquels refuserent de recevoir aucunes graces de ce Siege-là : & aussi, pour ne sembler deroger à l'autorité du Concile de Constance : attendu qu'il estoit conuenable, que l'usage du Calice ayant esté oité par un Concile general, fust aussi permis par la decision d'un autre : & mesmes pour donner reputation au Concile, auquel la bienveillance requeroit que fust remise cete deliberation, propre à esteindre les discordes del'Eglise. Que toutesfois il auoit lettres de Rome, que le Pape tenoit cete demande pour raisonnable, & necessaire : & prenoit en bonne part, qu'instance en fust faite au Concile. Puis apres, il presenta l'Article sur le fait du Calice, en la forme qu'il desiroit qu'on en traitast : lequel contenoit en substance, Que l'usage du Calice fust ottroyé aux Estats de l'Empereur, entant qu'ils comprenoyent toute l'Allemagne, & la Hongrie. Iceluy estant lu en la Congregation, il s'esleua un grand bruit des Prelats, & fut remarqué que plusieurs donnoient des signes euidens d'y vouloir contredire. Mais pour l'heure ils furent apaisés, leur estant monstre qu'ils pourroyent dire leurs aduis, lors que les opinions courroyent.

*les François
requierent
de nouveau
dilation,*

Les Ambassadeurs de France firent le troisieme Septembre nouuele instance aux Legats, que, pour donner plus d'autorité au Concile, & afin que les determinations d'iceluy fussent tant plus aisément receues en leur Royaume, il leur plust de prolonger la Session pour un mois, ou cinq semaines : traitant en cet entretiens autres matieres : pour publier puis apres en la suivante Session, tant ce qui auoit ia esté digéré, & arresté, que ce qui, pendant ce temps, seroit traité, & déterminé. Qu'ainsi faisant, on ne perdrait point de temps, & le Concile n'en seroit point prolongé, & le Roy, & tout le Royaume, en receuroit grand contentement. Ioint que l'on attendoit en bref des Prelats de Pologne : dont, ce seroit chose de grande edification au general de Chrestienté, de monstrer de faire estat de deux Royaumes tant considerables. Cete instance fut faite iustement un iour auant que les Le-

les affaires d'iceux Princes, & de leurs estats. Que ce pretendu Arrest, que les Legats asseuroyent auoit este fait, ne paroilloit point, & qu'il le faloit voir, & sauoir de qui il estoit emané. Car si les Legats, ia des lors, l'auoyent fait de leur propre autorité, ils auoyent exorbitamment estendu leur pouuoir: si aussi ç'auoit esté le Concile, il faloit de necessité examiner comment & quand il auoit esté fait: d'autant qu'intolerable desraison estoit aussi ce, qui auoit esté fait au beau commencement de cete derniere conuocation, lors que les Legats, avec ce peu de Prelats Italiens, qui estoient venus de Rome, tous seuls, auoyent fait vn Decret, lequel ils auoyent du depuis rigoureusement pratiqué, que chose aucune ne püst estre proposée, sinon par la bouche des Legats: tellement que tous les Princes, & les Prelats auoyent la bouche fermée, pour ne proposer la bonne Reformation, de laquelle l'honneur & le seruice de Dieu requeroit qu'on traitast: en lieu de laquelle, pour entretenir inutilement le monde, on auoit traité & traitoit de la Doctrine, en controuerse avec les Protestans, en leur absence, sans aucun benefice des Catholiques, lesquels n'en doutent nullement; & à la plus grande alienation des Protestans, lesquels on condannoit en leur absence. Ces plaintes des François se renouvelerent; ayant eu aduis de Monsieur de l'Isle, Ambassadeur du Roy à Rome, que par commandement de Sa Maiesté il auoit fait la mesme demande au Pape, qu'on attendist les Euesques François, pour tout le mois de Septembre: à quoy le Pape auoit respondu, Qu'il remettoit cela aux Legats. Sur quoy Lansac disoit, Que c'estoit bien-là vne chose digne d'eternelle memoire: le Pape, disoit-il, remet l'affaire aux Legats, les Legats n'y peuuent rien sans le Concile: & au Concile est interdit d'enouir la proposition. N'est-ce point se moquer tout ouuertement du Roy, & du monde?

L'onzième Aoust, les Euesques commencerent à donner leurs suffrages sur les Decrets touchant le Sacrifice: & quasi tous passerent le tout legerement, & vnaniment: sauf que quelques vns n'estoyent point d'avis, qu'on y mist, que nostre Seigneur eust offert en la Cene: autres au contraire trouuoient bon que cela y fust: & par plusieurs iours le nombre de l'un & de l'autre party fut quasi egal. Icy ne doy-ie omettre: comme chose digne de memoire, que le quatorzième Aoust arriua Iaques Lainez, General des Iesuites: sur le rang & place duquel, d'autant que cete Societé n'estoit iamais entreuenue en aucun Concile, il y eut beaucoup à traiter & debatre: ledit Lainez ne se contentant point du dernier lieu entre les Generaux d'Ordre: & les trois susmentionnées de la mesme Societé, Salmeron, Torres, & Cauiillon, faisanstous efforts pour le mettre deuant les autres. Qui fut la cause qu'és Catalogues de ceux qui assisterent au Concile, il ne s'y trouue point marqué.

Les Prelats Espagnols presenterent aux Legats vne requeste signee par eux tous, par laquelle ils exposoyent les grands inconueniens, qui estoient nes des exorbitantes graces & priuileges, ottroyés aux Conclauistes: & en requeroient reuocation, ou du moins, moderation. Le fait est, que les Cardinaux, entrans au Conclau, là où ils doiuent estre enfermés pour l'election du Pape futur, ont accoustumé d'auoir à leur seruice deux hommes chacun: l'un, comme Chapelain: & l'autre, comme Chambrier: lesquels sont choisis par eux, plus pour seruir aux negotiations & menées, qu'aux personnes de leurs maistres: & d'ordinaire ce sont les meilleurs & plus raffinés Courtisans de Rome. Cetix-cy ont bien souuent autant de part es brigues & pratiques, que les maistres mesmes: dont il y a vne coustume inueterée, qu'à l'issue du Conclau, le Pape les recoit tous entre ses domestiques, & leur baille priuileges conuenables au degré d'un chacun, selon qu'ils sont ou Prestres, ou Seculiers. Entre les priuileges, qu'alors on auoit accoustumé de bailler aux Prestres, estoient aussi ceux-cy, Qu'ils pussent resigner, entre les mains de telle personne Ecclesiastique qu'il leur plairoit, les Benefices qu'ils tiendroyent, & les faire conferer à qui ils nommeroyent. Qu'ils pussent changer leurs Benefices avec tout autre beneficie, & qu'eux mesmes fissent le choix

1562;

aduis des
Prelats sur
le fait du
Sacrifice,arriuee du
General des
Iesuites, &
la brigue
pour la pre-
sence;requeste des
Prelats Es-
pagnols.
côtre l'abus
des Conclau-
nistes;

1562.

d'une personne : qui en fist la collation à l'un & à l'autre. De ces exorbitans pouvoirs naissoit une ouverte marchandise : & les Euesques estoient contraincts, là où il y avoit quelque Conclauiste, de voir, avec beaucoup de scandale, changer leurs Chanoineries, Cures, & autres Benefices, au plaisir desdits Conclauistes. Les Espagnols en formerent plaintif, d'autant que tout fraîchement il en estoit arrivé de grands inconueniens, en Catalogne. Mais les Legats leur remontrèrent, que la correction de semblables abus n'appartenoit à autre qu'au Pape : attendu qu'il s'agissoit de ses domestics : que si par plusieurs fois il avoit esté cōclu de remettre au Pape la reformatiō de la Cour de Rome, à beaucoup plus forte raison luy falloit-il remettre celle de ses propres domestics : & promirent d'en escrire à Sa Sainteté, & de faire instance qu'il y fust pourueu : ce qu'aussi ils firent. Sur quoy le Pape, considérant que les Conclauistes de marque demeurent à Rome, & près des Cardinaux, & partant que le reiglement ne pouvoit toucher que quelque petit nombre, & de peu de consideration, lesquels s'estoyent retirés en leurs maisons : & d'ailleurs, que le bien de ses affaires requeroit qu'il donnast quelque contentement aux Prelats du Concile, & sur tout aux Espagnols, se delibera de leur complaire, & au mois ensuiuant il fit la reuocation de plusieurs priuileges donnés à cete sorte de gens : laquelle toutes fois ne fut point gardee par son successeur.

qui est corrigé en partie par le Pape.

depart de Pibrac,

Pibrac, troisieme Ambassadeur de France, partit en se temps de Trente, & donna suiet de soupçon aux partisans du Pape, qu'il n'allast pour exposer l'estat du Concile, & solliciter la venue des Euesques François : & tenoit-on pour tout asseuré qu'il feroit de mauuais & sinistres offices, attendu que par quelques siennes lettres au Chancelier interceptes, on auoit ia descouvert son inclination, à cause du mescontentement, que luy, & ses Collegues auoyent receu, d'auoir esté refusés en leur demande de la prolongation de la Session. Ces choses furent rapportees à Lansac par aucunes creatures du Cardinal Simonete, pour hallener la verité : mais il ne respondit autre chose Que Pibrac estoit allé pour ses affaires particulieres : que toutes fois ce n'estoit pas de merueille, si voyant les manifestes defauts qu'il y auoit au Concile, on se donnoit l'alarme qu'ils seroyent rapportés.

diuersité d'avis sur le sacrifice de Christ en la Cene.

Or, sur le fait du Sacrifice de la Messe, tous les aduisés Congregations tenues iusques au dix huitieme Aoust, se resoluoyent seulement à debatre, si Christ auoit offert en la Cene. Le Peré Salmeron Iesuite s'estoit fait auteur Principal de la firmatiue : & alloit de maison en maison trouuer ceux qui sentoient autrement, & sur tout ceux qui n'auoyent encores opiné : leur persuadant au moins à se taire, ou à parler de la retenue : & y employoit le nom & autorité du Cardinal de Vvarmie principalement, y adioustant par fois celle de Seripande, & designant aussi les autres Legats, sans les nommer. Et fit cete brigue avec tant d'importunité, qu'en la Congregation du dix huitieme Aoust les Euesques de Chioge, & de Vegle, s'en plainquirent : & ce dernier parla pour la negatiue avec grande force de raisons : remontrant, qu'on considerast bien, qu'apres vn Sacrifice propitiatoire a esté une fois offert, s'il est suffisant pour expier les pechés, on n'en offre point vn autre : si ce n'est, peut estre, pour action de graces : & ceux, qui soustiennent, disoit-il, qu'il y a eu en la Cene vn Sacrifice propitiatoire, sont contraincts à vne force de confesser que par iceluy nous sommes rachetés, & non par la mort. Ce qui est contre l'Escripture Sainte, & la doctrine Chrestienne, laquelle attribue la redemption à la mort. Que si quelcun aussi vouloit dire, que ce n'est qu'un mesme Sacrifice, commencé en la Cene, & paracheué en la Croix, il tombera en vn autre egal inconuenient : attendu qu'il y a contradiction, à dire, que le commencement du Sacifice est Sacrifice : car, si apres auoir commencé, le sacrifiant cessoit, & ne passoit plus outre, nul ne diroit qu'il eust sacrifié : & nul aussi n'oseroit dire, que si Christ n'eust esté obeissant au Pere iusques à la mort de la croix, ains eust seulement fait oblation en la Cene, nous fussions rachetés. Partant

gats eussent receu lettres du Cardinal de Ferrare, qui portoyent, Que le Cardinal de Lorraine, & les Prelats François, viendroyent asseurement, & meneroient avec eux vint Docteurs de Paris. Lequel aduis fut aussi confirmé par d'autres lettres escrites à diuers Prelats par leurs amis, lesquelles on faisoit voir à dessein, y adioustant, Que le but des Prelats & Docteurs François estoit, de traiter le point de la supériorité du Concile par dessus le Pape. Ce qui fit, que de tant plus on iugea qu'il falloit expedier les matieres indigestes, afin qu'on n'y iettast à la trauersée de nouueles difficultés: & qu'aux malignes humeurs, qui estoient desia à Trente, ne s'en adioignissent à tas de pires encor, & de plus hardies; dont nasquissent tant d'affaires, que, ou le Concile fust porté à l'infiny, ou quelque chose preiudiciable y fust resoluë. Mais les Legats retinrent ces raisons en leur estomach, & respondirent aux François en termes honorables, en la mesme maniere qu'ils auoyent autrefois gardée enuers eux, Que le Concile auoit esté principalement conuoqué pour les François: que leurs Prelats auoyent esté conuiés dès si long-temps: que d'entretenir tant de Prelats en la mesme attente plus longuement, seroit chose fort indigne au Concile: & que si on ne publioit les choses examinees, le monde pourroit croire que cela se fist pour quelque dissension, qui fust entr'eux: ou bien, pource que les raisons des Protestans fussent de quelque poids, & valeur. Mais Lansac n'acruiescoit à aucune response, & pressoit toujours de plus fort la dilation: & se plaignoit, que le Concile, à ce qu'on disoit, fust ouuert pour les François, & que cependant ils ne fussent point attendus: qu'il n'auoit iamais pu obtenir aucune siene demande des Legats: que ses remonstrances estoient mesprisees, & qu'en lieu de gratifier son Roy, on vsoit de plus grande precipitation: qu'il n'attribuoit pas pourtant cela aux Legats, sachant bien qu'ils ne faisoient rien, qui ne leur fust commandé de Rome: qu'ils setrompoient bien fort, de prendre soupçon de la venue des Prelats François. Qu'après tant d'essais pour obtenir ce qui estoit raisonnable, & qui luy deuoit estre accordé sans le demander, il falloit penser à d'autres remedes. Et parloit en sorte, qu'il faisoit douter qu'il ne fist quelque acte extraordinaire. Cela fit courir le bruit que le Concile seroit rompu: dont la pluspart se resiouissoit: les vns, pour se deliurer des incommodités qu'ils souffroyent, les autres, pource qu'ils voyoient d'y demeurer avec bien peu ou point du tout d'auancement du seruice de Dieu: & les partisans du Pape, de crainte de quelque attentat contre leurs interets. On discouroit publiquement, que le Cardinal de Lorraine en toutes occasions auoit montré inclination à diminuer l'autorité du Siege Apostolic, qu'il desiroit donner quelque curee du Papat à la France, & partant n'agreoit point qu'iceluy fust en la disposition du College des Cardinaux, Italiens pour la pluspart: que la France auoit toujours pretendu limiter la puissance Papale, & l'assuiettir aux Canons, & Conciles: que cete opinion seroit secondee & fomentee par les Espagnols, lesquels, quoy que grandement retenus en paroles, s'estoyent desia montrés desireux de la mesme chose: & mesmes suiuiue d'une partie des Italiens, lesquels ne pouuans, ou ne sachans se preualoir des aduantages de la Cour de Rome, enuioient ceux qui en iouissoient: outre les amateurs de nouueautés, sans sauoir pourquoy: le nombre desquels, par plusieurs indices, on voyoit estre considerable.

A Trente fut publié vn discours, qui courut par les mains d'un chacun, & fut mesmes enuoyé à Rome par les Legats, auquel estoit montré qu'il estoit impossible d'acheuer le Concile en peu de temps: attendu qu'on voyoit tous les Princes butés à l'allonger. Que des François, & Imperiaux, on n'en pouuoit douter, attendu les fortes instances qu'ils faisoient de la dilation. Que le Roy d'Espagne faisoit bien paroître aussi le mesme, ayant député, pour Ambassadeur au Concile, le Conte de Lune, dès que la Diete de Francfort seroit acheuee, à laquelle il l'auoit premierement enuoyé. Que les Prelats aussi, par leur prolixité à opiner, porteroient les affaires en longueur. Là dessus on discouroit, qu'il estoit impossible de proceder ainsi long-temps, at-

1562.

qui leur est
essée pour
causes liffin
mulees,

dont Lansac
est irrité.

mais la
vraye cause
est au Car-
dinal de
Lorraine:

discours fait
à Trente sur
la duree du
Concile:

1562

tendu qu'il n'y auoit prouision de bleds que pour le mois de Septembre, au bout duquel on ne sauoit d'où en auoir, à cause de la cherté generale: & que la tardiueté del'Empereur, & du Duc de Bauiere à rendre responce à la demande des viures qu'on leur auoit faite, monstroient qu'ils ne pouuoient y subuenir. Et de plus, que les Protestans espieroyent tousiours le moyen de faire ioindre les Peres à quelque honteuse resolution, & susciteroyent des nouueautés pour contraindre les Princes à auancer choses preiudiciables. Qu'on voyoit les Euesques aspirer à la liberté: & qu'avec le téps ils ne se tiendroyent point dans de si courtes bornes, & le Concile deuiendrait non seulement libre: mais licentieux. Et, par vne gentile comparaisson, le progres du Concile, estoit figuré par le corps de l'homme, lequel, avec du plaisir & volupté, prend la verole, appelee par les Italiens, le mal François, petite au commencement, & peu estimee, laquelle puis apres se dilate, & occupe tout le sang, & toute la vertu vitale. Ce discours exhortoit le Pape à y aduifer, non pour venir à translation, ou suspension, pour ne s'achoper à vne contradiction de tous les Princes, mais pour se seruir à propos des remedes, que Dieu luy presentoit.

*differeus sur
l'ottroy du
Calice:*

Parmy ces mouuemens, les Legats se hastoyent de conclure les Décrets pour la Session. Celuy du Sacrifice estoit ia bien auancé. Partant on vint à parler de l'ottroy du Calice: en quoy il y eut trois opinions: l'une extreme & negatiue, qu'en sorte quelconque il ne fust ottroyé: l'autre affirmatiue, qu'on l'ottroyast dans le Concile, avec les reserues & conditions, que le mesme Concile trouueroit bonnes: & cete opinion estoit soustenue par cinquante des plus sages: & entre ceux-là il y en auoit qui vouloyent, que on enuoyast es païs, qui en faisoient instance, pour prendre information s'il estoit conuenable de donner cete promission, & sous quelles conditions se pouuoit & deuoit faire: la troisieme estoit mitoyene, que l'affaire fust remis au Pape: mais celle-cy estoit diuisee en plusieurs branches: aucuns vouloyent que cela fust remis absolument au Pape, sans faire aucune declaration s'il le deuoit faire, ou non: autres avec cete declaration, qu'il l'accordast selon sa prudence: aucuns aussi vouloyent restaindre la permission à certains païs particuliers, autres luy laisser toute liberté. Tous les Espagnols estoient absolument pour la negatiue: l'Ambassadeur Vargas leur ayant escrit, qu'il estoit expedient ainsi, pour le bien de la Religion, & pour le seruice du Roy, pour le danger eminent du païs bas, & mesmes aussi de l'Estat de Milan: lesquels, en cas qu'ils vissent leurs proches voisins iouir de ce priuilege, le demanderoient aussi pour eux: & soit qu'on le leur accordast, soit qu'on le refusast, on ouueroit vne grande porte à l'heresie. Les Prelats Venitiens, à l'induction de leurs Ambassadeurs, suiuyoient aussi le mesme aduis, pour la mesme cause.

De ces opinions tant diuerses, ie me contenteray d'en representer les auteurs principaux, & les choses plus singulieres dites par eux. Le Cardinal Madruce, qui parla le premier, opina, que sans aucune exception le Calice fust ottroyé. Tous les trois Patriarches, qu'absolument il fust refusé. Les cinq Archeuesques, qui parlerent apres, remirent l'affaire au Pape. Mais celui de Grenade, pource qu'il auoit promis aux Imperiaux de les fauoriser, pour les auoir de son party au fait de la Residence, qui le tenoit bien fort au cœur, dit, Qu'il n'affermoit, ny ne nioit: mais que la chose ne se pouuoit conclure en cete Session, & qu'il estoit necessaire de la differer à vne autre: & ne voulut s'en rapporter au Pape, disant, Que c'estoit vne matiere de grande deliberation; attendu qu'on ne la pouuoit reigler ne par Escriture, ne par Traditions: estant vn cas de prudence, là où il est necessaire de proceder avec beaucoup de circonspection, de peur de se tromper es circonstances du fait, desquelles nulle speculation, ne discours ne peut donner certaine science. Que pour luy, il ne faisoit pas difficulté, comme plusieurs autres, sur le danger d'espanchement: d'autant qu'à present il n'auoient pas que le vin soit versé, lors qu'on fait le lauement du Calice. Que si cet ottroy pouuoit

pouuoit apporter vnion à l'Eglise, il ne le faudroit point tant abhorrer: veu qu'il ne s'agissoit que d'une ceremonie, laquelle peut estre changee, selon l'vtilité des fideles. Mais qu'il estoit en suspens, d'une doute qu'il auoit, qu'apres cet ottroy on ne demandast autres choses extrauagantes: & pourtant que, de peur de mesprendre, il seroit bon de recourir tout premier à Dieu, par prieres, processions, messes, aumosnes, & iunnes: & puis, pour ne faillir aux diligences humaines, attendu que les Prelats d'Allemagne n'estoyent point au Concile, de leur escrire que leurs Metropolitains s'assemblassent, & examinassent diligemment la matiere, & en escriussent selon leur conscience au Concile. Et, pour conclusion, dit, Que veu que tant de choses ne se pouuoient faire en peu de temps, il iugeoit necessaire de surseoir, & de differer la deliberation à vn autre temps. Iean Baptiste Castagne, Archeuesque de Rosan, dissuada absolument la concession: & passa de là à discourir contre ceux qui la requeroient, & contre ceux qui fauorisoient la requeste, les taxant tous de n'estre bons Catholiques: d'autant que, s'ils estoyent tels, ils ne recherchoient point vne chose induë avec scandale des autres: & dit tout ouuertement, que cete requeste butoit à introduire l'heresie: & vsa de tels termes, que chacun vid bien, qu'il donnoit dans la visiere à Maximilien, Roy de Boheme.

L'Archeuesque de Brague, ou Bragance, en Portugal, dit, Qu'il estoit informé qu'en Allemagne il y auoit quatre sortes d'hommes: les vns, francs Catholiques: les autres, obstinés & profes heretiques: les autres heretiques couuerts: & les autres, infirmes en la foy. Que les premiers ne requeroient point cet ottroy, ains y repugnoient, & les deuxiemes ne s'en soucioient point: mais que les troisiemes le desiroient, pour pouuoir demeurer à couuert en leur heresie: d'autant qu'en toutes les autres choses ils pouuoient se desguiser & feindre, mais celle-cy seule les descouuroit: & que pourtant il ne la leur falloir point bailler, pour ne fomenteur leurs erreurs. Quant aux foibles en la foy, ils n'estoyent tels, sinon pour mauuaise impression qu'ils auoyent de la puissance Ecclesiastique, & sur tout du Pape: & ne demandoient point le Calice par deuotion, laquelle ne se trouue qu'en personnes de sainte vie: en lieu qu'eux estoyent tous plongés es vanités & voluptés du monde: & maluolontiers mesmes se confessoient & communioient vne seule fois l'annee: qui ne marquoit point tant de ferueur de deuotion, que par icelle ils recharchassent de communier avec les deux especes. Et pour conclusion, dit, qu'il falloir imiter la diligence des Peres du Concile de Basle, & elire quatre ou six Prelats du Corps du Concile, lesquels, comme Legats d'iceluy, accompagnés de Theologiens propres à prescher, visitassent les provinces nommées par la Maïeste Imperiale: & là où ils trouueroient personnes penitentes, qui desirassent le Calice par deuotion, ou par estre habitudees à cet vsage, & au demeurant voulussent retourner à la communion de l'Eglise, qu'ils les receussent à la paix d'icelle, & le leur ottroassent.

L'Euesque titulaire de Philadelphie, quoy qu'Allemand, dit, Qu'il estoit dangereux de refuser cete grace aux demandes de l'Empereur: mais qu'il estoit pernicieux & dommageable de l'accorder. Et que pour luy, il se resoluoit plustost à desplaire aux hommes, qu'à parler contre sa propre conscience. Qu'il estoit impossible de mettre en pratique l'vsage du Calice, pour le danger de l'espanchement, lorsqu'on viendroit à le porter çà & là en lieux lointains, & malaisés: & bien souuent de nuit, en temps de neige, de pluye, & de glace. Que les heretiques s'en glorifioient, & battoient les oreilles au peuple, qu'à la fin les Papistes commençoient à conhoistre la verité. Que c'estoit vne chose hors de doute, que ceux qui faisoient cete instance, croyoient, qu'on ne pouuoit en autre façon obseruer l'ordonnance de Christ, sinon en prenant l'Eucharistie sous les deux especes: & là dessus prie

1562.

en main vn Catechisme , escrit en langue Allemande , lequel il lut , & en donna quant & quant l'interpretation , & declara qu'elle estoit leur opinion. Et adiousta que les bons Catholicks s'en contristeroyent : & qu'en lieu d'en gagner vn bien petit nombre , on en perdrait vn tres-grand , lequel entreroit en doute de quel costé est la vraye foy , voyant encliner les Catholicks aux vsages & obseruances des Protestans. Que l'ottroy qu'on feroit à l'Allemagne , esmouueroit les autres prouinces , & sur tout la France. Que les heretiques vouloyent faire vn essai de percer , par le moyen de cete permission , la fermeté qu'ils ont trouuée es dogmes de l'Eglise Catholique. Et pour conclusion , dit , qu'au moins l'affaire deuroit estre differé iusques à l'issuë de la Diète ; afin que les Prelats Allemans pussent enuoyer au Concile : approuuant l'aduis de l'Archeuesque de Grenade , à vouloir differer : & celuy de Bragance , à asseurer que tous ceux , qui monstroyent de desirer le Calice , auoyent vn germe d'herésie. Et adiousta , que puis que les Ambassadeurs Imperiaux auoyent fait des instances tant passionnées , & des brigues si fortes , & estoient tant interessés en cecy , il n'estoit pas raisonnable qu'ils fussent presens en Congregation : afin que chacun eust liberté de parler. Frere Thomas Casselle , Euesque de la Caue , apres auoir representé que l'Euesque des Cinq Eglises , Ambassadeur de l'Empereur , en auoit gagné plusieurs , leur persuadant qu'en cas qu'on n'accordast le Calice , il en arriueroit tant de maux , qu'il vaudroit mieux n'auoir iamais tenu Concile ; s'estendit à monstrier qu'il ne le faloit point accorder , ores qu'il en dуст arriuer la perdition de plusieurs ames : car en l'accordant , il en periroid beaucoup grand nombre.

L'Euesque de Capsemberg , en Stirie ; fit la mesme instance , que les Ambassadeurs Imperiaux se retirassent ; & inuectiua grandement contre les paroles de l'Euesque des Cinq Eglises , representees par l'Euesque de la Caue. Plusieurs Prelats Espagnols requierent de mesme aux Legats , que les Ambassadeurs de l'Empereur n'entreuinsent aux traités des Peres , pendant cete consultation : & qu'il suffisoit qu'à la fin ils entendissent la resolution du Concile. Mais quelques autres y contredirent , disant , Qu'eux , à qui l'affaire touchoit , beaucoup plus que les autres , y deuoient assister : & que d'exclurre ceux , du fait desquels il s'agit , est chose contraire à l'usage des Conciles. Partant les Legats , considerans qu'ils auoyent desia commencé à y entreuenir , & qu'on ne les pouuoit exclurre , sans danger de bruit , resolerent de ne rien innouer.

L'Euesque de Conimbre , en Portugal , opina , Que l'affaire fust remis au Pape , pour ottroyer cete grace sous cinq conditions : la premiere , Que ceux , à qui elle seroit faite , abiurassent toutes les heresies , & particulièrement , iurassent de croire , qu'autant est contenu sous l'vne des especes , que sous toutes les deux : & que semblablement autant de grace est receuë sous l'vne , que sous les deux : la deuxieme , Qu'ils eussent à chasser les prescheurs heretiques , & en leur place en recevoir des Catholicks : la troisieme , Qu'ils n'eussent à garder le Calice , ny à le porter aux malades : la quatrieme , Que Sa Sainteté ne commist la dispensation de cete grace aux Ordinaires , ains enuoyast des Legats sur les lieux : la cinquieme , Que la resolution n'en fust point prise au Concile : d'autant que si cete grace estoit publiee , elle feroit enorgueillir les heretiques , & donneroit scandale à infinis Catholiques : & pourtant , si tant estoit , que cete dispensation se dуст faire , il ne faloit point l'exposer à la veuë de tout le monde. L'Euesque de Modene maintint , Qu'on ne pouuoit refuser le Calice : d'autant que l'Eglise s'estoit tousiours , apres le Concile de Constance , reserué le pouuoir d'en dispenser : & par là auoit monstrier , qu'il estoit quelquesfois conuenable de le faire. Que Paul troisieme auoit ia autresfois enuoyé des Nonces , pour relascher la defense : d'autant qu'il auoit apperceu qu'elle n'auoit produit aucun effet en tant d'annees , esquelles il auoit esté impossible de iamais reduire les Bohemiens. Ioint que l'usage du Calice estoit conforme à l'institution de Christ , & auoit esté pratiqué par l'Eglise en autres temps.

Frere Gaspar de Casal, Euesque de Liria, en Espagne, personnage exemplaire, & de singuliere erudition, soustint la mesme opinion, & diit en substance, Qu'il ne s'esbahissoit point de la diuersité des aduis : d'autant que ceux, qui refusoient la Communion du Calice, auoyent tous les modernes à enluyure : de mesmes qu'à l'opposite ceux qui l'accordoient, estoient mus par l'exemple de l'Antiquité, du Concile de Basle, & de Pape Paul troisieme. Qu'en cete diuersité, il adheroit à l'affirmatiue : d'autant, que la chose de loimême estoit bonne : & sous les conditions, qui auoyent esté proposees, estoit mesmes vtile, & expediente : & veu qu'elle estoit proposée, & acheminee, comme vn moyen necessaire pour reduire les ames, ceux qui desiroient de paruenir à ce buttant bon & saint, deuoient se reconnoistre obligés, à en embrasser le moyen : or la necessité de ce moyen ne pouuoit estre reuoquée en doute, attendu que l'Empereur en asseuroit, lequel il ne pouuoit croire que Dieu permist de s'abuser en chose tant importante : sur tout, veu que l'Empereur Charles auoit fait le mesme iugement : ce qui estoit de plus fort confirmé par la demande du Duc de Bauiere, & par les instances qu'en faisoient les François, Que si aucun estoit encor en doute que les Princes seculiers ne fussent à plein informés de cete cause, comme estant Ecclesiastique, il ne deuoit faillir d'adiouster foi entiere à l'Euesque des Cinq Eglises, & aux autres deux Euesques de Hongrie, qui estoient au Concile. Et d'autant que quelcun auoit dit, qu'il falloit bien imiter le pere, qui receut l'enfant prodigue ; mais toutesfois, attendant premierement qu'iceluy vint à repentance, il dit, que plustost il falloit imiter le Pasteur de l'Euangile, lequel alla cherchant la brebis esgaree, par lieux deserts & aspres, avec beaucoup de sollicitude, & la chargea sur ses espaules, & la rapporta en la bergerie. Le parler de ce Prelat, pour la renommee de sa grand prudence, excellent saoir ; & plus encor, pource qu'il estoit Portugais de nation, ce qui auroit fait croire à tous, qu'il eust du estre tresfrigueux à maintenir l'usage des ceremonies, vſitees ; non seulement conferma ceux qui estoient du mesme aduis, mais mesmes esbranla grandement plusieurs de ceux qui iusques alors auoyent esté contraires.

L'Euesque d'Osme, en la Marque d'Ancone, lequel par apres luy dit, seulement, ie doute grandement, qu'il nous faudra bon gré malgré boire ce Calice : mais Dieu vueille, que ce soit avec heureuse issue. Jean Baptiste Osio, Euesque de Riete, au Duché de Spolet, maintint, Qu'il ne falloit point permettre l'usage du Calice : d'autant que l'Eglise n'a iamais accoustumé de conceder chose aucune selon les positions, ou assertions des heretiques : ains tousiours d'establir le contraire. Et monstra, par ce qui estoit adueni es Bohemiens, lesquels s'estoient tousiours plus enſelonnés en leur rebellion, qu'il ne se falloit rien promettre des heretiques ; ains tenir pour tout asseuré, qu'on seroit trompé par eux. Qu'il falloit faire comprendre à l'Empereur, que cete demande n'estoit point vtile pour ses Estats. Il fit aussi instance aux Legats, de ne faire point de mise de ceux, qui du commencement auoyent opiné de remettre l'affaire au Pape, attendu qu'ils auoyent parlé confusément : ains requit qu'ils fissent partage des suffrages, comme il auoit esté pratiqué en autres occasions, faisant respondre à vn chacun par oui, & non, & quitter les voyes obliques & artificieuses dont quelques vns vtoient par contrainte, pour complaire. Cet aduis fut suivi par Frere Jean Muniacones, Euesque de Segorbie, en Espagne, lequel dit, Que de vrai il auoit auparauant esté d'opinion, qu'on ne refusast point cete grace : mais, ayant ouï l'Euesque de Riete, il estoit obligé par deuoir de conscience de changer d'aduis, & des'adiindre à la partie negatiue : que le Concile en cete cause estoit Iuge, & deuoit prendre diligemment garde, qu'en condescendant inconsiderément à l'Empereur, il ne fist preiudice aux autres Princes. Frere Marc Laure, Euesque de Champagne, au royaume de Naples, dit, que l'Empereur ne demandoit point cete concession de cœur : mais qu'il lui suffisoit de faire cete montre pour acquerir l'affection de ses peuples : & pourtant, qu'il seroit bon

de luy rendre raison des difficultés qu'on y trouuoit, afin qu'il püst se iustificier enuers eux.

Pierre Danés, Euesques de Laueur, ne determina point s'il falloit ou ne falloit pas ottroyer le Calice: ains consuma tout son propos à refuter l'opinion de remettre l'affaire au Pape. Et en substance dit, Que peut estre le Pape en prendroit offense: d'autant que cete requeste luy ayant premierement este faite, & ne sachant, ou ne pouuant, ou ne voulant se resoudre sur icelle, il l'auoit renuoyee au Concile: ce qui donnoit vn manifeste indice qu'il n'auoit pas à gré d'estre remis és mesmes ambiguités: & que le Concile, qui estoit vne grande multitude de personnes, pouuoit plus aisément soustenir le fais des importunités de ceux qui se plaindroient de n'auoir esté contentés, & en requeroient remede; que non pas le Pape seul, lequel est obligé d'auoir plusieurs esgards, pour la conseruation de sa propre dignité. Et puis, disoit-il, on donnera prise aux calomniateurs, qui diront que tout cecy n'est qu'un ieu ioué, & que le Pape remet l'affaire au Concile, & le Concile au Pape, pour beffler le monde. Mais en fin, il vint au nœud de la matiere, disant, Ceux qui veulent remettre l'affaire au Pape, le veulent faire, ou comme à supérieur, ou comme à inférieur: ou bien, c'est d'autant que le Concile n'ayant pas le courage de se resoudre pour les difficultés qu'il y a, il s'en remet à vne puissance supérieure: ou, pour se releuer & deliurer d'ennuy, à vne inférieure. Mais ny en l'une ny en l'autre façon, il n'est raisonnable de le faire, que tout premier ne soit vuidee cete question. Qu'elle puissance est supérieure. D'autant que de ce fait chacun voudra tirer argument à l'auantage de son opinion, & on donnera occasion aux disputes, & diuisions. Et dit fort à certes, que nul Prelat sage ne deuoit assentir à remettre l'affaire au Pape s'il n'estoit premierement bien acertené en laquelle des deux façons cela se deuoit faire: ains, qu'il n'estoit possible de le faire en aucune façon, tellement que les paroles ne marquassent en l'une, ou l'autre. Ce Prelat fut ouï par les partisans du Pape avec beaucoup d'impatience.

Maistout à point l'Euesque des Cinq Eglises voulut, en qualité de Prelat, parler en son rang en cete Congregation, & és autres: & suivant immédiatement apres ledit Danés, il tint d'autres nouueaux discours, qui firent oublier ceux d'iceluy: & par vn long circuit de paroles, il tascha de persuader, qu'il falloit ottroyer le Calice. Puis respondit à propos de point en point à tout ce qui auoit esté dit au contraire. Et dit d'auantage, qu'il n'estoit ia besoin de respondre à ceux, qui le vouloyent exclurre des Congregations: attendu que, si leurs raisons estoient valables contre luy, elles le seroyent aussi contre l'Empereur, s'il se fust trouué là present: ce qu'il ne pouuoit croire qu'ils voulussent dire, & soustenir. Qu'il vouloit aussi s'abstenir de respondre aux dangers de l'espanchement: d'autant que, s'ils estoient irremediabiles, il n'escheoit point que le Concile de Constance se reseruast le pouuoir de dispenser. Que les raisons de ceux qui dissuadoient l'ottroy, luy auoyent semblé graues, & fortes, & capables de le tirer luy mesme à ce sentiment: n'estoit qu'il auoit l'experience & l'usage de cet affaire, auquel l'experience est plus requise que la science, ou les raisons speculatiues. A ceux, qui disoyent qu'on n'auoit veu par le passé aucun bon fruit de semblable ottroi, il respondit, Que tout le contraire estoit: car, apres le traité de Basle, plusieurs s'estoyent maintenus Catholiques, en Boheme: qu'on auoit tousiours vescu en bonne paix avec les Calixtins, lesquels tout freschement auoyent receu le nouueau Archeuesque de Prague, par lequel ils faisoient ordonner leurs Prestres. A ceux, qui craignoient d'exiter nouueles pensees és autres nations, il respondit, Qu'icelles ne s'esmouuroient point pour vn tel exemple: d'autant, qu'estans sans meslinge d'heretiques, & desiruses de conseruer la pureté de la Religion, elles refuseroyent le Calice, quand mesmes on le leur presenteroit. Que les Allemands tant plus ardemment le desiroient, qu'on le leur refusoit: mais que, si on le leur accordoit, avec le temps ils se deporteroient de cet usage. Que la crain-

te, qu'apres auoir obtenu cete grace, ils ne passassent à d'autres demandes, estoit trop soupçonneuse: & quand ores ils y passeroient, on seroit tousiours à temps de les leur refuser. Qu'on ne pouuoit bailler nom de nouueauté à cete demande: attendu qu'elle auoit esté accordee par le Concile de Basle, & par le Pape Paul troisieme: duquel si les ministres eussent eu plus de courage, & ne se fussent retirés de cete dispensation pour des legeres apprehensions, procedentes des paroles de quelques Moines impertinens, qui preschoient à l'encontre, ils auroient profité d'auantage. Que, pour luy, il auoit esté grandement offensé en la raison alleguée par quelcun, que, comme on ne pourroit receuoir vne personne, sous condition de luy permettre de paillarder; aussi ne deuoient estre receus ces peuples, qui vouloyent se reconcilier à l'Eglise, avec pact de l'usage du Calice: attendu la grande difference qu'il y auoit entre ces conditions, dont la premiere estoit mauuaise de sa nature, l'autre ne l'estoit, sinon entant qu'elle estoit defendue. A l'Euesque de Segorbie, il respondit, que l'Empereur ne debatoit en cela avec aucun Prince, & ne procuroit le preiudice d'autrui, & demandoit le Calice pour ses peuples par grace, & non par rigueur de droit. Quant à ceux, qui disoient, qu'il ne falloit point bailler la commission de cela aux Ordinaires, ains enuoyer Legats du Siege Apostolic, il les picqua vn peu aigrement, disant, Si de vray ils iugeoyent qu'on ne pust confier vne chose indifferente à ceux, auxquels on auoit bien confié la cure des ames, & tout le gouuernement spirituel: ou bien, s'ils croyoient que cela fust vne chose, qui outrepassast le gouuernement Episcopal: que de renuoyer l'affaire au Pape, n'estoit autre que luy adiouter nouueles & continueles fascheries. A l'Euesque de Philadelphie il repartit, que non seulement les Catholiques n'en seroyent point troublés, ains en seroyent consolés, lors qu'ils verroyent de pouuoir viure vnis & en paix avec ceux, desquels à present ils supportent plusieurs trauaux. A ceux, qui requeroient procureurs expres pour demander cete concession, il dit, Qu'il ne falloit point s'esbahir, si nul ne venoit demander cete grace, attendu que l'Empereur s'estoit chargé de la demander pour eux: & qu'iceluy en pourroit faire venir innombrables, si les Peres le vouloyent ainsi. Mais que, comme le Concile auoit eu esgard de ne faire le Saufconduit trop ample, afin qu'il n'y vinst vn si grand nombre de Protestans, qu'il luy fist peur: aussi deuoient-ils auoir le mesme, voire plus grand esgard, à requerir qu'ils vissent à telle fin: attendu qu'il en viendroit beaucoup d'auantage pour obtenir cet ottroy. Et, pour conclusion, dit, Qu'il prioit que on eust compassion de leurs Eglises, & qu'on fist estat de la demande d'vn si grand Prince: lequel, pour le desir de l'union de l'Eglise, ne parloit iamais de cet affaire sans larmes. Pour la fin, il se plaignoit de la passion de plusieurs Prelats, lesquels pour vne vaine crainte de voir quelque changement en leurs païs, vouloyent bien voir la perdition des autres & particulierement se doulut de l'Euesque de Rieti, qu'il reputast l'Empereur Prince tant ignorant du gouuernement d'estat, qu'il ne fust ce qui estoit vtile pour ses peuples, s'il n'en prenoit leçon & instruction de Sa Seigneurie Reuerendissime, versee toute sa vie à seruir à la table des Cardinaux à Rome. Et finalement dit, Qu'il auroit encor beaucoup à respondre à tant de choses, qui auoyent esté auancees quasi pour le prouoquer à vn duel: mais qu'il ayroit mieux les supporter: & les passer patiemment. Il repliqua ce, qu'autres fois il auoit dit, Que, si on n'accordoit l'usage du Calice, il eust mieux valu n'auoir tenu le Concile: lesquelles paroles il declara, adioustant que plusieurs peuples estoient demeurés en l'obeissance du Pape, sous l'esperance que cete grace leur seroit ottroyee: & que, se voyans dechus d'icelle, ils s'en alieneroient tout à fait.

André de la Coste, Euesque de Leon en Espagne, dit, Qu'il ne falloit nullement douter des bonnes intentions de l'Empereur, & du Duc de Bauiere: ne disputer s'il estoit au pouuoir de l'Eglise, de donner vne telle permission: mais qu'il falloit seulement considerer ce qui estoit expedient. Que son aduis

là dessus estoit, qu'on imitast les Peres anciens, & l'usage perpetuel de l'Eglise, de ne condescendre aux demandes des heretiques. Qu'au Concile de Nicee on auoit veu, que quoy que tout le monde se bouleuerlast, les Peres d'iceluy n'auoyent cedé vn seul iota aux heretiques: & les Docteurs de l'Eglise se sont tousiours abstenus d'vser des termes vsités par iceux, quoy qu'ils eussent vn bon sens. Que les Protestans ne se contenteroyent point de cette concession: que les Catholiques la prendroyent mal: que pour vne esperance incertaine de ramener quelque peu d'heretiques, on perdrait grand nombre de Catholiques. Qu'on pouuoit prendre vn grand argument, que ce n'estoit point par deuotion, que cete demande estoit faite, attendu que ce n'estoyent point les Euesques d'Allemagne, qui le faisoient, ains gens qui ne donnoient aucun signe de spiritualité. Que, pour luy, il ne pouuoit comprendre comment ils estoient penitens, & vouloyent retourner à l'Eglise, & croire qu'elle fust conduite par le Saint Esprit, demeurans ainsi obstinés à n'y vouloir retourner sans cete grace: que cete obstination demonstroient bien, qu'ils n'auoyent le vray fondement, ou cause formelle de la foy. Que ce que le Concile de Basle auoit autresfois accordé cela aux Bohemiens, auoit esté à cause qu'iceux s'estoyent absolument remis à l'Eglise, laquelle par apres le leur auoit concedé par benignité. Qu'il ne faut appeler vray remede celuy, lequel n'est point necessaire, pour la nature & propriété de la chose, mais seulement pour la malice des hommes: laquelle le Concile ne doit nourrir ne fomentier. Que c'est assez imiter l'exemple de Christ à rechercher les brebis esgarees, quand on les appelle, conuie, & prie. Qu'il valoit mieux en tout euenement, si tant estoit qu'il falust de necessité accorder cete grace, que ce fust le Pape, lequel aussi la pourroit reuoquer, en cas que les conditions apposees ne fussent accomplies: & que si le Concile l'accordoit, & que puis le pape la voulust annuler, les heretiques, lesquels procedent tousiours par faussetés & tromperies, pretendroient, qu'il ne le peut faire, & que son autorité n'est point par dessus le Concile.

Antoine Gorrioner, Euesque d'Almerie en Espagne, dit, Qu'il se fortifioit en la negatiue par les mesmes raisons, qu'auoyent employees les defen-seurs de l'affirmatiue. Que, quoi que Dieu donnast beaucoup d'aides aux impenitens, comme predications, miracles & bonnes inspirations: il ne leur dispensoit iamais pourtant les Sacremens: ains aux seul penitens. Que si on vouloit se laisser mouuoir par la charité, il estoit raisonnable d'aduiser à l'exercer premierement à la conseruation des Catholiques, plustost qu'à la reduction des heretiques. Qu'il falloit ensuiure le Concile de Constance, lequel, pour maintenir les bons enfans de l'Eglise, auoit interdit la Communion du Calice, enseignee par Iean Hus: & que de mesmes en falloit-il faire à present, enuers les Lutheriens. Que cete concession ouuriroit la bonde à maux infinis: qu'il demanderoient en suite le mariage des Prestres, l'abolition des images, des iusnes, & autres saintes institutions: proposant tousiours leurs demandes, comme moyens vniques & necessaires pour se reünir à l'Eglise. Que tout changement de loi, quoi que trespetit, cause grand dommage, sur tout estant en faueur des heretiques. Qu'aussi peu pouuoit-il conseiller que le Pape le fist: quoi que de vrai il y auroit moins de mal, si c'estoit lui qui le faisoit: & les peuples s'en offenseroyent moins, que si la concession en estoit faite par le Concile, lequel, en l'opinion des peuples, semble auoir plus d'autorité en ses definitions: quoi qu'il faille aduoüer que le souuerain pouuoir est au Pape. Et que quand icelui l'accorderoit, il n'en faudroit point commettre la dispensation aux Euesques, quoi que reconnus pour gens de bien pour quelque temps: d'autant qu'ils peuuent deuenir mauuais, & peruertis en la foi, estans mus & emportes par leurs propres & particuliers interests.

François del Gado, Euesque de Lugo, en Espagne, fit vne longue exhortation aux Peres, que pour fuir difficultés, ou pour donner contentement aux Princes, ils ne derogeassent point à l'autorité & à la dignité des Conciles

generaux, laquelle ayant en tout temps esté en singuliere estime en Eglise, selon que chacun fait, au moyen de quoi la foi auoit esté conseruee & maintenue: il ne falloit point venir à present à la laisser vilipender par esgards & interets. Là dessus il allegua plusieurs passages de S. Augustin, touchant l'autorité des Conciles generaux, & recita les choses faites par les Conciles du temps passé: & exalta souverainement l'autorité Synodale. Et, quoi qu'il ne condescendist iamais à en faire comparaison avec la Papale, chacun ne laissa pas de bien comprendre, qu'il mettoit la Synodale au dessus. Ierome Guerin, Euesque d'Imole en Romagne, vsant de conceptions & de paroles peu dissemblables, releua grandement l'autorité des Conciles, mesmes prouinciaux, pour confirmer son opinion, de ne point ottroyer le Calice: disant, Qu'il falloit tenir leur autorité pour obligatoire, iusques à tant qu'un Concile general eust determiné au contraire: allegant sur cela S. Augustin: & en l'ardeur du discours il lascha ces paroles, Que le Concile general n'a aucun supérieur. Mais puis apres s'apperceuant que les autres partisans du Pape, (car lui mesmes estoit de ce nombre-là) s'en estoient offensés, il tascha de se corriger, repliquant les mesmes choses, mais y adioustant l'exception de l'autorité Papale. Mais par cete procedure il ne satisfit ny à l'un ny à l'autre party. Il ne laissa pas toutesfois d'estre excusé de la pluspart des siens; lesquels attribuerent ce qu'il en auoit fait, à inconsideration: d'autant qu'à diuerses occasions, es Congregations precedentes, il auoit redargué ceux, qui alleguoient le Concile de Basle, auquel la superiorité du Concile sur le Pape auoit esté establee. Le Cardinal Simonete, quoi qu'il se seruist de luy à faire semblables oppositions, dont nous auons parlé cy dessus, ne laissa pas pourtant d'interpreter sinistrement le fait, & de luy imputer, qu'il s'estoit laissé emporter à sa passion, pource que les Bulles de son Euesché ne luy auoyent esté gratuitement expediees comme il pretenoit.

La derniere Congregation sur cete matiere fut tenue le cinquième Septembre & d'entre ceux: qui parlerent in icelle, fut Richard de Vercel, Abbé de Preual à Genes, Chanoine Regulier, lequel, soustenant la negatiue, dit, Qu'au Concile de Basle cete matiere auoit esté disputee par plusieurs iours: & que toute cete dispute estoit encor en estre, ayant esté recueillie par Frere Iean de Ragouise, procureur des Iacopins: & finalement fut desfiny & arresté, de refuser absolument le Calice aux Bohemiens: & que pourtant on ne pouuoit auourd'huy venir à autre deliberation, sans faire paroître au monde que l'Eglise eust alors erré en un Concile General. L'Euesque d'Imole, voulant amender son propre exces, le reprit de ce que il donnoit autorité à ce Concile Schismatique: & le taxa de trop de hardiesse & temerité, en ce, qu'apres que ceux, qui simplement allegoient le Concile de Basle, auoyent esté tant de fois censurés, luy non seulement le produisist lors, mais mesmes luy donnaist autorité de Concile general. L'Abbé repartit, Qu'il s'estoit tousiours esbahy, & lors encor plus que iamais, de ceux qui parloyent ainsi de ce Concile-là: attendu qu'en la Session prochainement precedente, les quatre Chapitres, decretés sur la matiere du Calice, estoient tirés & copiés de ce Concile-là: & que pour luy, il ne pouuoit voir comment on pouuoit mieux approuuer un Decret, qu'en le renouellant non seulement au sens, mais mesmes es paroles. Et là dessus s'eschaufant, il s'emancipa à dire, Qu'attendu le Decret de ce Concile, la demande du Calice sentoît l'heresie, & le peché mortel, Dont il s'esleua du murmure: & comme iceluy vouloit encor suiure plus outre, le Cardinal de Mantouë luy imposa silence: dont il s'arresta, & demanda pardon & apres auoir dit encor quelque peu de paroles, il finit.

Afin de n'auoir plus à retourner à parler de cet Abbé, i'adiousteray en cet endroit, qu'il estoit marqué, & sur les memoires des Legats: d'autant qu'on auoit descouuert, que le seizième Aoust il auoit de bon matin esté chez les Ambassadeurs de France, pour demander, si leurs Euesques ne viendroyent pas: & pour les exhorter de les solliciter à venir bien tost, & es Congregations qui se tinrent sur le point du Sacrifice, il reuqua en doute, si

§ 62.

L'autorité du Pape estoit par dessus celle du Concile : adioustant , que , quand on viendrait à parler de cela , il en diroit son aduis librement. Dont toutes ces choses ramassees , & meurement pesees par les Legats, il fut iugé, qu'il n'estoit pas expedient qu'une telle humeur se trouuast à l'arriuee des François : & partant aduiserent de moyener que son General l'appelast, comme pour affaires de sa Congregation , pour l'oster de Trente , sous cet honneste pretexte. Mais, il n'en fut ia besoin : car ce pauvre Pere , de regret & affliction d'esprit , tomba malade , & le vintxième Nouembre il trespassa. En cete mesme Congregation, Frere Iean Baptiste d'Ast General des Serfs de Sainte Marie , soustenant aussi la negatiue , abbatit les fondemens des aduersaires , & s'estendit sur le Concile de Constance , lequel auoit le premier fait Decret sur cete matiere ; & en loüant l'autorité d'iceluy , il l'exalta par dessus les autres Conciles generaux , disant , Qu'il auoit depose trois Papes. Chose , qui n'agrea nullement , mais fut passee sous silence , pour ne faire choquer tant de choses tout ensemble.

*Les Legats
se resolurent
de remettre
l'affaire au
Pape :*

Après que tous les suffrages eurent esté dits , les Legats , desirans de donner contentement à l'Empereur , & ne sachans comment cela se pourroit faire au Concile , se resolurent de faire tout deuoir , que l'affaire fust remis au Pape : esperans d'amener par offices & brigues, ceux de la negatiue à condescendre à cet aduis , comme moitoyen. Et donnerent charge à laques Lomellin , Euesque de Mazare , en Sicile , & à l'Euesque de Ventimile , d'y traualler avec dextérité , & circonspection : & les Legats mesmes parlerent aux trois Patriarches pour l'opinion de remettre au Pape , & les persuaderent , & par leur moyen aussi furent gagnés tous ceux de la Seigneurie de Venise , qui estoit vn nombre grandement considerable. Après s'estre asseurés du nombre , qui leur sembla suffisant , ils crurent d'auoir surmonté toutes difficultés , & reduisirent l'affaire à ce point , d'escrire vne lettre au Pape en la forme accoustumee , luy enuoyant vne note de tous les suffrages : Mais , pendant qu'ils aduisoyent à la forme de la lettre , l'Euesque des Cinq Eglises , en ayant esté aduertý , declara qu'il ne se contentoit point , s'il n'en paroissoit quelque Decret en la Session : attendu , qu'ayant esté reserué en la precedete Session de traiter ces deux Articles , lesquels à present estoient digerés , & resolus , il estoit necessaire d'en faire apparoir la resolution es Actes de la Session.

*Decret du
Sacrifice ar-
resté :*

Le Cardinal de VVarmie luy remonstra , combien il estoit malaisé & dangereux , de proposer aucun Decret : & que , pour paruenir à son but , il luy conseilloit de se contenter de la lettre au Pape. Mais il n'y asques ça point : dont en fin ils se resolurent de faire vn Decret , qui seroit lu en la Session. En iceluy , il voulut qu'il fust dit , que le Concile , ayant reconnu qu'il estoit expedient d'accorder l'usage du Calice , remettoit au Souuerain Pontife le iugement à qui , & sous quelles condition il deuoit estre accordé. Mais les Legats luy remonstrerent , que plusieurs qui auoyent opiné que l'affaire fust remis au Pape , suiuoyent cet aduis , d'autant qu'ils n'estoyent pas asseurés s'il estoit expedient : & que tous ceux là seroyent contraires au Decret : & qu'il estoit impossible de franchir ce pas , de faire declarer que l'ottroy estoit expediât : & qu'encores qu'on le pust faire , il estoit bon de laisser refroidir vne si grande ardeur par l'interposition d'une semaine. L'Euesque des Cinq Eglises acquiesça , & apres qu'on eust arresté de differer le point du Calice , on proposa de vaquer à establir le Decret du Sacrifice : pour , par iceluy , frayer le chemin à la proposition de la Communion. Le Legat de VVarmie , à la suscitation des Iesuites Lainez , Salmeron , & Torres , trauersa cete affaire : & proposa vne autre forme du Decret du Sacrifice , à l'esgard de l'oblation de Christ en la Cene , & y eut beaucoup à faire à le faire deporter. Finalement , apres que ils eurent quasi esté hors d'esperance de pouuoir estre prests pour tenir la Session au temps assigné , en la Congregation du septiesme Septembre , le Decret du Sacrifice fut arresté , ayant esté receu par le plus grand nombre : nonobstant que l'Archeuesque de Grenade fist tout deuoir pour y entreietter empeschemens , & dilations.

Après

Après cela furent proposés dix Articles, pour reformation des abus es-
cheans en la Messe: & onze autres, sur diuerses matieres de reformation, 1562.
lesquels tout à dessein furent choisis de choses aisées, & non suiettes à con- *Articles*
tradiction, & fauorables à l'autorité Episcopale: afin qu'il n'entreuinst *d'abus en*
quelque retardement par l'opposition d'aucun. Ce que les Ambassadeurs, *la Messe,*
& les Prelats, sauoient tresbien, & s'en plaignoient aussi. On commença à *de Re-*
discourir sur ces Articles le neuuiesme Septembre, & les Prelats s'en des- *formation*
messerent en peu de paroles, parlans iusques au nombre de quarante par *proposez en*
Congregation: & n'y eut aucune opposition particuliere: sauf que l'Eue- *congrega-*
que de Philadelphie dit, que l'Allemagne estoit en attente, qu'on traiteroit *tion à exa-*
de choses graues & importantes au Concile, desquelles il en specifica diuer- *miner avec*
ses: & entr'autres, la creation des Cardinaux, & la pluralité des Benefices. *plaintes &*
Jean Suarez, Euesque de Conimbe, en Portugal, dit, Qu'il ne trouuoit pas *instances*
bon de negliger les choses petites: mais qu'il luy sembloit bien, que la di- *d'autres*
gnité du Concile requeroit, qu'on suiuiſt quelque ordre special, & qu'on *plus seu-*
viſt pour qu'elle cause estoient pluſtoſt proposez ces points qu'autres: que *res:*
la reformation deuroit commencer par le Chef, & de là passer aux Cardi-
naux, & puis aux Euesques, & consequemment aux autres degres inferieurs
qu'en faisant autrement & traitant la reformation en la matiere encom-
mencée, il craignoit qu'on ne feroit que prouoquer le desdain des Catholi-
ques, & les risées des Protestans. L'Euesque de Paris dit, qu'il y auoit cent
cinquante ans, que le monde requeroit reformation au Chef, & es mem-
bres, & auoit esté frustré iusques à present. Qu'il seroit meshuy temps de
luy faire paroir, qu'on y travailloit tout à bon, & non feintement: qu'il de-
siroit qu'on ouyſt aussi les François sur les necessitez de leur Royaume, au-
quel on auoit fait vne reformation beaucoup plus vtile, que celle qui estoit
lors proposée au Concile. L'Euesque de Segouie dit, qu'on faisoit comme
le medecin ignorant, lequel es maladies mortelles donne seulement vn leni-
tif, ou oint d'huiles. L'Euesque d'Oreate, Espagnol, dit, que sa Saincteté ne
deuoit permettre tant de pouuoir à la Croisade, & à la fabrique de S. Pierre:
en vertu desquelles chacun en Espagne vouloit auoir des Messes en sa mai-
son: que si icelles n'estoient modérées, les reiglemens du Concile seroient
vains & frustratoires. Qu'il estoit necessaſre de faire vne declaration, que
les Decrets du Concile general obligent aussi le Chef. Mais, s'estant là des-
sus esleué du murmure, il fit signe qu'on fust silence, & adiouſta, qu'il enten-
doit, quant à la vertu directiue, & non quant à la coactiue. Et suiuit à dire,
qu'il estoit necessaſre de trouuer aussi quelque moyen, qu'il n'y eust point de
procez, ou du moins, non en si grand nombre, ny si longs, pour causes bene-
ficiales: que cela cauſoit infinie depense, defaut au seruice de Dieu, & scan-
dale au peuple. L'Euesque des Cinq Eglises parla sur le point de la colla-
tion des Eueschez, exposant les paroles qu'il auoit autresfois dites, que on
promouoit personnes viles & indigne: & declara que l'abus venoit des
Princes, lesquels les recommandoient au Pape, avec beaucoup d'instance &
mesmes importunité: & que ces Eueschez seroient mieux colloqués es per-
sonnes des palefreniers de sa Saincteté. Et se plaignoit que ses paroles
auoient esté sinistrement interpretées.

L'Agent d'Espagne forma vn grief, au nom du Roy, son Maistre, de ce *grief de*
qu'au Chapitre huictiesme on donnoit tant d'autorité aux Euesques, sur les *l'Agent*
Hospitaux, monts & rentes constituées de pitié, lieux pieux, & autres, parti- *d'Espagne*
culierement, à l'esgard du Royaume de Sicile, pour priuilege, que ce Royau- *contre vn*
me a d'ancienneté, qui est nommé, la Monarchie. Pour le contenter, les Legats *de ces ar-*
adiouſterent cette clause au Chapitre, Reseruant les lieux, qui sont im- *icles, ac-*
mediatement sous la protection des Roys. Ces choses acheuées, les Le- *commde,*
gats se trouuerent bien à l'estroit, n'y ayant plus que trois iours iusques à la *difficulté*
Session, & cependant y ayant encor tant de choses indecises, & sur tout icel- *nouuelle*
le, qui importoit le plus, & en laquelle chacun portoit plus de vehemence *par la te-*
& de passion, assçauoir, la matiere du Calice, & aduint vn accident, qui fit *ue de la*
Session.

1562.

*surmontée
par le Le-
gat Simo-
nete,*

*Decret de
la remise
du fait du
Calice au
Pape est
en fine sta-
blie,*

quasi refoudre d'allonger le temps de la Session. C'est, que l'Ambassadeur de France fit forte instance au Pape au nom de son Roy, de faire différer la Session iusques à l'arriuée des Prelats François : à quoy le Pape, quoy qu'il n'ouïst rien tant à contrecœur, que de parler de prolongation du Concile, tant par son inclination propre, que par celle des Cardinaux, & de toute la Cour, qui esperoit & desiroit passionnément de le voir terminé, & séparé pour tout le mois de Decembre: respondit, pour ne descouvrir ses craintes, que cela ne luy importoit de rien : mais que le tout deuoit dependre de la liberté des Peres, lesquels il ne falloit s'esbahir s'ils abhorroient la dilation: attendu leur longue & incommode demeure à Trente: & qu'il estoit raisonnable d'auoir esgard à leurs travaux: & que, pour luy, il ne pouuoit, ny ne deuoit les contraindre, ny leur imposer loy, contre la coustume. Mais bien qu'il escriroit aux Legats, de l'instance qui luy estoit faite, & declareroit, que pour luy il estoit content de la dilation. Que c'estoit tout ce qu'on pouuoit requerir de luy, & que de cela le Roy se deuoit contenter. Il escriuit en ce sens, mais adiousta, qu'ils vsassent de cette permission, selon que les Peres verroient à faire. Cette lettre, avec ce qui fut escrit par l'Euesque Dauphin, Nonce par deuers l'Empereur; & l'instance des Imperiaux, qu'on ne publiast encor les Decrets de la Messe, outre ce qu'ils estoient encor mal prests firent encliner partie des Legats à la dilation. Mais Simonete, qui auoit bien compris l'intention du Pape, plus comme il l'auoit en sa teste, que comme elle estoit exprimée en sa Lettre, tint si ferme & roide, qu'il fut resolu au contraire. Et donna aduis à Rome, combien il estoit dangereux de mettre en doute les commissions absoluës baillées auparauant, de venir à l'expedition, par des autres conditionnées, pour bailler contentement de paroles: fomentant par ce moyen les mal intentionez à trauerfer les bonnes resolutions; & deschargeant sur eux Legats le fardeau: ce qui les rendoit odieux, & leur faisoit perdre la reputation, & les rendoit inhabiles à faire le seruice des affaires de sa Sainteté. Simonete fut fauorisé par l'euenemens: d'autant que, n'y ayant nulle opposition de consequence, le Chapitre des abus de la Messe fut estably, avec les onze de la Reformation: au Decret de la Cōmunion y eut moins de difficulté qu'on ne croyoit. Ce Decret ne passa point à la premiere proposition: d'autant qu'il portoit, que le Pape, mesmes par l'aduis & consentement du Concile, fit ce qu'il trouueroit à faire: ce qui fut impugné, tant par ceux qui tenoient la negative, que par ceux qui renuoyoient l'affaire au Pape. Ce qui induisit les Legats à se refoudre, de laisser tout à fait cette matiere: & l'ayant ainsi delibéré, ils en firent excuse aux Imperiaux, attendu que la faute ne venoit ne du Pape, ne d'eux. Les Ambassadeurs requirent, que le Decret fust proposé, en ostant la clause, de l'aduis & approbation du Concile. Mais les Legats, tenans pour asseuré, que cette proposition pourroit causer dilation à la Session, se rendirent difficiles pour cette seule cause. Et les Ambassadeurs protesterent, que voyans qu'on faisoit si peu d'Estat de l'Empereur, ils n'entretiendroient plus ny en Congregation, ny en Session, iusques à ce que sa Majesté, apres auoir esté aduisée de tout, y eust donné l'ordre conuenable à la dignité Imperiale. Dont les Legats, non seulement se contenterent de proposer le Decret en ostant la susdite clause, mais aussi promirent d'y rendre bon deuoir, & d'y employer mesmes des autres. Le iour d'apres, lequel precedoit immédiatement la session, la proposition, ainsi corrigée, passa par la plus grand voix, quoy que contredite par tous ceux du party de la negative, à la grand ioye des Legats, & des partisans du Pape: tant, pource que la Session n'estoit point prolongée, ce qu'ils redoutoient grandement: qu'aussi, pource qu'il leur sembloit, qu'il y auoit de l'auantage pour la dignité du Pape: que la grace à faire à ceux qui demandoient le Calice, dependist totalement de l'autorité d'iceluy. Mais les Imperiaux quoy qu'ils fussent assez contens quant à cette particularité: voyant que la Session seroit preste, & qu'il estoit impossible de plus empes-

cher la publication de ce qui concernoit le Sacrifice de la Messe, selon l'instance qu'ils en auoient auparauant faite au nom de l'Empereur; s'estans au preallable vnus avec les François, malcontens de ce que l'office fait à Rome au nom de leur Roy, n'auoit point porté d'effet: le mesme iour apres midy assemblerent tous les Ambassadeurs chez eux disant, de vouloir consulter quelque affaire important à tous les Princes. Ceux de Venise, & celuy de Florence, s'excuserent, allegans de n'y pouuoir entreuenir sans commission expresse de leurs Seigneurs. En cette Assemblée, l'Euesque des Cinq Eglises, representa par vn long discours, que iusques alors n'auoit esté traicté chose d'aucune vtilité: qu'on y auoit disputé vainement des dogmes, sans aucun profit contre les heretiques, lesquels sont obstinés à ne changer d'opinion: ne pour les Catholiques, qui n'en ont point de besoin: & pour la Reformation, n'auoient esté proposées choses que tres legeres, & de nulle consequence: des Notaires, des Questeurs, & autres semblables, Qu'on pouuoit clairement voir, que les Legats tendoient à faire aussi la Session prochaine suiuant le mesme style, & apres icelle poursuiure de mesmes, faisant filer le temps par disputés, doctrines & Canons, de l'Ordre du Mariage, ou de quelque autre chose leger: pour fuyr à leur accoustumée, les choses substantielles de la Reformation. Par ces raisons, & autres lesquelles il amplifia grandement, il persuada les Ambassadeurs de s'vnir ensemble, & d'aller aux Legats, & de faire instance, que pour cette Session-là on intermist de parler des Sacremens, & de faire Articles de doctrine ou Canons: d'autant qu'il estoit meshuy temps de trauailler à vne bonne reformation, d'oster tant d'abus & de corriger les mauuaises mœurs, & faire en sorte que le Concile ne fust infructueux. Le Secretaire Agent d'Espagne n'y voulut consentir: d'autant que le Roy, son Maistre, pretendait qu'au moins à la fin du Concile fust faite declaration de la cōtinuation, craignoit de se faire preiudice, si la maniere de proceder, obseruée iusques alors; de traiter ensemblement la Doctrine & la Reformation, estoit changée: attendu que par ce changement on pourroit arguer que la nouuelle maniere de proceder demonstroit que c'estoit vn nouveau Concile. L'Ambassadeur de Portugal, monstrant par vn long circuit de paroles flotantes, qui ne concludoyent rien, qu'il desiroit bien la reformation, mais qu'il desiroit de l'obtenir par voyes plus douces, se retira de la compagnie. Celuy de Suisse aussi, à l'exemple de ces deux, & considerant que celuy de Venise n'estoit point entreuenu en cette Assemblée, craignant de faillir, dit, qu'il vaudroit mieux consulter la chose plus meurement tout de nouveau, auant que faire aucune resolution. Tous les autres resolurent d'aller aux Legats.

Lanfac selon qu'il auoit esté conueni entr'eux, porta la parole pour tous: & dit, qu'ils estoient enuoyez par leurs Princes pour assister & fauoriser le Concile, & pour proctirer qu'on y procedast duement, non par disputes de la Doctrine, de laquelle, attendu qu'ils estoient tous Catholiques, nul n'estoit en doute, & lesquelles aussi estoient superflues en l'absence de ceux, qui l'impugnoient: ains, pour solliciter vn bonne, saincte, & entiere reformation des mœurs. Mais puis que, nonobstant toutes leurs remonstrances, tant de fois reytérées, ils voyoient qu'on auoit voulu determiner les principaux points contentieux de la Doctrine, sans toucher, que bien legerement, la reformation; ils prioient que la suiuite Session fust employée seulement en icelle: & qu'on en proposast des articles plus importans & necessaires, que n'estoient ceux, dont on auoit parlé iusques alors. Les Legats respondirent en mesme forme qu'autres fois, Que le desir du Pape, & d'eux, estoit bien de faire ce qui seroit pour le seruice de Dieu, & le bien de l'Eglise; & de contenter & gratifier tous les Princes mais, qu'il n'estoit pas conuenable de rompre l'ordre tousiours obserué au Concile, de traiter cōjointement la Doctrine & la Reformation. Que les choses, qui auoient iusques alors esté faites, n'estoient qu'un eschantillon, & commencement: qu'ils auoient bonne intention de faire tousiours mieux: qu'ils receuroient

1562:

mais les
Ambas. de
de diuers
Princes
mescontes
tiennent vne
assemblée
pour for-
mer des
plaintes. &
vne forte
demande
de vraye
reforma-
tion,

ce qui est
doucelement
rabbatu
par les
Legats,

1562. sans difficulté les Articles, qui leur seroient proposés par eux Ambassadeurs; & qu'ils s'esbahissoient, que de France n'eussent esté enuoyez au Pape les Articles deliberez à Poissi, lequel les auroit approuuez & ratifiez. A quoy Lansac repliqua, que le Pape auoit remis au Concile toutes les choses concernantes la Religion, & que les Prelats François, quand ils seroient arriuez, proposeroient & les Articles de Poissi, & plusieurs autres choses. Les Legats respondirent, qu'ils seroient les tres-bien venus, & encor plus volontiers escoutez. Mais que pour cela il ne falloit pas differer la Session assignée: attendu qu'en icelle ne seroit traitée chose aucune preiudiciable à leurs propositions. Que les Peres, en tresgrand nombre, estoient tres-resolus que la Session se tint, qu'il y auoit du danger à les desgouter: & s'ils attendoient à Trenté, avec tant d'incommodité pour eux, la venue de ceux qui tant à leur aise differoient d'y aller selon leur promesse, il n'estoit pas raisonnable, de leur bailler encor de surcroist ce plus grand ennuy, de les faire attendre oisiuement. Les Ambassadeurs ne firent aucune forte opposition à cette gentile defaite, & partant on alla tenir la derniere Congregation, pour former les Decrets: lesquels ayans esté arrestés, lorsqu'on vint à assigner le temps, & la matiere de la suiuite Session, l'Archeuesque de Grenade conseilloit qu'on en prolongeât le temps, afin que les François, & les Polonois, eussent du loisir, non seulement d'arriuer, mais mesmes, estans arriuez, de s'informer & qu'on ne vint à vne precise declaration de ce qui deuoit estre traité: mais qu'on se tint es termes de la generalité, comme autresfois on auoit fait, pour pouuoir prendre resolution selon les occurrences, attendu que, venant tant de personnes de nouueau, il estoit bien à croire, qu'ils porteroient des faits & des memoires, pour lesquelles il faudroit de necessité venir à nouuelles deliberations. Les Espagnols, & plusieurs autres, adheroient à cet aduis, & auroit aisément esté suiuy par le general. Mais il s'espandit vn bruit, qu'il estoit venu commandement absolu du Pape, qu'on n'eust à differer le Concile au dela de deux mois, & qu'on traitast du Sacrement de l'Ordre, & du Mariage, à vne seule fois ensemblement: ce qui induisit les partisans du Pape à faire instance que le temps ne fust point allongé, & qu'on traitast de ces deux Sacremens. Et les Legats monstrerent d'estre pour cette cause contrains de faire le Decret selon cela. Mais cette menée fut causée de deux autres veritables & réeles raisons: l'une estoit, la prompte expedition du Concile: attendu que, procedant en cette sorte, les Legats crurent de pouuoir terminer par cette seule Session: l'autre, afin que les Espagnols, & autres fauteurs de la Reformation, fussent bien fort occupez en cet affaire de foy, & de doctrine, & par ainsi n'eussent temps de reste à traiter choses importantes: & particulièrement fussent empeschés d'auancer, ou du moins de presser si fort, le fait de la Residence. Ce point ayant esté arresté, quand on vint lire tous les Decrets ensemble, les contradictions l'efleuerent de nouueau, avec les debats & contentions, accoustumées, si bien que les Legats eurent beaucoup à faire à les appaiser par bonnes & douces paroles. La Congregation dura iusques à huit heures du soir, au mescontentement mutuel des parties, & scandale des bons. Bien est vray qu'en fin tout resolu par la pluralité des voix, qui l'emporta de bien peu sur l'autre party.

*tenue de la
sixiesme
session,* Le dix-septieme Septembre, iour destiné à la Session, les Legats & Ambassadeurs, avec cent quatre vingt Prelats allerent à l'Eglise, avec les ceremonies accoustumées: & là, apres les prieres vitées en la celebration de la Messe, le Sermon fut fait par l'Euesque de Ventimile, lequel d'une grauité conuenable à vn Euesque, & Senateur, tel qu'il auoit esté, employa la comparaison ordinaire des corps naturels avec les ciuils, & demonstra combien seroit monstrueux vn Concile d'Euesques, sans Chef: il exposa l'office du Chef à espandre son influence en tous les membres: & au reciproque, la reconnaissance & le deuoir des membres à auoir plus de soin de la conseruation du Chef, que d'eux mesmes: voire qu'ils se deuoient exposer à tout dan-

*Sermon de
l'Euesque
de Ventimile en
commandation du
Pape chef
de l'Eglise*

ger pour la defense d'iceluy. Et dit, que le principal defect de l'heretique, selon Sainct Paul, estoit, qu'il ne retenoit point le Chef, duquel depend l'assemblage de tout le corps. Et en quatre paroles il effleura, que Christ estoit le Chef inuisible de l'Eglise, mais fit vn long discours que le Pape en estoit le Chef inuisible. Il exalta l'exacte diligence de sa Sainteté à pouruoir au Concile, & rarement à chacun son deuoir de conseruer la dignité de son Chef. Et enfin il loua la pieté, & la modestie des Peres: pria Dieu, de vouloir donner bon progres, & glorieuse issue à ce Concile, tel qu'auoit esté le commencement.

Après la Messe, furent luës lettres du Cardinal Amule, lequel, comme protecteur des nations Orientales Chrestiennes, donna aduis au Concile, ^{lettres, aduis, con-} comment Abdissi, Patriarche de Muzal, en l'Assyrie de delà l'Euphrates, ^{esions de} estoit allé à Rome & y auoit visité les Eglises; & auoit rendu obeïssance au Pape, & auoit receu de sa Sainteté la Confirmation, & le Manteau. Et re- ^{ty du Pa-} presentoit que les peuples suiets à iceluy auoient receu la foy par le moyen des saints Apostres Thomas & Thadée, & d'un leur disciple, appelle Marc; ^{tiarche d'Assirie;} conforme en tout à celle de Rome, avec les mesmes Sacremens, & ceremonies, dont ils auoient des liures escripts dès le temps des Apostres. Et adioustoit pour la fin, le grandeur du pays suiuet au gouuernement de ce Prelat, lequel s'estend iusques à l'Inde interieure; avec peuples innombrables, en partie suiets au Turc, en partie au Sophy de Perse, en partie au Roy de Portugal. Après la lecture de cette lettre, l'Ambassadeur de Portugal fit vne protestation, que les Euesques Orientaux, suiets de son Roy, ne reconnoissoient aucun Patriarche pour superieur: & que par l'admission de ce Patriarche ne fust fait aucun preiudice ny à eux, ny à leur Roy. Après fut luë la confession de foy, faite par ledit Patriarche à Rome le septième Mars, en laquelle il iuroit de tenir la foy de sainte Eglise Romaine, & promettoit d'approuuer & de condamner ce quelle approuoit & condamnoit, & d'enseigner le mesme aux Metropolitains, & Euesques diocesains, ses suiets. Puis furent luës ses propres lettres adressees au Concile, par lesquelles il s'excusoit de ne pouuoir aller au Concile, à cause de la longueur du chemin: & prioit, qu'après qu'il seroit acheué, les Decrets luy en fussent enuoyez, promettant de les faire obseruer entierement. Ces mesmes choses auoient desia esté luës en la Congregation, mais on n'y fit point de consideration. Mais la protestation de l'Ambassadeur Portugais esueilla les esprits à considerer diuerfes absurditez qu'il y auoit en ce narré, & s'en esleua quelque murmure, & les Portugais se mettoient ia en action pour parler. Mais le Promoteur, par commandement des Legats, dit, qu'en Congregation on parleroit de cet affaire.

De là on suiuit aux Actions Synodales: & l'Euesque officiant lut la doctrine du Sacrifice de la Messe, diuisée en neuf Chapitres: laquelle contenoit ^{Decret de la doctrine de la messe} en substance, Premierement, que pour l'imperfection de la Sacrificature Leuitique, il y auoit eu besoin d'un autre Sacrificateur selon l'ordre de Melchisedec: que celui-là auoit esté Nostre Seigneur Iesus-Christ lequel, quoy qu'il deust s'offrir vne seule fois sur l'Autel de la Croix, pour acquerir la redemption eternele: auoit neantmoins voulu laisser à son Eglise vn sacrifice visible, representatif de celui de la Croix, & applicatif de la vertu du mesme: & se declarant Sacrificateur selon l'ordre de Melchisedec, auoit offert à Dieu, son Pere, son corps & son sang, sous les especes du pain & du vin, sous lesquelles aussi il auoit baillé l'un & l'autre à ses Apostres, pour le receuoir: & auoit commandé à eux & à leurs successeurs, de les offrir: & que c'estoit-là l'oblation, pure, predite par le Prophete Malachie, laquelle S. Paul appelle, Table du Seigneur, laquelle aussi auoit esté figurée par diuers sacrifices du temps de la Nature, & de la Loy. Secondement, D'autant que le mesme Christ, qui fut offert sur la Croix avec sang, est sacrifié en la Messe sans sang, le Concile enseigne que ce Sacrifice de la Messe est vrayement propitiatoire, & que Dieu, appaisé par iceluy, donne le don de la re-

1562.

penitance, & remet tous les pechez : attendu que c'est vne mesme hostie, & vn mesme offrand, par le ministre des Prestre, que celuy qui s'offrit iadis soy-mesmes sur la Croix : la difference n'estant qu'en la maniere. Et que par ce Sacrifice de la Messe n'est fait aucun preiudice, ne derogé à celuy de la Croix, ains par celuy de la Messe on perçoit les fruits de l'autre. Et pourtant, que legitiment, selon la tradition des Apostres, il est offert, non seulement pour les pechez, peines, satisfactions, & autres necessitez des vi-uans : mais aussi pour ceux qui sont tres-passez en Christ, & ne sont encor parfaitement purgez. En troisieme lieu, Quoy que quelques Messes soient celebrées en l'honneur & memoire des Saints tres-passez, le Sacrifice n'est pas pourtant offert à eux, ains à Dieu. En quatrieme lieu, d'autant qu'il faut offrir iceluy avec reuerence, l'Eglise, des plusieurs siecles, a ordonne le Canon de la Messe, net de tout erreur, compose des paroles du Seigneur, de la tradition des Apostres, & des constitutions des Papes. En cinquieme lieu Sainte mere Eglise, pour l'edification des fideles a ordonné certaines obseruances, de prononcer en la Messe quelques choses à voix basse, & quelques autres à haute : & y a adiousté quelques ceremonies, comme benedictions, luminaires, encensemens, vestemens, par tradition Apostolique. En sixieme lieu, Le Concile ne condamne point, comme priuées & illicites ains approuue les Messes, esquelles le seul Prestre communie : attendu qu'elle ne laissent pas d'estre communes, veu que le peuple y communie (spirituelement : pource qu'elles sont celebrees par vn Ministre, & pour tous fideles. En septieme lieu, L'Eglise a commandé de tremper d'eau le vin au Calice : d'autant que Christ l'a fait ainsi, & du costé d'iceluy sortit sang & eau : & par ce meslange aussi est representé l'vnion du peuple, (selon qu'en l'Apocalypse les eaux sont les peuples) avec Iesus-Christ, son Chef. En huitieme lieu, combien qu'en la Messe soit contenuë vne grande instruction pour le peuple ; les Peres n'ont pas toutesfois iugé expedient qu'elle soit celebree en langue vulgaire. Et partant, ordonnent que l'usage de l'Eglise Romaine, Mere & Maistresse de toutes les autres, soit gardé : mais aussi enjoint à tous Pasteurs, & autres ayant cure d'ames, que frequemment ils exposent, ou par eux mesmes, ou par autres, en la celebration de la Messe, quelque chose de ce qui se lit en icelle : & sur tout les iours de Dimanche, & de festes. En neuvieme lieu, Pour condamner les erreurs, femez contre cette doctrine, le Concile, apres de longs, & serieux traitez sur cette matiere, constitue les sui-uans Canons & Anathemes :

Anathe-
matismes
sur la mes-
satiere

Le premier, Contre qui dira, qu'en la Messe n'est point offert vn vray & propre Sacrifice à Dieu, Le deuxieme, Contre qui dira, que par ces paroles de Christ, Faites cecy en memoire de moy, il n'a point ordonné des Sacrificateurs, & ne leur a point commandé d'offrir. Le troisieme, Contre qui dira, que la Messe n'est qu'un Sacrifice d'action de grace, ou de loüange, ou vne nuë commemoration du Sacrifice de la Croix, & non vn vray Sacrifice propitiatoire : ou bien, qu'il ne sert qu'à ceux qui le recoiuent, & ne doit estre offert pour les vi-uans, ne pour les morts ; ne pour les pechez, peines, satisfactions, & autres necessitez. Le quatrieme, contre qui dira, que par le Sacrifice de la Messe est derogé à celuy de la Croix. Le cinquieme, Contre qui dira, que c'est vne imposture de celebrer Messe en l'honneur des Saints. Le sixieme, Contre qui dira, qu'il y a des erreurs au Canon de la Messe & que pourtant il le faut abolir. Le septieme, Contre qui dira que les ceremonies, vestemens & autres signes extérieurs vsitez en la Messe, sont plustost inductions à impieté, qu'offices de pieté. Le huitieme, Contre qui dira, que les Messes esquelles le seul Prestre communie, sont illicites. Le neuvieme, contre qui condamnera l'usage de l'Eglise Romaine de prononcer à voix basse vne partie du Canon, & les paroles de Consécration : ou dira, que la Messe doit estre celebree en langue vulgaire, ou qu'on ne doit mesler l'eau avec le vin.

contradi-
ctions de
quelques
vns,

Les Peres consentirent au Decret prononcé, sauf qu'en cette particula-

rité, que Christ s'estoit offert soy-mesmes en la Cene: à quoy vingt trois Euesques contredirent: & quelques autres dirent, qu'ils tenoient bien cela pour vray: mais ne iugeoient pas, que le temps, ne le lieu portassent d'en faire Decret: & les suffrages furent rendus avec quelque confusion, pour le grand nombre, qui parloit tout à la fois. Le premier à dissenter, fut l'Archeuesque de Grenade, lequel, n'ayant presté son assentiment en ce point és Congregations, auoit deliberé de ne se trouuer à la Session, afin de n'auoir occasion d'en faire de mesmes en icelle. Mais les Legats, ne le voyant point à la Messe, l'enuoyerent appeller par plusieurs fois, & en fin le contraignirent d'y aller: & par ce moyen exciterent en luy encor plus de volonté de contredire, Tout soudain apres, par le mesme Euesque officiant, fut leu vn autre Decret, pour instruction aux Euesques sur les abus à corriger en la celebration des Messes. Iceluy contenoit en substance, Que les Euesques ayent à interdire toutes les choses introduites par auarice, par irreuerence, ou superstition. Et particulièrement designoit, pour defect d'auarice, les pactions & conuentions de pris & payement, tout ce qui est donné pour les Messes qui se celebrent pour les personnes particulieres, & les importunes exactions d'aumosnes. Pour irreuerence estoit marqué, d'admettre à dire Messes, les Prestres vagabonds, & inconnus; & les publics & notoires forfaitur; de celebrer Messes en maisons priuées, & en autre lieu quelconque hors d'Eglise, & d'Oratoire: d'assister à la Messe en habit indecent, & mal honneste: d'vser és Eglises de Musique meslee de chants ou sons lascifs: de faire en icelles aucun acte seculier; comme de deuiser de choses vaines & profanes, & se pourmener, de faire bruit, ou clameur. Pour superstition estoit noté, de celebrer Messe hors des heures deuë, & avec autres ceremonies & prieres, que celles qui sont approuuées par l'Eglise, & receuës par l'vsage: d'auoir vn certain déterminé nombre de Messes, & de chandeles. Il ordonna aussi que le peuple fust admonesté de se rendre chacun à sa paroisse, au moins és iours de Dimanche & és grandes festes: declarant que ces choses estoient proposées aux Prelats, afin que de l'autorité, que leur donne le Concile, & aussi comme deleguez du Siege Apostolic, ils interdissent & corrigéassent, non seulement ces choses, mais aussi toutes autres semblables.

*Decret sur
les abus de
la Messe,*

Le Decret de la Reformation contenoit onze Chapitres. Le premier, Que tous les Decrets des Papes, & des Conciles, concernant la vie & l'honneste, & la doctrine des Clercs, soient à l'aduenir obseruez, sous les mesmes, voire encor plus grieues peines, à l'arbitrage & volonté de l'Ordinaire: & que ceux qui sont surannez & abolis, soient remis en vsage. Le deuxieme, Qu'õ n'ait à auancer aux Eueschez personne, laquelle outre les qualitez requises par les Saints Canons, n'ait eu les Saints Ordres six mois auparauant: & que si de toutes ces qualitez n'y a suffisante notice à la Cour, qu'information en soit prise des Nonces, de l'Ordinaire, ou des Ordinaires voisins. Que celui qui doit estre promu Euesque, soit Maistre, ou Docteur, ou Licencié en Theologie, ou Droit Canon: ou bien qu'il soit capable d'enseigner, par tesmoignage public d'une Academie: & que les Reguliers ayent de semblables attestations des superieurs de leur Religion: & que les attestations; & les verbaux, soient faits & donnez gratuitement. Le troisieme, Que les Euesques puissent conuertir le tiers des reuenus de toutes dignités, personats, & offices és Eglises Cathedrales, ou Collegiales en distributions quotidiennes: à condition, que ceux qui les receuront, soyent tenus de faire en personnes le seruice qui leur sera prescrit par l'Euesque: à faute de quoy ils en soient priuez sauf, si quelqu'une de ses susdites dignitez n'a point de iurisdiction, de seruice, ou d'office esdites Eglises Cathedrales ou Collegiales, ains la personne, qui les porte, reside en quelque Eglise parochiale du mesme Diocese, qui soit hors la ville, & là rend actuellement le seruice: qu'en tel cas, vn tel soit reputé comme present, & faisant le seruice en l'Eglise Cathedrale, ou Collegiale. Le quatrieme, Que nul

*Decret de
Reformation.*

1562.

n'ait voix en Chapitre, s'il n'est, du moins, ordonné Soufdiacre : & pour l'aduenir quiconque obtiendra vn Benefice, auquel soit annexée quelque charge, soit obligé, dans le terme d'un an, de recevoir les ordres, pour la pouuoir exercer. Le cinquième, Que les commissions des Dispenses hors de la Cour de Rome soient adressées aux Ordinaires : & que les Dispenses données de graces n'ayent aucun effet, iusques à ce qu'il en soit sommairement & hors de iugement connu par les Euesques, comme deleguées du Siege : qu'il n'y a eu ny subreption, ny obreption, à les obtenir. Le sixième, que les commutations & changemens des Testamens ne soyent faits, que tout premier les Euesques, comme deleguez du Saint Siege, n'ayent semblablement connu qu'elles ont esté impetrées sans faux donner à entendre. Le septième, Que les Iuges superieurs obseruent, en l'admission des appellations, & és concessions d'inhibitions, la constitution d'Innocent quatrième au chapitre *Romana*. Le huitième, que les Euesques, en qualité & de deleguez du S. Siege, soient executeurs des dispositions pieuses, tant testamentaires, qu'entre vifs : qu'ils puissent visiter les Hospitaux, Colleges, & Confrairies des Lays, & celles la mesmement, qu'on appelle Etcholes, ou de quelque autre nom que ce soit : excepté celles qui sont immédiatement sous la protection des Rois. Que semblablement ils puissent visiter les Monts, ou rentes constituées de pitié, & tous les lieux pieux. quoy qu'estans sous la charge des Lais : & qu'en somme, ils ayent la connoissance & l'execution de tout ce, qui appartient au seruice de Dieu, au salut des ames, & sustentation des pauvres. Le neuvième, que les administrateurs de la fabrique de quelque Eglise que ce soit, Hospital, Confratre, Aumosne de Mont de pitié, & de tout autre lieu pitoyable, soyent tenus de rendre tous les ans conte à l'Euesque : & s'ils sont obligez de rendre conte à d'autres, que l'Euesque soit aussi adioint à ceux-là : à defaut de quoy, toutes quittances soyent inuvalides. Le dixième, Que les Euesques puissent examiner les Notaires, & leur interdire l'exercice de leur office és affaires & causes spirituelles. L'onzième, Que quiconque vsurpera, ou saisira biens, droits, ou emolumens des Eglises, Benefices, Monts de pitié, & autres lieux pitoyables, Clerc ou Lay qu'il soit, voire mesmes Roy, ou Empereur : soit excommunié, & anathematizé, iusques à tant qu'il ait entierement restitué le tout & qu'il ait obtenu absolution du Pape : & s'il est Patron, que mesmes il soit priué du droit de Patronage : & que le Clerc, qui y consentira, soit suiet à la mesme peine, & priué de tout Benefice, & declara inhabile à en tenir aucun.

Decret de l'octroy du Calice remettant l'affaire au Pape. Apres cela, fut leu le Decret de l'octroy du Calice, de cette teneur, que le Concile, ayant en la precedente Session reserué l'examen & la decision des deux Articles touchant la Communion du Calice, à present a déterminé de renvoyer & remettre tout l'affaire au Pape, pour en faire, selon sa singuliere prudence, ce qu'il iugera vtile pour la Chrestienté, & salutaire à ceux qui le requierent. Ce Decret és Congregations n'auoit esté approuué par le plus grand nombre : & de mesmes aussi le fut-il en la Session, en laquelle les vns y contredirent absolument, estans d'aduis, que le Calice ne fust octroyé pour cause quelconque : mais il y eut aussi vn certain nombre, qui requit que la matiere fust differée, & derechef examinée. A quoy le Promoteur, au nom des Legats respondit, qu'on y auroit esgard. Et finalement fut intimée la suiuite Session pour le douzième Nouembre, pour determiner ce qui escherroit sur les Sacremens de l'Ordre & du Mariage. Et le Cōcile fut licencié à la maniere accoustumée, v'ayant tousiours de grands discours entre les Peres sur cette matiere du Calice : sur laquelle quelqu'un peut-estre se trouuera curieux de sçauoir, pourquoy c'est, que le Decret, qui en fut prononcé n'a esté mis au corps du Concile, apres celuy de la Messe, comme il sembloit que la matiere requit : ains en vn endroit, auquel il n'a aucune connexité, ny correspondance avec les Articles precedens. Vntel doit sçauoir, qu'il y auoit vne Maxime, generalement tenue au Concile, que pour establir vn Decret de reformation, la plus grande voix suffisoit

mis avec la matiere de Reformation & pourquoy.

suffisoit : mais que, pour vn Decret de foy, il ne pouuoit estre estably, pendant qu'une partie notable y contredisoit. Et pourtant les Legats, tous asseurés que celuy du Calice à peine auroit plus de la moitié des suffrages, delibererent de le mettre pour chapitre de Reformation, & mesme tout le dernier, afin de mieux declarer qu'ils le tenoient en ce nombre-là. Il y eut aussi, & lors & quelques iours apres, des discours tenus sur le point decide, Que Christ auoit offert soy-mesmes en la Cene. les vns disans, qu'à raison des vingt-trois qui y auoient contredit, iceluy n'auoit point esté legitiment decide : les autres respondans, qu'une huitième partie ne pouuoit estre appelée partie notable. D'autres aussi soustenoient, que la Maxime susdite n'auoit lieu qu'és Anathematismes, & en la substance de la Doctrine : & non en chaque clause particuliere, apposée pour plus grande expression, comme estoit celle cy, de laquelle il n'estoit point parle és Canons.

Les Ambassadeurs Imperiaux furent fort ioyeux du Decret du Calice, tenans pour seur que l'Empereur l'obtiendrait du Pape avec plus de facilité & sous conditions plus fauorables, qu'il n'eust fait au Concile : là où, pour la varieté des opinions, & interets, il est difficile de reduire tant de personnes à vn mesme sentiment, quoy que bon & necessaire : & où le plus grand aduis l'emporte sur le meilleur, & le plus sain : & celuy, qui fait opposition a tousiours plus d'aduantage, que celuy qui fait la proposition. Et leurs esperances s'accroissoient de tant plus, que le Pape auoit fait bons offices en faueur de leur demande. Mais l'Empereur n'eut pas le mesme sentiment, n'ayant pas pour but d'obtenir simplement la Communion du Calice, mais d'appaiser les peuples de ses estats, & de l'Allemagne : lesquels estans mal affectionnés enuers l'autorité Papale à cause des choses passées, estoient preoccupés à ne prendre en bien chose quelconque, qui vint de là : en lieu que s'ils eussent pû auoir la concession du Calice par le moyen du Concile, il esperoit, par le contentement qu'ils receuroient en cela, & par les esperances d'impetrer d'autres demandes, par eux estimées iustes & raisonnables, de les calmer, & de leur faire congедier les Ministres infects, & par ce moyen les retenir en la communion Catholique. Il auoit desia veu, par experience, que la concession de Paul troisieme n'auoit point esté bien prise, & auoit produit plus de preiudice, que de benefice. Partant, il ne pour suiuit point sa demande plus auant enuers le Pape : & s'en declara : car, quand il eut receu la nouuelle du Decret du Concile, il se tourna deuers quelques Prelats, qui estoient là presens, & leur dit, I'ay fait tout ce que ie pouuois pour sauuer mes peuples : pensez-y maintenant vous à qui il touche plus qu'à moy.

Mais les peuples, qui desiroient & attendoient cete grace : ou plustost, comme ils disoient, la restitution de ce qui leur estoit du, furent tous bien degoutés, & desdaignés, qu'apres auoir, par l'espace de six mois, traité sur vne requeste raisonnable & iuste, présentée avec l'intermission de tant & de si grâds Princes : laquelle du depuis encor, pour l'examiner plus à fonds, auoit esté differée deux autres mois, esquels de nouueau le tout auoit esté disputé & ventilé, avec tant de contention & vehemence, la chose fust en fin remise au Pape, ce qui se pouuoit faire dès l'entrée, sans perdre tant de temps, d'offices, poursuites & peines. Que la condition des Chrestiens estoit, selon qu'auoit prophetisé Isaie, Enuoye, renuoye : atten, ratten : veu que le Pape, auquel premierement on s'estoit adressé, auoit remis l'affaire au Concile, lequel à present le remettoit à luy-mesme, se mocquant ainsi & l'un & l'autre des Princes, & des peuples. Aucuns plus solidement discouroient, que le Concile auoit reserué deux Articles à vider, l'un, Si les causes, pour lesquelles on auoit autresfois esté mu à oster le Calice estoient telles, qu'il falust persister en cete interdiction : l'autre, Si elles ne l'estoient pas, sous quelles conditions il le falloit accorder. Que le premier estant question, non de fait, mais indubitablement de foy, le Concile remettant la concession au Pape, estoit contraint de confesser, par consequence necessaire, d'auoir reconu ces causes pour insuffisantes, mais de n'en auoir voulu faire la

1562.

declaration pour esgards mondains. Car, s'il les iugeoit suffisantes, il falloit persister en l'interdiction : s'il y auoit encor du doute, il falloit continuer en l'examen : qu'il n'y auoit encor que vn seul cas auquel il pouuoit duement remettre l'affaire au Pape, à sçauoir apres auoir reconu l'insuffisance d'icelles. Qu'il auroit eu quelque excuse, s'il eust fait la declaration negative : à sçauoir, que les causes n'estoient point telles qu'il falust persister en l'interdiction : & là dessus eust remis au Pape ce qui estoit à faire de fait, en prenant des informations necessaires. Et qu'on ne pouuoit aussi dire qu'en remettant l'affaire au Pape, la declaration fust assez presuppосée : attendu que le Concile, ayant au Decret d'icelle Session, repeté les deux Articles, auoit resolu que tout l'affaire fust remis au Pape : doncques il n'y auoit point de telle presupposition.

iugement
sur le De-
cret de
doctrine,

sur tout à
l'esgard
de la lan-
gue vul-
gaire en
la Messe,

Je ne trouue pas es memoires, que le Decret de la Messe presta grand lieu de discours. Peut-estre, la cause en fut, d'autant que la lecture des paroles n'en represente pas ainsi aisément, & clairement le sens : car la tiffure en est pleine de plusieurs & entassés hyperbates, & traiections, lesquels, s'ils ne sont despris des propres parties de l'oraison, pour en faire quelque suite & enfileure, distrayent tellement l'un apres l'autre la pensée du lecteur à diuerses considerations, que quand il est au bout, il ne sçait ce qu'il a lu. Seulement fut dit quelque chose par les Protestans, sur la prohibition de la langue vulgaire en la Messe. Car il leur sembloit qu'il y eust contradiction manifeste, à dire d'un costé, que la Messe contient beaucoup d'instruction pour le peuple fidele : & de l'autre à approuuer qu'une partie en soit prononcée à voix basse, & à defendre en tout la langue vulgaire, & cependant commander aux Pasteurs d'en declarer quelque chose au peuple. A quoy d'autres respondoient, Qu'en la Messe il y a certaines choses secretes, & mystérieuses, qui doiuent en tout temps estre cachées au peuple incapable, à l'esgard duquel aussi elles sont dites bassement, & retenues en termes de la langue des lettrés, autres sont de bonne edification & instruction, lesquelles il est commandé de declarer au peuple. Mais cecy estoit combattu de deux obiections, l'une, que doncques il estoit conuenable de transferer cete seconde sorte de choses en langue vulgaire, l'autre, qu'il falloit distinguer quelles estoient celles-cy, & quelles celles là, d'autant que baillant charge aux Pasteurs, que frequemment ils ayent à declarer quelque chose de ce qui se lit, & ne leur ayant point distinctement specifié quoy, il y a danger que, par ignorance, le Pasteur ne declare ce qui doit estre tenu en secret, & obmette ce qui merite declaration. Les studieux de l'Antiquité se mocquoient de tels discours, attendu, que c'est chose tres-notoire, que toute la langue d'eschole, reduite à present en art, a esté vulgaire en son temps, en son propre pais. Et que la langue Latine, lors qu'à Rome, en toute l'Italie, & es colonies Romaines, elle fut introduite en l'Eglise, & plusieurs centaines d'années apres, estoit en ces lieux là la langue du populaire. Et au Pontifical Romain reste encores la forme d'ordonner les lecteurs en l'Eglise, en laquelle il leur est commandé qu'ils s'estudient à lire distinctement & clairement, afin que le peuple puisse entendre & comprendre ce qui est lu. Mais, que pour sçauoir en laquelle langue doiuent estre traitées les choses sacrées en l'Eglise, il n'y escheoit pas grands discours : qu'il suffisoit de lire seulement le quatorzième Chapitre de Saint Paul, en la premiere aux Corinthiens : car, par iceluy, toute personne, nonobstant preoccupation de iugement quelconque au contraire, fera tout à plein informée de la verité. Ioint que, qui voudra sçauoir quel en auoit iadis esté le sentiment de l'Eglise Romaine ; & quand, & pourquoy elle changea d'aduis, pourra remarquer, que le Pape Iean huitième, apres auoir auparauant fait vne seuerе censure aux Morauiens, de ce qu'ils celebrent la Messe en langue Esclauone, & leur auoit commandé de s'en abstenir : neantmoins du depuis, apres auoir esté mieux informé, en l'année huit cens quatre-vingts escriuit vne longue lettre à Sfento le Bel, leur Prince, ou Comte, en laquelle, non par maniere de

concession; mais par declaration, il afferme, Que ce n'est point chose contraire à la foy, & saine doctrine; de dire la Messe, & les Heures, en langue Esclauone: d'autant que, qui a fait la langue Hebraïque, Grecque, Latine, a fait aussi les autres, à sa gloire. Sur quoy il allegue plusieurs passages de l'Escripture, & particulierement l'aduertissement de Saint Paul aux Corinthiens. Seulement commanda ce Pape, que, pour plus de bien-seance en toute l'Eglise, on lise l'Euangile en Latin premierement, & puis en Esclation, selon que cela auoit desia esté introduit en quelques Eglises: octroyant toutesfois au Comte, & à ses Iuges, d'ouïr la Messe en Latin, si celle leur agreoit mieux. A ces choses bien considerées, on doit adiouster, & conferer ce que du depuis, iustement deux cens ans en apres, escriuit Gregoire septième à Bredislaus, Roy de Boheme, Qu'il ne luy pouuoit permettre la celebration du seruice diuin en langue Esclauone: & que ce n'estoit pas bien fait d'alleguer, que par le passé cela n'auoit point esté defendu: d'autant que l'Eglise primitive a dissimulé plusieurs choses; lesquelles, ores que tolerées pour vn long-temps, apres que la Chrestienté a esté mieux affermie, ont esté corrigées par vn examen fort exact: & commanda à ce Prince que de toutes ses forces il s'opposast à la volonté du peuple. Qui prendra attentiuement garde à ces choses, pourra clairement voir quelles estoient les anciennes institutions en leur premiere pureté & integrité: & comment, pendant qu'elles estoient encor en estre, l'entrée a esté ouuerte aux abus & corruptions; pour esgards mondains: & par quels interests semblablement, le bon vsage ayant du depuis grandement esté affoibly, l'abus s'est ancré & fortifié, & tout ordre a esté renuersé, & le ciel a esté mis sous terre: & les bonnes & saintes ordonnances ont esté descriées comme corruptions, que l'Antiquité n'auoit que tolerées: & les abus, introduits du depuis, canonisés pour reformatiōs & amendemens parfaits.

Or, pour retourner aux Decrets du Concile, celuy de la Reformation causa du desdain à plusieurs: lesquels consideroient, qu'és temps passés la mai- *sur ces*
strise & domination de tous les biens Ecclesiastiques appartenoit à toute l'Egli- *luy de Re-*
se, c'est à dire à tous les Chrestiens, vnīs en vne mesme assemblée: & l'Admi- *forma-*
nistratiō d'iceux estoit commise aux Diacres, Soudiacres, & autres Oeco- *tion,*
nomes; avec la surintendance des Euesques, & Prestres: pour les distribuer à l'entretien des ministres de l'Eglise, des veues, des malades, & d'autres pauvres; à l'education des ieunes enfans, & filles; à l'entretien des hospitaux; au rachat des prisonniers, & à autres œuures pieuses: & que du depuis le Clergé auoit commencé, quoy qu'indûement, mais encor tolerablement, à vouloir separer & reconnoistre sa part, & en disposer à sa volonté. Mais que, par apres, on estoit venu au comble de l'abus le peuple ayant non seulement esté forclos en tout, & par tout du gouuernement de ces biens: & le Clergé, d'administrateur s'estant déclaré maistre absolu d'iceux: mais ayant iceluy mesme conuertý à son propre vsage tout ce qui estoit destiné aux pauvres, aux hospitaux, aux escholes, & autres œuures pies: dequoy le monde, par plusieurs siecles, s'estoit continuellement plaint, & en auoit requis le remede. Lequel ne pouuant obtenir, les Lais auoient, en plusieurs endroits, fondé autres hospitaux, & autres escholes, & autres rentes constituées, pour fournir aux œuures pitoiables, sous la charge d'administrateurs Lais. Et à present, que le monde, encor plus instamment qu'autrefois, auoit demandé pour remede, que les hospitaux, & escholes anciennes, vsurpées par les Prestres, & appropriées à eux, fussent restituées; le Concile, en lieu d'exaucer vne si iuste demande, auoit par le huitième & neuuiesme Chapitres de cete belle reformatiō ouuert la porte à embler encor les Colleges, les Escholes, les Hospitaux, & autres lieux pitoiables, institués du depuis, y introduisant la surintendance des Euesques: laquelle leur ayant seruy de planche & d'entrée pour s'emparer des biens dedies aux mesmes œuures, & les desnaturer de leurs pieux vsages; nul ne pouuoit douter, que, dans peu de temps, elle ne produisist le mesme effet en ceux qui auoient esté consacrés

de plus fresche date. Mais, entr'autres, les Parlemens de France ouurirent
 1562. les yeux à cecy : & disoient ouuertement ; que le Concile auoit outrepassé les
 bornes de son autorité, mettant la main es biens des seculiers : attendu
 qu'il est tout notoire, que le titre d'œuvre pieuse ne confere aucun droit au
 Prestre : & que tout Chrestien peut à sa volonté appliquer son bien à telle
 œuvre pieuse, qu'il luy plaist, sans que l'Ecclesiastique luy puisse imposer
 aucune loy : autrement, ce seroit bien vne extreme seruitude aux pauvres
 Lais, de ne pouuoir faire autre bien, que celui qui plairoit aux Prestres. Au-
 cuns aussi improuuoient le Chapitre, auquel obliquement est attribué au
 Clergé la commutation des dernieres volontés, luy prescriuant quand &
 comment on les peut changer : & disoient, que c'estoit vn abus intolerable :
 attendu qu'il estoit euident, que les testamens ont leur vigueur du droit ci-
 uil, & que par iceluy seul ils peuuent estre changés : & que si aucun dit, qu'ils
 prennent leur force de la loy naturelle, tant moins peuuent les Prestres y
 auoir aucune autorité : d'autant que, où il eschet dispense de la loy natu-
 relle, nul n'en peut estre l'administrateur, que le souuerain, ou ses ministres.
 Mais, que les ministres de Christ se deuoient souuenir, que S. Paul ne leur a
 donné autre administration, que des mysteres de Dieu. Et que, si quelque
 estat ou Republique à baillé la charge des testamens à ses Prelats, en cela ils
 ne sont plus iuges spirituels, mais temporels : & doiuent prendre la loy, com-
 ment ils doiuent se gouverner en cela, non des Conciles, mais du Souuerain :
 veu qu'ils n'agissent point en cecy, en qualité de ministres de Christ ; ains
 comme estans membres, ou bras de la Republique politique, selon qu'ils
 sont appellés de diuers noms, & sous iceux ont part au gouvernement des
 estats. Le cinquième chapitre, concernant les dispenses n'estoit pas moins
 contreroolé : car il est certain, qu'anciennement toute dispense estoit admi-
 nistrée par les Pasteurs en leurs propres Eglises : du depuis il aduint, par laps
 de temps, que les Papes s'en reseruerent quelques cas plus importants, avec
 bon fondement, pourroit-on dire, afin que les choses de consequence ne
 fussent maniées par quelque personne incapable & inepte : quoy que de vray
 la raison alleguée cy-dessus au contraire par l'Euesque des Cinq Eglises, soit
 grandement forte. A present doncques, puis que le Concile ordonne, que
 les dispenses soient commises aux Ordinaires, auxquels, sans les reserues,
 elles appartiendroient, pourquoy limiter & restreindre le pouuoir à quel-
 qu'un, pour le remettre à luy mesmes puis apres ? Et disoit-on, qu'il n'estoit
 que trop clair, qu'à Rome, par les reserues des dispenses, on ne requeroit
 autre chose, sinon qu'on prist les Bulles, en les bien payant : puis que, cela fait,
 le Concile auoit iugé qu'il valoit mieux que cete action fust executée par ce-
 luy, qui en auroit le pouuoir de soy-mesmes, s'il ne luy estoit interdit, que par
 autres. Plusieurs autres choses estoient obiectées par ceux, qui iugent vo-
 lontiers les actions d'autrui : & de tant plus proprement, quand elles vien-
 nent de personnes plus eminentes. Mais tout cela n'estant de consequence,
 ne merite pas d'estre enregistré en l'histoire.

*Le Pape
 ioyeux de
 la tenue
 de la Ses-
 sion,*

*pouuoit
 aux dif-
 ficultés
 qu'il ap-
 prehende
 pour l'a-
 venir au
 Concile,*

Le Pape, ayant eu aduis de la tenue de la Session, & de ce qui s'y estoit pas-
 sé s'en esioiuit, se trouuant releué d'un grand ennuy, & soucy, qu'au debat
 touchant le Calice son autorité ne fust querelée. Et puis qu'on auoit ou-
 uert la porte d'appaiser les differends, en remettant à luy les points conten-
 tieux, il conceut esperance, que le mesme se pourroit faire au point de la
 Residence, & en tous autres, esquels ils escherroit controuerse : & que par
 ce moyen on pourroit bien tost mettre fin au Concile. Mais il preuoyoit deux
 choses, qui pouuoient trauerser son dessein. L'une, la venue du Cardinal de
 Lorraine, avec les Prelats François, laquelle il tenoit fort au cœur, sur tout
 à cause des vastes, & ambitieux desseins de ce Cardinal, fort contraires aux
 affaires du Papat, & lesquels il auoit si fort ancrés en son esprit, qu'il ne les
 pouuoit celer : & à cela il ne voyoit autre remede, sinon que les Prelats Ita-
 liens au Concile surmontassent de nombre les Ultramontains si largement,
 qu'ils les fissent, à conter les voix, passer pour vn nombre non considerable.

Et pour cet effet, il ne cessoit de solliciter tous les Euesques; quoy que titulaires, ou qui auoient renonce, d'aller à Trente, leur fournissant les frais, & les chargeant d'esperances. Il aduina aussi d'y enuoyer nombre d'Abbes; comme il auoit autresfois esté pratiqué en quelque Concile. Mais, apres auoir plus meurement consulté, il iugea qu'il valoit mieux ne monstrier point tant d'affection, de peur de protoquer les autres à faire le mesme. L'autre trauerse, qu'il apprehendoit, estoit du dessein, qu'il descouuroit qu'auoient tous les Princes, de tenir Concile ouuert, sans rien faire: l'Empereur, pour gratifier les Allemans, & les auoir fauorables à l'election de son fils pour Roy des Romains: & le Roy de France, pour faire ses affaires avec les mesmes Allemans, & avec ses Huguenots. Il pesoit aussi grandement l'introduction de faire assemblée d'Ambassadeurs, qui luy sembloit vn Concile de seculiers, au milieu de celuy d'Euesques. Il consideroit, que les Congregations des Prelats mesmes seroient dangereuses; si la presence, & presidence des Legats ne les tenoit en deuoir: que les Ambassadeurs, s'assemblans entr'eux, pouuoient traiter choses fort preiudiciables: & qu'il y auoit danger, que, passant auant, ils n'y introduisissent quelque Prelat: sur tout, attendu que d'entr'eux il y en auoit des Ecclesiastiques, & que, sous nom de liberté, ne fust introduite vne vraye licence. Mais, parmi ces perplexités, il se soustenoit de bonne esperance, voyant que la pluspart des Ambassadeurs auoit esté contraire aux desseins proposés par les autres: & qu'ils n'estoient point vnis, sauf ceux de l'Empereur, & de France: lesquels, n'ayant point les Prelats de leurs nations, ne pouuoient rien exploiter. Nonobstant tout cela, il iugeoit qu'il estoit necessaire de solliciter la fin du Concile, & de fomentier la mauuaise intelligence qu'on auoit veu entre les Ambassadeurs. Et pourtant il escriuit tout promptement, qu'on trouuast à solliciter les Congregations, & à diger & preparer les matieres. Et, considerant que le remerciement oblige à perseuerer, il donna charge qu'en son nom fussent remerciés les Ambassadeurs de Portugal, & de Suisse, & le Secretaire du Marquis de Pescaire: pour auoir refusé de consentir avec les autres à l'impertinente proposition. Il fit aussi rendre graces à ceux de Venise, & de Florence, de la bonne intention & affection, qu'ils auoient demonstree, refusant d'entreuenir en icelle Congregation. Et les fit prier, qu'à l'aduenir, quand ils seroient requis de semblable chose, ils ne refusassent point: attendu qu'il se pouoit tenir pour asseuré, que leur presence seruiroit tousiours au bien des affaires du S. Siege; & empescheroit les mauuais desseins d'autrui. Le Pape ne se trompa nullement en sa pensée sur ce deuoir: car il tira de tous parole, que ce qu'ils en auoient fait, auoit esté; d'autant qu'ils conoissoient qu'en ce temps le seruice de Dieu requeroit, que l'autorité Papale fust defendue & soustenuë, & qu'ils continueroient en la mesme resolution. Et tesmoignerent qu'ils s'y sentoient de plus fort tenus, pour les courtois remerciemens de Sa Sainteté, pour vne chose qu'ils auoient faite par deuoir, & obligation.

1562.

*Et captine
les Am-
bass. qui
luy auoient
faueurisé*



HISTOIRE DV CONCILE DE TRENTÉ, LIVRE SEPTIESME.

SOMMAIRE.

Les Imperiaux, & les François, requierent la Reformation au Concile. Ce que leur estant refusé par les Legats, il en naist de grandes plaintes: avec ombrage des Papeaux pour la venue du Cardinal de Lorraine. La matiere du Sacrement de l'Ordre ayant esté proposée pour la Session suivante, les Espagnols avec cete occasion s'efforcent de racquerir, & restablir la puissance Episcopale, que Rome leur a ravie. Et pourtant proposent, qu'il soit dit & déclaré, Que l'institution des Euesques est de droit divin. Ce qui est asprement debatue à diuerses reprises, avec perpetuelle contradiction de Rome, & des Papeaux à Trente. Là où les Legats font soutenir la cause de Rome par le Iesuite Lainez: de quoy naissent encor plus grands bruits. L'Ambassadeur de Pologne arrive au Concile: puis apres aussi, le Cardinal de Lorraine, lequel, par son proceder, & discours, donne beaucoup de ialousie au Pape, & aux Legats. L'Ambassadeur du Ferrier les pique vivement par sa libre harangue. En France, le Roy de Navarre est tué: & en Allemagne Maximilien est couronné Roy des Romains: & les Protestans refusent de se soumettre au Concile. La question de la Residence est remise sus le tablier: le Pape la veut decider, ensemble celle de l'institution des Euesques. Mais les Legats trouvent par conseil, que ses commissions sont impossibles à executer. En France est donnée la bataille de Dreux, dont on conçoit des vaines ioyes à Trente. Les François proposent certains Articles de reformation, grièvement censurés & reietés par le Pape: duquel les Canons sont aussi refusés à Trente, par les François, & par les Espagnols. Tout le Concile en est en rumeur, & desordre, sans plus tenir de Congregations, lesquelles neantmoins à la fin on reprend à la venue de l'Ambassadeur de Savoie. Le Cardinal de Lorraine va trouver l'Empereur, qui forme & produit plusieurs beaux & grands

articles de reformation, pour lesquels le Pape s'offense outre mesure. On traite du Mariage, pour la Session suivante, sur quoy on dispute les Dispenses Papales. Le Cardinal de Lorraine retourne de deuers l'Empereur, & les desfrances, & les mescontentemens s'accroissent. Cependant meurt le Cardinal Legat de Mantouë, & le Pape tout soudain creë deux autres Legats. En France le Duc de Lorraine, frere du Cardinal, est tué : dont le Cardinal se relasche, & change notablement. Le Legat Seripande meurt aussi à Trente. Les Imperiaux, les François, & les Espagnols, requierent tous d'un consentement, qu'on vague serieusement à la reformation : mais ils sont eludés par le Pape. Au Concile il y a diuerses difficultés. Et à Rome, le Pape fait que l'Inquisition procede contre certain nombre de Prelats François. Le nouveau Legat Moron, & le Conte de Lude, Ambassadeur d'Espagne, arriuent. Ledit Moron s'en va trouuer l'Empereur, pour le flechir à laisser clorre le Concile, selon la volonté du Pape. Le Cardinal de Lorraine s'en va à Venise, & puis retourne au Concile, avec les nouvelles de la paix d'Orleans, blasmée par le Pape, & les Espagnols : & iustificée par le Roy de France. Les François se lassent du Concile, d'où leurs Docteurs se retirent. Et l'Empereur aussi s'y refroidit grandement.



Eux, qui escriuent histoires, ont accoustumé de proposer d'en-
trée le modele qu'ils veulent suiure en la construction de leur
œuvre. Mais, pour moy, i'ay estimé qu'il valoit mieux le differer
iusques à cet endroit, auquel i'exposeray le dessein, que i'ay eu
és choses recitées par cy-deuant, & représenteray le plan de cel-
les que ie descriray en suite. Ayant deliberé de donner vne forme aux me-
moires, que i'auois recueillies du Concile de Trente, laquelle n'excedast
mes forces, & fust la plus proportionnée & conuenable à la matiere ; ie con-
sideray, qu'entre tous les affaires aduenus en ce siecle entre les Chrestiens ;
& peut-estre aussi, qui aduiendront és temps suiuians, ce Concile tient le
premier rang : & qu'és chose de grande estime la pluspart des hommes re-
çoit vtilité, & plaisir d'en entendre les menuës particularités : & pourtant ie
iugeay que la forme de Iournal luy estoit fort sortable. Mais, deux difficul-
tés se presenterent contre ce mien aduis. La premiere, qu'il n'estoit conue-
nable de raconter en cete maniere-là les choses aduenues en l'espace de
vingt-neuf ans, qui s'escoulerent és preparatifs de la naissance de ce Con-
cile : ny aussi peu, celles qui arriuerent és autres quatorze années, qu'iceluy
fut en surseance, sans qu'on püst sçauoir s'il estoit viuant, ou mort. La deu-
xième estoit, que ie n'auoye, ny ne pouoye auoir toute la matiere, que re-
quierent vn Iournal suiuy. Et pourtant ie me resolu d'accommoder la forme à
la matiere, à l'imitation de la Nature : & non, la matiere à la forme, selon la
loy des Escholes : & ne cuiday point faire chose absurde, de descrire en ma-
niere d'Annales les temps des preparatifs, & de l'interruption du Concile :
& en ceux de la tenuë d'iceluy, deduire iour par iour, tant seulement ce qui
m'est venu à notice : esperant que des choses obmises, dont ie n'ay pû auoir
conoissance, ie seray non seulement excusé, mais mesmes defendu de toute
calomnie & imputation, par mes lecteurs : attendu que, si és choses, dont
ceux qui y ont interest, font tout deuoir de conseruer la memoire, il en es-
chappe & s'en perd bien tost partie notable : beaucoup plus doit-on croire
qu'il en soit aduenu de mesme à celle-cy, en laquelle grand nombre de clair-
uoyans ont fait leur possible, pour en supprimer & estouffer le tout. Il est bien
vray, que les choses grandes meritent d'estre tenuës en quelque mystereux
secret ; mais c'est lors que le public le requiert ainsi : mais, quand l'ignorance
du total porte dommage notable à l'vne des parties, & aduantage à l'autre, ce

1562.
discours
de l'Au-
teur sur
son des-
sein &
methode.

1562. n'est merueilles, si, en intentions & buts repugnâts, on procede aussi par voyes opposites & contraires. Et icy a de vray lieu la cōmune & fameuse sentence, qu'avec plus de raison l'on tâche d'eiter perte, que d'acquies profit. Partant, ie sçay bien que ce mien labeur est, pour les causes susdites, en danger d'estre taxé de quelque inegalité de narration, & de fil d'histoire, en quoy ie me pourray bien targer de l'exemple de quelque fameux autheur: mais i'ayme mieux me mettre à couuert sous cete seule repartie à tout ce qu'on m'en sçauoit reprocher, Que qui n'a entrepris d'escrire l'histoire du Concile de Trente, ou autre semblable, a pue schaper cete bigarrure, & inegalité.

les Ambass. de France requierēt la Reformation: & l'attente de leurs Prelats,

dont ils presentent vn grand escrit aux Legats:

Pour retourner au Concile, comme les Ambassadeurs de France sortoient de la Session, ils eurent vn despesche de leur Roy, par lequel il leur donnoit charge, de faire instance que la Session fust dilayée. Et, quoy qu'il ne fust plus à temps, ils ne laisserent pas de se presenter aux Legats, ausquels ils exposerent la commission toute fresche, qu'ils auoient eue du Roy, de procurer instamment qu'on vauast à la Reformation, & qu'on attendist ses Prelats. Adioustans, que, si on faisoit disputer par les Theologiens, & traiter par les Prelats, les matieres proposees de l'Ordre, & tout d'vn tenant du Mariage, il ne resteroit plus rien de la Doctrine, & ainsi les François viendroient en vain. Et pourtant qu'ils fussent contens de les differer iusqu'à la fin d'Octobre, traueillant cependant à la Reformation: ou bien, qu'alternatiuement on parlast, vn iour de la Doctrine, & vn autre de la Reformation: sans differer, comme on auoit fait par le passé, toute la Reformation iusques es derniers iours precedens la Session: tellement qu'il n'y auoit point de temps, non pas pour considerer les Articles, mais seulement pour les voir. Les Legats leur respondirent, Que leurs propositions meritoient consideration, & qu'on y auoit tout l'esgard possible, pour leur donner contentement: & demanderent copie de l'instruction enuoyée par le Roy, pour en pouuoir mieux deliberer. Les Ambassadeurs là dessus leur presenterent vn escrit, dont la teneur estoit, Que le Roy, ayant veu les Decrets du seizième Iuillet, touchant la Communion sous les deux especes; & de differer deux Articles de la mesme matiere; & aussi ceux, qui estoient proposez es Congregations sur le Sacrifice de la Messe: louoit & approuuoit bien tout ce qui auoit esté fait: mais, estimoit de ne deuoir dissimuler, ne taire, ce qui estoit en la bouche de tous, à sçauoir, qu'on laissoit, ou bien traitoit fort legerement, ce qui concerne les mœurs & la discipline, & qu'on precipitoit la determination des dogmes contentieux de la Religion, esquels tous les Peres estoient d'accord. Et combien qu'il crust bien que ce fussent faux bruits, il requeroit neantmoins que les propositions de ses Ambassadeurs fussent tenuës pour necessaires, pour pouruoir à la Chrestienté, & aux calamités de son Royaume. Et ayant experimenté, que ne la seuerité, ne la moderation des peines, n'auoit de rien seruy, pour ramener ceux qui estoient separés de l'Eglise; il auoit iugé expedient de recourir au Concile general, en l'impetrant de Sa Sainteté: & qu'il estoit desplaisant, de n'auoir pu, à cause des troubles de France, y enuoyer plustost ses Prelats: mais qu'il voyoit bien, que la fermeté & rigueur, à garder le style commencé par les Legats & Euesques, n'estoit point à propos pour venir au but desiré de la paix & vnion de l'Eglise. Et pourtant, qu'il desiroit, que, dès l'entrée du Concile ne fust faite chose aucune, qui alienast d'auantage les courages des Aduersaires: ains qu'iceux fussent conuiés; &, en cas qu'ils vinssent, receus & traités comme enfans: avec esperance, que suiuant cete procedure, ils se laisseroient instruire, & reduire au giron de l'Eglise. Et, d'autant que tous ceux, qui estoient assemblés à Trente, faisoient profession d'vne mesme Religion, & ne vouloient, ny ne pouuoient douter d'aucune partie d'icelle; Sa Maieité estimoit que cete dispute, & censure des points de la Religion, non seulement estoit superflue, mais aussi impertinente, à l'esgard des Catholiques; & caufoit plus grande alienation es aduersaires. Et que qui se persuadoit qu'ils dussent recevoir les Decrets du Concile, auquel ils n'estoient pas

pas entreuenus, ne les connoissoit pas bien : & que ceux-là se trompoient, qui estimoient que, par cette maniere de faire, on apprestast autre matiere que d'escrire liures. Partant, que le Roy iugeoit, qu'il valoit mieux d'obliger cette dispute de Religion, iusques à tant que tout ce, qui appartenoit à la correction & amendement de la discipline, eust esté estably. Que ce deuoit estre là le but de tous : afin que le Concile, qui estoit nombreux, & le feroit encor d'avantage par l'arriuée des François, pust porter fruit. Le Roy en apres requeroit, qu'à cause de l'absence de ses Euesques, la prochaine Session fust prolongée iusques à la fin d'Octobre, ou que la publication des Decrets fust différée; ou qu'on attendist nouvelle commission du Pape, auquel le Roy en auoit escrit : & qu'en cet entretiens on vauquast à la Reformation. Et, d'autant qu'on oyait, qu'il auoit esté changé quelque chose de l'ancienne liberté des Conciles, esquels il auoit tousiours esté loisible aux Roys, & aux Princes, & à leurs Ambassadeurs, d'exposer les necessitez de leurs Royaumes; Sa Majesté requeroit, que cette autorité des Rois, & des Princes, fust conseruée en son entier, & que ce qui auoit esté fait au contraire fust reuoké.

Le mesme iour, les Ambassadeurs de l'Empereur se presenterent aux Legats, requerans que les Articles, enuoyez par l'Empereur, lesquels ils auoient auparauant presentez, fussent proposez; & firent instance, qu'on différast de traiter des dogmes, iusques à la venue des François : & afin que le traité de la Reformation réussist au bien, non seulement general de toute l'Eglise, mais aussi particulier de chaque Royaume; on deputast deux de chaque nation, lesquels remontrassent tout ce qui meritoit d'estre proposé, & examiné au Concile. Les Legats firent & à eux, & à ceux de France, vne réponse commune, Que le Concile ne pouuoit, sans notable preiudice, alterer l'ordre estably de traiter ensemblement les Dogmes, & la Reformation. Et quand ores il le voudroit faire, autres Princes s'y opposeroient. Mais qu'en leur faueur ils ordonneroient que les Theologiens & les Prelats examinassent seulement la matiere de l'Ordre : & qu'apres icelle, on traitast quelques points de Reformation : gardant l'Ordre accoustumé, que chacun, de quelque condition qu'il fust, pust ramenteuoir & remonstrer à eux Legats, ce qu'il iugeroit necessaire, utile, ou conuenable : ce qui seroit de plus grande liberté, que de deputer deux par nation. Et que puis apres on trauiilleroit au fait du Mariage. Mais les Ambassadeurs ne se tinrent point pour contens de tout cela. Dont les Legats enuoyerent toutes les susdites demandes au Pape.

Les François malcontens, se plaignoient à tous de la duresse dont on vloit en leur endroit : & aussi de ce que le Pape tout freschement auoit commandé à d'autres Prelats Italiens d'aller au Concile. Ce qu'on voyoit clairement estre fait, pour vaincre de nombre de voix : ce que les partisans mesmes du Pape n'agreoient point qu'on fist tant à descouvert, en ce temps, auquel couroit la nouvelle de la venue des François : quoy qu'ils approuuassent bien que la chose se fist, mais y eussent desiré telle dextérité, qu'on n'eust pû dire, qu'elle se fist pour cette cause. Mais ce n'estoit point inconsideration, qui portast le Pape à proceder en cette sorte; ains il le faisoit tout à dessein, afin que le Cardinal de Lorraine connust, que ses entreprises ne réussiroient point, & que de là il prist resolution de ne venir point au Concile, ou les François occasion de le faire rompre. Et le Pape n'estoit pas seul de cet aduis, ains aussi toute la Cour, redoutant quelque preiudice, pour les desseins, que portoit ce Cardinal : lesquels ores qu'ils ne réussissent point, chose assez malaisée à esperer, la venue d'iceluy toutesfois seroit de grand empeschement prolongation, & destourbier au Concile. Il est bien certain, que le Cardinal de Ferrare fit office avec le Cardinal de Lorraine, comme parent : disant, Que son allee au Concile ne seroit d'aucun effet, & seroit avec peu de reputatiō pour luy, attendu qu'il arriuerait apresque toutes les determinations seroient acheuées. Et Blanquet, intime du Cardinal d'Armagnac, &

Les Impériaux requierent la mesme

mais les uns & les autres sont escondits

dont les François se plaignent cōme aussi du nombre d'Italiens enuoyés au Concile.

pour s'opposer au Cardinal de Lorraine

1562.

de grand crédit enuers celui de Lorraine, escriuit le mesmes à tous deux : & le Secrétaire du Cardinal Seripande, comme amy du Président Ferrier, fit le mesme office enuers luy. Toutes ces poursuites monstroient si euidentement le but où on visoit, qu'il paroissoit assez, que si elles n'estoient faites par expres commission du Pape, elles estoient du moins conformes à sa volonté.

Articles
de l'Ordre
proposés,

On n'intermit point pour tout cela de solliciter les actions Synodales : & furent les articles sur le Sacrement de l'Ordre produits, pour estre disputés par les Theologiens : & furent choisis ceux, qui deuoient parler sur cette matière : & furent distingués en quatre chambres, desquelles chacune deuoit ventiler deux Articles tant seulement. Ces Articles estoient en nombre de huit. Le premier, Si l'Ordre est vrayement & proprement Sacrement, institué de Christ : ou bien, vne inuention humaine, ou vne pure ceremonie d'eslire les Ministres de la parole de Dieu, & des Sacremens. Le deuxieme, Si l'Ordre est vn seul Sacrement, tous les autres ordres tendans, comme moyens & degrez, à la Prestise. Le troisieme, Si en l'Eglise Catholique il y a Hierarchie, composée d'Euesques, Prestres, & autres ordres : & si tous les Chrestiens sont Sacrificateurs : & si la vocation & le consentement du peuple, & du Magistrat seculier, il est necessaire : & si celui qui est Prestre peut deuenir Lay. Le quatrieme, Si au nouueau Testament il y a Sacrificature visible, & externe : & puissance de consacrer, & d'offrir le corps & le sang de Christ, & de remettre les pechez : ou bien, seulement vn simple & nud ministere de prescher l'Euangile : tellement que ceux, qui ne preschent point, ne sont point Sacrificateurs. Le cinquieme, Si en l'ordination, est donné & receu le Saint Esprit, & aucun caractere est en icelle imprimé. Le sixieme, Si l'onction & les autres ceremonies, sont necessaires en la collation del'Ordre : ou bien, si elles sont superflues, ou mesmes pernicieuses. Le septieme, Si les Euesques sont par dessus les Prestres, & ont vn propre & particulier pouuoir de confermer & ordonner : & si iceux lesquels, sans l'ordination Canonique, sont introduits en quelque façon que ce soit, sont vrais Ministres de la parole, & des Sacremens. Le huitieme, Si les Euesques, appelez & ordonnez par autorité du Pape de Rome, sont legitimes : & si ceux là sont vrais Euesques, lesquels sont instalés par autre voye, sans institution Canonique.

Examinez
par les
Theolo-
giens,

Le vingt-troisieme du mois de Septembre fut donné commencement aux Congregations des Theologiens, lesquelles furent tenuës deux fois le iour iusques au deuxiesme d'Octobre, que fut acheué l'examen. Suiuant en cecy mon premier dessein, & style, ie ne m'arrestera point à représenter les aduis particuliers, sauf les plus notables, ou pour leur singularité, ou pour la contrariété des vns avec les autres.

vniformité
sur le pre-
mier, que
l'Ordre est
Sacrement

En la premiere Congregation parlerent quatre Theologiens du Pape ; lesquels, sur le premier Article, furent vniformes à prouuer, que l'ordre est Sacrement, par passages de l'Ecriture, & specialement par celui de Saint Paul, Romains treizieme, v. premier. *Quæ sunt à Deo, ordinata sunt* : les choses qui sont de Dieu, sont ordonnées : puis aussi par tradition des Apostres, par sentences & dits des Peres, par aduis vniformes des Theologiens, & sur tout par le Concile de Florence. A tout cela estoit adiousté cette raison de surcroist. Que l'Eglise seroit vne confusion, s'il n'y auoit ceux qui se gouuernent, & ceux qui obeyssent. Mais, sur le second Article Frere Pierre de So-

diuersité
sur le se-
cond, com-
bien il y
a d'ordres,

to, Iacopin, s'estendit à prouuer par beaucoup de paroles, qu'il y a sept ordres, desquels chacun est proprement Sacrement, & tous sont instituez par Christ : & discourut, qu'il estoit necessaire d'en faire vne declaration : d'autant que quelques Canonistes, passans les bornes de leur profession, en auoient adiousté deux autres, la Premiere Tonsure & l'Episcopat : l'opinion desquels pourroit donner occasion à d'autres erreurs plus importants. Et s'estendit semblablement à demonstrier, que Iesus-Christ auoit exercé en sa vie mortelle ces ordres par degrez, & en fin la Sacrificature, qui est le dernier.

Et que, comme toute la vie de Christ auoit esté adressée à ce dernier acte du Sacrifice, aussi estoit-il euident, que tous les ordres ne seruent que d'esche- 1562.
lons, pour paruenir au haut faiste de la Sacrificature.

Mais Frere Ierome Braue aussi Iacopin, apres auoir d'entree protesté de tenir & croire fermement qu'il y auoit sept ordres, & que chacun d'iceux estoit vray Sacrement, & qu'on estoit obligé à garder l'usage de l'Eglise, lequel par les plus bas ordres passé aux plus hauts, & en fin à la Prestrise; adiousta, Qu'il n'estoit pas pourtant d'auis qu'on descendist à vne si particuliere & menuë declaration: attendu la varieté, qu'il y a entre les Theologiens, entre lesquels à peine en trouuera on deux, qui s'accordent en cecy: ce qui auoit porté le Cardinal Caietan, en sa vieillesse, à escrire, Que, qui ramasseroit les choses, enseignées par les Docteurs, & escrites és Pontificaux anciens, & modernes, trouueroit cette matiere fort confuse en tous les ordres, sauf en la Prestrise, Que le Maistre des Sentences auoit tenu, que les ordres mineurs, & le Sousdiaconat, ont esté instituez par l'Eglise; & que le Diaconat, institué en l'Ecriture, sembloit n'auoir esté qu'un seruice des tables, & non de l'Autel, comme le nostre. Que la varieté sur les ordres mineurs, qui se trouue és vieux Pontificaux, et quels ce qui est en l'un, est tout autre chose que ce qui est en l'autre, monstre bien que ce sont seulement choses Sacramenteles, & non Sacremens: & la raison y est aussi: attendu que les actions, que fait celuy qui a ces petits ordres, peuuent aussi estre faites par vn autre qui ne les a point, & ne laissent pas d'estre également valides, & ont le mesme effet & perfection. Que Sainct Bonauenture mesmes, quoy qu'il sente que tous les sept ordres sont autant de Sacremens, auoit neantmoins tenu pour probables deux autres opinions. L'une, Que la seule Prestrise est Sacrement: mais que les plus petits ordres, & les autres deux aussi, assauoir, le Diaconat, & le Sousdiaconat, attendu qu'ils sont occupez en choses corporeles, comme à ouurir portes, faites lectures, allumer chandelles, ne conforment nullement l'homme à Dieu: & pourtant sont tant seulement preparations & dispositions à la Prestrise. L'autre, Que les trois Ordres sacrez sont Sacremens. Et quant au dire commun, Que les inferieurs sont degrez & marches aux superieurs, Sainct Thomas d'Aquin afferme, qu'en l'Eglise primitiue plusieurs estoient ordonnez Prestres immediatement, sans passer par les Ordres inferieurs: & que l'Eglise auoit du depuis ordonné ce passage à la Prestrise par tous ces degrez, afin d'humilier les personnes. Et est tout euident és Actes des Apostres, que Sainct Matthias fut ordonné immediatement Apostre, & les sept Diacres semblablement ne passerent point par les petis Ordres, ne par le Sousdiaconat. Et Sainct Paulin recite de soy mesme, que ayant dessein de s'appliquer au seruice de Dieu au Clergé, il vouloit par humilité, passer par tous les degrez Ecclesiastiques, commençant par celuy d'Ostiaire, ou Portier; mais pendant qu'il consultoit quand il commenceroit, estant encor Lay, le iour de Noel, à Barcelone, il fut tout au despourueu enleué par le peuple: & porté deuant l'Euesque, & ordonné Prestre d'abord: ce qui n'auroit esté fait, si l'usage de ce temps-là ne l'eust porté. Et pour ces raisons Braue conclut, Qu'il n'estoit pas bon, que le Concile passast plus outre en cet affaire, que iulques où tous les Catholiques estoient d'accord, Et adiousta, qu'il valoit mieux commencer cette matiere du Sacrement de l'ordre, par la Prestrise: ce qui aussi seruiroit pour ioindre cette Session avec la precedente du Sacrifice: & puis, de la Prestrise, passer à la matiere de l'Ordre en general, sans venir à plus grandes particularitez.

Apres la Cōgregation, tous les Prelats, qui s'y estoient trouuez, s'estans retirez, l'Euesque des Cinq Eglises demeura encor avec ses Hongrois, & quelques Polonois, & Espagnols, ausquels il fit vn discours, disant, Que, puis
les Amb.
Imperiaux
pressent la
Reforma-
tion,
que l'Empereur estoit hors de tout soupçon de guerre, à cause de la treue
faite avec le Turc, il n'auoit rien plus à cœur, que la Reformatiō de l'Eglise;
de laquelle on viendrait aisement à chef, si quelque partie des Prelats au

1562.

*font secor-
de par les
Espagnols,*

*qui preter-
dent re-
mettre sus
l'autorité
Episcopale*

*& rabatre
la gran-
deur des
Cardi-
naux,*

*dont sont
dressés
Articles.*

Concile y vouloit aider & contribuer. Partant il les exhortoit, & prioit, par la reuerence due à Dieu, & par la charité, que chaque Chrestien est obligé de porter à l'Eglise, qu'ils n'abandonnassent point vne cause, tant honneste, iuste, & vtile: & qu'il plust à chacun d'entr'eux de rediger par escrit ce qu'il iugeoit pouuoir estre estably pour le seruice de Dieu, sans auoir esgard à aucun respect humain, & ne visant pas à reigler seulement vne partie, mais tout le corps de l'Eglise, pour le reformer au Chef, & es membres. L'Archeuesque de Grenade seconda ce discours, & monstra la nécessité & bonne occasion qu'il y auoit de reformer, & remercia l'Euesque des Cinq Eglises de l'admonition: & dit, qu'ils en traiteroient entr'eux. Et pour cet effet les Espagnols se trouuerent ensemble: & d'entrée discoururent entr'eux de la nécessité d'une bonne Reformation, & conceurent quelque ferme esperance d'en voir du fruit, à cause de l'inclination de l'Empereur, de laquelle ils croyoient que leur Roy, naturellement deuotieux, ne s'esloigneroit point: & d'autant aussi que les Prelats François, qui s'attendoient en bref, fauoriseroient ce bon œuvre avec grande affection, & diligence. Delà ils passerent à représenter diuers abus, montrans que la source de tous venoit de la Cour de Rome, laquelle non seulement est corrompue en elle mesme, mais aussi cause la deprauation de toutes les Eglises. Puis apres ils vinrent à exposer l'vsurpation de l'autorité Episcopale par les reserves, laquelle si on ne reestabliroit, ostant à la Cour ce qu'elle auoit empieté sur les Euesques, les abus ne seroient iamais retranchez. L'Archeuesque de Grenade considera, qu'il estoit necessaire de mettre tout premier de bons fondemens, pour bastir dessus vn si noble bailliment: & que le champ en estoit lors ouuert, qu'on estoit au traité du Sacrement de l'Ordre: sur le sujet duquel, si on determinoit quel l'autorité Episcopale a esté instituée par Christ mesmes, il en suiuroit par necessaire conséquence, qu'elle ne peut estre diminuée, ny esbrechée: & par ce moyen les Euesques recouvreroient ce qui leur auoit esté baillé par Iesus Christ, & emblé par l'ambition, & auarice d'autrui, & par leur propre negligence. L'Archeuesque de Bragance adiousta, que cela estoit de tant plus necessaire, que l'autorité Episcopale estoit reduite à neant: & qu'en l'Eglise auoit esté estably vn ordre superieur aux Euesques, inconnu au temps passé de l'Eglise, assçauoir, celui des Cardinaux: lesquels, es premiers temps estoient reputez du nombre des autres Prestres & Diacres: & seulement apres le dixieme siecle s'estoient esleués par dessus leur degré: non toutesfois tant, qu'ils osassent s'egaler aux Euesques, auxquels ils furent tenus inferieurs, iusques à l'an de grace mil deux cens. Mais des ce temps-là, non seulement ils ont voulu estre au pair des Euesques, mais mesmes se sont haussées par dessus eux, en sorte qu'à present ils les tiennent pour seruiteurs en leurs maisons. Concluant, que iamais l'Eglise ne seroit reformée, iusques à ce que les Euesques, & les Cardinaux, ne fussent ramenez au rang deu à chacun.

Ces propositions furent ouyes avec applaudissement, & les discours en furent trouués tres-bons: & partant ils se resolurent de choisir six d'entr'eux, qui recueillissent & redigeassent par escrit les choses necessaires, & conuenables, tant pour le general de la Reformation, que pour la particularité de ce point de l'Institution des Euesques, par lequel ils deliberoient faire leur entrée. Et furent nommés l'Archeuesque de Grenade; Gaspar Ceruantes de Gaëte, Archeuesque de Messine; l'Euesque de Segouie, & Martin de Cordoia, Euesque de Tortose, lequel aussi fut cause, qu'on ne passa point plus outre. Car, ayant secreete intelligence avec les partisans du Pape, ils s'excusa d'accepter la charge, pretextant son insuffisance, & que le temps ne luy sembloit pas bien propre: adioustant aussi, que l'Euesque des Cinq Eglises n'estoit pas meue ne porté de sincere zele de pieté: & n'auoit autre but, que de se seruir d'eux, pour contraindre le Pape, par ce moyen de Reformation, à accorder l'vsage du Calice, auquel eux estoient tant contraires. Et voyant d'auoir fait quelque impression pour gagner au-

dience, il fit tant, & tant persuada, qu'on ne passa point plus avant, mais qu'on interposa quelque delay : lequel toutesfois ne fut pas long : car le iour d'apres, les Archeuesques de Grenade, de Bragance, & de Messine ; & l'Euesque de Segouie, demanderent audience aux Legats, & leur firent instance, qu'on traitast les Articles autresfois proposez par le Cardinal Crescence en ce mesme Concile : & ce qui auoit desia esté conclu, quoy que non encores publié, assauoir, Que les Euesques sont instituez par Christ, & de droit diuin sont superieurs aux Prestres. Les Legats ; apres auoir conféré entr'eux, responderent, Que, puis que les Lutheriens auoient affermé que l'Euesque & le Prestre sont en mesme chose, il estoit bien raisonnable de declarer que l'Euesque est superieur : mais qu'il n'estoit la besoin de specifier par quel droit il l'est : ne par qui il a esté institué : attendu qu'il n'y auoit point de controuersé là dessus. L'Archeuesque de Grenade replica, Que tout au contraire, la controuersé gisoit en cela, & que si on faisoit disputer les Theologiens, on connoistroit la necessité de decider ce point. Mais les Legats n'y voulurent nullement consentir : & apres quelques termes priuans d'une part & d'autre, les Espagnols se partirent sans rien obtenir : dont ils se resolurent de faire office avec quelques Theologiens, qu'en leurs examens ils missent cette matiere sur le bureau, & en fissent mention lors qu'on viendrait à opiner en Congregation. Cela estant venu aux oreilles des partisans du Pape, ils firent courir vne voix parmy les Theologiens, que les Legats auoient defendu de parler de cette question.

Or, pour retourner à la Congregation, quand le tour de parler vint à la seconde chambrée, meslée de Theologiens & de Canonistes, Thomas Dasfio, Chanoine de Valence en Espagne, dit, Que de reuoquer en doute la Hierarchie Ecclesiastique, procedoit d'une grossiere ignorance de l'Antiquité : attendu qu'il est tout notoire, qu'en l'Eglise, le peuple a tousiours esté gouuerné par le Clergé ; & au Clergé, les inferieurs par les superieurs : iusques à ce que tous les degrez viennent à aboutir à vn seul Recteur vniuersel, qui est le Pape de Rome. Et apres auoir demonstré sa proposition par vn long narré, il adionsta, Qu'il n'y escheoit, sinon que de mettre cette verité en euidence, ostant les erreurs contraires : lesquelles il estimoit auoir esté introduits par les Scholastiques, (lesquels par trop subtilizer, obscurcissent souuentefois les choses claires) en s'opposant aux Canonistes, qui mettent entre les Ordres, la premiere Tonsure, & l'Episcopat. Et qu'il luy sembloit fort estrange, qu'iceux adouuent que la Confirmation, l'Ordination, & tant d'autres consecrations, sont propres audit Episcopat, en sorte que si aucun autre s'ingeroit de les administrer, toute son action seroit frustratoire : & cependant nient que l'Episcopat soit vn Ordre, ce que ils veulent bien que soit la charge d'Ostiaire, qui ne sert qu'à fermer les portes, lesquelles seroient aussi bien fermées par vn Lay. Et quant à la premiere Tonsure, il dit, Qu'il auoit tousiours ouy dire aux Theologiens, que Sacrement est vn signe exterieur, lequel signifie vne grace spirituelle : or en la premiere Tonsure il y a le signe, & la chose signifiée, qui est la destination & deputation au seruice de Dieu : partant, qu'il ne pouuoit assez s'esbahir, pourquoy ils veulent nier qu'il soit Sacrement : ioint que c'est là la porte pour entrer au Clergé, & que par icelle on participe aux exemptions Ecclesiastiques : & que si elle n'auoit esté instituée de Christ, on ne pourroit dire, que les tonsurez par icelle fussent ne Clercs, ny exempts de droit diuin. Qu'il est euident, que la Hierarchie consiste és Ordres Ecclesiastiques, & le terme mesme de Hierarchie ne veut dire autre chose que, Ordre sacré des superieurs, & inferieurs, lequel ne pourra iamais estre bien estably, si on ne met, à l'imitation des Canonistes, entre les Ordres, le plus bas, qui est la Tonsure, & le plus haut, qui est l'Episcopat. Comme au contraire, les y mettant, la Hierarchie estoit toute establie : attendu que, posé le premier & le dernier Ordre, ceux du milieu suivent de necessité : en lieu que, ceux-cy n'estans bien arrestez, les autres demeurent sans subsistance, & fondement.

1562.
 & l'inter-
 uention des
 seculiers
 es elections
 des Eues-
 ques.

Mais sur l'autre partie de l'Article, il dit, Qu'il estoit tout euident par les Canons, qu'en l'election des Euesques, & en la vocation des Prestres & Diacres, le peuple, & mesmes le vulgaire, y assistoit anciennement, & y donnoit sa voix, ou y prestoit son assentiment: ce qui toutesfois doit estre estimé auoir esté fait par concession du Pape, ou expresse, ou taisible: attendu que nul Lay ne peut auoir aut horité aucune es choses Ecclesiastiques, sauf que par priuilege Papal: lequel alors auoit esté octroyé, d'autant que le peuple, & les Grands, estoient encor deuots: & par le moyen d'iceluy ils estoient entretenus en l'affection aux choses spirituelles, & aussi pour cette mesme raison rendoient plus d'obeyssance, & portoient plus de reuerence au Clergé, & en estoient plus prompts à l'enrichir & amplifier d'offrandes, & de donations: dont aussi on void l'Eglise estre paruenue au point de la grandeur, où elle se trouue à present. Mais apres que la deuotion a esté amortie, les seculiers n'ont eu aucun autre but, que de s'emparer des biens de l'Eglise, & de moyenner, que dans le Clergé soient fourrées personnes adherantes à leurs volonte: à raison dequoy, il auoit esté plus que raisonnable de leur oster le priuilege qui leur auoit esté octroyé, & de les forclorre tout à fait des elections, & ordinations. Et que les modernes heretiques auoient trouué vne diabolique inuention, disant, Que ce, qui auoit esté octroyé de grace, estoit chose due: laquelle opinion est, disoit-il, vne des plus pestilentielle heresies, qui ait iamais esté inuentée: attendu qu'icelle destruit l'Eglise, sans laquelle la foy ne peut subsister. Sur quoy, il allegua plusieurs raisons, & conuenances, par lesquelles il prouuoit, que l'ordination doit estre au pouuoir de l'Ordonnant tout seul: & les Conferma par Decretales des Papes: & pour conclusion dit, Que non seulement il iugeoit que l'Article fust condamné pour heretique: mais aussi, que, puis que pour raisons iustes & necessaires, le suffrage & le consentement du peuple es ordinations auoit esté osté, le Pontifical fust aussi corrige, & que les passages, lesquels en font mention, fussent retranchez: d'autant que, si iceux y demeurent, les heretiques s'en preuaudront tousiours, pour prouuer, que l'interuention du peuple y est necessaire. Ces passages, disoit-il, sont en grand nombre: mais j'en rapporteray vn bien formel: c'est, qu'en l'ordination des Prestres, l'Euesque ordonnant dit, Que non sans raison, il auoit esté ordonné par les Peres, qu'en l'ordination des Ministres de l'Autel entreuienne le suffrage du peuple, afin qu'il soit obeyssant à celuy qui sera ordonné, puis que luy mesme aura presté son consentement à l'ordonner. Si cette obseruance, & autres telles, demeurent en estre, les heretiques detracteront tousiours de l'Eglise, disant, Que les ordinations au temps present ne sont que mommeries, & vaines parades, ainsi que meschamment auoit dit Luther.

Frere François Forier, Iacopin Portugais, dit, Qu'on ne pouuoit reuoyer en doute la Hierarchie de l'Eglise Catholique, attendu qu'on l'auoit par tradition Apostolique, & par le tesmoignage de toute l'Antiquité, & par l'usage de l'Eglise en tout temps. Et que combien que le mot n'en soit vlté par tous, la chose pourtant auoir tousiours esté en usage. Que Denis l'Areopagite en auoit fait vn traité expresse: & le Concile de Nicee l'auoit authorisée, en la nommant, Ancienne coustume: or de ce qui par les Peres, au commencement du quatriéme siecle, a esté nommé ancien, nul ne peut nier que l'origine n'en vienne dès le temps des Apostres. Mais seulement il luy sembloit, que le propre endroit d'en traiter n'estoit pas avec le Sacrement de l'Orde: quoy que plusieurs Scholastics en traitent en cet endroit, constituant la Hierarchie es Ordres & degrez superieurs, & inferieurs: chose qui ne peut subsister: attendu qu'il est certain, que le Pape est le souverain Hierarque, ou Chef de la Hierarchie: & apres luy sont les Cardinaux, les Patriarches, les Primats, les Archeuesques, les Euesques: & apres encor, les Archiprestres, les Archidiares, & les autres Prelats subalternes, tous sous vn chef, qui est le Pape. Or laissant à quartier la question, Si l'Episcopat est vn Orde, du moins est il bien certain que l'Archiepiscopat, le Patriarchat,

& le Papat, ne le font pas : & n'inferent, par dessus l'Episcopat, autre chose, que superiorité, & iurisdiction. Dont il falloit conclure, qu'en la iurisdiction ^{156²} consiste la Hierarchie, en laquelle aussi le Concile de Nicee la constituë : lors qu'il parle des Patriarches de Rome, d'Alexandrie, & d'Antioche. Partant, qu'il n'estoit point à propos de traiter de la Hierarchie, lors qu'il s'agissoit de l'Ordre, pour ne donner suiet à la calomnie.

Il y eut grande diuersité en l'examen de ces Articles : & ceux de la seconde chambre retournoient de fois à autre aux Articles antérieurs, & mesmes quelques vns disputoient, que l'Episcopat est vn Ordre : & autres, qu'iceluy n'adiouste, par dessus la Prestrie, autre chose que Iurisdiction. Quelques vns aussi allegoient Thomas d'Aquin, & Bonauenture, & autres, pour fonder vne opinion moitoyene, que l'Episcopat n'est autre chose qu'une dignité eminente, ou vne charge en l'Ordre. En confirmation dequoy, fut aussi produit le lieu fameux de Saint Ierome, & l'autorité de Saint Augustin, lesquels afferment bien que l'Episcopat est tres-ancien, mais toutesfois d'institution Ecclesiastique. Mais Frere Michel de Medina, Theologien enuoyé par le Roy d'Espagne, leur obiectoient, Que l'Eglise Catholique, comme tesmoigne Epiphane, auoit condamné pour heretique Aërius, pource qu'il disoit & maintenoit que l'Episcopat n'est point plus que la Prestrie : & qu'il ne falloit point s'esmerveiller, si S. Ierome & S. Augustin, & quelque autre d'entre les Peres, estoit encouru en la mesme heresie : veu que la chose n'estoit encor bien esclaircie par tout. Cette audace de dire que S. Ierome & S. Augustin sentissent l'heresie, fut ouye avec beaucoup de scandale. Mais ce Moine insistoit tousiours avec plus de vehemence, soustenant son opinion : si bien que les Docteurs se diuiserent en deux opinions, presque egales en nombre, au fait de la Hierarchie : laquelle quelques vns constituoient es seuls Ordres, allegans Denis l'Arcopagite, lequel, au roole des Hierarques ne fait mention que des Diacres, des Prestres, & des Euesques : autres en la iurisdiction, suiuant l'aduis du Portugais Forier. Mais vne tierce opinion moitoyene vint en auant, que icelle consistoit au melange de l'un & de l'autre, assçauoir, de l'Ordre & de la Iurisdiction : laquelle depuis fut vniuersellement approuuée. D'autant, qu'en la constituant en l'Ordre, on ne pouuoit voir qu'elle place y pouuoient auoir Archeuesques, Patriarches, & ce qui importoit le plus, le Pape mesme : attendu que tous sont d'accord, que ces degrez ne sont point Ordres par dessus l'Episcopat : quoy qu'aucuns allegassent au contraire la sentence commune, que l'Ordre Episcopal est partagé en quatre, en Euesques, Archeuesques, Patriarches & Pape. D'ailleurs aussi, mettant icelle en la Iurisdiction, ils ensuiuoient qu'aucun des saints Ordres n'y entroit.

Il y eut grande dispute entr'eux, qu'elle est la forme de la Hierarchie : car quelques vns disoient, que c'est la charité : autres la foy informe : autres l'vnite, suiuant l'opinion du Cardinal Turrecramata. Mais à ce dernier aduis on obiectoient, que l'vnite est vne passion generique en tout ce qui est vn : & est effet de la forme, qui la produit. Ceux qui disoient que c'est la charité, produisoient innombrables passages des Peres, qui attribuent l'vnite de l'Eglise à la charité. Mais les autres opposoient à celà, que c'estoit l'heresie de Vvicleff : car, si ainsi estoit, le Prelat perdant la charité, seroit hors de la Hierarchie, & perdrait l'autorité. Les difficultez estoient aussi peu vuidées par l'opinion qui portoit, que c'est la foy informe : attendu qu'il y pourroit auoir tel Prelat, infidele en l'interieur & en secret, lequel en feroit semblant exterieur : & que si vn tel n'appartenoit à la Hierarchie, le peuple Chrestien ne scauroit à qui obeyr, pouuant douter de tous, & ayant bien souuent iuste cause de le faire d'aucuns. Et comme les Theologiens, sur tout les Moines, ont accoustumé d'estre fort libres à alleguer ou forger exemples, ils mettoient mesmes sur les rangs le Pape de Rome : disans, que cas aduenant que le Pape fust incredule, toute la Hierarchie periroit, par le defect d'iceluy, si on posoit, pour forme de la Hierarchie la foy, ou la charité.

1562.

Partant, ils mettoient pour forme d'icelle, le Baptême. Mais les mesmes difficultez en naissoient, à cause de l'incertitude d'iceluy, auquel, selon la determination du Concile mesmes, est requise l'intention du Ministre: chose encor plus secrete & cachée, que ne la foy, ne la charité: dont il est impossible d'affirmer d'aucun, que vrayement il soit baptizé.

quelques
articles
traitez
sommaire-
ment par
inuestiues
contre les
Lutheriens:
adués de
quelques
Moines
sur iceux,

Les Articles, S'il y a vne Sacrificature visible, Si tous les Chrestiens sont Sacrificateurs, Si le Prestre peut deuenir Lay, & Si l'office d'iceluy est la predication de l'Euangile, ne furent point traitez par examen, mais par inuestiues & declamations contre les Lutheriens, comme priuans l'Eglise de toute communication avec Dieu, & du moyen de l'appaiser: ce qui la rend vne confusion sans regime, & la despoüille de toute sa beauté & splendeur. Frere Adamant Florentin, Augustin, Theologien du Cardinal Madruce, lequel estoit de cette mesme chambrée, remonstra, Qu'il n'auoit ouy presque d'aucun de ceux, qui auoient parlé auant luy, autres raisons que vray semblables & certaines conuenances & probabilitéz, lesquelles, en semblables occasions, où il s'agit d'Articles de foy, non seulement ne forcent point les Aduersaires, mais mesmes les font roidir d'auantage en leurs opinions: pour preuue dequoy, il produisit vn passage fort exprez de S. Augustin. Et adiousta, qu'en vn Concile il faudroit vser de façons de parler & de traiter différentes de celles des Escholes, esquelles, plus on menuise, & espluche curieusement les matieres, mieux fait-on. Mais en Concile, il n'est pas seant d'examiner autre chose, que ce qu'on peut esclaircir, & mettre en pleine euidence: en lieu, qu'ordinairement on ventiloit tant de questions, desquelles on ne pouuoit venir en connoissance en cette vie, en laquelle Dieu ne veut pas qu'on sçache tout. Qu'à l'egard de cet Article, il suffisoit de dire, que l'Eglise en vne Hierarchie, & que la Hierarchie est composée de Prelats, & Ministres, & qu'iceux sont ordonnés par les Euesques, & que l'Ordre est vn Sacrement, & que les Seculiers n'y ont aucune part. Frere Pierre Ramirij, Cordelier, suiuant la doctrine de l'Escot, remonstra qu'il ne falloit point dire, que l'Ordre est Sacrement: d'autant qu'iceluy est vne chose inuisible, & permanente: en lieu que la nature des Sacremens requiert, qu'ils soient tous visibles: & tous aussi, sauf l'Eucharistie, consistent en action. Partant, que pour euitier toutes difficultez, il falloit dire, non que l'Ordre, mais que l'ordination, est Sacrement. Cet aduis eut vne grande contradiction: d'autant que tous les Theologiens; & qui plus est, le Concile de Florence, disent que l'Ordre est Sacrement. Or ce feroit vne trop grande audace & outrecuidance de taxer d'impropriété de langage tous les Docteurs, vn Concile general, & toute l'Eglise en somme qui parle ainsi.

examen du
cinquième
article,

La troisième chambree n'eut pas moins de varieté sur le cinquième Article. Et combien que tous conuinssent en ce point, que le Saint Esprit estoit donné & receu en l'ordination: quelques vns toutesfois disoient, qu'il estoit donné en propre personne: autres, qu'il estoit conferé au don de la grace. Et sur cela fut beaucoup disputé, sur tout par ceux qui maintenoient qu'il y estoit donné en la grace. Car ils debattoient entr'eux, assauoir, Si en l'ordination estoit donnée la grace de la Iustification, ou bien, vn don pour pouuoir exercer la charge. Ceux qui affermoient le premier, se fondoient sur ce, que tous les Sacremens conferent la grace de la Iustification: ceux qui maintenoient le dernier, se fortifioient de cette raison, qu'un impenitent ne peut recevoir icelle grace, & cependant reçoit bien l'Ordre. Quant au Caractere, tous furent bien d'accord, qu'iceluy est empraint en la Prestri- se: mais au demeurant furent grandement diuers en opinions: les vns disans, qu'il n'est empraint qu'és Ordres sacrez: les autres qu'il l'est en tous les sept: lesquelles opinions sont toutes tenuës pour probables par S. Bonauenture. Aucuns agreoient la distinction de Durand, que si par Caractere est entendu vn pouuoir de faire quelque action spirituelle, il n'y a que la Prestri- se qui l'ait: d'autant que cette-là tant seulement peut faire action & œuvre spirituelle.

et touchant
le Caractere.

spirituelle, de consacrer, & de remettre les pechés : mais les autres Ordres ne l'ont pas : attendu que leurs actions sont corporeles, & sont aussi bien faites par les Lais, que par les ordonnés, voire mesmes sans aucun moindre peché veniel. Que si aussi, par Caractere, est entendue vne deputation à vne charge speciale, tous les Ordres en ce sens ont leur propre caractere. Mais à cete dernière opinion, on obiectoit, que c'estoit la mesme que celles des Lutheriens, contenue au premier Article : & pourtant, qu'il estoit necessaire d'establir en tous les Ordres vn caractere propre & ineffaçable. Et y eut mesmes quelcun, qui le vouloit trouver aussi en la premiere Tonsure, sur cet argument, qu'icelle ny les autres ordres inferieurs ne sont point reïterés en celuy qui est dégradé, ainsi qu'il faudroit reïterer les Ordres, qui ne laissent point de Caractere empraint : ioint que par icelle l'homme est enroolé au Clergé, & rendu participant des exemptions & immunités Ecclesiastiques : or ne pourroit-on soutenir que le Clergé & l'immunité soyent de droit diuin, sinon qu'on die que la premiere Tonsure est vne institution diuine. La controuerse fut bien plus grande de l'Episcopat : & fut remise sous la question, Si l'Episcopat est vn des Ordres : attendu, qu'ayant deux propres actions tant signalees, de Confermer, & d'Ordonner, la puissance spirituelle, qui est le Caractere, y est necessairement requise : veu que, sans icelle, la Confirmation & l'Ordination n'auroient point leur effet, & vertu. Les Prelats, qui estoient là à ouïr ces scabreuses difficultés, en estoient tout pleins d'ennuy, & prestoyent fauorablement l'oreille à ceux, qui disoyent qu'il falloit couper queue à tant de subtilités, & parler en termes generaux : dequoy les Moines ne se pouuoient tenir de murmurer, voyans es Prelats l'autorité de définir Articles, & prononcer Anathemes, sans toutesfois entendre les matieres, ains abhorrans ceux qui les leur expliquent.

Au sixieme Article, tous vnanimement condannerent les Lutheriens, d'auoir detracté des onctions, & autres ceremonies pratiquées en la collation des saints Ordres. Aucuns vouloyent qu'on distingast les necessaires, lesquelles appartiennent à la substance du Sacrement, d'avec les non necessaires : ainsi qu'il auoit esté fait au Concile de Florence : & qu'on declarast heretique quiconque maintenoit que sans celles-là pouuoit estre conféré ou receu l'Ordre. Et que, quant aux non necessaires, on condannast en termes generaux quiconque les nommeroit pernicieuses. Sur cela, naquit vn grand debat, quelles estoient les necessaires ; & quelles les accessoiress, adioustees pour plus de bien seance, ou de deuotion. Melchior Corneille, Docteur en Droit Canon, Theologien Portugais, parla sur cete matiere fort à propos, considerant, Qu'il est tres certain, que les Apostres, en ordonnant, vsoient de l'imposition des mains : tellement, qu'en la Sainte Escriture iamais on ne lit aucune ordination auoir esté faite, sans cete ceremonie : laquelle aussi es temps suiuaंस fut reputée si essentielle, que toute l'ordination mesmes en prenoit son nom : & toutesfois Gregoire neufuieme dit, Que c'est vne ceremonie, qui a esté introduite par les Apostoliques : & plusieurs Theologiens ne la tiennent point pour necessaire : quoy qu'autres soyent de contraire aduis. De mesmes voit-on par la Decretale d'Innocent troisieme sur cete matiere, que l'onction n'estoit pas vsitée en toutes les Eglises. Et les fameux Canonistes, Hostiensis, Iean André, l'Abbé, & autres, afferment, que le Pape peut ordonner vn Prestre, par la seule parole, disant, Sois Prestre. Et qui plus est, Innocent, Pere de tous les Canonistes, dit en general : que sans les formalités, qui ont esté inuentées, il suffiroit quel'Ordonnant dist, Sois Prestres : ou autres paroles equiuallentes : d'autant que les formalités, qu'on garde aujourd'huy, ont esté ordonnées par l'Eglise es temps posterieurs. Et pour ces raisons ce Docteur conseilloit qu'on ne parlât point de ceremonies necessaires, ou non necessaires : mais que tantseulement on condannast ceux, qui les tiennent pour superflues, ou pernicieuses.

Combien que les Congregations des Theologiens occupassent quasi de fin de Ret

1562.
Reformation
des Prelats,

tout le temps; les Prelats ne laissoient pas d'avoir beaucoup plus à cœur que les matieres traitees par les Theologiens, le fait de la Reformation, de laquelle ils parloient entr'eux, les uns pour l'avancer, & la favoriser; les autres pour la decliner, & divertir. Et les frequents & publics deuis, qu'on en voyoit par toute la ville de Trente, fomentés par les Ambassadeurs Imperiaux, & François, porterent les Legats à iuger qu'il estoit necessaire de ne s'en montrer point esloignés: veu sur tout, qu'ils s'estoyent engagés de parole envers les Ambassadeurs, qu'ils en feroient la proposition, apres qu'on auroit traité de l'Ordre. Et d'ailleurs aussi ils entendoient, qu'avec grand applaudissement avoit esté receu vn certain discours du sieur de Lansac, tenu en vne assemblee de plusieurs Ambassadeurs, & Prelats; auquel il avoit conclu, que, si on redoutoit & abhorroit tant la Reformation proposee & requise par l'Empereur; au moins devoit-on trouver moyen, sans faire autres nouvelles ordonnances, de remettre en vusage les choses establies par les anciens Conciles, ostant les empeschemens, qui fomentoyent les abus. Les Legats firent vn Recueil des propositions des Imperiaux, & de toutes les instances, qui leur auoyent esté faites en matiere de Reformation iusques à ce iour-là; & les responses qu'ils auoyent rendues: ensemble vn extrait des choses ordonnees en l'Assemblée de Poissy en France, & des demandes des Prelats Espagnols. Et enuoyerent tout cela au Pape, luy signifiant, Qu'il leur sembloit impossible d'entretenir plus longuement le monde de paroles: mais qu'il falloit, par quelque effet, monstrier d'avoir intention de traiter cete matiere: & lors qu'on viendrait à quelque resolution, contenter en partie les Ambassadeurs des Princes, & sur tout, en ce qu'ils recherchoient pour les interets de leurs propres pais. Ayant toutesfois consideration à la nature & qualité des choses, en sorte qu'elles ne portassent aucun preiudice à la puissance Papale, ny aux prerogatives de l'Eglise Romaine.

induit les
Legats à en
escrire au
Pape.

lequel refu-
se aux Fran-
çois la dilata-
tion de la
Session,

Le Pape, ayant veu l'instruction du Roy de France enuoyee à ses Ambassadeurs, s'en esmut: ne pouvant ouïr chose plus desagreable, que d'allonger le Concile, auquel il avoit conceu esperance, qu'en la suiuite Session du douzieme Novembre, on pourroit desfinir & vider tout ce qui restoit à traiter: & que, s'il y avoit encores quelque chose de reste, le Concile seroit infailliblement ou finy, ou suspendu, ou rompu, à la fin de cete annee, pour le plus long terme. Et respondit à l'Ambassadeur de France, resident aupres de luy, lequel luy faisoit instance de differer le traite des Dogmes iusques à la venue des Prelats François, & en cet entretemps traiter de la Reformation, Que quant à attendre les Prelats François, il avoit advis que le Cardinal de Lorraine avoit resolu d'attendre la prise de Bourgues, & puis de là accompagner le Roy à Orleans: ce qui demonstroit bien que son depart de France seroit fort tard, & peut estre encor ne s'effectueroit jamais: & n'estoit raisonnable d'entretenir, sur des desseins tant esloignés, si grand nombre de Prelats à Trente. Que ces requestes de dilation n'estoyent que paroles, pour entretenir, & les Prelats, en frais: non, de volonte, disoit-il, que les prelats François ayent d'aller au Concile: & protestoit, qu'en cas, que par leurs delais ils contraignissent à continuer de despendre ainsi son argent, il ne pourroit plus suivre à prester secours au Roy. Et fit grand force sur ce qu'il disoit, que les François auoyent esté attendus à Trente par l'espace de dixhuit mois, l'entretenant par diverses & friuoles excuses. Il se plaignoit aussi de sa condition, disant, Que si le Concile vsoit de quelque respect envers luy, ce que toutesfois il ne faisoit qu'en bien peu de choses, les Ambassadeurs, qui estoient là, incontinent crioient que le Concile n'estoit pas libre: & cependant eux mesmes le requeroient de commander vne dilation, chose plus iniuste, & abhorree des Peres, que nulle autre. Et pour conclusion, dit, Que s'il y avoit assurance, ou mesmes vraisemblance, que les Prelats François y allassent: il feroit tout devoir pour les faire attendre. Et adiousta, qu'il avoit baillé charge d'estre aduerty, par courrier expres, du temps du depart du Cardinal: & que quand il le sauroit

pour asseuré, alors il moyeneroit qu'il fust attendu: mais qu'il ne luy sembloit point raisonnable d'entretenir cependant les Peres oisifs, sans rien faire. Et qu'il estoit plus necessaire de l'attendre pour le fait de la Reformation, que pour les matieres des dogmes, lesquelles ne le concernent point, luy, qui est bon Catholique: & duquel il s'asseuroit qu'il ne seroit jamais dissident des autres: mais, qu'il estoit bien raisonnable de l'ouïr au fait de la Reformation, laquelle le concernoit, comme estant vn second Pape, possedant plusieurs Benefices, & trois cens mil escus de reuenu des biens d'Eglise: en lieu que luy Pape n'en tenoit qu'un seul, duquel il se contentoit. Et n'auoit pas pourtant laissé de reformer soy-mesmes, & toutes les parties de sa Cour, avec dommage & perte de plusieurs officiers d'icelle: & feroit encor plus, sinon qu'il voyoit clairement, qu'en amoindrissant ses reuenus, il faisoit l'aduantage de ses Aduersaires, affoiblissant ses forces, & les nerfs de son Estat: lequel, par ce moyen, il exposoit, ensemble tous les Catholiques, qui estoient en sa protection, aux iniures de ses ennemis. Et que, quant à ce qui concernoit les pais non suiets à luy au temporel, le renuersement de la discipline pouenoit d'eux mesmes, & des Roys, & Princes, lesquels, par induës & importunes instances, le contraignoient à des extraordinaires prouisions, & dispenses. Que sa condition estoit bien miserable: car, s'il refusoit les desraisonnables requestes qu'on luy faisoit, tous se plaignoyent de luy, & s'entenoyent offensés, & outragés: si aussi il les accordoit, tout le mal, qui en suiuoit à cause d'eux, luy estoit imputé: & cependant en termes generaux, & confus, on ne parloit que de Reformation, comme auoyent fait les Ambassadeurs du Roy à Trente, sans qu'on pust bien comprendre ce qu'ils desiroient. Qu'ils viennent, disoit-il, vne fois à l'indiuidu, & aux specialités: & declarent ce qu'ils desirent estre reformé en leur Royaume, & dedans quatre iours on les contentera. Et dit, que les Prelats à Poissy auoyent fait plusieurs reiglemens, lesquels il estoit tout prest de ratifier, s'il en estoit requis. Mais que demeurer tousiours sur les generalités, & reprendre tout ce que on fait, sans venir à proposer aucune chose particuliere, demonstroït peu de bonne volonté.

Il restoit encor la quatriéme chambree des Theologiens, laquelle deuoit traiter de la superiorité des Euesques sur les Prestres. Les premiers, suiurent la doctrine de S. Thomas d'Aquin, & de Bonauenture, lesquels disent, que le Prestre a deux puissances: l'une, de consacrer le Corps & le Sang de Christ: l'autre, de remettre les péchés: qu'en la premiere, le Prestre est superieur, & en icelle l'Euesque n'a point plus d'autorité, que le simple Prestre: mais, qu'à l'esgard de la seconde, en laquelle est requise non seulement la puissance de l'Ordre, mais aussi de la Iurisdiction, l'Euesque est superieur. Autres adiouterent apres, que l'action de bailler autorité de consacrer, est plus excellente, que celle de consacrer: & que pourtant aussi en icelle l'Euesque est superieur, lequel non seulement peut consacrer, mais mesmes ordonner les Prestres, & leur conferer l'autorité de faire le mesme. Mais, apres qu'on eut assez disputé de cecy, & qu'à cete occasion on fut retourné à traiter les Articles de la Hierarchie, comme estant vne mesme chose que la superiorité, & qu'on eut aussi disputé si icelle consiste en l'Ordre, ou en la iurisdiction, ou en tous les deux, Frere Antoine de Montalcin, Cordelier, dit, Que l'Article ne deuoit estre entendu d'une superiorité imaginaire, & consistante en preeminence, ou perfection d'action: ains, d'une superiorité de regime & gouuernement, laquelle ait le pouuoir de faire loix, & status, & de iuger causes, tant en la Cour de conscience, qu'en l'exterieure & contentieuse. Que c'estoit cete superiorité, que les Lutheriens nient, & que c'estoit aussi celle là, de laquelle il escheoit de traiter. Il dit, qu'il falloit qu'en l'Eglise vniuerselle il y eust vne telle autorité pour la gouuerner, & qu'autrement elle ne se pourroit conseruer en vunité: ce qu'il prouua par l'exemple des abeilles, & des grues. Et dit que semblablement en chaque Eglise particuliere est necessaire vne autorité speciale,

1562.

pour la gouverner: & qu'icelle est és Euesques, lesquels ont part du soin & de la cure, la totalité de laquelle est au Pape, Chef de l'Eglise: qu'icelle estant vne puissance de iuger, & de faire procès & ordonnances, est puissance de Iurisdiction. Que quant à l'Ordre, l'Euesque est bien de plus haut degré que le Prestre, ayant toute la puissance d'iceluy, & deux autres encor de plus: mais qu'à cet esgard, il n'est point appelé supérieur: de mesme, que le Soufdiacre, est bien de quatre degrés au dessus de l'Ostiaire, & cependant n'est pas supérieur. Il prouua ce sien aduis, par l'usage vniuersel de toute l'Eglise, & de toutes les nations Chrestiennes, & apporta diuerses autorités des Peres, pour le confermer: & finalement il se rangea à l'Escripture Sainte, montrant que cete sorte d'autorité est en icelle appelee Pastorale, sur quoy il allega plusieurs passages des Prophetes: disant, que l'uniuerselle auoit esté baillée à S. Pierre, lors que Iesus Christ luy dit, Pay mes brebis: & que la particuliere auoit esté conferee par Pierre aux Euesques, lors qu'il leur dit, Paissez le troupeau, que vous auez en garde. Cete opinion fut suiuite d'un grand applaudissement.

Les Espagnols s'en voulent servir pour remettre sur l'autorité des Euesques.

Or, auant que ceux de la quatrième chambree eussent acheué de parler, les Prelats Espagnols, qui estoient tous resolués de mettre sur le bureau la matiere de l'Institution des Euesques par Christ mesmes, après auoir consulté entr'eux, conclurent, Qu'il valloit mieux que le premier mouuement en fust fait és Congregations des Theologiens, afin qu'en celles des Peres la matiere fust toute digeree, & preparee: & qu'avec plus d'apparence de raison, ils pussent en discourir, comme reprenant les choses iadis, & par ce moyen obliger les autres à en parler. Et pourtant, en la Congregation du premier Octobre, Michel Oromcuspe, Theologien de l'Euesque de Pampelune, sur le septième Article, dit, Que s'agissant de qualifier, ou condanner en proposition, qui peut recevoir plusieurs sens, il est necessaire de les distinguer, & puis apres de les considerer vn par vn. Et que de cete nature & qualité luy sembloit estre la proposition de cet Article, à sauoir, Si les Euesques sont superieurs aux Prestres: d'autant qu'il faut distinguer, s'ils sont superieurs de fait, ou de droit: que pour le fait, n'y escheoit aucun doute, attendu qu'au temps present on voit, & és histoires de plusieurs siecles on lit, que les Euesques ont tousiours exercé superiorité, & les Prestres rendu obéissance: & pourtant, qu'en ce sens l'Article ne pouuoit estre mis en controuersie: donques, il ne falloit disputer que du droit: en quoy escheoit vne autre ambiguité, à sauoir de quel droit on parloit: attendu que ce pouuoit estre ou droit Papal, ou droit diuin: que si on l'entendoit du Papal, il est tres-euident que les Euesques sont superieurs aux Prestres veu qu'on trouue tant de Decretales, qui le porte expressement: mais ores que cela soit tres-vray & certain, il ne faudroit pas pour cela condanner les Lutheriens pour heretiques, attendu qu'on ne peut tenir pour article de foy, ce qui n'a fondement qu'en loy humaine: mais qu'ils meriteroyent bien d'estre condannés pour tels, en niant la superiorité des Euesques par dessus les Prestres, si icelle de vray est de droit diuin: comme pour luy, il tenoit pour chose toute claire, & le pouuoit euidemment prouuer, & refuter toute opposition au contraire: mais qu'il ne deuoit passer plus outre: attendu qu'il estoit interdit d'en parler. Et en cet endroit il passa à demonstrier, que le ministere de la Confirmation, & de l'Ordination, est propre des Euesques. Puis, ayant parlé sur le huitième Chapitre, en conformité des autres, il acheua son discours.

Après luy vint à parler Iean Fonseca, Theologien de l'Archeuesque de Grenade, lequel entra puissamment en matiere: & dit, Qu'il n'estoit, & ne pouuoit estre defendu d'en parler: & veu, que l'Article auoit esté proposé à examiner, pour sauoir s'il estoit heretique, il estoit bien necessaire de traiter, si iceluy est contre la foy: or est-il impossible de comprendre que chose aucune soit contre icelle, laquelle quant & quant ne repugne au droit diuin. Qu'il ne sauoit d'où venoit ce bruit courant, qu'il estoit defendu d'en parler:

attendu que, tout au contraire, par la proposition de l'Article, il estoit commande de l'examiner. Et en cet endroit il passa à parler non seulement de la superiorité, mais aussi de l'Institution, maintenant que les Euesques sont institués par Christ, & que par sa diuine ordonnance ils sont superieurs aux Prestres: allegant pour preuue, que, si le Pape est ordonné par Christ, pource qu'iceluy dit à Pierre, Ie te bailleray les clefs du Royaume des cieus: &, Paimies brebis: les Euesques, à mesme raison, sont aussi institués par luy, d'autant qu'il dit à tous les Apostres, Ce que vous lierez en terre, sera lié au ciel: & les pechez de ceux, à qui vous les aurez remis, leur seront remis. Et en outre, Allez par tout le monde vniuersel, & preschez l'Euangile: &, ce qui importe encor plus, il leur dit, Comme mon Pere m'a enuoyé, ainsi ie vous enuoye. Que si le Pape, disoit-il, est successeur de S. Pierre, les Euesques sont successeurs des Apostres: sur quoy il produisit vn grand nombre d'autorités des Peres, qui disent cela nommément: & particulièrement rapporta vn long discours de S. Bernard sur ce mesme fuiet, au second liure de ses Considerations au Pape Eugene: & allega le passage des Actes des Apostres, auquel S. Paul dit aux Pasteurs d'Ephese, que le Saint Esprit les auoit constitués Euesques pour paistre l'Eglise de Dieu, Et adiouta, que ce que les Euesques sont confirmés, ou mesmes créés par le Pape, n'inferoit point qu'ils ne fussent pourtant institués par Christ, & qu'ils n'eussent de luy leur autorité, tout ainsi, que le Pape est bien créé par les Cardinaux, & cependant a son autorité de Christ: & les Prestres sont créés par l'Euesque ordonnant, mais reçoient de Dieu l'autorité: ainsi aussi les Euesques reçoient du Pape le diocese, mais de Christ l'autorité. Il prouua la superiorité des Euesques par dessus les Prestres estre de droit diuin, par l'autorité de plusieurs Peres, lesquels disent, Que les Euesques succedent aux Apostres, & les Prestres au septantedeux disciples. Puis; sur les autres parties de l'Article, il dit les mesmes choses, qu'auoyent ià dit les autres. Le Legat Simonere ouït ce discours avec de l'impatience, & se tournant souuent vers ses Collegues, & fut sur le point de rompre le propos de ce Theologien: mais d'autant avec tant de raison, & ouï avec tant d'attention des prelates presens, qu'il le voyoit enfilés'ens qui résoudre.

Après cetui-ià, suiuit Frere Anthoine de Grossot, Iacopin: lequel, après auoir dit quelque chose briuelement sur les autres Articles, s'arresta sur cetuy-cy: & insista fort sur les paroles dites par Saint Paul aux Pasteurs d'Ephese à Milet, en les exhortant d'auoir soin du troupeau, pource qu'ils estoient par le Saint Esprit commis à le paistre & gouverner: & sur cela fit plusieurs exhortations. Et premierement, qu'il estoit fort necessaire de declarer, que les Euesques n'ont la commission de leur office de par les hommes: car, si cela estoit, ils seroyent des mercenaires, auxquels les brebis n'appartiennent point: & pourueu qu'ils contentassent l'homme, qui leur en auroit baillé la charge, ils n'auroient à se soucier d'autre chose. Mais, que Saint Paul auoit démontré, que l'obligation de conduire & paistre le peuple Chrestien, estoit diuine, & imposée par le Saint Esprit: pour conclure de là, qu'ils ne se pouuoient excuser sur aucune dispense humaine: & allega là dessus le fameux passage de Cyprien, Que tout Euesque est obligé à rendre conte à Christ tout seul. Et dit en suite, que les Euesques d'Ephese n'estoyent pas de ceux, qui auoyent esté institués par Nostre Seigneur Iesus-Christ, pendant qu'il estoit en chair mortele: ains par S. Paul, ou par quelque autre Apostre, ou Disciple: & cependant en cet endroit là, n'est faite aucune mention du Ministre ordonnant, mais le tout est attribué à l'Esprit de Dieu, lequel, non seulement leur auoit baillé l'autorité de regir, mais aussi leur auoit departy la part du troupeau, qui leur auoit esté commise à paistre. Et là dessus il inuectiua contre ceux, qui les iours auparauant auoyent dit, que le Pape departit le troupeau: inculquant, que c'estoit mal parlé: & que c'estoit ramener en vsage ce que Saint Paul auoit tant detesté, assauoir, Ie suis de Paul, & moy d'Apollon. Que le Pape est le Chef Ministeriel de l'E-

1562.

dequoy les
Legats s'ap-
pe-çoient,
Cy prepa-
rent opposi-
tion, par
d'autres
Theologiens.

glise, par lequel Iesus-Christ, qui est le Chef principal, opere, & auquel aussi l'œuvre doit estre attribuee: disant, conformément à ce que dit Saint Paul, que le Saint Esprit baille le troupeau à paistre & regir. Que iamais l'œuvre n'est attribuee à l'instrument, ou au ministre, mais tousiours à l'agent principal: que l'Ancieneté auoit tousiours vsé de cete façon de parler, Que Dieu, & Christ, pouruoyent de recteurs & de pasteurs aux Eglises: & qu'icelle est prise de S. Paul, lequel escrit aux mesmes Ephesiens, que Christ, estant monté au ciel, a donné à son Eglise, Apostres, Euangelistes, Pasteurs, Docteurs: par où il monstre clairement, que, mesmes après estre monté au ciel, il pouruoyoit de Pasteurs: & l'institution des Pasteurs, & des docteurs, entre lesquels sont les Euesques, suiuant ce dire de S. Paul, doit estre attribuee à Christ tout seul, non autrement, que celles des Apostres, & des Euangelistes. Ce Theologien s'apperceut, qu'il n'estoit fauorablement ouï des Legats, & d'autres: partant, doutant quelque heurt, comme il estoit aduenü en d'autres occasions, il adiousta, qu'il auoit esté emporté à ce discours non premedité par le fil des paroles, & par l'ardeur du discours, ne se souuenant pas qu'il estoit defendu de parler de ce point. Puis, estant rentré à examiner les offices des Euesques, & ayant refuté les Lutheriens, qui les estiment superflus, & ayant montré que de temps immemorial ils sont en v'sage en l'Eglise, & qu'ils viennent de tradition Apostolique, il fit fin. Les Legats halenerent que ç'auoit esté vne souplesse & artifice de l'Archeuesque de Grenade, & d'autres Espagnols, pour donner carriere aux Prelats à s'estendre en cete matiere: & pourtant ils moyenerent que la contraire opinion fust defendue & soustenue par quelcun des quatre, qui seuls, d'entre tout le nombre arresté, restoyent à parler pour le iour ensuiuant: & de mesmes fit on preparer les Prelats partisans du Pape, qu'on souloit employer, à la maniere susmentionnee, à s'opposer aux autres, afin qu'ils fussent tous prests pour contredire aux Euesques Espagnols, en cas qu'ils eussent introduit la matiere es Congregations.

Le iour ensuiuant, qui fut le deuxiême Octobre, deux Theologiens se mirent à prouuer, Que, comme la superiorité des Euesques, estoit certaine, aussi de rechercher de quel droit elle estoit, estoit chose fort malaisée à decider: & quand ores elle seroit decidee, de nul fruit: & pourtant, qu'il falloir omettre cete question. Deux autres soustinrent, qu'elle est de droit Papal. Et Frere Simon Florentin, Theologien du Cardinal Seripande, discourut sur cete matiere conformément à l'opinion de Caietan, & de Catarin: en cete forme, Que l'Episcopat a esté institué de droit diuin par Iesus-Christ, pour regir & gouverner l'Eglise: & que luy mesmes ordonna tous les Apostres Euesques, quand il leur dit, Je vous enuoye, comme i'ay esté enuoyé par mon Pere: mais, que cete institution auoit esté personele, & deuoit finir avec la vie de chacun d'eux: mais, qu'il en auoit estably vn, qui deuoit durer à perpetuité en l'Eglise, assauoir, Pierre, lors qu'il dit non à luy seulement, mais à tous ses successeurs. Pai mes brebis. Et qu'ainsi l'auoit entendu S. Augustin, disant, que Pierre representoit tout l'Eglise; ce qui n'auoit iamais esté dit d'aucun des Apostres: ains S. Cyprien dit, que S. Pierre n'est pas seulement figure & pourtrait de l'vnité, mais que l'vnité commence & deriue. En cete puissance, donnée à Saint Pierre, & à ses successeurs tant seulement, est contenue la charge de gouverner tout l'Eglise, & d'ordonner autres Recteurs, & Pasteurs, non toutesfois comme delegués, mais comme ordinaires, leur departant particulieres prouinces, villes Eglises. Et pourtant, quand on demande, si quelcun est Euesque de droit diuin, il faut respondre, Qu'il y en a vn seul tel: assauoir, le successeur de S. Pierre: au demeurant, l'Episcopat est bien de droit diuin, entant que le Pape mesmes ne peut faire, qu'il n'y ait Euesques en l'Eglise: mais chacun d'iceux Euesques est de droit Papal: dont il aduiant, que le Pape les peut creer, transferer, restreindre & amplifier leurs dioceses, leur donner plus ou moins d'autorité; & mesmes les suspendre, & les demettre: ce qu'il ne peut es choses,

qui sont de droit diuin: attendu qu'il ne peut oster au Prestre la puissance de consacrer, d'autant qu'iceluy la tient de Christ: mais il peut bien oster à l'Euesque toute iurisdiction, d'autant qu'iceluy la tient de luy. Et, que c'estoit là le sens du fameux dire de S. Cyprien, Qu'il n'y a qu'un seul Episcopat, duquel chaque Euesque tient vne partie par indiuis. Que, disant autrement, on ne pourroit maintenir, que la forme du gouuernement de l'Eglise soit la plus parfaite de toutes, assauoir Monarchique: ains on tomberoit en la forme Oligarchique, qui est la plus imparfaite de toutes, & condamnée par tous ceux qui escriuirent des gouuernemens d'estat. Et, pour conclusion, dit, Que par le mesme droit, que les Euesques estoient ordonnées, ils estoient aussi superieurs aux Prestres: &, en cas qu'il falust en venir à la declaration, il la faloit faire en cete sorte. Et allega Thomas d'Aquin, lequel, en plusieurs endroits, dit, Que toute puissance spirituelle depend de celle du Pape, & que tout Euesque doit dire, l'ay receu partie de cete plenitude: & qu'il ne faloit point regarder aux autres Scholasticks anciens: d'autant qu'aucun d'eux n'auoit traité à fonds cete matiere: ains aux modernes, lesquels, apres la naissance de l'heresie des Vaudois auoyent étudié l'Escripture, & les Peres, & auoyent estably cete verité. Le dernier Theologien prit peine à refuter ce que cet autre auoit dit, que Christ auoit ordonné les Apostres Euesques, disant, Que, quand il enuoya les Apostres, comme le Pere l'auoit enuoyé, il les enuoya pour prescher & pour baptizer, qui n'est pas ceuvre d'Euesque, mais de Prestre: & que Pierre seul auoit esté ordonné Euesque, lequel, apres l'ascension du Seigneur, auoit ordonné les autres Apostres Euesques: sur quoy il allegua Turrecremata, & autres. Sur les autres parties de cet Article-là, & du suiuant, ils furent tous d'accord, qu'elles fussent condamnées. Et ainsi fut mise fin aux Congregations des Theologiens.

Après icelles, les Legats se trouuerent bien empeschés: d'un costé: se trouuans obligés de proposer la matiere de la Reformation, les disputes estans achenées: & d'ailleurs, ne sachans bonnement quels point proposer, lesquels ne fussent preiudiciables, & cependant donnassent quelque contentement: car tout ce, qui pouuoit estre agreable aux Ambassadeurs, estoit ou dommageable à la Cour de Rome, ou desplaisant aux Euesques: & on ne pouuoit mettre la main à chose quelconque agreable aux Euesques, qu'elle ne fust ensemblement preiudiciable à Rome, ou aux Princes. En ces perplexités, ils prirent conseil de despescher vn Courrier au Pape, & d'attendre sa responce, & cependant faire filer le temps, faisant parler les Prelats sur la matiere de l'Ordre. Ils donnerent particulièrement aduis au Pape, du debat, qu'ils preuoyent sur l'Article de la superiorité des Euesques, attendu l'instance faite par les Prelats Espagnols, & l'entree faite par leurs Theologiens. Et, combien qu'ils ne pussent preuoir où ils vouloyent aboutir, toutesfois, prenant garde à la vehemence des instances, & sachant combien les Espagnols prenent leurs visees de loin, ils ne pouuoient que soupçonner. Ils luy ramenturent, que c'estoit le temps, qu'on auoit promis de parler de la Residence, & que desia on en auoit entendu quelque bruit sourd: & l'Archeuesque de Messine auoit recherché celuy de Nicosie au Royaume de Cypre, & celuy de Zara, pour descouurir quelle seroit leur intencion; lors que la proposition en seroit faite: ioint plusieurs autres pratiques, dont on auoit le vent, sans qu'on en pust encor penetrer le fonds: que, pour eux, ils auoyent desia ordonné à l'Archeuesque d'Otrante, & à l'Euesque de Ventimile, de descouurir dextrement quel seroit le sentiment des Prelats, si on proposoit de remettre l'affaire à Sa Sainteté, & qu'ayans diligemment sondé, ils auoyent trouué, qu'il y en auoit soixante roidement contraires, avec peu d'esperance d'en pouoir demouoir aucun par offices & pratiques. Qu'à l'instance deux Legats le Secretaire du Marquis de Pescaire auoit fait de puissans offices enuers les Espagnols, mais n'en auoit rapporté autre chose, sinon qu'ils ne s'y opposeroient point avec animosité, ains diroyent leurs

1562

le dernier
Article n'a
aucune dif-
ficulté:
le Legats
perplexé

escriuent
tout le fait
au Pape

après auoir
fait leurs
pratiques
au Concile

1562.

aduis doucement, & sans bruit, qu'ils sauoyent, que la plus grande partie, comme dependante de Rome, estoit de contraire opinion: mais qu'ils estoient obligés de mesmes de descharger leur conscience: sachans bien, que leur sentiment n'estoit point contraire au Pape, de la tresbonne & tressainte intention duquel ils estoient persuadés; mais bien aux Euesques, residents aupres de luy. Ils adiouterent aussi, que les mesmes Espagnols, ayans presenté qu'on traitoit de remettre l'affaire à Sa Sainteté, disoyent, Que le mesme auoit esté fait de l'usage du Calice: & qu'en vain faisoit-on Concile pour traiter ce qui n'importoit de rien, & pour remettre au Pape ce qui meritoit reiglement & prouision. Ils luy donnerent aussi aduis de la promesse faite aux Ambassadeurs, de proposer le fait de la Reformation, & l'impossibilité qu'il y auoit de plus temporiser. Et, sur les aduis qu'ils auoyent de la venue du Cardinal de Lorraine, & des François, qui venoyent avec des desseins, & conceptions de grandes nouueautés; ils concluoyent, qu'on pouuoit tenir pour tout asseuré, qu'ilss'vniroyent avec les malcontens qu'ils trouueroient à Trente. Et partant, qu'en vne si grande ambiguité de conseils, ne sachans à quoy se resoudre, ils auoyent deliberé d'attendre les commandemens de Sa Sainteté.

En ce mesme temps, le Pape, ayant d'ailleurs esté aduertý & certifié des desseins du Cardinal de Lorraine, & particulièrement qu'il vouloit pourchasser la reformation de l'election du Pape, afin que les Vltromontains eussent aussi leur part du Papat, en fut touché au vif. Et, tout resolu de n'attendre point le coup, ains de preuenir, en donna aduis à tous les Princes Italiens, leur monstrant le grand dechet qu'en souffriroit la nation, si cela aduenoit: qu'il n'en parloit point pour son esgard, veu que cela ne le pouuoit toucher, mais pour le bien public, & pour l'amour de la commune patrie. Et, sachant bien, que le Roy d'Espagne ne pourroit iamais agreer vn Pape Espagnol, à cause des pensees natureles, qu'à le Clergé d'icelle nation de se deliurer des exactions du Roy: & moins encor vn François, pour l'inimitié des nations: mais qu'en Italie il auoit la pluspart de ses confidens; il escriuit à son Nonce en Espagne, qu'il luy communiquast le dessein des François, tout porté à vouloir vn Pape de leur nation, pour pouuoir, par ce moyen, s'emparer de Naples, & de Milan, sur lesquels ils ont leur anciennes pretentions.

Et, pour ne defaillir de son costé, & afin de saper vne partie des fondemens, sur lesquels le Cardinal pouuoit bastir son dessein, qui estoient les abus, commis en l'election du Pape, estemps prochainement passés; il fit vne Bulle sur cete matiere, & quoy qu'en effet elle ne continst autre chose, que les reiglemens & prouisions autresfois faites par diuers Papes, ia surannee & abolies: on pouuoit toutesfois tousiours repliquer, Qu'il n'y auoit besoin d'autre reformation en cet endroit, puis que la Bulle remedioit à tous les inconueniens aduenus: ou certes, du moins, leur ostoit la force: tellement qu'on ne pouuoit pretendre qu'ils fussent plus en vigueur. Et, si quelcun vouloit prognostiquer, qu'elle seroit mal obseruee, comme les precedentes, on pouuoit repartir, Que qui fait mal, pense mal: & que le deuoir de la charité Chrestienne est, d'esperer le bien de tous. Cete Bulle fut publiee sous la date du neuuieme Octobre de l'annee mil cinq cens soixante deux. Après cela, le Pape eut aduis, qu'en Espagne auoyent esté tenues plusieurs Congregations sur le suiet de la Reformation generale, pour en donner commission à l'Ambassadeur qu'on enuoyeroit à Trente, afin que les Prelats Espagnols fussent vnis, & trouuassent tous vnanimement à vn mesme but. Cete nouuele ne fut point agreable au Pape; & aussi peu plut-il aux Legats à Trente, que le Roy d'Espagne parlait d'y enuoyer vn autre Ambassadeur: car le Marquis de Pescaire secondoit fort bien, en toutes ses actions, les intentions du Pape: & les agens & ministres, qu'il employoit à Trente, estoient Milanois, affectionnés à la personne de Sa Sainteté, & de ses propres parens; & intimes du Cardinal Simone- te, lequel s'estoit tousiours seruy d'eux à toutes occasions, pour le bien des affaires de Sa Sainteté. En lieu que le Conte de Lune, lequel on y destinoit en

sa place.

sa place, ayant esté avec l'Empereur, & le Roy des Romains, & fort chery par eux, estoit tout imprimé des conceptions de ces Princes-là : tant plus, que le bruit estoit, que, pour euter le differend de preface avec la France, il y viendroit sous le nom d'Ambassadeur de l'Empereur, quoy qu'en effet il le fust du Roy d'Espagne. Ce qui de vray auoit bien esté delibéré mais ne fut pas effectué. Aussi estoit la conionction de ces Princes suspecte au Pape pour plusieurs esgards : mais sur tout, à cause du Roy de Boheme : lequel, en plusieurs choses, s'estoit monstre esloigné d'affection de luy. Il prenoit aussi ombrage de la deputation du Conte de Lune pour vn autre esgard : c'est, qu'iceluy ne se pouuoit trouuer au Concile, qu'apres la fin de la Diete de Francfort, laquelle ne pouuoit durer moins, que iusques à la fin de l'année : dont il prenoit coniecture, que le Roy d'Espagne auoit intention de porter le Concile à grandes longueurs. Mais, dès qu'il eut receu le dernier aduis de ses Legats, il fut encor en plus grande perplexité, voyant que les Prelats mesmes, voire les siens propres, nonobstant que leurs interets requissent prompte expedition, estoient comme ligüés & coniurés à le prolonger, par leurs importuns offices. Il proposa les lettres des Legats en la Congregation des Cardinaux, ordonnant qu'on aduisast plustost au moyens d'ob-
de l'alen-
gueur du
Concile,
donc il pro-
pose le fait
en la Con-
gregation
des Cardinaux
nier à vne infinité de difficultés pendantes, qu'à se deliurer de l'ennuy present : attendu que, plus le Concile alloit auant, plus se rendoit-il malaisé à manier : & ne pouuoit-on donner de Rome aucun ordre, lequel, à cause de la distance, n'arriuaist à tard, & ne fust hors de saison : ce qui à la longue, ne pouuoit faillir de causer quelque grand mal. Il se doulut aussi que les Ultramontains estoient vnis entr'eux à le prolonger pour leurs propres interets : l'Empereur pour gratifier les Allemans, afin de faire elire son fils Roy des Romains : la France, pour s'en pouuoir preualoir, en cas d'accord avec les Huguenots : & l'Espagne : pour ses esgards d'entretenir les Pais bas en esperance. Il exposa toutes les difficultés, qui procedoyent de diuers interets des Prelats au Concile, & les desseins qu'on descouuroit es Espagnols, & ce qu'on apprenoit des intentions des François qu'on attendoit.

En ces mesmes iours, le Roy de France enuoya l'Abbé de Mante tout expres à Rome, pour communiquer au Pape la resolution qu'il auoit faite d'accepter les Decrets du Concile, & luy donner aduis de l'allee du Cardinal de Lorraine en iceluy, accompagné de nombre d'Euesques, pour y proposer les moyens de reünir la Religion en son Royaume : le Roy, & son Conseil ayans iugé, qu'il n'y auoit aucun plus capable de cete charge, tant à l'esgard de la doctrine, que pour l'experience, Le Pape monstra, par grands & amples discours, d'auoir à gré la resolution du Roy, tant à enuoyer le Cardinal, qu'à donner entiere execution aux Decrets du Concile : & promit, que les Legats, & les Peres receuroient les Prelats François avec tout honneur & faueur, attendant d'eux secours & aide es choses de la Religion, en laquelle ils auoyent tant d'interets, & sur tout le Cardinal, qui estoit la seconde personne Ecclesiastique, peu moindre qu'un Pape. Et dit en outre, que les Euesques de France auoyent traité de la reformation à Poissy, avec beaucoup de prudence, s'offrant d'en faire approuuer & ratifier la pluspart par le Concile. Et adiousta, qu'il estoit contraint d'en accelerer la fin au plus tost, pour la grande despense qu'il portoit, laquelle continuant, il ne pourroit plus longuement fournir le secours qu'il prestoit au Roy pour la guerre : & pourtant, qu'il vouloit esperer que le Roy ayderoit à le clorre. Et pour la fin de son propos, il dit, qu'au Concile il n'auoit autre autorité, sinon d'en approuuer ou reprouuer les determinations, sans quoy elles ne seroyent d'aucune valeur : & qu'il deliberoit, le Concile finy, se trouuer à Bologne, & y essembler tous les Peres du Concile, pour les conoistre, & remercier, & pour faire l'approbation. Ce mesme député, venu de France, presenta aussi au Pape lettres du Cardinal de Lorraine, avec offres & promesse de tout bon deuoir & office, pour la conseruation de l'autorité du S. Siege.

1562.

resultat des
la Congre-
gation des
Cardinaux,
sur les diffi-
cultés de
Trente:

Le Pape s'enquit particulièrement que c'est que le Cardinal auoit dessein de proposer. Mais l'Abbé luy respondit generally, que c'estoyent les remèdes nécessaires au Royaume de France. Et le Pape, pour donner vn aduertissement au Cardinal, repartit, Que le tout seroit meurement digéré attendu qu'au Concile toutes choses estoient décidées par pluralité de voix.

En la Congregation des Cardinaux, il fut deliberé de respondre aux Legats, qu'ils fissent toute diligence, pour resoudre l'Article de la Residence auant l'arriuee des François, faisant en sorte qu'il fust remis au Pape, sans aucun Decret, s'il estoit possible: ou, du moins, avec Decret, Et que si on ne le pouuoit obtenir, la declaration s'en fist, portant seulement peines, & prix, sans toucher le point, si elle est de droit diuin, ou non. Que l'Article de l'Institution des Euesques sembloit bien haut, & ardu, & de grande consequence: & pourtant qu'ils procurassent qu'il fust aussi remis à luy: & en cas qu'il ne se pust, qu'ils gardassent inuiolablement, de ne permettre qu'il fust determiné qu'elle est de droit diuin. Et quant à la Reformation, pour ce qui concernoit le Papat, & la Cour de Rome, Sa Sainteté estoit resolué de ne vouloir qu'autres s'en entremissent: & qu'il auoit desia fait tant de reformations, comme il estoit notoire à tout le monde, qu'il reigloit tous desordres: & que, s'il y auoit encor quelque chose de reste à reformer, il l'adiousteroit aussi. Que pour le demeurant, ils dissent à tous, que Sa Sainteté remettoit librement la Reformation au Concile: & qu'eux Legats proposassent ce qu'ils trouueroient plus expedient, d'entre les choses representees par les Imperiaux, & decretees par les François à Poissy: sans toutes-fois venir à aucune resolution, auant qu'en auoir donné aduis à Rome.

Mais la proposition, de terminer le Concile, fust bien estimée de plus grande importance par la Congregation des Cardinaux: non qu'ils ne vissent bien euidemment la nécessité qu'il y auoit de le faire: mais d'autant qu'ils n'en descouuroient point le moyen: attendu, qu'y ayant encor tant de matieres à traiter, & les Prelats ne pouuans estre induits à briueté en discours, & à concorde à traiter, (choses nécessaires pour vne prompte expedition) il estoit impossible de penser de le clorre, sinon avec longueur de temps. De le suspendre, sans le consentement des Princes, sembloit chose perilleuse, & scandaleuse: sur tout attendu l'aduis receu quelques iours auparauant des Legats, que l'Ambassadeur du Ferrier, l'Euesque des Cinq Eglises, auoyent dit, Que si le Concile estoit suspendu, ils ne partiroient pas de Trente pourtant, ny ne laisseroient partir les Prelats leurs adherans, sans en auoir premierement commission de leurs Princes. Et la recherche de cet adieu des Princes, emportoit beaucoup de temps: car indubitablement chacun d'eux, auant que respondre voudroit sauoir l'intention de l'autre. Et pourtant, sur ce point, ils ne furent resoudre autre chose, sinon de solliciter les Legats à l'expedition des matieres. La venue du Cardinal de Lorraine donnoit encor plus à penser, attendu les aduis qu'on auoit de diuers endroits, qu'outre l'affaire de l'election du Pape, il venoit avec dessein de proposer beaucoup de nouueautés sur la collation des Eueschés, & sur la pluralité des Benefices: & ce qui n'importoit pas moins, sur la Communion du Calice, sur le Mariage des Prestres, & sur la Messe en langue vulgaire. Et, d'autant qu'on presupposoit qu'il ne partiroit point de France, auant qu'auoir response de l'Abbé de Mante, enuoyé par le Roy, ils conseillerent de rappeler le Cardinal de Ferrare, & d'offrir à celui de Lorraine la Legation de ce royaume-là: ce qu'on pouuoit esperer le deuoir arrester, attendu son ardent desir de commander au Clergé iusques là, qués temps passés il ne s'estoit peu contenir de brasser de se faire Patriarche en France. Que si, nonobstant tout cela, il venoit, il faudroit, en ce cas, enuoyer encor d'autres Prelats à Trente, & quelques Cardinaux, pour le contrebiter: & furent mesmes nommés les Cardinaux, La Bourdaisiere, François, & Nauagier, Venitié. Mais la resolution en fut différée, de peur que cela ne donnast suiet de despit au Card. & ne le portast à faire pis:

& aussi, d'autant qu'on n'estoit pas bien acertene que la valeur de ces Cardinaux fust suffisante pour vne si grande & puissante opposition: & en outre encor, pour auoir tout premier aduis de ceux, qui estoient à Trente, afin qu'ils n'en receussent du desplaisir. On eut aussi en cela esgard à la surcharge de la despense, de laquelle il falloit s'espargner, sinon qu'il en parust grande utilite, & aduantage. Mais bien fut arresté d'escrire aux Legats, qu'en sorte ne maniere quelconque ils ne permissent qu'on auançast aucun moindre propos de l'elecion du Pape: & cas estant, qu'ils n'y pussent obuier, qu'auant que le souffrir, ils s'en retournassent à Rome, pour ne preiudicier au College des Cardinaux, & à l'Italie.

Or à Trente, les deputés à former les Anathematismes, & la Doctrine, *la proposition de l'Episcopat du droit diuin contredite par les Legats.* ayans considéré les aduis des Theologiens, firent vne minute, en laquelle ils insererent, *cause du heret.* Que les Euesques sont superieurs aux Prestres de droit diuin. Et ce, d'autant que l'Archeuesque de Zara, & l'Euesque de Conimbre, principaux entre les deputés, furent de cet aduis. Mais les Legats ne le permirent point: disant, Qu'il n'estoit pas raisonnable d'y inserer aucune conception non contenue dedans les Articles: que si, puis apres, les Peres le requeroient, on y aduiteroit. Et pourtant, les Espagnols se resolurent tout promptement de le requierir. Mais les Legats, en ayant eu le vent, & pris conseil, delibererent d'aduertir leurs Prelats, coustumiers de contredire, que si cete matiere estoit proposee, ils ne dissent mot, & ne la missent point en dispute, pour ne donner aux Espagnols occasion de repliques, par lesquelles les Congregations fussent tirees en longueur, & sourdissent les mesmes inconueniens, qui estoient nés pour le fait de la Residence. Mais ordonnerent, que si l'Archeuesque de Grenade, ou quelque autre, en faisoit instance, le Cardinal de Vvarmie l'interrompist, respondant, Que ce n'estoit pas vn point à traiter au Concile, attendu qu'il n'estoit en controuerse avec les Protestans.

La premiere Congregation de Prelats qu'on tint, apres celles des Theologiens, fut le treizieme Octobre, de l'annee mil cinq cens soixante deux, en laquelle les Patriarches, & aucuns Archeuesques, lesquels parlerent les premiers approuuerent, en peu de paroles, les Anathematismes, ainsi qu'ils estoient couchés. Mais, quand ce vint à l'Archeuesque de Grenade; apres que luy auilleust dit briuelement son aduis sur les six premiers Canons, sur le septieme il fit instance, qu'il fust dit & déclaré, Que les Euesques, estans institues par Christ, sont superieurs aux Prestres. Et dit, qu'à tresbon droit il pouuoit & deuoit requierir cecy, attendu que cete mesme proposition auoit esté faite en cete forme au Concile sous Iules troisieme, par le Cardinal Crescence, & auoit esté approuuée par le Concile. Et allega pour tesmoins de son dire, l'Euesque de Segouie, qui auoit assisté en ce Concile-là en qualite de Prelat; & Frere Otauien Precone, de Messine, Archeuesque à present de Palerme, lequel y estoit entreuenu en qualite de Theologien. Puis adiouta, qu'on ne pouuoit faillir de declarer l'un & l'autre des deux points, *Or est soustenu par l'Archeuesque de Grenade.* Que les Euesques sont institues de droit diuin: & Que de droit diuin aussi ils sont superieurs aux Prestres: attendu que cela estoit nié par les heretiques: & s'estendit à prouuer son aduis par plusieurs argumens, raisons, & autorités. Il allegua Denis l'Areopagite, lequel dit, Que l'Ordre des Diares se rapporte à celuy des Prestres; celuy des Prestres, à celuy des Euesques; & celuy des Euesques, à Christ, Euesque des Euesques. Il adioint à celal'autorité d'Eleuthere, Pape de Rome, lequel, en vne sienne Epistre aux Euesques de France, escrit, que Christ leur auoit commis la charge de l'Eglise vniuerselle. Et ensuite celle d'Anbroise, lequel sur l'Epistre aux Corinthiens, dit, que l'Euesque represente la personne de Christ, & est Vicair du Seigneur. Et de plus, celle de Cyprien, en son Epistre à Rogatian, en laquelle il repete par plusieurs fois, que, comme les Diares sont créés par les Euesques, ainsi les Euesques sont faits par Dieu. Et adiouta ce fameux dire du mesme Saint, Qu'il n'y a qu'un seul Episcopat, duquel chaque Euesque insolidairement tient vne partie. Puis dit, Que

—
 562.

le Pape estoit Euesque, comme les autres: luy, & eux, estans tous freres, fils d'un mesme Pere, qui est Dieu; & d'une mesme Meré, qui est l'Eglise. A raison dequoy aussi le Pape les appelle Freres. Et par consequent, si le Pape estoit institué par Christ, il falloit conclurre, que semblablement par le mesme estoient institués les Euesques. Et ne se pouuoit dire, que le Pape les appellast Freres, simplement par termes de ciuilité, ou d'humilité, attendu que les Euesques, mesmes es siecles plus sains & entiers, l'auoyent appelé luy mesme, Frere. Qu'on auoit les Epistres de S. Cyprien à Fabien, à Cornelle, à Lucius, & à Estienne, tous Euesques de Rome, esquelles il leur donne le titre de Frere. Que de mesmes il y auoit des Epistres en S. Augustin, esquelles, & en son propre nom, & au nom d'autres Euesques d'Afrique, il donne pareillement le nom de Frere à Innocent & Boniface, Papes de Rome. Mais, ce qui est au dessus de toute euidence, non seulement es Epistres de ces deux Saints, mais aussi de plusieurs autres, le Pape est appelé College. Or est-ce bien chose contraire à la nature d'un College, qu'il soit composé de personnes de diuers genre. Et, s'il y auoit tant de difference entr'eux, que le Pape fust institué par Christ, & les Euesques par le Pape, ils ne pourroyent estre ensemble en un mesme College. La nature d'un College porte bien, disoit-il, qu'il y ait en iceluy vn Chef: & ainsi aduient-il du College Episcopat, duquel le Pape est Chef: mais toutesfois seulement à edification, & non à destruction; & comme on dit en Latin, *in beneficam causam*: en la maniere, que S. Gregoire declare en son Epistre à Iean Euesque de Syracuse, assauoir: que quand vn Euesque est preuenü de forfait, il est suiët au Siege Apostolic: mais, au demeurant, lors qu'il n'y auoit point de forfait, tous, pour raison d'humilité, sont egaux. Et cete est l'humilité Chrestienne, qui iamais n'est separee de la verité. Il allega aussi Saint Ierome à Euagrius, lequel dit, Que par tout où il y a Euesque, soit à Rome, soit en Agobbio, soit à Constantinople, soit à Rege; tous sont d'un mesme mérite, & de la mesme Prestise, & tous successeurs des Apostres. Il inuectiua contre les Theologiens, qui auoyent precedemment dit, Que S. Pierre auoit ordonné les autres Apostres Euesques: & les exhorta à mieux lire l'Escripture sainte, & à prendre garde, qu'à tous également fut baillé le pouuoir d'enseigner par tout le monde; d'administrer les Sacremens, de remettre les pechés, de lier & de deslier; & de gouverner & regir: & en somme, qu'ils auoyent tous également esté enuoyés au monde, ainsi que le Pere auoit enuoyé le Fils. Et pourtant, que, comme les Apostres auoyent eu leur autorité, non de Pierre, mais de Christ; ainsi aussi leurs successeurs ont la leur de Christ mesmes, & non du successeur de Pierre. Et à ce propos il produisit l'exemple de l'arbre, auquel il y a plusieurs branches, & vn seul tronc. Et se mocqua de ces autres Theologiens, qui auoyent dit, Que tous les Apostres auoyent bien esté institués de Christ, & auoyent esté egaux en autorité: mais qu'icelle en eux n'estoit que personelle, & ne deuoit passer à aucuns successeurs, sauf celle de Saint Pierre: les interrogant, comme s'ils eussent esté presens, sur quel fondement autorité, ou raison, ils se porteroient à vne si hardie affirmation, inuentee des cinquante ans tant seulement, & formellement contraire à l'Escripture: attendu que Christ auoit dit à tous les Apostres en commun, Qu'il seroit avec eux iusques à la fin du monde: ce qui ne se pouuant entendre de leurs propres personnes, il falloit bien de necessité l'interpreter des successeurs de tous. Qu'en ce sens l'auoyent pris tous les Peres, & tous les Scholastics, ausquels cete nouuele opinion repugnoit diametralement. Il argumenta aussi, que, si les Sacremens sont institués par Christ, il faut par consequence necessaire, aduoüer que les Ministres des Sacrement sont institués par luy mesmes. Et, si on dit, que la Hierarchie de l'Eglise est de droit diuin, & que le souuerain Hierarque est institué de Dieu, il faut bien donc aussi confesser que les autres Hierarques sont de la mesme institution. Que c'est vne doctrine perpetuelle de l'Eglise Catholique, Que les Ordres sont bien conferés par la main des Ministres, mais que c'est Dieu qui donne la puissance, & l'autorité. Et, pour

conclusion, dit, Que, puis que toutes ces choses estoient véritables & certaines; & niees par les heretiques en diuers lieux, desquels l'Euesque de Segouie auoit fait vn recueil; il estoit totalement necessaire de les declarer, & definir au Concile, & de condanner les erreurs contraires.

De cela le Cardinal de VVarmie prit occasion de l'interrompre, car il n'auoit pas encores acheué de parler: & dit, comme il auoit esté concerté entre les Legats, Qu'il n'y auoit point de controuerse avec les heretiques sur ce point: ains que la Confession d'Augsbourg tenoit le mesme: & que pourtant il estoit superflu & inutile, de le reuoquer en doute: & les Peres ne deuoyent entrer en dispute de chose, en laquelle les Catholiques, & les heretiques conuienent ensemble. Sur cela; l'Archeuesque de Grenade se leua debout; & repliqua; Que la Confession d'Augsbourg ne confermoit point cete Doctrine, ains y contredisoit; & ne mettoit aucune difference entre l'Euesque & le Prestre, sinon, par ordonnance humaine: affermant que la superiorité des Euesques auoit esté premierement introduite par coustume, & puis auoit esté establie par constitution Ecclesiastique. Et derechef instà que la chose fust definie au Concile: ou bien, qu'on respondit aux raisons & authorités par luy alleguees. Le Cardinal de VVarmie tourna à repartir, Que les heretiques ne nioyent point les choses dites: mais seulement entassoient iniures, mesdisances & inuectiues contre les mœurs & façons de faire du temps present. En fin, apres autres altercats entr'eux; l'Archeuesque de Grenade, tout indigné, & enflammé, dit, qu'il s'en remettoit aux Nations.

Apres cela, quelque tumulte, qui s'estoit esleué, ayant esté appaisé, d'autres parlerent, receuant les choses, en la forme qu'elles estoient proposées, sans cete addition: les vns, se fondans sur le dire du Cardinal de VVarmie: les autres, tenans que le Pape seul est institué de droit diuin: iusques à ce que le tour de parler vint à l'Archeuesque de Zara, lequel dit, Qu'il estoit necessaire d'adiouster ces paroles, De droit diuin: pour condanner ce, que les heretiques dient au contraire en la Confession d'Augsbourg. Et là dessus, le Cardinal de VVarmie dit derechef, Qu'en ladite Confession il n'y auoit rien, par où il parust que les heretiques dissentent des Catholiques en cecy. Mais l'Archeuesque de Zara allega le passage, & les termes formels: dont l'estrif s'allonge tellement, que par iceluy la Congregation de ce iour-là fut terminee.

En celles des iours ensuiuans; les oppinions furent aussi bien diuerses: & y eut cela de singulier, que l'Archeuesque de Bragance fit instance de la mesme addition: disant, Qu'on ne la pouuoit omettre: & s'estendit bien fort à prouuer l'institution des Euesques de droit diuin; allegant raisons, & argumens, peu differents de ceux de l'Archeuesque de Grenade & passa iusques à dire, que le Pape ne peut oster aux Euesques l'authorité, qui leur est baillee en leur consecration: laquelle contient en soy; non seulement la puissance de l'Ordre; mais aussi de la Iurisdiction: attendu qu'en icelle leur est assigné le peuple qu'ils doiuent paistre, & regir: & sans icelle l'Ordination n'est point valable: dequoy est vn euident indice, qu'aux Euesques titulaires; & portatifs; on ne laisse pas d'assigner vne ville: ce qui ne seroit nullement necessaire, si l'Ordre Episcopal pouuoit estre sans Iurisdiction. Et en outre, quand on leur met en main la Crosse; on vse de ce formulaire; Que c'est vn signe de la puissance, qui leur est conferee, de corriger les vices. Et qui plus est, quand on leur baille l'anneau, on leur dit, qu'avec iceluy ils espousent l'Eglise: & lors qu'on leur baille le liure des Euangiles; par lequel acte le Caractere Episcopal leur est imprimé; on leur dit, Qu'ils aillent prescher au peuple, qui leur est commis: & à la fin de la Consecration, on dit cete oraison, *Deus omnium fidelium Pastor, & rector*: (laquelle du depuis es Messels a esté appropriee au seul Pape, & est prononcée en se tournant deuers Dieu, & disent, Qu'il a voulu que cet Euesque-là presidast à l'Eglise.) Joint qu'Innocent troisieme dit, Que le mariage spirituel, de l'Euesque

1562.

avec son Eglise, est vn lien institué de Dieu, & insoluble à toute puissance humaine : & que le Pape de Rome ne peut transferer vn Euesque, sinon pource qu'il a vne speciale autorité de Dieu de ce faire. Toutes lesquelles choses seroyent absurdes & impertinentes, si l'institution des Euesques n'estoit de droit diuin. L'Archeuesque de Nicosie, au Royaume de Chipre, dit, Qu'il falloit declarer, que les Euesques sont superieurs aux Prestres de droit diuin, reseruant toutesfois l'autorité au Pape. Mais l'Euesque de Segouie, adherant en tout & par tout aux conclusions & raisons de l'Archeuesque de Grenade, fit vn long recit des passages des escrits des heretiques, esquels iceux nient la superiorité des Euesques, & que leur institution soit de droit diuin. Et dit, que, comme le Pape est successeur de S. Pierre, ainsi les Euesques sont successeurs des autres Apostres : & qu'il paroistoit clairement, par l'histoire Ecclesiastique, & par les Epistres des Peres, que tous les Euesques anciennement se donnoient aduis les vns aux autres, des choses qui arriuoient en leurs Eglises, & en receuoient approbation les vns des autres : & que le Pape faisoit le semblable de ce, qui auenoit à Rome.

Et d'auantage, que les principaux Patriarches, lors qu'ils estoient creés, enuoyoyent aux autres vne Epistre, appelee Eucyclique, ou Circulaire, ou Catholique ; par laquelle ils donnoient aduis de leur ordination, & rendoyent raison de leur foy : ce qui se voit egalelement obserué tant par les Papes de Rome enuers les autres Patriarches ; que par les autres enuers les Papes. Et remonstra, qu'en affoiblissant la puissance des Euesques, on eneruoit par mesme moyen celle du Pape. Que la puissance de l'Ordre, & de la Iurisdiction, est baillée par Dieu aux Euesques, & que du Pape ne leur vient autre chose, que le partage des dioceses, & l'application de la personne à iceux. Et dit en somme, Que l'Episcopat n'est point Episcopat sans Iurisdiction. Et allega vne autorité du Pape Anacle, qui porte, que l'autorité Episcopale est conferee en l'Ordination par l'onction du Saint Chresme. Que l'Episcopat est aussi bien Ordre, institué par Christ, comme la Prestrie : & que tous les Papes iusques à Syluestre, de propos deliberé, ou par incident, on dit, Que l'Episcopat est vn Ordre, lequel vient de Dieu immediatement. Que les paroles, dites aux Apostres, Ce que vous lierez sur terre : &c. donnent puissance de iurisdiction, laquelle de necessité est conferee à leurs successeurs. Que Christ auoit institué les Apostres avec iurisdiction, & que dès les Apostres en ça, l'Eglise les auoit tousiours institués avec icelle. Donques, auoit-on cela par tradition. Et, puis qu'on auoit definy, qu'on a les dogmes de la foy par l'Ecriture, & par les Traditions, on ne peut nier, que cetuy-cy, de l'institution Episcopale, ne soit dogme de foy : de tant plus, que S. Epiphane, & S. Augustin mettent Aërius entre les heretiques pour auoir dit, Que les Prestres sont egaux aux Euesques : ce qui ne pourroit estre, s'ils n'estoyent de droit diuin.

Et par grand
nombre de
Prelats :

Cinquanteneuf Peres furent de cete opinion : & le nombre en eust, peut estre, esté bien plus grand, n'eust esté, que plusieurs se trouuerent en ce temps-là indisposés d'une influence & mal commun de catharres, duquel mesmes quelques vns se feignoient atteints, pour ne se trouuer en cete meslee, & n'offenser aucun en vne matiere demenee avec tant de passion : & principalement ceux, lesquels, ayant franchement exposé leur sentiment au fait de la Residence, se trouuoient encourus en la disgrâce de leurs Patrons : outre les grands offices & pratiques, que fit le Cardinal Simonete, lors qu'il luy sembla que les choses passoyent trop auant, employant Iean Anthoine Facchinetti, Euesque de Nicastre, en Calabre, & Sebastien Vanty, Euesque d'Oruiete, à persuader dextrement ; que cet effort des Espagnols estoit, afin de se soustraire de l'obeyssance du Pape, ce qui seroit vne Apostasie du Siege Apostolic, à la grande honte, & dommage de l'Italie, qui n'a, entre les nations Vltromontaines, autre honneur, que celuy, qu'elle reçoit du Pape. L'Euesque des Cinq Eglises dit, Qu'il estoit raisonnable, que de tous les Ordres, & de grés de l'Eglise, il fust dit & déclaré de quel droit est leur insti-

monolstia
brigues de
Legats Si-
monete,

Et par les
Euesques des
Cinq Egli-
ses :

tution : & de qui ils recoiuent leur autorité. A cet aduis adhererent quelques autres; & particulièrement Pompee Piccolhomini, Euesque de Tropee, en Calabre; lequel, faisant la mesme instance, dit, Que quand on viendrait a traiter de tous les degres de l'Eglise, du plus grand au plus petit, & qu'on declareroit de quel droit ils sont, il diroit son aduis aussi au fait de l'Episcopat, pourueu seulement que les Legats le permissent. De ce mesme nombre furent aucuns, lesquels en peu de paroles suiuirent l'aduis de quelques vns de ceux, qui auoyent precedemment parle : & autres s'estendirent en amplifications, & en contournemens des mesmes raisons en diuerses formes & faces : & seroit chose trop longue & ennuyeuse de faire recit de tous les suffrages, qui me sont tombé entre les mains.

Mais celuy de Frere George Zischouid, Hongrois, Cordelier, Euesque de Seigne, merite bien qu'il en soit fait mention particuliere. Iceluy, adherant à l'aduis de l'Archeuesque de Grenade, dit, Qu'il n'auroit iamais cru d'ouir reuoquer en doute, si les Euesques sont institués, & ont leur autorité de Christ : car, s'ils ne l'ont de luy, aussi peu l'a de luy le Concile, qui n'est qu'un corps composé d'Euesques. Qu'il faut de necessité, qu'une assemblee, pour nombreuse qu'elle soit, ains son autorité du mesme, que l'ont les singulieres personnes qui la constituent : & si les Euesques ne sont institués de Christ, ains des hommes, l'autorité de tous ensemble n'est autre que humaine : & quiconque entend dire, que les Euesques ne sont institués de Christ, ne peut penser autre chose, sinon que le Concile est une Assemblee d'hommes profanes, en laquelle Christ ne preside point : ains seulement une puissance preciaire, empruntée des hommes : & tant de Peres seroyent bien en vain à Trente, à si grands frais & incommodités, si ainsi estoit, que celuy, qu'on pretend auoir baillé la puissance aux Euesques, & au Concile, pouuoit traiter les mesmes choses, voire avec plus d'autorité : & ç'auroit bien esté une generale illusion de toute la Chrestienté, de le proposer, comme moyen, non seulement meilleur, mais unique & necessaire, pour decider les controuerses d'aujourd'huy. Et adiousta, qu'il auoit esté cinq mois entiers à Trente, avec cete persuation, que iamais nul ne mettroit en question, Si le Concile a son autorité de Dieu, & s'il peut dire ce, que dit le premier Concile de Ierusalem, Il a semblé bon au S. Esprit, & à nous. Que, pour luy, il ne seroit iamais venu au Concile, s'il n'eust cru pour asseuré, que Christ eust esté au milieu d'iceluy : & que nul ne pouuoit dire, que là où Christ assiste, l'autorité ne soit point de luy : que si aucun Euesque croyoit au contraire, & reputoit son autorité estre humaine, ç'auroit esté une si grande hardiesse à luy, de prononcer Anatheme : en lieu que plustost il deuoit renouer le tout au Pape, qui a plus grande autorité. Que si l'autorité du Concile n'estoit bien certaine, la raison vouloit, que cete matiere eust esté ventilee toute la premiere fois en l'annee mil cinq cens quarantecinq, & qu'il eust esté décidé, Quelle est l'autorité du Concile : selon qu'il se pratique és plaids & Cours, que la premiere chose qu'on debat & vuide, après que la cause a esté introduite, est, Si le Iuge est competent, ou non, à ce qu'à la fin on ne puisse obiecter nullité à sa sentence, par defect de pouuoir. Que les Protestans, qui espient toute occasion pour detracter, & pour honnir ce saint Concile, n'en pourroyent iamais auoir la plus plausible, que de dire, Qu'iceluy mesme n'est point asseuré de sa propre autorité. Et, pour conclusion, dit, que les Peres regardassent bien ce qu'ils resoudroyent en un point, lequel, déterminé selon la verité, establissoit toutes les actions du Concile : & décidé au contraire, renuerroit tout.

Tous les Peres acheuerent de parler sur cete matiere le dixneuuième Octobre, hormis le Pere Lainéz, General des Iesuites : auquel escheant de parler le dernier, il fut ordonné à dessein, qu'en ce iour-là il ne se trouuast en Congregation, pour luy donner commodité d'en occuper une toute entiere luy seul. Et, pour en entendre la cause, il faut reprendre la chose d'un peu plus haut : & sauoir, que quand la question fut premierement mise en champ,

mais les Legats leur opposent Lainéz General des Iesuites.

1562.

les Legats cuiderent qu'on ne visast qu'à aggrandir l'autorité des Euesques, leur donnant plus de credit, & de reputation. Mais la deuxième Congregation ne fut pas acheuée, que, par les opinions proférées, & par les raisons employées, ils s'apperceurent, quoy que tard, de quelle importance & consequence elle estoit : attendu que, par icelle, on inferoit : que les Clefs n'estoyent pas baillées seulement à S. Pierre, & que le Concile estoit par dessus le Pape, & que les Euesques estoient egaux au Pape, au quel on ne laissoit que quelque preeminence sur les autres : & que la dignité des Cardinaux par dessus les Euesques estoit tout à fait abolie, & iceux reduits à n'estre que purs & simples Prestres, & Diacres, & que de cete determination, on passoit de necessité à la Residence, & de là à l'aneantissement de la Cour : & cassoit & annulloit-on les preuentions, & les reserves : & les Euesques tiroient à eux la collation des Benefices. On auoit remarqué, que, peu de iours auparauant, l'Euesque de Segouie auoit refusé de receuoir, à vn Benefice de son diocese, vn, qui auoit eu ses prouisions de Rome : & ces choses se descouuroient tousiours plus euidentement, à mesure que de iour en iour on adioustoit nouueaux suffrages, & nouueles raisons. Et pour ces causes, les Legats employerent les offices, & les brigues dessusdites ; afin que plus grand nombre d'Italiens ne s'adioignist aux Espagnols : & quoy qu'on gagnast beaucoup, si ne put-on tant faire, que presque la moitié n'espousast cete opinion : de quoy les Legats estoient blasmes par les autres partisans du Pape, qui les chargeoyent d'en premediter point les choses qui pouuoient suruenir, non sur le point qu'on descouuroit les grands & notables preiudices : qu'ils procedoyent à la volée, & ne receuoient les conseils & aduertissemens des prudens, lesquels du commencement, dès qu'ils eurent ouï l'opinion de l'Archeuesque de Grenade, auoyent aduertiy qu'on mist puissamment la main aux offices : ce qu'il auoit depuis falu faire ; mais hors de saison : & que par leur inaduertance, si ia en aucuns ce n'estoit malice, estoient mises sur le bureau les plus importantes matieres, qui pussent escheoir en Concile. A tout cela estoit adiousté de surcroist, que l'Ambassadeur Lansac, par plusieurs negotiations & menees, faites avec diuers Prelats, s'estoit descouvert fauteur, ou plustost, promoteur de cete opinion : laquelle on consideroit deuoit receuoir vn grand accroissement & renfort, par la venue des François, qu'on attendoit.

Toutes ces choses estoient dites en sorte, qu'il en venoit quelque vent aux oreilles des Legats mesmes. Et eux, voyans le danger non preueu, prirent conseil, outre les deuoirs ia faits, qu'il ne falloit plus penser d'esquiuier cete question : attendu, que la chose estoit ia passée si auant, & veu le grand nombre de fauteurs qui s'estoit descouvert : mais qu'il escheoit de trouuer quelque expedient, ou temperament, pour contenter les Espagnols. Et, apres auoir beaucoup consulté, ils aduiserent de former le Canon en cest termes, assauoir, Que les Euesques ont de Dieu la puissance de l'Ordre, & qu'à l'égard d'icelle, ils sont superieurs aux Prestres : sans autrement nommer la Iurisdiction, pour ne donner aucun ombrage : d'autant que, par vne telle forme de paroles, on inferoit que la Iurisdiction demeure toute au Pape, sans toutesfois le dire expressement.

Et n'ayant rien pu gagner par pratiques,

Ayans conceu cete minute de Canon, ils enuoyerent le Pere Soto, pour traiter d'icelle avec les Prelats Espagnols, non tant par esperance d'en demouuoir aucun, que pour flairer, à quoy on les pouuoit ranger. De l'Archeuesque de Grenade il n'eut qu'audience, sans response. Il trouuailla aussi enuers les autres, mais n'acquiesce autre chose, sinon la conception & l'estime d'estre bon Courtisan de Rome, en lieu de celle, en laquelle il estoit auparavant, d'estre bon religieux. Les partisans du Pape penserent à vn autre moyé, pour gagner quelques vns de ceux qui chanceloyent encor, & de ceux qui s'estoyent inconsiderement laissés emporter en cete opinion, mais d'ailleurs gardoyent bonne deuotion au Pape : c'est, de moyener par offices & pratiques, qu'ayans reconnu la difficulté de la question, ils dissent d'en remettre la

decision

decision au Pape : ou du moins, de parler avec plus de retenue : & à cet effet, outre les deux susnommés Euesques de Nicaïtre, & d'Oruiete, ils employèrent encor plus l'Archeuesque de Rosan, & l'Euesque de Ventimule : & afin que ceux qui se raniferoient, eussent quelque couleur, pour se retirer honorablement, ils ordonnerent que Lainez fust vne leçon tout à fonds de cette matiere : & pour faire qu'elle fust ouïe avec attention, & qu'elle pust faire impression, ils voulurent, comme il a esté dit, qu'estant le dernier, il ne parlât point après les autres, & a des oreilles ou lasses, ou preoccupées, à la fin de la Congregation : mais, qu'il en eust vne toute entière pour luy seul : & son opinion fut concertée & consultée par tous les quatre Iesuites, entre lesquels Cauillon y fit le plus de deuoir. Et cependant aduiferent aussi, pour n'obmettre vn bon remede de diuersion, d'occuper les Prelats en autre matiere. Or donc, pour retourner aux choses aduenues, en cete Congregation, apres que le General des Serfs de S. Marie eut opiné le dernier, se conformant aux Espagnols, le Cardinal de Mantouë fit vne admonition aux Peres & sur tout deputés pour la confection de l'Indice des liures defendus, leur remon- par l'arti-
strant combien important estoit l'affaire qu'ils auoient entre mains : attendu ficielle
que toutes les subuersions naissent, & les heresies sont semées & esparées par diuersion
le moyen des liures : les exhorta à vser de diligence, & à faire bien tost voir à autre
au Concile la fin de l'oeuvre : qu'il estoit bien assuré, que c'estoit vn ouurage matiere,
de grand travail, & de longue haleine : mais qu'il consideroit aussi, que tous les Peres contribueroient leurs peines & travaux, pour le soulagement & l'aide des deputés : qu'on consumoit les Congregations à traiter questions de nulle vtilité, & cependant on vsoit de delais, & remises en vn oeuvre tant necessaire. Et, pour la fin, il exhorta à faire en sorte que cet affaire de l'Indice pust estre vuidé en la suiuite Session.

Le matin venu, Lainez parla plus de deux heures, fort artificiellement, harangue
avec beaucoup de vehemence & magistralité. Le sujet de son discours auoit de Lainez
deux parties : l'une de prouuer que toute la puissance de la Iurisdiction est pour prou-
entièrement baillée au Pape de Rome ; & que nul n'en a aucun brin, sinon uer que le
de luy : l'autre de refuter tous les argumens, & raisons alleguées es prece- Pape seul
dentes Congregations au contraire. La substance fut, qu'il y a grande diffe- a toute la
rence, voire mesmes contrariété, entre l'Eglise de Christ, & les communau- puissance
tés ciuiles : comme ainsi soit, que celles-cy ont premierement leur estre, & de Christ,
puis forment-elles mesmes leur gouvernement : & partant sont libres, & en & que les
elles est originellement, & radicalement toute iurisdiction, laquelle elles Euesques
communiquent aux Magistrats, sans toutesfois s'en dessaisir. Mais l'Eglise ne l'ont de
s'est point faite elle-mesme, & n'a point formé son gouvernement : ains Ie- luy,
sus-Christ, son Prince, & Monarque, establit premierement les loix, selon lesquelles elle deuoit estre regie ; & puis l'assembla, & comme dit la Sainte
Escripture, l'edifia : dont elle nasquit serue, sans aucune sorte de liberte, puissance, ou iurisdiction ; ains en tout & par tout suiuite. Pour preuue de
ce, il allegua des passages de l'Escripture Sainte, esquels l'assemblage de l'E-
glise est comparé à vne semaille, à vniet de filé, à vn edifice : outre d'autres, esquels il est dit, que Christ est venu au monde, pour assembler ses fideles, pour ramasser ses brebis, & pour les instruire par doctrine, & par exemple. Puis adiouta, que le premier & principal fondement, sur lequel Christ auoit basti son Eglise, estoit Pierre, & ses successeurs ; suiuant la parole, qu'il luy dit, Tu es Pierre, & sur cete Pierre i'edifieray mon Eglise. Et, quoy qu'aucuns des Peres ayent entendu, par cete Pierre, Christ mesmes, & d'autres, la foy en luy, ou, la confession de la foy : toutesfois, plus Catholique est l'opinion, qui entend par icelle Pierre mesmes, lequel en langue Syriaque est appelé Capha, c'est à dire, Pierre. Puis, suiuant son discours, il dit, que, pendant que Christ auoit vescu en chair mortelle, il auoit gouverné l'Eglise d'une forme de gouvernement absolu & Monarchique : & qu'estant prest à partir de ce siecle, il y auoit laissé la mesme forme : constituant pour son Vicaire S. Pierre, & ses successeurs pour l'administrer en la mesme façon

que luy mesmes auoit fait : luy donnant, pour cete fin, pleine & totale Iurisdiction ; & luy assuiettissant l'Eglise, en la mesme maniere, qu'elle est sui-
 1562. diette à luy mesmes. Et prouua cela, à l'esgard de S. Pierre, parce qu'à luy seul furent baillées les Clefs du Royaume des cieux : & par consequent, puissance d'introduire, & d'exclurre : ce qui est la Iurisdiction, Et à luy seul aussi fut dit, *Pai* : c'est à dire, regi & gouuernes brebis : animal qui n'a ne part, ne disposition aucune en sa propre conduite. Et, veu que ces deux choses, à sçauoir d'estre Clauandier, & Pasteur, sont offices perpetuels, il faut qu'ils soient conferés à personne perpetuelle : c'est à dire, non seulement au premier, mais à toute sa succession. Et pourtant le Pape de Rome, en commençant par S. Pierre iusques à la fin du siecle, est vray & absolu Monarque, avec plein & total pouuoir, & iurisdiction : & l'Eglise est sui-
 diette à luy, ainsi qu'elle l'a esté à Christ. Et, comme quand Nostre Seigneur mesmes la regissoit en propre personne, on ne pouuoit dire, qu'aucun des fideles y eust aucune moindre puissance, ne iurisdiction : ains qu'il estoit en pure, simple, & totale suietion : le mesme se doit dire & croire de toute la continuation du temps : & ainsi doit estre entendu ce qui est dit, Que l'Eglise est vne Bergerie, & vn Royaume, & ce, que dit S. Cyprien, Que l'Episcopat n'est que vn mesme, & chaque Euesque en tient vne partie ; ne veut dire autre chose, sinon, Qu'en vn seul Pasteur gist toute la puissance par indiuis, & qu'iceluy la communique & depart aux comministres selon l'exigence. Et S. Cyprien, regardant à cela mesmes, comparoit le Siege Apostolic à la racine, au chef, à la source, au Soleil : monstrant, par ces similitudes, qu'en iceluy seul est essentiellement la iurisdiction, mais qu'es autres elle y est par deriuation, ou participation. Et c'est là le sens des paroles vsitées par l'Antiquité, Que Saint Pierre, & le Pape, ont la plenitude du pouuoir, mais les autres n'ont que part à la cure, & au soin. Or, que Saint Pierre, avec sa succession, soit le seul & vnique Pasteur, il se verifie clairement par les paroles de Christ, quand il dit, Qu'il a d'autres brebis, lesquelles il ramassera, & y aura vne seule Bergerie, & vn seul Pasteur. Ce Pasteur, dont est parlé en cet endroit-là, ne peut estre Christ : d'autant qu'il ne diroit pas, au temps futur, Qu'il y aura vn seul Pasteur, attendu qu'il estoit desia Pasteur, lors mesmes qu'il parloit : dont il faut entendre ces paroles d'un autre Pasteur vnique, lequel deuoit estre constitué apres luy, & ne peut estre autre, que Saint Pierre, avec sa succession. Et en cet endroit il remarqua, que le commandement de paistre, ne se trouue que deux fois en l'Escripture : l'une, en singulier, quand Iesus-Christ le donna à Saint Pierre, disant, *Pai mes brebis* : l'autre en pluriel, quand Saint Pierre le donna aux autres disant, *Païssez le troupeau qui vous est commis*. Que si, dit-il, les Euesques receuoient de Christ quelque iurisdiction, icelle seroit egale en tous : & par ainsi seroit abolie la difference des Patriarches, Archeuesques, Euesques : & le Pape ne pourroit mettre la main à cette autorité, pour la diminuer, ou annuller tout à fait : ainsi qu'il ne peut la mettre en la puissance del'Ordre, laquelle est de Dieu. Et pourtant il exhorta les Peres à prendre garde, qu'en voulant faire l'institution des Euesques de droit diuin, ils n'abolissent la Hierarchie, & n'introduisissent vne Oligarchie, ou plustost Anarchie. Il adiouta aussi, qu'à fin que Saint Pierre gouuernast bien l'Eglise, en sorte que les portes d'enfer ne preualussent contre icelle, Iesus-Christ, proche de la mort, auoit efficacieusement prié pour la foy d'iceluy, qu'elle ne defaillist point : & luy auoit enioint de confermer ses freres : c'est à dire, luy auoit donné le priuilege d'estre infallible au iugement de la foy, des mœurs, & de toute la Religion, obligeant toute l'Eglise à l'escouter, & à demeurer ferme en ce qui seroit déterminé par luy. Et conclut, Que c'estoit le fondement de la doctrine Chrestienne, & la Pierre, sur laquelle l'Eglise estoit bastie. Et de là il passa à censurer ceux qui tenoient, que les Euesques ayent aucune puissance, receuë de Christ, d'autant que cela seroit oster à l'Eglise Romaine son priuilege, qui est, que le Pape soit le Chef de l'Eglise, & Vicair de Christ. Or sçait-on tres-biē ce qui est establi par l'anciē

Canon, *Omnes siue Patriarchæ*, que, qui oste aux autres Eglises leurs droits, comme iniustice : mais, qui oste à l'Eglise Romaine les priuileges, est heretique, Et adiouta, que c'estoit vne pure contradiction, de dire, Que le Pape loit Chef del'Eglise, & que le gouuernement d'icelle soit Monarchic, & cependant maintenir qu'il y ait aucune puissance, ou iurisdiction, non deriuée de luy, & receuë d'autre que de luy.

Or, en la refutation des raisons & argumens produits au contraire, il discourut, Que, selon l'ordre institué par Iesus-Christ, les Apostres deuoient estre ordonnés Euesques, non par Christ, mais par Pierre, receuant de luy seul la iurisdiction : ce que plusieurs Docteurs Catholiques aussi tiennent auoir esté fait & de vray, dit-il, cete opinion est fort probable : quoy qu'il y en ait d'autres, qui dient, que les Apostres furent ordonnés Euesques par Christ mesmes : mais adioustent aussi, que Nostre Seigneur, en ce faisant, preuint l'office de Saint Pierre, faisant luy mesmes. pour cete seule fois, ce qui appartenoit à Pierre, donnant aux Apostres la puissance, qu'ils deuoient recevoir de Pierre : tout ainsi, comme quand Dieu prit de l'Esprit de Moyse, & le departit aux septante Iuges. Et partant cela fut autant, que s'ils eussent esté ordonnés par Pierre mesmes, & eussent de luy receu tout l'autorité : dont aussi ils demurerent suiets à Pierre, à l'esgard des lieux, & des moyens de l'exercer. Que s'il ne se trouue point, que Pierre les corrigeast, cela n'estoit point aduenü par defect de pouuoir en luy, mais d'autant qu'ils exercerent droitement leur charge. Et quiconque lit le tant celebre, & fameux Canon, *11a Dominus*, se peut acertener qu'ainsi doit croire & tenir tout bon Catholic. Aussi pareillement les Euesques, qui sont successeurs des Apostres, reçoient la mesme autorité toute entiere du successeur de Pierre. Il remonstra aussi, que les Euesques ne sont appellés successeurs des Apostres pour autre raison, sinon, pource qu'ils sont en leur place, en la mesme maniere, qu'un Euesque succede à ses predecesseurs, non qu'ils ayent esté ordonnés par iceux Apostres. Puis apres, à ceux, qui auoient dit, Que doncques le Pape pourroit ne faire point d'Euesques, & vouloir estre tout seul : il respondit, Que c'est vne ordonnance de Dieu, qu'en l'Eglise il y ait multitude d'Euesques, coadiuteurs du Pape : & que pourtant le Pape estoit obligé à les conseruer : mais qu'il y auoit grande difference entre dire, qu'une chose est de droit diuin, & qu'elle est ordonnée de Dieu. Les choses instituées de droit diuin sont perpetuelles, & dependent de luy seul, & en general, & en particulier, en tout temps. Ainsi est de droit diuin le Baptisme, & tous les autres Sacremens, esquels Dieu opere singulierement en chaque personne particuliere. Ainsi est de Dieu le Pape de Rome : d'autant que, quand vn Pape meurt, les Clefs ne demeurent point à l'Eglise : car aussi elles ne luy sont point baillées : & subit que le nouveau Pape est créé, Dieu les luy donne immediatement. Mais il en aduient bien autrement es choses d'ordonnance diuine, esquelles de Dieu vient seulement le general, & les particularités sont executées par les hommes. Ainsi dit Saint Paul, Que les Princes, & les puissances temporelles sont ordonnées de Dieu : c'est à dire, que de luy procede le commandement general, qu'il y ait des Princes : mais toutesfois, en particulier chacun d'eux est cree par loix ciuiles. En cete mesme façon les Euesques sont bien d'ordonnance diuine : & Saint Paul, à cet esgard, dit, Qu'ils sont constitués par le Saint Esprit au gouuernement de l'Eglise : non toutesfois de droit diuin. Et pourtant, le Pape ne peut pas abolir l'ordre vniuersel de faire des Euesques en l'Eglise, d'autant qu'iceluy est de Dieu : bien peut-il, d'autorité Papale, oster & demettre chaque particulier Euesque, comme n'estant que de droit Ecclesiastic & Canonic. Et sur ce qui auoit esté obiecté, qu'à ce conte les Euesques ne seroient que delegués, & non ordinaires ; il respondit, Qu'il falloit distinguer la iurisdiction, en fondamentale, & en deriuée, & la deriuée, en deleguée, & ordinaire : qu'es estats ciuils, la fondamentale est au Prince ; & la deriuée, en tous les Magistrats : & les ordinaires ne different pas des delegués, pource que les vns & les

autres recoiuent l'autorité de diuers : veu que tous deriuent egale-
 156 2. ment de la mesme souueraineté : mais la difference gist en ce, que les ordinaires sont
 par loy perpetuelle, & avec succession, en lieu que les delegués ont vne au-
 thorité singuliere, ou à l'esgard de la personne, ou à l'esgard du cas. Et les
 Euesques, pour cete cause sont ordinaires, d'autant que, par la loy Papale,
 ils sont institués comme vne dignité de perpetuelle succession en l'Eglise. Il
 dit en suite, que les passages esquels il semble que Christ baille autorité à
 l'Eglise, comme quand il est dit, Qu'elle est colonne, & base de la verité : &
 ailleurs, que, Celuy, qui n'escouterà l'Eglise, soit tenu pour Payen, & peager :
 doiuent estre entendus à l'esgard du Chef d'icelle, qui est le Pape : & que c'est
 là la raison, pour laquelle l'Eglise ne peut errer, d'autant que son chef ne
 peut errer : au moyen de quoy aussi tout homme, separé du Pape, comme du
 Chef, est aussi separé de l'Eglise. Et sur ce, qui auoit esté dit, que, si nul Eues-
 quen'auoit autorité de Christ, le Concile mesme ne l'auoit pas, il respon-
 dit, Qu'il n'y auoit aucun inconuenient en cela, ains que la consequence en
 estoit bien claire, & necessaire : voire mesmes, dit-il, si chaque Euesque en
 Concile peut errer, on ne peut nier, que tous ensemble aussi ne puissent er-
 rer : & si l'autorité du Concile venoit de l'autorité des Euesques, iamais
 on ne pourroit appeller general aucun Concile, auquel le nombre des pres-
 ens est sans comparaison moindre, que des absens. Il rememora aussi, qu'en
 ce mesme Concile, sous Paul troisieme, auoient esté definis & determinés
 Articles tres-principaux, des Liures Canoniques, de l'Autorité des inter-
 pretations, de l'Egalité des traditions & de l'Escriture ; en vne assemblée de
 cinquante, & encor moins : que s'il falloit prendre l'autorité de la multi-
 tude, tout cela cherroit. Mais que, comme vn nombre de Prelats, tant petit
 soit-il, conuqué par le Pape pour tenir vn Concile general, ne prend le nom,
 & la vertu d'estre general, sinon du Pape, qui la luy donne ; ainsi aussi il n'a
 d'ailleurs son autorité, que du Pape. Et pourtant, si iceluy fait des Decrets,
 ou des Anathemes, les Decrets n'ont aucune force d'agir, ny les Anathemes
 d'obliger, sinon en vertu de la future confirmation du Pape. Et, quand le Co-
 ncile dit, Qu'il est assemblé au S. Esprit, il ne veut dire autre chose, sinon Que
 les Peres sont assemblés, selon l'intimation du Pape, pour traiter ce, qui,
 estant puis apres approuué & ratifié par luy, sera vrayement arresté par le
 S. Esprit. Autrement, comment pourroit-on dire, qu'un Decret fust fait
 par le S. Esprit, & neantmoins pult puis apres estre inualidé par autorité
 Papale, ou eust besoin de plus grande confirmation ? A raison de quoy aussi es
 Conciles, quoy que tres-numereux, lors que le Pape est present en person-
 ne, luy seul decrete, sans que le Concile y mette du sien autre chose, sinon
 qu'il approuue, c'est à dire, reçoit ce que le Pape a decreté : & en tous temps
 n'a esté dit autre chose, sinon, *sacro approbante Concilio* : voire mesmes es deter-
 minations de souuerain poids & consequence, telle que fut la deposition de
 l'Empereur Friderich deuxieme, au Concile general de Lion, Innocent
 quatrieme, Pape tres-sage, refusa l'approbation du Concile, afin qu'il ne
 semblast à aucun qu'elle fust necessaire, & se contenta de dire, *sacro prelo e
 Concilio*. Ce qui n'inferre pas pourtant, que le Concile soit superflu : attendu
 qu'il est conuqué pour plus exacte enqueste, & pour plus aisée persuasion :
 & mesmes aussi pour donner quelque contentement aux personnes : & quand
 iceluy iuge, il le fait en vertu de l'autorité Papale, deriuée de la diuine, la-
 quelle le Pape luy preste, & confere. Et pour cete raison, les bons docteurs
 ont soufmis l'autorité du Concile à celle du Pape, comme toute dependan-
 te de celle-cy, sans laquelle iceluy n'a ny assistance du S. Esprit, ny infailli-
 bilité, ny puissance d'obliger l'Eglise, sinon, entant qu'elle luy est baillée par
 celuy seul, à qui Christ a dit *Pai mes brebis*.

iugemens Il n'y eut, en tout ce Concile, aucun discours ne plus loué, ne plus blasmé,
diuers sur selon les diuerses affectations & inclinations des escoutans. Les partisans du
ce dis- Pape l'exaltoient comme le plus sçauant, resolu, & fondé de tous autres.
cours, Les autres au contraire le taxoient d'adulation, & quelques vns mesmes

d'heresie. Et plusieurs se faisoient entendre d'auoir esté offensés de ses ap-
pres & piquantes censures, & de vouloir, à toutes occasions, le redarguer &
luy repartir es suiuanes Congregations, & estaler aux yeux de tous son igno-
rance & temerité. L'Euesque de Paris, lequel se trouua indisposé en la mai-
son, au temps que le tour luy venoit d'opiner, disoit communément à tous,
que la premiere Congregation qui se tiendrait, il vouloit, sans respect d'au-
cun, dire son aduis contre cete doctrine, laquelle inconnüe es siecles passés,
auoit dés cinquante ans seulement esté forgée & inuentée par Thomas de
Vio, Caietan, pour gagner vn Chapeau. Que dés lors elle auoit esté censu-
rée, par la Sorbonne. Qu'en lieu du Royaume Celeste, comme est nommée
l'Eglise, icelle fait, non vn Royaume, ains vne vraye tyrannie temporelle,
laquelle despoüille l'Eglise du glorieux titre, d'Espouse de Christ; & la fait
serue, prostituée à vn homme. Qu'icelle pose, qu'il n'y a qu'un seul Euesque
estably par Christ, & que les autres Euesques n'ont aucune puissance, sinon
dependante de celuy-là: ce qui vaut autant, que dire, que luy seul est Eues-
que, & que les autres ne sont que ses Vicaires; demettables à son bon plaisir.
Que, pour luy, il vouloit esnouuoir tout le Concile à aduiser aux moyens de
retenir en vie l'autorité Episcopale, ia tant raualee, afin qu'elle ne fust tout
à fait aneantie: attendu que toute nouvelle Compagnie de Reguliers, qui
vient à naistre, luy donne quelque notable choc, & y fait tousiours quelque
plus grande breche. Que les Euesques auoient possédé leur autorité entie-
re iusqu'à l'an de grace mil cinquante: & qu'alors, par le moyen des Congre-
gations de Cluny, & de Cîteaux, & autres nées en mesme temps, icelle auoit
receu vn grand coup, plusieurs fonctions, propres & essentielles aux Eues-
ques, ayans, par le moyen d'icelles Congregations, esté tirées à Rome. Mais,
que dés l'année de grace mil deux cens, apres la naissance des Mendians,
presque tout l'exercice de l'autorité Episcopale auoit esté supprimé, &
conferé aux Mendians par priuilege. Maintenant, disoit-il, cete nouvelle
Compagnie, née dés auant-hier, qui n'est bonnement ne seculiere ne regu-
liere (comme il auoit esté tres-bien remonstré par l'Vniuersité de Paris, huit
ans auparauant, l'ayant reconuë dangereuse pour la foy, perturbatrice de la
paix de l'Eglise, & destructrice du Monachat) pour surmonter ses predeces-
seurs en ce mesme dessein, s'efforce d'abolir tout à fait la Iurisdiction Episco-
pale, niant qu'elle ait esté baillée de Dieu, & voulant qu'elle soit reconuë à
titre de bien-fait, & de precaire des hommes. Ces choses, inculquées & re-
pliquées par cet Euesque à diuers, esmurent plusieurs à y penser, lesquels
auparauant n'y prenoient pas garde. Parmi ceux, qui auoient quelque co-
noissance & goust de l'histoire, on ne parloit pas moins de la belle obserua-
tion, *Sacro presente Concilio*: laquelle, quoy qu'elle parust en tous les exem-
plaires authentics, estoit nouvelle à tous, d'autant qu'on ne l'auoit pas con-
siderée. Les vns approuuoient l'interpretation du Iesuite: mais autres tour-
noient ces paroles du Concile de Lion en sens contraire à luy. c'est, que le
Concile n'auoit voulu approuuer cete sentence de deposition du Pape Inno-
cent. Autres, procedans par voyes diuerses, discouroient, qu'alors il s'agi-
soit de chose temporelle, & de contentions mondaines: dont il pouuoit bien
estre aduenü, que l'affaire se passast en vne façon, ou en vne autre. Mais, qu'il
n'en falloit pas tirer consequence, qu'il en fallust faire de mesmes, lors qu'il
s'agissoit de matiere de foy, ou de ceremonies Ecclesiastiques: sur tout atten-
du qu'au premier Concile des Apostres, lequel deuroit estre la regle & le
patron de tous autres, le Decret ne fut point fait par Pierre en presence du
Concile, ne par le Concile avec approbation de Pierre: mais l'Epistre Syno-
dale fut intitulée du nom des trois degrés de personnes, qui entreuinrent en
icelle Congregation, Apostres, Anciens, & Freres: Pierre estant compris au
premier, sans prerogatiue. Lequel exemple est capable, tant pour son an-
cienneté, que pour son autorité diuine, d'oster & casser tout credit à tous
ceux, qui peuent estre tirés des temps ensuiuans, ores qu'ils fussent tous
ramassés ensemble. En somme, ce discours du Iesuite Lainez, tant pour ces

points, que pour d'autres, fut le sujet de maints propos par plusieurs iours : & ne se parloit quasi d'autre chose en tous endroits.

Les Legats des-
plaisans
du mau-
vais effet
qu'il auoit
produit,
luy defen-
dant de le
publier :

conseils &
pratiques
des parti-
sans du
Pape :

lettres de
l'Empe-
reur aux
Legats,

Harangue de son
Ambassa-
deur, re-
querant
qu'on trai-
tast de la
reforma-
tion seule-
ment,

Les Legats furent bien desplaisans, de voir, que le remede qu'ils auoient pensé employer pour medecine, portast effet contraire : voyans bien, qu'iceluy seroit cause de prolonger les suffrages es Congregations, ce que ils ne scauoient comment empêcher honnestement : attendu, qu'ayans permis audit Lainez de parler deux heures & plus, ils ne voyoient point, comment pouuoir interrompre & clorre la bouche à qui luy voudroit contredire, & sur tout en defense de sa propre cause. Et, ayans entendu qu'il couchoit son discours par escrit, pour le publier, ils l'appellerent, & luy defendirent de ne le communiquer à aucun, pour ne donner occasion à d'autres d'escire à l'encontre : ayans deuant les yeux le mal, qui estoit arriué par la publication, qu'auoit autresfois fait Ambroise Catarin de son opinion touchant la Residence : dont estoit procedé tout le mal, lequel on voyoit s'engreger tous les iours plus. Mais, nonobstant cela, il ne put se contenir d'en donner des copies à quelques-vns, tant pour honorer par ce moyen les partisans du Pape, & les obliger à fauoriser sa Societé, qui ne faisoit que naistre ; que, pour adoucir quelques traits dits trop petulamment de viue voix. Plusieurs entreprirent de luy respondre, & ce mouuement dura, iusques à ce que la venuë des François fit mettre en oubly ce differend, en mettant d'autres plus considerables & importans sur les rangs. Les partisans du Pape continuoient cependant tousiours à tenir frequents conseils contre les Espagnols, & n'estoient point intermises les brigues & pratiques enuers les Prelats, lesquels ils croyoient de pouuoir gagner : & tout à point se presenta aux Legats vn certain Docteur Espagnol, surnommé Zanel, lequel leur proposa les moyens de mettre les Prelats d'icelle nation sur leur defense, & leur bailler autre chose à penser. Et leur mit en main treize Articles de Reformation, qui touchoient lesdits Espagnols fort sur le vif : mais on n'en put tirer le fruit qu'on esperoit : car ces reformations presentées en reclamoient semblablement d'autres, qui touchoient la Cour de Rome, lesquelles firent qu'on se deporta de passer plus auant, pour ne faire selon le Prouerbe, de perdre les deux yeux, pour en creuer vn à son ennemy. Les brigues se firent tant à descouuert, qu'en vn festin de plusieurs Prelats, en la maison des Ambassadeurs de France, ayant esté auancé vn propos touchant l'usage des anciens Conciles, qui portoit, Que les Presidens du Concile, & les Ambassadeurs des Princes, y donnoient leurs suffrages, & opinoient, ce qui n'estoit pas obserué en cetui-cy ; Lansac respondit tout hautement, que les Legats disoient *vota auricularia*, leurs voix & aduis à l'oreille : ce que tous entendirent tres-bien auoir esté dit à l'esgard de leurs brigues, & pratiques.

En ces mesmes iours, qu'on tenoit les Congregations, l'Euesque des Cinq Eglises presenta lettres de l'Empereur aux Legats, par lesquelles il leur escriuoit, que puis qu'ils s'estoient donné le contentement de publier les Canons sur le Sacrifice de la Messe, ils differassent de passer outre es Sacremens de l'Ordre, & du Mariage ; & qu'en cet entre-temps ils traitassent de la Reformation : remettant au demeurant à leur prudence de traiter d'entre les choses, proposées en son nom la partie qui leur agreeroit le plus. En conformité de cete lettre, parla aussi l'Euesque des Cinq Eglises, faisant la mesme instance, que, puis que la matiere de l'Ordre estoit tant auancée, on surstist au moins celle du Mariage, afin que l'Empereur cependant pust disposer les Allemans à aller au Concile, & s'y soumettre. Car cas aduenant que les Allemans, & les François, persistassent en leur resolution de n'y vouloir aller, ny le reconnoistre, c'estoit bien en vain qu'on y entretenoit les Peres à tant de frais & incommodités. Et que si Sa Maiesté voyoit de ne les pouuoir persuader, il procureroit que le Concile fust suspendu iugeant qu'il valloit mieux, pour le seruice de Dieu, & pour le bien de l'Eglise, de laisser les choses indecises, en l'estat qu'elles estoient, attendant vn temps plus propre

pour la conseruation de ceux qui se sont alienés ; que non pas de precipiter la decision des controuerses , comme on auoit fait iusques alors , en absence de ceux qui les auoient mises en dispute , & sans aucun benefice des Catholiques ; & par ce moyen rendre les Protestans irreconciliables : qu'on pouuoit cependant traiter de la Reformation : comme, Que les biens Ecclesiastiques soient distribués à personnes de merit & que tous en ayent leur part ; & que les reuenus soient bien & fidellement dispensés, & que la part des pauvres ne soit vsurpée par aucun : & autres telles choses. Et pour la fin, il requeroit de sçauoir, si, en cas que le Comte de Lune allast au Concile, avec titre d'Ambassadeur del'Empereur, le differant de preface, entre l'Espagne & la France , cesseroit. Les Legats respondirent à ce dernier point, ^{escondûts} qu'ainsi faisant, ils ne croioient pas que les François dussent plus auoir aucun ^{par les} pretexte de debatre. Mais quant aux autres, ils dirent, Qu'on ne pouuoit ^{Legats} laisser de traiter des dogmes, mais, qu'on traiteroit tout ensemble puissamment de la Reformation, suiuant l'ordre & l'establissement du Concile. Ils louierent l'intention de l'Empereur, à rechercher que les Protestans se soumissent au Concile, mais adiousterent aussi, que, sous cete esperance, il n'estoit pas raisonnable de tirer le Concile en longueur : car l'Empereur Charles auoit bien aussi procuré le mesmes, sous le Pape Iules troisieme, & l'auoit obtenu : mais les Allemans y auoient procedé simulément, avec interest notable de l'Eglise, & de l'Empereur mesme. Et pourtant, qu'il n'estoit pas raisonnable, que le Concile changeast de demarche, que tout premier l'Empereur ne fust bien acertené de la volonté & intention des Princes, & des peuples, tant Catholiques, que Protestans : & de la qualité de l'obeissance, qu'ils estoient disposés à prester aux Decrets ia faits & à faire en ce Concile, & es precedens : en recherchant des Villes, & des Princes, parole d'observer le Concile par bons & authentiques mandemens ; & tirant d'eux obligation de l'execution des Decrets d'iceluy : afin que les frais & les peines ne fussent vaines & en derision. En mesme sens respondirent-ils aussi à l'Empereur.

Le vingt-cinquième Octobre fut tenuë Congregation, pour receuoir ^{Va-reception} Valentin Herbut, Euesque de Premisse, Ambassadeur de Pologne : lequel fit ^{de l'Ambassadeur} vne courte harangue de la deuotion du Roy, des troubles du Royaume ^{de Pologne} pour cause de Religion, du besoin qu'il y auoit d'une bonne Reformation, & d'vsr de quelque relaschement & facilité, à condescendre aux requestes des peuples, es choses qui sont de droit positif. Le promoteur luy respondit au nom du Concile, Remerciant le Roy, & l'Ambassadeur, & s'offrant à tous seruices au Royaume. Et les Legats ne permirent qu'en cette Congregation fust traité d'autre chose, pour vne raison, qui sera touchée cy-apres.

La Cour à Rome, & les partisans du Pape à Trente, n'estoient pas en plus ^{perplexité} de peine pour la fascherie qu'ils receuoient des Espagnols, & de leurs ad- ^{des Romains} herans au Concile, que pour l'attente de la venue du Cardinal de Lorraine, ^{nistes pour} & des François : de laquelle ils auoient tousiours eu esperance que quel- ^{la venue} que accident l'achoperoit : mais quand ils eurent la nouuelle certaine, qu'i- ^{du Cardi-} celuy auoit fait la feste de la Toussaints avec le Duc de Sauoye, ils s'en alar- ^{nal de} merent grandement. Ce Cardinal, soit par la vanité ordinaire de son humeur, soit à dessein, s'estoit laissé entendre à plusieurs, tant à la Cour de France, auant que partir, que par le voyage, de vouloir traiter & remuer beaucoup de choses, au des-auantage & dechet de l'autorité Papale, & des profits de la Cour de Rome. Ces choses estoient par diuerses voyes rapportées à Rome, & à Trente, & donnerent en l'un & en l'autre lieu, impression, qu'en general l'intention des François estoit de porter le Concile en longueur, & d'espier les occasions pour descourir & essayer leurs particuliers desseins. Et auoit-on desia des coniectures, que cela ne se faisoit point sans intelligence de l'Empereur, & d'autres Princes, & Seigneurs d'Allemagne. Et, combien, qu'on tint pour assuré que le Roy Catholique ne s'entendoit pas

1562.
auquel ils
preparent
vne cōtre-
baterie,

bien tout à fait avec ceux-cy, il y auoit neantmoins de puissans indices pour croire, que luy aussi auoit dessein d'allonger le Concile, ou du moins, de ne le laisser clorre. Etauoit-on aduisé, pour faire vne contrebaterie aux François, de leur mettre au deuant les abus de leur Royaume, & de faire couler es oreilles de leurs Ambassadeurs, qu'on auoit deliberé à Rome, & à Trente, d'y pouruoir. D'autant que tous les Princes, qui font instance de reformer l'Eglise, ne desirent pourtant iamais qu'on parle de toucher à leurs abus: au moyen dequoy on esperoit, que lors qu'on mettroit la main à choses importantes, qui leur pourroient porter preiudice, ils se deporteroient, & feroient desister leurs Prelats des choses preiudiciables au Saint Siege. Il passa quelques despeschés de Trente à Rome, & de Rome à Trente, sur cete inuention, laquelle estoit estimée vn remede fort propre: & fut fait vn recueil des abus qu'on pretendoit estre en France principalement, & aussi en partie es autres estats. Et d'icy eut son commencement la Reformation des Princes, dont il y aura beaucoup de choses à dire, & à deduire au suiuant narré.

Et fait-on
d'autres
promissions
pour bri-
der le
Concile,

ou pour le
rompre:

Mais à Rome, on ingea qu'il falloit vser encor d'un autre remede, à sçauoir, que les Legats reprimaissent le trop de hardiesse des Prelats, vsant de leur superiorité & autorité, plus qu'ils n'auoient fait par le passé. A quoy à Trente on adioustoit encor, qu'il falloit tenir les Prelats bien affectionnés vnis entr'eux, bien edifiés, & contens: car, par ce moyen, quoy que les voix & suffrages du party contraire multipliasent, ils ne laisseroient pas de les vaincre tousiours de nombre, & ainsi seroient maistres des resolutions: & en outre, que, sans aucun respect il falloit s'auancer à vne expedition, pour terminer le Concile, ou pour le suspendre, ou pour le transferer. Les Legats escriuirent aussi, & firent escrire par plusieurs Prelats, partisans du Pape, à leurs amis, & patrons, à Rome, qu'on ne pouuoit faire meilleure resolution, ne prouision, que de faire naistre quelque occasion, selon qu'il estoit aisé, que la suspension fust recherchée par quelque Prince: & que la premiere qui naistroit, on la deuoit empoigner. Et pour cet effet requeroient diuers Brefs de translation, de suspension, & d'autres moyens, pour s'en seruir selon l'occasion. Ils conseillerent aussi au Pape de se transporter en personne à Bologne: car, outre la commodité de recevoir plus frequents & frez auis, & de pouuoir tout soudain pouruoir aux affaires suruenans, il auroit aussi vn specieux pretexte, à la moindre occasion, de transferer le Concile en cete ville-là, ou bien de le suspendre: aduertissant toutesfois, que, comme eux à Trente ne communiquoient rien de ce au Cardinal Madruce, aussi falloit-il pouruoir qu'à Rome le Cardinal de Trente, son oncle, n'en eust le vent: d'autant qu'on pouuoit presumer, pour chose asseurée, que l'un & l'autre, pour plusieurs esgards, & interets particuliers, feroient tout effort, que le Concile ne fust osté de Trente.

Et pen-
sant ap-
aiser
l'esmotion
ils l'exci-
tent plus
grande,

Et pour calmer le boüillon & l'esmotion excitée en la controuersé de l'institution des Euesques, & pour empescher qu'elle ne se renforçast d'auantage, à cause de tant de Prelats, qui s'estoient preparés à contredire au Iesuite Lainez, ils surfirent les Congregations par plusieurs iours. Mais il en aduint tout le contraire: d'autant que le loisir fomentoit les opinions, & on n'oyoit parler d'autre chose à chacun coin de rue: & les Espagnols s'en trouuoient souuent ensemble avec leurs adherants: & presque tous les iours trois ou quatre d'entr'eux alloient trouuer quelqu'un des Legats, pour en renouveler l'instance. Sur quoy il aduint vn iour, que l'Euesque de Guadix, Espagnol, accompagné d'autres quatre, apres auoir fait la proposition, adiousta, Qu'ils aduouoient bien que la iurisdiction appartenoit au Pape, & estoient contens que cela fust adiousté au Canon: dont les Legats crurent que les Espagnols se fussent rauisés, & voulussent confesser que toute la iurisdiction reside au Pape, & qu'elle deriue de luy. Mais les Legats voulans exprimer de luy vne plus nette declaration, cet Euesque dit, Que, comme le Prince establit en vne ville le Iuge de premiere instance, & le Iuge d'appel; lequel,

lequel, quoy que superieur, ne peut pourtant oster l'autorité à l'autre de premiere instance, ne luy enleuer les cas à luy appartenans; ainsi aussi Iesus Christ a institué en l'Eglise tous les Euesques, & le Pape de Rome pour superieur de vray reside la supreme iurisdiction Ecclesiastique; mais non en sorte, que les autres aussi n'ayent la leur propre, dependante de Iesus Christ tout seul. L'Euesque des Cinq Eglises se plaignoit à tous qu'on perdoit tant de temps sans tenir Congregation, lequel on eust pû vtilement employer, si les Legats, tout à dessein, selon leur coustume, ne le laissoient escouler, pour remettre à presenter les Articles de Reformation au dernier iour, à ce qu'on n'eust aucun loisir de les considerer, ne mesmes d'en discourir, & traiter. Mais les Legats n'estoient point oyssifs quant à eux, estans tousiours apres à concerter quelque forme de ce Canon, qui püst estre receuë, & changeant souuent plus d'une fois le iour leurs minutes, lesquelles puis apres courans par les mains des hommes, & montrans l'ambiguité des Legats, donnoient occasion aux Espagnols, non seulement de se roidir en leur opinion, mais mesmes de parler avec plus de liberté: iusques-là, que l'Euesque de Segouie, en vn rencontre de grand nombre de Prelats, ne se feignit point de dire, Qu'un mot seroit cause de la ruine del'Eglise.

Il estoit ia passé sept iours sans aucune Congregation, quand le trentième Octobre, les Legats estans, comme les autres iours precedens, en conseil, tous les Espagnols, avec quelques autres, demanderent audience, & firent de nouveau instance quel l'Institution, & la superiorité des Euesques fust definie & declaree estre de droit diuin: adioustans, Que, si on ne le faisoit, on manqueroit à ce qui est de la raison, & de la necessité de ces temps, pour l'esclaircissement de la Verité Catholique, & protesterent qu'en cecas, ils n'entreuiendroient plus ny en Congregation, ny en Session. Cela fait plusieurs Prelats Italiens, avans concerté entr'eux au logis du Cardinal Simonete, en la chambre de Iules Simonete, Euesque de Pesero, se presenterent le matin ensuiuant aux Legats, estans en tout trois Patriarches, six Archeuesques, & onze Euesques, requerans que dans le Canon ne fust inferé, que la superiorité des Euesques est de droit diuin: attendu que c'estoit vne clause ambitieuse, & qu'il estoit messeant, qu'eux mesmes fissent sentence en leur propre cause: & d'autant aussi, que le plus grand nombre ne vouloit pas, que ny la superiorité, ny l'Institution des Euesques fust declarée estre de droit diuin, pour ne donner occasion de parler de la puissance du Pape, laquelle ils vouloient & estoient tenus de confermer & eltançonner. Cela estant publié par la ville de Trente, donna beaucoup à parler & suiet de dire, que les Legats mesmes auoient procuré cette instance: ce qui fit que le soir mesmes vn plus grand nombre encor se reduisit au Reuestiaire, en faueur de l'opinion Espagnole, & d'autres au logis del'Euesque de Modene pour la mesme: & chez l'Archeuesque d'Otrante, & chez ceux de Tarante, & de Rosan, & chez l'Euesque de Parme se tinrent quatre autres Assemblees de partisans du Pape: & le tumulte fut si grand, & vint à tel point que les Legats eurent peur de quelque scandale & inconuenient: & iugerent qu'il estoit necessaire de surseoir la deliberation de tenir la Session au temps assigné: mais, qu'auant que venir à la resolution de cet Article, qui estoit cause de tant d'alteration, il falloit faire opiner sur les Chapitres de la Doctrine, & proposer quelque point de reformation. Et Simonete se plaignoit souuent, qu'il estoit mal secondé par les Legats de Mantouë & Seripande: lesquels quoy qu'ils fissent quelque deuoir, ne pouuoient pourtant cacher leur intime pensee, laquelle inclinoit aux Aduersaires.

Là dessus arriuerent lettres de creance du Marquis de Pescaire aux principaux Prelats Espagnols, avec charge à son Secretaire de faire puissans enuers eux, qu'ils n'eussent à toucher les choses preiudiciables au Roy, & au Pape, les assurant que le Roy en prendroit grand desplaisir, & qu'il en seroit aussi de grands dommages à ses Royaumes, & Estats: & qu'on ne

1562.

pouuoit attendre de leur prudence, qu'ils dussent venir à la resolution d'aucun point; qu'ils n'en eussent premierement seu la volonté de sa Majesté: & donna aussi commission au mesme Secrétaire de l'aduertir s'il y auoit aucun des Prelats, qui fist peu d'estat de sa remonstrance, ou se monstroit reuesche à l'exécuter: l'intention du Roy estant, qu'ils fussent tous vnies en la deuotion enuers sa Sainteté: & qu'en cas de besoin, il luy en despeschast courriers expres. L'Archeuesque de Grenade, l'un de ceux-là, respondit, Qu'il n'auoit iamais pensé, ny eu intention de dire ne proposer chose quelconque contre le Pape: ains qu'il auoit iugé, que tout ce, qu'il disoit pour l'autorité des Euesques, estoit au benefice de sa Sainteté: tenant pour assuré, que si leur autorité estoit diminuée, l'obeyssance au S. Siege en seroit aussi amoindrie: quoy que, à cause de sa vieillesse, il fust tres-bien qu'il ne verroit point ce temps-là: que son opinion estoit Catholique, & que pour icelle il souffriroit la mort: que voyant tant de contrariété, il demeureroit à contre-cœur à Trente, attendant peu de fruit du Concile; & que pourtant aussi il auoit demandé son congé à sa Sainteté, & à sa Majesté, ayant grand desir de s'en retourner. Qu'à son depart d'Espagne, il n'auoit receu autre commandement du Roy, ne de ses Ministres, sinon de viser au seruice de Dieu, & au repos, & à la reformation de l'Eglise ce qu'aussi il auoit tousiours fait. Qu'il croyoit de n'auoir contreuenue à la volonté du Roy, combien qu'il ne fist profession d'en sçauoir le fonds: mais qu'il sçauoit bien vne chose, que les Princes, quand ils sont recherchez, sur tout par Ministres, s'accommodent aisément à complaire en paroles, & donner contentement par termes generaux.

L'Euesque de Segouie aussi respondit, Que son intention n'auoit iamais esté de dire chose aucune au desseruire du Pape: mais qu'il ne pouuoit se desdire, croyant d'auoir dit verité Catholique: & ne pouuoit rien dire de plus que ce qu'il auoit dit, n'ayant du depuis ne veu, ny estudié autre chose sur cette matiere. Puis apres, ils se trouuerent tous ensemble, & despescherent à la Cour vn Docteur, domestique de l'Euesque de Segouie, avec instruction d'informer sa Majesté, que ny eux, ny autres Prelats, ne pouuoient estre repris, s'ils ne pouuoient seconder les pensées de Rome: attendu qu'il n'estoit en leur pouuoir de proposer chose quelconque, mais seulement de dire leur aduis sur les choses proposées par les Legats: comme sa Majesté mesme sçauoit tresbien. Que ce seroit chose bien cruë, de leur vouloir demander leur aduis, & quant & quant les obliger à respondre contre le sentiment de leur conscience: qu'ils estoient persuadez, qu'ils offenseroient Dieu, & sa Majesté s'ils faisoient autrement, que ce qu'ils auoient fait: & qu'ils ne pouuoient estre taxez de parler hors de saison, & importunément, veu qu'ils ne proposoient pas, mais ne faisoient que respondre. Que s'ils auoient failly en quelque chose, ils estoient tout prests & appareillez à amender la faute, selon le commandement de sa Majesté: mais qu'ils auoient parlé, suiuant la Doctrine Catholique, en termes si clairs & euidens, qu'ils estoient certains d'estre aduoués par sa Majesté, laquelle ils supplioient les ouyr, auant que faire aucun sinistre iugement d'eux.

Ces Prelats ne se trompoient point en l'opinion qu'ils auoient, que le mescontentement venoit plustost des ministres, que du Roy. Car le Cardinal Simonete en ce mesme temps negotia avec vn autre Espagnol, Secrétaire du Conte de Lune, le persuadant, que cas aduenant que ledit Conte entreuint au Concile, il estoit necessaire qu'il, y allast préparé & resolu de tenir les Prelats Espagnols en deuoir: qu'autrement, il en arriueroit de grands preiudices, non seulement à l'Eglise de Dieu, mais aussi aux Royaumes de sa Majesté: attendu que leur principale intention estoit de prendre à eux toute autorité, & auoir libre administration en leurs Eglises. Il persuada aussi au Secrétaire du Marquis de Pescaire d'aller au deuant du Conte de Lune, & l'informer des desseins, & de la hardiesse des mesmes Prelats, & luy faire comprendre, que le bien du seruice du Roy portoit, qu'on les reprimast. Le Cardinal de Vvarmie escriuit aussi vne longue lettre au Pere

Canise à la Cour de l'Empereur, en mesmes sens, afin qu'il fust mesmes offices enuers ledit Conte.

1562.

Après que la Doctrine, tirée des aduis dits es Congregations precedentes, eust esté produite, on commença derechef à opiner sur icelle le troisième Nouembre. Mais le Cardinal Simonete aduertit preallablement les siens de parler avec retenue, & ne se laisser emporter en paroles piquantes, & irritantes: attendu que le temps requeroit plustost d'adoucir les esprits. Mais après qu'on eut, par l'espace de trois iours, parlé d'icelle, & que de fois à autre on fust retourné à la controuerse precedente, à cause de la connexité des matieres; les Legats aduiserent, qu'il estoit necessaire de proposer aussi quelque point de reformation: sur tout, à cause de la prochaine arriuée des François, à l'occasion de laquelle l'Euesque de Paris alloit disant tout publiquement, Qu'il seroit meshuy temps de luy donner quelque commencement, & contenter la nation François; & les autres, deputant quelques Prelats de chacune, qui considerassent les necessités de leurs païs, lesquelles les Italiens, ny à Rome, ny à Trente, ne pouuoient sçauoir. Que iusques alors on n'auoit fait aucune reformation, & que tout ce qui auoit esté arresté estoit autant que rien. Mais les Legats, se trouuans necessitez de proposer quelque point de reformation, ingerent qu'il estoit necessaire, pour preuenir plusieurs inconueniens, de commencer par le fait de la Residence.

*l'occasion
& la ne-
cessité por-
tent les
Legats à
remettre
en delibe-
ration le
fait de la
Residence*

Il a desia esté representé, ce que le Pape auoit escrit & respondu sur ce sujet: après quoy les Legats, & leurs adherants, auoient esté en perpetuel soucy de former vn Decret, qui pust satisfaire au Pape: auans aussi esgard à la promesse faite aux Prelats par le Cardinal de Mantoue: à laquelle il sembloit que contreuint de proposer d'entrée de remettre l'affaire au Pape: & d'ailleurs il y auoit grand difficulté à proposer vn Decret, en telle sorte, que, s'il y auoit opposition, on pust faire tourner la deliberation à remettre l'affaire au Pape. Ils sonderent ceux qui pourroient estre tirez à cette opinion de le remettre au Pape, & ceux qui y estoient totalement contraires: & trouuerent le Concile diuisé en trois partis, quasi egaux: assauoir, es deux dessusdits, & en vn troisième, qui vouloit que la decision s'en fust au Concile, sans offense toutesfois de sa Sainteté: & de ce troisième party, il y auoit esperance d'engager la pluspart, & de surmonter par ce moyen les Aduersaires. Ils firent les departemens, & firent les brigues & pratiques si fortes, qu'outre les autres: ils gagerent sept Espagnols, entre lesquels furent les Euesques d'Astorge, de Salamanque, de Tortose, de Pati en Sicile; & d'Elne: en quoy l'Euesque de Mazare en Sicile, fit de grands deuoirs.

*ils sont en
peine, pour
en former
le Decret*

*sont des
fortes bri-
gues,*

Quatre expediens furent proposez pour venir à l'execution: l'un, de faire vn Decret, portant seulement peines, & prix: le deuxième, que plusieurs Prelats fissent instance aux Legats, que l'affaire fust remis au Pape, & que cette requeste fust lue en Congregation: esperant que, par le moyen des brigues, on y feroit ioinre vn si grand nombre, qu'il passeroit la moitié: le troisième, que les Legats proposassent eux-mesmes en Congregation, que l'affaire fust remis au Pape: le quatrième, que sans dire autre chose, le Pape fust sur le fait de la Residence vne forte prouision & reglement, lequel fust promptement imprimé, & publié par tout auant la Session; car, par ce moyen les contraires seroient contraints de se contenter. Contre le premier on obiectoit, que tous ceux, qui auoient demandé la declaration de droit diuin, y seroient contraires: & qu'ils estimeroient, que les prix & les peines ne pourroient faire si puissant effet, que la declaration: sur tout, y ayant desia tant de Decrets de Conciles, & de Papes; dont on n'auoit iamais fait aucun estat. Ioint qu'ils se rencontreroit beaucoup de differends à establir les peines, & les prix: que les Prelats feroient des demandes impertinentes, & voudroient auoir à eux la collation des Benefices, du moins, de ceux qui ont cure d'ames: qu'il requerroient l'abolition des priuileges des Reguliers; & autres choses exorbitantes: & qu'après la proposition, ou seroit tousiours en danger de changement, iusques à ce qu'icelle fust passée en Session;

*& debatir
l'affaire.*

1562.

*se résolurent
à une forme de Decret,*

*proposée
dextrement en
Congregation,*

*offense de
Lansac &
d'autres
Ambassadeurs sur
iceluy,*

principalement les François venans, lesquels pourroient demander qu'elle fust retractée. Cōtre le deuxième on opposoit, qu'on ne le pouuoit executer sans bruit, voulant assembler & joindre les Prelats pour faire ladite instance: car ceux qui ne seroient point apellez, se despiteroient, & se tourneroient au party opposité: & les contraires seroient aussi de leur part des assemblées, & du vacarme, & se plaindroient des brigues. Au troisième, on faisoit cette difficulté, que les Aduersaires diroient tousiours de n'y auoir consenty volontairement: mais seulement, pour ne se monstrier desians de sa Sainteté, & pource qu'il n'y auoit point de liberté de parler: & en cas aussi, qu'on n'y consentist point, on n'auroit fait autre chose, que d'auoir mis en doute l'autorité Papale: ioint, qu'aussi on diroit, que ce renuoy auroit esté appeté & pourchasse par sa Sainteté. Mais le quatrième estoit combattu par cette raison, que si la Bulle du Pape n'estoit lue au Concile, on donnoit occasion aux Peres de continuer à demander la definition: que si aussi elle y estoit leuë on pouuoit craindre que quelques vns requissent plus forte prouision: ce qui d'une & d'autre part ne pouuoit estre qu'avec indignité. Les Legats, voyans tant de difficultez, portoient l'affaire en longueur au mescontentement de tous: veu qu'il auoit desia esté publié qu'on en deuoit parler. Finalement se voyans contraints, ils se resolurent d'embrasser le premier party, de proposer vn Decret, portant prix & peines: & le sixième Nouembre, apres que quelques Prelats eurent parlé sur la matiere courante le Cardinal de Mantouë le proposa fort souplement, & dextrement: disant en substance, Que la chose estoit necessaire, & requise par tous les Princes: que l'Empereur en auoit fort souuent fait instance, & s'estoit à diuerses fois plaint que ce point ne fust promptement expédié: & que, par vn vain entretien en questions frivoles & inutiles, qui n'importoient point au fait, on eust differé la conclusion principale. Que cette matiere n'estoit point de celles, qui ont besoin de dispute: mais seulement de trouuer moyen d'executer ce, que chacun iuge necessaire. Que les Roys Catholic, & Tres-Chrestien, auoient fait la mesme instance, & que tout le peuple Chrestien, desiroit d'y voir vn bon reiglement. Qu'au temps de Paul troisième fut parlé sur cette matiere, & qu'aucuns auoient extrauagué en questions superflues, lesquelles prudemment furent alors mises sous silence: & que pour les mesmes raisons on voyoit qu'il n'estoit besoin à present de traiter d'autre chose, que de ce qui estoit proposé au Decret. Et entre autres choses, il dit, Qu'ils s'estoient conformez à l'aduis de l'Ambassadeur de Lansac, lequel, par bonnes & solides raisons, auoit souuent demonstré qu'il ne falloit rechercher autre chose, sinon que la Residence fust obseruée, sans se soucier, d'où vient l'obligation. Au Decret il y auoit, entre autres paroles, que les Euesques residens ne seroient tenus à payer decimes, subsides, ou autres charges imposées par autorité quelconque, voire mesmes à l'instance de Rois & de Princes. Cette clause esmut grandement tous les Ambassadeurs. Mais Lansac, dissimulant cela se plaignit au Cardinal de Mantouë, qu'il l'eust nommé, sans luy en auoir dit aucun mot auparauant: aduoiant bien d'auoir parlé avec luy en ce sens, mais comme amy particulier, & non comme Ambassadeur. Et pour aggrauer sa plainte, il adiousta, Qu'il se plaignoit aussi qu'il eust nommé le Roy Catholic auant le Tres-Chrestien. Et ne dit autre chose des decimes: esperant que le ressentiment qu'il auoit fait, & les oppositions que feroient ceux qui maintenoient la Residence estre de droit diuin, pourroit faire reformer le Decret. L'Euesque des Cinq Eglises aussi ne passa point plus outre: sinon qu'il dit, Qu'il ne croyoit point que le sentiment de l'Empereur fust tel, que le Cardinal l'auoit proposé. Mais le Secretaire du Marquis de Pescaire requit tout ouuertement que les paroles fussent accommodées en sorte, qu'elles ne preiudiciaissent point à la grâce faite par le Pape à Sa Majesté Catholique, pour le subside des galeres. Les Legats auoient cru d'auoir par la clause dessusdite, gagné l'affection des Prelats: mais iceux, ayans entendu l'exception pour l'Espagne, commencerent à dire, Qu'on parloit de leur faire

vnē grace, qu'on ne leur pouuoit maintenir : d'autant qu'en Espagne, & en France, & sous tout autre Prince, ils seroient contraints de payer : & que mesmes sous l'Estat de l'Eglise, par vn beau, *Non obstantibus*, &c. le priuilege leur seroit rendu inutile & vain. 1562.

Le lendemain, de la Residence on passa à la matiere del'Ordre Episcopal. Et l'Euesque de Segouie repliqua, Que la question de l'Institution des Euesques de droit diuin auoit esté traictee, & resoluë au mesme Concile, du temps de Iules III. avec approbation de tous : & qu'alors luy mesme en auoit dit son opinion : & specifiale iour & l'heure que cela auoit esté fait. Le Cardinal de Mantouë fit prendre les Actes de ce Concile-là, & fit lire par le Secrétaire ce qui alors auoit esté arresté, pour le publier : à quoy il donnoit tel sens & explication, qu'il en concludoit, Qu'il n'auoit esté ne décidé, ny examine, ne proposé en la manière, que l'Euesque de Segouie disoit. Mais l'Euesque luy repliquant, quoy qu'en termes fort respectueux en apparence, il nasquit de part & d'autre tant d'altercats, qu'il falut finir la Congregation. Et pour ce que quelqu'un pourroit estre curieux d'entendre, lequel des deux parloit avec fondement, il sera à propos de rapporter, ce qui en ce Concile-là auoit esté décidé es Congregations, quoy qu'il ne fust publié en Session, à cause de la soudaine rupture du Concile, recitée en son lieu. Il faut doncques scauoir, qu'en ce temps-là furent composez trois Chapitres de Doctrine : le troisieme desquels estoit intitulé, De la Hierarchie, & de la difference des Euesques, & des Prestres : & en iceluy, apres beaucoup de paroles de la Hierarchie, estoit dit ainsi, suiuant le texte Latin mot pour mot, *En outre, le Saint Concile enseigne que ceux la ne doiuent estre ouys, lesquels disent les Euesques n'auoir esté instituez de droit diuin : attendu qu'il appartient euidemment par l'Euangile, que Christ nostre Seigneur à luy mesmes appellé les Apostres, & les a promus au degré de l'Apostolat : en la place desquels ont esté subrogez les Euesques : On ne doit venir en pensée à aucun, que ce degré, tant nécessaire & eminent, ait esté introduit en l'Eglise par institution humaine, d'autant que cela seroit déroger à la prouidence diuine, & la mettre en mespris, comme si elle defailloit es choses principales.* Voila les paroles formelles du Chapitre de la Doctrine. On auoit aussi lors minuté huit Canons, desquels le huitieme portoit, *Qui dira, que les Euesques ne sont instituez de droit diuin : ou, qu'ils ne sont superieurs aux Prestres : ou qu'ils n'ont pouuoir d'ordonner, ou qu'iceluy appartient aussi aux Prestres, soit Anatheme.* Il est bien vray, que quiconque est preoccupé d'une opinion, la trouue en tout ce qu'il lit. Et n'est de merueilles, si chacun de ces deux Prelats trouuoit la sienne es mesmes paroles : lesquelles les partisans du Pape entendoient, comme dites de la seule puissance de l'Ordre : en lieu, que les Espagnols les interpretoient de toute la puissance, laquelle comprend l'Ordre, & la Iurisdiction. Combien que quelques vns des partisans du Pape se persuadassent que le Cardinal de Mantouë feignist de sentir avec les autres, & qu'il fist lire cette vieille deliberation, non pour confermer le sentiment qu'il portoit à descouuert, ains celuy des Espagnols, lequel il tenoit en secret.

Le Cardinal de Lorraine, estant party de France, entra dans l'Italie : & lors le Pape ne put plus desdire aux François de le faire attendre au Concile : le Cardinal de Lorraine attendit à Trente, & pourtant il escriuit à Trente que la Session fust prolongee, non toutesfois au delà du mois de Novembre. Et les Legats ayans eu aduis que ledit Cardinal se trouuoit sur le Lac de Garde, celuy de Mantouë proposa, en la Congregation du neuuiesme Novembre, de differer la Session iusques au vingtieme du mesme mois. Le Cardinal de Lorraine, ne sachant point cela, enuoya deuant Charles Grassi, Euesque de Montfalcon, & par luy escriuit aux Legats, que s'il leur plaisoit de l'attendre, il esperoit estre dans peu de iours à Trente. Surquoy ils se resolurent de ne tenir plus aucune Congregation iusques à sa venue, pour luy donner tant plus de contentement. Le susdit Euesque rapporta, que ce Cardinal, en tous ses propos, monstrois d'aller à bonne intention à Trente, & que mesmes il vouloit enuoyer au Pape ses aduis & suffrages, afin qu'il les pust voir. Que les Prelats qui estoient en sa

1562.

compagnie; alloient pour le service de Dieu, & avec bonnes intentions enuers le Saint Siege: & qu'il esperoit que la venue des François porteroit laconcorde au Concile, & feroit qu'avec fruit on pourroit vaquer à la Reformation, sans qu'ils eussent aucun esgard à leurs propres interets: & plusieurs autres telles choses, lesquelles, quoy qu'arrestées par l'Euesque Grassi, & confirmées par l'Ambassadeur du Ferrier, estoient cruës par les partisans du Pape, par termes de simple compliment, non pour laisser d'employer les remedes projettez à Trente, & à Rome.

y arrive en fin. Le Cardinal de Lorraine entra à Trente, le Cardinal Madruce luy estant allé au deuant, avec plusieurs Prelats, par l'espace d'un mil: & à la porte de la ville, il fut rencontré par tous les Legats, & par eux conuoyé iusques à son logis. Il cheuaucha au milieu des Cardinaux de Mantouë; & Seripande, lesquels crurent estre obligéz de luy faire cét honneur, parce que les Cardinaux de Monte, & Sainte Croix, estans Legats au Concile qui se tenoit à Bologne, luy auoient fait le mesme, lors qu'il passa par cette ville là, allant à Rome pour prendre le Chapeau de Cardinal. Le soir mesmes il alla visiter le Cardinal de Mantouë, & le iour suivant il fut à l'audience des Legats, ensemble les Ambassadeurs de Lansac, & du Ferrier. Il leur representa les lettres du Roy, adressées au Concile, lesquelles il accompagna d'un long discours; se montrant enclin au service du S. Siege, & promettant de communiquer tous ses desseins avec le Pape, & les Legats: & de ne requerir chose quelconque, qui ne fut au gré & contentement du Pape: & monstra de ne vouloir estre curieux en questions inutiles: adioustant, que les deux controuerfes, de l'Institution des Euesques, & de la Residence, auoient beaucoup rauulé l'autorité du Concile, & rabatu de la bonne opinion qu'en auoit le monde: que pour luy, il enclinoit plus à l'aduis qui faisoit l'une & l'autre de droit diuin: mais, quand ores cela seroit tres-certain, il ne voyoit point de nécessité, ne que le temps fust propre, d'en venir à la declaration: que le but du Concile deuoit estre de réunir à l'Eglise ceux qui s'en estoient desmembrez: qu'il auoit eu des pourparlers avec les Protestans; & ne les auoit point trouue tant differents ne contrairés, qu'ils ne se pussent accommoder, moyennant qu'on ostant les abus: & qu'il n'y auoit iamais eu temps plus opportun pour les requerir: attendu qu'ils n'auoient iamais esté si estroitement vnis avec l'Empereur, comme alors. Que plusieurs d'entr'eux, & nommement le Duc de Wirtemberg, estoient en volonté d'entreuenir au Concile: mais, qu'il estoit necessaire de leur donner contentement par vn commencement de Reformation: en quoy le service de Dieu requeroit que leurs Reuerendissimes Seigneuries s'occupassent. Il exposa en suite le desir du Roy, qu'il fust pouruen aux necessitez de ses peuples par remedes opportuns: car, pour le present, on n'auoit guerre qu'avec les Huguenots: mais, si on n'ostoit les abus, on auroit bien plus à faire avec les Catholiques, desquels on perdrait l'obeyssance. Que c'estoient-là les causes, pour lesquelles sa Majesté l'auoit enuoyé au Concile. Il se plaignoit, que de tout l'argent, que le Pape auoit promis en prest au Roy, il ne s'en estoit peu preualoir, que de vingt-cinq mil escus, desbourséz par le Cardinal de Ferrare: à cause des rigoureuses conditions apposées es mandemens, qu'on ne pust en exiger les payemens, sinon à la charge d'oster les Pragmatiques de tous les Parlemens du Royaume: chose de tant de difficulté, qu'elle ostoit toute l'esperance de s'en pouoir preualoir d'un seul dernier. Pour la fin, il dit, qu'il auoit porté nouvelles instructions aux Ambassadeurs: & pourtant qu'il desiroit de parler, au nom du Roy, au Concile, en la premiere Congregation: apres quoy, il ne penseroit plus qu'à dire ses aduis en liberté, comme Archeuesque, sans se vouloir meller des affaires du Royaume, desquels il laisseroit toute la charge aux Ambassadeurs.

lesquels luy respondent en termes generaux.

La response fut faite par les Legats, sans autrement consulter entr'eux, selon qu'il plut à chacun, Loüant la pieté du Cardinal, & sa deuotion en-

uers le S. Siege, & s'offrant réciproquement de communiquer avec luy toutes les affaires. Ils luy représenterent l'infinie patience, dont ils auoient vsé à supporter la liberté, voire licence de parler des Prelats, qui auoient couru à trauers champs; remuant des questions nouuelles. Mais, qu'à present, que sa Seigneurie Illustrissime seroit vnüe avec eux, ils ne doutoient point de ne pouuoir refrener cette grande licence; & mesme de composer, avec son ayde, & moyen, les differends excitez: & à l'auenir, de proceder avec tant de bienfiance, que le monde en receust autant d'edification, qu'il auoit conceu peu de bonne opinion. Que la mauuaise volonté des Protestans estoit par trop notoire: & quand ils se monstrent peu esloignez de la concorde, c'est iustement alors, qu'il faut douter qu'ils machinent nouuelles occasions de plus grand discorde. Qu'il estoit tout assuré, qu'ils auoient demandé vn Concile, pensans qu'il leur seroit denié: & au mesme temps, qu'ils le demandoient, ils taichoient d'y entrejetter tous les empeschemens possibles: comme aussi à present, disoient-ils, sont ceux, qui sont assemblez à Francfort, faisans tout effort enuers l'Empereur, que le Concile soit interrompu, ou trauersé. Qu'il ne hayssent pas moins le nom du Concile, que celui du Pape: & que par le passé ils ne s'en sont seruis, sinon pour couvrir & pretexer leur Apostasie du Saint Siege. Et pourtant, qu'il ne falloit auoir aucune bonne esperance de leur conuersion, mais vaquer seulement à conseruer & maintenir les bons Catholiques en la foy. Ils louèrent aussi la pieté, & la bonne intention du Roy, & exposerent le desir qu'auoit le Pape de la correction de l'Eglise: & combien il auoit fait pour la reformation de sa propre Cour, sans auoir esgard à la diminution des ses reuenus: & que tousiours il auoit escrit au Concile, pressant & sollicitant la reformation: à laquelle eux Legats mesmes estoient aussi tres-enclins, & disposez: mais estoient empeschez par les contentions des Prelats, esquelles le temps estoit quasi tout consumé. Que si en France il y auoit du danger de perdre l'obeyssance des Catholiques, cela estoit matiere de laquelle il falloit traiter avec sa Sainteté. Et quant au prest des deniers, ils dirent, Que la paternelle charité du Pape enuers le Roy, & le Royaume, estoit si grande, qu'il falloit tenir pour assuré, que les conditions, par luy apposées au prest, y auoient esté mises par pure necessité. Enfin, apres plusieurs termes de complimens, ils conclurent entr'eux, Que le Lundy suivant il yroit en Congregation generale, pour exposer aux Peres la cause de sa venuë, & pour lire à eux aussi les lettres du Roy.

Les Legats prirent de l'Ombrage des paroles dites par le Cardinal, qu'au Concile il ne se vouloit mesler des affaires du Royaume, ains en laisser la charge aux Ambassadeurs: ne les trouuant conformes au semblant, qu'auoient fait Lansac, & du Ferrier, peu de iours auparauant, de se resiouyr de la venuë du Cardinal, comme si, par icelle, ils eussent du estre deschargés de tout fardeau, & soucy, lequel ils remettroient entierement sur sa Seigneurie Illustrissime: & pourtant conclurent, qu'il falloit auoir l'œil ouuert à ces dissimulations: ioint vn aduis certain, qu'auoit eu de Milan le Cardinal Simonete, que les Abbez François, logés à S. Ambroise, auoient dit, qu'ils s'vniroient avec les Espagnols, Allemans, & autres Ultramontains: & qu'ils alloient au Concile, pour y traiter choses, qui n'agréeroient point à la Cour de Rome. Outre ce, qu'en tous les propos des François on oyoit resonner, qu'il ne falloit pas perdre en questions le temps, lequel il falloit employer & dispenser à parler de la Reformation: qu'il falloit commencer par le point d'oster la pluralité des Benefices, & que le Cardinal vouloit estre le premier à s'en dessaisir: qu'il falloit ordonner que les dispenses fussent baillées gratuitement: qu'il falloit abolir les Annates & les Preuentionis: & les petites Dates: & ordonner qu'on ne fist qu'une seule prouision pour chaque Benefice. Exaggerant qu'il se presentoit au Pape vne tres-belle occasion d'acquiescer vn los eternel, en faisant les susdits reiglemens, par lesquels, en contenant les peuples Chrestiens, il les vniroit & pacifieroit, & pouruoiroit aux abus, & inconueniens: en eschange de quoy ils estoient contents

Et s'ombragent de ses propos, & de plusieurs aduis de ses desseins:

de payer à sa Sainteté demie decime. Qu'ils estoient venus à Trente, en resolution de ne s'en partir point, qu'ils n'eussent premierement essayé de faire ordonner toutes ces prouisions, quand bien cela les obligeroit à y demeurer longuement : & que s'ils voyoient des indices, qu'on ne voulust pouruoir aux choses par eux remontrées, ils ne feroient pourtant point de vacarme, mais tout coyement s'en retourneroient en France, & feroient leurs reiglemens chez eux. Les Legats estoient aussi bien acertenés d'une estroite intelligence du Cardinal avec l'Empereur : & ce que plus ils estimoient, avec Maximilien, Roy de Boheme, tout euidentement portez l'un & l'autre à donner contentement aux Princes d'Allemagne, lesquels tout notoirement haïssoient le Concile, & auoient pour agreable qu'il ne passast plus auant, ains se rompist : eu quelque maniere toutesfois, qui fust aduantageuse pour eux, & deshonorable au S. Siege, & au Concile. Ils prirent aussi quelque soupçon du Roy Catholic, pour un aduis, qu'auoit receu le Secretaire du Conte du Lune, qui portoit, Que l'instruction dudit Conte estant ia faite, on auoit depuis resolu, pour diuers aduis suruenus, d'enuoyer Martin Gazdellon, iadis Secretaire de Charles V. pour luy porter instruction de bouche, laquelle on n'auoit voulu confier aux lettres. Ce qui estant confronté avec certain aduis receu de France, que le Cardinal de Lorraine, auoit son depart, auoit communiqué avec le Roy d'Espagne les demandes, qu'il pretendoit traiter au Concile : & d'ailleurs, ayans seu pour certain que le mesme Roy auoit esté recherché d'Allemagne de faire instance pour la reformation : ils doutoient, que la venue du Cardinal n'enfantast quelque grand nouueauté. Ioint, qu'ils ne goustoient point le mot, qu'il auoit dit en l'audience, de la venue des Allemans au Concile ; sur tout considerant le pourparler qu'il auoit autres fois eu avec le Duc de Vvirtemberg. Et en somme, ne pouuans se persuader, qu'un personnage de si grande autorité, & prudence, fust allé au Concile sans fondement asseuré, pour y bastir ses desseins ils aduiserent de faire promptement une despesche au Pape, avec toutes ces considerations. Et d'autant qu'ils auoient remarqué, que toutes les fois qu'il partoist, ou qu'il arriuoit quelque courrier extraordinaire, les Prelats en prenoient suiet de parler, d'en rechercher la cause, & de murmurer, & mesmes d'exciter du bruit, & de faire des menées : ce qui, apres la venue du Cardinal de Lorraine, auroit pû produire effets plus dangereux qu' auparauant, ils firent leur despesche secretement, & escriuirent à Rome, qu'on donnast ordre aux courriers, qu'à la derniere poste pres de Trente, il laissassent le guide, & tout autre attirail, & entraissent tout coyement en la ville, avec la seule despesche.

*Congregation de
seances &
ceremonies,*

Le Cardinal de Lorraine n'alla point en Congregation, selon qu'il auoit esté concerté : car un peu de sieure, qui luy suruint le lendemain, le fit differer. Toutesfois, il monstra desir qu'on procedast lentement, afin qu'il y pust aussi entreuenir, auant la resolution. Les Legats resolurent de le contenter, faisans assembler la Congregation beaucoup plus tard qu'à l'ordinaire. En icelle estans entreuenus les Euesques, & les Abbez François, on fit tout premier une generale reueüe, assignant à chacun sa place : & en icelle fut trouué, que le nombre des Prelats montoit à deux cens dix-huict. Et le iour suivant, estant suruenue quelque difficulté de preface, la reueüe fut faite de nouueau, faisant entrer les Prelats l'un apres l'autre en Congregation, & menant chacun en sa propre place. En ces Congregations nul des François ne parla : soit qu'ils voulussent attendre, que le Cardinal fust present : soit aussi, qu'ils desirassent de bien remarquer premierement le stile que tenoient les autres.

*& festin
de brigue
contre les
François,*

L'Archeuesque d'Otrante prepara un festin à plusieurs Prelats pour le dix-neufieme Nouembre ; & celui qui eut charge de les conuier, leur dit à tous que, pour le seruice du S. Siege, ils n'y faillissent point : dont, par toute la ville de Trente fut tout soudain diuulgué un bruit, que les partisans du Pape s'assembloient, pour faire une ligue contre les François. Ce qui les

offensa

offensa grandement : sur tout, d'autant, qu'après le festin, ils furent certifiés qu'en iceluy auoient esté tenus propos de telle nature : & qu'après leur venue, on voyoit quasi tous les iours arriuer quelque Prelat de nouveau : ce qui leur faisoit croire d'estre tenus pour suspects, & contraires. Mais les Legats, pour monstrier toute confiance, & respect d'honneur enuers le Cardinal, esvisites que chacun d'eux fit, pendant son indisposition, le persuaderent d'empoigner vne si belle occasion, & d'assoupir par son autorité les contentions nées sur le suiet des questionns introduites : ce qui à luy seroit fort aisé, & de grande reputation, pour n'auoir pu estre effectué par autres. Le Cardinal s'y disposa assez bien, & s'offrit de s'y employer.

Le Pape, qui, en ces iours-là, auoit esté en quelque danger de sa vie, pour vn grief & inopiné accident, après estre reconuallu, eut aduis des Legats, & de plusieurs endroits, par où les François atioient passé, lesquels se rapportoient tous, à luy représenter leurs desseins. Et y auoit encor de plus ; que Monsieur de l'Isle, Ambassadeur du Roy de France à Rome ; auoit, pendant la maladie du Pape, fait des pratiques, que la mort du Pape arriuant, le Pape fust fait à Trente par nations, & que le Siege demeurast vaquant iusques à ce que la Réformation fust faite. Car, par ce moyen le Concile seroit libre : & le Pape, qui seroit créé puis après, ne se sentiroit point greué d'accepter la reformation, qui auroit esté establie auparauant. Cela esmut le Pape, plus que toute autre chose : tant, pour le desplaisir que tous hommes, & sur tout, les Princes ont, de voir qu'on face desseins sur leur mort, & après leur vie ; que, pource, que cela le rendoit tres-assuré de la resoluë intention des François à la Reformation de la Cour de Rome, & du Papat. A tout cela adioustant les differends, qui estoient à Trente sur le fait de l'Institution des Euesques, & de la Residence, il fit tenir tous les iours des Congregations, & ne se retenoit point de dire à toutes sortes de personnes, qu'il n'auoit aucun affaire plus important, & plus dangereux pour soy, que le Concile : & exposant vn iour les estrifs, qu'il y auoit pour l'Institution des Euesques, & pour la nouvelle proposition de la Residence il s'escria, Que tous les Euesques beneficiés de luy, luy estoient contraires, & qu'il nourrissoit à Trente vne armée d'ennemis. Et mesmes on auoit quelque opinion, qu'en son interieur il prist plaisir, que les Huguenots fissent quelque progrès en France : & que les Protestans eussent quelque aduantage en la Diete d'Allemagne, afin que le Concile se pust rompre sans luy. Il ne laissa pas toutesfois d'estre tousiours ententif aux remedes : & ordonna que les Euesques, qui n'estoient encor partis de Rome, partissent sans delay : & voulut mesmes, que Marc Antoine Boba, Euesque d'Oste, Ambassadeur du Duc de Sauoye à Rome, y allast. D'ailleurs il defendit à l'Archeuesque de Torre, Espagnol, & à l'Euesque de Cefene, d'y aller : à celuy-là, pource qu'au Concile tenu sous Paul troisieme, il auoit, avec plus de fermeté, que ne portoit le temps, soustenu au fait de la Residence, qu'elle est de droit diuin : à cettui-cy, d'autant qu'il estoit intime du Cardinal de Naples, duquel le Pape doutoit grandement, pour la mort par main de bourreau de ses deux Oncles les Caraffes, par commandement du Pape, & pour les executions faites contre sa propre personne. Et mesmes auoit quelque crainte de ce qu'on disoit, que le Conte de Montebel, pere dudit Cardinal, auoit entre mains vne cedula de la propre main du Pape, lors qu'il estoit encor Cardinal en Conclau, par laquelle il promettoit audit Cardinal de Naples vne somme d'argent pour auoir sa faueur en l'election. Mais sa principale desfiance estoit des François, laquelle toutesfois il iugea, qu'il valloit mieux dissimuler. Il enuoya en France quarante mil escus, pour reste des cent mil qu'il auoit promis au Roy : & despescha à Trente Sebastien Gualter, Euesque de Viterbe, accompagné de Louis Antinore, lesquels, ayans esté en France, auoient quelque familiarité avec quelques vns de ces Prelats, & quelque dependance avec le Cardinal : & ce, sous couleur de l'honorer : & escriuit à luy, & à Lansac, lettres pleines de complimens, & de cōfiance. Ce qui toutesfois fut pris par eux

1562.

à contre-sens, comme s'ils estoient enuoyés pour esclairer les intentions du Cardinal, & espier ses allées & ses venuës: sur tout, d'autant qu'ils auoient eu de bons aduis de Rome, que ledit Euesque de Viterbe auoit exhorté le Pape de n'apprehender pas tant: attendu que le Cardinal de Lorraine trouueroit plus de difficultés, & d'empeschemens, qu'il ne croioit: & s'estoit offert soy-mesme à en susciter d'auantage.

le Cardinal de Lorraine concerte sa presentation, en congregation, où il y a de la difficulté,

Le vingt-deuxième Nouembre, le Cardinal se resolut d'entrer le iour suivant en Congregation: & fut concerté qu'on y liroit les lettres du Roy, & que luy feroit vne harangue. Le Cardinal proposa de plus, qu'une autre en seroit aussi faite par l'Ambassadeur du Ferrier. Les Legats ne vouloient consentir à cecy: & la clause véritable estoit, Que, si cela estoit vne fois permis, les Ambassadeurs de France, & tous les autres, voudroient parler & proposer, en danger de causer encor plus de confusion. Mais ils dissimulerent cela, & dirent seulement, Qu'en ce Concile-là, ny lors, ny sous Paul, ny sous Iules, n'auoit iamais esté permis aux Ambassadeurs de parler en Congregation, sauf le iour de leur reception. Et partant, que, sans le consentement de Sa Sainteté, ils ne pouuoient admettre telle nouveauté. Mais le Cardinal respondit, Que, puis qu'il y auoit nouvelles lettres du Roy, & nouvelles instructions, on la pouoit qualifier nouvelle Ambassade: & que ce seroit comme vne premiere entrée. Apres plusieurs responses, & repliques, le Cardinal leur donna parole, qu'apres cete fois, ils ne rechercheroient plus de parler. Dont les Legats, pour luy donner contentement, & afin qu'il ne prist occasion de monstrier vne manifeste offense, acquiescerent.

il y entre, & sont luës les lettres du Roy,

Ainsi, le iour suivant, fut assemblée la Congregation, où fut luë la lettre du Roy, portant pour inscription, Aux tres-Saints & tres-Reuerends Peres, assemblés à Trente pour celebrer le Saint Concile. Et en icelle le Roy disoit, Que, dès qu'il auoit plu à Dieu de l'appeller au Royaume, il luy auoit aussi plu d'affliger iceluy de diuerses guerres: mais que Dieu luy auoit ouuert les yeux, en sorte que, quoy que ieune d'ans, il auoit reconu que la principale cause des maux estoit la diuersité des sentimens au fait de la Religion. Et que, par cete illumination de Dieu, il auoit, dès son aduenement à la Couronne, fait instance pour la celebration du Concile, auquel ils estoient presentement assemblés: sçachant que les anciens Peres ont tousiours trouués Conciles les plus propres & conuenables remedes à semblables maladies. Et qu'il auoit esté bien desplaisant, que, comme il auoit esté le premier à pourchasser vn si bon œuure, il n'eust puy enuoyer ses Prelats des premiers. Mais que, puis que les causes estoient notoires, il estimoit d'en estre suffisamment excusé par eux, sur tout lors qu'ils verroient seldits Prelats arriés, accompagnés du Cardinal de Lorraine: lequel il auoit enuoyé pour deux causes principales: dont la premiere estoit, la grande & frequente instance que luy mesmes auoit fait d'auoir congé d'y aller, pour satisfaire au deuoir du rang, qu'il tenoit en l'Eglise: l'autre, d'autant qu'iceluy estant de son Conseil priué, & nourry dès son enfance és plus importants affaires d'estat du Royaume, il en sçauoit aussi les necessités, mieux que nul autre: & d'où en estoient nées les occasions: dont aussi il en pourroit faire fidele & ample rapport, conformément à la charge qu'il en auoit: & en requerir, au nom du Roy, les remedes qu'il se promettoit de leur prudence, & affection paternelle, tant pour le repos du Royaume, que pour le salut vniuersel de toute la Chrestienté. Qu'il les prioit doncques de mettre la main à cela, avec leur accoustumée sincerité, afin qu'on vinst à vne sainte reformation, & qu'on vist resplendir l'ancien lustre de l'Eglise Catholique, avec vnion de toute la Chrestienté, en vne seule & mesme religion. Oeuure digne d'eux, souhaitée de tout le monde, dont ils receuroient retribution de Dieu, & loüange de tous les Princes. Et, pour conclusion, dit, qu'il se remettoit, pour les particularités, à la prudence & suffisance du Cardinal, auquel il les prioit d'adiouster foy, en ce qu'il leur proposoit de sa part.

Après cete lecture, le Cardinal parla. Et d'entrée il exposa les miseres du Royaume, & deplora les guerres, les demolitions d'Eglises, les meurtres des Religieux, le foulement des Sacremens, l'embrasement des Bibliothèques, l'abbatement des images, & des reliques des Saints, le degast des sepultures des Rois, des Princes, & des Euesques, & le dechassement des vrais Pasteurs. De là, passant aux choses ciuiles, il representa le mespris de la Maiesté Royale, l'vsurpation des reuenus du Roy, l'infraction des loix, & les seditions excitées parmy le peuple. De tous ces maux, il en attribua la cause à la corruption des mœurs, au renuersement de la discipline Ecclesiastique, à la negligence à reprimer l'heresie, & à vser des remedes ordonnés de Dieu. Et puis, se tournant deuers les Ambassadeurs des Princes, leur remonstra, que ce, qu'à present ils voyoient, comme spectateurs oiseux, au Royaume de France, ils le pourroient, avec vn repentir trop tardif, sentir & experimenter chez eux-mesmes; en cas que la France, tombant sous son faix, vint à entraîner les autres lieux circonuoisins. Il dit neantmoins, qu'il y auoit encor des remedes, la vertu, & l'excellent naturel du Roy, les conseils de la Roine mere, & du Roy de Nauarre, & des autres Princes, qui n'y espargnoient ny vie ny moyens. Mais que le principal remede estoit attendu du Concile, duquel deuoit venir la paix de Dieu, qui surpasse toute intelligence. Et que le Roy Tres-Chrestien en estant tres-certain, pour la reuerence qu'il portoit au Concile, & pour l'ennuy qu'il auoit des differends de Religion, requeroit deux choses d'eux. La premiere, qu'on fust les nouuelles discordes, & les inutiles & nouuelles questions: & qu'on procurast surseance d'armes entre tous les Princes, & Estats: & qu'on ne donnast scandale aux Protestans, leur baillant suiet de croire que le Concile trauaillast plustost à inciter les Princes aux armes, & à traiter ligues & alliances, qu'à garder l'vnité de la paix: laquelle le Roy Henry auoit premierement establee, & puis auoit esté continuée par le Roy François II. & tousiours desirée par le Roy present pupille, & par sa meré. Ce qui estoit de vray reüssi avec peu de bon-heur: mais que toutesfois les euenemens de la guerre deuoient estre redoutés, comme beaucoup plus mal-heureux & perilleux, attendu qu'en iceux tous les estats du Royaume estans en danger de naufrage, l'vn ne pouuoit secourir l'autre. Et pourtant, que le Roy desiroit qu'on fist quelque estat des desuoyés de l'Eglise, & que on leur condannast tout ce qu'on pourroit sans offenser Dieu, & qu'on les tint pour freres autant qu'il seroit possible, & iusques aux Autels. La deuxieme chose que le Roy requeroit, coniointement avec l'Empereur, & les autres Rois, & Princes, estoit, qu'on traitast de la reformation des mœurs, & de la discipline Ecclesiastique; & qu'ils y missent la main à bon escient: dequoy le Roy les admonnestoit, & coniuroit par Nostre Seigneur Iesus-Christ, lequel doit venir en iugement: & que, voulans remettre en son entier l'autorité de l'Eglise, & retenir le Royaume de France en deuoir, ils ne mesurassent point les incommodités des François par les leurs. Qu'il s'esfioüissoit que toute l'Italie estoit en paix, & que l'Espagne en tenoit à pleine main le gouuernail: en lieu que la France estoit renuersée, & à grand peine le tenoit plus du bout du doigt. Et adiousta, que s'ils luy demandoient, à qui il falloit attribuer la cause de la tourmente, & orage qui s'estoit esleué, il ne pouuoit respondre autre chose, sinon, Ce sommes nous, pour lesquels cete tempeste s'est esleuée, iettez nous en la mer, comme dit Ionas. Partant, qu'il y auoit besoin de courage, & de hardiesse, & de penser à soy-mesmes, & au troupeau. Et, pour conclusion, dit, Qu'il auoit, avec ce propos, achené son Ambassade, & que les Ambassadeurs diroient le demeurant. Mais que luy, & les Prelats, qui estoient venus avec luy, protestoient de vouloir, apres Dieu, estre suiets au Tres-saint Pape Pie, reconnoissant son primat en terre par dessus toutes les Eglises: & qu'ils ne refuseroient iamais de se soumettre à ses commandemens. Qu'ils auoient en veneration les Decrets de l'Eglise Catholique, & du Concile general: qu'ils honoroient & reueroient les Legats, & offroient concorde & vnion aux Euesques: & se resioüissoient d'auoir

1562.

*Response
du Legat
de Man-
toné au
Cardinal
de Lor-
raine:*

les Ambassadeurs du Roy, & des autres Princes pour tesmoins de leurs aduis, qui ne buteroient à autre chose qu'à l'honneur de Dieu.

Après qu'il eut acheué de parler, le Cardinal de Mantouë, en peu de paroles, le loüa de la peine & travail qu'il auoit pris pour le seruice de Dieu: & tesmoigna que tout le Concile se resioüissoit de sa venue: & fit aussi mention de ses freres, lesquels il loüa, de ce, qu'en leur profession des affaires & des armes, ils monstroient mesme zele & promptitude au seruice de Dieu, & au bien du Royaume: & pour le demeurant, il se rapporta à la response, que luy rendroit, au nom du Concile, l'Archeuesque de Zara, député à cela. Lequel dit, Que le Concile auoit en tout temps ouï avec beaucoup de desplaisir les troubles & seditions de Religion en France, de laquelle il auoit tousiours eu grandement à cœur le repos & tranquillité: & de tant plus en auoit-il alors du desplaisir, que par le narré de Sa Seigneurie Illustrissime ils luy estoient figurés, & mis deuant les yeux. Qu'il esperoit toutesfois, que le Roy, ensuiuant la vertu de ses Ancestres, les pourroit en bref reprimer. Que le Concile s'employeroit de toutes ses forces, & courage, pour mettre en euidence le vray seruice de Dieu, & pour corriger les mœurs, & pour rendre son vray repos & tranquillité à l'Eglise: à quoy il esperoit de pouuoir plus aisément paruenir par l'aide & secours de Sa Seigneurie Illustrissime, & des Prelats qu'elle auoit menés avec elle. Et, après s'estre grandement estendu és loüanges du Cardinal; il conclut, Que le Concile remercioit Dieu de sa venue, & s'en conioüissoit avec luy, & s'offroit d'ouïr ce qui, en son temps & lieu, seroit dit par les Ambassadeurs, ne doutant nullement, qu'il ne düst estre à la gloire de Dieu, à l'vtilité & bien de l'Eglise, & au grand & singulier honneur du S. Siege.

*harangue
libre &
piquante
de l'Ambas-
sadeur
du Fer-
rier:*

Après cela, parla l'Ambassadeur du Ferrier, & commença par les loüanges de l'esprit du Roy, son Maistre, enclin à la Religion: lequel paroïssoit encor plus clairement par la venue & la harangue du Cardinal, laquelle donnoit assez à cognoistre à tous, combien la France procure le bien de l'Eglise Catholique: veu que chacun pouuoit bien presumer, que le Roy auoit esté mû par causes tres-puissantes à enuoyer iceluy Cardinal, du conseil duquel il s'estoit tousiours seruy és grandes affaires de son Royaume. Que le Roy pourroit dans trois iours pacifier tous troubles & seditions, & retenir en la naturelle obeïssance les courages de tous ses suiets, s'il n'auoit autre but que le bien de ses affaires propres, & ne regardoit à l'Eglise Catholique, & à conseruer la dignité & l'autorité du Pape en France, pour laquelle seule il exposoit en danger son Royaume, la vie, & les biens de tous les Grands, & Nobles. Puis, descendant aux demandes, qu'ils auoient à faire, il dit, Qu'ils ne seroient point importuns, fascheux, & difficiles en icelles: qu'ils ne requeroient autre chose, que ce que toute la Chrestienté demandoit. Que le Roy Tres-Chrestien requeroit le mesme, qu'auoit requis le Grand Constantin des Peres du Concile de Nicée: & que toutes ses demandes estoient comprises en la sainte Escriture, és vieux Conciles de l'Eglise Catholique, és anciennes Constitutions, Decrets, & Canons des Papes, & des Peres. Que le Roy Tres-Chrestien demandoit que l'Eglise fust remise en son entier, par eux Peres, constitués comme iuges delegués par Christ mesmes, non par vne commission de clause generale, ains selon la forme des expresses paroles de cet Edit perpetuel & diuin; contre lequel ne peut auoir lieu vsurpation ne prescription quelconque. En sorte, dit-il, que finalement, comme de captiuité, puissent retourner en la sainte Cité de Dieu, & à la lumiere des hommes ces bons & saints reglemens que le diable auoit desrobés, & cachés par vn long espace de temps. Et là dessus allegua l'exemple de Darius, qui appaisa les troubles & tumultes de Iudée, non par les armes, mais par l'execution de l'ancien Edit de Cyrus: & celuy de Iosias, lequel reforma la Religion, en faisant lire & obseruer le liure de la Loy, caché par la malice des hommes. De là, il lascha vn trait bien piquant, disant, Que si les Peres demandoient, pourquoy la France n'estoit en paix, on ne pouuoit respondre

autre chose, que ce que Iehu auoit dit à Ioram, Comment y peut-il auoir paix, pendant que durent? Il coupa là le propos, mais adiousta, Vous sçauiez le reste. Il dit en suite, que s'ils ne trouuailloient à cete Reformation, les secours & aide du Roy d'Espagne, du Pape, & des autres Princes, seroient tous en vain: & que le sang de ceux qui periroient, quoy que meritoirement pour leurs propres pechés, seroit redemandé de leurs mains. Et, pour conclusion, dit qu'auant que venir aux particulieres demandes, qu'ils auoient à faire, ils requeroient les Peres de terminer bien tost les choses, qu'ils auoient commencé à traiter, afin qu'au plustost ils pussent venir aux autres, beaucoup plus importantes & necessaires en ce temps. La poignante liberté de cet Ambassadeur ne desplut pas moins, que celle dont auoit vsé Pibrac, son Colleague, à leur arriuée à Trente. Mais la crainte, qu'on auoit des François, fit mettre sous silence les offenses de paroles.

Le iour d'apres furent continuées les Congregations, & la premiere fut toute occupée par F. Gaspar de Casal, Portugais, Euesque de Liria, lequel, pour informer le Cardinal de Lorraine de toutes les raisons & motifs des Espagnols, recapitula, avec grand apparat de paroles, les choses dites par les autres sur la presente matiere de l'Institution des Euesques. Et dit de plus, qu'il n'y auoit rien, qui fust plus en faueur des Lutheriens, que de faire l'institution des Euesques de droit humain: attendu que, par ce moyen estoit autorisée & approuuée l'innouation faite par eux, d'establiir des prescheurs ou ministres, au gouuernement de l'Eglise, en lieu des Euesques, ordonnés par Christ. Il adiousta à cela, que, des Epistres de S. Gregoire à Iean Patriarche de Constantinople, & à autres contre le mesme, il paroissoit clairement, qu'on ne peut dire, que l'institution du Pape de Rome vienne de Christ, que semblablement on ne die, que du mesme vient celle des Euesques.

Le Cardinal de Lorraine tint chez soy Congregation des Prelats & Theologiens François, qui estoient venus avec luy, pour ouïr leurs opinions sur le fait de la iurisdiction des Euesques: & fut vnanimement conclu entr'eux, qu'ils la recoiuent de Dieu, & qu'elle est de droit diuin. Et cete singularité de Congregation fut pratiquée du depuis par le mesme Cardinal en toutes les autres matieres suruenantes, au grand desplaisir des partisans du Pape, auxquels il sembloit qu'il voulust faire vn Concile à part, & craignoient que les Espagnols, à son exemple, n'en introduisissent vn autre: & qu'en fin ces Congregations ne causassent quelque schisme manifeste, comme il estoit aduenü au premier Concile d'Ephese, par les Congregations separées qu'y firent les Egyptiens, & les Syriens. Il est bien vray que les partisans du Pape auoient entre les Espagnols Barthelemy Sebastien, Euesque de Paty en Sicile; lequel, quoy qu'Espagnol de nation, auoit grandes intelligences à Rome, à cause de son Euesché qui estoit en Sicile, & decouuroit à Rome toutes les pratiques & conseils des Espagnols. Entre les François, dès le temps, que le Cardinal s'apprestoit pour le voyage, le Nonce de France auoit gagné Frere Iacques Hugonis, Cordelier, Theologien de Sorbone, élu par le Cardinal de Lorraine, pour estre en sa compagnie. Ledit Nonce eut quelque accès à luy, d'autant qu'il estoit constitué Procureur au Concile par Iean des Vrsins, Euesque de Landriguet: & en donna aduis à Rome: & par lettres dudit Nonce, luy fut baillée adresse à Trente pour la correspondance, à Laetance Rouerella, Euesque d'Ascoli. Mais le Cardinal Simonete ne trouua pas bon de tant se confier audit Euesque, & ne voulut pas qu'il sçeuist l'intelligence, qu'on deuoit auoir avec ce Theologien. Et pourtant, lors que le Cardinal fut pres de Trente, il fit que l'Euesque de Ventimile enuoya audit Hugonis vn autre Moine Cordelier, nommé Pergola: pour luy dire de sa part, qu'il auoit aduis du Nonce de France, touchant la lettre qu'il portoit à l'Euesque d'Ascoli: & que le mesme Nonce escriuoit à l'Euesque de Ventimile, que luy Hugonis se dust aboucher avec luy, auant que la deliurer. Le Cordelier Pergola fit dextremēt l'office, si bien que Hugonis donna intention d'en faire ainsi. Et conformément à ce cōcert,

1562.

peu de iours apres qu'il fut à Trente, il alla trouuer l'Euesque de Ventimile: & apres s'estre reclus, & s'estre donné les entrefeignes pour traiter ensemble, le Cordelier luy fit relation de l'estat des affaires de la France: & entre autres choses, luy dit, Que la plus grande partie de la ruine du Royaume procedoit de la Roine mere, laquelle fauorisoit les heretiques: ce que luy mesmes auoit clairement reconnu es disputes, qu'il luy estoit aduenue d'auoir plusieurs fois avec eux en la presence d'icelle. Et quant aux Ambassadeurs, qui estoient à Trente, il luy dit, qu'eux aussi estoient corrompus. Qu'il tenoit bien le Cardinal pour bon Catholique, mais qu'il estoit enclin aux impertinentes reformatiōs des ceremonies Ecclesiastiques, comme de remettre sus l'usage du Calice, d'oster les Images, d'introduire la langue vulgaire & autres telles choses, auxquelles il estoit porté par le Duc de Guise, son frere, & par autres siens parens: & que la Roine, à son depart, luy en auoit fait de grandes exhortations, & luy auoit donné vingt mil escus. Il dit de plus, qu'entre les Euesques, il y en auoit trois de la mesme faction: mais que sur tous celuy de Valence s'entendoit avec la Roine, & estoit enuoyé par elle, comme principal, auquel le Cardinal deuoit se rapporter, & deferrer. Pour conclusion, ils contreuinrent entr'eux du moyen de se trouuer & de traiter ensemble. L'Euesque de Ventimile luy bailla cinquante escus d'or par commission des Legats, lesquels du commencement il fit difficulté d'accepter: mais l'Euesque par ses persuasions l'y fit acquiescer: en sorte toutesfois, que luy mesmes ne les prit pas, ains appella vn sien seruiteur qui estoit avec luy, auquel il commanda de les prendre au nom de sa religion.

Il m'est aduenue bien souuent, & aduiant encor, de raconter de fois à autre quelques particularités, lesquelles ie suis certain ne deuoit estre par plusieurs estimées dignes de memoire, comme moy-mesme confesse ne les auoir tenuës pour telles. Mais, d'autant que ie les ay trouuées conseruées, & remarquées es memoires de ceux, qui se trouuerent presens es actions, i'ay cru qu'il y pouuoit auoir quelque esgard, à moy inconu, pour lequel ils les eussent estimées dignes d'estre enregistrees: dont, ie me suis resolu de suivre plustost leur iugement, que le mien, à les rapporter. Quelque esprit plus aigu & curieux, y pourra peut-estre, decouurer quelque chose digne de remarque, que ie n'ay pû y entrevoir: & ceux aussi, qui n'en feront estat, ne se pourront pas plaindre d'auoir perdu beaucoup de temps à les lire.

*Sessio
differée,*

Le vingt-sixième Nouembre, iour destiné pour la Session, le Cardinal Seripande proposa en Congregation, qu'icelle fust differée: attendu, que les Decrets, qui s'y deuoient publier, n'estoient encor arrestés: & fit vne admonition aux Peres, sur leur longueur & prolixité à parler, dont il arriuoit, qu'on ne pouuoit determiner aucun iour asseuré pour la tenuë de la Session: & partant qu'on estoit en necessité de la differer au bon plaisir. Et adiousta, que plusieurs d'entreux se donnoient carriere à parler des abus, sans prendre garde que, de continuer par tant de temps vainement en disputes sans fruit, estoit vn tres-grand abus, lequel de necessité il falloit retrancher, si on vouloit voir la fin du Concile avec edification. Le Cardinal de Lorraine conferma le mesmes, & exhorta les Peres à laisser les questions, qui ne venoient point à propos en ce temps-là, & à estre courts, & diligens à expedier les choses ia proposées, pour venir aux plus importantes, & necessaires. Vn bon nombre de Prelats ne consentit point, que la Session fust differée au bon plaisir, & requierent qu'on assignast vn temps arresté. Mais, sur la replique qui fut faite, qu'il estoit impossible de presiger vn certain iour, d'autant qu'on ne pouuoit scauoir le temps, qui seroit necessaire pour sortir de la matiere tant debatue entr'eux, la conclusion fut prise, qu'au bout & terme de huit iours, le iour de la Session seroit arresté.

*pratiques
enuers les
Espagnols*

Le mesme iour arriua le Senateur de Molines, enuoyé par le Marquis de Pescaire, pour renouueller, & renforcer enuers les Prelats Espagnols les offices ia faits en faueur du Pape par le Secretaire resident, mais qui n'a-

uoient produit effet. Iceluy porta nouuelles lettres de creance du Marquis à eux tous, & luy mesme y trauailla avec beaucoup de sollicitude. Mais cete diligence fit effet contraire: car les Prelats la prirent comme vne pratique du Cardinal d'Arragon, frere du Marquis, sans commission expresse de la Cour. Les Ambassadeurs de France, voyans que plus on alloit auant, plus il naissoit de difficultés, pour ce point de l'Institution des Euesques, sollici-^{& instan-} toient qu'on trouuast quelque expedient de se desmeller de ces superfluités, ^{ces des} pour venir à l'affaire plus important de la Reformation, desirans de s'esclaircir vne fois de ce qu'ils pouuoient obtenir du Concile. Et l'Euesque de Nismes, en disant son aduis, se laissa entendre, que, si les Peres auoient tant à cœur de decider vne curiosité, qui en fin n'estoit que de paroles, il leur plust d'auoir quelque esgard aux autres, pour ne les entretenir avec perte de temps: & differer icelle à vne autre fois, & presentement mettre la main aux choses necessaires. Mais Diego Couarruuias, Espagnol, Euesque de la Cité de Ro-^{& estrif} drigue, qui parloit apres iceluy, dit, pour excuser les Peres de ce qu'ils s'en-^{des Legats} tretenoient en cete question, Que, puis qu'elle auoit esté proposée par Mes-^{avec quel-} sieurs les Legats, les Prelats ne pouuoient faire de moins, que d'en dire leur ^{ques Es-} aduis. Le Legat Simonete s'esmut à cete parole, & nia que la proposition en ^{pagnols,} eust esté faite par eux. Et Seripande renuia par dessus, & dit, Qu'ils auoient pris trop de licence: qu'ils ne se contentoient pas de parler de la superiorité des Euesques, qui estoit ce, qui auoit esté proposé, mais auoient aussi mis sur les rangs l'autre question, de l'Institution des Euesques, & à toutes deux auoient adiousté la clause, du droit diuin. Et, encor de surcroist, apres la tolerance & patience, dont on auoit vsé à leur laisser dire tout ce qu'ils vouloient, ils imputoient la faute aux Legats. Il reprit aigrement le trop de liberté à entrer en ces questions, & la hardiesse à traiter de la puissance du Pape, le tout en vain & superflusement, avec redires & repetitions des mesmes choses, dites ia plus de dix fois: & mesmes par aucuns, avec des raisons & motifs friuoles, & façons ineptes, indignes de telle Assemblée. Mais en la suite de son propos, s'estant aduisé d'auoir esté trop aigre, il passa à bailler vn formulaire, comment il falloit qu'un Prelat dist son aduis au Concile. Et luy-mesmes discourut sur les questions proposées, montrant que les opinions opposites estoient toutes deux probables: & quand mesmes celle du droit diuin auroit plus de probabilité, si n'estoit ce pas matiere à decider en Concile. Il ne put pas pourtant appaiser les esprits esmus de plusieurs, & mesme la procedure ne plut point au Cardinal de Lorraine, lequel ne manquoit de faire toute demonstration necessaire pour acquerir la bonne opinion de tous. Et alloit taschant de conoistre les personnes & leurs humeurs, & de s'asseurer de ce qui estoit possible à faire, pour n'entreprendre rien qu'il ne reconust pouuoir estre mené à chef: & mesmes affectoit d'estre le compositeur des differens, & l'arbitre de cete question. Il fut proposé, pour expedition de cete matiere, de deputer quelques Prelats par chaque nation, quasi comme compromettant la resolution en eux. Mais cela ne peut estre effectué: par ce que les François, & les Espagnols, vouloient nombre egal de chaque nation: mais les Italiens, comme estans en plus grand nombre que les autres, vouloient aussi plus grand nombre de deputés. Le Cardinal Simonete fut le principal à s'opposer à cete proposition, pour n'introduire la coustume du Concile de Basle.

En ce mesme temps se preparoit nouuelle matiere de débats. Car le Con-^{commen-} te de Lune fit entendre aux Legats, qu'il iroit à Trente, comme Ambassa-^{cement de} deur du Roy d'Espagne, & non del'Empereur: mais, auant qu'y aller, il vou-^{dispute de} loit sçauoir quelle place il tiendrait. Les Legats là dessus appellerent les Am-^{preseance} bassadeurs de France, & leur communiquerent le fait: leur declarant la pei-^{entre les} ne où ils estoient pour les disputes de preseance: & les priant de trouuer ^{François} quelque bon moyen de les appointer. Mais les Ambassadeurs respondirent, ^{& les Es-} Qu'ils n'estoient point enuoyés là, pour composer differends, mais pour re-^{pagnols:} nir la place qui estoit due, & tousiours auoit esté accordée à leur Roy: qu'ils

1562. n'entendoient pas de preiudicier en chose quelconque aux droits du Roy d'Espagne, ains luy rendre tout honneur, & seruice, conuenablement à l'alliance & à l'amitié qui estoit entre le Roy, leur Maistre, & luy : & qu'ils auoient charge, en cas que ladite place leur fust deniée ; de protester de la nullité des Actes du Concile & de partir, emmenant tous les Prelats François quant & eux. Le Cardinal de Mantouë proposa de faire seoir l'Ambassadeur d'Espagne separément d'avec les autres, vis à vis des Legats ; ou bien, au dessous des Ambassadeurs Ecclesiastiques, ou mesmes au dessous de tous les Ambassadeurs seculiers. Mais les François ne se contenterent point d'aucun de ces partis ; voulans en toutes sortes, qu'il eust sa place au dessous & apres eux ; & non ailleurs.

nouuel
estris avec
les Espa-
gnols en
Congre-
gation :

Oren la Congregation du premier Decembre, il aduint, que Melchior Auosmediano, Euesque de Guadix, Espagnol, parlant sur cete partie du dernier Canon, par laquelle il estoit dit & déclaré, *Que les Euesques, appel-
lés par le Pape, sont vrais & legitimes*, dit, *Que cete maniere de parler &
d'exprimer la chose, ne luy agreoit point : attendu qu'il y auoit bien aussi des
Euesques, qui n'auoient ny appel ny confirmation du Pape, qui ne laissoient
pas pourtant d'estre vrais & legitimes*. Et, pour exemple, il allegua quatre Suffragans, elus & ordonnés par l'Archeuesque de Saltsbourg, lesquels ne prennent aucune confirmation du Pape. Le Cardinal Simonete ne luy permit point de passer plus outre : disant, que ce qu'en tel cas faisoient l'Archeuesque de Saltsbourg, & les autres Primats, estoit tout par autorité du Pape. Là dessus Frere Thomas Casselle, Euesque de la Caue au Royaume de Naples ; & le Patriarche de Venise, se leuerent tout à coup, disans, *Qu'il le
falloit mettre hors, comme Schismatique*. Et Gilles Fallsette, Euesque de Caorle, petite ville & Isle es costes du Friol, s'escria, *Hors le Schismatique*. Et là dessus il se fit vn grand bruit entre les Prelats, tant de murmures & huées, que de battement de pieds ; partie en offense de l'Euesque opinant, partie à sa defense : ce qui mescontenta grandement les Prelats Ultramontains. Le Cardinal de Lorraine en prit bien du desplaisir, mais n'en fit pourtant aucun semblant pour l'heure. Mais, apres que les Legats eurent avec beaucoup de difficulté appaisé le bruit, faisant suivre aux autres, qui deuoient parler en cete Congregation, le Cardinal à l'issuë, en presence de plusieurs Prelats partisans du Pape, dit, *Que l'insolence auoit esté grande, &
que l'Euesque de Guadix n'auoit point mal parlé : & que s'il eust esté Fran-
çois, luy mesmes en eust appellé à vn Concile plus libre : & que si on ne pour-
uoit à faire, que tous pussent parler librement, on ne retiendrait iamais les
François, qu'ils ne partissent, pour aller tenir vn Concile national en Fran-
ce*. Et de vray il fut reconnu, que l'Euesque n'auoit pas mal parlé, & le Canon fut corrigé : & en lieu de ces termes, *les Euesques appelés par le Pape* ; il fut dit, *les Euesques, promus par autorité du Pape de Rome*.

assigna-
tion de la
suiuante
Session :

Le iour suiuant, le temps estant venu d'assigner le iour de la Session, le Cardinal de Mantouë proposa, qu'elle fust differée iusques au dix-septieme du mois : & que, si dans ces temps-là, les Decrets de la Reformation, sur la matiere dont il s'agissoit, ne pouuoient estre prests ; ce point fust differé iusques à la suiuate Session. Le Cardinal de Lorraine adhera à ce mesme aduis, pour le iour : mais à condition, qu'on ne laissast de traiter tout ce qui appartenoit à la matiere ; & que rien n'en fust remis à la suiuate Session, en laquelle il estoit necessaire d'entamer la reformation vniuerselle. L'Archeuesque de Prague, l'Euesque des Cinq Eglises, & celui de Premisse, Ambassadeur de Pologne, s'accorderent au mesme aduis. Et apres grand debat entre aucuns, qui vouloient, selon l'opinion de l'Euesque de Nismes, qu'on remist les questions à vn autre temps ; & autres qui vouloient qu'on les decidast : en fin fut arresté, d'assigner la Session au iour dessusdit : & que, pour expedier toute la matiere, on tiendrait deux Congregations le iour : & que si, audit iour, elle n'estoit encor decidée, on publiceroit les Decrets, qui alors se trouueroient arrestés, remettant les choses indecises à vn autre temps : & qu'en

qu'en la suiuaute Session on traiteroit de la Reformation auant qu'entrer es points de la Doctrine. Le Cardinal de Mantoue reprit aussi le bruit des pieds, & des voix du iour precedent: & pour sa conclusion, dit, Que si à l'auenir ils ne parloient avec respect, & avec la reuerence conuenable à leur propre dignité, & à la presence d'eux Legats; qui representoient sa Sainteté, & des Cardinaux, & des Ambassadeurs, qui representoient les Princes, ils sortiroient de Congregation, pour ne supporter tant de desordre en leur presence. Le Cardinal de Lorraine loua cetté admonition: & adiousta, Qu'il n'estoit pas conuenable que les Legats se retirassent de la Congregation pour cause quelconque: mais bien, qu'il estoit tres-raisonnable de chastier les perturbateurs. L'Euesque de la Caue ne voulut point s'excuser de ce qu'il auoit dit, ne receuoir en silence l'admonition, quoy que generale: mais dit, Qu'on ostant les causes du desordre, & que les effets cesseroient: que si les paroles del'Euesque de Guadix eussent offensé sa personne en son propre & priué nom, il les auroit supportees par charité Chrestienne: mais que comme icelle requiert bien patience es iniures propres, aussi veut elle vn vif ressentiment es iniures faites à Christ: la diuine Majesté duquel est lésée, lors & quand est touchée l'autorité de son Vicaire: & pour luy, qu'il n'auoit que bien, voire tres-bien parlé: & conferma de plus fort ce qu'il auoit dit, par autres paroles de mesme sens, lesquelles generalement furent estimées petulantes.

*censure du
Cardinal
de Man-
toue aux
Peres du
Concile:*

Iacques Gilbert de Noguerras, Euesque d'Aliphe, Espagnol, dit à son tour d'opiner, Qu'on ne pouuoit parler de l'Institution des Euesques avec meilleur fondement, qu'en considerant & bien entendant les paroles de S. Paul aux Ephesiens. Car, dit-il, il est tres-vray, que Christ, viuant en chair mortelle, a gouuerné l'Eglise d'une façon de gouvernement souuerain & absolu, comme autres auoient iudicieusement dit en Congregation: mais aussi estoit ce vne grande fausseté ce, qui par eux auoit esté adiousté, que Christ montant au Ciel, auoit abandonné & quitté cette forme de gouvernement: ains il l'exerce plus que iamais: & c'est ce, qu'à son depart du monde, il dit aux Apostres, Je suis avec vous iusques à la fin du monde: ioint à cela l'operation du Saint Esprit: tellement qu'à present, de Christ, comme de Chef, découle non seulement l'influence interieure des graces, mais mesmes aussi vne exterieure assistance, quoy qu'inuisible à nous, toutesfois reele & veritable, laquelle presente les occasions pour le salut des fideles, & repousse au loin les tentations du monde: mais outre tout cela, il a aussi ordonné quelques vns des membres de l'Eglise pour Apostres, Pasteurs &c. afin de defendre les fideles des erreurs & les adresser à l'vnité de la foy, & connoissance de Dieu: & à ceux-là il a donné le don necessaire pour l'exercice de cette sainte charge, qui est la puissance appelée de Iurisdiction, laquelle n'est point égale en tous: mais tout autant que chacun en a, il le reçoit immediatement de Christ. Et qu'il n'y a rien de plus contraire à S. Paul, que de dire, qu'elle a esté baillée à vn seul, lequel la communique comme il luy plaist. Il est bien vray, dit-il, qu'elle n'est point égale en tous, mais que chacun l'a selon la mesure, que Dieu luy departit, lequel afin que l'vnité de l'Eglise fust conseruée, ainsi que dit S. Cyprien, a ordonné que la supreme puissance fust en S. Pierre, & en ses successeurs: non qu'elle soit absolue, & selon le proverbe, ayant la volonté pour raison: ains en la sorte, que dit S. Paul, en edification seulement de l'Eglise, & non à destruction: & pourtant elle ne s'estand point à abolir ou casser les loix, & les Canons, ordonnés par l'Eglise pour fondement de son gouvernement. Et là dessus il commençoit à produire les Canons allegués par Gratien, esquels les anciens Papes de Rome se confessent suiets aux Decrets des Peres, & aux constitutions des predecesseurs.

*reprise de
la question
de l'Institution des
Euesques,*

Mais le Cardinal de Vvarmiene ne le laissa pas passer plus auant: ains l'interrompit, disant, Qu'il escheoit de parler de la superiorité des Euesques, à quoy son discours n'estoit point à propos. Mais il respondit, Que s'agissant de l'autorité des Euesques, il falloit bien de necessité traicter de celle du

*interrom-
pue.*

2562.

Pape. Et l'Arch euesque de Grenade se leua, & dit, Que les autres en auoient bien parlé, voire superflument, pour ne dire pernicieusement : & pourtant, quel Euesque d'Alippe en pouuoit bien aussi parler : designant les choses dites par Lainez. L'Euesque de la Caue susnommé se leua, & dit, Que les autres en auoient bien de vray parlé, mais non en cette sorte : surquoy commençoient à naistre des murmures entre les Prelats, quand Simonete fit signe à l'Euesque de la Caue qu'il se tust : & aduertissant celuy d'Alippe, de parler à propos sur le suiet, il fit appaiser le bruit. Iceluy poursuivant en l'allegation commencée des Canons, le Cardinal de Vvarmie derechef l'interrompit, sans toutesfois adresser son propos à luy, mais faisant vn discours formé aux Pères sur cette matiere : disant, que les heretiques pretendent de prouuer, que les Euesques, eslus du Pape, ne sont vrais & legitimes Euesques : & que c'est-là l'opinion, laquelle il faut condamner : mais que sur la question, Si les Euesques sont instituez de droit diuin, ou non, il n'y a aucun difference entre les heretiques & Catholiques : & pourtant, que cette question n'appartient point au Concile, lequel est conuqué seulement pour condamner les heresies. Il remonstra aux Peres, qu'ils eussent à s'abstenir de dire choses, qui pussent donner occasion de scandale, & les exhorta de laisser ces questions. L'Euesque d'Alippe vouloit repliquer aux paroles du Cardinal : mais Simonete, à l'aide de quelques autres Prelats, l'appaisa, quoy que non sans difficulté. Apres luy parla Anthoine Marie Saluati Euesque de Saint Paul, en France, lequel fit vn discours, Que tous estoient assemblez pour le seruice de Dieu, & procedoient en bonne intention : quoy que les uns d'un biais, & les autres de l'autre : & disant & proposant diuerses choses, qui seruoient en partie pour accorder les opinions, mais principalement pour concilier les esprits, il fut cause que la Congregation se termina paisiblement, & qu'entre le Cardinal de Vvarmie, & l'Euesque d'Alippe, passerent paroles & termes d'humanité, & de respect.

*soustenu
par le Car-
dinal de
Lorraine
mais d'abi-
gum. ut*

Le quatrième iour de Decembre, le Cardinal de Lorraine dit son aduis sur cette matiere : & fit vn long discours, que la iurisdiction a esté baillée de Dieu immédiatement à l'Eglise : & allega les passages de S. Augustin, que les Clefs ont esté baillées à Pierre, non comme à vne personne singuliere, mais commune à l'vnité : & que quand Christ promit les Clefs à Pierre, iceluy representoit toute l'Eglise : que s'il n'eust esté Sacrement de l'vnité de l'Eglise, c'est à dire, representant icelle, Christ ne luy auroit point baillé les Clefs. Et monstra grande force de memoire, à citer ces passages formellement. De là il passa à dire, Que pour la partie de la Iurisdiction, qui est connexe avec l'Ordre Episcopal, les Euesques la reçoient de Dieu immédiatement : & declarant en quoy elle consiste, il specifia entre autres choses, le pouuoir d'excommunier : s'estendant bien fort sur l'exposition du passage de S. Mathieu, auquel Christ prescrit la forme de la correction fraternele, & iudiciale de l'Eglise, auec autorité de retrancher de son corps les rebelles & desobeysans. Puis il se mit à argumenter à l'opposite contre cette mesme opinion, par diuerses raisons, tirées des paroles de Iesus Christ, dites à Pierre : & du sens, que le Pape Leon leur donne en plusieurs endroits. Il produisit diuers exemples d'Euesques, qui auoient reconnu toute leur Iurisdiction du S. Siege. Et parla auec tant d'eloquence, & en telle façon, qu'on ne pouuoit faire aucun iugement arresté de sa pensée. Il dit en suite, que les Conciles auoient leur autorité immédiatement de Dieu : & pour preuue, allega les paroles de Christ, qui dit, Là où deux, ou trois, seront assemblez en mon Nom, ie seray au milieu d'eux. Et le Concile des Apostres, qui attribua la resolution, prise par luy, au S. Esprit. Il allega aussi le stile des Conciles, qui disent, Assemblez au S. Esprit : & de celuy de Constance, qui auoit expressement dit, Qu'il auoit son autorité immédiatement de Christ. Il adiousta toutesfois, qu'en parlant des Conciles, il entendoit que le Chef y fust conjoint : & qu'il n'y auoit chose aucune de plus grãde vtilité pour l'vnité de l'Eglise, que de bien affermir l'autorité Papale : & que pour luy, il ne souscriroit

jamais à determiner chose quelconque, qui la püst diminuer: que de ce mesme aduis estoient tous les Prelats, & le Clerge de France. Puis retour- 1562.
nant encor à l'institution des Euesques, il en parla tousiours avec la mesme ambiguité: & pour conclusion, dit, que c'estoit vne question qui ne se pou-
uoit aisément determiner, & qu'elle ne l'auoit iamais encor esté. Et exhor-
ta la Congregation à la quiter; & luy mesmes presenta vne forme du Canon,
en laquelle estoient mises ces paroles, *de droit diuin*: mais en lieu d'icelles, il
estoit dit, *institués par Christ*.

Les Prelats François qui parlerent apres le Cardinal de Lorraine, le mes- *Et par les*
me iour, & les suiuaus, ne traiterent point avec la mesme ambiguité, avec *Prelats*
tant de respect à l'autorité Papale, ains maintinrent tout ouuertement, *François*
que l'autorité des Euesques est de droit diuin, rapportant les mesmes rai- *plus nette-*
sons, qu'auoit employé le Cardinal, & les expliquant plus au long. Et quoy *ment & re-*
que, pendant qu'ils parloient, ils s'appuyast sur la main, monstrant quelque *soulement.*
desplaisir de ce qu'ils disoient; le tout pourtant ne laissa pas d'estre attribué
à ambition, comme si à dessein il eust procuré que son aduis fut commenté.
Mais, ores que les François maintinssent tout ouuertement l'opinion des
Espagnols, ceux-cy ne furent pas pourtant contens; tant pource que le
Cardinal auoit parlé avec de l'ambiguité, & par ambages, que pource que
luy, & les Prelats s'estoient declarez de ne tenir point necessaire, qu'au
Concile fust determiné que l'Institution & la Superiorité des Euesques est
de droit diuin: ains qu'il falloit se deporter d'en traiter. Et encor plus,
pour le formulaire proposé par le Cardinal, auquel ces paroles estoient
omis; combien que, pour leur donner contentement, plustost que pour
aucun autre esgard, ces paroles y fussent apposées que les Euesques sont
instituez de Christ.

Les François & les Espagnols, auoient bien vn mesme but, de remedier à *discours*
l'ambition, & à l'auarice de la Cour de Rome, laquelle commandoit abso- *des des-*
lument à son bon plaisir par ordonnances inutiles, & de nul fruit, & tiroit *seins, &*
grandes sommes de deniers des pays de Chrestienté, par les collations des *tesmyens*
Benefices, & par les dispenses. Mais les Espagnols iugeoient, que si cela se *des Fran-*
faisoit directement, & tout à descouuert, il en naistroit du scandale, & ne se *çois & de*
pourroit effectuer; à cause de la deuotion que leurs peuples ont enuers l'au- *espagnols*
thorité Papale; & d'autant que le Roy & son conseil, abhorroient fort les *en ce fait.*
nouueautez. Ioint que le Pape y auoit aisement pû entreietter tant de dif-
ficultez aupres des Princes, qu'on ne pourroit pas seulement venir à en faire
la declaration, & partant qu'il falloit, selon la coustume de cette nation,
prendre ses visées de loins; & par la declaration que la Iurisdiction des Eues-
ques, & la Residence, est de par Christ, & de droit diuin, mettre cét ordre là
en reputation & credit enuers le peuple, & empescher les violences, que la
Cour de Rome pourroit exercer sur leurs personnes: & par ce moyen leur
donner commodité de pouuoir, par traict de temps, reformer les Eglises, au
seruice de Dieu, & repos des peuples; reestabliant la liberté enuahie par
ceux de Rome.

Mais les François, desquels le naturel les porte à proceder à descouuert,
& avec impetuosité, tenoient ces artifices pour vains & inutiles: & disoient,
Que Rome auoit tousiours assez d'expediens, pour les rabatre: & que pour
paruenir à leur but, ils auoient besoin d'un si long espace de temps, qu'on
n'en pouuoit prendre aucune bonne esperance. Mais que le vray moyen
estoit d'oster le masque, & de donner droit dans la visiere aux abus, par trop
euidens, & notoires: & qu'il n'y auoit pas plus de difficulté à vaincre cecy,
qui est le principal, qu'à gagner le pretexte, lequel, obtenu estoit autant que
rien. Leurs conseils estoient aussi differents en vn autre point. Ils s'accor-
doient bien tous, qu'il estoit necessaire que l'execution des Decrets Syno-
daux fust si ferme & stable, qu'elle ne püst estre alterée: mais il y auoit quel-
que diuersité au moyen, pour faire que les Decrets de ce Concile ne pussent
estre derogés, ny alterés par le Pape, sous couleur de dispenses, de nonobstāces

1562.

& autres telles clauses de Rome. Pour cet effet, les François auoient dessein de faire définir la superiorité du Concile par dessus le Pape: où bien qu'il fust ordonné, que les Decrets du Concile ne peuuent estre dispensés ny derogés par le Pape: ce qui de vray auroit bien esté vn entier & total remede. Mais les Espagnols tenoient ce point pour grandement difficile à emporter: qu'il ne le falloit point essayer: d'autant que le Pape auroit tousiours eu la faueur des Princes, toutesfois & quantes qu'il se plaindroit qu'on raschoit d'esbrecher ou amoindrir sa puissance: & seroit aussi fauorisé de la pluspart des Prelats Italiens; tant pour l'honneur de leur pays, que pour plusieurs propres interets: & leur sembloit, qu'il suffisoit, que le Concile fît les Decrets, delibérant d'en obtenir puis apres la pragmatique du Roy en Espagne: au moyen de quoy iceux fussent establis en sorte, que les dispensés du Pape au contraire n'eussent point d'entrée en leur pays.

les Legats
enuoient
la minure
du Cardi-
nal de Lor-
raine à
Rome,
de quoy
ledit Car-
dinal se
plaint en-
semble
d'autres
indignitez

Les Legats despescherent vn courier exprez à Rome, avec la copie de la forme du Canon proposée par le Cardinal de Lorraine, & avec les considerations de quelques Canonistes sur icelle, demonstans que l'autorité du Pape y estoit lesée: & requeroient ordre & instruction, comment ils auroient à se gouverner. Le Cardinal de Lorraine le prit à grand desplaisir, quand il le sut: & se plaignit à eux, que leur ayant baillé la copie de sa proposition, auant qu'il la fît en Congregation, & eux ayans monstré de l'agréer, ils eussent puis apres procedé avec tant de mesfiance. Et dit, qu'il trouuoit bien estrange, que de tout ce que luy, ou ses Prelats, disoient & faisoient, on prît tant d'ombrage: & se doulut, que sa nation fust iniuriée par les Italiens, assésurant d'auoir de ses propres oreilles ouy proferer à des Prelats par gaudiffiere ce proverbe bouffonesque, qui couroit par toute la ville de Trente, *De la gale & farcin Espagnol, nous sommes tombés au mal François c'est à dire, à la verole.* De quoy à toutes occasions se plaignoient tous les autres François, & les Espagnols semblablement. Mais leurs plaintes, selon la coustume, ne faisoient qu'aiguïser & inciter d'auantage les curieux, & entre les nations s'engregeoient les soupçons, & les deffiances, avec grand & eminent danger: sans que les Legats, & les Prelats plus prudens, lesquels s'y opposoient par l'autorité, & par les bons offices, fussent suffisans d'arrester l'esmotion.

sur quoy
les Fran-
çois irrités
parlent en
Congrega-
tion avec
vne extre-
me liberté.

Les François irrités, se resolurent là dessus de faire vn coup d'essay de leur liberté: & conuinrent ensemble, qu'en la Congregation du septième Decembre le Cardinal de Lorraine n'y entreuint point: mais que leurs Prelats, à qui le tour venoit de parler, dissent leurs aduis franchement & sans respect: & que s'ils estoient repris, ou censurez, les Ambassadeurs de France protestassent. Et Lansac pour le faire sauoir, afin que les partisans du Pape s'en gardassent, dit en presence de plusieurs d'entr'eux, à Antoine le Cirier, Euesque d'Auranches, l'un de ceux, à qui il escheoit de parler, *Qu'il dist son aduis librement, & sans crainte, que la protection du Roy estoit iussifante pour le soustenir.* Cela estant rapporté aux Legats, fut cause qu'ils furent ouys avec beaucoup de patience: combien qu'ils ne dissent pas seulement, que l'Institution des Euesques, & la Iurisdiction, est de droit diuin, comme celle du Pape: mais aussi, qu'il n'y a difference du Pape aux Euesques, sinon du degré de superiorité; & que l'autorité du Pape est restreinte dans les limites des Canons; representant & loüant le style des Parlemens de France, lesquels, quand quelque Bulle Papale leur est présentée, qui contient chose contraire aux Canons, la declarent abusive, & en defendent l'exécution. Cette liberté des François fut cause, que les partisans du Pape parlerent de là en auant avec plus de retenue & de respect: quoy que la gentillesse de ce bon mot suidit portoit de fois à autre les Prelats plus gais & iouiaux à en user.

Or le pretexte, que prit le Cardinal de Lorraine, pour demeurer en la maison, fut la nouuelle de la mort du Roy de Nauarre, laquelle arriua ce mesme iour. Ce Prince auoit esté blessé au siege de Roüen, d'une harquebuzade en l'espaule dès le mois de Septembre: mais pour n'auoir esté bien

pensé il se reduisit en fin en estat de mort : & lors à l'induction de son medecin Vincent Laure, Italien, il se confessa & communia à la Catholique: mais, ^{1562.} puis apres il chancela, panchant à la doctrine des Protestans: & finalement il deceda le dixième Nouembre. Cet accident porta grande alteration aussi aux affaires du Concile : car, sur cet aduis, le Cardinal de Lorraine changea toutes ses pensées & desseins. Le Roy de Nauarre susdit auoit eu principale part es commissions & instructions, qui auoient esté baillées au Cardinal, lors de son depart : dont il estoit incertain, si apres la mort d'iceluy, la Reyne & les autres persistoient en la mesme ardeur. Ioint, qu'il voyoit vn manifeste changement en tout le gouuernement de l'estat : & eust bien desiré d'estre en France, pour en prendre sa part : car, voyant le Prince de Condé en peu de confiance, voire en ouuerte dissension avec la Reine, & ceux qui auoient du pouuoir aupres d'elle ; & le Cardinal de Bourbon peu capable, & le Duc de Montpensier en peu de credit, & le Conestable vieux, & choqué de puissans concurrens ; il auoit grande esperance, que ceux-là exclus, son frere le Duc de Guise, pourroit auoir le commandement absolu des armes, & luy la direction du Conseil. Et ruminait ces choses en son esprit, sans penser beaucoup au Concile, ny à Trente, où il se trouuoit. Les autres François disoient ouuertement, qu'il y auoit occasion de rendre graces à Dieu de la mort de ce Roy, d'autant qu'il commençoit à chanceler, & à ioindre estreitement ses interets à ceux du Prince de Condé son frere, & des autres Huguenots.

Le iour suiuant qui fut le huitième Decembre, fut tout consumé en ceremonies, pour l'election faite de la personne de Maximilien pour Roy des Romains. Pour cela l'Archeuesque de Prague celebra la Messe du Saint Esprit, avec l'assistance de tout le Concile ; & André Dudice, Euesque de Tinnie, Hongrois, fit le Sermon, en loüange & recommandation de ce Prince. Apres quoy l'Archeuesque de Prague inuita les Cardinaux, & les Ambassadeurs, au festin.

Dés le commencement de la Diete de Francfort, le Prince de Condé auoit enuoyé rechercher secours des Princes Protestans, & tout ensemble traiter quelque vnion des Huguenots avec ceux de la Confession d'Augsbourg, & particulièrement requerir vn Concile libre, & nouveau, auquel toutes les choses resoluës à Trente fussent derechef examinées, donnant mesmes esperance, que les François de la religion ancienne Catholique y conuiendroient : selon qu'autresfois on l'auoit promis à Monsieur de la Bourdaisiere, Ambassadeur de France, depuis Cardinal. Mais les Protestans Allemans estoient tres-esloignez de tout Concile, moyennant qu'ils fussent, sans iceluy, auoir la paix en Allemagne. Et pourtant, en ce mesme temps fut imprimé à Francfort vn liure, plein d'excuses, & de raisons, pour lesquelles ils n'estoient par le passé entreuenus, & à l'auenir ne vouloient entreuenir à Trente: avec protestation de nullité, contre tout ce qui y estoit & seroit geré.

Le Roy Maximilien fut premierement sacré & couronné Roy de Boheme à Prague, en presence de l'Empereur, son pere, par l'Archeuesque d'icelle ville, lequel de Trente estoit allé en Boheme pour cette ceremonie : & ce, afin que le Roy eust voix en la Diete Imperiale. Apres cela, ils allerent à Francfort, là où il falut attendre, que les Chanoines de Cologne eussent eslu vn Archeuesque, d'autant que ce Siege-là estoit vacant. Dont les Princes assemblez eurent beau loisir de traiter de diuerses matieres, estans tousiours demeurez assemblez à Francfort, pour attendre d'estre le nombre complet de sept, par le couronnement du Roy de Boheme & par l'eslection de l'Archeuesque de Cologne. Ces choses donnerent beaucoup à penser à Rome, & craignoit-on, que cette Diete n'enuoyast protester à Trente, & qu'en ce couronnement la vieille forme ne fust abolie, & n'en fust introduite quelque nouuelle, qui monstroit inclination de se departir des anciennes ceremonies: ou que le nouveau Roy ne fist quelque promesse preiudiciable à la

puissance Papale. Toutefois l'Empereur & le Roy, son fils, firent tout de-
 1 5 6 2. uoir à diuertir, qu'il ne fust traité aucun affaire de Religion en pleine Die-
 re, auant l'election du Roy des Romains; laquelle se fit le vingt-quatrième
 Novembre, apres quoy, suivit le couronnement le dernier du mesme mois:
 auquel les Electeurs, & autres Princes Protestans assisterent à la Messe, ius-
 ques à ce que fut dit l'Euangile, & puis sortirent. Il n'y eut que cela de nou-
 uveau: car, au demeurant la place & le rang fut donné au Nonce du Pape au
 dessus des Electeurs, & les autres Ambassadeurs furent placez au dessous
 d'eux. Apres le couronnement, l'Empereur commença à pratiquer avec
 quelques vns des Protestans, pour faire qu'ils adherassent au Concile de
 Trente. Mais eux, afin de n'estre preuenus, s'assemblerent entr'eux, & pre-
 senterent à l'Empereur la responce, promise des vingt mois, à l'Ambassade
 de Sa Maiesté à l'Assemblée de Naumbourg, laquelle ils auoient differée
 iusques alors. Et en icelle, apres auoir exposé les causes, pour lesquelles ils
 auoient en plusieurs Dietes Imperiales passées appelé & de nouveau encor
 appeloient à vn Concile libre, ils adiouterent les conditions, lesquelles ils
 estimoient necessaires, & sous lesquelles, ils s'offroient d'entreuenir à vn
 futur Concile general: & icelles estoient en nombre de dix: la premiere,
 Qu'iceluy fust tenu en Allemagne: la deuxième, Qu'il ne fust intimé par le
 Pape: la troisième, Que le Pape n'y presidast point, mais fust simplement par-
 tie du Concile, & suiet aux determinations d'iceluy; la quatrieme, Que les
 Euesque, & autres Prelats, fussent quités & affranchis du serment qu'ils ont
 au Pape, pour pouuoir dire leurs aduis librement, & sans empeschement: la
 cinquième, Que la Sainte Escriture fust Iuge au Concile, & que toute au-
 thorité humaine en fust excluse: la sixième, Que les Theologiens des Estats
 de la Confession d'Augsbourg, qui seroient destinées au Concile, eussent,
 non seulement voix consultatiue, mais mesmes aussi deliberatiue: & que
 bon & ample Saufconduit leur fust baillé, non seulement pour les personnes,
 mais aussi pour l'exercice de leur Religion; la septième, Que les decisions
 du Concile ne fussent faites, comme es causes seculieres, par pluralité de
 voix; mais que les meilleurs aduis, afsauoir, les conformes à la parole de
 Dieu, y fussent preferez: la huitième, Que les Actes du Concile de Trente
 fussent cassez & tenus pour nuls; attendu qu'iceluy auoit esté partial, & ce-
 lebré par l'une des parties tant seulement, & non réglé ainsi qu'il auoit esté
 promis: la neuvième, Que cas aduenant qu'on ne se pust accorder en la Re-
 ligion ou Concile, les conuentions de Passau ne laissassent de demeurer sta-
 bles & inuiolables, ensemble la paix de la Religion, faite à Augsbourg en
 l'annee mil cinq cens cinquante-cinq, laquelle demeurast aussi valide & fer-
 me: & que tous fussent tenus de la garder: la dixième, Que sur tous les sus-
 dits Articles leur fust baillée bonne & suffisante caution.

*esquelles
l'empereur
leur pro-
met sa-
ueur.* L'Empereur, ayant receu cet escrit, promit de traualler pour la paix &
 encorde, & de moyener, que le Concile fust celebré, en lieu auquel ils n'euf-
 sent aucune raison de refuser d'entreuenir: moyennant aussi, que de leur
 costé ils quittassent les haines, & les animositez contraires à la paix
 Chrestienne: & s'offrit mesme d'aller à cet effet à Trente, si besoin estoit:

*au concile
est public
le chapitre
de la Resi-
dence pour
en traiter
en la con-
gregation
de Prelats
& le card-
de Lorraine
opine sur
iceluy am-
bigument.* mais en tout cas, assura, qu'il estoit resolu de se transporter à Inspruck,
 apres la Diete: & quelà, n'estant esloigné du Concile, que de quatre peti-
 tes iournées: en peu de temps il pourroit effectuer ce qui seroit de besoin.
 Or au Concile, apres qu'on eut acheué d'opiner la matiere de l'Institu-
 tion, qui tant auoit esté ventilee, on n'en fit aucune conclusion: d'autant
 que les Legats attendoient la resolution de Rome. Bien publierent-ils le
 Chapitre de la Residence, apres l'auoir premierement communiqué au
 Cardinal de Lorraine; sans qu'en iceluy il fust dit & déclaré, si icelle est de
 droit diuin ou non: mais simplement, commandant la Residence, sous prix
 & peines. Le Cardinal de Lorraine opinant sur iceluy le premier, adiou-
 sta, Qu'il estoit necessaire d'oütroier aux Euesques la faculté d'absoudre
 des cas reservez *in Cæna Domini*, ce qu'il protesta toutesfois de ne point dire,

pour diminuer l'autorité de sa Sainteté : mais d'autant qu'il auoit veu en France, que nul transgresseur d'icelle ne se soucioit d'aller, ne d'enuoyer à Rome pour auoir l'absolution : & qu'il sembloit beaucoup plus preiudiciable, tant pour les ames des peuples, que pour la dignité & honneur du S. Siege, de les laisser en ces censures. Il dit de plus Qu'il ne trouuoit pas bon d'astreindre les Euesques à la Residence ; en sorte qu'ils ne pussent absenter leurs Eglises pour iustes choses, la connoissance desquelles deuoit estre remise au iugement de sa Sainteté. Il dit aussi, Qu'il falloit excepter ceux, qui estoient occupez és affaires publiques des Royaumes, & des Republiques, attendu qu'iceux ne deuoient estre reputez estrangers de la charge Episcopale ; sur tout, és Royaumes, esquels l'Ordre Ecclesiastic est vn des membres del'Estat, ainsi qu'il est en France, & és Royaumes d'Espagne. Il fut fort prolix en son discours : & combien qu'il repliquast souuent, que la Residence est necessaire, il entreiettoit neantmoins tant d'exceptions, & d'excuses, qu'en fin il n'y eut aucun qui pust iuger, s'il approuuoit, ou improuuoit, qu'aucun Decret en fust fait.

Les Legats selon leur promesse, communiquerent aussi aux Ambassadeurs les Articles de la Reformation, pour la prochaine Session, auant que les proposer en Congregation. Iceux se rapportoient tous à remedier aux abus, concernant le Sacrement de l'Ordre. Et pour cet effet, les Ambassadeurs & Euesques François s'assemblerent chez le Cardinal de Lorraine, pour parler sur iceux Articles, & deputerent quatre Euesques d'entr'eux, pour les considerer, & aduiser s'il y auoit chose aucune preiudiciable aux priuileges del'Eglise Gallicane, & si on y pouuoit rien adiouster pour le bien de leur pays. Et tout d'une main baillerent charge à l'Ambassadeur du Ferrier, qu'en la Congregation des mesmes Euesques fussent recueillies toutes les reformatiōs, faites à Trente, sous Paul & Iules, & en la presente conuocation : cōme aussi celles, qui auoient esté faites en l'Assemblée de Poissi, pour en faire vn extrait & qu'y adioustant ce qui estoit contenu és instructions du Roy, & ce qu'ils iugeroient y deuoir estre inferé de plus ; ils en dressassent des Articles pour toute la Chrestienté, & principalement pour la France.

Mais les Ambassadeurs de l'Empereur, voyans qu'on ne proposoit aucune des reformatiōs, portées par les memoires qu'ils auoient presentés assemblerent tous les Ambassadeurs. L'Archeuesque de Prague porta la parole, & leurs remonstra le long temps, qu'on auoit consumé au Concile à ne rien faire, & les promesses tant de fois faites & reiterées par les Legats, qu'on traiteroit de la Reformation : nonobstant quoy, ils estoient entretenus de speculations, ou de reiglemens de petis & legers abus. Qu'il estoit meshuy temps de faire forte instance, qu'on vauquast aux choses importantes & urgentes : ce qu'il y auoit apparence de pouuoir obtenir, si tous ensemble se presentoient à requerer vnanimement l'execution de tant de promesses, faites par le Pape, & par les Legats. Tous s'y accorderent ; mais quand on vint aux particularitez, ils se trouuerent si fort differents, qu'ils ne purent conuenir, qu'en la generalité de requerer reformation. Dont la resolution fut prise, que l'Archeuesque de Prague, à son tour d'opiner, la requist pour & au nom de tous. Ce qu'il fit.

Mais sur le fait de la Residence, il dit en peu de paroles, Qu'il suffisoit d'oster aux Prelats les entretenemens, dont ils iouyssoient à la Cour de Rome, & en celle des autres Princes : au moyen dequoy, tout Decret seroit suffisant, pour les faire resider. L'aduis de l'Archeuesque d'Otrante fut, Que le Decret du mesme Concile, fait sous Paul III. suffisoit, y adioustant seulement la Bulle du Pape, dattée du quatrieme Septembre, de l'année mil cinq cens soixante. Autres requeroient encor outre ladite Bulle, que les causes de l'absence, iugées legitimes par le Synode, fussent particulièrement exprimées : attendu que c'estoit là le point, sur lequel pouuoit escheoir plus de difficulté. La substance de la Bulle, mentionnée par l'Archeuesque d'Otrante, contenoit vne ordonnance de la Residence person-

1562.

nele, sous les mesmes peines declarées par le Concile, & avec quatre graces aux residens: la premiere, Qu'ils ne pussent estre citez à la Cour de Rome, sinon par commission signée par le Pape: la deuxieme, Qu'ils fussent exempts de toute imposition ordinaire & extraordinaire, voire mesmes faite à la requisition des Princes: la troisieme, Qu'ils pussent exercer iurisdiction contre tout Clerc seculier exempt, & Regulier, demeurant hors du Cloistre: la quatrieme, Qu'il n'y eust point d'appel de leurs sententes, sauf de la definitiue. Autres se contentoient du Decret proposé par les Legats, mais avec quelques changemens, tous accommodez à leurs interests, qui estoient en mesme nombre, que les personnes. Autres aussi firent instance, que la Residence fust declarée estre de droit diuin: & y eut encor vne quatrieme opinion, qui portoit, que quoy qu'elle fust de droit diuin, il n'estoit pas pourtant expedient d'en faire aucune declaration.

laquelle
les François
maintiennent
de droit
diuin,

Le Cardinal de Lorraine assembla les Theologiens François, pour disputer ce point: & tous vnaniment conclurent, Qu'elle est de droit diuin: l'Euesque d'Angiers ayant esté le premier à opiner en ce sens, & estant suiuy de tous les autres. Mais es Congregations generales du Concile, les Peres vserent d'une indicible longueur: dont le Cardinal de Lorraine se plaignoit aux Legats, montrant de desirer que ces matieres fussent expediees, pour venir à la reformation: & repliquant les mesmes termes, dont il auoit v'sé tant de fois, Que si on ne leur donnoit contentement à Trente, ils feroient la reformation chez eux.

comme aussi
l'Euesque
de Vegla.

Frere Albert Duime, Euesque de Vegla, Isle en l'Esclauonie, apres auoir dit, Que la matiere de la Residence auoit esté examinée au Concile sous Paul troisieme, & que la decision en auoit esté remise à vn autre temps: adiousta, que pourtant il seroit necessaire de voir les raisons & fondemens, alors alleguez par les Prelats. Qu'à present, ceux qui auoient opiné, auoient simplement dit leurs aduis, sans produire raisons: mais que, pour luy, il ne pretendoit faire le mesme, pour ne sembler vouloir veindre par autorité, & nombre de suffrages & non par raison. Delà il se mit à deduire toutes les raisons, qui preuent que la Residence est de droit diuin; & à refuter & foudre les contraires. Et fit grand force sur le dire de Christ, Que le bon Pasteur va deuant son troupeau, & appelle chaque brebis par son nom, & court par le desert pour en chercher vne esgarée, & met la vie pour icelles. Et monstra, que cela s'entend de tous ceux, que Christ a instituez Pasteurs, qui sont tous ceux, qui ont charge d'ames, & sur tout, les Euesques, comme S. Paul dit de bouche, & escrit aux Ephesiens, Que quiconque ne se tenoit obligé, par ordonnance de Christ, à ces devoirs, ou estoit plus propre aux affaires des Royaumes, & des Estats, deuoit laisser la charge de Pasteur, & vaquer seulement à ces affaires-là: que c'est beaucoup de bien faire vne seule charge, mais qu'il est impossible d'en faire deux contraires. Il n'agrea pas aux Cardinaux, tant pour sa longueur, que pource qu'il fut le premier à disputer cette matiere par raison, ce qui le porta à parler d'une vehemence Esclauone, en termes & manieres fort semblables à celles de Sainct Ierome, voire mesme copiees de luy. Le Cardinal Simonete l'auroit volontiers interrompu: mais il s'en deporta, pour ce qui estoit arriué à l'occasion de l'Euesque de Guadix susmentionné. Mais il l'appella en particulier, en presence de plusieurs Prelats, & le reprit aigrément, le taxant d'auoir parlé contre le Pape. L'Euesque se purgea, & defendit humblement, & par raisons. Mais, peti de iours apres, sous pretexte d'indisposition, il demanda son congé, & l'eut, & partit le vingt-vnieme du mois.

qui en est
censuré &
se depart
du Concile

disimula
tions par-
tiales sur
la question
de la Re-
sidence,

La controuersie de la Residence, dès ce temps, changea de face: & ceux qui abhorroient qu'elle fust declarée estre de droit diuin, ne se peinoient plus à demonstrier, par raisons, ou par autoritez, comme iusques alors il auoit esté fait, qu'elle est de droit humain: mais se mirent à intimier ceux de l'opinion contraire, disant, que de l'attribuer à droit diuin estoit diminuer l'autorité du Pape: d'autant qu'il s'ensuiuroit, qu'iceluy ne peut ny accroistre, ny diminuer;

diminuer; ny diuifer, ny vnir; ny changer, ny transferer les Sieges Episcopaux ny les laisser vacans, ny les donner en administration, ou en commandement: & qu'il ne peut, ny restreindre, ny oster l'autorité d'absoudre. Et que par cete determination d'un seul reuers estoient condamnées toutes les dispenses octroyées par les Papes au temps passé, & tout pouuoir osté au Pape d'en accorder à l'auenir. L'autre party voyoit bien, que ces consequences s'en ensuiuoient necessairement, mais n'y trouuoit point d'inconuenient: ains que c'estoit-là la verité mesme, & l'usage legitime de l'Eglise ancienne: mesmes, que cete declaration n'estoit proposee, sinon pour retrancher ces abus: parquoy eux aussi se deporterent de plus employer raisons & autorités, pour prouuer qu'icelle est de droit diuin, mais se retournerent à monstrier, que si la Residence est bien reestablie par cete declaration, la puissance Papale en receuroit de l'accroissement, & la reuerence enuers le Clergé en seroit plus grande, & beaucoup plus encor enuers le Pape, lequel, en tant de provinces a perdu son autorité, d'autant que les Euesques ne residans point, & gouuernans leurs Eglises par Vicaires ineptes, ont laissé la porte ouuerte, & la bresche faite aux nouuelles doctrines, lesquelles s'y sont fourrees, & instalees, avec tant de dechet de l'autorité Papale. Que si les Euesques se reduisoient à resider en leurs Eglises, l'autorité du Pape seroit preschée par tout, & seroit affermie es lieux ou elle est encor reconuë, & seroit reestablie en ceux ou elle a esté esbranlée. Toutesfois l'une & l'autre partie ne pouuoient parler en ces termes, que la contraire nes'apperceust bien de la dissimulation, & que le secret caché ne parust par trop. Ils auoient tous le masque, & ne laissoient pas tous de se conoistre fort bien. Le seizieme Decembre, estans assemblés, & la moitié des Prelats n'ayant encor opiné, le Cardinal Seripande proposa de differer la Session: & ne pouuant deuiner quand ils pourroient auoir fait, la deliberation fut prise, qu'on presfigeroit le temps de la Session dans la quinzaine: & le mesme Cardinal fit vne remontrance aux Peres de leur superflüe longueur à opiner, laquelle ne visoit qu'à ostentation, ostoit la reputation au Concile, & le prolongeoit à la grande incommodité de tous.

Le Pape auoit esté grieuement affligé de la mort, de Frederich Borrome, son neueu, auenuë à la fin du mois precedent. Car il faisoit dessein de luy transporter toute la grandeur de sa maison, l'ayant marié à vne fille du Duc d'Vrbain, & fait Gouverneur general de l'Estat de l'Eglise, & traitant encor de luy donner le Duché de Camerin. Et la tristesse l'auoit tellement accablé, qu'il en estoit tombé en vne indisposition, bien dangereuse à son aage: mais enuiron ce temps, estant vn peu repris & allegé, il appliqua l'esprit aux affaires du Concile: & tint diuerses Congregations pour trouuer quelque accommodement sur les deux Canons de l'institution des Euesques, & de la residence; réputés par toute la Cour de Rome fort dangereux pour l'autorité Papale: & quant & quant aussi, pour trouuer quelque moyen de pouruoir à la prolixité des Prelats à opiner, laquelle portoit le Concile en longueur, laissant tousiours vne porte ouuerte à tous ceux, qui voudroient s'ingerer à attenter contre sa dignité. Mais par sur toutes choses, les desseins des François luy donnoient beaucoup d'ennuy: ne receuant iamais lettres de Trente, qu'elles ne portaient, que, ou le Cardinal de Lorraine, ou quelque vn des Ambassadeurs, faisoient instance de reformation: protestant, que s'ils n'obtenoient les prouisions qu'ils requeroient, ils les feroient chez eux: & que bien souuent il faisoient mention de vouloir prouision & reiglement sur les Annates, & preuentions, & autres choses particulieres, concernant le Pape de Rome. Et pourtant il resolut de s'esclaircir vne fois des desseins des François: & dit à ceux, qui estoient à Rome, qu'ayant tant de fois offert de traiter avec le Roy touchant ce qui cōcernoit ses droits, & d'en venir à vne amiable composition: & voyant neantmoins, que ses Ministres au Concile faisoient tousiours mention d'en vouloir traiter là mesmes, il estoit resolu de voir, si le Roy vouloit entierement rompre la bouche avec luy: &

1562.

le Pape affligé de la mort de son neueu

perplex pour le Concile.

ombrage des François.

1562.

desinit les
questions
de l'Insti-
tution &
de la resi-
dence.

par courrier expres bailla charge à son Nonce en France d'en parler : & escriuit au Cardinal de Lorraine, que ces matieres là ne pouuoient estre proposees au Concile sans contrenenir aux promesses expressees du Roy, qui luy auoient esté faites par Monsieur d'Auxerre. Il se pleignit en Consistoire de l'impertinence des Euesques à Trente, à allonger les matieres par vanité : & exhorta les Cardinaux d'en escrire à leurs amis : & luy mesme escriuit aux Legats qu'ils y employassent les menaces, & l'autorité puis que les persuasions ne seruoient de rien. Sur les articles de l'Institution des Euesques, il escriuit, que de dire absolument, que l'institution des Euesques est de droit diuin, estoit vne opinion faussee, & erronée : veu que la seule puissance de l'Ordre est de Christ, mais la puissance de la Iurisdiction est du Pape de Rome : & ne se peut dire qu'elle soit de Christ, sinon entant que l'autorité Papale est de Christ mesmes : & tout ce que le Pape fait, Christ le fait par le moyen d'iceluy. Et pour conclusion escriuit, ou que les paroles, *de droit diuin*, fussent tout à fait omises : ou bien, que le Decret fust proposé en la forme qu'il leur enuoyoit, laquelle portoit, Que Christ auoit institué les Euesques, pour estre creés par le Pape de Rome, avec distribution de telle, & de tant d'autorité qu'il plairoit à luy Pape de leur donner, pour le benefice de l'Eglise ; & avec absolu pouuoir de restreindre & d'amplifier l'autorité conférée, comme il iugeroit expedient. Et sur le fait de la Residence, il escriuit, Que, puis que c'est chose toute euidente, que le Pape a pouuoir de dispenser, il entendoit que pour tous bons esgards son autorité fust reseruee au Decret, auquel on ne pouuoit incerer ces mots, *de droit diuin* ; comme Catarin l'auoit bien prouué, & maintenu : de l'aduis duquel, comme Catholic, il ne deuoit se departir. Et quant à la tenuë de la Session, il escriuit confusement, qu'elle ne fust differée au dela de quinze iours, & qu'elle ne fust celebrée sans auoir les matieres prestes, afin que les malins n'eussent occasion de contrerooler.

troubles au
Concile
pour le Ca-
lice, &
pour la sus-
pension.

Il passa par Trente vne solempnelle Ambassade du Duc de Bauiere, enuoyée à Rome, pour obtenir du Pape la Communion du Calice. Icelle eut audience des Legats, & conféra en secret avec le Cardinal de Lorraine : & fut cause de faire renoueler la controuersie ia assoupie touchant cete matiere : d'autant que les Espagnols, & plusieurs d'entre les Italiens : quoy que l'affaire eust esté remis au Pape par la pluralité des voix, estoient d'auis, que c'estoit faire vn grand preiudice au Concile, si pendant iceluy, cet vsage estoit introduit. Tous les Prelats aussi s'esmurent, pour des lettres venues de Rome, que le Concile seroit suspendu : lequel bruit fut aussi confirmé par D. Iean Manriquez, lequel allant d'Allemagne à Rome, passa par Trente. Mais les Legats ayans receu les lettres du Pape, iugerent qu'il estoit impossible d'exercuter les commissions venues de Rome, & qu'il falloit donner au Pape information plus particuliere des affaires, qu'on ne pouuoit faire par lettres ; & faire comprendre à Sa Sainteté, qu'on ne pouuoit gouverner le Concile, comme on eust pu penser à Rome : & auoir de sa Sainteté instruction plus claire de ce qu'ils auoient à faire. Et y ayant besoin, pour cet effet, d'une personne de iugement, bien informée, & de creance enuers le Pape ; ils ne trouuerent aucun plus propre que l'Euesque de Ventimile, lequel aussi ils delibererent de despescher en diligence. Les festes de Noel prochaines furent vne bonne occasion, pour faire premierement cheminer lentement, & puis intermettre les Congregations, & penser tout à loisir à ladite expedition, qui fut faite le vingtsixieme du mois de Decembre.

arrest du
Pape im-
possible à
executer.

nouvelle
de la ba-
taille de
Dreux, &
les occa-
sions d'i-
celle.

Le vingthuitieme du mesme mois arriua de France la nouuelle de la bataille de Dreux, aduenue le dixseptieme du mois en laquelle le Prince de Condé fut fait prisonnier. Toute cete année auoit esté grandement turbulente en ce royaume là, pour les differens de la Religion, lesquels porterent les affaires à vne guerre premierement lente, & puis eschaufée, & acharnée. Il estoit aduenü au comencement de l'année, que le nombre des Huguenots estât fort accru à Paris, au mescontentement du peuple Cacholic, qui est innom-

brable encete grand ville, & lesdits Huguenots faisans grand suite au Prince de Condé; le Connestable, avec ses enfans; & toute la maison de Guise, ensemble quelques autres, pour empescher la grandeur, à laquelle on voyoit marcher ce Prince, firent vne ligue entr'eux, avec dessein de se rendre chefs du peuple de Paris, pour, à l'ayde & faueur d'iceluy, dechasser le Prince & ses adherans, de Paris, & de la Cour. Tous ces ligüés partirent de leurs maisons, pour se rendre à Paris à iour nommé, & par chemin tuerent, & escarterent les Huguenots, lesquels ils trouuerent assembles en diuers lieux: & estans entrés dans Paris, ils tirerent de leur costé le Roy de Nauarre, & firent armer le peuple de Paris à leur faueur, & la Reine fut forcée de s'accorder avec eux, & le Prince de Condé contraint de sortir de Paris, & de se retirer à Orleans, avec ceux de son parti: & d'une part & d'autre il y eut plusieurs manifestes, & escrits publiés, chacun protestant d'auoir pour but de ses actions la liberté, & le seruice du Roy. Mais le parti du Connestable, & du Duc de Guise grossissant tous les iours; le Prince au mois d'Auril escriuit à toutes les Eglises reformees de France, demandant soldats, & deniers, & denonçant la guerre aux defenseurs du party Catholique, les qualifiant perturbateurs du repos public, & violateurs de l'Edit du Roy, fait en faueur des Reformés. Les lettres du Prince furent accompagnées d'autres des Ministres d'Orleans, & de diuerses autres villes, lesquelles firent prendre les armes aux Reformés: & aduint vn accident, qui les incita encor d'auantage: c'est, qu'au mesme temps fut de nouveau publié à Paris l'Edit de Ianuier, mentionné cy dessus; avec vne addition, que ny dedans les faubourgs d'icelle ville, ny à vne lieuë pres, püst estre faite aucune Assemblée de Religion, ny estre administrés les Sacremens, sinon à la forme ancienne. Et à la fin du mois de May, le Roy de Nauarre fit sortir de Paris tous ceux de ladite religion, y procedant neant-moins avec de la moderation, & ne permettant qu'aucun fust offensé.

La guerre fut rompuë quasi par toutes les Prouinces de France entre l'un & l'autre parti: & en ce mesme esté il y eut tout en vn mesme temps, en diuers endroits du Royaume, iusques à quatorze armées formées: les enfans combattoient contre les peres, les freres contre les freres: & y eut iusques à des femmes de l'un & de l'autre party, qui prirent les armes pour la defense de la Religion. Il n'y eut quasi aucun endroit des prouinces du Dauphiné, du Languedoc, & de la Gascogne, qui n'eust plusieurs secousses de ce fleau, la victoire penchant quelques-fois du costé des Catholiques, quelques fois aussi de Celuy des Reformés: avec tant de varieté d'euenemens, qu'ils seroient trop longs à raconter: & de vray aussi nostre dessein ne porte pas de réciter les choses, qui sont hors le Concile, sinon qu'elles ayent quelque connexité avec iceluy, côme sont les suivantes: c'est, que là, où les Huguenots estoient victorieux, les Images estoient abbatuës, les autels demolis, les Eglises pillées, & les ornemens & ioyaux d'or & d'argent fondus pour en battre la monnoye, à payer les soldats: & au reciproque, là où les Catholiques estoient victorieux, ils brusloient les Bibles en langue vulgaire, rebaptisoient les enfans, contraignoient à faire rebenir les mariages faits selon l'usage des Eglises reformées: & plus que de tous autres, estoit miserable la condition de ceux du Clergé, & des Ministres reformés, lesquels, tombans entre les mains des ennemis, estoient cruellement massacrés & bourrelés: & par voye de iustice aussi estoient faites de terribles executions, & sur tout par le parti Catholique. Au mois de Iuillet, le Parlement de Paris fit vn Arrest, qu'il estoit loisible de tuer tous les Huguenots: & fut ordonné que cet Arrest seroit tous les Dimanches lu au prosne, en chaque paroisse. Le mesme Parlement fit encor vn autre Arrest, declarant rebelles, ennemis de l'Estat, infames avec toute leur posterité, avec confiscation de corps & de biens, tous ceux qui auoient pris les armes à Orleans, excepté le Prince de Condé, sous pretexte, qu'il estoit detenu d'eux par force. Et nonobstant beaucoup de negotiation de paix, traitées d'une part & d'autre, & mesme que la Roine

1562.

Mere, & le Prince de Condé, se fussent abouchés; l'ambition des Grands toutesfois empescha toute composition: si bien qu'il ne fut iamais possible de trouver moyen d'appaiser les troubles.

Or, le Roy de Navarre estant mort, lequel peut-estre, eust empesché de venir à guerre ouverte, la Roine voulant faire vn effort de recouurer l'obeissance par les armes, demanda secours à tous les Princes: & entre autres, au Roy d'Espagne, lequel les luy offrit trespuissans de nombre de gens, & capables de ranger tout le Royaume à son obeissance: ce qu'il faisoit, pensant qu'endontant les François souleués contre leur Roy, il pourroit remedier à la rebellion naissante de ses peuples du Pais bas, parmy lesquels de iour à autre decheoit son autorité, sans que les Gouverneurs y pussent parler: & d'ailleurs le Roy ne voulant se disposer à suiure l'aduis du Cardinal de Granuele, l'un des principaux au gouvernement de ces pays là, lequel conseilloit de s'y transporter, pour opposer la presence de la Maiesté Royale à la mauuaise disposition des peuples, & aux desseins des grands. Mais ce sage Roy considera combien le danger estoit plus grand, d'estre mesprisé en sa propre presence: & eut soupçon de n'acquiescer point pourtant le Pais bas, ains de le roidir de plus fort en sa desobeissance, & de perdre cepédant l'Espagne. Mais la Roine refusoit secours de gens, & demandoit argent: reconnoissant bien, qu'en prenant des gens, elle s'enfermoit en la necessité de gouverner la France, non selon ses interets, mais selon ceux du Roy d'Espagne. En fin elle prit vn party moitoyen, de recevoir six mil hommes payés par le Roy d'Espagne: avec lesquels, ioints à ses propres troupes, conduites par le Connestable, & par le Duc de Guise, le dixseptieme Decembre susdit fut donnée la bataille, en laquelle il mourut trois mil hommes des Huguenots, & cinq mil des Catholics: & les deux Chefs Generaux des deux partis, le Prince de Condé, & le Connestable, y furent pris prisonniers: sans toutesfois que ne l'une ne l'autre armée fust mise en desroute: & ce par la vertu des Lieutenans, qui estoient le Duc de Guise pour les Catholics, & l'Admiral de Colloni pour les Huguenots. Apres la bataille, la Roine tout sur le champ donna la charge de General au Duc de Guise, auquel aussi appartenoit tout l'honneur du gain qui y auoit esté fait. L'Admiral ne laissa pas pourtant de maintenir son armee sur pied, & de conseruer les villes qu'il tenoit, & de faire mesmes quelque progrès.

graces à
Dieu à
Trêre pour
icelle: &
S rmon de
l'Euesque
de Metz.

De cette victoire, car telle fut elle figurée, quoy qu'elle n'en meritaist le nom, sinon pource que le champ de bataille estoit demeuré aux Catholics; graces furent rendues à Dieu à Trente, par tous les Prelats assemblés: & en fut faite vne procession, & chantée vne Messe, en laquelle François de Beaucaire, Euesque de Metz, fit le Sermō, faisant vn narré de toutes les cōfusions de France depuis la mort de François deuxieme, & representāt tous les euenemens de la derniere guerre: du bon succès de laquelle il donna toute la louange au seul Duc de Guise. Et de là dit, que la cause de tous ces troubles auoit esté Martin Luther, lequel n'estant en apparence qu'une petite estincelle, auoit allumé ce grand feu, qui auoit enuahy, premierement l'Allemagne & puis les autres Princes de Chrestienté fors que l'Espagne, & l'Italie. Il coniura & somma les Peres, de subuenir à la Chrestienté, attendu qu'eux seuls pouuoient esteindre cet embrasement. Et dit qu'il y auoit vingttix ans, que Paul troisieme auoit commencé à appliquer le remede à ce mal, intimāt le Concile à Trente, lequel fut differé, & puis negligé: & finalement, apres plusieurs debats aduenus par diuerses factions, fut transferé à Bologne, là où estoient suruenues diuerses dilations, plus grandes contentions, & plus violentes factions. De là fut remis à Trente, & puis rompu par les guerres. Qu'on estoit à present venu à ioinde, & à l'indiuidu: & n'y auoit plus aucun lieu de tergiuersations, & feintes, que ce Concile, ou reconcilieroit tout le monde, ou le precipiteroit en vne assurée ruine. Partant, qu'il ne falloit pas que les Peres regardassent à leurs propres interets, ne qu'ils portassent leurs desseins, ne que ils parlassent à complaisance, s'agissant de la cause de la Re-

ligion. Que s'ils auoient leurs vifées ailleurs, c'estoit fait de la Religion. Il adoucit ces choses, dites avec beaucoup de liberté, par des termes de flatterie, premierement enuers les Prelats, & puis enuers le Pape, l'Empereur & le Roy des Romains, & celuy de Pologne. De là il entra és loüanges de la Reine Mere, & du Roy de Portugal: & pour la fin, il exhorta à la reformation de discipline Ecclesiastique.

Le Cardinal de Lorraine, ayant eu nouuelle de la prise du Prince de Condé, en fut fort ioyeux, & sur tout pour l'honneur de son frere le Duc de Guise: mais aussi il en redoubla son desir d'estre en France, pour pouuoir fauoriser les affaires d'iceluy, estant à la Cour, & au Conseil du Roy; & pour s'auancer soy-mesme à quelque plus haut degré, le Roy de Nauarre, & le Connestable, n'y estans plus, ausquels force luy estoit de ceder.

En ce mesme temps le Pape estoit plein d'ombrages & soupçons, pour-ce que l'Empereur auoit publié de vouloir se transporter à Inspruck, iugeant bien, qu'il ne se mouuoit sans grands desseins, & sans assurance de les effectuer. Dont il crut qu'il auoit quelque intelligence secreete avec la France, & l'Espagne: & n'en descourant pas bien le fonds, il ne pouuoit faire autre coniecture, sinon qu'il y auoit du complot contre luy: & pourtant il minutoit de se transporter aussi de son costé à Bologne, & d'enuoyer huit ou dix Cardinaux à Trente, & de se joindre & lier plus estroitement avec les Princes Italiens, & de bien assurer à sa faueur les Prelats affectionnés à son party au Concile, iusques à tant qu'il trouuast quelque occasion de le rompre, ou suspendre.

Et pour empescher qu'on ne traitast à Trente de reformer la Cour, il y trauailla luy mesmes puissamment en ce temps. Et premierement il reforma la Rote, publiant vn Bref, en date du vingtseptiesme du mois de Decembre, qui portoit, Que nul Auditeur ne püst passer à sentence definitive, quoy qu'en fait tout euident & clair, sans auoir tout premier proposé l'affaire à tout le Clergé: sauf entreuenant le consentement des parties. Que les sentences, prononcées *vt in schedula*, fussent produites dans le terme de quinze iours. Que les causes des auditeurs, ou de leurs parens iusques au deuxieme degre, ou de leurs domestics, ne pussent estre conües ne iugées à la Rote. Qu'iceux ne pussent contraindre les parties à receuoir l'Aduocat qui leur seroit baillé. Qu'aucune decision ne peüst estre faite contre les ja imprimées, & passées en choses iugée, sauf que par les deux tiers des voix. Que les Auditeurs fussent tenus, & obligés de renuoyer toute chose, en laquelle parust quelque soupçon de delit. En la mesme Bulle, il fit vne taxe, pour la moderation des emolumens, & epices. Il reforma aussi, par autres Bules, publiees le premier Ianuier ensuiuant, la signature de Iustice, les tribunaux de Rome, l'office de l'Aduocat fiscal, limitant à chacun ses emolumens. Mais bien loin que les ordinaires extorsions fussent retranchées par ces reiglemens, qu'au contraire, pour l'infraction de ces nouvelles ordonnances, on apprit à violer aussi les anciennes, qui estoient encor en quelque vsage.

Les Courtisans de Rome, s'imaginans que les Catholics en France eussent eu vne victoire totale, & que ceux de la Religion reformée eussent esté tous desfaits, & reduits à neant, se resiouissoient, croyans qu'il n'y auoit plus de besoin de Concile pour la France, laquelle auoit obtenu par les armes, ce qu'elle recerchoit par la voye d'iceluy: & que, quât à l'Allemagne, il n'y fa-
 loit point auoir d'esgard, attendu qu'elle auoit desia ouuertement protesté contre le Concile: & qu'ainsi toutes causes de tenir Concile cessantes, on le pouuoit suspendre, ou differer: & deliurer la Cour de Rome de la fascherie & anxieté, laquelle s'augmentoient de semaine en semaine, à mesure qu'elle receuoit nouueaux aduis des nouueautés qui se brassioient à Trente. Mais le Pape n'en fit pas grand estat car il estoit bien aduertie que les forces des Catholics n'estoient point accrües, ne celles des Huguenots diminuées: & que cete bataille donneroit occasion à tous les deux partis, de faire vn traité de paix, laquelle ne pouuoit estre qu'à son preiudice, & ne faudroit point d'exciter à Trente de plus grandes nouueautés encor: dont il conceuoit

1552.

ombrages
du Pape
contre l'Em-
pereur.ses pro-
uisions à
l'ercōirefausse &
courre ioye
de la Cour
de Rome
pour la
deffaite
des Hu-
guenots.

1563.

plus d'apprehension, & de fascherie, qu'auparavant. Telle estoit la face des affaires à l'issuë de l'année mil cinq cens soixante deux, laquelle finit par vne Congregation tenuë à Trente le trentieme du mois de Decembre, en laquelle il fut arresté de prolonger le iour de la Session de quinze iours.

*les François
presentent
des concile
leurs Ar-
ticles de
reforma-
tion.*

*lesquels les
legats en-
uoyent au
Pape.*

L'année mil cinq cens soixante trois commença au Concile par la presentation que firent les Ambassadeurs François des Articles de reformation: lesquelles furent iugés par les Legats, & par tous les partisans du Pape, fort durs, & hardis: & sur tout és particularites, concernant l'alteration des ceremonies de l'Eglise Romaine, & les emolumens profits, que le Siege Apostolic reçoit des autres Eglises. Les Ambassadeurs adiouterent à la presentation leur refrain ordinaire, pour ne dire protestation, Que si ces propositions n'estoient embrassées, ils pouruoyroient à leurs necessités en France. Les Legats estoient bien asseurés que le Pape ne pourroit voir ces Articles sans alteration, attendu la promesse, qui luy auoit esté faite, qu'on ne traiteroit au Concile ne des Annates, ne d'autres droits pecuniaires: mais qu'on en composeroit amiablement auëc luy. Et iugerent qu'il estoit necessaire d'enuoyer vn Prelat, pour le porter au Pape, & pour l'informer: à quoy ils crurent que l'Euesque de Viterbe seroit fort propre, comme bien instruit des affaires de France, où il auoit demeuré plusieurs années en qualité de Nonce; & aussi des desseins du Cardinal de Lorraine, & des Prelats François du Concile, lesquels il auoit priuément hantés dès leur arriuée. Le Cardinal de Lorraine, ayant appris leur resolution, les y exhorta de plus fort, & luy-mesmes bailla instructions audit Euesque pour parler au Pape. Cet Euesque fut si souple & adroit, que nonobstant que le Cardinal le tint pour vn vray espion, il fut si bien se manier, qu'il acquit la creance du Cardinal, & des Ambassadeurs, sans amoindrir aucunement celle, que le Pape, & les Legats auoient en luy. Iceluy dont partit, avec instruction de représenter au Pape toutes les difficultés, ou les Legats se trouuoient, & d'en rapporter la resolution, & commission, comment ils se deuoient conduire en chaque particularité. Du Cardinal de Lorraine il eut instruction, de supplier le Pape, de vouloir prendre en bonne part, que le Roy, & eux, suyuant les commandemens d'iceluy, requissent ce qui estoit necessaire pour son Royaume: & d'offrir à sa Sainteté l'entremise dudit Cardinal pour l'appointement des differends sur l'Institution des Euesques, & sur la residence, lesquels deux points tenoient le Concile empesché en choses legeres.

*Et les Im-
periaux
s'emesme-
nent, pour
demander
aussi la
proposition
des leurs.*

Les Imperiaux, ayans veu la reformation des François, & en ayans considéré la preface, crurent d'estre taxés d'auoir peu d'autorité. Et se plainquirent au Legats; Que les Articles des Reformations présentés par l'Empereur, & par eux, n'auoient point esté proposés, quoy qu'ils en eussent fait courir plusieurs copies, lesquelles auoient esté enuoyées à Rome, & semées par Trente: & requeroient que leurs Articles fussent ioints à ceux des François. Les Legats s'excuserent sur le pouuoir & permission, que l'Empereur par lettres, & eux Ambassadeurs de bouche, leur auoient baillé, de proposer & d'omettre ce qui leur sembleroit: & qu'ils attendoient vn temps plus opportun, lequel les François auoient mal choisi, pendant que ventiloit encor le differend sur les deux Canons, lequel dōnoit beaucoup d'ennuy à sa Sainteté. Les Ambassadeurs Imperiaux ne se contenterent point de cete response, reqliquans aux Legats, qu'il y auoit grande difference entre omettre le tout, & en laisser vne partie: & entre differer, tenant tousiours neantmoins les affaires en conuenable honneur & respect, & les diuulguer & esuenter, pour les mettre en derision. Mais Simonete repartit, qu'il estoit bien aisé de voir les Articles qu'il falloit omettre: mais bien difficile de discerner ceux qu'il falloit proposer. En fin les Imperiaux se contenterent, qu'on attendist ce que le Pape diroit sur les propositions des François, & que puis apres les leurs fussent produites. Les Prelats François auoient acquiescé en termes generaux aux Articles concernans les ceremonies, & à quelques autres preiudiciables aux Euesques, lesquels en leur interieur ils n'ap-

*les Eues-
ques Fran-
çois tra-
uersent cet
Article.*

prouuoient point: esperans, qu'en l'examen d'iceux, les Espagnols, & bon nombre d'Italiens, y seroient contraires. Mais, dès qu'ils virent qu'on les enuoyoit à Rome, ils apprehenderent, que le Pape, s'opposant seulement à ceux qui tou hoient ses reuenus, ne condescendist aux autres, s'accommodant en ceux qui estoient à leur preiudice, pour euer ceux qui choquoient ses interets. Et pour cete cause ils se mirent à faire quelques pratiques & menées secretes avec autres Prelats, ausquels ils persuadoient la moderation desdits Articles: Mais procedans en cela à la Frāçoise, c'est à dire, avec peu de circonspection, & de secret, les Ambassadeurs en eurent notice: dōt Lanfac les assembla tous, & les censura bien aigrement, qu'ils fussent si osés que de vouloir s'opposer à la volonté du Roy, de la Roine, & de tout le Conseil, voire de tout le Royaume. Et les exhorta à auancer & faciliter, & non à trauerfer l'intention du Roy: ce qui fut dit par luy avec demonstration de rigueur.

1553.

*Or en sont
censurés
par Lanfac.*

Or auant que ie represente la negociation de Rome il faut exposer la substance de la proposition des François, laquelle tout soudain fut imprimée à Ripa, & à Padoie: & portoit, Que les Ambassadeurs du Roy Tres-chrestien auoient dès long-temps deliberé, suiuant le commandement du Roy, de proposer au Concile les choses contenues en cet escrit: mais que ayās seu que l'Empereur auoit fait proposer de sa part quasi les mesmes choses, ils n'auoient voulu importuner les Peres, ains auoient attendu de voir leur resolution sur les propositions de sa Maiesté Imperiale. Mais qu'ayans receu nouueau commandement du Roy, & voyās les instances de l'Empereur portées à longs iours, plus qu'on n'eust pensé, ils auoient deliberé de ne plus differer: sur tout, veu qu'ils ne requeroient rien de singulier, qui ne fust aussi pour tout le reste de la Chrestienté: & que le Roy, quoy qu'il desirast bien qu'on fist quelque estat des choses par luy proposees, remettoit neantmoins le tout au iugement & à la connoissance des Peres. Ces Articles estoient en nombre de trentequatre. Le premier, qu'aucuns ne soient ordonnés Prestres, sinon aagés, & ayans bon tesmoignage du peuple, & esprouués par leur bonne vie passée: & que les charnalités, & autres forfaitures des Prestres, soient punis selon les Canons. Le deuxieme, que les Saints Ordres ne soient conferés tout en vn mesme temps, ou iour, ains que ceux qui doiuent estre promus aux grands Ordres, soient esprouués és petis. Le troisieme, Qu'aucun ne soit ordonné Prestre, sans assignation de Benefice, ou de ministere, selon le Concile de Calcedoine, auquel temps estoit inconnu le titre de Prestre sans office. Le quatrieme, Que l'exercice & la fonction legitime des Diacres, & autres ordres sacrés, leur soit restituée: afin qu'ils ne semblent des noms & titres vains, & de ceremonie tant seulement. Le cinquieme, que les Prestres, & autres Ministres Ecclesiastiques, vaquent à leur vocation, & ne s'ingerent en autres charges, que du seruice de Dieu. Le sixieme, Que nul ne soit créé Euesque, qui ne soit d'aage conuenable, de bonnes meurs, & de sauoir, afin qu'il puisse enseigner, & donner bon exemple aux peuples. Le septieme, Que nul ne soit fait Curé qui ne soit de prud'homme bien esprouuée, & qui ne soit capable d'instruire le peuple, celebrer conuenablement le Sacrifice, & administrer les Sacremens, & enseigner l'vsage & l'effet d'iceux à ceux qui les recoient. Le huitieme, que nul ne soit créé Abbé, ou Prieur Conuentuel, qui n'ait enseigné les Sainctes lettres en quelque fameuse Vniuersité, & qui n'ait acquis le degré de Maistre és Arts, ou autre semblable. Le neuvieme, Que chaque Euesque, par soi-mesmes, ou par le moyen d'autres prescheurs, en nombre suffisant, selon la grandeur du diocese, ait à prescher tous les iours de Dimanche, & de feste, & les iours de ieunes en Quaresme, & l'Aduent: & en somme en tout temps opportun. Le dixieme, Que le mesme soit fait par les Curés, quand il y aura des auditeurs. L'onzieme, Que les Abbés, & les Prieurs Conuentuels, fassent leçons de la saincte Escriture, & dressent hospital: tellement que les anciennies Escholes, & hospitalité, soient restituées aux Monasteres. Le douzieme, Que

*teneur d'i-
ceux Ar-
ticles.*

1563.

les Euesques, Curés, Abbés, & autres Ecclesiastiques, incapables & insuffisans à faire leur charge, prennent des coadiuteurs & aides pour icelle, ou renoncent aux Benefices. Le treizieme, Qu'à l'égard du Catechisme, & de la sommaire instruction de la doctrine Chrestienne, soit ordonné & estably, ce que sa Maiesté Imperiale a proposé au Concile. Le quatorzieme, Qu'à nul soit conféré plus d'un Benefice: & que toute difference de la qualité des personnes, & des Benefices compatibles, & incompatibles (comme nouueles, & inouïes à l'antiquité, & cause de grands troubles en l'Eglise Catholique) soit ostée: & que les Benefices Reguliers soient baillés aux Reguliers, & les Seculiers aux Seculiers. Le quinzieme, que qui au temps present tient deux Benefices, ait à en retenir seulement vn à son choix, & dans peu de tēps se declarer, & quitter les autres: & à defaut dequoy, il encoure les peines portees par les anciens Canons. Le seizieme, Que pour oster toute tache d'auarice de l'ordre Sacerdotal, sous quelque pretexte que ce soit, ne soit demandée ny exigée chose quelconque pour l'administration des choses sacrees: mais qu'il soit pourueu, que chaque Curé ait dequoy viure, avec deux ou trois Clercs, & puisse mesme exercer hospitalité: à quoy les Euesques soient tenus de pouuoir par vnions de Benefices, ou assignation de dismes: & où cela ne se pourra faire, par subuention de Princes, & par imposition de collectes sur les Paroisses. Le dixseptieme, Qu'ès Messes parochiales soit clairement exposé l'Euangile, selon la portée & capacité du peuple: & que les prieres, que le Prestre fait coniointement avec le peuple, se face en langue vulgaire: & qu'en mesme temps, & à autres heures aussi puissent estre chantés en la mesme langue, Cantiques Spirituels, ou Psalmes de Dauid, approuués par l'Euesque. Le dixhuitieme, Que l'ancien Decret de Leon, & de Gelase, touchant la Communion sous les deux especes, soit renouvelé. Le dixneuuieme, Qu'auant l'administration de chaque Sacrement, soit faite vne exposition en langue vulgaire: tellement que les idiots puissent entendre l'usage, & la vertu du Sacrement. Le vingtieme, Que suivant les anciens Canons, les Benefices ne soient conférés par les Vicaires, mais par les Euesques mesmes dans le terme de six mois: à defaut dequoy, la collation soit deuoluë au prochain superieur, & de main en main au Pape. Le vingtunieme, Que les mandemens de pournoir, les expectatiues, les régrés, les resignations fiduciaires, & les commendes, soient cassées, & chassées hors de l'Eglise, comme contraires aux Saints Decrets. Le vingtdeuxieme, Que les resignations en faveur soient tout à fait bannies de la Cour de Rome: attendu que c'est chose defenduë par les Canons, d'élire, ou de demander son successeur. Le vingttroisieme, Que les simples Prieurés, ausquels, contre leur fondation, la charge des ames a esté ostée & transférées à vn Vicaire perpetuel, avec quelque portion de disme, ou d'autre reuenue, soient, à la premiere vacance qui arriuera, remis en leur ancien estat. Le vingtquatrieme, Qu'aux Benefices, ausquels n'est annexé aucun office de prescher, d'administrer Sacremens, ou autre charge Ecclesiastique, soit par l'Euesque, de l'aduis & conseil du Chapitre, imposée quelque charge spirituelle: à defaut dequoy, ces Benefices soient vnīs aux paroisses voisines: nul Benefice ne pouuant, ny ne deuant estre sans office. Le vingtcinquieme, Que nulles pensions ne soient imposées sur les Benefices, & que celles, qui sont desia imposées, soient abolis: afin que les reuenus Ecclesiastiques soient employés à l'entretienement des Pasteurs, & des pauures, & autres œures pies. Le vingtfixieme, Qu'aux Euesques soit entierement restituée la iurisdiction Ecclesiastique en tout le diocese, & que toutes exemptions soient ostées, exceptés au Chefs d'Ordre, & aux Monasteres, qui leur sont suiets: & à ceux qui tiennent leurs Chapitres generaux, ausquels les exemptions sont données à titre legitime: pouruoyant toutesfois, qu'ils ne soient exempts de la correction de l'Euesque. Le vingtseptieme, Que l'Euesque n'exerce la iurisdiction, & ne traite affaires d'importance, sinon par l'aduis & conseil du Chapitre: & que les Chanoines resident continuellement en l'Eglise Cathedrale: & soyent de
bonnes

bonnes mœurs, & fauoir, & aagés du moins de vintcinq ans : attendu que, puis qu'auant cet aage-là, ils ne peuuent, par les loix, auoir la libre disposition de leurs biens, ils peuuent aussi peu estre baillés pour conseillers aux Euesques. Le vinthuitième, Que les degrés de consanguinité, d'affinité, & de parentage spirituel, soyent gardés, ou bien qu'ils soyent reformés de nouueau, sans qu'il soit loisible d'en dispenser, sauf entre les Roys, & Princes, pour le bien public. Le 29. Qu'attendu que tant de troubles & desordres sont nés à cause des Images, le Concile pouruoye que le peuple soit dûement instruit touchant ce qu'il doit croire d'icelles : & que tous les abus, & superstitions, qui pourroyent auoir esté introduites au seruice d'icelles, soyent ostées, & retranchees. Et que le mesme se face aussi des Indulgences, des Pelerinages, des Reliques des Saints, & des compagnies, ou Confrairies. Le trentième, Qu'en l'Eglise Catholique soit remis sus l'vsage ancien de la penitence publique, pour les griefs & notoires pechés. Et qu'aussi, pour appaiser l'ire de Dieu, soit ramené l'vsage des Iulnes, & d'autres exercices de deuotion, & des prieres publiques. Le trentvnième, Que l'excommunication ne soit decetee pour toute sorte de delit, ou rebellion : mais seulement, pour les enormes forfaitures, esquelles le coupable perseuere apres les admonitions. Le trentedeuxième, Que pour abreger, ou bien du tout retrancher les proces pour causes beneficieles, dont tout l'Ordre Ecclesiastic est contamine, soit ostee la distinction de petitoire, & de possessoire, nouuelement inuentee en ces causes. Que les nominations des Vniuersités soyent abolies. Qu'il soit ordonné & enuoyé aux Euesques de conferer les Benefices, non à ceux qui les recherchent, & briguent, ains à ceux qui les suyuent, & les merite nt : & que le merite soit reconnu, si, apres auoir pris leur degré en l'Vniuersité, ils se sont employés es predications, par le consentement de l'Euesque, & avec l'approbation du peuple. Le trentetroisième, Qu'auenant quelque proces en cause beneficiele, soit créé vn Econome, & que les parties choisissent des Arbitres : & qu'à leur défaut, l'Euesque mesme leur en baille, & qu'iceux dans l'espace de six mois terminent les proces sans appel. Le trentequatrième, Que les Synodes Episcopaux se tiennent du moins vne fois l'annee : & les Prouinciaux, de trois en trois ans : & les Generaux, s'il n'y eschet empeschement, de dix en dix.

Le premier Ianuier arriua à Rome l'Euesque susdit de Ventimile, ayant fait le voyage en sept iours. Il presenta les lettres, & exposa sa creance au Pape, auquel aussi il donna information des diuerfes intentions, & desseins, qui estoient au Concile : & des estranges humeurs de plusieurs, & du moyen que les Legats, & les autres bons seruiteurs de Sa Sainteté iugeoyent deuoir suivre, pour manier ces difficultés. Là dessus le Pape tint Congregation des Cardinaux troisiours apres, à laquelle il fit part de la relation de l'Euesque de Ventimile : & monstra d'estre satisfait & content de la diligence, & des prudentes procedures des Legats : & loua la bonne volonté du Cardinal de Lorraine : & donna charge, que tout promptement fut consulté le point de l'Institution des Euesques, lequel alors pressoit le plus de tous. Le sixième du mois, qui estoit l'anniuersaire de son couronnement, il tint vne autre Congregation, en laquelle il proclama Cardinaux, Ferdinand de Medecis, & Frederich de Gonzague : celui-là, pour consoler le pere de la pitoyable mort de Iean, son autre fils, aussi Cardinal ; cetuy-cy, pour gratifier le Cardinal de Mantouë, Legat ; & les autres de la mesme maison, estroitement conioints avec luy, par le mariage d'vn neveu du Legat, avec vne sœur du Cardinal Borromee, neveu du Pape : lequel cependant n'intermettoit point d'entreuenir aux consultations des affaires du Concile, esquelles, apres long debat, il fut resolu d'escrire aux Legats, que le Canon de l'Institution des Euesques fust ordonné & couché en ces termes, Que les Euesques tiennent en l'Eglise vn rang & lieu principal, dependant du Pape de Rome, par lequel ils sont admis & receus *in partem sollicitudinis*. Et qu'au Canon minuté touchant la puissance du Pape, il fust dit, Qu'il a l'authorité

*arriuee de
l'Euesque
de Ventimile à Rome;*

*L. Pape cree
des Cardinaux;*

*minute les
Canons du
Concile 194-
chant les E-*

1563.
usques, &
sa propre
puissance:

rité de paistre & de regir l'Eglise vniuersele, en la place de Christ, lequel luy a communiqué toute son autorité, comme à son Vicaire general. Mais, qu'au Chapitre de la doctrine, ils estendissent, & dilataissent ces paroles du Concile de Florence, Que le saint Siege Apostolic, & le Pape de Rome, a le Primat en tout le monde, & qu'il est successeur de S. Pierre, Prince des Apostres, & vrây Vicaire de Christ, Chef de toutes les Eglises, & Pere & Maistre de tous les Chrestiens: & qu'à luy, en la personne de Saint Pierre, Nostre Seigneur Iesus-Christ a donné plein pouuoir de paistre, regir, & gouverner l'Eglise vniuersele. Avec commission, qu'ils n'eussent à se départir de ce formulaire, lequel il se persuadoit deuoir estre receu, attendu qu'estant copié & transcrit d'un Concile general, quiconque s'y vouldroit opposer se declareroit Schismatique, & encourroit les Censures: lesquelles, ayant tousiours esté ratifiées par les iugemens de Dieu sur les rebelles, à plus grande exaltation du S. Siege, il esperoit asseurément, que la cause de l'Eglise ne seroit abandonnée de Dieu, ne des bons Catholics: & qu'en cet entretemps seroit de retour l'Euesque de Ventimile, lequel il expedieroit en bref avec plus amples instructions. Il delibera aussi de se transporter à Bologne, pour estre plus proche, & pour pouuoir empoigner les occasions, pour terminer ou transferer le Concile: lesquelles, auant que les aduis fussent venus à Rome, estoient enuouées. Il fit aussi former vne Bulle, que, cas aduenant, qu'il decedast en ce voyage, l'election du Pape fut faite à Rome par le College des Cardinaux.

l'Euesque
de Viterbe
arriue avec
les Articles
des François,
qui font esto
maquer le
Pape,

lequel pour
moit par ne-
gociation
artificiele,

Le courrier, despesché à Trente avec ces lettres, ne fut pas si tost party, que l'Euesque de Viterbe arriua avec les Articles de reformation des François: & renouela la playe des fascheries. La premiere fois, que le Pape les ouit lire, il en monstra beaucoup d'impatience, & s'eschapa en fin à dire, que le but d'iceux estoit d'abolir la Daterie, la Rote, les signatures, & en fin toute l'autorité Apostolique. Puis apres, s'estant vn peu rassis par l'exposition verbale del'Euesque de Viterbe, qui luy donnoit esperance que Sa Sainteté pourroit en destourner les vns, & moderer les autres, par l'ottroy de quelques vns; ledit Euesque luy exposa l'instruction du Cardinal de Lorraine: laquelle portoit, Que les Princes demandent plusieurs chotes, pour obtenir celles qui pressent le plus, qui ne sont point celles, qui esbranlent les interets du S. Siege: & que de ce premier rang estoient, la Communion du Calice, l'usage de la langue vulgaire en l'Eglise, & au seruice de Dieu, & le mariage des Prestres. Que s'il plaisoit à Sa Sainteté de les contenter en ces choses, il trouueroit vne prompte & courte voye pour tirer honneur du Concile, & pour en venir à la fin desirée. Il luy representa, que plusieurs de ces Articles n'estoyent point bien pris, ny approuues par les Euesques François mesmes, lesquels se preparoyent d'y mettre empeschement. Ces choses ouïes, le Pape ordonna que ces Articles fussent examinés en la Congregation, à laquelle il fit assister les Euesques de Viterbe & de Ventimile, afin qu'ils donnassent pleine instruction de ce qui escheoit. En la Congregation il fut arresté qu'on feroit escrire sur ces propositions par des Theologiens, & par des Canonistes, & que chacun coucheroit son aduis par escrit: & afin de faire quelque diuersion du costé de France, le Pape ordonna au Cardinal de Ferrare, de relascher les quarante mil escus au Roy, sans autre condition: & de luy exposer qu'une bonne partie des propositions de ses Ambassadeurs à Trente estoit vtile pour la reformation de l'Eglise, & qu'il desiroit de les voir non seulement decretees, mais mesmes mises en execution. Qu'il ne pouuoit toutes-fois celer, qu'il ne les approuuoit point toutes: attendu que les vnes porteroient rabais de l'autorité Royale, la priuant de la collation des Abbayes, que est vne grande commodité au Roy, pour recompenser ses bons seruiteurs. Que les Roys anciens auoyent eux-mesmes requis les Papes de Rome de moderer la trop grande puissance des Euesques, lesquels s'en rendoyent plus intraitables aux commandemens du Roy: en lieu, que maintenant les propositions de ses Ambassadeurs

visoyent à rendre aux Euesques la licence, laquelle ses predecesseurs tres-prudemment auoyent procuré de ranger sous des liens & reiglemens plus estroits, Que, quant à l'autorité Papale, il estoit impossible de luy oster celle, que Christ mesmes luy auoit baillee; lequel auoit establi Saint Pierre, & ses successeurs, Pasteurs de l'Eglise vniuerselle, & administrateurs de tous les biens Ecclesiastiques. Qu'en ostant les pensions, on luy ostoit quant & quant le pouuoir de faire aumosnes, qui est vne des charges principales, que le Pape a par tous le monde. Que de grace auoit esté communiqué aux Euesques, en qualité d'ordinaires, quelque pouuoir de conferer quelques Benefices: mais qu'il n'estoit pas raisonnable d'estendre cela si fort, qu'aucun preiudice en fust fait au pouuoir ordinaire vniuersel, lequel le Pape a par tout: Que comme les dîmes sont dues à l'Eglise de droit diuin; aussi la dîme de la dîme est par toutes les Eglises due au Souuerain Sacrificateur: & que, pour plus de commodité, icelle auoit esté eschangee en Annates: mais que, si icelles greuoient par trop de Roy de France, il estoit content d'y trouuer temperament, pourueu seulement que les droits du S. Siege luy fissent conserues en quelque bonne façon. Mais que, comme ia par plusieurs fois, il luy auoit fait entendre, cela ne se pouuoit traiter avec autre qu'avec luy, & que le Concile n'y pouuoit mettre la main. Et, pour conclusion, il donna charge au Cardinal, qu'auant mis toutes ces choses en consideration au Roy, il l'exortait de bailler des nouuelles commissions à ses Ambassadeurs.

Le Pape enuoya aussi à Trente les obseruations & censures de diuers Cardinaux, Prelats, Theologiens, & Canonistes de Rome, sur ces Articles, ordonnant de differer de traiter de cete matiere, le plus qu'on pourroit. Que l'Article de la Residence, & les abus concernans le Sacrement de l'Ordre, foinroyent de l'entretié par plusieurs iours. Et, s'ils ne pouuoient euer de proposer lesdits Articles, qu'ils commençassent par les moins preiudiciables, assauoir, par ceux qui regardent les mœurs & la Doctrine, dilayant de parler des ceremonies, & des matieres beneficeles: & au fort, s'ils estoient contraincts de parler aussi de ceux-cy, qu'ils cōmuniquassent ce qu'on y pouuoit obiecter avec les Prelats bien affectionnés, & qu'ainsi ils les missent en examen & dispute: & qu'en cet entretiens il leur ordonneroit ce qu'il auroit deliberé plus auant. Ce fut le sommaire de ce qu'il escriuit aux Legats.

Puis apres, à la fin du mois, il exposa en Consistoire, que les plus grands Princes de Chrestienté requeroient conformation, laquelle il estoit impossible de denier, ne par raisons, ne par pretextes. Partant, qu'il estoit resolu tant par le deuoir de sa charge, que pour donner bonne exemple, de commencer par soy-uesme, pouruoyant aux abus de la Daterie, ostant les coadiutories, les regrés, & les renonciations à faueur. Et exorta les Cardinaux non seulement d'y contribuer leurs voix & suffrages, mais mesmes de le faire notoire à tous. Plusieurs louèrent absolument la bonne intention de Sa Sainteté. Autres considererent, que ces vsages-là auoyent esté introduits pour obuier à d'autres plus grans abus de manifestes Simonies, & pactions illicites: qu'il falloit tout premier prendre diligemment garde, qu'en ostant ces abus, qui estoient tolerables, & enfin n'estoyent que contre des loix humaines, on n'ouurist la porte au retour de ceux, qui sont contre les loix diuines. Le Cardinal de Trente remonstra particulièrement, que ce seroit chose grandement preiudiciable d'oster les Coadiutories en Allemagne: d'autant que les Eueschés y estans ioints & annexés aux Principautés, en cas que les Euesques ne pussent auoir Coadiuteurs pour l'un & pour l'autre, ils introduiroient la coustume d'en faire pour le temporel tant seulement, dont s'ensuiuroit la diuision du temporel d'avec le spirituel, à la totale ruine de l'Eglise. Le Cardinal Nauagier contredit à cela, disant, Qu'il n'estoit raisonnable de faire l'Allemagne differente des autres païs: & que, veu que les Allemans auoyent esté les premiers à demander reformation, ils y deuoyent estre compris. Le Pape exposa en suite, combien de choses estoient proposees au Concile, pour essayer d'esbrecher

1562.

*Et enuoya
les censures
d'iceux à
Trente :*

*Et en Consistoire
proposela neces-
sité de la re-
formation.*

*ce qui est
à uer sembler
pris*

à 562.

les priuileges de l'Eglise Romaine : & parla des Annates , des reserves , & des preuentions : & dit , que c'estoyent des subides necessaires pour le soutien du Pape , & du College des Cardinaux : & que , comme eux y participoyent , aussi estoit-il raisonnable , qu'ils s'employassent à les maintenir , & qu'il vouloit enuoyer vn nombre d'eux à Trente , pour les defendre.

à Trente les
Canons com-
posés par les
Pape,

ne sont re-
ceus par les
Espagnols,
ne par les
François,

Or à Trente , le iour d'apres l'arriuee du Courrier , lequel porta de Rome les Canons de l'Institution des Euesques , qui fut le quinzième Ianuier , iour arresté pour assigner le temps de la Session , fut tenue Congregation , en laquelle fut deliberé de differer iusques au quatrième Feurier à l'assigner , & furent baillees copies des Decrets de l'Institution des Euesques , & ordonné qu'on recommenceroit à tenir les Congregations , pour parler sur iceux. Et charge fut baillee aux Cardinaux de Lorraine , & Madruce , de reformer le Decret de la Residence , en compagnie & avec communication de tels Peres , qu'il leur plairoit choisir. Es Congregations , qui furent tenues les iours suiuians , les minutes venues de Rome furent de prinfaut approuuees par les Patriarches , & par les plus anciens Archeuesques. Mais , quand ce vint aux Espagnols , il y eut bien des difficultes ; & encor plus , quand ce vint aux François. Il y eut opposition premierement contre l'endroit , qui portoit , Que les Euesques tiennent lieu & rang principal en l'Eglise , dependant du Pape de Rome : & fut dit , que c'estoit vne façon de parler ambiguë , & qu'il falloit parler clairement : & apres long debat , ils se contenterent qu'on dist , rang principal au dessous du Pape : mais non dependant. Il y eut aussi quelques vns , qui s'opposerent à ces paroles , Que les Euesques sont pris & admis par le Pape à vne partie de la charge : & vouloyent qu'il fust dit , Que Christ les auoit establis en partie d'icelle : selon le dire de Saint Cyprien , Que l'Episcopat n'est qu'un seul , duquel chaque Euesque tient vne partie par indiuis. Secondement , contre l'Article de l'autorité du Pape à paistre & regir l'Eglise vniuersele : à l'opposite duquel il disoyent , Que l'Eglise est le premier tribunal au dessous de Christ , auquel chacun doit estre suiuet : & que Pierre mesmes a esté renuoyé à l'Eglise , comme à son Iuge , par ces paroles , de Christ , Va , di-le à l'Eglise : & celuy qui n'orra l'Eglise , tien-le pour Payen , & pour Peager : & se contentoyent qu'il fust dit , Que le Pape a autorité de paistre & regir toutes les Eglises , mais non l'Eglise vniuersele : qu'il y auoit peu de difference en Latin entre dire *Vniuersalem : Ecclesiam* , & dire , *Vniuersas Ecclesias*. Et l'Archeuesque de Grenade disoit , Je suis Euesque de Grenade , & le Pape est Archeuesque de la mesme ville : inferant , que le Pape a la surintendance des Eglises particulieres , comme l'Archeuesque l'a de celles de ses Suffragans.

Excitent
de grands
altercans,

Mais l'autre party allegoit , que le Concile de Florence auoit vsé de cete clause , de l'Eglise vniuersele : & au contraire , les autres repliquoyent que le Concile de Constance , & Martin cinquième ; en la condannation des Articles de VVicleff , n'auoyent condanné l'Article contre le Siege Apostolic , sinon entant qu'iceluy veut dire , que ledit Siege n'est par dessus toutes les Eglises particulieres. Sur quoy aussi fut mise en champ vne dispute entre les François & les Italiens : ceux-cy disans , que le Concile de Florence auoit esté vniuersel , & que celuy de Constance n'auoit esté approuué qu'en partie , & en partie auoit esté reprouué , & que celuy de Basle auoit esté Schismatique : ceux-là à l'opposite soustenans , que celuy de Constance , & de Basle , auoyent esté Conciles vrayement generaux , & que ce nom-là ne pouuoit competer à celuy de Florence , auquel entreuinrent seulement quelque peu d'Italiens , & vne poignée de Grecs. Aussi peu accordoyent-ils , que le Pape eust toute l'autorité de Christ , non pas mesmes avec les restrictions & limitations apposees , de Christ entant qu'homme , & au temps de sa vie mortele : mais vouloyent qu'on se contentast de dire , Qu'il a autorité egale à celle de Saint Pierre : laquelle façon de parler estoit fort suspecte aux partisans du Pape , qui voyoyent qu'on pretendoit faire de la vie & des actions de S. Pierre la reigle & le patron de celles du Pape : ce qui seroit , comme ils disoyent , re-

duire le Siege Apostolic à neant : lequel a vne puissance absolue & illimitée, pour donner règle en tous cas, selon que les temps le requierent, voire mesmes au contraire de ce qui a esté fait & pratiqué par tous ses predecesseurs, & par Saint Pierre mesmes. Cet estrif alloit eschaufant, si les Legats ne luy eussent donné de l'esuent, pour auoir temps d'enuoyer au Pape, comme ils firent, les corrections des Ultramontains, & auoir de luy commission comment ils auroient à se gouverner. Et cependant, pour diuertir la pensée de cete matière scabreuse, ils aduiferent d'en mettre sur les rangs vne autre, & pour cet effet ils retournèrent à la Residence : de laquelle les Cardinaux de Lorraine, & Madruce, composerent vne minute, laquelle le iour auparauant ils presenterent aux Legats, qui l'approuerent sans y penser plus auant. Mais, l'ayans depuis consultee avec des Canonistes, iceux trouuerent à redire vne clause, qui portoit, Que les Euesques sont obligés par commandement diuin d'entendre à leur troupeau, & de veiller sur iceluy personnellement. Et les Legats doutans que cela pourroit estre de mesme mal pris à Rome, changerent ces termes, & presenterent la minute ainsi reformee en Congregation. Les Cardinaux de Lorraine & Madruce, furent grieuement offensés de ce changement, & leur sembloit d'estre mesprisés : dont celui de Lorraine dit, Qu'à l'auenir il ne se vouloit plus donner de soucy, & ne vouloit plus traiter avec les Prelats, mais qu'il pensoit seulement à dire son aduis en modestie, rendant de bonne affection seruice aux Legats, en tout ce qu'il pourroit honnestement. Mais le Cardinal Madruce ne se tenoit pas de dire, Qu'il y auoit dans le Concile vn autre Concile secret, lequel s'attribuoit plus grande authorité.

*diuertis par
les Legats
mettant en
d'liber-
à Residenc*

*de Lorraine
& Madruce
regnuent du
mesconten-
tement :*

Les Legats, voyans que tous remedes tournoient en pis, laisserent de tenir les Congregations : mais cela ne profita pas beaucoup, car les Prelats en faisoient de priuée entr'eux, & les Legats estoient en continuelles consultations. Et l'Archeuesque d'Otrante, & autres, qui aspiroyent au Cardinalat, auquel ilstenoyent pour asseuré d'arriuer, si le Concile se rompoit, estoient ligués à s'opposer à tout, pour faire naistre du trouble : & alloient passionnément de maison en maison, mesme de nuit, faisans des brigues, & portans signer des billets : ce que les Legats agreoyent bien, quant au general de l'effet, mais la pluspart d'entr'eux n'en approuuoit pas la maniere, comme estant de mauuais exemple, & capable de produire quelque grand scandale. Parmy le party contraire il y en auoit bien aussi qui desiroient la rupture du Concile : mais chacun attendoit l'occasion propre, pour pouuoir reletter la faute sur l'autre. Au moyendequoy les soupçons & les desiances de l'un & de l'autre party se rengregeoyent.

*les Congre-
gations sont
intermises,
les parti-
sans du Pa-
pe sont des
brigues pour
faire rompre
le Concile,*

Le Cardinal de Lorraine se plaignoit à tous, qu'on taschoit de rompre & dissoudre le Concile, & particulièrement en fit plaintif à tous les Ambassadeurs des Princes, les priant d'en escrire à leurs Maistres, & de faire qu'ils moyenassent enuers le Pape, que le Concile suiuiſt, & que les brigues fussent reprimees, & les Peres laissés en liberté : qu'autrement en France on feroit vn Concordat que chacun vescuſt comme il luy plairoit, iusques à vn Concile libre, tel que n'estoit nullement celui de Trênte : attendu qu'on ne pouuoit y traiter, ne resoudre, sinon ce qui plaisoit aux Legats, lesquels ne faisoient que ce que le Pape vouloit. Que, pour luy, il patienteroit iusques à la prochaine Session, mais que, s'il ne voyoit les choses aller mieux, il feroit ses protestations, & avec les Ambassadeurs & Prelats François s'en retourneroit en France, pour celebrer vn Concile national, auquel, peut estre, l'Allemagne concourroit. Ce qui à luy feroit de grand desplaisir, pour le danger qu'il y auoit que le S. Siege ne perdist puis apres toute son autorité. En ces iours plusieurs Courriers furent despeschés de Trente à Rome, & de Rome à Trente : les Legats de leur costé donnans aduis des contradictions qui fourdoyent dru de toutes parts : & le Pape du sien pressant & sollicitant la proposition des Canons qu'il auoit enuoyés. Les François à Rome firent le mesme plaintif au Pape, que faisoit le Cardinal de Lorraine à Trente : y adioustans

*dont y a de
grandes
plaintes, &
menaces,*

1562.
2. *Sur ce
dudens pa-
le Pape:*

*ombnages des
Legats su-
P'intelligen-
ces des Espa-
gnols avec
l'Empereur,*

*Et sur la
venue de
l'Ambass-
de Pologne à
l'Empereur,*

*demandent
aduis aux
Ambassades
Princes,
les François
et les Impé-
riaux respo-
dent libré-
ment:*

les mesmes menaces de Concile national, & de l'interuention d'Allemands. Mais le Pape, tout accoustumé à ce bruit, dont on luy batoit souuent les oreilles, disoit, Qu'il ne s'espouuantoit point de paroles, & n'auoit point de peur de Conciles nationaux: qu'il sauoit tresbien que les Euesques de France estoient Catholiques, & que l'Allemagne ne se sousmettroit iamais à leurs Conciles. Il disoit que le Concile estoit non seulement libre; mais quasi licentieux. Que les brigues, faites par les Italiens à Trente, n'estoient de son feu: mais qu'elles naissoient de ce que les Vltramontains vouloyent fouler au pied l'autorité Papale. Qu'il auoit eu trois belles occasions de rompre le Concile, mais qu'il vouloit qu'il continuast: & esperoit que Dieu n'abandonneroit point son Eglise: & que tout effort contre icelle retourneroit sur la teste des innouateurs. Pendant ces confusions, l'Euesque des Cinq Eglises partit pour aller à la Cour de l'Empereur, pour donner aduis à l'Empereur des affaires du Concile, & luy faire le rapport de la ligue des Prelats Italiens: & d'autant qu'on descouurit que l'Archeuesque de Gre-nade, & ses adherants, luy auoyent baillé charge de moyener enuers l'Em-pereur, qu'il escriuist au Roy Catholic sur le fait de la Reformation, & de la Residence; afin qu'en ces questions, & en toutes autres, ils pussent librement dire ce que leur dictoit leur conscience, les Legats prirent opinion, que c'estoit vn conseil du Cardinal de Lorraine. Dont, pour donner vn re-uers, eux aussi, peu de iours apres, despescherent à l'Empereur Iean Fran-çois Commendon, Euesque de Zante, sous pretexte d'excuser & rendre raison, pourquoy les demandes de Sa Maiesté n'auoyent encor pu estre pro-posees, & luy baillerent charge d'exhorter l'Empereur de trouuer bon de rechercher du Pape, & non du Concile, les points contenus en ses demandes, lesquels touchoient l'autorité Papale. Ensemble autres instructions & me-moires, qu'ils trouuerent à propos.

En ce mesme temps arriua à Trente Martin Cramer, Euesque de VVar-mie, Ambassadeur du Roy de Pologne à l'Empereur, en apparence pour vi-siter le Cardinal de VVarmie, son ancien & intime amy: mais les Legats eu-rent grand soupçon qu'il estoit enuoyé par l'Empereur, pour s'informer, & esclairer les affaires du Concile, & les luy rapporter: & de tant de mouue-mens ils prirent apprehension, que le Concile ne se rompiſt en quelque façon, qui tournast au deshonneur du Pape, & d'eux mesmes; remarquans que cela estoit desiré par plusieurs, & mesmes par quelques vns des partisans du Pape: & que d'autres tout à dessein procuroient d'exciter troubles & de-fordres, pour auoir de quoy se iustifier, cas estant que cela aduinſt. Sur ces doutes, ils enuoyerent à tous les Ambassadeurs vn Escrit, qui contenoit les difficultés, esquelles ils se trouuoient, les prians de les aider de leur bon conseil. Les Ambassadeurs François prirent de la occasion de dire pour res-ponse, ce qu'ils auoyent ia par plusieurs iours desiré, Que le Concile estoit conuoqué pour remedier aux abus, mais que quelques vns s'en vouloyent feruir pour les accroistre. Qu'auant toute autre chose, il falloit obuier aux brigues tant euidentés: que c'estoit vne chose intolerablement honteuse. Que si ces brigues estoient ostées, & que chacun fust laissé en liberté de dire son aduis, on pourroit aisément conuenir en vne bonne concorde. Que le Pape de vray est le Chef de l'Eglise, mais non par dessus icelle. Qu'il n'est que pour regir & conduire les autres membres, mais non pour maistriser tout le corps ensemble. Et que le remede aux differends presens, estoit de fuiure les Decrets du Concile de Constance, lequel, ayant trouué l'Eglise fort difformee & deprauée, pour la mesme cause de semblables opinions, l'auoit reduite à vneſtat supportable. Ils adiouterent aussi, que l'vne des causes de la discorde, estoit, que le Secretaire n'escriuoit pas fidelement les opinions; dont il auenoit, que le plus grand nombre sembloit es Actes le plus petit: & ne pouuoit-on auoir pour resolu ce que l'aduis commun portoit. Et pourtant, qu'il estoit necessaire de donner vn adioint au Secretaire, telle-ment qu'il y eust tousiours d'eux qui escriuiſſent. Les Imperiaux leur don-

nerent leur aduis presques conformes à celuy des François : mais firent en-
cor plus grande instance d'un adioient au Secretaire. Les autres Ambassa-
deurs se tinrent dans les termes generaux , conseillans la continuation du
Concile, & l'union des courages.

Les affaires estans en ces termes, le vintneufuiesme du mois de Ianuier ar-
riua à Trente l'Euesque de Ventimile, despesché derechef par le Pape : le-
quel fit le rapport de sa créance aux Legats. Et puis, de leur aduis & conseil,
il se mit à oster deux opinions semées parmy le Concile: l'une, que le Pape
estoit en estat de ne pouuoir plus gueres viure: l'autre, que Sa Sainteté de-
siroit la rupture du Concile. Au contraire il tesmoigna, que le Pape ne sou-
haitoit rien tant, sinon, que quittant toutes contentions, ils trouuassent
pour le seruice de Dieu, & à mettre bien tost fin au Concile. Il porta aussi
des Bullés d'offices, & de benefices conferés par le Pape, aux parens de
quelques Prelats, & d'une charge de Referendaire au Secretaire de l'Amba-
assadeur de Portugal: & d'une assez grosse pension au fils du Secretaire de
l'Ambassadeur d'Espagne: & diuerses promesses à d'autres selon leurs pre-
tensions. Il fit aussi, au nom du Pape, des grands complimens avec le Cardi-
nal de Lorraine, montrant, qu'en luy seul Sa Sainteté auoit la confiance
d'une brieue & bonne fin du Concile.

Il se presenta vne occasion de reprendre les Congregations intermises, par
la venue de l'Euesque d'Ast, Ambassadeur du Duc de Sauoye. Lequel les
Legats firent dessein de recevoir en Congregation à l'ordinaire, & tout d'une
main remettre sus là mesme, la proposition des Canons susdits. Et pour cet
effet enuoyerent l'Euesque de Sinigaille au Cardinal de Lorraine, pour le
prier de trouuer quelque expedient, par lequel les François pussent estre
contentés. Cet Euesque remonstra au Cardinal, que ces termes, de regir
l'Eglise vniuerselle, estoient vstés par plusieurs Conciles: & que ces autres,
que les Euesques sont admis & receus par le Pape en partie de la sollicitude,
estoyent les formels de S. Bernard, auteur tant loué par Sa Seigneurie Illu-
strissime. Le Cardinal, respondit, Que tout le monde estoit spectateur des
actions du Concile: qu'on sauoit par tout les opinions & les suffrages d'un cha-
cun: qu'il falloit bien aduiler à ce qu'on disoit: que de France auoyent esté
enuoyés des escrits contre les opinions qui sont tenues à Trente, sur les que-
stions traitees: que plusieurs s'estoyent plaints de luy, de ce qu'il procedoit
avec trop de respect, & specialement en cete matiere-là, & en celle de la
Residence: & n'auoit point fait l'instance qu'il deuoit, afin qu'il fust dit & de-
claré, qu'elle soit de droit diuin. Qu'il ne faut point conclurre, qu'en vrant
de quelque terme employé par quelque auteur, par mesme moyen on re-
tienne le sens d'iceluy: veu qu'il importe grandement en quel endroit ce terme
est inferé, & quelle coherence & vssure il a avec les paroles antecedentes, &
les suivantes, desquelles il peut aduenir qu'il en naisse des sens tout contrai-
res. Que, pour luy, il ne se formalisoit point des termes, mais des sens qu'on
pretendoit canoniser. Que les François ne pouuoient en façon quelconque
admettre cette façon de parler, Que le Pape a autorité de regir l'Eglise
vniuerselle: & que si à l'auenir elle estoit plus proposee, les Ambassadeurs ne
faudroyent point de protester au nom du Roy, & de six vints Prelats, des-
quels ils auroient tousiours l'adieu signé: & que c'estoit preiudicier à l'opi-
nion communément tenue par tous en France, Que le Concile est par dessus
le Pape. Ce rapport, fait aux Legats par l'Euesque de Sinigaille, en presence
de plusieurs Prelats, assembles pour consulter cete mesme matiere, les fit en-
trer en doute, qu'il estoit impossible de gagner les François.

Il aduint aussi au mesme temps vne chose, qui rehaussa grandement le cou-
rage aux Espagnols: ce fut, que Martin Gazdellon, duquel il a esté parlé
cy dessus, estant arriué, apres auoir quelques iours considéré les procedures
du Concile, se fit entendre, Qu'il voyoit clairement que le Concile n'estoit
point libre. Et louoit grandement l'Archeuesque de Grenade, & disoit,
Que le Roy l'auoit en tresbonne conception: & que si l'Archeuesché de

*les Espa-
gnols aussi se
renforcent:*

*retour de
Rome de l'E
uesque de
Ventimile,*

*par lequel
le Pape cap-
tiue le Con-
cile:*

*la venue de
l'Ambassa-
deur de Sauoye faire re-
mettre sus
les Congre-
gations, & le
Cardinal de
Lorraine est
pratique, &
respondre
mement,*

1563.
l'Ambassa-
deur de Sa-
uoye est
cey.

Toledo verroit à vaquer, il l'en gratifieroit. Ces choses ayans esté ainsi negotiees, vint le Dimanche, dernier iour de Ianuier, auquel estoit intimée la Congregation generale, pour receuoir l'Ambassadeur de Sauoye susnommé: lequel fit vn bref discours, representans les dangers esquels estoit l'Estat de son Prince, pour le voisinage des heretiques: & les grands frais qu'il portoit. Et exhorta à mettre bien tost fin au Concile, & à aduiser aux moyens d'en faire receuoir les Decrets aux rebelles, & obstinés: offrant toutes les forces du Duc, son Maistre. La response luy fut faite, en louant la pieté & prudence du Duc, & en s'esjouissant de la venue de luy Ambassadeur.

Suite d'al-
tercats, cau-
se de delay

Les Congregations continuans les dissensions croissoient: & plusieurs requeroient que le Decret de la Residence, formé par les deux Cardinaux, fust propose. Et les Legats, voyans tant de diuersités d'avis apres longues consultations entr'eux, & avec les Prelats bien affectionnés au seruice du Pape, conclurent, Que le temps n'aportoit pas de faire aucune decision: mais qu'il estoit necessaire d'interposer tant de delay, que les bouillons des humeurs se rassissent d'eux-mesmes, ou, qu'on trouuast quelque expedient pour accorder les differends, en prolongeant le temps de la Session. Et pour le faire de bon accord, ils allerent tous chez le Cardinal de Lorraine, pour luy communiquer leur dessein, & luy demander conseil, & aide. Il se plaignoit des monopoles & conueniencules: & que par des moyens tant illicites on pretendist de bailler au Pape ce qui ne luy appartient point, & d'oster aux Euesques ce que Christ leur auoit donné. Il tesmoigna qu'il ne pouuoit goustier vne si grande dilation de la Session: mais que toutesfois, pour leur complaire, il s'en contentoit. Bien les pria-il, puis que tout cela se faisoit pour calmer les esprits, qu'ils moyenassent puissamment, que les turbulens & ambitieux fussent reprimés.

agréé par
le Cardinal
de Lorraine
avec plain-
tes,

Publié en
Congrega-
tion, &
contredit.

mais en fin
conclu;

En la Congregation du troisieme Feurier, le Cardinal de Mantouë proposa, qu'attendu le commencement du Quaresme estoit prochain, apres quoy suiuiroient les bonnes festes de Pasques, la Session fust differée iusques apres Pasques: & qu'en cet entretemps on traitast es Congregations la Reformation, appartenante aux Saints Ordres, & la matiere du Sacrement du Mariage. Cete proposition eut de grandes contradictions. Les François & les Espagnols, quasi tous, firent instance, qu'un bref delay fust ordonné, & que la matiere de l'Ordre, ensemble sa reformation fust definie, auant que traiter du Mariage: à cete opinion adheroyent aussi quelques Italiens. Quelques-vns adiouterent aussi, que la Session fut tenuee avec les choses ià decidees; & que particulierement le Decret de la Residence, comme il auoit esté formé par les Cardinaux, fust arresté: & quelques-vns mesmes touchèrent vn mot, que c'estoit vne grande indignité au Concile, d'auoir ià tant de fois prolongé de terme en terme: & qu'on monstroir de vouloir lasser les Peres; pour les amener à force à consentir aux opinions contraires au sentiment de leur propre conscience. Et pourtant, qu'il falloit tenir la Session, & resoudre les matieres par la pluralité des voix. Quelques-vns aussi ne dissimulerent pas, que cete distinction de Session, & de Congregation generale; n'estoit point réelle, & veu qu'en l'une & en l'autre entreuenoyent les mesmes personnes, & le mesme nombre entier & complet, il falloit tenir pour décidé ce qui auroit esté deliberé en la Congregation generale. Apres grand estrif, il fut conclu par la plus grand voix de dilayer iusques au vintdeuxiesme Aueil, quoy que le party contraire ne se deportast point de sa contradiction. Le Cardinal de Lorraine monstra de consentir à la dilation, simplement pour complaire aux autres: mais de vray son propre interest la luy fit agréer pour quatre causes: pource que cependant il verroit ce qui aduiendroit de la santé & vie du Pape: & auroit commodité de traiter avec l'Empereur: & pourroit entendre l'intention du Roy Catholique: & verroit le succès des affaires de France, & de là pourroit prendre ses deliberations avec plus de fondement.

Le iour

Le iour ſuiuant les Ambaſſadeurs de France firent vne longue & forte inſtance aux Legats, qu'on traitaſt de la Reformation, & que leurs demandes fuſſent propoſées, auant qu'entamer la matiere du Mariage. Les Legats reſpondirent, Qu'il n'eſtoit pas raſonnable de donner loy au Concile: que ſi les Princes propoſoyent choſes conuenables, la raiſon vouloit bien, qu'on y fiſt conſideration en temps & lieu, à la diſcretion & iugement des Preſidens, que ſi ces demandes d'eux Ambaſſadeurs il y auoit quelques appartenances à la matiere des Saints Ordres, eux Legats propoſeroient cela tout enſemble, & de main en main les autres choſes en ſon temps. Cete reſponſe ne contenta point les Ambaſſadeurs, dont ils reitèrerent l'inſtance: adiouſtans, que ſi eux Legats ne vouloyent faire la propoſition, ils permiſſent qu'eux Ambaſſadeurs la fiſſent, ou bien qu'ils leur tranchaſſent vn abſolu refus: &, par forme de proteſtation, dirent, Que ſi on continuoit ainſi à leur donner reſponſes ambiguës, ils les prendroyent comme equiuales à vn refus de moquerie. Les Legats prirent terme de trois iours à rendre reſponſe plus preſiſe, & en cet entretemps moyenerent que le Cardinal de Lorraine les appaiſaſt, & fiſt qu'ils fuſſent contens d'attendre, iuſques à ce que de Rome viſt la reſponſe ſur les Articles enuoyés par eux.

Le lendemain furent ptoduits & communiqués les Articles du Mariage, pour eſtre diſputés par les Theologiens: en quoy tout auſſi toſt naſquit diſpute de preſeance entre les François, & les Eſpagnols: à laquelle on ne put trouuer autre moyen pour donner contentement aux deux parties: que de changer l'ordre eſtably, & obſerué iuſques alors, & de donner les rangs ſelon l'ordre de la promotion au Doctorat. Mais à cela s'oppoſoyent les Theologiens du Pape, diſans, Que, ſi la difficulté naiſſoit à l'eſgard des François & des Eſpagnols, on y fiſt vn reiglement pour eux tant ſeulement, ſans faire aucune alteration au rang & lieu des Theologiens du Pape, qui eſtoit le premier ſans contredit. Les Legats leur donnoient raiſon, & concluoyent, Que la premiere chambree, en laquelle eſtoient les Theologiens du Pape, parlaſt la premiere, à l'ordinaire: mais, que les autres trois ſuiuiſſent l'ordre de leurs promotions. Les François n'eſtoient point contens, ſinon qu'en la premiere chambree il y euſt vn des leurs. Et le Secretaire Agent d'Eſpagne fit inſtance, Qu'il fuſt fait & dreſſé Acte public du Decret, afin que tousiours il ſe puſt voir, que, ſi quelque François parloit auant les Eſpagnols, cela ne ſe faiſoit point par raiſon de preſeance du Royaume & d'Eſtat. En fin, pour donner contentement à tous, cet Acte fut dreſſé, & fut accordé aux François, qu'après Salmeron, le premier d'entre les Theologiens du Pape, parleroit Nicolas Maillard, Doyen de la faculté de Paris: & puis, que les autres de la premiere chambree ſuiuroient, & tout le demeurant de main en main, ſelon l'ordre de la promotion d'un chacun.

Les Articles, ſur leſquels on deuoit diſputer, s'il eſtoient heretiques, & s'il les falloir condanner, eſtoient en nombre de huit. Le premier, Que le Mariage n'eſt pas vn Sacrement inſtitué de Dieu, mais vne ordonnance humaine en l'Egliſe, & qu'il n'a aucune promeſſe de grace. Le deuxieme, Que les peres & meres peuuent caſſer & annuller les mariages clandestins, & qu'iceux ne ſont point vrayſ mariages: voire meſmes qu'il eſt expedient qu'à l'auenir ils ſoyent caſſés en l'Egliſe. Le troiſieme, Qu'il eſt loiſible, la femme ayant eſté repudiee pour cauſe de paillardie, d'en eſpouſer vne autre, du viuant meſmes de la premiere: & que c'eſt erreur de faire diuorce pour autre cauſe de fornication. Le quatrieme, Qu'il eſt loiſible aux Chreſtiens d'auoir pluſieurs femmes: & que les defences des nopces en certain temps de l'annee eſt vne ſuperſtition tyrannique, tiree des Payens. Le cinquieme, Que le Mariage ne doit eſtre poſtpoſé, ains preferé à la Chaſteté, & Célibat: & que Dieu donne plus de grace aux mariés qu'aux autres. Le ſixieme: Que les Preſtres Occidentaux peuuent licitement contracter mariage, nonobſtant le vœu, ou la loy Eccleſiaſtique: & que de dire au contraire, n'eſt autre choſe, que condanner le Mariage: & que tous ceux, qui n'ont le

1563.

les François
preſent la
reformation,
& ſont re-
butés;

Articles du
Mariage
mis en diſpu-
te: en laquel
le naiſt &
eſt compoſé
vn eſſai de
preſeance:

contenu d'i-
ceux:

A 5 6 3.

donde continence, peuuent se marier. Le septième, Qu'il faut garder les degrés de consanguinité, & d'affinité, exprimés au dixhuitième du Leuitique, sans en adiouster, ne diminuer aucun. Le huitième, Que l'impuissance & inhabilité à la conionction charnelle, & l'ignorance entreuenue en contractant, sont les seules causes de dissoudre le mariage contracté: & que les causes matrimoniales appartiennent aux Princes seculiers. Ces Articles, pour plus de briueeté, furent diuisés entre les quatre chambres, deux par chacune.

*l'Euesque
de Renes
arriue à
Trêre, pour
emmener le
Cardinal de
Lorraine à
l'Empereur,
ce qui cause
de grands
ombrages,*

Enuiron ce temps arriua à Trente l'Euesque de Renes, Ambassadeur de France à l'Empereur: & ayant traité avec le Cardinal de Lorraine, iceluy alla aux Legats, & leur exposa, que dès son depart de France, il auoit receu commission du Roy d'aller trouuer l'Empereur, ce qu'aussi il deliberoit de faire dans peu de iours, que l'Empereur seroit à Inspruck, & que Monsieur de Renes estoit venu pour l'y accompagner. Il donna aussi aduis de ce voyage au Pape par lettres, esquelles il luy toucha les procedures des Italiens au Concile, laschant vn mot, que, si on continuoit en cete sorte, il prioit Dieu qu'il l'inspirast à faire chose qui fust à sa gloire & seruice. On auoit ia parlé de cete allee quelques mois auparauant, de sorte, que quand on la publia, les desiances & ombrages ne furent point si grands, que si elle eust esté soudaine, & à despourueu. Toustenoient pour certain, que c'estoit pour concerter des affaires du Concile: & particulierement pour traiter du moyen d'introduire l'usage du Calice: & d'autant que le Cardinal à diuerses occasions, & en presence de diuers Prelats, auoit dit, Que l'Empereur, & les Roys des Romains, & de France ne cesseroient de presenter tousiours nouuelles demandes de Reformation, iusques à ce qu'ils eussent obtenu l'usage du Calice, quand ores il faudroit demeurer deux ans au Concile. Mais que si on leur ottroyoit cete grace, ils acquiesceroient aisément au demeurant. Et que contenter ces Princes, estoit vn tresbon moyen pour retenir ces Royaumes-là en obeissance. Qu'il estoit impossible d'obtenir cete grace du Pape, à cause de la resistance qu'y feroient les Cardinaux, qui abhorroyent cete concession. Que on ne l'auoit autresfois obtenu du Concile, d'autant que l'affaire auoit esté mal manié: mais, qu'il y auoit esperance, qu'y procedant par voyes dues, on l'obtiendrait. Mais ceux, qui prenoient plus attentiuement garde aux procedures du Cardinal, y remarquoient grande varieté de paroles: car, tantost il disoit, que si on ne venoit à quelque resolution des affaires, il partiroit à Pasques, ou à Pentecoste: tantost, qu'il demeurerois à Trente deux ans, ores, proposant des moyens de finir bien tost le Concile, ores faisant des ouuertures pour le rendre eternal. Indices manifestes, qu'il n'auoit point encor descouvert son intention. Et prenoient soupçon de sa caute façon de proceder, laquelle arguoit dessein de vouloir artificieusement iustifier ses raisons, & colorer sa cause. Partant, considerant qu'à Inspruck denoyent aussi entreuenir le Roy des Romains, le Duc de Bauiere, l'Archeuesque Saltzburg, & l'Archiduc Ferdinand; on tenoit pour certain que cet abouchement ne pouoit enfanter que de la nouveauté: attendu le peu de contentement que l'Empereur auoit iusques alors monstre du Concile, & l'union qui s'estoit en toutes choses descouverte entre luy & la France: ce qui donnoit à penser, que le Roy d'Espagne adheroit aussi à ce mesme party, pour la conionction de sang & d'alliance qu'il y auoit entr'eux: sur tout, ayant esté diuulgué, que, par ses lettres du huitième Ianuier, au Conte de Lune, il luy auoit donné charge de s'entendre avec l'Empereur, & la France, en ce qui concernoit la Reformation, & la liberté du Concile. En ces mesmes iours, Frere Felician Ninguarde, de Morbeigne, Iacopin, procureur de l'Archeuesque de Saltzburg, presenta lettres de ce Prince-là, & fit instance, que les procureurs des Euesques d'Allemagne pussent bailler leurs voix, & dire leurs suffrages es Congregations: assurant, que si cela se faisoit, d'autres Euesques d'Allemagne enuoyeroient leurs Procureurs au Concile: mais,

*le procureur
de Saltzburg
demande
d'auoir voix*

qu'à defect de cela , & luy & les autres se retireroient , pour n'estre là oisifs. Il luy fut respondu . Que on y aduiferoit , & en delibereroit selon droit & raison. Et en fut escrit à Rome , pour ne resoudre mesme cete particularité sans ordre de là. Mais l'occupation en plus grandes choses , en l'un & en l'autre lieu , fit qu'on n'en parla plus.

Le neufuiesme du mois de Feurier , fut tenue la première Congregation des Theologiens sur le fait du Mariage. Et le Iesuite Salmeron parla en icelle avec beaucoup d'apparat , & de piaffe , ne disant toutesfois rien sur le premier Article , que les choses ordinaires & communes des Scholastiques : & sur le deuxieme , il allega la determination du Concile de Florence, Que le mariage reçoit sa perfection du seul consentement des contractans : & que ne le pere , ny autres , n'y ont aucune autorité. Et soustint qu'il falloit condanner pour heretiques ceux , qui donnent pouuoir aux peres de les annuller. Mais il adiousta , Que l'autorité de l'Eglise estoit tres-grande sur la matiere des Sacremens : & qu'elle pouuoit alterer tout ce qui n'appartient à l'essence : & que la condition de public , & de secret , n'estant qu'accidentelle , l'Eglise a pouuoir sur icelle. Il representa les grands inconueniens , qui naissent des mariages secrets , & les innombrables adulteres qui en suivent. Et conclut , qu'il estoit expedient d'y mettre remede , en les cassant , & declarant nuls. Et insista beaucoup sur ce cas inextricable. Si vn homme apres auoir contracté & consommé vn mariage en secret , contracte puis apres en public avec vne autre , de laquelle il vueille par apres se departir , pour retourner à la première & legitime , doit estre contraints par censures de persister au premier contract : auquel cas le miserable est ferré & enuélépé des deux costes , ou en adultere perpetuel , ou bien en censures , avec scandale du prochain.

Le iour d'apres , suiuit à parler le Doyen de la faculté de Paris , & parla copieusement du mariage , & de la grace qui est recuë en iceluy , & qu'il falloit condanner ceux qui afferment que c'est vne inuention humaine : & tout son propos fut en termes de doctrine Scholastique. Mais , sur le fait des mariages clandestins , apres auoir disputé qu'ils estoient vrayes mariages , & Sacremens , il fit quelque difficulté , si l'Eglise auoit pouuoir de les casser & annuller. Et contredit à l'opinion de Salmeron , Que l'Eglise a autorité sur les Sacremens : & discourut , que l'Eglise ne peut faire qu'aucun Sacrement legitime au temps present , sont inualide au temps à venir. Et porta l'exemple de la Consécration en l'Eucharistie , & passa par tous les Sacremens : & dit , Que la puissance Ecclesiastique n'estoit point telle , que aucun püst presupposer de pouuoir empescher tous les pechés. Que l'Eglise Chrestienne , par l'espace de quinze cens ans , auoit esté suiète à ce que figuroit à present pour intolerable : & , ce qui ne doit estre moins estimé , des le commencement du monde , les mariages secrets auoyent esté valides , & nul n'auoit iamais pensé de les vouloir annuller : quoy que fort souuent soit aduenue le cas d'un contract public apres vn mariage secret : ce qui semble estre vne difficulté insoluble , qui porte inconuenient de toutes parts. Que le premier mariage entre Adam & Eue , qui fut le patron & exemplaire de tous les autres , n'auoit point eu de tesmoins. L'aduis de ce Docteur fut prisé. Mais les Prelats Italiens agreerent grandement , que luy estant aduenue d'auoir vne fois nommé le Pape , il auoit adiousté cet Epithete , Recteur & Modérateur de l'Eglise Romaine , c'est à dire , vniuerselle , ce qui donna beaucoup à parler : d'autant que les partisans du Pape s'en preualoyent , pour conclure , Que donques au Canon de l'Institution des Euesques on pouuoit bien aussi semblablement dire , que le Pape a puissance de regir l'Eglise vniuerselle. Mais les François respondoyent , Qu'il y a grand difference , entre dire absolument , l'Eglise , qui est l'vniuersité des fideles : & dire , l'Eglise Romaine , c'est à dire , vniuerselle : là où ce mot de Romaine , declare l'autre , d'vniuerselle : inferant qu'il est bien Chef de l'vniuerselle : & que tous les lieux , esquels autorité est baillée au Pape sur toute l'Eglise , doiuent estre entendus disionctiement , non conionctiement c'est à dire sur chaque

1563:
l'affaire re-
mis au Pa-
pe, & puis
supprimé:

Congrega-
tiōs de Theo-
logiens exa-
minent les
Articles du
Mariage.
Salmeron
veut que les
clandestins
soient cassés
par l'Eglise:

Maillard
soustient le
contraire:

1583.
lettre au
Roy de
France, exor-
tant à re-
formation:

seconde
d'une ha-
rangue du
Ferrier sur
le mesme
sujet:

partie de l'Eglise, &, non sur toutes ensemble.

L'onzième Feurier, en Congregation, les François presenterent vne lettre de leur Roy en date du dixhuitième lanuier, par laquelle il disoit, Que, quoy qu'il fust bien assuré, que le Cardinal de Lorraine auoit fait part au Concile de l'heureuse victoire obtenuë contre les ennemis de la Religion, à l'audace desquels il s'estoit tousiours opposé, & s'opposoit encor iournelement, sans auoir esgard à difficultés & dangers, y exposant sa propre vie, selon le deuoir de fils premier-né de l'Eglise, & Roy Tres-Chrestien: il ne vouloit pas pourtant laisser de leur en donner luy mesmes aussi l'aduis, pour s'en conioiur avec eux. Et que, sachant, que les remedes salutaires aux maux qui affligent la Chrestienté, ont tousiours esté recerchés des Conciles; il les prioit, pour l'amour de Christ; de trauailler à vn amendement & reformation, conuenable à l'attente que le monde auoit conceuë d'eux. Et que, comme luy-mesmes, & tant de personnes signalees avec luy, auoyent consacré leur vie & leur sang à Dieu en ces guerres, eux aussi, selon le deuoir de leur charge, voulussent, en droiture & sincerité de conscience, vaquer à l'affaire, pour lequel ils estoient assemblés. Apres la lecture de ces lettres, l'Ambassadeur du Ferrier parla aux Peres en ce sens, Que, puis que, par les lettres du Roy, & ia auparauant par les harangues du Cardinal de Lorraine, & de l'Euesque de Mets, ils auoyent entendu la desolation de la France, & quelques victoires du Roy, il ne vouloit pas repeter les mesmes choses: mais seulement leur disoit, que la derniere victoire auoit esté miraculeuse, attendu les forces de l'ennemy: & que la preuue en paroissoit, parce que l'ennemy, quoy que vaincu, viuoit encores, & couroit la France, faisant de grands maux & rauages dans le cœur & entrailles d'icelle. Mais, qu'il vouloit tourner son propos à eux, qui estoient l'unique refuge des miserables, sans lesquels la France ne pouuoit sauuer le debris de son naufrage. Il allega l'exemple de l'armee du peuple d'Israel, qui n'estoit suffisante pour vaincre Amalec, si les mains de Moysse, esleuees à Dieu, & soustenues par Aaron, & par Vr, n'eussent aidé les combatans. Que le Roy de France ne manquoit pas de forces, ne d'un braue Capitaine, qui estoit le Duc de Guise: & auoit la Royne, sa mere, pour la conduite de la paix, & de la guerre: mais qu'il n'y auoit aucun autre Aaron, & Vr, qu'eux Peres, pour soustenir les mains du Roy, par les Decrets Synodaux: sans lesquels, les ennemis ne se reconcilieroient iamais; & les Catholiques ne se conserueroient point en la foy: qu'à present la disposition des Chrestiens n'estoit point telle, qu'elle estoit cinquante ans auparavant: qu'à present tous les Catholiques estoient comme les Samaritains, lesquels n'adiousterent foy aux choses, que la femme rapporta de Christ, sinon apres qu'eux mesmes s'en furent enquis, & les eurent reconuës: qu'une bonne partie de Chrestienté estudioit meshuy les Escritures. Et que le Roy Treschrestien, regardant à cela mesmes, n'auoit baillé à ses Ambassadeurs autres instructions, sinon conformes à icelles Escritures, & qu'ils les auoyent presentees aux Legats, lesquels bien tost, selon leur promesse, les proposeroient aux Peres, auxquels aussi le Roy les adressoit principalement attendant leur iugement sur icelles. Que la France ne demandoit chose aucune particuliere pour soy, mais toutes choses communes à l'Eglise Catholique. Que si aucun s'esbahissoit, qu'en leurs propositions eussent esté obmises les choses les plus necessaires, il deuoit s'assurer, qu'on auoit commencé par les plus legeres, pour proposer les plus importantes en son temps: & donner moyen de facile & prompte execution aux legeres, laquelle si eux Peres ne commençoient auant le depart au Concile, les Catholiques crieroyent, & les aduersaires s'en riroient: & diroient, Que les Peres de Trente n'ont point eu faute de sauoir, mais de volonté de venir à la pratique: qu'ils ont fait de bonnes loix, mais qu'ils ne les ont voulu toucher du bout du doigt, ains en laisser l'observation à la posterité. Que si aucuns iugeoyent, qu'ésdemandes par eux presentees, il y eust chose consentante aux escrits & liures des Aduersaires, il tenoit telles gens pour indignes de responce. Et à ceux,

qui les qualifioyent excessiues, il ne vouloit respondre que par le dire de Ciceron, Que c'est vne absurdité de requerir mediocrité en chose tre bonne, laquelle plus elle est grandé, meilleure elle est, & que le Fils de Dieu a dit aux tiedes temporiseurs, qu'il les vomiroit hors de son corps. Que les Peres considerassent le beau profit qu'auoit receu l'Eglise par la reformation & amendement tant moderé & lasche du Concile de Constance, & du suiuant, lequel il ne vouloit nommer, pour n'offenser les oreilles d'aucun: & semblablement par les Conciles de Ferrare, de Florence, de Latran, & par le premier de Trente: & combien de sortes d'hommes, combien de Prouinces, de Royaumes, & de Nations apres iceux s'estoyent separés de l'Eglise. Il tourna puis apres sa parole aux Prelats Italiens & Espagnols: disant Qu'ils auoyent plus d'interest à vne serieuse reformation de la discipline que l'Euesque de Rome, souuerain Pontife, grand Vicair de Christ, successeur de Saint Pierre, lequel a supreme puissance en l'Eglise de Dieu. Qu'il s'agissoit à present de leur vie & honneur. Et partant, qu'il ne s'y vouloit estendre plus auant.

Il fut respondu au contenu des lettres du Roy, & à la harangue l'Ambassadeur, avec loüange de Sa Maiesté pour les choses par luy pieusement & genereusement exploitees: & avec vne exhortation adressee à luy mesme, comme s'il eust esté present, d'imiter ses ancestres, & de tourner toutes ses pensees à la defence du S. Siege, & à la conseruation de la foy ancienne: & de presser l'oreille à ceux qui preschent la fermeté du Royaume de Dieu; & non à ceux qui luy representent l'vtilité presente, & vne imaginaire tranquillité & repos, qui ne sera iamais vraye Paix. Adioustant, qu'ils esperoyent qu'ainsi feroit le Roy, avec l'ayde de Dieu, suiuant son bon naturel, & par les conseils de la Roynne sa mere: & de la Noblesse François. Que le Concile feroit toute diligence pour arrester & definir les choses necessaires à l'amendement & reformation de l'Eglise vniuerselle; & mesmes aussi celles, qui regardent les commodités, aduantages & interets particuliers du royaume de France. A la fin de la Congregation, le Cardinal de Mantoue proposa, Que, pour plus prompt expedition, les Congregations des Theologiens se tinissent deux fois le iour: & qu'on deputast des Prelats, pour proposer la correction des abus en la matiere des saints Ordres. Et ainsi fut arresté.

Les paroles de l'Ambassadeur penetrerent dans l'esprit des partisans du Pape, comme bien poignantes: mais particulièrement en ce qu'il auoit dit, Que les Articles estoyent adressees principalement au Concile: ce qui sembloit contraire au Decret, que les seuls Legats pussent proposer: ce qu'ils estimoyent le principal secret pour conseruer l'autorité Papale. Mais ils s'esmurent encor d'auantage, pour ce qu'il auoit dit qu'ils auoyent differé la proposition des choses plus importantes à autre temps: car de là ils tiroient de grandes consequences: & sur tout ce, qu'ils auoyent tousiours apprehendé, que les François n'auoyent encor descouuert leurs desseins: & qu'ils machinoient quelque grande entreprise. Aussi sembloit-il, que d'auoir adresse son propos aux Prelats Italiens, & Espagnols, comme ayans interets diuers de ceux du Pape, estoit vne maniere de proceder seditieuse. L'Ambassadeur du Ferrier publia copie de la harangue par luy faite. En laquelle, en lieu de ces paroles, Que le Pape a la supreme puissance en l'Eglise de Dieu, quelques Prelats, partisans du Pape, auoyent remarqué qu'il auoit dit, Qu'il a pleine puissance en l'Eglise vniuerselle: tirant en faueur de leur opinion ces paroles, & disputant, qu'autant estoit de dire, qu'il a pleine puissance en l'Eglise vniuerselle, que de dire, qu'à luy appartient de regir l'Eglise vniuerselle: ce que les François abhorroyent tant au Decret de l'Institution des Euesques. Mais luy, & les François, affermyrent qu'il auoit prononcé comme il estoit contenu en l'escrit.

Le iour suiuant, le Cardinal de Lorraine partit pour aller à Inspruk, visiter l'Empereur, & le Roy des Romains: & fut accompagné de neuf Prelats, & de quatre Theologiens, qui estoyent tenus les plus sauans. Auant que

*la response
est rendue
modeste à
ces lettres
harangues*

*mais les in-
terieurs sen-
timens sont
pleins d'as-
surance &
d'ombrage*

*le Cardinal
de Lorraine
va trouuer
l'Empereur*

1563.

*Et celui
d'Alteins
Pape, pour
faire vne
leuee de
gens.*

partir, il eut promesse des Legats, que, pendant son absence, on ne traiteroit point du mariage des Prestres: ce qu'il requist instamment, afin qu'il ne fust deliberé, ne preiugé chose aucune, contraire à la commission qu'il auoit du Roy, d'obtenir du Concile dispense au Cardinal de Bourbon de se pouuoir marier. Le Cardinal d'Alteins partit aussi pour aller à Rome, rappelé par le Pape, pour se seruir de luy à negotier vne leuee de soldats, qu'il deliberoit faire pour sa seureté. Car, ayant ouï qu'en Allemagne les Ducs de Saxe & de Vvitemberg, & le Landegraue de Hessen, faisoient leuee de gens, combien que l'opinion generale fust; que c'estoit pour secourir les Huguenots de France: considerant neantmoins, ce que le Conte de Lune auoit escrit, du grand desir qu'auoyent les Allemans d'enuagir Rome, & de la bonne souuenance qu'ils gardoyent du sac aduenu il y auoit ia trente six ans passés, il iugeoit que ce seroit imprudence à luy de se laisser surprendre à despourueu. Et pour cete mesme cause il fit renouveler, avec tous les Princes Italiens, la negotiation d'une ligue commune pour la defense de la Religion.

*examen &
condanna
tion du pre
mier Arti
cle du ma
riage,
diuersité
d'avis sur
le second.*

La Congregation continuant, tous les Theologiens de la premiere chaire furent d'accord à condamner le premier Article, avec toutes ses parties, comme heretique, & semblablement le deuxieme, sur lequel fut dit, Que les mariages secrets sont vrais mariages. Il y eut toutesfois la difference susmentionnée, qui auoit esté entre Salmeron, & le Doyen de la faculté de Paris: assauoir, Sy l'Eglise a pouuoir de les casser & annuler. Ceux, qui nioient ce pouuoir, se seruoient de ce fondement, Qu'en tout Sacrement ces choses-cy sont essentielles, la matiere, la forme, le ministre, & le receuant: sur lesquelles, comme choses ordonnées de Dieu, il n'y a aucune puissance Ecclesiastique. Et disoient, que, puis que le Concile de Florence auoit déclaré, que le seul consentement des contractans est necessaire au mariage, qui viendrait maintenant à adiouster, que d'estre public est vne condition necessaire, infereroit que le seul consentement ne suffit pas, & que le Concile de Florence auoit defailli d'une declaration necessaire. Que Christ generalement dit touchant le mariage, Que l'homme ne peut separer ce que Dieu a conioint: ce qui se doit entendre de toute conioction tant secreta que publique. Qu'es Sacremens il ne faut poser ny affermer, chose quelconque, sans autorité de l'Ecriture, & de la Tradition: or, ne par l'un ne par l'autre apprend-on que l'Eglise ait cete autorité: ains la Tradition enseigne, que l'Eglise ne l'a pas: attendu que les Eglises, en toutes nations, & par tout le monde, ont esté vniformes à n'y pretendre aucun pouuoir. A l'opposite, on disoit, Que c'est chose toute euidente, que l'Eglise a autorité d'inhabiliter les personnes à contracter mariage, attendu que plusieurs degres de consanguinité & affinité, qui empeschent le mariage, n'ont fondement que sur loy Ecclesiastique. Semblablement aussi l'empeschement de vœu solennel a esté introduit par loy Papal: donques aussi la qualité de secret & clandestin peut, par la mesme autorité, estre adiouste à ces autres empeschemens. De l'autre part on respondoit, que la defense pour cause de parentage, est de droit diuin, selon que S. Gregoire, & plusieurs Papes apres luy, ont déterminé, que mariage ne peut estre contracté entre deux, pendant qu'ils se reconnoissent conioints de parentage, en quelque degre que ce soit. Que si les autres Papes du depuis ont limité cete generalité au septieme degre, & depuis encor au quatrieme: ç'a esté vne dispense generale, tout ainsi que le diuorce estoit anciennement vne dispense generale au peuple Hebrieu. Et que l'empeschement du vœu solennel estoit de droit diuin, & non d'autorité Papale.

Mais Frere Camille Campege, Iacopin, s'accordant en cela avec les autres, que nulle puissance humaine ne s'estend aux Sacremens, adiousta neantmoins, que, quiconque peut destruire l'estre de la matiere, peut aussi faire qu'icelle soit incapable du Sacrement. Que nul ne peut faire que toute eau ne soit matiere du Baptisme, & tout pain de froment, de l'Eucharistie: mais si aucun destruisoit l'eau, la conuertissant en air, ou, brusloit le pain,

le reduisant en cendres; iceluy feroit que ces matieres ne seroyent plus capables de la forme de ces Sacremens. Ainsi au mariage, le contract nuptial ciuil est la matiere du Sacrement matrimoniel, par ordonnance diuine. Et si vn contract nuptial est destruit, & rendu inualide, il ne peut plus estre matiere du Sacrement. Et pourtant, il ne faut point dire, Que l'Eglise puisse annuler le mariage secret: ce qui seroit luy donner autorité sur les Sacremens: mais bien, quel'Eglise peut annuler vn contract nuptial secret: lequel en ce cas, comme nul, ne pourra plus receuoir la forme du Sacrement. Cete doctrine agrea grandement aux Peres en general: comme aisee, plainne, & resoluant toutes les difficultés. Mais Antoine Solise, Docteur Espagnol, qui parla apres luy, y contredit: disant, Que cete speculation estoit bien veritable, mais qu'elle ne pouuoit estre adaptee à ce propos: attendu que ce qui auoit esté allegué du Baptisme, & de l'Eucharistie, que quiconque peut destruire l'eau, & le pain, peut faire que cete matiere soit incapable de la forme du Baptisme, & de l'Eucharistie: n'arguë point vne puissance Ecclesiastique, mais vne nature: tellement que, comme quiconque a pouuoir de destruire l'eau, a, par ce mesme moyen pouuoir d'empescher le Sacrement: aussi, quiconque peut annuler vn contract nuptial ciuil, peut par consequent empescher le mariage: mais que la cassation de semblables contracts appartient aux loix, & aux Magistrats seculiers. Et partant qu'il se faisoit bien garder, qu'en pensant bailler à l'Eglise l'autorité d'annuler les mariages secrets, on ne la baillast beaucoup plustost à la puissance seculiere.

Or, entre ceux, qui maintenoyent cete puissance de l'Eglise, estoit debatus s'il estoit expedient d'en vser en ce temps: & y auoit deux opinions. L'une, d'annuler tous les mariages secrets: & ceux-cy n'allegoyent autre chose, que les inconueniens qui en arriuent. L'autre, de casser mesmes les mariages publics, faits par les fils de famille, sans le consentement de pere & mere. Et icelle estoit fortifiée de deux puissantes raisons: dont vne estoit; que de ces mariages s'ensuiuoient des inconueniens non moindres que des autres; à cause des ruines, qui aduiennent aux familles par les mariages imprudemment contractés par les ieunes gens: l'autre; que la loy de Dieu commandant d'obeir à ses pere & mere, comprend aussi bien ce cas, comme principal de leur obeir en se mariant. Que la loy diuine donne cete autorité particuliere au pere, de marier sa fille: comme cela se void clairement en S. Paul, en la premiere aux Corinthiens, chap. septieme: & au liure de l'Exode, chap. vintdeuxieme. Qu'il y a les exemples des Saints Patriarches au Vieil Testament, tous mariés par leurs peres: que les loix ciuiles ont tenu pour nuls les mariages contractés sans l'adueu du pere. Que, comme en ce temps on iugeoit expedient d'annuler les mariages secrets, voyant que la defense Papale ne suffisoit point, sinon qu'on y adiouste encor de plus la nullité: il y a bien plus forte raison, puis que la malice humaine refuse d'obeyr à la Loy de Dieu, qui defend de se marier sans l'adueu de ses pere & mere, que le Concile y adiouste encore de plus la nullité: non que les peres ayent autorité d'annuler les mariages des enfans: car ce seroit heresie de le dire: mais, d'autant que l'Eglise a pouuoir d'annuler ces contracts, & tous autres, defendus par les loix diuines & humaines. Cet aduis, comme honneste, pieux, & aussi bien fondé que l'autre, agrea à vne grande partie des Peres: & en fut mesmes formé vn Decret, lequel toutesfois ne fut point publié, pour les raisons qui seront recitees en leur lieu.

On ne laissoit pas cependant de traiter entre les Prelats des controuerses de l'autorité du Pape, & de l'Institution des Euesques: Et les François persistans en leur resolution de n'admettre le terme d'Eglise vniuerselle, pour ne preiudicier à l'opinion commune tenue en France de la superiorité du Concile par dessus le Pape, & declarans, que si on le proposoit, il protesteroient de nullité, & se retireroient du Concile: le Pape escriuit aux Legats, qu'ils le proposassent, & qu'il en aduinst ce qu'il pourroit. Mais eux, redoutans que tout mouuement, quel qu'il fust, ne vinst fort mal à propos avec le

*exercice de
l'autorité
du Pape, &
le Eues-
que:*

1563. voisinage de l'Empereur, respondirent, Qu'il estoit bon de differer iusques à ce que la matiere du mariage fust acheue.

ex. men du
troisième
Article tou-
chant les
diuorces,
En la seconde chambree, le dixseptieme Feurier, le premier qui parla fut le Pere Soto, Espagnol, lequel, sur l'Article du diuorce, distingua premierement la conionction matrimoniale entroy: à l'esgard du lien, de l'habitation ensemble, & de l'accouplement charnel: inferant qu'il y auoit semblablement trois separations. Il s'estendoit à demonstrier, que les Prelats Ecclesiastiques ont autorité de separer les mariés, ou de leur permettre le diuorce, quant à habiter ensemble; & à l'esgar de l'accouplement charnel, pour toutes les causes par eux iugees conuenables & raisonnables: demeurant tousiours neantmoins ferme le lien matrimonial, en sorte, que ne l'vne ne l'autre des parties n'a permission de conuoler à autres noces. Et dit, que c'estoit cela, qui auoit esté lié de Dieu, & ne pouuoit estre deslié par les hommes, Il se peina longement sur ses paroles de S. Paul, lequel permet au marié fidele, en cas que la femme infidele ne vueille habiter avec luy, de demeurer separé. Et ne se contenta pas de l'exposition commune, Que le mariage entre les infideles n'est pas insoluble, prouuant que l'insolubilité prouient de la loy de nature, par les paroles d'Adam, exposees par nostre Seigneur Iesus Christ, & par l'usage mesme de l'Eglise, en laquelle les mariés infideles, venans à receuoir Baptême, ne se marient pas de nouveau, & cependant leur mariage, fait pendant leur infidelité, n'est en rien different de celuy des autres fideles, Et se rangea à dire, que le sens de Caietan estoit meilleur assauoir, que cete separation de S. Paul du fidele d'avec l'infidele, ne s'entend point à l'esgard du lien matrimonial: & que c'estoit vne chose, quidettoit estre bien considerée par le Concile.

Quant à la fornication, il dit, Qu'icelle semblablement ne deuoit point estre cause de la separation du lien, mais seulement de l'accouplement, & de l'habitation commune. Il se trouua toutesfois bien empesché, pour ce qu'il auoit auparauant dit, que le diuorce pouuoit estre permis à diuers esgards, pour plusieurs causes: car, puis que l'Euangile n'admet autre cause d'iceluy, que la seule fornication, il faut de necessité conclurre qu'il parle en autre sens, & d'une autre sorte de diuorce: & que ce diuorce de l'Euangile doit estre entendu à l'esgard du lien, veu que quant aux deux autres esgards, il y a plusieurs causes de diuorces. Il donna diuerses expositions à ce passage de l'Euangile: & sans en approuuer ne reprouuer aucune, il conclut qu'il faloit condamner l'Article: attendu qu'on tenoit le contraire, comme de foy, par tradition Apostolique, quoy que, regardant seulement aux paroles de l'Euangile, elles ne soyent si claires, qu'elles puissent suffire pour conuaincre les Lutheriens.

du qua-
trieme del.
polygamie
Sur le quatrieme Article, touchant la polygamie, il dit, Qu'icelle est contre la loy de nature, & qu'elle ne peut estre permise, non pas mesmes aux infideles, suiets des Chrestiens. Et dit, que les Peres anciens auoyent eu plusieurs femmes par dispense: & que les autres, qui n'auoyent esté dispensés de Dieu, auoyent vescu en continuel peché. Quant à l'interdiction des noces en certain temps, il allega en peu de paroles l'autorité de l'Eglise, & le peut de rapport qu'il y a des festes des noces avec certain temps. Et à cete occasion il dit, Que nul ne s'en doit tenir greué: attendu que l'Euesque en peut dispenser: & retourna au suiet des causes des diuorces: & conclut, que le monde ne se plaindroit d'aucunes de ces choses, si les Prelats vsoient de leur autorité en prudence, & charité: mais que l'occasion de tous les maux estoit qu'ils ne residoyent point en leurs Eglises, & bailloyent le gouuernement d'icelles à des Vicaires, & bien souuent sans aucun conuenable reiglement: dont frequemment il arriuoit que la Iustice estoit mal administree, & les graces mal distribuees. Et en cet endroit il s'estendit à parler de la Residence, allegant que, si on ne la declaroit estre de droit diuin, il estoit impossible d'oster ces abus, & autres semblables: & de fermer la bouche aux heretiques, lesquels ne considerans pas, que le mal vient de
l'execution

l'exécution abusive, l'attribuent aux Constitutions Papales: Et partant, que l'autorité Papale ne seroit iamais bien maintenüe, que tout premier la Re-
sidence ne fust bien arrestée & establie: ce qui ne seroit iamais, sans la declaration qu'elle est de droit diuin. Que ceux-là se trompoient grandement, qui nommoient preiudiciable à l'autorité du Pape, ce, qui est l'unique fondement pour la conseruer, & soustenir. Et, pour conclusion, dit, que le Concile estoit obligé de determiner cete verité: & parla avec beaucoup de vehemence, & fut fauorablement ouï par les Ultramontains: mais fort desdaigneusement par les Partisans du Pape: auxquels le temps sembloit fort impropre, pour toucher cete corde. Et de vray ce discours donna occasion de renoueller d'une part & d'autre les brigues & les pratiques.

Frere Iean Ramirez, Cordelier, en la Congregation du vingtième Feurier, parla sur les mesmes Articles: &, apres auoir discoursu, selon la commune opinion des Theologiens, touchant l'indissolubilité du mariage, dit, Que les mesmes raisons, qui sont entre le mary & la femme, sont aussi entre l'Euesque, & son Eglise: que ne l'Eglise ne peut repudier l'Euesque, ne l'Euesque l'Eglise: & que, comme le mary ne doit se departir de la femme, aussi l'Euesque ne se doit departir de l'Eglise: & que ce lien spirituel n'est pas de moindre force & vertu, que cet autre corporel. Là dessus il allegua Innocent troisième, lequel a fait vn Decret, que l'Euesque ne puisse estre transferé, si ce n'est par autorité diuine: attendu que (dit ce Pape) le lien matrimonial, qui est bien moindre, ne peut estre dissout par aucune autorité humaine. Et s'estendit bien au long à demonstrier que l'autorité du Pape n'estoit pas amoindrie par ce moyen, ains accrüe: veu que, comme Vicaire vniuersel, il se pouuoit seruir des Euesques en autres endroits, esquels le besoin seroit plus grand: ne plus, ne moins que le Prince se peut seruir des mariés es necessités publiques, & les enuoyer en autres lieux, hors de leurs maisons, & loin de leurs femmes, sans toutesfois rompre le lien du mariage. Puis il se mit à refuter les raisons contraires, avec beaucoup de prolixité.

En la Congregation du soir du mesme iour, le Docteur Cornille, Portugais, dit, Que les deux Articles troisième & quatrieme, estoient heretiques: d'autant qu'ils estoient condamnés en plusieurs Decretales des Papes. Et là dessus exalta, par beaucoup de paroles, l'autorité Papale, disant, que tous les anciens Conciles, es determinations de la foy, suiuoient perpetuellement l'autorité & la volonté du Pape. Il produisit pour exemple le Concile de Constantinople *in Trullo*, lequel suiuit l'instruction enuoyée par le Pape Agathe: & le Concile de Calcedoine, lequel non seulement adhéra, mais rendit veneration & adoration à l'aduis de S. Leon Pape, l'appellant Oecumenique, & Pasteur de l'Eglise vniuerselle. Et, apres auoir allegué diuerses autorités & raisons, pour monstrier que les paroles de Christ, dites à Pierre, *Pai mes brebis*, signifient autant, que s'il auoit dit, *Regi & gouerne mon Eglise vniuerselle*; il s'estendit grandement à amplifier l'autorité Papale es dispenses, & en autres choses. Et rapporta plusieurs autorités des Canonistes, que le Pape peut dispenser contre les Canons, contre les Apostres, & en tout le droit diuin, sauf es Articles de la foy. En fin il allegua le Chap. *si Papa, distinet*. 40. qui porte, Que chacun doit reconoistre, que son salut, apres Dieu, depend de la santé & bon portement du Pape. Lesquelles paroles il exaggera grandement, comme estans procedées d'un Saint & Martyr, à sçauoir, de Boniface, Archeuesque de Mayence, lequel nul ne peut dire n'auoir parlé en verité.

En ce mesme temps l'Euesque Commendon retourna de deuers l'Empereur, n'ayant, en sa negotiation, effectué ce que les Legats desiroient. Car l'Empereur, ayant ouï ces propositions, respondit, Qu'il y falloit du temps, pour aduiser aux choses proposées à cause de leur importâce: & qu'il y feroit consideration, & en rendroit la response au Concile par vn Ambassadeur expres. L'Euesque en auoit promptement donné aduis, adioustant qu'il auoit trouué l'Empereur tout contristé, & mal edifié des actions du Concile. *Commendon*
ne de de-
uers l'Em-
pereur
n'ayant
rien effe-
ctué,

1563.

Mais alors, estant de retour, il adiousta de plus, que, par les paroles de l'Empereur, & par ce qu'il auoit entendu de ses Conseillers, & remarqué de leurs deportemens, il luy auoit semblé de reconnoistre, que Sa Maiesté estoit si fixe & arrestée en cete sinistre impression, qu'il redoutoit grandement qu'il n'en aduint quelque desordre. Qu'autant qu'il pouuoit comprendre, les pensées de l'Empereur butoient à obtenir qu'on fust vne grande reformation, avec tels & si forts reglemens, qu'elle fust obseruée : & dit qu'il pouuoit affermer pour chose seure, que l'Empereur ne prendroit point à gré que le Concile fust terminé. Et qu'il auoit entendu, qu'estant eschapé au Nonce Dauphin, resident aupres de l'Empereur, de nommer suspension, ou translation, l'Empereur en auoit monstre du desplaisir. Il rapporta aussi, que l'opinion commune de la Cour de l'Empereur estoit, que le Catholique s'entendoit avec luy en ce qui concernoit le Concile. Ce qu'il croyoit estre vray : d'autant qu'il estoit bien acertené, que les Prelats Espagnols auoient escrit à l'Empereur, se plaignans des procedures des Italiens, & luy communiquans plusieurs Articles de Reformation. Et n'estoit vray semblable qu'ils eussent eu la hardiesse de traiter avec l'Empereur, s'ils n'eussent esté bien assurez de l'intention de leur Roy. Il dit aussi, que le Conte de Lune, quand les gens du Pape luy auoient parlé du trop de licence que prenoient les Prelats Espagnols à parler librement, auoit respondu en demandant, Qu'y pourroit-on faire, si ces Prelats disoient de sentir ainsi en leur conscience ? L'Euesque Commendon dit de plus, qu'en l'abouchement que l'Empereur auoit avec le Cardinal de Lorraine, il croioit qu'ils concludroient entr'eux de faire proposer leurs demandes par les Ambassadeurs : & que l'Empereur faisoit consulter les siennes, & autres choses appartenantes au Concile, par les Theologiens : mais que, pour diligence, que luy, & le Nonce Dauphin, y eussent apporté, ils n'auoient pu penetrer les particularités.

*les des-
seins de
l'Empe-
reur pour
le Concile
sont des-
couverts,*

Mais il ne passa gueres de temps, que tout cela vint à notice. Car le Iesuite Canise escriuit au General Lainez, que l'Empereur estoit mal animé enuers les affaires du Concile, & qu'il falloit consulter beaucoup de points, pour estre resolu, comment il auroit à proceder, en cas que le Pape persistast à ne vouloir permettre qu'aucune reformation fust proposée : ou bien, à donner seulement des paroles, contraires aux effets. Qu'entre ces choses estoit ce point, Quelle est l'autorité Imperiale au Concile. Et que le principal & chef de la Consultation estoit Friderich Staphylus, Confesseur de la Roine de Boheme. Sur quoy Canise requit que quelqu'un de la Societé luy fust enuoyé, & qu'il l'introduiroit dans ladite Consultation : & que par ce moyen on descouuriroit tout le traité. Lainez en discourut avec le Cardinal Simonete, & resolurent entr'eux d'y enuoyer le Pere Natal, lequel descouurit le fonds de tout. Ces Articles, mis en consultation, estoient en nombre de dix-sept. Le premier, Si le Concile general, legitiment conuqué, avec la faueur des Princes, peut, en son progrès, changer l'ordre, que le Pape a commandé d'observer au traité des matieres : & s'il en peut introduire vn autre. Le deuxième, s'il est vtile pour l'Eglise, que le Concile traite & determine les choses, selon que le Pape, ou la Cour de Rome, ordonne, & regle : en sorte, qu'il ne puisse faire autrement. Le troisieme, Si la mort du Pape arriuant, pendant que le Concile est ouuert, l'election appartient aux Peres du Concile. Le quatrieme, Quel est le pouuoir de l'Empereur, le Siege de Rome vacant, & le Concile estant ouuert. Le cinquieme, Si, lors qu'il s'agit des affaires, qui concernent la paix & le repos de Chrestienté, les Ambassadeurs doiuent auoir voix decisiue, combien qu'ils ne l'ayent point lors qu'il s'agit des dogmes de la foy. Le sixieme, Si les Princes peuuent rappeler leurs Ambassadeurs, & Prelats, du Concile, sans le communiquer aux Legats. Le septieme, Si le Pape peut dissoudre ou suspendre le Concile, sans l'aduis & consentement des Princes Chrestiens, & sur tout de l'Empereur. Le huitieme, S'il est à propos que les Princes s'entremettent, pour moyenner, qu'au Concile soient traitées les choses

*Et sa con-
sultatio de
certains
grands
Articles
esuenée,*

plus nécessaires, & expedientes. Le neuvième, Si les Ambassadeurs des Princes peuvent proposer aux Peres eux-mêmes, sans personne interposée, les choses, dont ils sont chargés par leurs Princes. Le dixième, S'il se peut trouver quelque moyen, que les Peres enuoyés, soit par les Princes, soit par le Pape, ayent liberté de dire leurs aduis au Concile. L'onzième, Que c'est qu'on pourroit faire, afin que ny le Pape, ny la Cour de Rome, ne s'ingèrent d'ordonner ce, qui doit estre traité au Concile : afin que la liberté des Peres ne soit empeschée, ny bridée. Le douzième, S'il se peut trouver quelque moyen, qu'aucune fraude, violente, ny extorsion ne soit faite, en la prononciation des aduis des Peres. Le treizième, Si aucun dogme, ou point appartenant à la Reformation de l'Eglise, peut estre traité, sans auoir esté premierement examiné par les entendus. Le quatorzième, Quel remede on pourroit apporter, en cas que les Prelats Italiens au Concile continuent en leur obstination de ne laisser resoudre les matieres. Le quinzième, Quel expedient il faudroit prendre, afin que les Prelats Italiens ne fassent point de monopole entr'eux, lors qu'il s'agit de parler de l'autorité du Pape. Le seizième, Comment on pourroit retrancher les pratiques, & les brigues pour venir vne fois à la declaration de l'Article de la Residence. Le dix-septième. Si c'est chose seante, que la Maiesté Imperiale entreuienne en personne au Concile.

A Rome fut longuement & serieusement consulté, s'il falloit permettre, de Rome que les demandes des François fussent proposées: en quoy on n'auoit pas tant ^{on ordonne} d'esgard à ce qu'elles importoit en elles mesmes, qu'aux consequences. Car on recueilloit de ce, qu'auoit dit du Ferrier en sa harangue, à sçauoir, ^{ne que les Articles des François ne soient proposés au Concile,} que les demandes par eux presentées estoient les plus legeres; & qu'ils auoient encor à requerir choses beaucoup plus importantes, que doncques les François n'auoient pas fait celles-là, pour grand desir qu'ils eussent de les obtenir: mais qu'ils visioient à ce but, d'entrer, par cete planche, en possession de proposer les autres, qu'ils auoient en la pensée: & doutoit-on, que l'ouuerture leur ayant esté faite par celles qu'ils appelloient legeres, on ne leur pust puis apres denier chose aucune qu'ils entreprissent. Pour ces raisons, & autres, il fut resolu d'escrire aux Legats, que du tout ces demandes ne fussent point proposées: mais aussi que le refus n'en fust tranché tout net & absolu: ains, qu'ils interposassent delay à les proposer, dont aussi les moyens leur furent prescrits. Et en ce mesme temps, sortit de Rome vn Escrit, sans nom d'auteur, pour responce à ces propositions, lequel fut tout soudain semé à Trente, & à la Cour de l'Empereur. Et crut-on à Rome d'auoir bien paré aux instances des François par ces prouisions. Mais le Pape faisoit bien plus grand estat de la nouveauté introduite en la Cour de l'Empereur, de consulter choses tant preiudiciables pour luy: sçachant bien, que la dignité Papale se conserue par la reuerence, & par la certaine persuasion, qu'ont les Chrestiens, qu'elle ne peut estre mise en doute: en lieu, que si le monde entreprenoit d'examiner les affaires, on trouueroit tousiours assez de raisons apparentes, pour troubler les bons ordres & establissemens. Il remarquoit, qu'en semblables occasions ses predecesseurs auoient employé des puissans remedes: & qu'en telles occurrences, là où il s'agit du fondement de la foy, a lieu ce precepte, qu'il faut s'opposer puissamment aux commencemens: & que, comme es debordemens des riuieres, si on ne remedie aux premieres petites brèches des leuées, & digues, il est impossible de retenir puis apres, que l'eau ne perce, & n'entre à flot: de mesmes, aussi-tost que la souueraine puissance est esbrechée, elle s'en va à vau de route en extreme precipice. Il estoit conseillé d'escrire à l'Empereur vn Bref vif & piquant, comme auoit fait Paul troisième à l'Empereur Charles-quint, à l'occasion des Colloques de Spire: & de le redarguer qu'il entreprist par ces Articles de mettre en doute les choses tres-euidentes: & de reprendre par vn autre Bref les Conseillers, qui l'auoient persuadé à cela, & d'admonester les Theologiens, qui y estoient entreuenus,

1563.

de se faire absoudre des Censures. Mais, apres y auoir bien pensé, il considéra, que l'estat des affaires estoit bien different, d'auec celuy du temps de Pape Paul : premierement, d'autant qu'alors la dispute auoit esté publique : en lieu que maintenant elle estoit secreta, & traitée en cachete, auec beaucoup de soin & de precaution qu'il n'en fust rien esuenté : ce qui luy donnoit suiet d'en dissimuler la conoissance : là où s'il la publioit, & cependant elle ne laissoit pas de continuer apres sa censure & reprehension, il se mettoit en plus grand danger : & puis, qu'au temps de Charles, il falloit qu'iceluy se tint vny auec le Pape, pour n'estre contraint de se soumettre aux Princes Allemans : mais, que l'Empereur moderne estoit quasi suiet. Et en fin, qu'il pouuoit differer les extremes remedes, lesquels il seroit tousiours à temps d'employer : que cependant il pouuoit dissimuler, & aduiser à empescher obliquement la resolution des consultations qui se faisoient, par l'enuoy du Cardinal de Mantouë à l'Empereur.

*François
& Legats
desgoustés
des proce-
dures de
Rome,*

Les François se sentirent offensés de l'Escrit, qui courut contre leurs demandes, & le tinrent pour vn affront qui leur fust fait : & l'Empereur mesmes en fut fort desplaisant. Les Legats aussi, ayans receu la commission de Rome sur icelles demandes, en eurent peu de contentement : car il leur sembloit, que ce n'estoit pas là la façon de donner commission aux Presidens d'un Concile, mais que c'estoient plustost des aduis & memoires à des agens & ministres, pour s'en seruir par voye de negotiation. Toutesfois, ils ne rescriuirent autre chose, sinon qu'ils requeroient de scauoir ce qu'ils auroient à faire, en cas que les Ambassadeurs Imperiaux, fissent instance, que leurs demandes fussent aussi proposées. Et firent dresser à Gabriel Paleot, Auditeur de Rote, vne ample information des difficultés qu'il y auoit, laquelle ils enuoyerent à Rome. Le Cardinal de Mantouë, considerant, que l'Empereur auoit dit à l'Euesque Commendon, qu'il enuoyeroit responce au Concile par vn sien Ambassadeur expres, ne iugea pas qu'il fust conuenable d'aller là, auant qu'auoir entendu cete resolution. Ioint que le Cardinal de Lorraine, estoit desia en la Cour de l'Empereur, & ne scauoit-on encor l'effet de sa negotiation : dont il estoit fort incertain quelle voye y deuoit estre tenuë. Par ces raisons il s'excusa de ce voyage enuers le Pape, auquel aussi il escriuit de sa propre main, qu'il n'auoit plus le front de comparoitre en Congregation, pour ne donner que des paroles, comme il auoit fait par deux ans continuellement. Que tous les ministres des Princes disoient, que Sainteté promettoit bien beaucoup de choses touchant la Reformation, mais que, puis qu'on n'en voyoit aucun effet, ils ne pouuoient croire qu'il y eust vrayement l'esprit enclin : car, si iceluy correspondoit aux promesses & paroles, les Legats n'auroient pu faillir d'entendre aux instances des Princes. Nul ne doit s'esbahir, que ce Cardinal, Prince versé en tant de grands affaires par si longues années, & d'ailleurs tres-accomplis en tant de la conuersation, fist cete demarche, & passast à cete naïfue declaration : car, par vne certaine cause secreta, & inconnüe mesmes à ceux en qui elle agit, les hommes, proches de leur trespas, ont accoustumé de se desgouter des choses humaines, & mettre à quartier toutes les ceremonies, & vains respects. Et en cet estat estoit de vray ce bon Cardinal, lequel, dès la date de cete lettre, ne suruescut que six iours.

*dont le
Cardinal
de Man-
touë se
plaint par
lettres au
Pape,*

*des Congre-
gations
naïst con-
trariété
sur le fait
des dis-
penses*

Pa. ales :

Or, pour retourner aux Congregations, le dernier de ceux qui parlerent en la seconde chambre, fut Frere Adrien Valentique, Venitien, Iacopin : lequel ne fit que toucher fort legerement en la matiere, mais se ietta à corps perdu à parler des dispenses, & à soustenir, par formes & termes Theologiques, les choses touchées par le Docteur Cornille, dont on auoit recen scandale, & parloit-on auec sentiment d'offense. Et dit, qu'és loix humaines, le Pape auoit vne illimitée & absoluë autorité de dispenser, estant superieur à toutes icelles : & partant, que quand ores il dispenserait sans cause aucune, il faudroit tenir la dispense pour valable. Et, qu'és loix diuines, il auoit aussi autorité de dispenser, mais moyennant cause legitime. Et allegua

S. Paul, qui dit, que les ministres de Christ sont dispensateurs des mysteres de Dieu. Et qu'à ce mesme Apostre auoit esté commise la dispensation del'E-uangile. Et adioust, que, combien que la dispense du Pape sur la loy diuine, sans cause, soit inualide; neantmoins, quand le Pape dispense, pour quelque cause que ce soit, chacun doit captiuer sa pensée, & croire que la cause en est legitime, & que c'est temerité de reuoker cela en doute. De là il discou-
rut des causes de la dispense, lesquelles il reduisit au bien public, & à la charité enuers les particuliers. Ce discours occasionna les François de parler sur la mesme matiere, au mescontentement des partisans du Pape.

Après que la seconde chambre eut acheué, on rompit l'ordre & sauta-on à la quatrième, pour tenir promesse au Cardinal de Lorraine, de ne point traiter du mariage des Prestres en son absence. Et en cete quatrième, Jean de Verdun, Docteur de l'Ordre de S. Benoist, traitant l'Article septième des degrés de consanguinité, & d'affinité, se ietta aussi de prinsautés dispenses: & sembla qu'il n'eust autre but, que de contredire au susdit Frere Adrien: & insista à affoiblir l'autorité Papale. Et premierement exposa les passages, de S. Paul, Que les ministres de Christ sont dispensateurs des mysteres de Dieu: & de l'E-uangile, touchant le bon & fidele dispensateur: disant, que c'estoit vne Glose contraire au texte, de forger en ces endroits-là aucune dispense, c'est à dire relaxation, ou emancipation d'observer la loy: mais que l'Escripture, par dispensation, n'entendoit autre chose, que la charge d'annoncer, declarer, & publier les mysteres de Dieu, & la parole d'iceluy, laquelle est eternelle, & demeure inuiolable à tousiours. Il accorda, qu'és loix humaines il eschet dispense, à cause del'imperfection du legistateur, lequel ne peut preuoir tous les cas: & pourtant, quand il fait vne loy generale, il a besoin, à causes des occurrences qui causent les exceptions, de reser-
uer à celuy qui gouerne l'estat vne autorité de pouruoir aux cas particuliers. Mais que là où Dieu est Legistateur, auquel rien n'est caché, & nul accident ne peut arriuer qui ne luy ait esté preueu, la loy ne peut souffrir exception. Et pourtant, que la loy diuine naturelle ne doit estre distinguée en escrete, & non escrete: comme si l'escrete, pour sa rigueur, deuoit estre en quelques cas interpretée, & adoucie: attendu qu'elle mesme est l'equité. Qu'és loix humaines, il y a de vray lieu de dispense en certains cas, lesquels, s'ils eussent esté preueus par le Legistateur, n'auroient point esté compris en la loy: non toutesfois, que celuy qui dispense puisse en aucun cas desobliger celuy qui est obligé: ne que, si aucun merite la dispense, & celuy qui en a l'administration la luy refuse, iceluy demeure obligé. Que c'estoit vne peruerse opinion, dont on auoit imbu le monde, que dispenser soit faire vne grace: attendu, que la dispense est autant acte de iustice distributive, qu'aucun autre: & que le Prelat peche ne la baillant à qui elle est due.

Et en somme il dit, quand on demande vne dispense, le cas est ou tel, que, s'il eust esté preueu, quand la loy fut faite, il auroit esté excepté: & lors on est bongré malgré obligé à dispenser: ou bien tel, que, s'il eust esté preueu, il auroit esté compris en la loy, & lors la puissance de dispenser n'a point de lieu. Et adioust, que l'adulation, l'ambition, & l'auarice, auoient persuadé cete opinion, que dispenser soit faire grace: comme feroit vn maistre à ses valets, ou quelqu'un qui donnast le sien. Le Pape, dit-il, n'est point maistre, & l'Eglise n'est point seruante: mais luy mesmes est seruiteur de celuy, qui est l'Espoux de l'Eglise, & par luy commis sur la famille Chrestienne, pour donner à chacun, comme dit l'E-uangile, sa portion, c'est à dire, ce qui luy est du. Et, pour la fin, il repliqua, que la dispensation n'est autre chose, qu'une declaration, & interpretation de la loy: & que le Pape, par ses dispenses, ne peut desobliger aucun qui soit obligé, mais seulement declarer à celuy qui ne l'est pas, qu'il est exempt de la loy.

Levingt-septième Feurier, le Cardinal de Lorraine retourna à Trente, ^{retour du} ne s'estant arresté que cinq iours à Inspruck, esquels il fut en continuelle ne- ^{cardinal}gotiation avec l'Empereur, & le Roy des Romains, & les ministres Impe- ^{de Lorraine}

1563.
ne de In-
spruck, &
ombrages
de sa ne-
gociation,

riaux. Estant de retour, il trouua des lettres du Pape, par lesquelles il luy disoit, Qu'il vouloit la reformation, & qu'on ne differast plus: & que pour y vaquer, on ostant les paroles des Decrets sur les Saints Ordres, lesquels estoient en debat. Le Cardinal publia tout à dessein ces lettres par Trente, là où il estoit notoire à tous, que les Legats auoient commission contraire du Pape. Et tout soudain, apres son arriuee, les Partisans du Pape à Trente firent toute diligence pour halener des Prelats, & d'autres, qui auoient esté en sa compagnie, ce que le Cardinal auoit negocié, & sur tout taschoient d'apprendre quelle résolution ils auoient prise sur les dix-sept Articles: d'autant que le Conté Friderich Maffée, arriué d'Inspruck le iour precedent, auoit rapporté, que le Cardinal auoit esté tous les iours, deux heures au moins, retiré en conference secreete seul à seul avec l'Empereur, & le Roy des Romains. Mais les François monstrerent, que ce fait des Articles leur estoit nouveau, & qu'ils n'en sçauoient rien. Et dirent qu'aucun des Theologiens Allemans n'auoit traité avec le Cardinal, sauf Staphylus, lequel luy auoit présenté vn liure, composé par luy mesme; sur la matiere de la Residence: & le Iesuite Canise, lors que le Cardinal alla visiter le College des Iesuites: & que les Theologiens François n'auoient parlé à l'Empereur, sinon vne fois, qu'estans allés voir la Bibliotheque, l'Empereur y estant reuenti avec son fils, le Roy des Romains, il leur auoit demandé ce qu'ils sentoient de l'octroy du Calice; & que l'Abbé de Cleruaux, premier d'entr'eux, luy auoit respondu, Que, pour luy, il n'estoit pas d'auis qu'on le pust octroyer: Et que là dessus l'Empereur, se tournant vers le Roy des Romains, auoit dit en Latin, ce verset du Psalme, *Quadraginta annis offensus fui generationi illi, & dixi, Semper hi errant corde.* I'ay esté ennuyé de cete race de gens par quaranté ans, & ay dit, Ils sont tousiours en erreur de leur cœur & volonté.

de laquel-
le luy mes-
mes donne
quelques
indices,

Mais le Cardinal de Lorraine, en visitant les Legats, ne dit autre chose, sinon, que l'Empereur auoit monstré d'auoir bonne intention, & zele ardent aux affaires du Concile, & de desirer qu'il en prouinst quelque bon fruit, & que, si besoin estoit, il y entr'euiendroit en personne, voire mesmes iroit iusqu'à Rome, pour prier le Pape d'auoir compassion de la Chrestienté, & de trouuer bon, que la Reformation fust establee, sans diminution toutesfois de son autorité, à laquelle il portoit vne singuliere reuerence, ne voulant permettre qu'on dist chose quelconque, qui touchast Sa Sainteté, ne la Cour de Rome. Mais le mesme Cardinal, en ses deuis priués avec autres, adioustoit, que, si le Concile estoit gouuerné avec la prudence qu'il appartenoit, l'issuë en seroit brieue & heureuse. Que l'Empereur entendoit que totalement on fust vne bonne & exacte reformation: laquelle si le Pape continuoit à trauerser, comme il auoit fait iusques alors, il en arriueroit quelque grand scandale. Que Sa Maiesté auoit dessein, si le Pape fust venu à Bologne, de l'y aller trouuer, avec intention de receuoir de luy la couronne. Et d'autres telles choses.

et les inds.
en est re-
présenté,

Il ne faut point douter, que le Cardinal ne parlât avec l'Empereur des affaires du Concile, & ne l'informast des desordres, qui y regnoient, & ne luy communiquast ses aduis, sur les expediens pour s'opposer à la Cour de Rome, & aux Prelats Italiens de Trente, pour obtenir la Communion du Calice, le Mariage des Prestres, & l'usage de la langue vulgaire en l'Eglise, & la relaxation d'autres commandemens de droit positif, & la reformation au Chef, & es membres: & pour trouuer moyen de faire que les Decrets du Concile fussent inuiolables mesmes par dispense Papale: & quelque bon expedient, pour donner honneste couleur à leurs actions, & les iustifier, si en cas qu'ils ne pussent obtenir icelle reformation, ils pretendoient cause de pouruoir par eux-mesmes aux necessités de leurs peuples, par quelque Concile national, essayant mesmes aussi d'vnr les Allemans & les François au fait de la Religion. Mais ce ne fut pas là seulement sa negociation, car il traita aussi du mariage entre la Roine d'Ecosse, & l'Archiduc Ferdinand, fils de l'Empereur: & de celuy d'une des filles de Sa Maiesté avec le Duc de Fer-

rare : & du moyen de composer les differens de preſeance entre la France & l'Eſpagne, leſquelles choſes, comme domeſtiques, touchent les Princes plus au viſ, que les publiques. 1563.

Or, apres le retour du Cardinal de Lorraine, les Congregations ſuiuans ſuite des Congregations, & de la diſpenſe des diſpenſes, Iacques Alain, Theologien François, domeſtic del'Eueſque de Vannes, entra ſemblablement au fait des diſpenſes : & dit, Que l'authorité de diſpenſer auoit eſté baillee à l'Egliſe immediatement par Ieſus-Chriſt : & que l'Egliſe la diſtribuoit aux Prelats, & autant qu'il eſtoit de beſoin, ſelon les temps, les lieux, & les occaſions. Et rehauiſſa ſouuerainement l'authorité du Concile general, qui repreſente l'Egliſe; & raualla celle du Pape, adiouiſtant qu'il appartient au Concile general del'eſlargir, & de la reſtreindre.

Le deuxieme de Mars le Cardinal de Mantouë deceda, apres vne maladie decés du Cardinal de Mantouë, & intention des autres Legats: de peu de iours: cē qui fut cauſe de pluſieurs changemens au Concile. Les autres Legats en donnerent promptement aduiſ au Pape, auquel le Cardinal Seripande, qui demouroit premier Legat, outre la lettre commune, eſcriuit en particulier, qu'il auroit grandement à gré que Sa Sainteté y enuoyaſt vn autre Legat ſuperieur à luy, qui euſt la charge du Concile: ou bien, qu'il l'en oſtaſt. Que ſi tant eſtoit qu'il le vouluſt laiſſer premier Legat, il iugeoit neceſſaire qu'il ſe fiaſt en luy, qu'il y procederoit ſelon que Dieu l'inſpireroit: qu'autrement, il valloit beaucoup mieux de l'oſter de là. Le Cardinal de Vvarmie eſcriuit auſſi à part, Que ſon Eglife auoit grand beſoin de la preſence de ſon Paſteur: qu'on y introduiſoit la Communion du Calice, & autres notables abus: & partant requeroit congé d'y aller, pour y pouruoir: & que generalement en toute la Pologne il y auoit beſoin de perſonne, laquelle contiſt le demeurant de ces peuples en obeiſſance: & qu'il rendroit plus de ſeruiſe au S. Siege en ces lieux-là, qu'en demeurant au Concile. Mais Simonete, deſirant que la charge totale de conduire le Concile luy demeurat, & ayant eſperance d'en venir à bout, au contentement du Pape, & à ſon propre honneur: & d'ailleurs, conſiderant que Seripande eſtoit las & recreu de la beſongne, & peu enclin à en prendre le gouuernail en main: & que celui de Vvarmie eſtoit homme ſimple, & porté à ſe laiſſer mener par autrui: il mit en conſideration au Pape, que les affaires du Concile ſe trouuans en aſſez mauuais eſtat, toute nouueauté le pourroit eſbranſler d'auantage: & pourtant, qu'il eſtimoit qu'il falloir ſuiure, ſans enuoyer autres Legats: & en promettoit bonne iſſuë.

En ce meſme temps vint aduiſ de Rome, qu'une cauſe del'Eueſque de Se- bruit à gouie eſtant ſur le point d'eſtre introduite, on refuſa de la receuoir, & l'un Trente, des Auditeurs dit au procureur de l'Eueſque, que ſon principal eſtoit ſuſpect pour une d'heretie. Ce qui alarma bien, non ſeulement les Eſpagnols, mais auſſi tous ſupercherie de Rome: les Vltramontains, qui ſe plaignoient qu'à Rome on forgeoit des calomnies, & leuoit des faux bruits & ſiniſtres, contre ceux, qui n'adheroient en tout & par tout à leurs volontés.

Le quatrieme de Mars, la troiſieme Chambrée des Theologiens com- examē & mença à parler, & ſur le cinquieme Article, de la comparaiſon du Mariage, condāna- & du Celibat, tous furent d'accord, qu'il eſtoit heretique, & condanna- tion des cinquieme & ſixieme nimement ne le paſſaſſent pour heretie. Il n'y eut que cete diuerſité, que articles, les vns diſoient, que, combien qu'il y euſt difference entre l'Egliſe Orientale touchāt le le, & l'Occidentale, en ce, que l'Occidentale n'admet à la Preſtriſe, ny aux Celibat, Saints Ordres, autres perſonnes que continentes; en lieu que l'Orientale qui porte y reçoit auſſi les mariées: toutesſois nulle Eglife n'a iamais permis que les de rechef Preſtres ſe mariaſſent: & que cela eſt tenu par tradition Apoſtolique, & n'eſt aux diſ- point par raiſon de vœu, ne par aucune conſtitution Eccleſiaſtique. Et penſes, pourtant qu'il falloir abſolument condamner pour heretiques tous ceux, qui diſent qu'il eſt loiſible aux Preſtres de ſe marier, ſans autrement ſe reſtreindre aux Occidentaux, & ſans faire aucune mention de vœu ne de loy del'E.

1563.

glise. Ceux-cy ne concedoient point, que pour cause quelconque on püst dispenser les Prestres de se marier. Autres disoient, que le mariage est defendu à deux sortes de personnes, & pour deux diuerses causes: aux Clercs seculiers, à cause del'Ordre sacré, par loy Ecclesiastique: & aux Reguliers, à cause du vœu solennel, par loy diuine. Que la defense du mariage, faite par constitution Ecclesiastique, peut estre tout à fait ostée par le Pape: & que mesmes icelle demeurant en vigueur, & sur pied, le Pape en peut dispenser. Ils allegoient les exemples de ceux, qui en auoient esté dispensés: & l'usage de l'Ancienneté, laquelle quand vn Prestre se marioit, ne rompoit pas le mariage, mais seulement le demettoit du Ministre: ce qui auoit tousiours esté obserué, iusques au temps d'Innocent deuxième, qui fut le premier de tous les Papes, qui ordonna que tel mariage fust tenu pour nul. Mais, pour ce qui concerne ceux, qui sont obligés à continence par vœu solennel attendu qu'iceluy est de droit diuin, ils disoient que le Pape n'en peut dispenser. Et sur cela, allegoient le passage d'Innocent troisième, lequel auoit affermé, que l'observation de la Chasteté, & le renoncement à la propriété des biens, sont choses tellement attachées aux os des Moines, que non pas mesmes le Pape n'en peut dispenser. A quoy ils adioustoient l'opinion de S. Thomas d'Aquin, & d'autres Docteurs, lesquels maintiennent que le vœu solennel est vne consecration de la personne à Dieu: or, veu que nul ne peut faire que la chose consacrée puisse retourner aux vsages humains, aussi peu peut-on faire que le Moine retourne à l'usage du mariage. Et tous les Docteurs Catholiques condamnoient Luther, & ses sectateurs, d'heresie, pource qu'ils disent, que la Moinerie est vne inuention humaine: en lieu, que selon l'opinion des Catholiques, c'est vne tradition Apostolique, à quoy repugne diametralement de dire, Que le Pape en peut dispenser.

Autres maintenoient, que le Pape auoit pouuoir de dispenser mesmes les Moines: & monstroient de s'esbahir de ceux, lesquels accordoient la dispense es vœux simples, & la nioient es solennels: comme si, par le dire mesme de Boniface huitième, il n'estoit pas tout euident, que toute solennité est de droit positif. Et se seruoient, pour preuue de leur opinion, du mesme exemple, allegué par les autres, des choses consacrées. Car, comme il ne se peut faire, qu'une chose consacrée, demeurant consacrée, soit employée à vsages humains: mais bien peut-on oster la consecration, & rendre la chose profane & commune, & lors peut-elle retourner à tout usage commun & indifferant: ainsi l'homme, consacré à Dieu par le vœu de Moinerie, pendant qu'il demeure consacré, ne peut s'appliquer au mariage: mais, si on luy oste la qualité de Moine, & la Consecration, qui naist de la solennité du vœu, laquelle est de droit positif, il n'y a rien qui empesche, qu'il ne puisse vser de la vie commune des autres hommes. Ils allegoient des passages de S. Augustin, desquels il paroist manifestement, que de son temps il y auoit des Moines, qui se marioient. Et, combien qu'on estimast qu'en le faisant, ils pechoient, le mariage ne laissoit pas pourtant d'estre legitime: & S. Augustin reprend ceux, qui le separoient.

*et à deli-
berer si el-
les estoient
à present
expedien-
tes au fait
du maria-
ge pour les
gens d'E-
glise:*

On vint de là à parler, s'il estoit expedient en ces temps, de dispenser les Prestres du commandement du Celibat: ou bien mesmes, d'abolir iceluy tout à fait. Et ce, d'autant que le Duc de Bauieres, ayant enuoyé à Rome requerir au Pape la communion du Calice, auoit aussi ensemblément recherché qu'il fust permis aux mariés de pouuoir prescher: sous quoy, s'entendoit tout le ministere del'Eglise, exercé par les Curés en la charge des ames. Plusieurs raisons furent employées pour persuader, qu'il le falloit permettre: lesquelles se reduisoient à deux: au scandale, que bailloient les Prestres incontinens: & à la disette de personnes continentes propres à exercer le ministere. Et plusieurs auoient en bouche le dire fameux du Pape Pie deuxième, Que pour bonnes causes l'Eglise auoit defendu le mariage aux Prestres Occidentaux: mais, que pour des autres meilleures & plus fortes, il le leur falloit

filloit derechef permettre. Ceux du party contraire disoient, Que ce n'estoit pas fait en sage Medecin, de penser vne maladie, en causant vne pire. 1563. Si les Prestres, disoient-ils, sont incontinens, & ignorans, il ne faut pas pourtant prostituer la Prestre aux mariez. Et là dessus estoient alleguez infinis passages des Papes, qui portent, Qu'il est impossible d'entendre à l'esprit, & à la chair: & partant que la Prestre, estat spirituel, estoit incompatible avec le mariage, qui est vn estat charnel. Dont aussi ces mesmes Papes ne l'auoient iamais permis. Que le vray remede estoit en l'education, & nourriture: & en la diligence à pouruoir de personnes continentes, & lettres pour le ministère: lesquelles aussi il falloit inciter & obliger par prix & par peines: & cependant pour remede d'incontinence, n'ordonner sinon personnes esprouuées & reconnues de bonne vie: & que pour la doctrine, il falloit faire imprimer des Homiliaires, & Catechismes en langue Allemande, & François, composez par personnages sçauans & religieux, lesquels les Prestres ignorans lussent le liure en main au peuple: au moyen dequoy les Curés, quoy qu'ignorans, pourroient satisfaire au peuple.

Les Legats furent blasmez d'auoir permis qu'on disputast de cet Article, lequel estoit iugé grandement dangereux: attendu que c'est chose euidente, que si le mariage estoit permis aux Prestres, il aduiendrait, que tous tourneroient leur affection & amour à leurs femmes, & enfans: & par consequent, à leurs maisons & patrie: & par là cesseroit l'estroite dependance quel'Ordre Clerical a avec le Siege Apostolic: & que d'otroyer le mariage aux Prestres, estoit autant que de destruire d'un tour de bras la Hierarchie Ecclesiastique, & reduire le Pape à n'estre plus que Euesque de Rome. Mais les Legats s'excusoient, sur ce que force leur auoit esté de le faire, pour complaire à l'Euesque des Cinq Eglises, Ambassadeur de l'Empereur, lequel l'auoit requis non seulement au nom du Duc de Bauieres, mais de l'Empereur aussi: & quant & quant pour rendre les Imperiaux plus faciles à se deporter de la grande instance qu'ils faisoient de la Reformation, laquelle importoit beaucoup plus.

Les François voyans que la plus commune opinion portoit qu'un Prestre peut estre dispensé de se marier, s'assemblerent pour consulter s'il estoit à propos de requerir la dispense pour le Cardinal de Bourbon, selon la commission qu'en auoient le Cardinal de Lorraine, & les Ambassadeurs. Le Cardinal de Lorraine fut d'avis que non: disant, que sans doute il y auroit de la difficulté au Concile, à persuader que la cause en fust legitime, & urgente: attendu que pour l'esgard d'auoir lignée, cela n'estoit point necessaire, le Roy estant ieune, ayant deux freres & autres Princes de son sang, Catholiques: & aussi pour l'esgard de pouuoir auoir part au gouvernement de l'Estat, iusques à ce que le Roy paruinist à maiorité, il estoit superflu: attendu que l'Ordre Ecclesiastique ne luy portoit aucun empeschement en cela. Et remonstra, qu'à cause des differends, qui estoient entre les François, & les Italiens, tant pour cause de la Reformation, que pour l'autorité du Pape, & des Euesques, eux qui tenoient opinions contraires aux leurs, s'y opposeroient à dessein. Et qu'il valoit mieux s'en adresser au Pape, ou bien attendre occasion plus propre: & que pour l'heure il suffisoit de faire en sorte qu'aucune doctrine ne fust arrestée, qui pust preiudicier à cette demande. Aucuns estimerent, que le Cardinal de Lorraine, en son interieur, n'agreast point, que celuy de Bourbon se mariait: d'autant que par ce moyen il pourroit aduenir quelque concurrence, & abbaissement de sa maison. Mais cela ne sembloit nullement vray semblable à d'autres: parce que par ce mariage, toute esperance estoit ostée au Prince de Condé, dont ledit Cardinal de Lorraine auoit bien plus grande ialousie & desfiance. Et mesmes ils iugeoient, que plus-tost il desiroit extremement, que ledit Cardinal de Bourbon se rendist seculier: d'autant qu'iceluy, quittant l'Eglise, celuy de Lorraine demeureroit premier Prelat. Et en cas de la creation d'un Patriarche, ce qu'il ambitionnoit grandement, elle ne pouuoit faillir de tōber

*les François
veulent
pour chas-
ser la dis-
pense pour
le Cardi-
nal de
Bourbon,
mais celuy
de Lorrain-
ne s'y op-
pose:*

1562. sur luy: ce qu'il ne pouuoit esperer, pendant que celuy de Bourbon estoit Prestre, attendu que pour la preeminence du sang Royal, il ne pouuoit estre postposé.

le Pape
créé inopi-
nément
deux nou-
veaux Le-
gats.

à laquelle
dignité ce-
luy de Lor-
raine pre-
tendoit:

Or le Pape, ayant receu la nouuelle de la mort du Cardinal de Mantouë, apres auoir aduisé en soy mesmes, & avec ses plus intimes, qu'il estoit neces- faire d'enuoyer au Concile d'autres Legats, lesquels, comme tout neufs, & non interessez en promesses, & en traitez, pussent plus aisément suiure ses instructions; le matin du septième Mars, deuxième Dimanche de Careme sans autrement intimer Congregation, comme c'est tousiours la coustume de faire; mais ayant seulement assemblé les Cardinaux en la Chambre des paremens, comme pour aller à la Chapelle, à l'accoustumée, s'arresta là tout à despourueu, & ayant fait sortir les Courtisans, & fait fermer les portes, tout à l'instant crea Legats, les Cardinaux Iean Moron & Bernard Nauagier: pour n'estre contraint, par brigues de Princes, ou de Cardinaux, de nommer personnes, qui ne fussent du tout à son goust. Le Pape croyoit bien cette action si secretement, qu'aucun n'en fust rien: mais toutesfois il ne put empescher, que les François n'en eussent le vent. Et le Cardinal de la Bourdaisiere fit tant, qu'il parla au Pape, auant qu'il fust descendu de la Chambre: & par plusieurs raisons luy remōstra, que, puis qu'il vouloit creer des Legats nouueaux, il ne pouuoit bailler cette charge à personnage plus digne, qu'au Cardinal de Lorraine. Mais le Pape, qui en auoit pris la resolution arrestée, & qui eut à desplaisir, que la chose n'auoit peu estre tenuë secreta, comme il desiroit, luy respondit librement, Que le Cardinal de Lorraine estoit allé au Concile, comme chef d'un des partis pretendans: mais que pour luy, il y vouloit deputer personnes neutrales, & sans interets. Comme le Cardinal se mettoit en deuoir de rabattre cela, & luy respondre, le Pape hastia le pas, & descendit si promptement, que le Cardinal n'eut temps de repartir. La Congregation finie, le Pape laissa aller les Cardinaux à la Chapelle, & retourna en sa chambre, pour ne se trouuer en ceremonie, estant tout alteré & bouffi pour les paroles du Cardinal.

consolatio
ambitieuse
du Cardi-
nal son
frere, à sa
mere,

Le neuuiesme du mois de Mars il arriua à Trente la nouuelle, que le Duc de Guise, frere du Cardinal de Lorraine, en retournant de la tranchée de deuant Orleans, auoit esté blessé d'un coup de pistolet, par Iean Poltrot, ieune Gentilhomme Angoumois, de la Religion reformée: dont six iours apres il estoit mort, au grand desplaisir de toute la Cour: & qu'apres sa blessure il auoit exhorté la Reyne à faire la paix, disant tout ouuertement, que ceux qui y contrediroient, estoient ennemis du Royaume. Le meurtrier enquis des complices, nomma l'Admiral de Colligni, & Theodore de Beze: puis apres, il deschargea de Beze, persistant à encoupler l'Admiral. Mais il varia tellement du depuis, qu'il laissa les esprits en grande incertitude de ce qu'il en falloir croire. Mais le Cardinal, ayant eu cette nouuelle, se pourueut de plus forte garde pour sa personne, qu'auparauant. Et apres auoir rassis & calmé son esprit de la douleur conceuë d'un frere, si estroitement conioint avec luy; auant toute autre chose, il escriuit vne lettre de consolation à la mere commune d'eux d'eux, qui estoit Anthoinette de Bourbon, remplie de conceptions & de termes exquis, dignes d'estre conferez, ou comme disoient les siens, preferez à ceux de Senèque: & au bout d'icelle, il disoit, qu'il estoit tout resolu de se retirer en son Eglise à Rheims, & là passer le reste de ses iours à prescher la parole de Dieu, instruire son peuple, & esleuer les enfans de son feu frere en la religion & pieté Chrestienne: sans se departir iamais de ces bons offices, sinon lors que le Royaume, pour les affaires & necessitez publiques, auroit besoin de luy. Cette lettre ne fut pas si tost partie, que toute la ville de Trente fut remplie de copies, lesquelles les domestiques du Cardinal n'attendoient pas qu'on leur demandast, ains les offroyent presques importunément à toutes sortes de gens: tant est il malaisé de couvrir sa vanité & reprimer l'amour de soy mesme, ores qu'en occasiō de grand dueil.

Mais apres cela, ce Cardinal se mit à penser aux affaires, & pour cét accident inopiné, changea tous ses desseins: ce qui fut aussi cause de faire changer de route aux affaire du Concile: d'autant qu'iceluy, qui estoit le moyen, par lequel iusques alors l'Empereur, & la Reyne de France, auoient operé, leur manquant, ils furent dès lors contraints de proceder avec plus de retenuë, & plus lentement. Mais il aduient és affaires humaines, ce qu'on voit és tourmentes de la mer, qu'encor que les vents soient abbatus, & cessez, les vagues ne laissent pas pas d'estre enflées, & esmues pour quelques heures: de mesmes aussi la grand machine du Concile, ayant pris son bransle, ne put aisément estre rassise & posée: bien est-il certain, que du repos qui aduint quelques mois apres, la mort du Duc de Guise en fut vn grand commencement: & sur tout apres que de surcoist fut aussi arriüée la mort de l'autre frere, qui estoit le Grand Prieur de France; joint la nouuelle de la paix faite avec les Huguenots: & finalement les instances de la Reyne au Cardinal, qu'il se mist es bonnes graces du Pape, & qu'il s'en retournast en France: desquelle il sera parlé en son lieu. Dont le Cardinal vid bien, que les affaires qu'il auoit entamez, & où il s'estoit embarqué, ne seroient vtils ne pour soy, ne pour ses amis.

1562.

*& de la
changemēt
en luy, &
és affaires
du Concile.*

La mort du Duc de Guise causa de grands regrets, tant à Rome, qu'à Trente: car chacun estimoit, qu'il estoit l'vnique soubtien du party Catholique au Royaume de France: & ne voyoit-on aucun qui luy püst succeder à porter ce grand fardeau, sur tout, que tous estoient effrayez de l'exemple de sa mort. Et les Prelats François au Concile se trouuoient en peine, entendant qu'on traitoit d'accord avec les Huguenots, lesquels, entre autres choses, pretendoient que le tiers des reuenus Ecclesiastiques fust conuertty en l'entretienement de leurs Ministres.

Pendant cette varieté d'affaires, l'Euesque des Cinq Eglises retourna de deuers l'Empereur: & avec les Ambassadeurs Imperiaux, alla à l'audience des Legats, auxquels il presenta vne lettre de l'Empereur, ensemble vne copie d'vne autre, qu'il escriuoit au Pape. Tous firent instance que la matiere de la Reformation fust proposée, mais ce ne fut qu'en termes generaux, & assez froidement. La lettre de l'Empereur aux Legats portoit le desir qu'il auoit de voir quelque progrez & fruit du Concile: & que pour l'obtenir, il falloit de necessité oster quelques empeschemens, desquels il auoit escrit au Pape: mais qu'il auoit bien voulu prier eux aussi, de s'employer, par leurs bons deuoirs, au Concile; & par leurs prieres, enuers le Pape, qu'on passast outre, pour l'honneur & seruice de Dieu, & pour le bien de la Chrestienté. Celle qui estoit adressée au Pape, contenoit, Que, comme Aduocat de l'Eglise, apres auoir despesché des affaires très-importans avec les Electeurs & autres Princes, il n'auoit eu chose quelconque tant à cœur, que d'auancer les affaires du Concile: qui estoit aussi la cause, pour laquelle il s'estoit transporté à Inspruk, là où il auoit, à son grand regret, appris que les affaires n'alloyent pas selon son esperance, ne selon que requeroit le repos public: & craignoit, que si on n'y remedioit: le Concile ne se terminast avec scandale du monde, à la risede de ceux qui ont renoncé à l'obeissance de l'Eglise Romaine, & induction à se rendre tant plus tenans & obstinez en leurs opinions. Qu'il y auoit ia long temps, qu'aucune Session n'auoit esté tenuë. Que, pendant que les Princes se peinoient à vnir les Aduersaires differens en opinions, les Peres s'estoient laissez emporter à des debats indignes d'eux. Que mesmes le bruit couroit, que sa Sainteté traitoit de dissoudre, ou de suspendre le Concile, portée, peut estre, à cela par les brouilleries qu'on y voyoit. Mais que, pour luy il sentoit tout autrement. Car il auroit beaucoup mieux valu de ne l'auoir iamais commencé, que de le laisser imparfait, au grand scandale du monde, au mespris de sa Sainteté, & de tout l'Ordre Ecclesiastic, & au preiudice tant de cetuy-cy mesmes, que des autres Conciles generaux à venir: avec perte du peu de residu du peuple Catolic: laissant vne opinion ancrée au monde que le seul but de la suspension, ou rupture,

*lettres de
l'Emp. aux
Legats &
au Pape,
requerant
la poursui-
te & la
correction
du Concile.*

1563.

estoit d'empescher la Reformation. Que quand il fut intimé, sa Sainteté auoit requis le consentement de luy Empereur, & des autres Rois & Princes: & ce, à l'imitation des Papes, ses predecesseurs, lesquels auoient iugé cela necessaire pour plusieurs esgards. Qu'il y auoit la mesme raison, pour conclurre qu'il ne pouuoit estre dissout ne suspendu, sans le mesme consentement. Et exhortoit le Pape à ne prester l'oreille à ce conseil, honteux & dōmageable: lequel sans doute, tireroit en consequence des Conciles nationaux, tousiours tant abhorrez par sa Sainteté, comme contraires à l'vnité de l'Eglise: lesquels auoient par le passé esté empeschez par les Princes pour maintenir l'autorité Papale: mais qu'à l'aduenir ils ne pourroient estre ne deniez, ne differez plus longuement. Et en outre il requeroit le Pape de vouloir aider à la liberté du Concile, laquelle estoit trauerfée principalement par trois causes: l'vne, d'autant que toutes choses estoient premierement consultées à Rome: l'autre, pource qu'il n'estoit pas libre de proposer, attendu que les seuls Legats auoient pris à eux ce droit, lequel deuoit estre commun: la troisiéme à cause des pratiques & briguës, que faisoient quelques Prelats, interessez en la grandeur de la Cour de Rome. Que puis qu'vne bonne reformation de l'Eglise estoit tant necessaire, & que d'ailleurs la commune opinion estoit, que les abus ont leur source, & sont fomentez à Rome, il falloit de necessité, pour donner vn commun contentement à tous, que la reformation fust faite au Concile, & non à Rome. Et pourtant, prioit sa Sainteté de trouuer bon, que les demandes presentées par ses Ambassadeurs, & celles des autres Princes, fussent proposées. Pour la fin, il exposoit sa Sainteté à s'y trouuer aussi.

Le Pape
s'offense

Cette lettre, despeschée en date du troisiéme Mars, offensa grandement le Pape, auquel il sembloit que l'Empereur empietoit par dessus son autorité & passoit mesmes les termes des autres Empereurs, ses predecesseurs, plus puissans que luy. Mais l'offense se redoubla, par l'aduis que luy donna son Nonce, que la copie de cette lettre auoit esté enuoyée aux Princes, & mesmes aussi au Cardinal de Lorraine: ce qu'il ne iugeoit pouuoir auoir esté fait à autre fin, que pour les esmouoir, & pour iustifier les actions de l'Empereur: Ioint à cela que le Docteur Scheld, Chancelier de l'Empereur, auoit persuadé au Nonce Dauphin, resident en la Cour d'iceluy, de moyener que ces paroles, *Vniuersalem Ecclesiam*, fussent rayées: pour ne fomentier l'opinion de la superiorité du Pape par dessus le Concile, disant, Qu'è les temps ne portoient pas qu'on traitast telle question: & que l'Empereur, & luy Chancelier mesmes, fauoient tresbien, que Charles cinquiéme, d'heureuse memoire, auoit tenu opinion contraire sur cét Article: & qu'il falloit euer de donner à sa Majesté, & aux autres Princes, de declarer l'opinion, qu'ils tenoient en ce point. Il conjoignoit ces choses avec ce que le Cardinal de Lorraine mesme luy auoit escrit, qu'il n'estoit temps ny heure, de mettre en auant cette difficulté des mots, *Vniuersalem Ecclesiam*, &c. & avec l'aduis, qu'il auoit eu de Trente, que le Cardinal de Lorraine disoit, que ny luy, ny les Prelats François ne les pouuoient supporter, pour ne canoniser vne opinion contraire à toute la France: & que ceux là se trompoient bien fort, qui croyoient que, quand on viendrait à parler clairement, & à requerir declaration, que le Pape n'est point par dessus le Concile, cette autre opinion seroit fauorisée, & portée plus qu'on ne cuidoit. Ce qui monstroient bien, que de ce point, il auoit esté traité bien à la Cour de l'Empereur. Toutes ces choses considerées, le Pape aduisa de faire vne bonne responce, & de la

Escreuit à faire aussi courir de sa part, pour sa iustification.

L'Empereur vint
maintenant soy
les sien
& taxant
les autres

Le Pape doncques rescriuit à l'Empereur, Que de vray il auoit conuoqué le Concile, du seu & consentement de luy, & des autres Rois & Princes: non toutesfois que le S. Siege ait besoin, au gouuernement de l'Eglise, d'attendre le consentement d'autorité quelconque, veu qu'il en a le plein pouuoir de Christ. Que tous les anciens Conciles auoient esté conuoquez par l'autorité du Pape de Rome, sans que iamais aucun Prince s'y fust ingeré, si-

non en qualité de pur & simple executeur. Que pour luy, il n'auoit eu aucune penſee de diſſoudre, de ne ſuſpendre le Concile: mais auoit toujours iuge, que pour le ſeruice de Dieu, il y falloir mettre vne entiere fin. Que la liberté du Concile n'eſtoit point empeschée, ains aydee & fauoriſee par les conſultations, qui ſe faiſoient à Rome ſur les meſmes matieres. Que iamais n'auoit eſté celebré Concile, auquel le Pape n'y eſtant preſent, le S. Siege n'eut enuoyé inſtructions, lesquelles auſſi auoient eſté ſuiuies par les Peres. Qu'on auoit encor les inſtructions, que le Pape Celeſtin enuoya au Concile d'Ephèſe, & le Pape Leon à celuy de Chalcedoine, & le Pape Agathe à celuy de Conſtantinople *in Trullo*, & le Pape Adrien premier au ſecond de Nicce, & Adrien deuxieſme au huitieſme general de Conſtantinople. Et quant à propoſer au Concile, lors que le Pape de Rome a eſté preſent és Conciles, luy ſeul a toujours propoſé les matieres, voire luy ſeul les a reſoluës, le Concile n'y ayant appoſé que ſon approbation: mais, qu'en l'abſence du Pape, les Legats, ou autres deputez par le Pape, ont toujours propoſé: en conformité dequoy, le Concile de Trente auoit deliberé, que les Legats propoſaſſent: ce qui auſſi eſt neceſſaire, pour garder quelque ordre: attendu que ce ſeroit vne horrible conſuſion, ſi chacun tumultuairement, & l'un à l'encontre de l'autre, pouoit mettre ſur le bureau choſes ſeditieuſes, & mal conuenables. Que toutes fois iamais n'auoit eſté reſuſé de propoſer toutes les choſes vtilles. Qu'il auoit appris avec deſplaiſir les pratiques, faites par pluſieurs contre l'autorité que Chriſt a baillée au S. Siege. Que tous les liures des Peres, & des Conciles, ſont remplis de cette doctrine, Que le Pape eſt Succelſeur de S. Pierre & Vicaire de Chriſt & Paſteur de l'Egliſe vniuerſele. Et neantmoins, contre cette verité, auoient eſté faits à Trente pluſieurs conuenticules, & monopoles: nonobſtant que l'Egliſe ait en tout temps vſé de ces façons de parler, ainſi que ſa Maieſté pouoit voir ez paſſages, qu'il luy enuoyoit cotez au feuillet enclos. Et adiouſta que tous les maux preſens eſtoient procédez de ce, que les Legats, par trop d'eſgard à oſter les mauuiſes langues tout ſuit de calomnie, & meſdiſance contre la liberté du Concile auoient vſé de conuiuece, auoient laiſſé vilipender leur autorité: dont on pouoit dire avec verité, que le Concile eſtoit pluſtoſt licentieux que libre. Et quant à la Reformation, qu'il la deſiroit luy-meſmes complete, & rigoureuſe: & qu'il auoit continuellement ſollicité les Legats à la conclurre. Et qu'à l'eſgard de ſa Cour, tout le mōde ſçauoit les diuers & grands reiglemens qu'il y auoit faits, voire meſmes avec perte, & diminution de ſes reuenus: & ſ'il y auoit encor quelque choſe à adiouſter, il promettoit qu'il ne l'omettroit pas: mais que cela ne ſe pouoit pas bien faire à Trente: d'autant que ces Prelats, qui y eſtoient, n'eſtans pas bien informez en lieu de la reformer, la difformeroient beaucoup d'auantage. Que cependant il deſiroit auſſi de voir quelque reformation ez autres Cours, qui n'en auoient point moins de beſoin, & parloient toujours ſeulement des affaires de l'Egliſe: en lieu que, peut eſtre, le mal naiſſoit principalement des abus d'icelles. Et, pour ce qui concernoit les demandes propoſées, par les Ambaſſadeurs de ſa Maieſté, & par les autres, il auoit toujours eſcrit, qu'elles fuſſent examinées, & debatues chacune en ſon temps, & lieu: attendu que cét ordre ayant deſia eſté ordonné & ſuiuy au Concile, de tout enſemblement determiner les matieres de foy, & reformer les abus concernans chacune d'icelles, on ne pourroit l'alterer ſans conſuſion & indignité. Que ſa Maieſté auoit bien couché diuers deſordres du Concile, mais en auoit omis le principal, & la ſource de tous les autres: qui eſtoit, que ceux qui deuoient receuoir loy des Conciles, la leur vouloient donner. Que ſi on imitoit la pieté de Conſtantin, & les deux Theodoſes, & enſuiuoit leurs exemples, le Concile ſeroit ſans diuiſion entre les Peres, & de ſouueraine reputation & creance enuers tout le monde. Que pour luy ſon plus grand deſir ſeroit bien d'aſſiſter en perſonne au Concile, pour remedier au peu d'ordre, qu'on y gardoit: mais que pour ſon aage, & pour autres affaires non moins impor-

1563. tans, il luy estoit impossible d'aller à Trente : & que de le transferer en lieu où il püst aller, il s'en vouloit parler, de peur d'engendrer des soupçons.

Et pense à se joindre pour le Concile, estroitement avec le Roi d'Espagne seul :
Le Pape se douta bien, qu'il ne pourroit iamais joindre ses interêts à ceux de l'Empereur & de la France ; & pourtant s'imagina, qu'il se pouvoit promettre peu de chose de ces Princes-là : attendu qu'ils ne pensoient au Concile, sinon entant que les propres interêts de leurs estats les presseroient, & que pourtant ils ne vouloient autre chose du Concile, que ce, qui pouvoit contenter leurs peuples : & en cas qu'ils ne le pussent obtenir, qu'ils prétendoient empêcher la closture du Concile, pour les entretenir toujours en esperance. Mais il consideroit que ces interêts-là ne pouvoient agir sur le Roy d'Espagne, duquel les peuples sont Catholiques : au moyen dequoy iceluy se peut conformer au vouloir du Pape, sans préiudice de ses estats : voir mesmes son aduantage est d'estre estroitement vny avec luy, pour obtenir des graces du Pape. Et partant il iugea necessaire de le solliciter par continuel offices, & de luy donner esperance de tout contentement. Sur ces entrefaites arriua à Rome tout à point Louys d'Auila, enuoyé expressément par le Roy Catholic : auquel le Pape fit excessiues demonstrations d'honneur & de caresses : & le logea en son propre logis, es chambres d'habitation d'autresfois du Comte Frederich Borromee son neveu. Le suiet de son enuoy estoit, pour obtenir du Pape prolégation pour autres cinq années du subside qui luy auoit esté accordé sur le Clergé : & grace de pouoir vendre à vingt-cinq mil escus de reuenue des vasselages des Eglises. Il auoit aussi charge de procurer dispense de mariage entre la Princesse, sœur du Roy, & Charles fils d'iceluy, sur laquelle on ne faisoit point de difficulté en Espagne : attendu que plusieurs, mesmes entre les personnes priuées, estoient dispensez de contracter mariage avec la fille du frere, ou de la sœur : lesquels mariages sont en pareil degre que celui d'avec la sœur du pere : ioint que, d'un mariage en ce degre estoient anciennement nez Moysse, & Aaron. A ces propositions le Pape respondit, Que quant au mariage, il s'offroit à tout ce, à quoy son autorité s'estendoit : & dit, qu'il en feroit consulter. Mais cette negotiation ne passa point plus outre, à cause d'une indisposition qui aduint à la Princesse, laquelle osta toute esperance de mariage. Quant au subside, & à l'alienation, le Pape monstra bien d'y estre tout porté de volonté, mais qu'il y auoit de la difficulté en l'execution, pendant que les Peres estoient à grands frais au Concile : mais il luy promit, que s'il luy aydoit à le terminer, & à l'en deliurer, il le gratifieroit. Quant aux choses du Concile, Don Louïs ez premieres audiences ne passa gueres auant : seulement il offrit de procurer la maintenance de l'autorité Papale : & exhorta le Pape à ne traicter de ligue aucune entre les Catholiques, de peur que les heretiques n'en fissent une autre entr'eux : & que la France ne se portast à corps perdu à tout traicté avec les Huguenots.

les Imperiaux veulent de rechef demander le Calice, mais les Espagnols ny veulent entendre. le Card. de Lorraine & l'Emp. font examiner l'Escrit du Pape, à quoy aussi les Espagnols ne veulent auoir part,
En cet entre-temps plusieurs Assemblées se faisoient à Trente : & les Ambassadeurs Imperiaux assemblerent les Prelats Espagnols chez l'Archeuesque de Grenade, pour les induire à trouuer bon, que le Concile octroyast l'usage du Calice, ayans dessein de proposer de nouveau cette matiere. Mais ils les en trouuerent tant esloignez, qu'ils furent contraints de mettre la chose sous-silence. Le Cardinal de Lorraine tint aussi plusieurs Congregations avec ses Prelats & Theologiens, pour verifier & examiner les passages enuoyés par le Pape à l'Empereur, au fucillet susmentionné, & reciproquement par l'Empereur au Pape, sur les paroles, *Vniuersalem Ecclesiam*, pour voir, si ces passages estoient fidelement citez, & si le droit sens leur estoit donné : afin d'en former puis apres un autre escrit, en refutation de cetuy-là. L'Empereur aussi de son costé ordonna, que les mesmes passages fussent communiquez aux Espagnols, pour en ouyr leurs aduis : ce que l'Archeuesque des Cinq Eglises fit, tous les Prelats Espagnols auans esté assemblez à cet effet. Mais l'Archeuesque de Grenade respondit, Qu'il n'estoit ia besoin que sa Maïesté fust ce deuoir enuers eux, qui receuoient le Concile de

Florence ; mais qu'il le falloit faire enuers les François, qui receuoient ce-
 luy de Basle. Ce fait porta aucuns d'entr'eux, apres le depart de l'Euesque ^{1562.}
 des Cinq Eglises à traiter ensemble, d'escrire vne Lettre au Pape, pour ef-
 facer la sinistre opinion qu'il pouuoit auoir conceuë contr'eux sur ce sujet.
 Mais l'Archeuesque de Grenade s'y opposa, disant, qu'il suffisoit que le Pa-
 pe conuist par leurs suffrages, qu'en cela ils n'estoient point contraires :
 mais que toutesfois il n'estoit pas raisonnable, qu'ils secondassent les adula-
 tions des Italiens. Et adiousta ces paroles formelles, Que le Pape nous ren-
 de ce qui nous appartient: car nous laissons bien à luy beaucoup plus qu'il ne *Residence*
 luy appartient : & n'est de raison, que d'Euesques nous deuenions ses Vicai- *remise sus,*
 res. Vn autre iour les mesmes Imperiaux se trouuerent avec les François,
 pour auiser à faire coniointement instance, que le Decret de la Residence,
 ainsi qu'il auoit esté formé par le Cardinal de Lorraine, fust proposé. Mais ny
 eux, ny le Card. de Lorraine, ne le purent obtenir des Legats de Vvarmie, &
 Simonete : car Seripande, à cause de son indisposition, ne s'y trouuoit pas.

Il aduint, en la Congregation du dix-septième Mars, qu'un des Theolo-
 giens François, ayant trouué occasion de s'eschaper de la Contenance des
 Prestres à la Residence, s'estendit bien au long, & consuma tout son discours
 sur icelle. Il produisit autoritez, & exemples, pour prouuer qu'elle est de
 droit diuin : & pour respondre à cette obiection, qu'on trouue tant de Ca-
 nons, & de Decrets, qui la commandent ; ce qui ne seroit point, si Dieu l'a-
 uoit commandée. Et se seruit de cette conception, Que le droit diuin est le
 fondement, ou la colonne de la Residence : & que le droit Canonique en est
 le bastiment, ou la voute : disant que comme le fondement estant ruyné, le
 bastiment tombe : & comme quand la colonne est ostée, la voute tresbuche :
 de mesmes aussi, il est impossible de conseruer & maintenir inuiolable la Re-
 sidence, par le seul droit Canonique : & ceux, qui la veulent attribuer à ice-
 luy seul, n'ont autre vifée que de la destruire. Et allegua les exemples des
 temps passez, remarquant qu'auant qu'aucuns Canons & Decrets humains
 eussent esté faits, la Residence estoit exactement & religieusement obseruée
 de tous : d'autant que chacun s'y tenoit obligé de par Dieu. Mais dès qu'au-
 cuns se sont figurez de n'y auoir autre obligation, que par loy humaine, on a
 eu beau les renoueller de temps en temps, & les renforcer par peines, le
 tout est reüssi en pis.

En ce mesme iour mourut le Cardinal Seripande, au grand regret de tous *mort du*
 les Prelats, & de toute la ville de Trente. Il auoit le matin receu le Sainct *Cardinal*
 Sacrement de l'Eucharistie: lequel il vouloit prendre de genoux, & hors du *Seripande*
 lit : auquel depuis s'estant fait remettre, il fit, en la presence de cinq Prelats,
 des Secretaires de Venize, & de Florence, & de tous ses domestics, vn dis-
 cours Latin, qui dura autant que luy dura le souffle, par lequel il fit confes-
 sion de foy, conforme en tout à la Catholique de l'Eglise Romaine, & parla
 des œuvres de l'homme Chrestien, de la resurrection des morts, des affaires
 du Concile: le progres & suite duquel, il recommanda aux Legats, & au
 Cardinal de Lorraine : & comme il entroit es particularitez des moyens, &
 procedures à tenir, il se sentit defaillir : & dit, que Dieu luy defendoit de
 passer plus outre, mais que luy mesmes parleroit en temps & lieu. Et tres-
 passa, sans dire plus vn seul mot.

Le Conte de Lune escriuit, de la Cour de l'Empereur, au Secretaire *lettre du*
 Martin Gazdallun, & luy enuoya aussi copie d'une lettre, qui luy auoit es- *Roy d'Es-*
 crit le Roy, par laquelle il luy signifioit, que le Pape s'estoit plaint à luy des *paigne pour*
 Prelats Espagnols. Qu'il vouloit croire, que cela estoit aduenü, par defect *induire*
 d'information au vray de sa Saincteté : & se persuadoit aussi que lesdits *les Prelats*
 Prelats ne failloient point à se demonstrier de bonne deuotion enuers le *à fauoriser*
 Sainct Siege. Qu'en tout cas toutesfois il ordonnoit audit Conte, qu'estant *le Pape,*
 arriué à Trente, il y tint la main, afin qu'iceux Prelats fauorisassent les af-
 faires du Pape, leur conscience neantmoins sauue : & fist en sorte que Sa
 Saincteté n'eust suiet de plainte contre luy. Et ledit Conte escriuit en ce

mesme sens à l'Archeuesques de Grenade, & aux Euesques de Segouie, & de Leon.

*les Amb.
de France
se plainēt
aux Legats
& requie-
rent refor-
mation.*

Le dix-huictième Mars, auquel à cause des funerailles du Card. Seripande, ne fut tenuë Congregation, les Ambassadeurs de France comparurent sollemnellement deuant les deux Legats, & firent plainte, Qu'en l'espace d'onze mois, d'onze mois, dès leur arriuée à Trente, ils auoient continuelement fait entendre les desolations de la France, & les dangers de la Chrestienté causés par les differends de Religion : & monstre, que le plus necessaire, & principal remede estoit vnelle bonne & entiere Reformation des mœurs, & quelque moderation des loix positives : sur quoy on leur auoit tousiours donnee bonne esperance, & gratieuses paroles, sans que pourtant ils en eussent iamais veu aucun effet. Qu'on fuyoit la Reformation, tant qu'on pouuoit. Que les Peres, pour la plus part, estoient plus que iamais durs & rigoureux, à ne relascher chose quelconque à la necessité du temps. Et pour conclusion, les prioient de considerer, combien de gens de bien publics. allegans pour exemple les Cardinaux de Mantouë, & Seripande. Et partant les exhortoient, qu'eux, qui auoient suruescu, exploitassent quelque chose pour l'acquit de leurs consciences, pendant qu'ils en auoient le temps. Les Legats respondirent, Que c'estoit bien à leur grand regret, que les choses alloient en longueur : mais que les accidens suruenus de la mort des Cardinaux de Mantouë, & Seripande, en estoient la cause. Qu'eux seuls ne pouuoient porter vn si grand fardeau : qu'ils les prioient d'attendre les Cardinaux Moron, & Nauager, qui deuoient arriuer en bref. Ils acquiescerent à cettë response, d'autans qu'aussi les Ambassadeurs Imperiaux firent instance, qu'on procedast lentement, attendant ce qu'auroient negocié les autres Ambassadeurs de l'Empereur à Rome, coniointement avec D. Louis d'Auila ; lesquels tous ensemble auoient fait instance au Pape, qu'au Concile, & non à Rome, fust faite vne vniuerselle Reformation de toute l'Eglise, en son Chef, & en ses membres : & que le Decret fust reuoké, par lequel le droit de proposer au Concile estoit attribué aux seuls Legats : comme estant contraire à la liberté que doiuent auoir les Ambassadeurs & les Prelats, de pouuoir rechercher ce qu'ils iugent vtile, ceux-cy pour leurs Eglises, & ceux-là pour leurs estats : laquelle instance l'Empereur auoit trouuë bon estre premierement faite au Pape, & puis au Concile.

*Ambass.
del'Em-
pereur &
del'Espa-
gnol font
des demā-
des au Pa-
pe, sur le
fait du
Concil.*

Ces Princes n'estoient pas toutesfois d'accord en tout. Car quoy que D. Louys fist les mesmes demandes à part, il requit aussi puis apres le Pape, de persuader l'Empereur à se deporter de la demande du Calice, & du mariage des Prestres : disant, que le Roy, son Maistre, auoit baillé commission à son Ambassadeur, qui deuoit aller à Trente, de faire tout deuoir, afin qu'il ne s'en parlast point : & en cas qu'il en fust parlé, que les Prelats Espagnols s'y opposassent. Bien exhorta-il le Pape de procureur de gagner les heretiques par douceur, non par enuoy de Nonces, mais par le moyen de l'Empereur, & d'autres Princes d'autorité : & d'admettre les demandes des François, & de laisser le Concile en liberté, tellement que tous y pussent proposer & qu'és resolutions ne fussent faites aucunes brigues ne pratiques. Le Pape respondit aux Ambassadeurs, que les termes du Decret, *Proponentibus legatis*, seroit interpreté, en sorte, que chacun pouroit proposer ce qu'il voudroit : & qu'il auoit laissé en la liberté des Legats, qui estoient nouuellement allez au Concile, d'y resoudre tout ce qui escherroit, sans luy en escrire chose quelconque. Que la Reformation estoit par luy desirée, & qu'il en auoit souuent fait instance : & que, si le monde la vouloit prendre de Rome, elle auroit pieça esté faite, & mesmes executée : mais, puis qu'ils la vouloient de Trente, si elle ne s'executoit point, la cause n'en deuoit estre imputée qu'aux difficultez, qui se rencontroient entre les Peres. Qu'il desiroit la fin du Concile, & la procuroit & sollicitoit : sans auoir aucune pensëe de le suspendre. Et que conformément à cecy, il escriroit aux Legats.

*le Pape
leur don-
ne des pa-
roles, en
commun,*

Comme

Comme de fait aussi, il leur escriuit, que cete clause du Decret, *proponenibus Legatis*, auoit esté adioustée pour obuier à la confusion : mais pourtant, qu'il entendoit qu'ils n'empeschassent aucun des Prelats de proposer ce qui luy plairoit : & qu'ils expediasent les matieres selon les suffrages & voix des Peres, sans attendre autre instruction de Rome. Mais cete lettre ne fut que pour contenter, & non pour produire effets. Car le Cardinal Moron, qui estoit Chef des Legats, auoit les instructions à part, pour regler mesmes les commissions, qui viendroient de Rome.

Le Pape respondit en particulier à D. Louis d'Anila, qu'il auoit ouuert le Concile, sous la promesse que luy auoit faite Sa Maiesté, qu'elle en prendroit la protection, & maintiendrait l'autorité du S. Siege : mais qu'il se trouuoit bien abusé : car le plus grand heurt, & opposition luy venoit du costé des Prelats du Roy, lesquels, ensemble tout le Clergé d'Espagne, s'estoient rendus ennemis du Pape, pour l'oütroi du subside fait au Roy. Que il n'e doutoit pourtant point de la bonne volonté du Roy : mais tout le mal venoit de ce que ny à Rome, ny au Concile, il n'auoit enuoyé Ministres bien confidens. Qu'il estoit bien raisonnable, de laisser le Concile en liberté, & que nul ne le desiroit plus que luy : mais qu'aussi, il n'y pouuoit agreer la licence, ne qu'il fust asseruy à ces Princes, qui preschoient tant la liberté, & cependant vouloient commander. Que chacun luy faisoit instance de liberté au Concile : mais qu'il ne scauoit pas, si tous ceux-là auoient bien pensé de quelle consequence il seroit, de mettre la bride sur le col aux Prelats. Qu'il aduouoit bien qu'entr'eux il y en auoit aucuns excellens en prud'homme & prudence : mais qu'il y en auoit bien aussi, qui defailloient de l'une, ou de l'autre, ou de toutes deux, lesquels seroient tous grandement dangereux, s'ils n'estoient tenus en bride. Que, peut-estre, il y auoit moins d'interest, qu'aucun autre : d'autant, qu'ayant fondement de son autorité sur les promesses de Dieu, il se fioit en icelles. Mais qu'il importoit beaucoup plus aux Princes d'y aduiser, pour les preiudices qui en pourroient naistre : & que, si les Prelats estoient mis en cete excessiue liberté, Sa Maiesté Catholique s'en repentiroit, peut-estre, la première, & s'en trouueroit grandement marrie. Quant à la Reformation, que les empeschemens ne venoient point de luy : que, pour luy, il differeroit volontiers les demandes des Princes sur la Communion du Calice, & autres telles nouveautés, selon le desir de Sa Maiesté : mais qu'il la prioit de considerer, que, comme elle ne s'accordoit pas aux intentions des autres, es points du Calice, & du mariage des Prestres ; de mesmes aussi il y en auoit qui faisoient instance, & s'opposoient aux siennes en toutes autres choses. Et pour conclusion, dit, qu'il estoit au pouuoir de Sa Maiesté de voir vne brefue & vtile fin du Concile, duquel si luy Pape estoit vne fois deliuré, le Roy se pouuoit promettre de luy toute faueur.

Le vingtième Mars, tous les Theologiens au Concile eurent acheué de parler sur tous les Articles du Mariage. Apres quoy, les Legats se reduisirent entr'eux, pour deliberer, s'ils deuoient proposer es Congregations des Peres la Doctrine & les Canons du Mariage. Mais, considerans que les François, & les Espagnols, s'y opposeroient, & qu'il en pourroit sourdre de plus grandes controuerses encor, que celles qui auoient esté iusques alors : & d'ailleurs aussi, que, s'ils vouloient proposer les abus tant seulement, ils donneroient tout à point occasion & prise aux Imperiaux, & aux François, d'entrer en la matiere de la Reformation ; ils estoient grandement perplex. Il auroit esté bien expedient de tacher d'appointer quelcune des difficultés : & à cela enclinoit le Cardinal de Vvarmie. Mais Simone, tout au contraire, redoutoit, que, pour la foiblesse de son Colleague, il n'arriuaist quelque grand inconuenient, & preiudice : & attribuant la faute de tous les desordres, aduenus au Concile, aux deux Legats decédés, lesquels, pour auoir procedé au fait de la Residence, plus selon leur propre sentiment, que selon le besoin de l'Eglise, auoient par le trop de bonté, causé vn si

1563.

grand mal ; il n'estoit pas d'aduis de se mettre en hazard d'en voir quelque plus grand encor ; & pourtant ne pouuoit condescendre, qu'on parlât d'aucune de ces difficultés. Finalement, ils conclurent entr'eux de surseoir tout traité, iusques à la venuë des autres Legats. Et, apres cete resolution, le Cardinal de Lorraine delibera d'aller iusqu'à Venise pour se recréer, & alléger son esprit de la tristesse, qu'il auoit conceuë de la mort du grand Prieur son frere, qui auoit rafraischi la playe de la mort de l'autre.

spécifiées : Les difficultés susdites estoient en nombre de six : l'une, sur le Decretia autresfois fait, Que les seuls Legats eussent le droit de proposer au Concile : la deuxième, sur la Residence, à sçauoir, si elle est de droit diuin : la troisième, sur l'institution des Euesques, à sçauoir, s'ils ont leur autorité immédiatement de Christ : la quatrième, sur l'autorité du Pape : la cinquième, sur la proposition d'adiouster vn Secrétaire au Concile, & de tenir conte fidèlement, & par le menu, des suffrages & opinions : la sixième, & la plus importante, sur la demande de la Reformation generale. Je les ay bien voulu recapituler en cet endroit, tant pour représenter en bloc ce sur quoy on auoit tant ahanné iusques alors, que pour faire vne introduction au narré des traux suiuaus.

les instances des Ambass. & les propos du Cardinal de Lorraine,

L'aduis, de l'instance faite à Rome au Pape, ne fut point nouueau à Trente. d'autant que les Ambassadeurs de l'Empereur, & de France, auoient auparauant publié, qu'il se feroit ainsi : afin d'auoir suiet puis apres de se tourner au Concile, pour luy faire coniointement les mesmes demandes. Et le Cardinal de Lorraine, coustumier de parler variablement, disoit, Que si on donnoit contentement à ces Princes, en proposant leurs demandes au fait de la Reformation, & faisant sur icelle vn bon establissement, sans toutesfois deroger en rien à l'autorité Papale, iceux feroient tout à l'instant cesser ces instances. Et adioustoit à cela, que le Pape se pouuoit aisément desmesler de la Reformation, & venir à l'expedition du Concile, s'il se laissoit clairement entendre, quels estoient les points, lesquels il ne vouloit qu'on traitast ; afin qu'on pust vacquer à l'expedition des autres. Qu'ainsi on assoupiroit les debats, qui estoient la cause des delais. D'autant, que quelques vns, qui se vouloient monstrier bien affectionnés partisans de Sa Sainteté, presupposans qu'une partie de ces demandes estoit prejudiciable au S. Siege, s'opposoient à toutes : & d'autres, à l'opposite, nioient qu'aucune d'icelles luy fust dommageable : dont par l'opposition des vns & des autres, l'affaire estoit porté en longueur : en lieu que, si Sa Sainteté se declaroit, les difficultés cesseroient. Les Ambassadeurs Imperiaux baillerent copie de la lettre de l'Empereur, eserite au Pape, à plusieurs à Trente : dont les Legats aduiserent aussi de leur part, de faire courir la copie de celle, qu'ils auoient enuoyée pour responce à l'Empereur, lors qu'il leur enuoya celle qu'il auoit eserite au Pape : laquelle estant conceuë & couchée selon les instructions de Rome, contenoit les mesmes sentimens, & conceptions que la lettre du Pape.

font resoudre le Pape à refuser la Reformation des François :

Le Pape, confrontant les propositions, qui luy estoient faites par tous les Ambassadeurs, avec les propos du Cardinal de Lorraine, qui luy estoient rapportés ; s'affermir de plus fort en son esprit, de ne condescendre aux propositions de Reformation, faites par les François. Et de vray aussi, tout homme de moyen entendement, non que le Pape, personnage de sens exquis, & fort versé en affaires, auroit aisément descouvert l'artifice, ourdy pour le tirer dans le filé, s'il n'y eust pris garde. Il consideroit, que de dire, qu'il se declarast, quelles estoient les demandes qu'il n'agreoit point, & qu'il laissast deliberer sur les autres, ne signifioit autre chose, sinon qu'il laissoit faire la planche par les vnes, pour donner passage puis apres aux autres, qui seroient à son prejudice. Et qui estoit celuy, qui pust douter, que l'impetration des premieres ne fust, ie ne dit pas vn bout & terme, mais vn degré pour passer là où on butoit ? Et que la relaxation des ordonnances Ecclesiastiques touchant les ceremonies, comme de la Communion du Calice,

du Celibat des Prestres, del'usage de la langue Latine, quoy que de prime face elle ne semblast deroger en rien à l'autorité Papale; ne caust la prompte & totale destruction & renuersement des fondemens de l'Eglise Romaine? Il consideroit qu'il y a des choses, qui d'abord semblent pouuoir estre admises sans diminution del'autorité, lesquelles l'homme prudent, qui doit prendre garde, non tant aux commencemens, qu'aux issues des choses, doit rabatre de bonne heure, pour leurs consequences ineuitables. Pour ces causes donc, il se resolut de ne ceder à ces premieres demarches: & pensant & repensant quels remedes il pourroit employer, il retourna à ses premieres erres, que le Roy d'Espagne n'auoit ny interest, ny affection particuliere, en la poursuite des instances, qui auoient esté faites: mais que l'Empereur, & les François, y estoient fort bandés, esperans de contenter leurs peuples, & d'appaiser leurs discordes ciuiles par ce moyen: mais que, si on leur pouuoit faire comprendre, que les heretiques inculquoient la Reformation, pour auoir vn pretexte de se tenir separés de l'Eglise, mais qu'ores qu'elle fust faite en toute perfection, ils ne se reduiroient iamais; ils se deporteroient de leurs instances, & laisseroient terminer paisiblement le Concile. Partant il se tourna tout entier à essayer de surmonter les difficultés par cete voye: & ayant bien diligemment consideré toutes choses, il crut, qu'il estoit plus aisé de persuader l'Empereur, lequel auoit le pouuoir de deliberer de soy-mesme tout seul; & estoit de plus aisé, & meilleur naturel, esloigné des artifices, & non gesné par aucune necessité de guerre: en lieu qu'en France, le Roy estant enfant, & ceux qui gouernoient l'estat en grand nombre, pleins d'artifices & d'interests, il estoit bien mal-aisé de pouuoir faire aucun fruit. Il prit donc ce party, & ordonna que le Cardinal Moron, auant que donner commencement aux affaires du Concile, allast vers l'Empereur pour cet effet. Et se ressouenant de ce, que le Cardinal de Lorraine auoit dit de quelque pensée del'Empereur d'aller à Bologne, pour receuoir la couronne, il delibera de sonder là dessus ledit Cardinal, pour voir s'il le pouuoit induire à en estre le moyennier, pour transferer par mesme moyen le Concile en icelle ville. Et bailla charge à l'Euesque de Ventimile, de s'insinuer à luy, & de tascher de l'induire à moyenner cet affaire. Et, pour luy donner quelque entrée, il fit que le Cardinal Borromée luy bailla la charge de se condouloir avec luy de la mort du grand Prieur, son frere. Mais, cette commission estant arriüée apres le depart du Cardinal, qui alloit à Padouë, l'Euesque communiqua le fait au Cardinal Simonete, & conclurent entr'eux, que l'importance de l'affaire ne permettoit aucun delay, ne d'en traiter autrement que bouche à bouche. Et partant ledit Euesque se resolut d'aller apres le Cardinal, sous couleur de visiter à Padouë vn sien neveu grieuement malade. Estant arriüé, il visita le Cardinal, & luy presenta les lettres du Cardinal Borromée, & fit l'office de la doleance: ne faisant point de semblant d'auoir à traiter vn si grand affaire avec luy. Mais, estans entrés en discours, le Cardinal luy demanda ce qu'il y auoit de nouveau à Trente, dès son depart: & s'il estoit vray, que le Cardinal Moron dust aller trouuer l'Empereur, comme le bruit en estoit. Apres plusieurs deuis del'un & del'autre, l'Euesque luy ramentut, que Sa Seigneurie Illustrissime luy auoit autresfois dit à Trente, que si le Pape se vouloit transporter à Bologne l'Empereur y iroit, ce qui porteroit occasion de faire le couronnement, en la possession duquel Sa Sainteté auoit grand interest de se maintenir, attendu que l'Allemagne le luy quereloit. Le Cardinal asseura cela mesmes de nouveau: & là dessus l'Euesque luy dit, Qu'en ce temps-là il en auoit donné auis au Pape, & qu'à present il en auoit receu response: de laquelle il recueilloit, qu'il se presentoit à Sa Seigneurie Illustrissime vne tres-belle occasion de porter vn grand benefice à l'Eglise de Dieu, en s'employant à l'execution d'un si beau & vtile dessein. Car, en cas qu'il disposast l'Empereur à aller à Bologne, & quant & quant à y appeller le Concile, il pouuoit tenir pour tout asseuré, que Sa Sainteté se resoudroit

1563. aussi d'y aller : au moyen dequoy, avec l'assistance du Pape, & de l'Empereur, les affaires du Concile pourroient auoir prompte & heureuse issue. Et sur ce, que le Cardinal de Lorraine monstra de desirer de voir ce qui luy estoit escrit, l'Euesque, feignant de proceder avec luy en toute franchise, luy monstra les lettres du Cardinal Borromée, & vn billet de Ptolemée Gallo, Secrétaire du Pape, sur le mesme sujet.

*mais il le
trouue si
conueni-
variable,
qu'il n'y
peut assoi-
aucun des-
sein,*

Le Cardinal, ayant tout lu, respondit, que, quand il seroit de retour à Trente, il esclairoiroit de plus pres quelle estoit la pensée de l'Empereur, & ce que le Pape luy auoit respondu : dont il pourroit prendre resolution, & ne faudroit à s'y employer, si besoin estoit. L'Euesque luy repliqua, qu'il pouuoit clairement comprendre l'intention de Sa Sainteté, par les lettres qu'il luy auoit montrées, & n'estoit besoin d'en attendre aucun plus grand esclarcissement. Mais le Cardinal se glissa en d'autres propos, & ne fut iamais possible à l'Euesque, quoy que souuent il retournast à la mesme touche, de tirer de luy autre responce en substance. Bien luy dit-il, qu'il auoit parlé du voyage de l'Empereur à Bologne, à cause de la bonne intention, que le Pape donnoit à l'Empereur touchant la Reformation. Mais puis que par vn si long espace de temps on auoit veu, que, quoy que Sa Sainteté promist beaucoup, & mesmes plus qu'on ne requeroit, rien n'en estoit pourtant effectué au Concile; l'Empereur, & les autres Princes auoient pris cete creance, que veritablement Sa Sainteté n'auoit iamais affectionné la Reformation : car autrement, les Legats n'auroient point failly d'exécuter sa volonté. Et de plus il dit, que l'Empereur estoit malcontent : d'autant que le Pape, ayant au mois de Ianuier prochainement passé, montré quelque intention de vouloir aller à Bologne, il s'en estoit tout aussi-tost refroidy. Et que quand l'Empereur auoit touché de vouloir entreuenir au Concile, le Pape auoit fait tout deuoir pour le diuertir de cete pensée. Et, vsant de son ordinaire varieté de langage, il dit de plus, que l'Empereur ne se resoudroit iamais d'aller à Bologne, pour ne faire chose desagreable aux Princes, lesquels pourroient douter, que, quand il seroit là, Sa Sainteté voudroit gouverner toutes choses à sa discretion, & terminer le Concile à son bon plaisir, sans faire la Reformation. Il declara aussi, qu'il auoit aduis de l'instance de la reformation faite par D. Louis d'Auila, au nom du Roy Catholique : montrant grand contentement de ces nouuelles : & passant aux particularités, il adiouta, qu'il estoit necessaire de faire la reformation des l'Alpha iusques à l'Omega : & que ce seroit tres-bien fait d'oster du Concile iusques à cinquante Euesques, lesquels tousiours s'opposoient à toutes bonnes resolutions. Il dit aussi, que par le passé il auoit cru qu'il y eust plus d'abus en France, qu'en autres lieux : mais que depuis il auoit reconnu, qu'en Italie il y auoit aussi beaucoup à redire. Qu'on y voyoit des Eglises, possédées par des Cardinaux, lesquels n'ayans autre but, que d'en tirer les reuenus, les laissoient à l'abandon ; remettans le soin & la charge d'icelles à quelque pauvre Prestre : dont naissoient les ruines des Eglises, les Simonies, & autres infinis desordres : au remede desquels les Princes, & leurs Officiers, s'estoient tousiours portés avec beaucoup de retenue, croyans qu'une fois en fin on feroit la tant desirée Reformation. Et que luy mesme auoit precedé avec toute sorte de respect : mais que, voyant, qu'il estoit meshuy temps de proceder en liberté, pour l'honneur & le seruice de Dieu, il ne vouloit plus garder sa conscience chargée : mais estoit resolu de parler de cela, la premiere fois qu'il luy escherroit d'opiner. Que sa maison auoit beaucoup souffert, comme chacun pouuoit sçauoir, pour la maintenance de la Religion, & pour le seruice de Dieu ; y ayant perdu deux siens freres. Que, pour luy, il vouloit se perdre en la mesme cause, quoy que non par la voye des armes, comme eux. Que Sa Sainteté ne deuoit prester l'oreille à ceux, qui taschoient de la diuertir de ses saintes intentions, & mouuemens : ains se resoudre à acquerir merite enuers Dieu, en ostant les abus de l'Eglise. Il dit d'auantage, qu'à la venue des nouveaux Legats, bien informés des intentions de Sa Sainteté, on pourroit clairement reconnoistre

le fonds de la pensée du Pape touchant la Reformation : & que lors que toute excuse seroit ostée de la plus retarder. Et nonobstant que l'Euesque de Ventimile le remist souuent sur le propos du voyage de Bologne, il s'en eschappa tousiours, & diuertit le discours ailleurs. L'Euesque de Ventimile donna aduis de tout à Rome, y adioustant aussi son iugement, qui estoit, Que, nonobstant toutes les intentions qu'eust autresfois donné le Cardinal de ce voyage de Bologne, il en auoit le cœur fort esloigné : & l'auoit dit à dessein, pour descouvrir l'intention de Sa Sainteté, & de la Cour de Rome : & qu'il estoit bon del'auoir descouuert en ce temps : car, s'il eust dit de s'y vouloir employer, il eust pu porter l'affaire en longueur, & faire naistre diuers accidens preiudiciables.

Il vint en ce temps nouuelle à Rome, que le Roy de France auoit fait *nouuelle* paix avec les Huguenots, sans qu'on en fust encor les particularités. L'opinion fut, que cete paix auoit esté brassée par quelques Prelats, qui ne *de la paix* s'estoient point de vray declarés Protestans, mais ne laissoient pas pourtant *d'Orleans* d'en suiure le party, dont le Pape delibera de les descouvrir : ayant accoustumé de dire, Qu'il receuoit plus de dommage des heretiques masqués, que *incite le* des manifestes. Et pour ce faire tint Consistoire le trenté-vnième Mars, *Pape à faire* auquel il fit premierement lire la lettre, que luy auoit escrit l'Empereur, *re proceder* ensemble la responce qu'il luy auoit renduë. Et de là il passa à reciter les confusions de France : sur quoy il dit, Que le Cardinal de Chastillon, ayant *diuers* quitté le nom d'Euesque de Beauuais, pour prendre celuy de Conte de Beauuais, s'estoit déclaré foy-mesmes priué & decheu du Chapeau de Cardinal. Qu'à luy, & à l'Archeuesque d'Aix, & à l'Euesque de Valence, & à quelques autres, deuoient estre attribués & imputés tous les desordres de France. Que ces choses estoient bien notoires, & n'auoient besoin de plus grande clarté, pour en venir à vne sentence definitive. Que toutesfois il ordonnoit que les Cardinaux, commis sur l'Inquisition, procedassent par enquestes, informations, & autres formes ordinaires, contr'eux. Le Cardinal de Pise respondit, Qu'il y auoit besoin en cela d'un special pouuoir. Partant, le Pape commanda qu'il en fust fait vne Bulle, laquelle fut datée du septième Aueil, & contenoit en substance, Que le Pape de Rome est Vicaire de Christ, auquel iceluy a recommandé de paistre ses brebis, de surueiller à la reduction des desuoyés, & de reprimer, par la crainte des peines temporelles, ceux qui sont incorrigibles par admonitions : laquelle charge dès le commencement de son assomption, il auoit tousiours accomplie de son pouuoir. Mais, nonobstant toutes ses diligences, il y auoit quelques Euesques, qui estoient tombés en erreurs d'heresie, & mesmes fauorisoient les autres heretiques, en impugnant la foy. À quoy voulant pouruoir, il commandoit aux Inquisiteurs generaux de Rome, ausquels autresfois il auoit donné la mesme commission, de proceder contre ceux qui estoient tels, quoy qu'Euesques, & Cardinaux, habitans es lieux, esquels la Secte Lutherienne est puissante : & leur donnoit pouuoir de les citer par Edit à Rome, ou es confins des terres de l'Eglise, à comparoir personnellement : & à defaut de ce, de passer outre iusques à sentence, laquelle il prononceroit en Consistoire secret. Les Cardinaux, en execution du commandement du Pape, citerent par Edit à comparoir personnellement à Rome, pour se purger du crime d'heresie, & de fauteurs d'heretiques, Odet Cardinal de Chastillon ; Saint Romain, Archeuesque d'Aix ; Iean de Monluc, Euesque de Valence ; Iean Antoine Caracciolo, Neapolitain, Euesque de Troyes ; Iean de Brabançon, Euesque de Pamiers ; & Charles Gilar, Euesque de Chartres.

Pour retourner à Trente, l'absence du Cardinal de Lorraine, & l'atténuation de la venue des nouveaux Legats, & l'opinion qu'on auoit de quelque *arriuee à* changement de style & procedure au Concile, ensemble les iours de la *Trente du* Passion, & de Pasques prochain, donnerent vn peu de respit des negotiations. *Cardinal* *Moron,*

Le grand Vendredy, le Cardinal Madruce fut de retour, pour faire honneur

1563. au Legat Moron, lequel on attendoit de iour à autre: comme de fait il arriua le Samedy Saint, sur le tard, & fit son entrée Pontificalement, sous le poile, les Legats, Ambassadeurs, & Peres du Concile, ensemble le Clergé de la ville luy estant allé au deuant: & fut en cete sorte conduit en l'Eglise Cathedrale, là où furent faites les ceremonies accoustumées en la reception des Legats. Le lendemain, qui fut le iour de Pasques il chanta Messe solennelle en la Chapelle. Et ce mesme iour arriua le Conte de Lune, plusieurs Prelats, & les Ambassadeurs luy estans allés au deuant. Et entra dans la ville au milieu des Ambassadeurs de l'Empereur, & de France, avec beaucoup de signes & demonstrations d'amitié. Ceux de France le visiterent, & luy dirent, Qu'ils auoient commission du Roy & de la Roine, de luy communiquer tous leurs affaires: & s'offrirent de s'employer avec luy en tout ce qui escheroit pour le seruice du Roy Catholic, son Maistre. Il leur respondit, Qu'il auoit aussi la mesme charge de leur communiquer sa negotiation, & qu'il entretiendroit bonne correspondance avec eux. De là il visita les Legats, ausquels il vfa de paroles fort amiables, & leur fit de grands offres en general.

Esareception en Congregation, en laquelle il harangue, Le treizième Aupil fut tenuë Congregation, pour receuoir le Cardinal Moron: & en icelle, apres que le Bref de la Legation eust esté lu, il fit vne harangue belle, & fort à propos: & dit en icelle, Que les guerres, les seditions, & autres calamités presentes, & pendantes sur l'Eglise à cause de ses pechés cesseroient, quand on auroit trouuë le moyen d'appaiser l'ire de Dieu, & de reestabliir l'ancienne pureté. Qu'à cet effet le Pape, par vn tres-sage conseil, auoit conuoqué le Concile, auquel estoient presens deux Cardinaux; Princes illustres en noblesse, & vertu: les Ambassadeurs de l'Empereur, & de tant de grands Rois, Villes libres, Princes & Nations: & Prelats excellens en sçauoir, & prud'homme; & Theologiens tres-sçauans. Qu'en la poursuite d'iceluy estans morts les Cardinaux de Mantouë, & Seripande, le Pape l'auoit substitué en leur place luy adioignant le Cardinal Nauagier. Qu'il auoit instamment refusé cete charge, reconnoissant bien la pesanteur du fardeau, & la foiblesse de ses forces. Mais, que la necessité de l'obeïssance auoit vaincu la crainte. Qu'il auoit commandement, dès aussi-tost qu'il seroit arriué, d'aller vers l'Empereur, là où il ne deuoit faire long sejour; ains s'en retourner promptement, pour traiter, en compagnie des autres Legats, avec les Peres, ce qui estoit pour le salut des peuples, pour la splendeur de l'Eglise, & pour la gloire de Christ. Qu'il portoit avec soy deux choses: la premiere, Vne tres-bonne & droite volonté du Pape, à faire, que la Doctrinne de la foy fust affermie, que les mœurs fussent amendés & reformés, qu'il fust pourueu aux necessités des prouinces & estats; & que la paix & l'vnion fust establie, voire mesmes avec les Aduersaires: entant que faire se pourroit, la pieté, & la dignité du S. Siege sauue: l'autre, Sa propre inclination & promptitude à exercer les commandemens de Sa Sainteté. Et prioit les Peres, de quitter les debats, & les discordes, dont la Chrestienté prenoit grande matiere d'offense, & de scandale, & de se deporter des questions inutiles, pour traiter serieusement des choses necessaires.

artificiels propos du Conte de Lune aux Prelats Espagnols Le Conte de Lune alloit faisant office avec tous les Prelats, Vassaux de son Roy, Espagnols & Italiens, ou beneficiés en ses Estats: les exhortant, au nom de Sa Maïesté, à estre bien vnïs ensemble au seruice de Dieu, & à porter reuerence au Siege Apostolic, & à ne s'outrager point: Disant, qu'il auoit commission d'informer le Roy particulierement de la procedure d'un chacun: & promettant que Sa Maïesté agreeroit singulierement ceux, qui en cela suiueroient son desir: lequel n'estoit point pourtant, qu'ils dissent chose quelconque contre leur conscience. Et parloit en sorte, que chacun comprenoit bien, que ces dernieres paroles estoient dites serieusement, & que les premieres n'estoient que termes de ceremonie.

le Cardinal Moron Le Cardinal Moron auroit bien desiré, auant son depart vers l'Empereur, de voir le Cardinal de Lorraine: lequel, de son costé, differoit son re-

tour, pour n'auoir occasion de s'aboucher auec luy. Car, ayant parlé à Venise auec le Cardinal Nauagier, & descouuert vne bonne partie des instructions du Pape, il falloit fuir l'occasion, que Moron, en luy communiquant, ou tout, ou partie, de ce qu'il deuoit traiter auec l'Empereur, ne l'engageast en quelque obligation. Partant Moron partit le seizième Aueil : disant, de n'auoir autre charge, que de iustifier la bonne intention du Pape, à faire que le Concile fust continue, & qu'on vint à vne entière reformation de l'Eglise, sans aucune exception. Mais on sçauoit trop mieux les autres commissions qu'il auoit, tendantes à distraire l'Empereur de la pensée d'aller à Trente, & à le rendre capable, que sa presence y porteroit plusieurs empeschemens à la Reformation : & à excuser le Pape, de ce qu'il ne pouuoit aller en personne au Concile : & à prier l'Empereur, qu'il en acceleraist l'expedition & la fin : & à luy proposer, pour vnique moyen, la translation d'iceluy à Bologne, là où Sa Maiesté se pourroit trouuer auec le Pape, & par vn mesme moyen, receuoir, en vne si celebre assemblée, la couronne de l'Empire : faueur telle, qu'il n'est memoire qu'aucun Empereur en ait onc receu de pareille. Il auoit aussi charge, de le prier de maintenir l'autorité du Siege Apostolic, contre tant de machinations, qui se faisoient pour la raualer, voire mesmes aheantir tout à fait : & de faire en sorte que la Reformation de la Cour de Rome ne se fist point à Trente, ains par le Pape mesmes : & qu'on ne traitast nullement d'entrer en reuision des choses determinées sous les Papes Paul, & Jules, au mesme Concile : & que Sa Maiesté trouuaist bon que les Decrets du Concile fussent faits à la proposition des seuls Legats : à tel si toutesfois, qu'ils feroient premierement part de tout aux Ambassadeurs de Sa Maiesté, & des autres Princes, & auroient leur consentement. Il auoit aussi charge, de donner esperance à l'Empereur, que le Pape luy accorderoit à part tout ce qu'il sçauoit demander pour ses peuples : & de le distraire de toute intelligence auec le Roy de France au fait du Concile : luy remontrant que, comme l'estat des affaires au Royaume de France, & en Allemagne, n'estoit point le mesme : aussi le but, & les conseils de l'un & de l'autre deuoient estre diuers & differents. Les Legats, qui demurerent à Trente, donnoient cependant fort aisément congé de departir aux Prelats : & sur tout, à ceux qui tenoient l'Institution des Euesques, & la Residence, estre de droit diuin.

Le vingtième Aueil, le Cardinal de Lorraine retourna : & les Ambassadeurs de l'Empereur, de Pologne, & de Sauoye, luy allerent au deuant. Et le mesme iour arriua la nouuelle de la paix faite en France auec les Huguenots, laquelle de vray fut aduantageuse aux Catholics. Car, apres la bataille de Dreux, dont il a esté parlé cy-dessus, les affaires des deux partis furent fort balancées, iusques à la mort du Duc de Guise : apres laquelle, l'Admiral faillit, & prit le chasteau de Caen, auec tant de perte du costé des Catholics, & tant de reputation pour l'Admiral, qu'il fut resolu, au Conseil du Roy, de conclurre le traité de paix, lequel depuis, la bataille auoit tousiours esté entre tenu. Le septième Mars fut fait vn pour parler sur ce suiet, auquel furent amenés le Prince de Condé, & le Connestable prisonniers, lesquels mesmes furent relaschés sur leur foy, pour conclurre les conditions. Septante-deux Ministres des Eglises reformées se trouuerent ensemble, & resolurent de ne consentir à aucun accord, sauf sous le bénéfice de l'Edit de Ianuier, sans exception, ne condition : & mesmes auec ce surcroist, que leur Religion ne fust plus appellée nouuelle : & que les enfans, baptisés par eux, ne fussent point rebaptisés : & que leurs mariages, & les enfans qui en naistroient, fussent tenus pour legitimes. Iceux demeurans fermes sans en rien vouloir relascher, le Prince de Condé, & la Noblesse, lassés de la guerre, conclurent l'accord, sans y appeler plus les Ministres. Les Articles, pour le fait de la Religion, furent, Qu'es lieux, esquels les Gentils-hommes Huguenots auoient haute iustice, appellés siefs de haubert, ils pussent viure en leurs maisons en liberté de conscience, & auec l'exercice de la Religion reformée

1563.
trouuer
l'Empe-
reur pour
le ployer
aux inté-
tions du
Pape sur
le fait du
Concile

le Cardi-
nal de Lor-
raine re-
tourne à
Trente a-
uec la nou-
uelle de la
paix d'Or-
léans, dont
les causes,
& les con-
ditions sont
descries :

1563.

ensemble leurs domestics, & suiets. Qu'és autres fiefs, mouuans, non d'autres Seigneurs de haute iustice, mais du Roy immédiatement, les Gentilshommes pussent iouir du mesme droit en leurs maisons, pour eux, & pour leurs domestics tant seulement. Qu'en chaque ville de Bailliage és faubourgs il y eust quelque lieu assigné pour l'exercice de ladite Religion, pour tous ceux du ressort. Que chacun en sa maison pust viure en liberté sans estre recherché, ne moleste pour la conscience. Qu'en toutes les villes, esquelles il y auoit eu exercice de ladite Religion iusques au septième Mars, iceluy fust continué en vn ou deux lieux de chaque ville: mais qu'il ne leur fust permis d'occuper les Eglises Catholiques: ains que les Ecclesiastiques fussent remis en toutes celles, qui auoient esté occupées, sans toutesfois pretendre chose quelconque pour les demolitions faites. Qu'en la ville, & Preuosté de Paris, il n'y eust aucun exercice de ladite Religion: mais bien, que ceux, qui y auoient maisons & biens, y pussent retourner, & iouir de leurs biens, sans estre molestés ne recherchés du passé, ny à l'aduenir pour leur conscience. Que tous retournaissent à leurs biens, honneurs, & charges, nonobstant toutes sentences au contraire, & executions d'icelles, depuis la mort de Henry deuxième iusques alors. Qu'il fust dit & déclaré, que tout ce que le Prince de Condé, & ceux qui l'auoient suiuy, auoient fait, auoit esté fait à bonne fin, & pour le seruice du Roy. Que tous prisonniers de guerre, ou de iustice pour cause de Religion, fussent eslargis, sans payer. Qu'une amnestie & oubliance de toutes choses passées fust publiée, & fust detendu à tous de s'outrager, & prouoquer l'un l'autre: & de debatre & quereler ensemble pour cause de Religion: mais que tous eussent à viure en freres, amis, & bons compatriotes. Cet accord fut fait & passe le douzième Mars, au mescontentement de l'Admiral, lequel disoit, Que leurs affaires n'estoient point en estat de composer sous conditions tant des-auantageuses. Que des le beau commencement de la guerre, il leur auoit esté offert de faire la paix sous le benefice de l'Edit de Ianuier: & alors, qu'il falloit obtenir plus grands aduantages, on les diminuoit. Que d'ordonner qu'en chaque ville de Bailliage il n'y eust qu'un seul lieu pour l'exercice de la Religion, n'estoit autre qu'oster à Dieu le total, pour le faire contenter d'une partie. Mais la commune inclination de toute la noblesse le contraignit d'acquiescer. Le Roy despescha ses lettres Royaux sur ces conditions, en date du dix-neufuiesme du mesme mois: par lesquelles il disoit, Que, dès quelques années, il auoit plu à Dieu de permettre que le Royaume fust affligé de troubles pour cause de Religion, & de scrupules de consciences, dont en fin on estoit venu aux armes, avec infinis meurtres, saccagemens de villes, & ruines d'Eglises: mais que, le mal continuant, il auoit trouué par experience, que la guerre n'estoit pas le vray remede à cete maladie: & pourtant, qu'il auoit aduisé de reünir ses suiets en vne bonne paix: avec esperance, que le temps, & l'effet d'un saint, & libre, General, ou National Concile, apporteroient quelque bon & ferme ordre & establissement aux affaires. Que cependant il vouloit que ces conditions du traité, fait avec ses suiets de la Religion pretendue reformée, fussent inuiolablement gardées. Et en cet endroit estoient inserés les Articles concernans les affaires de la Religion, outre les autres, regardans les affaires d'Estat. Ces lettres furent lues, publiées, & enregistrées en la Cour de Parlement: & puis proclamées à cri public en la ville de Paris, le vingt-septième du mesme mois.

*Et icelle
est syndi-
quée par
les Prelats*

Ce traité fut blasmé au Concile par la plus grande partie des Prelats, qui disoient, Que c'estoit preferer les choses mondaines à celles de Dieu: ains, que c'estoit ruiner les vnes & les autres tout ensemble: car le fondement de la Religion estant sappé en vn estat, il faut de necessité, que le temporel tresbuche en confusion & desolation. Qu'on en auoit veu l'exemple, en l'Edit de pacification precedent, lequel n'auoit point porté de paix ne de tranquillité à l'Estat, comme on esperoit: ains vne guerre pire qu'auparuant. Et y auoit mesmes entre les Prelats de ceux qui disoient, Que le Roy, & son

son Conseil, estoient encourus en l'excommunication, & interdit, porté par tant de Decretales, & Bulles, pour auoir donné la paix aux heretiques. Et que pour cete cause, il ne falloit point esperer, que les affaires de ce Royaume pussent iamais prosperer, veu qu'il y auoit vne si manifeste rebellion contre le Siege Apostolic, iusques à tant, que le Roy, & son Conseil, ne se fussent faits absoudre des Censures, & ne vinssent à persecuter les heretiques à outrance, & de toutes leurs forces. Quelques François maintenoient bien au contraire, Que les calamités, ia par si long-temps continuellement supportees par la France, & le danger eminent de la ruine du Royaume, iustificoyent assez ce traité, contre les obiections de ceux, qui ne regardoyent qu'à leurs interests, & ne consideroyent point la necessité, à laquelle le Roi se trouuoit réduit, & laquelle rompt toutes loix: lesquelles doiuent toutes ceder à celle de Romulus, Que le salut de la Republique est la souueraine loi par dessus toutes. Ces raisons estoient de peu de poids, & l'Edit du Roi estoit blâmé, sur tout pour la preface, qui portoit, Qu'il y auoit esperance, que le temps, & l'effet d'un libre & saint, ou General ou National Concile, apporteroient l'establissement du repos public: ce qu'ils prenoient à iniure contre le Concile General, Comme estant mis en alternatiue avec vn National. Ioint que les Cardinaux de Bourbon, & de Guise, y estoient nommés entre les auteurs & chefs de ce conseil de faire la paix: ce qu'aussi ils disoyent estre avec grand outrage contre le Siege Apostolic.

Il y eut aussi vn peu d'esmotions interieure au dedans du Concile, qui donna beaucoup à parler, quoi que la cause en fust legere. Frere Pierre de Soto, Iacopin Espagnol, mourut en ce temps-là à Trente: & trois iours auant sa mort, il dicta & signa vne lettre, laquelle il vouloit estre enuoyée au Pape, en laquelle, en forme de confession, il declaroit sa pensee sur les points qui estoient contentieux au Concile: & particulièrement exhortoit le Pape à condescendre, que la Residence, & l'Institution des Euesques, fussent dites & declaree estre de droit diuin. La lettre fut enuoyee au Pape: mais copie en fut gardee par vn autre Moine Louis Soto, qui demouroit avec ledit Pierre. Icelui cuidant honorer la memoire de son compagnon, se mit à en semer des copies: dont diuers iugemens estoient faits car les vns estoient esmus de l'action d'un Docteur de tresbonne vie, & proche de sa mort: autres disoyent, que cela n'auoit point esté fait du propre mouvement du Pere Soto, mais à la suscitation de l'Archeuesque de Bragance. Le Cardinal Simonete fit tout deuoir de ramasser toutes ces copies, qui en courroyent: mais cela ne fit que redoubler la curiosité, & les fit publier d'autant plus, en sorte qu'elles coururent par les mains de tous. Et est chose certaine, que par cete accident les defenseurs de ses opinions prirent beaucoup plus de courage. Les Espagnols s'assembloient souuent chez le Comte de Lune: & là l'Archeuesque de Grenade l'informant des choses passées, & presentes du Concile, tout à point les Euesques de Liria, & de Patti, Espagnols, s'estans retires, dit. Ceux-cy sont des perdus, lesquels comme bestes, se laissent mettre la charge sur le dos, & mener au bon plaisir & gré d'autrui, ne seruans que de nombre. Et là dessus adiousta, Que si es resolutions des affaires, il falloit se tenir au nombre des voix, comme il auoit esté fait iusques alors; on ne pouuoit esperer grand fruit: & pourtant, qu'il estoit necessaire que les affaires fussent traitées par Nations. A quoy le Comte respondit, Qu'il falloit pouruoir à cela, & à plusieurs autres choses: commençant par la reuocation du Decret, que les seuls Legats pussent proposer; & par l'establissement de la liberté du Concile: desquelles choses aussi il auoit speciale commission du Roy. D'autant que ces choses-là estans bien ordonnées, il seroit bien aisé de pouruoir au demeurant. Les Legats, & les autres partisans du Pape, auoient du desplaisir, de voir, que les Prelats Espagnols, leurs contraires n'abandonnoient iamais le Conte. Et comme il aduint ordinairement, que là: où il y a factions contraires, si quel-

*broüillées
vieses-pra-
tiques au
Concile à
l'occasion
d'une let-
tre de So-
to escrite
au Pape*

*les paris-
sans du
Pape cap-
tue le Co-
te de Lune*

1563.

cun y arriue de nouveau, chacun espere de le gaigner, & de le retirer à son parti; iceux aussi procurerent de luy mettre aux costés des prelatz, suiets du Roy, lesquels ils appelloient bien affectionnés, à cause qu'ils s'entendoyent avec eux, pour faire de bons offices: & comme ils disoyent, pour le desabuser, & lui faire conoistre la verité. A cela mesmes ils employerent aussi l'Ambassadeur de Portugal, lequel auoit beaucoup d'occasions de parler souuent avec lui, pource que les interets de ces deux Rois, es choses Ecclesiastiques, estoient quasi les mesmes & lui, pour les obligations, qu'il auoit au Pape, faisoit, avec vne singuliere d'extériorité couler es oreilles du Comte ce qui lui estoit suggeré par les Ministres du Pape, en faueur de la Cour de Rome.

*declaratiō
de prolonger le iour
de la session
en contredite par le
Cardinal de Lorraine.*

Le vintdeuxième Aueil, iour destiné à la Session, approchant, le iour precedent fut tenue Congregation, pour deliberer de la prolonger: & les deux Legats proposerent la prolongation iusques au troisième iour. Mais le Cardinal de Lorraine fut de contraire aduis: & dit, Que c'estoit vn grand scandale à toute la Chrestienté, d'auoir tant de fois prolongé cete Session, sans l'auoir iamais tenuë: qu'icelui s'accroistroit encor d'auantage, si on l'assignoit derechef à vn certain iour, au delà duquel il la falust encor dilayer. Et pourtant, voyant que, de tant de choses qui auoyent esté proposees, & traitees, tant sur la matiere de la Residence, que sur celle du Sacrement de l'Ordre, & du Mariage, rien n'auoit encor esté resolu; il n'estoit pas à propos de presiger vn certain iour mais qu'il valoit mieux attendre à deliberer du iour de la Session iusques au vingtième Mai, auquel on pourroit plus à clair voir le progrès des affaires, & là dessus assigner vn iour certain. Et qu'en cet entretemps, pour faire tousiours quelque chose, on pourroit opiner sur les Articles des abus du Sacrement de l'Ordre: & cependant le Cardinal Moron pourroit estre de retour de deuers l'Empereur, avec ample resolution, par laquelle les controuerses pourroyent estre composees, & avec quelque bonne diligence le Concile pourroit estre terminé dans deux ou trois mois. Le Cardinal Madruce suiuit cete opinion, & apres lui tant de Peres, qu'elle l'emporta: tellement qu'il fust arresté, qu'au vingtième Mai seroit assigné iour prefix pour celebrer la prochaine Session.

*prediction
d'un Euesque,
sur l'euement
du Concile.*

Apres la Congregation, il aduint que Anthoine Ciurelia, Euesque de Budua en Esclauonie, lequel par le passé auoit accoustumé d'entretenir en opinant les Peres de quelque raillerie, à laquelle souuent il adioustoit quelques propheties ridicules, lesquelles aussi on enuoyoit hors en diuers endroits; en proposa lors vne sur la ville de Trente imitant celles qu'on trouue en grand nombre au Prophete Isaie, lors que sont descrites les charges, & calamités de diuerses villes. Et disoit en substance, Que Trente auoit esté fauorisée, & eluë, pour estre la ville, laquelle deuoit estre estable vne generale concorde de la Chrestienté: mais, que s'estant, à cause de son inhospitalité, rendue digne de grand honneur, elle encourroit en bref la haine vniuerselle de tous, comme seminaire de plus grandes dissensions. Ce sens estoit bien desguisé sous la couuerture de diuers enigmes, en forme prophetique poetique: non toutesfois en telle sorte, qu'il ne fust fort aisément compris.

*ialousie
de: parti-
sans du Pa-
pe sur le
Cardinal
de Lorraine.*

Les partisans du Pape prirent grande ialousie de ce que le Cardinal de Lorraine auoit emporté le consentement de tous, avec tant de reputation: & considerant l'honneur, qui lui auoit esté fait le iour precedent, par ceux qui lui estoient allés au deuant; & comment son opinion auoit esté receüe par vn si grand nombre, ils estimoyent que non seulement il y alloit de l'honneur des Legats, mais que mesmes c'estoit vne breche faite au Decret que les seuls Legats pussent proposer. Et alloient disant quasi publiquement, que c'estoit à bon droit, que le Pape disoit, que ce Cardinal estoit Chef de parti, & qu'il prolongeoit l'expedition du Concile, & empeschoit la translation à Bologne. Mais le Cardinal, sans se soucier beaucoup de ce qu'on disoit à Trête, estoit entêté à la negociatiō avec l'Empereur, auquel il despeschayn

*lequel en-
uoye an-
me. l'Em-
pereur pour
le bien du
Concile.*

Gentil-homme, avec l'aduis de ses Docteurs sur les Articles mis en consultation par sa Maïesté : luy remontrant par le mesme, qu'il estoit necessaire, pour le bon progrès du Concile, qu'il parlast viement au Cardinal Moron, & luy monstraist le grand desir qu'il auoit de voir de bonnes resolutions, à la gloire de Dieu : & luy faisant entendre le desir de tous les bons Peres : & le priant qu'il ne s'esloignast point du Concile, à cause du bon fruit, que les Peres esperoient que son voisinage porteroit aux affaires, retenans chacun dans les bornes de son deuoir, & empeschant les efforts de quelques vns, qui auoient dessein de le transferer en vn autre lieu, comme on en auoit aduis de bonne part : & qu'auant que de partir d'Inspruck, Sa Maïeste se fist donner de bonnes assurances, que la liberté du Concile, duquel il estoit protecteur, seroit maintenue. Il luy enuoya aussi copie de l'Edit de pacification du Roy de France, & d'une lettre de la Reine d'Ecosse, par laquelle elle luy donnoit aduis d'auoir esté deliurée d'une grande coniuration, & qu'elle continuoït en la resolution de viure & de mourir en la Religion Catholique.

Et pour la fin, le Cardinal prioit sa Maïesté de trouuer quelque forme d'accommodement, qui empeschast qu'il ne fust disputé au Concile de la preface entre France & Espagne, afin de ne donner aucun destourbier à iceluy.

Cependant, que les deux Legats attendoient le retour du Cardinal Moron, pour n'estre là sans rien faire, le vingtquatrième Aueil ils communiquèrent aux Ambassadeurs les Degrets formés sur les abus du Sacrement de l'Ordre, afin qu'ils les pussent considerer : & le vingneuuième du mesme mois ils les baillerent aux Prelats. Sur le premier, qui estoit de l'election des Eueques, esquels estoient par iceluy requises les qualitez conformes aux anciens Canons, les Ambassadeurs des Roys ne s'en contenterent point, leur estant aduis qu'il restreignoit par trop l'autorité de leurs Princes en la presentation, ou nomination d'iceux : & en tous ces iours d'entre deux ils firent tout deuoir, & fu tout le Comte de Lune, afin que cet Article fust r'habillé, ou plustost omis tout à fait : disant, Qu'il ne pouuoit voir à quoy il pouuoit seruir : lequel aduis les Legats ne trouuoient point mauuais. Les Imperiaux aussi de leur party mettoient de la difficulté, à cause du dessein qu'il auoient de faire naistre occasion de traiter de l'election des Cardinaux, & en suite du Pape.

Ce iour mesme arriua de nuict le Cardinal Nauagier, ayant fait courir le bruit qu'il n'entreroit que le iour d'Après, & ce, pour fuir les rencontres, & les ceremonies. Iceluy porta, qu'à leur depart de Rome, le Pape leur auoit dit, Qu'ils fissent vne bonne & rigoureuse Reformation, sans toucher toutes-fois à l'autorité du S. Siege, qui est le point le plus necessaire, pour entretenir l'Eglise en bonne forme & reiglement.

Nonobstant tout cela, le Pape, es deuis qu'il auoit avec les Ambassadeurs des Princes residens aupres de soy, les requeroit de faire entendre à luy mesme la Reformation, que leurs Princes desiroient : en quoy son vray but estoit de faire, que luy donnant leurs demandes, ils se deportassent de les bailler au Concile : au moyen dequoy il eust occasion, en montrant des difficultez insurmontables sur chaque particularité, d'appaiser ce flot & humeur esmeue de Reformation. Et à cete mesme fin il disoit souuent, en parlant avec les Ambassadeurs Que les Princes se trompoient, croyant que la reformation fust pour ramener les heretiques : d'autant qu'iceux auoient tout premier apostaté, & puis auoient pris les abus & les deprauiations, pour pretexte. Que les vrayes causes, qui auoient mu les heretiques à fuir les faux Docteurs, n'estoient pas les desordres de l'Eglise, mais bien ceux de l'Estat : & pourtant, que quand ores les defauts des Ecclesiastiques seroient entierement corrigés, ils ne retourneroient point : ains inuenteroient d'autres couleurs, pour persister en leur obstination. Que ces abus pretendus n'estoient point en la premiere Eglise, & au temps des Apostres, & cependant alors il ne laissoit pas d'y auoir des heretiques, & bien en aussi grand nombre qu'à present, à pro-

1563.

portion du nombre des bons fideles. Que pour luy en bonne conscience, il desireroit de voir l'Eglise amendée, & les abus ostés: mais qu'il voyoit bien clairement que ceux, qui pourchassoient tant cete Reformation, ne visoient point à ce bon & saint but, ains à leurs profits particuliers, lesquels s'ils venoient à obtenir, les abus presens ne seroient point ostés, & en seroient encor introduits des pires. Que l'empeschement de la reformation ne venoit point de luy, ains des Princes, & des Prelats du Concile. Qu'il la feroit, voire mesmes bien rigoureuse: mais qu'il voyoit bien, que quand on viendroir à l'effet, les dissensions entre les Princes, dont les vns la voudroient d'une sorte, & les autres d'une autre; & celles d'entre les Prelats, non moins repugnans entr'eux, empescheroient le tout. Que pour luy il le preuoyoit, & reconnoissoit fort bien qu'il estoit innocent & peu honorable d'essayer vne chose, qui descouriroit beaucoup d'avantage les defauts communs & generaux. Qu'il aduouoit bien que ceux, qui requeroient la Reformation, y estoient portés de bon zele: mais comme dit Sainct Paul, sans prudence Chrestienne: & que par cete Reformation on ne feroit autre chose, sinon que, comme ia on conoissoit les maux de l'Eglise, on reconnoistroit encor de plus, qu'ils sont incurables: & qui pis est, on entreprendroit de les defendre & iustifier, comme bons & legitimes vsages.

*tasche de
gagner le
Cardinal
de Lorrain-
ne.*

Il attendoit avec impatience la conclusion de la negotiation du Cardinal Motion, duquel il auoit aduis, que l'Empereur auoit pris temps pour luy respondre: & que tousiours on continuoit à consulter sur ses Articles. En quoy il doutoit que le Cardinal de Lorraine n'eust grand part: & mesme tenoit pour assuré, que toutes les commissions, qui venoient de France à Rome, & au Concile, dependoient de l'aduis & conseil d'iceluy. Dont il se resolut d'essayer toutes voyes de le gagner à quoy se presenta vne belle occasion: c'est, que le Cardinal de Ferrare deuoit bien tost estre en Italie: & le Cardinal de Lorraine deuoit s'aboucher avec luy, pour plusieurs causes, concernant leurs neueux communs: surquoy le Pape escriuit à celuy de Ferrare, qu'il fist tout deuoir enuers celuy de Lorraine, pour luy faire trouuer bon que le Concile fust transferé à Bologne. Et afin qu'il fust bien instruit des choses qui se passoient au Concile; il ordonna que l'Euesque de Ventimile l'allast trouuer, auant que l'abouchement susdit se fist: & qu'outre ce que luy mesme en sauoit, il prist instruction des Legats.

*lettres du
roy de Fra-
nce, pour in-
stiter la
paix, &
pour re-
querir Re-
formation
au Concile.*

Le mois de May se commença par nouueaux discours sur la paix de la France, de laquelle estoient arrivées lettres du Roy au Cardinal de Lorraine, & aux Ambassadeurs Francois, avec charge de faire entendre le tout aux Peres du Concile, ou en general, ou en particulier, comme ils trouueroient plus à propos. La despesche estoit du quinzieme du mois precedent: & le suiet principal estoit de demonstrier, qu'en cete paix il n'auoit eu nulle intention de fauoriser l'introduction ou l'establissement d'une nouuelle Religion en son Royaume: ains au contraire, de pouoir, avec moins de difficulté & de contradiction, ramener tous les peuples à vne mesme sainte & Catholique Religion, apres que les armes & les calamités seroient cessées, & que les dissensions ciuiles seroient esteintes. Mais adioustoit, qu'il n'y auoit rien qui le pust tant aider à cet oeuvre, qu'une sainte & serieuse Reformation, telle qu'elle auoit esté tousiours esperée & attendue d'un general & libre Concile. Et pourtant, qu'il auoit deliberé d'enuoyer le President Birague à Trente, pour la solliciter. Mais que cependant il ne vouloit differer d'enioindre à ses Ambassadeurs, qui estoient à Trente, qu'ils eussent à toute bonne occasion, à faire sauoir aux Peres, que se ressentant encor bien fort des ruines, & afflictions, que la diuersité des opinions en la Religion auoit causé en son Royaume, avec eminent danger de la ruine & subuersion totale de l'Estat, il estoit resolu, auant que plus retourner à ces extremités, en cas que le Concile general ne fist son deuoir, & ce qu'on esperoit de luy, pour vne sainte & necessaire Reformation, d'en tenir un National en son Royaume: apres s'estre acquité de son deuoir deuant Dieu, & les hommes, par tant d'instances continuees enuers les Peres du Concile, & le Pape, pour obtenir le Concile general remede aux maux communs. Et que, pour paruenir tant plus aisement à ce bon but tant désiré, il auoit despesché le Sieur d'Oisel au Roy

Catholic, & le Sieu d'Allegre au Pape : & auoit commandé à Birague, qu'après qu'il auroit accompli sa charge enuers les Peres du Concile, il passast iusques à l'Empereur, pour essayer, si par le moyen de ces Princes, on pouuoit paruenir à vn si grand bien. 1563.

Il est certain, que le Pape eut fort à desplaisir la pais, qui auoit esté faite en France, tant pour le preiudice de son autorité, que pource qu'elle auoit esté concludë sans luy, qui auoit cōtribué tant d'argent à la guerre. Le mécontentement de l'Espagnol fust bien encor plus grand : car il luy estoit aduis d'auoir perdu l'argent & la peine : ayant tant frayé, & ayant eu part à la guerre & à la victoire par les gens : dont il ne luy sembloit pas raisonnable que l'accord fust conclud sans luy, au preiudice de la Religion, dont il s'estoit déclaré défenseur & protecteur : & sur tout, veu qu'il y auoit vn si notable interest, pour le preiudice qu'il en receuoit au gouuernement des Pais bas, auxquels toute prosperité des Huguenots en France releuoit le courage pour persister, voire meismes se fortifier dauantage en leur bouillonnante rebellion. Ces raisons, employées par l'Ambassadeur Catholic en France, avec beaucoup de bruit, firent resoudre à despescher ces Ambassades extraordinaires à Rome, & en Espagne, pour declarer que le Roy & son Conseil, n'auoient pas esté portés à cet accord de leur propre mouuement & volonté, mais de la pure & simple necessité, & de la crainte, que l'Allemagne ne vinsent de grands & puissans secours en faueur des Huguenots : comme ia on entendoit qu'ils s'apprestoient és enuirs de Strasbourg, & autres endroits : parce que les Allemans, qui auoient porté les armes en France, estans retournés en leurs maisons chargés de butin, conuioient les autres à y aller de mesme pour s'enrichir. Et n'estoit aussi sans crainte, qu'à cete occasion les Princes de l'Empire n'essayassent de recouurer Mets, Toul, Verdun, & autres villes & terres d'Empire : & qu'aussi la Roine d'Angleterre ne secourust les Huguenots encor plus puissamment, que par le passé, pour s'emparer de quelque autre place, comme elle auoit desia fait du Haure de Grace. Mais outre ce but principal de ses Ambassades, celle du Sieur d'Oisel portoit aussi commission, de proposer au Roy d'Espagne, que le Concile fust osté de Trente, & fust conuocé à Constance, Vvormes, ou Augsbourg : ou en quelque autre lieu d'Allemagne : & de luy remonstrer, que puis qu'on le celebrroit pour les Allemans, Anglois, Escossois, & partie des François, & d'autres nations lesquelles estoient toutes resoluës de n'adherer iamais à celui de Trente, ne de l'accepter, c'estoit en vain qu'on demouroit en ce lieu-là. Le Prince de Condé auoit esté auteur de cete negociation, esperant, par cete voye d'aggrandir bien fort son party, l'vnissant aux interests de tant de Royaumes, & Princes : ou du moins, d'affoiblir le party Catholic, trauersant le Concile de Trente, mais ce dessein ne reussit point : d'autant que le Roy d'Espagne, ayant ouy la proposition (ce que ie dy par anticipation, pour ne retourner plus à cet affaire) flaira incontinent où elle vifoit : & respondit tout nettement, Que le Concile auoit esté assemblé à Trente, avec toutes les solennités requises, du consentement de tous les Roys & Princes ; & à l'instance de François, Roy de France. Que l'Empereur estoit souuerain autant à Trente, comme és autres villes nommées par le Roy, pour donner pleine seureté à tous, en cas que les ja baillees ne semblassent suffisantes. Et partant, qu'il ne se pouuoit faire autre chose, que de le poursuiure, & trouuer bon tout ce qui y seroit dererminé. Il donna aussi aduis au Pape de tout l'affaire, & le certifia, qu'il ne se departiroit iamais de cete resolution.

A Trente, les François tinrent pour superflu de faire aucune instance aux Peres, conformément au commandement du Roy, auant la venue du Cardinal Moron : ayant vn concert entre tous, que les actions du Concile fussent toutes differées iusques alors. Mais l'Empereur n'auoit encores despesché ledit Cardinal, ains en ce mesme temps il fit entendre à celui de Lorraine, que par diuers accidens, & d'autant que les matieres estoient de tels poids & consequence, qu'elles meritoient meure deliberation, & consultation, il ne luy auoit pu rendre aucune response resoluë : mais qu'il esperoit bien en temps & lieu de la luy

rendretelle, que chacun pourroit reconnoistre ses actions correspondre au desir qu'il auoit de voir les affaires du Concile adressées au bien public & commun de tous. Et pourtant, que nonobstant ses autres occupations, & urgentes necessitez de ses autres prouinces, il deliberoit de s'arrester à Inspruck, pour fauoriser par sa presence, la liberté du Concile, tant qu'il y auoit esperance d'en voir quelque fruit. Le Cardinal Moron n'agreoit point cete longue demeure, & que l'Empereur remist ainsi toutes ses negotiations aux Theologiens & Conseillers : & tant luy que le Pape doutoient, que l'Empereur differast de luy donner resolution, iusques à ce qu'il eust ouy Birague, qu'on auoit desia entendu deuoir proposer la translation du Concile en Allemagne, pour contenter les Huguenots : à quoy le Pape estoit tout resolu de ne consentir point, tant par sa propre inclination, qu'à l'instance de tout le Colege des Cardinaux, & de toute la Cour de Rome. Et s'eschahissoit de l'humeur des François, lesquels d'un costé requeroient Reformation, & de l'autre demandoient la translation du Concile : & traitoient d'auoir subuention des Eglises, pour acquit des debtes du Royaume, & cependant se monstroient si grands fauteurs d'icelles, & de leurs libertés, & aduantages, ausquels rien n'est plus contraire que ces leuées & impositions de deniers.

les François se lassent du Concile, & les Docteurs se retirent. Mais la verité estoit, que les François, estans bien acertenés en eux mesmes de ne pouuoir obtenir du Concile chose aucune qui fust à leur aduantage, pendant que les Italiens faisoient le plus grand nombre, perdirent toute esperance d'iceluy, & commencerent à n'en tenir plus aucun conte, tant qu'il demeureroit à Trente, & osterent l'entretienement aux Theologiens enuoyés par le Roy, & donnerent congé de partir à quiconque vouloit, remettant toutesfois à leur choix de demeurer. A raison dequoy ils partirent quasi tous l'un apres l'autre. Les deux de Saint Benoist, Jean de Cartougne, & Jean de Verdun, demurerent là iusques à la fin, d'autant que leurs Conuents leurs fournissoient leur entretien : le Cordelier Hugonis y demeura aussi, à cause de la commodité, que les partisans du Pape luy donnoient de s'entretenir luy ayant fait auoir place, & bouche au Conuent des Cordeliers à Trente, outre l'appointement de cinquante escus qu'ils luy auoient assigné par quartier.

Examen du Cardinal de Lorraine sur l'escrit du Pape. Le Cardinal de Lorraine, ayant examiné & fait examiner les allegations & passages d'auteurs, enuoyés par le Pape à l'Empereur, & y ayant fait vne Censure, l'enuoya à l'Empereur. Il croyoit bien d'auoir fait le tout fort secrettement : mais le susdit Hugonis non seulement le descourrit, mais mesmes en fit sa copie, pour la bailler aux Legats, lesquels attendans du iour à autre le Cardinal Moron, escriuirent, par commission du Pape aux Eueques qui s'estoient retirés de Trente, qu'ils eussent à retourner, pour commencer les actions Synodales. Cependant le dixième May fut tenuë Congregation, pour lire les lettres de la Reine d'Ecosse, presentées par le Cardinal de Lorraine, par lesquelles elle declaroit, qu'elle se soumettoit au Concile : & representant l'esperance qu'elle auoit de la succession au Royaume d'Angleterre, elle promettoit, qu'icelle auenant, elle reduiroit, l'un & l'autre Royaume à l'obeyssance du S. Siege. Apres la lecture de ces lettres, le Cardinal, par vne belle harangue fit les excuses d'icelle Reine, qu'elle ne pouoit enuoyer ny Prelats ny Ambassadeurs au Concile, d'autant que tous ceux de son Royaume estoient heretiques : mais qu'elle promettoit, que pour elle, iamais elle ne se desuoyeroit de la vraye Religion. La response luy fut faite au nom du Concile, par remerciemens. Quelques vns disoient par risée, que l'office de cete Reine estoit de personne priuée, & non de Princeesse, puis qu'elle ne se trouuoit pas vn seul suiet Catholic, qu'elle pust enuoyer. Mais les plus entendus iugerent que cet office auoit esté mendié, & extorqué, attendu que, si elle eust voulu : elle le pouoit bien faire vrayement en Princeesse, ayant tousiours eu assez bon nombre de Catholics aupres de soy.

lettres de la Reine d'Ecosse lues en congregation.

nouveau suiet d'of-

En ces entrefaites le Secretaire du Cardinal de Lorraine retourna de Rome, ou il auoit esté enuoyé par son Maistre, pour la purger des charges qui luy

estoyent mises sus, de faire le Chef de party. Le Pape l'auoit recueilly avec de grandes demonstrations de bienueillance, & auoit monstré d'adiouster foy à son rapport, & auoit respondû au Cardinal par vne lettre, qui portoit, Qu'il estoit content, qu'on laissast les choses contentieuses, & qu'on ne parlât des Dogmes del'ordre: ne de la Residence, ains qu'on vaquât à la reformation. Le Cardinal de Lorraine communiqua cete lettre au Legat Simonete, pour mettre ordre à donner quelque commencement à ladite Reformation: mais Simonette se remit au retour de Cardinal Moron: dequoy le Cardinal de Lorraine s'offensa, croyant que le Pape se mocquoit de luy: & ioignant cela à vn aduis, qu'il auoit receu, que le Cardinal Moron, parlant avec l'Empereur touchant la liberté du Concile, auoit dit, Que le Cardinal de Lorraine & les Ambassadeurs François, estoient ceux qui la trauersoyent plus que les autres; se plaignoit, à toutes occasions, à quiconque il luy escheoit de parler, que le Concile n'auoit aucune liberté, & que non seulement il falloit attendre de Rome les resolutions de toutes les moindres particularités: mais mesmes les peres, ne le Cardinal Madruce, ne Luy, n'estoient pas reputés dignes de sauoir ce qui auoit esté commandé à Rome, pour pouuoir au moins se conformer à la volonté de Sa Sainteté: & que c'estoit vn grand cas, de voir que les Legats despeschassent si souuent Courriers à Rome, voire mesmes plusieurs fois sur vn mesme suiet, pour toute Moindre occurrences; sans toutes-fois qu'on pust iamais sauoir quelle resolution ou response fust venue de là: ny mesmes, qu'on dist en general, qu'aucune response fust venue. Les partisans du Pape rougissoient de ces plaintes: d'autant qu'elles estoient si euidentes & publiques, qu'on ne les pouuoit ny deldire ny excuser. Le Cardinal de Lorraine, estant tout plein & bouffi de ces mescontentemens, fut le iour suiuant appellé en consultation, pour traiter de donner quelque commencement aux congregations: d'autant que le Cardinal Moron auoit escrit, qu'il feroit de retour dans huit iours les vns & les autres se tinrent long temps sans dire mot: & puis, estans entrés es complimens, ils se partirent en fin, sans auoir parlé de la matiere.

Les Procureurs des Prelats François demeurés au royaume, estans arriués à Trente, Les Ambassadeurs requierent qu'ils fussent admis en Congregation: mais le Cardinal Simonette le refusant, Lansac repliqua, Qu'il auoit requis cela par termes de respect, non pour vouloir en cela reconnoître les Legats pour iuges: mais, qu'il estoit resolu de proposer l'affaire au Concile. Cete occasion fit changer la resolution des trois Legats, d'attendre le Cardinal Moron, & assignerent vne Congregation au quatorzième Mai, pour traiter des abus sur le Sacrement de l'Ordre. Et en icelle le Cardinal de Lorraine, en opinant sur le premier Article del'election des Euesques, lequel fut depuis retranché, pour les raisons qui seront dites en leur lieu, s'estendit bien auant à parler des abus, qui entretiennent en cete matiere-là: & pour pouuoir plus librement inuestiuer contre les abus de Rome, il commença par la France, sans espargner mesme le Roi: & condanna tout librement le Concordat, disant, que le Pape Leon, & le Roi François auoyent fait entr'eux le partage de la collation des benefices, qui deuoit appartenir aux Chapitres: & à peu qu'il ne s'eschappa de dire, de mesmes que les chasseurs partagent la proye, Il condanna la coustume, que les Rois, & les Princes eussent aucune nomination de Prelatures, & que les Cardinaux tinssent Eueschés. Il censura aussi l'accord qu'auoit nouuellement fait le Roi avec les Huguenots. Et puis, estant sorti de France, il dit, Que la Cour de Rome estoit la source, de laquelle découloit le ruisseau de tous abus. Que nul Cardinal n'estoit sans Euesché, voire mesmes sans plusieurs Euesches: & toutesfois que ces charges estoient incompatibles. Que les intentions des commendes, des unions viageres, & des administrations: moyenant l'esquelles, contre toute loy, plusieurs Benefices en effet estoient conferés à vne mesme personne, sous vn faux masque, & semblant qu'elle n'entinst qu'vn seul, estoient pures mocqueries de Dieu. Et reitera plusieurs fois le dire

difficulté
sur les Pro-
cureurs des
Prelats
Francois:
Congrega-
tion, en la-
quelle le
Cardinal
de Lorrain
ne haran-
gue contre
les abus de
l'Ordre.

1563. de saint Paul au Galates, Ne vous trompez point: car Dieu ne peut estre moqué, & l'homme ne recueillera autre chose que ce qu'il aura semé. Il s'estendit aussi à parler contre les dispenses, comme celles qui enervent toutes les loix. Et parla avec tant d'éloquence, & sur tant d'abus, qu'il occupa toute la Congregation. Les partisans du Pape interpreterent sinistrement le dire du Cardinal: & mesmes le Legat Simonete pratiqua tout ouvertement divers Prelats, afin qu'ils s'opposassent à son opinion. Et alloit disant, Qu'il parloit comme les Lutheriens: & que plust à Dieu qu'il n'eust mesme aussi les sentimens. Ce qui offensa grièvement le Cardinal, lequel s'en plaignit aussi au Pape. Es Congregations suivantes, il ne fut dit choses quelconque digne de memoire, ne qui fust autre qu'ordinaire: sinon qu'on voulust rapporter les flateries, lesquelles obliquement estoient entierement par ceux qui avoient pris charge de justifier les coustumes & vsages repris par le Cardinal de Lorraine.

le Cardinal Moron est expedie par l'Empereur.

En ce mesme temps le Cardinal Moron eut de l'Empereur son expedition par escrit, en termes assez generaux, Qu'il defendroit l'autorité du Pape contre heretiques si besoin estoit. Qu'il s'arresteroit à Inspruck, sans passer plus avant. Qu'il ne falloit point penser à la translation du Concile à Bologne, sans le consentement des Rois de France & d'Espagne. Que quant à son couronnement, ce n'estoit chose qui se pust resoudre, sans avoir esté premierement proposée Diete: d'autant que se faisant ainsi au despourveu, il donneroit grand ombrage à l'Allemagne. Et quant à proceder à Trente, qu'il se contenteroit à ces deux conditions, Que la Reformation se fust à Trente, & que chacun y pust proposer: & Qu'on commençast à traiter sur les Articles presentés par luy, & par la France. J'ay rapporté en cet endroit ce que j'ay veu enregistré es documens publics: touchant la négociation du Cardinal, à la response qui luy fut rendue: Mais ie ne puis obmettre de rapporter vne voix, qui courut lors à Trente, & fut

dont le bruit estoit qu'il l'avoit disposé à terminer le Concile.

tenue pour certaine par les plus seneuz Que le Cardinal Moron avoit traité avec l'Empereur, & avec le Roy des Romains, son fils, de choses plus secretees: & leur avoit montré, que pour les divers desseins des Princes, & des Prelats, & pour les intersts tant contraires & repugnans des vns & des autres, il estoit impossible de conduire le Concile à la fin: qu'aucun d'eux desiroit: & leur avoit fait toucher au doigt, qu'en la matiere du Calice, du Mariage des Prestres, & de la langue vulgaire en l'Eglise, choses tant desirées par sa Maesté, & par le Roy de France, jamais le Roy d'Espagne, ny aucun Prince d'Italie, n'y condescendroient. Qu'en matiere de Reformation, toutes sortes de personnes se veulent maintenir en l'estat où ils se treuvent, & cependant pretendent reformer les autres: dont il advient que chacun requiert la Reformation: & cependant quelque Article qui en soit proposé, il y a toujours plus d'opposans que de fauteurs. Que chacun pensoit tant seulement à soy, sans regarder aux intersts d'autrui. Et qu'on vouloit que le Pape, à qui tous se rapportoient, fust le ministre des desseins particuliers d'un chacun, sans avoir esgard si aucun autre en seroit offensé, quoy qu'il ne luy fust ny honneste, ny utile de favoriser l'un au desservice de l'autre. Que chacun appetoit la gloire de procurer la Reformation, & cependant tous vouloient perséverer es abus, chargeant le Pape de toute l'enuie. Il discourut aussi, que là où ils s'agit de reformer le Pape, il ne vouloit point dire, qu'elle estoit la pensée de Sa Sainteté: mais qu'en ce qui ne touchoit point le Pape, ny ne le pouvoit toucher, qu'elle raison y avoit-il, qu'il n'y dult condescendre, n'estoit qu'il connoistoit ce qui estoit inconnu à d'autres, d'autant qu'à luy estoient rapportées les esgards & intersts de tous. Il leur remontra d'abondant, que par l'experience de quinze mois des l'ouverture du Concile, on avoit veu, que les pretentions estoient augmentées, & les differends accrus, & s'engregeoient tous les iours encor à l'extremité. Qu'en cas qu'iceluy continuast longuement, de necessité il arrieroit quelque notable scandale. Et leur mit en consideration la jalousie qu'en prenoient les Princes d'Allemagne & les Huguenots de France. Et pour conclusion, dit, que puis qu'on voyoit clairement, que le Concile ne pouvoit faire aucun bon fruit, il estoit expedient de le terminer en la meilleure façon qu'il seroit possible. Là dessus on

droit

disoit, que ces Princes ayans esté persuadés de ne pouuoir obtenir rien de bon par la voye du Concile, auoyent iugé qu'il valoit mieux l'enseuelir avec honneur, & qu'ils donnerent parole au Cardinal d'vser de conuiuence à l'aduenir, & de ne prendre en mauuaise part, si le Concile estoit terminé. Qui regardera à l'issue qu'eut le Concile, sans que ces Princes fussent aucunement contentés de leurs demandes, aisément se portera à croire que cete voix publique fust vraye : mais d'ailleurs, qui aduifera que, mesmes apres cete Legation, les instances des Ministres Imperiaux ne cessèrent point, pourra tenir ce bruit-là pour faux. Mais, pour tenir vne route de iugement, qui esquieue toutes les deux absurdités, on peut croire, qu'en ce temps ces Princes perdirent toute esperance du Concile, & delibererent de ne plus resister à la closture d'iceluy : mais qu'ils ne iugerent pas honorable de faire vne soudaine retraite, ains qu'il valoit mieux relascher les instances peu à peu, pour ne publier leur defaut de iugement à auoir conceu par ce moyen esperance de bien, & n'auoir creu à la remarque de Saint Gregoire Nazianzene, qui disoit, d'auoir tousiours veu empirer les contentions par les assemblées des Euesques. Ce qui est de la verité de ce fait, ie le remets au nombre des choses, où ma connoissance n'est paruenue. Bien est il certain, que la Catastrophe du maniemment du Concile, lequel menaçoit d'une issue turbulente, commença en ce temps.



HISTOIRE DV CONCILE DE TRENTE.

LIVRE HUITIEME.

SOMMAIRE.

Le Cardinal Legat Moron arrive au Concile, comme aussi le Comte de Lune, Ambassadeur d'Espagne. En la reception duquel il n'aist difficulté de preface entre France & Espagne. Le Cardinal de Lorraine, qui iusques alors auoit soustenu le bon parti dans le Concile, se relasche en fin pour ses propres interets, & par desespoir de tirer du Concile aucun fruit pour la France: de laquelle le Pape reçoit nouvelles offenses: nonobstant lesqueles on iuge à Rome, touchant ladite preface, en faueur de la

France. Contre quoi l'Espagne fait protester. Le President Birague porte lettres du Roi de France au Concile, & harangue en iceluy, requerant Reformation. En Baniere naist du tumulte, pour le Calice, & pour le Mariage des Prestres. Es Congregations de Trente, on traite des Annates, des Ordinations faites à Rome, des Euesques Titulaires, des Dispenses, de l'Instruction des Euesques, & de la Reformation des Cardinaux. L'Ambassadeur d'Espagne fait de grandes & fortes instances, que le Decret, donnant aux seuls Legats le pouuoir de proposer au Concile, soit reuoké: mais elles sont toutes eludées à Rome, & à Trente. L'Empereur se retire d'Inspruck, desesperé de voir aucun bon fruit du Concile. L'estrif de la preface entre la France, & l'Espagne est remis sus en la Session publique: sans que le Pape par l'accommodement de l'egalité puisse l'apaiser. Les grands debats au Concile, font resoudre à remettre au Pape plusieurs Chefs. Enfin les Decrets sont formés, au contentement de tous, & est celebrée la septieme Session, touchant le Sacrement de l'Ordre, & la Reformation escheant sur cet Article. Puis apres, par commandement du Pape, precipitamment à la closture du Concile, à quoi les Espagnols s'opposent, & y à diuersité d'aduis là dessus au Concile. En congregation on traite du Mariage. Et les Legats proposent des Articles à examiner touchant la Reformation generale: & les communique aux Ambassadeurs, lesquels y font tous leurs considerations & oppositions. Mouuement à Trente, à cause d'un effort fait à Milan, pour y introduire l'Inquisition Espagnole. ATrente on tasche de donner contentement aux Euesques, en trois demandes principales. L'Ambassadeur de Malte arriue. Plusieurs Articles de reformation sont debatus. Le Cardinal de Lorraine est attiré à Rome par le Pape, qui confere avec lui du moyen de terminer le Concile. Les Legats proposent la Reformation des Princes: contre laquelle les Ambassadeurs de France protestent, avec beaucoup d'aigreur, & offences reciproques à Rome, & à Trente: en suite se retirent du Concile. Le Pape procede à sentence contre quelques Euesques François, & à citation contre la Roine de Nauarre, laquelle toutesfois il est contraint de reuoker. Le Cardinal de Lorraine retourne à Trente, & fait tout deuoir de rompre le Concile. Dont est celebrée la huietieme Session, touchant le Mariage, & sa reformation, à laquelle ausi est adiointe vne Generale: & on trauaille à oster tous les empeschemens de la closture du Concile. Et sont formés des Decrets fort sommaires des Indulgences, du Purgatoire, des Images, & des Saints. Et le fait de l'Indice des liures interdits, des Messels, des Breuiaries, & des Catechismes, est renuoyé au Pape, pour plus prompt expedition. La nouuele de la dangereuse maladie du Pape fait accelerer la fin du Concile, à laquelle on vient par la derniere Session touchant les matieres susdites. Puis on procede aux acclamations, lecture, & signatures. Le Pape confirme le Concile, lequel à l'opposite est censuré en France, & reieté par les Protestans d'Allemagne. Les Prelats, qui à Trente auoyent bien merité de Rome, y sont recompensés du degré de Cardinalat.



LE Cardinal Moron arriua à Trente de sa legation d'Inspruck le dixseptieme May, & tout soudain apres on commença entre les Legats à traiter du iour de la Session le vintieme du mesme mois approchant, auquel on deuoit arrester. Et n'ayant point encor, ny ne sachant quād on pourroit auoir les matieres prestes, le dix-neufuisme du mois, en la Congregation, fust differé le terme iusques au dixieme iuin, pour assigner alors vn iour prefix. Deux choses notables arriuerent en cete Congregation: dont l'une fut le debat, s'il appartenoit aux Legats, ou bien au Concile de deliberer, si les Procureurs des Euesques deuoient estre admis en Congregation, comme nous auons dit cy-dessus, que l'Ambassadeur Lansac auoit requis. Sur quoy les Prelats François maintenoyēt, que les Legats n'auoyent autre prerogatiue, que d'estre les premiers: mais, que, separément des Peres du Concile, il n'auoyent aucune autorité: pour preuue dequoy, ils allegoyent le Concile de Basle, & autres documens de l'Antiquité. De l'autre on disoit, qu'il n'y peut auoir de legitime Concile, que celuy qui est conuocqué par le Pape: & que c'est à luy seul de determiner qui y doit entreuenir, & auoir voix: & que de bailler ce mesme pouuoir au Concile, seroit luy bailler autorité de s'engendrer soy-mesmes. Apres quelque estrif, la matiere demeura indecise. L'autre fut, que, comme on vint à opiner sur la matiere ventilante des abus sur le sacrement de l'Ordre, l'Euesque de Philadelphie fit de grandes exclamations, que les Cardinaux vouloyent les Eueschés, & cependant n'y entretenoyent pas mesmes vn suffragant. Mais cela fut receu par la pluspart d'une huer, & risée, comme si ce bon Euesque, qui estoit Allemand de nation, & n'estoit que titulaire, parlait pour son propre interest, & de ses semblables.

En la Congregation du vintynieme May, fut receu le Conte de Lune, lequel auoit differé de s'y presenter par l'espace de quarente iours des son arriuee, à cause de la difficulté de la preface avec les Ambassadeurs de Frâce. Et en cet entretiens furent faites diuerses consultations pour trouuer quelque expedient de l'accommoder: & iamais ne fut possible de faire que les François se voulussent contenter, qu'iceluy eust autre lieu & rang, qu'à pres & au dessous d'eux. Dont il aduifa de se tenir debout au milieu de la seance, parmy les Ambassadeurs Imperiaux, qui auoyent charge de leur Maistre de l'accompagner; & demeurer là, iusques à tant que la harangue fust faite, & tout soudain apres, s'en retourner à la maison. Mais il sembla que l'honneur du Roy y estoit engagé. Et pourtant, il se mit à faire instance, que les François se contentassent de n'aller point en Congregation, le iour qu'il deuoit estre receu. Mais ils le refuserent tout à trac: & luy s'aduifa d'une autre inuention pour les y contraindre: assauoir, faisant que quelque Prelat Espagnol requist, que les Ambassadeurs seculiers n'entreuinsent point es Congregations, attendu que c'estoit contre l'usage des anciens Conciles. Mais encor a cecy se representa cete difficulté, qu'il sembloit que tous les Princes ensemble en seroyent offensés: dont en fin il s'arresta à cete deliberation, de moyener que quelques proposassent de traiter de choses, esquelles il n'estoit raisonnable que les Ambassadeurs de France fussent presens: comme seroit, des preiudices, qui pouuoient auenir à la Chrestienté par le traité de paix fait avec les Huguenots: ou quelque autre telle matiere. Cela fut porté aux oreilles du Cardinal de Lorraine, & le mit en perplexité: si bien, qu'ayant consulté avec les siens, ils se resolurent de ne plus quereler, en cas qu'on donnast au Conte vn lieu à part, hors du rang des Ambassadeurs. Ainsi donques le vintynieme iour susdit du mois le Conte de Lune entra en Congregation, & alla au lieu qui luy auoit esté assigné, qui estoit au milieu de la seance, vis à vis des Legats: & là presenta ses lettres & le mandement de son Roy. Lequel ayant esté lu par le Secretaire, le Conte protesta tout sur le champ, Que, combien que, & en cete seance-là, & en toute autre, il luy appartint de suivre immediatement apres

1563.

le Cardinal
Moron arri-
ue à Trente,
& tient Cō-
gregation,
où il y a des
difficultés:

le Conte de
Lune Am-
bass, d'Espa-
gne est receu
apres grand
estrif pour la
preface
avec les
François;

& protesta-
tions receu-
es:

1563.

les Ambassadeurs de l'Empereur: toutesfois, d'autant que le lieu, & la cause dont il s'agissoit, & le temps ne portoyent pas, que, pour querelles humaines le cours des choses diuines: & du bien public, fut retardé, il acceptoit & receuoit le lieu qui luy estoit donné: protestant neantmoins, que la modestie, & l'esgard qu'il auoit à n'empescher le progrès du Concile, n'eust à porter aucun preiudice aux droits, dignités, & eminences de Philippe, Roy Catholique, son Maistre, ne de ses successeurs: ains qu'iceles demeurassent en leur entier, en sorte qu'iceux s'en pussent tousiours seruir, de mesmes comme si en cete seance luy eust esté baillé le lieu qui luy estoit du. Et fit instance que ceté protestation fust enregistree és Actes, & qu'iceux ne pussent estre publiés sans icelle: & que Copie luy en fust baillée. Apres cela, les Ambassadeurs François protesterent aussi, Que s'ils estoient assis en autre lieu, que les premiers apres l'Empereur, & au dessus des Ambassadeurs des autres Rois, là où auoyent tousiours esté assis leurs ancestres, & encor de fraische date és Conciles de Constance, & de Latran: & si le nouveau lieu, auquel à present seoit l'Ambassadeur de Sa Majesté Catholique hors le rang des autres Ambassadeurs, pouuoit porter quelque preiudice à eux, ou aux autres Ambassadeurs: les peres du Concile, qui representoyent l'Eglise vniuerselle, par le du de leur charge, eussent à les reduire à l'ordre ancien: ou bien, employer contre les contreuenants les admonitions Euangeliques. Mais, veu que les Peres se taisoyent, & que les Ambassadeurs de l'Empereur, qui ont l'interest commun en cela avec les François, ne disoyent aussi mot: & qu'ils seoyent aupres d'eux, & conseruoyent l'ancienne possession au Roy, leur Maistre: d'ailleurs s'assurant sur la bonne & loyale intelligence, & parentage qu'auoit le Roy Catholique avec le Roy Treschrestien, ils ne requieroyent autre chose, sinon que les Peres declarassent, que le fait du Conte ne pouuoit faire aucun preiudice à la trefancienne prerogatiue, & perpetuele possession de Sa Maiesté Treschrestienne: & que tout cela fust enregistré és Actes.

harangue au
nom de Cō-
te portant
le Concile à
contre ri-
gueur co-
tre les Pro-
testans.

La harangue, au nom du Conte, fut faite par Pierre Fontidonio, Theologien Espagnol: lequel dit en substance, Que la fin du Concile approchant, le Roy Catholique auoit enuoyé le present Ambassadeur, pour offrir de sa part de faire pour le Concile ce qu'auoit anciennement fait l'Empereur Martien en celuy de Calcedoine: assauoir, de maintenir, & deffendre la verité, qui seroit definie par le Concile, & de reprimer les troubles, & de conduire à heureuse fin ce Concile, lequel Empereur Charles cinquième auoit protégé en sa naissance, & progrès; & pour lequel il auoit fait de tresdangereuses & difficiles guerres: & lequel aussi son oncle Ferdinand soustenoit iusques alors. Que le Roy, son Maistre, n'auoit laissé en arriere aucun deuoir de Prince Catholique, pour faire qu'iceluy fust conuocé, & celebré, qu'il y auoit enuoyé les Prelats d'Espagne, & en outre des Docteurs tresexcellens. Qu'il auoit conserué la Religion en Espagne: & empesché l'entree à l'heresie, luy bouchans toutes les aduenues des monts Pyrenées: & mesmes auoit obuié, qu'icelle ne nauigeast és Indes, là où elle s'estoit efforcee de percer, pour infecter les racines du Christianisme, naissantes en ce nouveau monde. Que, par la diligence & bondeuoir du Roy, la foy & la pureté de la Doctrine fleurissoit en Espagne: si bien, que Sainte Mere Eglise, voyant les autres prouinces pleine d'erreurs, se consolait, voyant l'Espagne estre comme vne ancre sacree: pour ressource de ses calamités. Et adiousta, Plust à à Dieu, que les Princes Catholiques, & Republiques Chrestiennes, eussent imité la seuerité du Roy à reprimer les heretiques: l'Eglise seroit deliuree de tant de maux, & les Peres de Trente releués du soucy de tenir Concile. Et dit de plus, Que le Roy, son Maistre, auoit autresfois espousé Marie Roine d'Angleterre, à ce seul but, de reduire cete Isle-là à la Religion. Il ramentut les secours tout nouuelemēt enuoyés par luy au Roy de France: & dit, que par la valeur de ses soldats: quoy qu'en petit nōbre, les Catholiques auoyent emporté la victoire. Delà il dit, Que le Roy requeroit du

Concile l'establissement de la Doctrine de la Religion, & la Reformation des mœurs. Il loia les Peres, de ce que iamais, pour instance qui leur en eust esté faite, ils n'auoyent voulu laisser la doctrine à quartier, pour vaquer seulement aux mœurs: ains auoyent tousiours traité coniointement l'une & l'autre partie. Il adiousta, que le Roy, son Maistre, desiroit, qu'ils pesassent & examinassent meurement la demande, plus pieuse que prudente, de ceux qui requeroient qu'on donnast quelque chose aux ennemys de la Religion, pour les ramener à l'Eglise. Et fit vne inuectiue contre ceux qui disoyent, Qu'il falloit accorder quelque chose aux Protestans; afin, qu'estant fleschis par la benignité & debonnaireté, ils se disposassent à retourner au giron de l'Eglise: disant, Qu'on auoit à faire à personnes, qui ne pouuoient estre ployées ne par benefice, ne par misericorde. Et, au nom de son Roy, exhorta les Peres à proceder en sorte, qu'ils fissent veritablement paroître, qu'ils auoyent plus de soin de la Maïesté de l'Eglise, que des cupidités des deuoyés: selon le stile perpetuel de l'Eglise, qui auoit tousiours vsé de cete grauité & constance, pour reprimer l'audace des ennemys, de ne leur accorder pas mesme ce qui honnestement se pourroit. Il leur dit aussi, que le Roy desiroit, qu'ils quittassent les questions superflues. Et, pour conclusion, dit, Que, puis que les Peres estoient assembles pour vn si bon œuure, de remedier à tant de maux, qui trauailloyent la Chrestienté, en cas qu'il n'en arriuaist aucun effet, la posterité n'en attribuerait la faute à autre qu'à eux: & s'estonneroit qu'ayant pu, ils n'eussent voulu y apporter le remede. Il loia aussi les vertus de l'Ambassadeur, & la gloire de sa maison: & finit par là.

Il luy fut respondu, au nom du Concile, Qu'en la douleur, qu'iceluy sentoit à cause des miseres communes, il auoit receu consolation, par la représentation & commemoration de la pieté du Roy Catholic: & que sur tout, il auoit eu grandement à gré la promesse du Roy, & de vouloir defendre & maintenir les Decrets du Concile. Et que l'Empereur, & les autres Roys, & Princes Chrestiens, ayans la mesme intention, le Concile en estoit incité à faire en sorte, que ses actions correspondissent au desir de tant de Princes: ce qu'aussi il auoit desia fait iusques alors, tant par sa propre inclination, que par les exhortations du Pape, vaquant incessamment à la correction des mœurs; & à l'explication de la Doctrine. Et qu'il rendoit graces infinies au Roy, tant de sa singuliere affection à la Religion, & de sa bonne volonté enuers le Concile; que de l'enuoy d'vn tel Ambassadeur, duquel il se promettoit honneur, & ayde.

La harangue susdite desplut à tous les Ambassadeurs, comme estant vne couuerte censure de tous les Princes, de n'auoir imité la diligence du Roy Catholic: & ils s'en plainquirent au Conte: lequel respondit, que ces paroles ne luy auoyent pas esté moins desplaisantes qu'à eux: & qu'il auoit commandé au Docteur de les retrancher, & de ne les proferer en façon quelconque: & qu'il se ressentiroit de ce qu'il n'auoit esté obeï. Les François, qui estoient à Rome, blasmerent grandement ceux qui estoient à Trente, d'auoir acquiescé au lieu, qui auoit esté donné à l'Ambassadeur d'Espagne. Et disoyent, que le Cardinal de Lorraine auoit fait ce grand preiudice à la Couronne de France, pour ses propres interêts, & pour gratifier le Roy d'Espagne: & d'autant qu'il desconseilloit aussi le Pape de n'accorder au Roy la demande qu'il faisoit de l'alienation de cent mil escus de reuenu des biens Ecclesiastiques, ils disoyent qu'en toutes choses il n'auoit autre visée, qu'à son particulier: & pourtant, puis que l'administration des finances estoit hors des mains de luy, de son frere, il n'auroit point voulu que le Roy en pust auoir d'aucun lieu. Mais le differend de la preface n'estoit pas encor bien terminé, car, quoy qu'on eust trouué place à l'Ambassadeur d'Espagne es Congregations, on ne luy pouuoit pas donner la mesme es Sessions: dont les Legats escriuirent au Pape, pour auoir de luy ordre, comment ils auroient à se gouverner.

Après la reception de l'Ambassadeur d'Espagne, le Cardinal de Lorraine

*respodue
fuit fauorab
lement.*

*cete haran
que offense
les Ambass.*

*La conu
uence du
Cardinal de
Lorraine en
la seance,
desplait aux
autres François.*

1563.
*abouchement
 des Cardi-
 naux de Lor-
 raine, & de
 Ferrare, où
 celui de Lor-
 raine se mo-
 stre ferme
 pour le Con-
 cile:*

partit, pour s'aboucher avec celui de Ferrare : lequel, estant arrivé en Piedmont, ne trouua pas les affaires de ce pais-là en meilleur estat, qu'en France, à l'égard de la Religion : car, en diuers endroits du Marquisat de Saluces tous les prestres auoyent esté dechassés : & à Quers, & à Coni, places du Duc de Sauoye, & en plusieurs autres villes voisines, il y auoit plusieurs, qui auoyent les mesmes sentimens que les Huguenots, & mesmes à la Cour du Duc plusieurs en faisoient ouuerte profession, & s'en descouuroit tous les iours plus grand nombre. Et, quoy que le Duc de Sauoye, vn mois auparauant, eust fait vn ban, que tous les sectateurs de ces opinions dussent se retirer du pais dans huit iours ; & que mesmes quelques vns là dessus fussent partis, le Duc toutesfois du depuis auoit commandé qu'on ne procedast plus contr'eux : & mesmes auoit fait grace à diuers, qui auoyent esté condamnés par l'Inquisition, & auoit fait abolir & supprimer toutes les procédures faites contr'eux, & contre autres estans en l'Inquisition ; mais non encor condamnés : voire mesmes auoit donné permission de retourner à quelques vns qui s'estoyent retirés. Mais le Cardinal de Ferrare, ayant entendu les raisons du Duc, fut contraint d'aduouer le mesme, qu'il alloit preschant par tout des affaires de France, assauoir, que c'estoit pour le bien des Catholiques d'en faire ainsi.

En ce mesme lieu ledit Cardinal receut les informations de l'Euesque de Ventimile, lequel, comme il a esté touché cy-dessus, estoit allé pour l'instruire des affaires du Concile, & du moyen qu'il falloit garder à traiter avec le Cardinal de Lorraine : lequel s'aboucha avec celui de Ferrare Hostie, sur le Veronois, le vintquatrième May : lequel luy ayant exposé l'estat des affaires, & de sa maison, apres la mort du Duc de Guise, & de son frere le Prieur ; l'exhorta de s'en retourner promptement en France, luy monstrant la necessité qu'auoit sa maison de sa presence. Il luy representa aussi, que, dès que la paix auoit esté faite avec les Huguenots, la Reformation ne produiroit plus les bons effets qu'on eust pu penser. Mais il le trouua, contre toute sienne creance, imprimé de cete opinion que son honneur ne luy permettoit point d'abandonner cete entreprise. Le Cardinal de Lorraine se plaignoit que Moron, estant de retour de deuers l'Empereur, ne luy auoit fait aucune part de sa negotiation : mais neantmoins dit, que l'Empereur mesmes luy auoit donné aduis de tout. Et luy dit, que le Roy Catholic estoit bien vny avec l'Empereur, & qu'entre le Conte de Lune, & luy, il y auoit fort bonne intelligence. Et sur le fait de la Residence, il dit, qu'il estoit necessaire de la declarer de droit diuin : car l'Empereur l'entendoit ainsi, & que de ce mesme aduis estoient presque tous les Prelats, horsmis quelque petit nombre d'Italiens : & que cete declaration estoit requise, pour oster au Pape le pouuoir d'en dispenser. Par ainsi le Cardinal de Ferrare n'auança gueres avec toutes ses persuasions. Le Cardinal de Lorraine, estant de retour à Trente, publia par tout, que le Cardinal de Ferrare auoit fait de grands offices enuers luy, au nom du Pape, & des Legats, que la question de la Residence fust terminée par vn Decret portant peines, sans declarer qu'elle est de droit diuin. Mais qu'il n'y consentiroit iamais.

*Et pourtant
 est amadonné
 par les gens
 du Pape,*

*mais ne se
 rend point :*

Mais le Cardinal Moron, pour reblandir celui de Lorraine, auant qu'on vint à ioindre sur les affaires du Concile, & conoissant combien il estoit necessaire de luy deferer tout, alla le visiter pontificalement, la croix deuant, & accompagné de plusieurs Prelats. Et, apres les complimens, il luy dit, qu'il desiroit qu'il conseillast, commandast, & operast ne plus ne moins que s'il estoit l'un des Legats. Que le Pape vouloit de la Reformation, & en auoit enuoyé quarente deux Articles bien rigoureux : & auoit escrit, que ceux qui auoyent esté présentés par les Ambassadeurs de l'Empereur, & de France, fussent aussi proposés, en ostant seulement ceux qui touchoyent la Cour de Rome, laquelle Sa Sainteté vouloit reformer de par soy-mesmes, pour maintenir l'autorité du Siege Apostolic. Mais le Cardinal de Lorraine, soupçonnast que Moron ne desirast de se descharger sur luy d'une partie du far-

deau, ou de le mettre en desfiance avec les Espagnols; respondit: Que le fait de la charge de Legat passoit ses forces, lesquelles ne s'estendoyent pas plus auant, que de dire son opinion en qualite d'Archeuesque. Qu'il louoit grandement le zele de Sa Saintete en la reformation des autres Eglises: mais qu'il pourroit bien trouuer bon, s'il luy plaisoit, que les Euesques aussi proposassent autant d'Articles pour le moins, pour les Cardinaux, & Cour de Rome. Que de vray le Siege Apostolic estoit digne de toute reuerence, & respect; mais que de ce manteau on ne pouuoit couvrir les abus. La response de ce Cardinal fit resoudre les Legats à proceder avec de la retenue, iusques à tant que les affaires fussent vn peu mieux appriuoisees: mais cependant fut faite forte brigue avec les Prelats Italiens, afin que le Decret de declarer la Residence estre de droit diuin, ne fut receu.

Il arriua vn accident, qui faillit à confondre & à diuiser les partisans du Pape entr'eux. C'est qu'il vint nouuele à Trente, qu'au prochain quatre-temps le Pape creeroit des Cardinaux: & mesme le roole de ceux, qui estoient pour lors à Rome, fut enuoyé à Trente. Les Pretendans, qui estoient en grand nombre au Concile, furent fort mal contens: &, comme il aduiant aux passionnés, ils ne se contenoient point, qu'ils ne laschassent tousiours quelque mot, qui demonstroit vn courage tout porté au ressentiment. Mais particulierement furent remarqués Marc Antoine Colonne, Archeuesque de Tarante, & Alexandre Sforce, Euesque de Parme (lesquels, pour la puissance & grandeur de leurs maisons à la Cour de Rome, estoient plus auant que les autres), comme ayans dit qu'ils s'entendroyent avec le Cardinal de Lorraine. Ce que le Legat Simonette croyant, il en donna aduis à Rome: dont tous se tinrent pour offensés, & en parloyent avec beaucoup de ressentiment. Les mescontentemens durerent quelques iours: mais: dès qu'on vid qu'il ne se faisoit point de promotion de Cardinaux, & qu'on eut donné quelque satisfaction à ces Euesques, le tout fut appointé.

Mais apres ce temps, le Cardinal de Lorraine se rallentit grandement de sa roideur passée: d'autant qu'en France on s'estoit esclaircy, par la remarque des choses aduenues iusques alors; qu'il n'estoit possible d'obtenir de Trente chose quelconque qui fust pour le bien de la France: & d'ailleurs aussi le traité de paix s'aloit establisant & affermissant, avec beaucoup de facilité: dont il y auoit esperance de ramener tous à l'obeyssance entiere du Roy, laissant là les autres pensees touchant la Religion: & peut estre aussi, que l'Empereur leur auoit communiqué le traité du Cardinal Moron: ausquels choses adioignirent les bons offices, que le Pape auoit fait enuers la Roynes, par le moyen de son Nonce. Au moyen de quoy on aduisa en France de ne se porter plus avec tant d'ardeur au fait du Concile: ains plustost de gagner le Pape: receuant de Trente ce qui en viendroit de bon, & taschant d'empescher qu'il n'en arriuaist rien de preiudiciable. Sur quoy la Roynes escriuit à Rome, offrant au Pape de s'employer pour la brieue closture du Concile, & pour brider le Cardinal de Lorraine, & les Prelats François, à ce qu'ils n'impugnant l'autorité du Pape; & pour faire sortir d'Auignon, & du Constat, toutes les gens Huguenotes. Elle escriuit semblablement au Cardinal de Lorraine, que la paix en France s'acheminoit fort bien, & que pour luy donner la dernière main & façon; rien n'estoit plus requis, que la presence de luy Cardinal en France: là où il pourroit faire beaucoup plus de bien, qu'à Trente, où il auoit experimenté de ne pouuoir rien auancer. Et pourtant, qu'il procurast de se despescher pour retourner au plus tost, & qu'il taschast de donner contentement au Pape, & d'acquiescer sa bienueillance, sans penser aux choses du Concile plus auant, que iusques où à sa conscience, & son honneur l'obligeroient. Et l'assura qu'il auroit la mesme autorité en France, qu'il y auoit eu autres fois: & pourtant qu'il accelerast son retour.

Les susdites lettres de la Roynes arriuerent à Trente, & à Rome, à la fin de May: & furent fort agreables au Pape, & luy donnerent esperance de

1563.
desplaisir
du Pape
contre la
France:

le Cardinal
de Lorraine
de plus en
plus se re-
froidit:

dispute de
presence
entre la
France &
l'Espagne à
Rome, ga-
gnée par les
Français:

pouuoir bien tost voir vne bonne issue du Concile. Mais à l'opposite il eut vn grand desplaisir de ce qu'on auoit fait en France : car , pour desgager la Couronne de ses dettes, par Edit du Roy , verifié en Parlement, il fut ordonné , qu'on alieneroit pour cent mil escus de reuenus des biens d'Eglise, dont sourdit vn grand trouble entre les Prestres , qui crioient qu'on leur violoit leurs priuileges, & immunités, que les choses sacrees ne pouuoient estre alienees pour chose quelconque , sans l'autorité & le decret du Pape. Pour appaiser ces bruits, l'Ambassadeur de France fit instance au Pape , qu'il y prestast son consentement: allegant que le Roy estoit espuisé par les guerres passees , & qu'il faisoit dessein de mettre vn bon ordre à ses affaires, pour pouuoir s'employer à ce, qui auoit tousiours esté son but apres la conclusion de la paix : assauoir de reünir tout son Royaume en la Religion Catholique, pour pouuoir puis apres forcer quiconque s'opposeroit à luy : & pourtant, qu'il auoit pensé d'imposer vne subuention, dont il entendoit tirer aussi du Clergé sa part & portion : à quoy l'Eglise estoit de tant plus obligee, qu'il s'agissoit des interets d'icelle, plus que de tous autres. Et, que tout bien aduisé, on ne trouuoit expedient plus aisé que d'aliener partie des reuenus Ecclesiastiques: dont il requeroit l'adueu & consentement de Sa Sainteté. Mais le Pape disoit au contraire, que la demande estoit bien coloree d'vn beau & specieux pretexte de defendre l'Eglise, mais que de vray elle ne tendoit qu'à la ruiner: & que, pour euitier le mal, le plus asseuré estoit, de n'y consentir point. Et, combien qu'on eust pu presumer que les François viendroyent à l'execution, mesmes sans son adueu, il estimoit neantmoins qu'on auroit pas demandé la permission, si on eust trouué acheteur sans icelle: & que nul n'oseroit hazarder ses deniers, de peur que, comme les choses du monde sont variables, il n'arriuaist que les Ecclesiastiques rentrassent en leurs biens, sans rembourser les acheteurs de leur argent. Et pourtant, ayant proposé l'affaire en Consistoire, de l'aduis des Cardinaux, il se resolut de n'y consentir point: mais de monstrier aux François, par diuerses desfaites & excuses; qu'ils ne pouuoient obtenir de luy cete demande. Le Cardinal de Lorraine, qui portoit haine irreconciliable aux Huguenots, non tant pour cause de Religion, que pour la faction, avec laquelle luy & sa maison auoyent tousiours esté en querele, laquelle aussi il s'asseuroit bien ne pouuoir iamais estre composee; eut grand regret d'entendre que la paix s'acheminoit bien. Et, pour son retour en France, il se resolut qu'il falloit bien penser quand & comment il le deuoit entreprendre. Bien iugea-il, qu'il estoit necessaire de s'entendre bien avec le Pape, & la Cour de Rome, & les ministres d'Espagne, plus qu'il n'auoit fait au temps passé. Et pourtant, dès ce iour-là il commença à lascher de la feuerité qu'il auoit monstree au pourchas de la Reformation, & à rendre plus de reuerence au Pape, & à tenir meilleure intelligence avec les Legats.

Le Pape, outre la demande de l'alienation susdite des biens d'Eglise, eut encor vne autre fascherie non moindre: c'est, qu'il se trouuoit engagé de promesse faite à diuerses & reiterees fois à l'Ambassadeur de France de luy donner sa place à la feste de Pentecoste: pour l'execution de laquelle il assembla quelques Cardinaux, pour trouuer quelque expedient, pour ne mescontenter l'Ambassadeur d'Espagne. Deux moyens furent proposés: l'vn, de luy assigner lieu au dessous du Diacre, qui estoit à gauche: l'autre, de le faire seoir sur vn escabeau au bout du banc des Diacres. Mais, ne l'vn ne l'autre n'ostoit les difficultés: d'autant qu'il y demouroit tousiours matiere de concurrence à porter la queue trainante de Sa Sainteté, & à luy presenter l'eau aux mains, quand il celebrait: & à receuoir l'encens, & la paix. La difficulté de la queue, & de l'eau, ne pressoit point pour lors, d'autant que le Pape n'officioit point, & l'Ambassadeur de l'Empereur estoit present. Quant à l'encens, & à la paix, on trouua ce temperamēt, de les donner à tous ceux du costé droit, mesmes à l'Ambassadeur de Florence, qui estoit le dernier: & de passer de là au costé gauche. Mais l'Ambassadeur de France ne s'en contenta point:

disant,

disant, que le Pape luy auoit promis sa place: & que celuy d'Espagne ou ne s'y trouueroit point, ou seroit au dessous de luy: & vouloit qu'ainsi fust fait, ou qu'autrement il partiroit. L'Ambassadeur d'Espagne l'agrea aussi peu. Dont le Pape se resolut de luy mander, Qu'il auoit deliberé de donner la premiere place à l'Ambassadeur de France. Sur quoy celuy d'Espagne respondit, Que si le Pape estoit resolu de luy faire ce tort, il luy vouloit lire vn escrit. Les Cardinaux, qui traitoyent avec luy, de la part du Pape, luy remontrerent qu'il n'estoit pas bon de ce faire, que tout premier l'escrit n'eust esté veu par Sa Sainteté: afin qu'au despourueu ne nasquist quelque inconuenient. L'Ambassadeur restiua à le deliurer: mais en fin il acquiesça. Le Pape, en le lisant, s'esmut de la forme des paroles impertinentes, comme il disoit. Apres fut introduit cet Ambassadeur en la chambre du Pape, avec quatre tesmoins. Et là, s'estant mis de genoux, il lut sa protestation: laquelle contenoit en substance, Que le Roy d'Espagne doit aller deuant celuy de France, pour l'ancieneté, puissance, & grandeur d'Espagne; & pour le grand nombre d'autres Royaumes qui luy sont suiets: pour lesquels, il est le plus grand & le plus puissant Monarque du monde: mais principalement, d'autant qu'en ses estats a esté defendue & conseruee la foy Catholique, & l'Eglise Romaine. Dont, si Sa Sainteté vouloit prononcer, ou auoit prononcé de parole, ou par escrit, en faueur de France, il faisoit vne notoire iniustice. Et partant, au nom du Roy, son Maistre, il s'opposoit à toute declaration de prefeance, ou egalité, en faueur de France, la maintenant nulle & inualide, comme contraire au droit euident de Sa Maiesté Catholique. Et que si elle auoit esté faite, elle estoit nulle, ayans esté faite sans conoissance de cause, & sans appel & citation de partie, & que Sa Sainteté, en ce faisant, feroit cause de grands inconueniens en toute la Chrestienté. Le Pape respondit, admettant la protestation entant que de droit & de raison: & s'excusant de la citation obmise: parce qu'il ne donnoit rien de nouveau aux François: mais leur conseruoit seulement le lieu, auquel il les auoit tousiours veus apres les Ambassadeurs de l'Empereur. Ofrant toutesfois de remettre la cause au College des Cardinaux, ou à toute la Rote: & adioustant, qu'il aymoient le Roy, & luy feroient tousiours tout plaisir. A quoy l'Ambassadeur repartit, Que Sa Sainteté s'estoit priuee de la liberté de faire plaisir au Roy, en luy faisant vn tort si notable. Le Pape repliqua, La cause n'en vient point de nous, mais de vous: & les bienfaits que le Roy à receus de nous, ne meritent pas les termes portés en la protestation, que vous nous auez faite.

En ce mesme temps arriua à Trente le President Birague, lequel, comme il a esté dit cy-dessus, auoit esté enuoyé par le Roy de France au Concile, & l'Empereur. Il fut receu le douzième Iuin, en la Congregation, en laquelle n'entreuinrent aucuns Ambassadeurs au dessous des François, pour ne luy ceder: attendu, qu'és lettres du Roy, il n'estoit point qualifié Ambassadeur. Il presenta ses lettres, en date du quinzième Aueil, qui portoyent en substance, Que chacun sauoit assez les troubles, & guerres ciuiles, qui auoyent esté excitees en son royaume, pour cause de Religion: & comment il s'y estoit employé, melmes avec l'ayde & secours d'autres Princes, & Potentas, ses amis, pour y remedier par les armes. Mais qu'il auoit plu à Dieu, selon ses iugemens incomprehensibles, de ne faire naistre de cete voye d'armes autre chose, que meurtres, cruautés, saccagemens de villes, ruines d'Eglises, perte de Princes, Seigneurs, & Cheualiers, & autres calamités & desolations. Si bien qu'il estoit aysé à reconoistre, que le remede des armes n'estoit pas celuy, qu'il falloit suiure pour guerir vne maladie d'esprits: lesquels ne se laissent veindre que par raisons & persuasions: ce qui l'auoit contraint de faire vn Edit de pacification, comme cela estoit contenu en ses lettres expediees sur ce sujet: non, afin de permettre l'establissement d'une nouuele Religion en son Royaume: mais afin que, les armes estant mises bas, il pust, avec moins de contradiction, paruenir à vne

2563.

reünion de tous ses suiets en vne sainte & Catholique Religion. Lequel benefice il attendoit de là misericorde de Dieu , moyenant vne bonne & serieuse Reformation, laquelle il se promettoit de ce saint Concile, Et , d'autant qu'il auoit beaucoup de choses à leur représenter , & à requerir d'eux , il s'estoit resolu de leur enuoyer Maistre René Birague , qui leur feroit entendre le tout de viue voix : & pourtant , qu'il les prioit de le receuoir & escouter benignement.

*Sainct de
Sabarague
requerant
Reformatiō:*

Après la lecture de ces lettres, ce President parla, exposant fort par le menu les discordes, les guerres, & les calamités de la France: & la necessité, à laquelle le Roy, & son Royaume, estoient reduits: la prison du Connestable, & la mort du Duc de Guise, qui le rendoyent sans bras. Il s'estendit bien au long à iustifier le traité de paix, comme fait par pure & simple necessité: demonstrent que le party Catholique y auoit plus d'auantage que le contraire. Que l'intention du Roy, & de son Conseil, n'estoit pas de laisser introduire ou establir vne nouuele Religion: ains, au contraire, de faire, que les armes, & les desobeyssances, estans cessées, les desuoyés fussent ramenés à l'obeyssance de l'Eglise, avec moins de contradiction, & par les voyes gardees par ses Ancestres: & que tous fussent reünis en vne meisme sainte Catholique Religion: sachant fort bien, que deux exercices diuers de Religion ne peuvent longuement subsister ne continuer en vn Royaume. Et dit en suite, que le Roy esperoit de venir à ce saint but, par vne singuliere grace de Dieu, & moyennant le Concile: qui estoit le remede, lequel auoit esté de tout temps pratiqué par les anciens contre semblables maux, qu'estoyent ceux qui à present, affligeoyent la Chrestienté, Et pria les Peres d'ayder à la bonne intention du Roy par vne serieuse Reformation, & reduction des mœurs à l'integrité & pureté de l'Eglise ancienne: & en composant les differends de la Religion. Et promit, que le Roy feroit tousiours bon Catholique, & affectionné à l'Eglise Romaine, suivant l'exemple de ses Ancestres. Et, pour conclusion, dit, Que le Roy se fioit en la prud'homie & prudence des Peres, qu'ils compatiroyent aux maux de la France, & s'employeroient pour y apporter les vrais remedes. Ce President auoit commission de requerir que le Concile fast transferé en lieu, où les Protestans eussent libre acces: d'autant que, nonobstant la seureté baillee par le Pape, & par le Concile, ils auoyent le lieu pour suspect: & le vouloyent en vn autre, auquel l'Empereur les pust asseurer. Mais il ne toucha point cet Article, conseillé à cela par le Cardinal de Lorraine, & les Ambassadeurs du Roy, lesquels ne trouuerent pas qu'il fust à propos d'en faire mention: & mesmes tenoyent, que du depuis il auoit esté reuoké: attendu les lettres escrites au Pape, & au Cardinal de Lorraine, dont il a esté fait mention.

*La responce
à Birague
est differée:*

On auoit desia, par aduis commun des Legats, donné ordre, que le Promoteur, au nom du Concile, respondit à Birague, par vne condoleance des malheurs & aduersités du Royaume de France: & par vne exhortation au Roy, qu'ayant esté porté par la necessité à faire la paix, & accorder quelque chose aux Huguenots, afin de restablir entierement la Religion, dès qu'il auroit mis le Royaume en paix, il luy plust de s'employer sans delay à obtenir ce but tant excellent. Cete responce ainsi conceüe, fut, après la Messe, auant qu'entrer en Congregation, monstree au Cardinal de Lorraine: lequel respondit, Qu'il ne trouuoit pas bon, que le Concile approuuast le fait du Roy: duquel il luy sembloit qu'ils auoyent suiuet pourtant, qu'il valoit mieux prendre temps à respondre, comme c'est la coustume es affaires d'importance. Ils changerent donc d'auis, & ordonnerent que la responce feroit faite à Birague en ce sens, Que, d'autant que les choses, par luy exposees, & representees, estoient de tres-grand poids, & auoyent besoin de beaucoup de consideration, le Concile prendroit temps conuenable pour respondre. Cet acte du Cardinal de Lorraine desplut grâdemment aux Ambassadeurs de France: car il leur sembloit que si les Legats n'eus-

sent esté disposés à approuver les actions du Roy, il les y deuoit inciter, voire contraindre de tout son pouuoir: en lieu que, tout au contraire, eux ayans, comme de droit & raison, iugé, qu'une louange & recommandation du fait estoit conuenable, il les en auoit dissuadés. Toutesfois, en ayant consulté entr'eux, ils resolurent qu'il n'estoit pas bon escrire en France, pour plusieurs esgards: mais que Lansac, qui y deuoit retourner bien tost, pourroit en faire le rapport necessaire.

Le mois precedent estoit arriué en Bauiere vn grand tumulte, & souleuement des peuples, pource que l'usage du Calice ne leur auoit esté accordé, ne permis que les mariés pussent prescher. Ce desordre passa si auant, que, pour les appaiser, le Duc leur promit en l'Assemblée de ses Estats, que, si dedans le mois de Iuin la resolution n'estoit prise à Trente, ou par le Pape, de leur donner contentement, luy mesmes leur permettoit l'un & l'autre. Cela ayant esté entendu au Concile, les Legats despescherent en diligence Nicolas Ormanet, pour exhorter ce Prince à ne venir à vne telle permission; luy promettant que le Concile ne defaudroit point à son besoin. Le Duc luy respondit, Que, pour monstrier son obeysance & deuotion enuers le S. Siege, il feroit tout deuoir d'entretenir ses peuples le plus qu'il seroit possible: attendant & esperant, que le Concile se porteroit à resoudre ce qu'il voyoit estre necessaire, nonobstant la determination faite auparauant.

Or, les Congregations continuans, pour traiter les matieres du Concile, l'Euesque de Nismes, en vne d'icelles, parlant sur les Articles des abus au Sacrement de l'Ordre, vint à traiter des Annates: & dit, Qu'il ne nioit pas que de vray toutes les Eglises ne dussent contribuer au Pape, pour le soustien de la Cour de Rome: mais qu'il ne pouuoit approuver ce payement par voye d'Annates: tant pour la maniere, que pour la quantité: car, quant à la quantité, il suffiroit bien qu'on luy payast la vintieme: en lieu que par l'Annate on luy paye, peut estre, plus de la disme: & quant à la maniere, qu'au moins ne deuoit-on estre contraint à les payer, qu'apres l'an reuolu. Et, puis qu'il falloit que la Cour de Rome fust maintenüe par les contributions de toutes les Eglises, il seroit bien aussi raisonnable qu'elles receussent quelque vtilité & commodité d'icelle au reciproque: en lieu que presque tous les abus de Chrestienté naissent à cause de ses officiers: & qu'il seroit expedient que le Concile aduertist Sa Sainteté, qu'elle y pourueust. Il particularisa les ordinations des Prestres, qui se font à Rome, esquelles il dit qu'on ne gardoit ne Canons; ne Decrets: & qu'il seroit necessaire de faire vn Decret, que, cas aduenant que les prestres ordonnés à Rome, ne fussent trouués capables, il fust au pouuoir des Euesques de les suspendre, nonobstant ladite ordination: & que les suspendus ne pussent, par voye d'appel, ou d'autre relief, empescher le iugement du Prelat. Le dernier, qui parla en cete mesme Congregation, fut l'Euesque d'Osimo, en la Marche d'Ancone, lequel dit, Que comme on auoit recueilly les abus sur le Sacrement de l'Ordre; de mesmes aussi seroit-il bon de traiter des penitences, qui sont eniointes, & mesmes aussi des Indulgences tout ensemblement: attendu que toutes trois ces matieres sont connexes; & se tiennent par la main l'une & l'autre.

En vne autre Congregation l'Euesque de Guadix, Espagnol, fit vn long discours: & entre autres choses, fit vne maniere d'inectiue contre l'ordination des Euesques titulaires: sur l'occasion d'un Article des abus, qui estoit le quatrieme entre ceux, qui auoyent esté proposés: lequel portoit, que, pour remedier aux grands scandales, qui naissent continuellement à raison de cete sorte d'Euesques, il n'en fust plus crée aucun, sans vrgente necessité: & qu'en tel cas, auant qu'ils fussent ordonnés; le Pape leur pourueust d'entretien conuenable à la dignité Episcopale. Mais cet Euesque dit, Qu'à la dignité Episcopale estoit annexé d'auoir vn certain lieu, & diocese, comme chose essentielle: & que, Euesque, & Eglise, estoient termes relatifs, comme mary & femme, dont l'un ne peut estre sans l'autre: & pourtant qu'il y auoit contradiction, à dire qu'il y pouuoit eschoir cause legitime de faire

*trouble en
Bauiere
pour le Ca-
lice, & Ma-
riage des
Prestres:*

*es Congre-
gations on
traite des
Annates:*

*des ordinés
des
Prestres qui
se font à
Rome,*

*des Eues-
ques titu-
laires:*

1563.

Euesquestitulaires : & maintint que leur ordination n'estoit autre chose, qu'une inuention de la Cour de Rome : & vfa mesmes de ces termes Latins, que ce n'estoient que, *figmenta humana* : & qu'on n'en voyoit aucune trace en l'Antiquité : & que si vn Euesque iadis estoit démis, ou renonçoit, il s'entendoit n'estre plus Euesque : ainsi que n'est plus mary celuy qui a perdu sa femme. Et partant aussi, que les plus anciens Canonistes escriuent, que les ordinations, faites par ceux qui ont renoncé leurs Eueschés, sont nulles & inuálides. Que les Simonies, & les sordides pratiques, qui naissent à l'occasion de cete sorte d'Euesques, & les autres deprauations de la discipline, ne sont rien au pris de ce notable abus de donner le nom d'Euesques, à ceux qui ne le sont point ; & d'alterer l'institution de Christ, & des Apostres.

Simon Negri, Geneuois, Euesque de Serrezane, en Toscane, en opinant à son tour, entra en la mesme matiere & dit, Qu'en l'Euesque il faut considerer l'Ordre, & la Iurisdiction. Que, quant à l'Ordre, il n'a autre chose, sinon, qu'il est ministre des Sacremens de la Confirmation, & de l'Ordre ; & par ordonnance Ecclesiastique, a l'autorité de plusieurs consecrations, & benedictions, qui sont defendues aux simples Prestres. Mais que, quant à la Iurisdiction, il a autorité au gouuernement de l'Eglise. Or les Euesques titulaires n'ont que la puissance de l'Ordre, & non celle de la Iurisdiction : & pourtant il n'est pas necessaire, qu'il ayent Eglise. Et, si ancienement nul Euesque n'estoit consacré, sans qu'on luy donnast Eglise, cela aduenoit, d'autant que, non pas mesmes les Diacres, & simples Prestres, n'estoyent ordonnés sans titre. Mais que depuis, ayant esté reconu, que c'estoit à l'accroissement du seruice de Dieu, & de la grandeur de l'Eglise, qu'il y eust des Prestres sans titre, le mesme deuoit estre tiré en consequence pour les Euesques. Et partant, que pour pouruoir aux abus, il estoit bien conuenable de ne les point ordonner sans leur donner moyen de viure, afin qu'ils ne fussent contraincts de se porter à choses indignes. Mais qu'au demeurant il estoit necessaire d'en creer, pour suppleer au defaut des Euesques impotens, ou qui ont cause legitime d'absenter leurs Eglises : ou mesmes aussi des grands Prelats, occupés en plus grands affaires. Et pourtant, que : quant à luy, il approuuoit l'Article, en la maniere qu'il estoit couché.

des dispens-
ses :

L'Euesque de Lugo, en Gallice, discourut des dispenses : disant, Qu'il y auoit plusieurs matieres, lesquelles il seroit fort expedient pour le seruice de Dieu, & benefice de l'Eglise, que le Concile par Decret declarast indispensables. Ce qu'il ne disoit point, afin que le Concile donnast loy à Sa Sainteté : mais seulement, d'autant que ce sont choses qui ne souffrent point dispenses de Papes : & quand ores en tout vn siecle, en quelque cas tresrare, il pourroit arriuer quelque cause raisonnable pour en dispenser, si est-ce, que non pas mesmes en tel cas la dispense ne seroit iuste : d'autant qu'il est conuenable, qu'une personne priuee souffre quelque foule, lors qu'il y va du grand benefice public : & mesmes encor es choses, esquelles peuuent arriuer cas frequens meritaans dispense, il vaut beaucoup mieux en estre chiche que liberal, pour oster les occasions d'obtenir requestes : & graces subreptices, qui tournent au preiudice des ames.

de la res-
ponse à ren-
dre à Birag-
ue, couchée
par vn nou-
veau Secre-
taire :

En ce temps cessa de soy-mesmes vne des difficultés susmentionnées, à l'égard de Ange Massarel, Euesque de Telese, en l'Abruzze, Secretaire du Concile, duquel la fidelité estant fort suspecte, diuerfes instances auoyent esté faites, que les Actes fussent recueillis par deux : car, ne pouuant plus supporter les douleurs du calcul, qui le trauailloyent, il se resolut de se faire tailler pres son depart, sa charge fut baillée à l'Euesque de Campagne, au Royaume de Naples : & la premiere action qu'il fit, fut en la Congregation du septième iour de Iuin, par la lecture de la response, que les Legats auoyent formée pour la rendre au President Birague. Icelle estoit longue, & fut proposée au despourueu, & sans estre aydee de bouche par aucuns des Legats : & d'ailleurs aussi estoit assez ambiguë, & couchée en termes qui se pouuoient également tirer en louange, & en blafme de l'accord fait par le Roy

avec les Huguenots: dont il aduint qu'elle ne fut entendue de tous en vn mesme sens, & les opinions des Prelats en furent fort differentes. Le Cardinal de Lorraine parla le premier sur icelle fort au long, sans se declarer, si elle luy agreoit, ou non. Mais apres qu'il eut acheue de parler, le Cardinal de Vvarmie, poullé par Moron, le pria de dire nettement ce qu'il en sentoit. Et lors il respondit, Qu'elle ne luy plaist point: dont Moron fut grandement offense: d'autant qu'il la luy auoit fait voir auparauant, & il auoit monstred'en estre content. Le Cardinal Madruce, qui suiuit apres, s'en remit aux Peres. Des autres, les vns l'approuuerent, les autres dirent, qu'ils ne la trouuoient pas bonne. Les Prelats François se plainquirent, que cete response fust differée & debatue, contre la coustume gardee au Concile en semblables occasions. L'Euesque d'Oste, Ambassadeur pour le Duc de Saouye, quand se vint à son tour de parler, dit, Qu'il falloit remettre l'affaire absolument aux Legats, & aux deux Cardinaux: Quand tous eurent opiné, l'Archeuesque de Lancian se leua, & dit, Que, quoy qu'il eust autrement conclu en opinant, neantmoins apres auoir ouï le dit Ambassadeur, il s'estoit rangé à son aduis. Dont à voix presque commune de tous le mesme fut aprouué.

L'onzième de Iuin, fut faite vne consultation des Legats, des Cardinaux, & de vingt Prelats, pour trouuer moyen de determiner la Doctrine de l'Institution des Euesques. Sur quoy le Cardinal de Lorraine opinant, toucha l'opinion des François, que le Concile est par dessus le Pape: allegant, qu'ainsi auoit esté définy par les Conciles de Constance, & de Basle. Et, pour conclusion, dit, qu'il ne requeroit pas que le Concile en fist vn autre telle declaration: mais bien, que, s'il vouloit estre d'accord avec les François, il falloit euitier d'inserer es Decrets des paroles, & termes, lesquels pussent preiudicier à cete opinion. Quand ce vint à l'Archeuesque d'Otrante à dire son aduis, il s'estendit en beaucoup de paroles à redarguer le Cardinal: releuant, & refusant tout ce qu'il auoit dit en faueur de la superiorité du Concile: & adiousta ces mots, qu'il y en auoit, qui tenoyent cete opinion de la superiorité du Concile pour aussi vraye que, *Verbum carnis factum est*: mais que pour luy, il ne sauoit comment ils en pouuoient estre acertenés en leurs consciences: designant raisiblement le Cardinal de Lorraine, duquel le bruit commun estoit, qu'il auoit vsé de cete comparaison. Et de là venant à parler de l'Institution des Euesques, il signifia qu'il n'y auroit aucun differend en cete matiere, sans l'occasion qu'en auoit donné la minute proposee par le Cardinal de Lorraine. Le Cardinal là dessus respondit, Que, quand il estoit arriué à Trente, il auoit ia trouués ces difficultés suscitees: qu'il auoit dressé la minute, dont on parloit, en ayant esté requis, en intention de porter paix & concorde, & de composer les differends: ce qui ne luy estant reussi selon son desir, il se conioüroit avec l'Archeuesque s'il en pouoit auoir l'honneur, que luy n'auoit pu remporter: le remerciant au reste, que, comme maistre, il aduertit là ou il faillloit. Et, quant à la question de la superiorité du Concile par dessus le Pape, il dit, Qu'estant né en France, ou cete opinion est commune, il ne pouoit, ne luy, ne les autres François, la quitter, & qu'il ne croyoit pas, que pour la tenir, ils dussent estre contrains à faire vne abiuration Canonique. L'Archeuesque repliqua, qu'il reprenoit cete minute, parce qu'elle estoit defectueuse, & que les difficultés, estoient nees de cela: mais qu'au demeurant, ce n'estoit pas là le lieu de luy respondre: & qu'il faisoit peu d'estat des iniures qui luy estoient faites: mais bien se plaignoit d'aucuns, qui faisoient profession d'accuser les actions des Legats, en quoy ils ne monstroient point de bonne intention. Le Cardinal se tut, sans monstrier en apparence d'estre offensé. Le Conte de Lune, ou de son propre instinct, ou à la sollicitation des François, censura l'Archeuesque, disant, Que si le fait venoit aux oreilles de Sa Maiesté Catholique, il luy desplairoit. Et vn Prelat François, soit par commission du Cardinal, soit spontanément, aduertit le Cardinal Moron, que cet Archeuesque passoit

*pique du
Cardinal
de Lorraine
& de l'Ar-
cheuesque
d'Otrante.*

1563.

*Et avec le
Legat Mo-
ron,*

bien fort les bornes: qu'autresfois desia il auoit vsé de mauuais termes contre le Cardinal de Lorraine, lors qu'il s'agissoit de la Residence. Et que le Cardinal estoit bien informé, qu'en la maison dudit Archeuesque il estoit continuelement deschiré: & que le plus honnesté titre, qu'on luy donnast, estoit de l'appeler, homme plein de venin: & pourtant, que de ce dernier accident estant suruenü, il seroit bon de ne les appeler plus ensemble à aucune consultation: d'autant que le Cardinal de Lorraine s'en offenseroit. Mais le Cardinal Moron respondit tout précisément, Qu'il auoit commandement de Rome d'appeler cet Archeuesque à toutes les consultations: & qu'il falloit en faire estime, d'autant qu'il auoit enuiron quarante voix qui le suiuyoient. Cela estant rapporté au Cardinal de Lorraine, l'irrita grandement contre Moron: ioint à cela, que peu de iours auparauant, les Legats & les Cardinaux consultants entr'eux, sur la response qu'il falloit donner à Birague, laquelle leur auoit esté remise à concerter, Moron reprocha au Cardinal, qu'il auoit trouué bonne la premiere response, qui auoit esté formée; & neantmoins puis apres auoir dit le contraire en Congregation generale. Le Cardinal de Lorraine tournoit par son esprit, comment il pourroit se ressentir du peu d'estime qu'il voyoit qu'on faisoit de luy: sur tout, estant aussi aduertü de Rome, que le Pape le taxoit d'estre scandaleux; & de desirer l'vñion des Catholiques avec les Protestans. Neantmoins puis apres, iettant les yeux sur ses propres interets, qui luy commandoyent de tascher à se reünir avec Rome, & non à se separer d'auantage; la raison de l'vtilité gagna par dessus le despit: au moyen dequoy il persista en la resolution d'auancer la closture du Concile, & de donner contentement au Pape.

*Birague va
trouuer
l'Empereur:*

Le President Birague, ayant attendu la response, autant de temps qu'il iugea estre de la bienseance, le treizième Iuin partit de Trênte, pour aller à Inspruk, pour negotier l'autre chef de ses instructions avec l'Empereur: qui estoit de se conioir avec luy, pour l'election du Roy des Romains: & de l'informer des causes qui auoyent mu le Roy à faire paix avec les Huguenots, & de luy respondre sur la restitution de Mets, & des autres Villes Imperiales. Son instruction portoit aussi, de traiter avec l'Empereur, que coniointement avec le Roy d'Espagne, ils fissent tous ensemble instance que le Concile fust transferé en Allemagne: apres auoir conféré du fait avec le Cardinal de Lorraine, pour apprendre de luy les moyens les plus propres pour ce traité; ou pour s'en deporter tout à fait, comme on auoit fait à Trênte. Mais le Cardinal, pour les mesmes causes, conclut, qu'il exposast ce point à l'Empereur, comme chose plustost à desirer qu'à esperer, ny à essayer.

*Concert d'o-
ber le pou-
voir aux Le-
gats de pro-
poser seuls
aneanti:*

Le Conte de Lune auoit en son instruction vn article expres de faire instance, que le Decret, qui donnoit aux seuls Legats le pouuoir de proposer au Concile, fust reuoké, Et apres son arriuee, en ce mesme temps il luy suruint vne autre lettre du Roy, par laquelle il l'aduertissoit, qu'il auoit esté recherché de la Royne de France, de moyener que le Concile fust transfere en Allemagne afin qu'il fust en lieu libre: & qu'il auoit respondü, que cela ne luy sembloit point necessaire: attendu qu'il y auoit bien moyen de faire qu'il fust en pleine liberté, demeurant à Trênte. Et pourtant, il luy commandoit de s'employer à ce, qu'il y eust toute liberté, commençant par la reuocation du Decret susdit: veu que, iceluy subsistant, il ne pouuoit en aucune façon estre appelé libre. Cete recharge fut cause que l'Ambassadeur iugea, qu'il ne falloit plus differer, & exposa sa commission aux Legats, suivant laquelle il fit forte instance, que cete clause fust ostée, ou bien expliquée: disant, que cela estoit conuenable, d'autant que les Allemans auoyent refusé de venir au Concile pour cete cause-là entre autres: & pource aussi, que l'Empereur iugeoit que cela estoit necessaire, pour les induire à recevoir le Concile. Les Legats respondirent, Que ce Decret estoit passé du commun consentement de tous les Peres, mais que pour cela ils ne laisseroyent pas d'y faire consideration, pour resoudre ce qui seroit de la raison: & pour cela demandoient d'auoir son nom par escript. L'Ambassadeur la

leur donna, & eux l'enuoyerent au Pape: quoy que le Cardinal Moron remonstraft que c'estoit chose superflue, & qu'il falloit porter la response à longs iours, sans donner autre fascherie à Sa Sainteté. Es negociations des Princes, sur tout en celles, qui ne touchent point le substantiel de leur estat, il aduiant souuent, que, changeant d'opinion par le changement des euenemens, les offices qu'ils ont faits auant le changement, produisent des effets contraires à leurs nouueles volontés. Comme il aduint en ce fait, que les offices faits par la Royne avec le Roy d'Espagne, auant qu'elle eust resolu de donner plein contentement au Pape sur le fait du Concile, produisirent l'effet de la lettre du Roy d'Espagne. Et pourtant, le Cardinal Moron, qui en descouurit le fonds, n'en fist point tant d'estat, comme autres.

En la Congregation du quinzième Iuin: le Cardinal Moron proposa, que le iour prefix pour la tenue de la Session, fust assigné au quinzième Iuillet. L'Euesque de Segouie, avec quelque petit nombre d'autres, dit, Qu'il ne voyoit point comment on püst, en si peu de temps, resoudre les difficultés, qu'on auoit entre mains, de la Hierarchie, de l'Ordre, de l'Institution des Euesques, de la Superiorité du Pape, & de la Residence. Et qu'il valoit mieux, auant toutes choses, decider les difficultés: apres quoy on pourroit assigner vn brief terme pour le iour de la Session; que non pas de le constituer, pour l'allonger puis apres honteusement. Mais, d'autant que le nombre des contredisans ne fut pas grand, la proposition fut arrestee quasi sans difficulté. Et le iour suiuant, Lainez, General des Iesuites, en opinant à son tour, se porta à respondre à toutes les choses, qui auoyent esté dites par les autres, non assez conformes à la Doctrine de la Cour de Rome: & ce, d'une ardeur & vehemence aussi grande, que s'il se fust agy de son propre salut. Il se dilata grandement en la matiere des dispenses: & dit, que contre raison il auoit esté dit, qu'il n'y a point d'autre puissance de dispenser, que interpretatiue, & declaratiue. Car, à ce conte, l'autorité d'un bon Docteur seroit plus grande, que celle d'un grand Prelat. Et que de dire, que le Pape, par sa dispense, ne peut desobliger celuy qui est obligé enuers Dieu, n'est autre chose, qu'apprendre aux hommes à preferer leur propre conscience à l'autorité de l'Eglise: & que, puis que la conscience peut errer, & le plus souuent erre de fait, de se remettre à icelle, n'est autre chose; que plonger tout Chrestien en vn abyssme de dangers. Qu'on ne pouuoit ia nier, que Christ n'ayt l'autorité de dispenser de toutes loix, ne que le Pape ne soit Vicairé de Christ, lesquelles deux choses posces, il faut adiouër, que le Pape à la mesme autorité: attendu que le Souuerain, & principal, & son Lieutenant, sont vn mesme tribunal, & vn mesme Consistoire. Que c'est là vn priuilege de l'Eglise Romaine: & que chacun doit prendre garde, que c'est heresie d'oster à cete Eglise-là ses priuileges: ce qui n'est autre chose que nier l'autorité que Christ luy a donnee. Il passa aussi à parler de la Reformation de la Cour de Rome: & dit, Que celuy, qui est par dessus toutes les Eglises particulieres, est bien aussi par dessus plusieurs d'icelles, assemblees en vn. Et que, s'il appartient à la Cour de Rome de reformer chacune des Eglises, qui ont leurs Euesques au Concile, & nulles d'icelles ne peut reformer celles de Rome, attendu qu'il n'y a point de disciple, qui soit par dessus son Maistre; ne de seruiteur qui soit par dessus son Seigneur; il s'ensuit de necessaire consequence, que le Concile n'a point autorité de mettre la main en cete besongne-là. Que plusieurs parloyent, & attribuoyent les abus des choses lesquelles estans bien examinees, & sondees iusques au fonds, se trouueroient necessaires, ou bien certes vtiles. Qu'aucuns pretendoyent de reduire l'Eglise Romaine à l'estat du temps des Apostres, ou de la primitiue Eglise: mais ces gens-là ne sauoyent pas distinguer les temps, pour voir ce qui conuenoit à ceux-là, ce qui conuient à present à ceux-cy. Qu'il estoit tout euident, que par la prouidence & bonté de Dieu, l'Eglise estoit deuenue riche: & qu'il n'y auoit rien de plus impertinant, que de dire, que Dieu ayt donné les richesses, & n'en ayt pas permis l'usage. Et touchant les Annates, il dit, Qu'il est

1563.

de droit diuin, que les dismes, & les premiers foyent payées par les peuples au Clergé: comme elles l'estoyent par le peuple Hebrieu aux Leuites: & semblablement que la disme de la disme soit payée par le Clergé au Pape, comme elle l'estoit anciennement par les Leuites ou souuerain Sacrificateur, que les reuenus Ecclesiastiques estoyent les dismes, & les Annates les dismes des dismes, Ce discours desagea à plusieurs, & particulièrement aux François. Et y eut des Prelats, qui en remarquerent & recueillirent diuers points, avec intention d'en parler à leur tour, si l'occasion se presentoit.

*offense les
François,*

*qui le cen-
surent en v-
ne Congre-
gation par-
ticuliere de
leur nation:*

Les Espagnols, & les François crurent, que Lainez eust ainsi parlé par commandement expres, ou, du moins du consentement des Legats: & allegoyēt pour preuue, les grandes faueurs, qui luy estoyent faites par eux à toutes occasions: & spécialement, par ce, qu'en lieu que les autres Generaux d'ordre, disans leurs aduis, auoyent accoustumé de se tenir debout, & en leur propre lieu; Lainez estoit tousiours appelé au milieu, & le faisoit-on seoir: & que plusieurs fois auoit esté tenue Congregation pour luy seul, pour luy donner loisir de discourir à son plaisir, & nonobstant que nul ne fust iamais arriué à la moitié de sa prolixité, il ne laissoit pas d'estre loué: en lieu que ceux, contre lesquels il parloit, ne furent iamais si brieufs, qu'ils ne fussent repris de longueur. Mais iceluy, ayant appris l'offense; que les François pre-
tendoyent auoir receuë de luy, enuoya Torres, & Cauillon, ses Compagnons, à s'en excuser enuers le Cardinal de Lorraine; & à luy dire, que ses redargutions n'auoyent point esté adressées à Sa Seigneurie Illustrissime, ny à aucun des Prelats François: mais bien contre les Theologiens de la Sorbonne, les opinions desquels estoyent peu conformes à la doctrine de l'Eglise. Ce qui estant rapporté au Cardinal, en vne Congregation des François tenue en sa maison, l'excuse fut receuë des Prelats avec du mescontentement, & par aucun d'eux fut mesmes tenue pour petulante, & par quelques autres pour pure mocquerie: mais ce peu de Theologiens, qui estoit demeuré à Trente, apres le depart susdit des autres, la prirent bien plus aigrement, en sorte que Hugonis mesme, qui estoit vendu, & pensionnaire, la iugeoit intolerable. Il sembla au Docteur Iean de Verdun, de l'Ordre de Saint Benoist, d'auoir esté nommément taxé, & d'estre obligé à repliquer: ce qu'il pria le Cardinal luy vouloir permettre, & luy en donner occasion: promettant de parler modestement, & de monstrier que la Doctrine de la Sorbonne estoit Orthodoxe, & que celle du Iesuite estoit nouuele & inouüe: & que iamais n'auoit esté entendu en l'Eglise, que la clef d'autorité eust esté baillee par Christ, sans la clef de science: que le Saint Esprit, qui auoit esté donné pour la conduite de l'Eglise, estoit, par la Sainte Escriture, appelé Esprit de verité: & que son operation és conducteurs d'icelle, & és ministres de Christ, estoit de les guider & conduire en toute verité. Que Christ a communiqué à ses ministres son autorité, pource que tout ensemblement il leur a departy la lumiere de la Doctrine. Que Saint Paul à Timothee, disant d'auoir esté constitué Apostre, se declare foy-mesmes, en adioustant, Docteur des Gentils en foy & verité. Qu'en deux endroits, prescriuant les conditions & qualitez del'Euesque, il dit, qu'il faut qu'il soit propre à enseigner. Que si on regarde à l'vsage del'Eglise primitiue, on trouuera, que les fideles recouroient aux Euesques pour les dispenses, & les declarations, d'autant qu'à cete charge estoyent promus les plus versés & instruits en la Doctrine Chrestienne qui se trouuaissent. Et que, sans remonter si haut à l'Antiquité, les Scholastics, & la plus part des Canonistes, auoyent constamment dit & déclaré, que les dispenses des Prelats estoyent valables, *clauue non errant*, & non autrement. Hugonis aussi s'offrit de disputer sur cete assertion, que le Tribunal du Pape est le mesme que celuy de Christ, pour prouuer que c'est vne proposition impie & scandaleuse, qui egale l'homme mortel avec l'immortel, & le iugement corruptible avec celuy de Dieu: & que cela naissoit d'ignorance, pour ne reconnoistre pas que le Pape est ce seruiteur commis sur la famille de Christ, non pour faire la charge de
Pere

Pere de famille, mais seulement pour distribuer à chacun, non arbitrairement, mais selon l'ordonnance du Pere de famille, la portion assignée à chacun. Qu'il estoit rauy d'esbahissement, qu'oreilles Chrestiennes pussent supporter, qu'on dist, Que toute la puissance de Christ ait esté communiquee à vne autre personne. Tous discoururent, les vns censurans l'une, les autres l'autre partie du propos du Iesuite. Mais le Cardinal leur remonstra, que ce ne seroit pas peu fait, d'empescher qu'és Decrets publics du Concile, on n'ouürist la porte à cette Doctrine: & que c'estoit là le but, auquel il falloit que tous visassent, & auquel aussi ils paruiendroient plus aisément, passant les choses sous-silence: & par ce moyen les laissant choir en oubly: en lieu qu'y contredisant, ils feroient quelque preiudice à la verité. Ils acquiescerent, mais non tellement, qu'ils n'en tinssent de grands propos és compagnies priuées.

Or les Legats accommoderent les deux Chapitres de l'Institution des Euesques & de la Residence, par des termes si generaux, qu'ils donnoient contentement aux deux parties, & en telle sorte, qu'ils agreerent aussi au Cardinal de Lorraine. Mais les ayans du depuis consultez avec les Theologiens partisans du Pape & quelques Prelats Canonistes, iceux y formerent opposition, disans qu'ils souffroient interpretation preiudiciable à l'autorité du Siege Apostolic, & aux vs & coustumes de la Cour de Rome. L'Euesque de Nicaistre, lequel à diuerses fois auoit debatü de cette matiere és Congregations, en faueur de Rome, disoit ouuertement, que par cette forme de parler, on inferoit, que toute la Iurisdiction des Euesques ne prouient du Pape: mais qu'une partie d'icelle deriue immediatement de Christ: ce qui ne se peut tolerer en aucune façon. Le mesmes estoit soustenu par les autres partisans du Pape, lesquels donnoient sens sinistre à toute parole, qui ne portast à declarer que les Euesques ont toute leur Iurisdiction du Pape. Ce qui fut cause, que les Legats enuoyerent ces Chapitres ainsi reformez au Pape, non tant, afin qu'ils fussent examinez à Rome, que pour ne proposer matiere de si grande importance au dessein du Pape. Mais dez que les Cardinaux commis sur ces affaires du Concile les eurent veus, & examinez ils iugerent que cette minute estoit assez suffisante pour faire tous les Euesques egaux au Pape, en leur propre diocese: & le Pape reprenoit les Legats de ce qu'ils là luy auoient enuoyée: veu qu'il seauoit tresbien, que la plus grande partie au Concile estoit de bons Catholics, & deuotieux à l'Eglise Romaine. Et que se fiant de ceux-là, il estoit bien contents, que les propositions, & resolutions fussent deliberées à Trente, sans son feu. Mais qu'il ne deuoit pourtant consentir à aucune chose preiudiciable, pour ne leur donner mauuais exemple, & n'estre cause, qu'eux aussi y consentissent, contre leur conscience.

Le Pape eut en ce mesme temps vne negotiation assez fascheuse: c'est que le Roy des Romains, deuant enuoyer Ambassadeur au Pape, pour luy signifier son election, ne le voulut point faire comme les autres Empereurs & Rois, lesquels auoient promis & iuré tout ce qui auoit pleu au Pape, d'autant que lors il n'y auoit point de difficulté: mais à present Maximilien, ayant esgard à n'offenser point les Princes, & autres Protestans d'Allemagne, voulut que tout premier il fust declaré de quelles paroles il deuoit vser. L'affaire estant mis en consultation entre les Cardinaux, ils delibererent, qu'il falloit qu'il demandast la confirmation de l'election, & iurast obeissance, suiuant l'exemple de tous les autres Empereurs. Mais il respondit à cela, Que ceux-là auoient esté abusez, & qu'il ne consentoit iamais à chose quelconque, qui düst porter preiudice à ses successeurs, ainsi qu'on employoit au sien les actions de ses predecesseurs: & que ces termes qu'on luy proposoit, estoient pour le faire declarer Vassal. Et proposa que son Ambassadeur vlast de ces paroles, Que sa Maiesté presteroit toute reuerence, deuotion & complaisance à sa sainteté, & au Siege Apostolic: avec promesse, non seulement de conseruer, mais mesmes d'amplifier, de tout son pouuoir

1563.

la sainte foy Catholique. Mais il ne purent s'accorder : dont cette negotiation dura toute cette année : & à la fin ils crurent à Rome d'y auoir trouué vn bon temperament, proposant qu'il iurast obeyssance, non comme Empereur, mais comme Roy de Hongrie, & de Boheme : d'autant qu'ils disoient qu'on ne pouuoit desdire, que le Roy Estienne n'eust donné ce Royaume au S. Siege, en l'an de grace mil, le reconnoissant d'iceluy, ensemble le titre Royal, & se faisant son Vassal : & que Vladislaus, Duc de Boheme, n'eust receu du Pape Alexandre deuxième le pouuoir de porter la Mitre, s'obligeant de payer tous les ans cent marcs d'argent à la Chambre Apostolique. Mais ces choses ayans esté mises en consultation en Allemagne, on trouua qu'il n'y en auoit point d'autre document, que l'affirmation du Pape Gregoire septième : dont on ne fit que s'en rire, & fut respondu au Pape, qu'on desiroit auoir des exemples plus recents, & certains ; & des titres plus legitimes. Il alla haut & bas beaucoup de messages, avec diuerses propositions, responses & repliques : desquelles pour n'y retourner plus, il sera bon de rapporter en cet endroit l'issue, qui fut, que vingt mois apres arriua à Rome le Conte de Helfenstein, Ambassadeur dudit Roy des Romains, avec lequel on renouela les mesmes traitez de demander la Confirmation, & de iurer l'obeyssance. Mais iceluy respondit, Qu'il auoit par escrit ponctuellement la harangue qu'il deuoit prononcer, avec charge de n'y alterer vn seul iota. Surquoy le Pape tint Congregation generale, & proposa l'affaire aux Cardinaux : lesquels apres vne longue consultation, conclurent, que combien que la confirmation ne fust point requise, ne l'obeyssance promise ; toutesfois, en la response à l'Ambassadeur, il seroit dit, Que sa Sainteté confermoit l'election supleant les defauts, de fait, ou de droit, entreuenus en icelle : & qu'il receuoit l'obeyssance du Roy : sans dire, si l'vne estoit demandée, & l'autre promise, ou non. Et le fait alla en sorte, que cette ceremonie agrea fort peu au Pape, & encor moins au College des Cardinaux.

le Pape relasche le Decret du droit de proposer des Legats

mais n'est obey par Moron,

Or, pour retourner au temps, dont i'escry, le Pape estoit encor chargé de pouruoir aux frequens instances faites par les Ambassadeurs, residens auprès de luy ; & par le Conte de Lune, à Trente ; que le Decret, qui donnoit tout le droit de proposer aux seuls Legats, fust reuoké. Et estant tout las & recreu de cet ennuy, il escriuit aux Legats, qu'ils proposassent en Congregation de le suspendre. Mais le Cardinal Moron respondit aux Ambassadeurs qui luy en firent instance, selon la commission du Pape, Qu'il n'y consentiroit iamais : & qu'auant que condescendre à vne semblable declaration il prieroit sa Sainteté de le rappeler. Cette response rendue sans communication avec les autres Legats, ioint d'autres choses, lesquelles ce Cardinal auoit resoluës tout seul, mit les autres en ialousie, comme s'il s'esleuoit par trop au dessus des autres : & leur sembloit, que quoy qu'il eust vne instruction à part, il ne deuoit pas pourtant l'exécuter, sans les en aduertir au prealable & leur communiquer le tout, au moins en l'exécution.

response à Birague lue

vn Secrétaire adjoind,

difficultez sur l'article de l'institution des Euesques,

En la Congregation du vingt-vnième Iuin, fut lue la response, qu'il falloit rendre au President Birague, formée par les Legats, & par le Cardinal de Lorraine : laquelle passa sans aucune contradiction : & d'autant qu'il n'estoit pas present pour la luy intimer de bouche, on la luy enuoya apres par escrit. En la mesme fut député Adam Fuman, pour Secrétaire, adjoind à l'Euesque de Telese, lequel continuoit tousiours en son indisposition. Or les differends sur les Articles de l'Institution des Euesques, & de l'autorité du Pape, durans ains s'engregeans tousiours d'auantage : & tous voyans qued'en parler en Congregation, ne faisoit qu'accroistre les difficultez : les Prelats se mirent presque d'vn commun accord à en traiter particulierement, & à proposer des expedients, pour accommoder en quelque façon les differens : Quelques-vns, desireux d'assoupir les controuerses, & de faire quelque progrez ; voyans qu'il n'y auoit aucune voye d'accord, conseilloyent que l'vne & l'autre matiere fust entierement omise, & quoy que cet aduis enfin fust receu, il ne laissa pas d'auoir de la contradiction au

commencement. Les Espagnols s'y opposoient, d'autant qu'ils vouloient totalement, qu'il fust dit & arresté, que la Iurisdiction Episcopale vient de Christ: surquoy le Cardinal de Lorraine renuioit, Que leur vocation & l'assignation mesme du lieu, estoit immediatement de Dieu. Et les François, pource qu'ils vouloient qu'on fist vne telle declaration de l'autorité du Pape, qu'iceluy ne pust contreenir aux Decrets du Concile, ny en dispenser. Autres aussi disoient, que cet expedient de les omettre ne seruoit qu'à differer, sans aucune certitude que la dilation pust estre vtile. Car, lors qu'on viendroit à la fin du Concile, il faudroit de necessite traiter de décider toutes les matieres examinées: dont les difficultez seroient plus que iamais remises sus. Et, cas aduenant que les François partissent auant la decision, comme le bruit estoit qu'ils estoient deliberez de faire, il y auoit danger de Schisme à traiter aucune chose contentieuse apres depart. Ioint que ceux, qui ne sauoient pas les nouuelles pensees au Cardinal de Lorraine, & de l'Empereur, sur l'intelligence qu'ils auoient ensemble, estimoient que si les François se retiroient, l'Empereur rappelleroit ses Ambassadeurs: auquel cas, il y auroit peu de reputation à continuer le Concile: & mesmes seroit jugé par plusieurs, que de determiner chose aucune, se feroit sans autorité.

Il y auoit vne autre difficulté en l'Article de l'election des Euesques: c'est, qu'une grande partie des Prelats vouloient qu'il fust dit, Qu'on estoit obligé d'elire les plus dignes: pour preuue de quoy, ils allegoient grand nombre de Canons, & d'autoritez des saincts Docteurs. Mais les partisans du Pape s'y opposoient: disans que c'estoit restreindre l'autorité du Pape, en sorte qu'il ne pourroit iamais gratifier aucun: & que l'usage pratiqué à la Cour de Rome, de temps immemorial, portoit, qu'il suffisoit d'elire personnes dignes. Les Ambassadeurs de France & d'Espagne y repugnoient aussi, disans, Que c'estoit par trop raccourcir l'autorité des Rois es nominations, s'il falloit qu'ils fussent obligez d'aller cherchant les plus dignes. Plusieurs Prelats faisoient des brigues, à ce que cet Article ne fust point receu, voire mesmes sans cette clause, d'elire les plus dignes, & specialement l'Euesque de Bretinore, & Lainez, General des Iesuites, semans quelque annotations & animaduersions faites par eux, alloient monstrant que de ce Decret naistroient de grands inconueniens. Car iceluy portoit, qu'une Eglise Cathedrale venant à vaquer le Metropolitain eut à escrire au Chapitre le nō de celuy qui deuoit estre promu, & qu'iceluy fust puis apres publié par les chaires, en chaque Eglise parochiale de la ville, en iour de Dimanche: & mesmes affiché aux portes de l'Eglise: & que puis apres le Metropolitain se transportast à la ville vacante, & là examinast tesmoins sur les qualitez de la personne: & qu'apres que toutes ses patentes, & attestations, auroient esté lues en presence du Chapitre, on ouist aussi chacun qui voudroit obiecter quelque chose contre sa personne: & que de tout cela fust fait Acte, lequel fust enuoyé au Pape, pour estre leu en Consistoire. Ils discouroient, que cette ordonnance seroit cause de seditions, & de calomnies: & que par ce moyen on donnoit vne certaine autorité au peuple, par laquelle il vlsurperoit l'election des Euesques, comme iadis il la souloit auoir. D'autres eismes par ces raisons, faisoient les mesmes oppositions à l'Article, touchant ceux qui doiuent estre promus aux grands ordres: qui portoit, Que leurs noms eussent à estre publiés au peuple par trois diuers Dimanches, & mesmes affichés aux portes de l'Eglise: & que leurs lettres testimoniales eussent à estre signées par quatre Prestres, & quatre Lais de la Paroisse: allegans, qu'en ces affaires, qui sont purement Ecclesiastiques, il n'estoit à propos de donner aucune autorité aux Lais. En ces perplexitez, les Legats ne sauoient que faire autre chose, sinon iouyr du benefice du temps, & attendre qu'il se fist quelque ouerture pour venir à la fin du Concile, à quoy on ne voyoit encor point de iour.

Il se commença vn autre traité, touchant la Reformation des Cardinaux.

1563.

*Et sur la
Reforma-
tion des
Cardin.*

nau : car le Pape, entendant qu'on en parloit partoutes les Cours des Princes ; & qu'à Trente les Ambassadeurs de France, Espagne, & Portugal auoient concerté de la requerir au Concile : escriuit aux Legats, leur demandant aduis : où il valoit mieux le traiter, à Rome, ou à Trente : & proposa le mesme en Consistoire, & ordonna quant & quant vne Congregation sur cela : & particulièrement, pour trouuer moyen d'obuier, que les Princes ne s'entremissent au Conclau, en l'élection du Pape : & pour proceder avec toute circonspection en affaire de si grande consequence, il enuoya à Trente plusieurs chefs de Reformation, tirez des Conciles ; avec charge aux Legats d'en communiquer avec les principaux Prelats, & de luy en escrire leur aduis. Les Cardinaux de Lorraine, & Madruce, respondirent, Qu'ils ne vouloient dire leurs aduis, que tout premier ils ne seussent la pennee du Pape : apres quoy encor seroit-il necessaire d'y penser bien meurement. Mais le Cardinal de Lorraine, dit en son particulier, Qu'il y auoit plusieurs choses, qu'on estimoit dignes de correction, lesquelles toutesfois il ne iugeoit pas suiuettes à reprehension : & aussi, qu'il y en auoit d'autres, lesquelles pouuoient bien estre blasmees en partie, mais non absolument. Et vint à la particularité de tenir des Eueschez, disant, Qu'il n'y auoit point d'inconuenient, qu'un Cardinal Diacre fust Euesque : & que pour cette cause, il auoit conseillé au Cardinal de Guise, son frere, de quitter l'Archeuesché de Sens. Mais cette matiere de la Reformation des Cardinaux, fut bien tost mise sous silence. Car tous ceux qui estoient à Trente, enclinoient plustost qu'elle fust traitée par le Pape, & par le College des Cardinaux : d'ailleurs aussi, ceux qui pretendoient au Chapeau, doutoient que traitant de cela au Concile, il ne nasquist plusieurs destourbiers à leurs desirs. Ce qui fut cause, que fort aisement on se deporta d'en parler. Le Pape eut aussi quelque penssee de faire vne ordonnance, que les Euesques ne pussent auoir, ny à Rome, ny en tout l'Estat de l'Eglise, aucuns offices de gouuernement temporel. Mais il fut aduertty par le Cardinal Simonete, & par autres siens Prelats, que cela seroit au grand preiudice des Ecclesiastiques en France, Pologne & autres Royaumes : là où les Euesques sont Cōseillers des Roys, & ont autres charges principales : car il pourroit aisement aduenir, que les Princes se preuandroient de l'exemple de sa Sainteté : & que la noblesse seculiere se porteroit à procurer cela mesmes pour ses propres interets : dont ils pourroient estre priuez de ce droit. Et pourtant ils luy conseilloyent, s'il vouloit mettre sa deliberation en execution, qu'il le fist par effets, & sans escrit : afin de ne causer vn si grand dommage aux Ecclesiastiques, es autres Royaumes.

*l'Emper.
depart
d'Inspruck
abandon-
nant toute
esperance
du Conci-
le.*

Le vingt-cinquième du mois de Iuin, l'Empereur se partit d'Inspruck : apres auoir este acertené par l'experience, soit en ce mesme temps, soit deux mois auparauant, lors que le Cardinal Moron fut avec luy, que son voisinage pres du Concile, non seulement ne produisoit point le bon effet qu'il auoit estimé, ains plustost tout le contraire : d'autant que les Prelats partisans du Pape, soupçonnans que sa Maiesté eust quelque dessein contre l'autorité de la Cour de Rome, s'ombrageoient de toutes choses, dont il estoit à craindre que les difficultez & desiances ne s'accrussent en aigreur, & ne multipliasent en nombre : d'ailleurs ayant autres affaires, esquelles plus vtilement il se pouuoit employer. Et auant son depart, il escriuit au Cardinal de Lorraine, Qu'ayant touché au doit l'impossibilité de faire aucune chose de bon au Concile, il iugeoit estre du deuoir d'un Prince Chretien & prudent, de se contenter plustost de supporter le mal present, que non pas d'en causer vn pire, en essayant d'y remedier. Et bailla charge au Conte de Lune, lequel trois iours auparauant l'estoit allé trouuer en poste, d'escrire au Roy Catholic, sur le fait du Decret, que les seuls Legats eussent le pouuoir de proposer au Concile : l'exhortant, en son nom, de trouuer bon qu'aucune reuocation, ne declaration n'en fust faite. Et que si sa Majesté auoit quelque scrupule, que sans icelle, le Decret ne portast preiudice aux Conciles à venir ; on pourroit faire la declaration à la fin de cettuy-cy, si

besoin estoit. En outre, ayant eu nouvelles qu'à Rome & à Trente, on traitoit de proceder contre la Roynne d'Angleterre, il escriuit au Pape & aux Legats, que veu qu'on ne pouuoit recueillir du Concile le bon fruit qu'on en desiroit, assauoir, d'vnir tous les Catholiques à reformer l'Eglise; il falloit au moins se garder de ne donner occasion aux heretiques de se ioinre plus estroitement entr'eux, comme il sembloit qu'on fist, parlant de proceder contre la Roynne d'Angleterre: d'autant que de là sans doute naistroit vne ligue generale d'eux tous contre les Catholiques, laquelle produiroit de grâds inconueniens. Cetté remonstrance eut tant de vertu, que le Pape fit cesser toutes procedures à Rome, & reuqua la commission qu'il en auoit baillée aux Legats à Trente. Apres que le Pape eut desgousté les Espagnols, n'ayant donné le premier lieu à leur Ambassadeur Vargas, lequel par plusieurs iours l'auoit continuellement molesté, faisant instance, que comme on auoit trou- *le Pape donne* ué moyen que le Conte de Lune Ambassadeur de son Roy à Trente, pust as- *ne suiet* sister es Congregations; sa Sainteté aussi trouuaist quelque expedient à ce *d'une grã-* qu'il pust entreuenir en la Session, le temps de la tenuë de laquelle appro- *de dispute* choit. Le Pape apres y auoir bien pensé, & en auoir consulté avec les Cardi- *de prese-* naux, se resolut finalement, qu'en la Session aussi fust donné au Conte de Lu- *ance entre* ne vn lieu à part des autres Ambassadeurs: & pour obuier à la competence, *les François* qu'il pourroit y auoir à presenter l'encens, & la Paix, qu'on employast deux *et les Es-* encensoirs: & que les François & les Espagnols, fussent encensiez tous à la *pagnols.* à la fois: & que semblablement deux Paix fussent presentées à baiser aux vns & aux autres, en mesme temps. Et escriuirent aux Legats, qu'ils le fissent ainsi: leur commandant de tenir la chose fort secrette, iusques au temps de l'exécution: afin qu'on n'y preparast auant main quelque destourbier.

Le Cardinal Moron, suivant le commandement du Pape, tint la commission secrette, en sorte que les François ne le halenerent point. Et le vingt-neufieme Iuin, iour de S. Pierre, les Cardinaux, Ambassadeurs, & Peres, estans assemblez en la Chapelle du Dome, & la Messe estant ia commencée, l'Euesque d'Oste officiant, tout au despourueu sortit du Reuestiaire vne chaire de veloux violet, laquelle fut mise entre le dernier Cardinal, & le premier des Patriarches: & presque en mesme instant comparut le Conte de Lune, Ambassadeur d'Espagne, lequel s'assit sur ladite chaire: dont s'esmut vn grand murmure entre les Peres, parlans à l'oreille l'vn à l'autre. Le Cardinal de Lorraine se plaignit aux Legats de cet acte fait à despourueu, & à son inseu. Et les Ambassadeurs de France enuoyerent le Maistre des ceremonies à faire les mesmes doleances, mettans en consideration l'induidit des ceremonies de la Paix, & de l'encens. Mais les Legats leur responderent, Qu'on y remedieroit par deux encensoirs & deux Paix. Dequoy les François ne se voulurent point contenter: ains dirent ouuertement, Qu'ils vouloient estre conseruez, non en egalité, mais en preface: & qu'ils protesteroient de toute nouueauté, & partiroient du Concile. On continua en ces allees & venuës, iusques à la fin del'Euangile, de sorte que pour le grand bourdonnement qui se fit, il ne fut possible d'ouïr l'Epistre, ne l'Euangile. Mais, comme le Theologien fut monté en chaire, pour faire le Sermon, les Legats avec les Cardinaux, les Ambassadeurs de l'Empereur, & du Ferrier, l'vn des Ambassadeurs de France, se retirerent au Reuestiaire, là où cette matiere fut debatue: & le Sermon fut acheué, auant que chose aucune fust concludë. Comme on chantoit le Credo, à la moitié d'iceluy, on fit faing silence: & le Cardinal Madruce, avec l'Euesque des Cinq Eglises, & l'Ambassadeur de Pologne, sortirent pour parler au Conte de Lune, pour le prier, au nom des Legats, qu'il fust content, que pour lors ne fust présenté n'encens ne Paix à aucun: afin d'empescher l'inopiné tumulte, qui pourroit causer quelque grand mal: luy promettant qu'à toute autre siene requeste ils executeroient la commission de sa Sainteté, touchant les deux encensoirs, & les deux Paix en vn mesme temps: & qu'alors avec meure deliberation, & luy, & eux & tous pourroient aduiser comment ils auroient à se gouverner

1563.

avec prudence. Enfin, apres beaucoup de propos, ils retournerent dedans, avec la resolution du Conte, Qu'il estoit content. Cette deliberation prise, il sortirent tous du Reuestiaire, & retournerent en leurs places, & la Messe fut celebrée sans encens, & sans Paix: & dés aussi tost, que *l'ite, Missa est*, eut esté dit, le Conte de Lune, lequel és Congregations auoit accoustumé de sortir le dernier apres tous, alors partit auant la Croix, suiuy d'une grande partie des Prelats Espagnols & Italiens, suiets du Roy, son Maistre. Apres sortirent les Legats, les Ambassadeurs, & les autres Prelats, à la maniere accoustumée.

Les Legats pour se descharger de ce qu'on leur imputoit d'auoir procedé en vne affaire de si grande importance, clandestinement, & quasi par fraude, furent necessitez de publier les commissions expresses, qu'ils auoient receues de Rome, de proceder ainsi, en ce temps, en cette maniere, en ce lieu, & sans en rien communiquer. Du Ferrier disoit publiquement, que, n'eust esté le respect au seruice de Dieu, il auroit fait la protestation dont il auoit la charge du Roy, son Maistre: mais qu'à l'auenir il la feroit, en cas que les ceremonies accoustumées del'encens & de la Paix ne fussent restablies; leur donnant en icelles le lieu qui leur estoit deu. Le Cardinal de Lorraine escriuit aussi au Pape vne lettre assez vive, luy representant le tort qu'on traitoit de faire à son Roy: & se plaignant modestement, que sa Sainteté luy eust fait dire, qu'il auoit telle confiance en luy, qu'il vouloit que tous les affaires du Concile luy fussent communiqués: dequoy il ne voyoit certes aucun effet: mais que toutesfois il ne s'en plaignoit point: bien se sentoit-il greué, que le Pape eust ainsi commandé aux Legats de luy celer iusques à ses propres affaires; voire à luy qui mieux qu'aucun autre y pouuoit contribuer du bien: adioustant qu'il n'en estoit pas arriué tout le mal, qui eust bien pû, s'il ne s'y fust entremis: & declarant, que la coulpe de tout estoit imputée à sa Sainteté, laquelle il prioit ne vouloir estre auteur, & cause de tant de maux. Outre cette lettre, il luy despescha encor Musot, pour luy exposer plus particulièrement la resolution des Ambassadeurs de France, & le danger eminent qu'il y auoit. Le Conte de Lune se plaignoit de la dureté des François, & magnifioit la grand patience & modestie, dont il auoit usé: & fit instance aux Legats, que le Dimanche suiuant il fust admis à place & és ceremonies egales avec les François, selon la commission du Pape. Il y en auoit bien aussi qui disoient, que le tout estoit vn stratageme du Pape, pour rompre le Concile. Et les partisans du Pape, qu'on nommoit les bien affectionnez, disoient, Que si tant estoit qu'il falust venir à la dissolution d'iceluy, ils eussent desiré, que cela fust plustost aduenü sur le suiet de la controuerse sur les paroles du Concile de Florence, Que le Pape est le Recteur de l'Eglise vniuerselle: car ils estimoient qu'il auroit esté plus aisé d'en iustifier sa Sainteté, & d'en reietter toute la coulpe sur les François.

Le lendemain matin, qui estoit le dernier de Iuin, le Conte de Lune assemble les Prelats Espagnols, & plusieurs Italiens, & leur dit, Que le iour precedent, il estoit allé à la chapelle, non pour donner aucune occasion de bruit, ou de destourbier; mais pour maintenir le droit du Roy, son Maistre: & pour se seruir de la commission baillée par sa Sainteté. Mais que depuis il auoit entendu, que s'il y retournoit plus, les François vouloient protester: auquel acte s'ils venoient, il ne pourroit manquer de leur respondre conuenablement à la maniere & aux termes, dont ils useroient; tant pour ce qui concernoit sa Sainteté, que pour ce qui touchoit la Maiesté du Roy, son Maistre. Ces Prelats respondirent, Que, si on venoit à cela, chacun d'eux seroit prest & appareillé au seruice de sa Sainteté, & mesmes ne faudroient point d'auoir tout l'esgard conuenable à sa Maiesté Catholique, entant qu'à eux appartenoit. Le Conte les pria derechef d'auoir l'œil ouuert à tout ce qui pourroit arriuer en tel cas: disant, que de sa part aussi il y viendrait préparé: sachant bien que les François ne pouuoient prendre que trois voyes, ou contre les Legats, ou contre le Roy, ou contre luy Ambassadeur,

& qu'il y prepareroit response conuenable à chacune. Les Ambassadeurs des autres Princes firent tout office enuers les Legats, qu'ils trouuassent quelque expedient, pour empescher que tel desordre n'auinst plus. Mais ils respondirent, Qu'ils ne pouuoient manquer d'executer le commandement de sa Sainteté, lequel estoit precis, & sans reserue, & qu'ils auoient promis au Conté de Lune de l'executer à toute sienné requeste. Surquoy le Cardinal de Lorraine protesta aux Legats, que s'ils l'entreprenoient, il monteroit en chaire, & monstreroit de combien grande importance estoit cet affaire, & la grande ruyné qu'il apporteroit à touté la Chrestienté, & qu'avec le Crucifix en main, il crieroit Misericorde: & persuaderoit aux Peres, & au peuple de sortir de l'Eglise, pour ne voir vn si horrible Schisme: & crieroit, Qui desire le salut de l'Eglise, ait à me suiure, & qu'ainsi il sortiroit de l'Eglise, esperant qu'il seroit suiuy d'un chacun. Les Legats, esmus de ces propos, delibererent de faire office avec le Conte, qu'il trouuast bon, que le Dimanche suiuant ne se tint point Chapelle, ny ne se fist procession, à l'accoustumée. Et donnerent promptement aduis de tout au Pape.

On tenoit continueles assemblees chez les Ambassadeurs de France, & chez celuy d'Espagne: lequel ores donnoit esperance de se vouloir contenter, ores faisoit instance, qu'on allast à l'Eglise, pour executer la commission du Pape, touchant l'encens, & la Paix. Les Ambassadeurs de France, d'autre part, estoient resolus de faire la protestation, & de se retirer: & disoient ouuertement, qu'ils ne protesteroient point contre les Legats, qui n'estoient que simples executeurs: ne contre le Roy d'Espagne, ou le Conte son Ambassadeur, qui poursuiuoient leur cause, & pretensions: ne contre le Siege Apostolic, lequel ils estoient disposez d'honorer tousiours, suiuant les traces de leurs Ancestres: mais contre la personne du Pape, comme celui, duquel venoit le preiudice, & l'innouation & lequel s'estoit rendu partie en cette cause, & donnoit cause de Schisme: & pour autres raisons: avec appel au Pape futur, legitiment eleu, & à vn vray & legitime Concile: menaçant de partir, & de celebrer vn Concile National. Les Prelats François, & autres de la mesme nation, disoient à part communement à chacun, Que les Ambassadeurs auoient des protestations à faire contre la personne de Pie, soy disant Pape, quoy qu'il ne fust legitime, pour cause d'election inualide & nulle, pour vice de Simonie: designant particulièrement la cedula, que le Cardinal Caraffe auoit eue du Duc de Florence, portant promesse d'une certaine somme de deniers pour fauoriser l'election du Cardinal de Medicis, depuis Pape Pie: laquelle ledit Caraffe auoit du depuis enuoyée au Roy Tres-Chrestien, pretendunt, qu'elle ne pouuoit auoir esté faite, sinon du consentement du Pape auant son assomption: outre l'autre cedula, faite au Cardinal de Naples, de la main propre du Pape, estant Cardinal en Conclau-
dont les François preparerent vne piquante protestation & harangue.

ue, de laquelle il a esté parlé cy dessus. Le President du Ferrier prepara aussi outre la protestation, vne harangue Latine, assez poignante, laquelle ne fut pas prononcée, mais ne laissa pas pourtant d'estre imprimée, & est encor à present produite par les François, comme si elle auoit esté recitée. Et n'est hors de nostre propos d'en rapporter en cet endroit la substance, afin qu'on voye, non ce que les François dirent, mais ce qu'ils sentirent tout chanter le Concile.

Il dit donc, Que ce Concile ayant esté conuocqué par l'entremise de François, & Charles, Rois de France, frere, eux Ambassadeurs du Roy auoient grand desplaisir de voir d'estre contraincts, ou à partir, ou à consentir à la diminution de la dignité du Roy, leur Maistre. Qu'il estoit notoire à tout homme, qui auoit leu le Droit Pontifical, & les histoires de l'Eglise Romaine, quelle estoit la prerogatiue du Roy de France: & à ceux, qui auoient leu les Volumes des Conciles, quel estoit le rang, que les Rois de France y auoient tousiours tenu. Que les Ambassadeurs du Roy Catholic auoient, es Conciles passez, tousiours esté au dessous de ceux du Roy Tres-chrestien. Mais qu'en ce temps y auoit esté fait du changement, non par

15 6 3.

eux Peres, lesquels, s'ils estoient en liberté, ne troubleroient aucun Prince en sa possession : ne par le Roy Catholic, tresconioint d'amitié, & de parentage avec le Roy, leur Maistre : mais par le Pere de tous les Chestiens : lequel, en lieu de pain, auoit baillé à son fils aîné vne pierre & vn serpent en lieu d'un poisson, pour blesser d'une mesme piqueure le Roy en l'Eglise Gallicane tout ensemble. Que Pie quatrième iettoit semences de discorde, pour troubler la paix entre les Rois amis : changeant, par force, & iniustice, l'ordre des seances des Ambassadeurs, garde en tout temps : & mesmes encor de fraische memoire es Conciles de Constance, & de Latran, pour monstrier d'estre par dessus les Conciles. Mais qu'il n'estoit pas en son pouuoir, ne de rompre l'amitié des Rois, ne d'annuller la doctrine des Conciles de Constance, & de Basle, qui porte, Que le Concile est par dessus le Pape. Que S. Pierre auoit appris de s'abstenir des iugemens des choses mondaines : en lieu que ce sien successeur, mais non imitateur, pretendoit donner & oster leurs honneurs aux Rois. Que par toutes loix diuines, des gents, & ciuiles, l'aîné auoit tousiours esté reconu & du viuant & apres la mort du pere : mais que Pie quatrième refusoit de preferer le Roy premier né aux autres nés long temps apres luy. Que Dieu pour l'amour de Dauid, ne voulut point oster ne diminuer la dignité Royale à Salomon : mais que Pie quatrième, nonobstant les merites de Pepin, Charles, Louys, & autres Rois de France, pretendoit par son arrest, oster ses prerogatiues au successeur de ces Rois. Que contre toutes loix, diuines & humaines, sans connoissance de cause, il auoit condamné le Roy, le priuant de sa tres-ancienne possession : & auoit prononcé en la cause d'un orphelin, & d'une vefue, à desfaueur. Que les anciens Papes, lors que le Concile general estoit sus pied, n'auoient iamais fait chose quelconque, sans l'approbation & adueu d'iceluy : mais que Pie quatrième, sans ce Concile qui represente l'Eglise vniuerselle, auoit entrepris de deposseder les Ambassadeurs d'un Roy pupille non cité, ny appelé : lesquels n'estoient point enuoyez à luy, mais au Concile. Et afin qu'on n'y pust pouruoir, auoit fait diligence, que son arrest ne fust seu, commandant aux Legats sous peine d'excommunication, de le tenir secret, Que les Peres considerassent, si c'estoient là des actes de Pierre, & d'autres souuerains Pontifes. Et si eux Ambassadeurs n'estoient pas obligez de partir de là, ou Pie n'auoit laissé aucun lieu aux loix, ne trace de liberté au Concile : attendu que chose quelconque n'estoit proposée aux Peres, ne publice, qui n'eust esté enuoyée de Rome. Qu'ils ne protestoient que contre ledit Pie quatrième, ayans au reste en veneration le Siege Apostolic, le souuerain Pontife, & la sainte Eglise Romaine : mais refusans seulement d'obeyr audit Pie, lequel ils ne reconoissoient point pour Vicaire de Christ. Que quant aux Peres assemblez là, ils les auroient tousiours en singuliere reuerence ; mais puis que tout ce qui se faisoit, estoit fait, non à Trente, mais à Rome : & que les Decrets, qu'on publioit, estoient plustost de Pie quatrième, que du Concile de Trente : ils ne les receuroient point pour Decrets d'un Concile general. Pour la fin, il commandoit, au nom du Roy, aux Prelats & Theologiens François, qu'ils eussent à partir, pour retourner, quand il plairoit à Dieu que la forme legitime, & la liberté fust rendue aux Conciles generaux ; & quand le Roy auroit recouuré le lieu & la place qui luy estoit due.

*Il se fait
quelque
composition.*

Il n'y eut pas occasion de faire la protestation : car le Conte de Lune se rangea finalement à entendre à quelque composition ; considerant que, quoy que le party d'Espagne surpassast de nombre celuy des François, neantmoins les dependans du Pape, lesquels au premier rencontre, scachans la volonté de leur Maistre, seroient à sa faueur, pourroient puis apres pancher à surseoir iusques à la responce & nouuelle commission d'iceluy, auquel ils fauoient qu'on auoit depesché pour cette cause : dont il aduiendroit, qu'iceux estans joints aux François, son party demeureroit le plus foible. Et pourtant par l'entremise de tous les autres Ambassadeurs, & du Cardinal

dinal Madrucc, apres plusieurs difficultés, ils conuinrent qu'és ceremonies publiques ne seroit plus presenté encens; ne Paix, iusques à la responce du Roy d'Espagne. Cet accord desplut à plusieurs, partie dependants du Pape, *qui des-
plait à
plusieurs,* & qui auoient fort à gré cete occasion pour interrompre le progrès du Concile: partie aussi, las de demeurer à Trente: & lesquels ne sçachans voir, en quelle maniere le Concile pust auoir ny progrès, ny issue, desiroient, pour moins de mal, qu'il fust interrompu, afin que les discordes ne s'accrussent. Il est bien certain que le Pape mesmes, ayant eu aduis de l'accord fait entre les Ambassadeurs, le prit à desplaisir, pour la mesme apprehension que les discordes ne s'engreassent, & qu'il n'arriuaist quelque mal. Et les ministres Espagnols, qui estoient en Italie, blasmoient tous le Conte de Lune, d'auoir laisse eschaper vne occasion si fauorable pour le seruice du Roy.

Ce different étant appointé; les Legats tous ententifs à tenir la Session, *pour reme-
dier aux
differeus
on resout
d'obmet-
tre quel-
ques de-
crets con-
tentieux;* dont le temps approchoit, consulterent ce qu'on pourroit faire pour oster les differents. Le Cardinal de Lorraine proposa vn expedient; de ne traiter point pour tout de l'Institution des Euesques, & de l'autorité du Pape, comme estans choses, esquelles les parties estoient portées de trop de passion: & pour ce qui concernoit les Euesques, de n'en dire autre chose, que ce qui touche à la puissance de l'Ordre: ce qui a aucuns des partisans du Pape sembloit vn bon remede: mais n'estoit approuué par les autres, disans, que cela seroit attribué au Pape, comme si la minute dernièrement dressée ne luy eust agreee: & que les Princes pourroient s'esbahir, pourquoy Sa Sainteté ne s'en estoit contentée, attendu que par icelle la mesme puissance luy estoit attribuée qu'auoit eu S. Pierre: ce qui donneroit aussi beaucoup à parler aux heretiques: ioint que les Espagnols, & les François prendroient de là occasion de peu esperer, qu'à l'aduenir on pust s'accorder en chose aucune: dont naistroient infinies difficultés aussi és autres matieres: outre ce qu'il demeureroit encor en doute, si cet expedient pourroit estre effectué, attendu que bon nombre de Prelats pouuoit requerir que ces Articles ne fussent obmis, ains qu'ils fussent declares. Le Cardinal de Lorraine promit que les François ne rechercheroient autre chose: & s'offrit de moyenner que les Espagnols aussi s'en contentassent: adioustant, que, si les Legats faisoient le mesme enuers les Italiens, lesquels, de gayeté de cœur, s'opposoient aux autres, le tout seroit composé.

Tout à point arriua commission de l'Empereur à ses Ambassadeurs, qu'ils fissent tout deuoir, à ce qu'au Concile ne fust parlé de l'autorité du Pape. Ce qui par luy fut fait, voyant que la disposition de la plus grande partie estoit portée à l'amplifier: & craignant qu'il ne fust déterminé quelque chose, qui rendist la concorde avec les Protestans plus malaisée. Cet office fait par lesdits Ambassadeurs avec les Legats, & avec le Cardinal de Lorraine, & autres principaux Prelats, fut cause qu'on resolut d'obmettre tout à fait cet Article-là, & celuy de l'Institution des Euesques. Apres plusieurs consultations sur ce sujet; auxquelles estoient introduits les principaux Prelats, & de plus grand suite; or en plus grand, or en plus petit nombre, pour disposer les affaires en sorte, que tous demeurassent contents, les Decrets des remedes & prouisions aux abus furent baillés aux Peres. Et au premier Article, qui estoit de l'Election des Euesques; sur la particularité, que les Metropolitains eussent à faire l'examen des personnes qui deuoient estre promues aux Eueschés, dont il a esté parlé cy-dessus, les Ambassadeurs d'Espagne, & de Portugal, s'y opposerent roidement: disans, Que c'estoit soumettre les Rois aux Prelats leurs suiets: attendu qu'indirectement on donnoit aux Prelats le pouuoir de reprobuer les nominations Royales. Les Ambassadeurs de France, recherchés de cela, monstrerent de ne se soucier point qu'il en fust fait Decret, ou que l'Article fust obmis. Dont les partisans du Pape, qui iugeoient, que cela tendoit à la diminution de l'autorité Papale, disoient que tout cet Article se pouuoit obmettre: sur tout, qu'il sembloit

1563. qu'en la Session cinquième il auoit esté suffisamment pourueu à cete matiere. Mais d'autres s'opposans à cela de grande ardeur, finalement d'un commun consentement il fut conclu, que cet Article seroit differé à la suiuite Session, pour auoir loisir de l'agencer en sorte, qu'il pust agréer à tous : afin que pour cela ne fust trauersée la publication des choses accordées.

Et de remettre au Pape ce luy de la confession de foy à faire par les Euesques, & Magistres, La mesme difficulté nasquit sur le dernier Article, d'entre ceux qui auoient esté proposés : auquel estoit prescrit vn formulaire de confession de foy, laquelle deuoient iurer ceux, qui estoient destinés aux Eueschés, & Abbayes ; & autres benefices ayans cures d'ames, auant qu'on vint à leur examen : lequel formulaire deuoit estre conioint avec celuy de l'election, en sorte qu'on ne les pust separer l'un de l'autre. Et fut arresté de differer aussi cet Article. Mais, d'autant qu'il fut si longuement differé, qu'on ne vint iamais à vne resolution d'en passer le Decret : & qu'en fin il fut tumultuairement remis au Pape, comme il sera dit en son lieu : il ne sera hors de propos d'en presenter en cet endroit la substance, qui estoit, Que non seulement cete confession fust requise de ceux, qui estoient destinés aux Eueschés, & autres cures d'ames : mais aussi, qu'il fust ordonné, par vne admonition, & commandement en vertu d'obeissance, à tous Princes de quelque Maiesté, & Excellence qu'ils pussent estre, de n'admettre à aucune dignité, magistrat, ou charge, aucune personne, sans auoir tout premier fait enqueste de la foy & religion d'icelle : & sans que ladite personne eust spontanement & de son bon gré aduoués & iurés les Articles contenus en cedit formulaire, lequel, pour cet effet aussi le Concile commandoit estre traduit en langue vulgaire, & lu publiquement au proiue par chasque Dimanche, en toutes les Eglises, afin qu'il pust estre entendu de tous. Les Articles d'iceluy estoient, De receuoir les saintes Escritures de l'un & de l'autre Testament, lesquelles l'Eglise tient pour Canoniques, comme inspirées de Dieu. De reconoistre vne sainte Catholique & Apostolique Eglise, sous vn Pape de Rome Vicair de Christ : tenant tres-constamment la foy, & la doctrine d'icelle : veu que, estant reglé par le S. Esprit, elle ne peut faillir. D'auoir en veneration, comme certaine, & indubitable, l'autorité des Conciles generaux ; & de ne reuoker en doute les choses vne fois ordonnées par iceux. De croire de ferme foy aux traditions receües de main en main. De suiure le consentement & le sentiment des Peres Orthodoxes. D'obeir entierement aux constitutions & commandemens de sainte Mere Eglise. De croire & confesser les Sept Sacremens, & leur vsage, vertu, & fruit : selon que l'Eglise a enseigné iusques à ce temps : mais sur tout, qu'au Sacrement de l'Autel est le vray Corps & Sang de Christ, reellement & substantiellement, sous les especes du pain, & du vin, par la vertu & puissance de la parole de Dieu, proferée par le Prestre, qui seul est le ministre, ordonné par Christ à cet effet. & que ce Corps & ce Sang est offert en la Messe à Dieu pour les viuans & pour les morts, en remission des pechés. Et finalement, de receuoir & retenir tres-fermement toutes les choses pieusement, saintement & religieusement obseruées par les Peres & ancestres, iusques à ce temps : & de ne se laisser aucunement demouuoir d'icelles : ains de fuir toute nouueauté de dogmes, comme poison mortel : euitant tout Schisme, detestant toute heresie, & promettant d'assister promptement & fidellement à l'Eglise contre tous les heretiques.

Et de modifier ce luy de la Residence Apres qu'on eut resolu de laisser aussi cet Article à quartier, comme il a esté dit, on trouuailla à accommoder l'Article de la Residence, en ostant tout ce qui pouuoit desplaire, tant à ceux qui la tenoient estre de droit diuin, qu'à ceux qui la disoient estre de droit positif. Le Cardinal de Lorraine s'employa avec beaucoup de diligence, & force, à appointer les parties : estant resolu que totalement la Session se tint au temps assigné : d'autant qu'il auoit, en ces mesmes iours, receu du Pape lettres tres-amiables, par lesquelles il le conuioit d'aller à Rome, & de s'aboucher avec luy : & de foy-mesmes il auoit desia deliberé de donner tout contentement au Pape, de quoy il luy

vouloit bailler pour gage ce point tant desiré, de terminer les estrifs, & composer les differends entre les Peres. Mais, sur le fait du voyage de Rome, il ne respondit que paroles ambiguës, voulant tout premier attendre response de France. Il y auoit vn autre empeschement, quoy que causé de chose legere, qui empeschoit le progrès du Concile, qui estoit, de traiter des fonctions des Ordres, dont estoit proposé vn grand & long Chapitre, auquel elles estoient toutes exposées par ordre, depuis celle de Diacre iusques à celle d'Ostiaire. Iceluy auoit esté, dès le commencement qu'on forma les Decrets, composé comme necessaire, pour s'opposer aux Protestans; qui disent, que ces Ordres n'ont point esté institués par Christ, mais seulement par constitution & vsage de l'Eglise: & que de vray iceux sont bien commodés & necessaires, comme offices d'un bon & bien reglé gouuernement, mais toutesfois ne sont point Sacremens. Ce Chapitre du Decret estoit extrait du Pontifical, prescriuant à chacun sa fonction: ce qui seroit trop long, & mesmes superflu à rapporter, veu qu'on le peut lire au liure mesmes. Et en outre le Decret declaroit qu'icelles fonctions ne peuvent estre exercées par autres que par ceux, qui, ayans esté promus par l'Euesque, ont receu de Dieu la grace, & esquels le Caractere a esté empraint pour les pouuoir exercer. Mais, quant ce vint au point de l'arrester, il se presenta vne grande difficulté à resoudre vne vieille & vulgaire opposition. Quel besoin il y auoit de Caractere, & de puissance spirituelle, pour exercer actes corporels, comme de lire, d'allumer chandelles; sonner cloches: lesquelles peuvent aussi bien, voire mieux, estre faits par personnes non ordonnées, que par ordonnées: sur tout, dès qu'il estoit passé en desaccoustumance, que personnes ordonnées exerçassent ces fonctions. Et estoit mis en consideration, qu'on venoit par ce moyen à condamner l'Eglise, laquelle, dès tant d'années, auoit intermis l'usage d'y employer personnes ordonnées. Et mesmes en le voulant remettre sus, il y auoit de la difficulté à en venir à la pratique: car, aux petits Ordres, il falloit ordonner non des enfans, ains des hommes faits, pour fermer l'Eglise, sonner les cloches, & coniuër les possédés: en quoy faisant il sembloit qu'on contrariaist à l'autre Decret, qui portoit, Que les petits Ordres sont degrés necessaires pour paruenir aux grands. Aussi ne voyoit-on point le moyen, comment on püst restituer au Diaconat ses trois charges de seruir à l'autel, de baptiser; & de prescher: ne, pour l'ordre des Exorcistes, comment cete charge pouuoit estre par eux exercée, attendu l'usage introduit des pieça, que les possédés soient coniuër par les seuls Prestres. Antoine Augustin, Euesque de Leride en Espagne, estoit d'aduis, qu'on laissast totalement ce traitté: disant, Que c'est bien chose certaine, que ces charges sont Ordres, & Sacremens: mais que toutesfois malaisément pourroit-on persuader qu'ils eussent esté introduits en l'Eglise primitive, lors qu'il y auoit fort peu de Chrestiens. Et que ce n'estoit pas de l'honneur du Concile de s'abaisser à tant de particularités. Qu'il suffisoit de dire, Que les petits Ordres estoient quatre, sans descendre à plus grandes singularités de doctrine, mais aussi sans innouer en la pratique. A cela on obiectoit, que par ce moyen la Doctrine des Protestans, qui appellent ces ordinations, Ceremonies oiseuses, ne seroit point condamnée. Mais le Cardinal de Lorraine fut auteur d'une voye du milieu, proposant qu'on obmist cet Article: & qu'il suffisoit d'en dire quatre mots, remettant l'exécution aux Euesques, lesquels eussent à tenir la main à les faire observer, autant qu'il leur seroit possible.

Ces choses ainsi arrestées, il fut resolu de lire le tout en la consultation de ces principaux, afin qu'en la Congregation generale les affaires passassent paisiblement, sans aucun contredit. Les deux parties se contenterent de tout, sauf que du sixieme Anathematisme, qui portoit, que la Hierarchie a esté instituée par ordonnance diuine: desquelles paroles l'Archeuesque d'Otrante, & autres Prelats partisans du Pape, prirent ombrage, que, parlant ainsi generally, que tous les Ordres sacrés indifferemment sont d'ordonnance de Christ, on n'en püst inferer, que les Euesques sont donc égaux au Pape:

1563. souverain Pontife. Mais les Theologiens, & Canonistes du Pape, les exhorterent à ne mouvoir point de difficulté: d'autant que, par les Canons precedens, & suivans, il estoit evident, qu'il ne s'agissoit que de ce qui concerne l'Ordre, en quoy le Pape ne surpasse point les autres Euesques: & qu'il n'estoit fait aucune mention de la Jurisdiction. Les mesmes eurent aussi pour suspectes les paroles de la preface du Chapitre de la Residence, par lesquelles il estoit dit, que tous ceux, qui ont charge d'ames, sont obliges par commandement de Dieu, de conoitre leurs brebis, &c. recueillant de là, que la Residence estoit par ce moyen obliquement declarée estre de droit diuin. Mais la plupart des mesmes partisans du Pape sentoient au contraire: disant, que tous ces particuliers commandemens de Dieu, faits à quiconque a charge d'ames, & qui estoient portés par le Decret, peuvent bien aussi estre gardés en absence: combien que de vray on ne puisse desaduotier qu'on les accomplit plus entierement en presence. Mais que sur tout les paroles suivantes pouruoient en sorte, qu'il n'y pouvoit auoir aucun preiudice pour Sa Sainteté. Joint que ce Decret ayant esté accommodé en cete forme par le Cardinal de Mantouë, il auoit maintes & maintes fois esté mis en consultation, sans que iamais on y eust fait ce scrupule: & à Rome mesmes on ne l'auoit point trouué preiudiciable. Mais ny pour cela, il ne fut possible de demouoir son opinion l'Archeuesque d'Otrante, & autres qui le suiuoient.

Quelques vns d'entre les Espagnols firent forte instance, que l'Institution des Euesques, & la Residence, fussent declarées estre de droit diuin. Mais ils furent contraints de desister de leur poursuite, d'autant que la plupart de leurs Collegues auoit esté persuadée par le Cardinal de Lorraine à s'en deporter, par termes de conscience, leur remontrant qu'il n'estoit ny asseuré, ny agreable à Dieu, de vouloir, par vne superflue & vaine instance, causer quelque grand mal, puis qu'on voyoit de ne pouoir faire le bien qu'on desiroit. Qu'il suffisoit d'auoir empesché le preiudice, que d'autres pensoient faire à la verité, establisant opinions contraires à icelle: & que, si on ne pouoit à present obtenir tout ce qu'on desiroit, il y auoit lieu d'esperer quelque chose de plus au temps à venir, avec l'aide de Dieu. Mais, nonobstant tout cela, l'Archeuesque de Grenade, & l'Euesque de Segouie, & quelques autres, ne purent estre fleschis: comme aussi de l'autre part demurerent entiers en leur aduis le Patriarche de Ierusalem, & l'Archeuesque d'Otrante, & autres leurs adherans, lesquels auoient concerté ensemble de contredire à tout ce qui seroit proposé en cet affaire, comme estans choses, qui ne seruoient point à oster les differends, mais seulement à les assoupir: se persuadans pour tout certain, que, passant outre, on les produiroit avec plus de violence, & impétuosité: & que, s'il falloit venir à rompre, il valloit mieux le faire avant la tenuë de la Session, qu'apres. Et ne fut iamais possible aux Legats de les persuader. Mais toutesfois, nonobstant ces deux contradictions, les choses avans ainsi esté establies avec les autres principaux, le neufuiesme du mois de Iuillet commencerent les Congregations generales: esquelles d'entrée ayant esté lu ce qui appartient à la Doctrine & aux Canons de l'Ordre, le Cardinal de Lorraine donna bon exemple aux autres, parlant briuelement & n'opposant aucune difficulté. Il fut suiuy par les autres, iusques à l'Archeuesque de Grenade, lequel dit, Que c'estoit vne grande indignité, de s'estre si long-temps mocqué des Peres, traitant du fondement de l'Institution des Euesques, & l'obmettant à present au dernier point d'en faire la decision: & requit quelle fust declarée estre de droit diuin: disant, Qu'il s'esbahissoit grandement pourquoy on ne declaroit ce point tres-veritable & infallible. Et adiousta, qu'il falloit interdire, comme heretiques, tous les liures qui portent le contraire. A cet aduis adhera aussi l'Euesque de Segouie, affermant que c'estoit vne expresse & formelle verité, & que nul ne la pouoit nier, & qu'il estoit necessaire de la declarer, pour condanner l'opinion des heretiques, qui tiennent le contraire. L'Euesque de Guadix, d'Aliphe, & de Mont-

maran, & les autres Prelats Espagnols; suivirent aussi le même avis: iustices-là, que quelques uns d'entr'eux dirent, Que leur opinion estoit aussi ^{1563.} vraie comme les commandemens du Decalogue. L'Evesque de Coimbre, se plaignit publiquement, que cautelement on preiudicioit à la verité, permettant qu'Evesques titulaires pussent estre ordonnés: attendu, que c'estoit autant que declarer, que la Iurisdiction n'est point essentielle à l'Episcopat, & qu'elle n'est point immédiatement receüe de Christ: & fit instance, à ce que le contraire fust arresté: repliquant le terme tant de fois proposé; Qu'autant est-il essentiel à l'Evesque d'avoir Evesque, & suiets fideles, comme au mary d'avoir femme. Puis apres fut proposé le Decret de la Residence, lequel le Cardinal de Lorraine approuva avec la même brieveté: seulement aduertit-il, qu'en l'endroit, où estoient recitées les causes de l'absence, entre lesquelles estoit mis l'evidente vtilité de l'Eglise, on adiousta ce mot, Et de la Republique, ou Estat: & ce, pour oster tout l'empeschement, que ce Decret pourroit apporter aux Prelats, d'estre admis aux charges & conseils politiques & publics: ce qui fut receu avec un applaudissement universel. Le Cardinal Madruce suivit apres, parlant en même sens. Mais le Patriarche de Ierusalem, & Paul Emile Veralle, iadis Archevesque de Rossan, & à present Evesque de Capuce, & l'Archevesque d'Otrante, ne voulurent dire leur avis sur ce Decret: sur quoy l'Archevesque de Bragance; quand ce vint à son tour d'opiner, se tourna devers les Legats, disant, quasi par maniere de censure, Qu'ils usassent de leur autorité, & contraignissent ces Prelats à dire leur avis. Et que c'estoit vne pernicieuse introduction au Concile: comme s'ils estoient contrains de se taire, ou qu'ils eussent l'ambition de ne point parler; qu'avec suite. Cela fut cause, qu'autres, qui auoient deliberé de les imiter, changerent de résolution, & consentirent au Decret. De main en main que les autres Decrets estoient lus; les Peres en suite les approuverent unanimement: sauf que l'Archevesque de Grenade fit instance que la Residence fust declarée estre de droit diuin en termes clairs, & expres: attendu, disoit-il; que les paroles ambiguës de la preface estoient indignes d'un Concile, & conuqué pour oster, & non pour accroistre les difficultes: & que les liures, qui portoient le contraire, fussent defendus: & qu'au Decret fussent expressement & nommément compris les Cardinaux. On s'apperceut que cete dernière instance, touchant les Cardinaux, agréoit à plusieurs: dont le Cardinal Moron répondit, Qu'on y feroit consideration, pour en parler vne autrefois. On passa outre au demeurant, & en fin le Patriarche, & les deux Archevesques susdits, consentirent aussi au Decret: ce qui commença à donner bonne esperance que la Session pourroit estre celebrée en son temps; ce qui auoit tousiours par le passé esté iugé impossible; mais estoit à present reduit à bon point par la dexterité du Cardinal de Lorraine.

Les iours suivans, les Peres opinèrent sur les autres Articles de Reformation: & ne fut par eux proposée aucune varieté de consequence, sinon, qu'à la grande instance de Pompée Zambeccari, Evesque de Sulmone, fut ostée vne clause de l'Article de la premiere tonsure, laquelle portoit, Que si quelqu'un, six mois apres auoit esté ordonné, commettoit aucune forfaiture, il fust presumé auoir esté promu par surprise & par fraude, & ne pust iouir du priuilege de l'exemption de la Cour seculiere. Pareillement, au Decret, que nul ne soit ordonné sans estre affecté à quelque Eglise particuliere: auquel estoit adiousté le rafraischissement des Decrets du Concile de Latran, Que mesmes ceux, qui estoient ordonnés à titre de patrimoine, dussent estre appliqués au seruice de quelque Eglise, auquel ils s'exerçassent actuellement: à défaut dequoy, ils ne pussent participer aux priuileges: cette clause fut ostée: & au demeurant, avec un leger changement de paroles, peu appartenantes à la substance, tous les Peres furent contentés.

Les Espagnols, lesquels n'auoient pu obtenir en Congregation la declaration par eux desirée de l'Institution des Evesques, s'assemblerent le soir du ^{les Espagnols sont}

1563.
flechis par
leur Am-
bassadeur

treizième du susdit mois de Juillet, chez le Conte de Lune, là où l'Archeuesque de Grenade, avec ses adherants, tascha de luy persuader de faire vne protestation aux Legats, en cas qu'on obmist de determiner cet Article: mais d'autres l'en dissuaderent, comme estant chose qui pouuoit causer quelque grand trouble. Toute cete assemblée se consuma en disputes, & se termina en debat: & la resolution fut differée au lendemain matin. Et lors le Conte, apres auoir derechef ouï les diuers aduis, & consideré que la chose desplairoit grandement au Pape, à tous les Euesques Italiens, & mesmes aussi aux François, qui s'estoient accommodés; pria l'Archeuesque de Grenade, & ses adherants, de vouloir estre de mesme aduis que les autres: veu qu'en cecy ne se mettoit point en ieu la conscience, ne s'agissant point de determiner plus en vne façon qu'en vne autre: mais seulement, de determiner ou d'obmettre. Mais l'Archeuesque ne voulut iamais y acquiescer, ains dit, Qu'en conscience il iugeoit que cete determination estoit necessaire. Dont le Conte, pour derniere ressource, le requit, qu'il dist donc son opinion librement, mais paisiblement, prenant patience si elle n'estoit embrassée par les autres; & s'abstenant des contentions. Et ainsi promirent de faire luy, & les autres.

dont se
tient Co-
gregation
generale
avec quel-
que diffe-
rend pour
les Car-
dinaux,

Le lendemain, qui estoit le iour de deuant la Session, fut tenue Congregation generale: en laquelle le Cardinal Moron proposa, S'il plaisoit aux Peres, qu'en l'Article de la Residence, & en celuy qui parloit de l'aage de ceux qui doiuent estre ordonnés, mention fust faite des Cardinaux: & particulièrement en celuy de l'aage. Il y en eut peu, qui y consentissent: la pluspart remontrant, qu'il n'eschet pas aisément occasion de faire Cardinaux ieunes, sinon Princes, esquelz, il ne faut point regarder à l'aage: attendu, qu'en quelque façon que ce soit, ils honorent l'Ordre Ecclesiastic: & pourtant, qu'il estoit hors de propos de faire Decret, là où il n'y auoit point d'abus. Mais au fait de la Residence, la pluspart fut d'aduis, qu'ils fussent nommément spécifiés: quoy que d'autres y contredissent, disans, Que ce seroit approuuer que les Cardinaux tinssent Eueschés, & par consequent adouuer les commendes: ce qu'il n'estoit pas raisonnable de faire: ains valoit mieux, que leur conscience reconust de loy-mesme qu'ils ne sont exempts du commandement general; que non pas, d'approuuer, en les nommant, deux abus tout ensemble, à sçauoir, la pluralité des benefices, & les commendes. Puis apres, on traita de quelques particularités de peu de consequence: lesquelles ayans esté concludës, fut derechef lu tout ce qu'il falloit publier en la Session: surquoy les Peres dirent leur aduis par la seule parole, *Placet*. Aucuns Espagnols, & quelques Italiens respondirent, *Non placet*: mais, n'estans en tout que vingt-huit, & les autres cent quatre-vingts douze, le Cardinal Moron conclut en fin, que la Session se tiendroit. Il remercia les Peres de ce qu'ils auoient accepté les Decrets; & exhorta les autres à s'vnir avec eux: & pria le Conte de Lune de faire office avec les Prelats Espagnols, que, voyans l'vniuersel consentement de tout le Concile en vn mesme aduis, il leur plut de le suiure. Et apres la Congregation, parlant avec luy plus particulièrement, il luy promit, que toutesfois & quantes, que la puissance du Pape seroit definie selon la reñeue du Concile de Florence, on ne feroit point tant de difficulté de declarer l'Institution des Euesques estre de droit diuin. Les Prelats Espagnols, assemblés le mesme iour au logis du Conte, apres plusieurs discours, se fondans sur la promesse que le Cardinal auoit faite au Conte, se resolerent d'accepter tout.

et finale-
ment la
septième
Session, en
laquelle le
Sermon-
neur of-
fense,

Doncques le quinziesme Juillet, le matin de bonne heure ils allerent tous, en l'ordre accoustumé, à l'Eglise: là où les ceremonies furent faites à l'ordinaire: & l'Euesque de Paris celebra la Messe & l'Euesque d'Aliphe fit le Sermon, auquel il offensa les François, nommant le Roy d'Espagne, auant celuy de France: & les Polonois, nommant celuy de Portugal, auant le leur: & les Venitiens, faisant mention du Duc de Sauoye auant, & de leur Republique apres: outre quelques paroles, par lesquelles il monstroït, que ceto tenue

de Concile estoit vne continuation des precedens, celebrés sous Paul & Jules: de quoy les Imperiaux, & les François aussi, furent mal-contens. Il entra aussi à parler de la foy, & des mœurs des heretiques, & des Catholiques. Et dit, que la foy des Catholiques estoit meilleure, mais que les mœurs des heretiques estoient beaucoup plus louables, que ceux des Catholiques. En quoy il offensa grandement: sur tout, ceux qui se souvenoient du dire de Christ, Vous les conoistrez par leurs œuvres: & de S. Iacques, Demonstremoy ta foy par tes œuvres. Toutesfois rien ne fut dit à l'encontre sur l'heure: tous ayans esgard à ne troubler point les ceremonies publiques. Mais le lendemain, les Ambassadeurs François, Polonois, & Venitiens, firent instance aux Legats; qu'ils ne laissassent imprimer ledit Sermon, ny inserer es Actes du Concile. La Messe, & les autres prieres, acheuées, furent lus les Brefs de la Légation des Cardinaux Moron & Nauagier, les mandemens du Roy de Pologne & du Duc de Sauoye, la lettre de la Roine d'Ecosse, & le mandement du Roy Catholique. Puis apres furent lus les Decrets de la Doctrine de la foy, esquels il n'y eut aucune contradiction, sauf que la pluspart des Espagnols dit, Qu'ils y consentoient, à condition, que Messieurs les Legats tinssent la promesse, qu'ils auoient faite à l'Ambassadeur de leur Roy.

Le Decret de la foy contenoit en substance: Premièrement, Qu'en toute loy, le Sacrifice & la Sacrificature estoient inseparablement conioints: & pourtant, veu qu'au nouveau Testament il y a vn sacrifice visible, à sçauoir, l'Eucharistie, il faut aussi de necessité aduouër qu'il y a vne visible & externe Sacrificature, à laquelle, par ordonnance diuine, est donné pouuoir de consacrer; offrir, & administrer l'Eucharistie; & de remettre & retenir les pechés. En second lieu, Que cete Sacrificature estant chose diuine, il est conuenable qu'elle ait plusieurs ordres de ministres qui luy seruent, & qu'iceux montent aux plus grands ministeres par les moindres: attendu que la Sainte Escriture fait mention du nom des Diacres: & que dès le commencement de l'Eglise ont esté en vusage les ministeres des Sousdiacres, des Acolytes, des Exorcistes, des Lecteurs, & des Ostiaires: quoy qu'en diuers degrés: car le Sousdiaconat auoit esté conté entre les grands ordres. En troisieme lieu, Que, pource qu'en la sacrée ordination est conferée la grace, l'Ordre est vraiment & promptement vn des sept Sacremens de l'Eglise. En quatrieme lieu, Pource qu'audit Ordre est imprimé vn caractere ineffaçable, le Concile cōdanne ceux, qui disent que les Prestres n'ont pouuoir qu'à temps: & que ceux, qui ont esté ordonnés, peuuent derechef deuenir Lais, en cas qu'ils n'exercent le ministere de la parole de Dieu. Et semblablement cōdanne ceux, qui disent que tous les Chrestiens sont Sacrificateurs: ou, qu'ils ont tous égale puissance spirituelle: ce qui n'est autre chose sinon confondre & pesle-mesler la Hierarchie Ecclesiastique, qui est semblable à vn champ d'armée rangée en bataille. Qu'à cet ordre Hierarchic appartiennent principalement les Euesques, qui sont superieurs aux Prestres, & auxquels appartient d'administrer le Sacrement de la Confirmation, d'ordonner les ministres de l'Eglise, & de faire plusieurs autres fonctions, esquelles les ordres inferieurs n'ont aucun pouuoir. En outre le Concile enseigne, qu'en l'ordination des Euesques, des Prestres, & autres degrés, le consentement, vocation, ou autorité du Magistrat, ou d'autre puissance seculiere, n'est point necessaire: ains, que ceux, qui sont appellés ou institués seulement par le peuple, ou par la puissance seculiere, ou magistrat: ou mesmes, qui montent & s'ingerent aux ministeres Ecclesiastiques de leur propre mouuement & temerité, sont non ministres, mais larrons & brigans, qui n'entrent point par la porte.

Après cete doctrine, suiuoient huit Anathematismes. Le premier, Contre *les A-* qui dira, qu'au nouveau Testament il n'y a point de Sacrificature visible: ou *nathema-* qu'il n'y a point de puissance de consacrer, & d'offrir, & de remettre les pe- *tismes,* chés: ains seulement vne charge, ou simple & nud ministere de prescher

1563.

l'Evangile: & que ceux, qui ne preschent point, ne sont point Sacrificateurs, ou Prestres. Le deuxième, Contre qui dira, qu'outre la Prestrie, il n'y a point d'autres ordres grands & petits, par lesquels, comme par degrés, on monte à la Prestrie. Le troisième, Contre qui dira, que la sacrée ordination n'est point proprement Sacrement: ou bien, que c'est vne inuention humaine: ou seulement, vne certaine ceremonie d'eslire les ministres de la parole de Dieu & des Sacremens. Le quatrième, Contre qui dira, que par la sacrée ordination n'est point conféré le S. Esprit, ou que nul Caractere n'est par icelle imprimé, ou que le Prestre peut deuenir Lai. Le cinquième, Contre qui dira, que la sainte Onction, & les autres ceremonies, dont vse l'Eglise, ne sont point requises: ains qu'elles peuvent estre obmises, & que mesmes elles sont pernicieuses. Le sixième, Contre qui dira, qu'en l'Eglise Catholique il n'y a point de Hierarchie, instituée par ordonnance diuine, laquelle est composée d'Euesques, de Prestres, & de Ministres. Le septième, Contre qui dira, que les Euesques ne sont point par dessus les Prestres: ou, qu'ils n'ont puissance de confermer, & d'ordonner: ou, que les Prestres aussi ont la mesme puissance: ou, que les ordres, conferés sans le consentement ou vocation du peuple, ou de la puissance seculiere, sont nuls: ou, que ceux qui ne sont legitiment ordonnés par la puissance Ecclesiastique, sont legitimes ministres de la parole de Dieu, & des Sacremens. Le huitième, Contre qui dira, que les Euesques, promus par autorité du Pape de Rome, ne sont point legitimes, ne vrais: ains ne sont qu'une inuention humaine.

Decret de
Reforma-
tion sur le
Sacrament
de l'ordre,
& sur tout
au fait de
la Resi-
dence:

Après fut lu le Decret de la Reformation, lequel contenoit dix-huit Chapitres. Le premier, touchant la tant debatue matiere de la Residence: lequel portoit, Que, par commandement de Dieu, tout homme, à qui est commise charge d'ames; est obligé de conoistre ses brebis, offrir sacrifice pour elles, les paistre par la predication, par les Sacremens, & par bon exemple: & auoir soin des pauvres, & vaquer à autres offices de pasteur: lesquels ne pouuans estre accomplis par ceux qui ne surueillent & n'assistent à leur troupeau, le Concile les admoneste de le paistre en iugement & verité. Et afin que les arrests, faits en cete matiere, sous Paul troisième, ne soient sinistrement interpretés; & que par là nul ne se persuade qu'une absence de cinq mois luy soit licite; le Concile declare, que toutes personnes tenans Euesché, à quelque titre que ce soit, voire mesmes les Cardinaux, sont obligés à resider personnellement: & qu'il ne leur est permis d'absenter leurs Eglises, sauf lors & quand la charité Chrestienne, l'urgente necessité, la due obeissance, & l'utilité de l'Eglise, ou de la Republique, le requierent: ordonnant aussi que ces causes d'absence soient conuës & approuuées pour legitimes par le Pape, ou par le Metropolitain: sauf quand elles seroient toutes notoires, ou soudaines: & que les Conciles prouinciaux conoissent & iugent des licences octroyées: afin qu'il ne s'y commette abus: & que les Prelats absens ayent à pouruoir, que, pour leur absence, le peuple ne souffre aucun dommage. Et, d'autant qu'une brieue absence ne merite pas d'estre comprise sous ce nom, le Concile ordonne, que, hors les causes susdites, ladite brieue absence n'excede nullement deux ou trois mois de l'année, soit continuels, soit interrompus; & que mesmes il y ait cause raisonnable, & que le troupeau n'en souffre aucun detrimet: ce qu'il remet à la conscience des Prelats: admonestant vn chacun de n'estre absent es Dimanches de l'Aduent, & de Quarresme: ny es festes de Noel, de Pasques, & de Pentecoste, & du *Corpus Domini*, ou Feste-Dieu. Et que, qui contreuiendra à ce Decret, outre les peines imposées aux non residens sous Paul troisième, & le peché mortel qu'il encourt, ne puisse, en bonne conscience, iouir des fruits, pendant le temps de son absence. Et declare & ordonne les mesmes choses, pour tous les autres qui ont cures d'ames: ausquels, lors que par permission de l'Euesque ils s'absenteront, il enioint qu'ils ayent à substituer Vicaires idoines & capables, approuués par l'Euesque, avec conuenable salaire & loyer: avec les autres clauses, plus amplement deduites au Decret: lequel le Concile commande

commande d'estre leu, & publié, ensemble celui, qui auoit esté sous Paul troisieme, és Conciles Prouinciaux & Diocesains.

1563.

Le second Chapitre du Decret de Reformation, contenant la matiere des saints ordres: portoit, Que quiconque tient Euesché, à quelque titre que ce soit, mesme Cardinal, ne receuant la consécration dans le temps & terme de trois mois, ait à perdre les fruits: & en cas qu'il differe encor autres trois mois, qu'il perde le Benefice: & que la Consécration, lors qu'elle se fera hors de la Cour de Rome, se face solennellement en face d'Eglise, ou certes en la Prouince, si la commodité le permet. Le troisieme, Que les Euesques conferent les saints ordres en propre personne: & cas estant qu'ils ayent empeschement de maladie, qu'ils n'enuoyent leurs suiets à receuoir les Ordres d'autres Euesques, que tout premier ils ne les ayent examinez & approuuez. Le quatrieme, Que la premiere tonsure ne soit baillée, sinon à ceux qui auront receu le Sacrement de la Confirmation, & auront appris les rudimens de la foy, & scauront lire & escrire: desquels aussi il y ait vray semblable coniecture, qu'ils prennent la vie Clericale pour le seruice de Dieu, & non pour s'emanciper de la iurisdiction seculiere. Le cinquieme, Que ceux qui deuront estre promus aux petits ordres, ayent tesmoignage des Curez & des Maistres d'Eseole: & que l'Euesque ordonne que leurs noms soient publiez en l'Eglise, & qu'enqueste soit prise de leur naissance, parenté, aage, mœurs, & vie. Le sixieme, Que nul ne puisse tenir Benefice Ecclesiastic, auant l'aage de quatorze ans: ne iouyr de l'exemption de la Cour seculiere, sinon qu'il ait quelque Benefice Ecclesiastic: ou que, par commission de l'Euesque, il serue à quelque Eglise, portant l'habit, & la tonsure: ou qu'il habite en quelque Seminaire de Clercs, ou en quelque Eseole, ou Vniuersité, avec permission de l'Euesque. Et quant aux Clercs mariez, que la constitution de Boniface huitieme soit obseruée: à condition qu'ils ceux semblablement seruent à l'Eglise, en habit & tonsure, par commission & deputation del'Euesque. Le septieme, Que lors, que les saints ordres deuront estre solennellement conferez, tous ceux qui les deuoient receuoir soient appelez en la ville le Mercredy precedent, ou autre tel iour qu'il semblera à l'Euesque: & que lors l'Euesque face diligente enqueste de leur extraction, personne, aage, nourriture, mœurs, doctrine & foy: avec l'assistance de personnes notables, tant Ecclesiastiques, que Seculieres. Le huitieme, Que les promotions aux saints ordres se facent solennellement és temps ordonnez de droit, és Eglises Cathedrales, en presence des Chanoines: & lors qu'on les fera en autre lieu du Diocese, que cela se face en la plus honorable Eglise, & en presence du Clergé: & que chacun soit ordonné par son propre Euesque, sans qu'il soit permis à aucun, de se faire ordonner par autre, sinon avec lettres testimoniales de son Euesque propre. Le neuvieme, Que l'Euesque ne puisse ordonner vn sien domestique, non suiet, si non qu'il ait demeuré avec luy trois ans entiers, auquel cas encor il ait à luy conferer promptement vn Benefice. Le dixieme, Que nul Abbé, ny autre Prelat exempt, ne puisse conferer la premiere tonsure, ou les petis ordres, sauf à leurs sujets Reguliers: & que ny Abbez, ny autres Prelats exempts, ne Chapitres, ne Colleges, ne puissent donner lettres dimissoires à aucuns Clercs seculiers, pour receuoir les ordres. L'onzieme, Que les petits ordres soient conferez à personnes qui entendent la langue Latine: & avec quelque entreiet de temps entre vn ordre & l'autre. Et veu, que ces ordres sont de grés aux autres, que nul ne soit ordonné, sinon qu'il y ait esperance qu'il puisse deuenir digne des grands ordres: & que du dernier degré des petis soit interposé l'espace d'un an au premier des grands, qui est le Souf diaconat: si non que l'Euesque pour le bien de l'Eglise, en iuge autrement. Le douzieme, Que nul ne soit ordonné au Souf diaconat auant l'aage de vingt-deux ans, ny au Diaconat auant l'âge de vingt-trois, ny à la Prestreise auant l'âge de vingt-cinq: sans que les Reguliers mesmes en puissent estre exempts. Le treizieme, que ceux là soient ordonnez Souf diacre & Diares, lesquels aurót esté

1563.

esprouuez és petis ordres, & seront suffisamment instruits és bonnes lettres, & doüez d'autres qualitez requises à l'exercice de l'Ordre: & auront esperance de pouuoir viure en continence. Et qu'iceux estans promus, seruent à l'Eglise, à laquelle ils seront assignez: & qu'ils scachent, qu'il leur est grandement seant, de receuoir la sainte Communion, les iours de Dimanche, & des festes solemnelles, lorsqu'ils seruent à l'Autel. Et que les Soufdiacres ne puissent monter à plus haut degré, sinon que premierement ils ayent esté exercez par l'espace d'un an entier en leur propre. Et que, pour priuilege quelconque, ne soient conferez deux ordres, en vn meisme iour. Le quatorzième, Que nul ne soit ordonné Prestre, qui n'ait esté Diacre, exercé au ministere au moins vn an durant, & trouué idoine à instruire le peuple, & à administrer les Sacremens. Et que l'Euesque ait soin de faire que les Prestres promus celebrent la Messe, au moins les iours de Dimanche, & des festes solemnelles: & s'ils ont cure d'ames, qu'ils le fassent si frequemment, qu'ils satisfassent pleinement à leur charge. Et que si quelqu'un de prinsaut est ordonné Prestre, sans auoir premierement seruy és Ordres inferieurs, l'Euesque le puisse dispenser, s'il y a cause legitime. Le quinzième, Que, combien que les Prestres recoiuent par l'ordre de Prestre, puissance d'absoudre des pechez; nul toutesfois ne puisse ouyr les confessions, s'il n'a Benefice avec charge d'ames, ou s'il n'est approuué par l'Euesque. Le seizième; Que nul ne soit ordonné, sans estre assigné & affecté à quelque Eglise, ou lieu de deuotion, pour exercer le ministere de cet ordre-là: & si quelqu'un abandonne son lieu, sans le seu & permission de l'Euesque, qu'il soit interdit de l'exercice des saints ordres: & que nul Clerc estranger ne soit admis à faire le seruice, sans lettres de son Ordinaire. Le dix-septième, Que pour remettre sus les fonctions des ordres dès le Diaconat, iusques à celuy d'Ostiaire, vsitées des le temps des Apostres, mais intermises en plusieurs endroits: afin qu'elles ne soient en derision aux heretiques, comme oiseuses & inutiles, ces ministeres ne soient exercez, sinon par personnes promües ausdits Ordres, & que les Prelats remettent sus lesdites fonctions: & qu'en cas qu'ils n'ayent Clercs continens & non mariez, pour l'exercice des quatre petis ordres, ils y puissent receuoir des mariez de bonne vie, non bigames, idoines à ces charges, & portans habit & tonsure de Clercs. Le dernier chapitre estoit de l'institution des Seminaires: & en iceluy estoit ordonné, que chaque Eglise Episcopale ait vn certain nombre d'enfans, qui soient nourris en vn College, près de l'Eglise, ou en autre lieu conuenable: & qu'iceux soient de l'âge au moins de douze ans, procrez de legitime mariage, & soient par l'Euesque distribués par classes, selon leur nombre, âge, & auancement en la discipline Ecclesiastique: & qu'ils portent l'habit, & la tonsure: & qu'ils soient instruits en la Grammaire, Chant & Compot: & apprenent l'Escripture sainte, les homelies des Peres, & les formes des obseruances & ceremonies des Sacremens: & sur tout, ce qui appartient à ouïr les confessions. Et que pour fournir aux frais à ce necessaires, là où il y a des reuenus destinez à l'education d'enfans, iceux soient appliquez à ce Seminaire: & que pour le demeurant, qui y sera necessaire, l'Euesque avec quatre autres du Clergé, ayent à distraire vne portion de tous les Benefices du diocese, & à l'appliquer à cet vsage, ensemble quelques Benefices simples: & à contraindre ceux qui ont office d'Escholastre, ou autres charges, de lire & enseigner és escholes du Seminaire, soit par eux mesmes, soit par idoines substitués: & qu'à l'aduenir les offices d'Escholastre ne soient conferez qu'à Docteurs ou Maistres en Theologie, ou en Droit Canon. Et si en quelque Prouince les Eglises estoient si pauures, qu'en quelque vne d'icelles ne pust estre erigé College, le Synode Prouincial, ou Metropolitain, pouruoye qu'il en soit fondé, vn ou plusieurs en l'Eglise Metropolitaine, ou en quelque autre Eglise plus commode de la Prouince, selon qu'il semblera à propos, des reuenus de deux ou de plusieurs Eglises, lesquelles n'y pourront suffire toutes seules. Et, qu'es Eglises de grand diocese, l'Euesque puisse, selon qu'il iugera à faire,

eriger vn ou plusieurs ſeminaires, outre celuy de la ville : leſquels toutesfois dependent en tout & par tout d'iceluy.

1563.

Enfin fut leu le Decret de l'intimation de la prochaine Seſſion au ſeizième de Septembre : avec expreſſe declaration, qu'en icelle ſeroit traité du Sacrement du Mariage, d'autres choſes appartenantes à la doctrine de la foy. Item des prouiſions des Eueſchez, dignitez, & autres Benefices Eccleſiaſtics : & de diuers autres chefs de Reformation.

Cette Seſſion dura depuis les trois heures du matin, iuſques à dix auant Midy : au grand contentement des Legats, & d'autres Prelats partiſans du Pape, que les choſes fuſſent paſſées paiſiblement, & vnanimement : & louoyent ſur tout le Cardinal de Lorraine, aduoüans qu'il auoit eſté cauſe principale de ce bien.

Nul acte de ce Concile ne fut veü plus auidentement par le monde, que celuy ^{ingement} de la preſente Seſſion, lors qu'il ſortit en lumiere, pour la curioſité que cha- ^{sur cette} cun auoit de voir vne fois, ce qui auoit tenu en debat vn ſi grand nombre de ^{Seſſion} Prelats à Trente ; & de quoy toutes les Cours des Princes auoient eſté empeſchées, par l'eſpace de dix mois entiers. Mais, ſelon le prouerbe on y trouua l'enfantement des montagnes, & la naiſſance d'une ſouris. Et n'y eut aucun qui y puſt reconnoiſtre choſe aucune, qui meritaſt, ie ne dy pas le travail de tant de temps, mais ſeulement vn bien petit d'occupation de tant de perſonnages. Et les hommes aucunement verſez en Theologie, eurent occasion de deſirer, qu'il fuſt vne fois déclaré, que c'eſt que le Concile entendoit par la puissance de retenir les pechez, laquelle il faiſoit partie de l'autorité ſacerdotale, veu qu'il auoit bien déclaré comment il entendoit l'autre de les remettre. Autres auſſi s'eſbahirent, en liſant la declaration, que les Ordres inferieurs n'eſtoient que degrez aux ſuperieurs, & tous enſemble à celuy de Preſtriſe : veu qu'il paroiſſoit clairement par la lecture de l'hiſtoire Eccleſiaſtique, que ceux, qui anciennement eſtoient ordonnez à vne charge, ou miniſtere, eſtoient d'ordinaire entretenus perpetuellement en iceluy : & eſtoit cette tranſlation, ou promotion à degré plus haut, choſe accidentele, & qui eſcheoit rarement, & pratiquée par ſeule neceſſité, ou grande vtilité. Qui des ſept Diacres, inſtituez par les Apoſtres, on ne liſoit point qu'aucun fuſt monté à degré plus haut. Et meſmes en l'Egliſe Romaine anciennement les Diacres ne faiſoient que vaquer aux Confeſſions des Martyrs, ſans qu'on les voye eſtre montez à titres de Preſtre. Qu'on trouuoit encor le recit, comment S. Ambroïſe auoit eſté ordonné Eueſque : & S. Ierome, S. Auguſtin, & S. Paulin, Preſtres : & S. Gregoire le Grand, Diacre : ſans qu'ils fuſſent paſſez par autres degrez. Qu'on ne vouloit point blaſmer la couſtume introduite eſ temps d'apres : mais ſeulement s'eſbahilloit-on que la choſe fuſt representée, comme ayant eſté de tout temps en vſage, attendu qu'il paroiſſoit du contraire.

Le Decret qui portoit, Que les miniſteres des Ordres, dès le Diaconat, iuſques à celuy d'Oſtiaire, ne fuſſent exercez, ſinon par perſonnes promuës aux propres ordres d'iceux, paroiſſoit de prime face fort ſpecieux : mais il ſembloit fort malaiſé à obſeruer, qu'en nulle Eglife ne fuſſent ſonnées les cloches, ny ouuertes & fermées les portes que par Oſtiaires ordinaires : & que les lampes, & cierges ne fuſſent allumés, que par Acolytes : & qu'iceux exerçaſſent ces charges manueles afin de paruenir à la Preſtriſe. Et ſembloit qu'il y euſt quelque eſpece de contradiction, d'auoir abſolument déterminé, que ces miniſteres ne fuſſent exercez par autres, que par perſonnes ordonnées : & cependant, cōmander aux Prelats qu'ils les remiſſent ſus entant qu'il ſeroit poſſible, & que la cōmodité le permettroit. Attendu que, pour garder le Decret precis & abſolu, il falloit de neceſſité, là on ne pourroit auoir des perſonnes Ordonnées pour l'exercice de ces fonctions, demeurer ſans les exercer. Que ſi elles pouuoient eſtre exercees ſans les ſaints ordres, là où la commodité defailloit, il ſembloit qu'on pouuoit plus honneſtement ſe paſſer d'en faire la definition & reglement abſolu. Au Decret de

1563.

l'ordination des Prestres, on iugea fort conuenable d'y auoir apposeé cette condition, qu'iceux fussent propres à instruire le peuple: mais cela ne sembloit bien rapportant avec cette autre doctrine & vsage, que d'auoir cure d'ames ne soit chose essentielle à la Prestise. Dont il n'est pas necessaire, que les Prestres, qui reçoient les saints ordres avec intention de ne se charger iamais de cure d'ames, soient propres à instruire le peuple. Aussi disoient quelques vns, que d'assigner, pour condition necessaire, aux petit ordres, de sauoir la langue Latine, estoit se declarer, que le Concile n'estoit point general de toutes les nations Chrestiennes, & que ce Decret ne pouuoit estre vniuersel, ny n'obliger les nations d'Afrique, d'Asie & d'une grande partie del'Europe, là où la langue Latine n'a iamais esté en vsage.

En Allemagne on pesa grandement le sixième Anathematisme, qui fait vn Article de foy de la Hierarchie: terme, & signification estrangere à la Sainte Escriture, & à l'vsage de l'Eglise ancienne; pour ne dire contraire: & inuenté par vn certain Denis, nommé l'Areopagite, lequel de vray est de quelque ancienneté, mais n'est pas bien asseurement reconu qui il est: & quand mesmes il le seroit, il est tant hyperbolique en tout le demeurant de ses propos, qu'on n'y peut assoir aucun fondement asseuré: ioint que ny en ce terme, ny en autres de son inuention, il n'est suiuy par aucun Ancien: & que, pour se tenir au style de parler & d'œurer de Nostre Seigneur Iesus-Christ, & des Saints Apostres, & de l'Eglise ancienne, il falloit establir, non Hierarchie, mais vne Hierodiaconie, ou Hierodulie. Et Pierre Paul Verge, en la Valteline, faisoit le suiet de ses predications, de ces obiections & autres semblables contre la doctrine du Concile: recitant mesmes les debats qui estoient entre les Euesques, & eschafaudant tout ce qu'il pouuoit non seulement de parole, mais aussi par lettres, lesquelles il escriuoit aux autres Ministres Protestans, & Euangeliques, & lesquelles estoient mesmes luës aux peuples en leurs Eglises. Et combien que l'Euesque de Come, par commission du Pape & du Cardinal Moron, fit tout deuoir, voire iusques à des attentats & embusches sur sa vie, pour le faire sortir de ce pays-là, il n'en put iamais venir à bout.

Mais on fut encor plus esbahy du Decret de la Residence, de laquelle on auoit tant parlé, & escrit, & dont aussi on attendoit quelque belle & notable resolution; dès qu'on vid, que pour decision d'une controuerse, qui auoit esté pourmenée generalement par la bouche quasi de tous, on n'auoit dit autre chose, que ce que chacun pouuoit assez scauoir de foy-mesme: assauoir, Que c'est peché de ne resider, sinon qu'il y ait cause legitime: comme si, par lumiere naturelle chacun ne sauoit pas que de droit commun, tout homme peche, si sans cause legitime, il s'absente de sa charge, de quelque genre qu'elle soit.

*les Prelats
Espagnols
malcontens
du Card.
de Lorrainne.*

L'issuë de cette Session rompit la bonne intelligence, qui auoit iusques alors esté entre le Cardinal de Lorraine, & les Espagnols: lesquels se plaignoient d'auoir esté par luy abandonnez en la matiere de l'Institution des Euesques & de la Residence, esquelles il auoit infinies fois protesté de sentir avec eux, & promis de s'y employer vigoureusement, pour faire passer cette opinion en Decret, sans se relascher pour cause quelconque. Et adoustoient, qu'ils n'auoient plus d'esperance de le voir ferme & constant en autres choses qu'il auoit promises: & qu'il auoit esté gaigné par le Pape par la promesse de la Legation de France, & autres choses semblables, peu honorables pour luy, Mais luy à l'opposite se iustifioit, disant, Que cet offre luy auoit esté fait pour le mettre en desfiance avec ses amis: mais qu'il auoit respondu au Pape, Qu'il n'y entendroit iamais, que tout premier n'eust esté faite la Reformation au Concile. Mais nonobstant toutes ses protestations, il n'estoit point cru, qu'en cette matiere, il dult persister en vn mesme aduis non plus qu'en d'autres.

Or la Session ne fut pas si tost acheuee que les Legats, desireux de venir bien tost à la fin du Concile, proposerent de faciliter le demeurant, qui en

matiere de foy, estoit des Indulgences, de l'Inuocation des Saints, & de Purgatoire. Et à cet effet elurent dix Theologiens : assauoir, deux Generaux d'Ordre, & deux de chaque Prince : assauoir, deux du Pape ; deux de France, dont il n'en demeueroit gueres d'auantage ; tous les autres estans pieça partis ; deux d'Espagne, & deux de Portugal : & leur baillerent la charge de considerer entr'eux, en qu'elle façon on pourroit briuement refuter l'opinion des Protestans sur ces matieres. Et quand ils s'en seroient resolu, que leurs aduis fussent proposez en Congregation generale, & que sur iceux fussent formez les Canons au mesme temps qu'on traiteroit du Mariage, pour venir bien tost à bout des matieres, sans prendre l'ennuy & perdre le temps à ouyr les disputes des Theologiens, comme on auoit fait par le passé.

Sur le point de la Reformation, ils traiterent avec le Cardinal de Lorraine, & avec les Ambassadeurs de l'Empereur, & d'Espagne, s'ils estoient contents qu'on proposast aussi ce qui appartenoit à la Reformation des Princes. Et eurent d'eux parole, qu'il estoit raisonnable d'oster les abus par tout où ils estoient. Dont ils firent recueillir tous les Articles, appartenans à icelle, en intention de decider en vne seule Session tout ce qui demeueroit encor à vider. Mais cette grande hastiueté n'agreoit point à l'Ambassadeur d'Espagne, pour les interets de son Maistre : dont il commença à y ietter à la trauerse plusieurs difficultez. Premièrement il proposa, qu'auant la fin du Concile, il estoit necessaire de faire tout deuoir que les Protestans y entreussent : allegant qu'en vain auroit-on pris tant de peine, si les Decrets n'estoient receus par eux : & qu'il n'y auoit point d'esperance qu'ils les acceptassent iamais, s'ils n'y entreuenoient. Les Legats luy respondirent, Que le Pape y auoit fait de son costé tout deuoir, leur ayant escrit lettres, & mesmes enuoyé Nonces expres à tous : & qu'on ne pouuoit rien faire de plus pour mettre en euidence leur rebellion obstinée. Mais le Conte repliqua, Qu'il ne requeroit pas, que cela se fist au nom de sa Sainteté : veu qu'il estoit tout notoire, que cela seruiroit ; non à les faire venir, ains à les esloigner d'auantage : mais qu'ils fussent semons au nom du Concile, avec les promesses, qui seroient conuenables, y employant l'entremise de l'Empereur. Pour conclusion, les Legats respondirent, Qu'ils y aduiseroient. Et tout soudain en donnerent aduis au Pape, afin qu'il moyennast en Espagne que semblables propos fussent diuertis, & qu'il persuadast d'auancer & fauoriser la fin du Concile. Le Comte de Lune requit aussi, que les Theologiens discourussent publiquement à l'accoustumee, sur le point des Indulgences, & sur les autres matieres : & fit office avec les Prelats, qu'on ne changeast point de procedure & qu'on ne derogeast à la reputation du Concile, en laissant d'examiner ces choses, qui en auoient plus de besoin que toutes les autres.

Le Pape ayant eu cet aduis, s'en troubla bien fort, ayant eu parole de D. Louys d'Auila & de Vargas, Ambassadeurs, l'un extraordinaire, & l'autre ordinaire, Que le Roy d'Espagne estoit content qu'on vinst à vne fin du Concile. Et les ayant appelez, il leur fit vn grand plaintif de la proposition du Conte. Et premierement, pour le fait de conuier les Protestans, il dit, Que nul ne desiroit plus leur reduction à l'Eglise, que luy, de quoy pouuoit seruir de preuue ce que ses predecesseurs, & luy y auoient fait par l'espace de quarante ans, enuoyant Nonces exprez à chacun d'eux, sans auoir esgard aux indignitez, auxquelles on soumettoit le Pape, & le Siege Apostolic : qu'il y auoit employé l'entremise de l'Empereur, & les offices & instances de tous les Princes Catholics : qu'il estoit bien acertené, que leur endurcissement estoit volontaire, delibéré & obstiné : & pourtant qu'il falloit aduiser aux moyens, non de les reduire, ce qui estoit impossible, mais de conseruer les obeyssans. Que, pendant qu'il y auoit eu vne estincelle d'esperance de racquerir les perdus, le temps auoit porté qu'on fist tout deuoir pour les adoucir, & reblandir. Mais puisque toute esperance estoit fenée, il falloit de necessité, pour conseruer les bons, bien contrebander & roidir la diuision, & rendre les parties irreconciliables l'un avec l'autre. Que les interets

mais l'Ambass. d'Espagne s'y oppose.

de quoy le Pape se plaint aux Ambass. d'Espagne à Rome.

2563.

*En écrit
au Roy,
pour le
captiver :*

du Roy, leur Maistre, requeroient qu'on en fust ainsi. Et que s'il tempore-
soit au Pays bas, & vsoit de moderation, il s'apperceuoit bien à tard qu'il est
nécessaire de proceder en cette sorte. Que le Roy regardast aux bons effets
qu'auoient produit les seueres executions, qu'il auoit faites en son entree
en Espagne : en lieu que, s'il y eust procedé lentement & eust pensé à acque-
rir la grace des Protestans par douces procedures, il sentiroit à present les
douloureux effets & euenements, qu'on voyoit en France. Il se plaignit en
oultre, que le Comte de Lune vouloit prescrire la maniere d'examiner les
matieres de Theologie, & determiner luy mesmes quand il luy sembleroit
qu'elles fussent bien digerées. Enfin il se doulut, qu'eux luy ayans donné pa-
role, que le Roy estoit content, que le Concile fust terminé, les offices du
Conte ne laissoient pas de buter tout au contraire. Les Ambassadeurs excu-
serent le Conte, & rassurerent au Pape de plus fort, que tout ce, qu'ils luy
auoient dit de la volonté du Roy touchant la fin du Concile, estoit tres-veri-
table. Le Pape monstra d'estre satisfait ; pourueu qu'eux fussent contens
qu'il le dist, là où il iugeroit nécessaire. N'y ayans point fait de difficulté,
le Pape escriuit à son Nonce en Espagne, qu'il eust à faire plainte au Roy,
& à luy dire de sa part, Qu'il ne pouuoit descourir la cause, pour laquelle
les Ambassadeurs de sa Maiesté, à Trente & à Rome, parloient diuerse-
ment : & ce qui importoit le plus, pourquoy faisant tout ce qu'il pouuoit
pour luy complaire, on faisoit d'ailleurs tout le contrepied : attendu que
le Concile estant sus pied, il estoit empesché de faire plusieurs graces & fa-
ueurs à sa Maiesté. Que si pour ses affaires des Pays bas, ou mesmes pour
les interets de l'Empereur en Allemagne, il desiroit quelque chose du Cō-
cile ; il pouuoit auoir appris par l'experience, combien il estoit malaisé de
mener à chef chose aucune à Trente : & que de luy il se pouuoit promettre
toutes choses : & qu'il auoit desia delibéré, dès que le Concile seroit ache-
ué, d'enuoyer par toutes les Prouinces, pour pouruoir aux necessitez parti-
culieres de chacune : en lieu qu'à Trente ne pouuoient estre faites que pro-
uisions generales, lesquelles il y auoit infinies difficultés d'accommoder à
chaque lieu.

*diuision à
Trente sur
cette pro-
cedure
precipitée,*

Or pour retourner à Trente, les offices, que le Comte de Lune faisoit avec
les Prelats, engendrerent de la diuision, les vns desirans que ces matieres fus-
sent exactement disputees, sur tout à cause que les auteurs Scholastics en
auoient ou peu, ou point du tout parlé : & que des autres choses, traitees au
Concile, il y en auoit decisions d'autres Conciles, ou de Papes ; ou bien, con-
sentement des docteurs : mais que celles-cy estoient encor toutes enuelo-
pées d'obscurité : & que si on ne les mettoit en plein iour & euidence, on di-
roit, que le Concile auroit defaillý es choses les plus nécessaires. Autres di-
soient Que, si es choses ia decidées s'estoient presentées à la trauerse tant
de difficulté & debats ; il en falloit bien craindre encor d'auantage en cel-
les-cy pleines d'obscurité, esquelles les Docteurs n'auoient point encor por-
té le flambeau, pour les desmesler : sur tout qu'en ces matieres il y auoit vn
grand champ ouuert de disputes : d'vn costé, à cause d'infinis abus, qui s'y
estoient fourrez pour attraper deniers : & de l'autre, à cause des difficultez
qui naistroient en l'interpretation des Bulles, & principalement pour les pa-
roles, employées en aucunes d'icelles, de peine & de coulpe : & en l'explica-
tion de la maniere, en laquelle les Indulgences peuuent estre prises pour les
morts. Et pourtant, qu'on pouuoit se contenter de traiter seulement de l'v-
sage, laissant là le demeurant, & quant au Purgatoire, condamner simplemēt
l'opinion des heretiques : car autrement on ne verroit iamais la fin, ny ne
viendrait-on à aucune conclusion des difficultez. Pendant que ces diuers ad-
uis couroient sur ces matieres, reseruées pour les dernieres, les Legats deli-
bererent d'expedier celle du Mariage, avec dessein d'abreger le temps de
la Session, & pour le plus long terme la tenir le 19. Aoust : ce qui aussi agréoit
grandement au Card. de Lorraine : lequel ayant eu response de France, qu'il
cōtentaist le Pape allant à Rome, auoit resolu de le faire à la fin du mois pour-

ueu toutesfois que la Session eust esté celebrée. Et de vray il estoit contraint à se joindre estreitement au Pape, & aux partisans d'iceluy, non seulement pour l'ordre qu'il en auoit receu de France; mais aussi, pource que les Impériaux, & Espagnols estoient entrez en quelque desfiance de luy, pour les choses qui s'estoient passées au traité de la matiere de la precedente Session.

Le vingt-deuxième Iuillet furent produits les Anathematismes, peu differents de la forme, en laquelle ils furent du depuis arrestez. La plus grande diuersité fut, que iusques alors on n'auoit point pensé à celuy, qui est le cinquième en rang, auquel sont condamnés les diuorces permis au Code Iustinien, & lequel auoit esté adiousté à l'instance du Cardinal de Lorraine, pour l'opposer aux Caluinistes, & condamner leur opinion. Il ne laissa pas pourtant d'estre aisément receu, estant conformé à la doctrine Scholastique, & aux Decrets des Papes. Mais en celuy, qui traite du diuorce pour cause d'adultere, les compositions des Canons s'estoient abstenus d'vser du mot, *Anathema*: ayans esgard à ne condamner l'opinion qu'auoit tenu S. Ambroise, & plusieurs Peres de l'Eglise Grecque. Nonobstant cela autres ayans opinion, que c'estoit là vn Article de foy, & la pluspart des Peres y cōsentans par leurs suffrages, le Canon fut reformé, par l'addition de l'Anatheme, condamnant quiconque diroit, Que par l'adultere, est solu le lien du mariage: & que l'vn des mariez peut contracter nouveau mariage du viuant de l'autre. Mais ce Canon receut encor vn autre changement, comme il sera dit en son lieu.

Es Congregations suiuantes, les Peres s'expedierent aisément sur les choses proposées: mais quasi tous passoient d'icelles aux Mariages clandestins, quoy qu'il n'en fust encor ne le temps, ne le lieu: & ia commençoit à se decouurir la diuersité d'opinions sur cette matiere. En la Congregation du vingt-quatrième Iuillet, au matin fut receu Ierome de Gaddi, Euesque de Cortone, Ambassadeur du Duc de Florence, enuoyé en la place de Iean Strozzi. Iceluy fit vne briue harangue de la deuotion du Duc son Maistre, enuers le S. Siege, & offrit obeysance & faueur au Concile. Et luy fut respondu par action de graces. Au mesme iour, en la Congregation du soir, les Ambassadeurs François firent lire vne requeste, au nom de leur Roy: Qu'il ne fust permis aux fils de famille de contracter mariage, ou espousailles, sans l'adueu & consentement de leurs peres & meres: & s'ils l'entreprenoient, qu'il fust au pouuoir de leurs pere & mere, & tuteurs, d'autoriser ou de casser ledit contract, à leur bon plaisir. Et ce mesme iour les Peres furent aduertis de bailler par escrit aux deputez les abus, qu'ils pouuoient auoir remarquez en cette matiere du Mariage.

Après que tous eurent opiné sur les Anathematismes, on proposa deux Articles: l'vn, S'il estoit expedient de promouoir personnes mariées aux Saints Ordres: l'autre, S'il falloit casser les Mariages clandestins. Tous les Peres opinerent sur le premier Article vnanimement pour la negatiue, sans faire aucune difficulté: & à grand peine furent ouys l'Archeuesque de Prague, & l'Euesque des Cinq Eglises, Ambassadeurs de l'Empereur, qui procuroient qu'on en traitast vn peu plus à fonds, & meurement. Mais la matiere des Mariages clandestins ne passa pas ainsi de plain pied: ains il y eut cent trente-six voix, qui approuerent qu'ils fussent rescindez: & cinquante-sept, qui y contredirent: & dix, qui ne voulurent s'en declarer. Le Decret en fin fut formé suiuant l'opinion du plus grand nombre: Que, combien que les Mariages clandestins ayent esté vrayz mariages; pendant que l'Eglise ne les a annullez: dont le Concile condamne d'anatheme ceux qui sentent autrement: l'Eglise toutesfois les auoit tousiours detestez. Et maintenant, voyant les inconueniens qui en arriuent, elle determine, que toutes les personnes, qui à l'a luenir contracteront mariage, ou espousailles, sans l'assistance au moins de trois personnes, soient tenus pour inhabiles à contracter, & que pourtant leur action soit nulle & frustratoire. Après cela suiuoit vn autre Decret, qui commandoit les Bans en l'Eglise: avec cette conclusion; que s'il escheoit necessité de les omettre, le mariage se pouoit

1563.

examen des
Canons du
Mariage,reception
d'un nou-
veau Am-
bassad. de
Florence,requeste du
Roy de
France
pour la
cassation
des maria-
ges clan-
destins.consente-
ment au
Celibat
des clercs?

1563.

celebrer, mais en presence du Curé, & au moins de cinq tesmoins, publiant les bans puis apres: sous peine d'excommunication à qui contracteroit autrement. Mais ce grand nombre qui vouloit rescinder les mariages clandestins, estoit diuisé en deux parts, dont l'une suiuoit l'opinion de ces Theologiens, lesquels donnent à l'Eglise le pouuoir d'inhabiliter les personnes: l'autre s'arrestoit à la cassation du contract. Les Legats mesmes entr'eux n'estoient pas d'un mesme sentiment. Moron se contentoit de toute deliberation pourueu seulement qu'on expediait. Celuy de Vvarmie estoit d'opinion, que l'Eglise n'a aucun pouuoir sur cela, & qu'il falloit tenir tous les mariages, celebrez, en quelque façon que ce fust, du consentement des contractans, pour valides. Simonete disoit, Que cette distinction de contract & de mariage, pour bailler à l'Eglise pouuoir sur cetuy-là, & non sur cetuy-cy luy sembloit sophistique, & vne pure chimere: & panchoit grandement à ne faire aucune nouueauté.

sur les
empesche-
mens des
mariages,

pour les
compera-
rages,

Sur les abus du mariage, plusieurs Prelats mirent en consideration que les causes des empeschemens, & des cassations des mariages, mesmes ia contractez, estoient en si grand nombre, & arriuoient si souuent, qu'il y auoit peu de mariages, qui ne fussent suiets à quelque vn de ces defauts: & ce qui encor importoit le plus, plusieurs personnes, par ignorance, ou par oubliance du droit, ou du fait, contractoient mariage; lesquelles puis apres, estans informez de la verité, se trouuoient embarassées en infinis troubles de conscience, & scrupules: & mesmes aussi procez, & debats, sur la legitimite de la lignée, & sur les dots. On allegoit particulierement, pour vn notable abus, l'empeschement du parentage spirituel, qui se contracte au Baptisme: attendu, qu'en quelques endroits estoient conuiés pour comperes vingt ou trente hommes: & autant de femmes pour commeres, entre lesquels tous, par cōstitution de l'Eglise, naissoit vn parentage spirituel: & cependant, ne se connoissans point bien souuent l'un l'autre, il aduenoit qu'ils se conioignoient en mariage. Plusieurs estoient d'aduis, que cet empeschement fust entierement osté: non pas, qu'il n'y eust eu de bonnes raisons au commencement pour l'ordonner: mais d'autant que les causes de l'ordonnance estans entierement cessées, il sembloit que l'effet en deuoit aussi cesser. Et consideroient qu'ancienement, quand ceux, qui presentoit au Baptisme les petis enfans, & les receuoient des fonds, estoient pleiges enuers l'Eglise de la foy à venir d'iceux enfans; & partant obligez à les instruire: il falloit que, pour les catechiser, à mesure qu'ils se rendoient capables, ils conuersassent frequemment & familierement avec leurs filleuls, & leurs peres, & meres, & mesmes avec les autres parrains: dont naissoit entr'eux vne certaine habitude & rapport, lequel il estoit raisonnable de tenir en reuerence, & premuny de danger, & de soupçon de deshonnêteté: pour laquelle il fut aussi necessaire d'interdire tout pretexte, ou intention de mariage. Mais qu'és temps suiuaus, depuis que l'usage eut aboli tout ce qui estoit de reel en cela: & que le parrain, peut estre, ne voyoit iamais son filleul, & n'auoit aucun soin de l'instruction d'iceluy; puis que la cause de la reuerence estoit cessée, cette habitude, ou rapport, ou conionction, ne deuoit plus auoir lieu.

par les de-
grez trop
esloignez
de paren-
tages,

Il fut aussi representé, que l'empeschement d'affinité, pour cause de fornication, par lequel estoient annullez les mariages iusques au quatrième degré, estoit cause d'enlacer plusieurs: attendu qu'estant souuent inconnu à l'une des parties, il auenoit qu'apres le contract, l'autre, qui auoit esté en coulpe, declaroit & pretexoit cet empeschement: dont les personnes se remplissoient de troubles & scrupules. On obiectoit aussi contre l'empeschement du parentage, tant de consanguinité que d'affinité iusques au quatrième degré, que les personnes ne tenoient pas memoires ne registres exacts de leur genealogie, ou arbre, comme on faisoit anciennement: dont il auenoit à present, qu'à grand peine, mesmes les grands auoient documens ou memoires de leur race iusques au quatrième degré, & pourtant il sembloit que cet empeschement

empeschement pouuoit estre obmis. Il y eut là dessus plusieurs disputes: aucuns estans d'opinion, que comme par plusieurs centaines d'années, ces empeschemens auoient esté gardés iusques au septieme degré, & puis Innocent troisieme en auoit retranché trois tout d'un coup, limitant l'empeschement au quatrieme: sur deux raisons assez friuoles, Qu'il y a quatre elements, & quatre humeurs au corps: ainsi à present, voyant que les quatre degrés ne se peuuent obseruer sans plusieurs inconueniens, on les peut, à plus forte raison, restreindre au troisieme. Mais d'autres contredisoient à cela: disans, que de là on passeroit aisément à plus grande restriction, & qu'enfin on viendroit à celle du Leuitique, ce qui seroit fomentier l'opinion des Lutheriens: & pourtant concludoient qu'il y auoit du danger à innouer. Apres vn long examen, cete opinion l'emporta. Il y en auoit bien aussi d'autres, qui estoient d'aduis, que l'empeschement de fornication, lors qu'il seroit secret, & inconnu aux parties, fust totalement osté. Mais iceluy aussi ne put preualoir: attendu l'inconuenient qu'on y remarquoit à la premiere veüe, que plusieurs choses, qui d'entrée sont secretes, se manifestent puis apres. Plusieurs aussi estimoient, qu'il ne falloit faire aucune nouveauté en ces prohibitions; ains donner aux Euesques le pouuoir d'en dispenser: & maintenoient que ledit pouuoir seroit mieux commis à eux, qu'à la Cour de Rome: attendu, qu'ayant plus claire conoissance du merite du fait, & des causes, ils pouuoient aussi mieux administrer la iustice distributive: en lieu, que la Cour de Rome donnoit des dispenses inconües, & qui souuent les obtenoient par surprise: & pour la distance des lieux, ne pouuoit y faire les diligences requises: ioint que le monde estant imbu & preüenu de cete opinion, qu'on ne les donne à Rome pour argent, cete infamie seroit vne fois lauée, en remettant icelles aux Euesques. Les François, & les Espagnols, faisoient tout effort pour cela: mais les Italiens disoient, qu'ils le pourchassoient pour se faire tous Papes, & pour ne reconoistre le saint Siege: & que la difficulté d'enuoyer à Rome, & le trauail & la dispense à negotier l'expedition, estoient viles en ce cas: d'autant, qu'ainsi peu de mariages estoient contractés en degrés défendus. En lieu que si on facilitoit l'affaire, en donnant ce pouuoir aux Euesques, toutes prohibitions iroient à néant en bien peu de temps, & les Lutheriens auroient gain de cause en leur opinion. Cete raison fut de si grand poids, que presque tous generalement enclinerent à faire vn Decret, Que mesmes nul ne fust dispensé de ces degrés, sinon pour cause tres-vrgente: & à cet aduis se rangerent ceux-là mesmes, qui n'auoient pu obtenir ce pouuoir pour les Euesques: d'autant qu'il leur sembloit qu'il y auoit plus d'honneur pour les Euesques, si ce, qui leur estoit interdit, n'estoit permis à d'autres. En fin, apres plusieurs discours tenus es Congregations, il fut resolu de restreindre le parentage spirituel, & l'affinité pour les espousailles, & pour la fornication, & mesme de reigler les dispenses, dans les bornes, dont il sera parlé, lors que nous représenterons les Decrets.

Il y eut vn peu de différend sur le neuuiesme Chapitre, qui portoit defense aux superieurs, de contraindre leurs sujets, par menaces, & peines, à contracter mariages: & comprenoit nommement l'Empereur & les Rois. Sur quoy Guillaume Cassador, Euesque de Barcelone, fit vne opposition, Qu'il n'estoit pas croyable, que grands Princes s'entremissent en mariage, que pour causes tres-importantes, & pour le bien public. Et dit que les menaces, & les peines sont à blasmer, lors qu'elles sont employées contre l'ordre de la Loy: mais que les commandemens portans peine, s'ils sont conformes à la loy, sont iustes, & ne peuuent estre repris, s'il y a aucun cas, disoit-il, auquel le superieur puisse iustement commander vn mariage à son suiet, il le peut aussi contraindre par denoncement de peine à le celebrer: & mesme c'est chose toute deciderie entre les Theologiens, Que la iuste crainte ne cause point action inuolontaire, & forcée. Et vouloit, que les causes legitimes fussent exceptées: & que le Decret fust conçu en sorte, qu'il ne com-

Et par les contraintes faites au mariage, par les superieurs.

1563.

prist. que ceux qui contraignent contré droit & raison, & contrel'ordonnance de la loi: & qu'il pouuoit aduenir plusieurs cas, où la necessité publique requiert, qu'un mariage soit contracté, et quels ce seroit contreuenir aux loix diuines, & humaines, de dire, Que le Prince ne püst le commander, & mesmes contraindre à le contracter. Et allega pour exemple le fait du Pape Paul quatriéme, lequel, en l'année mil cinq cens cinquantesix, le deuxiéme Ianuier, auoit fait intimer vn Monitoire à Dame Ieanne d'Arragon, femme d'Ascan Colonne, qu'elle n'eust à marier aucune de ses filles sans son congé: qu'autrement, le mariage, quoy que consommé, seroit nul. Ce qui n'auroit esté fait par ce Pape, de haut sens, & de probité approuuée, si les Princes n'auoient le pouuoir de marier leurs suiets, pour l'esgard du bien public.

Il fut bien suivi de plusieurs au point, de ne faire point de mention des Princes: tellement qu'on osta du Decret les noms d'Empereur, Rois, & Princes. Mais au demeurant il eut bien de l'opposition, par cete seule raison, que le mariage est chose sacrée, & que la puissance seculiere n'y peut auoir aucune autorité: & que quand mesmes il y auroit cause legitime, pour laquelle quelcun pourroit estre cōtraint au mariage. cela ne se peut faire par autre puissance, que par l'Ecclesiastique. Mais le crit du Monitoire de Paul quatrieme excita vn grād bruit sourd en la Cōgregation, & du depuis donna beaucoup à parler. Quelques-vns disoyent, que cela auoit esté fait par Paul, non en qualité de Prince, mais de Pape: & qu'il auoit eu raison de ce faire, d'autant qu'Ascan Colonne estoit son rebelle: & qu'il ne luy vouloit permettre d'acquerir, par le mariage de ses filles, de nouueaux partisans, à la faueur desquels il se fortifiait en la desobeissance. Autres disoient, que le Pape, en qualité de Vicaire de Christ, n'a point de rebelles pour causes temporeles: & que cetui-là seroit mal fondé en son opinion, qui pēseroit, que le Pape puisse, par autorité Apostolique, casser & annuler mariages, autrement que par la voye des loix, & Canons vniuersels: & non par edicts, ou ordonnances faites sur personnes particulieres: de quoy aussi de vray on ne sauroit alleguer raison, ne trouuer exemple. Il y en auoit aussi de ceux, qui nioient qu'on püst faire fondement sur semblables actions des Papes, lesquels monstrent plustost, iusques où s'estend de droit l'usage legitime d'icelle.

*Et par les
domestics:*

Il n'y eut pas moins de difficulté, sur ce que le mesme Decret s'estendoit aussi aux peres, & meres & autres superieurs domestics, qui entreprendroyēt de contraindre leurs enfans, & leurs autres inferieurs & nourrissons, sur tout filles, à contracter mariage. Et fut mis en consideration, que de venir à excommunication en cas de cette nature, estoit chose bien dure, & violente. Mais les autres, qui auoyent auparauant soustenu, que les enfans sont obligés à suiure la volonté des peres en ce fait ne laissoyēt pas de roidir à l'encontre. Sur quoy fut proposé pour temperament, qu'apres auoir commande au Decret aux superieurs politics, sous peine d'excommunication; on ordonnast par voye d'admonition aux superieurs domestics de ne contraindre leurs fils & filles, à se marier contre leur vouloir. Mais les mesmes repugnoient tousiours, & disoyent, qu'il n'estoit pas raisonnable d'oster aux peres le pouuoir que Dieu leur a donné. Dont en fin on prit deliberation d'oster cete clause tout à fait. A l'occasion de quoy l'Euesque de Barcelone, & quelques autres en petit nombre, qui estoient de la mesme opinion repliquerent Que comme tenant pour toute euidente, ou ne voulant mettre en doute, l'autorité paternelle, & des superieurs domestics, sur les mariages des enfans; on auoit arresté de n'en parler point pour tout; ou eust la mesme consideration à l'auterité des superieurs politics.

Les Congregations sur ce fait estans acheuees, dont la derniere fut le treizeviéme Iuillet, on commença à parler des mariages clandestins en assemblees priuees: & l'une & l'autre partie persistoit en son opinion dont fut auancé vn nouuel aduis, qui portoit, que cette difficulté presupposoit dogme de foy, & pourrant ne pouuoit estre determinee, attendu la contradiction d'un

nombre notable. Cet aduis mit bien en peine ceux qui vouloient la cassation de tels mariages, car il leur sembloit que la porte estoit totalement fermée à l'obrenir.

En ces mesmes iours nasquit vne difficulté assez contentieuse, quoy que pour affaire particulier. C'est, que les Peres, deputés sur l'Indice des liures defendus, auoient baillé charge à quelques Theologiens de voir l'œuvre de Barthelemy Carranza, Archeuesque de Toledé: & iceux, en leur rapport, auoient tesmoigné de n'auoir trouué audit liure chose quelconque digne de Censure: dont la Congregation l'auoit approuué, & à la requisition de l'Agent & negociateur dudit Archeuesque, en auoit fait vne publique attestation. Mais, d'autant que le liure & l'autheur estoient sous la Censure de l'Inquisition d'Espagne, le Secrétaire Gazdellun en donna aduis, & s'en plaignit au Conte de Lune: lequel en fit ses doleances aux Peres d'icelle Congregation, & requit retractation du Decret: mais eux n'enclinans point à le reuoker, comme estant iuste à leur aduis, l'Euesque de Leride, soit par induction du Conte, soit pour autre cause, entreprit de parler contre iceluy, & de le blasmer: allegant des passages du liure, lesquels deslors par sinistre interpretation, sembloient meriter censure: & qui plus est, touchant mesmes le iugement, & la conscience de ces Euesques. L'Archeuesque de Prague, comme chef de ladite Congregation, pour la defense de foy, & de ses Collegues, se plaignit aux Legats, requerant qu'ils fissent quelque sentiment de cete iniure; & protestant, qu'il n'entreuendrait plus en aucun Acte publict, iusques à ce que la Congregation n'eust eu sa due satisfaction. Le Cardinal Moron s'y entremist, & fit la paix, à ces conditions: qu'on ne donneroit aucune autre copie de l'attestation susdite: que l'Euesque de Leride feroit satisfaction de paroles à la Congregation, & particulièrement à l'Archeuesque de Prague: & que d'un costé & d'autre le fait seroit mis sous silence. Et le Conte de Lune, par prieres, qui portoient commandement, retira la susdite attestation d'entre les mains de l'Agent de l'Archeuesque de Toledé. Et ainsi fut apaisé le bruit.

Les Legats presenterent aux Ambassadeurs les Articles de Reformation, qui estoient trentehuit en nombre, (lesquels du depuis furent diuisés, vne partie en la Session prochainement suiuaute, & le demeurant en l'autre, pour les raisons, qui seront touchées cy apres) afin qu'ils missent en consideration ce qui leur sembleroit, auant qu'on les baillast aux Peres, pour en dire leurs aduis. Le Conte de Lune alla pratiquant les autres Ambassadeurs, pour demander, qu'on elust des deputés par chaque nation, lesquels considerassent ce qu'on deuoit reformer: d'autant que le plan, & projet fait par les Legats, estant tout dressé selon les interets de la Cour de Rome, ne se pouuoit accommoder aux autres pays. Mais le Cardinal de Lorraine, & les Ambassadeurs de France, & de Portugal, s'y opposerent, disans, Que chacun pouuoit dire son aduis sur ces Articles, & mémes, si besoin estoit, en proposer d'autres: dont il n'y auoit point de necessité, de donner ce mescontentement au Pape, & aux Legats, lesquels portoient impatiemment n'ouïr parler de proceder par nations au Concile. Les Imperiaux s'adioignans aussi à cet aduis, le Conte se deporta: disant toutesfois, que sur ces propositions il auoit à faire diuerses considerations.

Le Cardinal de Lorraine conseilla aux Legats de faciliter l'affaire, & d'oster tous les Articles, qu'on verroit ne pouuoir passer sans beaucoup de contradiction: disant, que moins de choses on traiteroit, mieux il seroit. Dequoy le Cardinal de Vvarmie monstra d'estre esbahy. Et le Cardinal de Lorraine s'en estant apperceu, luy demanda, S'il s'esbahissoit de voir plus en luy l'ardeur, & le zeile à la reformation, qu'il auoit démontré autres fois? Et adiousta en suite, Que neantmoins le desir estoit tousiours le mesme, comme aussi la disposition de courage à s'y employer vigoureusement: mais que l'expérience luy auoit enseigné, non seulement, qu'on ne pouuoit faire chose quelconque, ne parfaite, ne mediocre au Concile: mais mémes, que tout essay en semblable matiere, tenoit en pis. Le Cardinal de Lorraine s'entremist aussi enuers le Conte de Lune, pour le dissuader de mettre aucune dilation au total de la Refor-

1563.

mation : & si au particulier il y auoit chose, qui ne luy agreast entierement, il le prioit des'en faire entendre, promettant de s'employer à luy faire auoir tout contentement.

*les Impériaux bail-
lent leurs
additions,
& obser-
uations sur
iceux.*

Les Ambassadeurs de l'Empereur les premiers de tous presenterent le trentenieme Iuillet leur response par escrit : en laquelle d'entree ils disoient, Que desirants vne vniuerselle Reformation, au chef & es membres; & ayans lu les Articles, qui auoient esté presentés; ils auoient adiousté, & remarqué quelques points, selon lesquels ils requeroient qu'iceux fussent corrigés, & proposés à l'examen des Peres. Et d'autant que l'Empereur avec les Ambassadeurs de diuers Princes d'Allemagne, tenoit vne Diete à Vienne, pour traiter aussi de plusieurs choses, qui concernoient le Concile, ils prioient les Legats de prendre en bonne part, si en cas qu'ils eussent nouuelles commissions de la Maiesté, ils leur proposoient à l'aduenir encor d'autres considerations. Pour lors ils adioustoient huit articles à ceux qui par eux auoient esté proposés. Le premier, qu'il se face vne serieuse & stable reformation du Conclau. Le deuxieme, Que l'alienation des biens Ecclesiastiques, sans le libre & ferme consentement du Chapitre soit defenduë : & ce principalement, en l'Eglise Romaine. Le troisieme, Que les Commendes, & les Coadiutories avec succession à venir, soyent ostées. Le quatrieme, Que les Escholes, & vniuersités, soient reformées. Le cinquieme. Qu'il soit ordonné aux Synodes prouinciaux de corriger les statuts de tous les Chapitres : & semblablement, qu'autorité leur soit baillée de reformer les Messels, les Breuieres les Ceremoniaux, & les Graduels : requerant reformation, non seulement de ceux de Rome, mais aussi de ceux de toutes les Eglises. Le sixieme, Que les Lais ne soient cités à Rome en premiere instance. Le septieme, Que les causes ne soient euoquees de la Cour Seculiere à l'Ecclesiastique, sous pretexte de deni de iustice : sinon que tout premier la verité de la requeste ait esté reconuë. Le huitieme, Qu'es causes profanes ne soyent baillés Conseruateurs.

Les obseruations sur les Articles proposés par les Legats, estoient en grand nombre, mais d'autant qu'il y en auoit plusieurs de peu de consequence, ie n'en toucheray que les plus importantes : qui estoient, Que les Cardinaux soyent élus d'entre toute les nations : afin que le Pontife vniuersel soit créé par eueurs de tous peuples. Que les prouisions, & reiglemens, sur les pensions, reserués, & regrés, comprennent non seulement les futures, mais s'estendent aussi aux passées. Que le baiser de l'Euangile en la Messe ne soit osté à l'Empereur, & aux Roys, à qui la defense en appartient. Qu'il soit déclaré quels sont les affaires seculiers, qui sont interdits aux Ecclesiastiques, pour ne contredire à ce, qui desia a esté arresté au decret de la Residence. Qu'en l'Article de ne charger les Ecclesiastiques d'impositions, & subsides, soit exceptée la cause du subsidie contre les Turcs, & autres infideles. Cete proposition quoy quelle contint des choses de dure digestion, ne fut pastant ennuieuse aux Legats, comme le doute mis en auant, Que de la part de la Diete de Vienne leur seroit faite quelque extraordinaire instance pour le changement des ceremonies receuës par l'Eglise Romaine, & pour la relaxation des commandemens de droit positif.

*puis des
François.*

Le troisieme Aoust les François donnerent leurs obseruations : dont les essentielles estoient, Que le nombre des Cardinaux n'excede celui de vingt quatre : & qu'il n'en soit créé de nouueaux, iusques à ce que le nombre ne soit réduit à cete limitation. Qu'ils soient choisis de tous les Royaumes & prouinces. Qu'il n'y en puisse auoir plus de deux d'un mesme diocese, ne plus de huit d'une nation. Qu'ils ne soyent créés au dessous de trente ans. Que nul frere, ou neveu du Pape ou de Cardinal viuant, ne puisse estre créé Cardinal. Qu'ils ne puissent tenir Euesché, afin qu'ils puissent continuellement assister au Pape : & veu que la dignité est egale en tous, que tous aussi ayent egaux reuenus. Et quant à la pluralité des Benefices, que nul n'en puisse tenir plus d'un : & que la distinction inconnue aux bons siecles, de Benefices simples; & ayans cures d'ames; de compatibles & incompatibles, soit ostée : & que qui à present en tient plusieurs, en face choix d'un seul, & ce dans un brief terme. Que les resignations en faueur

soient tout à fait ostées. Qu'il ne soit point defendu de conferer Benefices seulement à ceux qui n'ont la conoissance de la langue de l'Eglise, dont il s'agit: attendu que les loix de France defendent à tous estrangers, sans exception, de tenir offices ou benefices au Royaume. Que les criminels des Euesques ne puissent en aucune façon estre iugees hors du Royaume: veu l'ancien priuilegé de la France, que nul, ne de volonté, ne par force, ne peut estre iugé hors du Royaume. Que le pouuoir soit restitué aux Euesques d'absoudre tous cas, sans reserue. Que pour ostér les procès beneficiels, soient abolies les preuentions, les resignations en faueur, les mandats, les expectatiues: & autres manieres illegitimes d'obtenir Benefices. Que la defense aux Cleres, de ne l'entremettre es affaires seculiers, soit expliquée en cette sorte, Qu'à tousiours ils ayent à soustenir de toutes fonctions non sacrees ny Ecclesiastiques, & propres à leurs Ordre. Que les pensions soient ostées, & que celles qui ia sont imposées soient reuoquees. Qu'es causes de droit de patronage, on ne se departe point en France de l'ancien vsage, de iuger au possessoire en faueur de celuy qui est en la derniere & prochaine possession: & au peritoire, en faueur de celuy qui a titre legitime, ou longue possession. Et qu'en toutes causes Ecclesiastiques, ne soit fait aucun preiudice aux loix de France, qui portent, que le possessoire soit iugé par les iuges Royaux, & le petitoire par les ecclesiastiques: non toutesfois hors du Royaume. Qu'es Eglises Cathedrales, nul Chanoine ne soit élu auant l'aage de trente cinq ans. Et quant à l'Article contenant la Reformation des Princes, que tout premier on vaque en cete Session à la reformation entiere de l'Ordre Ecclesiastic: & que ce qui appartient à la diuinité & auctorité des Rois, & des Princes, soit remis à vne autre suiuite Session: & qu'alors rien ne soit arresté, sans auoir premierement ouy eux Ambassadeurs, qui auoient desia donné aduis au Roy de ces choses là, & d'autres, qu'ils auoient à proposer. Mais, quoy qu'ils missent en auant choses tant difficiles, ils ne laissoient pas de dire indifferemment, & quasi de gayeté de cœur à tous, afin que le bruit en courust; qu'ils ne feroient point de ferme instance, sinon pource qui concernoit les droits, & les matieres seculieres de leur Royaume. Les Ambassadeurs de Venise proposerent, que l'Article du droit de patronage fust accommodé en sorte, qu'il ne causast aucune nouueauté es droits, dont leur Republique & Prince est en possession. Les Ambassadeurs de Sauoye, & de Toscane firent aussi les mesmes instances.

*puis ceux
de Venise;
Sauoye;
Florence;*

En ce mesme temps, les Ambassadeurs de l'Empereur eurent commission de leur Maistre de faire office enuers les Legats, qu'en la reuision de l'indice des liures defendus, ne fust faite mention des Recés & Arrests des Dietes d'Allemagne, lesquels autres-fois auoient esté defendus par Paul quatrième. Et cete commission de l'Empereur estoit avec quelque pointe d'aigreur; qu'en lieu de traiter affaires Ecclesiastiques, on voulust au Concile donner reiglement à la police d'Allemagne: & bailler occasion à ces peuples, qui se gouuernent par telles loix, de s'aliener, malgré eux, de l'Eglise Romaine. Les Legats respondirent aux Ambassadeurs, qui leur firent cete remonstrance, Que l'Archeuesque mesme de Prague, l'un d'entr'eux, & qui estoit Chef de la Congregation, pouuoit scauoir s'il en auoit iamais esté parlé: & que pourtant Sa Maiesté pouuoit se reposer sur son propre Ambassadeur, auquel aussi tant eux, que le Pape, presteroient toute faueur, en tout ce qui concernoit les interelts de sa Maiesté.

*difficulté
sur la de-
fence des
Recés des
Dietes;
resolues*

Le septième Aoust, l'Ambassadeur d'Espagne presenta son escrit: auquel il dit, Qu'il estoit trescontent & satisfait de tous les Articles, & ne pretendoit chose quelconque: seulement vouloit-il aduertir de changer quelques termes, soit afin qu'ils fussent mieux expliqués; soit pource qu'il les tenoit pour superflus, & non necessaires, Et toucha presque toutes les choses, qui accroissoient l'auctorité aux Euesques: attremplant ses paroles en sorte, que le changement ne paroistroit point essentiel, ains sembloit qu'il restreignist icelle plustost que de l'augmenter. Il fit aussi instance, qu'on traitast du Conclau: disant, que le Roy Catholique le desiroit grandement. Et en outre requit par la partie, qui touchoit les

*l'Ambass.
d'Espagne
presente
ainsi ses
remons-
trances
sur les
Articles*

1563.

Et a quel-
que estif
avec les
Legats.

Princes seculiers, fust differee à vne autre Session. Et apres auoir baillé son es- crit, il requit, qu'apres qu'on auroit acheué d'opiner sur les Articles proposés par les Legats, ils deputassent des Peres par nations, qui recueillissent ce qui leur sembleroit necessaire pour la Reformation de leur pays, afin qu'on en pust faire vne determination qui fust au contentement general de tous. Le Cardinal Moron respondit au nom de tous. Qu'ils ne pouuoient consentir qu'on procé- dast en cela autrement, qu'on n'auoit fait iusques alors es autres matieres. Sur- quoy diuerfes choses ayans esté dites d'une part & d'autre: de celle du Comte, signifiant que le Concile estoit en seruitude: & celle du Cardinal, demonstrent la liberté d'iceluy: le Cardinal Moron dit, Qu'aucun ne pouuoit se plaindre d'eux: qu'ils luy eussent empesché la liberté de dire son aduis: & le Comte re- pliqua, Que de vray il ne pouuoit croire qu'ils eussent fait chose aucune indigne: mais cependant qu'il ne se pouuoit tenir de leur dire, qu'on auoit beaucoup murmuré au Concile des Congregations faites les iours auparauant: & qu'on a- uoit presuppposé, qu'on les faisoit pour capter les suffrages. Mais les Legats se defendoient, disans, Qu'es diuersités d'opinions, leur deuoir estoit, d'enten- dre la verité, & de composer les differens: afin que les matieres traitees pussent estre arrestées avec vnion. A quoy le Comte respondit, Que cela estoit bien bon: mais qu'on trouuoit mauuais qu'on n'y eust appelé autres qu'Italiens, sauf deux ou trois Espagnols, & autant de François. lesquels n'auoient pas les me- mes sentimens que les autres compatriotes. Et les Legats se defendirent, di- sant, Qu'ils estoient appelés à proportion: d'autant qu'au Concile il y auoit cent cinquante Italiens, & entre toutes les autres nations ils n'estoient pas plus de soixante. Le Comte monstra d'estre content: & s'estant retiré, dit à ses Pre- lats, que les Legats auoient commencé vn propos, pour monstrier qu'il ne fa- loit tenir conte de nations au Concile, & puis l'auoient conclu, monstrent d'en auoir tousiours tenu conte.

Consulta-
tion parti-
culiere sur
les Arti-
cles.

Le iour suiuant, les Legats, & les deux Cardinaux, se trouuerent ensemble en consultation, pour considerer les remonstrances des Ambassadeurs: & pour agencer les Articles de Reformation en la maniere, qu'ils deuoient estre pro- posés aux Peres; & pour ordonner du moyen, qu'il falloit garder à parler sur iceux. Le Cardinal de Lorraine ayant receu nouuelles lettres de France, avec charge à luy & aux Prelats François, de fauoriser les affaires du Pape, & pource estant tout porté à donner contentement aux Legats, conseilla qu'on ne laissast point opiner sur tant d'Articles tout à vn coup: mais qu'ils fussent partagés en plusieurs fois, selon les matieres: & qu'apres qu'une partie seroit acheuée, on vint à parler sur l'autre: & qu'ainsi on acceleraist la Session, laissant à quartier les choses, esquelles on trouueroit quelque difficulté: concludant celles-là tant seulement, esquelles tous, ou la pluspart, contiendroient: & que particuliere- ment on laissast de proposer d'entree celles, esquelles les Ambassadeurs ne con- uenoient point.

Congre-
gation pu-
blique sur
l'Article
de la casa
sation des
mariages
clā de jūns

L'onzieme Aoust commencerent à se tenir les Congregations, pour conclur- re & arrester les Anathematismes, & Decrets au fait du Mariage. Et fut trai- té de la proposition des François, de declarer nuls les mariages contractés par les fils de famille, sans le consentement de leurs maieurs. Et entre les premiers opi- nans il y eut quelque difference d'avis. Le Cardinal de Lorraine se portoit à l'affirmatiue, allegant les passages de l'escriture, esquels le pouuoir de marier les enfans est attribué aux peres: & rapportant les exemples des mariages des Pa- triarches Isaac, & Iacob: & adioustant à cela les loix Imperiales des Institutes, & du Code, faites par des Princes Chrestiens, & de tresloüable memoire: pro- duisant aussi vn Canon sous le nom d'Euariste Pape, & vn autre du Concile de Carthage, rapportés par Gratien. Il recita aussi plusieurs inconueniens, qui nais- sent pour cete cause. L'Archeuesque d'Otrante soustint l'opinion contraire, opposant que c'estoit donner autorité aux Lais sur les Sacremens: & leur faire croire, que cete autorité, d'annuller les mariages, depend de la paternelle, & non de l'Ecclesiastique. Ioint que ce seroit vn Decret directement contraire à l'escriture sainte, laquelle dit expressement, Que l'homme delaissera pere & me-

re, & se conioindra à sa femme. Et que quant aux inconuenient, par ce Decret on en feroit naistre de beaucoup plus grands : remettant les enfans, en ce qui touche à la conscience, à l'arbitrage & discretion des Peres. Et si vn pere ne consentoit iamais au mariage de son enfant, & cependant iceluy n'auoit le don de continence ; l'enfant, par ce Decret, se trouueroit en des extremes perplexités. Vingtneuf opinerent en cete Congregation, desquels vingt furent d'aduis qu'on ne parlast point pour tout de cete matiere : des autres, les vns approuuerent le Decret ainsi vniuersellement : les autres le limitoient, és fils de l'aage de vingt ans, & és filles à l'aage de dixhuit.

A la fin de la Congregation, les Ambassadeurs de Venise firent lire vne ^{requeste} mande, qu'ils faisoient sur l'Anatematisme des diuorces, laquelle contenoit ^{des Veni-} en substance, ^{tiens sur le} Que leur Republique tenoit les Isles & Royaumes de Chipre, ^{diuorce} de Candie, de Cortou, de Zante, de Cephalonie, habitees de Grecs : les- ^{des Grecs} quels de toute ancienneté ont la coustume de repudier la femme adulte- ^{pour adul-} resse, & d'en prendre vne autre : le quel v^{er}lage, quoy que notoire à tout l'E- ^{tere} glise, n'auoit iamais esté condanne ne repris par aucun Concile : & aussi n'e-
stoit-il pas raisonnable de les condanner en absence, attendu qu'ils n'auoient pas esté appelés à ce Concile. Et pourtant, qu'il plust aux peres d'accommoder le Canon, qui parloit de cela, en sorte, qu'il ne leur fist aucun preiudice. Les Legats, ayans receu cete requeste, la firent proposer, sans l'examiner plus particulierement : dont il s'esleua quelque bruit entre les Peres : & en la suiuite Congregation aucuns d'eux toucherent le mesme point, repliquans ce qui estoit porté par la requeste, Qu'il n'estoit pas raisonnable de condanner les Grecs, non ouys, & non cités : Mais l'Archeuesque de Prague s'esleua à l'encontre, disant, que cela ne se pouuoit dire : & que, par la citation generale de tous les Chrestiens, eux aussi s'entendoient appelés & conuiés par le Pape. Et le Cardinal de Vvarmie adiousta encor de plus, ^{apointée} Que le Pape auoit aussi spécialement enuoyé au Duc de Moscouie, pour le con- ^{par l'ac-} uier au Concile : & combien qu'il ne fust point qu'il eust appelle autres Grecs ^{commode-} en particulier, il falloit toutesfois presupposer que toute la nation auoit esté ^{ment du} conuiee, par sermone particuliere : outre que, comme l'Archeuesque de Prague auoit dit, l'intimation generale suffisoit. Et partant les Legats ordonnerent au Secretaire, qu'il rayast de la demande desdits Ambassadeurs cete clause, ^{Decret.} Que les Grecs n'auoient point esté appelés. Mais tant à cause de leur remontrance, que pource que derechef se mirent en champ ceux qui ayans esgard à l'opinion de S. Ambroise, ne vouloient qu'en apposast l'Anatheme à ce Canon ; on y trouua vn temperament, qui fut, non pas de condanner ceux, qui disent que par l'adultere le mariage peut estre desfait, & qu'il en peut estre contracté vn autre : comme saint Ambroise, & autres Peres Grecs ont dit ; & comme les Orientaux le pratiquent : mais d'anathematiser ceux qui disent, que l'Eglise erre, enseignant que par l'adultere, le lien du mariage n'est point dissout, & qu'il n'est loisible d'en contracter vn autre : comme disent les Lutheriens. Et la minute en fut vnanimement approuuee, & mesmes louée par plusieurs, qui disoient, que le Cōcile n'estoit conuocqué, que pour condāner les opiniōs des protestans, & non pour traiter de celle des autres nations. Quoy que devray ce scrupule demeurast en plusieurs, comment on pouuoit condanner ceux qui disent, Que l'Eglise erre enseignant vn Article : sans condanner tout d'une main le contraire d'iceluy. Mais neantmoins, voyant que tant de personnes l'entendoient ainsi, ils y acquiescerent.

Et pource que la proposition des fils de famille donnoit entrée à la question generale, assauoir si l'Eglise peut casser les mariages : tous les suffrages ^{dispute sur} tournerent à parler de cela tout à neuf : combien qu'on en eust desia parlé, ^{le pouuoir} & que les voix en eussent esté recueillies, & que le Decret formé d'icelle eust ^{del'Eglise} esté lu, comme il a esté dit cideffus. Le Cardinal Madruce opina, qu'ils ne ^{à casser les} pouuoient estre annullés : & allega plusieurs raisons, & argumens, pour soutenir son aduis : se laissant entendre, qu'il s'opposeroit mesmes en la Session à la contraire opinion. Ce que les Cardinaux Legats de Vvarmie, & Simonete,

1563. disoyent aussi. Mais, ce qui engendra encor plus de confusion, fut que Lainez, General des Iesuites, fit courir vn escrit, par lequel il improuoit la cassation des mariages clandestins : ce qui donna occasion à plusieurs de se roidir plus courageusement à cete opinion : & es Congregations on commenca à respondre aux raisons les vns des autres, avec tant de longueur, que les Legats furent presque d'opinion d'obmettre cet Article, pour n'empescher la tenue de la Session : & sur tout d'autant que l'Euesque de Sulmone, premier de tous, mit cete question sur le bureau en Congregation publique, assauoir, Si la matiere de la cassation de ces mariages appartenoit à Dogme, ou à Reformation. Et l'Euesque de Segouie apres luy fit vn tres-long discours, pour monstrier qu'elle ne pouuoit estre reduite à Dogme : & pourtant, veu que le plus grand nombre des voix auoit approuué la cassation, le Decret pouuoit estre tenu pour arresté & conclu. L'Euesque de Modene suiuit le mesme aduis : adioustant, que de traiter de cete matiere par voye de Dogme, ne feroit autre chose, que clorre la porte à toute reformation : d'autant qu'en tous Articles on pourroit susciter la mesme difficulté, assauoir, si l'Eglise a, ou n'a point autorité sur le fait, dont il s'agiroit : ce qui feroit mettre les armes en main aux heretiques, & oster à l'Eglise toute son autorité : attendu, qu'il n'est pas raisonnable de mettre la main en ce, dont on est en doute, si nostre pouuoir s'y estend. Et se plaignoit de ce que cete question estoit mise sur les rangs, par ceux qui la deuoient auoir pour toute claire, & decidée. Cet aduis agreea à plusieurs, qui disoient, Qu'il ne faut iamaiz mettre en dispute, si l'Eglise peut, ou ne peut quelque chose : mais qu'il faut tenir pour tout décidé, que comme Christ a toute puissance au Ciel, & en la terre, tout autant en a le Pape de Rome, son Vicaire : & que cete autorité estant par le Pape communiquee au Concile General, il faut tenir pour assuré, qu'iceluy ne defaut de pouuoir, pour faire tout ce qui est vtile & expedient, sans mettre en dispute, si cela presuppse Dogme, ou non. Cet aduis agreea aussi à ceux, qui desiroient l'expedition du Concile, voyant que la difficulté auancee portoit grand empeschement à la fin d'iceluy, & causoit scandale. Dont les Legats, & les principaux Italiens, firent office à part, qu'il ne s'en parlast point, veu qu'il n'escheoit pas d'en traiter ny avec les François, ny avec les Espagnols, qui estoient tous d'opinion, que les mariages clandestins fussent annullés. Et pour cet effet furent tenuës plusieurs assemblées de Prelats, tant entr'eux, qu'avec Legats, & fut deliberé, que non seulement ce Decret ne seroit point mis avec la Doctrine, afin qu'il ne semblast Dogme de foy : mais mesmes qu'il n'en seroit point fait vn Chapitre à part, en sorte qu'il pust iamaiz naistre difficulté, s'il auoit esté tenu pour Dogme : ains seroit inferé dedans les autres Chapitres de Reformation. Et pour oster encor de plus fort tout achoppement, il fut arresté de former le Decret en sorte, qu'il ne semblast traiter de la cassation des mariages de propos deliberé : & pour cet effet, de le mesler avec le premier Chapitre des abus, qui portoit reiglement de restablis les Bans, ordonnés par Innocent troisième, & depuis intermis & negligés : & en couchant le Decret touchant cete condition, & autres conuenables pour donner forme publique au mariage, adiouster en deux mots, quasi par incident, que les contrats, faits autrement, sont annullés : & s'en passer ainsi, sans autre expression. En ce sens fut ce Chapitre formé & reformé à plusieurs & diuerses fois, & tousiours fort intriquement, & avec plus de difficulté es dernieres qu'es premieres. Entre autres alterations, fut changée la clause ia arrestee, comme il a esté dit, que la presence de trois tesmoins fust suffisante pour entiere validité : & en lieu de tesmoins, fut mis, que sans la presence du Prestre tout mariage fust nul. Chose tendant à grandement releuer l'Ordre Ecclesiastic : attendu qu'une action tant principale au gouuernement Politic, & Oeconomic, laquelle iusques alors auoit esté en main tant seulemēt de ceux à qui elle touchoit, estoit par cete ordonnance sousmise au Clergé : tellement, qu'il n'y a plus ne voye ne moyen de faire aucun mariage, en cas que deux Prestres,

Presbres, à sçauoir, le Curé & l'Euesque, interessés pour quelque esgard, recusent de prester leur assistance. Ie n'ay point trouué es memoires, qui fut l'auteur d'une si aduantageuse inuention pour le Clergé car i'en ferois mention, comme aussi de plusieurs autres particularités, qui me sont demeurées inconnues. Mais aussi ne dois-je frustrer François de Beaucaire, Euesque de Mets, de l'honneur qui luy est du : car ce fut luy, qui fut auteur de la forme du Decret, comme on le voit couché au corps du Concile : laquelle de vray semble bien suiuite à diuerses interpretations, mais aussi s'accommode à différentes opinions : ce qu'il fit, croyant qu'il estoit impossible de ioinde des pensées tant discordantes en vne mesme forme qui agreast à tous ; & aussi de les représenter toutes par des reserues & esgards subtils. Cete minute estant proposée en Congregation, il y eut cent trente-trois voix, qui l'approuuerent : & cinquante-six, qui y contredirent formellement.

Les Legats donnerent aduis de tout cecy au Pape, demandans instruction comment ils auroient à se gouuerner : & si, avec vne contradiction numeroeuse, en cas qu'ils ne la pussent vaincre par offices, ils deuoient arrester & conclurre le Decret, ou non.

En ce temps, il y eut vn peu de peur entre les Peres : à cause d'un bruit, qui se leua, que la peste estoit à Inspruck : sur quoy plusieurs se dispoisoient à partir : n'eust esté que le Cardinal Moron, tenant d'auoir reduit les affaires à point, pour terminer le Concile, fit venir attestation & certificat public, qui portoit, Qu'à Sborry, lieu à vint mil prés d'Inspruck, estoit mort de mal contagieux grand nombre de ces pauures gens, qui trauaillent es mines, d'infection prise es mines mesmes sous terre : mais que ceux d'Inspruck y auoient mis si bon ordre, qu'il n'y auoit point de danger que le mal s'eschapast iusques-là : & que mesmes au lieu de Sborry le mal commençoit à fort à s'alentir.

Il arriua aussi vn grand trouble & esmotion entre les Prelats Italiens, & particulièrement du Royaume de Naples, & de l'Estat de Milan : dont l'origine fut, que ia dés le mois precedent le Roy Catholic auoit proposé au Pape d'establir en l'Estat de Milan l'Inquisition à la maniere d'Espagne, & d'y mettre pour Chef vn Prelat Espagnol : alleguant, qu'attendu le voisinage des lieux infects d'heresie, il estoit necessaire d'en faire ainsi, pour le seruice de Dieu, & pour la manutention de la pureté de la Religion. Dont les villes dudit Estat, ayant appris que le Pape auoit proposé l'affaire en Consistoire ; & que, nonobstant la contradiction de quelques Cardinaux, il monstroient d'y encliner, persuadé par le Cardinal Carpy, lequel en cela pretendoit que ce seroit vn utile moyen pour tenir la ville de Milan en bonne deuotion enuers le Siege Apostolic ; mais de vray y estoit poussé par l'esperance fomentée par l'Ambassadeur d'Espagne, que le Roy, pour ce bon seruice, le favoriseroit pour paruenir au Papat ; deputerent au Pape Sforce Moron ; & au Roy d'Espagne Cesar Tauerne, & Princeaux Bisoste : & au Concile, Sforce Briue : ce dernier nommément, pour prier tous les Prelats & Cardinaux de cet Estat-là, d'auoir pitié & compassion de leur commune patrie, laquelle estoit ia reduite en grande misere pour les excessiues charges qu'elle portoit : mais se destruiroit & desoleroit tout à fait par cete dernière, qui surpassoit toutes les autres : que ia plusieurs bons citadins se prepa- roient à abandonner le pais, sçachans très-bien, que l'Inquisition en Espagne n'auoit pas tousiours buté à guerir les consciences, mais bien souvent aussi à vuidier les bourses, & à autres telles fins mondaines. Que si là, deuant les yeux du Roy, ceux qui estoient commis à cet office, maistrisoient ainsi violemment leurs propres compatriotes ; combien plus le feroient-ils à Milan, estans esloignés du remede, & recours, & enuers personnes moins cheries par eux ? Briue exposa à Trente la grande peine & trauail, où tous les citadins estoient pour vne si mauuaise nouuelle : & requeroit la faueur des Prelats : Mais ce recit caufoit bié encor plus de desplaisir es Prelats mesmes, qui apprehendoient la chose plus que les Seculiers. Et ceux du Royaume de Naples

1563

redoutoient, qu'après que Milan auroit receu le ioug, ils ne s'en pourroient desdire, comme ils auoient fait quelques années auparauât. Sur cela les Prelats Lombards s'assemblerent, & delibérerent d'escrire au Pape, & au Cardinal Borromée, lettres signées par eux tous. Au Cardinal, pour luy remonstrer le preiudice qu'il y auoit pour luy, auquel, comme Archeuesque, il appartenoit d'estre le principal & le chef en cet office de l'Inquisition. Au Pape, pour luy représenter, qu'à Milan il n'y auoit point les mesmes causes, ny esgards, qui sont en Espagne, pour y establir vne si rigoureuse Inquisition : laquelle, outre la ruine qu'elle apporteroit à ce Duché, seroit aussi de grand preiudice au S. Siege, lequel ne pourroit denier qu'elle ne fust aussi establie à Naples : dont les autres Princes Italiens prendroient occasion de rechercher d'en faire autant : & de là aduiendroit, que cete Inquisition ayant pouuoir sur les Prelats, le S. Siege auroit peu d'obeissance d'eux : d'autant qu'ils seroient contraincts de pourchasser les bonnes graces des Princes seculiers, & de s'accommoder à estre bien avec eux, ausquels par ce moyen ils seroient assuiettis : & le Pape, en occasion de nouueau Cōcile, auroit peu de Prelats : ausquels il se pust fier, & à qui il pust librement commander. Et qu'il ne falloit point adiouster foy à ce que les Espagnols pourroient dire, Que l'Inquisition de Milan seroit suiuite à celle de Rome : veu qu'on voyoit, par exemple, comment ils procedoient en la cause de l'Archeuesque de Toledé, & comment ils auoient tousiours refusé d'enuoyer à Rome les procès, qui leur auoient esté demandés : comme aussi faisoient les Inquisiteurs de Sicile, dependans d'Espagne. Ces Prelats non contens de cet office, & d'autres faits par eux, de plus encor sollicitèrent les Cardinaux, & autres de Rome, enuers lesquels ils auoient quelque pouuoir, qu'és Decrets du Concile fust inserée quelque parole, qui les exemptast, ou asséurast contre l'Inquisition : & mesmes que par Decret expres fust reglée la maniere de faire les procès en cete matiere. Et que si cela ne se pouuoit faire à la prochaine Session, on en delibérast pour la suiuite. Le Cardinal Moron leur donna esperance de les rendre contens. Et cet accident tint tellement en alarme le Concile, pour le grand nombre des interessés, qu'il en eust pu arriuer quelque notable inconuenient, n'eust esté que peu de iours après vint nouuelle, que le Duc de Sessa, Gouverneur de Milan, ayant entendu les mescontentemens vniuersels, & redoutant, pour quelque vent qu'il en auoit eu, que les Milanois ne prissent exemple des Flamands, qui estoient deuenus Gueux, (c'est le nom de ceux de la Religion reformée en ces païs-là,) iustement pour la mesme cause de l'essay qu'on auoit fait d'y planter l'Inquisition ; auoit bien reconnu combien il estoit hors de saison de traiter de cet affaire, & auoit fait arrester les Ambassadeurs deputés en Espagne : promettant de faire luy-mesme tel office, que l'Estat auroit contentement.

*Le Pape
sollicite la
fin du Cō-
cile,*

Le Pape, ayant veu les responces données par les Ambassadeurs aux Articles proposés par les Legats, se conferma de plus fort en son opinion, qu'il falloit terminer le Concile : autrement, qu'il en naistroit quelque grand scandale : & tenoit pour legers les inconueniens preueus, & en redoutoit quelque plus grand non preueu. Mais, voyant bien la difficulté, qu'il y auroit de le terminer, sans conclure les choses, pour lesquelles il estoit conuoqué, si les Princes n'en estoient contens ; il delibera de faire office sur cela enuers tous. Et en escriuit à ses Nonces en Allemagne, en France, & en Espagne : & en parla avec tous les Ambassadeurs, residans aupres de soy : & mesmes avec ceux des Princes d'Italie : & vsoit de ce terme, Qu'il seroit plus obligé à qui luy aideroit à finir le Concile, que s'il luy auoit assisté de ses armes à quelque grand besoin. Aux Legats il respondit, qu'ils eussent la visée principalement à finir le Concile : & qu'à cete fin, ils accordassent tout ce qui ne se pouuoit bonnement refuser ; & admissent le moins de choses preiudiciables qu'il leur seroit possible. Qu'il remettoit le tout à la prudence & bonne foy d'eux, qui estoient sur les lieux, & voyoient de pres le fonds des affaires : seulement, qu'au plus tost le Concile fust terminé.

Mais les Legats, avec quelques Prelats, ayans consideré les propositions des Ambassadeurs sur le fait de la Reformation; & ayans, à leur instance, re-
 tranché six des Articles par eux proposés, & réduit le nombre d'iceux à tren-
 te-deux; le vingt-vnième Aoust les presenterent aux Prelats pour en traiter.
 Le Cardinal de Lorraine tint des Congregations particulieres des François,
 pour les examiner: dequoy les Legats estoient bien contents: non seulement,
 pource qu'ils estoient asseurés, qu'il cheminoit de mesme pied qu'eux en l'in-
 tention d'acheuer le Concile: mais aussi, d'autant qu'ils auoient desir qu'on
 en conuinst au commun consentement de tous, auant qu'en parler en Con-
 gregation generale. Et pour ce mesme effet, donnerent charge aux Arche-
 uesques d'Otrante, & de Tarente; & à l'Euesque de Parme, que chacun
 d'eux à part soy, en compagnie de leurs adherants, les examinassent en leurs
 maisons, & entendissent ce qu'on pourroit faire pour donner vn commun
 contentement à tous. Ces assemblées particulieres continuans par plusieurs
 iours, les Espagnols, & les Italiens, qui n'y estoient point appellés, prirent à
 en murmurer bien fort, & se mutinerent pour s'y opposer.

Il aduint aussi, que l'Archeuesque d'Otrante, estant allé chez l'Ambassa-
 deur d'Espagne, fut aduertý par luy de cela mesmes: & luy disant, Qu'il ne
 feroit pas volontiers enuers le Roy aucun office qui fust desagreable à luy
 Archeuesque: mais luy vouloit bien dire, que ces Congregations particulie-
 res estoient si mal prises par les bons Prelats, qu'il ne potirroit faillir d'en ad-
 uertir Sa Maiesté. L'Archeuesque s'excusa, disant, Que le tout se faisoit à
 bonne fin, pour faciliter la matiere, & pour applanir les difficultés auant la
 Congregation generale: A ce mesme instant, estant suruenu l'Euesque d'Is-
 chie, pour parler au Conte de la part du Cardinal Moron, il entra avec luy
 au mesme propos, & luy monstra que ces Congregations priuées luy desplaí-
 soient, & qu'il estimoit, qu'on ne les faisoit à autre intention que pour susci-
 ter des difficultés, & obmettre partie des Articles, afin de tenir plustost la
 Session. Nonobstant cela; les Legats, ayans plus d'esgard à contenter les Pre-
 lats, que ledit Ambassadeur, apres auoir veu les considerations faites esdites
 Congregations, les receurent pour bonnes, & r'habillerent les Decrets se-
 lon icelles; y changeans, & adioustans diuerses choses.

Mais, estans sur le point de les proposer ainsi corrigés, il arriua vn Courrier
 de la part de l'Empereur, portant nouuelle instruction aux Ambassadeurs:
 pour laquelle l'Archeuesque de Prague requit instamment aux Legats, de
 ne proposer la Reformation des Princes, iusques à ce qu'ils eussent eu res-
 ponde de Sa Maiesté Imperiale. Et apres eux, le Conte de Lune en fit vne re-
 charge. Cela mit les Legats en grãde perplexité: voyans que desia la France,
 & maintenant encor l'Empereur, & l'Espagne, n'estoient pas contents: & de
 l'autre costé, que le commun desir des Peres estoit, que la Reformation se fust
 tout ensemble. Et pourtant ils s'assemblerent chez le Cardinal Nauagier,
 qui estoit indisposé: & voyans qu'il falloit de necessité donner contentement
 aux Ambassadeurs, ils proposerent, si on deuoit differer toute la Reforma-
 tion, ou seulement l'Article concernant les Princes. Le Cardinal de Lorrain-
 ne estoit d'auis, qu'on differast seulement cet Article, & qu'on proposast tout
 le demeurant. Cet aduis auroit bien agreé, n'eust esté qu'il sembloit qu'on
 donnoit par là ombrage aux Prelats, que la Reformation des Seculiers se-
 roit entierement obmise: ce qui les occasionneroit à s'opposer, & en priué,
 & es Congregations publiques. Et partant il fut arresté, de differer la Re-
 formation des Princes, pour donner contentement aux Ambassadeurs: &
 afin que les Prelats ne s'escarmouchassent sur vne sinistre interpretation du
 fait, de remettre aussi la moitié des autres Articles; & les plus importants:
 proposant les autres, en la forme qu'ils les auoient corrigés, pour en faire
 opiner, & tenir la Session: quoy qu'ils ne fussent sans quelque doute, pour
 la difficulté qu'ils prenoient au fait des mariages clandestins. Ainsi
 donc le sixième Septembre furent proposés vingt-vn Articles de Reforma-
 tion, & fut ordonné que le iour suiuant commenceroient les Congregations:

1563.

En la confection d'iceux, le Cardinal Simonete, & autres siens adherants, employèrent tous leurs sens, & industrie, pour les balancer & attremper en sorte, que la Cour de Rome en receust peu de preiudice ; & que cependant le monde, qui requeroit Reformation ; & les Ambassadeurs, qui la sollicitoient, fussent satisfaits : & ce qui importoit le plus, les Euesques fussent contents : attendu que, pour terminer le Concile, il estoit necessaire, qu'ils y concourussent de bonne volonté.

qui, pour
leurs in-
terests,
pourchas-
soient trois
points :

Les Euesques n'auoient qu'une seule visée, d'acquiescer plus de liberté en leur gouvernement : ce qu'ils esperoient d'obtenir, en cas que trois reglemens fussent faits. Le premier, Que les Curés dependissent d'eux : ce qui aduiendroit, si on leur donnoit la collation des Benefices ayans cures d'ames. Mais, outre les autres difficultés, cela mettoit la main es Reserues, & es Regles de la Chancellerie : ce qui estoit faire une grande breche es mysteres d'estat de la Cour de Rome : à laquelle on voyoit clairement que de là on alloit oster toutes les collations : & par consequent tout pouuoir, & la vie mesme. Et pourtant on prit un temperament, de tenir fermes les reserues : mais de bailler pouuoir aux Euesques de donner les Cures à qui il leur plairoit, sous pretexte d'examen : & à cete fin fut formé le dix-huitième Chapitre, de cet artifice tant exquis & exact, que chacun peut voir : lequel, par un specieux semblant, donne tout pouuoir à l'Euesque de conferer le Benefice à qui il luy plaist, & cependant n'oste rien des profits de la Cour de Rome. Le second estoit des exemptions : sur lesquelles on auoit ia par le passé baillé beaucoup de contentement aux Euesques : mais encor l'onzième Chapitre y fut adiousté, pour total accomplissement. Et ne restoit que les exemptions des Reguliers, lesquelles les Euesques auoient conceu esperance de pouuoir abolir tout à fait : ou certes, les moderer en sorte, qu'iceux leur demeurassent suiets en grande partie.

Dés le commencement de l'année, auoit esté erigée à Trente une Congregation sur la Reformation des Reguliers : laquelle, avec l'assistance des Generaux d'Ordre, & le conseil d'autres personnes Religieuses, qui se trouuoient au Concile, auoit beaucoup auancé, & auoit fait de bons Decrets, sans aucune contradiction, d'autant que, quant aux apparences, & au dehors, les mesmes Reguliers ne l'abhorroient point, ains la desiroient. Sachans bien que, quant à ce qui se fait au dedans des Monasteres, ils l'interpreteroient, & le pratiqueroient ainsi qu'il leur plairoit : voire mesmes tenoient à profit & aduantage, d'auoir une reformation tres-estroite en escriture ; comme toutes leurs Regles sont autres en escriture, qu'elles ne sont en la pratique. Mais, quand on commença à parler de moderer les exemptions, & d'assuiettir les Moines, au moins en partie aux Euesques, tous les Generaux d'Ordre, avec les Theologiens Reguliers, se mutinerent, & s'assemblerent par troupes chez les Ambassadeurs des Princes, leur montrans le grand seruice qu'ils rendoient aux peuples, aux villes, & au gouvernement public : s'offrans au reste, en cas qu'il y eust en eux abus de quelque sorte que ce fust, de receuoir toute la reformation qu'on leur voudroit imposer : laquelle, dès aussi-tost qu'ils seroient retournés en leurs Conuents, ils mettroient en execution, encor plus seuerement qu'elle n'auroit esté ordonnée : mais que d'assuiettir les Monasteres aux Ordinaires, c'estoit le difformier : attendu qu'iceux, par faute de conoissance de la vie Reguliere, & de la discipline, par laquelle elle se maintient, desordonneroient tout. A l'opposite, les Euesques disoient, Que tout priuilege est au detrimet & desreglement de la loy : & que la reuocation d'iceux est chose fauorable : attendu que par icelle on reestablit les affaires en leur premiere nature : que de les abolir, n'estoit point faire nouueauté, ains remettre les choses en leur ancien estat. Mais de l'autre costé, on repliquoit, Qu'il y auoit prescription de temps es exemptions des Reguliers, qui faisoit qu'elles ne pouuoient plus estre appellées priuileges, ains droit commun. Qu'au temps, que les Monasteres estoient suiets aux Euesques, la discipline Ecclesiastique estoit si bien

reglée, & si feueré és Euesques, & en leurs Chanoines, qu'ils meritoient bien d'auoir la surintendance sur tous : que si on vouloit reſtabliſſer l'ancien-^{1563.}neté, il le falloir faire en toutes ſes parties : & que quand les Euesques retourneroient à l'eſtat & à la forme de ces temps-là, on leur pourroit bien aſſuiettir les Monafteres, comme alors : mais qu'il n'eſtoit pas raiſonnable, qu'ils demandaffent d'auoir la ſurintendance des Monafteres, auant qu'eux-mêmes ſe fuſſent formés à eſtre tels, que de neceſſité il faut que ſoit vn Recteur de vie Reguliere. Les Reguliers en cecy eſtoient fauoriſés par les Ambaſſadeurs, & par les Legats, pour les intereſts de la Cour de Rome, laquelle auroit perdu vn grand inſtrument, en caſque les Moines n'euffent dependu d'elle ſeule. Et y auoit bien mêmes quelques Prelats, qui les portoient, aduoüans, que leurs raiſons eſtoient bonnes. Ce mouuement dura par quelques iours, mais peu à peu alla ſe calmant : d'autant que les Euesques, qui l'auoient excité, y reconoiſſoient tous les iours plus de difficulté.

Le troiſième point eſtoit des empeschemens & trauerſes, que les Euesques receuoient des Magiſtrats Seculiers, leſquels, pour conſeruer l'autorité temporelle, ne laiſſoient point empieter aux Euesques l'abſolu empire, & domination qu'ils euſſent bien deſiré, non ſeulement ſur le Clergé, mais mêmes auſſi ſur le peuple. A cet effet auoit eſté dreſſé l'Article de la Reformation des Princes, dont a eſté fait mention, & dont auſſi il ſera parlé plus à plein en ſon lieu. Cete partie, enſemble autres, qui luy eſtoient connexés, auoit eſté différée à vn autre Seſſion, à cauſe de ſa difficulté, & de crainte qu'on auoit qu'elle ne cauſaſt du prolongement : mais les Euesques interpreterent cete dilation, pour vne intention de la faire eſuanouir. Et ſe plaignoient, que, s'agiſſant de reformer toute l'Egliſe, on ne reformaſt cependant que le Clergé tout ſeul. Les Legats faiſoient toute diligence pour les appaiſer : monſtrans qu'on ne différerait pas ſeulement ce point-là, mais auſſi pluſieurs autres, deſquels inéuitablement il falloir traiter : & aſſeurans, que cete dilation n'eſtoit à autre fin, ſinon pour faire les choſes plus meurement : mais que ſans faute elles ſe feroient. Qu'il eſtoit neceſſaire de faciliter l'expedition de cete Seſſion, laquelle ſeroit vn acheminement à l'autre, en laquelle, ſans plus, on traiteroit tout le demeurant. Les Legats eſtoient tous bandés à tenir la Seſſion au temps aſſigné, iugeans que cela eſtoit neceſſaire pour terminer bien toſt le Concile, à quoy le Pape ne failloit iamais, par Courriers ordinaires, & bien ſouuent par extraordinaires, à les ſolliciter, diſant, Qu'ils le deliuraſſent vne fois du Concile.

En la Congregation du ſeptième Septembre, fut receu frere Martin Roias ^{reception} Portalrouge, Ambaſſadeur du Grand Maistre, & des Cheualiers de Malte : ^{de l'Ambaſſadeur} ce qui fut différé iuſques à ce temps, pour la grande oppoſition, que firent les Euesques principaux, que lieu ne luy fuſt donné au deſſus d'eux : diſans, ^{du Grand} Qu'il n'eſtoit pas raiſonnable, qu'une Religion de Freres allaſt deuant tout le corps de tant de Prelats : mais en fin ils s'accommoderent, & fut publié en la Congregation, Qu'on luy donnoit rang, & place entre les autres Ambaſſadeurs, ſans preiudice toutes fois des Prelats, leſquels pretendent preſeance. Ledit Ambaſſadeur fit vne harangue, en laquelle il excuſa le Grand Maistre, d'auoir tant différé d'enuoyer à Trente, ſur les bruits de la flotte des Turcs, & ſur les grandes incommodités, qu'ils receuoient iournellement du Corſaire Dragut Rais. Et en ſuite exhorta les Peres à apporter remede aux maux preſens, deſquels les Freres de ſon Ordre, qui n'eſtoient point membres oisifs de la Chreſtienté, ſentoient de grands contre-coups. Il requit auſſi le Concile de trauailler à l'extirpation des heresies : luy offrant la protection & la deſenſe du Grand Maistre, & de tout leur Ordre, qui y employeroient de bon cœur, non ſeulement les moyens & facultés ; mais même la vie, & le ſang. Il recita l'origine de leur Religion, fondée quarante ans auant le paſſage de Geoffroy de Buillon à la conquête de Terre-ſainte : & les actes & exploits heroïques, faits par leurs Anceſtres ; leſquels ils ne pou-

1563.

uoient à present egaler, pour auoir esté despoüillés d'une grande partie de leurs terres, & possessions. Qu'ils sont l'auantmur & rempar de la Sicile, & de l'Italie, contre les Barbares. Et pourtant, prioit les Peres de se souuenir de l'ancienneté, noblesse merites, & dangers de leur Ordre: & de moyenner que les possessions, & commendes, qui leur auoient esté vsurpees, leur fussent restituées: & que le Concile fist vn Decret qu'à l'auenir elles ne pussent estre conferées à autres, qu'à ceux de leur Ordre, auquel aussi il requeroit que fussent confirmées ses immunités, & priuileges. Le Promoteur luy respondit, au nom du Concile, admettant l'excuse, & promettant d'auoir tout esgard raisonnable à la demande qu'il auoit faite sur la conseruation des Commendes, & des priuileges de son Ordre. Il fit plusieurs recharges de la mesme chose aux Legats es iours suiuaus: & eux le firent sçauoir au Pape: mais il respondit, Que c'estoit à luy, à qui il appartenoit d'en faire la prouision & reglement: & qu'il le feroit en temps & lieu.

remon-
strances &
disputes
& corre-
ction de
plusieurs
articles de
reforma-
tio, d'elire
des Eues-
ques les
plus di-
gnes,

En cete mesme Congregation, & es suiuautes, on opina sur les vingt Articles de Reformation, qui auoient esté proposés. Il est bien vray qu'il n'y eut pas chose de grande consequence. toutesfois il ne lera que bon d'en toucher les principaux points, tant pour la suite de l'histoire, que pour la declaration de plusieurs choses qui arriuerent apres. Sur le premier Article, touchant l'election des Euesques, lequel portoit Qu'on fust obligé de pouruoir du plus digne: la difficulté agitée autrésfois retourna sur les rangs, Que c'estoit lier trop estroitement les mains au Pape es collations des Benefices: & aux Rois, & Princes, es nominations: s'il falloit qu'ils fussent astreints à nommer vne seule personne. La pluspart vouloit, qu'on ostant ce terme comparatif, & qu'il fust simplement dit, Qu'on estoit tenu à pouruoir de personne digne. Mais à l'opposite, d'autres consideroient, Que les Peres auoient tousiours vsé de cete façon de parler que le plus digne fust preferé: à quoy aussi ils adioustoient la raison, Que celuy n'est exempt de faute, lequel preferere le moins digne, quoy que suffisant, à celuy qui est de plus de merite. Il y eut là dessus beaucoup à disputer: mais on trouua en fin vn expedient pour accommoder le tout: obmettant en apparence le mot de, plus digne: & parlant d'entrée en termes simples, & positifs, & de là passant aux comparatifs: en sorte que la prouision s'entendist libre, & sans astringtion. Et ainsi fut le Decret conceu en la forme, qu'on void imprimée au Corps du Concile, qui porte, Qu'on est obligé de pouruoir de bons & suffisans pasteurs: & que qui ne preferere les plus dignes, & les plus vtils à l'Eglise, peche mortellement. Lesquelles paroles, en leur sens pur & naturel, ne posent autre chose, sinon qu'il y en a plusieurs, qui sont plus dignes, & plus vtils, à comparaison de plusieurs autres, qui le sont moins. En laquelle amplitude, ceux qui ont à pouruoir, ont vn grand champ ouuert, pour y proceder à leur arbitrage à coudées franches.

des visites
des Arche-
uesques,

Au troisieme Article il y eut quelque difficulté sur les visites des Archeuesques. Les Archeuesques allegoient les Canons, & les coustumes anciennes, par lesquelles les Suffragans iuroient obeissance aux Metropolitains, & estoient absolument suiets à la visitation, correction, & gouvernement d'iceux: & ne vouloient consentir qu'aucun preiudice fust fait à cete autorité: & entre iceux le Patriarche de Venise, Iean Treuisan, s'y monstroir le plus eschauffé. Mais à l'opposite, les Euesques, sur tout ceux du Royaume de Naples, traualloient à conseruer la coustume introduite, par laquelle les Euesques ne sont differens des Archeuesques, que de nom, ayans au reste mesme autorité. Mais, pource que le nombre des Euesques estoit grand, & celuy des Archeuesques petit: & pour la faueur & port des Legats, & des partisans du Pape enuers les Euesques, afin que les Archeuesques, par la suiction des Suffragans, n'acquistent autorité, & reputation, dont ils se pussent armer, pour n'estre tant suiets à la Cour de Rome, comme ils sont: les Archeuesques ne purent obtenir qu'une seule parole de contentement, en disant, Qu'il ne leur estoit point defendu de faire les visites: pourueu que ce fust avec

cause, approuvée par le Concile provincial. De quoy ils se plaignoient : disant, Qu'on auoit fait vn beau neant : attendu qu'au Concile provincial n'y ayant qu'un Archeuesque, mais plusieurs Euesques, on pouuoit bien presupposer, que l'occasion de visite ne se presenteroit iamais.

Le sixième Article estoit des exemptions des Chapitres des Eglises Cathedrales, hors de l'autorité Episcopale. En quoy les Euesques Espagnols, & à leur contemplation, le Conte de Lune, ayans grand interest; on y fit plusieurs restrictions, & ampliatiions : non toutesfois telles, que ces Prelats demeurassent satisfaits : nonobstant que cet Article fust souuent changé & r'habillé, & mesmes en fin obmis, & remis à la prochaine Session, comme il sera dit en son lieu.

Le treizième Article, en ce qui touche les pensions, parloit generalement, Que nul Benefice ne puisse estre chargé de plus haute pension que du tiers des fruits, ou de sa valeur : conformément à la coustume qui estoit lors que les pensions furent introduites. Mais le Cardinal de Lorraine ne le trouuoit pas bon : veu qu'il y a des Benefices fort riches & opulens, lesquels ne se pourroient dire greués, quand mesmes ils payeroient les deux tiers : & d'autres si pauvres, qu'ils ne peuvent porter aucune pension quelle qu'elle soit. Et pourtant il disoit, Que cete distribution-là n'estoit pas iuste : mais qu'il valloit mieux defendre absolument, que les Eglises Cathedrales, qui ne passoient mil ducats de reuenu, & les Parochiales, qui n'en passoient cent, ne pussent estre chargées. Et s'arrester là, sans passer plus outre. Cete opinion l'emporta, au grand contentement des Legats, & des partisans du Pape, à cause de la libre, & absoluë disposition, qu'on laissoit au Pape es bons & grans Benefices. Il y eut beaucoup de discours, & bien longs, de ceux qui demandoient moderation des pensions, & reserues de fruits, ia imposées : & des accès, & regrés. Mais la difficulté contraignit vn chacun de mettre le tout sous silence, à cause de la confusion, & des desordres, qu'on preuoyoit qui pourroient s'en ensuiure : d'autant que tous se plaindroient, alleguans pour excuse, Qu'ils n'auroient point resigné les Benefices, sans ces conditions. Et beaucoup plus encor auroient iuiet de se douloir ceux, lesquels, pour obtenir telles graces, auroient composé à deniers avec la Chambre Apostolique, si on leur ostoit & reuoquoit ces graces, sans leur restituer leurs deniers : au remboursement desquels il s'agissoit de l'impossible. Finalement, il sembla encor beaucoup à tous, que on pourueust à l'aduenir, sans penser au passé.

Le quatorzième Article, qui detestoit, & defendoit tout payement de partie des fruits, pour la collation, prouision, ou possession du Benefice, ageoit grandement aux François : lesquels disoient, que par ces paroles estoit aboly le payement des Annates. Et de vray, qui les considere, & examine, ne leur peut donner autre sens. Mais toutesfois, l'euenement a monstré, qu'à Rome la chose n'a pas esté ainsi entenduë.

Sur le dix-septième, auquel la pluralité des Benefices estoit defenduë, & permise la dualité, en cas qu'un ne suffist : quelques vns requierent cete addition, Que ces deux Benefices ne fussent distans l'un de l'autre de plus d'une journée de chemin : afin que celui, qui en seroit pourueu, pust faire partie de la Residence en chacun d'eux. Mais ils ne purent l'obtenir : & aussi les auteurs de cet aduis n'y trauaillerent pas beaucoup : preuoyans que ny ce Decret, ny tout le Chapitre, ne seroient mis en execution, que contre quelques pauvres.

Le dix-huitième agreea bien, entant qu'en effet il restituoit la prouision des Benefices ayans cure d'ames, aux Euesques. Mais toutesfois les François contredirent à la forme de l'examen : d'autant qu'il leur sembloit, qu'en apparence il lioit trop estroitement les mains à l'Euesque : & alleguoient pour raison, que ce concours de personnes qui vouldroient estre examinées, appellées par Edit, ou proclamation publique, donnoit trop ouuerte & publique entrée à l'ambition. Que l'Ancienneté auoit tousiours fait profession de

1563. conferer les Eglises à ceux qui les refusoient: en lieu, que par cete nouuelle façon, on introduisoit, non seulement de les rechercher ouuertement, mais mesmes de s'en vanter digne, & de les briguer.

des expectatives, Sur le dix-neufuième, l'Euesque de Coimbre s'estendit à parler contre les expectatiues, comme faisant desirer, & peut estre quelques fois aussi procurer & auancer la mort d'autrui. Et, quant aux reseruatiens mentales, il dit tout outre, Que c'estoient des fraudes, & des vrais brigandages. Et, quand tout est dit, qu'il valloit mieux laisser au Pape l'entiere collation de tous les Benefices, que non pas d'vser d'artifices, & pratiques tant indignes, comme estoit, de vouloir donner vertu & force à vne pensée, non communiquée, ny publiée: & dont mesmes il y auoit soupçon qu'elle n'eust pas seulement esté conceuë en l'esprit, ains eust esté & forgée apres le fait. Mais le Cardinal Simonetë luy rompit le fil de son discours, disant, Que c'estoit bien chose raisonnable de reprendre les abus, lors que la prouision & remede contre iceux n'estoit encor resolu & arresté, afin d'en procurer l'amendement: mais que, dès qu'on voyoit la commune disposition de tous au remede, & que desia le Decret en estoit formé, il suffisoit de l'establir par son assentiment, & suffrage: sans multiplier par ambition en paroles de censure; là où il n'y en auoit point de besoin.

lettres du Roy de France à ses Ambassadeurs pour s'opposer à la reformation des Princes, L'onzième Septembre les Ambassadeurs de France reçurent lettres du Roy, en date du vingt-huitième Aoust: par lesquelles il leur mandoit; Qu'il auoit receu les Articles, qui leur auoient esté communiqués par les Legats: & qu'il voyoit les affaires fort esloignés de l'esperance qu'il auoit conceuë: car l'establissement d'iceux n'estoit autre que roigner les ongles aux Rois, & les allonger aux Ecclesiastiques: ce qu'il estoit resolu de ne vouloir supporter. Et pourtant il leur commandoit de représenter dextremement, & prudemment, mais aussi vigoureusement, aux Peres, que, comme tout Prince est obligé de fauoriser le Concile, avec tout zele & ferueur, toutes fois & quantes qu'iceluy procede comme il appartient: aussi de pallier la playe, qui cause les maux presens, ains d'en faire vne plus grande encor, au preiudice des Rois, & Princes, est chose bien esloignée de ce qu'on auoit attendu. Qu'il auoit veu, comment ils se passoient de leger en la Reformation des personnes Ecclesiastiques, lesquelles toutes fois ont causé les scandales à ceux, qui se sont séparés de l'Eglise Romaine: & comment ils s'ingeroient à oster les droits, & prerogatiues aux Rois, & à casser les ordonnances royaux, & les coustumes & vs prescrites & immémoriaux: & à excommunier & anathematiser les Rois, & les Princes: toutes choses, qui tendent à ietter les semences de desobeissance, sedition, & rebellion des suiets contre leurs Princes: attendu qu'il est tout euident, que l'autorité des Peres, & du Concile, ne s'estend point plus outre, qu'à la reformation du Clergé, & n'a nul pouuoir de mettre la main es affaires d'estat, ny à la puissance & iurisdiction seculiere, laquelle est totalement distinguée de l'Ecclesiastique. Et que, toutes fois & quantes que les Peres, ou Conciles, ont entrepris de traiter de telles matieres, les Rois & les Princes s'y sont opposés: d'où sont procedées maintes seditions & guerres tres-pernicieuses à la Chrestienté. Et pourtant, qu'ils les exhortassent de vaquer seulement à ce qui estoit de leur charge, & necessaire pour l'exigence des temps presens: & de se deporter de ces entreprises, lesquelles n'auoient iamais produit aucun bon effet, & en causeroient encor de beaucoup pires au temps present. Et en suite il leur mandoit, que, si les Peres ne desistoient à ces raisons & remonstrances; eux Ambassadeurs eussent à s'y opposer virilement: & que subit, l'opposition faite, sans attendre leur iugement, où se remettre à leur discretion, ils eussent à partir, & à se retirer à Venise: faisans entendre aux Prelats François, qu'ils continuassent à demeurer au Concile, & à s'y employer à l'honneur & seruice de Dieu: estant persuadé, que, là où ils verroient qu'aucune chose contraire aux droits, prerogatiues, & priuileges du Roy, seroient mise en deliberation, ils ne faudroient point

point de se retirer : comme aussi le Roy vouloit & entendoit qu'ils fissent. Il escriuit aussi au Cardinal de Lorraine, en la mesme teneur, qu'ils vouloit qu'on parlât aux Prelats : assavoir, Que par sa presence il n'eust à approuver chose quelconque, qui se pourroit traiter au Concile à l'encontre des droits royaux : mais qu'il s'absentast, en cas que les Peres sortissent hors des bornes de leur charge : se remettant au surplus à l'instruction qu'il enuoyoit à ses Ambassadeurs.

Les Ambassadeurs de France, ayans receu ces lettres, & conféré le tout avec le Cardinal de Lorraine ; de son aduis & conseil, en firent part aux Legats : & mesmes en firent courir le bruit par le Concile : afin que les Euesques, entendans cela, se deportassent de demander reformation des Princes : & qu'ainsi eux n'eussent occasion de faire l'opposition, ne de venir à protestation. Mais cela produisit effet contraire : car les Euesques, lesquels estoient aucunement paisibles, attendans, qu'apres la Session, on proposeroit la Reformation des Princes, dès qu'ils entendirent cete nouuele, & qu'ils virent qu'on visoit à mettre sous silence ladite reformation des Princes : se mirent à concerter entr'eux de ne passer outre es actions Synodales, si l'Article, concernant les Princes, n'estoit produit, & mis en deliberation ensemblement avec les autres. Les pratiques passerent si auant, que cent d'entr'eux toucherent à la main de demeurer fermes en cete deliberation : & en formerent vn escrit, signé de la main de tous : & avec iceluy allerent aux Legats, requerans que les Articles de la Reformation des Princes fussent proposés, & baillez aux Peres, declarans, quasi par maniere de protestation, qu'ils ne continueroyent point de parler, & ne conclurroyent rien sur les autres, sinon coniointement avec ceux-là. Les Legats leur donnerent de bonnes paroles, avec dessein & esperance de faire efforer cete humeur. Pendant cete esmotion, le Conte de Luné comparut derechef, avec son instance accoustumee, que le Decret, qui donnoit tout le droit de proposer aux Legats, fust reuoké : afin que chaque Prelat pust proposer les choses, qu'il iugeroit dignes de reformation : & requit que le sixieme Chapitre fust rhabillé au goust des Prelats Espagnols ; ostant tout à fait les exemptions aux Chapitres des Chanoines des Eglises Cathedrales, & les assuiettissant aux Euesques. Et, s'estant présenté à Trente vn Procureur au nom desdits Chapitres, lequel faisoit offices au contraire, ledit Conte luy commanda qu'il n'en parlât point.

Les affaires estans en ces termes, les Legats pensoient de tenir la Session avec la seule matiere du Mariage : mais il y auoit vn empeschement, que les difficultés des mariages clandestins n'estoyent pas encor bien digerees : & d'ailleurs les Ambassadeurs apprehendoient, que si vne Session eust esté faite sans parler de Reformation, l'esperance estoit perdue d'en traiter iamais plus. Dont les Legats, voyans qu'il n'y auoit nulle apparence de pouuoir auoir aucune matiere de Reformation prestee pour le iour assigné de la Session, tinrent Congregation generale le quinzieme Septembre, en laquelle ils proposerent de prolonger la Session iusques à l'onzieme Nouembre : & ainsi fut arresté. La cause de ce long delay, fut, que le Pape, voyant les difficultés qu'il y auoit à terminer le Concile, partie pour les differends entre les Prelats, partie pour les oppositions de l'Ambassadeur d'Espagne, assit toute l'esperance de surmonter ces trauerses sur le Cardinal de Lorraine. Dont il escriuit aux Legats, que, cas estant que la Session ne se pust tenir au terme prefix, ils la prolongeassent de deux mois. Ce qu'il fit ; afin que le Cardinal en ce temps pust se transporter à Rome, & que là il eust la commodité de traiter avec luy, ce qui ne se pouuoit par lettres, ne par messages : & aussi, afin que toute la disposition, requise pour venir à l'execution, pust estre toute preparee. Iusques à ce temps-là, le Pape n'auoit eu autre resolution, que de terminer le Concile : mais alors, il prit ferme deliberation, s'il n'en pouuoit venir à chef, de le dissoudre & rompre en quelque façon que ce fust : se trouuant totalement forcé de necessité à s'en desfaire. Il enuoya pour cet

communi-
quees,

irritent les
Euesques

L'Ambassa-
deur d'Es-
pagne pour
auoir la li-
brete du
Concile :

la Session est
prolongee,

par vouloir
du Pape, qui
attire cepen-
dant le Car-
dinal de
Lorraine à
Rome :

1563.

effet pouuoir aux Legats, de faire suspension, ou translation, comme ils iugeroient estre mieux, par aduis & conseil des Peres: & leur escriuit, Qu'en toutes sortes il s'en vouloit vne fois deliurer, ou en le terminant, s'il estoit possible, ce qu'aussi il desiroit le plus: ou, en cas que cela ne se pust, vsant de l'un des deux autres remedes, de translation, ou de despesion. Et pourtant, qu'ils fissent deuoir de faire naistre occasion d'en estre requis, pour ne monstrier qu'il en fust l'auteur: & qu'ils sollicitassent le voyage du Cardinal de Lorraine. Ce qu'ils firent: de sorte, que le iour d'apres la conclusion prise de prolonger la Session, il partit.

*Fascheries
du Pape & de
la part de
la France:*

Tous les desgoustemens, qu'auoit autresfois eu le Pape de la part de la France au fait du Concile, estoient bien cessés: mais il ne laissoit pas de recevoir de continueles fascheries de ce Royaume. La quotidienne instance, qui luy estoit faite de consentir à l'alienation de biens Ecclesiastiques, iusques à la somme de cent mil escus de reuenu, luy donnoit grand ennuy, comme aussi les mesdisances & detractions, dont il entendoit que les Huguenots calengeoyent & luy, & le Siege Apostolic. Mais particulièrement il fut outré d'un fait du Cardinal de Chastillon, lequel, comme il a esté dit cy dessus, auoit quitté l'habit Clerical, & se faisoit appeler, Conte de Beauuais: mais, dès qu'il entendit que le Pape en plein Consistoire, le dernier iour de May, l'auoit priué du Chapeau, il reprit l'habit de Cardinal; & en iceluy, se maria. Et en la grande solennité, qui se fit à Rouan le treizieme Aoust, lors que le Roy se declara maieur en Parlement, en presence de toute la Noblesse Françoisse, il comparut en pleine seance en ce mesme habit. Ce qui fut iugé de tous un grand mespris du Pape: lequel s'en piqua si fort, qu'en mesme temps il fit imprimer sa priuation, & en fema plusieurs copies par la France.

*deputation
de Nonces
pour un
grand abon-
nement de
Princes:*

Peu de iours auant la venue du Cardinal de Lorraine, estoit arriué le Nonce du Pape, resident en France, despesché par la Royne Mere, pour proposer au Pape un abouchement entre Sa Sainteté, l'Empereur, le Roy d'Espagne, & le Roy de France, son fils, en la compagnie duquel elle se trouueroit aussi. Le Pape quoy qu'il en trouuast l'exécution impossible, agreea la proposition, comme pouuant beaucoup seruir à terminer le Concile: & pourtant donna parole d'enuoyer pour cet effet des Nonces à l'Empereur, & au Roy d'Espagne: & deputa en Espagne l'Euesque de Ventimile, lequel aussi pour cela il rapella de Trente; & celuy d'Ischie, à l'Empereur.

*negotiation
confédérée du
Pape avec
le Cardinal
de Lorraine*

Il fit des excessiues demonstrations d'honneur au Cardinal de Lorraine, & le logea en son palais: & mesme, ce qui est chose inusitée, il l'alla publiquement visiter en son logement. Leurs propos furent en partie sur ledit abouchement, lequel toutesfois le Cardinal aussi ne iugeoit point faisable. Ils traiterent en outre de la susdite vente pour cent mil escus de reuenu de biens Ecclesiastiques, en quoy on n'a pu sauoir, si les offices faits par le Cardinal furent pour en auancer, ou en traüerser l'exécution. Bien est vray, que le Pape, en ces mesmes iours, ayant respondu à l'Ambassadeur de France, qui luy en faisoit nouuele instance, Qu'il remettoit l'affaire au Concile; plusieurs iugerent que c'estoit vne desfaite suggeree par le Cardinal. Mais leur principale negotiation fut sur la closture du Concile: ce que le Pape estimoit tres-important, & reconnoissoit tres-difficile: & en cela ils se descouvrirent le fonds du cœur l'un à l'autre, & prirent vne entiere confiance entr'eux: le Cardinal ayant descouuert au Pape, que ses interets estoient engagés au mesme dessein: & qu'apres la mort de son frere, il voyoit clairement qu'il n'y auoit autre moyen de soustenir en France la Religion Catholique, ne sa maison, que par vne tres-estroite vnion & conionction avec le S. Siege. Le Pape de son costé luy promit de faire des Cardinaux à sa nomination: & luy tint des paroles, par lesquelles il luy donna intention de le faire son successeur au Papat. Et afin qu'elles eussent plus de creance, il monstroit que la grandeur du Cardinal estoit vtile pour quelque grand dessein, qu'il brasloit en son esprit: duquel aussi il donnoit des impressions à toutes sortes de

personnes, auxquelles il parloit, concludant tousiours ses propos par ces mots, Il faut clorre le Concile, & faire prouision d'argent: & puis il aduiendra ce qui plaira à Dieu.

Le Pape communiqua au Cardinal, qu'à toutes les nouueles qu'il apprenoit des discordes, & des prolongemens qu'on machinoit au Concile, la pensee luy reuenoit tousiours de le suspendre, mais qu'il en estoit diuertý par l'apprehension du scandale, qu'en prendroit le monde, auquel la verité des affaires est inconnue: & que d'un costé cela luy sembloit bien le plus grand mal qui püst aduenir: mais que de l'autre aussi, il l'estimoit moindre, que le danger que couroit son authorité, laquelle estoit la bute, contre laquelle & Princes & Euesques, & toutes autres sortes de personnes, deschoyent leurs traits: mais qu'en fin, il faudroit quitter tous ces respects, & venir à cete resolution. Le Cardinal le diuertit de ce conseil, luy remonstrant, que ce remede n'estoit pas pour guerir le mal, ains seulement pour le differer avec plus grand peril, & danger: d'autant que dans peu de temps, il auroit nouueles instances de le remettre sus, & quiconque ne se trouueroit satisfait de luy, recommenceroit d'autres menees, & machinations. Ioint qu'il estoit encor plus malaisé de le suspendre, que de le terminer: d'autant que, pour la closture, il n'y auoit point de besoin d'alleguer causes & motifs: mais suffisoit de mettre les choses à point, & se bien entendre, & exploiter: en lieu que la suspension requeroit de necessité allegation de causes, sur lesquelles chacun diroit sa ratelee, outre ce qu'il estimoit bien plus honorable de le terminer, que de le suspendre. Il employa plusieurs autres raisons, par lesquelles il fit comprendre au Pape, que ce conseil estoit bon & loyal: & apres cela, il luy conseilla de parler ouuertement avec le Roy d'Espagne.

Suiuant quoy, le Pape appela à soy les Ambassadeurs d'Espagne, & se plaignt à eux en termes graues & forts, disant, Qu'il auoit conuoqué le Concile, sous l'esperance, & la promesse du Roy, qu'il fauoriseroit les affaires du Papat: qu'il luy auoit baillé toutes satisfactions & contentemens imaginables, & estoit prest à luy en donner encor d'autres, à toute siene requeste, pourueu que les empeschemens, qu'y apportoit le Concile ouuert, fussent ostés. Qu'il n'auoit demandé autre grace à Sa Maiesté, ny à ses Ministres, sinon la closture d'iceluy, pour le seruice de Dieu, & le bien public: & qu'en cela il estoit fort mal traité: sans qu'il y eust aucun benefice, ains beaucoup de preiudice, pour le Roy. Et pourtant qu'il seroit contraint de faire estat de ceux qui faisoient estime de luy, & de se ietter entré les bras de ceux qui le vouloyent ayder. Il despescha aussi vn Courrier au Roy d'Espagne, avec vne lettre de main propre, par laquelle il se plaignoit des offices, que faisoient son Ambassadeur, & autres siens Agens à Trente, contraires à ceux de ses Ministres à Rome: les vns & les autres disans de suiure la commission de Sa Maiesté. Et luy remonstroit, que, pour le seruice de Dieu, & du Saint Siege, & de Sa Maiesté mesme, il estoit expedient, que le Concile fust terminé. Et pour la fin, le prioit de se déclarer, s'il estoit disposé à fauoriser ladite closture, ou non. Le Cardinal de Lorraine luy conseilla aussi de ne se monstrier point tant esloigné d'accorder à l'Empereur l'usage du Calice en la Communion, & le Mariage des Prestres: car, par ce moyen, il acquerroit & l'Empereur: & le Roy des Romains; non seulement pour consentans; mais aussi pour fauteurs & promoteurs de la fin du Concile. Il luy mit semblablement en consideration, Que de necessité il falloit laisser à Reformation des Princes, comme estant chose, laquelle, plus que tout autre, pouuoit porter la negotiation en longueur.

Or, apres le depart du Cardinal de Lorraine, neuf Euesques François partirent encor de Trente, pour s'en retourner en leurs maisons, outre les six, qui estoient allés à Rome avec le Cardinal: tellement qu'il n'en demeura que 8. au Concile. Le depart de ceux-là fit courir vn bruit, qu'ils auoyent esté rapelés de France, & que mesmes on auoit intention de rappeler aussi les autres:

*qui luy dis-
suaade la sus-
sension du
Concile, &c.*

*sur quoy le
Pape parle
aux Ambas-
sadeurs d'Es-
pagne,*

*escriit au
Roy:*

*plusieurs
Prelats
Francois
partent du
Concile:*

1563.

*diffusés
sur les Ma-
riages clan-
destins.*

& ce, à la sollicitation & par les pratiques des Huguenots, afin que, la fin du Concile approchant, il n'y eust aucuns François presens, lors qu'ils seroyent anathématisés. Les Legats, pour faciliter les difficultés sur les mariages clandestins, firent faire aux Theologiens vne publique forme de dispute, par opposition, & réponses: ce qui n'auoit encor iamais esté fait au Concile: mais elle ne produisit aucun bon effet, non plus que tous les moyens employés auparavant: ains tous s'en departoyent plus affermis en leur opinion. Et apres cela, pour reprendre les Congregations, & traiter de la Reformation, ils publierent le demeurant des Articles, desquels le dernier estoit touchant la reformation des Princes: à quoy ils se voyoyent forcés par la mutinerie des Prelats.

*Chapitre de
la Reforme-
tiō des Prin-
ces, sur les
immunités
de l'Eglise:*

Or, d'autant que ia à diuerfes fois mention a esté faite de ce Chapitre concernant les Princes, il sera à propos, pour l'intelligence des choses suivantes, de l'insérer en cet endroit. Iceluy donques conteroit vne preface avec treize Decrets, & vn epilogue fort preignant. La preface portoit en substance: Que le Concile, outre les choses ordonnées touchant les personnes Ecclesiastiques, aiugé estre de son deuoir, de corriger autres abus, introduits par les Seculiers contre l'immunité de l'Eglise: esperant que les Princes en feront contens, & feront rendre au Clergé l'obeyssance qui luy est due. Et pourtant il les admoneste, auant toute autre chose, qu'ils facent rendre par leurs Magistrats, Officiers, & autres Seigneurs temporels, la mesme obeyssance au Clergé, qu'eux mesmes sont tenus de prester au souverain Pontife, & aux Constitutions Synodales. Et pour faciliter cela, le Concile renouuele, & renouvelant ordonne partie des Decrets des saints Canons, & des loix Imperiales, en faueur de l'immunité Ecclesiastique: lesquels elle entend deuoir estre obserués par tous, sous peine d'anatheme. Apres, suiuyent les treize Decrets: dont le premier estoit, Que les personnes Ecclesiastiques ne puissent estre iugees en Cour Seculiere: non pas mesmes, quand il y auroit doute du titre de Clerc, ou quand bien elles mesmes y consentiroient, ou auroient renoncé à leurs ottoirs: ne pour cause quelconque, voire mesmes sous pretexte de bien public, ou de seruice du Roy: & que les Cours seculieres ne puissent proceder contre aucun Ecclesiastic en cause de meurtre de guet à pens, & assassinat, sinon qu'il conste notoirement que c'est vn vray & propre guet à pens: & que semblablement ils ne le puissent faire és autres cas permis de droit, sinon qu'au preallable ayt esté faite la declaration de l'Ordinaire. Le deuxieme, Qu'ès causes spirituelles, matrimoniales, d'heresie, de dismes, de droit de patronage, beneficieles, ciuiles, crimineles & mixtes, appartenantes en quelque maniere que ce soit à la Cour Ecclesiastique, tant personeles, que reeles pour les biens, dismes, quartes, ou autres portions affeantes à l'Eglise, & pour les Benefices patrimonels, siefs Ecclesiastics, & iurisdiction temporele d'Eglises: les Iuges temporels n'ayent à s'y ingerer, ny au petitoire, ny au possessoire: tout appel, & pretexte de deny de iustice, & comme d'abus, ou de renoncement aux ottoirs & priuileges, osté: & que ceux, qui és dites causes recourront au Iuge seculier, soyent excommuniés, & priués des droits qu'ils peuuent auoir és dites causes. Et que cela mesmes soit obserué és causes pendantes en quelque instance que ce soit. Le troisieme, Que les Seculiers ne puissent, non pas mesmes par autorité Apostolique, ne par coustume immemorale, establir Iuges en affaires Ecclesiastiques: & que les Clercs, qui receurent tels offices des Laïcs, mesmes en vertu de priuilege quelconque, soyent suspendus des saints Ordres, priués des Benefices, & offices, & rendus inhabiles à iceux. Le quatrieme, Que le Seculier ne puisse commander au Iuge Ecclesiastic, de ne proceder à excommunication sans permission: ou de reuoker, ou suspendre l'excommunication desia lancee: & ne luy puisse interdire de faire enquestes, adiourner, & condanner: & de n'auoir sergeans, & executeurs propres. Le cinquieme, Que ny Empereur, ne Roys, ne Princes, ne puissent faire Edits ou ordonnances quelconques, concernans

affaires ou personnes Ecclesiastiques, ne s'ingerer es personnes, causes, iurisdiccions, Cours Ecclesiastiques, non pas mesmes en l'Inquisition: mais soyent obligés à prester main forte aux Iuges Ecclesiastics. Le sixième, Que la Iurisdiction temporele des Ecclesiastics, voire mesme avec haute moyene & basse iustice, ne soit troublee: & que les suiets des Ecclesiastics ne soyent, es causes temporeles, tirés aux Cours seculieres. Le septième, Que nul Prince, ne Magistrat, n'ayt à promettre par breuet, ou autre esécriture: ny à donner esperance d'obtenir aucun Benefice assis en ses terres & seigneuries: ny à le procurer de Prelats, ou des Chapitres des Reguliers: & que qui-conque en obtiendra par cete voye-là, en soit priué, & rendu inhabile à les tenir. Le huitième, Qu'ils ne puissent mettre la main es fruits des Benefices vacans, sous pretexte de garde, ou de droit de patronage, ou de protection, ou d'obuiier à quereles, & debats, ny mettre eniceux Oeconomés, ou Vicaires: & que les seculiers, qui accepteront tels offices, & gardes, soyent excommunies, & les Clercs suspendus des saints Ordres, & priués de Benefices. Le neuuième, Que les Ecclesiastics ne soyent astreints à payer tailles, gabelles, decimes, peages, subsides: non pas mesmes sous nom de don gratuit, ou d'emprunt: & ce, tant pour les biens d'Eglise, que pour les patrimoniels: sauf es prouinces, esquelles, par ancienne coustume, les Ecclesiastics mesmes entretiennent es Estats du pais, pour imposer subsides tant aux Lais, qu'aux Ecclesiastics, contre les infideles, ou pour autres tres-vrgentes necessités. Le dixième, Que les Lais ne puissent mettre la main es biens d'Eglises, tant meubles, qu'immeubles, ny es vasselages, dismes, & autres droits: ny es biens des communautés, ou des particuliers, sur lesquels l'Eglise a quelque droit: ny arrenter pasturages, ou herbages, naissans es fonds & possessions de l'Eglise. L'onzième, Que lettres, sentences, & adiournemens des Iuges Ecclesiastics, & sur tout de la Cour de Rome, dès aussi tost qu'elles seront presentees, soyent, sans exception ne contredit, intimees, publiees, & executees: & que ne pour cela, ne pour apprehender la possession des Benefices, nul ne soit tenu de rechercher l'adueu, ou la permission, qui s'appelle, *Exequatur*, ou, *placet*: ou de quelque autre nom que ce soit: non pas mesme, sous pretexte d'obuiier aux faussetés & violences: sauf es forteresses, & es Benefices, esquels les Princes sont reconus, pour l'esgard du temporel. Et s'il y a quelque doute de fausseté de lettres, ou danger de quelque grand scandale, & tumulte; que l'Euesque, en qualité de delegué Apostolic, puisse ordonner ce qui sera de besoin. Le douzième, Que les Princes, ne Magistrats, ne puissent loger es maisons des Ecclesiastiques, ny es Monasteres, leurs officiers, gens, soldats, cheuaux, ne chiens, ny exiger d'eux chose quelconque, ne pour le viure, ne pour le passage. Le treizième, Que si aucun Royaume, prouince, ou lieu, pretend, en vertu de priuileges du Saint Siege, aduelement pratiqués, de n'estre tenu à quelcune des susdites choses, lesdits priuileges ayent à estre produits deuant le Pape dans le terme d'un an apres la fin du Concile, afin que, selon le merite de chaque Royaume, & Prouince, il les confirme: & qu'apres ledit terme d'un an, s'ils n'ont esté produits & presentés, ils soyent tenus de nulle force & valeur. L'Epilogue contenoit vne admonition à tous les Princes, d'auoir en veneration les choses, qui sont de droit Ecclesiastic, comme propres & particulieres de Dieu: & de ne les laisser offenser ny leser par autrui: renouuelant toutes les Constitutions des Souuerains Pontifes, & les saints Canons en faueur de l'immunité Ecclesiastique: & defendant, sous peine d'anatheme, que, ny directement, sous quelque couleur & pretexte que ce soit, chose quelconque ne soit ordonnee, ny executer contre les personnes & les biens Ecclesiastiques, ne contre leurs droits & libertés: nonobstant priuileges, & exemptions quelconques, voire mesmes de temps immemorial.

C'estoit la piece, qui auoit esté premierement communiquee aux Ambassadeurs, & qui fut par eux enuoyee à leurs Princes: & pour laquelle le Roy de France donna aux siens la commission mentionnee cy dessus. Et l'Empereur

à laquelle le
Roy de France
ce & l'Em-

1563.
perceurs s'op-
posent:

Et les Am-
bass. de Fra-
nce protesten-
t viuent à
l'encontre,
par vne soi-
te harangue
de du Fer-
rier,

aussi, l'ayant veüe, escriuit au Cardinal Moron, Que, ny en qualité d'Empereur, ny en celle d'Archeduc, il ne permettroit iamais, qu'on parlast au Concile de reformer les iurisdiccions des Princes, ne de leur oster le pouuoir de tirer aydes & contributions du Clergé: luy representant, que tous les maux passés estoient procedés des oppressions & vsurpations attentees par les Ecclesiastiques contre les peuples, & les Princes: qu'ils prissent garde de ne les irriter d'auantage, & de ne faire naistre de plus grands inconueniens.

Les Ambassadeurs de France, apres le depart du Cardinal de Lorraine apprestèrent, leur protestation, pour s'en seruir, si besoin estoit. Partant en la Congregation du vintdeuxième Septembre, apres qu'un des Peres, par vne longue harangue, eut discouru, que la cause de toute la deprauation procedoit des Princes, lesquels auoyent le plus de besoin de Reformation: & que les Articles en estoient tout dressés, & qu'il estoit meshui temps de les proposer, & qu'il ne falloit point se persuader de les faire esuanouir par delais & remises: l'Ambassadeur du Ferrier se leua, & fit vne longue harangue, & complainte, le contenu de laquelle, en ses points principaux, estoit, Qu'ils pouuoient dire aux Peres ce que les messagers des Juifs dirent aux Sacrificateurs, Zach. 7. Continuerons-nous encor à pleurer, & à iusner? Qu'il y auoit cent cinquante ans, & plus, que les Roys Treschrestiens auoyent demandé aux Papes reformation de la discipline Ecclesiastique: & que pour ce seul effet, sans plus, ils auoyent enuoyé Ambassadeurs aux Conciles de Constance, de Basle, & de Latran, & au premier de Trente: & qu'en fin on estoit venu à ce dernier. Et qu'il pouuoit apparoir de Iean Gerson, Ambassadeur au Concile de Constance, & par la harangue de Pierre Danés, Ambassadeur au premier de Trente: & par celles de Gui Faure, & du Cardinal de Lorraine, en ce dernier, quelles estoient leurs demandes, par lesquelles ils n'ont requis autre chose, que la reformation des Ministres de l'Eglise: & nonobstant encor, leur falloit-il iusner, & pleurer, non septante, mais deux cens ans continuellement: & plust à Dieu, dit-il, que ce ne soyent trois cens, & plus. Que si aucun disoit, Qu'on leur auoit donné contentement par Decrets & Anathemes, ils respondoient, Qu'ils n'estimoient pas que ce fust satisfaire, de donner vne chose pour vne autre en payement. Que si aussi on vouloit dire, qu'on estoit prest de satisfaire, par ce grand tas d'Articles de Reformation, proposés le mois précédent, ils en auoyent desia dit leur aduis: & auoyent enuoyé tous ces Articles au Roy, lequel auoit respondu, Qu'il y voyoit peu de choses rapportantes à la discipline ancienne: ains, grand nombre de contraires. Que ce n'estoit pas là l'emplastre d'Isaïe, pour guerir, ains plustost l'enduit d'Ezechiel, pour vlcérer les playes ia soudees. Et quant aux clauses adioustées aux Articles, d'excommunier, & anathematifer les Princes, que cela estoit sans exemple de l'Eglise ancienne, & ouuroit vne grande porte aux rebellions. Et en somme, que tout ce Chapitre de la Reformation des Roys, & Princes ne visoit à autre but, qu'à abolir les libertés de l'Eglise Gallicane, & offenser la Majesté des Roys Treschrestiens, lesquels à l'imitation de Constantin, de Iustinien & d'autres Empereurs, auoyent fait plusieurs loix Ecclesiastiques, lesquelles bien loin qu'elles eussent desagréé aux Papes, que mesmes ils en auoyent inferé quelques vnes en leurs Decrets, & auoyent iugé digne du nom de Saints Charles Magne, & Louis neufuième, principaux auteurs d'icelles. Et adiousta, que par lescdites loix les Euesques auoyent gouverné l'Eglise en France, non seulement depuis le temps de la Pragmatique Sanction, ou du Concordat; mais quatre cens & plus, auant la compilation des Decretales: & que lescdites loix auoyent esté maintenues & reestablies par les Roys venus apres, dès qu'est temps suiuaus elles auoyent esté enneruees par les Decretales, fourrees en leur place. Que le Roy, apres sa maiorité vouloit ramener lescdites loix en vsage, & reestabli la liberté de l'Eglise Gallicane: attendu qu'en icelles il n'y auoit rien de contraire aux dogmes de l'Eglise Catholique, ny aux anciens Decrets des Papes, ny aux Conciles de l'Eglise vniuerselle. De là il passa à dire, que ces loix-là ne de-

fendoient point aux Euesques de resider en leurs Eglises toute l'annee, & non neuf mois tant seulement; de ne prescher tous les iours, & non simplement es iours de feste: ny n'interdisoyent point aux Euesques de viure sobrement, & pieusement: & de se contenter de l'usage des reuenus Ecclesiastiques, sans en pretendre tout l'usufruit: ains, de les distribuer, ou plustost de les restituer aux pauvres, qui en sont les vrayz maistres. Et suiuit à denombre les autres choses establies au Concile par la mesme maniere d'ironie, par laquelle il donnoit à voir qu'il s'en mocquoit. Puis adiousta, Que le Roy, par le pouuoir qu'il auoit receu de Dieu, & les anciennes loix de France, & les libertés de l'Eglise Gallicane, auoyent tousiours defendu & empesché les pensions, les renonciations en faueur ou avec regres, la pluralité des Benefices, les preuentions, les Annates, les plaids du possessoire par deuant autres que les Iuges royaux; & de la propriété, ou autre cause ciuile, ou criminele, hors de France: & mesmes auoyent defendu de mettre aucun empeschement aux appellations comme d'abus: ou au droit qu'à le Roy, comme fondateur & patron de presque toutes les Eglises de France, de se seruir librement des biens & reuenus, mesmes Ecclesiastiques, de ses suiets, pour instante & urgente necessité de l'Estat. Il dit ensuite, Que le Roy s'esbahissoit grandement de deux choses: premierement, qu'eux Peres, qui auoyent vn si grand pouuoir au ministere de l'Eglise de Dieu, & estoient conuocqués seulement pour reestabli la discipline Ecclesiastique, ne vaquassent point à cela: ains se tournassent à reformer ceux, ausquels, quoy que durs & iniques, on estoit tenu d'obeyr, & prier pour eux. En apres, comment on pouoit, ou deuoit entreprendre d'excommunier & anathematiser les Roys & Princes, donnés de Dieu aux hommes, voire sans admonition precedente: ce qui ne se pratiqueroit pas mesmes contre vne personne du vulgaire, perseuerant en grief & enorme delit. Que l'Archange Michel n'auoit point osé maudire le Diable; ne Michee, ne Daniel, des Roys tresmeschans: & qu'eux, au contraire, avec toutes sortes d'execrations, & imprecations, mettoient à l'interdit les Roys & les Princes, & sur tout, le Roy Treschrestien, pour la seule cause de la defense & tuition des loix de ses Ancestres, & de la liberté de l'Eglise Gallicane. Et, pour conclusion, dit, que le Roy requeroit d'eux qu'ils n'eussent à faire aucuns Decrets contraires ausdites loix: autrement, qu'il commandoit à eux Ambassadeurs de s'y opposer, comme dès lors ils s'y opposoyent. Mais que, si, laissant à part les Princes, ils vouloyent serieusement vaquer à ce, que tout le monde attendoit, le Roy l'auroit pour tresagreable, & auoit commandé à ses Ambassadeurs de fauoriser & ayder à ce bon œuvre & dessein. Iusques icy il parla au nom du Roy. Puis il coniura ciel, & terre, & les Peres mesmes de considerer, si la demande du Roy estoit equitable, & s'il ne seroit pas raisonnable d'ordonner & defendre, par tout le monde, les mesmes, choses qui estoient ordonnées & defendues en France, & s'il ne touchoit pas à eux mesmes d'auoir pitié, non pas, disoit-il, de l'Eglise, pour laquelle prie & intercede incessamment celui qui est tousiours exaucé, assauoir, Iesus-Christ: ne de la France, en laquelle tous les troubles seroyent bien tost appaisés, veu qu'il n'y auoit que debat des François entr'eux pour le fait de la Religion, & non aucune rebellion contre le Roy: mais de leur propre dignité, autorité, reputation, & reuenus: lesquelles choses ne pouoyent estre gardées & conseruees par autres moyens, que par les mesmes, par lesquels elles auoyent esté acquises du commencement. Et qu'en si grande confusion d'affaires, il falloit se rauiser & repentir, & ne dire point, lors que Christ arriuoit, Enuoye nous dans le troupeau des pourceaux. Que, s'ils vouloyent remettre l'Eglise en son ancienne dignité, & splendeur; gagner les Aduersaires, & les contraindre à repentance, & mesmes reformer les Princes; ils imitassent l'exemple du Roy Ezechias, lequel ne prit point patron de son pere Achaz, Roy meschant, ne de ce qu'auoyent fait ses ayeuls iusques au quatrieme qui estoit Ioas, lesquels n'auoyent procedé qu'imparfaitement en la repurgation du seruice de Dieu: ains re-

1563.

monta plus haut , & se proposa à imiter l'exemple de Iosaphat , qui auoit aboly les hauts lieux , & autels. Que semblablement en ce temps , il ne fa-
loit point s'arrester aux predecesseurs plus prochains, quoy que d'ailleurs
tres. sauans ; mais remonter iusques aux vrais Peres , Ambroise , Augustin ,
Chrysostome , lesquels veinquirent les heretiques de leur siecle , non point
en armant les Princes à la guerre , & cependant s'amusant de leur costé à
des bagatelles , & choses de neant : mais par oraisons , par l'exemple d'une
bonne vie , & par vne assiduele & pure predication de la parole de Dieu. Car
ces bons Peres-là s'estans premierement formés eux mesmes à estre des Am-
broises , des Augustins , & des Chrysostomes , auoyent repurgé l'Eglise , &
auoyent fait estre les Princes , des Theodoses , des Honores , des Arcades ,
des Valentinien , & des Gratiens. Ce qu'ils esperoyent qu'eux aussi feroient
semblablement : de quoy ils prioient Dieu le Pere de nostre Seigneur Iesus-
Christ. Et là dessus il finit.

qui offense
les Prelats,

Cete harangue , à mesme qu'elle fut prononcée , irrita extrêmement
non seulement les partisans du Pape , mais aussi les autres Prelats , & mesmes
les François. Et apres qu'elle fut finie , il falut de necessité mettre fin à
la Congregation , pour le grand bruit qui s'y faisoit. Quelques vns la ta-
xoyent d'heresie : autres disoyent , qu'aux moins elle en estoit bien suspe-
cté : autres qu'elle estoit offensue des pieuses oreilles : que l'Ambassadeur
auoit espié l'occasion de la faire en l'absence du Cardinal de Lorraine , qui
n'auroit iamais supporté qu'il eust vsé de ces termes : & qu'en fin elle ne bu-
toit à autre chose , qu'à rompre le Concile : qu'il attribuoit au Roy , ce qui
ne luy appartenoit point : & qu'il pretendoit que l'autorité du Pape n'estoit
point necessaire pour se seruir des biens Ecclesiastiques : qu'il faisoit le Roy de
France semblable à vn Roy d'Angleterre. Mais il n'y eut rien , qui offensast
tant , que ce qu'on auoit entendu qu'il auoit dit , Que l'autorité des Roys
de France , sur les personnes & sur les biens Ecclesiastiques , n'estoit point
fondée sur la Pragmatique Sanction , Concordats , & priuilege du Pape : ains
sur la loy mesme de nature , sur l'Ecriture sainte , sur les anciens Conciles ,
& sur les loix des Empereurs Chrestiens.

& luy se
iustifie,

Il y en auoit aussi , qui blasmoient les Ambassadeurs de France , disant ;
Qu'ils deuoyent prendre exemple de ceux de l'Empereur , & d'Espagne ,
lesquels auoyent bien les mesmes interets qu'eux , mais nonobstant n'a-
uoyent bougé , ne dit mot : reconnoissans de n'auoir point de droit. Du Fer-
rier se defendoit , disant , Que les Legats auoyent promis au Cardinal de
Lorraine de ne parler plus de ce Chapitre des Princes , sinon qu'avec telle
moderation , qui ne touchast les affaires de France : mais que du depuis on
auoit fait autrement : qu'ils auoyent communiqué l'instruction du Roy au
Cardinal de Lorraine : & que s'il eust esté present , il eust non seulement pre-
sté son consentement , mais mesmes poussé & conseillé à la protestation.
Que ceux-là estoient bien de grands ignorans , lesquels , n'ayans iamais ,
lu autre que les Decretales , loix de quatre cens ans en ça tant seulement ,
cuidoient qu'auant icelles il n'y eust aucunes autres loix Ecclesiastiques.
Que s'ils pensoient de vouloir reformer le Roy par les Decretales , il adui-
feroit luy mesmes à les reformer par le Decret , & mesmes à les ramener
au temps plus anciens , non seulement de Saint Augustin mais mesmes des
Apostres. Que le Roy de France ne faisoit point le Roy d'Angleterre : mais
bien s'opposoit-il à ceux , qui dès long-temps ont commencé à accroistre
leur dignité , la diminution de celle des Roys. Que si ses Articles portoyent
autant de dommage à l'Empereur , ou au Roy Catholique , comme à la Fran-
ce , ils n'auroient iamais esté proposés , & qu'il ne faisoit point prendre exem-
ple de ceux qui n'auoyent point interets pareils. Entre les Prelats Fran-
çois , Nicolas de Peluë , Archeuesque de Sens ; & Ierome de la Souchiere ,
Abbé de Cleruaux , furent les plus offensés de cete harangue : & alloient
disant , Que les Ambassadeurs auoyent mal fait de protester : & qu'ils a-
uoyent eu pour but de mettre confusion , & de donner occasion de tenir en
France

France vn Concile National: que c'estoyent gens de mauuaise volonte, & creatures du Roy de Nauarre, enuoyés par luy au Concile pour ses desseins particuliers: & qu'ils auoyent protesté sans commission du Roy, & qu'il les falloit contraindre à monstrier leurs instructions: & mesmes former inquisition contr'eux, comme mal sentans de la foy. Dont ils vinrent à grandes alteres avec les Ambassadeurs: lesquels le iour ensuiuant rendirent conte au Roy des raisons, pour lesquelles ils auoyent differé iusques alors, & pourquoy en ce temps ils auoyent esté contrainsts de venir à la protestation. Adioustant, qu'ils attendroyent de la faire enregistrer es Actes du Concile, iusques à tant que Sa Maiesté l'eust veüe, & leur eust fait entendre ses intentions, & commandemens sur icelle.

Les Legats, n'ayans point de copie de ladite harangue, en firent faire vn Recueilourny de la memoire de ceux, qui auoyent esté les plus attentifs, pour l'enuoyer au Pape. Mais du Ferrier, ayant eu copie de ce Recueil, se plaignit, que plusieurs choses y estoient exprimee contre son intention: & notamment que, là où il auoit nommé les loix Ecclesiastiques, on auoit mis en eschange loix spiritueles: & qu'on luy faisoit dire, que les Roys peuuent prendre les biens Ecclesiastiques, à leur bon plaisir: en lieu, qu'il auoit dit seulement, pour cause necessaire. Et pourtant il se vid obligé de publier luy mesme la harangue, & en enuoya vne copie au Cardinal de Lorraine à Rome, s'excusant de n'auoir vsé de termes si aygres, comme il luy estoit commandé en ses dernieres instructions, confirmatiues des premieres de mesme sens & teneur: & adioustant, qu'il ne pouuoit se dispenser d'obeyr au Roy: & ne vouloit souffrir le reproche que ses compagnons Conseillers du Parlement de Paris luy feroient, si en vn Concile general, il eust permis qu'en sa presence eussent esté deliberees & arrestees choses de si grande importayce, contre des si beaux Arrests donnés par le Parlement au temps passé. Ioint que l'autorite Royale, laquelle il soustenoit, ayant esté defendue par le Roy-aume de France, par quatre cens ans continuels, contre la guerre que luy faisoit la Cour de Rome; il n'estoit pas raisonnable que les Peres du Concile, pour la pluspart Courtisans de Rome, fussent iuges des vieux differends que le Royaume a avec icelle Cour.

Il bailla aussi copie de ladite harangue aux Ambassadeurs, & à quiconque en demandoit. Mais il y en auoit, qui disoyent, qu'il auoit prononcee diuersement de ce qu'il auoit du depuis touché par escrit. A quoy il repliquoit, Que nul homme, mediocrement entendu en la langue Latine ne le diroit pas; & nonobstant que la prononcee & l'escrite fussent vne mesme; si toutesfois ils croyoyent qu'il y eust de la diuersité, ils deuoyent se souuenir du style du Concile: par lequel iamais iugement n'estoit rendu sur les choses ainsi qu'elles estoient proferces de bouche, mais sur les escrits qui en estoient presentés. Et pourtant, qu'ils s'arrestassent à l'escrit sans quereler d'vne chose, en laquelle il estoit plus croyable que nul autre.

Dés que cete harangue fut sortie en lumiere, vne responce fut faite à l'encontre de la part du Concile, sans nom d'auteur: laquelle portoit, Qu'à bonne raison les Ambassadeurs François s'estoyent accomparés eux mesmes aux messagers des Iuifs: attendu que les vns & les autres auoyent formé vne plainte indue contre Dieu: & qu'aussi leur estoit bien aduenante la responce, que le Prophete rendit au nom de Dieu au peuple: Que si par tant d'annees ils auoyent pleuré & iuiné; ou mangé, & bu; le tout auoit esté pour leurs propres interets. Que les Roys de France auoyent esté cause de tous les abus de ce Royaume-là, par les nominations aux Eueschés de personnes sans lettres, ignorantes de la discipline Ecclesiastique, & plus enclines à la vie lasciuë, & mondaine, qu'à la Religieuse. Que les François ne vouloyent point de decision ou resolution des dogmes contentieux, afin que la doctrine Chrestienne flotast tousiours en incertitude; & que par ce

1563.

moyen entree & place fust donnee aux nouveaux docteurs, pour pouoir grater la demangeaison d'oreilles de cete nation, peu portee au repos. Qu'en temps si turbulent, ils n'auoyent point de respect de dire, qu'au Roy, qui n'estoit presque qu'un enfant, appartenoit de disposer de tout le gouuernement de l'Eglise. Qu'ils auoyent dit tout à certes, que les beneficiés n'estoyent qu'usuaires des reuenus: nonobstant que de temps immemorial ils se soyent tousiours portés en France pour usufructuaires: ayans droit de tester, & disposer par derniere volonté: & en cas d'intestat leurs heritages estans apprehendés par leurs plus proches. Que de dire, que les pauvres sont les vrais maistres & possesseurs de droit des reuenus de l'Eglise, estoit bien contraire à cet autre dire de la mesme harangue, Que le Roy est le Seigneur & maistre de tous les biens Ecclesiastiques, & qu'il en peut disposer à sa volonté.

Que c'estoit vne grande absurdité de ne vouloir admettre, que le Roy puisse estre repris par vn Concile general: puis que Dauid fut bien censuré par le Prophete Nathan, & receut paisiblement la censure. Que de taxer les Euesques des siecles prochainement passés; pouoit aucunement à l'heresie: comme s'ils n'eussent esté vrais Euesques. Pour la fin, cet escrit s'estendoit fort au long à refuter le dire del'Ambassadeur, Que les Roys sont donnés de Dieu: comme proposition heretique, & condannee par l'Extrauagante de Boniface huitième, *Vnam sanctam*: sinon qu'on la distinguast, disant, qu'ils sont de Dieu: mais moyennant son Vicair, le Pape de Rome.

contre la-
quelle Fer-
rier publie
vne apolo-
gie,

Du Ferrier, se sentant piqué de cet escrit, publia vne Apologie à l'encontre, adressee au Concile: par laquelle il disoit, Que les Peres ne pouuoient pas luy respondre, comme auoit fait le Prophete aux Iuifs: attendu que luy, & ses Collegues, requeroient la reformation de l'Ordre Ecclesiastic, & sur tout en France: aduouant franchement leur deprauiation: en lieu que les Iuifs ne la reconnoissent point en eux mesmes, c'estoit à bon droit que la cause du iusne & du pleur leur estoit imputee. Et exhortoit les Peres, qu'en reiettant la cause des deprauiations de l'Eglise sur les Roys de France, ils se gardassent de ne faire comme Adam, quand il versa sa faute sur la femme, que Dieu luy auoit baillée pour compagne: attendu qu'ils confessoient bien que les Roys pechoient grieuement, en presentant des Euesques indignes: mais que les Papes pechoient au double, en ratifiant ladite presentation. Qu'ils auoyent requis la reformation, & non les dogmes, non point afin que les principaux chefs de la Doctrine Chrestienne, tant debatus auiourd'huy demeurassent tousiours incertains & flotans: mais d'autant que tous Catholiques conuenient en iceux, ils auoyent iugé necessaire de commencer par les mœurs corrompues, qui estoient la fontaine & la source de toutes heresies. Que de vray, ils auoyent dit que ny les Catholiques n'estoyent confirmés, ny les heretiques gagnés par les Articles proposés: attendu que par iceux il n'estoit rien dit de la correction des mœurs de ceux, qui à present sont ministres de l'Eglise: car, pour exemple, y auoit-il vn seul mot touchant les Euesques qui n'ont iamais estudié les saintes Escritures desquels toutefois le monde est tout plein: & que de remettre ainsi toutes choses au lendemain, estoit mal auoir pris garde au dire du Seigneur, Qu'à chaque iour suffit son propre mal. Qu'il ne se repentoit point d'auoir dit, qu'es dits Articles il y auoit maintes choses repugnantes aux anciens Decrets: ains vouloit renuier par dessus, que mesmes elles dérogeoient aux Constitutions des Papes des temps prochainement passés. Qu'il auoit dit; que Charles-magne, & Saint Louis, auoyent fait des loix Ecclesiastiques, par lesquelles l'Eglise auoit esté regie en France par ses Prelats: mais qu'il n'auoit point dit, que le Roy entendist d'en faire alors des nouueles, car cela n'estoit point porté par leurs instructions; mais quand ores il l'auroit dit, il auroit parlé conformément à la Sainte Escriture, au droit Canon, Civil & Romain,

& à ce, que les auteurs Ecclesiastiques Grecs & Latins ont laissé par escrit long-temps auant la confection du liure du Decret, Qu'il demandoit pardon, d'auoir dit, que les beneficiés n'ont autre, que le seul vsage des reuenus: car il deuoit dire, qu'ils n'en estoient qu'administrateurs: & que ceux qui prenoient mal ce qu'il auoit dit, s'en deuoient prendre à Saint Ierome, à Saint Augustin, & à d'autres Peres, lesquels non seulement auoyent dit, que les biens Ecclesiastiques appartiennent aux pauures: mais que les Clercs, à guise de serfs, faisoient tous leurs acquests, non pour leurs parents, mais pour l'Eglise.

Qu'il n'auoit iamais dit, que le Roy eust absolu & plein pouuoir sur les biens de l'Eglise: mais bien, que tout appartenoit au Prince, en temps d'instance & urgente necessité publique: & que ceux, qui sauoient la langue Latine, pouuoient assez comprendre la force, & le propre sens de ces mots: & qu'en tel temps la recherche de l'autorité du Pape ne peut auoir lieu. Qu'il auoit dit, que c'estoit chose sans exemple de l'Ancienne Eglise Catholique, d'anathematiser les Roys en la maniere, qui estoit contenue esdits Articles: attendu que nul ne peut estre excommunié, sans estre precedemment admonesté, ne condanné sans estre appelé. Et qu'il accordoit bien, que les Princes & Magistrats pouuoient estre repris en la maniere que Nathan reprit Dauid: mais, qu'il ne falloit point les prouoquer & irriter par maudissons, & iniures. Que quand il auoit dit, que les Princes porteroient aisément la Reformation, si elle estoit faite en son temps, & comme parle nostre Paul, ciuilement: il entendoit parler du Iurifconsulte Paul, & non de l'Apostre: & que ceux, qui l'auoyent pris autrement, monstroyent d'estre peü versés audroit Ciuil, & peut estre aussi peu dans S. Paul, es escrits duquel ils deuoient faire perpetuele estude.

Que ceux-là auoyent esté de mauuais sourds, qui asseuroient, qu'en rapportant l'exemple d'Ezechias, il auoit dit, que les Euesques des siecles prochainem ent passés n'estoyent point vrayes Euesques: car c'estoit vne vraye fiction: attendu qu'il n'ignoroit pas, que les Scribes & Pharisiens seoyent sur la chaire de Moysse. Qu'il auoit seulement voulu dire, qu'il falloit se proposer l'exemple des plus anciens Peres, lesquels auoyent veu des temps semblables en miseres aux nostres, voire pires. Que quand il auoit dit, que la puissance des Roys est de Dieu, il auoit dit cela simplement & absolument, ainsi qu'e Daniel & S. Paul auoyent escrit, ne s'estant aduisé de la distinction de mediatement & immediatement: ne de la Constitution de Boniface huitieme, *nam sanctam*: à quoy s'il eust eu la pensee, il eust premierement exprimé la chose en autres termes bien plus clairs & expres: & puis, estant François, & croyant vne seule sainte & Catholique Eglise, & tous les dogmes d'icelle, eust apporté ce qu'il auoit appris par les histoires, & par les Actes authentiques de leur parlement, touchant la cause, & origine de ladite Extravagante de Boniface.

Cete Apologie ne rabbatit rien de la mauuaise opinion, conceüe contre les Ambassadeurs, ains l'accrut d'auantage: d'autant que, comme on disoit, ce n'estoit pas vne excuse de faute commise, ains plustost vne opinioniastrété à la soustenir. Et se tenoyent diuers discours, non tant contre les Ambassadeurs, que contre le Royaume en general. Et disoit-on que de là on voyoit clairement, qu'elle estoit la pensee de ceux qui auoyent le gouvernement des affaires en France. La Royne Mere estoit nommément marquée, comme ayant trop de creance aux Chastillons, & sur tout au Cardinal iadis: que le Chancelier de l'Hospital, & l'Euesque de Valence auoyent trop de pouuoir enuers elle: que c'estoit à leur instance, que le Parlement de Paris auoit esté si rudement rabroué, au detrimēt de la Religion. Qu'elle auoit vne intime priuauté avec le Sieur de Crussol, & sa femme, lesquels, estans de la Religion pretendue reformee, elle ne deuroit pas mesmes admettre à sa presence. Que la Cour du Roy estoit toute pleine d'Huguenots grandement fauorisés. Que continuellement elle faisoit solliciter

1563.
l' Ambass.
d'Espagne
releue ses
anciennes
querelles du
droit de pro-
poser des
Legats:

la permission de pouuoir aliener les biens Ecclesiastiques, au si grand preiudice de l'Eglise. Et autres choses semblables.

Or, pendant que le Concile estoit tenu en rumeur pour ces debats, le Conte de Lune, suiuant sa façon accoustumee d'adiouster tousiours des nouuelles difficultés à celles qui estoient suscitées par autres, fit instance que le Decret, qui donnoit pouuoir aux seuls Legats de proposer, fust reuoké. Cete demande estoit fort ennuyeuse aux Legats: d'autant qu'ils ne sauoyent comment le contenter, sans faire notable preiudice aux precedentes Sessions: car, non seulement la reuocation, mais mesmes toute modification, ou suspension, sembloit vne declaration, que les procedures precedentes n'auoyent point esté legitimes. Mais le Conte, ne voyant point de resolution sur sa demande tant de fois reïteree, disoit, Que iusques alors il auoit negocié modestement: mais qu'il seroit contraint de changer de style à l'auenir: & parloit de tant plus hardiment, qu'il sauoit tresbien, que le Pape, à ses instances & sollicitations passees, auoit eserit aux Legats, qu'ils fissent ce qu'ils verroyent à faire de raison, & qu'il s'en remettoit en tout & par tout à eux. Mais les Legats, pour se deliurer des poursuites de l'Ambassadeur, responderent, Qu'ils laissoient au Concile la liberté de faire cete declaration, s'il le trouuoit bon. Et ainsi seruoit le nom & masque de liberté de Concile, pour couvrir ce qui procedoit d'autres: car les Legats, au mesme temps qu'ils parloyent ainsi au Conte, faisoient des fortes brigues & pratiques avec les Prelats plus conioints, pour interposer delay, tant afin de porter cet affaire toute à la fin du Concile, que pour iouir du benefice du temps, pour voir si cependant ne se faisoit point quelque ouuerture de moyen moins preiudiciable. Mais le Conte, ayant esclairé ces brigues, appresta vne protestation, laquelle il requit les Ambassadeurs de l'Empereur, de France, & de Portugal, de signer: mais eux l'exhorterent de ne presser pas si fort l'affaire pour lors: d'autant que le Cardinal Moron ayant conuenu avec l'Empereur, qu'il y seroit pourueu auant la fin du Concile; ils ne voyoyent point comment on pouuoit protester de cela, iusques à ce qu'on ne venoit à traiter de terminer le Concile. Et le Cardinal Moron, pour appaiser le Conte enuoya plusieurs fois Gabriel Paleot, Auditeur de Rote, à negotier avec luy sur le moyen, qu'on pourroit prendre pour venir vne fois à l'execution de son instance: ce que le Conte mesmes n'entendoit pas bien: car il n'auroit pas desiré, qu'aucun preiudice fust fait aux Decrets passés: & cependant, avec cete condition qu'il pretendoit, il estoit bien malaisé d'y trouuer temperament. En fin les Legats donnerent parole au Conte, qu'à la prochaine Session la declaration se feroit: moyennant qu'on trouuast quelque moyen de donner contentement aux Peres.

esmotion à
Rome pour
l'opposition
des Ambass.
de France,

La nouuele de la protestation de l'Ambassadeur de France estant venue à Rome, & toute la Cour de Rome, s'en esmurent bien fort: croyant qu'elle auoit esté faite tout à dessein pour trouuer occasion de rompre le Concile, & d'en imputer la coulpe au Pape, & à la Cour. Mais le Pape se plaignoit sur tout, qu'au mesme temps, que le Roy luy demandoit grace & permission d'alienier à cent mil escus de reuenu du Clergé de France, ses Ambassadeurs, en face de tout le Concile, dissent, qu'il les pouuoit prendre sans luy. Le Cardinal de Lorraine en eut encor plus de fâcherie, comme d'une grande trauerse à la negotiation, qu'il auoit avec le Pape. Et pourtant il trauailla viuement à monstrier au Pape, que cet accident estoit adueni à son dessein, & regret; & que, s'il eust esté à Trente, indubitablement il l'eust aduertie. Que cete instruction enuoyee aux Ambassadeurs, estoit vne reste des conseils, pris du viuant du Roy de Nauarre, & que l'execution en auoit esté procuree par les dependans d'icelle faction, du nombre desquels estoit le President du Ferrier: que cete faction là, combien qu'en l'exterieur elle fist profession de la Religion Catholique, auoit neantmoins estroites intelligences avec les Huguenots, lesquels desiroient vne rupture du Concile en dessoudre, afin qu'on ne vint à les anathematifer.

de laquelle
le Cardinal
de Lorraine
se purge,

Que toutesfois ceux aussi, qui auoyent la direction des affaires à Trente, n'estoyent point sans faute: attendu que, auant son depart, les choses sur cete matiere estoient accommodees, & reduites à vn tresbon point: par la promesse, que les Legats auoyent fait de deux choses: dont les Ambassadeurs estoient demeurez satisfaits: l'une, qu'on ne parleroit point des Roys, & Princes souuerains: mais seulement de certains petis Seigneurs, lesquels ne permettent aux Euesques aucun exercice de la Iurisdiction Ecclesiastique: l'autre, qu'on excepteroit toutes les choses dependantes des graces faites par les Papes, comme Indults, priuileges & concessions du Siege Apostolic: & nonobstant, apres son depart, on auoit propose aux Peres la premiere minute, sans en oster les choses qu'on auoit promis. Il asseura neantmoins, *Gen promez* que, nonobstant tout cela, rien n'empescheroit la paisible fin & issue du *reparation:* Concile: & promit d'escrire au Roy, pour se plaindre de ce qui auoit esté fait, & procurer que les Ambassadeurs retournassent à Trente: ce qu'il esperoit d'obtenir.

Suiuant ce concert, il escriuit en France, & aux Ambassadeurs à Trente: *Et à cet* à ceux-cy, disant, que leur action n'auoit que cete excuse, que c'estoit chose *effet escrit* faite: & pourtant, qu'à l'auenir ils continuassent à faire le deuoir de leur *aux Amba* charge, sans innouer chose aucune de plus, & au Roy, luy signifiant, que l'op- *sadeurs, &* position, faite par ses Ambassadeurs, luy auoit semblé fort estrange: & princi- *au Roy:* palement, l'ayans faite sans la luy communiquer: & qu'il n'y auoit eu ny cause, ny occasion de la faire: que tout le mal estoit aduenü par son absence de Trente: & que les Ambassadeurs de Sa Maiesté auoyent appliqué vn remede violent à vn petit mal & bien leger, auquel: à son retour, il remedieroit avec beaucoup de facilité. Mais, puis qu'il estoit impossible, que les choses faites fussent à faire; il prioit Sa Maiesté d'escrire à ses Ambassadeurs, de continuer à faire leur charge, & de s'abstenir des conseils violens. Et adiousta, qu'il auoit trouué le Pape enclin & bien disposé à vne sainte & serieuse Reformation de l'Eglise: & que la Chrestienté estoit de vray heureuse d'auoir vn si digne Pasteur. Que le Pape l'enuoyoit à Trente si bien informé & instruit de ses saintes intentions, pour terminer & clore le Concile, qu'on en pouoit attendre vn heureux succes. Et, dautant qu'à la fin du Concile il faudroit que les Decrets fussent signés par les Peres, & par les Ambassadeurs, qui auroient assisté à iceluy au nom de leurs Princes, il prioit Sa Majesté de faire retourner ses Ambassadeurs, afin qu'il fussent presens; & rendissent ce dernier deuoir, qui estoit le comble des faueurs, que le Roy auoit faites; & de la protection qu'il auoit eüe du Concile, en suite de celle de son frere, son pere, & de son ayeul.

Le Cardinal eut beaucoup d'attaques, non seulement de la part du Pape; *à Rome on* mais aussi du College des Cardinaux, en Consistoire, disans, que les Princes *se formali-* vouloyent la liberté du Concile, non toutesfois en chose quelconque, quoy *se des Prin-* que trespetite, & cependant tresiuste & raisonnable, qui touchast à leur *ces:* particulier: mais seulement à la ruine des Ecclesiasticks. Le Pape ordonna qu'on aduisast encor mieux à ce, qu'on deuoit escrire à Trente sur cete reformation des Princes: disant toutesfois, qu'il ne le faisoit point, pour mettre la main es affaires du Concile: car il vouloit laisser faire aux Peres: mais seulement pour instruction aux Legats, par maniere de conseil. Mais cependant, il ne laissa pas de respondre aux Legats, que si les François vou- *le Pape sol-* loient partir, qu'ils partissent: mais qu'ils se gardassent de leur en don- *licite la fin* ner occasion, & traouaillassent en diligence à tenir la Session au temps affig- *du Concile,* né, auquel le Cardinal de Lorraine seroit de retour: & puis apres à mettre *donc il auoit* fin au Concile, par vn autre Session, qui se pourroit tenir au bout de quin- *de grandes* ze iours ou trois semaines de là: mais qu'ils tinssent secreta cete commission, *esperances:* & ne la communiquassent à aucun autre, qu'au Cardinal de Lorraine: & que si les Ambassadeurs de l'Empereur leur parloyent, ils respondissent, Qu'à l'arriuee dudit Cardinal ils resoudroyent ce qu'ils auroient à faire. Et leur donna courage, leur signifiant, qu'il auoit reduit l'Allemagne & la

1563.

France au point de son dessein : & qu'il n'y restoit plus que le Roy d'Espagne, lequel auoit respondu, qu'il n'estoit pas bon de finir le Concile, attendu qu'il restoit encor plusieurs choses, voire mesmes des plus principales, à traiter. Et nonobstant encor, auoit-il bonne esperance de le reduire, & ainsi mettre fin au Concile au contentement de tous. Et de vray, il estoit asseuré de la France, & del'Allemagne : car, outre le traité qu'il auoit eu avec le Cardinal de Lorraine sur ce fait, lequel luy donnoit pleine asseurance de la France, il auoit aussi en ce mesme temps eu resolution de l'Empereur, qu'il estoit content, & ayderoit à terminer le Concile. Il est bien vray, que le Nonce, qui estoit près de l'Empereur, donna aduis, qu'il auoit branlé à se resoudre, & qu'il y auoit danger qu'il ne changeast d'opinion : mais le Pape, ayant entendu que le Roy des Romains auoit esté l'autheur de ce conseil, luy representant que le Concile ne produisoit, ny ne donnoit aucune esperance à l'aduenir de produire aucun bon fruit, s'asseura que ce Roy là, tant de son propre instinct, que mu d'une si forte raison, persisteroit en son propos, & par consequent entretiendroit son père en mesme opinion.

*Les Ambass.
de France
ne compa-
roissent plus,*

Or, pour retourner à Trente, les Ambassadeurs de France, apres la susdite harangue, ne comparurent plus en public : & firent entendre à ce peu de Prelats, qui restoyent là, que l'intention du Roy estoit qu'ils s'opposassent au deuxieme & cinquieme Articles, par lesquels les causes & les personnes pouuoient estre tirees à plaider hors du Royaume : & au dixneuuieme, par lequel les preuentions estoient canonisees, & les Parlemens priués de leurs prerogatiues es causes beneficieles.

*Et tous les
autres s'op-
posent à la
reformation
des Princes,*

Les Legats, apres que tous eurent opiné sur les vint vn Articles, proposerent les autres, afin qu'on en parlât : mais tous les Ambassadeurs s'opposerent au Chapitre concernant les Princes, au grand grief des Peres, qui se plaignoyent, que s'agissant de reformer, selon qu'on auoit tousiours pretendu & donné à entendre, toute l'Eglise, tant au Chef, qu'es membres ; les Princes à la fin ne vouloyent aucune reformation, sinon pour le Clergé : lequel mesmes ne pouuoit estre reformé, si les Prelats estoient empeschés en l'exercice de leurs charges, & si la liberté Ecclesiastique n'estoit conseruee & maintenue : & toutesfois les Princes, qui monstroyent d'estre tant zelateurs de reformation, s'opposassent à ce Decret, qui restituoit aux Ecclesiastiques la liberté, & la iurisdiction necessaire à la reformation. Les Legats s'excusoient, qu'ils ne pouuoient manquer de donner quelque contantement aux Prelats : & disoyent, que les Ambassadeurs auoyent eu de temps assez pour alleguer leurs griefs, & pour traiter de la chose par raison : mais que c'estoit trop de violence de s'opposer seulement par voye de fait, & de vouloir faire paroistre, que le Concile estoit seulement pour l'Ordre Ecclesiastic, & non pour la reformation de toute Eglise.

*dont icelle
est differee,*

En ce mesme temps vinrent nouueles, que l'Empereur estoit grieuement malade : sur quoy les Ambassadeurs remontrèrent, que, s'il venoit à mourir, le Concile ne seroit point asseuré, d'autant que le Saufconduit seroit expiré. Pour cete cause, les Legats despescherent en diligence au Pape, requerans instruction, comment ils auroient à le conduire : mais les Prelats se disposerent à penser plus au depart de Trente, qu'à la reformation des Princes. A raison de quoy le septieme Octobre fut tenue vne Congregation, pour resoudre ce qui estoit à faire, touchant les autres chefs de reformatiō, outre les vingt vn susdits, & sur tout sur celuy, qui concernoit les Princes : &, apres longues deliberation, il fut conclu, que la Session se tiendrait avec la matiere du Mariage, & les susdits vingtvn Articles de reformation : & que celuy, qui concernoit les Princes, seroit diferé. Et le iour ensuiuant, les Ambassadeurs de France partirent de Trente : pour aller à Venise, selon le commandement qu'ils auoyent du Roy.

*Le Pape pro-
nonce sen-
ce contre*

Le Pape, quoy que bien content du Cardinal de Lorraine : & des François despendans de luy, irrité neantmoins contre la faction, de laquelle il croyoit que fust procedé le mouuement de la protestation, faite au Concile,

reprit la deliberation faite dès le temps de l'Edit de pacification avec les Huguenots, qu'à Trente il fust procedé contre la Roynie de Nauarre; laquelle il auoit intermise, preuoyant bien que les Ambassadeurs de l'Empereur y feroient opposition, comme ils auoyent fait lors qu'on auoit traité de proceder contre la Roynie d'Angleterre: & resolut d'exécuter sa pensée à Rome: au moyen de quoy, le treizieme Octobre, il fit publier la sentence contre les cinq Euesques François, ia autres fois cités & adiournés, comme il a esté dit, & en outre fit afficher aux portes de Saint Pierre, & en autres lieux publics, vn adiournement personnel contre Ieanne, Roynie de Nauarre, veuve d'Anthoine de Bourbon: qu'en terme de six mois elle eust à comparoir, pour se defendre, & produire ses raisons; pourquoy elle ne deuoit estre declarée priuée & decheute de toutes dignités, estats & seigneuries: & le mariage d'elle avec Anthoine de Vandome, prononcé nul; & la lignée procréée d'iceluy illegitime, & elle encouruë en autres peines portées par les Canons contre les heretiques. Le Cardinal de Lorraine, auant que le Pape passast à ce proces, & sentences; fit office avec luy, luy remontrant, que les maximes, tenues en France, estoient fort differentes de celles de Rome: & que pourtant, on prendroit fort mal en France, que les causes des Euesques fussent iugees en premiere instance à Rome: comme aussi l'adiournement de la Roynie de Nauarre, tant pour la mesme cause, que pour la clause apposee des peines temporeles. Mais ces Remonstrances du Cardinal furent prises par le Pape au mesme sens, qu'elles estoient faites, pour vn acquit: & pourtant ne produisirent aucun autre effet, que celui que le mesme Cardinal desiroit en son secret. La Roynie Mere ne cessoit de faire tousiours instance au Pape par nouueaux Courriers & messages, que l'abouchement des Princes, qu'elle desiroit si ardemment; se fist: & quoy, qu'on eust eu aduis de la Cour Imperiale, que l'Empereur n'y vouloit point entendre: & d'Espagne; que les temps & coniointures ne le portoyent point, combien que le Roy en monstrast de paroles vn tres-grand desir; le Cardinal de Lorraine, ores qu'il n'y vist nulle esperance, ne laissa pas de conseiller au Pape; d'enuoyer en ces lieux là les Nonces, exprés, qu'il y auoit designés pour faire cet office, duquel dependroyent plusieurs autres negociations pour le seruice du Saint Siegé, & notamment, pour oster les empeschemens, qui pourroyent surtenir pour traier la closture du Concile. Le Pape donc despescha l'Euesque de Ventimile en Espagne; & celui d'Ischie en Allemagne, avec charge en apparence de traiter dudit abouchement, mais en effet, avec d'autres particulieres instructions.

A Trente, les Legats attendans le temps de la Session, & cependant ne voulans donner occasion à aucune difficulté, proposerent de traiter des Indulgences, du Purgatoire, de la Veneration des Saints, & des Images: non pour en publier les Decrets de la Session prochaine, mais en l'autre d'apres: prescriuans aux Theologiens la maniere, qu'il deuoient tenir en l'examen de ces matieres: assauoir, de donner par escrit leur aduis sur l'usage d'icelles tant seulement, sans s'estendre à discourir sur les autres chefs: & ordonnans aux Peres, d'en opiner briuement: avec protestation, que quiconque extrauagueroit hors de la matiere proposee, seroit interrompu. Mais nonobstant, les Theologiens ne laisserent pas de faire de tres-longes escrits, & si differends entr'eux, que les Peres ne sauoient à quoy se resoudre sur cete doctrine.

Sur la matiere de la Reformation, combien que les vint Articles en fussent conclus & arrestés, & que du vintunieme on en traitast avec le Conte de Lune: les Prelats Espagnols ne laisserent pas de former plaintif, que celui des exemptions des Chapitres, & le dernier, touchant les premieres instances, & les appellations, auoyent esté alterés, & n'estoyent conformes à ce que les Prelats auoyent remarqué. Dont les Legats, & les deputés à la confection des Decrets, indignés, respondirent, ou qu'ils verifassent leur dire, ou qu'ils se tussent. Et là dessus s'estant passé quelques paroles fascheuses, le Conte de

1563.

cinq que-
ques de
France:adiourné
à Roynie de
Nauarre.poursuite de
l'abouchement des
Princes:plusieurs
matieres
proposés à
traiter à
Trente:difficultés
des Espa-
gnols sur
quelques
Articles,

1564.

accommo-
dées.

Lune comparut en faueur desdits Prelats Espagnols, requerant que les oppositions, faites par les Prelats sur ces deux Articles fussent mises en consideration. Il demanda en apres, qu'au cinquieme Article, auquel les causes crimineles des Euesques estoient reseruees au Pape, fust faite declaration, que c'estoit sans preiudice del'Inquisition d'Espagne: laquelle instance l'Ambassadeur de Portugal auoit ia fait auparauant pour son Royaume. Les Legats respondirent, Que ces matieres estoient iadecidees. Mais le Conte repliqua, Que si ces Articles estoient propes en cette sorte, il n'iroit plus en Session, & mesme ny laisseroit entreuenir aucun de ses Prelats. A quoy le Cardinal Moron respondit, Que s'ils n'y alloient point, on ne laisseroit pas de faire & passer outre sans eux. Le Conte imputant la durezza, qu'il auoit trouuee es Legats, à offices faits par le procureur des Chapitres d'Espagne, luy commanda que tout promptement il eust à partir de Trente. Ce qui desplust aux Legats. Mais, afin qu'il n'y eust aucun empeschement à la tenuë de la Session, dont le temps approchoit, ils firent excepter les Royaumes, où il y a Inquisition, pour complaire à l'Ambassadeur, en l'Article des causes des Euesques: Mais quant à celuy des premieres instances, pource que les Prelats Espagnols pretendoyent d'oster tout à fait au Pape l'autorité d'en commettre aucunes à Rome, la chose sembloit trop dure aux Legats: lesquels aussi iugeoyent le sixieme Article de grande importance; dautant que les Chapitres en Espagne sont vn membre principal du Clergé; & plus dependant du S. Siege, que les Euesques, lesquels sont quasi tous de nomination Royale: en lieu que plus de la moitié des Chanoineriees sont de pure collation Papale. Et pourtant ils resolurent, auant que faire aucun preiudice aux Chanoines, de differer cet Article à la suiuite Session: & employerent les Ambassadeurs de l'Empereur, pour moyenner que le Conte de Lune se contentast de cela. Au moyen dequoy cete difficulte aussi fut assopie.

Il ne restoit plus, que la declaration touchant le droit donne par Decret aux seuls Legats de proposer au Concile. Et dautant qu'ils n'y trouuoient aucun temperament, ils dirent au Conte, qu'il proposast luy-mesme vne minute, telle qu'il la desiroit. Mais il s'en excusa. Et eux deputerent trois Canonistes pour traiter avec luy, & trouuer quelque moyen qui luy agreast: moyennant qu'il n'alterast en rien celuy, qu'auoit baillie le Pape. Mais tout à point arriua le Cardinal de Lorraine: lequel estoit party de Rome avec instructions, & resolution de toutes choses: & estoit passé par Venise, pour induire les Ambassadeurs à retourner à Trente, auant la fin du Concile. Estant arriue à Trente, il fit par sa dexterite, receuoir doucement au Conte vne certaine forme, & minute, par laquelle fut mis fin à cete difficulte tant agitee, au contentement de tous: & fut inserée entre les Articles de reformation, pour vingtyuiesme, lequel fut propose en la Congregation, tenuë le neuuesme Nouembre expressement pour cela, & fut approuue avec peu de contradiction, apres que le sixieme eust esté osté. Ainsi donc cet Article ayant esté conclu, tous les autres Articles furent derechef lus, & sur iceux fut briuelement opiné: & le Cardinal de Lorraine, pour sauuer son honneur, dit, Que, combien qu'il desirast bien plus grande reformation, il sauoit bien neantmoins, que d'entrée on ne peut venir aux extremes remedies: & pourtant qu'il consentoit aux Decrets, quoy qu'il ne les iugeast suffisans: mais esperoit que le Pape les accompliroit, soit en remettant sus l'usage des anciens Canons, soit en celebrant autres Conciles generaux.

& tous les
autres ac-
ceptés avec
cause du Car-
dinal de
Lorraine,

& plainte
de l'Ar-
cheuesque
de Grenade

C'est chose aussi digne de memoire, qu'en la mesme Congregation, ledit Cardinal fit vne longue digression, par forme de panegyrique, en loüange de la bonne volonte du Pape, & du desir qu'il auoit de voir l'Eglise reformee, & le degre Episcopal restably en son ancienne dignite, & le Concile termine avec fruit de toute la Chrestienté. Mais l'Archeuesque de Grenade, quand ce vint à son tour de parler, seietta aussi es loüanges du Pape, & luy attribua tout de bonne volonte, qu'auoit fait le Cardinal: mais adiousta, que,

ou

où le Pape iugeoit de ne pouuoir ordonner comme il sentoît, ou bien n'auoit point autorité de se faire obeyr à ses ministres & dependans.

1563.

En cet endroit il me faut faire vn grand changement de style : & en lieu, qu'és narrés precedens i'ay tousiours fuiuy celuy, qui est propre pour descrire varietés de pensées & aduis, & traueses aux desseins l'un de l'autre, & delais entreietés aux résolutions : m'arrestant souuent en chemin, pour exposer les conseils de diuerses personnes, souuent repugnans les vns aux autres : dès maintenant ie n'ay à représenter qu'une seule vîee, & opérations consentantes, lesquelles sembleront plustost voler que courir à vne mesme fin : dont vne fois pour toutes ie suis tenu de marquer la cause, qui estoit, l'unanime résolution de precipiter le Concile.

participa-
tion de la
fin du Con-
cile.

Pourtant, pour suiure le simple fil de mon narré, i'ay encor à dire, que les Legats receurent lettres du Pape, avec dernière résolution, qu'ils missent fin au Concile, ores que le Roy d'Espagne en receust du mescontentement : car il auoit bon moyen de s'appointer avec luy : qu'ils conclussent & arrestassent le Decret des Mariages clandestins avec le plus d'union & de contorde qu'ils pourroyent : mais, quand bien la mesme opposition continueroit, qu'ils ne l'lassent pas de passer outre. Et quant à la reformation des Princes, & retablissement de la Iurisdiction & liberté Ecclesiastique, qu'on ne particularisast chose aucune, mais seulement renouuellast les anciens Canons, & sans Anathèmes. Que si sur autres Articles il naissoit quelque difficulté, il les luy résérussent, & qu'il y pouruoiroit. Que pour le demeurant, il s'en remettoit au Cardinal de Lorraine, tresbien informé de toute sa volonté, auquel il vouloit qu'ils adioustassent foy. Il leur enuoya aussi vn formulaire, selon lequel il entendoit que le Concile fust terminé : lequel contenoit ; Que toutes les choses faites & gérées sous les Papes Paul, & Jules, fussent confirmées & ratifiées, & qu'il fust dit & déclaré : que celles-là, & celles de cete dernière tenue, n'estoyent qu'un seul & mesme Concile : & qu'en toutes choses fust sauue l'autorité du Saint Siege : & que de toutes choses la confirmation fust demandée au Pape, que tous les Peres signassent ; & qu'après eux, suiuant l'exemple des anciens Empereurs, les Ambassadeurs signassent aussi : afin que les Princes fussent obligés à l'observation des Decrets, & à poursuiure par armes ceux de contraire Religion : remettant toutesfois au pouuoir d'eux Legats, qu'en compagnie du Cardinal de Lorraine, ils adioustassent, ostassent, & changeassent audit formulaire, selon qu'ils trouueroyent expedient. Toutes lesquelles choses furent tenues fort secrètes, iusques après la Session, pour les manier, selon qu'il sera dit.

commandee
par le Pape
ensemble la
maniere de
clorre.

L'onzième Nouembre venu, la Session fut tenue avec les cérémonies accoustumées. Et, d'autant qu'en icelle escheoit d'opiner sur la matière des Mariages clandestins, le Cardinal de Vvarmie, qui la iugeoit dogme de foy, & ne tenoit pas que l'Eglise y eust aucune autorité ; n'y voulut assister : disant pour excuse, que s'il s'agissoit de quelque point de droit positif, il n'estimeroit point mal contenable de dire son opinion en liberté, ores que le Concile dût decreter au contraire : mais, qu'en cetuy-cy, il y auroit esté contraint, pour satisfaire à sa conscience, de dire que le Concile ne pouuoit faire ce Decret : ce qui auroit pu causer quelque mescontentement, dont il estoit fort esloigné. Le sermon fut fait par François Richardot, Euesque d'Arras, lequel en iceluy, admonnesta les Peres, qui y ayant meshuy deux ans, que le Concile estoit après à enfanter, & tous estans en attente de voir quel seroit son fruit, ils deuoyent pouruoir qu'iceluy ne sortist en lumière mutilé, ou estropié : en lieu que le monde en attendoit vn solide, & accomplý : & que pour ce faire, ils deuoyent regarder aux Apostres, & aux Martyrs, & à l'Eglise ancienne : & en faire le patrō, sur lequel ils tirassent & prissent les traits & lineamēt du fruit qu'ils deuoyent enfanter : que ces traits n'estoyent autres, que la Doctrine, la Religio, & la Discipline : lesquelles choses, estans toutes abastardies & degenerées en ce tēps, il les faloit ramener à la forme de l'Antiquité. Que c'estoit cela, dont on auoit esté par vn si long temps, & estoit encor en attente. Les ceremonies

tenue de la
huitième
Session.

1563.

*lecture de la
Doctrine &
de la Refor-
mation, sur
laquelle il y
a diverses
oppositions
& protesta-
tions:*

acheuées, furent lues les lettres de Madame Marguerite, Gouvernante des pays bas, sur l'enuoy de trois Prelats au Concile, & le mandement du Duc de Florence, & celui du Grand Maistre de Malte. Apres cela, l'Euesque officiant lut la Doctrine, & les Anathematismes touchant le Mariage, lesquels furent approuvés de tous. Mais quand les Chapitres de Reformation eurent esté lus, sur le premier de la cassation des mariages clandestins, le Cardinal Moron dit, Qu'il luy agreoit, pourueu qu'il agreast au Pape. Le Cardinal Simonete dit, Qu'il ne luy agreoit point: mais qu'il s'en rapportoit au Pape. Des autres, il y eut cinquante six voix, qui dirent absolument, qu'il ne leur plaisoit point: les autres l'approuverent.

Apres furent lus les Decrets de Reformation: & quand ce vint au cinquieme, touchant les causes crimineles des Euesques, & qu'on ouit, que les Royaumes, où est l'Inquisition, estoient exceptés, il s'eleua vne tres-grande rumeur entre les Peres: les Lombards, & les Neapolitains, disans tumultuairement, que cete condition n'auoit point esté proposee en Congregation, & qu'on l'ostast: ce que de necessité aussi il falut faire sur l'heure. Et apres cela, le Cardinal de Lorraine dit sur le mesme Decret, Qu'il l'approuuoit, sous la condition, que, par iceluy, ne fust fait aucun preiudice aux priuileges, droits, & constitutions des Roys de France, comme cela auoit esté arresté en la Congregation du iour precedent, declarant qu'iceux droits & priuileges, ne portoient aucun interest à l'autorité d'aucun Prince. Et à la fin des Decrets, tant en son nom, que des autres Euesques François, il fit vne protestation, en tout & par tout conforme à celle, qu'il auoit deux iours auparauant faite en Congregation: assauoir, Que leur nation receuoit ces Decrets, non comme vne Reformation parfaite, mais seulement comme vn acheminement & preparation à icelle: sous esperance, que le Pape suppleroit aux defauts en temps & lieu: soit en remettant sus l'usage & la pratique des anciens Canons, soit en celebrant autres Conciles generaux, pour parfaire les choses commencees. Et requit, au nom de tous les Euesques François, que cela fust inferé es actes du Concile, & qu'il en fust fait vn public instrument. D'autres adiouterent plusieurs autres choses, & firent des oppositions sur aucuns des autres Chapitres, mais non de grande consequence: sur lesquelles il nasquit quelque differend: Mais, d'autant qu'il estoit ia huit heures du soir, il fut dit, que le tout seroit accommodé en Congregation generale. Et, pour fin de la Session, fut lu, le Decret de l'intimation de la suiuite, au neufuiesme Decembre, avec pouuoir d'en abreger le terme: decarant qu'en icelle seroit traité du fixieme Chapitre, differé pour lors, & des autres Articles de Reformation, ia presentés à examiner, & d'autres choses concernant icelle. Adioustant, que si on le trouuoit à propos, & le temps le portoit, on pourroit traiter d'aucuns Dogmes, qui seroyent, en son temps, proposés es Congregations.

*teneur de la
doctrinedu
Mariage:*

La teneur de la Doctrine du Sacrement du Mariage, estoit, Que nostre premier pere Adam auoit prononcé par inspiration diuine, que le lien du Mariage est perpetuel & indissoluble: & que Christ auoit en suite déclaré, que deux personnes, sans plus, pouuoient estre accouplees & coniointes par iceluy. & que luy-mesmes, par sa passion, auoit merité la Grace, par laquelle le mariage estoit confirmé, & les mariés sanctifiés. Ce qui auoit esté signifié par S. Paul, lors qu'il dit, Ce Sacrement est grand: or ie dy, en Christ, & en son Eglise. Et puis, qu'à l'égard de ladite grace, le Mariage, en la loy Euangelique, excelle par dessus les Mariages des Anciens: c'est à tresbon droit que les saints Peres, les Conciles, & l'vniuerselle tradition de l'Eglise, ont tousiours enseigné, qu'il doit estre mis au nombre des Sacremens de la nouuelle loy. Et pourtant le Concile, condannant les heresies sur cete matiere, decreta, contre les heretiques sentans autrement, les Anathematismes sui-uans. Premierement, Contre qui dira, que le Mariage n'est pas vn des sept Sacremens, institué par Christ, & ne confere point la Grace. En second lieu, Contre qui dira, Qu'il est loisible aux Chrestiens, d'auoir plusieurs

*& les ana-
thematis-
mes sur
icelle:*

femmes en mesme temps, & que cela n'est defendu par aucune loy diuine. En troisiemeliu, Contre qui dira, que les seuls degrés de consanguinité, ou d'affinité, exprimés aux Leuitique, peuuent annuler le mariage: & que l'Eglise n'y en peut adiouster aucuns autres, ne dispenser d'aucuns d'iceux. En quatriemeliu, Contre qui dira, que l'Eglise n'a le pouuoir de constituer aucuns empeschemens, qui dissoluent le mariage: ou, qu'en les ordonnant elle a erré. En cinquiemeliu, Contre qui dira, Que le lien de mariage peut estre dissout, pour cause d'heresie, ou de cohabitation fascheuse, ou de volontaire absence de l'une des parties. En sixieme lieu, Contre qui dira, qu'un legitime mariage, non consommé, ne peut estre desfait par la solennelle profession de Religion de l'une des deux parties. En septieme lieu, Contre qui dira, Que l'Eglise a failly, enseignant, que par l'adultere de l'une des parties, le lien du mariage ne peut estre dissout: & que la partie innocente, & qui n'a donné aucune occasion à l'adultere, ne peut, sans adultere, contracter autre mariage, du viuant de la partie coupable. En huitieme lieu, Contre qui dira, que l'Eglise erre, lors que pour plusieurs causes elle ordonne, que les mariés soyent separés de couche, ou de cohabitation, pour vn temps certain, ou incertain. En neufuieme lieu, Contre qui dira, que les Clercs, ayans les saints ordres, ou les Reguliers profés, peuuent contracter mariage: & que tous ceux, qui ne sentent d'auoir le don de continence, se peuuent marier: attendu que Dieu ne refuse ce don à ceux qui le demandent droitement, & ne souffre que l'homme soit tenté par dessus ses forces. En dixieme lieu, Contre qui dira, que l'estat de mariage doit estre preferé à l'estat de virginité, ou de celibat. En onzieme lieu, Contre qui dira, que les inhibitions des solennités nuptiales à certains temps de l'annee, sont vne superstition tyrannique, procedee, des faux seruices des Payens: ou condamnera les benedictions, ou les autres ceremonies de l'Eglise. Endouziemeliu, Contre qui dira, que les causes matrimoniales n'appartiennent point aux Iuges Ecclesiastiques.

Les Decrets de Reformation, touchant le mariage, contenoient: Premierement, que combien qu'il soit certain, que les mariages clandestins ont esté vrays, & legitimes mariages, pendant le temps que l'Eglise ne les a point annullés: & que pourtant aussi le Concile condanne & anathematise ceux, qui ne les tiennent pour tels: ensemble ceux, qui maintiennent, que les mariages contractés par les enfans de famille, sans le consentement des peres, sont nuls: & qu'il est au pouuoir des peres de les approuuer ou reprobuer: si est-ce toutesfois, que l'Eglise les a tousiours defendus, & detestés: & d'autant que le Concile void, que par la desobeyssance des hommes, ces defences ne seruent pas, il commande que tout mariage, auant qu'estre contracté, soit publié en l'Eglise, par trois diuers iours consecutifs de dimanche, ou de feste: & que lors qu'il n'y aura aucun legitime empeschement, il soit célébré en face d'Eglise: & que là le Curé enquire l'homme & la femme, pour sauoir leur consentement: & l'ayant appris, die; Je vous conioin en mariage, au Nom du Pere, du Fils, & du Saint Esprit: ou bien, vse d'autres paroles, selon l'usage de chaque Prouince, Que s'il y auoit quelque vraisemblable soupçon, que le mariage püst estre malicieusement empesché, en cas que les trois bans fussent obserués rigoureusement, en tel cas il soit loisible de n'en faire qu'un: ou bien, que le mariage puisse estre célébré en presence du Curé, & de deux ou trois tesmoins, pour le moindre nombre: mais, qu'auant la consommation, les bans se fassent en l'Eglise, pour descouurir les empeschemens, qu'il y pourroit auoir: sinon que l'Ordinaire Iuge expedient d'en dispenser: ce que le Concile remet à son iugement & prudence: mais declare inhabiles à contracter mariage ceux, qui entreprendront de le contracter sans la presence du Curé, ou d'autre Prestre autorisé à cela, par iceluy, ou par l'Ordinaire; & de deux, ou trois tesmoins: & casse & annulle tous les contracts, avec peines aux contréuenans, tant Prestre, que parties. En outre, le Concile exhorte les parties, à n'habiter

*les Decrets
de reformation
sur la
mesme matiere
des
mariages
clandestins.*

1563.

ensemble en mesme maison, auant la benediction du Prestre : & commande aux Curés, d'auoir chacun vn liure : auquel les noms des mariés, & des tefmoins, & le temps & le lieu des mariages enregistrés. Et exhorte les parties à se communier & confesser, auant le contract, ou consommation du mariage : Reseruant les autres louables coustumes & ceremonies de chaque Prouince : & ordonnant que ce Decret ait sa force & vigueur : trente iours apres la publication, qui en sera faite en chaque Paroisse.

de l'empeschement par parentage spirituel,

pour l'honneur public des fiançailles rompues, pour affinité par fornication, des dispensés de degrés défendus,

des raiisseurs,

des vagabonds,

des Concubinaires,

de ne forcer les volons des mariages,

Secondement sur les empeschemens matrimoniaux, le Concile reconoit que, pour la multitude des defenses, il aduiet souuent que insciemment mariages sont contractés en cas defendus : esquels ou on perseuere non sans grief peché, ou bien iceux sont des faits avec grand scandale. Et pourtant, pour y pouruoir, commençant par l'empeschement de parentage spirituel, il ordonne que d'ores en auant il n'y ait plus d'un parrain, ou marraine : ou, au plus vn parrain, & vne marraine, & que le parentage spirituel ne s'estende point plus outre, qu'entre les parrains, & le filleul, & les pere & mere d'iceluy : & le baptizant : & le baptisé, & ses pere & mere. Ordonnant aussi le mesme pour le parentage, qui naist du Sacrement de la Confirmation. En troisieme lieu, pour l'empeschement de l'honneur public, fondé sur les fiançailles, qui viennent à estre rompues ; il ordonne, qu'en cas qu'icelles n'ayent esté valides pour quelque chose que ce soit, tout tel empeschement soit osté : mais, en cas qu'elles soyent valides, il restreint cet empeschement au premier degré sans plus. En quatrieme lieu, touchant l'empeschement pour raison d'affinité contractée par fornication, il le limite au premier & second degré. En cinquieme lieu, sur les dispensés du mariage ia contracté, il en oste toute l'esperance à ceux, qui sciemment contractent, & conformément le mariage en degrés defendus : & de mesmes à ceux, qui l'auront fait insciemment, mais auront negligé les ceremonies requises à contracter le mariage. Mais permet la dispense, en cas de vray semblable & apparente ignorance, & ordonne qu'elle soit donnée gratuitement, & sans frais. Et quant aux mariages à faire en degrés defendus, il ordonne, que nulle dispense n'en soit iamais donnée, ou certes rarement, & avec cause, & sans coust : & que mesmes là dispense ne soit iamais au second degré, sinon entre Princes, & pour cause du bien public. En sixieme lieu, qu'il n'y puisse auoir aucun mariage entre le raiisseur & la raiue, pendant qu'elle est en la puissance du raiisseur : mais que le mariage se puisse faire, lors qu'elle sera separée de luy, & sera rendue en lieu libre & asseuré : & que neantmoins le raiisseur, avec tous ceux, qui luy auront presté conseil, ayde & faueur, s'entendent de droit excommuniés, infames à perpetuité, & incapables de toutes dignités & honneurs : & s'ils sont Clercs, qu'ils soyent priués & dechus de leur degré. Et que, quiconque aura rauy vne femme, soit qu'il l'espouse, soit qu'il ne l'espouse point, soit tenu de la doter conuenablement à l'arbitrage du Iuge.

En septieme lieu, il ordonne, que les vagabonds ne soyent admis à mariage, sinon apres diligente enqueste de leur condition, s'ils sont libres ou mariés : & avec permission de l'Ordinaire : exhortant les Magistrats seculiers à les punir seuerement. En huitieme lieu, il ordonne que les Concubinaires, mariés ou non mariés : de quelque estat, dignité & condition qu'ils soyent ; si, apres trois admonitions faites par l'Ordinaire, ils ne renuoyent leurs concubines, soyent excommuniés : & en cas, qu'ils continuent encor vn an, apres la censure, en leur mauuaise vie, l'Ordinaire procede contr'eux en toute seuerité, selon la qualité du crime. Et que les concubines, ou non mariees, qui viuent publiquement avec leurs adulteres, ou concubinaires, apres trois admonitions soyent punies : & mesmes, s'il semble bon aux Ordinaires, soyent dechassées hors de la ville, ou diocese ; implorant mesmes, si besoin est, le bras seculier. En neuuieme lieu, il commande, sous peine d'excommunication, & d'anatheme, à tous Seigneurs, & Magistrats, qu'ils n'ayent à contraindre leurs suiets, ny autres quelconques, ny directement,

ny indirectement, à contracter mariage contre leur gré. En dixième lieu, il ordonne que les anciennes inhibitions des solennités des nopces soyent gardées, dès l'Aduent iusques à l'Epiphanie : & dès le Mercredy des Cendres iusques à l'Octave de Pasques inclusiuement : commandant qu'és autres temps les Euesques ayent soin & donnent ordre, que les mariages soyent celebrés avec la modestie & honnesteté qu'il appartient.

Le contenu des Decrets de reformation, non comme ils furent lus en la Session; mais ainsi que de concert ils furent corrigés le iour d'après la Session en la Congregation, estoit : Premièrement, que, dès aussi tost qu'une Eglise sera vacante, soyent faites prières publiques & particulières : indites par le Chapitre au diocèse & à la ville : & que tous ceux, qui ont quelque droit & raison du Siege Apostolic à la promotion de ceux qui doiuent gouverner l'Eglise, soyent admonestés, sous lien de peché mortel; qu'ils ayent à faire toute diligence, à ce que ceux-là soyent promus, lesquels iugent plus dignes & utiles à l'Eglise; lesquels soyent nés de legitime mariage : & de vie, d'âge, d'octrine; & de toutes autres qualités requises par les Saints Canons, & par les Decrets de ce mesme Concile. Et qu'en chaque Synode prouincial avec approbation du Pape, soit prescrit vn particulier formulaire d'examen, conuenable à chacun lieu : & qu'après que cet examen de la personne promue aura esté fait, il en soit dressé vn instrument public, lequel, ensemble tous les tesmoignages, & confession de foy, soit tout aussi tost enuoyé au Pape, pour estre examiné par les Cardinaux; & proposé en Consistoire : & que toutes les qualités requises par le Decret du Concile, en la promotion des Euesques à l'esgard de la vie, de l'âge, de la doctrine, & des autres qualités, s'entendent aussi requises en la creation des Cardinaux, quoy que Diacres tant seulement : lesquels aussi le Pape, entant qu'il se pourra faire commodément, prendra de toutes nations, selon qu'il les trouuera propres & idoines. En fin il adioute, que le Concile, à ce le mouuans les grandes incommodités de l'Eglise, ne peut qu'il ne ramentouie & remonstre, combien il est necessaire, que le Pape, par le du de sa charge, s'employe à choisir Cardinaux tres-excellens, & à pouruoir aux Eglises de Pasteurs idoines & capables : de tant plus, que, si les brebis viennent à perir par la negligence des pasteurs, Christ en redemandera Conte à Sa Sainteté. En second lieu, que les Conciles prouinciaux soyent conuotés par les Metropolitains; ou par le plus ancien Euesque de la Prouince de chacun d'iceux, pour le plus tard dans vn an après la fin de ce Concile : & après, de deux en deux ans, pour le moins. Que les Euesques comprouinciaux à l'auenir ne soyent contraints d'aller contre leur gré à l'Eglise Metropolitaine. Que les Euesques, qui ne sont suiets à aucun Archeuesque, elisent vne fois quelque Metropolitain voisin, au Synode Prouincial, auquel ils se trouuent avec les autres; & recoiuent & facent receuoir les choses qui en iceluy auront esté ordonnées : leurs priuileges & exemptions sauues en tout le demeurant. Et que les Synodes Diocesains soyent celebrés tous les ans, & qu'à iceux soyent tenus de se trouver mesmes les exempts, sauf ceux, qui sont suiets aux Chapitres generaux : lesquels toutesfois, ayans Eglises seculieres annexees, soyent obligés d'y entreuenir à raison d'icelles. Que si, tant les Metropolitains, que les Euesques, & autres susnommés, sont negligens en ces choses, ils encourrent les peines portees par les saints Canons. En troisieme lieu, Que les Euesques soyent tenus, ou en propre personne, ou, en cas de legitime empeschement, par leurs Vicaires generaux, ou visiteurs, de visiter tout leur diocèse : tous les ans, s'ils peuuent : ou, s'il est de grande estendue, au moins de deux en deux ans. Que les Metropolitains ne puissent visiter le diocèse des Suffragans, sinon pour cause approuuee au Synode prouincial. Que les Archidiaques, Doyens, & autres inferieurs, ayent à faire les visites en propre personne, prenans avec eux vn Notaire du consentement de l'Euesque. Et que semblablement les Visiteurs, que doit deputer le Chapitre, soyent approuués par l'Euesque. Et que les Visiteurs aillent à nombre mediocre de che-

uaux, & de seruiteurs, & expedient la visite le plus tost que faire se pourra, & qu'il ne leur soit loisible de receuoir chose quelconque, fors leur viure frugalement: & moderément: dont toutesfois ils puissent prendre la valeur en deniers: mais que là où la coustume est, que les Visiteurs prennent chose quelconque, ny viures, ny deniers, que cete coustume y soit gardee. Que ceux, qui ont droit de patronage ne s'ingerent en chose quelconque qui concerne l'administration de Sacremens, ou la visite des ornemens des Eglises, ou des fonds des reuenus des fabriques: sinon que cela leur appartienne par droit d'institution, ou de fondation. En quatrième lieu, Que les Euesques soyent obligés de prescher en leur Eglise en propre personne, & en cas de legitime empeschement, par autrui: & és autres Eglises, par des Curés: ou, si iceux ont empeschement raisonnable, par autres deputés par l'Euesque, aux despens de ceux, à qui cela appartient de droit, ou par coustume. Et ce, du moins tous les iours de Dimanche, & de festes solennelles: & autemps des iusnes, des Aduents, & de Quaresme, tous les iours: ou, du moins trois iours de la semaine. Que l'Euesque admoneste chacun de se rendre à sa propre paroisse, pour ouïr la predication. Que nul n'entreprene de prescher maugré l'Euesque: lequel aussi ait le soin, que la doctrine Chrestienne soit enseignée en toutes les paroisses. En cinquième lieu, Que les causes criminelles plus importantes contre les Euesques soyent iugees par le Pape: & si elles sont telles, que de necessité il les faille commettre hors de la Cour de Rome, qu'elles ne soyent commises à aucun autre, qu'au Metropolitain, ou à des Euesques élus par le Pape: ausquels toutesfois cete commission ne donne aucun pouuoir plus outre que d'informer & faire enqueste: reseruant la sentence definitive au Pape: mais, que les causes plus legeres soyent iugees en vn Concile Prouincial, ou par des deputés d'iceluy. En sixième lieu, Que l'Euesque puisse dispenser ses suiets & iustitiables au tribunal de la conscience, en toutes les irregularités, & suspensions prouenant de delit occulte: sauf en crime de meurtre de guet à pens: & absoudre de tous les cas reserues au Saint Siege, ou par soy-mesmes, ou par vicaire: voire mesmes en crime d'heresie, à condition qu'en ce dernier cas il le face par soy-mesmes, & n'en puisse donner la commission à ses vicaires. En septième lieu, Que l'Euesque ait soin, de faire qu'auant l'administration des Sacremens, leur force, vertu, & vsage, soit exposé au peuple en langue vulgaire, selon le formulaire que le Concile prescra sur chaque Sacrement: lequel les Euesques feront fidelement traduire en langue vulgaire, & exposer au peuple par tous les Curés: ausquels aussi ils enioindront d'expliquer, pendant le seruice, en la mesme langue vulgaire, la parole de Dieu, & les saintes enseignemens de salut; & ce tous les iours de feste, & solennels: laissant toutes questiōs friuoles & inutiles, pour instruire le peuple en la Loy du Seigneur. En huitième lieu, Qu'à ceux, qui pechent publiquement, soit imposee penitence publique, laquelle toutesfois l'Euesque pourra changer en secreta. Qu'en chaque Eglise Cathedrale: là où la commodité le permettra, l'Euesque ait à establir vn penitencier, qui soit Maistre, Docteur, ou Licentié en Theologie, ou Droit Canon, & aagé de quarente ans. En neuuième lieu, Que les Decrets faits en la tenue du Concile sous Paul troisième, & sous Pie quatrième, touchant la visite des Benefices exempts, soyent gardés & obserués és Eglises, qui se disent estre de nul diocese: & qu'icelles soyent visitées par le plus proche Euesque, en qualité de delegué du Saint Siege. En dixième lieu, Que là, où il s'agit de visite, ou de correction de mœurs; nulle exemption, ou appellation entreiette, voire mesmes au Saint Siege, n'empesche, ny ne suspende l'execution des choses arrestees ou iugees par les Euesques. En onzième lieu, Que par les titres d'honneur, donnés aux Protonotaires, Acolytes, Contes Palatins, Chapelains de Roy: ou bien, aux seruans aux Ordres de Cheualerie, aux Monasteres ou Hospitaux; ces personnes là ne soyent exemptes de l'autorité des Ordinaires, agissans en qualité de delegués du Saint Siege: ains soyent suiets pleinement en toutes choses: sauf si

elles de fait seruent aux lieux dessusdits, ou Cheualeries, & demeurent es maisons & enclos d'iceux, & viuent sous leur obédience: & quant aux Chapelains du Roy, qu'ils soyent suiets selon la teneur de la Constitution d'Innocent troisieme, qui commence *Cum Capella*. Et que les exemptions, ottroyee aux domestics des Cardinaux, ne s'estendent point à ce qui concerne les Benefices. En douzieme lieu, Qu'aux dignités, qui ont cures d'ames, ne soit promu aucun au dessous de l'aage de vintcinq ans: & que les Archidiares, par tout où faire se pourra, soyent Maistres en Theologie, ou Docteurs ou Licentiés en Droit Canon: & qu'aux autres dignités, qui n'ont cure d'ames, nul ne soit promu au dessous de l'aage de vintdeux ans: & que ceux, qui seront pourueus de Benefices ayans cure d'ames, soyent tenus & obligés de faire profession de la foy Catholique entre les mains de l'Euesque: ou, en cas d'empeschement, de son Vicaire general: & de mesmes les Chanoines, non seulement deuant l'Euesque, mais aussi au Chapitre: & que nul ne soit receu à aucune dignité, Chanoinerie, ou portion, que tout premier il n'ayt pris les saints ordres, que cete prebende, dignité, ou portion requiert: ou, qu'il ne soit en aage capable pour les recevoir. Qu'és Eglises Cathedrales, toutes Chanoineries, ou portions, ayent l'ordre de Prestre, ou de Diacre, ou de Sousdiacre, annexé, & que l'Euesque, par aduis & conseil de son Chapitre, designe & distribue, selon qu'il verra estre à faire, les ordres sacrés, qui d'ores en auant doiuent estre annexés à icelles: en sorte toutesfois, qu'au moins la moitié soyent Prestres. Le Concile exhorte en outre, que toutes les dignités, & la moitié des Chanoineries es Eglises Cathedrales, & Collegiales plus notables, soyent conferees à Maistres, Docteurs ou licenciés en Theologie, ou Droit Canon: & que nul d'eux ne puisse absenter plus de trois mois de l'annee. Que les distributions quotidiennes, sous quelque pretexte que ce soit, ne soyent donnees à qui n'assistera au seruice: & que chacun soit obligé à faire son deuoir en propre personne, & non par substitués. En treizieme lieu, D'autant que plusieurs Eglises Cathedrales sont pauvres, & ne peuuent suffire ny à la dignité Episcopale, ny à la nécessité des Eglises, que le Concile Prouincial aduise au remede, & en escriue au Pape; lequel y pouruoye selon sa prudence. Pareillement, à l'égard des Eglises Parochiales, dont les fruits sont si petits, qu'elles ne peuuent suffire aux charges & deuoirs, l'Euesque fera chargé d'y pouruoir, ou par l'union de quelque Benefice non regulier, ou par assignation de prebendes, ou de dismes: ou par contributions & cueillettes des paroissiens. Que nulles Eglises Parochiales, ne puissent estre vnies à Monasteres, Chanoineries, Benefices simples, Hospitaux, ne Cheualeries: & que celles, qui sont vnies, soyent receuës par les Ordinaires, suivant le Decret, autresfois fait en ce mesme Concile, sous le Pape Paul troisieme: & qu'à l'auenir les Eglises Cathedrales, qui ne passent mil ducats de reuenue, & les Parochiales qui n'en passent cent, ne puissent estre chargees d'aucunes pensions, ou reserues de fruits. Et qu'és Eglises parochiales, qui n'ont point de certaines bornes & limites; ains esquelles les saints Sacremens sont indifferemment administrés à ceux qui les demandent, l'Euesque face, que le peuple soit diuisé en certaines paroisses, qui ayans chacune leur Curé, duquel ils reçoient les Sacremens: ou y pouruoye par quelque autre vtile maniere, selon la qualité du lieu le requerra, & qu'és villes, où il n'y a point de paroisses, elles y soyent promptement erigées. En quatorzieme lieu, Le Concile deteste, & defend toutes constitutions, ou coustumes, de payer chose quelconque, pour l'acquisition de titres, ou possessions de beneficiés: sauf si ces payemens sont conuertis à vsages pieux: declarant Simoniaques tous contreuenans. En quinzieme lieu, Qu'és Eglises Cathedrales, & Collegiales, esquelles les prebendes & distributions sont trop petites, l'Euesque puisse vnir à icelles quelques Benefices simples; ou bien les reduire à moindre nombre. En seizieme lieu, Quand vn Siege Episcopal viendra à vaquier, que le Chapitre elise vn, ou plusieurs Oeconomus, ou vn Vicaire, dans le temps & terme de huit iours: à

defaut dequoy, cete charge soit deuoluë au Metropolitan, & quand l'Euesque aura esté créé, qu'il se face rendre conte à iceux de leur administration: & qu'il les puisse punir, en cas qu'ils ayent forfait. En dixseptième lieu, Que nulle personne Ecclesiastique, non pas mesmes vn Cardinal, ne puisse tenir plus d'un Benefice: & si iceluy n'est suffisant pour viure honnestement, qu'on y puisse adiouter vn autre Benefice simple: moyennant que tous deux ne requierent residence personnelle: ce qui s'entende de tous les Benefices, tant Seculiers, que Reguliers, de quelque titre & qualité qu'ils soyent, voire mesmes de ceux qui sont baillés à commende: & que ceux, qui à present ont plusieurs Benefices ayans cure d'ames, soyent obligés dans six mois d'en choisir vn, qu'ils retiennent, & laisser les autres: à defaut dequoy, tous s'entendent vacans de droit, & de fait soyent conferés à d'autres. Le Concile desire toutesfois qu'il soit pourueu aux necessités des resignans par quelque bonne voye, selon qu'il semblera au Pape. En dixhuitième lieu, Aduenant que quelque Eglise Parochiale viene à vaquer, en quelque sorte que ce soit, que tous ceux qui seront proposés par autres, ou s'auanceront eux mesmes, soyent enroulés: & que tous soyent examinés par l'Euesque, en compagnie de trois examinateurs au moins: & que de tous ceux, qui seront par eux iugés propres & idoines, l'Euesque en elise le plus suffisant, & qu'à iceluy soit conferee l'Eglise: & qu'és droits de patronage Ecclesiastiques, le patron presente le plus digne à l'Euesque: mais és droits de patronage Lais, que celui, qui sera présenté par les patrons, soit examiné par les mesmes examinateurs, & ne soit point admis, sinon qu'il soit trouué idoine. Que tous les ans, au Synode diocesain, soyent proposés six examinateurs, desquels l'Euesque ait à en elire trois, & qu'iceux soyent tous ou Maistres, ou Docteurs, Seculiers ou Reguliers: & qu'ils iurent de faire bien & fidelement leur deuoir: & qu'il ne leur soit permis de prendre chose aucune, ne deuant ny apres l'examen. En dixneufuiesme lieu, Que les graces expectatiues, ny aucunes autres, qui s'estendent aux Benefices qui vaqueroient à l'aduenir, ne puissent plus d'ores en là estre ottroyées: & que les reserves mentales soyent aussi interdites.

En vintième lieu, Que les causes Ecclesiastiques, mesmes les beneficiables, soyent en premiere instance iugées par l'Ordinaire: & soyent, au plus tard, terminées dans deux ans: & que nul appel ne soit receu, sinon de la sentence définitive, ou, qui ait force & vertu de définitive: exceptant celles, que le Pape, pour causes vrgentes & raisonnables, trouuera bon d'euoquer à soy. Que les causes matrimoniales, & crimineles, soyent réservées au seul Euesque. Qu'és matrimoniales, ceux qui verifient leur pauvreté, ne soyent contraints de plaider hors de la Prouince, ny en seconde ny en tierce instance: si ce n'est que partie aduerse leur vueille fournir les alimens, & les frais du Procès. Que les Legats, voire mesme à *latere*, Nonces, & gouverneurs Ecclesiastiques, n'ayent à empescher ou troubler les Euesques és susdites causes, ny en aucune autre partie ou fonction de leur Iurisdiction: & n'ayent à proceder contre les personnes Ecclesiastiques, sinon en cas de nonchalance de l'Euesque. Que l'appellant soit tenu de porter à ses despens au Iuge d'appel, les actes faits deuant l'Euesque, lesquels le Notaire soit tenu de luy deliurer au plus tard dans vn mois, moyennant raisonnable payement. Le vintvnième, Le Concile declare, que par les paroles, couchées au Decret de la premiere Session, tenue sous Pie quatrieme, Pape moderne, assauoir, *Proponentibus Legatis*, son intention n'auoit point esté de changer ou alterer, en sorte ne maniere quelconque, la façon accoustumée de traiter les affaires és Conciles generaux: ne d'oster ou adiouter à aucun chose quelconque de nouveau, outre ce, qui a esté estably iusques à present par les saints Canons, ou par la forme des Conciles generaux. Pour la fin, la Session suiuite fut intimée pour le neufuiesme Decembre, avec pouuoir d'abreger le terme: & fut dit, qu'en icelle seroit traité du sixième Chapitre; ensemble des autres, ia publiés, & differés.

& mesmes

& mesmes de quelques dogmes, si le temps le portoit, selon les propositions qui en seroient faites es Congregations. 1563.

L'issuë de cette Session ne fut point attenduë avec la mesme auidité, que celle de la precedente: tant, pource que la curiosité vniuerselle auoit desia iugement esté comme assouuie, & esmoullée: que pource qu'il sembloit generalement sur cette Session, que la matiere du Mariage ne pouuoit porter choses grandement remarquables. Mais le monde estoit bien attentif à voir qu'elle issuë auroit la protestation des Ambassadeurs de France: laquelle fut luë avec diuersité d'affections. Ceux, qui estoient mal entalentez enuers la Cour de Rome, la louoient comme veritable & necessaire: mais les interressez avec icelle, la iugeoient non moins abominable, que les protestations faites au temps passé par Luther.

Plusieurs furent esbahis qu'au sixième Anathematisme, fut couché pour Article de foy, que le mariage non consommé peut estre dissout par la profession solemnelle de religion: attendu que la conionction matrimoniale, quoy que non consommée par cohabitation charnelle, est vn vray lien institué par la Loy diuine: comme l'Escripture sainte afferme, qu'entre Marie & Ioseph, y auoit vray mariage: en lieu que la solemnité de la profession n'est que de droit positif, selon que Boniface huitième en a decreté: dont il sembloit bien estrange qu'un lien humain en desface vn diuin: & plus encor, qu'il faille tenir pour heretique qui ne sentira, qu'une inuention humaine, produite plusieurs centaines d'annees apres le temps des Apostres, doieue preualoir à l'ordonnance diuine, faite dès la creation du monde.

Mais sur le septime, on iugeoit que c'estoit vne façon de parler captieuse, de condamner pour heretique qui dira, Que l'Eglise a erré, enseignant que par l'adultere le mariage n'est point desfait. Car d'un costé, si quelqu'un disoit absolument, que par l'adultere le mariage est dissout sans dire ne penser qu'aucun ait erré ou non, en enseignant le contraire; il sembleroit n'estre point compris en cet anathematisme, & de l'autre, il n'appert point comment aucun peut auoir ce sentiment, sans tenir le contraire pour erreur. Et pourtant on disoit, qu'il falloit parler nettement, & dire tout rondement, que par l'adultere le mariage n'est point desfait, ou bien que toutes les deux opinions sont probables, sans en faire vn Article conceu en terme expres & precis. Mais ceux, qui discouroient ainsi n'auroient peut estre, fait ces difficultez, s'ils eussent seu les causes, pour lesquelles on parla en cette sorte; dont mention a esté faite cy dessus.

Le neuvième Canon fut contreroolé en ce qu'il dit, Que Dieu ne refuse le don de Contenance à ceux qui le luy demandent droitement. Car cela sembloit contraire à l'Euangile, qui dit, Que tous n'en sont pas capables, ains seulement ceux à qui il est donné de l'estre: & à S. Paul, qui n'exhorte pas ceux, qui ne se contiennent point, de demander le don de continence, ains leur permet de se marier.

Les Politiques s'ombragerent bien fort du douzième Anathematisme, que ce soit heresie de croire, que les causes matrimoniales n'appartiennent point aux Iuges Ecclesiastiques: attendu qu'il est certain, que toutes les loix des mariages ont esté faites par les Empereurs, & que les iugemens de ces causes-là ont esté administrés par les Magistrats seculiers, tout le temps que les loix Romaines ont esté en vigueur: ce qui appert euidentement par la seule lecture du Code Theodosien & Iustinien, & des Nouelles. Et encor auourd'huy restent des memoires, es formulaires de Cassiodore, des termes visitez par les Rots Goths es dispenses des degrés defendus, lesquelles alors estoient reputées appartenir au gouuernement politic, & non estre affaire de Religion. Et quiconque a connoissance de l'histoire fait assez, que les Ecclesiastiques sont entrez à iuger des causes de cette nature, en partie par commission, en partie aussi par negligence des Princes & Magistrats.

Au Decret de Reformation sur le Mariage, plusieurs se trouuerent empeschez sur ce qui y est dit d'entrée, Que les mariages clandestins sont

1563.

vrais Sacremens, & que cependant l'Eglise les a tousiours detestez: attendu que c'est chose fort contradictoire, d'estre Sacrement & d'estre detestable. Aussi sembloit-il aux Critiques chose ridicule, que le Curé demande aux mariéz leur consentement: & qu'apres l'auoir entendu, il dit, Je vous conioint au Nom du Pere, du Fils, & du S. Esprit, car ils disoient, Ou ils sont conioints sans ces paroles, ou ils ne le sont point. S'ils ne le sont point, donc ce que le Concile de Florence a determiné n'est pas vray, assauoir, Que le mariage est accompli & parfait, par le seul consentement des parties; s'ils le sont, qu'elle conioction est celle, que fait le Prestre de perlonnes ia coniointes? Que si aussi le Verbe, Je conioint, estoit interprete, par, ie declare conioints, on viendroit à ouurir vne porte, pour conclurre, que les paroles de l'absolution en la Penitence, ne sont aussi que declaratoires. Et en quelle façon qu'on les prist, ils disoient, que ce Decret n'auoit esté fait à autre fin, sinon pour faire, dans peu de temps, Article de foy, que ces paroles prononcées par le Curé, sont la forme du Sacrement.

Quant à la cassation des mariages clandestins, il n'y eut pas moins à dire, de ce qu'il y auoit eu au Concile mesmes, car les vns louoyent le Decret iusques au Ciel; les autres disoient, que si les mariages de cette sorte estoient Sacremens, & par consequent instituez de Christ; & cependant l'Eglise les auoit en tout temps detestez, & enfin annullez; on ne pouuoit voir, comment cela pouuoit estre sans taxer de faute, ou du moins, de negligence ceux qui n'y auoient pas pourueu dès le commencement. Et quand le bruit s'espandit de la distinction entre contract de mariage, & mariage, sur laquelle estoit fondé de Decret, qui portoit, Que le contract, qui est la matiere du Sacrement, est annullé: il y eut bien de la difficulté à faire comprendre qu'il y ait aucune distinction entre le contract de mariage: & entre le mariage, & le Sacrement, & principalement, attendu que le mariage a esté indissoluble auant qu'estre Sacrement, car Nostre Seigneur Iesus Christ ne le prononça point indissoluble, comme estant institué de luy, ains de Dieu au Paradis terrestre; & mesmes, quand ores on admettroit que le contract matrimonial est vne chose humaine, & ciuile, separée du Sacrement, laquelle peut estre annullé; d'autant disoient que la cassation n'en appartiendroit point au iuge Ecclesiastic, mais au Seculier, à qui il touche de reigler tous contracts ciuils, & d'en connoistre.

La raison alleguee pour moderer les empeschemens matrimoniaux, estoit bien iugee raisonnable; mais aussi remarquoit-on, qu'elle inferoit de necessité des plus grandes restrictions, que celles qui auoient esté arrestees; attendu qu'il n'arriuoit pas de moindres inconueniens par les empeschemens confirmez par les abolis. La fin de l'Article des dispenses matrimoniales, esmut entre les curieux vne vaine question: assauoir, Si le Pape, les prenant toutes à foy, auoit causé plus de profit que de dommage à son autorité. Ceux qui maintenoient qu'il y auoit de l'auantage pour luy, allegoient l'immense quantité d'or, qui par ce canal de dispenses, découle en la Cour de Rome: & les obligations, que le Pape, par le moyen d'icelles, acquiert sur les Princes, lesquels par ce moyen il contente en leurs appetis, ou interets: & quant & quant oblige à maintenir son autorité, de laquelle seule depend la legitimite de leurs enfans & successeurs. Mais à l'opposite on mettoit en contrepoids la perte des reuenus d'Angleterre, & de l'obeyssance de cette Couronne, qui egalait bien, ains surpassoit tous les profits & les amitez acquises par les dispenses.

Les François censuroient le Decret, qui porte, que le ravisser soit tenu de doter la femme rauie, à l'arbitrage du Iuge: disant, Que les ordonnances sur les dots ne peuvent estre faites par autorité Ecclesiastique, & que cette clause n'estoit qu'un artifice pour oster souplement la connoissance de ce delit au Iuge seculier. Car, s'il appartient à l'Ecclesiastic de faire la loy, il touche à luy aussi de iuger la cause. Et combien que le Decret portast absolument à l'arbitrage du Iuge, il ne falloit point douter, disoient-ils,

que si le Concile se declaroit, il n'entendist du seul Iuge Ecclesiastic. Aussi tenoient-ils estre vne vsurpation de l'autorité temporele, de punir les seculiers d'infamie, & d'incapacité des honneurs & dignitez. Semblablement, ils n'approuuoient point l'ordonnance contre les concubinaires, qui porte que perseuerans vn an en excommunication, ils soient punis par le Iuge Ecclesiastic, attendu que l'extreme, derniere & souueraine entre les peines Ecclesiastiques, est l'excommunication, selon la doctrine de tous les Peres, dont de vouloir passer outre icelle, est empier sur la puissance temporele, de tant plus, que le Concile donne puissance au Iuge Ecclesiastic, de chasser les concubines des Villes & Dioceses, aussi de dire, qu'il implore le bras seculier, si besoin est, est vne pure mocquerie de la puissance seculiere, & par là est inferé, que d'ordinaire, l'Ecclesiastic peut venir à l'execution de ce bannissement.

Quant au Decret de la reformation generale, le premier Chapitre estoit marqué ou de defect, ou de presumption: car si l'autorité du Concile s'estend iusques à imposer loix au Pape, sur tout en choses si iustes, il n'estoit pas raisonnable de le faire en forme narrative, & par obliquité & destours de paroles, que si aussi le Concile doit receuoir ses loix du Pape, il ne pouuoit desdire qu'il n'eust passé ses bornes, attendu qu'obliquement, mais aussi aigrement, il reprenoit les actions passées du Pape present, & des autres. Les hommes versez en l'histoire Ecclesiastique, disoient que de tirer à Rome toutes les causes des Euesques, estoit vne police nouvelle, pour aggrandir tousiours d'auantage la Cour de Rome: veu que par tous les exemples de l'Antiquité, & par les Canons des Conciles de ce temps-là, il appert que les causes des Euesques, voire mesmes des depositions, estoient traitees au propre pays de chacun. Ceux qui attendoient quelque reglement sur l'abus des pensions, apres qu'ils eurent veu ce qui en estoit decreté au treizième Chapitre de cette Session, iugerent qu'il escheoit bien de passer à plus forte correction sur cette matiere, comme aussi l'euénement l'a bien demonstré. Le quatorzième estoit loué de tous, d'autant qu'il sembloit que par iceluy estoient abolies les Annates, & le payement des Bulles, qui s'expedient à Rome, pour la collation des Benefices. Mais, dès qu'en progres de temps on a veu que ces payemens continuoient, & que iamais on n'a pensé ny à les oster, ny à les moderer, on s'est apperceu qu'on ne retranchoit que les menus abus des autres Eglises, & s'est verifié le dire de l'Euangile, Qu'on a travaillé à oster les festus des yeux d'autrui, sans se soucier de tirer les gros cheurons des siens propres.

Quant à l'ordonnance touchant l'vnité, ou, au plus, dualité des Benefices, tout homme sage iugea incontinent, que nostre siecle n'estoit pas digne d'un si beau reiglement: & qu'il ne seroit obserué, sinon enuers quelques miserables. Semblablement chacun pronostiqua que l'examen en concurrence, en la collation des Eglises parochiales, seroit eludé par quelque fausse & mauuaise interpretation: & la prophetie en fut bien tost verifiée, quand subit apres il fut dit & déclaré à Rome, qu'en cas de resignations, la concurrence ne deuoit point estre obseruée: mais qu'il suffisoit que le Resignataire fust examiné: ce qui n'a esté autre chose qu'abolir le Decret en grande partie: d'autant que, par la resignation, les meilleurs, & plus dignes, sont exclus: & est preferé celuy, qui plus agréé au Resignant, & cependant les Benefices communément ne vaquent pour autre cause, si ce n'est casuelement. On remarquoit aussi que le Decret de la conoissance des causes en premiere instance, estoit tout à fait renuersé par l'exemption & reserué annexée, assauoir des causes qu'il plaira au Pape de commettre ou d'euoquer à soy: car iamais les causes n'auoient esté ostées aux tribunaux legitimes, sinon par commissions & euocations Papales: & maintenant, fomentant la cause du mal, on pense seulement le symptome. Et, combien que cette addition, de cause vrgente & raisonnable, sembla reigler le fait, les entendus toutesfois sauoient fort bien que ces

1563. paroles ne vouloient dire autre chose, que pour cause quelconque arbitraire.

Mais sur le dernier Chapitre, dont on auoit esté en attente ia par tant de mois, & qui touchoit au vif la liberté du Concile, quand on vid la declaration faite par iceluy, que son intention n'auoit point esté de rien alterer, en la façon ordinaire de traiter, gardée és Conciles: ne d'adiouster ou d'oster chose quelconque à aucun, hors des anciennes constitutions, les sages dirent, qu'à l'esgard du present Concile, la declaration estoit contraire au fait: & qu'elle estoit publiée hors de saison, alors qu'elle ne seruoit plus de rien, & qu'on ne s'en pouuoit plus preualoir, comme vne medecine appliquée à vn corps mort. Autres aussi se raillans, disoient que c'estoit la consolation donnée au bon homme, par sa femme, laquelle se faisoit engrosser par vn autre, disant que ce n'estoit point faire tort à son mary. Mais à l'esgard de l'exemple donné à la posterité, ils disoient que par là ce Concile auoit enseigné le moyen, par lequel on pouuoit és Conciles, dès le commencement iusques à la fin vser de toute violence & excez: & cependant, par vne telle declaration, excuser, voite iustifier toutes les fautes commises, & mesmes les soutenir comme legitimes.

Le Roy de France, procede à l'alienation des biens d'Eglise sans le consentement du Pape: En ce mesme temps, trois nouuelles arriuerent en France, qui furent receuës avec desplaisir: outre la tenuë de la Session du Concile. La premiere, la response du Pape sur l'alienation des biens d'Eglise à cent mil escus de reuenue: la deuxieme, la protestation qui auoit esté faite au Concile, & ensemble l'alteration qui en estoit auenue à Trente, & à Rome: la troisieme, la sentence contre les Euesques & l'adiournement de la Royne de Nauarre. Sur lesquelles choses les François firent grande consideration: & se resolverent de ne traiter plus avec le Pape, pour obtenir de luy la grace de cette alienation: ains de proceder à l'execution de l'Edit du Roy, verifié en Parlement, sans autre adueu du Pape. Ce qui fut fait tout promptement. Mais il se trouua peu d'acheteurs: tant pource que le monde ne se porte pas hastiuement à desbourser argent, que pour les offices que faisoient les Ecclesiastiques à l'encontre, remonstrans que tels contracts au temps à venir ne seroient tenus pour valides, par defaut de la confirmation du Pape. Et en fin le tout reüssit à peu de Benefice du Roy, & aussi à peu d'auantage du Clergé: mais en aduint seulement, que la vente en fut faite à bas prix: & ne s'en tira que deux millions & demy de liures: somme bien petite à proportion des fonds qui furent alienez, dont la vente fut faite à raison de douze pour cent, en lieu que s'auroit esté encor à bon marché de la faire à raison de quatre. Et est chose digne de memoire, qu'entre les biens alienez, fut aussi la Iurisdiction, que l'Archeuesque de Lyon auoit iusques alors eue sur la ville, laquelle fut vendue au plus offrant & dernier encherisseur, & acquise au Roy pour trente mil liures tournois. Mais sur les grandes plaintes, qu'en fit l'Archeuesque on luy adiousta, pour supplément de prix, quatre cens escus de reuenue.

adnouë ses Ambass. en la protestation faite, Quant à la protestation, faite au Concile, le Roy escriuit à ses Ambassadeurs, en date du neuſieme Nouembre, qu'ayant veu ce, que le Cardinal de Lorraine luy auoit escrit à l'encontre de leur protestation; & ouy le rapport de l'Euesque d'Orleans de tout ce qui s'estoit passé au Concile; il aduouoit la protestation, & leur retraite à Venise: & commandoit que du Ferrier ne se partist de là, iusques à nouveau commandement, lequel il leur enuoyeroit, lors qu'il auroit aduis, que les Articles seroient reformez en sorte, que ses droits Royaux & ceux de l'Eglise Gallicane, ne seroient plus mis en debat. Il escriuit aussi au Cardinal de Lorraine, Que luy ensemble son conseil, auoient reconu, que ses Ambassadeurs estoient venus à faire ladite protestation avec grande & iuste cause. Car, comme il entendoit de perseuerer en l'vnion & en l'obeyſſance de l'Eglise, aussi vouloit-il conseruer inuiolemment les droits de sa Couronne: sans permettre qu'ils fussent reuozquez en doute, ou mis en dispute, ne s'astreindre à les produire. Qu'on ne pensast

Et en escriu au Card. de Lorraine.

point de le contenter, en disant enfin, sauf & reservez les droits: voulant, sous cette couleur, l'obliger à en faire apparoir: car il estoit resolu de s'y ^{1563.} opposer. Et quand luy Cardinal verroit les Articles, en la manière qu'ils auoient esté proposez il iugeroit luy-mesmes, que les Ambassadeurs ne pouuoient faire autrement, que former opposition. Qu'il auroit bien desiré, que ses Ambassadeurs la luy eussent auparauant monstrée: mais qu'ils estoient à excuser, pour l'occasion née soudainement, & pour les circonstances qu'il auoient produite, & pour les soupçons qu'il y auoit qu'il n'y eust quelque artifice pour precipiter la decision. Que si le Pape n'auoit intention qu'on touchast aux droits de l'Empereur, & Roys, ne qu'ils fussent mis en dispute, comme luy Cardinal luy faisoit entendre, il estoit donc raisonnable, que sa Sainteté adressast son offense contre les Legats, qui auoient proposez les Articles, en nommant Empereur, Roys & Republiques: & non contre ses Ambassadeurs. Qu'il iugeoit que la protestation seroit iustifiée par toute la Chrestienté, dès que les Articles auroient esté veus. Et puis que les Legats auoient proposez ces Articles contre l'intention de sa Sainteté, il n'estoit pas expedient de se remettre plus à leur discretion, ny de faire retourner les Ambassadeurs à Trente, tant qu'on eust pleine assurance, que d'iceux ne seroit plus parlé: promettant qu'alors il les y feroit retourner.

Sur le fait de la citation de la Roynie de Nauarre, & de la sentence contre les Euesques, le Roy donna charge à Henry Clutin, sieur d'Oysel, son Ambassadeur à Rome, qui auoit succédé à de l'Isle, de parler au Pape, & luy dire, <sup>fait renou-
quer la ci-
tation de
la Roynie
de Nauar-
re, & la
sentence
contre les
Euesques;</sup> Que le Roy auoit entendu avec grand desplaisir, ce qu'il n'auoit pû croire par le bruit courant: mais seulement, dès qu'il auoit eu copie des monitoires affichez à Rome; qu'on eust entrepris de proceder en cette sorte, contre vne Roynie, laquelle il estoit obligé de proteger, premierement, pource que la cause & peril d'icelle estoit commun à tous les Roys, lesquels aussi pour cela estoient tenus de luy aider, comme en vne cause appartenante à tous: & de tant plus, qu'il s'agissoit d'une veſue, mais que l'obligation de luy Roy de France estoit encor plus grande, à l'esgard du parentage, qu'il auoit avec elle, des deux costez, paternel & maternel, & de la consanguinité qu'il auoit avec son feu mary, decedé peu de temps auparauant en guerre contre les Huguenots, laissant ses enfans pupilles, & pourtant qu'il ne pouuoit abandonner la cause d'icelle, imitant en cela l'exemple de ses Ancestres, & principalement aussi, d'autant qu'il ne deuoit souffrir, que sous pretexte de Religion, aucun fist guerre à ses voisins: adioustant que ce n'estoit pas vn oeuvre de pieté de ietter, pour cette cause, les Royaumes de France & d'Espagne, nouvellement conioints ensemble en amitié, en danger d'une cruele guerre. En suite il remonstra, que ladite Roynie ayant plusieurs fiefs en France, elle ne pouuoit, par les droits, & priuileges du Royaume, estre contrainte à comparoir, ou estre en droit, hors d'iceluy, ny en personne, ny par Procureurs. Et là dessus allegua plusieurs exemples de Princes, & de Papes, qui auoient procedé avec la moderation requise & legitime. Il toucha en outre la forme de la citation par Edit, comme chose inouïe à l'Antiquité, & inuentée par Boniface huitième: laquelle aussi, comme trop dure, & inuſte, Clement V. auoit moderée au Concile de Vienne: adioustant, qu'en tous castelles citations ne peuuent auoir lieu, que contre ceux, qui habitent en lieux, ausquels n'y a libre accès: & que ladite Roynie demeurant en France, c'estoit vn grand tort fait à luy, & au Royaume, d'vser de telle procedure: comme aussi il prenoit à grand tort & outrage, que les fiefs qu'icelle Roynie tenoit en France, fussent ainsi exposez en proye, & abandonnez au premier saisissant: attendu qu'en tout cas le droit luy en appartenoit. Et adiosta que tout le monde prenoit grande matiere d'esbahissement que sa Sainteté, laquelle auoit tant affectueusement fauorisé la cause du feu Roy Anthoine enuers le Roy d'Espagne, voulust à present opprimer les enfans & la femme d'iceluy. Mais il se plaignit par sus tout, que tant de Roys, Princes, & Villes, s'estans departis de l'Eglise Romaine des quarante ans, il n'eust

1563.

procedé en cette sorte à l'encontre d'aucun autre: que cela monstroït bien, qu'on y auoit autres intentions, que le salut de l'ame de la Roïne. Il exhorta de plus le Pape de se souuenir, que sa puissance luy estoit donnée pour le salut des ames, & non pour destituer les Princes de leurs Estats & Seigneuries: ny pour ordonner autre chose quelconque es possessions des biens terriens: ce qui ayant esté autresfois entrepris par autres Papes en Allemagne, estoit tourné au grand preiudice du repos public. Et pour la fin, il pria le Pape, qu'il eust à reuoker les Aâes intentez contre la Roïne: & passa iusques aux protestations, qu'à defaut de ce faire, il se seruiroit des remedes, employez autresfois par ses Ancestres. Il se plaignit aussi de la procedure tenuë en la cause des Euesques: & commanda à son Ambassadeur, de représenter au Pape les exemples anciens en semblables cas, & de luy exposer les libertez & immunitiez de l'Eglise Gallicane, & l'autorité du Roy es causes Ecclesiastiques: & de le prier en suite de ne faire à present tant d'innouations. Monsieur d'Oysel fit la commission avec beaucoup de vehemence: & apres plusieurs negotiations avec le Pape, il obtint qu'il ne se parleroït plus de la Roïne de Nauarre, ne des Euesques.

*Conclusion
prise à
Trente de
clorre le
Concile par
vne seule
Session,*

Pour retourner à Trente, apres la Session, les Legats prirent vn concert entr'eux, & le Cardinal de Lorraine, avec communication des principaux & chefs des partisans du Pape, qui estoient les Archeuesques d'Otrante, & de Tarante & l'Euesque de Parme; & des Ambassadeurs de l'Empereur; de terminer le Concile par vne seule Session: dequoy le Cardinal de Lorraine commença à espandre de petits bruits: disant, qu'il luy estoit impossible d'estre à Noël à Trente: qu'il estoit contraint, & luy & tous les Euesques François, de partir auant ce temps-là: qu'il auroit bien desiré de voir le Concile acheué, & auroit grand regret de laisser vne si honorable assemblée: mais qu'il ne pouuoit faire autrement, attendu le commandement qu'il en auoit. Les Ambassadeurs de l'Empereur aussi publierent par tout le Concile, que l'Empereur sollicitoit la closture & expedition: & que le Roy des Romains escriuoit, qu'il fust acheué à la S. André, ou pour le plus tard, & dernier terme, au commencement du mois prochain. Et de vray ledit Roy sollicitoit l'expedition tout à bon, non pour faire plaisir au Pape, mais d'autant qu'il sentoït qu'il le falloit ainsi faire: parce que la tenue d'une Diete d'Empire approchant, il ne vouloit pas que pendant icelle, il y eust aucuns Ambassadeurs de son pere au Concile: & disoit tout publiquement, que si le Concile estoit clos, les affaires de la Religion se porteroient beaucoup mieux en Allemagne.

Ces choses estans receuës avec beaucoup de contentement par la plus part des Peres, le Cardinal Moron tint, le quinziesme Nouembre, vne Congregation en son logis: à laquelle il appella les Legats, & les deux Cardinaux, & vingt-cinq Euesques, des principaux de chaque nation, & proposa que le Concile ayant esté conuoqué pour les necessitez d'Allemagne, & de France; à present l'Empereur, le Roy des Romains, & le Cardinal de Lorraine, & tous les Princes, faisoient instance qu'on le terminast: & pourtant, qu'ils dissent leurs aduis sur la closture d'iceluy, & sur le moyen qu'il y falloit suiure. Le Cardinal de Lorraine, dit, Qu'il estoit necessaire de le terminer, pour ne tenir plus en suspens la Chrestienté: & pour esclaircir les Catholiques de ce qu'ils auoient à croire, & pour oster l'*interim* d'Allemagne, lequel, ayant esté estably pour durer iusques à la fin du Concile, ne pouuoit estre osté par autre moyen: & que de le continuer plus longuement, estoit au detrimēt de l'Eglise Catholique. Et que pour vne autre raison encor il falloit y mettre fin: assauoir pour obuier qu'il n'en fust tenu vn National en France. Et quant au moyen, il dit qu'on le pourroit acheuer par vne Session, en laquelle on traitast du demeurant de la Reformation, expediant aussi tout d'une main ce qui appartenoit au Catechisme, & à l'Indice des liures defendus, lesquelles choses estoient ia toutes prestes, & remettant tout le demeurant au Pape, sans disputer des Articles des Indulgences, & Images, & sans faire

Anathematismes contre aucuns heretiques particuliers, ains s'en passant en termes generaux. Tous consentirent bien en quelque façon à clore le Concile, fors l'Archeuesque de Grenade, lequel dit, Qu'il s'en rapportoit à l'Ambassadeur de son Roy. Mais quelqu'un proposa, qu'il n'estoit possible de le terminer absolument: attendu qu'il demeurait encor tant de matieres à traiter: mais qu'on le pouuoit faire, en intimant vn autre Concile dedans dix ans: ce qui seruiroit, pour empescher; que les Prouinces ne tinssent Conciles Nationaux, & quant & quant pour remettre à ce temps-là la determination du demeurant des matieres & les Anathematizations. L'Euesque de Bresse proposa, qu'on trouuast quelque expedient moitoyen, entre closture totale, & suspension: car, par la closture on desespereroit les heretiques, & par la suspension on ne satisferoit point aux Catholiques. Mais ces aduis n'eurent point de suite: car les autres adhererent tous à celui qu'auoit proposé le Cardinal Moron.

Quant au moyen, l'Archeuesque d'Otrante dit, Que c'estoit chose necessaire & pratiquée par tous les Conciles, d'anathematiser les heretiques: ains, qu'en cela gisoit le propre effet requis des Conciles: d'autant que plusieurs ne sont point capables d'entendre la verité ou fausseté des opinions: & les suivent, qui abhorrent par le seul credit ou descry des auteurs. Que le Concile de Calcedoine, remply de personnages fort sauans, pour s'claircir, si Theodoret, Euesque de Cyre, homme tressauant, estoit Catholique ou non, ne le voulut point ouyr, s'offrant à rendre conte de sa foy: mais requit seulement, qu'il prononçast Anatheme contre Nestorius. Que si en ce Concile ils n'anathematisoient Luther & Zuingle & autres chefs ia morts, & d'entre les viuans ceux qui suiuoient leur doctrine, on pourroit dire, que le Concile auroit travaillé en vain. Le Cardinal de Lorraine repliqua, qu'à temps diuers conuenoient aussi diuers aduis & conseils, qu'alors les differends en la Religion estoient entre les Euesques & les Prestres: & que les peuples n'y estoient que par accessoire, & les Grands, ou ne s'en entremettoient pour tout point; ou, s'ils adheroient à quelque heresie, ne se rendoient pas Chefs. Mais à present, il en est tout autrement, car on ne peut appeller les Ministres & Prescheurs des heretiques Chefs de secte; ains ce sont les Princes, aux interets desquels les Docteurs & Prescheurs se composent & accommodent. Que si on vouloit nommer les vrais chefs des heretiques, il faudroit specifier la Roynie d'Angleterre, la Roynie de Nauarre, le Prince de Condé l'Electeur Palatin, l'Electeur de Saxe: & plusieurs autres Ducs & Princes d'Allemagne: ce qui pourroit causer qu'ils s'vnissent entr'eux, & s'en ressentiroient, dont pourroit aduenir du scandale: & quand mesmes on ne proposeroit que la condamnation de Luther & de Zuingle, ils s'en irriteroient en sorte, qu'il en naistroit quelque grande confusion. Et pourtant, qu'il falloit s'accommoder, non à ce qu'on desiroit, mais à ce qu'on pouuoit: & tenir pour meilleure la resolution, laquelle sortiroit moins des termes de la generalité.

Le Cardinal Moron enuoya appeler les Ambassadeurs Ecclesiastiques; auxquels il communiqua la proportion; & les aduis de l'Assemblée: & eux aussi de leur part consentirent à la closture & au moyen, conformément à l'opinion du Cardinal de Lorraine. Par aduis de tous, la resolution fut enuoyée à communiquer aux Ambassadeurs seculiers, lesquels y consentirent tous, fors celui d'Espagne, lequel respondit, Qu'il ne scauoit point encor l'expresse volonté du Roy, son Maistre, sur cela: mais, qu'il requeroit qu'on interposast autant de temps, qu'il estoit necessaire pour en estre aduertý. Ce nonobstant, les Legats, resolu de mettre en execution la deliberation prise, produisirent le Chapitre touchant les Princes, pour en faire opiner: ayant retranché les Anathemes & tous les Articles particuliers: & renouuelant seulement les anciens Canons, de la liberté & iurisdiction Ecclesiastique & parlant des Princes avec beaucoup de reuerence: les exhortant simplement à faire que leurs ministres ne les violassent point. Le mesme iour au soir,

1563.

*Or du moye
à suivre en
cela, par
termes ge-
neraux,
sans aná-
themes
particu-
liers.*

*tous les
Ambass.
consentent*

*fort celuy
d'Espagne
auquel on
n'a égard.*

*ains on fa-
cilité tous
les empes-
chemens;*

1563. fut tenuë Congregation, pour commencer à parler de la Reformation, & fut ordonné, qu'on tiendroit deux Congregations le iour, iusques à ce que tous eussent opiné.

*comme de
la suiecti-
on des Cha-
pitres d'Es-
pagne aux
Euesques,*

Es Congregations, les opinions estoient dites avec tres-grande briueté, & resolution, sauf que par vn petit nombre d'Espagnols, lesquels desiroient mettre empeschement à l'expedition, laquelle tous les autres s'efforçoient d'auancer par la briueté. La plus grande difficulté fut sur le sixième Chapitre touchant la suiectiion des Chapitres aux Euesques, pour le grand interest, qu'y auoient, non seulement les Euesques, mais aussi le Roy d'Espagne, duquel l'aduantage estoit de rabbaïsser l'autorité des Chapitres, afin qu'ils ne pussent trauerser les subsides, que le Roy impose souuent en Espagne: d'ailleurs aussi, pour le grand port & faueur des Legats enuers les Chapitres: ce qui, ensemble les raisons alleguées sur ce fait, fit que plusieurs Italiens, lesquels, auparauant sembloient fauoriser les Euesques, se tournerent en faueur des Chapitres. Pour cela le Comte de Lune despescha en diligence vn Courrier exprez à Rome: & par aduis d'iceluy l'Ambassadeur Targas fit office enuers le Pape, pour la cause des Euesques. Mais le Pape, se remettant à son accoustumée au Concile, l'Ambassadeur se plaignit, que les Prelats Espagnols auoient esté pratiquez pour changer d'opinion en cette matiere: à quoy le Pape tout promptement repartit, Qu'ils auoient changé d'aduis, pource qu'ils estoient en liberté: mais que l'Agent des Chapitres ne c'estoit pas party en liberté, ayant esté dechassé. Et à cette occasion, il se doulut du Conte de Lune, qui faisoit tout son possible à Trente, pour empeschier que le Concile ne fust terminé. Le Pape ne laissa pas pourtant d'escrire selon la requeste del'Ambassadeur: mais toutesfois en termes, qui ne desfauiroient point les pretensions des Chapitres. Et en fin le Decret fut formé, avec quelque accroissement d'autorité aux Euesques en Espagne, mais non si grand que ils desiroient.

*des droits
de patro-
nage de la
Republi-
que de
Venise,*

Les Ambassadeurs de Venise firent instance, qu'au Chapitre des droits de patronage, ceux de leur Republique fussent exceptez, comme estoient ceux del'Empereur & des Rois. Les Legats desiroient de leur complaire, mais il y eut de la difficulté à en trouuer le moyen: car, d'excepter toutes les Republiques, estoit chose qui s'estendoit trop auant: aussi de specifier celle de Venise, sembloit matiere de ialousie. Mais en fin ils y trouuerent vn expedient, de la comprendre au nombre des Roys: en declarant que, sous iceux, sont entendus aussi les Estats qui possèdent Royaumes, ores qu'ils n'en portent le nom.

*de la con-
firmation
du Concile
par le Pape*

En la Congregation du vingtième Nouembre, il fut proposé de demander au Pape la confirmation de tous les Decrets du Concile, tant faits sous Paul & Iules, que sous le Papat de sa Sainteté. Mais l'Archeuesque de Grenade y fit vne difficulté: disant, qu'en la sixième Session, qui fut la dernière du Concile tenu sous Iules, lors que le Concile fut suspendu, il fut aussi ordonné, que tous les Decrets, iusques alors arrestés par le Concile, fussent gardez, sans dire, qu'il y eust aucun besoin de confirmation: & partant, que de requerir à present confirmation du Pape. n'estoit autre chose, que condamner ces Peres; lesquels en ce temps-là auoient iugé, que ils pouuoient estre mis en execution sans aucune confirmation: adioustant, qu'il ne le disoit point, comme improuuant qu'on requist cette confirmation: mais afin, que considerant l'obiection qu'on y pouuoit faire, on trouuast moyen d'vser de paroles qui ne portassent preiudice. L'Archeuesque d'Otrante luy respondit, Que le Decret qu'il designoit, bien loing de fauoriser l'obiection qu'il en tiroit, qu'au contraire il la resoluoit: monstrant clairement, qu'il ne tenoit point les ordonnances faites pour obligatoires: attendu qu'il ne commandoit point, ains seulement exhortoit qu'elles fussent receuës & gardees: dequoy on ne pouuoit alleguer autre cause, que le defect de la confirmation. L'Archeuesque de Grenade acquiesça: & de commun consentement, la deliberation fut prise, selon qu'il auoit esté proposé. Mais il y eut quelque

quelque diuersité d'avis au moyen: car vne grãde partie ne trouuoit pas bon, que le Concile demandast la confirmation, & cependant se separast sans attendre la responce: alleguant, qu'il y alloit de l'honneur, & du Siege Apostolic, & du Concile: & qu'il sembleroit qu'il y eust eu collusion entre l'un & l'autre: car autrement, en cas que, quelque chose ne fust point confirmée, si faudroit-il que la prouision & reglement se fust par le mesme Concile. Pour satisfaire à ceux-cy, le Cardinal Moron eust voulu, qu'en la Session prochaine, intimée au neufuiesme Decembre, laquelle ils estimoient deuoir durer trois iours consecutifs, pour la multiplicité des matieres; qui escheoient à publier en icelle; au premier iour fust despesché vn Courrier au Pape, pour requerir la confirmation: & qu'au retour d'iceluy, on tint vne autre Session, sans faire en icelle autre action, que de congédier le Concile. Mais cet aduis auoit aussi beaucoup de contradiction. Car on disoit, Si on veut que le Pape vienne à confirmer les Decrets tout à pied leué, sans les voir & examiner, la difficulté susdite de la collusion retourne sur les rangs, que si aussi on y requiert l'examen, il y va l'espace de quelques mois. En fin, le Cardinal de Lorraine remonstra aux Peres; que ces difficultés allongeroient le Concile: & que luy, & les François, estoient obligés, par le commandement du Roy, de s'en retourner, acheué ou non acheué que fust le Concile: & que quand ils seroient tous partis, le Concile ne se pourroit plus appeller General; y manquant vne nation: & qu'ainsi, non seulement il y auroit grãd dechet de l'honneur & dignité d'iceluy, mais mesmes, cela pourroit produire des Conciles nationaux, & autres difficultés. Cete demie protestation, ensemble les offices des gens de l'Empereur, fut cause, qu'apres auoir mis le fait en deliberation par plusieurs fois, la resolution fut prise, de demander la confirmation, & de congédier le Concile tout en vne mesme Session.

Le Cardinal de Lorraine escriuit en diligence à l'Ambassadeur du Ferrier *lequel* à Venise, que, puis que le Chapitre des Princes estoit accommodé, il retour- *pourtant* nast à Trente. Mais il luy respondit, Qu'il ne le pouuoit faire, sans expresse *ne peut* commission du Roy: lequel, par ses lettres du neufuiesme Nouembre, luy *faire reue-* auoit escrit, comme aussi au Cardinal, Que, quand le Decret seroit refor- *nir l'Amb-* mé, & qu'il en auroit eu aduis, il renuoyeroit à Trente son Ambassadeur. Et *bass. du* *Ferrier,* pourtant, qu'il estoit obligé d'attendre le commandement du Roy. Mais, il ne laissa pas d'escrire au Roy, qu'il n'auoit pas iugé expedient pour le bien de son seruice, d'y retourner: d'autant que les droits Royaux, & les libertés de l'Eglise Gallicane, estoient violées aussi en autres Decrets publiés en icelle Session.

La matiere de la Reformation pour la Session, estant reduite à bon point, *deputés à* charge fut baillée au Cardinal de Vvarmic, en compagnie de huit autres *former les* Prelats, de former le Decret du Purgatoire, de l'Inuocation & Veneration des Saints, & des Reliques & Images. Et, nonobstant qu'ils eussent tous *Decrets* vn mesme but general, de ne mettre en champ choses qui pussent achopper *du Purga-* la conclusion, ils n'estoient pas toutesfois bien d'accord es particularités: *toire, &* Car aucun d'eux vouloient qu'en la matiere du Purgatoire on fust mention *autres tous* du feu & du lieu, comme il auoit esté fait au Concile de Florence. Autres *conceus* disoient, que cela n'estoit point sans controuuerse: & ven qu'il estoit impos- *somma-* sible, pour estude & diligence qu'on y mist, de trouuer paroles & termes, *rement:* qui pussent exprimer la chose au gré de tous, il valloit mieux ne dire autre, sinon, que les bonnes oeures des fideles seruent & profitent aux morts; pour la remission & relaschement des peines. L'Archeuesque de Lancian ramentut, qu'en la doctrine de la Messe il auoit esté dit, Que ce Sacrifice-là est offert pour ceux qui sont decedés en Christ, & ne sont encor parfaitement purifiés. Et que, par ces paroles-là, la doctrine du Purgatoire estoit suffisamment definie: dont, il n'escheoit de faire autre chose, sinon, d'ordonner aux Euesques, qu'ils la fissent soigneusement croire, enseigner, & prescher, en ostant & retranchant les abus: & qu'aussi ils eussent soin qu'on ne defaillist au deuoir des suffrages des Messes, oraisons, & aumosnes, que

les fideles ont accoustumé de faire pour les morts. Et en ce sens fut formé le Decret.

En la matiere des Saints, tous s'accorderent fort facilement à condanner particulièrement, & en detail, toutes les opinions contraires aux vs & coutumes del'Eglise Romaine. Mais sur le fait des Images, il y eut vn peu de differend. Car le susdit Archeuesque de Lancian ne vouloit point qu'aucun honneur leur fust du, que par rapport à la chose signifiée par icelles. Mais Lainez, General des Iesuites, qui estoit aussi des deputés à former le Decret adioustoit, qu'outre cet honneur là, qui leur est deferé par l'adoration rendue au Saint, religieusement honoré en icelles, il y a vne autre veneration, laquelle leur appartient proprement, lors qu'elles sont dediées & posées en lieu sacré, & en place d'adoration: & nommoit la veneration propre de l'Image, Obiectiue; & celle, qui n'est que par rapport, Relatiue.

On deputa aussi quelques Prelats, pour reuoir la Reformation de Religieux, & Religieuses: outre ceux, qui l'auoient dressée: ausquels aussi furent adioustés les Generaux des Ordres. Et en cete Congregation rien ne fut changé, sauf que là, ou au troisieme Canon il estoit permis à tous les Monastères des Reguliers mendiens de pouuoir posseder biens immeubles, non obstant la defense de leur institution, Frere François Zamorra, Espagnol, General des Freres Mineurs de l'Obseruance, fit instance que son Ordre fust excepté de cete permission: alleguant qu'iceluy entendoit de viure selon la regle de S. François, de laquelle il n'estoit pas raisonnable d'exempter ceux, qui ne le requeroient point. Il fut donc contenté, exceptant son Ordre: comme aussi celuy des Capuchins, à l'instance de Frere Thomas du Chastel, leur General. Le General des Iesuites fit bien aussi la mesme demande: disant, Que pour leurs Colleges, establis pour l'entretienement des Escholiers, non encor Religieux, ils pouuoient de vray tenir & posseder biens immeubles: mais, qu'aux maisons professes, esquelles essentiellement consiste la Societé, il n'est nullement permis de viure autrement que de mendicité, & d'aumônes, sans profession d'aucun fonds, ou biens immeubles. Ce qu'il obtint fort aisément. Mais le iour d'apres il retourna, & requit que cete exception fust rayée: disant, Que sa Societé estoit bien en volonté de se conseruer perpetuellement en la pure mendicité es maisons professes: mais, qu'elles ne se foucioient point d'en auoir l'honneur deuant le monde, & se contentoit d'en auoir le merite deuant Dieu: lequel seroit de tant plus grand, que, pouuant se preualoir de l'octroy du Concile, elle ne s'en seruiroit pourtant iamais. Cete deliberation fut prise par commun aduis des quatre Iesuites, qui estoient presens au Concile à la remonstrance du Iesuite Torres, lequel dit, qu'ainsi faisant, il seroit en leur liberté de se seruir del'octroy du Concile, ou de ne s'en seruir point, selon les occasions.

Le quinzieme Canon portoit, Que la profession ne püst estre faite auant l'aage de dix-huit ans accomplis: & que le nouitiat durast au moins deux ans, en quelque aage que le Nouice fust entré en la Religion. Mais tous les Generaux d'Ordre s'y opposerent, disans, Qu'il n'estoit pas raisonnable d'empescher l'entrée à la Religion à aucun capable de cognoistre ce qu'importent les vœus Reguliers: & que cete capacité auoit esté declarée par iugement del'Eglise à l'aage de seize ans, lors que le monde n'estoit point tant raffiné, & desgrossi, comme il est au temps à present: auquel pour cete raison il est conuenable d'abaisser l'aage plustost que de le hausser: & employerent ce mesme argument contre les deux ans ordonnés au Nouitiat. En fin, d'autant qu'ils tendoient à donner vn contentement general à tous, ils prirent deliberation de complaire aussi aux Generaux d'Ordre, & de ne rien innoüer en cet endroit.

Outre les vingt-deux Canons, qui furent puis apres publiés, il y en auoit vn autre, par lequel il estoit permis aux Prouinciaux, Generaux, & Chefs d'ordre, de pouuoir dechasser les incorrigibles hors de l'Ordre, & les priuer de l'habit. A quoy Iean Antoine Facchinet, Euesque de Nicaistre, s'opposa avec

beaucoup de vehemence : disant, que la profession, & l'acte d'admettre à icelle, sont vn contract reciproque, & comme vn mariage, par lequel le Monastere est obligé au profes, & le profes au Monastere : & comme le profes ne peut se departir, aussi le Monastere ne le peut chasser : & que ce Decret feroit, que toutes les villes seroient pleines de Moines dechassés, au grand scandale des seculiers: Mais l'Archeuesque de Rosan disoit à l'opposite, Qu'il n'y auoit point en ce fait la mesme relation que entre mary & femme, ains telle qu'entre pere & fils: en laquelle il n'est pas loisible au fils de desaduouier le pere, mais bien au pere d'emanciper le fils; & de le debouter, s'il est desobeissant. Et qu'il y auoit moins de mal, de voir des Moines dechassés par les villes, que de les auoir incorrigibles dans les Monasteres. Les Generaux n'estoient tous d'un mesme aduis en ce fait : les perpetuels approuuoient ce dechassement : & ceux qui ne sont qu'à temps, vouloient qu'il fust defendu. Mais, selon la coustume de la multitude, lors qu'elle delibere de quelque chose, la pluspart enclina à laisser les affaires en l'estat qu'elles estoient, & à ne faire aucun Decret ne pour l'une ne pour l'autre partie. Or il y eut en cete consultation vne chose, qui fut maintesfois, & par plusieurs repliquée, Que le peuple receuoit grand scandale, voyant des personnes se faire seculiers, apres auoir porte l'habit Religieux par plusieurs années. Ce qui mit en champ la question de la profession secrete & taisible : & fit debatre, s'il falloit la declarer valide, comme elle auoit esté iusques alors : ou bien dire, Que nulle profession n'oblige; sauf l'expresse. Cecy eut aussi ses difficultés, & contradictions : pour le temperament desquelles fut trouué cet expedient, de resoudre, Que le Prelat Religieux, l'an de sa probation reuolu, fust obligé, ou de licentier le Nouice, ou de l'admettre à la profession. Et cecy fut adiousté au Canon sixième, comme en sa droite place, & endroit conuenable.

Le General Lainez loüa souuerainement le Decret, comme necessaire: mais requit que la Societé des Iesuites en fust exceptée: alleguant, que la condition d'icelle estoit differente de celle des autres Ordres Reguliers: lesquels, par ancienne coustume & approbation du S. Siege, auoit lieu la profession mentale & taisible, en lieu qu'elle estoit interdite en leur Ordre. Qu'en leur Compagnie ne pouuoit auoir lieu le scandale, que le peuple peut prendre des autres Ordres, lors qu'il les voit en habit de Seculier, apres auoir par vn long-temps porté celuy de Religieux : attendu que l'habit des Iesuites n'estoit point diuers de celuy des Seculiers. Et qu'en outre, la Societé a vne ordonnance confirmée par le Siege Apostolic, que le Superieur peut admettre à la profession, par vn long terme de temps: ce qui n'a iamais esté permis à aucun Ordre Regulier. Tous enclinerent à favoriser Lainez en sa demande, en faisant cete exception. Mais en la couchant par escrit, Lainez opinast, que les regles de la langue Latine portoient, qu'on dist, Que par ces choses le Concile n'entendoit point d'alterer l'institution des Iesuites : & ne fut point considéré, que cete generalité, contenue en ces mots, se pouoit rapporter, non seulement à ce point, d'admettre ou licentier les Nouices au bout de l'an, mais aussi à tout le contenu au seizième Canon, voire à tous les seize Canons ensemble. Et le Pere Lainez se sceut bien seruir de cete inconsideration des autres, pour jeter vn fondement, sur lequel les Iesuites suiuaus pussent bastir la singularité, laquelle se void en leur Societé: sans astriction à aucune des ordonnances prescrites par les Conciles aux autres Ordres.

La Congregation du vingt-deuxième Nouembre trauailla sur la matiere des Indulgences. La difficulté & longueur de laquelle induisoit la pluspart à cet aduis, Qu'il ne s'en parlaist point: attendu que l'opinion estoit desia créée en tous, qu'il falloit eiter les achoppemens & difficultés. Néantmoins il y en auoit quelques autres, qui vouloient qu'on en traitast : disans, qu'en faisant autrement, on donneroit occasion aux heretiques de dire, qu'on auoit esquiué de parler des Indulgences, pource qu'on n'auoit point de raisons

1563. pour les soustenir. Autres estimoient, qu'il suffisoient de traiter seulement de l'usage d'icelles: & d'en retrancher les abus, que la corruption des temps a introduits. L'Ambassadeur de Portugal disoit aussi, qu'il ne pouuoit agréer qu'on ne fist aucun reglement sur les Croisades: mais toutesfois, qu'il vouloit se taire, de peur que delà aucun ne prist occasion d'allonger le Concile. Les Ambassadeurs mesmes de l'Empereur, quoy que tous vnis à solliciter l'expedition du Concile, selon la commission qu'ils en auoient eue de l'Empereur, & du Roy des Romains, son fils, leurs Maistres, n'estoient pas pourtant d'accord en ce point. L'Archeuesque de Prague vouloit, qu'on laissast de parler des dogmes. Mais l'Euesque des Cinq Eglises à l'opposite, disoit, que si on n'en traitoit point, & si on ne pouruoyoit aux abus des Reliques, & des Images, & du Purgatoire, le Concile seroit honny.

*resolu d'en
traiter
sommairement,* L'Euesque de Modene remonstra aux Peres, que, si on vouloit traiter des Indulgences à fonds, ainsi qu'on auoit fait de la Iustification, considerant & pesant toutes les causes, & resoluant toutes les questions; la chose seroit de longue haleine, & malaisée, & emporteroit vne infinité de temps: attendu qu'il estoit impossible de mettre cete matiere en pleine euidence, sans resoudre tout premier, si les Indulgences sont absolutions, ou bien compensations & suffrages: & si par icelles sont remises seulement les peines imposées par le Confesseur, ou bien aussi toutes les autres, qui sont dues. Et semblablement, si le thresor, qu'on pose pour fondement d'icelles, consiste es seuls merites de Christ, ou bien, s'il y a en outre besoin de ceux des Saints: & si elles peuvent estre données, sans que celuy, qui les reçoit, face de son costé aucun oeuvre: & si elles s'estendent aussi aux morts: & autres choses, de non moindre difficulté. Mais, que, pour determiner que l'Eglise a puissance de les donner, & pour dire, qu'en tout temps elle les a données, & qu'elles sont fort vtils aux fideles, en cas qu'ils les reçoient dignement; il n'y escheoit point tant de dispute. Que l'autorité de les donner se pouuoit verifier par l'Ecriture sainte; & l'usage continuel d'icelles par tradition Apostolique, & par autorité des Conciles: & que l'esclaircissement de toute la matiere pouuoit estre tiré de l'vniforme doctrine des Theologiens Scholastics: & que de tout cela se pouuoit former vn Decret, qui n'auroit point de difficulté. Cet aduis fut suiuy par plusieurs: dont le mesme Euesque fut deputé, en compagnie d'autres Euesques Moines, pour former le Decret, selon ce sens: y adioustant la prouision contre les abus.

*sur quel-
ques points
y ayant de
la loque
à crain-
dre,* Es suiuanes Congregations fut traité de l'Indice des liures defendus, du Catechisme, Breuiare, Messel, Ceremonial: & furent luës les choses deliberées es Congregations particulieres des Prelats, deputés sur ces matieres dès le commencement du Concile. Sur quoy se preparoient ia des disputes & debats: comme sur la censure des liures, les vns iugeoient que certains liures & auteurs estoient censurés à tort: les autres, qu'on en auoit obmis de ceux, qui meritoient beaucoup plus la censure: sur le Catechisme aussi, les vns disoient, que l'oeuvre qu'on auoit préparé n'estoit point propre pour vn Catechisme commun de l'Eglise, en laquelle la plus part est des simples & idiots: les autres desiroient qu'on y adioustast plus de choses, & plus hautes: & sur les liures Ceremoniaux, plusieurs requeroient vne vniformité en l'Eglise, autres maintenoient chacun les ceremonies de son Eglise. Dont les Legats, voyans que ces matieres ne pouuoient estre acheuées de decider en vn an tout entier, proposerent que le tout fust remis au Pape. Mais il y eut quelques Prelats, qui n'y consentirent point: & nommément l'Euesque de Leride, Espagnol, fit vne longue harangue, pour demonstrier, que, si chose quelconque appartenoit proprement à vn Concile, c'estoit la confection du Catechisme: attendu que c'est vn liure, qui doit tenir le premier rang apres le Symbole de la foy, en l'Eglise: & celle des Ceremoniaux, qui tiennent le second rang: en la correction desquels il y auoit besoin d'vne exacte cognoissance de l'Antiquité, & des coustumes & vsages de tous les païs, laquelle ne se trouueroit point en la Cour de Rome: en laquelle il aduoüoit

*les Legats
les ren-
noient au
Pape:*

bien qu'il y auoit des personages d'excellent esprit, & de grande & meslée literature : mais aussi scauoit-il bien qu'ils ne vaquoient point à cete forte d'estude qui estoit necessaire, pour faire chose qui meritaist loüange : & que cela appartenoit plus proprement à vn Concile. Mais la resolution d'acheuer, & de partir de Trente, fit qu'il eut peu d'audience du general.

Le vingt-cinquième Nouembre, le Conte de Lune se presenta aux Legats, avec vne remonstrance par escrit, par laquelle il se plaignoit, que les matieres plus importantes, pour lesquelles le Concile auoit esté conuqué, estoient obmises : & que le peu, qu'on en traitoit, estoit precipité : qu'on pretendoit terminer le Concile, sans le sçeu du Roy, son maistre. Et, pour conclusion, requeroit, qu'on ouïst les raisons des Theologiens sur les matieres des dogmes, & que pour la closture du Concile, on en attendist response d'Espagne. Les Legats respondirent là dessus, Que les choses estoient si auant, qu'il n'y auoit plus moyen d'attendre, & qu'il ne seroit pas possible de retenir tant d'Euesques, qui estoient ia en ordre pour partir. Le Comte repliqua, que, si le Concile se terminoit sans en auoir l'aduis du Roy, son Maistre, il ne s'arresteroit pas à cete instance, ains passeroit plus outre, selon qu'il verroit estre à faire. Sur quoy, les Legats despescherent en diligence au Pape : & le Conte escriuit à l'Ambassadeur Vargas, qu'il s'employast envers le Pape pour cela. Mais Vargas ne iugea point, qu'il fust necessaire de faire cete instance : tant à cause que, à l'arriuee du Courrier, le Pape estoit tombé en vne griue maladie ; que, pource que quelques iours auparauant, luy ayant fait la mesme instance, le Pape, pour toute response, luy auoit respondu, Qu'il s'en remettoit au Concile, auquel il ne vouloit oster sa liberté, tant requise par le Roy mesme, son Maistre. C'est chose bien auerée, que cet Ambassadeur disant vn iour au Pape, Qu'il falloit tenir ouuert le Concile, d'autant que tout le monde le requeroit, le Pape respondit, Qui est ce monde, qui le requiert ? Et là dessus l'Ambassadeur repartit, L'Espagne le desire, tout le monde le desire. Et le Pape repliqua, Ecrivez en Espagne, qu'ils achètent vn Ptolemée, & qu'ils y estudient : & ils trouueront que l'Espagne n'est pas tout le monde. Les Legats firent grands offices avec le Conte de Lune : à quoy aussi s'employèrent viuement le Cardinal de Lorraine, & les Ambassadeurs de l'Empereur : mais, ne le pouuans fleschir, ils firent toutes instances tout au contraire de luy ; les Imperiaux au nom del'Empereur, & du Roy des Romains, & de toute l'Allemagne : & le Cardinal de Lorraine, au nom du Roy, & du Royaume de France. Et les Legats, resolu de terminer le Concile, nonobstant toute la resistance de l'Ambassadeur d'Espagne, selon le commandement qu'ils en auoient du Pape, trauailloient en toute diligence à l'expedition des matieres.

Sur ces entrefaites, le premier Decembre, sur le tard, arriua en grande haste à Trente, vn Courrier de Rome, portant nouvelles, que le Pape auoit esté surpris d'une griue maladie, dont il estoit en danger de la vie. Le mesme porta aussi lettres du Cardinal Borromée aux Legats, & au Cardinal de Lorraine, qu'ils acceleraissent l'expedition du Concile, autant qu'il seroit possible, & qu'ils le terminassent sans auoir esgard à aucun : & ce, pour obuier aux inconueniens, qui pourroient naistre sur l'election du Pape, en cas que le Concile fust sus pied, le Siege Papal vacant. Es mesmes lettres il y auoit peu de paroles de la propre main du Pape, par lesquelles il commandoit le mesme absolument : & disoit au Cardinal de Lorraine, Qu'il se souuenoit de la promesse qu'il luy auoit faite. Et est chose certaine, (pour toucher icy cete particularité, quoy que hors de son propre endroit) que le Pape auoit resolu, en cas qu'il ne reconualust dans peu de temps, de créer huit Cardinaux, & mettre ordre à ce, qu'en l'election de son successeur n'arriuaist point de confusion. Les Legats, & le Cardinal de Lorraine, ayans arresté là dessus d'anticiper le temps de la Session, & d'acheuer le Concile, ou avec les propositions, ou sans icelles, dans deux iours ; afin qu'on ne pust attoir auant icelle nouvelles de la mort du Pape ; enuoyerent communiquer

1563.

l'aduis qu'ils auoient eu, & la resolution qu'ils auoient prise, aux Ambassadeurs : & en traiterent mesmes avec les principaux Prelats : lesquels y consentirent tous, sauf l'Ambassadeur d'Espagne, lequel dit, Qu'il auoit commandement de son Roy, que, cas aduenant que le Siege Papal vinst à vaquer pendant le Concile, il ne laissast faire le Pape au Concile, ains fist que l'election demeurast aux Cardinaux. Et pourtant, qu'il n'estoit point besoin de precipiter les affaires. Mais le Cardinal Moron dit par contre, Qu'il scauoit pour asseuré, que l'Ambassadeur de France, lequel estoit encores à Venise, auoit charge de protester, que la France n'obeïroit en tel cas à autre Pape, qu'à celui qui seroit élu par le Concile. Partant, que totalement il le falloit terminer, pour euitier tout danger. Le Conte de Lune fit vne Congregation de Prelats Espagnols en son logis, & fit courir le bruit, qu'il estoit resolu de protester, & de former opposition à la deliberation des Legats.

Congregation generale reçoit tous les Decrets, & y habilité ce qui n'agreed pas, pour expedier,

Nonobstant cela, les Legats ne laisserent pas de tenir le iour d'apres Congregation : en laquelle furent lus les Decrets du Purgatoire, & des Saints, ainsi qu'ils auoient esté formés par le Cardinal de Vvarmie, & par les autres deputés. Apres quoy, fut luë la Reformation des Moines. Et le tout fut approuué avec grande briueté d'opinions, & fort peu de contradiction. Puis furent lus les Canons de Reformation generale : sur lesquels il y eut quelque petite difficulté : comme au premier, qui traite des mœurs des Euesques, en l'endroit, où il est dit, Qu'ils n'ayent à enrichir leurs parens, ou domestics, des reuenus de l'Eglise : il estoit adiousté, desquels ils sont constitués fidelles dispensateurs au benefice des pauvres. Sur quoy l'Euesque de Sulmona, Pompée Zambeccare, nommé par plusieurs fois cy-deuant, s'opposa, disant, Que, veu que, par vn ancien Canon, les portions des pauvres, des fabriques sacrées, & de la table Episcopale, estoient distinctes, il n'eust falloit point dire, que les Euesques, & autres beneficiés, ne fussent que dispensateurs : mais que de leur part & portion, ils estoient vrayement maistres : non pas, qu'en cas qu'ils la despendissent mal, ils n'encourussent peché, & le courroux de Dieu, de mesmes que toute autre personne du commun, qui despend mal son bien : mais, que, s'ils n'estoient que dispensateurs au benefice des pauvres, ils seroient tenus à la restitution : ce qui n'estoit nullement à dire. Il y eut plusieurs discours là dessus, la pluspart tenant que les beneficiés sont vrayement maistres des reuenus & fruits, ou bien certes usufructuaires : en lieu de quoy autres disoient, Vsuaires simplement, qui estoit le terme de du Ferrier, Ambassadeur de France, en sa harangue. Aucuns soustenoient les paroles du Decret, qu'ils estoient dispensateurs : alleguans le passage de l'Euangile touchant le seruiteur fidele, commis pour dispensateur : & la doctrine de tous les Saints Peres. Mais l'ardent desir qu'on auoit de mettre fin au Concile, fit que ces paroles, à sçauoir, *desquels ils sont constitués fidelles dispensateurs au benefice des pauvres*, furent obmisés, & que, par ce silence, toutes les difficultés sur cete matiere furent coupées.

Sur le Canon des droits de patronage, les Ambassadeurs de Sauoye & de Florence, firent instance, que ceux de leurs Princes fussent exceptés : ou bien, qu'il n'en fust excepté autres que ceux de l'Empereur, & des Rois. On leur donna contentement, exceptant, outre l'Empereur, les Rois, ou possesseurs de Royaumes, & les autres grands & puissans Princes souverains, lesquels ont droit d'Empire en leurs Estats. Au demeurant, il fut proposé de lire en Session tous les Decrets, faits sous Paul, & Iules, pour les approuuer. Mais l'Euesque de Modene y contredit : disant, que ce seroit derogier à l'autorité du Concile de ces temps-là, de dire, que les choses faites alors, eussent besoin de nouuelle confirmation des Peres : & que on donneroit à voir par là, que le Concile present n'estoit point vn mesme avec celui-là : attendu que nul ne confirme ses actes propres. Mais à l'opposite autres disoient, que iustement pour cela il les falloit confirmer, pour leur conseruer leur autorité, contre tous ceux qui pourroient dire, Que ce n'estoient

point Decrets d'un mesme Concile. Et les François mesmes, lesquels autres-fois auoient si instamment requis, qu'il fust dit & declaré, que cete derniere tenuë & reprise du Concile estoit vn Concile nouveau & non continuation du precedent tenu sous Paul & Iules, maintenant trauailloient plus que tous les autres, à faire que toute cause de douter, que tous les Actes, dés l'année mil cinq cens quarante-cinq iusques à la fin, ne fussent d'un mesme Concile, fust ostée. Ainsi aduient-il souuent, non seulement és affaires du monde, mais aussi en ceux de la Religion, que les intereests estans changés, la creance des hommes aussi varie. Tous doncques ayans vn mesme but, il fut arresté de les lire tous simplement, sans dire autre chose : car, par là on declaroit tres-euidemment l'vnité du Concile, & estoit ostée la difficulté, qu'auroit pu causer la parole de confirmation, si on en eust vsé : laissant au libre iugement d'un chacun, si cete lecture inferoit confirmation, ou declaration de les tenir pour valides : ou, arguoit vnité de Concile, entre celuy qui les auoit faits, & celuy qui en faisoit la lecture.

Finalemēt fut proposé d'anticiper la Session, & de la célébrer le iour suivant : & en cas qu'on ne pust en icelle expedier toutes les actions, de la continuer encor le iour d'après ; comme vne seule, & d'un tenant : & de congédier lors les Peres : & le Dimanche suivant signer tous les Actes du Concile. Mais à cela s'opposèrent quatorze Euesques Espagnols : disans, Qu'il n'y auoit de necessité d'abreger le temps. Mais nonobstant le Cardinal Moron dit, Que la Session se tiendrait le iour suivant. Et le Cardinal de Lorraine, ensemble les Ambassadeurs de l'Empereur, renouellerent leurs offices & instances enuers l'Ambassadeur d'Espagne, pour faire qu'il se contentast de ce qui auoit esté deliberé avec tant d'union & consentement. Apres plusieurs repliques, il se contenta, moyennant deux conditions : la premiere, Qu'il fust decreté, que le Pape pouruoiroit aux choses qui restoient encor : la deuxieme, Qu'au traité des Indulgences, il ne fust point dit, qu'elles soient données gratuitement : ny aucune autre chose qui pult preiudicier aux Croisades d'Espagne.

Ainsi donc le Vendredy, troisieme Decembre venu, on alla à l'Eglise avec les ceremonies accoustumées, & la Messe fut chantée ; & en icelle fit le Sermon Ierome Ragazzon, Venicien, Euesque titulaire de Nazianze en Capadoce : & Coadiuteur de Famagouste en Chipre : auquel il conuia tout le monde à admirer cete heureuse iournée, en laquelle le Temple de Dieu s'en alloit restauré, & la Nef renduë au port, apres de grands orages & flots. Et dit, qu'il auroit encor plus grande matiere de ioye, si les Protestans y eussent voulu entrer, & participer à la construction de cet edifice. Mais que la faute n'en estoit pas aux Peres. Que le Concile auoit choisi, pour sa celebration, la ville de Trente, assise à l'embouchure de l'Allemagne, au sueil de leur porte, sans garde, pour ne leur donner aucun soupçon qu'il manquast chose quelconque à la liberté du lieu. Qu'ils auoient esté conuiés, attendus & priés, sous la foy publique. Que, pour le salut de leurs ames, la foy Catholique auoit esté expliquée, & la discipline Ecclesiastique reestablie. Et là dessus recapitula toutes les choses, qui auoient esté traitées au Concile en matiere de foy. Et representa les abus, qui auoient esté retranchés es ceremonies sacrées. Et dit, que quand il n'y auroit eu autre cause de conuoquer le Concile, il eust esté necessaire de le faire pour la seule defense & prohibition des mariages clandestins. De là passant aux choses arrestées pour la Reformation, il monstre point par point le bien & vtilité publique, que l'Eglise receuroit de ces Decrets. Et dit de plus, qu'és Conciles passés auoit esté traitée l'explication des dogmes de la foy, ensemble la reformation des mœurs, mais que cela ne s'estoit iamais fait plus exactement qu'en cettui-cy. Que les argumens & raisons des heretiques auoient esté examinés, & ventilés à plusieurs & diuerfes fois, & bien souuent avec beaucoup de contention : non, qu'il y eust discorde entre les Peres, laquelle aussi ne peut estre en ceux, qui ont tous vn mesme sentiment : mais, pour traiter avec sincerité, & esclarcir la ma-

1563. tiere : en telle sorte , que, combien que les heretiques eussent esté absens, on auoit toutesfois fait, ne plus ne moins que s'ils eussent esté presens. Il exhorta tous en suite , qu'estans de retour en leurs dioceses, ils missent les Decrets du Concile en execution. Et admonesta tous de rendre graces à Dieu : & puis au Pape : duquel il recita les œuvres & diligences pour fauoriser le Concile : ayant enuoyé Nonces aux païs Protestans, & Legats à Trente; & incité les Princes à y enuoyer Ambassadeurs : & n'ayant espargné ne travaux ne despens, pour faire que le Concile fust en liberté: Il loüa aussi les Legats, d'auoir esté les directeurs & modérateurs de cete tres-grande action, & nommément le Cardinal Moron. Et finalement il conclut par la loüange des Peres.

*Decrets
d'icelle,
du Purga-
toire,*

Les ceremonies acheuées, les Decrets furent lus. En la matiere du Purgatoire il estoit dit, Que l'Eglise Catholique a tousiours, és Saints Conciles, & encor en ce dernier vniuersel, enseigné par la parole de Dieu, & par l'ancienne tradition des Peres, qu'il y a vn Purgatoire : & que les ames, detenuës en iceluy, sont aidées par les suffrages des fides, & par le Sacrifice de la Messe. Et pourtant, le Concile commande aux Euesques, qu'ils ayent à enseigner, & à faire prescher la sainte doctrine du Purgatoire : sans traiter deuant le simple populaire questions subtiles : ny laisser publier choses incertaines, & improbables : & defendent les curiosités, les superstitions, & les gains des-honnestes : & procurant que pieusement & deuotement se facent les suffrages des fides viuians, à sçauoir, Messes, Oraisons, Aumosnes, & autres œuvres de pieté & deuotion, qu'on a accoustumé de faire pour les fides trespassés. Et qu'aussi les choses ordonnées par testament, ou en autre façon, au benefice des trespassés, soient diligemment executées par les Prestres, & Ministres de l'Eglise, & non par acquit.

*des Saints
& de leur
interces-
sion & in-
uocation,*

Le second Decret estoit des Saints, & portoit, Que le Concile commande aux Euesques, & à tous autres, qui ont charge d'enseigner, qu'ils ayent à instruire le peuple touchant l'intercession & inuocation des Saints, & l'honneur qui est du aux Reliques, & le legitime vsage des Images: selon l'ancienne doctrine de l'Eglise, le consentement des Peres, & les Decrets des Conciles: enseignant, que les Saints prient pour les hommes: qu'il est vtile de les inuoyer, & recourir à leurs oraisons, & aide. Et tout d'un tenant & haleine, le mesme Decret condannoit ces assertions sur cete matiere : Que les Saints, qui sont au Ciel, ne doiuent estre inuoyés: Qu'iceux ne prient point pour les hommes: Que c'est idolatrie de les inuoyer, afin qu'ils prient pour nous, voire mesme pour chacun en particulier: Que de les prier, ou de boutique, ou de cœur, repugne à la parole de Dieu, à l'honneur de Iesus-Christ, & est vne pure folie: Que nulle veneration n'est due au corps des Saints, par lesquels Dieu eslargit plusieurs benefices aux hommes: Que leurs Reliques, & Sepultures, ne doiuent estre honorées : & Qu'en vain on frequente les monumens des Saints, appellés Memoires, pour obtenir quelque aide & secours.

*des Images,
& de leur
culte,
veneration
& usage,*

Le troisieme Decret estoit des Images, & contenoit, Qu'il faut auoir & tenir les Images de Christ, de la Bien-heureuse Vierge, & des Saints, principalement és temples : & qu'il leur faut rendre l'honneur & la veneration qui leur appartient: non pas qu'en elles il y ait aucune deité, ou vertu, pour laquelle il faille les honorer, ou inuoyer, ou y mettre sa confiance, comme faisoient les Gentils : mais, d'autant que l'honneur qu'on leur fait, se rapporte aux premiers archetypes & patrons qu'elles representent : comme cela a esté desmy par les Conciles, & sur tout par le deuxieme de Nicée. D'auantage, que par les histoires des mysteres de nostre redemption, exprimées par les images & peintures, le peuple est enseigné: & confirmé és Articles de la foy, pour les rememorier & mediter continuellement: & que non seulement par icelles luy sont suggerés les benefices de Christ, mais aussi les miracles & les salutaires exemples des Saints luy sont figurés deuant les yeux pour en rendre graces à Dieu, & pour se disposer à les imiter. Anathematizāt quiconque

quiconque en seignera ou tiendra opinion contraire à ces Decrets.

Le quatrième Decret estoit touchant les abus en cette matiere: & portoit, Que le Concile desirant de retrancher les abus, & les occasions de pernicieuses erreurs, ordonne que quand pour l'vtilité du peuple ignorant, il aduiendra que les histoires, ou narrations de l'Escripture sainte, deuront estre figurées, ou exprimées, & qu'il escherra que la diuinité y soit aussi representee par image corporele; le peuple soit instruit, que cela ne se fait point, pource qu'elle puisse estre venuë des yeux du corps. Et de plus, que toute superstition soit ostée en l'inuocation des Saints, en la veneration des Reliques & en l'vsage des Images: & que tout gain deshoneste en soit aboly, & toute lasciueté euitee: tellement que les Images ne soient peintes ny ornées d'une beauté au parement attrayant & lubrique: & que les hommes n'abusent des festes des Saints, ne des visitations des Reliques, à banquets dissolus, & yuogneries, Et enfin, que les Euesques ayent le soin, qu'en ces choses rien ne paroisse de messeant, & de deshoneste, ou fait tumultuairement & en desordre: & que nulle image nouvelle & non accoustumée ne puisse estre colloquée en Eglise, ou en aucun autre lieu, sans l'approbation de l'Euesque, avec le conseil de Theologiens, & de gens de bien: & qu'aussi soient interdits tous nouueaux miracles & nouuelles Reliques, sinon que l'Euesque les ait tout premier verifiées & approuuées. Et que, s'il eschet d'extirper quelque abus douteux, & difficile; ou de refoudre quelque importante question sur ce fait, l'Euesque n'y procede point de son sens, mais attendre l'aduis de son Metropolitain, & des Euesques comprouvinciaux en vn Synode prouincial: en sorte toutesfois, que rien de nouueau ou inusité, ne soit ordonné en l'Eglise, sans en auoir tout premier consulté le Pape.

Le Decret de la reformation des Reguliers contenoit vingt-deux Canons dont le sommaire estoit, Premièrement, Que tous ayent à obseruer les reigles de la profession, & specialement ce qui appartient à la perfection d'icelle, (comme sont les vœux generaux d'obeyssances, de pauureté, & de chasteté, & les particuliers de chaque ordre ou reigle) & à la communauté de vie, de nourriture & de vestement. En second lieu, Que nul Regulier, homme ny femme, ne puisse posseder des biens meubles ny immeubles, comme siens propres: & que d'ores en auant il ne soit loisible à aucun Superieur de donner à vn Regulier biens immeubles, non pas mesmes à vsage, vsufruit administration, ou commende: & quant aux meubles, que les Superieurs en permettent l'vsage aux Reguliers, en sorte, que leurs vtensiles soient conuenables à la possession de pauureté, qu'ils ont faite, sans qu'il y ait rien de superflu, & qu'aussi rien de necessaire ne leur soit dénié. En troisième lieu, Le Concile permet à tous les Monasteres, mesmes des Mendians, fors aux Capuchins, & aux freres Mineurs de l'Obseruance, de posseder fonds & biens immeubles: & ordonne qu'à ceux qui en peuuent tenir par autorité Apostolique, & en ont esté spoliez, ils soient tous entierement restituez: & qu'ez Monasteres, tant d'hommes que de femmes, soit qu'ils possèdent immeubles, soit qu'ils n'en possèdent point: soit limité, & gardé vn certain nombre de Religieux, proportionné au moyen de les commodément nourrir & entretenir, soit des reuenus, soit des aumosnes ordinaires: & qu'à l'aduenir tels lieux ne soient construits, sans permission des Euesques. En quatrième lieu, Que nul Religieux, sans congé de son Superieur, ne puisse aller au seruice d'aucun Prelat, Prince, Vniuersité, Communauté, lieu ou personne quelconque, sous pretexte de predication, lecture, ou autre œuvre pieuse: & mesmes, qu'il ne soit loisible aux Reguliers de se departir de leurs Couuens, non pas mesmes sous couleur d'aller trouuer leurs Superieurs, si ce n'est qu'ils soient appelez ou enuoyés par eux: sous peine aux contreuenans d'estre punis au bon plaisir des Superieurs, ou des Ordinaires, là où ils seront trouuez hors du Couuent. En cinquième lieu, Que les Euesques soient chargez de restablir & conseruer la closture

des Religieuses : implorant, si besoin est, l'aide du bras seculier, laquelle le
 1563. Concile exhorte les Princes, & enjoint aux Magistrats, sous peine d'excommunication, de leur prester. Que les Religieuses ne puissent sortir hors du Monastere, sauf que pour cause legitime, approuvée par l'Euesque : & que, sous peine d'excommunication, nul indifferemment de quelque condition, sexe, ou aage, qu'il soit, n'y puisse entrer sans permission. Et que les Monasteres des Religieuses, qui sont hors les murs des Citez, ou Villes, soient reduits au dedans d'icelles, es Monasteres vieux ou nouveaux. En sixieme lieu, Que l'election de tous Superieurs de Reguliers se face par voix & suffrages secret : & qu'il ne soit d'ores en auant loisible de creer aucuns Superieurs titulaires, pour l'effet des elections, ne de suppleer les voix & suffrages des absens. Et qu'en cas de contrauention, non seulement l'election soit nulle, mais aussi quiconque aura permis d'estre cree Superieur à cet effet, soit inhabile d'obtenir à l'auenir aucunes charges en la Religion. En septieme lieu Qu'es Monasteres des Religieuses, l'Abbesse, ou la Prieure, ou toute autre Superieure soit aagée du moins de quarante ans, & ait vescu louablement huit ans apres la profession expresse : & là où cela ne se pourra faire, qu'au moins elle passe trente ans, & ait honnestement vescu cinq ans apres la profession. Et que nulle ne puisse auoir la Superiorité de deux Monasteres. Et que l'Euesque, ou celuy qui est surintendant à l'election, n'ait point à entrer dans l'enclos du Monastere, mais oye recueille les voix de chacune au deuant du tour, ou fenestre treillissée. En huitieme lieu, Que les Monasteres, qui immediatement releuent du Saint Siege, se reduisent en Congregations & pouruoient à la forme de leur gouvernement, & que leurs Superieurs ayent la mesme autorité, que ceux des autres Ordres, qui ont desia esté reduits en Congregation. En neuvieme lieu, Que les Monasteres des Religieuses immediatement suiets au Saint Siege, soient gouvernez par les Euesques en qualité de deleguez dudit Siege. En dixieme lieu, Que les Religieuses se confessent, & communient au moins tous les mois : & qu'outre le Confesseur ordinaire, leur en soit baillé vn extraordinaire deux ou trois fois l'année : & qu'elles ne puissent tenir le Sacrement dans le Chœur, ou enclos du Monastere. En onzieme lieu, Qu'es Monasteres, qui ont charge d'ames seculieres, ceux qui exercent ladite cure ou charge, soient suiets à l'Euesque en ce, qui concerne l'administration des Sacremens ; excepté le Monastere de Clugny, avec ses limites & finages ; & les autres Monasteres ou lieux, où resident Abbez generaux, ou Chefs d'Ordre : ou bien, où les Abbez ont iurisdiction Episcopale, ou temporele. En douzieme lieu, Que les Reguliers ayent à publier, & à garder les Censures, & Interdits du Pape, & des Euesques : & de mesmes les festes, enjointes par l'Euesque. En treizieme lieu, Que l'Euesque soit iuge sans appel de tous les differens de preseance entre personnes Ecclesiastiques, tant Seculieres que Regulieres : & que tous soient obligez d'aller aux processions : exceptez ceux qui viuent en closture estroite & perpetuelle. En quatorzieme lieu, Que le Regulier, qui vit dans le Cloistre, & hors d'iceluy commet excez, au scandale du peuple, soit puny par son Superieur, dedans le temps que l'Euesque ordonnera : & qu'iceluy ait à acertener l'Euesque de la punition ; à defaut de quoy le delinquant puisse estre puni par l'Euesque. En quinzieme lieu, Que la profession, faite auant seize ans accomplis, & vn an entier de probation, soit nulle. En seizieme lieu, Que nulle renonciation, ou obligation ne soit valable, sinon qu'elle ait esté faite dans le terme de deux mois auant la profession, & mesmes avec licence de l'Ordinaire : & que le temps de la probation acheué, les Superieurs admettent les Nouices à la profession ; ou qu'ils les renuoyent hors du Monastere : exceptez toutesfois les Iesuites. Et que le Monastere ne puisse recevoir chose quelconque du Nouice, auant la profession, sauf pour le viure & la vesture pendant le temps, qu'il est en probation : & que s'il s'en va auant la profession, on luy rende tout ce qui luy appartient. En dix-septieme lieu,

Que nulle Vierge ne reçoive l'habit & ne face la profession, qu'elle n'ait premièrement esté examinée par l'Euesque, lequel ait bien compris & reconnu la volonté d'icelle : & qu'elle n'ait les qualitez & conditions requises par la reigle du Monastere, où elle veut entrer. En dix-huitième lieu, Le Concile anathematise toutes personnes, de quelque condition & qualité qu'elles soient, qui contraindront aucune vierge, ou vefue, ou autre femme, d'entrer en Monastere maugré elle : excepté es cas exprimez par le droit : ou de prendre l'abit, ou de faire la profession : & semblablement tous ceux, qui y prestent leur cōsentement, autorité, aide & conseil : comme aussi à l'opposite, ceux qui empeschent, sans iuste cause, le saint vouloir des Vierges, ou d'autres femmes, de prendre voile, ou de faire la profession. Et que toutes les choses à faire avant la profession, & en la professiō mesmes, soient gardées en tous Monasteres : exceptant toutesfois les Penitentes, ou Conuerties, à l'esgard desquelles les constitutions, qui ont esté faites pour elles, ayent à estre obseruees. En dix-neufième lieu, Qui pretendra nullité de la profession, ne soit ouy ny receu, sinon dans le terme de cinq ans dès le iour d'icelle : & encor non autrement, sinon, apres qu'il aura deduit, deuant son Supérieur & Ordinaire, les causes qu'il pretend : que si de son mouuement il quitte l'abit avant ce terme, il ne soit plus receu à aucune allegation de cause, ains soit contraint de retourner au Monastere, & soit puny comme Apostat. D'auantage, que nul Regulier ne puisse passer à Religion plus libre, & large, & permission ne soit plus baillée à aucun de porter l'habit de sa Religion en secret. En vingt-vnième lieu, Que les Abbez, Chefs d'Ordre, & autres Superieurs, visitent les Monasteres, & Prieurez, qui leur sont suiets, ores que baillez à commende : & que les Commendataires soient tenus de recevoir lesdits Visiteurs, & mettre en execution leurs ordonnances : & qu'en iceux soient créés les Prieurs, ou Superieurs, qui ont le gouuernement spirituel, par les Chapitres, ou par les Visiteurs des Ordres. En vingt-vnième lieu, Le Concile tesmoigne son desir de pouoir restablir la discipline Monastique en tous les Monasteres : aduoüant que la pluspart des Monasteres, Abbayes, Prieurez, & Preuostez, ont receu de grands dommages, tant au spirituel, qu'au temporel, par l'indue administration de leurs Superieurs. Mais la dure & difficile condition des temps presens ne permettant point qu'on remedie promptement à tous, ny aussi que le remede puisse estre commun par tout : il ne veut pas pourtant laisser en arriere chose quelconque, au moyen de laquelle vn iour on y puisse salutairement pouruoir. Et premièrement il s'asseure, que le Pape, autant qu'il verra que le temps le peut permettre, pouruoirà qu'aux Monasteres & autres lieux baillez en Commende, soient establis pour les gouuerner, personnes Regulières professes : & que ceux, qui vaqueront à l'aduenir, ne soient conferez à autres, qu'à Regulières. Et quant aux Monasteres, qui sont Chefs & Primats d'Ordre, soit que leurs filles s'appellent Abbayes ou Prieurez, que ceux, qui les tiennent en Commende, soient tenus, sinon que dans le terme de six mois il leur ait esté pourueu d'un successeur Regulier, de faire la profession, ou de quitter & ceder lesdits Monasteres. Autrement, que les susdites Commendes soient iugees vaquantes. Et, qu'es prouisions des Monasteres, la qualité d'un chacun soit nommément exprimee : & qu'à defaut de ce, la prouision soit tenuë pour subreptice. En vingt-deuxième lieu, Que tous Regulières, sans exception, s'entendent suiets aux susdits Decrets, nonobstant tous priuileges, voire mesmes de fondation. Le Concile commandant aux Euesques, & mesmes aux Abbez, de les vouloir mettre en execution tout promptement : & exhortant, & enjoignant, en vertu de sainte obedience, à tous Princes, & Magistrats, qu'ils ayent à leur prester leur ayde & autorité, en l'execution d'iceux, toutes les fois & quantes qu'ils en seront requis.

Apres suit tout d'un tenant la lecture de Reformation generale : dont les Canons estoient : Le premier, Que les Euesques se composent à

Canons de
Reforma-
tion gene-

1563.

une vie exemplaire, & à modestie, continence, humilité, & frugalité, tant en leurs meubles, qu'en leurs tables & traitement: & leur est defendu expressement, & par sur tout, d'enrichir leurs parens, ou domestiques, des reuenus de l'Eglise: ausquels il leur est seulement permis d'en distribuer quelque portion en qualité de pauvres, en cas que de vray ils soient tels. Et ce qui est dit des Euesques, est estendu à tous les beneficiez Seculiers, & Reguliers, & mesmes aux Cardinaux. Le deuxieme, Que les Euesques, au premier Concile prouincial, ayent à receuoir les Decrets du Concile de Trênte, & promettent obeyssance au Pape, & anathematizent les heresies condamnées: & que le mesme soit fait & garde par tous ceus qui à l'aduenir seront promus Patriarches, Primats, Archeuesques, Euesques, au premier Synode prouincial auquel ils assisteront: & que tous les beneficiez, & ceux qui sont tenus d'intervenir és Synodes diocesains, facent le mesme. Et que ceux qui ont charge des Vniuersitez & grandes Escholes, s'employent à ce, qu'esdites Vniuersitez & Escholes, lesdits Decrets soient receus: & que les Docteurs enseignent la foy Catholique conformément à iceux: & que de ce, ils prestent serment solemnel tous les ans au commencement de l'annee. Mais quant à celles, qui sont immediatement suiuetes au Pape, luy mesmes prendra le soin qu'elles soient reformees par ses delegués en la maniere susdite, & comme mieux il verra à faire. Le troisieme, Combien que le glauiue de l'excommunication soit le nerf & force de la discipline Ecclesiastique, fort salutaire pour contenir les hommes en deuoir; il doit toutesfois estre employé moderelement, & avec circonspection: attendu que l'experience a monstré, qu'il est plustost mesprisé, que redouté, lors qu'il est lancé temerairement, & pour cause legere. Et pourtant le Concile ordonne, que les excommunications, qui se font pour reueler choses cachees, ou pour trouuer choses perduës, ou desrobee, ne puissent estre decretees par aucun autre, que par l'Euesque: & ce, pour affaire non vulgaire, & apres diligente perquisition de la cause, par luy mesmes: lequel aussi n'ait à se laisser porter à les accorder par l'autorité d'aucun Seculier, quel qu'il soit, non pas mesme Magistrat. Et qu'ez causes iudicielles, il soit enjoint à tous les Iuges Ecclesiastiques, que lors que l'exécution, reele, ou personelle, le peut faire par eux mesmes de leur propre autorité, ils ayent à s'abstenir des Censures Ecclesiastiques. Et, qu'ez ciuiles, qui appartiennent en quelque sorte à la Cour Ecclesiastique, il leur soit loisible de proceder, mesmes contre les Lais, par amendes & peines pecuniaires, applicables aux lieux pieux, soit par saisies, de gages, ou prise de corps, par leurs propres executeurs, ou bien par ministres & sergians d'autres Cours à ce requis: soit par priuation de Benefices, & autres voyes de droit. Mais, si l'exécution reele, ou personelle, ne se pourra faire contre les defendeurs en cette sorte, & qu'il y ait rebellion contre le Iuge Ecclesiastique, qu'en tel cas il luy soit loisible de les fraper d'anatheme à son arbitrage, outre les autres peines. Et que le mesme soit gardé és causes criminelles. En outre, qu'il soit interdit à tout Magistrat seculier de defendre au Iuge Ecclesiastique d'excommunier, & de commander de reuoker l'excommunication ia lancée: non pas mesmes sous pretexte de contrauention aux choses portées par ce present Decret. Et que l'excommunié, s'il ne se rauise & repent apres des legitimes & duës admonitions, non seulement ne soit point receu aux Sacremens, & sainte communion des fideles: mais s'il s'endurcit & perseuere és Censures vn an entier, qu'on puisse proceder contre luy, comme suspect d'heresie. Le quatrieme, Qu'il soit permis aux Euesques au Synode diocésain, & aux Chefs d'Ordre en leur Chapitres generaux, d'ordonner en leurs Eglises ce qu'ils trouueront expedient pour le seruice de Dieu, & pour le bien des Eglises, lors qu'icelles par lais testamentaires sont chargées de celebrer si grand nombre de Messes, qu'elles n'y peuuent suffire: où quel'aumosne, assignée pour la celebration d'icelles, est si petite, qu'il ne se trouue aisément aucun, qui vueille en prendre la charge, pourueu qu'en tout cas tousiours soit faite memoire des trespassez, qui ont fait

les legs. Le cinquième, Qu'és collations, ny en aucunes autres dispositions de Benefices, ne soit derogé aux qualitez, conditions, & charges requises, & imposées par l'erection, ou fondation d'iceux Benefices; ou par autres constitutions quelconques: & qu'à defaut de ce, la collation soit tenue subreptice. Le sixième, Que lors que l'Euesque agit hors de visite, contre les Chanoines; il ait à proceder en tous Actes, par aduis & conseil de deux, choisis au commencement de chaque année, par le Chapitre, lesquels toutesfois les deux voix ne vailent que pour vne: & s'ils sont tous deux de diuers aduis de l'Euesque, qu'ils puissent choisir vn tiers, qui destable, & decide le differend: & en cas que ces deux ne s'accordent en la nomination de cet tiers qu'iceluy soit choisi par l'Euesque plus proche. Mais, qu'és causes de concubinage, & autres delits atroces, l'Euesque puisse proceder à l'information, & saisie de corps necessaire: gardant au demeurant l'ordonnance susdite. Que l'Euesque au Chœur, & au Chapitre, & és processions, & és autres actes publics, ait le premier Siège, & place, que luy mesmes choisira: & la principale autorité en toutes affaires. Que l'Euesque preside au Chapitre sauf lors qu'il s'agira de ses propres interets, ou de ceux des siens. Et que cette autorité ne puisse estre communiquee au Vicaire. Et que ceux, qui ne sont point de Chapitre, soient és causes Ecclesiastiques suiets à l'Euesque. Reseruant toutesfois les Eglises, esquelles les Euesques, ou leurs Vicaires, ont plus grande autorité & iurisdiction: lesquelles ne s'entendent comprises en ce Decret. Le septième, Qu'à l'auenir ne soient octroyez aucuns accez, ne regrez à aucun Benefice Ecclesiastic: & que ceux qui par le passé ont esté octroyés, ne puissent estre suspendus, estendus, ne transferez; & que de cette ordonnance ne soient pas mesmes exceptez les Cardinaux. En outre, qu'en nuls Benefices Ecclesiastiques ne soient faits Coadiuteurs avec succession future. Et s'il est necessaire, ou vtile de faire Coadjuteur en quelque Eglise Cathedrale, ou Monastere, que la cause en soit tout premier d'ingemement conuenu par le Pape; & que les qualitez, requises de droit és Prelats & Euesques, se trouuent en celuy, qui doit estre créé. A defaut de quoy tous octrois obtenus en semblables cas, soient tenus pour subreptices. Le huitième, Le Concile admoneste tous les beneficiez d'exercer l'hospitalité, autant que leur reuenue le permet; mais à tous ceux, qui ont en charge les Hospitaux, à quelque titre que ce soit, il commande expressement, qu'ils ayent à exercer ladite hospitalité, selon qu'ils sont tenus & obligez, des reuenus assignez à cela, & si en ce lieu-là ne se trouue point ou peu de pauures, de la sorte & qualité que la fondation & l'institution requiert, que les reuenus soient conuertis à vsage pieux, le plus approchant de celuy de l'institution, selon qu'il semblera à l'Euesque, par aduis de deux du Chapitre. Et que ceux qui ne satisferont au deuoir d'hospitalité, orés qu'ils soient Lais, puissent estre contraincts par censures, & autres remedes de droit, & soient tenus à la restitution des fruits en Cour de conscience. Et qu'à l'auenir telles charges & administrations ne soient conferees à vne mesme personne, pour plus de trois ans. Le neuuème, Que le titre de droit de patronage soit produit & authentiquement verifié, ou par fondation, ou par donation, ou par multiplicité de presentations de temps immemorial, ou par autres voyes & documens legitimes. Mais qu'és personnes, & Communautéz, esquelles communément il y a lieu de presumption qu'elles ayent vsurpé ce droit, les preuues s'en prennent plus pleines & exactes, pour verifier le titre, & qu'en icelle le temps immemorial ne soit suffisant, sinon qu'ils fassent authentiquement apparoir des presentations, au moins de cinquante ans, lesquelles ayent toutes eu effet. Que tous autres patronages s'entendent cassez & annullez, sauf toutesfois ceux de l'Empereur, des Rois, ou tenans Royaumes, & des autres Princes souuerains, & des Vniuersitez. Et outre, qu'il soit loisible à l'Euesque, de n'admettre ceux qui seroient presentez par les Patrons, s'ils ne sont trouuez idoines & capables; & que les Patrons ne puissent aucunement s'ingerer en la perception des fruits, reuenus, ou obuentions; &

1563.

que les droits de patronage ne puissent estre transferez à autres personnes, contre les constitutions & ordonnances Canoniques : & que les vnions des Benefices libres, avec ceux qui sont de droit de patronage cessent tout à fait, en cas qu'elles n'ayent fortý leur plein & entier effet, & incorporation ; & que tels Benefices soient reduits à liberté : & que les vnions faites dès quarante ans, quoy qu'elles ayent eu leur perfection, soyent reueuës & examinées par les Euesques en qualité de deleguez du Saint Siege : & que s'ils y trouuent quelques defect d'obreption, ou subreption, elles soient annullees & que semblablement soient reueus & examinez tous les patronages acquis dès quarante ans en çà, és Eglises, ou autres Benefices quelconques, pour supplement & accroissement de dotation, ou pour nouvelle construction & fabrique : & là où ils ne trouueront estre à l'euident auantage du Benefice, qu'ils soient reuoeuez, restituant au patron, ce qu'il aura desboursé pour cela, Le dixième, Qu'és Conciles Prouinciaux, & Diocesains, soit fait choix de quatre personnes au moins, ayans les qualitez requises & conuenables, ausquelles soient commises les causes Ecclesiastiques, qu'il escherra aux Legats, aux Nonces, ou mesmes au Saint Siege, de deleguer : & que les delegations adressees à autres, s'entendent subreptices. L'onzième, Que les biens Ecclesiastiques ne puissent estre arrentez, prenant le payement par auance, au preiudice des successeurs. Et que les Iurisdiccions Ecclesiastiques ne puissent estre baillées à ferme, & que les fermiers ne les puissent exercer. Et que les baux à ferme des biens d'Eglise, quoy que ratifiés par le S. Siege, soient de nul effet, & cassez, lesquels ayans esté faits dès trente ans en çà, pour longs termes, comme pour vingt-neuf, ou deux fois vingt-neuf ans, seront iugez par le Synode prouincial, ou par ceux qu'il deputera, auoir esté faits au preiudice de l'Eglise. Le douzième. Que ceux, qui sont obligez à payer dismes, ou decimes, les ayant à payer completement : & que qui les retient, ou en soustrait partie, soit excommunié, & ne puisse estre absous, sinon apres la restitution faite. En outre le Concile exhorte vn chacun de faire part des biens, qu'il a receus de Dieu, aux Euesques & Curez, qui ont des pauures Eglises. Le treizième, Qu'en tous lieux, esquels, auant quarante ans, la quarte, appelée des funerailles, auoit accoustumé d'estre payee à l'Eglise Cathedrale, ou Parochiale : & puis auoit esté appliquee à Monasteres, Hospitaux, ou autres lieux pitoyables ; icelle soit entierement restituée ausdites Eglises, nonobstant toutes graces, & priuileges. Le quatorzième, Le Concile defend à tous les Clercs de tenir, dedans ou dehors leurs maisons, Concubines, ou autres femmes suspectes, & mal famees : & en cas, qu'apres la premiere admonition, ils ne s'en deportent, qu'ils soient priues du tiers des reuenus Ecclesiastiques : & si apres la seconde, ils perseuerent encor en leur mauuais train, qu'ils en soyent priuez de tous, & mesmes suspendus de l'administration des Benefices ; & si pour cela, ils ne se chastient point, ains persistent en leur delit, qu'ils soient priuez de tout Benefice, & inhabiles à en tenir aucun, iusques à ce qu'ils soient dispensez par leurs superieurs, apres vn manifeste amendement de vie. Mais, si apres les auoir quittées, ils retournent à semblable deshonneste accointance, ou avec les mesmes, ou avec autres, qu'ils soient en outre excommuniiez, & que la connoissance de ces causes appartienne à l'Euesque sommairement. Mais que les Clercs non beneficiez, en tel cas, soient punis par l'Euesque, de prison, suspension ou inhabilité, ou par autres voyes portees par les Canons, selon la qualité du delit, & endurcissement en iceluy. Et que les Euesques mesmes, tombans en semblable faute, en cas qu'ils ne s'amendent, apres auoir esté admonnestez par le Synode Prouincial, soient suspendus, & si apres cela, ils continuent encor, qu'ils soient deferez au Pape. Le quinzième, Que les fils de Prestres, non procrées de legitime mariage, ne puissent auoir Benefice, ou ministration és Eglises, esquelles leurs peres ont eu, ou ont Benefice : & semblablement ne puissent auoir pensions assignées sur les Benefices, que leurs peres tiennent, ou ont tenus. Et si à present il se trouue que

le pere & le fils ayent vn Benefice en vne mesme Eglise; que le fils soit tenu de resigner le sien dans trois mois. Et que les resignations reciproques, faites par les peres à d'autres Clercs en faueur de leurs enfans, c'est à dire, afin que ceux là resignent à leurs enfans, soient interdites, comme faites en fraude de ce Decret. Le seizième, Que les Benefices ayans cure d'ames ne soient conuertis en simples: & qu'en ceux, qui desia par le passé y ont esté conuertis, en cas, que le Vicaire perpetuel n'ait reuenu suffisant, il y soit pourueu, à l'arbitrage del'Euesque. Le dix-septième Le Concile blasme les Euesques, qui se deportent enuers les ministres des Rois, les Seigneurs & Barons, tant hors que dedans l'Eglise, avec vne vile & abiecte submission, non seulement leur cedant le premier rang, mais mesmes leur seruant en personne. Ce que le Concile detestant, renouuelle tous les Canons & constitutions, concernantes la bienseance & grauité de la dignité Episcopale: & commande aux Euesques de s'abstenir de telles procedures, & actions, & d'auoir esgard à leur degré, tant dans l'Eglise que dehors; & se souuenir que par tout ils sont Peres & Pasteurs. Enjoignant suiuamment aux Princes, & à tous autres, qu'ils ayent à leur rendre l'honneur & reuerence due à Peres. Le dix-huitième, Que les saintz Canons soient indifferemment gardez de tous; & que nul n'en soit dispensé, sans meure connoissance de cause: & qu'en tel cas la dispense soit donnée gratuitement. Le dix-neufième, Que l'Empereur, Roy, ou autre Prince & Seigneur quelconque; lequel prestera place de combat pour aucun duel entre Chrestiens, soit excommunié, & priué de la seigneurie de la place, en laquelle se sera fait le duel; si icelle releue de l'Eglise: & si ces places sont feodales, qu'elles soient acquises aux Seigneurs directs: & que tant les combatans, que leurs parrains, soient excommuniéz; & leurs biens confisquezz & eux infames à perpetuité: & en cas, qu'ils meurent en duel, qu'ils soient à iamais priuez de la sepulture Ecclesiastique. Que semblablement ceux, qui leur auront presté conseil, tant en droit, qu'en fait ou qui y auront induit aucun en quelque maniere que ce soit; & mesmes les regardans, & spectateurs, soyent excommuniéz, & enlaeez es liens de perpetuelle malediction. Le vingtième Canon, qui fut leu, fut celuy de la liberté Ecclesiastique, ou de la Reformation des Princes; tant & tant ventilé & examiné. En iceluy le Concile fait vne admonition aux Princes de leur deuoir: s'assurant que comme Chrestiens & protecteurs de l'Eglise, non seulement ils permettront que les droits de l'Eglise luy soient restituez: mais aussi ramèneront leurs suiets à la due reuerence enuers le Clergé, Curez, & Ordres superieurs: & ne souffriront que leurs Officiers, ou Magistrats inferieurs, violent l'immunité de l'Eglise, & des personnes Ecclesiastiques: ains feront qu'ils soient, à leur exemple, obeyssans aux constitutions du Pape, & des Conciles. Et partant le Concile arreste, & commande, que tous les Canons des Conciles generaux, & Constitutions Apostoliques, faites en faueur des personnes Ecclesiastiques, & de la liberté de l'Eglise, & contre les violateurs d'icelle, soient exactement obseruees de tous. Et admoneste l'Empereur, les Rois, les Republics, & les Princes, & tous & vn chacun, de quelque condition & qualité qu'il soit, qu'ils ayent à venerer religieusement les choses, qui sont du droit de l'Eglise: sans souffrir qu'elles soient lesees ne violees par aucuns Barons, Gentils hommes, Gouverneurs ou autres Seigneurs temporels, ou Magistrats: & sur tout, par les ministres des Princes: ains procedent à rigoureuses punitions, contre quiconque empeschera la liberté, immunité & Iurisdiction de l'Eglise: & qu'à cela eux mesmes donnent bon exemple: afin, que chacun faisant ainsi diligemment son deuoir, le seruice de Dieu se puisse faire avec deuotion; & les Prelats, & autres Clercs, puissent sans empeschement, avec fruit & edification du peuple, demeurer paisiblement en leurs residences, & aupres de leurs charges. Après cela fut leu vn Decret, dont il n'auoit esté parlé en aucune Congregation: par lequel le Concile declaroit, Qu'en tous les Decrets de Reformation, faits sous les Papes Paul, Jules, & Pie, sous quel-

— ques clauses & termes que ce püst estre, s'entendoit tousiours sauue l'autorité du S. Siege.

*suite de la
mesme neu-
sième Ses-
sion,*

*Decret d'i-
celle sur les
Indulgen-
ces,*

*Ius les, vi-
des, s'esles.*

*l'Indice
des liures,*

*le Cate-
chisme,
Messel, &
Breuiare,
remis au
Pape,
decret des
preseances
sans preiu-
dice,
exhortatiō
à garder
lesdits
Decrets,*

*lecture des
decrets des
deux pre-
mieres se-
nuës du
Concile,*

*approuués,
& le Con-
cile conge-
dié,*

A cause, qu'il estoit ia tard, le demeurant en put estre expédié en cette Session: dont, suiuant la deliberation prise en la Congregation generale, il fut differé au iour suiuant: auquel, quoy que la nouuelle fut ia arriuée, que le Pape se portoit mieux, & estoit hors de danger de la vie, la Congregation ne laissa pas de se tenir auant iour: & en icelle furent lus les Decrets touchant les Indulgences, la closture du Concile, & la demande de la confirmation d'iceluy au Pape; lesquels furent approuuez de tous. Apres midy, fut tenuë la Session, en laquelle fut leu le Decret des Indulgences: lequel contenoit en substance, Que Christ a baillé pouuoir de les donner à l'Eglise: & qu'elle en a vsé de toute ancienneté. Et pourtant le Concile enseigne & commande, que l'vsage d'icelles soit continué, comme estant salutaire au pèuple Chrestien, & approuué par les Conciles: & anathematizé quiconque dira, qu'icelles sont inutiles: ou, que l'Eglise n'a pouuoir de les donner. Et, pour garder les anciennes coustumes, & remedier aux abus; le Concile commande, que toutes les deshonestes & induës marchandises pour les obtenir soient abolies. Et, quant aux autres abus, il enjoint aux Euesques, que chacun d'eux recueille tous ceux de son Eglise, & qu'il les propose au Synode Prouincial, pour les rapporter puis apres au Pape, lequel par son autorité & prudence, ordonne ce qui sera expedient pour l'Eglise vniuerselle. Et quant aux Iusnes & distinctions des viandes, & à l'observation des festes, le Concile exhorte les Euesques de garder les ordonnances & commandemens de l'Eglise Romaine. Et quant à l'Indice des liures defendus: quoy que l'ouurage fust acheué; toutesfois, d'autant que le Concile ne pouuoit en iuger commodément & distinctement, il ordonne que tout ce que les deputés y ont fait & trauaillé, soit porté & présenté au Pape, afin que, de son iugement & autorité, il soit terminé & publié. Et que le mesme soit fait du Catechisme, du Messel, & du Breuiare. Puis fut publié vn autre Decret que par les lieux & places assignees au Concile au Ambassadeurs, tant Ecclesiastiques, que Seculiers, ne s'entendist fait preiudice à aucun: ains que les droits, & prerogatiues de l'Empereur, des Rois, Princes, & Republiques, demeurassent en leur entier, & au mesme estat qu'elles estoient auant le Concile. Enfin fut leu encor vn Decret, par lequel, apres auoir inuectiué contre heretiques, & déclarés les diligences du Concile contre-eux, & la necessité de le clorre, il exhorte, & admoneste les Princes à faire tout deuoir, à ce que les Decrets du Concile ne soient violez, ne deprauez par les heretiques: ains que par eux, & par tous, ils soient religieusement receus, & fidelement gardez. Que si en la reception d'iceux, naist quelque difficulté, ou s'il se presente quelque chose, qui requiere declaration ou definition, le Concile, outre les remedes ordonnés par luy mesme, s'asseure, que le Pape de Rome y pouruoirra, soit en appellant ceux qu'il iugera à propos pour traiter de ces matieres, des lieux mesmes, d'où les difficultez procederont: soit aussi en conuoquant Conciles generaux: ou par quelques autre plus conuenable voye.

Apres furent lus tous les Decrets, faits sous Paul, & Iules en ce Concile: tant en matiere de foy, que de Reformation. Et pour dernier Acte, le Secretaire du Concile, alla au milieu de la seance, & demanda aux Peres, s'il leur plaisoit Que le Concile fust clos & terminé: & qu'au nom d'iceluy, les Legats, & le President, demandassent au Pape Pie quatrième la confirmation de toutes les choses, arrestées sous Paul & Iules, & sous Sa Sainteté mesmes? A quoy fut respondu, non par suffrages vn à vn, mais d'une voix commune & generale acclamation, Placet, Le Cardinal Moron, comme premier President, octroya Indulgence pleniere à tous ceux qui s'estoient trouués au Concile, & à tous ceux qui estoient presens en cette Session: & benit le Concile, & les congédia tous, leur disant, Qu'apres auoir rendu graces à Dieu, ils s'en allassent en paix.

Les Eglises Orientales auoient anciennement vne coustume de traiter les affaires du Concile en l'assemblée publique, en presence de tous : & selon que l'occasion s'en presentoit, il aduenoit souuent, qu'ils y faisoit des acclamations populaires, & mesmes par fois tumultueuses, lesquelles pais apres se terminoient en bonne & sainte concorde. Et à la fin, les Euesques transportés de ioye, pour les vnanimés deliberations, qui auoient esté prises, s'escríoient en loüange des Empereurs qui auoient conuoqué & fauorisé le Concile ; & en recommandation de la doctrine qui y auoit esté declarée ; & en prieres à Dieu pour la continuelle assistance de sa grace enuers l'Eglise, pour le salut des Empereurs, & pour la santé & prosperité des Euesques : & ces acclamations n'estoient point meditées ; ains, selon que l'Esprit pouſſoit quelqu'un des bons Euesques à esclater en quelque vne de ces conceptions à propos, la commune voix le suiuoit. Cecy fut aussi imité à Trente, non toutesfois pour donner lieu à subit mouuement d'esprit d'aucun : mais ayant tout premier digéré, ce qui deuoit estre proposé & respondu, & lisant le tout couché par escrit. Le Cardinal de Lorraine prit la charge, non seulement d'estre le principal à composer les acclamations, mais mesmes de les entonner. Ce qui generalement fut pris pour vne legereté, & vanité, peu seante à vn si grand Prelat & Prince : attendu que cela appartenoit plustost aux Diacres du Concile, que non pas à vn Archeuesque, & Cardinal des principaux, tel qu'il estoit. En icelles donc, le Cardinal entonnant, & les Peres respondans, fut priée longue vie au Pape Pie ; & eternelle felicité à Paul, & à Iules. Apres, fut benite la memoire de Charles cinquieme Empereur, & des autres Rois, qui auoient fauorisé & protégé ce Concile. Suiuamment fut prié longue vie à l'Empereur Ferdinand, Orthodoxe, & Pacifique : & à tous Rois, Republiques, & Princes de Chrestienté. Et aux Legats & Presidens, longue vie, avec action de graces. Semblablement aux Cardinaux & Ambassadeurs, longueur de iours avec grandes actions de graces. Et aux Euesques vie, & heureux retour à leurs Eglises. Et à tous prescheurs de verité, memoire perpetuelle : & au Senat Orthodoxe, longues années. Puis apres, par les mesmes acclamations, fut recommandée la foy du Saint & General Concile de Trente, comme estant la foy de Saint Pierre, & des Apostres, & des Peres & des Orthodoxes. Et pour closture, en vn seul mot fut prononcé Anatheme à tous les heretiques en general, sans specifier ny anciens, ny modernes. Apres ces acclamations, & Antiphones, il fut commandé, sous peine d'excommunication, à tous les peres, qu'auant que partir de Trente, ils eussent à signer de main propre les Decrets du Concile, ou à les approuuer par instrument public. A cela fut employé le iour ensuiuant, qui estoit le Dimanche : & pour le faire par bon ordre, fut tenuë vne maniere de Congregation : & les signatures furent de quatre Legats, & deux Cardinaux, de trois Patriarches, de vingt-cinq Archeuesques, de deux cens soixante-huit Euesques, de sept Abbés, de trente-neuf Procureurs d'absens, de sept Generaux d'Ordres Reguliers. Et nonobstant qu'il eust esté arresté, que les Ambassadeurs signeroient apres les Peres, il fut lors pris vne resolution contraire, pour diuers esgard : dont l'un estoit, d'autant que n'y ayant aucun Ambassadeur de France, quand on verroit les signatures des autres, & non celuy de France ; on croiroit que ce fust vne declaration, que les François ne receuoient point le Concile : l'autre estoit, pource que le Conte de Lune se faisoit entendre, qu'il ne signeroit point absolument, ains avec reserue : d'autant que le Roy, son Maistre, n'auoit point consenty à la closture du Concile. Les Legats publierent que la coustume ne portant pas, qu'aucun signent les Arrests, sauf ceux qui ont voix deliberatiue, ce seroit chose nouuelle & inusitée, que les Ambassadeurs signassent.

La Cour de Rome auoit esté en grand esmoy & confusion, lors que le Pape tomba malade, chacun apprehendant grandement sa mort : d'autant que n'ayant encor iamais veu mort de Pape, pendant vn Concile ouuert, on redoutoit les euenemens : dont on auoit quelque exemple & eschantillon au

1563.

*pour la
closture du
Concile,*

*duquel le
Pape est
informé
par ses
Legats:
la Cour de
Rome est
triste à
cause de
la reform-
ation,*

*dont le Pa-
pe depute
des Car-
dinaux
pour adui-
ser s'il la
doit con-
firmer, en
quoy il y a
diuersité
d'avis,*

Concile de Constance, lequel en l'election d'un nouveau Pape, en lieu du de-
posé, adioignit autres Prelats aux Cardinaux: & craignoit-on le semblable,
& encor quelque chose de pis, à Trente. Et, combien que l'Ambassadeur
Vargas, asséurast que l'Ambassadeur & les Prelats Espagnols à Trente, a-
uoient commission du Roy, que l'election du Pape demeurast en tel cas aux
Cardinaux: si est-ce, qu'attendu le petit nombre des Espagnols, ces paroles
ne donnoient point de pleine confiance. Mais la ioye fut grande, quand on
sçeut l'amendement de la santé du Pape: car il sembloit à tous d'estre deli-
urés d'un grand danger: & cete ioye fut bien redoublée, lors qu'on entendit
la fin & closture du Concile: pour laquelle le Pape ordonna vne solennelle
procession, pour remercier Dieu d'un si grand bien-fait. Et en Consistoire il
monstra le grand contentement qu'il en auoit: & dit, qu'il le vouloit confir-
mer, & y adiouter encor d'autres reformatiōs: & enuoyer trois Legats, l'un
en Allemagne, l'autre en France, & le troisieme en Espagne, pour exhorter
à mettre en execution les Decrets, & pour permettre les choses raisonna-
bles, & relascher celles qui sont de droit positif.

Auant la feste de Noël, les Legats Moron & Simonete arriuerent à Rome:
& le Pape voulut, en plusieurs audiences, entendre d'eux les particularités
des choses qui s'estoient passées à Trente: & prit par memoire les noms des
Prelats, qui auoient pris le plus de peine pour le Concile, afin de les faire
Cardinaux. La Cour, entendant la resolution du Pape, porté à la confir-
mation du Concile, changea sa ioye en plaintes: tous les officiers faisans de
grandes doleances, pour l'interest & dommage qu'ils souffriroient en leurs
offices, en cas que la Reformation du Concile fust effectuée. Et conside-
roient de plus, que les Decrets d'icelle estans conceus en termes generaux,
& sans clauses de subtile explication; toutesfois & quantes qu'il naistroit
quelque difficulté, le monde, ia tout accoustumé à abboyer contre icelle
Cour, leur donneroit tousiours interpretation contraire à leurs interests,
laquelle seroit embrassée comme chose specieuse, & couuerte du beau man-
teau & titre de reformation. Ceux, qui auoient acheté les offices, & qui pre-
uoyoient cete perte, presentent requeste & memoires au Pape, deman-
dant desdommagement: ce que le Pape reputoit estre d'importance, & di-
gne d'un bon remede & prouision, afin qu'il ne causast la desolation de Ro-
me. Et, apres y auoir bien & meurement pensé, il deputa des Cardinaux
à consulter sur la Confirmation, & à aduiser aux remedes, qu'on pourroit
apporter aux doleances de la Cour. Aucuns Cardinaux conseilloyent de
confirmer tout promptement les Decrets concernans la foy: mais de proce-
der lentement & meurement es autres: d'autant qu'il y en auoit, qui meri-
toient grande consideration pour le peu de fruit, & à l'opposite, pour la gran-
de confusion qu'ils apporteroient: & d'autre aussi, desquels, pour l'impossi-
bilité, ou grande difficulté à les mettre en pratique, on seroit souuent neces-
sité de dispenser: ce qui, apres la confirmation, ne seroit point sans mes-
seance, & sans donner à parler. Et qu'en outre, il estoit necessaire de bien
considerer & peser la maniere qu'il faudroit suiure pour les mettre en exe-
cution, pour faire qu'ils ne portassent dommage ne preiudice à aucun: at-
tendu que les reiglemens, qui sont avec le detrimēt d'autrui, ne meri-
tent pas le nom de reformation: & que par un peu de delay, moyennant
lequel on pourroit entendre les aduis de plusieurs autres, on pourroit ap-
prendre ce qui se pouuoit faire, au commun contentement de tous: sans
lequel, toutes les Reformations se tournoient en difformations. Sur ces ré-
monstrances, le Pape choisit huit Cardinaux, pour les reuoir: lesquels, a-
pres un long examen, furent pour la pluspart d'avis, qu'il falloit les moderer
tous, auant que les confirmer: & considerer que, puis qu'ils estoient suiets à
receuoir de l'opposition, il valoit mieux la faire au commencement, que
non pas de leur donner credit & reputation par la confirmation, & puis les
vouloit moderer. Qu'il estoit tout certain, que ceux, qui auoient procuré le
Concile, n'auoient visé à autre but, qu'à l'abaissement du S. Siege: & que,

pendant que le Concile auoit esté sus pied, tous auoient parlé, comme si le Concile auoit puissance d'imposer loy au Pape. Et pourtant, qu'à present il falloit demonstrier, en moderant & annullant aucuns des Decrets d'iceluy, qu'il appartient au Pape de donner loy aux Conciles, & non la recevoir d'eux.

Le Pape de soy-mesmes estoit enclin à la confirmation, & y estoit encor *mais en fin* de plus fort induit par les persuasions des Cardinaux Moron, & Simonete: *à la persuasion* mais estoit perplex, à cause des plaintes de la Cour, & de la generale opinion de presque tous les Cardinaux. Et pourtant, pour venir à vne resolution finale, il appella, outre les dessusdits, les Cardinaux de la Bourdaisiere, François, & Amule, Venitien: ensemble les principaux officiers de la Chambre, de la Chancellerie, & de la Rote: & là, ayant mis l'affaire en deliberation, les quatre Cardinaux conseillèrent vnanimement; que le Pape confirmast le Concile absolument. Le Cardinal Amule, és memoires duquel i'ay veu cete negotiation, dit, Que Sa Sainteté, par sa patience, prudence & vertu, avec despens immenses de luy; & travail, & coust tres-grand de tant de Prelats, auoit veu la fin d'une grande & difficile entreprise, de conuoquer, conduire, & clorre le Concile. Et qu'il y en auoit encor vne, mais sans difficulté: à sçauoir, de garentir & soy, & le Siege Apostolic, & tout l'Ordre Ecclesiastic, du danger de retomber és mesmes difficultés, dangers, incommodités, & despens. Qu'il y auoit quarante ans, que le monde ne parloit d'autre, que du Concile: & que iamais il n'auoit esté au pouuoir des Papes de le diuertir; pour l'ancrée persuasion qu'auoit le monde de la necessité d'iceluy, & qu'il dult porter fruit. Si donc maintenant disoit-il, il n'est pas si tost acheué, qu'on parle desia de le corriger, ou moderer: ou, il est laissé en suspens par faute de confirmation Papale; ce sera autant que declarer tout ouuertement, qu'à Trente, il n'a point esté pourueu à ce qui estoit necessaire, & à ce qu'on attendoit: dont tout subit sera mise en ieu quelque autre prouision, soit par le moyen de Conciles Nationaux, soit par vn autre General: ce qui relancera l'Eglise dans les mesmes angoisses, d'où elle a esté vne fois deliurée avec tant de peine & d'ahan. En lieu, qu'approuuant les Decrets du Concile, comme vne Reformation parfaite & accomplie, & les mettant en credit & reputation; & mesmes en execution en ce qui sera possible, vne grande partie sera persuadée, qu'il n'y defaut rien du tout. Et dit en suite, qu'il n'y auoit chose aucune plus vtile pour les temps courans, que de semer & fomentier le bruit, que le Concile auoit fait vne sainte, necessaire & parfaite Reformation, sans laisser esuenter qu'aucun Cardinal fust nul doute, que le Concile n'eust exploité ce, pourquoy il auoit esté conuoqué: car ainsi faisant, disoit-il, l'humeur du monde se rasserra & appaisera peu à peu, & Sa Sainteté pourra, par le moyen des dispenses, pouruoir à ses Ministres, & seruiteurs sans violer les Decrets du Concile: veu qu'en iceux mesmes est reseruée l'autorité du Siege Apostolique. Et les mesmes Decrets luy seruiron de bouclier pour rabatre les demandes importunes de ceux, qu'il ne iugera dignes de grace. Et par ainsi, avec le temps, tout doucement & insensiblement, les affaires retourneront en leur premiere assiete, sans que le monde s'en apperçoie. Qu'autresfois on auoit tenu ce mesme style & procedure, lors que la necessité auoit contraint de ceder à ces humeurs, lesquelles ont accoustumé de naistre és suiets contre ceux qui gouvernent. Et que quand autres feroient quelque opposition à ces Decrets, si falloit-il que Sa Sainteté, pour la reputation d'un si grand nombre de ses creatures, & de ses Legats, & la sienne propre, les soustint: bien loin, que tous les autres se taisans, elle mesme les dult totalement esgorger: attendu que toute moderation, correction, ou mesmes dilation à les confirmer, pour petite qu'elle fust, estoit vn coup mortel à tous. Ioint que le vulgaire, qui prend tousiours les choses à contresens, ne sçaura que dire autre chose, sinon que la Cour de Rome, & le Pape ne veulent point de Reformation.

Les Officiers de la Cour, quasi tous, parlerent au contraire: representans

1563. leurs dommages & preiudices : & monstres que le tout redonderoit à la lésion de Sa Sainteté, & du S. Siege, & à la diminution des reuenus d'iceluy. Il n'y eut que Hugues Boncompagne, Euesque de Vestice en la Pouille, lequel du depuis le Pape crea Cardinal, homme fort versé au maniement des affaires de la Cour de Rome, qui dit, Qu'il s'esbahissoit grandement de ces vaines apprehensions. Qu'il falloit considerer, que, par cete confirmation du Concile, ne luy estoit baillée aucune autorité plus grande, que celle qu'auoient les autres Conciles generaux, & que celle qu'on auoit attribué au Decret, & Decretales : du grand nombre desquels, & desquelles, ensemble de leur expresse & formelle façon de parler contre les mœurs & coustumes du temps present, on receuroit sans fin plus de preiudices, & de lésions, que de ce peu de Decrets de Trente, qui sont conceus en termes fort reserues : n'estoit, que nulle loy ne gist en paroles, mais en intelligence : & encores non en celle, que luy baille le vulgaire, ou les Grammairiens, ains en celle, que l'usage & l'autorité confirme. Et que les loix n'ont autre vigueur, que celles qu'elles empruntent de ceux qui ont le gouuernement & administration d'icelles en main, & qui en sont les executeurs : lesquels leur donnent vn sens plus ample, ou plus retressi, voire mesme contraire quelques fois à ce que les paroles portent. Dont toutes les modifications & restrictions, qu'on scauroit à present faire és Decrets du Concile de Trente, ne feroient point d'autre effet, que celles que, nonobstant l'absoluë confirmation, se feront cy-apres par l'usage, ou par expresse declaration és occasions. Et pour conclusion, dit, qu'il ne pouuoit voir aucune difficulté à la confirmation. Mais bien aduertissoit-il, que tout presentement on obuiait aux inconueniens, qui pouuoient naistre par la temerité des Docteurs, lesquels, plus ils sont ignorans de la maniere de gouuerner, & des necessités publiques, plus ils s'attribuent de pouuoir de donner interpretation aux loix ; ce qui ne fait que confondre le gouuernement public. Qu'on voyoit par experience, que les loix ne faisoient point de mal, & ne caufoient aucun procès, sinon par les diuers sens qui leur estoient donnés. Que, par la constitution du Pape Nicolas troisieme sur la Reigle de S. François, aucun desordre ne naist iamais sur icelle, quoy que la matiere soit pleine d'ambiguités : merey la defense, que ce Pape a faite aux Gloseurs & Commentateurs, de l'interpreter. Que si, disoit-il, on pourroit en la mesme façon aux Decrets de Trente, & qu'on defende d'escrire sur iceux, on aura obuie à vne grande partie du mal, qu'on apprehende. Mais, si encor outre cela, Sa Sainteté interdit toute interpretation, mesmes aux Iuges, & ordonne qu'en toutes perplexités & doutes, on recoure au S. Siege, pour en auoir l'interpretation, nul certes ne se pourra seruir du Concile au preiudice de la Cour de Rome : & on le pourra, par l'usage, & par les declarations, accommoder à ce qui sera au benefice & aduantage de l'Eglise. Et Sa Sainteté, comme elle a vne Congregation, laquelle vaque aux affaires de l'Inquisition avec beaucoup de fruit, pourra de mesmes en establir vne autre sur ce fait particulier, d'interpreter le Concile : à laquelle elle commandera que soient rapportés les doutes & difficultés de tous les endroits du monde. Ainsi faisant, disoit-il, ie preuoy, que non seulement par les Decrets du Concile ne sera nullement amoindrie l'autorité du Saint Siege, ains les droits & prerogatiues de l'Eglise Romaine en seront grandement accruës, & amplifiées, moyennant qu'on se sçache bien seruir de ces moyens. Tous les assistans furent esmus par la force de ces raisons, & le Pape mesme sentit bien la necessité, qu'il y auoit de venir à l'absoluë confirmation, sans aucune modification. Dont, estant tout persuadé, qu'il en arrieroit selon que cet Euesque representoit, il se resolut de n'ouïr chose aucune au contraire : ains de confirmer le Concile, s'en reseruant l'interpretation, & deliberant d'establir la Congregation portée par l'aduis de l'Euesque de Vestice : estant plein d'esperances de recueillir de bons fruits des travaux qu'il auoit pris pour mener à fin le Concile. Et, ayant conferé de cete sienne pensée aux Cardinaux à part, il arresta d'en venir à l'effet.

En suite de quoy, le vingt-fixième Decembre, les Cardinaux Moron & Simonete, en Consistoire, apres auoir exposé la teneur du Decret de la dernière Session, Qu'ils eussent à demander la confirmation au Pape, dirent, Qu'ils prioient Sa Sainteté, qu'il luy plust de confirmer tout ce, qui auoit esté decreté & definy en ce Concile-là, sous Paul, Iules, & Sa Sainteté mesmes. Sur quoy le Pape fit premierement lire le susdit Decret, & puis fit cou-
1563. il se porte à la confirmation de vive voix & par vne Bulle expresse
 rir les voix des Cardinaux. Tous furent conformes à dire, Que le Concile fust confirmé: sans les Cardinaux Saint Clement, & Alexandrin: lesquels dirent, Que ce Concile auoit donné trop d'autorité aux Euesques, & qu'il estoit necessaire de le moderer, & faire tout presentement les exceptions des Articles, qui l'estendoient & amplifioient par trop, lesquels auoient desia esté remarqués. Mais le Pape conclut en fin, Qu'il estoit expedient de les confirmer tous, sans exception: ce qu'aussi il fit de paroles en Consistoire, en les confirmant, & commandant à tous fidelles, qu'ils eussent à les recevoir, & obseruer inuiolablement. Et puis le mesme iour il publia vne Bulle, signée de tous les Cardinaux, en laquelle d'entrée il exposoit les causes de la conuocation du Concile, & puis deduisoit le progrès d'iceluy, & les empeschemens & difficultés: lesquelles de temps en temps estoient venues à la trauerse: puis representoit ses diligences pour fauoriser la liberté du Concile, permettant mesmes, que des choses reseruees au Siege Apostolic, le Concile en ordonnast à sa volonté. Et rendoit graces à Dieu, qu'il eust esté terminé avec l'entier consentement de tous. Et pourtant dit, qu'ayant esté requis, au nom du Concile, d'en confermer les Decrets, & les reconnoissant tous Catholiques, & vtils au peuple Chrestien; il les auoit confirmés en Consistoire: & les confirmoit encor de plus fort par le present Escrit: commandant à tous les Prelats de les faire obseruer: & exhortant l'Empereur, les Rois, Republiques, & Princes, d'assister de leur faueur les Prelats, en l'observation & execution d'iceux. Et de ne permettre, ains totalement defendre à leurs peuples de recevoir opinions contraires à la doctrine de ce Concile. Et, pour eiter confusion, il faisoit inhibitions & defenses expressees à tous de quelque qualité & condition qu'ils fussent, tant Clercs que Lais, qu'ils n'eussent à y faire aucuns commentaires, gloses, annotations, ny interpretations de quelque sorte que ce fust: ne faire sur iceux aucune ordonnance, ou statut, non pas mesmes sous pretexte de plus grande corroboration, ou execution des Decrets. Mais commandoit, que là, où il escherroit d'expliquer quelque passage obscur, ou de decider quelque difficulté, tous eussent à recourir au S. Siege: d'autant que luy mesmes se reseruoit de declarer les difficultés, & controuerses: selon que le Concile mesme en auoit arresté.

L'Acte Consistorial de la confirmation, & cete Bulle, furent imprimés
ingens sur cete action au Pape,
 ensemblément avec les Decrets. Ce qui donna suiet de discours: attendu que par le contenu de l'Acte & de la Bulle, il paroissoit clairement, que les Decrets n'auoient point leur force & vigueur, comme ordonnés par le Concile, mais seulement en vertu de la confirmation. Dont on disoit, Qu'un auoit veu & examiné la cause, & qu'un autre auoit donné la sentence. Et qu'on ne pouuoit point dire, que le Pape eust premier veu les Decrets, que de les auoir confirmés: attendu que, par l'Acte Consistorial, il apparoissoit qu'il n'auoit veu autre Decret, que celuy qui portoit de demander la confirmation. Qu'au moins à Trente on auoit fait lire les Decrets, faits sous Paul, & Iules: & qu'il appartenoit plustost de les confirmer à ceux qui les auoient ouïs, que non à celuy qui n'en auoit rien entendu. Mais autres respondoient, Qu'il n'estoit ia besoin que le Pape les vist: attendu que chose quelconque n'auoit esté faite à Trente, qui n'eust premierement esté deliberée par le Pape. En plusieurs Consistoires suiuaus, le Pape parla du moyen de faire obseruer les Decrets du Concile, & dit, que luy mesmes les vouloit garder, ores qu'il n'y fust obligé: & donna parole de n'y deroger iamais, si non pour euidente & vrgente necessité, & avec le consentement des Cardi-

1563.

naux. Et donna charge aux Cardinaux Moron, & Simonete, de prendre attentivement garde, si d'auenture il se propoisoit ou traitoit en Consistoire chose aucune contraire à iceux, & de l'en aduertir. Mais, c'estoit vn bien leger remede, pour obuier aux contrauentions: attendu que des concessions, qui se font à Rome, il n'y en a pas la centième partie, qui s'expedie en Consistoire. Il enuoya les Euesques à leurs residences, & arresta de se seruir au gouuernement de la ville de Rome, & de l'Estat de l'Eglise, des Protonotaires, & des Referendaires. Mais, quoy que le Pape, par la closture du Concile, se trouuaست deliuré de la grande fascherie qu'il en auoit, il demeura pourtant en tous les Royaumes des restes & semences, dont pullulerent nouuelles difficultés.

mesconten-
temens sur
les decrets
du Conci-
le en Es-
pagne,

On eut aduis d'Espagne, que le Roy, auoit eu du desplaisir & ressentiment de la closture du Concile: & qu'il auoit deliberé d'assembler en sa presence les Euesques & Agens du Clergé d'Espagne, pour aduiser comment iceluy deuoit estre mis en execution. Et la nouuelle n'en fut pas fausse. Car, non seulement tout ce qui se fit en Espagne cette année-là, au Printemps & en l'Autonne, pour receuoir & executer les Decrets du Concile, fut fait par commission, & par deliberation prise au Conseil du Roy: mais mesmes aussi, le Roy enuoya ses Presidens aux Synodes qui se tinrent, y faisant proposer ce qui luy plaisoit, & qui venoit bien à ses affaires. De quoy le Pape auoit vn grand mescontentement, indigné que le Roy s'attribuast tant de pouuoir sur les choses Ecclesiastiques. Mais il n'en fit aucune demonstration avec les Ministres d'iceluy, à cause du dessein qu'il auoit de se seruir de cela en autre occasion.

mais sur
tout en
France,
pour plu-
sieurs
chefs pre-
iudicia-
bles:

Et quant à la France, il faut sçauoir, que le President du Ferrier, pendant son seiour à Venise, auoit fait plusieurs obseruations sur les Decrets des deux dernieres Sessions, tenuës apres son depart, lesquelles il auoit enuoyées à la Cour: dont le Cardinal de Lorraine, à son arriuée, eut beaucoup d'attaques & de reproches, d'auoir consenty à choses preiudiciables à la Couronne. On luy obiectoit, que, par les paroles du premier Canon de la Reformation generale, qui donnent au Pape, *sollicitudinem Vniuersæ Ecclesiæ*, il auoit cédé le point, que luy mesmes, & tous les Euesques François, auoient par vn si long espace de temps debatue, & emporté, afin qu'aucun preiudice ne fust fait à la commune opinion tenuë en France, Que le Concile est par dessus le Pape. Qu'il auroit pu remedier à cela par vne ieule parole, faisant qu'il fust dit, selon la phrase de Saint Paul, *sollicitudo de toutes les Eglises*: ce que nul n'auroit nié ne debatue, comme estant vn dire d'Apostre. Et en outre, qu'il auoit esté fait preiudice à la mesme opinion par le vingt-vnième Canon de la dernière Session, reseruant en tous les Decrets l'autorité du Siege Apostolic: & mesmes aussi par le dernier Decret, de demander la confirmation au Pape. On luy reprochoit aussi, que le Roy, & toute l'Eglise Gallicane, ayant fait grandes instances, à ce qu'il fust dit & déclaré, que cete tenuë du Concile estoit Indiction d'un nouueau Concile, & non Continuation, il auoit toutesfois esté dit au susdit vingt-vnième Canon, & au Decret de relire les choses arrestées sous les Papes Paul, & Iules, que ce n'estoit que continuation, & vn mesme Concile avec celuy, qui auoit esté tenu sous ces Papes. Et que, par son consentement, on auoit honteusement cédé tout ce que le Roy auoit debatue par l'espace de deux ans. On disoit aussi, que d'auoir approuué les choses faites & gerées sous Iules, estoit au des-honneur & preiudice de la protestation faite en ce temps-là, par le Roy Henry second. Mais sur tout on blasmoit, que, veu que sous Paul & Iules, on auoit tousiours fait honorable mention en special du Roy François premier, & de Henry second, conjointement avec l'Empereur Charles cinquième; le Cardinal n'auoit moyené, qu'il fust fait mention des mesmes Rois és acclamations, esquelles on auoit bien nommé Charles cinquième: & semblablement que le Roy de France moderne auoit esté obmis, veu qu'on nommoit bien l'Empereur Ferdinand. Le Cardinal s'excusoit de tout le reste, disant, Qu'il n'auoit pu,

avec six Prelats, qui seuls estoient demeurez en sa compagnie, resister au consentement de plus de deux cens. Mais il ne se pouuoit iustifier de la dernière imputation: qu'on luy donnoit: quoy qu'il dist, qu'il l'auoit fait pour conseruer la paix entre les deux Royaumes: car on luy repliquoit, Que donc il pouuoit bien laisser la charge d'entonner ces acclamations à d'autres, sans estre luy mesme l'auteur de ce preiudice. Ainsi aduient-il souuent que les hommes vains, en lieu qu'ils croient d'acquérir de la reputation en detail, la perdent en gros.

Mais les Conseillers au Parlement trouuerent bien plusieurs autres choses à redire es Canons de reformation, publiés en ces deux dernières Sessions. Car ils disoient, que l'autorité Ecclesiastique auoit esté eslargie hors de ses limites, avec breche & diminution de la temporelle: attendu qu'aux Euesques estoit donné pouuoir de proceder à peines pecuniaires, & à prises de corps contre les Lais. Que Christ n'auoit donné autre autorité à ses ministres, que purement & simplement spirituelle. Que du depuis, le Clergé estant deuenu membre & partie de l'Estat, les Princes auoient de grace permis aux Euesques de punir les Clercs inferieurs, de peines temporelles, pour faire que la discipline fust obseruée entr'eux. Mais que d'vser de mesmes peines contre les Lais, ils n'en auoient le pouuoir, ne par loy diuine, ne par humaine: ains par pure vsurpation. Aussi trouuoient-ils à redire en ce qu'au Canon du Duel, le Concile pretendoit de commander à l'Empereur, aux Rois, & aux autres souuerains, qui le permettent en leurs terres: & ce, sous peine d'excommunication. Car ils tenoient, qu'en quelque cas ce n'est pas mal fait de permettre le Duel: comme à Rome, & ailleurs, sont bien tolerés les bordeaux, & autres delits; lesquels, quoy que mauuais en soy, sont neantmoins permis pour euitier plus grands maux. Et que ce pouuoir, qui est naturel & propre aux Princes, comme leur estant donné de Dieu, ne leur pouuoit estre osté, ne limité, par aucune puissance humaine. Aussi estimoient-ils estre chose intolerable d'excommunier Rois, & Princes souuerains: selon la ferme maxime qu'on tient en France, que le Roy ne peut estre excommunié, ny mesmes les officiers Royaux, pour chose qui regarde l'execution de leur charge. De plus ils disoient aussi, que de priuer les Princes de leurs estats, & les Seigneurs de leurs fiefs, & de confisquer les biens aux particuliers, estoient toutes vsurpations de l'autorité temporelle: attendu que la puissance, que Christ a donnée à l'Eglise, ne s'estend point à choses de cete nature. Et sur le Canon des droits de patronage, ils disoient, Qu'on faisoit grand tort aux seculiers, de leur quereler ainsi leurs preuues & documens: & que tout ce Canon-là estoit fondé sur vne fausse Maxime, Que tous les Benefices sont libres, sinon qu'on verifie & face apparoir le Patronage. Car, à l'opposite, il est certain, que les Eglises n'ont aucuns biens temporels, sinon donnés par les Seculiers: lesquels il n'est à presumer, qu'ils les ayent voulu donner en sorte, qu'ils pussent estre maniés & dissipés au gré des Ecclesiastiques: ains, qu'au commencement tous Benefices estoient Patronages, & faudroit les presupposer tous tels, sauf là, où on pourroit faire apparoir de donation pure & simple, avec totale cession du Patronage. Et comme la Communauté, ou le Prince, succedent aux espauës & biens vacans sans heritier; ainsi tous les Benefices, qui ne sont de droit de patronage d'aucun particulier, deuroient estre sous le patronage public. Quelques vns aussi se mocquoient de cete façon de parler, que les Benefices sous patronage sont serfs, & les autres libres: comme s'il n'estoit pas tout euident, que la seruitude est bien plus grande à estre sous la disposition de la Cour de Rome, qui les manie contre leur institution, & fondation; que non pas, sous le patronage des seculiers, qui les conseruent. Outre la Censure d'aucuns Decrets pour la susdite cause, ils adioustoient, qu'il y en auoit d'autres, qui estoient contre les coustumes & immunités de l'Eglise Gallicane: & disoient, que la reserue à la conoissance du Pape seul, es cause criminelles importantes contre les Euesques, estoit le pouuoir

1563.

qui appartient aux Conciles prouinciaux, & nationaux, qui auoient tousiours iugé en tous les cas de telles causes : & que de greuer lesdits Euesques, les tirant à plaider hors du Royaume, estoit contraire, non seulement aux vs & coustumes de France, mais mesmes aussi aux anciens Canons des Conciles, lesquels ont tousiours voulu, que les causes fussent iugées & terminées es propres lieux. Ils adioustoient aussi, que c'estoit contre le droit, & contre les coustumes de France, que les Benefices fussent chargés de pensions, ou de reserves de fruits, ainsi qu'obliquement il auoit esté déterminé. Et semblablement, qu'il n'estoit pas tolerable que les causes de premiere instance fussent tirées hors du Royaume, au preiudice & totale abolition d'une coustume tres-ancienne, confirmée par plusieurs ordonnances royales : & que l'exception, d'vrgente & raisonnable cause, ny remedioit point : attendu que l'experience de tout temps auoit monstré, que par ce pretexte, toutes les causes estoient attirées à Rome : & quiconque veut debatre si la cause est vrgente, ou raisonnable, s'engage en double despenſe & difficulté : veu qu'il est contraint de plaider à Rome mesmes, non seulement la cause principale, mais aussi cet Article, & accessoire. Aussi n'approuuoient-ils point en façon quelconque, qu'il fust permis aux Mendians de posseder fonds & biens immeubles : & disoient, Qu'ayans esté receus en France sous cete institution, il n'estoit pas raisonnable d'alterer leur condition : que c'estoit là vn artifice perpetuel de la Cour de Rome, pour embler aux seculiers leurs biens, & les tirer au Clergé, & de là à Rome : faisant d'entrée que les Moines acquierent credit sous pretexte de vœu de pauvreté, comme n'ayans aucun but temporel, ains faisans tout par charité, au bien & seruice du peuple : & puis, apres qu'ils sont establis en la creance, les dispensant de leur vœu. dont promptement & aisément leurs Monasteres deuiennent riches, & opulens, & de là sont baillés à commende : & en fin tout coule à la Cour de Rome. On contrerouloit aussi l'exhortation faite au douzième Canon à tous fideles, de subuenir largement de leurs biens aux Euesques, & Curés : laquelle on aduoüoit bien estre bonne, en cas qu'iceux seruissent au peuple en ce qui est de leur deuoir, & qu'ils en eussent besoin. Que l'exhortation de Saint Paul portoit bien, Que celui qui est instruit, face part de ses biens à celui qui l'instruit : mais qu'elle n'a point de lieu, lors que celui, qui porte le nom de pasteur, vaque à toute autre chose, qu'à instruire le peuple. Et de tant plus, qu'au temps passé les biens Ecclesiastiques estoient employés à la nourriture des pauvres, & au rachat des esclaves Chrestiens : pour lesquelles causes on vendoit, non seulement les fonds, mais mesmes aussi les paremens de l'Eglise, & les vaisseaux sacrés : ce qui en ces derniers temps auoit esté interdit, sinon avec l'approbation du Pape : dont le Clergé s'estoit infiniment enrichy. Que iadis, en la Loy Mosaique, Dieu auoit donné les dismes aux Leuites, qui estoient la treizieme partie du peuple, avec inhibitions d'acquerir autre chose de plus. Mais le Clergé, qui n'estoit pas la cinquieme partie, auoit meshui acquis, non la disme, mais le quart, & tousiours continuoit à acquerir, y employant outre ce plusieurs artifices, & pratiques induës. Et que Moyse, ayant conuié le peuple à offrir pour la fabrique du Tabernacle, lors qu'il vid qu'on auoit offert suffisamment, defendit de la part de Dieu, que rien ne fust offert d'auantage : mais icy il n'y a point de borne, sinon lors qu'ils auront tiré tout sous leurs mains, si tant est que le monde continuë en sa lethargie, & brutale stupidité. Qu'il est bien vray, qu'il y a des Prestres, & des Religieux, pauvres : mais que cela aduient, d'autant qu'il y en a, qui sont excessiuelement riches : & qu'un departement egal les rendroit tous abondamment aisés & opulens. Mais encor, laissant toutes ces considerations tant euidentés à part, si le Concile exhortoit simplement le peuple à subuenir aux Euesques & Curés pauvres, en leurs necessités, la chose sembleroit tolerable : mais, de dire, de les subuenir, afin qu'ils puissent soutenir leur dignité, c'est à dire, leur fast, & luxe, c'est auoir perdu toute hon-te. Bien est vray, qu'en eschange il y a vn Decret au dix-huitième Canon,

en faueur du peuple, que les dispenses soient données gratuitement : mais puis que le formel & precis commandement de Christ n'en auoit peu exprimer l'obseruation, il n'estoit pas à esperer, que ce Decret püst faire plus grand œuvre.

Toutes ces choses estoient reprochées au Cardinal de Lorraine, auquel on imputoit de les auoir autorisees par sa presence, contre l'expres commandement, que luy en auoit fait le Roy, par ses lettres du vingt-huitième Aoust, desquelles a este parlé cy-dessus. A quoy le Cardinal ne rendoit aucune responce, sinon qu'en la Congregation du dixième Nouembre, lors que furent lus les Decrets, qui deuoient estre publiez en la Session de l'onzième du mesme mois, on auoit reserué les droits & l'autorité du Roy de France, & les priuileges de l'Eglise Gallicane. Mais Pibrac repliquoit, Que son Collegue, & luy, auoient fait toute diligence, pour auoir copie de ce Decret, & ne l'auoient iamais pu auoir : & qu'és affaires humains autant estoit n'apparoir point, que n'estre point. Ioint que cette reserue ne pouuoit seruir aux choses, publiees en la derniere Session. Mais ce n'estoit rien de ce qu'on disoit au Conseil du Roy, & au Parlement, sur le Concile au prix de ce que les Euesques, & les Theologiens, & mesmes leurs seruiteurs, & domestics, recitoient par vne liberté Françoisise, à toute occasion : representans, par derisions & manieres de raillerie, les dissensions, & les debats entre les Peres, & les brigues & interets, par lesquels fut traité l'affaire de la Reformation quoy que les plus familiers du Card. de Lorraine encherissoient par dessus tous les autres. Et mesmes il couroit vn bruit par la France, que le Concile de Trente estoit bien de plus grande autorité, que celuy des Apostres : car en lieu que les Apostres auoient dit, Il a semblé au Saint Esprit, & à nous les Peres de Trente auoient simplement dit, Il a semblé à nous, sans que le S. Esprit y eust aucune part.

En Allemagne, les Decrets de Reformation n'estoient en aucune consideration ny enuers les Catholics, ny enuers les Protestans, lesquels, examinoient seulement la matiere de la foy, & disoient, Que de faire d'une seule parole, dite incidemment, en parlant de la Messe, Qu'icelle sert aux trespassez, laquelle peut mesmes receuoir diuers sens ; vne definition d'un Article formé, & en ce sens la rapporter au Decret du Purgatoire, n'estoit pas de l'usage des Conciles ; & sur tout de celuy-cy, aussi les matieres estoient espluchees par le menu : & auquel, de toute question, qui pouuoit estre agitée en quelque maniere, estoit fait Article de foy. Mais, que d'auoir enjoint aux Euesques de faire enseigner la saine doctrine du Purgatoire, sans declarer quelle elle est, monstroient bien la grande haste qu'auoient eu les Peres de partir de Trente, laquelle apparoissoit encor plus grande au Decret, touchant les Saints, ayant condamné onze Articles, tout d'une haleine, & en vne seule periode, sans specifier lespece de condamnation, si c'estoit d'heresie, ou d'autre qualité : & en celuy des Images, auquel, apres vn long discours d'icelle, estoit anathematisé quiconque parle au contraire de ces Decrets, sans marquer expressement, ausquels se rapporte ledit Anatheme, aux prochainement precedans qui parlent des Images, ou bien à tous les autres. Mais on parla bien des Indulgences, plus que de nulle autre chose, disant, Qu'elles auoient occasionné la presente diuision entre les Chrestiens, & que pour icelles principalement auoit esté conuoqué le Concile, & qu'en cette matiere il n'y a aucune partie, qui ne soit contentieuse & incertaine, mesmes entre les Scholastics : & cependant le Concile auoit passé le tout sous silence, sans declarer chose aucune des points douteux & contentieux : & mesmes en ce qui concerne le remede aux abus, auoit parlé en termes ambigus, par lesquels on ne peut bonnement discerner ce qui est approuué, & ce qui est reprouué : disant seulement, qu'il y desire vne moderation conformement à l'ancienne coustume, approuuée en l'Eglise. Car c'est chose certaine, & tellement notoire qu'on ne la peut dissimuler, ne celer que en toute l'Eglise Orientale, de quelque nation

Eeeee

1563.

dōit le Cardinal de Lorraine est fort enculpé.

Et tout le Concile moqué en France,

en Allemagne la Reformation du Concile est mesprisee, & la doctrine censurée en diuers points,

1563.

que ce soit, il n'y a jamais eu, ny és premiers temps, ny en ceux d'apres, aucun vſage des Indulgences de forte quelconque. Et en l'Eglise Occidentale, si par ancienne coustume doit estre entenduë la pratique de l'Eglise auant Urbain deuxiëme, assauoir, iusques à l'an de Grace mil quatre vingts quinze, on ne peut ne dire, n'auerer qu'aucunes Indulgences ayent esté en vſage. Que si aussi on entend par cette coustume l'vſage d'icelles, introduit dès ce temps-là, iusques à l'an de Grace mil trois cens, on trouuera qu'iceluy estoit fort retenu, & qu'elles n'estoient données que pour la liberation des peines imposées par le Confesseur. Et apres ce temps-là, on peut voir, par le Concile de Vienne, les abus, qui se glissoient en cette matiere, lesquels iusques au temps de Leon dixiëme s'accrurent à l'infini. Et partant, que si le Concile desiroit de voir establir l'ancienne coustume approuuée en l'Eglise, il deuoit specifier en quelle Eglise, & en quel temps. Et sur ces paroles, que le trop de facilité en l'octroy des Indulgences, eneruoit la discipline Ecclesiastique, ils disoient qu'elles portoient vn manifeste aduëu & confession, qu'elles n'appartiennent donc point à la conscience, ny ne deliurent aucunement enuers Dieu, ains regardent seulement l'exterieur, qui est la discipline Ecclesiastique. Quant à la distinction des viandes, & aux Iusnes, ils disoient, Que c'estoit bien fait de les commander: mais que le Concile n'auoit pas decidé ce, dont le monde s'estoit tant plaint, assauoir, qu'on pretendoit en faire vne obligation de conscience. Pour ces causes & autres, les Princes Protestans d'Allemagne ne firent aucun estat de ce Concile. Il n'y eut que quelques Ministres de la Confession d'Augsbourg, & mesmes en petit nombre, qui publierent vne protestation à l'encontre, de laquelle on ne fit point grande estime. Mais les Catholiques d'Allemagne ne pensoient point aux dogmes du Purgatoire, & des Indulgences: & tandoient seulement à obtenir la Communion du Calice, le Mariage des Prestres, & la relaxation de la multiciplité des commandemens de droit positif, és iusnes, festes, & autres telles choses.

L'Empereur & le Duc de Bauiere demandēt au Pape le calice & le mariage des Prestres,

L'Empereur, & le Duc de Bauieres, desiroient qu'ils fussent contentez, & en firent instance enuers le Pape, par leurs lettres. Celles de l'Empereur estoient en date du quatorziëme Feurier de l'an mil cinq cens soixante quatre: & portoient, Que, pendant que le Concile auoit esté sur pied, il s'estoit employé de tout son pouuoir, pour obtenir la Concession du Calice, non pour ses interests particuliers, ne pour aucun scrupule de conscience qu'il en eust: mais d'autant qu'il auoit cru, & croyoit encores, qu'elle estoit necessaire, pour ramener à l'Eglise les desuoyez. Qu'il auoit alors patiemment porté les empeschemens, qui auoient esté entreiettez, & s'estoit contenté d'en traiter avec les principaux Prelats & Princes de l'Empire: avec lesquels en ayant conferé, pour scauoir s'il estoit expedient d'en faire nouuelle poursuite, ils auoient trouué bon, qu'il en traitast de nouveau avec sa Sainteté. Et pourtant, que se souuenant de ce que les Cardinaux Moron, & de Lorraine, luy auoient fait dire, dont le Nonce Euesque de Lesine l'auoit rassuré de plus fort au nom de sa Sainteté, il n'auoit voulu differer d'auantage à luy demander cette grace, sans entrer derechef à la deduction des grandes & vrgentes causes qui le mouuoient: & prioit instamment le Pape de vouloir prester ce bon secours à la nation Allemande, à laquelle tous les Catholiques prudens iugeoient ladite concession deuoir estre de grande vtilité & benefice. Adioustant aussi que pour conseruer les residus de la Religion Catholique en l'Empire, & pour en extirper les heresies, il importerait beaucoup de permettre que les Prestres, lesquels, pour se pouoir marier, se sont separez de l'Eglise, pussent estre receus à la paix d'icelle, en retenant leurs femmes: & qu'à l'aduenir, les endroits esquels n'y a Prestres à suffisance, fussent admis au ministere de l'Eglise hommes mariez de bonne vie, & renommée. De quoy il le prioit, tant en son nom, qu'en celui du Duc de Bauieres son gendre: l'assurant qu'il feroit en cela vn œuvre digne de sa pieté, & à luy tresagraceable.

Le contenu des lettres du Duc de Bauieres estoit, Que desia par plusieurs fois il auoit escrit à sa Saincteté, & luy auoit représenté le miserable estat de l'Allemagne au fait de la Religion: & qu'il auoit tousiours esperé qu'il ne seroit pas tenu longuement en attente du remede. Mais que, ne le voyant encores appliqué iusques alors, il s'estoit ioint à la Maiesté Imperiale, & aux Electeurs Ecclesiasticks, pour le supplier tous ensemblément d'octroyer à l'Archeuesque de Saltsbourg de pouuoir dispenser les Prestres Catholicks d'administrer le Calice aux confez, & contrits, croyans les autres Articles de la Religion: laquelle concession satisferoit à ses suiets demeurans en ses Estats & aussi à ceux qui sortent hors de ses terres, pour chercher qui le leur administre. Que pour luy il se contentera tousiours d'une espece, & ne forcera iamais à l'usage du Calice ceux, qui comme luy, se contenteront de la seule espece du pain, pour lesquels aussi il ne demande rien: mais bien luy semble-il conuenable au Vicaire de Christ, d'auoir pitié aussi des autres. Il pria aussi sa Saincteté de permettre au moins pour quelque temps, que les Prestres mariez pussent estre receus à la paix de l'Eglise, en retenant leurs femmes: & mesmes qu'on en pust ordonner & consacrer des mariez.

A ces lettres estoit adioustée vne Remonstrance, ou Consideration com-
posée par les Theologiens Catholicks d'Allemagne, qui portoit, Que c'est
chose euidente que la Sainte Escriture du Viel & du Nouveau Testament
permet le mariage aux Prestres: attendu que les Apostres, fors peut estre,
quelque peu, auoient esté mariés: & ne se trouue point que Christ, apres la
vocation, les ait fait separer d'avec leurs femmes. Qu'en l'Eglise primitive,
tant Orientale qu'Occidentale, les mariages des Prestres auoient esté libres
& licites, iusques au Pape Calixte. Que les loix ciuiles ne condamnent nul-
lement le mariage des Clercs. Qu'il est bien vray, que le Celibat au Clergé
est meilleur & plus desirable. Mais qu'à cause de la fragilité de la nature, &
de la difficulté de garder continence, il s'en trouue fort peu, qui ne sentent
les aiguillons de la chair. Et pourtant Eusebe raconte, que Denis le Co-
rinthien admonnesta Quintus Euesque, d'auoir esgard à la foiblesse de la
plus grand part, & à ne mettre le ioug du Celibat sur les freres. Et
que conformément à cela, Paphnuce auoit persuadé aux Peres du Con-
cile de Nicée de n'imposer aucune loy du Celibat, disant, Que l'usage de sa
femme propre est chasteté. Et que semblablement le sixieme Concile de
Constantinople n'auoit defendu l'accointance des femmes aux Prestres, si-
non au temps qu'ils deuoient offrir. Que, si iamais il y eut cause de permet-
tre le mariage aux Prestres, c'estoit en ce siecle. Que de cinquante Prestres
Catholicks, à peine s'en trouue-il vn seul, qui ne soit notoire paillard. Que
ce ne sont pas tant les Prestres, qui desirent le mariage que les Seculiers,
pour ne voir plus cette infameté de vie: & que mesmes les patrons des Egli-
ses ne vouloient plus bailler les Benefices à autres qu'à hommes mariez. Que
la seule defense du mariage estoit cause de la grande disette des Ministres.
Que pour cette mesme raison l'Eglise auoit autres fois relasché la feuerité
des Canons. Que le Pape auoit bien iadis confirmé vn Euesque en Sarago-
ce ayant femme & enfans: & vn Diacre bigame: & auoit commis le Sacre-
ment de la Confirmation à de simples Prestres par faute d'Euesque. Que
pour ces causes, & pieça, & maintenant encor, plusieurs Catholicks trouuoient
meilleur de dispenser de la loy de continence, & laisser en liberté le mariage
que non pas, en retenant cette loy, donner entree à vn infame Celibat. Sur
tout, que le Cardinal Panormitain tient, que le Celibat n'est point de la sub-
stance des saincts Ordres, ne de droit diuin. Que ce seroit pour le salut des
ames d'octroyer le mariage: & qu'il y en auoit des exemples de l'Eglise an-
cien au Concile d'Ancyre; & en Adam, & Eupsyche de Cesarée, Prestres
mariez. Qu'il est hors de doute, que le Pape en peut dispenser les Prestres
seculiers: ce que quelques vns estendent aux Reguliers. Qu'il semble bien
absurde de n'admettre Clercs mariés, & cependant tolérer les paillards. Et
que de vouloir debouter les vns & les autres estoit vouloir demeurer sans

1563.

ministres. Et au fort, si on vouloit roidir au vœu de la chasteté, il ne faudroit ordonner que des vieillards. Que la raison n'estoit pas bonne de s'amordre au Celibat, pour conseruer les biens Ecclesiastiques: veu qu'il n'est pas raisonnable de faire si grande perte d'ames pour sauuer biens temporels. Joint qu'on y pourroit pouruoir par autre voye. Et que si cela se faisoit, le Concubinage seroit banny de l'Eglise, & le scandale qui en offense plusieurs seroit osté.

Le Pape, sur ces remonstrances, estoit d'aduis de conuoquer à Rome des personages de pieté & de scauoir, de toutes les nations, pour traiter de ce point meurement: & en auoit ia parlé avec les Ambassadeurs residens auprès de soy, quand le Cardinal Simonete l'en dissuada: luy remonstrant, que ce seroit vne espece de Concile: & que s'il en venoit de France, d'Espagne, d'Allemagne & d'ailleurs, ils porteroient intelligences & instructions des Princes, & se gouuerneroient & parleroient selon les interets d'iceux: & quand sa Sainteté se voudroit desfaire d'eux, & les congedier, elle ne le pourroit point faire à son bon plaisir: & aussi, si elle ne suiuiot leurs aduis, les Princes en receuroient du mescontentement. Qu'il se souuinist des fastecheries qu'il auoit souffert pour le Concile, & ne se mist plus en semblables hazards. Le Pape approuua ce conseil, comme sincere, & vtile: & quitant la pensce d'amasser d'ailleurs des personages pour cet effet, il depute sur cet affaire dix-neuf Cardinaux, auxquels il bailla charge d'examiner diligemment l'Escript venu d'Allemagne.

Le douzième Mars de l'an mil cinq cens soixante-quatre, le Pape fit la promotion de dix-neuf Cardinaux, principalement afin de recompenser ceux qui s'estoient vertueusement employez au Concile, & sur tout au benefice du Saint Siege: & en icelle fut resolu de n'admettre aucun de ceux, qui auoient tenu la Residence des Euesques, & leur Iurisdiction, estre de droit diuin: nonobstant qu'ils eussent les qualitez, lesquelles, à l'ordinaire, eussent bien merité cet honneur. Et ne se retint point de descourir cette siennepensée à toutes sortes de personnes, & à toutes occasions. Entre les créés furent Marc Anthoine Colonne, Archeuesque de Tarente: Louys Pisani, Euesque de Padouë: Marc Anthoine Bode, Euesque d'Oste: Hugues Boncompagne, Euesque de Vestice: Alexandre Sforce, Euesque de Parme: Simon Pasque, Euesque de Serrezane: Charles Visconte, Euesque de Ventimile: François Abonde, Euesque de Bobio: Guy Ferrier, Euesque de Vercel: Iean François Commendon, Euesque de Zante: & Gabriel Paleot, Auditeur de Rote: lesquels auoient tous fait grand deuoir au Concile pour le seruice de sa Sainteté. Il adiousta à ceux-là Zacharie Dauphin, Venitien, Euesque de Lesme: lequel, estant Nonce auprès de l'Empereur, n'auoit pas moins trauaillé à mettre fin au Concile, que les autres à Trente.

FIN.

N^Y
—
065

061

